

This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<https://books.google.com>





BIBL. PRAEP. S. J.
PROV. NEERL.

KONINKLIJKE BIBLIOTHEEK



0619 5975

~~613 C2~~

3116


A15

BREVIARIUM
ROMANUM.



PARS VERNA.





REVIARIUM

ROMANUM

EX DECRETO

SACROSANCTI CONCILII TRIDENTINI

RESTITUTUM

S. PII V. PONTIFICIS MAXIMI


JUSSU EDITUM

CLEMENTIS VIII. ET URBANI VIII.

AUCTORITATE RECOGNITUM

EDITIO ACCURATISSIMA CUM ADDITAMENTIS NOVISSIMIS

PARS VERNA



CUM APPROBATIONE

REVERENDISSIMI ET ILLUSTRISSIMI DOMINI DOMINI

IGNATII

EPISCOPI RATISBONENSIS &c.

RATISBONÆ

SUMTIBUS CHARTIS ET TYPIS FRIDERICI PUSTET

PARISIIS

MDCCCLXII.

TORNACI

P. Lethiellieux, Via vulgo Bonaparte, 66.

H. Casterman, Via vulgo aux Rats, 11.





PIUS EPISCOPUS SERVUS SERVORUM DEI

• AD PERPETUAM REI MEMORIAM.



Quod a nobis postulat ratio Pastoralis officii, in eam curam incumbimus, ut omnes, quantum, Deo adjutore, fieri poterit, sacri Tridentini Concilii decreta exequantur: ac multo id etiam impensius faciendum intelligimus, cum ea, quae in mores inducenda sunt, maxime Dei gloriam, ac debitum Ecclesiasticarum personarum officium complectuntur. Quo in genere existimamus in primis numerandas esse sacras preces, laudes et gratias Deo persolvendas, quae Romano Breviario continentur. Quae divini Officii formula, pie olim ac sapienter a Summis Pontificibus, praesertim Gelasio, ac Gregorio primis constituta, a Gregorio autem septimo reformata, cum diuturnitate temporis ab antiqua institutione deflexisset; necessaria visa res est, quae ad pristinam orandi regulam conformata revocaretur. Alii enim praeclaram veteris Breviarii constitutionem, multis locis mutilatam, alii incertis et alienis quibusdam commutatam, deformarunt: plurimi, specie Officii commodioris allekti, ad brevitatem novi Breviarii a Francisco Quignonio tituli sanctae Crucis in Jerusalem Presbytero Cardinale compositi, confugerunt. Quin etiam in provincias paulatim irrepserat prava illa consuetudo, ut Episcopi in Ecclesiis, quae ab initio communiter cum ceteris veteri Romano more Horas Canonicas dicere ac psallere consuevissent, privatum sibi quisque Breviarium conficerent, et illam communionem uni Deo, una et eadem formula preces et laudes adhibendi, dissimillimo inter se, ac pene cujusque Episcopatus proprio Officio discernerent. Hinc illa tam multis in locis divini cultus perturbatio: hinc summa in Clero ignoratio caeremoniarum ac rituum Ecclesiasticorum, ut innumerabiles Ecclesiarum

ministri, in suo munere indecore, non sine magna piorum offensione, versarentur. Hanc nimirum orandi varietatem gravissime ferens fel. mem. Paulus Papa quartus emendare constituerat. Itaque, provisione adhibita, ne ulla in posterum novi Breviarii licentia permitteretur, totam rationem dicendi ac psallendi Horas Canonicas ad pristinum morem et institutum redigendam suscepit. Sed eo postea, nondum iis quae egregie inchoaverat perfectis, de vita decedente, cum a piæ mem. Pio Papa quarto Tridentinum Concilium, antea varie intermissum, revocatum esset, Patres in illa salutari reformatione ab eodem Concilio constituta, Breviarium ex ipsius Pauli Papae ratione restituere cogitarunt. Itaque quidquid ab eo in sacro opere collectum, elaboratumque fuerat, Concilii Patribus Tridentum a praedicto Pio Papa missum est. Ubi cum doctis quibusdam et piis viris a Concilio datum esset negotium, ut ad reliquam cogitationem Breviarii quoque curam adjungerent, instante jam conclusione Concilii, tota res ad auctoritatem judiciumque Romani Pontificis ex decreto ejusdem Concilii relata est: qui, illis ipsis Patribus ad id munus delectis, Romam vocatis, nonnullisque in Urbe idoneis viris ad eum numerum adjunctis, rem perficiendam curavit. Verum, eo etiam viam universae carnis ingresso Nos, ita divina disponente clementia, licet immerito ad Apostolatus apicem assumpti, cum sacrum opus, adhibitis etiam ad id aliis peritis viris, maxime urgeremus, magna in Nos Dei benignitate (sic enim accipimus) Romanum hoc Breviarium vidimus absolutum. Cujus ratione dispositionis, ab illis ipsis, qui negotio praepositi fuerant, non semel cognita, cum intelligeremus eos in rei confectione ab antiquis Breviariis nobilium Urbis Ecclesiarum, ac nostrae Vaticanae bibliothecae non discessisse, gravesque praeterea aliquot eo in genere scriptores secutos

esse, ac deinde remotis iis, quae aliena et incerta essent, de propria summa veteris divini Officii nihil omisisse; opus probavimus, et Romae imprimi, impressumque divulgari jussimus. Itaque ut divini hujus Operis, effectus re ipsa consequatur, auctoritate praesentium, tollimus in primis et abolemus Breviarium novum a Francisco Cardinale praedicto editum, et in quacumque Ecclesia, Monasterio, Conventu, Ordine, Militia, et loco virorum et mulierum, etiam exempto tam a primaeva institutione, quam aliter ab hac Sede permissum: Ac etiam abolemus quaecumque alia Breviaria, vel antiquiora, vel quovis privilegio munita, vel ab Episcopis in suis Dioecesis pervulgata, omnemque illorum usum de omnibus orbis Ecclesiis, Monasteriis, Conventibus, Militiis, Ordinibus et locis virorum et mulierum, etiam exemptis, in quibus alias Officium divinum Romanae Ecclesiae ritu dici consuevit, aut debet: illis tamen exceptis, quae ab ipsa prima institutione, a Sede Apostolica approbata, vel consuetudine, quae vel ipsa institutio ducentos annos antecedit, aliis certis Breviariis usa fuisse constiterit: quibus ut inveteratum illud jus dicendi et psallendi suum Officium non adimimus, sic eisdem, si forte hoc nostrum, quod modo pervulgatum est, magis placeat, dummodo Episcopus, et universum Capitulum in eo consentiant, ut id in Choro dicere et psallere possint, permittimus. Omnes vero, et quascumque Apostolicas et alias permissiones, ac consuetudines, et statuta etiam juramento, confirmatione Apostolica, vel alia firmitate munita, nec non privilegia, licentias, et indulta precandi, et psallendi, tam in Choro, quam extra illum, more et ritu Breviariorum sic suppressorum, praedictis Ecclesiis, Monasteriis, Conventibus, Militiis, Ordinibus, et locis, nec non S. R. E. Cardinalibus, Patriarchis, Archiepiscopis, Episcopis, Abbatibus, et aliis Ecclesiarum Praelatis, ceterisque omnibus et singulis personis Ecclesiasticis saecularibus et regularibus, utriusque sexus, quacumque causa concessa, approbata, et innovata, quibuscumque concepta formulis, ac decretis, et clausulis roborata, omnino revocamus: volumusque illa omnia vim et effectum de cetero non habere. Omni itaque alio usu quibuslibet, ut dictum est, interdicto, hoc nostrum Breviarium, ac precandi psallendique formulam in omnibus universis orbis Ecclesiis, Monasteriis, Ordinibus, et locis etiam exemptis, in quibus Officium ex more et ritu dictae Romanae Ecclesiae dici debet, aut consuevit, salva praedicta institutione, vel consuetudine praedictos ducentos annos superante, praecipimus observari. Statuentes Breviarium ipsum nullo unquam tempore vel totum, vel ex parte mutandum, vel ei aliquid addendum, vel omnino detrahendum esse: ac quascumque, qui Horas Canonicas ex more et ritu ipsius Romanae Ecclesiae, jure vel consuetudine, dicere vel psallere debent, propositis poenis per Canonicas sanctiones constitutis in eos, qui divinum Officium quotidie non dixerint, ad dicendum et psallendum posthac in perpetuum Horas ipsas diurnas et noc-

turnas, ex hujus Romani Breviarii praescripto et ratione omnino teneri: neminemque ex iis, quibus hoc dicendi psallendique munus necessario impositum est, nisi hac sola formula satisfacere posse. Jubemus igitur omnes et singulos Patriarchas, Archiepiscopos, Episcopos, Abbates, et ceteros Ecclesiarum Praelatos, ut, omissis quae sic suppressimus et abolevimus, ceteris omnibus etiam privatim per eos constitutis, Breviarium hoc in suis quisque Ecclesiis, Monasteriis, Conventibus, Ordinibus, Militiis, Dioecesis, et locis praedictis introducant: et tam ipsi, quam ceteri omnes presbyteri, et clerici, saeculares et regulares, utriusque sexus, necnon milites et exempti, quibus Officium dicendi, et psallendi quomodocumque, sicut praedicitur, injunctum est, ut ex hujus nostri Breviarii formula tam in Choro, quam extra illum dicere et psallere procurent. Quod vero in Rubricis nostri hujus Officii praescribitur, quibus diebus Officium beatae Mariae semper Virginis, et Defunctorum, item Septem Psalmos Poenitentiales, et Graduales dici ac psalli oporteat: Nos propter varia hujus vitae negotia, multorum occupationibus indulgentes, peccati quidem periculum ab ea praescriptione removendum duximus; verum debito providentiae Pastoralis admoniti, omnes vehementer in Domino cohortamur, ut remissionem nostram, quantum fieri poterit, sua devotione ac diligentia praecurrentes, illis etiam precibus, suffragiis, et laudibus suae et aliorum saluti consulere studeant. Atque ut fidelium voluntas ac studium magis etiam ad salutarem hanc consuetudinem incitetur, de omnipotentis Dei misericordia, beatorumque Petri et Pauli Apostolorum ejus auctoritate confisi, omnibus, qui illis ipsis diebus, in Rubricis praefinitis, beatae Mariae, vel Defunctorum Officium dixerint, toties centum dies, qui vero septem Psalmos, vel Graduales, quinquaginta, de injuncta ipsis poenitentia relaxamus. Hoc autem concedimus sine praejudicio sanctae consuetudinis illarum Ecclesiarum, in quibus Officium parvum beatae Mariae semper Virginis in Choro dici consueverat, ita ut in praedictis Ecclesiis servetur ipsa laudabilis et sancta consuetudo celebrandi more solito praedictum Officium. Ceterum, ut praesentes literae omnibus plenius innotescant, mandamus illas ad valvas Basilicae Principis Apostolorum de Urbe, et Cancellariae Apostolicae, et in acie Campi Florae publicari, earumque exemplar de more affigi. Volumusque, et Apostolica auctoritate decernimus, quod post hujusmodi publicationem, qui in Romana Curia sunt praesentes, statim lapso mense, reliqui vero, qui intra montes, tribus, et qui ultra ubique locorum degunt, sex mensibus excursis, vel cum primum venalium hujus Breviarii voluminum facultatem habuerint, ad precandum et psallendum juxta illius ritum, tam in Choro, quam extra illum, maneant obligati. Ipsarum autem literarum exempla manu Notarii publici, et sigillo alicujus Praelati Ecclesiastici, aut illius Curiae obsignata, vel etiam ipsis voluminibus absque praedicto, vel alio quopiam

adminiculo Romae impressa, eandem ubique locorum fidem faciant, quam ipsae praesentes, si essent exhibitae, vel ostensae. Sed ut Breviarium ipsum ubique inviolatum et incorruptum habeatur, prohibemus, ne alibi usquam in toto orbe, sine nostra, vel specialis ad id Commissarii Apostolici, in singulis Christiani orbis regnis et provinciis deputandi, expressa licentia imprimatur, proponatur, vel recipiatur. Quoscumque vero, qui illud secus impresserint, proposuerint, vel receperint, excommunicationis sententia eo ipso innodamus. Nulli ergo omnino hominum liceat hanc paginam nostrae ablationis, abolitionis, permissionis, revocationis, jussionis, praecepti, statuti, indulti, mandati, decreti, relaxationis, cohortationis, prohibitionis, innodationis, et voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli Apostolorum ejus se noverit incursurum.

Datum Romae apud S. Petrum Anno Incarnationis Dominicae M.D.LXVIII, septimo Idus Julii Pontificatus nostri anno tertio.

M. Dat.

Caes. Glorierius H. Camya

Anno a Nativitate Domini millesimo quingentesimo sexagesimo octavo, Indictione undecima, die vero decimaquinta mensis Julii, Pontificatus sanctissimi in Christo Patris, et Domini Nostri Domini Pii divina providentia Papae quinti anno tertio, retrospectae literae Apostolicae lectae, affixae, et publicatae fuerunt ad valvas Basilicae Principis Apostolorum de Urbe, Cancellariae Apostolicae, et in acie Campi Florae, dimissis ibidem praesentibus literis per aliquantulum temporis spatium, ut moris est, affixis, et deinde amotis per nos Julium Parinum et Joannem Bernotum praelibati SS. D. N. Papae Cursores.

Antonius Clericj Magister Cursorum

CLEMENS PAPA VIII.

AD PERPETUAM REI MEMORIAM.

Cum in Ecclesia Catholica a Christo Domino nostro sub uno capite, ejus in terris Viario, instituta, unio et earum rerum quae ad Dei gloriam et debitum Ecclesiasticarum personarum officium spectant, conformatio semper conservanda sit, tum praecipue illa communio uni Deo, una et eadem formula preces adhibendi, quae Romano Breviario continetur, perpetuo retinenda est, ut Deus in Ecclesia per universum orbem diffusa, uno et eodem orandi et psallendi ordine a Christi fidelibus semper laudetur, et invocetur. Quamobrem ex decreto sacri Concilii Tridentini fel. rec. Pius Papa V praedecessor noster pie ac sapienter admodum varietatem illam Breviariorum, quae in singulis Ecclesiis fere diversa habebantur, nonnullis tantum exceptis, sustulit, ac ipsum Breviarium restituit, et Romae accuratissime imprimi, et promulgari curavit: quod ut integrum, inviolatumque ab omnibus haberetur, debita provisione adhibita, inter alia statuit, ne ullo umquam tempore totum, vel ex parte mutaretur, aut illi aliquid adderetur, vel omnino detraheretur, sub poenis in ejusdem Constitutione contentis. Cum vero progressu temporis, typographorum negligentia et incuria, et nimia aliorum etiam, ea quae ad ipsos non pertinent, temere sibi assumendum, audacia, ac licentia, multi errores in illud irrepserint: ac tum in sacra Scriptura et lectionibus Patrum, tum in vitis Sanctorum, et Rubricis, aliisque locis, sine nostra, et Romanorum Pontificum praedecessorum

nostrorum auctoritate, pro cujusque arbitrio pleraque addita et immutata fuerint; ita ut nulla jam reperiantur Breviaria, quae a prima editione ejusdem Pii in multis non discrepent, atque dissintiant, et aliqua recognitione indigeant: Nos, qui pro Pastoralis nostrae sollicitudine in eam curam praecipue incumbimus, ut ea quae a Praedecessoribus nostris sancte ac pie instituta sunt, perpetuo integra et inviolata conserventur: quae vero hominum culpa immutata sunt atque corrupta, et quae recognitionem exigunt, in pristinum statum restituantur, et reformentur: mandavimus nonnullis piis et eruditis viris, quorum consultatione et opera in hujusmodi rebus frequenter utimur, ut idem Breviarium, nova adhibita diligentia, accuratius inspicerent, atque examinarent, et ea quae depravata esse, et recognitione indigere animadverterent, pro sua doctrina et pietate restituerent. Quod cum ab iis exacte ac profecto non mediocri cum emolumento praestitum sit, ita ut ex superiori illo incommodo per occasionem non parum utilitatis provenerit; Nos illud in nostra typographia Vaticana quam emendatissime imprimi, ac divulgari jussimus. Ut autem illius usus in omnibus Christiani orbis partibus perpetuis futuris temporibus conservetur, ipsum Breviarium in alma Urbe nostra in eadem typographia tantum et non alibi imprimi posse decernimus; extra Urbem vero juxta exemplar in dicta typographia nunc editum, et non aliter, hac lege imprimi posse permittimus, ut nimirum typographis

quibuscumque illud imprimere volentibus, id facere liceat, requisita tamen prius et in scriptis obtenta dilectorum filiorum Inquisitorum haereticae pravitatis in iis locis, in quibus fuerint, ubi vero non fuerint, Ordinariorum locorum licentia: alioquin si absque huiusmodi licentia dictum Breviarium sub quacumque forma de cetero ipsi imprimere, aut bibliopolae vendere praesumpserint, typographi, et bibliopolae extra Statum nostrum ecclesiasticum existentes excommunicationis latae sententiae, a qua nisi a Romano Pontifice, praeterquam in mortis articulo constituti, absolvi nequeant; in alma vero Urbe, ac reliquo Statu ecclesiastico commorantes, quingentorum ducatorum auri de Camera, ac amissionis librorum, et typorum omnium Camerae praedictae applicandorum poenas absque alia declaratione irremissibiliter incurrant eo ipso. Et nihilominus eorundem Breviariorum per eos de cetero absque huiusmodi licentia imprimendorum, aut vendendorum usum ubique locorum, et gentium sub eisdem poenis perpetuo interdiximus, et prohibemus. Ipsi autem Inquisitores, seu Ordinarii locorum antequam huiusmodi licentiam concedant, Breviaria ab ipsis typographis imprimenda, et postquam impressa fuerint, cum hoc Breviario auctoritate nostra recognito, et nunc impresso, diligentissime conferant, nec in illis aliquid addi, vel detrahi permittant, et in ipsa licentia originali de collatione facta, et quod omnino concordent, manu propria attestentur, cujus licentiae copia initio, vel in calce cujusque Breviarii semper imprimatur: quod si secus fecerint, Inquisitores videlicet privationis suorum officiorum, ac inhabilitatis ad illa, et alia in posterum obtinenda, Antistites vero et Ordinarii locorum suspensionis a divinis, ac interdicti ab ingressu Ecclesiae, eorum vero Vicarii privationis similiter offi-

ciorum, et beneficiorum suorum, et inhabilitatis ad illa, et alia in posterum obtinenda, ac praeterea excommunicationis absque alia declaratione, ut praefertur, poenas incurrant eo ipso. Ceterum pauperum Clericorum, et aliarum personarum Ecclesiasticarum, ac typographorum, et bibliopolarum quorumcumque indemnitate ex benignitate Apostolica rationem habentes, eisdem Breviaria hactenus impressa penes se habentibus, ut ea retinere, et illis uti, eaque vendere respective possint, similiter permittimus, et indulgemus. Non obstantibus licentiis, indultis, et privilegiis quibuscumque typographis hactenus per Nos, seu Romanos Pontifices praedecessores nostros Breviarium praedictum Pii V imprimendi concessis, quae per praesentes expresse revocamus, et revocata esse volumus, necnon constitutionibus, et ordinationibus Apostolicis generalibus, et specialibus, in contrarium praemissorum quomodocumque concessis, confirmatis, et approbatis, quibus omnibus, etiamsi de illis eorumque totis tenoribus specialis, specifica, et expressa mentio habenda esset, tenores huiusmodi praesentibus pro expressis habentes, hac vice dumtaxat specialiter et expresse derogamus, ceterisque contrariis quibuscumque. Volumus autem, ut praesentium nostrarum literarum exemplaribus etiam in ipsis Breviariis impressis, vel manu alicujus Notarii publici subscriptis, et sigillo alicujus personae in dignitate Ecclesiastica constitutae munitis, eadem prorsus fides habeatur, quae ipsis praesentibus haberetur si essent exhibitae, vel ostensae.

Datum Romae apud S. Marcum sub Annulo Piscatoris die decima Maji M.DC.II. Pontificatus nostri Anno undecimo.

M. Vestrius Barbianus.

URBANUS PAPA VIII.

AD PERPETUAM REI MEMORIAM.

Divinam Psalmodiam sponsae consolantis in hoc exilio absentiam suam a Sponso coelesti, decet esse non habentem rugam, neque maculam: quippe cum sit ejus hymnodiae filia, quae canitur assidue ante Sedem Dei et Agni, ut illi similior prodeat, nihil, quantum fieri potest, praeferre debet, quod psallentium animos, Deo ac divinis rebus, ut convenit, attentos, avocare alio ac distrahere possit: qualia sunt, si quae interdum in sententiis, aut verbis occurrant non tam apte concinneque disposita, ut tantum tantique obsequii ac ministerii opus exigeret. Quae causae quondam impulere summos Pontifices praedecessores nostros felicitis memoriae Pium hujusce

nominis quintum, ut Breviarium Romanum incertis per eam aetatem legibus vagum, certa stataque orandi methodo inligaret, et Clementem octavum, ut illud ipsum lapsu temporis, ac typographorum incuria depravatum, decori pristino restitueret: Nos quoque in eandem cogitationem traxere, et sollicitudo nostra erga res sacras, quas primam et optimam partem muneris nostri censemus, et piorum doctorumque virorum judicia et vota, conquerentium in eo contineri non pauca, quae sive a primo nitore institutionis excidissent, sive inchoata potius quam perfecta forent ab aliis, certe a Nobis supremam imponi manum desiderarent. Nos itaque huic rei sedulam operam navavimus, et jussu nostro aliquot

eruditi et sapientes viri suam serio curam contulerunt, quorum diligentia studioque perfectum opus est, quod gratum omnibus, Deoque et sanctae Ecclesiae honorificum fore speramus: siquidem in eo Hymni (paucis exceptis) qui non metro, sed soluta oratione, aut etiam rhythmo constant, vel emendationibus codicibus adhibitis, vel aliqua facta mutatione ad carminis et latinitatis leges, ubi fieri potuit, revocati; ubi vero non potuit, de integro conditi sunt: eadem tamen, quoad licuit, servata sententia. Restituta in Psalmis et Canticis interpunctio editionis Vulgatae, et canentium commoditati, ob quam eadem interpunctio mutata interdum fuerat, additis Asteriscis consultum. Patrum Sermones et Homiliae collatae cum pluribus impressis editionibus et veteribus manuscriptis, ita multa suppleta, multa emendata atque correcta. Sanctorum Historiae ex priscis, et probatis auctoribus recognitae. Rubricae, detractis nonnullis, quibusdam adjectis, clarius et commodius explicatae. Denique omnia magno et longo labore diligenter accurateque ita disposita et expolita, ut quod erat in votis, ad optatum exitum perductum sit. Cum igitur tanta tamque exacta doctorum hominum industria, ne plane in irritum recidat, requirat typographorum fidem, mandavimus dilecto filio Andreae Brogiotto typographiae nostrae Apostolicae Praefecto procurationem hujus Breviarii in lucem primo edendi; quod exemplar, qui posthac Romanum Breviarium impresserint, sequi omnes teneantur. Extra Urbem vero nemini licere volumus idem Breviarium in posterum typis excudere, aut evulgare, nisi facultate in scriptis accepta ab Inquisitoribus haereticae pravitatis, siquidem inibi fuerint, sin minus ab locorum Ordinariis. Quod si quis quacumque forma contra praescriptam, Breviarium Romanum aut typographus impresserit, aut impressum bibliopola vendiderit extra ditionem nostram Ecclesiasticam excommunicationis latae sententiae poenae subiaceat, a qua nisi a Romano Pontifice (praeterquam in mortis articulo constitutus) absolvi nequeat; in alma vero Urbe, ac reliquo Statu Ecclesiastico commorantes quingentorum ducatorum auri de Camera, ac ammissionis librorum, et typorum omnium eidem Camerae applicandorum poenas, absque alia declaratione irremissibiliter incurrant; et nihilominus Breviaria sine praedicta facultate impressa, aut evulgata, eo ipso prohibita censeantur. Inquisitores vero, locorumque Ordinarii facultatem hujusmodi non prius concedant, quam Breviarium tam ante, quam post impressionem cum hoc ipso exemplari auctoritate nostra vulgato, diligenter contulerint, et nihil in iis additum detractumque cognoverint. In ipsa autem facultate, cujus exemplum in fine, aut

initio cujusque Breviarii impressum semper addatur, mentionem manu propria faciant absolutae hujusmodi collationis, repertaeque inter utrumque Breviarium conformitatis, sub poena Inquisitoribus privationis suorum officiorum ac inhabilitatis ad illa, et alia in posterum obtinenda; Ordinariis vero locorum suspensionis a divinis, ac interdicti ab ingressu Ecclesiae; eorum vero Vicariis privationis officiorum et beneficiorum suorum, et inhabilitatis ad illa et alia in posterum obtinenda, necnon excommunicationis absque alia declaratione incurrendae. Sub iisdem etiam prohibitionibus et poenis comprehendi intendimus et volumus ea omnia, quae a Breviario Romano ortum habent, sive ex parte, sive in totum; cujusmodi sunt Missalia, Diurna, Officia parva beatae Virginis, Officia majoris Hebdomadae, et id genus alia, quae deinceps non imprimantur, nisi praevia illorum, et cujuslibet ipsorum in dicta typographia per eundem Andream impressorem, ut omnino cum Breviario de mandato nostro edito concordent. Injungimus autem Nuntiis nostris ubique locorum degentibus, ut huic negotio diligenter invigilent, cunctaque ad praescriptum hujus voluntatis nostrae confici curent. Nolumus tamen his literis Breviaria, et alia praedicta, quae impressa sunt hactenus, prohiberi, sed indemnitati omnium consulentes tam typographis et bibliopolis vendere, quam Ecclesiis, Clericis, aliisque retinere, atque iis uti Apostolica benignitate permittimus et indulgemus. Non obstantibus licentiis, indultis, et privilegiis Breviaria imprimendi quibuscumque typographis per Nos, seu Romanos Pontifices praedecessores nostros hucusque concessis, quae per praesentes expresse revocamus, et revocata esse volumus; necnon constitutionibus, et ordinationibus generalibus, et specialibus in contrarium praemissorum quomodocumque editis, confirmatis, et approbatis. Quibus omnibus, etiamsi de illis, eorumque totis tenoribus specialis, specifica et expressa mentio habenda esset, tenores hujusmodi praesentibus pro expressis habentes hac vice dumtaxat specialiter, et expresse derogamus, ceterisque contrariis quibuscumque. Volumus autem, ut praesentium literarum nostrarum exemplaribus etiam in ipsis Breviariis impressis, vel manu alicujus Notarii publici subscriptis, et sigillo alicujus personae in dignitate Ecclesiastica constitutae munitis, eadem prorsus fides adhibeatur, quae ipsis praesentibus adhiberetur, si essent exhibitae vel ostensae.

Datum Romae apud S. Petrum sub Annulo Piscatoris die vigesima quinta Januarii, M.DC.XXXI. Pontificatus nostri Anno octavo.

M. A. Maraldus

I. Savenier.



EX DECRETORUM REGISTRO
SACRAE RITUUM CONGREGATIONIS
HÆC AD BREVIARIUM ROMANUM ATTINENT.

Sacra Rituum Congregatio declaravit et decrevit, non potuisse post Bullam Pii V. de Breviario Romano, neque posse locorum Ordinarios, tam Saeculares quam Regulares addere Kalendaribus, etiam propriis, Sanctorum Officia, nisi ea dumtaxat, quae Breviarii Romani Rubricis, vel sacrae Rituum Congregationis, seu Sedis Apostolicae licentia conceduntur: neque propria auctoritate, quovis praetextu, mutare ritum, qui habetur in Kalendario Romano, seu rubricis Breviarii, in altiore ritum; neque extendere concessa Officia de loco ad locum.

Item vetuit et prohibuit celebrari per totam Civitatem vel Dioecesim, etiam de cujuscumque Ordinarii auctoritate, Festum cum Officio, eo quod in loco adsit Ecclesia Parochialis, vel Regularis, vel Abbatialis, aut aliqua Reliquia, sed tantum in ipsius Sancti Ecclesia titulari, seu ubi asservatur corpus, aut insignis Reliquia, et non alibi.

Insignes autem Reliquias declaravit esse caput, brachium, crus, aut illam partem corporis, in qua passus est Martyr, modo sit integra, et non parva, et legitime ab Ordinariis approbata.

De Sanctis Episcopis locorum, Martyribus, Civibus, et aliis Festis, de quibus in Kalendario Romano, seu Rubricis Breviarii nihil habetur, uti etiam de Beatis nondum canonizatis; nihil propria auctoritate constituatur, sed omnino consulatur sacra Rituum Congregatio.

Decretum quoque nuper editum super electione Sanctorum in Patronos, et impressum, omnino servetur.

Et haec omnia decrevit, statuit, et mandavit innovando poenas Constitutionis Pii V respective.

Facta demum relatione horum Decretorum SS. D. N. Urbano Papae VIII. ea laudavit et approbavit, atque ab omnibus ubique sub praedictis poenis servari praecepit; nec non in novis Breviariis de mandato Sanctitatis suae imprimendis apponi jussit. Die 13. Januarii 1631.

Loco † Sigilli.

T. Tegrinus Episcopus Assisien. Secr.

Ejusdem pro Sanctis
ad libitum.

Eadem sacra Rituum Congregatio habita die 2. Decembris 1673. statuit ex mandato Clementis X. Festa Sanctorum ad libitum in posterum non esse transferenda, si eorum festivitas incidat in diem Dominicum, vel aliquem diem Festorum mobilium, sed tunc illo anno eorum Officia esse omittenda. Quod ipsum postea Innocentius Papa XI. in Congreg. habita 24. Januarii 1682. generali decreto confirmavit, et extendit insuper etiam ad Octavas et Natalitia Sanctorum, de praecepto in aliqua Religione vel Dioecesi, ex indulto Apostolico recitanda. Ita ut ne quidem dictis festis vel octavis festa ad libitum tunc incidentia possint recitari, sed omitti prorsus debeant.

Permisit tamen, ut festum translatum quod alias eo die celebrandum foret, in alium diem non impeditum transferatur: item ut eodem die omitti possit Officium semel per hebdomadam aut mensem recitandum ex indulto Apostolico, ut ita locus sit celebrando Officio ad libitum.

Ejusdem pro Sanctis

In Martyrologio non descriptis.

Officia Sanctorum ratione Corporis, seu insignis Reliquiae recitanda, ex Decr. S. Rit. Congr. 11. Augusti 1691. intelligi debere de Sanctis dumtaxat in Martyrologio Romano descriptis, et dummodo constet de identitate Corporis, seu Reliquiae insignis illiusmet Sancti, qui reperitur in Martyrologio Romano descriptus: de ceteris autem Sanctis in praedicto Martyrologio non descriptis, aut quibus a sancta Sede non fuerit specialiter concessum, Officia recitari, et Missas celebrari vetuerunt, non obstante quod ipsorum Corpora, vel insignes reliquiae in Ecclesiis asservantur, quibus tamen ab Ordinariis locorum approbatis debitam Fidelium venerationem (prout hactenus servatum est) exhibendam esse censuerunt, sed absque Officio et Missa, sub poenis de non satisfaciendo praecepto recitandi Officium, aliisque in Constitutione Pii V. contentis, die 11. Augusti 1691. et Sanctissimus approbavit die 19. Octobris ejusdem anni 1691.

Loco † Sigilli.

L. Vallemans S. R. C. Secr.

DECRETA GENERALIA

CIRCA RUBRICAS.

Cum sacrorum Rituum Congregationi demisse supplicatum fuerit sequentia dubia declarare:

Primum. An, cum multis Congregationibus, Religionibus, sive Ecclesiis, vel Nationibus concessum sit a Sancta Sede Apostolica, ut semel, vel pluries in singulis hebdomadis, vel mensibus celebrentur varia Officia per annum, V. G. de Sanctissimo Sacramento, vel de Sanctis in diebus non impeditis aliquo Festo duplici, vel semiduplici, liceat ejusmodi Officia facere etiam in diebus Sanctae Quadragesimae, Adventus, Vigiliarum, et Quatuor Temporum, etiam si de his diebus nulla sit facta specialis mentio in aliquibus Officiorum concessionibus?

Secundum. An dies impeditus Festo duplici, vel semiduplici pro dictis Officiis recitandis, intelligantur etiam dies, in quibus ponendum est Officium de Festo duplici, vel semiduplici translato, quemadmodum dicitur responsum fuisse olim a Sacra Congregatione: Quod scilicet festum duplex vel semiduplex etiam translatum, necnon dies Octavae sit dies impeditus respectu talium Officiorum?

Tertium. An Regulares absque speciali privilegio, sed sola communicatione privilegiorum alia-

rum Religionum, possint addere nomen sancti Fundatoris in Litanis, et Confiteor, itemque recitare Officia et Missas concessas aliis Religionibus?

Sacrorum Rituum eadem Congregatio ad relationem Eminentissimi et Reverendissimi Domini Card. Colloredo respondit:

Ad primum, Negative, et hujusmodi indulta non habere locum in Feriis Adventus, Quadragesimae, Quatuor Temporum, Vigiliarum, sive cum jejuniis, sive absque jejuniis, nec in Feria secunda Rogationum, nec in illa Feria, in qua secundum Rubricas sit reponendum Officium Dominicae.

Ad secundum, Affirmative.

Ad tertium, Negative in omnibus.


Et ita declaravit, ac servari voluit. Ac insuper ut Declarationes, seu Decreta praedicta omnibus innotescant, typis ea imprimi mandavit.

Die 20. Martii 1706.

G. Card. Carpineus

Loco + Sigilli.

B. Inghirami Sac. Rit. Congr. Secr.





IGNATIUS

DIVINA MISERATIONE ET SEDIS APOSTOLICÆ GRATIA
EPISCOPUS RATISBONENSIS



OMNIBUS HAS LITTERAS VISURIS SALUTEM ET BENEDICTIONEM A DOMINO.

Quum pluribus Romanorum Pontificum, inprimis vero Clementis VII. et Urbani VIII. decretis sancitum sit, ne a typographis Romanum Breviarium in lucem edatur, quin de perfecta novæ editionis cum archetypis Romanis exemplaribus certo constet, et ab Ordinariis locorum recudendi facultas impetrata sit: Nos dilecti filii Nostri Friderici Pustet, Ratisbonensis typographi et bibliopolæ precibus obsequentes Sacerdotem ejus rei peritum deputavimus, qui diligenti examine novam hanc Breviarii Romani, in quatuor partes distributi, editionem ab eodem Friderico Pustet exornatam recenseret, illiusque integritatem et omnimodam cum authenticis Romanis exemplaribus consonantiam comprobaret.

Quamobrem quum ejusdem Sacerdotis testimonio cognoverimus, secundam hanc, quam vernam vocant, Romani Breviarii partem juxta probatas editiones Romanas anni 1848 (ex typographia Jos. Salviucci), et 1856 (typis Reverendæ Camerae Apostolicæ) fideliter exaratam, inter festa autem pro aliquibus locis concessa nonnisi ea inserta fuisse, quæ sive in editione Mediolanensi, die 10 Jan. 1852 a S. Rituum Congregatione probata et commendata, sive in editione Parisiensi, anno 1860 absoluta, et testimonio concordantiæ cum Originali existente in Secretaria S. Rituum Congregationis ab ejusdem S. C. Secretario d. d. 29. Maji 1857 munita habentur: Nos prædictam Romani Breviarii partem in quarto, ut ajunt, excusam auctoritate Nostra præsentium tenore adprobamus, evulgandique licentiam impertimus.

In quorum fidem has litteras, manu Nostra subscriptas atque majori Nostro sigillo firmatas expediri mandavimus.

Ratisbonæ die 2. Maji 1862.

+ Ignatius Epops Ratisbonæ.

(L. S.)

Dr. W. A. Maier, Secret.

DE ANNO ET EJUS PARTIBUS.

Annus menses habet duodecim, hebdomadas duas et quinquaginta, et diem unum; dies vero tercentos sexaginta quinque, et fere sex horas: tanto enim temporis intervallo Sol Zodiacum perlustrat. Quater autem sex horae singulis quaternis annis diem constituunt; hinc annus ille intercalaris, Bissexus, vel Bissextilis dicitur.

De Anni Correctione,

ejusque necessitate, ac Calendario Gregoriano.

Quod dictum est, Annum continere tercentos et sexagintaquinque dies, et fere sex horas, intelligendum est, sex horas non esse integras, cum ad earum complementum aliqua minuta deficiant.

Ex quorum minorum neglectu progressum est, ac si annus ultra dies 365. contineret integras sex horas; et factum est, ut minuta, quae ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem: qui causam dederunt, ut Aequinoctium vernum sedem suam mutaverit.

Cui malo occurrens Gregorius XIII. non solum Aequinoctium vernum restituit in pristinam sedem, a qua jam a Concilio Nicaeno, decem circiter diebus in anno correctionis 1582, praecedendo recesserat, quod a Concilio ad xii. Kalendas Aprilis fuerat constitutum, et xiv. Lunam Paschalem suo in loco reposuit: sed viam quoque tradidit, et rationem, qua caveretur, ut in posterum et Aequinoctium vernum et xiv. Luna Paschalis a propriis sedibus numquam removerentur.

Ut enim Aequinoctium vernum ad xii. Kalendas Aprilis restitueretur, statuit, ut dicti decem dies in mense Octobris ipsius anni 1582. eximerentur, ut post quartam diem Octobris sancto Francisco sacram, sequens dies non esset quinta, sed decima quinta Octobris. Et ita error, qui in praeteritum tot annorum circulis irrepserat, in momento temporis fuit correctus.

Ut autem in posterum idem error vitaretur, ne a xii. Kalendas Aprilis Aequinoctium vernum recederet, statuit idem Gregorius, Bisextum quarto quoque anno (ut mos est) continuari debere, praeterquam in centesimis annis; qui quamvis Bissextilis antea semper fuerint, qualem etiam esse voluit annum 1600, anno correctionis proximum, post eum tamen, qui deinceps consequentur, centesimi, non omnes Bissextilis essent, sed in quadringentis quibusque annis primi quinque tres centesimi sine Bissexto transigerentur; quartus vero quisque centesimus esset Bissextilis, ita ut annus 1700. 1800. 1900. Bissextilis non sint, anno vero 2000. more consueto dies Bissexus intercaletur, Febuario dies 29 continente; idemque ordo intermittendi intercalandique Bissexum diem in quadringentis quibusque annis perpetuo conservaretur.

Quatuor Tempora.

Quatuor Tempora celebrantur quarta et sexta Feria ac Sabbato post tertiam Dominicam Adventus, post primam Dominicam Quadragesimae, post Dominicam Pentecostes, post festum Exaltationis sanctae Crucis.

Nuptiae

quando celebrari non possint juxta Decretum Tridentini Concilii.

A Dominica prima Adventus usque in diem Epiphaniae, et a feria iv. Cinerum usque in Octavam Paschatis inclusive, sancta Synodus solemnitates Nuptiarum pro-

hibet. In aliis vero temporibus Nuptias solemniter celebrari permittit.

De Cyclo

Decennovennalis Aurei Numeri.

Cyclo decennovennalis Aurei numeri est revolutio numeri 19. annorum ab 1. usque ad 19., qua revoluzione peracta, iterum ad unitatem reditur. Verbi gratia, anno 1577. numerus cycli decennovennalis, qui dicitur Aureus, est 1., anno sequenti 1578. est 2., et ita deinceps in sequentibus annis, uno semper amplius usque ad 19., qui Aureus numerus cadet in annum 1595., post quem iterum ad unitatem redeundum est, ita ut anno 1596. Aureus numerus sit rursus 1., et anno 1597. sit 2. etc.

Igitur ut Aureus numerus quolibet anno proposito inveniatur, composita est sequens tabella Aureorum numerorum, cujus usus incipit ab anno 1582. inclusive, duratque in perpetuum. Ex ea enim Aureus numerus cujuslibet anni post annum 1582. reperietur hoc modo:

6.	7.	8.	9.	10.	11.	12.	13.	14.
15.	16.	17.	18.	19.	1.	2.	3.	4.

Anno 1582. tribuatur primus numerus tabellae, qui est 6., secundus autem, qui est 7., sequenti anno 1583. et ita deinceps in infinitum, donec ad annum, cujus Aureum numerum quaeris, perveniatur, redeundo ad principium tabellae, quotiescumque eam percurreris. Nam numerus, in quem annus propositus cadit, dabit Aureum numerum quaesitum.

Modus brevis

cognoscendi Aureum numerum cujusque anni.

Número anni de quo quaeris adde unicam unitatem 1. Exempli gratia 1833 adde 1.; summam inde conflata divide per 19.; quod superest, erit Aureus numerus ipsius anni; si nihil superest, erit Aureus numerus 19.

De Epactis et Noviluniis.

Epacta nihil aliud est, quam numerus dierum, quibus annus Solaris communis dierum 365. annum communem Lunarem dierum 354. superat: ita ut Epacta primi anni sit 11; cum hoc numero annus solaris communis Lunarem annum communem excedat; atque adeo sequenti anno Novilunia contingant 11 diebus prius, quam anno primo. Ex quo fit Epactam secundi anni esse 22; cum eo anno rursus annus solaris Lunarem annum superet 11 diebus, qui additi ad 11. dies primi anni, efficiunt 22; ac proinde, finito hoc anno, Novilunia contingere 22 diebus prius, quam primo anno: Epactam autem tertii anni esse 3; quia si rursus 11 dies ad 22 adjiciantur, efficietur numerus 33; a quo si rejiciantur 30 dies, qui unam Lunationem Embolismalem constituunt, relinquentur 3, atque ita deinceps. Progrediuntur enim Epactae omnes per continuum augmentum 11 dierum, abjectis tamen 30, quando rejici possunt. Solum quando perventum erit ad ultimam Epactam Aureo numero 19 respondentem, quae est 29, adduntur 12, ut abjectis 30 ex composito numero 41, habeatur rursus Epacta 11, ut in principio. Quod ideo fit, ut ultima Lunatio Embolismica, currente Aureo numero 19, sit tantum 29 dierum. Si enim 30 dies contineret, ut aliae sex Lunationes Embolismicae, non redirent Novilunia post 19 annos Solares ad eodem dies, sed versus calcem mensium prolaberentur,

De Anno et ejus partibus.

contingerentque uno die tardius quam ante 19 annos. De qua re plura invenies in libro novae rationis restituendi Kalendarii Romani. Sunt autem novemdecim Epactae, quot et Aurei numeri, respondebantque ipsis Aureis numeris ante Kalendarii correctionem eo modo, quo in hac tabella dispositae sunt.

Tabella Epactarum

respondentium Aureis numeris ante Kalendarii correctionem.

Aur. num.	1.	2.	3.	4.	5.	6.	7.	8.	9.
Epactae	xi.	xxii.	iii.	xiv.	xxv.	vi.	xvii.	xxviii.	ix.
	10.	11.	12.	13.	14.	15.	16.	17.	18.
	19.	xx.	i.	xii.	xxiii.	iv.	xv.	xxvi.	vii.
	xviii.	xxix.							

Quia vero cyclus decennovennalis Aurei numeri imperfectus est, cum Novilunia post 19. annos Solares non praecise ad eadem loca redeant, ut dictum est, imperfectus etiam erit hic cyclus 19. Epactarum. Quamobrem ita emendatus est, ut in posterum loco Aurei numeri, et dictarum 19. Epactarum, utamur 30. numeris Epactalibus ab 1. usque ad 30. ordine progredientibus, quamvis ultima Epacta, sive quae ordine est trigesima, notata numero non sit, sed signo hoc *, propterea quod nulla Epacta esse possit 30. Variis autem temporibus ex his 30. Epactis respondent decem et novem Aureis numeris variae decem et novem Epactae, prout Solaris anni ac Lunaris aequatio exposcit; quae quidem decem et novem Epactae progrediuntur, ut olim, per eundem numerum 11. addunturque semper 12. illi Epactae, quae respondet Aureo numero 19. ut habeatur sequens Epacta respondens Aureo numero 1. ob rationem paulo ante dictam. Id quod sequens tabella perspicuum faciet, quae continet Aureos numeros, et Epactas inter se respondentes ab anno 1582. post detractum x. dierum, usque ad annum 1700. exclusive. Quamvis autem vulgares Epactae mutantur in Martio, re ipsa tamen in principio anni mutandae sunt, una cum Aureo numero, in cujus locum hae nostrae Epactae succedunt.

Tabella Epactarum

respondentium Aureis numeris ab Idibus Octobris anni correctionis 1582. (detractis prius decem diebus) usque ad annum 1700. exclusive.

Aur. num.	6.	7.	8.	9.	10.	11.	12.	13.	14.
Epactae	xxvi.	vii.	xviii.	xxix.	x.	xxi.	ii.	xiii.	xxiv.
	15.	16.	17.	18.	19.	1.	2.	3.	4.
	5.	v.	xvi.	xxvii.	viii.	xix.	i.	xii.	xxiii.
	iv.	xv.							

Itaque si Epacta quocumque anno proposito invenienda sit, quaerendus est Aureus numerus illius anni in superiori ordine illius tabellae, quae illi tempori, in quo propositus annus continetur, congruit. Mox enim sub Aureo numero in interiori ordine tabellae reperietur Epacta anni propositi, vel certe hoc signum *. Ubi ergo illa Epacta vel signum * in Kalendario inventum fuerit, eo die Novilunium fiet. Invenietur autem Aureus numerus vel ex antecedente canone, vel ex tabella Epactarum proposito tempori congruente,tribuendo primum Aureum numerum illius tabellae illi anno, a quo usus tabellae incipit, et secundum Aureum numerum sequenti anno etc. Eodem modo reperietur Epacta sine Aureo numero, si prima Epacta tabellae tribuatur illi anno, a quo ejus usus incipit, et secunda Epacta sequenti anno etc.

Exemplum: Anno correctionis 1582, Aureus numerus est 6, nempe primus primae tabellae, cujus usus incipit ab Idibus Octobris dicti anni 1582, detractis prius x. diebus. Erit ergo tunc Epacta xxvi. quae sub Aureo numero 6. collocatur, fietque Novilunium die

27. Octobris, et 26. Novembris, et 25. Decembris. Item anno 1583. jam correcto Aureus numerus est 7., cui in eadem tabella supposita est Epacta vii. quae toto eo anno in Kalendario Novilunia indicabit: ut in Januario die 24., in Febuario die 22., in Martio die 24., etc.

Alia Tabella Epactarum

respondentium Aureis numeris ab anno 1833. inclusive, usque ad annum 1900. exclusive.

Aur. num.	10.	11.	12.	13.	14.	15.	16.	17.	18.	19.
Epactae	ix.	xx.	i.	xii.	xxiii.	iv.	xv.	xxvi.	vii.	xviii.
	1.	2.	3.	4.	5.	6.	7.	8.	9.	
	* xi.	xxii.	iii.	xiv.	xxv.	vi.	xvii.	xxviii.		

Ad tollendam dubitationem de usu hujus novae Tabulae Epactarum, ostendemus rem exemplis. Anno 1833. tribuatur Epacta ix., quae sub Aureo numero 10. collocatur: fietque Novilunium 22. Januarii, 20. Februarii, 22. Martii. Item anno 1834. tribuatur Epacta xx. sub Aureo numero 11. collocata, quae toto eo anno in Kalendario Novilunia monstrabit: ut in Januario die 11., in Febuario die 9., in Martio die 11. Et sic deinceps per ordinem annis progredientibus, redeundo ad principium Tabellae quotiescumque eam percurreris. Rursus anno 1862. Epacta non signatur numero, sed hoc signo *, quod collocatur sub Aureo numero 1., et in Kalendario toto eo anno Novilunia indicabit, nimirum in Januario die 1. et 31., in Martio (nam in Febuario nullum tunc Novilunium, cum in eo signum hoc * non reperitur) die 1. et 31., in Aprili die 29., etc.

Tabella litterarum Dominicalium

ab Idibus Octobris anni correctionis 1582. (detractis prius x. diebus) usque ad annum 1700. exclusive.

c	b	A	f	e	d	c	A	g	f	e	c	b	A
		g				b				d			
g	e	d	c	b	g	f	e	d	b	A	g	f	d
f			A				c				e		

Usus hujus tabellae hic est. Anno correctionis 1582. post Idus Octobris (detractis prius decem diebus) tribuatur littera c primae cellulae, et sequenti anno 1583. littera b secundae, et anno 1584. dentur litterae A g tertiae cellulae, et sic deinceps aliis annis ordine aliae cellulae tribuantur, donec ad annum propositum perventum sit, redeundo ad principium tabellae quotiescumque eam percurreris. Nam cellula, in quam annus propositus cadit, dummodo minor sit, quam annus 1700., dabit litteram Dominicalem propositi anni. Quae si unica occurrerit, annus erit communis: si vero duplex, Bissextilis: et tunc superior littera Dominicam diem ostendet in Kalendario a principio anni usque ad festum S. Mathiae Apostoli: inferior autem ab hoc Festo usque ad finem anni. Exempli gratia: Sit invenienda littera Dominicalis anno 1587. Numeri ab anno 1582. quem tribue primae litterae c, usque ad annum 1587., tribuendo singulis cellulis singulos annos (computando geminas litteras quascumque, superiorem et inferiorem, pro una cellula), cadetque annus 1587. in litteram d, quae sextum locum in tabella occupat. Est ergo toto eo anno littera Dominicalis d, annusque communis est, cum littera simplex occurrat. Rursus sit investiganda littera Dominicalis anno 1616; numeri ab anno 1582. ut dictum est, usque ad annum 1616., redeundo ad principium tabellae, postquam eam percurreris, perveniesque ad duas hasce litteras c b, septimo loco positas. Est ergo annus ille Bissextilis, cum duplex littera occurrat, superiorque littera c Dominicam diem indicabit a principio anni illius usque ad festum S. Mathiae, inferior autem b in reliqua parte anni.

De Anno et ejus partibus.

Alia Tabella litterarum Dominicalium

ab anno 1833. inclusive, usque ad annum 1900. exclusive.

f	e	d	c	A	g	f	e	c	b	A	g	e	d
c	b	g	f	e	d	b	A	g	f	e	d	c	b
A	g	f	e	d	c	b	A	g	f	e	d	c	b

Usus hujus Tabellae talis est. Anno 1833 tribuatur unica littera f, primae cellulae, et sequenti anno 1834 litt. e, et sic deinceps ceteris annis ordine aliae cellulae tribuantur, donec ad annum propositum pervenias: redeundo ad principium Tabellae, quotiescumque eam percurreris: nam cellula, in quam annus propositus cadit, dabit litteram Dominicalem propositi anni: quae si unica occurrerit, annus erit communis; si vero duplex, Bissextilis: et tunc superior littera Dominicalem diem ostendet in Kalendario a principio anni, usque ad festum S. Mathiae Apostoli, inferior autem ab hoc festo, usque ad finem anni.

De Indictione.

Indictio est revolutio 15 annorum ab 1. usque ad 15., qua revolutione peracta, iterum reditur ad unitatem, initiumque sumit quilibet annus hujus cycli a Januario in Bullis Pontificiis. Et quoniam indictionum frequens usus est in Diplomatis, et scripturis publicis, facile annum Indictionis currentem quolibet anno propositum inveniemus ex sequenti tabella, cujus usus perpetuus est, initium tamen sumit ab anno correctionis 1582.

Tabella Indictionis
ab Anno Correctionis 1582.

10.	11.	12.	13.	14.	15.	1.
2.	3.	4.	5.	6.	7.	8.
9.						

Nam si anno 1582. tribuas primum numerum, qui est 10, et sequenti anno 1583. secundum numerum, qui est 11, et sic deinceps usque ad annum propositum, redeundo ad principium tabellae, quotiescumque eam percurreris, cadet annus propositus in Indictionem, quae quaeritur.

De Festis Mobilibus.

Quoniam ex decreto sacri Concilii Nicaeni Pascha, ex quo reliqua Festa mobilia pendent, celebrari debet die Dominico, qui proxime succedit xiv. Lunae primi mensis (is vero apud Hebraeos vocatur primus mensis, cujus xiv. Luna vel cadit in diem verni Aequinoctii, quod die 21. mensis Martii contingit vel propius ipsum sequitur), efficitur, ut si Epacta cujusvis anni inveniat, et ab ea in Kalendario notata inter diem octavum Martii inclusive, et quintum Aprilis inclusive (hujus enim Epactae xiv. Luna cadit vel in diem Aequinoctii verni, id est, in diem 21. Martii, vel eum propius sequitur), numerentur inclusive deorsum versus dies quatuordecim; proximus dies Dominicus diem hunc xiv. sequens (ne cum Judaeis conveniamus, si forte dies xiv. Lunae caderet in diem Dominicam) sit dies Paschae.

Exemplum. Anno 1605. Epacta est x. et littera Dominicalis b. Et quoniam invenimus Epactam x. inter diem 8. Martii, et 5. Aprilis inclusive positam esse e regione diei 21. Martii, a quo inclusive si deorsum versus numerentur 14. dies, inveniemus xiv. Lunam die 3. Aprilis, quae est Dominica, cum e regione illius sit littera Dominicalis b. Ne igitur cum Judaeis conveniamus, qui Pascha celebrant die xiv. Lunae, sumenda est littera Dominicalis b, quae sequitur xiv. Lunam, nempe ea quae e regione diei 10. Aprilis collocatur: atque eo anno Pascha celebrandum erit die 10. Aprilis. Item anno 1604. Epacta est xxix. et duplex littera Dominicalis d, c, cum annus ille sit Bissextilis. Si

igitur ab Epacta xxix. quae e regione diei 1. Aprilis ponitur inter diem 8. Martii, et 5. Aprilis inclusive, numerentur dies 14., cadet xiv. Luna in diem 14. Aprilis. Et quia tunc currit posterior littera Dominicalis, nempe c, quae post diem 14. Aprilis, id est, post xiv. Lunam collocata est e regione diei 18. Aprilis, celebrabitur eo anno Pascha die 18. Aprilis.

Ceterum ut facilius omnia Festa mobilia inveniantur, compositae sunt duae sequentes tabulae Paschales, una antiqua, et nova altera. Ex antiqua ita Festa mobilia reperientur. In latere sinistro tabulae accipitur Epacta currens, et in linea litterarum Dominicalium sumatur littera Dominicalis currens infra tamen Epactam currentem, ita ut si littera Dominicalis currens reperiatur e regione Epactae currentis, assumenda sit eadem littera Dominicalis proxime inferior. Nam e regione hujus litterae Dominicalis omnia Festa mobilia continentur.

Exemplum. Anno 1606. Epacta est xxi. et littera Dominicalis A. Si igitur in tabula antiqua sumatur littera Dominicalis A, quae primo infra Epactam xxi. occurrit, reperietur e regione hujus litterae Dominica Septuagesimae die 22. Januarii, dies Cinerum 8. Februarii, Pascha 26. Martii, Ascensio Domini 4. Maji, Pentecostes 14. Maji, et festum Corporis Christi 25. Maji. Dominicae autem inter Pentecosten, et Adventum eo anno erunt 28., et Adventus celebrabitur die 3. Decembris: et sic de ceteris. Item anno 1605. Epacta est x. et littera Dominicalis b, quae in tabula reperitur e regione Epactae x. Quare sumenda est alia littera b, quae proxime infra Epactam invenitur, e regione cujus invenies Septuagesimam die 6. Februarii, diem Cinerum 23. Februarii, et Pascha 10. Aprilis, etc.

Notandum autem est, quod quemadmodum in anno communi, cadente littera Dominicali e regione Epactae in tabula antiqua, sumitur eadem littera proxima infra Epactam, ut diximus: ita quoque in anno Bissextili, si alterutra duarum litterarum Dominicalium tunc currentium e regione Epactae reperitur, assumendae sunt aliae duae similes litterae proximae inferiores, ut Festa mobilia inveniantur.

Ex tabula vero Paschali nova ita eadem Festa mobilia reperientur. In cellula litterae Dominicalis currentis quaeratur Epacta currens. Nam e directo omnia Festa mobilia deprehenduntur. Ut anno 1609. in cellula litterae Dominicalis d, tunc currentis e regione Epactae xxiv., quae eodem anno currit, habetur Septuagesima die 15. Februarii, dies Cinerum 4. Martii, Pascha 19. Aprilis, etc.

Sed sive antiqua, sive nova tabula Paschali utamur, inveniendi sunt omnia Festa mobilia in annis Bissextilibus per litteram Dominicalem posteriorem, quae nimirum currit post festum sancti Mathiae Apostoli, ne scilicet ambigamus, utra duarum litterarum pro hoc, aut illo Festo indagando accipienda sit: ita tamen, ut Septuagesimae, et diei Cinerum inventae in Januario aut Febuario addatur unus dies. Quod ideo fit, quia ante diem S. Mathiae currit prior littera Dominicalis, quae in Kalendario posteriorem semper sequitur: post festum autem S. Mathiae in Febuario, licet posterior littera currat, additur tamen tunc dies intercalaris, ita ut dies 24. Februarii dicatur 25., et dies 25. dicatur 26. etc. Quod si dies Cinerum cadat in Martium, nihil addendum est, quia tunc et littera posterior currit, et dies mensis propriis numeris respondent, cum dies intercalaris Febuario sit additus. Imo nisi per posteriorem litteram investigarentur, non inveniretur recte Septuagesima in anno Bissextili currente Epacta xxiv. vel xxv., et littera Dominicali d, c, ut in secundo ac tertio exemplo perspicuum fiet pro annis 4088. et 3784. Exempli gratia. Anno 2096. Bissextili Epacta erit v. et litterae Dominicales A, g. Si igitur per posteriorem

De Anno et ejus partibus.


litteram, quae est g, Festa mobilia investigentur, reperietur Septuagesima die 11. Februarii et dies Cinerum 28. Februarii. Si autem addatur unus dies, cadet Septuagesima in diem 12. Februarii quae est Dominica, et dies Cinerum in diem 29. Februarii quae est FERIA IV. Pascha autem, et reliqua Festa in eos dies cadent qui in tabula expressi sunt. Item anno 4088. Bissextili, Epacta erit xxiv. et litterae Dominicales d, c. Si igitur per litteram c, quae posterior est, inquirantur Festa mobilia, invenietur Septuagesima die 21. Februarii, et si addatur unus dies, cadet in diem 22. Februarii quae est Dominica. Dies autem Cinerum cadet in diem 10. Martii: quare nihil additur, etc. Rursus anno 3784. Bissextili, Epacta erit xxv. et litterae Dominicales d, c. Ergo iterum per posteriorem c, reperietur Septuagesima die 21. Februarii, hoc est, addita 1. die 22. Quod si per priorem litteram d, in utroque horum duorum annorum agendum esset, nihil efficeretur, cum infra Epactas xxiv. et xxv. littera d indicet Septuagesimam die 15. Februarii, quod falsum esset cum eo anno posterior littera c Pascha offerat die 25. Aprilis, ac proinde Septuagesima die 22. Februarii celebranda sit, ut liquido constat, si a die Paschae, Dominicae retro numerentur usque ad Septuagesimam.

In priori porro tabula Paschali antiqua reformata, Epactis ad sinistram praeposuimus Aureos numeros eodem ordine, quo ante emendationem Kalendarii

collocari solebant, ut ex iis Festa mobilia invenirentur. Hoc autem idcirco a nobis factum est, ut Pascha, ceteraque Festa mobilia, a Concilio Nicaeno usque ad annum 1582. quilibet indagare possit. Eodem autem prorsus artificio ex Aureis numeris ita distributis Festa mobilia eruuntur, quo ex Epactis. Sit enim explorandum, exempli causa, quando Festa haec celebrata fuerint anno 1450. Quoniam eo anno Aureus numerus fuit 7. et littera Dominicalis d, si Aureus numerus 7. in sinistro latere accipiat, et prima littera d infra cum occurrens, reperietur e regione hujus litterae d, Septuagesima die 1. Februarii, dies Cinerum 18. Februarii, Pascha die 5. Aprilis, etc.

Adventus Domini celebratur semper die Dominico, qui propinquior est festo S. Andreae Apostoli, nempe a die 27. Novembris inclusive usque ad diem 3. Decembris inclusive, ita ut littera Dominicalis currens, quae reperitur in Kalendario a die 27. Novembris usque ad diem 3. Decembris, indicet Dominicam Adventus. Ut verbi gratia, si littera Dominicalis est g, Dominica Adventus cadet in diem 2. Decembris: quia ibi est littera g, in Kalendario, etc.

Ad finem tandem tabellarum Paschalium apposita est tabula temporaria multorum annorum, e regione quorum omnia Festa mobilia inveniantur, quae quidem tabula ex tabulis Paschalibus excerpta est, ex quibus infinitae aliae erui possunt pro quibuscumque annis.



Tabula Paschalis antiqua reformata.

Aur. Nr.	Cyclus Epactarum	Litt. Dom.	Septuagesima	Dies Cinerum	Pascha	Ascensio	Pentecostes	Corpus Christi	Dom. post Pent.	Dominica I. Adv.
16	xxiii		Januarii.	Februarii.	Martii.	Aprilis.	Maji.	Maji.		
5	xxii	d	18	4	22	30	10	21	28	29 Nov.
13	xxi	e	19	5	23	1 Maji.	11	22	28	30
2	xx	f	20	6	24	2	12	23	28	1 Dec.
	xlx	g	21	7	25	3	13	24	28	2
10	xviii	A	22	8	26	4	14	25	28	3
	xvii	b	23	9	27	5	15	26	27	27 Nov.
18	xvi	c	24	10	28	6	16	27	27	28
7	xv	d	25	11	29	7	17	28	27	29
	xiv	e	26	12	30	8	18	29	27	30
15	xiii	f	27	13	31	9	19	30	27	1 Dec.
4	xii	g	28	14	1 Apr.	10	20	31	27	2
	xi	A	29	15	2	11	21	1 Junii.	27	3
12	x	b	30	16	3	12	22	2	26	27 Nov.
	ix	c	31	17	4	13	23	3	26	28
1	viii	d	1 Febr.	18	5	14	24	4	26	29
	vii	e	2	19	6	15	25	5	26	30
9	vi	f	3	20	7	16	26	6	26	1 Dec.
	v	g	4	21	8	17	27	7	26	2
17	iv	A	5	22	9	18	28	8	26	3
6	iii	b	6	23	10	19	29	9	25	27 Nov.
	ii	c	7	24	11	20	30	10	25	28
14	i	d	8	25	12	21	31	11	25	29
3	*	e	9	26	13	22	1 Junii.	12	25	30
	xxix	f	10	27	14	23	2	13	25	1 Dec.
11	xxviii	g	11	28	15	24	3	14	25	2
	xxvii	A	12	1 Mart.	16	25	4	15	25	3
19	xxvi	b	13	2	17	26	5	16	24	27 Nov.
8	xxv	c	14	3	18	27	6	17	24	28
	xxiv	d	15	4	19	28	7	18	24	29
		e	16	5	20	29	8	19	24	30
		f	17	6	21	30	9	20	24	1 Dec.
		g	18	7	22	31	10	21	24	2
		A	19	8	23	1 Junii.	11	22	24	3
		b	20	9	24	2	12	23	23	27 Nov.
		c	21	10	25	3	13	24	23	28

Tabula Paschalis nova reformat.

Lit. Dom.	Cyclus Epactarum	Septuage- sima	Dies Cinerum	Pascha	Ascensio	Pentecostes	Corpus Christi	Dom. post Pent.	Domin. I. Adv.
D	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. 24.	18 Jan. 25 Jan. 1 Febr. 8 Febr. 15 Febr.	4 Febr. 11 Febr. 18 Febr. 25 Febr. 4 Mart.	22 Mart. 29 Mart. 5 Apr. 12 Apr. 19 Apr.	30 Apr. 7 Maji 14 Maji 21 Maji 28 Maji	10 Maji 17 Maji 24 Maji 31 Maji 7 Junii	21 Maji 28 Maji 4 Junii 11 Junii 18 Junii	28 27 26 25 24	29 Nov. 29 29 29 29
	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. 24.	19 Jan. 26 Jan. 2 Febr. 9 Febr. 16 Febr.	5 Febr. 12 Febr. 19 Febr. 26 Febr. 5 Mart.	23 Mart. 30 Mart. 6 Apr. 13 Apr. 20 Apr.	1 Maji 8 Maji 15 Maji 22 Maji 29 Maji	11 Maji 18 Maji 25 Maji 1 Junii 8 Junii	22 Maji 29 Maji 5 Junii 12 Junii 19 Junii	28 27 26 25 24	30 Nov. 30 30 30 30
	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. 24.	20 Jan. 27 Jan. 3 Febr. 10 Febr. 17 Febr.	6 Febr. 13 Febr. 20 Febr. 27 Febr. 6 Mart.	24 Mart. 31 Mart. 7 Apr. 14 Apr. 21 Apr.	2 Maji 9 Maji 16 Maji 23 Maji 30 Maji	12 Maji 19 Maji 26 Maji 2 Junii 9 Junii	23 Maji 30 Maji 6 Junii 13 Junii 20 Junii	28 27 26 25 24	1 Dec. 1 1 1 1
	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. 24.	21 Jan. 28 Jan. 4 Febr. 11 Febr. 18 Febr.	7 Febr. 14 Febr. 21 Febr. 28 Febr. 7 Mart.	25 Mart. 1 Apr. 8 Apr. 15 Apr. 22 Apr.	3 Maji 10 Maji 17 Maji 24 Maji 31 Maji	13 Maji 20 Maji 27 Maji 3 Junii 10 Junii	24 Maji 31 Maji 7 Junii 14 Junii 21 Junii	28 27 26 25 24	2 Dec. 2 2 2 2
	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. 24.	22 Jan. 29 Jan. 5 Febr. 12 Febr. 19 Febr.	8 Febr. 15 Febr. 22 Febr. 1 Mart. 8 Mart.	26 Mart. 2 Apr. 9 Apr. 16 Apr. 23 Apr.	4 Maji 11 Maji 18 Maji 25 Maji 1 Junii	14 Maji 21 Maji 28 Maji 4 Junii 11 Junii	25 Maji 1 Junii 8 Junii 15 Junii 22 Junii	28 27 26 25 24	3 Dec. 3 3 3 3
B	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. 24.	23 Jan. 30 Jan. 6 Febr. 13 Febr. 20 Febr.	9 Febr. 16 Febr. 23 Febr. 2 Mart. 9 Mart.	27 Mart. 3 Apr. 10 Apr. 17 Apr. 24 Apr.	5 Maji 12 Maji 19 Maji 26 Maji 2 Junii	15 Maji 22 Maji 29 Maji 5 Junii 12 Junii	26 Maji 2 Junii 9 Junii 16 Junii 23 Junii	27 26 25 24 23	27 Nov. 27 27 27 27
	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. 24.	24 Jan. 31 Jan. 7 Febr. 14 Febr. 21 Febr.	10 Febr. 17 Febr. 24 Febr. 3 Mart. 10 Mart.	28 Mart. 4 Apr. 11 Apr. 18 Apr. 25 Apr.	6 Maji 13 Maji 20 Maji 27 Maji 3 Junii	16 Maji 23 Maji 30 Maji 6 Junii 13 Junii	27 Maji 3 Junii 10 Junii 17 Junii 24 Junii	27 26 25 24 23	28 Nov. 28 28 28 28

Tabella Temporaria Festorum Mobilium.

An. Dom.	Lit. Dom.	Anr. Num.	Epact.	Septuage- sima	Dies Cinerum	Pascha	Ascensio	Pentecostes	Corpus Christi	Dom. p. Pent.	Domin. I. Adv.
1861	f	19	xvii	27 Jan.	13 Febr.	31 Mart.	9 Maji	19 Maji	30 Maji	27	1 Dec.
1862	e	1	*	16 Febr.	5 Mart.	20 Apr.	29 Maji	8 Junii	19 Junii	24	30 Nov.
1863	d	2	xi	1 Febr.	18 Febr.	5 Apr.	14 Maji	24 Maji	4 Junii	26	29 Nov.
1864	c b	3	xxii	24 Jan.	10 Febr.	27 Mart.	5 Maji	15 Maji	26 Maji	27	27 Nov.
1865	A	4	iii	12 Febr.	1 Mart.	16 Apr.	25 Maji	4 Junii	15 Junii	25	3 Dec.
1866	g	5	xiv	28 Jan.	14 Febr.	1 Apr.	10 Maji	20 Maji	31 Maji	27	2 Dec.
1867	f	6	xxv	17 Febr.	6 Mart.	21 Apr.	30 Maji	9 Junii	20 Junii	24	1 Dec.
1868	e d	7	vi	9 Febr.	26 Febr.	12 Apr.	21 Maji	31 Maji	11 Junii	25	29 Nov.
1869	c	8	xvii	24 Jan.	10 Febr.	28 Mart.	6 Maji	16 Maji	27 Maji	27	28 Nov.
1870	b	9	xxviii	13 Febr.	2 Mart.	17 Apr.	26 Maji	5 Junii	16 Junii	24	27 Nov.
1871	A	10	ix	5 Febr.	22 Febr.	9 Apr.	18 Maji	28 Maji	8 Junii	26	3 Dec.
1872	g f	11	xx	28 Jan.	14 Febr.	31 Mart.	9 Maji	19 Maji	30 Maji	27	1 Dec.
1873	e	12	i	9 Febr.	26 Febr.	13 Apr.	22 Maji	1 Junii	12 Junii	25	30 Nov.
1874	d	13	xii	1 Febr.	18 Febr.	5 Apr.	14 Maji	24 Maji	4 Junii	26	29 Nov.
1875	c	14	xxiii	24 Jan.	10 Febr.	28 Mart.	6 Maji	16 Maji	27 Maji	27	28 Nov.
1876	b A	15	iv	13 Febr.	1 Mart.	16 Apr.	25 Maji	4 Junii	15 Junii	25	3 Dec.
1877	g	16	xv	28 Jan.	14 Febr.	1 Apr.	10 Maji	20 Maji	31 Maji	27	2 Dec.
1878	f	17	xxvi	17 Febr.	6 Mart.	21 Apr.	30 Maji	9 Junii	20 Junii	24	1 Dec.
1879	e	18	vii	9 Febr.	26 Febr.	13 Apr.	22 Maji	1 Junii	12 Junii	25	30 Nov.
1880	d c	19	xviii	25 Jan.	11 Febr.	28 Mart.	6 Maji	16 Maji	27 Maji	27	28 Nov.
1881	b	1	*	13 Febr.	2 Mart.	17 Apr.	26 Maji	5 Junii	16 Junii	24	27 Nov.
1882	A	2	xi	5 Febr.	22 Febr.	9 Apr.	18 Maji	28 Maji	8 Junii	26	3 Dec.
1883	g	3	xxii	21 Jan.	7 Febr.	25 Mart.	3 Maji	13 Maji	24 Maji	28	2 Dec.
1884	f e	4	iii	10 Febr.	27 Febr.	13 Apr.	22 Maji	1 Junii	12 Junii	25	30 Nov.
1885	d	5	xiv	1 Febr.	18 Febr.	5 Apr.	14 Maji	24 Maji	4 Junii	26	29 Nov.
1886	c	6	xxv	21 Febr.	10 Mart.	25 Apr.	3 Junii	13 Junii	24 Junii	23	28 Nov.
1887	b	7	vi	6 Febr.	23 Febr.	10 Apr.	19 Maji	29 Maji	9 Junii	25	27 Nov.
1888	A g	8	xvii	29 Jan.	15 Febr.	1 Apr.	10 Maji	20 Maji	31 Maji	27	2 Dec.
1889	f	9	xxviii	17 Febr.	6 Mart.	21 Apr.	30 Maji	9 Junii	20 Junii	24	1 Dec.
1890	e	10	ix	2 Febr.	19 Febr.	6 Apr.	15 Maji	25 Maji	5 Junii	26	30 Nov.
1891	d	11	xx	25 Jan.	11 Febr.	29 Mart.	7 Maji	17 Maji	28 Maji	27	29 Nov.
1892	c b	12	i	14 Febr.	2 Mart.	17 Apr.	26 Maji	5 Junii	16 Junii	24	27 Nov.

Cycl. Epact.	L. D.	D. M.	MENSES.	Cycl. Epact.	L. D.	D. M.	MENSES.
			Januarius.				
* xxix	A b	Kal. iv	1 Circumcisio Domini. dupl. 2 Octava S. Stephani, dupl. cum com- mem. Octavarum.	viii vii vi	e d e	ix viii vii	21 22 23 Cathedra S. Petri Antiochiae, dupl. Vigilia. S. Petri Damiani Episc., Conf. et Eccl. Doct., dupl.
xxviii	c	iii	3 Octava S. Joannis Apost. dupl. cum comm. Octavae Ss. Innocentium.	v iv iii	f v v	vi v iv	24 25 26 S. Mathiae Apostoli, dupl.
xxvii	d	Prid.	4 Octava Ss. Innocentium, dupl.	ii	b	iii	27
xxvi	e	Non.	5 Vigilia Epiphaniae, semidupl. cum comm. S. Telesphori Pp. et Mart.	i	c	Prid.	28
25. xxv	f	viii	6 Epiphania Domini. dupl.				In anno Bissextili Februarius est die- rum 29. et Festum S. Mathiae cele- bratur 25. Februarii, et bis dicitur, sexto Kalendas, id est die 24. et die 25. et littera Dominicalis, quae as- sumpta fuit in mense Januario, mu- tatur in praecedentem; ut si in Januario littera Dominicalis fuit A, mutatur in praecedentem, quae est g, etc. et littera f, bis servit. 24. 25.
xxiv	g	vii	7 De Octava Epiphaniae.				Martius.
xxiii	A	vi	8 De Octava.				
xxii	b	v	9 De Octava.				
xxi	c	iv	10 De Octava.				
xx	d	iii	11 De Octava et commem. S. Hygini Pp. et Mart.				
xix	e	Prid.	12 De Octava.				
xviii	f	Idib.	13 Octava Epiphaniae, dupl. Domin. II. post Epiph. Ss. Nominis Jesu, dupl.				
xvii	g	xix	14 S. Hilarii Episc. Confess. et Eccl. Doc- toris, dupl. cum commem. S. Felicis Presb. et Mart.	* xxix xxviii xxvii	d e f g	Kal. vi v iv	1 2 3 4 S. Casimiri Conf., semidupl. et com- mem. S. Lucii Pp. et Mart.
xvi	A	xviii	15 S. Pauli primi Eremitae, Conf., dupl. cum commem. S. Mauri Abbatis.	xxvi 25. xxv xxiv	A b c	iii Prid. Non.	5 6 7 S. Thomae de Aquino Conf. et Eccles. Doct., dupl. et commem. Ss. Perpe- tuae et Felicitatis Mart.
xv	b	xvii	16 S. Marcelli Pp. et Mart., semidupl.	xxiii xxii xxi	d e f	viii vii vi	8 9 10 S. Joannis de Deo Confess., dupl. S. Franciscae Viduae Romanae, dupl. Ss. Quadraginta MM., semidupl.
xiv	c	xvi	17 S. Antonii Abbatis, dupl.	xx xix	g v	v iv	11 12 S. Gregorii Papae, Confess. et Eccl. Doct., dupl.
xiii	d	xv	18 Cathedra S. Petri Romae, dupl., et comm. S. Prisciae Virg. et Mart.	xviii xvii xvi	b c d	iii Prid. Idib.	13 14 15 S. Patritii Episc. et Conf., dupl.
xii	e	xiv	19 S. Canuti Regis et Mart., semidupl. ad libit. cum commem. Ss. Marii, Mar- thae, Audifacis et Abachum MM.	xv xiv xiii xii	e f g A	xvii xvi xv xiv	16 17 18 19 S. Joseph Sponsi B. Mariae Virginis Confess., dupl.
xi	f	xiii	20 Ss. Fabiani et Sebastiani MM., dupl.	xi x ix	b c d	xiii xii xi	20 21 22 S. Benedicti Abbatis, dupl.
x	g	xii	21 S. Agnetis Virg. et Mart., dupl.	viii vii vi	e f g	x ix viii	23 24 25 Annuntiatio B. Mariae Virg., dupl.
ix	A	xi	22 Ss. Vincentii et Anastasii MM., semi- dupl.	v iv iii ii i	A b c d e f	vii vi v iv iii Prid.	26 27 28 29 30 31 Fer. VI. post Dom. Passionis, Septem Dolorum B. Mariae Virg., dupl.
viii	b	x	23 S. Raymundi de Pennafort Conf. semi- dupl. cum commem. S. Emerentianae Virg. et Mart.				Aprilis.
vii	c	ix	24 S. Timothei Episc. et Mart., dupl.	xxix xxviii xxvii	g A b	Kal. iv iii	1 2 3 S. Francisci de Paula Confess., dupl.
vi	d	viii	25 Conversio S. Pauli Apostoli, dupl.	25. xxvi xxv xxiv	c d e	Prid. Non. viii	4 5 6 S. Isidori Ep., Cf. et Eccl. Doct., dupl. S. Vincentii Ferreri Confess., dupl.
v	e	vii	26 S. Polycarpi Episc. et Mart., dupl.	xxiii xxii xxi	f g A	xvi xv xiv	7 8 9
iv	f	vi	27 S. Joannis Chrysostomi Episc. Conf., et Eccl. Doct., dupl.	x ix viii vii vi v iv iii ii i	b c d e f g A b c	xiii xii xi x ix viii vii vi v iv iii	10 11 S. Leonis Papae, Conf. et Eccl. Doct., dupl.
iii	g	v	28 S. Agnetis secundo.				
ii	A	iv	29 S. Francisci Salesii Episc. et Confess., dupl.				
i	b	iii	30 S. Martiniae Virg. et Mart., semidupl.				
*	c	Prid.	31 S. Petri Nolasci Confess., dupl.				
			Februarius.				
xxix	d	Kal.	1 S. Ignatii Episc. et Mart., dupl.				
xxviii	e	iv	2 Purificatio B. Mariae, dupl.				
xxvii	f	iii	3 S. Blasii Episc. et Mart.				
25. xxvi	g	Prid.	4 S. Andreae Corsini Ep. et Conf., dupl.				
xxv. xxiv	A	Non.	5 S. Agathae Virg. et Mart., dupl.				
xxiii	b	viii	6 S. Titi Episc. et Conf., dupl. cum com- mem. S. Dorotheae Virg. et Mart.				
xxii	c	vii	7 S. Romualdi Abbatis, dupl.				
xxi	d	vi	8 S. Joannis de Matha Confess., dupl.				
xx	e	v	9 S. Apolloniae Virg. et Mart.				
xix	f	iv	10 S. Scholasticae Virg., dupl.				
xxviii	g	iii					
xvii	A	Prid.	12 S. Valentini Presbyteri et Mart.	xxix xxviii xxvii	g A b	Kal. iv iii	1 2 3
xvi	b	Idib.	13 Ss. Faustini et Jovitae MM.	25. xxvi xxv xxiv	c d e	Prid. Non. viii	4 5 6
xv	c	xvi		xxiii xxii xxi	f g A	vii vi v	7 8 9
xiv	d	xv		xx xix xviii	b c	iv iii	10 11
xiii	e	xiv					
xii	f	xiii					
xi	g	xii					
x	A	xi					
ix	b	x					

Cycl. Epact.	L. D.	D. M.	MENSES.	Cycl. Epact.	L. D.	D. M.	MENSES.
xvii	d	Prid.	12				Junius.
xvi	e	Idib.	13	xxvii	e	Kal.	1
xv	f	xviii	14	25. xxvi	f	iv	2
xiv	g	xvii	15				Ss. Marcellini, Petri, atque Erasmi Martyrum.
xiii	A	xvi	16	xxv. xxiv	g	iii	3
xii	b	xv	17	xxiii	A	Prid.	4
xi	c	xiv	18	xxii	b	Non.	5
x	d	xiii	19	xxi	c	viii	6
ix	e	xii	20	xx	d	vii	7
viii	f	xi	21	xix	e	vi	8
			S. Anselmi Episc., Confess. et Eccl. Doct., dupl.	xviii	f	v	9
vii	g	x	22	xvii	g	iv	10
			Ss. Soteris et Caji Pont. et Martyrum, semidupl.				Ss. Primi et Feliciani MM.
vi	A	ix	23	xvi	A	iii	11
v	b	viii	24	xv	b	Prid.	12
iv	c	vii	25				S. Margaritæ Viduae Scotiæ Reginae, semidupl.
iii	d	vi	26				S. Barnabæ Apostoli, dupl.
			Ss. Cleti et Marcellini, Pontif. et MM., semidupl.				S. Joannis a S. Facundo Conf., dupl. cum commem. Ss. Basilidis, Cyrini, Naboris, et Nazarii MM.
ii	e	v	27	xiv	c	Idib.	13
i	f	iv	28	xiii	d	xviii	14
*	g	iii	29				S. Antonii de Padua Conf., dupl.
xxix	A	Prid.	30	xii	e	xvii	15
			S. Catharinae Senensis Virg. dupl.				S. Basilii Magni Episc. Conf. et Eccl. Doct., dupl.
			Majus.				Ss. Viti, Modesti, atque Crescentiæ, Martyrum.
			Dom. III. post Pascha. Patrocinii S. Joseph Conf. Sponsi B. M. V., dupl.	xi	f	xvi	16
			Ss. Philippi et Jacobi Apost., dupl.	x	g	xv	17
xxviii	b	Kal.	1	ix	A	xiv	18
xxvii	c	vi	2	viii	b	xiii	19
			S. Athanasii Episc., Confess. et Eccl. Doct., dupl.				Ss. Marci et Marcelliani MM.
xxvi	d	v	3	vii	c	xii	20
			Inventio S. Crucis, dupl., et commem.	vi	d	xi	21
			Ss. Alexandri, Eventii et Theoduli MM., ac Juvenalis Episc. et Conf. in Laudibus tantum.	v	e	x	22
				iv	f	ix	23
25. xxv	e	iv	4	iii	g	viii	24
xxiv	f	iii	5	ii	A	vii	25
xxiii	g	Prid.	6				S. Guilielmi Abb., dupl., cum comm.
xxii	A	Non.	7	i	b	vi	26
xxi	b	viii	8	*	c	v	27
xx	c	vii	9	xxix	d	iv	28
			S. Gregorii Nazianzeni Episc., Conf. et Eccl. Doct., dupl.				De Octava Nativitatis S. Joannis.
xix	d	vi	10	xxviii	e	iii	29
			S. Antonini Episc. et Confess., dupl. cum commem. Ss. Gordiani et Epi- machi MM.	xxvii	f	Prid.	30
							Ss. Leonis II. Pap. et Conf., semidupl. et commem. Octavæ, et Vigiliæ.
xxviii	e	v	11				Ss. Petri et Pauli Apostolorum, dupl. cum commem. S. Petri, et Octavæ Nativitatis S. Joannis.
xxvii	f	iv	12				Julius.
			Ss. Nerei, Achillei, et Domitillæ Virg., atque Pancratii MM., semidupl.				Dom. I. Julii, Pretiosissimi Sanguinis D. N. J. C. dupl., cum commem. Do- minicæ.
xvi	g	iii	13				Octava Nativitatis S. Joannis Bapti- stæ, dupl. et commem. Octavæ Apostolorum.
xv	A	Prid.	14	xxvi	g	Kal.	1
xiv	b	Idib.	15				Visitatio B. Mariæ Virg., dupl., cum commem. Ss. Processi et Martiniani MM. in Laud. tant.
xiii	c	xvii	16				De Octava Apostolorum.
xii	d	xvi	17	25. xxv	A	vi	2
xi	e	xv	18				De Octava.
x	f	xiv	19	xxiv	b	v	3
			S. Bernardini Senensis Cf., semidupl.	xxiii	c	iv	4
ix	g	xiii	20	xxii	d	iii	5
iiii	A	xii	21	xxi	e	Prid.	6
vii	b	xi	22	xx	f	Non.	7
vi	c	x	23	xix	g	viii	8
v	d	ix	24				S. Elisabeth Reginae Portugalliae Vi- duæ, semidupl.
iv	e	viii	25	xxviii	A	vii	9
			S. Gregorii VII. Pap. et Conf., dupl. cum comm. S. Urbani Pap. et Mart.	xxvii	b	vi	10
iii	f	vii	26				Ss. Septem Fratrum Martyrum, et Ss. Rufinæ ac Secundæ Virginum et MM., semidupl.
ii	g	vi	27	xvi	c	v	11
			S. Mariæ Magdalænæ de Pazzis Virg., semidupl., cum commem. S. Joannis Papæ et Mart.	xv	d	iv	12
i	A	v	28				S. Joannis Gualberti Abb., dupl., et comm. Ss. Naboris et Felicis MM.
*	b	iv	29	xiv	e	iii	13
xxix	c	iii	30	xiii	f	Prid.	14
xxviii	d	Prid.	31				S. Anacleti Papæ et Mart., semidupl. S. Bonaventuræ Episc., Conf. et Eccl. Doct., dupl.
			S. Felicis Papæ et Mart.				
			S. Petronillæ Virg.				
			Fer. VI. post Oct. Ss. Corporis Christi, Sacri Cordis D. N. J. C., dupl.				

Cycl. Epact.	L. D.	D. M.	MENSES.	Cycl. Epact.	L. D.	D. M.	MENSES.
xii xi	g A	Idib. xvii	15 S. Henrici Imper. Conf., semidupl. 16 Commemoratio B. Mariae Virginis de Monte Carmelo , dupl.	iii	c xi	22	Oct. Assumpt. B. M., dupl., cum comm. Ss. Tinothei, Hippolyti et Symphoriani MM.
x ix	b c	xvi xv	17 S. Alexii Conf., semidupl. 18 S. Camilli de Lellis Conf., dupl., cum comm. Ss. Symphorosae cum septem filiis Martyribus.	ii	d x	23	S. Philippi Benitii Conf., dupl., cum comm. Vigiliae.
viii vii	d e	xiv xiii	19 S. Vincentii a Paulo Conf., dupl. 20 S. Hieronymi Aemiliani Conf., dupl., cum commem. S. Margaritae Virg. et Mart.	i	e ix	24	S. Bartholomaei Apost., dupl. , Romae celebratur die 25.
vi v iv	f g A	xii xi x	21 S. Praxedis Virg. 22 S. Mariae Magdalenae, dupl. 23 S. Apollinaris Episc. et Mart., dupl., cum comm. S. Liborii Ep. et Conf.	*	f viii	25	S. Ludovici Regis Confess., semidupl. , Romae celebratur die 26.
iii	b	ix	24 Vigilia, et comm. S. Christinae Virg. et Mart.	xxix xxviii xxvii	g A vi	26 27 28	S. Zephyrini Papae et Mart. S. Joseph Calasancii Conf., dupl. S. Augustini Episc. Confess. et Eccl. Doct., dupl., et comm. S. Hermetis Mart.
ii	c	viii	25 S. Jacobi Apostoli, dupl., et comm. S. Christophori Mart. in Laud. tantum.	xxvi	c iv	29	Decollatio S. Joannis Baptistae, dupl., et comm. S. Sabinae Mart.
i * xxix	d e f	vii vi v	26 S. Annae Matris B. M. V., dupl. 27 S. Pantaleonis Mart. 28 Ss. Nazarii, et Celsi, Mart. Victoris Papae et Mart. ac Innocentii Papae et Conf., semidupl.	25. xxv	d iii	30	S. Rosae a S. Maria V., dupl., cum comm. Ss. Felicis et Adaucti MM.
xxviii	g	iv	29 S. Marthae Virg., semidupl. et comm. Ss. Felicis, Simplicii, Faustini, et Beatricis MM.	xxiv	e Prid.	31	S. Raymundi Nonnati Conf., dupl.
xxvii 25. xxvi	A b	iii Prid.	30 Ss. Abdon et Sennen MM. 31 S. Ignatii Conf., dupl.	xxiii	f Kal.	1	Ss. Aegidii Abb., et commem. Ss. duodecim Fratrum MM.
Augustus.				xxii	g iv	2	S. Stephani Hungariae Regis Confess., semidupl.
xxv. xxiv	c	Kal.	1 S. Petri ad Vincula, dupl., et comm. Ss. Machabaeorum MM.	xxi xx xix	A iii b	3 Prid. 4	S. Laurentii Justiniani Episc. et Conf., semidupl.
xxiii	d	iv	2 S. Alphonsi Mariae de Ligorio Episc. et Conf., dupl., cum comm. S. Stephani Papae et Mart.	xxviii xxvii xxvi	d e f	6 7 8	Nativitas B. Mariae Virg., dupl., cum comm. S. Adriani Mart. in Laud. tantum.
xxii	e	iii	3 Inventio S. Stephani Protomartyris, semidupl.	xv	g v	9	Dominica infra Octavam Nativitatis, Festum Ss. Nominis B. Mariae , dupl. De Octava, cum commem. S. Gorgonii Mart.
xxi xx xix	f g A	Prid. Non. viii	4 S. Dominici Conf., dupl. 5 Dedicatio S. Mariae ad Nives, dupl. 6 Transfiguratio Domini, dupl., et commem. Ss. Xysti, Felicissimi et Agapiti MM.	xiv	A iv	10	S. Nicolai de Tolentino Conf., dupl., cum commem. Octavae Nativitatis B. Mariae.
xviii	b	vii	7 S. Cajetani Conf., dupl., cum comm. S. Donati Episc. et Mart.	xiii	b iii	11	De Oct. et commem. Ss. Proti et Hyacinthi MM.
xvii	c	vi	8 Ss. Cyriaci, Largi et Smaragdi MM., semidupl.	xii xi x	c Prid. d	12 13	De Octava.
xvi xv xiv	d e f	v iv iii	9 Vigilia, et commem. S. Romani Mart. 10 S. Laurentii Mart., dupl. 11 De Octava S. Laurentii, cum comm. Ss. Tiburtii et Susannae Mart.	ix	e xviii	14	Exaltatio S. Crucis, dupl., cum comm. Oct. Nativitatis B. Mariae.
xiii xii	g A	Prid. Idib.	12 S. Clarae Virg., dupl., cum comm. Oct. 13 De Octava et commem. Ss. Hippolyti et Cassiani MM.	viii	f xvii	15	Octava Nativitatis B. Mariae, dupl., cum comm. S. Nicomedis Mart.
xi	b	xix	14 De Octava, cum commem. Vigil. et S. Eusebii Conf.	vii	g xvi	16	Dominica tertia Septembris. Septem Dolorum B. Mariae Virg. dupl.
x	c	xviii	15 Assumptio B. Mariae Virg., dupl. Dominica infra Oct. Assumpt. B. Mariae Virg. S. Joachim Conf. Patris ejusdem Virg., dupl., cum commem. Domin. et Octav.	vi v iv	A xv	17	Ss. Cornelii et Cypriani Pont. et MM., semidupl., cum commem. Ss. Euphemiae, Luciae et Geminiani MM.
ix	d	xvii	16 S. Hyacinthi Conf., dupl., cum comm. Octav. Assumpt. et S. Laurentii.	iii ii	b xiv c	18 19	Impress. Stigmat. in corpore S. Francisci, dupl. S. Josephi a Cupertino Conf., dupl.
viii	e	xvi	17 Octava S. Laurentii, dupl., et comm. Octav. Assumpt.	i	d xii	20	Ss. Januarii Episc. et Soc. MM., dupl. Ss. Eustachii et Soc. MM., dupl. et commem. Vigiliae.
vii vi v	f g A	xv xiv xiii	18 De Octava, et comm. S. Agapiti Mart. 19 De Octava. 20 S. Bernardi Abb. et Eccl. Doct., dupl., cum comm. Octav. Assumpt.	xxix xxviii xxvii 25. xxvi	e xi f x	21 22	S. Matthaee Apost. et Evang., dupl. S. Thomae a Villanova Episc. et Conf., dupl., cum comm. Ss. Mauritii et Soc. MM.
iv	b	xii	21 S. Joannae Franciscae Fremiot de Chantal Viduae, dupl., cum comm. Octav.	*	g ix	23	S. Lini Papae et Mart., semidupl., cum comm. S. Theclae Virg. et Mart.
					A viii	24	Festum B. Mariae Virg. de Mercede , dupl.
					b vii	25	Ss. Cypriani et Justinae Mart.
					c vi	26	Ss. Cosmae et Damiani MM., semidupl.
					d v	27	S. Wenceslai Mart., semidupl.
					e iv	28	

Cycl. Epact.	L. D.	D. M.	MENSES.	Cycl. Epact.	L. D.	D. M.	MENSES.
xxv. xxiv	f	iii	29 Dedicatio S. Michaelis Archangeli, dupl.	vii	d	xvii	15 S. Gertrudis Virg., dupl.
xxiii	g	Prid.	30 S. Hieronymi Presb. Confess. et Eccl. Doct., dupl.	vi	e	xvi	16 S. Gregorii Thaumaturgi Episc. et Cf., semidupl.
			October.	v	f	xv	17 Dedicatio Basilicarum Ss. Petri et Pauli, dupl.
			Dominica prima Octobris, Ss. Rosarii B. Mariae Virg., dupl.	iv	g	xiv	18 S. Elisabeth Viduae, dupl., cum comm. S. Pontiani Papae et Mart.
xxii	A	Kal.	1 S. Remigii Episc. et Conf., semidupl. ad libitum, vel simplex de praecepto.	iii	A	xiii	19 S. Felicis de Valois Conf., dupl. Praesentatio B. Mariae Virg., dupl.
xxi	b	vi	2 Ss. Angelorum Custodum, dupl.	ii	b	xii	20 S. Caeciliae Virg. et Mart., dupl.
xx	c	v	3 S. Francisci Conf., dupl.	i	c	xi	21 S. Clementis Papae et Mart., dupl.; cum comm. S. Felicitatis Mart.
xix	d	iv	4 Ss. Placidi et Soc. Mart.	*	d	x	22 S. Joannis a Cruce Conf., dupl., cum comm. S. Chrysogoni Mart.
xviii	e	iii	5 S. Brunonis Conf., dupl.	xxix	e	ix	23 S. Catharinae Virg. et Mart., dupl.
xvii	f	Prid.	6 S. Marci Papae et Conf., comm. Ss. Sergii, Bacchi, Marcelli, et Apuleji Martyrum.	xxviii	f	viii	24 S. Petri Alexandrini Episc. et Mart.
xvi	g	Non.	7 S. Birgittae Viduae, dupl.	xxvii	g	vii	25 S. Petri Alexandrini Episc. et Mart.
			8 Ss. Dionysii Episc., Rustici et Eleutherii MM., semidupl.	25. xxvi	A	vi	26 Vigilia, et comm. S. Saturnini Mart.
xv	A	viii	9 S. Francisci Borgiae Conf., semidupl.	xxv. xxiv	b	v	27 S. Andreae Apostoli, dupl.
xiv	b	vii	10 S. Eduardi Regis Conf., semidupl.	xxiii	c	iv	December.
xiii	c	vi	11 S. Callisti Papae et Mart., dupl.	xx	f	Kal.	1 S. Bibianae Virg. et Mart., semidupl.
xii	d	v	12 S. Teresiae Virg., dupl.	xix	g	iv	2 S. Francisci Xaverii Conf., dupl.
xi	e	iv	13 S. Hedwigis Viduae, semidupl.	xviii	A	iii	3 S. Petri Chrysologi Episc., Confess. et Eccl. Doct., dupl., cum commem.
x	f	iii	14 S. Lucae Evangelistae, dupl.	xvii	b	Prid.	4 S. S. Sabbae Abb., comm.
ix	g	Prid.	15 S. Petri de Alcantara Conf., dupl.	xvi	c	Non.	5 S. Nicolai Episc. et Conf., dupl.
viii	A	Idib.	16 S. Joannis Cantii Conf., dupl.	xv	d	viii	6 S. Ambrosii Episc., Confess. et Eccl. Doct., dupl.
vii	b	xvii	17 S. Hilarionis Abb., et comm. Ss. Ursulae et Soc. Virg. et Mart.	xiv	e	vii	7 Conceptio B. Mariae Virg., dupl.
vi	c	xvi	18 Ss. Chrysanthi et Dariae MM.	xiii	f	vi	8 De Octava, et commem. Feriae.
v	d	xv	19 S. Evaristi Papae et Mart.	xii	g	v	9 De Octava, et commem. Feriae et S. Melchiadis Papae et Mart.
iv	e	xiv	20 Vigilia.	xi	A	iv	10 S. Damasi Papae et Conf., semidupl. et comm. Octavae et Feriae.
iii	f	xiii	21 Ss. Simonis et Judae Apost., dupl.	x	b	iii	11 De Octava, et commem. Feriae.
ii	g	xii	22 Vigilia.	ix	c	Prid.	12 S. Luciae Virg. et Mart., dupl., et commem. Octavae et Feriae.
i	A	xi	November.	viii	d	Idib.	13 De Octava, et commem. Feriae.
*	b	x	1 Festum omnium Sanctorum, dupl.	vii	e	xix	14 De Octava, et commem. Feriae.
xxix	c	ix	2 Commem. omnium Fidelium Defunctorum, et de Octava omnium Sanctorum.	vi	f	xviii	15 Octava Conceptionis B. Mariae, dupl., cum commem. Feriae.
xxviii	d	viii	3 De Octava.	v	g	xvii	16 S. Eusebii Episc. et Mart., semidupl.
xxvii	e	vii	4 S. Caroli Episc. et Conf., dupl., cum comm. Oct. ac Ss. Vitalis et Agricolae MM.	iv	A	xvi	17 Vigilia.
xxvi	f	vi	5 De Octava.	iii	b	xv	18 S. Thomae Apostoli, dupl.
25. xxv	g	v	6 De Octava.	ii	c	xiv	19 S. Joannis Apost. et Evangel., dupl., cum commem. Octavarum.
xxiv	A	Non.	7 Octava omnium Sanctorum, dupl. et comm. Ss. Quatuor Coronat. MM.	i	d	xiii	20 Ss. Innocentium MM. dupl. cum comm. Octavarum.
xxiii	b	viii	8 Dedicatio Basilicae Ss. Salvatoris, dupl. et comm. S. Theodori Mart.	*	e	xii	21 S. Thomae Cantuariensis Ep. et Mart., semidupl., cum comm. Octavarum.
xxii	c	vii	9 S. Andreae Avellini Conf., semidupl., cum comm. Ss. Tryphonis, Respicii et Nymphae MM.	xxix	f	xi	22 De Dominica infra Octavam Nativitatis, vel de Octava Nativitatis, cum comm. aliarum Octavarum.
xvii	d	vi	10 S. Martini Episc. et Confess., dupl. et comm. S. Mennae Mart.	xxviii	g	x	23 S. Silvestri Papae et Conf., dupl., cum commem. Octavarum.
xvi	e	v	11 S. Martini Papae et Mart., semidupl.	xxvii	A	ix	24 Nativitas D. N. J. C., dupl.
xv	f	iv	12 S. Didaci Conf., semidupl.	25. xxv	b	viii	25 S. Stephani Protomartyris, dupl., cum commem. Octavae Nativitatis.
xiv	g	iii	13 Vigilia.	xxiv	c	vii	26 S. Joannis Apost. et Evangel., dupl., cum commem. Octavarum.
xiii	A	Non.	14 Festum omnium Sanctorum, dupl.	xxiii	d	vi	27 Ss. Innocentium MM. dupl. cum comm. Octavarum.
xii	b	viii	15 Commem. omnium Fidelium Defunctorum, et de Octava omnium Sanctorum.	xxii	e	v	28 S. Thomae Cantuariensis Ep. et Mart., semidupl., cum comm. Octavarum.
xi	c	vii	16 De Octava.	xxi	f	iv	29 De Dominica infra Octavam Nativitatis, vel de Octava Nativitatis, cum comm. aliarum Octavarum.
x	d	vi	17 Octava omnium Sanctorum, dupl. et comm. Ss. Quatuor Coronat. MM.	19. xx	g	iii	30 S. Silvestri Papae et Conf., dupl., cum commem. Octavarum.
ix	e	v	18 Dedicatio Basilicae Ss. Salvatoris, dupl. et comm. S. Theodori Mart.		A	Prid.	31 Haec Epacta 19 nigra numquam est in usu, nisi quando eodem anno concurret cum Aureo numero xix.
viii	f	iv	19 S. Andreae Avellini Conf., semidupl., cum comm. Ss. Tryphonis, Respicii et Nymphae MM.				
vii	g	iii	20 S. Martini Episc. et Confess., dupl. et comm. S. Mennae Mart.				
vi	A	Non.	21 S. Martini Papae et Mart., semidupl.				
v	b	viii	22 S. Didaci Conf., semidupl.				
iv	c	vii	23 Vigilia.				
iii	d	vi	24 Festum omnium Sanctorum, dupl.				
ii	e	v	25 Commem. omnium Fidelium Defunctorum, et de Octava omnium Sanctorum.				
i	f	iv	26 De Octava.				
*	g	iii	27 Octava omnium Sanctorum, dupl. et comm. Ss. Quatuor Coronat. MM.				
xxix	A	Non.	28 Dedicatio Basilicae Ss. Salvatoris, dupl. et comm. S. Theodori Mart.				
xxviii	b	viii	29 S. Andreae Avellini Conf., semidupl., cum comm. Ss. Tryphonis, Respicii et Nymphae MM.				
xxvii	c	vii	30 S. Martini Episc. et Confess., dupl. et comm. S. Mennae Mart.				
xxvi	d	vi	31 S. Martini Papae et Mart., semidupl.				
25. xxv	e	v	1 Vigilia.				
xxiv	f	iv	2 Festum omnium Sanctorum, dupl.				
xxiii	g	iii	3 Commem. omnium Fidelium Defunctorum, et de Octava omnium Sanctorum.				
xxii	A	Non.	4 De Octava.				
xxi	b	viii	5 S. Caroli Episc. et Conf., dupl., cum comm. Oct. ac Ss. Vitalis et Agricolae MM.				
xx	c	vii	6 De Octava.				
xix	d	vi	7 De Octava.				
xviii	e	v	8 Octava omnium Sanctorum, dupl. et comm. Ss. Quatuor Coronat. MM.				
xvii	f	iv	9 Dedicatio Basilicae Ss. Salvatoris, dupl. et comm. S. Theodori Mart.				
xvi	g	iii	10 S. Andreae Avellini Conf., semidupl., cum comm. Ss. Tryphonis, Respicii et Nymphae MM.				
xv	A	Non.	11 S. Martini Episc. et Confess., dupl. et comm. S. Mennae Mart.				
xiv	b	viii	12 S. Martini Papae et Mart., semidupl.				
xiii	c	vii	13 S. Didaci Conf., semidupl.				
xii	d	vi	14 Vigilia.				
xi	e	v	15 Festum omnium Sanctorum, dupl.				
x	f	iv	16 Commem. omnium Fidelium Defunctorum, et de Octava omnium Sanctorum.				
ix	g	iii	17 De Octava.				
viii	A	Non.	18 Octava omnium Sanctorum, dupl. et comm. Ss. Quatuor Coronat. MM.				
vii	b	viii	19 Dedicatio Basilicae Ss. Salvatoris, dupl. et comm. S. Theodori Mart.				
vi	c	vii	20 S. Andreae Avellini Conf., semidupl., cum comm. Ss. Tryphonis, Respicii et Nymphae MM.				
v	d	vi	21 S. Martini Episc. et Confess., dupl. et comm. S. Mennae Mart.				
iv	e	v	22 S. Martini Papae et Mart., semidupl.				
iii	f	iv	23 S. Didaci Conf., semidupl.				
ii	g	iii	24 Vigilia.				
i	A	Non.	25 Festum omnium Sanctorum, dupl.				
*	b	viii	26 Commem. omnium Fidelium Defunctorum, et de Octava omnium Sanctorum.				
xxix	c	vii	27 De Octava.				
xxviii	d	vi	28 Octava omnium Sanctorum, dupl. et comm. Ss. Quatuor Coronat. MM.				
xxvii	e	v	29 Dedicatio Basilicae Ss. Salvatoris, dupl. et comm. S. Theodori Mart.				
xxvi	f	iv	30 S. Andreae Avellini Conf., semidupl., cum comm. Ss. Tryphonis, Respicii et Nymphae MM.				
25. xxv	g	iii	31 S. Martini Episc. et Confess., dupl. et comm. S. Mennae Mart.				

RUBRICÆ GENERALES BREVIARII.

Officium quotidie fit aut Duplex, aut Semiduplex, aut Simplex.

De Officio Duplici. I.

1. **O**fficium fit duplex in diebus a Feria quinta in Coena Domini usque ad Feriam tertiam Paschae inclusive, in Dominica in Albis, in Ascensione Domini, in Dominica Pentecostes, et duobus diebus sequentibus, in festo Trinitatis, Corporis Christi, et Dedicationis propriae Ecclesiae: in Festis, quibus in Calendario apponitur haec vox Duplex: in die octava festi habentis octavam, in festo Patroni unius vel plurium alicujus loci, vel Titularis Ecclesiae; et in festis Sanctorum, qui apud quasdam Ecclesias, Religiones, vel Congregationes consueverunt solemniter celebrari cum Officiis propriis a Sede Apostolica approbatis, aut ex ejusdem Sedis auctoritate receptis, vel recipiendis (servata forma hujus Breviarii) alioquin de Communi, etiam si praedicta Festa in hoc Calendario non sint descripta. Praeterea Officium fit Duplex pro Defunctis in Commemoratione omnium fidelium Defunctorum, et in die obitus, seu depositionis Defuncti, ut in eodem Officio dicitur, circa finem Breviarii.

2. Festum Duplex celebratur eo die quo cadit, nisi illud contingat transferri, ut dicitur in Rubrica de translatione Festorum.

3. Habet primas, et secundas Vesperas integras, nisi cum alio simili concurrat, ut dicitur in Rubrica de Concurrentia Officii: et totum Officium fit de Duplici incipiendo a primis Vesperis, usque ad Completorium sequentis diei inclusive, nisi aliter in propriis locis assignetur. Officium autem Defunctorum habet tantum primas Vesperas, Matutinum, et Laudes, ut circa finem Breviarii ponitur.

4. In utrisque Vesperis, Matutino, et Laudibus tantum, non autem in aliis Horis duplicantur Antiphonae, id est integrae dicuntur in principio, et in fine Psalmorum.

5. Ad Matutinum regulariter dicuntur tres Nocturni, cum novem Psalmis, et totidem Lectionibus, hoc est, in unoquoque Nocturno tres Psalmi, et tres Lectiones, praeterquam in Paschate Resurrectionis, et Pentecostes cum duobus sequentibus diebus, in quibus dicitur unum tantum Nocturnum cum tribus Psalmis, et totidem Lectionibus, ut ibidem ponitur.

6. Preces ad Primam, et Completorium, et Suffragia de S. Maria, Apostolis, et Pace ad Vesperas, et Laudes, non dicuntur in Officio Duplici, ut etiam in propriis eorum Rubricis dicitur.

7. Quomodo sit ordinandum Officium Duplex in Vesperis, Matutino, et ceteris Horis: similiter et de Antiphonis, Responsoriis, Versibus, Capitulis, et aliis in eo dicendis, habentur inferius de singulis propriae Rubricae.

De Officio Semiduplici. II.

1. **O**fficium fit Semiduplex diebus Dominicis (excepta Dominica in Albis, in qua fit Duplex) et diebus infra Octavas; item in festis, quibus in Calendario ponitur haec vox Semiduplex, et in Festis propriis quorundam locorum, seu Congregationum, quae

solemnius apud illas, quam Simplicia, consueverunt celebrari.

2. De festo Semiduplici fit eo die quo cadit, nisi contingat transferri, ut dicitur in Rubr. de Translat. Festorum.

3. Habet totum Officium integrum sicut Duplex, sed non duplicantur Antiphonae.

4. Ad Matutinum dicuntur tres Nocturni, praeterquam infra Octavas Paschae et Pentecostes, in quibus dicitur unum Nocturnum cum tribus Psalmis, et totidem Lectionibus, et regulariter quando dicuntur tres Nocturni, dicuntur novem Psalmi, et totidem Lectiones, exceptis iis Dominicis, in quibus fit Officium ut in Psalterio, quae habent xviii. Psalmos, ut ibi:

5. Quomodo sit ordinandum Officium Semiduplex tam in festis, quam in Dominicis, et infra Octavas, item et de Antiphonis, Versibus, Responsoriis, et hujusmodi aliis, et quando in Semiduplici dicantur Preces ad Primam, et Completorium, et Suffragia de Sanctis ad Vesperas, et Laudes, habentur inferius de singulis propriae Rubricae.

De Officio Simplici. III.

1. **O**fficium fit Simplex in diebus Ferialibus, quando occurrit fieri de Feria, item in Festis, quibus in Calendario non apponitur haec vox Duplex, vel Semiduplex, vel de octava: Item quando fit de B. Maria in Sabbato, ut in ejus Rubrica dicitur.

2. De Festo Simplici fit eo die quo cadit, nisi eodem die occurrat fieri Officium novem Lectionum, vel de S. Maria in Sabbato, vel de aliquibus feriis, quibus festum Simplex cedit, ut dicitur in Rubricis de Feriis, et de Commemorationibus.

3. Habet tantum primas Vesperas, in quibus dicuntur Psalmi feriales, et a Capitulo fit de festo, nisi cum eo concurrat Officium novem Lectionum, quia tunc de eo fit commemoratio, ut dicitur in Rubrica de Concurrentia Officii: et ejus Officium terminatur ad Nocturnum, et nihil amplius fit de eo, nec commemoratio.

4. Ad Matutinum post Invitatorium et Hymnum de festo, dicitur unum tantum Nocturnum cum duodecim Psalmis, ut in Psalterio, secundum feriam quae occurrit: et tres Lectiones leguntur, ut infra in Rubrica de Lectionibus habetur.

5. Quomodo sit ordinandum Officium Simplex ad Vesperas, Matutinum et alias Horas, item et de Antiphonis, Versibus, Responsoriis, et aliis, ac quando Preces, et Suffragia de Sanctis dicenda sint, habentur inferius propriae Rubricae.

De Dominicis. IV.

1. **D**e Dominica semper fit Officium in Dominicis Adventus et in Dominicis a Septuagesima usque ad Dominicam in Albis inclusive, quocumque festo Duplici, vel Semiduplici adveniente: quia tunc festum transfertur (ut in Rubrica de Translatione Festorum dicitur) nisi illud festum sit de principali Titulo, vel Patrono alicujus Ecclesiae, vel loci, aut Dedicatione propriae Ecclesiae: quia tunc de hujusmodi festo fit tantum in Ecclesia, vel loco, cujus est Titulus, vel Patronus vel Deductio, cum commemoratione Domini-

Rubricæ generales Breviarii.

cae: quibusdam Dominicis exceptis, ut dicetur in Rubrica de Commemorationibus. In aliis Dominicis per annum fit de Dominica, quando in eis non occurrit festum Duplex: quia tunc fit de Duplici, cum commemoratione Dominicae in utrisque Vesperis et Laudibus, et ad Matutinum legitur nona Lectio de Homilia Dominicae, ut dicetur in Rubrica de Commemorationibus. Si Semiduplex eodem die occurrat, transfertur, ut dicetur in Rubrica de Translatione Festorum.

2. De Dominicis infra Octavas Nativitatis, Epiphaniae, Ascensionis, et Corporis Christi occurrentibus, Officium fit sicut infra Octavam, et in Proprio de Tempore: cum commemoratione Octavae, et sine Precibus, et Suffragiis Sanctorum. In Dominicis vero, quae occurrunt infra alias Octavas, totum Officium fit de Dominica, ut in Psalterio, et in Proprio de Tempore, cum commemoratione Octavae, omissis etiam dictis Precibus, et Suffragiis, ut supra. De Dominica occurrente in die Octava fit commemoratio, sicut dictum est, quando in ea fit de festo Duplici, praeterquam in die Octava Epiphaniae, in qua nihil fit de Dominica, quia eius Officium ponitur in Sabbato praecedenti.

3. Positum est autem officium sex Dominicarum post Epiphaniam, et viginti quatuor post Pentecosten, ut compleatur numerus triginta Dominicarum, quae esse possunt ab Epiphania usque ad Septuagesimam, et a Pentecoste usque ad Adventum; ne ulla ex his Dominicis vacet, quin saltem de ea fiat commemoratio. Nam quae aliquando supersunt post Epiphaniam ante Septuagesimam ponuntur post xxiii. a Pentecoste, hoc ordine.

4. Si Dominicae post Pentecosten fuerint xxv., Dominica xxiv. post Pentecosten erit quae est vi. post Epiphaniam. Si fuerint xxvi., Dominica xxiv. erit quae est v. et xxv. quae est vi. Si fuerint xxvii., Dominica xxiv. erit quae est iv. et xxv. quae est v. et xxvi. erit vi. Si fuerint xxviii., Dominica xxiv. erit iii. et xxv. erit iv. et xxvi. erit v. et xxvii. erit vi. et ultimo loco semper ponitur, quae in ordine est xxiv. post Pentecosten, etiam si post Pentecosten aliquando non sint nisi xxiii. Dominicae. Tunc enim xxiv. ponitur loco xxiii. et officium xxiii. ponitur in praecedenti Sabbato, quod non sit impeditum festo ix. Lectionum; alioquin in alia praecedenti die similiter non impedita, in qua fiat Officium de Feria, cum commemoratione festi Simplicis, si occurrat; et in ea legantur tres Lectiones de Homilia Dominicae, omissis Lectionibus Scripturae illius feriae; et in Laudibus dicatur Antiphona ad Benedictus, et Oratio de Dominica xxiii. Quod si tota Hebdomada impedita sit festis ix. Lectionum etiam translatis, vel aliqua Octava, tunc in Sabbato legatur ix. Lectio de Homilia Dominicae xxiii. et de ea fiat commemoratio in Laudibus tantum, cum Antiphona, et Oratione propria.

5. Cum vero interdum contingat, ut Dominica tertia, vel quarta, vel quinta, vel sexta post Epiphaniam supersit, nec possit poni etiam post xxiii. a Pentecoste; tunc de ea fit officium in Sabbato ante Dominicam Septuagesimae, ut dictum est supra numero praecedenti.

6. De Dominica secunda post Epiphaniam, quando Septuagesima venerit immediate post Octavam Epiphaniae, quomodo agendum sit Officium, habetur in propria Rubrica ante Dominicam primam post Epiphaniam.

7. Cum autem in Proprio de Tempore dicitur aliqua Dominica esse prima mensis, in qua primo ponitur initium libri de Scriptura cum sua historia, id est cum Responsoriis, animadvertendum est, eam dici primam Dominicam mensis, quae venit in Kalendis illius mensis, vel est proximior Kalendis, hoc modo: Si Kalendae venerint in ii. et iii. et iv. Feria, Dominica prima mensis erit quae praecedit Kalendas, licet veniat in

praecedenti mense: si autem Kalendae venerint in v. et vi. Feria, et Sabbato, prima Dominica erit quae sequitur post ipsas Kalendas. Dominica autem prima Adventus non sumitur ea, quae est proximior Kalendis Decembris, sed festo S. Andreae, vel quae venerit in ipso festo.

8. Officium Dominicae fit Semiduplex, et incipit a primis Vesperis in Sabbato: et habet totum Officium integrum usque ad Completorium Dominicae inclusive, nisi cum aliquo concurrat, ut dicitur in Rubrica de Concurrentia Officii.

9. Ad Matutinum dicuntur tres Nocturni cum Psalmis, ut in Psalterio; et leguntur novem Lectiones, ut in Proprio de tempore.

10. Quomodo autem sit ordinandum ejus Officium, insuper et de Lectionibus, Responsoriis, et aliis, et quomodo initia librorum Scripturae cum sua historia sint ponenda, habentur de singulis inferius propriae Rubricae.

De Feriis. V.

1. Officium Feriale, hoc est, Simplex de Tempore occurrenti, prout in Psalterio, et Proprio de Tempore habetur, fit semper in feriis Adventus, Quadragesimae, Quatuor Temporum, Vigiliarum, et in feria secunda Rogationum, quando infra Hebdomadam non occurrit festum Duplex, vel Semiduplex, vel de Octava: quia tunc de hujusmodi feriis fit commemoratio, ut dicetur in Rubrica de Commemorationibus. Si vero in eis occurrat festum simplex, de eo fit tantum commemoratio. Item per annum fit Officium de feria illis diebus, quibus infra Hebdomadam in Calendario non ponitur aliquod festum Duplex, Semiduplex, vel Simplex, et non occurrit aliqua Octava, vel Officium S. Mariae in Sabbato, vel aliquod festum solemne, aut consuetum in aliqua Ecclesia celebrari, quamvis in Calendario hujus Breviarii non sit descriptum.

2. Officium feriae in Adventu, Quadragesima, Quatuor Temporibus, Vigiliis, et prima die Rogationum, incipit a Matutino: in aliis vero feriis per annum, inde fit de Feria, ubi desinit Officium praecedentis diei; ita ut si praecedenti die fuerit Duplex, vel Semiduplex, Officium Feriae incipiat sequenti die a Matutino: si praecedenti die fuerit festum Simplex, de feria fiat a Vesperis illius praecedentis diei inclusive. Similiter et quando in feria iv. et vi. Quatuor Temporum Septembris, et in feria iv. Cinerum, ac in Vigiliis occurrit aliquod Festum Simplex, de quo fieri debet commemoratio, tunc praecedenti die (nisi fuerit festum ix. Lectionum) in Vesperis fit de feria, ut in Psalterio, sine Precibus, cum Oratione Dominicae praecedentis, et cum commemoratione festi trium Lectionum in sequenti feria occurrentis, ut dicetur infra in Rubrica de Concurrentia. Terminatur autem Officium de feria subsequente Duplici, vel Semiduplici, ad Nonam: subsequente vero Simplici, de quo fieri debeat Officium, ad Capitulum Vesperarum, quia inde fit de festo Simplici, absque ulla deinceps commemoratione feriae.

3. Ad Matutinum dicitur unum tantum Nocturnum cum xii. Psalmis, secundum ordinem Feriarum in Psalterio, et tribus Lectionibus, ut in Proprio de Tempore.

4. Excipiuntur ab hoc ordinario Officii ferialis tres feriae majores Hebdomadae sanctae, et feriae Octavarum Paschae, et Pentecostes, in quibus fit officium, ut propriis locis ponitur.

5. Quomodo ordinandum sit Officium de Feria ad Matutinum, et alias Horas, item de Lectionibus, et Responsoriis, et quando dicendae sint Preces feriales, ac de aliis quae ad Officium feriae pertinent, habentur inferius de singulis propriae Rubricae.

Rubricæ generales Breviarii.

De Vigiliis. VI.

1. **D**E Vigilia fit Officium in omnibus Vigiliis per annum quae jejuntur, ubi in Calendario annotatur haec vox, Vigilia: nisi in die Vigiliae occurrat festum ix. Lectionum vel Octava: tunc enim in Officio ix. Lectionum legitur nona Lectio de Homilia Vigiliae, et fit commemoratio de ea ad Laudes tantum, cum Antiphona ad Benedictus, et V. feriae occurrentis de Psalterio, et Oratione Vigiliae; praeterquam in illis festis majoribus, quae inferius excipiuntur.

2. Si Vigilia occurrat in Dominica, de ea fit Officium in Sabbato, quod non sit impeditum officio ix. Lectionum: quia tunc de Vigilia fit tantum commemoratio, ut dictum est. Excipitur ab hac regula Vigilia Nativitatis, et Epiphaniae Domini; quae si venerint in Dominica, fit de illis, ut in propriis Rubricis dicitur. Si autem in Vigilia occurrat festum solemne alicujus loci, vel ex solemnioribus infra annum, quae inferius in Rubrica de Commemorationibus numerantur (veluti si in Vigilia S. Joannis Baptistae venerit festum Corporis Christi) nihil tunc prorsus, nec commemoratio fit de Vigilia, excepta Vigilia Epiphaniae. Idem servetur quando aliqua Vigilia venerit in Adventu, Quadragesima, et Quatuor Temporibus: nulla enim in his feriis de Vigilia fit commemoratio.

3. Officium Vigiliae incipit ad Matutinum, sicut dictum est in superiori Rubrica de Feriis: terminatur autem ad Nonam, quia Vesperae sunt de sequenti festo.

4. Officium Vigiliae totum fit de feria occurrenti, ut in Psalterio: et tres Lectiones leguntur de Homilia in Evangelium Vigiliae, ut in propriis locis assignatur, cum tribus Responsoriis de Feria occurrenti, ordine in Rubrica de Responsoriis descripto. Dicuntur Preces feriales, et Commemorationes communes, aliaeque omnia sicut in feriis Adventus, Quadragesimae, et Quatuor Temporum; de quibus et de aliis circa ordinandum ejus Officium, habentur inferius propriae Rubricae.

5. Excipitur ab hoc ordinario Vigiliarum quae jejuntur. Vigilia Pentecostes, quae cum tribus Nocturnis sub Officio Semiduplici celebratur, ut ibi: et Vigilia Nativitatis Domini, quae Nocturno feriae excepto, in Laudibus et Horis habet reliquum Officium Duplex. In Vigiliis vero Epiphaniae et Ascensionis, quae non jejuntur, fit Officium, ut in propriis locis notatur.

De Octavis. VII.

1. **D**E Octava fit Officium, vel saltem commemoratio (quando aliquo festo, vel Dominica impeditur) per octo dies continuos. Fit de Octava in Paschate Resurrectionis, in Ascensione Domini, in Pentecoste, in festo Corporis Christi, in Festis, quibus in Calendario apponitur Octava; item in Festo Dedicationis propriae Ecclesiae, et in Festo principalis Patroni, et Titularis loci, vel Ecclesiae, et in Festis aliorum Sanctorum, quae apud quasdam Ecclesias, Congregationes, et Religiones consueverunt solemniter cum Octavis celebrari: nisi illa Festa venerint in Quadragesima, quo tempore omittitur Officium cujuscumque Octavae. Quod si aliquod Festum, quod celebrari solet cum Octava, paulo ante Quadragesimam venerit, et jam per aliquot dies factum sit Officium de ejus Octava, adveniente Quadragesima, nihil amplius fit de ea, nec commemoratio. Et idem servetur de Octavis nondum absolutis, quando supervenit Festum Pentecostes, et dies 17. Decembris.

2. In Pascha Resurrectionis, et Pentecostes Officium octavae terminatur in Sabbato sequenti ad Nonam.

3. Infra Octavas fit de festis Duplicibus, et Semiduplicibus occurrentibus, ac etiam translatis, ut dicitur infra de Translatione Festorum num. 5. cum commemoratione Octavae: nisi illa festa sint de solemnioribus

enumeratis in sequenti Rubrica de Commemorationibus, in quibus nulla fit commemoratio de Octava, exceptis Octavis Nativitatis, Epiphaniae, et Corporis Christi, de quibus fit semper commemoratio, quocumque Festo in illis occurrente. Infra Octavas autem Paschae et Pentecostes non fit de Festo aliquo, etiam principali Patrono, vel Titulari Ecclesiae, vel Dedicatione ejusdem, sed transfertur post Octavam. Infra Octavam Epiphaniae fit tantum de Patrono, vel Titulari Ecclesiae, et Dedicatione ejusdem, (non tamen in die Octava) cum commemoratione Octavae. Infra Octavam Corporis Christi fit tantum de Duplicibus, non tamen translatis, nisi sint primae vel secundae classis, cum commemoratione Octavae: de Semiduplicibus vero infra eam non fit, sed transferuntur post Octavam, ut dicitur in Rubrica de Translatione Festorum. De Simplicibus infra quascumque Octavas occurrentibus fit tantum commemoratio, praeterquam in duobus diebus post Pascha, et Pentecosten, ut dicitur in sequenti Rubrica de Commemorationibus. De Dominicis infra Octavas occurrentibus fit Officium, ut dictum est supra in Rubrica de Dominicis. Si duae Octavae simul occurrant, (ut Octava sancti Joannis Baptistae, et Octava Corporis Christi, vel Octava Patroni, vel Titularis Ecclesiae cum alia Octava) quando non erunt celebranda Festa ix. Lectionum, vel dies Dominicus, fiet Officium de digniori, cum commemoratione alterius. De die autem Octava cujuscumque Festi fit totum Officium Duplex, cum commemoratione diei infra aliam Octavam. De Festis occurrentibus in die Octava servetur quod dicitur in Rubrica de Translatione Festorum.

4. Officium de Octava fit cum tribus Nocturnis, novem scilicet Psalmis, et ix. Lectionibus, (exceptis Octavis Paschae, et Pentecostes, in quibus fit cum uno Nocturno, ut suis locis ponitur) et omnia dicuntur sicut in die Festi, praeter Lectiones: quarum primae tres semper sunt de Scriptura occurrente in Officio de Tempore, praeterquam infra Octavam Assumptionis beatae Mariae, in qua singulis diebus positae sunt Lectiones propriae de Canticis canticorum: aliae Lectiones secundi et tertii Nocturni dicuntur quae infra Octavam positae sunt. Infra Octavam vero Patroni, vel Titularis Ecclesiae, aut alterius Festi quod in aliquibus Ecclesiis consuevit cum Octava celebrari, si apud illas Ecclesias non habentur propriae, et approbatae Lectiones, pro secundo, et tertio Nocturno infra Octavam, repetantur Lectiones positae in Communi Sanctorum, si de Sanctis fiat Octava, alioquin Lectiones diei Festi.

5. Infra Octavam Officium fit Semiduplex, in die Octavae Duplex. In Vesperis infra Octavam omnia dicuntur sicut in ii. Vesperis Festi: et in primis Vesperis diei Octavae omnia sicut in primis Vesperis Festi, nisi aliter in propriis locis notetur.

6. Infra Octavas non fiunt Suffragia consueta de Sanctis, nec dicuntur Preces ad Primam, et Completorium, etiam si fiat Officium de Dominica, vel Festo Semiduplici. In aliis, quomodo sit ordinandum Officium de Octava, habentur inferius propriae Rubricae.

De Officio sanctae Mariae in Sabbato. VIII.

1. **I**N omnibus Sabbatis per annum extra Adventum et Quadragesimam, ac nisi Quatuor Tempora, aut Vigiliae occurrant, vel nisi fieri debeat de Feria propter Officium alicujus Dominicae aliquando infra Hebdomadam ponendum, ut in Rubrica de Dominicis dictum est, et nisi fiat Officium ix. Lectionum, vel de Octava Paschae, et Pentecostes, semper fit Officium de S. Maria, eo modo quo fit de festo Simplicis, quemadmodum circa finem Breviarii disponitur. De Festo autem Simplici in Sabbato occurrente fit tantum commemoratio.

Rubricæ generales Breviarii.

2. Cum vero supradictis diebus fieri non potest Officium de sancta Maria, nulla etiam fit commemoratio de ea propter Sabbatum, sed tantum in Semiduplicibus (quando ejus Officium parvum non dicitur) fit consueta ejus commemoratio per annum cum aliis Suffragiis positis in Psalterio post Vesperas Sabbati.

3. Ejus Officium in Sabbato incipit FERIA VI. ad modum festi Simplicis, a Capitulo, et terminatur ad Nonam Sabbati. Si autem FERIA VI. occurrat Officium novem Lectionum, in Vesperis fit tantum commemoratio de S. Maria cum Antiphona, Versu, et Oratione, quae habentur in Officio ejus in Sabbato, nisi illud Officium IX. Lectionum sit de eadem B. Maria, quia tunc nulla alia commemoratio de ea facienda est.

4. Ad Matutinum post Invitatorium, et Hymnum de S. Maria, dicitur unum Nocturnum cum XII. Psalmis Ferialibus, ut in Psalterio, Versus de S. Maria, prima et secunda Lectio ex Scriptura de Tempore occurrenti, tertia Lectio, et alia omnia tam in Matutino, quam in Laudibus et Horis, ut in Officio S. Mariae in Sabbato assignantur.

5. Dicuntur Preces Dominicales ad Primam et Completorium, et fiunt suffragia consueta de Apostolis et Pace, et tempore Paschali sola commemoratio de Cruce, ut in secunda FERIA post Octavam Paschae. Post Nonam nihil fit de ea, nisi consueta ejus commemoratio cum aliis suffragiis, quando dicenda sunt in Officio de Dominica.

De Commemorationibus. IX.

1. **C**ommemorationes fiunt de Festis Simplicibus, quando in eorum diebus incidit Festum IX. Lectionum etiam translatum, vel Dominica, vel Octava, vel Sabbatum, et quando fieri debet de FERIA, ut ponatur Officium alicujus Dominicae, quae eo anno supersit.

2. De FERIIS Adventus, Quadragesimae, Quatuor Temporum, Vigiliarum, et secunda Rogationum fit commemoratio, quando Festum novem Lectionum in illis FERIIS occurrat. Si simplex Festum in eisdem FERIIS occurrat, Officium fit de FERIA, et commemoratio de Festo Simplici.

3. Praeterea fit commemoratio de Dominicis a Pentecoste usque ad Adventum, et ab Epiphania usque ad Septuagesimam, et a Dominica in Albis usque ad Pentecosten exclusive, quando Festo Duplici impediuntur. De aliis Dominicis nulla fit commemoratio occurrente Festo Duplici, quia Festum in illis occurrens transfertur; nisi illud Festum fuerit principalis Patroni, vel Tituli, aut Dedicationis ipsius Ecclesiae, non autem alicujus Capellae, vel Altaris ejusdem Ecclesiae; et tunc de hujusmodi principali Festo fit tantum in eo loco, vel Ecclesia, cujus est Patronus, vel Titulus, aut Dedicationis, cum commemoratione Dominicae, excepta Dominica prima Adventus, Dominica prima Quadragesimae, Dominica Passionis, Dominica Palmarum, Dominica Paschae, Dominica in Albis, ac Dominica Pentecostes, et Trinitatis: in quibus hujusmodi occurrens Festum transfertur in sequentem diem similiter non impeditam: dummodo non fuerit infra majorem Hebdomadam, et per Octavam Paschae et Pentecostes: quibus diebus non fit de aliquo festo Duplici occurrente.

4. De Octava etiam, quando Festum IX. Lectionum, vel Dominica impeditur, fit commemoratio, nisi illud Festum IX. Lectionum fuerit solemne principale alicujus loci, ut supra. Nam in primis Vesperis, et Laudibus hujusmodi Festi nulla fit commemoratio festi Simplicis occurrentis, nec alicujus Vigiliae, (excepta Vigilia Epiphaniae) nec alicujus diei infra Octavam, nec alicujus praecedentis Festi IX. Lectionum (nisi id Festum fuerit ex iis, quae infra in hac eadem Rubrica

enumerantur) nec diei Octavae, nec Dominicae, si Festum illud solemne celebratur FERIA secunda, exceptis Dominicis Adventus, et Dominicis a Septuagesima usque ad Octavam Paschae inclusive, de quibus Dominicis, sicut etiam de feriis Adventus, Quadragesimae, Quatuor Temporum, et secunda Rogationum, semper fit commemoratio quocumque festo adveniente. Quod si hujusmodi Festum solemne venerit in quacumque Dominica, fit commemoratio de ea in utrisque Vesperis et Laudibus. Et similiter si occurrat in die Octava alicujus Festi habentis Octavam, de ea fiet commemoratio etiam in utrisque Vesperis, et Laudibus. In secundis autem Vesperis Festi praedicti fit commemoratio de Duplici, Semiduplici, et Dominica sequentibus, et non de aliis.

5. Idem servatur in quibusdam Festis majoribus per annum, scilicet in Nativitate Domini (in cujus Officio nulla fit commemoratio de S. Anastasia, sed in secunda tantum Missa), in Epiphania, in Pascha Resurrectionis cum tribus proximis antecedentibus, et duobus sequentibus diebus, in Ascensione Domini, in Pentecoste cum duobus sequentibus diebus, in festo Corporis Christi, in festis Nativitatis S. Joannis Baptistae, sanctorum Apostolorum Petri et Pauli, et Assumptionis B. Mariae, in festo omnium Sanctorum, et in festo Dedicationis propriae Ecclesiae, in quibus Festis fiunt commemorationes eo modo tantum, quo dictum est supra de festo solemni alicujus loci.

6. In festis autem secundi ordinis, videlicet, Circumcisionis, Trinitatis, Conceptionis, Purificationis, Annuntiationis, et Nativitatis B. Mariae, in Natalitiis XII. Apostolorum, et Evangelistarum, in festo S. Joseph, in festo Inventionis S. Crucis, et in festo S. Laurentii, et Dedicationis S. Michaelis Archangeli, in primis Vesperis fit commemoratio Festi Duplicis eo die celebrati, nisi aliter in propriis locis notetur: de Dominica vero, de die infra Octavam, et de Festis Semiduplicibus non fit commemoratio, eo modo quo nec in festo solemni alicujus loci, ut dictum est supra. De Simplicibus, et Vigiliis in his festis occurrentibus legitur IX. Lectio, et fit commemoratio in Laudibus tantum. In secundis autem Vesperis fit commemoratio de quocumque sequenti festo, etiam simplici, et de die infra Octavam, si de ea fieri debeat Officium die sequenti. De Octavis Nativitatis Domini, Epiphaniae, et Corporis Christi, semper fit commemoratio in utrisque Vesperis, et Laudibus, quodcumque contigerit infra illas de aliquo alio festo Officium celebrari juxta Rubricam de Octavis num. 3.

7. De Dominicis, et feriis Adventus, et Quadragesimae commemoratio fit in utrisque Vesperis, et Laudibus. De FERIIS Quatuor Temporum, Vigiliarum, et secunda Rogationum, quando de illis commemoratio fieri debet, fit in Laudibus tantum. De festis autem Simplicibus (nisi in diebus supradictis occurrant) commemoratio fit in primis Vesperis, et Laudibus eo die quo in Calendario assignantur. De aliis vero Dominicis per annum, et Octavis, commemoratio fit in utrisque Vesperis, et Laudibus, nisi concurrant cum supra enumeratis Festis.

8. Commemorationes fiunt hoc modo. Post Orationem diei, in primis Vesperis dicitur Antiphona, quae posita est ad Magnificat: et in Laudibus quae posita est ad Benedictus in Communi (si propriam non habuerit) conveniens ejus Officio, cujus fit commemoratio. Post Antiphonam dicitur Versus, inde sumendus, unde sumpta est Antiphona, scilicet post Hymnum Vesperarum, et Laudum, deinde dicitur Oratio. Si Antiphona, et Versus festi, de quo fit commemoratio, sumenda essent ex eodem Communi, unde sumpta sunt in Officio diei, in festo Commemorationes variantur, ita ut in

Rubricæ generales Breviarii.

Vesperis sumantur ex Laudibus, et in Laudibus ex primis Vesperis ejusdem Communis, nisi aliter signetur. Et similiter si in secundis Vesperis sanctae Agathae, aut alterius Sanctae novem Lectionum fieri debeat commemoratio B. Mariae pro ejus Officio in sequenti Sabbato celebrando, ne repetatur *V. Diffusa est gratia*, dicatur *V. Benedicta tu*, ex Laudibus. Si item occurrat, ut eadem sit Oratio festi, de quo fit Officium, et ejus de quo fit commemoratio, mutetur Oratio pro commemoratione in aliam de Communi. Si de Tempore fiat commemoratio, de Dominica scilicet, vel feria, Antiphona, et Versus ante Orationem eodem modo sumantur ex Proprio de Tempore, si habuerit proprium: alioquin de Psalterio: Oratio vero ex Proprio de Tempore.

9. Quando fit commemoratio de Dominica vel feria, quae habent propriam Homiliam, ix. Lectio in Officio diei novem Lectionum legitur de Homilia Dominicae, vel feriae, quae erit vel prima de Homilia, vel tres simul in una Lectione conjunctae.

10. Si in die, in quo fit Officium novem Lectionum, fiat commemoratio de Festo trium Lectionum, nona Lectio legitur de festo trium Lectionum si propriam habuerit, si duas, ex duabus fiat una Lectio, quae sit nona in Officio novem Lectionum. Quae Lectio de Sancto non legitur, quando de eo fit commemoratio in Dominicis, quae habent nonum Responsorium, nec quando nona Lectio legenda est de Homilia Dominicae, vel Feriae, ut supra, nec in Feriis, et aliis diebus, quando in Officio diei leguntur tantum tres Lectiones: nec etiam nona Lectio legitur de die infra Octavam: quando de ea fit commemoratio, in Dominica, vel aliquo Festo, licet habeat Evangelium proprium, et Homiliam.

11. Quando contingit fieri plures commemorationes, servetur hic ordo. De Duplici fiat ante Dominicam, de Dominica ante Festum Semiduplex, de Semiduplici ante diem infra Octavam, de die infra Octavam ante ferias Adventus, Quatuor Temporum, Vigiliarum, et Rogationum, et de dictis feriis ante Festum Simplex. De Sancta Maria (quando in secundis Vesperis festi novem Lectionum, quod Feria vi. celebratum sit, de ea fieri debet commemoratio pro Officio sequentis Sabbati) fiat ante Festum Simplex in Sabbato occurrens. De festo Simplici fit commemoratio ante Suffragia, seu communes commemorationes de Cruce, S. Maria, Apostolis, et Pace, et ante commemorationem cujuscumque Tituli, vel Patroni Ecclesiae, quae etiam pro sui dignitate aliis Suffragiis praedictis praeponeretur. De quibus Suffragiis, quomodo et quando facienda sint, habetur inferius propria Rubrica.

De Translatione Festorum. X.

1. **S**I aliquod Festum Duplex occurrat in Dominicis Adventus, et in Dominicis a Septuagesima usque ad Dominicam in Albis inclusive, in Vigilia Nativitatis Domini, in die Circumcisionis, in tota Octava Epiphaniae, in feria quarta Cinerum, in tota majori Hebdomada, et infra Octavam Paschae, in Ascensione Domini, in diebus a Vigilia Pentecostes usque ad festum Trinitatis inclusive, in festo Corporis Christi, et ejus die Octava, in festo Assumptionis B. Mariae Virginis, et omnium Sanctorum: transfertur in primam diem festo Duplici, vel Semiduplici non impeditam: exceptis tamen festis Nativitatis S. Joannis Baptistae, et Sanctorum Apostolorum Petri et Pauli, quae in die Octava Corporis Christi celebrantur: excepto quoque festo quocumque solemniori alicujus loci, quod in propria tantum Ecclesia, etiam in aliquibus ex supradictis diebus occurrens, scilicet, in Dominicis ii. iii. et iv. Adventus,

et Quadragesimae, Dominica Septuagesimae, Sexagesimae, et Quinquagesimae, et diebus infra Octavam Epiphaniae (ut in Rubrica de Commemorationibus dictum est) celebratur. Si autem festum Nativitatis S. Joannis Baptistae venerit in die Corporis Christi, transfertur in sequentem diem, cum commemoratione Octavae, et in secundis Vesperis Corporis Christi fit tantum commemoratio S. Joannis: sequentibus autem diebus fit Officium de eadem Octava Corporis Christi, cum commemoratione Octavae S. Joannis. Dies autem Octava S. Joannis tunc veniens in die Octava Corporis Christi, non transfertur, sed de illa eo anno fit tantum commemoratio in utrisque Vesperis, et Laudibus diei Octavae Corporis Christi; et id semper servetur quando festum habens Octavam transfertur, ut non ideo dies Octava transferatur, sed ipsa die de ea fiat commemoratio, quae alias erat Octava, si festum non fuisset translatum. Quod si festum post totam suam Octavam transferri contigerit, illo anno celebretur sine Octava: nisi Titularis Ecclesiae privilegio aliter fieri oporteat.

2. Si in die Octava alicujus festi habentis Octavam, occurrat aliquod festum Duplex ex majoribus supra in Rubrica de Commemorationibus enumeratis, fiat de Festo cum commemoratione diei Octavae: excepta die Octava Nativitatis Domini, et Epiphaniae, in quibus non fit de aliquo festo, sed transfertur in primam diem similiter non impeditam. Si autem non fuerit ex praedictis festis, fiat de Octava, et festum transferatur ut supra.

3. Si aliquod festum Duplex infra Octavam occurrat, alio majori festo Duplici impeditam, transferatur in primam diem similiter non impeditam, et in eo fiat commemoratio de Octava.

4. Si in aliis Dominicis per annum a supradictis occurrat festum Duplex, non transfertur, ut dictum est in Rubrica de Commemorationibus.

5. Festum Semiduplex occurrens diebus supradictis, et infra Octavam Corporis Christi, et aliis Dominicis per annum, transfertur in primam diem simili Officio non impeditam: occurrens vero in Dominicis infra illas Octavas, in quibus fit de festis occurrentibus, (ut dictum est in Rubrica de Octavis) transfertur in sequentem diem, cum commemoratione Octavae; quae si fuerit alio festo Duplici, vel Semiduplici impedita, praedictum festum Semiduplex veniens in Dominica, transfertur post Octavam: ita ut festum Semiduplex infra Octavam non transferatur, nisi in proxime sequentem diem.

6. Si duo, vel plura festa novem Lectionum simul eodem die veniant, fiat Officium de majori, id est de Duplici, et semiduplicia transferantur. At si omnia fuerint Duplicia, vel omnia Semiduplicia, in quo de digniori, seu solemniori, et quae minoris solemnitatis sunt, transferantur.

7. Si plura festa ix. Lectionum transferenda sint, prius transferatur Duplex, quam Semiduplex: et inter plura Duplicia, quod est magis solemne, semper prius transferatur, et prius celebretur: alioquin si sunt aequalia, unum ante aliud transferatur eo ordine, quo erant celebranda in propriis diebus.

8. Festum Simplex numquam transfertur: sed si de eo fieri non potest Officium, fiat commemoratio, ut dictum est in Rubrica de Commemorationibus: si autem venerit in illis diebus, in quibus de Simplici nulla fit commemoratio, eo anno non fit de eo amplius.

9. Si aliquod festum ix. Lectionum, in quo annotatum est fieri commemorationem alicujus Sancti, transferatur propter advenientem Dominicam, vel aliud festum majus, non tamen transfertur cum illo commemoratio illius Sancti in eo assignata: sed dicta commemoratio fit die suo in Dominica, vel alio festo, in

Rubricæ generales Breviarii.

quo fieri possit, cum ix. Lectione ejusdem, si propriam de vita Sancti habuerit: festum vero ix. Lectionum transfertur sine ulla amplius commemoratione Festi Simplicis praedicti. Quod etiam servatur in commemorationibus occurrentibus in Vigiliis, cum de Vigilia veniente in Dominica fit in Sabbato praecedenti: tunc enim commemoratio Festi Simplicis non fit in Officio Vigiliae, sed in Dominica.

De Concurrentia Officii. XI.

1. **C**oncurrentia Officii attendenda est semper in secundis Vesperis, quomodo sit ordinandum Officium cum sequenti die. Itaque cum dicitur Officium aliquod cum alio concurrere intelligitur de praecedenti in secundis Vesperis cum sequenti in primis Vesperis.

2. Duplici ergo in secundis Vesperis concurrente cum alio sequenti Duplici in primis, si utraque sint ejusdem solemnitatis, regulariter a Capitulo fit de sequenti, cum commemoratione praecedentis, nisi aliter in propriis locis annotetur. Si vero non sint ejusdem solemnitatis, servetur differentia in Rubricis de Commemorationibus, et Translatione Festorum assignata; ut scilicet festa majora habeant primas et secundas Vesperas integras, cum commemoratione minorum, quando de eis fieri debet. Si autem post aliquod festum ex iis, quae in secundo ordine posita sunt in Rubrica de Commemorationibus, sequatur immediate aliud ex solemnibus majoribus, Vesperae erunt de sequenti, cum commemoratione praecedentis. Inter Festa aequalis solemnitatis servetur hic ordo, ut festa Domini praeferantur omnibus aliis, et habeant utrasque Vesperas integras, sicuti festa B. Mariae, festis Sanctorum: item festa Angelorum et Apostolorum, ceteris aliis: et festa illorum Sanctorum, qui in propriis locis, vel Ecclesiis solemniter celebrantur, aliis in Calendario descriptis.

3. Duplici vero concurrente cum festo Semiduplici, cum Dominica, cum die infra Octavam, cum festo Simplicis, et cum Officio B. Mariae in Sabbato, omnia in ii. Vesperis de Duplici, cum commemoratione illorum, nisi illud Duplex fuerit de iis, quae excipiuntur in Rubrica de Commemorationibus, in quibus aliquae commemorationes omittuntur. Duplici etiam et quocumque Officio ix. Lectionum concurrente cum feria, vel potius sequente feria, omnia de Duplici, et nihil de feria sequenti. Sed si festum celebretur in Adventu, et Quadragesima, fit semper commemoratio de feria, ut infra dicitur. Idem dicendum in festis Simplicibus venientibus cum sequenti festo novem Lectionum, de quibus etiam commemoratio fit non ratione concursus, sed quia eodem die occurrunt, ut dictum est in Rubrica de Commemorationibus.

4. Semiduplici festo, Dominica, et die infra Octavam concurrentibus cum sequenti Duplici, omnia de Duplici cum commemoratione illorum; nisi Duplex fuerit ex numero majorum, quae supra in Rubrica de Commemorationibus numerata sunt, in quibus nulla fit commemoratio praecedentis. Semiduplici festo concurrente cum sequenti alio Semiduplici, cum Dominica, vel cum die infra Octavam, a Capitulo fit de sequenti, et commemoratio praecedentis, nisi aliter signetur. Semiduplici autem concurrente cum sequente festo Simplicis, vel cum Officio beatae Mariae in Sabbato, omnia de Semiduplici, cum commemoratione sequentis.

5. Dominica concurrente cum sequente festo Semiduplici, et cum die infra Octavam vel cum festo Simplicis omnia de Dominica cum commemoratione sequentis.

6. Die infra octavam concurrente cum sequente Dominica, vel Semiduplici, a Capitulo fit de sequenti cum commemoratione Octavae. Dies infra Octavam cum

Simplici proprie non habet concursum, quia in sequenti die infra Octavam fieri debet.

7. Die octava concurrente cum alia die Octava, a Capitulo fit de sequenti, cum commemoratione praecedentis, excepta Octava Corporis Christi concurrente cum Octava S. Joannis Baptistae, in qua de sequenti fit tantum commemoratio, et quando aliter in propriis locis notatur. Die Octava concurrente cum sequenti Duplici minori etiam translato, a Capitulo fit de sequenti, cum commemoratione Octavae. Concurrente vero cum sequente Duplici majori, etiam translato, totum Officium fit de sequenti, cum commemoratione Octavae: excepta die Octava Epiphaniae, Paschae, Ascensionis, et Corporis Christi, in quibus de sequenti fit tantum commemoratio. Si autem sequens festum etiam translato, fuerit ex solemnioribus supra enumeratis in Rubrica de Commemorationibus, in secundo ordine numero 6. totum Officium fit de sequenti, cum commemoratione Octavae.

8. Simplex cum alio non potest concurrere in secundis Vesperis (licet cum ipso possit esse concursus in primis Vesperis), quia non habet secundas Vesperas, sed ejus Officium terminatur ad Nonam, et deinceps nihil fit de eo nec commemoratio. Si sequatur aliud Simplex, Psalmi erunt de feria occurrente in Psalterio ad Vesperas, et a Capitulo fit de sequenti Simplicis sine ulla commemoratione praecedentis. Si sequatur Officium novem Lectionum, Vesperae totae erunt de eo sine ulla similiter commemoratione Simplicis praecedentis. Si nullum festum sequatur, subintrat Officium de Tempore, et Vesperae totae erunt de feria.

9. Feria non potest concurrere cum alio Officio in secundis Vesperis, neque cum ipsa potest esse concursus in primis Vesperis, quia ejus Officium incipit, et desinit, ubi desinit et incipit quodcumque aliud Officium. Quamvis proprie (si ei dandum est principium) sequente feria post aliam feriam, ejus Officium incipiat a Matutino, et terminetur sequente alia feria ad Completorium, et ideo si feria sequatur aliam feriam, in Vesperis praecedentis feriae nihil fit de sequenti, quoad ea quae in sequente feria sunt propria. Verbi gratia, si in Vesperis feriae iii. ante feriam quartam Cinerum fiat de feria, dicitur Oratio Dominicae praecedentis, non autem ea, quae est propria in sequenti feria quarta Cinerum, nec ante Orationem dicuntur Preces, quae dicendae sunt in dicta feria quarta Cinerum. Quod etiam fit, quando feria per annum praecedit feriam Quatuor Temporum, vel Vigiliarum. Hac etiam ratione superius dictum est in concurrentia aliorum Officiorum, cum feria nullum Officium concurrere, et nihil fieri de feria praecedenti, adveniente alio Officio. Si autem de ea aliquando fieri debeat commemoratio in Vesperis, non fit ratione concursus, sed quia eo die, quo Officium feriarum Adventus, et Quadragesimae impeditur, illarum commemoratio ratione temporis ex praeecepto Ecclesiae praetermitti non debet.

10. Cum vero occurrit, ut festum Simplex veniat in feria quarta et sexta Quatuor Temporum, in feria quarta Cinerum, et in Vigiliis quae jejunantur, Vesperae antecedentes (nisi ea die celebratum sit festum ix. Lectionum) erunt de feria communi per annum, non autem de sequenti, ut dictum est, cum commemoratione festi Simplicis in sequenti feria occurrentis. Quod ideo non fit, quia sequens feria habeat primas Vesperas: sed quia cum festum Simplex in sequenti die non habeat Officium propter feriam praedictam in eo occurrentem, nec etiam convenit illud habere primas Vesperas in praecedenti die. Et eadem ratione, si festum Simplex occurrat feria quinta in Coena Domini, in qua de eo non debet fieri commemoratio, nulla etiam fiet commemoratio in Vesperis feriae iv. praecedentis.

Rubricæ generales Breviarii.

De ordinando Officio ex praedictis Rubricis. XII.

1. **S**i quis velit ex supradictis Rubricis ordinare Officium occurrentis diei, videat in Calendario, et in Tabula Festorum Mobilium, de quo fiat officium sequenti die, et ut invenerit esse faciendum, sic ordinabit illud in Vesperis, et aliis Horis nocturnis, et diurnis.

2. Si ordinandum sit Officium de Tempore, id est, de Dominica, vel feria, recurrendum est semper ad Psalterium, ubi ordinate ponitur quod est commune Officii de Tempore, cum distributione Psalmorum: et ad Proprium de Tempore, ubi Lectiones et Responsoria, quaedam Antiphonae, et Orationes ponuntur, quae desunt in Psalterio. Invitatorium, Hymni, Capitula, Versus, Responsoria brevia, et Antiphonae, quae diversis temporibus ponuntur in Proprio, dicuntur loco eorum, quae sunt in Psalterio: cum vero propria non fuerint, dicuntur ut in Psalterio.

3. Si Officium sit ordinandum de Sancto, recurrendum est semper ad Commune Sanctorum; (nisi proprium habeat in Proprio Sanctorum): ubi pro qualitate Festi, si novem Lectionum, id est, Duplex, vel Semiduplex fuerit, omnia ordinate ponuntur, illis exceptis, quae propria suis locis habentur. Si Festum fuerit trium Lectionum (Nocturno Feriae, et Lectionibus exceptis) omnia sumuntur de eodem Communi. Tres Lectiones primi Nocturni in Officio novem Lectionum, et prima et secunda Lectio, vel prima tantum in festis trium Lectionum sumuntur de Scriptura in Officio de Tempore, nisi aliae in propriis locis ponantur.

4. In majoribus solemnitatibus, et festis per annum, totum Officium ordinatur ut in propriis locis ponitur.

5. In festis B. Mariae (omissis iis, quae propria in illis habentur) Hymni, novem Psalmi, et alia quaedam requirenda sunt ex Communi ejus Officio parvo, circa finem Breviarii.

6. Modus inchoandi Officium, dicendi Invitatorium, Hymnos, Antiphonas, et Versus habetur in principio Psalterii. Cum vero Antiphonae duplicandae sunt, dicuntur integre ante Psalmos, sicut in fine Psalmorum.

7. Modus dicendi Absolutiones, et Benedictiones ante Lectiones, legendi et terminandi Lectiones, dicendi Responsoria post Lectiones, ac Responsoria brevia post Capitula, habetur in prima Dominica de Adventu.

8. Quomodo sit inchoandum, et terminandum Officium per Horas, habetur in Psalterio: quomodo terminandum per Antiphonas B. Mariae, habetur in fine Completorii.

9. Sed ut haec omnia facilius habeantur, positae sunt sequentes Rubricae de singulis Horis, earumque partibus distincte cognoscendis.

De Matutino. XIII.

1. **A**d Matutinum haec per ordinem regulariter dicuntur, secundum diversitatem Officii, nisi aliter in quibusdam diebus annotetur: Pater noster, Ave Maria, Credo, omnia secreto: deinde clara voce Hebdomadarius dicit, Domine, labia mea, etc. pollice signando sibi os signo Crucis: Deus in adjutorium etc. manu extensa signando se signo Crucis a fronte ad pectus, et a sinistro humero usque ad dextrum (quod servatur in principio omnium Horarum, cum dicitur, Deus in adjutorium) cum Gloria Patri, et aliis, ut in principio Psalterii. Deinde dicitur Invitatorium conveniens Officio de Tempore, vel Sancto, quod dicitur cum Psalmo, Venite exultemus, eo modo quo in principio Psalterii describitur. Dicto Psalmo, et repetito Invitatorio, dicitur Hymnus, qui Officio de Tempore vel de Sancto convenit.

2. Postea in Duplicibus, et Semiduplicibus dicuntur novem Psalmi (sed in Dominicis plures, ut in Psalterio) cum suis Antiphonis, et Versibus, quae tempori, vel festo conveniunt, et totidem Lectiones cum octo Responsoriis, aliquando cum novem, ut suis locis ponitur, per tres Nocturnos distinctos, hoc modo.

3. In primo Nocturno dicuntur tres Psalmi cum tribus Antiphonis, post singulos Psalmos una Antiphona: sed Tempore Paschali, id est, a Dominica in Albis usque ad Pentecosten (praeterquam in Officio Ascensionis Domini) tres Psalmi cujusque Nocturni dicuntur sub una Antiphona: et in fine Psalmorum post ultimam Antiphonam cujusque Nocturni dicitur Versus, postea Pater noster. Et ne nos; Absolutio, Exaudi: Benedictio, Benedictione perpetua, et aliae ad singulas Lectiones, ut in prima Dominica de Adventu ordinantur. Deinde leguntur tres Lectiones de Scriptura, quae per ordinem in Officio de Tempore occurrunt (nisi aliae assignentur) et ad singulas Lectiones dicitur unum Responsorium conveniens Officio, si de tempore, ut in Proprio Temporis: si de Sancto, ut in Proprio Sanctorum: alioquin ut in Communi, etiam si Lectiones primi Nocturni sint de Scriptura Officii de Tempore.

4. In fine ultimi Responsorii cujusque Nocturni dicitur, Gloria Patri, cum repetitione partis Responsorii eo modo, quo notatur in tertio Responsorio primae Dominicae de Adventu: nisi aliter in propriis locis signetur.

5. In secundo Nocturno dicuntur alii tres Psalmi, Antiphonae, Versus, Pater noster, Absolutio, Ipsius pictas, et ei consequentes Benedictiones, ut in dicta Dominica prima de Adventu: tres Lectiones de aliquo Sermone, aut de vita illius Sancti, de quo fit Officium, et ad quamlibet Lectionem unum Responsorium.

6. In tertio Nocturno alii tres Psalmi cum Antiphonis, ut supra post tertiam Antiphonam, Versus, Pater noster, Absolutio, A vinculis, et Benedictiones consequentes ad singulas Lectiones, quae erunt de Homilia Evangelii de Tempore, vel de Festo, secundum qualitatem Officii, ut in eadem prima Dominica de Adventu ponuntur. Post vii. et viii. Lectionem dicitur Responsorium Officio conveniens, id est, post quamlibet unum: aliquando autem dicitur etiam post nonam Lectionem, ut suis locis notatur: et in fine ultimi Responsorii, aut octavi, aut noni dicitur, Gloria Patri, ut supra, nisi aliter signetur. Si non dicitur novum Responsorium, post ultimam Lectionem dicitur Hymnus, Te Deum.

7. In Officio trium Lectionum, ad Matutinum, Pater noster, Ave Maria, Credo, Domine labia, etc. Invitatorium, et Hymnus in Feriali Officio de Feria, si non sint in Proprio de Tempore, dicuntur ut in Psalterio: in Festis de festo, ut in Communi Sanctorum: deinde Nocturnum Feriae, ut in Psalterio id est duodecim Psalmi cum sex Antiphonis, et tempore Paschali cum una Antiphona, Alleluja: qui dicuntur tam in Officio Feriali, quam in Festis Simplicibus.

8. Post Psalmos, et Antiphonas dicitur Versus in Feriali Officio, ut in Psalterio: in festis, ut in Communi Sanctorum, qui in festis sumitur secundum Ferias ex Nocturno Communis, unde sumuntur Responsoria, ut dicitur infra in Rubricis de Versibus, et Responsoriis. Post Versum dicitur Pater noster, Absolutio, et Benedictiones, ut habetur infra in Rubrica de Absolutionibus, et Benedictionibus. Tres Lectiones (si non adsit Homilia) singulae in Officio Feriali dicuntur de Scriptura, quae eo die occurrit in Proprio de Tempore: si adsit Homilia, singulae tres de Homilia. In festis, prima et secunda de eadem Scriptura, tertia de Sancto. Si fuerint duae Lectiones de Sancto, prima tantum erit de Scriptura, reliquae de Sancto.

Rubricæ generales Breviarii.

9. Post singulas Lectiones in Feriis extra tempus Paschale dicitur unum Responsorium, ita ut dicantur tria Responsoria: tempore vero Paschali, et in Festis, duo tantum Responsoria dicuntur, scilicet post primam, et secundam Lectionem tantum. In fine ultimi Responsorii, secundi scilicet, aut tertii, dicitur Gloria Patri, cum repetitione partis Responsorii, nisi aliud notetur. Quae Responsoria in Officio de Sanctis sumuntur ex Communi Sanctorum, in feriali Officio ex Dominicis, quando propria per ferias non distribuuntur, ordine descripto in Rubrica de Responsoriis. Quando non dicitur tertium Responsorium, post tertiam Lectionem dicitur Hymnus Te Deum.

De Laudibus. XIV.

1. **A**D Laudes dicto Hymno Te Deum, vel ultimo Responsorio, Hebdomadarius absolute dicit: Deus in adiutorium, etc. ut supra, et dicuntur Psalmi, et Canticum Benedicite, vel aliud, ut habetur in Feriali Officio extra tempus Paschale, cum Antiphonis Officio convenientibus. Qui Psalmi, et Canticum in Dominicis per annum (exceptis Dominicis a Septuagesima usque ad Dominicam Palmarum inclusive) et in feriali Officio temporis Paschalis, ac in festis tam novem, quam trium Lectionum, dicuntur de Dominica, ut in Psalterio. In praedictis vero Dominicis a Septuagesima usque ad Dominicam Palmarum inclusive, dicuntur ut suis locis ponitur. In feriali Officio per annum, extra tempus Paschale, dicuntur ut in Psalterio.

2. Antiphonae in Dominicis, quando propriae non assignantur, dicuntur ut in Psalterio. In Festis novem, et trium Lectionum, si non adsint propriae, dicuntur de Communi. Post Psalmos dicitur Capitulum, Hymnus, Versus, Antiphona ad Canticum Benedictus, cum eodem Cantico, et Oratio, omnia pro qualitate Officii de Tempore, vel de festo.

3. Preces quando dicendae sunt, dicuntur ante primam Orationem. Commemorationes vero de Cruce, de S. Maria, de Apostolis, de Patrono, et de Pace, similiter quando dicendae sunt, dicuntur post Orationem, nisi alia commemoratio festi Simplicis occurrat, quae semper praedictas Commemorationes praecedat, de quibus in propriis Rubricis dicitur.

4. Ante Orationem dicitur Dominus vobiscum, et Oremus. Post ultimam Orationem repetitur Dominus vobiscum: deinde Benedicamus Domino, et Versus Fidelium animae, Pater noster, Dominus de nobis suam pacem, et Antiphona beatae Mariae, ut habetur in fine Completorii, si tunc discedendum sit a Choro: alioquin in fine ultimae Horae, nisi sequatur Missa, vel Officium Defunctorum vel Psalmi Poenitentiales, aut Litaniae, ut in propria Rubrica dicitur.

De Prima. XV.

1. **A**D Primam, Pater noster, Ave Maria, Credo secreto, Deus in adiutorium, etc. Hymnus Jam lucis orto sidere. Deinde inchoatur Antiphona, quae convenit. Sumuntur autem Antiphonae in Festis ad omnes Horas ex Laudibus per ordinem, quarta praetermissa, ut dicitur infra in Rubrica de Antiphonis. Postea dicuntur Psalmi, qui in Dominicis et feriis dicuntur ut in Psalterio. In Festis autem, et tempore Paschali, tres tantum, ut etiam ibi annotatur.

2. Post Antiphonam dicitur Capitulum Regi saeculorum. In feriali Officio, extra tempus Paschale, dicitur Capitulum Pacem. Deinde Responsorium breve, Christe Fili Dei vivi, etc. Post R. breve in Officio Duplici, et infra Octavas statim dicitur Oratio Domine Deus omnipotens. In alio Officio dicitur, Kyrie eleison, cum reliquis Precibus: omnia ut in Psalterio. Ad V.

autem Adjutorium, Hebdomadarius signat se signo Crucis, a fronte ad pectus. Quando aliquis solus recitat Officium, semel tantum dicit Confiteor, omissis illis verbis, Tibi pater, et vobis fratres, et Te pater, et vos fratres, et similiter dicit, Misereatur nostri, peccatis nostris, perducatur nos, quod etiam servatur ad Completorium. In feriali Officio quando dictae sunt Preces ad Laudes, adduntur aliae Preces, ut ibidem in Psalterio.

3. Post Orationem Primae, vel si dicatur Officium beatae Mariae, post illius Orationem dicto Benedicamus, in Choro legitur Martyrologium, deinde dicitur Pretiosa, cum reliquis, quae etiam dicantur ab iis, qui extra Chorum non legerint Martyrologium. In fine ad Absolutionem Capituli, in Festis, et aliquibus diebus pro Lectione brevi dicitur Capitulum Nonae, si adsit proprium, alioquin de Communi: alio tempore tam in Dominicis, quam feriis, Lectio brevis Officio illius temporis in Psalterio assignata.

De Horis, Tertia, Sexta, et Nona. XVI.

1. **A**D Tertiam, Sextam, et Nonam, ante singulas Horas dicitur Pater noster, Ave Maria, Deus in adiutorium, Hymnus, et Psalmi, ut in Psalterio. Antiphonae secundum Officii qualitatem, ordine quo supra. Dictis Psalmis, et Antiphona, dicitur Capitulum, et R. breve pro qualitate Officii: quae in Dominicis et Feriis, quando non habentur propria in Proprio de Tempore, dicuntur ut in Psalterio: in Festis, si in Proprio Sanctorum non sint propria, sumuntur de Communi. Post R. breve dicitur Dominus vobiscum, et Oratio, quae habetur in Proprio de Tempore, si autem fit de Sancto, ut in Proprio Sanctorum; alioquin ut in Communi.

2. Post Orationem repetitur Dominus vobiscum, et dicitur Benedicamus Domino, Fidelium animae, et Pater noster, secreto: ut infra in Rubrica de Oratione Dominica explicatur.

De Vesperis. XVII.

1. **A**D Vesperas, Pater noster, Ave Maria, Deus in adiutorium, etc. Deinde dicuntur quinque Psalmi, cum quinque Antiphonis, ut in Proprio, aut Communi Sanctorum signantur. In Dominicis autem et Feriis, Antiphonae et Psalmi semper dicuntur, ut in Psalterio, (ubi etiam tempore Paschali Psalmi dicuntur sub una Antiphona Alleluja) nisi aliae propriae Antiphonae, vel Psalmi, (ut in Dominicis Adventus, et triduo ante Pascha) assignentur.

2. Post Psalmos et Antiphonas, dicitur Capitulum, Hymnus, Versus, Antiphona ad Magnificat, cum eodem Cantico, et Oratio: omnia de Tempore, vel de Sancto, pro qualitate Officii.

3. Preces quando dicendae sunt, dicuntur ante Orationem: Commemorationes vero de Cruce, sancta Maria, Apostolis, Patrono, et Pace, post Orationem, ut in propriis Rubricis habetur. Terminatur autem Officium Vesperarum, ut in aliis Horis.

De Completorio. XVIII.

1. **A**D Completorium absolute dicitur Lectio brevis, ut in Psalterio; deinde Pater noster, Confiteor, Misereatur, Indulgentiam, Convertite, Deus in adiutorium, Antiphona, Psalmi, Hymnus, Capitulum, Responsorium breve, Canticum cum Antiphona, omnia ut in fine Psalterii, et post Antiphonam in Duplicibus, et infra Octavas dicitur Oratio: in alio autem Officio, ante Orationem dicitur Kyrie eleison, cum reliquis Precibus, ut ibidem in Psalterio.

2. Post Versum Benedicat, et custodiat nos, etc. dicitur una ex Antiphonis B. Mariae, cum versiculo et Oratione, ut ibidem, et dicto Versu Divinum auxilium, dicitur secreto Pater noster, Ave Maria, et Credo.

Rubricæ generales Breviarii.

De Invitatorio. XIX.

1. **I**nvitatorium semper dicitur in omni Officio ad Matutinum, cum Psalmo *Venite, exultemus*, ordine in principio Psalterii descripto. Sed variatur pro Officii qualitate, ut in Psalterio, et proprio de Tempore, ac in proprio, et Communi Sanctorum.

2. Non dicitur in die Epiphaniae, nec in triduo ante Pascha, ut suis locis notatur: nec in Officio Defunctorum per annum, excepto die Commemorationis omnium fidelium Defunctorum, ac in die obitus, seu depositionis Defuncti, et quandocumque dicuntur tres Nocturni.

De Hymnis. XX.

1. **H**ymni semper dicuntur in qualibet Hora, praeterquam a triduo ante Pascha, usque ad Vesperas Sabbati in Albis exclusive, et praeterquam in Officio Defunctorum.

2. Ad Matutinum Hymnus dicitur post Psalmum *Venite*, repetito Invitatorio, praeterquam in die Epiphaniae. Ad Laudes et Vesperas dicitur post Capitulum. Ad Horas ante Psalmos. Ad Completorium post Psalmos et Antiphonam.

3. Dicuntur autem in Officio de Tempore, ut in Psalterio, quando proprii Hymni in Proprio de Tempore non adsunt: qui Hymni de Psalterio in Dominicis, et Feriis assignati, dicuntur ab Octava Pentecostes usque ad Adventum (Dominica infra Octavam Corporis Christi excepta), et ab octava Epiphaniae usque ad Dominicam primam Quadragesimae exclusive. In Officio de Sanctis dicuntur, ut in Communi Sanctorum, nisi proprii in Proprio Sanctorum habeantur.

4. In Nativitate Domini usque ad Epiphaniam, in festo Corporis Christi, et per octavam, et quandocumque fit Officium beatae Mariae tam novem, quam trium Lectionum, etiam tempore Paschali, in fine omnium Hymnorum (praeterquam in fine Hymni *Ave maris stella*, et Hymni ad Laudes in festo Corporis Christi, qui habet ultimum versum proprium) dicitur, *Jesu, tibi sit gloria, Qui natus es de Virgine*, ut in ejus Officio parvo, etiam si dicantur Hymni de Sanctis, qui infra octavas praedictas celebrantur, dummodo Hymni illi sint ejusdem metri, nec habeant ultimum versum proprium, ut Hymnus sanctae Crucis ad Vesperas, et plurimorum Martyrum ad Matutinum.

5. In Epiphania Domini, et per octavam, in fine omnium Hymnorum dicitur, *Jesu, tibi sit gloria, Qui apparuisti Gentibus*.

6. A Dominica in Albis usque ad Ascensionem, in Pentecoste, et per octavam, in fine omnium Hymnorum dicitur, *Deo Patri sit gloria. Et Filio, qui a mortuis*, etiam in festis Sanctorum eodem tempore Paschali occurrentium: dummodo Hymni sint ejusdem metri, nec habeant ultimum versum proprium, qui non mutatur, ut supra.

7. In Ascensione autem usque ad Pentecosten, (praeterquam in Hymno *Salutis humanae Sator*) dicitur *Jesu, tibi sit gloria, Qui victor in coelum redis*, similiter etiam in festis tunc occurrentibus.

8. In Transfiguratione Domini dicitur *Jesu, tibi sit gloria, Qui te revelas parvulis*. Aliis temporibus terminantur Hymni, ut suis locis ponitur.

De Antiphonis. XXI.

1. **A**d omnes Horas nocturnas, et diurnas semper cum Psalmis dicuntur Antiphonae, vel una, vel plures, pro diversitate Officii, et Horarum.

2. Si de tempore fiat Officium, id est, de Dominica aut Feria, dicuntur Antiphonae, ut in Psalterio, quae cum Psalmis positae in Vesperis Dominicae, et feria-

rum, in Completorio, et in Nocturnis (etiam quando fit Officium de festo trium Lectionum, id est Simplici) numquam mutantur, nisi tempore Paschali, in quo dicitur una tantum Antiphona *Alleluja*, excepto etiam tempore Adventus, in quo ad Vesperas, et Nocturnos Dominicae ponuntur Antiphonae propriae. In Laudibus, et aliis Horis mutantur, pro diversitate temporum, ut in Proprio de Tempore habentur: cum vero non assignantur propriae, semper dicuntur, quae positae sunt in Psalterio.

3. Antiphonae, quae in Proprio de Tempore in Sabbatis ponuntur ad *Magnificat* pro prima Dominica alicujus mensis, sumendae sunt ex ea Dominica, quae est proximior Kalendis, vel est in Kalendis illius mensis, ut dictum est supra in Rubrica de Dominicis, ac etiam in Rubrica mensis Augusti: et semper in Sabbato ponitur Antiphona ad *Magnificat*, quae contigua est libro Scripturae in Dominica ponendo.

4. In festis novem Lectionum ad Vesperas dicuntur Antiphonae de Laudibus, nisi propriae in Vesperis assignentur. Ad Horas similiter tam in Officio de Tempore, quam de Sanctis, quando habentur propriae in Laudibus, et aliae propriae non fuerint ad Horas, sumuntur ex Laudibus, quarta praetermissa, hoc ordine: Ad Primam, prima: ad Tertiam, secunda: ad Sextam, tertia: ad Nonam, quinta.

5. In feriis Adventus, quae non habent in Laudibus Antiphonas proprias, sumuntur ad Horas ex Laudibus Dominicae praecedentis. Ubi vero in Laudibus feriarum fuerint propriae, sumuntur ex ipsis Laudibus.

6. Tempore Paschali in Officio tam novem, quam trium Lectionum, Psalmi cujuslibet Nocturni dicuntur sub unica Antiphona, quae Officio convenit, ut suis locis ponitur: et in fine omnium Antiphonarum additur *Alleluja*, quando in illis non habetur. A Septuagesima usque ad Pascha, ubi habetur *Alleluja*, tacetur, neque aliud ejus loco dicitur.

7. In Duplicibus ad Vesperas, Matutinum, et Laudes tantum Antiphonae dicuntur ante Psalmos, vel Cantica integrae et post Psalmos, vel Cantica integrae repetuntur, in aliis Horis, et in Officio non Duplici, in principio Psalmi, vel Cantici, inchoatur tantum Antiphona, deinde in fine integra dicitur. Et quando Antiphona sumitur ex principio Psalmi, vel Cantici, et incipit sicut Psalmus, vel Canticum, post Antiphonam non repetitur principium Psalmi, vel Cantici, sed continuatur quod sequitur in Psalmo, vel Cantico, ab eo loco ubi secundum ritum dici desinit Antiphona, nisi discontinuetur per *Alleluja*.

8. Antiphonis propriis, tam in Officio de Tempore, quam de Sanctis, semper cedunt, quae habentur in Psalterio, et in Communi Sanctorum.

9. Quando fit aliqua commemoratio, semper dicitur Antiphona ante Orationem cum Versu, quae sumitur ex Officio, quod convenit ei, de quo fit commemoratio: ita ut in Vesperis sumatur Antiphona, quae assignatur ad *Magnificat*, in Laudibus, quae ad Benedictus, cum Versibus, qui habentur post Hymnum.

10. Antiphonae sanctae Mariae positae in fine Completorii, dicuntur ut inferius in propria Rubrica disponitur.

De Psalmis. XXII.

1. **P**salmi in Officio de Tempore per omnes Horas in Dominicis et feriis dicuntur eo modo, quo distributi sunt in Psalterio, nisi aliquando aliter in Proprio de Tempore signentur. In festis autem dicuntur, ut in propriis locis signantur: alioquin, ut in Communi Sanctorum.

Rubricæ generales Breviarii.

2. Psalmi ad Laudes de Dominica cum Cantico Benedicite, dicuntur in omnibus festis per annum, et in feriis temporis Paschalis.

3. Psalmus Confitemini, dicitur ad Primam cum aliis Psalmis in Psalterio assignatis, in omnibus Dominicis (quando Officium fit de Dominica, ut in Psalterio: etiam in Dominicis quae occurrunt infra octavas Sanctorum) a tertia Dominica post Pentecosten inclusive, usque ad Nativitatem Domini exclusive: et a secunda Dominica post Epiphaniam inclusive, usque ad Septuagesimam exclusive: a Septuagesima autem usque ad Pascha, ejus loco dicitur Psalmus Dominus regnavit, quia Psalmus Confitemini, tunc dicitur ad Laudes post Psalmum Miserere, ut suo loco ponitur. In Dominicis vero temporis Paschalis a Dominica in Albis inclusive, usque ad Ascensionem exclusive, dicuntur tantum tres Psalmi sicut in festis, addito Symbolo Sancti Athanasii. Alii Psalmi per singulas ferias distributi ad Primam, dicuntur singuli loco Psalmi Confitemini, in feriali tantum Officio, quando de feria agitur extra tempus Paschale. In feriis vero temporis Paschalis, in festis per annum, et in Sabbato, sive de sancta Maria, sive de Feria fiat Officium, dicuntur tantum tres Psalmi, scilicet Deus in nomine tuo, Beati immaculati, et Retribue: etiam si festum Duplex celebretur in Dominica.

4. In Dominicis autem, quando Officium fit de Dominica, ut in Psalterio, post Psalmos additur semper Symbolum sancti Athanasii Quicumque, ut infra in propria Rubrica dicitur.

5. Psalmi Horarum, scilicet ad Tertiam, Sextam, et Nonam, et ad Completorium numquam mutantur, ut in Psalterio, sive de Sanctis, sive de Tempore fiat Officium.

6. Psalmi de Dominica ad Vesperas, ut plurimum dicuntur in Vesperis festorum, excepto ultimo, qui mutatur: cum vero aliter fieri debet, suis locis notatur. In Vesperis infra octavam dicuntur Psalmi, ut in secundis Vesperis festi; sed in primis Vesperis diei Octavae, dicuntur ut in primis Vesperis festi, nisi aliter notetur.

7. In fine Psalmorum semper dicitur Gloria Patri, praeterquam in Psalmo Deus meus, ad te de luce vigilo: et in Psalmo Laudate Dominum de coelis, qui conjunguntur cum aliis psalmis, et in fine ultimi tantum dicitur Gloria Patri, ut suis locis notatur. Praeterea non dicitur in triduo majoris Hebdomadae ante Pascha, nec in Officio Defunctorum, cujus loco pro Defunctis dicitur Requiem aeternam dona eis, Domine, etiam si fiat Officium pro uno tantum.

8. Ut sacrae Vulgatae editionis puritas inconfusa et illabata servetur, etiam quoad interpunctiones, et distinctiones in sacris Bibliis appositae, additus est Asteriscus *, ut sit nota musicae partitionis in medio versu.

De Canticis. XXIII.

1. **C**antica dicuntur in Officio de Tempore, tam de Dominicis, quam feriis ad Laudes, Vesperas, et Completorium, ut in Psalterio distribuuntur.

2. In festis, et tempore Paschali ad Laudes semper dicitur Canticum Benedicite, ut in Dominica; et in fine ejus non dicitur Gloria Patri, sicut in aliis Canticis dicitur, nec respondetur Amen. Alia Cantica ferialia, ut in Psalterio, ad Laudes non dicuntur, nisi quando fit Officium de feria extra tempus Paschale.

3. Cantica Benedictus, Magnificat, et Nunc dimittis, semper dicuntur suo loco, ut in Psalterio.

De Versibus. XXIV.

1. **V**ersus semper dicuntur ad Matutinum post ultimum Psalmum, et Antiphonam Nocturnorum, sive in Officio dicantur tres Nocturni, sive unus. Ad Laudes, et Vesperas Versus dicitur post Hymnum: ad Horas dicitur in Responsorio brevi post repetitionem partis Responsorii, dicto Gloria Patri.

2. In Pascha Resurrectionis et per octavam usque ad Vesperas Sabbati in Albis exclusive, in Nocturno tantum dicitur Versus, in aliis Horis non dicitur, ut ibidem.

3. Quando fit aliqua Commemoratio, semper post Antiphonam ejus, de quo fit commemoratio, dicitur Versus, qui in ejus Officio ponitur post Hymnum Vesperarum, et Laudum, nisi aliter notetur.

4. Versibus praedictis tempore Paschali, semper additur Alleluia: non autem Versibus Precum, nec in Pretiosa ad Primam, neque in Versibus Responsorium Matutini.

5. In Officio festi trium Lectionum, post omnes Psalmos feriales cum Antiphonis dicitur Versus de Communi Sanctorum, hoc ordine: Feria secunda et quinta Versus primi Nocturni: feria tertia et sexta Versus secundi Nocturni: feria quarta Versus tertii Nocturni.

6. Versus positi in Psalterio ad Laudes, et Vesperas, semper dicuntur, quando alii proprii non assignantur in Proprio de Tempore.

De Absolutionibus et Benedictionibus ante Lectiones. XXV.

1. **A**bsolutiones et Benedictiones dicuntur per ordinem in Officio novem Lectionum ante Lectiones, ut in prima Dominica de Adventu ponuntur, scilicet, post Versum, dicto Pater noster, Et ne nos, dicitur Absolutio, et Benedictiones, ut ibi, praeterquam in Matutinis tenebrarum majoris Hebdomadae, et in Officio Defunctorum, in quibus Absolutio, et Benedictiones non dicuntur.

2. Si fiat officium trium Lectionum, et sit de Feria, in qua singulae tres Lectiones sunt de Scriptura, Absolutio et Benedictiones sumuntur ex prima Dominica de Adventu, hoc ordine: Feria secunda et quinta dicitur Absolutio, et Benedictiones primi Nocturni: Feria tertia et sexta secundi Nocturni: Feria quarta et Sabbato, tertii Nocturni.

3. Si autem singulae tres Lectiones sint de Homilia super Evangelium, Absolutio dicitur secundum Ferias, ut supra: Benedictiones vero semper dicuntur, ut in tertio Nocturno, scilicet, prima Benedictio erit Evangelica lectio: secunda Divinum auxilium: tertia Ad societatem. Si fit de Sancto trium Lectionum, Absolutio dicitur secundum ferias, ut supra: Benedictiones vero semper dicuntur, ut in tertio Nocturno, hoc modo: prima Ille nos benedicat: secunda Cujus, vel Quorum, vel Quorum festum colimus: tertia Ad societatem.

4. Quando fit Officium sanctae Mariae in Sabbato, Absolutio et Benedictiones dicuntur, ut habentur in ejus Officio parvo circa finem Breviarii.

De Lectionibus. XXVI.

1. **L**ectiones leguntur ad Matutinum dictis Psalmis Nocturnorum, cum Antiphonis, Versibus, Absolutionibus quoque, et Benedictionibus, ut supra. In Duplicibus, et Semiduplicibus dicuntur novem Lectiones, id est in quolibet Nocturno tres: in feriis, et festis Simplicibus leguntur tantum tres Lectiones.

2. In Officio novem Lectionum dicuntur hoc modo. In primo Nocturno semper leguntur tres Lectiones de

Rubricæ generales Breviarii.

Scriptura; quae quando suis locis propriae, aut de Communi Sanctorum non assignantur, semper leguntur ut in Officio de Tempore, quae sua quaque die occurrunt legendae. In secundo Nocturno, si fit de Sancto, tres Lectiones leguntur de vita Sancti, vel de aliquo Sermone, aut Tractatu, qui ei convenit; quae si non adsint propriae, leguntur ex Communi Sanctorum. Ex quo etiam Communi completur numerus trium Lectionum, quando Officium fit novem Lectionum de aliquo Sancto, qui habet tantum unam, vel duas Lectiones proprias. Si fit de Dominica, vel de alio Officio novem Lectionum per annum, etiam de Octava, leguntur tres Lectiones de Sermone, aut Tractatu, qui in illis ponitur. In tertio Nocturno semper leguntur tres Lectiones de Homilia in Evangelium positae in Proprio, aut ex Communi assignatae, et primae Lectioni de Homilia semper praepositum principium Evangelii, de quo est Homilia, etiam infra octavas. Excipiuntur ab hoc ordinario Lectionum, Matutina tenebrarum ante Pascha, et Defunctorum, ut in suis Officiis ponitur.

3. Si in Officio novem Lectionum, in quo non dicitur nonum Responsorium, contingat fieri commemorationem de aliquo Sancto, qui propriam habet Lectionem, nona Lectio legitur de Sancto: si habuerit duas Lectiones, ex duabus fiat una Lectio, ommissa nona Lectione in dicto Officio novem Lectionum, vel octavae Lectioni adjuncta. Quod si eodem die occurrat Dominica, vel feria, quae habeat Homiliam, nona Lectio Sancti omittitur, et ejus loco legitur Homilia Dominicae, vel feriae, scilicet vel prima Lectio de Homilia, vel tres simul in unam Lectionem conjunctae.

4. In Officio trium Lectionum, si fit de feria, tres Lectiones leguntur de Scriptura, nisi tres sint de Homilia, quia tunc ommissis Lectionibus de Scriptura, leguntur de Homilia. Si fit de Sancto, qui habet duas Lectiones, prima tantum erit de Scriptura, ut vel legatur una, vel ex tribus simul junctis fiat una: secunda, et tertia de Sancto. Si unam tantum habuerit, vel propriam, vel ex Communi assignatam, prima et secunda erunt de Scriptura, tertia de Sancto: quod etiam servatur in Officio beatae Mariae in Sabbato.

5. Lectiones autem de Scriptura in Officio de Tempore sic distributae sunt per annum, ut quotidie aliquid ex ea legatur, etiam in Officio de Sanctis, quando aliae (ut dictum est) non assignantur.

6. Initia Librorum Sacrae Scripturae (qui fere semper in Dominicis inchoantur) eo die ponuntur, quo notata sunt, etiam si fiat Officium de Sancto, nisi in festo aliae propriae Lectiones Scripturae, vel de Communi assignentur: tunc enim initium Lectionis de Scriptura transfertur in sequentem diem similiter non impeditam, et Lectiones illi diei de eadem Scriptura assignatae, vel cum superioribus Lectionibus legantur, vel omittantur: ita ut non oporteat eas amplius in alio sequenti die resumere, sed illae legantur, quae sua quaque die occurrunt, aut cum eisdem jungantur. Quod semper servetur, quando Lectiones occurrentes de Scriptura aliquo die omittuntur.

7. Cum autem initium alicujus Epistolae Catholicae tempore Paschali, aut alicujus Prophetiae minoris mense Novembri, infra Hebdomadam illorum temporum impeditur aliquo festo novem Lectionum habente proprias Lectiones de Scriptura, dictum initium Epistolae, et Prophetiae, quoad commodum fieri poterit, ponatur in sequenti feria, alio simili initio Scripturae ponendo, vel festo non impedita, alioquin in praecedenti similiter non impedita, ita ut aliquo modo ponatur etiam si plura initia eodem die poni oporteat.

8. De Scriptura quoque tantum est positum, quantum satis videtur pro numero Hebdomadarum, quae esse possunt, et inter Epiphaniam et Septuagesimam,

et inter Pentecosten et Adventum: ubi vero contingit minui numerum Dominicarum, et Hebdomadarum post Epiphaniam, adveniente Dominica Septuagesimae, quod superest de Epistolis B. Pauli, quae distributae sunt pro numero dictarum Dominicarum, et Hebdomadarum, eo anno omittitur, quamvis de aliquibus Epistolis nihil sit lectum. Quod etiam fit de Scriptura et libris Regum (de quibus legitur ab Octava Pentecostes usque ad Dominicam primam Augusti) cum non expletur numerus Dominicarum post Pentecosten, de eis Libris annotatus usque ad mensem Augusti, quia tunc Lectionibus de his libris omissis, legitur de Scriptura, quae ponitur mense Augusti. Quod si fiat de aliqua Dominica post Epiphaniam anticipate in feria, eo modo quo dictum est de Dominicis numero 4. et 5. tunc post Officium Dominicae anticipatae, in sequentibus diebus legatur de Epistolis S. Pauli assignatis Dominicae anticipatae, et sequentibus feriis, omissis aliis, quae sunt assignatae praecedenti Hebdomadae. Quid autem observandum sit, cum mensis, cui quinque Dominicae assignantur, non habuerit nisi quatuor, in propriis locis notatur.

9. Lectiones de Scriptura positae in Communi Sanctorum, leguntur in festis, ubi assignantur in Proprio Sanctorum per annum. Rursus quando aliquod festum in propria Ecclesia solemniter celebratur: item quando aliquod festum novem Lectionum occurrit in Quadragesima, et Quatuor Temporibus, in secunda feria Rogationum, et in Vigilia Ascensionis, in quibus feriis in Officio de Tempore non assignantur Lectiones de Scriptura, sed de Homilia: tunc enim in festis recurrendum est ad Lectiones de Scriptura positas in Communi Sanctorum. Quod si in aliquibus ex supradictis feriis occurrat dies Octava alicujus festi habentis Octavam, tunc in primo Nocturno diei Octavae repetantur Lectiones, quae in primo Nocturno festi lectae fuerunt: si vero occurrat dies infra octavam, tunc sumantur de Communi. Aliae Lectiones secundi, et tertii Nocturni positae in Communi Sanctorum, similiter leguntur quando in Proprio Sanctorum assignantur, et quando in aliqua Ecclesia aliquod festum celebratur cum novem Lectionibus, quia in ea est solemne, aut consuetum in ea celebrari, quod proprias, et approbatas de festo Lectiones non habuerit.

10. Lectiones primi Nocturni leguntur cum titulo libri, ex quo sumuntur, nisi aliter in propriis locis notetur. Lectiones etiam secundi Nocturni quando sunt ex aliquo Sermone, vel Tractatu, leguntur cum titulo, et nomine auctoris, alias minime. Et similiter in tertio Nocturno praepositum Titulus auctoris, cujus est Homilia.

11. In fine cujusque Lectionis dicitur *Tu* autem, Domine, miserere nobis, et respondetur Deo gratias. Quod etiam fit in Lectionibus brevibus in principio Completorii, et in fine Primae post *Pre*tiosa, praeterquam in triduo majoris Hebdomadae ante Pascha, et in Officio Defunctorum, ut suis locis ponitur.

De Responsoriis post Lectiones. XXVII.

1. **R**esponsoria dicuntur ad Matutinum post Lectiones: idest, post quamlibet Lectionem dicitur unum Responsorium, ut infra.

2. In festis novem Lectionum (praeterquam in festo Sanctorum Innocentium, quando non venerit in Dominica) et in Dominicis ab octava Paschae inclusive, usque ad Adventum exclusive, et a Dominica infra octavam Nativitatis inclusive, usque ad Septuagesimam exclusive, dicuntur octo tantum Responsoria, et in fine tertii, et sexti, et octavi, dicitur Gloria Patri, cum repetitione partis Responsorii: quod regulare est in fine ultimi Responsorii cujuslibet Nocturni: tam in Officio novem, quam trium Lectionum: excepto tempore

Rubricæ generales Breviarii.

Passionis, quo tempore loco Gloria Patri, repetitur Responsorium a principio, excepto etiam Officio Defunctorum, cujus loco dicitur Requiem aeternam, etc. Qui Versus Gloria Patri, quibusdam diebus dicitur in primo Responsorio, ut in propriis locis annotatur. Post nonam Lectionem prædictis diebus, quando octo tantum dicuntur Responsorialia, immediate dicitur Hymnus Te Deum.

3. In Dominicis Adventus, et in Dominicis a Septuagesima usque ad Dominicam Palmarum inclusive, et in triduo ante Pascha, dicuntur novem Responsorialia, quia tunc non dicitur Te Deum.

4. In Officio autem trium Lectionum, quando fit de festo, et in feriis temporis Paschalis, quod est inter Dominicam in Albis, et Ascensionem (excepta Feria secunda Rogationum, in qua ponitur tertium Responsorium) dicuntur duo Responsorialia, quia post tertiam Lectionem dicitur Te Deum. Quae Responsorialia in festis sumuntur de Communi Sanctorum, et in dictis feriis temporis Paschalis, quando alia propria non assignantur, sumuntur de Dominica, in qua primo sunt posita, hoc ordine: Secunda et quinta Feria; primum et secundum Responsorium primi Nocturni: Feria tertia et sexta primum et secundum Responsorium secundi Nocturni: Feria quarta, primum et secundum Responsorium tertii Nocturni.

5. In aliis feriis extra tempus Paschale dicuntur tria Responsorialia (quia in illis non dicitur Te Deum), hoc ordine: feria secunda et quinta tria Responsorialia primi Nocturni: feria tertia et sexta tria Responsorialia secundi Nocturni: feria quarta et Sabbato, quando in eo fit de feria, tria Responsorialia tertii Nocturni Dominicae præcedentis, in qua primo sunt posita. Verum quia in tertio Nocturno Dominicarum a tertia post Pentecosten inclusive, usque ad Adventum exclusive, non habetur nisi unum Responsorium dicendum infra Hebdomadam, quod est septimum in Dominica, propterea quod Responsorium Duo Seraphim, non dicitur nisi in prædictis Dominicis; ideo Feria quarta et Sabbato, quando Responsorialia sumenda erunt ex tertio Nocturno, primum Responsorium erit quod est septimum Dominicae: secundo et tertio loco dicitur secundum et tertium sequentis Ferie, id est post secundum et tertiam Lectionem dicitur secundum et tertium Responsorium, quod est secundum et tertium secundae sequentis Ferie, si propria Responsorialia habuerit; alioquin si non habuerit propria, dicitur secundum et tertium Responsorium primi Nocturni ejusdem Dominicae. Ab Octava Epiphaniae usque ad Septuagesimam habentur Responsorialia propria in singulis feriis, excepto Sabbato, in quo, quando fit de feria, dicuntur Responsorialia Ferie quartae.

6. Sumuntur autem Responsorialia ex eo loco, ubi primo sunt posita, in principio mensis, vel Libri, et repetuntur in aliis sequentibus Dominicis illius mensis, in quibus alia non assignantur, vel donec de illo libro legitur, unde sumpta sunt Responsorialia. Quae autem in prima Hebdomada mensis posita sunt per ferias, repetuntur eodem ordine in eisdem feriis per sequentes Hebdomadas, donec alia ponantur. Ubi vero non adsunt propria, semper ex Nocturnis Dominicae sumuntur dicto ordine.

7. Si Responsorialia primi Nocturni ejus Dominicae, in qua primo ponuntur, propter festum Duplex in ea occurrens, in ipsa Dominica poni non possint, ponantur prima die ejus Hebdomadae, in qua occurrit fieri de feria, et omittantur alia, quae forte in illa feria propria haberentur. Si vero in tota Hebdomada non occurrat dies, in quo fiat de feria, illa Responsorialia ponantur in sequenti Hebdomada, vel Dominica similiter non impedita, et dummodo in ea alia Responsorialia

non sint primo ponenda; alioquin eo anno omittantur. Responsorialia etiam, quae in aliquibus feriis per Hebdomadam habentur, si eo die, quo posita sunt, non possunt dici propter festum occurrens, non sunt transferenda in aliam diem, sed omittuntur.

8. Tempore Paschali in fine Responsorii ante Versum additur Alleluja.

De Responsoriiis brevibus Horarum. XXVIII.

1. **R**esponsorialia breviter dicuntur post Capitulum ad Primam, Tertiam, Sextam, et Nonam, et ad Completorium, præterquam in triduo ante Pascha usque ad Nonam Sabbati in Albis inclusive, quibus diebus non dicuntur. Ad Primam, et Completorium semper dicuntur eodem modo, ut in Psalterio. In aliis Horis, quando fit Officium de Dominica, vel Feria per annum, dicuntur ut habentur in Psalterio. In Adventu autem, Quadragesima, tempore Passionis, et Paschali, ut suis locis habentur propria. In festis similiter, quando non habentur propria, dicuntur ut in Communi Sanctorum.

2. In fine Responsorii brevis dicitur Gloria Patri cum repetitione Responsorii, eo modo, quo ordinatur ad Primam in Psalterio, præterquam tempore Passionis: tunc enim non dicitur Gloria Patri, in Officio de Tempore, sed solum repetitur Responsorium breve a principio.

3. In Responsorio brevi ad Primam, loco Versus Qui sedes, etc. in Adventu dicitur Qui venturus es in mundum, tam in Dominicis, et Feriis, quam in Festis, excepto festo Conceptionis B. Mariae. In Nativitate Domini usque ad Epiphaniam, etiam in Festis occurrentibus; in festo Corporis Christi, et per Octavam, et in omni Officio B. Mariae tam novem, quam trium Lectionum, etiam si infra ejusdem Octavas fiat de Festo, vel de Dominica, dicitur Qui natus es de Maria Virgine. In Epiphania, et per Octavam, et in festo Transfigurationis dicitur Qui apparuisti hodie. A Dominica in Albis inclusive, usque ad Ascensionem exclusive, tam in Officio de tempore, quam de Sanctis (excepto Officio S. Mariae) semper dicitur Qui surrexisti a mortuis. In Ascensione usque ad Pentecosten exclusive dicitur Qui scandis super sidera. In Pentecoste, et reliquo anni tempore, tam in Officio de Tempore, quam de Sanctis, dicitur Qui sedes ad dexteram Patris, ut in Psalterio.

4. Responsorialia breviter aliarum Horarum, quae ponuntur in prima Dominica de Adventu, dicuntur per totum Adventum, quando fit officium de Tempore. Similiter quae ponuntur in prima Dominica Quadragesimae, dicuntur usque ad Dominicam Passionis exclusive. Et quae ponuntur in Dominica Passionis, dicuntur usque ad Feriam quintam in Coena Domini exclusive. Item quae ponuntur in Dominica in Albis, dicuntur usque ad Ascensionem exclusive. Quae vero ponuntur in aliquo festo habente Octavam, dicuntur per totam Octavam, quando fit de Octava. In Officio autem B. Mariae, tam novem, quam trium Lectionum, excepto festo Assumptionis ejusdem, dicuntur semper Responsorialia breviter de Communi Virginum.

5. Tempore Paschali, a Dominica in Octava Paschae usque ad Sabbatum post Pentecosten inclusive, in fine Responsorii brevis ante primum Versum, dicuntur duo Alleluja, quae etiam post dictum primum Versum repetuntur pro parte Responsorii, et in fine secundi Versus unum tantum Alleluja, tam in Officio de tempore, quam de Sanctis, ut dicitur in Rubrica, quae est in Sabbato in Albis. Extra tempus Paschale, quamvis in aliquibus Festis ad Tertiam, Sextam, et Nonam Responsoriiis brevibus addantur Alleluja, non ideo adduntur ad Primam, et Completorium.

Rubricæ generales Breviarii.

De Capitulis. XXIX.

1. **C**apitula semper dicuntur (praeterquam a Feria quinta in Coena Domini, usque ad Vesperas Sabbati in Albis exclusive, et praeterquam in Officio Defunctorum) ad Vesperas, Laudes, et alias Horas, dictis Psalmis, et Antiphonis; ad Completorium vero dicto etiam Hymno.

2. Capitula Dominicalia posita in Psalterio, in primis, et secundis Vesperis, in Laudibus, et Horis dicuntur a tertia Dominica post Pentecosten usque ad Adventum, et a secunda post Epiphaniam usque ad Septuagesimam. Capitula autem ferialia dicuntur post Octavam Pentecostes usque ad Adventum, et ab Octava Epiphaniae usque ad Dominicam primam Quadragesimae. Aliis temporibus dicuntur ut in Proprio de Tempore: si fit de Sanctis, ut in Proprio de Sanctis, cum propria adsunt, alioquin de Communi Sanctorum. Capitulum Primae et Completorii (quando Capitula dicuntur) numquam mutatur, ut in Psalterio.

3. In Dominicis ab Adventu usque ad Octavam Epiphaniae, et a Septuagesima usque ad tertiam post Pentecosten, et in Ferialis temporis Paschalis, et in omnibus festis regulariter Capitulum positum in primis Vesperis, dicitur in Laudibus, ad Tertiam, et in secundis Vesperis, quibusdam exceptis, quae suis locis assignantur.

4. In Ferialis tempore Paschali ad Primam dicitur Capitulum Regi saeculorum: sicut in Dominicis, et Festis. Post Capitulum semper respondetur Deo gratias.

De Oratione. XXX.

1. **O**ratio in Vesperis, et Laudibus dicitur post Antiphonas ad Magnificat, et Benedictus immediate, nisi quando dicendae sunt Preces, quae dicuntur post Antiphonam, et in fine illarum Oratio. Ad Primam, et alias Horas Oratio dicitur post Responsorium breve, nisi dicendae sint Preces: tunc enim Oratio dicitur post Preces. Ad Completorium Oratio dicitur post Antiphonam Salva nos, nisi dicendae sint Preces: et tunc dicitur post illas.

2. Ad Primam, et Completorium numquam mutantur Orationes, quae habentur in Psalterio, praeterquam in triduo ante Pascha, in quo triduo ad omnes Horas usque ad Nonam Sabbati sancti inclusive post Psalmum Misereere, dicitur Oratio diei, ut suo loco ponitur. In aliis Horis regulariter dicitur Oratio, quae dicta est in primis Vesperis. In Quadragesima autem, Quatuor Temporibus, Vigiliis, et Feria secunda Rogationum Oratio, quae dicta est in Laudibus, dicitur tantum ad Tertiam, Sextam, et Nonam. In Vesperis autem sequentibus, si fit de Feria, dicitur vel alia propria, ut in Quadragesima, vel Dominicae praecedentis, ut in aliis feriis. Quae Oratio praecedentis Dominicae semper dicitur in feriali Officio per Hebdomadam, quando propria non assignatur. Infra octavas dicitur Oratio, ut in die Festi: similiter et in die Octava, nisi alia propria assignetur.

3. Ante Orationem, etiam quando aliquis solus recitat Officium, semper dicitur Versus Dominus vobiscum, et respondetur Et cum spiritu tuo. Qui Versus non dicitur ab eo, qui non est saltem in ordine Diaconatus, nec a Diacono praesente Sacerdote, nisi de illius licentia. Si quis autem ad Diaconatus ordinem non pervenerit, ejus loco dicat Domine, exaudi orationem meam, et respondetur Et clamor meus ad te veniat. Deinde dicitur Oremus, postea Oratio, quae si unica tantum dicatur, Versus Dominus vobiscum, vel Domine, exaudi, repetitur finita Oratione, postquam fuerit responsum Amen; sin autem plures Orationes dicendae sint, ante quamlibet Orationem dicitur Anti-

phona, et Versus, deinde Oremus: et post ultimam Orationem repetitur Dominus vobiscum: postea dicitur Benedicamus Domino: respondetur Deo gratias. Deinde dicitur Versus Fidelium animae. Qui versus non dicitur post Benedicamus Domino, ad Primam ante Preteriosa etc. neque ad Completorium ante Versum Benedicat, etc. nec quando post aliquam Horam immediate sequitur Officium parvum beatae Mariae, vel officium Defunctorum, aut Septem Psalmi Poenitentiales, vel solae Litaniae.

4. Si Oratio dirigatur ad Patrem, concluditur Per Dominum. Si ad Filium, Qui vivis et regnas. Si in principio Orationis fiat mentio Filii, dicatur Per eundem, si in fine Orationis, dicatur Qui tecum vivit et regnat. Si fiat mentio Spiritus sancti, dicatur In unitate ejusdem Spiritus sancti etc.

5. Quando plures Orationes dicuntur, prima tantum dicitur sub sua conclusione Per Dominum, vel aliter, ut supra, aliae non concluduntur, nisi in ultima Oratione, sed unicuique Orationi semper praepositur Oremus, praeterquam in Officio Defunctorum, in quo alio modo, quam ut supra, Orationes dicuntur: item in Litanis, Orationes omnes dicuntur conjunctim sub uno Oremus, ut suis locis habetur.

De Hymno Te Deum. XXXI.

1. **H**ymnus Te Deum, dicitur in omnibus Festis per annum, tam trium, quam novem Lectionum, et per eorum octavas, excepto festo sanctorum Innocentium, nisi venerit in Dominica; dicitur tamen in ejus die octava; dicitur etiam in omnibus Dominicis a Pascha Resurrectionis inclusive, usque ad Adventum exclusive, et a Nativitate Domini inclusive, usque ad Septuagesimam exclusive: et in omnibus Ferialis temporis Paschalis, scilicet a Dominica in Albis, usque ad Ascensionem, excepta feria secunda Rogationum, in qua non dicitur.

2. Non dicitur autem in Dominicis Adventus, et a Septuagesima usque ad Dominicam Palmarum inclusive, neque in Ferialis extra tempus Paschale.

3. Cum dicitur, omittitur semper nonum, vel tertium Responsorium, et statim dicitur post ultimam Lectionem.

4. Cum non dicitur, ejus loco ponitur nonum, vel tertium Responsorium: quo dicto statim inchoantur Laudes. Similiter quando dicitur Te Deum, eo Hymno dicto, statim inchoantur Laudes, praeterquam in nocte Nativitatis Domini, quia tunc dicitur Oratio, postea celebratur Missa, ut suo loco notatur.

De Oratione Dominica, et Salutatione Angelica. XXXII.

1. **O**ratio Dominica Pater noster, et Salutatio Angelica Ave Maria, semper dicitur secreto ante omnes Horas, praeterquam ad Completorium, in cujus principio post Lectionem brevem Fratres, Sobrii, dicto Versu Adjutorium nostrum, dicitur tantum Pater noster, secreto, et in fine Completorii statim post Orationem B. Mariae, dicitur Pater noster, Ave Maria, et Credo, totum similiter secreto. Finitis Horis, et dicto Versu Fidelium animae, dicitur similiter secreto Pater noster, tantum, nisi sequatur Officium B. Mariae, quia tunc post illud dicitur Pater noster, ut supra, et nisi alia Hora subsequatur: tunc enim dicitur semel tantum Pater noster, cum Ave Maria, pro principio sequentis Horae, qua finita, dicitur Pater noster, ita ut semper dicatur in fine ultimae Horae. Si autem post Vesperas immediate sequatur Completorium, dicto Fidelium animae, incipitur Versus Jube, domine, benedicere.

Rubricæ generales Breviarii.

2. Quando in fine Orationis Dominicae proferendum est clara voce, Et ne nos inducas, semper in principio eadem voce proferuntur haec duo verba Pater noster, ut in Precibus, et similibus: alias numquam proferuntur, sed dicitur totum secreto. Ad Laudes vero, et Vesperas, quando in feriali Officio dicuntur Preces, totum dicitur clara voce ab Hebdomadario.

3. Salutatio Angelica semper dicitur ante Officium beatæ Mariæ, quando non coniungitur cum Officio Domini, quia tunc sufficit dixisse eam in principio cum Oratione Dominica.

De Symbolo Apostolorum et Symbolo S. Athanasii. XXXIII.

1. **S**ymbolum Apostolorum semper dicitur ante Matutinum, et Primam, et finito Completorio post Orationem Angelicam, totum secreto, etiam si ad Primam, et Completorium iterum dicendum sit cum Precibus. Quando vero dicitur cum Precibus ad Primam, et Completorium, clara voce profertur Credo in Deum, et in fine Carnis resurrectionem, reliquum dicitur secreto, alias totum secreto dicitur ut supra.

2. Symbolum S. Athanasii dicitur ad Primam post Psalmum Retribue, in omnibus Dominicis per Annum, quando Officium fit de Dominica, exceptis Dominicis infra octavas Nativitatis Domini, Epiphaniae, Ascensionis, et Corporis Christi, ac Dominica Resurrectionis, et Pentecostes, in quibus dicuntur tantum tres Psalmi consueti ut in Festis. In Dominicis infra alias octavas, et in Dominica Trinitatis dicitur, alias numquam, neque si aliquod festum Duplex celebretur in Dominica. Et in fine illius dicitur Gloria Patri.

De Precibus. XXXIV.

1. **P**reces sunt aliquot Versus, qui aliquando dicuntur ante Orationem, incipientes a Kyrie eleison, vel a Pater noster.

2. Preces Dominicales ad Primam, et Completorium ut in Psalterio, non dicuntur in Duplicibus, nec infra Octavas, nec in Vigilia Epiphaniae, et Feria sexta, et Sabbato post Octavam Ascensionis, etiam si infra octavam fiat Officium de Dominica, vel alio festo Semiduplici, quia tunc ratione octavae non dicuntur; alias autem semper dicuntur.

3. Preces feriales ad Laudes, et per Horas distinctae, ut in Psalterio, dicuntur tantum in Feriis Adventus, Quadragesimae, Quatuor Temporum, et Vigiliarum, quae jejunantur, (exceptis Vigilia Nativitatis Domini, ac Vigilia, et Quatuor Temporibus Pentecostes) et tunc dicuntur flexis genibus. In aliis Feriis per annum numquam dicuntur nisi Dominicales, et in illis non flectuntur genua.

4. In Feriis Adventus, Quadragesimae, et Quatuor Temporum, dicuntur Preces feriales etiam ad Vesperas si non sequatur festum: ad Completorium dicuntur consuetae de Dominica, sed flexis genibus. Dicuntur autem Preces flexis genibus ab Hebdomadario usque ad Versum Dominus vobiscum, ante primam Orationem; a circumstantibus autem usque ad Versum Benedicamus Domino, post ultimam Orationem.

5. In Vigiliis Preces feriales dicuntur tantum ad Matutinum, et per Horas; ad Vesperas vero sequentes non dicuntur, quia inde fit de festo. Quod si post Vigiliam S. Mathiae sequatur primus dies Quadragesimae in Vesperis dicuntur Preces feriales, quamvis dicenda sit Oratio Dominicae praecedentis, et non Vigiliae. Quod etiam servatur, quando in Feria sexta, et Sabbato Quatuor Temporum Septembris fit Officium de feria, cum in eis non occurrat Festum novem Lectionum: tunc enim in Vesperis feriae sextae dicuntur

Preces, quamvis dicenda sit Oratio Dominicae praecedentis, non autem feriae Quatuor Temporum.

6. Psalmus Miserere, dicitur cum Precibus ad Vesperas tantum, et Psalmus De profundis ad Laudes. In Officio Defunctorum dicuntur Psalmi, qui in eo Officio designantur.

De Commemorationibus communibus, seu Suffragiis Sanctorum. XXXV.

1. **C**ommemorationes communes, seu Suffragia de Sanctis, quae habentur in Psalterio post Vesperas Sabbati, dicuntur in fine Vesperarum, et Laudum ab Octava Epiphaniae usque ad Dominicam Passionis exclusive, et ab Octava Pentecostes usque ad Adventum exclusive, in Dominicis, Feriis et Festis (nisi Officium sit Duplex, vel infra octavas, etiamsi de Dominica, vel Semiduplici infra eas fiat) et illis adiungitur commemoratio de Patrono, vel Titulo Ecclesiae, ante vel post commemorationem de Sancta Maria, et de Apostolis, pro dignitate illius; ita tamen, ut semper ultimo loco ponatur commemoratio de Pace. Et ante illas in feriali Officio fit commemoratio de Cruce, quae habetur in Psalterio post Laudes Feriae secundae.

2. Tempore Paschali fit alia commemoratio de Cruce, ut ibi ponitur in Laudibus Feriae secundae post Dominicam in Albis, et ea solum tunc dicitur: non tamen in Duplicibus, neque infra Octavas.

3. Si facienda sit commemoratio alicujus Festi occurrentis, semper fit ante ipsa Suffragia consueti, etiam ante commemorationem de Cruce.

4. Commemoratio de sancta Maria non fit cum aliis, quando dicitur ejus Officium parvum, nec quando-cunque fit Officium de ea.

De Antiphonis B. Mariæ in fine Officii. XXXVI.

1. **A**ntiphonae beatæ Mariæ positae in fine Psalterii post Completorium, singulae dicuntur pro temporis diversitate, ut ibi annotatur, praeterquam in triduo majoris Hebdomadae ante Pascha.

2. Dicuntur autem extra Chorum, tantum in fine Completorii, et in fine Matutini dictis Laudibus, si tunc terminandum sit Officium: alioquin, si alia subsequatur Hora, in fine ultimae Horae. In Choro autem semper dicuntur, quodcumque terminata aliqua Hora, discedendum est a Choro.

3. Numquam vero dicuntur post aliquam Horam, quando subsequitur cum Officio diei Officium Defunctorum, vel Septem Psalmi Poenitentiales, aut Litaniae, praeterquam post Completorium, in quo semper dicuntur, etiam si praedicta subsequantur: neque etiam dicuntur, quando post aliquam Horam immediate subsequitur Missa. Dicuntur autem flexis genibus (praeterquam in diebus Dominicis, a primis Vesperis Sabbati, et toto tempore Paschali) Hebdomadario tamen ad Orationem surgente.

De Officio parvo B. Mariæ et aliis. XXXVII.

1. **D**E Officio parvo beatæ Mariæ, de Officio Defunctorum, de Septem Psalmis Poenitentialibus, et Litiis, et de Psalmis Gradualibus, quando, et quomodo, tam in Choro, quam extra Chorum, dicenda sint, habentur suis locis propriae Rubricae circa finem Breviarii.

2. Tempore Paschali in Officio parvo beatæ Mariæ, quod dicitur in Choro, non additur Alleluja Antiphonis, neque Versibus, neque Responsoriis.

Duæ Tabellæ

ex Rubricis generalibus excerptæ.



In quarum prima statim videri poterit, de quo celebrandum erit Officium, si plura eodem die Festa occurrant.

In secunda vero, quomodo Officium præcedens concurret in Vesperis cum Officio sequentis diei.

Ex utraque Tabella hoc ordine reperietur quod quaeritur.

Primum inveniatur numerus positus in quadrangulo illo, in quo Festa, de quibus est controversia, sibi invicem occurrunt: deinde legatur Regula juxta dictum numerum descripta, et ex ea clare videbitur quid sit agendum.

Exempli gratia. Quadrangulus, in quo sibi invicem occurrunt Duplex primæ Classis, et Dominica primæ Classis, erit qui est in angulo superiori primæ Tabellæ, in quo signatus est numerus I. quia si ad eum tam Duplex, quam Dominica prædicta ex eorum locis recto tramite pergerent, in eo sibi invicem occurrerent. Regula autem juxta dictum numerum apposita sic habet.

1. Translatio de primo. Officium de secundo. Id est, Duplex primæ Classis prædictum transferatur, et Officium fit de Dominica primæ Classis, quia cum in his regulis dicitur, de primo seu præcedenti, intelligitur de Festo in superiori parte Tabellæ apposito, ut Duplex prædictum; cum de secundo vel sequenti, de Festo in inferiori parte sub numeris apposito, ut Dominica prædicta.

In aliquibus autem quadrangulis nullus appositus est numerus, vel quia nullus occurrit, neque concursus esse potest: vel quia in propriis locis adnotatur in Breviario quid sit agendum.

Scire tamen oportet, quæ sint Duplicia primæ et secundæ Classis et majora per annum, et quæ Dominicæ et Feriæ majores dicantur.

Duplicia I. Classis

in quibus nulla fit commemoratio quorumcumque Festorum concurrentium, nisi prout supra in Rubricis.

Nativitas Domini.
Epiphania Domini.
Pascha Resurrectionis, cum tribus antecedentibus et duobus sequentibus diebus.
Ascensio Domini.
Pentecostes, cum duobus sequentibus diebus.
Festum Corporis Christi.
Nativitas S. Joannis Baptistæ.
Festum sanctorum Apostolorum Petri et Pauli.
Assumptio B. Mariæ Virginis.
Festum omnium Sanctorum.
Dedicatio propriæ Ecclesiæ.
Patronus vel Titulus Ecclesiæ.

Duplicia II. Classis

in quibus de Simplicibus fit commemoratio in Laudibus tantum.

Circumcisio Domini.
Festum SS. Nominis Jesu.
Festum sanctissimæ Trinitatis.
Festum pretiosissimi Sanguinis D. N. J. C.
Conceptio
Nativitas
Annuntiatio
Visitatio
Purificatio
Dedicatio S. Michaelis Archangeli.
Natalitia undecim Apostolorum.

Beatæ Virginis Mariæ.

Festa Evangelistarum.

Festum S. Stephani Protomartyris.

Festum S. Laurentii Martyris.

Ss. Innocentium Martyrum.

S. Joseph Sponsi B. Mariæ Virginis, Confessoris.

Patrocinii ejusdem S. Joseph Confessoris.

Inventio sanctæ Crucis.

Dominicæ majores

dividuntur in duas Classes. Dominicæ I. Classis, quæ nunquam omittuntur.

Prima Adventus.

Prima Quadragesimæ.

Passionis.

Palmarum.

Paschæ.

In albis.

Pentecostes.

Trinitatis.

Dominicæ II. Classis

quæ non omittuntur, nisi occurrente Patrono vel Titulari Ecclesiæ, et ejusdem Dedicatione: et tunc de eis fit semper commemoratio in utrisque Vesperis et Laudibus.

Secunda

Tertia

Quarta

Adventus.

Dominicæ

Septuagesimæ.

Sexagesimæ.

Quinquagesimæ.

Secunda

Tertia

Quarta

Quadragesimæ.

Duplicia majora per Annum

quæ aliis Duplicibus minoribus præferuntur.

Transfiguratio Domini.

Exaltatio sanctæ Crucis.

Sac. Cordis D. N. J. C.

Festum SS. Nominis.

Præsentatio.

Festum Nivis.

Commemoratio de Monte Carmelo.

Solemnitas SS. Rosarii.

Duo Festa Septem Dolorum.

Festum de Mercede.

Apparitio S. Michaelis Archangeli.

Decollatio S. Joannis Baptistæ.

Cathedra S. Petri utraque.

Festum ejusdem ad Vincula.

Conversio S. Pauli.

Festum S. Joannis ante portam Latinam.

S. Barnabæ Apostoli.

S. Joachim Patris B. M. V. Confessoris.

S. Annæ Matris B. M. V.

Patronorum minus principalium.

B. V. M.

Feriæ majores,

de quibus semper fit commemoratio.

Adventus.

Quadragesimæ.

Quatuor Temporum, et

Secunda Rogationum.

Si occurrat eodem die

Duplex primae Classis, et	6	4	0	6	2	4	6	2	2	8	4	4	1
Duplex secundae Classis,	4	4	0	4	2	4	6	2	8	1	4	1	1
Duplex per Annum,	4	4	0	4	2	1	4	8	1	1	4	1	1
Dies infra Octavam,	4	4	0	4	3	3	7	3	5	5	3	3	3
Dies Octavae,	4	4	0	4	2	7	4	2	3	3	4	3	3
Semiduplex,	4	4	0	4	8	1	4	1	1	1	1	1	1
Simplex,	3	3	3	0	3	3	3	3	3	5	3	3	3
Sancta Maria in Sabbato,	5	5	0	4	0	0	0	0	0	0	0	0	0
Feria Major,	6	0	6	4	3	3	3	3	3	3	0	0	0
Vigilia,	0	5	6	4	3	3	3	3	3	5	0	0	0
1. Translatio de primo, Officium de secundo, 2. Officium de primo, translatio de secundo, 3. Commemoratio de primo, Officium de secundo, 4. Officium de primo, commemoratio de secundo, 5. Nihil de primo, Officium de secundo, 6. Officium de primo, nihil de secundo, 7. Officium de digniori, commemoratio de minus digno, 8. Officium de digniori, translatio de minus digno.	Vigilia.	Feria Major.	Sancta Maria in Sabbato.	Simplex.	Semiduplex.	Dies Octavae.	Dies infra Octavam.	Duplex per Annum.	Duplex secundae Classis.	Duplex primae Classis.	Dominica per Annum.	Dominica secundae Classis.	Dominica primae Classis.

Notandum, quod Duplex quodcumque, etiam Patroni, et Tituli Ecclesiae, vel Dedicationis ejusdem, occurrens in Vigiliis Nativitatis Domini et Pentecostes, in die Circumcisionis, in die Octava Epiphaniae, in Feria quarta Cinerum, ac in tota majori Hebdomada, et infra Octavas Paschae et Pentecostes, in Ascensione Domini, in Festo Corporis Christi, in Festo Assumptionis Beatae Virginis, et omnium Sanctorum, transfertur.

Infra Octavam Epiphaniae fit tantum de Patrono, vel Titulari Ecclesiae, et ejusdem Dedicatione, cum commemoratione Octavae: alia Festa transferuntur post Octavam.

Infra Octavam Corporis Christi, Semiduplex transfertur, neque fit de Duplici translato, nisi sit I. vel II. Classis; et de ea, quocumque adveniente Duplici, fit commemoratio.

Infra illas Octavas, in quibus fit de Festis occurrentibus Semiduplex occurrens in Dominica, transfertur in proxime sequentem diem, quae si fuerit impedita alio simili Festo, transfertur post Octavam.

De Octava Nativitatis Domini, Epiphaniae, et Corporis Christi, semper fit commemoratio quocumque Festo in illis occurrente.

De aliis Octavis, quae non sunt in Calendario, nihil fit a Feria quarta Cinerum usque ad Dominicam in albis, et a Vigilia Pentecostes usque ad Festum Trinitatis inclusive, et a die 17 Decembris usque ad Epiphaniam.

Dies Octavae numquam transfertur: ideo quamquam Nativitas S. Joannis Baptistae occurrens in die Corporis Christi, transferatur in diem sequentem: non tamen transfertur Octava, sed de ea fit tantum commemoratio in Officio de Octava Corporis Christi.

Si occurrat, ut Patronus, vel Titulus Ecclesiae descriptus sit eodem die in Calendario cum aliis Sanctis, in ea Ecclesia fit tantum de Patrono, vel Titulari, absque commemoratione aliorum. Qui si in dicto Calendario descripti sint sub Officio Duplici, vel Semiduplici, transferuntur in primam diem simili Officio non impeditam; et de eis fiat Officium Semiduplex, nisi tamen sint de majoribus Festis, quia tunc de translato quoque fiet Officium Duplex, ac si proprio die celebraretur. Si vero in Calendario omnes sint tamquam Festum Simplex, de illis nihil fit.

De Feriis Adventus et Quadragesimae, quando de eis non fit Officium, fit commemoratio in utrisque Vesperis et Laudibus cujuscumque Festi: de Quatuor Temporibus, et Feria secunda Rogationum, ac Vigiliis, in Laudibus tantum. Si vero aliqua Vigilia occurrat in Adventu, Quadragesima, et Quatuor Temporibus, vel in diebus Festorum Duplicium primae Classis, sive Patroni, vel Tituli, aut Dedicationis Ecclesiae, de ea nihil fit nec etiam in Laudibus.

Quando concurrit

Dominica major, seu i. et ii. Classis cum	0	4	3	4	4	3	3	3	3	3	0	
Dominica minor, seu per annum,	0	4	3	4	4	3	3	1	1	1	0	
Duplex primae Classis,	2	2	4	2	4	4	4	0	4	6	4	
Duplex secundae Classis,	4	4	4	4	4	4	4	3	6	3	4	
Patronus, seu Titulus Ecclesiae,	2	2	4	2	4	4	4	0	4	0	4	
Duplex per Annum majus,	4	4	4	4	4	4	6	1	3	1	4	
Duplex per annum minus,	4	4	5	4	4	5	3	1	3	1	4	
Semiduplex,	4	5	3	4	5	3	3	1	1	1	5	
Dies Octavae,	4	4	5	4	4	5	3	1	3	1	4	
Dies infra Octavam,	0	0	3	4	5	3	3	1	1	1	5	
1. Totum de sequenti, nihil de praecedenti. 2. Totum de praecedenti, nihil de sequenti. 3. Totum de sequenti, commemoratio de praecedenti. 4. Totum de praecedenti, commemoratio de sequenti. 5. Capitulum de sequenti, commemoratio de praecedenti. 6. Totum de digniori, commemoratio de minus digno. Simplex, et S. Maria in Sabbato, Feria, et Vigilia non concurrunt.	Sancta Maria in Sabbato.	Die infra Octavam.	Die Octavae.	Simplici.	Semiduplici.	Duplici per Annum minore.	Duplici per Annum majore.	Patrono, seu Titulo Ecclesiae.	Duplici secundae Classis.	Duplici primae Classis.	Dominica quaecunque.	

Notandum quod in primis Vesperis diei Octavae Ascensionis et Corporis Christi, totum Officium de Octava, cum Commemoratione praecedentis festi Duplicis, nisi fuerit Festum solemne principale, vel primae vel secundae Classis, quia tunc de Festo fieret Officium, et Commemoratio de Octava.

In secundis Vesperis diei Octavae Epiphaniae, Paschae, Ascensionis, et Corporis Christi, de sequenti Duplici fit tantum Commemoratio, nisi illud fuerit primae, vel secundae Classis, seu Patronus, vel Titulus, aut Dedicatio Ecclesiae: quia tunc de Festo fieret Officium, et de Octava Commemoratio. Et similiter die

Octava Corporis Christi in secundis Vesperis concurrente cum die Octava S. Joannis Baptistae, Vesperae erunt de Octava Corporis Christi cum Commemoratione Octavae S. Joannis.

In secundis Vesperis Duplicis secundae Classis non fit Commemoratio de die infra Octavam, nisi quando de ea fieri debeat Officium die sequenti.

Cum plures fiunt Commemorationes, servetur hic ordo. De Duplici, de Dominica, de Semiduplici, de die infra Octavam, de Feria majori, seu Vigilia, de S. Maria in Sabbato, de Simplici.





Oratio

dicenda

ante divinum Officium.

A Peri, Dómine, os meum
ad benedicéndum no-
men sanctum tuum:
munda quoque cor
meum ab ómnibus vanis,
pervérsis, et aliénis co-
gitationibus: intelléctum il-
lúmina, afféctum inflámma;
ut digne, atténte, ac devóte
hoc Offícium recitáre váleam, et
exaudíri mérear ante conspéctum
divínæ Majestátis tuæ. Per Christum
Dóminum nostrum. R. Amen.

Dómine, in unióne illíus divínæ
intentiónis, qua ipse in terris laudes
Deo persolvísti, has tibi Horas per-
sólvo.

Orationem

sequentem

devote post Officium
recitantibus Leo Papa X. defectus et
culpae in eo persolvendo ex humana
fragilitate contractas indulsit.

S Acrosánetæ et indivíduæ Tri-
nitáti, crucifixi Dómini nostri
Jesu Christi humanitáti, bea-
tíssimæ et gloriosíssimæ sempérque
Víriginis Mariæ fœcúndæ integritáti,
et ómnium Sanctórum universitáti sit
sempitérna laus, honor, virtus et gló-
ria, ab omni creatúra, nobisque re-
missio ómnium peccatórum, per in-
finíta sácula sæculórum. R. Amen.

V. Beáta víscera Mariæ Víriginis, quæ
portavérunt ætéрни Patris Fílium.

R. Et beáta úbera, quæ lactavérunt
Christum Dóminum.

Pater noster. Ave María.



ABSOLUTIONES ET BENEDICTIONES

DICENDÆ ANTE LECTIONES IN OFFICIO NOVEM, ET TRIUM LECTIONUM.

IN I. NOCTURNO.

Et pro secunda et quinta Feria.

Absolutio.

EXaudi, Dómine Jesu Christe, preces servórum tuórum, et miserére nobis: qui cum Patre et Spíritu sancto vivis et regnas in sæcula sæculórum. R. Amen.

Benedictiones.

1. Benedictióne perpétua benedícat nos Pater ætérnus. R. Amen.
2. Unigénitus Dei Fílius nos benedícere et adjuvare dignétur.
3. Spíritus sancti grátia illúminet sensus et corda nostra.

IN II. NOCTURNO.

Et pro tertia et sexta Feria.

Absolutio.

Ipsius píetas et misericórdia nos adjuvet, qui cum Patre et Spíritu sancto vivit et regnat in sæcula sæculórum. R. Amen.

Benedictiones.

4. Deus Pater omnípotens sit nobis propítius et clemens. R. Amen.
5. Christus perpétuæ det nobis gáudia vitæ.
6. Ignem sui amóris accéndat Deus in córdibus nostris.

IN III. NOCTURNO.

Et pro Feria quarta et Sabbato.

Absolutio.

A vínculis peccatórum nostrórum absólvat nos omnípotens et misericors Dóminus. R. Amen.

Benedictiones.

7. Evangélica léctio sit nobis salus et protéctio. R. Amen.
8. Divínium auxílium máneat semper nobíscum.
9. Ad societátem cívium supernórum perdúcat nos Rex Angelórum.

Si Officium fit de Sancto novem Lectionum, octava Benedictio erit.

Cujus festum cólimus, ipse, vel ipsa intercédant pro nobis ad Dóminum.

Quando sunt plures, dicitur,

Quorum, vel Quorum festum cólimus, ipsi, vel ipsæ intercédant pro nobis ad Dóminum.

Si Officium fit de sancta Maria, octava Benedictio erit,

Cujus festum cólimus, ipsa Virgo Vírginum intercédant pro nobis ad Dóminum.

Si in ultima Lectione legendum sit aliud Evangelium cum Homilia, nona Benedictio erit,

Per Evangélica dicta deleántur nostra delicta.

In Officio trium Lectionum dicuntur Absolutiones et Benedictiones prædictæ ordine superius in Rubricis generalibus, et in prima Dominica de Adventu descripto: et in eo, quando non legitur Homilia cum Evangelio, et Benedictiones sumendæ sunt ex tertio Nocturno, prima Benedictio dicitur,

1. Ille nos benedícat, qui sine fine vivit et regnat.
2. Divínium auxílium.
3. Ad societátem.

In Officio trium Lectionum, quando legitur Homilia cum Evangelio, prima Benedictio erit,


1. Evangélica léctio.
2. Divínium auxílium.
3. Ad societátem.

Si Officium fit de Sancto trium Lectionum, prima Benedictio erit,

1. Ille nos benedícat, qui sine fine vivit et regnat.
2. Cujus, vel Quorum.
3. Ad societátem.

In Officio de S. Maria in Sabbato, Absolutio et Benedictiones quæ ibidem ponuntur.





PSALTERIUM DISPOSITUM

PER HEBDOMADAM,

CUM ORDINARIO OFFICII DE TEMPORE.

DOMINICA AD MATUTINUM.

Ante Matutinum, et omnes Horas, præterquam ad Completorium, dicitur secreto:



Pater noster, qui es in cœlis, sanctificetur nomen tuum. Advéniat regnum tuum. Fiat volúntas tua, sicut in cœlo et in terra. Panem nostrum quotidianum da nobis hódie. Et dimitte nobis débita nostra, sicut et nos dimittimus debitoribus nostris. Et ne nos inducas in tentationem: sed libera nos a malo. Amen.

Ave María, grátia plena, Dóminus tecum: benedícta tu in muliéribus, et benedíctus fructus ventris tui Jesus. Sancta María, Mater Dei, ora pro nobis peccatóribus nunc, et in hora mortis nostræ. Amen.

In principio Matutini, et Primæ, ac in fine Completorii, dicitur etiam Symbolum Apostolorum.

Credo in Deum, Patrem omnipoténtem, Creatórem cœli et terræ. Et in Jesum Christum, Fílium ejus únicum, Dóminum nostrum: qui concéptus est de Spíritu Sancto, natus ex María Vírgine, passus sub Póntio Piláto, crucifixus, mórtuus et sepúltus: descéndit ad ínferos: tértia die resurréxit a mórtuis:

ascéndit ad cœlos, sedet ad dexteram Dei Patris omnipotentis: inde venturus est judicare vivos et mortuos. Credo in Spíritum Sanctum, sanctam Ecclesiám Cathólicam, Sanctorum communionem, remissionem peccatorum, carnis resurrectionem, vitam æternam. Amen.

Deinde clara voce dicitur V.

Domine lábia mea apéries.
R. Et os meum annuntiábit laudem tuam.

V. Deus in adiutorium meum inténde.
R. Dómine ad adiuvándū me festína.
Glória Patri, et Fílio, et Spirítui Sancto.

Sicut erat in principio, et nunc, et semper, et in sæcula sæculorum. Amen.

Laus tibi, Dómine, Rex æternæ glóriæ.

Sic dicitur Laus tibi Dómine etc. ad omnes Horas per totam Quadrages. usque ad Feriam V. in Cœna Domini; et a Sabbato Sancto dicitur Allelúja.

Invitatorium sequens dicitur in Dominicis tantum, a I. Dominica Quadragesimæ usque ad Dominicam Passionis.

Invitatorium. Non sit vobis vanum mane surgere ante lucem: * Quia promísit Dóminus corónam vigilántibus.

Repetitur: Non sit vobis vanum mane surgere ante lucem: quia promísit Dóminus corónam vigilántibus.

Psalmus 94.

Veníte, exultémus Dómino, jubilémus Deo salutári nostro: præoccupémus fáciem ejus in confessione, et in psalmis jubilémus ei.

Non sit vobis vanum mane surgere ante lucem: quia promísit Dóminus corónam vigilántibus.

Quóniam Deus magnus Dóminus, et Rex magnus super omnes deos: quóniam

niam non repellet Dóminus plebem suam, quia in manu ejus sunt omnes fines terræ, et altitúdes móntium ipse cónspicit.

Quia promísit Dóminus corónam vigilántibus.

Quóniam ipsíus est mare, et ipse fecit illud, et áridam fundavérunt manus ejus: veníte, adoremus, et procidámus ante Deum: plorémus coram Dómino, qui fecit nos, quia ipse est Dóminus Deus noster: nos autem pópulus ejus et oves páscuæ ejus.

Non sit vobis vanum mane surgere ante lucem: quia promísit Dóminus corónam vigilántibus.

Hódie si vocem ejus audiéritis, nolíte obduráre corda vestra, sicut in exacerbatióne secúndum diem tentatiónis in desérto: ubi tentavérunt me patres vestri, probavérunt et vidérunt ópera mea.

Quia promísit Dóminus corónam vigilántibus.

Quadráginta annis próximus fui generatióni huic, et dixi: Semper hi errant corde: ipsi vero non cognovérunt vias meas, quibus jurávi in ira mea, si introibunt in réquiem meam.

Non sit vobis vanum mane surgere ante lucem: quia promísit Dóminus corónam vigilántibus.

Glória Patri, et Fílio, et Spirítui Sancto. Sicut erat in principio, et nunc, et semper, et in sæcula sæculorū. Amen.

Quia promísit Dóminus corónam vigilántibus.

Non sit vobis vanum mane surgere ante lucem: quia promísit Dóminus corónam vigilántibus.

Sequens Hymnus dicitur in Dominicis et Feriis usque ad Dominicam Passionis exclusive.

Hymnus.

EX more docti mýstico
Servémus hoc jejúnium,
Deno diérum círculo
Ducto quater notíssimo.

Lex et Prophætæ prîmitus
Hoc prætulêrunt, póstmodum
Christus sacrávit, ómnium
Rex, atque Factor témporum.

Utámur ergo párcius
Verbis, cibis, et pótibus,
Somno, jocis, et árcius
Perstémus in custódia.

Vitémus autem nóxia,
Quæ súbruunt mentes vagas,
Nullúmque demus cállidi
Hostis locum tyránnidi.

Flectámus iram vîndicem,
Plorémus ante júdicem,
Clamémus ore súpplîci,
Dicámus omnes cernui:

Nostris malis offéndimus
Tuam Deus cleméntiam,
Effúnde nobis désuper
Remíssor indulgéntiam:

Memento quod sumus tui,
Licet cadúci plásmatis:
Ne des honórem nóminis
Tui, precámur, álteri.

Laxa malum quod fécimus:
Auge bonum quod póscimus,
Placére quo tandem tibi
Possímus hic, et pérpetim.

Præsta, beáta Trínitas,
Concéde simplex Unitas,
Ut fructuósa sint tuis
Jejuniórum múnera.
Amen.

Tempore Paschali.

Ad Matutinum, Invitatorium. Surré-
xit Dóminus vere, * Allelúja.

Psalm. Veníte, exultémus, 2.

Hymnus.

Rex sempitérne cœlitum,
Rerum Creatór ómnium,
Æquális ante sœcula
Semper Parénti Fílius.
Nascénte qui mundo Faber
Imáginem vultus tui
Tradens Adámo, nóbilem
Limo jugásti spíritum.

Cum livor et fraus dæmonis
Fœdásset humánum genus,
Tu carne amíctus, pérditam
Formam refórmas artifex.

Qui natus olim e Vírgine,
Nunc e sepúlchro násceris,
Tecúmque nos a mórtuis
Jubes sepúltos súrgere.

Qui Pastor ætérnus gregem
Aqua lavas Baptísmatis:
Hæc est lavácrum méntium:
Hæc est sepúlchrum críminum.

Nobis diu qui débitæ
Redémptor affíxus Cruci,
Nostræ dedísti pródigus
Prétium salútis sánguinem.

Ut sis perénne méntibus
Paschále Jesu gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sœcula.
Amen.

IN I. NOCTURNO.

Per Annum, Antiph. ton. 8. Servíte
Dómino.

Tempore Paschali Antiph. Allelúja.
Asteriscus * denotat pausam cantus
in Choro.

Psalmus 1.

BEátus vir, qui non ábiit in consílio
impiórum, et in via peccatórum
non stetit, * et in cáthedra pestilén-
tiæ non sedit.

Sed in lege Dómini volúntas ejus, *
et in lege ejus meditábitur die ac nocte.

Et erit tamquam lignum, quod plan-
tátum est secus decúrsus aquárum,
* quod fructum suum dabit in témp-
ore suo:

Et fólium ejus non défluet: * et ómnia
quæcúmque fáciat, prosperabúntur.

Non sic ímpii, non sic: * sed tam-
quam pulvis, quem prójicit ventus a
fácie terræ.

deo non resúrgent ímpii in iudício: *
neque peccatóres in concílio justórum.
Quóniam novit Dóminus viam justórum: * et iter impiórum peribit.

Glória Patri, et Fílio, * et Spirítui Sancto.

Sicut erat in princípío, et nunc, et semper, * et in sæcula sæculórum. Amen.

Hic versus, Glória, semper dicitur in fine omnium Psalmorum, nisi aliter notetur.

Psalmus 2.

Quare fremuérunt Gentes, * et pópuli meditáti sunt inánia?

Astiterunt reges terræ, et príncipes convenérunt in unum * adversus Dóminum, et adversus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in cœlis, irridébit eos, * et Dóminus subsannábit eos.

Tunc loquétur ad eos in ira sua: * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præceptum ejus.

Dóminus dixit ad me: * Fílius meus es tu, ego hódie genui te.

Póstula a me, et dabo tibi Gentes hæreditátem tuam, * et possessiónem tuam téminos terræ.

Reges eos in virga férrea, * et tamquam vas figuli confrínges eos.

Et nunc, reges, intelligite: * erudímini, qui judicátis terram.

Servíte Dómino in timóre: * et exultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus: * beáti omnes, qui confidunt in eo.

Psalmus 3.

Dómine, quid multiplicáti sunt, qui trébulant me? * multi insúrgunt advérsus me.

Multi dicunt ánimæ meæ: * Non est salus ipsi in Deo ejus.

Tu autem Dómine suscéptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exurrexi, quia Dóminus suscepit me.

Non timébo míllia pópuli circumdántis me: * exúrge, Dómine, salvum me fac, Deus meus.

Quóniam tu percussísti omnes adversántes mihi sine causa: * dentes peccatórum contrivísti.

Dómini est salus: * et super pópulum tuum benedíctio tua.

Psalmus 6.

Dómine, ne in furóre tuo árguas me, * neque in ira tua corripias me.

Miserére mei, Dómine, quóniam infirmus sum: * sana me, Dómine, quóniam conturbáta sunt ossa mea.

Et ánima mea turbáta est valde: * sed tu, Dómine, úsquequo?

Convértere, Dómine, et éripe ánimam meam: * salvum me fac propter misericórdiam tuam.

Quóniam non est in morte, qui memor sit tui: * in inférno autem quis confitébitur tibi?

Laborávi in gémitu meo, lavábo per singulas noctes lectum meum: * lacrymis meis stratum meum rigábo.

Turbátus est a furóre óculus meus: * inveterávi inter omnes inimícos meos.

Discédite a me omnes, qui operámini iniquitátem: * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus oratióem meam suscepit.

Erubescant et conturbéntur vehementer omnes inimíci mei: * convertántur et erubescant valde velóciter.

Per Ann. Ant. Servíte Dómino in timóre, et exultáte ei cum tremóre.

Ant. ton. 8. Deus iudex justus.

Psalmus 7.

Domine Deus meus, in te sperávi:
* saluum me fac ex ómnibus persequéntibus me, et líbera me.

Nequándo rápiat ut leo ánimam meam,
* dum non est, qui rédímat, neque qui saluum fáciat.

Dómine Deus meus, si feci istud, * si est iníquitas in mánibus meis:

Si réddidi retribuéntibus mihi mala,
* decídam mérito ab inimícis meis inánis.

Persequátur inimícus ánimam meam, et comprehéndat, et concúlcet in terra vitam meam, * et glóriam meam in púlverem dedúcat.

Exúrge, Dómine, in ira tua: * et exaltáre in finibus inimicórum meórum.

Et exúrge, Dómine Deus meus, in præcépto, quod mandásti: * et synagóga populórum circúmdabit te.

Et propter hanc in altum regrédere: * Dóminus júdicat pópulos.

Júdicá me, Dómine, secúndum justítiam meam, * et secúndum innocéntiam meam super me.

Consumétur nequítia peccatórum, et díriges justum, * scrutans corda et renes Deus.

Justum adjutórium meum a Dómino, * qui salvos facit rectos corde.

Deus iudex justus, fortis, et pátiens: * numquid iráscitur per síngulos dies?

Nisi convérsi fuéritis, gládium suum vibrábit: * arcum suum teténdit, et parávit illum.

Et in eo parávit vasa mortis, * sagittas suas ardéntibus effécit.

Ecce partúriit injustítiam: * concépit dolórem, et péperit iniquitátem.

Lacum apéruit, et effódit eum: * et incidit in fóveam, quam fecit.

Convertétur dolor ejus in caput ejus: * et in vérticem ipsius iníquitas ejus descéndet.

Confitébor Dómino secúndum justítiam ejus: * et psallam nómini Dómini altíssimi.

Psalmus 8.

Domine Dóminus noster, * quam admirábile est nomen tuum in univérsta terra!

Quóniam eleváta est magnificéntia tua * super cœlos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cœlos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas, insuper et pécora campi;

Vólucres cœli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsta terra!

Psalmus 9.

Confitébor tibi, Dómine, in toto corde meo: * narrábo ómnia mirabília tua.

Lætábor et exultábo in te: * psallam nómini tuo, Altíssime.

In converténdo inimícum meum retrórsus: * infirmabúntur, et períbunt a fácie tua.

Quóniam fecísti júdicium meum et causam meam: * sedísti super thronum, qui júdicas justítiam.

Increpásti Gentes, et périit ímpius: * nomen eórum delésti in ætérnum, et in sæculum sæculi.

Inimíci defecerunt frámeæ in finem: * et civitátes eórum destruxísti.

Périit memória eórum cum sónitu: * et Dóminus in ætérnum pérmanet.

Parávit in júdicio thronum suum: * et ipse judicábit orbem terræ in æquitáte, judicábit pópulos in justítia.

Et factus est Dóminus refúgium paúperi: * adjútor in opportunitátibus, in tribulatióne.

Et sperent in te, qui novérunt nomen tuum: * quóniam non dereliquísti quærentes te, Dómine.

Psállite Dómino, qui hábitat in Sion: * annuntiáte inter Gentes stúdia ejus:

Quóniam requírens sánguinem eórum recordátus est: * non est oblítus clamórem paúperum.

Miserére mei, Dómine: * vide humilitátem meam de inimícis meis.

Qui exáltas me de portis mortis, * ut annúntiem omnes laudatiónes tuas in portis fíliæ Sion.

Exultábo in salutári tuo: * infixæ sunt Gentes in intéritu, quem fecérunt.

In láqueo isto, quem abscondérunt, * comprehénsus est pes eórum.

Cognoscétur Dóminus judícia fáciens: * in opéribus mánuum suárum comprehénsus est peccátor.

Convertántur peccatóres in inférnum, * omnes Gentes, quæ obliviscúntur Deum.

Quóniam non in finem oblivío erit paúperis: * paciéntia paúperum non períbit in finem.

Exúrge, Dómine, non confortétur homo: * judicéntur Gentes in conspéctu tuo.

Constitue, Dómine, legislatórem super eos: * ut sciant Gentes, quóniam hómines sunt.

Ut quid, Dómine, recessísti longe: * déspicis in opportunitátibus, in tribulatióne?

Dum superbit ímpius, incénditur pauper: * comprehendúntur in consíliis, quibus cógitant.

Quóniam laudátur peccátor in desideriis ánimæ suæ: * et iníquus benedícitur.

Exacerbávit Dóminum peccátor, * secúndum multitúdinem iræ suæ non quæret.

Non est Deus in conspéctu ejus: * inquinátæ sunt viæ illíus in omni témpore.

Auferúntur judícia tua a fácie ejus: * ómnium inimicórum suórum dominábitur.

Dixit enim in corde suo: * Non movébor a generatióne in generatióne sine malo.

Cujus maledictiόne os plenum est, et amaritúidine, et dolo: * sub lingua ejus labor et dolor.

Sedet in insídiis cum divítibus in occúltis, * ut interficiat innocéntem.

Oculi ejus in paúperem respíciunt: * insidiátur in abscondito quasi leo in spelúnca sua.

Insidiátur, utrápiat paúperem: * rápere paúperem, dum átrahit eum.

In láqueo suo humiliábit eum: * inclinábit se, et cadet, cum dominátus fúerit paúperum.

Dixit enim in corde suo: Oblítus est Deus: * avértit fáciem suam, ne vídeat in finem.

Exúrge, Dómine Deus, exaltétur manus tua: * ne obliviscáris paúperum.

Propter quid irritávit ímpius Deum? * dixit enim in corde suo: Non requíret.

Vides, quóniam tu labórem et dolórem considéras: * ut tradas eos in manus tuas.

Tibi derelíctus est pauper: * órphano tu eris adjútor.

Contere bráchium peccatóris et maligni: * quærétur peccátum illíus, et non inveniétur.

Dóminus regnábit in ætérnum, et in sáeculum sáeculi: * peribitis, gentes, de terra illíus.

Desidérium paúperum exaudivit Dóminus: * præparatióne cordis eórum audivit auris tua.

Judicáre pupíllo et húmili, * ut non appónat ultra magnificáre se homo super terram.

Psalmus 10.

IN Dómino confido: quómodo dicitis ánimæ meæ: * Trásmigra in montem sicut passer.

Quóniam ecce peccatóres intendérunt arcum, paravérunt sagíttas suas in pháretra, * ut sagíttent in obscúro rectos corde.

Quóniam quæ perfecísti, destruxérunt: * justus autem quid fecit?

Dóminus in templo sancto suo, * Dóminus in cœlo sedes ejus.

Oculi ejus in paúperem respíciunt: * pálpebræ ejus intérogant fílios hóminum.

Dóminus intérogat justum et ímpium: * qui autem dfligit iniquitátem, odit ánimam suam.

Pluet super peccatóres láqueos: * ignis, et sulphur, et spíritus procelárum, pars cálicis eórum.

Quóniam justus Dóminus, et justítias diléxit: * æquitátem vidit vultus ejus.

Per Ann. Ant. Deus judex justus, fortis et longánimis: numquid irascétur per síngulos dies?

Ant. ton. 8. Tu Dómine.

Psalmus 11.

SAlvum me fac, Dómine, quóniam defécit sanctus: * quóniam diminútæ sunt veritátes a fíliis hóminum.

Vana locúti sunt unusquísque ad próximum suum: * lábia dolósa, in corde et corde locúti sunt.

Dispérdat Dóminus univérsa lábia dolósa, * et linguam magnífloquam.

Qui dixerunt: Linguam nostram magnificábitur, lábia nostra a nobis sunt, * quis noster Dóminus est?

Propter misériam ínopum, et gémitum paúperum, * nunc exúrgam, dicit Dóminus.

Ponam in salutári: * fiduciáliter agam in eo.

Elóquia Dómini, elóquia casta: * argéntum igne examinátum, probátum terræ, purgátum séptuplum.

Tu, Dómine, servábis nos, et custódies nos * a generatióne hac in ætérnum.

In circúitu ímpii ámbulant: * secúndum altitúdinem tuam multiplicásti fílios hóminum.

Psalmus 12.

USquequo, Dómine, obliviscéris me in finem? * Usquequo avértis faciém tuam a me?

Quámdu ponam consília in ánima mea, * dolórem in corde meo per diem?

Usquequo exaltábitur inímicus meus super me? * réspice, et exaúdi me, Dómine Deus meus.

Illúmina óculos meos, ne umquam obdórmiam in morte: * nequándo dicat inímicus meus: Præválui advérsus eum.

Qui tríbulant me, exultábunt, si motus fúero: * ego autem in misericórdia tua sperávi.

Exultábit cor meum in salutári tuo: cantábo Dómino, qui bona tríbuit mihi: * et psallam nómini Dómini altíssimi.

Psalmus 13.

DIxit insípiens in corde suo: * Non est Deus.

Corrúpti sunt, et abominábiles facti sunt in stúdiis suis: * non est qui fáciat bonum, non est usque ad unum.

Dóminus de cœlo prospéxit super fílios hóminum, * ut vídeat si est intél-ligens, aut requírens Deum.

Omnes declinavérunt, simul inútiles facti sunt: * non est, qui fáciat bonum, non est usque ad unum.

Sepúlchrum patens est guttur eórum: linguis suis dolóse agébant: * venén-um áspidum sub lábiis eórum.

Quorum os maledictióne et amaritú-dine plenum est: * velóces pedes eórum ad effundéndum sánguinem.

Contrítio et infelicitas in viis eórum, et viam pacis non cognovérunt: * non est timor Dei ante óculos eórum.

Nonne cognóscunt omnes, qui operántur iniquitátem, * qui dévorant plebem meam sicut escam panis?

Dóminus non invocavérunt: * illic trepidavérunt timóre, ubi non erat timor.

Quóniam Dóminus in generatióne justa est, consílium ínopis confudístis: * quóniam Dóminus spes ejus est.

Quis dabit ex Sion salutáre Israel? * cum avérterit Dóminus captivitátem plebis suæ, exultábit Jacob, et lætábitur Israel.

Psalmus 14.

Domine, quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam:

Qui lóquitur veritátem in corde suo, * qui non egit dolum in lingua sua:

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus: * timéntes autem Dóminum glórficat:

Qui jurat próximo suo, et non decipit, * qui pecúniam suam non dedit ad usúram, et múnera super innocentem non accépit.

Qui facit hæc, * non movébitur in ætérnum.

Per Ann. Ant. Tu, Dómine, servábis nos, et custódies nos.

In Quadragesima.

Ÿ. Ipse liberávit me de láqueo venántium.

R. Et a verbo áspero.

Tempore Passionis.

Ÿ. Erue a frámea Deus ánimam meam.

R. Et de manu canis únicam meam.

Tempore Paschali, Ant. Allelúja. Lapis revolútus est, allelúja, ab óstio monuménti, allelúja, allelúja.

Ÿ. Surrexit Dóminus de sepúlchro, allelúja.

R. Qui pro nobis pepéndit in ligno, allelúja.

Post versiculum ejuslibet Nocturni dicitur: Pater noster, secretò.

Ÿ. Et ne nos indúcas in tentatiónem.

R. Sed líbera nos a malo.

Absolutio.

EXaúdi, Dómine Jesu Christe, preces servórum tuórum, et miserére nobis, qui cum Patre et Spíritu Sancto vivis et regnas in sæcula sæculórum.

R. Amen.

Ÿ. Jube domne benedícere.

Bened. Benediçtióne perpétua benedícat nos Pater ætérnus. R. Amen.

Deinde leguntur Lectiones cum Responsoriis, ut in proprio de Tempore assignantur.

Pro secunda Lectione.

Bened. Unigénitus Dei Fílius nos benedícere et adjuváre dignétur.

R. Amen.

Pro tertia Lectione.

Bened. Spíritus Sancti grátia illúminet sensus et corda nostra. R. Amen.

IN II. NOCTURNO.

Per Annum, Ant. ton. 3. Bonórum meórum.

Tempore Paschali Antiph. Allelúja.

Psalmus 15.

Consérva me, Dómine, quóniam sperávi in te. * Dixi Dómino: Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis. Multiplicátæ sunt infirmitátes eórum: * póstea acceleravérunt.

Non congregábo conventícula eórum de sanguínibus: * nec memor ero nóminum eórum per lábia mea.

Dóminus pars hæreditátis meæ, et cálicis mei: * tu es, qui restítues hæreditátem meam mihi.

Funes cecidérunt mihi in præcláris: * étenim hæréditas mea præclára est mihi.

Benedícam Dóminum, qui tríbuit mihi intelléctum: * insuper et usque ad noctem increpuérunt me renes mei.

Providébam Dóminum in conspéctu meo semper: * quóniam a dextris est mihi, ne commóvear.

Propter hoc lætátum est cor meum, et exultávit lingua mea: * insuper et caro mea requiescet in spe.

Quóniam non derelínques ánimam meam in inférno: * nec dabis Sanctum tuum vidére corruptiónem.

Notas mihi fecísti vias vitæ, adimplébis me lætítia cum vultu tuo: * deletatiónes in dextera tua usque in finem.

Per Ann. Ant. Bonórum meórum non indiges, in te sperávi, consérva me, Dómine.

Ant. ton. 6. Propter verba.

Psalmus 16.

EXaúdi, Dómine, justítiam meam: * inténde deprecaciónem meam.

Auribus pèrcipe oratióem meam, * non in lábiis dolósis.

De vultu tuo iudícium meum pródeat: * óculi tui vídeant æquitátes.

Probásti cor meum, et visitásti nocte: * igne me examinásti, et non est invénta in me iníquitas.

Ut non loquátur os meum ópera hóminum: * propter verba labiórur tuórum ego custodívi vias duras.

Pèrfice gressus meos in sémitis tuis: * ut non moveántur vestígia mea.

Ego clamávi, quóniam exaudísti me Deus: * inclína aurem tuam mihi, et exaúdi verba mea.

Mirífica misericórdias tuas, * qui salvos facis sperántes in te.

A resisténtibus dexterae tuæ custódi me, * ut pupíllam óculi.

Sub umbra alárum tuárum prótege me, * a fácie impiórum, qui me afflixérunt.

Inimíci mei ánimam meam circumdedérunt, ádipem suum conclusérunt: * os eórum locútum est supérbiam.

Projiciéntes me nunc circumdedérunt me: * óculos suos statuérunt declináre in terram.

Suscepérunt me sicut leo parátus ad prædam: * et sicut cátulus leónis hábitans in ábditis.

Exúrge, Dómine, præveni eum, et supplánta eum: * éripe ánimam meam ab impio, frámeam tuam ab inimícis manus tuæ.

Dómine, a paucis de terra dívide eos in vita eórum: * de absconditis tuis adimplétus est venter eórum.

Saturáti sunt fíliis: * et dimisérunt reliquias suas párvulis suis.

Ego autem in justítia apparébo conspéctui tuo: * satiábor, cum apparúerit glória tua.

Per Ann. Ant. Propter verba labiórur tuórum ego custodívi vias duras.

Ant. to. 6. Díligam te.

Et non repetitur in Psalmo: quod semper fit, quando Antiphona incipit a primo versu Psalmi, et Psalmus tunc incipitur ab eo verbo, in quo desinit Antiphona, sive integra dicatur, sive tantum inchoata; si tamen eadem sint verba, et continuetur Antiphona cum Psalmo. (Et nisi addatur in fine Ant. Allelúja.)

Psalmus 17.

Diligam te, Dómine, fortitúdo mea: * Dóminus firmaméntum meum, et refúgium meum, et liberátor meus.

Deus meus, adjútor meus, * et sperábo in eum.

Protéctor meus, et cornu salútis meæ, * et suscéptor meus.

Laudans invocábo Dóminum, * et ab inimícis meis salvus ero.

Circumdedérunt me dolóres mortis: * et torréntes iniquitátis conturbáverunt me.

Dolores inférni circumdedérunt me:
* praeoccupavérunt me láquei mortis.

In tribulatióne mea invocávi Dóminum,
* et ad Deum meum clamávi.

Et exaudivit de templo sancto suo
vocem meam: * et clamor meus in
conspéctu ejus introívit in aures ejus.

Commóta est, et contrémuit terra:
* fundaménta móntium conturbáta
sunt, et commóta sunt, quóniam irá-
tus est eis.

Ascéndit fumus in ira ejus: et ignis a
fácie ejus exársit: * carbónes suc-
cénsi sunt ab eo.

Inclinávit coelos, et descendit: * et
caligo sub pédibus ejus.

Et ascendit super Chérubim, et volá-
vit: * volávit super pennas ventórum.

Et pósuit ténebras latibulum suum, in
circúitu ejus tabernáculum ejus: * te-
nebrósa aqua in núbibus áeris.

Prae fulgóre in conspéctu ejus nubes
transiérunt, * grando et carbónes ignis.

Et intónuit de cælo Dóminus, et Al-
tíssimus dedit vocem suam: * grando
et carbónes ignis.

Et misit sagíttas suas, et dissipávit
eos: * fúlgura multiplicávit, et con-
turbávit eos.

Et apparuérunt fontes aquárum, * et re-
veláta sunt fundaménta orbis terrárum:

Ab increpatióne tua, Dómine: * ab
inspiratióne spíritus iræ tuæ.

Misit de summo, et accépit me: * et
assúmpsit me de aquis multis.

Erípuit me de inimícis meis fortíssi-
mis, et ab iis, qui odérunt me: * quón-
iam confortáti sunt super me.

Praevenérunt me in die afflictiónis
meæ: * et factus est Dóminus proté-
ctor meus.

Et edúxit me in latitúdinem: * salvum
me fecit, quóniam vóluit me.

Et retríbuet mihi Dóminus secúndum
justítiam meam, * et secúndum puritá-
tem mánuum meárum retríbuet mihi:

Quia custodívi vias Dómini, * nec ím-
pie gessi a Deo meo.

Quóniam ómnia judícia ejus in con-
spéctu meo: * et justítias ejus non ré-
puli a me.

Et ero immaculátus cum eo: * et ob-
servábo me ab iniquitáte mea.

Et retríbuet mihi Dóminus secúndum
justítiam meam: * et secúndum puri-
tátem mánuum meárum in conspéctu
oculórum ejus.

Cum sancto sanctus eris, * et cum
viro innocénte innocens eris:

Et cum elécto eléctus eris: * et cum
pervérso pervertéris.

Quóniam tu pópulum húmilem sal-
vum fácies: * et óculos superbórum
humiliábis.

Quóniam tu illúminas lucérnam meam,
Dómine: * Deus meus illúmina téne-
bras meas.

Quóniam in te erípiar a tentatióne, *
et in Deo meo transgrédiam murum.

Deus meus impollúta via ejus: eló-
quia Dómini igne examináta: * proté-
ctor est ómnium sperántium in se.

Quóniam quis Deus præter Dómi-
num? * aut quis Deus præter Deum
nostrum?

Deus, qui præcínxit me virtúte: * et
pósuit immaculátam viam meam.

Qui perfécit pedes meos tamquam cer-
vórum, * et super excélsa státuens me.

Qui docet manus meas ad prælium:
* et posuísti, ut arcum æreum, brá-
chia mea.

Et dedísti mihi protectiódinem salútis
tuæ: * et dextera tua suscepit me.

Et disciplína tua corréxit me in finem:
* et disciplína tua ipsa me docébit.

Dilatásti gressus meos subtus me: *
et non sunt infirmáta vestígia mea.

Pérsequar inimícos meos, et compre-
héndam illos: * et non convértar,
donec deficiant.

Confríngam illos, nec póterunt stare:
* cadent subtus pedes meos.

Et præcínxísti me virtúte ad bellum:
* et supplantásti insurgéntes in me
subtus me.

Et inimícos meos dedísti mihi dorsum: * et odiéntes me disperdidísti. (clamavérunt, nec erat, qui salvos fáceret, ad Dóminum, * nec exaudivit eos.

Et commínuam eos ut púlverem ante faciém venti: * ut lutum plateárum delébo eos.

Erípies me de contradicció nibus pó puli: * constitúes me in caput Géntium. Pópulus, quem non cognóvi, servívit mihi: * in audítu auris obedívit mihi. Filii aliéni mentíti sunt mihi, * filii aliéni inveteráti sunt, et claudicavérunt a sémitis suis.

Vívit Dóminus, et benedíctus Deus meus, * et exaltétur Deus salútis meæ. Deus, qui das vindíctas mihi, et subdis pó pulos sub me, * liberátor meus de inimícis meis iracúndis.

Et ab insurgéntibus in me exaltábis me: * a viro iníquo erípies me.

Proptérea confitébor tibi in natió nibus, Dómine: * et nómini tuo psalmum dicam.

Magníficans salútes Regis ejus, et faciéns misericórdiam christo suo David, * et sémini ejus usque in sæculum.

Per Ann. Ant. Míligam te, Dómine, virtus mea.

In Quadragesima.

V. Scápulis suis obumbrábit tibi.

R. Et sub pennis ejus sperábis.

Tempore Passionis.

V. De ore leónis líbera me, Dómine.

R. Et a cónibus unicórnium humilitátem meam.

Tempore Paschali.

Antiph. Allelúja. Quem quæris múlier? allelúja: vivéntem cum mórtuis? allelúja, allelúja.

V. Surrexit Dóminus vere, allelúja.

R. Et appáruit Simóni, allelúja.

Pater noster, secreto.

V. Et ne nos indúcas in tentatió nem.

R. Sed líbera nos a malo.

Absolutio.

Ipsius píetas et misericórdia nos adjuvet, qui cum Patre et Spíritu Sancto vivit et regnat in sæcula sæculórum. R. Amen.

V. Jube domne benedícere.

Bened. Deus Pater omnípotens sit nobis propítius et clemens. R. Amen.

Pro quinta Lectione.

Bened. Christus perpétuæ det nobis gaúdia vitæ. R. Amen.

Pro sexta Lectione.

Bened. Ignem sui amóris accéndat Deus in córdibus nostris. R. Amen.

IN III. NOCTURNO.

Per Annum, Ant. ton. 7. Non sunt loquélæ.

Temp. Pasch. Antiph. Allelúja.

Psalmus 18.

Cœli enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum: In omnem terram exívit sonus eórum: * et in fines orbis terræ verba eórum. In sole pósuit tabernáculum suum: * et ipse tamquam sponsus procedens de thálamo suo.

Exultávit ut gigas ad curréndam viam, * a summo cœlo egréssio ejus. Et occúrsus ejus usque ad summum ejus: * nec est, qui se abscondat a calóre ejus.

Lex Dómini immaculáta, convértens ánimas: * testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda: * præcéptum Dómini lícidum, illúminans óculos.

Tímor Dómini sanctus, pérmanens in sæculum sæculi: * judícia Dómini vera, justificáta in semetípsa.

Desiderabilia super aurum et lapidem pretiosum multum: * et dulciora super mel et favum.

Etenim servus tuus custodit ea: * in custodiendis illis retributio multa.

Delicta quis intelligit? Ab occultis meis munda me: * et ab alienis parce servo tuo.

Si mei non fuerint dominati, tunc immaculatus ero: * et emundabor a delicto maximo.

Et erunt ut complacent eloquia oris mei: * et meditatio cordis mei in conspectu tuo semper.

Domine, adjutor meus, * et redemptor meus.

Per Ann. Ant. Non sunt loquela, neque sermones, quorum non audiantur voces eorum.

Ant. ton. 8. Exaudiat.

Psalmus 19.

Exaudiat te Dominus in die tribulationis: * protegat te nomen Dei Jacob.

Mittat tibi auxilium de sancto: * et de Sion tueatur te.

Memor sit omnis sacrificii tui: * et holocaustum tuum pingue fiat.

Tribuat tibi secundum cor tuum: * et omne consilium tuum confirmet.

Latabimur in salutari tuo: * et in nomine Dei nostri magnificabimur.

Impleat Dominus omnes petitiones tuas: * nunc cognovi, quoniam saluum fecit Dominus christum suum.

Exaudiet illum de coelo sancto suo: * in potentatibus salus dexteræ ejus.

Hi in curribus, et hi in equis: * nos autem in nomine Domini Dei nostri invocabimus.

psi obligati sunt, et ceciderunt: * nos autem surreximus, et erecti sumus.

Domine, saluum fac regem: * et exaudi nos in die, qua invocaverimus te.

Per Ann. Ant. Exaudiat te Dominus in die tribulationis.

Ant. ton. 8. Domine.

Psalmus 20.

Domine, in virtute tua latabitur rex: * et super salutare tuum exultabit vehementer.

Desiderium cordis ejus tribuisti ei: * et voluntate labiorum ejus non fraudasti eum.

Quoniam prævenisti eum in benedictionibus dulcedinis: * posuisti in capite ejus coronam de lapide pretioso.

Vitam petiit a te: * et tribuisti ei longitudinem dierum in sæculum, et in sæculum sæculi.

Magna est gloria ejus in salutari tuo: * gloriam et magnum decorem impones super eum.

Quoniam dabis eum in benedictionem in sæculum sæculi: * lætificabis eum in gaudio cum vultu tuo.

Quoniam rex sperat in Domino: * et in misericordia Altissimi non commovebitur.

Interveniatur manus tua omnibus inimicis tuis: * dextera tua inveniat omnes, qui te oderunt.

Pones eos ut clibanum ignis in tempore vultus tui: * Dominus in ira sua conturbabit eos, et devorabit eos ignis.

Fructum eorum de terra perdes, * et semen eorum a filiis hominum.

Quoniam declinaverunt in te mala: * cogitaverunt consilia, quæ non poterunt stabilire.

Quoniam pones eos dorsum: * in reliquiis tuis præparabis vultum eorum.

Exaltare, Domine, in virtute tua: * cantabimus et psallemus virtutes tuas.

Per Ann. Ant. Domine, in virtute tua latabitur rex.

In Quadragesima.

℟. Scuto circumdabit te veritas ejus.

℞. Non timebis a timore nocturno.

Tempore Passionis.

℟. Ne perdas cum impiis, Deus, animam meam.

℞. Et cum viris sanguinum vitam meam.

Tempore Paschali.

Antiph. Allelúja. Noli flere María,
allelúja: resurrexit Dóminus, allelúja,
allelúja.

℟. Gavísi sunt discípuli, allelúja.

℞. Viso Dómino, allelúja.

Pater noster, secreto.

℟. Et ne nos indúcas in tentatióem.

℞. Sed libera nos a málo.

Absolutio.

A Vínculis peccatórum nostrórum
absólvat nos omnípotens et mi-
séricors Dóminus. ℞. Amen.

℟. Jube domne benedícere.

Bened. E vangélica léctio sit nobis
salus et protéctio. ℞. Amen.

Pro octava Lectione.

Bened. Divínium auxílium máneat
semper nobíscum. ℞. Amen.

Pro nona Lectione.

Bened. Ad societátem civium su-
pernórum perdúcat nos Rex Angeló-
rum. ℞. Amen.

Sequens Hymnus a Septuagesima
usque ad Pascha non dicitur nisi in
Festis; a Paschate vero usque ad Pen-
tecosten dicitur etiam in feriali Offi-
cio, excepta Feria II. Rogationum.
Quando vero non dicitur, ejus loco
ponitur novum aut tertium Respon-
sorium.

Hymnus SS. Ambrosii
et Augustini.

TE Deum laudámus: te Dómi-
num confitémur.

Te ætérnum Patrem omnis
terra venerátur.

Tibi omnes Angeli, tibi cœli et uni-
versæ potestátes.

Tibi Chérubim et Séraphim, incessá-
bili voce proclámant:

Sanctus,

Sanctus,

Sanctus Dóminus Deus Sábaoth.

Pleni sunt cœli et terra majestátis
glóriæ tuæ.

Te gloriósus Apostolórum chorus,

Te Prophetárum laudábilis númerus,

Te Mártyrum candidátus laudat ex-
ércitus.

Te per orbem terrárum sancta confi-
tétur Ecclésia.

Patrem imménsæ majestátis.

Venerándum tuum verum et únicum
Fílium.

Sanctum quoque Paráclitum Spíritū.

Tu Rex glóriæ, Christe.

Tu Patris sempitérnus es Fílius.

Tu ad liberándum susceptúrus hómi-
nem, non horruísti Vírginis úterum.

Tu, devícto mortis acúleo, aperuísti
credéntibus regna cœlórum.

Tu ad dexteram Dei sedes, in gló-
ria Patris.

Judex créderis esse ventúrus.

Te ergo, quæsumus, tuis fámulis
súbveni, quos pretióso sáanguine red-
emísti.

Ætérna fac cum sanctis tuis in gló-
ria numerári.

Salvum fac pópulum tuum, Dómine:
et benedic hæreditáti tuæ.

Et rege eos: et extólle illos usque in
ætérnum.

Per síngulos dies benedícimus te.

Et laudámus nomen tuum in sæcu-
lum, et in sæculum sæculi.

Dignáre, Dómine, die isto sine pec-
cáto nos custodíre.

Miserére nostri, Dómine: miserére
nostri.

Fiat misericórdia tua, Dómine, super
nos, quemádmódum sperávimus in te.

In te, Dómine, sperávi: non confún-
dar in ætérnum.



DOMINICA AD LAUDES.

DEus in adiutorium meum intende. *R.* Domine ad adiuvandum me festina.

Gloria Patri, et Filio, et Spiritui Sancto. Sicut erat in principio, et nunc, et semper, et in secula seculorum. Amen. Laus tibi, Domine, Rex æternæ gloriæ. (vel Allelúja, pro temporis diversitate.

Tempore Paschali, Antiph. ton. 6. Allelúja.

Psalmus 92.

Dominus regnavit, decorem indutus est: * indutus est Dominus fortitudinem, et præcinxit se.

Etenim firmavit orbem terræ, * qui non commovebitur.

Parata sedes tua ex tunc: * a sæculo tu es.

Elevaverunt flumina, Domine, * elevaverunt flumina vocem suam.

Elevaverunt flumina fluctus suos, * a vocibus aquarum multarum.

Mirabiles elationes maris, * mirabilis in altis Dominus.

Testimonia tua credibilia facta sunt nimis: * domum tuam decet sanctitudo, Domine, in longitudinem dierum.

Psalmus 99.

Jubilate Deo omnis terra: * servite Domino in lætitia.

Introite in conspectu ejus, * in exultatione.

Scitote, quoniam Dominus ipse est Deus: * ipse fecit nos, et non ipsi nos:

Populus ejus, et oves pascuæ ejus, * introite portas ejus in confessione, atria ejus in hymnis: confitemini illi.

Laudate nomen ejus: quoniam suavis est Dominus: in æternum misericordia ejus, * et usque in generationem et generationem veritas ejus.

Psalmus 62.

DEus, Deus meus, * ad te de luce vigilo.

Sitivit in te anima mea, * quam multipliciter tibi caro mea.

In terra deserta, et in via, et in aquosa: * sic in sancto apparui tibi, ut videres virtutem tuam et gloriam tuam.

Quoniam melior est misericordia tua super vitas: * labia mea laudabunt te.

Sic benedicam te in vita mea: * et in nomine tuo levabo manus meas.

Sicut adipe et pinguedine repleatur anima mea: * et labiis exultationis laudabit os meum.

Si memor fui tui super stratum meum, in matutinis meditabor in te: * quia fuisti adiutor meus.

Et in velamento alarum tuarum exultabo, adhæsit anima mea post te: * me suscepit dextera tua.

Ipsi vero in vanum quæsiérunt animam meam, introibunt in inferiora terræ: * tradentur in manus gladii, partes vulpium erunt.

Rex vero lætabitur in Deo, laudabuntur omnes, qui jurant in eo: * quia obstructum est os loquentium iniqua.

Hic non dicitur Gloria Patri.

Psalmus 66.

DEus misereatur nostri, et benedicat nobis: * illuminet vultum suum super nos, et misereatur nostri.

Ut cognoscamus in terra viam tuam: * in omnibus Géntibus salutare tuum.

Confiteantur tibi populi, Deus: * confiteantur tibi populi omnes.

Lætentur et exultent Gentes: * quoniam iudicas populos in æquitate, et Gentes in terra dirigis.

Confiteantur tibi populi, Deus: confiteantur tibi populi omnes: * terra dedit fructum suum.

Benedícat nos Deus, Deus noster, benedícat nos Deus: * et métuant eum omnes fines terræ.

Glória Patri.

Tempore Paschali Antiph. Allelúja, allelúja, allelúja, allelúja, allelúja, allelúja, allelúja, allelúja.

Antiph. Surréxit Christus.

Canticum trium puerorum.

Danielis 3. c.

Benedícite ómnia ópera Dómini Dómino: * laudáte et superexaltáte eum in sæcula.

Benedícite Angeli Dómini Dómino: * benedícite cœli Dómino.

Benedícite aquæ omnes, quæ super cœlos sunt, Dómino: * benedícite omnes virtútes Dómini Dómino.

Benedícite sol et luna Dómino: * benedícite stellæ cœli Dómino.

Benedícite omnis imber et ros Dómino: * benedícite omnes spíritus Dei Dómino.

Benedícite ignis et æstus Dómino: * benedícite frigus et æstus Dómino.

Benedícite rores et pruina Dómino: * benedícite gelu et frigus Dómino.

Benedícite glácies et nives Dómino: * benedícite noctes et dies Dómino.

Benedícite lux et ténebræ Dómino: * benedícite fúlgura et nubes Dómino.

Benedícat terra Dóminum: * laudet et superexáltet eum in sæcula.

Benedícite montes et colles Dómino: * benedícite univérſa germinántia in terra Dómino.

Benedícite fontes Dómino: * benedícite mária et flúmina Dómino.

Benedícite cete et ómnia, quæ movéntur in aquis, Dómino: * benedícite omnes vólucres cœli Dómino.

Benedícite omnes béstia et pécora Dómino: * benedícite filii hóminum Dómino.

Benedícat Israel Dóminum: * laudet et superexáltet eum in sæcula.

Benedícite sacerdótes Dómini Dómino: * benedícite servi Dómini Dómino.

Benedícite spíritus, et ánimæ justórum Dómino: * benedícite sancti, et húmiles corde Dómino.

Benedícite Ananía, Azaría, Mísael Dómino: * laudáte et superexaltáte eum in sæcula.

Benedicámus Patrem et Fílium cum Sancto Spíritu: * laudémus et superexaltémus eum in sæcula.

Benedíctus es, Dómine, in firmaménto cœli: * et laudábilis, et glorióſus, et superexaltátus in sæcula.

Hic non dicitur Glória Patri, neque Amen; in aliis Canticis dicuntur.

Tempore Paschali Antiph. Surréxit Christus de sepúlchro, qui liberávit trēs púeros de camíno ignis ardéntis, allelúja.

Antiph. Allelúja.

Psalmus 148.

Laudáte Dóminum de cœlis: * laudáte eum in excélsis.

Laudáte eum omnes Angeli ejus: * laudáte eum omnes virtútes ejus.

Laudáte eum sol et luna: * laudáte eum omnes stellæ et lumen.

Laudáte eum cœli cœlórum: * et aquæ omnes, quæ super cœlos sunt, laudent nomen Dómini.

Quia ipse dixit, et facta sunt: * ipse mandávit, et creáta sunt.

Státuit ea in ætérnum, et in sæculum sæculi: * præcéptum pósuit, et non præteríbit.

Laudáte Dóminum de terra: * dracónes et omnes abyssi:

Ignis, grando, nix, glácies, spíritus procellárum: * quæ faciunt verbum ejus.

Montes, et omnes colles: * ligna fructífera, et omnes cedri.

Béstia, et univérſa pécora, * serpéntes, et vólucres pennátæ:

Reges terræ, et omnes pópuli: * príncipes, et omnes júdices terræ:

Juvenes et virgines, senes cum junioribus laudent nomen Dómini: * quia exaltatum est nomen ejus solus. Confessio ejus super cœlum et terram: * et exaltavit cornu pópuli sui. Hymnus omnibus sanctis ejus: * filiis Israel pópulo appropinquanti sibi. Hic non dicitur Glória Patri.

Psalmus 149.

CAntáte Dómino canticum novum: * laus ejus in Ecclesia sanctorum. Lætetur Israel in eo, qui fecit eum: * et filii Sion exultent in rege suo. Laudent nomen ejus in choro: * in tympano et psalterio psallant ei. Quia beneplacitum est Dómino in pópulo suo: * et exaltabit mansuetos in salutem. Exultabunt sancti in glória: * lætabuntur in cubilibus suis. Exaltationes Dei in gutture eorum: * et gladii ancipites in manibus eorum. Ad faciendam vindictam in nationibus: * increpationes in pópulis. Ad alligandos reges eorum in compedibus: * et nobiles eorum in manicis ferreis. Ut faciant in eis iudicium conscriptum: * glória hæc est omnibus sanctis ejus. Hic non dicitur Glória Patri.

Psalmus 150.

Laudáte Dóminum in sanctis ejus: * laudáte eum in firmamento virtutis ejus. Laudáte eum in virtutibus ejus: * laudáte eum secundum multitudinem magnitudinis ejus. Laudáte eum in sono tubæ: * laudáte eum in psalterio et cithara. Laudáte eum in tympano et choro: * laudáte eum in chordis et órgano. Laudáte eum in cymbalis benesonantibus, laudáte eum in cymbalis jubilationis: * omnis spíritus laudet Dóminum. Glória Patri.

Tempore Paschali Antiph. Allelúja, allelúja, allelúja.

Capitulum proprium in Quadragesima.

Hymnus.

O Sol salutis, íntimis
Jesu refúlge méntibus,
Dum nocte pulsa grátior
Orbi dies renáscitur.
Dans tempus acceptábile,
Da, lacrymarum rívlis
Laváre cordis víctimam,
Quam læta adúrat Cháritas.
Quo fonte manávit nefas,
Fluent perénnes lácrymæ,
Si virga pœniténtiæ
Cordis vigórem cónterat.
Dies venit, dies tua,
In qua reflórent ómnia:
Lætémur et nos in viam
Tua redúcti délixera.
Te prona mundi máchina
Clemens adóret Trínitas;
Et nos novi per grátiam
Novum canámus canticum.
Amen.

V. Angelis suis Deus mandávit de te.
R. Ut custódiant te in ómnibus viis tuis.

Antiphona ad Benedictus, et Oratio propria.

Tempore Passionis.

Hymnus: Lustra sex...

V. Eripe me de inimícis meis, Deus meus.
R. Et ab insurgéntibus in me líbera me.

Tempore Paschali sequens Capitulum dicitur in feriali Officio tantum; Hymnus autem etiam in Dominicis.

Capitulum.

Rom. 6. b.

Christus resúrgens ex mórtuis, jam non móritur, mors illi ultra non dominábitur. Quod enim mórtuus est peccáto, mórtuus est semel: quod autem vivit, vivit Deo.

Hymnus.

A Uróra cœlum pûrpurat,
 Æther resûltat laúdibus,
 Mundus triúmphans júbilat,
 Horrens avérnus ínfremit:

Rex ille dum fortíssimus
 De mortis inférno specu
 Patrum Senátum líberum
 Edúcit ad vitæ jubar.

Cujus sepúlchrum plúrimo
 Custóde signábat lapis,
 Victor triúmphant, et suo
 Mortem sepúlchro fúnerat.

Sat fúneri, sat lácrymis,
 Sat est datum dolóribus:
 Surréxit extíntor necis,
 Clamat corúscans Angelus.

Ut sis perénne méntibus
 Paschále, Jesu, gaúdium,
 A morte dira criminum
 Vitæ renátos líbera.

Deo Patri sit glória,
 Et Fílio, qui a mórtuis
 Surréxit, ac Paráclito.
 In sempitérna sáecula.
 Amen.

✠. In resurrectione tua, Christe, allelúja.

℞. Cœli et terra læténtur, allelúja.

Antiphona ad Benedictus propria.

Canticum Zachariæ.

Luce 1. g.

Benedíctus Dóminus Deus Israel, *
 quia visitávit, et fecit redempti-
 onem plébis suæ.

Et crexit cornu salútis nobis, * in domo
 David púeri sui.

Sicut locútus est per os sanctórum, *
 qui a sáeculo sunt, prophetárum ejus:
 Salútem ex inimícis nostris, * et de
 manu ómnium, qui odérunt nos:

Ad faciéndam misericórdiam cum pá-
 tribus nostris: * et memorári testa-
 ménti sui sancti.

Jusjurándum, quod jurávit ad Abra-
 ham patrem nostrum, * datúrum se
 nobis:

Ut sine timóre, de manu inimicórum
 nostrórum liberáti, * serviámus illi.

In sanctitáte et justítia coram ipso, *
 ómnibus diébus nostris.

Et tu, puer, Prophéta Altíssimi vocá-
 beris: * præsbis enim ante fáciem
 Dómini, paráre vias ejus:

Ad dandam sciéntiam salútis plebi
 ejus, * in remissiónem peccatórum
 eórum:

Per víscera misericórdiæ Dei nostri:
 * in quibus visitávit nos, óriens ex alto:

Illumináre his, qui in ténebris, et in
 umbra mortis sedent: * ad dirigéndo
 pedes nostros in viam pacis.

Glória Patri.

Deinde dicitur Antiphona et Ora-
 tio propria, et post eam, si occurrat
 eo die aliquod Festum simplex, fit de
 eo Commemoratio.

Postremo (si id tempus requirit) fiunt
 Commemorationes communes de
 S. Maria, de Apostolis, et de Patrono
 Ecclesiæ, in ordine aliarum Comme-
 morationum, secundum illius dignita-
 tem, et ultimo loco de Pace, ut infra
 in Vesperis Sabbati.

In fine, si discedendum sit a Choro,
 dicitur una ex Antiphonis B. Mariæ,
 ut habetur infra post Completorium.

DOMINICA AD PRIMAM.

Pater noster... Ave María...
 Credo in Deum...
 V. Deus in adiutorium meum,
 ut supra in Laudibus 14.

Hymnus.

Jam lucis orto sidere,
 Deum precemur supplices,
 Ut in diurnis actibus
 Nos servet a nocentibus.

Lingua refrænans temperet,
 Ne litis horror insonet:
 Visum fovendo contegat,
 Ne vanitates haúriat.

Sint pura cordis íntima,
 Absístat et vecórdia:
 Carnis terat superbiam
 Potus cibique párcitas:

Ut, cum dies abscésserit,
 Noctémque sors redúxerit,
 Mundi per abstinentiam
 Ipsi canámus glóriam.

Deo Patri sit glória,
 Ejúsque soli Fílio,
 Cum Spíritu Paráclito,
 Nunc, et per omne sæculum.
 Amen.

In Dominicis Quadragesimæ, Antiphona propria.

Tempore Paschali, Antiph. ton. 8. Allelúja.

Psalmus 53.

Deus in nómine tuo salvum me fac:
 * et in virtúte tua júdica me.
 Deus, exáudi oratióem meam: *
 aúribus pèrcipe verba oris mei.
 Quóniam aliéni insurrexérunt advérsus me,
 et fortes quæsiérunt ánimam meam:
 * et non proposuérunt Deum ante conspéctum suum.
 Ecce enim Deus ádjuvat me: * et
 Dóminus suscéptor est ánimæ meæ.
 Avérte mala inimícis meis: * et in
 veritáte tua dispérde illos.

Voluntárie sacrificábo tibi: * et confitébor nómini tuo, Dómine, quóniam bonum est.

Quóniam ex omni tribulatióne eripúisti me: * et super inimícos meos despéxit óculus meus.

¶ Sequens Psalmus, Confitémini Dómino... dicitur tantum in Dominicis, quando fit Officium de Dominica, ut in Psalterio; præterquam in Dominicis a Paschate usque ad Pentecosten.

A Septuagesima vero usque ad Pascha ejus loco dicitur:

Psalmus 92.

Dominus regnávít, decórem indútus est: * indútus est Dóminus fortitúdinem, et præcínxit se.

Etenim firmávit orbem terræ, * qui non commovébitur.

Paráta sedes tua ex tunc: * a sæculo tu es.

Elevavérunt flúmina, Dómine, * elevavérunt flúmina vocem suam.

Elevavérunt flúmina fluctus suos, * a vóci bus aquárum multárum.

Mirábiles elatiónes maris, * mirábilis in altis Dóminus.

Testimónia tua credibília facta sunt nimis: * domum tuam decet sanctitúdo, Dómine, in longitúdinem diérum.

Psalmus 117.

Confitémini Dómino, quóniam bonus: * quóniam in sæculum misericórdia ejus.

Dicat nunc Israel, quóniam bonus: * quóniam in sæculum misericórdia ejus.

Dicat nunc domus Aaron: * quóniam in sæculum misericórdia ejus.

Dicant nunc, qui timent Dóminum: * quóniam in sæculum misericórdia ejus.

De tribulatióne invocávi Dóminum: * et exaudivit me in latitúdine Dóminus.

Dóminus mihi adjútor: * non timébo, quid fáciat mihi homo.

Dóminus mihi adjutor: * et ego despiciam inimicos meos.

Bonum est confidere in Dómino, * quam confidere in hómine.

Bonum est sperare in Dómino, * quam sperare in princípibus.

Omnes Gentes circuiérunt me: * et in nómine Dómini, quia ultus sum in eos.

Circumdantes circumdedérunt me: * et in nómine Dómini, quia ultus sum in eos.

Circumdedérunt me sicut apes, et exarsérunt sicut ignis in spinis: * et in nómine Dómini, quia ultus sum in eos.

Impulsus evérsus sum ut cáderem: * et Dóminus suscepit me.

Fortitúdo mea, et laus mea Dóminus: * et factus est mihi in salutem.

Vox exultationis et salutis, * in tabernaculis justorum.

Déxtera Dómini fecit virtutem: déxtera Dómini exaltávit me: * déxtera Dómini fecit virtutem.

Non móriar, sed vivam: * et narrábo ópera Dómini.

Castigans castigávit me Dóminus: * et morti non trádidit me.

Aperíte mihi portas justitiæ, ingressus in eas confitebor Dómino: * hæc porta Dómini, justi intrábunt in eam.

Confitebor tibi, quóniam exaudísti me: * et factus es mihi in salutem.

Lápidem, quem reprobavérunt edificantes, * hic factus est in caput ánguli.

A Dómino factum est istud: * et est mirábile in óculis nostris.

Hæc est dies, quam fecit Dóminus: * exultémus, et lætémur in ea.

O Dómine, salvum me fac, o Dómine, bene prosperáre: * benedíctus qui venit in nómine Dómini.

Benedíximus vobis de domo Dómini: * Deus Dóminus, et illúxit nobis.

Constitúite diem solénnem in condénsis, * usque ad cornu altáris.

Deus meus es tu, et confitebor tibi: * Deus meus es tu, et exaltábo te.

Confitebor tibi, quóniam exaudísti me: * et factus es mihi in salutem.

Confitemini Dómino, quóniam bonus: * quóniam in sæculum misericórdia ejus.

Psalmus 118.

Beáti immaculáti in via, * qui ambulant in lege Dómini.

Beáti, qui scrutántur testimónia ejus: * in toto corde exquirunt eum.

Non enim, qui operántur iniquitatem, * in viis ejus ambulavérunt.

Tu mandásti, * mandáta tua custodíri nimis.

Utinam dirigántur viæ meæ, * ad custodiédas justificatiónes tuas!

Tunc non confúndar, * cum perspéxero in ómnibus mandátis tuis.

Confitebor tibi in directiône cordis, * in eo, quod didici judícia justitiæ tuæ.

Justificatiónes tuas custodiam: * non me derelínquas usquequáque.

In quo córrigit adolescéntior viam suam? * in custodiéndo sermónes tuos.

In toto corde meo exquisívi te: * ne repéllas me a mandátis tuis.

In corde meo abscondi elóquia tua, * ut non peccem tibi.

Benedíctus es, Dómine: * doce me justificatiónes tuas.

In lábiis meis * pronuntiávi ómnia judícia oris tui.

In via testimoniórum tuórum delectátus sum, * sicut in ómnibus divítiis.

In mandátis tuis exercébor: * et considerábo vias tuas.

In justificatiónebus tuis meditábor: * non oblivíscar sermónes tuos.

Retríbue servo tuo, vivífica me: * et custodiam sermónes tuos.

Revéla óculos meos: * et considerábo mirabília de lege tua.

Incola ego sum in terra: * non abscondas a me mandáta tua.

Concupívit ánima mea desideráre justificatiónes tuas * in omni témpore.

Increpásti supérbos: * maledícti, qui declínant a mandátis tuis.

Aufer a me oppróbrium et contémp-
tum: * quia testimónia tua exquisívi.

Etenim sedérunt príncipes, et advér-
sum me loquebántur: * servus autem
tuus exercebátur in justificatióibus
tuis.

Nam et testimónia tua meditatio mea
est: * et consílium meum justifica-
tiónes tuæ.

Adhæsit paviménto ánima mea: *
vivífica me secúndum verbum tuum.

Vias meas enuntiávi, et exaudísti me:
* doce me justificatiónes tuas.

Viam justificatiónum tuárum ínstrue
me: * et exercébor in mirabílibus tuis.

Dormitávit ánima mea præ tædio: *
confírma me in verbis tuis.

Viam iniquitátis ámove a me: * et de
lege tua miserére mei.

Viam veritátis elégi: * judícia tua non
sum oblítus.

Adhæsi testimóniis tuis, Dómine: *
noli me confúndere.

Viam mandatórum tuórum cucúrri, *
cum dilatásti cor meum.

*Sequens Symbolum dicitur in Do-
minicis tantum, quando fit Officium
de Dominica, ut in Psalterio.*

Symbolum S. Athanasii.

Quicumque vult salvus esse, * ante
ómnia opus est, ut téneat cathó-
licam fidem.

Quam nisi quisque íntegram invio-
latámque serváverit, * absque dúbio
in ætérnum períbit.

Fides autem cathólica hæc est, * ut
unum Deum in Trinitáte, et Trinitá-
tem in unitáte venerémur.

Neque confundéntes persónas, * neque
substántiam separántes.

Alia est enim persóna Patris, ália
Fílii, * ália Spíritus sancti.

Sed Patris, et Fílii, et Spíritus sancti
una est divínitas, * æquális glória,
coætérna majéstas.

Qualis Pater, talis Fílius, * talis Spí-
ritus sanctus.

Increátus Pater, increátus Fílius, *
increátus Spíritus sanctus.

Imménsus Pater, imménsus Fílius, *
imménsus Spíritus sanctus.

Ætérnus Pater, ætérnus Fílius, * ætér-
nus Spíritus sanctus.

Et tamen non tres ætérni, * sed unus
ætérnus.

Sicut non tres increáti, nec tres im-
ménsi, * sed unus increátus, et unus
imménsus.

Simíliter omnípotens Pater, omnípo-
tens Fílius, * omnípotens Spíritus
sanctus.

Et tamen non tres omnipoténtes, *
sed unus omnípotens.

Ita Deus Pater, Deus Fílius, * Deus
Spíritus sanctus.

Et tamen non tres Dii, * sed unus est
Deus.

Ita Dóminus Pater, Dóminus Fílius,
* Dóminus Spíritus sanctus.

Et tamen non tres Dómini, * sed unus
est Dóminus.

Quia, sicut singillátim unamquámque
persónam Deum ac Dóminum confi-
téri Christiána veritate compéllimur:
* ita tres Deos aut Dóminos dícere,
Cathólica religióne prohibémur.

Pater a nullo est factus, * nec creátus,
nec génitus.

Filius a Patre solo est: * non factus,
nec creátus, sed génitus.

Spíritus sanctus a Patre et Fílio: *
non factus, nec creátus, nec génitus,
sed procédens.

Unus ergo Pater, non tres Patres: unus
Fílius, non tres Fílii: * unus Spíritus
sanctus, non tres Spíritus sancti.

Et in hac Trinitáte nihil prius aut po-
stérius, nihil majus aut minus; * sed
totæ tres persónæ coætérnæ sibi sunt,
et coæquáles.

Ita ut per ómnia, sicut jam supra di-
ctum est, * et únitas in Trinitáte, et
Trínitás in unitáte veneránda sit.

Qui vult ergo salvus esse, * ita de Trinitate sentiat.

Sed necessarium est ad aeternam salutem, * ut incarnationem quoque Domini nostri Jesu Christi fideliter credat.

Est ergo fides recta, ut credamus et confiteamur, * quia Dominus noster Jesus Christus Dei Filius, Deus et homo est.

Deus est ex substantia Patris ante saecula genitus: * et homo est ex substantia matris in saeculo natus.

Perfectus Deus, perfectus homo: * ex anima rationali, et humana carne subsistens.

Aequalis Patri secundum divinitatem: * minor Patri secundum humanitatem.

Qui licet Deus sit et homo, * non duo tamen, sed unus est Christus.

Unus autem non conversione divinitatis in carnem, * sed assumptione humanitatis in Deum.

Unus omnino non confusione substantiae, * sed unitate personae.

Nam sicut anima rationalis et caro unus est homo: * ita Deus et homo unus est Christus.

Qui passus est pro salute nostra: descendit ad inferos: * tertia die resurrexit a mortuis.

Ascendit ad coelos, sedet ad dexteram Dei Patris omnipotentis: * inde venturus est judicare vivos et mortuos.

Ad cujus adventum omnes homines resurgere habent cum corporibus suis: * et reddituri sunt de factis propriis rationem.

Et qui bona egerunt, ibunt in vitam aeternam: * qui vero mala, in ignem aeternum.

Haec est fides Catholica: * quam nisi quisque fideliter firmiterque crediderit, salvus esse non poterit.

Gloria Patri...

In Dominicis Quadragesimae, Antiphona propria.

Tempore Paschali, Antiph. Alleluya, alleluya, alleluya.

Capitulum.

I. Tim. I. d.

REgi saeculorum immortalis et invisibili, soli Deo honor et gloria in saecula saeculorum, Amen.

R. Deo gratias.

R. br. Christe, Fili Dei vivi, * Miserere nobis. Et repetitur, Christe, Fili Dei vivi, miserere nobis.

V. Qui sedes ad dexteram Patris.

R. Miserere nobis.

V. Gloria Patri, et Filio, et Spiritui sancto.

R. Christe, Fili Dei vivi, miserere nobis.

V. Exurge, Christe, adjuva nos.

R. Et libera nos propter nomen tuum.

Temp. Pasch. vid. infr. pag. 31.

Sequentes Preces non dicuntur in Duplicibus, nec infra Octavas, sed tunc dicto R. brevi, dicitur: Dominus vobiscum..., et Oratio: Domine, Deus omnipotens... ut infra 22.

KYrie eleison. Christe eleison.

Kyrie eleison.

Pater noster... secreto usque ad

V. Et ne nos inducas in tentationem.

R. Sed libera nos a malo.

Credo in Deum... secreto usque ad

V. Carnis resurrectionem.

R. Vitam aeternam, Amen.

V. Et ego ad te, Domine, clamavi.

R. Et mane oratio mea praeveniet te.

V. Repleatur os meum laude.

R. Ut cantem gloriam tuam, tota die magnitudinem tuam.

V. Domine, averte faciem tuam a peccatis meis.

R. Et omnes iniquitates meas dele.

V. Cor mundum crea in me, Deus.

R. Et spiritum rectum innova in visceribus meis.

V. Ne projicias me a facie tua.

R. Et Spiritum sanctum tuum ne auferas a me.

V. Redde mihi laetitiam salutis tui.

R. Et spiritu principali confirma me.

℣. Adjutórium nostrum in nómine
Dómini.

℞. Qui fecit cœlum et terram.

Deinde Hebdomadarius facit
Confessionem.

Confiteor Deo omnipoténti, beátæ
Mariæ semper Vírgini, beáto Mi-
chaéli Archángelo, beáto Joánni Ba-
ptístæ, sanctis Apóstolis Petro et
Paulo, ómnibus Sanctis, et vobis, fra-
tres, quia peccávi nimis cogitatióne,
verbo, et ópere: mea culpa, mea culpa,
mea máxima culpa. Ideo precor beá-
tam Mariam semper Vírginem, beá-
tum Michaélem Archángelum, beá-
tum Joánnem Baptístam, sanctos
Apóstolos Petrum et Paulum, omnes
Sanctos, et vos, fratres, oráre pro me
ad Dóminum Deum nostrum.

Chorus respondet:

Misereátur tui omnipotens Deus,
et dimíssis peccátis tuis, perdú-
cat te ad vitam ætérnam. ℞. Amen.

Deinde repetit Confessionem, et ubi
dicitur: vobis fratres, et vos fratres,
dicatur: tibi pater, et te pater...

Facta Confessione a Choro,
Hebdomadarius dicit:

Misereátur vestri omnipotens Deus,
et dimíssis peccátis vestris, per-
ducát vos ad vitam ætérnam.
℞. Amen.

Indulgéntiam, absolutiónem et re-
missiónem peccatórum nostrórum
tribuat nobis omnipotens, et miséri-
cors Dóminus. ℞. Amen.

Et proseguitur ℣. Dignáre, Dómine,
die isto. ℞. Sine peccáto nos custodíre.

℣. Miserére nostri, Dómine.

℞. Miserére nostri.

℣. Fiat misericórdia tua, Dómine,
super nos.

℞. Quemádmódum sperávimus in te.

℣. Dómine, exaúdi oratióne meam.

℞. Et clamor meus ad te véniat.

℣. Dóminus vobíscum.

℞. Et cum spíritu tuo.

Orémus. Oratio.

Domine, Deus omnipotens, qui ad
princípium hujus diéi nos perve-
nire fecísti, tua nos hódie salva vir-
túte: ut in hac die ad nullum decli-
némus peccátum, sed semper ad tuam
justítiam faciéndam nostra procedant
elóquia, dirigántur cogitatiónes et
ópera. Per Dóminum nostrum Jesum
Christum Fílium tuum, qui tecum
vivit et regnat in unitáte Spíritus
Sancti Deus, per ómnia sǎcula sǎcu-
lórum. ℞. Amen.

℣. Dóminus vobíscum.

℞. Et cum spíritu tuo.

℣. Benedicámus Dómino.

℞. Deo grátias.

Deinde in Choro legitur Martyrolo-
gium. Et quando dicenda est Prima
de B. Maria, præponitur Lectioni
Martyrologii.

Postea Hebdomadarius dicit:

℣. Pretiósá in conspéctu Dómini.

℞. Mors Sanctórum ejus.

Et absolute sine Orémus.

Oratio.

Sancta María, et omnes Sancti in-
tercedánt pro nobis ad Dóminum:
ut nos mereámur ab eo adjuvári, et
salvári, qui vivit et regnat in sǎcula
sǎculórum. ℞. Amen.

℣. Deus, in adjutórium meum inténde.
℞. Dómine, ad adjuvándum me festína.

Et dicitur ter: ultimo additur: Glória
Patri... Sicut erat... Kýrie eléison.
Christe eléison. Kýrie eléison.

Pater noster... secreto. usque ad

℣. Et ne nos indúcas in tentatióne.

℞. Sed líbera nos a malo.

℣. Réspice in servos tuos, Dómine,
et in ópera tua, et dirige fílios eórum.

℞. Et sit splendor Dómini Dei nostri
super nos, et ópera mánuum nostrá-
rum dirige super nos, et opus mánuum
nostrárum dirige.

℣. Glória Patri... ℞. Sicut erat...

Orémus.

Oratio.

DIrígere et sanctificáre, régere et gubernáre dignáre, Dómine Deus, Rex cœli et terræ, hódie corda et corpóra nostra, sensus, sermónes, et actus nostros in lege tua, et in opéribus mandatórum tuórum: ut hic, et in ætérnum, te auxiliánte, salvi et líberi esse mereámur, Salvátor mundi: Qui vivis et regnas in sæcula sæculórum.

R. Amen.

V. Jube domne benedícere.

Bened. Dies et actus nostros in sua pace dispónat Dóminus omnípotens.

R. Amen.

Ad Absolutionem Capituli in Dominicis et Feriis a Dominica I. Quadragesimæ usque ad Dominicam Passionis exclusive dicitur sequens

Lectio brevis.

Isaiae 55. b.

Quærite Dóminum, dum inveníri potest: invocáte eum, dum prope est. Tu autem, Dómine, miserere nobis.

R. Deo grátias.

A Dominica Passionis usque ad Feriam quintam in Cœna Domini exclusive.

Isaiae 50. c.

Faciem meam non avérti ab increpántibus, et conspuéntibus in me. Dóminus Deus auxiliátor meus, ideo non sum confúsus. Tu autem...

A Dominica Resurrectionis usque ad Ascensionem exclusive.

Coloss. 3.

Si consurrexístis cum Christo, quæ sursum sunt, quærite, ubi Christus est in dextera Dei sedens: quæ sursum sunt, sápite, non quæ super terram. Tu autem...

Post Lectionem brevem dicitur:

V. Adjutórium nostrum in nómine Dómini.

R. Qui fecit cœlum et terram.

V. Benedícite. R. Deus.

Bened. Dóminus nos benedícat, et ab omni malo deféndat, et ad vitam perducát ætérnam; et fidélium ánimæ per misericórdiam Dei requiéscent in pace. R. Amen.

IN FERIALI OFFICIO AD PRIMAM,

EXTRA TEMPUS PASCHALE.

Pater noster.. Ave María.. Credo..
V. Deus in adjutórium. et Hymnus: Jam lucis orto sídere. ut supra 18.

Tempore Quadragesimæ, Antiph. ton. 3. Vivo ego.

Tempore Passionis, Antiph. ton. 1. Libera me Dómine.

Psalmus 53.

Deus, in nómine tuo salvum me fac: * et in virtúte tua júdica me. Deus exaúdi oratióem meam: * aúribus pécipe verba oris mei.

Quóniam aliéni insurrexérunt advérsus me, et fortes quæsiérunt ánimam meam: * et non proposuérunt Deum ante conspéctum suum.

Ecce enim Deus ádjuvat me: * et Dóminus suscéptor est ánimæ meæ.

Avérte mala inimícis meis: * et in veritáte tua dispérde illos.

Voluntárie sacrificábo tibi, * et confitébor nómini tuo, Dómine, quóniam bonum est.

Quóniam ex omni tribulatióne eripuísti me: * et super inimícos meos despéxit óculus meus.

Post Psalmum: Deus in nómine tuo, loco Psalmi: Confitémini, dicitur unus ex infrascriptis Psalmis, secundum Ferias distinctis. Sabbato autem dicuntur tantum tres Psalmi, sicut in Festis.

FERIA SECUNDA.

Psalmus 23.

Domini est terra, et plenitúdo ejus: * orbis terrárum, et univérſi qui hábitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino, * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attólite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attólite portas príncipes vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

FERIA TERTIA.

Psalmus 24.

Ad te, Dómine, levávi ánimam meam: * Deus meus, in te confído, non erubéscam:

Neque irrídeant me inimíci mei: * etenim univérſi, qui sústinent te, non confundéntur.

Confundántur omnes iníqua ágéntes * supervácue.

Vias tuas, Dómine, démonstra mihi, * et sémitas tuas édoce me.

Dirige me in veritáte tua, et doce me: * quia tu es Deus salvátor meus, et te sustínui tota die.

Reminíſcere miserationum tuárum, Dómine, * et misericordiárum tuárum, quæ a sæculo sunt.

Delícta juventútis meæ, * et ignorántias meas ne memíneris.

Secúndum misericórdiam tuam mémento mei tu, * propter bonitátem tuam, Dómine.

Dulcis et rectus Dóminus: * propter hoc legem dabit delinquentibus in via.

Diriget mansuétos in iudício: * docébit mites vias suas.

Univérſæ viæ Dómini, misericórdia et véritas, * requiréntibus testaméntum ejus, et testimónia ejus.

Propter nomen tuum, Dómine, propitiáberis peccáto meo: * multum est enim.

Quis est homo, qui timet Dóminum? * legem státuit ei in via, quam elégit.

Anima ejus in bonis demorábitur: * et semen ejus hæreditábit terram.

Firmaméntum est Dóminus timéntibus eum: * et testaméntum ipsíus, ut manifestétur illis.

Oculi mei semper ad Dóminum, * quóniam ipse evéllit de láqueo pedes meos.

Réspice in me, et miserére mei: * quia únicus et pauper sum ego.

Tribulatiónes cordis mei multiplicatæ sunt: * de necessitatibus meis érue me.

Vide humilitátem meam, et labórem meum, * et dimítte univérſa delícta mea.

Réspice inimícos meos, quóniam multiplicáti sunt: * et ódio iníquo odérunt me.

Custódi ánimam meam, et érue me: * non erubéscam, quóniam sperávi in te.

Innocéntes et recti adhæsérunt mihi: * quia sustínui te.

Libera, Deus, Israel, * ex ómnibus tribulatió nibus suis.

FERIA QUARTA.

Psalmus 25.

Judica me, Dómine, quóniam ego in innocentia mea ingressus sum: * et in Dómino sperans non infirmabor. Proba me, Dómine, et tenta me: * ure renes meos, et cor meum.

Quóniam misericórdia tua ante oculos meos est: * et complacui in veritate tua.

Non sedi cum concilio vanitátis: * et cum iniqua geréntibus non introibo.

Odívi ecclésiám malignántium: * et cum impiis non sedébo.

Lavábo inter innocéntes manus meas: * et circúmdabo altáre tuum, Dómine.

Ut aúdiam vocem laudis: * et enárem univérsa mirabília tua.

Dómine, diléxi decórem domus tuæ, * et locum habitatiónis glóriæ tuæ.

Ne perdas cum impiis, Deus, ánimam meam, * et cum viris sánguinem vitæ meam:

In quorum mánibus iniquitátes sunt: * dextera eórum repléta est munéribus.

Ego autem in innocentia mea ingressus sum: * rédime me, et miserére mei.

Pes meus stetit in dirécto: * in ecclésiis benedícam te, Dómine.

FERIA QUINTA.

Psalmus 22.

Dominus regit me, et nihil mihi déerit: * in loco páscuæ ibi me collocávit.

Super aquam refectionis educávit me: * ánimam meam convértit.

Dedúxit me super sémitas justítiæ * propter nomen suum.

Nam et si ambulávero in médio umbræ mortis, non timébo mala: * quóniam tu mecum es.

Virga tua, et báculo tuus: * ipsa me consoláta sunt.

Parásti in conspéctu meo mensam * advérsus eos, qui tríbulant me.

Impinguásti in óleo caput meum: * et calix meus inébrians quam præclárus est!

Et misericórdia tua subsequétur me * ómnibus diébus vitæ meæ:

Et ut inhábitem in domo Dómini * in longitudínem diérum.

FERIA SEXTA.

Psalmus 21.

Deus Deus meus, respice in me: * quare me dereliquísti? * longe a salute mea verba delictórum meórum.

Deus meus, clamábo per diem, et non exaúdiēs: * et nocte, et non ad insipientiam mihi.

Tu autem in sancto hábitas, * laus Israel.

In te speravérunt patres nostri: * speravérunt, et liberásti eos.

Ad te clamavérunt, et salvi facti sunt: * in te speravérunt, et non sunt confúsi.

Ego autem sum vermis, et non homo: * oppróbrium hóminum, et abjectio plebis.

Omnes vidéntes me, derisérunt me: * locúti sunt lábiis, et movérunt caput.

Sperávit in Dómino, erípiat eum: * salvum fáciat eum, quóniam vult eum.

Quóniam tu es, qui extraxísti me de ventre, * spes mea ab ubéribus matris meæ. In te proyéctus sum ex útero:

De ventre matris meæ Deus meus es tu: * ne discésseris a me.

Quóniam tribulatio próxima est: * quóniam non est qui adjuvet.

Circumdedérunt me vítuli multi: * tauri pingues obsedérunt me.

Aperuérunt super me os suum, * sicut leo rápiens et rúgiens.

Sicut aqua effúsus sum: * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhæsit faucibus meis: * et in púlverem mortis deduxísti me.

Quóniam circumdederunt me canes multi: * consilium malignantium obse-
dit me.

Foderunt manus meas et pedes meos:
* dinumeraverunt omnia ossa mea.

[psi vero consideraverunt et inspexerunt me: * divisérunt sibi vestimenta mea: et super vestem meam miserunt sortem.

Tu autem, Dómine, ne elongáveris auxilium tuum a me: * ad defensionem meam cónspice.

Erue a frámea, Deus, ánimam meam: * et de manu canis únicam meam.

Salva me ex ore leónis, * et a cornibus unicórnium humilitatem meam.

Narrábo nomen tuum fratribus meis: * in médio Ecclésiæ laudábo te.

Qui timétis Dóminum, laudáte eum: * univérsum semen Jacob glorificáte eum.

Tímeat eum omne semen Israel: * quóniam non sprexit, neque despexit deprecationem paúperis.

Nec avértit faciém suam a me: * et cum clamárem ad eum, exaudivit me.

Apud te laus mea in Ecclésia magna: * vota mea reddam in conspéctu timéntium eum.

Edent paúperes, et saturabúntur: et laudábunt Dóminum, qui requirunt eum: * vivent corda eórum in sæculum sæculi.

Reminiscéntur et converténtur ad Dóminum * univérsi fines terræ.

Et adorábunt in conspéctu ejus * univérse famíliæ Géntium.

Quóniam Dómini est regnum: * et ipse dominábitur Géntium.

Manducaverunt, et adoraverunt omnes pingues terræ: * in conspéctu ejus cadent omnes, qui descendunt in terram.

Et ánima mea illi vivet: * et semen meum sérviet ipsi.

Annuntiábitur Dómino generátio ventúra: * et annuntiábunt cœli justí-

tiam ejus pópulo, qui nascétur, quem fecit Dóminus.

Sabbato nihil additur, ut supra in Rubrica. 24. Deinde dicitur

Psalmus 118.

BEáti immaculáti in via, * qui ambulánt in lege Dómini.

Beáti, qui scrutántur testimónia ejus: * in toto corde exquirunt eum.

Non enim qui operántur iniquitatem, * in viis ejus ambulavérunt.

Tu mandásti * mandáta tua custodíri nimis.

Utinam dirigántur viæ meæ, * ad custodiéndas justificatiónes tuas.

Tunc non confúndar, * cum perspéxero in ómnibus mandátis tuis.

Confitébor tibi in directiône cordis: * in eo quod didici judícia justítiæ tuæ.

Justificatiónes tuas custódiam: * non me derelínquas usquequaque.

In quo córrigit adolescéntior viam suam? * in custodiéndo sermónes tuos.

In toto corde meo exquisívi te: * ne repéllas me a mandátis tuis.

In corde meo abscondi elóquia tua: * ut non peccem tibi.

Benedíctus es, Dómine: * doce me justificatiónes tuas.

In lábiis meis * pronuntiávi ómnia judícia oris tui.

In via testimoniórum tuórum delectátus sum, * sicut in ómnibus divítiis.

In mandátis tuis exercébor: * et considerábo vias tuas.

In justificatióibus tuis meditábor: * non oblivíscar sermónes tuos.

REtribue servo tuo, vivífica me: * et custódiam sermónes tuos.

Revéla óculos meos: * et considerábo mirábilia de lege tua.

Incola ego sum in terra: * non abscondas a me mandáta tua.

Concupívit ánima mea desideráre justificatiónes tuas * in omni témpore.

Increpásti supérbos: * maledícti qui declínant a mandátis tuis.

Aufer a me oppróbrium et contémptum: * quia testimónia tua exquisívi.

Etenim sedérunt príncipes, et advérsus me loquebántur: * servus autem tuus exercebátur in justificatióibus tuis.

Nam et testimónia tua meditatio mea est: * et consílium meum justificatiónes tuæ.

Adhæsit paviménto ánima mea: * vivífica me secúndum verbum tuum.

Vias meas enuntiávi, et exaudísti me: * doce me justificatiónes tuas.

Viam justificatiónum tuárum ínstrue me: * et exercébór in mirabílibus tuis.

Dormitávit ánima mea præ tædio: * confírma me in verbis tuis.

Viam iniquitátis ámove a me: * et de lege tua miserére mei.

Viam veritátis elégi: * judícia tua non sum oblítus.

Adhæsi testimóniis tuis, Dómine: * noli me confúndere.

Viam mandatórum tuórum cucúrri, * cum dilatásti cor meum.

Tempore Quadragesimæ, Antiph.
Vivo ego, dicit Dóminus, nolo mortem peccatóris, sed ut magis convertátur, et vivat.

Tempore Passionis, Antiph. Libera me, Dómine, et pone me juxta te: et cuiúsvis manus pugnet contra me.

Capitulum. Zachariæ 8. d.

Pacem et veritatem dilígite, ait Dóminus omnípotens.

R. Deo grátias.

R. br. Christe, Fili Dei vivi, * Miserére nobis. **Et repetitur:** Christe, Fili Dei vivi, miserére nobis.

V. Qui sedes ad dexteram Patris.

R. Miserére nobis.

V. Glória Patri, et Fílio, et Spíritui Sancto.

R. Christe, Fili Dei vivi, miserére nobis.

V. Exúrge, Christe, ádjuva nos.

R. Et líbera nos propter nomen tuum.

Kýrie eléison. **Ch**riste eléison.
Kýrie eléison.

Pater noster, **secreto usque ad**

V. Et ne nos indúcas in tentatiónem.

R. Sed líbera nos a malo.

Credo in Deum, **secreto usque ad**

V. Carnis resurrectionem.

R. Vitam ætérnam. Amen.

V. Et ego ad te, Dómine, clamávi.

R. Et mane oratio mea præveniet te.

V. Repleátur os meum laude.

R. Ut cantem glóriam tuam, tota die magnitúdinem tuam.

V. Dómine, avérte faciém tuam a peccátis meis.

R. Et omnes iniquitátes meas dele.

V. Cor mundum crea in me, Deus.

R. Et spíritum rectum ínnova in viscéribus meis.

V. Ne projícias me a fácie tua.

R. Et Spíritum sanctum tuum ne aúferas a me.

V. Redde mihi lætítiam salutáris tui.

R. Et spíritu principáli confírma me.

Quando ad Laudes non sunt dictæ Preces FERIALES, statim dicitur: Adju-tórium nostrum... et Confíteor Deo... ut infra.

Quando autem ad Laudes dictæ sunt Preces FERIALES inferius positæ post Laudes FERIÆ secundæ, tunc ad Primam prædictæ Preces, et sequentes dicuntur flexis genibus.

V. Eripeme, Dómine, ab hóminemalo.

R. A viro iníquo éripe me.

V. Eripe me de inimícis meis, Deus meus.

R. Et ab insurgéntibus in me líbera me.

- V. Eripe me de operantibus iniquitatem.
 R. Et de viris sanguinum salva me.
 V. Sic psalmum dicam nomini tuo in saeculum saeculi.
 R. Ut reddam vota mea de die in diem.
 V. Exaudi nos Deus salutaris noster.
 R. Spes omnium finium terrae, et in mari longe.
 V. Deus in adiutorium meum intende.
 R. Dñe ad adiuvandum me festina.
 V. Sanctus Deus, Sanctus Fortis, Sanctus Immortalis.
 R. Miserere nobis.
 V. Benedic anima mea Domino.
 R. Et omnia, quæ intra me sunt, nomini sancto ejus.
 V. Benedic anima mea Domino.
 R. Et noli oblivisci omnes retributiones ejus.
 V. Qui propitiatur omnibus iniquitatibus tuis.
 R. Qui sanat omnes infirmitates tuas.
 V. Qui redimit de interitu vitam tuam.
 R. Qui coronat te in misericordia et miserationibus.
 V. Qui replet in bonis desiderium tuum.
 R. Renovabitur ut aquilæ juvenis tua.
 V. Adiutorium nostrum in nomine Domini.
 R. Qui fecit cælum et terram.

Deinde Hebdomadarius facit
Confessionem.

Confiteor Deo omnipotenti, beatæ Mariæ semper Virgini, beato Michaëli Archangelo, beato Joanni Baptistæ, sanctis Apostolis Petro et Paulo, omnibus Sanctis, et vobis, fratres: quia peccavi nimis cogitatione, verbo, et opere: mea culpa, mea culpa, mea maxima culpa. Ideo precor beatam Mariam semper Virginem, beatum Michaëlem Archangelum, beatum Joannem Baptistam, sanctos Apostolos Petrum et Paulum, omnes Sanctos, et vos fratres, orare pro me ad Dominum Deum nostrum.

Chorus respondet:

Misereatur tui omnipotens Deus, et dimissis peccatis tuis, perducat te ad vitam æternam. R. Amen.

Deinde repetit Confessionem: et ubi dicitur: vobis, fratres, et vos, fratres, dicatur tibi pater, et te pater.

Facta Confessione a Choro,
Hebdomadarius dicit:

Misereatur vestri omnipotens Deus, et dimissis peccatis vestris, perducat vos ad vitam æternam. R. Amen.

Indulgentiam, absolutiõnem, et remissionem peccatorum nostrorum tribuat nobis omnipotens et misericors Dominus. R. Amen.

Et prosequitur V. Dignare, Domine, die isto.

R. Sine peccato nos custodire.

V. Miserere nostri, Domine.

R. Miserere nostri.

V. Fiat misericordia tua, Domine, super nos.

R. Quemadmodum speravimus in te.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Orémus.

Oratio.

Domine Deus omnipotens, qui ad principium hujus diæ nos pervenire fecisti: tua nos hodie salva virtute; ut in hac die ad nullum declinemus peccatum, sed semper ad tuam justitiam faciendam nostra procedant eloquia, dirigantur cogitationes et opera. Per Dominum nostrum Jesum Christum Filium tuum: qui tecum vivit et regnat in unitate Spiritus sancti Deus, per omnia sæcula sæculorum. R. Amen.

V. Dominus vobiscum.

R. Et cum spiritu tuo.

V. Benedicamus Domino.

R. Deo gratias.

Deinde in Choro legitur Martyrologium. Et quando dicenda est Prima de B. Maria, præponitur Lectioni Martyrologii.

Postea Hebdomadarius dicit:

V. Pretiosa in conspectu Domini.

R. Mors sanctorum ejus.

Et absolute sine Orémus.

Oratio.

Sancta Maria, et omnes Sancti intercedant pro nobis ad Dominum: ut nos mereamur ab eo adjuvari et salvari, qui vivit et regnat in sæcula sæculorum. **R. Amen.**

V. Deus, in adiutorium meum intende.

R. Domine, ad adiuvandum me festina.

Et dicitur ter: ultimo additur Gloria Patri. Sicut erat. Kyrie eleison. Christe eleison. Kyrie eleison. Pater noster. secreto.

V. Et ne nos inducas in tentationem.

R. Sed libera nos a malo.

V. Respice in servos tuos, Domine, et in opera tua, et dirige filios eorum.

R. Et sit splendor Domini Dei nostri super nos, et opera manuum nostrarum dirige super nos, et opus manuum nostrarum dirige.

V. Gloria Patri. R. Sicut erat.

Orémus.

Oratio.

Dirigere et sanctificare, regere et gubernare dignare, Domine Deus Rex cœli et terræ, hodie corda et corpora nostra, sensus, sermones, et actus nostros in lege tua, et in operibus mandatorum tuorum: ut hic, et in æternum, te auxiliante, salvi et liberi esse mereamur, Salvator mundi: Qui vivis et regnas in sæcula sæculorum. **R. Amen.**

V. Jube domne benedicere.

Bened. Dies et actus nostros in sua pace disponat Dominus omnipotens. **R. Amen.**

Ad Absolutionem Capituli in Dominicis et Feriis a Dominica I. Quadragesimæ usque ad Dominicam Passionis exclusive dicitur sequens

Lectio brevis. Isaiae 55. b.

Quærite Dominum, dum inveniri potest: invocate eum, dum prope est. Tu autem, Domine, miserere nobis.

R. Deo gratias.

A Dominica Passionis usque ad Feriam quintam in Cœna Domini exclusive.

Isaiae 50. c.

Faciem meam non averti ab increpantibus, et conspuentibus in me. Dominus Deus auxiliator meus, ideo non sum confusus. Tu autem...

A Dominica Resurrectionis usque ad Ascensionem exclusive.

Coloss. 3.

Si consurrexistis cum Christo, quæ sursum sunt quærite, ubi Christus est in dextera Dei sedens; quæ sursum sunt sapite, non quæ super terram. Tu autem...

Post Lectionem brevem dicitur:

V. Adiutorium nostrum in nomine Domini.

R. Qui fecit cœlum et terram.

V. Benedicite. R. Deus.

Bened. Dominus nos benedicat, et ab omni malo defendat, et ad vitam perducat æternam: et Fidelium animæ per misericordiam Dei requiescant in pace. **R. Amen.**



IN FESTIS PER ANNUM AD PRIMAM,
ET IN FIERIALI OFFICIO TEMPORE PASCHALI.

Pater noster.... Ave María....
Credo in Deum...
V. Deus, in adiutorium meum...
ut supra. 14.

Hymnus.

Jam lucis orto sidere,
Deum precemur supplices,
Ut in diurnis actibus
Nos servet a nocentibus.

Linguam refrænans temperet,
Ne litis horror insonet:
Visum fovendo contegat,
Ne vanitates haúriat.

Sint pura cordis íntima,
Absistat et vecordia:
Carnis terat superbiam
Potus cibique párcitas.

Ut, cum dies abscésserit,
Noctemque sors redúxerit,
Mundi per abstinéntiam
Ipsi canámus glóriam.

Deo Patri sit glória,
Ejúsque soli Fílio,
Cum Spíritu Paráclito,
Nunc, et per omne sæculum.
Amen.

Antiphona competens.

Psalmus 53.

Deus in nómine tuo salvum me
fac: * et in virtúte tua júdica me.
Deus, exaúdi orationem meam: * aúri-
bus pércipe verba oris mei.

Quóniam aliéni insurrexérunt advér-
sum me, et fortes quæsiérunt ánimam
meam: * et non proposuérunt Deum
ante conspéctum suum.

Ecce enim Deus ádjuvat me: * et Dó-
minus suscep-tor est ánimæ meæ.

Avérte mala inimícis meis: * et in
veritate tua dispérde illos.

Voluntárie sacrificábo tibi: * et con-
fitebor nómini tuo, Dómine, quóniam
bonum est.

Quóniam ex omni tribulatione eri-
puísti me: * et super inimícos meos
despéxit óculus meus.

Psalmus 118.

Beáti immaculáti in via, * qui ám-
bulant in lege Dómini.

Beáti, qui scrutántur testimónia ejus:
* in toto corde exquirunt eum.

Non enim qui operántur iniquitátem,
* in viis ejus ambulavérunt.

Tu mandásti * mandáta tua custodíri
nimis.

Utinam dirigántur viæ meæ, * ad cu-
stodiéndas justificatiónes tuas!

Tunc non confúndar, * cum perspé-
xero in ómnibus mandátis tuis.

Confitebor tibi in directiône cordis, *
in eo quod didici júdicia justítiæ tuæ.

Justificatiónes tuas custódiám: * non
me derelínquas usquequáque.

In quo córrigit adolescéntior viam
suam? * in custodiéndo sermónes tuos.

In toto corde meo exquisívi te: * ne
repéllas me a mandátis tuis.

In corde meo abscondi elóquia tua, *
ut non peccem tibi.

Benedíctus es, Dómine: * doce me
justificatiónes tuas.

In lábiis meis * pronuntiávi ómnia
júdicia oris tui.

In via testimoniórum tuórum delectá-
tus sum, * sicut in ómnibus divítiis.

In mandátis tuis exercébor: * et con-
siderábo vias tuas.

In justificatióibus tuis meditábor: *
non oblivíscar sermónes tuos.

Retríbue servo tuo, vivífica me: *
et custódiám sermónes tuos.

Revéla óculos meos: * et considerábo
mirábilia de lege tua.

Incola ego sum in terra: * non abs-
cóndas a me mandáta tua.

Concupívit ánimá mea desideráre ju-
stificatiónes tuas * in omni témpore.

Increpásti superbos: * maledícti qui
declínant a mandátis tuis.

Aufer a me oppróbrium et contém-
ptum: * quia testimónia tua exquisívi.

Etenim sedérunt príncipes, et advérsus me loquebántur: * servus autem tuus exercebátur in justificatióibus tuis.

Nam et testimónia tua meditatio mea est: * et consílium meum justificatiónes tuæ.

A dhæsit paviménto ánima mea: * vivifica me secúndum verbum tuum.

Vias meas enuntiávi, et exaudísti me: * doce me justificatiónes tuas.

Viam justificatiónum tuárum ínstrue me: * et exercébor in mirabílibus tuis.

Dormitávit ánima mea præ tædio: * confirma me in verbis tuis.

Viam iniquitátis ámove a me: * et de lege tua miserére mei.

Viam veritátis elégi: * iudícia tua non sum oblítus.

A dhæsi testimoniis tuis, Dómine: * noli me confúndere.

Viam mandatórum tuórum cucúrri, * cum dilatásti cor meum.

Antiphona competens.

Capitulum. 1. Tim. 1. d.

R Egi sæculórum immortalí et invísibili, soli Deo honor et glória in sæcula sæculórum. Amen.

R. Deo grátias.

R. br. Christe, Fili Dei vivi, * Miserére nobis. *Et repetitur:* Christe, Fili Dei vivi, miserére nobis.

V. Qui sedes ad dexteram Patris.

R. Miserére nobis.

V. Glória Patri, et Fílio, et Spirítui sancto.

R. Christe, Fili Dei vivi, miserére nobis.

V. Exúrge, Christe, ádjuva nos.

R. Et líbera nos propter nomen tuum.

Prædictum Responsorium breve dicitur per totam Quadragesimam, et per Annum.

Tempore Paschali vero (a Dominica in Albis usque ad Sabbatum post Pentecosten) tam in Dominicis quam

in Feriis, ac etiam in Festis dicitur idem Respons. modo sequenti:

R. br. Christe, Fili Dei vivi, miserére nobis, * Allelúja, allelúja. *Et repetitur eodem modo:*

V. Qui resurrexísti a mórtuis.

R. Allelúja, allelúja.

V. Glória Patri, et Fílio, et Spirítui sancto.

R. Christe, Fili Dei vivi, miserére nobis, allelúja, allelúja.

V. Exúrge, Christe, ádjuva nos, allelúja.

R. Et líbera nos propter nomen tuum, allelúja.

Sed in Festo Ascensionis et per totam Octavam, ac etiam Feria VI. et Sabbato post Octavam dicitur

V. Qui scandis super sídera, * Allelúja, allelúja.

Similiter in Festo Pentecostes usque ad Sabbatum sequens dicitur

V. Qui sedes ad dexteram Patris, * Allelúja, allelúja.

Preces: K ýrie eléison... quæ non dicuntur in Duplicibus nec infra Octavas, habentur supra in Dominica, 21.

V. Dóminus vobíscum.

R. Et cum spíritu tuo.

O rémus. Oratio.

D Omine Deus omnípotens, qui ad princípium hujus diéi nos pervénire fecísti: tua nos hódie salva virtúte: ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatiónes et ópera. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus Sancti Deus: Per ómnia sæcula sæculórum. **R.** Amen.

V. Dóminus vobíscum.

R. Et cum spíritu tuo.

V. Benedicámus Dómino.

R. Deo grátias.

Deinde in Choro legitur Martyrologium. Et quando dicenda est Prima de B. V. Maria, præponitur lectioni Martyrologii.

Postea Hebdomadarius dicit:
 V. Pretiosa in conspectu Domini.
 R. Mors Sanctorum ejus.

Et absolute sine Orémus:
 Oratio.

Sancta María, et omnes Sancti intercedant pro nobis ad Dominum: ut nos mereámur ab eo adjuvâri et salvâri, qui vivit et regnat in sæcula sæculorum. R. Amen.

V. Deus, in adiutorium meum intende.
 R. Domine, ad adiuvandum me festina.

Et dicitur ter; ultimo additur:
 Glória Patri... Sicut erat...
 Kýrie eléison. Christe eléison. Kýrie eléison. Pater noster... secreto.
 V. Et ne nos inducas in tentationem.
 R. Sed libera nos a malo.
 V. Respice in servos tuos, Domine, et in ópera tua, et dirige filios eorum.
 R. Et sit splendor Domini Dei nostri super nos, et ópera manuum nostrarum dirige super nos, et opus manuum nostrarum dirige.
 V. Glória Patri... R. Sicut erat...

Orémus. Oratio.

Dirigere et sanctificare, regere et gubernare dignare, Domine Deus Rex cœli et terræ, hodie corda et corpora nostra, sensus, sermones et actus nostros in lege tua, et in opéribus mandatorum tuorum: ut hic, et in ætérnum, te auxiliante, salvi et liberi esse mereámur, Salvátor mundi: Qui vivis et regnas in sæcula sæculorum. R. Amen.

V. Jube domne benedicere.

Bened. Dies et actus nostros in sua pace dispónat Dominus omnipotens. R. Amen.

Ad Absolutionem Capituli in Festis dicitur Capitulum Nonæ; e. gr. in plur. Festis B. V. Mariæ per Annum:

Lectio brevis. Eccli. 24. b.

In platéis sicut cinnamómum et balsamum aromatizans odorem dedi: quasi myrrha electa dedi suavitatem odoris. Tu autem, Domine, misere nobis.

R. Deo grátias.

Post Lectionem brevem dicitur:

V. Adiutorium nostrum in nómine Domini.

R. Qui fecit cœlum et terram.

V. Benedícite. R. Deus.

Bened. Dominus nos benedícat, et ab omni malo deféndat, et ad vitam perdúcat ætérnam: et Fidélium animæ per misericórdiam Dei requiescant in pace. R. Amen.

AD TERTIAM.

Pater noster... Ave María...
 Deus in adiutorium. 14.

Hymnus.

Nunc sancte nobis Spíritus,
 Unum Patri cum Filio,
 Dignare promptus ingeri
 Nostro refusus pectori.
 Os, lingua, mens, sensus, vigor,
 Confessionem personent,
 Flammescat igne charitas,
 Accendat ardor próximos.
 Præsta, Pater piissime,
 Patrique compar Unice,
 Cum Spíritu Paráclito
 Regnans per omne sæculum.
 Amen.

In Dominicis Quadragesimæ, Antiphona propria.

Tempore Quadragesimæ in Feriali Officio, Antiphona, ton. 8. Advenérunt nobis.

Tempore Passionis, Antiph. ton. 4. Judicásti, Domine.

Tempore Paschali in Dominicis, et in Feriali Officio, Antiphona, ton. 2. Allelúja.

Psalmus (118, 33).

Legem pone mihi, Dómine, viam justificatiónum tuárum: * et exquiram eam semper.

Da mihi intelléctum, et scrutabor legem tuam: * et custódiam illam in toto corde meo.

Deduc me in sémitam mandatorum tuorum, * quia ipsam volui.

Inclína cor meum in testimónia tua, * et non in avarítiam.

Avérte óculos meos, ne vídeant vanitatem: * in via tua vivífica me.

Státue servo tuo elóquium tuum * in timóre tuo.

Amputa oppróbrium meum, quod suspicátus sum: * quia iudícia tua jucúnda.

Ecce concupívi mandáta tua: * in æquitáte tua vivífica me.

Et véniat super me misericórdia tua, Dómine: * salutare tuum secúndum elóquium tuum.

Et respondébo exprobrántibus mihi verbum: * quia sperávi in sermónibus tuis.

Et ne aúferas de ore meo verbum veritátis usquequáque: * quia in iudíciis tuis supersperávi.

Et custódiam legem tuam semper, * in sæculum, et in sæculum sæculi.

Et ambulábam in latitúdine: * quia mandáta tua exquisívi.

Et loquébar in testimóniis tuis in conspéctu regum: * et non confundébar.

Et meditábar in mandátis tuis, * quæ diléxi.

Et levávi manus meas ad mandáta tua, quæ diléxi: * et exercébar in justificatióibus tuis.

Memor esto verbi tui servo tuo, * in quo mihi spem dedísti.

Hæc me consoláta est in humilitáte mea: * quia elóquium tuum vivificávit me.

Supérbi iníque agébant usquequáque: * a lege autem tua non declinávi.

Memor fui judiciórum tuorum a sæculo, Dómine: * et consolátus sum.

Deféctio ténuít me, * pro peccatóríbus derelinquéntibus legem tuam.

Cantábiles mihi erant justificatióes tuæ, * in loco peregrinatióis meæ.

Memor fui nocte nóminis tui, Dómine: * et custodívi legem tuam.

Hæc facta est mihi: * quia justificatióes tuas exquisívi.

Pórtio mea, Dómine, * dixi, custodíre legem tuam.

Deprecátus sum fáciem tuam in toto corde meo: * miserére mei secúndum elóquium tuum.

Cogitávi vias meas: * et convérsti pedes meos in testimónia tua.

Parátus sum, et non sum turbátus: * ut custódiam mandáta tua.

Funes peccatóríum circumpléxi sunt me: * et legem tuam non sum oblítus.

Média nocte surgébam ad confiténdum tibi, * super iudícia justificatióis tuæ.

Párticeps ego sum ómnium timéntium te, * et custodiéntium mandáta tua.

Misericórdia tua, Dómine, plena est terra: * justificatióes tuas doce me.

Bonitatem fecísti cum servo tuo, Dómine, * secúndum verbum tuum.

Bonitatem, et disciplínam, et sciéntiam doce me: * quia mandátis tuis crédidi.

Priúsqvam humiliárer, ego delíqui: * propterea elóquium tuum custodívi.

Bonus es tu: * et in bonitáte tua doce me justificatióes tuas.

Multiplicáta est super me iníquitas superbórum: * ego autem in toto corde meo scrutábor mandáta tua.

Coagulátum est sicut lac cor eórum: * ego vero legem tuam meditátus sum.

Bonum mihi, quia humiliásti me: * ut discam justificatióes tuas.

Bonum mihi lex oris tui, * super mília auri et argénti.

Manus tuæ fecerunt me, et plasmarunt me: * da mihi intelléctum, et discam mandata tua.

Qui timent te, vidébunt me, et lætabúntur: * quia in verba tua superávi.

Cognóvi, Dómine, quia æquitas iudicia tua: * et in veritate tua humiliásti me.

Fiat misericórdia tua, ut consolétur me, * secúndum elóquium tuum servo tuo.

Véniant mihi miseratiónes tuæ, et vivam: * quia lex tua meditatio mea est. Confundántur superbi, quia injúste iniquitatem fecerunt in me: * ego autem exercébor in mandátis tuis.

Convertántur mihi timéntes te: * et qui novérunt testimónia tua.

Fiat cor meum immaculátum in justificatióibus tuis: * ut non confundar.

In Dominicis Quadragesimæ, Antiphona propria.

Tempore Quadragesimæ in Feriali Officio; Antiph. Advenérunt nobis dies poeniténtiæ, ad rediménda peccáta, ad salvándas ánimas.

Capitulum. Joel 2. c.

Convertimini ad me in toto corde vestro, in jejúnio, et fletu, et planctu: et scíndite corda vestra, et non vestiménta vestra, ait Dóminus omnipotens.

R. br. Ipse liberávit me, * De láqueo venántium. Ipse...

V. Et a verbo áspero.

R. De láqueo venántium.

Gloria Patri.. Ipse...

V. Scápolis suis obumbrábit tibi.

R. Et sub pennis ejus sperábis.

Ad Tertiam, Sextam et Nonam flexis genibus dicitur:

Kýrie eléison. Christe eléison. Kýrie eléison. Pater noster... secreto.

V. Et ne nos indúcas in tentatióem.

R. Sed líbera nos a malo.

V. Dómine, Deus virtútum, convérte nos.

R. Et osténde fáciem tuam, et salvi érimus.

V. Exúrge, Christe, ádjuva nos.

R. Et líbera nos propter nomen tuum.

V. Dómine, exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Oratio conveniens.

Tempore Passionis in feriali Officio, Antiph. Judicásti, Dómine, causam animæ meæ, defénsor vitæ meæ, Dómine Deus meus.

Capitulum. Jer. 17. c.

Domine, omnes qui te derelínquunt, confundéntur: recedéntes a te, in terra scribéntur: quóniam dereliquerunt venam aquárum vivéntium Dóminum.

R. br. Erue a frámea, * Deus, ánimam meam. Erue...

V. Et de manu canis únicam meam.

R. Deus...

Erue a frámea...

V. De ore leónis líbera me, Dómine.

R. Et a córnibus unicórnium humilitatem meam.

Kýrie eléison... ut infra.

Oratio conveniens.

Tempore Paschali in Dominicis, Antiph. Allelúja, allelúja, allelúja, allelúja.

Capitulum proprium de Tempore.

Tempore Paschali in Feriali Officio, Antiph. Allelúja, allelúja, allelúja, allelúja.

Capitulum. Rom. 6. d.

Christus resúrgens ex mórtuis, jam non móritur, mors illi ultra non dominábitur. Quod enim mórtuus est peccáto, mórtuus est semel: quod autem vivit, vivit Deo.

R. br. Surréxit Dóminus de sepúlchro, * Allelúja, allelúja. **Surréxit...**

V. Qui pro nobis pepéndit in ligno. Allelúja, allelúja.

Glória Patri... **Surréxit...**

V. Surréxit Dóminus vere, allelúja.

R. Et apparuit Simóni, allelúja.

Oratio conveniens.



AD SEXTAM.

Pater noster... **Ave** María... **Deus** in adiutorium... 14.

Hymnus.

Rector potens, verax Deus,
Qui temperas rerum vices,
Splendore mane illúminas,
Et ignibus merídiem.

Extingue flammās litium,
Aufer calorem nóxium,
Confer salutem córporum,
Verámque pacem córdium.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

In Dominicis Quadragesimæ, Antiphona propria.

Tempore Quadragesimæ in Feriali Officio, Antiphona ton. 4. Commendémus nosmetipsos.

Tempore Passionis, Antiph. ton. 4. **Póp**ule meus.

Tempore Paschali in Dominicis, et in Feriali Officio, Antiphona ton. 8. Allelúja.

Psalmus (118, 81.)

Defecit in salutáre tuum ánima mea: * et in verbum tuum supersperávi. Defecerunt óculi mei in elóquium tuum, * dicéntes: Quando consoláberis me?

Quia factus sum sicut uter in pruína: * justificatiónes tuas non sum oblítus.

Quot sunt dies servi tui: * quando fácies de persecúentibus me iudícium? **N**arravérunt mihi iníqui fabulatiónes: * sed non ut lex tua.

Omnia mandáta tua véritas: * iníque persecúti sunt me, ádjuva me.

Paulo minus consummavérunt me in terra: * ego autem non derelíqui mandáta tua.

Secúndum misericórdiam tuam vivifica me: * et custódiám testimónia oris tui.

In ætérnum, Dómine, * verbum tuum pérmānet in cœlo.

In generatióem, et generatióem véritas tua: * fundásti terram, et pérmānet.

Ordinatióne tua perseverát dies: * quóniam ómnia sérvíunt tibi.

Nisi quod lex tua meditátió mea est: * tunc forte periíssem in humilitáte mea.

In ætérnum non oblivíscar justificatiónestuas: * quia in ipsis vivificástime.

Tuus sum ego, salvum me fac: * quóniam justificatiónes tuas exquisívi.

Me expectavérunt peccatóres, ut pérderent me: * testimónia tua intelléxi.

Omnis consummatiónis vidi finem: * latum mandátum tuum nimis.

Quómodo diléxi legem tuam, Dómine? * tota die meditátió mea est. **S**uper inimícos meos prudéntem me fecísti mandáto tuo: * quia in ætérnum mihi est.

Super omnes docéntes me intelléxi: * quia testimónia tua meditátió mea est.

Super senes intelléxi: * quia mandáta tua quæsívi.

Ab omni via mala prohibui pedes meos: * ut custódiám verba tua.

Ajudíciis tuis non declinávi: * quia tu legem posuísti mihi.

Quam dúlcia fáucibus meis elóquia tua, * super mel ori meo!

A mandátis tuis intelléxi: * proptérea odívi omnem viam iniquitátis.

Lucérna pédibus meis verbum tuum:
* et lumen sémitis meis.

Jurávi, et státui * custodíre judícia
justítiae tuæ.

Humiliátus sum usquequáque, Dó-
mine: * vivífica me secúndum verbum
tuum.

Voluntária oris mei beneplácita fac,
Dómine: * et judícia tua doce me.

Anima mea in mánibus meis semper:
* et legem tuam non sum oblítus.

Posuérunt peccatóres láqueum mihi:
* et de mandátis tuis non errávi.

Hæreditáte acquisívi testimónia tua
in ætérnum: * quia exultátio cordis
mei sunt.

Inclinávi cor meum ad faciéndas ju-
stificatiónes tuas in ætérnum, * pro-
pter retributiónem.

INíquos ódio hábui: * et legem tuam
diléxi.

Adjútor et suscéptor meus es tu: * et
in verbum tuum supersperávi.

Declináte a me maligni: * et scrutá-
bor mandáta Dei mei.

Súscipe me secúndum elóquium tuum,
et vivam: * et non confúndas me ab
expectatióne mea.

Adjuva me, et salvus ero: * et medi-
tabor in justificatióibus tuis semper.
Sprevísti omnes discedéntes a judíciis
tuis: * quia injústa cogitatio eórum.

Prævaricántes reputávi omnes pecca-
tóres terræ: * ídeo diléxi testimónia
tua.

Confíge timóre tuo carnes meas: * a
judíciis enim tuis tímui.

Feci judícium et justítiam: * non tra-
das me calumniántibus me.

Súscipe servum tuum in bonum: *
non calumniéntur me supérbi.

Oculi mei defecérunt in salutáre tuum:
* et in elóquium justítiae tuæ.

Fac cum servo tuo secúndum miseri-
córdiam tuam: * et justificatiónes tuas
doce me.

Servus tuus sum ego: * da mihi intel-
léctum, ut sciam testimónia tua.

Tempus faciéndi, Dómine: * dissipa-
vérunt legem tuam.

Ideo diléxi mandáta tua, * super au-
rum et topázion.

Proptérea ad ómnia mandáta tua di-
rigebar: * omnem viam iníquam ódio
hábui.

In Dominicis Quadragesimæ, Anti-
phona propria.

Tempore Quadragesimæ in Feriali
Officio, Antiph. Commendémus nos-
metípsos in multa paciéntia, in jejú-
niis multis, per arma justítiae.

Capitulum. Isaiae 55. b.

DErelínquat impius viam suam, et
vir iníquus cogitatiónes suas, et
revertátur ad Dóminum, et miserébi-
bitur ejus, et ad Deum nostrum, quó-
niam multus est ad ignoscéndum.

R. br. Scápolis suis, * Obumbrábit
tibi. Scápolis...

V. Et sub pennis ejus sperábis. Ob-
umbrábit tibi.

Glória Patri... Scápolis...

V. Scuto circúmdabit te véritas ejus.

R. Non timébis a timóre noctúrno.

Kýrie eléison. Christe eléison. Ký-
rie eléison. Pater noster... secreto.

V. Et ne nos indúcas in tentatiónem.

R. Sed líbera nos a malo.

V. Dómine, Deus virtútum, convérte
nos.

R. Et osténde fáciem tuam, et salvi
érimus.

V. Exúrge, Christe, ádjuva nos.

R. Et líbera nos propter nomen tuum.

V. Dómine, exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus. Oratio conveniens.

Tempore Passionis in Feriali Officio,
Antiphona. Pópule meus, quid feci
tibi? aut quid moléstus fui? respónde
mihi.

Capitulum. Jerem. 27. e.

Confundantur, qui me persequuntur, et non confundar ego: paveant illi, et non paveam ego: induc super eos diem afflictionis, et duplici contritione conterere eos, Domine Deus noster.

R. br. De ore leonis, * Libera me, Domine. De ore...

V. Et a cornibus unicornium humilitatem meam. Libera me, Domine.

De ore leonis...

V. Ne perdas cum impiis Deus animam meam.

R. Et cum viris sanguinum vitam meam.

Kyrie eleison... ut supra.

Oratio conveniens.

Tempore Paschali in Dominicis, Antiphona. Allelúja, allelúja, allelúja, allelúja.

Capitulum proprium de Tempore.

Tempore Paschali in Feriali Officio, Antiph. Allelúja, allelúja, allelúja, allelúja.

Capitulum. 1. Cor. 15.

Christus resurrexit a mortuis primitiæ dormientium: quoniam quidem per hominem mors, et per hominem resurrectio mortuorum. Et sicut in Adam omnes moriuntur, ita et in Christo omnes vivificabuntur.

R. br. Surrexit Dominus vere, * Allelúja, allelúja.

Surrexit Dominus vere...

V. Et apparuit Simóni. Allelúja, allelúja.

Gloria Patri. Surrexit...

V. Gavisi sunt discipuli, allelúja.

R. Viso Domino, allelúja.

Oratio conveniens.

AD NONAM.

Pater noster... Ave María... Deus in adiutorium... 14.

Hymnus.

Rerum Deus tenax vigor,
Immotus in te permanens,
Lucis diurnæ tempora
Successibus determinans,

Largire lumen vespere,
Quo vita nusquam decadat:
Sed præmium mortis sacræ
Perennis instet gloria.

Præsta, Pater piissime,
Patrique compar Unice,
Cum Spiritu Paráclito
Regnans per omne sæculum.
Amen.

In Dominicis Quadragesimæ, Antiphona propria.

Tempore Quadragesimæ in Feriali Officio, Antiphona ton. 1. Per arma justitiæ.

Tempore Passionis, Antiph. ton. 4. Numquid redditur.

Tempore Paschali in Dominicis, et in Feriali Officio, Antiphona ton. 8. f. Allelúja.

Psalmus.

Mirabilia testimonia tua: * ideo scrutata est ea anima mea.

Declaratio sermonum tuorum illuminat: * et intellectum dat parvulis.

Os meum aperui, et attraxi spiritum: * quia mandata tua desiderabam.

Aspice in me, et miserere mei, * secundum iudicium diligentium nomen tuum.

Gressus meos dirige secundum eloquium tuum: * et non dominetur mei omnis injustitia.

Redime me a calumniis hominum: * ut custodiam mandata tua.

Faciem tuam illumina super servum tuum: * et doce me justificationes tuas.

Exitus aquarum deduxerunt oculi mei: * quia non custodierunt legem tuam.

Justus es, Dómine: * et rectum iudícium tuum.

Mandásti justítiam testimónia tua: * et veritátem tuam nimis.

Tabéscere me fecit zelus meus: * quia oblíti sunt verba tua inimíci mei.

Ignítum elóquium tuum veheménter: * et servus tuus diléxit illud.

Adolescéntulus sum ego, et contéptus: * justificatiónes tuas non sum oblítus.

Justítia tua, justítia in ætérnum: * et lex tua véritas.

Tribulátio et angústia invenérunt me: * mandáta tua meditátio mea est.

Æquitas testimónia tua in ætérnum: * intelléctum da mihi, et vivam.

Clamávi in toto corde meo, exaúdi me, Dómine: * justificatiónes tuas requíram.

Clamávi ad te, salvum me fac: * ut custódiam mandáta tua.

Præveni in maturitáte, et clamávi: * quia in verba tua supersperávi.

Prævenérunt óculi mei ad te dilúculo: * ut meditárer elóquia tua.

Vocem meam audi secúndum misericórdiam tuam, Dómine: * et secúndum iudícium tuum vivífica me.

Appropinquavérunt persequéntes me iniquitáti: * a lege autem tua longe facti sunt.

Prope es tu, Dómine: * et omnes viæ tuæ véritas.

Ínitio cognóvi de testimoniis tuis: * quia in ætérnum fundásti ea.

Vide humilitátem meam, et éripe me: * quia legem tuam non sum oblítus.

Júdica iudícium meum, et rédimè me: * propter elóquium tuum vivífica me.

Longe a peccatóribus salus: * quia justificatiónes tuas non exquisiérunt.

Misericórdiæ tuæ multæ, Dómine: * secúndum iudícium tuum vivífica me.

Multi, qui persequúntur me, et tríbulant me: * a testimoniis tuis non declinávi.

Vidi prævaricántes, et tabescébam: * quia elóquia tua non custodiérunt.

Vide, quóniam mandáta tua diléxi, Dómine: * in misericórdia tua vivífica me.

Princípium verbórum tuórum véritas: * in ætérnum ómnia iudícia justítiæ tuæ.

Príncipes persecúti sunt me gratis: * et a verbis tuis formidávit cor meum.

Lætabor ego super elóquia tua: * sicut qui invénit spólia multa.

Iniquitátem ódio hábui, et abominátus sum: * legem autem tuam diléxi.

Sépties in die laudem dixi tibi, * super iudícia justítiæ tuæ.

Pax multa diligéntibus legem tuam: * et non est illis scándalum.

Expectábam salutáre tuum, Dómine: * et mandáta tua diléxi.

Custodívit ánima mea testimónia tua: * et diléxit ea veheménter.

Servávi mandáta tua, et testimónia tua: * quia omnes viæ meæ in conspéctu tuo.

Appropínquet deprecátio mea in conspéctu tuo, Dómine: * juxta elóquium tuum da mihi intelléctum.

Intret postulátio mea in conspéctu tuo: * secúndum elóquium tuum éripe me.

Fructábunt lábia mea hymnum: * cum docúeris me justificatiónes tuas.

Pronuntiábit lingua mea elóquium tuum: * quia ómnia mandáta tua æquitas.

Fiat manus tua, ut salvet me: * quóniam mandáta tua elégi.

Concupívi salutáre tuum, Dómine: * et lex tua meditátio mea est.

Vivet ánima mea, et laudábit te: * et iudícia tua adjuvábunt me.

Errávi sicut ovis, quæ périit: * quære servum tuum, quia mandáta tua non sum oblítus.

In Dominicis Quadragesimæ, Antiphona propria.

Tempore Quadragesinæ in Feriali Officio, Antiphona. Per arma justitiæ virtutis Dei commendemus nosmetipsos in multa patientia.

Capitulum. Isaïæ 58. c.

FRange esuriénti panem tuum, et egénos vagósque induc in domum tuam: cum videris nudum, óperi eum, et carnem tuam ne despéxeris.

R. br. Scuto circúmdabit te, * Véritas ejus. Scuto...

V. Non timébis a timóre noctúrno. Véritas ejus.

Glória Patri... Scuto...

V. Angelis suis Deus mandávit de te.

R. Ut custódiant te in ómnibus viis tuis.

Kýrie eléison. Christe eléison. Kýrie eléison. Pater noster... secreto.

V. Et ne nos indúcas in tentatiónem.

R. Sed líbera nos a malo.

V. Dómine, Deus virtútum, convérte nos.

R. Et osténde fáciem tuam, et salvi érimus.

V. Exúrge, Christe, ádjuva nos.

R. Et líbera nos propter nomen tuum.

V. Dómine, exáudi oratiónem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus. Oratio conveniens.

Tempore Passionis in Feriali Officio, Antiphona. Numquid rédditur pro bono malum, quia fodérunt fóveam ánimæ meæ?

Capitulum. Jerem. 18. d.

Recordáre quod stéterim in conspectu tuo, ut lóquerer pro eis bonam, et avérterem indignatiónem tuam ab eis.

R. br. Ne perdas cum ímpiis, * Deus ánimam meam. Ne perdas cum ímpiis...

V. Et cum viris sánguinem vitam meam. Deus...

Ne perdas cum ímpiis...

V. Eripe me, Dómine, ab hómine malo.

R. A viro iníquo éripe me.

Kýrie eléison... ut supra.

Oratio conveniens.

Tempore Paschali in Dominicis, Antiph. Allelúja, allelúja, allelúja, allelúja.

Capitulum proprium de Tempore.

Tempore Paschali in Feriali Officio, Antiph. Allelúja, allelúja, allelúja, allelúja.

Capitulum. 1. Petr. 3. d.

Christus semel pro peccátis nostris mórtuus est: justus pro injústis, ut nos offérret Deo, mortificátus quidem carne, vivificátus autem spíritu.

R. br. Gavísi sunt discípuli, * Allelúja, allelúja. Gavísi...

V. Viso Dómino. Allelúja, allelúja.

Glória Patri... Gavísi...

V. Mane nobíscum, Dómine, allelúja.

R. Quóniam advesperáscit, allelúja.

Oratio conveniens.

Vesperæ in Dominica et in Feriis habentur inferius post Laudes Sabati.



FERIA SECUNDA.

AD MATUTINUM.

Pater noster... Ave Maria... Credo in Deum...

V. Dómine, lábia mea apéries. ut supra. 1.

In Quadragesima.

Invitatorium. Veníte, * exultémus Dómino.

Psalmus. Jubilémus Deo, ut supra 2.

Hymnus.

EX more docti mýstico
Servémus hoc jejúnium,
Deno diérum circulo
Ducto quater notíssimo.

Lex et Prophætæ prîmitus
Hoc prætulêrunt, póstmodum
Christus sacrávit, ómnium
Rex, atque Factor témporum.

Utámur ergo párcius
Verbis, cibis, et pótibus,
Somno, jocis, et ártius
Perstémus in custódia.

Vitémus autem nóxia,
Quæ súbruunt mentes vagas,
Nullúmque demus cállidi
Hostis locum tyránnidi.

Flectámus iram vîdicem,
Plorémus ante júdicem,
Clamémus ore súplici,
Dicámus omnes cernui:

Nostris malis offéndimus
Tuam Deus cleméntiam,
Effúnde nobis désuper
Remíssor indulgéntiam:

Meménto, quod sumus tui,
Licet cadúci plásmatis:
Ne des honórem nóminis
Tui, precámur, álteri.

Laxa malum, quod fécimus,
Auge bonum, quod póscimus,
Placére quo tandem tibi
Possímus hic, et pérpetim.

Præsta, beáta Trínitas,
Concéde, simplex Unitas,
Ut fructuósa sint tuis
Jejuniórum múnera.

Amen.

Tempore Paschali.

Invitatorium. Allelúja, allelúja, *

Allelúja.

Psalmus. Veníte, exultémus. 2.

Hymnus.

Rex sempitérne cólitum,
Rerum Creátor ómnium,
Æquális ante sæcula
Semper Parénti Fílius.
Nascénte qui mundo Faber
Imáginem vultus tui
Tradens Adámo, nóbilem
Limo jugásti spíritum.

Cum livor et fraus dáemonis
Fædásset humánum genus,
Tu carne amíctus, pérditam
Formam refórmas ártifex.
Qui natus olim e Vírgine,
Nunc e sepúlchro násceris,
Tecúmque nos a mórtuis
Jubes sepúltos súrgere.
Qui Pastor ætérnus gregem
Aqua lavas Baptísmatis:
Hæc est lavácrum méntium:
Hæc est sepúlchrum críminum.
Nobis diu qui débitæ
Redémptor affíxus Cruci,
Nostræ dedísti pródigus
Prétium salútis sánguinem.
Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.
Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.
Amen.

Antiphonæ Nocturnorum per totum
Annum dicuntur ut infra.

Antiph. ton. 1. f. Dóminus defénsor.

Tempore Paschali, Antiph. ton. 1. f.
Allelúja, sub qua una Antiphona di-
cuntur omnes Psalmi Nocturnorum.

Psalmus 26.

Dóminus illuminátio mea, et salus
mea, * quem timébo?

Dóminus protéctor vitæ meæ, * a quo
trepidábo?

Dum apprópíant super me nocéntes:
* ut edant carnes meas.

Qui tríbulant me inimíci mei, * ipsi
infirmáti sunt, et cecidérunt.

Si consístant advérsus me castra, *
non timébit cor meum.

Si exúrgat advérsus me próelium, *
in hoc ego sperábo.

Unam pétii a Dómino, hanc requíram,
* ut inhábitem in domo Dómini ómni-
bus diébus vitæ meæ.

Ut vídeam voluptátem Dómini: * et vísitem templum ejus.

Quóniam abscondit me in tabernáculo suo: * in die malórum protéxit me in abscondito tabernáculi sui.

n petra exaltávit me: * et nunc exaltávit caput meum super inimícos meos.

Circuívi, et immolávi in tabernáculo ejus hóstiám vociferatiónis: * cantábo, et psalmum dicam Dómino.

Exaúdi, Dómine, vocem meam, qua clamávi ad te; * miserére mei, et exaúdi me.

Tibi dixit cor meum, exquisívit te fácies mea: * fáciem tuam, Dómine, requíram.

Ne avértas fáciem tuam a me: * ne declínes in ira a servo tuo.

Adjútor meus esto: * ne derelínquas me, neque despicias me, Deus salutaris meus.

Quóniam pater meus, et mater mea dereliquerunt me: * Dóminus autem assúmpsit me.

Legem pone mihi, Dómine, in via tua: * et dirige me in sémitam rectam propter inimícos meos.

Ne tradíderis me in ánimas tribulántium me: * quóniam insurrexérunt in me testes iníqui, et mentíta est iníquitas sibi.

Credo vidére bona Dómini, * in terra vivéntium.

Expécta Dóminum, viríliter age: * et confortétur cor tuum, et sústine Dóminum.

Psalmus 27.

AD te, Dómine, clamábo, Deus meus ne síleas a me: * ne quando taceas a me, et assimilábor descendentibus in lacum.

Exaúdi, Dómine, vocem deprecatiónis meæ, dum oro ad te: * dum extóлло manus meas ad templum sanctum tuum.

Ne simul trahas me cum peccatóribus: * et cum operántibus iniquitátem ne perdas me.

Qui loquúntur pacem cum próximo suo: * mala autem in córdibus eórum.

Da illis secúndum ópera eórum, * et secúndum nequítiam adinventiόνum ipsórum.

Secúndum ópera mánuum eórum tríbue illis: * redde retributióem eórum ipsis.

Quóniam non intellexérunt ópera Dómini, et in ópera mánuum ejus * déstrues illos, et non ædificábis eos.

Benedíctus Dóminus: * quóniam exaúdívit vocem deprecatiónis meæ.

Dóminus adjútor meus, et protéctor meus: * in ipso sperávit cor meum, et adjútus sum.

Et reflóruit caro mea: * et ex voluntáte mea confitébor ei.

Dóminus fortitúdo plebis suæ: * et protéctor salvatiónum Christi sui est.

Salvum fac pópulum tuum, Dómine, et benedic hæreditáti tuæ: * et rege eos, et extóлле illos usque in ætérnum.

Ant. Dóminus defénsor vitæ meæ.

Ant. ton. 8. Adoráte Dóminum.

Psalmus 28.

Afférte Dómino fílii Dei: * afférte Dómino filios aríetum.

Afférte Dómino glóriam et honórem, afférte Dómino glóriam nómini ejus: * adoráte Dóminum in átrio sancto ejus.

Vox Dómini super aquas, Deus majestátis intónuit: * Dóminus super aquas multas.

Vox Dómini in virtúte: * vox Dómini in magnificéntia.

Vox Dómini confringéntis cedros: * et confrínget Dóminus cedros Líbani:

Et commínuet eas tamquam vítulum Líbani: * et diléctus quemádmodum fílius unicórnium.

Vox Dómini intercedéntis flammam ignis: * vox Dómini concutiéntis désertum: et commovébit Dóminus désertum Cades.

Vox Dómini præparántis cervos, et revelábit condénsa: * et in templo ejus omnes dicent glóriam.

Dóminus dilúvium inhabitáre facit: * et sedébit Dóminus Rex in ætérnum.

Dóminus virtútem pópulo suo dabit: * Dóminus benedícet pópulo suo in pace.

Psalmus 29.

EXaltábo te, Dómine, quóniam suscepísti me: * nec delectásti inimícos meos super me.

Dómine, Deus meus, clamávi ad te, * et sanásti me.

Dómine, eduxísti ab inférno ánimam meam: * salvásti me a descendéntibus in lacum.

Psállite Dómino Sancti ejus: * et confitémini memóriæ sanctitátis ejus.

Quóniam ira in indignatióne ejus: * et vita in voluntáte ejus.

Ad vésperum demorábitur fletus: * et ad matutínium lætítia.

Ego autem dixi in abundántia mea: * Non movébor in ætérnum.

Dómine, in voluntáte tua * præstitísti decóri meo virtútem.

Avertísti faciém tuam a me, * et factus sum conturbátus.

Ad te, Dómine, clamábo: * et ad Deum meum deprecábor.

Quæ utilitas in ságuine meo: * dum descéndo in corruptiõem?

Numquid confitébitur tibi pulvis, * aut annuntiábit veritátem tuam?

Audívit Dóminus, et misértus est mei: * Dóminus factus est adjútor meus.

Convertísti planctum meum in gaudium mihi: * conscidísti saccum meum, et circumdedísti me lætítia.

Ut cantet tibi glória mea, et non compúngar: * Dómine Deus meus, in ætérnum confitébor tibi.

Antiph. Adoráte Dóminum in aula sancta ejus.

Ant. ton. 8. f. In tua justítia.

Psalmus 30.

IN te, Dómine, sperávi, non confundar in ætérnum: * in justítia tua líbera me.

Inclína ad me aurem tuam: * accélera ut éruas me.

Esto mihi in Deum protectórem, et in domum refúgii: * ut salvum me fácias.

Quóniam fortitúdo mea, et refúgium meum es tu: * et propter nomen tuum dedúces me, et enútries me.

Edúces me de láqueo hoc, quem abscondérunt mihi: * quóniam tu es protectór meus.

In manus tuas comméndo spíritum meum: * redemísti me, Dómine Deus veritátis.

Odísti observátes vanitátes, * super-vácue.

Ego autem in Dómino sperávi: * exultábo, et lætábor in misericórdia tua.

Quóniam respexisti humilitátem meā: * salvásti de necessitátibus ánimam meam.

Nec conclusísti me in mánibus inimíci: * statuísti in loco spatióso pedes meos.

Miserére mei, Dómine, quóniam tribulor: * conturbátus est in ira óculus meus, ánimá mea, et venter meus.

Quóniam defécit in dolore vita mea: * et anni mei in gemítibus.

Infirmáta est in paupertáte virtus mea: * et ossa mea conturbáta sunt.

Super omnes inimícos meos factus sum oppróbrium, et vicínis meis valde, * et timor notis meis.

Qui vidébant me, foras fugérunt a me: * obliuioni datus sum, tamquam mórtuus a corde.

Factus sum tamquam vas pérditum: * quóniam audívi vituperatiõem multórum commorántium in circúitu.

In eo dum convenírent simul advérsus me, * accíperé ánimam meam consiliáti sunt.

Ego autem in te speravi, Dómine: * dixi: Deus meus es tu; in manibus tuis sortes meae.

Eripe me de manu inimicorum meorum, * et a persequentibus me.

Illústra faciém tuam super servum tuum, salvum me fac in misericórdia tua: * Dómine, non confundar, quóniam invocávi te.

Erubescant ímpii, et deducántur in inférnum: * muta fiant lábia dolósa.

Quæ loquúntur advérsus justum iniquitátem, * in supérbia, et in abusióne.

Quam magna multitúdo dulcédinis tuæ, Dómine, * quam abscondísti timéntibus te!

Perfecísti eis, qui sperant in te, * in conspéctu filiórum hóminum.

Abscóndes eos in abscondito faciéi tuæ * a conturbatióne hóminum.

Próteges eos in tabernáculo tuo * a contradicióne linguárum.

Benedíctus Dóminus: * quóniam misericávit misericórdiam suam mihi in civitáte múnita.

Ego autem dixi in excéssu mentis meæ: * Proíectus sum a facié oculórum tuórum.

In deo exaudísti vocem oratiónis meæ: * dum clamárem ad te.

Dirígite Dóminum omnes Sancti ejus: * quóniam veritátem requíret Dóminus, et retríbuet abundánter faciéntibus supérbiam.

Viríliter ágite, et confortétur cor vestrum, * omnes, qui sperátis in Dómino.

Psalmus 31.

Beatí, quorum remíssæ sunt iniquitátes, * et quorum tecta sunt peccáta.

Beátus vir, cui non imputávit Dóminus peccátum: * nec est in spíritu ejus dolus.

Quóniam tácii, inveteravérunt ossa mea: * dum clamárem tota die.

Quóniam die ac nocte graváta est super me manus tua: * convérsus sum in ærúmna mea, dum configitur spina.

Delíctum meum cógnum tibi feci: * et injustítiam meam non abscondi.

Dixi: Confitébor advérsus me injustítiam meam Dómino: * et tu remisísti impietátem peccáti mei.

Pro hac orábit ad te omnis sanctus, * in témpore opportúno.

Verúmtamen in dilúvio aquárum multárum, * ad eum non approximábunt.

Tu es refúgium meum a tribulatióne, quæ circúmdedit me: * exultátió mea érue me a circumdántibus me.

Intelléctum tibi dabo, et ínstruam te in via hac, qua gradiéris: * firmábo super te óculos meos.

Nolíte fíeri sicut equus, et mulus, * quibus non est intelléctus.

In camo et fræno maxíllas eórum constringe, * qui non appróximant ad te.

Multa flagélla peccatóris, * sperántem autem in Dómino misericórdia circúmdabit.

Lætámini in Dómino, et exultáte justi, * et gloriámini omnes recti corde.

Ant. In tua justítia líbera me, Dñe.

Ant. ton. 1. f. Rectos decet.

Psalmus 32.

Exultáte justi in Dómino: * rectos decet collaudátió.

Confitémini Dómino in cíthara: * in psaltério decem chordárum psállite illi.

Cantáte ei cánticum novum: * bene psállite ei in vociferatióne.

Quia rectum est verbum Dómini: * et ómnia ópera ejus in fide.

Dirígit misericórdiam, et judícium: * misericórdia Dómini plena est terra.

Verbo Dómini cœli firmáti sunt: * et spíritu oris ejus omnis virtus eórum.

Cóngregans sicut in utre aquas maris: * ponens in thesaúris abyssos.

Tímeat Dóminum omnis terra: * ab eo autem commoveántur omnes inhabitántes orbem.

Quóniam ipse dixit, et facta sunt: * ipse mandávit, et creáta sunt.

Dóminus díssipat consília Géntium: * réprobat autem cogitatiónes populórum, et réprobat consília príncipum.

Consílium autem Dómini in ætérnum manet: * cogitatiónes cordis ejus in generatiónem, et generatiónem.

Beáta gens, cujus est Dóminus Deus ejus: * pópulus, quem elégit in hæreditátem sibi.

De cœlo respéxit Dóminus: * vidit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit singillátim corda eórum: * qui intélligit ómnia ópera eórum.

Non salvátur rex per multam virtútem: * et gigas non salvábitur in multítudine virtútis suæ.

Fallax equus ad salútem: * in abundantia autem virtútis suæ non salvábitur.

Ecce óculi Dómini super metuéntes eum: * et in eis, qui sperant super misericórdia ejus.

Ut éruat a morte ánimas eórum: * et alat eos in fame.

Anima nostra sústinet Dóminum: * quóniam adjútor et protéctor noster est.

Quia in eo lætábitur cor nostrum: * et in nómine sancto ejus sperávimus.

Fiat misericórdia tua, Dómine, super nos: * quemádmódum sperávimus in te.

Psalmus 33.

Benedícam Dñum in omni témpore: * semper laus ejus in ore meo.

In Dómino laudábitur ánima mea: * aúdiat mansuétí, et læténtur.

Magnificáte Dóminum mecum: * et exaltémus nomen ejus in idípsum.

Exquisívi Dóminum, et exaudivit me: * et ex ómnibus tribulatióibus meis erípuit me.

Accédite ad eum, et illuminámini: * et fácies vestræ non confundéntur.

Iste pauper clamávit, et Dóminus exaudivit eum: * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum: * et erípiet eos.

Gustáte, et vidéte quóniam suávis est Dñus: * beátus vir, qui sperat in eo.

Timéte Dóminum omnes sancti ejus: * quóniam non est inópia timéntibus eum.

Dívites eguérunt, et esuriérunt: * inquiréntes autem Dóminum non minuéntur omni bono.

Veníte filii, audíte me: * timórem Dómini docébo vos.

Quis est homo, qui vult vitam: * díligit dies vidére bonos?

Próhibe linguam tuam a malo: * et lábia tua ne loquántur dolum.

Divérte a malo, et fac bonum: * inquiré pacem, et perséquare eam.

Oculi Dómini super justos: * et aures ejus in preces eórum.

Vultus autem Dómini super faciéntes mala: * ut perdat de terra memóriam eórum.

Clamavérunt justí, et Dóminus exaudivit eos: * et ex ómnibus tribulatióibus eórum liberávit eos.

Juxta est Dñus iis, qui tribuláto sunt corde: * et húmiles spírítu salvábit.

Multæ tribulatiónes justórum: * et de ómnibus his liberábit eos Dóminus.

Custódit Dóminus ómnia ossa eórum: * unum ex his non conterétur.

Mors peccatórum péssima: * et qui odérunt justum, delínquent.

Rédimet Dóminus ánimas servórum suórum: * et non delínquent omnes, qui sperant in eo.

Ant. Rectos decet collaudátio.

Ant. ton. 1. f. Expúgna.

Psalmus 34.

Judica, Dómine, nocéntes me: * expúgna impugnántes me.

Apprehénde arma et scutum: * et exúrge in adjutórium mihi.

Effúnde frámeam, et conclúde advér-sus eos, qui persecúntur me: * dic ánimæ meæ: Salus tua ego sum.

Confundántur et revereántur, * quæ-réntes ánimam meam.

Avertántur retrórsus, et confundán-tur * cogitántes mihi mala.

Fiant tamquam pulvis ante fáciem venti: * et Angelus Dómini coár-ctans eos.

Fiat via illórum ténebræ, et lúbri-cum: * et Angelus Dómini pése-quens eos.

Quóniam gratis abscondérunt mihi intéritum láquei sui: * supervácue exprobravérunt ánimam meam.

Veniat illi láqueus, quem ignórat: et cáptio, quam abscondit, apprehéndat eum: * et in láqueum cadat in ipsum.

Anima autem mea exultábit in Dó-mino: * et delectábitur super salu-tári suo.

Omnia ossa mea dicent: * Dómine, quis símilis tibi?

Erípiens ínopem de manu fortiórum ejus: * egénus et paúperem a diri-piéntibus eum.

Surgéntes testes iníqui, * quæ igno-rábam, interrogábant me.

Retribuébant mihi mala pro bonis, * sterilitátem ánimæ meæ.

Ego autem cum mihi molésti essent, * induébar cilício.

Humiliábam in jejúnio ánimam meam: * et orátio mea in sinu meo conver-tétur.

Quasi próximum, et quasi fratrem nostrum, sic complacébam: * quasi lugens et contristátus sic humi-liábar.

Et advérsum me lætáti sunt, et con-venérunt: * congregáta sunt super me flagélla, et ignorávi.

Dissipáti sunt, nec compúncti, tenta-vérunt me, subsannavérunt me sub-sannatióne: * frenduérunt super me déntibus suis.

Dómine, quando respícies? * restítue ánimam meam a malignitáte eórum, a leónibus únicam meam.

Confitébor tibi in Ecclésia magna: * in pópulo gravi laudábo te.

Non supergaúdeant mihi qui adver-sántur mihi iníque: * qui odérunt me gratis, et ánnuunt óculis.

Quóniam mihi quidem pacífice loque-bántur: * et in iracúndia terræ lo-quéntes, dolos cogitábant.

Et dilatavérunt super me os suum: * dixerunt: Euge, euge, vidérunt óculi nostri.

Vidísti, Dómine, ne síleas: * Dómine, ne discédas a me.

Exúrge, et inténde judício meo: * Deus meus, et Dóminus meus in cau-sam meam.

Júdica me secúndum justítiam tuam, Dómine Deus meus: * et non super-gaúdeant mihi.

Non dicant in córdibus suis: Euge, euge, ánimæ nostræ: * nec dicant: Devorávimus eum.

Erubéscant et revereántur simul, * qui gratulántur malis meis.

Induántur confusióne et reveréntia, * qui magna loquúntur super me.

Exúltent et læténtur qui volunt justí-tiam meam: * et dicant semper: Ma-gnificétur Dóminus, qui volunt pacem servi ejus.

Et lingua mea meditábitur justítiam tuam, * tota die laudem tuam.

Psalmus 35.

Dixit injústus, ut delínquat in se-metípso: * non est timor Dei ante óculos ejus.

Quóniam dolóse egit in conspéctu ejus: * ut inveniátur iníquitas ejus ad ódium.

Verba oris ejus iniquitas et dolus: * noluit intelligere, ut bene ágeret.

Iniquitatem meditatus est in cubili suo: * ástitit omni viæ non bonæ, malitiam autem non odívit.

Dómine, in cælo misericórdia tua: * et véritas tua usque ad nubes.

Justítia tua sicut montes Dei: * judícia tua abyssus multa.

Hómines et juménta salvábis, Dómine, * quemádmódu[m] multiplicásti misericórdiam tuam, Deus.

Fílii autem hóminum, * in tégmíne alárum tuárum sperábunt.

Inebriabúntur ab ubertáte domus tuæ: * et torrén-te voluptátis tuæ potábis eos.

Quóniam apud te est fons vitæ: * et in lúmine tuo vidébimus lumen.

Prætén-de misericórdiam tuam sciéntibus te, * et justíti- in tuam his, qui recto sunt corde.

Non véniat mihi pes supérbiæ: * et manus peccátoris non móveat me.

Ibi cecidérunt qui operántur iniquitatem: * expúl-si sunt, nec potué-runt stare.

Ant. Expúgna ímpugnántes me.

Ant. ton. 6. Révéla.

Psalmus 36.

Noli æmulári in malignántibus: * neque zeláveris faciéntes iniquitatem.

Quóniam tamquam fœnum velóciter aréscent: * et quemádmódu[m] ólera herbárum cito decident.

Spera in Dómino, et fac bonitatem: * et inhábita terram, et pascéris in divítiis ejus.

Delectáre in Dómino: * et dabit tibi petitiónes cordis tui.

Révél-a Dómino viam tuam, et spera in eo: * et ipse fáci-et.

Et edúcet quasi lumen justítiam tuam, et judícium tuum tamquam meri-

diem: * súbditus esto Dómino, et ora eum.

Noli æmulári in eo, qui prosperátur in via sua: * in hómine facién-te in-justítias.

Désine ab ira, et derelínque furórem: * noli æmulári, ut malignéris.

Quóniam qui malignántur, exterminabúntur: * sustinéntes autem Dóminum, ipsi hæreditábunt terram.

Et adhuc pusillum, et non erit peccátor: * et quæres locum ejus, et non invénies.

Mansuéti autem hæreditábunt terram: * et delectabúntur in multítudine pacis.

Observábit peccátor justum: * et stridébit super eum déntibus suis.

Dóminus autem irridébit eum: * quóniam próspicit, quod véniet dies ejus.

Gládium evaginavérunt peccátóres: * intendérunt arcum suum.

Ut dejíciant paúperem et ínopem: * ut trucident rectos corde.

Gládus eórum intret in corda ipsórum: * et arcus eórum confringátur.

Mélius est módicum justo, * super divítias peccátórum multas.

Quóniam bráchia peccátórum conteréntur: * confírm-at autem justos Dóminus.

Novit Dóminus dies immaculatórum: * et hærédtas eórum in ætérnum erit.

Non confundéntur in témpore malo, et in diébus famis saturabúntur: * quia peccátóres períbunt.

Inimíci vero Dómini mox ut honorificáti fúerint et exaltáti, * deficiéntes quemádmódu[m] fumus, defícient.

Mutuábitur peccátor, et non solvet: * justus autem miserétur et tríbu-et.

Quia benedicéntes ei hæreditábunt terram: * maledicéntes autem ei disperíbunt.

Apud Dóminum gressus hóminis dirigéntur: * et viam ejus volet.

Cum ceciderit, non collidetur: * quia
Dóminus supponit manum suam.

Júnior fui, etenim senui: * et non vidi
justum derelictum, nec semen ejus
quaerens panem.

Tota die miseretur et commodat: *
et semen illius in benedictione erit.

Declina a malo, et fac bonum: * et
inhabita in saeculum saeculi.

Quia Dóminus amat iudicium, et
non derelinquet sanctos suos: * in
aeternum conservabuntur.

Injusti puniuntur: * et semen impió-
rum peribit.

Justi autem haereditabunt terram: *
et inhabitabunt in saeculum saeculi
super eam.

Os justi meditabitur sapientiam, * et
lingua ejus loquetur iudicium.

Lex Dei ejus in corde ipsius: * et
non supplantabuntur gressus ejus.

Considerat peccator justum: * et quaerit
mortificare eum.

Dóminus autem non derelinquet eum
in manibus ejus: * nec damnabit eum,
cum iudicabitur illi.

Expécta Dóminum, et custodi viam
ejus: et exaltabit te, ut haereditate
capias terram: * cum perierint pec-
catóres videbis.

Vidi impium superexaltatum, * et ele-
vatum sicut cedros Líbani.

Et transivi, et ecce non erat: * et
quaesivi eum, et non est inventus lo-
cus ejus.

Custodi innocentiam, et vide aequita-
tem: * quoniam sunt reliquiae hómini
pacífico.

Injusti autem disperibunt simul: * re-
liquiae impiórum interibunt.

Salus autem justórum a Dómino: *
et protector eórum in tempore tribu-
lationis.

Et adjuvabit eos Dóminus, et liberabit
eos: * et eruet eos a peccatóribus, et
salvabit eos: quia speraverunt in eo.

Psalmus 37.

Domine, ne in furóre tuo arguas me:
* neque in ira tua corripas me.

Quoniam sagittae tuae infixae sunt
mihi: * et confirmasti super me ma-
num tuam.

Non est sanitas in carne mea a facie
irae tuae: * non est pax óssibus meis
a facie peccatórum meórum.

Quoniam iniquitates meae supergrés-
sae sunt caput meum: * et sicut onus
grave gravatae sunt super me.

Putruerunt et corruptae sunt cicatrí-
ces meae, * a facie insipientiae meae.

Miser factus sum, et curvatus sum
usque in finem: * tota die contristá-
tus ingrediebar.

Quoniam lumbi mei impléti sunt illu-
sionibus: * et non est sanitas in
carne mea.

Afflictus sum et humiliatus sum ni-
mis: * rugiebam a gemitu cordis mei.

Dómine, ante te omne desiderium
meum: * et gemitus meus a te non
est absconditus.

Cor meum conturbatum est, dereliquit
me virtus mea: * et lumen oculórum
meórum, et ipsum non est mecum.

Amici mei et próximi mei * adversum
me appropinquaverunt, et steterunt.

Et qui juxta me erant, de longe ste-
terunt: * et vim faciebant qui quereb-
bant animam meam.

Et qui inquirebant mala mihi, locúti
sunt vanitates: * et dolos tota die
meditabantur.

Ego autem tamquam surdus non au-
diebam: * et sicut mutus non apéri-
ens os suum.

Et factus sum sicut homo non audi-
ens: * et non habens in ore suo re-
dargutiones.

Quoniam in te, Dómine, speravi: * tu
exaudies me, Dómine Deus meus.

Quia dixi: Nequando supergaudeant
mihi inimici mei: * et dum commo-
ventur pedes mei, super me magna
locúti sunt.

Quóniam ego in flagélla parátus sum:
* et dolor meus in conspéctu meo
semper.

Quóniam iniquitátem meam annun-
tiábo: * et cogitábo pro peccáto meo.
Inimíci autem mei vivunt, et confir-
máti sunt super me: * et multiplicáti
sunt qui odérunt me iníque.

Qui retribuunt mala pro bonis, detra-
hébant mihi: * quóniam sequébar bo-
nitátem.

Ne derelínquas me, Dómine Deus
meus: * ne discésseris a me.

Inténde in adiutórium meum, * Dó-
mine Deus salútis meæ.

Ant. Revéla Dómino viam tuam.

In Quadragesima, V. Ipse liberávit
me de láqueo venántium.

R. Et a verbo áspero.

Tempore Passionis,

V. Erue a frámea, Deus, ánimam
meam.

R. Et de manu canis únicam meam,

Tempore Paschali, Antiph. Allelúja.
allelúja, allelúja.

V. Surréxit Dóminus de sepúlchro,
allelúja.

R. Qui pro nobis pepéndit in ligno,
allelúja.

Pro uno vel pluribus Martyribus,
Tempore Paschali, V. Sancti et justi
in Dómino gaudéte, allelúja.

R. Vos elégit Deus in hæreditátem
sibi, allelúja.

Pro Confessore Pontifice, et
non Pontifice.

Tempore Paschali.

V. Amávit eum Dóminus, et ornávit
eum, allelúja.

R. Stolum glóriæ índuit eum, allelúja.

Pro una Sancta, V. Spécie tua, et
pulchritúdine tua, allelúja.

R. Inténde, prospere procéde, et regna,
allelúja.

exxo

AD LAUDES.

V. Deus in adiutórium... ut supra 14.

Tempore Paschali dicuntur Psalmi
et Antiphonæ de Dominica, 14. Ca-
pitulum vero, Hymnus, V. et Antiph.
ad Benedictus, ut in Proprio de Tem-
pore. Aliis temporibus per Annum,
quando non assignantur propriæ An-
tiphonæ, dicitur Ant. ton. 6. Miserére.

Psalmus 50.

Miserére mei, Deus, * secúndum
magnam misericórdiam tuam.

Et secúndum multitudínem miseratió-
num tuárum, * dele iniquitátem meam.
Amplius lava me ab iniquitáte mea: *

et a peccáto meo munda me.
Quóniam iniquitátem meam ego co-
gnósco: * et peccátum meum contra
me est semper.

Tibi soli peccávi, et malum coram te
feci: * ut justificéris in sermónibus
tuis, et vincas cum iudicáris.

Ecce enim in iniquitátibus concéptus
sum: * et in peccátis concépit me
mater mea.

Ecce enim veritátem dilexísti: * in-
céerta et occúlta sapiéntiæ tuæ mani-
festásti mihi.

Aspérges me hyssópo, et mundábor:
* lavábis me, et supernivem dealbábor.

Audítui meo dabis gáudium et lætí-
tiam: * et exultábunt ossa humiliáta.

Avérte fáciem tuam a peccátis meis:
* et omnes iniquitátes meas dele.

Cor mundum crea in me, Deus: * et
spíritum rectum ínnova in viscéribus
meis.

Ne projícias me a fácie tua: * et spí-
ritum sanctum tuum ne aúferas a me.

Redde mihi lætítiam salutáris tui: *
et spíritu principáli confírma me.

Docébo iníquos vias tuas: * et ímpii
ad te converténtur.

Líbera me de sanguínibus, Deus, Deus
salútis meæ: * et exultábit lingua
mea justítiam tuam.

Dómine, lábia mea apéries: * et os meum annuntiábit laudem tuam.

Quóniam si voluíssets sacrificium, dedissem útique: * holocáustis non delectáberis.

Sacrificium Deo spíritus contribulátus: * cor contrítum et humiliátum, Deus, non despícies.

Benígne fac, Dómine, in bona voluntáte tua Sion: * ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta: * tunc impónent super altáre tuum vítulos.

Ant. Miserére mei, Deus.

Ant. ton. 8. f. Intéllige.

Psalmus 5.

Verba mea áuribus pécipe, Dómine, * intéllige clamórem meum.

Inténde voci oratiónis meæ, * Rex meus, et Deus meus.

Quóniam ad te orábo: * Dón.ine, mane exáudies vocem meam.

Mane astábo tibi, et vidébo: * quóniam non Deus volens iniquitátem tu es.

Neque habitábit juxta te malignus: * neque permanébunt injústi ante óculos tuos.

Odísti omnes, qui operántur iniquitátem: * perdes omnes, qui loquúntur mendácium.

Virum sánguinem, et dolósum abominábitur Dóminus: * ego autem in multítudine misericórdiæ tuæ.

Introíbo in domum tuam: * adorábo ad templum sanctum tuum in timóre tuo.

Dómine, deduc me in justítia tua: * propter inimícos meos dírige in conspéctu tuo viam meam.

Quóniam non est in ore eórum veritas: * cor eórum vanum est.

Sepúlchrum patens est guttur eórum, linguis suis dolóse agébant, * júdica illos, Deus.

Décidant a cogitatiónibus suis, secúndum multítudinem impietátum

eórum expélle eos: * quóniam irritavérunt te, Dómine.

Et læténtur omnes, qui sperant in te: * in ætérnum exultábunt, et habitábis in eis.

Et gloriabúntur in te omnes, qui díligunt nomen tuum: * quóniam tu benedíces justo.

Dómine, ut scuto bonæ voluntátis tuæ * coronásti nos.

Antiph. Intéllige clamórem meum, Dómine.

Ant. ton. 8. f. Deus, Deus meus.

*Psalmus. Deus, Deus meus, * ad te de luce vígilo. 11.*

Ant. Deus, Deus meus, ad te de luce vígilo.

Ant. ton. 8. Convérsus est.

Canticum Isaiaë Prophetæ.

Cap. 12.

Confitébor tibi, Dómine, quóniam irátus es mihi: * convérsus est furor tuus, et consolátus es me.

Ecce Deus Salvátor meus: * fiduciáliter agam, et non timébo.

Quia fortitúdo mea, et laus mea Dóminus, * et factus est mihi in salútem.

Hauriétis aquas in gáudio de fóntibus Salvatóris: * et dicétis in illa die:

Confitémini Dómino, et invocáte nomen ejus.

Notas fácite in pópulis adinventiónes ejus: * mementóte, quóniam excélsus est nomen ejus.

Cantáte Dómino, quóniam magnífice fecit: * annuntiáte hoc in univérsa terra.

Exúlta, et lauda habitátio Sion: * quia magnus in médio tui Sanctus Israel.

Antiph. Convérsus est furor tuus, Dómine, et consolátus es me.

Ant. ton. 1. f. Laudáte Dóminum.

*Psalmus. Laudáte Dóminum de cœlis: * laudáte eum. 15.*

Ant. Laudáte Dóminum de cœlis.

In Quadragesima.

Capitulum.

Isaïæ 58.

CLama ne cesses; quasi tuba exálta vocem tuam, et annúntia pópulo meo scélera eórum, et dómui Jacob peccáta eórum.

Hymnus.

O Sol salútis, intimis
Jesu refúlge méntibus,
Dum nocte pulsa grátior
Orbi dies renáscitur.

Dans tempus acceptáble,
Da lacrymárum rívulis
Laváre cordis víctimam,
Quam læta adúrat cháritas.

Quo fonte manávit nefas,
Fluent perénnes lácrymæ,
Si virga pœniténtiæ
Cordis rigórem cónterat.

Dies venit, dies tua,
In qua reflórent ómnia:
Lætémur et nos in viam
Tua redúcti délixera.

Te prona mundi máchina,
Clemens adóret Trínitas,
Et nos novi per grátiam,
Novum canámus cánticum.

Amen.

Ÿ. Angelis suis Deus mandávit de te.
R. Ut custódiat te in ómnibus viis tuis.

Ad Benedictus, Antiphona propria, ut in Proprio Feriar. Quadragesimæ.

In iisdem Feriis Quadrages., post Antiphonam ad Benedictus, et in Vesperis ad Magnificat, dicuntur sequentes Preces flexis genibus:

KYrie eléison. Christe eléison.

Kýrie eléison. Pater noster totum dicitur clara voce, etiam in Vesperis.

Ÿ. Et ne nos indúcas in tentatióem.

R. Sed libera nos a malo.

Ÿ. Ego dixi, Dómine, miserére mei:

R. Sana ánimam meam, quia peccávi tibi.

Ÿ. Convértere, Dómine, úsquequo:

R. Et deprecábilis esto super servos tuos.

Ÿ. Fiat misericórdia tua, Dómine, super nos:

R. Quemádmódum sperávimus in te.
Ÿ. Sacerdótes tui induántur justítiam:

R. Et sancti tui exúltent.

Ÿ. Dómine, salvum fac Regem.

R. Et exáudi nos in die, qua invocáverimus te.

Ÿ. Salvum fac pópulum tuum, Dómine, et bénedic hæreditáti tuæ.

R. Et rege eos, et extólle illos usque in ætérnum.

Ÿ. Meménto congregatiónis tuæ,

R. Quam possedisti ab inítio.

Ÿ. Fiat pax in virtúte tua,

R. Et abundantia in túrribus tuis.

Ÿ. Orémus pro fidélibus defúctis.

R. Réquiem ætérnam dona eis, Dómine, et lux perpétua lúceat eis.

Ÿ. Requiéscant in pace.

R. Amen.

Ÿ. Pro frátribus nostris abséntibus.

R. Salvos fac servos tuos, Deus meus, sperántes in te.

Ÿ. Pro afflíctis et captívis.

R. Líbera eos, Deus Israel, ex ómnibus tribulatióibus suis.

Ÿ. Mitte eis, Dómine, auxílium de sancto.

R. Et de Sion tuére eos.

Ÿ. Dómine, exáudi oratióem meam:

R. Et clamor meus ad te véniat.

Deinde dicitur Psalmus. De profúndis, qui infra habetur in Vesperis Feriæ IV. 108., et in fine Glória Patri.

In Vesperis ejus loco dicitur Psalm. Miserére. 48. Finito Psalmo, dicitur:

Ÿ. Dómine Deus virtútum, convérte nos:

R. Et osténde fáciem tuam, et salvi érimus.

Ÿ. Exúrge, Christe, ádjuva nos:

R. Et libera nos propter nomen tuum.

Ÿ. Dómine, exáudi oratióem meam:

R. Et clamor meus ad te véniat.

Ÿ. Dóminus vobíscum.

℞. Et cum spírítu tuo.

Deinde dicitur Oratio Propria. Et quando in feriali Officio fiunt Commemorationes communes de S. Maria, etc. ut infra post Vesperas 17. Sabbati ante eas, tam in Laudibus, quam in Vesperis, fit sequens

Commemoratio de Cruce.

Antiphona. Per signum Crucis de inimícis nostris liberanos, Deus noster.

Ÿ. Omnis terra adóret te, et psallat tibi.

℞. Psalmum dicat nómini tuo, Dómine.

Orémus.

Oratio.

Perpétua nos, quæsumus Dómine, pace custódi: quos per lignum sanctæ Crucis redímere dignátus es.

Quæ Commemoratio de Cruce fit etiam, quando non dicuntur Preces, in feriali tantum Officio.

Tempore Paschali fit alia Commemoratio de Cruce, quæ habetur Feria II. post Dominicam in Albis, omíssis aliis Commemorationibus, de quibus supra.



FERIA TERTIA.

AD MATUTINUM.

In Quadragesima.

Invitatorium. Jubilémus Deo, * Salutári nostro.

Psalmus. Veníte... ut supra. 2.

Hymnus.

EX more docti mýstico
Servémus hoc jejúnium,
Deno diérum círculo
Ducto quater notíssimo.

I, ex et Prophétæ prímítus
Hoc prætulérunt, póstmodum
Christus sacrávit, ómnium
Rex, atque Factor témporum.

Utámur ergo párcius
Verbis, cibis, et pótibus,
Somno, joci, et árcetiús
Perstémus in custódia.

Vitémus autem nóxia,
Quæ súbruunt mentes vagas,
Nullúmque demus cállidi
Hostis locum tyránnidi.

Flectámus iram vándicem,
Plorémus ante júdicem,
Clamémus ore súplici,
Dicámus omnes cernui:

Nostris malis offéndimus
Tuam Deus cleméntiam,
Effúnde nobis désuper
Remíssor indulgéntiam:

Meménto quod sumus tui,
Licet cadúci plásmatis:
Ne des honórem nóminis
Tui, precámur, álteri.

Laxa malum, quod fécimus:
Auge bonum, quod póscimus,
Placére quo tandem tibi
Possimus hic, et pérpetim.

Præsta, beáta Trínitas,
Concéde simplex Unitas,
Ut fructuósa sint tuis
Jejuniórum múnera.

Amen.

Tempore Paschali.

Invitatorium. Allelúja, allelúja. *
Allelúja.

Psalmus. Veníte... ut supra. 2.

Hymnus.

Rex sempitérne cœlitum,
Rerum Créátor ómnium,
Æquális ante sæcula
Semper Parénti Fílius.

Nascénte qui mundo Faber
Imáginem vultus tui
Tradens Adámo, nóbilem
Limo jugásti spírítum.

Cum livor et fraus dáemonis
Fœdásset humánum genus,
Tu carne amíctus, pérditam
Formam refórmas ártifex.

Qui natus olim e Vírgine,
Nunc e sepúlchro násceris,
Tecúmque nos a mórtuis
Jubes sepúltos súrgere.

Qui pastor ætérnus gregem
Aqua lavas Baptísmatis:
Hæc est lavácrum méntium:
Hæc est sepúlchrum críminum.

Nobis diu qui débitæ
Redémptor affíxus Cruci,
Nostræ dedísti pródigus
Prétium salútis sánguinem.

Ut sis perénne méntibus
Paschále, Jesu, gaúdium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.
Amen.

Per Annun. Antiph. ton. 1. **U**t non
delínquam.

Tempore Paschali, Antiphona unica,
ton. 1. f. Allelúja.

Psalmus 38.

Dixi: Custódiam vias meas: * ut
non delínquam in lingua mea.

Posui ori meo custódiam, * cum con-
sisteret peccátor adversum me.

Obmútui, et humiliátus sum, et sílvi
a bonis: * et dolor meus renovátus est.

Concáluit cor meum intra me: * et in
meditatióne mea exardescet ignis.

Locútus sum in lingua mea: * Notum
fac mihi, Dómine, finem meum:

Et númerum diérum meórum quis
est: * ut sciam quid desit mihi.

Ecce mensurábiles posuísti dies meos:
* et substántia mea tamquam níhilum
ante te.

Verúmtamen univérsta vánitas, * omnis
homo vivens.

Verúmtamen in imágine pertránsit
homo: * sed et frustra conturbátur.

Thesaurizat: * et ignórat cui congre-
gábit ea.

Et nunc quæ est expectátio mea?
nonne Dóminus? * et substántia mea
apud te est.

Ab ómnibus iniquitatibus meis érue
me: * oppróbrium insipiénti dedísti me.
Obmútui, et non apérui os meum,
quóniam tu fecísti: * ámove a me
plagas tuas.

A fortitúde manus tuæ ego deféci
in increpatiónibus: * propter iniqui-
tatem corripuísti hóminem.

Et tabescere fecísti sicut aráneam
ánimam ejus: * verúmtamen vane
conturbátur omnis homo.

Exáudi oratióne meam, Dómine, et
deprecatióne meam: * aúribus pér-
cipe lácrymas meas.

Ne síleas, quóniam ádvena ego sum
apud te, et peregrínus, * sicut omnes
patres mei.

Remítte mihi, ut refrígerer priúsqvam
ábeam, * et ámplius non ero.

Psalmus 39.

Expéctans 'expectávi Dóminum, *
et inténdit mihi.

Et exáudívit preces meas: * et edúxit
me de lacu misériæ, et de luto fácis.

Et státuit super petram pedes meos:
* et diréxit gressus meos.

Et immísit in os meum cánticum no-
vum: * carmen Deo nostro.

Vidébunt multi et timébunt: * et spe-
rábunt in Dómino.

Beátus vir, cujus est nomen Dómini
spes ejus: * et non respéxit in vani-
tates et insánias falsas.

Multa fecísti tu, Dómine Deus meus,
mirabília tua: * et cogitatióne tuis
non est qui símilis sit tibi.

Annuntiávi, et locútus sum: * multi-
plicáti sunt super númerum.

Sacrificium et oblatiόnem noluísti: *
aures autem perfecísti mihi.

Holocaústum et pro peccáto non po-
stulásti, * tunc dixi: Ecce vénio.

In cápite libri scriptum est de me, ut
fácerem voluntátem tuam: * Deus

meus vólui, et legem tuam in médio cordis mei.

Annuntiávi justítiam tuam in Ecclesiá magna: * ecce lábia mea non prohibébo: Dómine, tu scisti.

Justítiam tuam non abscondi in corde meo: * veritátem tuam, et salutáre tuum dixi.

Non abscondi misericórdiam tuam, et veritátem tuam * a concílio multo.

Tu autem, Dómine, ne longe fácias miseratiónes tuas a me: * misericórdia tua, et véritas tua semper suscepérunt me.

Quóniam circumdederunt me mala, quorum non est númerus: * comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei: * et cor meum derelíquit me.

Compláceat tibi, Dómine, ut éruas me:

* Dómine, ad adjuvándum me respice.

Confundántur et revereántur simul, qui quærunt ánimam meam: * ut aúferant eam.

Convertántur retrórsum, et revereántur, * qui volunt mihi mala.

Ferant conféstim confusióem suam, * qui dicunt mihi: Euge, euge.

Exúltent et læténtur super te omnes quæréntes te, * et dicant semper: Magnificétur Dóminus, qui dñligunt salutáre tuum.

Ego autem mendícus sum et pauper: * Dóminus sollícitus est mei.

Adjútor meus, et protéctor meus tu es: * Deus meus ne tardáveris.

Antiph. Ut non delínquam in lingua mea.

Antiph. ton. 8. Sana.

Psalmus 40.

BEátus, qui intélligit super egénium et paúperem: * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra: *

et non tradat eum in ánimam inimicórum ejus.

Dóminus opem ferat illi super lectum dolóris ejus: * univérsum stratum ejus versásti in infirmitáte ejus.

Ego dixi: Dñe, miserére mei: * sana ánimam meam, quia peccávi tibi.

Inimíci mei dixerunt mala mihi: * Quando moriétur, et períbit nomen ejus?

Et si ingrediebátur ut vidéret, vana loquebátur: * cor ejus congregávit iniquitátem sibi.

Egrediebátur foras, * et loquebátur in idípsum.

Advérsus me susurrábant omnes inimíci mei: * advérsus me cogitábant mala mihi.

Verbum iníquum constituérunt advérsus me: * Numquid qui dormit, non adjíciet ut resúrgat?

Et enim homo pacis meæ, in quo sperávi: * qui edébat panes meos, magnificávit super me supplantatióem.

Tu autem, Dómine, miserére mei, et resúscita me: * et retríbuam eis.

In hoc cognóvi, quóniam voluísti me: * quóniam non gaudébit inimícus meus super me.

Me autem propter innocéntiam suscepísti: * et confirmásti me in conspéctu tuo in ætérnum.

Benedíctus Dóminus Deus Israel a sæculo, et usque in sæculum: * fiat, fiat.

Psalmus 41.

Quemádmodum desíderat cervus ad fontes aquárum: * ita desíderat ánima mea ad te, Deus.

Sitívit ánima mea ad Deum fortem, vivum: * quando véniam et apparebo ante fáciem Dei?

Fuérunť mihi lácrymæ meæ panes die ac nocte: * dum dñcitur mihi quotidie: Ubi est Deus tuus?

Hæc recordátus sum, et effúdi in me ánimam meam: * quóniam transíbo in locum tabernáculi admirábilis, usque ad domum Dei.

In voce exultati6nis, et confessi6nis, *
sonus epulantis.

Quare tristis es 6nima mea? * et quare
conturbas me.

Spera in Deo, qu6niam adhuc confi-
tebor illi: * salut6re vultus mei, et
Deus meus.

Ad meipsum 6nima mea conturb6ta
est: * propterea memor ero tui de terra
Jord6nis, et Herm6niim a monte
m6dico.

Ab6ssus aby6ssum 6nvocat, * in voce
cataractarum tuarum.

Omnia excelsa tua, et fluctus tui * su-
per me transierunt.

In die mandavit D6minus miseric6r-
diam suam, * et nocte canticum ejus.

Apuđ me or6tio Deo vitæ meæ: * di-
cam Deo: Susc6ptor meus es.

Quare obl6tus es mei? * et quare con-
tristatus inc6do, dum affligit me ini-
m6cus?

Dum confringuntur ossa mea, * ex-
probraverunt mihi, qui tribulant me
inim6ci mei.

Dum dicunt mihi per singulos dies:
Ubi est Deus tuus? * quare tristis es
6nima mea? et quare conturbas me?

Spera in Deo, qu6niam adhuc confi-
tebor illi: * salut6re vultus mei, et
Deus meus.

Ant. Sana, D6mine, 6nimam meam,
quia peccavi tibi.

Ant. ton. 6. Eructavit.

Psalmus 43.

Deus, auribus nostris audivimus: *
patres nostri annuntiaverunt nobis.
Opus, quod operatus es in di6bus e6-
rum, * et in di6bus antiquis.

Manus tua Gentes disp6didit, et
plantasti eos: * afflixisti p6pulos, et
expulisti eos.

Nec enim in gl6dio suo possederunt
terram, * et br6chium e6rum non sal-
vavit eos.

Sed d6xtera tua, et br6chium tuum,
et illuminati6 vultus tui: * qu6niam
complacuisti in eis.

Tu es ipse Rex meus, et Deus meus:
* qui mandas salutes Jacob.

In te inim6cos nostros ventilabimus
cornu: * et in n6mine tuo spernemus
insurgentes in nobis.

Non enim in arcu meo sper6bo: * et
gl6dius meus non salvabit me.

Salvast enim nos de affligentibus nos:
* et odientes nos confudisti.

In Deo laudabimur tota die: * et in
n6mine tuo confitebimur in s6culum.

Nunc autem repulisti, et confudisti
nos: * et non egredi6ris, Deus, in vir-
tutibus nostris.

Avertisti nos retr6rsum post inim6cos
nostros: * et qui od6runt nos, diripi6-
bant sibi.

Dedisti nos tamquam oves esc6rum: *
et in G6ntibus dispersisti nos.

Vendidisti p6pulum tuum sine pretio:
* et non fuit multitudo in commuta-
ti6nibus e6rum.

Posuisti nos opprobrium vicinis no-
stris: * subsannati6nem et derisum
his, qui sunt in circuitu nostro.

Posuisti nos in similitudinem G6nti-
bus: * commoti6nem capitis in p6pulis.

Tota die verec6ndia mea contra me
est: * et confusi6 faciei meæ coo-
peruit me.

A voce exprobrantis, et obloqu6ntis:
* a facie inim6ci, et persecuentis.

Hæc 6mnia venerunt super nos, nec
obliti sumus te: * et inique non 6gi-
mus in testamento tuo.

Et non recessit retro cor nostrum: * et
declinasti semitas nostras a via tua.

Qu6niam humiliasti nos in loco af-
flicti6nis: * et cooperuit nos umbra
mortis.

Si obliti sumus nomen Dei nostri, *
et si expandimus manus nostras ad
deum alienum:

Nonne Deus requ6ret ista? * ipse enim
novit abscondita cordis.

Qu6niam propter te mortificamur tota
die: * aestimati sumus, sicut oves oc-
cisi6nis.

Exúrge, quare obdórmis, Dómine? *
exúrge, et ne repéllas in finem.

Quare fáciem tuam avértis, * obliví-
sceris inópiæ nostræ, et tribulatió-
nis nostræ?

Quóniam humiliáta est in púlvere áni-
ma nostra: * conglutinátus est in terra
venter noster.

Exúrge, Dómine, ádjuva nos: * et ré-
dime nos propter nomen tuum.

Psalmus 44.

Eructávit cor meum verbum bonum:
* dico ego ópera mea Regi.

Lingua mea cálamus scribæ, * veló-
citer scribéntis.

Speciósus forma præ filiis hóminum,
diffúsa est grátia in lábiis tuis: * pro-
ptérea benedíxit te Deus in ætérnum.

Accíngere gládio tuo super femur
tuum, * potentíssime.

Spécie tua, et pulchritúdine tua * in-
ténde, próspere procéde, et regna.

Propter veritátem, et mansuetúdinem,
et justítiam: * et dedúcet te mirabíli-
ter délixtera tua.

Sagíttæ tuæ acútæ, pópuli sub te ca-
dent, * in corda inimicórum regis.

Sedes tua Deus in sæculum sæculi: *
virga directiónis virga regni tui.

Dilexísti justítiam, et odísti iniquitá-
tem: * proptérea unxit te Deus, Deus
tuus, óleo lætítiæ præ consórtibus tuis.

Myrrha, et gutta, et cásia a vestimén-
tis tuis, a dómibus ebúrneis: * ex qui-
bus delectavérunt te filiae regum in
honóre tuo.

Astitit regína a dextris tuis in vestítu
deauráto, * circúmdata varietáte.

Audi filia, et vide, et inclína aurem
tuam: * et oblivíscere pópulum tuum,
et domum patris tui.

Et concupíscet Rex decórem tuum: *
quóniam ipse est Dóminus Deus tuus,
et adorábunt eum.

Et filiae Tyri in munéribus * vultum
tuum deprecabúntur, omnes dívites
plebis.

Omnis glória ejus filiae Regis ab intus,
* in fímbriis aúreis circumamícta va-
rietátibus.

Adducéntur Regi vírgines post eam:
* próximæ ejus afferéntur tibi.

Afferéntur in lætítia et exultatióne: *
adducéntur in templum Regis.

Pro pátribus tuis nati sunt tibi filii: *
constítues eos príncipes super omnem
terram.

Mémores erunt nóminis tui * in omni
generatióne et generatióne.

Proptérea pópuli confitebúntur tibi in
ætérnum, * et in sæculum sæculi.

Antiphona. Eructávit cor meum ver-
bum bonum.

Antiphona. ton. 1. f. Adjutor.

Psalmus 45.

Deus noster refúgium et virtus: *
adjutor in tribulatióne, quæ in-
venérunt nos nimis.

Proptérea non timébimus dum turbá-
bitur terra: * et transferéntur montes
in cor maris.

Sonuérunt, et turbátæ sunt aquæ eó-
rum: * conturbáti sunt montes in for-
titúdine ejus.

Flúminis ímpetus lætíficat civitátem
Dei: * sanctificávit tabernáculum
suum Altíssimus.

Deus in médio ejus, non commové-
bitur: * adjuvábít eam Deus mane
dilúculo.

Conturbátæ sunt Gentes, et inclináta
sunt regna: * dedit vocem suam, mota
est terra.

Dóminus virtútum nobíscum: * suscé-
ptor noster Deus Jacob.

Veníte et vidéte ópera Dómini, quæ
pósuit prodígia super terram: * aúfe-
rens bella usque ad finem terræ.

Arcum cónteret, et confrínget arma: *
et scuta combúret igni.

Vacáte et vidéte, quóniam ego sum
Deus: * exaltábor in Géntibus, et ex-
altábor in terra.

Dóminus virtútum nobíscum: * suscé-
ptor noster Deus Jacob.

Psalmus 46.

OMnes Gentes plaúдите mánibus: *
jubiláte Deo in voce exultatiónis.

Quóniam Dóminus excélsus, terríbilis:
* Rex magnus super omnem terram.

Subjécit pópulos nobis, * et Gentes
sub pédibus nostris.

Elégit nobis hæreditátem suam: * spé-
ciem Jacob, quam diléxit.

Ascéndit Deus in júbilo, * et Dóminus
in voce tubæ.

Psállite Deo nostro, psállite: * psállite
Regi nostro, psállite.

Quóniam Rex omnis terræ Deus: *
psállite sapiénter.

Regnábít Deus super Gentes: * Deus
sedet super sedem sanctam suam.

Príncipes populórum congregáti sunt
cum Deo Abraham: * quóniam dii for-
tes terræ, veheménter eleváti sunt.

Ant. Adjútor in tribulatió nibus.

Ant. ton. 8. Magnus Dóminus.

Psalmus 47.

MAgnus Dóminus, et laudábilis ni-
mis * in civitaté Dei nostri, in
monte sancto ejus.

Fundátur exultatióne univérsæ terræ
mons Sion, * látera aquilónis, civitas
Regis magni.

Deus in dómibus ejus cognoscétur, *
cum suscípíet eam.

Quóniam ecce reges terræ congregáti
sunt: * convenérunt in unum.

Ipsi vidéntes sic admiráti sunt, con-
turbáti sunt, commóti sunt: * tremor
apprehéndit eos.

Ibi dolóres ut parturiéntis: * in spíritu
veheménti cónteres naves Tharsis.

Sicut audívimus, sic vídimus in civi-
taté Dñi virtútum, in civitaté Dei no-
stri: * Deus fundávit eam in ætérnum.

Suscépimus, Deus, misericórdiam
tuam, * in médio templi tui.

Secúndum nomen tuum, Deus, sic et
laus tua in fines terræ: * justítia plena
est dextera tua.

Lætétur mons Sion, et exúltent ffliaë
Judæ, * propter judícia tua, Dómine.
Circúmdate Sion, et complectímíni
eam: * narráte in túrribus ejus.

Pónite corda vestra in virtúte ejus: *
et distribúite domos ejus, ut enarrétis
in progénie áltera.

Quóniam hic est Deus, Deus noster
in ætérnum, et in sæculum sæculi: *
ipse reget nos in sæcula.

Psalmus 48.

AUdíte hæc omnes Gentes: * aúri-
bus percípíte omnes, qui habitá-
tis orbem.

Quique terrígenæ, et fflíi hóminum: *
simul in unum dives et pauper.

Os meum loquétur sapiéntiam: * et
meditátio cordis mei prudéntiam.

Inclinábo in parábolam aurem meam:
* apériam in psaltério propositi-
onem meam.

Cur timébo in die mala? * iníquitas
calcánei mei circúmdabit me.

Qui confidunt in virtúte sua: * et in
multitúdine divitiárum suárum glo-
riántur.

Frater non rédimít, rédimet homo? *
non dabit Deo placatió nem suam:

Et prétium redemptiós animæ suæ:
* et laborábit in ætérnum, et vivet
adhuc in finem.

Non vidébit intéritum, cum víderit sa-
piéntes moriéntes: * simul insípiens,
et stultus períbunt.

Et relínquent aliénis divítias suas: *
et sepúlchra eórum domus illórum in
ætérnum.

Tabernácula eórum in progénie et
progénie: * vocavérunt nómina sua in
terris suis.

Et homo, cum in honóre esset, non in-
telléxit: * comparátus est juméntis in-
sipiéntibus, et símilis factus est illis.

Hæc via illórum scándalum ípsis: * et
póstea in ore suo complacébunt.

Sicut oves in inférno pósito sunt: *
mors depáscet eos.

Et dominabúntur eórum iusti in matutíno: * et auxiliū eórum veteráscet in inférno a glória eórum.

Verúmtamen Deus rédimet ánimam meam de manu ínferi: * cum accéperit me.

Ne timúeris cum dives factus fúerit homo: * et cum multiplicáta fúerit glória domus ejus.

Quóniam cum interférit, non sumet ómnia: * neque descéndet cum eo glória ejus.

Quia ánima ejus in vita ipsíus benedicétur: * confitébitur tibi cum benéfeceris ei.

Introíbit usque in progénies patrum suórum: * et usque in ætérnum non vidébit lumen.

Homo, cum in honóre esset, non intellexit: * comparátus est juméntis insipientibus, et símilis factus est illis.

Antiph. Magnus Dóminus, et laudábilis nimis.

Antiph. tom. 8. f. Deus deórum.

Psalmus 49.

Deus deórum Dóminus locútus est: * et vocávit terram.

A solis ortu usque ad occásum: * ex Sion spécies decóris ejus.

Deus manifeste véniet: * Deus noster, et non silébit.

Ignis in conspéctu ejus exardéscet: * et in circúitu ejus tempéstas válida.

Advocábit cœlum desúrsum: * et terram discernere pópulum suum.

Congregáte illi Sanctos ejus: * qui ordinant testaméntum ejus super sacrificia.

Et annuntiábunt cœli justítiam ejus: * quóniam Deus iudex est.

Audi pópulus meus, et loquar: Israel, et testificábor tibi: * Deus, Deus tuus ego sum.

Non in sacrificiis tuis árguam te: * holocaústa autem tua in conspéctu meo sunt semper.

Non accípiam de domo tua vítulos: * neque de grégibus tuis hircos.

Quóniam meæ sunt omnes feræ silvârū, * juménta in móntibus et boves. Cognóvi ómnia volatília cœli: * et pulchritúdo agri mecum est.

Si esurífero, non dicam tibi: * meus est enim orbis terræ, et plenitúdo ejus.

Numquid manducábo carnes taurórum? * aut sánguinem hircórum potábo?

Immola Deo sacrificium laudis: * et redde Altíssimo vota tua.

Et ínvoça me in die tribulatiónis: * éruam te, et honorificábis me.

Peccatóri autem dixit Deus: * Quare tu enárras justítias meas, et assúmís testaméntum meum per os tuum?

Tu vero odísti disciplínam: * et projecísti sermónes meos retrórsum.

Si vidébas furem, currébas cum eo: * et cum adúlteris portiónem tuam ponébas.

Os tuum abundávit malítia: * et lingua tua concinnábat dolos.

Sedens advérsus fratrem tuum loquebáris, et advérsus fílium matris tuæ ponébas scándalum: * hæc fecísti, et tácui.

Existimásti iníque quod ero tui símilis: * árguam te, et státuam contra fáciem tuam.

Intelligíte hæc, qui obliviscímini Deum: * ne quando rápiat, et non sit qui erípiat.

Sacrificium laudis honorificábit me: * et illic iter, quo osténdam illi salutare Dei.

Psalmus 51.

Quid gloriáris in malítia, * qui potens es in iniquitáte?

Tota die injustítiam cogitávit lingua tua: * sicut novácula acúta fecísti dolum.

Dilexísti malítiam super benignitátem: * iniquitátem magis, quam loqui æquitátem.

Dilexísti ómnia verba præcipitatiónis,
* lingua dolósa.

Proptérea Deus déstruet te in finem:
* evéllat te, et emigrábit te de taber-
náculo tuo, et radícem tuam de terra
vivéntium.

Vidébunt justí, et timébunt, et super
eum ridébunt, et dicent: * Ecce
homo, qui non pósuit Deum adjutó-
rem suum.

Sed spérávit in multitúdine divitiá-
rum suárum: * et præváluit in vani-
táte sua.

Ego autem, sicut olíva fructífera in
domo Dei: * sperávi in misericórdia
Dei in ætérnum, et in sæculum sæculi.
Confitébor tibi in sæculum quia fecí-
sti: * et expectábo nomen tuum, quón-
iam bonum est in conspéctu Sanctó-
rum tuórum.

Antiphona. Deus deórum Dóminus
locútus est.

In Quadragesima, V. Scápolis suis
obumbrábit tibi.

R. Et sub pennis ejus sperábis.

Tempore Passionis,

V. De ore leónis líbera me, Dómine.

R. Et a córnibus unicórniū humili-
tátem meam.

Tempore Paschali, Antiph. Allelúja,
allelúja, allelúja.

V. Surréxit Dóminus vere, allelúja.

R. Et apparuit Simóni, allelúja.

Pro uno vel pluribus Martyribus,
Tempore Paschali, V. Lux perpétua
lucébit Sanctis tuis, Dómine, allelúja.

R. Et ætérnitas téporum, allelúja.

Pro Confessore Pontifice, Tempore
Paschali, V. Elégit eum Dóminus sacer-
dótem sibi, allelúja.

R. Ad sacrificándum ei hóstiam lau-
dis, allelúja.

Pro Confessore non Pontifice, Tem-
pore Paschali, V. Os justí meditábi-
tur sapiéntiam, allelúja.

R. Et lingua ejus loquétur judícium,
allelúja.

Pro una Sancta, Tempore Paschali,
V. Adjuvábít eam Deus vultu suo,
allelúja.

R. Deus in médio ejus non commo-
vébitur, allelúja.

AD LAUDES.

Antiph. ton. 4. Dele, Dómine, iniqui-
tátem meam.

Psalmus Miserére mei, Deus. 48.

Antiph. ton. 6. Salutare.

Psalmus 42.

JUdica me, Deus, et discérne causam
meam de gente non sancta: * ab
hómíne iníquo et dolóso érue me.

Quia tu es Deus fortitúdo mea: * quare
me repulísti? et quare tristis incédo,
dum affligit me inimícus?

Emítte lucem tuam et veritátem tuam:
* ipsa me deduxérunt, et adduxérunt
in montem sanctum tuum, et in taber-
nacula tua.

Et introibo ad altáre Dei: * ad Deum,
qui lætíficat juventútem meam.

Confitébor tibi in cíthara, Deus, Deus
meus: * quare tristis es, ánima mea?
et quare contúrbas me?

Spera in Deo, quóniam adhuc confi-
tébor illi: * salutare vultus mei, et
Deus meus.

Antiph. Salutare vultus mei, et Deus
meus.

Antiph. ton. 7. r. Ad te de luce ví-
gilo, Deus.

Psalmus. Deus, Deus meus. 14.

Antiph. ton. 3. Cunctis diébus.

Canticum Ezechie. Isaia 38. b.

EGO dixi: in dimídio diérum meó-
rum * vadam ad portas ínferi.

Quæsívi resíduum annórum meórum:
* dixi: Non vidébo Dóminum Deum
in terra vivéntium.

Non aspíciam hóminem ultra, * et ha-
bitatórem quiétis.

Generatio mea ablata est, et convoluta est a me, * quasi tabernaculum pastorum.

Praecisa est velut a texente vita mea: dum adhuc ordiret, succidit me: * de mane usque ad vesperam finies me.

Sperabam usque ad mane, * quasi leo sic contrivit omnia ossa mea.

De mane usque ad vesperam finies me: * sicut pullus hirundinis sic clamabo, meditabor ut columba.

Atenuati sunt oculi mei, * suspicientes in excelsum.

Domine, vim patior, responde pro me. * Quid dicam, aut quid respondebit mihi, cum ipse fecerit?

Recogitabo tibi omnes annos meos * in amaritudine animae meae.

Domine, si sic vivitur, et in talibus vita spiritus mei, corripies me, et vivificabis me. * Ecce in pace amaritudo mea amarissima.

Tu autem eruisti animam meam; ut non periret, * projecisti post tergum tuum omnia peccata mea.

Quia non infernus confitebitur tibi, neque mors laudabit te: * non expectabunt, qui descendunt in lacum, veritatem tuam.

Vivens vivens ipse confitebitur tibi, sicut et ego hodie: * pater filiis notam faciet veritatem tuam.

Domine, salvum me fac, * et psalmos nostros cantabimus cunctis diebus vitae nostrae in domo Domini.

Ant. Cunctis diebus vitae nostrae salvos nos fac, Domine.

Ant. ton. 5. Omnes Angeli ejus laudate Dominum de caelis.

Psalm. Laudate Dominum de caelis. 15.

In Quadragesima.

Capitulum. *Isaiae 58.*

CLama, ne cesses; quasi tuba exalta vocem tuam, et annuntia populo meo scelera eorum, et domui Jacob peccata eorum.

Hymnus.

O Sol salutis, intimis,
Jesu, refulge mentibus,
Dum, nocte pulsa, gravior
Orbi dies renascitur.

Dans tempus acceptabile,
Da, lacrymarum rivulis
Lavare cordis victimam,
Quam laeta adurat charitas.

Quo fonte manavit nefas,
Fluent perennes lacrymae,
Si virga poenitentiae
Cordis rigorem conterat.

Dies venit, dies tua,
In qua reflorent omnia:
Laetemur et nos in viam
Tua reducti dextera.

Te prona mundi machina
Clemens adoret Trinitas:
Et nos novi per gratiam
Novum canamus canticum.
Amen.

V. Angelis suis Deus mandavit de te.
R. Ut custodiant te in omnibus viis tuis.

Ad Benedictus, Antiphona propria, ut in Feriis Quadrag.

Preces, quando dicuntur, habentur supra, 50.

FERIA QUARTA. AD MATUTINUM.

In Quadragesima.

Invitatorium. In manu tua, Domine,
* Omnes fines terrae.

Psalmus. Venite, exultemus.... 2.

Hymnus.

EX more docti mystico
Servemus hoc jejunium,
Deno dierum circulo
Ducto quater notissimo.
Lex et Prophetae primitus
Hoc praetulerunt, postmodum
Christus sacravit, omnium
Rex atque Factor temporum.

Utámur ergo párcius
 Verbis, cibis, et pótibus,
 Somno, joci, et árcius
 Perstémus in custódia.
 Vitémus autem nóxia,
 Quæ súbruunt mentes vagas,
 Nullúmque demus cállidi
 Hostis locum tyránidi.
 Flectámus iram vándicem,
 Plorémus ante júdicem,
 Clamémus ore súplici,
 Dicámus omnes cernui:
 Nostri malis offéndimus
 Tuam Deus cleméntiam:
 Effúnde nobis désuper
 Remíssor indulgéntiam.
 Meménto quod sumus tui,
 Licet cadúci plásmatis:
 Ne des honórem nóminis
 Tui, precámur, álteri.
 Iaxa malum, quod fécimus,
 Auge bonum, quod póscimus,
 Placére, quo tandem tibi
 Possímus hic, et pérpetim.
 Præsta, beáta Trínitas,
 Concéde, simplex Unitas,
 Ut fructuósa sint tuis
 Jejuníorum múnera.
 Amen.

Tempore Paschali.

Invitatorium. Allelúja, allelúja.
 Allelúja.

Hymnus.

REx sempitérne Célitum,
 Rerum Créator ómnium,
 Æquális ante sæcula
 Semper Parénti Fílius.
 Nascénte qui mundo Faber
 Imáginem vultus tui
 Tradens Adámo, nóbilem
 Limo jugásti spíritum.
 Cum livor et fraus dæmonis
 Fœdásset humánum genus:
 Tu carne aníctus, pérditam
 Formam refórmas Artifex.
 Qui natus olim e Vírgine,
 Nunc e sepúlchro násceris,
 Tecúmque nos a mórtuis
 Jubes sepúltos súrgere.

Qui Pastor ætérnus gregem
 Aqua lavas Baptísmatis:
 Hæc est lavácrum méntium:
 Hæc est sepúlchrum críminum.
 Nobis diu qui débitæ
 Redémptor affíxus Cruci,
 Nostræ dedísti pródigus
 Prétium salútis sánguinem.
 Ut sis perénne méntibus
 Paschále, Jesu, gaúdium:
 A morte dira críminum
 Vitæ renátos líbera.
 Deo Patri sit glória,
 Et Fílio, qui a mórtuis
 Surréxit, ac Paráclito,
 In sempitérna sæcula.
 Amen.

Antiphona. ton. 8. Avértit Dóminus.
 Tempore Paschali, ton. 8. Antiph.
 Allelúja.

Psalmus 52.

DIxit insípiens in corde suo: * Non
 est Deus.
 Corrúpti sunt, et abominábiles facti
 sunt in iniquitátibus: * non est qui fá-
 ciat bonum.
 Deus de cœlo prospéxit super fílios
 hóminum, * ut vídeat, si est intél-
 lens, aut requírens Deum.
 Omnes declínáverunt, simul inútiles
 facti sunt: * non est qui fáciat bonum,
 non est usque ad unum.
 Nonne scient omnes, qui operántur
 iniquitátem, * qui dévorant plebem
 meam ut cibum panis?
 Deum non invocavérunt: * illic trepi-
 davérunt timóre, ubi non erat timor.
 Quóniam Deus dissipávit ossa eórum,
 qui homínibus placent: * confúsi sunt,
 quóniam Deus sprexit eos.
 Quis dabit ex Sion salutáre Israel?
 * cum convérterit Deus captivitátem
 plebis suæ, exultábit Jacob, et lætá-
 bitur Israel.

Psalmus 54.

EXaúdi, Deus, oratióem meam, et
 ne despéxeris deprecationem
 meam: * inténde mihi, et exaúdi me.

Contristátus sum in exercitátione mea: * et conturbátus sum a voce inimíci, et a tribulatióne peccatóris.

Quóniam declinavérunt in me iniquitátes: * et in ira molésti erant mihi.

Cor meum conturbátum est in me: * et formído mortis cécidit super me.

Timor, et tremor venérunt super me: * et contexérunt me ténebræ.

Et dixi: Quis dabit mihi pennas sicut colúmbæ, * et volábo, et requiescam?

Ecce elongávi fúgiens: * et mansi in solitúdine.

Expectábam eum, qui salvum me fecit * a pusillanimitáte spíritus, et tempestáte.

Præcípita, Dómine, dívide linguas eórum: * quóniam vidi iniquitatem et contradiciónem in civitate.

Die ac nocte circúmdabit eam super muros ejus iníquitas: * et labor in médio ejus, et injustítia.

Et non defécit de platéis ejus * usúra, et dolus.

Quóniam si inimícus meus maledixisset mihi, * sustinuissem útique.

Et si is, qui óderat me, super me magna locútus fuisset: * abscondissem me fórsitan ab eo.

Tu vero homo unánimis, * dux meus, et notus meus.

Qui simul mecum dulces capiébas cibos: * in domo Dei ambulávimus cum consénsu.

Véniat mors super illos: * et descéndant in inférnum vivéntes.

Quóniam nequitiæ in habitáculis eórum, * in inédio eórum.

Ego autem ad Deum clamávi: * et Dóminus salvábit me.

Véspere, et mane, et merídie narrábo et annuntiábo: * et exaúdiet vocem meam.

Rédimet in pace ánimam meam ab his, qui appropínquant mihi: * quóniam inter multos erant mecum.

Exaúdiet Deus, et humiliábit illos, * qui est ante sácula.

Non enim est illis commutatio, et non timuérunt Deum: * exténdit manum suam in retribuendo.

Contaminavérunt testaméntum ejus, divísi sunt ab ira vultus ejus: * et appropinquávit cor illíus.

Mollíti sunt sermónes ejus super óleum: * et ipsi sunt jácula.

Jacta super Dóminum curam tuam, et ipse te enútriet: * non dabit in ætérnum fluctuatiónem justo.

Tu vero, Deus, dedúces eos * in púteum intéritus.

Viri sánguinem et dolósi non dimidiábunt dies suos: * ego autem sperábo in te, Dómine.

Ant. Avértit Dóminus captivitatem plebis suæ.

Ant. ton. 8. Quóniam.

Psalmus 55.

Miserere mei, Deus, quóniam conculcávit me homo: * tota die impúgnans tribulávit me.

Conculcavérunt me inimíci mei tota die: * quóniam multi bellántes advérsus me.

Ab altitúdine diéi timébo: * ego vero in te sperábo.

In Deo laudábo sermónes meos, in Deo sperávi: * non timébo quid fáciat mihi caro.

Tota die verba mea execrabántur: * advérsus me omnes cogitatiónes eórum, in malum.

Inhabitábunt et abscondent: * ipsi calcáneum meum observábunt.

Sicut sustinuérunt ánimam meam, pro nihilo salvos fácies illos: * in ira pópulos confrínges.

Deus vitam meam annuntiávi tibi: * posuísti lácrymas meas in conspéctu tuo.

Sicut et in promissióne tua: * tunc converténtur inimíci mei retrórsum.

In quacúmque die invocávero te: * ecce cognóvi quóniam Deus meus es.

In Deo laudábo verbum, in Dómino laudábo sermónem: * in Deo sperávi, non timébo quid fáciat mihi homo.

n me sunt, Deus, vota tua, * quæ red-
dam, laudatiónes tibi.

Quóniam eripuísti ánimam meam de morte, et pedes meos de lapsu: * ut pláceam coram Deo in lúmine ví-
véntium.

Psalmus 56.

Miserére mei, Deus, miserére mei: * quóniam in te confídít áni-
ma mea.

Et in umbra alárum tuárum sperábo, * donec tránseat iníquitas.

Clamábo ad Deum altíssimum: * Deum, qui benefécit mihi.

Misit de cœlo, et liberávit me: * dedit in oppróbrium conculcántes me.

Misit Deus misericórdiam suam, et veritátem suam: * et erípuit ánimam meam de médio catulórum leónum: dormívi conturbátus.

Fílii hóminum dentes eórum arma et sagíttæ: * et lingua eórum gládius acútus.

Exaltáre super cœlos, Deus: * et in omnem terram glória tua.

Láqueum paravérunt pédibus meis: * et incurvavérunt ánimam meam.

Foderunt ante fáciem meam foveam: * et incidérunt in eam.

Parátum cor meum, Deus, parátum cor meum: * cantábo, et psalmum dicam.

Exúrge, glória mea, exúrge, psalté-
rium et cithara: * exúrgam dilúculo.

Confitébor tibi in pópulis, Dómine: * et psalmum dicam tibi in Géntibus.

Quóniam magnificáta est usque ad cœlos misericórdia tua, * et usque ad nubes véritas tua.

Exaltáre super cœlos, Deus: * et super omnem terram glória tua.

Ant. Quóniam in te confídít ánim
mea.

Ant. ton. 8. f. Justa judicáte.

Psalmus 57.

Si vere útique justítiam loquímmini: *
recta judicáte fílii hóminum.

Etenim in corde iniquitátes operá-
mini: * in terra injustítias manus ve-
stræ concínnant.

Alienáti sunt peccatóres a vulva, er-
ravérunt ab útero: * locúti sunt falsa.

Furor illis secúndum similitúdinem
serpéntis: * sicut áspidis surdæ, et
obturántis aures suas,

Quæ non exaúdiét vocem incantán-
tium, * et venéfici incantántis sa-
piénter.

Deus cónteret dentes eórum in ore
ipsórum: * molas leónum confrínget
Dóminus.

Ad níhilum devénient tamquam aqua
decúrrens: * inténdit arcum suum do-
nec infirméntur.

Sicut cera, quæ fluit, auferéntur: * su-
percécidit ignis, et non vidérunt solem.

Priúsqvam intellígerent spinæ vestræ
rhamnum: * sicut vivéntes, sic in ira
absórbet eos.

Lætábitur justus, cum víderit vindí-
ctam: * manus suas lavábit in sán-
guine peccatóris.

Et dicet homo: Si útique est fructus
justo: * útique est Deus júdicans eos
in terra.

Psalmus 58.

Eripe me de inimícis meis, Deus
meus: * et ab insurgéntibus in me
libera me.

Eripe me de operántibus iniquitátem:
* et de viris sánguinum salva me.

Quia ecce cepérunt ánimam meam: *
irruérunt in me fortes.

Neque iníquitas mea, neque peccátum
meum, Dómine: * sine iniquitáte cu-
cúrri, et diréxi.

Exúrge in occúrsum meum, et vide:
* et tu, Dómine Deus virtútum, Deus
Israel.

Inténde ad visitándas omnes gentes:
* non misercáris ómnibus, qui ope-
rántur iniquitátem.

Converténtur ad vésperam, et famem patiéntur ut canes: * et circuíbunt civitátem.

Ecce loquéntur in ore suo, et gládus in lábiis eórum: * quóniam quis audívit?

Et tu, Dómine, deridébis eos: * ad níhilum dedúces omnes gentes.

Fortitúdinem meam ad te custódiam, quia Deus suscéptor meus es: * Deus meus, misericórdia ejus præveniet me. Deus osténdet mihi super inimícos meos, ne occidas eos: * nequándo obliviscántur pópuli mei.

Dispérge illos in virtúte tua: * et depóne eos protéctor meus, Dómine.

Delictum oris eórum, sermónem labiórur ipsórum: * et comprehendántur in supérbia sua.

Et de execrátióne et mendácio annuntiábúntur in consummátióne: * in ira consummátiónis, et non erunt.

Et scient, quia Deus dominábitur Jacob, * et fínium terræ.

Converténtur ad vésperam, et famem patiéntur ut canes: * et circuíbunt civitátem.

Ipsi dispergéntur ad manducándum: * si vero non fúerint saturáti, et murmurábunt.

Ego autem cantábo fortitúdinem tuam: * et exultabo mane misericórdiam tuam.

Quia factus es suscéptor meus, * et refúgium meum, in die tribulátiónis meæ.

Adjútor meus tibi psallam, quia Deus suscéptor meus es: * Deus meus misericórdia mea.

Ant. Justa judicáte fílii hóminum.

Ant. ton. 2. Da nobis.

Psalmus 59.

Deus repulísti nos, et destruxísti nos: * irátus es, et misértus es nobis.

Commovísti terram, et conturbásti eam: * sana contritiónes ejus, quia commóta est.

Ostendísti pópulo tuo dura: * potásti nos vino compunctiúnis.

Dedísti metuéntibus te significatió-nem: * ut fúgiant a fácie arcus.

Ut liberéntur dilécti tui: * salvum fac délixtera tua, et exaúdi me.

Deus locútus est in sancto suo: * Lætábor, et partíbor Síchimam, et convállem tabernaculórum metíbor.

Meus est Gálaad, et meus est Manás-ses, * et Ephraim fortitúdo cápitis mei.

Juda rex meus: * Moab olla spei meæ. In Idumæam exténdam calceamén-tum meum: * mihi alienígenæ súb-diti sunt.

Quis dedúcet me in civitátem muní-tam? * quis dedúcet me usque in Idu-mæam?

Nonne tu, Deus, qui repulísti nos: * et non egrediéris, Deus, in virtútibus nostris?

Da nobis auxiliúm de tribulátióne: * quia vana salus hóminis.

In Deo faciémus virtútem: * et ipse ad níhilum dedúcet tribulántes nos.

Psalmus 60.

EXaúdi, Deus, deprecátiómem meam: * inténde oratióni meæ.

A fínibus terræ ad te clamávi: * dum anxiaré-tur cor meum, in petra exaltásti me.

Deduxísti me, quia factus es spes mea: * turris fortitúdinis a fácie inimíci.

Inhabitábo in tabernáculo tuo in sá-cula: * prótegar in velaménto alárum tuárum.

Quóniam tu, Deus meus, exaudísti oratiómem meam: * dedísti hæreditátem timéntibus nomen tuum.

Dies super dies regis adjícies: * annos ejus usque in diem generatiónis, et generatiónis.

Pérmanet in ætérnum in conspéctu Dei: * misericórdiam et veritátem ejus quis requíret?

Sic psalmum dicam nómini tuo in sáeculum sáeculi: * ut reddam vota mea de die in diem.

Ant. Da nobis, Dómine, auxílium de tribulatióne.

Ant. ton. 3. Nonne Deo.

Psalmus 61.

Nonne Deo subjécta erit ánima mea? * ab ipso enim salutáre meum. Nam et ipse Deus meus, et salutáris meus, * suscéptor meus, non movébor ámplius.

Quóusque irrúitis in hóminem? * interfícitis univérsti vos: tamquam parí-eti inclináto, et macériæ depúlsæ?

Verúmtamen prétium meum cogitá-
vérunt repéllere, cucúrri in siti: * ore
suo benedicébant, et corde suo male-
dicébant.

Verúmtamen Deo subjécta esto ánima
mea: * quóniam ab ipso patiéntia mea.

Quia ipse Deus meus, et Salvátor
meus: * adjútor meus, non emigrábo.

in Deo salutáre meum, et glória mea:
* Deus auxílii mei, et spes mea in
Deo est.

Speráte in eo omnis congregátio pó-
puli, effúndite coram illo corda vestra:
* Deus adjútor noster in ætérnum.

Verúmtamen vani filii hóminum, men-
dáces filii hóminum in statéris: * ut
decípiant ipsi de vanitáte in idípsum.

Nolíte speráre in iniquitáte, et rapí-
nas nolíte concupíscere: * divítiæ si
áffluant, nolíte cor appónere.

Semel locútus est Deus, duo hæc au-
dívi, quia potéstas Dei est, et tibi,
Dómine, misericórdia: * quia tu red-
des unicúque juxta ópera sua.

Psalmus 63.

EXaúdi, Deus, oratióne meam cum
déprecor: * a timóre inimíci éripe
animam meam.

Protexísti me a convéntu malignán-
tium, * a multitúdine operántium ini-
quitátem.

Quia exacuérunt ut gládium linguas
suas: * intendérunt arcum rem aná-
ram, ut sagittent in occúltis imma-
culátum.

Súbito sagittábunt eum, et non timé-
bunt: * firmavérunt sibi sermónem
nequam.

Narravérunt ut abscónderent láqueos:
* dixerunt: Quis vidébit eos?

Scrutáti sunt iniquitátes: * defecérunt
scrutántes scrutínio.

Accédet homo ad cor altum: * et ex-
altábitur Deus.

Sagittæ parvulórum factæ sunt plagæ
eórum: * et infirmátæ sunt contra eos
linguæ eórum.

Conturbáti sunt omnes, qui vidébant
eos: * et tímuit omnis homo.

Et annuntiavérunt ópera Dei: * et
facta ejus intellexérunt.

Lætábitur justus in Dómino, et spe-
rábit in eo, * et laudabúntur omnes
recti corde.

Ant. Nonne Deo subjécta erit áni-
ma mea?

Ant. ton. 6. Benedícite.

Psalmus 65.

Jubiláte Deo omnis terra, psalmum
dicíte nómini ejus: * date glóriam
laudi ejus.

Dícite Deo: quam terribília sunt ópera
tua, Dómine! * in multitúdine virtútis
tuæ mentiéntur tibi inimíci tui.

Omnis terra adóret te, et psallat tibi:
* psalmum dicat nómini tuo.

Veníte et vidéte ópera Dei, * terribilis
in consíliis super filios hóminum.

Qui convértit mare in áridam, in flú-
mine pertransíbunt pede: * ibi lætá-
bimur in ipso.

Qui dominátur in virtúte sua in ætér-
num, óculi ejus super Gentes respí-
ciunt: * qui exásperant, non exaltén-
tur in semetípsis.

Benedícite, Gentes, Deum nostrum: *
et audítam fácite vocem laudis ejus.

Qui pósuit ánimam meam ad vitam:
* et non dedit in commotióne pe-
des meos.

Quóniam probásti nos, Deus: * igne
nos examinásti, sicut examinátur ar-
géntum.

Induxísti nos in láqueum, posuísti tribulatiónes in dorso nostro: * imposuísti hómines super cápita nostra.

Transívimus per ignem et aquam: * et eduxísti nos in refrigerium.

Introibo in domum tuam in holocaustis: * reddam tibi vota mea, quæ distinxérunt lábia mea.

Et locútum est os meum, * in tribulatione mea.

Holocausta medullata offeram tibi cum incenso arietum: * offeram tibi boves cum hircis.

Veníte, audíte, et narrábo omnes qui timétis Deum, * quanta fecit animæ meæ.

Ad ipsum ore meo clamávi, * et exaltávi sub lingua mea.

Iniquitatem si aspéxi in corde meo: * non exaudiet Dóminus.

Propterea exaudivit Deus, * et attendit voci deprecationis meæ.

Benedictus Deus, * qui non amóvit orationem meam, et misericórdiam suam a me.

Psalmus 67.

EXúrgat Deus, et dissipéntur inimíci ejus: * et fúgiant qui odérunt eum, a fácie ejus.

Sicut déficit fumus, defícient: * sicut fluit cera a fácie ignis, sic péreant peccatóres a fácie Dei.

Et justí epuléntur, et exúltent in conspéctu Dei: * et delecténtur in lætítia.

Cantáte Deo, psalmum dícite nómini ejus: * iter fácite ei, qui ascéndit super occasum: Dóminus nomen illi.

Exultáte in conspéctu ejus: * turbabúntur a fácie ejus, patris orphanórum, et júdicis viduárum.

Deus in loco sancto suo: * Deus, qui inhabitáre facit unus moris in domo.

Qui educit vinctos in fortitúdine, * simíliter eos qui exásperant, qui hábitant in sepúlchris.

Deus, cum egrederéris in conspéctu pópuli tuí, * cum pertransíres in deserto:

Terra mota est, étenim cœli distillavérunt a fácie Dei Sínai, * a fácie Dei Israel.

Plúviam voluntáriam segregábis, Deus, hæreditáti tuæ, * et infirmáta est, tu vero perfecísti eam.

Animália tua habitábunt in ea: * parásti in dulcédine tua paúperi, Deus.

Dóminus dabit verbum evangelizántibus, * virtúte multa.

Rex virtútum dilécti, dilécti: * et speciéi domus dividere spólia.

Si dormiátis inter médiós cleros, pennæ colúmbæ deargentátæ, * et posterióra dorsi ejus in pallóre auri.

Dum discérnit cœlestis reges super eam, nive dealbabúntur in Selmon: * mons Dei, mons pinguis.

Mons coagulátus, mons pinguis: * ut quid suspicámini montes coagulátos?

Mons, in quo beneplácitum est Deo habitáre in eo: * étenim Dóminus habitábit in finem.

Currus Dei decem míllibus múltiplex, míllia lætántium: * Dóminus in eis in Sina in sancto.

Ascendísti in altum, cepísti captivitátem: * accepísti dona in homínibus.

Etenim non credéntes, * inhabitáre Dóminum Deum.

Benedíctus Dóminus die quotidie: * próspere iter fáciet nobis Deus salutarium nostrórum.

Deus noster, Deus salvos faciéndi: * et Dómini Dómini éxitus mortis.

Verúntamen Deus confrínget cápita inimicórum suórum: * vérticem capílli perambulántium in delictis suis.

Dixit Dóminus: Ex Basan convértam, * convértam in profúndum maris.

Ut intingátur pes tuus in ságuine: * lingua canum tuórum ex inimícis, ab ipso.

Vidérunt ingressus tuos, Deus, * ingressus Dei mei: Regis mei, qui est in sancto.

Prævenérunt principes conjúcti psaléntibus, * in inéδιο juvenculárum tympanistriárum.

In Ecclesiis benedícite Deo Dómino, * de fóntibus Israel.

Ibi Bénjamin adolescéntulus, * in mentis excéssu.

Príncipes Juda, duces eórum: * príncipes Zábulon, príncipes Néphthali.

Manda Deus virtúti tuæ: * confírma hoc Deus, quod operátus es in nobis.

A templo tuo in Jerúsalem, * tibi ófferent reges múnera.

Increpa feras arúndinis, congregátio taurórum in vaccis populórum: * ut exclúdent eos, qui probáti sunt argénto.

Dissipa Gentes, quæ bella volunt: vénient legáti ex Ægýpto: * Æthiopia præveniet manus ejus Deo.

Regna terræ, cantáte Deo: * psállite Dómino.

Psállite Deo, qui ascéndit super cœlum cœli, * ad Oriéntem.

Ecce dabit voci suæ vocem virtútis: date glóriam Deo super Israel, * magnificéntia ejus, et virtus ejus in núbibus.

Mirábilis Deus in Sanctis suis, Deus Israel ipse dabit virtútem, et fortitúdinem plebi suæ: * benedíctus Deus.

Antiph. Benedícite, Gentes, Deum nostrum.

In Quadragesima.

V. Scuto circúmdabit te véritas ejus.

R. Non timébis a timóre noctúrno.

Tempore Passionis.

V. Ne perdas cum ímpiis, Deus, ánimam meam.

R. Et cum viris sánguinem vitam meam.

Tempore Paschali. Antiph. Allelúja, allelúja, allelúja.

V. Gavísi sunt discípuli, allelúja.

R. Viso Dómino, allelúja.

Pro uno vel pluribus Martyribus.

Tempore Paschali.

V. Lætítia sempitérna super cápita eórum, allelúja.

R. Gaúdium et exultatióem obtinébunt, allelúja.

Pro Confessore Pontifice.

Tempore Paschali.

V. Tu es sacérdos in ætérnum, allelúja.

R. Secúndum órđinem Melchísedech, allelúja.

Pro Confessore non Pontifice.

V. Lex Dei ejus in corde ipsíus, allelúja.

R. Et non supplantabúntur gressus ejus, allelúja.

Pro una Sancta.

V. Elégit eam Deus, et præelégit eam, allelúja.

R. In tabernáculo suo habitáre facit eam, allelúja.

~*~

AD LAUDES.

Ant. ton. 7. r. Amplius lava me, Dómine, ab injustítia mea.

Psalmus. Miserére mei Deus. 48.

Ant. ton. 8. f. Te decet.

Psalmus 64.

TE decet hymnus, Deus in Sion: * et tibi reddétur votum in Jerúsalem.

Exaúdi oratióem meam: * ad te omnis caro véniet.

Verba iniquórum prævaluérunt super nos: * et impietátibus nostris tu propitiáberis.

Beátus, quem elegísti, et assumpsísti: * inhabitábit in átriis tuis.

Replébimur in bonis domus tuæ: * sanctum est templum tuum, mirábile in æquitáte.

Exaúdi nos, Deus salutáris noster, * spes ómnium fínium terræ, et in mari longe.

Præparans montes in virtute tua, accinctus potentia: * qui conturbas profundum maris, sonum fluctuum ejus.

Turbabuntur Gentes, et timebunt, qui habitant terminos, a signis tuis: * exitus matutini, et vespere delectabis.

Visitasti terram, et inebriasti eam: * multiplicasti locupletare eam.

Flumen Dei repletum est aquis, parasti cibum illorum: * quoniam ita est præparatio ejus.

Rivos ejus inebria, multiplica genimina ejus: * in stillicidiis ejus lætabitur germinans.

Benedices coronæ anni benignitatis tuæ: * et campi tui replebuntur ubertate.

Pinguëscent speciosa deserti: * et exultatione colles accingentur.

Induti sunt arietes ovium, et valles abundabunt frumento: * clamabunt, etenim hymnum dicent.

Antiph. Te decet hymnus, Deus, in Sion.

Antiph. ton. 8. Labia mea laudabunt te in vita mea, Deus meus.

Psalmus. Deus, Deus meus. 14.

Antiph. ton. 6. f. Dominus judicabit.

Canticum Annæ. 1. Reg. 2.

EXultavit cor meum in Domino: * et exaltatum est cornu meum in Deo meo:

Dilatatum est os meum super inimicos meos: * quia lætata sum in salutari tuo.

Non est sanctus, ut est Dominus: neque enim est alius extra te, * et non est fortis sicut Deus noster.

Nolite multiplicare loqui sublimia, * gloriantes.

Recedant vetera de ore vestro, quia Deus scientiarum Dominus est, * et ipsi præparantur cogitationes.

Arcus fortium superatus est, * et infirmi accincti sunt robore.

Repleti prius, pro panibus se locaverunt: * et famelici saturati sunt,

Donec sterilis peperit plurimos: * et quæ multos habebat filios, infirmata est.

Dominus mortificat, et vivificat: * deducit ad inferos, et reducit.

Dominus pauperem facit et ditat: * humiliat et subleuat.

Suscitat de pulvere egenum, * et de stercore elevat pauperem,

Ut sedeat cum principibus, * et solium gloriæ teneat.

Domini enim sunt cardines terræ, * et posuit super eos orbem.

Pedes sanctorum suorum servabit, et impii in tenebris conticescent: * quia non in fortitudine sua roborabitur vir.

Dominum formidabunt adversarii ejus: * et super ipsos in cœlis tonabit.

Dominus judicabit fines terræ, et dabit imperium regi suo, * et sublimabit cornu Christi sui.

Ant. Dominus judicabit fines terræ.

Antiph. ton. 2. Cœli cœlorum laudate Deum.

Psal. Laudate Dominum de cœlis 15.

In Quadragesima.

Capitulum. Isaia 58.

CLama, ne cesses; quasi tuba exalta vocem tuam, et annuntia populo meo scelera eorum, et domui Jacob peccata eorum.

Hymnus.

O Sol salutis, intimis,
Jesu, refulge mentibus,
Dum, nocte pulsa, gratior
Orbi dies renascitur.

Dans tempus acceptabile,
Da lacrymarum rivulis
Lavare cordis victimam,
Quam læta adurat caritas.

Quo fonte manavit nefas,
Fluent perennes lacrymæ,
Si virga poenitentiae
Cordis rigorem conterat.

Dies venit, dies tua,
In qua reflorent omnia:
Lætémur et nos, in viam
Tua reducti dextera.

Te prona mundi máchina
Clemens adóret Trínitas,
Et nos novi per grátiam
Novum canámus cánticum.

Amen.

V. Angelis suis Deus mandávit de te.
R. Ut custódiant te in ómnibus viis
tuis.

Ad Benedictus, Antiphona propria
ut in Feriis Quadragesimæ.

Preces, quando dicuntur, habentur
supra, 50.

FERIA QUINTA.

AD MATUTINUM.

In Quadragesima.

Invitatorium. Dóminum, qui fecit
nos, * Veníte, adorémus.

Psalmus. Veníte, exultémus... 2.

Hymnus.

EX more docti mýstico
Servémus hoc jejúnium,
Deno diérum círculo
Ducto quater notíssimo.
Lex et Prophétæ prímítás
Hoc prætulérunt, postmodum
Christus sacrávit, ómnium
Rex atque Factor témporum.
Utámur ergo párcius
Verbis, cibis, et pótibus,
Somno, jocis, et árcíus
Perstémus in custódia.
Vitémus autem nóxia,
Quæ súbruunt mentes vagas,
Nullúmque demus cállidi
Hostis locum tyránnidi.
Flectámus iram víndicem,
Plorémus ante júdicem,
Clamémus ore súpplíci,
Dicámus omnes cernuí:
Nostris malis offéndimus
Tuam, Deus, cleméntiam,
Effúnde nobis désuper
Remíssor indulgéntiam:
Meménto, quod sumus tui,
Licet cadúci plásmatis:
Ne des honórem nóminis
Tui, precámur, álteri.

Laxa malum, quod fécimur:
Auge bonum, quod póscimus,
Placére quo tandem tibi
Possímus hic et pérpetim.

Præsta, beáta Trínitas,
Concéde, simplex Unitas,
Ut fructuósa sint tuis
Jejuníorum múnera. Amen.

Tempore Paschali.

Invitatorium. Allelúja, allelúja, *

Allelúja.

Psalmus. Veníte exultémus... 2.

Hymnus.

Rex sempitérne célitum,
Rerum Créator ómnium,
Æquális ante sácula
Semper Parénti Fílius.
Nascénte qui mundo Faber
Imáginem vultus tui
Tradens Adámo, nóbilem
Limo jugásti spíritum.
Cum livor et fraus dáemonis
Fœdásset humánum genus,
Tu carne amíctus pérditam
Formam refórmas ártifex.
Qui natus olim e Vírgine,
Nunc e sepúlchro násceris,
Tecúmque nos a mórtuis
Jubes sepúltos súrgere.
Qui Pastor ætérmus gregem
Aqua lavas Baptísmatis:
Hæc est lavácrum méntium:
Hæc est sepúlchrum críminum.
Nobis diu qui débitæ
Redémptor affíxus Cruci,
Nostræ dedísti pródigus
Prétium salútis sánguinem.
Ut sis perénne méntibus
Paschále Jesu gáudium,
A morte dira críminum
Vitæ renátos libera.
Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula. Amen.

Ant. ton. 2. Dómine Deus.

Tempore Paschali, Antiph. ton. 2.
Allelúja.

Psalmus 68.

Salvum me fac, Deus: * quóniam intravérunt aquæ usque ad ánimam meam.

Infixus sum in limo profúndi: * et non est substántia.

Veni in altitúdinem maris: * et tempestas demérsit me.

Laborávi clamans, raucæ factæ sunt fauces meæ: * defecérunt óculi mei, dum spero in Deum meum.

Multiplicáti sunt super capillos cápitis mei, * qui odérunt me gratis.

Confortáti sunt, qui persecúti sunt me inimíci mei injúste: * quæ non rápui, tunc exsolvébam.

Deus, tu scis insipiéntiam meam: * et delícta mea a te non sunt abscondita.

Non erubéscant in me, qui expéctant te, Dómine, * Dómine virtútum.

Non confundántur super me * qui quærunte te, Deus Israel.

Quóniam propter te sustínui opprobrium: * opéruit confúsió faciém meam.

Extráneus factus sum fratribus meis, * et peregrínus filiis matris meæ.

Quóniam zelus domus tuæ comédit me: * et opprobria exprobrántium tibi cecidérunt super me.

Et opéruí in jejúnio ánimam meam: * et factum est in opprobrium mihi.

Et pósui vestiméntum meum cilícium: * et factus sum illis in parábolam.

Advérsum me loquebántur, qui sedébant in porta: * et in me psallébant, qui bibébant vinum.

Ego vero oratióem meam ad te, Dómine: * tempus benepláciti, Deus.

In multitúdine misericórdiæ tuæ exaúdi me, * in veritáte salútis tuæ.

Eripe me de luto, ut non infigar: * líbera me ab iis, qui odérunt me, et de profúndis aquárum.

Non me demérgat tempestas aquæ, neque absórbeat me profúndum; * neque urgeat super me púteus os suum.

Exáudi me, Dómine, quóniam benigna est misericórdia tua: * secúndum multitúdinem miseratiónum tuárum respice in me.

Et ne avértas faciém tuam a púero tuo: * quóniam tribulor, velóciter exaúdi me.

Inténde ánimæ meæ; et líbera eam: * propter inimícos meos éripe me.

Tu scis impropérium meum, et confusióem meam, * et reveréntiam meam.

In conspéctu tuo sunt omnes qui tribulant me: * impropérium expectávit cor meum, et misériam.

Et sustínui qui simul contristarétur, et non fuit: * et qui consolarétur, et non invéni.

Et dedérunt in escam meam fel: * et in siti mea potavérunt me acéto.

Fiat mensa eórum coram ipsis in láqueum, * et in retributióes, et in scándalum.

Obseuréntur óculi eórum ne vídeant: * et dorsum eórum semper incúrva.

Effúnde supér eos iram tuam: * et furor iræ tuæ comprehéndat eos.

Fiat habitátio eórum desérta: * et in tabernáculis eórum non sit qui inhábitet.

Quóniam quem tu percussísti, persecúti sunt: * et super dolórem vúlnerum meórum addidérunt.

Appóne iniquitátem super iniquitátem eórum: * et non intrent in justítiam tuam.

Deleántur de libro vivéntium: * et cum justis non scribántur.

Ego sum pauper, et dolens: * salus tua, Deus, suscepit me.

Laudábo nomen Dei cum cántico: * et magnificábo eum in laude.

Et placébit Deo super vítulum novéllum, * córnua producéntem, et úngulas.

Videant paúperes, et læténtur: * quærite Deum, et vivet ánima vestra.

Quóniam exaúdivit paúperes Dóminus: * et vinctos suos non despéxit.

Laudent illum cœli et terra, * mare, et omnia reptília in eis.

Quóniam Deus salvam faciet Sion: * et ædificabuntur civitates Juda.

Et inhabitabunt ibi, * et hæreditate acquirant eam.

Et semen servorum ejus possidebit eam: * et qui diligunt nomen ejus, habitabunt in ea.

Psalmus 69.

Deus in adiutorium meum intende: * Domine, ad adjuvandum me festina.

Confundantur, et revereantur, * qui quaerunt animam meam.

Avertantur retrorsum, et erubescant, * qui volunt mihi mala.

Avertantur statim erubescētes, * qui dicunt mihi: Euge, euge.

Exultent, et lætentur in te omnes qui quaerunt te, * et dicant semper: Magnificetur Dominus: qui diligunt salutare tuum.

Ego vero egenus, et pauper sum: * Deus, adjuva me.

Adjutor meus, et liberator meus es tu: * Domine, ne moreris.

Ant. Domine Deus, in adiutorium meum intende.

Ant. ton. 6. Esto mihi.

Psalmus 70.

In te, Domine, speravi, non confundar in æternum: * in justitia tua libera me, et eripe me.

Inclina ad me aurem tuam, * et salva me.

Esto mihi in Deum protectorem, et in locum munitionis; * ut salvum me facias.

Quóniam firmamentum meum, * et refugium meum es tu.

Deus meus, eripe me de manu peccatoris, * et de manu contra legem agentis, et iniqui.

Quóniam tu es patientia mea, Domine: * Domine, spes mea a juventute mea.

In te confirmatus sum ex útero: * de ventre matris meae tu es protector meus.

In te cantatio mea semper: * tamquam prodigium factus sum multis; et tu adiutor fortis.

Repleatur os meum laude, ut cantem gloriam tuam: * tota die magnitudinem tuam.

Ne projicias me in tempore senectutis: * cum defecerit virtus mea, ne derelinquas me.

Quia dixerunt inimici mei mihi: * et qui custodiebant animam meam, consilium fecerunt in unum.

Dicentes: Deus dereliquit eum, persequimini, et comprehendite eum: * quia non est, qui eripiat.

Deus ne elongeris a me: * Deus meus, in auxilium meum respice.

Confundantur, et deficiant detrahentes animae meae: * operiantur confusione et pudore, qui quaerunt mala mihi.

Ego autem semper sperabo: * et adjiciam super omnem laudem tuam.

Os meum annuntiabit justitiam tuam: * tota die salutare tuum.

Quóniam non cognovi litteraturam, introibo in potentias Domini: * Domine, memorabor justitiae tuae solus.

Deus docuisti me a juventute mea: * et usque nunc pronuntiabo mirabilia tua.

Et usque in senectam et senium: * Deus ne derelinquas me.

Donec annuntiem brachium tuum * generationi omni, quae ventura est:

Potentiam tuam, et justitiam tuam, Deus, usque in altissima, quae fecisti magnalia: * Deus, quis similis tibi?

Quantas ostendisti mihi tribulationes multas, et malas: et conversus vivificasti me: * et de abyssiis terrae iterum reduxisti me.

Multiplicasti magnificentiam tuam: * et conversus consolatus es me.

Nam et ego confitebor tibi in vasis psalmi veritatem tuam, * Deus psallam tibi in cithara, Sanctus Israel.

Exultábunt lábia mea, cum cantávero tibi: * et ánima mea, quam redemísti. Sed et lingua mea tota die meditábitur justítiam tuam: * cum confúsi et revériti fúerint, qui quærunť mala mihi.

Psalmus 71.

Deus judícium tuum regi da: * et justítiam tuam filio regis:

Judicáre pópulum tuum in justítia, * et paúperes tuos in judício.

Suscípiant montes pacem pópulo, * et colles justítiam.

Judicábit paúperes pópuli, et salvos faciet filios paúperum: * et humiliábit calumniatórem.

Et permanébit cum sole, et ante lunam; * in generatióne et generatióne. Descéndet sicut plúvia in vellus: * et sicut stillicídia stillántia super terram.

Oriétur in diébus ejus justítia, et abundántia pacis: * donec auferátur luna. Et dominábitur a mari usque ad mare: * et a flúmine usque ad términos orbis terrárum.

Coram illo prócident Æthíopes: * et inimíci ejus terram lingent.

Reges Tharsis, et ínsulæ múnera ófferent: * reges Arabum et Saba dona addúcent.

Et adorábunt eum omnes reges terræ: * omnes Gentes sérvient ei.

Quia liberábit paúperem a poténťe, * et paúperem, cui non erat adjútor.

Parcet paúperi et ínopi: * et ánimas paúperum salvas faciet.

Ex usúris et iniquitáte rédimet ánimas eórum: * et honorábile nomen eórum coram illo.

Et vívet, et dábitur ei de auro Arábíæ, et adorábunt de ipso semper: * tota die benedícant ei.

Et erit firmaméntum in terra in summis móntium, superextollétur super Líbanum fructus ejus: * et florébunt de civitáte sicut fœnum terræ.

Sit nomen ejus benedíctum in sácula: * ante solem pérmanet nomen ejus.

Et benedicéntur in ipso omnes tribus terræ: * omnes Gentes magnificábunt eum.

Benedíctus Dóminus Deus Israel, * qui facit mirabília solus.

Et benedíctum nomen majestátis ejus in ætérnum: * et replébitur majestáte ejus omnis terra: fiat, fiat.

Antiph. Esto mihi, Dómine, in Deum protectórem.

Antiph. ton. 8. Liberásti virgam.

Psalmus 72.

Quam bonus Israel Deus * his, qui recto sunt corde!

Mei autem pene moti sunt pedes: * pene effúsi sunt gressus mei.

Quia zelávi super iníquos, * pacem peccatórum videns.

Quia non est respéctus morti eórum: * et firmaméntum in plaga eórum.

In labóre hómínium non sunt, * et cum homínibus non flagellabúntur.

Ideo ténuít eos supérbia, * opérti sunt iniquitáte, et impietáte sua.

Pródiit quasi ex ádipe iníquitas eórum: * transiérunť in afféctum cordis.

Cogitavérunt, et locúti sunt nequítiam: * iniquitátem in excélso locúti sunt.

Posuérunť in cœlum os suum: * et lingua eórum transívit in terra.

Ideo convertétur pópulus meus hic: * et dies pleni inveniéntur in eis.

Et dixerúnt: Quómodo scit Deus, * et si est sciéntia in excélso?

Ecce ipsi peccatóres, et abundántes in sáculo, * obtinuérunt divítias.

Et dixi: Ergo sine causa justificávi cor meum, * et lavi inter innocéntes manus meas:

Et fui flagellátus tota die, * et castigatio mea in matutínis.

Si dicébam: Narrábo sic: * ecce natióne filiórum tuórum reprobávi.

Existimábam, ut cognóscerem hoc, * labor est ante me.

Donec intrem in sanctuárium Dei: * et intélligam in novíssimis eórum.

Verúmtamen propter dolos posuísti eis: * deiecísti eos, dum allevaréntur.

Quómodo facti sunt in desolatióne? súbito defecerunt: * perierunt propter iniquitátem suam.

Velut sómnum surgéntium, Dómine, * in civitaté tua imáginem ipsórum ad níhilum rédiges.

Quia inflammátum est cor meum, et renes mei commutatí sunt: * et ego ad níhilum redáctus sum, et nescívi.

Ut juméntum factus sum apud te: * et ego semper tecum.

Tenuísti manum dexteram meam: et in voluntáte tua deduxísti me, * et cum glória suscepísti me.

Quid enim mihi est in cœlo? * et a te quid vólui super terram?

Defécit caro mea, et cor meum: * Deus cordis mei, et pars mea Deus in æternū.

Quia ecce, qui elóngant se a te, peribunt: * perdidísti omnes, qui fornicántur abs te.

Mihi autem adhærere Deo bonum est: * pónere in Dómino Deo spem meam.

Ut annúntiem omnes prædicatiónes tuas: * in portis filiae Sion.

Psalmus 73.

UT quid, Deus, repulísti in finem: * irátus est furor tuus super oves pásuæ tuæ?

Memor esto congregatiónis tuæ, * quam possedísti ab initio.

Redemísti virgam hæreditátis tuæ: * mons Sion, in quo habitásti in eo.

Leva manus tuas in supérbias eórum in finem: * quanta malignátus est inimícus in sancto!

Et gloriáti sunt, qui odérunt te, * in médio solemnitátis tuæ.

Posuérunt signa sua, signa: * et non cognovérunt sicut in éxitu super summum.

Quasi in silva lignórum secúribus excidérunt jánuas ejus in idípsum: * in secúri et áscia deiecérunt eam.

Incendérunt igni Sanctuárium tuum: * in terra polluérent tabernáculum nóminis tui.

Dixerunt in corde suo cognátio eórum simul: * Quiéscere faciámus omnes dies festos Dei a terra.

Signa nostra non vídimus, jam non est Prophéta: * et nos non cognóscet ámplius.

Usquequo, Deus, impropérabit inimícus: * irratat adversárius nomen tuum in finem?

Ut quid avértis manum tuam, et dexteram tuam, * de médio sinu tuo in finem?

Deus autem Rex noster ante sácula, * operátus est salútem in médio terræ.

Tu confirmásti in virtúte tua mare: * contribulásti cápita draconum in aquis.

Tu confregísti cápita draconis: * dedísti eum escam pópulis Æthiopum.

Tu dirupísti fontes, et torréntes: * tu siccásti flúvios Ethan.

Tuus est dies, et tua est nox: * tu fabricátus es auróram et solem.

Tu fecísti omnes téminos terræ: * æstátem et ver tu plasmásti ea.

Memor esto hujus, inimícus impropéravit Dómino: * et pópulus insípiens incitávit nomen tuum.

Ne tradas béstiis ánimas confiténtes tibi, * et ánimas paúperum tuórum ne obliviscáris in finem.

Réspice in testaméntum tuum: * quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus: * pauper et inops laudábunt nomen tuū.

Exúrge, Deus, júdica causam tuam: * memor esto impropériórum tuórum, eórum, quæ ab insípiente sunt tota die.

Ne obliviscáris voces inimicórum tuórum: * supérbia eórum, qui te odérunt, ascéndit semper.

Antiph. Liberásti virgam hæreditátis tuæ.

Antiph. ton. 8. f. Et invocábimus.

Psalmus 74.

Confitebimur tibi, Deus: * confitebimur, et invocabimus nomen tuum.

Narrabimus mirabilia tua: * cum accipero tempus, ego iustitias iudicabo.

Liquefacta est terra, et omnes, qui habitant in ea: * ego confirmavi columnas ejus.

Dixi iniquis: Nolite inique agere: * et delinquentibus: Nolite exaltare cornu.

Nolite extollere in altum cornu vestrum: * nolite loqui adversus Deum iniquitatem.

Quia neque ab Oriente, neque ab Occidente, neque a desertis montibus: * quoniam Deus iudex est.

Hunc humiliat, et hunc exaltat: * quia calix in manu Domini vini meri plenus misto.

Et inclinavit ex hoc in hoc: verumtamen fœx ejus non est exinanita: * bibent omnes peccatores terræ.

Ego autem annuntiabo in sæculum: * cantabo Deo Jacob.

Et omnia cornua peccatorum confringam: * et exaltabuntur cornua iusti.

Psalmus 75.

Notus in Judæa Deus: * in Israel magnum nomen ejus.

Et factus est in pace locus ejus: * et habitatio ejus in Sion.

Ibi confrégit poténtias arcuum, * scutum, gladium et bellum.

Illuminans tu mirabiliter a montibus æternis: * turbati sunt omnes insipientes corde.

Dormierunt somnum suum: * et nihil invenerunt omnes viri divitiarum in manibus suis.

Ab increpatione tua, Deus Jacob, * dormitaverunt, qui ascenderunt equos.

Tu terribilis es, et quis resistet tibi? * ex tunc ira tua.

De cœlo auditum fecisti iudicium: * terra tremuit, et quievit.

Cum exurgeret in iudicium Deus, * ut salvos faceret omnes mansuetos terræ.

Quoniam cogitatio hominis confitebitur tibi: * et reliquiae cogitationis diem festum agent tibi.

Vovete, et reddite Domino Deo vestro, * omnes, qui in circûitu ejus affertis mûnera.

Terribili, et ei, qui aufert spiritum principum, * terribili apud reges terræ.

Antiph. Et invocabimus nomen tuum, Domine.

Antiph. ton. 5. Tu es Deus.

Psalmus 76.

Voce mea ad Dominum clamavi: * voce mea ad Deum, et intendit mihi.

In die tribulationis meæ Deum exquisivi, manibus meis nocte contra eum: * et non sum decéptus.

Renuit consolari anima mea, * memor fui Dei, et delectatus sum, et exercitatus sum: et defecit spiritus meus.

Anticipaverunt vigiliæ oculi mei: * turbatus sum, et non sum locutus.

Cogitavi dies antiquos: * et annos æternos in mente habui.

Et meditatus sum nocte cum corde meo: * et exercitabar, et scopébam spiritum meum.

Numquid in æternum projiciet Deus? * aut non apponet, ut complacitior sit adhuc?

Aut in finem misericordiam suam abscondet, * a generatione in generationem?

Aut obliviscetur misereri Deus? * aut continébit in ira sua misericordias suas?

Et dixi: Nunc cœpi: * hæc mutatio dexteræ Excelsi.

Memor fui operum Domini: * quia memor ero ab initio mirabilium tuorum.

Et meditabor in omnibus operibus tuis: * et in adinventionibus tuis exercébor.

Deus, in sancto via tua: quis Deus magnus sicut Deus noster? * tu es Deus, qui facis mirabilia.

Notam fecisti in pópulis virtútem tuam: * redemisti in bráchio tuo pópulum tuum, filios Jacob, et Joseph.

Viderunt te aquæ, Deus, viderunt te aquæ: * et timuerunt, et turbatæ sunt abyssi.

Multitúdo sónitus aquarum: * vocem dedérunt nubes.

Etenim sagittæ tuæ transeunt: * vox tonitruui tui in rota.

Illuxérunt coruscationes tuæ orbi terræ: * commóta est, et contrémuit terra.

In mari via tua, et sémitæ tuæ in aquis multis: * et vestigia tua non cognoscéntur.

Deduxisti sicut oves pópulum tuum, * in manu Moysi, et Aaron.

Psalmus 77.

Aténdite, pópule meus, legem meam: * inclináte aurem vestram in verba oris mei.

Aperiam in parabolis os meum: * loquar propositiones ab initio.

Quanta audívimus, et cognóvimus ea: * et patres nostri narravérunt nobis.

Non sunt occultata a filiis eórum, * in generatione áltera.

Narrantes laudes Dómini, et virtútes ejus, * et mirabilia ejus, quæ fecit.

Et suscitávit testimónium in Jacob: * et legem pósuit in Israel.

Quanta mandávit pátribus nostris nota fácere ea filiis suis: * ut cognóscat generatio áltera.

Filii, qui nascéntur, et exúrgent, * et narrábunt filiis suis.

Ut ponant in Deo spem suam, et non obliviscántur óperum Dei: * et mandata ejus exquirant.

Ne fiant sicut patres eórum, * generatio prava et exasperans.

Generatio, quæ non diréxit cor suum: * et non est créditos cum Deo spíritus ejus.

Filii Ephrem intendéntes, et mitténtes arcum, * convérsi sunt in die belli.

Non custodiérunt testaméntum Dei: * et in lege ejus noluerunt ambuláre.

Et obliti sunt benefactorum ejus, * et mirabilium ejus, quæ osténdit eis.

Coram pátribus eórum fecit mirabilia in terrá Ægýpti, * in campo Táneos.

Interrúpit mare, et perdúxit eos: * et státuit aquas quasi in utre.

Et dedúxit eos in nube diéi, * et tota nocte in illuminatióne ignis.

Interrúpit petram in erémo: * et adaquávit eos velut in abyssu multa.

Et edúxit aquam de petra: * et dedúxit tamquam flúmina aquas.

Et apposuerunt adhuc peccáre ei: * in iram excitavérunt Excélsus in inaquóso.

Et tentavérunt Deum in córdibus suis: * ut péterent escas animábus suis.

Et male locúti sunt de Deo: * dixerunt: Numquid póterit Deus paráre mensam in desérto?

Quóniam percússit petram, et fluxérunt aquæ, * et torrentes inundavérunt.

Numquid et panem póterit dare, * aut paráre mensam pópulo suo?

Ideo audívit Dóminus, et dístulit: * et ignis accénsus est in Jacob, et ira ascendit in Israel.

Quia non credidérunt in Deo, * nec speravérunt in salutári ejus.

Et mandávit núbibus désuper, * et jánuas cœli aperuit.

Et pluit illis manna ad manducándum, * et panem cœli dedit eis.

Panem Angelórum manducávit homo: * cibária misit eis in abundántia.

Tránstulit Austrum de cœlo: * et indúxit in virtúte sua Africum.

Et pluit super eos sicut púlverem carnes: * et sicut arénam maris volatília pennáta.

Et cecidérunt in médio castrórum eórum, * circa tabernacula eórum.

Et manducavérunt, et saturáti sunt nimis, et desidérium eórum áttulit eis: * non sunt fraudáti a desidério suo.

Adhuc escæ eórum erant in ore ipsórum, * et ira Dei ascéndit super eos.

Et occídít pingues eórum: * et eléctos Israel impedívit.

In ómnibus his peccavérunt adhuc: * et non credidérunt in mirábilibus ejus.

Et defecérunt in vanitáte dies eórum, * et anni eórum cum festinatióne.

Cum occíderet eos, quærébant eum: * et revertébántur, et dilúculo veniébant ad eum.

Et rememoráti sunt, quia Deus adjútor est eórum: * et Deus excélsus redemptor eórum est.

Et dilexérunt eum in ore suo, * et lingua sua mentíti sunt ei.

Cor autem eórum non erat rectum cum eo: * nec fidéles hábiti sunt in testaménto ejus.

Ipsé autem est miséricors, et propítius fiet peccátis eórum: * et non dispérdet eos.

Et abundávit, ut avérteret iram suam: * et non accéndit omnem iram suam.

Et recordátus est, quia caro sunt, * spíritus vadens, et non rédiens.

Quóties exacerbavérunt eum in deserto: * in iram concitavérunt eum in inaquóso?

Et convérsi sunt, et tentavérunt Deum: * et Sanctum Israel exacerbavérunt.

Non sunt recordáti manus ejus, * die, qua redémit eos de manu tribulántis.

Sicut pósuit in Ægýpto signa sua, * et prodígia sua in campo Táneos.

Et convértit in ságuinem flúmina eórum, * et imbres eórum, ne bíberent.

Misit in eos cœnomýiam, et comédit eos: * et ranam, et dispérdidit eos.

Et dedit ærúgini fructus eórum, * et labóres eórum locústæ.

Et occídít in grándine víneas eórum, * et moros eórum in pruína.

Et trádídít grándini juménta eórum, * et possessiónem eórum igni.

Misit in eos iram indignatiónis suæ: * indignatióne, et iram, et tribulatióne; immissiões per ángelos malos.

Viam fecit sémitæ iræ suæ, non pércit a morte animábus eórum: * et juménta eórum in morte conclúsit.

Et percússit omne primogénitum in terra Ægýpti: * primítias omnis labóris eórum in tabernáculis Cham.

Et ábstulit sicut oves pópulum suum: * et perdúxit eos tamquam gregem in deserto.

Et dedúxit eos in spe, et non timué runt: * et inimícos eórum opéruit mare.

Et indúxit eos in montem sanctificatiónis suæ, * montem, quem acquisívit dextera ejus.

Et ejécit a fácie eórum Gentes: * et sorte divísit eis terram in funículo distributiónis.

Et habitáre fecit in tabernáculis eórum * tribus Israel.

Et tentavérunt, et exacerbavérunt Deum excélsu: * et testimónia ejus non custodiérunt.

Et avertérunt se, et non servavérunt pactum: * quemádmódu patres eórum, convérsi sunt in arcum pravum.

In iram concitavérunt eum in cóllibus suis: * et in sculptílibus suis ad æmulatióne eum provocavérunt.

Andívit Deus, et sprevit: * et ad níhilum redégit valde Israel.

Et répulit tabernáculum Silo, * tabernáculum suum, ubi habitávit in homínibus.

Et trádídít in captivitátem virtútem eórum: * et pulchritúdinem eórum in manus inimíci.

Et conclúsit in gládio pópulum suum: * et hæreditátem suam sprevit.

Júvenes eórum comédit ignis: * et vírgines eórum non sunt lamentatæ.

Sacerdótes eórum in gládio cecidérunt: * et víduæ eórum non plorábantur.

Et excitatus est tamquam dormiens Dominus, * tamquam potens crapulatus a vino.

Et percussit inimicos suos in posteriora: * opprobrium sempiternum dedit illis.

Et repulit tabernaculum Joseph: * et tribum Ephraim non elegit.

Sed elegit tribum Juda: * montem Sion, quem dilexit.

Et edificavit sicut unicorinium sacrificium suum in terra, * quam fundavit in secula.

Et elegit David servum suum, et sustulit eum de gregibus ovium: * de post foetantes accepit eum.

Pascere Jacob servum suum, * et Israel hereditatem suam.

Et pavit eos in innocentia cordis sui: * et in intellectibus manuum suarum deduxit eos.

Antiph. Tu es Deus, qui facis mirabilia.

Antiph. ton. 8. f. Propitius esto.

Psalmus 78.

Deus, venerunt Gentes in hereditatem tuam, polluérunt templum sanctum tuum: * posuerunt Jerusalem in pomorum custodiam.

Posuerunt morticina servorum tuorum, escas volatilibus coeli: * carnes sanctorum tuorum bestiis terrae.

Effuderunt sanguinem eorum tamquam aquam in circuitu Jerusalem: * et non erat, qui sepeliret.

Facti sumus opprobrium vicinis nostris: * subsannatio et illusio his, qui in circuitu nostro sunt.

Usquequo, Domine, irascéris in finem: * accendetur velut ignis zelus tuus?

Effunde iram tuam in Gentes, quae te non novérunt: * et in regna, quae nomen tuum non invocavérunt.

Quia comedérunt Jacob: * et locum ejus desolavérunt.

Ne memíneris iniquitatumstrarum antiquarum, cito anticipent nos mi-

sericordiae tuae: * quia pauperes facti sumus nimis.

Adjuva nos, Deus salutaris noster, et propter gloriam nominis tui, Domine, libera nos: * et propitius esto peccatis nostris propter nomen tuum.

Ne forte dicant in Gentibus: Ubi est Deus eorum? * et innotescat in nationibus coram oculis nostris.

Ultio sanguinis servorum tuorum, qui effusus est: * introeat in conspectu tuo gemitus compeditorum.

Secundum magnitudinem brachii tui, * posside filios mortificatorum.

Et redde vicinis nostris septuplum in sinu eorum: * improperium ipsorum, quod exprobravérunt tibi, Domine.

Nos autem populus tuus, et oves pascuae tuae, * confitebimur tibi in seculum.

In generationem, et generationem * annuntiabimus laudem tuam.

Psalmus 79.

Qui regis Israel, intende: * qui deducis velut ovem Joseph.

Qui sedes super Cherubim, * manifestare coram Ephraim, Benjamin, et Manasse.

Excita potentiam tuam, et veni, * ut salvos facias nos.

Deus, converte nos: * et ostende faciem tuam, et salvi erimus.

Domine Deus virtutum, * quousque irascéris super orationem servi tui?

Cibabis nos pane lacrymarum: * et potum dabis nobis in lacrymis in mensura.

Posuisti nos in contradictionem vicinis nostris: * et inimici nostri subnaverunt nos.

Deus virtutum, converte nos, * et ostende faciem tuam, et salvi erimus.

Vineam de Aegypto transtulisti: * eiecisti Gentes, et plantasti eam.

Dux itineris fuisti in conspectu ejus: * plantasti radices ejus, et implevit terram.

Operuit montes umbra ejus: * et arbusta ejus cedros Dei.

Exténdit pálmities suos usque ad mare, * et usque ad flumen propágines ejus.

Ut quid destruxísti maceriam ejus? * et vindémiant eam omnes, qui prætergrediúntur viam?

Exterminávit eam aper de silva: * et singuláris ferus depástus est eam.

Deus virtútum, convertere: * respice de coelo, et vide, et visita vineam istam.

Et pérfice eam, quam plantávit dextera tua: * et super filium hóminis, quem confirmásti tibi.

Incénsa igni, et suffósa * ab increpatione vultus tui peribunt.

Fiat manus tua super virum dexteræ tuæ: * et super filium hóminis, quem confirmásti tibi.

Et non discédimus a te, vivificábis nos, * et nomen tuum invocábimus.

Dómine Deus virtútum, converte nos: * et osténde faciém tuam, et salvi érimus.

Antiph. Propítius esto peccátis nostris, **D**ómine.

In Quadragesima.

V. Ipse liberávit me de láqueo venántium.

R. Et a verbo áspero.

Tempore Passionis.

V. Erue a frámea, Deus, ánimam meam.

R. Et de manu canis únicam meam.

Tempore Paschali, Antiph. Allelúja, allelúja, allelúja.

V. Surréxit Dóminus de sepúlchro, allelúja.

R. Qui pro nobis pepéndit in ligno, allelúja.

Pro uno vel pluribus Martyribus.

Tempore Paschali.

V. Sancti et Justi, in Dómino gaude, allelúja.

R. Vos elégit Deus, in hæreditátem sibi, allelúja.

Pro Confessore Pontifice, et non Pontifice.

Tempore Paschali.

V. Amávit eum Dóminus, et ornávit eum, allelúja.

R. Stolum glóriæ induit eum, allelúja.

Pro una Sancta.

V. Spécie tua, et pulchritúdine tua, allelúja.

R. Inténde, prósperè procéde, et regna, allelúja.



AD LAUDES.

Antiph. ton. 8. Tibi soli peccávi, Dómine, miserére mei.

Psalmus. Miserére mei, Deus 48.

Antiph. ton. 6. Dómine.

Psalmus 89.

Dómine, refúgium factus es nobis, * a generatióne in generatióne.

Priúsqum montes fierent, aut formarétur terra, et orbis: * a sæculo, et usque in sæculum tu es Deus.

Ne avértas hóminem in humilitátem: * et dixísti: Convertímini filii hóminum.

Quóniam mille anni ante óculos tuos, * tamquam dies hestérna, quæ præteríit.

Et custódia in nocte, * quæ pro níhilo habéntur, eórum anni erunt.

Mane sicut herba tránseat, mane flóreat, et tránseat: * vespere decídat, indúret, et aréscat.

Quia defécimus in ira tua, * et in furore tuo turbáti sumus.

Posuísti iniquitátes nostras in conspéctu tuo: * sæculum nostrum in illuminatióne vultus tui.

Quóniam omnes dies nostri defecérunt: * et in ira tua defécimus.

Anni nostri sicut aránea meditabúntur: * dies annórum nostrórum in ipsis septuagínta anni.

Si autem in potentatibus, octoginta anni: * et amplius eorum, labor et dolor.

Quoniam supervenit mansuetudo, * et corripiemur.

Quis novit potestatem irae tuae, * et prae timore tuo iram tuam dinumerare?

Dexteram tuam sic notam fac, * et eruditos corde in sapientia.

Convertere, Domine, usquequo? * et deprecabilis esto super servos tuos.

Repleti sumus mane misericordia tua: * et exultavimus, et delectati sumus omnibus diebus nostris.

Lætati sumus pro diebus, quibus nos humiliasti: * annis, quibus vidimus mala.

Réspice in servos tuos, et in ópera tua: * et dirige filios eorum.

Et sit splendor Domini Dei nostri super nos, et ópera manuum nostrarum dirige super nos: * et opus manuum nostrarum dirige.

Antiph. Domine, refugium factus es nobis.

Antiph. ton. 1. f. In matutinis meditabor in te.

Psalmus. Deus, Deus meus 14.

Antiph. ton. 4. Cantemus.

Canticum Moysi. Exod. 15.

Cantemus Domino, gloriose enim magnificatus est: * equum et ascensorem dejecit in mare.

Fortitudo mea, et laus mea Dominus, * et factus est mihi in salutem.

Iste Deus meus, et glorificabo eum: * Deus patris mei, et exaltabo eum.

Dominus quasi vir pugnator, omnipotens nomen ejus. * Currus Pharaonis et exercitum ejus projecit in mare:

Elécti principes ejus submersi sunt in Mari rubro. * Abyssi operuerunt eos, descendérunt in profundum quasi lapis.

Dextera tua, Domine, magnificata est in fortitudine: dextera tua, Domine, percussit inimicum. * Et in multitudine gloriæ tuæ deposuisti adversarios tuos:

Misisti iram tuam, quæ devoravit eos sicut stipulam. * Et in spiritu furoris tui congregatæ sunt aquæ:

Stetit unda fluens, * congregatæ sunt abyssi in medio mari.

Dixit inimicus: Persequar et comprehendam, * dividam spolia, implebitur anima mea:

Evaginabo gladium meum, * interficiet eos manus mea.

Flavit spiritus tuus, et operuit eos mare: * submersi sunt quasi plumbum in aquis vehementibus.

Quis similis tui in fortibus, Domine? * quis similis tui, magnificus in sanctitate, terribilis atque laudabilis, faciens mirabilia?

Extendisti manum tuam, et devoravit eos terra. * Dux fuisti in misericordia tua populo, quem redemisti:

Et portasti eum in fortitudine tua, * ad habitaculum sanctum tuum.

Ascendérunt populi, et irati sunt: * dolores obtinuerunt habitatores Philistiim.

Tunc conturbati sunt principes Edom, robustos Moab obtinuit tremor: * obriguerunt omnes habitatores Chanaan.

Irruat super eos formido et pavor, * in magnitudine brachii tui:

Fiant immobiles quasi lapis, donec pertranseat populus tuus, Domine, * donec pertranseat populus tuus iste, quem possedisti.

Introduces eos, et plantabis in monte hereditatis tuæ, * firmissimo habitaculo tuo, quod operatus es, Domine:

Sanctuarium tuum, Domine, quod firmaverunt manus tuæ. * Dominus regnabit in æternum, et ultra.

Ingressus est enim eques Pharaon cum curribus et equitibus ejus in mare:

* et redúxit super eos Dóminus aquas maris:

Fílii autem Israel ambulavérunt per siccum * in médio ejus.

Antiph. Cantémus Dómino glorióse.

Antiph. ton. 6. In sanctis ejus laudáte Deum.

Psalmus. Laudáte Dóminum de cœlis. 15.

In Quadragesima.

Capitulum.

Isaiae 58.

CLama, ne cesses; quasi tuba exálta vocem tuam, et annúntia pópulo meo scélера eórum, et dómui Jacob peccáta eórum.

Hymnus.

OSol salutis, íntimis,
Jesu, réfúlge méntibus,
Dum, nocte pulsa, grátior
Orbi dies renáscitur.

Dans, tempus acceptábile,
Da, lacrymárum rívlis
Laváre cordis víctimam,
Quam læta adúrat chárítas.

Quo fonte manávit nefas,
Fluent perénnes lácrymæ,
Si virga pœniténtiæ
Cordis rigórem cónterat.

Dies venit, dies tua,
In qua reflórent ómnia:
Lætémur et nos, in viam
Tua redúcti délixera.

Te prona mundi máchina,
Clemens adóret Trínitas,
Et nos novi per grátiam
Novum canámus cánticum.

Amen.

℟: Angelis suis Deus mandávit de te.

℞: Ut custódiánt te in ómnibus viis tuis.

Ad Benedictus, Antiphona propria ut in Feriis Quadragesimæ.

Preces quando dicuntur, habentur supra in Feria secunda 50.

FERIA SEXTA.

AD MATUTINUM.

In Quadragesima.

Invitatorium. A dorémus Dóminum,
* Quóniam ipse fecit nos.

Psalmus. Veníte, exultémus. 2.

Hymnus.

EX more docti mýstico
Servémus hoc jejúnium,
Deno diérum círculo
Ducto quater notíssimo.
Lex et Prophétæ prímítus
Hoc prætulérunt, póstmodum
Christus sacrávit, ómnium
Rex atque Factor témporum.

Utámur ergo párcius
Verbis, cibis, et pótibus,
Somno, jocis, et árcíus
Perstémus in custódia.

Vitémus autem nóxia,
Quæ súbruunt mentes vagas,
Nullúmque demus cállidi
Hostis locum tyránnidi.

Flectámus iram víndicem,
Plorémus ante júdicem,
Clamémus ore súpplíci,
Dicámus omnes cernui:

Nostris malis offéndimus
Tuam, Deus, cleméntiam,
Effúnde nobis désuper
Remíssor indulgéntiam:

Meménto, quod sumus tui,
Licet cadúci plásmatis:
Ne des honórem nóminis
Tui, precámur, álteri.


Laxa malum, quod fécinus:
Auge bonum, quod póscimus,
Placére quo tandem tibi
Possímus hic et pérpetim.

Præsta, beáta Trínitas,
Concéde, simplex Unitas,
Ut fructuósa sint tuis
Jejuniórum múnera.

Amen.

Tempore Paschali.

Invitatorium. Allelúja, allelúja, *
Allelúja.



Hymnus.

Rex sempiternæ cœlitum,
Rerum Creátor omnium,
Æquālis ante sæcula
Semper Parēnti Fīlius.

Nascēte qui mundo Faber
Imāginem vultus tui
Tradens Adāmo, nōbilem
Limo jugāsti spīritum.

Cum livor et fraus dæmonis
Fœdāssset humanū genus,
Tu carne amīctus pērditam
Formam refōrmas ārtifex.

Qui natus olim e Vīrgine,
Nunc e sepūlchro nāsceris,
Tecūmq̃ue nos a mōrtuis
Jubes sepūltos sūrgere.

Qui Pastor æternus gregem
Aqua lavas Baptīsmatis:
Hæc est lavācrum mēntium:
Hæc est sepūlchrum crīminum.

Nobis diu qui dēbitæ
Redēptor affīxus Cruci,
Nostræ dedīsti prōdigus
Prētium salūtis sāguinem.

Ut sis perēnne mēntibus
Paschāle Jesu gāudium,
A morte dira crīminum
Vitæ renātos lībera.

Deo Patri sit glōria,
Et Fīlio, qui a mōrtuis
Surrēxit, ac Parāclito,
In sempitērna sæcula. Amen.

Antiph. ton. 1. f. **E**xultāte.

Tempore Paschali, Antiph. ton. 1. f.
Allelūja.

Psalmus 80.

Exultāte Deo adjutōri nostro: * ju-
bilāte Deo Jacob.

Sūmite psalmum, et date tŷmpanum:
* psaltērium jucūndum cum cīthara.

Buccināte in Neomēnia tuba, * in in-
signi die solemnītātis vestræ:

Quia præcēptum in Israel est: * et
judīcium Deo Jacob.

Testimōnium in Joseph pōsuit illud,
cum exīret de terra Ægŷpti: * lin-
guam, quam non nōverat, audīvit.

Divērtit ab onēribus dorsum ejus: *
manus ejus in cōphino serviērunt.

In tribulatiōne invocāsti me, et libe-
rāvi te: * exaudīvi te in abscondito
tempestātis: probāvi te apud aquām
contradictiōnis.

Audi, pōpulus meus, et contestābor
te: * Israel si audīseris me, non erit in
te Deus recens, neque adorābis Deum
aliēnum.

Ego enim sum Dōminus Deus tuus,
qui edūxi te de terra Ægŷpti: * dilāta
os tuum, et implēbo illud.

Et non audīvit pōpulus meus vocem
meam: * et Israel non intēndit mihi.

Et dimīsi eos secūndum desidēria
cordis eōrum: * ibunt in adinventiō-
nibus suis.

Si pōpulus meus audīssset me: * Israel
si in viis meis ambulāssset.

Pro nīhilo fōrsitan inimīcos eōrum
humiliāsssem: * et super tribulāntes
eos misīsssem manum meam.

Inimīci Dōmini mentīti sunt ei: * et
erit tempus eōrum in sæcula.

Et cibāvit eos ex ādipe frumēnti: * et
de petra melle saturāvit eos.

Psalmus 81.

Deus stetit in synagōga deōrum: *
in médio autem deos dijūdicat.

Usquequo judicātis iniquitatem: * et
fācies peccatōrum sūmitis?

Judicāte egēno et pupīllo: * hūmi-
lem et paūperem justificāte.

Erīpīte paūperem: * et egēnum de
manu peccatōris liberāte.

Nesciērunt, neque intellexērunt, in
tēnebris āmbulant: * movebūntur
ōmnia fundamēnta terræ.

Ego dixi: Dii estis, * et filii Excēlsi
omnes.

Vos autem sicut hōmīnes moriēmīni:
* et sicut unus de principibus cadētis.

Surge, Deus, jūdica terram: * quō-
niam tu hæreditābis in omnibus Gēn-
tibus.

Antiph. **E**xultāte Deo adjutōri nostro.

Antiph. ton. 6. **T**u solus.

Psalmus 82.

DEus, quis símilis erit tibi? * ne táceas, neque compescáris, Deus.

Quóniam ecce inimíci tui sonuérunt: * et qui odérunt te, extulérunt caput. Super pópulum tuum malignavérunt consílium: * et cogitavérunt advérsus sanctos tuos.

Dixerunt: Veníte, et disperdámus eos de Gente: * et non memorétur nomen Israel ultra.

Quóniam cogitavérunt unanímiter: * simul advérsus te testaméntum disposuérunt, tabernácula Idumæórum et Ismaelítæ:

Moab, et Agaréni, Gebal, et Ammon, et Amalec: * alienígenæ cum habitántibus Tyrum.

Etenim Assur venit cum illis: * facti sunt in adiutorium fíliis Lot.

Fac illis sicut Mádian, et Sísaræ: * sicut Jabin in torrénite Cisson.

Disperiérunt in Endor: * facti sunt ut stercus terræ.

Pone príncipes eórum sicut Oreb, et Zeb, * et Zébee, et Sálmana.

Omnes príncipes eórum: * qui dixerunt: Hæreditáte possideámus sanctuárium Dei.

Deus meus, pone illos ut rotam: * et sicut stípulam ante fáciem venti.

Sicut ignis, qui combúrit silvam: * et sicut flamma combúrens montes.

Ita persequéris illos in tempestáte tua: * et in ira tua turbábis eos.

Imple fácies eórum ignominia: * et quærent nomen tuum, Dómine.

Erubéscant, et conturbéntur in sæculum sæculi: * et confundántur, et péreant.

Et cognóscant, quia nomen tibi Dóminus: * tu solus Altíssimus in omni terra.

Psalmus 83.

Quam dilécta tabernácula tua, Dómine virtútum! * concupíscit, et déficit ánima mea in átria Dómini.

Cor meum, et caro mea * exultavérunt in Deum vivum.

Etenim passer invénit sibi domum: * et turtur nidum sibi, ubi ponat pullos suos.

Altária tua, Dómine virtútum: * Rex meus et Deus meus.

Beáti, qui hábitant in domo tua, Dómine: * in sæcula sæculórum laudábunt te.

Beátus vir, cujus est auxiliium abs te: * ascensiónes in corde suo dispósuit, in valle lacrymárum, in loco, quem pósuit.

Etenim benedictiónem dabit legislátor, ibunt de virtúte in virtútem: * vidébitur Deus deórum in Sion.

Dómine Deus virtútum, exáudi oratióem meam: * aúribus pécipe, Deus Jacob.

Protéctor noster, áspice, Deus: * et respice in fáciem Christi tui.

Quia mélior est dies una in átriis tuis * super mília.

Elégi abjéctus esse in domo Dei mei, * magis quam habitáre in tabernáculis peccatórum.

Quia misericórdiam et veritátem díligit Deus: * grátiam et glóriam dabit Dóminus.

Non privábit bonis eos, qui ámbulant in innocéntia: * Dómine virtútum, beátus homo, qui sperat in te.

Antiph. Tu solus Altíssimus super omnem terram.

Antiph. ton. 6. Benedixísti.

Psalmus 84.

Benedixísti, Dómine, terram tuam: * avertísti captivitátem Jacob.

Remisísti iniquitátem plebis tuæ: * operuísti ómnia peccáta eórum.

Mitigásti omnem iram tuam: * avertísti ab ira indignatiónis tuæ.

Convérté nos, Deus salutáris noster: * et avérte iram tuam a nobis.

Numquid in ætérnum irascéris nobis? * aut exténdes iram tuam a generatióne in generatióem?

Deus, tu convérsus vivificábis nos: * et plebs tua lætábitur in te.

Osténde nobis, Dómine, misericórdiam tuam: * et salutáre tuum da nobis.

Aúdiam, quid loquátur in me Dóminus Deus: * quóniam loquétur pacem in plebém suam.

Et super sanctos suos, * et in eos, qui convertúntur ad cor.

Verúmtamen prope timéntes eum salutáre ipsíus: * ut inhábitet glória in terra nostra.

Misericórdia et véritas obviavérunt sibi: * justítia et pax osculátæ sunt.

Véritas de terra orta est: * et justítia de cœlo prospéxit.

Etenim Dóminus dabit benignitátem: * et terra nostra dabit fructum suum.

Justítia ante eum ambulábit: * et ponet in via gressus suos.

Psalmus 85.

INclína, Dómine, aurem tuam, et exaúdi me: * quóniam inops et pauper sum ego.

Custódi ánimam meam, quóniam sanctus sum: * salvum fac servum tuum, Deus meus, sperántem in te.

Miserére mei, Dómine, quóniam ad te clamávi tota die: * lætífica ánimam servi tui, quóniam ad te, Dómine, ánimam meam levávi.

Quóniam tu, Dómine, suávis et mitis: * et multæ misericórdiæ ómnibus invocántibus te.

Aúribus pécipe, Dómine, oratióem meam: * et inténde voci deprecatiónis meæ.

In die tribulatiónis meæ clamávi ad te: * quia exaudísti me.

Non est símilis tui in diis, Dómine; * et non est secúndum ópera tua.

Omnes Gentes, quascúmque fecísti, vénient, et adorábunt coram te, Dómine: * et glorificábunt nomen tuum.

Quóniam magnus es tu, et fáciens mirabília: * tu es Deus solus.

Deduc me, Dómine, in via tua, et ingrédiar in veritáte tua: * lætétur cor meum, ut tímeat nomen tuum.

Confitébor tibi, Dómine, Deus meus, in toto corde meo: * et glorificábo nomen tuum in ætérnum.

Quia misericórdia tua magna est super me: * et eruísti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam: * et non proposuerunt te in conspéctu suo.

Et tu, Dómine, Deus miserátor et miséricors: * pátiens, et multæ misericórdiæ, et verax.

Réspice in me, et miserére mei: * da impérium tuum púero tuo: et salvum fac fílium ancillæ tuæ.

Fac mecum signum in bonum, ut vídeant, qui odérunt me, et confundántur: * quóniam tu, Dómine, adjuvísti me, et consolátus es me.

Antiph. Benedixísti, Dómine, terram tuam.

Antiph. ton. 6. Fundaménta ejus.

Psalmus 86.

Fundaménta ejus in móntibus sanctis: * dligit Dóminus portas Sion super ómnia tabernácula Jacob.

Gloriósa dicta sunt de te, * cívitas Dei.

Memor ero Rahab, et Babylónis * sciéntium me.

Ecce alienígenæ, et Tyrus, et pópulus Æthíopum: * hi fuérunt illic.

Numquid Sion dicet: Homo, et homo natus est in ea: * et ipse fundávit eam Altíssimus?

Dóminus narrábit in scriptúris populórum, et princípum: * horum, qui fuérunt in ea.

Sicut lætántium ómnium * habitátio est in te.

Psalmus 87.

Domine Deus salutis meæ: * in die clamávi, et nocte coram te.

Intret in conspéctu tuo orátio mea: *
inclína aurem tuam ad precem meam:

Quia repléta est malis ánima mea: *
et vita mea inférno appropinquávit.

Aestimátus sum cum descendéntibus
in lacum: * factus sum sicut homo
sine adjutório, inter mórtuos liber.

Sicut vulneráti dormiéntes in sepúl-
chris, quorum non es memor ámplius:
* et ipsi de manu tua repúlsi sunt.

Posuérunt me in lacu inferióri: * in
tenebrósis, et in umbra mortis.

Super me confirmátus est furor tuus:
* et omnes fluctus tuos induxísti su-
per me.

Longe fecísti notos meos a me: * po-
suérunt me abominatió nem sibi.

Tráditus sum, et non egrediébar: *
óculi mei languérunt præ inópia.

Clamávi ad te, Dómine, tota die: *
expándi ad te manus meas.

Numquid mórtuis fácies mirabília: *
aut médici suscitábunt, et confite-
búntur tibi?

Numquid narrábit áliquis in sepúlchro
misericórdiam tuam: * et veritátem
tuam in perditión e?

Numquid cognoscéntur in ténebris
mirabília tua: * et justítia tua in terra
obliviónis?

Et ego ad te, Dómine, clamávi: * et
mane orátio mea prævéni et te.

Ut quid, Dómine, repéllis oratió nem
meam: * avértis fáciem tuam a me?

Pauper sum ego, et in labóribus a
juventúte mea: * exaltátus autem,
humiliátus sum, et conturbátus.

In me transiérunt iræ tuæ: * et terró-
res tui conturbavérunt me.

Circumdedérunt me sicut aqua tota
die: * circumdedérunt me simul.

Elongásti a me amícum et próxi-
mum: * et notos meos a miséria.

Antiph. Fundaménta ejus in món-
tibus sanctis.

Antiph. ton. 6. Benedíctus.

Psalmus 88.

Misericórdias Dómini * in ætér-
num cantábo.

In generatió nem et generatió nem * an-
nuntiábo veritátem tuam in ore méo.

Quóniam dixísti: In ætérnum miseri-
córdia ædificábitur in cœlis: * præ-
parábitur véritas tua in eis.

Dispósui testaméntum eléctis meis,
jurávi David servo meo: * Usque in
ætérnum præparábo semen tuum.

Et ædificábo in generatió nem et ge-
neratió nem * sedem tuam.

Confitebúntur cœli mirabília tua, Dó-
mine: * étenim veritátem tuam in
ecclésia Sanctórum.

Quóniam quis in núbibus æquábitur
Dómino: * símilis erit Deo in filiis Dei?

Deus, qui glorificátur in consílio San-
ctórum: * magnus et terríbilis super
omnes, qui in circúitu ejus sunt.

Dómine Deus virtútum, quis símilis
tibi? * potens es Dómine, et véritas
tua in circúitu tuo.

Tu domináris potestáti maris: * mo-
tum autem flúctuum ejus tu mítigas.

Tu humiliásti sicut vulnerátum su-
pérbum: * in bráchio virtútis tuæ
dispersísti inimícos tuos.

Tui sunt cœli, et tua est terra, orbem
terræ et plenitúdinem ejus tu fundá-
sti: * Aquilónem et mare tu creásti.

Thabor et Hermon in nómine tuo
exultábunt, * tuum bráchium cum
poténtia.

Firmétur manus tua, et exaltétur dé-
xtera tua: * justítia et judícium præ-
parátio sedis tuæ.

Misericórdia et véritas præcédent fá-
ciem tuam: * beátus pópulus, qui
scit jubilatió nem.

Dómine, in lúmine vultus tui ambu-
lábunt, et in nómine tuo exultábunt
tota die: * et in justítia tua exalta-
búntur.

Quóniam glória virtútis eórum tu es:
* et in beneplácito tuo exaltábitur
cornu nostrum.

Quia Dómini est assúptio nostra: *
et Sancti Israel Regis nostri.

Tunc locútus es in visióne Sanctis tuis,
et dixísti: * Pósuí adjutórium in potén-
te, et exaltávi eléctum de plebe mea.

Inveni David servum meum: * óleo
sancto meo unxi eum.

Manus enim mea auxiliábitur ei: * et
bráchium meum confortábit eum.

Nihil proficiet inimícus in eo, * et fí-
lius iniquitátis non appónet nocére ei.

Et concídám a fácie ipsíus inimícos
ejus: * et odíentes eum in fugam
convértam.

Et véritas mea, et misericórdia mea
cum ipso: * et in nómine meo exal-
tábitur cornu ejus.

Et ponam in mari manum ejus: * et
in flumínibus dexteram ejus.

Ipsé invocábit me: Pater meus es
tu: * Deus meus, et suscéptor salú-
tis meæ.

Et ego primogénitum ponam illum, *
excélsam præ régibus terræ.

In ætérnum servábo illi misericór-
diam meam: * et testaméntum meum
fidéle ipsi.

Et ponam in sáeculum sáeculi semen
ejus, * et thronum ejus sicut dies cœli.

Si autem derelíquerint filii ejus le-
gem meam: * et in júdiis meis non
ambuláverint:

Si justítias meas profanáverint: * et
mandáta mea non custodíerint:

Visitábo in virga iniquitátes eórum,
* et in verbéribus peccáta eórum.

Misericórdiam autem meam non di-
spérgam ab eo: * neque nocébo in
veritáte mea.

Neque profanábo testaméntum meum:
* et quæ procédunt de lábiis meis,
non fáciám írrita.

Semel jurávi in sancto meo, si Da-
vid méntiar: * semen ejus in ætér-
num manébit.

Et thronus ejus sicut sol in conspé-
ctu meo, * et sicut luna perfécta in
ætérnum: et testis in cœlo fidélis.

Tu vero repulísti et despexísti: * dis-
tulísti Christum tuum.

Evertísti testaméntum servi tui: *
profanásti in terra sanctuárium ejus.

Destruxísti omnes sepes ejus: * po-
suísti firmaméntum ejus formídinem.

Diripuérunt eum omnes transeúntes
viam: * factus est oppróbrium vicí-
nis suis.

Exaltásti dexteram depriméntium
eum: * lætificásti omnes inimícos
ejus.

Avertísti adjutórium gládii ejus: * et
non es auxiliátus ei in bello.

Destruxísti eum ab emundatióne: * et
sedem ejus in terram collisísti.

Minorásti dies témporis ejus: * per-
fudísti eum confusióne.

Usquequo, Dómine, avértis in finem:
* exardéscet sicut ignis ira tua?

Memoráre, quæ mea substántia: *
numquid enim vane constituísti om-
nes filios hóminum?

Quis est homo, qui vivet, et non vi-
débit mortem: * éruet ánimam suam
de manu ínferi?

Ubi sunt misericórdiæ tuæ antiquæ,
Dómine: * sicut jurásti David in ve-
ritáte tua?

Memor esto, Dómine, oppróbrii ser-
vórum tuórum: * (quod contínui in
sinu meo) multárum Géntium.

Quod exprobravérunt inimíci tui, Dó-
mine: * quod exprobravérunt com-
mutatióne Christi tui.

Benedíctus Dóminus in ætérnum: *
fiat, fiat.

Psalmus 93.

D Eus ultiónum Dóminus; * Deus
ultiónum libere egit.

E xaltáre, qui júdicas terram: * redde
retributióne superbis.

U squequo peccatóres, Dómine, * ús-
quequo peccatóres gloriabúntur?

E ffabúntur, et loquéntur iniquitátem:
* loquéntur omnes, qui operántur in-
justítiam?

Pópulum tuum, Dómine, humiliavérunt: * et hæreditatem tuam vexavérunt.

Víduam et ádvenam interfecérunt: * et pupílos occidérunt.

Et dixerunt: Non vidébit Dóminus: * nec intélliget Deus Jacob.

Intellígite, insipientes in pópulo: * et stultí, aliquándo sápite.

Qui plantávit aurem, non aúdiat? * aut qui finxit óculum, non considerat?

Qui córripit Gentes, non árguet? * qui docet hóminem sciéntiam?

Dóminus scit cogitatiónes hóminum: * quóniam vanæ sunt.

Beátus homo, quem tu erudíeris, Dómine: * et de lege tua docúeris eum.

Ut mítiget ei a diébus malis: * donec fodiátur peccatóri fóvea.

Quia non repéllet Dóminus plebem suam: * et hæreditatem suam non derelínquet.

Quoadúsque justítia convertátur in judícium: * et qui juxta illam omnes, qui recto sunt corde.

Quis consúrget mihi advérsus malignántes? * aut quis stabit mecum advérsus operántes iniquitatem?

Nisi quia Dóminus adjúvit me: * paulo minus habitáset in inférno ánima mea.

Si dicébam: Motus est pes meus: * misericórdia tua, Dómine, adjuvábat me.

Secúndum multitudínem dolórum meórum in corde meo, * consolatiónes tuæ lætificavérunt ánimam meam.

Numquid adhæret tibi sedes iniquitátis: * qui fingis labórem in præcépto?

Captábunt in ánimam justí: * et sanguinem innocentem condemnábunt.

Et factus est mihi Dóminus in refúgium: * et Deus meus in adjutórium spei meæ.

Et reddet illis iniquitatem ipsórum, et in malítia eórum dispédet eos: * dispédet illos Dóminus Deus noster.

Antiph. Benedíctus Dóminus in ætérnum.

Antiph. ton. 2. Cantáte.

Psalmus 95.

Cantáte Dómino cánticum novum: * cantáte Dómino omnis terra.

Cantáte Dómino, et benedícite nómini ejus: * annuntiáte de die in diem salutáre ejus.

Annuntiáte inter Gentes glóriam ejus: * in ómnibus pópulis mirabília ejus.

Quóniam magnus Dóminus, et laudábilis nimis: * terríbilis est super omnes deos.

Quóniam omnes díi Géntium dæmónia: * Dóminus autem cœlos fecit.

Confessio et pulchritúdo in conspéctu ejus: * sanctimónia et magnificéntia in sanctificatióne ejus.

Afférte Dómino pátriæ Géntium, afférte Dómino glóriam et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commoveátur a fácie ejus univérsa terra: * dícite in Géntibus, quia Dóminus regnávit.

Etenim corréxit orbem terræ, qui non commovébitur: * judicábit pópulos in æquitáte.

Læténtur cœli, et exúltet terra, commoveátur mare, et plenitúdo ejus: * gaudébunt campi, et ómnia, quæ in eis sunt.

Tunc exultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Psalmus 96.

Dóminus regnávit, exúltet terra: * læténtur ínsulæ multæ.

Nubes, et calígo in circúitu ejus: * justítia, et judícium corréctio sedis ejus.

Ignis ante ipsum præcédet: * et inflammábit in circúitu inimícos ejus.

Illuxérunt fúlgura ejus orbi terræ: * vidit, et commóta est terra.

Montes sicut cera fluxérunt a fácie Dómini: * a fácie Dómini omnis terra.

Annuntiavérunt cœli justítiam ejus: * et vidérunt omnes pópuli glóriam ejus.

Confundántur omnes, qui adórant sculptília: * et qui gloriántur in simulácris suis.

Adoráte eum, omnes Angeli ejus: * audívit, et lætáta est Sion.

Et exultavérunt fíliæ Judæ, * propter judícia tua, Dómine.

Quóniam tu Dóminus Altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómino: * et confitémini memóriæ sanctificatiónis ejus.

Antiph. Cantáte Dómino, et benedicite nómini ejus.

In Quadragesima.

V. Scápolis suis obumbrábit tibi.

R. Et sub pennis ejus sperábis.

Tempore Passionis.

V. De ore leónis líbera me, Dómine.

R. Et a cór nibus unicórnium humili-tátem meam.

Tempore Paschali, Antiph. Allelúja, allelúja, allelúja.

V. Surrexit Dóminus vere, allelúja.

R. Et apparuit Simóni, allelúja.

Pro uno vel pluribus Martyribus.

Tempore Paschali.

V. Lux perpétua lucébit Sanctis tuis, Dómine, allelúja.

R. Et ætérnitas témporum, allelúja.

Pro Confessore Pontifice.

Tempore Paschali.

V. Elégit eum Dóminus sacerdotem sibi, allelúja.

R. Ad sacrificándum ei hóstiam laudis, allelúja.

Pro Confessore non Pontifice.


V. Os justí meditábitur sapiéntiam, allelúja.

R. Et lingua ejus loquétur judícium, allelúja.

Pro una Sancta.

V. Adjuvábít eam Deus vultu suo, allelúja.

R. Deus in médio ejus non commovébitur, allelúja.



AD LAUDES.

Antiph. ton. 1. f. Spíritu principáli confírma cor meum, Deus.

Psalmus. Miserére mei, Deus. 48.

Antiph. ton. 8. In veritáte.

Psalmus 142.

Domine, exaúdi oratió nem meam, aúribus pécipe obsecratió nem meam in veritáte tua: * exaúdi me in tua justítia.

Et non intres in judícium cum servo tuo: * quia non justificábitur in conspéctu tuo omnis vivens.

Quia persecútus est inimícus ánimam meam: * humiliávit in terra vitam meam.

Collocávit me in obsúris sicut mórtuos sæculi: * et anxiátus est super me spíritus meus, in me turbátum est cor meum.

Memor fui diérum antiquórum, meditátus sum in ómnibus opéribus tuis: * in factis mánuum tuárum meditábar.

Expá ndi manus meas ad te: * ánima mea sicut terra sine aqua tibi.

Velóciter exaúdi me, Dómine: * defécit spíritus meus.

Non avértas faciém tuam a me: * et símilis ero descendéntibus in lacum.

Audítam fac mihi mane misericórdiam tuam: * quia in te sperávi.

Notám fac mihi viam, in qua ámbulem: * quia ad te levávi ánimam meam.

Eripe me de inimicis meis, Dómine, ad te confúgi: * doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam: * propter nomen tuum, Dómine, vivificábis me in æquitáte tua.

Edúces de tribulatióne ánimam meam: * et in misericórdia tua dispérdes inimicos meos.

Et perdes omnes, qui tríbulant ánimam meam: * quóniam ego servus tuus sum.

Antiph. In veritáte tua exaúdi me, Dómine.

Antiph. ton. 1. f. Illúmina, Dómine, vultum tuum super nos.

Psalms. Deus, Deus meus. 14.

Antiph. ton. 4. Dómine.

Canticum Habacuc. Cap. 3.

Domine, audívi auditiónem tuam: * et tímui.

Dómine, opus tuum, * in médio annórum vivífica illud:

In médio annórum notum fácies: * cum irátus fúeris, misericórdiæ recordáberis.

Deus ab Austro véniet, * et Sanctus de monte Pharan.

Opérui coelos glória ejus: * et laudis ejus plena est terra.

Splendor ejus ut lux erit: * córnua in mánibus ejus.

Ibi abscondita est fortitúdo ejus: * ante faciém ejus ibit mors.

Et egrediétur diábolus ante pedes ejus. * Stetit, et mensus est terram.

Aspéxit, et dissólvit Gentes: * et contrítí sunt montes sæculi.

Incurvátí sunt colles mundi, * ab itineribus æternitátis ejus.

Pro iniquitáte vidi tentória Æthiopiæ: * turbabúntur pelles terræ Málian.

Numquid in flumínibus irátus es, Dómine? * aut in flumínibus furor tuus? vel in mari indignátio tua?

Qui ascédes super equos tuos: * et quadrígæ tuæ salvátio.

Súscitans suscitábis arcum tuum: * juraménta tríbibus, quæ locútus es.

Flúvios scindes terræ, vidérunt te, et doluérunt montes: * gurges aquárum tránsiit.

Dedit abyíssus vocem suam: * altitúdo manus suas levávit.

Sol et luna steterunt in habitáculo suo: * in luce sagittárum tuárum, ibunt in splendóre fulgurántis hastæ tuæ.

In frémitu conculcábis terram: * et in furóre obstupefácies Gentes.

Egréssus es in salútem pópuli tui: * in salútem cum Christo tuo.

Percussísti caput de domo ímpii: * denudásti fundaméntum ejus usque ad collum.

Maledixísti sceptris ejus, cápiti belatórum ejus, * veniéntibus ut turbo ad dispergéndum me.

Exultátio eórum, * sicut ejus, qui devorat paúperem in abscondito.

Viam fecísti in mari equis tuis, * in luto aquárum multárum.

Audívi, et conturbátus est venter meus: * a voce contremuérunt lábia mea.

Ingrediátur putrédo in óssibus meis, * et subter me scáteat.

Ut requiescam in die tribulatiónis: * ut ascéndam ad pópulum accíntum nostrum.

Ficus enim non florébit: * et non erit germen in víneis.

Mentiétur opus olivæ: * et arva non afferent cibum.

Abscindétur de ovíli pecus: * et non erit arméntum in præsépibus.

Ego autem in Dómino gaudébo: * et exultábo in Deo Jesu meo.

Deus Dóminus fortitúdo mea: * et
ponet pedes meos quasi cervórum.
Et super excélsa mea dedúcet me
victor * in psalmis canéntem.

Antiph. Dómine, audívi audítum
tuum, et tímui.

Antiph. ton. 1. f. In týmpano et
choro, in chordis et órgano laudáte
Deum.

Psalmus. Laudáte Dóminum. 15.

In Quadragesima.

Capitulum.

Isaie 58.

CLama, ne cesses; quasi tuba exálta
vocem tuam, et annúntia pópulo
meo scélera eórum, et dómui Jacob
peccáta eórum.

Hymnus.

O Sol salútis, íntimis,
Jesu, refúlge méntibus,
Dum, nocte pulsa, grátior
Orbi dies renáscitur.

Dans tempus acceptábile,
Da, lacrymárum rívulis
Laváre cordis víctimam,
Quam læta adúrat cháritas.

Q uo fonte manávit nefas,
Fluent perénnes lácrymæ,
Si virga pœniténtiæ
Cordis rigórem cónterat.

D ies venit, dies tua,
In qua reflórent ómnia:
Lætémur et nos, in viam
Tua redúcti délixera.

T e prona mundi máchina
Clemens adóret Trínitas:
Et nos novi per grátiam
Novum canámus cánticum.

Amen.

Ÿ. Angelis suis Deus mandávit de te.
R. Ut custódiant te in ómnibus viis
tuis.

Ad Benedictus, Antiphona propria,
ut in Feriis Quadragesimæ.

Preces quando dicuntur habentur
supra in Feria secunda. 50.

— 525 —

SABBATO.

AD MATUTINUM.

In Quadragesima.

Invitatorium. Dóminum Deum no-
strum, * Veníte, adorémus.

Psalmus. Veníte, exultémus. 2.

Hymnus.

EX more docti mýstico
Servémus hoc jejúnium,
Deno diérum círculo
Ducto quater notíssimo.
Lex et Prophétæ prímítus
Hoc prætulérunt, póstródum
Christus sacrávit, ómnium
Rex atque Factor témporum.

U támur ergo párcius
Verbis, cibis, et pótibus,
Somno, jocis, et árcíus
Perstémus in custódia.

V itémus autem nóxia,
Quæ súbruunt mentes vagas,
Nullúmque demus cállidi
Hostis locum tyránnidi.

F ectámus iram vándicem,
Plorémus ante júdicem,
Clamémus ore súpplíci,
Dicámus omnes cernui:

N ostris malis offéndimus
Tuam, Deus, cleméntiam,
Effúnde nobis désuper
Remíssor indulgéntiam:
M eménto, quod sumus tui,
Licet cadúci plásmatis:
Ne des honórem nóminis
Tui, precámur, álteri.

L axa malum, quod fécimus:
Auge bonum, quod póscimus,
Placére quo tandem tibi
Possímus hic et péripetím.

P ræsta, beáta Trínitas,
Concéde, simplex Unitas,
Ut fructuósa sint tuis
Jejuniórum múnera.

Amen.

Tempore Paschali.

Invitatorium. Allehúja, allehúja, *
Allehúja.

Hymnus.

Rex sempiternæ cœlitum,
 Rerum Creátor omnium,
 Æquālis ante sæcula
 Semper Parénti Fílius.
Nascénte qui mundo Faber
 Imāginem vultus tui
 Tradens Adámo, nóbilem
 Limo jugásti spíritum.
Cum livor et fraus dæmonis
 Fœdásset humánū genus,
 Tu carne amíctus, përditam
 Formam refórmās artifex.
Qui natus olim e Vírgine,
 Nunc e sepúlchro násceris,
 Tecúmque nos a mórtuis
 Jubes sepúltos súrgere.
Qui Pastor ætérnus gregem
 Aqua lavas Baptísmatis:
 Hæc est lavácrum méntium:
 Hæc est sepúlchrum críminum.
Nobis diu qui débitæ
 Redémptor affíxus Cruci,
 Nostræ dedísti pródigus
 Prétium salútis sánguinem.
Ut sis perénne méntibus
 Paschále Jesu gáudium,
 A morte dira críminum
 Vitæ renátos líbera.
Deo Patri sit glória,
 Et Fílio, qui a mórtuis
 Surréxit, ac Paráclito,
 In sempitérna sæcula. Amen.

Antiph. ton. 1. f. Quia mirabília.

Tempore Paschali, Antiphona. ton. 6.

A lleluja.

Psalmus 97.

Cantáte Dómino cánticum novum:
 * quia mirabília fecit.
Salvávít sibi dèxtera ejus, * et brá-
 chium sanctum ejus.
Notum fecit Dóminus salutáre suum:
 * in conspéctu Géntium revelávit ju-
 stítiam suam.
Recordátus est misericórdiæ suæ, *
 et veritátis suæ dómui Israel.

Vidérunt omnes términi terræ * salu-
 táre Dei nostri.

Jubiláte Deo omnis terra: * cantáte,
 et exultáte, et psállite.

Psállite Dómino in cíthara, in cíthara,
 et voce psalmi: * in tubis ductílibus,
 et voce tubæ córneæ.

Jubiláte in conspéctu Regis Dómini:
 * moveátur mare, et plenitúdo ejus,
 orbis terrárum, et qui hábitant in eo.

Flúmina plaudent manu, simul mon-
 tes exultábunt a conspéctu Dómini:
 * quóniam venit judicáre terram.

Judicábit orbem terrárum in justítia,
 * et pópulos in æquitáte.

Psalmus 98.

Dominus regnávít, irascántur pó-
 puli: * qui sedet super Chérubim,
 moveátur terra.

Dóminus in Sion magnus, * et excél-
 sus super omnes pópulos.

Confiteántur nómini tuo magno, quó-
 niam terríbile, et sanctum est: * et
 honor regis judícium díligit.

Tu parásti directiónes: * judícium et
 justítiam in Jacob tu fecísti.

Exaltáte Dóminum Deum nostrum,
 et adoráte scabéllum pedum ejus: *
 quóniam sanctum est.

Móyses et Aaron in sacerdótibus
 ejus: * et Sámuel inter eos, qui ínvocant
 nomen ejus.

Invocábant Dóminum, et ipse exau-
 diébat eos: * in colúmna nubis lo-
 quebátur ad eos.

Custodiébant testimónia ejus, * et
 præcéptum, quod dedit illis.

Dómine Deus noster, tu exaudiébas
 eos: * Deus, tu propítius fuísti eis, et
 ulciscens in omnes adinveníones
 eórum.

Exaltáte Dóminum Deum nostrum, et
 adoráte in monte sancto ejus: * quó-
 niam sanctus Dóminus Deus noster.

Antiph. Quia mirabilia fecit Dóminus.

Sequens Antiphona et Psalmus Jubiláte, hic prætermittitur, quando dicitur in Laudibus ut in Sabbatis, in quibus fit Officium de S. Maria, et ejus loco dicitur Antiphona, et Psalmus Bonum est confitéri.

Antiph. ton. 4. Jubiláte.

Psalmus 99.

Jubiláte Deo omnis terra: * servíte Dómino in lætítia.

Introíte in conspéctu ejus, * in exultatióne.

Scitóte, quóniam Dóminus ipse est Deus: * ipse fecit nos, et non ipsi nos.

Pópulus ejus, et oves páscuæ ejus: * introíte portas ejus in confessiône, átria ejus in hymnis: confitémini illi.

Laudáte nomen ejus, quóniam suavis est Dóminus, in ætérnum misericórdia ejus, * et usque in generatióem et generatióem véritas ejus.

vel Psalmus 91.

Bonum est confitéri Dómino: * et psállere nómini tuo, Altíssime.

Ad annuntiándum mane misericórdiam tuam, * et veritátem tuam per noctem.

In decachórdo, psaltério; * cum cántico, in cíthara.

Quia delectásti me, Dómine, in factúra tua: * et in opéribus mánuum tuárum exultábo.

Quam magnificáta sunt ópera tua, Dómine! * nimis profúndæ factæ sunt cogitatióes tuæ.

Vir insípiens non cognóscet: * et stultus non intélliget hæc.

Cum exórti fúerint peccatóres sicut fœnum: * et apparúerint omnes, qui operántur iniquitátem.

Ut intéreant in sáculum sáculi: * tu autem Altíssimus in ætérnum, Dómine.

Quóniam ecce inimíci tui, Dómine, quóniam ecce inimíci tui peribunt: * et dispergéntur omnes, qui operántur iniquitátem.

Et exaltábitur sicut unicórnis cornu meum: * et senéctus mea in misericórdia úberi.

Et despéxit óculus meus inimícos meos: * et in insurgéntibus in me malignántibus aúdiet auris mea.

Justus ut palma florébit: * sicut cedrus Líbani multiplicábitur.

Plantáti in domo Dómini, * in átriis domus Dei nostri florébunt.

Adhuç multiplicabúntur in senécta úberi: * et bene patiéntes erunt, ut annúntient.

Quóniam rectus Dóminus Deus noster: * et non est iníquitas in eo.

Psalmus 100.

Misericórdiam, et judícium * cantábo tibi, Dómine.

Psallam, et intélligam in via immaculáta, * quando vénies ad me.

Perambulábam in innocentia cordis mei, * in médio domus meæ.

Non proponébam ante óculos meos rem injústam: * faciéntes prævaricatiónes odívi.

Non adhæsit mihi cor pravum: * declinántem a me malignum non cognoscébam.

Detrahéntem secréto próximo suo, * hunc persequébar.

Supérbo óculo, et insatiábili corde, * cum hoc non edébam.

Oculi mei ad fidéles terræ, ut sédeant mecum: * ámbulans in via immaculáta, hic mihi ministrábat.

Non habitábit in médio domus meæ, qui facit supérbiam: * qui lóquitur iníqua, non diréxit in conspéctu oculórum meórum.

In matutíno interficiébam omnes peccatóres terræ: * ut disperderem de

civitáte Dómini omnes operántes iniquitátem.

Antiph. Jubiláte Deo omnis terra.
vel Antiph. Bonum est confitéri Dómino.

Antiph. ton. 1. f. Clamor meus.

Psalmus 101.

Domine, exaúdi oratióem meam,
* et clamor meus ad te véniat.

Non avértas fáciem tuam a me: * in
quacúmque die tríbulo, inclína ad
me aurem tuam.

In quacúmque die invocávero te, *
velóciter exaúdi me.

Quia defecérunt sicut fumus dies mei:
* et ossa mea sicut crémium aruerunt.

Percússus sum ut fœnum, et áruit cor
meum: * quia oblítus sum comédere
panem meum.

A voce gémitus mei * adhæsit os
meum carni meæ.

Símilis factus sum pellicáno solitú-
dinis: * factus sum sicut nyctícorax
in domicílio.

Vigilávi, * et factus sum sicut passer
solitárius in tecto.

Tota die exprobrábant mihi inimíci
mei: * et qui laudábant me, advérsum
me jurábant.

Quia cínerem tamquam panem man-
ducábam, * et potum meum cum fletu
miscébam.

A fácie iræ et indignatiónis tuæ: *
quia élevans allisísti me.

Dies mei sicut umbra declinavérunt:
* et ego sicut fœnum áruí.

Tu autem, Dómine, in ætérnum pér-
manes: * et memoriále tuum in gene-
ratióem et generatióem.

Tu exúrgens miseréberis Sion: * quia
tempus miseréndi ejus, quia venit
tempus.

Quóniam placuérunt servis tuis lápi-
des ejus: * et terræ ejus miserebúntur.

Et timébunt Gentes nomen tuum, Dó-
mine, * et omnes Reges terræ glóriam
tuam.

Quia ædificávit Dóminus Sion: * et
vidébitur in glória sua.

Respéxit in oratióem humílium: * et
non sprexit precem eórum.

Scribántur hæc in generatióne áltera:
* et pópulus, qui creábitur, laudábit
Dóminum.

Quia prospéxit de excélso sancto suo:
* Dóminus de cœlo in terram aspéxit.

Ut audíret gémitus compeditórum: *
ut sólveret filios interemptórum.

Ut annúntient in Sion nomen Dómini,
* et laudem ejus in Jerúsalem.

In conveniéndo pópulos in unum: *
et reges ut sérviant Dómino.

Respóndit ei in via virtútis suæ: * pau-
citatém diérum meórum núntia mihi.

Ne révoces me in dimídio diérum me-
órum: * in generatióem et genera-
tióem anni tui.

Inítiu tu, Dómine, terram fundásti: *
et ópera mánuum tuárum sunt cœli.

Ipsi péríbunt, tu autem pérmanes: *
et omnes sicut vestiméntum veterá-
scent.

Et sicut opertórium mutábis eos, et
mutabúntur: * tu autem idem ipse
es, et anni tui non deficient.

Fílii servórum tuórum habitábunt: *
et semen eórum in sáculum dirigétur.

Psalmus 102.

Benedic, ánima mea, Dómino: * et
ómnia, quæ intra me sunt, nómini
sancto ejus.

Benedic, ánima mea, Dómino: * et
noli oblivísci omnes retributióes
ejus.

Qui propitiátur ómnibus iniquitatibus
tuis: * qui sanat omnes infirmitátes
tuas.

Qui rédimit de intéritu vitam tuam:
* qui coronat te in misericórdia et
miseratióibus.

Qui replet in bonis desiderium tuum: * renovabitur ut aquilæ juvenis tua.

Faciens misericordias Dominus: * et iudicium omnibus injuriam patientibus.

Notas fecit vias suas Móysi: * filiis Israel voluntates suas.

Miserator, et misericors Dominus: * longánimis, et multum misericors.

Non in perpetuum irascetur: * neque in æternum comminabitur.

Non secundum peccata nostra fecit nobis: * neque secundum iniquitates nostras retribuit nobis.

Quoniam secundum altitudinem cœli a terra, * corroboravit misericordiam suam super timentes se.

Quantum distat Ortus ab Occidente: * longe fecit a nobis iniquitates nostras.

Quomodo miseretur pater filiorum, misertus est Dominus timéntibus se: * quoniam ipse cognovit figmentum nostrum.

Recordatus est, quoniam pulvis sumus: * homo sicut fœnum dies ejus, tamquam flos agri sic efflorebit.

Quoniam spíritus pertransibit in illo, et non subsistet: * et non cognoscet amplius locum suum.

Misericordia autem Domini ab æterno, * et usque in æternum super timentes eum.

Et justitia illius in filios filiorum: * his, qui servant testamentum ejus:

Et memores sunt mandatorum ipsius, * ad faciendum ea.

Dominus in cœlo paravit sedem suam: * et regnum ipsius omnibus dominabitur.

Benedicite Domino, omnes Angeli ejus: * potentes virtute, facientes verbum illius, ad audiendam vocem sermonum ejus.

Benedicite Domino, omnes virtutes ejus: * ministri ejus, qui faciis voluntatem ejus.

Benedicite Domino, omnia opera ejus: * in omni loco dominationis ejus benedic, ánima mea, Domino.

Antiph. Clamor meus ad te véniat, Deus.

Antiph. ton. 8. f. Benedic.

Psalmus 103.

Benedic, ánima mea, Domino: * Domine Deus meus, magnificatus es vehementer.

Confessionem et decorem induisti, * amictus lumine sicut vestimento.

Extendens cœlum sicut pellem: * qui tegis aquis superiora ejus.

Qui ponis nubem ascensum tuum: * qui ambulas super pennas ventorum.

Qui facis ángelos tuos, spíritus: * et ministros tuos, ignem uréntem.

Qui fundasti terram super stabilitatem suam: * non inclinabitur in sæculum sæculi.

Abýssus, sicut vestimentum, amictus ejus: * super montes stabunt aquæ.

Ab increpatione tua fugient: * a voce tonitru tui formidabunt.

Ascendunt montes, et descendunt campi * in locum, quem fundasti eis.

Términum posuisti, quem non transgrediuntur: * neque convertentur operire terram.

Qui emittis fontes in convallibus: * inter médium montium pertransibunt aquæ.

Potabunt omnes bestiæ agri: * expectabunt ónagri in siti sua.

Super ea volucres cœli habitabunt: * de médio petrarum dabunt voces.

Rigans montes de superioribus suis: * de fructu operum tuorum satiabitur terra.

Prodúcens fœnum jumentis, * et herbam servituti hominum.

Ut educas panem de terra: * et vinum lætificet cor hominis.

Ut exhilaret faciē in oleo: * et panis cor hōminis confirmet.

Saturabuntur ligna campi, et cedri Libani, quas plantavit: * illic pāsseries nidificabunt.

Herōdii domus dux est eōrum: * montes excēlsi cervis, petra refūgium herināciis.

Fecit lunam in tēpora: * sol cognovit occāsum suum.

Posuisti tēnebras, et facta est nox: * in ipsa pertransibunt omnes bēstiæ silvæ.

Cātuli leōnum rugiētes, ut rāpian, * et quærant a Deo escam sibi.

Ortus est sol, et congregāti sunt: * et in cubilibus suis collocabuntur.

Exibit homo ad opus suum: * et ad operatiōnem suam usque ad vesp̄rum.

Quam magnificāta sunt ōpera tua, Dōmine! * ōmnia in sapiētia fecisti: implēta est terra possessiōne tua.

Hoc mare magnum, et spatiōsum mānibus: * illic reptīlia, quōrum non est nūmerus.

Animālia pusilla cum magnis: * illic naves pertransibunt.

Draco iste, quem formasti ad illudēdum ei: * ōmnia a te expēctant, ut des illis escam in tēpore.

Dante te illis, colligent: * aperiēte te manum tuam, ōmnia implebuntur bonitate.

Avertēte autem te faciē, turbabuntur: * aūferes sp̄ritum eōrum, et deficiē, et in pūverem suum revertentur.

Emīttes sp̄ritum tuum, et creabuntur: * et renovābis faciē terræ.

Sit glōria Dōmini in sēcūlum: * lātābitur Dōminus in op̄eribus suis.

Qui respicit terram, et facit eam trēm̄re: * qui tangit montes, et fūmīgant.

Cantābo Dōmino in vita mea: * psallam Deo meo, quāmdiu sum.

Jucūndum sit ei elōquium meum: * ego vero delectābor in Dōmino.

Deficiant peccatōres a terra, et inīqui ita ut non sint: * bēnedic, ānima mea, Dōmino.

Psalmus 104.

Confitēmini Dōmino, et invocāte nomen ejus: * annuntiāte inter Gentes ōpera ejus.

Cantāte ei, et psāllite ei: * narrāte ōmnia mirābīlia ejus.

Laudāmini in nōmine sancto ejus: * lātēt̄ur cor quærentium Dōminum.

Quærite Dōminum, et confirmāmini: * quærite faciē ejus semper.

Mementōte mirābīlium ejus, quæ fecit: * prodīgia ejus, et judīcia oris ejus.

Semen Abraham servi ejus: * fīlii Jacob elēcti ejus.

Ipse Dōminus Deus noster: * in univ̄sa terra judīcia ejus.

Memor fuit in sēcūlum testamēti sui: * verbi, quod mandāvit in mille generatiōnes:

Quod dispōsuit ad Abraham: * et juramēti sui ad Isaac.

Et stātuit illud Jacob in præcēptum: * et Israel in testamētum ætērnū:

Dicens: Tibi dabo terram Chānaan, * funīculum hæreditātis vestræ.

Cum essent nūmero brevi, * paucīsini et incolæ ejus:

Et pertransiērent de gente in gentem, * et de regno ad pōpulum ālterum.

Non reliquit hōminem nocēre eis: * et corripuit pro eis reges.

Nolīte tāngere christos meos: * et in prophētis meis nolīte malignāri.

Et vocāvit famem super terram: * et omne firmamētum panis contrivit.

Misit ante eos virum: * in servum venūmdatus est Joseph.

Humiliāverunt in compēdibus pedes ejus, ferrum pertrāsiit ānimam ejus, * donec venīret verbum ejus.

Elóquium Dómini inflammávit eum: * misit rex, et solvit eum: princeps populórum, et dimísit eum.

Constituit eum dóminum domus suæ: * et príncipem omnis possessiόνis suæ.

Ut erudíret príncipes ejus sicut semetípsum: * et senes ejus prudéntiam doceret.

Et intrávit Israel in Ægýptum: * et Jacob áccola fuit in terra Cham.

Et auxit pópulum suum veheménter: * et firmávit eum super inimícos ejus.

Convértit cor eórum, ut odírent pópulum ejus: * et dolum fácerent in servos ejus.

Misit Móysen servum suum: * Aaron, quem elégit ipsum.

Pósuit in eis verba signórum suórum, * et prodigiórum in terra Cham.

Misit ténebras, et obscurávit: * et non exacerbávit sermónes suos.

Convértit aquas eórum in sánguinem: * et occídit pisces eórum.

Ededit terra eórum ranas * in penetrálibus regum ipsórum.

Dixit, et venit cænomyía: * et cínifes in ómnibus fínibus eórum.

Pósuit plúvias eórum grándinem: * ignem comburéntem in terra ipsórum.

Et percússit víneas eórum, et ficúlneas eórum: * et contrívit lignum fínium eórum.

Dixit, et venit locústa, et bruchus, * cujus non erat númerus:

Et comédit omne fœnum in terra eórum: * et comédit omnem fructum terræ eórum.

Et percússit omne primogénitum in terra eórum: * primítias omnis labóris eórum.

Et edúxit eos cum argénto et auro, * et non erat in tríbus eórum infirmus.

Lætáta est Ægýptus in profectiône eórum: * quia incúbuit timor eórum super eos.

Expándit nubem in protectionem eórum, * et ignem, ut luceret eis per noctem.

Petiérunt, et venit cotúrnix: * et pane coeli saturávit eos.

Dirúpit petram, et fluxérunt aquæ: * abiérunt in sicco flúmina.

Quóniam memor fuit verbi sancti sui, * quod hábuit ad Abraham púerum suum.

Et edúxit pópulum suum in exultatióne, * et eléctos suos in lætítia.

Et dedit illis regiões Géntium: * et labóres populórum possederunt.

Ut custódiant justificatiónes ejus, * et legem ejus requirant.

Antiph. Bénédic, ánima mea, Dómino.

Antiph. ton. 8. f. Vísita nos.

Psalmus 105.

Confitémini Dómino, quóniam bonus: * quóniam in sæculum misericórdia ejus.

Quis loquétur poténtias Dómini, * audítas faciet omnes laudes ejus?

Beáti, qui custódiunt judícium, * et faciunt justítiam in omni témpore.

Memento nostri, Dómine, in beneplácito pópuli tui: * vísita nos in salutári tuo.

Ad vidéndum in bonitáte electórum tuórum, ad lætándum in lætítia gentis tuæ: * ut laudéris cum hæreditáte tua.

Peccávimus cum pátribus nostris: * injúste égimus, iniquitátem fécimus.

Patres nostri in Ægýpto non intelléxérunt mirabília tua: * non fuérunt mémoires multitudínis misericórdiæ tuæ.

Et irritavérunt ascendéntes in mare, * mare Rubrum.

Et salvávit eos propter nomen suum, * ut notam fáceret poténtiam suam.

Et incrépuit mare Rubrum, et exsiccatum est: * et dedúxit eos in abyssis sicut in desérto.

Et salvávit eos de manu odiéntium: * et redémit eos de manu inimíci.

Et opéruit aqua tribulántes eos: * unus ex eis non remánsit.

Et crediderunt verbis ejus: * et laudaverunt laudem ejus.

Cito fecerunt, obliti sunt operum ejus: * et non sustinuerunt consilium ejus.

Et concupierunt concupiscentiam in deserto: * et tentaverunt Deum in inaquoso.

Et dedit eis petitionem ipsorum: * et misit saturitatem in animas eorum.

Et irritaverunt Moysen in castris, * Aaron sanctum Domini.

Aperta est terra, et deglutivit Dathan: * et operuit super congregationem Abiron.

Et exarsit ignis in synagoga eorum; * flamma combussit peccatores.

Et fecerunt vitulum in Horeb: * et adoraverunt sculptile.

Et mutaverunt gloriam suam * in similitudinem vituli comedentis fenum.

Obliti sunt Deum, qui salvavit eos, * qui fecit magnalia in Aegypto, mirabilia in terra Cham, terribilia in mari Rubro.

Et dixit, ut disperderet eos: * si non Moyses electus ejus stetisset in confectione in conspectu ejus:

Ut averteret iram ejus, ne disperderet eos: * et pro nihilo haberunt terram desiderabilem:

Non crediderunt verbo ejus, et murmuraverunt in tabernaculis suis: * non exaudierunt vocem Domini.

Et elevavit manum suam super eos: * ut prosterneret eos in deserto:

Et ut deiceret semen eorum in nationibus: * et dispergeret eos in regionibus.

Et initiati sunt Beelphegor: * et comederunt sacrificia mortuorum.

Et irritaverunt eum in adinventioibus suis: * et multiplicata est in eis ruina.

Et stetit Phinees, et placavit: * et cessavit quassatio.

Et reputatum est ei in justitiam, * in generationem et generationem usque in sempiternum.

Et irritaverunt eum ad aquas contradictionis: * et vexatus est Moyses propter eos, quia exacerbarunt spiritum ejus.

Et distinxit in labiis suis: * non disperdiderunt Gentes, quas dixit Dominus illis.

Et commixti sunt inter Gentes, et didicerunt opera eorum: et servierunt sculptilibus eorum: * et factum est illis in scandalum.

Et immolaverunt filios suos, * et filias suas daemoniis.

Et effuderunt sanguinem innocentem, * sanguinem filiorum suorum, et filiarum suarum, quas sacrificaverunt sculptilibus Chanaan.

Et infecta est terra in sanguinibus, et contaminata est in operibus eorum, * et fornicati sunt in adinventioibus suis.

Et iratus est furore Dominus in populum suum: * et abominatus est hereditatem suam.

Et tradidit eos in manus Gentium: * et dominati sunt eorum, qui oderunt eos.

Et tribulaverunt eos inimici eorum: et humiliati sunt sub manibus eorum: * saepe liberavit eos.

Ipsi autem exacerbarunt eum in consilio suo: * et humiliati sunt in iniquitatibus suis.

Et vidit, cum tribularentur: * et audivit orationem eorum.

Et memor fuit testamenti sui: * et poenituit eum secundum multitudinem misericordiae suae.

Et dedit eos in misericordias, * in conspectu omnium, qui ceperant eos.

Salvos nos fac, Domine Deus noster: * et congrega nos de nationibus.

Ut confiteamur nomini sancto tuo: * et gloriemur in laude tua.

Benedictus Dominus Deus Israel a saeculo, et usque in saeculum: * et dicet omnis populus: Fiat, fiat.

Psalmus 106.

Confitemini Dómino, quóniam bonus: * quóniam in sæculum misericórdia ejus.

Dicant, qui redempti sunt a Dómino, quos redemit de manu inimici: * et de regiónibus congregavit eos.

A solis ortu, et occásu; * ab Aquilóne, et mari.

Erravérunt in solitúdine in inaquóso: * viam civitátis habitáculi non invenerunt.

Esuriéntes, et sitiéntes: * ánima eórum in ipsis defécit.

Et clamavérunt ad Dóminum, cum tribularéntur: * et de necessitatibus eórum erípuit eos.

Et dedúxit eos in viam rectam: * ut irent in civitátem habitatiónis.

Confiteántur Dómino misericórdiæ ejus: * et mirabília ejus fíliis hóminum.

Quia satiávit ánimam inánem: * et ánimam esuriéntem satiávit bonis.

Sedéntes in ténebris, et umbra mortis: * vinctos in mendicitáte, et ferro.

Quia exacerbavérunt elóquia Dei: * et consílium Altíssimi irritavérunt.

Et humiliátum est in labóribus cor eórum: * infirmáti sunt, nec fuit, qui adjuváret.

Et clamavérunt ad Dóminum, cum tribularéntur: * et de necessitatibus eórum liberávit eos.

Et edúxit eos de ténebris, et umbra mortis: * et víncula eórum dirúpit.

Confiteántur Dómino misericórdiæ ejus: * et mirabília ejus fíliis hóminum.

Quia contrívit portas aéreas: * et vectes férreos confrégit.

Suscépit eos de via iniquitátis eórum: * propter injustítias enim suas humiliáti sunt.

Omnem escam abomináta est ánima eórum: * et appropinquavérunt usque ad portas mortis.

Et clamavérunt ad Dóminum, cum tribularéntur: * et de necessitatibus eórum liberávit eos.

Misit verbum suum, et sanávit eos: * et erípuit eos de interitió nibus eórum.

Confiteántur Dómino misericórdiæ ejus: * et mirabília ejus fíliis hóminum.

Et sacrificent sacrificium laudis: * et annúntient ópera ejus in exultatióne.

Qui descéndunt mare in návibus, * faciéntes operatió nem in aquis multis.

Ipsi vidérunt ópera Dómini, * et mirabília ejus in profúndo.

Dixit, et stetit spíritus procéllæ: * et exaltáti sunt fluctus ejus.

Ascéndunt usque ad cœlos, et descéndunt usque ad abyssos: * ánima eórum in malis tabescébat.

Turbáti sunt, et moti sunt sicut ébrius: * et omnis sapiéntia eórum devoráta est.

Et clamavérunt ad Dóminum, cum tribularéntur: * et de necessitatibus eórum edúxit eos.

Et státuit procéllam ejus in auram: * et siluérunt fluctus ejus.

Et lætáti sunt, quia siluérunt: * et dedúxit eos in portum voluntátis eórum.

Confiteántur Dómino misericórdiæ ejus: * et mirabília ejus fíliis hóminum.

Et exáltent eum in Ecclésia plebis: * et in cáthedra seniórum laudent eum.

Pósuit flúmina in desértum, * et éxitus aquárum in sitim.

Terram fructíferam in salsúginem, * a malítia inhabitántium in ea.

Pósuit desértum in stagna aquárum: * et terram sine aqua in éxitus aquárum.

Et collocávit illic esuriéntes: * et constituérunt civitátem habitatiónis.

Et seminavérunt agros, et plantavérunt víneas: * et fecérunt fructum nativitátis.

Et benedíxit eis, et multiplicáti sunt nimis: * et juménta eórum non minorávit.

Et pauci facti sunt: * et vexáti sunt a tribulatióne malórum, et dolore.

Effúsa est contémptrio super príncipes: * et erráre fecit eos in invio, et non in via.

Et adjúvit pauperem de inópia: * et pósuit sicut oves familias.

Vidébunt recti, et lætabúntur: * et omnis iniquitas oppilábit os suum.

Quis sapiens, et custódiēt hęc? * et intélliget misericórdias Dómini?

Antiph. Vísita nos, Dómine, in salutári tuo.

Antiph. ton. 5. Confitébor Dómino.

Psalmus 107.

Parátum cor meum, Deus, parátum cor meum: * cantábo, et psallam in glória mea.

Exúrge, glória mea, exúrge psaltérium, et cithara: * exúrgam dilúculo.

Confítebor tibi in pópulis, Dómine: * et psallam tibi in natióibus.

Quia magna est super cœlos misericórdia tua: * et usque ad nubes véritas tua.

Exaltáre super cœlos, Deus, et super omnem terram glória tua: * ut liberéntur dilécti tui.

Salvum fac dextera tua, et exaúdi me: * Deus locútus est in sancto suo.

Exultábo, et dívidam Síchimam, * et convállem tabernaculorum dimétiar.

Meus est Gálaad, et meus est Manás-ses: * et Ephraim susceptio cápitis mei.

Judarex meus: * Moab lebes spei meæ.

In Idumæam exténdam calceaméntum meum: * mihi alienígenæ amíci facti sunt.

Quis dedúcet me in civitátem munitam? * quis dedúcet me usque in Idumæam?

Nonne tu, Deus, qui repulísti nos, * et non exíbis, Deus, in virtútibus nostris?

Da nobis auxílium de tribulatióne: * quia vana salus hóminis.

In Deo faciémus virtútem: * et ipse ad níhilum dedúcet inimícos nostros.

Psalmus 108.

Deus, laudem meam ne tacúeris: * quia os peccatóris, et os dolósi super me apértum est.

Locúti sunt advérsus me lingua dolósa, et sermónibus ódii circumdedérunt me: * et expugnavérunt me gratis.

Pro eo, ut me diligerent, detrahébant mihi: * ego autem orábam.

Et posuérunť advérsus me mala pro bonis, * et ódium pro dilectiόne mea.

Constitúe super eum peccatórem: * et diábolus stet a dextris ejus.

Cum judicátur, éxeat condemnátus: * et orátio ejus fiat in peccátum.

Fiant dies ejus pauci: * et episcopátum ejus accípiat alter.

Fiant filii ejus órphani: * et uxor ejus vídua.

Nutántes transferántur filii ejus, et mendícent: * et ejiciántur de habitatióibus suis.

Scrutétur fœnerátor omnem substántiam ejus: * et dirípiant aliéni labóres ejus.

Non sit illi adjútor: * nec sit, qui misereátur pupíllis ejus.

Fiant nati ejus in intéritum: * in generatióne una deleátur nomen ejus.

In memóriam rédeat iniquitas patrum ejus in conspéctu Dómini: * et peccátum matris ejus non deleátur.

Fiant contra Dóminum semper, et dispéreat de terra memória eórum: * pro eo, quod non est recordátus fácere misericórdiam.

Et persecútus est hóminem ínopem, et mendícum, * et compúctum corde mortificáre.

Et diléxit maledictiόnem, et véniet ei: * et nóluit benedictiόnem, et elongábitur ab eo.

Et índuit maledictiόnem sicut vestiméntum: * et intrávit sicut aqua in interióra ejus, et sicut óleum in óssibus ejus.

Fiat ei sicut vestiméntum, quo operítur: * et sicut zona, qua semper præcingitur.

Hoc opus eórum, qui détrahunt mihi apud Dóminum: * et qui loquúntur mala advérsus ánimam meam.

Et tu, Dómine, Dómine, fac mecum propter nomen tuum: * quia suavis est misericórdia tua.

Líbera me, quia egénus et pauper ego sum: * et cor meum conturbátum est intra me.

Sicut umbra, cum declínat, ablátus sum: * et excússus sum sicut locústæ.

Génua mea infirmáta sunt a jejúnio: * et caro mea immutáta est propter óleum.

Et ego factus sum oppróbrium illis: * vidérunt me, et movérunt cápita sua.

Adjuva me, Dómine Deus meus: * salvum me fac secúndum misericórdiam tuam.

Et sciant, quia manus tua hæc: * et tu, Dómine, fecísti eam.

Maledícent illi, et tu benedíces: * qui insúrgunt in me, confundántur: servus autem tuus lætábitur.

Induántur, qui détrahunt mihi, pudóre: * et operiántur sicut diplóide confusióne sua.

Confitébor Dómino nimis in ore meo: * et in médio multórum laudábo eum:

Quia ástitit a dextris paúperis, * ut salvam fáceret a persecuéntibus ánimam meam.

Antiph. Confitébor Dómino nimis in ore meo.

In Quadragesima.

V. Scuto circúmdabit te véritas ejus.

R. Non timébis a timóre noctúrno.

Tempore Passionis.

V. Ne perdas cum ímpiis, Deus, ánimam meam.

R. Et cum viris sánguinem vitam meam.

Tempore Paschali, Antiph. Allelúja, allelúja, allelúja.

Pro beata Maria.

V. Diffúsa est grátia in lábiis tuis, allelúja.

R. Proptérea benedíxit te Deus in aetérnum, allelúja.

— orate —

AD LAUDES.

Antiph. ton. 4. Benígne fac in bona voluntáte tua, Dómine.

Psalmus. Miserére mei, Deus 48.

Antiph. ton. 8. f. Bonum est.

Psalmus 91.

Bonum est confitéri Dómino: * et psállere nómini tuo, Altíssime.

Ad annuntiándum mane misericórdiam tuam, * et veritátem tuam per noctem:

In decachórdo psaltério, * cum cántico in cíthara.

Quia delectásti me, Dómine, in factúra tua: * et in opéribus mánuum tuárum exultábo.

Quam magnificáta sunt ópera tua, Dómine! * nimis profúndæ factæ sunt cogitationes tuæ.

Vir insípiens non cognóscet: * et stultus non intélliget hæc.

Cum exórti fúerint peccatóres sicut fœnum: * et apparúerint omnes, qui operántur iniquitátem.

Ut intéreant in sáeculum sáeculi: * tu autem Altíssimus in ætérnum, Dómine.

Quóniam ecce inimíci tui, Dómine, quóniam ecce inimíci tui períbunt: * et dispergéntur omnes, qui operántur iniquitátem.

Et exaltábitur sicut unicórnis cornu meum: * et senéctus mea in misericórdia úberi.

Et despéxit óculus meus inimícos meos: * et in insurgéntibus in me malignántibus áudiet auris mea.

Justus ut palma florébit: * sicut cedrus Líbani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur in senécta úberi: * et bene patiéntes erunt, ut annúntient.

Quóniam rectus Dóminus Deus noster: * et non est iníquitas in eo.

Antiph. Bonum est confitéri Dómino.

Antiph. ton. 1. f. Métuant Dóminum omnes fines terræ.

Psalmus. Deus, Deus meus 11.

Antiph. ton. 6. Date magnitudinem.

Canticum Moysi. Deut. 32.

A Udíte cœli, quæ loquor: * aúdiat terra verba oris mei.

Concréscat ut plúvia doctrína mea: * fluat ut ros elóquium meum.

Quasi imber super herbam, et quasi stillæ super grámina. * Quia nomen Dómini invocábo:

Date magnificéntiam Deo nostro. * Dei perfécta sunt ópera, et omnes viæ ejus judícia.

Deus fidélis, et absque ulla iniquitáte, justus et rectus. * Peccavérunt ei, et non filii ejus in sórdibus:

Generátio prava atque perversa. * Hæccine reddis Dómino, pópule stulte et insípiens?

Numquid non ipse est pater tuus, * qui possédit te, et fecit, et creávit te?

Meménto diérum antiquórum: * cógita generatiónes singulas:

ntérroga patrem tuum, et annuntiábit tibi: * majóres tuos, et dicent tibi.

Quando dividébat Altíssimus Gentes: * quando separábat filios Adam,

Constituit téminos populórum * juxta númerum filiórum Israel.

Pars autem Dómini pópulus ejus: * Jacob funículus hæreditátis ejus.

Invenit eum in terra desérta, * in loco horróris, et vastæ solitúdinis.

Circumdúxit eum, et dócuit: * et custodívit quasi pupíllam óculi sui.

Sicut áquila próvocans ad volándum pullos suos, * et super eos vólitans,

Expándit alas suas, et assúmpsit eum, * atque portávit in húmeris suis.

Dóminus solus dux ejus fuit: * et non erat cum eo deus aliénus.

Constituit eum super excélsam terram: * ut coméderet fructus agrórum,

Ut súgeret mel de petra, * oleúmque de saxo duríssimo:

Butýrum de arménto, et lac de óvibus * cum ádipe agnórum, et aríetum filiórum Basan:

Et hircos cum medúlla trítici, * et sanguinem uvæ bíberet meracíssimum.

Incrassátus est diléctus, et recalci-trávit: * incrassátus, impinguátus, dilatátus.

Derelsiquit Deum factórem suum, * et recéssit a Deo salutári suo.

Próvocavérunt eum in diis aliénis: * et in abominatióibus ad iracúndiam concitavérunt.

Immolavérunt dæmóniis, et non Deo: * diis, quos ignorábant:

Novi recentésque venérunt, * quos non coluérunt patres eórum.

Deum, qui te génuít, dereliquísti: * et oblítus es Dómini, creatóris tui.

Vidit Dóminus, et ad iracúndiam concitátus est: * quia provocavérunt eum filii sui et filiæ.

Et ait: Abscóndam fáciem meam ab eis, * et considerábo novíssima eórum.

Generátio enim perversa est, * et infidéles filii.

Ipsi me provocavérunt in eo, qui non erat deus, * et irritavérunt in vanitátibus suis:

Et ego provocábo eos in eo, qui non est pópulus, * et in gente stulta irritábo illos.

Ignis succénsus est in furóre meo, * et ardébit usque ad inférni novíssima:

Devorabítque terram cum gérmine suo, * et móntium fundaménta combúret.

Congregábo super eos mala, * et sagíttas meas complébo in eis.

Consuméntur fame, * et devorábunt eos aves morsu amaríssimo:

Dentes bestiárum immíttam in eos, * cum furóre trahéntium super terram, atque serpéntium.

Foris vastábit eos gládius, et intus pavor, * júvenem simul ac vírginem, lacténtem cum hómine sene.

Dixi: Ubinam sunt? * cessáre fáciem ex homínibus memóriam eórum.

Sed propter iram inimicórum dístuli: * ne forte superbírent hostes eórum.

Et dicerent: Manus nostra excelsa, et non Dóminus, * fecit hæc ómnia.

Gens absque consilio est, et sine prudentia. * Utinam sáperent, et intelligerent, ac novíssima providérent.

Quo modo persecuátur unus mille, * et duo fúgent decem míllia?

Nonne ídeo, quia Deus suus véndidit eos, * et Dóminus conclúsit illos?

Non enim est Deus noster, ut dii eórum: * et inimíci nostri sunt júdices.

De vínea Sodomórum, vínea eórum, * et de suburbánis Gomórrhæ.

Uva eórum uva fellis, * et botri amaríssimi.

Fel draconum vinum eórum, * et venenum áspidum insanábile.

Nonne hæc cóndita sunt apud me, * et signáta in thesaúris meis?

Mea est últio, et ego retríbui in témpore, * ut labátur pes eórum.

Juxta est dies perditionis, * et adésse festínant tépora.

Judicábit Dóminus pópulum suum, * et in servis suis miserébitur:

Vidébit, quod infirmáta sit manus, * et clausi quoque defecerunt, residuæque consúpti sunt.

Et dicet: Ubi sunt dii eórum, * in quibus habébant fidúciam?

De quorum víctimis comedébant ádipes, * et bibébant vinum libáminum?

Surgant, et opituléntur vobis, * et in necessitáte vos protégant.

Vidéte, quod ego sim solus: * et non sit álius deus præter me:

Ego occídám, et ego vívere fáciam: percútiam, et ego sanábo: * et non est, qui de manu mea possit erúere.

Levábo ad cælum mánum meam, et dicam: * Vivo ego in ætérnum.

Si acúero ut fulgur gládium meum, * et arripúerit júdiciu manus mea:

Reddam ultiónem hóstibus meis, * et his, qui odérunt me, retríbui.

Inebriábo sagíttas meas ságuine, * et gládus meus devorábit carnes,

De cruóre occisórum, * et de captivité, nudáti inimicórum cápitis.

Laudáte, Gentes, pópulum ejus: * quia sánguinem servórum suórum ulciscétur:

Et vindíctam retríbuet in hostes eórum, * et propítius erit terræ pópuli sui.

Antiph. Date magnitúdinem Deo nostro.

Antiph. ton. 4. In cýmbalis benesonántibus laudáte Deum.

Psalms. Laudáte Dóminum... 15.

In Quadragesima.

Capitulum.

Isaie 58.

CLama, ne cesses; quasi tuba exálta vocem tuam, et annúntia pópulo meo scélera eórum, et dómui Jacob peccáta eórum.

Hymnus.

O Sol salútis, íntimis,
Jesu, refúlge méntibus,
Dum, nocte pulsa, grátior
Orbi dies renáscitur.

Dans tempus acceptábile,
Da lacrymárum rívlis
Laváre cordis víctimam,
Quám læta adúrat chárítas.

Quo fonte manávit nefas,
Fluent perénnes lácrymæ,
Si virga pœniténtiæ
Cordis rigórem cónterat.

Dies venit, dies tua,
In qua reflórent ómnia:
Lætémur et nos, in viam
Tua redúcti délixera.

Te prona mundi máchina,
Clemens adóret Trínitas:
Et nos novi per grátiam
Novum canámus canticum. Amen.

V. Angelis suis Deus mandávit de te.

R. Ut custódiant te in ómnibus viis tuis.

Ad Benedictus, Antiphona propria, ut in Fériis Quadragesimæ.

Preces, quando dicendæ sunt, habentur supra in Feria secunda 50.

—✠—

DOMINICA AD VESPERAS.

Pater noster... Ave María...
V. Deus, in adiutorium. 14.
Ant. ton. 7. f. Dixit Dominus.
Temp. Pasch. Antiph. ton. 4. m. Alle-
 lúja. Sub qua sola Antiphona dicuntur
 omnes Psalmi Vesperarum, tam in
 Dominicis, quam in Feriis.

Psalmus 109.

Dixit Dominus Dómino meo: * Sede
 a dextris meis.

Donec ponam inimícos tuos, * sca-
 béllum pedum tuorum.

Virgam virtútis tuæ emíttet Dominus
 ex Sion: * domináre in médio inimi-
 córum tuorum.

Tecum princípium in die virtútis tuæ
 in splendóribus sanctorum: * ex útero
 ante lucíferum genui te.

Jurávit Dominus, et non pœnitébit
 eum: * Tu es sacerdos in ætérnum
 secúndum órđinem Melchisedech.

Dóminus a dextris tuis, * confrégit in
 die iræ suæ reges.

Judicábit in natió nibus, implébit ru-
 ínas: * conquassábit cápita in terra
 multórum.

De torrén te in via bibet: * proptérea
 exaltábit caput.

Antiph. Dixit Dominus Dómino meo:
 Sede a dextris meis.

Antiph. ton. 4. m. Fidélia.

Psalmus 110.

Confitebor tibi, Dómine, in toto
 corde meo: * in consílio justórum,
 et congregatióne.

Magna ópera Dómini: * exquisíta in
 omnes voluntátes ejus.

Confessio, et magnificéntia opus ejus:
 * et justítia ejus manet in sæculum
 sæculi.

Memóriam fecit mirabílium suórum,
 miséricors et miserátor Dominus: *
 escam dedit timéntibus se.

Memor erit in sæculum testaménti
 sui: * virtútem óperum suórum an-
 nuntiábit pópulo suo:

Ut det illis hæreditátem Géntium: *
 ópera mánuum ejus véritas, et judiciũ.
Fidélia ómnia mandáta ejus, confir-
 máta in sæculum sæculi, * facta in
 veritáte et æquitáte.

Redemptiõnem misit pópulo suo: *
 mandávit in ætérnum testaméntum
 suum.

Sanctum, et terríbile nomen ejus: *
 infítium sapiéntiæ timor Dómini.

Intelléctus bonus ómnibus facienti-
 bus eum: * laudátio ejus manet in
 sæculum sæculi.

Antiph. Fidélia ómnia mandáta ejus,
 confirmáta in sæculum sæculi.

Antiph. ton. 4. m. In mandátis.

Psalmus 111.

Beátus vir, qui timet Dóminum: *
 In mandátis ejus volet nimis.

Potens in terra erit semen ejus: * ge-
 nerátio rectórum benedicétur.

Glória, et divítiæ in domo ejus: * et
 justítia ejus manet in sæculum sæculi.

Exórtum est in ténebris lumen rectis:
 * miséricors, et miserátor, et justus.

Jucúndus homo, qui miserétur et cóm-
 modat, dispónet sermónes suos in
 judicio: * quia in ætérnum non com-
 movébitur.

In memória æténa erit justus: * ab
 auditióne mala non timébit.

Parátum cor ejus speráre in Dómino,
 confirmátum est cor ejus: * non com-
 movébitur, donec despíciat inimícos
 suos.

Dispérsit, dedit paupéribus: justítia
 ejus manet in sæculum sæculi, * cornu
 ejus exaltábitur in glória.

Peccátor vidébit, et irascétur, dénti-
 bus suis fremet et tabéscet: * desi-
 dérimum peccatórum períbit.

Antiph. In mandátis ejus cupit nimis.

Antiph. ton. 7. Sit nomen Dómini.

Psalmus 112.

Laudáte, púeri, Dóminum: * lau-
 date nomen Dómini.

Sit nomen Dómini benedíctum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes Gentes Dóminus, * et super cœlos glória ejus.

Quis sicut Dóminus Deus noster, qui in altis hábitat, * et humília respicit in cœlo, et in terra?

Súscitans a terra ínopem, * et de stércore érigens paúperem:

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Antiph. Sit nomen Dómini benedíctum in sæcula.

Antiph. ton. 4. m. Nos, qui vívimus.

Psalmus 113.

In éxitu Israel de Ægýpto, * domus Jacob de pópulo bárbaro.

Facta est Judæa sanctificátio ejus, * Israel potéstas ejus.

Mare vidit, et fugit: * Jordánis convérsus est retrórsum.

Montes exultavérunt ut aríetes: * et colles sicut agni óvium.

Quid est tibi, mare, quod fugísti? * et tu Jordánis, quia convérsus es retrórsum?

Montes, exultástis sicut aríetes, * et colles sicut agni óvium.

A fácie Dómini mota est terra, * a fácie Dei Jacob,

Qui convértit petram in stagna aquárum, * et rupem in fontes aquárum.

Non nobis, Dómine, non nobis, * sed nómini tuo da glóriam.

Super misericórdia tua, et veritáte tua: * ne quando dicant Gentes: Ubi est Deus eórum?

Deus autem noster in cœlo: * ómnia, quæcúmque vóluit, fecit.

Simulácra Géntium argéntum et aurum, * ópera mánuum hóminum.

Os habent, et non loquéntur: * óculos habent, et non vidébunt.

Aures habent, et non aúdiunt: * nares habent, et non odorábunt.

Manus habent, et non palpábunt: pedes habent, et non ambulábunt: * non clamábunt in gútture suo.

Símiles illis fiant, qui faciunt ea: * et omnes, qui confidunt in eis.

Domus Israel sperávit in Dómino: * adjútor eórum et protéctor eórum est.

Domus Aaron sperávit in Dómino: * adjútor eórum et protéctor eórum est.

Qui timent Dóminum, speravérunt in Dómino: * adjútor eórum et protéctor eórum est.

Dóminus memor fuit nostri: * et benedíxit nobis:

Benedíxit dómui Israel: * benedíxit dómui Aaron.

Benedíxit ómnibus, qui timent Dóminum, * pusíllis cum majóribus.

Adjíciat Dóminus super vos: * super vos, et super filios vestros.

Benedícti vos a Dómino, * qui fecit cœlum et terram.

Cœlum cœli Dómino: * terram autem dedit filiis hóminum.

Non mórtui laudábunt te, Dómine: * neque omnes, qui descéndunt in inférnum.

Sed nos, qui vívimus, benedícimus Dómino, * ex hoc nunc, et usque in sæculum.

Antiph. Nos, qui vívimus, benedícimus Dómino.

Tempore Paschali, Antiph. Allelúja, allelúja, allelúja.

Capitulum ut in Proprio de Tempore.

In Quadragesima.

Hymnus.

A Udi, benigne Cónditor,
Nostras preces cum flétibus,
In hoc sacro jejúnio
Fusas quadragenário.
Scrutátor alme córdium,
Infirma tu scis vírium:
Ad te revérsis éxhibe
Remissiónis grátiam.

Multum quidem peccávimus;
Sed parce confiténtibus:
Ad nóminis laudem tui
Confer medélam lánguidis.

Concède nostrum cónteri
Corpus per abstinéntiam;
Culpæ ut relínquant pábulum
Jejúna córda críminum.

Præsta, beáta Trínitas,
Concède, simplex Unitas,
Ut fructuósa sint tuis
Jejuniórum múnera. Amen.

V. Angelis suis Deus mandávit de te.

R. Ut custódiant te in ómnibus viis tuis.

Ad Magnificat Antiphona propria.

Tempore Paschali. Hymnus.

Ad régias Agni dapes
Stolis amícti cándidis
Post tránsitum Maris rubri
Christo canámus Príncipi.
Divína cujus cháritas
Sacrum propínat sánguinem,
Almíque membra córporis
Amor Sacérdos ímmolat.

Sparsum cruórem póstibus
Vastátor horret Angelus:
Fugítque dívísium mare:
Mergúntur hostes flúctibus.

Jam Pascha nostrum Christus est,
Paschális idem Víctima,
Et pura puris méntibus
Sinceritátis ázyna.

O vera cœli Víctima,
Subjécta cui sunt tártara,
Solúta mortis víncula
Recépta vitæ præmia.

Victor subáctis ínferis
Trophæa Christus éxplicat,
Cœlóque apérto, súbditum
Regem tenebrárum trahit.

Ut sis perénne méntibus
Paschále, Jesu, gaúdium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit ac Paráclito,
In sempitérna sæcula. Amen.

V. Mane nobíscum, Dómine, allelúja.

R. Quóniam advesperáscit, allelúja.

Ad Magnificat Antiphona propria.

Canticum B. M. V. Lucæ I. c.

Magníficat * ánima mea Dómi-
num:

Et exultávit spíritus meus * in Deo
salutári meo.

Quia respéxit humilitátem ancíllæ
suæ: * ecce enim ex hoc beátam me
dicent omnes generatiónes.

Quia fecit mihi magna qui potens est:
* et sanctum nomen ejus.

Et misericórdia ejus a progénie in
progénies * timéntibus eum.

Fecit poténtiam in bráchio suo: * di-
spérsit supérbos mente cordis sui.

Depósuit poténtes de sede, * et exal-
távit húmiles.

Esuriéntes implévit bonis: * et dívites
dimísit inánes.

Suscépit Israel púerum suum, * re-
cordátus misericórdiæ suæ.

Sicut locútus est ad patres nostros, *
Abraham, et sémini ejus in sæcula.

Glória Patri.

*Deinde dicitur Antiphona, et Oratio
propria.*

FERIA II. AD VESPERAS.

Antiph. ton. I. f. Inclínávit.

Temp. Pasch. Ant. ton. I. f. Allelúja.

Psalmus 114.

Diléxi, quóniam exaúdiet Dóminus
* vocem oratiónis meæ.

Quia inclinávit aurem suam mihi: *
et in diébus meis invocábo.

Circumdedérunt me dolóres mortis: *
et perícula inférni invenérunt me.

Tribulatiónem et dolórem invéni: *
et nomen Dómini invocávi.

O Dómine, líbera ánimam meam: *
miséricors Dóminus, et justus, et
Deus noster miserétur.

Custódiens párvulos Dóminus: * hu-
miliátus sum, et liberávit me.

Convértere ánima mea, in réquiem
tuam: * quia Dóminus benefécit tibi.

Quia eripuit animam meam de morte:
* oculos meos a lacrymis, pedes meos
a lapsu.

Placébo Dómino * in regione vivórum.

Antiph. Inclínávit Dóminus aurem
suam mihi.

Antiph. ton. 8. f. Crédidi.

Psalmus 115.

CRédidi, propter quod locútus sum:
* ego autem humiliátus sum nimis.
Ego dixi in excéssu meo: * Omnis
homo mendax.

Quid retríbuam Dómino * pro ómni-
bus, quæ retríbuit mihi?

Cálicem salutáris accípiam: * et no-
men Dómini invocábo.

Vota mea Dómino reddam coram
omni pópulo ejus: * pretiósa in con-
spéctu Dómini mors Sanctórum ejus.

O Dómine, quia ego servus tuus: *
ego servus tuus, et fílius ancillæ tuæ.
Dirupísti víncula mea: * tibi sacrifi-
cábo hóstiam laudis, et nomen Dómini
invocábo.

Vota mea Dómino reddam in con-
spéctu omnis pópuli ejus: * in átriis
domus Dómini, in médio tui Jerúsalem.

Antiph. Crédidi, propter quod lo-
cútus sum.

Antiph. ton. 6. Laudáte.

Psalmus 116.

Laudáte Dóminum, omnes Gentes:
* laudáte eum, omnes pópuli:

Quóniam confirmáta est super nos
misericórdia ejus: * et véritas Dómini
manet in ætérnum.

Antiph. Laudáte Dóminum, omnes
Gentes.

Antiph. ton. 1. l. Clamávi.

Psalmus 119.

Ad Dóminum, cum tribulárer, cla-
mávi: * et exaudívit me.

Dómine, líbera animam meam a lá-
biis iníquis, * et a lingua dolósa.

Quid detur tibi, aut quid apponátur
tibi * ad linguam dolósam?

Sagíttæ poténtis acútæ, * cum car-
bónibus desolatóriis.

Heu mihi, quia incolátus meus pro-
longátus est: habitávi cum habitán-
tibus Cedar: * multum íncola fuit
ánima mea.

Cum his, qui odérunt pacem, eram
pacíficus: * cum loquébar illis, im-
pugnábant me gratis.

Ant. Clamávi, et exaudívit me.

Antiph. ton. 1. l. Unde véniet.

Psalmus 120.

Levávi oculos meos in montes, *
unde véniet auxílium mihi.

Auxílium meum a Dómino, * qui fecit
cælum et terram.

Non det in commotióne pedem tuum:
* neque dormítet, qui custódit te.

Ecce non dormitábit, neque dórmiet,
* qui custódit Israel.

Dóminus custódit te, Dóminus proté-
ctió tua, * super manum dexteram tuam.
Per diem sol non uret te, * neque luna
per noctem.

Dóminus custódit te ab omni malo: *
custódiat ánimam tuam Dóminus.

Dóminus custódiat intróitum tuum, et
éxitum tuum: * ex hoc nunc, et usque
in sæculum.

Antiph. Unde véniet auxílium mihi.

Tempore Paschali, Antiph. Alle-
lúja, allellúja, allellúja.

In Quadragesima.

Capitulum.

Joel. 2. d.

Inter vestibulum et altáre plorá-
bunt sacerdótes minístri Dómini,
et dicent: Parce Dómine, parce pó-
pulo tuo, et ne des hæreditátem tuam
in oppróbrium, ut dominéntur eis
natiónes.

Hymnus.

Audi, benigne Cónditor,
Nostras preces cum fléibus,
In hoc sacro jejúnio
Fusas quadragenário.
Scrutátor alme córdium,
Infírma tu scis vírium:
Ad te revérsis éxhibe
Remissiónis grátiam.

Multum quidem peccávimus;
Sed parce confiténtibus:
Ad nóminis laudem tui
Confer medélam lánguidis.

Concéde nostrum cónteri
Corpus per abstinéntiam;
Culpæ ut relínquant pábulum
Jejuna corda críminum.

Præsta, beáta Trínitas,
Concéde, simplex Unitas,
Ut fructuósa sint tuis
Jeiuniórum múnera. Amen.

Ŷ. Angelis suis Deus mandávit de te.

℞. Ut custódiant te in ómnibus viis
tuis.

Ant. ad Magnificat, et Oratio propria.

Tempore Paschali.

Capitulum. Rom. 6. b.

Christus resúrgens ex mórtuis, jam
non móritur, mors illi ultra non
dominábitur. Quod enim mórtuus est
peccáto, mórtuus est semel: quod
autem vivit, vivit Deo.

Hymnus.

Ad régias Agni dapes
Stolis amícti cándidis,
Post tránsitum Maris rubri,
Christo canámus Príncipi.

Divína cujus cháritas
Sacrum propínat sánguinem,
Almíque membra córporis
Amor Sacérdos ímmolat.

Sparsum cruórem póstibus
Vastátor horret Angelus:
Fugítque dívísium mare:
Mergúntur hostes flúctibus.

Jam Pascha nostrum Christus est.
Paschális idem Víctima,
Et pura puris méntibus
Sinceritátis ázyna.

O vera cœli Víctima,
Subjécta cui sunt tártara,
Solúta mortis víncula,
Recépta vitæ præmia.

Victor subáctis ínferis
Trophæa Christus éxplicat,
Cœlóque apérto, súbditum
Regem tenebrárum trahit.

Ut sis perénne méntibus
Paschále, Jesu, gaúdium;
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit ac Paráclito,
In sempitérna sæcula. Amen.

Ŷ. Mane nobíscum, Dómine, allelúja.

℞. Quóniam advesperáscit, allelúja.

Ad Magnificat, Antiphona propria.

In Feriis Quadragesimæ post Anti-
phonam ad Magnificat dicuntur se-
quentes Preces flexis genibus; aliis
Temporibus non dicuntur.

K Yrie, eléison. Christe, eléison.
K Yrie eléison. Pater noster...
totum dicitur clara voce.

Ŷ. Et ne nos indúcas in tentatiónem.

℞. Sed líbera nos a malo.

Ŷ. Ego dixi: Dómine, miserére mei.

℞. Sana ánimam meam, quia pec-
cávi tibi.

Ŷ. Convértere, Dómine, úsquequo.

℞. Et deprecábilis esto super servos
tuos.

Ŷ. Fiat misericórdia tua, Dómine, su-
per nos.

℞. Quemádmódum sperávimus in te.

Ŷ. Sacerdótes tui induántur justí-
tiam.

℞. Et Sancti tui exúltent.

Ŷ. Dómine, salvum fac Regem.

℞. Et exaúdi nos in die, qua invoca-
vérimus te.

Ŷ. Salvum fac pópulum tuum, Dó-
mine, et bénedic hæreditáti tuæ.

℞. Et rege eos, et extólle illos usque
in ætérnum.

Ŷ. Meménto congregatiónis tuæ.

℞. Quam possedísti ab ínítio.

Ŷ. Fiat pax in virtúte tua.

℞. Et abundántia in túrribus tuis.

Ŷ. Orémus pro fidélibus defúctis.

℞. Réquiem ætérnam dona eis, Dó-
mine, et lux perpétua lúceat eis.

Ŷ. Requiéscant in pace.

℞. Amen.

V. Pro fratribus nostris abséntibus.
 R. Salvos fac servos tuos, Deus meus,
 sperántes in te.
 V. Pro afflíctis et captívis.
 R. Líbera eos, Deus Israel, ex ómni-
 bus tribulatió nibus suis.
 V. Mitte eis, Dómine, auxílium de
 Sancto.
 R. Et de Sion tuére eos.
 V. Dómine, exaúdi oratió nem meam.
 R. Et clamor meus ad te véniat.

Deinde dicitur Psalmus 50.

Miserere mei, Deus, * secúndum
 magnam misericórdiam tuam,
 Et secúndum multitudínem misera-
 tió num tuárum * dele iniquitátem
 meam.

Amplius lava me ab iniquitáte mea,
 * et a peccáto meo munda me.

Quóniam iniquitátem meam ego co-
 gnó sco, * et peccátum meum contra
 me est semper.

Tibi soli peccávi, et malum coram te
 feci, * ut justificéris in sermónibus
 tuis, et vincas, cum judicáris.

Ecce enim in iniquitátibus concéptus
 sum, * et in peccátis concépit me
 mater mea.

Ecce enim veritátem dilexísti; * in-
 cértá et occúlta sapiéntiæ tuæ mani-
 festásti mihi.

Aspér ges me hyssópo et mundábor,
 * lavábis me, et super nivem deal-
 bábor.

Audítui meo dabis gaúdium et lætí-
 tiam, * et exultábunt ossa humiliáta.

Avérte faciém tuam a peccátis meis,
 * et omnes iniquitátes meas dele.

Cor mundum crea in me, Deus, * et
 spíritum rectum ín nova in viscéri-
 bus meis.

Ne projicias me a fácie tua, * et
 Spíritum sanctum tuum ne aúferas
 a me.

Redde mihi lætítiam salutáris tui, *
 et spíritu principáli confírma me.

Docébo iníquos vias tuas, * et ímpii
 ad te converténtur.

Líbera me de sanguínibus, Deus,
 Deus salutis meæ, * et exultábit lingua
 mea justítiam tuam.

Dómine, lábia mea apéries, * et os
 meum annuntiábit laudem tuam.

Quóniam si voluís ses sacrificium, de-
 dí ssem útique; * holocaústis non de-
 lectáberis.

Sacrificium Deo spíritus contribulá-
 tus; * cor contrítum et humiliátum,
 Deus, non despícies.

Benígne fac, Dómine, in bona volun-
 táte tua Sion, * ut ædificéntur muri
 Jerúsalem.

Tunc acceptábis sacrificium justítiæ,
 oblatiões et holocaústa; * tunc im-
 pónent super altáre tuum vítulos.

Glória Patri...

Finito Psalmo dicitur

V. Dómine Deus virtútum, convérte
 nos.

R. Et osténde faciém tuam, et salvi
 érimus.

V. Exúrge, Christe, ádjuva nos.

R. Et líbera nos propter nomen tuum.

V. Dómine, exaúdi oratió nem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Oratio, quando propria non assigna-
 tur, dicitur de Dominica præcedenti,
 ut habetur in Proprio de Tempore.

Deinde, si dicenda sit, fit Commem-
 oratio de Cruce, 115. cum reliquis
 Commemorationibus seu Suffragiis ut
 infra post Vesperas Sabbati; 116.

☩

FERIA III. AD VESPERAS.

Antiph. ton. 1. m. In domum Dómini.

Temp. Pasch. Ant. ton. 1. m. A llelúja.

Psalmus 121.

Lætátus sum in his, quæ dicta sunt
 mihi: * in domum Dómini íbimus.
 Stantes erant pedes nostri * in átriis
 tuis, Jerúsalem.

Jerúsalem, quæ ædificá tur ut civitas:
 * cujus participá tio ejus in idípsum.

Illuc enim ascendérunt tribus, tribus Dómini: * testimónium Israel ad confiténdum nómini Dómini:

Quia illic sedérunt sedes in iudício, * sedes super domum David.

Rogáte, quæ ad pacem sunt Jerúsalem: * et abundantia diligéntibus te.

Fiat pax in virtúte tua: * et abundantia in túrribus tuis.

Propter fratres meos, et próximos meos, * loquébar pacem de te.

Propter domum Dómini Dei nostri, * quæsívi bona tibi.

Antiph. In domum Dómini lætántes íbimus.

Antiph. ton. 8. Qui hábitas.

Psalmus 122.

AD te levávi óculos meos, * qui hábitas in cœlis.

Ecce sicut óculi servórum * in máni-bus dominórum suórum.

Sicut óculi ancíllæ in máni-bus dómínæ suæ: * ita óculi nostri ad Dóminum Deum nostrum, donec misereá-tur nostri.

Miserére nostri, Dómine, miserére nostri: * quia multum repléti sumus despectióne:

Quia multum repléta est ánima nostra: * oppróbrium abundantibus, et despectio supérbis.

Antiph. Qui hábitas in cœlis, misere-re nobis.

Antiph. ton. 1. f. Adjutórium.

Psalmus 123.

Nisi quia Dóminus erat in nobis, dicat nunc Israel: * nisi quia Dóminus erat in nobis,

Cum exúrgerent hómines in nos, * forte vivos deglutísset nos:

Cum irascerétur furor eórum in nos, * fórsitan aqua absorbuísset nos.

Torréntem pertransívit ánima nostra: * fórsitan pertransísset ánima nostra aquam intolerábilem.

Benedíctus Dóminus, * qui non dedit nos in captiónem déntibus eórum.

Anima nostra sicut passer erépta est * de láqueo venántium.

Láqueus contrítus est, * et nos liberáti sumus.

Adjutórium nostrum in nómine Dómini, * qui fecit cœlum et terram.

Antiph. Adjutórium nostrum in nómine Dómini.

Antiph. ton. 8. f. Bénéfac.

Psalmus 124.

Qui confídunt in Dómino, sicut mons Sion: * non commovébitur in ætérnum, qui hábitat in Jerúsalem. Montes in circúitu ejus: * et Dóminus in circúitu pópuli sui ex hoc nunc, et usque in sæculum.

Quia non relínquet Dóminus virgam peccatórum super sortem justórum: * ut non exténdant justí ad iniquitátem manus suas.

Bénéfac, Dómine, bonis * et rectis corde.

Declinántes autem in obligatiónes, addúcet Dóminus cum operántibus iniquitátem: * pax super Israel.

Antiph. Bénéfac, Dómine, bonis et rectis corde.

Antiph. ton. 1. l. F acti sumus.

Psalmus 125.

IN converténdo Dóminus captivitátem Sion: * facti sumus sicut consoláti.

Tunc replétum est gaúdio os nostrum, * et lingua nostra exultatióne.

Tunc dicent inter Gentes: * Magnificávit Dóminus fácere cum eis,

Magnificávit Dóminus fácere nobíscum: * facti sumus lætántes.

Convérte, Dómine, captivitátem nostram, * sicut torrens in Austro.

Qui sémant in lácrymis, * in exultatióne metent.

Eúntes ibant, et flebant, * mitténtes sémína sua.

Veniéntes autem vénient cum exultatióne, * portántes manípulos suos.

Antiph. F acti sumus sicut consoláti.

Tempore Paschali, Antiph. Allelúja, allelúja, allelúja.

Capitulum, Hymnus, V., Antiph. ad Magnificat, et Oratio pro Tempore, ut in Vesperis Feriæ II. 104.

Preces, si dicendæ sint, habentur supra. 105.

FERIA IV. AD VESPERAS.

Antiph. ton. 2. Non confundetur.

Temp. Pasch., Antiph. ton. 2. Allelúja.

Psalmus 126.

Nisi Dóminus ædificáverit domum, * in vanum laboravérunt, qui ædificant eam.

Nisi Dóminus custodíerit civitátem, * frustra vígilat, qui custódit eam.

Vanum est vobis ante lucem súrgere: * súrgite, postquam sedéritis, qui manducátis panem dolóris.

Cum déderit diléctis suis somnum: * ecce hæréditas Dómini, ffilii: merces, fructus ventris.

Sicut sagíttæ in manu poténtis: * ita filii excussórum.

Beátus vir, qui implévit desidérium suum ex ipsis: * non confundetur, cum loquétur inimícis suis in porta.

Antiph. Non confundetur, cum loquétur inimícis suis in porta.

Antiph. ton. 2. Beáti.

Psalmus 127.

Beáti omnes, qui timent Dóminum, * qui ámbulant in viis ejus.

Labóres mánuum tuárum quia manducábis: * beátus es, et bene tibi erit.

Uxor tua sicut vitis abúndans, * in latéribus domus tuæ.

Fílii tui sicut novéllæ olivárum, * in circúitu mensæ tuæ.

Ecce sic benedicétur homo, * qui timet Dóminum.

Benedícat tibi Dóminus ex Sion: * et vídeas bona Jerúsalem ómnibus diébus vitæ tuæ.

Et vídeas filios filiórum tuórum, * pacem super Israel.

Antiph. Beáti omnes, qui timent Dóminum.

Antiph. ton. 4. Sæpe.

Psalmus 128.

Sæpe expugnavérunt me a juventúte mea, * dicat nunc Israel.

Sæpe expugnavérunt me a juventúte mea: * étenim non potuérunt mihi.

Supra dorsum meum fabricavérunt peccatóres: * prolongavérunt iniquitátem suam.

Dóminus justus concídit cervíces peccatórum: * confundántur et convertántur retrórsus omnes, qui odérunt Sion.

Fiant sicut fœnum tectórum, * quod priúsqvam evellátur, exáruit:

De quo non implévit manum suam, qui metit, * et sinum suum, qui manípulos colligit.

Et non dixerunt, qui præteríbant: Benedíctio Dómini super vos: * benedíximus vobis in nómine Dómini.

Antiph. Sæpe expugnavérunt me a juventúte mea.

Antiph. ton. 1. 1. De profúndis.

Psalmus 129.

De profúndis clamávi ad te, Dñe: * Dómine, exáudi vocem meam.

Fiant aures tuæ intendéntes, * in vocem deprecationis meæ.

Si iniquitátes observáveris, Dómine: * Dómine, quis sustinébit?

Quia apud te propitiátio est: * et propter legem tuam sustínui te, Dómine.

Sustínuit ánima mea in verbo ejus: * sperávit ánima mea in Dómino.

A custódia matutína usque ad noctem, * speret Israel in Dómino.

Quia apud Dóminum misericórdia, * et copiósia apud eum redemptio.

Et ipse rédimet Israel * ex ómnibus iniquitátibus ejus.

Ant. De profúndis clamávi ad te, Dñe.

Antiph. ton. 1. 1. Speret.

Psalmus 130.

Domine, non est exaltátum cor meum: * neque eláti sunt óculi mei.

Neque ambulávi in magnis: * neque in mirábilibus super me.

Si non humíliter sentiébam: * sed exaltávi ánimam meam.

Sicut ablactátus est super matre sua: * ita retribútio in ánima mea.

Speret Israel in Dómino, * ex hoc nunc, et usque in sáeculum.

Antiph. Speret Israel in Dómino.

Tempore Paschali, Antiphona. Allelúja, allelúja, allelúja.

Capitulum, Hymnus, V., Antiphona ad Magnificat, et Oratio pro Tempore, ut in Vesperis Feriæ II., 104.

Preces, si dicendæ sint, habentur supra 105.

CCC

FERIA V. AD VESPERAS.

Antiph. ton. 1. l. Et omnis.

Temp. Pasch. Ant. ton. 1. l. Allelúja.

Psalmus 131.

Memento, Dómine, David, * et omnis mansuetúdinis ejus: Sicut jurávit Dómino, * votum vovit Deo Jacob:

Si introíero in tabernáculum domus meæ, * si ascéndero in lectum strati mei: Si dédero somnum óculis meis, * et pálpebris meis dormitatiónem:

Et réquiem tempóribus meis, donec invéniam locum Dómino, * tabernáculum Deo Jacob.

Ecce audívimus eam in Ephrata: * invénimus eam in campis silvæ.

Introibimus in tabernáculum ejus: * adorábitus in loco, ubi stetérunt pedes ejus.

Surge, Dómine, in réquiem tuam, * tu et arca sanctificatiónis tuæ.

Sacerdótes tui induántur justítiam: * et sancti tui exúltent.

Propter David servum tuum, * non avértas fáciem Christi tui.

Jurávit Dóminus David veritátem, et non frustrábitur eam: * de fructu ventris tui ponam super sedem tuam.

Si custodíerint filii tui testaméntum meum, * et testimónia mea hæc, quæ docébo eos.

Et filii eórum usque in sáeculum * sedébunt super sedem tuam.

Quóniam elégit Dóminus Sion: * elégit eam in habitatióem sibi.

Hæc réquies mea in sáeculum sáeculi: * hic habitábo, quóniam elégi eam.

Víduam ejus benedícens benedícam: * paúperes ejus saturábo pánibus.

Sacerdótes ejus induam salutári: * et sancti ejus exultatióne exultábunt.

Illuc producam cornu David, * parávi lucérnam Christo meo.

Inimícos ejus induam confusióne: * super ipsum autem efflorebit sanctificatió mea.

Antiph. Et omnis mansuetúdinis ejus.

Antiph. ton. 4. Ecce.

Psalmus 132.

Ecce quam bonum, et quam jucúndum, * habitáre fratres in unum: Sicut unguéntum in cápite, * quod descéndit in barbam, barbam Aaron, Quod descéndit in oram vestiménti ejus: * sicut ros Hermon, qui descéndit in montem Sion.

Quóniam illic mandávit Dóminus benedictiónem, * et vitam usque in sáeculum.

Antiph. Ecce quam bonum, et quam jucúndum, habitáre fratres in unum.

Antiph. ton. 3. d. Omnia.

Psalmus 134.

Laudáte nomen Dómini, * laudáte servi Dóminum.

Qui statis in domo Dómini, * in átriis domus Dei nostri.

Laudáte Dóminum, quia bonus Dóminus: * psállite nómini ejus, quóniam suave.

Quóniam Jacob elégit sibi Dóminus, * Israel in possessionem sibi.

Quia ego cognóvi, quod magnus est Dóminus, * et Deus noster præ ómnibus diis.

Omnia quaecúmque vóluit Dóminus fecit in cœlo et in terra, * in mari et in ómnibus abyssis.

Edúcens nubes ab extrémó terræ: * fúlgora in plúviam fecit.

Qui producit ventos de thesaúris suis, * qui percússit primogénita Ægýpti ab hómine usque ad pecus.

Et misit signa et prodígia in médio tui, Ægýpte: * in Pharaónem, et in omnes servos ejus.

Qui percússit gentes multas: * et occídit reges fortes:

Sehon regem Amorrhæórum, et Og regem Basan, * et ómnia regna Chánaan.

Et dedit terram eórum hæreditátem, * hæreditátem Israel pópulo suo.

Dómine, nomen tuum in ætérnum: * Dómine, memoriále tuum in generatióem et generatióem.

Quia judicábit Dóminus pópulum suum: * et in servis suis deprecábitur.

Simulácra Gentium argéntum et aurum, * ópera mánuum hóminum.

Os habent, et non loquéntur, * óculos habent, et non vidébunt.

Aures habent, et non aúdiunt: * neque enim est spíritus in ore ipsórum.

Símiles illis fiant, qui faciunt ea, * et omnes, qui confidunt in eis.

Domus Israel benedícite Dómino: * domus Aaron benedícite Dómino.

Domus Levi benedícite Dómino: * qui timétis Dóminum, benedícite Dómino.

Benedíctus Dóminus ex Sion, * qui hábitat in Jerúsalem.

Antiph. Omnia quaecúmque vóluit, Dóminus fecit.

Antiph. ton. 3. d. Quóniam in ætérnum.

Psalmus 135.

Confitémini Dómino, quóniam bonus: * quóniam in ætérnum misericórdia ejus.

Confitémini Deo deórum: * quóniam in ætérnum misericórdia ejus.

Confitémini Dómino dominórum: * quóniam in ætérnum misericórdia ejus.

Qui facit mirabília magna solus: * quóniam in ætérnum misericórdia ejus.

Qui fecit cœlos in intelléctu: * quóniam in ætérnum misericórdia ejus.

Qui firmávit terram super aquas: * quóniam in ætérnum misericórdia ejus.

Qui fecit luminária magna: * quóniam in ætérnum misericórdia ejus.

Solem in potestátem diéi: * quóniam in ætérnum misericórdia ejus.

Lunam et stellas in potestátem noctis: * quóniam in ætérnum misericórdia ejus.

Qui percússit Ægýptum cum primogénitis eórum: * quóniam in ætérnum misericórdia ejus.

Qui edúxit Israel de médio eórum: * quóniam in ætérnum misericórdia ejus.

In manu poténti et bráchio excélso: * quóniam in ætérnum misericórdia ejus.

Qui divísit mare rubrum in divisiónes: * quóniam in ætérnum misericórdia ejus.

Et edúxit Israel per médium ejus: * quóniam in ætérnum misericórdia ejus.

Et excússit Pharaónem et virtútem ejus in mari rubro: quóniam in ætérnum misericórdia ejus.

Qui tradúxit pópulum suum per désertum: * quóniam in ætérnum misericórdia ejus.

Qui percússit reges magnos: * quóniam in ætérnum misericórdia ejus.

Et occídit reges fortes: * quóniam in ætérnum misericórdia ejus.

Sehon regem Amorrhæórum: * quóniam in ætérnum misericórdia ejus,

Et Og regem Basan: * quóniam in ætérnum misericórdia ejus.

Et dedit terram eórum hæreditátem: * quóniam in ætérnum misericórdia ejus.

Hæreditátem Israel servo suo: * quóniam in ætérnum misericórdia ejus.

Quia in humilitáte nostra memor fuit nostri: * quóniam in ætérnum misericórdia ejus.

Et redémit nos ab inimícis nostris: * quóniam in ætérnum misericórdia ejus.

Qui dat escam omni carni: * quóniam in ætérnum misericórdia ejus.

Confitémini Deo cœli: * quóniam in ætérnum misericórdia ejus.

Confitémini Dómino dominórum: * quóniam in ætérnum misericórdia ejus.

Antiph. Quóniam in ætérnum misericórdia ejus.

Antiph. ton. 8. Hymnum cantáte.

Psalmus 136.

Super flúmina Babylónis illic sédimus et flévimus, * cum recordémur Sion:

In salícibus in médio ejus, * suspéndimus órgana nostra.

Quia illic interrogavérunt nos, qui captívos duxérunt nos, * verba cantiónum.

Et qui abduxérunt nos: * Hymnum cantáte nobis de cánticis Sion.

Quómodo cantábimus cánticum Dómini * in terra aliéna?

Si oblítus fúero tui, Jerúsalem, * oblivióni detur délixtera mea.

Adhæreat lingua mea faúicibus meis, * si non memínero tui:

Si non proposúero Jerúsalem, * in princípío lætítiæ meæ.

Memor esto, Dómine, filiórum Edom, * in die Jerúsalem:

Qui dicunt: Exinaníte, exinaníte * usque ad fundaméntum in ea.

Fília Babylónis mísera: * beátus, qui retríbuet tibi retributióem tuam, quam retribuísti nobis.

Beátus, qui tenébit, * et allídet párvulos tuos ad petram.

Antiph. Hymnum cantáte nobis de cánticis Sion.

Tempore Paschali, Antiphona. Allelúja, allelúja, allelúja.

Capitulum, Hymnus, V., Antiphona ad Magnificat, et Oratio pro Tempore, ut in Vesperis Feriæ II., 104.

Preces, si dicendæ sint, habentur supra. 105.

FERIA VI. AD VESPERAS.

Antiph. ton. 5. In conspéctu.

Temp. Pasch. Ant. ton. 1. l. Allelúja.

Psalmus 137.

Confitebortibi, Dómine, in toto corde meo: * quóniam audísti verba oris mei.

In conspéctu Angelórum psallam tibi: * adorábo ad templum sanctum tuum, et confitebor nómini tuo.

Super misericórdia tua, et veritate tua: * quóniam magnificásti super omne, nomen sanctum tuum.

In quacúmque die invocávero te, exáudi me: * multiplicábis in ánima mea virtútem.

Confiteántur tibi, Dómine, omnes reges terræ: * quia audiérunt ómnia verba oris tui:

Et cantent in viis Dómini: * quóniam magna est glória Dómini.

Quóniam excélsus Dóminus, et humília réspicit: * et alta a longe cognóscit.

Si ambulávero in médio tribulatiónis, vivificábis me: * et super iram inimicórum meórum extendísti manum tuam, et salvum me fecit délixtera tua.

Dóminus retríbuet pro me: Dómine, misericórdia tua in sæculum: * ópera mánuum tuárum ne despicias.

Antiph. In conspéctu Angelórum psallam tibi, Deus meus.

Antiph. ton. 8. f. Dómine.

Psalmus 138.

Domine, probásti me, et cognovísti me: * tu cognovísti sessiόnem meam, et resurrectiόnem meam.

Intelléxísti cogitatiόnes meas de longe: * sémitam meam, et fúniculum meum investigásti.

Et omnes vias meas prævidísti: * quia non est sermo in lingua mea.

Ecce, Dómine, tu cognovísti ómnia, novíssima et antíqua: * tu formásti me, et posuísti super me manum tuam.

Mirabilis facta est sciéntia tua ex me:
* confortáta est, et non pótero ad eam.

Quo ibo a spírítu tuo? * et quo a fácie
tua fúgiam?

Si ascéndero in cœlum, tu illic es: *
si descéndero in inférnum, ades.

Si sumpsero pennas meas dilúculo,
* et habitávero in extrémis maris:

Etenim illuc manus tua dedúcet me:
* et tenébit me délixtera tua.

Et dixi: Fórsitan ténebræ conculcá-
bunt me: * et nox illuminátio mea in
delíciis meis.

Quia ténebræ non obscurabúntur a
te, et nox sicut dies illuminábitur: *
sicut ténebræ ejus, ita et lumen ejus.

Quia tu possedísti, renes meos: * sus-
cepísti me de útero matris meæ.

Confitébor tibi, quia terribíliter ma-
gnificátus es: * mirabília ópera tua,
et ánima mea cognóscit nimis.

Non est occultátum os meum a te,
quod fecísti in occulto: * et substán-
tia mea in inferióribus terræ.

Imperféctum meum vidérunt óculi tui,
et in libro tuo omnes scribéntur: *
dies formabúntur, et nemo in eis.

Mihi autem nimis honorificáti sunt
amíci tui, Deus: * nimis confortátus
est principátus eórum.

Dinumerábo eos, et super arénam
multiplicabúntur: * exsurrexi, et ad-
huc sum tecum.

Si occíderis, Deus, peccatóres: * viri
sánguinum declináte a me.

Quia dícitis in cogitatíone: * Accípi-
ent in vanitáte civitátes tuas.

Nonne qui odérunt te, Dómine, óde-
ram? * et super inimícos tuos tabes-
cébam?

Perfécto ódio óderam illos: * et ini-
míci facti sunt mihi.

Proba me, Deus, et scito cor meum:
* intérroga me, et cognósce sémitas
meas.

Et vide, si via iniquitátis in me est:
* et deduc me in via æténa.

Antiph. Dómine, probásti me et co-
gnovísti me.

Antiph. ton. 4. m. A viro iníquo.

Psalmus 139.

ERipe me, Dómine, ab hómine malo:
* a viro iníquo éripe me.

Qui cogitavérunt iniquitátes in corde:
* tota die constituébant prœlia.

Acuérunt linguas suas sicut serpéntis:
* venénúm áspidum sub lábiis eórum.

Custódi me, Dómine, de manu pec-
catóris: * et ab homínibus iníquis
éripe me.

Qui cogitavérunt supplantáre gressus
meos: * abscondérunt supérbi láque-
um mihi:

Et funes extendérunt in láqueum: *
juxta iter scándalum posuérunt mihi.

Dixi Dómino: Deus meus es tu: * ex-
aúdi, Dómine, vocem deprecatiónis
meæ.

Dómine, Dómine, virtus salútis meæ:
* obumbrásti super caput meum in
die belli:

Ne tradas me, Dómine, a desidério
meo peccatóri: * cogitavérunt contra
me, ne derelínquas me, ne forte ex-
alténtur.

Caput circúitus eórum: * labor labi-
órum ipsórum opériet eos.

Cadent super eos carbónes, in ignem
dejícies eos: * in misériis non sub-
sístent.

Vir linguósus non dirigétur in terra:
* virum injústum mala cápient in in-
térítu.

Cognóvi, quia fáciét Dóminus judíci-
um inopis, * et vindíctam paúperum.
Verúmtamen justí confitebúntur nó-
mini tuo: * et habitábunt rectí cum
vultu tuo.

Antiph. A viro iníquo líbera me,
Dómine.

Antiph. ton. 8. f. Dómine.

Psalmus 140.

Domine, clamávi ad te, exaúdi me:
* inténde voci meæ, cum clamá-
vero ad te.

Dirigatur oratio mea, sicut incensum in conspectu tuo: * elevatio manuum meorum sacrificium vespertinum.

Pone, Domine, custodiam ori meo: * et ostium circumstantiae labiis meis.

Non declines cor meum in verba malitiae, * ad excusandas excusationes in peccatis.

Cum hominibus operantibus iniquitatem: * et non communicabo cum electis eorum.

Corripiet me justus in misericordia, et increpabit me: * oleum autem peccatoris non impinguet caput meum.

Quoniam adhuc et oratio mea in beneplacitis eorum: * absorpti sunt iuncti petrae iudices eorum.

Audient verba mea, quoniam potuerunt: * sicut crassitudo terrae erupta est super terram.

Dissipata sunt ossa nostra secus infernum: * quia ad te, Domine, Domine, oculi mei: in te speravi, non auferas animam meam.

Custodi me a laqueo, quem statuerunt mihi: * et a scandalis operantium iniquitatem.

Cadent in retiiculo ejus peccatores: * singulariter sum ego, donec transeam.

Antiph. Domine, clamavi ad te, exaudi me.

Antiph. ton. 5. Portio mea.

Psalmus 141.

Voce mea ad Dominum clamavi: * voce mea ad Dominum deprecatus sum:

Effundo in conspectu ejus orationem meam, * et tribulationem meam ante ipsum pronuntio.

In deficiendo ex me spiritum meum, * et tu cognovisti semitas meas.

In via hac, qua ambulabam, * absconderunt laqueum mihi.

Considerabam ad dexteram, et videbam: * et non erat, qui cognosceret me.

Periit fuga a me, * et non est, qui requirat animam meam.

Clamavi ad te, Domine, * dixi: Tu es spes mea, portio mea in terra viventium.

Intende ad deprecationem meam: * quia humiliatus sum nimis.

Libera me a persequentibus me: * quia confortati sunt super me.

Educ de custodia animam meam ad confitendum nomini tuo: * me expectant justi, donec retribuas mihi.

Antiph. Portio mea, Domine, sit in terra viventium.

Tempore Paschali, Antiphona. Allelúja, allelúja, allelúja.

Capitulum, Hymnus, V., Antiphona ad Magnificat, et Oratio pro Tempore, ut in Vesperis Feriae II., 104.

Preces, quando dicendae sunt, habentur supra. 105.

oro

SABBATO AD VESPERAS.

Antiph. ton. 6. Benedictus.

Temp. Pasch. Antiph. ton. 6. Allelúja.

Psalmus 143.

Benedictus Dominus Deus meus, qui docet manus meas ad praelium, * et digitos meos ad bellum.

Misericordia mea, et refugium meum: * susceptor meus, et liberator meus:

Protector meus, et in ipso speravi: * qui subdit populum meum sub me.

Domine, quid est homo, quia innotuisti ei? * aut filius hominis, quia reputas eum?

Homo vanitati similis factus est: * dies ejus sicut umbra praeteriunt.

Domine, inclina coelos tuos, et descende: * tange montes, et fumigabunt.

Fulgura coruscationem, et dissipabis eos: * emitte sagittas tuas, et conturbabis eos:

Emitte manum tuam de alto, eripe me et libera me de aquis multis: * de manu filiorum alienorum,

Quorum os locutum est vanitatem: * et dextera eorum, dextera iniquitatis.

Deus, cánticum novum cantábo tibi: * in psaltério decachórdo psallam tibi.

Qui das salútem régibus: * qui redemísti David servum tuum de gládio maligno, éripe me.

Et érue me de manu filiórum alienórum, quorum os locútum est vanitátem: * et dextera eórum, dextera iniquitátis.

Quorum filii, sicut novellæ plantatiónes * in juventúte sua.

Filiæ eórum compósitæ, * circumornátæ ut similitúdo templi.

Promptuária eórum plena, * eructántia ex hoc in illud.

Oves eórum foetósæ, abundántes in egréssibus suis: * boves eórum crassæ.

Non est ruína maceriæ, neque tránsitus: * neque clamor in platéis eórum.

Beátum dixerunt pópulum, cui hæc sunt: * beátus pópulus, cujus Dóminus Deus ejus.

Antiph. Benedíctus Dóminus Deus meus.

Antiph. ton. 8. f. Per singulos dies.

Psalmus 144.

Exaltábo te Deus meus Rex: * et benedícam nómini tuo in sæculum, et in sæculum sæculi.

Per singulos dies benedícam tibi: * et laudábo nomen tuum in sæculum, et in sæculum sæculi.

Magnus Dóminus, et laudábilis nimis: * et magnitúdinis ejus non est finis.

Generátio et generátio laudábit ópera tua: * et poténtiam tuam pronuntiábunt.

Magnificéntiam glóriæ sanctitátis tuæ loquéntur: * et mirabília tua narrábunt.

Et virtútem terribílium tuórum dicent: * et magnitúdinem tuam narrábunt.

Memóriam abundántiæ suavitátis tuæ eructábunt: * et justítia tua exultábunt.

Miserátor et miséricors Dóminus: * pátiens, et multum miséricors.

Suavis Dóminus univérsis: * et miserationes ejus super ómnia ópera ejus.

Confiteántur tibi, Dómine, ómnia ópera tua: * et sancti tui benedícant tibi.

Glóriam regni tui dicent: * et poténtiam tuam loquéntur.

Ut notam fáciant filiis hóminum poténtiam tuam: * et glóriam magnificéntiæ regni tui.

Regnum tuum, regnum ómnium sæculórum: * et dominátio tua in omni generatióne et generatióne.

Fidélis Dóminus in ómnibus verbis suis: * et sanctus in ómnibus opéribus suis.

Allevat Dóminus omnes, qui córruunt: * et érigit omnes elísos.

Oculi ómnium in te sperant, Dómine: * et tu das escam illórum in témpore opportúno.

Aperis tu manum tuam: * et imples omne ánimam benedictióne.

Justus Dóminus in ómnibus viis suis: * et sanctus in ómnibus opéribus suis.

Prope est Dóminus ómnibus invocántibus eum: * ómnibus invocántibus eum in veritáte.

Voluntátem timéntium se fáciat, * et deprecationem eórum exaúdiat, et salvos fáciat eos.

Custódit Dóminus omnes diligéntes se: * et omnes peccatóres disperdet.

Laudatióne Dómini loquétur os meum: * et benedícat omnis caro nómini sancto ejus in sæculum, et in sæculum sæculi.

Antiph. Per singulos dies benedícam te, Dómine.

Antiph. ton. 4. Laudábo.

Psalmus 145.

Lauda, ánima mea, Dóminum; laudábo Dóminum in vita mea: * psallam Deo meo, quámdui fúero.

Nolíte confídere in princípibus: * in filiis hóminum, in quibus non est salus.

Exíbit spíritus ejus, et revertétur in terram suam: * in illa die períbunt omnes cogitatiónes eórum.

Beátus, cujus Deus Jacob adjutor ejus, spes ejus in Dómino Deo ipsíus: * qui fecit cœlum et terram, mare, et omnia, quæ in eis sunt.

Qui custodit veritatem in sæculum, facit judicium injuriarum patientibus: * dat escam esurientibus.

Dominus solvit compeditos: * Dominus illuminat cæcos.

Dominus erigit elisos: * Dominus diligit justos.

Dominus custodit advenas, pupillum et viduam suscipiet: * et vias peccatorum disperdet.

Regnabit Dominus in sæcula: Deus tuus, Sion, * in generationem et generationem.

Antiph. *L*audabo Deum meum in vita mea.

Antiph. ton. 8. f. Deo nostro.

Psalmus 146.

Laudate Dominum, quoniam bonus est psalmus: * Deo nostro sit jucunda decoraque laudatio.

Ædificans Jerusalem Dominus: * dispersiones Israelis congregabit.

Qui sanat contritos corde, * et alligat contritiones eorum.

Qui numerat multitudinem stellarum, * et omnibus eis nomina vocat.

Magnus Dominus noster, et magna virtus ejus: * et sapientiae ejus non est numerus.

Suscipiens mansuetos Dominus: * humilians autem peccatores usque ad terram.

Praecinite Domino in confessione: * psallite Deo nostro in cithara.

Qui operit cœlum nubibus: * et parat terræ pluviam.

Qui producit in montibus fœnum: * et herbam servituti hominum.

Qui dat jumentis escam ipsorum: * et pullis corvorum invocantibus eum.

Non in fortitudine equi voluntatem habebit: * nec in tibiis viri beneplacitum erit ei.

Beneplacitum est Domino super timentes eum: * et in eis, qui sperant super misericordia ejus.

Antiph. Deo nostro jucunda sit laudatio.

Ant. ton. 1. l. *L*auda.

Psalmus 147.

Lauda, Jerusalem, Dominum: * lauda Deum tuum, Sion.

Quoniam confortavit seras portarum tuarum: * benedixit filiis tuis in te.

Qui posuit fines tuos pacem: * et adipe frumenti satiat te.

Qui emittit eloquium suum terræ: * velociter currit sermo ejus.

Qui dat nivem sicut lanam: * nebulam sicut cinerem spargit.

Mittit crystallum suam sicut buccellas: * ante faciem frigoris ejus quis sustinebit?

Emittet verbum suum, et liquefaciet ea: * flabit spiritus ejus, et fluent aquæ.

Qui annuntiat verbum suum Jacob: * justitias et judicia sua Israel.

Non fecit taliter omni nationi: * et judicia sua non manifestavit eis.

Antiphona. *L*auda, Jerusalem, Dominum.

Tempore Paschali, Antiphona. *A*llelúja, allelúja, allelúja.

Capitulum, Hymnus, V., Antiphona ad Magnificat, et Oratio pro Temp. 104.

Deinde fiunt sequentes Commemorationes communes, seu Suffragia Sanctorum, quæ dicuntur etiam ad Laudes.

Commemoratio de Cruce

In feriali tantum Officio, etiam quando non dicuntur Preces.

Ad Vesperas] et Laudes, Antiph.

Per signum Crucis de inimicis nostris libera nos, Deus noster.

V. Omnis terra adoret te, et psallat tibi.

R. Psalmum dicat nomini tuo, Domine.

Orémus.

Perpétua nos, quæsumus, Dómine, pace custódi: quos per lignum sanctæ Crucis redímere dignátus es.

Temp. Pasch. a Feria II. post Dom. in Albis usque ad Ascensionem, tam in Officio de Temp. quam de Sanctis, nisi sit Duplex aut infra Octavas, fit hoc modo:

In Vesperis, Antiph. Crucem sanctam súbiit, qui inférnum confrégit, accíntus est poténtia, surréxit die tértia, allelúja.

In Laud. Antiph. Crucifíxus surréxit a mórtuis, et redémit nos, allelúja, allelúja.

V. Dícite in natió nibus, allelúja.

R. Quia Dóminus regnávit a ligno, allelúja.

Orémus.

Oratio.

Deus, qui pro nobis Fílium tuum Crucis patíbulum subíre voluísti, ut inimíci a nobis expélleres potestátem: concéde nos fámulis tuis; ut resurrectionis grátiam consequámur. Per eúmdem Dóminum nostrum Jesum Christum Fílium tuum; Qui tecum vivit et regnat in unitáte Spíritus Sancti Deus: Per ómnia sæcula sæculórum. R. Amen.

(Aliæ Commemorationes non fiunt Tempore Paschali.)

Commemorationes Communes,

sive

SUFFRAGIA SANCTORUM,

De S. Maria.

Ad Vesperas et Laudes, Antiphona. Sancta María, succúrre míseris, juva pusillánimes, réfove flébiles, ora pro pópulo, intérvieni pro clero, intercéde pro devóto femíneo sexu: séntiant omnes tuum juvámén, quicúmque célebrant tuam sanctam commemoratió nem.

V. Ora pro nobis sancta Dei Génitrix.

R. Ut digni efficiámur promissió nibus Christi.

Oratio.

Orémus.

Oratio.

Concéde nos fámulos tuos, quæsumus, Dómine Deus, perpétua mentis et córporis sanitáte gaudére, et gloriósa beátæ Mariæ semper Virgínis intercessió ne, a præsentí liberári tristítia, et ætérra pérfrui lætítia.

De Apostolis.

Ad Vesperas, Antiph. Petrus Apóstolus, et Paulus doctor Géntium, ipsi nos docuérunt legem tuam, Dómine. V. Constitúes eos príncipes super omnem terram.

R. Mémoires erunt nóminis tui, Dómine.

Ad Laudes, Antiph. Gloriósi príncipes terræ, quómodo in vita sua dilexérunt se, ita et in morte non sunt separáti.

V. In omnem terram exívit sonus eórum.

R. Et in fines orbis terræ verba eórum.

Orémus.

Oratio.

Deus, cujus délixtera beátum Petrum ambulántem in flúctibus, ne mergerétur, eréxit: et coapóstolum ejus Paulum, tértio naufragántem, de profúndo pélagi liberávit: exaúdi nos propítius, et concéde, ut ambórum méritis æternitátis glóriam consequámur.

De Patrono, vel Titulari Ecclesiæ fiat Commemoratio consueta ante vel post Commemorationes prædictas pro dignitate illius, et ultimo loco

De Pace.

Ad Vesperas et Laudes, Antiph. Da pacem, Dómine, in diébus nostris, quia non est álius, qui pugnet pro nobis, nisi tu, Deus noster.

V. Fiat pax in virtúte tua.

R. Et abundántia in túrribus tuis.

Orémus.

Oratio.

Deus, a quo sancta desidéria, recta consília, et justa sunt ópera: da servis tuis illam, quam mundus dare non potest, pacem; ut et corda nostra

mandátis tuis dédita, et hóstium sublata formídine, témpora sint tua protectióne tranquílla. Per Dóminum nostrum.

V. Dóminus vobíscum.

R. Et cum spíritu tuo.

V. Benedicámus Dómino.

R. Deo grátias.

V. Fidélium ánimæ per misericórdiam Dei requiéscant in pace.

R. Amen.

Deinde dicitur secreto, Pater noster. Sic terminatur Officium, ubi alia non sequatur Hora, ut dicitur in Rubrica de Oratione Dominica.

Dictæ Commem., seu Suffragia dicuntur ab Oct. Epiph. usque ad Dominicam Passionis exceptis Duplicibus, et infra Octavas.

Quando dicitur Officium beatæ Mariæ, non fit alia Commem. de ea.



AD COMPLETORIUM.

Lector incipit *V.* Jube domne benedicere.

Benedictio. Noctem quiétam, et finem perféctum concédât nobis Dóminus omnípotens. *R.* Amen.

Lectio brevis. 1. Petr. 5. c.

Fratres, Sóbrii estóte et vigiláte: quia adversárius vester diábolus tamquam leo rúgiens cícruit, quærens quem dévoret: cui resístite fortes in fide. *Tu* autem Dómine, miserére nobis. *R.* Deo grátias.

V. Adjutórium nostrum in nómine Dómini.

R. Qui fecit cœlum et terram.

Pater noster, dicitur totum secreto.

Deinde Hebdomadarius facit

Confessionem.

Confíteor Deo omnipoténti, beatæ Mariæ semper Vírgini, beáto Michaéli Archángelo, beáto Joánni Baptístæ, sanctis Apóstolis Petro et Paulo, ómnibus Sanctis, et vobis,

fratres, quia peccávi nimis cogitatioe, verbo et ópere: mea culpa, mea culpa, mea máxima culpa. Ideo precor beátam Mariám semper Vírginem, beátum Michaélem Archángelum, beátum Joánnem Baptístam, sanctos Apóstolos Petrum et Paulum, omnes Sanctos, et vos, fratres, oráre pro me ad Dóminum Deum nostrum.

Chorus respondet.

Misereátur tui omnípotens Deus, et dimíssis peccátis tuis, perdúcat te ad vitam ætérnam. *R.* Amen.

Deinde repetit Confessionem, et ubi dicitur vobis, fratres, et vos, fratres, dicatur tibi, pater, et te, pater.

Facta Confessione a Choro,

Hebdomadarius dicit:

Misereátur vestri omnípotens Deus, et dimíssis peccátis vestris, perdúcat vos ad vitam ætérnam.

R. Amen.

Indulgéntiam, absolutiónem et remissionem peccatórum nostrórum tríbuat nobis omnípotens et miséricors Dóminus. *R.* Amen.

Et facta absoluteione dicitur *V.*

Convérte nos, Deus salutáris noster.

R. Et avérte iram tuam a nobis.

V. Deus, in adjutórium meum inténde.

R. Dómine, ad adjuvándum me festína.

Glória Patri... Sicut erat...

Antiph. ton. 8. Miserére.

Temp. Pasch. Antiph. ton. 8. Allelúja.

Psalmus 4.

Cum invocárem, exaudivit me Deus justítiæ meæ: * in tribulatioe dilatásti mihi.

Miserére mei, * et exaúdi oratióem meam.

Filii hóminum, úsquequo gravi corde? * ut quid dilígitis vanitátem, et quæritis mendácium?

Et scitóte, quóniam mirificávit Dóminus Sanctum suum: * Dóminus exau diet me, cum clamávero ad eum.

Irascimini, et nolite peccare: * quæ dicitis in cordibus vestris, in cubilibus vestris compungimini.

Sacrificate sacrificium iustitiæ, et sperate in Domino. * Multi dicunt: Quis ostendit nobis bona?

Signatum est super nos lumen vultus tui, Domine: * dedisti lætitiā in corde meo.

A fructu frumenti, vini, et olei sui * multiplicati sunt.

In pace in idipsum * dormiam, et requiescam;

Quoniam tu, Domine, singulariter in spe * constituisti me.

Psalmus 30.

IN te, Domine, speravi, non confundar in æternum: * in iustitia tua libera me.

Inclina ad me aurem tuam, * accelera, ut eruas me.

E sto mihi in Deum protectorem, et in domum refugii, * ut salvum me facias.

Quoniam fortitudo mea, et refugium meum es tu: * et propter nomen tuum deduces me, et enutries me.

E deduces me de laqueo hoc, quem absconderunt mihi: * quoniam tu es protector meus.

In manus tuas commendo spiritum meum: * redemisti me, Domine Deus veritatis.

Psalmus 90.

Qui habitat in adiutorio Altissimi, * in protectione Dei cœli commorabitur.

Dicet Domino: Susceptor meus es tu, et refugium meum: * Deus meus sperabo in eum.

Quoniam ipse liberavit me de laqueo venantium, * et a verbo aspero.

Scapulis suis obumbrabit tibi: * et sub pennis ejus sperabis.

Scuto circumdabit te veritas ejus: * non timebis a timore nocturno.

A sagitta volante in die, a negotio perambulante in tenebris: * ab incursu, et dæmonio meridiano.

Cadent a latere tuo mille, et decem millia a dextris tuis: * ad te autem non appropinquabit.

Verumtamen oculis tuis considerabis: * et retributionem peccatorum videbis.

Quoniam tu es, Domine, spes mea: * altissimum posuisti refugium tuum.

Non accedet ad te malum: * et flagellum non appropinquabit tabernaculo tuo.

Quoniam Angelis suis mandavit de te: * ut custodiant te in omnibus viis tuis.

In manibus portabunt te, * ne forte offendas ad lapidem pedem tuum.

Super aspidem et basiliscum ambulabis: * et conculcabis leonem et draconem.

Quoniam in me speravit, liberabo eum: * protegam eum, quoniam cognovit nomen meum.

Clamabit ad me, et ego exaudiam eum: * cum ipso sum in tribulatione: eripiam eum, et glorificabo eum.

Longitudine dierum replabo eum: * et ostendam illi salutare meum.

Psalmus 133.

Ecce nunc benedicite Dominum, * omnes servi Domini.

Qui statis in domo Domini, * in atrii domus Dei nostri.

In noctibus extollite manus vestras in sancta, * et benedicite Dominum.

Benedicat te Dominus ex Sion, * qui fecit cœlum et terram.

Antiph. Miserere mihi, Domine, et exaudi orationem meam.

Tempore Paschali, Antiphona. Allelûja, allelûja, allelûja.

Hymnus.

TE lucis ante terminum,
Rerum Creator, poscimus,
Ut pro tua clementia
Sis præsul et custodia.

Procul recedant somnia,
Et noctium phantasmata:
Hostemque nostrum comprime,
Ne polluantur corpora.

Præsta, Pater piissime,
Patrique compar Unice,
Cum Spíritu Paráclito,
Regnans per omne sæculum.
Amen.

Tempore Paschali dicitur:

Deo Patri sit glória,
Et Fílio, qui a mórtuis
Surréxit a Paráclito
In sempitérna sæcula. Amen.

Capitulum. Jerem. 14. b.

TU autem in nobis es, Dómine, et
nomen sanctum tuum invocátum
est super nos: ne derelínquas nos,
Dómine Deus noster. *R.* Deo grátias.

R. br. In manus tuas, Dómine, * Com-
méndo spíritum meum. In manus tuas.
V. Redemísti nos, Dómine Deus ve-
ritátis.

Comméndo. Glória Patri. In manus.
V. Custódi nos, Dómine, ut pupíllam
óculi.

R. Sub umbra alárum tuárum prótege
nos.

Tempore Paschali dicitur:

R. br. In manus tuas, Dómine, com-
méndo spíritum meum, * Allelúja,
allelúja. In...

V. Redemísti nos, Dómine, Deus ve-
ritátis. Allelúja, allelúja.

Glória Patri.. In manus...

V. Custódi nos, Dómine, ut pupíllam
óculi, allelúja.

R. Sub umbra alárum tuárum pró-
tege nos, allelúja.

Antiph. ton. 3. Salva nos.

Canticum Simeonis. Lucæ 2. d.

NUnc dimíttis servum tuum, Dó-
mine, * secúndum verbum tuum
in pace:

Quia vidérunt óculi mei * salutáre
tuum,

Quod parásti * ante fáciem ómnium
populórum.

Lumen ad revelatióem Géntium, *
et glóriam plebis tuæ Israel.

Glória Patri.

Antiph. Salva nos, Dómine, vigi-
lantes, custódi nos dormiéntes: ut
vigilémus cum Christo, et requiescá-
mus in pace.

Tempore Paschali additur Allelúja.

Sequentes Preces semper dicuntur,
præterquam in Officio Duplici, et infra
Octavas, quæ in feriali Officio, temp.
Quadragesimæ, et in Quatuor Tem-
poribus, quando dictæ sunt Preces in
Vesperis, dicuntur flexis genibus.

KYrie eléison. Christe eléison. *Ký-*
rie eléison. Pater noster. secreto.

V. Et ne nos indúcas in tentatióem.

R. Sed líbera nos a malo.

Credo in Deum, secreto.

V. Carnis resurrectionem.

R. Vitam ætérrnam. Amen.

V. Benedíctus es, Dómine, Deus pa-
trum nostrórum.

R. Et laudábilis, et gloriósus in sæ-
cula.

V. Benedicámus Patrem et Fílium
cum Sancto Spíritu.

R. Laudémus, et superexaltémus eum
in sæcula.

V. Benedíctus es, Dómine, in firma-
ménto cœli.

R. Et laudábilis, et gloriósus, et su-
perexaltátus in sæcula.

V. Benedícat et custódiat nos omní-
potens et miséricors Dóminus.

R. Amen.

V. Dignáre, Dómine, nocte ista.

R. Sine peccáto nos custodíre.

V. Miserére nostri, Dómine.

R. Miserére nostri.

V. Fiat misericórdia tua, Dómine, su-
per nos.

R. Quemádmódum sperávimus in te.

V. Dómine, exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio.

Visita, quæsumus, Dómine, habi-
tatióem istam, et omnes insídias
inimíci ab ea longe repélle: Angeli

tui sancti hábitent in ea, qui nos in pace custódiant, et benedíctio tua sit super nos semper. Per Dóminum.

Ÿ. Dóminus vobíscum.

R. Et cum spíritu tuo.

Ÿ. Benedicámus Dómino.

R. Deo grátias.

Benedictio. Benedícat et custódiat nos omnípotens et miséricors Dóminus, Pater, et Fílius, et Spíritus Sanctus. R. Amen.

Et non dicitur Fidélium ánimæ, sed immediate dicitur una ex infrascriptis Antiphonis pro Tempore.

Post Purificationem, id est, a fine Completorii illius diei 2. Februarii inclusive, usque ad Feriam quintam in Cœna Domini exclusive:

Antiphona.

Ave, Regína cœlórum,
Ave, Dómina Angelórum,
Salve, radix; salve, porta,
Ex qua mundo lux est orta.

Gaude, Virgo gloriósa,

Super omnes speciósa:

Vale, o valde decóra,

Et pro nobis Christum exóra.

Ÿ. Dignáre me laudáre te, Virgo sacráta. R. Da mihi virtútem contra hostes tuos.

Oratio.

Concède, miséricors Deus, fragilitáti nostræ præsidium: ut, qui sanctæ Dei Genitrícis memóriam ágimus, intercessiónis ejus auxílio a nostris iniquitatibus resurgámus. Per eúndem Christum Dóminum nostrum. R. Amen.

A Completorio Sabbati sancti usque ad Nonam Sabbati post Pentecosten inclusive, Antiphona.

Regína cœli, lætare, allelúja.
Quia, quem meruísti portáre, allelúja,
Resurrexit, sicut dixit, allelúja.
Ora pro nobis Deum, allelúja.

Ÿ. Gaude et lætare, Virgo María, allelúja. R. Quia surrexit Dóminus vere, allelúja. Oratio.

Deus, qui per resurrectionem Fílii tui Dómini nostri Jesu Christi mundum lætificáre dignátus es: præsta, quæsumus; ut per ejus Genitrícem Virginem Mariam, perpétuæ capíamus gaúdia vitæ. Pereúndem Christum Dóminum nostrum. R. Amen.

Ÿ. Divínium auxílium máneat semper nobíscum. R. Amen.

Deinde dicitur secreto **Pater noster, Ave María, et Credo.**

Sic dicitur Completorium per totum Annum, præterquam in triduo majoris Hebdomadæ et per Oct. Paschæ, ut suo loco dicitur.

Si post Completorium immediate sequatur Matutinum, tunc bis dicatur **Pater noster, Ave María, et Credo**, quia Completorium, quod est finis Officii, sic terminari debet; et ante Matutinum iterum repetitur pro principio Officii sequentis diei.

Antiphonæ prædictæ dicuntur etiam in fine Laudum, quando discedendum est a Choro: sed si immediate post Matutinum subsequatur Prima, vel alia Hora, dicuntur in fine ultimæ Horæ, ita ut dicuntur semper, quando, terminata aliqua Hora, discedendum est a Choro, et tunc post Ÿ. **Fidélium ánimæ**, et **Pater noster** secreto, dicitur


Ÿ. Dóminus det nobis suam pacem.

R. Et vitam ætérnam. Amen.

Deinde una ex prædictis Antiphonis, et in fine Divínium auxílium máneat semper nobíscum. R. Amen.

Extra Chorum autem dicuntur in fine Laudum, si tunc terminandum sit Officium; alioquin in fine ultimæ Horæ. Post alias vero Horas, quando terminatur Officium, dicitur tantum **Pater noster** secreto.





PROPRIUM DE TEMPORE.

SABBATO PRIMO in Quadragesima.



Odie et deinceps usque ad Pascha dicuntur Vesperae ante comestionem tam in Festis quam in Feriis, exceptis Dominicis, in quibus dicuntur hora consueta.

AD VESPERAS.

Capitulum.

2. Cor. 6.

FRatres, Hortamur vos, ne in vacuum gratiam Dei recipiatis. Ait enim: Tempore accepto exaudi te, et in die salutis adiuvi te.

Hymnus.

A Udi, benigne Conditor,
Nostras preces cum fléibus
In hoc sacro jejúnio
Fusas quadragenário.
Scrutátor alme córdium,
Infírma tu scis vírium:
Ad te revérsis éxhibe
Remissiónis grátiam.
Multum quidem peccávimus,
Sed parce confiténtibus:
Ad nóminis laudem tui
Confer medélam lánguidis.
Concède nostrum cónteri
Corpus per abstinentiam;
Culpæ ut relínquant pábulum
Jejúna corda criminum.
Præsta, beáta Trínitas,
Concède, simplex Unitas;
Ut fructuósa sint tuis
Jejuniórum múnera. Amen.

V. Angelis suis Deus mandávit de te.
R. Ut custódiat te in ómnibus viis tuis.

Ad Magnificat, Antiphona, to. 7. r.
 Tunc invocábis, et Dóminus exáudiet: clamábis, et dicet: Ecce adsum.

Oratio.

Deus, qui Ecclesiám tuam ánnua Quadragesimáli observatióne purificas: præsta familiæ tuæ; ut quod a te obtinére abstinéndo nítitur, hoc bonis opéribus exequátur. Per Dóminum nostrum.



Dominica I. in Quadragesima.

Si hac die, et in aliis Dominicis Quadragesimæ occurrat Festum Duplex, transfertur in sequentem diem similiter non impeditam, ut dicitur in Rubrica de Translatione Festorum. Aliis diebus Quadragesimæ usque ad majorem Hebdomadam si occurrat Festum Duplex vel Semiduplex, fit de eo cum commemoratione et nona Lectio de Homilia Feriæ.

De Simplicibus fit tantum commemoratio.

Per totam Quadragesimam in feriali Officio, Feria ii. dicitur Officium Defunctorum, Feria iv. dicuntur Psalmi Graduales, Feria vi. Septem Psalmi Penitenciales cum Litanis, præterquam in Feriis majoris Hebdomadæ, quæ omnia habentur in fine Breviarii.

AD MATUTINUM.

Invitatorium. Non sit vobis vanum mane surgere ante lucem: * Quia promísit Dóminus corónam vigilántibus.

Quod dicitur in Dominicis tantum usque ad Dominicam Passionis.

Psalmus. **Veníte, exultémus. 2.**

Hymnus.

EX more docti mýstico
 Servémus hoc jejúnium,
 Deno diérum círculo
 Ducto quater notíssimo.

Lex et Prophétæ prímítus
 Hoc prætulérunt, póstmodum
 Christus sacrávit, ómnium
 Rex, atque Factor témporum.

Utámur ergo párcius
 Verbis, cibis, et pótibus,
 Somno, jocis, et árcetius
 Perstémus in custódia.

Vitémus autem nóxia,
 Quæ súbruunt mentes vagas,
 Nullúmque demus cállidi
 Hostis locum tyránnidi.

Flectámus iram vándicem,
 Plorémus ante júdicem,
 Clamémus ore súplici,
 Dicámus omnes cernui:

Nostris malis offéndimus
 Tuam Deus cleméntiam,
 Effúnde nobis désuper
 Remíssor indulgéntiam:

Meménto quod sumus tui,
 Licet cadúci plásmatis:
 Ne des honórem nóminis
 Tui, precámur, álteri.

Laxa malum quod fécimur:
 Auge bonum quod póscimus,
 Placére quo tandem tibi
 Possímus hic, et pérpetim.

Præsta, beáta Trínitas,
 Concéde simplex Unitas,
 Ut fructuósa sint tuis
 Jejuniórum múnera.
 Amen.

IN I. NOCTURNO.

Antiph. to. 8. **Servíte Dómino.**

Psalmus. **Beátus vir.** cum reliquis
 ut in Psalterio. 3.

De Epístola secunda beáti Pauli
Apóstoli ad Corínthios.

Lectio i.

Cap. 6.

Adjuvantes autem exhortámur, ne in vácuum grátiam Dei recipiátis. Ait enim: Témpace accépto exaudívi te, et in die salútis adjúvi te. Ecce nunc tempus acceptábile, ecce nunc dies salútis. Némini dantes ullam offensióem, ut non vituperétur ministérium nostrum: sed in ómnibus exhibeámus nosmetípsos sicut Dei minístros, in multa paciéntia, in tribulatióibus, in necessitatibus, in angústiiis, in plagis, in cárceribus, in seditiúnibus, in labóribus, in vigíliis, in jejúniis, in castitate, in sciéntia, in longanimitate, in suavitate, in Spíritu sancto, in charitate non ficta, in verbo veritátis, in virtúte Dei; per arma justítiæ a dextris, et a sinístris, per glóriam, et ignobilitátem, per infámiam, et bonam famam: ut seductóres, et veráces, sicut qui ignóti, et cógniti: quasi morientes, et ecce vívimus: ut castigáti, et non mortificáti: quasi tristes, semper autem gaudéntes: sicut egéntes, multos autem locupletántes: tamquam nihil habéntes, et ómnia possidéntes.

R. Ecce nunc tempus acceptábile, ecce nunc dies salútis: commendémus nosmetípsos in multa paciéntia, in jejúniis multis; * Per arma justítiæ virtútis Dei.

V. In ómnibus exhibeámus nosmetípsos sicut Dei minístros, in multa paciéntia, in jejúniis multis. **P**er arma justítiæ.

Lectio ii.

Os nostrum patet ad vos, o Corínthii, cor nostrum dilatátum est. Non angustiámini in nobis: angustiámini autem in viscéribus vestris: eámdem autem habéntes remuneratióem, tamquam fíliis dico, dilatámini et vos. Nolíte jugum dúcere cum in-

fidélibus. Quæ enim participatió justítiæ cum iniquitate? aut quæ societas luci ad ténebras? Quæ autem convéntio Christi ad Bélial? aut quæ pars fidéli cum infidéli? Qui autem consénsus templo Dei cum idólis? Vos enim estis templum Dei vivi, sicut dicit Deus: Quóniam inhabitábo in illis, et inambulábo inter eos, et ero illórum Deus, et ipsi erunt mihi pópulus.

R. In ómnibus exhibeámus nosmetípsos sicut Dei minístros, in multa paciéntia: * Ut non vituperétur ministérium nostrum.

V. Ecce nunc tempus acceptábile, ecce nunc dies salútis: commendémus nosmetípsos in multa paciéntia. **U**t non.

Lectio iii.

Cap. 7.

Replétus sum consolatióne, superabúndo gáudio in omni tribulatióne nostra. Nam et cum venissémus in Macedóniam, nullam réquiem hábuit caro nostra, sed omnem tribulatióem passi sumus: foris pugná, intus timóres. Sed qui consolátur húmiles, consolátus est nos Deus in advéntu Titi. Non solum autem in advéntu ejus, sed étiam in consolatióne, qua consolátus est in vobis, réferens nobis vestrum desidérium, vestrum fletum, vestram æmulatióem pro me, ita ut magis gaudérem. Quóniam etsi contristávi vos in epístola, non me pœnitet: et si pœnitéret, videns quod epístola illa (etsi ad horam) vos contristávit, nunc gáudeo: non quia contristáti estis, sed quia contristáti estis ad pœniténtiam.

R. In jejúnio et fletu orábunt sacerdótes, dicéntes: * Parce, Dómine, parce pópulo tuo: et ne des hæreditátem tuam in perditionem.

V. Inter vestibulum et altáre plorábunt sacerdótes, dicéntes. **P**arce, Dómine. **G**lória Patri. **P**arce, Dómine.

IN II. NOCTURNO.

Antiph. to. 3. Bonórum meórum.

Psalmus. Consérva. cum reliquis ut in Psalterio 8.

Sermo Sancti Leónis Papæ.

Sermo 4. de Quadrages.

Lectio iv.

PRædicatúrus vobis, dilectíssimi, sacratíssimum maximumque jejúnium, quo áptius utar exórdio, quam ut verbis Apóstoli, in quo Christus loquebátur, incípiam, dicámque quod lectum est: Ecce nunc tempus acceptábile, ecce nunc dies salutis? Quamvis enim nulla sint témpora, quæ divínis non sint plena munéribus, et semper nobis ad misericórdiam Dei per ipsíus grátiam præstétur accéssus: nunc tamen ómnium mentes majóri stúdio ad spiritáles proféctus movéri, et amplióri fidúcia opórtet animári, quando ad univérsa pietátis officia, illius nos diéi, in quo redémpti sumus, recúrsus invítat: ut excéllens super ómnia passiónis Dóminicæ sacraméntum purificátis et corpóribus et ánimis celebrémus.

R. Emendémus in mélius, quæ ignoránte peccávimus: ne súbito præoccupáti die mortis, quæramus spátium pœniténtiæ, et inveníre non posísimus: * Atténde, Dómine, et miserére, quia peccávimus tibi.

V. Adjuva nos, Deus salutáris noster, et propter honórem nóminis tui, Dómine, líbera nos. Atténde, Dómine.

Lectio v.

DEbebátur quidem tantis mystériis ita incessábilis devótio, et continuáta reveréntia, ut tales permanerémus in conspéctu Dei, quales nos in ipso Pascháli festo dignum est inveníri. Sed quia hæc fortitúdo paucórum est; et dum carnis fragilitáte austérior observántia relaxátur, dumque per várias actiónes vitæ hujus

sollicitúdo disténditur, necesse est de mundáno púlvere étiam religiósá corda sordéscere: magna divínæ institutiónis salubritáte provísus est, ut ad reparándam méntium puritátem quadragínta nobis diérum exercitatio mederétur, in quibus aliórum téporum culpas, et pia ópera redímerent, et jejúnia casta decóquerent.

R. Derelínquat ímpius viam suam, et vir iníquus cogitatiónes suas, et revertátur ad Dóminum, et miserébitur ejus: * Quia benígnus et miséricors est, et præstábilis super malítia Dóminus Deus noster.

V. Non vult Dóminus mortem peccatóris, sed ut convertátur et vivat. Quia benígnus.

Lectio vi.

Ingressúri igitur, dilectíssimi, dies mysticos, et purificándis ánimis atque corpóribus sacrátius institútus, præcéptis Apostólicis obedíre curémus, emundánte nos ab omni inquinaménto carnis ac spíritus: ut castigátis colluctatió nibus, quæ sunt inter utrámque substántiam, ánimus, quem sub Dei gubernáculis constitútus, corpóris sui decet esse rectórem, dominatiónis suæ obtíneat dignitatem: ut némini dantes ullam offensió nem, vituperatió nibus obloquéntium non simus obnoxii. Digna enim ab infidelibus reprehensió ne carpémur, et nostro vítio linguæ ímpiæ in injúriam se religió nis armábunt, si jejunántium mores a puritáte perféctæ continéntiæ discrepárint. Non enim in sola abstinéntia cibi stat nostri summa jejúnii: aut fructuóse corpóri esca subtráhitur, nisi mens ab iniquitáte revocétur.

R. Paradísi portas apérui nobis jejúnii tempus: suscipiámus illud orá ntes, et deprecá ntes: * Ut in die resurrecti ó nis cum Dómino gloriémur.

¶ In ómnibus exhibeámus nosmetipsos sicut Dei ministros in multa patientia. Ut in die. Glória Patri. Ut in die.

IN III. NOCTURNO.

Antiph. to. 7. Non sunt loquélæ.

Psalmus. Cœli enarrant. cum reliquis ut in Psalterio. 11.

Lectio sancti Evangelii secundum Matthæum.

Lectio vii.

Cap. 4.

IN illo tempore: Ductus est Jesus in desertum a Spiritu, ut tentaretur a diabolo. Et cum jejunasset quadraginta diebus et quadraginta noctibus, postea esuriit. Et reliqua.

Homilia Sancti Gregorii Papæ.

Homil. 16. in Evangel.

Dubitari a quibusdam solet, a quo spiritu ductus sit Jesus in desertum, propter hoc quod subditur: Assumpsit eum diabolus in sanctam civitatem: et rursum: Assumpsit eum in montem excelsum valde. Sed vere et absque ulla questione convenienter accipitur, ut a sancto Spiritu in desertum ductus credatur: ut illuc eum suus Spiritus duceret, ubi hunc ad tentandum malignus spiritus inveniret. Sed ecce, cum dicitur Deus homo, vel in excelsum montem, vel in sanctam civitatem a diabolo assumptus, mens refugit credere, humanæ hoc audire aures expavescunt. Qui tamen non esse incredibilia ista cognoscimus, si in illo et alia facta pensamus.

R. Scindite corda vestra, et non vestimenta vestra: et convertimini ad Dominum Deum vestrum: * Quia benignus et misericors est.

¶ Derelinquat impius viam suam, et vir iniquus cogitationes suas, et revertatur ad Dominum, et miseretur ejus. Quia benignus.

• Lectio viii.

Certe iniquorum omnium caput diabolus est, et hujus capitis membra sunt omnes iniqui. An non diaboli membra Judæi persequentes, et milites crucifigentes Christum fuerunt? Quid ergo mirum, si se ab illo permisit in montem duci, qui se pertulit etiam a membris illius crucifigi? Non est ergo indignum Redemptori nostro quod tentari voluit, qui venerat occidi. Justum quippe erat, ut sic tentationes nostras suis tentationibus vinceret, sicut mortem nostram venerat sua morte superare.

R. Frange esurienti panem tuum, et egenos vagosque induc in domum tuam: * Tunc erumpet quasi mane lumen tuum, et anteibit faciem tuam justitia tua.

¶ Cum videris nudum, operi eum, et carnem tuam ne despexeris. Tunc erumpet.

Lectio ix.

Sed sciendum nobis est, quia tribus modis tentatio agitur: suggestione, delectatione, et consensu. Et nos cum tentamur, plerumque in delectationem, aut etiam in consensum labimur: quia de carnis peccato propagati, in nobis ipsis etiam gerimus unde certamina toleramus. Deus vero, qui in utero Virginis incarnatus, in mundum sine peccato venerat, nihil contradictionis in semetipso tolerabat. Tentari ergo per suggestionem potuit: sed ejus mentem peccati delectatio non momordit. Atque ideo omnis diabólica illa tentatio foris, non intus fuit.

R. Angelis suis Deus mandavit de te, ut custodiant te in omnibus viis tuis: * In manibus portabunt te, ne umquam offendas aut lapidem pedem tuum.

V. Super áspidem et basilíscum ambulábis, et conculcábis leónem et draconem. In mánibus. **G**lória Patri. In mánibus.

AD LAUDES.

Antiph. to. 1. f. Cor mundum.

Psalmus 50.

Miserére mei, Deus, * secúndum magnam misericórdiam tuam: **E**t secúndum multitudínem miserationum tuarum, * dele iniquitátem meam.

Amplius lava me ab iniquitáte mea: * et a peccáto meo munda me.

Quóniam iniquitátem meam ego cognosco: * et peccátum meum contra me est semper.

Tibi soli peccávi, et malum coram te feci: * ut justificéris in sermónibus tuis, et vincas cum judicáris.

Ecce enim in iniquitatibus concéptus sum: * et in peccátis concépit me mater mea.

Ecce enim veritátem dilexísti: * incerta et occulta sapiéntiæ tuæ manifestásti mihi.

Aspérget me hyssópo, et mundabor: * lavábis me, et super nivem dealbabor.

Audítui meo dabis gáudium et lætítiam: * et exultábunt ossa humiliáta.

Averte fáciem tuam a peccátis meis: * et omnes iniquitátes meas dele.

Cor mundum crea in me, Deus: * et spíritum rectum innova in viscéribus meis.

Ne projicias me a fácie tua: * et spíritum sanctum tuum ne áuferas a me.

Redde mihi lætítiam salutáris tui: * et spíritu principáli confírma me.

Docebo iníquos vias tuas: * et ímpii ad te converténtur.

Libera me de sanguínibus, Deus, Deus salutis meæ: * et exultábit lingua mea justítiam tuam.

Dómine, lábia mea apéries: * et os meum annuntiábit laudem tuam.

Quóniam si voluísses sacrificium, dedíssem útique: * holocáustis non delectáberis.

Sacrificium Deo spíritus contribulátus: * cor contrítum, et humiliátum, Deus, non despícies.

Benigne fac, Dómine, in bona voluntáte tua Sion: * ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta: * tunc impónent super altáre tuum vítulos.

Antiph. Cor mundum crea in me, Deus, et spíritum rectum innova in viscéribus meis.

Antiph. to. 2. O Dómine.

Psalmus 117.

Confitémini Dómino, quóniam bonus: * quóniam in sæculum misericórdia ejus.

Dicat nunc Israel quóniam bonus: * quóniam in sæculum misericórdia ejus.

Dicat nunc domus Aaron: * quóniam in sæculum misericórdia ejus.

Dicant nunc qui timent Dóminum: * quóniam in sæculum misericórdia ejus.

De tribulatióne invocávi Dóminum: * et exaudivit me in latitúdine Dóminus.

Dóminus mihi adjutor: * non timébo quid fáciat mihi homo.

Dóminus mihi adjutor: * et ego despiciam inimícos meos.

Bonum est confidere in Dómino, * quam confidere in hómine.

Bonum est speráre in Dómino, * quam speráre in princípibus.

Omnes Gentes circuiérunt me: * et in nómine Dómini, quia ultus sum in eos.

Circumdántes circumdedérunt me: * et in nómine Dómini, quia ultus sum in eos.

Circumdedérunt me sicut apes, et exarsérunt sicut ignis in spinis: * et in nómine Dómini, quia ultus sum in eos.

Impulsus evérsus sum ut cáderem: * et Dóminus suscepit me.

Fortitúdo mea, et laus mea Dóminus:
* et factus est mihi in salutem.

Vox exultatiónis et salutis, * in taber-
náculos justórum.

Déxtera Dómini fecit virtútem: d'ex-
tera Dómini exaltávit me: * d'extera
Dómini fecit virtútem.

Non móriar, sed vivam: * et narrábo
ópera Dómini.

Castigans castigávit me Dóminus: *
et morti non trádidit me.

Aperíte mihi portas justítiæ, ingrés-
sus in eas confitébor Dómino: * hæc
porta Dómini, justí intrábunt in eam.

Confitébor tibi quóniam exaudísti
me: * et factus es mihi in salutem.

Lápidem, quem reprobavérunt ædi-
ficántes, * hic factus est in caput
ánguli.

A Dómino factum est istud: * et est
mirábile in óculis nostris.

Hæc est dies, quam fecit Dóminus: *
exultémus, et lætémur in ea.

O Dómine, salvum me fac, o Dómine,
bene prosperáre: * benedíctus qui
venit in nómine Dómini.

Benedíximus vobis de domo Dómini:
* Deus Dóminus, et illúxit nobis.

Constitúite diem solémnem in con-
dénsis, * usque ad cornu altáris.

Deus meus es tu, et confitébor tibi:
* Deus meus es tu, et exaltábo te.

Confitébor tibi quóniam exaudísti
me: * et factus es mihi in salutem.

Confitémini Dómino quóniam bonus:
* quóniam in sæculum misericórdia
ejus.

Antiph. O Dómine, salvum me fac:
o Dómine, bene prosperáre.

Antiph. to. 7. r. Sic benedícam.

Psalmus 62.

Deus, Deus meus, * ad te de luce
vígilo.

Sitívit in te ánima mea, * quam mul-
típlíciter tibi caro mea.

In terra desérta, et ínvia, et inaquósa:
* sic in sancto appáruí tibi, ut vidé-
rem virtútem tuam et glóriam tuam.

Quóniam mélior est misericórdia tua
super vitas: * lábia mea laudábunt te.

Sic benedícam te in vita mea: * et in
nómine tuo levábo manus meas.

Sicut ádipe et pinguédine repleátur
ánima mea: * et lábiis exultatiónis
laudábit os meum.

Si memor fui tui super stratum meum,
in matutínis meditábor in te: * quia
fuísti adjútor meus.

Et in velaménto alárum tuárum ex-
ultábo, adhæsit ánima mea post te: *
me suscepit d'extera tua.

Ipsi vero in vanum quæsiérunt áni-
mam meam, introíbunt in inferióra
terræ: * tradéntur in manus gládii,
partes vúlpium erunt.

Rex vero lætábitur in Deo, laudabún-
tur omnes qui jurant in eo: * quia ob-
strúctum est os loquéntium iníqua.

Hic non dicitur Glória Patri.

Psalmus 66.

Deus misereátur nostri, et benedi-
cat nobis: * illúminet vultum
suum super nos, et misereátur nostri.

Ut cognoscámus in terra viam tuam:
* in ómnibus Géntibus salutáre tuum.

Confiteántur tibi pópuli, Deus: * con-
fiteántur tibi pópuli omnes.

Læténtur et exúltent Gentes: * quón-
iam júdicas pópulos in æquitáte, et
Gentes in terra dírgis.

Confiteántur tibi pópuli, Deus: con-
fiteántur tibi pópuli omnes: * terra
dedit fructum suum.

Benedícat nos Deus, Deus noster, be-
nedícat nos Deus: * et métuant eum
omnes fines terræ.

Glória Patri.

Antiph. Sic benedícam te in vita
mea, Dómine: et in nómine tuo le-
vábó manus meas.

Antiph. to. 2. In spíritu.

Canticum trium puerorum.

Danielis 3. e.

Benedícite ómnia ópera Dómini Dó-
mino: * laudáte et superexaltáte
eum in sæcula.

Benedícite Angeli Dómini Dómino: * benedícite cœli Dómino.

Benedícite aquæ omnes, quæ super cœlos sunt, Dómino: * benedícite omnes virtútes Dómini Dómino.

Benedícite sol et luna Dómino: * benedícite stellæ cœli Dómino.

Benedícite omnis imber et ros Dómino: * benedícite omnes spíritus Dei Dómino.

Benedícite ignis et æstus Dómino: * benedícite frigus et æstus Dómino.

Benedícite rores et pruina Dómino: * benedícite gelu et frigus Dómino.

Benedícite glácies et nives Dómino: * benedícite noctes et dies Dómino.

Benedícite lux et ténebræ Dómino: * benedícite fúlgura et nubes Dómino.

Benedícat terra Dóminum: * laudet et superexáltet eum in sæcula.

Benedícite montes et colles Dómino: * benedícite univérſa germinántia in terra Dómino.

Benedícite fontes Dómino: * benedícite mária et flúmina Dómino.

Benedícite cete et ómnia, quæ movéntur in aquis, Dómino: * benedícite omnes vólucres cœli Dómino.

Benedícite omnes béstia et pecóra Dómino: * benedícite filii hóminum Dómino.

Benedícat Israel Dóminum: * laudet et superexáltet eum in sæcula.

Benedícite sacerdótes Dómini Dómino: * benedícite servi Dómini Dómino.

Benedícite spíritus, et ánimæ justórum Dómino: * benedícite sancti, et húmiles corde Dómino.

Benedícite Ananía, Azaría, Míſael Dómino: * laudáte et superexaltáte eum in sæcula.

Benedicámus Patrem et Fílium cum sancto Spíritu: * laudémus et superexaltémus eum in sæcula.

Benedíctus es, Dómine, in firmaménto cœli: * et laudábilis, et glorióſus, et superexaltátus in sæcula.

Hic non dicitur Glória Patri, neque Amen.

Antiph. In spíritu humilitátis, et in ánimo contríto suscipiámur, Dómine, a te: et sic fiat sacrificium nostrum, ut a te suscipiátur hódie, et pláceat tibi, Dómine Deus.

Antiph. to. 8. Laudáte Deum.

Psalmus 148.

Laudáte Dóminum de cœlis: * laudáte eum in excélsis.

Laudáte eum omnes Angeli ejus: * laudáte eum omnes virtútes ejus.

Laudáte eum sol et luna: * laudáte eum omnes stellæ et lumen.

Laudáte eum cœli cœlórum: * et aquæ omnes, quæ super cœlos sunt, laudent nomen Dómini.

Quia ipse dixit, et facta sunt: * ipse mandávit, et creáta sunt.

Státuit ea in ætérnum, et in sæculum sæculi: * præcéptum pósuit, et non præteribit.

Laudáte Dóminum de terra: * dracónes et omnes abyssi:

Ignis, grando, nix, glácies, spíritus procellarum: * quæ faciunt verbum ejus.

Montes, et omnes colles: * ligna fructífera, et omnes cedri.

Béstia, et univérſa pecóra, * serpéntes, et vólucres pennatæ:

Reges terræ, et omnes pópuli: * príncipes, et omnes júdices terræ:

Júvenes et vírgines, senes cum junióribus laudent nomen Dómini: * quia exaltátum est nomen ejus solíus.

Conféssio ejus super cœlum et terram: * et exaltávit cornu pópuli sui.

Hymnus ómnibus sanctis ejus: * filiis Israel pópulo appropinquánti sibi.

Hic non dicitur Glória Patri.

Psalmus 149.

Cantáte Dómino cánticum novum: * laus ejus in Ecclésia sanctórum.

Lætétur Israel in eo, quí fecit eum: * et filii Sion exúltent in rege suo.

Laudent nomen ejus in choro: * in týmpano et psalterio psallant ei.

Quia beneplácitum est Dómino in pópulo suo: * et exaltábit mansuétos in salútem.

Exultábunt sancti in glória: * lætábúntur in cubílibus suis.

Exaltatiónes Dei in gútture eórum: * et gládii ancípites in mánibus eórum.

Ad faciéndam vindíctam in natió nibus: * increpatiónes in pópulis.

Ad alligándos reges eórum in compédibus: * et nóbiles eórum in mánicis férreis.

Ut fáciant in eis judícium conscrip tum: * glória hæc est ómnibus sanc tis ejus.

Hic non dicitur Glória Patri.

Psalmus 150.

Laudáte Dóminum in sanctis ejus: * laudáte eum in firmaménto virtútis ejus.

Laudáte eum in virtútibus ejus: * lau dáte eum secúndum multitudínem magnitúdinis ejus.

Laudáte eum in sono tubæ: * laudáte eum in psalterio et cíthara.

Laudáte eum in týmpano et choro: * laudáte eum in chordis et órgano.

Laudáte eum in cýmbalis benesonán tibus, laudáte eum in cýmbalis jubi latiónis: * omnis spíritus laudet Dó minum.

Glória Patri.

Antiph. Laudáte Deum, cœli cœló rum, et aquæ omnes.

Capitulum. 2. Cor., 6.

Fratres, Hortámur vos, ne in vá cuum grátiam Dei recipiátis. Ait enim: Témpore accépto exaudívi te, et in die salútis adjúvi te.

Hymnus.

O sol salútis, íntimis Jesu refúlge méntibus,
Dum nocte pulsa grátior
Orbi dies renáscitur.

Dans tempus acceptábile,
Da, lacrymárum rívulis
Laváre cordis víctimam,
Quam læta adúrat cháritas.

Quo fonte manávit nefas,
Fluent perénnes lácrymæ,
Si virga pœniténtiæ
Cordis rigórem cónterat.

Dies venit, dies tua,
In qua reflórent ómnia:
Lætémur et nos in viam
Tua redúcti délixera.

Te prona mundi máchina
Clemens adóret Trínitas;
Et nos novi per grátiam
Novum canámus cánticum.
Amen.

*V. Angelis suis Deus mandávit de te.
R. Ut custódiant te in ómnibus viis tuis.*

*Ad Benedictus, Antiphona, to. 1. r.
Ductus est Jesus in désertum a Spí ritu, ut tentarétur a diábolo: et cum jejúnasset quadragínta diébus et qua dragínta nóctibus, póstea esúriit.*

Oratio.

Deus, qui Ecclésiám tuam ánnua Quadragesimáli observatióne pu rificas: præsta famíliæ tuæ; ut quod a te obtinére abstinéndo nítitur, hoc bonis opéribus exequátur. Per Dó minum.

Ad Primam.

Antiph. to. 1. Jesus autem cum je junásset quadragínta diébus et qua dragínta nóctibus, póstea esúriit.

Psalmus. Deus in nómine tuo. cum reliquis ut in Psalterio. 18.

Capitulum. Regi sæculórum. 21.

Ad Absolut. Capituli Lectio brevis. Quærite Dóminum. ut in Psalterio. 23.

Et dicitur in Dominicis et Feriis usque ad Dominicam Passionis ex clusive.

Ad Tertiam.

Antiph. to. 2. Tunc assumpsit eum diabolus in sanctam civitatem, et stavit eum supra pinnaculum templi, et dixit ei: Si Filius Dei es, mitte te deorsum.

Capitulum. 2. Cor. 6.

Fratres, Hortamur vos, ne in vacuum gratiam Dei recipiatis. Ait enim: Tempore accepto exaudivi te, et in die salutis adjuvi te.

R. br. Ipse liberavit me * De laqueo venantium. **Ipse.**

V. Et a verbo aspero. **De laqueo.** **Gloria Patri.** **Ipse.**

V. Scapulis suis obumbrabit tibi.

R. Et sub pennis ejus sperabis.

Ad Sextam.

Antiph. to. 5. Non in solo pane vivit homo, sed in omni verbo, quod procedit de ore Dei.

Capitulum. 2. Cor. 6.

Ecce nunc tempus acceptabile, ecce nunc dies salutis. Nemini dantes ullam offensionem, ut non vituperetur ministerium nostrum.

R. br. Scapulis suis * Obumbrabit tibi. **Scapulis.**

V. Et sub pennis ejus sperabis. **Obumbrabit.** **Gloria Patri.** **Scapulis.**

V. Scuto circumdabit te veritas ejus.

R. Non timebis a timore nocturno.

Ad Nonam.

Antiph. to. 6. Dominum Deum tuum adorabis, et illi soli servies.

Capitulum. 2. Cor. 6. b.

Ut castigati, et non mortificati: quasi tristes, semper autem gaudentes: sicut egentes, multos autem locupletantes: tamquam nihil habentes, et omnia possidentes.

R. br. Scuto circumdabit te * Veritas ejus. **Scuto.**

V. Non timebis a timore nocturno. **V.** Veritas ejus. **Gloria Patri.** **Scuto.**

V. Angelis suis Deus mandavit de te.

R. Ut custodiant te in omnibus viis tuis.

Ad Vesperas.

Antiph. to. 7. f. et Psalmus. Dixit Dominus. cum reliquis de Dominica 101.

Capitulum. Fratres, Hortamur vos. ut supra.

Hymnus.

A Udi, benigne Conditor,
Nostras preces cum flētibus
In hoc sacro jejūnio
Fusas quadragenario.

Scrutator alme cordium,
Infirma tu scis virium:
Ad te reversis exhibe
Remissionis gratiam.

Multum quidem peccavimus,
Sed parce confitentibus:
Ad nominis laudem tui
Confer medelam languidis.

Concede nostrum conteri
Corpus per abstinētiā;
Culpæ ut relinquant pabulum
Jejuna corda criminum.

Præsta, beata Trinitas,
Concede, simplex Unitas;
Ut fructuosa sint tuis
Jeiuniorum mūnera.
Amen.

V. Angelis suis Deus mandavit de te.

R. Ut custodiant te in omnibus viis tuis.

Ad Magnificat, Antiphona; to. 8.

Ecce nunc tempus acceptabile; ecce nunc dies salutis: in his ergo diebus exhibeamus nosmetipsos sicut Dei ministros, in multa patientia, in jejuniis, in vigiliis, et in charitate non ficta.

Oratio.

Deus, qui Ecclesiam tuam annua Quadragesimali observatione purificas: præsta familiæ tuæ; ut quod

a te obtinere abstinendo nřitur, hoc bonis opėribus exequatur. Per Dñm.

Hymni, Versiculi et R. brevia supradicta dicuntur in Dominicis et Feriis usque ad Dominicam Passionis exclusive.

Post Vesperas diei dicuntur Vesperę Defunctorum.



FERIA SECUNDA.

Ad Matutinum, Invitatorium de Psalterio. 39.

Hymnus. Ex more docti mýstico. ut supra. 122.

Antiphonę et Psalmi Nocturnorum de Psalterio. 40.

Et sic dicitur etiam in aliis sequentibus Feriis.

Pater noster.

Absolutio. Exaudi.

Benedictio. Evangelica lectio.

Lectio sancti Evangelii secundum Matthæum.

Lectio i.

Cap. 25. c.

IN illo tempore: Dixit Jesus discipulis suis: Cum venerit Fílius hominis in majestate sua, et omnes Angeli cum eo, tunc sedebit super sedem majestatis suę, et congregabuntur ante eum omnes gentes. Et reliqua.

Homilia Sancti Augustini Episcopi.

Lib. de Fide et operibus cap. 15. t. 4. circa med.

SI mandatis non servatis, ad vitam veniri potest per solam fidem, quę sine opėribus mortua est: illud deinde quomodo verum erit, quod eis, quos ad sinistram positurus est, dicet: Ite in ignem æternum, qui paratus est diabolo, et angelis ejus: nec increpat, quia in eum non crediderunt; sed quia bona opėra non fecerunt? Nam profecto, ne sibi quisquam de fide, quę sine opėribus mortua est, promittat æternam vitam, propterea omnes gentes segregaturum se dixit, quę per-

mixtę eisdem pascuis utebantur: ut appareat eos illi dicturos: Domine, quando te vidimus illa et illa patientem, et non ministravimus tibi? qui in eum crediderant, sed bona operari non curaverant, tamquam de ipsa fide mortua ad vitam perveniretur æternam.

R. Ecce nunc tempus acceptabile, ecce nunc dies salutis: commendemus nosmetipsos in multa patientia, in jejuniis multis: * Per arma justitię virtutis Dei.

V. In omnibus exhibeamus nosmetipsos sicut Dei ministros in multa patientia, in jejuniis multis. Per arma.

Benedictio. Divinum auxilium.

Lectio ii.

AN forte ibunt in ignem æternum qui opėra misericordię non fecerunt, et non ibunt qui aliena rapuerunt? vel corrumpendo in se templum Dei, in seipsos immisericordes fuerunt: quasi opėra misericordię prosint aliquid sine dilectione, dicente Apóstolo: Si distribuam omnia mea pauperibus, charitatem autem non habeam, nihil mihi prodest? Aut diligat quisquam proximum sicut seipsum, qui non diligit seipsum? Qui enim diligit iniquitatem, odit animam suam.

R. In omnibus exhibeamus nosmetipsos sicut Dei ministros in multa patientia: * Ut non vituperetur ministerium nostrum.

V. Ecce nunc tempus acceptabile, ecce nunc dies salutis: commendemus nosmetipsos in multa patientia. Ut non.

Benedictio. Ad societatem.

Lectio iii.

Nequē illud dici hic poterit, in quo nonnulli seipsos seducunt, ignem æternum dictum, non ipsam combustionem æternam. Per ignem quippe,

qui æternus erit, transituros arbitrantur eos, quibus propter fidem mortuam per ignem promittunt salutem: ut videlicet ipse ignis æternus sit, combustio vero eorum, hoc est, operatio ignis, non sit in eos æterna: cum et hoc prævidens Dominus sententiam suam conclusit, ita dicens: Sic ibunt illi in combustionem æternam, justi autem in vitam æternam. Erit ergo æterna combustio, sicut ignis: et eos in illam ituros Veritas dicit, quorum non fidem, sed bona opera defuisse declaravit.

R. In jejúnio et fletu orábunt sacerdotes, dicentes: * Parce, Domine, parce populo tuo; et ne des hæreditatem tuam in perditionem.

V. Inter vestibulum et altare plorabunt sacerdotes, dicentes. Parce. Glória Patri. Parce.

AD LAUDES.

Antiph. to. 6. et Psalmus Miserere. cum reliquis de Psalterio. 48.

Capitulum. Isaiae 58.

CLama, ne cesses; quasi tuba exalta vocem tuam, et annuntia populo meo scelera eorum, et domui Jacob peccata eorum.

Hymnus. O sol salutis. 129.

V. Angelis suis Deus mandavit de te.

R. Ut custodiant te in omnibus viis tuis.

Ad Benedictus, Antiphona, to. 7. r. Venite, benedicti Patris mei, percipite regnum, quod vobis paratum est ab origine mundi.

Deinde dicuntur Preces flexis genibus, ut supra in Psalterio. 50.

Oratio.

Converte nos, Deus salutaris noster: et ut nobis jejúnium Quadragesimale proficiat, mentes nostras cœlestibus instrue disciplinis. Per Dominum.

Post Laudes dicitur Officium Defunctorum.

Ad Primam.

Antiph. to. 3. Vivo ego, dicit Dominus: nolo mortem peccatoris, sed ut magis convertatur, et vivat.

Capitulum. Pacem et veritatem. cum reliquis ut in Psalterio. 27.

Ad Absolutionem Capituli. Querite Dominum. ut in Psalterio. 29.

Ad Tertiam.

Antiph. to. 8. Advenérunt nobis dies poenitentiae, ad redimenda peccata, ad salvandas animas.

Capitulum. Joelis 2. c.

Convertimini ad me in toto corde vestro, in jejúnio et fletu, et planctu. Et scindite corda vestra, et non vestimenta vestra, ait Dominus omnipotens.

R. br. Ipse liberavit me, * De láqueo venantium. Ipse.

V. Et a verbo áspero. De láqueo.

Glória Patri. Ipse.

V. Scápolis suis obumbrábit tibi.

R. Et sub pennis ejus sperábis.

Deinde dicuntur Preces flexis genibus. ut in Psalterio. 34.

Ad Sextam.

Antiph. to. 4. Commendémus nosmetipsos in multa patientia, in jejuniis multis per arma justitiae.

Capitulum. Isaiae 55. b.

Derelinquat impius viam suam, et vir iniquus cogitationes suas, et revertatur ad Dominum, et miseretur ejus, et ad Deum nostrum, quoniam multus est ad ignoscendum.

R. br. Scápolis suis, * Obumbrábit tibi. Scápolis.

V. Et sub pennis ejus sperábis. Obumbrábit.

Glória Patri. Scápolis.

V. Scuto circúmdabit te veritas ejus.

R. Non timébis a timóre noctúrno.

Deinde Preces, ut in Psalterio. 36.

Ad Nonam.

Antiph. to. 1. Per arma justitiæ virtutis Dei commendemus nosmetipsos in multa patientia.

Capitulum. Isaiae 58. c.

Frange esuriēti panem tuum, et egenos vagosque induc in domum tuam: cum videris nudum, operi eum, et carnem tuam ne despexeris.

R. br. Scuto circūmdabit te, * Veritas ejus. Scuto.

V. Non timēbis a timōre noctūrnō. Veritas.

Glória Patri. Scuto.

V. Angelis suis Deus mandāvit de te.

R. Ut custodiant te in omnibus viis tuis.

Deinde dicuntur Preces, ut in Psalterio. 39.

Ad Vesperas.

Antiph. to. 1. f. Inclinauit.

Psalmus. Dilēxi. cum reliquis de Psalterio. 103.

Capitulum. Joelis 2. d.

Inter vestibulum et altāre plorābunt sacerdotes ministri Dōmini, et dicent: Parce, Dōmine, parce pōpulo tuo: et ne des hāreditatem tuam in opprōbrium, ut dominentur eis nationes.

Hymnus. Audi benigne Cōnditor. 130.

V. Angelis suis Deus mandāvit de te.

R. Ut custodiant te in omnibus viis tuis.

Antiphonæ et Capitula supradicta dicuntur in feriali Officio usque ad Dominicam Passionis.

Ad Magnificat, Antiphona, to. 1. r. Quod uni ex minimis meis fecistis, mihi fecistis, dicit Dōminus.

Deinde dicuntur Preces, ut supra in Psalterio. 105.

Oratio.

Absolve, quæsumus, Dōmine, nostrorum vincula peccatorum: et quidquid pro eis meremur, propitiatus averte. Per Dōminum.

ORX

FERIA TERTIA.

Pater noster.

Absolutio. Ipsius pietas.

Benedictio. E evangēlica lēctio.

Lēctio sancti Evangēlii secūndum Matthæum.

Lectio i. Cap. 21.

In illo tēpore: Cum intrasset Jesus Jerosōlymam, commōta est univērsa civitas, dicens: Quis est hic? Et reliqua.

Homilia venerabilis Bedæ Presbyteri.

Homil. 7. in Quadrag. tom. 7.

Quod maledicēdo ficum infructuosam per figuram fecit Dōminus, hoc idem mox apertius ostēdit, ejiciēdo improbos e templo. Neque enim aliquid peccavit arbor, quod, esuriēte Dōmino, poma non habuit, quorum necdum tempus advēnerat: sed peccavēre sacerdotes, qui in domo Dōmini negōtia sæculāria gerēbant, et fructum pietātis, quem debuerant, quemque in eis Dōminus esuriēbat, ferre supersēderant. Arefecit Dōminus arborem maledicto, ut hōmines hæc vidētes, sive audiētes, multo magis intelligērent sese divīno condemnādos esse iudicio, si abque operum fructu de plausu tantum sibi religiōsi sermōnis, velut de sōnitu et tegumēto, blandirēntur viridantium foliorum.

R. Emendēmus in mēlius quæ ignorānter peccāvimus: ne subito præoccupāti die mortis, quæramus spātium pœnitentiæ, et invenīre non possumus: * Attēde, Dōmine, et miserere, quia peccāvimus tibi.

V. Adjuva nos, Deus salutáris noster, et propter honórem nóminis tui, Dómine, líbera nos. **Atténde.**

Benedictio. Divínium auxílium.

Lectio ii.

Verum quia non intellexérunt, in ipsos consequénter districtiónem méritæ ultiónis exércuit, et ejécit commérchia rerum humanárum de domo illa, in qua divínas tantum res agi, hóstias et oratiónes Deo offerri, verbum Dei legi, audíri, et decantári præcéptum erat. Et quidem credéndum est, quia ea tantum vendi vel emi repérent in templo, quæ ad ministérium necessária essent ejúsdem templi, juxta hoc quod álias factum légimus, cum idem templum ingrédians, invénit in eo vendéntes et éméntes oves, et boves, et colúmbas: quia nimírum hæc ómnia, non nisi ut offerréntur in domo Dómini, eos qui de longe vénerant, ab indígenis comparáre credéndum est.

R. Derelínquat ímpius viam suam, et vir iníquus cogitatiónes suas, et revertátur ad Dóminum, et miserébitur ejus: * Quia benígnus et miséricors est, et præstábilis super malítia Dóminus Deus noster.

V. Non vult Dóminus mortem peccatóris, sed ut convertátur et vivat. **Quia.**

Benedictio. Ad societátem.

Lectio iii.

Si ergo Dóminus nec ea volébat vendári in templo, quæ in templo volébat offerri, vidélicet propter stúdiu avarítiæ, sive fraudis, quod propriu solet esse negotiántium fácinus: quanta putas animadversióne puníret, si invenísset ibi áliquos rísui vel vanilóquio vacántes, aut álii cúlíbet vítio mancipátos? Si enim ea quæ álibi líbere geri póterant, Dóminus in domo sua temporália negótia geri non pátitur, quanto magis ea,

quæ nusquam fieri licet, plus coeléstis iræ meréntur, si in ædibus Deo sacrátis agúntur? Verum quia Spíritus sanctus in colúmba super Dóminum appáruit, recte per colúmbas sancti Spíritus charísmata signántur. Qui autem sunt in templo Dei hódie, qui colúmbas vendunt, nisi qui in Ecclésia prétium de impositiône manus accípiunt, per quam vidélicet impositiõem Spíritus sanctus cælitus datur?

R. Paradísi portas apéruit nobis jejúnii tempus: suscipíamus illud orántes, et deprecántes, * Ut in die resurrectionis cum Dómino gloriémur.

V. In ómnibus exhibeámus nosmetípsos sicut Dei minístros in multa patiéntia. **Ut in die. Glória Patri. Ut in die.**

Ad Benedictus, Antiphona, to. 1. f. Intrávit Jesus in templum Dei, et eji-ciébat omnes vendéntes et eméntes: et mensas nummulariórum, et cáthedras vendéntium colúmbas evértit.

Deinde dicuntur Preces. 50.

Oratio.


Respíce, Dómine, familiam tuam, et præsta, ut apud te mens nostra tuo desidério fúlgeat, quæ se carnis maceratióne castígat. Per Dóminum.

Ad Magnificat, Antiphona, to. 8. Scriptum est enim, quia domus mea, domus oratiónis est cunctis géntibus: vos autem fecístis illam spelúncam latrónum: et erat quotidie docens in templo.

Deinde dicuntur Preces. 105.

Oratio.

Ascéndant ad te, Dómine, preces nostræ, et ab Ecclésia tua cunctam repélle nequítiam. Per Dóminum.



FERIA QUARTA QUATUOR TEMPORUM.

Hodie dicuntur Psalmi Graduales.

Pater noster.

Absolutio. *A* vînculis.

Benedictio. *E*vangélica léctio.

Léctio sancti Evangélii secúndum
Matthæum.

Lectio i.

Cap. 12. c.

IN illo témpore: Respondérunt Jesu
quidam de Scribis et Pharisæis,
dicentes: Magíster, vólumus a te sig-
num vidére. Et réliqua.

Homília Sancti Ambrósii Epíscopi.

Lib. 7. in Lucæ cap. 11.

JUdæorum plebe damnáta, Ecclé-
siæ mystérium evidénter exprími-
tur, quæ in Ninivítis per pœniténtiam,
et in Regína Austri per stúdiûm per-
cipiéndæ sapiéntiæ, de totíus orbis
finibus congregátur, ut pacífici Sa-
lomónis verba cognóscat. Regína
plane, cujus regnum est indivísûm,
de diversis et distántibus pópulis in
unum corpus assúrgens.

R. Scíndite corda vestra, et non ves-
timénta vestra: et convertímini ad
Dóminum Deum vestrum: * Quia be-
nígus et miséricors est.

V. Derelínquat ímpius viam suam, et
vir íniquus cogitatíones suas, et re-
vertátur ad Dóminum, et miserébitur
ejus. Quia.

Benedictio. Divínûm auxiliûm.

Lectio ii.

ITaque Sacraméntum illud magnum
est de Christo, et Ecclésia. Sed
tamen hoc majus est, quia illud in fi-
gúra ante præcéssit, nunc autem
plenum in veritaté mystérium est.
Illic enim Sálomon typus, hic autem
Christus in suo corpore est. Ex duó-
bus igitur constat Ecclésia: ut aut
peccáre nesciat, aut peccáre désinat.
Pœniténtia enim delíctum ábolet, sa-
piéntia cavet.

R. Frange esuriénti panem tuum, et
egénos vagósque induc in domum
tuam: * Tunc erúmpet quasi mane
lumen tuum, et anteíbit fáciem tuam
justítia tua.

V. Cum víderis nudum, óperi eum,
et carnem tuam ne despéxeris. Tunc.

Benedictio. Ad societátem.

Lectio iii.

CETERUM Jonæ signum, ut typus
Domínicæ passíonis, ita étiam
grávium, quæ Judæi commiserint,
testificátio peccatórum est. Simul
advértere licet et majestátis orácu-
lum, et pietátis indíciûm. Namque
Ninivítarum exémplo et denuntiátur
supplícium, et remédiûm demonstrá-
tur. Unde étiam Judæi debent non
desperáre indulgéntiam, si velint
ágere pœniténtiam.

R. Abscóndite eleemóynam in sinu
páuperum, et ipsa orábit pro vobis
ad Dóminum: * Quia sicut aqua ex-
tínguit ignem, ita eleemósyna extín-
guit peccátum.

V. Date eleemósynam, et ecce óm-
nia munda sunt vobis. Quia. Glória
Patri. Quia.

Ad Benedictus, Antiphona, to. 8.

Generátio hæc prava et perversa sig-
num quærit: et signum non dábitur
ei, nisi signum Jonæ Prophétæ.

Deinde dicuntur Preces. 50.

Oratio.

PREces nostras, quæsumus, Dómine,
cleménter exáudi: et contra cunc-
ta nobis adversántia, dexteram tuæ
majestátis exténde. Per Dóminum.

Ad Magnificat, Antiphona, to. 4.

Sicut fuit Jonas in ventre ceti tribus
diébus et tribus nóctibus, ita erit Fí-
lius hóminis in corde terræ.

Deinde dicuntur Preces. 105.

Oratio.

MENTES nostras, quæsumus, Dó-
mine, lúmine tuæ claritátis illús-

tra: ut vidére possimus, quæ agénda sunt; et quæ recta sunt, ágere valeámus. Per Dóminum.

✠

FERIA QUINTA.

Pater noster.

Absolutio. Exáudi Dómine.

Benedictio. Evangélica léctio.

Léctio sancti Evangélii secúndum Matthæum.

Lectio i.

Cap. 15. c.

IN illo témpore: Egréssus Jesus secéssit in partes Tyri et Sidónis. Et réliqua.

Homília Sancti Hierónymi Presbýteri.

Lib. 2. Comment. in cap. 15. Matth.

SCribis et Pharisæis calumniatóribus derelictis, transgreditur in partes Tyri et Sidónis, ut Týrios Sidoniósque curáret. Múlier autem Chananæa egréditur de fínibus prístinis, ut clamans filiae ímpetret sanitátem. Obsérva quod in quintodécimo loco filia Chananææ sanétur. Miserére mei, Dómine, Fili David. Inde novit vocáre Fílium David, quia egréssa jam fúerat de fínibus suis, et errórem Tyriórum ac Sidoniórum loci ac fidei commutatóne dimiserat.

R. Tribulárer, si nescírem misericórdiastuas, Dómine: tu dixísti, Nolo mortem peccatóris, sed ut magis convertátur et vivat: * Qui Chananæam et Publicánum vocásti ad pœniténtiam.

V. Secúndum multitúdinem dolórum meórum in corde meo, consolatiónes tuæ lætificavérunt ánimam meam. Qui Chananæam.

Benedictio. Divínium auxílium.

Lectio ii.

Filia mea male a dæmónio vexátur. Ego fíliam Chananææ puto ánimas esse credéntium, quæ male a dæmónio vexabántur, ignoránte Creatórem, et adoránte lápidem. Qui

non respóndit ei verbum: non de supérbia Pharisáica, nec de Scribárum supercílio: sed ne ipse sententiæ suæ viderétur esse contrárius, per quam jússerat: In viam Géntium ne abiérítis, et in civitátes Samaritanórum ne intravérítis. Nolébat enim occasiódinem calumniatóribus dare: perfectámque salútem Géntium passiónis et resurrectiódinis témpori reservábat.

R. In ómnibus exhibeámus nosmetípsos sicut Dei minístros in multa patiéntia: * Ut non vituperétur ministérium nostrum.

V. Ecce nunc tempus acceptábile, ecce nunc dies salútis: commendémus nosmetípsos in multa patiéntia. Ut non.

Benedictio. Ad societátem.

Lectio iii.

ET accedéntes discípuli ejus rogábant eum, dicéntes: Dimítte eam, quia clamat post nos. Discípuli illo adhuc témpore mystéria Dómini nesciéntes, vel misericórdia commóti, rogábant pro Chanaæa muliere, quam alter Evangelísta Syrophœníssam appellat: vel importunitáte ejus carére cupiéntes, quia non ut cleméntem, sed ut durum médicum crébrius inclamáret. Ipse autem respóndens ait: Non sum missus, nisi ad oves quæ periérunt domus Israel. Non quod et ad Gentes non missus sit, sed quod primum missus sit ad Israel: ut illis non recipiéntibus Evangélium, justa fieret ad Gentes transmigratio.

R. In jejúnio et fletu orábunt sacerdótes, dicéntes: * Parce, Dómine, parce pópulo tuo; et ne des hæreditátem tuam in perditionem.

V. Inter vestibulum et altáre plorábunt sacerdótes, dicéntes. Parce. Glória Patri. Parce.

Ad Benedictus, Antiphona, to. 1. r. Egréssus Jesus secéssit in partes Tyri et Sidónis: et ecce múlier Chananæa

a fñibus illis egréssa clamábat, dicens: Miserére mei, fili David.

Deinde dicuntur Preces. 50.

Oratio.

DEvotiónem pópuli tui, quæsumus, Dómine, benígnus inténde: ut qui per abstinéntiam macerántur in corpore, per fructum boni óperis reficiántur in mente. Per Dóminum.

Ad Magnificat, Antiphona, to. 4.

O múlter, magna est fides tua: fiat tibi sicut petísti.

Deinde dicuntur Preces. 105.

Oratio.

DA, quæsumus, Dómine, pópulis Christiánis et quæ profiténtur agnóscere: et cœléste munus dilígere, quod frequéntant. Per Dóminum.

✠

FERIA SEXTA QUATOUR TEMPORUM.

Pater noster.

Absolutio. Ipsíus píetas.

Benedictio. Evangélica léctio.

Léctio sancti Evangélíi secúndum Joánnem.

Lectio i.

Cap. 5.

IN illo témpore: Erat dies festus Judæórum, et ascéndit Jesus Jerosólymam. Et réliqua.

Homília Sancti Augustíni Epíscopi.

Tract. 17. in Joan. post initium.

Vldeámus quid volúerit significáre in illo uno, quem étiam ipse servans unitátis mystérium, de tot languéntibus unum sanáre dignátus est. Invénit in annis ejus númerum quemdam languóris. Trigínta et octo annos habébat in infirmitáte. Hic númerus quómodo magis ad languórem pertíneat, quam ad sanitátem, paulo dilígéntius exponéndum est. Inténtos vos volo: áderit Dóminus, ut cóngrue loquar, et sufficiénter audiátis. Qua-

dragenárius númerus sacrátus nobis in quadam perfectióne commendátur: notum esse árbitror charitáti vestrá: testántur sæpíssime divínæ Scriptúræ: jejúnium hoc número consecrátum esse, bene nostis. Nam et Móyses quadragínta diébus jejunávit, et Elías tótidem: et ipse Dóminus noster et Salvátor Jesus Christus hunc jejúnii númerum implévit. Per Móysen significátur Lex, per Elíam significántur Prophétæ, per Dóminum significátur Evangélium. Ideo in illo monte tres apparuérunt, ubi se discípulis osténdit in claritáte vultus et vestis suæ: apparuit enim médius inter Móysen et Elíam, tamquam Evangélium testimónium habéret a Lege et Prophétis.

R. Emendémus in mélius quæ ignoránter peccávimus: ne súbito præoccupáti die mortis, quæramus spátium pœniténtiæ, et inveníre non possimus: * Atténde, Dómine, et miserére, quia peccávimus tibi.

V. Adjuva nos, Deus salutáris noster, et propter honórem nóminis tui, Dómine, líbera nos. Atténde.

Benedictio. Divínium auxílium.

Lectio ii.

SIve ergo in Lege, sive in Prophétis, sive in Evangélio, quadragenárius númerus nobis in jejúnio commendátur. Jejúnium autem magnum et generále est, abstinére ab iniquitátibus et illícitis voluptátibus sæculi, quod est perfectum jejúnium: ut abnegántes impietátem et sæculares cupiditátes, temperánter, et juste, et pie vivámus in hoc sæculo. Huic jejúnio quam mercédem addit Apóstolus? Séquitur, et dicit: Expectántes illam beátam spem, et manifestatióne glóriæ beáti Dei et Salvatóris nostri Jesu Christi. In hoc ergo sæculo quasi quadragesimam abstinéntiæ celebrámus, cum bene

vivimus, cum ab iniquitatibus et ab illicitis voluptatibus abstinemus: sed quia hæc abstinéntia sine mercéde non erit, expectamus beátam illam spem, et revelatióem glóriæ magni Dei et Salvatóris nostri Jesu Christi. In illa spe, cum fúerit de spe facta res, acceptúri sumus mercédem denárium. Ipsa enim merces rédditur operáriis in vínea laborántibus, secundum Evangélium, quod vos credo reminísci: neque enim ómnia commemoránda sunt, tamquam rúdibus et imperítis. Denárius ergo, qui accépit nomen a número decem, rédditur, et conjúctus quadragenáριο fit quinquagenárius: unde cum labóre celebrámus Quadragesimam ante Pascha; cum lætítia vero, tamquam accepta mercéde, Quinquagesimam post Pascha.

R. Derelinquat impius viam suam, et vir iníquus cogitatióes suas, et revertátur ad Dóminum, et miserébitur ejus: * Quia benígnus et miséricors est, et præstábilis super malítia Dóminus Deus noster.

V. Non vult Dóminus mortem peccatóris, sed ut convertátur et vivat. Quia.

Benedictio. Ad societátem.

Lectio iii.

Mementóte quod proposúerim número trigintaócto annórum in illo lánguido. Volo expónere, quare número ille trigésimus et octávus, languóris sit pótius quam sanitátis. Ergo, ut dicebam, cháritas implet legem: ad plenitúdinem legis in ómnibus opéribus pértinet quadragenárius número. In charitáte autem duo præcépta nobis commendántur: Díliges Dóminum Deum tuum ex toto corde tuo, et ex tota ánima tua, et ex tota mente tua: et díliges próximum tuum sicut teípsum. In his duóbus præcéptis tota Lex pendet, et Prophétæ. Mérito et illa vídua om-

nes facultátes suas, duo minúta misit in dona Dei: mérito et pro illo lánguido a latrónibus sauciáto stabulárius duos nummos accépit, unde sanarétur: mérito apud Samaritános bídum fecit Jesus, ut eos charitáte firmáret. Bináριο ergo isto número, cum áliquid boni significátur, máxime bipartíta cháritas commendátur. Si ergo quadragenárius número habet perfectiόem Legis, et Lex non implétur nisi in gémino præcépto charitátis: quid miráris, quia languébat, qui ad quadragínta, duo minus habébat?

R. Paradísi portas apérui nobis jejúnii tempus: suscipíamus illud orántes, et deprecántes, * Ut in die resurrectiόnis cum Dómino gloriémur.

V. In ómnibus exhibeámus nosmetípsos sicut Dei minístros in multa paciéntia. Ut in die. Glória Patri. Ut in die.

Ad Benedictus, Antiphona, to. 4.

Angelus Dómini descendébat de cœlo, et movebátur aqua, et sanabátur unus.

Deinde dicuntur Preces. 50.

Oratio.

ESto, Dómine, propítius plebi tuæ: et quam tibi facis esse devótam, beníigno réfove miserátus auxílio. Per Dóminum.

Hodie dicuntur Psalmi Pœnitentiales.


Ad Magnificat, Antiphona, to. 1.

Qui me sanum fecit, ille mihi præcépit: Tolle grabátum tuum, et ámbula in pace.

Deinde dicuntur Preces. 105.

Oratio.

EXáudi nos, miséricors Deus: et méntibus nostris grátiae tuæ lumen osténde. Per Dóminum.



S A B B A T O QUATUOR TEMPORUM.

Pater noster.

Absolutio. A vñculis.

Benedictio. Evangélica léctio.

Léctio sancti Evángelii secúndum

Lectio i. Matthæum. Cap. 17.

IN illo témpore: Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum: et transfigurátus est ante eos. Et réliqua.

Homília Sancti Leónis Papæ.

Homilia de Transfiguratione Domini.

EVangélica léctio, dilectíssimi, quæ per aures córporis interiorem mén-tium nostrárum pulsávit audítum, ad magni sacraménti nos intelligéntiam vocat: quam, aspiránte grátia Dei, facílius assequémur, si consideratió-nem nostram ad ea, quæ paulo sup-erius sunt narráta, referámus. Sal-vátor enim humáni géneris Jesus Christus, condens eam fidem, quæ et ímpios ad justítiam, et mórtuos ré-vocat ad vitam, ad hoc discípulos suos doctrínæ mónitis, et óperum mi-ráculis imbuébat, ut idem Christus et Unigénitus Dei, et hóminis Fílius crederétur. Nam unum horum sine áltero non próderat ad salútem: et æquális erat perículi, Dóminum Je-sum Christum aut Deum tantúmmodo sine hómine, aut sine Deo solum hó-minem credidísse, cum utrúmque esset páriter confiténdum: quia sicut Deo vera humanitas, ita hómini íne-rat vera divínitas.

R. Scíndite corda vestra, et non ves-timénta vestra: et convertímini ad Dóminum Deum vestrum: * Quia be-nígnus et miséricors est.

V. Derelínquat ímpius viam suam, et vir iníquus cogitatiónes suas, et re-vertátur ad Dóminum, et miserébitur ejus. Quia.

Benedictio. Divínium auxílium.

Lectio ii.

AD confirmándam ergo hujus fídei salubérrimam cognitiónem inter-rogáverat discípulos suos Dóminus, inter diversas aliórum opiniónes, quid ipsi de eo créderent, quidve sentírent. Ubi Petrus Apóstolus, per revelatió-nem summi Patris corpórea súperans, et humana transcéndens, vidit men-tis óculis Fílium Dei vivi, et confés-sus est glóriam Deitátis: quia non ad solam respéxit substantiam carnis et sánguinis. Tantúmque in hac fídei sublimitáte complácuit, ut beatitúdi-nis felicitáte donátus, sacram invio-lábilis petræ accíperet firmitátem: super quam, fundáta Ecclésia, portis ínferi et mortis légibus prævaléret: nec in solvéndis aut ligándis quorum-cúmque causis, álud ratum esset in cœlis, quam quod Petri sedísset ar-bítrio.

R. Frange esuriénti panem tuum, et egénos vagósque induc in domum tuam: * Tunc erúmpet quasi mane lumen tuum, et anteíbit faciém tuam justítia tua.

V. Cum víderis nudum, óperi eum, et carnem tuam ne despéxeris. Tunc.

Benedictio. Ad societátem.

Lectio iii.

HÆc autem, dilectíssimi, laudátæ intelligéntiæ celsitúdo instruénda erat de inferióri substantiæ sacra-ménto: ne Apostólica fides ad gló-riam confiténdæ in Christo Deitátis evécta, infirmitátis nostræ recepti-ó-nem indígnam impassíbili Deo atque incóngruam judicáret: et ita jam in Christo humanam créderet glorificá-tam esse natúram, ut nec supplicio posset áffici, nec morte dissólvi. Et ideo, dicénte Dómino, quod oporté-ret eum ire Jerosólymam, et multa pati a senióribus et Scribis, ac prin-cípibus sacerdotum, et occídi, et tér-tia die resúrgere: cum beátus Petrus,

qui, supérno illustrátus lúmíne, de ardentíssima Fílii Dei confessióne fervébat, contumélias illusiónum et crudelíssimæ mortis oppróbrium religiósó, ut putábat, et libero fastídio respuísset; benígna a Jesu increpatióne corréptus, et ad cupiditátem participándæ cum eo passiónis animátus est.

R. Abscóndite eleemósynam in sinu páuperum, et ipsa orábit pro vobis ad Dóminum: * Quia sicut aqua extínguit ignem, ita eleemósyna extínguit peccátum.

V. Date eleemósynam, et ecce ómnia munda sunt vobis. **Quia.** Glória Patri. **Quia.**

Ad Benedictus, Antiphona, to. 7. r. Assúmpsit Jesus discipulos suos, et ascéndit in montem, et transfigurátus est ante eos.

Deinde dicuntur Preces. 50.

Oratio.

POpulum tuum, quæsumus, Dómine, propítius respice: atque ab eo flagélla tuæ iracúndiæ cleménter avérte. Per Dóminum.

AD VESPERAS.

Capitulum.

1. Thess. 4.

FRatres, Rogámus vos, et obsecrámus in Dómino Jesu, ut quemádmodum accepístis a nobis, quómodo vos opórteat ambuláre, et placére Deo, sic et ambulétis, ut abundétis magis.

Hymnus.

AUdi, benígne Cónditor,
Nostras preces cum flétibus
In hoc sacro jejúnio
Fusas quadragenário.

Scrutátor alme córdium,
Infírma tu scis vírium:
Ad te revérsis éxhibe
Remissiósni grátiam.

Multum quidem peccávimus,
Sed parce confiténtibus:

Ad nóminis laudem tui
Confér medélam lánguidis.

Concède nostrum cónteri
Corpus per abstinéntiam;
Culpæ ut relínquant pábulum
Jejúna corda críminum.

Præsta, beáta Trínitas,
Concède, simplex Unitas;
Ut fructuósa sint tuis
Jejuniórum múnera.

Amen.

V. Angelis suis Deus mandávit de te.

R. Ut custódiant te in ómnibus viis tuis.

Ad Magnificat, Antiphona, to. 1.

Visióne, quam vidístis, némini dixéritis, donec a mórtuis resúrgat Fílius hóminis.

Oratio.

DEus, qui cónspicis omni nos virtúte destítui: intérius exteriúsque custódi; ut ab ómnibus adversitátibus muniámur in córpore, et a pravis cogitatióibus mundémur in mente. Per Dóminum.



Dominica II.

in Quadragesima.

AD MATUTINUM.

Invitatorium. Non sit vobis vanum mane súrgere ante lucem: * Quia promísit Dóminus corónam vigilántibus.

Psalmus. Veníte, exultémus. 2.

Hymnus.

EX more docti mýstico
Servémus hoc jejúnium,
Deno diérum círculo
Ducto quater notíssimo.
Lex et Prophétæ prímities
Hoc prætulérunt, póstmodum
Christus sacrávit, ómnium
Rex, atque Factor témporum.

Utámur ergo párcius
 Verbis, cibis, et pótibus,
 Somno, jocis, et ártius
 Perstémus in custódia.

Vitémus autem nóxia,
 Quæ súbruunt mentes vagas,
 Nullúmque demus cállidi
 Hostis locum tyránnidi.

Flectámus iram vándicem,
 Plorémus ante júdicem,
 Clamémus ore súpplici,
 Dicámus omnes cernui:

Nostris malis offéndimus
 Tuam Deus cleméntiam,
 Effúnde nobis désuper
 Remíssor indulgéntiam:

Meménto quod sumus tui,
 Licet cadúci plásmatis:
 Ne des honórem nóminis
 Tui, precámur, álteri.

Laxa malum quod fécimus:
 Auge bonum quod póscimus,
 Placére quo tandem tibi
 Possímus hic, et pérpetim.

Præsta, beáta Trínitas,
 Concéde simplex Uñitas,
 Ut fructuósa sint tuis
 Jejuniórum múnera. Amen.

IN I. NOCTURNO.

Antiph. to. 8. Servíte Dómino.

Psalmus. Beátus vir. cum reliquis
 ut in Psalterio. 3.

De libro Génesis.

Lectio i.

Cap. 27.

Senuit autem Isaac, et caligavérunt
 óculi ejus, et vidére non póterat:
 vocavítque Esau fílium suum majó-
 rem, et dixit ei: Fili mi? Qui respón-
 dit: Adsum. Cui pater: Vides, inquit,
 quod senúerim, et ignórem diem mor-
 tis meæ. Sume arma tua, pháretram
 et arcum, et egrédere foras: cumque
 venátu áliquíd apprehénderis, fac
 mihi inde pulméntum, sicut velle me

nosti, et affer ut cómedam, et bene-
 dícat tibi ánima mea ántequam mó-
 riar. Quod cum audísset Rebécca, et
 ille abiisset in agrum ut jussíonem
 patris impléret, dixit fílio suo Jacob:
 Audívi patrem tuum loquéntem cum
 Esau fratre tuo, et dicéntem ei: Affer
 mihi de venatióne tua, et fac cibos
 ut cómedam, et benedícam tibi co-
 ram Dómino ántequam móriar. Nunc
 ergo, fili mi, acquiesce consíliis meis:
 et pergens ad gregem, affer mihi duos
 hœdos óptimos, ut fáciam ex eis es-
 cas patri tuo, quibus libénter vésci-
 tur: quas cum intúleris, et coméderit,
 benedícat tibi priúsqvam moriátur.

R. Tolle arma tua, pháretram et ar-
 cum, et affer de venatióne tua, ut có-
 medam.* Et benedícat tibi ánima mea.

V. Cumque venátu áliquíd attúleris,
 fac mihi inde pulméntum, ut cóme-
 dam. Et benedícat.

Lectio ii.

Cui ille respóndit: Nosti quod Esau
 frater meus homo pilósus sit, et
 ego lenis: si attrectáverit me pater
 meus, et sénserit, tímeo ne putet me
 sibi volúisse illúdere, et indúcam su-
 per me maledictiόνem pro benedic-
 tióne. Ad quem mater: In me sit, ait,
 ista maledíctio, fili mi: tantum audi
 vocem meam, et pergens affer quæ
 dixi. Abiit, et áttulit, dedítque matri.
 Parávit illa cibos, sicut velle nóverat
 patrem illíus. Et véstibus Esau valde
 bonis, quas apud se habébat domi,
 induit eum: pelliculásque hœdórum
 circúmdedit mánibus, et colli nuda
 protéxit. Dedítque pulméntum, et
 panes, quos cóxerat, trádedit. Quibus
 illátis, dixit: Pater mi? At ille res-
 póndit: Audio. Quis es tu, fili mi?
 Dixítque Jacob: Ego sum primogé-
 nitus tuus Esau: feci sicut præcepísti
 mihi: surge, sede, et cómede de ve-
 natióne mea, ut benedícat mihi ánima
 tua. Rursúmque Isaac ad fílium suum:

Quómodo, inquit, tam cito invenire potuisti, fili mi? Qui respondit: Voluntas Dei fuit, ut cito occurreret mihi quod volébam.

R. Ecce odor filii mei sicut odor agri pleni, cui benedixit Dóminus: crescere te fáciat Deus meus sicut arenam maris: * Et donet tibi de rore cœli benedictiónem.

V. Deus autem omnipotens benedícat tibi, atque multiplicet. Et donet.

Lectio iii.

Dixitque Isaac: Accéde huc, ut tangam te, fili mi, et probem utrum tu sis filius meus Esau, an non. Accessit ille ad patrem, et palpato eo, dixit Isaac: Vox quidem, vox Jacob est: sed manus, manus sunt Esau. Et non cognóvit eum, quia pilósæ manus similitúdinem majóris expresserant. Benedicens ergo illi, ait: Tu es filius meus Esau? Respondit: Ego sum. At ille: Affer mihi, inquit, cibos de venatióne tua, fili mi, ut benedícat tibi ánima mea. Quos cum oblátos comedisset, obtulit ei étiam vinum. Quo hausto, dixit ad eum: Accéde ad me, et da mihi ósculum, fili mi. Accessit, et osculátus est eum. Statimque ut sensit vestimentórum illíus fragrantiam, benedicens illi, ait: Ecce odor filii mei sicut odor agri pleni, cui benedixit Dóminus. Det tibi Deus de rore cœli, et de pinguédine terræ abundantiam fruménti et vini. Et sérviant tibi pópuli, et adórent te tribus: esto dóminus fratrum tuórum, et incurvéntur ante te filii matris tuæ. Qui maledíxerit tibi, sit ille maledíctus: et qui benedíxerit tibi, benedictiónibus repleátur.

R. Det tibi Deus de rore cœli, et de pinguédine terræ abundantiam: sérviant tibi tribus et pópuli: * Esto dóminus fratrum tuórum.

V. Et incurvéntur ante te filii matris tuæ. Esto. Glória Patri. Fsto.

IN II. NOCTURNO.

Antiph. to. 3. Bonórum meórum.

Psalmus. Consérva. cum reliquis ut in Psalterio. 8.

Ex libro Sancti Augustíni Epíscopi contra mendácium.

Cap. 10. tom. 4. post initium.

Lectio iv.

Jacob quod matre fecit auctóre, ut patrem fállere viderétur, si diligénter et fidéliter attendátur, non est mendácium, sed mystérium. Quæ si mendácia dixérimus, omnes étiam parabolæ ac figuræ significandarum quarumcúmque rerum, quæ non ad proprietátem accipiéndæ sunt, sed in eis áliud ex álio est intelligéndum, dicéntur esse mendácia: quod absit omníno. Nam qui hoc putat, trópicis étiam tam multis locutió nibus ómnibus potest hanc importáre calúmnia: ita ut hæc ipsa, quæ appellátur metáphora, hoc est, de re própria ad rem non própriam verbi alicújus usurpáta translátio, possit ista ratióne mendácium nuncupári.

R. Dum exíret Jacob de terra sua, vidit glóriam Dei, et ait: Quam terribilis est locus iste! * Non est hic áliud, nisi domus Dei, et porta cœli. V. Vere Deus est in loco isto, et ego nesciébam. Non.

Lectio v.

Quæ significantur enim, útique ipsa dicúntur: putántur autem mendácia, quóniam non ea, quæ vere significantur, dicta intelligúntur; sed ea, quæ falsa sunt, dicta esse credúntur. Hoc ut exémpis fiat plánius, idípsum quod Jacob fecit, atténde. Hoedínis certe péllibus membra contéxit. Si causam próxíam requirámus, mentítum putábimus: hoc enim fecit, ut putarétur esse qui non erat. Si autem hoc factum ad illud, propter quod significándum revéra factum

est, referatur, per hædinas pelles, peccata; per eum vero, qui eis se operuit, ille significatus est, qui non sua, sed aliena peccata portavit.

R. Si Dominus Deus meus fuerit mecum in via ista, per quam ego ambulo, et custodierit me, et dederit mihi panem ad edendum, et vestimentum quo operiar, et revocaverit me cum salute: * Erit mihi Dominus in refugium, et lapis iste in signum.

V. Surgens ergo mane Jacob tulit lapidem, quem supposuerat capiti suo, et erexit in titulum, fundensque oleum desuper, dixit. Erit.

Lectio vi.

Verax ergo significatio nullo modo mendacium recte dici potest: ut autem in facto, ita et in verbo. Nam cum ei pater dixisset: Quis es tu, fili? Ille respondit: Ego sum Esau primogenitus tuus. Hoc si referatur ad duos illos geminos, mendacium videbitur: si autem ad illud, propter quod significandum ista gesta dictaque conscripta sunt, ille est hic intelligendus in corpore suo, quod est ejus Ecclesia, qui de hac re loquens, ait: Cum videritis Abraham, et Isaac, et Jacob, et omnes Prophetas in regno Dei, vos autem expelli foras. Et, Venient ab Oriente, et Occidente, et Aquilone, et Austro, et accumbent in regno Dei. Et, Ecce sunt novissimi, qui erant primi: et sunt primi, qui erant novissimi. Sic enim quodammodo minor majoris primatum frater abstulit, atque in se transtulit fratris.

R. Erit mihi Dominus in Deum, et lapis iste, quem erexi in titulum, vocabitur domus Dei: et de universis, quæ dederis mihi, * Decimas et hostias pacificas offeram tibi.

V. Si reversus fuero prospere ad domum patris mei. Decimas. Gloria Patri. Decimas.

IN III. NOCTURNO.

Antiph. to. 7. Non sunt loquela. Psalmus. Coeli enarrant. cum reliquis ut in Psalterio. 11.

Lectio sancti Evangelii secundum Matthæum.

Lectio vii.

Cap. 17.

In illo tempore: Assumpsit Jesus Petrum, et Jacobum, et Joannem fratrem ejus, et duxit illos in montem excelsum seorsum: et transfiguratus est ante eos. Et reliqua.

De Homilia Sancti Leonis Papæ.

Ex Hom. de Transf. Domini.

Assumpsit Jesus Petrum, et Jacobum, et fratrem ejus Joannem, et conscenso cum eis seorsum monte præcelso, claritatem suæ gloriæ demonstravit: quia licet intellexissent in eo majestatem Dei, ipsius tamen corporis, quo divinitas tegebatur, potentiam nesciebant. Et ideo proprie signanterque promiserat quosdam de astantibus discipulis non prius gustare mortem, quam viderent Filium hominis venientem in regno suo, id est, in regia claritate, quam spiritaliter ad naturam suscepti hominis pertinentem, his tribus viris voluit esse conspicuam. Nam illam ipsius Deitatis ineffabilem et inaccessibilem visionem, quæ in æternam vitam mundis corde servatur, nullo modo mortali adhuc carne circumdati intueri poterant et videre.

R. Dixit Angelus ad Jacob: * Dimitte me, aurora est. Respondit ei: Non dimittam te, nisi benedixeris mihi. Et benedixit ei in eodem loco.

V. Cumque surrexisset Jacob, ecce vir luctabatur cum eo usque mane: et cum videret quod eum superare non posset, dixit ad eum. Dimitte.

Lectio viii.

Dicente Patre: Hic est Filius meus dilectus, in quo mihi bene com-

placui, ipsum audite: nōne evidēter auditum est: Hic est Fīlius meus, cui ex me, et mecum esse sine tēpore est? quia nec gēnitor gēnito prior, nec gēnitus est genitōre postērior. Hic est Fīlius meus, quem a me non sēparat Dēitas, non dīvidit potestas, non discērnit ætērnitas. Hic est Fīlius meus, non adoptīvus, sed proprius: non aliūde creātus, sed ex me gēnitus: nec de alia natūra mihi factus comparābilis, sēd de mea essēntia mihi natus æquālis.

R. Vidi Dōminum fācie ad fāciem: *
Et salva facta est ānima mea.

Ÿ. Et dixit mihi: Nequāquam vocāberis Jacob, sed Israel erit nomen tuum. Et salva.

Lectio ix.

Hic est Fīlius meus, per quem omnia facta sunt, et sine quo factum est nihil: qui omnia quæ fācio, similiter facit, et quidquid ōperor, inseparābiliter mecum atque indifferēter operātur. Hic est Fīlius meus, qui eam, quam mecum habet æqualitatem, non rapīna apētiit, nec usurpatione præsūpsit: sed manens in forma glōriæ meæ, ut ad reparāndum genus humānum exequeretur commūne consīlium, usque ad formam servīlem inclināvit incommutābilem Deitatem. Hunc ergo, in quo mihi per omnia bene complāceo, et cujus prædicatione manifēstor, cujus humilitate clarīficor, incunctāter audite: quia ipse est vēritas et vita, ipse virtus mea atque sapiēntia.

R. Cum audīset Jacob quod Esau venīret contra eum, divisit fīlios suos et uxōres, dicens: Si percūsset Esau unam turmam, salvābitur āltera. *
Lībera me, Dōmine, qui dixīsti mihi: *
Multiplicābo semen tuum sicut stellas cœli, et sicut arēnam maris, quæ præ multitudīne numerāri non potest.

Ÿ. Dōmine, qui dixīsti mihi: Revētere in terram nativitātis tuæ: Dōmine, qui pascis me a juventūte mea. Lībera. Glōria Patri. Multiplicābo.

AD LAUDES.

Antiph. to. 7. r. Dōmine, lābia mea apéries, et os meum annuntiābit laudem tuam.

Psalmus. Miserere. cum reliquis ut supra. 126.

Antiph. to. 8. f. Dēxtera Dōmini fecit virtutem: dēxtera Dōmini exaltavit me.

Antiph. to. 1. f. Factus est adjutor meus Deus meus.

Antiph. to. 8. Trium puerōrum cāntemus hymnum, quem cantābant in camīno ignis, benedicētes Dōminum.

Antiph. to. 7. r. Stātuīt ea in ætēnum, et in sēcūlum sēcūli: præceptum pōsuit, et non præteribit.

Capitulum.

1. Thess. 4.

Fratres, Rogāmus vos, et obsecramus in Dōmino Jesu, ut quemāmodum accepistis a nobis, quōmodo vos opórteat ambulāre, et placere Deo, sic et ambulētis, ut abundētis magis.

Hymnus.

O sol salutis, íntimis
Jesu refúlge méntibus,
Dum nocte pulsa grátior
Orbi dies renāscitur.
Dans tempus acceptābile,
Da, lacrymārum rívlis
Lavāre cordis víctimam,
Quam læta adúrat cháritas.
Quo fonte manávit nefas,
Fluent perénnes lácrymæ,
Si virga pœniténtiæ
Cordis rigórem cónterat.
Dies venit, dies tua,
In qua reflórent ómnia:
Lætémur et nos in viam
Tua redúcti dēxtera.

Te prona mundi máchina
Clemens adóret Trínitas;
Et nos novi per grátiam
Novum canámus cánticum.

Amen.

Ÿ. Angelis suis Deus mandávit de te.
R. Ut custódiant te in ómnibus viis
tuis.

Ad Benedictus, Antiphona, to. 7. r.
Assúmpsit Jesus discípulos suos, et
ascéndit in montem, et transfigurátus
est ante eos.

Oratio.

DEus, qui cónspicis omni nos vir-
túte destítui: intérius exteriúsque
custódi; ut ab ómnibus adversitáti-
bus muniámur in córpore, et a pravis
cogitatiónibus mundémur in mente.
Per Dóminum.

Ad Primam.

Antiph. to. 1. f. Dómine, bonum est
nos hic esse: si vis, faciámus hic tria
tabernácula; tibi unum, Móysi unum,
et Elíæ unum.

Ad Tertiam.

Antiph. to. 1. f. Dómine, bonum est.
ut supra ad Primam.

Capitulum. Fratres, Rogámus. ut
supra.

R. br. Ipse liberávit me * De láqueo
venántium. Ipse.

Ÿ. Et a verbo áspero. De láqueo.

Glória Patri. Ipse.

Ÿ. Scápolis suis obumbrábit tibi.

R. Et sub pennis ejus sperábis.

Ad Sextam.

Antiph. to. 4. Faciámus hic tria ta-
bernácula; tibi unum, Móysi unum,
et Elíæ unum.

Capitulum. I. Thess. 4.

HÆc est enim volúntas Dei, sanc-
tificátio vestra: ut abstineátis
vos a fornicatióne, ut sciat unusquis-
que vestrum vas suum possidére in
sanctificatióne et honóre.

R. br. Scápolis suis * Obumbrábit
tibi. Scápolis.

Ÿ. Et sub pennis ejus sperábis. Ob-
umbrábit. Glória Patri. Scápolis.

Ÿ. Scuto circúmdabit te véritas ejus.

R. Non timébis a timóre noctúrno.

Ad Nonam.

Antiph. to. 1. Visiónem, quam vi-
distis, némini dixeritis, donec a mór-
tuis resúrgat Fílius hómínis.

Capitulum.

I. Thess. 4. b.

Non enim vocávit nos Deus in im-
mundítiam, sed in sanctificatió-
nem in Christo Jesu Dómino nostro.

R. br. Scuto circúmdabit te * Véritas
ejus. Scuto.

Ÿ. Non timébis a timóre noctúrno.

Véritas. Glória Patri. Scuto.

Ÿ. Angelis suis Deus mandávit de te.

R. Ut custódiant te in ómnibus viis
tuis.

Ad Vesperas.

Antiph. to. 7. f. et Psalmus. Dixit Dó-
minus. cum reliquis de Dominica. 101.

Capitulum.

I. Thess. 4.

FRatres, Rogámus vos, et obsecrá-
mus in Dómino Jesu, ut quemád-
modum accepístis a nobis, quómodo
vos opórteat ambuláre, et placére
Deo, sic et ambulétis, ut abundétis
magis.

Hymnus.

A Udi, benígne Cónditor,
Nostras preces cum flétibus
In hoc sacro jejúnio
Fusas quadragenário.

Scrutátor alme córdium,
Infirma tu scis vírium:
Ad te revérsis éxhibe
Remissiónis grátiam.

Multum quidem peccávimus,
Sed parce confiténtibus:
Ad nóminis laudem tui
Confer medélam lánguidis.

Concede nostrum cónteri
Corpus per abstinéntiam;
Culpæ ut relínquant pábulum
Jejuna corda críminum.

Præsta, beáta Trínitas,
Concede, simplex Unitas;
Ut fructuósa sint tuis
Juniórum múnera. Amen.

℣. Angelis suis Deus mandávit de te.

℞. Ut custódiant de in ómnibus viis
tuis.

Ad Magnificat, Antiphona, to. 1.

Visionem, quam vidístis, némini dixé-
ritis, donec a mórtuis resúrgat Fílius
hóminis.

Oratio.

Deus, qui cónspicis omni nos vir-
túte destítui: intérius exteriúsque
custódi; ut ab ómnibus adversitáti-
bus muniámur in córpore, et a pravis
cogitátionibus mundémur in mente.
Per Dóminum.

Deinde in Choro dicuntur Vesperæ
Defunctorum.



FERIA SECUNDA.

Ad Matutinum, Invitatorium de Psal-
terio. 39.

Hymnus. Ex more docti mýstico. 140.

Antiphonæ et Psalmi Nocturnorum
de Psalterio. 40.

Et sic dicitur etiam in aliis sequen-
tibus Feriis.

Lectio sancti Evangélíi secúndum
Joánnem.

Lectio i.

Cap. 8. c.

In illo témpore: Dixit Jesus turbis
Judæórum: Ego vado, et quæré-
tis me, et in peccáto vestro morié-
mini. Et reliqua.

Homília Sancti Augustíni Epíscopi.

Tract. 38. in Joan. post initium.

Locútus est Dóminus Judæis, di-
cens: Ego vado. Christo enim

Dómino mors profectio fuit illo,
unde venérat, et unde non discés-
serat. Ego, inquit, vado, et quæ-
rétis me, non desidério, sed ódio.
Nam illum, posteaquam abscéssit
ab óculis hóminum, inquisiérunt et
qui óderant, et qui amábant: illi
persequendo, isti habére cupiendo.
In Psalmis ait ipse Dóminus per Pro-
phétam: Périit fuga a me, et non est
qui requírat ánimam meam. Et íte-
rum ait álio loco in Psalmo: Confun-
dántur et reveréantur requiréntes áni-
mam meam.

℞. Dum iret Jacob de Bersabée, et
pérgeret Haran, locútus est ei Dómi-
nus, dicens: * Terram, in qua dor-
mis, tibi dabo, et sémini tuo.

℣. Ædificávit ex lapídibus altáre in
honórem Dómini, fundens óleum dé-
super: et benedíxit eum Deus, dicens.

Terram.

Lectio ii.

Culpávit, qui non requirerent: dam-
návit requiréntes. Bonum est enim
quærere ánimam Christi, sed quo
modo eam quæsiérunt discípuli: et
malum est quærere ánimam Christi,
sed quo modo eam Judæi quæsiérunt:
illi enim ut habérent, isti ut pérde-
rent. Dénique istis, quia sic quæré-
bant more malo, corde perverso, quid
secúsus adjúnxit? Quærétis me; et,
ne putétis, quia bene me quærétis, in
peccáto vestro moriémini. Hoc est
Christum male quærere, in peccáto
suo mori: hoc est illum odísse, per
quem possit solum salvus esse.

℞. Appáruit Deus Jacob, et benedíxit
eum, et dixit: Ego sum Deus Bethel,
ubi unxísti lápidem, et votum vovísti
mihi: * Créscere te fáciam, et mul-
tiplicábo te.

℣. Vere Dóminus est in loco isto, et
ego nesciébam. Créscere.

Lectio iii.

Cum enim hómines, quorum spes
in Deo est, non débeant mala réd-

dere nec pro malis; reddébant isti mala pro bonis. Prænuntiávit ergo illis Dóminus, dixítque senténtiam præscius, quod in suo peccáto morentur. Deínde adjúnxit: Quo ego vado, vos non potéstis venire. Hoc et discíplis suis álio loco dixit: nec tamen eis dixit: In peccáto vestro moriémmini. Quid autem dixit? quod et istis. Quo ego vado, vos non potéstis venire. Non ábstulit spem: sed prædixit dilatióem. Quando enim hoc discíplis Dóminus loquebátur, tunc non póterant venire, quo ille ibat, sed póstea ventúri erant: isti autem numquam, quibus præscius dixit: In peccáto vestro moriémmini.

R. Det tibi Deus de rore cœli, et de pinguédine terræ abundántiam: sérviant tibi tribus et pópuli: * Esto dóminus fratrum tuórum.

V. Et incurvéntur ante te filii matris tuæ. Esto. Glória Patri. Esto.

AD LAUDES.

Antiph. to. 6. et Psalmus. Miserére. cum reliquis de Psalterio. 48.

Capitulum. Isaiae 58.

CLama, ne cesses, quasi tuba exálta vocem tuam, et annúntia pópulo meo scélera eórum, et dómui Jacob peccáta eórum.

Hymnus. O sol salútis. 144.

V. Angelis suis Deus mandávit de te.
R. Ut custódiat te in ómnibus viis tuis.

Ad Benedictus, Antiphona, to. 8. f. Ego princípium, qui et loquor vobis.

Deinde dicuntur Preces, ut in Psalterio. 50.

Oratio.

PRæsta, quæsumus, omnipotens Deus: ut familia tua, quæ se, affligéndo carnem, ab alimentis ábstinet, sectándo justítiam, a culpa jejúnet. Per Dóminum.

Hodie dicitur Officium Defunctorum.

Ad Vesperas.

Antiph. to. 1. f. Inclínávit.

Psalmus. Diléxi. cum reliquis de Psalterio. 103.

Capitulum. Joelis 2. d.

INter vestibulum et altáre plorábunt sacerdótes minístri Dómini, et dicent: Parce, Dómine, parce pópulo tuo: et ne des hæreditátem tuam in oppróbrium, ut dominéntur eis nátiónes.

Hymnus. Audi, benígne Córditor. 145.

V. Angelis suis Deus mandávit de te.
R. Ut custódiat te in ómnibus viis tuis.

Ad Magnificat, Antiphona, to. 1. Qui me misit, mecum est, et non reliquit me solum: quia quæ plácita sunt ei, fácio semper.

Deinde dicuntur Preces ut in Psalterio. 105.

Oratio.

ADesto supplicatióibus nostris, omnipotens Deus: et quibus fidúciám sperándæ pietátis indúlges, consuétæ misericórdiæ tríbue beníg-nus efféctum. Per Dóminum,



FERIA TERTIA.

Léctio sancti Evangélíi secúndum Matthæum.

Lectio i. Cap. 23. b.

IN illo témpore: Locútus est Jesus ad turbas, et ad discíulos suos, dicens: Super cáthedram Móysi sederunt Scribæ et Phariséi. Omnia ergo quæcúmque díxerint vobis, serváte et fácite: secúndum ópera vero eórum nolíte fácere. Et reliqua.

Homília Sancti Hierónymi Presbýteri.

Lib. 4. Comm. in e. 23. Matth.

Quid mansuétius, quid benígnius Dómino? Tentátur a Phariséis,

et confringuntur insidiæ eorum, et secundum Psalmistam: Sagittæ parvulorum factæ sunt plagæ eorum: et nihilominus propter sacerdotii et nominis dignitatem, hortatur populos, ut subjiciantur eis, non opera, sed doctrinam considerantes. Quod autem ait: Super cathedram Mōysi sederunt Scribæ et Pharisei: per cathedram, doctrinam legis ostendit. Ergo et illud quod dicitur in Psalmo: In cathedra pestilentiæ non sedit: et: Cathedras vendentium columbas evértit, doctrinam debemus accipere.

R. Dum exíret Jacob de terra sua, vidit glóriam Dei, et ait: Quam terribilis est locus iste! * Non est hic aliud, nisi domus Dei, et porta cœli.

V. Vere Deus est in loco isto, et ego nesciebam. **N**on.

Lectio ii.

Allicant enim ónera grávia et im-portabilia, et impónunt in húmeros hóminum, dígitó autem suo nolunt ea movére. Hoc generáliter advérsus omnes magístros, qui grávia jubent, et minóra non faciunt. Notándum autem, quod et húmeri, et dígitus, et ónera, et víncula quibus alligántur ónera, spiritaliter intelligénda sunt. Omnia vero ópera sua faciunt, ut videántur ab homínibus. Quicúmque igitur ita facit quódlíbet, ut videátur ab homínibus, Scriba et Phariseus est.

R. Si Dóminus Deus meus fúerit mecum in via ista, per quam ego ámbulo, et custodíerit me, et déderit mihi panem ad edéndum, et vestiméntum quo opériar, et revocáverit me cum salúte: * Erit mihi Dóminus in refúgium, et lapis iste in signum.

V. Surgens ergo mane Jacob, tulit lápidem, quem supposúerat cápiti suo, et eréxit in títulum, fundénsque óleum désuper, dixit. **E**rit mihi.

Lectio iii.

Dilatant enim phylactéria sua, et magnificant fimbrias. Amant quoque primos recúbitus in cœnis, et primas cathedras in synagógis, et salutatiónes in foro, et vocári ab homínibus Rabbi. Væ nobis míseris, ad quos Phariseorum vítia transiérunt. Dóminus cum dedísset mandáta Legis per Mōysen, ad extrémum íntulit: Ligábis ea in manu tua, et erunt immóta ante óculos tuos. Et est sensus: Præcépta mea sint in manu tua, ut ópere compleántur: sint ante óculos tuos, ut die ac nocte meditéris in eis. Hoc Pharisei male interpretántes, scribébant in membránis Decálogum Mōysi, id est, decem verba Legis, complicántes ea et ligántes in fronte, et quasi corónam cápiti faciéntes: ut semper ante óculos moveréntur.

R. Erit mihi Dóminus in Deum, et lapis iste, quem eréxi in títulum, vocabitur domus Dei: et de univérsis, quæ déderis mihi, * Décimas et hóstias pacíficas offeram tibi.

V. Si revérsus fúero prospere ad domum patris mei. **D**écimas. **G**loria Patri. **D**écimas.

Ad Benedictus, Antiphona, to. 2.

Unus est enim magíster vester, qui in cœlis est, Christus Dóminus.

Deinde dicuntur Preces. 50.

Oratio.

Perfice, quæsumus, Dómine, benígnus in nobis observántiæ sanctæ subsidium: ut, quæ, te auctóre, faciéndá cognóvimus, te operánte impleámus. Per Dóminum.

Ad Magnificat, Antiphona, to. 4.

Omnes autem vos fratres estis: et patrem nolíte vocáre vobis super terram: unus est enim Pater vester, qui in cœlis est: nec vocémini magístri, quia magíster vester unus est Christus.

Deinde dicuntur Preces. 105.

Oratio.

Prospiciat, Dómine, supplicatióibus nostris, et animárum nostrárum medére languóribus: ut, remissióne percépta, in tua semper benedictióne lætémur. Per Dóminum.



FERIA QUARTA.

Hodie dicuntur Psalmi Graduales.

Lectio sancti Evangelii secúndum Matthæum.

Lectio i.

Cap. 20. b.

IN illo témpore: Ascéndens Jesus Jerosólymam, assúmpsit duódecim discipulos secréto, et ait illis: Ecce ascéndimus Jerosólymam, et Fílius hóminis tradétur princípibus sacerdotum, et Scribis et condemnábunt eum morte. Et réliqua.

Homilía Sancti Ambrósii Epíscopi.

Lib. 5. de Fide ad Gratianum, cap. 2. post init.

Consideráte, quæ mater filiórum Zebedaí cum filiis et pro filiis petat: mater est útique, cui pro filiórum honóre solícitæ, immoderátior quidem, sed tamen ignoscénda mensúra votórum est. Atque mater ætáte longæva, stúdio religiósa, solátio destitúta, quæ tunc témporis, quando vel juvándæ, vel alénda foret válidæ prolis auxílio, abesse sibi líberos patiebátur, et voluptáti suæ mercédem sequéntium Christum prætúlerat filiórum. Qui prima voce vocáti a Dómino (ut légimus), relíctis rétibus et patre, secúti sunt eum.

R. Dixit Angelus ad Jacob: * Dimítte me, auróra est. Respóndit ei: Non dimíttam te, nisi benedíxeris mihi. Et benedíxit ei in eódem loco.

V. Cumque surrexisset Jacob, ecce vir luctabátur cum eo usque mane: et cum vidéret quod eum superáre non posset, dixit ad eum. Dimítte.

Lectio ii.

Hæc igitur stúdio matérnæ sedulitátis indulgéntior obsecrábat Salvatórem, dicens: Ut sédeant hi duo filii mei, unus ad dexteram tuam, et alter ad sinístram in regno tuo. Etsi error, pietátis tamen error est. Nesciunt enim matérna viscera patiéntiam: etsi voti avára, tamen veniábilis cupiditas, quæ non pecúniæ est ávida, sed grátia. Nec inverecúnda petítio, quæ non sibi, sed líberis consulébat. Matrem consideráte, matrem cogitáte.

R. Vidi Dóminum fácie ad fáciem, * Et salva facta est ánima mea.

V. Et dixit mihi: Nequáquam vocáberis Jacob, sed Israel erit nomen tuum. Et salva.

Lectio iii.

Considerábat Christus matris dilectiónem, quæ filiórum mercéde grandævam solabátur senéctam: et desidériis licet fessa matérnis, charissimórum pígnorum tolerábat abséntiam. Consideráte étiam féminam, hoc est, sexum fragiliórem, quem Dóminus própria nondum confirmáverat passióne. Consideráte, inquam, Hevæ illius primæ mulferis hærédem, transfúsa in omnes immoderátæ cupiditátis successióne labéntem: quam Dóminus adhuc próprio ságuine non redémerat, nondum inólitam afféctibus ómnium immódici contra fas honóris appeténtiam suo Christus crúóre dilúerat. Hæreditário igitur mulier delinquébat erróre.

R. Cum audisset Jacob quod Esau veníret contra eum, divísit filios suos et uxóres, dicens: Si percússerit Esau unam turmam, salvábitur áltera. * Líbera me, Dómine, qui dixísti mihi: * Multiplicábo semen tuum sicut stellas cœli, et sicut arénam maris, quæ præ multitudíne numerári non potest.

V. Dómine, qui dixísti mihi: Revértere in terram nativitátis tuæ: Dómine, qui pascis me a juventúte mea. **L**ibera. **G**lória Patri. **M**ultiplicábo.

Ad Benedictus, Antiphona, to. 7. r.

Ecce ascéndimus Jerosólymam, et Fílius hóminis tradétur ad crucifigéndum.

Deinde dicuntur Preces. 50.

Oratio.

Populum tuum, quæsumus, Dómine, propítius respice: et quos ab escis carnálibus præcipis abstinére, a nóxiis quoque vítiis cessáre concéde. Per Dóminum.

Ad Magnificat, Antiphona, to. 1.

Tradétur enim Géntibus ad illudéndum, et flagellándum, et crucifigéndum.

Deinde dicuntur Preces. 105.

Oratio.

Deus innocentíæ restitútor et amátor, dirige ad te tuórum corda servórum: ut, Spíritus tui fervóre concépto, et in fide inveniántur stábiles, et in ópere effícaces. Per Dóminum.



FERIA QUINTA.

Lectio sancti Evangélíi secúndum Lucam.

Lectio i.

Cap. 16. e.

In illo témpore: Dixit Jesus Pharisæis: Homo quidam erat dives, qui induebátur púrpura et bysso, et epulabátur quotidie spléndide. Et reliqua.

Homília Sancti Gregórii Papæ.

Homília 49. in Evangelia.

Quem, fratres charíssimi, quem dives iste, qui induebátur púrpura et bysso, et epulabátur quotidie spléndide, nisi Judáicum pópulum signat: qui cultum vitæ extérius hábit, qui

accéptæ legis delíciis ad nitórem usus est, non ad utilitátem? Quem vero Lázarus ulcéribus plenus, nisi Géntilem pópulum figuráliter exprimit? Qui dum conversus ad Deum peccáta confitéri sua non erúbuit, huic vulnus in cute fuit. In cutis quippe vúlnerē virus a viscéribus tráhitur, et foras erúmpit.

R. Tolle arma tua, pháretram et arcum, et affer de venatióne tua, ut cómedam.* Et benedícat tibi ánima mea.

V. Cumque venátu áliquíd attúleris, fac mihi inde pulméntum, ut cómedam. **E**t benedícat.

Lectio ii.

Quid est ergo peccatórum confessio, nisi quædam vúlnerum rúptio? Quia peccáti virus salúbriter aperítur in confessióne, quod pestífere latébat in mente. Vúlnera etenim cutis in superfícies trahunt humórem putrédinis. Et confitendo peccáta, quid áliud ágimus, nisi malum, quod in nobis latébat, aperímus? Sed Lázarus vulnerátus cupiébat saturári de micis, quæ cadébant de mensa dívitis, et nemo illi dabat: quia Géntilium quemque ad cognitióem Legis admíttere supérbus ille pópulus despiciébat.

R. Ecce odor fílii mei sicut odor agri pleni, cui benedíxit Dóminus: crésce te fáciat Deus meus sicut arénam maris: * Et donet tibi de rore cœli benedictiόem.

V. Deus autem omnípotens benedícat tibi, atque multiplicet. **E**t donet.

Lectio iii.

Qui dum doctrínam Legis non ad charitátem hábit, sed ad elatióem, quasi de accéptis ópibus túmuit: et quia ei verba defluébant de sciéntia, quasi micæ cadébant de mensa. At contra, jacéntis páuperis vúlnera lingébant canes. Nonnúquam so-

lent in sacro elóquio per canes prædicatóres intélligi. Canum étenim lingua, vulnus dum lingit, curat: quia et doctóres sancti, dum in confessióne peccáti nostri nos ínstruunt, quasi vulnus mentis per linguam tangunt.

R. Det tibi Deus de rore cœli, et de pinguédine terræ abundantiam: sérvant tibi tribus et pópuli.* Esto dóminus fratrum tuórum.

V. Et incurvéntur ante te filii matris tuæ. Esto. Glória Patri. Esto.

Ad Benedictus, Antiphona, to. 8.
Fili, recordáre, quia recepísti bona in vita tua, et Lázarus simíliter mala.

Deinde dicuntur Preces. 50.

Oratio.

PRæsta nobis, quæsumus, Dómine, auxílium grátiae tuæ: ut jejúniis et oratiónibus conveniénter inténti, liberémur ab hóstibus mentis et córporis. Per Dóminum.

Ad Magnificat, Antiphona, to. 7. r.
Dives ille guttam aquæ pétiit, qui micas panis Lázaro negávit.

Deinde dicuntur Preces. 105.

Oratio.

ADesto, Dómine, fámulis tuis, et perpétuam benignitátem largíre poscéntibus: ut iis, qui te auctóre et gubernatóre gloriántur, et congregáta restáures, et restauráta consérves. Per Dóminum.



FERIA SEXTA.

Lectio sancti Evangélíi secúndum Matthæum.

Lectio i. Cap. 21. d.

IN illo témpore: Dixit Jesus turbis Judæórum, et princípibus sacerdotum parábolam hanc: Homo erat paterfamílias, qui plantávit víneam, et sepem circúmdedit ei. Et reliqua.

II omília Sancti Ambrósii Epíscopi.

Lib. 9. in cap. 20. Lucæ.

Períque várias significatiónes de víneæ appellatióne derívant: sed evidénter Isaías víneam Dómini Sábaoth, domum Israel esse memorávit. Hanc víneam quis álius, nisi Deus, cóndidit? Hic est ergo qui eam locávit colónis, et ipse peregre fuit: non quia ex loco ad locum proféctus est Dóminus, qui ubíque semper præsens est: sed quia est præsentior diligéntibus, negligéntibus abest. Multis tempóribus ábfuit, ne præprópera viderétur exáctio. Nam quo indulgéntior liberálitas, eo inexcusabílior pervicácia.

R. Dum exíret Jacob de terra sua, vidit glóriam Dei, et ait: Quam terribilis est locus iste! * Non est hic áliud, nisi domus Dei, et porta cœli.

V. Vere Deus est in loco isto, et ego nesciébam. Non.

Lectio ii.

UNde bene secúndum Matthæum habes, quia et sepe circúmdedit: hoc est, divínæ custódiæ munitióne vallávit, ne fáciie spiritalium patéret incúrsibus bestiárum. Et fodit in ea tórclular. Quómodo intellígimus quid sit tórclular, nisi forte quia Psalmi pro torculáribus inscribúntur; eo quod in his mystéria Domínicæ passiónis, modo musti sancto fervéntis Spírítu, redundántius æstuáverint? Unde ébrii putabántur, quibus Spírítus sanctus inundábat. Ergo et hic fodit tórclular, in quod uvæ rationábilis fructus intérior spiritali infusióne deflúeret.

R. Si Dóminus Deus meus fúerit mecum in via ista, per quam ego ámbulo, et custodíerit me, et déderit mihi panem ad edéndum, et vestiméntum quo opériar, et revocáverit me cum salúte: * Erit mihi Dóminus in refúgium, et lapis iste in signum.

V. Surgens ergo mane Jacob, tulit lapidem, quam supposuerat capiti suo, et erexit in titulum, fundensque oleum desuper, dixit. **Erit mihi.**

Lectio iii.

AEdificavit turrin, verticem scilicet Legis attollens: atque ita hanc vineam munitam, instructam, ornata, locavit Judæis. Et tempore fructuum servulos misit. Bene tempus fructuum posuit, non proventuum. Nullus enim fructus extitit Judæorum, nullus vineæ hujus proventus, de qua Dominus ait: Expectavi ut faceret uvas, fecit autem spinas. Itaque non lætitiæ vino, non spiritali musto, sed cruento Prophetarum sanguine torcularia redundarunt.

R. Erit mihi Dominus in Deum, et lapis iste, quem erexi in titulum, vocabitur domus Dei: et de universis, quæ dederis mihi, * Décimas et hostias pacificas offeram tibi.

V. Si reversus fuero prospere ad domum patris mei. **Décimas. Glória Patri. Décimas.**

Ad Benedictus, Antiphona, to. 3. r. Malos male perdet, et vineam suam locabit aliis agricolis, qui reddant ei fructum temporibus suis.

Deinde dicuntur Preces. 50.

Oratio.

DA, quæsumus, omnipotens Deus: ut sacro nos purificante jejúnio, sinceris mentibus ad sancta ventúra facias pervenire. Per Dominum.

Hodie dicuntur Psalmi Pœnitentiales.

Ad Magnificat, Antiphona, to. 3. Quærentes eum tenere, timuerunt turbam, quia sicut Prophetam eum habebant.

Deinde dicuntur Preces. 105.

Oratio.

DA, quæsumus, Domine, pópulo tuo salutem mentis et corpóris:

ut bonis opéribus inhærendo, tuæ semper virtutis mereatur protectione defendi. Per Dominum.

xxx

SABBATO.

Lectio sancti Evangelii secundum Lucam.

Lectio i.

Cap. 15. c.

IN illo tempore: Dixit Jesus Phariseis et Scribis parabolam istam: Homo quidam habuit duos filios: et dixit adolescētiōr ex illis patri: Pater, da mihi portionem substantiæ, quæ me contingit. Et reliqua.

Homilia Sancti Ambrósii Episcopi.

Lib. 7. Comment. in c. 15. Lucæ, post init.

Vides, quod divinum patrimonium petentibus datur. Nec putes culpam patris, quod adolescentiōri dedit. Nulla Dei regno infirma ætas: nec fides gravatur annis. Ipse certe se judicavit idóneum, qui popóscit. Atque útinam non recessisset a patre! impedimētum nescisset ætatis. Sed posteaquam domum patriam derelinquens peregre profectus est, cœpit egere. Mérito ergo prodégit patrimonium, qui recessit ab Ecclēsia.

R. Pater, peccavi in cœlum, et coram te, jam non sum dignus vocári filius tuus: * Fac me sicut unum ex mercenáriis tuis.

V. Quanti mercenárii in domo patris mei abundant pánibus, ego autem hic fame péreo! surgam, et ibo ad patrem meum, et dicam ei. **Fac.**

Lectio ii.

Peregre profectus est in regiónem longínquam. Quid longínquius, quam a se recedere; nec regiónibus, sed móribus separári: stúdiis discretum esse, non terris; et quasi interfúso luxúriæ sæculáris æstu, divórtia habere sanctórum? Etenim qui se a Christo separat, exul est patriæ, civis est mundi. Sed nos non sumus

advenæ atque peregrini, sed cives sumus sanctorum, et domestici Dei. Qui enim eramus longe, facti sumus prope in sanguine Christi. Non invideamus de longinqua regione remeantibus: quia et nos fuimus in regione longinqua, sicut Isaias docet. Sic enim habes: Qui sedebant in regione umbræ mortis, lux orto est illis. Regio ergo longinqua, umbra est mortis.

R. Vidi Dominum facie ad faciem: *
Et salva facta est anima mea.

V. Et dixit mihi: Nequâquam vocaberis Jacob, sed Israel erit nomen tuum. **Et salva.**

Lectio iii.

NOs autem, quibus spiritus ante faciem Christus est Dominus, in umbra vivimus Christi. Et ideo dicit Ecclesia: In umbra ejus concupivi, et sedi. Ille igitur vivendo luxuriose, consumpsit omnia ornamenta naturæ. Unde tu, qui accepisti imaginem Dei, qui habes similitudinem ejus, noli eam irrationabili fœditate consumere. Opus Dei es: noli ligno dicere: Pater meus es tu: ne accipias similitudinem ligni, quia scriptum est: Sîmiles illis fiant qui faciunt ea.

R. Cum audisset Jacob quod Esau veniret contra eum, divisit filios suos et uxores, dicens: Si percusserit Esau unam turmam, salvabitur altera. *

Libera me, Domine, qui dixisti mihi: * Multiplicabo semen tuum sicut stellas cœli, et sicut arenam maris, quæ præ multitudinem numerari non potest.

V. Domine, qui dixisti mihi: Revertere in terram nativitatis tuæ: Domine, qui pascis me a juventute mea.

L. Libera. **Gloria Patri. Multiplicabo.**

Ad Benedictus, Antiphona, to. 1. l.
Vadam ad patrem meum, et dicam ei: Pater, fac me sicut unum ex mercenariis tuis.

Deinde dicuntur Preces. 50.

Oratio.

DA, quæsumus, Domine, nostris effectum jejuniis salutarem: ut castigatio carnis assumpta, ad nostrarum vegetationem transeat animarum. Per Dominum.

Ad Vesperas.

Capitulum.

Ephes. 5.

FRatres, Estote imitatores Dei, sicut filii charissimi: et ambulâte in dilectione, sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis.

Hymnus.

AUdi, benigne Conditor,
Nostras preces cum flêtibus
In hoc sacro jejûnio
Fusas quadragenario.

Scrutator alme cordium,
Infirma tu scis virium:
Ad te reversis exhibe
Remissionis gratiam.

Multum quidem peccavimus,
Sed parce confitentibus:
Ad nominis laudem tui
Confer medelam languidis.

Concede nostrum conteri
Corpus per abstinentiam;
Culpæ ut relinquunt pabulum
Jejuna corda criminum.

Præsta, beata Trinitas,
Concede, simplex Unitas;
Ut fructuosa sint tuis
Jeiuniorum mûnera.

Amen.

V. Angelis suis Deus mandavit de te.

R. Ut custodiant te in omnibus viis tuis.

Ad Magnificat, Antiphona, to. 8.

Dixit autem pater ad servos suos: Cito proferte stolam primam, et induite illum, et date annulum in manu ejus, et calceamenta in pedibus ejus.

Oratio.

Quæsumus, omnipotens Deus, vota
humilium respice: atque ad de-
fensionem nostram, dexteram tuæ
majestatis extende. Per Dóminum.

—

Dominica III.

in Quadragesima.

AD MATUTINUM.

Invitatorium. Non sit vobis va-
num mane surgere ante lucem: * Quia
promisit Dóminus coronam vigilán-
tibus.

Psalmus. Veníte, exultémus. 2.

Hymnus.

EX more docti mystico
Servémus hoc jejúnium,
Deno diérum círculo
Ducto quater notíssimo.
Lex et Prophætæ prímítás
Hoc prætulérunt, póstmodum
Christus sacrávit, ómnium
Rex, atque Factor témporum.
Utámur ergo párcius
Verbis, cibis, et pótibus,
Somno, jocos, et árcíus
Perstémus in custódia.
Vitémus autem nóxia,
Quæ súbruunt mentes vagas,
Nullúmque demus cállidi
Hostis locum tyránnidi.
Flectámus iram víndicem,
Plorémus ante júdicem,
Clamémus ore súplici,
Dicámus omnes cernui:
Nostris malis offéndimus
Tuam Deus cleméntiam,
Effúnde nobis désuper
Remíssor indulgéntiam:
Meménto quod sumus tui,
Licet cadúci plásmatis:
Ne des honórem nóminis
Tui, precámur, álteri.

Laxa malum quod fécimus:

Auge bonum quod póscimus,
Placére quo tandem tibi
Possímus hic, et pérpetim.

Præsta, beáta Trínitas,
Concéde simplex Unitas,
Ut fructuósa sint tuis
Jejuniórum múnera.
Amen.

IN I. NOCTURNO.

Antiph. to. 8. Servíte Dómino.

Psalmus. Beátus vir. cum reliquis
ut in Psalterio. 3.

De libro Génesis.

Lectio i.

Cap. 37.

Joseph cum séxdecim esset annó-
rum, pascébat gregem cum frá-
tribus suis adhuc puer: et erat cum
filiis Balæ et Zelfhæ uxórum patris
sui, accusavítque fratres suos apud
patrem crimine péssimo. Israel au-
tem diligébat Joseph super omnes
filios suos, eo quod in senectúte ge-
nuísset eum: fecítque ei túnica pol-
ymítam. Vidéntes autem fratres ejus
quod a patre plus cunctis filiis ama-
rétur, óderant eum, nec póterant ei
quidquam pacífice loqui. Accidit
quoque, ut visum sómnum reférret
frátribus suis: quæ causa majóris
ódii seminárium fuit. Dixítque ad
eos. Audíte sómnum meum quod
vidi: Putábam nos ligáre manípulos
in agro: et quasi consúrgere maní-
pulum meum, et stare, vestróque
manípulos circumstántes adoráre ma-
nípulum meum. Respondérunt fra-
tres ejus: Numquid rex noster eris?
aut subjiémur ditióni tuæ? Hæc
ergo causa somniórum atque sermó-
num, invídiæ et ódii fómitem minis-
trávit. Aliud quoque vidit sómnum,
quod narrans frátribus, ait: Vidi per
sómnum, quasi solem, et lunam, et
stellas úndecim adoráre me. Quod
cum patri suo et frátribus retulísset,

increpavit eum pater suus, et dixit: Quid sibi vult hoc sômnium quod vidisti? num ego, et mater tua, et fratres tui adorabimus te super terram?

R. Videntes Joseph a longe, loquebantur mûto fratres, dicentes: Ecce somniator venit: * Venite, occidamus eum, et videamus si prosint illi sômnia sua.

V. Cumque vidissent Joseph fratres sui, quod a patre cunctis fratribus plus amarétur, ôderant eum, nec pôterant ei quidquam pacífice loqui, unde et dicebant. Venite.

Lectio ii.

Invidébant ei igitur fratres sui: pater vero rem tãcitus considerabat. Cumque fratres illius in pascendis grégibus patris moraréntur in Sichem, dixit ad eum Israel: Fratres tui pascunt oves in Síchimis: veni, mittam te ad eos. Quo respondente: Præsto sum, ait ei: Vade, et vide si cuncta próspera sint erga fratres tuos, et pécora: et renúntia mihi quid agátur. Missus de valle Hebron, venit in Sichem: invenítque eum vir errántem in agro, et interrogávit quid quæreret. At ille respóndit: Fratres meos quæro, índica mihi ubi pascant greges. Dixítque ei vir: Recessérunt de loco isto: audívi autem eos dicentes: Eamus in Dóthain. Perréxit ergo Joseph post fratres suos, et invénit eos in Dóthain. Qui cum vidissent eum procul, ántequam accéderet ad eos, cogitavérunt illum occídere, et mûto loquebantur: Ecce somniator venit: venite, occidamus eum, et mittamus in cistérnam vétèrem: dicemúsque: Fera péssima devorávit eum: et tunc apparébit quid illi prosint sômnia sua.

R. Dixit Judas fratribus suis: Ecce Ismahelítæ tránseunt; venite, venundétur, et manus nostræ non polluántur: * Caro enim et frater noster est.

V. Quid enim prodest, si occidérimus fratrem nostrum, et celavérimus sánguinem ipsíus? mélius est ut venundétur. Caro enim.

Lectio iii.

Audiens autem hoc Ruben, nitebátur liberáre eum de mánibus eórum, et dicebat: Non interficiátis ánimam ejus, nec effundátis sánguinem: sed projícite eum in cistérnam hanc, quæ est in solitúdine, manúsque vestras serváte innóxias: hoc autem dicebat, volens erípere eum de mánibus eórum, et réddere patri suo. Confés-tim igitur ut pervénit ad fratres suos, nudavérunt eum túnica talári et polymíta: miserúntque eum in cistérnam vétèrem, quæ non habébat aquam. Et sedéntes, ut coméderent panem, vidérunt Ismahelítas viatóres veníre de Gálaad, et camélos eórum portántes arómata, et resínam, et stacten in Ægýptum. Dixit ergo Judas fratribus suis: Quid nobis prodest, si occidérimus fratrem nostrum, et celavérimus sánguinem ipsíus? Mélius est ut venundétur Ismahelítis, et manus nostræ non polluántur: frater enim et caro nostra est. Acquievérunt fratres sermónibus illíus. Et, prætereúntibus Madianítis negotiátóribus, extrahéntes eum de cistérna, vendidérunt eum Ismahelítis vigínti argénteis: qui duxérunt eum in Ægýptum.

R. Extrahéntes Joseph de lacu, vendidérunt Ismahelítis vigínti argénteis: * Reversúsque Ruben ad púteum, cum non invenísset eum, scidit vestiménta sua cum fletu, et dixit: * Puer non compáret, et ego quo ibo?

V. At illi, intíncta túnica Joseph in ságuine hœdi, miserunt qui ferret eam ad patrem, et diceret: Vide, si túnica filii tui sit, an non. Reversúsque. Glória Patri. Puer.

IN II. NOCTURNO.

Antiph. to. 3. Bonorum meorum.

Psalmus. Conserva. cum reliquis ut in Psalterio. 8.

Ex libro Sancti Ambrósii Episcopi de Sancto Joseph.

Lectio iv.

Cap. 1.

Sanctorum vita ceteris norma vendi est. Ideoque digestam plenius accepimus seriem Scripturarum; ut dum Abraham, Isaac, et Jacob, ceterosque justos legendo cognoscimus, velut quemdam nobis innocentiae tramitem virtute eorum reseratum imitantibus vestigiis persequamur. De quibus mihi cum frequens tractatus fuerit, hodie sancti Joseph historia occurrat: in quo cum plurima fuerint genera virtutum, precipue tamen insigne effulsit castimonie. Justum est igitur, ut cum in Abraham didiceritis impigram fidei devotionem, in Isaac sinceram mentis puritatem, in Jacob singularem animi laborumque patientiam: ex illa generalitate virtutum in ipsas species disciplinarum intendatis animum.

R. Videns Jacob vestimenta Joseph, scidit vestimenta sua cum fletu, et dixit: * Fera pessima devoravit filium meum Joseph.

V. Tulerunt autem fratres ejus tunicam illius, mittentes ad patrem: quam cum cognovisset pater, ait. **Fera.**

Lectio v.

Sit igitur nobis propositus sanctus Joseph tamquam speculum castitatis. In ejus enim moribus, in ejus actibus lucet pudicitia, et quidam splendet castimonie comes, nitor gratiae. Unde etiam a parentibus plus quam ceteri filii diligebatur. Sed ea res invidiae fuit: quod silentio prae-tereundum non fuit: hinc enim argumentum totius historiae processit: simul ut cognoscamus perfectum virum

non moveri ulciscendi doloris invidia, nec malorum rependere vicem. Unde et David ait: Si reddidi retribuentibus mihi mala.

R. Joseph dum intraret in terram Aegypti, linguam, quam non noverat, audivit: manus ejus in laboribus serviérunt: * Et lingua ejus inter principes loquebatur sapientiam.

V. Humiliaverunt in compedibus pedes ejus: ferrum pertransiit animam ejus, donec veniret verbum ejus. **Et lingua.**

Lectio vi.

Quid autem esset, quod praeferrere Joseph mereretur ceteris, si aut laedentes laesisset, aut diligentes dilexisset? Hoc enim plerique faciunt. Sed illud mirabile, si diligas inimicum tuum: quod Salvator docet. Jure ergo mirandus, qui hoc fecit ante Evangelium, ut laesus parceret, appetitus ignosceret, venditus non referret injuriam, sed gratiam pro contumelia solveret: quod post Evangelium omnes didicimus, et servare non possumus. Discamus ergo et sanctorum invidiam, ut imitemur patientiam: et cognoscamus illos non naturae praestantioris fuisse, sed observantioris: nec vitianescisse, sed emendasse. Quod si invidia etiam sanctos adussit, quando magis cavendum est, ne inflammet peccatores?

R. Meménto mei, dum bene tibi fuerit: * Ut suggeras Pharaóni, ut educat me de isto carcere: * Quia furtim sublatus sum, et hic innocens in lacum missus sum.

V. Tres enim adhuc dies sunt, post quos recordabitur Pharaon ministerii tui, et restituet te in gradum pristinum: tunc meménto mei. **Ut suggeras. Glória Patri. Quia.**

IN III. NOCTURNO.

Antiph. to. 7. Non sunt loquelæ.

Psalmus. Celi enarrant. cum reliquis ut in Psalterio. 11.

Lectio sancti Evangelii secundum
Lucam.

Lectio vii.

Cap. 11. b.

IN illo tempore: Erat Jesus ejiciens
dæmónium, et illud erat mutum.
Et cum eiecisset dæmónium, locútus
est mutus, et admiratæ sunt turbæ.
Et reliqua.

Homilia venerabilis Bedæ Presbyteri.

Lib. 4. c. 48. in c. 11. Lucæ.

Dæmoniacus iste apud Matthæum
non solum mutus, sed et cæcus
fuisse narratur: curatusque dicitur
a Dómino, ita ut loqueretur, et videt-
ret. Tria ergo signa simul in uno hó-
mine perpetrata sunt: cæcus videt,
mutus loquitur, possessus a dæmone
liberatur. Quod et tunc quidem car-
nāliter factum est, sed et quotidie
complétur in conversiōne credentium:
ut, expulso primum dæmone, fidei
lumen aspiciant; deinde ad laudes
Dei tacéntia prius ora laxentur. Qui-
dam autem ex eis dixerunt: in Beél-
zebub príncipe dæmoniōrum ejicit
dæmónia. Non hæc aliqui de turba,
sed Pharisei calumniabantur et Scri-
bæ, sicut alii Evangelistæ testantur.

R. Mérito hæc pátimur, quia peccá-
vimus in fratrem nostrum, vidéntes
angústias animæ ejus, dum deprecá-
rétur nos, et non audívimus: * Id-
circo venit super nos tribulatio.

V. Dixit Ruben fratribus suis: Num-
quid non dixi vobis: Nolíte peccáre
in púerum; et non audístis me? Id-
circo.

Lectio viii.

Turbis quippe, quæ minus eruditæ
videbantur, Dómini semper facta
mirántibus; illi contra, vel negáre
hæc, vel quæ negáre nequiverant, si-
nistra interpretatiōne pervértere la-
borábant: quasi non hæc divinitátis,
sed inmúndi spíritus ópera fuissent.
Et alii tentantes, signum de cælo

quærebant ab eo. Vel in morem Elfæ
ignem de sublmi venfre cupiebant;
vel in similitudinem Samuélis tẽ-
pore æstivo mugire tonitrua, corus-
care fúlgura, imbres rúere: quasi non
possent et illa calumniári, et dicere,
ex occúltis et váriis áeris passiōnibus
accidisse. At tu, qui calumniáris ea
quæ óculis vides, manu tenes, utili-
tate sentis, quid féceris de iis quæ de
cælo vénerint? Utique respondébis,
et Magos in Ægýpto multa signa fe-
cisse de cælo.

R. Dixit Ruben fratribus suis: Num-
quid non dixi vobis: Nolíte peccáre
in púerum; et non audístis me? * En
sanguis ejus exquiritur.

V. Mérito hæc pátimur, quia peccá-
vimus in fratrem nostrum, vidéntes
angústias animæ ejus, dum deprecá-
rétur nos, et non audívimus. **En**
sanguis.

Lectio ix.

IPse autem ut vidit cogitatiōnes eo-
rum, dixit eis: Omne regnum in se-
ipsum divisum desolábitur, et domus
supra domum cadet. Non ad dicta,
sed ad cogitata respóndit: ut vel sic
compellerentur credere poténtiæ ejus,
qui cordis videbat occúltas. Si autem
omne regnum in seípsum divisum de-
solátur: ergo Patris et Fílii et Spíri-
tus sancti regnum non est divisum;
quod sine ulla contradiciōne, non
aliquo impúlsu desolándum, sed
ætérna est stabilitate mansúrum. Si
autem sátanás in seípsum divisus est,
quómodo stabit regnum ipsíus, quia
dicitis, in Beélzebub ejicere me dæ-
mónia? Hoc dicens, ex ipsórum con-
fessiōne volébat intélligi, quod in
eum non credéndo, in regno diaboli
esse elegissent, quod útique advér-
sum se divisum stare non posset.

R. Lamentabatur Jacob de duóbus
filiis suis: Heu me, dolens sum de
Joseph pérdito, et tristis nimis de

Bénjamin ducto pro alimóniis: * Precor cœlestem Regem, ut me dolentem nîmîum fáciat eos cernere.

Ÿ. Prostérnens se Jacob veheménter cum lácrymis pronus in terram, et adorans, ait. Precor. Glória Patri. Precor.

AD LAUDES.

Antiph. to. 3. Fac benígne in bona voluntáte tua, ut ædificéntur, Dómine, muri Jerúsalem.

Psalmus. Miserére. cum reliquís ut supra. 126.

Antiph. to. 8. Dóminus mihi adjutor est, non timébo quid fáciat mihi homo.

Antiph. to. 8. Deus misereátur nostri, et benedícat nos.

Antiph. to. 1. l. Vim virtútis suæ oblîtus est ignis: ut pûeri tui liberarentur illæsi.

Antiph. to. 1. f. Sol et luna, laudáte Deum: quia exaltátum est nomen ejus solûs.

Capitulum.

Ephes. 5.

Fratres, Estóte imitatóres Dei, sicut filii charíssimi: et ambuláte in dilectióne, sicut et Christus diléxit nos, et trádedit semetípsum pro nobis oblatiõnem et hóstiam Deo in odórem suavitátis.

Hymnus.

O sol salútis, íntimis
Jesu refúlge méntibus,
Dum nocte pulsa grátior
Orbi dies renáscitur.

Dans tempus acceptábile,
Da, lacrymárum rívlis
Laváre cordis víctimam,
Quam læta adúrat Cháritas.

Quo fonte manávit nefas,
Fluent perénnes lácrymæ,
Si virga pœniténtiæ
Cordis rigórem cónterat.

Dies venit, dies tua,
In qua reflórent ómnia:
Lætémur et nos in viam
Tua redúcti délixera.

Te proná mundi máchina
Clemens adóret Trínitas;
Et nos novi per grátiam
Novum canámus cánticum.
Amen.

Ÿ. Angelis suis Deus mandávit de te.
R. Ut custódiat te in ómnibus viis tuis.

Ad Benedictus, Antiphona, to. 3.
Cum fortis armátus custódit átrium suum, in pace sunt ómnia quæ póssidet.

Oratio.

Quæsumus, omnípotens Deus, vota humílium réspice: atque ad defensiónem nostram, délixeram tuæ majestátis exténde. Per Dóminum.

Ad Primam.

Antiph. to. 1. f. Et cum ejecísset Jesus dæmónium, locútus est mutus, et admirátæ sunt turbæ.

Ad Tertiam.

Antiph. to. 3. Si in dígitó Dei ejício dæmónia, profécto pervénit in vos regnum Dei.

Capitulum. Fratres, Estóte imitatóres. ut supra.

R. br. Ipse liberávit me * De láqueo venántium. Ipse.

Ÿ. Et a verbo áspero. De láqueo. Glória Patri. Ipse.

Ÿ. Scápulís suis obumbrábit tibi.
R. Et sub pennís ejus sperábis.

Ad Sextam.

Antiph. to. 1. Qui non cólligit mecum, dispérgit: et qui non est mecum, contra me est.

Capitulum.

Ephes. 5. b.

Hoc enim scitóte intelligéntes: quod omnis fornicátor, aut immúndus,

aut avárus, quod est idolórum sérvitus, non habet hæreditátem in regno Christi et Dei.

R. br. Scápolis suis * Obumbrábit tibi. Scápolis.

V. Et sub pennis ejus sperábis. Obumbrábit. Glória Patri. Scápolis.

V. Scuto circúmdabit te véritas ejus.

R. Non timébis a timóre noctúrno.

Ad Nonam.

Antiph. to. 1. Cum immúndus spíritus exíerit ab hómine, ámbulat per loca inaquósa, quærens réquiém, et non ínvenit.

Capitulum.

Ephes. 5. c.

ERatis enim aliquándo ténebræ; nunc autem lux in Dómino. Ut filii lucis ambuláte: fructus enim lucis est in omni bonitáte, et justítia, et veritáte.

R. br. Scuto circúmdabit te * Véritas ejus. Scuto.

V. Non timébis a timóre noctúrno. Véritas. Glória Patri. Scuto.

V. Angelis suis Deus mandávit de te.

R. Ut custódiat te in ómnibus viis tuis.

Ad Vesperas.

Antiph. to. 7. f. et Psalmus. Dixit Dóminus. cum reliquis de Dominica. 101.

Capitulum. Fratres, Estóte imitátóres. ut supra.

Hymnus.

AUdi, benígne Cónditor,
Nostras preces cum flétibus
In hoc sacro jejúnio
Fusas quadragenário.
Scrutátor alme córdium,
Infrma tu scis vírium:
Ad te revérsis éxhibe
Remissiónis grátiam.
Multum quidem peccávimus,
Sed parce confiténtibus:
Ad nóminis laudem tui
Confer medélam lánguidis.

Concéde nostrum cónteri
Corpus per abstinentiam;
Culpæ ut relínquant pábulum
Jejúna corda críminum.

Præsta, beáta Trínitas,
Concéde, simplex Unitas;
Ut fructuósa sint tuis
Jejuniórum múnera. Amen.

V. Angelis suis Deus mandávit de te.

R. Ut custódiat te in ómnibus viis tuis.

Ad Magnificat, Antiphona, to. 8.

Extóllens vocem quædam múlter de turba, dixit: Beátus venter qui te portávit, et úbera quæ suxísti. At Jesus ait illi: Quínimo beáti qui audiunt verbum Dei, et custódiunt illud.

Oratio. Quæsumus, omnípotens. ut supra.

Post Vesperas dicuntur Vesperæ Defunctorum.

FERIA SECUNDA.

Ad Matutinum, Invitatorium de Psalterio. 39.

Hymnus. Ex more docti mýstico. ut supra. 154.

Antiphonæ et Psalmi Nocturnorum de Psalterio. 40.

Et sic dicitur etiam in aliis sequentibus Feriis.

Lectio sancti Evangélíi secúndum Lucam.

Lectio i.

Cap. 4. d.

IN illo témpore: Dixit Jesus Pharisæis: Utique dicétis mihi hanc similitúdinem: Médice, cura te ipsum: quanta audívimus facta in Caphárnaum, fac et hic in pátria tua. Et réliqua.

Homília Sancti Ambrósii Epíscopi.

Lib. 4. in cap. 4. Lucæ. post med.

Non medíocris invídia próditur, quæ cívicæ charitátis oblíta, in acérba ódia causas amóris infléctit.

Simul hoc exemplo páriter et oráculo declarátur, quod frustra opem misericórdiæ cœlestis expéctes, si aliénæ frúctibus virtútis invídeas. Aspernátor enim Dóminus invidórum est: et ab iis, qui divína benefícia in áliis persequúntur, mirácula suæ potestátis avértit. Domínicæ quippe carnis actus, divinitátis exéplum est: et invisibília nobis ejus per ea, quæ sunt visibília, demonstrántur.

R. Tóllite hinc vobíscum múnera, et ite ad dóminum terræ: et cum invenéritis, adoráte eum super terram:
* Deus autem meus fáciat eum vobis placábilem: et remíttat et hunc fratrem vestrum vobíscum, et eum quem tenet in vínculis.

V. Súmite de óptimis terræ frúgibus in vasis vestris, et deférte viro múnera. Deus.

Lectio ii.

Non otiose itaque Salvátor excúsat, quod nulla in pátria sua mirácula virtútis operátus sit: ne fortáassis áliquis viliórem pátriæ nobis esse debére putáret afféctum. Neque enim cives póterat non amáre, qui amáret omnes; sed ipsi se charitate pátriæ, dum invident, abdicárant. In veritate dico vobis: multæ víduæ fuérunt in diébus Elíæ. Non quia Elíæ dies fuérunt, sed in quibus Elías operátus est: aut quia Elías dies faciébant illis, qui in ejus opéribus lucem vidébant grátiae spiritalis, et convertébantur ad Dóminum. Et ideo aperiebátur cœlum vidéntibus æterna et divína mystéria: claudébátur, et fames erat, quando nulla erat cognoscéndæ divinitátis ubértas. Sed de hoc plénius díximus, cum de víduis scriberémus.

R. Iste est frater vester mínimus, de quo dixerátis mihi? Deus misereátur tibi, fili mi. * Festinavítque in domum, et plorávit: quia erumpébant lácrymæ, et non póterat se continére.

V. Attóllens autem Joseph óculos, vidit Bénjamin stantem: et commóta sunt ómnia víscera ejus super fratre suo. Festinavítque.

Lectio iii.

ET multi leprósi erant in Judæa temporibus Eliséi Prophétæ, et nemo eórum mundátus est, nisi Náaman Syrus. Evidénter hic sermo nos Dómini salutáris infórmát, et ad stúdiúm venerándæ divinitátis hortátur: quod nemo sanátus osténditur, et maculósi morbo córporis absolutus, nisi qui religióso officio stúduit sanitáti. Non enim dormiéntibus divína benefícia, sed observántibus deferúntur. Díximus in libro álio, in vídua illa, ad quam Elías directus est, typum Ecclesiæ præmíssum. Pópulus Ecclesiám congregávit, ut sequátur pópulus ille ex alienígenis congregátus. Pópulus ille ante leprósus, pópulus ille ante maculósus, priúsqvam mýstico baptizarétur in flúmine: idem post sacraménta baptísmatis máculis córporis et mentis ablútus, jam non lepra, sed immaculáta virgo cœpit esse sine ruga.

R. Dixit Joseph úndecim frátribus suis: Ego sum Joseph, quem vendidístis in Ægýptum: adhuc vivit pater noster sénior, de quo dixerátis mihi? * Ite, addúcite eum ad me, ut possit vívere.

V. Biénnum enim est, quod cœpit esse fames in terra, et adhuc restant anni quinque, quibus nec arári póterit, nec meti. Ite. Glória Patri. Ite.

AD LAUDES.

Antiphona to. 6. et Psalmus Miserére. cum reliquis de Psalterio. 48.

Capitulum.

Isaïæ 58.

CLama, ne cesses; quasi tuba exálta vocem tuam, et annúntia pópulo meo scélera eórum, et dómui Jacob peccáta eórum.

Hymnus. O sol salútis. 158.

V. Angelis suis Deus mandávit de te.
R. Ut custódiant te in ómnibus viis tuis.

Ad Benedictus, Antiphona, to. 1.
 Amen dico vobis, quia nemo Prophéta acceptus est in pátria sua.

Deinde dicuntur Preces, ut in Psalterio. 50.

Oratio.

Cordibus nostris, quæsumus, Dómine, grátiam tuam benígnus infúnde: ut sicut ab escis carnálibus abstinémus, ita sensus quoque nostros a nóxiis retrahámus excéssibus. Per Dóminum.

Hodie dicitur Offic. Defunctorum.

Ad Vesperas.

Antiph. to. 1. f. Inclínávit.

Psalmus. Diléxi. cum reliquis de Psalterio. 103.

Capitulum. Joelis. 2. d.

Inter vestibulum et altáre plorábunt sacerdótes minístri Dómini, et dicent: Parce, Dómine, parce pópulo tuo: et ne des hæreditátem tuam in oppróbrium, ut dominéntur eis nátiónes.

Hymnus. Audi benígne Cónditor. 159.

V. Angelis suis Deus mandávit de te.
R. Ut custódiant te in ómnibus viis tuis.

Ad Magnificat, Antiphona, to. 1.
 Jesus autem tránsiens per médium illórum ibat.

Deinde dicuntur Preces, ut supra in Psalterio. 105.

Oratio.

Subvéniat nobis, Dómine, misericórdia tua: ut ab imminéntibus peccatórum nostrórum perículis, te mereámur protegénte éripi, te librante salvári. Per Dóminum.

FERIA TERTIA.

Léctio sancti Evangélii secúndum Matthæum.

Lectio i.

Cap. 18. b.

In illo témpore: Dixit Jesus discipulis suis: Si peccáverit in te frater tuus, vade, et córripe eum inter te et ipsum solum. Et réliqua.

Homília Sancti Augustíni Epíscopi.

Serm. 16. de Verbis Domini. to. 10. post init.

Quare illum córripis? Quia tu dolens, quod peccáverit in te? Absit. Si amóre tui id facis, nihil facis: si amóre illíus facis, óptime facis. Dénique in ipsis verbis atténde, cujus amóre id fácere débeas, utrum tui, an illíus. Si te audíerit, inquit, lucrátus es fratrem tuum. Ergo propter illum fac, ut lucréris illum. Sic faciéndó lucráris: nisi fecisses, períerat. Quid est ergo, quod pleríque hómínes ista peccáta contémnunt, et dicunt: Quid magnum feci? in hómínem peccávi. Noli contémnere: In hómínem peccásti.

R. Nuntiavérunt Jacob dicéntes: Joseph fílius tuus vivit, et ipse dominá-tur in tota terra Ægýpti: quo audíto, revíxit spíritus ejus, et dixit: * Súfficit mihi, vadam et vidébo eum ántequam móriar.

V. Cumque audísset Jacob quod fílius ejus víveret, quasi de gravi somno evígilans, ait. Súfficit mihi.

Lectio ii.

Vis nosse, quia in hómínem peccándo, perísti? Si te ille, in quem peccásti, corripúerit inter te et ipsum solum, et audíeris illum, lucrátus est te. Quid est: Lucrátus est te; nisi quia períeras, si non lucraretur te? Nam si non períeras, quómodo te lucrátus est? Nemo ergo contémnat, quando peccat in fratrem. Ait enim quodam loco Apóstolus: Sic autem peccántes in fratres, et percutiéntes

conscientiam eorum infirmam, in Christum peccatis: ideo quia membra Christi omnes facti sumus. Quomodo non peccas in Christum, qui peccas in membra Christi?

R. Joseph dum intraret in terram ~~Egypti~~, linguam quam non noverat, audivit: manus ejus in laboribus serviérunt: * Et lingua ejus inter principes loquebatur sapientiam.

V. Humiliavérunt in compédibus pedes ejus: ferrum pertransiit animam ejus, donec veníret verbum ejus. **Et** lingua.

Lectio iii.

Nemo ergo dicat, quia non peccavi in Deum, sed peccavi in fratrem: in hominem peccavi, leve, vel nullum peccatum est. Forte inde dicis: Leve est; quia cito curatur. Peccasti in fratrem: fac satis, et sanatus es. Cito fecisti mortíferam rem, sed remedium cito invenisti. Quis nostrum speret regnum cœlorum, fratres mei, quando dicit Evangelium: Qui dixerit fratri suo, fátue, reus erit gehennæ ignis? Magnus terror; sed vide ibi remedium. Si obtuleris munus tuum ad altare, et ibi recordatus fueris, quia frater tuus habet aliquid adversum te, relinque ibi munus tuum ante altare. Non irascitur Deus, quia differt impónere munus tuum; te quærit Deus magis, quam munus tuum.

R. Meménto mei, dum bene tibi fuerit: * Ut suggeras Pharaóni, ut educat me de isto cárcere: * Quia furtim sublatus sum, et hic innocens in lacum missus sum.

V. Tres enim adhuc dies sunt, post quos recordabitur Phárao ministérii tui, et restituet te in gradum pristinum: tunc meménto mei. **Ut** suggeras. **Gloria Patri.** Quia furtim.

Ad Benedictus. Antiphona, to. 1. f. Si duo ex vobis consenserint super terram de omni re quamcúmque

petierint, fiet illis a Patre meo, dicit Dóminus.

Deinde dicuntur Preces. 50.

Oratio.

Exaudi nos, omnipotens et misericors Deus: et continentiæ salutaris propítius nobis dona concede. Per Dóminum.

Ad Magnificat, Antiphona, to. 4.

Ubi duo vel tres congregati fuerint in nómine meo, in médio eorum sum, dicit Dóminus.

Deinde dicuntur Preces. 105.

Oratio.

Tua nos, Dómine, protectione defende: et ab omni semper iniquitate custódi. Per Dóminum.

FERIA QUARTA.

Hodie dicuntur Psalmi Graduales.

Lectio sancti Evangelii secundum Matthæum.

Lectio i.

Cap. 15.

In illo tempore: Accesserunt ad Jesum ab Jerosólymis Scribæ et Pharisei, dicentes: Quare discipuli tui transgrediuntur traditionem seniorum? Et reliqua.

Homilia Sancti Hierónymi Presbyteri.

Lib. 2. Comment. in c. 15. Matth.

Mira Phariseorum Scribarumque stultitia! Dei Filium arguunt, quare hominum traditiones, et præcepta non servet. Non enim lavant manus suas, cum panem manducant. Manus, id est, ópera, non corporis útique, sed animæ lavandæ sunt, ut fiat in illis verbum Dei. Ipse autem respondens, ait illis: Quare et vos transgredimini mandatum Dei propter traditionem vestram? Falsam calumniam vera responsione confutat. Cum, inquit, vos propter traditionem

hóminum præcepta Dómini negligátis quare discipulos meos arguéndos putátis, quod seniórurn jussa parvipéndant, ut Dei scita custódiant?

R. Mérito hæc pátimur, quia peccávimus in fratrem nostrum, vidéntes angústias ánimæ ejus, dum deprecáretur nos, et non audívimus: * Idcirco venit super nos tribulatio.

V. Dixit Ruben frátribus suis: Numquid non dixi vobis: Nolíte peccáre in púerum, et non audístis me? Idcirco.

Lectio ii.

NAm Deus dixit: Honóra patrem et matrem: et, Qui maledíxerit patri, vel matri, morte moriáture. Vos autem dícitis: Quicumque díxerit patri, vel matri: Munus quodcúmque est ex me, tibi próderit: et non honorificábit patrem suum aut matrem suam. Honor in Scriptúris non tantum in salutatióibus et officiis deferéndis, quantum in eleemósynis, ac múnern oblatióne sentíture. Honóra, inquit Apóstolus, víduas, quæ vere víduæ sunt. Hic honor donum intelligitur. Et in álio loco: Presbýteri dúplici honóre honorándi sunt, máxime qui labórant in verbo et doctrína Dei. Et per hoc mandátum jubémur bovi trituránti os non cláudere: ét dignus sit operárius mercéde sua.

R. Dixit Ruben frátribus suis: Numquid non dixi vobis: Nolíte peccáre in púerum, et non audístis me? * En sanguis ejus exquiritur.

V. Mérito hæc pátimur, quia peccávimus in fratrem nostrum, vidéntes angústias ánimæ ejus, dum deprecáretur nos, et non audívimus. En sanguis.

Lectio iii.

Præcéperat Dóminus, vel imbecillitátes, vel ætátes, vel penúrias paréntum consíderans, ut filii honorárent, étiam in vitæ necessariis mi-

nistrándis, paréntes suos. Hanc providentíssimam Dei legem voléntes Scribæ et Pharisæi subvérttere, ut impietátem sub nómine pietátis inducerent, docuérunt péssimos filios, ut si quis ea, quæ paréntibus offerénda sunt, Deo vovére volúerit, qui verus est Pater, oblátio Dómini præponáture paréntum munéribus: vel certe ipsi paréntes, quæ Deo consecráta cernébant, ne sacrilégii crimen incúrrerent, declinátes, egestáte conficiebántur. Atque ita fiébat, ut oblátio liberórum sub occasiáne templi et Dei, in sacerdotum lucra céderet.

R. Lamentabátur Jacob de duóbus filiis suis: Heu me, dolens sum de Joseph pérdito, et tristis nimis de Bénéjamin ducto pro alimóniis: * Precor cœléstem Regem, ut me doléntem nímium fáciat eos cernere.

V. Prostérnens se Jacob veheménter cum lácrymis pronus in terram, et adorans, ait. Precor. Glória Patri. Precor.

Ad Benedictus, Antiphona, to. 8.

Audíte et intelligíte traditiónes, quas Dóminus dedit nobis.

Deinde dicuntur Preces. 50.

Oratio.

Præsta nobis, quæsumus, Dómine: ut salutáribus jejúniis erudíti, a nóxiis quoque vítiis abstinéntes, propitiatiónem tuam facílius impetrémus. Per Dóminum.

Ad Magnificat, Antiphona, to. 7.

Non lotis mánibus manducáre, non coínquinat hóminem.

Deinde dicuntur Preces. 105.

Oratio.

Concède, quæsumus, omnípotens Deus: ut qui protectióriis tuæ grátiam quærimus, liberáti a malis ómnibus, secúra tibi mente serviámus. Per Dóminum.



FERIA QUINTA.

Lectio sancti Evangelii secundum
Lucam.

Lectio i.

Cap. 4. f.

IN illo tempore: Surgens Jesus de synagoga, introivit in domum Simónis. Socrus autem Simónis tenebatur magnis febribus. Et reliqua.

Homilia Sancti Ambrósii Episcopi.

Lib. 4. in Lucæ c. 4. circa fin.

VIde clementiam Domini Salvatoris: nec indignatione commotus, nec scelere offensus, nec injuria violatus, Judæam deserit: quin etiam immemor injuriæ, memor clementiæ, nunc docendo, nunc liberando, nunc sanando, infidæ plebis corda demulcet. Et bene sanctus Lucas virum ab spiritu nequitiae liberatum ante præmisit, et subdit femine sanitatem. Utrumque enim sexum Dominus curaturus advenerat: sed prior sanari debuit, qui prior creatus est; nec prætermitti illa, quæ mobilitate magis animi, quam pravitate peccaverat.

R. Videntes Joseph a longe loquebantur mutuo fratres, dicentes: Ecce somniator venit: * Venite, occidamus eum, et videamus si prosint illi somnia sua.

V. Cumque vidissent Joseph fratres sui, quod a patre cunctis fratribus plus amaretur, oderant eum, nec poterant ei quidquam pacifice loqui, unde et dicebant. Venite.

Lectio ii.

Sabbato medicinæ Dominicæ opera cœpta significat, ut inde nova creatura cœperit, ubi vetus creatura ante desivit: nec sub lege esse Dei Filium, sed supra legem in ipso principio designaret: nec solvi legem, sed impleri. Neque enim per legem, sed verbo factus est mundus, sicut legimus: Verbo Domini cœli firmati sunt. Non solvitur ergo lex, sed im-

pletur: ut fiat renovatio hominis jam labentis. Unde et Apostolus ait: Expoliâtes vos veterem hominem, induite novum, qui secundum Deum creatus est.

R. Dixit Judas fratribus suis: Ecce Ismahelitæ transeunt: venite, venumdetur, et manus nostræ non polluantur: * Caro enim et frater noster est.

V. Quid enim prodest, si occiderimus fratrem nostrum, et celaverimus sanguinem ipsius? melius est ut venumdetur. Caro enim.

Lectio iii.

ET bene sabbato cœpit, ut ipsum se ostenderet creatorem, qui opera operibus intexeret, et prosequeretur opus, quod ipse jam cœperat: ut si domum faber renovare disponat, non a fundamentis, sed a culminibus incipit solvere vetustatem. Itaque ibi prius manum admovet, ubi ante desierat: deinde a minoribus incipit, ut ad majora perveniat. Liberare a dæmone et homines, sed in verbo Dei possunt: resurrectionem mortuis imperare, divinæ solus est potestatis. Fortassis etiam in typo mulieris illius socrus Simónis et Andréæ variis criminum febribus caro nostra languebat, et diversarum cupiditatum immódicis æstuabat illécebris. Nec minorem febrem amoris esse dixerim, quam caloris. Itaque illa animum, hæc corpus inflamat. Febris enim nostra, avaritia est: febris nostra, libido est: febris nostra, luxuria est: febris nostra, ambitio est: febris nostra, iracundia est.

R. Extrahentes Joseph de lacu, vendiderunt Ismahelitis viginti argenteis: * Reversusque Ruben ad puteum, cum non invenisset eum, scidit vestimenta sua cum fletu, et dixit: * Puer non comparet, et ego quo ibo?

V. At illi, intincta tunica Joseph in sanguine hœdi, miserunt qui ferret

eam ad patrem, et diceret: Vide, si túnica filii tui sit, an non. **R**eversus-que. **G**loria Patri. **P**uer.

Ad Benedictus, Antiphona, to. 8.
Exibant autem dæmónia a multis clamántia, et dicéntia, quia tu es Christus Fílius Dei: et increpans non sinébat ea loqui, quia sciébat ipsum esse Christum.

Deinde dicuntur Preces. 50.

Oratio.

Magníficet te, Dómine, sanctórum tuórum Cosmæ et Damiáni beáta solémnitas: qua et illis glóriam sempitérnam, et opem nobis ineffábili providéntia contulísti. Per Dóminum.

Ad Magnificat, Antiphona, to. 1.
Omnès, qui habébant infirmos, ducébant illos ad Jesum, et sanabantur.

Deinde dicuntur Preces. 105.

Oratio.

Subjéctum tibi pópulum, quæsumus, Dómine, propitiátio cœlestis amplíficet: et tuis semper fáciat servíre mandátis. Per Dóminum.



FERIA SEXTA.

Lectio sancti Evangelii secúndum Joánnem.

Lectio i.

Cap. 4.

In illo témpore: Venit Jesus in civitatem Samaríæ, quæ dicitur Sichar, juxta prædium, quod dedit Jacob Joseph filio suo. Et reliqua. -

Homília Sancti Augustíni Epíscopi.

Tractatu 15. in Joannem post initium.

Jam incípiunt mystéria. Non enim frustra fatigátur Jesus: non enim frustra fatigátur virtus Dei: non enim frustra fatigátur, per quem fatigáti recreántur: non enim frustra fatigátur, quo deserénte, fatigámur, quo præsénte, firmámur. Fatigátur tamen

Jesus, et fatigátur ab itínere, et sedet, et juxta púteum sedet, et hora sexta fatigátus sedet. Omnia ista innuunt áliquíd, indicáre volunt áliquíd: inténtos nos fáciunt: ut pulsémus, hortántur. Ipse ergo apériat et nobis et vobis, qui dignátus est ita hortári, ut diceret: Pulsáte, et apériétur vobis.

R. Videns Jacob vestiménta Joseph, scidit vestiménta sua cum fletu, et dixit: * Fera péssima devorávit filium meum Joseph.

V. Tulérunt autem fratres ejus túnica illius, mitténtes ad patrem: quam cum cognovísset pater, ait. **F**era.

Lectio ii.

Tibi fatigátus est ab itínere Jesus. Invenimus virtútem Jesum: et invenimus infirmum Jesum: fortem, et infirmum. Fortem, quia in principio erat Verbum, et Verbum erat apud Deum, et Deus erat Verbum: hoc erat in principio apud Deum. Vis vidére quam iste Fílius Dei fortis sit? Omnia per ipsum facta sunt, et sine ipso factum est nihil: et sine labóre facta sunt. Quid ergo illo fórtius, per quem sine labóre facta sunt ómnia? Infirmum vis nosse? Verbum caro factum est, et habitávit in nobis. Fortitúdo Christi te creávit: infirmitas Christi te recreávit. Fortitúdo Christi fecit, ut quod non erat, esset: infirmitas Christi fecit, ut quod erat, non perfret. Cóndidit nos fortitúdine sua, quæsívit nos infirmitáte sua.

R. Joseph dum intráret in terram **E**gýpti, linguam quam non nóverat, audívit: manus ejus in labóribus serviérunt: * Et lingua ejus inter príncipes loquebátur sapiéntiam.

V. Humiliavérunt in compédibus pedes ejus: ferrum pertránsiit ánimam ejus, donec veníret verbum ejus. **E**t lingua.

Lectio iii.

NUtrit ergo ipse infirmus infirmos, tamquam gallina pullos suos: huic enim se similem fecit. Quoties volui, inquit ad Jerúsalem, congregare filios tuos sub alas tamquam gallina pullos suos, et nolústi? Vidétis autem, fratres, quemádmódum gallina infirmetur cum pullis suis. Nulla enim alia avis, quod sit mater, agnoscitur. Videmus nidificare pásseres quólibet ante óculos nostros: hirúndines, cicónias, colúmbas quotidie videmus nidificare: quos, nisi quando in nidis videmus, paréntes esse non agnoscimus. Gallina vero sic infirmatur in pullis suis, ut étiam si ipsi pulli non sequántur, filios non vídeas, matrem tamen intélligas.

R. Meménto mei, dum bene tibi fúerit: * Ut súggeras Pharaóni, ut edúcat me de isto cárcere: * Quia furtim sublátus sum, et hic ínnocens in lacum missus sum.

V. Tres enim adhuc dies sunt, post quos recordábitur Phárao ministérii tui, et restítuet te in gradum prístinum: tunc meménto mei. Ut súggeras. Glória Patri. Quia.

Ad Benedictus, Antiphona, to. 8. f. Aquam quam ego dédero, si quis bíberit ex ea, non sítiet in ætérnum.

Deinde dicuntur Preces. 50.

Oratio.

JEjúnia nostra, quæsumus, Dómine, benígno favóre proséquere: ut sicut ab aliméntis abstinémus in corpore, ita a vítiis jejunémus in mente. Per Dóminum.

Hodie dicuntur Psalmi Pœnitentiales.

Ad Magnificat, Antiphona, to. 3. Dómine, ut vídeo, Prophéta es tu: patres nostri in monte hoc adoravérunt.

Deinde dicuntur Preces. 105.

Oratio.

PRæsta, quæsumus, omnípotens Deus: ut qui in tua protectióne

confidimus, cuncta nobis adversántia, de adjuvánte, vincámus. Per Dóminum.

SABBATO.

Léctio sancti Evangélíi secúndum Joánnem.

Lectio i.

Cap. 8.

IN illo témpore: Perréxit Jesus in montem Olivéti, et dilúculo íterum venit in templum. Et réliqua.

Homília Sancti Augustíni Epíscopi.

Tract. 33. in Joan. post init.

JESUS perréxit in montem Olivéti, in montem fructuósum, in montem unguénti, in montem chrísmatis. Ubi enim decébat docére Christum, nisi in monte Olivéti? Christi enim nomen a chrísmate dictum est: chrisma autem Græce, Latíne únctio nominátur. Ideo autem nos unxit, quia luctatóres contra diábolum fecit. Et dilúculo íterum venit in templum, et omnis pópulus venit ad eum: et sedens docébat eos, et non tenebátur, quia nondum pati dignabátur. Nunc jam atténdite, ubi ab inimícis tentáta sit Dómini mansuetúdo.

R. Mérito hæc pátimur, quia peccávimus in fratrem nostrum, vidéntes angústias ánimæ ejus, dum deprecáretur nos, et non audívimus: * Idcirco venit super nos tribulátio.

V. Dixit Ruben frátribus suis: Numquid non dixi vobis: Nolíte peccáre in púerum, et non audístis me? Idcirco.

Lectio ii.

ADDúcant autem illi Scribæ et Pharísæi mulierem in adultério deprehénsam, et statuérunt eam in médio, et dixerunt ei: Magíster, hæc mulier modo deprehénsa est in adultério: in lege autem Móyses mandávit nobis hujúsmodi lapidáre: tu

ergo quid dicis? Hæc autem dicébant tentántes eum, ut possent accusáre eum. Unde accusáre? Numquid ipsum in áliquo facínore deprehénderant? aut illa múlter ad eum áliquo modo pertinúisse dicebátur?

R. Dixit Ruben frátribus suis: Numquid non dixi vobis, Nolíte peccáre in púerum, et non audístis me? * En sanguis ejus exquiritur.

V. Mérito hæc pátimur, quia peccávimus in fratrem nostrum, vidéntes angústias ánimæ ejus, dum deprecáretur nos, et non audívimus. **En** sanguis.

Lectio iii.

Intelligámus, fratres, admirábilem mansuetúdinem in Dómino fuisse. Animadvertérunt eum nímium esse mitem, nímium esse mansuétum. De illo quippe fúerat ante prædictum: Accíngere gládio tuo circa femur tuum, potentíssime. Spécie tua et pulchritúdine tua inténde, prospere procéde, et regna: propter veritátem, et mansuetúdinem, et justítiam. Ergo áttulit veritátem ut doctor, mansuetúdinem ut liberátor, justítiam ut cónitor. Propter hæc eum esse regnatúr in Spíritu sancto Prophéta prædixerat. Cum loquerétur, veritas agnoscebátur: cum advérsus inimícos non moverétur, mansuetúdo laudabátur. Cum ergo de duóbus istis, id est, de veritáte et mansuetúdine ejus, inimíci livóre et invídia torqueántur, in tértio, id est justítia, scándalum posuérunt.

R. Lamentabátur Jacob de duóbus fíliis suis: Heu me, dolens sum de Joseph pérdito, et tristis nimis de Bénéjamin ducto pro alimóniis: * Precor cœléstem Regem, ut me doléntem nímium fáciat eos cernere.

V. Prostérnens se Jacob veheménter cum lácrymis pronus in terram, et adórans, ait. **Precor.** Glória Patri. **Precor.**

Ad Benedictus, Antiphona, to. 1.
Inclinávit se Jesus, et scribebat in terra: Si quis sine peccáto est, mittat in eam lápidem.

Deinde dicuntur Preces. 50.

Oratio.

Præsta, quæsumus, omnípotens Deus: ut qui se, affligéndo carnem, ab aliméntis ábstinent; sectándo justítiam, a culpa jejúnent. Per Dóminum.

Ad Vesperas.

Capitulum.

Galat. 4. c.

Fratres, Scriptum est: quóniam Abraham duos fílios hábuit: unum de ancílla, et unum de líbera. Sed qui de ancílla, secúndum carnem natus est: qui autem de líbera, per re-promissionem: quæ sunt per allegóriam dicta.

Hymnus.

Audi, benígne Córditor,
Nostras preces cum flétibus
In hoc sacro jejúnio
Fusas quadragenário.

Scrutátor alme córdium,
Infirma tu scis vírium:
Ad te revérsis éxhibe
Remissionis grátiam.

Multum quidem peccávimus,
Sed parce confiténtibus:
Ad nóminis laudem tui
Confer medélam lánguidis.

Concède nostrum cónteri
Corpus per abstinéntiam;
Culpæ ut relínquant pábulum
Jejúna corda críminum.

Præsta, beáta Trínitas,
Concède, simplex Unitas;
Ut fructuósa sint tuis
Jejuniórum múnera.

Amen.

V. Angelis suis Deus mandávit de te.

R. Ut custódiant te in ómnibus viis tuis.

Ad Magnificat, Antiphona, to. 3.
Nemo te condemnávit, múlíer? nemo,
Dómine: nec ego te condemnábo:
jam ámplius noli peccáre.

Oratio.

Concède, quæsumus, omnípotens
Deus: ut qui ex mérito nostræ
actiónis affligimur, tuæ grátiae con-
solatióne respirémus. Per Dóminum.

Dominica IV.

in Quadragesima.

AD MATUTINUM.

Invitatorium. Non sit vobis va-
num mane súrgere ante lucem: * Quia
promísit Dóminus corónam vigilán-
tibus.

Psalmus. Veníte, exultémus. 2.

Hymnus.

EX more docti mýstico
Servémus hoc jejúnium,
Deno diérum círculo
Ducto quater notíssimo.
Lex et Prophétæ prímítus
Hoc prætulérunt, póstmódum
Christus sacrávit, ómnium
Rex, atque Factor témporum.
Utámur ergo párcius
Verbis, cibis, et pótibus,
Somno, jocis, et árcetius
Perstémus in custódia.
Vitémus autem nóxia,
Quæ súbruunt mentes vagas,
Nullúmque demus cállidi
Hostis locum tyránnidi.
Flectámus iram vándicem,
Plorémus ante júdicem,
Clamémus ore súpplíci,
Dicámus omnes cernui:
Nostris malis offéndimus
Tuam Deus cleméntiam,
Effúnde nobis désuper
Remíssor indulgéntiam:

Meménto quod sumus tui,
Licet cadúci plásmatis:
Ne des honórem nóminis
Tui, precámur, álteri.

Laxa malum quod fécimus:
Auge bonum quod póscimus,
Placére quo tandem tibi
Possímus hic, et pérpetim.

Præsta, beáta Trínitas,
Concède simplex Unitas,
Ut fructuósa sint tuis
Jejuniórum múnera. Amen.

IN I. NOCTURNO.

Antiph. to. 8. Servíte Dómino.

Psalmus. Beátus vir. cum reliquis
ut in Psalterio. 3.

De libro Exodi.

Lectio i.

Cap. 3.

MOyses autem pascébat oves Je-
thro sóceri sui sacerdótis Má-
dian: cumque minásset gregem ad
interióra desérti, venit ad montem
Dei Horeb. Apparúitque ei Dóminus
in flamma ignis de médio rubi: et
vidébat quod rubus ardéret, et non
comburerétur. Dixit ergo Móyses:
Vadam, et vidébo visiónem hanc
magnam, quare non comburátur ru-
bus. Cernens autem Dóminus quod
pérgeret ad vidéndum, vocávit eum
de médio rubi, et ait: Móyses, Móy-
ses, qui respóndit: Adsum. At ille:
Ne apprópies, inquit, huc: solve cal-
ceaméntum de pédibus tuis: locus
enim, in quo stas, terra sancta est.
Et ait: Ego sum Deus patris tui, Deus
Abraham, Deus Isaac, et Deus Jacob.
Abscóndit Móyses faciém suam: non
enim audébat aspícere contra Deum.
R. Locútus est Dóminus ad Móysen,
dicens: Descénde in Ægýptum, et
dic Pharaóni, * Ut dimíttat pópulum
meum: indurátum est cor Pharaónis,
non vult dimíttre pópulum meum,
nisi in manu forti.

✠. Clamor filiôrum Israel venit ad me, vidique afflictionem eorum: sed veni, mittam te ad Pharaónem. Ut dimittat.

Lectio ii.

Cui ait Dóminus: Vidi afflictionem pópuli mei in Ægýpto, et clamorem ejus audívi propter duritiam eorum, qui præsunt opéribus: et sciens dolorem ejus, descendi ut liberem eum de manibus Ægyptiôrum, et edúcam de terra illa in terram bonam, et spatiósam, in terram quæ fluit lacte et melle, ad lóca Chananæi, et Hethæi, et Amorrhæi, et Pherezæi, et Hevæi, et Jebusæi. Clamor ergo filiôrum Israel venit ad me: vidique afflictionem eorum, qua ab Ægýptiis opprimuntur. Sed veni, et mittam te ad Pharaónem, ut edúcas pópulum meum, filios Israel, de Ægýpto.

℞. Stetit Móyses coram Pharaóne, et dixit: Hæc dicit Dóminus: * Dimitte pópulum meum, ut sacrificet mihi in deserto.

✠. Dóminus Deus Hebræorum misit me ad te, dicens. Dimitte.

Lectio iii.

Dixitque Móyses ad Deum: Quis sum ego, ut vadam ad Pharaónem, et edúcam filios Israel de Ægýpto? Qui dixit ei: Ego ero tecum: et hoc habébis signum, quod miserim te: Cum edúxeris pópulum meum de Ægýpto, immolábis Deo super montem istum. Ait Móyses ad Deum: Ecce ego vadam ad filios Israel, et dicam eis: Deus patrum vestrorum misit me ad vos. Si díxerint mihi: Quod est nomen ejus? quid dicam eis? Dixit Deus ad Móysen: Ego sum qui sum. Ait: Sic dices filiis Israel: Qui est, misit me ad vos. Dixitque iterum Deus ad Móysen: Hæc dices filiis Israel: Dóminus Deus patrum vestrorum, Deus Abraham, Deus Isaac, et Deus Jacob, misit me ad vos: hoc

nomen mihi est in ætérnum, et hoc memoriále meum in generationem et generationem.

℞. Cantémus Dómino: glorióse enim honorificátus est; equum et ascensórem projéxit in mare; * Adjutor et protector factus est mihi Dóminus in salutem.

✠. Dóminus quasi vir pugnator, omnipotens nomen ejus. Adjutor. Glória Patri. Adjutor.

IN II. NOCTURNO.

Antiph. to. 3. Bonórum meórum.

Psalmus. Consérva. cum reliquis ut ut in Psalterio. 8.

Sermo Sancti Basilii Magni.

Homilia I. de jejunio, ante med.

Lectio iv.

MOysen per jejunium nóvimus in montem ascendisse: neque enim áliter ausus esset vérticem fumántem adíre, atque in caliginem íngredi, nisi jejunio munítus. Per jejunium mandata dígito Dei in tábulis conscripta suscepit. Item supra montem; jejunium legis latæ conciliátor fuit: inférius vero, gula ad idololatriam pópulum dedúxit, ac contaminávit. Sedit, inquit, pópulus manducáre et bíbere, et surrexérunt ludere. Quadráginta díerum labórem ac perseverántiam, Dei servo continuo jejunánte ac oránte, una tantum pópuli ebríetas cassam irritámque reddidit. Quas enim tábulas Dei dígito conscriptas jejunium accépit, has ebríetas contrívit, Prophéta sanctíssimo indignum existimánte, vinoléntum pópulum a Deo legem accíperere.

℞. In mari viæ tuæ, et sémitæ tuæ in aquis multis: * Deduxísti sicut oves pópulum tuum in manu Móysi et Aaron.

✠. Transtulísti illos per mare Rubrum, et transvexísti eos per aquam nímiam. Deduxísti.

Lectio v.

UNo témporis moménto ob gulam pópulus ille per máxima prodígia Dei cultum edóctus, in Ægyptíacam idololatríam turpíssime devolútus est. Ex quo si utrúmque simul cónferas, vidére licet jejúnium ad Deum dúcere, delícias vero salútem pérdere. Quid Esau inquinávit, servúmque fratris réddidit? nonne escaua, propter quam primogénita vén-didit? Samuélem vero nonne per jejúnium orátio largíta est matri? Quid fortíssimum Sampsonem inexpugnábilem réddidit? nonne jejúnium, cum quo in matris ventre concéptus est? Jejúnium concépit, jejúnium nutrívít, jejúnium virum effécit. Quod sane Angelus matri præcépit, monens, quæcúmque ex vite procédèrent, ne attíngeret, non vinum, non síceram bíberet. Jejúnium Prophétas génuit, poténtes confirmat atque róborat.

R. Qui persequébántur pópulum tuum, Dómine, demersísti eos in profúndum: * Et in columna nubis ductor eórum fuísti.

V. Deduxísti sicut oves pópulum tuum in manu Móysi et Aaron. Et.

Lectio vi.

Jejúnium legislatóres sapiéntes facit: animæ óptima custódia, corpóris sócius secúrus, fórtibus viris muniméntum et arma, athlétis et certántibus exercitátio. Hoc prætérea tentatiónes propúlsat, ad pietátem armat, cum sobrietáte hábitat, temperántiæ ópifex est: in bellis fortitúdinem affert, in pace quiétem docet: Nazaréum sanctificat, sacerdotem pérficit: neque enim fas est sine jejúnio sacrificium attíngere, non solum in mýstica nunc, et vera Dei adorátione, sed nec in illa, in qua sacrificium secúndum legem in figúra offerebátur. Jejúnium Elíam magnæ visiónis spectatórem fecit: quadra-

gínta namque díerum jejúnio cum ánimam purgásset, in spelúnca méruit, quantum fas est hómini, Deum vidére. Móyses íterum legem accípiens, íterum jejúnia secútus est. Nínivítæ, nisi cum illis et bruta jejunás-sent, ruínæ minas nequáquam evasís-sent. In desérto autem quorúmnam membra cecidérunt? nonne illórum, qui carnes appetivére?

R. Móyses fámulus Dei jejunávit quadragínta díebus et quadragínta nóctibus: * Ut legem Dómini mererétur accípere.

V. Ascéndens Móyses in montem Sínai ad Dóminum, fuit ibi quadragínta díebus et quadragínta nóctibus. Ut legem. Glória Patri. Ut legem.

IN III. NOCTURNO.

Antiph. to. 7. Non sunt loquélæ.

Psalmus. Cœli enarrant. cum reliquis ut in Psalterio. 11.

Lectio sancti Evangelíi secúndum Joánnem.

Lectio vii.

Cap. 6.

IN illo témpore: Abiit Jesus trans mare Galilææ, quod est Tiberíadis, et sequebátur eum multitúdo magna, quia vidébant signa, quæ faciébát super his, qui infirmabántur. Et reliqua.

Homilía Sancti Augustíni Epíscopi.

Tractatu 24. in Joannem.

Mirácula, quæ fecit Dóminus noster Jesus Christus, sunt quidem divína ópera, et ad intelligéndum Deum de visibílibus ádmonent humánam mentem. Quia enim ille non est talis substántia, quæ vidéri óculis póssit, et mirácula ejus, quibus totum mundum regit, universámque creatúram administrat, assiduitáte viluérunt ita, ut pene nemo dignétur atténdere ópera Dei mira et stupénda in quólibet séminis grano: secúndum

ipsam suam misericórdiam servávit sibi quædam, quæ fáceret opportúno témpore præter usitátum cursum ordinémque natúræ; ut non majóra, sed insólita vidéndo stupérent, quibus quotidiana vilúerant.

R. Spléndida facta est fácies Móysi, dum respíceret in eum Dóminus: Vidéntes senióres claritátem vultus ejus, admirántes timuérunt valde.

V. Cumque descendísset de monte Sínai, portábat duas tábulas testimónii, ignórans quod cornúta esset fácies ejus ex consórtio sermónis Dei. Vidéntes.

Lectio viii.

MAjus enim miráculum est gubernátio totíus mundi, quam saturátio quinque míllium hóminum de quinque pánibus. Et tamen hoc nemo mirátur: illud mirántur hómines, non quia majus est, sed quia rarum est. Quis enim et nunc pascit univérsum mundum, nisi ille, qui de paucis granis ségetes creat? Fecit ergo quo modo Deus. Unde enim multiplicat de paucis granis ségetes, inde in mánibus suis multiplicávit quinque panes: potéstas enim erat in mánibus Christi. Panes autem illi quinque, quasi sémina erant, non quidem terræ mandáta, sed ab eo, qui terram fecit, multiplicáta.

R. Ecce mitto Angelum meum, qui præcédat te, et custódiat semper: * Obsérva et audi vocem meam, et inimícus ero inimícis tuis, et affligéntes te affligam: et præcédet te Angelus meus.

V. Israël, si me audíeris, non erit in te deus recens, neque adorábis deum aliénium: ego enim Dóminus. **O**bsérva.

Lectio ix.

HOc ergo admótum est sénsibus, quo erigerétur mens: et exhibítum óculis, ubi exercerétur intelléctus: ut invisíblem Deum per visibília

ópera mirarémur, et erécti ad fidem, et purgáti per fidem, étiam ipsum invisíblem vidére cuperémus, quem de rebus visibílibus invisíblem noscerémus. Nec tamen súfficit hæc intuéri in miráculis Christi. Interrogémus ipsa mirácula, quid nobis loquántur de Christo: habent enim, si intelligántur, linguam suam. Nam quia ipse Christus Verbum Dei est, étiam factum Verbi verbum nobis est.

R. Atténdite, pópule meus, legem meam: * Inclínate aurem vestram in verba oris mei.

V. Apérim in parábolis os meum: loquar propositiones ab inítio sæculi. Inclínate. Glória Patri. Inclínate.

AD LAUDES.

Antiph. to. 7. r. Tunc acceptábis sacrificium justítiæ, si avérteris fáciem tuam a peccátis meis.

Psalmus. Miserére. cum reliquis ut supra. 126.

Antiph. to. 8. Bonum est speráre in Dómino, quam speráre in princípibus.

Antiph. to. 2. Benedícat nos Deus, Deus noster, benedícat nos Deus.

Antiph. to. 8. Potens es, Dómine, erípere nos de manu forti: líbera nos, Deus noster.

Antiph. to. 1. l. Reges terræ et omnes pópuli laudáte Deum.

Capitulum.

Galat. 4. c.

FRatres, Scriptum est: quóniam Abraham duos fílios hábuit: unum de ancílla, et unum de líbera. Sed qui de ancílla, secúndum carnem natus est: qui autem de líbera, per re-promissionem: quæ sunt per allegoríam dicta.

Hymnus.

O sol salútis, íntimis
Jesu refúlge méntibus,
Dum nocte pulsa grátior
Orbi dies renáscitur.

Dans tempus acceptabile,
Da, lacrymarum rîvulis
Lavare cordis victimam,
Quam læta adûrat châritas.

Quo fonte manavit nefas,
Fluent perennes lacrymæ,
Si virga pœnitentiæ
Cordis rigorem cõterat.

Dies venit, dies tua,
In qua reflórent ómnia:
Lætémur et nos in viam
Tua redúcti dèxtera.

Te prona mundi máchina
Clemens adóret Trínitas;
Et nos novi per grátiam
Novum canámus cánticum.
Amen.

V. Angelis suis Deus mandávit de te.
R. Ut custódiant te in ómnibus viis
tuis.

Ad Benedictus, Antiphona, to. 1. r.
Cum sublevásset óculos Jesus, et ví-
dísset máximam multitudinem ve-
niéntem ad se, dixit ad Philíppum:
Unde æmémus panes, ut mandúcent
hi? hoc autem dicébat tentans eum:
ipse enim sciébat quid esset factúrus.

Oratio.

Concède, quæsumus, omnipotens
Deus: ut qui ex mérito nostræ
actiónis affligimur, tuæ grátiae con-
solatione respirémus. Per Dóminum.

Ad Primam.

Antiph. to. 1. Accépit ergo Jesus
panes, et cum grátias egísset, distrí-
buit discumbéntibus.

Ad Tertiam.

Antiph. to. 1. De quinque pánibus
et duóbus pískibus satiávit Dóminus
quinque míllia hóminum.

Capitulum. Galat. 4. c.

Fratres, Scriptum est: quóniam
Abraham duos fílios hábuit: unum
de ancílla, et unum de líbera. Sed qui

de ancílla, secúndum carnem natus
est: qui autem de líbera, per repro-
missiónem: quæ sunt per allegoríam
dicta.

R. br. Ipse liberávit me * De láqueo
venántium. **Ipse.**

V. Et a verbo áspero. **De láqueo.**
Gloria Patri. Ipse.

V. Scápulis suis obumbrábit tibi.

R. Et sub pennis ejus sperábis.

Ad Sextam.

Antiph. to. 4. Satiávit Dóminus quin-
que míllia hóminum de quinque pá-
nibus et duóbus pískibus.

Capitulum. Galat. 4. d.

Lætare, stérilis, quæ non paris:
erúmpe et clama, quæ non pár-
turis: quia multi fílii desértæ, magis
quam ejus, quæ habet virum.

R. br. Scápulis suis * Obumbrábit
tibi. **Scápulis.**

V. Et sub pennis ejus sperábis. **Ob-**
umbrábit. **Gloria Patri. Scápulis.**

V. Scuto circúmdabit te véritas ejus.
R. Non timébis a timóre noctúrno.

Ad Nonam.

Antiph. to. 1. f. Illi ergo hómines
cum vidísset quod fécerat Jesus sig-
num, intra se dicébant: quia hic est
vere Prophéta, qui ventúrus est in
mundum.

Capitulum. Galat. 4. d.

ITaque, fratres, non sumus ancíllæ
fílii, sed líberæ: qua libertáte
Christus nos liberávit.

R. br. Scuto circúmdabit te, * Véri-
tas ejus. **Scuto.**

V. Non timébis a timóre noctúrno.
Véritas. Gloria Patri. Scuto.

V. Angelis suis Deus mandávit de te.
R. Ut custódiant te in ómnibus viis
tuis.

Ad Vesperas.

Antiphona to. 7. f. et Psalmus. Dixit
Dóminus. cum reliquis. 101.

Capitulum. Fratres, scriptum est.
ut supra.

Hymnus.

A Udi, benigne Cónditor,
Nostras preces cum flétibus
In hoc sacro jejúnio
Fusas quadragenário.
Scrutátor alme córdium,
Infirma tu scis vírium:
Ad te revérsis éxhibe
Remissiónis grátiam.
Multum quidem peccávimus,
Sed parce confiténtibus:
Ad nóminis laudem tui
Confer medélam lánguidis.
Concéde nostrum cónteri
Corpus per abstinentiam;
Culpæ ut relínquant pábulum
Jejuna corda críminum.
Præsta, beáta Trínitas,
Concéde, simplex Unitas;
Ut fructuósa sint tuis
Jejuniórum múnera.

Amen.

Ÿ. Angelis suis Deus mandávit de te.
R. Ut custódiat te in ómnibus viis
tuis.

Ad Magnificat, Antiphona, to. 1. f.
Súbiit ergo in montem Jesus, et ibi
sedébat cum discípulis suis.

Oratio. Concéde, quæsumus. ut
supra.

Post Vesperas diei dicuntur Vesperæ
Defunctorum.

emx

FERIA SECUNDA.

Ad Matutinum, Invitatorium de Psalterio. 39.

Hymnus. Ex more docti mýstico. ut
supra. 168.

Antiphonæ et Psalmi Nocturnorum
de Psalterio. 40.

Et sic dicitur etiam in aliis sequen-
tibus Feriis.

Léctio sancti Evangélíi secúndum
Joánnem.

Lectio i.

Cap. 2. c.

IN illo témpore: Prope erat Pascha
Judæórum, et ascéndit Jesus Je-
rosólymam, et invénit in templo ven-
déntes boves, et oves, et colúmbas.
Et réliqua.

Homília Sancti Augustíni Epíscopi.

Tract. 10. in Joannem post initium.

Q Uid audívimus, fratres? Ecce
templum illud figúra adhuc erat,
et ejécit inde Dóminus omnes, qui
sua quærébant, qui ad núnquinas vé-
nerant. Et quæ ibi vendébant illi?
Quæ opus habébant hómínes in sa-
crificiis illíus témporis. Novit enim
cháritas vestra, quod sacrificia illi
pópulo pro ejus carnalitáte, et corde
adhuc lapídeo, tália data sunt, qui-
bus tenerétur, ne in idóla deflúeret:
et immolábant ibi sacrificia, boves,
oves, et colúmbas. Nostis, quia le-
gístis.

R. Vos, qui transitúri estis Jordánem,
ædificáte altáre Dómino * De lapídi-
bus, quos ferrum non tétigit: et of-
férite super illud holocáusta, et hós-
tias pacíficas Deo vestro.

Ÿ. Cumque intravéritis terram, quam
Dóminus datúrus est vobis, ædificáte
ibi altáre Dómino. De lapídis.

Lectio ii.

N On ergo magnum peccátum, si
hoc vendébant in templo, quod
emebátur ut offerretur in templo: et
tamen ejécit inde illos. Quid si ibi
ebriósos inveníret? quid fáceret Dó-
minus, si vendéntes ea, quæ lícita
sunt, et contra justítiam non sunt
(quæ enim honéste emúntur, non il-
lícite vendúntur) éxpulit tamen, et
non est passus domum oratiónis fieri
domum negotiatiónis?

R. Audi, Israel, præcepta Dómini, et ea in corde tuo quasi in libro scribe:
* Et dabo tibi terram fluéntem lac et mel.

V. Obsérva igitur, et audi vocem meam: et inimicus ero inimicis tuis. Et dabo.

Lectio iii.

SI negotiatiónis domus non debet fieri domus Dei, potatiónis debet fieri? Nos autem quando ista dicimus, strident déntibus suis aduersus nos: et consolátur nos Psalmus, quem audístis: Stridérunt in me déntibus suis. Nóvimus et nos audíre unde curémur: etsi ingeminántur flagélla Christo, quia flagellátur sermo ipsíus. Congregáta sunt, inquit, in me flagélla, et nesciébant. Flagellátus est flagéllis Judæórum: flagellátur blasphemíis falsórum Christianórum: multiplicánt flagélla Dómino Deo suo, et nesciunt. Faciámus nos, quantum ipse áduvat. Ego autem, cum mihi moléstí essent, induébam me cilício, et humiliábam in jejúnio ánimam meam.
R. Sicut fui cum Móyse, ita ero tecum, dicit Dóminus: * Confortáre, et esto robústus: introdúces pópulum meum ad terram lacte et melle manántam.

V. Noli timére, quóniam tecum sum: ad quaecúmque perréxeris, non dimítam te, neque derelínquam. Confortáre. Glória Patri. Confortáre.

AD LAUDES.

Antiphona to. 6. et Psalmus. Miserére. cum reliquis de Psalterio. 48.

Capitulum.

Isaiæ 58.

CLama, ne cesses; quasi tuba exálta vocem tuam, et annúntia pópulo meo scélera eórum, et dómui Jacob peccáta eórum.

Hymnus. O sol salútis. 171.

V. Angelis suis Deus mandávit de te.
R. Ut custódiant te in ómnibus viis tuis.

Ad Benedictus, Antiphona, to. 3.

Auférte ista hinc, dicit Dóminus: et nolíte fácere domum Patris mei domum negotiatiónis.

Deinde dicuntur Preces. 50.

Oratio.

PRæsta, quæsumus, omnípotens Deus: ut observatiónes sacras ánnua devotióne recoléntes, et corpore tibi placeámus, et mente. Per Dóminum.

Hodie dicitur Officium Defunctorum.

Ad Vesperas.

Antiph. to. 1. f. Inclínávit.

Psalmus. Diléxi. cum reliquis de Psalterio. 103.

Capitulum.

Joelis 2. d.

INter vestibulum et altáre plorábunt sacerdótes minístri Dómini, et dicent: Parce, Dómine, parce pópulo tuo: et ne des hæreditátem tuam in oppróbrium, ut dominéntur eis natiónes.

Hymnus. Audi, benígne Cónditor. 173.

V. Angelis suis Deus mandávit de te.
R. Ut custódiant te in ómnibus viis tuis.


Ad Magnificat, Antiphona, to. 5.

Sólvite templum hoc, dicit Dóminus; et post tríduum reædificábo illud: hoc autem dicébat de templo corpóris sui.

Deinde dicuntur Preces. 105.

Oratio.

DEprecatióne nostram, quæsumus, Dómine, benígnus exáudi: et quibus supplicándi præstas afféctum, tríbue defensiónis auxílium. Per Dóminum.



FERIA TERTIA.

Lectio sancti Evangelii secundum
Joannem.

Lectio i.

Cap. 7. b.

IN illo tempore: Jam die festo mediante, ascendit Jesus in templum, et docebat. Et mirabantur Judæi. Et reliqua.

Homilia Sancti Augustini Episcopi.

Tract. 29. in Joan. sub init.

ILle, qui latebat, docebat, et palam loquebatur, et non tenebatur. Illud enim ut latebat, erat causa exempli, hoc potestatis. Sed cum doceret, mirabantur Judæi. Omnes quidem, quantum arbitror, mirabantur, sed non omnes convertebantur. Et unde admiratio? Quia multi noverant ubi natus, quemadmodum fuerit educatus. Numquam eum viderant litteras discantem: audiebant autem de lege disputantem, legis testimonia proferentem, quæ nemo posset proferre, nisi legisset, nemo legere, nisi litteras didicisset: et ideo mirabantur. Eorum autem admiratio magistro facta est insinuandæ altius veritatis occasio.

R. Quid me queritis interficere, hominem, qui vera locutus sum vobis?
* Si male locutus sum, testimonium perhibe de malo: si autem bene, cur me cædis?

V. Multa bona opera operatus sum vobis: propter quod opus vultis me occidere? **S**i male.

Lectio ii.

EX eorum quippe admiratione et verbis, dixit Dominus profundum aliquid, et diligentius inspicere et discutere dignum. Quid ergo Dominus respondit eis admirantibus quomodo sciret litteras, quas non didicerat? Mea, inquit, doctrina non est mea, sed ejus qui misit me. Hæc est profunditas prima: videtur enim paucis

verbis quasi contraria locutus. Non enim ait: Ista doctrina non est mea: sed, Mea doctrina non est mea. Si non tua, quomodo tua? si tua, quomodo non tua? Tu enim dicis utrumque: et mea doctrina, et non mea.

R. Adduxi vos per desertum quadraginta annis ego Dominus, et non sunt attrita vestimenta vestra: * Manna de celo plui vobis, et obliti estis me, dicit Dominus.

V. Ego eduxi vos de terra Ægypti, et de domo servitutis liberavi vos. **M**anna.

Lectio iii.

SI ergo intueamur diligenter quod ipse in exordio dicit sanctus Evangelista: In principio erat Verbum, et Verbum erat apud Deum, et Deus erat Verbum: inde pendet hujus solutio questionis. Quæ est doctrina Patris, nisi Verbum Patris? Ipse ergo Christus doctrina Patris, si Verbum Patris. Sed quia Verbum non potest esse nullus, sed alicujus, et suam doctrinam dixit seipsum, et non suam, quia Patris est Verbum. Quid enim tam tuum, quam tu? et quid tam non tuum, quam tu, si alicujus est, quod es?

R. Moyses famulus Dei jejunavit quadraginta diebus et quadraginta noctibus: * Ut legem Domini mereretur accipere.

V. Ascendens Moyses in montem Sinai ad Dominum, fuit ibi quadraginta diebus et quadraginta noctibus. **U**t legem. **G**loria Patri. **U**t legem.

Ad Benedictus, Antiphona, to. 7. f.

Quid me queritis interficere, hominem, qui vera locutus sum vobis?

Deinde dicuntur Preces. 50.

Oratio.

Sacræ nobis; quæsumus, Domine, observationis jejunia, et piæ conversationis augmentum, et tuæ propitiationis continuum præstent auxilium. Per Dominum.

Ad Magnificat, Antiphona, to. 2.
Nemo in eum misit manum: quia
nondum vénerat hora ejus.

Deinde dicuntur Preces. 105.

Oratio.

Miserére, Dómine, pópulo tuo, et
contínuis tribulatióibus labo-
rantem propítius respiráre concéde.
Per Dóminum.

☩

FERIA QUARTA.

Hodie dicuntur Psalmi Graduales.

Lectio sancti Evangélíi secúndum
Joánnem.

Lectio i.

Cap. 9.

In illo témpore: Præteriens Jesus,
vidit hóminem cæcum a nativité:
et interrogavérunt eum discípuli ejus:
Rabbi, quis peccávit, hic, aut pa-
réntes ejus, ut cæcus nascerétur? Et
réliqua.

Homília Sancti Augustíni Epísco-pi.

Tract. 44. in Joann. circa initium.

EA, quæ fecit Dóminus noster Je-
sus Christus, stupénda atque mi-
randa, et ópera, et verba sunt: ópera,
quia facta sunt; verba, quia signa
sunt. Si ergo quid significet hoc,
quod factum est, cogitémus, genus
humánum est iste cæcus. Hæc enim
cæcitas cóntigit in primo hómine per
peccátum, de quo omnes originem
dúximus, non solum mortis, sed étiam
iniquitátis. Si enim cæcitas est in-
fidélitas, et illuminátio fides: quem
fidélem, quando venit Christus, in-
vénit? Quandóquidem Apóstolus na-
tus in gente Prophetárum dicit: Fúi-
mus et nos aliquándo natúra filii iræ,
sicut et céteri. Si filii iræ, filii vin-
díctæ, filii pœnæ, filii gehénnæ: quó-
modo natúra, nisi quia peccánte primo
hómine, vítium pro natúra inolévit?
Sì vítium pro natúra inolévit, secún-

dum mentem omnis homo cæcus na-
tus est.

R. Spléndida facta est fácies Móysi,
dum respíceret in eum Dóminus: *
Vidéntes senióres claritátem vultus
ejus, admirántes timuérunt valde.

V. Cumque descendísset de monte Sí-
nai, portábat duas tábulas testimónii,
ignórans quod cornúta esset fácies ejus
ex consórtio sermónis Dei. Vidéntes.

Lectio ii.

Venit Dóminus: quid fecit? Mag-
num mystérium commendávit.
Expuit in terram, de salíva sua lutum
fecit; quia Verbum caro factum est:
et inúnxit óculos cæci. Inúnctus erat,
et nondum vidébat. Misit illum ad
piscínam, quæ vocátur Sfloe. Pertí-
nuit autem ad Evangelístam com-
mendáre nobis nomen hujus piscínæ,
et ait: Quod interpretátur, missus.
Jam qui sit missus agnóscitis. Nisi
enim ille fuísset missus, nemo nos-
trum esset ab iniquitáte dimíssus.
Lavit ergo óculos in ea piscína, quæ
interpretátur, missus; baptizátus est
in Christo. Si ergo quando eum in
seípso quodámmodo baptizávit, tunc
illuminávit: quando inúnxit, fortásse
catechúmenum fecit.

R. Ecce mitto Angelum meum, qui
præcédat te, et custódiat semper: *
Obsérva et audi vocem meam, et ini-
mícus ero inimícis tuis, et affligétes
te affligam: et præcédet te Angelus
meus.

V. Israel, si me audíeris, non erit in te
deus recens, neque adorábis deum
aliénum: ego enim Dóminus. Obsérva.

Lectio iii.

AUdístis grande mystérium. Inter-
roga hóminem: Christiánus es?
Respóndet tibi: Non sum. Si pagá-
nus es, aut Judæus? Si autem díxe-
rit, Non sum: adhuc quæris ab eo:
Catechúmenus, an fidélis? Si resþón-
derit tibi, Catechúmenus: inúnctus

est, nondum lotus. Sed unde inunctus? Quære, et respondet. Quære ab illo, in quem credat? Eo ipso quo catechúmenus est, dicit, in Christum. Ecce modo loquor et fidélibus et catechúmenis. Quid dixi de sputo et luto? Quia Verbum caro factum est; hoc catechúmeni áudiunt: sed non eis súfficit ad quod inuncti sunt: festínent ad lavácrum, si lumen inquíruunt.

R. Atténdite, pópule meus, legem meam: * Inclínate aurem vestram in verba oris mei.

V. Apériam in parábolis os meum: loquar propositiones ab infíto sæculi. Inclínate. Glória Patri. Inclínate.

Ad Benedictus, Antiphona, to. 8.

Rabbi, quid peccávit homo iste, quod cæcus natus est? Respóndit Jesus, et dixit: Neque hic peccávit, neque paréntes ejus: sed ut manifesténtur ópera Dei in illo.

Deinde dicuntur Preces. 50.

Oratio.

DEus, qui et justis præmia meritórum, et peccatóribus per jejúnium véniam præbes: miserére supplicibus tuis; ut reátus nostri conféssio indulgéntiam váleat percípere delictórum. Per Dóminum.

Ad Magnificat, Antiphona, to. 1. 1.

Ille homo, qui díctur Jesus, lutum fecit ex sputo, et linívit óculos meos, et modo vídeo.

Deinde dicuntur Preces. 105.

Oratio.

PAteant aures misericórdiæ tuæ, Dómine, précibus supplicántium: et ut peténtibus desideráta concédas, fac eos, quæ tibi sunt plácita, postuláre. Per Dóminum.

FERIA QUINTA.

Léctio sancti Evangélíi secúndum Lucam.

Lectio i.

Cap. 7. b.

IN illo témpore: Ibat Jesus in civitátem, quæ vocátur Naim: et ibant cum eo discípuli ejus, et turba copiósa. Et réliqua.

Homília Sancti Ambrósii Epíscopi.

Lib. 5. Comment. in Lucæ c. 7. post initium.

ET hic locus ad utrámque redúndat grátiam; et ut cito flecti divínam misericórdiam matris víduæ lamentatióne credámus, ejus præcípuè, quæ únici filii vel labóre, vel morte frangátur; cui tamen víduæ gravitátis méritum exequiarum turba concíliet: et ut hanc víduam populórum turba septam, plus vidéri esse quam féminam, quæ resurrectionem únici et adolescéntis filii suis lácrymis merúerit impetráre: eo quod sancta Ecclésia pópulum juniórem a pompa fúneris, atque a suprémis sepúlchri, suárum révocet ad vitam contemplatióne lacrymarum, quæ flere prohibétur eum, cui resurrectio debebátur.

R. Locútus est Dóminus ad Móysen, dicens: Descénde in Ægýptum, et dic Pharaóni, * Ut dimíttat pópulum meum: indurátum est cor Pharaónis: non vult dimíttre pópulum meum, nisi in manu forti.

V. Clamor filiórum Israel venit ad me; vidíque afflictiónem eórum: sed veni, mittam te ad Pharaónem. **U**t dimíttat.

Lectio ii.

QUi quidem mórtuus in lóculo materiálibus quátuor ad sepúlchrum ferebátur eleméntis; sed spem resurgéndi habébat, quia ferebátur in ligno. Quod etsi nobis ante non próderat, tamen pósteaquam Jesus id tétigit, proficere cœpit ad vitam: ut esset indicio, salútem pópulo per crucis patíbulum refundéndam. Audíto igitur

Dei verbo, steterunt acérbi illi fúneris portitóres, qui corpus humánum letháli fluxu natúræ materiális urgébant. Quid enim áliud, nisi quasi in quodam féretro, hoc est, suprémí fúneris instruménto, jacémus exánimes, cum vel ignis immódicæ cupiditátis exæstuat, vel frígíduS humor exúndat, vel pigra quadam terréni córporis habítudine vígor hebetátur animórum, vel concréta noster spíritus labe, puræ lucis vácuus mentem alit? Hi sunt nostri fúneris portitóres.

R. Stetit Móyses coram Pharaóne, et dixit: Hæc dicit Dóminus: * Dímítte pópulum meum, ut sacrificet mihi in desérto.

V. Dóminus Deus Hebræórum misit me ad te, dicens. Dímítte.

Lectio iii.

SEd quamvis supréma mortis spem vitæ omnis aboléverint, et tímulo próxíma córpora jáceant defunctórum: verbo tamen Dei jam mórtua resúrgunt cadávera: vox redit, rédditur filius matri, revocatúr a tímulo, erípítur a sepúlchro. Quis iste est tímulus tuus, nisi mali mores? Tímulus tuus perfidia est: sepúlchrum tuum guttur est. Sepúlchrum enim patens est guttur eórum, unde verba mórtua proferúntur. Ab hoc sepúlchro te líberat Christus: ab hoc tímulo surges, si áudias verbum Dei. Et si grave peccátum est, quod pœniténtiæ lácrymis ipse laváre non possis, fleat pro te mater Ecclésia, quæ pro síngulis tamquam pro únícis filiis vídua mater intérvénit. Compátitur enim quodam spirítali dolóre natúræ, cum suos líberos lethálibus vítiis ad mortem cernit urgéri.

R. Cantémus Dómino; glorióse enim honorificátus est; equum et ascensórem projécit in mare: * Adjútor et protéctor factus est mihi Dóminus in salútem.

V. Dóminus quasi vir pugnátor, omnípotens nomen ejus. Adjútor. Glória Patri. Adjútor.

Ad Benedictus, Antiphona, to. 1. r. Ibat Jesus in civitátem, quæ vocátur Naim: et ecce defúctus efferebátur filius únícus matris suæ.

Deinde dicuntur Preces. 50.

Oratio.

PRæsta, quæsumus, omnípotens Deus: ut quos jejúnia votíva castígant, ipsa quoque devótio sancta lætíficet; ut terrénis afféctibus mitígátiS, facílius coeléstia capiámus. Per Dóminum.

Ad Magnificat, Antiphona, to. 4. Prophéta magnus surrexit in nobis, et quia Deus visitávit plebem suam.

Deinde dicuntur Preces. 105.

Oratio.

POpuli tui, Deus, institútor et rector, peccáta, quibus impugnátur, expélle: ut semper tibi plácitus, et tuo munímine sit secúrus. Per Dóminum.

~*~

FERIA SEXTA.

Léctio sancti Evangélii secúndum Joánnem.

Lectio i.

Cap. 11.

IN illo témpore: Erat quidam languens Lázarus a Bethánia, de castéllo Mariæ et Marthæ soróris ejus. Et reliqua.

Homília Sancti Augustíni Epíscopi.

Tract. 49. in Joannem. post initium.

IN superióri lectióne meminístis, quod Dóminus éxiit de mánibus eórum, qui lapidáre illum volúerant, et discéssit trans Jordánem, ubi Joánnes baptizábat. Ibi ergo Dómino constitúto, infirmabátur in Bethánia Lázarus: quod castéllum erat próximum Jerosólymis. Mariá autem erat,

quæ unxit Dóminum unguénto, et extérsit pedes ejus capíllis suis, cujus frater Lázarus infirmabátur. Misérunt ergo soróres ejus ad eum. Jam intelligimus quo misérunt: ubi erat Jesus: quóniam absens erat, trans Jordánem scilicet. Misérunt ad Dóminum, nuntiántes quod ægrotáret frater eárum, ut, si dignarétur, veníret, et eum ab ægritudine liberáret. Ille distulit sanáre, ut posset resuscitáre.

R. In mare viæ tuæ, et sémitæ tuæ in aquis multis: * Deduxísti sicut oves pópulum tuum in manu Móysi et Aaron.

V. Transtulísti illos per mare Rubrum, et transvexisti eos per aquam nímiā. Deduxísti.

Lectio ii.

Quid ergo nuntiavérunt soróresejus? Dómine, ecce quem amas, infirmátur. Non dixerunt, Veni: amánti enim tantúmmodo nuntiándum fuit. Non ausæ sunt dícere, Veni, et sana: Non ausæ sunt dícere, Ibi jube, et hic fiet. Cur enim non et istæ, si fides illíus Centuriónis inde laudátur? Ait enim: Non sum dignus ut intres sub tectum meum: sed tantum dic verbo, et sanábitur puer meus. Nihil horum istæ, sed tantúmmodo: Dómine, ecce quem amas, infirmátur. Súfficit ut nóveris: non enim amas, et déseris.

R. Qui persequébantur pópulum tuum, Dómine, demersísti eos in profúndum: * Et in colúmna nubis ductor eórum fuísti.

V. Deduxísti sicut oves pópulum tuum in manu Móysi et Aaron. Et in.

Lectio iii.

Dicit áliquis: Quómodo per Lázarum peccátor significabátur, et a Dómino sic amabátur? Audiat eum dicéntem: Non veni vocáre justos, sed peccátóres. Si enim peccátóres

Deus non amáret, de cœlo ad terram non descénderet. Audiens autem Jesus, dixit eis: Infirmitas hæc non est ad mortem, sed pro glória Dei, ut glorificétur Fílius Dei. Talis glorificatio ipsíus non ipsum auxit, sed nobis prófuit. Hæc est ergo quod ait, Non est ad mortem: quia et ipsa mors non erat ad mortem, sed pótius ad miraculum: quo facto créderent hómines in Christum, et vitárent veram mortem. Sane vidéte quemádmódum tamquam ex oblíquo Dóminus Deum se dixit: propter quosdam qui negant Fílium Dei Deum esse.

R. Móyses fámulus Dei jejunávit quadráginta diébus et quadráginta nóctibus: * Ut legem Dómini mererétur accíperere.

V. Ascéndens Móyses in montem Sínai ad Dóminum, fuit ibi quadráginta diébus et quadráginta nóctibus. Ut legem. Glória Patri. Ut legem.

Ad Benedictus, Antiphona, to. 1. f. Lázarus amícus noster dormit: eámus, et a somno excitémus eum.

Deinde dicuntur Preces. 50.

Oratio.

Deus, qui ineffabílibus mundum rénovas sacraméntis: præsta, quæsumus, ut Ecclésia tua et ætérnis proficiat institútis, et temporálibus non destituátur auxiliis. Per Dñm.

Hodie dicuntur Psalmi Pœnitentiales.

Ad Magnificat, Antiphona, to. 1. f. Dómine, si fuísses hic, Lázarus non esset mórtuus: ecce jam foetet quadriduánu in monuménto.

Deinde dicuntur Preces. 105.

Oratio.

DA nobis, quæsumus, omnípotens Deus: ut qui infirmitátis nostræ conscii, de tua virtúte confídimus, sub tua semper pietáte gaudeámus. Per Dóminum.



S A B B A T O.

Lectio sancti Evangelii secundum
Joannem.

Lectio i.

Cap. 8. b.

IN illo tempore: Locutus est Jesus turbis Judæorum, dicens: Ego sum lux mundi: qui sequitur me, non ambulat in tenebris, sed habebit lumen vitæ. Et reliqua.

Homilia Sancti-Augustini Episcopi.

Tract. 34. in Joann. post initium.

QUOD ait Dominus, Ego sum lux mundi, clarum puto esse eis, qui habent oculos, unde hujus lucis participes fiant: qui autem non habent oculos, nisi in sola carne, mirantur quod dictum est a Domino Jesu Christo: Ego sum lux mundi. Et forte non desit qui dicat apud semetipsum: Numquid forte Dominus Christus est sol iste, qui ortu et occasu peragit diem? Non enim defuerunt hæretici, qui ista senserunt. Manichæi solem istum oculis carnis visibilem, expositum et publicum non tantum hominibus, sed etiam pecoribus ad videndum, Christum Dominum esse putaverunt.

R. Splendida facta est facies Moysi, dum respiceret in eum Dominus: * Videntes seniores claritatem vultus ejus, admirantes timuerunt valde.

V. Cumque descendisset de monte Sinai, portabat duas tabulas testimonii, ignorans quod cornuta esset facies ejus ex consortio sermonis Dei. Videntes.

Lectio ii.

SED catholicæ Ecclesiæ recta fides improbat tale commentum, et diabolicam doctrinam esse cognoscit: nec solum agnoscit credendo, sed in quibus potest convincit etiam disputando. Improbemus itaque hujusmodi errorem, quem sancta ab initio anathematizavit Ecclesia. Non arbi-

trémur Dominum Jesum Christum hunc esse solem, quem videmus oriri ab Oriente, occidere in Occidente: cujus cursui nox succedit, cujus radii nube obumbrantur: qui certa de loco in locum motione commigrat. Non est hoc Dominus Christus. Non est Dominus Christus sol factus, sed per quem sol factus est. Omnia enim per ipsum facta sunt, et sine ipso factum est nihil.

R. Ecce mitto Angelum meum, qui præcedat te, et custodiat semper: * Observa et audi vocem meam, et inimicus ero inimicis tuis, et affligentes te affligam: et præcedet te Angelus meus.

V. Israel si me audieris, non erit in te Deus recens, neque adorabis Deum alienum: ego enim Dominus. Observa.

Lectio iii.

EST ergo lux, quæ fecit hanc lucem. Hanc amemus, hanc intelligere cupiamus, ipsam sitiāmus, ut ad ipsam, duce ipsa, aliquādo veniamus, et in illa ita vivāmus, ut numquam omnino moriamur. Ista enim lux est, de qua prophetia olim præmissa ita in Psalmo cecinit: Quoniam apud te est fons vitæ, et in lumine tuo videbimus lumen. Advértite quid de tali luce antiquus sanctorum hominum Dei sermo præmiserit. Homines, inquit, et jumenta salvos facies, Domine: sicut multiplicata est misericordia tua, Deus.

R. Attēdite, pópule meus, legem meam: * Inclinate aurem vestram in verba oris mei.

V. Apéram in parábolis os meum: loquar propositiones ab initio sæculi. Inclinate. Glória Patri. Inclinate.

Ad Benedictus, Antiphona, to. 3. Qui sequitur me, non ambulat in tenebris: sed habebit lumen vitæ, dicit Dominus.

Deinde dicuntur Preces. 50.

Oratio.

Flat, Dómine, quæsumus, per grátiam tuam fructuosus nostræ devotiónis afféctus: quia tunc nobis pröderunt suscepta jejúnia, si tuæ sint plácita pietáti. Per Dóminum.

SABBATO

ante Dominicam Passionis.

AD VESPERAS.

Capitulum.

Hebr. 9. c.

FRatres, Christus assístens Póntifex futurórum bonórum, per ámplius et perféctius tabernáculum non manu factum, id est, non hujus creatiónis; neque per sánguinem hircórum aut vitulórum, sed per próprium sánguinem introívit semel in sancta, ætérna redemptióne invénta.

Hymnus.

Vexílla Regis pródeunt,
Fulget Crucis mystérium,
Qua vita mortem pértulit,
Et morte vitam prótulit.

Quæ vulneráta lánceæ
Mucróné diro, críminum
Ut nos laváret sórdibus,
Manávit unda et ságuine.

Impléta sunt quæ cóncinit
David fidéli cármine,
Dicéndo natióibus:
Regnávit a ligno Deus.

Arbor decóra et fúlgida,
Ornáta Regis púrpura,
Elécta digno stípíte
Tám sancta membra tángere.

Beáta, cujus bráchiis
Prétium pepéndit sæculi,
Statéra facta córporis,
Tulítque prædam tártari.

O Crux, ave, spes única,
Hoc passiónis témpore
Piis adáuge grátiam,
Reísque dele crímina.

Te, fons salútis Trínitas,
Colláudet omnis spíritus:
Quibus Crucis victóriam
Largíris, adde præmium.
Amen.

V. Eripe me, Dómine, ab hómine malo.
R. A viro iníquo éripe me.

Ad Magnificat, Antiphona, to. 8.

Ego sum, qui testimónium perhísbeo
de meíspo: et testimónium pérhibet
de me, qui misit me, Pater.

Oratio.

Quæsumus, omnípotens Deus, famíliam tuam propítius réspice: ut, te largiénte, regátur in córpore; et, te servánte, custodiátur in mente. Per Dóminum.

Ab hoc Sabbato usque ad Feriam secundam post Octavam Pentecostès, non fiunt Commemorationes consuetæ de Cruce, de sancta Maria, et aliæ in Psalterio positæ.

Ad Completorium in R. br. non dicitur, **Glória Patri**, in Officio feriali usque ad Feriam quintam in Cœna Domini.

cxv

Dominica de Passione.

AD MATUTINUM.

Invitatorium. Hódie si vocem Dómini audiéritis, * Nolíte obduráre corda vestra.

Psalmus. Veníte, exultémus. 2.

Hoc Invitatorium dicitur usque ad Feriam quintam in Cœna Domini, etiam in feriali Officio.

In Psalmo, **Hódie si vocem** omittitur, et repetitur a Choro Invitatorium: deinde sequitur, **Sicut in exacerbatióne.**

In fine hujus Psalmi non dicitur **Glória Patri** hoc tempore Passionis, nisi

in Festis: sed repetitur Invitatorium, ut alias, in fine. Quod etiam servatur in Responsoriis ad Matutinum, et in Responsoriis brevibus Horarum, ubi similiter repetitur Responsorium.

Hymnus.

PAnge, lingua, gloriósi
Lauream certáminis,
Et super Crucis trophæo
Dic triúmphum nóbilem:
Quáliter Redémptor orbis
Immolátus vícerit.

De paréntis protoplásti
Fráude Factor cóndolens,
Quando pomi noxiális
In necem morsu ruit:
Ipse lignum tunc notávit,
Damna ligni ut sólveret.

Hoc opus nostræ salútis
Ordo depopóscerat;
Multifórmis proditóris
Ars ut artem fálleret,
Et medélam ferret inde,
Hostis unde læserat.

Quando venit ergo sacri
Plenitúdo témporis,
Missus est ab arce Patris
Natus, orbis Cónditor;
Atque ventre virgináli
Carne amíctus pródiit.

Vagit infans inter arcta
Cónditus præsepia:
Membra pannis involúta
Virgo Mater álligat:
Et Dei manus pedésque
Stricta cingit fáscia.

Sempitérna sit beátæ
Trinitáti glória,
Æqua Patri, Filióque,
Par decus Paráclito:
Unús Triníque nomen
Laudet univérsitas.

Amen.

Ad Nocturnos omnia ut in Psalterio.
V. Erue a frámea. et alii V.V. ibidem
tempore Passionis.

IN I. NOCTURNO.

Incipit liber Jeremíæ Prophétæ.

Lectio i.

Cap. i.

Verba Jeremíæ filii Helcíæ, de sacerdotibus, qui fuerunt in Anathoth; in terra Benjamin. Quod factum est verbum Domini ad eum in diebus Josíæ filii Amon regis Juda, in tertiodécimo anno regni ejus. Et factum est in diebus Jóakim filii Josíæ regis Juda, usque ad consummationem undécimi anni Sedecíæ filii Josíæ regis Juda, usque ad transmigrationem Jerúsalem, in mense quinto. Et factum est verbum Domini ad me, dicens: Priúsqvam te formárem in útero, novi te: et ántequam exíres de vulva, sanctificávi te, et Prophétam in Géntibus dedi te. Et dixi, A, a, a, Dómine Deus: ecce nescio loqui, quia puer ego sum.

R. Isti sunt dies, quos observare debétis temporibus suis: * Quartadécima die ad vésperum Pascha Dómini est: et in quintadécima solemnitatem celebrábitis altíssimo Dómino.

V. Locútus est Dóminus ad Móysen, dicens: Lóquere filiis Israel, et dices ad eos. Quartadécima.

Hoc Responsorium non dicitur infra Hebdomadam.

Lectio ii.

ET dixit Dóminus ad me: Noli dícere, Puer sum: quóniam ad ómnia, quæ mittam te, ibis: et univérsa, quaecúmque mandávero tibi, loqueris. Ne tíneas a fácie eórum: quia tecum ego sum, ut éruam te, dicit Dóminus. Et misit Dóminus manum suam, et tétigit os meum, et dixit Dóminus ad me: Ecce dedi verba mea in ore tuo: ecce constítui te hódie super Gentes, et super regna, ut evéllas, et déstruas, et dispérdas, et díssipes, et ædífices, et plantes. Et factum est verbum Domini ad me, dicens: Quid tu vides, Jeremía? Et dixi: Virgam vigilántem

ego vídeo. Et dixit Dóminus ad me: Bene vidísti, quia vigilábo ego super verbo meo, ut fáciam illud. Et factum est verbum Dómini secúndo ad me, dicens: Quid tu vides? Et dixi: Ollam succénsam ego vídeo, et fáciem ejus a fácie Aquilónis.

R. Multiplicáti sunt, qui tríbulant me, et dicunt: Non est salus illi in Deo ejus: * Exúrge, Dómine, salvum me fac, Deus meus.

V. Nequándo dicat inimícus meus: Præválui advérsus eum. **Exúrge.**

Lectio iii.

ET dixit Dóminus ad me: Ab Aquilóne pandétur malum super omnes habitatóres terræ. Quia ecce ego convocábo omnes cognatiónes regnórum Aquilónis, ait Dóminus: et vénient, et ponent unusquisque sólium suum in intróitu portárum Jerúsalem, et super omnes muros ejus in circúitu, et super univérsas urbes Juda. Et loquar iudícia mea cum eis, super omnem malítiam eórum, qui dereliquerunt me, et libaverunt diis aliénis, et adoraverunt opus mánuum suárum. Tu ergo accínge lumbos tuos, et surge, et lóquere ad eos ómnia, quæ ego præcípíio tibi. Ne formídes a fácie eórum: nec enim timére te fáciam vultum eórum. Ego quippe dedi te hódie in civitátem munitam, et in colúnnam férream, et in murum áereum, super omnem terram, régibus Juda, princípibus ejus, et sacerdotibus, et pópulo terræ. Et bellábunt advérsus te, et non prævalébunt: quia ego tecum sum, ait Dóminus, ut líberem te.

R. Usquequo exaltábitur inimícus meus super me? * Réspice, et exáudi me, Dómine Deus meus.

V. Qui tríbulant me, exultábunt si motus fúero: ego autem in misericórdia tua sperábo. **Réspice. Usquequo.**

IN II. NOCTURNO.

Sermo Sancti Leónis Papæ.

Lectio iv.

Serm. 9. de Quadrag.

IN ómnibus, dilectíssimi, solemnitátibus Christiánis non ignorámus Paschále sacraméntum esse præcípuum: cui condígne et cóngrue suscipiéndó, totíus quidem nos témporis institúta refórmant: sed devotióne nostram præséntes vel máxime dies éxigunt, quos illi sublimíssimo divínæ misericórdiæ sacraménto scimus esse contíguos. In quibus mérito a sanctis Apóstolis per doctrínam Spíritus sancti majóra sunt ordináta jejúnia: ut per commúne consórtium crucis Christi, étiam nos áliquid in eo, quod propter nos gessit, agerémus, sicut Apóstolus ait: Si compátimur, et conglorificábimur. Certa atque secúra est expectátio promíssæ beatitúdinis, ubi est participátio Dóminicæ passiónis.

R. Deus meus es tu, ne discédas a me: * Quóniam tribulátio próxima est, et non est qui adjuvet.

V. Tu autem, Dómine, ne elongáveris auxiliú tuum a me: ad defensióne meam aspice. **Quóniam.**

Lectio v.

Nemo est, dilectíssimi, cui per conditionem témporis societas hujus glóriæ denegétur, tamquam tranquillitas pacis vácuá sit occasiõe virtútis. Apóstolus enim prædicat, dicens: Omnes, qui pie volunt vívere in Christo, persecutióne patientur: et ideo numquam deest tribulátio persecutiónis, si numquam desit observántia pietátis. Dóminus enim in exhortatióne suis dicit: Qui non accipit crucem suam, et séquitur me, non est me dignus. Nec dubitáre debémus hanc vocem non solum ad discípulos Christi, sed ad cunctos fidéles, totámque Ecclésiám pertinére, quæ salutáre suum in his, qui áderant, univérsaliter audiébat.

R. In te jactatus sum ex útero, de ventre matris meæ Deus meus es tu, ne discédas a me: * Quóniam tribulatio próxima est, et non est qui ádjuvet.

V. Salva me ex ore leónis, et a cónibus unicórnium humilitátem meam. Quóniam.

Lectio vi.

Sicut ergo totíus est córporis pie vivere, ita totíus est témporis crucem ferre: quæ mérito ferri unicuique suadétur, quia própriis modis atque mensúris ab unoquoque tolerátur. Unum nomen est persecutiónis, sed non una est causa certáminis: et plus plerúmque perículi est in insidiátore occúlto, quam in hoste manifestó. Beátus Job alternántibus bonis ac malis mundi hujus erudítus, pie veracitérque dicébat: Nonne tentátio est vita hóminis super terram? Quóniam non solis dolóribus córporis atque supplíciis ánima fidélis impétitur, verum étiam, salva in columitáte membrórum, gravi morbo urgétur, si carnis voluptáte mollítur. Sed cum caro concupiscit advérsus spíritum, spíritus autem advérsus carnem; præsidio crucis Christi mens rationalis instrúitur, nec cupiditatibus nóxiis illécta conséntit; quóniam continéntiæ clavis, et Dei timóre transfigitur.

R. In próximo est tribulatio mea, Dómine, et non est qui ádjuvet; ut fódiant manus meas et pedes meos: líbera me de ore leónis, * Ut enárrem nomen tuum frátribus meis.

V. Erue a frámea, Deus, ánimam meam, et de manu canis únicam meam. Ut enárrem. In próximo.

IN III. NOCTURNO.

Lectio sancti Evangélíi secúndum Joánnem.

Lectio vii.

Cap. 8. f.

In illo témpore: Dicébat Jesus turbis Judæórum: Quis ex vobis arguet me de peccáto? Si veritátem

dico vobis, quare non créditis míhi? Et réliqua.

Homília Sancti Gregórii Papæ.

Homília 18. in Evangelia.

Pensáte, fratres charíssimi, mansuetúdinem Dei. Relaxáre peccáta vénerat, et dicébat: Quis ex vobis arguet me de peccáto? Non dedignátur ex ratióne osténdere se peccátorem non esse, qui ex virtúte divinitátis póterat peccátóres justificáre. Sed terríbile est valde quod súbditur: Qui ex Deo est, verba Dei audit: proptérea vos non audítis, quia ex Deo non estis. Si enim ipse verba Dei audit, qui ex Deo est, et audíre verba ejus non potest quisquis ex illo non est: intéroget se unusquisque, si verba Dei in aure cordis percípit; et intélliget unde sit. Cœléstem pátriam desideráre Véritas jubet, carnis desidéria cónteri, mundi glóriam declináre, aliéna non appétere, própria largíri.

R. Tota die contristátus ingrediébar, Dómine: quóniam ánima mea compléta est illusió nibus: * Et vim faciébant, qui quærébant ánimam meam.

V. Amíci mei et próximos mei advérsus me appropinquavérunt, et steterunt: et qui juxta me erant, de longe steterunt. Et vim.

Lectio viii.

Penset ergo apud se unusquisque vestrum, si hæc vox Dei in cordis ejus aure conváluit, et quia jam ex Deo sit, agnóscit. Nam sunt nonnúllo, qui præcépta Dei nec aure córporis percípere dignántur. Et sunt nonnúllo, qui hæc quidem córporis aure percípiunt, sed nullo ea mentis desiderio complectúntur. Et sunt nonnúllo, qui libénter verba Dei suscípiunt, ita ut étiam in flétibus compungántur, sed post lacrymárum témpus ad iniquitátem rédeunt. Hi profécto verba Dei non áudiunt, qui hæc

exercere in opere contemnunt. Vitam ergo vestram, fratres charissimi, ante mentis oculos revocate, et alta consideratione pertimescite hoc, quod ex ore Veritatis sonat: Propterea vos non auditis, quia ex Deo non estis.

R. Ne avertas faciem tuam a puero tuo, Domine: * Quoniam tribulor, velociter exaudi me.

V. Intende anime mee, et libera eam: propter inimicos meos eripe me. Quoniam. *Lectio ix.*

Sed hoc, quod de reprobis Veritas loquitur, ipsi hoc de semetipsis reprobi iniquis suis operibus ostendunt: nam sequitur: Responderunt igitur Judaei, et dixerunt ei: Nonne bene dicimus nos, quia Samaritanus es tu, et demonium habes? Accepta autem tanta contumelia, quid Dominus respondeat, audiamus: Ego demonium non habeo, sed honorifico Patrem meum, et vos inhonorastis me. Quia enim Samaritanus interpretatur custos: et ipse veraciter custos est, de quo Psalmista ait: Nisi Dominus custodierit civitatem, in vanum vigilant qui custodiunt eam: et cui per Isaiam dicitur: Custos, quid de nocte? custos, quid de nocte? respondere noluit Dominus: Samaritanus non sum; sed Ego demonium non habeo. Duo quippe ei illata fuerunt: unum negavit, aliud tacendo consensit.

R. Quis dabit capiti meo aquam, et oculis meis fontem lacrymarum, et plorabo die ac nocte? quia frater propinquus supplantavit me, * Et omnis amicus fraudulenter incessit in me.

V. Fiant viae eorum tenebrae et lubricum: et Angelus Domini persequens eos. **Et omnis. Quis dabit.**

AD LAUDES.

Antiph. to. 8. Vide, Domine, afflictionem meam, quoniam erectus est inimicus meus.

Psalmus. Miserere. cum reliquis ut supra. 126.

Antiph. to. 7. In tribulatione invocavi Dominum, et exaudivit me in latitudine.

Antiph. to. 4. Judicasti, Domine, causam anime mee, defensor vite mee, Domine Deus meus.

Antiph. to. 4. Popule meus, quid feci tibi? aut quid molestus fui? Responde mihi.

Antiph. to. 4. Numquid redditur pro bono malum, quia fodérunt foveam anime mee?

Capitulum.

Hebr. 9. c.

Fratres, Christus assistens Pontifex futurorum bonorum, per amplius et perfectius tabernaculum non manu factum, id est, non hujus creationis; neque per sanguinem hircorum aut vitulorum, sed per proprium sanguinem introivit semel in sancta, aeterna redemptione inventa.

Hymnus.

Lustra sex qui jam perégit,
Tempus implens corporis,
Sponte libera Redemptor
Passioni deditus,
Agnus in Crucis levatur
Immolandus stípite.

Felle potus ecce languet:
Spina, clavi, lancea
Mite corpus perforarunt,
Unda manat, et cruor:
Terra, pontus, astra, mundus,
Quo lavantur flumine!

Cruce fidelis, inter omnes
Arbor una nobilis:
Silva talem nulla profert
Fronde, flore, germine:
Dulce ferrum, dulce lignum,
Dulce pondus sustinent.

Flecte ramos, arbor alta,
Tensa laxa viscera,
Et rigor lentescat ille,
Quem dedit nativitas;
Et superni membra Regis
Tende miti stípite.

Sola digna tu fuisti
 Ferre mundi victimam;
 Atque portum præparare
 Arca mundo naufrago,
 Quam sacer cruor perunxit,
 Fusus Agni corpore.

Sempiterna sit beatæ
 Trinitati gloria,
 Æqua Patri, Filioque,
 Par decus Paráclito:
 Unus Trinique nomen
 Laudet universitas. Amen.

V. Eripe me de inimicis meis, Deus meus.

R. Et ab insurgentibus in me libera me.

Ad Benedictus, Antiphona, to. 3.
 Dicebat Jesus turbis Judæorum, et principibus sacerdotum: Qui ex Deo est, verba Dei audit: propterea vos non auditis, quia ex Deo non estis.

Oratio.

Quæsumus, omnipotens Deus, familiam tuam propitius respice: ut, te largiente, regatur in corpore; et, te servante, custodiatur in mente. Per Dominum.

Ad Primam.

Antiph. to. 8. f. Ego dæmónium non habeo, sed honorifico Patrem meum, dicit Dominus.

Capitulum. 1. Tim. 1. d.

Regi sæculorum immortalī et invisibili, soli Deo honor, et gloria in sæcula sæculorum. Amen.

R. Deo grátias.

R. br. Christe, Fili Dei vivi, * Miserere nobis. Christe.

V. Qui sedes ad dexteram Patris. Miserere nobis.

Repetitur. Christe, Fili Dei vivi, miserere nobis.

V. Exúrge, Christe, ádjuva nos.

R. Et libera nos propter nomen tuum.

Kýrie eléison. et reliqua, ut in Psalterio. 21.

Ad Absolutionem Capituli, Lectio brevis. **Fáciem meam.** ut in Psalterio. 23. Et dicitur in Dominica et Feriis usque ad Feriam v. in Cœna Domini exclusive.

Ad Tertiam.

Antiph. to. 8. f. Ego glóriam meam non quæro: est qui quærat, et júdicet.

Capitulum. Hebr. 9. c.

FRatres, Christus assistens Póntifex futurorum bonorum, per amplius et perfectius tabernáculum non manu factum, id est, non hujus creatiónis; neque per sanguíne hircorum aut vitulorum, sed per proprium sanguinem introivit semel in sancta, æterna redemptione inventa.

R. br. Erue a fræmea, * Deus, ánimam meam. Erue.

V. Et de manu canis únicam meam. Deus ánimam.

Erue a fræmea.

V. De ore leónis libera me, Dómine.

R. Et a cónibus unicórnium humilitatem meam.

Ad Sextam.

Antiph. to. 1. Amen, amen dico vobis: si quis sermónem meum servaverit, mortem non gustabit in ætérnum.

Capitulum. Hebr. 9. c.

SI enim sanguis hircorum et taurorum, et cinis vitulæ aspersione, inquinatos sanctificat ad emundationem carnis: quanto magis Sanguis Christi, qui per Spíritum sanctum semetipsum obtulit immaculatum Deo, emundabit consciéntiam nostram ab opéribus mórtuis, ad serviendum Deo vivénti?

R. br. De ore leónis, * Libera me, Dómine. De ore.

V. Et a cónibus unicórnium humilitatem meam. Libera.

De ore leónis.

V. Ne perdas cum impiis, Deus, ánimam meam.

R. Et cum viris sanguíne vitam meam.

Ad Nonam.

Antiph. to. 1. r. Tulérunt lápides Judæi, ut jácerent in eum: Jesus autem abscondit se, et exívit te templo.

Capitulum.

Hebr. 9. d.

ET ideo novi testaménti mediátor est, ut, morte intercedente, in redemptionem eárum prævaricationum, quæ erant sub prióri Testaménto, repromissionem accípiant qui vocáti sunt æternæ hæreditátis, in Christo Jesu Dómino nostro.

R. br. Ne perdas cum ímpiis, * Deus, ánimam meam. Ne perdas.

V. Et cum viris sánguinem vitam meam. Deus, ánimam. Ne perdas.

V. Eripe me, Dómine, ab hómine malo. R. A viro iníquo éripe me.

Ad Vesperas.

Antiph. to. 7. f. et Psalmus. Dixit Dóminus. cum reliquis de Dominica. 101.

Capitulum. Fratres, Christus assístens. ut supra.

Hymnus.

Vexilla Regis pródeunt,
Fulget Crucis mystérium,
Qua vita mortem pertulit,
Et morte vitam protulit.
Quæ vulneráta lanceæ
Mucrone diro, criminum
Ut nos laváret sórdibus,
Manávit unda et ságuine.
Impléta sunt, quæ concinit
David fidéli cármine,
Dicéndo nationibus:
Regnávit a ligno Deus.
Arbor decóra et fúlgida,
Ornáta Regis púrpura,
Elécta digno stípíte
Tam sancta membra tángere.
Beáta, cujus bráchiis
Prétium pepéndit sæculi,
Statéra facta córporis,
Tulítque prædam tártari.

O Crux, ave, spes única,
Hoc passiónis témpore
Piis adáuge grátiam,
Reisque dele crímina.

Te, fons salútis Trínitas,
Colláudet omnis spíritus:
Quibus Crucis victóriam
Largíris, adde præmium.
Amen.

V. Eripe me, Dómine, ab hómine malo.
R. A viro iníquo éripe me.

Ad Magnificat, Antiphona, to. 2.
Abraham pater vester exultávit ut vidéret diem meum: vidit, et gavísus est.

Oratio. Quæsumus, omnípotens Deus. ut supra.

Hymni, VV. et RR. br. supradicta dicuntur etiam in Dominica Palmarum, et in feriali Officio, usque ad Feriam quartam majoris Hebdomadæ.

Post Vesperas diei dicuntur Vesperæ Defunctorum.

—

FERIA SECUNDA.

Invitatorium. Hódie si vocem Dómini audiéritis, * Nolíte obduráre corda vestra.

Psalmus. Veníte, exultémus. 2.

Hymnus.

PAnge, lingua, gloriósi
Lauream certáminis,
Et super Crucis trophæo
Dic triúmphum nóbilem:
Quáliter Redémptor orbis
Immolátus vicerit.
De paréntis protoplásti
Fraude Factor cóndolens,
Quando pomi noxiális
In necem morsu ruit:
Ipse lignum tunc notávit,
Damna ligni ut sólveret.

Hoc opus nostræ salutis
Ordo depopóscerat;
Multifórmis proditoris
Ars ut artem fálleret,
Et medélam ferret inde,
Hostis unde læserat.

Quando venit ergo sacri
Plenitúdo témporis,
Missus est ab arce Patris
Natus, orbis Cónditor:
Atque ventre virgináli
Carne amíctus pródiit.

Vagit infans inter arcta
Cónditus præsépia:
Membra pannis involúta
Virgo Mater álligat:
Et Dei manus pedésque
Stricta cingit fáscia.

Sempitérna sit beátæ
Trinitáti glória,
Æqua Patri, Filióque,
Par decus Paráclito:
Unús Triníque nomen
Laudet univérsitas. Amen.

Antiphonæ et Psalmi hujus Feriæ.

V. Erue a frámea. ut ibidem tempore Passionis.

Et sic dicitur etiam in aliis sequentibus feriis.

Lectio sancti Evangélii secúndum Joánnem.

Lectio i. Cap. 7. e.

IN illo témpore: Misérunt príncipes et Pharisæi minístros, ut apprehénderent Jesum. Et reliqua.

Homília Sancti Augustíni Epíscopi.

Tract. 31. in Joan. circa medium.

QUómodo apprehénderent adhuc noléntem? Quia ergo non póterant apprehéndere noléntem, missi sunt ut audírent docéntem. Quid docéntem? Dicit ergo Jesus: Adhuc módicum tempus vobíscum sum. Quod modo vultis fácere, factúri estis; sed non modo, quia modo nolo. Quare adhuc modo nolo? Quia adhuc módicum tempus vobíscum sum, et tunc

vado ad eum qui me misit. Implére débeo dispensatióem meam, et sic perveníre ad passióem meam.

R. Deus meus, éripe me de manu peccatóris, et de manu contra legem agéntis, et iníqui: * Quóniam tu es patiéntia mea.

V. Deus meus, ne elongéris a me: Deus meus, in auxiliúm meum réspice. Quóniam.

Lectio ii.

QUærétis me, et non inveniétis, et ubi sum ego, vos non potéstis veníre. Hic jam resurrectiόem suam prædíxit: noluérunt enim eum agnóscere præséntem, et póstea quæsiérunt, cum vidérunt in eum multitudínem jam credéntem. Magna enim signa facta sunt étiam cum Dóminus resurrexit, et ascéndit in cœlum. Tunc per discípulos facta sunt magna: sed ille per illos, qui et per seípsum. Ipse quippe illis díxerat: Sine me nihil potéstis fácere. Quando claudus ille, qui sedébat ad portam, ad vocem Petri surrexit, et suis pédibus ambulávit, ita ut hómines miraréntur, sic eos allocútus est Petrus, quia non in sua potestáte ista fecit, sed in virtúte illius, quem ipsi occidérunt. Multi compúncti díxérunt: Quid faciémus?

R. Qui custodiébant ánimam meam, consílium fecérunt in unum, dicéntes: Deus derelíquit eum; * Persequímini et comprehéndite eum: quia non est, qui líberet eum: Deus meus, ne elongéris a me: Deus meus, in adjutórium meum inténde.

V. Omnes inimíci mei advérsus me cogitábant mala mihi: verbum iníquum mandavérunt advérsus me, dicéntes: *P*ersequímini.

Lectio iii.

VIdérunt enim se ingénti crimine impietátis astríctos, quando illum occidérunt, quem venerári et adoráre debuérunt: et hoc putábant esse in-expiábile. Magnum enim fácinus erat,

cujus consideratio illos faceret desperare: sed non debebant desperare, pro quibus in cruce pendens Dominus est dignatus orare. Dixerat enim: Pater, ignosce illis, quia nesciunt, quid faciunt. Videbat quosdam suos inter multos alienos: illis jam petebat veniam, a quibus adhuc accipiebat injuriam. Non enim attendebat quod ab ipsis moriebatur, sed quia pro ipsis moriebatur.

R. Pacifice loquebantur mihi inimici mei, et in ira molesti erant mihi: * Vidisti, Domine, ne sisleas, ne discendas a me.

V. Ego autem cum mihi molesti essent, inducbam me cilicio, et humiliabam in jejunio animam meam. **V**idisti. **P**acifice.

AD LAUDES.

Antiphona to. 6. et Psalmus. Miserere. **cum reliquis de Psalterio. 48.**

Capitulum. Jerem. 11. d.

Venite, mittamus lignum in panem ejus, et eradamus eum de terra viventium, et nomen ejus non memoretur amplius.

Hymnus.

Lustra sex qui jam perégit,
Tempus implens corporis,
Sponte libera Redemptor
Passióni deditus,
Agnus in Crucis levatur
Immolandus stípite.

Felle potus ecce languet:
Spina, clavi, lancea
Mite corpus perforarunt,
Unda manat, et cruor:
Terra, pontus, astra, mundus,
Quo lavantur flumine!

Cruce fidelis, inter omnes
Arbor una nobilis:
Silva talem nulla profert
Fronde, flore, germine:
Dulce ferrum, dulce lignum,
Dulce pondus sustinent.

Flecte ramos, arbor alta,
Tensa laxa viscera,
Et rigor lentescat ille,
Quem dedit nativitas;
Et superni membra Regis
Tende miti stípite.

Sola digna tu fuisti
Ferre mundi victimam;
Atque portum præparare
Arca mundo naufrago,
Quam sacer cruor perunxit,
Fusus Agni corpore.

Sempiterna sit beatæ
Trinitati gloria,
Æqua Patri, Filioque,
Par decus Paráclito:
Unus Trinique nomen
Laudet universitas.
Amen.

V. Eripe me de inimicis meis, Deus meus.

R. Et ab insurgentibus in me libera me.

Ad Benedictus, Antiphona, to. 8.

In die magno festivitatis stabat Jesus, et clamabat, dicens: Si quis sitit, veniat ad me, et bibat.

Deinde dicuntur Preces, ut in Psalterio. 50.

Oratio.

Sanctifica, quæsumus, Domine, nostra jejunia: et cunctarum nobis indulgentiam propitius largire culparum. Per Dominum.

Hodie dicitur Officium Defunctorum.

Ad Primam.

Antiphona to. 1. Libera me, Domine, et pone me juxta te: et cujusvis manus pugnet contra me.

Capitulum. Zachariae 8. d.

Pacem et veritatem diligite, ait Dominus omnipotens.

R. Deo gratias.

R. br. Christe, Fili Dei vivi, * Miserere nobis. **C**hriste.

V. Qui sedes ad dexteram Patris. Miserere nobis.

Repetitur. **Christe, Fili Dei vivi, miserere nobis.**

V. Exurge, Christe, adjuva nos.

R. Et libera nos propter nomen tuum.

Deinde Preces: **Kýrie eléison.** cum reliquis, ut in Psalterio. 27.

Ad Absolutionem Capituli, Lectio brevis. **Fáciem meam non avérti.** ut in Psalterio. 29.

Ad Tertiam.

Antiph. to. 4. **Judicásti, Dómine, causam ánimæ meæ, defénsor vitæ meæ, Dómine Deus meus.**

Capitulum. Jerem. 17. c.

Domine, omnes qui te derelinquunt, confundentur: recedentes a te, in terra scribentur; quoniam dereliquerunt venam aquarum viventium Dóminum.

R. br. Erue a frænea, * Deus, ánimam meam. Erue.

V. Et de manu canis únicam meam. Deus, ánimam.

R. Erue a frænea.

V. De ore leónis líbera me, Dómine.

R. Et a cór nibus unicór nium humili-tátem meam.

Deinde dicuntur Preces, ut in Psalterio. 34.

Ad Sextam.

Antiph. to. 4. **Pópule meus, quid feci tibi? aut quid moléstus fui? Respónde mihi.**

Capitulum. Jerem. 17. c.

Confundantur, qui me persequuntur, et non confundar ego: páveant illi, et non páveam ego: induc super eos diem afflictiónis, et dúplici contritióne cóntere eos, Dómine Deus noster.

R. br. De ore leónis, * Líbera me, Dómine. De ore.

V. Et a cór nibus unicór nium humili-tátem meam. Líbera me.

De ore leónis.

V. Ne perdas cum ímpiis, Deus, ánimam meam.

R. Et cum viris sánguinem vitam meam.

Deinde Preces, ut in Psalterio. 36.

Ad Nonam.

Antiph. to. 4. **Numquid rédditur pro bono malum, quia fodérunt fóveam ánimæ meæ?**

Capitulum. Jerem. 18. d.

Recordare quod steterim in conspectu tuo, ut loquerer pro eis bonum, et avérterem indignationem tuam ab eis.

R. br. Ne perdas cum ímpiis, * Deus, ánimam meam. Ne perdas.

V. Et cum viris sánguinem vitam meam. Deus, ánimam.

Ne perdas.

V. Eripe me, Dómine, ab hómine malo.

R. A viro iníquo éripe me.

Deinde dicuntur Preces, ut in Psalterio. 38.

Ad Vesperas.

Antiphonæ et Psalmi Feriæ secundæ ut in Psalterio. 103.

Capitulum. Jerem. 11. d.

Tu autem, Dómine, Sábaoth, qui júdicas juste, et probas renes et corda, vídeam ultiónem tuam ex eis: tibi enim revelávi causam meam, Dómine Deus meus.

Hymnus. **Vexílla Regis pródeunt.** 187.

V. Eripe me, Dómine, ab hómine malo.

R. A viro iníquo éripe me.

Ad Magnificat, Antiphona, to. 4.

Si quis sitit, véniat ad me, et bibat: et de ventre ejus fluent aquæ vivæ, dicit Dóminus.

Deinde dicuntur Preces, ut in Psalterio. 105.

Oratio.

Da quæsumus, Dómine, pópulo tuo salútem mentis et cörperis: ut bonis opéribus inhæréndo, tua semper mereátur protectiόne deféndi. Per Dóminum.

Capitula prædicta dicuntur in feriali Officio usque ad Feriam quartam maioris Hebdomadæ; Antiphonæ vero per Horas usque ad Dominicam in Palmis.



FERIA TERTIA.

Lectio sancti Evangelii secundum Joannem.

Lectio i.

Cap. 7.

IN illo tempore: Ambulabat Jesus in Galilæam: non enim volebat in Judæam ambulare, quia quærebant eum Judæi interficere. Et reliqua.

Homilia Sancti Augustini Episcopi.

Tract. 28. in Joannem.

IN isto Evangelii capitulo, fratres, Dominus noster Jesus Christus secundum hominem se plurimum commendavit fidei nostræ. Etenim semper hoc egit et dictis et factis suis, ut Deus credatur et homo. Deus qui nos fecit, homo qui nos quæsit: Deus cum Patre semper, homo nobiscum ex tempore. Non enim quæreret quem fecerat, nisi fieret ipse quod fecerat. Verum hoc mementote, et de cordibus vestris nolite dimittere, sic esse Christum hominem factum, ut non destiterit Deus esse. Manens Deus accepit hominem, qui fecit hominem.

R. Adjutor et susceptor meus es tu, Domine: et in verbum tuum speravi:
* Declinate a me, maligni: et scrutabor mandata Dei mei.

V. In quos odio habui: et legem tuam dilexi. Declinate.

Lectio ii.

Quando ergo latuit ut homo, non potentiam perdidisse putandus est; sed exemplum infirmitati præbuisse. Ille enim quando voluit, destitutus est: quando voluit, occisus est.

Sed quoniam futura erant membra ejus, id est, fideles ejus, qui non haberent illam potestatem, quam habebat ipse Deus noster: quod latebat, quod se, tamquam ne occideretur, occultabat, hoc indicabat futura esse membra sua, in quibus utique membris suis ipse erat.

R. Docébo in quos vias tuas, et impii ad te convertentur: * Libera me de sanguinibus, Deus, Deus salutis meæ.
V. Domine, labia mea aperies: et os meum annuntiabit laudem tuam. Libera.

Lectio iii.

Non enim Christus in capite, et non in corpore: sed Christus totus in capite, et in corpore. Quod ergo membra ejus, ipse: quod autem ipse, non continuo membra ejus. Nam si non ipsi essent membra ejus, non diceret Saulo: Quid me persequeris? Non enim Saulus ipsum, sed membra ejus, id est, fideles ejus, in terra persequerentur. Nolum tamen dicere sanctos meos, servos meos, postremo honorabilius, fratres meos: sed me, hoc est, membra mea, quibus ego sum caput.
R. Ne perdas cum impiis, Deus, animam meam, et cum viris sanguinum vitam meam: * Redime me, Domine.
V. Eripe me, Domine, ab homine malo, a viro iniquo libera me. Redime. Ne.

Ad Benedictus, Antiphona, to. 4.
Tempus meum nondum advenit, tempus autem vestrum semper est paratum.

Deinde dicuntur Preces. 50.

Oratio.

Nostra tibi, Domine, quæsumus, sint accepta jejunia: quæ nos et expiando, gratia tua dignos efficiant, et ad remedia perducant æterna. Per Dominum.

Ad Magnificat, Antiphona, to. 1. r.
Vos ascendite ad diem festum hunc:

ego autem non ascendam, quia tempus meum nondum advénit.

Deinde dicuntur Preces. 105.

Oratio.

DA nobis, quæsumus, Dómine, perseverántem in tua voluntáte famulátum: ut in diébus nostris et mérito et número pópulus tibi sérvians augeátur. Per Dóminum.



FERIA QUARTA.

Hodie dicuntur Psalmi Graduales.

Lectio sancti Evangelii secúndum Joánnem.

Lectio i.

Cap. 10. d.

IN illo témpore: Facta sunt encænia in Jerosólymis: et hiems erat. Et ambulábat Jesus in templo, in pórticu Salomónis. Et reliqua.

Homilía Sancti Augustíni Epíscopi.

Tract. 48. in Joannem, circa initium.

Encænia festívitatis erat dedicatiónis templi. Græce enim cænon dicitur novum. Quandocúmque novum áliquíd fúerit dedicátum, encænia vocántur. Jam et usus habet hoc verbum. Si quis nóva túnica induátur, encæniáre dicitur. Illum enim diem, quo templum dedicátum est, Judæi solémniter celebrábant: ipse dies festus agebátur, cum ea, quæ lecta sunt, locútus est Dóminus.

R. Tota die contristátus ingrediébar, Dómine: quóniam ánima mea compléta est illusióibus: * Et vim faciébant, qui quærébant ánimam meam.

V. Amíci mei et próximi mei advérsus me appropinquavérunt et stetérunt: et qui juxta me erant, de longe stetérunt. **Et vim.**

Lectio ii.

Hiems erat, et ambulábat Jesus in templo, in pórticu Salomónis. Circumdederunt ergo eum Judæi, et di-

cébant ei: Quoúsque ánimam nostram tollis? Si tu es Christus, dic nobis palam. Non veritátem desiderábant, sed calúnniam præparábant. Hiems erat, et frígidi erant: ad illum enim divínus ignem accédere pigri erant. Si accédere est crédere: qui credit, accédit: qui negat, recédit. Non movétur ánima pédibus, sed afféctibus.

R. Ne avértas faciém tuam a púero tuo, Dómine: * Quóniam tríbulator, velóciter exáudi me.

V. Inténde ánimæ meæ, et líbera eam: propter inimícos meos éripe me. Quóniam. *Lectio iii.*

Friguébant diligéndi charitáte, et ardébant nocéndi cupiditáte. Longe áberant, et ibi erant: non accedébant credéndo, et premébant persequéndo. Quærébant audíre a Dómino, Ego sum Christus: et fortásse de Christo secúndum hóminem sapiébant. Prædicavérunt enim Prophétæ Christum: sed divinitátem Christi et in Prophétis et in ipso Evangélio nec hærétici intélligunt: quanto minus Judæi, quámdu velámen est super cor eórum?

R. Quis dabit cápiti meo aquam, et óculis meis fontem lacrymárum, et plorábo die ac nocte? quia frater propínquus supplantávit me, * Et omnis amícus fraudulénter incéssit in me.

V. Fiant viæ eórum ténebræ et lúbrium; et Angelus Dómini persequens eos. **Et omnis. Quis dabit.**

Ad Benedictus, Antiphona, to. 4.

Oves meæ vocem meam áudiunt: et ego Dóminus agnósco eas.

Deinde dicuntur Preces. 50.

Oratio.

Sanctificáto hoc jejúnio, Deus, tuórum corda fidélium miserátor illústra: et quibus devotiónis præstas afféctum, præbe supplicántibus pium benígnus audítum. Per Dóminum.

Ad Magnificat, Antiphona, to. 4.
Multa bona ópera operátus sum vobis: propter quod opus vultis me occidere?

Deinde dicuntur Preces. 105.

Oratio.

A Désto supplicatióibus nostris, omnipotens Deus: et quibus fidú-
 ciam sperándæ pietátis indulges, consuétæ misericórdiæ tribue benígnus effectum. Per Dóminum.



FERIA QUINTA.

Lectio sancti Evangélíi secúndum
 Lucam.

Lectio i. Cap. 7. f.

In illo témpore: Rogábat Jesum quidam de Pharisæis ut manducá-
 ret cum illo. Et ingressus domum Pharisæi, discúbuit. Et reliqua.

Homília Sancti Gregórii Papæ.

Homília 33. in Evangelia.

Cogitánti mihi de Mariæ Magdalénæ pœniténtia, flere magis libet, quam aliquid dícere. Cujus enim vel sá-
 xeum pectus illæ hujus peccatrics lácrymæ ad exéplum pœniténdi non emólliant? Considerávit namque quid fecit, et nóluit moderári quid fáceret. Super convivántes ingrèssa est, non jussa venit, inter épulas lácrymas ób-
 tulit. Dísce quo dolóre ardet, quæ flere et inter épulas non erubéscit.

R. Deus meus, éripe me de manu peccatóris, et de manu contra legem agéntis, et iníqui: * Quóniam tu es patiéntia mea.

V. Deus meus, ne elongéris a me: Deus meus, in auxílium meum réspice. Quóniam.

Lectio ii.

Hanc vero, quam Lucas peccatrí-
 cem mulíerem, Joánnes Mariám nóminat; illam esse Mariám crédi-

mus, de qua Marcus septem dæmónia ejécta fuisse testátur. Et quid per septem dæmónia, nisi unívèrsa vítia designántur? Quia enim septem dié-
 bus omne tempus comprehénditur, recte septenário número unívèrsitas figurátur. Septem ergo dæmónia Ma-
 ria hábuit, quæ unívèrsis vítiis plena fuit.

R. Multiplicáti sunt qui tríbulant me, et dicunt: Non est salus illi in Deo ejus: * Exúrge, Dómine, salvum me fac, Deus meus.

V. Nequándo dicat inimícus meus: Præválui advérsus eum. Exúrge.

Lectio iii.

Sed ecce quia turpitúdinis suæ máeu-
 las aspéxit, lavánda ad fontem mi-
 sericórdiæ cucúrrit, convivántes non erúbuit. Nam quia semetípsam grá-
 viter erubescébat intus, nihil esse cré-
 didit, quod verecundarétur foris. Quid ergo mirámur, fratres? Mariám ve-
 niéntem, an Dóminum suscipiéntem? Suscipiéntem dicam, an trahéntem? Sed mélius trahéntem dicam, et sus-
 cipiéntem: quia nímirum ipse eam per misericórdiam traxit intus, qui per mansuetúdinem suscepit foris.

R. Usquequo exaltábitur inimícus meus super me? * Réspice, et exáudi me, Dómine Deus meus.

V. Qui tríbulant me, exultábunt si motus fúero: ego autem in misericór-
 dia tua sperábo. Réspice. Usquequo.

Ad Benedictus, Antiphona, to. 4.

Magíster dicit: Tempus meum prope est, apud te fácio Pascha cum discí-
 pulis meis.

Deinde dicuntur Preces. 50.

Oratio.

Præsta, quæsumus, omnipotens Deus: ut dígnitas conditiónis hu-
 mánæ per immoderántiam sauciáta, medicínalis parsimóniæ stúdio refor-
 métur. Per Dóminum.

Ad Magnificat, Antiphona, to. 4.
Desiderio desideravi hoc Pascha manducare vobiscum, antequam patiar.

Deinde dicuntur Preces. 105.

Oratio.

ESto, quæsumus, Dómine, propítius plebi tuæ: ut, quæ tibi non placent, respuéntes, tuórum pótius repleántur delectatióibus mandatórum. Per Dóminum.



FERIA SEXTA.

Lectio sancti Evangelii secundum
Joánnem.

Lectio i.

Cap. 11. f.

IN illo témpore: Collegérunt Pontífices et Pharisæi concílium advérsus Jesum, et dicébant: Quid facimus, quia hic homo multa signa facit? Et reliqua.

Homília Sancti Augustíni Epíscopi.

Tract. 49. in Joan. sub fin.

Pontífices et Pharisæi sibi consulébant, nec tamen dicébant, Credamus. Plus enim pérditi hómines cogitábant quómodo nocérent, ut pérderent, quam quómodo sibi consulérent, ne pérírent: et tamen timébant, et quasi consulébant. Dicébant enim: Quid facimus, quia hic homo multa signa facit? Si dimíttimus eum sic, omnes credent in eum: et vénient Románi, et tollent nostrum locum et gentem. Temporália pérdere timuérent, et vitam ætérrnam non cogitavérunt, ac sic utrúmque amisérunt.

R. Deus meus es tu, ne discédas a me: * Quóniam tribulatio próxima est, et non est qui ádjuvet.

V. Tu autem, Dómine, ne elongáveris auxiliú tuum a me: ad defénsiónem meam áspice. Quóniam.

Lectio ii.

Nam et Románi post Dómini passiónem et glorificatióem tulé-

runt eis et locum et gentem, expugnando et transferendo: et illud eos séquitur, quod álibi dictum est: Fílii autem regni hujus ibunt in ténebras exterióres. Hoc autem timuérent, ne, si omnes in Christum créderent, nemo remanéret, qui advérsus Romános civitátem Dei, templúmque defénderet: quóniam contra ipsum templum, et contra suas paternas leges doctrínam Christi esse sentiébant.

R. In te jactátus sum ex útero, de ventre matris meæ Deus meus es tu, ne discédas a me: * Quóniam tribulatio próxima est, et non est qui ádjuvet.

V. Salva me ex ore leónis, et a cornibus unicórnium humilitátem meam. Quóniam.

Lectio iii.

UNus autem ex ipsis Cáiphas, cum esset Póntifex anni illíus, dixit eis: Vos nescítis quidquam, nec cogitátis, quia expedit vobis ut unus moriátur homo pro pópulo, et non tota gens péreat. Hoc autem a semetípso non dixit: sed cum esset Póntifex anni illíus, prophetávit. Hic docémur, étiam hómines malos prophetiæ spíritu futúra prædicere: quod tamen Evangelísta divíno tribuit sacraménto, quia Póntifex fuit, id est, summus sacérdos.

R. In próximo est tribulatio mea, Dómine, et non est qui ádjuvet; ut fódiant manus meas et pedes meos: líbera me de ore leónis, * Ut enárrem nomen tuum frátribus meis.

V. Erue a frámea, Deus, ánimam meam, et de manu canisúnicam meam. Ut enárrem. In próximo.

Ad Benedictus, Antiphona, to. 1. f. Appropinquábat autem dies festus Judæórum: et quærébant príncipes sacerdotum quómodo Jesum interficerent, sed timébant plebem.

Deinde dicuntur Preces. 50.

Oratio.

Cordibus nostris, quæsumus, Dómine, grátiam tuam benígnus infúnde: ut peccáta nostra castigatióne voluntária cohibéntes, temporáliter pótius macerémur, quam supplíciis deputémur ætérnis. Per Dóminum.

Hodie dicuntur Psalmi Pœnitentiales.

Ad Magnificat, Antiphona, to. 1.

Príncipes sacerdotum consílium fecérunt ut Jesum occíderent: dicébant autem: Non in die festo, ne forte tumultus fieret in pópulo.

Deinde dicuntur Preces. 105.

Oratio.

Concède, quæsumus, omnipoténs Deus: ut qui protectiόνis tuæ grátiam quærimus, liberáti a malis ómnibus, secúra tibi mente serviámus. Per Dóminum.



SABBATO.

Lectio sancti Evangelii secundum Joánnem.

Lectio i.

Cap. 12. b.

In illo témpore: Cogitavérunt príncipes sacerdotum ut et Lázarus interficerent: quia multi propter illum abíbant ex Judæis, et credébant in Jesum. Et reliqua.

Homília Sancti Augustíni Epíscopi.

Tract. 50. in Joan. in fine.

Viso Lázaro resuscitato, quia tantum miráculum Dómini, tanta erat evidéntia diffamátum, tanta manifestatióne declarátum, ut non possent vel occultáre quod factum est, vel negáre: quid invenérunt, vidéte. Cogitavérunt autem príncipes sacerdotum ut et Lázarus interficerent. O stulta cogitatio, et cæca sævítia! Dóminus Christus, qui suscitáre pótuit mórtuum, non posset occísus? Quando Lázaro inferebátis necem, numquid auferebátis Dómino potestá-

tem? Si áliud vobis vidétur mórtuus, áliud occísus: ecce Dóminus utrúmque fecit, et Lázarus mórtuum, et seípsum suscitávit occísus.

R. Tota die contristátus ingrediébar, Dómine; quóniam ánima mea compléta est illusióibus: * Et vim faciébant, qui quærébant ánimam meam.

V. Amíci mei et próximi mei advérsus me appropinquavérunt, et steterunt, et qui juxta me erant, de longe steterunt. Et vim.

Lectio ii.

Tract. 51.

In crástinum autem turba multa, quæ vénerat ad diem festum, cum audíssent quia venit Jesus Jerosólymam, accepérunt ramos palmárum, et processérunt óbviā ei, et clamábant: Hosánna, benedíctus qui venit in nómine Dómini, Rex Israel. Rami Palmárum laudes sunt, significántes victóriam: quia erat Dóminus mortem moriéndo superatúrus, et trophæo crucis de diábolo mortis príncipe triumphatúrus. Vox autem obsecrántis est, Hosánna, sicut nonnúllo dicunt, qui Hebræam linguam novérunt, magis afféctum índicans, quam rem áliquam significans, sicut sunt in lingua Latína, quas interjectiões vocant: velut cum doléntes dícimus, heu; vel cum delectámur, vah dícimus.

R. Ne avértas faciē tuā a púero tuo, Dómine: * Quóniam tríbulator, velóciter exáudi me.

V. Intēde animæ meæ, et líbera eam: propter inimícos meos éripe me. Quóniam.

Lectio iii.

Has ei laudes turba dicébat: Hosánna, benedíctus qui venit in nómine Dómini, Rex Israel. Quam crucē mentis invidéntia príncipum Judæórum pérpeti potúerat, quando Regem suum Christum tanta multitúdo clamábat? Sed quid fuit Dómino Regem esse Israel? Quid magnum fuit Regi

sæculorum Regem fieri hominum? Non enim Rex Israel Christus ad exigendum tributum, vel exercitum ferro armandum, hostesque visibiliter debellandos: sed Rex Israel, quod mentes regat, quod in æternum consulat, quod in regnum cœlorum credentes, sperantes, amantesque perducat.

R. Quis dabit capiti meo aquam, et oculis meis fontem lacrymarum, et plorabo die ac nocte? quia frater propinquus supplantavit me, * Et omnis amicus fraudulenter incessit in me. *V.* Fiant viæ eorum tenebræ et lûbricum: et Angelus Domini persequens eos. Et omnis. Quis dabit.

Ad Benedictus, Antiphona, to. 1.

Clarifica me, Pater, apud temetipsum claritate, quam habui priusquam mundus fieret.

Deinde dicuntur Preces. 50.

Oratio.

Profficiat, quæsumus, Domine, plebs tibi dicata piæ devotionis affectu: ut sacris actionibus erudita, quanto majestati tuæ fit gravior, tanto donis potioribus augeatur. Per Dominum.

Ad Vesperas.

Capitulum.

Philip. 2.

Fratres, Hoc enim sentite in vobis, quod et in Christo Jesu: qui cum in forma Dei esset, non rapinam arbitratus est esse se æqualem Deo: sed semetipsum exinanivit, formam servi accipiens, in similitudinem hominum factus, et habitu inventus ut homo.

Hymnus.

Vexilla Regis prædeunt,
Fulget Crucis mysterium,
Qua vita mortem pertulit,
Et morte vitam protulit.

Quæ vulnerata lanceæ
Mucrone diro, criminum
Ut nos lavaret sordibus,
Manavit unda et sanguine.

Impléta sunt quæ concinit

David fideli carmine,
Dicendo nationibus:
Regnavit a ligno Deus.

Arbor decora et fulgida,
Ornata Regis purpura,
Electa digno stipite
Tam sancta membra tangere.

Beata, cujus brachiis
Præmium pependit sæculi,
Statéra facta corporis,
Tulitque prædam tartari.

O crux, ave, spes unica,
Hoc passionis tempore
Piis adauge gratiam,
Reisque dele crimina.

Te, fons salutis, Trinitas,
Collaudet omnis spiritus:
Quibus Crucis victoriam
Largiris, adde præmium.
Amen.

V. Eripe me, Domine, ab homine malo.

R. A viro iniquo eripe me.

Ad Magnificat, Antiphona, to. 1.

Pater juste, mundus te non cognovit: ego autem novi te, quia tu me misisti.

Oratio.

OMnipotens, sempiternus Deus, qui humano generi, ad imitandum humilitatis exemplum, Salvatorem nostrum carnem sumere, et crucem subire fecisti: concede propitius, ut et patientiæ ipsius habere documenta, et resurrectionis consortia mereamur. Per eundem Dominum.

—✠—

Dominica

in Palmis.

AD MATUTINUM.

Invitatorium. Hodie si vocem Domini audieritis,* Nolite obdurare corda vestra.

Psalmus. Venite, exultemus. 2.

Hymnus.

PAnge, lingua, gloriósi
Láuream certáminis,
Et super Crucis trophæo
Dic triúmphum nóbilem:
Quáliter Redémptor orbis
Immolátus vícerit.

De paréntis protoplásti
Fraude Factor cóndolens,
Quando pomi noxiális
In necem morsu ruit:
Ipse lignum tunc notávit,
Damna ligni ut sólveret.

Hoc opus nostræ salútis
Ordo depopóscerat;
Multifórmis proditóris
Ars ut artem fálleret,
Et medélam ferret inde,
Hostis unde láserat.

Quando venit ergo sacri
Plenitúdo témporis,
Missus est ab arce Patris
Natus, orbis Cónditor;
Atque ventre virgináli
Carne amíctus pródiit.

Vagit infans inter arcta
Cónditus præsepia:
Membra pannis involúta
Virgo Mater álligat:
Et Dei manus pedésque
Stricta cingit fáschia.

Sempitérna sit beátæ
Trinitáti glória,
Æqua Patri, Filióque,
Par decus Paráclito:
Uníus Triníque nomen
Laudet univérstas. Amen.

Ad Nocturnos omnia ut in Psalterio.
V. Erue a frámea. et alii V. ibidem
tempore Passionis.

IN I. NOCTURNO.

De Jeremía Prophéta.

Lectio i.

Cap. 2. c.

Obstupéscite, cœli, super hoc, et
portæ ejus, desolámini vehemén-
ter, dicit Dóminus. Duo enim mala

fecit pópulus meus. Me dereliquérunt
fontem aquæ vivæ, et fodérunt sibi
cistérnas, cistérnas dissipátas, quæ
continére non valent aquas. Numquid
servus est Israel, aut vernáculus?
quare ergo factus est in prædam? Su-
per eum rugiérunt leónes, et dedérunt
vocem suam, posuérunt terram ejus
in solitúdinem: civitátes ejus exústæ
sunt, et non est qui hábitet in eis.
Fílii quoque Mémpheos et Taphnes
constupravérunt te usque ad vérticem.
Numquid non istud factum est tibi, quia
dereliquísti Dóminum Deum tuum eo
témpore, quo ducébat te per viam?

R. In die, qua invocávi te, Dómine,
dixísti, Nolí timére: * Judicásti cau-
sam meam, et liberásti me, Dómine
Deus meus.

V. In die tribulatiónis meæ clamávi
ad te, quia exaudísti me. **J**udicásti.

Lectio ii.

ET nunc quid tibi vis in via Ægypti,
ut bibas aquam túrbidam? et quid
tibi cum via Assyriórum, ut bibas
aquam flúminis? Arguet te malítia
tua, et avérsio tua increpábit te. Scito,
et vide, quia malum et amárum est
reliquísse te Dóminum Deum tuum,
et non esse timórem mei apud te,
dicit Dóminus Deus exercítuum. A
sæculo confregísti jugum meum, ru-
písti víncula mea, et dixísti: non sér-
viam. In omni enim colle sublímí, et
sub omni ligno frondóso, tu proster-
nebáris méretrix. Ego autem plan-
távi te víneam eléctam, omne semen
verum: quómodo ergo convérta es
mihi in pravum, vínea aliéna? Si lá-
veris te nitro, et multiplicáveris tibi
herbam borith, maculáta es in iniqui-
táte tua coram me, dicit Dóminus Deus.

R. Fratres mei elongavérunt se a me:
et noti mei * Quasi aliéni recessérunt
a me.

V. Dereliquérunt me próximi mei, et
qui me novérunt. **Q**uasi.

Lectio iii.

Quid vultis mecum iudicio contendere? omnes dereliquistis me, dicit Dominus. Frustra percussi filios vestros, disciplinam non receperunt: devoravit gladius vester Prophetas vestros, quasi leo vastator generatio vestra. Videte verbum Domini: Numquid solitudo factus sum Israël, aut terra serotina? quare ergo dixit populus meus: Recessimus, non veniemus ultra ad te? Numquid obliviscetur virgo ornamenti sui, aut sponsa fasciæ pectoralis suæ? populus vero meus oblitus est mei diebus innumeris.

R. Attende, Domine, ad me, et audi voces adversariorum meorum: * Numquid redditur pro bono malum, quia foderunt foveam animæ meæ?

V. Recordare quod steterim in conspectu tuo, ut loquerer pro eis bonum, et averterem indignationem tuam ab eis. **Numquid. Attende.**

IN II. NOCTURNO.

Sermo Sancti Leonis Papæ.

Lectio iv. Ser. 11. de Pass. Dom.

Desiderata nobis, dilectissimi, et universo optabilis mundo adest festivitas Dominicæ passionis, quæ nos inter exultationes spiritualium gaudiorum silere non patitur. Quia etsi difficile est de eadem solemnitate sæpius digne apteque disserrere, non est tamen liberum Sacerdoti in tanto divinæ misericordiæ sacramento fidelibus populis subtrahere sermonis officium: cum ipsa materia ex eo quod est ineffabilis, fandi tribuat facultatem: nec possit deficere quod dicatur, dum numquam potest satis esse quod dicitur. Succumbat ergo humana infirmitas gloriæ Dei, et in explicandis operibus misericordiæ ejus, imparem se semper inveniat. Laboramus sensu, hæreamus ingenio, deficiamus eloquio: bonum est ut nobis

parum sit, quod etiam recte de Domini majestate sentimus.

R. Concluserunt vias meas inimicus, insidiator factus est mihi sicut leo in abscondito, replavit et inebriavit me amaritudine: deduxerunt in lacum mortis vitam meam, et posuerunt lapidem contra me. * Vide, Domine, iniquitates illorum: et iudica causam animæ meæ, defensor vitæ meæ.

V. Factus sum in derisum omni populo meo, canticum eorum tota die. **Vide.**

Lectio v.

Dicente enim Propheta: Quærite Dominum, et confirmamini, quærite faciæ ejus semper: nemini præsumendum est, quod totum, quod quærit, invenit, ne desinat propinquare, qui cessarit accedere. Quid autem inter omnia opera Dei, in quibus humanæ admirationis fatigatur intentio, ita contemplationem mentis nostræ et oblectat et superat, sicut passio Salvatoris? Qui ut humanum genus vinculis mortiferæ pravaricationis absolveret, et sæviæ diabolo potentiam suæ majestatis occultuit, et infirmitatem nostræ humilitatis objecit. Si enim crudelis et superbus inimicus consilium misericordiæ Dei nosse potuisset, Judæorum animos mansuetudine potius temperare quam injustis odiis studuisset accendere: ne omnium captivorum amitteret servitutem, dum nihil sibi debentis perséquitur libertatem.

R. Salvum me fac, Deus, quoniam intraverunt aquæ usque ad animam meam: ne avertas faciæ tuam a me: * Quoniam tribulor, exaudi me, Domine Deus meus.

V. Intende animæ meæ, et libera eam: propter inimicos meos eripe me. **Quoniam tribulor.**

Lectio vi.

Fefellit ergo illum malignitas sua: intulit supplicium Filio Dei, quod

cunctis filiis hominum in remedium verteretur. Fudit sanguinem justum, qui reconciliando mundo et pretium esset et poculum. Suscepit Dominus quod secundum propositum suae voluntatis elegit. Admisit in se impias manus furantium: quae dum proprio incumbunt sceleri, famulatae sunt Redemptori. Cujus etiam circa interfectores suos tanta erat pietatis affectio, ut de cruce supplicans Patri, non se vindicari, sed illis postularet ignosci.

R. Noli esse mihi, Domine, alienus: parce mihi in die mala: confundantur omnes qui me persequuntur, * Et non confundar ego.

V. Confundantur omnes inimici mei, qui quaerunt animam meam. **E**t non. **N**oli esse mihi.

IN III. NOCTURNO.

Lectio sancti Evangelii secundum Matthaeum.

Lectio vii.

Cap. 21.

In illo tempore: Cum appropinquasset Jesus Jerosolymis, et venisset Bethphage ad montem Oliveti, tunc misit duos discipulos, dicens eis. Et reliqua.

Homilia Sancti Ambrósii Episcopi.

Lib. 9. in Lucam.

Pulchre relictis Judaeis, habitaturus in affectibus Gentium, templum Dominus ascendit. Hoc enim templum est verum, in quo non in littera, sed in spiritu Dominus adoratur. Hoc Dei templum est, quod fidei series, non lapidum structura fundavit. Deseruntur ergo qui oderant: eliguntur qui amaturi erant. Et ideo ad montem venit Oliveti, ut novellas oleas in sublimi virtute plantaret, quarum mater est illa, quae sursum est, Jerusalem. In hoc monte est ille coelestis agricola, ut plantati omnes in domo Dei, possint viritim dicere: Ego autem sicut oliva fructifera in domo Domini.

R. Dominus mecum est tamquam belator fortis: propterea persecuti sunt me, et intelligere non potuerunt: Domine, probas renes et corda: * Tibi revelavi causam meam.

V. Vidisti, Domine, iniquitates eorum adversum me: iudica iudicium meum. **T**ibi revelavi.

Lectio viii.

Et fortasse ipse mons Christus est. Quis enim alius tales fructus ferret olearum, non curvescentium ubertate baccarum, sed spiritus plenitudine Gentium fecundarum? Ipse est per quem ascendimus, et ad quem ascendimus. Ipse est janua, ipse est via, qui aperitur, et qui aperit: qui pulsatur ab ingredientibus, et ab emeritis adoratur. Ergo in castello erat, et ligatus erat pullus cum asina: non poterat solvi nisi jussu Domini. Solvit eum manus Apostolica. Talis actus, talis vita, talis gratia. Esto talis et tu, ut possis ligatos solvere.

R. Dixérunt impii apud se, non recte cogitantes: Circumveniamus justum, quoniam contrarius est operibus nostris: promittit se scientiam Dei habere, Filium Dei se nominat, et gloriatur Patrem se habere Deum: * Videamus si sermones illius veri sunt: et si est vere Filius Dei, liberet eum de manibus nostris: morte turpissima condemnemus eum.

V. Tamquam nugaces aestimati sumus ab illo, et abstinet se a viis nostris tamquam ab immunditiis: et praefert novissima justorum. **V**ideamus.

Lectio ix.

Nunc consideremus qui fuerint illi, qui errore detecto, de paradiso ejecti, in castellum sint relegati. Et vides, quemadmodum quos mors expulerat, vita revocaverit. Et ideo secundum Matthaeum, et asinam et pulum legimus: ut quia in duobus hominibus uterque fuerat sexus expul-

sus, in duóbus animálibus sexus utérque revocétur. Ergo illic in ásina, matrem quasi Hevam figurávit erróris: hic autem in pullo generalitátem pópuli Gentílis expréssit: et ideo pullo sedétur ásinæ. Et bene, in quo nemo sedit: quia nullus, ántequam Christus, natiónum pópulos vocávit ad Ecclésiám. Dénique secúndum Marcum sic habes: Quem nemo adhuc sedit hóminum.

R. Circumdedérunt me viri mendaces; sine causa flagéllis cecidérunt me: * Sed tu, Dómine, defénsor vídica me.

V. Quóniam tribulátio próxima est, et non est qui ádjuvet. Sed tu, Dómine. Circumdedérunt.

AD LAUDES.

Antiph. to. 2. Dóminus Deus auxiliátor meus; et ideo non sum confusus.

Psalmus. Miserére. cum reliquis ut supra. 126.

Antiph. to. 1. l. Circumdántes circumdedérunt me: et in nómine Dómini vindicábor in eis.

Antiph. to. 8. Júdica causam meam: defénde, quia potens es, Dómine.

Antiph. to. 7. f. Cum Angelis et púeris fidéles inveniámur, triumphatóri mortis clamántes: Hosánna in excélsis.

Antiph. to. 1. Confundántur qui me persequúntur, et non confúndar ego, Dómine Deus meus.

Capitulum.

Philip. 2.

FRatres, Hoc enim sentíte in vobis quod et in Christo Jesu, qui cum in forma Dei esset, non rapínam arbitrátus est esse se æquálem Deo: sed semetípsum exinanívit, formam servi accípiens, in similitúdinem hóminum factus, et hábitu invéntus ut homo.

Hymnus.

Lustra sex qui jam perégit,
Tempus implens córporis,
Sponte líbera Redémptor
Passióni déditus,
Agnus in Crucis levátur
Immolándus stípíte.

Felle potus ecce languet:
Spina, clavi, lancea
Mite corpus perforáront,
Unda manat, et cruor:
Terra, pontus, astra, mundus,
Quo lavántur flúmine!

Crux fidélis, inter omnes
Arbor una nóbilis:
Silva talem nulla profert
Fronde, flore, gérmine:
Dulce ferrum, dulce lignum,
Dulce pondus sústinent.

Flecte ramos, arbor alta,
Tensa laxa víscera,
Et rigor lentéscat ille,
Quem dedit natívitas;
Et supérni membra Regis
Tende miti stípíte.

Sola digna tu fuísti
Ferre mundi víctimam;
Atque portum præparáre
Arca mundo náufrago,
Quam sacer cruor perúnxit,
Fusus Agni córpore.

Sempitérna sit beátæ
Trinitáti glória,
Æqua Patri, Filióque,
Par decus Paráclito:
Uníus Triníque nomen
Laudet universitas.

Amen.

V. Eripe me de inimícis meis, Deus meus.

R. Et ab insurgéntibus in me líbera me.

Ad Benedictus, Antiphona, to. 4.
Turba multa, quæ convénérat ad diem festum, clamábat Dómino: Benedíctus qui venit in nómine Dómini, Hosánna in excélsis.

Oratio.

OMnipotens sempiternus Deus, qui humano generi ad imitandum humilitatis exemplum, Salvatorem nostrum carnem sumere, et crucem subire fecisti: concede propitius, ut et patientiæ ipsius habere documenta, et resurrectionis consortia mereamur. Per eundem Dominum nostrum.

Ad Primam.

Antiph. to. 1. Pueri Hebræorum tolentes ramos olivarum, obviaverunt Domino clamantes, et dicentes: Hosanna in excelsis.

Capitulum.

1. Tim. 1. d.

REgi sæculorum immortalis et invisibili, soli Deo honor et gloria in sæcula sæculorum, Amen.

R. Deo gratias.

R. br. Christe, Fili Dei vivi, * Miserere nobis. Christe.

V. Qui sedes ad dexteram Patris. Miserere nobis.

Repetitur. Christe, Fili Dei vivi, miserere nobis.

V. Exurge, Christe, adjuva nos.

R. Et libera nos propter nomen tuum.

Kyrie eleison. et reliqua, ut in Psalterio. 21.

Ad Absolutionem Capituli, Lectio brevis. **F**aciem meam. ut in Psalterio. 23. Et dicitur in Dominica et Feriis usque ad Feriam v. in Cœna Domini exclusive.

Ad Tertiam.

Antiph. to. 1. Pueri Hebræorum vestimenta prosternebant in via, et clamabant, dicentes: Hosanna filio David: benedictus qui venit in nomine Domini.

Capitulum. **F**ratres, Hoc enim. ut supra.

R. br. **E**rue a fræmea, * Deus, animam meam. Erue.

V. Et de manu canis unicam meam. Deus, animam.

Erue a fræmea.

V. De ore leonis libera me, Domine.

R. Et a cornibus unicornium humilitatem meam.

Ad Sextam.

Antiph. to. 4. Tibi revelavi causam meam, defensor vitæ meæ, Domine Deus meus.

Capitulum.

Philip. 2.

Humiliavit semetipsum factus obediens usque ad mortem, mortem autem crucis. Propter quod et Deus exaltavit illum, et donavit illi nomen, quod est super omne nomen.

R. br. De ore leonis* Libera me, Domine. De ore.

V. Et a cornibus unicornium humilitatem meam. Libera me.

De ore leonis.

V. Ne perdas cum impiis, Deus, animam meam.

R. Et cum viris sanguinum vitam meam.

Ad Nonam.

Antiph. to. 4. Invocabo nomen tuum, Domine: ne avertas faciem tuam a clamore meo.

Capitulum.

Philip. 2. b.

In nomine Jesu omne genu flectatur cœlestium, terrestrium, et infernorum; et omnis lingua confiteatur, quia Dominus Jesus Christus in gloria est Dei Patris.

R. br. Ne perdas cum impiis, * Deus, animam meam. Ne perdas.

V. Et cum viris sanguinum vitam meam. Deus, animam.

Ne perdas.

V. Eripe me, Domine, ab homine malo.

R. A viro iniquo eripe me.

Ad Vesperas.

Antiph. to. 7. f. et Psalmus. Dixit Dominus cum reliq. de Dominica. 101.

Capitulum. **F**ratres, Hoc enim. ut supra.

Hymnus.

Vexilla Regis pródeunt,
 Fulget Crucis mystérium,
 Qua vita mortem pértulit,
 Et morte vitam prótulit.
 Quæ vulneráta lánceæ
 Mucrónē diro, críminum,
 Ut nos laváret sórdibus,
 Manávit unda et sáanguine.
 Impléta sunt quæ cóncinit
 David fidéli cármine,
 Dicéndo natió nibus:
 Regnávit a ligno Deus.
 Arbor decóra et fúlgida,
 Ornáta Regis púrpura,
 Elécta digno stípíte
 Tam sancta membra tángere.
 Beáta, cujus bráchiis
 Prétium pepéndit sáculi,
 Statéra facta córporis,
 Tulítque prædam tártari.
 O Crux, ave, spes única,
 Hoc passió nis témpore
 Piis adáuge grátiam,
 Reísque dele crímina.
 Te, fons salútis, Trínitas,
 Colláudet omnis spíritus:
 Quibus Crucis victóriam
 Largíris, adde præmíum.

Amen.

V. Eripe me, Dómine, ab hómine malo.

R. A viro iníquo éripe me.

Ad Magnificat, Antiphona, to. 8.

Scriptum est enim: Percútiám pastórem, et dispergéntur oves gregis: postquam autem resurréxero, præcédam vos in Galilæam: ibi me vidébítis, dicit Dóminus.

Oratio.

OMnípotens sempitérne Deus, qui humano géneri ad imitándum humilitátis exémplum, Salvatórem nostrum carnem súmerē, et crucem subíre fecísti: concéde propítius, ut et patientiæ ipsíus habére documénta, et resurrectionis consórtia mereámur. Per eúmdem Dóminum nostrum.

Ab hac die usque ad Octavam Paschæ, si occurrat aliquod Festum novem Lectionum, transfertur post Octavam: trium vero Lectionum a Feria quinta in Cœna Domini, usque ad Feriam iii. Paschæ, nulla sit commemoratio.

FERIA SECUNDA.

Invitatorium. Hódie si vocem Dómini audiéritis, * Nolíte obduráre corda vestra.

Psalmus. Veníte, exultémus. 2.

Hymnus.

PAnge, lingua, gloriósi
 Lauream certáminis,
 Et super Crucis trophæo
 Dic triúmphum nóbilem:
 Quáliter Redémptor orbis
 Immolátus vícerit.

De paréntis protoplásti
 Fraude Factor cóndolens,
 Quando pomi noxiális
 In necem morsu ruit:
 Ipse lignum tunc notávit,
 Damna ligni ut sólveret.

Hoc opus nostræ salútis
 Ordo depopóscerat;
 Multifórmis proditóris
 Ars ut artem fálleret,
 Et medélam ferret inde,
 Hostis unde læserat.

Quando venit ergo sacri
 Plenitúdo témporis,
 Missus est ab arce Patris
 Natus, orbis Cónditor;
 Atque ventre virgináli
 Carne amíctus pródiit.

Vagit infans inter arcta
 Cónditus præsépiá:
 Membra pannis involúta
 Virgo Mater álligat:
 Et Dei manus pedésque
 Stricta cingit fáscia.

Sempiterna sit beata
Trinitati gloria,
Æqua Patri, Filioque,
Par decus Paráclito:
Unus Trinique nomen
Laudet universitas.
Amen.

Antiphonæ et Psalmi hujus Feriæ. 40.
V. **Erue a fræmea.** ut ibidem tempore
Passionis.

Pater noster.

Absolutio. **Exaudi, Dómine.**

Benedictio. **Evangelica lectio.**

**Lectio sancti Evangelii secundum
Joannem.**

Lectio i.

Cap. 12.

ANte sex dies Paschæ venit Jesus
Bethániam, ubi Lázarus fúerat
mórtuus, quem suscitávit Jesus. Et
réliqua.

Homília Sancti Augustíni Epíscopi.

Tract. 50. in Joannem post initium.

NE putarent homines phantasma
esse factum, quia mórtuus resur-
rêxit, Lázarus unus erat ex recum-
bentibus: vivêbat, loquebátur, epu-
labátur, véritas ostendebátur, infidé-
litas Judæorum confundebátur. Dis-
cumbébat ergo Jesus cum Lázaro, et
céteris: ministrábat Martha, una ex
soróribus Lázari. María vero, áltera
soror Lázari, accépit libram unguénti
nardi pístici pretiósí, et unxit pedes
Jesu, et extérsit capíllis suis pedes
ejus, et domus impléta est ex odóre
unguénti. Factum audívimus: mysté-
rium requirámus.

R. Viri ímpii dixerunt: Opprimámus
virum justum injúste, et deglutiámus
eum tamquam inférnus vivum: aufe-
rámus memóriam illius de terra: et
de spóliis ejus sortem mittámus inter
nos: ipsi enim homicídae thesauriza-
vérunt sibi mala: * Insipiéntes et ma-
lígni odérunt sapiéntiam: et rei facti
sunt in cogitátionibus suis.

V. Hæc cogitavérunt, et erravérunt:
et excæcávit illos malítia eórum. In-
sipiéntes.

Benedictio. **Divínium auxílium.**

Lectio ii.

QUæcúmque ánima fidélis vis esse,
cum María unge pedes Dómini
pretiósó unguénto. Unguéntum illud
justítia fuit, ídeo libra fuit: erat au-
tem unguéntum nardi pístici pretiósí.
Quod ait, pístici, locum álíquem cré-
dere debémus, unde hoc erat unguén-
tum pretiósósum: nec tamen hoc vacat,
et sacraménto óptime cónsonat. Pistis
græce, fides latíne dicitur. Quærébas
operári justítiam. Justus ex fide vivit.
Unge pedes Jesu bene vivéndo: Do-
mínica sectáre vestígia. Capíllus ter-
ge: si habes supérflua, da paupéribus,
et Dómini pedes tersísti: capílli enim
supérflua córporis vidéntur. Habes
quod agas de supérfluis tuis: tibi su-
pérflua sunt, sed Dómini pédibus ne-
cessária sunt. Forte in terra Dómini
pedes indigent.

R. Oppróbrium factus sum nimis ini-
mícis meis: vidérunt me, et movérunt
cápita sua: * Adjuva me, Dómine
Deus meus.

V. Locúti sunt advérsus me lingua
dolósa, et sermónibus ódii circumde-
dérunt me. A djuva.

Benedictio. **A d societátem.**

Lectio iii.

DE quibus enim, nisi de membris
suis in fine dictúrus est: Cum uni
ex mínimis meis fecístis, mihi fecís-
tis? Supérflua vestra impendístis: sed
pédibus meis obsecúti estis. Domus
autem impléta est odóre: mundus im-
plétus est fama bona: nam odor bo-
nus fama bona est. Qui male vivunt,
et Christiáni vocántur, injúriam Chris-
to faciunt: de quálibus dictum est,
quod per eos nomen Dómini blas-
phemátur. Si per tales nomen Dei
blasphemátur, per bonos nomen Dó-

minilaudatur. Audi Apóstolum: Christi bonus odor sumus, inquit, in omni loco.

R. Insurrexerunt in me viri iníqui absque misericórdia: quæsiérunt me interficere, et non pepercerunt in fáciem meam spúere; et lanceis suis vulneraverunt me, et concússa sunt ómnia ossa mea: * Ego autem existimábam me tamquam mórtuum super terram.

V. Effuderunt furórem suum in me: fremuerunt contra me déntibus suis. Ego autem. Insurrexerunt.

AD LAUDES ET PER HORAS.

Antiph. to. 4. Fáciem meam non avérti ab increpántibus, et conspuéntibus in me.

Psalmi de Laudibus Feriæ secundæ. 48.

Antiph. to. 2. Frámea suscitáre adversus eos, qui dispérgunt gregem meum.

Antiph. to. 4. Appendérunt mercédem meam trigínta argénteis, quibus appretiátus sum ab eis.

Antiph. to. 8. Inundavérunt aquæ super caput meum: dixi, périi: invocábo nomen tuum, Dómine Deus.

Antiph. to. 8. Lábia insurgéntium, et cogitatiónes eórum vide, Dómine.

Capitulum. Jerem. 11. d.

V Eníte, mittámus lignum in panem ejus, et eradámus eum de terra vivéntium, et nomen ejus non memorétur ámplius.

Hymnus. Lustra sex. ut supra. 200.

V. Eripe me de inimícis meis, Deus meus.

R. Et ab insurgéntibus in me líbera me.

Ad Benedictus, Antiphona, to. 1. Clarífica me, Pater, apud temetípsum claritáte, quam hábui priúsqum mundus fíeret.

Deinde dicuntur Preces, ut in Psalterio. 50.

Oratio.

DA, quæsumus, omnípotens Deus: ut qui in tot advérsis ex nostra infirmitáte defícimus, intercedénte Unigéniti Fílii tui passióne, respirémus: Qui tecum vivit et regnat in unitáte.

Ad Primam.

Antiph. to. 4. Fáciem meam.

Capitulum. Zachariæ 8. d.

P Acem et veritátem dilígite, ait Dóminus omnípotens.

R. Deo grátias.

R. br. Christe, Fíli Dei vivi, * Miserére nobis. Christe.

V. Qui sedes ad dexteram Patris. Miserére nobis.

Repetitur. Christe, Fíli Dei vivi, miserére nobis.

V. Exúrge, Christe, ádjuva nos.

R. Et líbera nos propter nomen tuum.

Deinde Preces: Kýrie eléison. cum reliquis in Psalterio. 27.

Ad Tertiam.

Antiph. to. 2. Frámea suscitáre.

Capitulum. Jerem. 17. c.

D Omine, omnes qui te derelínquunt, confundéntur: recedéntes a te, in terra scribéntur; quóniam dereliquerunt venam aquárum vivéntium Dóminum.

R. br. Erue a frámea, * Deus, ánimam meam. Erue.

V. Et de manu canis únicam meam. Deus, ánimam.

Erue a frámea.

V. De ore leónis líbera me, Dómine.

R. Et a córnibus unicórnium humili-tátem meam.

Kýrie eléison. 34.

Ad Sextam.

Antiph. to. 4. Appendérunt mercedem.

Capitulum.

Jerem. 17. c.

Confundántur, qui me persecuúntur, et non confundar ego: páveant illi, et non páveam ego: induc super eos diem afflictiónis, et dúplici contritióné cóntere eos, Dómine Deus noster.

R. br. De ore leónis * Líbera me, Dómine. De ore.

V. Et a cór nibus unicór nium humili-tátem meam. Líbera.

De ore leónis.

V. Ne perdas cum ímpiis, Deus, áni-meam meam.

R. Et cum viris sánguinem vitam meam.

Kýrie eléison. 36.

Ad Nonam.

Antiph. to. 8. Lábia insurgéntium.

Capitulum.

Jerem. 18. d.

Recordáre quod stéterim in conspéctu tuo, ut lóquerer pro eis bonum, et avérterem indignatió nem tuam ab eis.

R. br. Ne perdas cum ímpiis, * Deus, ánimam meam. Ne perdas.

V. Et cum viris sánguinem vitam meam. Deus, ánimam.

Ne perdas.

V. Eripe me, Dómine, ab hómine malo.

R. A viro iníquo éripe me.

Kýrie eléison. 39.

Ad Vesperas.

Antiphonæ et Psalmi Feriæ secundæ, ut in Psalterio. 103.

Capitulum.

Jerem. 11. d.

Tu autem, Dómine Sábaoth, qui júdicas juste, et probas renes et corda, vídeam ultiónem tuam ex eis: tibi enim revelávi causam meam, Dómine Deus meus.

Hymnus. Vexílla Regis pródeunt. ut supra. 202.

V. Eripe me, Dómine, ab hómine malo.

R. A viro iníquo éripe me.

Ad Magnificat, Antiphona, to. 4.

Non habéres in me potestátem, nisi désuper tibi datum fuísset.

Deinde dicuntur Preces. 105.

Oratio.

Adjuva nos, Deus salutáris noster: et ad benefeicia recolénda, quibus nos instauráre dignátus es, tribue veníre gaudéntes. Per Dóminum.



FERIA TERTIA.

Pater noster.

Absolutio. Ipsíus píetas.

Benedictio. Deus Pater omnípotens.

De Jeremía Prophéta.

Lectio i.

Cap. 11. c.

Quid est, quod diléctus meus in domo mea fecit scélera multa? numquid carnes sanctæ áuferent a te malítias tuas, in quibus gloriáta es? Olíyam úberem, pulchram, fructíferam, speciósam vocávit Dóminus nomen tuum: ad vocem loquélæ grandis exársit ignis in ea, et combústa sunt frutéta ejus. Et Dóminus exercítuum, qui plantávit te, locúsus est super te malum: pro malis domus Israel, et domus Juda, quæ fecérunt sibi ad irritándum me, libántes Báalim. Tu autem, Dómine, demonstrásti mihi, et cognóvi: tunc ostendísti mihi stúdia eórum. Et ego quasi agnus mansuétus, qui portátur ad víctimam, et non cognóvi, quia cogitavérunt super me consília, dicéntes: Mittámus lignum in panem ejus, et eradámus eum de terra vivéntium, et nomen ejus non memorétur ámplius. Tu autem, Dómine Sábaoth, qui júdicas juste, et probas renes et corda, vídeam ultiónem tuam ex eis: tibi enim revelávi causam meam.

R. Contumélias et terróres passus sum ab eis, qui erant pacífici mei, et custodiéntes latus meum, dicéntes: Decipiámus eum, et prævaleámus illi: sed tu, Dómine, mecum es tamquam bellátor fortis. * Cadant in opprobrium sempitérnum, ut vídeam vindictam in eis, quia tibi revelávi causam meam.

V. Júdica, Dómine, causam ánimæ meæ, defénsor vitæ meæ. Cadant.

Benedictio. Christus perpétuæ.

Lectio ii.

Cap. 12.

Justus quidem tu es, Dómine, si dispudem tecum: verúmtamen justa loquar ad te: Quare via impiórum prosperátur: bene est ómnibus, qui prævaricántur et iníque agunt? Plantásti eos, et radicem misérunt: proficiunt, et faciunt fructum: prope es tu ori eórum, et longe a rénibus eórum. Et tu, Dómine, nosti me, vidísti me, et probásti cor meum tecum: cóngrega eos quasi gregem ad víctimam, et sanctifica eos in die occisiónis. Usquequo lugébit terra, et herba omnis regiónis siccábitur propter malítiam habitántium in ea? consúptum est ánimál et vólucré, quóniam dixerunt: Non vidébit novíssima nostra.

R. Deus Israel, propter te sustínui impropérium, opéruit reveréntia faciém meam, extráneus factus sum frátribus meis, et hospes fíliis matris meæ: * Quóniam zelus domus tuæ comédit me.

V. Inténde ánimæ meæ, et líbera eam: propter inimícos meos éripe me. Quóniam.

Benedictio. Ignem sui amoris.

Lectio iii.

Reliqui domum meam, dimísi hæreditátem meam: dedi diléctam ánimam meam in manu inimicórum ejus. Facta est mihi hæreditas mea

quasi leo in silva: dedi contra me vocem, ídeo odívi eam. Numquid avis díscolor hæreditas mea mihi? numquid avis tincta per totum? veníte, congregámini, omnes béstiæ terræ, properáte ad devorándum. Pastóres multi demolíti sunt víneam meam, conculcavérunt partem meam, dedérunt porciónem meam desiderábilem in desértum solitúdinis. Posuérunt eam in dissipatióem, luxítque super me: desolatióne desolata est omnis terra, quia nullus est qui recógitet corde.

R. Synagóga populórum circumdédérunt me: et non réddidi retribuéntibus mihi mala. * Consumétur, Dómine, nequítia peccatórum, et díriges justum.

V. Júdica me, Dómine, secúndum justítiam meam, et secúndum innocentiam meam super me. Consumétur. Synagóga.

AD LAUDES

ET PER HORAS.

Antiph. to. 7. r. Vide, Dómine, et considera, quóniam tríbulor: velóci-ter exáudi me.

Psalmi de Feria tertia ad Laudes, ut in Psalterio. 58.

Antiph. to. 7. D. Discérne causam meam, Dómine: ab hómine iníquo et dolóso éripe me.

Antiph. to. 7. r. Dum tribulárer, clamávi ad Dóminum de ventre ínferi, et exaudívit me.

Antiph. to. 3. Dómine, vim pátiar, respónde pro me: quia néscio quid dicam inimícis meis.

Antiph. to. 4. Dixerunt ímpii: Opprimámus virum justum, quóniam contrárius est opéribus nostris.

Ad Benedictus, Antiphona, to. 1. f. Ante diem festum Paschæ, sciens Jesus quia venit hora ejus, cum dilexisset suos, in finem diléxit eos.

Deinde dicuntur Preces, ut in Psalterio. 50.

Oratio.

OMnipotens sempiternus Deus, da nobis ita Domínicæ passiónis sacraménta perágere: ut indulgéntiam percípere mereámur. Per eúmdem Dóminum.

Ad Magnificat, Antiphona, to. 4.
Potestátem hábeo ponéndi ánimam meam, et íterum suméndi eam.

Deinde dicuntur Preces, ut in Psalterio. 105.

Oratio.

Tua nos misericórdia, Deus, et ab omni subreptione vetustátis expúrget, et capaces sanctæ novitátis efficiat. Per Dóminum.

✠

FERIA QUARTA.

Pater noster.

Absolutio. A vñculis.

Benedictio. Ille nos benedícat.

De Jeremía Prophéta.

Lectio i.

Cap. 17. b.

EXpectatio Israel, Dómine: omnes, qui te derelínquunt, confundéntur: recedéntes a te, in terra scribéntur: quóniam dereliquerunt venam aquárum vivéntium Dóminum. Sana me, Dómine, et sanabor: salvum me fac, et salvus ero: quóniam laus mea tu es. Ecce ipsi dicunt ad me: Ubi est verbum Dómini? véniat. Et ego non sum turbátus, te pastórem sequens: et diem hóminis non desiderávi, tu scis. Quod egréssum est de lábiis meis, rectum in conspéctu tuo fuit. Non sis tu mihi formídini, spes mea tu in die afflictiónis. Confundántur qui me persecúntur, et non confúndar ego: páveant illi, et non páveam ego: induc super eos diem afflictiónis, et dúplici contritíone cóntere eos.

R. Locúti sunt advérsus me lingua dolósa, et sermónibus ódii circumdédérunt me: pro eo ut me dilígerent, detrahébant mihi: * Ego autem orábam, et exaudísti me, Dómine Deus meus.

V. Et posuérunť advérsus me mala pro bonis, et ódium pro dilectíone mea. Ego.

Benedictio. Divínium auxílium.

Lectio ii.

Cap. 18. b.

Quis audívit tália horribília, quæ fecit nimis virgo Israel? Numquid deficiet de petra agri nix Líbani? aut evélli possunt aquæ erumpéntes frígida, et defluéntes? Quia oblítus est mei pópulus meus, frustra libántes, et impingéntes in viis suis, in sémitis sæculi, ut ambulárent per eas in itinere non trito: ut fíeret terra eórum in desolatiónem, et in sibilum sempiternum: omnis, qui præterfíerit per eam, obstupéscet, et movébit caput suum. Sicut ventus urens dispérgam eos coram inimíco: dorsum et non faciém osténdam eis in die perditiónis eórum. Et dixerunt: Veníte, et cogitémus contra Jeremíam cogitatiónes: non enim períbit lex a sacerdote, neque consílium a sapiente, nec sermo a Prophéta: veníte, et percutiámus eum lingua, et non attendámus ad univérsos sermónes ejus.

R. Dixerunt ímpii apud se, non recte cogitantes: Circumveniámus justum, quóniam contrárius est opéribus nostris, promíttit se sciéntiam Dei habére, Fílium Dei se nóminat, et gloriátur Patrem se habére Deum: * Videámus si sermónes illíus veri sunt: et si est vere Fílius Dei, líberet eum de mánibus nostris: morte turpíssima condemnémus eum.

V. Tamquam nugáces æstimáti sumus ab illo, et ábstinet se a viis nos-

tris tamquam ab immunditiis: et præfert novissima justorum. Videamus.

Benedictio. Ad societatem.

Lectio iii.

Attende, Dómine, ad me, et audi vocem adversariórum meórum. Numquid rédditur pro bono malum, quia fodérunt foveam animæ meæ? Recordáre quod steterim in conspéctu tuo, ut lóquerer pro eis bonum, et avérterem indignationem tuam ab eis. Propterea da filios eórum in famem, et deduc eos in manus gládii: fiant uxóres eórum absque liberis, et víduæ: et viri eárum interficiántur morte: júvenes eórum confodiántur gládio in prælio. Audiátur clamor de dómibus eórum: addúces enim super eos latrónem repente: quia fodérunt foveam ut cáperent me, et láqueos abscondérunt pédibus meis. Tu autem, Dómine, scis omne consílium eórum advérsus me in mortem: ne propitiéris iniquitati eórum, et peccátum eórum a fácie tua non deleátur: fiant corruéntes in conspéctu tuo, in témpore furóris tui abútere eis.

R. Circumdedérunt me viri mendaces: sine causa flagéllis cecidérunt me: * Sed tu, Dómine defénsor, vindica me.

V. Quóniam tribulatio próxima est, et non est, qui ádjuvet. Sed tu, Dómine. Circumdedérunt.

AD LAUDES ET PER HORAS.

Antiph. to. 8. **Líbera me de sanguinibus, Deus, Deus meus: et exultábit lingua mea justítiam tuam.**

Psalmi de Feria quarta in Laudibus. 66.

Antiph. to. 8. f. **Contumélias et terrores passus sum ab eis: et Dóminus mecum est tamquam bellátor fortis.**

Antiph. to. 2. **Ipsi vero in vanum quæsiérunt ánimam meam, introibunt in inferióra terræ.**

Antiph. to. 7. r. **Omnes inimíci mei audiérunt malum meum: Dómine, lætáti sunt, quóniam tu fecísti.**

Antiph. to. 1. l. **Alliga, Dómine, in vñculis nátiónes Géntium, et reges eárum in compédibus.**

Ad Benedictus, Antiphona, to. 8. **Simon, dormis? non potuísti una hora vigiláre mecum?**

Deinde dicuntur Preces. 50.

Oratio.

Præsta, quæsumus, omnipotens Deus: ut qui nostris excéssibus incessánte affligimur, per unigéniti Fílii tui passióem liberémur: Qui tecum vivit et regnat in unitáte.

Ad Magnificat, Antiphona, to. 2. **Ancílla dixit Petro: Vere tu ex illis es: nam et loquéla tua manifestum te facit.**

Deinde dicuntur Preces. 105.

Oratio.

Respice, quæsumus, Dómine, super hanc famíliam tuam, pro qua Dóminus noster Jesus Christus non dubitávit mánibus tradi nocéntium, et crucis subíre torméntum: Qui tecum vivit et regnat in unitáte.

Tribus sequentibus diebus, dicto secreto, **Pater noster, Ave María**, et ad Matutinum, et in principio Primæ, **Credo**, omnibus aliis prætermisissis, absolute incipitur Officium, ad Matutinum et Vesperas, ab Antiphona primi Psalmi: et Antiphonæ duplicantur sicut in Festo Duplici.

In fine Psalmorum non dicitur **Gloria Patri**, per omnes Horas, nec in Responsoriis: et in fine cujuslibet Psalmi ad Matutinum extinguítur una ex quindecim candelis positís in candelabro triangulari ante Altare.






FERIA QUINTA

IN CENA DOMINI.



AD MATUTINUM. IN I. NOCTURNO.

Antiph. to. 8. f. Zelus domus tuæ comédit me, et oppróbria exprobrántium tibi cecidérunt super me.



Psalmus 68.

Alvum me fac,
Deus: * quóniam
intravérunt aquæ
usque ad ánimam
meam.

Infixus sum in
limo profúndi: *
et non est sub-
stántia.

Veni in altitúdinem maris: * et tem-
pésta demérsit me.

Laborávi clamans, raucæ factæ sunt
fauces meæ: * defecérunt óculi mei,
dum spero in Deum meum.

Multiplicáti sunt super capillos cápi-
tis mei, * qui odérunt me gratis.

Confortáti sunt, qui persecúti sunt
me inimíci mei injúste: * quæ non
rápui, tunc exolvébam.

Deus, tu scis insipiéntiam meam: *
et delícta mea a te non sunt abscón-
dita.

Non erubéscant in me, qui expéctant
te, Dómine, * Dómine virtútum.

Non confundántur super me * qui
quærunte te, Deus Israel.

Quóniam propter te sustínui op-
próbrium: * opéruit confúsió faciém
meam.

Extráneus factus sum frátribus meis,
* et peregrínus filiis matris meæ.

Quóniam zelus domus tuæ comédit
me: et oppróbria exprobrántium tibi
cecidérunt super me.

Et opéruí in jejúnio ánimam meam:
* et factum est in oppróbrium mihi.

Et pósui vestiméntum meum cilíci-
um: * et factus sum illis in parábolam.

Advérsum me loquebántur, qui sedé-
bant in porta: * et in me psallébant,
qui bibébant vinum.

Ego vero orationem meam ad te, Dómine: * tempus beneplácti, Deus.

In multitúdine misericórdiæ tuæ exáudi me, * in veritáte salútis tuæ.

Eripi me de luto, ut non infigar: * líbera me ab iis, qui odérunt me, et de profúndis aquárum.

Non me demérgat tempésta aquæ, neque absórbeat me profúndum: * neque úrgeat super me púteus os suum.

Exáudi me, Dómine, quóniam benígna est misericórdia tua: * secúndum multitúdinem miseratiónum tuárum réspice in me.

Et ne avértas faciém tuam a púero tuo: * quóniam tríbulor, velóciter exáudi me.

Inténde ánimæ meæ, et líbera eam: * propter inimícos meos éripi me.

Tu scis impropérium meum, et confusióne meam, * et reveréntiam meam.

In conspéctu tuo sunt omnes qui tríbulant me: * impropérium expectávit cor meum, et misériam.

Et sustínui qui simul contristarétur, et non fuit: * et qui consolarétur, et non invéni.

Et dedérunt in escam meam fel: * et in siti mea potavérunt me acéto.

Fiat mensa eórum coram ipsis in láqueum, * et in retributiónes, et in scándalum.

Obscuréntur óculi eórum ne vídeant: * et dorsum eórum semper incúrva.

Effúnde super eos iram tuam: * et furor iræ tuæ comprehéndat eos.

Fiat habitatio eórum desérta: * et in tabernáculis eórum non sit qui inhábitet.

Quóniam quem tu percussísti, persecúti sunt: * et super dolórem vúlnerum meórum addidérunt.

Appóne iniquitátem super iniquitátem eórum: * et non intrent in justítiam tuam.

Dealeántur de libro vivéntium: * et cum justis non scribántur.

Ego sum pauper et dolens: * salus tua, Deus, suscepit me.

Laudábo nomen Dei cum cántico: * et magnificábo eum in laude.

Et placébit Deo super vítulum novélum, * córnua producéntem et úngulas.

Videant páuperes, et læténtur: * quærite Deum, et vivet ánima vestra.

Quóniam exaudivit páuperes Dóminus: * et vinctos suos non despéxit.

Laudent illum cœli, et terra, * mare, et ómnia reptília in eis.

Quóniam Deus salvam fáciat Sion: * et ædificabúntur civitátes Juda.

Et inhabitábunt ibi, * et hæreditáte acquirént eam.

Et semen servórum ejus possidébit eam; * et qui díligunt nomen ejus, habitábunt in ea.

Antiph. Zelus domus tuæ comédit me, et oppróbria exprobrántium tibi cecidérunt super me.

Antiph. to. 8. f. Avertántur retrórsus, et erubéscant, qui cógitant mihi mala.

Psalmus 69.

Deus, in adiutorium meum inténde: * Dómine, ad adjuvándum me festína.

Confundántur, et revearéntur, * qui quærent ánimam meam.

Avertántur retrórsus, et erubéscant, * qui volunt mihi mala.

Avertántur statim erubescéntes, * qui dicunt mihi: Euge, euge.

Exúltent, et læténtur in te omnes qui quærent te, * et dicant semper: Magnificétur Dóminus, qui díligunt salutáre tuum.

Ego vero egénus, et pauper sum: * Deus, ádjuva me.

Adiutor meus, et liberátor meus es tu: * Dómine, ne moréris.

Antiph. Avertántur retrórsus, et erubéscant, qui cógitant mihi mala.

Antiph. to. 8. f. Deus meus, éripi me de manu peccatóris.

Psalmus 70.

IN te, Dómine, sperávi, non confúndar in ætérnum: * in justítia tua libera me, et éripe me.

Inclína ad me aurem tuam, * et salva me.

Esto mihi in Deum protectórem, et in locum munitum; * ut salvum me fácias.

Quóniam firmaméntum meum, * et refúgium meum es tu.

Deus meus, éripe me de manu peccatóris, * et de manu contra legem agéntis, et iníqui.

Quóniam tu es patiéntia mea, Dómine: * Dómine, spes mea a juventúte mea.

In te confirmátus sum ex útero: * de ventre matris meæ tu es protéctor meus.

In te cantátio mea semper: * tamquam prodígium factus sum multis; et tu adjútor fortis.

Repleátur os meum laude, ut cantem glóriam tuam: * tota die magnitúdinem tuam.

Ne projícias me in témpore senectútis; * cum defécerit virtus mea, ne derelínquas me.

Quia dixerunt inimíci mei mihi: * et qui custodiébant ánimam meam, consílium fecérunt in unum.

Dicéntes: Deus derelíquit eum: persequímini, et comprehéndite eum: * quia non est qui erípiat.

Deus, ne elongéris a me: * Deus meus, in auxílium meum réspice.

Confundántur et deficiant detrahéntes ánimæ meæ: * operiántur confusióne et pudóre, qui quærunt mala mihi.

Ego autem semper sperábo; * et adjíciam super omnem laudem tuam.

Os meum annuntiábit justítiam tuam: * tota die salutáre tuum.

Quóniam non cognóvi litteratúrám, introibo in poténtias Dómini: * Dómine, memorábor justítiæ tuæ solús.

Deus, docuísti me a juventúte mea: * et usque nunc pronuntiábo mirabília tua.

Et usque in senéctam, et sénium: * Deus, ne derelínquas me.

Donec annúntiem bráchium tuum * generatióni omni, quæ ventúra est.

Poténtiam tuam, et justítiam tuam, Deus, usque in altíssima, quæ fecísti magnália: * Deus, quis símilis tibi?

Quantas ostendísti mihi tribulatiónes multas, et malas: et convérsus vivificásti me: * et de abyssis terræ iterum reduxísti me.

Multiplicásti magnificéntiam tuam: * et convérsus consolátus es me.

Nam et ego confitébor tibi in vasis psalmi veritátem tuam: * Deus, psallam tibi in cíthara, sanctus Israel.

Exultábunt lábia mea cum cantávero tibi: * et ánima mea, quam redemísti.

Sed et lingua mea tota die meditábitur justítiam tuam: * cum confúsi, et revériti fúerint qui quærunt mala mihi.

Antiph. Deus meus, éripe me de manu peccatóris.

V. Avertántur retrórsum, et erubescant.

R. Qui cógitant mihi mala.

Hoc triduo post Versiculos Nocturnorum dicitur secreto, Pater noster, nec pronuntiatur, Et ne nos, nec dicitur Absolutio, neque dantur Benedictiones ante Lectiones.

In fine Lectionum non dicitur, Tu autem, sed primæ tres Lectiones Jeremiæ terminantur ut infra.

Incipit Lamentátio Jeremiæ Prophætæ.

Lectio i.

Cap. 1.

Aleph.

QUÓmodo sedet sola cívitas plena pópulo: facta est quasi vídua dómina Géntium: princeps provinciárum facta est sub tribúto.

Beth. Plorans plorávit in nocte, et lácrymæ ejus in maxíllis ejus: non

est qui consolétur eam ex ómnibus charis ejus: omnes amíci ejus spreverunt eam, et facti sunt ei inimíci.

Ghimel. Migrávit Judas propter afflictiónem, et multitudínem servitútis: habitávit inter Gentes, nec invénit réquiem: omnes persecutóres ejus apprehendérunt eam inter angústias.

Daleth. Viæ Sion lugent, eo quod non sint qui véniant ad solemnitátem: omnes portæ ejus destrúctæ: sacerdotes ejus geméntes: vírgines ejus squálidæ, et ipsa opprèssa amaritúdine.

He. Facti sunt hostes ejus in cápite, inimíci ejus locupletáti sunt: quia Dóminus locútus est super eam propter multitudínem iniquitátum ejus: párvuli ejus ducti sunt in captivitátem ante fáciem tribulántis.

Jerúsalem, Jerúsalem, convértere ad Dóminum Deum tuum.

Sic terminantur Lectiones de Lamentationibus in hoc triduo.

R. In monte Olivéti orávit ad Patrem: Pater, si fieri potest, tránseat a me calix iste: * Spíritus quidem promptus est, caro autem infirma.

V. Vigiláte, et oráte, ut non intrétis in tentatióem. Spíritus.

Lectio ii.

Vau.

ET egréssus est a filia Sion omnis decor ejus: facti sunt príncipes ejus velut arietes non inveniéntes páscoa: et abiérunt absque fortitúdine ante fáciem subsequéntis.

Zain. Recordáta est Jerúsalem diérum afflictiónis suæ, et prævaricatiónis ómnium desiderabílium suórum, quæ habúerat a diébus antíquis, cum cáderet pópulus ejus in manu hostíli, et non esset auxiliátor: vidérunt eam hostes, et derisérunt sábbata ejus.

Heth. Peccátum peccávit Jerúsalem, proptérea instábilis facta est: omnes, qui glorificábant eam, spreverunt illam, quia vidérunt ignomíniam ejus:

ipsa autem gemens convérta est retrórsum.

Teth. Sordes ejus in pédibus ejus, nec recordáta est finis sui: depósita est veheménter, non habens consolatórem: vide, Dómine, afflictiónem meam, quóniam eréctus est inimícus.

Jerúsalem, Jerúsalem, convértere ad Dóminum Deum tuum.

R. Tristis est ánima mea usque ad mortem: sustinéte hic, et vigiláte mecum: nunc vidébitis turbam, quæ circúmdabit me: * Vos fugam capiétis, et ego fadam immolári pro vobis.

V. Ecce appropínquat hora, et Fílius hóminis tradétur in manus peccatórum. Vos.

Lectio iii.

Jod.

MAnum suam misit hostis ad ómnia desiderabília ejus: quia vidit Gentes ingrèssas Sanctuárium suum, de quibus præcéperas ne intrárent in Ecclesiám tuam.

Caph. Omnis pópulus ejus gemens, et quærens panem: dedérunt pretiósas quæque pro cibo ad refocillándam animam. Vide, Dómine, et considéra, quóniam facta sum vilis.

Lamed. O vos omnes, qui transítis per viam, atténdite, et vidéte si est dolor sicut dolor meus: quóniam vindemiávit me, ut locútus est Dóminus in die iræ furóris sui.

Mem. De excélso misit ignem in ósibus meis, et erudívit me: expándit rete pédibus meis, convértit me retrórsum: pósuit me desolatam, tota die mœróre conféctam.

Nun. Vigilávit jugum iniquitátum meárum: in manu ejus convolutæ sunt, et impósitæ collo meo: infirmáta est virtus mea: dedit me Dóminus in manu, de qua non pótero súrgere.

Jerúsalem, Jerúsalem, convértere ad Dóminum Deum tuum.

R. Ecce vídimus eum non habéntem spéciem, neque decórem: aspéctus

ejus in eo non est: hic peccáta nostra portávit, et pro nobis dolet: ipse autem vulnerátus est propter iniquitátes nostras: * Cujus livóre sanáti sumus.

V. Vere languóres nostros ipse tulit, et dolóres nostros ipse portávit. Cujus livóre. **Ecce vídimus.**

IN II. NOCTURNO.

Antiph. to. 8. f. Liberávit Dóminus páuperem a potén-te, et ínopem, cui non erat adjútor.

Psalmus 71.

Deus, júdicium tuum regi da: * et justítiam tuam fílio regis.

Judicáre pópulum tuum in justítia, * et páuperes tuos in júdicio.

Suscípiant montes pacem pópulo, * et colles justítiam.

Judicábit páuperes pópuli, et salvos faciet fílios páuperum: * et humiliábit calumniatórem.

Et permanébit cum sole, et ante lunam, * in generatióne, et generatióne.

Descéndet sicut plúvia in vellus: * et sicut stillicídia stillántia super terram.

Oriétur in diébus ejus justítia, et abundántia pacis, * donec auferátur luna.

Et dominábitur a mari usque ad mare: * et a flúmine usque ad términos orbis terrárum.

Coram illo prócident Æthíopes: * et inimíci ejus terram lingent.

Reges Tharsis, et ínsulæ múnera ófferent: * reges Arabum, et Saba dona addúcent.

Et adorábunt eum omnes reges terræ: * omnes Gentes sérvient ei.

Quia liberábit páuperem a potén-te: * et páuperem, cui non erat adjútor.

Parcet páuperi et ínopi: * et ánimas páuperum salvas faciet.

Ex usúris, et iniquitáte rédimet ánimas eórum: * et honorábile nomen eórum coram illo.

Et vivet, et dábitur ei de auro Arábiæ, et adorábunt de ipso semper: * tota die benedícant ei.

Et erit firmaméntum in terra in summis móntium, superextollétur super Líbanum fructus ejus: * et florébunt de civitáte sicut fœnum terræ.

Sit nomen ejus benedíctum in sǎcula: * ante solem pérmanet nomen ejus.

Et benedícantur in ipso omnes tribus terræ: * omnes Gentes magnificábunt eum.

Benedíctus Dóminus Deus Israel, * qui facit mirabília solus.

Et benedíctum nomen majestátis ejus in ætérnum: * et replébitur majestáte ejus omnis terra: fiat, fiat.

Antiph. Liberávit Dóminus páuperem a potén-te, et ínopem, cui non erat adjútor.

Antiph. to. 8. f. Cogitavérunt ímpii, et locúti sunt nequítiam: iniquitátem in excélso locúti sunt.

Psalmus 72.

Quam bonus Israel Deus * his, qui recto sunt corde!

Mei autem pene moti sunt pedes: * pene effúsi sunt gressus mei.

Quia zelávi super iníquos, * pacem peccatórum videns.

Quia non est respéctus morti eórum: * et firmaméntum in plaga eórum.

In labóre hóminum non sunt, * et cum homínibus non flagellabúntur.

Ideo ténuít eos supérbia, * opérti sunt iniquitáte, et impietáte sua.

Pródiit quasi ex ádi-pe iníquitas eórum: * transiérunt in afféctum cordis.

Cogitavérunt, et locúti sunt nequítiam: * iniquitátem in excélso locúti sunt.

Posuérunt in cœlum os suum: * et lingua eórum transívit in terra.

Ideo convertétur pópulus meus hic: * et dies pleni inveniéntur in eis.

Et dixerunt: Quómodo scit Deus, * et si est sciéntia in excélso?

Ecce ipsi peccatores, et abundantes in saeculo, * obtinuerunt divitias.

Et dixi: Ergo sine causa justificavi cor meum, * et lavi inter innocentes manus meas.

Et fui flagellatus tota die, * et castigatio mea in matutinis.

Si dicebam: Narrabo sic: * ecce nationem filiorum tuorum reprobavi.

Existimabam, ut cognoscerem hoc, * labor est ante me.

Donec intrem in sanctuarium Dei: * et intelligam in novissimis eorum.

Verumtamen propter dolos posuisti eis: * dejecisti eos dum allevarentur.

Quomodo facti sunt in desolationem? subito defecerunt: * perierunt propter iniquitatem suam.

Velut somnium surgentium, Domine, * in civitate tua imaginem ipsorum ad nihilum rediges.

Quia inflammatum est cor meum, et renes mei commutati sunt: * et ego ad nihilum redactus sum, et nescivi.

Ut jumentum factus sum apud te: * et ego semper tecum.

Tenuisti manum dexteram meam: et in voluntate tua deduxisti me, * et cum gloria suscepisti me.

Quid enim mihi est in caelo? * et a te quid volui super terram?

Defecit caro mea, et cor meum: * Deus cordis mei, et pars mea Deus in aeternum.

Quia ecce, qui elongant se a te, peribunt: * perdidisti omnes, qui fornicantur abs te.

Mihi autem adhærere Deo bonum est: * pñere in Domino Deo spem meam.

Ut annuntiem omnes praedicationes tuas, * in portis filiae Sion.

Antiph. Cogitaverunt impii, et locuti sunt nequitiam: iniquitatem in excelsis locuti sunt.

Antiph. to. 1. Exurge, Domine, et iudica causam meam.

Psalmus 73.

UT quid, Deus, repulisti in finem: * iratus est furor tuus super oves pascuae tuae?

Memor esto congregationis tuae, * quam possedisti ab initio.

Redemisti virgam hereditatis tuae: * mons Sion, in quo habitasti in eo.

Leva manus tuas in superbias eorum in finem: * quanta malignatus est inimicus in sancto?

Et gloriati sunt, qui oderunt te, * in medio solemnitatis tuae.

Posuérunt signa sua, signa: * et non cognoverunt sicut in exitu super summum.

Quasi in silva lignorum securibus exciderunt januas ejus in idipsum: * in securi, et ascia dejecerunt eam.

Incenderunt igni Sanctuarium tuum: * in terra polluerunt tabernaculum nominis tui.

Dixerunt in corde suo, cognatio eorum simul: * Quiescere faciamus omnes dies festos Dei a terra.

Signa nostra non vidimus, jam non est Propheta: * et nos non cognoscet amplius.

Usquequo, Deus, improperebit inimicus; * irritat adversarius nomen tuum in finem?

Ut quid avertis manum tuam, et dexteram tuam, * de medio sinu tuo in finem?

Deus autem Rex noster ante saecula, * operatus est salutem in medio terrae.

Tu confirmasti in virtute tua mare: * contribulasti capita draconum in aquis.

Tu confregisti capita draconis: * dedisti eum escam populis Aethiopum.

Tu dirupisti fontes, et torrentes: * tu siccasti fluvios Ethan.

Tuus est dies, et tua est nox: * tu fabricatus es auroram, et solem.

Tu fecisti omnes terminos terrae: * aetatem, et ver tu plasmasti ea.

Memor esto hujus, inimicus improperavit Dómino: * et pópulus insípiens incitávit nomen tuum.

Ne tradas béstiis ánimas confiténtes tibi: * et ánimas páuperum tuórum ne obliviscáris in finem.

Réspice in testaméntum tuum: * quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus: * pauper, et inops laudábunt nomen tuum.

Exúrge, Deus, júdica causam tuam: * memor esto impropériórum tuórum, eórum, quæ ab insipiente sunt tota die.

Ne obliviscáris voces inimicórum tuórum: * supérbia eórum, qui te odérunt, ascéndit semper.

Antiph. Exúrge, Dómine, et júdica causam meam.

V. Deus meus, éripe me de manu peccatóris.

R. Et de manu contra legem agéntis, et iníqui.

Pater noster. secreto.

Ex Tractátu Sancti Augustíni Epís-
copi super Psalmos.

Lectio iv. In Psal. 54. ad 1. vers.

Exáudi, Deus, oratióem meam, et ne despéxeris deprecationem meam: inténde mihi, et exáudi me. Satagéntis, solliciti, in tribulatióne pósiti verba sunt ista. Orat multa pátiens, de malo liberári desíderans. Súperest ut videámus, in quo malo sit: et cum dícere cóeperit, agnoscámus ibi nos esse: ut communicáta tribulatióne, conjungámus oratióem. Contristátus sum, inquit, in exercitatióne mea, et conturbátus sum. Ubi contristátus? ubi conturbátus? In exercitatióne mea, inquit. Hómines malos, quos pátitur, commemorátus est: eandémque passióem malórum hóminum exercitatióem suam dixit. Ne putétis gratis esse malos in hoc mundo, et nihil boni de illis ágere

Deum. Omnis malus aut ídeo vivit, ut corrigátur: aut ídeo vivit, ut per illum bonus exerceátur.

R. Amicus meus ósculi me trádedit signo: quem osculátus fúero, ipse est, tenéte eum; hoc malum fecit signum, qui per ósculum adimplévit homicídium. * Infélix prætermísit prétium ságuinis, et in fine láqueo se suspéndit.

V. Bonum erat ei, si natus non fuísset homo ille. **Infélix.**

Lectio v.

Utinam ergo, qui nos modo exercent, convertántur, et nobíscum exerceántur: tamen quámdui ita sunt ut exerceant, non eos odérimus: quia in eo quod malus est quis eórum, utrum usque in finem perseveratúrus sit, ignorámus. Et plerúmque cum tibi vidéris odísse inimicum, fratrem odísti, et nescis. Diábolus et ángeli ejus in Scriptúris sanctis manifestáti sunt nobis, quod ad ignem ætérnum sint destináti. Ipsórum tantum desperánda est corréctio, contra quos habémus occúltam luctam: ad quam luctam nos armat Apóstolus, dicens: Non est nobis colluctátió advérsus carnem et sánguinem: id est, non advérsus hómines, quos vidétis, sed advérsus príncipes, et potestátes, et rectóres mundi, tenebrárum harum. Ne forte cum dixísset, mundi, intelligeres dámones esse rectóres cœli et terræ. Mundi dixit, tenebrárum harum: mundi dixit, amatórum mundi: mundi dixit, impiórum et iniquórum: mundi dixit, de quo dicit Evangélium: Et mundus eum non cognóvit.

R. Judas mercátor péssimus ósculo pétiit Dóminum: ille ut agnus innocens non negávit Judæ ósculum: * Denariórum número Christum Judæis trádedit.

V. Mélius illi erat, si natus non fuísset. **D**enariórum.

Lectio vi.

QUóniam vidi iniquitatem et contradictionem in civitate. Attende gloriam crucis ipsius. Jam in fronte regum crux illa fixa est, cui inimici insultaverunt. Effectus probavit virtutem: domuit orbem non ferro, sed ligno. Lignum crucis contumeliis dignum visum est inimicis, et ante ipsum lignum stantes caput agitabant, et dicebant: Si Filius Dei est, descendat de cruce. Extendebat ille manus suas ad populum non credentem, et contradicentem. Si enim justus est qui ex fide vivit, iniquus est qui non habet fidem. Quod ergo hic ait, iniquitatem, perfidiam intellige. Videbat ergo Dominus in civitate iniquitatem et contradictionem, et extendebat manus suas ad populum non credentem, et contradicentem: et tamen et ipsos expectans dicebat: Pater, ignosce illis, quia nesciunt quid faciunt.

R. Unus ex discipulis meis tradet me hodie: Vae illi per quem tradar ego: * Melius illi erat, si natus non fuisset.

V. Qui intingit mecum manum in paropside, hic me traditurus est in manus peccatorum. **M.** Melius illi. **U.** Unus.

IN III. NOCTURNO.

Antiph. to. 7. Dixi iniquis: Nolite loqui adversus Deum iniquitatem.

Psalmus 74.

Confitebimur tibi, Deus: * confitebimur, et invocabimus nomen tuum.

Narrabimus mirabilia tua: * cum accépero tempus, ego justitias judicabo.

Liquefacta est terra, et omnes, qui habitant in ea: * ego confirmavi columnas ejus.

Dixi iniquis: Nolite inique agere: * et delinquentibus: Nolite exaltare cornu:

Nolite extollere in altum cornu vestrum: * nolite loqui adversus Deum iniquitatem.

Quia neque ab Oriente, neque ab Occidente, neque a desertis montibus: * quoniam Deus judex est.

Hunc humiliat, et hunc exultat: * quia calix in manu Domini vini meri plenus misto.

Et inclinavit ex hoc in hoc: verumtamen faex ejus non est exinanita: * bibent omnes peccatores terrae.

Ego autem annuntiabo in saeculum: * cantabo Deo Jacob.

Et omnia cornua peccatorum confringam: * et exaltabuntur cornua justi.

Antiph. Dixi iniquis: Nolite loqui adversus Deum iniquitatem.

Antiph. to. 8. f. Terra tremuit et quievit, dum exurgeret in iudicio Deus.

Psalmus 75.

Notus in Judaea Deus: * in Israel magnum nomen ejus.

Et factus est in pace locus ejus: * et habitatio ejus in Sion.

Ibi confrégit potentias arcuum, * scutum, gladium, et bellum.

Illuminans tu mirabiliter a montibus aeternis: * turbati sunt omnes insipientes corde.

Dormierunt somnum suum: * et nihil invenérunt omnes viri divitiarum in manibus suis.

Ab increpatione tua, Deus Jacob, * dormitaverunt qui ascenderunt equos.

Tu terribilis es, et quis resistet tibi? * ex tunc ira tua.

De caelo auditum fecisti iudicium: * terra tremuit, et quievit.

Cum exurgeret in iudicium Deus, * ut salvos faceret omnes mansuetos terrae.

Quoniam cogitatio hominis confitebitur tibi: * et reliquiae cogitationis diem festum agent tibi.

Vovete, et reddite Domino Deo vestro, * omnes qui in circuitu ejus affertis munera.

Terribili, et ei, qui aufert spiritum principum, * terribili apud reges terræ.

Antiph. Terra tremuit et quievit, dum exurgeret in iudicio Deus.

Antiph. to. 7. r. In die tribulationis meæ Deum exquisivi manibus meis.

Psalmus 76.

Voce mea ad Dominum clamavi: * voce mea ad Deum, et intendit mihi.

In die tribulationis meæ Deum exquisivi, manibus meis nocte contra eum: * et non sum decēptus.

Renuit consolari anima mea, * memor fui Dei, et delectatus sum, et exercitatus sum: et defecit spiritus meus.

Anticipaverunt vigiliis oculi mei: * turbatus sum, et non sum locutus.

Cogitavi dies antiquos: * et annos æternos in mente habui.

Et meditatus sum nocte cum corde meo, * et exercitabar, et scopebam spiritum meum.

Numquid in æternum projiciet Deus? * aut non apponet ut complacitior sit adhuc?

Aut in finem misericordiam suam abscindet, * a generatione in generationem?

Aut obliviscetur misereri Deus: * aut continebit in ira sua misericordias suas?

At dixi: Nunc cœpi: * hæc mutatio dexteræ Excelsi.

Memor fui operum Domini: * quia memor ero ab initio mirabilium tuorum.

Et meditabor in omnibus operibus tuis: * et in adinventiōibus tuis exercebor.

Deus, in sancto via tua: quis Deus magnus sicut Deus noster? * tu es Deus, qui facis mirabilia.

Notam fecisti in populis virtutem tuam: * redemisti in brachio tuo populum tuum, filios Jacob, et Joseph.

Viderunt te aquæ, Deus, viderunt te aquæ: * et timuerunt, et turbatæ sunt abyssi.

Multitudo sonitus aquarum: * vocem dederunt nubes.

Etenim sagittæ tuæ transeunt: * vox tonitru tui in rota.

Illuxerunt coruscationes tuæ orbi terræ: * commota est, et contremuit terra. In mari via tua, et semitæ tuæ in aquis multis: * et vestigia tua non cognoscuntur.

Deduxisti sicut oves populum tuum, * in manu Moysi et Aaron.

Antiph. In die tribulationis meæ Deum exquisivi manibus meis.

V. Exurge, Domine.

R. Et iudica causam meam.

Pater noster. secreto.

De Epistola prima beati Pauli Apostoli ad Corinthios.

Lectio vii.

Cap. 11. d.

Hoc autem præcipio, non laudans, quod non in melius, sed in deterius convenitis. Primum quidem convenientibus vobis in Ecclesiam, audio scissuras esse inter vos, et ex parte credo. Nam oportet et hæreses esse, ut et qui probati sunt, manifesti fiant in vobis. Convenientibus ergo vobis in unum, jam non est Dominicam cenam manducare. Unusquisque enim suam cenam præsumit ad manducandum. Et alius quidem esurit, alius autem ebrius est. Numquid domos non habetis ad manducandum et bibendum? aut Ecclesiam Dei contemnitis, et confunditis eos, qui non habent? Quid dicam vobis? Laudo vos? in hoc non laudo.

R. Eram quasi agnus innocens; ductus sum ad immolandum, et nesciebam: consilium fecerunt inimici mei adversum me, dicentes: * Venite, mittamus lignum in panem ejus, et eradamus eum de terra viventium.

V. Omnes inimici mei adversum me cogitabant mala mihi: verbum iniquum mandaverunt adversum me, dicentes. **Venite.**

Lectio viii.

EGo enim accépi a Dómino quod et tradidi vobis, quóniam Dóminus Jesus in qua nocte tradebátur, accépit panem, et grátias agens fregit, et dixit: Accípite, et manducáte: hoc est corpus meum, quod pro vobis tradétur: hoc fácite in meam commemoratióem. Simíliter et cálicem, postquam coenávit, dicens: Hic calix novum testaméntum est in meo sanguine. Hoc fácite, quotiescúmque bibétis, in meam commemoratióem. Quotiescúmque enim manducábitis panem hunc, et cálicem bibétis, mortem Dómini annuntiábitis donec véniat.

R. Una hora non potuístis vigiláre mecum, qui exhortabámini mori pro me? * Vel Judam non vidétis, quómo-
do non dormit, sed festínat trádere me Judáeis?

V. Quid dormítis? súrgite, et oráte, ne intrétis in tentatióem. **V**el Judam.

Lectio ix.

ITaque quicúmque manducáverit panem hunc, vel bíberit cálicem Dómini indígne, reus erit córporis et sanguinis Dómini. Probet autem seípsum homo, et sic de pane illo edat, et de cálice bibat. Qui enim manducat et bibit indígne, judícium sibi manducat et bibit: non dijudicans corpus Dómini. Ideo inter vos multi infirmi et imbecíles, et dórmunt multi. Quod si nosmetípsos dijudicáremus, non útique judicáremur. Dum judicámur autem, a Dómino corrípimur, ut non cum hoc mundo damnémur. Itaque, fratres mei, cum convenítis ad manducándum, ínvicem expectáte. Si quis ésurit, domi manducet, ut non in judícium conveniátis. Cétera autem, cum vénero, dispónam.

R. Seniôres pópuli consílium fecérunt, * Ut Jesum dolo tenérent, et occíde-

rent: cum gládiis et fústibus exiérunt tamquam ad latrónem.

V. Collegérunt Pontífices et Phari-
sæi concílium. **Ut** Jesum. **Seniôres.**

AD LAUDES.

Antiph. to. 8. Justificéris, Dómine, in sermónibus tuis, et vincas cum judicáris.

Psalmus 50.

Miserére mei, Deus, * secúndum magnam misericórdiam tuam.

Et secúndum multitudínem miserationum tuárum, * dele iniquitátem meam.

Amplius lava me ab iniquitáte mea: * et a peccáto meo munda me.

Quóniam iniquitátem meam ego cognosco: * et peccátum meum contra me est semper.

Tibi soli peccávi, et malum coram te feci: * ut justificéris in sermónibus tuis, et vincas cum judicáris.

Ecce enim in iniquitatibus concéptus sum: * et in peccátis concépit me mater mea.

Ecce enim veritátem dilexísti: * incérta, et occúlta sapiéntiæ tuæ manifestásti mihi.

Aspérges me hyssópo, et mundábor: * lavábis me, et super nivem dealbábor.

Audístui meo dabis gáudium et lætítiam: * et exultábunt ossa humiliáta.

Avértte fáciem tuam a peccátis meis: * et omnes iniquitátes meas dele.

Cor mundum crea in me, Deus: * et spíritum rectum ínnova in viscéribus meis.

Ne projícias me a fácie tua: * et spíritum sanctum tuum ne áuferas a me.

Redde mihi lætítiam salutáris tui: * et spíritu principáli confirma me.

Docébo iníquos vias tuas: * et ímpii ad te converténtur.

Libera me de sanguínibus, Deus, Deus salutis meæ: * et exultábit lingua mea justítiam tuam.

Dómine, lábia mea apéries: * et os meum annuntiábit laudem tuam.

Quóniam si voluisses sacrificium, dedissem útique: * holocáustis non delectáberis.

Sacrificium Deo spíritus contribulátus: * cor contrítum, et humiliátum, Deus, non despícies.

Benigne fac, Dómine, in bona voluntáte tua Sion: * ut ædificéntur muri Jerúsalem.

Tunc acceptábis sacrificium justítiae, oblatiónes, et holocáusta: * tunc impónent super altáre tuum vítulos.

Antiph. Justificéris, Dómine, in sermonibus tuis, et vincas cum judicáris.

Antiph. to. 2. Dóminus tamquam ovis ad víctimam ductus est, et non apérui os suum.

Psalmus 89.

Domine, refúgium factus es nobis, * a generatióne in generatióne.

Priusquam montes fierent, aut formarétur terra, et orbis: * a sæculo et usque in sæculum tu es Deus.

Ne avértas hóminem in humilitátem: * et dixísti: Convertimini, filii hóminum.

Quóniam mille anni ante óculos tuos, * tamquam dies hestérna, quæ præteríit:

Et custódia in nocte, * quæ pro níhilo habéntur, eórum anni erunt.

Mane sicut herba tránseat, mane flóreat, et tránseat: * véspere decídat, indúret, et aréscat.

Quia defécimus in ira tua, * et in furóre tuo turbáti sumus.

Posuísti iniquitátes nostras in conspéctu tuo, * sæculum nostrum in illuminatione vultus tui.

Quóniam omnes dies nostri defecerunt: * et in ira tua defécimus.

Anni nostri sicut aránea meditabúntur, * dies annórum nostrórum in ipsis, septuagínta anni.

Si autem in potentátibus octogínta anni: * et ámplius eórum, labor et dolor.

Quóniam supervénit mansuetúdo, * et corripiémur.

Quis novit potestátem iræ tuæ, * et præ timóre tuo iram tuam dinumeráre?

Déxteram tuam sic notam fac: * et erudítos corde in sapiéntia.

Convérttere, Dómine, úsquequo? * et deprecábilis esto super servos tuos.

Repléti sumus mane misericórdia tua: * et exultávimus, et delectáti sumus ómnibus diébus nostris.

Lætáti sumus pro diébus, quibus nos humiliásti, * annis, quibus vídimus mala.

Réspice in servos tuos, et in ópera tua: * et dírige filios eórum.

Et sit splendor Dómini Dei nostri super nos, et ópera mánuum nostrárum dírige super nos: * et opus mánuum nostrárum dírige.

Antiph. Dóminus tamquam ovis ad víctimam ductus est, et non apérui os suum.

Antiph. to. 8. Contrítum est cor meum in médio mei, contremuérunt ómnia ossa mea.

Psalmus 62.

Deus, Deus meus, * ad te de luce vígilo.

Sitívit in te ánima mea, * quam multipliciter tibi caro mea.

In terra desérta, et ínvia, et inaquósa: * sic in sancto apparui tibi, ut víderem virtútem tuam et glóriam tuam.

Quóniam mélior est misericórdia tua super vitas: * lábia mea laudábunt te.

Sic benedícam te in vita mea: * et in nómine tuo levábo manus meas.

Sicut ádipe et pinguédine repleátur ánima mea: * et lábiis exultatiónis laudábit os meum.

Si memor fui tui super stratum meum, in matutínis meditábor in te: * quia fuísti adjútor meus.

Et in velaménto alárum tuárum exultábo, adhæsit ánima mea post te: * me suscepit dextera tua.

Ipsi vero in vanum quæsiérunt animam meam, introibunt in inferiora terræ: * tradéntur in manus gládi, partes vûlpium erunt.

Rex vero lætábitur in Deo, laudabúntur omnes qui jurant in eo: * quia obstrúctum est os loquéntium iníqua.

Psalmus 66.

Deus misereátur nostri, et benedícat nobis: * illúminet vultum suum super nos, et misereátur nostri.

Ut cognoscámus in terra viam tuam: * in ómnibus Géntibus salutáre tuum.

Confiteántur tibi pópuli, Deus: * confiteántur tibi pópuli omnes.

Læténtur et exúltent Gentes: * quóniam júdicas pópulos in æquitáte, et Gentes in terra dírigis.

Confiteántur tibi pópuli, Deus: confiteántur tibi pópuli omnes: * terra dedit fructum suum.

Benedícat nos Deus, Deus noster, benedícat nos Deus: * et métuant eum omnes fines terræ.

Antiph. Contrítum est cor meum in médio mei, contremuérunt ómnia ossa mea.

Antiph. to. 4. Exhortátus es in virtúte tua, et in refectióne sancta tua, Dómine.

Canticum Moysi.

Exodi 15.

Cantémus Dómino: glorióse enim magnificátus est, * equum et ascensórem dejécit in mare.

Fortitúdo mea, et laus mea Dóminus: * et factus est mihi in salútem:

Iste Deus meus, et glorificábo eum: * Deus patris mei, et exaltábo eum.

Dóminus quasi vir pugnátor, omnípotens nómen ejus. * Currus Pharaónis, et exércitum ejus projécit in mare:

Elécti príncipes ejus submérsi sunt in mari Rubro. * Abýssi operuérunt eos, descendérunt in profúndum quasi lapis.

Déxtera tua, Dómine, magnificáta est in fortitúdine: déxtera tua, Dómine, percússit inimícum. * Et in multítudine glóriæ tuæ deposuísti adversários tuos:

Misísti iram tuam, quæ devorávit eos sicut stípulam. * Et in spírítu furóris tui congregátæ sunt aquæ:

Stetit unda fluens, * congregátæ sunt abyssi in médio mari.

Dixit inimícus: Pérsequar et comprehendam, * dívidam spólia, implébitur ánima mea:

Evaginábo gládium meum, * interficiet eos manus mea.

Flavit spírítus tuus, et opéruit eos mare: * submérsi sunt quasi plumbum in aquis veheméntibus.

Quis símilis tui in fórtibus, Dómine? * quis símilis tui, magníficus in sanctitáte, terríbilis atque laudábilis, fáciens mirabília?

Extendísti manum tuam, et devorávit eos terra. * Dux fuísti in misericórdia tua pópulo, quem redemísti:

Et portásti eum in fortitúdine tua, * ad habitáculum sanctum tuum.

Ascendérunt pópuli, et irátí sunt: * dolóres obtinuérunt habitatóres Philístiim.

Tunc conturbáti sunt príncipes Edom, robústos Moab obtínuit tremor: * obriguérunt omnes habitatóres Chánaan. Irruat super eos formído et pavor, * in magnitúdine bráchii tui:

Fiant immóbiles quasi lapis, donec pertránseat pópulus tuus, Dómine: * donec pertránseat pópulus tuus iste, quem possedísti.

Introdúces eos, et plantábis in monte hæreditátis tuæ, * firmíssimo habitáculo tuo, quod operátus es, Dómine:

Sanctuárium tuum, Dómine, quod firmavérunt manus tuæ: * Dóminus regnabit in ætérnum et ultra.

Ingressus est enim eques Phárao cum cúrribus et equítibus ejus in mare: * et redúxit super eos Dóminus aquas maris:

Filii autem Israel ambulaverunt per siccum * in medio ejus.

Antiph. Exhortatus es in virtute tua, et in refectiōne sancta tua, Dōmine.

Antiph. to. 2. Oblatus est quia ipse voluit, et peccata nostra ipse portavit.

Psalmus 148.

Laudate Dōminum de cœlis: * laudate eum in excelsis.

Laudate eum omnes Angeli ejus: * laudate eum omnes virtutes ejus.

Laudate eum sol et luna: * laudate eum omnes stellæ et lumen.

Laudate eum cœli cœlorum: * et aquæ omnes quæ super cœlos sunt, laudent nomen Dōmini.

Quia ipse dixit, et facta sunt: * ipse mandavit, et creata sunt.

Statuit ea in ætérnum, et in sæculum sæculi: * præceptum posuit, et non præteribit.

Laudate Dōminum de terra: * dracones et omnes abyssi:

Ignis, grando, nix, glacies, spiritus procellarum: * quæ faciunt verbum ejus.

Montes, et omnes colles: * ligna fructifera, et omnes cedri.

Bestiae, et universa pecora, * serpentes, et volucres pennatæ:

Reges terræ, et omnes populi: * principes, et omnes iudices terræ.

Juvenes et virgines, senes cum junioribus laudent nomen Dōmini: * quia exaltatum est nomen ejus solus.

Confessio ejus super cœlum et terram: * et exaltavit cornu populi sui.

Hymnus omnibus sanctis ejus: * filiis Israel populo appropinquanti sibi.

Psalmus 149.

Cantate Dōmino canticum novum: * laus ejus in Ecclesia sanctorum.

Lætetur Israel in eo, qui fecit eum: * et filii Sion exultent in rege suo.

Laudent nomen ejus in choro: * in tympano et psalterio psallant ei.

Quia beneplacitum est Dōmino in populo suo: * et exaltabit mansuetos in salutem.

Exultabunt Sancti in gloria: * lætabuntur in cubilibus suis.

Exaltationes Dei in gutture eorum: * et gladii ancipites in manibus eorum.

Ad faciendam vindictam in nationibus, * increpationes in populis.

Ad alligandos reges eorum in compedibus: * et nobiles eorum in manibus ferreis.

Ut faciant in eis iudicium conscriptum: * gloria hæc est omnibus sanctis ejus.

Psalmus 150.

Laudate Dōminum in sanctis ejus: * laudate eum in firmamento virtutis ejus.

Laudate eum in virtutibus ejus: * laudate eum secundum multitudinem magnitudinis ejus.

Laudate eum in sono tubæ: * laudate eum in psalterio et cithara.

Laudate eum in tympano et choro: * laudate eum in chordis et organo.

Laudate eum in cymbalis benesonantibus, laudate eum in cymbalis jubilationis: * omnis spiritus laudet Dōminum.

Antiph. Oblatus est quia ipse voluit, et peccata nostra ipse portavit.

Capitulum et Hymnus non dicuntur.

V. Homo pacis meæ, in quo speravi.

R. Qui edebat panes meos, ampliavit adversum me supplantationem.

Ad Benedictus, Antiphona, to. 1. f.

Traditor autem dedit eis signum, dicens: Quem osculatus fuero, ipse est, tenete eum.

Canticum Zachariæ.

Lucæ 1. g.

Benedictus Dōminus Deus Israel, * quia visitavit, et fecit redemptionem plebis suæ.

Et erexit cornu salutis nobis, * in domo David pueri sui.

Sicut locutus est per os sanctorum, * qui a sæculo sunt, prophetarum ejus: Salutem ex inimicis nostris, * et de manu omnium, qui oderunt nos:

Ad faciendam misericordiam cum patribus nostris: * et memorari testamenti sui sancti.

Jusjurandum, quod juravit ad Abraham patrem nostrum, * datum se nobis:

Ut sine timore, de manu inimicorum nostrorum liberati, * serviamus illi.

In sanctitate et justitia coram ipso, * omnibus diebus nostris.

Et tu, puer, Propheta Altissimi vocaberis: * praeberis enim ante faciem Domini parare vias ejus.

Ad dandam scientiam salutis plebi ejus, * in remissionem peccatorum eorum:

Per viscera misericordiae Dei nostri: * in quibus visitavit nos, oriens ex alto.

Illuminare his, qui in tenebris, et in umbra mortis sedent: * ad dirigendos pedes nostros in viam pacis.

Antiph. Traditor autem dedit eis signum, dicens: Quem osculatus fuero, ipse est, tenete eum.

Interim dum dicitur Canticum Benedictus, extinctis prius omnibus candelis in candelabro triangulari, praeter unam, quae posita est in summitate candelabri, extinguuntur paulatim sex candelae positae a principio supra Altare, ita ut in ultimo versu extinguatur ultima candela: similiter extinguuntur lampades et luminaria per Ecclesiam. Cum repetitur Antiph. Traditor, accipitur suprema candela ex candelabro, et absconditur sub Altari in cornu Epistolae.

Repetita Antiphona post Benedictus, dicitur:

V. Christus factus est pro nobis obediens usque ad mortem.

Secunda nocte additur, Mortem autem crucis.

Tertia nocte additur, Propter quod et Deus exaltavit illum, et dedit illi nomen, quod est super omne nomen.

Et sic dicitur etiam per omnes Horas diei.

Cum incipitur V. Christus factus est, omnes genuflectunt; et eo finito, dicitur Pater noster, totum sub silentio. Postea Psalmus Miserere mei, Deus, 218. aliquantulum altius, quo finito, sine Oremus, dicitur simili voce Oratio.

Respice, quæsumus, Domine, super hanc familiam tuam, pro qua Dominus noster Jesus Christus non dubitavit manibus tradi nocentium, et crucis subire tormentum. Sed Qui tecum, dicit. sub silentio.

Finita Oratione, fit fragor et strepitus aliquantulum: mox profertur candela accensa de sub Altari, et omnes surgunt, et cum silentio discedunt.

Ad Primam.

Dictis secreto, Pater noster, Ave, Maria, et Credo, absolute inchoatur a Psalmis consuetis, qui sunt, ut in Festis.

Psalmus 53.

Deus in nomine tuo salvum me fac: * et in virtute tua iudica me.

Deus, exaudi orationem meam: * auribus percipe verba oris mei.

Quoniam alieni insurrexerunt adversum me, et fortes quasi erunt animam meam: * et non proposuerunt Deum ante conspectum suum.

Ecce enim Deus adjuvat me: * et Dominus susceptor est animae meae.

Averte mala inimicis meis: * et in veritate tua disperde illos.

Voluntarie sacrificabo tibi: * et confitebor nomini tuo, Domine, quoniam bonum est.

Quoniam ex omni tribulatione eripuisti me: * et super inimicos meos despexit oculus meus.

Psalmus 118.

BEāti immaculāti in via, * quí ambulānt in lege Dómini.

Beāti, qui scrutāntur testimónia ejus: * in toto corde exquirunt eum.

Non enim qui operāntur iniquitatem, * in viis ejus ambulavérunt.

Tu mandásti * mandáta tua custodíri nimis.

Utinam dirigántur viæ meæ, * ad custodiéndas justificatiónes tuas!

Tunc non confúndar, * cum perspéxero in ómnibus mandátis tuis.

Confitébor tibi in directiône cordis, * in eo quod didici judícia justitiæ tuæ.

Justificatiónes tuas custódiam: * non me derelínquas usquequáque.

In quo córrigit adolescéntior viam suam? * in custodiéndo sermónes tuos.

In toto corde meo exquisívi te: * ne repéllas me a mandátis tuis.

In corde meo abscondi elóquia tua, * ut non peccem tibi.

Benedíctus es, Dómine: * doce me justificatiónes tuas.

In lábiis meis * pronuntiávi ómnia judícia oris tui.

In via testimoniórum tuórum delectátus sum, * sicut in ómnibus divítiis.

In mandátis tuis exercébor: * et considerábo vias tuas.

In justificatióibus tuis meditábor: * non oblivíscar sermónes tuos.

REtribue servo tuo, vivífica me: * et custódiam sermónes tuos.

Revéla óculos meos: * et considerábo mirabília de lege tua.

Incola ego sum in terra: * non abscondas a me mandáta tua.

Concupívit ánima mea desideráre justificatiónes tuas * in omni témpore.

Increpásti superbos: * maledícti qui declínant a mandátis tuis.

Aufer a me oppróbrium et contéptum: * quia testimónia tua exquisívi.

Et enim sedérunt príncipes, et advérsus me loquebántur: * servus autem tuus exercebátur in justificatióibus tuis.

Nam et testimónia tua meditatio mea est: * et consílium meum justificatiónes tuæ.

Adhæsit paviménto ánima mea: * vivífica me secúndum verbum tuum.

Vias meas enuntiávi, et exaudísti me: * doce me justificatiónes tuas.

Viam justificatiónum tuárum ínstrue me: * et exercébor in mirabílibus tuis.

Dormitávit ánima mea præ tédio: * confírma me in verbis tuis.

Viam iniquitátis ámove a me: * et de lege tua miserére mei.

Viam veritátis elégi: * judícia tua non sum oblítus.

Adhæsi testimoniis tuis, Dómine: * noli me confúndere.

Viam mandatórum tuórum cucúrri, * cum dilatásti cor meum.

Psalmis finitis, dicitur flexis genibus V. Christus factus est pro nobis obediens, etc. ut supra. 222. et dicitur secreto, Pater noster. Postea aliquantulum altius

Psalmus 50.

Miserére mei, Deus, * secúndum magnam misericórdiam tuam.

Et secúndum multitudínem miserationum tuárum, * dele iniquitatem meam.

Amplius lava me ab iniquitate mea: * et a peccáto meo munda me.

Quóniam iniquitatem meam ego cognosco: * et peccátum meum contra me est semper.

Tibi soli peccávi, et malum coram te feci: * ut justificéris in sermónibus tuis, et vincas cum judicáris.

Ece enim in iniquitatibus concéptus sum: * et in peccátis concépit me mater mea.

Ece enim veritatem dilexísti: * incérta, et occúlta sapiéntiæ tuæ manifestásti mihi.

Aspérget me hyssópo, et mundábor: * lavábis me, et super nivem dealbábor.

Audítui meo dabis gáudium et lætítiam: * et exultábunt ossa humiliáta.

Avérte fáciem tuam a peccátis meis: * et omnes iniquitátes meas dele.

Cor mundum crea in me, Deus: * et spíritum rectum ínnoxa in viscéribus meis.

Ne projícias me a fácie tua: * et spíritum sanctum tuum ne áuferas a me.

Redde mihi lætítiam salutáris tui: * et spíritu principáli confírma me.

Docébo iníquos vias tuas: * et ímpii ad te converténtur.

Líbera me de sanguínibus, Deus, Deus salutis meæ: * et exultábit lingua mea justítiam tuam.

Dómine, lábia mea apéries: * et os meum annuntiábit laudem tuam.

Quóniam si voluísset sacrificium, dedíssem útique: * holocáustis non delectáberis.

Sacrificium Deo spíritus contribulátus: * cor contrítum et humiliátum, Deus, non despícies.

Benígne fac, Dómine, in bona voluntáte tua Sion: * ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta: * tunc impónent super altáre tuum vítulos.

Dicto Psalmo, sine Orémus, dicitur simili voce

Oratio.

Respice, quæsumus, Dómine, super hanc famíliam tuam, pro qua Dóminus noster Jesus Christus non dubitávit mánibus tradi nocéntium, et crucis subíre tormentum. Sed Qui tecum, dicitur sub silentio.

In hoc triduo non annuntiatur aliquid de Martyrologio, nec dicitur Pretiósá.

Ad Tertiam.

Dicitis secreto, **Pater noster. Ave María.** absolute inchoatur a Psalmis consuetis.

Psalmus.

LEgem pone mihi, Dómine, viam justificatiónum tuárum: * et exquiram eam semper.

Da mihi intelléctum, et scrutábor legem tuam: * et custódiam illam in toto corde meo.

Deduc me in sémitam mandatórum tuórum, * quia ipsam vólui.

Inclína cor meum in testimónia tua, * et non in avarítiam.

Avérte óculos meos, ne vídeant vanitátem: * in via tua vivífica me.

Státue servo tuo elóquium tuum * in timóre tuo.

Amputa oppróbrium meum, quod suspicátus sum: * quia iudícia tua jucúnda.

Ecce concupívi mandátá tua: * in æquitáte tua vivífica me.

Et véniat super me misericórdia tua, Dómine: * salutáre tuum secúndum elóquium tuum.

Et respondébo exprobrántibus mihi verbum: * quia sperávi in sermónibus tuis.

Et ne áuferas de ore meo verbum veritátis usquequáque: * quia in iudíciis tuis supersperávi.

Et custódiam legem tuam semper, * in sæculum, et in sæculum sæculi.

Et ambulábam in latitúdine: * quia mandátá tua exquisívi.

Et loquébar in testimoniis tuis in conspéctu regum: * et non confundébar.

Et meditábar in mandátis tuis, * quæ diléxi.

Et levávi manus meas ad mandátá tua, quæ diléxi: * et exercébar in justificatió nibus tuis.

Memor esto verbi tui servo tuo, *
in quo mihi spem dedisti.

Hæc me consolata est in humilitate
mea: * quia eloquium tuum vivificavit me.

Superbi inique agebant usquequaque:
* a lege autem tua non declinavi.

Memor fui iudiciorum tuorum a sæculo,
Dómine: * et consolatus sum.

Defectio tenuit me, * pro peccatoribus
derelinquentibus legem tuam.

Cantabiles mihi erant justificationes
tuæ, * in loco peregrinationis meæ.

Memor fui nocte nominis tui, Dómine:
* et custodivi legem tuam.

Hæc facta est mihi: * quia justificationes
tuas exquisivi.

Portio mea, Dómine, * dixi, custodire
legem tuam.

Deprecatus sum faciem tuam in toto
corde meo: * miserere mei secundum
eloquium tuum.

Cogitavi vias meas: * et converti pedes
meos in testimonia tua.

Paratus sum, et non sum turbatus: *
ut custodiam mandata tua.

Funes peccatorum circumplexi sunt
me: * et legem tuam non sum oblitus.

Media nocte surgebam ad confitendum
tibi, * super iudicia justificationis
tuæ.

Particeps ego sum omnium timantium
te, * et custodientium mandata tua.

Misericordia tua, Dómine, plena est
terra: * justificationes tuas doce me.

Bonitatem fecisti cum servo tuo, Dómine,
* secundum verbum tuum.

Bonitatem, et disciplinam, et scientiam
doce me: * quia mandatis tuis credidi.

Priusquam humiliarer, ego deliqui: *
propterea eloquium tuum custodivi.

Bonus es tu: * et in bonitate tua doce
me justificationes tuas.

Multiplicata est super me iniquitas
superborum: * ego autem in toto corde
meo scrutabor mandata tua.

Coagulatum est sicut lac cor eorum:
* ego vero legem tuam meditatus sum.

Bonum mihi, quia humiliasti me: * ut
discam justificationes tuas.

Bonum mihi, lex oris tui, * super milia
auri et argenti.

Manus tuæ fecerunt me, et plasmarunt
me: * da mihi intellectum, et discam
mandata tua.

Qui timent te, videbunt me, et lætabuntur:
* quia in verba tua speravi.

Cognovi, Dómine, quia æquitas iudicia
tua: * et in veritate tua humiliasti me.

Fiat misericordia tua, ut consoletur
me, * secundum eloquium tuum servo
tuo.

Veniant mihi miserationes tuæ, et vivam:
* quia lex tua meditatio mea est.

Confundantur superbi, quia injuste
iniquitatem fecerunt in me: * ego autem
exercebor in mandatis tuis.

Convertantur mihi timentes te: * et
qui novérunt testimonia tua.

Fiat cor meum immaculatum in
justificationibus tuis: * ut non confundar.

Deinde dicitur flexis genibus:

V. Christus factus est pro nobis obediens,
etc. *ut supra.* 222.

Pater noster. secreto.

Postea Psalmus. **Miserere.** *ut supra.* 223. et Oratio. **R**espice, quæsumus,
Dómine.

Ad Sextam.

Dictis secreto, **Pater noster. Ave María.** absolute inchoatur a Psalmis consuetis.

Psalmus.

Defecit in salutare tuum anima
mea: * et in verbum tuum speravi.

Defecerunt oculi mei in eloquium

tuum, * dicentes: Quando consolaberis me?

Quia factus sum sicut uter in pruina: * justificatiões tuas non sum oblītus.

Quot sunt dies servi tui: * quando faciēs de persequētibz me iudiciū?

Narraverunt mihi iniqui fabulatiões: * sed non ut lex tua.

Omnia mandata tua veritas: * inique persecuti sunt me, adjuva me.

Paulo minus consummaverunt me in terra: * ego autem non dereliqui mandata tua.

Secundum misericordiam tuam vivifica me: * et custodiam testimonia oris tui.

In ætēnum, Dōmine, * verbum tuum permanet in cœlo.

In generatiōem, et generatiōem veritas tua: * fundasti terram, et permanet.

Ordinatiōe tua perseverat dies: * quoniam omnia serviunt tibi.

Nisi quod lex tua meditatio mea est: * tunc forte perissem in humilitate mea.

In ætēnum non obliviscar justificatiōes tuas: * quia in ipsis vivificasti me.

Tuus suum ego, salvum me fac: * quoniam justificatiōes tuas exquisivi.

Me expectaverunt peccatores ut perderent me: * testimonia tua intellēxi.

Omnis consummatiōis vidi finem: * latum mandatum tuum nimis.

Quomodo dilēxi legem tuam, Dōmine? * tota die meditatio mea est.

Super inimicos meos prudentem me fecisti mandato tuo: * quia in ætēnum mihi est.

Super omnes docentes me intellēxi: * quia testimonia tua meditatio mea est.

Super senes intellēxi: * quia mandata tua quæsi.

Ab omni via mala prohibui pedes meos: * ut custodiam verba tua.

A iudiciis tuis non declinavi: * quia tu legem posuisti mihi.

Quam dulcia faucibus meis elōquia tua, * super mel ori meo!

A mandatis tuis intellēxi: * propterea odivi omnem viam iniquitatis.

Lucerna pedibus meis verbum tuum: * et lumen semitis meis.

Juravi, et statui * custodire iudicia iustitiæ tuæ.

Humiliatus sum usquequaque, Dōmine: * vivifica me secundum verbum tuum.

Voluntaria oris mei beneplacita fac, Dōmine: * et iudicia tua doce me.

Anima mea in manibus meis semper: * et legem tuam non sum oblītus.

Posuērunt peccatores laqueum mihi: * et de mandatis tuis non erravi.

Hereditate acquisivi testimonia tua in ætēnum: * quia exultatio cordis mei sunt.

Inclinavi cor meum ad faciēdas justificatiōes tuas in ætēnum, * propter retributiōem.

Iniquos odio habui: * et legem tuam dilēxi.

Adjuutor et susceptor meus es tu: * et in verbum tuum supersperavi.

Dclināte a me maligni: * et scrutabor mandata Dei mei.

Suscipe me secundum elōquium tuum, et vivam: * et non confundas me ab expectatiōe mea.

Adjuva me, et salvus ero: * et meditabor in justificatiōibus tuis semper.

Sprevisti omnes discedentes a iudiciis tuis: * quia injūsta cogitatio eorum.

Prævaricantes reputavi omnes peccatores terræ: * ideo dilēxi testimonia tua.

Confige timore tuo carnes meas: * a iudiciis enim tuis timui.

Feci iudiciū et iustitiam: * non tradas me calumniātibz meis.

Suscipe servum tuum in bonum: * non calumniēntur me superbi.

Oculi mei defecerunt in salutāre tuum: * et in elōquium iustitiæ tuæ.

Fac cum servo tuo secundum misericordiam tuam: * et justificationes tuas doce me.

Servus tuus sum ego: * da mihi intellectum, ut sciam testimonia tua.

Tempus faciendi, Domine: * dissipaverunt legem tuam.

Ideo dilexi mandata tua, * super aurum et topazion.

Propterea ad omnia mandata tua dirigebam: * omnem viam inquam odio habui.

Deinde dicitur flexis genibus:

V. Christus factus est pro nobis obediens, etc. *ut supra.* 222.

Pater noster. *secreto.*

Postea Psalmus. Miserere. *ut supra.* 223. et Oratio. Respice, quaesumus, Domine.

Ad Nonam.

Dictis secreto, Pater noster. Ave Maria. absolute inchoatur a Psalmis consuetis.

Psalmus.

Mirabilia testimonia tua: * ideo scrutata est ea anima mea.

Declaratio sermonum tuorum illuminat: * et intellectum dat parvulis.

Os meum aperui, et attraxi spiritum: * quia mandata tua desiderabam.

Aspice in me, et miserere mei, * secundum iudicium diligentium nomen tuum.

Gressus meos dirige secundum eloquium tuum: * et non dominetur mei omnis injustitia.

Redime me a calumniis hominum: * ut custodiam mandata tua.

Faciem tuam illumina super servum tuum: * et doce me justificationes tuas.

Exitus aquarum deduxerunt oculi mei: * quia non custodierunt legem tuam.

Justus es, Domine: * et rectum iudicium tuum.

Mandasti justitiam testimonia tua: * et veritatem tuam nimis.

Tabescere me fecit zelus meus: * quia obliti sunt verba tua inimici mei.

Ignitum eloquium tuum vehementer: * et servus tuus dilexit illud.

Adolescentulus sum ego, et contemptus: * justificationes tuas non sum oblitus.

Justitia tua, justitia in aeternum: * et lex tua veritas.

Tribulatio et angustia invenerunt me: * mandata tua meditatio mea est.

Aequitas testimonia tua in aeternum: * intellectum da mihi et vivam.

Clamavi in toto corde meo, exaudi me, Domine: * justificationes tuas requiram.

Clamavi ad te, salvum me fac: * ut custodiam mandata tua.

Praeveni in maturitate, et clamavi: * quia in verba tua supersperavi.

Praevenue oculi mei ad te diluculo: * ut meditarer eloquia tua.

Vocem meam audi secundum misericordiam tuam, Domine: * et secundum iudicium tuum vivifica me.

Appropinquaverunt persequentes me iniquitati: * a lege autem tua longe facti sunt.

Prope es tu, Domine: * et omnes viae tuae veritas.

Initio cognovi de testimoniis tuis: * quia in aeternum fundasti ea.

Vide humilitatem meam, et eripe me: * quia legem tuam non sum oblitus.

Judica iudicium meum, et redime me: * propter eloquium tuum vivifica me.

Longe a peccatoribus salus: * quia justificationes tuas non exquisierunt.

Misericordiae tuae multae, Domine: * secundum iudicium tuum vivifica me.

Multi, qui persequuntur me, et tribulant me: * a testimoniis tuis non declinavi.

Vidi praevaricantes, et tabescebam: * quia eloquia tua non custodierunt.

Vide, quoniam mandata tua dilexi, Domine: * in misericordia tua vivifica me.

Principium verborum tuorum veritas: * in ætérnum ómnia iudícia iustitiæ tuæ.

P Ríncipes persecúti sunt me gratis: * et a verbis tuis formidávit cor meum.

Lætabor ego super elóquia tua: * sicut qui invénit spólia multa.

Iniquitatem ódio hábui, et abominátus sum: * legem autem tuam diléxi.

Sépties in die laudem dixi tibi, * super iudícia iustitiæ tuæ.

Pax multa diligéntibus legem tuam: * et non est illis scándalum.

Expectábam salutare tuum, Dómine: * et mandáta tua diléxi.

Custodívit ánima mea testimónia tua: * et diléxit ea veheménter.

Servávi mandáta tua, et testimónia tua: * quia omnes viæ meæ in conspéctu tuo.

Appropínquet deprecátio mea in conspéctu tuo, Dómine: * juxta elóquium tuum da mihi intelléctum.

Intret postulátio mea in conspéctu tuo: * secúndum elóquium tuum éripe me.

Eructábunt lábia mea hymnum: * cum docúeris me justificatiónes tuas.

Pronuntiábit lingua mea elóquium tuum: * quia ómnia mandáta tua æquitas.

Fiat manus tua, ut salvet me: * quóniam mandáta tua elégi.

Concupívi salutare tuum, Dómine: * et lex tua meditátio mea est.

Vivet ánima mea, et laudábit te: * et iudícia tua adjuvábunt me.

Errávi sicut ovis, quæ périit: * quære servum tuum, quia mandáta tua non sum oblítus.

Deinde dicitur flexis genibus:

V. Christus factus est pro nobis obédiens, etc. ut supra. 222.

Pater noster. secreto.

Postea Psalmus. Miserére. ut supra. 223. et Oratio. Réspice, quæsumus, Dómine.

AD VESPERAS.

Vesperæ, dicto secreto Pater noster. Ave, María. inchoantur absolute a prima Antiphona sine cantu.

Antiph. Cálícem salutáris accípiam, et nomen Dómini invocábo.

Psalmus 115.

CRédidi, propter quod locútus sum: * ego autem humiliátus sum nimis. Ego dixi in excéssu meo: * Omnis homo mendax.

Quid retríbuam Dómino * pro ómnibus, quæ retríbuit mihi?

Cálícem salutáris accípiam: * et nomen Dómini invocábo.

Vota mea Dómino reddam coram omni pópulo ejus: * pretiósas in conspéctu Dómini mors sanctórum ejus.

O Dómine, quia ego servus tuus: * ego servus tuus, et fílius ancillæ tuæ. Dirupísti víncula mea: * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus; * in átriis domus Dómini, in médio tui Jerúsalem.

Antiph. Cálícem salutáris accípiam, et nomen Dómini invocábo.

Antiph. Cum his, qui odérunt pacem, eram pacíficus: dum loquébar illis, impugnábant me gratis.

Psalmus 119.

AD Dóminum, cum tribulárer, clamávi: * et exaudivit me.

Dómine, líbera ánimam meam a lábiis iníquis, * et a língua dolósa.

Quid detur tibi, aut quid apponátur tibi * ad linguam dolósam?

Sagíttæ poténtis acútæ, * cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: * multum íncola fuit ánima mea.

Cum his, qui odérunt pacem, eram pacíficus: * cum loquébar illis, impugnábant me gratis.

Antiph. Cum his, qui odérunt pacem, eram pacíficus: dum loquébar illis, impugnábant me gratis.

Antiph. Ab homínibus iníquis líbera me, Dómine.

Psalmus 139.

ERipe me, Dómine, ab hómine malo: * a viro iníquo éripe me.

Qui cogitavérunt iniquitátes in corde: * tota die constituébant prælia.

Acuérunt linguas suas sicut serpén- tis: * venénun áspidum sub lábiis eórum.

Custódi me, Dómine, de manu pec- catóris: * et ab homínibus iníquis éripe me.

Qui cogitavérunt supplantáre gressus meos: * abscondérunt superbi lá- queum mihi.

Et funes extendérunt in láqueum: * juxta iter scándalum posuérunt mihi.

Dixi Dómino: Deus meus es tu: * ex- áudi, Dómine, vocem deprecatiónis meæ.

Dómine, Dómine, virtus salútis meæ: * obumbrásti super caput meum in die belli.

Ne tradas me, Dómine, a desidério meo peccatóri: * cogitavérunt contra me, ne derelínquas me, ne forte exal- téntur.

Caput circúitus eórum: * labor labi- órum ipsórum opériet eos.

Cadent super eos carbónes, in ignem dejícies eos: * in misériis non sub- sistent.

Vir linguósus non dirigétur in terra: * virum injústum mala cápient in in- téritu.

Cognóvi quia fáciat Dóminus judí- cium ínopis, * et vindíctam páuperum.

Verúntamen justí confitebúntur nó- mini tuo: * et habitábunt recti cum vultu tuo.

Antiph. Ab homínibus iníquis líbera me, Dómine.

Antiph. Custódi me a láqueo, quem statuérunt mihi, et a scándalis ope- rántium iniquitátem.

Psalmus 140.

Domine, clamávi ad te, exáudi me: * inténde voci meæ, cum cla- mávero ad te.

Dirigátur orátio mea, sicut incénsum in conspéctu tuo: * elevátio mánuum meárum sacrificium vespertínun.

Pone, Dómine, custódiam ori meo: * et óstium circumstántiæ lábiis meis.

Non declínes cor meum in verba ma- litiae, * ad excusándas excusatiónes in peccátis.

Cum homínibus operántibus iniqui- tátem: * et non comunicábo cum eléctis eórum.

Corrípiet me justus in misericórdia, et increpábit me: * óleum autem pec- catóris non impínguet caput meum.

Quóniam adhuc, et orátio mea in bene- plácitis eórum: * absórpti sunt juncti petrae júdices eórum.

Audient verba mea, quóniam potué- runt: * sicut crassitúdo terræ erúpta est super terram.

Dissipáta sunt ossa nostra secus in- férnum: * quia ad te, Dómine, Dó- mine, óculi mei: in te sperávi, non áuferas ánimam meam.

Custódi me a láqueo, quem statu- érunt mihi: * et a scándalis operántium iniquitátem.

Cadent in retiáculo ejus peccatóres: * singuláriter sum ego donec tránseam.

Antiph. Custódi me a láqueo, quem statuérunt mihi, et a scándalis operán- tium iniquitátem.

Antiph. Considerábam ad déxteram, et vidébam, et non erat qui cognós- ceret me.

Psalmus 141.

Voce mea ad Dóminum clamávi: * voce mea ad Dóminum deprecá- tus sum:

Effúndo in conspéctu ejus oratióem meam, * et tribulatióem meam ante ipsum pronúntio.

In deficiéndo ex me spíritum meum, * et tu cognovísti sémitas meas.

In via hac, qua ambulábam, * abscondérunt láqueum mihi.

Considerábam ad dexteram, et vidébam: * et non erat qui cognósceret me.

Périit fuga a me, * et non est qui requírat ánimam meam.

Clamávi ad te, Dómine, * dixi: Tu es spes mea, pórtio mea in terra vivéntium.

Inténde ad deprecationem meam: * quia humiliátus sum nimis.

Libera me a persecuéntibus me: * quia confortáti sunt super me.

Educ de custódia ánimam meam ad confiténdum nómini tuo: * me expéctant justí, donec retríbuas mihi.

Antiph. **C**onsiderábam ad dexteram, et vidébam, et non erat qui cognósceret me.

Capitulum, Hymnus et V. non dicuntur in hoc triduo.

Ad Magnificat, Antiph. **C**oenántibus autem illis, accépit Jesus panem, et benedíxit, ac fregit, dedítque discíplis suis.

Canticum B. Mariæ Virginis.

Lucae 1. c.

Magnificat * ánima mea Dóminum:

Et exultávit spíritus meus * in Deo salutári meo.

Quia respéxit humilitátem ancillæ suæ: * ecce enim ex hoc beátam me dicent omnes generatióes.

Quia fecit mihi magna qui potens est: * et sanctum nomen ejus.

Et misericórdia ejus a progénie in progénies * tíméntibus eum.

Fecit poténtiam in bráchio suo: * dispérsit superbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis: * et dívites dimísit inánes.

Suscépit Israel púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sácula.

Antiph. **C**oenántibus autem illis, accépit Jesus panem, et benedíxit, ac fregit, dedítque discíplis suis.

Deinde dicitur flexis genibus:

V. Christus factus est pro nobis obédiens usque ad mortem.

Pater noster. **secreto**

Postea aliquantulum altius.

Psalmus 50.

Miserére mei, Deus, * secúndum magnam misericórdiam tuam.

Et secúndum multitudinem miserationum tuarum, * dele iniquitátem meam.

Amplius lava me ab iniquitáte mea: * et a peccáto meo munda me.

Quóniam iniquitátem meam ego cognósco: * et peccátum meum contra me est semper.

Tibi soli peccávi, et malum coram te feci: * ut justificéris in sermónibus tuis, et vincas cum judicáris.

Ecce enim in iniquitatibus concéptus sum: * et in peccátis concépit me mater mea.

Ecce enim veritátem dilexísti: * incérta et occúlta sapiéntiæ tuæ manifestásti mihi.

Aspérges me hyssópo, et mundábor: * lavábis me, et super nivem dealbábor.

Audítui meo dabis gáudium et lætítiam: * et exultábunt ossa humiliáta.

Avértte faciém tuam a peccátis meis: * et omnes iniquitátes meas dele.

Cor mundum crea in me, Deus: * et spíritum rectum ínnova in viscéribus meis.

Ne projicias me a fácie tua: * et spírítum sanctum tuum ne áuferas a me.

Redde mihi lætítiam salutáris tui: * et spírítu principáli confírma me.

Docébo iníquos vias tuas: * et ímpii ad te converténtur.

Líbera me de sanguínibus, Deus, Deus salutis meæ: * et exultábit lingua mea justítiam tuam.

Dómine, lábia mea apéries: * et os meum annuntiábit laudem tuam.

Quóniam si voluísset sacrificium, dedíssem útique: * holocáustis non delectáberis.

Sacrificium Deo spírítus contribulátus: * cor contrítum et humiliátum, Deus, non despícies.

Benigne fac, Dómine, in bona voluntáte tua Sion: * ut ædificéntur muri Jerúsalem.

Tunc acceptábis sacrificium justítiae, oblatiónes, et holocáusta: * tunc impónent super altáre tuum vítulos.

Oratio.

Respíce, quæsumus, Dómine, super hanc familiam tuam, pro qua Dóminus noster Jesus Christus non dubitávit mánibus tradi nocéntium, et crucis subíre tormentum. Qui tecum.

AD COMPLETORIUM.

Non dicitur, Jube, domne, nec Lectio brevis, nec Adjutorium, neque Oratio Dominica: sed facta Confessione et Absolutione incipitur.

Psalmus 4.

CUm invocárem, exaudívit me Deus justítiae meæ: * in tribulatióne dilatásti mihi.

Miserére mei, * et exáudi oratióne meam.

Filii hóminum, úsquequo gravi corde? * ut quid dilígitis vanitátem, et quæritis mendácium?

Et scitóte, quóniam mirificávit Dóminus Sanctum suum: * Dóminus exáudiet me, cum clamávero ad eum.

Irascimini, et nolíte peccáre: * quæ dícitis in córdibus vestris, in cubilibus vestris compungímmini.

Sacrificáte sacrificium justítiae, et speráte in Dómino. * Multi dicunt: Quis osténdit nobis bona?

Signátum est super nos lumen vultus tui, Dómine: * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dórmiam, et requiéscam;

Quóniam tu, Dómine, singuláriter in spe * constituísti me.

Psalmus 30.

IN te, Dómine, sperávi, non confundar in ætérnum: * in justítia tua libera me.

Inclína ad me aurem tuam, * accélera, ut éruas me.

Esto mihi in Deum protectórem, et in domum refúgii, * ut salvum me fácias.

Quóniam fortitúdo mea, et refúgium meum es tu: * et propter nomen tuum dedúces me, et enútries me.

Edúces me de láqueo hoc, quem abscondérunt mihi: * quóniam tu es protectór meus.

In manus tuas comméndo spírítum meum: * redemísti me, Dómine Deus veritátis.

Psalmus 90.

Qui hábitat in adjutório Altíssimi, * in protectiόne Dei commorabitur.

Dicet Dómino: Suscéptor meus es tu, et refúgium meum: * Deus meus sperábo in eum.

Quóniam ipse liberávit me de láqueo venántium, * et a verbo áspero.

Scápulis suis obumbrábit tibi: * et sub pennis ejus sperábis.

Scuto circúmdabit te véritas ejus: * non timébis a timóre noctúrno.

A sagitta volante in die, a negotio perambulante in tenebris: * ab incursu, et dæmonio meridiāno.

Cadent a latere tuo mille, et decem millia a dextris tuis: * ad te autem non appropinquabit.

Verūtmamen oculis tuis considerabis: * et retributionem peccatorum videbis.

Quoniam tu es, Domine, spes mea: * altissimum posuisti refugium tuum.

Non accedet ad te malum: * et flagellum non appropinquabit tabernaculo tuo.

Quoniam Angelis suis mandavit de te: * ut custodiant te in omnibus viis tuis.

In manibus portabunt te, * ne forte offendas ad lapidem pedem tuum.

Super aspidem et basiliscum ambulabis: * et conculcabis leonem et draconem.

Quoniam in me speravit, liberabo eum: * protegam eum, quoniam cognovit nomen meum.

Clamabit ad me, et ego exaudiam eum: * cum ipso sum in tribulatione: eripiam eum, et glorificabo eum.

Longitudine dierum replēbo eum: * et ostendam illi salutare meum.

Psalmus 133.

ECce nunc benedicite Dominum, * omnes servi Domini.

Qui statis in domo Domini, * in atriis domus Dei nostri.

In noctibus extollite manus vestras in sancta, * et benedicite Dominum. Benedicat te Dominus ex Sion, * qui fecit cœlum et terram.

Dictis Psalmis dicitur

Canticum Simeonis.

Lucæ 2. d.

Nunc dimittis servum tuum, Domine, * secundum verbum tuum in pace:

Quia viderunt oculi mei * salutare tuum,

Quod parasti * ante faciem omnium populorum.

Lumen ad revelationem Gentium, * et gloriam plebis tuæ Israel.


Deinde dicitur flexis genibus:


V. Christus factus est pro nobis obediens, etc. ut supra. 222.

Pater noster. secreto.

Postea Psalmus. Miserere. supra. 230. et Oratio. Respice, quæsumus, Domine.

Sic terminantur omnes Horæ in hoc triduo usque ad Vesperas Sabbati sancti.





FERIA SEXTA IN PARASCEVE.

AD MATUTINUM. IN I. NOCTURNO.



Antiphona to. 8.
astiterunt reges terræ,
et principes con-
venérunt in unum
adversus Dóminum,
et adversus Chris-
tum ejus.

Psalmus 2.

Quare fremuerunt Gentes, * et pó-
puli meditáti sunt inánia?

Astiterunt reges terræ, et principes
convenérunt in unum * adversus Dó-
minum, et adversus Christum ejus.

Dirumpámus víncula eórum: * et pro-
jiciámus a nobis jugum ipsórum.

Qui hábitat in cœlis irridébit eos: *
et Dóminus subsannábit eos.

Tunc loquétur ad eos in ira sua: * et
in furóre suo conturbábit eos.

Ego autem constitútus sum Rex ab
eo super Sion montem sanctum ejus,
* prædicans præceptum ejus.

Dóminus dixit ad me: * Filius meus
es tu, ego hódie génui te.

Póstula a me, et dabo tibi Gentes
hæreditátem tuam, * et possessiónem
tuam téminos terræ.

Reges eos in virga férrea, * et tam-
quam vas fíguli confrínges eos.

Et nunc, reges, intelligíte: * erudímini,
qui judicátis terram.

Servíte Dómino in timóre: * et exul-
táte ei cum tremóre.

Apprehéndite disciplínam, ne quando
irascátur Dóminus, * et pereátis de
via justa.

Cum exárserit in brevi ira ejus, * beáti
omnes, qui confídunt in eo.

Antiph. Astiterunt reges terræ, et
principes convenérunt in unum ad-
versus Dóminum, et adversus Chris-
tum ejus.

Antiph. to. 8. Diviserunt sibi vesti-
ménta mea, et super vestem meam
misérunt sortem.

Psalmus 21.

Deus, Deus meus, respice in me: quare me dereliquisti? * longe a salute mea verba delictorum meorum. Deus meus, clamabo per diem, et non exaudies: * et nocte, et non ad insipientiam mihi.

Tu autem in sancto habitas, * laus Israel.

In te speraverunt patres nostri: * speraverunt, et liberasti eos.

Ad te clamaverunt, et salvi facti sunt: * in te speraverunt, et non sunt confusi.

Ego autem sum vermis, et non homo: * opprobrium hominum, et abjectio plebis.

Omnes videntes me deriserunt me: * locuti sunt labiis, et moverunt caput.

Speravit in Domino, eripiat eum: * salvum faciat eum, quoniam vult eum.

Quoniam tu es, qui extraxisti me de ventre: * spes mea ab uberibus matris meae. In te projectus sum ex utero.

De ventre matris meae Deus meus es tu, * ne discesseris a me.

Quoniam tribulatio proxima est: * quoniam non est qui adjuvet.

Circumdedérunt me vituli multi: * tauri pingues obsederunt me.

Aperuerunt super me os suum, * sicut leo rapiens et rugiens.

Sicut aqua effusus sum: * et dispersa sunt omnia ossa mea.

Factum est cor meum tamquam cera liquescens * in medio ventris mei.

Aruit tamquam testa virtus mea, et lingua mea adhæsit faucibus meis: * et in pulverem mortis deduxisti me.

Quoniam circumdedérunt me canes multi: * concilium malignantium obsedit me.

Foderunt manus meas et pedes meos: * dinumeraverunt omnia ossa mea.

Ipsi vero consideraverunt et inspexerunt me: * divisérunt sibi vestimenta mea, et super vestem meam miserunt sortem.

Tu autem, Domine, ne elongaveris auxilium tuum a me: * ad defensionem meam conspice.

Erue a fratre meo, Deus, animam meam: * et de manu canis unicam meam.

Salva me ex ore leonis: * et a cornibus unicornium humilitatem meam.

Narrabo nomen tuum fratribus meis: * in medio Ecclesiae laudabo te.

Qui timetis Dominum, laudate eum: * universum semen Jacob, glorificate eum.

Tímeat eum omne semen Israel: * quoniam non sprexit, neque despexit deprecationem pauperis:

Nec avertit faciem suam a me: * et cum clamarem ad eum, exaudivit me.

Apud te laus mea in Ecclesia magna: * vota mea reddam in conspectu timéntium eum.

Edent pauperes, et saturabúntur: et laudábunt Dominum qui requirunt eum: * vivent corda eorum in sæculum sæculi.

Reminiscéntur, et converténtur ad Dominum * universi fines terræ.

Et adorábunt in conspectu ejus * universæ familiæ Géntium.

Quoniam Domini est regnum, * et ipse dominábitur Géntium.

Manducaverunt, et adoraverunt omnes pingues terræ: * in conspectu ejus cadent omnes, qui descendunt in terram.

Et ánima mea illi vivet: * et semen meum serviet ipsi.

Annuntiábitur Domino generatio ventúra: * et annuntiábunt cœli justítiam ejus pópulo qui nascétur, quem fecit Dominus.

Antiph. Diviserunt sibi vestimenta mea, et super vestem meam miserunt sortem.

Antiph. to. 8. Insurrexerunt in me testes iníqui, et mentíta est iníquitas sibi.

Psalmus 26.

Dominus illuminatio mea, et salus mea, * quem timébo?

Dóminus protector vitæ meæ, * a quo trepidábo?

Dum appropíant super me nocéntes: * ut edant carnes meas.

Qui tríbulant me inimíci mei, * ipsi infirmáti sunt, et cecidérunt.

Si consistant advérsus me castra, * non timébit cor meum.

Si exúrgat advérsus me prælium, * in hoc ego sperábo.

Unam pétii a Dómino, hanc requíram, * ut inhábitem in domo Dómini ómnibus diébus vitæ meæ:

Ut vídeam voluptátem Dómini, * et vísitem templum ejus.

Quóniam abscondit me in tabernáculo suo: * in die malórum protéxit me in abscondito tabernáculi sui.

In petra exaltávit me: * et nunc exaltávit caput meum super inimícos meos.

Circuíví, et immolávi in tabernáculo ejus hóstiam vociferatiónis: * cantábo, et psalmum dicam Dómino.

Exáudi, Dómine, vocem meam, qua clamávi ad te: * miserére mei, et exáudi me.

Tibi dixit cor meum, exquisívit te fácies mea: * faciém tuam, Dómine, requíram.

Ne avértas faciém tuam a me: * ne declínes in ira a servo tuo.

Adjútor meus esto: * ne derelinquas me, neque despicias me, Deus salutaris meus.

Quóniam pater meus, et mater mea dereliquérunt me: * Dóminus autem assúmpsit me.

Legem pone mihi, Dómine, in via tua: * et dírige me in sémitam rectam propter inimicos meos.

Ne tradíderis me in ánimas tribulántium me: * quóniam insurrexérunt in me testes iníqui, et mentíta est iníquitas sibi.

Credo vidére bona Dómini, * in terra vivéntium.

Expecta Dóminum, viríliter age: * et confortétur cor tuum, et sústine Dóminum.

Antiph. Insurrexérunt in me testes iníqui, et mentíta est iníquitas sibi.

V. Divisérunt sibi vestiménta mea.

R. Et super vestem meam misérunt sortem.

Pater noster. secreto.

De Lamentatióne Jeremíæ Prophétæ.

Lectio i.

Cap. 2. c.

Heth.

Cogitávit Dóminus dissipáre murum filíæ Sion: teténdit funículum suum, et non avértit manum suam a perditiónē: luxítque antemurále, et murus páriter dissipátus est.

Teth. Defixæ sunt in terra portæ ejus: pérdidit, et contrívit vectes ejus: regem ejus et príncipes ejus in Génitibus: non est lex, et prophétæ ejus non invenérunt visiónem a Dómino.

Jod. Sedérunt in terra, conticuérunt senes filíæ Sion: conspersérunt cínere cápita sua, accíncti sunt cilíciis: abjecérunt in terram cápita sua vírgines Jerúsalem.

Caph. Defecerunt præ lácrymis óculi mei, conturbáta sunt víscera mea: effúsum est in terra jecur meum super contritiónē filíæ pópuli mei, cum deficeret párvulus et lactens in platéis óppidi.

Jerúsalem, Jerúsalem, convértere ad Dóminum Deum tuum.

R. Omnes amíci mei dereliquérunt me, et prævaluérunt insidiántes mihi: tradidit me quem diligébam: * Et terribílibus óculis plaga crudéli percutiéntes, acéto potábant me.

V. Inter iníquos projecérunt me, et non pepercerunt ánimæ meæ. **Et terribílibus.**

Lectio ii.

Lamed.

Matribus suis dixerunt: Ubi est tríticum et vinum? cum deficerent

quasi vulnerati in plateis civitatis: cum exhalarent animas suas in sinu matrum suarum.

Mem. Cui comparabo te? vel cui assimilabo te, filia Jerúsalem? cui exæquabo te, et consolabor te, virgo filia Sion? magna est enim velut mare contritio tua: quis medebitur tui?

Nun. Prophætæ tui viderunt tibi falsa, et stulta, nec aperiébant iniquitatem tuam, ut te ad pœnitentiam provocarent: viderunt autem tibi assumptiones falsas, et ejectiones.

Samech. Plausérunt super te manibus omnes transeúntes per viam: sibilavérunt, et movérunt caput suum super filiam Jerúsalem: Hæccine est urbs, dicéntes, perfecti decóris, gaudium univérsæ terræ?

Jerúsalem, Jerúsalem, convertere ad Dóminum Deum tuum.

R. Velum templi scissum est: * Et omnis terra trémuit: latro de cruce clamabat, dicens: Meménto mei, Dómine, dum véneris in regnum tuum.

V. Petræ scissæ sunt, et monuménta apértæ sunt, et multa cõrpora sanctorum, qui dormierant, surrexérunt. **Et** omnis.

Lectio iii.

Cap. 3.

Aleph.

EGo vir videns paupertatem meam in virga indignationis ejus.

Aleph. Me minavit, et adduxit in tenebras, et non in lucem.

Aleph. Tantum in me vertit, et convertit manum suam tota die.

Beth. Vetústam fecit pellem meam, et carnem meam; contrivit ossa mea.

Beth. Aedificavit in gyro meo, et circumdedit me felle, et labore.

Beth. In tenebrosis collocavit me, quasi mórtuos sempiternos.

Ghimel. Circumædificavit adversum me, ut non egrédiar: aggravavit cõpedem meum.

Ghimel. Sed et cum clamávero, et rogávero, exclusit orationem meam.

Ghimel. Conclusit vias meas lapidibus quadris; sémitas meas subvertit.

Jerúsalem, Jerúsalem, convertere ad Dóminum Deum tuum.

R. Vinea mea electa, ego te plantavi: * Quómodo conversa es in amaritudinem, ut me crucifigeres, et Barábam dimitteres?

V. Sepívi te, et lápides elégi ex te, et ædificávi turrim. Quómodo. Vinea mea.

IN II. NOCTURNÒ.

Antiph. to. 8. Vim faciébant, qui quærébant animam meam.

Psalmus 37.

Domine, ne in furóre tuo árguas me: * neque in ira tua corrípias me. Quóniam sagíttæ tuæ infixæ sunt mihi: * et confirmásti super me manum tuam.

Non est sánitas in carne mea a fácie iræ tuæ: * non est pax óssibus meis a fácie peccatórum meórum.

Quóniam iniquitátes meæ supergræssæ sunt caput meum: * et sicut onus grave gravátæ sunt super me.

Putruérunt, et corrúptæ sunt cicatríces meæ, * a fácie insipiéntiæ meæ.

Miser factus sum, et curvátus sum usque in finem: * tota die contristátus ingrediébar.

Quóniam lumbi mei impléti sunt illusionibus: * et non est sánitas in carne mea.

Afflictus sum, et humiliátus sum nimis: * rugiébam a gémitu cordis mei.

Dómine, ante te omne desidérium meum: * et gémitus meus a te non est absconditus.

Cor meum conturbátum est, derelíquit me virtus mea: * et lumen oculórum meórum, et ipsum non est mecum.

Amíci mei, et próximi mei * adversum me appropinquavérunt, et stetérunt.

Et qui juxta me erant, de longe steterunt: * et vim faciébant, qui quærebant animam meam.

Et qui inquirébant mala mihi, locúti sunt vanitátes: * et dolos tota die meditabántur.

Ego autem tamquam surdus non audiébam: * et sicut mutus non apériens os suum.

Et factus sum sicut homo non áudiens: * et non habens in ore suo redargutiónes.

Quóniam in te, Dómine, sperávi: * tu exáudies me, Dómine Deus meus.

Quia dixi: Nequándo supergáudeant mihi inimíci mei: * et dum commovéntur pedes mei, super me magna locúti sunt.

Quóniam ego in flagélla parátus sum: * et dolor meus in conspéctu meo semper.

Quóniam iniquitátem meam annuntiábo: * et cogitábo pro peccáto meo.

Inimíci autem mei vivunt, et confirmáti sunt super me: * et multiplicáti sunt qui odérunt me iníque.

Qui retríbunt mala pro bonis, detrahébant mihi: * quóniam sequébar bonitátem.

Ne derelínquas me, Dómine Deus meus: * ne discésseris a me.

Inténde in adiutórium meum, * Dómine Deus salútis meæ.

Antiph. Vim faciébant, qui quærebant animam meam.

Antiph. to. 4. Confundántur et reve-reántur, qui quærunť animam meam, ut áuferant eam.

Psalmus 39.

Expéctans expectávi Dóminum, * et inténdit mihi.

Et exaudivit preces meas: * et edúxit me de lacu misériæ, et de luto fæcis.

Et státuit super petram pedes meos: * et diréxit gressus meos.

Et immísit in os meum cánticum novum: * carmen Deo nostro.

Vidébunt multi et timébunt: * et sperábunt in Dómino.

Beátus vir, cujus est nomen Dómini spes ejus: * et non respéxit in vanitátes et insánias falsas.

Multa fecísti tu, Dómine Deus meus, mirabília tua: * et cogitatióibus tuis non est qui símilis sit tibi.

Annuntiávi, et locútus sum: * multiplicáti sunt super númerum.

Sacrificium et oblatiódinem nolústi: * aures autem perfecísti mihi.

Holocáustum et pro peccáto non postulásti: * tunc dixi: Ecce vénio.

In cápite libri scriptum est de me, ut fácerem voluntátem tuam: * Deus meus vólui, et legem tuam in médio cordis mei.

Annuntiávi justítiam tuam in Ecclesiá magna: * ecce lábia mea non prohibébo: Dómine, tu scisti.

Justítiam tuam non abscondi in corde meo: * veritátem tuam, et salutare tuum dixi.

Non abscondi misericórdiam tuam, et veritátem tuam * a concílio multo.

Tu autem, Dómine, ne longe fácias miseratiónes tuas a me: * misericórdia tua, et véritas tua semper suscepérunt me.

Quóniam circumdedérunt me mala, quorum non est númerus: * comprehendérunt me iniquitátes meæ, et non pótui ut vidérem.

Multiplicátæ sunt super capíllos cápitis mei: * et cor meum derelíquit me.

Compláceat tibi, Dómine, ut éruas me: * Dómine, ad adiuvándum me respice.

Confundántur et reve-reántur simul, qui quærunť animam meam, * ut áuferant eam.

Convertántur retrórsum, et reve-reántur * qui volunt mihi mala.

Ferant conféstim confusiódinem suam, * qui dicunt mihi: Euge, euge.

Exúltent et læténtur super te omnes quæréntes te: * et dicant semper: Magnificétur Dóminus, qui díligunt salutare tuum.

Ego autem mendiculus sum, et pauper:
* Dóminus sollicitus est mei.

Adjútor meus, et protéctor meus tu
es: * Deus meus, ne tardáveris.

Antiph. Confundántur et reveeántur,
qui quærunť animam meam, ut
áuferant eam.

Antiph. to. 4. Aliéni insurrexérunt
in me, et fortes quæsiérunt animam
meam.

Psalmus 53.

Deus, in nómine tuo saluum me fac:
* et in virtúte tua júdica me.

Deus, exáudi oratióem meam: * áu-
ribus pécipe verba oris mei.

Quóniam aliéni insurrexérunt advér-
sum me, et fortes quæsiérunt animam
meam: * et non proposuérunt Deum
ante conspéctum suum.

Ecce enim Deus áduvat me: * et Dó-
minus suscepťor est animæ meæ.

Avérte mala inimícis meis: * et in ve-
ritáte tua dispérde illos.

Voluntárie sacrificábo tibi, * et con-
fitébor nómini tuo, Dómine, quóniam
bonum est.

Quóniam ex omni tribulatióne eri-
puísti me: * et super inimícos meos
despéxit óculus meus.

Antiph. Aliéni insurrexérunt in me,
et fortes quæsiérunt animam meam.

V. Insurrexérunt in me testes iníqui.

R. Et mentíta est iníquitas sibi.

Pater noster. *secreto.*

Ex Tractátu Sancti Augustíni Epís-
copi super Psalmos.

Lectio iv. In Psalm. 63. ad vers. 2.

Protexísti me, Deus, a convéntu
malignántium, a multítudine ope-
rántium iniquitátem. Jam ipsum ca-
put nostrum intueámur. Multi már-
tyres tália passi sunt, sed nihil sic
elúcet, quómodo caput mártirum: ibi
mélius intuémur, quod illi expértisunt.
Protéctus est a multítudine malignán-
tium, protegénte se Deo, protegénte
carnem suam in ipso Fílio, et hómine,

quem gerébat: quia Fílius hómínis
est, et Fílius Dei est. Fílius Dei, prop-
ter formam Dei; fílius hómínis, prop-
ter formam servi, habens in potestáte
pónere ánimam suam, et recípere eam.
Quid ei potuérunt fácere inimíci? Oc-
cidérunt corpus, ánimam non occidé-
runt. Inténdite. Parum ergo erat Dó-
minum hortári mártires verbo, nisi
firmáret exémplo.

R. Tamquam ad latrónem exístis cum
gládiis et fústibus comprehénderé me:

* Quotídie apud vos eram in templo
docens, et non me tenuístis: et ecce
flagellátum dúcitis ad crucifigéndum.

V. Cumque iniecísset manus in Je-
sum, et tenuísset eum, dixit ad eos.
Quotídie.

Lectio v.

Nostis, qui convéntus erat malig-
nántium Judæórum, et quæ mul-
títudo erat operántium iniquitátem.
Quam iniquitátem? Quia voluérunt
occidere Dóminum Jesum Christum.
Tanta ópera bona, inquit, osténdi vo-
bis: propter quod horum me vultis
occidere? Pértulit omnes infirmos
eórum, curávit omnes lánguidos eó-
rum, prædicávit regnum cœlórum, non
tácuit vítia eórum, ut ipsa pótius eis
displicérent, non médicus, a quo sa-
nabántur. His ómnibus curatióibus
ejus ingrátí, tamquam multa febre
phrenétici, insaniétes in médicum,
qui vénerat curáre eos, excogitavé-
runt consílium perdéndi eum: tam-
quam ibi volétes probáre, utrum vere
homo sit, qui mori possit, an áliquid
super hómínes sit, et mori se non per-
míttat. Verbum ipsórum agnóscimus
in Sapiéntia Salomónis: Morte turpís-
sima, inquit, condemnémus eum.
Interrogémus eum: erit enim respéc-
tus in sermónibus illíus. Si enim vere
Fílius Dei est, líberet eum.

R. T'énébræ factæ sunt, dum crucifi-
xísset Jesum Judæi: et circa horam
nonam exclamávit Jesus voce magna:

Deus meus, ut quid me dereliquisti? *
Et, inclináto cápite emísit spíritum.

Ÿ. Exclámans Jesus voce magna, ait:
Pater, in manus tuas comméndo spí-
ritum meum. Et, inclináto.

Lectio vi.

EXacuérunt tamquam gládium lin-
guas suas. Non dicant Judæi:
Non occídimus Christum. Etenim
propterea eum dedérunt júdici Piláto,
ut quasi ipsi a morte ejus videréntur
immúnes. Nam cum dixísset eis Pi-
látus: Vos eum occídite, respondé-
runt: Nobis non licet occídere quem-
quam. Iniquitátem facínoris sui in
júdicem hóminem refúndere volébant:
sed numquid Deum júdicem fallébant?
Quod fecit Pilátus, in eo ipso quod
fecit, aliquántum párticeps fuit: sed
in comparatióne illórum multo ipse
innocéntior. Institit enim quantum
pótuit, ut illum ex eórum mánibus li-
beráret: nam propterea flagellátum
prodúxit ad eos. Non persequéndo
Dóminum flagellávit, sed eórum fu-
róri satisfácere volens: ut vel sic jam
mitéscerent, et desínerent velle occí-
dere, cum flagellátum vidérent. Fecit
et hoc. At ubi perseveravérunt, nos-
tis illum lavísse manus, et dixísse,
quod ipse non fecísset, mundum se
esse a morte illíus. Fecit tamen. Sed
si reus, quia fecit vel invítus: illi in-
nocétes, qui coegerunt ut fáceret?
Nullo modo. Sed ille dixit in eum
senténtiam, et jussit eum crucifigi, et
quasi ipse occídít, et vos, o Judæi,
occidístis. Unde occidístis? Gládio
linguæ: acústis enim linguas vestras.
Et quando percussístis, nisi quando
clamástis: Crucifíge, crucifíge?

℣. Animam meam diléctam trádidí in
manus iniquórum, et facta est mihi
hæréditas mea sicut leo in silva: de-
dit contra me voces adversárius, di-
cens: Congregámini, et properáte ad
devorándum illum: posuérunt me in

desérto solitúdinis, et luxit super me
omnis terra: * Quia non est invéntus
qui me agnósceret, et fáceret bene.

Ÿ. Insurrexérunt in me viri absque
misericórdia, et non pepercérent áni-
mæ meæ. Quia non est. Animam
meam.

IN III. NOCTURNO.

Antiph. to. 1. r. Ab insurgéntibus in
me líbera me, Dómine, quia occupa-
vérunt ánimam meam.

Psalmus 58.

ERipe me de inimícis meis, Deus
meus: * et ab insurgéntibus in
me líbera me.

Eripe me de operántibus iniquitátem:
* et de viris sánguinum salva me.

Quia ecce cepérunt ánimam meam: *
irruérunt in me fortes.

Neque iníquitas mea, neque peccá-
tum meum, Dómine: * sine iniquitáte
cucúrri, et diréxi.

Exúrge in occúrsum meum, et vide:
* et tu, Dómine Deus virtútum, Deus
Israel.

Inténde ad visitándas omnes gentes:
* non misereáris ómnibus, qui ope-
rántur iniquitátem.

Converténtur ad vésperam, et famem
patiéntur ut canes: * et circuíbunt ci-
vitátem.

Ecce loquéntur in ore suo, et gládus
in lábiis eórum: * quóniam quis au-
dívít?

Et tu, Dómine, deridébis eos: * ad
níhilum dedúces omnes gentes.

Fortitúdinem meam ad te custódiám,
quia Deus suscéptor meus es: * Deus
meus, misericórdia ejus præveniet me.
Deus osténdet mihi super inimícos
meos, ne occídas eos: * nequándo
obliviscántur pópuli mei.

Dispérge illos in virtúte tua: * et de-
póne eos protéctor meus, Dómine.

Delectum oris eórum, sermónem la-
bíorum ipsórum: * et comprehendán-
tur in supérbia sua.

Et de execratione et mendacio annuntiabuntur in consummatione: * in ira consummationis, et non erunt.

Et scient, quia Deus dominabitur Jacob, * et finium terræ.

Convertentur ad vespem, et famem patientur ut canes: * et circuſbunt civitatem.

Ipsi dispergentur ad manducandum: * si vero non fuerint saturati, et murmurabunt.

Ego autem cantabo fortitudinem tuam: * et exultabo mane misericordiam tuam.

Quia factus es susceptor meus, * et refugium meum, in die tribulationis meæ.

Adjuſtor meus tibi psallam, quia Deus susceptor meus es: * Deus meus misericordia mea.

Antiph. Ab insurgentibus in me libera me, Dómine, quia occupaverunt animam meam.

Antiph. to. 8. Longe fecisti notos meos a me: traditus sum, et non egrediébar.

Psalmus 87.

Domine, Deus salutis meæ: * in die clamavi, et nocte coram te.

Intret in conspectu tuo oratio mea: * inclina aurem tuam ad precem meam:

Quia repleta est malis anima mea: * et vita mea inferno appropinquavit.

Æstimatus sum cum descendéntibus in lacum: * factus sum sicut homo sine adjutorio, inter mortuos liber.

Sicut vulnerati dormientes in sepulchris, quorum non es memor amplius: * et ipsi de manu tua repulsi sunt.

Posuerunt me in lacu inferiori: * in tenebris, et in umbra mortis.

Super me confirmatus est furor tuus: * et omnes fluctus tuos induxisti super me.

Longe fecisti notos meos a me: * posuerunt me abominationem sibi.

Traditus sum, et non egrediébar: * oculi mei languerunt præ inopia.

Clamavi ad te, Dómine, tota die: * expandi ad te manus meas.

Numquid mortuis facies mirabilia: * aut medici suscitabunt, et confitebuntur tibi?

Numquid narrabit aliquis in sepulchro misericordiam tuam: * et veritatem tuam in perditione?

Numquid cognoscéntur in tenebris mirabilia tua: * et justitia tua in terra oblivionis?

Et ego ad te, Dómine, clamavi: * et mane oratio mea præveniet te.

Ut quid, Dómine, repellis orationem meam: * avertis faciem tuam a me?

Pauper sum ego, et in laboribus a juventute mea: * exaltatus autem, humiliatus sum, et conturbatus.

In me transierunt iræ tuæ: * et terrores tui conturbaverunt me.

Circumdedérunt me sicut aqua tota die: * circumdedérunt me simul.

Elongasti a me amicum, et proximum: * et notos meos a miseria.

Antiph. Longe fecisti notos meos a me: traditus sum, et non egrediébar.

Antiph. to. 8. Captabunt in animam justi, et sanguinem innocentem condemnabunt.

Psalmus 93.

Deus ultionum Dóminus: * Deus ultionum libere egit.

Exaltare qui iudicas terram: * redde retributionem superbis.

Usquequo peccatores, Dómine, * usquequo peccatores gloriabuntur?

Effabuntur, et loquéntur iniquitatem: * loquéntur omnes, qui operántur injustitiam?

Pópulum tuum, Dómine, humiliaverunt: * et hæreditatem tuam vexaverunt.

Viduam et advenam interfecerunt: * et pupillos occiderunt.

Et dixerunt: Non vidébit Dóminus: * nec intélliget Deus Jacob.

Intellígite, insipientes in pópulo: * et stulti, aliquándo sápite.

Qui plantávit aurem, non áudiet? * aut qui finxit óculum, non consíderat?

Qui córripit gentes, non árguet? * qui docet hóminem sciéntiam?

Dóminus scit cogitatíones hóminum: * quóniam vanæ sunt.

Beátus homo, quem tu erudíeris, Dómine: * et de lege tua docúeris eum.

Ut mítiges ei a diébus malis: * donec fodiátur peccatóri fóvea.

Quia non repéllet Dóminus plebem suam: * et hæreditátem suam non derelínquet.

Quoadúsque justítia convertátur in iudícium: * et qui iuxta illam omnes, qui recto sunt corde.

Quis consúrget mihi advérsus malignántes? * aut quis stabit mecum advérsus operántes iniquitátem?

Nisi quia Dóminus adjúvit me: * paulo minus habitásset in inférno ánima mea.

Si dicébam: Motus est pes meus: * misericórdia tua, Dómine, adjuvábatur me.

Secúndum multitudínem dolórum meórum in corde meo, * consolatiónes tuæ lætificavérunt ánimam meam.

Numquid adhæret tibi sedes iniquitátis: * qui fingis labórem in præcepto?

Captábunt in ánimam justí: * et sanguinem innocentem condemnábunt.

Et factus est mihi Dóminus in refúgium: * et Deus meus in adjutórium spei meæ.

Et reddet illis iniquitátem ipsórum, et in malítia eórum dispérdet eos: * dispérdet illos Dóminus Deus noster.

Antiph. Captábunt in ánimam justí, et sanguinem innocentem condemnábunt.

V. Locúti sunt advérsum me lingua dolósa.

R. Et sermónibus ódii circumdedérunt me, et expugnáverunt me gratis.

Pater noster. *secreto.*

De Epístola beáti Pauli Apóstoli ad Hebræos.

Lectio vii.

Cap. 4. c. et 5.

Estinémus ingredi in illam réquiem; ut ne in idípsum quis incidat incredulitátis exéplum. Vivus est enim sermo Dei, et éfficax, et penetrabílior omni gládio ancípiti: et pertíngens usque ad divisiónem ánimæ ac spíritus, compágum quoque ac medullárum, et discrétor cogitatíonum et intentíonum cordis. Et non est ulla creatúra invisíbilis in conspéctu ejus: ómnia autem nuda et apérta sunt óculis ejus, ad quem nobis sermo. Habéntes ergo Pontíficem magnum, qui penetrávit cœlos, Jesum Fílium Dei, teneámus confessiόnem. Non enim habémus Pontíficem, qui non possit cómpati infirmitátibus nostris; tentátum autem per ómnia pro similitúdine absque peccáto.

R. Tradidérunt me in manus impiórum, et inter iníquos projecérunt me, et non pepercérent ánimæ meæ: congregátí sunt advérsum me fortes: * Et sicut gigántes stetérunt contra me.

V. Aliéni insurrexérunt advérsum me, et fortes quæsiérunt ánimam meam. Et sicut.

Lectio viii.

A Deámus ergo cum fidúcia ad thronum grátiae, ut misericórdiam consequámur, et grátiam inveniámus in auxílio oppórtuno. Omnis namque Póntifex ex homínibus assumptus, pro homínibus constitúitur in iis quæ sunt ad Deum, ut ófferat dona, et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmitáte: et proptérea debet, quemádmódum pro pópulo, ita étiam et pro semetípso offerre pro peccátis.

R. Jesum tradidit impius summis principibus sacerdotum, et senioribus populi: * Petrus autem sequebatur eum a longe, ut videret finem.

V. Adduxerunt autem eum ad Caiapham principem sacerdotum, ubi Scribæ et Pharisei convenerant. **Petrus.**

Lectio ix.

Nec quisquam sumit sibi honorem, sed qui vocatur a Deo, tamquam Aaron. Sic et Christus non semetipsum clarificavit, ut Pontifex fieret: sed qui locutus est ad eum: Filius meus es tu, ego hodie genui te. Quemadmodum et in alio loco dicit: Tu es sacerdos in æternum secundum ordinem Melchisedech. Qui in diebus carnis suæ preces supplicationesque ad eum, qui possit illum salvum facere a morte, cum clamore valido et lacrymis offerens, exauditus est pro sua reverentia. Et quidem cum esset Filius Dei, didicit ex iis, quæ passus est, obedientiam: et consummatus, factus est omnibus obtemperantibus sibi causa salutis æternæ, appellatus a Deo Pontifex juxta ordinem Melchisedech.

R. Caligaverunt oculi mei a fletu meo: quia elongatus est a me, qui consolabatur me. Videte, omnes populi, * Si est dolor similis sicut dolor meus.

V. O vos omnes, qui transitis per viam, attendite et videte. Si est dolor. **C**aligaverunt.

AD LAUDES.

Antiph. to. 7. Proprio Filio suo non pepéruit Deus, sed pro nobis omnibus tradidit illum.

Psalmus 50.

Miserere mei, Deus, * secundum magnam misericordiam tuam.

Et secundum multitudinem miserationum tuarum, * dele iniquitatem meam.

Amplius lava me ab iniquitate mea: * et a peccato meo munda me.

Quoniam iniquitatem meam ego cognosco: * et peccatum meum contra me est semper.

Tibi soli peccavi, et malum coram te feci: * ut justificeris in sermonibus tuis, et vincas cum iudicaris.

Ecce enim in iniquitatibus conceptus sum: * et in peccatis concepit me mater mea.

Ecce enim veritatem dilexisti: * incerta, et occulta sapientiæ tuæ manifestasti mihi.

Asparges me hyssopo, et mundabor: * lavabis me, et super nivem dealbabor.

Auditui meo dabis gaudium et lætitiā: * et exultabunt ossa humiliata.

Averte faciem tuam a peccatis meis: * et omnes iniquitates meas dele.

Cor mundum crea in me, Deus: * et spiritum rectum innova in visceribus meis.

Ne projicias me a facie tua: * et spiritum sanctum tuum ne auferas a me.

Redde mihi lætitiā salutaris tui: * et spiritu principali confirma me.

Docebo iniquos vias tuas: * et impii ad te convertentur.

Libera me de sanguinibus, Deus, Deus salutis meæ: * et exultabit lingua mea iustitiam tuam.

Domine, labia mea aperies: * et os meum annuntiabit laudem tuam.

Quoniam si voluisses sacrificium, dedissem utique: * holocaustis non delectaberis.

Sacrificium Deo spiritus contribulatus: * cor contritum, et humiliatum, Deus, non despicies.

Benigne fac, Domine, in bona voluntate tua Sion: * ut ædificentur muri Jerúsalem.

Tunc acceptabis sacrificium iustitiæ, oblationes, et holocausta: * tunc imponent super altare tuum vitulos.

Antiph. Próprio Fílio suo non pércit Deus, sed pro nobis ómnibus trádidit illum.

Antiph. to. 4. Anxiátus est super me spíritus meus, in me turbátum est cor meum.

Psalmus 142.

Domine, exáudi oratióem meam: áuribus pércipe. obsecratióem meam in veritáte tua: * exáudi me in tua justítia.

Et non intres in iudícium cum servo tuo: * quia non justificábitur in conspéctu tuo omnis vivens.

Quia persecútus est inimícus ánimam meam: * humiliávit in terra vitam meam.

Collocávit me in obsúris sicut mór-tuos sáeculi: * et anxiátus est super me spíritus meus, in me turbátum est cor meum.

Memor fui diérum antiquórum, meditátus sum in ómnibus opéribus tuis: * in factis mánuum tuárum meditábar.

Expánde manus meas ad te: * ánima mea sicut terra sine aqua tibi.

Velóciter exáudi me, Dómine: * defécit spíritus meus.

Non avértas faciém tuam a me: * et símilis ero descendéntibus in lacum.

Audítam fac mihi mane misericórdiam tuam: * quia in te sperávi.

Notam fac mihi viam, in qua ámbulem: * quia ad te levávi ánimam meam.

Eripe me de inimícis meis, Dómine, ad te confúgi: * doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam: * propter nomen tuum, Dómine, vivificábis me in æquitáte tua.

Edúces de tribulatióne ánimam meam: * et in misericórdia tua dispérdes inimícos meos.

Et perdes omnes, qui tríbulant ánimam meam: * quóniam ego servus tuus sum.

Antiph. Anxiátus est super me spíritus meus, in me turbátum est cor meum.

Antiph. to. 1. Ait latro ad latrónem: Nos quidem digna factis recípimus; hic autem quid fecit? Meménto mei, Dómine, dum véneris in regnum tuum.

Psalmus 62.

Deus, Deus meus, * ad te de luce vígilo.

Sitívit in te ánima mea, * quam multiplícter tibi caro mea.

In terra desérta, et ínvia, et inaquósa: * sic in sancto appáruí tibi, ut vidérem virtútem tuam et glóriam tuam.

Quóniam mélior est misericórdia tua super vitas: * lábia mea laudábunt te.

Sic benedicam te in vita mea: * et in nómine tuo levábo manus meas.

Sicut ádipe et pinguédine repleátur ánima mea: * et lábiis exultatiónis laudábit os meum.

Si memor fui tui super stratum meum, in matutínis meditábor in te: * quia fuísti adjútor meus.

Et in velaménto alárum tuárum exultábo, adhæsit ánima mea post te: * me suscepit dextera tua.

Ipsi vero in vanum quæsiérunt ánimam meam, introíbunt in inferióra terræ: * tradéntur in manus gládií, partes vúlpium erunt.

Rex vero lætábitur in Deo, laudabúntur omnes qui jurant in eo: * quia obstrúctum est os loquéntium iníquas.

Psalmus 66.

Deus misereátur nostri, et benedícat nobis: * illúminet vultum suum super nos, et misereátur nostri.

Ut cognoseámus in terra viam tuam: * in ómnibus Géntibus salutáre tuum.

Confiteántur tibi pópuli, Deus: * confiteántur tibi pópuli omnes.

Læténtur et exúltent Gentes: * quóniam júdicas pópulos in æquitáte, et Gentes in terra dirígis.

Confiteántur tibi pópuli, Deus: confiteántur tibi pópuli omnes: * terra dedit fructum suum.

Et tu, puer, Prophéta Altíssimi vocáberis: * præfabis enim ante fáciem Dómini paráre vias ejus: Ad dandam sciéntiam salútis plebi ejus, * in remissionem peccatórum eórum:

Per víscera misericórdiæ Dei nostri: * in quibus visitávit nos, oriens ex alto: Illumináre his, qui in ténebris, et in umbra mortis sedent: * ad dirigéndo pedes nostros in viam pacis.

Antiph. Posuérunt super caput ejus causam ipsíus scriptam: Jesus Nazaréus, Rex Judæórum.

V. Christus factus est pro nobis obédiens usque ad mortem, mortem autem crucis.

Pater noster. secreto.

Psalmus. Miserére mei, Deus. 242.

Oratio.

Respice, quæsumus, Dómine, super hanc familiam tuam, pro qua Dóminus noster Jesus Christus non dubitávit mánibus tradi nocéntium, et crucis subíre tormentum. Qui tecum vivit, et regnat in unitate.

Ad Primam, Tertiam, Sextam, et Nonam, ut supra Feria V. in Cœna Domini. 222.

Ad Vesperas.

Antiphonæ et Psalmi præteriti diei dicuntur sine cantu. 228.

Ad Magnificat, Antiphona. Cum accepísset acétum, dixit: Consummátum est: et, inclináto cápite, emísit spíritum.

Canticum B. Mariæ Virginis.

Lucæ 1. c.

Magnificat * ánima mea Dóminum: Et exultávit spíritus meus * in Deo salutári meo.

Quia respéxit humilitátem ancíllæ suæ: * ecce enim ex hoc beátam me dicent omnes generatiónes.

Quia fecit mihi magna qui potens est: * et sanctum nomen ejus.

Et misericórdia ejus a progénie in progénies * tíméntibus eum.

Fecit poténtiam in bráchio suo: * dispérsit supérbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis: * et dívites dimísit inánes.

Suscépit Israel púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sácula.

Antiph. Cum accepísset acétum, dixit: Consummátum est: et, inclináto cápite, emísit spíritum.

V. Christus factus est pro nobis obédiens usque ad mortem, mortem autem crucis.


Pater noster. secreto.

Psalmus. Miserére mei, Deus. 242.

Postea Oratio. Réspice, quæsumus. ut supra.

Ad Completorium, ut supra in Cœna Domini. 231. In fine V. Christus factus est. et alia ut supra ad Vesperas.





SABBATO SANCTO.

AD MATUTINUM.

IN I. NOCTURNO.

Antiph. to. 8. In pace in id-
ipsum dormiam, et re-
quiescam.

Psalmus 4.

Um invocarem, ex-
audívit me Deus
justítiæ meæ: * in
tribulatióne dila-
tásti mihi.

Miserére mei, * et exáudi oratióem
meam.

Fílii hóminum, úsquequo gravi cor-
de? * ut quid dilígitis vanitátem, et
quæritis mendácium?

Et scitóte quóniam mirificávit Dómi-
nus sanctum suum: * Dóminus exáu-
diet me, cum clamávero ad eum.

Irascímini, et nolíte peccáre: * quæ-
dícitis in córdibus vestris, in cubíli-
bus vestris compungímini.

Sacrificáte sacrificium justítiæ, et
speráte in Dómino. * Multi dicunt:
Quis osténdit nobis bona?

Signátum est super nos lumen vultus
tui, Dómine: * dedísti lætítiam in cor-
de meo.

A fructu fruménti, vini, et ólei sui *
multiplicáti sunt.

In pace in idípsum * dormiam, et re-
quiescam;

Quóniam tu, Dómine, singuláriter in
spe * constituísti me.

Antiph. I n pace in idípsum dormiam,
et requiescam.

Antiph. to. 4. H abitábit in tabernácu-
lo tuo, requiescet in monte sancto tuo.

Psalmus 14.

D Omine, quis habitábit in taberná-
culo tuo? * aut quis requiescet in
monte sancto tuo?

Q ui ingréditur sine mácula, * et ope-
rátur justítiam:

Q ui lóquitur veritátem in corde suo,
* qui non egit dolum in lingua sua:

N ec fecit próximo suo malum, * et
oppróbrium non accépit advérsus pró-
ximos suos.

A d níhilum dedúctus est in conspéctu
ejus malignus: * timéntes autem Dó-
minum gloriícat:

Benedícat nos Deus, Deus noster, benedícat nos Deus: * et métuant eum omnes fines terræ.

Antiph. Ait latro ad latrónem: Nos quidem digna factis recípiamus; hic autem quid fecit? Meménto mei, Dómine, dum véneris in regnum tuum.

Antiph. to. 1. Cum conturbáta fúerit ánima mea, Dómine, misericórdiæ memor eris.

Canticum Habacuc.

Cap. 3.

Domine, audívi auditióem tuam: * et tímui.

Dómine, opus tuum, * in médio annórum vivífica illud:

In médio annórum notum fácies: * cum irátus fúeris, misericórdiæ recordáberis.

Deus ab Austro véniet, * et sanctus de monte Pharan.

Opéruit cœlos glória ejus: * et laudis ejus plena est terra.

Splendor ejus ut lux erit: * cónua in mánibus ejus.

Ibi abscondita est fortitúdo ejus: * ante faciém ejus ibit mors.

Et egrediétur diábolus ante pedes ejus. * Stetit, et mensus est terram.

Aspéxit, et dissólvit Gentes: * et contrítí sunt montes sæculi.

Incurváti sunt colles mundi, * ab itineribus æternitátis ejus.

Pro iniquitáte vidi tentória Æthiopiæ: * turbabúntur pelles terræ Má-dian.

Numquid in flumínibus irátus es, Dómine? * aut in flumínibus furor tuus? vel in mari indignátio tua?

Qui ascédes super equos tuos: * et quadrígæ tuæ salvátio.

Súscitans suscitábis arcum tuum: * juraménta tríbutus, quæ locútus es.

Flúvios scindes terræ: vidérunt te, et dóluerunt montes: * gurges aquárum tránsiit.

Dedit abyíssus vocem suam: * altitúdo manus suas levávit.

Sol et luna steterunt in habitáculo suo: * in luce sagittárum tuárum, ibunt in splendóre fulgurántis hastæ tuæ.

In frémitu conculcábis terram: * et in furóre obstupefácies Gentes.

Egréssus es in salútem pópuli tui: * in salútem cum Christo tuo.

Percussísti caput de domo ímpii: * denudásti fundaméntum ejus usque ad collum.

Maledixísti sceptris ejus, cápiti bel-latórum ejus, * veniéntibus ut turbo ad dispergéndum me.

Exultátio eórum, * sicut ejus qui devorat páuperem in abscondito.

Viam fecísti in mari equis tuis, * in luto aquárum multárum.

Audívi, et conturbátus est venter meus: * a voce contremuérunt lábia mea.

Ingrédiatur putrédo in óssibus meis, * et subter me scáteat.

Ut requiescam in die tribulatiónis: * ut ascéndam ad pópulum accíntum nostrum.

Ficus enim non florébit: * et non erit germen in víneis.

Mentiétur opus olívæ: * et arva non áfferent cibum.

Abscindétur de ovíli pecus: * et non erit arméntum in præsepibus.

Ego autem in Dómino gaudébo: * et exultábo in Deo Jesu meo.

Deus Dóminus fortitúdo mea: * et ponet pedes meos quasi cervórum.

Et super excélsa mea dedúcet me victor * in psalmis canéntem.

Antiph. Cum conturbáta fúerit ánima mea, Dómine, misericórdiæ memor eris.

Antiph. to. 8. Meménto mei, Dómine, dum véneris in regnum tuum.

Psalmus 148.

Laudáte Dóminum de cœlis: * laudáte eum in excélsis.

Laudáte eum omnes Angeli ejus: * laudáte eum omnes virtútes ejus.

Laudáte eum sol et luna: * laudáte eum omnes stellæ et lumen.

Laudáte eum cœli cœlórur: * et aquæ omnes quæ super cœlos sunt, laudent nomen Dómini.

Quia ipse dixit, et facta sunt: * ipse mandávit, et creáta sunt.

Státuit ea in ætérnum, et in sâculum sâculi: * præcéptum pósuit, et non præteríbit.

Laudáte Dóminum de terra: * dracónes et omnes abyssi:

Ignis, grando, nix, glâcies, spíritus procellârur: * quæ faciunt verbum ejus.

Montes, et omnes colles: * ligna fructífera, et omnes cedri.

Béstiae, et univérsa pécora, * serpéntes, et vólucres pennátæ:

Reges terræ, et omnes pópuli: * príncipes, et omnes júdices terræ:

Júvenes et vírgines, senes cum júnióribus laudent nomen Dómini: * quia exaltátum est nomen ejus solús.

Confessio ejus super cœlum et terram: * et exaltávit cornu pópuli sui.

Hymnus ómnibus sanctis ejus: * fíliis Israel pópulo appropinquánti sibi.

Psalmus 149.

CAntáte Dómino cánticum novum: * laus ejus in Ecclésia sanctórum.

Lætétur Israel in eo, qui fecit eum: * et fílii Sion exúltent in rege suo.

Laudent nomen ejus in choro: * in týmpano et psaltério psallant ei.

Quia beneplácitum est Dómino in pópulo suo: * et exaltábit mansuétos in salútem.

Exultábunt Sancti in glória: * lætábúntur in cubílibus suis.

Exaltatiónes Dei in gútture eórum: * et gládii ancípites in mánibus eórum.

Ad faciéndam vindíctam in natió nibus, * increpatió nes in pópulis.

Ad alligándos reges eórum in compédibus: * et nóbiles eórum in mánibus férreis.

Ut fáciant in eis judícium conscriptum: * glória hæc est ómnibus sanctis ejus.

Psalmus 150.

LAudáte Dóminum in sanctis ejus: * laudáte eum in firmaménto virtútis ejus.

Laudáte eum in virtútibus ejus: * laudáte eum secúndum multitudínem magnitúdinis ejus.

Laudáte eum in sono tubæ: * laudáte eum in psaltério et cíthara.

Laudáte eum in týmpano et choro: * laudáte eum in chordis et órgano.

Laudáte eum in cýmbalis benesonántibus, laudáte eum in cýmbalis jubilatió nis: * omnis spíritus laudet Dóminum.

Antiph. M eménto mei, Dómine, dum véneris in regnum tuum.

V. Collocávit me in obscuris.

R. Sicut mórtuos sâculi.

Ad Benedictus, Antiphona, to. 1. f.

Posuérunt super caput ejus causam ipsíus scriptam: Jesus Nazarénus, Rex Judæórum.

Canticum Zachariæ.

Lucæ 1. g.

BENEDíctus Dóminus Deus Israel, * quia visitávit, et fecit redemptiÓNem plebis suæ.

Et eréxit cornu salútis nobis, * in domo David púeri sui.

Sicut locútus est per os sanctórum, * qui a sâculo sunt, prophetárum ejus:

Salútem ex inimícis nostris, * et de manu ómnium, qui odérunt nos:

Ad faciéndam misericórdiam cum pátribus nostris: * et memorári testaménti sui sancti.

Jusjurándum, quod jurávit ad Abraham patrem nostrum, * datúrum se nobis:

Ut sine timóre, de manu inimicórum nostrórum liberáti, * serviámus illi;

In sanctitáte et justítia coram ipso, * ómnibus diébus nostris.

Qui jurat próximo suo, et non decipit, * qui pecuniam suam non dedit ad usuram, et múnera super innocentem non accépit.

Qui facit hæc, * non movébitur in ætérnum.

Antiph. **H**abitábit in tabernáculo tuo, requiescet in monte sancto tuo.

Antiph. to. 7. **C**aro mea requiescet in spe.

Psalmus 15.

Consérvame, Dómine, quóniam sperávi in te. * Dixi Dómino: Deus meus es tu, quóniam bonórum meórum non egés.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum: * póstea acceleravérunt.

Non congregábo conventícula eórum de sanguinibus: * nec memor ero nóminum eórum per lábia mea.

Dóminus pars hæreditátis meæ, et cálicis mei: * tu es, qui restítues hæreditátem meam mihi.

Funes cecidérunt mihi in præcláris: * étenim hæreditas mea præclára est mihi.

Benedícam Dóminum, qui tríbuit mihi intelléctum: * însuper et usque ad noctem increpuérunt me renes mei.

Providébam Dóminum in conspéctu meo semper: * quóniam a dextris est mihi, ne commóvear.

Propter hoc lætátum est cor meum, et exultávit lingua mea: * însuper et caro mea requiescet in spe.

Quóniam non derelínques ánimam meam in inférno: * nec dabis Sanctum tuum vidére corruptiónem.

Notas mihi fecísti vias vitæ, adimplébis me lætítia cum vultu tuo: * delectatiónes in dextera tua usque in finem.

Antiph. **C**aro mea requiescet in spe.

V. In pace in idípsum.

R. Dórmiam, et requiescam.

Pater noster. *secreto.*

De Lamentatióne Jeremiæ Prophætæ.

Lectio i.

Cap. 3. c.

Heth.

Misericórdiæ Dómini quia non sumus consúpti: quia non defecerunt miseratiónes ejus.

Heth. **N**ovi dilúculo, multa est fides tua.

Heth. **P**ars mea Dóminus, dixit ánimæ mea: propterea expectábo eum.

Teth. **B**onus est Dóminus sperántibus in eum, ánimæ quærénti illum.

Teth. **B**onum est præstolari cum silentio salutáre Dei.

Teth. **B**onum est viro, cum portáverit jugum ab adolescéntia sua.

Jod. **S**edébit solitárius, et tacébit: quia levávit super se.

Jod. **P**onet in púlvere os suum, si forte sit spes.

Jod. **D**abit percutiénti se maxíllam, saturábitur oppróbriis.

Jerúsalem, Jerúsalem, convértere ad Dóminum Deum tuum.

R. **S**icut ovis ad occisiónem ductus est, et dum male tractarétur, non apéruit os suum: tráditus est ad mortem, * Ut vivificáret pópulum suum.

V. **T**rádidit in mortem ánimam suam, et inter scelerátos reputátus est. **U**t vivificáret.

Lectio ii.

Cap. 4.

Aleph.

Quómodo obscurátum est aurum, mutátus est color óptimus, dispersi sunt lápides sanctuárii in cápite ómnium plateárum?

Beth. **F**ílii Sion íncltyti, et amícti auro primo: quómodo reputáti sunt in vasa téstea, opus mánuum figuli?

Ghimel. **S**ed et lámix nudavérunt mammam, lactavérunt cáculos suos: fília pópuli mei crudélis, quasi strúthio in desérto.

Daleth. **A**dhæsit lingua lacténtis ad palátum ejus in siti: párvuli petiérunt panem, et non erat qui frángeret eis.

He. Qui vescebántur voluptuóse, interiérunt in viis : qui nutriebántur in cróceis, amplexáti sunt stércora.

Vau. Et major effécta est iníquitas filiæ pópuli mei peccáto Sodomórum, quæ subvérta est in mómento, et non cepérunt in ea manus.

Jerúsalem, Jerúsalem, convértere ad Dóminum Deum tuum.

R. Jerúsalem, surge, et éxue te véstibus jucunditátis: induere cínere et cilício, * Quia in te occísus est Salvátor Israel.

V. Deduc quasi torréntem lácrymas per diem et noctem, et non táceat pupílla óculi tui. Quia in te.

Incipit Orátio Jeremíæ Prophétæ.

Lectio iii.

Cap. 5.

Recordáre, Dómine, quid accíderit nobis: intuére, et respice opprobrium nostrum. Hæréditas nostra versa est ad aliénos, domus nostræ ad extráneos. Pupílli facti sumus absque patre, matres nostræ quasi víduæ. Aquam nostram pecúnia bíbimus: ligna nostra prétio comparávimus. Cervícibus nostris minabámur, lassissimis non dabátur réquies. Ægýpto dedimus manum, et Assýriis ut saturáremur pane. Patres nostri peccavérunt, et non sunt: et nos iniquitátes eórum portávimus. Servi domináti sunt nostri: non fuit, qui redímeret de manu eórum. In animábus nostris afferebámus panem nobis, a fácie gládii in desérto. Pellis nostra, quasi clíbanus, exústa est a fácie tempestátum famis. Mulíeres in Sion humiliavérunt, et vírgines in civitátibus Juda.

Jerúsalem, Jerúsalem, convértere ad Dóminum Deum tuum.

R. Plange quasi virgo, plebs mea: ululáte, pastóres, in cínere et cilício: * Quia venit dies Dómini magna, et amára valde.

V. Accíngite vos, sacerdótes, et plángite, minístri altáris, aspérgite vos cínere. Quia venit. Plange.

IN II. NOCTURNO.

Antiph. to. 5. Elevámini, portæ æternáles, et introíbit Rex glóriæ.

Psalmus 23.

Domini est terra, et plenitúdo ejus: * orbis terrárum, et univérsti, qui hábitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Antiph. Elevámini, portæ æternáles, et introíbit Rex glóriæ.

Antiph. to. 4. Credo vidére bona Dómini in terra vivéntium.

Psalmus 26.

Dominus illuminátio mea, et salus mea, * quem timébo?

Dóminus protéctor vitæ meæ, * a quo trepidábo?

Dum apprópíant super me nocéntes: * ut edant carnes meas.

Qui tríbulant me inimíci mei, * ipsi infirmáti sunt, et cecidérunt.

Si consístant advérsus me castra, * non timébit cor meum.

Si exúrgat advérsus me prælium, * in hoc ego sperábo.

Unam pétii a Dómino, hanc requíram, * ut inhábitem in domo Dómini ómnibus diébus vitæ meæ:

Ut vídeam voluptátem Dómini, * et vísitem templum ejus.

Quóniam abscondit me in tabernáculo suo: * in die malórum protéxit me in abscondito tabernáculi sui.

In petra exaltávit me: * et nunc exaltávit caput meum super inimícos meos.

Circuívi, et immolávi in tabernáculo ejus hóstiam vociferatiónis: * cantábo, et psalmum dicam Dómino.

Exáudi, Dómine, vocem meam, qua clamávi ad te: * miserére mei, et exáudi me.

Tibi dixit cor meum, exquisívit te fácies mea: * fáciem tuam, Dómine, requíram.

Ne avértas fáciem tuam a me: * ne declínes in ira a servo tuo.

Adjútor meus esto: * ne derelínquas me, neque despícias me, Deus salutaris meus.

Quóniam pater meus, et mater mea dereliquerunt me: * Dóminus autem assúmpsit me.

Legem pone mihi, Dómine, in via tua: * et dirige me in sémitam rectam propter inimícos meos.

Ne tradíderis me in ánimas tribulántium me: * quóniam insurrexérunt in me testes iníqui, et mentíta est iníquitas sibi.

Credo vidére bona Dómini * in terra vivéntium.

Expécta Dóminum, viríliter age: * et confortétur cor tuum, et sústine Dóminum.

Antiph. Credo vidére bona Dómini in terra vivéntium.

Antiph. to. 8. Dómine, abstraxísti ab ínferis ánimam meam.

Psalmus 29.

Exaltábo te, Dómine, quóniam suscepísti me: * nec delectásti inimícos meos super me.

Dómine, Deus meus, clamávi ad te, * et sanásti me.

Dómine, eduxísti ab ínferno ánimam meam: * salvásti me a descendentibus in lacum.

Psállite Dómino, sancti ejus: * et confitémini memóriæ sanctitátis ejus.

Quóniam ira in indignatióne ejus: * et vita in voluntáte ejus.

Ad vésperum demorábitur fletus: * et ad matutínium lætítia.

Ego autem dixi in abundántia meá: * Non movébor in ætérnum.

Dómine, in voluntáte tua, * præstísti decóri meo virtútem.

Avértísti fáciem tuam a me, * et factus sum conturbátus.

Ad te, Dómine, clamábo: * et ad Deum meum deprecábor.

Quæ utilitas in ságuine meo, * dum descéndo in corruptiódinem?

Numquid confitébitur tibi pulvis, * aut annuntiábit veritátem tuam?

Audívit Dóminus, et misértus est mei: * Dóminus factus est adjútor meus.

Convertísti planctum meum in gáudium mihi: * conscidísti saccum meum, et circumdedísti me lætítia.

Ut cantet tibi glória mea, et non कंपngar: * Dómine Deus meus, in ætérnum confitébor tibi.

Antiph. Dómine, abstraxísti ab ínferis ánimam meam.

V. Tu autem, Dómine, miserére mei.

R. Et resúscita me, et retríbuam eis.

Pater noster. secreto.

Ex Tractátu Sancti Augustíni Epíscopi super Psalmos.

Lectio iv.

In Psal. 63. vers. 7.

Accédet homo ad cor altum, et exaltábitur Deus. Illi dixerunt: Quis nos vidébit? Defecerunt scrutántes scrutatiónes, consília mala. Accéssit homo ad ipsa consília, passus est se tenéri ut homo. Non enim tenerétur nisi homo, aut viderétur nisi homo,

aut cæderetur nisi homo, aut crucifigeretur, aut moreretur nisi homo. Accessit ergo homo ad illas omnes passiones, quæ in illo nihil valerent, nisi esset homo. Sed si ille non esset homo, non liberaretur homo. Accessit homo ad cor altum, id est, cor secretum, objiciens aspectibus humanis hominem, servans intus Deum: celans formam Dei, in qua æqualis est Patri, et offerens formam servi, qua minor est Patre.

R. Recessit pastor noster, fons aquæ vivæ, ad cujus transitum sol obscuratus est: * Nam et ille captus est, qui captivum tenebat primum hominem: hodie portas mortis, et seras pariter Salvator noster dirupit.

V. Destruxit quidem claustra inferni, et subvertit potentias diaboli. **N**am et ille.

Lectio v.

Quo perduxerunt illas scrutationes suas, quas perscrutantes defecerunt, ut etiam, mortuo Domino et sepulto, custodes poperent ad sepulchrum? Dixerunt enim Pilato: Seductor ille. Hoc appellabatur nomine Dominus Jesus Christus, ad solatium servorum suorum, quando dicuntur seductores. Ergo illi Pilato: Seductor ille, inquit, dixit adhuc vivens: Post tres dies resurgam. Jube itaque custodiri sepulchrum usque in diem tertium, ne forte veniant discipuli ejus, et furentur eum, et dicant plebi: Surrexit a mortuis: et erit novissimus error peior priore. Ait illis Pilatus: Habetis custodiam, ite: custodite sicut scitis. Illi autem abeuntes, muniérunt sepulchrum, signantes lapidem cum custodibus.

R. O vos omnes, qui transitis per viam, attendite et videte, * Si est dolor similis sicut dolor meus.

V. Attendite, universi populi, et videte dolorem meum. **S**i est.

Lectio vi.

Posuérunt custodes milites ad sepulchrum. Concussa terra, Dominus resurrexit: miracula facta sunt talia circa sepulchrum, ut et ipsi milites, qui custodes advenerant, testes fierent, si vellent vera nuntiare. Sed avaritia illa, quæ captivavit discipulum comitem Christi, captivavit et militem custodem sepulchri. Damus, inquit, vobis pecuniam, et dícite, quia vobis dormientibus venerunt discipuli ejus, et abstulerunt eum. Vere defecerunt scrutantes scrutationes. Quid est quod dixisti, o infelix astutia? Tantumne deseris lucem consilii pietatis, et in profunda versutiae demergeris, ut hoc dicas: Dícite, quia vobis dormientibus venerunt discipuli ejus, et abstulerunt eum? Dormientes testes adhibes? vere tu ipse obdormisti, qui scrutando talia defecisti.

R. Ecce quomodo moritur justus, et nemo percipit corde: et viri justi tolluntur, et nemo considerat: a facie iniquitatis sublatus est justus: * Et erit in pace memoria ejus.

V. Tamquam agnus coram tondente se obmutuit, et non aperuit os suum: de angustia, et de judicio sublatus est. **E**t erit. **E**cce.

IN III. NOCTURNO.

Antiph. to. 8. Deus adjuvat me, et Dominus susceptor est animæ meæ.

Psalmus 53.

Deus, in nomine tuo salvum me fac: * et in virtute tua júdica me.

Deus, exáudi orationem meam: * auribus percipe verba oris mei.

Quoniam aliéni insurrexerunt adversum me, et fortes quæsiérunt animam meam: * et non proposuerunt Deum ante conspectum suum.

Ecce enim Deus adjuvat me: * et Dominus susceptor est animæ meæ.

Avérte mala inimícis meis: * et in veritate tua dispérde illos.

Voluntárie sacrificábo tibi, * et confitébor nómini tuo, Dómine, quóniam bonum est.

Quóniam ex omni tribulatióne eripuísti me: * et super inimícos meos despéxit óculus meus.

Antiph. Deus ádjuvat me, et Dóminus suscéptor est ánimæ meæ.

Antiph. to. 7. r. In pace factus est locus ejus, et in Sion habitatio ejus.

Psalmus 75.

Notus in Judæa Deus; * in Israel magnum nomen ejus:

Et factus est in pace locus ejus: * et habitatio ejus in Sion.

Ibi confrégit poténtias árcuum, * scutum, gládium, et bellum.

Illúminans tu mirabíliter a móntibus ætérnis: * turbáti sunt omnes insipientes corde.

Dormiérunt somnum suum: * et nihil invenérunt omnes viri divitiárum in mánibus suis.

Ab increpatione tua, Deus Jacob, * dormitavérunt qui ascendérunt equos.

Tu terríbilis es, et quis resístet tibi? * ex tunc ira tua.

De coelo audítum fecísti judícium: * terra trémuit, et quiévit.

Cum exúrgeret in judícium Deus, * ut salvos fáceret omnes mansuétos terræ.

Quóniam cogitatio hóminis confitébitur tibi: * et reliquiæ cogitationis diem festum agent tibi.

Vovéte, et réddite Dómino Deo vestro, * omnes qui in circúitu ejus afértis múnera.

Terríbili, et ei, qui aufert spíritum príncipum, * terríbili apud reges terræ.

Antiph. In pace factus est locus ejus, et in Sion habitatio ejus.

Antiph. to. 4. m. Factus sum sicut homo sine adjutório, inter mórtuos liber.

Psalmus 87.

Domine Deus salútis meæ, * in die clamávi, et nocte coram te.

Intret in conspéctu tuo orátio mea: * inclína aurem tuam ad precem meam:

Quia repléta est malis ánima mea: * et vita mea inférno appropinquávit.

Æstimátus sum cum descendéntibus in lacum: * factus sum sicut homo sine adjutório, inter mórtuos liber,

Sicut vulneráti dormiéntes in sepúlchris, quorum non es memor ámplius: * et ipsi de manu tua repúlsi sunt.

Posuérunt me in lacu inferióri: * in tenebrósis, et in umbra mortis.

Super me confirmátus est furor tuus: * et omnes fluctus tuos induxísti super me.

Longe fecísti notos meos a me: * posuérunt me abominatióne sibi.

Tráditus sum, et non egrediébar: * óculi mei languérunt præ inópia.

Clamávi ad te, Dómine, tota die: * expándi ad te manus meas.

Numquid mórtuis fácies mirabília: * aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam: * et veritatem tuam in perditione?

Numquid cognoscéntur in ténebris mirabília tua: * et justítia tua in terra obliviónis?

Et ego ad te, Dómine, clamávi: * et mane orátio mea præveniet te.

Ut quid, Dómine, repéllis orationem meam: * avértis faciém tuam a me?

Pauper sum ego, et in labóribus a juventúte mea: * exaltátus autem, humiliátus sum, et conturbátus.

In me transiérunt iræ tuæ: * et terróres tui conturbavérunt me.

Circumdedérunt me sicut aqua tota die: * circumdedérunt me simul.

Elongásti a me amícum, et próximum: * et notos meos a miséria.

Antiph. Factus sum sicut homo sine adjutório, inter mórtuos liber.

V. In pâce factus est locus ejus.

R. Et in Sion habitatio ejus.

Pater noster. secreto.

**De Epístola beáti Pauli Apóstoli
ad Hebræos.**

Lectio vii.

Cap. 9. c.

CHristus assístens pöntifex futurórum bonórum, per ámplius et perfectius tabernáculum non manufáctum, id est, non hujus creatiónis: neque per sánguinem hircórum aut vitulórum, sed per próprium sánguinem introívit semel in Sancta, æténa redemptióne invénta. Si enim sanguis hircórum et taurórum, et cinis vítulæ aspérsus, inqúinatós sanctificat ad emundatióem carnis: quanto magis sanguis Christi, qui per Spíritum sanctum semetípsum obtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti?

R. Astitérunt reges terræ, et príncipes convenérunt in unum * Advérsus Dóminum, et advérsus Christum ejus.

V. Quare fremuérunt Gentes, et pópuli meditáti sunt inánia? **A**dvérsus Dóminum.

Lectio viii.

ET ídeo novi testaménti mediátor est; ut, morte intercedénte, in redemptiónem eárum prævaricatiónum, quæ erant sub prióri testaménto, repromissiónem accípiant, qui vocáti sunt, æténnæ hæreditátis. Ubi enim testaméntum est, mors necesse est intercédat testatóris. Testaméntum enim in mórtuis confirmátum est: alióquin nondum valet, dum vivit qui testátus est. Unde nec primum quidem sine ságuine dedicátum est.

R. Æstimátus sum cum descendéntibus in lacum: * Factus sum sicut homo sine adjutório, inter mórtuos liber.

V. Posuérunt me in lacu inferióri, in tenebrósis, et in umbra mortis. **F**actus.

Lectio ix.

LEcto enim omni mandáto legis a Móyse univérso pópulo, accípiens sánguinem vitulórum et hircórum, cum aqua, et lana coccínea, et hyssópo, ipsum quoque librum et omnem pópulum aspérsit, dicens: Hic sanguis testaménti, quod mandávit ad vos Deus. Etiam tabernáculum, et ómnia vasa ministérii ságuine similiter aspérsit. Et ómnia pene in ságuine secúndum legem mundántur: et sine ságuinis effusióne non fit remíssio.

R. Sepúlto Dómino, signátum est monuméntum, volvéntes lápidem ad óstium monuménti: * Ponéntes mílites, qui custodírent illum.

V. Accedéntes Príncipes sacerdotum ad Pilátum, petiérunt illum. **P**onéntes. **S**epúlto Dómino.

AD LAUDES.

Antiph. to. 4. **O** mors, ero mors tua; morsus tuus ero, inférne.

Psalmus 50.

MIserére mei, Deus, * secúndum magnam misericórdiam tuam. **E**t secúndum multitudínem miserationum tuárum, * dele iniquitátem meam.

Amplius lava me ab iniquitáte mea: * et a peccáto meo munda me.

Quóniam iniquitátem meam ego cognosco: * et peccátum meum contra me est semper.

Tibi soli peccávi, et malum coram te feci: * ut justificéris in sermónibus tuis, et vincas cum judicáris.

Ecce enim in iniquitatibus concéptus sum: * et in peccátis concépit me mater mea.

Ecce enim veritátem dilexísti: * incérta, et occúlta sapiéntiæ tuæ manifestásti mihi.

Aspérges me hyssópo, et mundábor: * lavábis me, et super nivem dealbábor.

Audíui meo dabis gáudium et lætítiam: * et exultábunt ossa humiliáta.

Avérté fáciem tuam a peccátis meis: * et omnes iniquitátes meas dele.

Cor mundum crea in me, Deus: * et spíritum rectum ínnoúa in viscéribus meis.

Ne projícias me a fácie tua: * et spíritum sanctum tuum ne áuferas a me.

Redde mihi lætítiam salutáris tui: * et spíritu principáli confírma me.

Docébo iníquos vías tuas: * et ímpii ad te converténtur.

Líbera me de sanguínibus, Deus, Deus salutis meæ: * et exultábit lingua mea justítiam tuam.

Dómine, lábia mea apéries: * et os meum annuntiábit laudem tuam.

Quóniam si voluísse sacrificium, dedíssem útique: * holocáustis non delectáberis.

Sacrificium Deo spíritus contribulátus: * cor contrítum, et humiliátum, Deus, non despícies.

Benígne fac, Dómine, in bona voluntáte tua Sion: * ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta: * tunc impónent super altáre tuum vítulos.

Antiph. O mors, ero mors tua; morsus tuus ero, inférne.

Antiph. to. 4. Plangent eum quasi unigénitum, quia ínnocens Dóminus occisus est.

Psalmus 42.

JUdica me, Deus, et discérne causam meam de gente non sancta, * ab hómine iníquo: et dolóso érué me.

Quia tu es Deus fortitúdo mea: * quare me repulísti? et quare trístis incédo, dum affligit me inimícus?

Emítte lucem tuam, et veritátem tuam: * ipsa me deduxérunt, et adduxérunt in montem sanctum tuum, et in tabernácula tua.

Et introibo ad altáre Dei: * ad Deum, qui lætíficat juventútem meam.

Confitébor tibi in cíthara, Deus, Deus meus: * quare trístis es, ánima mea? et quare contúrbas me?

Spera in Deo, quóniam adhuc confitébor illi: * salutáre vultus mei, et Deus meus.

Antiph. Plangent eum quasi unigénitum, quia ínnocens Dóminus occisus est.

Antiph. to. 7. Atténdite, univérsi pópuli, et vidéte dolórem meum.

Psalmus 62.

DEus, Deus meus, * ad te de luce vígilo.

Sitívit in te ánima mea, * quam multipliciter tibi caro mea.

In terra desérta, et ínvia, et inaquósa: * sic in sancto apparúi tibi, ut víderem virtútem tuam et glóriam tuam.

Quóniam mélior est misericórdia tua super vitas: * lábia mea laudábunt te.

Sic benedícam te in vita mea: * et in nómine tuo levábo manus meas.

Sicut ádipe et pinguédine repleátur ánima mea: * et lábiis exultatiónis laudábit os meum.

Si memor fui tui super stratum meum, in matutínis meditábor in te: * quia fuísti adjútor meus.

Et in velaménto alárum tuárum exultábo, adhæsit ánima mea post te: * me suscepit dextera tua.

Ipsi vero in vanum quæsiérunt animam meam, introibunt in inferióra terræ: * tradéntur in manus gládii, partes vúlpium erunt.

Rex vero lætábitur in Deo, laudabúntur omnes, qui jurant in eo: * quia obstrúctum est os loquéntium iníqua.

Psalmus 66.

DEus misereátur nostri, et benedícat nobis: * illúminet vultum suum super nos, et misereátur nostri.

Ut cognoscámus in terra viam tuam: * in ómnibus Géntibus salutáre tuum.

Confiteántur tibi pópuli, Deus: * confiteántur tibi pópuli omnes.

Læténtur et exúltent Gentes: * quóniam júdicas pópulos in æquitáte, et Gentes in terra dírigis.

Confiteántur tibi pópuli, Deus: confiteántur tibi pópuli omnes: * terra dedit fructum suum.

Benedícat nos Deus, Deus noster, benedícat nos Deus: * et métuant eum omnes fines terræ.

Antiph. **A**tténdite, univérsi pópuli, et vidéte dolórem meum.

Antiph. to. 1. **A** porta ínferi érué, Dómine, ánimam meam.

Canticum Ezechiae.

Isaiae 38. b.

EGo dixi: In dimídio diérum meórum: * vadam ad portas ínferi.

Quæsívi resíduum annórum meórum. * Dixi: Non vidébo Dóminum Deum in terra vivéntium.

Non aspíciam hómínem ultra, * et habitatórem quiétis.

Generátio mea abláta est, et convóluta est a me, * quasi tabernáculum pastórum.

Præcísá est velut a texén-te vita mea: dum adhuc ordírer, succídít me: * de mane usque ad vésperam fínies me.

Sperábam usque ad mane, * quasi leo sic contrívít ómnia ossa mea.

De mane usque ad vésperam fínies me: * sicut pullus hirúndinis sic clamábo, meditábor ut colúmba.

Atenuáti sunt óculi mei, * suspiciéntes in excélsu.

Dómine, vim pátiór, respónde pro me. * Quid dicam, aut quid respondebít mihi, cum ipse fécerit?

Recogitábo tibi omnes annos meos * in amaritúdine ánimæ meæ.

Dómine, si sic vívitur, et in tálíbus vita spíritus mei, corrípíes me, et vivificábis me. * Ecce in pace amaritúdo mea amaríssima.

Tu autem eruísti ánimam meam ut non períret, * projecísti post tergum tuum ómnia peccáta mea.

Quia non inférnus confitébitur tibi, neque mors laudábit te: * non expectábunt, qui descéndunt in lacum, veritátem tuam.

Vivens vivens ipse confitébitur tibi, sicut et ego hódie: * pater fíliis notam faciét veritátem tuam.

Dómine, salvum me fac, * et psalmos nostros cantábimus cunctis diébus vitæ nostræ in domo Dómini.

Antiph. **A** porta ínferi érué, Dómine, ánimam meam.

Antiph. to. 8. f. **O** vos omnes, qui transitís per viam, atténdite et vidéte, si est dolor sicut dolor meus.

Psalmus 148.

Laudáte Dóminum de cœlis: * laudáte eum in excélsis.

Laudáte eum omnes Angeli ejus: * laudáte eum omnes virtútes ejus.

Laudáte eum sol et luna: * laudáte eum omnes stellæ et lumen.

Laudáte eum cœli cœlórum: * et aquæ omnes, quæ super cœlos sunt, laudent nomen Dómini.

Quia ipse dixit, et facta sunt: * ipse mandávit, et creáta sunt.

Státuit ea in ætérnum, et in sæculum sæculi: * præcéptum pósuit, et non præteríbit.

Laudáte Dóminum de terra: * drácones et omnes abyssi:

Ignis, grando, nix, glácies, spíritus procellárum: * quæ faciunt verbum ejus.

Montes, et omnes colles: * ligna fructífera, et omnes cedri.

Béstiae, et univérsa pécora, * serpéntes, et vólucres pennátæ:

Reges terræ, et omnes pópuli: * príncipes, et omnes júdices terræ:

Júvenes et vírgines, senes cum junióribus laudent nomen Dómini: * quia exaltátum est nomen ejus solus.

Confessio ejus super cœlum et terram: * et exaltávit cornu pópuli sui.

Hymnus ómnibus sanctis ejus: * fíliis Israel pópulo appropinquánti sibi.

Psalmus 149.

CAntáte Dómino cánticum novum:
 * laus ejus in Ecclésia sanctórum.
 Lætétur Israel in eo, qui fecit eum: *
 et filii Sion exúltent in rege suo.
 Laudent nomen ejus in choro: * in
 týmpano et psaltério psallant ei.
 Quia beneplácitum est Dómino in pó-
 pulo suo: * et exaltábit mansuétos in
 salútem.
 Exultábunt Sancti in glória: * læta-
 buntur in cubilibus suis.
 Exaltatiónes Dei in gútture eórum: *
 et gládii ancípites in má nibus eórum.
 Ad faciéndam vindíctam in natióni-
 bus: * increpatiões in pópulis.
 Ad alligándos reges eórum in com-
 pédibus: * et nóbiles eórum in má ni-
 cis férreis.
 Ut fáciant in eis judícium conscrip-
 tum: * glória hæc est ómnibus sanc-
 tis ejus.

Psalmus 150.

LAudáte Dóminum in sanctis ejus:
 * laudáte eum in firmaménto vir-
 tútis ejus.
 Laudáte eum in virtútibus ejus: *
 laudáte eum secúndum multitudínem
 magnitúdinis ejus.
 Laudáte eum in sono tubæ: * laudáte
 eum in psaltério et cíthara.
 Laudáte eum in týmpano et choro: *
 laudáte eum in chordis et órgano.
 Laudáte eum in cýmbalis beneso-
 nántibus, laudáte eum in cýmbalis
 jubilatiónis: * omnis spíritus laudet
 Dóminum.

Antiph. O vos omnes, qui transítis
 per viam, atténdite et vidéte, si est
 dolor sicut dolor meus.

V. Caro mea requiescet in spe.

R. Et non dabis Sanctum tuum vi-
 dere corruptiõnem.

Ad Benedictus. **Antiphona, to. 1. f.**
 Mulieres sedéntes ad monuméntum
 lamentabántur, flentes Dóminum.

Canticum Zachariæ.

Lucæ 1. g.

Benedíctus Dóminus Deus Israel, *
 quia visitávit, et fecit redemptiõ-
 nem plebis suæ.

Et eréxit cornu salútis nobis, * in
 domo David púeri sui.

Sicut locútus est per os sanctórum, *
 qui a sæculó sunt, prophetárum ejus:
Salútem ex inimícis nostris, * et de
 manu ómnium, qui odérunt nos:

Ad faciéndam misericórdiam cum pa-
 tribus nostris: * et memorári testa-
 ménti sui sancti.

Jusjurándum, quod jurávit ad Abra-
 ham patrem nostrum, * datúrum se
 nobis:

Ut sine timóre, de manu inimicórum
 nostrórum liberáti, * serviámus illi.

In sanctitáte et justítia coram ipso, *
 ómnibus diébus nostris.

Et tu, puer, Prophéta Altíssimi vocá-
 beris: * præsbis enim ante fáciem Dó-
 mini, paráre vias ejus:

Ad dandam sciéntiam salútis plebi
 ejus, * in remissiõnem peccatórum
 eórum:

Per víscera misericórdiæ Dei nostri: *
 in quibus visitávit nos, Oriens ex alto:

Illumináre his, qui in ténebris, et in
 umbra mortis sedent: * ad dirigén-
 dos pedes nostros in viam pacis.

Antiph. Mulieres sedéntes ad monu-
 méntum lamentabántur, flentes Dó-
 minum.

V. Christus factus est pro nobis obé-
 diens usque ad mortem, mortem au-
 tem crucis: propter quod et Deus ex-
 altávit illum, et dedit illi nomen, quod
 est super omne nomen.

Pater noster. **secreto.**

Psalmus. **Miserére.** **ut supra.** 253.

Oratio.

Respice, quæsumus, Dómine, su-
 per hanc familiam tuam, pro qua
 Dóminus noster Jesus Christus non
 dubitávit má nibus tradi nocéntium,

et crucis subíre torméntum. Qui tecum vivit et regnat in unitáte.

Et sic dicitur usque ad Nonam.

Dictis Horis ut supra. 222. dicitur Missa ut in Ordinario: et facta Communione Sacerdotis, statim pro Vesperis dicitur.

Antiph. to. 6. Allelúja, allelúja, allelúja.

Psalmus 116.

Laudáte Dóminum, omnes Gentes: * laudáte eum, omnes pópuli: Quóniam confirmáta est super nos misericórdia ejus: * et véritas Dómini manet in ætérnum.

Glória Patri. Sicut erat.

Repetitur Antiph. Allelúja, allelúja, allelúja.

Capitulum, Hymnus et V. non dicuntur.

Ad Magnificat, Antiphona, to. 8. Vespere autem sábbati, quæ lucéscit in prima sábbati, venit María Magdaléne, et áltera María vidére sepúlchrum, allelúja.

Canticum B. Mariæ Virginis.

Lucae 1. c.

Magnificat * ánima mea Dóminum: Et exultávit spíritus meus * in Deo salutári meo.

Quia respéxit humilitátem ancíllæ suæ: * ecce enim ex hoc beátam me dicent omnes generatiónes.

Quia fecit mihi magna qui potens est: * et sanctúm nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo: * dispérsit supérbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis: * et dívites dimísit inánes.

Suscépit Israel púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sæcula.

Glória Patri.

Antiph. Vespere autem sábbati, quæ lucéscit in prima sábbati, venit María Magdaléne, et áltera María vidére sepúlchrum, allelúja.

Deinde Sacerdos dicit: Dóminus vobiscum.

Orémus.

Oratio.

Spíritum nobis, Dómine, tuæ charitátis infúnde: ut quos Sacraméntis Paschálibus satiásti, tua fácias pietáte concórdes. Per Dóminum.

Deinde. Dóminus vobiscum.

Postea Diaconus dicit: Ite missa est, allelúja, allelúja.

R. Deo grátias, allelúja, allelúja.

Extra Chorum, dicto Pater noster, et Ave, María, Vesperæ inchoantur absolute ab Antiph. Allelúja. cum reliquis ut supra: et loco, Ite missa est, allelúja, allelúja, dicitur V. Benedicámus Dómino, allelúja, allelúja.

R. Deo grátias, allelúja, allelúja.

Deinde additur. Pater noster. et nihil aliud.

AD COMPLETORIUM.

Lector incipit V. Jùbe, domne, benedícere.

Benedictio. Noctem quiétam, et finem perféctum concédât nobis Dóminus omnípotens.

R. Amen.

Lectio brevis.

1. Petr. 5. c.

Fratres, Sóbrii éstóte, et vigiláte: quia adversárius vester diábolus tamquam leo rúgiens circuit, quærens quem dévoret: cui resístite fortes in fide. Tu autem Dómine, miserére nobis.

R. Deo grátias.

V. Adjutórium nostrum in nómine Dómini.

R. Qui fecit cœlum et terram.

Pater noster. secreto.

Et facta Confessione et Absolutione, dicitur

V. Convérte nos, Deus, salutáris noster.

R. Et avérte iram tuam a nobis.

V. Deus, in adjutórium meum inténde.

R. Dómine, ad adjuvándum me festína.

Glória Patri, et amplius non dicitur, Laus tibi Dómine, Rex æternæ glóriæ, sed ejus loco deinceps dicitur, Allelúja.

Deinde sine Antiphona dicuntur Psalmi consueti. 231.

Capitulum, *V.* et Hymnus non dicuntur.

Ad Nunc dimittis.

Antiph. to. 8. Véspere autem sábbati.

Canticum Simeonis.

Lucae 2. e.

Nunc dimíttis servum tuum, Dómine, * secúndum verbum tuum in pace:

Quia vidérunt óculi mei * salutáre tuum,

Quod parásti * ante fáciem ómnium populórum.

Lumen ad revelatióem géntium, * et glóriam plebis tuæ Israel.

Glória Patri.

Antiph. Véspere autem sábbati, quæ lucéscit in prima sábbati, venit María Magdaléne, et áltera María vidére sepúlchrum, allelúja.

V. Dóminus vobíscum.

R. Et cum spíritu tuo.

Oratio.

Visita, quæsumus, Dómine, habitatióem istam, et omnes insídiás inimíci ab ea longe repélle: Angeli tui sancti hábitent in ea, qui nos in pace custódiat, et benedíctio tua sit super nos semper. Per Dóminum.

V. Dóminus vobíscum.

R. Et cum spíritu tuo.

V. Benedicámus Dómino.

R. Deo grátias.

Benedictio. Benedícat et custódiat nos omnípotens et miséricors Dóminus, Pater, et Fílius, et Spíritus sanctus. *R.* Amen.

Antiphona.

Regína cœli, lætáre, allelúja,
Quia quem meruísti portáre,
allelúja,

Resurréxit sicut dixit, allelúja:

Ora pro nobis Deum, allelúja.

V. Gaude et lætáre, Virgo María, allelúja.

R. Quia surréxit Dóminus vere, allelúja.

Oratio.


Deus, qui per resurrectiόem Fílii tui Dómini nostri Jesu Christi mundum lætificáre dignátus es: præsta quæsumus; ut per ejus Genitricem Virginem Mariám, perpétuæ capíamus gáudia vitæ. Per eúndem Christum Dóminum nostrum. *R.* Amen.

V. Divínium auxílium máneat semper nobíscum. *R.* Amen.

Deinde dicitur secreto. Pater noster, Ave, Maria, et Credo.

Et non flectuntur genua toto tempore Paschali.






DOMINICA RESURRECTIONIS.

AD MATUTINUM.

Pater noster. Ave, Maria. Credo in Deum. *secreto.*

Deinde clara voce dicitur V.



Domine, lábia mea apéries.

R. Et os meum annuntiábit laudem tuam.

V. Deus, in adjutórium meum inténde.

R. Dómine, ad adjuvándū me festína. Glória Patri. Sicut erat. Allelúja.

Invitatorium. Surréxit Dóminus vere, * Allelúja.

Repetitur. Surréxit Dóminus vere, Allelúja.

Psalmus 94.

Veníte, exultémus Dómino, jubilémus Deo salutári nostro: præocupémus fáciem ejus in confessióne, et in psalmis jubilémus ei.

Surréxit Dóminus vere, Allelúja.

Quóniam Deus magnus Dóminus, et Rex magnus super omnes deos: quóniam non repellet Dóminus plebem suam, quia in manu ejus sunt omnes fines terræ, et altitúdes móntium ipse cónspicit. Allelúja.

Quóniam ipsíus est mare, et ipse fecit illud, et áridam fundavérunt manus ejus: veníte, adorémus, et procidámus ante Deum: plorémus coram Dómino, qui fecit nos; quia ipse est Dóminus Deus noster: nos autem pópulus ejus et oves páscae ejus.

Surréxit Dóminus vere, Allelúja.

Hódie si vocem ejus audiéritis, nolite obdurare corda vestra, sicut in exacerbatione secundum diem tentationis in deserto: ubi tentaverunt me patres vestri, probaverunt et viderunt opera mea.

Allelúja.

Quadráginta annis proximus fui generationi huic, et dixi: Semper hi errant corde: ipsi vero non cognoverunt vias meas, quibus juravi in ira mea, si introibunt in requiem meam.

Surréxit Dóminus vere, Allelúja.

Gloria Patri, et Fílio, et Spirítui sancto: Sicut erat in principio, et nunc, et semper, et in sæcula sæculórum. Amen.

Allelúja.

Surréxit Dóminus vere, Allelúja.

Hymni et Capitula non dicuntur in aliqua Horarum usque ad Vesperas Sabbati in Albis, nec Versiculi, nisi in Nocturno.

AD NOCTURNUM.

Antiphona, to. 2. Ego sum qui sum, et consilium meum non est cum impiis, sed in lege Dómini voluntas mea est, allelúja.

Psalmus 1.

Beatus vir, qui non abiit in consilio impiorum, et in via peccatorum non stetit, * et in cathedra pestilentiae non sedit.

Sed in lege Dómini voluntas ejus, * et in lege ejus meditabitur die ac nocte.

Et erit tamquam lignum, quod plantatum est secus decursus aquarum, * quod fructum suum dabit in tempore suo:

Et folium ejus non defluet: * et omnia quaecumque faciet, prosperabuntur.

Non sic impii, non sic: * sed tamquam pulvis, quem projicit ventus a facie terrae.

Ideo non resurgent impii in iudicio: * neque peccatores in concilio justorum.

Quoniam novit Dóminus viam justorum: * et iter impiorum peribit.

Antiph. Ego sum qui sum, et consilium meum non est cum impiis, sed in lege Dómini voluntas mea est, allelúja.

Antiph. to. 2. Postulavi Patrem meum, allelúja: dedit mihi Gentes, allelúja, in hereditatem, allelúja.

Psalmus 2.

Quare fremuerunt Gentes, * et populi meditati sunt inania?

Astitērunt reges terrae, et principes convenērunt in unum * adversus Dóminum, et adversus Christum ejus.

Dirumpamus vincula eorum: * et projiciamus a nobis jugum ipsorum.

Qui habitat in coelis iridebit eos: * et Dóminus subsannabit eos.

Tunc loquétur ad eos in ira sua: * et in furore suo conturbabit eos.

Ego autem constitutus sum Rex ab eo super Sion montem sanctum ejus, * prädicans præceptum ejus.

Dóminus dixit ad me: * Fílius meus es tu, ego hódie genui te.

Postula a me, et dabo tibi Gentes hereditatem tuam, * et possessionem tuam terminos terrae.

Reges eos in virga ferrea, * et tamquam vas figuli confringes eos.

Et nunc, reges, intelligite: * erudimini, qui iudicatis terram.

Servíte Dómino in timóre: * et exultate ei cum tremóre.

Apprehéndite disciplinam, nequando irascatur Dóminus, * et pereátis de via justa.

Cum exarserit in brevi ira ejus: * beati omnes, qui confidunt in eo.

Antiph. Postulavi Patrem meum, allelúja: dedit mihi Gentes, allelúja, in hereditatem, allelúja.

Antiph. to. 8. f. Ego dormivi, et somnum cepi: et exurrexi, quoniam Dóminus suscepit me, allelúja, allelúja.

Psalmus 3.

Domine, quid multiplicati sunt, qui tribulant me? * multi insurgunt adversum me.

Multi dicunt animæ meæ: * Non est salus ipsi in Deo ejus.

Tu autem, Dómine, suscēptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exurréxi, quia Dóminus suscepit me.

Non timébo míllia pópuli circumdántis me: * exúrge, Dómine, salvum me fac, Deus meus.

Quóniam tu percussísti omnes adversántes mihi sine causa: * dentes peccatórum contrivísti.

Dómini est salus: * et super pópulum tuum benedíctio tua.

Antiph. **E**go dormívi, et somnum cepi: et exurréxi, quóniam Dóminus suscepit me, allelúja, allelúja.

V. Surréxit Dóminus de sepúlchro, allelúja.

R. Qui pro nobis pepéndit in ligno, allelúja.

Pater noster.

Absolutio. **E**xáudi, Dómine Jesu Christe, preces servórum tuórum, et miserére nobis, qui cum Patre et Spírítu sancto vivis et regnas in sæcula sæculórum. **R.** Amen.

V. Jube, domne, benedícere.

Benedictio. **E**vangélica lécio sit nobis salus et protéctio. **R.** Amen.

Lécio sancti Evangélii secúndum Marcum.

Lectio i.

Cap. 16.

IN illo témpore: María Magdaléne, et María Jacóbi, et Salóme emérunt arómata, ut veniéntes úngerent Jesum. Et reliqua.

Homília Sancti Gregórii Papæ.

Homília 21. in Evangelia.

AUdístis, fratres charíssimi, quod sanctæ mulíeres, quæ Dóminum fúerant secútæ, cum aromátibus ad monuméntum venérunt, et ei, quem

vivéntem diléxerant, étiam mórtuo, stúdio humanitátis obsequúntur. Sed res gesta áliquíd in sancta Ecclésia signat geréndum. Sic quippe necesse est ut audiámus quæ facta sunt, quátenus cogitémus étiam quæ nobis sint ex eórum imitatióne faciéndæ. Et nos ergo in eum, qui est mórtuus, credéntes, si odóre virtútum reférti, cum opinióne bonórum óperum Dóminum quærimus, ad monuméntum profecto illíus cum aromátibus venímus. Illæ autem mulíeres Angelos vident, quæ cum aromátibus venérunt: quia videlicet illæ mentes supérnos cives aspíciunt, quæ cum virtútum odóribus ad Dóminum per sancta desidéria proficiscúntur.

R. Angelus Dómini descéndit de cælo, et accédens revólvit lápidem, et super eum sedit, et dixit muliéribus: * **N**olíte timére: scio enim quia crucifixum quæritis: jam surréxit: veníte, et vidéte locum, ubi pósitus erat Dóminus, allelúja.

V. Et introeúntes in monuméntum, vidérunt júvenem sedéntem in dextris, coopértum stola cándida, et obstupuérunt: qui dixit illis. **N**olíte.

Glória Patri, et Fílio, et Spírítui sancto. **et repetitur R.** Angelus Dómini. **usque ad V.**

Deinde dicitur V. Jube, domne, benedícere.

Benedictio. Divínum auxílium máneat semper nobíscum. **R.** Amen.

Lectio ii.

NOtándum vero nobis est, quidnam sit, quod in dextris sedére Angelus cérnitur. Quid namque per sinístram, nisi vita præsens; quid vero per dexteram, nisi perpétua vita designáture? Unde in Canticis canticórum scriptum est: Læva ejus sub cápite meo, et dextera illíus amplexábitur me. Quia ergo Redémptor noster jam præsentis vitæ corruptiónem

transierat, recte Angelus, qui nuntiāre perennem ejus vitam vénérat, in dextera sedébat. Qui stola cándida coopértus apparuit: quia festivitátis nostræ gáudia nuntiávit. Candor etenim vestis splendórem nostræ denúntiat solemnitátis. Nostræ dicāmus, an suæ? Sed ut fateāmur verius, et suæ dicāmus, et nostræ. Illa quippe Redemptóris nostri resurréctio et nostra festívitās fuit, quia nos ad immortalitatem redúxit: et Angelórum festívitās éxitit, quia nos revocádo ad cœlestia, eórum númerum implévit.

R. Cum transisset sábbatum, María Magdaléne, et María Jacóbi, et Salóme emérunt arómata, * Ut veniéntes úngerent Jesum, allelúja, allelúja.

V. Et valde mane una sabbatórum véniunt ad monuméntum, orto jam sole. Ut veniéntes. Glória Patri. Ut veniéntes.

V. Jube, domne, benedícere.

Benedictio. Ad societátem cívium supernórum perdúcat nos Rex Angelórum. R. Amen.

Lectio iii.

IN sua ergo ac nostra festivitáte Angelus in albis véstibus apparuit: quia dum nos per resurrectionem Dominicam ad supérna redúcimur, cœlestis pátriæ damna reparántur. Sed quid adveniéntes féminas affátur, audiāmus. Nolite expavéscere. Ac si apérte dicat: Páveant illi, qui non amant advéntum supernórum cívium: pertiméscant, qui carnálibus desidériis pressi, ad eórum se societátem pertíngere posse despérant. Vos autem cur pertiméscitis, quæ vestros concíves vidétis? Unde et Matthæus Angelum apparuisse describens, ait: Erat aspéctus ejus sicut fulgur, et vestiménta ejus sicut nix. In fúlgure etenim terror timóris est; in nive autem blandiméntum candóris.

Post tertiam Lectionem dicitur

Hymnus

Sanctorum Ambrosii et Augustini.

TE Deum laudāmus: te Dóminum confitémur.

Te ætérnum Patrem omnis terra venerátur.

Tibi omnes Angeli, tibi cœli, et universæ potestátes.

Tibi Chérubim et Séraphim, incessábili voce proclámant:

Sanctus,

Sanctus,

Sanctus Dóminus Deus Sábaoth.

Pleni sunt cœli et terra majestátis glóriæ tuæ.

Te gloriósus Apostolórum chorus,

Te Prophetárum laudábilis númerus,

Te Mártyrum candidátus laudat exércitus.

Te per orbem terrárum sancta confitétur Ecclésia.

Patrem imménsæ majestátis.

Venerándum tuum verum et únicum Fílium.

Sanctum quoque Paráclitum Spíritum.

Tu Rex glóriæ, Christe.

Tu Patris sempitérnus es Fílius.

Tu ad liberándum susceptúrus hómīnem, non horruísti Vírginis úterum.

Tu, devícto mortis acúleo, aperuísti credéntibus regna cœlórum.

Tu ad dexteram Dei sedes, in glória Patris.

Judex créderis esse ventúrus.

Te ergo, quæsumus, tuis fámulis súbveni, quos pretióso sáanguine redemísti.

Ætérna fac cum sanctis tuis in glória numerári.

Salvum fac pópulum tuum, Dómine: et benedic hæreditáti tuæ.

Et rege eos: et extólle illos usque in ætérnum.

Per singulos dies benedícimus te.

Et laudāmus nomen tuum in sæculum, et in sæculum sæculi.

Dignáre, Dómine, die isto sine peccáto nos custodíre.

Miserere nostri, Dómine: miserere nostri.

Fiat misericórdia tua, Dómine, super nos, quemádmódum sperávimus in te.

In te, Dómine, sperávi: non confúndar in ætérnum.

AD LAUDES.

Antiph. to. 8. Angelus autem Dómini descendit de cœlo, et accédens revólvit lápidem, et sedébat super eum, allelúja, allelúja.

Psalmus 92.

Dominus regnávít, decórem indútus est: * indútus est Dóminus fortitúdinem, et præcínxit se.

Etenim firmávit orbem terræ, * qui non commovébitur.

Paráta sedes tua ex tunc: * a sæculo tu es.

Elevavérunt flúmina, Dómine, * elevavérunt flúmina vocem suam.

Elevavérunt flúmina fluctus suos, * a vóci bus aquárum multárum.

Mirábiles elatiónes maris, * mirábilis in altis Dóminus.

Testimónia tua credibília facta sunt nimis: * domum tuam decet sanctitúdo, Dómine, in longitúdinem diérum.

Antiph. Angelus autem Dómini descendit de cœlo, et accédens revólvit lápidem, et sedébat super eum, allelúja, allelúja.

Antiph. to. 7. Et ecce terræmótus factus est magnus: Angelus enim Dómini descendit de cœlo, allelúja.

Psalmus 99.

Jubiláte Deo omnis terra: * servíte Dómino in lætítia.

Introíte in conspéctu ejus, * in exultatióne.

Scitóte, quóniam Dóminus ipse est Deus: * ipse fecit nos, et non ipsi nos:

Pópulus ejus, et oves pásceuæ ejus, * introíte portas ejus in confessi óne, átria ejus in hymnis: confitémini illi.

Laudáte nomen ejus: quóniam suávis est Dóminus: in ætérnum misericórdia ejus, * et usque in generatió nem et generatió nem véritas ejus.

Antiph. Et ecce terræmótus factus est magnus: Angelus enim Dómini descendit de cœlo, allelúja.

Antiph. to. 3. f. Erat autem aspéctus ejus sicut fulgur, vestiménta autem ejus sicut nix, allelúja, allelúja.

Psalmus 62.

Deus, Deus meus, * ad te de luce vígilo.

Sitívit in te ánima mea, * quam multipliciter tibi caro mea.

In terra desérta, et ínvia, et inaquósa: * sic in sancto appáruí tibi, ut vidérem virtútem tuam et glóriam tuam.

Quóniam mélior est misericórdia tua super vitas: * lábia mea laudábunt te.

Sic benedícam te in vita mea: * et in nómine tuo levábo manus meas.

Sicut ádi pe et pinguédine repleátur ánima mea: * et lábiis exultatió nis laudábit os meum.

Si memor fui tui super stratum meum, in matutínis meditábor in te: * quia fuísti adjútor meus.

Et in velaménto alárum tuárum exultábo, adhæsit ánima mea post te: * me suscepit dextera tua.

Ipsi vero in vanum quæsiérunt ánimam meam, introíbunt in inferióra terræ: * tradéntur in manus gládii, partes vúlpium erunt.

Rex vero lætábitur in Deo, laudabúntur omnes, qui jurant in eo: * quia obstrúctum est os loquéntium iníqua.

Hic non dicitur Glória Patri.

Psalmus 66.

Deus misereátur nostri, et benedícat nobis: * illúminet vultum suum super nos, et misereátur nostri.

Ut cognoscámus in terra viam tuam: * in ómnibus Géntibus salutáre tuum.

Confiteántur tibi pópuli, Deus: * confiteántur tibi pópuli omnes.

Læténtur et exúltent Gentes: * quóniam júdicas pópulos in æquitáte, et Gentes in terra dírgis.

Confiteántur tibi pópuli, Deus: confiteántur tibi pópuli omnes: * terra dedit fructum suum.

Benedícat nos Deus, Deus noster, benedícat nos Deus: * et métuant eum omnes fines terræ.

Glória Patri.

Antiph. Erat autem aspéctus ejus sicut fulgur, vestiménta autem ejus sicut nix, allelúja, allelúja.

Antiph. to. 7. r. Præ timóre autem ejus extérri sunt custódes, et facti sunt velut mórtui, allelúja.

Canticum trium puerorum. ^{Danielis}
Benedícite ómnia ópera Dómini Dómino: * laudáte et superexaltáte eum in sæcula.

Benedícite Angeli Dómini Dómino: * benedícite cœli Dómino.

Benedícite aquæ omnes, quæ super cœlos sunt, Dómino: * benedícite omnes virtútes Dómini Dómino.

Benedícite sol et luna Dómino: * benedícite stellæ cœli Dómino.

Benedícite omnis imber et ros Dómino: * benedícite omnes spíritus Dei Dómino.

Benedícite ignis et æstus Dómino: * benedícite frigus et æstus Dómino.

Benedícite rores et pruína Dómino: * benedícite gelu et frigus Dómino.

Benedícite glácies et nives Dómino: * benedícite noctes et dies Dómino.

Benedícite lux et ténebræ Dómino: * benedícite fúlgura et nubes Dómino.

Benedícat terra Dóminum: * laudet et superexáltet eum in sæcula.

Benedícite montes et colles Dómino: * benedícite univérsa germinántia in terra Dómino.

Benedícite fontes Dómino: * benedícite mária et flúmina Dómino.

Benedícite cete et ómnia, quæ móvëntur in aquis, Dómino: * benedícite omnes vólucres cœli Dómino.

Benedícite omnes béstia et pécora Dómino: * benedícite filii hóminum Dómino.

Benedícat Israel Dóminum: * laudet et superexáltet eum in sæcula.

Benedícite sacerdótes Dómini Dómino: * benedícite servi Dómini Dómino.

Benedícite spíritus, et ánimæ justórum Dómino: * benedícite sancti, et húmiles corde Dómino.

Benedícite Ananía, Azaría, Mísael Dómino: * laudáte et superexaltáte eum in sæcula.

Benedicámus Patrem et Fílium cum sancto Spíritu: * laudémus et superexaltémus eum in sæcula.

Benedíctus es, Dómine, in firmaménto cœli: * et laudábilis, et gloriósus, et superexaltátus in sæcula.

Hic non dicitur Glória Patri, neque Amen.

Antiph. Præ timóre autem ejus extérri sunt custódes, et facti sunt velut mórtui, allelúja.

Antiph. to. 8. Respóndens autem Angelus, dixit muliéribus: Nolite timére; scio enim quod Jesum quæritis, allelúja. Psalmus 148.

Laudáte Dóminum de cœlis: * laudáte eum in excélsis.

Laudáte eum omnes Angeli ejus: * laudáte eum omnes virtútes ejus.

Laudáte eum sol et luna: * laudáte eum omnes stellæ et lumen.

Laudáte eum cœli cœlórum: * et aquæ omnes, quæ super cœlos sunt, laudent nomen Dómini.

Quia ipse dixit, et facta sunt; * ipse mandávit, et creáta sunt.

Státuit ea in ætérnum, et in sæculum sæculi: * præcéptum pósuit, et non præteríbit.

Laudáte Dóminum te terra: * dracónes et omnes abyssi:

Ignis, grando, nix, glácies, spíritus procellárum: * quæ faciunt verbum ejus.

Montes, et omnes colles: * ligna fructífera, et omnes cedri.

Béstiae, et universa pécora, * serpén-
tes, et vólucres pennátæ:

Reges terræ, et omnes pópuli: * prín-
cipes, et omnes júdices terræ:

Júvenes et vírgines, senes cum junió-
ribus laudent nomen Dómini: * quia
exaltátum est nomen ejus solius.

Confessio ejus super cœlum et ter-
ram: * et exaltávit cornu pópuli sui.

Hymnus ómnibus sanctis ejus: * ff-
liis Israel pópulo appropinquánti sibi.

Hic non dicitur Glória Patri.

Psalmus 149.

CAntáte Dómino canticum novum:
* laus ejus in Ecclésia sanctórum.

Lætétur Israel in eo, qui fecit eum:
* et fflii Sion exúltent in rege suo.

Laudent nomen ejus in choro: * in
týmpano et psalterio psallant ei.

Quia beneplácitum est Dómino in pó-
pulo suo: * et exaltábit mansuétos in
salútem.

Exultábunt sancti in glória: * læta-
búntur in cubílibus suis.

Exaltatiónes Dei in gútture eórum: *
et gládii ancípites in mánibus eórum.

Ad faciéndam vindíctam in natióni-
bus: * increpatiões in pópulis.

Ad alligándos réges eórum in com-
pédibus: * et nóbiles eórum in mání-
cis férreis.

Ut fáciant in eis judícium conscrip-
tum: * glória hæc est ómnibus sanctis
ejus.

Hic non dicitur Glória Patri.

Psalmus 150.

LAudáte Dóminum in sanctis ejus:
* laudáte eum in firmaménto vir-
tútis ejus.

Laudáte eum in virtútibus ejus: * lau-
dáte eum secúndum multitudínem
magnitúdinis ejus.

Laudáte eum in sono tubæ: * laudáte
eum in psalterio et cíthara.

Laudáte eum in týmpano et choro: *
laudáte eum in chordis et órgano.

Laudáte eum in cýmbalis benesonán-
tibus, laudáte eum in cýmbalis ju-

bilatiónis: * omnis spíritus laudet
Dóminum. **G**lória Patri.

Antiph. Respóndens autem Angelus,
dixit muliéribus: Nolíte timére; scio
enim quod Jesum quæritis, allelúja.

**Capitulum, Hymnus et V. non dicun-
tur, sed eorum loco Antiphona.**

HÆc dies, quam fecit Dóminus:
exultémus, et lætémur in ea.

Ad Benedictus, Antiphona, to. 8.

Et valde mane una sabbatórum vé-
niunt ad monuméntum, orto jam sole,
allelúja.

Canticum Zachariæ. *Lucæ 1. g.*

Benedíctus Dóminus Deus Israel, *
quia visitávit, et fecit redempti-
onem plebis suæ.

Et eréxit cornu salútis nobis, * in do-
mo David púeri sui.

Sicut locútus est per os sanctórum, *
qui a sæculo sunt, prophetárum ejus:

Salútem ex inimícis nostris, * et de
manu ómnium, qui odérunt nos:

Ad faciéndam misericórdiam cum pá-
tribus nostris: * et memorári testa-
ménti sui sancti.

Jusjurándum, quod jurávit ad Abra-
ham patrem nostrum, * datúrum se
nobis:

Ut sine timóre, de manu inimicórum
nostrórum liberáti, * serviámus illi.

In sanctitáte et justítia coram ipso, *
ómnibus diébus nostris.

Et tu, puer, Prophéta Altíssimi vocá-
beris: * præsbis enim ante fáciem Dó-
mini, paráre vias ejus:

Ad dandam sciéntiam salútis plebi
ejus, * in remissionem peccatórum
eórum:

Per víscera misericórdiæ Dei nostri: *
in quibus visitávit nos, óriens ex alto:

Illumináre his, qui in ténebris, et in
umbra mortis sedent: * ad dirigén-
dos pedes nostros in viam pacis.

Glória Patri.

Antiph. Et valde mane una sabbá-
tórum véniunt ad monuméntum, orto
jam sole, allelúja.

Oratio.

DEus, qui hodierna die per Unigénitum tuum æternitatis nobis adiutum, devicta morte, reserasti: vota nostra, quæ præveniéndō aspiras, etiā adjuvándō proséquere. Per eúndem Dóminum nostrum.

V. Dóminus vobíscum.

R. Et cum spírítu tuo.

V. Benedicámus Dómino, allelúja, allelúja.

R. Deo grátias, allelúja, allelúja.

Sic dicitur in Vesperis et Laudibus tantum usque ad Vesperas Sabbati in albis exclusive.

Ad Primam.

Post Deus, in adiutorium, et Glória Patri, dicuntur Psalmi consueti, ut in Festis, scilicet, Deus, in nómine tuo. Beáti immaculáti, et Retribue, ut supra. 222. quibus finitis dicitur

Antiphona.

HÆc dies, quam fecit Dóminus: exultémus, et lætémur in ea.

Postea **V.** Dóminus vobíscum.

R. Et cum spírítu tuo.

Orémus.

Oratio.

Domine Deus omnípotens, qui ad princípium hujus diéi nos pervénire fecísti, tua nos hódie salva virtúte: ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatiónes et ópera. Per Dóminum nostrum Jesum Christum Fílium tuum, qui tecum vivit et regnat in unitáte Spírítus sancti Deus, per ómnia sæcula sæculórum. **R.** Amen.

V. Dóminus vobíscum.

R. Et cum spírítu tuo.

V. Benedicámus Dómino.

R. Deo grátias.

Deinde in Choro legitur Martyrologium. Postea Hebdomadarius dicit:

V. Pretiósá in conspéctu Dómini.

R. Mors Sanctórum ejus.

Et absolute sine Orémus.

Oratio.

Sancta María, et omnes Sancti intercedant pro nobis ad Dóminum: ut nos mereámur ab eo adjuvári et salvári, qui vivit et regnat in sæcula sæculórum. **R.** Amen.

V. Deus, in adiutorium meum inténde.

R. Dómine, ad adjuvándum me festína.

Et dicitur ter; ultimo, additur: Glória Patri. Sicut erat. Kýrie eléison.

Christe eléison. Kýrie eléison.

Pater noster. secreto. usque ad

V. Et ne nos indúcas in tentatiónem.

R. Sed líbera nos a malo.

V. Réspice in servos tuos, Dómine, et in ópera tua, et dirige fílios eórum.

R. Et sit splendor Dómini Dei nostri super nos, et ópera mánuum nostrárum dirige super nos, et opus mánuum nostrárum dirige.

V. Glória Patri. **R.** Sicut erat.

Orémus.

Oratio.

Dirigere et sanctificáre, régere et gubernáre dignáre, Dómine Deus, Rex coeli et terræ, hódie corda et cörpera nostra, sensus, sermónes, et actus nostros in lege tua, et in opéribus mandatórum tuórum: ut hic, et in ætérnum, te auxiliánte, salvi et líberi esse mereámur, Salvátor mundi: Qui vivis et regnas in sæcula sæculórum. **R.** Amen.

V. Jube, domne, benedícere.

Benedictio. Dies et actus nostros in sua pace dispónat Dóminus omnípotens. **R.** Amen.

Lectio brevis.

Col. 3.

Si consurrexístis cum Christo, quæ sursum sunt, quærite, ubi Christus est in dextera Dei sedens: quæ sursum sunt, sápite, non quæ super terram. Tu autem Dómine, misere nobis.

R. Deo grátias.

V. Adjutórium nostrum in nómine Dómini.

R. Qui fecit cœlum et terram.

V. Benedícite.

R. Deus.

Benedictio. Dóminus nos benedícat, et ab omni malo deféndat, et ad vitam perdúcat ætérnam; et fidélium ánimæ per misericórdiam Dei requiéscant in pace. **R.** Amen.

Ad Tertiam, Sextam, et Nonam, post Deus, in adjutórium, et Glória Patri, dicuntur Psalmi consueti, ut sup. 224. quibus finitis dicitur

Antiphona.

Hæc dies, quam fecit Dóminus: exultémus, et lætémur in ea.

Postea Oratio.

Deus, qui hodiérna die per Unigénitum tuum æternitátis nobis áditum, devícta morte, reserásti: vota nostra, quæ præveniéndò aspíras, étiam adjuvándò proséquere. Per eúmdem Dóminum.

Ad Vesperas.

Antiph. to. 8. Angelus autem Dómini descendit de cœlo, et accédens revólvit lápidem, et sedébat super eum, allelúja, allelúja.

Psalmus 109.

Dixit Dóminus Dómino meo: * Sede a dextris meis.

Donec ponam inimícos tuos, * scabélum pedum tuórum.

Virgam virtútis tuæ emíttet Dóminus ex Sion: * domináre in médio inimicórum tuórum.

Tecum princípium in die virtútis tuæ in splendóribus sanctórum: * ex útero ante lucíferum genui te.

Jurávit Dóminus, et non pœnitébit eum: * Tu es sacérdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natióibus, implébit ruínas: * conquassábit cápita in terra multórum.

De torrénite in via bibet: * proptérea exaltábit caput.

Antiph. Angelus autem Dómini descendit de cœlo, et accédens revólvit lápidem, et sedébat super eum, allelúja, allelúja.

Antiph. to. 7. Et ecce terræmótus factus est magnus: Angelus enim Dómini descendit de cœlo, allelúja.

Psalmus 110.

Confitébor tibi, Dómine, in toto corde meo: * in consílio justórum, et congregatióne.

Magna ópera Dómini: * exquisíta in omnes voluntátes ejus.

Conféssio, et magnificéntia opus ejus: * et justítia ejus manet in sæculum sæculi.

Memóriam fecit mirabílium suórum, miséricors, et miserátor Dóminus: * escam dedit timéntibus se.

Memor erit in sæculum testaménti sui: * virtútem óperum suórum annuntiábit pópulo suo:

Ut det illis hæreditátem Géntium: * ópera mánuum ejus véritas, et judícium.

Fidélia ómnia mandáta ejus, confir-máta in sæculum sæculi, * facta in veritáte et æquitáte.

Redemptiõem misit pópulo suo: * mandávit in ætérnum testaméntum suum.

Sanctum, et terríbile nomen ejus: * inítium sapiéntiæ timor Dómini.

Intelléctus bonus ómnibus faciéntibus eum: * laudátio ejus manet in sæculum sæculi.

Antiph. Et ecce terræmótus factus est magnus: Angelus enim Dómini descendit de cœlo, allelúja.

Antiph. to. 3. f. Erat autem aspéctus ejus sicut fulgur, vestiménta autem ejus sicut nix, allelúja, allelúja.

Psalmus 111.

BEátus vir, qui timet Dóminum: *
in mandátis ejus volet nimis.

Potens in terra erit semen ejus: * ge-
nerátio rectórum benedicétur.

Glória, et divítiae in domo ejus: * et
justítia ejus manet in sáeculum sáeculi.

Exórtum est in ténebris lumen rectis: *
miséricors, et miserátor, et justus.

Jucúndus homo, qui miserétur et cóm-
modat, dispónet sermónes suos in ju-
dício: * quia in aetérnum non com-
movébitur.

In memória aetérna erit justus: * ab
auditióne mala non timébit.

Parátum cor ejus speráre in Dómino,
confirmátum est cor ejus: * non com-
movébitur, donec despíciat inimícos
suos.

Dispérsit, dedit paupéribus: justítia
ejus manet in sáeculum sáeculi, * cornu
ejus exaltábitur in glória.

Peccátor vidébit, et irascétur, dénti-
bus suis fremet et tabéscet: * desidé-
rium peccatórum períbit.

Antiph. Erat autem aspéctus ejus
sicut fulgur, vestiménta autem ejus
sicut nix, allelúja, allelúja.

Antiph. to. 7. r. Præ timóre autem
ejus extérriti sunt custódes, et facti
sunt velut mórtui, allelúja.

Psalmus 112.

LAudáte, púeri, Dóminum: * lau-
dáte nomen Dómini.

Sit nomen Dómini benedíctum, * ex
hoc nunc, et usque in sáeculum.

A solis ortu usque ad occásum, * lau-
dábile nomen Dómini.

Excélsus super omnes Gentes Dómi-
nus, * et super cœlos glória ejus.

Quis sicut Dóminus Deus noster, qui
in altis hábitat, * et humília réspicit
in cœlo, et in terra?

Súscitans a terra ínopem, * et de stér-
core érigens páuperem:

Ut cóllocet eum cum princípibus, *
cum princípibus pópuli sui.

Qui habitáre facit stérilem in domo, *
matrem filiórum lætántem.

Antiph. Præ timóre autem ejus ex-
térri sunt custódes, et facti sunt ve-
lut mórtui, allelúja.

Antiph. to. 8. Respóndens autem
Angelus, dixit muliéribus: Nolíte ti-
mére; scio enim quod Jesum quári-
tis, allelúja.

Psalmus 113.

IN éxitu Israel de Ægýpto, * domus
Jacob de pópulo bárbaro.

Facta est Judæa sanctificátio ejus, *
Israel potéstas ejus.

Mare vidit, et fugit: * Jordánis con-
vérsus est retrórsum.

Montes exultavérunt ut aríetes: * et
colles sicut agni óvium.

Quid est tibi, mare, quod fugísti? *
et tu Jordánis, quia convérsus es re-
trórsum?

Montes, exultástis sicut aríetes, * et
colles, sicut agni óvium.

A fácie Dómini mota est terra, * a fá-
cie Dei Jacob,

Qui convértit petram in stagna aquá-
rum, * et rupem in fontes aquárum.

Non nobis, Dómine, non nobis, * sed
nómini tuo da glóriam.

Super misericórdia tua, et veritáte
tua: * ne quando dicant Gentes: Ubi
est Deus eórum?

Deus autem noster in cœlo: * ómnia
quæcúmque vóluit, fecit.

Simulácra Géntium argéntum, et au-
rum, * ópera mánuum hóminum.

Os habent, et non loquéntur: * ócu-
los habent, et non vidébunt.

Aures habent, et non áudient: * nares
habent, et non odorábunt.

Manus habent, et non palpábunt: pe-
des habent, et non ambulábunt: * non
clamábunt in gútture suo.

Símiles illis fiant, qui faciunt ea: * et
omnes, qui confidunt in eis.

Domus Israel sperávit in Dómino: *
adjútor eórum et protéctor eórum est.

Domus Aaron sperávit in Dómino: * adjútor eórum et protéctor eórum est.

Qui timent Dóminum, speravérunt in Dómino: * adjútor eórum et protéctor eórum est.

Dóminus memor fuit nostri: * et benedíxit nobis:

Benedíxit dómui Israel: * benedíxit dómui Aaron.

Benedíxit ómnibus, qui timent Dóminum, * pusillis cum majóribus.

Adíciat Dóminus super vos: * super vos, et super filios vestros.

Benedícti vos a Dómino, * qui fecit cælum et terram.

Cælum cœli Dómino: * terram autem dedit filiis hóminum.

Non mórtui laudábunt te, Dómine: * neque omnes, qui descéndunt in inférnum.

Sed nos qui vívimus, benedícimus Dómino, * ex hoc nunc, et usque in sáeculum.

Antiph. Respóndens autem Angelus, dixit muliéribus: Nolíte timére; scio enim quod Jesum quæritis, allelúja.

Et sic dicitur usque ad Vesperas Sabbati.

Postea Antiphona.

Hæc dies, quam fecit Dóminus: exultémus, et lætémur in ea.

Ad Magnificat, Antiphona, to. 3.

Et respiciéntes vidérunt revolútum lápidem: erat quippe magnus valde, allelúja.

Canticum B. Mariæ Virginis.

Lucae 1. c.

Magnificat * ánima mea Dóminum: **E**t exultávit spíritus meus * in Deo salutári meo.

Quia respéxit humilitátem ancillæ suæ: * ecce enim ex hoc beátam me dicent omnes generatiónes.

Quia fecit mihi magna qui potens est: * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo: * dispérsit supérbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis: * et dívites dimísit inánes.

Suscépit Israel púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sáecula.

Antiph. Et respiciéntes vidérunt revolútum lápidem: erat quippe magnus valde, allelúja.

Oratio.

Deus, qui hodiérna die per Unigénitum tuum æternitátis nobis áditum, divícta morte, reserásti: vota nostra, quæ præveniéndó aspíras, étiam adjuvándó proséquere. Per eúmdem Dóminum.

AD COMPLETORIUM.

Dicto V. Jube, domne. **F**ratres, Sóbrii estóte.

V. Adjutórium nostrum.

Pater noster, et facta Confessione et Absolutione, post **V.** Convérte nos, Deus.

V. Deus, in adjutórium. **G**lória Patri. Allelúja. dicuntur Psalmi consueti: 231. quibus finitis, dicitur Allelúja, allelúja, allelúja.

Deinde

Canticum Simeonis.

Lucae 2. d.

Nunc dimíttis servum tuum, Dómine, * secúndum verbum tuum in pace:

Quia vidérunt óculi mei * salutáre tuum,

Quod parásti * ante fáciem ómnium populórum.

Lumen ad revelatiónem Géntium, * et glóriam plebis tuæ Israel.

Postea Antiphona.

HÆc dies, quam fecit Dóminus:
exultémus, et lætémur in ea.

V. Dóminus vobíscum.

R. Et cum spírítu tuo.

Orémus.

Oratio.

Visita, quæsumus, Dómine, habitati-
ónem istam, et omnes insídias
inimíci ab ea longe repélle: Angeli
tui sancti hábitent in ea, qui nos in
pace custódiant, et benedíctio tua sit
super nos semper. Per Dóminum.

Et reliqua ut supra. 258.

Prædictus modus Horarum servatur
usque ad Vesperas Sabbati in Albis.

FERIA SECUNDA.

Ad Matutinum, Invitatorium, Anti-
phonæ, et Psalmi ad Nocturnum et
Laudes dicuntur ut supra in die Pa-
schæ, per totam Octavam.V. Surréxit Dóminus de sepúlchro,
allelúja.R. Qui pro nobis pepéndit in ligno,
allelúja.

Pater noster.

Absolutio. Exáudi, Dómine Jesu
Christe, preces servórum tuórum, et
miserére nobis, qui cum Patre, et Spí-
ritu sancto vivis et regnas in sæcula
sæculórum. R. Amen.

V. Jube, domne, benedícere.

Benedictio. Evangélica léctio sit
nobis salus et protéctio. R. Amen.Léctio sancti Evangélii secúndum
Lucam.

Lectio i.

Cap. 24. b.

IN illo témpore: Duo ex discípulis
Jesu ibant ipsa die in castéllum,
quod erat in spátio stadiórum sexa-
gínta ab Jerúsalem, nómine Emmáus.
Et reliqua.

Homília Sancti Gregórii Papæ.

Homilia 23. in Evangelia.

Audístis, fratres charíssimi, quia
duóbus discípulis ambulántibusin via, non quidem credéntibus, sed
tamen de se loquéntibus, Dóminus
appáruit: sed eis spéciem, quam re-
cognóscerent, non osténdit. Hoc ergo
egit foris Dóminus in óculis córporis,
quod apud ipsos agebátur intus in
óculis cordis. Ipsi namque apud se-
metípsos intus et amábant, et dubi-
tábant: eis autem Dóminus foris et
præsens áderat, et quis esset non os-
tendébat. De se ergo loquéntibus
præséntiam exhibuit: sed de se du-
bitántibus cognitiónis suæ spéciem
abscóndit.R. María Magdaléne, et altera María,
ibant dilúculo ad monuméntum: * Je-
sum, quem quæritis, non est hic; sur-
réxit sicut locútus est, præcédet vos
in Galilæam; ibi eum vidébitis, alle-
lúja, allelúja.V. Et valde mane una sabbatórum
veniunt ad monuméntum, orto jam
sole: et introeúntes vidérunt júvenem
sedéntem in dextris, qui dixit illis.
Jesum.

V. Jube, domne, benedícere.

Benedictio. Divínium auxiliúm má-
neat semper nobíscum. R. Amen.

Lectio ii.

Verba quidem cóntulit, durítiam
intelléctus increpávit, sacrae
Scriptúræ mystéria, quæ de seípso
erant, apérui: et tamen quia adhuc
in eórum córdibus peregrínus erat a
fide, se ire lóngius finxit. Fíngere
namque, componere dícimus: unde
et compositóres luti fígulos vocámus.
Nihil ergo simplex véritas per dupli-
citatém fecit: sed talem se eis exhí-
buit in córpore, qualis apud illos erat
in mente. Probándi autem erant, si
hi, qui eum etsi necdum ut Deum di-
lígerent, saltem ut peregrínus amáre
potuissent.R. Surréxit pastor bonus, qui áni-
mam suam pósuit pro óvibus suis, et
pro grege suo mori dignátus est: *
Allelúja, allelúja, allelúja.

V. Etenim Pascha nostrum immolatus est Christus. **Allelúja.**

Gloria Patri. Allelúja.

V. Jube, domne, benedícere.

Benedictio. Ad societatem civium supernorum perdúcat nos Rex Angelorum. **R.** Amen.

Lectio iii.

Sed quia esse extranei a charitate non poterant hi, cum quibus Veritas gradiebatur: eum ad hospitium quasi peregrinum vocant. Cur autem dicimus, vocant, cum illic scriptum sit: Et coegerunt eum? Ex quo nimis exemplo colligitur, quia peregrini ad hospitium non solum invitandi sunt, sed etiam trahendi. Mensam igitur ponunt, panes, cibosque offerunt; et Deum, quem in Scripturæ sacræ expositione non cognoverant, in panis fractione cognoscunt. Audiendo ergo præcepta Dei illuminati non sunt, faciundo illuminati sunt: quia scriptum est: Non auditores legis justi sunt apud Deum, sed factores legis justificabuntur. Quisquis ergo vult audita intelligere, festinet ea, quæ jam audire potuit, opere implere. Ecce Dominus non est cognitus dum loqueretur, et dignatus est cognosci dum pascitur.

Te Deum laudamus. 262.

Ad Benedictus, Antiphona, to. 8.


Jesus junxit se discipulis suis in via, et ibat cum illis: oculi autem eorum tenebantur, ne eum agnoscerent: et increpavit eos, dicens: O stulti, et tardi corde ad credendum in his, quæ locuti sunt Prophætæ, allelúja.

Oratio.

Deus, qui solemnitatem Paschali mundo remedia contulisti: populum tuum, quæsumus, cœlesti dono prosequere; ut et perfectam libertatem consequi mereatur, et ad vitam proficiat sempiternam. Per Dominum.

Ad Magnificat, Antiphona. to. 8.

Qui sunt hi sermones, quos confertis ad invicem ambulantes, et estis tristes? allelúja.



FERIA TERTIA.

V. Surrexit Dominus vere, allelúja.

R. Et apparuit Simóni, allelúja.

Pater noster.

Absolutio. Ipsius pietas et misericordia nos adjuvet, qui cum Patre et Spiritu sancto vivit et regnat in sæcula sæculorum. **R.** Amen.

Benedictio. Evangelica lectio.

Lectio sancti Evangelii secundum Lucam.

Lectio i.

Cap. 24. e.

In illo tempore: Stetit Jesus in medio discipulorum, et dicit eis: Pax vobis: Ego sum, nolite timere: Et reliqua.

Homilia Sancti Ambrósii Episcopi.

Lib. 10. Com. in Lucæ, c. 24. ante finem.

Mirum, quo modo se natura corporea per impenetrabile corpus infuderit invisibili aditu, visibili conspectu; tangi facilis, difficilis aestimari. Denique conturbati discipuli aestimabant se spiritum videre. Et ideo Dominus, ut speciem nobis resurrectionis ostenderet, Palpate, inquit, et videte, quia spiritus carnem et ossa non habet, sicut me videtis habere. Non ergo per incorpoream naturam, sed per resurrectionis qualitatem, impervia usu clausa penetravit. Nam quod tangitur, corpus est: quod palpatur, corpus est.

R. Virtute magna reddébant Apóstoli
* Testimonium resurrectionis Jesu Christi Domini nostri, allelúja, allelúja.

V. Repleti quidem Spiritu sancto loquebantur cum fiducia verbum Dei.
Testimonium.

Benedictio. Divinum auxilium.

Lectio ii.

IN corpore autem resurgemus. Seminatur enim corpus animale, surgit corpus spiritale: sed illud subtilius, hoc crassius, utpote adhuc terrenæ labis qualitate concretum. Nam quomodo non corpus, in quo manebant insignia vulnorum, vestigia cicatricum, quæ Dominus palpanda obtulit? In quo non solum fidem firmat, sed etiam devotionem acuit, quod vulnera suscepta pro nobis cælo inferre maluit, abolere noluit; ut Deo Patri nostræ prætia libertatis ostenderet. Talem sibi Pater ad dexteram locat, trophæum nostræ salutis amplectens: tales illic martyres nobis cicatricis suæ coronâ monstravit.

R. De ore prudentis procedit mel, allelûja: dulcedo mellis est sub lingua ejus, allelûja: * Favus distillans labia ejus, allelûja, allelûja.

V. Sapientia requiescit in corde ejus, et prudentia in sermone oris illius.

Favus. Glória Patri. Favus.

Benedictio. Ad societatem.

Lectio iii.

ET quoniam sermo huc noster evasit, consideremus qua grâtiâ secundum Joannem crediderint Apostoli, qui gavisi sunt; secundum Lucam quasi increduli redarguantur: ibi Spiritum sanctum acciperint, hic sedere in civitate jubeantur, quoadusque induantur virtute ex alto. Et videtur mihi ille quasi Apostolus majora et altiora tetigisse, hic sequentia et humanis proxima: hic historico usus circuitu, ille compendio: quia et de illo dubitari non potest, qui testimonium perhibet de iis, quibus ipse interfuit, et verum est testimonium ejus: et ab hoc quoque, qui Evangelista esse meruit, vel negligentia, vel mendacii suspicionem æquum est propulsari. Et ideo verum putamus utrumque, non sententiarum varietate, nec

personarum diversitate distinctum. Nam etsi primo Lucas eos non credidisse dicat, postea tamen credidisse demonstrat: et si prima consideremus, contraria sunt: si sequentia, certum est convenire.

Te Deum laudamus. 262.

Ad Benedictus, Antiphona, to. 8.


Stetit Jesus in medio discipulorum suorum, et dixit eis: Pax vobis, allelûja, allelûja.

Oratio.

DEus, qui Ecclesiam tuam novo semper fœtu multiplicas: concede famulis tuis, ut sacramentum vivendo teneant, quod fide percepérunt. Per Dominum.

Ad Magnificat, Antiphona, to. 8.

Videte manus meas, et pedes meos, quia ego ipse sum, allelûja, allelûja.



FERIA QUARTA.

V. Gavisi sunt discipuli, allelûja.

R. Viso Domino, allelûja.

Pater noster.

Absolutio. A vinculis peccatorum nostrorum absolvat nos omnipotens et misericors Dominus. **R.** Amen.

Benedictio. Evangelica lectio.

Lectio sancti Evangelii secundum Joannem.

Lectio i.

Cap. 21.

IN illo tempore: Manifestavit se iterum Jesus discipulis ad mare Tiberiadis. Manifestavit autem sic: Erant simul Simon Petrus, et Thomas, qui dicitur Didymus. Et reliqua.

Homilia Sancti Gregorii Papæ.

Homilia 24. in Evangelia.

Lectio sancti Evangelii, quæ modo in auribus vestris lecta est, fratres mei, quæstione animum pulsât, sed pulsatione sua vim discretionis indicat. Quæri etenim potest, cur Petrus, qui piscator ante conversio-

nem fuit, post conversiõnem ad piscatiõnem rediit; et cum Veritas dicat: Nemo mittens manum suam ad aratrum, et aspiciens retro, aptus est regno Dei: cur repetiit quod dereliquit? Sed si virtus discretiõnis inspicitur, citius videtur: quia nimisrum negotium, quod ante conversiõnem sine peccato extitit, hoc etiam post conversiõnem repetere culpa non fuit. R. Ecce vicit leo de tribu Juda, radix David, aperire librum, et solvere septem signacula ejus: * Allelúja, allelúja, allelúja.

V. Dignus est Agnus, qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem. Allelúja, allelúja, allelúja.

Benedictio. Divinum auxilium.

Lectio ii.

Nampiscatorem Petrum, Matthæum vero telonearium scimus: et post conversiõnem suam ad piscatiõnem Petrus rediit, Matthæus vero ad telonei negotium non resedit: quia aliud est, victum per piscatiõnem quærere, aliud autem telonei lucris pecunias augere. Sunt enim pleraque negotia, quæ sine peccatis exhiberi aut vix, aut nullatenus possunt. Quæ ergo ad peccatum implicant, ad hæc necesse est, ut post conversiõnem animus non recurrat.

R. Ego sum vitis vera, et vos palmites: * Qui manet in me, et ego in eo, hic fert fructum multum, allelúja, allelúja.

V. Sicut dilexit me Pater, et ego dilexi vos. Qui. Gloria Patri. Qui.

Benedictio. Ad societatem.

Lectio iii.

Quari etiam potest, cur discipulis in mari laborantibus, post resurrectionem suam Dominus in littore stetit, qui ante resurrectionem suam coram discipulis in fluctibus maris

ambulavit. Cujus rei ratio festine cognoscitur, si ipsa, quæ tunc inerat, causa pensetur. Quid enim mare, nisi præsens sæculum signat, quod se casuum tumultibus, et undis vitæ corruptibilis illidit? Quid per soliditatem littoris, nisi illa perpetuitas quietis æternæ figuratur? Quia ergo discipuli adhuc fluctibus mortalis vitæ inerant, in mari laborabant. Quia autem Redemptor noster jam corruptionem carnis excusserat, post resurrectionem suam in littore stabat.

Te Deum laudamus. 262.

Ad Benedictus, Antiphona, to. 7. Mittite in dexteram navigii rete, et inveniétis, allelúja.

Oratio.

Deus, qui nos resurrectionis Domine annua solemnitate lætificas: concede propitius, ut per temporalia festa quæ agimus, pervenire ad gaudia æterna mereamur. Per eundem Dominum.

Ad Magnificat, Antiphona, to. 8. Dixit Jesus discipulis suis: Afferte de piscibus, quos predidistis nunc. Ascendit autem Simon Petrus, et traxit rete in terram plenum magnis piscibus, allelúja.



FERIA QUINTA.

V. Surrexit Dominus de sepulchro, allelúja.

R. Qui pro nobis pependit in ligno, allelúja.

Pater noster.

Absolutio. Exaudi, Domine.

Benedictio. Evangelica lectio.

Lectio sancti Evangelii secundum Joannem.

Lectio i.

Cap. 20. c.

In illo tempore: Maria stabat ad monumentum foris plorans. Dum ergo fleret, inclinavit se, et prospexit

in monuméntum, et vidit duos Angelos in albis sedéntes. Et réliqua.

Homilía Sancti Gregórii Papæ.

Homilia 25. in Evangelia.

María Magdaléne, quæ fúerat in civitaté peccátrix, amándo veritátem, lavit lácrymis máculas criminis: et vox Veritátis implétur, qua dicitur: Dimíssa sunt ei peccáta multa, quia diléxit multum. Quæ enim prius frígida peccándo remánserat, póstmodum amándo fórtiter ardébat. Nam postquam venit ad monuméntum, ibique corpus Domínicum non invénit, sublátum crédidit, atque discíplis nuntiávit: qui veniéntes vidérunt, atque ita esse, ut múlter díxerat, credidérunt. Et de eis prótinus scriptum est: Abiérunt ergo discípli ad semetípsos: ac deínde subjúngitur: María autem stabat ad monuméntum foris plorans.

R. Tulérunt Dóminum meum, et nescio ubi posuérent eum. Dicunt ei Angeli: Múlter, quid ploras? surréxit sicut dixit: * Præcédet vos in Galilæam: ibi eum vidébitis, allelúja, allelúja.

V. Cum ergo fleret, inclinávit se, et prospéxit in monuméntum, et vidit duos Angelos in albis sedéntes, qui dicunt ei. Præcédet vos.

Benedictio. Divínium auxílium.

Lectio ii.

Qua in re pensándum est, hujus mulieris mentem quanta vis amoris accénderat, quæ a monuménto Dómini, étiam discíplis recedéntibus, non recedébat. Exquirébat quem non invénierat; flebat inquiréndo, et amoris sui igne succénsa, ejus, quem ablátum crédidit, ardébat desidério. Unde cóntigit, ut eum sola tunc vidéret, quæ remánserat ut quæreretur: quia nimirum virtus boni óperis perseverántia est; et voce Veritátis dí-

citur: Qui autem perseveráverit usque in finem, hic salvus erit.

R. Congratulámini mihi, omnes qui dilígitis Dóminum, quia quem quærerébam, appáruit mihi: * Et dum fle rem ad monuméntum, vidi Dóminum, allelúja, allelúja.

V. Recedéntibus discíplis, non recedébam, et amoris ejus igne succénsa, ardébam desidério. Et dum. Glória Patri. Et dum.

Benedictio. Ad societátem.

Lectio iii.

María ergo cum fleret, inclinávit se, et prospéxit in monuméntum. Certe jam monuméntum vácuum viderat, jam sublátum Dóminum nuntiáverat: quid est quod se íterum inclínat, íterum vidére desiderat? Sed amánti semel aspexísse non súfficit: quia vis amoris intentiónem multiplicat inquisitionis. Quæsívit ergo prius, et mínime invénit, perseverávit ut quæreretur, unde et cóntigit, ut inveníret: actúmque est, ut desidéria diláta créscerent, et crescéntia cape rent quod invenísset.

Te Deum laudámus. 262.

Ad Benedictus, Antiphona, to. 7. r. María stabat ad monuméntum plorans, et vidit duos Angelos in albis sedéntes, et sudárium quod fúerat super caput Jesu, allelúja.

Oratio.

Deus, qui diversitátem Géntium in confessióne tui nóminis adunásti: da, ut renátis fonte baptísmatis una sit fides méntium, et píetas actiónum. Per Dóminum.

Ad Magnificat, Antiphona, to. 7. Tulérunt Dóminum meum, et nescio ubi posuérent eum: si tu sustulísti eum, dícito mihi, allelúja: et ego eum tollam, allelúja.

—

FERIA SEXTA.

V. Surréxit Dóminus vere, allelúja.

R. Et apparuit Simóni, allelúja.

Pater noster.

Absolutio. Ipsíus píetas.

Benedictio. Evangélica léctio.

Léctio sancti Evangélíi secúndum
Matthæum.

Lectio i.

Cap. 28. d.

IN illo témpore: Undecim discípuli
abiérunt in Galiléam, in montem,
ubi constitúerat illis Jesus. Et reliqua.

Homíla Sancti Hierónymi Presbýteri.

Lib. 4. Comm. in Matth. in fin.

Post resurrectiόνem Jesus in monte
Galiléæ conspícitur, ibíque ado-
rátur: licet quidam dúbitent, et dubi-
tatio eórum nostram áugeat fidem.
Tunc manifestíus osténditur Thomæ,
et latus lancea vulnerátum, et ma-
nus fixas demónstrat clavis. Accé-
dens Jesus locútus est eis, dicens:
Data est mihi omnis potéstas in cœlo
et in terra. Illi potéstas data est, qui
paulo ante crucifíxus, qui sepúltus in
túmulo, qui mórtuus jacúerat, qui
póstea resurrexit. In cœlo autem et
in terra potéstas data est, ut qui ante
regnábat in cœlo, per fidem credén-
tium regnet et in terris.

R. Surgens Jesus Dóminus noster,
stans in médio discipulórum suórum,
dixit: * Pax vobis, allelúja: gavísi
sunt discípuli, viso Dómino, allelúja.

V. Una ergo sabbatórum, cum fores
essent clausæ, ubi erant discípuli
congregáti, venit Jesus, et stetit in
médio eórum, et dixit eis. Pax vobis.

Benedictio. Divínium auxílium.

Lectio ii.

Euntes autem docéte omnes Gen-
tes, baptizántes eos in nómine
Patris, et Fílii, et Spíritus sancti.
Primum docent omnes Gentes, deinde

doctas intíngunt aqua. Non enim po-
test fieri, ut corpus baptísmi recípiat
sacraméntum, nisi ante ánima fidei
suscéperit veritátem. Baptizántur
autem in nómine Patris, et Fílii, et
Spíritus sancti, ut quorum una est
divínitas, una sit largítio: noménque
Trinitátis, unus Deus est.

R. Expurgáte vetus ferméntum, ut
sitis nova conspérso: étenim Pascha
nostrum immolátus est Christus: *
Itaque epulémur in Dómino, allelúja.
V. Mórtuus est propter delícta nostra:
et resurrexit propter justificatióem
nostram. Itaque. Glória Patri. Itaque.
Benedictio. Ad societátem.

Lectio iii.

Docéntes eos serváre ómnia, quæ-
cúmque mandávi vobis. Ordo
præcípuus. Jussit Apóstolis, ut pri-
mum docérent univérzas Gentes,
deinde fidei intíngerent sacraménto:
et post fidem ac baptísma, quæ es-
sent observánda præcíperent. Ac ne
putémus lévia esse, quæ jussa sunt,
et pauca, áddidit: Omnia quæcúm-
que mandávi vobis: ut quicúmque
credíderint, qui in Trinitáte fúerint
baptizáti, ómnia fáciant quæ præ-
cépta sunt. Et ecce ego vobíscum
sum usque ad consummatióem sæ-
culi. Qui usque ad consummatióem
sæculi cum discípulis se futúrum esse
promíttit, et illos osténdit semper
esse victúros, et se numquam a cre-
déntibus recessúrum.

Te Deum laudámus. 262.

Ad Benedictus, Antiphona, to. 7.

Undecim discípuli in Galiléa vidén-
tes Dóminum adoravérunt, allelúja.

Oratio.

OMnípotens sempitérne Deus, qui
Paschále sacraméntum in recon-
ciliatióis humanæ fédere contulísti:
da méntibus nostris, ut quod profes-
sióne celebrámus, initémur efféctu.
Per Dóminum.

Ad Magnificat, Antiphona, to. 8.

Data est mihi omnis potestas in cœlo
et in terra, allelúja.

exer

SABBATO IN ALBIS.

V. Gavísi sunt discípuli, allelúja.

R. Viso Dómino, allelúja.

Pater noster.

Absolutio. A vínculis.

Benedictio. Evangelica léctio.

Léctio sancti Evangelíi secúndum
Joánnem.

Lectio i.

Cap. 20.

IN illo témpore: Una sábbati Ma-
ría Magdaléne venit mane, cum
adhuc ténebræ essent, ad monumén-
tum. Et réliqua.

Homília Sancti Gregórii Papæ.

Homília 22. in Evangelia.

Lectio sancti Evangelíi, quam
modo, fratres, audístis, valde in
superficie histórica est apérta: sed
ejus nobis sunt mystéria sub brevi-
tate requirénda. María Magdaléne,
cum adhuc ténebræ essent, venit ad
monuméntum. Juxta históriam no-
tátur hora: juxta intelléctum vero
mýsticum, requiréntis signátur intel-
ligéntia. María étenim auctórem óm-
nium, quem in carne víderat mórtuum,
quærébat in monuménto: et quia hunc
mínime invénit, furátum credidit.
Adhuc ergo erant ténebræ, cum ve-
nit ad monuméntum. Cucúrrit cítius,
discípulis nuntiávit: sed illi præ cé-
teris cucurrérunt, qui præ céteris ama-
vérunt, vidélicet Petrus et Joánnes.
R. Christus resúrgens ex mórtuis,
jam non móritur, mors illi ultra non
dominábitur: quod enim mórtuus est
peccáto, mórtuus est semel: * Quod au-
tem vivit, vivit Deo, allelúja, allelúja.
V. Mórtuus est semel propter delícta
nostra, et resurrexit propter justifica-
tiónem nostram. Quod autem.

Benedictio. Divínium auxílium.

Lectio ii.

Currébant autem duo simul: sed
Joánnes præcucúrrit cítius Petro.
Venit prior ad monuméntum, et ín-
gredi non præsumpsit. Venit ergo
posterior Petrus, et intrávit. Quid,
fratres, quid cursus significat? Num-
quid hæc tam subtilis Evangelístæ
descriptio a mystériis vacáre credén-
da est? Mínime. Neque enim se Jo-
ánnes et præisse, et non intrásse dí-
ceret, si in ipsa sui trepidatióne mys-
térium defuísse credidísset. Quid ergo
per Joánnem, nisi synagóga: quid per
Petrum, nisi Ecclésia designátur?

R. Isti sunt agni novélli, qui annun-
tiavérunt, allelúja: modo venérunt
ad fontes, * Repléti sunt claritate,
allelúja, allelúja.

V. In conspéctu Agni amícti sunt
stolis albis, et palmæ in mánibus eó-
rum. Repléti. Glória Patri. Repléti.

Benedictio. Ad societátem.

Lectio iii.

Nec mirum esse videátur, quod per
juníorem synagóga, per senió-
rem vero Ecclésia signári perhibétur:
quia etsi ad Dei cultum prior est sy-
nagóga, quam Ecclésia Géntium, ad
usum tamen sæculi prior est multitúdo
Géntium, quam synagóga, Paulo at-
testante, qui ait: Quia non prius
quod spiritále est, sed quod animále.
Per seniórem ergo Petrum significá-
tur Ecclésia Géntium: per juníorem
vero Joánnem synagóga Judæórum.
Currunt ambo simul: quia ab ortus
sui témpore usque ad occásum, pari
et commúni via, etsi non pari et com-
múni sensu, Gentílitas cum synagóga
cucúrrit. Venit synagóga prior ad
monuméntum, sed mínime intrávit:
quia legis quidem mandáta percépit,
prophetías de incarnatióne ac pas-
sióne Domínica audívit, sed crédere
in mórtuum nóluit.

Te Deum laudámus. 262.

Ad Benedictus, Antiphona, to. 1.
Currébant duo simul, et ille álius discí-
 púlis præcucúrrit cítius Petro, et
 venit prior ad monuméntum, allelúja.

Oratio.

Concède, quæsumus, omnípotens
 Deus: ut qui festa Paschália ve-
 nerándo égimus, per hæc contíngere
 ad gáudia ætéRNA mereámur. Per
 Dóminum:

Ad Vesperas.

Officium fit Duplex.

Antiph. to. 6. Allelúja, allelúja, al-
 lelúja.

Psalmus. B enedíctus Dóminus Deus
 meus. cum reliquis de Psalterio. 113.

Capitulum. 1. Joan. 5.

Charíssimi, Omne, quod natum est
 ex Deo, vincit mundum: et hæc
 est victória, quæ vincit mundum, fides
 nostra.

Hymnus.

Ad régias Agni dapes
 Stolis amícti cándidis
 Post tránsitum maris Rubri
 Christo canámus Príncipi.

D ivína cujus cháritas
 Sacrum propínat sánguinem,
 Almíque membra córporis
 Amor Sacérdos ímmolat.

S parsum cruórem póstibus
 Vastátor horret Angelus;
 Fugítque dívísium mare:
 Mergúntur hostes flúctibus.

J am Pascha nostrum Christus est,
 Paschális idem víctima,
 Et pura puris méntibus
 Sinceritátis ázyna.

O vera cœli víctima,
 Subjécta cui sunt tártara,
 Solúta mortis víncula,
 Recépta vitæ præmia.

V ictor subáctis ínferis
 Trophæa Christus éxplicat,
 Cœlóque apérto, súbditum
 Regem tenebrárum trahit.

Ut sis perénne méntibus
 Paschále, Jesu, gáudium,
 A morte díra críminum
 Vitæ renátos líbera.

D eo Patri sit glória,
 Et Fílio, qui a mórtuis
 Surréxit, ac Paráclito,
 In sempitéRNA sæcula. Amen.

Sic terminantur omnes Hymni ejus-
 dem metri usque ad Ascensionem,
 præterquam in Officio B. Mariæ, et
 in Hymno sanctæ Crucis ad Vesperas.

V. Mane nobíscum, Dómine, allelúja.
 R. Quóniam advesperáscit, allelúja.

Ad Magnificat, Antiphona, to. 1. r.
 Cum esset sero die illa una sabbató-
 rum, et fores essent clausæ, ubi erant
 discípuli congregáti in unum, stetit
 Jesus in médio, et dixit eis: Pax vo-
 bis, allelúja.

Oratio.

Præsta, quæsumus, omnípotens
 Deus: ut qui Paschália festa per-
 égimus, hæc, te largiénte, móribus
 et vita teneámus. Per Dóminum.
 V. Benedicámus Dómino, deinceps
 dicitur sine Allelúja.

COMPLETORIUM

dicitur ut in Psalterio, 117. omissis
 Precibus, et loco Antiphonæ, **Mise-
 rere**, dicitur Antiphona Allelúja, alle-
 lúja, allelúja. Et in fine Antiphonæ;
Salva nos, additur Allelúja.

Sic dicitur usque ad Dominicam Tri-
 nitatis exclusive: et quando non est
 Duplex, nec infra Octavam, dicuntur
 Preces, ut in Psalterio. 119.

Ad R. brevia et V. per omnes Ho-
 ras, jungitur Allelúja, usque ad Sab-
 batum post Pentecosten, præterquam
 in V. ad Preces Primæ et Comple-
 torii, quando dicuntur. Et quando-
 cumque Allelúja jungitur R. br. dupli-
 catur: sed in Versiculis dicitur semel.

xxx

Dominica in Albis.

In Octava Paschæ.

Duplex.

AD MATUTINUM.

Invitatorium. Surréxit Dóminus
vere, * Allelúja.

Psalmus. Veníte, exultémus. 2.

Hymnus.

Rex sempitérne cœlitum,
Rerum Créator ómnium,
Æquális ante sæcula
Semper Parénti Fílius.

Nascénte qui mundo Faber
Imáginem vultus tui
Tradens Adámo, nóbilem
Limo jugásti spíritum.

Cum livor et fraus dæmonis
Fœdásset humánum genus,
Tu carne amíctus, pérditam
Formam refórmas ártifex.

Qui natus olim e Vírgine,
Nunc e sepúlchro násceris,
Tecúmque nos a mórtuis
Jubes sepúltos súrgere.

Qui Pastor ætérnus gregem
Aqua lavas Baptísmatis:
Hæc est lavácrum méntium:
Hæc est sepúlchrum críminum.

Nobis diu qui débitæ
Redémptor affíxus Cruci,
Nostræ dedísti pródigus
Prétium salútis sánguinem.

Ut sis perénne méntibus
Paschále Jesu gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula. Amen.

IN I. NOCTURNO.

Antiph. to. 5. Allelúja, Lapis revo-
lútus est, allelúja, ab óstio monu-
ménti, allelúja, allelúja.

Psalmi de Dominica, ut in Psalte-
rio. 3. qui dicuntur in quolibet Noc-
turno sub una Antiphona.

V. Surréxit Dóminus de sepúlchro,
allelúja.

R. Qui pro nobis pepéndit in ligno,
allelúja.

De Epístola beáti Pauli Apóstoli
ad Colossénses.

Lectio i.

Cap. 3.

SI consurrexístis cum Christo, quæ
sursum sunt quærite, ubi Christus
est in dextera Dei sedens: quæ sur-
sum sunt sápite, non quæ super ter-
ram. Mórtui enim estis, et vita vestra
est abscondita cum Christo in Deo.
Cum Christus apparúerit, vita vestra;
tunc et vos apparebitis cum ipso in
glória. Mortificáte ergo membra ves-
tra, quæ sunt super terram: fornica-
tiónem, immundítiam, libídinem, con-
cupiscéntiam malam, et avarítiam,
quæ est simulacrórum sérvitus: prop-
ter quæ venit ira Dei super fílios in-
credulitátis: in quibus et vos ambu-
lástis aliquándo, cum viverétis in illis.
R. Angelus Dómini descéndit de cœlo,
et accédens revólvit lápidem, et su-
per eum sedit, et dixit muliéribus: *
Nolíte timére: scio enim quia cruci-
fixum quæritis, jam surréxit: veníte,
et vidéte locum, ubi pósitus erat Dó-
minus, allelúja.

V. Et introeúntes in monuméntum,
vidérunt júvenem sedéntem in dex-
tris, coopértum stola cándida, et ob-
stupuérent: qui dixit illis. Nolíte.

Lectio ii.

Nunc autem depónite et vos óm-
nia; iram, indignatióem, malí-
tiam, blasphemiam, turpem sermónem
de ore vestro. Nolíte mentíri ínvicem,
expoliántes vos véterem hóminem
cum áctibus suis, et induéntes no-
vum, eum qui renovátur in agnitíó-
nem, secúndum imáginem ejus, qui

creávit illum. Ubi non est Gentilis, et Judæus; circumcisio, et præputium; Bárbarus, et Scythæ; servus, et liber: sed ómnia, et in ómnibus Christus. Indúite, vos ergo sicut elécti Dei, sancti, et dilécti, víscera misericórdiæ, benignitátem, humilitátem, modestiam, paciéntiam: supportántes invicem, et donántes vobismetipsis, si quis advérsus áliquem habet querélam: sicut et Dóminus donávit vobis, ita et vos.

R. Angelus Dómini locútus est mulieribus, dicens: Quem quæritis? an Jesum quæritis? jam surréxit: * Veníte, et vidéte, allelúja, allelúja.

V. Jesum quæritis Nazarénus crucifixum? surréxit, non est hic. **V**eníte.

Lectio iii.

Super ómnia autem hæc charitátem habéte, quod est vínculum perfectionis: et pax Christi exúltet in córdibus vestris, in qua et vocáti estis in uno corpore: et grati estóte. Verbum Christi hábitet in vobis abundanter in omni sapiéntia, docéntes et commonéntes vosmetipsos psalmis, hymnis, et cánticis spirituálibus, in grátia cantántes in córdibus vestris Deo. Omne quodcúmque fácitis in verbo aut in ópere, ómnia in nómine Dómini Jesu Christi, grátias ágéntes Deo et Patri per ipsum.

R. Cum transisset sábbatum, María Magdaléne, et María Jacóbi, et Salóme emérunt arómata, * Ut veniéntes úngerent Jesum, allelúja, allelúja.

V. Et valde mane una sábbatorum véniunt ad monuméntum, orto jam sole. **U**t veniéntes. **G**loria Patri. **U**t veniéntes.

IN II. NOCTURNO.

Antiph. to. 5. Allelúja, Quem quæris mulier? allelúja, vivéntem cum mórtuis? allelúja, allelúja.

Psalmus. Consérva me, Dómine. cum reliquis ut in Psalterio. 8.

V. Surréxit Dóminus vere, allelúja.

R. Et apparuit Simóni, allelúja.

Sermo Sancti Augustíni Epíscopi.

Serm. 1. in Oct. Paschæ, qui est 157. de Tempore.

Lectio iv.

Paschális solémnitas hodiérna festivitáte conclúditur, et ideo hódie Neophytórum hábitus commutátur: ita tamen, ut candor, qui de hábitu depónitur, semper in corde teneátur. In qua quidem primum nobis agéndum est, ut quia Pascháles dies sunt, id est, indulgéntiæ ac remissionis, ita a nobis sanctórum díerum festívitás agátur, ut relaxatióne córporum puritas non obfuscétur: sed pótius abstinéntes ab omni luxu, ebrietáte, lascívia, demus óperam sóbriæ remissioni, ac sanctæ sinceritati: ut quidquid modo corporáli abstinéntia non acquírimus, méntium puritáte quæramus.

R. María Magdaléne, et áltera María ibant dilúculo ad monuméntum: * Jesum, quem quæritis, non est hic, surréxit sicut locútus est, præcédet vos in Galilæam, ibi eum vidébitis, allelúja, allelúja.

V. Et valde mane una sábbatorum véniunt ad monuméntum, orto jam sole: et introeúntes vidérunt juvenem sedéntem in dextris, qui dixit illis. **J**esum.

Lectio v.

Ad omnes quidem pértinet sermo, quos cura nostra compléctitur: verúmtamen hódie termináta Sacramentórum solemnitáte, vos allóquimur, novélla gérmína sanctitátis, regeneráta ex aqua et Spíritu sancto: germen pium, exámen novéllum, flos nostri honóris, et fructus labóris, gáudium et coróna mea, omnes qui státis in Dómino, Apostólicis verbis vos álloquor: Ecce nox præcéssit, dies autem appropinquávit: abjícite ópera tenebrárum, et indúite vos arma lucis.

Sicut in die honeste ambulamus: non in comessationibus et ebrietatibus, non in cubilibus et impudiciis, non in contentione et æmulatione: sed induimini Dominum Jesum Christum.

R. Surrexit pastor bonus, qui animam suam posuit pro ovibus suis, et pro grege suo mori dignatus est: * Allelúja, allelúja, allelúja.

V. Etenim Pascha nostrum immolatus est Christus. Allelúja.

Lectio vi.

Habemus, inquit, certiores propheticum sermonem: cui bene facitis intendentes, tamquam lucernæ in obscuro loco, donec dies luceat, et lucifer oriatur in cordibus vestris. Sint ergo lumbi vestri accincti, et lucernæ ardentes in manibus vestris: et vos similes hominibus expectantibus dominum suum, quando revertatur a nuptiis. Ecce dies adveniunt, in quibus Dominus dicit: Pusillum, inquit, et non videbitis me: et iterum pusillum, et videbitis me. Hæc est hora, de qua dixit: Vos tristes eritis, sæculum autem gaudet: id est, vita ista tentationibus plena, in qua peregrinamur ab eo. Sed iterum, inquit, videbo vos, et gaudet cor vestrum, et gaudium vestrum nemo tollet a vobis.

R. Virtute magna reddébant Apóstoli * Testimonium resurrectionis Jesu Christi Domini nostri, allelúja, allelúja.

V. Repléti quidem Spíritu sancto loquebantur cum fiducia verbum Dei. Testimonium. Glória Patri. Testimonium.

IN III. NOCTURNO.

Antiph. to. 3. Allelúja, Noli flere, María, allelúja: surrexit Dominus, allelúja, allelúja.

Psalms. Cœli enarrant. cum reliquis. 11.

V. Gavisi sunt discipuli, allelúja.

R. Viso Domino, allelúja.

Lectio sancti Evangelii secundum Joannem.

Lectio vii.

Cap. 20. c.

In illo tempore: Cum sero esset die illo, una sabbatorum, et fores essent clausæ, ubi erant discipuli congregati propter metum Judæorum, venit Jesus, et stetit in medio, et dixit eis: Pax vobis. Et reliqua.

Homilia Sancti Gregorii Papæ.

Homilia 26. in Evangelia.

Prima lectionis hujus Evangelicæ quæstio animum pulsat: quomodo post resurrectionem corpus Domini cum verum fuit, quod clausis januis ad discipulos ingredi potuit? Sed sciendum nobis est, quod divina operatio, si ratione comprehenditur, non est admirabilis: nec fides habet meritum, cui humana ratio præbet experimentum. Sed hæc ipsa nostri Redemptoris opera, quæ ex semetipsis comprehendere nequaquam possunt, ex alia ejus operatione pensanda sunt: ut rebus mirabilibus fidem præbeant facta mirabiliora. Illud enim corpus Domini intravit ad discipulos januis clausis, quod videlicet ad humanos oculos per nativitatem suam clauso exivit utero Virginis. Quid ergo mirum, si clausis januis post resurrectionem suam in æternum jam victurus intravit, qui moriturus veniens, non aperto utero Virginis exivit?

R. De ore prudentis procedit mel, allelúja: dulcedo mellis est sub lingua ejus, allelúja: * Favus distillans labia ejus, allelúja, allelúja.

V. Sapientia requiescit in corde ejus, et prudentia in sermone oris illius. Favus distillans.

Lectio viii.

Sed quia ad illud corpus, quod videri poterat, fides intuendum du-

bitábat: osténdit eis prótinus manus et latus: palpándam carnem præbuit, quam clausis jánuis introdúxit. Qua in re duo mira, et juxta humánam ratióne sibi valde contrária osténdit: dum post resurrectiódinem suam corpus suum incorruptibile, et tamen palpábile demonstrávit. Nam et corrúmpi necesse est quod palpátur: et palpári non potest quod non corrumpitur. Sed miro modo atque inæstimabili Redémptor noster et incorruptibile post resurrectiódinem, et palpábile corpus exhibuit: ut monstrándum incorruptibile, invitáret ad præmium: et præbéndum palpábile, firmáret ad fidem. Et incorruptibilem se ergo, et palpabilem demonstrávit: ut profecto esse post resurrectiódinem osténderet corpus suum et ejúsdem natúræ, et altérius glóriæ.

R. Surgens Jesus Dóminus noster, stans in médio discipulórum suórum, dixit: * Pax vobis, allelúja: gavísi sunt discípuli, viso Dómino, allelúja.

V. Una ergo sabbatórum, cum fores essent clausæ, ubi erant discípuli congregáti, venit Jesus, et stetit in médio eórum, et dixit eis. **P**ax. **G**loria Patri. **P**ax.

Lectio ix.

Dixit eis: Pax vobis. Sicut misit me Pater, et ego mitto vos: id est, sicut misit me Pater Deus Deum, et ego mitto vos homo hómines. Pater Fílium misit, qui hunc pro redemptione géneris humáni incarnári constituit. Quem videlicet in mundum veníre ad passiódinem vóluit: sed tamen amávit Fílium, quem ad passiódinem misit. Eléctos vero Apóstolos Dóminus non ad mundi gáudia, sed sicut ipse missus est, ad passiódines in mundum mittit. Quia ergo et Fílius amátur a Patre, et tamen ad passiódinem míttitur: ita et discípuli a Dómino amántur, qui tamen ad passiódinem mittúntur in mundum. Itaque

recte dicitur: Sicut misit me l'ater, et ego mitto vos: id est, ea vos charitáte díligo, cum inter scándala persecutórum mitto, qua me charitáte Pater díligit, quem veníre ad tolerándas passiódines fecit.

Te Deum laudámus. 13. **vel** 262.

AD LAUDES.

Antiph. to. 8. Allelúja, allelúja, allelúja, allelúja, allelúja, allelúja, allelúja, allelúja.

Psalmi. Dóminus regnávít. **J**ubiláte. Deus, Deus meus. 14.

Antiph. to. 6. Surréxit Christus de sepúlchro, qui liberávit tres púeros de camíno ignis ardéntis, allelúja.

Canticum. Benedícite. 15.

Antiph. to. 6. Allelúja, allelúja, allelúja.

Psalmus. Laudáte Dóminum de cœlis. 15.

Capitulum.

1. Joan. 5.

Charíssimi, Omne, quod natum est ex Deo, vincit mundum: et hæc est victória, quæ vincit mundum, fides nostra.

Hymnus.

Auróra cœlum púrpurat,
Æther resúltat láudibus,
Mundus triúmphans júbilat,
Horrens avérnus ínfremít:

Rex ille dum fortíssimus
De mortis inférno specu
Patrum Senátum líberum
Edúcit ad vitæ jubar.

Cujus sepúlchrum plúrimo
Custóde signábat lapis,
Victor triúmphant, et suo
Mortem sepúlchro fúnerat.

Sat fúneri, sat lácrymis,
Sat est datum dolóribus:
Surréxit extíntor necis,
Clamat corúscans Angelus.

Ut sis perénne méntibus
Paschále, Jesu, gáudium,
A morte díra críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.

Amen.

Ÿ. In resurrectione tua, Christe, allelúja.

R. Cœli et terra læténtur, allelúja.

Ad Benedictus, Antiphona, to. 1. r.
Cum esset sero die illa una sabbátórum, et fores essent clausæ, ubi erant discipuli congregáti in unum, stetit. Jesus in médio, et dixit eis: Pax vobis, allelúja.

Oratio.

Præsta, quæsumus, omnípotens Deus: ut qui Paschália festa perégimus, hæc, te largiénte, móribus et vita teneámus. Per Dóminum.

Ad Primam.

Hymnus. Jam lucis. 18.

Antiph. to. 8. Allelúja, allelúja, allelúja, allelúja.

Psalmi. Deus, in nómine tuo. 18.
Beáti immaculáti. Retríbue. 19. et Quicúmque. 20.

Predicti Psalmi dicuntur Dominicis diebus usque ad Ascensionem.

Capitulum. 1. Tim. 1. d.

REgi sæculórum immortalí et invisíbili, soli Deo honor et glória in sæcula sæculórum. Amen.

R. Deo grátias.

R. br. Christe Fili Dei vivi, miserére nobis, * Allelúja, allelúja. Christe.

Ÿ. Qui surrexísti a mórtuis. Allelúja, allelúja. Glória Patri. Christe.

Ÿ. Exúrge, Christe, ádjuva nos, allelúja.

R. Et líbera nos propter nomen tuum, allelúja.

Et sic dicitur Responsorium brevè usque ad Ascensionem.

Et quando non est Duplex, aut infra Octavas, dicuntur Preces de Dominica ut in Psalterio. 21.

Ad Absolutionem Capituli Lectio brevis. Si consurrexístis cum Christo. ut in Psalterio. 23.

Ad Tertiam.

Antiph. to. 2. Allelúja, allelúja, allelúja, allelúja.

Capitulum.

1. Joan. 5.

Charíssimi, Omne, quod natum est ex Deo, vincit mundum: et hæc est victória, quæ vincit mundum, fides nostra.

R. br. Surréxit Dóminus de sepúlchro, * Allelúja, allelúja. Surréxit.

Ÿ. Qui pro nobis pepéndit in ligno. Allelúja, allelúja. Glória Patri. Surréxit.

Ÿ. Surréxit Dóminus vere, allelúja.

R. Et appáruit Simóni, allelúja.

Ad Sextam.

Antiph. to. 8. Allelúja, allelúja, allelúja, allelúja.

Capitulum.

1. Joan. 5.

Quis est autem, qui vincit mundum, nisi qui credit quóniam Jesus est Filius Dei? Hic est, qui venit per aquam et ságuinem, Jesus Christus: non in aqua solum, sed in aqua et ságuine.

R. br. Surréxit Dóminus vere, * Allelúja, allelúja. Surréxit.

Ÿ. Et appáruit Simóni. Allelúja, allelúja. Glória Patri. Surréxit.

Ÿ. Gavísi sunt discipuli, allelúja.

R. Viso Dómino, allelúja.

Ad Nonam.

Antiph. to. 8. f. Allelúja, allelúja, allelúja, allelúja.

Capitulum.

I. Joan. 5. b.

SI testimonium hominum accipimus,
testimonium Dei majus est: quoniam
hoc est testimonium Dei, quod
majus est, quoniam testificatus est
de Filio suo. Qui credit in Filium
Dei, habet testimonium Dei in se.

R. br. Gavisi sunt discipuli, * Allelúja, allelúja. Gavisi.

V. Viso Dómino, Allelúja, allelúja.
Glória Patri. Gavisi.

V. Mane nobiscum, Dómine, allelúja.
R. Quoniam advesperáscit, allelúja.

Ad Vesperas.

Antiph. to. 7. f. Allelúja, allelúja,
allelúja.

Psalmus. Dixit Dóminus. cum reliquis
de Dominica. 101. qui sub una
tantum Antiphona dicuntur.

Capitulum. Charíssimi, Omne, quod
natum est. ut supra.

Hymnus.

AD régias Agni dapes
Stolis amícti cándidis,
Post tránsitum maris Rubri
Christo canámus Príncipi.
Divína cujus cháritas
Sacrum propínat sánguinem,
Almíque membra córporis
Amor Sacérdos ímmolat.
Sparsum cruórem póstibus
Vastátor horret Angelus;
Fugítque divísium mare:
Mergúntur hostes flúctibus.
Jam Pascha nostrum Christus est,
Paschális idem víctima,
Et pura puris méntibus
Sinceritátis ázyrna.
(O) vera cœli víctima,
Subjécta cui sunt tártara,
Solúta mortis víncula,
Recépta vitæ præmia.
Victor subáctis ínferis
Trophæa Christus éxplicat,
Cœlóque apérto, súbditum
Regem tenebrárum trahit.

Ut sis perénne méntibus
Paschále, Jesu, gáudium;
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis*
Surréxit, ac Paráclito,
In sempitérna sœcula. Amen.

V. Mane nobiscum, Dómine, allelúja.

R. Quoniam advesperáscit, allelúja.

Ad Magnificat, Antiphona, to. 8. f.

Post dies octo, jánuis clausis, ingrêssus
Dóminus dixit eis: Pax vobis, al-
lelúja, allelúja.

Oratio. Præsta, quæsumus. ut supra.
Hymni, Versiculi, et Responsoria
brevia hujus Dominicæ dicuntur usque
ad Ascensionem, etiam in feriali
Officio.

FERIA SECUNDA.

Invitatorium. Allelúja, allelúja, *
Allelúja.

Psalmus. Veníte, exultémus. 2.

Hymnus. Rex sempitérne. 278. vel
ut supra in Psalterio. 40.

Antiph. to. 1. f. Allelúja.

Psalmus. Dóminus illuminátio. cum
reliquis de secunda Feria, ut in Psal-
terio. 40.

Psalmi FERIALES Nocturnorum et
Vesperarum dicuntur sub una Antiph.,
Allelúja, usque ad Ascensionem.

V. Surréxit Dóminus de sepúlchro,
allelúja.

R. Qui pro nobis pepéndit in ligno,
allelúja.

Incipit liber Actuum Apostolorum.

Lectio i.

Cap. 1.

Primus quidem sermónem feci de
ómnibus, o Theóphile, quæ cœpit
Jesus fácere, et docére, usque in diem,
qua præcípiens Apóstolis per Spíri-
tum sanctum, quos elégit, assúptus
est: quibus et præbuit seípsum vivum

post passionem suam in multis argumentis, per dies quadraginta apprensens eis, et loquens de regno Dei. Et convalescens præcepit eis ab Jerosolymis ne discederent, sed expectarent promissionem Patris, quam audistis (inquit) per os meum: quia Joannes quidem baptizavit aqua, vos autem baptizabimini Spiritu sancto non post multos hos dies. Igitur qui conveniant, interrogabant eum, dicentes: Domine, si in tempore hoc restitues regnum Israel? Dixit autem eis: Non est vestrum nosse tempora vel momenta, quæ Pater posuit in sua potestate: sed accipietis virtutem superveniens Spiritus sancti in vos, et eritis mihi testes in Jerúsalem, et in omni Judæa, et Samaría, et usque ad ultimum terræ.

R. Virtute magna reddébant Apóstoli
* Testimónium resurrectionis Jesu Christi Domini nostri, allelúja, allelúja.

V. Repléti quidem Spiritu sancto loquebantur cum fiducia verbum Dei.
Testimónium.

Lectio ii.

ET cum hæc dixisset, videntibus illis, elevatus est: et nubes suscepit eum ab oculis eorum. Cumque intuerentur in cælum euntem illum, ecce duo viri astiterunt juxta illos in vestibus albis, qui et dixerunt: Viri Galilæi, quid statis aspicientes in cælum? Hic Jesus, qui assumptus est a vobis in cælum, sic veniet, quemadmodum vidistis eum euntem in cælum. Tunc reversi sunt Jerosolymam a monte qui vocatur Oliveti, qui est juxta Jerúsalem, sabbati habens iter. Et cum introissent in cœnaculum, ascenderunt ubi manebant Petrus et Joannes, Jacobus et Andréas, Philíppus et Thomas, Bartholomæus et Matthæus, Jacobus Alphæi et Simon Zelotes, et Judas

Jacobi. Hi omnes erant perseverantes unanimiter in oratione cum mulieribus, et María matre Jesu, et fratribus ejus.

R. De ore prudentis procedit mel, allelúja: dulcedo mellis est sub lingua ejus, allelúja: * Favus distillans labia ejus, allelúja, allelúja.

V. Sapientia requiescit in corde ejus, et prudentia in sermone oris illius.
Favus distillans.

Gloria Patri. Favus.

Lectio iii.

IN diebus illis exurgens Petrus in medio fratrum, dixit: (erat autem turba hominum simul, fere centum viginti): Viri fratres, oportet impleri Scripturam, quam prædixit Spiritus sanctus per os David de Juda, qui fuit dux eorum, qui comprehendérunt Jesum: qui connumeratus erat in nobis, et sortitus est sortem ministerii hujus. Et hic quidem possedit agrum de mercède iniquitatis, et suspensus crepuit medius, et diffusa sunt omnia viscera ejus. Et notum factum est omnibus habitantibus Jerúsalem, ita ut appellarétur ager ille, lingua eorum, Haceldama, hoc est, ager sanguinis. Scriptum est enim in libro Psalmorum: Fiat commoratio eorum deserta, et non sit qui inhabitet in ea, et episcopatum ejus accipiat alter. Oportet ergo ex his viris, qui nobiscum sunt congregati in omni tempore, quo intravit et exivit inter nos Dominus Jesus, incipiens a baptismo Joannis usque in diem, qua assumptus est a nobis, testem resurrectionis ejus nobiscum fieri unum ex istis. Et statuerunt duos, Joseph, qui vocabatur Barsabas, qui cognominatus est justus, et Mathiam. Et orantes dixerunt: Tu, Domine, qui corda nosti omnium, ostende quem elegeris ex his duobus unum accipere locum

ministérii hujus, et Apostolátus, de quo prævaricátus est Judas, ut abíret in locum suum. Et dedérunt sortes eis, et cécidit sors super Mathíam, et annumerátus est cum úndecim Apóstolis.

Hoc tempore Paschali non dicitur tertium Responsorium in feriali Officio, sed Hymnus, Te Deum laudamus. 13. vel 262.

AD LAUDES.

Antiph. to. 6. Allelúja. Psalmus. Dóminus regnávít. cum reliquis Antiphonis et Psalmis de Psalterio, ut in Dominica. 14.

Capitulum.

Rom. 6. b.

CHristus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel: quod autem vivit, vivit Deo.

Hymnus. Auróra cœlum púrpurat. 281.

V. In resurrectione tua, Christe, allelúja.

R. Cœli et terra læténtur, allelúja.

Ad Benedictus, Antiphona, to. 8. Surgens Jesus mane prima sabbati, apparuit primo Mariæ Magdaléne, de qua ejécerat septem dæmónia, allelúja.

Oratio.

PRæsta, quæsumus, omnipotens Deus: ut qui Paschália festa perégimus, hæc, te largiente, móribus et vita teneámus. Per Dóminum.

Postea fit commemoratio de Cruce: quæ commemoratio quotidie fit in Laudibus et Vesperis usque ad Ascensionem, tam in Officio de Tempore, quam de Sanctis, nisi sit Duplex, aut infra Octavas. Aliæ Commemorationes de sancta Maria, de Apostolis et de Pace, non dicuntur tempore Paschali.

Ad Laudes.

Antiphona de Cruce.

Crucifixus surrexit a mórtuis, et redémít nos, allelúja, allelúja.

V. Dícite in natió nibus, allelúja.

R. Quia Dóminus regnávít a ligno, allelúja.

Oratio.

DEus, qui pro nobis Fílium tuum crucis patíbulum subíre voluísti, ut inimíci a nobis expélleres potestatem: concéde nobis fámulis tuis, ut resurrectionis grátiam consequámur. Per eúmdem Dóminum nostrum.

In Vesperis.

Antiph. Crucem sanctam súbiit, qui inférnum confrégit, accínctus est poténtia, surrexit die tértia, allelúja.

V. Dícite in natió nibus, allelúja.

R. Quia Dóminus regnávít a ligno, allelúja.

Oratio. Deus, qui pro nobis, ut supra.

In feriali Officio, Prima dicitur sicut in festis Simplicibus, toto tempore Paschali. 30.

Psalmi Horarum dicuntur cum quatuor Allelúja.

Capitulum. Regi sæculórum. 31.

Preces de Dominica, ut in Psalterio. 21.

Ad Tertiam.

Capitulum. Christus resúrgens ex mórtuis. ut supra.

R. br. Surrexit Dóminus de sepúlchro, * Allelúja, allelúja. Surrexit.

V. Qui pro nobis pepéndit in ligno. Allelúja, allelúja. Glória Patri. Surrexit.

V. Surrexit Dóminus vere, allelúja.

R. Et apparuit Simóni, allelúja.

Ad Sextam.

Capitulum.

1. Cor. 15. c.

CHristus resurrexit a mórtuis primítiae dormiéntium: quóniam qui-

dem per hóminem mors, et per hóminem resurréctio mortuórum. Et sicut in Adam omnes moriúntur, ita et in Christo omnes vivificabúntur.

R. br. Surréxit Dóminus vere, * Allelúja, allelúja. Surréxit.

V. Et appáruit Simóni. Allelúja, allelúja. Glória Patri. Surréxit.

V. Gavísi sunt discípuli, allelúja.

R. Viso Dómino, allelúja.

Ad Nonam.

Capitulum.

I. Pet. 3. d.

CHristus semel pro peccátis nostris mórtuus est, justus pro injústis, ut nos offérret Deo, mortificátus quidem carne, vivificátus autem spíritu.

R. br. Gavísi sunt discípuli, * Allelúja, allelúja. Gavísi.

V. Viso Dómino. Allelúja, allelúja. Glória Patri. Gavísi.

V. Mane nobíscum, Dómine, allelúja.

R. Quóniam advesperáscit, allelúja.

Ad Vesperas.

Antiph. to. 1. f. Allelúja. Psalmus. Diléxi. cum reliquis de Psalterio. 103. sub una Antiph. Allelúja.

Capitulum.

Rom. 6. b.

CHristus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel: quod autem vivit, vivit Deo.

Hymnus. Ad régias Agni dapes. 283. vel in Psalterio. 105.

V. Mane nobíscum, Dómine, allelúja.

R. Quóniam advesperáscit, allelúja.

Ad Magnificat, Antiphona, to. 6.

Pax vobis, ego sum, allelúja: nolíte timére, allelúja.

Oratio.

PRæsta, quæsumus, omnípotens Deus: ut qui Paschália festa perégimus, hæc, te largiénte, móribus et vita teneámus. Per Dóminum.

Invitatorium, Capitula, et Responsoria brevia suprascripta, dicuntur in feriali Officio usque ad Ascensionem.

✠

FERIA TERTIA.

De Actibus Apostolorum.

Lectio i.

Cap. 2.

ET cum compleréntur dies Pentecóstes, erant omnes páriter in eódem loco: et factus est repénite de cælo sonus, tamquam adveniéntis spíritus veheméntis, et replévit totam domum ubi erant sedéntes. Et apparuerunt illis dispertitæ linguæ tamquam ignis, sedítque supra singulos eórum: et repléti sunt omnes Spíritu sancto, et cœpérunt loqui váriis linguis, prout Spíritus sanctus dabat éloqui illis. Erant autem in Jerúsalem habitántes Judæi, viri religiósi ex omni natióne, quæ sub cælo est. Facta autem hac voce, convénit multitúdo, et mente confúsa est, quóniam audiébat unusquisque lingua sua illos loquéntes. Stupébant autem omnes, et mirabántur, dicéntes: Nonne ecce omnes isti, qui loquúntur, Galilæi sunt, et quómodo nos audívimus unusquisque linguam nostram, in qua nati sumus?

R. Ecce vicit leo de tribu Juda, rá dix David, aperíre librum, et sólvare septem signácula ejus: * Allelúja, allelúja, allelúja.

V. Dignus est Agnus, qui occísus est, accípere virtútem, et divinitátem, et sapiéntiam, et fortitúdinem, et honórem, et glóriam, et benedictiónem. Allelúja, allelúja, allelúja.

Lectio ii.

STans autem Petrus cum úndecim, levávit vocem suam, et locútus est eis: Viri Judæi, et qui habitátis Jerúsalem univérsi, hoc vobis notum sit, et áuribus percípите verba mea.

Non enim, sicut vos æstimátis, hi ébrii sunt, cum sit hora diéi tértia: sed hoc est, quod dictum est per Prophétam Joel: Et erit in novíssimis diébus (dicit Dóminus) effúndam de Spíritu meo super omnem carnem: et prophetábunt filii vestri, et filiæ vestræ: et júvenes vestri visiónes vidébunt, et senióres vestri sómnia somniábunt. Et quidem super servos meos, et super ancíllas meas in diébus illis effúndam de Spíritu meo, et prophetábunt: et dabo prodígia in cœlo sursum, et signa in terra deórsum, sánguinem, et ignem, et vapórem fumi: sol convertétur in ténebras, et luna in sánguinem, ántequam véniat dies Dómini magnus et maniféstus. Et erit: omnis, quicúmque invocáverit nomen Dómini, salvus erit.

R. Ego sum vitis vera, et vos pálmities: * Qui manet in me, et ego in eo, hic fert fructum multum, allelúja, allelúja.

V. Sicut diléxit me Pater, et ego diléxi vos. Qui manet. Glória Patri. Qui manet. Lectio iii.

Viri Israelítæ, audíte verba hæc: Jesum Nazarénium, virum approbátum a Deo in vobis, virtútibus, et prodígiis, et signis, quæ fecit Deus per illum in médio vestri, sicut et vos scitis: hunc defínito consílio et præsciéntia Dei tráditum, per manus iniquórum affligéntes interemístis: quem Deus suscitávit, solútis dolóribus inférni, juxta quod impossíbile erat teneri illum ab eo. David enim dicit in eum: Providébam Dóminum in conspéctu meo semper, quóniam a dextris est mihi ne commóvear: propter hoc lætátum est cor meum, et exultávit lingua mea, insuper et caro mea requiescet in spe: quóniam non derelínques ánimam meam in inférno, nec dabis Sanctum tuum vidére corruptiónem.

Te Deum laudámus. 13. vel 262.

Ad Benedictus, Antiphona, to. 1.
Præcédam vos in Galiléam, ibi me vidébitis, sicut dixi vobis, allelúja, allelúja.

Ad Magnificat, Antiphona, to. 8.
Mitte manum tuam, et cognósce loca clavórum, allelúja: et noli esse incrédulus, sed fidélis, allelúja.

FERIA QUARTA.

De Actibus Apostolórum.

Lectio i.

Cap. 3.

Petrus autem et Joánnes ascendébant in templum ad horam oratiónis nonam. Et quidam vir, qui erat claudus ex útero matris suæ, bajulabátur: quem ponébant quotidie ad portam templi, quæ dicitur Speciósá, ut péteret eleemósynam ab introeúntibus in templum. Is, cum vidísset Petrum et Joánnem incipiéntes introíre in templum, rogábat ut eleemósynam accíperet. Intuens autem in eum Petrus cum Joáanne, dixit: Réspice in nos. At ille intendébat in eos, sperans se áliquid acceptúrum ab eis. Petrus autem dixit: Argéntum et aurum non est mihi: quod autem hábeo, hoc tibi do: In nómine Jesu Christi Nazaréni surge, et ámbula.

R. Surgens Jesus Dóminus noster, stans in médio discipulórum suórum, dixit: * Pax vobis, allelúja: gavísi sunt discípuli viso Dómino, allelúja.

V. Una ergo sabbatórum, cum fores essent clausæ, ubi erant discípuli congregáti, venit Jesus, et stetit in médio eórum, et dixit eis. Pax vobis.

Lectio ii.

ET, apprehénsa manu ejus dextera, allevávit eum, et prótinus consolidátæ sunt bases ejus et plantæ. Et exlíens stetit, et ambulábat: et intrávit cum illis in templum ámbulans, et exlíens, et laudans Deum. Et vi-

dit omnis pópulus eum ambulátem, et laudátem Deum. Cognoscébant autem illum, quod ipse erat qui ad eleemósynam sedébat ad Speciósam portam templi: et impléti sunt stupóre et éxtasi, in eo quod contígerat illi. Cum tenéret autem Petrum et Joánnem, cucúrrit omnis pópulus ad eos ad pórticum, quæ appellátur Salomónis, stupéntes.

R. Expurgáte vetus ferméntum, ut sitis nova conspersio: étenim Pascha nostrum immolátus est Christus: * Itaque epulémur in Dómino, allelúja.

V. Mórtuus est propter delícta nostra: et resurrexit propter justificatióem nostram. **I**taque. **G**loria Patri. **I**taque.

Lectio iii.

Videns autem Petrus, respóndit ad pópulum: Viri Israelítæ, quid mirámini in hoc, aut nos quid intuémini, quasi nostra virtúte aut potestáte fecérimus hunc ambuláre? Deus Abraham, et Deus Isaac, et Deus Jacob, Deus patrum nostrórum glorificávit Fílium suum Jesum, quem vos quidem tradidístis, et negástis ante faciém Piláti, judicánte illo dimítti. Vos autem sanctum et justum negástis, et petístis virum homicídam donári vobis: auctórem vero vitæ interfecístis, quem Deus suscitávit a mórtuis, cujus nos testes sumus. Et in fide nóminis ejus, hunc, quem vos vidístis, et nostis, confirmávit nomen ejus: et fides, quæ per eum est, dedit íntegram sanitátem istam in conspéctu ómnium vestrum.

Te Deum laudámus. 13. **vel** 262.

Ad Benedictus, Antiphona, to. 5.

Ego sum vitis vera, allelúja: et vos palmítes veri, allelúja.

Ad Magnificat, Antiphona, to. 8.

Quia vidísti me, Thoma, credidísti: beáti qui non vidérunt, et credidérunt, allelúja.

✠

FERIA QUINTA.

De Actibus Apostolorum.

Lectio i.

Cap. 5.

Vir autem quidam nómine Ananías cum Saphíra uxóre sua véndidit agrum, et fraudávit de prétió agri, conscia uxóre sua: et áfferens partem quamdam, ad pedes Apostolorum pósuit. Dixit autem Petrus: Ananía, cur tentávit sáttanas cor tuum mentíri te Spíritui sancto, et fraudáre de prétió agri? Nonne manens tibi manébat, et venúmdatum in tua erat potestáte? Quare posuísti in corde tuo hanc rem? Non es mentítus homínibus, sed Deo. Audiens autem Ananías hæc verba, cécidit, et expirávit. Et factus est timor magnus super omnes, qui audiérunt. Surgéntes autem júvenes amovérunt eum, et efferéntes sepeliérunt.

R. Christus resúrgens ex mórtuis jam non móritur, mors illi ultra non dominábitur: quod enim mórtuus est peccáto, mórtuus est semel: * Quod autem vivit, vivit Deo, allelúja, allelúja.

V. Mórtuus est semel propter delícta nostra: et resurrexit propter justificatióem nostram. **Q**uod.

Lectio ii.

Factum est autem quasi horárum trium spátium, et uxor ipsíus, nesciens quod factum fúerat, introívit. Dixit autem ei Petrus: Dic mihi, múlier, si tanti agrum vendidístis? At illa dixit: Etiam tanti. Petrus autem ad eam: Quid útique convénit vobis tentáre Spíritum Dómini? Ecce pedes eórum, qui sepeliérunt virum tuum, ad óstium, et efferent te. Conféstim cécidit ante pedes ejus, et expirávit. Intrántes autem júvenes invenérunt illam mórtuam, et extulérunt, et sepeliérunt ad virum suum.

Et factus est timor magnus in universa Ecclesia, et in omnes qui audierunt hæc.

R. Surrexit pastor bonus, qui animam suam posuit pro ovibus suis, et pro grege suo mori dignatus est: * Allelúja, allelúja, allelúja.

V. Etenim Pascha nostrum immolatus est Christus. Allelúja. Glória Patri. Allelúja.

Lectio iii.

Per manus autem Apostolorum fiebant signa et prodigia multa in plebe. Et erant unanimiter omnes in porticu Salomonis. Ceterorum autem nemo audebat se coniungere illis: sed magnificabat eos populus. Magis autem augebatur credentium in Domino multitudo virorum ac mulierum, ita ut in plateas ejicerent infirmos, et ponerent in lectulis ac grabatis, ut, veniente Petro, saltem umbra illius obumbraret quemquam illorum, et liberarentur ab infirmitatibus suis. Concurrerat autem et multitudo vicinarum civitatum Jerúsalem, afferentes ægros, et vexatos a spiritibus immundis: qui curabantur omnes.

Te Deum laudamus. 13.

Ad Benedictus, Antiphona, to. 8.

Ardens est cor meum, desídero videre Dóminum meum: quæro, et non invénio ubi posuerunt eum, allelúja, allelúja.

Ad Magnificat, Antiphona, to. 8.

Misi dígitum meum in fixúras clavórum, et manum meam in latus ejus, et dixi: Dóminus meus, et Deus meus, allelúja.



FERIA SEXTA.

De Actibus Apostolorum.

Lectio i.

Cap. 8. b

Vir autem quidam nómine Simon, qui ante fuerat in civitate magus,

sedúcens gentem Samariæ, dicens se esse aliquem magnum: cui auscultabant omnes a mínimo usque ad máximo, dicentes: Hic est virtus Dei, quæ vocatur magna. Attendebant autem eum, propter quod multo tempore magis suis dementasset eos. Cum vero credidissent Philíppo evangelizanti de regno Dei, in nómine Jesu Christi baptizabantur viri ac mulieres. Tunc Simon et ipse credidit: et cum baptizatus esset, adhærebat Philíppo. Videns étiam signa et virtutes máximas fieri, stupens admirabatur.

R. Virtute magna reddébant Apóstoli * Testimónium resurrectionis Jesu Christi Dómini nostri, allelúja, allelúja.

V. Repléti quidem Spíritu sancto loquebantur cum fidúcia verbum Dei. Testimónium.

Lectio ii.

Cum autem audissent Apóstoli, qui erant Jerosólymis, quod recepisset Samaría verbum Dei, miserunt ad eos Petrum et Joánnem. Qui cum venissent, oraverunt pro ipsis, ut acciperent Spíritum sanctum. Nondum enim in quemquam illorum vénerat, sed baptizati tantum erant in nómine Dómini Jesu. Tunc imponébant manus super illos, et accipiebant Spíritum sanctum. Cum vidisset autem Simon, quia per impositionem manus Apostolorum darétur Spíritus sanctus, obtulit eis pecúniam, dicens: Date et mihi hanc potestatem, ut cuicumque imposúero manus, accípiat Spíritum sanctum.

R. De ore prudéntis procédit mel, allelúja: dulcédo mellis est sub lingua ejus, allelúja: * Favus distíllans lábia ejus, allelúja, allelúja.

V. Sapiéntia requiescit in corde ejus, et prudéntia in sermóne oris illius. Favus. Glória Patri. Favus.

Lectio iii.

Petrus autem dixit ad eum: Pecunia tua tecum sit in perditionem: quoniam donum Dei existimasti pecunia possideri. Non est tibi pars, neque sors in sermone isto. Cor enim tuum non est rectum coram Deo. Pœnitentiam itaque age ab hac nequitia tua: et roga Deum, si forte remittatur tibi hæc cogitatio cordis tui. In felle enim amaritudinis, et obligatione iniquitatis video te esse. Respondens autem Simon, dixit: Precamini vos pro me ad Dominum, ut nihil veniat super me horum, quæ dixistis.

Te Deum laudamus. 13.

Ad Benedictus, Antiphona, to. 1.

Venerunt ad monumentum Mariæ Magdalene, et altera Mariæ videre sepulchrum, allelûja.

Ad Vesperas, nisi occurrat Festum novem Lectionum, a Capitulo fit de S. Maria in Sabbato, ut infra.



S A B B A T O.

De Actibus Apostolorum.

Lectio i.

Cap. 10.

Vir autem quidam erat in Cæsareâ, nomine Cornélius, Centurio cohortis, quæ dicitur Itálica, religiosus ac timens Deum cum omni domo sua, faciens eleemôsynas multas plebi, et deprecans Deum semper: is vidit in visu manifeste, quasi hora diæi nona, Angelum Dei introeuntem ad se, et dicentem sibi: Cornéli. At ille intuens eum, timore correptus, dixit: Quid est, Domine? Dixit autem illi: Oratiões tuæ, et eleemôsynæ tuæ ascenderunt in memoriam in conspectu Dei. Et nunc mitte viros in Joppen, et accersi Simónem quemdam, qui cognominatur Petrus: hic hospitatur apud Simónem quemdam coriarium, cujus est domus juxta

mare: hic dicet tibi quid te oporteat facere. Et cum discessisset Angelus, qui loquebatur illi, vocavit duos domesticos suos, et militem metuentem Dominum ex his, qui illi parabant. Quibus cum narrasset omnia, misit illos in Joppen.

Lectio ii.

Postera autem die iter illis facientibus, et appropinquantibus civitati, ascendit Petrus in superiora, ut oraret circa horam sextam. Et cum esuriret, voluit gustare. Parantibus autem illis, cecidit super eum mentis excelsus: et vidit cælum apertum, et descendens vas quoddam, velut linteum magnum, quatuor initiis submitti de cælo in terram, in quo erant omnia quadrupedia, et serpentina terræ, et volatilia cæli. Et facta est vox ad eum: Surge, Petre, occide, et manduca. Ait autem Petrus: Absit, Domine, quia numquam manducavi omne commune et immundum. Et vox iterum secundo ad eum: Quod Deus purificavit, tu commune ne dixeris. Hoc autem factum est per ter: et statim receptum est vas in cælum. Et dum intra se hæsitaret Petrus quidnam esset visio, quam vidisset, ecce viri, qui missi erant a Cornélio, inquirentes domum Simónis, astiterunt ad januam.

Lectio iii.

Apériens autem Petrus os suum, dixit: In veritate comperi, quia non est personarum acceptor Deus: sed in omni gente qui timet eum, et operatur justitiam, acceptus est illi. Verbum misit Deus filiis Israel, annuntians pacem per Jesum Christum: (hic est omnium Dominus). Vos scitis quod factum est verbum per universam Judæam: incipiens enim a Galilæa post baptismum, quod prædicavit Joannes, Jesum a Nazareth: quomodo unxit eum Deus Spiritu sancto et virtute, qui pertransiit bene-

faciēdo et sanādo omnes opprēssos a diabolo, quōniam Deus erat cum illo. Et nos testes sumus ōnium, quæ fecit in regiōne Judæorum, et Jerúsalem, quem occidērunt suspendētes in ligno. Hunc Deus suscitāvit tertia die, et dedit eum manifestum fieri non omni pōpulo, sed tēstibus præordinātis a Deo: nobis, qui manducāvimus et bībimus cum illo, postquam resurrexit a mōrtuis.

Ad Vesperas.

Antiph. to. 6. Allelúja. Psalmus. Benedictus. cum reliquis. 113.

Capitulum.

1. Pet. 2. d.

Charíssimi, Christus passus est pro nobis, vobis relínquens exēplum, ut sequāmini vestigia ejus: qui peccatum non fecit, nec invēntus est dolus in ore ejus.

Hymnus.

Ad régias Agni dapes
Stolis anícti cándidis
Post tránsitum maris Rubri
Christo canāmus Príncipi.

Divína cujus cháritas
Sacrum propínat sánguinem,
Almíque membra córporis
Amor Sacérdos ímmolat.

Sparsum cruórem póstibus
Vastátor horret Angelus;
Fugítque divísium mare:
Mergúntur hostes flúctibus.

Jam Pascha nostrum Christus est,
Paschális idem víctima,
Et pura puris méntibus
Sinceritátis ázyna.

O vera cœli víctima,
Subjécta cui sunt tártara,
Solúta mortis víncula
Recépta vitæ præmia.

Victor subáctis ínferis
Trophæa Christus éxplicat,
Cœlóque apérto, súbditum
Regem tenebrárum trahit.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mōrtuis
Surrexit, ac Paráclito,
In sempitérna sæcula.
Amen.

V. Mane nobíscum, Dómine, allelúja.

R. Quóniam advesperáscit, allelúja.

Ad Magnificat, Antiphona, to. 8.

Ego sum pastor óvium: ego sum via, veritas, et vita: ego sum pastor bonus, et cognósco oves meas, et cognóscunt me meæ, allelúja, allelúja.

Oratio.

Deus, qui in Fílii tui humilitáte jacéntem mundum erexisti: fidélibus tuis perpétuam concéde lætítiam; ut quos perpétuæ mortis eripuísti cá-sibus, gaudiis fácias pérfrui sempitérnis. Per eúndem Dóminum.

Deinde fit commemoratio de Cruce.

Antiph. Crucem sanctam súbiit, qui inférnum confrégit, accíntus est poténtia, surrexit die tertia, allelúja.

V. Dícite in natióibus, allelúja.

R. Quia Dóminus regnāvit a ligno, allelúja.

Oratio.

Deus, qui pro nobis Fílium tuum crucis patíbulum subíre voluísti, ut inimíci a nobis expélleres potestátem: concéde nobis fámulis tuis, ut resurrectionis grátiam consequámur. Per eúndem Dóminum.



Dominica II. post Pascha.

AD MATUTINUM.

Invitatorium, Hymnus, et alia usque ad Lectiones ut in Psalterio. 3.

IN I. NOCTURNO.

De Actibus Apostolorum.

Lectio i.

Cap. 13. b.

Cum a Papho navigassent Paulus et qui cum eo erant, venerunt Per-gen Pamphyliae, Joannes autem discédens ab eis, reversus est Jerosolymam. Illi vero pertranseúntes Per-gen, venerunt Antiochiam Pisídiæ: et ingressi synagógam die sabbátorum, sedérunt. Post lectionem autem Legis et Prophetarum, miserunt principes synagógæ ad eos, dicéntes: Viri fratres, si quis est in vobis sermo exhortationis ad plebem, dícite. Surgens autem Paulus, et manu siléntium indicens, ait: Viri Israelítæ, et qui timétis Deum, audíte: Deus plebis Israel elégit patres nostros, et plebem exaltávit, cum essent incolæ in terra Ægypti, et in bráchio excélso edúxit eos ex ea, et per quadraginta annórum tempus mores eórum sustinuit in desérto. Et déstruens Gentes septem in terra Chánaan, sorte distribuit eis terram eórum, quasi post quadringéntos et quinquaginta annos: et post hæc dedit júdices, usque ad Sá-muel Prophétam.

R. Virtúte magna reddébant Apóstoli
* Testimónium resurrectionis Jesu Christi Dóminí nostri, allelúja, allelúja.

V. Repléti quidem Spíritu sancto loquebántur cum fidúcia verbum Dei. Testimónium.

Lectio ii.

ET exínde postulavérunt regem, et dedit illis Deus Saul filium Cis,

virum de tribu Bénjamin, annis quadraginta. Et, amóto illo, suscitávit illis David regem: cui testimónium pérhibens, dixit: Inveni David filium Jesse, virum secúndum cor meum, qui fáciat omnes voluntátes meas. Hujus Deus ex sémine secúndum promissionem edúxit Israel Salvatórem Jesum, prædicánte Joánnē ante fáciem advéntus ejus baptísmum pœnitentiæ omni pópulo Israel. Cum impléret autem Joánnēs cursum suum, dicébat: Quem me arbitrámini esse, non sum ego; sed ecce venit post me, cujus non sum dignus calceaménta pedum sólvēre.

R. De ore prudéntis procédit mel, allelúja: dulcédo mellis est sub lingua ejus, allelúja: * Favus distíllans lábia ejus, allelúja, allelúja.

V. Sapiéntia requiésцит in corde ejus, et prudéntia in sermóne oris illius. Favus.

Lectio iii.

Viri fratres, filii géneris Abraham, et qui in vobis timent Deum, vobis verbum salutis hujus missum est. Qui enim habitábant Jerúsalem, et principes ejus, hunc ignorántes, et voces Prophetarum, quæ per omne sabbátum legúntur, judicántes implevérunt: et nullam causam mortis inveniéntes in eo, petiérunt a Piláto, ut interficerent eum. Cumque consummássent ómnia, quæ de eo scripta erant, deponéntes cum de ligno, posuérunt eum in monuménto. Deus vero suscitávit eum a mórtuis tértia die: qui visus est per dies multos his, qui simul ascénderant cum eo de Galilæa in Jerúsalem: qui usque nunc sunt téstes ejus ad plebem. Et nos vobis annuntiámus eam, quæ ad patres nostros repromissio facta est: quóniam hanc Deus adimplévit filiis nostris, resúscitans Jesum, sicut et in Psalmo secúndo scriptum est: Fílius meus es tu, ego hódie génui te.

R. Ecce vicit leo de tribu Juda, radix David, aperire librum, et solvere septem signacula ejus: * Allelúja, allelúja, allelúja.

V. Dignus est Agnus, qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem. Allelúja, allelúja, allelúja. Glória Patri. Allelúja, allelúja, allelúja.

IN II. NOCTURNO.

Sermo Sancti Leónis Papæ.

Sermo I. de Ascensione Domini post initium.

Lectio iv.

HI dies, dilectissimi, qui inter resurrectionem Domini, ascensionemque fluxerunt, non otioso transiére decursu, sed magna in eis confirmata sacramenta, magna sunt revelata mysteria. In iis metus diræ mortis aufertur, et non solum animæ, sed etiam carnis immortalitas declaratur. In iis per insufflationem Domini infunditur Apóstolis omnibus Spíritus sanctus: et beáto Apóstolo Petro supra ceteros, post regni claves, ovilis Domini cura mandatur. R. Ego sum vitis vera, et vos palmities: * Qui manet in me, et ego in eo, hic fert fructum multum, allelúja, allelúja.

V. Sicut dilexit me Pater, et ego dilexi vos. Qui manet.

Lectio v.

IN iis diebus, duobus discipulis tertius in via Dominus comes jungitur, et ad omnem nostræ ambiguitatis caliginem detergendam, paventium ac trepidantium tarditas increpatur. Flammam fidei illuminata corda concipiunt: et quæ erant tepida, reserante Scripturas Domino, efficiuntur ardéntia. In fractione quoque panis convalescentium aperiuntur obtutus: multo felicius eorum oculis patefactis, quibus naturæ suæ manifestata est glorificatio, quam illorum

generis nostri principum, quibus prævaricationis suæ est ingesta confusio.

R. Surgens Jesus Dominus noster, stans in medio discipulorum suorum, dixit: * Pax vobis, allelúja: gavisi sunt discipuli, viso Domino, allelúja.

V. Una ergo sabbatorum, cum fores essent clausæ, ubi erant discipuli congregati, venit Jesus, et stetit in medio eorum, et dixit eis. Pax vobis.

Lectio vi.

INter hæc autem, aliaque miracula, cum discipuli trepidis cogitationibus æstuarent, et apparuisset in medio eorum Dominus, dixissetque, Pax vobis: ne hoc remaneret in eorum opinionibus, quod volvebatur in cordibus (putabant enim se spiritum videre, non carnem) redarguit cogitationes a veritate discordes: ingerit dubitantium oculis manentia in manibus suis et pedibus crucis signa; et ut diligentius pertractentur invitat. Quia ad sananda infidelium cordium vulnera, clavorum et lanceæ erant servata vestigia: ut non dubia fide, sed constantissima scientia teneretur eam naturam in Dei Patris consessuram throno, quæ jacuerat in sepulchro. R. Expurgate vetus fermentum, ut sitis nova conspersio: etenim Pascha nostrum immolatus est Christus: * Itaque epulemur in Domino, allelúja. V. Mortuus est propter delicta nostra: et resurrexit propter justificationem nostram. Itaque. Glória Patri. Itaque.

IN III. NOCTURNO.

Lectio sancti Evangelii secundum Joannem.

Lectio vii.

Cap. 10. b.

IN illo tempore: Dixit Jesus Phariseis: Ego sum pastor bonus. Bonus pastor animam suam dat pro ovibus suis. Et reliqua.

Homilia Sancti Gregorii Papæ.

Homilia 14. in Evangelia.

AUdístis, fratres charíssimi, ex lectiōne Evangélica eruditiónem vestram: audístis et periculum nostrum. Ecce enim is, qui non ex accedenti dono, sed essentialiter bonus est, dicit: Ego sum pastor bonus. Atque ejúsdem bonitátis formam, quam nos imitémur, adjúngit, dicens: Bonus pastor ánimam suam ponit pro óvibus suis. Fecit quod mónuit: osténdit quod jussit. Bonus pastor pro óvibus suis ánimam suam pósuit, ut in sacraménto nostro corpus suum et ságuinem vérteret, et oves quas redémerat, carnis suæ aíménto satiáret. *R.* Christus resúrgens ex mórtuis jam non móritur, mors illi ultra non dominábitur: quod enim mórtuus est peccáto, mórtuus est semel: *Quod autem vivit, vivit Deo, allelúja, allelúja. *V.* Mórtuus est semel propter delícta nostra: et resurréxit propter justificatióne nostram. Quod.

Lectio viii.

OSténsa nobis est de contéptu mortis via, quam sequámur: appósita est forma, cui imprimámur. Primum nobis est exteriora nostra misericórditer óvibus ejus impéndere: postrémum vero, si necesse sit, étiam mortem nostram pro eisdem óvibus ministráre. A primo autem hoc mínimo pervenítur ad postrémum majus. Sed cum incomparabíliter longe sit mélior ánimá, qua vívimus, quam terréna substántia, quam extérius possidémus: qui non dat pro óvibus substántiam suam, quando pro his dáturus est ánimam suam?

R. Surréxit pastor bonus, qui ánimam suam pósuit pro óvibus suis, et pro grege suo mori dignátus est: * Allelúja, allelúja, allelúja.

V. Etenim Pascha nostrum immolátus est Christus. Allelúja. Glória Patri. Allelúja.

Lectio ix.

ET sunt nonnúllo, qui dum plus terrénam substántiam, quam oves diligunt, mérito nomen pastóris perdunt, de quibus prótinus súbditur: Mercenárius autem, et qui non est pastor, cujus non sunt oves próprie, videt lupum veniéntem, et dimíttit oves, et fugit. Non pastor, sed mercenárius vocátur, qui non pro amóre íntimo oves Domínicas, sed ad temporáles mercédes pascit. Mercenárius quippe est, qui locum quidem pastóris tenet, sed lucra animárum non quærit: terrénis cómmodis ínhiat, honóre prælatiónis gaudet, temporálibus lucris páscitur, impénsa sibi ab homínibus reveréntia lætátur.

Te Deum laudámus. 13.

AD LAUDES.

Antiph. to. 6. Allelúja. Psalmus. Dóminus regnávít. cum reliquis Antiphonis et Psalmis de Psalterio. 14.

Capitulum.

1. Pet. 2. d.

CHARÍSSIMI, Christus passus est pro nobis, vobis relínquens exéplum, ut sequámini vestigia ejus: qui peccátum non fecit, nec invéntus est dolus in ore ejus.

Hymnus.

AUróra cœlum púrpurat,
Æther resúltat láudibus,
Mundus triúmphans júbilat,
Horrens avérnus ínfremit:
Rex ille dum fortíssimus
De mortis inférno specu
Patrum Senátum liberum
Edúcit ad vitæ jubar.
Cujus sepúlchrum plúrimo
Custóde signábat lapis,
Victor triúmphant, et suo
Mortem sepúlchro fúnerat.
Sat fúneri, sat lácrymis,
Sat est datum dolóribus:
Surréxit extíntor necis,
Clamat corúscans Angelus.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.

Amen.

V. In resurrectione tua, Christe, allelúja.

R. Coeli et terra læténtur, allelúja.

Ad Benedictus, Antiphona, to. 8.

Ego sum pastor óvium: ego sum via,
véritas, et vita: ego sum pastor bonus,
et cognóscó oves meas, et cognóscunt me meæ, allelúja, allelúja.

Oratio.

Deus, qui in Fílii tui humilitáte
jacéntem mundum erexisti: fidélibus
tuis perpétuam concéde lætítiam;
ut quos perpétuæ mortis eripuísti
cásibus, gáudiis fácias pérfrui
sempitérnis. Per eúmdem Dóminum.

Commemoratio de Cruce.

Antiph. Crucifíxus surréxit a mórtuis,
et redémit nos, allelúja, allelúja.

V. Dícite in natió nibus, allelúja.

R. Quia Dóminus regnávít a ligno,
allelúja.

Oratio.

Deus, qui pro nobis Fílium tuum
crucis patíbulum subíre voluísti,
ut inimíci a nobis expélleres potestátem:
concéde nobis fámulis tuis, ut
resurrecti ónis grátiam consequámur.
Per eúmdem Dóminum nostrum.

Ad Tertiam.

Capitulum. Charíssimi, Christus
passus est. *ut supra.*

R. br. Surréxit Dóminus de sepúlchro,
* Allelúja, allelúja. Surréxit.

V. Qui pro nobis pepéndit in ligno.
Allelúja, allelúja. Glória Patri. Surréxit.

V. Surréxit Dóminus vere, allelúja.

R. Et appáruit Simóni, allelúja.

Ad Sextam.

Capitulum.

1. Pet. 2. d.

Tradébat autem judicánti se in-
júste: qui peccáta nostra ipse pér-
tulit in córpore suo super lignum: ut
peccátis mórtui, justítiæ vivámus,
cujus livóre sanáti sumus.

R. br. Surréxit Dóminus vere, * Allelúja,
allelúja. Surréxit.

V. Et appáruit Simóni. Allelúja, allelúja.
Glória Patri. Surréxit.

V. Gavísi sunt discípuli, allelúja.

R. Viso Dómino, allelúja.

Ad Nonam.

Capitulum.

1. Pet. 2. d.

Erátis enim sicut oves errántes;
sed convérsi estis nunc ad pas-
tórem et episcopum animárum ves-
trárum.

R. br. Gavísi sunt discípuli, * Allelúja,
allelúja. Gavísi.

V. Viso Dómino. Allelúja, allelúja.
Glória Patri. Gavísi.

V. Mane nobíscum, Dómine, allelúja.

R. Quóniam advesperáscit, allelúja.

Ad Vesperas.

Antiph. to. 4. m. Allelúja. Psalmus.
Dixit Dóminus. cum reliquis de Do-
minica. 101.

Capitulum. Charíssimi, Christus
passus est. *ut supra.*

Hymnus. Ad régias Agni. 291.

V. Mane nobíscum, Dómine, allelúja.

R. Quóniam advesperáscit, allelúja.

Ad Magnificat, Antiphona, to. 3.

Ego sum pastor bonus, qui pascó
oves meas, et pro óvibus meis pono
ánimam meam, allelúja.

Oratio. Deus, qui in Fílii tui. *ut supra.* Deinde

Commemoratio de Cruce.

Antiph. Crucem sanctam súbiit, qui inférnum confrégit, accínctus est poténtia, surréxit die tértia, allelúja.

V. Dícite in natióibus, allelúja.

R. Quia Dóminus regnávít a ligno, allelúja.

Oratio.

Deus, qui pro nobis Fílium tuum crucis patíbulum subíre voluísti, ut inimíci a nobis expélleres potestátem: concéde nobis fámulis tuis, ut resurrectiósni grátiam consequámur. Per eúndem Dóminum nostrum.

FERIA SECUNDA.

De Actibus Apostolorum.

Lectio i.

Cap. 15. b.

Surrexérunt autem quidam de háresi Pharisæórum, qui credidérunt, dicéntes: Quia opórtet circumcídí eos, præcípere quoque serváre legem Móysi. Convenerúntque Apóstoli, et senióres vidére de verbo hoc. Cum autem magna conquisítio fieret, surgens Petrus dixit ad eos: Viri fratres, vos scitis quóniam ab antíquis diébus Deus in nobis elégit, per os meum audíre Gentes verbum Evangélii, et crédere. Et qui novit corda Deus, testimónium perhísbuit, dans illis Spíritum sanctum, sicut et nobis, et nihil discrevíit inter nos et illos, fide puríficans corda eórum. Nunc ergo quid tentátis Deum, impónere jugum super cervíces discipulórum, quod neque patres nostri, neque nos portáre potúimus? Sed per grátiam Dómini Jesu Christi crédimus salvári, quemádmódum et illi. Táuít autem omnis multitúdo: et audiébant Bárnabam et Paulum, narrántes quanta Deus fecísset signa et prodígia in Géntibus per eos.

R. Virtúte magna reddébant Apóstoli
* Testimónium resurrectiósni Jesu Christi Dómini nostri, allelúja, allelúja.

V. Repléti quidem Spíritu sancto loquebántur cum fidúcia verbum Dei. Testimónium.

Lectio ii.

ET postquam tacuérunt, respóndit Jacóbus, dicens: Viri fratres, audíte me. Simon narrávit quemádmódum primum Deus visitávit súmme ex Géntibus pópulum nómini suo. Et huic concórdant verba Prophetárum, sicut scriptum est: Post hæc revértar, et reædificábo tabernáculum David, quod décidit: et díruta ejus reædifiábo, et érigam illud: ut requírant céteri hóminum Dóminum, et omnes Gentes. super quas invocátum est nomen meum, dicit Dóminus, fáciens hæc. Notum a sáculo est Dómino opus suum. Propter quod ego júdico non inquietári eos, qui ex Géntibus convertúntur ad Deum: sed scríbere ad eos, ut abstíneant se a contaminatióibus simulacrórum, et fornicatióne, et suffocátis, et ságuine. Móyses enim a tempóribus antíquis habet in síngulis civitatibus, qui eum prædicent in synagógis, ubi per omne sábbatum légitur.

R. De ore prudéntis procédit mel, allelúja: dulcédo mellis est sub lingua ejus, allelúja: * Favus distíllans lábia ejus, allelúja, allelúja.

V. Sapiéntia requiescit in corde ejus, et prudéntia in sermóne oris illíus. Favus. Glória Patri. Favus.

Lectio iii.

Tunc plácuit Apóstolis et senióri-
bus cum omni Ecclésia eligere viros ex eis, et mittere Antiochiám cum Paulo et Bárnaba Judam, qui cognominabátur Bársabas, et Silam, viros primos in frátribus, scríbentes per manus eórum. Apóstoli et senióres

fratres, his qui sunt Antiochiæ, et Syriæ, et Ciliciæ, fratribus ex Géntibus, salutem. Quóniam audívimus, quia quidam ex nobis exeúntes, turbavérunt vos verbis, everténtes ánimas vestras, quibus non mandávimus: plácuít nobis colléctis in unum elígere viros, et mittere ad vos cum charíssimis nostris Bárnaba et Paulo, homínibus, qui tradidérunt ánimas suas pro nómine Dómini nostri Jesu Christi. Mísimus ergo Judam et Silam, qui et ipsi vobis verbis référent eádem. Visum est enim Spirítui sancto, et nobis, nihil ultra impónere vobis óneris, quam hæc necessariá: ut abstineátis vos ab immolátis simulacrorum, et ságuine, et suffocáto, et fornicatióne: a quibus custodiéntes vos, bene agétis. Valéte.

Te Deum laudámus. 13.

Ad Benedictus, Antiphona, to. 6.
Eúntes in mundum, allelúja, docéte omnes Gentes, allelúja.

Ad Magnificat, Antiphona, to. 3. d.
Pastor bonus ánimam suam pónit pro óvibus suis, allelúja.

FERIA TERTIA.

De Actibus Apostolorum.

Lectio i.

Cap. 17. e. et 18.

STans autem Paulus in médio Areopági, ait: Viri Athenienses, per ómnia quasi superstitiosiores vos vídeo. Præteriens enim, et videns simulácula vestra, invéni et aram, in qua scriptum erat: Ignóto Deo. Quod ergo ignorántes cólitis, hoc ego annúntio vobis. Deus, qui fecit mundum, et ómnia quæ in eo sunt, hic cœli et terræ cum sit Dóminus, non in manufáctis templis hábitat, nec mánibus humánis cólitur, indigens álquo, cum ipse det ómnibus vitam, et inspiratióne, et ómnia: fecítque ex uno omne genus hóminum inhabitáre

super univérsam fáciem terræ, definiens statúta témpora, et términos habitatiónis eórum, quærere Deum, si forte attréctent eum, aut invéniant, quamvis non longe sit ab unoquoque nostrum.

R. Ecce vicit leo de tribu Juda, radix David, aperíre librum, et sólvare septem signácula ejus: * Allelúja, allelúja, allelúja.

V. Dignus est Agnus, qui occísus est, accíperere virtútem, et divinitátem, et sapiéntiam, et fortitúdinem, et honórem, et glóriam, et benedictiόnem. Allelúja, allelúja, allelúja.

Lectio ii.

IN ipso enim vívimus, et movémur, et sumus: sicut et quidam vestrórum poetárum dixerunt: Ipsíus enim et genus sumus. Genus ergo cum símus Dei, non debémus æstimáre auro, aut argénto, aut lápidi, sculptúræ artis, et cogitatiónis hóminis, Divínus esse símile. Et témpora quidem hujus ignorántiæ despiciens Deus, nunc annúntiat homínibus, ut omnes ubique pœniténtiam agant, eo quod stáuit diem, in quo judicatúrus est orbem in æquitáte, in viro, in quo stáuit, fidem præbens ómnibus, súscitans eum a mórtuis. Cum audíssent autem resurrectiόnem mortuórum, quidam quidem irridébant, quidam vero dixerunt: Audiémus te de hoc íterum. Sic Paulus exívit de médio eórum.

R. Ego sum vitis vera, et vos pálmities: * Qui manet in me, et ego in eo, hic fert fructum multum, allelúja, allelúja.

V. Sicut diléxit me Pater, et ego diléxi vos. Qui manet. Glória Patri. Qui.

Lectio iii.

Quidam vero viri adhæréntes ei, credidérunt: in quibus et Dionýsius Areopagíta, et múlter nómine Dámaris, et álíi cum eis. Post hæc

egressus ab Athénis, venit Corínthum: et inveniens quemdam Judæum nómīne Aquilam, Pónticum génere, qui nuper vénerat ab Itália, et Priscillam uxórem ejus (eo quod præcepisset Cláudius discédere omnes Judæos a Roma) accessit ad eos. Et quia ejúdem erat artis, manébat apud eos, et operabátur: (erant enim scenofactóriæ artis.) Et disputábat in synagóga per omne Sábbatum, interpónens nomen Dómini Jesu, suadebátque Judæis et Græcis.

Te Deum laudámus. 13.

Ad Benedictus, Antiphona, to. 8.
Eúntes in mundum, docéte omnes Gentes, baptizántes eos in nómine Patris, et Fílii, et Spíritus sancti, allelúja.

Ad Magnificat, Antiphona, to. 3.
Mercenárius autem, cujus non sunt oves própriæ, videt lupum veniéntem, et dimíttit oves, et fugit; et lupus rapit, et dispérgit oves, allelúja.



FERIA QUARTA.

De Actibus Apostolorum.

Lectio i.

Cap. 20. d.

A Miléto Paulus mittens Ephesum, vocávit Majóres natu Ecclésiæ. Qui cum venissent ad eum, et simul essent, dixit eis: Vos scitis a prima die, qua ingressus sum in Asiam, quáliter vobíscum per omne tempus fúerim, sérvians Dómino cum omni humilitáte, et lácrymis, et tentatióibus, quæ mihi accidérunt ex insídiis Judæórum: quómodo nihil subtráxerim utílium, quo minus annuntiárem vobis, et docérem vos públice, et per domos, testíficans Judæis atque Gentílibus in Deum pœniténtiam, et fidem in Dóminum nostrum Jesum Christum. Et nunc ecce alligátus ego spírítu vado in Jerúsalem, quæ in ea ventúra sint mihi, ignórans: nisi quod

Spíritus sanctus per omnes civitátes mihi protestátur, dicens: Quóniam víncula et tribulatiónes Jerosólymis me manent. Sed nihil horum véreor: nec fácio ánimam meam pretiosiórem quam me, dummodo consúmmem cursum meum, et ministérium verbi quod accépi a Dómino Jesu, testificári Evangélium, grátiae Dei.

R. Surgens Jesus Dóminus noster, stans in inéδιο discipulórum suórum, dixit: * Pax vobis, allelúja: gavísi sunt discípuli, viso Dómino, allelúja.

V. Una ergo sabbatórum, cum fores essent clausæ, ubi erant discípuli congregáti, venit Jesus, et stetit in inéδιο eórum, et dixit eis. Pax vobis.

Lectio ii.

ET nunc ecce ego scio, quia ámplius non vidébitis fáciem meam vos omnes, per quos transívi prædicans regnum Dei. Quaprópter contéstor vos hodiérna die, quia mundus sum a sáanguine ómnium. Non enim subterfúgi, quo minus annuntiárem omne consílium Dei vobis. Atténdite vobis, et univérso gregi, in quo vos Spíritus sanctus pósuit Episcopos régere Ecclésiám Dei, quam acquisívit sáanguine suo. Ego scio quóniam intrábunt post discessiÓNem meam lupi rapáces in vos, non parcéntes gregi. Et ex vobis ipsis exúrgent viri loquéntes perversa, ut abdúcant discipulos post se. Propter quod vigiláte, memória retinéntes, quóniam per triénnum nocte et die non cessávi cum lácrymis monens unumquémque vestrum.

R. Expurgáte vetus ferméntum, ut sitis nova conspérso: étenim Pascha nostrum immolátus est Christus: * Itaque epulémur in Dómino, allelúja.

V. Mórtuus est propter delícta nostra: et resurrexit propter justificatiÓNem nostram. Itaque. Glória Patri. Itaque.

Lectio iii.

ET nunc commendo vos Deo, et verbo grátiae ipsíus, qui potens est ædificáre, et dare hæreditátem in sanctificátis ómnibus. Argéntum et aurum, aut vestem nullíus concupívi, sicut ipsi scitis: quóniam ad ea, quæ mihi opus erant, et his, qui mecum sunt, ministravérunt manus istæ. Omnia osténdi vobis, quóniam sic laborátes, opórtet suscipere infirmos, ac meminisse verbi Dómini Jesu, quóniam ipse dixit: Beátius est magis dare, quam accípere. Et cum hæc dixisset, pósitis génibus suis, orávit cum ómnibus illis. Magnus autem fletus factus est ómnium: et procumbéntes super collum Pauli, osculábantur eum, doléntes máxime in verbo, quod díxerat, quóniam ámplius faciém ejus non essent visúri. Et deducébant eum ad navem.

Te Deum laudámus. 13.

Ad Benedictus, Antiphona, to. 4.
Ite, nuntiáte frátribus meis, allelúja,
ut cant in Galiléam, allelúja: ibi me
vidébunt, allelúja, allelúja, allelúja.

Ad Magnificat, Antiphona, to. 5.
Sicut novit me Pater, et ego cognósko
Patrem, et ánimam meam pono pro
óvibus meis, allelúja.

FERIA QUINTA.

De Actibus Apostolorum.

Lectio i.

Cap. 24. c.

Respóndit autem Paulus (annuente sibi Præsídē dícere): Ex multis annis te esse júdicem genti huic sciens, bono ánimo pro me satisfáciam. Potes enim cognóscere, quia non plus sunt mihi dies, quam dúodecim, ex quo ascénderé adoráre in Jerúsalem. Et neque in templo invenérunt me cum áliquo disputántem, aut concúrsum faciéntem turbæ, neque in synagógis, neque in civitáte:

neque probáre possunt tibi, de quibus nunc me accúsant. Confíteor autem hoc tibi, quod secúndum sectam, quam dicunt hæresim, sic deservio Patri et Deo meo, credens ómnibus, quæ in lege et Prophétis scripta sunt: spem habens in Deum, quam et hi ipsi expéctant, resurrectionem futúram justórum, et iniquórum. In hoc et ipse stúdeo sine offendículo consciéntiam habére ad Deum, et ad hómines semper.

R. Christus resúrgens ex mórtuis jam non móritur, mors illi ultra non dominábitur: quod enim mórtuus est peccáto, mórtuus est semel: * Quod autem vivit, vivit Deo, allelúja, allelúja.

V. Mórtuus est semel propter delícta nostra: et resurrexit propter justificatióem nostram. Quod.

Lectio ii.

Post annos autem plures, eleemósynas factúrus in gentem meam, veni, et oblatiões, et vota. In quibus invenérunt me purificátum in templo, non cum turba, neque cum tumultu. Quidam autem ex Asia Judæi, quos oportébat apud te præsto esse, et accusáre si quid habérent advérsus me: aut hi ipsi dicant, si quid invenérunt in me iniquitátis, cum stem in concílio, nisi de una hac solúmmodo voce, qua clamávi inter eos stans: Quóniam de resurrectione mortuórum ego júdicor hódie a vobis.

R. Surrexit pastor bonus, qui ánimam suam pósuit pro óvibus suis, et pro grege suo mori dignátus est: * Allelúja, allelúja, allelúja.

V. Etenim Pascha nostrum immolátus est Christus. Allelúja. Glória Patri. Allelúja.

Lectio iii.

Distulit autem illos Felix, certísime sciens de via hac, dicens: Cum Tribúnus Lýsias descénderit,

audiam vos. Jussitque Centurioni custodire eum, et habere requiem, nec quemquam de suis prohibere ministrare ei. Post aliquot autem dies veniens Felix cum Drusilla uxore sua, quæ erat Judæa, vocavit Paulum, et audivit ab eo fidem, quæ est in Christum Jesum. Disputante autem illo de justitia, et castitate, et de judicio futuro, tremefactus Felix respondit: Quod nunc attinet, vade: tempore autem opportuno accersam te: simul et sperans, quod pecunia ei daretur a Paulo; propter quod et frequenter accersens eum, loquebatur cum eo. Biennio autem explato, accepit successorem Felix Portium Festum. Volens autem gratiam prestare Judæis Felix, reliquit Paulum vinctum.

Te Deum laudamus. 13.

Ad Benedictus, Antiphona, to. 1. f.
Tu solus peregrinus es, et non audisti de Jesu, quomodo tradiderunt eum in damnationem mortis? allelúja.

Ad Magnificat, Antiphona, to. 8.
Alias oves habeo, quæ non sunt ex hoc ovili: et illas oportet me adducere, et vocem meam audient: et fiet unum ovile, et unus pastor, allelúja.

xxx

FERIA SEXTA.

De Actibus Apostolorum.

Lectio i.

Cap. 25.

Festus ergo cum venisset in provinciam, post triduum ascendit Jerosolymam a Cæsarea. Adieruntque eum principes sacerdotum, et primi Judæorum adversus Paulum: et rogabant eum, postulantes gratiam adversus eum, ut juberet perducere eum in Jerusalem, insidias tendentes, ut interficerent eum in via. Festus autem respondit, servari Paulum in Cæsarea: se autem maturius profecturum. Qui ergo in vobis (ait) potentes sunt,

descendentes simul, si quod est in viro crimen, accusent eum.

R. Virtute magna reddébant Apóstoli
* Testimónium resurrectionis Jesu Christi Dómini nostri, allelúja, allelúja.

V. Repléti quidem Spíritu sancto loquebantur cum fidúcia verbum Dei.
*T*estimónium.

Lectio ii.

Demoratus autem inter eos dies non amplius quam octo, aut decem, descendit Cæsaream, et altera die sedit pro tribunali, et jussit Paulum adduci. Qui cum perductus esset, circumsteterunt eum qui ab Jerosolyma descenderant Judæi, multas et graves causas objicientes, quas non poterant probare, Paulo rationem reddente: Quoniam neque in legem Judæorum, neque in templum, neque in Cæsarem quidquam peccavi.

R. De ore prudentis procedit mel, allelúja: dulcedo mellis est sub lingua ejus, allelúja: * Favus distillans labia ejus, allelúja, allelúja.

V. Sapientia requiescit in corde ejus, et prudentia in sermone oris illius.
*F*avus. Glória Patri. *F*avus.

Lectio iii.

Festus autem volens gratiam prestare Judæis, respondens Paulo, dixit: Vis Jerosolymam ascendere, et ibi de his judicari apud me? Dixit autem Paulus: Ad tribunal Cæsaris sto, ibi me oportet judicari: Judæis non nocui, sicut tu melius nosti. Si enim nocui, aut dignum morte aliquid feci, non recuso mori: si vero nihil est eorum, quæ hi accusant me, nemo potest me illis donare. Cæsarem appello. Tunc Festus cum concilio locutus, respondit: Cæsarem appellasti? Ad Cæsarem ibis.

Te Deum laudamus. 13.

Ad Benedictus, Antiphona, to. 8.
Nonne sic oportuit pati Christum, et ita intrare in gloriam suam? allelúja.

Ad Vesperas, nisi occurrat Festum novem Lectionum, à Capitulo fit de S. Maria.

SABBATO.

D e Actibus Apostolorum.

Lectio i.

Cap. 28. d.

CUm autem venissémus Romam, permíssum est Paulo manére síbimet cum custodiénte se mílite. Post tertíum autem diem convocávit primos Judæorum. Cumque convenísent, dicébat eis: Ego, viri fratres, nihil advérsus plebem fáciens, aut morem patrérnum, vinctus ab Jerosólymis tráditus sum in manus Romanórum: qui, cum interrogatióne de me habuísset, voluérunt me dimítere, eo quod nulla esset causa mortis in me. Contradicéntibus autem Judæis, coáctus sum appelláre Cæsarem, non quasi gentem meam habens áliquid accusáre. Propter hanc ígitur eausam rogávi vos vidére, et álloqui. Propter spem enim Israel caténa hac circúmdatus sum.

Lectio ii.

AT illi dixerunt ad eum: Nos neque lítteras accévimus de te a Judæa, neque advéniens áliquis fratrum nuntiávit, aut locúsus est quid de te malum. Rogámus autem a te audíre quæ sentis: nam de secta hac notum est nobis, quia ubique ei contradícitur. Cum constituísset autem illi diem, venerunt ad eum in hospítium plúrimi, quibus exponébat testíficans regnum Dei, suadénsque eis de Jesu ex lege Móysi, et Prophétis, a mane usque ad vésperam. Et quidam credébant his, quæ dicebántur: quidam vero non credébant.

Lectio iii.

CUmque ínvicem non essent consentiéntes, discedébant, dicénte Paulo unum verbum: Quia bene Spí-

ritus sanctus locúsus est per Isalam Prophétam ad patres nostros, dicens: Vade ad pópulum istum, et dic ad eos: Aure audiétis, et non intelligétis: et vidéntes vidébitis, et non perspiciétis. Incrassátum est enim cor pópuli hujus, et áuribus grávitè audierunt, et óculos suos compressérunt: ne forte vídeant óculis, et áuribus áudiant, et corde intélligant, et convertántur, et sanem eos. Notum ergo sit vobis, quóniam Géntibus missum est hoc salutáre Dei, et ipsi áudient. Et, cum hæc dixísset, exiérunt ab eo Judæi, multam habéntes inter se quæstióne. Mansit autem biénio toto in suo condúcto: et suscipiébat omnes, qui ingrediebántur ad eum, prædicans regnum Dei, et docens quæ sunt de Dómino Jesu Christo cum omni fidúcia, sine prohibitióne.

Ad Vesperas.

Capitulum.

1. Pet. 2. c.

CHaríssimi, Obsecro vos tamquam ádvenas et peregrínos abstinére vos a carnálibus desidériis, quæ militant advérsus ánimam.

Hymnus.

AD régias Agni dapes
Stolis amícti cándidis
Post tránsitum maris Rubri
Christo canámus Príncipi.

Divína cujus cháritas
Sacrum propínat sánguinem,
Almíque membra córporis
Amor Sacérdos ímmolat.

Sparsum cruórem póstibus
Vastátor horret Angelus;
Fugítque dívísium mare:
Mergúntur hostes flúctibus.

Jam Pascha nostrum Christus est,
Paschális idem víctima,
Et pura puris méntibus
Sinceritátis ázyma.

O vera cœli víctima,
 Subiecta cui sunt tártara,
 Soluta mortis vincula,
 Recēpta vitæ præmia.
 Victor subactis inferis
 Trophæa Christus explicat,
 Cœloque aperto, subditum
 Regem tenebrarum trahit.
 Ut sis perenne mentibus
 Paschale, Jesu, gaudium,
 A morte dira criminum
 Vitæ renatos libera.

Deo Patri sit gloria,
 Et Filio, qui a mortuis
 Surrēxit, ac Paráclito,
 In sempiterna sæcula. Amen.

V. Mane nobiscum Dómine, allelúja.
 R. Quóniam advesperāscit, allelúja.

Ad Magnificat, Antiphona, to. 6.
 Módicum, et non vidēbitis me, dicit
 Dóminus: iterum módicum, et vidē-
 bitis me, quia vado ad Patrem, alle-
 lúja, allelúja.

Oratio.

DEus, qui errantibus, ut in viam
 possint redire justitiæ, veritatis
 tuæ lumen ostēdis: da cunctis, qui
 Christiāna professiōne censentur, et
 illa respūere, quæ huic inimica sunt
 nōmini, et ea, quæ sunt apta, sectari.
 Per Dóminum.

Deinde fit

Commemoratio de Cruce.

Antiph. Crucem sanctam subiit, qui
 infērnū confrēgit, accinctus est po-
 tētia, surrēxit die tertia, allelúja.

V. Dícite in natiōibus, allelúja.

R. Quia Dóminus regnāvit a ligno,
 allelúja.

Oratio.

DEus, qui pro nobis Fílium tuum
 crucis patibulum subire voluisti,
 ut inimici a nobis expelleres potestā-
 tem: concēde nobis famulis tuis, ut
 resurrectionis grātiā consequāmur.
 Per eúndem Dóminum nostrum.



Dominica III. post Pascha.

AD MATUTINUM.

Invitatorium, Hyannus et alia usque
 ad Lectiones ut in Psalterio. 3.

IN I. NOCTURNO.

Incipit liber Apocalýpsis beāti
 Joánnis Apóstoli.

Lectio i.

Cap. 1.

Apocalýpsis Jesu Christi, quam
 dedit illi Deus palam facere ser-
 vis suis, quæ opórtet fieri cito: et
 significāvit, mittens per Angelum
 suum servo suo Joánni, qui testimō-
 nium perhibuit verbo Dei, et testimō-
 nium Jesu Christi, quaecúmque vidit.
 Beātus, qui legit, et audit verba pro-
 phetiæ hujus, et servat ea, quæ in
 ea scripta sunt: tempus enim prope
 est. Joánnes septem Ecclésiis, quæ
 sunt in Asia. Gratiā vobis, et pax ab
 eo, qui est, et qui erat, et qui ventū-
 rus est: et a septem spirítibus, qui
 in conspectu throni ejus sunt: et a
 Jesu Christo, qui est testis fidélis,
 primogénitus mortuórum, et princeps
 regum terræ: qui diléxit nos, et lavit
 nos a peccátis nostris in ságuine
 suo, et fecit nos regnum, et sacerdó-
 tes Deo et Patri suo: ipsi glória, et im-
 pērium in sæcula sæculórum. Amen.
 R. Dignus es, Dómine, accípere li-
 brum, et aperire signácula ejus, alle-
 lúja: quóniam occísus es: et rede-
 místi nos Deo * In ságuine tuo, al-
 lelúja.

V. Fecísti enim nos Deo nostro reg-
 num, et sacerdótium. In ságuine.

Lectio ii.

Ecce venit cum núbibus, et vidē-
 bit eum omnis óculus, et qui eum
 pupugérunt. Et plangent se super
 eum omnes tribus terræ: Etiam:
 Amen. Ego sum alpha et oméga,

princípium et finis, dicit Dóminus Deus, qui est, et qui erat, et qui venturus est, omnipotens. Ego Joánnes fráter vester, et párticeps in tribulatióne, et regno, et patiéntia in Christo Jesu, fui in ínsula, quæ appellátur Patmos, propter verbum Dei, et testimónium Jesu. Fui in spírítu in Domínica die, et audívi post me vocem magnam tamquam tubæ, dicéntis: Quod vides, scribe in libro: et mitte septem Ecclésiis, quæ sunt in Asia, Epheso, et Smyrnæ, et Pérgamo, et Thyatí-ræ, et Sardis, et Philadelphíæ, et Laodiciæ.

R. Ego sicut vitis fructificávi suavitátem odóris, allelúja: * Transíte ad me, omnes qui concupísцитis me, et a generatió nibus meis adimplémini, allelúja, allelúja.

V. In me omnis grátia viæ et veritátis: in me omnis spes vitæ et virtútis. **T**ransíte.

Lectio iii.

ET convérsus sum, ut vidérem vocem, quæ loquebátur mecum: et convérsus vidi septem candelábra áurea: et in médio septem candelábrorum aureórum símilem Fílio hóminis, vestítum podére, et præcínctum ad mamíllas zona áurea: caput autem ejus et capílli erant cándidi tamquam lana alba, et tamquam nix, et óculi ejus tamquam flamma ignis, et pedes ejus símiles aurichálco, sicut in camíno ardénti, et vox illius tamquam vox aquárum multárum: et habébat in dextera sua stellas septem: et de ore ejus gládus utrâque parte acútus exíbat: et fácies ejus sicut sol lucet in virtúte sua. Et, cum vidíssem eum, cécidi ad pedes ejus tamquam mórtuus. Et pósuit dextera suam super me, dicens: Noli timére: ego sum primus, et novíssimus, et vivus, et fui mórtuus, et ecce sum vivens in sæcula sæculórum: et

hábeo claves mortis, et inférni. Scribe ergo quæ vidísti, et quæ sunt, et quæ opórtet fieri post hæc.

R. Audívi vocem de cœlo, tamquam vocem tonítrui magni, allelúja: regnabit Deus noster in ætérnum, allelúja: * Quia facta est salus, et virtus, et potéstas Christi ejus, allelúja, allelúja.

V. Et vox de throno exívit, dicens: Laudem dícite Deo nostro, omnes sancti ejus, et qui timétis Deum, pussilli et magni. **Quia. Glória Patri. Quia.**

IN II. NOCTURNO.

Sermo Sancti Augustíni Epíscopi.

Serm. 147. de Tempore.

Lectio iv.

DIébus his sanctis resurrectióri Dómini dedicátis, quantum donánte ipso póssumus, de carnis resurrectiône tractémus. Hæc enim est fides nostra: hoc donum in Dómini nostri Jesu Christi nobis carne promíssum est, et in ipso præcéssit exéplum. Vóluit enim nobis, quod promísit in fine, non solum prænuntiáre, sed étiam demonstráre. Illi quidem, qui tunc fuérunt, cum illum vidérant, et cum expavéscerent, et spírítum se vidére créderent, soliditátem córporis tenuérunt. Locútus est enim non solum verbis ad aures eórum, sed étiam spécie ad óculos eórum: parúmque erat se præbére cernéndum, nisi étiam offerret pertractándum, atque palpándum.

R. Locútus est ad me unus ex septem Angelis, dicens: Veni, osténdam tibi novam nuptam, sponsam Agni: * Et vidi Jerúsalem descendéntem de cœlo, ornátam monílibus suis, allelúja, allelúja, allelúja.

V. Et sústulit me in spírítu in montem magnum et altum. **Et vidi.**

Lectio v.

Alt enim: Quid turbáti estis, et cogitationes ascéndunt in cor vestrum? Putavérunt enim se spíritum vidére. Quid turbáti estis, inquit, et cogitationes ascéndunt in cor vestrum? Vidéte manus meas, et pedes meos: palpáte, et vidéte: quia spíritus ossa et carnem non habet, sicut me vidétis habére. Contra istam evidéntiam disputábant hómines. Quid enim áliud fácerent hómines, qui ea, quæ sunt hóminum, sápiunt, quam sic disputáre de Deo contra Deum? Ille enim Deus est, isti hómines sunt. Sed Deus novit cogitationes hóminum, quóniam vanæ sunt.

R. Audívi vocem de cœlo Angelórum multórum dicéntium: *Timéte Dóminum, et date claritátem illi, et adoráte eum qui fecit cœlum et terram, mare et fontes aquárum, allelúja, allelúja.

V. Vidi Angelum Dei fortem, volántem per médium cœli, voce magna clamántem et dicéntem. Tíméte.

Lectio vi.

In hómine carnáli tota régula intelligéndi est consuetúdo cernéndi. Quod solent vidére, credunt: quod non solent, non credunt. Præter consuetúdinem facit Deus mirácula, quia Deus est. Majóra quidem mirácula sunt, tot quotidie hómines nasci qui non erant, quam paucos resurrexísse qui erant: et tamen ista mirácula non consideratione comprehénsa sunt, sed assiduitáte viluérunt. Resurrexit Christus: absolutá est res. Corpus erat, caro erat: pepéndit in cruce, emísit ánimam, pósita est caro in sepúlchro. Exhíbuit illam vivam, qui vivébat in illa. Quare mirámur? quare non crédimus? Deus est, qui fecit.

R. Véniens a Líbano quam pulchra facta est! allelúja: * Et odor vestimentórum ejus super ómnia arómata, allelúja, allelúja.

V. Favus distíllans lábia ejus, mel et lac sub lingua ejus. Et odor. Glória Patri. Et odor.

IN III. NOCTURNO.

Léctio sancti Evangélíi secúndum Joánnem.

Lectio vii.

Cap. 16. b.

In illo témpore: Dixit Jesus discíulis suis: Módicum, et jam non vidébitis me: et íterum módicum, et vidébitis me: quia vado ad Patrem. Et réliqua.

Hómília Sancti Augustíni Epíscopi.

Tract. 101. in Joan. sub finem.

Módicum est hoc totum spátium, quo præsens pérvolat sæculum. Unde dicit idem ipse Evangélista in Epístola sua: Novíssima hora est. Ideo namque áddidit: Quia vado ad Patrem: quod ad priórem senténtiam referéndum est, ubi ait: Módicum, et jam non vidébitis me: non ad posteriorem, ubi ait: Et íterum módicum, et vidébitis me. Eúndo quippe ad Patrem, factúrus erat, ut eum non vidérent. Ac per hoc non ideo dictum est, quia fúerat moritúrus, et donec resúrgeret, ab eórum aspéctibus recessúrus: sed quod esset itúrus ad Patrem, quod fecit posteaquam resurrexit, et cum eis per quadragínta dies conversátus, ascéndit in cœlum.

R. Decantábat pópulus Israel, allelúja, et univérsa multitúdo Jácob canébat legítimè: * Et David cum cantóribus cítharam percutiébat in domo Dómini, et laudes Deo canébat, allelúja, allelúja.

V. Sanctificáti sunt ergo Sacerdótes et Levítæ: et univérsus Israel deducébat arcam fœderis Dómini in júbilo. Et David.

Lectio viii.

Illis ergo ait: Módicum, et jam non vidébitis me, qui eum corporáliter tunc vidébant: quia itúrus erat ad

Patrem, et eum deinceps mortalem visuri non erant, qualem, cum ista loqueretur, videbant. Quod vero addidit: Et iterum modicum, et videbitis me: universae promisit Ecclesiae, sicut universae promisit: Ecce ego vobiscum sum usque ad consummationem saeculi. Non tardat Dominus promissum. Modicum, et videbimus eum: ubi jam nihil rogemus, nihil interrogemus, quia nihil desiderandum remanebit, nihil quaerendum latebit.

R. Tristitia vestra, allelúja * Convertetur in gaudium, allelúja, allelúja.

V. Mundus autem gaudébit, vos vero contristabimini: sed tristitia vestra.

Convertetur. **G**loria Patri. **C**onvertetur.

Lectio ix.

Hoc modicum longum nobis videtur, quoniam adhuc agitur: cum finitum fuerit, tunc sentiemus quam modicum fuerit. Non ergo sit gaudium nostrum quale habet mundus, de quo dictum est: Mundus autem gaudébit. Nec tamen in hujus desiderii parturitio sine gaudio tristes simus, sed, sicut ait Apostolus: Spe gaudentes, in tribulatione patientes: quia et ipsa parturiens, cui comparati sumus, plus gaudet de mox futura prole, quam tristis est de praesenti dolore. Sed hujus sermonis iste sit finis: habent enim quaestionem molestissimam, quae sequuntur: nec brevitate coarctanda sunt, ut possint commodius, si Dominus voluerit, explicari.

Te Deum laudamus. 13.

AD LAUDES.

Antiph. to. 6. Allelúja. Psalmus. Dominus regnavit. cum reliquis **Antiphonis et Psalmis de Psalterio. 14.**

Capitulum.

1. Pet. 2. c.

Charissimi, Obsecro vos tamquam advenas et peregrinos abstinere vos a carnalibus desideriis, quae militant adversus animam.

Hymnus.

Aurora coelum purpurat,
Æther resultat laudibus,
Mundus triumphans jubilat,
Horrens avérnus infremit:

Rex ille dum fortissimus
De mortis inférno specu
Patrum Senatum liberum
Educit ad vitæ jubar.

Cujus sepulchrum plurimo
Custode signabat lapis,
Victor triumphat, et suo
Mortem sepulchro funerat.

Sat funeri, sat lacrymis,
Sat est datum doloribus:
Surrexit extingtor necis,
Clamat coruscans Angelus.

Ut sis perenne mentibus
Paschale, Jesu, gaudium,
A morte dira criminum
Vitæ renatos libera.

Deo Patri sit gloria,
Et Filio, qui a mortuis
Surrexit, ac Paráclito,
In sempiterna saecula.
Amen.

V. In resurrectione tua, Christe, allelúja.

R. Cœli et terra lætentur, allelúja.

Ad Benedictus, Antiphona, to. 6.

Modicum, et non videbitis me, dicit Dominus: iterum modicum, et videbitis me, quia vado ad Patrem; allelúja, allelúja.

Oratio.

Deus, qui errantibus, ut in viam possint redire justitiæ, veritatis tuæ lumen ostendis: da cunctis, qui Christiana professione censentur, et illa respuere, quæ huic inimica sunt nomini; et ea, quæ sunt apta, sectari. Per Dominum.

Deinde fit

Commemoratio de Cruce.

Antiph. Crucifixus surrexit a mortuis, et redemit nos, allelúja, allelúja.

Ÿ. Dícite in natió nibus, allelúja.

℞. Quia Dóminus regnáv it a ligno, allelúja.

Oratio.

DEus, qui pro nobis Fílium tuum crucis patíbulum subíre voluísti, ut inimíci a nobis expélleres potestátem: concéde nobis fámulis tuis, ut resurrecti ónis grátiam consequámur. Per eúmdem Dóminum nostrum.

Ad Tertiam.

Capitulum.

1. Pet. 2. 6.

Charíssimi, Obsecro vos tamquam ádvenas et peregrínos abstinére vos a carnálibus desidériis, quæ militant advérsus ánimam.

℞. br. Surréxit Dóminus de sepúlchro, * Allelúja, allelúja. Surréxit.

Ÿ. Qui pro nobis pepéndit in ligno. Allelúja, allelúja. Glória Patri. Surréxit.

Ÿ. Surréxit Dóminus vere, allelúja.

℞. Et appáruit Simióni, allelúja.

Ad Sextam.

Capitulum.

1. Pet. 2. c.

Subjécti ígitur estóte omni humánæ creatúræ propter Deum: sive regi, quasi præcellénti; sive dúcibus, tamquam ab eo missis ad vindíctam malefactorum, laudem vero bonorum.

℞. br. Surréxit Dóminus vere, * Allelúja, allelúja. Surréxit.

Ÿ. Et appáruit Simióni. Allelúja, allelúja. Glória Patri. Surréxit.

Ÿ. Gavísi sunt discípuli, allelúja.

℞. Viso Dómino, allelúja.

Ad Nonam.

Capitulum.

1. Pet. 2. c.

Servi, súbditi estóte in omni timóre dómínis, non tantum bonis et modéstis, sed étiam dýscolis. Hæc est enim gratia in Christo Jesu Dómino nostro.

℞. br. Gavísi sunt discípuli, * Allelúja, allelúja. Gavísi.

Ÿ. Viso Dómino. Allelúja, allelúja. Glória Patri. Gavísi.

Ÿ. Mane nobíscum, Dómine, allelúja.

℞. Quóniam advesperáscit, allelúja.

Ad Vesperas.

Antiph. to. 4. m. Allelúja. Psalmus. Dixit Dóminus. cum reliquis de Dominica. 101.

Capitulum. Charíssimi, Obsecro vos. ut supra.

Hymnus. Ad régias Agni dapes. 301.

Ÿ. Mane nobíscum, Dómine, allelúja.

℞. Quóniam advesperáscit, allelúja.

Ad Magnificat, Antiphona, to. 8. Amen dico vobis, quia plorábitis et flébitis vos: mundus autem gaudébit, vos vero contristabímíni: sed tristítia vestra convertétur in gáudium, allelúja.

Oratio.

DEus, qui errántibus, ut in viam possint redíre justítiae, veritátis tuæ lumen osténdis: da cunctis, qui Christiána professióne censéntur, et illa respúere, quæ huic inimíca sunt nómini; et ea, quæ sunt apta, sectári. Per Dóminum.

Deinde fit

Commemoratio de Cruce.

Antiph. Crucem sanctam súbiit, qui inférnum confrégit, accínctus est poténtia, surréxit die tértia, allelúja.

Ÿ. Dícite in natió nibus, allelúja.

℞. Quia Dóminus regnáv it a ligno, allelúja.

Oratio. Deus, qui pro nobis. ut supra.



FERIA SECUNDA.

De libro Apocalýpsis beáti Joánnis Apóstoli.

Lectio i.

Cap. 2.

Angelo Ephesi Ecclésiæ scribe: Hæc dicit qui tenet septem stellas in dextera sua, qui ambulat in medio septem candelabrorum aureorum: Scio opera tua, et laborem, et patientiam tuam, et quia non potes sustinere malos: et tentasti eos, qui se dicunt Apóstolos esse, et non sunt; et invenisti eos mendaces: et patientiam habes, et sustinuisti propter nomen meum, et non defecisti. Sed habeo adversum te, quod charitatem tuam primam reliquisti. Memor esto itaque unde excideris, et age poenitentiam, et prima opera fac. Sin autem, venio tibi, et movebo candelabrum tuum de loco suo, nisi poenitentiam egeris. Sed hoc habes, quia odisti facta Nicolaitarum, quæ et ego odi. Qui habet aurem, audiat quid Spiritus dicat Ecclésiis: Vincenti dabo edere de ligno vitæ, quod est in Paradiso Dei mei.

R. Vidi portam civitatis ad Orientem positam, et Apostolorum nomina et Agni super eam scripta: * Et super muros ejus Angelorum custodiam, allelúja.

V. Vidi cælum novum, et terram novam, et civitatem novam descendentem de cælo. Et super.

Lectio ii.

Et Angelo Smyrnæ Ecclésiæ scribe: Hæc dicit primus, et novissimus, qui fuit mortuus, et vivit: Scio tribulationem tuam, et paupertatem tuam, sed dives es, et blasphemaris ab his, qui se dicunt Judæos esse, et non sunt, sed sunt synagoga sathanæ. Nihil horum timeas, quæ passurus es. Ecce missurus est diabolus aliquos ex vobis in carcerem, ut tentemini: et habebitis tribulationem diebus decem. Esto

fidelis usque ad mortem, et dabo tibi coronam vitæ. Qui habet aurem, audiat quid Spiritus dicat Ecclésiis: Qui vicerit, non lædetur a morte secunda.

R. Ostendit mihi Angelus fontem aquæ vivæ, et dixit ad me, allelúja: * Hic Deum adóra, allelúja, allelúja, allelúja.

V. Postquam audissem et vidissem, cecidi ut adorarem ante pedes Angeli, qui mihi hæc ostendebat, et dixit mihi. Hic Deum. Glória Patri. Hic Deum.

Lectio iii.

Et Angelo Pérgami Ecclésiæ scribe: Hæc dicit qui habet rhomphæam utraque parte acutam: Scio ubi habitas, ubi sedes est sathanæ: et tenes nomen meum, et non negasti fidem meam. Et in diebus illis Antipas testis meus fidelis, qui occisus est apud vos, ubi sathanas habitat. Sed habeo adversus te pauca: quia habes illic tenentes doctrinam Balaam, qui docebat Balac mittere scandalum coram filiis Israel, edere, et fornicari: ita habes et tu tenentes doctrinam Nicolaitarum. Similiter poenitentiam age: si quo minus, veniam tibi cito, et pugnabo cum illis in gladio oris mei. Qui habet aurem, audiat quid Spiritus dicat Ecclésiis: Vincenti dabo manna absconditum, et dabo illi calculum candidum, et in calculo nomen novum scriptum, quod nemo scit, nisi qui accipit.

Te Deum laudamus. 13.

Ad Benedictus, Antiphona, to. 1. f.

Et incipiens a Móyse et omnibus Prophétis, interpretabatur illis Scripturas, quæ de ipso erant, allelúja.

Ad Magnificat, Antiphona, to. 8.

Tristitia vestra vertetur in gaudium, allelúja: et gaudium vestrum nemo tollet a vobis, allelúja, allelúja.

— 33 —

FERIA TERTIA.

De libro Apocalýpsis beáti Joánnis Apóstoli.

Lectio i.

Cap. 4.

Post hæc vidi: et ecce óstium apértum in cœlo, et vox prima, quam audívi, tamquam tubæ loquéntis mecum, dicens: Ascénde huc, et ostendam tibi, quæ opórtet fieri post hæc. Et statim fui in spíritu: et ecce sedes pósita erat in cœlo, et supra sedem sedens. Et qui sedébat, similis erat aspéctui lápidis iáspidis et sárdinis: et iris erat in circúitu sedis similis visióni smarágdinæ. Et in circúitu sedis sedília vigintiquátuor: et super thronos vigintiquátuor seniôres sedéntes, circumamícti vestiméntis albis, et in capítibus eórum corónæ áureæ. Et de throno procedébant fúlgura, et voces, et tonítrua, et septem lámpades ardéntes ante thronum, qui sunt septem Spíritus Dei.

R. Vidi Jerúsalem descendéntem de cœlo, ornátam auro mundo, et lapídibus pretiósus intéxtam: * Allelúja, allelúja.

V. Et erat structúra muri ejus ex lápide iáspide; ipsa vero aurum mundum, símile vitro mundo. Allelúja.

Lectio ii.

ET in conspéctu sedis tamquam mare vítreum símile crystállo; et in médio sedis, et in circúitu sedis quátuor animália plena óculis ante et retro. Et ánimál primum símile leóni, et secúndum ánimál símile vítulo, et tértium ánimál habens fáciem quasi hóminis, et quartum ánimál símile áquilæ volánti. Et quátuor animália singula eórum habébant alas senas: et in circúitu et intus plena sunt óculis; et réquiem non habébant die ac nocte, dicéntia: Sanctus, Sanctus, Sanctus Dóminus Deus omnípotens, qui erat, et qui est, et qui ventúrus est.

R. In diadémate cápitis Aaron magnificéntia Dómini sculpta erat, * Dum perficerétur opus Dei, allelúja, allelúja, allelúja.

V. In veste enim podéris, quam habébat, totus erat orbis terrárum, et paréntum magnália in quátuor ordinibus lápidum sculpta erant. Dum perficerétur. Glória Patri. Dum.

Lectio iii.

ET cum darent illa animália glóriam, et honórem, et benedictiónem sedénti super thronum, vivénti in sæcula sæculórum, procidébant viginti quátuor seniôres ante sedéntem in throno, et adorábant vivéntem in sæcula sæculórum, et mittébant corónas suas ante thronum, dicéntes: Dignus es, Dómine Deus noster, accípere glóriam, et honórem, et virtútem, quia tu creásti ómnia, et propter voluntátem tuam erant, et creáta sunt.

Te Deum laudámus. 13.

Ad Benedictus, Antiphona, to. 8.

Et coegérunt illum, dicéntes: Mané nobíscum, Dómine, quóniam advesperáscit, allelúja.

Ad Magnificat, Antiphona, to. 8.

Tristítia implévit cor vestrum: et gáudium vestrum nemo tollet a vobis, allelúja, allelúja.



FERIA QUARTA.

De libro Apocalýpsis beáti Joánnis Apóstoli.

Lectio i.

Cap. 5.

ET vidi in dextera sedéntis supra thronum librum scriptum intus et foris, signátum sigíllis septem. Et vidi Angelum fortem, prædicántem voce magna: Quis est dignus aperíre librum, et sólvare signácula ejus? Et nemo póterat neque in cœlo, neque in terra, neque subtus terram aperíre librum, neque respícere illum. Et ego

flebam multum, quóniam nemo dignus invéntus est aperíre librum, nec vidére eum. Et unus de senióribus dixit mihi: Ne fléveris: ecce vicit leo de tribu Juda, radix David, aperíre librum, et sólvare septem signácula ejus. Et vidi: et ecce in médio thróni et quátuor animálium, et in médio seniórum Agnum stantem tamquam occísus, habéntem córnua septem, et óculos septem, qui sunt septem spíritus Dei, missi in omnem terram. Et venit, et accépit de délixtera sedéntis in throno librum.

R. Platée tuæ, Jerúsalem, sternéntur auro mundo, allelúja: et cantábitur in te cánticum lætítiae, allelúja: * Et per omnes vicos tuos ab univérsis dicetur, allelúja, allelúja.

V. Luce spléndida fulgébis, et omnes fines terræ adorábunt te. **Et per.**

Lectio ii.

ET cum aperuíssset librum, quátuor animália, et vigínti quátuor senióres cecidérunt coram Agno, habéntes sínguli cítharas, et phíalas áureas, plenas odoramentórum, quæ sunt oratiónes Sanctórum: et cantábant cánticum novum, dicéntes: Dignus es, Dómine, accípere librum, et aperíre signácula ejus, quóniam occísus es, et redemísti nos Deo in sáanguine tuo ex omni tribu, et lingua, et pópulo, et natióne: et fecísti nos Deo nostro regnum et sacerdótes: et regnábit super terram.

R. Decantábat pópulus Israel, allelúja; et univérsa multitúdo Jacob canébat legítimè: * Et David cum cantóribus cítharam percutiébat in domo Dómini, et laudes Deo canébat, allelúja, allelúja.

V. Sanctificáti sunt ergo Sacerdótes et Levítæ: et univérsus Israel deducébat arcam fœderis Dómini in júbilo. **Et David. Glória Patri. Et David.**

Lectio iii.

ET vidi, et audívi vocem Angelórum multórum in circúitu thróni, et animálium, et seniórum; et erat númerus eórum mília mília, dicéntium voce magna: Dignus est Agnus, qui occísus est, accípere virtútem, et divinitátem, et sapiéntiam, et fortitúdinem, et honórem, et glóriam, et benedictiónem. Et omnem creatúram, quæ in cœlo est, et super terram, et sub terra, et quæ sunt in mari, et quæ in eo, omnes audívi dicéntes: Sedénti in throno, et Agno, benedictio, et honor, et glória, et potéstas in sæcula sæculórum. Et quátuor animália dicébant: Amen. Et vigínti quátuor senióres cecidérunt in fâcies suas, et adoravérunt vivéntem in sæcula sæculórum.

Te Deum laudámus. 13.

Ad Benedictus, Antiphona, to. 7. r. Mane nobíscum, quóniam advesperáscit, et inclináta est jam dies, allelúja.

Ad Magnificat, Antiphona, to. 8. Tristítia vestra, allelúja, vertétur in gáudium, allelúja.



FERIA QUINTA.

De libro Apocalýpsis beáti Joánnis Apóstoli.

Lectio i.

Cap. 15.

ET vidi áliud signum in cœlo magnum, et mirábile, Angelos septem habéntes plagas septem novíssimas, quóniam in illis consummáta est ira Dei. Et vidi tamquam mare vítreum mistum igne, et eos, qui vicerunt béstiam, et imáginem ejus, et númerum nóminis ejus, stantes super mare vítreum, habéntes cítharas Dei, et cantántes cánticum Móysi servi Dei, et cánticum Agni, dicéntes: Magna et mirabília sunt ópera tua, Dómine Deus omnípotens: justæ et

veræ sunt viæ tuæ, Rex sæculorum. Quis non timébit te, Dómine, et magnificábit nomen tuum? quia solus pius es: quóniam omnes Gentes vénient, et adorábunt in conspéctu tuo, quóniam iudícia tua manifestá sunt.

R. Dignus es, Dómine, accípere librum, et aperíre signácula ejus, allelúja: quóniam occísus es: et redemísti nos Deo * In sáanguine tuo, allelúja.

V. Fecísti enim nos Deo nostro regnum, et sacerdótium. In sáanguine.

Lectio ii.

ET post hæc vidi, et ecce apértum est templum tabernáculi testimónii in cœlo: et exiérunt septem Angeli habéntes septem plagas de templo, vestíti lino mundo et cándido, et præcíncti circa pectora zonis áureis. Et unum de quátuor animálibus dedit septem Angelis septem phíalas áureas, plenas iracúndiæ Dei vivéntis in sæcula sæculorum. Et implétum est templum fumo a maiestáte Dei, et de virtúte ejus: et nemo póterat introíre in témplum, donec consummaréntur septem plagæ septem Angelorum.

R. Ego sicut vitis fructificávi suavitátem odóris, allelúja: * Transíte ad me, omnes qui concupíscitis me, et a generatiónibus meis adimplémini, allelúja, allelúja.

V. In me omnis grátia viæ et veritátis: in me omnis spes vitæ et virtútis. Transíte. Glória Patri. Transíte.

Lectio iii.

Cap. 16.

ET audívi vocem magnam de templo dicéntem septem Angelis: Ite, et effúndite septem phíalas iræ Dei in terram. Et ábiit primus, et effúdit phíalam suam in terram, et factum est vulnus sævum et péssimum in hómines, qui habébant charactérem bestię, et in eos, qui adoravérunt imáginem ejus. Et secúndus Angelus effúdit phíalam suam in mare,

et factus est sanguis tamquam mórtui, et omnis ánima vivens mórtua est in mari. Et tértius effúdit phíalam suam super flúmina, et super fontes aquárum, et factus est sanguis. Et audívi Angelum aquárum dicéntem: Justus es, Dómine, qui es, et qui eras sanctus, qui hæc judicásti: quia sáanguinem Sanctórum et Prophetárum effuderunt, et sáanguinem eis dedísti bíbere: digni enim sunt.

Te Deum laudámus. 13.

Ad Benedictus, Antiphona, to. 3.

Et intrávit cum illis: et factum est, dum recúberet cum illis, accépit panem, et benedíxit, ac fregit, et porrigébat illis, allelúja, allelúja.

Ad Magnificat, Antiphona, to. 1.

Amen, amen dico vobis, íterum vidébo vos, et gaudébit cor vestrum, et gáudium vestrum nemo tollet a vobis, allelúja.



FERIA SEXTA.

De libro Apocalýpsis beáti Joánnis Apóstoli.

Lectio i.

Cap. 19.

Post hæc. audívi quasi vocem turbárum multárum in cœlo dicéntium: Allelúja: Salus, et glória, et virtus Deo nostro est: quia vera, et justa iudícia sunt ejus, qui iudicávit de meretríce magna, quæ corrúpit terram in prostitutíone sua, et vindicávit sáanguinem servórum suórum de má nibus ejus. Et íterum dixerunt: Allelúja. Et fumus ejus ascéndit in sæcula sæculorum. Et cecidérunt senióres vigintiquátuor, et quátuor animália, et adoravérunt Deum sedéntem super thronum, dicéntes: Amen, Allelúja. Et vox de throno exívit, dicens: Laudem dícite Deo nostro, omnes servi ejus: et qui timétis eum, pusílli et magni.

R. Locutus est ad me unus ex septem Angelis, dicens: Veni, ostendam tibi novam nuptam, sponsam Agni:

* Et vidi Jerúsalem descendentem de cœlo, ornátam monilibus suis, allelúja, allelúja, allelúja.

V. Et sústulit me in spíritu in montem magnum et altum. **Et vidi.**

Lectio ii.

ET audívi quasi vocem turbæ magnæ, et sicut vocem aquarum multarum, et sicut vocem tonitruorum magnorum, dicentium: Allelúja: quóniam regnávít Dóminus Deus noster omnipotens. Gaudeámus, et exultémus, et demus glóriam ei, quia venerunt nuptiæ Agni, et uxor ejus præparávit se. Et datum est illi ut coopériat se býssino splendénti et cándido. Býssinum enim justificatiónes sunt Sanctórum. Et dixit mihi: Scribe: Beáti qui ad cœnam nuptiarum Agni vocáti sunt. Et dixit mihi: Hæc verba Dei vera sunt. Et cécidi ante pedes ejus, ut adorárem eum. Et dicit mihi: Vide ne féceris: consérvus tuus sum, et fratrum tuórum habéntium testimónium Jesu. Deum adóra. Testimónium enim Jesu est spíritus prophetiæ.

R. Audívi vocem de cœlo Angelórum multórum dicentium: * Timéte Dóminum, et date claritátem illi, et adoráte eum qui fecit cœlum et terram, mare et fontes aquarum, allelúja, allelúja.

V. Vidi Angelum Dei fortem, volántem per médium cœli, voce magna clamántem et dicéntem. **Timéte. Glória Patri. Timéte.**

Lectio iii.

ET vidi cœlum apértum, et ecce equus albus, et qui sedébat super eum, vocabátur Fidélis, et Verax, et cum justítia júdicat, et pugnat. Oculi autem ejus sicut flamma ignis, et in cápíte ejus diadémata multa, habens

nomen scriptum, quod nemo novit nisi ipse. Et vestítus erat veste aspérsa ságuine: et vocátur nomen ejus, Verbum Dei. Et exércitus, qui sunt in cœlo, sequebántur eum in equis albis, vestíti býssino albo et mundo. Et de ore ejus procedit gládius ex utrâque parte acútus, ut in ipso percútiat Gentes. Et ipse reget eas in virga férrea: et ipse calcat tórcular vini furóris iræ Dei omnipoténtis. Et habet in vestiménto, et in fémore suo scriptum: Rex regum, et Dóminus dominántium.

Te Deum laudámus. 13.

Ad Benedictus, Antiphona, to. 6.

Cognovérunt Dóminum Jesum, allelúja, in fractiône panis, allelúja.

Ad Vesperas, nisi occurrat Festum ix. Lectionum, a Capitulo fit de S. Maria, ut infra.

S A B B A T O.

De libro Apocalýpsis beáti Joánnis Apóstoli.

Lectio i.

Cap. 22.

ET osténdit mihi flúvium aquæ vitæ, spléndidum tamquam crystállum, procedéntem de sedé Dei et Agni. In médio platéæ ejus, et ex utrâque parte flúminis lignum vitæ, áfferens fructus duódecim, per menses síngulos reddens fructum suum, et fólía ligni ad sanitátem Géntium. Et omne maledíctum non erit ámplius: sed sedes Dei et Agni in illa erunt, et servi ejus sérvient illi. Et vidébunt faciém ejus, et nomen ejus in fróntibus eórum. Et nox ultra non erit: et non egébunt lúmine lucérnæ, neque lúmine solis, quóniam Dóminus Deus illuminábit illos, et regnábunt in sæcula sæculórum. Et dixit mihi: Hæc verba fidelissima sunt, et vera. Et Dóminus Deus spírituum Prophetárum misit Angelum suum osténdere servis suis, quæ

opórtet fieri cito. Et ecce vénio velóriter. Beátus, qui custódit verba prophetiæ libri hujus.

Lectio ii.

ET ego Joánnes, qui audívi, et vidi hæc. Et postquam audíssem, et vidíssem, cécedi ut adorárem ante pedes Angeli, qui mihi hæc ostendebat; et dixit mihi: Vide ne féceris: consérvus enim tuus sum, et fratrum tuórum Prophetárum, et eórum, qui servant verba prophetiæ libri hujus: Deum adóra. Et dicit mihi: Ne signáveris verba prophetiæ libri hujus: tempus enim prope est. Qui nocet, nóceat adhuc: et qui in sórdibus est, sordéscat adhuc: et qui justus est, justificétur adhuc: et sanctus sanctificétur adhuc. Ecce vénio cito, et merces mea mecum est, réddere unicuique secúndum ópera sua.

Lectio iii.

EGo sum alpha et oméga, primus et novíssimus, princípium et finis. Beáti, qui lavant stolas suas in sáanguine Agni: ut sit potéstas eórum in ligno vitæ, et per portas intrent in civitátem. Foris canes, et venéfici, et impudíci, et homicídae, et idólis serviétes, et omnis, qui amat et facit mendácium. Ego Jesus misi Angelum meum testificári vobis hæc in Ecclésiis. Ego sum radix et genus David, stella spléndida et matutína. Et spíritus et sponsa dicunt: Veni. Et qui audit, dicat: Veni. Et qui sitit, véniat: et qui vult, accípiat aquam vitæ gratis. Contéstor enim omni audiéti verba prophetiæ libri hujus: Si quis apposúerit ad hæc, appónet Deus super illum plagas scriptas in libro isto. Et si quis diminúerit de verbis libri prophetiæ hujus, áuferet Deus partem ejus de libro vitæ, et de civitáte sancta, et de his, quæ scripta sunt in libro isto. Dicit qui testimónium pérhibet istórum. Etiam vénio

cito: Amen. Veni, Dómine Jesu. Grátia Dómini nostri Jesu Christi cum ómnibus vobis. Amen.

Ad Vesperas.

Capitulum.

Jac. I. c.

CHaríssimi, Omne datum óptimum, et omne donum perféctum desúrsus est, descéndens a Patre lúminum, apud quem non est transinutátio, nec vicissitúdinis obumbrátio.

Hymnus.

AD régias Agni dapes
Stolis amícti cándidis,
Post tránsitum maris Rubri
Christo canámus Príncipi.

Divína cujus cháritas
Sacrum propínat sáanguinem,
Almíque membra córporis
Amor Sacérdos ímmolat.

Sparsum cruórem póstibus
Vastátor horret Angelus;
Fugítque divísus mare:
Mergúntur hostes flúctibus.

Jam Pascha nostrum Christus est,
Paschális idem víctima,
Et pura puris méntibus
Sinceritátis ázyrna.

O vera cœli víctima,
Subjécta cui sunt tártara,
Solúta mortis víncula,
Recépta vitæ præmia.

Victor subáctis ínferis
Trophæa Christus éxplicat,
Cœlóque apérto, súbditum
Regem tenebrárum trahit.

Ut sis perénne méntibus
Paschále, Jesu, gáudium;
A morte dira criminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula. Amen.

V. Mane nobíscum, Dómine, allelúja.

R. Quóniam advesperáscit, allelúja.

Ad Magnificat, Antiphona, to. 1. f.
Vado ad eum, qui misit me: et nemo
ex vobis interrogat me: Quo vadis?
allelúja, allelúja.

Oratio.

DEus, qui fidélium mentes unius
éfficis voluntátis: da pópulis tuis
id amáre, quod præcipis, id deside-
ráre, quod promíttis; ut inter mundá-
nas varietátes ibi nostra fixa sint corda,
ubi vera sunt gáudia. Per Dóminum.

Deinde fit

Commemoratio de Cruce.

Antiph. Crucem sanctam súbiit, qui
inférnum confrégit, accíntus est po-
téntia, surréxit die tértia, allelúja.

Ÿ. Dícite in natió nibus, allelúja.

℞. Quia Dóminus regnávit a ligno,
allelúja.

Oratio.

DEus, qui pro nobis Fílium tuum
crucis patíbulum subíre voluísti,
ut inimíci a nobis expélleres potestá-
tem: concéde nobis fámulis tuis, ut
resurrecti ónis grátiam consequámur.
Per eúmdem Dóminum nostrum.

✠

Dominica IV. p o s t P a s c h a. AD MATUTINUM.

Invitatorium, Hymnus et alia usque
ad Lectiones ut in Psalterio. 3.

Si Lectiones primi Nocturni lectæ
sunt pridie, quando scilicet in Sabbato
præcedenti occurrit Festum sancto-
rum Apostolorum Philippi et Jacobi,
in Dominica legantur Lectiones Feriæ
secundæ sequentis.

IN I. NOCTURNO.

Incipit Epístola Cathólica beáti Jacóbi
Apóstoli.

Lectio i.

Cap. 1.

JAcóbus Dei et Dómini nostri Jesu
Christi servus, duódecim tríbubus,

quæ sunt in dispersi óne, salútem.
Omne gáudium existimáte, fratres mei,
cum in tentati ónes várias incidéri-
tis: sciéntes, quod probáti ó fidei ves-
træ patiéntiam operátur. Patiéntia
autem opus perféctum habet: ut sitis
perfécti et íntegri, in nullo deficiéntes.
Si quis autem vestrum indiget sapién-
tia, póstulet a Deo, qui dat ómnibus
affluénter, et non impróperat: et dá-
bitur ei. Póstulet autem in fide nihil
háesitans.

℞. Si oblítus fúero tui, allelúja, obli-
viscátur mei délixtera mea: * Adhæ-
reat lingua mea fáucibus meis, si non
memínero tui, allelúja, allelúja.

Ÿ. Super flúmina Babylónis illic sé-
dimus et flévimus, dum recordarémur
tui, Sion. Adhæreat.

Lectio ii.

Qui enim háesitat, símilis est flúctui
maris, qui a vento movétur et
circumfértur. Non ergo aestimet homo
ille, quod accípiat áliquid a Dómino.
Vir duplex ánimo incónstans est in
ómnibus viis suis. Gloriétur autem
frater húmilis in exaltati óne sua: di-
ves autem in humilitáte sua, quóniam
sicut flos fœni transbit. Exórtus est
enim sol cum ardóre, et arefécit fœ-
num, et flos ejus décidit, et decor
vultus ejus depériit: ita et dives in
itinéribus suis marcéscet.

℞. Vidérunt te aquæ, Deus, vidérunt
te aquæ, et timuérunt: * Multitúdo
sónitus aquárum, vocem dedérunt
nubes, allelúja, allelúja, allelúja.

Ÿ. Illuxérunt coruscati ónes tuæ orbi
terræ: vidit, et commóta est terra.
Multitúdo.

Lectio iii.

BEátus vir, qui suffert tentati ónem,
quóniam cum probátus fúerit, ac-
cípiet corónam vitæ, quam repromísit
Deus diligéntibus se. Nemo cum ten-
tátur, dicat quóniam a Deo tentátur:
Deus enim intentátor malórum est:

ipse autem nēminem tentat. Unusquisque vero tentatur a concupiscētia sua abstractus, et illēctus. Deinde concupiscētia cum concēperit, parit peccatum: peccatum vero cum consummatum fuerit, generat mortem. Nolite itaque errare, fratres mei dilectissimi.

R. Narrābo nomen tuum fratribus meis, allelūja: * In medio Ecclesiæ laudābo te, allelūja, allelūja.

V. Confitebor tibi in pōpulis, Dōmine, et psalmum dicam tibi in Gētibus. In medio. Glōria Patri. In medio.

IN II. NOCTURNO.

Ex Tractātu Sancti Cypriāni Episcopi et Mārtiris de Bono patiētiæ.

Lectio iv. *Sermone 3. init.*

DE patiētia locutūrus, fratres dilectissimi, et utilitates ejus et cōmoda prædicatūrus, unde pōtius incipiam, quam quod nunc quoque ad audiētiā, vestram patiētiā vīdeo esse necessariā: ut nec hoc ipsum, quod auditis et discitis, sine patiētia facere possitis? Tunc enim demum sermo et rātio salutāris efficaciter discitur, si patiēter, quod dicitur, audiatur. Nec invēnio, fratres dilectissimi, inter cēteras cōelēstis disciplinæ vias, quibus ad consequēda divinitus præmia spei ac fidei nostræ secta dirigitur, quid magis sit vel utilius ad vitam, vel majus ad glōriam, quam ut qui præceptis Domīnicis obsequio timōris ac devotiōnis innitimur, patiētiā māxime tota observatiōne tueāmur. Hanc se sectāri philōsophi quoque profitentur: sed tam illis patiētia falsa est, quam et falsa sapiētia est. Unde enim vel sapiens esse, vel patiēns possit, qui nec sapiētiā, nec patiētiā Dei novit?

R. In Ecclesiis benedicite Deo, allelūja, * Dōmino de fōntibus Israel, allelūja, allelūja.

V. Psalmum dīcite nōmini ejus, date glōriam laudi ejus. Dōmino.

Lectio v.

Cap. 2. 3. 8.

NOs autem, fratres dilectissimi, qui philōsophi non verbis, sed factis sumus; nec vestitu sapiētiā, sed veritate præferimus: qui virtutum consciētiā magis, quam jactantiā nōvimus, qui non loquimur magna, sed vivimus quasi servi et cultōres Dei, patiētiā, quam magistēriis cōelēstibus discimus, obsequiis spiritalibus præbeāmus. Est enim nobis cum Deo virtus ista cōmūnis: inde patiētia incipit, inde clāritas ejus et dignitas caput sunit. Origo et magnitudo patiētiæ Deo auctore procedit. Diligēda res hōmini, quæ Deo chara est. Bonum, quod amat, majestas divīna cōmēdat. Si Dōminus nobis et Pater Deus est, sectemur patiētiā Dōmini pariter et Patris: quia et servos oportet esse obsequētes, et filios non decet esse degeneres.

R. In toto corde meo, allelūja, exquisivi te, allelūja: * Ne repēllas me a mandātis tuis, allelūja, allelūja.

V. Benedictus es tu, Dōmine, doce me justificatiōnes tuas. Ne repēllas.

Lectio vi.

Patiētia est, quæ nos Deo et cōmēdat et servat: ipsa est, quæ iram tēperat, quæ linguam frænat, quæ mentem gubernat, pacem custodit, disciplinā regit, libidinis impetum frangit, tumōris violētiā cōmprimit, incēdium simultātis extinguit, cōercet potētiā divitum, inopiam pāuperum refovet, tuetur in virginibus beātā integritatē, in viduis laboriōsam castitatē, in conjūctis et maritātis indivīduā charitatē: facit hūmiles in prōsperis, in adversis fortes, contra injūrias et contumēlias mites: docet delinquētibz cito ignōscere; si ipse delinquas, diu et

multum rogare: tentationes expugnat, persecutiones tolerat, passionem et martyria consummat. Ipsa est, quæ fidei nostræ fundamenta firmiter munit.

R. Hymnum cantate nobis, allelúja: * Quomodo cantabimus canticum Domini in terra aliena? allelúja, allelúja.

V. Illic interrogaverunt nos, qui captivos duxerunt nos, verba canticum. Quomodo. Glória Patri. Quomodo.

IN III. NOCTURNO.

Lectio sancti Evangelii secundum Joannem.

Lectio vii.

Cap. 16.

In illo tempore: Dixit Jesus discipulis suis: Vado ad eum, qui misit me: et nemo ex vobis interrogat me: Quo vadis? Et reliqua.

Homilia Sancti Augustini Episcopi.

Tract. 94. in Joannem. init.

Cum Dominus Jesus prædixisset discipulis suis persecutiones, quæ passuri erant post ejus abscissum, subjunxit atque ait: Hæc autem vobis ab initio non dixi, quia vobiscum eram: nunc autem vado ad eum, qui me misit. Ubi primum videndum est, utrum eis futuras non prædixit ante passionem. Sed alii tres Evangelistæ satis eum prædixisse ista demonstrant, antequam ventum esset ad cœnam: qua peracta, secundum Joannem ista locutus est, ubi ait: Hæc autem vobis ab initio non dixi, quia vobiscum eram.

R. Deus, canticum novum cantabo tibi, allelúja: * In psalterio decem chordarum psallam tibi, allelúja, allelúja.

V. Deus meus es tu, et confitebor tibi: Deus meus es tu, et exaltabo te. In psalterio.

Lectio viii.

An forte hinc ista solvitur quæstio, quia et illi eum narrant passioni proximum fuisse cum hæc diceret?

Non ergo ab initio, quando cum illis erat: quia jam discessurus, jamque ad Patrem perrecturus hæc dixit. Et ideo etiam secundum illos Evangelistas verum est, quod hic dictum est: Hæc autem vobis ab initio non dixi. Sed quid agimus de fide Evangelii secundum Matthæum, qui hæc eis a Domino non solum cum jam Pascha esset cum discipulis cenaturus, imminente passione, verum et ab initio denunciata esse commemorat; ubi primum nominatim duodecim exprimuntur Apostoli, et ad opera divina mittuntur?

R. Bonum est confiteri Domino, allelúja, * Et psallere, allelúja.

V. In decachordo psalterio cum canticum et cithara. Et psallere. Glória Patri. Et psallere.

Lectio ix.

Quid sibi ergo vult, quod hic ait: Hæc autem vobis ab initio non dixi, quia vobiscum eram: nisi quia ea, quæ hic dicit de Spiritu sancto, quod sit venturus ad eos, et testimonium perhibiturus, quando mala illa passuri sunt, hæc ab initio eis non dixit, quia cum ipsis erat? Consolator ergo ille, vel advocatus (utrumque enim interpretatur, quod est Græce Paráclitus) Christo abscedente fuerat necessarius: et ideo de illo non dixerat ab initio, quando cum illis erat, quia ejus præsentia consolabantur.

Te Deum laudamus. 13.

AD LAUDES.

Antiph. to. 6. Allelúja. Psalmus. Dominus regnavit, cum reliquis Antiphonis et Psalmis de Psalterio. 14.

Capitulum.

Jacobi I. c.

Charissimi, Omne datum optimum, et omne donum perfectum desursum est, descendens a Patre lumen, apud quem non est transmutatio, nec vicissitudinis obumbratio.

Hymnus.

A Uróra cœlum pûrpurat,
Æther resûltat laudibus,
Mundus triûmphans júbilat,
Horrens avérnus ínfremít:

Rex ille dum fortíssimus
De mortis inférno specu
Patrum Senátum líberum
Edúcit ad vitæ jubar.

Cujus sepúlchrum plúrimo
Custóde signábat lapis,
Victor triûmphat, et suo
Mortem sepúlchro fúnerat.

Sat fúneri, sat lácrymis,
Sat est datum dolóribus:
Surréxit extíntor necis,
Clamat corúscans Angelus.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula. Amen.

V. In resurrectione tua, Christe, allelúja.

R. Cœli et terra læténtur, allelúja.

Ad Benedictus, Antiphona, to. 1. 1.

Vado ad eum, qui misit me: et nemo
ex vobis intérogat me, Quo vadis?
allelúja, allelúja.

Oratio.

DEus, qui fidélium mentes unus
éfficis voluntátis: da pópulis tuis
id amáre, quod præcipis, id desideráre,
quod promíttis; ut inter mundánas va-
rietátes ibi nostra fixa sint corda, ubi
vera sunt gáudia. Per Dóminum.

Deinde fit

Commemoratio de Cruce.

Antiph. Crucifíxus surréxit a mórtuis,
et redémit nos, allelúja, allelúja.

V. Dícite in natió nibus, allelúja.

R. Quia Dóminus regnávit a ligno,
allelúja.

Oratio.

DEus, qui pro nobis Fílium tuum
crucis patíbulum subíre voluísti,
ut inimíci a nobis expélleres potestá-
tem: concéde nobis fámulis tuis, ut
resurrectiόνis grátiam consequámur.
Per eúmdem Dóminum.

Ad Tertiam.

Capitulum.

Jacobi 1. c.

Charíssimi, Omne datum óptimum,
et omne donum perféctum desúr-
sum est, descéndens a Patre lúminum,
apud quem non est transmutátio, nec
vicissitúdinis obumbrátio.

R. br. Surréxit Dóminus de sepúlchro,
* Allelúja, allelúja. Surréxit.

V. Qui pro nobis pepéndit in ligno.
Allelúja, allelúja. Glória Patri. Sur-
réxit.

V. Surréxit Dóminus vere, allelúja.

R. Et apparuit Simóni, allelúja.

Ad Sextam.

Capitulum.

Jacobi 1. c.

SCitis, fratres mei dilectíssimi. Sit
autem omnis homo velox ad au-
diéndum, tardus autem ad loquéndum;
et tardus ad iram: ira enim viri justí-
tiam Dei non operátur.

R. br. Surréxit Dóminus vere, * Alle-
lúja, allelúja. Surréxit.

V. Et apparuit Simóni. Allelúja, al-
lelúja. Glória Patri. Surréxit.

V. Gavísi sunt discípuli, allelúja.

R. Viso Dómino, allelúja.

Ad Nonam.

Capitulum.

Jacobi 1. d.

Propter quód abjiciéntes omnem
immundítiam, et abundántiam
malítiæ, in mansuetúidine suscipite
ínsitum verbum, quod potest salváre
ánimas vestras.

R. br. Gavísi sunt discípuli, * Allelúja,
allelúja. Gavísi.

V. Viso Dómino. Allelúja, allelúja.
Glória Patri. Gavísi.

V. Mane nobiscum, Dómine, allelúja.
R. Quóniam advesperáscit, allelúja.

Ad Vesperas.

Antiph. to. 4. m. Allelúja. Psalmus.
Dixit Dóminus. cum reliquis de Domínica. 101.

Capitulum. Charíssimi, Omne datum. ut supra.

Hymnus. Ad régias Agni. 312.

V. Mane nobiscum, Dómine, allelúja.
R. Quóniam advesperáscit, allelúja.

Ad Magnificat, Antiphona, to. 2.

Vado ad eum, qui misit me: sed quia hæc locútus sum vobis, tristítia implévit cor vestrum, allelúja.

Oratio. Deus, qui fidélium. ut supra.

Deinde fit

Commemoratio de Cruce.

Antiph. Crucem sanctam súbiit, qui inférnum confrégit, accíntus est poténtia, surréxit die tértia, allelúja.

V. Dícite in natióibus, allelúja.

R. Quia Dóminus regnávit a ligno, allelúja.

Oratio. Deus, qui pro nobis. ut supra.

FERIA SECUNDA.

De Epístola beáti Jacóbi Apóstoli.

Lectio i.

Cap. I. c.

OMne datum óptimum, et omne donum perféctum desúrsum est, descendens a Patre lúminum, apud quem non est tránsmutátio, nec vicissitúdinis obumbrátio. Voluntárie enim genuit nos verbo veritátis, ut simus ínitium áliquod creatúræ ejus. Scitis, fratres mei dilectíssimi. Sit autem omnis homo velox ad audiéndum, tardus autem ad loquéndum, et tardus ad iram: ira enim viri justítiam Dei non operátur.

R. Dicant nunc qui redémpti sunt, allelúja, * A Dómino, allelúja, allelúja.

V. Quos redémit de manu inimíci, et de regiónibus congregávit eos. A Dómino.

Lectio ii.

PROpter quod abjiciéntes omnem immundítiam, et abundántiam malítie, in mansuetúdyne suscépite ínsitum verbum, quod potest salváre ánimas vestras. Estóte autem factóres verbi, et non auditóres tantum, falléntes vosmetípsos. Quia si quis audítor est verbi, et non factor, hic comparábitur viro consideránti vultum nativitátis suæ in spéculo: considerávit enim se, et ábiit, et statim oblítus est qualis fúerit.

R. Cantáte Dómino, allelúja: * Psalmum dícite ei, allelúja.

V. Afférte Dómino glóriam et honórem, afférte Dómino glóriam nómini ejus. Psalmum. Glória Patri. Psalmum.

Lectio iii.

Qui autem perspéxerit in legem perféctam libertátis, et permánerit in ea, non audítor obliviósus factus, sed factor óperis, hic beátus in facto suo erit. Si quis autem putat se religiósus esse, non refrénans linguam suam, sed sedúcens cor suum, hujus vana est relígio. Relígio munda et immaculáta apud Deum et Patrem hæc est: Visitáre pupíllos et víduas in tribulatióne eórum, et immaculátum se custodíre ab hoc sáculo.

Te Deum laudámus. 13.

Ad Benedictus, Antiphona, to. 2.

Nonne cor nostrum ardens erat in nobis de Jesu, dum loquerétur nobis in via? allelúja.

Ad Magnificat, Antiphona, to. 7. r.

Ego veritátem dico vobis: expedit vobis ut ego vadam: si enim non abíero, Paráclitus non véniet ad vos, allelúja.

xxx

FERIA TERTIA.

De Epístola beáti Jacóbi Apóstoli.

Lectio i.

Cap. 2.

FRatres mei, nolite in personarum acceptiōne habere fidem Dómini nostri Jesu Christi glóriæ. Etenim si introierit in convéntum vestrum vir áureum ánnulum habens in veste cándida, introierit autem et pauper in sórdido hábitu, et intendátis in eum, qui indútus est veste præclára, et dixeritis ei: Tu sede hic, bene: páuperi autem dicátis: Tu sta illic; aut sede sub scabéllo pedum meórum: nonne judicátis apud vosmetípsos, et facti estis júdices cogitatiónum iniquárum? R. In Ecclésiis benedicite Deo, allelúja, * Dómino de fóntibus Israel, allelúja, allelúja.

V. Psalmum dícite nómini ejus, date glóriam laudi ejus. Dómino.

Lectio ii.

AUdíte, fratres mei dilectíssimi, nonne Deus elégit páuperes in hoc mundo, dívites in fide, et hærédés regni, quod repromísit Deus diligéntibus se? Vos autem exhonorástis páuperem. Nonne dívites per poténtiam ópprimunt vos, et ipsi trahunt vos ad júdicia? Nonne ipsi blasphemant bonum nomen, quod invocátum est super vos? Si tamen legem perfícitis regálem secúndum Scriptúras: Díliges próximum tuum sicut teípsum, bene fácitis: si autem persónas accípitis, peccátum operámini, redargúti a lege quasi transgressóres.

R. In toto corde meo, allelúja, exquisívi te, allelúja: * Ne repéllas me a mandátis tuis, allelúja, allelúja.

V. Benedictus es tu, Dómine, doce me justificatiónes tuas. Ne repéllas. Glória Patri. Ne repéllas.

Lectio iii.

QUicumque autem totam legem serváverit, offéndat autem in uno,

factus est ómnium reus. Qui enim dixit, Non mœcháberis, dixit et, Non occídes. Quod si non mœcháberis, occídes autem, factus es transgressóris legis. Sic loquimini, et sic fácite, sicut per legem libertátis incipiéntes judicári. Júdicium enim sine misericórdia illi, qui non fecit misericórdiam: superexáltat autem misericórdia júdicium.

Te Deum laudámus. 13.

Ad Benedictus, Antiphona, to. 6.
Pax vobis, ego sum, allelúja: nolite timere, allelúja.

Ad Magnificat, Antiphona, to. 2.
Cum vénerit Paráclitus Spíritus veritátis, ille árguet mundum de peccáto, et de justítia, et de júdicio, allelúja.

over

FERIA QUARTA.

De Epístola beáti Jacóbi Apóstoli.

Lectio i.

Cap. 2. c.

QUID próderit, fratres mei, si fidem quis dicat se habere, ópera autem non hábeat? Numquid póterit fides salvare eum? Si autem frater et soror nudi sint, et indígeant victu quodiáno, dicat autem áliquis ex vobis illis: Ite in pace, calefacímini, et saturámini: non dedéritis autem eis, quæ necessária sunt córpori, quid próderit? Sic et fides, si non hábeat ópera, mórtua est in semetípsa.

R. Deus, cánticum novum cantábo tibi, allelúja: * In psaltério decem chordárum psallam tibi, allelúja, allelúja.

V. Deus meus es tu, et confitébor tibi: Deus meus es tu, et exaltábo te. In psaltério.

Lectio ii.

SED dicet quis: Tu fidem habes, et ego ópera hábeo. Osténde mihi fidem tuam sine opéribus: et ego osténdam tibi ex opéribus fidem meam.

Tu credis quóniam unus est Deus: Bene facis: et dæmones credunt, et contremiscunt. Vis autem scire, o homo inánis, quóniam fides sine opéribus mórtua est? Abraham pater noster nóne ex opéribus justificátus est, ófferens Isaac filium suum super altáre? Vides quóniam fides coope-
rabátur opéribus illús, et ex opéribus fides consummáta est?

R. Bonum est confitéri Dómino, allelúja, * Et psállere, allelúja.

V. In decachódo psalterio cum cántico et cíthara. **E**t psállere. **G**lória Patri. **E**t psállere.

Lectio iii.

ET suppléta est Scriptúra, dicens: Crédidit Abraham Deo, et reputátum est illi ad justítiam, et amícus Dei appellátus est. Vidétis quóniam ex opéribus justificátur homo, et non ex fide tantum? Simíliter et Rahab méretrix nonne ex opéribus justificáta est, suscípiens núntios, et ália via ejsciens? Sicut enim corpus sine spírítu mórtuum est, ita et fides sine opéribus mórtua est.

Te Deum laudámus. 13.

Ad Benedictus, Antiphona, to. 8.

Spírítus carnem et ossa non habet, sicut me vidétis habére: jam créдите, allelúja.

Ad Magnificat, Antiphona, to. 5.

Adhuc multa hábeo vobis dícere: sed non potéstis portáre modo: cum autem vénerit ille Spírítus veritátis, docébit vos omnem veritátem, allelúja.



FERIA QUINTA.

De Epístola beáti Jacóbi Apóstoli.

Lectio i.

Cap. 3.

NOLíte plures magístri fieri, fratres mei, sciéntes quóniam majus júdicium súmitis. In multis enim offéndimus omnes. Si quis in verbo non

offéndit, hic perféctus est vir. Potest étiam fræno circumducere totum corpus. Si autem equis fræna in ora mítimus ad consentiéndum nobis, et omne corpus illórum circumférimus.

R. Si oblítus fúero tui, allelúja, obli-
viscátur mei délixtera mea: * Adhæ-
reat lingua mea fáucibus meis, si non
memínero tui, allelúja, allelúja.

V. Super flúmina Babylónis illic sé-
dimus, et flévimus, dum recordaré-
mur tui, Sion. **A**dhæreat.

Lectio ii.

ECce et naves, cum magnæ sint, et a ventis válidis minéntur, circumferúntur a módico gubernáculo, ubi ímpetus dirigéntis volúerit. Ita et lingua módicum quidem membrum est, et magna exáltat. Ecce quantus ignis quam magnam silvam incéndit! Et lingua ignis est, univérsitas iniquitátis.

R. Vidérunt te aquæ, Deus, vidérunt te aquæ, et timuéront: * Multitúdo sónitus aquárum, vocem dedérunt nubes, allelúja, allelúja, allelúja.

V. Illuxérunt coruscationes tuæ orbi terræ: vidit, et commóta est terra. **M**ultitúdo. **G**lória Patri. **M**ultitúdo.

Lectio iii.

Lingua constitúitur in membris nos-
tris, quæ máculat totum corpus, et inflámmat rotam nativitátis nos-
træ, inflammáta a gehénna. Omnis enim natúra bestiárum, et vólucrum, et serpéntium, et ceterórum domán-
tur, et dómita sunt a natúra humana: linguam autem nullus hóminum domáre potest: inquietum malum, plena venéno mortífero. In ipsa benedí-
mus Deum et Patrem: et in ipsa maledícimus hómines, qui ad similitúdi-
nem Dei facti sunt. Ex ipso ore pro-
cédit benedíctio et maledíctio.

Te Deum laudámus. 13.

Ad Benedictus, Antiphona, to. 1.
Obtulérunt discipuli Dómino partem
piscis assi, et favum mellis, allelúja,
allelúja.

Ad Magnificat, Antiphona, to. 8.
Non enim loquétur a semetípso: sed
quæcúmque áudiet, loquétur: et quæ
ventúra sunt annuntiábit vobis, alle-
lúja.

✠

FERIA SEXTA.

De Epístola beáti Jacóbi Apóstoli.

Lectio i.

Cap. 4.

UNde bella et lites in vobis? Nonne
hinc? ex concupiscéntiis vestris,
quæ militant in membris vestris? Con-
cupiscitis, et non habétis: occíditis,
et zelátis, et non potéstis adipísci:
litigátis, et belligerátis, et non ha-
bétis, propter quod non postulátis.
Pétitis, et non accípitis: eo quod male
petátis: ut in concupiscéntiis vestris
insumátis. Adúlteri, nescítis quia
amicítia hujus mundi inimíca est Dei?
Quicúmque ergo volúerit amícus esse
sæculi hujus, inimícus Dei consti-
túitur.

R. In Ecclésiis benedícite Deo, alle-
lúja, * Dómino de fóntibus Israel,
allelúja, allelúja.

V. Psalmum dícite nómini ejus, date
glóriam laudi ejus. Dómino.

Lectio ii.

AN putátis quia inániter Scriptúra
dicat: Ad inídiam concupíscit
spíritus, qui hábitat in vobis? Majó-
rem autem dat grátiam. Propter quod
dicit: Deus supérbis resístit, humíli-
bus autem dat grátiam. Súbditi ergo
estóte Deo: resístite autem diabólo,
et fúgiet a vobis. Appropinquáte
Deo, et appropinquábit vobis. Emun-
dáte manus, peccátóres: et purificáte
corda, dúplices ánimo. Míseri estóte,
et lugéte, et ploráte: risus vester in

luctum convertátur, et gáudium in
mœrórem. Humiliámini in conspéctu
Dómini, et exaltábit vos.

R. In toto corde meo, allelúja, exqui-
sivi te, allelúja: * Ne repéllas me a
mandátis tuis, allelúja, allelúja.

V. Benedictus es tu, Dómine, doce
me justificatiónes tuas. Ne repéllas.
Glória Patri. Ne repéllas.

Lectio iii.

Nolite detráhere altérutrum, fratres.
Qui detráhit fratri, aut qui júdi-
cat fratrem suum, detráhit legi, et
júdicat legem. Si autem júdicas le-
gem, non es factor legis, sed judex.
Unus est legislátor, et judex, qui po-
test pérdere, et liberáre. Tu autem
quis es, qui júdicas próximum? Ecce
nunc qui dícitis: Hódie, aut crástino
íbimus in illam civitátem, et faciémus
ibi quideni annum, et mercábimur,
et lucrum faciémus: qui ignorátis
quid erit in crástino. Quæ est enim
vita vestra? vapor est ad módicum
parens, et deinceps exterminábitur.
Pro eo ut dicátis: Si Dóminus volúe-
rit: et, Si vixérimus, faciémus hoc,
aut illud.

Te Deum laudámus, 13.

Ad Benedictus, Antiphona, to. 8.
Isti sunt sermónes, quos dicébam vo-
bis, cum essem vobíscum, allelúja,
allelúja.

Ad Vesperas, nisi occurrat Festum
novem Lectionum, a Capitulo fit de
S. Maria.

✠

SABBATO.

De Epístola beáti Jacóbi Apóstoli.

Lectio i.

Cap. 5.

AGite nunc, dívites, ploráte ulu-
lantes in misériis vestris, quæ
advénient vobis. Divítiæ vestræ pu-
trefáctæ sunt, et vestiménta vestra a
tíneis comésta sunt. Aurum et argén-
tum vestrum æruginávit, et ærúgo

eórum in testimónium vobis erit, et manducábit carnes vestras sicut ignis. Thesaurizástis vobis iram in novísimis diébus. Ecce merces operariórum, qui messuérunt regiónes vestras, quæ fraudáta est a vobis, clamat: et clamor eórum in aures Dómini Sábaoth introívit. Epuláti estis super terram, et in luxúriis enutrístis corda vestra in die occisiónis. Addixístis, et occidístis justum, et non réstitit vobis.

Lectio ii.

Patiéntes igitur estóte, fratres, usque ad advéntum Dómini. Ecce agricola expéctat pretiósus fructum terræ, patienter ferens, donéc accípiat temporáneum, et serótinum. Patiéntes igitur estóte et vos, et confirmáte corda vestra: quóniam advéntus Dómini appropinquávit. Nolíte ingemíscere, fratres, in altérutrum, ut non judicémini. Ecce iudex ante jánuam assístit. Exémplum accípите, fratres, éxitus mali labóris, et patientiæ, Prophétas, qui locúti sunt in nómine Dómini. Ecce beatificámus eos, qui sustinuérunt. Sufferéntiam Job audístis, et finem Dómini vidístis, quóniam miséricors Dóminus est, et miserátor.

Lectio iii.

An te ómnia autem, fratres mei, nolíte juráre neque per cælum, neque per terram, neque áliud quodcúmque juraméntum. Sit autem sermo vester: Est, est: Non, non: ut non sub iudicio decidátis. Tristátur aliquis vestrum? oret. Æquo ánimo est? psallat. Infirmátur quis in vobis? inducat presbýteros Ecclesiæ, et orent super eum, ungéntes eum óleo in nómine Dómini: et orátio fidei salvábit infirmum, et alleviábit eum Dóminus: et si in peccátis sit, remitténtur ei. Confitémini ergo altérutrum peccáta vestra, et oráte pro invicem, ut salvémini: multum enim valet deprecátio iusti assídua.

Ad Vesperas.

Capitulum.

Jacobi I. d.

Charíssimi, Estóte factóres verbi, et non auditóres tantum, falléntes vosmetípsos. Quia si quis audítor est verbi, et non factor, hic comparábitur viro consideránti vultum nativitátis suæ in spéculo: considerávit enim se, et ábiit, et statim oblítus est qualis fúerit.

Hymnus.

Ad régias Agni dapes
Stolis amícti cándidis,
Post tránsitum maris Rubri
Christo canámus Príncipi.

Divína cujus cháritas
Sacrum propínat sánguinem,
Almíque membra córporis
Amor Sacérdos ímmolat.

Sparsum cruórem póstibus
Vastátor horret Angelus;
Fugítque dívísus mare:
Mergúntur hostes flúctibus.

Jam Pascha nostrum Christus est,
Paschális idem víctima,
Et pura puris méntibus
Sinceritátis ázyna.

O vera cœli víctima,
Subjécta cui sunt tártara,
Solúta mortis víncula,
Recépta vitæ præmia.

Victor subáctis ínferis
Trophæa Christus éxplicat,
Cœlóque apérto, súbditum
Regem tenebrárum trahit.

Ut sis perénne méntibus
Paschále, Jesu, gáudium,
A morte díra críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.
Amen.

V. Mane nobíscum, Dómine, allelúja.
R. Quóniam advesperáscit, allelúja.

Ad Magnificat, Antiphona, to. 4.

Usque modo non petistis quidquam in nómine meo: pétite, et accipiétis, allelúja.

Oratio.

DEus, a quo bona cuncta procedunt, largíre supplicibus tuis, ut cogitémus, te inspiránte, quæ recta sunt, et, te gubernánte, éadem faciámus. Per Dóminum.

Deinde fit

Commemoratio de Cruce.

Antiph. Crucem sanctam súbiit, qui inférnum confrégit, accíntus est poténtia, surréxit die tértia, allelúja.

V. Dícite in natióibus, allelúja.

R. Quia Dóminus regnávit a ligno, allelúja.

Oratio.

DEus, qui pro nobis Fílium tuum crucis patíbulum subíre voluísti, ut inimíci a nobis expélleres potestátem: concéde nobis fámulis tuis, ut resurrectionis grátiam consequámur. Per eúndem Dóminum nostrum.



Dominica V. post Pascha.

AD MATUTINUM.

Invitatorium, Hymnus et alia usque ad Lectiones ut in Psalterio. 3.

IN I. NOCTURNO.

Incipit Epístola prima beáti Petri Apóstoli.

Lectio i.

Cap. 1.

Petrus Apóstolus Jesu Christi, eléctis ádvenis dispersiónis Ponti, Galátiae, Cappadóciae, Asiae, et Bithýniæ, secúndum præsciéntiam Dei Patris, in sanctificatióem Spíritus, in obediéntiam, et aspersionem Sáanguinis Jesu Christi: Grátia vobis, et pax multiplicétur. Benedíctus Deus et

Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hæreditátem incorruptibilem, et incontaminátam, et immarcescibilem, conservátam in cœlis in vobis, qui in virtúte Dei custodímini per fidem in salutem, parátam revelári in témpore novíssimo.

R. Si oblítus fúero tui, allelúja, obliviscátur mei délixtera mea: * Adhæreat lingua mea fáucibus meis, si non memínero tui, allelúja, allelúja.

V. Super flúmina Babylónis illic sédimus et flévimus, dum recordarémur tui, Sion. Adhæreat.

Lectio ii.

IN quo exultábitis, módicum nunc si opórtet contristári in váriis tentatióibus: ut probátio vestræ fídei multo pretiósior auro (quod per ignem probátur) inveniátur in laudem, et glóriam, et honórem in revelatióne Jesu Christi, quem cum non vidéritis, dilígitis: in quem nunc quoque non vidéntes créditis: credéntes autem exultábitis lætítia inenarrábili, et glorificáta, reportántes finem fídei vestræ, salutem animárum. De qua salute exquisiérunt, atque scrutáti sunt Prophétæ, qui de futúra in vobis grátia prophetavérunt: scrutántes in quod vel quale tempus significáret in eis Spíritus Christi: prænúntians eas, quæ in Christo sunt passióes, et posterióres glórias: quibus revelátum est, quia non sibimetípsis, vobis autem ministrábant ea, quæ nunc nuntiáta sunt vobis per eos, qui evangelizavérunt vobis, Spíritu sancto misso de cœlo, in quem desíderant Angeli prospícere.

R. Vidérunt te aquæ, Deus, vidérunt te aquæ, et timuérunt: * Multitúdo sónitus aquárum, vocem dedérunt nubes, allelúja, allelúja, allelúja.

V. Illuxérunt coruscationes tuæ orbi terræ: vidit, et commoto est terra. **Multitúdo.**

Lectio iii.

Propter quod succincti lumbos mentis vestræ, sobrii perfecte sperate in eam, quæ offertur vobis, gratiam, in revelationem Jesu Christi: quasi filii obedientiæ, non configurati prioribus ignorantiae vestræ desideriis: sed secundum eum, qui vocavit vos, Sanctum; et ipsi in omni conversatione sancti sitis: quoniam scriptum est: Sancti eritis, quoniam ego sanctus sum. Et si Patrem invocatis eum, qui sine acceptione personarum iudicat secundum uniuscujusque opus, in timore incolatus vestri tempore conversamini: scientes, quod non corruptibilibus auro vel argento redempti estis de vana vestra conversatione paternæ traditionis: sed pretioso sanguine, quasi agni immaculati Christi, et incontaminati: præcogniti quidem ante mundi constitutionem, manifestati autem novissimis temporibus propter vos, qui per ipsum fideles estis in Deo, qui suscitavit eum a mortuis, et dedit ei gloriam, ut fides vestra et spes esset in Deo.

R. Narrabo nomen tuum fratribus meis, allelúja: * In medio Ecclesiæ laudabo te, allelúja, allelúja.

V. Confitebor tibi in populis, Domine, et psalmum dicam tibi in Gentibus. **In medio. Glória Patri. In medio.**

IN II. NOCTURNO.

Ex libro Sancti Ambrósii Episcopi de Fide resurrectionis.

Lectio iv.

Post medium.

Quoniam Dei mori non poterat sapientia, resurgere autem non poterat quod mortuum non erat; assumitur caro, quæ mori posset: ut dum moritur quod solet, quod mortuum fuerat, hoc resurgeret. Neque enim

poterat esse, nisi per hominem resurrectionis: quoniam sicut per hominem mors, ita et per hominem resurrectio mortuorum. Ergo resurrexit homo, quoniam homo mortuus est: resuscitatus homo, sed resuscitans Deus: tunc secundum carnem homo, nunc per omnia Deus. Nunc enim secundum carnem jam non novimus Christum, sed carnis gratiam tenemus, ut ipsum primitias quiescentium, ipsum primogenitum ex mortuis novérimus.

R. In Ecclesiis benedicite Deo, allelúja, * Domino de fontibus Israel, allelúja, allelúja.

V. Psalmum dicite nomini ejus, date gloriam laudi ejus. **Domino:**

Lectio v.

Primitiæ utique ejusdem sunt generis atque naturæ, cujus et reliqui fructus: quorum pro lætiore proventu primitiva Deo munera deferuntur; sacrum munus pro omnibus, et quasi reparatæ quædam liba naturæ. Primitiæ ergo quiescentium Christus. Sed utrum suorum quiescentium, qui quasi mortis exortes, dulci quodam sopore tenentur, an omnium mortuorum? sed sicut in Adam omnes moriuntur, ita et in Christo omnes vivificabuntur. Itaque sicut primitiæ mortis in Adam, ita etiam primitiæ resurrectionis in Christo omnes resurgent. Sed nemo desperet, neque justus doleat commune consortium resurgendi, cum præcipuum fructum virtutis expectet. Omnes quidem resurgent, sed unusquisque, ut ait Apostolus, in suo ordine. Communis est divinæ fructus clementiæ, sed distinctus ordo meritum.

R. In toto corde meo, allelúja, exquisivi te, allelúja: * Ne repellas me a mandatis tuis, allelúja, allelúja.

V. Benedictus es tu, Domine, doce me justificationes tuas. **Ne repellas.**

Lectio vi.

ADvértimus quam grave sit sacrilégium, resurrectionem non credere. Si enim non resurgemus, ergo Christus gratis mortuus est, ergo Christus non resurrexit. Si enim nobis non resurrexit, utique non resurrexit, qui sibi cur resurgeret, non habebat. Resurrexit in eo mundus, resurrexit in eo cœlum, resurrexit in eo terra. Erit enim cœlum novum, et terra nova. Sibi autem non erat necessaria resurrectio, quem mortis vincula non tenébant. Nam etsi secundum hominem mortuus, in ipsis tamen erat liber inférnis. Vis scire quam liber? Factus sum sicut homo sine adjutorio, inter mortuos liber. Et bene liber, qui se póterat suscitáre, juxta quod scriptum est: Sóluite hoc templum, et in trídúo resuscitábo illud. Et bene liber, qui álios descéndérat redemptúrus.

R. Hymnum cantáte nobis, allelúja.
* Quómodo cantábimus cánticum Dómini in terra aliéna? allelúja, allelúja.

V. Illic interrogavérunt nos, qui captivos duxérunt nos, verba cantiónum. Quómodo. Glória Patri. Quómodo.

IN III. NOCTURNO.

Lectio sancti Evangelii secundum Joánnem.

Lectio vii. Cap. 16. c.

IN illo témpore: Dixit Jesus discipulis suis: Amen, amen dico vobis: si quid petiéritis Patrem in nómine meo, dabit vobis. Et réliqua.

Homília Sancti Augustíni Epíscopi.
Tract. 102. in Joannem.

DOmini verba nunc ista tractánda sunt. Amen, amen dico vobis: si quid petiéritis Patrem in nómine meo, dabit vobis. Jam dictum est in superióribus hujus Domínici sermónis pártibus, propter eos, qui nonnulla

petunt a Patre in Christi nómine, nec accípiunt: non peti in nómine Salvatóris quidquid pétitur contra ratió nem salútis. Non enim sonum litterárum ac syllabárum, sed quod sonus ipse significat, et quod eo sono recte ac veráciter intelligitur, hoc accipiéndus est dícere, cum dicit: In nómine meo.

R. Deus, cánticum novum cantábo tibi, allelúja: * In psaltério decem chordárum psallam tibi, allelúja, allelúja.

V. Deus meus es tu, et confitébor tibi: Deus meus es tu, et exaltábo te. In psaltério.

Lectio viii.

UNde qui hoc sentit de Christo, quod non est de único Dei Fílio sentiéndum, non petit in ejus nómine, etiámsi non táceat litteris ac sýllabis Christum: quóniam in ejus nómine petit, quem cógitat cum petit. Qui vero quod est de illo sentiéndum sentit, ipse in ejus nómine petit: et áccipit quod petit, si non contra suam salútem sempitérnam petit: áccipit autem quando debet accípere. Quædam enim non negántur: sed ut congruo dentur témpore, differúntur. Ita sane intelligéndum est quod ait: Dabit vobis: ut ea benefícia significáta sciántur his verbis, quæ ad eos, qui petunt, próprie pértinent. Exaudiúntur quippe omnes sancti pro seípsis, non autem pro ómnibus exaudiúntur vel amícis, vel inimícis suis, vel quibúslibet áliis: quia non utcúmque dictum est, dabit: sed, dabit vobis.

R. Bonum est confitéri Dómino, allelúja, * Et psállere, allelúja.

V. In decachórdo psaltério cum cántico et cíthara. Et psállere. Glória Patri. Et psállere.

Lectio ix.

USque modo, inquit, non petístis quidquam in nómine meo. Pétite,

et accipiétis, ut gáudium vestrum sit plenum: Hoc quod dicit, Gáudium plenum, profecto non carnále, sed spiritále gáudium est: et quando tantum erit, ut áliquid ei jam non sit addéndum, proculdúbio tunc erit plenum. Quidquid ergo pétitur, quod pertíneat ad hoc gáudium consequéndum, hoc est in nómine Christi peténdum, si divínam intelligimus grátiam, si vere beátam póscimus vitam. Quidquid autem áliud pétitur, nihil pétitur: non quia nulla omníno res est, sed quia in tantæ rei comparatióne quidquid áliud concupíscitur, nihil est. Te Deum laudámus. 13.

AD LAUDES.

Antiph. to. 6. Allelúja. Psalmus. Dóminus regnávít. cum reliquis de Psalterio. 14.

Capitulum.

Jacobi I. d.

Charíssimi, Estóte factóres verbi, et non auditóres tantum, falléntes vosmetípsos. Quia si quis audítor est verbi, et non factor, hic comparábitur viro consideránti vultum nativitatís suæ in spéculo: considerávit enim se, et ábiit, et statim oblítus est qualis fúerit.

Hymnus.

Auróra cælum púrpurat,
Æther resúltat láudibus,
Mundus triúmphans júbilat,
Horrens avérnus ínfremit:
Rex ille dum fortíssimus
De mortis inférno specu
Patrum Senátum líberum
Edúcit ad vitæ jubar.
Cujus sepúlchrum plúrimo
Custóde signábat lapis,
Victor triúmphant, et suo
Mortem sepúlchro fúnerat.
Sat fúneri, sat lácrymis,
Sat est datum dolóribus:
Surréxit extíntor necis,
Clamat corúscans Angelus.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.

Amen.

V. In resurrectione tua, Christe, allelúja.

R. Cœli et terra læténtur, allelúja.

Ad Benedictus, Antiphona, to. 2.

Usque modo non petístis quidquam in nómine meo: pétite, et accipiétis, allelúja.

Oratio.

Deus, a quo bona cuncta procedunt, largíre supplícibus tuis, ut cogitémus, te inspiránte, quæ recta sunt, et, te gubernánte, éadem faciámus. Per Dóminum. -

Deinde fit

Commemoratio de Cruce.

Antiph. Crucifixus surréxit a mórtuis, et redémit nos, allelúja, allelúja.

V. Dícite in natió nibus, allelúja.

R. Quia Dóminus regnávít a ligno, allelúja.

Oratio.

Deus, qui pro nobis Fílium tuum crucis patíbulum subíre voluísti, ut inimíci a nobis expélleres potestátem: concéde nobis fámulis tuis, ut resurrectionis grátiam consequámur. Per eúmdem Dóminum nostrum.

Ad Tertiam.

Capitulum. Charíssimi, Estóte factóres. ut supra.

R. br. Surréxit Dóminus de sepúlchro, * Allelúja, allelúja. Surréxit.

V. Qui pro nobis pepéndit in ligno. Allelúja, allelúja. Glória Patri. Surréxit.

V. Surréxit Dóminus vere, allelúja.

R. Et apparuit Simóni, allelúja.

Ad Sextam.

Capitulum.

Jacobi 1. d.

Qui autem perspéxerit in legem perfectam libertátis, et permanserit in ea, non audítor obliuósus factus, sed factor óperis, hic beátus in factis suo erit.

R. br. Surréxit Dóminus vere, * Allelúja, allelúja. Surréxit.

V. Et apparuit Simóni. Allelúja, allelúja. Glória Patri. Surréxit.

V. Gavísi sunt discípuli, allelúja.

R. Viso Dómino, allelúja.

Ad Nonam.

Capitulum.

Jacobi 1. d.

Religio munda et immaculáta apud Deum et Patrem, hæc est: Visitare pupíllos et víduas in tribulatióne eórum, et immaculátum se custodíre ab hoc sæculo.

R. br. Gavísi sunt discípuli, * Allelúja, allelúja. Gavísi.

V. Viso Dómino. Allelúja, allelúja. Glória Patri. Gavísi.

V. Mane nobíscum, Dómine, allelúja.

R. Quóniam advesperáscit, allelúja.

Ad Vesperas.

Antiph. to. 4. m. Allelúja. Psalmus. Dixit Dóminus. cum reliquis de Dominica. 101.

Capitulum.

Jacobi 1. d.

Charíssimi, Estóte factóres verbi, et non auditóres tantum, falléntes vosmetípsos. Quia si quis audítor est verbi, et non factor, hic comparábitur viro consideránti vultum nativitatís suæ in spéculo: considerávit enim se, et ábiit, et statim oblítus est qualis fúerit.

Hymnus. Ad régias Agni dapes. 321.

V. Mane nobíscum, Dómine, allelúja.

R. Quóniam advesperáscit, allelúja.

Ad Magnificat, Antiphona, to. 8. Péte, et accipiétis, ut gáudium vestrum sit plenum: ipse enim Pater amat vos, quia vos me amástis, et credidístis, allelúja.

Oratio.

Deus, a quo bona cuncta procedunt, largíre supplicibus tuis, ut cogitémus, te inspiránte, quæ recta sunt, et, te gubernánte, eadem faciámus. Per Dóminum.

Deinde fit

Commemoratio de Cruce.

Antiph. Crucem sanctam súbiit, qui inférnum confrégit, accíntus est potentia, surréxit die tértia, allelúja.

V. Dícite in natióibus, allelúja.

R. Quia Dóminus regnávit a ligno, allelúja.

Oratio.

Deus, qui pro nobis Fílium tuum crucis patíbulum subíre voluísti, ut inimíci a nobis expélleres potestatem: concéde nobis fámulis tuis, ut resurrectionis grátiam consequámur. Per eúndem Dóminum nostrum.

¶

FERIA SECUNDA.

In Rogationibus.

Si hodie occurrat Festum novem Lectionum, fit de eo cum ix. Lectione de sequenti Homilia, et commemoratione de Feria ad Laudes tantum, ut infra. De Festo autem trium Lectionum fit tantum commemoratio.

AD MATUTINUM.

Invitatorium, Hymnus et alia usque ad Lectiones ut in Psalterio, tempore Paschali. 40.

Lectio sancti Evangélíi secúndum

Lectio i. Lucam.

Cap. 11.

In illo témpore: Dixit Jesus discípulis suis: Quis vestrum habébit amicum, et ibit ad illum média nocte, et dicet illi: Amíce, cómoda mihi tres panes. Et réliqua.

Homília Sancti Ambrósii Epíscopi.

Lib. 7. in Luc. Cap. 11.

Alius præcépti locus est, ut ómnibus moméntis, non solum diébus, sed étiam nóctibus orátio deferátur.

Vides enim, quod iste, qui média nocte perréxit, tres panes ab amico suo póstulans, et in ipsa peténdi intentione persistens, non defraudétur oratio. Qui sunt isti tres panes, nisi mystérii coeléstis aliméntum? Quod si dñligas Dóminum Deum tuum, non solum tibi, sed étiam áliis póteris emeréri. Quis autem amíciior nobis, quam qui pro nobis corpus suum trádedit?

R. Dicant nunc, qui redépti sunt, allelúja, * A Dómino, allelúja, allelúja.

V. Quos redémit de manu inimíci, et de regiónibus congregávit eos. **A** Dómino. **Lectio ii.**

AB hoc média nocte panes David pétiit, et accépit. Pétiit enim, quando dicébat: Média nocte surgébam ad confiténdum tibi. Ideo méruit hos panes, quos appósuit nobis edéndos. Pétiit cum dicit: Lavábo per síngulas noctes lectum meum. Neque enim tímuit, ne excitáret dormiéntem, quem scit semper vigilántem. Et ideo scriptórum mémores, nóctibus ac diébus orationi instántes, peccátis nostris véniam postulémus.

R. Cantáte Dómino, allelúja. * Psalmum dícite ei, allelúja.

V. Afférte Dómino glóriam et honórem, afférte Dómino glóriam nómini ejus. **P**salium.

Lectio iii.

NAm si ille tam sanctus, et qui regni erat necessitatibus occupátus, sépties in die laudem Dómino dicébat, matutínis et vespertínis sacrificiis semper inténtus: quid nos fácere opórtet, qui eo ámplius rogáre debémus, quo fréquentius carnis ac mentis fragilitáte delínquimus, ut de via lassis, et istíus ævi cursu, ac vitæ hujus anfráctu gráviter fatigátis, panis refectionis deesse non possit, qui hóminis corda confírmet? Nec solum média nocte Dóminus, sed ómnibus prope docet vigilándum esse

moméntis. Venit enim et vespertína, et secúnda, et tértia vigília, et pulsáre consuévít. Beáti itaque servi illi, quos, cum vénerit Dóminus, invénerit vigilántes.

Hac nocte dicitur tertium Responsorium, quia non dicitur, Te Deum laudámus. In duabus vero sequentibus Feriis dicitur.

R. Narrábo nomen tuum frátribus meis, allelúja: * In médio Ecclésiæ laudábo te, allelúja, allelúja.

V. Confitébor tibi in pópulis, Dómine, et psalmum dicam tibi in Géntibus. In médio. **G**loria Patri. In médio.

AD LAUDES.

Antiph. to. 6. Allelúja. **Psalmus.** Dóminus regnávit. cum reliquis Antiphonis et Psalmis de Psalterio ut in Dominica. 14.

Capitulum.

Rom. 6. b.

CHristus resúrgens ex mórtuis jam non móritur: mors illi ultra non dominábitur. Quod enim mórtuus est peccáto, mórtuus est semel: quod autem vivit, vivit Deo.

Hymnus. Auróra cœlum púrpurat. 325.

V. In resurrectione tua, Christe, allelúja.

R. Cœli et terra læténtur, allelúja.

Ad Benedictus, Antiphona, to. 1. l.

Péte, et accipiétis: quærite, et inveniétis: pulsáte, et aperiétur vobis, allelúja. **Oratio.**

Pæsta, quæsumus, omnípotens Deus: ut qui in afflictione nostra de tua pietate confidimus, contra adversa ómnia tua semper protectione muniámur. Per Dóminum.

Hæc Oratio dicitur ad Laudes, et per Horas, præter Vesperas, et hodie tantum. Duabus vero sequent. Feriis dicitur Oratio Dominicæ præcedentis, Deus, a quo bona. ut supra. 326.

Hoc triduo qui non intersunt Processionibus Rogationum, privatim post Laudes dicant Litanias cum suis

Precibus et Orationibus, sine Psalmis Pœnitentialibus.

Ad Horas omnia dicuntur ut in feriali Officio tempore Paschali.

Vesperæ, nisi occurrat Festum novem Lectionum, dicuntur de Psalterio, 103. cum Oratione Dominicæ præcedentis. 326. Si vero sequatur Festum Simplex, a Capitulo fit de Festo cum commemoratione de Cruce tantum, ut supra. 326.

Ad Magnificat, Antiphona, to. 8.

Ipse enim Pater amat vos, quia vos me amástis, et credidístis, allelúja.



FERIA TERTIA.

In Rogationibus.

Si hodie occurrat Festum Simplex, fit de eo, sine commemoratione de FERIA, sed tantum de Cruce.

De Epístola prima beáti Petri

Lectio i. Apóstoli. Cap. 4.

CHristo igitur passo in carne, et vos eádem cogitatione armámini, quia qui passus est in carne, désiit a peccátis: ut jam non desidériis hóminum, sed voluntáti Dei, quod réliquum est in carne, vivat témporis. Súfficit enim prætéritum tempus ad voluntátem Géntium consummándam, his qui ambulavérunt in luxúriis, desidériis, vinoléntiis, commessationibus, potationibus, et illícitis idolórum cultibus. In quo admirántur non concurréntibus vobis in eámdem luxúriæ confusiónem, blasphemántes. Qui reddent rationem ei, qui parátus est judicáre vivos et mórtuos. Propter hoc enim et mórtuis evangelizátum est, ut judicéntur quidem secúndum hómines in carne, vivant autem secúndum Deum in Spíritu. Omnium autem finis appropinquávit.

R. In Ecclésiis benedícite Deo, allelúja, * Dómino de fóntibus Israel, allelúja, allelúja.

V. Psalmum dícite nómini ejus, date glóriam laudi ejus. Dómino.

Lectio ii.

Estóte itaque prudéntes, et vigiláte in orationibus. Ante ómnia autem mútuam in vobismetípsis charitátem contínuam habéntes, quia cháritas óperit multitudinem peccatórum. Hospitáles invicem sine murmuratione. Unusquisque, sicut accépit grátiam, in altérutrum illam ministrátes, sicut boni dispensatóres multifórmis grátiae Dei. Si quis lóquitur, quasi sermónes Dei: si quis ministrat, tamquam ex virtúte, quam administrat Deus: ut in ómnibus honorificétur Deus per Jesum Christum: cui est glória et impérium in sæcula sæculórum. Amen.

R. In toto corde meo, allelúja, exquisívi te, allelúja: * Ne repéllas me a mandátis tuis, allelúja, allelúja.

V. Benedíctus es tu, Dómine, doce me justificatiónes tuas. Ne repéllas. Glória Patri. Ne repéllas.

Lectio iii.

Charíssimi, nolíte peregrinári in fervóre, qui ad tentationem vobis fit, quasi novi áliquid vobis contíngat: sed communicántes Christi passióibus gaudéte, ut et in revelatióne glóriæ ejus gaudeátis exultántes. Si exprobrámini in nómine Christi, beáti éritis: quóniam quod est honóris, glóriæ, et virtútis Dei, et qui est ejus Spíritus, super vos requiescit. Nemo autem vestrum patiátur ut homicída, aut fur, aut malédicus, aut alienórum appetítor. Si autem ut Christiánus, non erubéscat: gloríficet autem Deum in isto nómine. Quóniam tempus est ut incípiat judícium a domo Dei.

Te Deum laudámus. 13.

Ad Benedictus, Antiphona, to. 8.

Oportébat pati Christum, et resúrgere a mórtuis, allelúja.

Oratio.

DEus, a quo bona cuncta procedunt, largire supplicibus tuis, ut cogitemus, te inspirante, quæ recta sunt, et, te gubernante, eadem faciamus. Per Dñm.

Ad Magnificat, Antiphona, to. 8.

Exi a Patre, et veni in mundum: iterum relinquo mundum, et vado ad Patrem, allelúja.

~*~

FERIA QUARTA.

In Rogationibus.

Vigilia Ascensionis.

Si hodie occurrat Festum novem Lectionum, fit de eo cum ix. Lectione de Homilia Vigil., et commem. ad Laudes, ut infra. De Festo autem trium Lectionum fit tantum commemoratio.

Lectio sancti Evangelii secundum

Lectio i. Joannem. Cap. 17.

IN illo tempore: Sublevatis Jesus oculis in cælum, dixit: Pater, venit hora, clarifica Filium tuum. Et reliqua.

Homilia Sancti Augustini Episcopi.

Tract. 104. in Joannem sub med.

Poterat Dominus noster, unigenitus et coæternus Patri, in forma servi, et ex forma servi, si hoc opus esset, orare silentio: sed ita se Patri exhibere voluit precatorem, ut meminisset nostrum se esse doctorem. Proinde eam, quam fecit orationem pro nobis, notam fecit et nobis: quoniam tanti magistri non solum ad ipsos sermocinatio, sed etiam pro ipsis ad Patrem oratio, discipulorum est ædificatio: et si illorum, qui hæc dicta audierant, profecto et nostra, qui fueramus conscripta lecturi.

R. Deus, canticum novum cantabo tibi, allelúja: * In psalterio decem chordarum psallam tibi, allelúja, allelúja.

V. Deus meus es tu, et confitebor tibi: Deus meus es tu, et exaltabo te. In psalterio.

Lectio ii.

QUapropter hoc, quod ait: Pater, venit hora, clarifica Filium tuum: ostendit omne tempus, et quid, quando faceret, vel fieri sineret, ab illo esse dispositum, qui tempori subditus non est: quoniam quæ futura erant per singula tempora, in Dei sapientia causas efficientes habent, in qua nulla sunt tempora. Non ergo credatur hæc hora, fato urgente, venisse, sed Deo potius ordinante, nec siderea necessitas Christi connexit passionem: absit enim ut sidera mori cogerent siderum conditorem.

R. Bonum est confiteri Domino, allelúja, * Et psallere, allelúja.

V. In decachordo psalterio cum canticum et cithara. Et psallere. Gloria Patri. Et psallere. Lectio iii.

Clarificatum a Patre Filium nonnulli accipiunt in hoc, quod ei non pepercit, sed pro nobis omnibus tradidit eum. Sed si passione clarificatus dicitur, quanto magis resurrectione? Nam in passione magis ejus humilitas, quam claritas commendatur, Apostolo teste, qui dicit: Humiliavit semetipsum, factus obediens usque ad mortem, mortem autem crucis. Deinde sequitur, et de ejus clarificatione jam dicit: Propter quod et Deus illum exaltavit, et donavit ei nomen, quod est super omne nomen, ut in nomine Jesu omne genu flectatur, cælestium, terrestrium, et infernorum. Et omnis lingua confiteatur, quia Dominus Jesus Christus in gloria est Dei Patris. Hæc est clarificatio Domini nostri Jesu Christi, quæ ab ejus resurrectione sumpsit exordium. Te Deum laudamus. 13.

Ad Benedictus, Antiphona, to. 6.

Pater, venit hora, clarifica Filium tuum claritate, quam habui, priusquam mundus esset, apud te, allelúja.

Oratio. Deus, a quo bona. ut supra.

~*~



IN ASCENSIONE DOMINI.

~*~*~

AD VESPERAS.

Antiphona

to. 7. r.

Viri Galilæi, quid aspíctis in cœlum? Hic Jesus, qui assumptus est a vobis in cœlum, sic véniet, allelúja.

Psalmus 109.

Dixit Dóminus Dómino meo: * Sede a dextris meis.

Donec ponam inimicos tuos, * scabellum pedum tuorum.

Virgam virtutis tuæ emittet Dóminus ex Sion: * dominare in medio inimicorum tuorum.

Tecum principium in die virtutis tuæ in splendoribus sanctorum: * ex útero ante luciferum genui te.

Juravit Dóminus, et non pœnitêbit eum: * Tu es sacerdos in æternum secundum ordinem Melchisedech.

Dóminus a dextris tuis, * confrégit in die iræ suæ reges.

Judicabit in nationibus, implêbit ruinas: * conquassabit capita in terra multorum.

De torrente in via bibet: * propterea exaltabit caput.

Antiph. **V**iri Galilæi, quid aspíctis in cœlum? Hic Jesus, qui assumptus est a vobis in cœlum, sic véniet, allelúja.

Antiph. to. 8. **C**umque intueréntur in cœlum eúntem illum, dixerunt, allelúja.

Psalmus 110.

Confitebor tibi, Dómine, in toto corde meo: * in consilio justorum, et congregatióne.

Magna ópera Dómini: * exquisita in omnes voluntates ejus.

Confessio, et magnificéntia opus ejus: * et justitia ejus manet in sæculum sæculi.

Memóriam fecit mirabilium suorum, misericors, et miserátor Dóminus: * escam dedit timéntibus se.

Memor erit in sæculum testaménti sui: * virtutem óperum suorum annuntiábit pópulo suo:

Ut det illis hæreditátem Géntium: * ópera mánuum ejus veritas, et júdicium.

Fidélia ómnia mandata ejus, confirmata in sæculum sæculi, * facta in veritate et æquitáte.



Redemptiōnem misit pópulo suo: * mandávit in ætérnum testaméntum suum.

Sanctum, et terríbile nomen ejus: * infítium sapiéntiæ timor Dómini.

Intelléctus bonus ómnibus faciéntibus eum: * laudátio ejus manet in sæculum sæculi.

Antiph. Cumque intueréntur in cœlum eúntem illum, dixerunt, allelúja.

Antiph. to. 4. Elevátis mánibus, benedíxit eis, et ferebátur in cœlum, allelúja.

Psalmus 111.

BEátus vir, qui tímēt Dóminum: * in mandátis ejus volet nimis.

Potens in terra erit semen ejus: * generátio rectórum benedicétur.

Glória, et divítiæ in domo ejus: * et justítia ejus manet in sæculum sæculi.

Exórtum est in ténebris lumen rectis: * miséricors, et miserátor, et justus.

Jucúndus homo, qui miserétur et cómmodat, dispónet sermónes suos in júdicio: * quia in ætérnum non com-movébitur.

In memória ætérna erit justus: * ab auditióne mala non timébit.

Parátum cor ejus speráre in Dómino, confirmatum est cor ejus: * non com-movébitur, donec despíciat inimícos suos.

Dispérsit, dedit paupéribus: justítia ejus manet in sæculum sæculi, * cornu ejus exaltábitur in glória.

Peccátor vidébit, et irascétur, déntibus suis fremet et tabéscet: * desidérium peccatórum períbit.

Antiph. Elevátis mánibus, benedíxit eis, et ferebátur in cœlum, allelúja.

Antiph. to. 8. Exaltáte Regem regum, et hymnum dícite Deo, allelúja.

Psalmus 112.

LAudáte, púeri, Dóminum: * laudáte nomen Dómini.

Sit nomen Dómini benedíctum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes Gentes Dóminus, * et super cœlos glória ejus.

Quis sicut Dóminus Deus noster, qui in altis hábitat; * et humília réspicit in cœlo, et in terra?

Súscitans a terra ínopem, * et de stér-core érigens páuperem:

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Antiph. Exaltáte Regem regum, et hymnum dícite Deo, allelúja.

Antiph. to. 8. Vidéntibus illis, elevátus est, et nubes suscepit eum in cœlo, allelúja.

Psalmus 116.

LAudáte Dóminum, omnes Gentes: * laudáte eum, omnes pópuli:

Quóniam confirmáta est super nos misericórdia ejus: * et véritas Dómini manet in ætérnum.

Antiph. Vidéntibus illis, elevátus est, et nubes suscepit eum in cœlo, allelúja.

Capitulum.

Act. 1.

Primum quidem sermónem feci de ómnibus, o Theóphile, quæ cœpit Jesus fácere, et docére, usque in diem, qua præcípiens Apóstolis per Spíritum sanctum, quos elégit, assumptus est.

Hymnus.

SAlútis humanæ Sator,
Jesu volúptas córdium,
Orbis redémpti Cónditor,
Et casta lux amántium,

Qua victus es cleméntia,
Ut nostra ferres crímina?
Mortem subíres ínnocens,
A morte nos ut tólleres?

Perrúmpis inférnum chaos,
Vinctis caténas détrahis,
Victor triúmpho nóbili
Ad dexteram Patris sedes.

Te cogat indulgéntia,
Ut damna nostra sárcias,
Tuíque vultus cómpotes
Dites beáto lúmine.

Tu dux ad astra, et sémita,
Sis meta nostris córdibus,
Sis lacrymárum gáudium,
Sis dulce vitæ præmium.
Amen.

In aliis Hymnis ejusdem metri usque
ad Pentecosten in fine dicitur.

Jesu, tibi sit glória,
Qui victor in cœlum redis,
Cum Patre, et almo Spíritu,
In sempitérna sæcula. Amen.

℣. Ascéndit Deus in jubilatíone, al-
lelúja.

℟. Et Dóminus in voce tubæ, allelúja.

Ad Magnificat, Antiphona, to. 6.
Pater, manifestávi nomen tuum ho-
mínibus, quos dedísti mihi: nunc au-
tem pro eis rogo, non pro mundo,
quia ad te vénio, allelúja.

Canticum B. Mariæ Virginis. *

Lucae I. c.

Magnificat* ánima mea Dóminum:
Et exultávit spíritus meus * in
Deo salutári meo.

Quia respéxit humilitátem ancíllæ
suæ: * ecce enim ex hoc beátam me
dicent omnes generatíones.

Quia fecit mihi magna qui potens est:
* et sanctum nomen ejus.

Et misericórdia ejus a progénie in
progénies * timéntibus eum.

Fecit poténtiam in bráchio suo: * dis-
persit supérbos mente cordis sui.

Depósuit poténtes de sede, * et exal-
távit húmiles.

Esuriéntes implévit bonis: * et dívi-
tes dimísit inánes.

Suscépit Israel púerum suum, * re-
cordátus misericórdiæ suæ.

Sicut locútus est ad patres nostros, *
Abraham, et sémini ejus in sæcula.

Glória Patri.

Antiph. Pater, manifestávi nomen
tuum homínibus, quos dedísti mihi:
nunc autem pro eis rogo, non pro
mundo, quia ad te vénio, allelúja.

Oratio.

Concède, quæsumus, omnípotens
Deus: ut, qui hodiérna die Uni-
génitum tuum Redemptórem nostrum
ad cœlos ascendísse crédimus, ipsi
quoque mente in cœléstibus habité-
mus. Per eúndem Dóminum.

AD MATUTINUM.

Invitatorium. Allelúja, Christum
Dóminum ascendéntem in cœlum, *
Veníte, adorémus, allelúja.

Psalmus. Veníte, exultémus. 2.

Hymnus.

ÆTérne Rex altíssime,
Redemptor et fidélium,
Cui mors perémpta détulit
Summæ triúmphum glóriæ,

Ascéndis orbes síderum,
Quo te vocábat cœlitus
Colláta, non humánitus,
Rerum potéstas ómnium:

Ut trina rerum máchina,
Cœléstium, terréstrium,
Et inferórum cóndita,
Flectat genu jam súbdita.

Tremunt vidéntes Angeli
Versam vicem mortálium:
Peccat caro, mundat caro,
Regnat Deus Dei caro.

Sis ipse nostrum gáudium,
Manens olýmpo præmium,
Mundi regis qui fábricam,
Mundána vincens gáudia.

Hinc te precántes, quæsumus,
Ignósce culpis ómnibus,
Et corda sursum súbleva
Ad te supérna grátia.

Ut cum repénite céperis
Clarére nube Júdicis,
Poenas repéllas débitas,
Reddas corónas pérditas.

Jesu, tibi sit glória,
Qui victor in cœlum redis,
Cum Patre, et almo Spíritu,
In sempiterna sæcula. Amen.

IN I. NOCTURNO.

Antiph. to. 4. Elevata est magnificèntia tua super cœlos, Deus, allelúja.

Psalmus 8.

Domine Dóminus noster, * quam admirábile est nomen tuum in univérſa terra!

Quóniam elevata est magnificèntia tua * super cœlos.

Ex ore infántium et lacténtium perfecísti laudem propter inimícos tuos, * ut destruas inimícum et ultórem.

Quóniam vidébo cœlos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérſas, insuper et pécora campi;

Vólucres cœli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérſa terra!

Antiph. Elevata est magnificèntia tua super cœlos, Deus, allelúja.

Antiph. to. 8. f. Dóminus in templo sancto suo, Dóminus in cœlo, allelúja.

Psalmus 10.

IN Dómino confido: quómoſo díctis ánimæ meæ: * Trásmigra in montem sicut passer?

Quóniam ecce peccatóres intendérunt arcum, paravérunt sagíttas suas in pháretra, * ut sagíttent in obscúro rectos corde.

Quóniam quæ perfecísti, destruxérunt: * justus autem quid fecit?

Dóminus in templo sancto suo, * Dóminus in cœlo sedes ejus:

Oculi ejus in páuperem respíciunt: * pálpebræ ejus intérogant filios hóminum.

Dóminus intérogat justum et ímpium: * qui autem díligit iniquitátem, odit ánimam suam.

Pluet super peccatóres láqueos: * ignis, et sulphur, et spíritus procellárum, pars cálicis eórum.

Quóniam justus Dóminus, et justítias dílexit: * æquitátem vidit vultus ejus.

Antiph. Dóminus in templo sancto suo, Dóminus in cœlo, allelúja.

Antiph. to. 4. A summo cœlo egrésſio ejus, et occúrsus ejus usque ad summum ejus, allelúja.

Psalmus 18.

Cœli enárrant glóriam Dei, * et ópera mánuum ejus annúntiat firmaméntum.

Dies díeí erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse tamquam sponsus procedens de thálamo suo.

Exultávit ut gigas ad curréndam viam, * a summo cœlo egrésſio ejus.

Et occúrsus ejus usque ad summum ejus: * nec est qui se abscondat a calore ejus.

Lex Dómini immaculáta, convértens ánimas: * testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda: * præcéptum Dómini lícidum, illúminans óculos.

Timor Dómini sanctus, pérmanens in sæculum sæculi: * judícia Dómini vera, justificáta in semetípſa.

Desiderabilia super aurum et lapidem pretiosum multum: * et dulciora super mel et favum.

Etenim servus tuus custodit ea: * in custodiendis illis retributio multa.

Delicta quis intelligit? ab occultis meis munda me: * et ab alienis parce servo tuo.

Si mei non fuerint dominati, tunc immaculatus ero: * et emundabor a delicto maximo.

Et erunt ut complacent eloquia oris mei: * et meditatio cordis mei in conspectu tuo semper.

Domine, adjutor meus, * et redemptor meus.

Antiph. A summo coelo egressio ejus, et occursus ejus usque ad summum ejus, allelúja.

V. Ascendit Deus in jubilatione, allelúja.

R. Et Dominus in voce tubæ, allelúja.

Incipit liber Actuum Apostolorum.

Lectio i.

Cap. i.

Primum quidem sermonem feci de omnibus, o Theophile, quæ cepit Jesus facere, et docere usque in diem, qua præcipiens Apostolis per Spiritum sanctum, quos elegit, assumptus est: quibus et præbuit seipsum vivum post passionem suam in multis argumentis, per dies quadraginta apparens eis, et loquens de regno Dei. Et convescens præcepit eis ab Jerosolymis ne discederent, sed expectarent promissionem Patris, quam audistis (inquit) per os meum: quia Joannes quidem baptizavit aqua, vos autem baptizabimini Spiritu sancto non post multos hos dies.

R. Post passionem suam per dies quadraginta apparens eis, et loquens de regno Dei, allelúja: * Et, vidéntibus illis, elevátus est, allelúja: et nubes suscepit eum ab oculis eorum, allelúja.

V. Et convescens præcepit eis ab Jerosolymis ne discederent, sed expectarent promissionem Patris. **Et**, vidéntibus.

Lectio ii.

Igitur qui convenerant, interrogabant eum, dicentes: Domine, si in tempore hoc restitues regnum Israel? Dixit autem eis: Non est vestrum nosse tempora vel momenta, quæ Pater posuit in sua potestate: sed accipietis virtutem superveniéntis Spiritus sancti in vos, et eritis mihi testes in Jerúsalem, et in omni Judæa, et Samaria, et usque ad ultimum terræ. Et cum hæc dixisset, vidéntibus illis, elevátus est: et nubes suscepit eum ab oculis eorum.

R. Omnis pulchritudo Domini exaltata est super sidera: * Species ejus in nubibus cœli, et nomen ejus in æternum permanet, allelúja.

V. A summo coelo egressio ejus, et occursus ejus usque ad summum ejus. Species.

Lectio iii.

Cumque intuerentur in cœlum euntem illum, ecce duo viri astiterunt juxta illos in vestibus albis, qui et dixerunt: Viri Galilæi, quid statis aspicientes in cœlum? Hic Jesus, qui assumptus est a vobis in cœlum, sic veniet, quemadmodum vidistis eum euntem in cœlum. Tunc reversi sunt Jerosolymam a monte, qui vocatur Oliveti, qui est juxta Jerúsalem, sabbati habens iter. Et cum introissent in cœnaculum, ascenderunt ubi manebant Petrus et Joannes, Jacobus et Andreas, Philippus et Thomas, Bartholomæus et Matthæus, Jacobus Alphæi, et Simon Zelotes, et Judas Jacobi. Hi omnes erant perseverantes unanimiter in oratione cum mulieribus, et Maria matre Jesu, et fratribus ejus.

R. Exaltare, Domine, allelúja, * In virtute tua, allelúja.

V. Eleváta est magnificéntia tua super cœlos, Deus. **I**n virtúte. **G**lória Patri. **I**n virtúte.

IN II. NOCTURNO.

Antiph. to. 4. Exaltáre, Dómine, in virtúte tua: cantábimus et psallémus, allelúja.

Psalmus 20.

Domine, in virtúte tua lætábitur rex: * et super salutáre tuum exultábit veheménter.

Desidérium cordis ejus tribuísti ei: * et voluntáte labiórurn ejus non fraudásti eum.

Quóniam prævenísti eum in benedictiónibus dulcédinis: * posuísti in cápite ejus coronam de lapide pretiósó.

Vitam pétiit a te: * et tribuísti ei longitúdinem diérurn in sæculum, et in sæculum sæculi.

Magna est glória ejus in salutári tuo: * glóriam et magnum decórem impónes super eum.

Quóniam dabis eum in benedictiónem in sæculum sæculi: * lætificábis eum in gáudio cum vultu tuo.

Quóniam rex sperat in Dómino: * et in misericórdia Altíssimi non commovébitur.

Inveniátur manus tua ómnibus inimicis tuis: * dextera tua invéniat omnes qui te odérunt.

Pones eos ut clíbanum ignis in témpore vultus tui: * Dóminus in ira sua conturbábit eos, et devorábit eos ignis.

Fructum eórum de terra perdes: * et semen eórum a filiis hóminum.

Quóniam declinavérunt in te mala: * cogitavérunt consília, quæ non potuerunt stabilíre.

Quóniam pones eos dorsum: * in reliquiis tuis præparábis vultum eórum.

Exaltáre, Dómine, in virtúte tua: * cantábimus et psallémus virtútes tuas.

Antiph. Exaltáre, Dómine, in virtúte tua: cantábimus et psallémus, allelúja.

Antiph. to. 8. Exaltábo te, Dómine, quóniam suscepísti me, allelúja.

Psalmus 29.

Exaltábo te, Dómine, quóniam suscepísti me: * nec delectásti inimicos meos super me.

Dómine, Deus meus, clamávi ad te, * et sanásti me.

Dómine, eduxísti ab inférno ánimam meam: * salvásti me a descendéntibus in lacum.

Psállite Dómino, sancti ejus: * et confitémini memóriæ sanctitátis ejus.

Quóniam ira in indignatióne ejus: * et vita in voluntáte ejus.

Ad vésperum demorábitur fletus: * et ad matutínum lætítia.

Ego autem dixi in abundántia mea: * Non movébor in ætérnum.

Dómine, in voluntáte tua * præstitísti decóri meo virtútem.

Avertísti fáciem tuam a me, * et factus sum conturbátus.

Ad te, Dómine, clamábo: * et ad Deum meum deprecábor.

Quæ utilitas in ságuine meo: * dum descéndo in corruptiónem?

Numquid confitébitur tibi pulvis, * aut annuntiábit veritátem tuam?

Audívit Dóminus, et misértus est mei: * Dóminus factus est adjutor meus.

Convertísti planctum meum in gáudium mihi: * conscidísti saccum meum, et circumdedísti me lætítia.

Ut cantet tibi glória mea, et non compúgar: * Dómine Deus meus, in ætérnum confitébor tibi.

Antiph. Exaltábo te, Dómine, quóniam suscepísti me, allelúja.

Antiph. to. 4. Ascéndit Deus in jubilatione, et Dóminus in voce tubæ, allelúja.

Psalmus 46.

OMnes Gentes, pláudite mánibus: *
jubiláte Deo in voce exultatiónis.

Quóniam Dóminus excélsus, terríbilis:

* Rex magnus super omnem terram.

Subjécit pópulos nobis, * et Gentes
sub pédibus nostris.

Elégit nobis hereditátem suam: * spé-
ciem Jacob, quam diléxit.

Ascéndit Deus in júbilo, * et Dómi-
nus in voce tubæ.

Psállite Deo nostro, psállite: * psál-
lite Regi nostro, psállite.

Quóniam Rex omnis terræ Deus: *
psállite sapiénter.

Regnábit Deus super Gentes: * Deus
sedet super sedem sanctam suam.

Príncipes populórum congregáti sunt
cum Deo Abraham: * quóniam dii
fortes terræ, veheménter eleváti sunt.

Antiph. Ascéndit Deus in jubilatióne,
et Dóminus in voce tubæ, allelúja.

V. Ascéndens Christus in altum, al-
lelúja.

R. Captívam duxit captivitátem, al-
lelúja.

Sermo sancti Leónis Papæ.

Serm. 1. de Ascensione Domini.

Lectio iv.

Post beátam et gloriósam resurrec-
tiónem Dómini nostri Jesu Christi,
qua verum Dei templum Judáica im-
pietáte resolutum, divína in trídúo
poténtia suscitávit, quadragenárius
hódie, dilectíssimi, sanctórum diérum
explétus est númerus, sacratíssima
ordinatióne dispósitus, et ad utilitá-
tem nostræ eruditiónis impénsus: ut,
dum a Dómino in hoc spátio mora
præséntiæ corporális exténditur, fides
resurrectiόνis documéntis necessariis
munirétur. Mors enim Christi mul-
tum discipulórum corda turbáverat:
et de supplício crucis, de emissióne
spíritus, de exanimáti córporis sepul-
tura gravátis mœstitúdine méntibus
quidam diffidéntiæ torpor obrépserat.

R. Tempus est, ut revértar ad eum,
qui me misit, dicit Dóminus: nolíte
contristári, nec turbétur cor vestrum:

* Rogo pro vobis Patrem, ut ipse vos
custódiat, allelúja, allelúja.

V. Nisi ego abíero, Paráclitus non
véniet: cum assúptus fúero, mittam
vobis eum. **R**ogo.

Lectio v.

UNde beatíssimi Apóstoli, omnes-
que discípuli, qui et de éxitu cru-
cis fúerant trépidi, et de fide resurrec-
tiónis ambígui, ita sunt veritáte per-
spícua roboráti, ut, Dómino in cœló-
rum eúnte sublímia, non solum nulla
afficeréntur tristítia, sed étiam magno
gáudio repleréntur. Et revéra magna
et ineffábilis erat causa gaudéndi,
cum in conspéctu sanctæ multítudinis
super ómnium creaturárum cœléstium
dignitátem humáni géneris natúra
conscénderet, supergressúra Angé-
licos órdenes, et ultra Archangelórum
altitúdines elevánda: nec ullis sub-
limitátibus modum suæ proveciónis
habitúra, nisi ætérni Patris recépta
consessu, illíus glóriæ sociarétur in
throno, cujus natúræ copulabátur in
Fílio.

R. Non turbétur cor vestrum: ego vado
ad Patrem, et cum assúptus fúero
a vobis, mittam vobis, allelúja, * Spí-
ritum veritátis, et gaudébit cor ves-
trum, allelúja.

V. Ego rogábo Patrem, et álium Pa-
ráclitum dabit vobis. **S**píritum.

Lectio vi.

Quia igitur Christi ascénsio nostra
proveció est, et quo præcéssit
glória cápitis, eo spes vocátur et cór-
poris: dignis, dilectíssimi, exultémus
gáudiis, et pia gratiárum actióne læ-
témur. Hódie enim non solum para-
dísi possessóres firmáti sumus, sed
étiam cœlórum in Christo supérna
penetrávimus, amplióra adépti per
ineffábilem Christi grátiam, quam per

diáboli amiserámus invídiam. Nam quos viruléntus inimícus primi habitáculi felicitáte dejécit, eos sibi incorporátos Dei Fílius ad dexteram Patris collocávit: cum quo vivit et regnat in unitáte Spíritus sancti Deus, per ómnia sæcula sæculórum. Amen.

R. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja.

V. Ascéndit Deus in jubilatione, et Dóminus in voce tubæ. **Dedit.** Glória Patri. **Dedit.**

IN III. NOCTURNO.

Antiph. to. 6. Nimis exaltátus est, allelúja, super omnes deos, allelúja.

Psalmus 96.

Dominus regnávít, exúltet terra: * læténtur insulæ multæ.

Nubes, et calígo in circúitu ejus: * justítia, et judícium corrèctio sedis ejus.

Ignis ante ipsum præcédet: * et inflammábit in circúitu inimícos ejus.

Illuxérunt fúlgora ejus orbi terræ: * vidit, et commóta est terra.

Montes sicut cera fluxérunt a fácie Dómini: * a fácie Dómini omnis terra.

Annuntiavérunt cœli justítiam ejus: * et vidérunt omnes pópuli glóriam ejus.

Confundántur omnes, qui adórant sculptília: * et qui gloriántur in simulácris suis.

Adoráte eum, omnes Angeli ejus: * audívit, et lætáta est Sion.

Et exultavérunt fíliæ Judæ, * propter judícia tua, Dómine.

Quóniam tu Dóminus altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómino: * et confitémini memóriæ sanctificatiónis ejus.

Antiph. Nimis exaltátus est, allelúja, super omnes deos, allelúja.

Antiph. to. 6. Dóminus in Sion, allelúja, magnus et excélsus, allelúja.

Psalmus 98.

Dominus regnávít, irascántur pópuli: * qui sedet super Chérubim, moveátur terra.

Dóminus in Sion magnus, * et excélsus super omnes pópulos.

Confiteántur nómini tuo magno: quóniam terríbile et sanctum est: * et honor regis judícium dilígít.

Tu parásti directiões: * judícium et justítiam in Jacob tu fecísti.

Exaltáte Dóminum Deum nostrum, et adoráte scabéllum pedum ejus: * quóniam sanctum est.

Móyses et Aaron in sacerdótibus ejus: * et Sámuel inter eos, qui invocant nomen ejus.

Invocabant Dóminum, et ipse exaudiébat eos: * in columna nubis loquebátur ad eos.

Custodiébant testimónia ejus, * et præcéptum, quod dedit illis.

Dómine Deus noster, tu exaudiébas eos: * Deus, tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus: * quóniam sanctus Dóminus Deus noster.

Antiph. Dóminus in Sion, allelúja, magnus et excélsus, allelúja.

Antiph. to. 6. Dóminus in cœlo, allelúja, parávit sedem suam, allelúja.

Psalmus 102.

Benedic, ánima mea, Dómino: * et ómnia, quæ intra me sunt, nómini sancto ejus:

Benedic, ánima mea, Dómino: * et noli oblivísci omnes retributiões ejus.

Qui propitiátur ómnibus iniquitatibus tuis: * qui sanat omnes infirmitates tuas.

Qui redimit de intéritu vitam tuam: * qui coronat te in misericórdia et miseratió nibus.

Qui replet in bonis desidérium tuum: * renovábitur ut áquilæ juvéntus tua.

Faciens misericórdias Dóminus: * et iudícium ómnibus injúriam patiéntibus.

Notas fecit vias suas Móysi: * fíliis Israel voluntates suas.

Miserátor, et miséricors Dóminus: * longánimis, et multum miséricors.

Non in perpétuum irascétur: * neque in ætérnum comminábitur.

Non secúndum peccáta nostra fecit nobis: * neque secúndum iniquitates nostras retribuit nobis.

Quóniam secúndum altitúdinem coeli a terra: * corroborávit misericórdiam suam super timéntes se.

Quam distat ortus ab occidénte: * longe fecit a nobis iniquitates nostras.

Quómodo miserétur pater filiórum, misértus est Dóminus timéntibus se: * quóniam ipse cognóvit figméntum nostrum.

Recordátus est, quóniam pulvis sumus: * homo sicut fœnum dies ejus, tamquam flos agri sic efflorebit.

Quóniam spíritus pertransíbit in illo, et non subsístet: * et non cognóscet ámplius locum suum.

Misericórdia autem Dómini ab ætérno, * et usque in ætérnum super timéntes eum.

Et justítia illíus in fílios filiórum, * his qui servant testaméntum ejus:

Et mémores sunt mandatórum ipsíus, * ad faciéndum ea.

Dóminus in cœlo parávit sedem suam: * et regnum ipsíus ómnibus dominábitur.

Benedícite Dómino, omnes Angeli ejus: * poténtes virtúte, faciéntes verbum illíus, ad audiéndam vocem sermonum ejus.

Benedícite Dómino, omnes virtútes ejus: * ministri ejus, qui fácitis voluntátem ejus.

Benedícite Dómino, ómnia ópera ejus: * in omni loco dominationis ejus, benedic, ánima mea, Dómino.

Antiph. Dóminus in cœlo, allelúja, parávit sedem suam, allelúja.

V. Ascéndo ad Patrem meum, et Patrem vestrum, allelúja.

R. Deum meum, et Deum vestrum, allelúja.

Lectio sancti Evangélíi secúndum Marcum.

Lectio vii.

Cap. 16. c.

In illo témpore: Recumbéntibus undecim discípulis, appáruit illis Jesus, et exprobrávit incredulitátem eórum, et durítiam cordis; quia iis, qui víderant eum resurrexisse, non crediderunt. Et réliqua.

Homília Sancti Gregórii Papæ.

Homília 29. in Evangelia.

Quod resurrectionem Domínicam discípuli tarde crediderunt, non tam illórum infirmitas, quam nostra, ut ita dicam, futúra fírmitas fuit. Ipsa namque resurrectio illis dubitántibus per multa arguménta monstráta est: quæ dum nos legéntes agnóscimus, quid áliud quam de illórum dubitatióne solidámur? Minus enim mihi María Magdaléne præstitit, quæ cítiús credidit, quam Thomas, qui diu dubitávit. Ille étenim dubitándo, vúlnerum cicatríces tétigit, et de nostro pectore dubitatiónis vulnus amputávit.

R. Ego rogábo Patrem, et álium Paráclitum dabit vobis, * Ut máneat vobíscum in ætérnum, Spíritum veritátis, allelúja.

V. Si enim non abíero, Paráclitus non véniet ad vos: si autem abíero, mitam eum ad vos. **Ut máneat.**

Lectio viii.

Ad insinuándam quoque veritátem Domínicæ resurrectionis,

notándum nobis est quid Lucas réferat, dicens: Convéscens præcépit eis ab Jerosólymis ne discéderent. Et post pauca: Vidéntibus illis elevátus est, et nubes suscepit eum ab óculis eórum. Notáte verba, signáte mystéria. Convéscens elevátus est. Comédit, et ascéndit: ut vidélicet per efféctum comestiónis, véritas patésceret carnis. Marcus vero, priúsqum cœlum Dóminus ascéndat, eum de cordis atque infidelitátis durítia increpasse discípulos mémorat. Qua in re quid considerándum est, nisi quod idcirco Dóminus tunc discípulos increpávit, cum eos corporáliter reliquit, ut verba, quæ recédens díceret, in corde audiéntium ártius impréssa remanérent?

R. Ponis nubem ascénsum tuum, Dómine, * Qui ámbulas super pennas ventórum, allelúja.

V. Confessióem et decórem induísti, amíctus lumen sicut vestiméntum. Qui ámbulas. **Gloria Patri.** Qui ámbulas.

Lectio ix.

Increpáta igitur eórum durítia, quid admonéndo dicat, audiámus: Eúntes in mundum univérsum, prædicáte Evangélium omni creaturæ. Numquid, fratres mei, sanctum Evangélium vel insensátis rebus, vel brutis animálibus fúerat prædicándum, ut de eo discíplis dicátur: Prædicáte omni creaturæ? Sed omnis creaturæ nómine signátur homo. Omnis autem creaturæ áliquíd habet homo. Habet namque commúne esse cum lapídis, vívere cum arbóribus, sentíre cum animálibus, intelligere cum Angelis. Si ergo commúne habet áliquíd cum omni creatúra homo, juxta áliquíd omnis creatúra est homo. Omni ergo creaturæ prædicátur Evangélium, cum soli hómini prædicátur.

Te Deum laudámus. 13.

AD LAUDES

ET PER HORAS.

Antiph. to. 7. r. Viri Galilæi, quid aspícitis in cœlum? Hic Jesus, qui assúptus est a vobis in cœlum, sic véniet, allelúja.

Psalmus. Dóminus regnávít. **cum reliquis. 14.**

Antiph. to. 8. Cumque intueréntur in cœlum eúntem illum, dixerunt, allelúja.

Antiph. to. 4. Elevátis mánibus, benedíxit eis, et ferebátur in cœlum, allelúja.

Antiph. to. 8. Exaltáte Regem regum, et hymnum dícite Deo, allelúja.

Antiph. to. 8. Vidéntibus illis, elevátus est, et nubes suscepit eum in cœlo, allelúja.

Capitulum.

Act. I.

Primum quidem sermónem feci de ómnibus, o Theóphile, quæ cœpit Jesus fácere, et docére, usque in diem, qua præcípiens Apóstolis per Spíritum sanctum, quos elégit, assúptus est.

Hymnus.

Salútis humánæ Sator,
Jesu volúptas córdium,
Orbis redémpti Cónditor,
Et casta lux amántium:

Qua victus es cleméntia,
Ut nostra ferres crímina?
Mortem subíres ínnocens,
A morte nos ut tólleres?

Perrúmpis inférnum chaos,
Vinctis caténas détrahis;
Victor triúmpho nóbili
Ad dexteram Patris sedes.

Te cogat indulgéntia,
Ut damna nostra sárcias,
Tusque vultus cómpotes
Dites beáto lúmine.

Tu dux ad astra, et sémita,
Sis meta nostris córdibus,
Sis lacrymárum gáudium,
Sis dulce vitæ præmium. Amen.

V. Dóminus in cœlo, allelúja.

R. Parávit sedem suam, allelúja.

Ad Benedictus, Antiphona, to. 7. r.
Ascéndo ad Patrem meum, et Patrem
vestrum, Deum meum, et Deum ves-
trum, allelúja.

Oratio.

Concède, quæsumus, omnipotens
Deus: ut, qui hodiérna die Uni-
génitum tuum Redemptórem nostrum
ad cœlos ascendisse credimus, ipsi
quoque mente in cœlestibus habité-
mus. Per eúmdem Dóminum nostrum.

Ad Primam.

Antiph. to. 7. r. Viri Galilæi.

Capitulum.

1. Tim. 1. d.

Regi sæculórum immortalí et invi-
síbili, soli Deo honor, et glória
in sæcula sæculórum. Amen.

R. Deo grátias.

R. br. Christe, Fili Dei vivi, miserére
nobis, * Allelúja, allelúja. Christe.

V. Qui scandis super sídera. Allelúja,
allelúja. Glória Patri. Christe.

V. Exúrge, Christe: ádjuva nos, al-
lelúja.

R. Et líbera nos propter nomen tuum,
allelúja.

Sic dicitur quotidie usque ad Pente-
costen.

Ad Absolutionem Capituli Lectio
brevis. Viri Galilæi. ut infra ad Nonam.

Ad Tertiam.

Antiph. to. 8. Cumque intueréntur.

Capitulum.

Act. 1.

Primum quidem sermónem feci de
ómnibus, o Theóphile, quæ cœpit
Jesus fácere, et docére, usque in
diem, qua præcípiens Apóstolis per
Spíritum sanctum, quos elégit, as-
sumptus est.

R. br. Ascéndit Deus in jubilatióne,
* Allelúja, allelúja. Ascéndit.

V. Et Dóminus in voce tubæ. Alle-
lúja, allelúja. Glória Patri. Ascéndit.

V. Ascéndens Christus in altum, al-
lelúja.

R. Captívam duxit captivitátem, al-
lelúja.

Ad Sextam.

Antiph. to. 4. Elevátis mánibus.

Capitulum.

Act. 1.

ET convéscens præcépit eis ab Je-
rosólymis ne discéderent, sed ex-
pectárent promissiónem Patris, quam
audístis (inquit) per os meum: quia
Joánnes quidem baptizávit aqua, vos
autem baptizabímini Spíritu sancto
non post multos hos dies.

R. br. Ascéndens Christus in altum,
* Allelúja, allelúja. Ascéndens.

V. Captívam duxit captivitátem. Al-
lelúja, allelúja. Glória Patri. Ascén-
dens.

V. Ascéndo ad Patrem meum, et Pa-
trem vestrum, allelúja.

R. Deum meum, et Deum vestrum,
allelúja.

Ad Nonam.

Antiph. to. 8. Vidéntibus illis.

Capitulum.

Act. 1. b.

Viri Galilæi, quid statis aspiciéntes
in cœlum? Hic Jesus, qui as-
sumptus est a vobis in cœlum, sic
veníet, quemádmodum vidístis eum
eúntem in cœlum.

R. br. Ascéndo ad Patrem meum, et
Patrem vestrum, * Allelúja, allelúja.
Ascéndo.

V. Deum meum, et Deum vestrum.
Allelúja, allelúja. Glória Patri. As-
céndo.

V. Dóminus in cœlo, allelúja.

R. Parávit sedem suam, allelúja.

In II. Vesperis.

Omnia ut in primis Vesperis. 330.
præter sequentia.

V. Dóminus in cœlo, allelúja.

R. Parávit sedem suam, allelúja.

Ad Magnificat, Antiphona, to. 4.

O Rex glóriæ, Dómine virtútum, qui triumphátor hódie super omnes cœlos ascendísti, ne derelínquas nos órphanos, sed mitte promíssum Patris in nos, Spíritum veritátis, allelúja.

Oratio. Concède, quæsumus. ut supra.

Infra Octavam Ascensionis usque ad Pentecosten, quotidie fit Officium de Ascensióne, nisi occurrat Festum novem Lectionum. De Festis vero trium Lectionum fit tantum commemoratio cum nona Lectione de eis.



FERIA SEXTA.

IN I. NOCTURNO.

Incipit Epístola secúnda beáti Petri Apóstoli.

Lectio i.

Cap. 1.

Simon Petrus, servus et Apóstolus Jesu Christi, iis qui coæquálem nobiscum sortíti sunt fidem in justítia Dei nostri et Salvatóris Jesu Christi. Grátia vobis et pax adimpleátur in cognitióne Dei, et Christi Jesu Dómini nostri: quómodo ómnia nobis divínæ virtútis suæ, quæ ad vitam et pietátem donáta sunt, per cognitió- nem ejus, qui vocávit nos própria glória et virtúte, per quem máxima et pretiósa nobis promíssea donávit: ut per hæc efficiámini divínæ consórtes natúræ: fugiéntes ejus, quæ in mundo est, concupiscéntiæ corruptiόnem.

R. Post passiόnem suam per dies quadragínta appárens eis, et loquens de regno Dei, allelúja: * Et, vidéntibus illis, elevátus est, allelúja: et nubes suscepit eum ab óculis eórum, allelúja.

V. Et convéscens præcépit eis, ab Jerosólymis ne discéderent, sed expectárent promissiόnem Patris. Et vidéntibus.

Lectio ii.

Vos autem curam omnem subinfe- réntes, ministráte in fide vestra virtútem, in virtúte autem sciéntiam, in sciéntia autem abstinéntiam, in ab- stinéntia autem patiéntiam, in patiéntia autem pietátem, in pietáte autem amórem fraternitátis, in amóre autem fraternitátis charitátem. Hæc enim si vobíscum adsint, et súperent, non vácuos, nec sine fructu vos constítuent in Dómini nostri Jesu Christi cognitióne. Cui enim non præsto sunt hæc, cæcus est, et manu tentans, obliviόnem accípiens purgatiόnis vétèrum suórum delictórum.

R. Omnis pulchritúdo Dómini exaltáta est super sídera: * Spécies ejus in núbibus cœli, et nomen ejus in ætérnum pérmānet, allelúja.

V. A summo cœlo egréssio ejus, et occúrsus ejus usque ad summum ejus. Spécies.

Lectio iii.

QUaprópter, fratres, magis satágite, ut per bona ópera certam vestram vocatiόnem et electiόnem faciátis: hæc enim faciéntes, non peccábitis aliquándo. Sic enim abundánter ministrábitur vobis intróitus in ætérnum regnum Dómini nostri et Salvatóris Jesu Christi. Propter quod incípíam vos semper commonére de his, et quidem sciéntes et confirmátos vos in præsénti veritáte. Justum autem árbitor, quámdu sum in hoc tabernáculo, suscitáre vos in comuni- tióne: certus quod velox est depositiό tabernáculi mei, secúndum quod et Dóminus noster Jesus Christus significávit mihi. Dabo autem óperam et frequénter habére vos post óbitum meum, ut horum memóriam faciátis.

R. Exaltáre, Dómine, allelúja, * In virtúte tua, allelúja.

V. Eleváta est magnificéntia tua super cœlos, Deus. In virtúte. Glória Patri. In virtúte.

IN II. NOCTURNO.

Sermo Sancti Leónis Papæ.

Lectio iv. Sermon. 2. de Ascens. Dom.

Sacramentum, dilectissimi, salutis nostræ, quam pretio Sanguinis sui universitatis Conditor æstimavit, a die corporalis ortus usque ad exitum passionis, per dispensationem humilitatis implētum est. Et licet multa, etiam in forma servi, divinitatis signa radiaverint: proprie tamen illius temporis actio ad demonstrandam suscepti hominis pertinuit veritatem. Post passionem vero, ruptis mortis vinculis, quæ vim suam in eum, qui peccati erat nescius, incedendo perdiderat: infirmitas in virtutem, mortalitas in immortalitatem, contumelia transiit in gloriam: quam Dominus Jesus Christus in multis, manifestisque documentis, multorum declaravit aspectibus, donec triumphum victoriæ, quem reportarat a mortuis, inferret et coelis.

R. Tempus est ut revertar ad eum, qui me misit, dicit Dominus: nolite contristari, nec turbetur cor vestrum: * Rogo pro vobis Patrem, ut ipse vos custodiat, allelúja, allelúja.

V. Nisi ergo abiero, Paráclitus non veniet: cum assumptus fuero, mittam vobis eum. Rogo.

Lectio v.

Sicut ergo in solemnitate Paschali resurrectio Domini fuit nobis causa lætandi: ita Ascensio ejus in coelos præsentium nobis est materia gaudiorum, recolentibus illum diem, et rite venerantibus, quo naturæ nostræ humilitas in Christo super omnem cœli militiam, super omnes ordines Angelorum, et ultra omnium altitudinem potestatum, ad Dei Patris est provecta consessum. Quo ordine operum divinorum nos fundati, nos ædificati sumus: ut mirabilior fieret grátia Dei, cum remotis a conspectu hominum,

quæ merito reverentiam sui sentiebantur indicere, fides non deficeret, spes non fluctuaret, charitas non tepéret.

R. Non turbetur cor vestrum: ego vado ad Patrem, et cum assumptus fuero a vobis, mittam vobis, allelúja, * Spíritum veritatis, et gaudébit cor vestrum, allelúja.

V. Ego rogabo Patrem, et alium Paráclitum dabit vobis. Spíritum.

Lectio vi.

Magnarum hic vigor est mentium, et valde fidélium lumen est animarum, incunctanter credere, quæ corporeo non videntur intuitu, et ibi figere desiderium, quo nequeas inferre conspectum. Hæc autem pietas unde in nostris cordibus nasceretur, aut quomodo quisquam justificaretur per fidem, si in iis tantum salus nostra consisteret, quæ obtutibus subjacerent? Unde et illi viro, qui de resurrectione Christi videbatur ambigere, nisi in ipsius carne vestigia passionis et visu explorasset et tactu. Quia vidisti me, inquit Dominus, credidisti: beati qui non viderunt, et crediderunt.

R. Ascendens Christus in altum, captivam duxit captivitatem, * Dedit dona hominibus, allelúja, allelúja, allelúja.

V. Ascendit Deus in jubilatione, et Dominus in voce tubæ. Dedit. Glória Patri. Dedit.

IN III. NOCTURNO.

Lectio sancti Evangelii secundum Marcum.

Lectio vii.

Cap. 16. c.

In illo tempore: Recumbentibus undecim discipulis, apparuit illis Jesus, et exprobravit incredulitatem eorum, et duritiam cordis; quia iis, qui viderant eum resurrexisse, non crediderunt. Et reliqua.

De Homilia Sancti Gregorii Papæ.

Ex eadem Homilia 29.

Qui crediderit, et baptizatus fuerit, salvus erit: qui vero non crediderit, condemnabitur. Fortasse unusquisque apud semetipsum dicat: Ego jam credidi, salvus ero. Verum dicit, si fidem operibus tenet. Vera etenim fides est, quæ in hoc, quod verbis dicit, moribus non contradicit. Hinc est enim quod de quibusdam falsis fidelibus Paulus dicit: Qui confitentur se nosse Deum, factis autem negant. Hinc Joannes ait: Qui dicit se nosse Deum, et mandata ejus non custodit, mendax est.

R. Ego rogabo Patrem, et alium Paraclitum dabit vobis, * Ut maneat vobiscum in æternum, Spiritum veritatis, allelûja.

V. Si enim non abiero, Paraclitus non veniet ad vos: si autem abiero, mitam eum ad vos. **U**t maneat.

Lectio viii.

Quod cum ita sit, fidei nostræ veritatem in vitæ nostræ consideratione debemus agnoscere. Tunc enim veraciter fideles sumus, si quod verbis promittimus, operibus complemus. In die quippe baptismatis, omnibus nos antiqui hostis operibus, atque omnibus pompis abrenuntiare promissimus. Itaque unusquisque vestrum ad considerationem suam mentis oculos reducat; et si servat post baptismum quod ante baptismum spondit, certus jam quia fidelis est, gaudeat.

R. Ponis nubem ascensum tuum, Domine, * Qui ambulat super pennas ventorum, allelûja.

V. Confessionem et decorem induisti, amictus lumen sicut vestimentum. Qui ambulat. **G**loria Patri. **Q**ui ambulat.

Lectio ix.

Sed ecce si quod promissit, minime servavit, si ad exercenda prava

opera, ad concupiscendas mundi pompas dilapsus est: videamus si jam scit plangere quod erravit. Apud misericordem namque judicem nec ille fallax habetur, qui ad veritatem revertitur, etiam postquam mentitur: quia omnipotens Deus, dum libenter nostram poenitentiam suscipit, ipse suo judicio hoc, quod erravimus, abscondit.

Te Deum laudamus. 13.

~*~

SABBATO.

IN I. NOCTURNO.

De Epistola secunda beati Petri Apostoli.

Lectio i.

Cap. 3

Hanc ecce vobis, charissimi, secundam scribo epistolam, in quibus vestram excito in commonitione sinceram mentem; ut memores sitis eorum, quæ prædixi, verborum a sanctis Prophetis, et Apostolorum vestrorum, præceptorum Domini et Salvatoris. Hoc primum scientes, quod venient in novissimis diebus in deceptione illusores, juxta proprias concupiscencias ambulantes, dicentes: ubi est promissio, aut adventus ejus? ex quo enim patres dormierunt, omnia sic perseverant ab initio creaturæ. Latet enim eos hoc volentes, quod celi erant prius, et terra, de aqua et per aquam consistens Dei verbo; per quæ, ille tunc mundus aqua inundatus periit. Celi autem, qui nunc sunt, et terra, eodem verbo repositi sunt, igni reservati in diem judicii, et perditionis impiorum hominum.

R. Post passionem suam per dies quadraginta apparens eis, et loquens de regno Dei, allelûja: * Et, videntibus illis, elevatus est, allelûja: et nubes suscepit eum ab oculis eorum, allelûja.

V. Et convéscens præcepit eis, ab Jerosólymis ne discéderent, sed expectárent promissionem Patris. **Et**, vidéntibus illis.

Lectio ii.

UNum vero hoc non láteat vos, charíssimi, quia unus dies apud Dóminum sicut mille anni, et mille anni sicut dies unus. Non tardat Dóminus promissionem suam, sicut quidam existimant: sed patiénter agit propter vos, nolens áliquos perire, sed omnes ad pœniténtiam revérti. Advéniet autem dies Dómini ut fur, in quo cœli magno ímpetu tránsient, eleménta vero calore solvéntur; terra autem, et quæ in ipsa sunt ópera, exuréntur. Cum igitur hæc ómnia dissolvénda sint, quales opórtet vos esse in sanctis conversatióibus et pietátibus, expectántes et properántes in advéntum diéi Dómini, per quem cœli ardéntes solvéntur; et eleménta ignis ardóre tabéscent? Novos vero cœlos, et novam terram secúndum promíssa ipsíus expectámus, in quibus justítia hábitat.

R. Omnis pulchritúdo Dómini exaltáta est super sídera: * Spécies ejus in núbibus cœli, et nomen ejus in ætérnum pérmanet, allelúja.

V. A summo cœlo egréssio ejus, et occúrsus ejus usque ad summum ejus. Spécies ejus.

Lectio iii.

Propter quod, charíssimi, hæc expectántes, satágite immaculáti et invioláti ei inveníri in pace. Et Dómini nostri longanimitátem, salutem arbitrémini: sicut et charíssimus frater noster Paulus secúndum datam sibi sapiéntiam scripsit vobis, sicut et in ómnibus epístolis, loquens in eis de his, in quibus sunt quædam difficília intelléctu, quæ indócti et instábiles deprávant, sicut et céteras Scriptúras, ad suam ipsórum perditionem. Vos igitur, fratres, præsciéntes

custodíte, ne insipiéntium erróre tráducti excidátis a própria firmitáte. Crécite vero in grátia, et in cognitióne Dómini nostri et Salvatóris Jesu Christi. Ipsi glória et nunc et in diem æternitátis. Amen.

R. Exaltáre, Dómine, allelúja, * In virtúte tua, allelúja.

V. Eleváta est magnificéntia tua super cœlos, Deus. In virtúte. Glória Patri. In virtúte.

IN II. NOCTURNO.

De Sermóne Sancti Leónis Papæ.

Ex Sermone 2. de Ascensione Domini.

Lectio iv.

Quod itaque Redemptóris nostri conspícuum fuit, in sacraménta transívit: et ut fides excelléntior esset ac firmior, visióne doctrína succéssit, cujus auctoritátem supérnis illumináta rádiis credéntium corda seque-réntur. Hanc fidem Ascensióne Dómini auctam, et Spíritus sancti múnere roborátam, non víncula, non cárceres, non exsilia, non fames, non ignis, non laniátus ferárum, nec exquisíta persequéntium crudelitátibus supplícia terruérunt. Pro hac fide per univérsum mundum non solum viri, sed étiam féminæ: nec tantum impúbes púeri, sed étiam téneræ vírgines usque ad effusióem sui ságuinis decertárun. Hæc fides dæmónia ejécit, ægritúdines depulit, mórtuos suscitávit.

R. Tempus est ut revértar ad eum, qui me misit, dicit Dóminus: nolíte contristári, nec turbétur cor vestrum: * Rogo pro vobis Patrem, ut ipse vos custódiat, allelúja, allelúja.

V. Nisi ego abíero, Paráclitus non véniet: cum assúptus fúero, mittam vobis eum. Rogo.

Lectio v.

Unde et ipsi beáti Apóstoli, qui tot miráculis confirmáti, tot sermónibus erudíti, atrocitátem tamen

Domínicæ passiónis expáverant, et veritatem resurrectionis ejus non sine hæsitatióne suscepérant, tantum de Ascensióne Dómini profecerunt, ut quidquid illis prius intúlerat metum, verterétur in gáudium. Totam enim contemplatiónem ánimí in divinitatem ad Patris dexteram considéntis eréxerant: nec jam corpóreæ visiós tardabántur objéctu, quo minus in id áciem mentis inténdèrent, quod nec a Patre descendéndo abfúerat, nec a discipulis ascendéndo discésserat. Tunc igitur, dilectíssimi, filius hóminis Dei Fílius excellentius sacratiúsque innóuit, cum in Patérnæ majestátis glóriam se recépit: et ineffábili modo cœpitesse divinitate præsentior, qui factus est humanitate longínquior.

R. Non turbétur cor vestrum: ego vado ad Patrem, et cum assúptus fúero a vobis, mittam vobis, allelúja, * Spíritum veritátis, et gaudébit cor vestrum, allelúja.

V. Ego rogábo Patrem, et álium Paráclitum dabit vobis. Spíritum.

Lectio vi.

Tunc ad æquálem Patri Fílium eruditior fides gressu mentis cœpit accédere, et contrectatióne in Christo corpóreæ substantiæ, qua Patre minor est, non egére: quóniam glorificáti córporis manénte natúra, eo fides credéntium vocabátur, ubi non carnáli manu, sed spiritali intelléctu par genitóri unigénitus tangerétur. Hinc illud est, quod post resurrectionem suam Dóminus Mariæ Magdalénæ, persónam Ecclesiæ gerénti, cum ad contactum ipsíus properáret accédere, dicit: Noli me tângere; nondum enim ascénderi ad Patrem meum: hoc est, Nolo ut ad me corporaliter vénias, nec ut me sensu carnis agnóscas: ad sublimióra te díffero, majóra tibi præparo: cum ad Patrem ascéndero, tunc

me perféctius veriúsque palpábis, apprehensúra quod non tangis, et creditúra quod non cernis.

R. Ascéndens Christus in altum, captivam duxit captivitatem, * Dedit dona homínibus, allelúja, allelúja, allelúja.

V. Ascéndit Deus in jubiliatióne, et Dóminus in voce tubæ. Dedit. Glória Patri. Dedit.

IN III. NOCTURNO.

Léctio sancti Evangélíi secúndum Marcum.

Lectio vii.

Cap. 16. e.

In illo témpore: Recumbéntibus undecim discipulis, apparuit illis Jesus, et exprobrávit incredulitatem eórum, et durítiam cordis; quia iis, qui víderant eum resurrexisse, non credidérunt. Et réliqua.

De Homilía Sancti Gregórii Papæ.

Ex eadem Homilia 29.

Signa autem eos qui creditúri sunt, hæc sequéntur. In nómine meo dæmónia ejíciant, linguis loquéntur novis, serpéntes tollent, et si mortíferum quid bíberint, non eis nocébit: super ægros manus impónent, et bene habébunt. Numquídnam, fratres mei, quia ista signa non fácitis, mínime créditois? Sed hæc necessariá in exórdio Ecclesiæ fuérunt. Ut enim ad fidem crésceret multitúdo credéntium, miraculis fúerat nutriénda: quia et nos, cum arbústa plantámus, tándiu eis aquam infúndimus, quóusque ea in terra jam coaluísse videámus: et si semel radicem fíxerint, irrigatio cessábit. Hinc est enim quod Paulus dicit: Linguae in signum sunt non fidélibus, sed infidélibus.

R. Ego rogábo Patrem, et álium Paráclitum dabit vobis, * Ut máneat vobíscum in ætérnum, Spíritum veritátis, allelúja.

V. Si enim non abiero, Paráclitus non veniet ad vos, si autem abiero, mitam eum ad vos. Ut máneat.

Lectio viii.

HAbémus de his signis atque virtutibus, quæ adhuc subtilius considerare debeámus. Sancta quippe Ecclesia quotidie spiritaliter facit, quod tunc per Apóstolos corporaliter faciebat. Nam sacerdotes ejus cum per exorcismi grátiam manum credentibus impónunt, et habitare malignos spíritus in eórum mente contradicunt: quid aliud faciunt, nisi dæmónia ejiciunt? Et fideles quique, qui jam vitæ veteris sæculária verba derelinquunt, sancta autem mystéria insonant, conditoris sui laudes et potentiam, quantum prævalent, narrant: quid aliud faciunt, nisi novis linguis loquuntur? Qui dum bonis suis exhortationibus malitiam de aliénis cordibus áuferunt, serpentes tollunt.

R. Ponis nubem ascensum tuum, Dómine, * Qui ámbulas super pennas ventórum, allelúja.

V. Confessionem et decórem induísti, amíctus lumen sicut vestiméntum. Qui ámbulas. Glória Patri. Qui ámbulas.

Lectio ix.

ET dum pestíferas suasionés audiunt, sed tamen ad operatióem pravam mínime pertrahúntur: mortíferum quidem est quod bibunt, sed non eis nocébit. Qui quoties próximos suos in bono ópere infirmári conspiciunt, dum eis tota virtúte concúrrunt, et exémplo suæ operatióis illórum vitam róborant, qui in própria actióe titubant; quid aliud faciunt, nisi super ægros manus impónunt, ut bene hábeant? Quæ nimirum miracula tanto majóra sunt, quanto spiritalia: tanto majóra sunt, quanto per hæc non córpora, sed animæ suscitántur.

Te Deum laudámus. 13.

Ad Vesperas.

Capitulum.

1. Pet. 4. b.

CHaríssimi, Estóte prudéntes, et vigiláte in oratió nibus. Ante ómnia autem mútuam in vobismetípsis charitátem contínuam habéntes: quia cháritas óperit multitudinem peccatórum.

Hymnus.

SAlútis humanæ Sator,
Jesu volúptas córdium,
Orbis redémpti Cónditor,
Et casta lux amántium.

Qua victus es cleméntia,
- Ut nostra ferres crímina?
Mortem subíres ínnocens,
A morte nos ut tólleres?

Perrúmpis inférnum chaos,
Vinctis caténas détrahis,
Victor triúmpho nóbili
Ad dexteram Patris sedes.

Te cogat indulgéntia,
Ut damna nostra sárcias,
Tuíque vultus cómpotes
Dites beáto lúmine.

Tu dux ad astra, et sémita,
Sis meta nostris córdibus,
Sis lacrymárum gáudium,
Sis dulce vitæ præmium. Amen.

V. Dóminus in cœlo, allelúja.

R. Parávit sedem suam, allelúja.

Ad Magnificat, Antiphona, to. 8.

Cum vénerit Paráclitus, quem ego mittam vobis, Spíritum veritátis, qui a Patre procédit, ille testimónium perhibébit de me, allelúja.

Oratio.

OMnípotens sempitérne Deus, fac nos tibi semper et devótam gérrere voluntátem, et majestáti tuæ sincéro corde servíre. Per Dóminum.

Et fit Commemoratio Ascensionis.

Antiph. O Rex glóriæ, Dómine virtutum, qui triumphátor hódie super omnes cœlos ascendísti, ne derelinquas nos órphanos, sed mitte promíssum Patris in nos, Spíritum veritátis, allelúja.

V. Ascéndit Deus in jubilatíone, allelúja.

R. Et Dóminus in voce tubæ, allelúja.

Oratio.

Concède, quæsumus, omnipotens Deus: ut, qui hodierna die Unigenitum tuum Redemptorem nostrum ad cœlos ascendisse credimus, ipsi quoque mente in cœlestibus habitemus. Per eundem Dóminum.

✠

Dominica

infra Octavam Ascensionis.

Totum Officium fit de Ascensione, exceptis his, quæ hic habentur propria.

Si Lectiones primi Nocturni lectæ sunt pridie, quando scilicet in Sabbato præcedenti occurrit Festum S. Joannis ante portam Latinam, in Dominica legantur Lectiones Feriæ secundæ sequentis.

IN I. NOCTURNO.

Incipit Epístola prima beáti Joánnis Apóstoli.

Lectio i.

Cap. 1.

Quod fuit ab infítio, quod audívimus, quod vídimus óculis nostris, quod perspéximus, et manus nostræ contrectavérunt de verbo vitæ: et vita manifestáta est, et vídimus, et testámur, et annuntiámus vobis vitam ætérnam, quæ erat apud Patrem, et apparuit nobis: quod vídimus, et audívimus, annuntiámus vobis, ut et vos societátem habeátis nobíscum, et societas nostra sit cum Patre, et cum Fílio ejus Jesu Christo. Et hæc scríbimus vobis ut gaudeátis, et gáudium vestrum sit plenum. Et hæc est annuntiátio, quam audívimus ab eo, et annuntiámus vobis: Quóniam Deus lux est, et ténebræ in eo non sunt ullæ.

R. Post passióem suam per dies quadragínta appárens eis, et loquens de regno Dei, allelúja: * Et, vidéntibus

illis, elevátus est, allelúja: et nubes suscepíteum ab óculis eórum, allelúja.

V. Et convéscens præcépit eis, ab Jerosólymis ne discéderent, sed expectárent promissióem Patris. Et, vidéntibus.

Lectio ii.

Si dixérimus quóniam societátem habémus cum eo, et in ténebris ambulámus, mentímur, et veritátem non fácimus. Si autem in luce ambulámus, sicut et ipse est in luce, societátem habémus ad ínvicem, et sanguis Jesu Christi Fílii ejus emúndat nos ab omni peccáto. Si dixérimus quóniam peccátum non habémus, ipsi nos sedúcimur, et véritas in nobis non est. Si confiteámur peccáta nostra, fidélis est et justus, ut remíttat nobis peccáta nostra, et emúndet nos ab omni iniquitáte. Si dixérimus quóniam non peccávimus, mendácem fácimus eum, et verbum ejus non est in nobis.

R. Omnis pulchritúdo Dómini exaltáta est super sídera: * Spécies ejus in núbibus cœli, et nomen ejus in ætérnum pérmanet, allelúja.

V. A summo cœlo egréssio ejus, et occúrsus ejus usque ad summum ejus. Spécies.

Lectio iii.

Cap. 2.

Fíllioli mei, hæc scribo vobis, ut non peccétis. Sed et si quis peccáverit, advocátum habémus apud Patrem Jesum Christum justum: et ipse est propitiátio pro peccátis nostris; non pro nostris autem tantum, sed étiam pro totíus mundi. Et in hoc scimus quóniam cognóvimus eum, si mandáta ejus observémus. Qui dicit se nosse eum, et mandáta ejus non custódit, mendax est, et in hoc véritas non est. Qui autem servat verbum ejus, vere in hoc cháritas Dei perfécta est: et in hoc scimus quóniam in ipso sumus. Qui dicit se in ipso

manére, debet, sicut ille ambulávit, et ipse ambuláre.

R. Exaltáre, Dómine, allelúja, * In virtúte tua, allelúja.

V. Eleváta est magnificéntia tua super coelos, Deus. **I**n virtúte. **G**lória Patri. **I**n virtúte.

IN II. NOCTURNO.

Sermo Sancti Augustíni Epíscopi.

Serm. 2. de Ascens. Dom., qui est 175. de Tempore.

Lectio iv.

Salvátor noster, dilectíssimi fratres, ascendit in cœlum: non ergo turbémur in terra. Ibi sit mens, et hic erit réquies. Ascendámus cum Christo interim corde; cum dies ejus promissus advénerit, sequémur et corpore. Scire tamen debémus, fratres, quia cum Christo non ascendit supérbia, non avarítia, non luxúria: nullum vítium nostrum ascendit cum médico nostro. Et ideo si post médicum desiderámus ascendere, debémus vítia et peccáta depónere. Omnes enim quasi quibúsdam compédibus nos premunt, et peccatórum nos rétibús ligáre conténdunt: et ideo cum Dei adjutório, secúndum quod ait Psalmísta, dirumpámus víncula eórum, ut secúri possímus dícere Dómino: Dirupísti víncula mea, tibi sacrificábo hóstiam laudis.

R. Tempus est ut revértar ad eum, qui me misit, dicit Dóminus: nolíte contristári, nec turbétur cor vestrum:

* Rogo pro vobis Patrem, ut ipse vos custódiat, allelúja, allelúja.

V. Nisi ergo abíero, Paráclitus non véniet: cum assúptus fúero, mittam vobis eum. **R**ogo.

Lectio v.

Resurréctio Dómini spes nostra est: Ascénsio Dómini gloriificátio nostra est. Ascensiónis hódie solémnia celebrámus. Si ergo recte, si fidéliter, si devóte, si sanote, si pie Ascensió-

nem Dómini celebrámus, ascendámus cum illo, et sursum corda habéamus. Ascendéntes autem non extollámur, nec de nostris, quasi de própriis méritis præsumámus. Sursum autem corda habére debémus ad Dóminum. Sursum enim cor non ad Dóminum, supérbia vocátur: sursum autem cor ad Dóminum, refúgium vocátur. Vidéte, fratres, magnum miráculum. Altus est Deus; érigis te, et fugit a te; humílias te, et descendit ad te. Quare hoc? Quia excélsus est, et humília respicit, et alta de longe cognóscit. Humília de próximo respicit, ut attóllat: alta, idest, supérba, de longe cognóscit, ut déprimat.

R. Non turbétur cor vestrum: ego vado ad Patrem, et cum assúptus fúero a vobis, mittam vobis, allelúja, * Spíritum veritátis, et gaudébit cor vestrum, allelúja.

V. Ego rogábo Patrem, et álium Paráclitum dabit vobis. **S**píritum.

Lectio vi.

Resurrexit enim Christus, ut spem nobis daret, quia surgit homo, qui móritur; ne moriéndó desperarémus, et vitam nostram in morte finítam putarémus, secúros nos fecit. Solíciti enim erámus de ipsa ánima: et ille nobis, resurgéndo, de carnis resurrectione fidúciam dedit. Crede ergo, ut mundéris. Prius te opórtet crédere, ut póstea per fidem Deum mereáris aspícere. Deum enim vidére vis? Audi ipsum: Beáti mundo corde, quóniam ipsi Deum vidébunt. Prius ergo cógita de corde mundádo: quidquid ibi vides, quod dísplicet Deo, tolle.

R. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja.

V. Ascéndit Deus in jubilatíone, et Dóminus in voce tubæ. **D**edit. **G**lória Patri. **D**edit.

IN III. NOCTURNO.

Lectio sancti Evangelii secundum
Joannem.

Lectio vii.

Cap. 15. d.

IN illo tempore: Dixit Jesus discipulis suis: Cum venerit Paráclitus, quem ego mittam vobis a Patre, Spíritum veritatis, qui a Patre procedit, ille testimonium perhibebit de me. Et reliqua.

Homilia Sancti Augustini Episcopi.

Tract. 92. in Joannem.

Dominus Jesus in sermone, quem locutus est discipulis suis post cenam, proximus passioni, tamquam iturus, et relicturus eos praesentia corporali, cum omnibus autem suis usque in consummationem saeculi futurus praesentia spiritali, exhortatus est eos ad perferendas persecutiones impiorum, quos mundi nomine nuncupavit: ex quo tamen mundo etiam ipsos discipulos se elegisse dixit; ut scirent se Dei gratia esse, quod sunt; suis autem vitiis fuisse, quod fuerunt.

R. Ego rogabo Patrem, et alium Paráclitum dabit vobis, * Ut maneat vobiscum in aeternum, Spíritum veritatis, allelúja.

V. Si enim non abiero, Paráclitus non veniet ad vos: si autem abiero, mittam eum ad vos. Ut maneat.

Lectio viii.

DEinde persecutores, et suos et ipsorum, Judaeos evidenter expressit: ut omnino appareret etiam ipsos mundi damnabilis appellatione conclusos, qui persequuntur sanctos. Cumque de illis diceret, quod ignorarent eum, a quo missus est, et tamen odissent et Filium et Patrem, hoc est, et eum, qui missus est, et eum, a quo missus est: (de quibus omnibus in aliis sermonibus jam disseruimus) ad hoc pervenit, ubi ait:

Ut adimpleatur sermo, qui in lege eorum scriptus est: Quia odio habuerunt me gratis.

R. Si enim non abiero, Paráclitus non veniet ad vos: si autem abiero, mittam eum ad vos. * Cum autem venerit ille, docebit vos omnem veritatem, allelúja.

V. Non enim loquetur a semetipso: sed quaecumque audiet, loquetur: et quae ventura sunt, annuntiabit vobis. Cum autem. Glória Patri. Cum autem.

Lectio ix.

DEinde tamquam consequenter adiunxit, unde modo disputare suscepimus: Cum autem venerit Paráclitus, quem ego mittam vobis, a Patre, Spíritum veritatis, qui a Patre procedit, ille testimonium perhibebit de me: et vos testimonium perhibebitis, quia ab initio mecum estis. Quid hoc pertinet ad illud, quod dixerat: Nunc autem et viderunt, et oderunt et me, et Patrem meum; sed ut impleatur sermo, qui in lege eorum scriptus est: Quia odio habuerunt me gratis? An quia Paráclitus quando venit Spíritus veritatis, eos, qui viderunt, et oderunt, testimonio manifestiore convicit? Imo vero etiam aliquos ex illis, qui viderunt, et adhuc oderant, ad fidem, quae per dilectionem operatur, sui manifestatione convertit.

Te Deum laudamus. 13.

AD LAUDES
ET PER HORAS.

Antiph. to. 7. r. Viri Galilaei, quid aspíctis in coelum? Hic Jesus, qui assumptus est a vobis in coelum, sic veniet, allelúja.

Psalmus. Dominus regnavit. cum reliquis. 14.

Antiph. to. 8. Cumque intuerentur in coelum euntem illum, dixerunt, allelúja.

Antiph. to. 4. Elevátis mánibus benedíxit eis, et ferebátur in cœlum, allelúja.

Antiph. to. 8. Exaltáte Regem regum, et hymnum dícite Deo, allelúja.

Antiph. to. 8. Vidéntibus illis, elevátus est, et nubes suscepit eum in cœlo, allelúja.

Capitulum.

1. Pet. 4. b.

Charíssimi, Estóte prudéntes, et vigiláte in oratiónibus. Ante ómnia autem mútuam in vobismetípsis charitátem contínuam habéntes: quia charitas óperit multitudínem peccatórum.

Hymnus.

Salútis humánæ Sator,
Jesu volúptas córdium,
Orbis redémpti Córditor,
Et casta lux amántium.

Qua victus es cleméntia,
Ut nostra ferres crímina?
Mortem subíres innocens,
A morte nos ut tólleres?

Perrúmpis inférnum chaos,
Vinctis caténas détrahis,
Victor triúmpho nóbili
Ad dexteram Patris sedes.

Te cogat indulgéntia,
Ut damna nostra sárcias,
Tuíque vultus cómpotes
Dites beáto lúmine.

Tu dux ad astra, et sémita,
Sis meta nostris córdibus,
Sis lacrymárum gáudium,
Sis dulce vitæ præmíum.

Amen.

V. Dóminus in cœlo, allelúja.

R. Parávit sedem suam, allelúja.

Ad Benedictus, Antiphona, to. 8.

Cum vénerit Paráclitus, quem ego mittam vobis Spíritum veritátis, qui a Patre procédit, ille testimónium perhibébit de me, allelúja.

Oratio.

Omnípotens sempitérne Deus, fac nos tibi semper et devótam gérere voluntátem, et majestáti tuæ sincéro corde servíre. Per Dóminum.

Et fit Commemóratio Ascensionis.

Antiph. Ascéndo ad Patrem meum, et Patrem vestrum; Deum meum, et Deum vestrum, allelúja.

V. Ascéndit Deus in jubilatióne, allelúja.

R. Et Dóminus in voce tubæ, allelúja.

Oratio.

Concéde, quæsumus, omnípotens Deus: ut, qui hodiérna die Unigénitum tuum Redemptórem nostrum ad cœlos ascendísse crédimus, ipsi quoque mente in cœlestibus habitémus. Per eúndem Dóminum.

Ad Primam.

Antiph. to. 7. r. Viri Galilæi.

Capitulum.

1. Tim. 1. d.

Regi sæculórum immortalí et invisibili, soli Deo honor et glória in sæcula sæculórum. Amen.

R. Deo grátias.

R. br. Christe, Fili Dei vivi, miserére nobis, * Allelúja, allelúja. Christe.

V. Qui scandis super sídera. A llelúja, allelúja. Glória Patri. Christe.

V. Exúrge, Christe, ádjuva nos, allelúja.

R. Et líbera nos propter nomen tuum, allelúja.

Ad Absolutionem Capituli Lectio brevis. Si quis lóquitur. ut infra ad Nonam.

Ad Tertiam.

Antiph. to. 8. Cumque intueréntur.

Capitulum. Charíssimi, Estóte prudéntes. ut supra.

R. br. Ascéndit Deus in jubilatióne, * Allelúja, allelúja. Ascéndit.

V. Et Dóminus in voce tubæ. Allelúja, allelúja. Glória Patri. Ascéndit.

V. Ascéndens Christus in altum, allelúja.
R. Captívam duxit captivitátem, allelúja.

Ad Sextam.

Antiph. to. 4. Elevátis mánibus.

Capitulum. I. Pet. 4. b.

Hospitáles invicem sine murmuratione. Unusquísque, sicut accépit grátiam, in alterútrum illam ministrátes, sicut boni dispensátóres multifórmis grátiae Dei.

R. br. Ascéndens Christus in altum, * Allelúja, allelúja. Ascéndens.

V. Captívam duxit captivitátem. Allelúja, allelúja. Glória Patri. Ascéndens.

V. Ascéndo ad Patrem meum, et Patrem vestrum, allelúja.

R. Deum meum, et Deum vestrum, allelúja.

Ad Nonam.

Antiph. to. 8. Vidéntibus illis.

Capitulum. I. Pet. 4. c.

Si quis loquitur, quasi sermónes Dei: si quis ministrat, tamquam ex virtúte, quam administrat Deus: ut in ómnibus honorificétur Deus per Jesum Christum Dóminum nostrum.

R. br. Ascéndo ad Patrem meum, et Patrem vestrum, * Allelúja, allelúja. Ascéndo.

V. Deum meum, et Deum vestrum. Allelúja, allelúja. Glória Patri. Ascéndo.

V. Dóminus in cœlo, allelúja.

R. Parávit sedem suam, allelúja.

Ad Vesperas.

Antiph. to. 7. r. Viri Galilæi. cum reliquis Antiphonis et Psalmis, ut supra in primis Vesperis Festi. 330.

Capitulum. Charíssimi, Estóte prudentes. ut supra. 350.

Hymnus. Salútis humanæ Sator. ut supra. 350.

V. Dóminus in cœlo, allelúja.
R. Parávit sedem suam, allelúja.

Ad Magnificat, Antiphona, to. 8.
Hæc locútus sum vobis, ut cum vénerit hora eórum, reminiscámini quia ego dixi vobis, allelúja.

Oratio. Omnípotens sempitérne Deus. ut supra. 350.

Et fit Commemoratio Ascensionis.

Antiph. O Rex glóriæ, Dómine virtútum, qui triumphátor hódie super omnes cœlos ascendísti, ne derelínquas nos órphanos, sed mitte promísum Patris in nos, Spíritum veritátis, allelúja.

V. Ascéndit Deus in jubilatione, allelúja.

R. Et Dóminus in voce tubæ, allelúja.

Oratio. Concéde, quæsumus. ut supra. 350.

ORATIO

FERIA SECUNDA

post Dominicam infra Octavam
Ascensionis.

IN I. NOCTURNO.

De Epístola prima beáti Joánnis
Apóstoli.

Lectio i. Cap. 3.

Vidéte qualem charitátem dedit nobis Pater, ut ffilii Dei nominémur et simus. Propter hoc mundus non novit nos: quia non novit eum. Charíssimi, nunc ffilii Dei sumus, et nondum appáruit quid érimus. Scimus quóniam cum apparúerit, símiles ei érimus: quóniam vidébimus eum sic-uti est. Et omnis qui habet hanc spem in eo, sanctíficat se, sicut et ille sanctus est. Omnis qui facit peccátum, et iniquitátem facit; et peccátum est iníquitas. Et scitis, quia ille appáruit ut peccáta nostra tólleret: et peccátum in eo non est. Omnis, qui in eo manet, non peccat: et

omnis, qui peccat, non vidit eum, nec cognóvit eum.

R. Post passióem suam per dies quadraginta appárens eis, et loquens de regno Dei, allelúja: * Et, vidéntibus illis, elevátus est, allelúja: et nubes suscepit eum ab óculis eórum, allelúja.

V. Et convéscens præcépit eis, ab Jerosólymis ne discéderent, sed expectárent promissióem Patris. **Et**, vidéntibus.

Lectio ii.

Filíoli, nemo vos sedúcat. Qui facit justítiam, justus est, sicut et ille justus est. Qui facit peccátum, ex diábolo est, quóniam ab infítio diábolus peccat. In hoc appáruit Fílius Dei, ut dissólvat ópera diáboli. Omnis, qui natus est ex Deo, peccátum non facit: quóniam semen ipsíus in eo manet, et non potest peccáre, quóniam ex Deo natus est. In hoc manifesti sunt fílii Dei, et fílii diáboli. Omnis, qui non est justus, non est ex Deo, et qui non díligit fratrem suum: quóniam hæc est annuntiátio, quam audístis ab infítio, ut diligátis alterutrum. Non sicut Cain, qui ex maligno erat, et occídit fratrem suum. Et propter quid occídit eum? Quóniam ópera ejus maligna erant, fratris autem ejus justa.

R. Omnis pulchritúdo Dómini exaltáta est super sídera: * Spécies ejus in núbibus cœli, et nomen ejus in ætérnum pérmanet, allelúja.

V. A summo cœlo egréssio ejus, et occúrsus ejus usque ad summum ejus. **S**pécies.

Lectio iii.

Nolíte mirári, fratres, si odit vos mundus. Nos scimus quóniam transláti sumus de morte ad vitam, quóniam diligimus fratres. Qui non díligit, manet in morte: omnis, qui odit fratrem suum, homicída est. Et scitis quóniam omnis homicída non

habet vitam ætérnam in semetípso manéntem. In hoc cognóvimus charitátem Dei, quóniam ille ánimam suam pro nobis pósuit: et nos debémus pro frátribus ánimas pónere. Qui habúerit substántiam hujus mundi, et viderit fratrem suum necessitátem habére, et cláuserit víscera sua ab eo; quómodo cháritas Dei manet in eo? Filíoli mei, non diligámus verbo, neque lingua, sed ópere et veritáte.

R. Exaltáre, Dómine, allelúja, * In virtúte tua, allelúja.

V. Eleváta est magnificéntia tua super cœlos, Deus. **In** virtúte. **G**lória Patri. **In** virtúte.

IN II. NOCTURNO.

Sermo Sancti Joánnis Chrysóstomi.

Serm. de Ascensione Domini tom. 3.

Lectio iv.

Chrístus ascéndens in cœlum, nostræ natúræ primítias obtulit Patri, et oblátum donum mirátus est Pater, quod et tanta dígnitas offerébat, et quod offerebátur, nulla mácula foedabátur. Nam et suis mánibus suscepit oblátum, et suæ sedis fecit esse partícipem, et quod plus est, ad partem suæ dexteræ collocávit. Cognoscámus, quis est ille qui audívit: Sede ad dexteram meam: quæ natúra est, cui Deus dixit: Esto meæ párticeps sedis. Illa natúra est, quæ audívit: Terra es, et in terram ibis.

R. Tempus est ut revértar ad eum, qui me misit, dicit Dóminus: nolíte contristári, nec turbétur cor vestrum: * Rogo pro vobis Patrem, ut ipse vos custódiat, allelúja, allelúja.

V. Nisi ego abíero, Paráclitus non véniet: cum assúptus fúero, mittam vobis eum. **R**ogo.

Lectio v.

Non enim ad omnem glóriam cœlos transísse suffécerat, non cum Angelis stare: sed cœlos transívit,

supra Chérubim ascéndit, ultra Séraphim elevátur, nec ante stetit, nisi sedem Domínicam meruísset. Vide quo spátio cœlum separátur a terra, imo terra quanto ab inferis abest, et ipsum cœlum quanto ab altióre cœlo separátur, et de altióre cœlo ad Angelos quantum spátii est, ad superiores étiam Potestátes, ad ipsam quoque Domínicam sedem. Super hæc omnia natúra nostra eleváta est, ut homo, qui loco tam húmili tenebátur, ut descendere non posset ultérius, ad tam excélsam sedem elevarétur, ut áltius non posset ascéndere.

R. Non turbétur cor vestrum: ego vado ad Patrem, et cum assúptus fuero a vobis, mittam vobis, allelúja, * Spíritum veritátis, et gaudébit cor vestrum, allelúja.

V. Ego rogábo Patrem, et álium Paráclitum dabit vobis. **S**píritum.

Lectio vi.

ET hæc osténdens Paulus dicébat: Qui descendit, ipse est qui ascéndit. Et iterum: Descéndit ad inferiora terræ, et ascéndit super omnes cœlos. Discite igitur quisnam ascéndit, et quæ natúra eleváta est. In hoc enim cupio remorári sermóne, ut húmáni géneris commemoratióne, divínam cleméntiam cum omni admiratióne discámus, quæ summum honórem, magnámque glóriam nostræ natúræ largita est, quæ omnibus hodiérna die méruit excélsior reperíri. Hódie Angeli atque Archángeli natúrám nostram in sede Domínica immortáli glória fulgéntem vidérunt.

R. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja.

V. Ascéndit Deus in jubiliatióne, et Dóminus in voce tubæ. **Dedit.** Glória Patri. **Dedit.**

IN III. NOCTURNO.

Lectio sancti Evangélíi secúndum Marcum.

Lectio vii.

Cap. 16. c.

IN illo témpore: Recumbéntibus undecim discípulis, apparuit illis Jesus: et exprobrávit incredulitátem eórum, et durítiam cordis; quia iis, qui víderant eum resurrexisse, non credidérunt. Et réliqua.

De Homilía Sancti Gregórii Papæ.

Ex eadem Homilia 29.

ET Dóminus quidem Jesus, postquam locútus est eis, assúptus est in cœlum, et sedet a dextris Dei. In véteri Testaménto cognóvimus, quod Elías sit raptus in cœlum. Sed aliud est cœlum aéreum, aliud æthereum. Cœlum quippe aéreum terræ est próximum: unde et aves cœli dicimus, quia eas volitáre in aère videmus. In cœlum itaque aéreum Elías sublevátus est, ut in secrétam quamdam terræ regióne repénite duceretur, ubi in magna jam carnis et spíritus quiéte viveret, quoúsque ad finem mundi rédeat, et mortis débitum solvat. Ille etenim mortem dístulit, non evásit. Redémptor autem noster, quia non dístulit, superávit, eámque resurgéndo consúpsit, et resurrectionis suæ glóriam ascendéndo declarávit.

R. Ego rogábo Patrem, et álium Paráclitum dabit vobis, * Ut máneat vobíscum in ætérnum, Spíritum veritátis, allelúja.

V. Si enim non abíero, Paráclitus non véniet ad vos: si autem abíero, mittam eum ad vos. **U**t máneat.

Lectio viii.

NOtándum quoque est, quod Elías in curru légitur ascendísse: ut videlicet apérte demonstrarétur, quia homopurus adjutório indigébataliêno. Per Angelos quippe facta illa et osténsa sunt adjuménta: quia nec in

cœlum quidem aëreum per se ascēdere pōterat, quem naturæ suæ infirmitas gravābat. Redēptor autem noster non curru, non Angelis sublevātus légitur: quia is, qui fécerat ómnia, nimirum super ómnia sua virtúte ferebātur. Illo étenim revertebātur, ubi erat: et inde redíbat, ubi remanēbat: quia cum per humanitatem ascēderet in cœlum, per divinitatem suam et terram páriter cōtinēbat et cœlum.

R. Ponis nubem ascēsum tuum, Dómine, * Qui ámbulas super pennas ventórum, allelúja.

V. Confessiōnem et decórem induísti, amíctus lumen sicut vestiméntum. Qui ámbulas. Glória Patri. Qui ámbulas.

Lectio ix.

Sicut autem Joseph a fratribus vēditus venditiōnem Redēptoris nostri figurāvit: sic Henoch translātus, atque ad cœlum aëreum Elías sublevātus, ascensiōnem Domínicam utérque designāvit. Ascensiōnis ergo suæ Dóminus prænúntios et testes hábuit, unum ante legem, álium sub lege: ut quandóque veníret ipse, qui veráciter cœlos penetrāre potuísset. Unde et ipse ordo in eórum quoque utrorúmque sublevatiōne per quædam incrementa distinguitur. Nam Henoch translātus, Elías vero ad cœlum subvēctus esse memorātur: ut veníret póstmodum qui nec translātus, nec subvēctus, cœlum æthéreum sua virtúte penetrāret.

Te Deum laudāmus. 13.

FERIA TERTIA.

IN I. NOCTURNO.

De Epístola prima beáti Joánnis Apóstoli.

Lectio i.

Cap. 4.

Charíssimi, nolíte omni spirítui crédere, sed probáte spirítus si ex

Deo sint: quóniam multi pseudoprophétæ exiérunt in mundum. In hoc cognóscitur Spíritus Dei: omnis spíritus, qui confitétur Jesum Christum in carne venísse, ex Deo est: et omnis spíritus, qui solvit Jesum, ex Deo non est, et hic est antichrístus, de quo audístis quóniam venit, et nunc jam in mundo est. Vos ex Deo estis, filíoli, et vicístis eum, quóniam major est, qui in vobis est, quam qui in mundo. Ipsi de mundo sunt: ideo de mundo loquúntur, et mundus eos audit. Nos ex Deo sumus. Qui novit Deum, audit nos: qui non est ex Deo, non audit nos: in hoc cognóscimus Spíritum veritátis, et spíritum erróris.

R. Post passiōnem suam per dies quadragínta appárens eis, et loquens de regno Dei, allelúja: * Et, vidéntibus illis, elevātus est, allelúja: et nubes suscepit eum ab óculis eórum, allelúja.

V. Et convéscens præcepit eis, ab Jerosólymis ne discéderent, sed expectárent promissiōnem Patris. Et, vidéntibus.

Lectio ii.

Charíssimi, diligāmus nos invicem: quia cháritas ex Deo est. Et omnis, qui díligit, ex Deo natus est, et cognóscit Deum. Qui non díligit, non novit Deum: quóniam Deus cháritas est. In hoc appáruit cháritas Dei in nobis, quóniam Fílium suum unigénitum misit Deus in mundum, ut vivámus per eum. In hoc est cháritas: non quasi nos dilexérimus Deum, sed quóniam ipse prior diléxit nos, et misit Fílium suum propitiatiōnem pro peccátis nostris. Charíssimi, si sic Deus diléxit nos: et nos debémus altérutrum díligere. Deum nemo vidit umquam. Si diligāmus invicem, Deus in nobis manet, et cháritas ejus in nobis perfécta est. In hoc cognóscimus quóniam in eo manémus, et ipse in nobis: quóniam de Spíritu suo dedit

nobis. Et nos vidimus, et testificamur, quoniam Pater misit Filium suum Salvatorem mundi.

R. Omnis pulchritudo Domini exaltata est super sidera: * Species ejus in nubibus caeli, et nomen ejus in aeternum permanet, allelúja.

V. A summo caelo egressio ejus, et occursus ejus usque ad summum ejus. Species.

Lectio iii.

Quisquis confessus fuerit quoniam Jesus est Filius Dei, Deus in eo manet, et ipse in Deo. Et nos cognovimus, et credidimus charitati, quam habet Deus in nobis. Deus charitas est, et qui manet in charitate, in Deo manet, et Deus in eo. In hoc perfecta est charitas Dei nobiscum, ut fiduciam habeamus in die judicii: quia sicut ille est, et nos sumus in hoc mundo. Timor non est in charitate: sed perfecta charitas foras mittit timorem, quoniam timor poenam habet. Qui autem timet, non est perfectus in charitate. Nos ergo diligamus Deum, quoniam Deus prior dilexit nos. Si quis dixerit, quoniam diligo Deum, et fratrem suum oderit, mendax est. Qui enim non diligit fratrem suum, quem videt, Deum, quem non videt, quomodo potest diligere? Et hoc mandatum habemus a Deo: ut qui diligit Deum, diligat et fratrem suum.

R. Exaltare, Domine, allelúja, * In virtute tua, allelúja.

V. Elevata est magnificentia tua super caelos, Deus. In virtute. Gloria Patri. In virtute.

IN II. NOCTURNO.

Sermo Sancti Máximi Episcopi.

Homil. 43. quae est 2. de Pentecoste, ante medium.

Lectio iv.

Meminit sanctitas vestra, quod áquilæ illi de Psalterio, cujus

innovatam juventutem legimus, comparaverim Salvatorem. Est enim similitudo non parva. Sicut enim áquila humilia deserit, alta petit, caelorum vicina conscendit: ita et Salvator humilia inferni deseruit, paradisi altiora petiit, caelorum fastigia penetravit. Et sicut áquila, relictis terrenis sordibus, sublime volans, purioris aeris salubritate perfruitur; ita et Dominus terrenorum faciem deserens peccatorum, in sanctis suis volitans, purioris vitae simplicitate laetatur.

R. Tempus est ut revertar ad eum, qui me misit, dicit Dominus: nolite contristari, nec turbetur cor vestrum:

* Rogo pro vobis Patrem, ut ipse vos custodiat, allelúja, allelúja.

V. Nisi ego abiero, Paráclitus non veniet: cum assumptus fuero, mittam vobis eum. Rogo.

Lectio v.

Per omnia igitur áquilæ comparatio convenit Salvatore. Sed quid facimus, quod áquila prædam frequenter diripit, tollit frequenter alienum? Nec in hoc tamen dissimilis est Salvator. Prædam enim quodammodo sustulit, cum hominem, quem suscepit, inferni raptum faucibus portavit ad caelum, et alienae dominationis, idest, diabolicæ potestatis servum de captivitate erutum duxit ad altiora captivum, sicut scriptum est in Propheta: Ascendens in altum, captivam duxit captivitatem, dedit dona hominibus.

R. Non turbetur cor vestrum: ego vado ad Patrem, et cum assumptus fuero a vobis, mittam vobis, allelúja, * Spíritum veritatis, et gaudébit cor vestrum, allelúja.

V. Ego rogabo Patrem, et alium Paráclitum dabit vobis. Spíritum.

Lectio vi.

Ascendit, inquit, in altum, captivam duxit captivitatem. Quam

bene triúmphum Dómini prophéta describit! Solébat, sicut dicunt, regum triúmphántium currus captivórum pompa præcedere. Ecce Dóminus eúntem ad cœlos non præcédit, sed comitátur gloriósa captívitás, non ante vehículum dúcitur, sed ipsa évehit Salvatórem. Quodam enim mysterio, dum Fílius Dei fílium hóminis sústulit ad cœlum, ipsa captívitás portátur, et portat.

R. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja.

V. Ascéndit Deus in jubilatione, et Dóminus in voce tubæ. **Dedit. Glória Patri. Dedit.**

IN III. NOCTURNO.

Lectio sancti Evangélíi secúndum Marcum.

Lectio vii.

Cap. 16. c.

In illo témpore: Recumbéntibus undecim discípulis, appáruit illis Jesus: et exprobrávit incredulitátem eórum, et durítiam cordis; quia iis, qui víderant eum resurrexisse, non credidérunt. Et reliqua.

De Homilía Sancti Gregórii Papæ.

Ex eadem Homilia 29.

Considerándum nobis est, quid est quod Marcus ait: Sedet a dextris Dei; et Stéphanus dicit: Vídeo cœlos apértos, et Fílium hóminis stantem a dextris Dei. Quid est quod hunc Marcus sedéntem, Stéphanus vero stantem se vídere testátur? Sed scitis, fratres, quia sedére judicántis est, stare vero pugnántis, vel adjuvántis.

R. Ego rogábo Patrem, et álium Paráclitum dabit vobis, * Ut máneat vobíscum in ætérnum, Spíritum veritátis, allelúja.

V. Si enim non abíero, Paráclitus non véniet ad vos: si autem abíero, mitam eum ad vos. **U**t máneat.

Lectio viii.

Quia ergo Redémptor noster assumptus in cœlum, et nunc ómnia júdicat, et ad extrémum iudex ómnium véniet; hunc post assumptiónem Marcus sedére describit, quia post ascensiónis suæ glóriam iudex in fine vidébítur. Stéphanus vero hunc in labóre certáminis pósitus stantem vidit, quem adjutórem hábuit: quia ut iste in terra persecutórum infidelitátem vínceret, pro illo de cœlo illús grátia pugnávit.

R. Ponis nubem ascénsu tuum, Dómine, * Qui ámbulas super pennas ventórum, allelúja.

V. Confessióne et decórem induísti, amíctus lumen sicut vestiméntum. **Qui ámbulas. Glória Patri. Qui ámbulas.**

Lectio ix.

Sequitur: Illi autem profécti prædicavérunt ubique, Dómino cooperánte, et sermónem confirmánte, sequéntibus signis. Quid in his considerándum est, quid memóriæ commendándum, nisi quod præcéptum obediéntia, obediéntiam vero signa secúta sunt? Sed quia, auctóre Deo, bréviter lectiónem Evangélicam exponéndo transcúrrimus: restat, ut, áliquíd de ipsa tantæ solemnitátis consideratióne dicámus.

Te Deum laudámus. 13.

✠

FERIA QUARTA.

IN I. NOCTURNO.

Incipit Epístola secúnda beáti Joánnis Apóstoli.

Lectio i.

Senior Eléctæ dómínæ, et natis ejus, quos ego díligo in veritáte, et non ego solus, sed et omnes, qui cognovérunt veritátem, propter veritátem, quæ pérmanet in nobis, et nobíscum

erit in ætérnum. Sit vobíscum grátia, misericórdia, pax a Deo Patre, et a Christo Jesu Fílio Patris in veritáte et charitáte. Gavísus sum valde, quóniam invéni de fíliis tuis ambulátes in veritáte, sicut mandátum accépi-mus a Patre. Et nunc rogo te, dómina, non tamquam mandátum novum scri-bens tibi, sed quod habúimus ab iní-tio, ut diligámus altérutrum.

R. Post passiónem suam per dies qua-dráginta appárens eis, et loquens de regno Dei, allelúja: * Et, vidéntibus illis, elevátus est, allelúja: et nubes suscepit eum ab óculis eórum, allelúja.

V. Et convéscens præcépit eis, ab Jerosólymis ne discéderent, sed ex-pectárent promissiónem Patris. **Et**, vidéntibus.

Lectio ii.

ET hæc est cháritas, ut ambulémus secúndum mandáta ejus. Hoc est enim mandátum, ut quemádmo-dum audístis ab iníto, in eo ambu-létis: quóniam inulti seductóres exi-erunt in mundum, qui non confiténtur Jesum Christum venísse in carnem: hic est sedúctor, et antichrístus: Vi-déte vosmetípsos, ne perdátis quæ operáti estis: sed ut mercédem ple-nam accipiátis. Omnis, qui recédit, et non pérmanet in doctrína Christi, Deum non habet: qui pérmanet in doctrína, hic et Patrem et Fílium habet.

R. Omnis pulchritúdo Dómini exal-táta est super sídera: * Spécies ejus in núbibus cœli, et nomen ejus in ætérnum pérmanet, allelúja.

V. A summo cœlo egréssio ejus, et occúrsus ejus usque ad summum ejus. Spécies.

Lectio iii.

SI quis venit ad vos, et hanc doctrí-nam non affert, nolíte recíperere eum in domum, nec Ave ei dixéritis. Qui enim dicit illi Ave, comunicat opé-ribus ejus malígnis. Plura habens

vobis scríbere, nólui per chartam et atraméntum: spero enim me futúrum apud vos, et os ad os loqui: ut gáu-dium vestrum plenum sit. Salútant te fílii soróris tuæ Eléctæ.

R. Exaltáre, Dómine, allelúja, * In virtúte tua, allelúja.

V. Eleváta est magnificéntia tua su-per cœlos, Deus. **In** virtúte. **G**lória Patri. **In** virtúte.

IN II. NOCTURNO.

Sermo Sancti Gregórii Nysséni.

Oratione de Ascensione Domini.

Lectio iv.

HOdiérnam celebritátem satis per se magnam Prophéta David ma-jórem éfficit, dum illi gáudium e Psal-mis adjúngit. Hic enim excélsus Pro-phéta supra seípsum egrédiens, tam-quam córporis ónere nihil premátur, infert se cœléstibus potestátibus, et voces eárum nobis expónit, cum in cœlum redeúntem Dóminum ipsæ co-mitántes, Angelis, qui versántur in terris, quibúsque in humánam vitam ingressus commíssus est, ímperant ad hunc modum: Tóllite portas, prín-cipes, vestras, et elevámini, portæ æternáles, et introíbit Rex glóriæ.

R. Tempus est ut revértar ad eum, qui me misit, dicit Dóminus: nolíte contristári, nec turbétur cor vestrum: * Rogo pro vobis Patrem, ut ipse vos custódiat, allelúja, allelúja.

V. Nisi ego abíero, Paráclitus non véniet: cum assúptus fúero, mittam vobis eum. **R**ogo.

Lectio v.

ET quóniam ubicúmque fúerit ille, qui in seípso ómnia cóninet, pro suscipiéntium captu seípsum dimetítur (neque enim solum inter hómines homo fit, verum étiam dum inter An-gelos versátur, ad illórum vocem sese demíttit) idcirco janitóres intérogant: Quis est iste Rex glóriæ? Respóndent

ipsis, demonstrántque fortem et poténtem in pælio, qui pugnáturus erat contra illum, qui natúram humanam in servitúte captívam detinébat, et eversúrus eum, qui mortis habébat impérium; ut, gravíssimo hoste superáto, genus hóminum in libertátem et pacem vindicáret.

R. Non tarbétur cor vestrum: ego vado ad Patrem, et cum assúptus fúero a vobis, mittam vobis, allelúja, * Spíritum veritátis, et gaudébit cor vestrum, allelúja.

V. Ego rogábo Patrem, et álium Paráclitum dabit vobis. Spíritum.

Lectio vi.

OCcúrrunt ei custódes, et portas jubent reclúdi, ut in ipsis rursum glóriam assequátur. Verum non agnóscunt eum, qui sórdidam vitæ nostræ stolam indútus est: cujus rubra sunt vestiménta ex humanórum malórum torculári. Itaque rursus cómites ejus vócbis illis interrogántur: Quis est iste Rex glóriæ? Respondétur autem non ámplius, Fortis et potens in prælio; sed, Dóminus virtútum, qui mundi principátum obtínuit, qui summátim ómnia in se collégit, qui prístinum in statum cuncta restítuit: ipse est Rex glóriæ.

R. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja.

V. Ascéndit Deus in jubiliatióne, et Dóminus in voce tubæ. Dedit. Glória Patri. Dedit.

IN III. NOCTURNO.

Lectio sancti Evangélíi secúndum Marcum.

Lectio vii.

Cap. 16. c.

IN illo témpore: Recumbéntibus úndecim discípulis, appáruit illis Jesus: et exprobrávit incredulitátem eórum, et durítiam cordis; quia iis,

qui víderant eum resurrexísse, non credidérunt. Et reliqua.

De Homilía Sancti Gregórii Papæ.

Ex eadem Homilia 29.

HOc autem nobis primum quæréndum est, quidnam sit, quod, nato Dómino apparuerunt Angeli, et tamen non legúntur in albis véstibus apparuisse: ascendente autem Dómino, missi Angeli in albis legúntur véstibus apparuisse. Sic étenim scriptum est. Vidéntibus illis, elevátus est, et nubes suscepit eum ab óculis eórum. Cumque intueréntur in cælum eúntem illum, ecce duo viri steterunt juxta illos in véstibus albis. In albis autem véstibus gáudium et solémnitas mentis osténditur. Quid est ergo, quod, nato Dómino, non in albis véstibus, ascendente autem Dómino, in albis véstibus Angeli appárent: nisi quod tunc magna solémnitas Angelis facta est, cum cælum Deus homo penetrávit? Quia, nascente Dómino, videbátur divínitas humiliáta, ascendente vero Dómino, est humanitas exaltáta. Albæ étenim vestes exaltatióni magis cóngruunt, quam humiliatióni.

R. Ego rogábo Patrem, et álium Paráclitum dabit vobis, * Ut máneat vobíscum in ætérnum, Spíritum veritátis, allelúja.

V. Si enim non abíero, Paráclitus non véniet ad vos: si autem abíero, mittam eum ad vos. Ut máneat.

Lectio viii.

IN ascensióne ergo ejus Angeli in albis véstibus vidéri debuérunt: quia qui in nativité sua appáruit Deus húmilis, in ascensióne sua ostensus est homo sublímis. Sed hoc nobis magnópere, fratres charíssimi, in hac solemnitáte pensándum est: quia delétum est hodiérna die chirógraphum damnatiónis nostræ, mutáta est

senténtia corruptiónis nostræ. Illa enim natúra, cui dictum est: Terra es, et in terram ibis; hódie in cœlum ivit. Pro hac ipsa namque carnis nostræ sublevatióne, per figúram beátus Job Dóminum avem vocat. Quia enim ascensionis ejus mystérium Judæam non intelligere conspéxit, de infidelitate ejus per figúram beátus Job senténtiam proutulit, dicens: Sémitam ignorávit avis.

R. Ponis nubem ascénsum tuum, Dómine, * Qui ámbulas super pennas ventórum, allelúja.

V. Confessionem et decórem induísti, amíctus lumen sicut vestiméntum. Qui ámbulas. Glória Patri. Qui ámbulas.

Lectio ix.

A Vis enim recte appellátus est Dóminus, quia corpus cárneum ad æthera librávit. Cujus avis sémitam ignorávit quisquis eum ad cœlum ascendísse non crédidit. De hac solemnitate per Psalmístam dicitur: Eleváta est magnificéntia tua super cœlos. De hac rursus ait: Ascéndit Deus in jubilatione, et Dóminus in voce tubæ. De hac íterum dicit: Ascéndens in altum, captívam duxit captivitátem, dedit dona homínibus. Ascéndens quippe in altum, captívam duxit captivitátem: quia corruptiónem nostram virtúte suæ incorruptionis absórbuit. Dedit vero dona homínibus, quia, misso désuper Spíritu, álii sermónem sapiéntiæ, álii sermónem sciéntiæ, álii grátiam virtútum, álii grátiam curationum, álii génera linguárum, álii interpretatióem tríbuit sermónem.

Te Deum laudámus. 13.

Ad Vesperas, Duplex; omnia ut in primis Vesperis Festi. 330.



In Octava

ASCENSIONIS.

Omnia sicut in die, 330. præter Lectiones, quæ leguntur ut infra.

IN I. NOCTURNO.

De Epístola beáti Pauli Apóstoli ad Ephésios.

Lectio i.

Cap. 4.

O Bsecro itaque vos ego vinctus in Dómino, ut digne ambulétis vocatióne, qua vocáti estis, cum omni humilitate, et mansuetúdine, cum patientia, supportántes invicem in charitate, solíciti serváre unitátem Spíritus in vínculo pacis. Unum corpus, et unus spíritus, sicut vocáti estis in una spe vocatiónis vestræ. Unus Dóminus, una fides, unum baptísma. Unus Deus et Pater ómnium, qui est super omnes, et per ómnia, et in ómnibus nobis. Unicuique autem nostrum data est grátia secúndum mensúram donatiónis Christi. Propter quod dicit: Ascéndens in altum, captívam duxit captivitátem, dedit dona homínibus.

R. Post passióem suam per dies quadragínta appárens eis, et loquens de regno Dei, allelúja: * Et, vidéntibus illis, elevátus est, allelúja: et nubes suscepit eum ab óculis eórum, allelúja.

V. Et convéscens præcepit eis, ab Jerosólymis ne discéderent, sed expectárent promissionem Patris. Et, vidéntibus.

Lectio ii.

Quod autem ascéndit, quid est, nisi quia et descéndit primum in inferiôres partes terræ? Qui descéndit, ipse est et qui ascéndit super omnes cœlos, ut impléret ómnia. Et ipse dedit quosdam quidem Apóstolos, quosdam autem Prophétas, álios vero

Evangelistas, álios autem pastóres, et doctóres, ad consummationem sanctórum in opus ministérii, in ædificationem cörperis Christi: donec occurrámus omnes in unitatem fidei, et agnitionis Filii Dei, in virum perfectum, in mensuram ætatis plenitudinis Christi: ut jam non simus párvuli fluctuantes, et circumferámur omni vento doctrinæ in nequítia hóminum, in astútia ad circumventionem erroris.

R. Omnis pulchritúdo Dómini exaltáta est super sídera: * Spécies ejus in núbibus cœli, et nomen ejus in ætérnum pérmanet, allelúja.

V. A summo cœlo egréssio ejus, et occúrsus ejus usque ad summum ejus. Spécies.

Lectio iii.

Veritatem autem faciéntes in charitáte, crescámus in illo per ómnia, qui est caput, Christus: ex quo totum corpus compáctum et connéxum per omnem junctúram subministratiónis, secúndum operationem in mensuram uniuscujusque membri, augmentum cörperis facit in ædificationem sui in charitáte. Hoc igitur dico, et testíficor in Dómino, ut jam non ambulétis, sicut et Gentes ámbulant in vanitáte sensus sui, ténebris obscurátum habéntes intelléctum, alienáti a vita Dei per ignorántiam, quæ est in illis, propter cæcitatem cordis ipsórum, qui desperántes, semetipsos tradidérunt impudiciæ, in operationem immunditiæ omnis, in avarítiam. Vos autem non ita didicístis Christum, si tamen illum audístis, et in ipso edócti estis.

R. Exaltáre, Dómine, allelúja, * In virtúte tua, allelúja.

V. Eleváta est magnificéntia tua super cœlos, Deus. In virtúte. Glória Patri. In virtúte.

IN II. NOCTURNO.

Sermo Sancti Augustíni Epíscopi.

Serm. 3. de Ascens. Domini, qui est 176. de Temp.

Lectio iv.

OMnia, charíssimi, quæ Dóminus Jesus Christus in hoc mundo sub fragilitáte nostra mirácula édedit, nobis proficiunt: qui dum humanam conditionem sidéribus importávit, credéntibus cœlum patére posse monstrávit: et dum victórem mortis in cœlestia elevávit, victóribus quo sequántur osténdit. Ascénsio ergo Dómini cathólicæ fidei confirmátio fuit, ut secúri in pósterum crederémus miraculi illús donum, cujus jam in præsentí percepissémus effectum: et fídelis quisque cum jam tanta percéperit, per ea, quæ cognóscit præstita, discat speráre promíssa, ac Dei sui præteritam præsentemque bonitatem quasi futurórum téneat cautionem.

R. Tempus est ut revértar ad eum, qui me misit, dicit Dóminus: nolíte contristári, nec turbétur cor vestrum: * Rogo pro vobis Patrem, ut ipse vos custódiat, allelúja, allelúja.

V. Nisi ego abíero, Paráclitus non véniet: cum assúptus fúero, mittam vobis eum. Rogo pro vobis.

Lectio v.

Super excélsa ergo cœli terrénus corpus impónitur: ossa intra sepúlchri angústias paulo ante conclúsa Angelórum cœtibus inferúntur: in grémium immortalitátis mortális natura transfúnditur: et ídeo sacra Apostólicæ electiõnis testátur história: Cum hæc dixisset, inquit, vidéntibus illis, elevátus est. Dum audis elevátum, agnósce militiæ cœlestis obséquium: unde hodiérna festívitás hóminis nobis et Dei sacraménta manifestávit. Sub una eadémque persóna, in eo, qui elevat, divínam poténtiam; in eo autem, qui elevátur, humanam cognósce substantiam.

R. Non turbetur cor vestrum: ego vado ad Patrem, et cum assumptus fuero a vobis, mittam vobis, allelúja, * Spíritum veritátis, et gaudébit cor vestrum, allelúja.

V. Ego rogábo Patrem, et álium Paráclitum dabit vobis. **S**píritum.

Lectio vi.

In Deoque omnímōdis detestanda sunt venéna Orientális erroris, qui ímpia novitate præsúmit assérere Fílium Dei ac fílium hóminis unús esse natúræ. In altérutra enim parte, vel qui solum hóminem fuisse díxerit, negábit Conditóris glóriam; vel qui solum Deum, negábit misericórdiam Redemptóris. Quo in génere non fáciie Ariánus Evangélicam póterit habére veritátem, ubi Fílium Dei nunc æquálem légimus, nunc minórem. Qui enim unús natúræ Salvatórem nostrum mortífera persuasíone credíderit, solum hóminem, aut solum Deum cogétur dícere crucifixum. Sed non ita est. Mortem enim nec solus Deus sentíre, nec solus homo superáre potuísset.

R. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja.

V. Ascéndit Deus in jubilatíone, et Dóminus in voce tubæ. **D**edit. **G**lória Patri. **D**edit.

IN III. NOCTURNO.

Lectio sancti Evangélíi secúndum Marcum.

Lectio vii. **Cap. 16. c.**

In illo témpore: Recumbéntibus undecim discípulis, appáruit illis Jesus: et exprobrávit incredulitátem eórum, et durítiam cordis; quia iis, qui víderant eum resurrexisse, non credidérunt. Et réliqua.

De Homília Sancti Gregórii Papæ.

Ex eadem Homília 29.

De hac Ascensíone ejus glória étiam Hábacuc ait: Elevátus est sol, et

luna stetit in órđine suo. Quis enim solis nómine, nisi Dóminus; et quæ lunæ nómine, nisi Ecclésia designátur? Quoúsque enim Dóminus ascéndit ad cœlos, sancta ejus Ecclésia advérſa mundi omnímōdo formidávit: at postquam ejus Ascensíone roboráta est, apérte prædicávit, quod ocúltē credídít. Elevátus est ergo sol, et luna stetit in órđine suo: quia cum Dóminus cœlum pétíit, sancta ejus Ecclésia in auctoritatē prædicatíonis excrevit.

R. Ego rogábo Patrem, et álium Paráclitum dabit vobis, * Ut máneat vobíſcum in ætérnum, Spíritum veritátis, allelúja.

V. Si enim non abíero, Paráclitus non véniet ad vos: si autem abíero, mittam eum ad vos. **U**t máneat.

Lectio viii.

Hinc ejúſdem Ecclésiæ voce per Salomónem díctur: Ecce iste venit sáliens in móntibus, translíens colles. Considerávit namque tantórum óperum cúlmina, et ait: Ecce iste venit sáliens in móntibus. Veniéndō quippe ad redemptíonem nostram, quosdam, ut ita dicam, saltus dedit. Vultis, fratres charíssimi, ipsos ejus saltus agnóſcere? De cœlo venit in úterum, de útero venit in præsépe, de præsépe venit in crucem, de cruce venit in sepúlchrum, de sepúlchro rédiit in cœlum. Ecce ut nos post se cúrrere fáceret, quosdam pro nobis saltus manifestáta per carnem Véritas dedit: quia exultávit ut gigas ad curréndam viam suam, ut nos ei dícerémus ex corde: Trahe nos post te: currémus in odórem unguentórum tuórum.

R. Ponis nubem ascénsum tuum, Dómine: * Qui ámbulas super pennas ventórum, allelúja.

V. Confessíonem et decórem induísti, amíctus lumen sicut vestiméntum. Qui ámbulas. **G**lória Patri. **Q**ui ámbulas.

Lectio ix.

UNde, fratres charíssimi, opórtet ut illuc sequámur corde, ubi eum corpore ascendísse crédimus. Desideria terréna fugiámus: nihil nos jam deléctet in ínfimis, qui Patrem habémus in cœlis. Et hoc nobis est magnópere perpendéndum: quia is, qui placidus ascéndit, terríbilis redíbit: et quidquid nobis cum mansuetúdine præcépít, hoc a nobis cum districtiône éxiget. Nemo ergo indúlta pœnitentiæ témpora parvipéndat, nemo curam sui, dum valet, ágere négligat: quia Redémptor noster tanto tunc in iudícium distríctior véniet, quanto nobis ante iudícium magnam patientiam prærogávit.

Te Deum laudámus. 13.

In secundis Vesperis non fit commemoratio Officii sequentis diei.

Duobus sequentibus diebus Officium fit sicut infra Octavam Ascensionis, exceptis Lectionibus, quæ habentur propriæ, et R. viii., Capitulis, Antiphonis ad Benedictus et Magnificat, et Oratione, quæ dicuntur de Dominica infra Octavam Ascensionis, ut supra. 350 et 351. Et non dicuntur Preces ad Primam, et Completorium.

Si vero Feria sexta occurrat Festum novem Lectionum, fit de Festo cum commemoratione Officii ejusdem diei, nisi illud Festum fuerit ex solemnioribus, ut dicitur in Rubrica de Commemorationibus.



FERIA SEXTA

post Octavam Ascensionis.

IN I. NOCTURNO.

Incipit Epístola tértia beáti Joánnis Apóstoli.

Lectio i.

Senior Gajo charíssimo, quem ego dñlgo in veritate. Charíssime, de ómnibus orationem fácio prospere te

ingredi, et valére, sicut prospere agit ánima tua. Gavísus sum valde veniéntibus fratribus, et testimonium perhibéntibus veritatí tuæ, sicut tu in veritate ámbulas. Majórem horum non hábeo grátiam, quam ut áudiam fílios meos in veritate ambuláre.

R. Post passionem suam per dies quadraginta appárens eis, et loquens de regno Dei, allelúja: * Et, vidéntibus illis, elevátusest, allelúja: et nubes suscepit eum ab óculis eórum, allelúja.

V. Et convéscens præcépít eis, ab Jerosólymis ne discéderent, sed expectárent promissionem Patris. Et, vidéntibus.

Lectio ii.

Charíssime, fidéliter facis quidquid operáris in fratres, et hoc in peregrinos, qui testimonium reddidérunt charitatí tuæ in conspéctu Ecclesiæ: quos, benefáciens, dedúces digne Deo. Pro nómine enim ejus profécti sunt, nihil accipiéntes a Géntibus. Nos ergo debémus suscípere hujúsmodi, ut cooperátore simus veritatís. Scripsíssem fórsítan Ecclesiæ: sed is, qui amat primátum gérere in eis, Diótrophes, non récipit nos. Propter hoc, si vénero, commonébo ejus ópera, quæ facit, verbis malignis gáriens in nos: et quasi non ei ista sufficiant: neque ipse súscipit fratres, et eos, qui suscípiunt, próhibet, et de Ecclesiá éjicit.

R. Omnis pulchritúdo Dómini exaltáta est super sídera: * Spécies ejus in núbibus cœli, et nomen ejus in ætérnum pérmanet, allelúja.

V. A summo cœlo egréssio ejus, et occúrsus ejus usque ad summum ejus. Spécies.

Lectio iii.

Charíssime, noli imitári malum, sed quod bonum est. Qui bene facit, ex Deo est: qui male facit, non vidit Deum. Demétrio testimonium rédditur ab ómnibus, et ab ipsa veritate, sed

et nos testimónium perhibémus: et nosti quóniam testimónium nostrum verum est. Multa hábui tibi scríbere: sed nólui per atraméntum et cálamum scríbere tibi. Spero autem prótinus te vidére, et os ad os loquémur. Pax tibi. Salútant te amíci. Salúta amícos nominátim.

R. Exaltáre, Dómine, allelúja, * In virtúte tua, allelúja.

V. Eleváta est magnificéntia tua super cœlos, Deus. In virtúte. Glória Patri. In virtúte.

IN II. NOCTURNO.

De Sermóne S. Augustíni Epíscopi.

Lectio iv. Ex eod. Serm. 176. in fine.

Salvátor noster, charíssimi, si non in nostra carne diábolum triumphávit, se exércuit, non nobis vicit. Si non in nostro corpore resurrexit, conditióni nostræ resurgéndo nihil cónsulit. Hæc qui dicit, suscepæ et assumptæ carnis non intélligit ratió- nem, confúndit ór- dinem, evácuat utilitatem. Si non in nostra carne perégit medicínam, solam ergo ex hómine nascé-ndi elégit injúriam. Recéd- at a sénsibus nostris tam periculósa persuásio. De nostro est quod appéndit, de suo est quod donávit. Meum testor esse quod cécidit, ut meum sit quod resurrexit. Meum testor esse quod jácuit intra túmulum, ut meum sit quod ascéndit in cœlum.

R. Tempus est, ut revértar ad eum, qui me misit, dicit Dóminus: nolíte contristári, nec turbétur cor vestrum:

* Rogo pro vobis Patrem, ut ipse vos custódiat, allelúja, allelúja.

V. Nisi ego abiero, Paráclitus non véniet: cum assumptus fúero, mittam vobis eum. Rogo.

Lectio v.

In illo itaque nostri géneris corpore nos Christi mors vivificávit, nos resurrectio eréxit, nos Ascénsio con-

secrávit. In illo nostræ originis corpore cœlestibus regnis arrham nostræ conditiónis impósuit. Elaborémus ergo, charíssimi, ut quemádmódum Dóminus in hac die nostro cum corpore ad supérna conscéndit, ita nos post illum quo modo póssumus, spe ascendámus, et corde sequámur. Ipso afféctu páriter et proféctu ascendámus post illum, étiam per vítia ac passiones nostras. Si útique unusquisque nostrum súbdere eas sibi stúdeat, ac super eas stare consuéscat, ex ipsis sibi gradum cónstruit, quo possit ad superióra conscéndere. Elevábunt nos, si fúerint infra nos.

R. Non turbétur cor vestrum: ego vado ad Patrem, et cum assumptus fúero a vobis, mittam vobis, allelúja, * Spíritum veritátis, et gaudébit cor vestrum, allelúja.

V. Ego rogábo Patrem, et álium Paráclitum dabit vobis. Spíritum.

Lectio vi.

DE vítiis nostris scalam nobis fácimus, si vítia ipsa calcámus. Nam cum bonitátis auctóre non ascéndit malítia, nec cum Fílio Vírginis libído atque luxúria. Non, inquam, ascéndunt vítia post virtútum paréntem, peccáta post justum, nec infirmitates ac morbi possunt ire post medicum. Igitur si intráre ipsíus medici regnum vólumus, prius vúlnera nostra curémus. Ordinémus et custodiámus in nobis statum utriúsque substantiæ, ne ánimam, nobiliórem útique hóminis portió- nem, tártaro pars devólvat inférior: sed secum pótius cœlo sanctificátum corpus acquirat natúra gloriósior: ipso adjuvánte, qui vivit et regnat in sæcula sæculórum. Amen. R. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja. V. Ascéndit Deus in jubiliatióne, et Dóminus in voce tubæ. Dedit. Glória Patri. Dedit.

IN III. NOCTURNO.

Lectio sancti Evangelii secundum
Joannem.

Lectio vii. Cap. 15. d.

IN illo tempore: Dixit Jesus discipulis suis: Cum venerit Paráclitus, quem ego mittam vobis a Patre, Spíritum veritatis, qui a Patre procedit, ille testimonium perhibebit de me. Et reliqua.

De Homilia S. Augustini Episcopi.

Tract. 92. in Joan. circa medium.

Venit die Pentecostes Spíritus sanctus in centum viginti homines congregatos, in quibus et Apostoli omnes erant: qui illo adimplenti, cum linguis omnium Gentium loquerentur, plures ex iis, qui aderant, tanto miraculo stupefacti (quandoquidem viderunt, loquente Petro, tam magnum atque divinum testimonium perhiberi de Christo, ut ille, qui occisus ab eis, inter mortuos deputabatur, resurrexisse et vivere probaretur) compuncti corde conversi sunt, et tanti sanguinis tam impie atque immaniter fusi indulgentiam percepérunt, ipso redempti sanguine, quem fuderunt.

R. Ego rogabo Patrem, et alium Paráclitum dabit vobis, * Ut maneat vobiscum in æternum, Spíritum veritatis, allelúja.

V. Si enim non abiero, Paráclitus non veniet ad vos: si autem abiero, mittam eum ad vos. **U**t maneat.

Lectio viii.

Christi enim sanguis sic in remissionem peccatorum omnium fusus est, ut ipsum etiam peccatum posset delere, quo fusus est. Hoc ergo intuens Dominus dicebat: Odio habuerunt me gratis: cum autem venerit Paráclitus, ille testimonium perhibebit de me. Tamquam diceret: odio me habuerunt, et occiderunt videntes: sed tale de me Paráclitus testimo-

nium perhibebit, ut eos faciat in me credere non videntes. Et vos, inquit, testimonium perhibebitis, quia ab initio mecum estis. Perhibebit Spíritus sanctus, perhibebitis et vos. Quia enim ab initio mecum estis, potestis predicare quod nostis: quod ut modo non faciatis, illius Spíritus plenitudo nondum adest vobis.

R. Si enim non abiero, Paráclitus non veniet ad vos: si autem abiero, mittam eum ad vos. * Cum autem venerit ille, docebit vos omnem veritatem, allelúja.

V. Non enim loquetur a semetipso: sed quaecumque audiet, loquetur: et quæ ventura sunt, annuntiabit vobis. Cum autem. Glória Patri. Cum autem.

Lectio ix.

Ille ergo testimonium perhibebit de me, et vos testimonium perhibebitis: dabit enim vobis fiduciam testimonium perhibendi charitas Dei diffusa in cordibus vestris per Spíritum sanctum, qui dabitur vobis. Quæ utique Petro adhuc defuit, quando mulieris ancillæ interrogatione perterritus, non potuit verum testimonium perhibere, sed contra suam pollicitationem timore magno compulsus est ter negare. Timor autem iste non est in charitate: sed perfecta charitas foras mittit timorem. Denique ante passionem Domini, servilis timor ejus interrogatus est a femina servitutis; post resurrectionem vero Domini, liberális ejus amor ab ipso principe libertatis: et ideo ibi turbabatur, hic tranquillabatur: ibi quem dilexerat, negabat: hic quem negaverat, diligebat. Sed adhuc etiam tunc amor ipse infirmus fuerat et angustus, donec eum roboraret et dilataret Spíritus sanctus.

Te Deum laudamus. 13.

cxv

SABBATO.

In Vigilia Pentecostes.

Ab hac die usque ad Festum Trinitatis inclusive, si occurrat Festum novem Lectionum, transfertur post prædictum Festum Trinitatis.

IN I. NOCTURNO.

Incipit Epístola Cathólica beáti Judæ Apóstoli. Lectio i.

Judas Jesu Christi servus, frater autem Jacóbi, his, qui sunt in Deo Patre diléctis, et Christo Jesu conservátis et vocátis. Misericórdia vobis, et pax, et cháritas adimpleátur. Charíssimi, omnem sollicitúdinem fáciens scribéndi vobis de commúni vestra salúte, necesse hábui scribere vobis: déprecans supercertári semel tráditæ Sanctis fidei. Subintroiérunt enim quidam hómines (qui olim præscripti sunt in hoc iudícium) ímpii, Dei nostri grátiam transferéntes in luxúriam, et solum Dominatórem et Dóminum nostrum Jesum Christum negántes.

R. Post passiónem suam per dies quadragínta appárens eis, et loquens de regno Dei, allelúja: * Et, vidéntibus illis, elevátus est, allelúja: et nubes suscepit eum ab óculis eórum, allelúja. V. Et convéscens præcépit eis, ab Ierosólymis ne discéderent; sed expectárent promissionem Patris. Et, vidéntibus. Lectio ii.

Commonére autem vos volo, sciéntes semel ómnia, quóniam Jesus pópulum de Terra Ægýpti salvans, secúndo eos, qui non credidérunt, perdidit: ángelos vero, qui non servavérunt suum principátum, sed dereliquérunt suum domicílium; in iudícium magni diéi, vínculis ætérnis sub calígine reservávit. Sicut Sódoma, et Gomórrha, et finítimæ civitátes símili modo exfornicátæ, et abeúntes post carnem álteram, factæ sunt

exémplum, ignis ætérni pœnam sustinéntes. Simíliter et hi carnem quidem máculant, dominationem autem spernunt, majestátem autem blasphemánt.

R. Omnis pulchritúdo Dómini exaltáta est super sídera: * Spécies ejus in núbibus cœli, et nomen ejus in ætérnum pérmanet, allelúja.

V. A summo cœlo egréssio ejus, et occúrsus ejus usque ad summum ejus. Spécies. Lectio iii.

Cum Míchael Archángelus cum diabolo dísputans altercarétur de Móysi corpore; non est ausus iudícium inférre blasphemíæ, sed dixit: Imperet tibi Dóminus. Hi autem, quæcúmque quidem ignórant, blasphemánt: quæcúmque autem naturáliter, tamquam muta animália, norunt, in his corrumpúntur. Væ illis, quia in via Cain abiérunt, et errore Bálaam mercede effúsi sunt, et in contradiccióne Core periérunt. Hi sunt in épulis suis máculæ, convivántes sine timóre, semetípsos pascéntes, nubes sine aqua, quæ a ventis circumferúntur, árbores autumnáles, infructuósæ, bis mórtuæ, eradicátæ, fluctus feri maris, despumántes suas confusions, sídera errántia, quibus procélla tenebrarum serváta est in ætérnum.

R. Exaltáre, Dómine, allelúja, * In virtúte tua, allelúja.

V. Eleváta est magnificéntia tua super cœlos, Deus. In virtúte. Glória Patri. In virtúte.

IN II. NOCTURNO.

Ex Tractátu Sancti Augustíni Epíscopi de Sýmboło ad Catechúmenos.

Lectio iv.

Lib. 4. c. 1. tom. 9.

Dum per sacratíssimum crucis signum vos suscepit in útero sancta mater Ecclésia, quæ sicut et fratres vestros cum summa lætítia spiritaliter páriet, nova proles futúra tantæ matris, quousque per lavácrum sanctum

regenerátos veræ luci restituat, cóngruis aliméntis eos, quos portat, pascat in útero, et ad diem partus sui lætos læta perdúcat: quóniam non tenétur hæc senténtia Hevæ, quæ in tristítia et gémitu parit fílios, nec ipsos gaudéntes, sed pótius flentes. Hæc enim solvit quod illa ligáverat: ut prolem, quam per inobediéntiam sui, morti donávit, hæc per obediéntiam restituat vitæ. Omnia sacraménta, quæ acta sunt et agúntur in vobis per ministérium servórum Dei, exorcísmis, oratióibus, cánticis spiritalibus, insufflatiόνibus, cilício, inclinatióne cervicúm, humilitáte pedum, pavor ipse omni securitáte appeténdus: hæc ómnia, ut dixi, escæ sunt, quæ vos reficiunt in útero, ut renátos ex baptísimo hílares vos mater exhibeat Christo.

R. Tempus est ut revértar ad eum, qui me misit, dicit Dóminus: nolíte contristári, nec turbétur cor vestrum: * Rogo pro vobis Patrem, ut ipse vos custódiat, allelúja, allelúja.

V. Nisi ego abíero, Paráclitus non véniet: cum assúptus fúero, mittam vobis eum. **R.** Rogo.

Lectio v.

A Ccepístis et Sýmbolum, protectiόνem parturiéntis contra venéna serpéntis. In Apocalýpsi Joánnis Apóstoli scriptum est hoc, quod staret draco in conspéctu mulieris, quæ paritúra erat, ut, cum peperísset, natum ejus coméderet. Dracónem diabolum esse nullus vestrum ignórat. Mulierem illam, vírginem Mariám significásse, quæ caput nostrum íntegra íntegrum péperit, quæ étiam ipsa figúram in se sanctæ Ecclesiæ demonstrávit: ut quómodo fílium páriens, virgo permánsit, ita et hæc omni témpore membra ejus páriat, et virginitátem non amíttat. Ipsas senténtias sacratíssimi Sýmboli, adjuvánte Dómino, exponéndas suscepimus, ut,

quid sýngulæ contíneant, vestris sén-sibus íntimémus. Paráta sunt corda vestra, quia exclúsus est inimícus de córdibus vestris.

R. Non turbétur cor vestrum: ego vado ad Patrem, et cum assúptus fúero a vobis, mittam vobis, allelúja, * Spíritum veritátis, et gaudébit cor vestrum, allelúja.

V. Ego rogábo Patrem, et álium Paráclitum dabit vobis. **S.** Spíritum.

Lectio vi.

H Uic vos renuntiáre proféssi estis, in qua professiόνem non homínibus, sed Deo et Angelis ejus conscribéntibus dixístis: Renúntio. Renuntiáre non solum vóci-bus, sed étiam móribus: non tantum sono linguæ, sed et actu vitæ: nec tantum lábiis sonántibus, sed opéribus pronuntiántibus. Scitóte vos cum cállido, antíquo, et veternóso inimíco suscepísse certámen: non in vobis post renuntiatió-nem invéniat ópera sua, non jure vos áttrahat in servitútem suam. Deprehénderis enim et detégeris, Christiáne, quando áliud agis, et áliud profitéris: fidélis in nómine, áliud demónstrans in ópere, non tenens promissiόνis tuæ fidem: modo ingrédies Ecclésiám oratiónes fúndere, post módicum in spectáculis cum histriónibus impudíce clamáre. Quid tibi cum pompis diáboli, quibus renuntiásti?

R. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja.

V. Ascéndit Deus in jubiliatióne, et Dóminus in voce tubæ. **D.** Dedit. Glória Patri. **D.** Dedit.

IN III. NOCTURNO.

Lectio sancti Evangélii secúndum Joánnem.

Lectio vii. Cap. 14. b.

IN illo témpore: Dixit Jesus discipulis suis: Si diligitis me, mandáta

mea serváte. Et ego rogábo Patrem, et álium Paráclitum dabit vobis. Et réliqua.

Homília Sancti Augustíni Epíscopi.

Tract. 74. in Joan. sub fin. et 75.

QUOD ait: Rogábo Patrem, et álium Paráclitum dabit vobis; osténdit et seípsum esse Paráclitum. Paráclitus enim latíne dícitur advocátus: et dictum est de Christo: Advocátum habémus ad Patrem, Jesum Christum justum. Sic autem mundum dixit non posse accíperere Spíritum sanctum, sicut étiam dictum est: Prudéntia carnis inimíca est Deo: legi enim Dei non est subjécta; nec enim potest: velut si dicámas: Injustítia justítia esse non potest. Mundum quippe ait hoc loco, mundi significans dilectóres: quæ dilectio non est a Patre. Et ídeo dilectióni hujus mundi, de qua satágimus ut minuátur et consumátur in nobis, contrária est dilectio Dei, quæ diffúnditur in córdibus nostris per Spíritum sanctum, qui datus est nobis.

R. Ego rogábo Patrem, et álium Paráclitum dabit vobis, * Ut máneat vobíscum in ætérnum, Spíritum veritátis, allelúja.

V. Si enim non abíero, Paráclitus non véniet ad vos: si autem abíero, mittam eum ad vos. **Ut máneat.**

Lectio viii.

MUNDUS ergo eum accíperere non potest, quia non videt eum, neque scit eum. Non enim habet invisibiles óculos mundána dilectio, per quos vidéri Spíritus sanctus potest, qui vidéri nisi invisibíliter non potest. Vos autem, inquit, cognoscétis eum, quia apud vos manébit, et in vobis erit. Erit in eis, ut máneat; non manébit, ut sit: prius est enim esse alcubi, quam manére. Sed ne putarent

quod dictum est: Apud vos manébit; ita dictum, quemádmódum apud hóminem hospes visibíliter manére consuévit, expósuit quid díxerit: Apud vos manébit, cum adjúnxit, et dixit: In vobis erit.


R. Si enim non abíero, Paráclitus non véniet ad vos: si autem abíero, mittam eum ad vos. * Cum autem vénierit ille, docébit vos omnem veritátem, allelúja.

V. Non enim loquétur a semetípso: sed quæcúmque áudiet, loquétur: et quæ ventúra sunt, annuntiábit vobis. **Cum. Glória Patri. Cum.**

Lectio ix.

ERGO invisibíliter vidétur. Nec, si non sit in nobis, potest esse in nobis ejus sciéntia: sic enim a nobis vidétur in nobis et nostra consciéntia. Nam fáciem vidémus altérius, nostram vidére non póssumus: consciéntiam vero nostram vidémus, altérius non vidémus. Sed consciéntia numquam est nisi in nobis: Spíritus autem sanctus potest esse étiam sine nóbis. Datur quippe ut sit et in nobis: sed vidéri et sciri, quemádmódum vidéndus et sciéndus est, non potest a nobis, si non sit in nobis. Post promissionem Spíritus sancti, ne quisquam putáret, quod ita eum Dóminus datúrus fúerit velut pro seípso, ut non et ipse cum eis esset futúrus, adjécit atque ait: Non relínquam vos órphanos, véniam ad vos. Quamvis ergo nos Fílius Dei suo Patri adoptáverit filios, et eúmdem Patrem nos volúerit habére per grátiam, qui ejus Pater est per natúram: tamen étiam ipse circa nos patérnum afféctum quodámmodo démonstrat, cum dicit: Non relínquam vos órphanos.

Te Deum laudámus. 13.



IN FESTO PENTECOSTES.

AD VESPERAS.

Antiph. to. 3. r.

Um compleréntur dies Pentecóstes, erant omnes páriter in eódem loco, allelúja.

Psalmus 109.

Dixit Dóminus Dómino meo: * Sede a dextris meis.

Donec ponam inimicos tuos, * scabéllum pedum tuórum.

Virgam virtútis tuæ emittet Dóminus ex Sion: * domináre in médio inimicórum tuórum.

Tecum princípium in die virtútis tuæ in splendóribus sanctórum: * ex útero ante lucíferum genui te.

Jurávit Dóminus, et non pœnitébit eum: * Tu es sacerdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natióibus, implébit ruínas: * conquassábit cápita in terra multórum.

De torrénite in via bibet: * proptérea exaltábit caput.

Antiph. Cum compleréntur dies Pentecóstes, erant omnes páriter in eódem loco, allelúja.

Antiph. to. 8. Spíritus Dómini replévit orbem terrárum, allelúja.

Psalmus 110.

Confitebor tibi, Dómine, in toto corde meo: * in consilio justórum, et congregatióne.

Magna ópera Dómini: * exquisita in omnes voluntates ejus.

Confessio, et magnificéntia opusejus: * et justitia ejus manet in sæculum sæculi.

Memóriam fecit mirabílium suórum, miséricors, et miserátor Dóminus: * escam dedit timéntibus se.

Memor erit in sæculum testaménti sui: * virtútem óperum suórum annuntiábit pópulo suo:

Ut det illis hæreditátem Géntium: * ópera mánuum ejus veritas, et judícium.

Fidélia ómnia mandáta ejus, confirmáta in sæculum sæculi, * facta in veritate et æquitáte.

Redemptiόνem misit pópulo suo: * mandávit in ætérnum testaméntum suum.

Sanctum, et terríbile nomen ejus: * iníitium sapiéntiæ timor Dómini.

Intelléctus bonus ómnibus faciéntibus eum: * laudatio ejus manet in sæculum sæculi.

Antiph. Spíritus Dómini replévit orbem terrárum, allelúja.

Antiph. to. 8. Repléti sunt omnes Spíritu sancto, et cœpérunt loqui, allelúja, allelúja.

Psalmus 111.

Beátus vir, qui timet Dóminum: * in mandátis ejus volet nimis.

Potens in terra erit semen ejus: * generatio rectórum benedicétur.

Glória, et divítiæ in domo ejus: * et justitia ejus manet in sæculum sæculi.

Exórtum est in ténebris lumen rectis: * miséricors, et miserátor, et justus.

Jucúndus homo, qui miserétur et cõmodat, dispónet sermónes suos in judicio: * quia in ætérnum non commovébitur.

In memória ætérna erit justus: * ab auditióne mala non timébit.

Parátum cor ejus speráre in Dómino, confirmátum est cor ejus: * non commovébitur, donec despiciat inimícos suos.

Dispérsit, dedit paupéribus: justitia ejus manet in sæculum sæculi, * cornu ejus exaltábitur in glória.

Peccátor vidébit, et irascétur, déntibus suis fremet et tabéscet: * desidérium peccatórum períbit.

Antiph. Repléti sunt omnes Spíritu sancto, et cœpérunt loqui, allelúja, allelúja.

Antiph. to. 1. l. Fontes, et ómnia, quæ movéntur in aquis, hymnum dícite Deo, allelúja.

Psalmus 112.

Laudáte, púeri, Dóminum: * laudáte nomen Dómini.

Sit nomen Dómini benedíctum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes Gentes Dóminus, * et super cœlos glória ejus.

Quis sicut Dóminus Deus noster, qui in altis hábitat, * et humília réspicit in cœlo, et in terra?

Súscitans a terra ínopem, * et de stercore érigens páuperem:

Ut cõllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Antiph. Fontes, et ómnia, quæ movéntur in aquis, hymnum dícite Deo, allelúja.

Antiph. to. 8. f. Loquebántur váriis linguis Apóstoli magnália Dei, allelúja, allelúja, allelúja.

Psalmus 116.

Laudáte Dóminum, omnes Gentes: * laudáte eum, omnes pópuli:

Quóniam confirmata est super nos misericórdia ejus: * et véritas Dómini manet in ætérnum.

Antiph. Loquebántur várlis linguis Apóstoli magnália Dei, allelúja, allelúja, allelúja.

Capitulum.

Act. 2.

CUm compleréntur dies Pentecóstes, érant omnes discípuli páriter in eódem loco: et factus est repénte de cœlo sonus, tamquam adveniéntis spíritus veheméntis, et replévit totam domum, ubi erant sedéntes.

Hymnus.

Veni, Créator Spíritus,
Mentes tuórum vísitā,
Imple supérna grátia,
Quæ tu creásti pectora.
Qui díceris Paráclitus,
Altíssimi donum Dei,
Fons vivus, ignis, cháritas,
Et spiritalis únctio.
Tu septifórmis múnere,
Dígitus Patérnæ dexteræ,
Tu rite promíssum Patris,
Sermóne ditans gúttura,
Accénde lumen sénsibus,
Infúnde amórem córdibus,
Infírma nostri córporis
Virtúte firmans perpéti.
Hostem repéllas lóngius,
Pacémque dones prótinus;
Ductóre sic te prævio
Vitémus omne nóxium.
Per te sciámus da Patrem,
Noscámus atque Fílium;
Teque utriúsque Spíritum
Credámus omni témpore.
Deo Patri sit glória,
Et Fílio, qui a mórtuis
Surréxit, ac Paráclito,
In sæculórum sæcula.
Amen.

Sic terminanter Hymni usque ad Vesperas Sabbati sequentis.

V. Repléti sũnt omnes Spírítu sancto, allelúja.

R. Et cœpérunt loqui, allelúja.

Ad Magnificat, Antiphona, to. 1. r.
Non vos relínquam órphanos, allelúja:
vado et vénio ad vos, allelúja: et gaudébit cor vestrum, allelúja.

Canticum B. Mariæ Virginis.

Lucæ 1. c.

Magnificat * ánima mea Dóminum:
Et exultávit spíritus meus * in Deo salutári meo.

Quia respéxit humilitátem ancíllæ suæ: * ecce enim ex hoc beátam me dicent omnes generatiónes.

Quia fecit mihi magna qui potens est: * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo: * dispérsit supérbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis: * et dívites dimísit inánes.

Suscépit Israel púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sæcula.


Glória Patri.

Antiph. Non vos relínquam órphanos, allelúja: vado et vénio ad vos, allelúja: et gaudébit cor vestrum, allelúja.

Oratio.

Deus, qui hodiérna die corda fidélium sancti Spíritus illustratióne docuísti: da nobis in eódem Spíritu recta sápere, et de ejus semper consolatióne gaudére. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem Spíritus sancti Deus, per ómnia sæcula sæculórum.

R. Amen.



Dominica Pentecostes.**AD MATUTINUM.**

Invitatorium. Allelúja, Spíritus
Dómini replévit orbem terrarum: *
Veníte, adorémus, allelúja.

Psalmus. Veníte, exultémus. 2.

Hymnus.

Jam Christus astra ascénderat,
Revérsum unde vénerat,
Patris fruéndum múnere
Sanctum datúrus Spíritum.

Solémnis urgébat dies,
Quo mýstico septémplici
Orbis volútus sépties
Signat beáta témpora.

Cum lucis hora tértia
Repénite mundus íntonat,
Apóstolis orántibus
Deum veníre núntiat.

De Patris ergo lúmine
Decórus ignis almus est,
Qui fida Christi péctora
Calóre verbi cómpleat.

Impléta gaudent víscera,
Affláta sancto Spíritu,
Vocésque dívérzas sonant,
Fantur Dei magnália.

Notíque cunctis Géntibus,
Græcis, Latínis, Bárbaris,
Simúlque demirántibus,
Linguis loquúntur ómnium.

Judæa tunc incrédula,
Vesána torvo spíritu,
Madére musto sóbrios
Christi fidéles increpat.

Sed, éditis miráculis,
Occúrrit, et docet Petrus,
Falsum profári pérfidus,
Joéle teste cómproban.

Deo Patri sit glória,
Et Fílio, qui a mórtuis
Surréxit, ac Paráclito,
In sæculórum sæcula.
Amen.

AD NOCTURNUM.

Antiph. to. 8. f. Factus est repénite
de cœlo sonus adveniéntis spíritus
veheméntis, allelúja, allelúja.

Psalmus 47.

Magnus Dóminus, et laudábilis ni-
mis * in civitáte Dei nostri, in
monte sancto ejus.

Fundátur exultatióne univérsæ terræ
mons Sion, * látera Aquilónis, civitas
Regis magni.

Deus in dómibus ejus cognoscétur, *
cum suscépiet eam.

Quóniam ecce reges terræ congregáti
sunt: * convenérunt in unum.

Ipsi vidéntes sic admiráti sunt, con-
turbáti sunt, commóti sunt: * tremor
apprehéndit eos.

Ibi dolóres ut parturiéntis: * in spíritu
veheménti cónteres naves Tharsis.

Sicut audívimus, sic vídimus in civi-
táte Dómini virtútum, in civitáte
Dei nostri: * Deus fundávit eam in
ætérnum.

Suscépimus, Deus, misericórdiam
tuam, * in médio templi tui.

Secúndum nomen tuum, Deus, sic et
laus tua in fines terræ: * justítia plena
est dextera tua.

Lætétur mons Sion, et exúltent fflíæ
Judæ, * propter judícia tua, Dómine.

Circúmdate Sion, et complectímmini
eam: * narráte in túrribus ejus.

Pónite corda vestra in virtúte ejus: *
et distribúite domos ejus, ut enarré-
tis in progénie áltera.

Quóniam hic est Deus, Deus noster
in ætérnum, et in sæculum sæculi: *
ipse reget nos in sæcula.

Antiph. Factus est repénite de cœlo
sonus adveniéntis spíritus vehemén-
tis, allelúja, allelúja.

Antiph. to. 8. f. Confírma hoc, Deus,
quod operátus es in nobis: a templo
sancto tuo, quod est in Jerúsalem, al-
lelúja, allelúja.

Psalmus 67.

EXúrgat Deus, et dissipéntur inimíci ejus: * et fúgiant qui odérunt eum, a fácie ejus.

Sicut déficit fumus, deficiant: * sicut fluit cera a fácie ignis, sic péreant peccatóres a fácie Dei.

Et justí epuléntur, et exúltent in conspéctu Dei: * et delecténtur in lætítia.

Cantáte Deo, psalmum dícite nómini ejus: * iter fácite ei, qui ascéndit super occásus: Dóminus nomen illi.

Exultáte in conspéctu ejus: * turbabúntur a fácie ejus, patris orphanórum, et júdicis viduárum.

Deus in loco sancto suo: * Deus, qui inhabitáre facit uníus moris in domo:

Qui edúcit vinctos in fortitúdine, * similiter eos, qui exásperant, qui hábitant in sepúlchris.

Deus, cum egrederéris in conspéctu pópulitui, * cum pertransíres in déserto:

Terra mota est, étenim cœli distillavérunt a fácie Dei Sínai, * a fácie Dei Israel.

Plúviam voluntáriam segregábis, Deus, hæreditáti tuæ: * et infirmáta est, tu vero perfecísti eam.

Animália tua habitábunt in ea: * parásti in dulcédine tua páuperi, Deus.

Dóminus dabit verbum evangelizántibus, * virtúte multa.

Rex virtútum, dilécti, dilécti: * et speciéi domus divídere spólia.

Si dormiátis inter médios cleros, pen-næ colúmbæ deargentátæ, * et posterióra dorsi ejus in pallóre auri.

Dum discérnit cœléstis reges super eam, nive dealbabúntur in Selmon: * mons Dei, mons pinguis.

Mons coagulátus, mons pinguis: * ut quid suspicámini montes coagulátos?

Mons, in quo beneplácitum est Deo habitáre in eo: * étenim Dóminus habitábit in finem.

Currus Dei decem míllibus múltiplex, míllia lætántium: * Dóminus in eis in Sina in sancto.

Ascendísti in altum, cepísti captivitátem: * accepísti dona in homínibus: **E**tenim non credéntes, * inhabitáre Dóminum Deum.

Benedíctus Dóminus die quótdie: * prósperum iter fáciat nobis Deus salutárium nostrórum.

Deus noster, Deus salvos faciéndi: * et Dómini Dómini éxitus mortis.

Verúmtamen Deus confrínget cápita inimicórum suórum: * vérticem capílli perambulántium in delíctis suis.

Dixit Dóminus: Ex Basan convértam, * convértam in profúndum maris:

Ut intingátur pes tuus in ságuine: * lingua canum tuórum ex inimícis, ab ipso.

Vidérunt ingressus tuos, Deus, * ingressus Dei mei, Regis mei, qui est in sancto.

Prævenérunt príncipes conjúcti psalléntibus, * in médio juvenculárum tympanistriárum.

In Ecclésiis benedícite Deo Dómino, * de fóntibus Israel.

Ibi Bénjamin adolescéntulus, * in mentis excéssu.

Príncipes Juda, duces eórum: * príncipes Zábulon, príncipes Néphthali.

Manda, Deus, virtúti tuæ: * confírma hoc, Deus, quod operátus es in nobis.

A templo tuo in Jerúsalem, * tibi ófferent reges múnera.

Increpa feras arúndinis, congregátio taurórum in vaccis populórum: * ut exclúdent eos, qui probáti sunt argénto.

Díssipa gentes, quæ bella volunt: vénient legáti ex Ægýpto: * Æthiopia præveniet manus ejus Deo.

Regna terræ, cantáte Deo: * psállite Dómino.

Psállite Deo, qui ascéndit super cœlum cœli, * ad Oriéntem.

Ecce dabit voci suæ vocem virtútis: date glóriam Deo super Israel, * magnificentia ejus, et virtus ejus in núbibus.

Mirabilis Deus in sanctis suis, Deus Israel ipse dabit virtutem et fortitudinem plebi suæ: * benedictus Deus.

Antiph. Confirma hoc, Deus, quod operatus es in nobis: a templo sancto tuo, quod est in Jerúsalem, allelúja, allelúja.

Antiph. to. 8. f. Emítte Spíritum tuum, et creabúntur: et renovábis fáciem terræ, allelúja, allelúja.

Psalmus 103.

Benedic, ánima mea, Dómino: * Dómine Deus meus, magnificátus es veheménter.

Confessiónem, et decórem induísti: * amíctus lúmine sicut vestiménto.

Exténdens cœlum sicut pellem: * qui tegis aquis superióra ejus.

Qui ponis nubem ascensum tuum: * qui ámbulas super pennas ventórum.

Qui facis ángeles tuos spíritus: * et ministros tuos ignem uréntem.

Qui fundásti terram super stabilitátem suam: * non inclinábitur in sæculum sæculi.

Abýssus, sicut vestiméntum, amíctus ejus: * super montes stabunt aquæ.

Ab increpatione tua fugient: * a voce tonítrui tui formidábunt.

Ascéndunt montes, et descéndunt campi: * in locum, quem fundásti eis.

Términum posuísti, quem non transgrediéntur: * neque converténtur operíre terram.

Qui emíttis fontes in convállibus: * inter médium móntium pertransíbunt aquæ.

Potábunt omnes béstiae agri: * expectábunt ónagri in siti sua.

Super ea volúcres cœli habitábunt: * de médio petrárum dabunt voces.

Rigans montes de superióribus suis: * de fructu óperum tuórum satiábitur terra:

Producens fœnum juméntis, * et herbam servitúti hóminum.

Ut edúcas panem de terra: * et vinum lætíficet cor hóminis.

Ut exhílalet fáciem in óleo: * et panis cor hóminis confirmet.

Saturabúntur ligna campi, et cedri Líbani, quas plantávit: * illic pásse-res nidificábunt.

Heródii domus dux est eórum: * montes excélsi cervis: petra refúgium herináciis.

Fecit lunam in témpora: * sol cognóvit occásus suum.

Posuísti ténebras, et facta est nox: * in ipsa pertransíbunt omnes béstiae silvæ.

Cátuli leónum rugiéntes, ut rápíant, * et quærant a Deo escam sibi.

Ortus est sol, et congregáti sunt: * et in cubílibus suis collocabúntur.

Exíbit homo ad opus suum: * et ad operatiónem suam usque ad vésperum.

Quam magnificáta sunt ópera tua, Dómine! * ómnia in sapiéntia fecísti: im-pléta est terra possessiône tua.

Hoc mare magnum, et spatiósum má-nibus: * illic reptília, quorum non est númerus.

Animália pusílla cum magnis: * illic naves pertransíbunt.

Draco iste, quem formásti ad illudéndum ei: * ómnia a te expéctant, ut des illis escam in témpore.

Dante te illis, cólligent: * aperiénte te manum tuam, ómnia implebúntur bonitáte.

Averténte autem te fáciem, turba-búntur: * áuferes spíritum eórum, et deficiént, et in púlverem suum rever-téntur.

Emíttis spíritum tuum, et creabún-tur: * et renovábis fáciem terræ.

Sit glória Dómini in sæculum: * lætá-bitur Dóminus in opéribus suis:

Qui respicit terram, et facit eam tré-mere: * qui tangit montes, et fúmi-gant.

Cantábo Dómino in vita mea: * psal-lam Deo meo quámdui sum.

Jucúndum sit ei elóquium meum: * ego vero delectábor in Dómino.

Deficiant peccatores a terra, et iniqui ita ut non sint: * benedic, anima mea, Domino.

Antiph. Emítte Spíritum tuum, et creabúntur: et renovábis faciém terræ, allelúja, allelúja.

V. Spíritus Dómini replévit orbem terrarum, allelúja.

R. Et hoc, quod cóninet ómnia, scientiam habet vocis, allelúja.

Pater noster.

Absolutio. Exáudi, Dómine.

V. Jube, domne, benedícere.

Benedictio. Evangélica léctio.

Léctio sancti Evangelii secúndum Joánnem.

Lectio i.

Cap. 14. c.

IN illo témpore: Dixit Jesus discipulis suis: Si quis diligit me, sermónem meum servábit, et Pater meus diliget eum, et ad eum veniémus, et mansiónem apud eum faciémus. Et reliqua.

Homília Sancti Gregórii Papæ.

Homilia 30. in Evangelia.

Libet, fratres charíssimi, Evangelicæ verba lectiónis sub brevitate transcurrere, ut post diútius liceat in contemplatione tantæ solémnitatis immorári. Hódie namque Spíritus sanctus repentinó sónitu super discipulos venit, mentésque carnálium in sui amórem permutávit, et foris apparéntibus linguis ígneis, intus facta sunt corda flammántia: quia dum Deum in ignis visione suscepérunt, per amórem suáriter arsérunt. Ipse namque Spíritus sanctus amor est: unde et Joánnes dicit: Deus charitas est. Qui ergo mente íntegra Deum desidérat, profecto jam habet, quem amat. Neque enim quisquam posset Deum dilígere, si eum, quem diligit, non habéret.

R. Cum compleréntur dies Pentecóstes, erant omnes páriter in eódem loco, allelúja: et súbito factus est

sonus de celo, allelúja, * Tamquam spíritus veheméntis, et replévit totam domum, allelúja, allelúja.

V. Dum ergo essent in unum discipuli congregáti propter metum Judæorum, sonus repénite de celo venit super eos. Tamquam.

Benedictio. Divínium auxílium.

Lectio ii.

Sed ecce, si unusquisque vestrum requirátur, an dilígat Deum, tota fidúcia, et secúra mente respóndet: Diligo. In ipso autem lectiónis exórdio audístis quid Véritas dicit: Si quis diligit me, sermónem meum servábit. Probátio ergo dilectiónis, exhibítio est óperis. Hinc in epístola sua idem Joánnes dicit: Qui dicit: Diligo Deum, et mandáta ejus non custódit, mendax est. Vere etenim Deum dilígimus, et mandáta ejus custodímus, si nos a nostris voluptátibus coarctámus. Nam qui adhuc per illícita desidéria diffluit, profecto Deum non amat: quia ei in sua voluntáte contradícit.

R. Repléti sunt omnes Spíritu sancto, et cœpérunt loqui, prout Spíritus sanctus dabat éloqui illis: * Et convénit multitúdo dicéntium, allelúja.

V. Loquebántur váriis linguis Apóstoli magnália Dei. Et convénit. Glória Patri. Et convénit.

Benedictio. Ad societátem.

Lectio iii.

ET Pater meus diliget eum, et ad eum veniémus, et mansiónem apud eum faciémus. Pensáte, fratres charíssimi, quanta sit ista dígnitas, habére in cordis hospítio advéntum Dei. Certe si domum nostram quisquam dives, aut præpotens amicus intráret; omni festinántia domus tota munda rétur, ne quid fortásse esset quod óculos amíci intrántis offéndere. Tergat ergo sordes pravi óperis, qui Deo præparat domum mentis. Sed vidéte quid Véritas dicat: Veniémus,

et mansiónem apud eum faciémus. In quorúmdam etenim corda venit, et mansiónem non facit: quia per compunctiónem quidem Dei respéctum percípiunt, sed tentatiónis témpore hoc ipsum, quo compúnci fúerant, obliviscúntur: sicque ad perpetránda peccáta rédeunt, ac si hæc mínime planxissent.

Te Deum laudámus. 13.

AD LAUDES

ET PER HORAS.

Antiph. to. 3. r. Cum compleréntur dies Pentecóstes, erant omnes páriter in eódem loco, allelúja.

Psalmus. Dóminus regnávít. cum reliquis. 14.

Antiph. to. 8. Spíritus Dómini replévit orbem terrárum, allelúja.

Antiph. to. 8. Repléti sunt omnes Spíritu sancto, et cœpérunt loqui, allelúja, allelúja.

Antiph. to. 1. l. Fontes, et ómnia, quæ movéntur in aquis, hymnum dícite Deo, allelúja.

Antiph. to. 8. f. Loquebántur váriis linguis Apóstoli magnália Dei, allelúja, allelúja, allelúja.

Capitulum.

Act. 2.

Cum compleréntur dies Pentecóstes, erant omnes discípuli páriter in eódem loco: et factus est repénite de cœlo sonus, tamquam adveniéntis spíritus veheméntis, et replévit totam domum, ubi erant sedéntes.

Hymnus.

Beáta nobis gáudia
Anni redúxit órbita,
Cum Spíritus Paráclitus
Illápsus est Apóstolis.

Ignis vibránte lúmine,
Linguae figúram détulit,
Verbis ut essent próflui,
Et charitáte férvídi.

Linguis loquúntur ómnium,
Turbæ pavent Gentílium:
Musto inadére députant,
Quos Spíritus repléverat.

Patráta sunt hæc mýstice,
Paschæ perácto témpore,
Sacro diérum círculo,
Quo lege fit remíssio.

Te nunc, Deus piíssime,
Vultu precámur cernuo,
Illápsa nobis cœlitis
Largíre dona Spíritus.

Dudum sacráta pectora
Tua replésti grátia:
Dimítte nostra crímina,
Et da quiéta témpora.

Deo Patri sit glória,
Et Fílio, qui a mórtuis
Surréxit, ac Paráclito,
In sæculórum sæcula.

Amen.

V. Repléti sunt omnes Spíritu sancto, allelúja.

R. Et cœpérunt loqui, allelúja.

Ad Benedictus, Antiphona, to. 7. r.
Accípíte Spíritum sanctum: quorum remisérítis peccáta, remittúntur eis, allelúja.

Oratio.

Deus, qui hodiérna die corda fidélium sancti Spíritus illustratióne docuísti: da nobis in eódem Spíritu recta sápere, et de ejus semper consolatióne gaudére. Per Dóminum nostrum Jesum Christum Fílio tuum, qui tecum vivit et regnat in unitáte ejúsdem Spíritus sancti Deus, per ómnia sæcula sæculórum. **R.** Amen.

Ad Primam.

Antiph. to. 3. r. Cum compleréntur.

Capitulum.

1. Tim. 1. d.

Regi sæculórum immortáli et invisibili, soli Deo honor, et glória in sæcula sæculórum. Amen.

R. Deo grátias.

R. br. Christe, Fili Dei vivi, miserere nobis, * Allelúja, allelúja. Christe.

V. Qui sedes ad dexteram Patris. Allelúja, allelúja. Glória Patri. Christe.

V. Exúrge Christe, ádjuva nos, allelúja.

R. Et libera nos propter nomen tuum, allelúja.

Ad Tertiam.

Hymnus.

Veni, Creátor Spíritus,
Mentes tuórum vísita,
Imple supérna grátia,
Quæ tu creásti péctora.

Qui díceris Paráclitus,
Altíssimi donum Dei,
Fons vivus, ignis, cháritas,
Et spiritalis únctio.

Tu septifórmis múnere,
Dígitus Patérnæ dexteræ,
Tu rite promíssum Patris,
Sermóne ditans gúttura,

Accénde lumen sénsibus,
Infúnde amórem córdibus,
Infrma nostri córporis
Virtúte firmans pépeti.

Hostem repéllas lóngius,
Pacémque dones prótinus;
Ductóre sic te prævio
Vitémus omne nóxium.

Per te sciámus da Patrem,
Noscámus atque Fílium;
Teque utriúsque Spíritum
Credámus omni témpore.

Deo Patri sit glória,
Et Fílio, qui a mórtuis
Surréxit, ac Paráclito,
In sæculórum sæcula. Amen.

Qui Hymnus dicitur ad Tertiam per totam Octavam loco Hymni, Nunc, sancte.

Antiph. to. 8. Spíritus Dómini.

Capitulum.

Act. 2.

Cum compleréntur dies Pentecóstes, erant omnes discípuli páriter in

eódem loco: et factus est repénite de cœlo sonus, tamquam adveniéntis spíritus veheméntis, et replévit totam domum, ubi erant sedéntes.

R. br. Spíritus Dómini replévit orbem terrárum, * Allelúja, allelúja. Spíritus.

V. Et hoc, quod cóntinet ómnia, sciéntiam habet vocis. Allelúja, allelúja. Glória Patri. Spíritus.

V. Spíritus Paráclitus, allelúja.

R. Docébit vos ómnia, allelúja.

Ad Sextam.

Antiph. to. 8. Repléti sunt omnes.

Capitulum.

Act. 2.

FActa autem hac voce, convénit multitúdo, et mente confúsa est, quóniam audiébat unusquisque lingua sua illos loquéntes.

R. br. Spíritus Paráclitus, * Allelúja, allelúja. Spíritus.

V. Docébit vos ómnia. Allelúja, allelúja. Glória Patri. Spíritus.

V. Repléti sunt omnes Spíritu sancto, allelúja.

R. Et cœpérunt loqui, allelúja.

Ad Nonam.

Antiph. to. 8. f. Loquebántur.

Capitulum.

Act. 2. b.

Judæi quoque, et Prosélyti, Cretes, et Arabes: audívimus eos loquéntes nostris linguis magnália Dei.

R. br. Repléti sunt omnes Spíritu sancto, * Allelúja, allelúja. Repléti.

V. Et cœpérunt loqui. Allelúja, allelúja. Glória Patri. Repléti.

V. Loquebántur váriis linguis Apóstoli, allelúja.

R. Magnália Dei, allelúja.

In II. Vesperis.

Antiph. to. 3. r. Cum compleréntur. cum reliquis Antiphonis et Psalmis, ut supra in primis Vesperis, 368. et loco ultimi Psalmi

Psalmus 113.

IN éxitu Israel de Ægýpto, * domus Jacob de pópulo bárbaro:

Facta est Judæa sanctificatio ejus, * Israel potestas ejus.

Mare vidit, et fugit: * Jordánis conversus est retrorsum.

Montes exultaverunt ut arietes, * et colles sicut agni óvium.

Quid est tibi, mare, quod fugisti? * et tu Jordánis, quia conversus es retrorsum?

Montes, exultastis sicut arietes, * et colles sicut agni óvium.

A fácie Dómini mota est terra, * a fácie Dei Jacob.

Qui convertit petram in stagna aquarum, * et rupem in fontes aquarum.

Non nobis, Dómine, non nobis, * sed nómini tuo da glóriam.

Super misericordia tua, et veritate tua: * ne quando dicant Gentes: Ubi est Deus eórum?

Deus autem noster in cœlo: * ómnia quaecúmque vóluit, fecit.

Simulacra Géntium argéntum et aurum, * ópera mánuum hóminum.

Os habent, et non loquéntur: * óculos habent, et non vidébunt.

Aures habent, et non áudient: * nares habent, et non odorábunt.

Manus habent, et non palpábunt: pedes habent, et non ambulábunt: * non clamábunt in gútture suo.

Símiles illis fiant, qui faciunt ea: * et omnes, qui confidunt in eis.

Domus Israel sperávit in Dómino: * adjutor eórum et protector eórum est.

Domus Aaron sperávit in Dómino: * adjutor eórum et protector eórum est.

Qui timent Dóminum, speravérunt in Dómino: * adjutor eórum et protector eórum est.

Dóminus memor fuit nostrí: * et benedíxit nobis:

Benedíxit dómui Israel: * benedíxit dómui Aaron.

Benedíxit ómnibus qui timent Dóminum, * pusillis cum majóribus.

Adjíciat Dóminus super vos: * super vos, et super filios vestros.

Benedícti vos a Dómino, * qui fecit cœlum et terram.

Cœlum cœli Dómino: * terram autem dedit tñliis hóminum.

Non mórtui laudábunt te, Dómine: * neque omnes, qui descéndunt in inférnum.

Sed nos qui vívimus, benedícimus Dómino, * ex hoc nunc, et usque in sæculum.

Et sic dicitur quotidie per Octavam.

Capitulum. Cum compleréntur. ut supra. 376.

Hymnus. Veni, Creátor Spíritus. ut supra. 376.

V. Loquebántur váriis linguis Apóstoli, allelúja.

R. Magnália Dei, allelúja.

Ad Magnificat, Antiphona, to. 1. r.
Hódie compléti sunt dies Pentecóstes, allelúja: hódie Spíritus sanctus in igne discipulis apparuit, et tribuit eis charismatum dona: misit eos in univérsum mundum prædicáre, et testificári: qui credíderit, et baptizátus fúerit, salvus erit, allelúja.

Oratio.

DEus, qui hodierna die corda fídelium sancti Spíritus illustratióne docuisti: da nobis in eódem Spíritu recta sápere, et de ejus semper consolatíone gaudére. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem Spíritus sancti Deus, per ómnia sæcula sæculórum. R. Amen.

Infra Octavam Pentecostes fit Officium sicut in die, exceptis V. ad Nocturnum, Lectionibus, Responsoriis, Antiphonis ad Benedictus et ad Magnificat, et Orationibus.

Si infra Octavam occurrat Festum novem Lectionum, transfertur post Octavam. De simplici autem in hoc triduo nulla fit commemoratio.

xxx

FERIA SECUNDA.

V. Spíritus Dómini replévit orbem terrárum, allelúja.

R. Et, hoc quod contémnet ómnia, scientiam habet vocis, allelúja.

Pater noster.

Absolutio. Exáudi, Dómine.

Benedictio. Evangelíca léctio.

Léctio sancti Evangelíi secúndum Joánnem.

Lectio i.

Cap. 3. b.

IN illo témpore: Dixit Jesus Nicodemo: Sic Deus diléxit mundum, ut Fílium suum unigénitum daret: ut omnis, qui credit in eum, non péreat, sed hábeat vitam ætérrnam. Et réliqua.

Homília Sancti Augustíni Epíscopi.

Tract. 12. in Joan. sub fin.

QUantum in médico est, sanáre venit ægrótum. Ipse se intérimít, qui præcépta médici observáre non vult. Venit Salvátor in mundum. Quare Salvátor dictus est mundi, nisi ut salvet mundum, non ut júdicet mundum? Salvári non vis ab ipso, ex te judicáberis. Et quid dicam, judicáberis? Vide quíd ait: Qui credit in eum, non judicáitur. Qui autem non credit, quid dictúrum sperábas, nisi, judicáitur? Quod addit: Jam, inquit, judicátus est: nondum appáruit júdicium, et jam factum est júdicium.

R. Jam non dicam vos servos, sed amícos meos; quia ómnia cognovístis, quæ operátus sum in médio vestri, allelúja.* Accípíte Spíritum sanctum in vobis Paráclitum: ille est, quem Pater mittet vobis, allelúja.

V. Vos amíci mei estis, si fecéritis quæ ego præcípio vobis. **A**ccípíte.

Benedictio. Divínium auxílium.

Lectio ii.

NOVit enim Dóminus, qui sunt ejus: novit qui permáneant ad corónam, qui permáneant ad flammam. Novit in área sua tríticum, novit et páleam: novit ségetem, novit et zizánia. Jam judicátus est, qui non credit. Quare judicátus? Quia non crédidit in nómine unigéniti Fílii Dei. Hoc est autem júdicium: quia lux venit in mundum, et dilexérunt hómines magis ténebras, quam lucem: erant enim mala ópera eórum. Fratres mei, quórum ópera bona invénit Dóminus? nullórum. Omnia ópera mala invénit. Quómodo ergo quidam fecérunt veritátem, et venérunt ad lucem? Et hoc enim séquitur: Qui autem facit veritátem, venit ad lucem.

R. Spíritus sanctus procédens a throno, Apostolórum pectora invisibíliter penetrávit novo sanctificatiónis signo: * Ut in ore eórum ómnium génera nasceréntur linguárum, allelúja.

V. Advénit ignis divínus, non combúrens, sed illúminans, et tríbuit eis charísmatum dona. **U**t in ore. **G**loría Patri. **U**t in ore.

Benedictio. Ad societátem.

Lectio iii.

SED dilexérunt, inquit, ténebras magis quam lucem. Ibi pósuit vim. Multi enim dilexérunt peccáta sua, multi conféssi sunt peccáta sua: quia qui confitétur peccáta sua, et accúsat peccáta sua, jam cum Deo facit. Accúsat Deus peccáta tua: si et tu accúsas, conjúngeris Deo. Quasi duæ res sunt, homo, et peccátor. Quod audis, homo, Deus fecit: quod audis, peccátor, ipse homo fecit. Dele quod fecísti, ut Deus salvet quod fecit. Opórtet ut óderis in te opus tuum, et ames in te opus Dei. Cum autem cóeperit tibi displicére quod fecísti, inde incípiunt bona ópera tua, quia accúsas

mala ópera tua. Inítium óperum bonórum conféssio est óperum malórum. Te Deum laudámus. 13.

Ad Benedictus, Antiphona, to. 8.

Sic Deus diléxit mundum, ut Fílium suum unigénitum daret; ut omnis, qui credit in ipsum, non péreat, sed hábeat vitam ætérnam, allelúja.

Oratio.

Deus, qui Apóstolis tuis sanctum dedísti Spíritum: concéde plebi tuæ piæ petitiónis efféctum; ut quibus dedísti fidem, largiáris et pacem. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem Spíritus sancti Deus, per ómnia sæcula sæculórum. *R.* Amen.

Ad Magnificat, Antiphona, to. 8.

Si quis diligit me, sermónem meum servábit: et Pater meus díligit eum, et ad eum veniémus, et mansiónem apud eum faciémus, allelúja.

Oratio ut supra.

FERIA TERTIA.

V. Spíritus Paráclitus, allelúja.

R. Docébit vos ómnia, allelúja.

Pater noster.

Absolutio. *I*psíus píetas.

Benedictio. *E*vangélica léctio.

Léctio sancti Evangélii secúndum Joánnem.

Lectio i.

Cap. 10.

In illo témpore: Dixit Jesus Pharisæis: Amen, amen dico vobis: qui non íntrat per óstium in ovíle óvium, sed ascéndit aliúnde, ille fur est, et latro. Qui autem íntrat per óstium, pastor est óvium. Et reliqua.

Homília Sancti Augustíni Epíscopi.

Tract. 45. in Joan. post init.

Dominus de grege suo, et de óstio, quo intrátur ad ovíle, similitúdinem propósuit in hodiérna lectiône.

Dicant ergo Pagáni: Bene vívimus. Si per óstium non íntrant, quid prodest eis unde gloriántur? Ad hoc enim debet unicuíque prodésse bene vívere, ut detur illi semper vívere: nam cui non datur semper vívere, quid prodest bene vívere? Quia nec bene vívere dicéndi sunt, qui finem bene vivéndi vel cæcitate nesciunt, vel inflatióne conténnunt. Non est autem cuiquam spes vera et certa semper vivéndi, nisi agnóscat vitam, quod est Christus, et per jánuam intret in ovíle.

R. Apparuérunt Apóstolis dispertítæ linguæ, tamquam ignis, allelúja: * Sedítque supra síngulos eórum Spíritus sanctus, allelúja, allelúja.

V. Et cœpérunt loqui váriis linguis, prout Spíritus sanctus dabat éloqui illis. Sedítque.

Benedictio. Divínium auxílium.

Lectio ii.

Quærunť ergo plerúmque tales homines étiam persuadére homínibus, ut bene vivant, et Christiáni non sint. Per áliam partem volunt ascéndere, rápere, et occídere; non ut bonus pastor, conserváre atque salváre. Fuérunt ergo quidam philósophi de virtútibus et vítiis subtilia multa tractántes, dividéntes, definiéntes, ratiocinatiónes acutíssimas concludéntes, libros impléntes, suam sapiéntiam buccis crepántibus ventilántes, qui étiam dícere audérent homínibus: Nos sequímini, sectam nostram tenéte, si vultis beáte vívere. Sed non intrábant per óstium: pérdere volébant, mactáre, et occídere.

R. Loquebántur váriis linguis Apóstoli magnália Dei, * Prout Spíritus sanctus dabat éloqui illis, allelúja.

V. Repléti sunt omnes Spíritu sancto, et cœpérunt lóqui. Prout. Glória Patri. Prout.

Benedictio. Ad societátem.

Lectio iii.

Quid de istis dicam? Ecce ipsi Pharisæi legébant, et in eo quod legébant, Christum sonábant, ventúrum sperábant, et præséntem non agnoscébant. Jactábant se étiam ipsi inter Vidéntes, hoc est, inter sapiéntes, et negábant Christum, et non intrábant per óstium. Ergo et ipsi, si quos forte sedúcerent, mactándos et occidéndos, non liberándos sedúcerent. Et hos dimittámus: videámus illos, si forte ipsi intrant per óstium, qui ipsíus Christi nómine gloriántur. Innúmerábiles enim sunt, qui se vidéntes non solum jáctant, sed a Christo illuminátos vidéri volunt: sunt autem hæretici.

Te Deum laudámus. 13.

Ad Benedictus, Antiphona, to. 8. f.
Ego sum óstium, dicít Dóminus: per me si quis introferit, salvábitur, et páscea invéniet, allelúja.

Oratio.

ADsit nobis, quæsumus, Dómine, virtus Spíritus sancti: quæ et corda nostra cleménter expúrget, et ab ómnibus tueátur advérsis. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem Spíritus sancti Deus, per ómnia sæcula sæculórum.
R. Amen.

Ad Magnificat, Antiphona, to. 6.
Pacem relínquo vobis, pacem meam do vobis: non quómodo mundus dat, ego do vobis, allelúja.



FERIA QUARTA
QUATUOR TEMPORUM.

V. Repléti sunt omnes Spíritu sancto, allelúja.

R. Et cœpérunt loqui, allelúja.

Pater noster.

Absolutio. A vínculis.

Benedictio. Evangélica léctio.

Léctio sancti Evangélíi secúndum

Lectio i. Joánnem. Cap. 6. c.

IN illo témpore: Dixit Jesus turbis Judæórum: Nemo potest veníre ad me, nisi Pater, qui misit me, tráxerit eum. Et réliqua.

Homília Sancti Augustíni Epíscopi.
Tract. 26. in Joannem post initium.

NOli cogitáre te invítum trahi: tráhitur ánimus et amóre. Nec timére debémus, ne ab homínibus, qui verba perpéndunt, et a rebus máxime divínis intelligéndis longe remóti sunt, in hoc Scripturárum sanctárum Evangélico verbo fórsitan reprehendámur, et dicátur nobis: Quómodo voluntáte credo, si trahor? Ego dico: Parum est voluntáte, étiam voluptáte tráheris. Quid est, trahi voluptáte? Delectáre in Dómino: et dabit tibi petitiónes cordis tui. Est quædam volúptas cordis, cui panis dulcis est ille cœléstis. Porro si Poétæ dícere lécuit: Trahit sua quemque volúptas: non necéssitas; sed volúptas; non obligátio, sed delectátio: quanto fórtius nos dícere debémus, trahi hóminem ad Christum, qui delectátur veritáte, delectátur beatitúdine, delectátur justítia, delectátur sempitérna vita, quod totum Christus est? An vero habent córporis sensus volúptates suas, et ánimus desératur a volúptátibus suis? Si ánimus non habet volúptates suas, unde dicitur: Fílii autem hóminum sub tégmine alárum tuárum sperábunt: Inebriabúntur ab ubertáte domus tuæ, et torrénte volúptátis tuæ potábis eos: Quóniam apud te est fons vitæ, et in lúmine tuo vidébimus lumen?
R. Disciplínam et sapiéntiam dócuit eos Dóminus, allelúja: firmávit in illis grátiam Spíritus sui, * Et intelléctu implévit corda eórum, allelúja.
V. Repentíno namque sónitu Spíritus sanctus super eos venit. Et intelléctu. Benedictio. Divínum auxílium.

Lectio ii.

DA amántem, et sentit quod dico: da desiderántem, da esuriéntem, da in ista solitúdine peregrinántem, atque sitiéntem, et fontem ætérnæ pátriæ suspirántem: da talem, et scit quid dicam. Si autem frígido loquor, nescit quid loquor. Tales erant isti, qui ínvicem murmurábant. Pater, inquit, quem tráxerit, venit ad me. Quid est autem, Pater quem tráxerit, cum ipse Christus trahat? Quare vóluit dícere, Pater quem tráxerit? Si trahéndi sumus, ab illo trahámur, cui dicit quædam, quæ díligit: Post odórem unguentórum tuórum currémus. Sed quid intélligi vóluit, advertámus, fratres, et, quantum póssumus, capíamus. Trahit Pater ad Fílium eos, qui proptérea credunt in Fílium, quia eum cógitant Patrem habére Deum. Deus enim Pater æquálem sibi génuit Fílium: et qui cógitat, atque in fide sua sentit et rúminat, æquálem esse Patri eum, in quem crédidit, ipsum trahit Pater ad Fílium.

R. Ite in univérsum orbem, et prædicáte Evangélium, allelúja: * Qui credíderit, et baptizátus fúerit, salvus erit, allelúja, allelúja, allelúja.

V. In nómine meo dæmónia ejícient, linguis loquéntur novis, serpéntes tollent. Qui credíderit. Glória Patri. Qui credíderit.

Benedictio. Ad societátem.

Lectio iii.

ARíus crédidit creatúram, non eum traxit Pater: quia non consíderat Patrem, qui Fílium non credit æquálem. Quid dicis, o Ari? Quid dicis, hærétiçe? quid lóqueris? Quid est Christus? Non, inquit, Deus verus, sed quem fecit Deus verus. Non te traxit Pater: non enim intellexísti Patrem, cujus Fílium negas. Aliud cógitas, non est ipse Fílius: nec a Patre tráheris, nec ad Fílium tráheris. Aliud

est enim Fílius, áliud quod tu dicís. Photínus dicit: Homo solum est Christus, non est et Deus. Qui sic credit, non Pater eum traxit. Quem traxit Pater? Illum, qui dicit: Tu es Christus Fílius Dei vivi. Ramum víridem osténdis ovi, et trahis illam. Nuces púero demonstrántur, et tráhitur: et quod currit, tráhitur, amándo tráhitur, sine læsióne córporis tráhitur, cordis vínculo tráhitur. Si ergo ista, quæ inter delicias et voluptátes terénas revelántur amántibus, trahúnt, quóniam verum est: Trahit sua quemque volúptas: non trahit revelátus Christus a Patre? Quid enim fórtius desíderat ánima, quam veritátem?

Te Deum laudámus. 13.

Ad Benedictus, Antiphona, to. 8.

Ego sum panis vivus, dicit Dóminus, quí de cœlo descénderi, allelúja, allelúja.

Oratio.

MEntes nostras, quæsumus, Dómine, Paráclitus, qui a te procedit, illúminet: et indúcat in omnem, sicut tuus promísit Fílius, veritátem. Qui tecum vivit et regnat in unitáte ejúsdem Spíritus sancti Deus.

Ad Magnificat, Antiphona, to. 1.

Ego sum panis vivus, qui de cœlo descénderi: si quis manducáverit ex hoc pane, vivet in ætérnum: et panis, quem ego dabo, caro mea est pro mundi vita, allelúja.

✠

FERIA QUINTA.

V. Spíritus Dómini replévit orbem terrárum, allelúja.

R. Et hoc, quod cóntinet ómnia, sciéntiam habet vocis, allelúja.

Pater noster.

Absolutio. E xáudi, Dómine.

Benedictio. E vangélica léctio.

Lectio sancti Evangelii secundum
Lucam.

Lectio i.

Cap. 9.

IN illo tempore: Convocatis Jesus duodecim Apostolis, dedit illis virtutem et potestatem super omnia demonia, et ut languores curarent. Et reliqua.

Homilia Sancti Ambrósii Episcopi.

Lib. 6. in cap. 9. Lucæ.

Qualis debeat esse qui evangelizat regnum Dei, præceptis evangelicis designatur: ut sine virga, sine pera, sine calceamento, sine pane, sine pecunia, hoc est, subsidii sæcularis adminicula non requirens, fideque tutus, putet sibi quo minus ea requirat, magis posse suppètere. Quæ possunt, qui volunt, ad eum derivare tractatum, ut spiritalem tantummodo locus iste formare videatur affectum: qui velut indumentum quoddam videatur corporis exuisse, non solum potestate rejecta, contemptisque divitiis, sed etiam carnis ipsius illecebris abdicatis. Quibus primo omnium datur pacis atque constantiæ generale mandatum, ut pacem ferant, constantiam servant, hospitalis necessitudinis jura custodiant: alienum a prædicatore regni cœlestis astringens cursitare per domos, et inviolabilis hospitii jura mutare.

R. Advénit ignis divinus, non comburens, sed illuminans; non consumens, sed lucens: et invenit corda discipulorum receptacula munda: * Et tribuit eis charismatum dona, allelúja, allelúja.

V. Invenit eos concordes charitate, et collustravit eos inundans gratia Deitatis. **Et** tribuit.

Benedictio. Divinum auxilium.

Lectio ii.

Sed ut hospitii gratia deferenda censetur: ita etiam, si non recipiuntur, excutiendum pulverem, et egre-

diendum de civitate mandatur. Quo non mediocris boni remuneratio docetur hospitii: ut non solum pacem tribuamus hospitibus, verum etiam, si qua eos terrænæ obumbrant delicta levitatis, receptis Apostolicæ prædicationis vestigiis auferantur. Nec otiose secundum Matthæum, domus, quam ingrediuntur Apostoli, eligenda decernitur: ut mutandi hospitii, necessitudinisque violandæ causa non suppetat. Non tamen eadem cautio receptori mandatur hospitii: ne, dum hospes eligitur, hospitalitas ipsa minuatur.

R. Spiritus sanctus replévit totam domum, ubi erant Apostoli: et apparuerunt illis dispersitæ linguæ, tamquam ignis, seditque supra singulos eorum: * Et repléti sunt omnes Spiritu sancto, et cœperunt loqui variis linguis, prout Spiritus sanctus dabat eloqui illis, allelúja, allelúja, allelúja.

V. Dum ergo essent in unum discipuli congregati propter metum Judæorum, sonus repente de cœlo venit super eos. **Et** repléti. Glória Patri. **Et** repléti.

Benedictio. Ad societatem.

Lectio iii.

Sed hæc, ut secundum litteram de hospitii religione venerabilis est forma præcepti; ita etiam de mysterio sententia cœlestis arridet. Etenim cum domus eligitur, dignus hospes inquiritur. Videamus igitur, ne forte Ecclesia præferenda designetur, et Christus. Quæ enim dignior domus Apostolicæ prædicationis ingressu, quam sancta Ecclesia? Aut quis præferendus magis omnibus videtur esse, quam Christus, qui pedes suis lavare consuevit hospitibus: et quoscumque sua receperit domo, pollutis non patiatur habitare vestigiis: sed maculosos licet vitæ prioris, in reliquum tamen dignetur mundare processus? Hic est igitur solus, quem nemo debet

desérere, nemo mutáre. Cui bene dicitur: Dómine, ad quem íbimus? verba vitæ æternæ habes, et nos crédimus. Te Deum laudámus. 13.

Ad Benedictus, Antiphona, to. 8. l.

Convocatís Jesus duódecim discípu-
lis suis, dedit illis virtútem et potes-
tátem super ómnia dæmónia, et ut
languóres curárent: et misit illos præ-
dicáre regnum Dei, et sanáre infír-
mos, allelúja.

Oratio.

DEus, qui hodiérna die corda fidé-
lium sancti Spíritus illustratióne
docuísti: da nobis in eódem Spíritu
recta sápcere, et de ejus semper con-
solatióne gaudére. Per Dóminum nos-
trum Jesum Christum Fílium tuum,
qui tecum vivit et regnat in unitáte
ejúsdem Spíritus sancti.

Ad Magnificat, Antiphona, to. 8.

Spíritus, qui a Patre procedit, alle-
lúja: ille me clarificábit, allelúja, al-
lelúja.



FERIA SEXTA.

QUATOUR TEMPORUM.

V. Spíritus Paráclitus, allelúja.

R. Docébit vos ómnia, allelúja.

Pater noster.

Absolutio. Ipsíus píetas.

Benedictio. Evangélica léctio.

Léctio sancti Evangélíi secúndum

Lectio i. Lucam. Cap. 5. d.

IN illo témpore: Factum est in una
diérum, et Jesus sedébat docens.
Et erant Pharisæi sedéntes, et legis
doctóres, qui vénerant ex omni ca-
stéllo Galilææ, et Judææ, et Jerúsa-
lem: et virtus Dómini erat ad sanán-
dum eos. Et reliqua.

Homíla Sancti Ambrósii Epíscopi.

Lib. 5. in e. 5. Lucæ, post init.

Non ostiósahujus paralytici, nec an-
gústamedicínaest, quando Dómi-
nus et orásse præmíttitur: non útique

propter suffrágium, sed propter exém-
plum. Imitándi enim spécimen dedit,
non precándi ámbitum requisívit. Et
conveniéntibus ex omni Galilæa, et
Judæa, et Jerúsalem legis doctóri-
bus, inter ceterórum remédia debí-
lium, paralytici istíus medicína de-
scríbatur. Primum ómnium, quod ante
diximus, unusquisque æger peténdæ
precatóres salutis debet adhibére, per
quos nostræ vitæ compágo resoluta,
actuúmque nostrórum clauda vesti-
gia, verbi cœléstis remédio reform-
méntur.

R. Non vos me elegístis, sed ego elégi
vos, et pósui vos, ¶ Ut eátis, et fruc-
tum afferátis, et fructus vester má-
neat, allelúja, allelúja.

V. Sicut misit me Pater, et ego mitto
vos. Ut eátis.

Benedictio. Divínium auxílium.

Lectio ii.

SInt ígitur áliqui monitóres mentis,
qui ánimum hóminis, quamvis ex-
teriórís cörperis debilitáte torpéntem,
ad superióra érigant. Quorum rursus
adminículis et attóllere et humiliáre
se fácilis ante Jesum locétur, Domí-
nico vidéri dignus aspéctu. Humili-
tátem enim respicit Dóminus: quia
respéxit humilitátem ancíllæ suæ.
Quórum fidem ut vidit, dixit: Homo,
remittúntur tibi peccáta tua. Magnus
Dóminus, qui aliórum mérito ignóscit
áliis: et dum álios probat, áliis relá-
xat erráta. Cur apud te, homo, col-
léga non váleat, cum apud Deum ser-
vus et interveniéndi méritum, et jus
hábeat impetrándi?

R. Spíritus Dómini replévit orbem
terrárum: * Et hoc, quod cóninet
ómnia, sciéntiam habet vocis, alle-
lúja, allelúja.

V. Omnium est enim ártifex, omnem
habens virtútem, ómnia prospíciens.
Et hoc. Glória Patri. Et hoc.

Benedictio. Ad societátem.

Lectio iii.

Disce qui júdicas, ignóscere: discce qui æger es, impetráre. Si grá-vium peccatórum diffidis véniam, ádhibe precatóres, ádhibe Ecclésiám, quæ pro te precétur, cujus contem-platióne, quod tibi Dóminus negáre posset, ignóscat. Et quamvis histó-riæ fidem non debeámus omítere, ut vere paralytici istíus corpus credá-mus esse sanátum: cognósce tamen interiórís hóminis sanitátem, cui pec-cáta donántur. Cum Judæi ásserunt peccáta a solo Deo posse concédi, Deum útique eum confiténtur, suóque júdicio perfídiam suam produnt, qui opus ástruunt, ut persónam negent.

Te Deum laudámus. 13.

Ad Benedictus, Antiphona, to. 1. r.

Dixit Jesus: Ut sciátis autem, quia Fílius hóminis habet potestátem in terra dimitténdi peccáta, ait paralyt-ico: Tibi dico, surge: tolle lectum tuum, et vade in domum tuam, allelúja.

Oratio.

DA, quæsumus, Ecclésiæ tuæ, mi-séricors Deus: ut sancto Spíritu congregáta, hostili nullátenuis incur-siône turbétur. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem.

Ad Magnificat, Antiphona, to. 8.

Paráclitus autem Spíritus sanctus, quem mittet Pater in nómine meo, ille vos docébit ómnia, et súggeret vobis ómnia, quæcúmque díxero vo-bis, allelúja.

✠

SABBATO.

QUATUOR TEMPORUM.

V. Repléti sunt omnes Spíritu sancto, allelúja.

R. Et cœpérunt loqui, allelúja.

Pater noster.

Absolutio. A vínculis.

Benedictio. Evangélica lécio.

Lectio sancti Evangélíi secúndum Lucam.

Lectio i.

Cap. 4. g.

In illo témpore: Surgens Jesus de synagóga, introívit in domum Si-mónis. Socrus autem Simónis tene-bátur magnis fébribus. Et réliqua.

Homília Sancti Ambrósii Epíscopi.

Lib. 4. in c. 4. Lucae sub fin.

Vide cleméntiam Dómini Salvató-ris: nec indignatióne commótus, nec scélere offénsus, nec injúria vio-látus Judæam déserit: quin étiam im-memor injúriæ, memor cleméntiæ, nunc docéndo, nunc liberándo, nunc sanádo, infidæ plebis corda demúl-cet. Et bene sanctus Lucas virum ab spíritu nequitiæ liberátum ante præ-mísit, et subdit féminæ sanitátem. Utrúmque enim sexum Dóminus cu-ratúrus advénerat: sed prior sanári débuit, qui prior créatus est; nec præ-termítti illa, quæ mobilitáte magis ánimi, quam pravitate peccáverat.

R. Repléti sunt omnes Spíritu sancto, et cœpérunt loqui, prout Spíritus sanctus dabat éloqui illis: * Et con-vénit multitúdo dicéntium, allelúja.

V. Loquebántur váriis linguis Apó-stoli magnália Dei. Et convénit.

Benedictio. Divínium auxílium.

Lectio ii.

Sabbato medicínæ Domínicæ ópera cœpta significat, ut inde nova crea-túra cœperit, ubi vetus creatúra ante desívit: nec sub lege esse Dei fílium, sed súpra legem in ipso princípío de-signáret: nec solvi legem, sed im-pléri. Neque enim per legem, sed verbo factus est mundus, sicut légi-mus: Verbo Dómini cœli firmáti sunt. Non sólvitur ergo lex, sed implétur: ut fiat renovátio hóminis jam labén-tis. Unde et Apóstolus ait: Expo-liántes vos vétorem hóminem, induíte novum, qui secúndum Deum créa-tus est.

R. Jam non dicam vos servos, sed amicos meos: quia omnia cognovistis, quæ operatus sum in medio vestri, allelúja: * Accípite Spíritum sanctum in vobis Paráclitum: ille est, quem Pater mittet vobis, allelúja.

V. Vos amici mei estis, si feceritis quæ ego præcipio vobis. Accípite. Glória Patri. Accípite.

Benedictio. Ad societatem.

Lectio iii.

ET bene sabbato cœpit, ut ipsum se ostenderet Creatorem, qui opera operibus intexeret, et prosequeretur opus, quod ipse jam cœperat: ut si domum faber renovare dispōnat, non a fundamentis, sed a culminibus incipit solvere vetustatem. Itaque ibi prius manum admōvet, ubi ante desierat: deinde a minoribus incipit, ut ad majora perveniat. Liberare a dæmone et homines, sed in verbo Dei possunt: resurrectionem mortuis imperare, divinæ solus est potestatis. Fortassis etiam in typo mulieris illius socrus Simónis et Andréæ, variis criminum febribus caro nostra languebat, et diversarum cupiditatum immódicis aestuabat illécebris. Nec minorem febrem amoris esse dixerim, quam caloris. Itaque illa animum, hæc corpus inflāmmat. Febris enim nostra, avaritia est: febris nostra, libido est: febris nostra, luxúria est: febris nostra, ambítio est: febris nostra, iracúndia est.

Te Deum laudamus. 13.

Ad Benedictus, Antiphona, to. 1. l. Cháritas Dei diffúsa est in córdibus nostris, per inhabitantem Spíritum ejus in nobis, allelúja.

Oratio.

Mentibus nostris, quæsumus, Dómine, Spíritum sanctum benígnus infúnde: cujus et sapiéntia cōditi sumus, et providéntia guberná-

mur. Per Dóminum nostrum Jesum Christum Fílium tuum, qui tecum vivit et regnat in unitate ejúsdem.

Post Nonam, celebrata Missa, terminatur tempus Paschale.

AD VESPERAS.

De sanctissima Trinitate.

Antiphonæ de Laudibus hujus Festi.

Antiph. to. 1. r. Glória tibi, Trínitas æquális, una Deítas, et ante omnia sæcula, et nunc et in perpétuum.

Psalmus. Dixit Dóminus. cum reliquis de Dominica 101. præter ultimum, qui ponitur infra.

Antiph. to. 2. Laus et perénis glória Deo Patri, et Fílio, sancto simul Paráclito, in sæculórum sæcula.

Antiph. to. 3. r. Glória laudis résonet in ore ómnium Patri, genitæque Proli, Spíritui sancto páriter resúltet laude perénis.

Antiph. to. 4. Laus Deo Patri, paríque Proli, et tibi, sancte, stúdio perénis, Spíritus, nostro résonet ab ore omne per ævum.

Antiph. to. 5. Ex quo omnia, per quem omnia, in quo omnia: ipsi glória in sæcula.

Psalmus 116.

Laudáte Dóminum, omnes Gentes: * laudáte eum, omnes pópuli: Quóniam confirmáta est super nos misericórdia ejus: * et véritas Dómini manet in ætérnum. Glória Patri.

Capitulum.

Rom. 11. d.

O altitúdo divitiárum sapiéntiæ et sciéntiæ Dei: quam incomprehensibília sunt judícia ejus, et investigábiles viæ ejus!

Hymnus.

Jam sol recedit igneus;
 Tu lux perennis Unitas,
 Nostris, beata Trinitas,
 Infunde amorem cordibus.

Te mane laudum carmine,
 Te deprecamur vespere;
 Digneris, ut Te supplices
 Laudemus inter Coelites.

Patri, simulque Filio,
 Tibique, sancte Spiritus,
 Sicut fuit, sit jugiter
 Saeculum per omne gloria.
 Amen.

V. Benedicamus Patrem et Filium
 cum sancto Spiritu.

R. Laudemus et superexaltemus eum
 in saecula.

Ad Magnificat, Antiphona. to. 1. r.
 Gratias tibi, Deus, gratias tibi, vera
 et una Trinitas, una et summa Deitas,
 sancta et una Unitas.

Oratio.

Omnipotens sempiternus Deus, qui
 dedisti famulis tuis in confessione
 verae fidei aeternae Trinitatis gloriam
 agnoscere, et in potentia majestatis
 adorare Unitatem; quaesumus, ut ejus-
 dem fidei firmitate ab omnibus sem-
 permuniatur adversis. Per Dominum.

Et sit commemoratio Dominicae pri-
 mae post Pentec. ut seq.

Antiph. Loquere, Domine, quia au-
 dit servus tuus.


V. Vespertina oratio ascendat ad te,
 Domine.

R. Et descendat super nos misericor-
 dia tua.

Oratio.

Deus in te sperantium fortitudo,
 adesto propitius invocationibus
 nostris: et quia sine te nihil potest
 mortalis infirmitas, praesta auxilium
 gratiae tuae: ut in exequendis manda-
 tis tuis, et voluntate tibi et actione
 placeamus. Per Dominum.





PROPRIUM SANCTORUM.

Die 6. Februarii.

In Festo **S. Titi** Episcopi et Confess.

Duplex.

Omnia de Communi Confess. Pont.
[62], præter sequentia.

In Hymno dicatur. Méruit suprémos.



Oratio.

Eus, qui beátum Titum Confessórem tuum atque Pontíficem apostólicis virtútibus decorásti; ejus méritis, et intercessióne concéde, ut juste, et pie vivéntes in hoc sæculo, ad cœléstem pátriam perveníre mereámur. Per Dóminum.

Deinde fit commemoratio **S. Agathæ.**

Antiph. Stans beáta Agatha in médio cárceris, expánsis má nibus orábat ad Dóminum: Dómine Jesu Christe, magíster bone, grátias tibi ago, qui me fecísti víncere torménta carníficum: jube me, Dómine, ad tuam immarcescíbilem glóriam felíciter perveníre.

V. Diffúsa est grátia in lábiis tuis.

R. Proptérea benedíxit te Deus in ætérnum.

Oratio.

Deus, qui inter cétera poténtiæ tuæ mirácula étiam in sexu frá gili victóriam mártýrii contulísti: concéde propítius, ut qui beátæ Agathæ vírginis et mártýris tuæ natalítia cólimus, per ejus ad te exémpa gradiámur.

Postea Feriæ occurrentis, et **S. Dorothææ, Virginis et Martyris.**

Antiph. Veni, sponsa Christi, áccipe corónam, quam tibi Dóminus præparávit in ætérnum.

V. Spécie tua, et pulchritúdine tua.

R. Inténde, próspere procéde, et regna.

Oratio.

Indulgéntiam nobis, quæsumus, Dómine, beáta Doróthea virgo et mártýr implóret, quæ tibi grata semper éxstitit et mérito castitátis, et tuæ professióne virtútis. Per Dóminum.

Lectiones primi Nocturni de epístola ad Timotheum. Fidélis sermo. ut in Comuni Confessoris Pontificis primo loco. [64]

IN II. NOCTURNO.

Lectio iv.

Titum Cretensium Episcopum vix Pauli Apóstoli verbo Christianæ fidei sacramentis, mysteriisque ex-cultum, ea sanctitatis luce Ecclesiæ tunc vagienti effulsisse compertum est, ut inter ejusdem Doctóris gentium discipulos meruerit cooptari. Adscitus in partem óneris prædicationis, ádeo evangelizandi ardóre, et fidelitate Paulo extitit charus, ut ipse cum venisset Tróadem propter Evangélium Christi testátus sit, non habuisse réquiem spiritui suo, eo quod Titum fratrem suum ibi non invenerit. Et paulo post Macedóniam petens, rursus suam in eum charitatem ita exprimit: sed qui consolatur húmiles, consolátus est nos Deus in advéntu Titi.

R. Invéni David servum meum, óleo sancto meo unxi eum: * Manus enim mea auxiliábitur ei.

V. Nihil proficiet inimícus in eo, et filius iniquitátis non nocébit ei. **Manus.**

Lectio v.

Quamóbrem Corínthum ab Apóstolo missus, ea sapiéntia, et lenitate legationis hujus múnere functus est, quæ præsertim de Fidélium pietate eleemósynas colligéndas ad sublevándam Ecclesiæ Hebræorum inópiam spectábat, ut Corínthios non solum in Christi fide continúerit, sed étiam desidérium, fletum, æmulatió-nem inter eos pro Paulo, qui illos pri-mus instituit, excitáverit. Ad effun-déndum ínterim inter gentes linguis, locísque distíctas Divíni verbi semen plúribus terra, maríque itinéri-bus reléctis, magnáque ánimi firmi-tate pro Crucis trophæo curis labo-ribúsque exantlátis, una cum duce Paulo Cretæ ínsulam áppulit. Cum porro huic Ecclesiæ Episcopus ab ipso Apóstolo deléctus esset, dubi-tándum non est, quin in eo múnere

ita versátus sit, ut juxta ipsíus Pauli præceptóris mónita, se ipsum præ-búerit exéplum bonórum óperum in doctrína, in integritate, in gravitate.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei.

V. Invéni David servum meum, óleo sancto meo unxi eum. **Manus.**

Lectio vi.

ITaque tamquam lucérna inter eos, qui in idololatríæ, et mendaciórum tenebris, véluti in umbra mortis, se-débant, religiónis jubar diffúdit. Trá-ditur eum inter Dálmatas, ut Crucis vexíllum explicáret, strénue consu-dásse. Tandem meritórum, et diérum plenus quarto supra nonagésimum anno pridie nonas Januárii pretiósá justórum morte obdormívit in Dó-mino, et sepúltus est in Ecclesiá, ubi ab Apóstolo Mínister fúerat consti-tútus. Hujus nomen a Sancto Joánnē Chrysóstomo, et a Sancto Hierónymo præcípue commendátum, Martyroló-gio Románo eádem die inscriptum légitur; verum pró ejus die festo cum Offício et Missa in cathólico Orbe re-coléndo ab utróque Clero, primam insequéntem diem líberam Summus Póntifex Pius Nonus assignávit.

R. Iste est qui ante Deum magnas vir-tútes operátus est, et omnis terra doc-trína ejus repléta est: * Ipse intercéd-at pro peccátis ómnium populórum.

V. Iste est qui contémpsit vitam mun-di, et pervénit ad coeléstia regna. Ipse Glória Patri. **Ipse.**

IN III. NOCTURNO.

Lectio sancti Evangélii secúndum Lucam.

Lectio vii.

Cap. 10.

IN illo témpore: Designávit Dómi-nus et álios septuaginta duos, et misit illos binos ante faciém suam in omnem civitátem et locum, quo erat ipse ventúrus. Et reliqua.

Homilia Sancti Gregorii Papæ.

Homilia 17. in Evangelia.

Dominus et Salvator noster, fratres charissimi, aliquando nos sermonibus, aliquando vero operibus admonet. Ipsa etenim facta ejus, præcepta sunt: quia, dum aliquid tacitus facit, quid agere debeamus, innotescit. Ecce enim binos in prædicationem discipulos mittit: quia duo sunt præcepta charitatis, Dei videlicet amor, et proximi: et minus, quam inter duos, charitas haberi non potest. Nemo enim proprie ad semetipsum habere charitatem dicitur: sed dilectio in alterum tendit, ut charitas esse possit.

R. Amavit eum Dominus, et ornavit eum: stolam gloriæ induit eum: * Et ad portas paradisi coronavit eum.

V. Induit eum Dominus lorica fidei, et ornavit eum. Et ad portas.

Lectio viii.

Ecce enim binos ad prædicandum discipulos Dominus mittit: quatenus hoc nobis tacitus innuat, quia qui charitatem erga alterum non habet, prædicationis officium suscipere nullatenus debet. Bene autem dicitur, quia misit eos ante faciem suam in omnem civitatem et locum, quo erat ipse venturus. Prædicatores enim suos Dominus sequitur: quia prædicatio prævenit, et tunc ad mentis nostræ habitaculum Dominus venit, quando verba exhortationis præcurrunt: atque per hoc veritas in mente suscipitur.

R. Sint lumbi vestri præcincti, et lucernæ ardentes in manibus vestris: * Et vos similes hominibus expectantibus Dominum suum, quando revertatur a nuptiis.

V. Vigilate ergo, quia nescitis, qua hora Dominus vester venturus sit. Et vos. Gloria Patri. Et vos.

Nona Lectio dicitur de Homilia Ferie occurrentis, et de ea fit commemoratio in Laudibus.

Postea de S. Dorothea, Virg. et Mart.

Antiph. Simile est regnum cælorum homini negotiatori quærenti bonas margaritas; inventa una pretiosa, dedit omnia sua, et comparavit eam.

V. Diffusa est gratia in labiis tuis.

R. Propterea benedixit te Deus in ætænum.

Oratio.

Indulgentiam nobis, quæsumus, Domine, beata Dorothea virgo et martyr impleret, quæ tibi grata semper extitit et merito castitatis, et tuæ professione virtutis. Per Dominum.

Vesperæ a Capitulo de S. Romualdo Abbate cum commemoratione præcedentis et Ferie occurrentis.

Die 7. Februarii.

In Festo **S. Romualdi** Abbatis.

Duplex.

Omnia de Communi Confessoris non Pontificis [79], præter sequentia.

In Hymno dicatur: Meruit supremos.

Oratio.

Intercessio nos, quæsumus, Domine, beati Romualdi Abbatis commendet: ut quod nostris meritis non valeamus, ejus patrocinio assequamur. Per Dominum.

Postea fit commemoratio S. Titi.

Antiph. Amavit eum Dominus, et ornavit eum: stolam gloriæ induit eum, et ad portas paradisi coronavit eum.

V. Justum deduxit Dominus per vias rectas.

R. Et ostendit illi regnum Dei.

Oratio.

Deus, qui beatum Titum Confessorem tuum atque Pontificem apostolicis virtutibus decorasti; ejus meritis, et intercessione concede, ut

juste, et pie vivéntes in hoc sáculo, ad cœléstem pátriam pervenire mereámur.

Deinde Feriæ occurrentis.

Lectioes primi Nocturni de libro Ecclesiastici. *Beátus vir.* de Communi Confessoris non Pontificis. [88]

IN II. NOCTURNO.

Lectio iv.

Romuáldus Ravénnæ, Sérgio patre nobili génere natus, adolescens in propínquum monastérium Clásense pœniténtiæ causa secéssit; ubi religiósus hóminis sermóne ad pietátis stúdiu[m] vehementius incénsus, viso étiam semel et iterum per noctem in Ecclésia beáto Apollinári, quod Dei servus illi futúrum promiserat, mónachus efficitur. Mox ad Marínus, vitæ sanctitaté ac severióre disciplína in finibus Venetórum eo témpore célebrem, se cónsulit, ut ad arctam et sublímen perfectiónis viam eo magistro ac duce uterétur.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérrnam.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Multis sátanæ insídiis, et hóminum invídia oppugnátus, tanto humílior se assídue jejúniis et oratióibus exercébat, et rerum cœléstium meditatióne, vim lacrymárum profúndens, fruebátur: vultu tamen ádeo læto semper erat, ut intuéntes exhilaráret. Magno apud Príncipes et Reges in honóre fuit: multíque ejus consílio, mundi illécebris abjéctis, solitúdinem petiérunt. Martýrii quoque cupiditaté flagrávit, cujus causa dum in Pannóniam proficísceitur, morbo, quo afflictabátur cum progredérétur, levabátur cum recéderet, revérti cógitur.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum.

V. Induit eum Dóminus lorícá[m] fidei, et ornávit eum. Et ad portas.

Lectio vi.

IN vita et post mortem miráculis clarus, spírítu étiam prophetiæ non cárui[t]. Scalá[m] a terra cœlum pertingéntem, in similitúdinem Jacob Patriárchæ, per quam hómines in veste cándida ascendébant et descendébant, per visum conspéxit: eóque Camaldulenses mónachos, quorum institúti auctor fuit, designári mirábiliter agnóvit. Dénique, cum annos centum et vigínti ágeret, et centum ipsos in summa vitæ asperitaté Deo servísset, ad eum migrávit anno salutis millésimo vigésimo séptimo. Ejus corpus quinquénio postquam sepúltum fúerat, íntegrum repértum, Fabriáni in Ecclésia sui Ordinis honorífice cónditum est.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus Géntibus.

V. Iste est qui contémpsit vitam mundi, et pervénit ad cœléstia regna. Quia te. Glória Patri. Quia te.

In tertio Nocturno, Homilia S. Hieronymi Presbyteri in Evangelium. *Ecce nos relíquimus ómnia.* ut in Communi Abbatum. [90]

Lectio nona dicitur de Homilia Feriæ occurrentis, et de ea fit commemoratio in Laudibus.

In secundis Vesperis a Capitulo de sequenti, cum commemoratione præcedentis et Feriæ occurrentis.

xxx

Die 8. Februarii.

In Festo

S. Joannis de Matha, Confessoris.

Duplex.

Omnia de Communi Confessoris non Pontificis [79], exceptis his, quæ hic sunt propria.

In Hymno dicatur: **Méruiť suprémos.**

Oratio.

DEus, qui per sanctum Joánnem Ordinem sanctíssimæ Trinitátis ad rediméndum de potestáte Saracenórum captívos cœlitus institúere dignátus es: præsta quæsumus, ut, ejus suffragántibus méritis, a captivitate corpóris et ánimæ, te adjuvánte, liberémur. Per Dóminum.

Deinde fit commemoratio S. Romuáldi Abbatis.

Antiph. Hic vir despíciens mundum et terréna, triúmphans, divítias cœlo cóndidit ore, manu.

Ÿ. Justum dedúxit Dóminus per vias rectas.

℞. Et osténdit illi regnum Dei.

Oratio.

INtercessio nos, quæsumus, Dómine, beáti Romuáldi Abbatis comméndet: ut quod nostris méritis non valémus, ejus patrocínio assequámur.

Postea Feriæ occurrentis.

In primo Nocturno, Lectiones de libro Ecclesiastici. **Beátus vir**, de Communi Confessoris non Pontificis. [88]

IN II. NOCTURNO.

Lectio iv.

JOánnes de Matha, Ordinis Sanctíssimæ Trinitátis redemptiónis captivórum institútor, Falcóne in Provinciá natus est, paréntibus pietáte et nobilitáte conspícuus. Studiórum causa Aquas Séxtias, mox Parísios proféctus, confectóque Theologíæ

currículo, Magistérii láuream adéptus, doctrínæ, et virtútum splendóre eníťuit. Quibus motus Parisiénsis Antístes, ad sacrum Presbyterátus órđinem præ humilitáte reluctántem promovit, eo consílio, ut in ea civitaté cómmons, sapiéntia et móribus studiósæ juventúti prælucéret. Cum autem in sacélló ejúsdem Epíscopi, ipso cum áliis adstánte, primum Deo Sacrum offérret, cœlésti favóre méruiť recreári. Nam Angelus cándida et fulgénti veste indúťus, cui in pectóre Crux rúbei et cærúlei colóris assúta erat, bráchiis cancellátis, et super duos captívos ad látera pósitos, Christiánum unum, áľterum Maurum, exténsis, apparuit. Qua visióne in éxtasim raptus, intellexit prótinus vir Dei, se ad rediméndos ab infidélibus captívos destinári.

℞. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætéřnam.

Ÿ. Justum dedúxit Dóminus per vias rectas, et osténdit illi regnum Dei. Et dedit.

Lectio v.

QUo vero matúrius in re tanti móménti procéderet, in solitúdinem secéssit, ibíque divíno nutu factum est, ut Felícem Valésium in ipsa erémo jam multis annis degéntem repérerit, cum quo ínita societáte, se per triénium in oratióne, et contemplatióne, omniúmque virtútum stúdio exércuit. Cántigit autem, ut dum secum de rebus divínis prope fontem colloqueréntur, cervus ad eos accésserit, Crucem inter córnua gerens rúbei et cærúlei colóris. Cumque Felix ob rei novitátem mirarétur, narrávit ei Joánnes visiónem in prima Missa hábitam, et exínde fervéntius oratióni incumbéntes, ter in somnis admóniti, Romam proficísci decrevérunt, ut a Summo Pontífice novi Ordinis pro rediméndis

captivis institutionem impetrarent. Eléctus fúerat eo témpore Innocéntius Tértius, qui, illis benígne accéptis, dum secum de re propósita delíberat, in festo sanctæ Agnétis secúndo, Lateráni intra Missárum solémnia, ad sacræ Hóstiæ elevatióem, Angelus ei cándida veste, Cruce bicólori, spécie rediméntis captívos apparuit. Quo viso, Póntifex Institútum approbávit, et novum Ordinem Sanctíssimæ Trinitátis redemptiōis captivórum vocári jussit, ejúsque professóribus albas vestes cum Cruce rúbei et cærúlei colóris præbuit.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum.

Ÿ. Induit eum Dóminus lorícam fidei, et ornávit eum. Et ad portas.

Lectio vi.

Sic stabilíto Ordine, sancti Fundatóres in Gálliam rediérunt, primóque cœnóbio Cervi frígidi in diocési Meldénsi constrúcto, ad ejus régimen Felix remánsit, et Joánnēs Romam cum áliquot sóciis revérsus est, ubi Innocéntius domum, Ecclésiā, et hospitáli sancti Thomæ de Formis in monte Célio eis donávit cum multis redítibus, et possessiōnibus. Datis quoque lítteris ad Miramolínū regem Marróchii, opus redemptiōis felíci auspício inchoátum fuit. Tum ad Hispánias, sub jugo Saracenórum magna ex parte opprèssas, Joánnēs proféctus est, regúmque, príncipum, atque aliórum fidélium ánimos ad captivórum et páuperum commiseratiōem commóvit. Monastéria ædificávit, hospitália eréxit, magnóque lucro animárum plures captívos redémit. Romam tandem revérsus, sanctisque opéribus incúmbens, assíduis labóribus attrítus, et morbo conféctus, ardentíssimo Dei et próximi amóre exæstuans, ad extrémum devénit.

Quare frátribus convocátis, eisque ad opus redemptiōis célitus præmonstrátum effícaciter cohortátis, obdormívit in Dómino sexto décimo Kaléndas Januárii anno salutis milésimo ducentésimo décimo tértio, ejúsque corpus in ipsa Ecclésiā sancti Thomæ de Formis condígnō honóre tumulátum fuit.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus Géntibus.

Ÿ. Iste est qui contémpsit vitam mundi, et pervénit ad cœléstia regna. Quia te. Glória Patri. Quia te.

In tertio Nocturno, Homilia S. Gregorii Papæ in Evangelium. Sint lumbi. de Communi Confessoris non Pontificis. [85]

Nona Lectio legitur de Homilia Feriæ occurrentis; et de ea fit commemoratio in Laudibus.

In secundis Vesperis commemoratio Feriæ, ac S. Apolloniæ Virg. et Mart.

Die 9. Februarii.

S. Apolloniæ Virginis et Martyris.

Antiph. Veni, sponsa Christi, accipe coronam, quam tibi Dóminus præparávit in ætérnum.

V. Spécie tua, et pulchritúdine tua.

R. Inténde, prospere procéde, et regna.

Oratio.

Deus, qui inter cétera poténtiæ tuæ mirácula étiam in sexu frágili victóriam martýrii contulísti: concéde propítius; ut, qui beátæ Apollóniæ vírginis et mártýris tuæ natalítia cólimus, per ejus ad te exéempla gradiámur. Per Dóminum.

In Laudibus. Antiphona.

Símile est regnum cœlórum hóminē negotiátóri quærénti bonas margarítas;

inventa una pretiosa, dedit omnia sua, et comparavit eam.

V. Diffusa est gratia in labiis tuis.

R. Propterea benedixit te Deus in ætænum.

Die 10. Februarii.

In Festo **S. Scholasticæ** Virginis.

Duplex.

Omnia de Communi Virginum [93], præter sequentia.

Oratio.

Deus, qui animam beatæ virginis tuæ Scholasticæ, ad ostendendam innocentiam viam, in columbæ specie cælum penetrare fecisti: da nobis ejus meritis et precibus ita innocentem vivere, ut ad æterna mereamur gaudia pervenire. Per Dñm.

Deinde fit commemoratiæ Feriæ.

Lectiones primi Nocturni. De Virginitatibus. ut in Communi. [97]

IN II. NOCTURNO.

Ex libro secundo Dialogorum Sancti Gregorii Papæ.

Lectio iv.

Cap. 33.

Scholastica venerabilis Patris Benedicti soror, omnipotenti Dño ab ipso infantiæ tempore dedicata, ad eum semel per annum venire consueverat, ad quam vir Dei non longe extra januam in possessione monasterii descendebat. Quadam vero die venit ex more, atque ad eam cum discipulis venerabilis ejus descendit frater, qui totum diem in Dei laudibus sacrisque colloquiis ducentes, incumbens jam noctis tenebris, simul acceperunt cibum. Cumque adhuc ad mensam sederent, et inter sacra colloquia tardior se hora protraheret, eadem sanctimoniæ femina soror ejus eum rogavit, dicens: Quæso te, ut ista nocte me non deseras, ut usque

mane de cœlestis vitæ gaudiis loquamur. Cui ille respondit: Quid est quod loqueris, soror? manere extra cellam nullatenus possum. Tanta vero erat cœli serenitas, ut nulla in ære nubes appareret. Sanctimoniæ autem femina, cum verba fratris negantis audivisset, insertas digitis manus super mensam posuit, et caput in manibus omnipotentem Dñm rogatúra declinavit. Cumque levaret de mensa caput, tanta coruscationis et tonitruus virtus, tantaque inundatio pluvie erupit, ut neque venerabilis Benedictus, neque fratres, qui cum eo aderant, extra loci limen, quo considerant, pedem movere potuerint.

R. Propter veritatem, et mansuetudinem, et justitiam: * Et deducet te mirabiliter dextera tua.

V. Specie tua, et pulchritudine tua intende, prospere procede, et regna. Et deducet.

Lectio v.

Sanctimoniæ quippe femina caput in manibus declinans, lacrymarum fluvium in mensam fuderat, per quas serenitatem æris ad pluviam traxit. Nec paulo tardius post orationem inundatio illa secuta est: sed tanta fuit convenientia orationis et inundationis, ut de mensa caput jam cum tonitruo levaret: quatenus unum idemque esset momentum, et levare caput, et pluviam depondere. Tunc vir Dei inter coruscus, et tonitruos, atque ingentis pluvie inundationem, videns se ad monasterium non posse remeare, cepit conqueri contristatus, dicens: Parcat tibi omnipotens Deus, soror: quid est quod fecisti? Cui illa respondit: Ecce rogavi te, et audire me nolui: rogavi Deum meum, et audivit me: modo ergo, si potes, egredere, et, me dimissa, ad monasterium recede. Ipse autem exire extra tectum non valens, qui remanere sponte

nóluit in loco, mansit invítus. Sicque factum est, ut totam noctem pervigilem dúcerent, atque per sacra spiritalis vitæ collóquia, sese vicária relatione satiarent.

R. Dilexísti justítiam, et odísti iniquitatem: * Proptérea unxit te Deus, Deus tuus, óleo lætitiæ.

V. Propter veritatem, et mansuetudinem, et justítiam. Proptérea.

Lectio vi.

CUmque die áltero éadem venerabilis fémina ad cellam própriam recessísset, vir Dei ad monastérium rédiit. Cum ecce post trídium in cella consístens, elevátis in áera óculis, vidit ejúsdem soróris suæ ánimam de corpore egréssam, in colúmbæ spécie, cœli secréta penetráre. Qui, tantæ ejus glóriæ congáudens, omnipoténti Deo in hymnis et láudibus grátias réddidit; ejúsq; óbitum frátribus denuntiávit. Quos étiam prótinus misit, ut ejus corpus ad monastérium deférrent, atque in sepúlchro, quod sibi ipsi paráverat, pónerent. Quo facto cóntigit, ut quorum mens una semper in Deo fúerat, eórum quoque corpóra nec sepultúra separáret.

R. Afferéntur Regi vírgines post eam, próximæ ejus * Afferéntur tibi in lætítia et exultatióne.

V. Spécie tua, et pulchritúdine tua inténde, prospere procéde, et regna. Afferéntur. Glória Patri. Afferéntur.

In tertio Nocturno de Homilia in Evangelium. Símile erit. ut in Comuni. [101]

Nona Lectio legitur de Homilia Feriæ, ac de ea fit commemoratio in Laudibus et in secundis Vesperis.

Die 14. Februarii.

In Festo

S. Valentini Presbyteri et Martyris.

Antiph. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

V. Glória et hónore coronásti eum, Dómine

R. Et constituísti eum super ópera mánuum tuárum.

Oratio.

PRæsta, quæsumus, omnipotens Deus, ut qui beáti Valentini mártiris tui natalítia cólimus, a cunctis malis imminéntibus, ejus intercessiône liberémur. Per Dóminum.

In Laudibus, Antiphona.

Qui odit ánimam suam in hoc mundo, in vitam ætérnam custódit eam.

V. Justus ut palma florébit.

R. Sicut cedrus Líbani multiplicábitur.

Die 15. Februarii.

In Festo

SS. Faustini et Jovitæ Martyrum.

Antiph. Istórum est enim regnum cœlórum, qui contempsérunt vitam mundi, et pervenérunt ad præmia regni, et lavérunt stolas suas in sanguine Agni.

V. Lætámini in Dómino, et exultáte justi.

R. Et gloriámini omnes recti corde.

Oratio.

DEus, qui nos ánnua sanctorum Mártirum tuórum Faustini et Jovitæ solemnitate lætíficas: concéde propítius, ut quorum gaudémus méritis, accendámur exémplic. Per Dóminum.

In Laudibus, Antiphona.

Vestri capílli cápitis omnes numeráti sunt: nolíte timére: multis passéribus meliôres estis vos.

V. Exultábunt Sancti in glória.

R. Lætábuntur in cubílibus suis.



Die 18. Februarii.

In Festo **S. Simeonis Episc. et Mart.**

Antiph. Iste sanctus pro lege Dei sui certavit usque ad mortem, et a verbis impiorum non tímuit: fundátus enim erat super firmam petram.

V. Glória et honóre coronásti eum, Dómine.

R. Et constituísti eum super ópera mánuum tuárum.

Oratio.

Infirmítatem nostram réspice, omnípotens Deus: et quia pondus propriæ actióis gravat, beáti Simeónis Mártiris tui atque Pontificis intercésio gloriósa nós prótegat. Per Dñm.

In Laudibus, Antiphona.

Qui odit ánimam suam in hoc mundo, in vitam ætérnam custódit eam.

V. Justus ut palma florébit.

R. Sicut cedrus Líbanim multiplicábitur.

— 392 —

Die 22. Februarii.

In **Cathedra S. Petri** Antiochiæ.**Duplex.****AD VESPERAS.**

Antiph. to. 7. Ecce sacérdos. cum reliquis de Laudibus. 398.

Psalmus. Dixit Dóminus. cum reliquis ut in Communi Apostolorum. [2]

Capitulum.

Eccli. 44. c.

Ecce sacérdos magnus, qui in díebus suis plácuit Deo, et invéntus et justus: et in témpore iracúndiæ factus est reconciliátio.

Hymnus.

Quodcúmque in orbe néxibus revínxeris,
Erit revínctum, Petre, in arce síderum:
Et quod resólvit hic potéstas trádicta,
Erit solútum cœli in alto vértice:
In fine mundi judicábis sæculum.

Patri perénne sit per ævum glória,
Tibique laudes concinámus inclytas,
Ætérne Nate; sit, supérne Spíritus,

Honor tibi decúsque: sancta júgiter
Laudétur omne Trínitas persæculum.
Amen.

V. Tu es Petrus.

R. Et super hanc petram ædificábo
Ecclésiám meam.

Ad Magnificat, Antiphona, to. 1.

Tu es pastor óvium, princeps Apostolorum, tibi trádictæ sunt claves regni cœlorum.

Oratio.

Deus, qui beáto Petro Apóstolo tuo, collátis clávibus regni cœlestis, ligándi atque solvéndi pontificium trádidisti: concéde, ut intercessiónis ejus auxílio, a peccatórum nostrórum néxibus liberémur. Qui vivis et regnas cum Deo Patre.

Deinde fit commemoratio S. Pauli ante alias quascúmque commemorationes, etiam Festi Duplicis, aut Dominicæ. Quod etiam servatur in commemoratione S. Petri, quæ fit in Festis S. Pauli.

Antiph. Sancte Paule Apóstole, prædicátor veritátis, et Doctor Géntium, intercède pro nobis ad Deum, qui te elégit.

V. Tu es vas electiónis, sancte Paule Apóstole.

R. Prædicátor veritátis in univérso mundo.

Oratio.

Deus, qui multitudínem Géntium beáti Pauli Apóstoli prædicatióne docuísti: da nobis, quæsumus, ut cujus commemoratióne cólimus, ejus apud te patrocínia sentiámus.

Deinde de Feria occurrente.

AD MATUTINUM.

Invitatorium. Tu es pastor óvium, princeps Apostolorum: * Tibi trádidit Deus claves regni cœlorum.

Psalmus. Veníte, exultémus. 2.

Hymnus. Quodcúmque. ut supra in Vesperis.

Antiphonæ, Psalmi et Versiculi de Communi Confessoris Pontificis. [63]

IN I. NOCTURNO.

Incipit Epístola prima beáti Petri
Apóstoli.

Lectio i.

Cap. 1.

Petrus Apóstolus Jesu Christi, eléctis ádvenis dispersiónis Ponti, Galatiæ, Cappadóciæ, Asiæ, et Bithýniæ, secúndum præsciéntiam Dei Patris, in sanctificatióne Spíritus, in obediéntiam, et aspersionem Sánguini Jesu Christi: Grátia vobis et pax multiplicétur. Benedíctus Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectiόnem Jesu Christi ex mórtuis, in hæreditátem incorruptibilem, et incontaminátam, et immarcescibilem, conservátam in cœlis in vobis, qui in virtúte Dei custodímini per fidem in salutem, parátam revelári in témpore novíssimo.

R. Simon Petre, ántequam de navi vocárem te, novi te, et super plebem meam príncipem te constitúi, * Et claves regni cœlórum trádidi tibi.

V. Quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis. **Et** claves.

Lectio ii.

In quo exultábitis, módicum nunc si ópórtet contristári in váriis tentatióibus: ut probátio vestræ fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Jesu Christi: quem cum non vidéritis, dilígitis: in quem nunc quoque non vidéntes créditis: credéntes autem exultábitis lætítia inenarrábili, et gloriificáta, reportántes finem fidei vestræ, salutem animárum.

R. Si díligis me, Simon Petre, pasce oves meas. Dómine, tu nosti quia amo te, * Et ánimam meam pono pro te.

V. Si ópórtuerit me mori tecum, non te negábo. **Et** ánimam.

Lectio iii.

De qua salutē exquisiérunt atque scrutáti sunt Prophétæ, qui de futura in vobis grátia prophetavérunt: scrutántes in quod vel quale tempus significáret in eis Spíritus Christi: prænúntians eas, quæ in Christo sunt passiões, et posteriōres glórias: quibus revelátum est, quia non sibimetípsis, vobis autem ministrábant ea, quæ nunc nuntiáta sunt vobis per eos, qui evangelizavérunt vobis, Spíritu sancto misso de cœlo, in quem desiderant Angeli prospícere.

R. Tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam:

* Et tibi dabo claves regni cœlórum.

V. Quodcúmque ligáveris super terram, erit ligátum et in cœlis; et quodcúmque sólveris super terram, erit solútum et in cœlis. **Et** tibi. Glória Patri. **Et** tibi.

IN II. NOCTURNO.

Sermo Sancti Augustíni Epíscopi.

Lectio iv.

Serm. 15. de Sanctis.

Institútio solemnitatís hodiérnæ a senióribus nostris Cáthedræ nomen accépit, ídeo quod primus Apostolórū Petrus hódie Episcopátus Cáthedram suscepísse referátur. Recte ergo Ecclésiæ natálem Sedis illíus colunt, quam Apóstolus pro Ecclesiárum salutē suscepit, dicente Dómino: Tu es Petrus, et super hanc petram ædificábo Ecclésiám meam.

R. Tu es pastor óvium, princeps Apostolórū: tibi trádidit Deus ómnia regna mundi: * Et ídeo tibi tráditæ sunt claves regni cœlórū.

V. Quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis. **Et** ídeo.

Lectio v.

Petrum itaque fundamentum Ecclesiæ Dóminus nominávit: et ideo digne fundamentum hoc Ecclesiæ colit, supra quod Ecclesiastici ædificií altitúdo consúrgit. Unde conveniénter Psalmus, qui lectus est, dicit: Exaltent eum in Ecclesiá plebis, et in cáthedra seniórurum laudent eum. Benedíctus Deus, qui beátum Petrum Apóstolum in Ecclesiá exaltári præcepit: quia dignum est, ut fundamentum hoc in Ecclesiá honorétur, per quod ad cælum conscénditur.

R. Ego pro te rogávi, Petre, ut non deficiat fides tua: * Et tu aliquándo conversus confírma fratres tuos.

V. Caro et sanguis non revelávit tibi, sed Pater meus, qui est in cœlis. **E**t tu.

Lectio vi.

Quod natális ergo Cáthedræ hódie colitur, sacerdotále honorátur officium. Sibi hoc Ecclesiæ invicem præstant, quia tanto necesse plus habet Ecclesiá dignitátis, quanto sacerdotále officium plus honóris. Cum solemnitétem hanc Ecclesiis mérito religiósá observátio introdúxerit, miror cur apud quosdam infidéles hódie tam perniciosus error incréverit, ut super túmulos defunctorum cibos et vina cónferant, quasi egressæ de corpóribus ánimæ carnáles cibos requirant.

R. Petre, amas me? tu scis, Dómine, quia amo te. * Pasce oves meas.

V. Simon Joánnis, dñligis me plus his? tu scis, Dómine, quia amo te. **P**asce. Glória Patri. **P**asce.

IN III. NOCTURNO.

Lectio sancti Evangélii secúndum Matthæum.

Lectio vii.

Cap. 16. b.

In illo témpore: Venit Jesus in partes Cæsaráe Philíppi, et interrogábat discípulos suos, dicens: Quem

dicunt hómines esse Fílium hóminis? Et réliqua.

Homília Sancti Leónis Papæ.

Serm. 3. in Anniv. Assumpt. suae, post initium.

A Postólos Dóminus, quid de se hómines opinéntur, intérogat: et támdiu sermo respondéntium comúnis est, quámdiu humanæ intelligentiæ ambigúitas explicátur. At ubi quid hábeat sensus discipulórurum exígitur, primus est in Dómini confesióné, qui primus est in Apostólica dignitáte. Qui cum dixísset: Tu es Christus Fílius Dei vivi: respóndit ei Jesus: Beátus es Simon Bar-Jona, quia caro et sanguis non revelávit tibi, sed Pater meus, qui in cœlis est. Id est, ideo beátus es, quia Pater meus te dócuit: nec terréna opinio te fefélit, sed inspirátio cœlestis instrúxit: et non caro et sanguis, sed ille me tibi, cujus sum unigénitus Fílius, indicávit.

R. Quem dicunt hómines esse Fílium hóminis? dixit Jesus discípulis suis: Respóndens Petrus, dixit: Tu es Christus Fílius Dei vivi. * Et ego dico tibi, quia tu es Petrus, et super hanc petram ædificábo Ecclesiám meam.

V. Beátus es Simon Bar-Jona, quia caro et sanguis non revelávit tibi, sed Pater meus, qui est in cœlis. **E**t ego.

Lectio viii.

Et ego, inquit, dico tibi: hoc est, sicut Pater meus tibi manifestávit divinitátem meam, ita et ego tibi notam fácio excelléntiam tuam, quia tu es Petrus: id est, cum ego sim inviolábilis petra, ego lapis anguláris, qui fácio útraque unum, ego fundamentum præter quod nemo potest áliud pónere: tamen tu quoque petra es, quia mea virtúte solidáris, ut quæ mihi potestáte sunt própria, sint tibi mecum participatióne commúnia. Et super hanc petram ædificábo Ecclesiám meam, et portæ ínferi non præ-

valébunt advérsus eam. Super hanc, inquit, fortitúdinem ætérnum éxtruam templum: et Ecclesiæ meæ cœlo inserénda sublímitas, in hujus fidei firmitáte consúrget.

R. Elégit te Dóminus sacerdotem sibi, ad sacrificándum ei * Hóstiam laudis.

V. Immola Deo sacrificium laudis, et redde Altíssimo vota tua. Hóstiam. Glória Patri. Hóstiam.

Nona Lectio erit de Homilia Feriæ occurrentis, cum commemoratione de ea.

Te Deum laudámus. 13.

AD LAUDES ET PER HORAS.

Antiph. to. 7. Ecce sacerdos magnus, qui in diébus suis plácuít Deo, et invéntus est justus.

Psalmus. Dóminus regnávit. cum reliquis. 14.

Antiph. to. 7. Non est invéntus símilis illi, qui conserváret legem Excelsi.

Antiph. to. 8. Ideo jurejurándo fecit illum Dóminus créscere in plebem suam.

Antiph. to. 7. Sacerdótes Dei, benedicite Dóminum: servi Dómini, hymnum dícite Deo.

Antiph. to. 7. f. Serve bone et fidelis, intra in gáudium Dómini tui.

Capitulum.

Eccli. 44. c.

ECce sacerdos magnus, qui in diébus suis plácuít Deo, et invéntus est justus: et in témpore iracúndiæ factus est reconciliátio.

Hymnus.

BEáte Pastor Petre, clemens áccipe Voces precántum, criminúmque víncula

Verbo resólve, cui potéstas trádicta, Aperíre terris cœlum, apértum cláudere.

Sit Trinitáti sempitérna glória, Honor, potéstas, atque jubilátio, In unitáte, quæ gubérnat ómnia, Per univérsa æternitátis sácula.

Amen.

V. Exáltent eum in Ecclesiá plebis.

R. Et in cáthedra seniórum laudent eum.

Ad Benedictus, Antiphona, to. 8. Quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis: dicit Dóminus Simóni Petro.

Oratio.

DEus, qui beáto Petro Apóstolo tuo, collátis clávibus regni cœlestis, ligándi atque solvéndi pontificium tradidísti: concéde, ut intercessiόνis ejus auxílio, a peccatórum nostrórum néxibus liberémur. Qui vivis et regnas cum Deo Patre.

Deinde fit commemoratio S. Pauli.

Antiph. Sancte Paule Apóstole, prædicátor veritátis, et Doctor Géntium, intercède pro nobis ad Deum, qui te elégit.

V. Tu es vas electiόνis, sancte Paule Apóstole.

R. Prædicátor veritátis in univérso mundo.

Oratio.

DEus, qui multitudínem Géntium beáti Pauli Apóstoli prædicatióne docuísti: da nobis, quæsumus, ut ejus commemoratiónem cólimus, ejus apud te patrocínia sentiámus.

Postea Feriæ occurrentis.

Ad Tertiam.

Antiph. to. 7. Non est invéntus.

Capitulum. Ecce sacerdos magnus. ut supra.

R. br. Amávit eum Dóminus, * Et ornávit eum. Amávit.

V. Stolum glóriæ induit eum. Et ornávit. Glória Patri. Amávit.

V. Elégit eum Dóminus sacerdotem sibi.

R. Ad sacrificándum ei hóstiam laudis.

Ad Sextam.

Antiph. to. 8. Ideo jurejurando.

Capitulum.

Eccli. 44. c.

Non est inventus símilis illi, qui conserváret legem Excélsi: ideo jurejurando fecit illum Dóminus crés- cere in plebem suam.

R. br. Elégit eum Dóminus * Sacer- dotem sibi. **Elégit.**

V. Ad sacrificándum ei hóstiam lau- dis. **Sacerdotem. Glória Patri. Elégit.**

V. Tu es sacerdos in ætérnum.

R. Secúndum órđinem Melchisedech.

Ad Nonam.

Antiph. to. 7. f. Serve bone.

Capitulum.

Eccli. 45. c.

Fungi sacerdotio, et habére laudem in nómine ipsíus, et offerre illi in- cénsum dignum in odórem suavitátis.

R. br. Tu es sacerdos * In ætérnum. **Tu es.**

V. Secúndum órđinem Melchisedech. **In ætérnum. Glória Patri. Tu es.**

V. Justum dedúxit Dóminus per vias rectas.

R. Et osténdit illi regnum Dei.

Ad Vesperas.

Antiph. to. 7. Ecce sacerdos mag- nus. cum reliquis de Laudibus. 398.

Psalmus. Dixit Dóminus. cum reli- quis de Dominica. 101. et loco ultimi;

Psalmus 131.

Memento, Dómine, David, * et omnis mansuetúdinis ejus:

Sicut jurávit Dómino, * votum vovit Deo Jacob:

Si introíero in tabernáculum domus meæ, * si ascéndero in lectum stratimeí:

Si dédero somnum óculis meis, * et pálpebris meis dormitatiónem:

Et réquiem tempóribus meis, donec invéniam locum Dómino, * taberná- culum Deo Jacob.

Ecce audívimus eam in Ephrata: * invénimus eam in campis silvæ.

Introíbimus in tabernáculum ejus: * adorábimus in loco, ubi steterunt pedes ejus.

Surge, Dómine, in réquiem tuam, * tu, et arca sanctificatiónis tuæ.

Sacerdotes tui induántur justítiam: * et sancti tui exúltent.

Propter David servum tuum, * non avértas fáciem Christi tui.

Jurávit Dóminus David veritátem, et non frustrábitur eam: * De fructu ventris tui ponam super sedem tuam.

Si custodierint fílii tui testaméntum meum, * et testimónia mea hæc, quæ docébo eos.

Et fílii eórum usque in sáeculum * se- débunt super sedem tuam.

Quóniam elégit Dóminus Sion: * elé- git eam in habitatiónem sibi.

Hæc réquies mea in sáeculum sáeculi: * hic habitábo, quóniam elégi eam.

Víduam ejus benedicens benedícam: * páuperes ejus saturábo pánibus.

Sacerdotes ejus induam salutári: * et sancti ejus exultatióne exultábunt.

Illuc prodúcam cornu David, * parávi lucérnam Christo meo.

Inimícos ejus induam confusióne: * super ipsum autem efflorébit sancti- ficatio mea.

Capitulum.

Eccli. 44. c.

Ecce sacerdos magnus, qui in dié- bus suis plácuit Deo, et inventus est justus: et in témpore iracúndiæ factus est reconciliatio.

Hymnus.

Quodcúmque in orbe néxibus re- vínxeris,

Eritrevínctum, Petre, in arce síderum:

Et quod resólvit hic potéstas trádicta,

Erit solútum cœli in alto vértice:

In fine mundi judicábis sáeculum.

Patri perénne sit per ævum glória,
Tibique laudes concinamus inclytas,
Ætérne Nate; sit, supérne Spíritus,
Honor tibi decúsque: sancta júgiter
Laudétu omne Trínitas persæcúlum.

Amen.

℣. Elégit te Dóminus sacerdotem sibi.
℞. Ad sacrificándum ei hóstiam laudis.

Ad Magnificat, Antiphona, to. 1.
Dum esset summus Póntifex, terréna
non méruit, sed ad cœléstia regna
gloriosus migrávit.

Oratio.

DEus, qui beáto Petro Apóstolo tuo,
collátis clávis regni cœléstis,
ligándi atque solvéndi pontificium
tradidisti: concéde, ut intercessiónis
ejus auxílio, a peccatórum nostrórum
néxibus liberémur. Qui vivis et reg-
nas cum Deo Patre.

Deinde fit commemoratio S. Pauli,
ut supra in Laudibus 398., S. Petri
Damiani, ac Feriæ.

Die 23. Februarii.

In Festo **S. Petri Damiani**
Episcopi Confess. et Ecclesiæ Doct.

Duplex.

Omnia de Communi Confessoris Pon-
tificis [62], præter sequentia.

In utrisque Vesperis.

Ad Magnificat, Antiphona, to. 2.
O Doctor óptime, Ecclesiæ sanctæ
lumen, beáte Petre, divínæ legis amá-
tor, deprecáre pro nobis Fílium Dei.
℣. Amávit eum Dóminus, et ornávit
eum.

℞. Stolum glóriæ índuit eum.

Oratio.

Concéde nos, quæsumus, omnípo-
tens Deus, beáti Petri Confessóris
tui atque Pontíficis mónita et exém-
pla sectári; ut per terréstrium rerum
contéptum ætérna gáudia consequá-
mur. Per Dóminum.

Deinde fit commemoratio Feriæ..

Lectiones primi Nocturni Fidélis
sermo. ut in Communi. [64]

IN II. NOCTURNO.

Lectio iv.

Petrus, Ravennæ honéstis parénti-
bus natus, adhuc lactens a matre
numerosæ prolis pertæsa abjicitur;
sed domesticæ mulieris ópera semi-
vívus excéptus ac recreátus, genitríci
ad humanitátis sensum revocatæ red-
ditur. Utróque orbátus parénte, tam-
quam vile mancipium sub áspera fra-
tris tutéla duram servitútem exércuit.
Religiónis in Deum, ac pietátis erga
patrem egrégium tunc spécimen de-
dit; invéntum síquidem forte num-
mum, non propriæ inédiæ subleván-
dæ, sed Sacerdóti, qui divínium Sacri-
fícium ad illús expiatiónem offerret,
erogávit. A Damiáno fratre, a quo,
uti fertur, cognoménum accépit, be-
nigne recéptus, ejus cura líteris eru-
dítur, in quibus brevi tantum profé-
cit, ut magístris admiratióni esset.
Cum autem liberálibus sciéntiis floré-
ret et nómine, eas cum laude dócuit.
Interim, ut corpus ratióni súbderet,
sub móllibus véstibus cilícium adhí-
buit, jejúniis, vigíliis, et oratióibus
solérter insístens. Calénte juvénta,
dum carnis stímulis ácritur urgerétur,
insultántium libídinum faces, rigén-
tibus flúvii mersus aquis, noctu ex-
tinguébat; tum venerabília quæque
loca obíre, totúmque Psaltérium re-
citáre consuéverat. Ope assídua páu-
peres levábat, quibus fréquenter pas-
tis convívio, propriis ipse mánibus
ministrábat.

℞. Invéni David servum meum, óleo
sancto meo unxi eum: * Manus enim
mea auxiliábitur ei.

℣. Nihil proficiet inimícus in eo, et
filius iniquitátis non nocébitei. Manus.

Lectio v.

Perficiéndæ magis vitæ causa, in
Avellanénsi Eugubínæ Dioecésis

Cœnóbio, Ordini Monachórum Sanctæ Crucis Fontis Avellânæ a beáto Ludúpho, sancti Romuáldi discípulo, fundáto, nomen dedit. Non ita multo post in Monastérium Pomposiánum, mox in Cœnóbium Sancti Vincéntii Petræ Pertúsæ ab Abbáte suo missus, utrúmque ascetérium verbo sacro, præcláris institutióibus, et móribus excóluit. Ad suos revocátus, post præsidis óbitum, Avellanitárum familiæ præficitur, quam, novis variis in locis extrúctis domicíliis, et sanctíssimis institútis, ita auxit, ut alter ejus Ordinis parens, ac præcípuum ornáméntum jure sit hábitus. Salutárem Petri sollicitúdinem ália quoque diversí institúti cœnóbia, Canonicórum convéntus, et pópuli sunt expérti. Urbináti Diocésinon uno nómine profuit: Theuzóni Epíscopo in causa gravíssima assédit, ipsúmque in recte administrándo Episcopátu consílio et ópera juvit. Divinórum contemplatióne, córporis maceratióibus, ceterisque spectatæ sanctimóniæ exémpis excelluit. His motus Stéphanus Nonus Póntifex Máximus eum licet invítum et reluctántem Sanctæ Románæ Ecclesiæ Cardinálem creávit, et Ostiensem Epíscopum. Quas Petrus dignitatés splendidíssimis virtútibus, et consentáneis Episcopáli ministério opéribus gessit.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei.

V. Invéni David servum meum, óleo sancto meo unxi eum. **Manus.**

Lectio vi.

Difficillímo témpore Románæ Ecclesiæ, Summísque Pontificibus doctrína, legatióibus, aliisque susceptis labóribus mirífice ádfuit. Advérsus Nicolaitárum et Simoníacam hæreses ad mortem usque strénue decertávit. Hujúsmodi depúlsis malis,

Mediolanensem Ecclesiæ Románæ conciliávit. Benedícto, et Cadalóo falsis Pontificibus fórtiter réstitit. Henricum Quartum Germániæ Regem ab iníquo uxóris divórtio deterruit. Ravennátes ad débita Románo Pontífici obséquia revocatós Sacris restituit. Canónicos Velitérnos ad sanctióriis vitæ leges compósuit. In província præsertim Urbináte vix ulla fuit Episcopális Ecclesiá, de qua Petrus non sit beneméritus; Eugubínám, quam aliquándó crédito hábuit, multis levávit incómodis: álias álibi, quando opórtuit, perinde curávit, ac suæ essent tutelæ commíssæ. Cardinalátu, et Episcopáli dignitaté depósitis, nihil de prístina juvándi próximos sedulitaté remísit. Jejúnium sextæ fériæ in honórem sanctæ Crucis Jesu Christi: horárias beátæ Dei Genitrícis preces, ejúsque die Sábbato cultum propagávit. Inferendæ quoque sibi verberatiónis morem ad patratórum scélerum expiatiónem provéxit. Demum sanctitaté, doctrína, miraculis, et præcláre actis illústris, dum e Ravennáte Legatióne redíret, Favéntiæ Octávo Kaléndas Mártii migrávit ad Christum. Ejus corpus ibídem apud Cistercienses multis miraculis clarum frequénti populórum veneratióne cólitur. Ipsum Favéntini non semel in præsénti discrímine propítium expérti, Patrónum apud Deum delegérunt. Leo vero Duodécimus Póntifex Máximus Offícium Missámque in ejus honórem tamquam Confessóris Pontíficis, quæ aliquibus in Diocésibus, atque in Ordine Camaldulénsium jam celebrabántur, ex Sacrórum Rítuum Congregatiónis Consúlto, áddita Doctóris qualitaté, ad univérsam exténdit Ecclesiám.

R. Iste est, qui ante Deum magnas virtútes operátus est, et omnis terra doctrína ejus repléta est: * Ipse intercédât pro peccátis ómnium populórum.

V. Iste est qui contempsit vitam mundi, et pervénit ad coeléstia regna. Ipse. Glória Patri. Ipse.

IN III. NOCTURNO.

Lectio sancti Evangelíi secúndum Matthæum.

Lectio vii. Cap. 5. b.

In illo témpore: Dixit Jesus discíplis suis: Vos estis sal terræ. Quod si sal evanúerit, in quo salietur? Et reliqua.

Homília Sancti Augustíni Epíscopi.

Lib. 1. de Serm. Dom. in monte. cap. 6. tom. 4.

Osténdit Dóminus, fátuos esse judicandos, qui temporálium bonórum vel cópiam sectántes, vel inópiam metuéntes, amíttunt ætérna, quæ nec dari possunt ab homínibus, nec auferri. Itaque si sal infatuátum fúerit, in quo salietur? Id est, si vos, per quos condiéndi sunt quodámmodo pópuli, metu persecutiónum temporálium amisérítis regna cœlórum; qui erunt hómines, per quos a vobis error auferátur, cum vos elégerit Deus, per quos errórem áuferat ceterórum?

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum.

V. Induit eum Dóminus lorícam fídei, et ornávit eum. Et ad portas.

Lectio viii.

Ergo ad níhilum valet sal infatuátum, nisi ut mittátur foras, et calcétur ab homínibus. Non itaque calcátur ab homínibus, qui pátitur persecutióne: sed qui persecutióne timéndo infatuátur. Calcári enim non potest, nisi inférior: sed inférior non est, qui quamvis córpore multa in terra sustíneat, corde tamen fixus in cœlo est.

R. In médio Ecclésiæ apéruit os ejus, * Et implévit eum Dóminus spírítu sapiéntiæ et intelléctus.

V. Jucunditátem et exultatióne thesaurizávit super eum. Et implévit. Glória Patri. Et implévit.

Nona Lectio erit de Homília Feriæ occurrentis cum commemoratione de ea in Laudibus.

Te Deum laudámus. 13.

Vesperæ, si non sit bissextilis, de sequenti, cum commem. S. Petri et Feriæ; si autem fuerit bissextilis, de S. Petro cum commem. Feriæ.

Die 24. vel 25. Februarii

anno Bissextili.

In Festo **Sancti Mathiæ** Apostoli.

Duplex.

Omnia dicuntur de Communi Apostolorum [2], præterea, quæ sequuntur.

Oratio.

Deus, qui beátum Mathíam Apostolorum tuórum collégio sociásti: tribue quæsumus, ut ejus intervenciónē, tuæ circa nos pietátis semper viscera sentiámus. Per Dóminum.

Deinde fit, quoties non est bissextilis, commemoratio S. Petri Damiani.

Antiph. O Doctor óptime, Ecclésiæ sanctæ lumen, beáte Petre, divínæ legis amátor, deprecáre pro nobis Filium Dei.

V. Justum dedúxit Dóminus per vias rectas.

R. Et osténdit illi regnum Dei.

Oratio.

Concède nos quæsumus, omnípotens Deus, beáti Petri Confessóris tui atque Pontíficis mónita et exéempla sectári; ut per terréstrium rerum contéptum ætérna gáudia consequámur.

Postea Feriæ.

IN I. NOCTURNO.

De Actibus Apostolorum.

Lectio i.

Cap. 1. c.

In diébus illis exúrgens Petrus in médio fratrum dixit: (erat autem turba hóminum simul fere centum vigínti) Viri fratres, opórtet impléri Scriptúram, quam prædíxit Spírítus

sanctus per os David de Juda, qui fuit dux eorum, qui comprehendérunt Jesum: qui connumerátus erat in nobis, et sortítus est sortem ministérii hujus. Et hic quidem possédit agrum de mercéde iniquitátis, et suspénsus crépuit médius: et diffúsa sunt ómnia víscera ejus.

R. Ecce ego mitto vos sicut oves in médio lupórum, dicit Dóminus: * Estóte ergo prudéntes sicut serpéntes, et símplexes sicut colúmbæ.

V. Dum lucem habétis, créдите in lucem, ut filii lucis sitis. Estóte ergo.

Lectio ii.

ET notum factum est ómnibus habitántibus Jerúsalem, ita ut appellaréetur ager ille, lingua eorum, Hacéldama, hoc est, ager sánguinis. Scriptum est enim in libro Psalmórum: Fiat commorátio eorum desérta, et non sit qui inhábitet in ea: et episcopátum ejus accípiat alter. Opórtet ergo ex his viris, qui nobíscum sunt congregáti in omni témpore, quo intrávit, et exívit inter nos Dóminus Jesus, incípiens a baptísmate Joánnis, usque in diem, qua assúptus est a nobis, testem resurrectionis ejus nobíscum fíeri unum ex istis.

R. Tóllite jugum meum super vos, dicit Dóminus, et díscite a me, quia mitis sum, et húmilis corde: * Jugum enim meum suáve est, et onus meum leve. V. Et inveniétis réquiem animábus vestris. Jugum.

Lectio iii.

ET statuérunt duos, Joseph, qui vocabátur Bársabas, qui cognominátus est justus, et Mathíam. Et orántes dixerunt: Tu, Dómine, qui corda nosti ómnium, osténde, quem elégeris, ex his duóbus unum, accíperere locum ministérii hujus, et Apostolátus, de quo prævaricátus est Judas, ut abíret in locum suum. Et dedérunt sortes eis: et cécidit sors super

Mathíam, et annumerátus est cum undecim Apóstolis.

R. Dum stetéritis ante reges et præsides, nolíte cogitare quómodo, aut quid loquámini: * Dábitur enim vobis in illa hora, quid loquámini.

V. Non enim vos estis, qui loquímmini: sed Spíritus Patris vestri, qui loquitur in vobis. Dábitur. Glória Patri. Dábitur.

IN II. NOCTURNO.

De Expositione S. Augustíni Epíscopi super Psalmum octogésimum sextum.

Lectio iv.

Ante medium.

FUNDAMÉNTA ejus in móntibus sanctis: díligit Dóminus portas Sion. Quare sunt fundaménta Apóstoli et Prophétæ? Quia eorum auctóritas portat infirmitátem nostram. Quare sunt portæ? Quia per ipsos intrámus ad regnum Dei. Prædicant enim nobis: et cum per ipsos intrámus, per Christum intrámus. Ipse est enim jánuā: Et cum dicúntur duódecim portæ Jerúsalem, et una porta Christus, et duódecim portæ Christus, quia in duódecim portis Christus: et ídeo duodenárius númerus Apostolórum. Sacraméntum magnum hujus duodenárii significátio est númeri. Sedébitis, inquit, super duódecim sedes, judicántes duódecim tribus Israel.

R. Vide conjúctos viros habéntes spléndidas vestes, et Angelus Dómini locútus est ad me, dicens: * Isti sunt viri sancti facti amíci Dei.

V. Vidi Angelum Dei fortem, volántem per médium cœlum, voce magna clamántem, et dicéntem. Isti.

Lectio v.

SI duódecim sellæ ibi sunt, non est ubi sédeat tertiusdecimus Paulus Apóstolus, et non erit quómodo júdicet: et ipse se judicatúrum dixit, non hómines tantum, sed et ángeles. Quos ángeles, nisi apóstatas ángeles? Nescítis, inquit, quia ángeles judicábimus? Respondéret ergo turba:

Quid te jactas judicatúrum? Ubi sedébis? Duódecim sedes dixit Dóminus duódecim Apóstolos: unus cecidit Judas, in locum ipsíus sanctus Mathías ordinátus est; implétus est duodenárius númerus sédium. Primo locum ínveni, ubi sédeas, et sic te mináre judicatúrum. Duódecim ergo sedes quid sibi velint, videámus. Sacraméntum est cuiúsdam universitátis, quia per totum orbem terrárum futúra erat Ecclésia: unde vocátur hoc ædificiúrium ad Christi compágem.

R. Beáti estis cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me: * Gaudéte et exultáte, quóniam merces vestra copiósa est in cœlis.

V. Cum vos óderint hómines, et cum separáverint vos, et exprobráverint, et ejécerint nomen vestrum, tamquam malum, propter Fílium hóminis. **Gaudéte.**

Lectio vi.

ET ídeo quia úndique venítur ad judicándum, duódecim sedes sunt: sicut, quia úndique intrátur in illam civitátem, duódecim portæ sunt. Non solum ergo illi duódecim, et Apóstolus Paulus, sed quotquot judicatúri sunt, propter significatióem universitátis ad sedes duódecim pértinent: quemádmódum quotquot intrábunt, ad duódecim portas pértinent. Partes enim mundi quátuor sunt, Oriens, Occidens, Aquilo, et Merídiés. Istæ quátuor partes assídue nominántur in Scriptúris. Ab istis quátuor ventis, sicut dicit Dóminus in Evangélio, a quátuor ventis se collectúrum eléctos suos: ab ómnibus ergo istis quátuor ventis vocátur Ecclésia. Quómodo vocátur? Undique in Trinitáte vocátur. Non vocátur, nisi per baptísmum in nómine Patris, et Fílii, et Spíritus sancti. Quátuor ergo ter ducta duódecim ínveniúntur.

R. Isti sunt triumphatóres, et amíci Dei, qui contemnéntes jussa princípum, meruérunt præmia ætérna: * Modo coronántur, et accípiunt palmam.

V. Isti sunt, qui venérunt ex magna tribulatióne, et lavérunt stolas suas in ságuine Agni. **Modo. Glória Patri. Modo.**

IN III. NOCTURNO.

Léctio sancti Evangélíi secúndum

Lectio vii. Matthæum. **Cap. 11. d.**

IN illo témpore respóndens Jesus dixit: Confíteor tibi, Pater Dómine cœli et terræ, quia abscondísti hæc a sapiéntibus et prudéntibus, et revelásti ea párvulis. Et réliqua.

Homilía Sancti Augustíni Epíscopi.

Serm. 10. de Verbis Domini.

VEníte ad me, omnes, qui laborátis. Quare enim omnes laborámus, nisi quia sumus hómines mortáles, frágiles, infírmi, lútea vasa portántes, quæ faciunt ínvicem angústias? Sed si angustiántur vasa carnis, dilatén-tur spátia charitátis. Quid ergo dicit: Veníte ad me, omnes, qui laborátis, nisi ut non laborétis? Dénique promíssio ejus in promptu est, quóniam laborántes vocávit. Quærent forte, qua mercéde vocáti sunt. Et ego vos, inquit, reficiam. Tóllite jugum meum super vos, et discite a me, non mundum fabricáre, non cuncta visibília et invisibília creáre, non in ipso mundo mirabília fácere, et mórtuos suscitáre: sed, Quóniam mitis sum, et húmilis corde.

R. Isti sunt qui vivéntes in carne, plantavérunt Ecclésiám ságuine suo: * Cálicem Dómini bibérunt, et amíci Dei facti sunt.

V. In omnem terram exívit sonus eórum, et in fines orbis terræ verba eórum. **Cálicem. Lectio viii.**

MAgnus esse vis? a mínimo íncipe. Cógitas magnam fábricam constrúere celsitúdinis? de fundaménto


prius cógita humilitátis. Et quantam quisque vult, et dispónit superimpónere molem ædificií, quanto erit majus ædificiúm, tanto áltius fodit fundaméntum. Et fábrica quidem, cum constrúitur, in supérna consúrgit: qui autem fodit fundaméntum, ad ima deprímitur. Ergo et fábrica ante celsitudinem humiliátur, et fastígium post humiliatióem erígitur.

R. Isti sunt viri sancti, quos elégit Dóminus in charitaté non ficta, et dedit illis glóriam sempitérnam: * Quorum doctrína fulget Ecclésia, ut sole luna. V. Sancti per fidem vicérunt regna, operáti sunt justítiam. Quorum. Glória Patri. Quorum.

Nona Lectio erit de Homiliá Feriæ occurrentis, cum commem. de ea.

Te Deum laudámus. 13.

Ad Laudes et alias Horas, omnia de Communi Apostolorum. [11]



FESTA MARTII.

Die 4. Martii.

In Festo **S. Casimiri** Confessoris.
Semiduplex.

Omnia de Communi Confessoris non Pontificis [79], præter ea, quæ hic habentur.

Oratio.

DEus, qui inter regáles delicias, et mundi illécebras, sanctum Casimírum virtúte constántiæ roborásti; quæsumus, ut ejus intercessióe fideles tui terréna despícient, et ad cœléstia semper aspírent. Per Dóminum.

Deinde fit commemoratio Feriæ.

Postea S. Lucii Papæ et Martyris.

Antiph. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

V. Glória et honóre coronásti eum, Dómine.

R. Et constituísti eum super ópera mánuum tuárum.

Oratio.

DEus, qui nos beáti Lúcii Mártyris tui atque Pontíficis ánnua solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dóminum.

In primo Nocturno, Lectiones, Justus si morte præoccupátus fúerit, de Communi Confessoris non Pontificis. [80]

IN II. NOCTURNO.

Lectio iv.

CAsimírus, patre Casimíro, matre Elisabéthá Austríaca, Polóniæ Régibus ortus, a puerítia sub óptimis magístris, pietáte, et bonis ártibus instrúctus, juveniles artus áspero domábat cilício, et assídus extenuábat jejúniis. Régii sprete lecti mollítie, dura cubábat humo, et clam intempestá nocte, præ fóribus templórum pronus in terra divínam exorábat cleméntiam. In Christi contemplánda passióe assídus, Missárum solénnis ádeo erécta in Deum mente solébat adesse, ut extra se rapi viderétur. R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérrnam.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

CAthólicam promovére fidem sumópere stúduit, et Ruthenórum schisma abolére: quaprópter Casimírum patrem indúxit, ut legem ferret, ne schismátici nova templa constrúerent, nec vétera collabéntia restaurárent. Erga páuperes et calamitátibus opprésos benéficus et miséricors, patris et defensóris egenórum nomen obtínuit. Virginitátem, quam ab incunábulis servávit illæsam, sub extrémó vitæ término fórtiter assérui,

dum gravi pressus infirmitate, mori potius, quam castitatis jacturam ex medicorum consilio subire, constanter decrevit.

R. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum.

V. Induit eum Dominus lorica fidei, et ornavit eum. **Et ad portas.**

Lectio vi.

Consummatus in brevi, virtutibus et meritis plenus, prænuntiato mortis die, inter Sacerdotum et Religiosorum choros spiritum Deo reddidit, anno ætatis vigesimo quinto. Corpus Vilnam delatum multis claret miraculis. Etenim, præterquam quod puella defuncta vitam, cæci visum, claudigressum, et varii infirmi sanitatem ad ejus sepulchrum recuperarunt; Lithuanis exiguo numero ad potentissimi hostis insperatam irruptionem trepidantibus in ære apparens, insignem tribuit victoriam. Quibus permotus Leo Decimus eundem Sanctorum catalogo adscripsit.

R. Iste homo perfecit omnia, quæ locutus est ei Deus, et dixit ad eum: Ingrederere in requiem meam: * Quia te vidi justum coram me ex omnibus Gentibus.

V. Iste est qui contempsit vitam mundi, et pervenit ad cœlestia regna. Quia te. **Gloria Patri. Quia te.**

In tertio Nocturno, Homilia S. Gregorii Papæ in Evangelium. Sint lumbi vestri præcincti. de Communi Confessoris non Pontificis. [85]

Nona Lectio de Homilia Feriæ occurrentis; et de ea fit commemoratio.

Postea de S. Lucio.

Antiph. Qui odit animam suam in hoc mundo, in vitam æternam custodit eam.

V. Justus ut palma florébit.

R. Sicut cedrus Libani multiplicabitur.

Oratio.

Deus, qui nos beati Lúcii Mátyris tui atque Pontificis annua sollemnitate lætificas: concède propitius; ut cujus natalitia cõlimus, de ejusdem etiam protectione gaudeamus. Per Dominum.

Die 7. Martii.

In Festo S. Thomæ de Aquino Confessoris et Ecclesiæ Doctoris.

Duplex.

Omnia de Communi Confessoris non Pontificis [79], præter ea, quæ hic habentur.

Ad Magnificat in utrisque Vesperis.

Antiph. to. 2. O Doctor optime, Ecclesiæ sanctæ lumen, beate Thoma, divinae legis amator, deprecare pro nobis Filium Dei.

Oratio.

Deus, qui Ecclesiam tuam beati Thomæ confessoris tui mira eruditione clarificas, et sancta operatione fecundas: da nobis, quæsumus, et quæ docuit, intellectu conspiceré, et quæ egit, imitatione complere. Per Dominum.

Deinde fit commemoratio de FERIA.

Postea SS. Martyrum Perpetuæ et Felicitatis.

In Vesperis et Laudibus.

Antiph. Istarum est enim regnum cœlorum, quæ contempsérunt vitam mundi, et pervenérunt ad præmia regni, et lavérunt stolas suas in sanguine Agni.

V. Glória et honóre coronásti eas, Dómine.

R. Et constituísti eas super ópera manuum tuarum.

Oratio.

DA nobis, quæsumus, Dómine Deus noster, sanctarum mátyrum tuarum Perpetuæ et Felicitatis palmas

incessabili devotiōne venerāri : ut quas digna mente non pōssumus celebrāre, humilibus saltem frequentēmus obsēquiis. Per Dōminum.

IN I. NOCTURNO.

De libro Ecclesiastici.

Lectio i.

Cap. 39.

Sapiētiā omnium antiquōrum exquirēt sapiēs, et in Prophētis vacābit. Narratiōnem virōrum nominatōrum conservābit, et in versūtiis parabolārum simul introibit. Occulta proverbiorū exquirēt, et in absconditis parabolārum conversābitur. In medio magnatōrum ministrābit, et in conspectu præsidis apparēbit. In terram alienigenārum gēntium pertransiet: bona enim et mala in hominibus tentābit.

R. Euge, serve bone et fidēlis, quia in pauca fuisti fidēlis, supra multa te constituam: * Intra in gāudium Dōmini tui.

V. Dōmine, quinque talēta tradidisti mihi, ecce alia quinque superlucratus sum. **Intra.**

Lectio ii.

Cor suum tradet ad vigilandum diluculo ad Dōminum, qui fecit illum, et in conspectu Altissimi deprecābitur. Apēriet os suum in oratiōne, et pro delictis suis deprecābitur. Si enim Dōminus magnus voluerit, spiritu intelligentiæ replēbit illum: et ipse tamquam imbres mittet eloquia sapiētiæ suæ, et in oratiōne confitēbitur Dōmino: et ipse diriget consilium ejus, et disciplinam, et in absconditis suis consiliābitur.

R. Justus germinābit sicut liliū: * Et florēbit in ætēnum ante Dōminum.

V. Plantatus in domo Dōmini, in atrii domus Dei nostri. **Et florēbit.**

Lectio iii.

Ipse palam faciēt disciplinam doctrinæ suæ, et in lege testamēti

Dōmini gloriābitur. Collaudābunt multi sapiētiā ejus, et usque in sæculum non delēbitur. Non recedet memoriā ejus, et nomen ejus requirētur a generatiōne in generatiōnem. Sapiētiā ejus enarrābunt gentes, et laudem ejus enuntiābit Ecclēsia.

R. Iste cognovit justitiam, et vidit mirabilia magna, et exoravit Altissimum: * Et inventus est in numero sanctorum.

V. Iste est qui contempsit vitam mundi, et pervenit ad cœlestia regna. **Et inventus.** Glória Patri. **Et inventus.**

IN II. NOCTURNO.

Lectio iv.

Thomas, Landúlpho Cómite Aquinate, et Theodóra Neapolitána, nobilibus parētib; natus, quintum annum agens, mōnachis sancti Benedicti Cassinatibus custodiendus traditur. Inde Neápolim studiōrum causa missus, jam adolescens Fratrum Prædicatōrum Ordinem suscepit. Sed matre ac fratribus id indigne ferētib; Lutetiam Parisiōrum mittitur. Quem fratres, in itinere per vim raptum, in arcem castri sancti Joānnis perdūcunt: ubi vārie exagitatus, ut sanctum propōsitum mutāret, mulierem etiā, quæ ad labefactandam ejus constantiam introducta fuerat, titiōne fugavit. Mox beātus jūvenis, flexis gēnibus ante signum Crucis orans, ibique somno corréptus, per quietem sentīre visus est, sibi ab Angelis constrīngi lumbos; quo ex tempore omni pōstea libidinis sensu caruit: sorōrib; quæ, ut eum a pio consilio removērent, in castrum vernerant, persuāsit, ut, contemptis curis sæculārib; ad exercitatiōnem cœlestis vitæ se confērrent.

R. Honēstum fecit illum Dōminus, et custodivit eum ab inimicis, et a seductōrib; tutavit illum: * Et dedit illi claritatem ætēnam.

✠. Justum deduxit Dóminus per vias rectas, et osténdit illi regnum Dei. **Et** dedit.

Lectio v.

Emissus e castro per fenestram, Neápolim redúctur: unde Romam, póstea Parísium a fratre Joánne Theutónico, Ordinis Prædicatórum Generali Magistro, ductus, Albérto Magno doctóre, Philosophiæ ac Theologiæ óperam dedit: viginti quinque annos natus, magister est appellátus, publicéque Philosophos ac Theólogos summa cum laude est interpretátus. Numquam se lectioni aut scriptióni dedit, nisi post orationem. In difficultátibus locórum sacrae Scripturæ, ad orationem jejúnium adhibébat. Quin étiam sodáli suo fratri Reginaldo dicere solébat, quidquid sciret, non tam stúdio, aut labóre suo peperisse, quam divínitus tráditum accepisse. Neápoli cum ad imaginem Crucifixi vehementius oráret, hanc vocem audívit: Bene scripsisti de me, Thoma; quam ergo mercédem accípies? Cui ille: Non áliam, Dómine, nisi teípsum.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum.

✠. Induit eum Dóminus lorícam fidei, et ornávit eum. **Et** ad portas.

Lectio vi.

Nullum fuit scriptórum genus, in quibus non esset diligentissime versátus. Collatiónes Patrum assidue pervolutábat: nec tamen a prædicatione divíni verbi desistébat. Quod cum fáceret per Octávam Paschæ in Basílica sancti Petri, mulierem, quæ ejus fimbriam tetígerat, a fluxu sanguinis liberávit. Scripta ejus et multitúdine, et varietáte, et facilitáte explicándi res diffíciles, ádeo excéllunt, ut ob eam causam étiam nomen Doctoris Angélici jure sit adéptus. Ab

Urbáno Quarto Romam vocátus, addúci non pótuit ut honóres acciperet. Archiepiscopátum Neapolitánum, étiam deferénte Cleménte Quarto Pontífice, recusávit. Missus a Gregório Décimo ad Concílium Lugdunénse, in monastério Fossæ novæ in morbum incidit, ubi ægrótus Cántica canticórum explanávit. Ibidem obiit quinquagenárius, anno salutis millésimo ducentésimo septuagésimo quarto, Nonis Mártii. Miráculis et vivus et mórtuus flóruit. A Joánne Vigésimo secúndo in Sanctórum númerum relátus est, anno millésimo trecentésimo vigésimo tértio: cujus corpus póstea, Urbáno Quinto summo Pontífice, Tolósam translátum est.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus Géntibus.

✠. Iste est qui contémpsit vitam mundi, et pervénit ad cœlestia regna. **Quia** te. **Gloria** Patri. **Quia** te.

IN III. NOCTURNO.

Lectio sancti Evangelii secúndum Matthæum.

Lectio vii.

Cap. 5. b.

In illo témpore: Dixit Jesus discipulis suis: Vos estis sal terræ. Quod si sal evanúerit, in quo saliétur? Et reliqua.

Homília Sancti Augustíni Epíscopi.

Lib. 1. de Serm. Dom. in monte. c. 6. tom. 4.

Osténdit Dóminus, fátuos esse judicandos, qui temporálium bonórum vel cópiam sectántes, vel inópiam metuéntes, amíttunt æténa, quæ nec dari possunt ab homínibus, nec auferri. Itaque si sal infatuátum fúerit, in quo saliétur? Id est, si vos, per quos condiéndi sunt quodámmodo pópuli, metu persecutiónum temporálium amiséritis regna cœlórum; qui

erunt homines, per quos a vobis error auferatur, cum vos elegerit Deus, per quos errorem auferat ceterorum?

R. Iste est qui ante Deum magnas virtutes operatus est, et de omni corde suo laudavit Dominum: * Ipse intercedat pro peccatis omnium populorum.

V. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viii.

ERgo ad nihilum valet sal infatuatum, nisi ut mittatur foras, et calcetur ab hominibus. Non itaque calcatur ab hominibus, qui patitur persecutionem: sed qui persecutionem timendo infatuatur. Calcari enim non potest, nisi inferior: sed inferior non est, qui quamvis corpore multa in terra sustineat, corde tamen fixus in caelo est.

R. In medio Ecclesiae aperuit os ejus, * Et implevit eum Dominus spiritu sapientiae et intellectus.

V. Jucunditatem et exultationem thesaurizavit super eum. **Et** implevit. Gloria Patri. **Et** implevit.

Nona Lectio dicitur de Homilia Ferie occurrentis.

Te Deum laudamus. 13.

In Laudibus fit commemoratio Ferie.

Postea sanctarum Perpetuae et Felicitatis, Mart.

Antiph. Istarum est enim regnum celorum, quae contempserunt vitam mundi, et pervenerunt ad praemia regni, et laverunt stolas suas in sanguine Agni.

V. Gloria et honore coronasti eas, Domine.

R. Et constituisti eas super opera manuum tuarum.

Oratio.

DA nobis, quaesumus, Domine Deus noster, sanctarum martyrum tua-

rum Perpetuae et Felicitatis palmas incessabili devotione venerari: ut quas digna mente non possumus celebrare, humilibus saltem frequentemus obsequiis. Per Dominum.

Vesperae a Capitulo de sequenti, commemoratio praecedentis, et Ferie.

Die 8. Martii.

In Festo

S. Joannis de Deo Confessoris.

Duplex.

Omnia de Communi Confessoris non Pontificis [79], praeter ea, quae hic assignantur.

Oratio.

DEus, qui beatum Joannem, tuo amore succensum, inter flammam innodium incedere fecisti, et per eum Ecclesiam tuam nova prole fecundasti; praesta, ipsius suffragantibus meritis, ut igne charitatis tuae vitia nostra curentur, et remedia nobis aeterna proveniant. Per Dominum.

Deinde fit commemoratio S. Thomae.

Antiph. O Doctor optime, Ecclesiae sanctae lumen, beate Thoma, divinae legis amator, deprecare pro nobis Filium Dei.

V. Justum deduxit Dominus per vias rectas.

R. Et ostendit illi regnum Dei.

Oratio.

DEus, qui Ecclesiam tuam beati Thomae confessoris tui mira eruditione clarificas, et sancta operatione fecundas: da nobis, quaesumus, et quae docuit, intellectu conspiciere, et quae egit, imitatione complere.

Postea Ferie occurrentis.

In primo Nocturno, Lectiones de libro Ecclesiastici, Beatus vir. de Communi Confessoris non Pontificis secundo loco. [88]

IN II. NOCTURNO.

Lectio iv.

JOáñnes de Deo, ex cathólicis piis-
que paréntibus in óppido Montis
Majóris junióris regni Lusitániæ na-
tus, quam sublímiter in sortem Dó-
mini fúerit eléctus, insuétus splendor
super ejus domo refúlgens, sonitús-
que aeris campáni sua sponte emís-
sus ab ipso ejus nativitátis témpore
non obscére prænuntiárant. A laxióri
vivéndi ratióne, divína operánte vir-
túte, revocátus, magnæ sanctitátis
exhibére spécimen cœpit, et ob audí-
tam prædicatióem verbi Dei sic ad
melióra se excitátum sensit, ut jam
ab ipso sanctióri vitæ rudiménto
consummátum áliquid, perfectúmque
visus sit attigísse. Bonis ómnibus in
páuperes carcéribus inclúsos erogá-
tis, admirábilis pœniténtiæ, suíque
ipsíus contéptus cuncto pópulo
spectáculum factus, a plerisque, ceu
demens, grávitè afflíctus, in cárce-
rem améntibus destinátum conjícitur.
At Joáñnes cœlésti charitáte magis
incénsus, gémino atque amplo vale-
tudinário ex piórum eleemósynis in
civitáte Granaténsi extrúcto, jactó-
que novi Ordinis fundaménto, Ecclé-
siam nova prole fecundávit Fratrum
Hospitalitátis, infirmis præcláro ani-
márum corporúmque proféctu inser-
viéntium, et longe lateque per orbem
diffusórum.

R. Honéstum fecit illum Dóminus, et
custodívit eum ab inimícis, et a se-
ductóribus tutávit illum: * Et dedit
illi claritátem ætérnam.

V. Justum dedúxit Dóminus per vias
rectas, et osténdit illi regnum Dei.
Et dedit.

Lectio v.

PAupéribus ægrótiis, quos própriis
quandóque húmeris domum de-
ferébat, nulla re ad animæ corporis-
que salútem profícua déerat. Effúsa

quoque extra nosocomíum charitáte,
indigéntibus muliéribus víduis, et
præcípue virgínibus periclitántibus
clam aliménta subministrábat, cu-
rámque indeféssam adhibébat, ut
carnis concupiscéntiam a próximis
huiúsmodi vítio inquinátis extermi-
náret. Cum autem máximum in régio
Granaténsi valetudinário excitátum
fúisset incéndium, Joáñnes impávi-
dus prosíliit in ignem, huc illuc dis-
cúrrens, quóusque tum infirmos hú-
meris exportátos, tum léctulos e fe-
néstris proyéctos ab igne vindicávit,
ac per dimídiam horam inter flam-
mas, jam in imménsam succrescén-
tes, versátus, exínde divínitus incólum-
is, univérsis cívibus admirántibus,
exívit; in schola charitátis édicens,
segniórem in eum fúisse ignem, qui
foris ússerat, quam qui intus accén-
derat.

R. Amávit eum Dóminus, et ornávit
eum: stolam glóriæ induit eum, * Et
ad portas paradísi coronávit eum.

V. Induit eum Dóminus lorícám fidei,
et ornávit eum. Et ad portas.

Lectio vi.

MUltíplici asperitátum génere, de-
missíssima obediéntia, extrémá
paupertáte, orándi stúdio, rerum di-
vinárum contemplatióne, ac in beá-
tam Vírginem pietáte mirífice excél-
luit, et lacrymárum dono enítuit. Dé-
nique gravi morbo corréptus, ómni-
bus Ecclésiæ Sacraméntis rite sanc-
téque reféctus, víribus licet destitútus,
 própriis indútus véstibus e léctulo sur-
gens, ac provolútus in génua, manu
et corde Christum Dóminum e cruce
pendéntem perstríngens, octávo Idus
Mártii anno millésimo quingentésimo
quingagésimo óbiit in ósculo Dó-
mini: quem étiam mórtuus tenuit,
nec dimísit, et in eádem córporis con-
stitutióne sex circiter horas, quóus-
que inde dimótus fúisset, tota civitáte

inspectante, mirabiliter permansit, odorem mire fragrantem diffundens. Quem ante et post obitum plurimis miraculis clarum, Alexander Octavus Pontifex Maximus in Sanctorum numerum retulit.

R. Iste homo perfecit omnia, quæ locutus est ei Deus, et dixit ad eum: Ingrederere in requiem meam: * Quia te vidi justum coram me ex omnibus Gentibus.

R. Iste est qui contempsit vitam mundi, et pervenit ad coelestia regna. Quia te. Gloria Patri. Quia te.

IN III. NOCTURNO.

Lectio sancti Evangelii secundum Matthæum.

Lectio vii.

Cap. 22. d.

IN illo tempore: Accesserunt ad Jesum Pharisei, et interrogavit eum unus ex eis legis doctor, tentans eum: Magister, quod est mandatum magnum in lege? Et reliqua.

Homilia Sancti Joannis Chrysostomi.

Homilia 72. in Matth.

SAdducæis confusis, Pharisei rursus aggrediuntur: cumque quiescere oporteret, decertare voluerunt, et legis peritiam profitentem præmittunt, non discere, sed tentare cupientes; ac ita interrogant: Quodnam primum mandatum in lege sit. Nam cum primum illud sit: Diliges Dominum Deum tuum: putantes causas sibi allaturum ad mandatum hoc corrigendum, aliquid addendo, quoniam Deum se faciebat, hoc modo interrogant: Quid igitur Christus? Ut ostendat idcirco ad hæc eos devenisse, quia nulla in eis esset charitas, sed invidiæ livore tabescerent: Diliges, inquit, Dominum Deum tuum: hoc primum et magnum mandatum est. Secundum autem simile huic: Diliges proximum tuum sicut teipsum.

R. Iste est qui ante Deum magnas virtutes operatus est, et de omni corde suo laudavit Dominum: * Ipse intercedat pro peccatis omnium populorum.

V. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viii.

Quamobrem simile est huic? quoniam hoc illud inducit, et ab illo rursus munitur. Quicumque enim male agit, odio habet lucem, et non venit ad lucem. Et rursus: Dixit insipiens in corde suo; Non est Deus. Deinde sequitur: Corrupti sunt, et abominabiles facti sunt in studiis suis. Et iterum: Radix omnium malorum avaritia est: quam quidam appetentes, erraverunt a fide. Et: Qui diligit me, mandata mea servabit: quorum caput et radix est: Diliges Dominum Deum tuum, et proximum tuum sicut teipsum.

R. Sint lumbi vestri præcincti, et lucernæ ardentes in manibus vestris: * Et vos similes hominibus expectantibus dominum suum, quando revertatur a nuptiis.

V. Vigilate ergo, quia nescitis, qua hora Dominus vester venturus sit. Et vos. Gloria Patri. Et vos.

Nona Lectio legitur de Homilia Feriæ occurrentis; et de ea fit commemoratio in Laudibus.

Si transferatur post Pascha, erit sequens

Lectio ix.

SI ergo diligere Deum, diligere proximum est: (nam si diliges me, o Petre, inquit pasce oves meas:) si etiam dilectio proximi facit ut mandata custodias: merito ait in his totam legem et Prophetas pendere. Et quemadmodum in superioribus, cum de resurrectione interrogaretur, plus docuit quam tentantes petebant: sic

in hoc loco de primo interrogátus mandáto, secúndum étiam non valde quam primum inférius, sponte áttulit: secúndum enim est primo símile. Ita occúlte insinuávit, ódio illos ad quæréndum incitári. Cháritas enim, inquit, non æmulátur.

Te Deum laudámus. 13.

Vesperæ a Capitulo de S. Francisca Romana, commemoratio S. Joannis de Deo, et Feriæ.

Die 9. Martii.

In Festo

S. Franciscæ Viduæ Romanæ.

Duplex.

Omnia de Communi nec Virginis nec Martyris [107], præter Orationem, et Lectiones secundi Nocturni, quæ dicuntur ut infra.

Oratio.

DEus, qui beátam Francíscam fámulam tuam, inter cétera grátiae tuæ dona, familiári Angeli consuetúdine decorásti: concéde quæsumus, ut, intercessiónis ejus auxílio, Angelórum consórtium cónsequimereámur. Per Dóminum nostrum.

Deinde fit commemoratio S. Joannis de Deo.

Antiph. Hic vir despíciens mundum et terréna, triúmphans, divítias cælo cóndidit ore, manu.

V. Justum dedúxit Dóminus per vias rectas.

R. Et osténdit illi regnum Dei.

Oratio.

DEus, qui beátum Joánnem, tuo amore succénsum, inter flammas innóxium incédere fecísti, et per eum Ecclésiám tuam nova prole fecundásti; præsta, ipsíus suffragántibus méritis, ut igne charitátis tuæ vítia nostra curéntur, et remédia nobis ætérna provéniant.

Postea Feriæ occurrentis.

In primo Nocturno, Lectiones de Parabolis Salomonis. Mulierem fortem. ut in Communi nec Virginis nec Martyris. [110]

IN II. NOCTURNO.

Lectio iv.

FRancísca nóbilis Matróna Romána, ab ineúnte ætáte illústria dedit virtútum exémpla: étenim pueriles ludos, et illécebras mundi réspuens, solitúdine et oratióne magnópere delectabátur. Undecim annos nata, virginitátem suam Deo consecráre, et Monastérium íngredi propósuit: párentum tamen voluntáti humíliter obtémperans, Lauréntio de Pontíanis júveni æque díviti ac nóbili nupsit. In matrimónio arctiórís vitæ propósitum, quantum lícuit, semper retínuit: a spectáculis, convíviis, aliisque hujúsmodi oblectaméntis abhórrens, lánea ac vulgári veste utens, et quidquid a domésticis curis supéreat témporis, oratióni aut proximórum utilitáti tríbuens; in id vero máxima sollicitúdine incúmbens, ut Matrónas Románas a pompis sæculi et ornátus vanitáte revocáret. Quaprópter Domum Oblatárum, sub Régula sancti Benedícti, Congregatiónis Montis Olivéti, adhuc viro alligáta, in Urbe instítuit. Viri exílium, bonórum jactúram, ac univérsæ domus mœrórem non modo constantíssime tolerávit, sed grátias agens cum beáto Job, illud frequénter usurpábat: Dóminus dedit, Dóminus ábstulit, sit nomen Dómini benedíctum.

R. Propter veritátem, et mansuetúdinem, et justítiam: * Et dedúcet te mirabíliter délixtera tua.

V. Spécie tua, et pulchritúdine tua inténde, prósperé procéde, et regna. Et dedúcet.

Lectio v.

Viro defúncito, ad prædíctam Oblatárum Domum cónvolans, nudis

pédibus, fune ad collum alligato, humi prostrata multis cum lacrymis earum número adscribi suppliciter postulavit: voti compos facta, licet esset omnium mater, non alio tamen quam ancillae, vilissimaeque feminae, et immunditiae vasculi titulo gloriabatur. Quam vilem sui existimationem et verbo declaravit, et exemplo: saepe enim e suburbana vinea revertens, et lignorum fascem proprio capiti impositum deferens, vel eisdem onustum agens per Urbem asellum, pauperibus subveniebat: in quos etiam largas eleemosynas erogabat: aegrotantesque in xenodochis visitans, non corporali tantum cibo, sed salutariibus monitis recreabat: corpus suum vigiliis, jejuniis, cilicio, ferreo cingulo, crebrisque flagellis in servitutum redigere iugiter satagebat. Cibus illi semel in die herbae et legumina, aqua potum praebuit. Hos tamen corporis cruciatus aliquando Confessarii mandato, a cujus ore nutuque pendebat, modice temperavit.

R. Dilexisti iustitiam, et odisti iniquitatem: * Propterea unxit te Deus, Deus tuus oleo laetitiae.

V. Propter veritatem, et mansuetudinem, et iustitiam. **Propterea.**

Lectio vi.

Divina mysteria, praesertim vero Christi Domini passionem, tanto mentis ardore, tantaque lacrymarum vi contemplabatur, ut praedoloris magnitudine pene confici videretur. Saepe etiam cum oraret, maxime sumpto sanctissimae Eucharistiae Sacramento, spiritu in Deum elevata, ac coelestium contemplatione rapta, immobilis permanebat. Quapropter humani generis hostis variis eam contumeliis ac verbis a proposito dimovere conabatur: quem tamen illa imperterrita semper elusit, Angeli praesertim praesidio, cujus familiari

consuetudine gloriosum de eo triumphum reportavit. Gratia curationum et prophetiae dono enituit, quo et futura praedixit, et cordium secreta penetravit. Non semel aquae, vel per rivum decurrentes, vel e caelo labentes, intactam prorsus, dum Deo vacaret, reliquerunt. Modica panis fragmenta, quae vix tribus sororibus reficiendis fuissent satis, sic ejus precibus Dominus multiplicavit, ut quindecim inde exsaturatis, tantum superfluerit, ut canistrum impleret: et aliquando earumdem sororum, extra Urbem mense Januario ligna parantium, sitim, recentis uvae racemis ex vite in arbore pendentibus mirabiliter obtentis, abunde expleret. Denique meritis et miraculis clara, migravit ad Dominum anno aetatis suae quinquagesimo sexto: quam Paulus Quintus Pontifex Maximus in Sanctorum numerum retulit.

R. Fallax gratia, et vana est pulchritudo: * Mulier timens Deum, ipsa laudabitur.

V. Date ei de fructu manuum suarum, et laudent eam in portis opera ejus. **Mulier. Gloria Patri. Mulier.**

In tertio Nocturno, Homilia sancti Gregorii Papae in Evangelium. Simile est regnum coelorum. de Communi Sanctorum nec Virginum nec Martyrum. [115]

Nona Lectio dicitur de Homilia Ferie occurrentis, et de ea fit commemoratio in Laudibus.

In secundis Vesperis fit commemoratio SS. Quadraginta Martyrum.

Die 10. Martii.

In Festo

SS. Quadraginta Martyrum.

Semiduplex.

Omnia de Communi plurimorum Martyrum extra tempus Paschale [50], praeter sequentia.

Antiph. Istórum est enim regnum cœlórum, qui contempsérunt vitam mundi, et pervenérunt ad præmia regni, et lavérunt stolas suas in sânguine Agni.

V. Lætámini in Dómino, et exultáte justi.

R. Et gloriámini omnes recti corde.

Oratio.

Præsta, quæsumus, omnípotens Deus: ut qui gloriósos Mártýres fortes in sua confessióne cognóvimus, pios apud te in nostra intercessióne sentiámus. Per Dóminum nostrum.

Postea Feriæ occurrentis.

In primo Nocturno, Lectiones de Epístola ad Romanos, Fratres, debitóres sumus. de Comuni plurimorum Mártýrum. [52]

IN II. NOCTURNO.

Lectio iv.

Licínio Imperatóre, et Agricoláo Præside, ad Sebásten Arméniaë urbem, quadraginta mílitem fides in Jesum Christum, et fortitúdo in cruciátibus perferendis enítuit. Qui sæpius in horribilem cárcerem detrúsi, vinculisque constricti, cum ora ipsórum lapídibus contúsa fuissent, hiemis témpore frigidíssimo nudi sub apérto aere supra stagnum rigens pernoctáre jussi sunt, ut frígore congeláti necaréntur. Una autem erat ómnium orátio: Quadraginta in stádium ingressi sumus, quadraginta item, Dómine, coróna donémur; ne una quidem huic número desit. Est in honóre hic número, quem tu quadraginta diérum jejúnio decorásti, per quem divína lex ingressa est in orbem terrárum. Elías quadraginta diérum jejúnio Deum quærens, ejus visiónem consecútus est. Et hæc quidem illórum erat oratio.

R. Sancti tui, Dómine, mirábile consecúti sunt iter, serviéntes præcéptis

tuis, ut inveniréntur illæsi in aquis válidis: * Terra apparuit árida, et in mari Rubro via sine impediménto. •

V. Quóniam percússit petram, et fluxérunt aquæ, et torréntes inundavérunt. **Terra.**

Lectio v.

Ceteris autem custódibus somno déditis, solus vigilábat jánitor, qui et illos orántes, et luce circumfúsos, et quosdam e cœlo descendéntes Angelos tamquam a Rege missos, qui corónas triginta novem milítibus distribúerent, íntuens, ita secum loquebátur: Quadraginta hi sunt, quadragésimi coróna ubi est? Quæ dum cogitáret, unus ex illo número, cui ánimus ad frigus feréndum defécerat, in próximum tepefactum bálneum desíliens, Sanctos illos summo dolore affécit. Verum Deus illórum preces írritas esse non est passus: nam rei événtum admirátus jánitor, mox custódi-bus e somno excitátis, detractísque sibi véstibus, ac se Christiánum esse clara voce proféssus, Mártýribus se adjúnxit. Cum vero Præsidis satélites janitórem quoque Christiánum esse cognovissent, bacíllis comminúta ómnium eórum crura fregérunt.

R. Vérbera carníficum non timuérunt sancti Dei, moriéntes pro Christi nómine: * Ut hærédes fierent in domo Dómini.

V. Tradidérunt córpora sua propter Deum ad supplícia. **Ut hærédes.**

Lectio vi.

In eo supplício mórtui sunt omnes, præter Melithónem, natumínimum. Quæ cum præsens mater ejus, fractis crúribus adhuc vivéntem vidisset, sic cohortáta est: Fili, paulisper sústine: ecce Christus ad jánuam stat ádjuvans te. Cum vero reliquórum córpora plaustris impóni cérneret, ut in ro-gum inferréntur, ac filium suum relín-quí, quod speráret ímpia turbapúerum,

si vixisset, ad idolórum cultum revocári posse: ipso in húmeros sublato, sancta mater vehícula Mártyrum corpóribus onústa strénue prosequébatur: in cujus ampléxu Mélithon spíritum Deo réddidit, ejúsque corpus in eúmdem illum ceterórum Mártyrum rogam pia mater injécit: ut qui fide et virtúte conjunctíssimi fúerant, fúneris étiam societáte copuláti, una in cœlum pervenírent. Combústis illis, eórum reliquiæ projectæ in profluéntem, cum mirabíliter in unum conflúissent locum, salvæ et íntegræ repértæ, honorífico sepúlchro cónditæ sunt.

R. Tamquam aurum in fornáce probávit eléctos Dóminus, et quasi holocáusti hóstiam accépit illos: et in témpore erit respéctus illórum: * Quóniam donum et pax est eléctis Dei.

V. Qui confidunt in illum, intélligent veritátem: et fidéles in dilectióne acquiescent illi. Quóniam. Glória Patri. Quóniam.

In tertio Nocturno, Homilia S. Ambrosii Episcopi in Evangelium. Descéndens Jesus de monte. de Comuni plurimorum Martyrum. [60]

Nona Lectio dicitur de Homilia Ferie occurrentis; et de ea fit commemoratio.

Die 12. Martii.

In Festo **S. Gregorii** Papæ Confess. et Ecclesiæ Doctoris.

Duplex.

Omnia de Comuni Confessoris Pontificis [62], præter ea, quæ hic ponuntur.

Ad Magnificat in utrisque Vesperis.

Antiph. to. 2. O Doctor óptime, Ecclesiæ sanctæ lumen, beáte Gregóri, divinæ legis amátor, deprecáre pro nobis Fílium Dei.

Oratio.

DEus, qui animæ fámuli tui Gregórii æternæ beatitúdinis præmia contulisti: concéde propítius, ut qui peccatórum nostrórum póndere premimur, ejus apud te précibus sublevémur. Per Dóminum.

Et fit commemoratio Ferie.

IN I. NOCTURNO.

De libro Ecclesiástici.

Lectio i.

Cap. 39.

SAPIÉNTIAM ómnium antiquórum exquirat sapiens, et in Prophétis vacábit. Narratióem virórum nominatórum conservábit, et in versútias parabolárum simul introíbit. Occulta proverbiorum exquirat, et in absconditis parabolárum conversábitur. In médio magnatórum ministrábit, et in conspéctu præsidis apparébit. In terram alienigenárum géntium pertransiet: bona enim et mala in homínibus tentábit.

R. Euge, serve bone et fidélis, quia in pauca fuísti fidélis, supra multa te constituam: * Intra in gáudium Dómini tui.

V. Dómine, quinque talénta tradidísti mihi, ecce ália quinque superlucrátus sum. Intra.

Lectio ii.

COR suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delictis suis deprecábitur. Si enim Dóminus magnus volúerit, spíritu intelligéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse díriget consílium ejus, et disciplínam, et in absconditis suis consiliábitur.

R. Ecce sacerdos magnus, qui in diébus suis plácuit Deo: * Ideo jurejurádo fecit illum Dóminus créscere in plebem suam.

℣. Benedictionem ómnium géntium dedit illi, et testaméntum suum confirmávit super caput ejus. Ideo.

Lectio iii.

IPse palam fáciat disciplinam doctrínæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur a generatióne in generatióne. Sapiéntiam ejus enarrábunt gentes, et laudem ejus enuntiábit Ecclésia.

℞. Jurávit Dóminus, et non pœnitébit eum: * Tu es sacerdos in ætérnum secúndum órđinem Melchisedech.

℣. Dixit Dóminus Dómino meo: Sede a dextris meis. Tu es. Glória Patri. Tu es.

IN II. NOCTURNO.

Lectio iv.

Gregórius Magnus, Románuſ. Gordiani Senatoris fílius, adoléscent Philosophiæ óperam dedit, et prætorio officio functus, patre mórtuo, sex monastéria in Sicília ædificávit, Romæ séptimum sancti Andréæ nómine in suis ædibus, prope Basilicam sanctorum Joánnis et Pauli ad clivum Scauri: ubi, Hilarióne ac Maximiano magistris, mónachi vitam professus, póstea Abbas fuit. Mox Diáconus Cardinális creátus, Constantinópolis a Pelágio Pontífice ad Tibérium Constantínium Imperátorem legátus míttitur: apud quem memorábile étiam illud effécit, quod Eutýchium Patriárcham, qui scripserat contra veram ac tractábilem córporum resurrectionem, ita convícit, ut ejus librum Imperátor in ignem injíceret. Quare Eutýchius paulo post, cum in morbum incidisset, instánte morte, pellem manus suæ tenébat, multis præsentibus, dicens: Confíteor quia omnes in hac carne resurgémus.

℞. Inveni David servum meum, óleo sancto meo unxi eum: * Manus enim mea auxiliábitur ei.

℣. Nihil profíciet inimícus in eo, et fílius iniquitátis non nocébit ei. Manus.

Lectio v.

Romam rédiens, Pelágio pestiléntia subláto, summo ómnium consénsu Póntifex elígitur: quem honórem ne accíperet, quámdui pótuít, recusávit. Nam aliéno vestítu in spelúnca delítuit: ubi deprehénsus indício igneæ columænæ, ad sanctum Petrum consecrátur. In Pontificátu multa successóribus doctrínæ ac sanctitátis exémpla relíquit. Peregrínos quotidie ad mensam adhibébat, in quibus et Angelum, et Dóminum Angelórum peregríni fácie accépit. Páuperes et urbános et extérnos, quorum númerum descriptum habébat, benígne sustentábat. Cathólicam fidem multis locis labefactátam restítuit. Nam Donatístas in Africa, Ariános in Hispánia représsit: Agnoístas Alexandría ejécit; Pállium Syágrio Augustodúnénsi Epíscopo dare nóluit, nisi neóphytos hæréticos expélleret ex Gállia. Gothos hæresim Ariánam relínquere coégit. Missis in Británniam doctis et sanctis viris Augustíno et áliis mónachis, ínsulam ad Jesu Christi fidem convértit: vere a Beda Presbýtero, Angliæ vocátus Apóstolus. Joánnis Patriárchæ Constantinopolitáni audáciam fregit, qui sibi universális Ecclésiæ Epíscopi nomen arrogábat. Maurítium Imperátorem, eos, qui mílites fuíssent, mónachos fieri prohibéntem, a senténtia detérruit.

℞. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei.

℣. Inveni David servum meum, óleo sancto meo unxi eum. Manus.

Lectio vi.

ECclésiā ornāvit sanctīssimis institūtis et légibus. Apud sanctum Petrum, coācta Sýnodo, multa constituit: in iis, ut in Missa Kýrie elíson nóvies repeterétur: ut extra id tempus, quod continétur Septuagésima et Pascha, Allelúja dicerétur: ut adderétur in Cánone, diésque nostros in tua pace dispónas. Litanías, Stationes, et Ecclesiásticum offícium auxit. Quátuor Concíliis, Nicæno, Constantinopolitāno, Ephesíno, Chalcedonénsi, tamquam quatuor Evangelíis, honórem habéri vóluit. Episcopis Sicíliæ, qui ex antíqua Ecclesiárum consuetúdine Romam singulis triénniis conveniébant, quinto quoque anno semel veníre indúlsit. Multos libros confécit: quos cum dictáret, testátus est Petrus Diáconus, se Spíritum sanctum colúmbæ spécie in ejus cápite sæpe vidísse. Admirabília sunt quæ dixit, fecit, scripsit, decrevit, præsertim infirma semper et ægra valetúdine. Qui denique, multis éditiis miraculis, Pontificátus anno décimo tértio, mense sexto, die décimo, quarto Idus Mártii, qui dies festus a Græcis étiam propter insígnem hujus Pontificis sapiéntiam ac sanctitátem præcípua honóre celebrátur, ad cœlestem beatitúdinem evocatús est. Cujus corpus sepúltum est in Basílica sancti Petri, prope Secretárium. *R.* Iste est qui ante Deum magnas virtútes operátus est, et omnis terra doctrína ejus repléta est: * Ipse intercedat pro peccátis ómnium populórum. *V.* Iste est qui contempsit vitam mundi, et pervénit ad cœlestia regna. Ipse. Glória Patri. Ipse.

IN III. NOCTURNO.

Lectio sancti Evangelii secúndum

Lectio vii. Matthæum. Cap. 5. b.

IN illo témpore: Dixit Jesus discípulis suis: Vos estis sal terræ.

Quod si sal evanúerit, in quo salietur? Et réliqua.

Homilía Sancti Gregórii Papæ.

Ex Homil. 17. in Lucae 10. ante med.

CONSIDERÁNDUM nobis est, ut qui una eadémque exhortatiónis voce non súfficit simul cunctos admonére, stúdeat singulos, in quantum valet, instrúere, privátis locutióibus ædificáre. Debémus namque pensáre contínuo, quod sanctis Apóstolis dicitur, et per Apóstolos nobis: Vos estis sal terræ. Si ergo sal sumus, condíre mentes fidélium debémus. Vos ígitur, qui pastóres estis, pensáte quia Dei animália páscitis: de quibus profécto animálibus Deo per Psalmístam dicitur: Animália tua habitábunt in ea. Et sæpe vidémus, quod petra salis brutis animálibus antepónitur, ut ex eádem salis petra lámbere débeant, et meliorári. Quasi ergo inter bruta animália petra salis, debet esse sacerdos in pópulis. Curráre namque sacerdotem necesse est, quæ singulis dicat, unumquémque qualíter admóneat: ut quisquis sacerdoti júngitur, quasi ex salis tactu æternæ vitæ sapóre condiátur.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum.

V. Induit eum Dóminus lorícā fidei, et ornávit eum. Et ad portas.

Lectio viii.

SAL étenim terræ non sumus, si corda audiéntium non condímus: quod profécto condiméntum ille veráciter próximo impéndit, qui prædicatiónis verbum non súbtrahit. Sed tunc vere áliis recta prædicámus, si dicta rebus et exémpis osténdimus. Nullum, puto, fratres charíssimi, ab áliis majus præjudícium, quam a sacerdotibus tólerat Deus: quando eos, quos ad aliórum correctiόnem pósuit, dare de se exémpa pravitatís cernit:

quando ipsi peccámus, qui compescere peccáta debúimus: nulla animárum lucra quærimus, ad nostra quotidie stúdia vacámus, terréna concupiscimus, humánam glóriam inténta mente captámus. Et quia eo ipso, quo céteris præláti sumus, ad agénda quælibet majórem licéntiam habémus, susceptæ benedictiónis ministérium vértimus ad ambitionis argumentum: Dei causam relínquimus, ad terréna negótiá vacámus: locum sanctitátis accipimus, et terrénis áctibus implicámur.

R. In médio Ecclésiæ apérui os ejus,
* Et implévit eum Dóminus spíritu sapiéntiæ et intelléctus.

V. Jucunditatem et exultatióem thesaurizávit super eum. **Et implévit.**
Glória Patri. Et implévit.

Lectio nona dicitur de Homilia Feriæ occurrentis, et de ea fit commemoratio in Laudibus.

Die 17. Martii.

In Festo

S. Patritii Episcopi et Confessoris.

Duplex.

Omnia de Comuni Confessoris Pontificis [62], præter ea, quæ sequuntur.

Oratio.

DEus, qui ad prædicándam Géntibus glóriam tuam beátum Patrítium Confessórem atque Pontíficem mittere dignátus es: ejus méritis et intercessióne concéde, ut quæ nobis agénda præcipis, te miseránte, adimplére possimus. Per Dóminum.

Et fit commemoratio Feriæ occurrentis, si celebretur in Quadragesima.

In primo Nocturno in Quadragesima, Lectiones de Epistola prima beati Pauli Apostoli ad Timotheum. Fidélis sermo. de Comuni Confessoris Pontificis [64], alias de Scriptura occurrente.

IN II. NOCTURNO.

Lectio iv.

Patrítius, Hibérniæ dictus Apóstolus, Calphúrnio patre, matre Conchessa sancti Martíni Turonénsis Epíscopi, ut pérhibent, consanguínea, majóri in Británnia natus, puer in barbarórum sæpius incidit captivitátem. Eo in statu pascédis grégibus præpositus, jam tum futuræ sanctitátis spécimen præbuit; fídei namque, divínique timóris, et amóris spíritu replétus, antelucáno témpore per nives, gelu, ac plúvias ad preces Deo fundédas, impiger consurgébat; sólitus centies intérdiu, centiesque noctu Deum oráre. A servitúte tértio exemptus, et inter Cléricos relátus, in divínis lectiónibus longo se témpore exércuit. Gállis, Itália, Insulisque Tyrrhéni maris labóre summo peragrátis, divíno tandem mónitu ad Hibernórum salútem advocátur; et facta a beáto Cœlestíno Papa Evangélii nuntiándi potestáte, consecratúsque Epíscopus, in Hibérniam perréxit.

R. Invéni David servum meum, óleo sancto meo unxi eum: * Manus enim mea auxiliábitur ei.

V. Nihil proficiet inimícus in eo, et fílius iniquitátis non nocébit ei. **Manus.**

Lectio v.

EO in múnere mirum quot vir Apóstólicus mala, quot ærúmnas, et labóres, quot pertúlerit adversários. Verum Dei afflánte benignitáte, terra illa, idolórum ántea cultrix, eum mox, prædicánte Patrítio, fructum dedit, ut sanctórum Insula deínde fúerit appelláta. Frequentíssimi ab eo pópuli sacro sunt regeneráti lavácro: Epíscopi, Clericíque plúrimi ordináti; vírgines, ac víduæ ad continétiæ leges institútæ. Armachánam Sedem, Románi Pontíficis auctoritáte, totíus Insulæ príncipem Metrópolim constituit, Sanctorúmque reliquiis ab Urbe

relátis decorávit. Supérnis visiônibus, prophetiæ dono, ingentibúsque signis, et prodígiis a Deo exornátus ádeo refúlsit, ut longe, latéque célébrior Patrítii se fama diffúderit.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei.

V. Invéni David servum meum, óleo sancto meo unxi eum. **M.** Manus.

Lectio iv.

P Ræter quotidiánam Ecclesiárum sollicitúdinem invíctum ab oratione spíritum numquam relaxábat. Ajunt enim, íntegrum quotidie Psalterium, una cum Cánticis et Hymnis, ducentísque orationibus consuevisse recitare; tercénties per dies singulos flexis génibus Deum adoráre, ac in quálibet hora diéi Canónica cénties se Crucis signo muníre. Noctem tria in spátia distribuens, primum in centum Psalmis percurréndis, et bis cénties genuflecténdo, álterum in réliquis quinquaginta Psalmis, álgidis aquis immérsus, ac corde, óculis, manibúsque ad cælum eréctus, absolvéndis insumébat; tértium vero supernudum lápidem stratus tenui dabat quiéti. Humilitátis exímus cultor, Apostólico more a mánuum suárum labóre non abstínuit. Assíduis tandem curis pro Ecclesiá consúptus, verbo et ópere clarus, in extrémá senectúte divínis mystériis reféctus, obdormívit in Dómino, sepultúsque est apud Dunum in Ultónia, a Christiána salúte sæculo quinto.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédât pro peccátis ómnium populórum.

V. Iste est qui contémpsit vitam mundi, et pervénit ad coeléstia regna. **I.** Ipse. **Gloria Patri. I.** Ipse.

In tertio Nocturno, Lectiones de Homilia S. Gregorii Papæ in Evangelium.

Homo pégre proficiscens. de Comuni Confessoris Pontificis [68].

Nona Lectio dicitur de Homilia Feriæ occurrentis, si celebretur in Quadragesima, et de ea fit commemoratio ad Laudes.

Die 19. Martii.

In Festo

S. Joseph Sponsi B. Mariæ Virginis, Confessoris.

Duplex.

Si hoc Festum venerit in majori Hebdomada, vel infra Octavam Paschæ, transfertur post Octavam, juxta Rubricam de Translatione Festorum: et tunc in fine Antiphonarum, **VV.** et **RR.** additur **Allelúja**, et tres Psalmi dicuntur per singulos Nocturnos sub prima Antiphona illius Nocturni: quod etiam fit in omnibus Festis quæ celebrantur tempore Paschali.

AD VESPERAS.

Antiph. to. 6. Jacob autem genuit Joseph virum Mariæ, de qua natus est Jesus, qui vocátur Christus.

Psalmus. Dixit Dóminus. cum reliquis ut in primis Vesperis de Comuni Apostolorum [1].

Antiph. to. 1. Missus est Angelus Gábriel a Deo ad Vírginem desponsátam viro, cui nomen erat Joseph, de domo David, et nomen Vírginis Mariæ.

Antiph. to. 8. Cum esset desponsáta Mater Jesu Mariá Joseph, ántequam convenírent, invénta est in útero habens de Spíritu sancto.

Antiph. to. 5. Joseph vir ejus, cum esset justus, et nollet eam tradúcere, vóluit occúlte dimíttre eam.

Antiph. to. 2. Angelus Dómini apparuit Joseph, dicens: Joseph fili David, noli timére accíperre Mariám cónjugem tuam; quod enim in ea

natum est, de Spíritu sancto est: páriet autem filium, et vocábis nomen ejus Jesum.

Capitulum.

Prov. 28. et 27.

Vir fidélis multum laudábitur. Et qui custos est Dómini sui, glori-
ficábitur.

Hymnus.

TE, Joseph, célebrent ágmina Cé-
litum,

Te cuncti résonent Christiádam
Chori,

Qui clarus méritis junctus es ínclytæ
Casto fœdere Vírgini.

Almo cum túmidam gérmine cón-
jugem

Admírans, dúbio tängeris ánxius,
Afflátu súperi Fláminis Angelus
Concéptum púerum docet.

Tu natum Dóminum stringis, ad éx-
teras

Ægýpti prófugum tuséqueris plagas;
Amíssum Sólýinis quæris, et ínvenis,
Miscens gáudia flétibus.

Post mortem réliquos mors pia cón-
secrat,

Palmámque eméritos glória súscipit:
Tu vivens, Súperis par, frúeris Deo,
Mira sorte beátior.

Nobis, summa Trias, parce precán-
tibus,

Da Joseph méritis sídera scándere:
Ut tandem líceat nos tibi pérpetim
Gratum prómere cánticum.

Amen.

V. Constituit eum dóminum domus
suæ.

R. Et príncipem omnis possessiónis
suæ.

Ad Magnificat, Antiphona, to. 7. r.

Exúrgens Joseph a somno fecit, sicut
præcépit ei Angelus Dómini, et accé-
pit cónjugem suam.

Oratio.

Sanctíssimæ Genitrícis tuæ Sponsi,
quæsumus, Dómine, méritis ad-

juvémur: ut quod possibílitas nostra
non óbtinet, ejus nobis intercessióne
donétur: Qui vivis et regnas cum
Deo Patre.

Si celebretur in Quadragesima, fit
commemoratio Feriæ.

AD MATUTINUM.

Invitatorium. Christum Dei Fí-
lium, qui putári dignátus est fílius
Joseph, * Veníte, adorémus.

Psalmus. Veníte, exultémus. 2.

Hymnus.

CELitum Joseph decus, atque nostræ
Certas pes vitæ, columénque mundi,
Quas tibi læti cánimus, benígnus
Súscipe laudes.

Te Sator rerum státuit pudíca
Vírginis sponsum, volúttque Verbi
Te patrem dici, dedit et minístrum
Esse salútis.

Tu Redemptórem stábulo jacéntem,
Quem chorus Vatum cécinit futúrum,
Aspícis gaudens, humílisque natum
Numen adóras.

Rex Deus regum, Dominátor orbis,
Cujus ad nutum tremit inferórum
Turba, cui pronus famulátur æther,
Se tibi subdit.

Laus sit excélsæ Tríadi perénis,
Quæ tibi præbens súperos honóres,
Det tuis nobis méritis beátæ
Gáudia vitæ. Amen.

IN I. NOCTURNO.

Antiph. to. 1. f. Ascéndit Joseph a
Galilæa de civitaté Názareth in Ju-
dæam, in civitátem David, quæ vo-
cátur Bétlehem, ut profiterétur cum
María.

Psalmus 1.

BEátus vir, qui non ábiit in consílio
impiórum, et in via peccatórum
non stetit, * et in cáthedra pestiléntiæ
non sedit:

Sed in lege Dómini volúntas ejus, * et
in lege ejus meditábitur die ac nocte.

Et erit tamquam lignum, quod plantatum est secus decursus aquarum, * quod fructum suum dabit in tempore suo:

Et folium ejus non defluet: * et omnia quaecumque faciet, prosperabuntur.

Non sic impii, non sic: * sed tamquam pulvis, quem projicit ventus a facie terrae.

Ideo non resurgent impii in iudicio: * neque peccatores in concilio justorum.

Quoniam novit Dominus viam justorum: * et iter impiorum peribit.

Antiph. Ascendit Joseph a Galilaea de civitate Nazareth in Judaeam, in civitatem David, quae vocatur Bethlehlem, ut profiteretur cum Maria.

Antiph. to. 2. Venerunt pastores festinantes: et invenerunt Mariam, et Joseph, et infantem positum in praesepe.

Psalmus 2.

Quare fremuerunt Gentes, * et populi meditati sunt inania?

Astitērunt reges terrae, et principes convenērunt in unum * adversus Dominum, et adversus Christum ejus.

Dirumpāmus vincula eorum: * et projiciāmus a nobis jugum ipsorum.

Qui habitat in caelis iridebit eos, * et Dominus subsannabit eos.

Tunc loquetur ad eos in ira sua: * et in furore suo conturbabit eos.

Ego autem constitutus sum Rex ab eo super Sion montem sanctum ejus, * praedicans praecceptum ejus.

Dominus dixit ad me: * Filius meus es tu, ego hodie genui te.

Postula a me, et dabo tibi Gentes haereditatem tuam, * et possessionem tuam terminos terrae.

Reges eos in virga ferrea, * et tamquam vas figuli confringes eos.

Et nunc, reges, intelligite: * erudimini, qui iudicatis terram.

Servite Domino in timore: * et exultate ei cum tremore.

Apprehendite disciplinam, nequando irascatur Dominus, * et pereatis de via justa.

Cum exarserit in brevi ira ejus: * beati omnes, qui confidunt in eo.

Antiph. Venerunt pastores festinantes: et invenerunt Mariam, et Joseph, et infantem positum in praesepe.

Antiph. to. 3. Ecce Angelus Domini apparuit in somnis Joseph, dicens: Surge, et accipe puerum et matrem ejus, et fuge in Aegyptum.

Psalmus 3.

Domine, quid multiplicati sunt qui tribulant me? * multi insurgunt adversum me.

Multi dicunt animae meae: * Non est salus ipsi in Deo ejus.

Tu autem, Domine, susceptor meus es, * gloria mea, et exaltans caput meum.

Voce mea ad Dominum clamavi: * et exaudivit me de monte sancto suo.

Ego dormivi, et soporatus sum: * et exurrexi, quia Dominus suscepit me.

Non timebo millia populi circumdantis me: * exurge, Domine, salvum me fac, Deus meus.

Quoniam tu percussisti omnes adversantes mihi sine causa: * dentes peccatorum contrivisti.

Domini est salus: * et super populum tuum benedictio tua.

Antiph. Ecce Angelus Domini apparuit in somnis Joseph, dicens: Surge, et accipe puerum et matrem ejus, et fuge in Aegyptum.

V. Constituit eum dominum domus suae.

R. Et principem omnis possessionis suae.

De libro Genesis.

Lectio i.

Cap. 39.

Joseph igitur ductus est in Aegyptum, emitque eum Putiphar eunuchus Pharaonis, princeps exercitus, vir Aegyptius, de manu Ismaelitarum,

a quibus perductus erat. Fuitque Dominus cum eo, et erat vir in cunctis prospere agens: habitavitque in domo domini sui, qui optime noverat Dominum esse cum eo, et omnia, quae gereret, ab eo dirigi in manu illius. Invenitque Joseph gratiam coram domino suo, et ministrabat ei, a quo praepositus omnibus gubernabat creditam sibi domum, et universa, quae ei tradita fuerant: benedixitque Dominus domui Aegyptii propter Joseph.

R. Fuit Dominus cum Joseph, et dedit ei gratiam in conspectu principis carceris: * Qui tradidit in manu illius universos vinctos.

V. Quidquid fiebat, sub ipso erat: Dominus enim erat cum illo, et omnia opera ejus dirigebat. Qui tradidit.

Lectio ii.

Ibid. cap. 41.

Placuit Pharaoni consilium Joseph, et cunctis ministris ejus: locutusque est ad eos: Num invenire poterimus talem virum, qui Spiritu Dei plenus sit? Dixit ergo ad Joseph: Quia ostendit tibi Deus omnia, quae locutus es, numquid sapientiozem, et consimilem tui invenire poteris? Tu eris super domum meam, et ad tui oris imperium cunctus populus obediet: uno tantum regni solio te praecedam.

R. Esuriente terra Aegypti, clamavit populus ad regem alimenta petens. Quibus ille respondit: * Ite ad Joseph, et quidquid vobis dixerit, facite.

V. Crescebat quotidie fames in omni terra, aperuitque Joseph universa horrea, et vendebat Aegyptiis. Ite ad Joseph.

Lectio iii.

Dixitque rursus Pharaon ad Joseph: Ecce constitui te super universam terram Aegypti. Tulitque annulum de manu sua, et dedit eum in manu ejus: vestivitque eum stola byssina, et collo torquem auream circumposuit. Fecitque eum ascendere

super currum suum secundum, clamante pracone, ut omnes coram eo genu flecterent, et praepositum esse scirent universae terrae Aegypti. Dixitque rex ad Joseph: Ego sum Pharaon: absque tuo imperio non movebit quisquam manum, aut pedem in omni terra Aegypti.

R. Fecit me Dominus quasi patrem regis, et Dominum universae domus ejus: nolite pavere; * Pro salute enim vestra misit me Deus ante vos in Aegyptum.

V. Venite ad me, et ego dabo vobis omnia bona Aegypti, et comedetis medullam terrae. Pro salute. Gloria Patri. Pro salute.

IN II. NOCTURNO.

Antiph. to. 4. Consurgens Joseph, accepit puerum et matrem ejus nocte, et secessit in Aegyptum: et erat ibi usque ad obitum Herodis.

Psalmus 4.

Cum invocarem, exaudivit me Deus justitiae meae: * in tribulatione dilatasti mihi.

Miserere mei, * et exaudi orationem meam.

Filii hominum, usquequo gravi corde? * ut quid diligitis vanitatem, et queritis mendacium?

Et scitote quoniam mirificavit Dominus sanctum suum: * Dominus exaudiet me, cum clamavero ad eum.

Irascimini, et nolite peccare: * quae dicitis in cordibus vestris, in cubilibus vestris compungimini.

Sacrificate sacrificium justitiae, et sperate in Domino. * Multi dicunt: Quis ostendit nobis bona?

Signatum est super nos lumen vultus tui, Domine: * dedisti laetitiam in corde meo.

A fructu frumenti, vini, et olei sui * multiplicati sunt.

In pace in idipsum * dormiam, et requiescam;

Quóniam tu, Dómine, singuláriter in spe * constituísti me.

Antiph. Consúrgens Joseph, accépit púerum et matrem ejus nocte, et secéssit in Ægýptum: et erat ibi usque ad óbitum Heródis.

Antiph. to. 5. Defúnto Heróde, Angelus Dómini appáruit in somnis Joseph in Ægýpto, dicens: Surge, et áccipe púerum et matrem ejus, et vade in terram Israel: defúnti sunt enim, qui quærébant ánimam púeri.

Psalmus 5.

Verba mea áuribus pércipe, Dómine, * intéllege clamórem meum. Inténde voci oratiónis meæ, * Rex meus, et Deus meus.

Quóniam ad te orábo: * Dómine, mane exáudies vocem meam.

Mane astábo tibi, et vidébo: * quóniam non Deus volens iniquitátem tu es.

Neque habitábit juxta te malignus: * neque permanébunt injústi ante óculos tuos.

Odísti omnes, qui operántur iniquitátem: * perdes omnes, qui loquúntur mendácium.

Virum sánguinem, et dolósum abominábitur Dóminus: * ego autem in multitúdine misericórdiæ tuæ,

Introibo in domum tuam: * adorábo ad templum sanctum tuum in timóre tuo.

Dómine, deduc me in justítia tua: * propter inimícos meos dírige in conspéctu tuo viam meam.

Quóniam non est in ore eórum veritas: * cor eórum vanum est.

Sepúlchrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multitúdinem impietátum eórum expélle eos: * quóniam irritavérunt te, Dómine.

Et læténtur omnes, qui spérant in te: * in ætérnum exultábunt, et habitábis in eis.

Et gloriabúntur in te omnes, qui díligunt nomen tuum: * quóniam tu benedíces justo.

Dómine, ut scuto bonæ voluntátis tuæ * coronásti nos.

Antiph. Defúnto Heróde, Angelus Dómini appáruit in somnis Joseph in Ægýpto, dicens: Surge, et áccipe púerum et matrem ejus, et vade in terram Israel: defúnti sunt enim, qui quærébant ánimam púeri.

Antiph. to. 6. Accépit Joseph púerum et matrem ejus, et venit in terram Israel.

Psalmus 8.

Domine, Dóminus noster, * quam admirábile est nomen tuum in univérsa terra!

Quóniam eleváta est magnificéntia tua * super cœlos.

Ex ore infántium et lacténtium perfecísti laudem propter inimícos tuos, * ut déstruas inimicum et ultórem.

Quóniam vidébo cœlos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas, insuper et pécora campi;

Vólucres cœli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsa terra!

Antiph. Accépit Joseph púerum et matrem ejus, et venit in terram Israel.

V. Magna est glória ejus in salutári tuo.
R. Glóriam et magnum decórem impónes super eum.

Sermo Sancti Bernárdi Abbátis.

Homilia 2. super Missus est, prope fin.

Lectio iv.

Quis et qualis homo fúerit beátus Joseph, cónjice ex appellatióne, qua, licet dispensatória, mérui honorári ádeo, ut pater Dei et dictus et créditus sit: cónjice et ex próprio vocábulo, quod augméntum non dúbitas interpretári. Simul et meménto magni illíus quondam Patriarchæ vénditi in Ægýpto, et scito ipsíus istum non solum vocábulum fuisse sortítum, sed et castimóniam adéptum, innocentiam assecútum et grátiam.

R. Ascéndit Joseph a Galilæa de civitate Náza-reth in Judæam, in civitatem David, quæ vocátur Béthlehem: * Eo quod esset de domo, et familia David.

V. Ut profiterétur cum María desponsáta sibi uxóre. **Eo quod.**

Lectio v.

Siquidem ille Joseph, fratérna ex invídia vénditus, et ductus in Ægýptum, Christi venditióne præfigurávit: iste Joseph, Herodiánam invídiam fúgiens, Christum in Ægýptum portávit. Ille dómīno suo fidem servans, dómīnæ nóluit commiscéri: iste Dóminam suam, Dómini sui Matrem, Vírginem agnóscens, et ipse cóntinens, fidéliter custodívit. Illi data est intelligéntia in mystériis somniórum: isti datum est cónscium fieri atque participem cœléstium sacramentórum.

R. Surge, et áccipe púerum et matrem ejus, et fuge in Ægýptum: * Et esto ibi usque dum dicam tibi.

V. Ut adimplerétur quod dictum est a Dómino per Prophétam dicéntem: Ex Ægýpto vocávi Fílium meum. Et esto.

Lectio vi.

Ille fruménta servávit non sibi, sed omni pópulo: iste panem vivum e cœlo servándum accépit tam sibi, quam toti mundo. Non est dúbium, quin bonus et fidélis homo fúerit iste Joseph, cui mater desponsáta est Salvatóris. Fidélis, inquam, servus et prudens, quem constituit Dóminus suæ matris solátium, suæ carnis nutritium, solum dénique in terris magni consílii coadjutórem fidelíssimum.

R. Cum indúcerent púerum Jesum paréntes ejus, ut fácerent secúndum consuetúdinem legis pro eo: * Accépit eum Símeon in ulnas suas, et benedíxit Deum.

V. Et erat pater ejus, et mater mirántes super his, quæ dicebántur de illo. **Accépit. Glória Patri. Accépit.**

IN III. NOCTURNO.

Antiph. to. 7. r. Audiens Joseph quod Archeláus regnáret in Judæa pro Heróde patre suo, tímuit illo ire.

Psalmus 14.

Domine, quis habitábit in tabernáculo tuo? * aut quis requiescet in monte sancto tuo?

Qui ingreditur sine mácula, * et operatur justítiam:

Qui loquitur veritátem in corde suo, * qui non egit dolum in lingua sua:

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus: * tímētes autem Dóminum glórficat:

Qui jurat próximo suo, et non decipit, * qui pecúniam suam non dedit ad usúram, et múnera super innocéntem non accépit.

Qui facit hæc, * non movébitur in ætérnum.

Antiph. Audiens Joseph quod Archeláus regnáret in Judæa pro Heróde patre suo, tímuit illo ire.

Antiph. to. 8. Admónitus in somnis Joseph, secéssit in partes Galilææ: et véniens habitávit in civitatē, quæ vocátur Názareth; ut adimplerétur quod dictum est per Prophétas: Quóniam Nazaræus vocábitur.

Psalmus 20.

Domine, in virtúte tua lætábitur rex: * et super salutáre tuum exultábit veheménter.

Desidérium cordis ejus tribuísti ei: * et voluntáte labiórū ejus non fraudásti eum.

Quóniam prævenísti eum in benedictionibus dulcédinis: * posuísti in cápite ejus coronam de lápide pretiósio.

Vitam pétiit a te: * et tribuísti ei longitúdinem diérū in sæculum, et in sæculum sæculi.

Magna est glória ejus in salutári tuo: * glóriam et magnum decórem impónes super eum.

Quóniam dabis eum in benedictionem in sæculum sæculi: * lætificábis eum in gáudio cum vultu tuo.

Quóniam rex sperat in Dómino: * et in misericórdia Altíssimi non còmmovébitur.

Inveniátur manus tua ómnibus inimícis tuis: * dextera tua invéniat omnes, qui te odérunt.

Pones eos ut clíbanum ignis in témpore vultus tui: * Dóminus in ira sua conturbábit eos, et devorábit eos ignis.

Fructum eórum de terra perdes, * et semen eórum a fíliis hóminum.

Quóniam declinavérunt in te mala: * cogitavérunt consília, quæ non potuérunt stabilíre.

Quóniam pones eos dorsum: * in reliquiis tuis præparábis vultum eórum. Exaltáre, Dómine, in virtúte tua: * cantábitur et psallémus virtútes tuas.

Antiph. Admónitus in somnis Joseph, secéssit in partes Galilææ: et véniens habitávit in civitatē, quæ vocátur Názareth; ut adimplerétur quod

dictum est per Prophétas: Quóniam Nazaræus vocábitur.

Antiph. to. 1. l. Erat pater Jesu, et mater mirántes super his, quæ dicebántur de illo; et benedíxit illis Símeon.

Psalmus 23.

Domini est terra, et plenitúdo ejus: * orbis terrárum, et univérsi qui habitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictionem a Dómino, * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Antiph. Erat pater Jesu, et mater mirántes super his, quæ dicebántur de illo; et benedíxit illis Símeon.

V. Justus germinábit sicut lílium.

R. Et florébit in ætérnum ante Dóminum.

Léctio sancti Evangélíi secúndum Matthæum.

Lectio vii.

Cap. 1. c.

Cum esset desponsáta mater Jesu María Joseph, ántequam convenírent, invénta est in útero habens de Spíritu sancto. Et reliqua.

Homilia Sancti Hierónymi Presbýteri.

Lib. 1. Comm. in e. 1. Matth.

QUare non de simplici vírgine, sed de desponsáta concépitur? Primum, ut per generatióem Joseph orígo Mariæ monstrarétur: secúndo, ne lapidarétur a Judæis ut adultera: tertio, ut in Ægýptum fúgiens haberet solátium. Martyr Ignátius étiam quartam áddidit causam, cur a desponsáta concéptus sit: Ut partus, in-quiens, ejus celaretur diábolo, dum eum putat non de vírgine, sed de uxóre generátum.

R. Dicit Mater Jesu ad illum: Fili, quid fecísti nobis sic? * Ecce pater tuus, et ego doléntes quærebámus te.

V. Et ait ad illos: Quid est quod me quærebátis? nesciebátis quia in his, quæ Patris mei sunt, opórtet me esse? Ecce pater.

Lectio viii.

ANtequam convenírent, invénta est in útero habens de Spíritu sancto. Non ab álío invénta est, nisi a Joseph, qui pene licéntia maritali futúre uxóris ómnia nóverat. Quod autem dicitur: Antequam convenírent; non séquitur ut póstea convénerint: sed Scriptúra quod factum non sit, osténdit.

R. Descéndit Jesus cum eis, et venit Názareth; * Et erat súbditus illis.

V. Proficiébat sapiéntia, et ætáte, et grátia apud Deum, et hómines. Et erat. Glória Patri. Et erat.

Nona Lectio dicitur de Homilia Feriæ occurrentis, si celebretur in Quadragesima; et de ea fit commemoratio in Laudibus.

Lectio ix.

Joseph autem vir ejus cum esset justus, et nollet eam tradúcere, voluit occúlte dimíttre eam. Si quis fornicáriæ conjúngitur, unum corpus efficitur: et in lege præcéptum est, non solum reos, sed et cóncios crí-

minum obnoxios esse peccáti: quómodo Joseph, cum crimen celáret uxóris, justus scríbitur? Sed hoc testimónium Mariæ est, quod Joseph sciens illíus castitátem, et admírans quod evénerat, celat siléntio, cujus mystérium nesciébant.

Te Deum laudámus. 13.

AD LAUDES

ET PER HORAS.

Antiph. to. 5. Ibant paréntes Jesu per omnes annos in Jerúsalem, in die solémni Paschæ.

Psalmus. Dóminus regnávít. cum reliquis de Dominica. 14.

Antiph. to. 8. Cum redírent, remánsit puer Jesus in Jerúsalem, et non cognovérunt paréntes ejus.

Antiph. to. 7. Non inveniéntes Jesum, regréssi sunt in Jerúsalem, requiréntes eum; et post tríduum invénérunt illum in templo sedéntem in médio doctórum, audiéntem, et interrogántem eos.

Antiph. to. 6. Dixit Mater ejus ad illum: Fili, quid fecísti nobis sic? Ecce pater tuus, et ego doléntes quærebámus te.

Antiph. to. 1. f. Descéndit Jesus cum eis, et venit Názareth, et erat súbditus illis.

Capitulum. Prov. 28. et 27.

Vir fidélis multum laudábitur. Et qui custos est Dómini sui, glori-
ficábitur.

Hymnus.

Iste, quem læti cólimus fidéles,
Cujus excélsos cánimus triúmphos,
Hac die Joseph méruit perénis
Gáudia vitæ.

O nimis felix, nimis o beátus,
Cujus extrémam vígiles ad horam
Christus et Virgo simul astitérunt
Ore seréno.

Hinc stygis victor, láqueo solúus
Carnis, ad sedes plácido sopóre
Migrat ætérnas, rutilisque cingit
Témpora sertis.

Ergo regnántem flagitémus omnes
Adsit ut nobis, veniámque nostris
Obtinens culpis, tríbuat supérnæ
Múnera pacis.

Sint tibi plausus, tibi sint honóres,
Trine, qui regnas, Deus, et corónas
Aureas servo tríbuis fidéli
Omne per ævum. Amen.

Ÿ. Os justi meditábitur sapiéntiam.
R. Et lingua ejus loquétur judícium.

Ad Benedictus, Antiphona, to. 3. r.
Ipse Jesus erat incípiens quasi an-
nórum trigínta, ut putabátur fílius
Joseph.

Oratio.

Sanctíssimæ Genitrícis tuæ Sponsi,
quæsumus, Dómine, méritis adju-
vémur: ut quod possibílitas nostra
non óbtinet, ejus nobis intercessióne
donétur: Qui vivis et regnas cum
Deo Patre.

Deinde fit commemoratio Feriæ, si
celebretur in Quadragesima.

Ad Tertiam.

Antiph. to. 8. Cum redírent.

Capitulum. Vir fidélis. ut supra.

R. br. Constituit eum* Dóminum do-
mus suæ. Constituit.

Ÿ. Et príncipem omnis possessiónis
suæ. Dóminum. Glória Patri. Con-
stituit.

Ÿ. Magna est glória ejus in salutári
tuo.

R. Glóriam, et magnum decórem im-
pónes super eum.

Ad Sextam.

Antiph. to. 7. Non inveniéntes.

Capitulum. Eccli. 45.

Dilectus Deo, et homínibus, cujus
memória in benedictióne est. In

fide; et lenitáte ipsíus sanctum fecit
illum, et elégit eum ex omni carne.

R. br. Magna est glória ejus, * In sa-
lutári tuo. Magna est.

Ÿ. Glóriam, et magnum decórem im-
pónes super eum. In salutári tuo. Gló-
ria Patri. Magna est.

Ÿ. Justus germinábit sicut lílium.

R. Et florébit in ætérnum ante Dó-
minum.

Ad Nonam.

Antiph. to. 1. f. Descéndit Jesus.

Capitulum.

Sap. 10.

Profugum justum dedúxit Sapién-
tia per vias rectas, et osténdit illi
regnum Dei, et dedit illi sciéntiam
Sanctórum; honestávit illum in labó-
ribus, et complévit labóres illíus.

R. br. Justus germinábit, * Sicut lí-
lium. Justus.

Ÿ. Et florébit in ætérnum ante Dó-
minum. Sicut lílium. Glória Patri.
Justus.

Ÿ. Plantátus in domo Dómini.

R. In átriis domus Dei nostri.

In II. Vesperis.

Antiph. to. 5. Ibant paréntes. ut in
Laudibus. 426.

Psalmi, ut in primis Vesperis, de
Communi Apostolorum [1].

Capitulum.

Prov. 28. et 27.

Vir fidélis multum laudábitur. Et
qui custos est Dómini sui, glori-
ficábitur.

Hymnus.

TE, Joseph, célebrent ágmina Cée-
litum,

Te cuncti résonent Christíadum
Chori,

Qui clarus méritis, junctus es ínclytæ
Casto fódere Vírgini.

Almo cum túmidam gérmine cón-
jugem

Admírans, dúbio tängeris ánxius,
Afflátu súperi Fláminis Angelus
Concéptum púerum docet.

Tu natum Dóminum stringis, ad éx-
teras

Ægýpti prófugum tu séqueris plagas;
Amíssum Sólymis quæris, et invenis,
Miscens gáudia flétibus.

Post mortem réliquos mors pia cón-
secrat,

Palmámque eméritos glória súscipit:
Tu vivens, Súperis par, frúeris Deo,
Mira sorte beátior.

Nobis, summa Trias, parce precán-
tibus,

Da Joseph méritis sídera scándere:
Ut tandem líceat nos tibi pérpetim
Gratum prómere cánticum.
Amen.

℣. Glória, et divítiae in domo ejus.

℞. Et justítia ejus manet in sæculum
sæculi.

Ad Magnificat, Antiphona, to. 4.

Ecce fidélis servus, et prudens, quem
constítuit Dóminus super familiam
suam.

Oratio.

S Anctíssimæ Genitrícis tuæ Sponsi,
quæsumus, Dómine, méritis adju-
vémur: ut quod possibílitas nostra
non óbtinet, ejus nobis intercessióne
donétur: Qui vivis et regnas cum Deo
Patre.

Si celebretur in Quadragesima fit
commemoratio Feriæ.

Die 21. Martii.

In Festo S. Benedicti Abbatis.

Duplex.

Omnia ut in Comuni Confessoris
non Pontificis [79], præter sequentia.

Oratio.

I Ntercèssio nos, quæsumus, Dómine,
beáti Benedicti Abbátis commén-

det: ut quod nostris méritis non va-
lémus, ejus patrocínio assequámur.
Per Dóminum.

In Quadragesima fit commemoratio
Feriæ.

IN I. NOCTURNO.

De libro Ecclesiástici.

Lectio i.

Cap. 44.

L Audémus viros gloriósos, et pa-
réntes nostros in generatióne sua.
Multam glóriam fecit Dóminus mag-
nificéntia sua a sæculo. Dominátes
in potestátibus suis, hómnes magni
virtúte, et prudéntia sua præditi, nun-
tiántes in Prophétis dignitátem Pro-
phetárum, et imperántes in præsénti
pópulo, et virtúte prudéntiæ pópulis
sanctíssima verba. In perítia sua re-
quiréntes modos músicos, et narrán-
tes cármina Scripturárum.

℞. Euge, serve bone et fidélis, quia
in pauca fuísti fidélis, supra multa te
constítuam: * Intra in gáudium Dó-
mini tui.

℣. Dómine, quinque talénta tradidísti
mihi, ecce ália quinque superlucrátus
sum. Intra.

Lectio ii.

H Omines divítes in virtúte, pulchri-
túdinis stúdiu habéntes, paci-
ficántes in dómibus suis. Omnes isti
in generatióne gentis suæ glóriam
adépti sunt, et in diébus suis habéntur
in láudibus. Qui de illis nati sunt, re-
liquérunt nomen narrándi laudes eó-
rum; et sunt quorum non est memó-
ria: periérunt quasi qui non fúerint:
et nati sunt quasi non nati, et filii
ipsórum cum ipsis.

℞. Justus germinábit sicut lílium, * Et
florébit in ætérnum ante Dóminum.

℣. Plantátus in domo Dómini, in át-
riis domus Dei nostri. Et florébit.

Lectio iii.

S Ed illi víri misericórdiæ sunt, quo-
rum pietátes non defuérunt: cum

sémine eórum pórmanent bona, hæreditas sancta nepótes eórum, et in testaméntis stetit semen eórum: et filii eórum propter illos usque in ætérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et laudem eórum nún-tiet Ecclésia.

R. Iste cognóvit justítiam, et vidit mirabilia magna, et exorávit Altíssimum: * Et invéntus est in número sanctórum.

V. Iste est qui contémpsit vitam mundi, et pervénit ad coeléstia regna. **Et** invéntus. **G**lória Patri. **E**t invéntus.

IN II. NOCTURNO.

Lectio iv.

Benedíctus, Núrsiæ nóbili génere ortus, Romæ liberálibus disciplínis erudítus, ut totum se Jesu Christo daret, ad eum locum, qui Sublácus dícitur, in altíssimam spelúncam penetrávit: in qua sic per triénnum delítuit, ut unus id sciret Románus mónachus, quo ad vitæ necessitátem mínistro utebátur. Dum ígitur ei quodam die ardéntes ad libídinem faces a diábolo subjiceréntur, se in véprius tándiu volutávit, dum, lacerátó corpore, voluptátis sensus dolore opprimerétur. Sed jam erumpén-te ex illis látebris fama ejus sanctitátis, quidam mónachi se illi instituéndos tradidérunt: quorum vivéndi licéntia cum ejus objurgatiónes ferre non posset, venénium in potióne ei dare constituunt. Verum póculum ei præbéntibus, Crucis signo vas confrégit, ac, relícto monastério, in solitúdinem se recépít.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

V. Justum dedúxit Dóminus per vias rectas, et osténdit illi regnum Dei. **Et** dedit.

Lectio v.

Sed cum multi ad eum quotidie discípuli convenírent, duódecim monastéria ædificávit, éaque sanctíssimis légibus communívit. Póstea Cassínium migrávit, ubi simulácrum Apólinis, qui adhuc ibi colebátur, commínuit, aram evértit, et lucos succéndit: ibíque sancti Martíni sacéllum, et sancti Joánnis ædiculam extrúxit: oppidános autem et íncolas Christiá-nis præcéptis ímbuit. Quare augebátur in dies magis divína grátia Benedíctus, ut étiam prophético spírítu ventúra prædiceret. Quod ubi accé-pit Tótila Gothórum rex, exploratúrus an res ita esset, spathárium suum régio ornátu et comitátu præmíttit, qui se regem simuláret. Quem ut ille vidit: Depóne, inquit, fili, depóne quod geris; nam tuum non est. Tótilæ vero prædixit advéntum ejus in Urbem, maris transmissiόem, et post novem annos mortem.

R. Amávit eum Dóminus, et ornávit eum: stolam glóriæ índuit eum, * Et ad portas paradísi coronávit eum.

V. Índuit eum Dóminus lorícam fidei, et ornávit eum. **Et** ad portas.

Lectio vi.

Qui áliquot ménsibus ántequam e vita migráret, præmónuit discí-pulos quo die esset moritúrus: ac sepúlchrum, in quo suum corpus condi-vellet, sex diébus ántequam eo infer-rétur, aperíri jussit: sextóque die de-férri vóluit in Ecclésiám: ubi, sumpta Eucharistía, sublátis in cœlum ócu-lis orans, inter manus discipulórum efflávit ánimam, quam duo mónachi eúntem in cœlum vidérunt pállio or-nátam pretiosíssimo, circum eam ful-géntibus lampádibus, et claríssima et gravíssima spécie virum stantem

supra caput ipsius dicentem audierunt:
Hæc est via, qua dilectus Dómini Be-
nedictus in coelum ascendit.

R. Iste homo perfecit omnia, quæ lo-
cútus est ei Deus, et dixit ad eum:
Ingrédere in réquiem meam: * Quia
te vidi justum coram me ex ómnibus
Géntibus.

V. Iste est qui contempsit vitam mun-
di, et pervénit ad cœlestia regna.
Quia te. Glória Patri. Quia te.

In tertio Nocturno, Homilia S. Hie-
ronymi. Presbyteri in Evangelium.
Ecce nos relíquimus omnia. ut in Com-
muni Abbatum. [90]

Nona Lectio de Homilia Feriæ oc-
currentis, si celebretur in Quadra-
gesima.

Die 25. Martii.

In Festo

Annuntiationis B. Mariæ Virg.

Duplex.

Si hoc Festum venerit in Dominica
privilegiata, transferendum erit ad
Feriam secundam immediate sequen-
tem, translato quocumque Festo,
etiam æqualis, non tamen altioris ri-
tus, in ea incidente: si vero occurre-
rit in Hebdomada majori, vel Pa-
schali, transferendum erit (pari cum
privilegio) in Feriam secundam post
Dominicam in Albis, servato ritu Pa-
schali, ut in Rubrica superius posita
in festo S. Joseph.

Ad Vesperas.

Antiph. to. 8. Missus est Gábriel
Angelus. cum reliquis de Laudibus.

Psalmus. Dixit Dóminus. cum reli-
quis ut in festis B. Mariæ. [140]

Capitulum.

Isaiae 7. c.

ECce virgo concipiet, et páriet fí-
lium, et vocábitur nomen ejus
Emmánuel. Bútyrum et mel cómedet,
ut sciat reprobáre malum, et elígere
bonum.

Hymnus.

AVe, maris stella,
Dei mater alma,
Atque semper virgo,
Felix cœli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces
Qui pro nobis natus,
Tulit esse tuus.

Virgo singuláris,
Inter omnes mitis,
Nos culpis solútos
Mites fac et castos.

Vitam præsta puram,
Iter para tutum,
Ut vidéntes Jesum
Semper collætémur.

Sit laus Deo Patri,
Summo Christo decus,
Spíritui sancto,
Tribus honor unus.

Amen.

V. Ave, María, grátia plena.

R. Dóminus tecum.

Ad Magnificat, Antiphona, to. 8.
Spíritus sanctus in te descéndet, Ma-
ría, et virtus Altíssimi obumbrábit
tibi.

Oratio.

DEus, qui de beátæ Mariæ Vírginis
útero Verbum tuum, Angelo nun-
tiante, carnem suscípere volústi:
præsta supplicibus tuis, ut qui vere
eam genitricem Dei crédimus, ejus
apud te intercessiónibus adjuvémur.
Per eúndem Dóminum.

In Quadragesima fit commemoratio
Feriæ.

Ad Completorium et per Horas in fine Hymnorum dicitur:

Jesu, tibi sit glória,
Qui natus es de Vírgine.

AD MATUTINUM.

Invitatorium. Ave, María, grátia plena: * Dóminus tecum.

Psalmus. Veníte, exultémus. 2.

Hymnus. Quem terra. item Antiphonæ, Psalmi Nocturn. et VV. ut in festis B. Mariæ [142], excepta nona Antiphona, cujus loco dicitur:

Antiph. Angelus Dómini nuntiávit Mariæ, et concépit de Spíritu sancto.

IN I. NOCTURNO.

De Isaíá Prophéta.

Lectio i.

Cap. 7. b.

ET adjécit Dóminus loqui ad Achaz, dicens: Pete tibi signum a Dómino Deo tuo in profúndum inférni, sive in excélsu supra. Et dixit Achaz: Non petam, et non tentábo Dóminu. Et dixit: Audíte ergo, domus David: Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum: Ecce virgo concípíet, et páriet fíliu, et vocábitur nomen ejus Emmánuel. Bútyrum et mel cómedet, ut sciat reprobáre malum, et elígere bonu.

R. Missus est Gábriel Angelus ad Mariám Vírginem desponsátam Joseph, núntians ei verbum, et expavéscit Virgo de lúmine. Ne tímeas Mariá: invenísti grátiam apud Dóminu: * Ecce concípíes et páries, et vocábitur Altíssimi Fílius.

V. Dabit ei Dóminus Deus sedem David patris ejus, et regnábit in domo Jacob in ætérnu. Ecce concípíes.

Lectio ii.

Cap. 11.

ET egrediétur virga de radíce Jesse, et flos de radíce ejus ascéndet.

Et requiescet super eum Spíritus Dómini; spíritus sapiéntiæ et intelléctus, spíritus consílii et fortitúdinis, spíritus sciéntiæ et pietátis, et replébit eum spíritus timóris Dómini. Non secúndu visiónem oculórum judicábit, neque secúndu audítu áurium árguet: sed judicábit in justítia páuperes, et árguet in æquitáte pro mansuétis terræ: et percútiét terram virga oris sui, et spíritu labiórum suórum interficiét ímpiu. Et erit justítia cingulum lumbórum ejus, et fides cinctórium renu ejus.

R. Ave, María, grátia plena: Dóminus tecum: * Spíritus sanctus supervéniet in te, et virtus Altíssimi obumbrábit tibi: quod enim ex te nascétur Sanctu, vocábitur Fílius Dei. V. Quómodo fiet istud, quóniam viru non cognósco? Et respóndens Angelus dixit ei. Spíritus.

Lectio iii.

Cap. 35.

Lætábitur desérta et ínvía, et exultábit solitúdo, et florébit quasi líliu. Gérminans germinábit, et exultábit lætabúnda et laudans: glória Líbani data est ei: decor Carméli, et Saron: ipsi vidébunt glóriam Dómini, et decórem Dei nostri. Confortáte manus dissolútas, et gènu debília roboráte. Dícite pusillánimis: Confortámini, et nolíte tímere: ecce Deus vester ultiónem addúcet retributiónis. Deus ipse véniet, et salvábit vos. Tunc aperiéntur óculi cæcórum, et aures surdórum patébunt. Tunc sáliet sicut cervus claudus, et apérta erit lingua mutórum: quia scissæ sunt in desérto aquæ, et torréntes in solitúdine. Et quæ erat árida, erit in stagnum, et sítiens in fontes aquárum. R. Súscipe verbum, virgo Mariá, quod tibi a Dómino per Angelu transmissu est: concípíes et páries Deu páriter et hóminem: * Ut benedícta dicáris inter omnes mulieris.

V. Páries quidem fílium, et virginitátis non patiéris detriméntum: efficiéris grávida, et eris mater semper intácta. Ut benedícta. Glória Patri. Ut benedícta.

IN II. NOCTURNO.

Sermo Sancti Leónis Papæ.

Serm. 2. de Nativitate Domini.

Lectio iv.

Deus omnipotens et clemens, cujus nátura bónitas, cujus volúntas poténtia, cujus opus misericórdia est; statim ut nos diabólica malignitas venéno suæ mortificávit invídiæ, prædestináta renovándis mortálibus suæ pietátis remédia, inter ipsa mundi primórdia præsignávit, denúntians serpénti futúrum semen mulieris, quod nóxii cápitis elatióem sua virtúte contéreret, Christum scílicet in carne ventúrum, Deum hominémque signans, qui natus ex Vírgine, violatórem humanæ propáginis incorrupta nativité damnáret.

R. Ecce virgo concípiet, et páriet fílium, dicit Dóminus: * Et vocábitur nomen ejus Admirábilis, Deus, Fortis. V. Super sólium David, et super regnum ejus sedébit in ætérnum. Et vocábitur.

Lectio v.

NAm quia gloriabátur diábolus, hóminem sua fraude decéptum divinis carúisse munéribus, et immortalitátis dote nudátum, duram mortis subiísse senténtiam, seque in malis suis quoddam de prævaricatoris consórtio invenísse solátium; Deum quoque, justæ severitátis exigénte ratióne, erga hóminem, quem in tanto honóre condíderat, antíquam mutásse senténtiam: opus fuit, dilectíssimi, secréti dispensatióne consílii, ut incommutábilis Deus, (cujus volúntas non potest sua benignitáte privári), primam pietátis suæ dispositiõem sacraménto occultióre compléret: et

homo diabólicæ iniquitátis versútia actus in culpam, contra Dei propósitum non períret.

R. Egrediétur virga de radíce Jesse, et flos de radíce ejus ascéndet: * Et erit justítia cingulum lumbórum ejus, et fides cinctórium renum ejus.

V. Et requiescet super eum Spíritus Dómini, spíritus sapiéntiæ et intelléctus, spíritus consílii et fortitúdinis. Et erit.

Lectio vi.

Adveniéntibus ergo tempóribus, dilectíssimi, quæ redemptióri hóminum fúerant præstitúta, ingréditur hæc ínfima Jesus Christus Dóminus noster, de cœlésti sede descéndens, et a patérna glória non recédens, novo órdine, nova nativité generátus: novo órdine, quia invisíbilis in suis, visíbilis factus est in nostris: incomprehensíbilis, vóluit comprehénderi: ante témpora manens, esse cœpit ex témpore: universitátis Dóminus, servílem formam, obumbráta majestátis suæ dignitáte suscepit: impassíbilis Deus, non dedignátus est homo esse passíbilis: et immortalis, mortis légibus subjacére.

R. Sancta et immaculáta virgíntas, quibus te láudibus éfferam, nésco: * Quia quem cœli cápere non póterant, tuo grémio contulísti.

V. Benedícta tu in muliéribus, et benedíctus fructus ventris tui. Quia. Glória Patri. Quia.

IN III. NOCTURNO.

Léctio sancti Evangélíi secúndum Lucam.

Lectio vii.

Cap. 1. c.

In illo témpore: Missus est Angelus Gábriel a Deo in civitátem Galiléæ, cui nomen Názareth, ad virgínem desponsátam viro, cui nomen erat Joseph, de domo David: et nomen virgínis María. Et réliqua.

Homilia Sancti Ambrósii Episcopi.

Lib. 2. in Lucam.

Latent quidem divína mystéria, nec fáci-
le, juxta prophéticum dictum,
quisquam hóminum potest scire consí-
lium Dei. Sed tamen ex céteris fac-
tis atque præcéptis Dómini Salva-
tórís póssumus intelligere, et hoc
propensiórís fuisse consílii, quod ea
potissimum elécta est ut Dóminum
páreret, quæ erat desponsáta viro.
Cur autem non ántequam desponsa-
rétur, impléta est? Fortásse ne di-
cerétur, quod concéperat ex adultério.
R. Congratulámini mihi, omnes, qui
dilígitis Dóminum, quia cum essem
párvula, plácuí Altíssimo: * Et de meis
viscéribus génui Deum et hóminem.
V. Beátam me dicent omnes genera-
tiónes, quia ancíllam húmílem respé-
xit Deus. Et de meis.

Lectio viii.

Etingréssus ad eam Angelus. Disce
vírginem móribus, disce vírginem
verecúndia, disce oráculo, disce my-
stério. Trepidáre vírginum est, et ad
omnes viri ingréssus pavére, omnes
viri affátus veréri. Discant mulieres
propósitum pudóris imitári. Sola in
penetrálibus, quam nemo virórum ví-
derit, solus Angelus repérerit: sola
sine cómite, sola sine teste, ne quo
degénere depravarétur affátu, ab An-
gelo salutátur.

R. Gaude, María virgo, cunctas hæ-
reses sola interemísti, quæ Gabriélis
Archángeli dictis credidísti: * Dum
virgo Deum et hóminem genuísti, et
post partum, Virgo, invioláta perman-
sísti.

V. Beáta es, quæ credidísti, quia per-
fécta sunt ea, quæ dicta sunt tibi a Dó-
mino. Dum virgo. Glória Patri. Dum
virgo.

Si hoc festum celebretur in Quadra-
gesima, ix. Lectio dicitur de Homilia
Feriæ occurrentis et de ea fit com-
memoratio.

Lectio ix.

TAnti namque mandáti mystérium
non hóminis fuit, sed Angeli ore
proméndum. Hódie primum audítur:
Spíritus sanctus supervéniet in te. Et
audítur, et créditur. Dénique: Ecce,
inquit, ancílla Dómini, contíngat mihi
secúndum verbum tuum. Vide humi-
litátem, vide devotiónem. Ancíllam
se dicit Dómini, quæ mater elígitur,
nec repentinó exaltáta promísso est.
Te Deum laudámus. 13.

AD LAUDES
ET PER HORAS.

Antiph. to. 8. Missus est Gábriel
Angelus ad Mariám vírginem des-
ponsátam Joseph.

Psalmus. Dóminus regnávít. cum
reliquis 14.

Antiph. to. 1. s. Ave, María, grátia
plena: Dóminus tecum: Benedícta
tu in muliéribus.

Antiph. to. 8. Ne tímeas, María: in-
venísti grátiam apud Dóminum: ecce
concípies et páries fílium.

Antiph. to. 1. Dabit ei Dóminus se-
dem David patris ejus, et regnábít in
ætérum.

Antiph. to. 8. f. Ecce ancílla Dómini:
fiat mihi secúndum verbum tuum.

Capitulum.

Isaia 7. c.

ECce virgo concípíet, et páriet fí-
lium, et vocábitur nomen ejus
Emmánuel. Bútyrum et mel cómedet,
ut sciat reprobáre malum, et elígere
bonum.

Hymnus.

O Gloriósa Vírginum,
Sublímis inter sídera,
Qui te creávit, párvulum
Lacténte nutris úbere.
Quod Heva tristis ábstulit,
Tu reddis almo gérmine:
Intrent ut astra flébiles,
Cœli reclúdis cárdines.

Tu Regis alti jánuā,
Et aula lucis fúlgida:
Vitā datā per Vírginem,
Gentes redémpťæ, pláudite.

Jesu, tibi sit glória,
Qui natus es de Vírgine,
Cum Patre, et almo Spírítu,
In sempitérna sácula.
Amen.

V. Ave, María, grátia plena.

R. Dóminus tecum.

Ad Benedictus, Antiphona, to. 7.

Quómodo fiet istud, Angele Dei, quóniam virum non cognósko? Audi, María virgo: Spírítus sanctus supervéniet in te, et virtus Altíssimi obumbrábit tibi.

Oratio.

Deus, qui de beátæ Mariæ vírginis útero Verbum tuum, Angelo nuntiánte, carnem suscípere voluísti: præsta supplicibus tuis, ut qui vere eam genitricem Dei crédimus, ejus apud te intercessiónibus adjuvémur. Per eúndem Dóminum nostrum.

Ad Primam in R. brevi dicitur.

V. Qui natus es de María vírgine.

Ad Tertiam.

Antiph. to. 1. s. Ave, María.

Capitulum. Isaiae 7. c.

ECce virgo concípíet, et páriet fílium, et vocábitur nómen ejus Emmánuel. Bútyrum et mel cómedet, ut sciat reprobáre malum, et elígere bonum.

R. br. Spécie tua, * Et pulchritúdine tua. Spécie tua.

V. Inténde, prospere procéde, et regna. Et pulchritúdine. Glória Patri. Spécie tua.

V. Adjuvábít eam Deus vultu suo.

R. Deus in médio ejus, non commovébitur.

Ad Sextam.

Antiph. to. 8. Ne tímeas, María.

Capitulum. Lucæ 1. c.

DAbit illi Dóminus Deus sedem David patris ejus, et regnábít in domo Jacob in ætérnum, et regni ejus non erit finis.

R. br. Adjuvábít eam * Deus vultu suo. Adjuvábít.

V. Deus in médio ejus, non commovébitur. Deus vultu. Glória Patri. Adjuvábít.

V. Elégít eam Deus, et præelégit eam.

R. In tabernáculo suo habitáre facit eam.

Ad Nonam.

Antiph. to. 8. f. Ecce ancílla Dómini.

Capitulum. Isaiae 11.

EGrediétur virga de radíce Jesse, et flos de radíce ejus ascéndet. Et requiescet super eum Spírítus Dómini.

R. br. Elégít eam Deus, * Et præelégit eam. Elégít eam.

V. In tabernáculo suo habitáre facit eam. Et præelégit. Glória Patri. Elégít eam.

V. Diffúsa est grátia in lábiis tuis.

R. Proptérea benedíxit te Deus in ætérnum.

In secundis Vesperis dicuntur omnia ut supra in primis. 430.

Ad Magnificat, Antiphona, to. 8. r. Gábriel Angelus locútus est Mariæ, dicens: Ave, grátia plena: Dóminus tecum: Benedícta tu in muliéribus.

FERIA SEXTA

post Dominicam Passionis.

Festum

Septem Dolorum B. M. Virginis.

Duplex.

Si in hac Feria occurrerit Festum altioris ritus seu dignitatis, tunc

Festum Septem Dolorum transferendum erit ad Sabbatum immediate sequens, quocumque Festo etiam æqualis non tamen altioris ritus seu dignitatis in eo incidente; quod si transferri ad Sabbatum non possit, erit omittendum.

AD VESPERAS.

Antiph. to. 5. Vadam ad montem myrrhæ, et ad collem thuris.

Psalmus 115.

CRÉdidi, propter quod locútus sum: * ego autem humiliátus sum nimis. Ego dixi in excéssu meo: * Omnis homo mendax.

Quid retríbuiam Dómino, * pro ómnibus, quæ retríbuit mihi?

Cálicem salutáris accípiam: * et nomen Dómini invocábo.

Vota mea Dómino reddam coram omni pópulo ejus: * pretiósas in conspéctu Dómini mors sanctórum ejus. O Dómine, quia ego servus tuus: * ego servus tuus, et filius ancillæ tuæ. Dirupísti víncula mea: * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini, in médiotui Jerúsalem.

Antiph. Vadam ad montem myrrhæ, et ad collem thuris.

Antiph. to. 7. r. Diléctus meus cándidus, et rubicúndus: comæ cápitis ejus sicut púrpura Regis vineta canálibus.

Psalmus 149.

AD Dóminum, cum tribulárer, clamávi: * et exaudivit me.

Dómine, líbera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagíttæ poténtis acútæ, * cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: * multum íncola fuit ánima mea.

Cum his, qui odérunt pacem, eram pacíficus: * cum loquébar illis, impugnábant me grátis.

Antiph. Diléctus meus cándidus, et rubicúndus: comæ cápitis ejus sicut púrpura Regis vineta canálibus.

Antiph. to. 3. Quo ábiit diléctus tuus, o pulchérissima mulíerum? Quo diléctus tuus declinávit?

Psalmus 139.

ERipe me, Dómine, ab hómine malo: * a viro iníquo éripe me.

Qui cogitavérunt iniquitátes in corde: * tota die constituébant prælia.

Acuérunt línguas suas sicut serpéntis: * venénus áspidum sub lábiis eórum.

Custódi me, Dómine, de manu peccatóris: * et ab homínibus iníquis éripe me.

Qui cogitavérunt supplantáre gressus meos: * absconderunt superbi láqueum mihi:

Et funes extendérunt in láqueum: * juxta iter scándalum posuérunt mihi. Dixi Dómino: Deus meus es tu: * exáudi, Dómine, vocem deprecatiónis meæ.

Dómine, Dómine, virtus salutis meæ: * obumbrásti super caput meum in die belli:

Ne tradas me, Dómine, a desidério meo peccatóri: * cogitavérunt contra me, ne derelínquas me, ne forte exalténtur.

Caput circúitus eórum: * labor labiórum ipsórum opériet eos.

Cadent super eos carbónes, in ignem deíciēs eos: * in misériis non subsístent.

Vir linguósus non dirigétur in terra: * virum injústum mala cápient in in-téritu.

Cognóvi quia fáciét Dóminus júdí-
cium ínópís, * et vindíctam páuperum.
Verúmtamen justí confitebúntur nó-
mini tuo: * et habitábunt recti cum
vultu tuo.

Antiph. Quo ábiit diléctus tuus, o
pulchérissima mulíerum? Quo diléctus
tuus declinávit?

Antiph. to. 4. Fascículus myrrhæ
diléctus meus mihi, inter úbera mea
commorábitur.

Psalmus 140.

Domine, clamávi ad te, exáudi me:
* inténde voci meæ, cum clamá-
vero ad te.

Dirigátur orátio mea sicut incénsum
* in conspéctu tuo: * elevátio mánuum
meárum sacrificium vespertínium.

Pone, Dómine, custódiam ori meo: *
et óstium circumstántiæ lábiis meis.
Non declínes cor meum in verba mal-
lítiæ, * ad excusándas excusatiónes
in peccátis.

Cum homínibus operántibus iniqui-
tátem: * et non comunicábo cum
eléctis eórum.

Corrípiet me justus in misericórdia,
et increpábit me: * óleum autem pec-
catóris non impínguet caput meum.
Quóniam adhuc, et orátio mea in
beneplácitis eórum: * absórpti sunt
juncti petræ júdices eórum.

Audient verba mea quóniam potué-
runt: * sicut crassitúdo terræ erúpta
est super terram.

Dissipáta sunt ossa nostra secus in-
férnum: * quia ad te, Dómine, Dó-
mine, óculi mei: in te sperávi, non
áuferas ánimam meam.

Custódi me a láqueo, quem statuér-
unt mihi: * et a scándalis operán-
tium iniquitátem.

Cadent in retiáculo ejus peccatóres: *
singuláríter sum ego, donec tránseam.

Antiph. Fascículus myrrhæ diléctus
meus mihi, inter úbera mea commo-
rábitur.

Antiph. to. 6. Fulcíte me flóribus,
stipáte me malis, quia amóre lángueo.

Psalmus 141.

Voce mea ad Dóminum clamávi: *
voce mea ad Dóminum deprecá-
tus sum:

Effúndo in conspéctu ejus oratióem
meam, * et tribulatióem meam ante
ipsum pronúntio.

In deficiéndo ex me spíritum meum,
* et tu cognovísti sémitas meas.

In via hac, qua ambulábam, * ab-
scondérunt láqueum mihi.

Considerábam ad dexteram, et vidé-
bam: * et non erat qui cognósceret me.

Périit fuga a me, * et non est qui re-
quírat ánimam meam.

Clamávi ad te, Dómine, * dixi: Tu
es spes mea, pórtio mea in terra vi-
véntium.

Inténde ad deprecationem meam: *
quia humiliátus sum nimis.

Líbera me a persecuéntibus me: *
quia confortáti sunt super me.

Educ de custódia ánimam meam ad
confiténdum nómini tuo: * me ex-
péctant justí, donec retríbuas mihi.

Antiph. Fulcíte me flóribus, stipáte
me malis, quia amóre lángueo.

Capitulum.

Isaiae 53.

Quis crédidit audítui nostro? et brá-
chium Dómini cui revelátum est?
Et ascéndet sicut virgúltum coram
eo, et sicut radix de terra sitiénti.

Hymnus.

STabat Mater dolorósa
Juxta Crucem lacrymósa,
Dum pendébat Fílius:

Cujus ánimam geméntem,
Contristátam, et doléntem,
Pertransívit gládius.

O quam tristis et afflícta
Fuit illa benedícta
Mater Unigéniti!

Quæ mœrébat, et dolébat,
Pia Mater dum vidébat
Nati pœnas ínclýti.

Quis est homo, qui non fleret,
Matrem Christi si vidéret
In tanto supplício?

Quis non posset contristári,
Christi Matrem contemplári
Doléntem cum Fílio?

Pro peccátis suæ gentis
Vidit Jesum in torméntis,
Et flagéllis súbditum.

Vidit suum dulcem natum
Moriéndo desolátum,
Dum emísit spíritum.

Eja, Mater fons amóris,
Me sentíre vim dolóris
Fac, ut tecum lúgeam.

Fac ut árdeat cor meum
In amándo Christum Deum,
Ut sibi compláceam. Amen.

V. Orapro nobis, Virgo dolorosíssima.

R. Ut digni efficiámur promissionibus Christi.

Ad Magnificat, Antiphona, to. 4.

Tuam ipsíus ánimam (ait ad Mariám Símeon) pertransíbit gládus.

Canticum B. Mariæ Virginis.

Lucæ I. c.

Magnificat * ánima mea Dóminum:
Et exultávit spíritus meus * in
Deo salutári meo.

Quia respéxit humilitátem ancíllæ
suæ: * ecce enim ex hoc beátam me
dicent omnes generatiónes.

Quia fecit mihi magna qui potens est:
* et sanctum nomen ejus.

Et misericórdia ejus a progénie in
progénies * timéntibus eum.

Fecit poténtiam in bráchio suo: * dis-
persit supérbos mente cordis sui.

Depósuit poténtes de sede, * et exal-
távit húmiles.

Esuriéntes implévit bonis: * et dívites
dimísit inánes.

Suscépit Israel púerum suum, * re-
cordátus misericórdiæ suæ.

Sicut locútus est ad patres nostros, *
Abraham, et sémini ejus in sæcula.

Glória Patri.

Antiph. Tuam ipsíus ánimam (ait
ad Mariám Símeon) pertransíbit glá-
dius.

Oratio.

Deus, in cujus passióne, secúndum
Simeónis prophetíam, dulcíssimam
ánimam gloriósæ Vírginis et
Matris Mariæ dolóris gládus pertran-
sívít: concéde propítius, ut qui trans-
fixiónem ejus et passiónem venerádo
recólimus, gloriósis méritis et préci-
bus ómnium Sanctórum Cruci fidéli-
ter astántium intercedéntibus, passió-
nis tuæ effectum felícem consequá-
mur: Qui vivis et regnas cum Deo
Patre.

Et fit commemoratio Feriæ.

Antiph. Desidério desiderávi hoc
Pascha manducáre vobíscum, ánte-
quam pátiar.

V. Eripe me, Dómine, ab hómine malo.

R. A viro iníquo eripe me.

Oratio.

Esto, quæsumus, Dómine, propítius
plebi tuæ: ut, quæ tibi non pla-
cent, respuéntes, tuórum pótius re-
pleántur delectatióibus mandató-
rum. Per Dóminum.

Si vero transferendum erit ad Sab-
batum:

Antiph. Príncipes sacerdotum con-
sílium fecérunt ut Jesum occíderent:
dicébant autem: Non in die festo, ne
forte tumultus fíeret in pópulo.

V. Eripe me, Dómine, ab hómine malo.

R. A viro iníquo eripe me.

Oratio.

Concéde, quæsumus, omnípotens
Deus: ut qui protectiόνis tuæ grá-
tiam quærimus, liberáti a malis óm-
nibus, secúra tibi mente serviámus.
Per Dóminum.

Ad Completorium et per Horas in fine Hymnorum dicitur.

Jesu, tibi sit glória,
Qui natus es de Vírgine.

AD MATUTINUM.

Invitatorium. Dolóres gloriósæ recoléntes Vírginis, Dóminum pro nobis passum, * Veníte, adorémus.

Psalmus. Veníte, exultémus. 2.

Hymnus.

Sancta Mater, istud agas,
Crucifixi fige plagas
Cordi meo válide.

Tui nati vulneráti,
Tam dignáti pro me pati,
Pœnas mecum dívide.

Fac me tecum pie flere,
Crucifixo condolére,
Donec ego víxero.

Juxta Crucem tecum stare,
Et me tibi sociáre
In planctu desídero.
Amen.

IN I. NOCTURNO.

Antiph. to. 8. f. Astitérunt reges terræ, et príncipes convenérunt in unum advérsus Dóminum, et advérsus Christum ejus.

Psalmus 2.

Quare fremuérunt Gentes, * et pópuli meditáti sunt inánia?

Astitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in cœlis irridébit eos: * et Dóminus subsannábit eos.

Tunc loquétur ad eos in ira sua: * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me: * Fílius meus es tu, ego hódie génui te.

Póstula a me, et dabo tibi Gentes hæreditátem tuam, * et possessionem tuam términos terræ.

Reges eos in virga férrea, * et tamquám vas figuli confrínges eos.

Et nunc, reges, intelligite: * erudímini, qui judicátis terram.

Servíte Dómino in timóre: * et exultáte ei cum tremóre.

Apprehéndite disciplínam, ne quando irascátur Dóminus, * et pereátis de via justa.

Cum exárserit in brevi ira ejus: * beáti omnes, qui confidunt in eo.

Antiph. Astitérunt reges terræ, et príncipes convenérunt in unum advérsus Dóminum, et advérsus Christum ejus.

Antiph. to. 8. f. Voce mea ad Dóminum clamávi, et exaudivit me de monte sancto suo.

Psalmus 5.

Domine, quid multiplicáti sunt qui trébulant me? * multi insúrgunt advérsus me.

Multi dicunt ánimæ meæ: * Non est salus ipsi in Deo ejus.

Tu autem, Dómine, suscepitor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exurréxi, quia Dóminus suscepit me.

Non timébo mília pópuli circumdántis me: * exúrge, Dómine, salvum me fac, Deus meus.

Quóniam tu percussísti omnes adversántes mihi sine causa: * dentes peccatórum contrivísti.

Dómini est salus: * et super pópulum tuum benedíctio tua.

Antiph. Voce mea ad Dóminum clamávi, et exaudivit me de monte sancto suo.

Antiph. to. 4. Factum est cor meum tamquam cera liquéscens in médio ventris mei.

Psalmus 12.

Usquequo, Dómine, oblivisceris me in finem? * Usquequo avértis faciém tuam a me?

Quámdiu ponam consília in ánima mea, * dolórem in corde meo per diem?

Usquequo exaltábitur inimícus meus super me? * réspice, et exáudi me, Dómine, Deus meus.

Illúmina óculos meos, ne umquam obdórmiam in morte: * ne quando dicat inimícus meus: Præválui advérsum eum.

Qui tribulant me, exultábunt, si motus fúero: * ego autem in misericórdia tua sperávi.

Exultábit cor meum in salutári tuo: cantábo Dómino, qui bona tribuit mihi: * et psallam nómini Dómini altíssimi.

Antiph. Factum est cor meum tamquam cera liquéscens in médio ventris mei.

V. Pósuit me desolátam.

R. Tota die mœróre conféctam.

De Isaía Prophéta.

Lectio i.

Cap. 53.

Quis crédidit audítui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti: non est spécies ei, neque decor: et vídimus eum, et non erat aspéctus, et desiderávimus eum: despéctum, et novíssimum virórum, virum dolórum, et sciéntem infirmitátem: et quasi absconditus vultus ejus et despéctus, unde nec reputávimus eum. Vere languóres nostros ipse tulit, et dolóres nostros ipse portávit, et nos putávimus eum quasi leprósum, et percússum a Deo, et humiliátum. Ipse autem vulnerátus est propter iniquitátes nostras, attrítus est propter scélera nostra: disciplína pacis nostræ super eum, et livóre ejus sanáti sumus.

R. Diléctus meus cándidus, et rubicúndus, et totus desiderábilis: * Omnis enim figúra ejus amórem spirat, et ad redamándum próvocat, caput inclinátum, manus expánsæ, pectus apértum.

V. Piis, o Virgo, spectas eum óculis, contémplans in eo non tam vúlnerum livórem, quam mundi salútem. **O**mnis enim.

Lectio ii.

Omnes nos quasi oves errávimus, unusquisque in viam suam declinávit: et pósuit Dóminus in eo iniquitátem ómnium nostrum. Oblátus est, quia ipse vóluit, et non apérui os suum: sicut ovis ad occisióem dúcétur, et quasi agnus coram fondeute se obmutéscet, et non apériet os suum. De angústia, et de judício sublátus est: generatióem ejus quis enarrábit? quia abscíssus est de terra vivéntium: propter scelus pópuli mei percússi eum. Et dabit ímpios pro sepultúra, et dívitem pro morte sua, eo quod iniquitátem non fécerit, neque dolus fúerit in ore ejus.

R. Manus ejus tornátiles, clavórum cúspide terebrátæ, * Humánæ salútis prétio quasi hyacínthis refértæ.

V. Córnuum in mánibus ejus: ibi abscondita est fortitúdo ejus: sunt enim manus ejus. **H**umánæ salútis.

Lectio iii.

Et Dóminus vóluit contérere eum in infirmitáte: si posúerit pro peccáto ánimam suam, vidébit semen longævum, et volúntas Dómini in manu ejus dirigétur. Pro eo quod laborávit ánima ejus, vidébit et saturábitur: in sciéntia sua justificábit ipse justus servus meus multos, et iniquitátes eórum ipse portábit. Ideo dispértiam ei plúrimos, et fórtium dívitet spólia, pro eo quod trádedit in mortem ánimam suam, et cum scele-rátis reputátus est: et ipse peccáta

multorum tulit, et pro transgressoribus rogavit.

R. Diligebat Jesus Joannem, quoniam specialis prerogativa castitatis ampliori dilectione eum fecerat dignum * Quia virgo electus ab ipso, virgo in ævum permansit.

V. In Cruce denique moriturus, huic matrem Virginem virgini commendavit. **Quia.** Glória Patri. **Quia.**

IN II. NOCTURNO.

Antiph. to. 4. Inimici mei dixerunt mala mihi: Quando morietur, et peribit nomen ejus?

Psalmus 40.

BEatus, qui intelligit super egenum et pauperem: * in die mala liberabit eum Dominus.

Dominus conservet eum, et vivificet eum, et beatum faciat eum in terra: * et non tradat eum in animam inimicorum ejus.

Dominus opem ferat illi super lectum doloris ejus: * universum stratum ejus versasti in infirmitate ejus.

Ego dixi: Domine, miserere mei: * sana animam meam, quia peccavi tibi. Inimici mei dixerunt mala mihi: * Quando morietur, et peribit nomen ejus?

Et si ingrediebatur ut videret, vana loquebatur: * cor ejus congregavit iniquitatem sibi.

Egrediebatur foras, * et loquebatur in idipsum.

Adversum me susurrabant omnes inimici mei: * adversum me cogitabant mala mihi.

Verbum iniquum constituerunt adversum me: * Numquid qui dormit, non adjiciet ut resurgat?

Etenim homo pacis meae, in quo speravi: * qui edebat panes meos, magnificavit super me supplantationem.

Tu autem, Domine, miserere mei, et resuscita me: * et retribuam eis.

In hoc cognovi, quoniam voluisti me: * quoniam non gaudébit inimicus meus super me.

Me autem propter innocentiam suscepisti: * et confirmasti me in conspectu tuo in ætérnum.

Benedictus Dominus Deus Israel a sæculo, et usque in sæculum: * fiat, fiat.

Antiph. Inimici mei dixerunt mala mihi: Quando morietur, et peribit nomen ejus?

Antiph. to. 4. Deus, vitam meam annuntiavi tibi: posuisti lacrymas meas in conspectu tuo.

Psalmus 55.

Miserere mei, Deus, quoniam conculcavit me homo: * tota die impugnans tribulavit me.

Conculcaverunt me inimici mei tota die: * quoniam multi bellantes adversum me.

Ab altitudine diéi timebo: * ego vero in te sperabo.

In Deo laudabo sermones meos, in Deo speravi: * non timebo quid faciat mihi caro.

Tota die verba mea execrabantur: * adversum me omnes cogitationes eorum, in malum.

Inhabitabunt et abscondent: * ipsi calcaneum meum observabunt.

Sicut sustinuerunt animam meam, pro nihilo salvos facies illos: * in ira populos confringes.

Deus, vitam meam annuntiavi tibi: * posuisti lacrymas meas in conspectu tuo.

Sicut et in promissione tua: * tunc convertentur inimici mei retrorsum.

In quacúmque die invocavero te: * ecce cognovi quoniam Deus meus es.

In Deo laudabo verbum, in Domino laudabo sermonem: * in Deo speravi, non timebo quid faciat mihi homo.

In me sunt, Deus, vota tua, * quæ reddam, laudationes tibi.

Quóniam eripuísti ánimam meam de morte, et pedes meos de lapsu: * ut pláceam coram Deo in lúmine vivéntium.

Antiph. Deus, vitam meam annuntiávi tibi: posuísti lácrymas meas in conspéctu tuo.

Antiph. to. 5. Fílii hóminum, dentes eórum arma et sagíttæ: et lingua eórum gládius acútus.

Psalmus 56.

Miserére mei, Deus, miserére mei: * quóniam inte confidit ánimam mea. Et in umbra alárum tuárum sperábo, * donec tránseat iníquitas.

Clamábo ad Deum altíssimum: * Deum, qui benefécit mihi.

Misit de cœlo, et liberávit me: * dedit in oppróbrium conculcántes me.

Misit Deus misericórdiam suam, et veritátem suam: * et erípuit ánimam meam de médio catulórum leónum: dormívi conturbátus.

Fílii hóminum dentes eórum arma et sagíttæ: * et lingua eórum gládius acútus.

Exaltáre super cœlos, Deus: * et in omnem terram glória tua.

Láqueum paravérunt pédibus meis: * et incurvavérunt ánimam meam.

Foderunt ante fáciem meam fóveam: * et incidérunt in eam.

Parátum cor meum, Deus, parátum cor meum: * cantábo, et psalmum dicam.

Exúrge, glória mea, exúrge, psaltérium et cíthara: * exúrgam dilúculo.

Confitébor tibi in pópulis, Dómine: * et psalmum dicam tibi in géntibus.

Quóniam magnificáta est usque ad cœlos misericórdia tua, * et usque ad nubes véritas tua.

Exaltáre super cœlos, Deus: * et super omnem terram glória tua.

Antiph. Fílii hóminum, dentes eórum arma et sagíttæ: et lingua eórum gládius acútus.

V. Fácies mea intúmuit a fletu.

R. Et pálpebræ meæ caligavérunt.

Sermo Sancti Bernárdi Abbátis.

Ex Sermone de 12. stellis.

Lectio iv.

MArtýrium Vírginis tam in Simeónis prophetía, quam in ipsa Dóminicæ Passiόνis história commendátur. Pósitus est hic (ait sanctus senex de púero Jesu) in signum cui contradicétur; et tuam ipsíus ánimam (ad Maríam autem dicébat) pertransíbit gládius. Vere tuam, o beáta Mater, ánimam pertransívit. Alióquin nonnisi eam pertransiens, carnem Fílii tui penetráret. Et quidem póstea quam emísit spíritum tuus ille Jesus, ipsíus plane non áttigit ánimam crudélis lancea, quæ ipsíus apéruiť latus, sed tuam útique ánimam pertransívit. Ipsíus nimírum ánimam jam ibi non erat, sed tua plane inde nequíbat avélli.

R. Ténebræ factæ sunt, cum crucifixíssent Jesum Judæi, et circa horam nonam exclamávit Jesus voce magna: Deus meus, ut quid dereliquísti me? * Et, inclináto cápite, emísit spíritum.

V. Quis tibi nunc sensus, dum cernis tália, Virgo? **E**t, inclináto.

Lectio v.

Tuam ergo pertransívit ánimam vis dolóris, ut plusquam Mártirem non immérito prædicémus, in qua nimírum corpóreæ sensum passiόνis excésserit compassiόνis afféctus. An non tibi plusquam gládius fuit sermo ille, revéra pertransiens ánimam, et pertíngens usque ad divisióne[m] ánimæ et spíritus: Múlier, ecce filius tuus? O commutatióne[m]! Joánnes tibi pro Jesu tráditur, servus pro Dómino, discípulus pro Magístro, fílius Zebedæi pro Fílio Dei, homo purus pro Deo vero. Quómodo non tuam affectuosíssimam ánimam pertransíret

hæc audítio, quando et nostra, licet sáxea, licet férrea péctora, sola recordátio scindit?

R. Pássio Dómini, * Ipsam ejus matrem carnáli orbitáte grávitèr percússam vehementíssime contristávit.

V. Ferrum lanceæ militáris latus quidem Salvatóris, ánimam vero transívit Vírginis matris. **Ipsam ejus.**

Lectio vi.

Non mirémini, fratres, quod Maríá martyr in ánimá fuísse dicátur. Mirétur qui non memínerit se audívisse Paulum inter máxima géntium crímina memorántem, quod sine affectióne fuissent. Longe id fuit a Maríæ viscéribus, longe sit a sérvulis ejus. Sed forte quis dicat: Numquid non eum præscíerat moritúrum? Et indubitánte. Numquid non sperábat contínuo resurrectúrum? Et fidéliter. Super hæc dóluit crucifixum? Et vehementer. Alióquin quisnam tu, frater, aut unde tibi hæc sapiéntia, ut miréris plus Maríam compatiéntem, quam Maríæ Fílium patiéntem? Ille étiam mori corpore pótuit, ista cómmori corde non pótuit? Fecit illud cháritas, qua majórem nemo hábuit: fecit et hoc cháritas, cui post illam símilis áltera non fuit.

R. Quis mihi det te fratrem meum sugéntem úbera matris meæ, et inhæréndo láteri tuo, ut Sanguis tuus sanguinem meum tangat, et tergat: * Ut fons aquæ tuæ de scaturígine recti cordis, per venas boni óperis, in finem æternæ felicitátis exíliat?

V. Fílii tui de longe vénient, et filíæ tuæ de látere surgent. **Ut fons. Glória Patri. Ut fons.**

IN III. NOCTURNO.

Antiph. to. 4. m. Intendérunt arcum, rem amáram, ut sagíttent in occúltis immaculátum.

Psalmus 63.

EXáudi, Deus, oratióem meam cum déprecor: * a timóre inimíci éripe ánimam meam.

Protexísti me a convéntu malignántium, * a multitúdine operántium iniquitátem.

Quia exacuérunt ut gládium linguas suas: * intendérunt arcum rem amáram, ut sagíttent in occúltis immaculátum.

Súbito sagíttábunt eum, et non timébunt: * firmavérunt sibi sermónem nequam.

Narravérunt ut abscónderent láqueos: * dixerunt: Quis vidébit eos?

Scrutáti sunt iniquitátes: * defecérunt scrutántes scrutinio.

Accédet homo ad cor altum: * et exaltábitur Deus.

Sagíttæ parvulórum factæ sunt plagæ eórum: * et infirmátæ sunt contra eos linguæ eórum.

Conturbáti sunt omnes, qui vidébant eos: * et tímuit omnis homo.

Et annuntiavérunt ópera Dei: * et facta ejus intellexérunt.

Lætábitur justus in Dómino, et sperábit in eo, * et laudabúntur omnes recti corde.

Antiph. Intendérunt arcum, rem amáram, ut sagíttent in occúltis immaculátum.

Antiph. to. 4. m. Factus sum sicut homo sine adjutório, inter mórtuos liber.

Psalmus 87.

Domine Deus salútis meæ: * in die clamávi, et nocte coram te.

Intret in conspéctu tuo orátio mea: * inclína aurem tuam ad precem meam:

Quia repléta est malis ánimá mea: * et vita mea inférno appropinquávit.

Æstimátus sum cum descendéntibus in lacum: * factus sum sicut homo sine adjutório, inter mórtuos liber.

Sicut vulneráti dormiéntes in sepúlchris, quorum non es memor ámplius: * et ipsi de manu tua repúlsi sunt.

Posuérunt me in lacu inferióri: * in tenebrósis, et in umbra mortis.

Super me confirmátus est furor tuus: * et omnes fluctus tuos induxísti super me.

Longe fecísti notos meos a me: * posuérunt me abominatióem sibi.

Tráditus sum, et non egrediebar: * óculi mei languérunt præ inópia.

Clamávi ad te, Dómine, tota die: * expándi ad te manus meas.

Numquid mórtuis fácies mirábilia: * aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam: * et veritátem tuam in perditiónem?

Numquid cognoscéntur in ténebris mirábilia tua: * et justítia tua in terra obliuionis?

Et ego ad te, Dómine, clamávi: * et mane orátio mea præveniet te.

Ut quid, Dómine, repéllis oratióem meam: * avértis faciém tuam a me?

Pauper sum ego, et in labóribus a juventúte mea: * exaltátus autem, humiliátus sum, et conturbátus.

In me transiérunt iræ tuæ: * et terróres tui conturbavérunt me.

Circumdedérunt me sicut aqua tota die: * circumdedérunt me simul.

Elongásti a me amicum, et próximum: * et notos meos a miséria.

Antiph. Factus sum sicut homo sine adjutório, inter mórtuos liber.

Antiph. to. 4. Replévit me amaritúdine, inebriávit me absynthio.

Psalmus 108.

DEus, laudem meam ne tacúeris: * quia os peccatóris, et os dolósi super me apértum est.

Locúti sunt advérsus me lingua dolósa, et sermónibus ódii circumdedérunt me: * et expugnávérunt me gratis.

Pro eo ut me diligerent, detrahébant mihi: * ego autem orábam.

Et posuérunt advérsus me mala pro bonis: * et ódium pro dilectiódine mea.

Constítue super eum peccatórem: * et diábolus stet a dextris ejus.

Cum judicátur, éxeat condemnátus: * et orátio ejus fiat in peccátum.

Fiant dies ejus pauci: * et episcopátum ejus accípiat alter.

Fiant filii ejus órphani: * et uxor ejus vídua.

Nutántes transferántur filii ejus, et mendícent: * et ejiciántur de habitatióibus suis.

Scrutétur fœnerátor omnem substántiam ejus: * et dirípiant aliéni labóres ejus.

Non sit illi adjútor: * nec sit qui misereátur pupíllis ejus.

Fiant nati ejus in intéritum: * in generatiódine una deleátur nomen ejus.

In memóriam rédeat iníquitas patrum ejus in conspéctu Dómini: * et peccátum matris ejus non deleátur.

Fiant contra Dóminum semper, et dispéreat de terra memória eórum: * pro eo quod non est recordátus facére misericórdiam.

Et persecútus est hóminem ínopem, et mendícum, * et compúctum corde mortificáre.

Et diléxit maledictiódinem, et véniet ei: * et nóluit benedictiódinem, et elongábitur ab eo.

Et índuit maledictiódinem sicut vestiméntum: * et intrávit sicut aqua in interióra ejus, et sicut óleum in óssibus ejus.

Fiat ei sicut vestiméntum, quo operítur: * et sicut zona, qua semper præcíngitur.

Hoc opus eórum, qui détrahunt mihi apud Dóminum: * et qui loquúntur mala advérsus ánimam meam.

Et tu, Dómine, Dómine, fac mecum propter nomen tuum: * quia suávis est misericórdia tua.

Líbera me, quia egénus, et pauper ego sum: * et cor meum conturbátum est intra me.

Sicut umbra, cum declínat, ablátus sum: * et excússus sum sicut locústæ. Génua mea infirmáta sunt a jejúnio: * et caro mea immutáta est propter óleum.

Et ego factus sum oppróbrium illis: * vidérunt me, et movérunt cápita sua. Adjuva me, Dómine Deus meus: * saluum me fac secúndum misericórdiam tuam.

Et sciant, quia manus tua hæc: * et tu, Dómine, fecísti eam.

Maledícant illi, et tu benedíces: * qui insúrgunt in me, confundántur: servus autem tuus lætábitur.

Induántur, qui détrahunt mihi, pudóre: * et operiántur sicut diplóide confusióne sua.

Confitébor Dómino nimis in ore meo: * et in médio multórum laudábo eum.

Quia ástitit a dextris páuperis, * ut salvam fáceret a persecuéntibus ánimam meam.

Antiph. Replévit me amaritúdine, inebriávit me absýnthio.

Ÿ. Deus, vitam meam annuntiávi tibi.

℞. Posuísti lácrymas meas in conspéctu tuo.

Lectio sancti Evangélíi secúndum Joánnem.

Lectio vii.

Cap. 19. e.

IN illo témpore: Stabant juxta Crucem Jesu mater ejus, et soror matris ejus María Cléophæ, et María Magdaléne. Et réliqua.

Homilía Sancti Augustíni Epíscopi.

Tractatu 119. in Joannem.

HÆc nímirum est illa hora, de qua Jesus, aquam conversúrus in vinum, díxerat matri: Quid mihi et tibi est, múlíer? Nondum venit hora mea. Hanc ítaque horam prædíxerat, quæ tunc nondum vénerat, in qua debéret

agnóscere moritúrus, de qua fúerat mortáliter natus. Tunc ergo divína factúrus, non divinitátis, sed infirmitátis matrem velut incógnitam repellébat. Nunc autem humána jam pátiens, ex qua fúerat factus homo, afféctu comméndat humano. Morális ígitur insinuátur locus. Facit quod faciéndum ádmonet, et exémplo suo suos ministros instrúxit præcéptor bonus, ut a fíliis piis impendátur cura paréntibus: tamquam lignum illud, ubi fixa erant membra moriéntis, étiam cáthedra fúerit Magístri docéntis.

℞. Dóleo super te, fili mi, Jesu, decórus nimis, et amábilis super amórem múlíerum: * Sicut enim mater únicum díligit fílium, ita ego te díligébam.

Ÿ. Defécit in dolóre vita mea, et anni mei in gemítibus. Sicut. *

Lectio viii.

EX hac sana doctrína didícerat Paulus Apóstolus, quod docébat, quando dicébat: Si quis autem suis, et máxime domésticis non próvidet, fidem negávit, et est infidéli detérior. Quid autem tam cuíque domésticum, quam paréntes fíliis, aut paréntibus fílii? Hujus ítaque salubérrimi præcépti ipse Magíster sanctórum de se ípso constituébat exémpulum: quando non ut fámulæ Deus, quam creáverat, et regébat, sed ut matri homo, de qua creátus fúerat, et quam relinquébat, álterum pro se quodámmodo fílium providébat.

℞. Eja mater fons amóris, fac nos sentíre vim dolóris, ut tecum lugeámus, * Et Domínicæ passiónis fructum sentiámus.

Ÿ. Et sicut Fílius tuus Jesus pro nobis mórtuus est, et resurrexit; ita et nos commórtui cum eódem resurgámus. Et Domínicæ. Glória Patri. Et Domínicæ.

Nona Lectio dicitur de Homilia Feriæ occurrentis.

Benedictio. Per Evangélica dicta.

Lectio sancti Evangélii secúndum Joánnem.

Lectio ix.

Cap. 11. f.

IN illo témpore: Collegérunt Pontífices et Pharisæi concílium adversus Jesum, et dicébant: Quid fácimus, quia hic homo multa signa facit? Et reliqua.

Homilia Sancti Augustíni Epíscopi.

Tract. 49. in Joan. sub fin.

Pontífices et Pharisæi sibi consulebant: nec tamen dicébant: Credámus. Plus enim pérditi hómines cogitábant quómodo nocérent ut pérderent, quam quómodo sibi consulerent, ne périrent: et tamen timébant, et quasi consulebant. Dicébant enim: Quid fácimus, quia hic homo multa signa facit? Si dimíttimus eum sic, omnes credent in eum: et vénient Románi, et tollent nostrum locum, et gentem. Temporália pérdere timuérent, et vitam ætérnam non cogitavérunt, ac sic utrúmque amisérunt.

Quod si hoc Festum secundum superiorem Rubricam 434. transferendum erit ad Sabbatum, dicitur sequens.

Lectio sancti Evangélii secúndum Joánnem.

Lectio ix.

Cap. 12. b.

IN illo témpore: Cogitavérunt príncipes sacerdotum ut et Lázarum interficerent: quia multi propter illum absébant ex Judæis, et credébant in Jesum. Et reliqua.

Homilia Sancti Augustíni Epíscopi.

Tract. 50. in Joan. in fine.

Viso Lázaró resuscitáto, quia tantum miráculum Dómini, tanta erat evidéntia diffamátum, tanta manifestatióne declarátum, ut non possent vel occultáre quod factum est,

vel negáre: quid. invenérunt, vidéte. Cogitavérunt autem príncipes sacerdotum ut et Lázarum interficerent. O stulta cogitatio, et cæca sævítia! Dóminus Christus, qui suscitáre pótuit mórtuum, non posset occísus? Quando Lázaró inferebátis necem, numquid auferebátis Dómino potestátem? Si áliud vobis vidétur mórtuus, áliud occísus: ecce Dóminus utrúmque fecit, et Lázarum mórtuum, et seípsum suscitávit occísus.

Te Deum laudámus. 13.

AD LAUDES

ET PER HORAS.

Antiph. to. 5. Vadam ad montem myrrhæ, et ad collem thuris.

Psalmus. Dóminus regnávít. cum reliquis de Dominica. 14.

Antiph. to. 7. r. Diléctus meus candidus, et rubicúndus: comæ cápitis ejus sicut púrpura Regis vincta canálibus.

Antiph. to. 3. r. Quo ábiit diléctus tuus, o pulchérissima mulierum? quo diléctus tuus declinávít?

Antiph. to. 4. Fascículus myrrhæ diléctus meus mihi, inter úbera mea commorábitur.

Antiph. to. 6. Fulcíte me flóribus, stipáte me malis, quia amóre lángueo.

Capitulum.

Isaia 53.

Quis crédidit audítui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti.

Hymnus.

Virgo víginum præclára,
Mihi jam non sis amára,
Fac me tecum plángere.
Fac ut portem Christi mortem,
Passiόνis fac consórtem,
Et plagas recólere.
Fac me plagis vulnerári,
Fac me Cruce inebriári,
Et cruóre Fílii.

Flammis ne urar succensus,
Per te, Virgo; sim defensus
In die iudicii.

Christe, cum sit hinc exire,
Da per Matrem me venire
Ad palmam victoriæ.

Quando corpus morietur,
Fac ut animæ donetur
Paradisi gloria. Amen.

℣. Ora pro nobis, Virgo dolorosissima.

℞. Ut digni efficiamur promissionibus Christi.

Ad Benedictus, Antiphona, to. 1. s.
Cum vidisset Jesus Matrem stantem
juxta crucem, et discipulum, quem
diligebat, dicit Matri suæ: Mulier,
ecce filius tuus. Deinde dicit discipulo: Ecce Mater tua.

Oratio.

Deus, in cujus passione, secundum
Simeonis prophetiam, dulcissimam
animam gloriosæ Virginis et
Matris Mariæ doloris gladius pertransivit: concede propitius, ut qui transfixionem ejus et passionem venerando recolimus, gloriosis meritis et precibus omnium Sanctorum Cruci fideliter astantium intercedentibus, passionis tuæ effectum felicem consequamur: Qui vivis et regnas cum Deo Patre.

Et fit commemoratio Feriæ.

Antiph. Appropinquabat autem dies festus Judæorum: et quærebant principes sacerdotum quomodo Jesum interficerent, sed timebant plebem.

℣. Eripe me de inimicis meis, Deus meus.

℞. Et ab insurgentibus in me libera me.

Oratio.

Cordibus nostris, quæsumus, Domine, gratiam tuam benignus infunde: ut peccata nostra castigatione voluntaria cohibentes, temporaliter potius maceremur, quam suppliciis deputemur æternis. Per Dominum.

Si vero celebrandum esset Sabbato:
Antiph. Clarifica me, Pater, apud
temetipsum claritate, quam habui
priusquam mundus fieret.

℣. Eripe me de inimicis meis, Deus meus.

℞. Et ab insurgentibus in me libera me.

Oratio.

Proficiat, quæsumus, Domine, plebs
tibi dicata piæ devotionis affectu:
ut sacris actionibus erudita, quanto
majestati tuæ fit gravior, tanto donis
potioribus augeatur. Per Dominum.

Ad Primam.

Antiph. Vadam ad montem.

℞. br. Christe Fili Dei vivi, * Misere
re nobis. Christe.

℣. Qui passus es pro homine. Misere
re nobis.

Gloria Patri. Christe.

℣. Exurge Christe, adjuva nos.

℞. Et libera nos propter nomen tuum.

Ad Tertiam.

Antiph. to. 7. r. Dilectus meus.

Capitulum. Isaiae 53.

Quis credidit auditui nostro? et brachium Domini cui revelatum est?
Et ascendet sicut virgultum coram
eo, et sicut radix de terra sitiienti.

℞. br. Posuit me* Desolatam. Posuit.

℣. Tota die mœrore confectam. Desolatam. Gloria Patri. Posuit.

℣. Facies mea intumuit a fletu.

℞. Et palpebræ meæ caligaverunt.

Ad Sextam.

Antiph. to. 3. r. Quo abiit.

Capitulum. Isaiae 53. b.

Ipse vulneratus est propter iniquitates nostras, attritus est propter scelera nostra. Disciplina pacis nostræ super eum, et livore ejus sanati sumus.

℞. br. Facies mea* Intumuit a fletu. Facies mea.

℣. Et palpebræ meæ caligaverunt.

Intumuit. Gloria Patri. Facies mea.

V. Deus, vitam meam annuntiávi tibi.
R. Posuísti lácrymas meas in conspéctu tuo.

Ad Nonam.

Antiph. to. 6. Fulcíte me flóribus.

Capitulum.

Isaiae 53. c.

Generatióem ejus quis enarrábit? quia abscíssus est de terra vivéntium: propter scelus pópuli mei percússi eum.

R. br. Deus, vitam meam * Annuntiávi tibi. Deus, vitam.

V. Posuísti lácrymas meas in conspéctu tuo. Annuntiávi. **G**lória Patri. Deus, vitam.

V. Ora pro nobis, Virgo dolorosíssima.

R. Ut digni efficiámur promissionibus Christi.

In II. Vesperis.

Omnia ut in primis Vesp. 435. præter

Ad Magnificat, Antiphona, to. 1. b.

Cum vidisset Jesus Matrem stantem juxta crucem, et discipulum, quem diligébat, dicit Matri suæ: Múlier, ecce fílius tuus. Deínde dicit discipulo: Ecce Mater tua.

Et fit commemoratio Feriæ.

Antiph. Príncipes sacerdotum consílium fecerunt ut Jesum occíderent: dicébant autem: Non in die festo, ne forte tumultus fieret in pópulo.

V. Eripe me, Dómine, ab hómine malo.

R. A viro iníquo éripe me.

Oratio.

Concède, quæsumus, omnipotens Deus: ut qui protectionis tuæ grátiam quærimus, liberáti a malis ómnibus, secúra tibi mente serviámus. Per Dóminum.

Si autem celebrandum erit Sabbato:


Antiph. Pater juste, mundus te non cognóvit: ego autem novi te, quia tu me misísti.

V. Eripe me, Dómine, ab hómine malo.

R. A viro iníquo éripe me.

Oratio.

Omnípotens, sempitérne Deus, qui humano géneri, ad imitándum humilitátis exéplum, Salvatórem nostrum carnem súmer, et crucem subíre fecísti: concède propítius, ut et patiéntiæ ipsíus habére documénta, et resurrectionis consórtia mereámur. Per eúmdem Dóminum.



FESTA APRILIS.

Die 2. Aprilis.

In Festo

S. Francisci de Paula Confessoris.

Duplex.

Omnia de Communi Confessoris non Pontificis [79], præter ea, quæ hic habentur propria.

Oratio.

Deus, humílium celsitúdo, qui beátum Francíscum confessorém Sanctórum tuórum glória sublimásti; tribue, quæsumus, ut ejus méritis et imitatione promíssa humílibus præmia felíciter consequámur. Per Dóminum.

Deinde fit commemoratio Feriæ, si celebretur in Quadragesima.

In primo Nocturno, Lectiones de Scriptura occurrente, si celebretur post Pascha.

Si vero in Quadragesima. Beátus vir. de Communi Confessoris non Pontificis secundo loco [88].

IN II. NOCTURNO.

Lectio iv.

Franciscus Paulæ, quod est Calábriæ óppidum, loco húmili natus est: quem paréntes, cum diu prole caruíssent, voto facto, beáti Francísci precibus suscepérunt. Is adolescens divíno ardóre succénsus, in erémum secéssit, ubi annis sex, victu ásperam,

sed meditationibus coelestibus suavem vitam duxit. Sed cum virtutum ejus fama longius manaret, multique ad eum pietatis studio concurrerent, fraternae charitatis causa e solitudine egressus, Ecclesiam prope Paulam aedificavit, ibique prima sui Ordinis fundamenta jecit.

R. Honestum fecit illum Dominus, et custodivit eum ab inimicis, et a seductoribus tutavit illum: * Et dedit illi claritatem aeternam.

V. Justum deduxit Dominus per vias rectas, et ostendit illi regnum Dei. Et dedit.

Lectio v.

ERat in eo mirifica loquendi gratia: perpetuam virginitatem servavit: humilitatem sic coluit, ut se omnium minimum diceret, suosque alumnos minimos appellari voluerit. Rudi amictu, nudis pedibus incedens, humi cubabat. Cibi abstinencia fuit admirabilis: semel in die post solis occasum reficiebatur, et ad panem, et aquae potum, vix aliquid ejusmodi obsonii adhibebat, quo vesci in Quadragesima licet: quam consuetudinem ut fratres sui toto anni tempore retinerent, quarto eos voto adstrinxit.

R. Amavit eum Dominus, et ornavit eum: stolam gloriae induit eum, * Et ad portas paradisi coronavit eum.

V. Induit eum Dominus lorica fidei, et ornavit eum. Et ad portas.

Lectio vi.

MUltis miraculis servi sui sanctitatem Deus testari voluit; quorum illud in primis celebre, quod a nautis rejectus, Siciliae fretum, strato super fluctibus pallio, cum socio transmisit. Multa etiam futura prophetico spiritu praedixit. A Ludovico undecimo Francorum rege expetitus, magnoque in honore est habitus. Denique annum primum et nonagesimum agens, Turonis migravit ad Dominum, anno

salutis millésimo quingentésimo séptimo: cujus corpus, dies undecim insepultum, ita incorruptum permansit, ut suavem etiam odorem efflaret. Eum Leo Papa decimus in Sanctorum numerum retulit.

R. Iste homo perfecit omnia quae locutus est ei Deus, et dixit ad eum: Ingerere in requiem meam: * Quia te vidi justum coram me ex omnibus Gentibus.

V. Iste est qui contempsit vitam mundi, et pervenit ad coelestia regna. Quia te. Gloria Patri. Quia te.

In tertio Nocturno, Homilia venerabilis Bedae Presbyteri in Evangelium. Nolite timere pusillus grex. ut in Comuni Confessoris non Pontificis secundo loco [90], et si celebretur in Quadragesima nona Lectio de Homilia Feriae occurrentis et de ea fit commemoratio in Laudibus.

Die 4. Aprilis.

In Festo

S. Isidori Episcopi Confessoris et Ecclesiae Doctoris.

Duplex.

Omnia de Comuni Confessoris Pontificis [62].

Ad Magnificat, in utrisque Vesperis, Antiph. to. 2. O Doctor optime, Ecclesiae sanctae lumen, beate Isidore, divinae legis amator, deprecare pro nobis Filium Dei.

V. Amavit eum Dominus, et ornavit eum.

R. Stolam gloriae induit eum.

Oratio.

DEus, qui populo tuo aeternae salutis beatum Isidorum ministrum tribuisti; praesta, quaesumus, ut quem Doctorem vitae habuimus in terris, intercessorem habere mereamur in coelis. Per Dominum nostrum.

Deinde fit commemoratio Feriae.

In primo Nocturno Lectiones. Sapientiam omnium. ut in Communi [74].

IN II. NOCTURNO.

Lectio iv.

Isidórus, natione Hispanus, Doctor egregius, ex nova Carthagine Severiano patre Provinciae Duce natus, a sanctis Episcopis Leandro Hispanlensi, et Fulgentio Carthaginensi fratribus suis, pie et liberaliter educatus, Latinis, Graecis, et Hebraicis literis, divinisque, et humanis legibus instructus, omni scientiarum, atque christianarum virtutum genere praestantissimus evasit. Adhuc adolescens haeresim Arianam, quae gentem Gothorum Hispaniae latissime dominantem jampridem invaserat, tanta constantia palam oppugnavit, ut parum abfuerit, quin ab Haereticis necaretur. Leandro vita functo, ad Hispanensem Cathedram invitatus quidem, sed urgente in primis Reccarado Rege, magnoque etiam Cleri populi consensu assumitur; ejusque electionem Sanctus Gregorius Magnus, nedum auctoritate Apostolica confirmasse, sed et electum transmissio de more Pallio decorasse, quin etiam suum et Apostolicae Sedis in universa Hispania Vicarium constituisse perhibetur.

R. Inveni David servum meum, oleo sancto meo unxi eum: * Manus enim mea auxiliabitur ei.

V. Nihil proficiet inimicus in eo, et filius iniquitatis non nocébit ei. Manus.

Lectio v.

IN Episcopatu quantum fuerit constans, humilis, patiens, misericors, in Christiana, et Ecclesiastica disciplina instauranda sollicitus, eaque verbo et scriptis stabilienda indefessus, atque omni demum virtutum ornamento insignitus, nullius lingua enarrare sufficeret. Monastici quoque instituti per Hispaniam promotor, et

amplificator eximius, plura construxit Monasteria, Collegia itidem aedificavit, ubi studiis sacris et lectionibus vacans, plurimos discipulos, qui ad eum confluébant, erudivit, quos inter Sancti Ildefonsus Toletanus, et Braulio Caesaraugustanus Episcopi emicuerunt. Coacto Hispani Concilio, Acephalorum haeresim Hispaniae jam minitantem, acri et eloquenti disputatione fregit atque contrivit. Tantam apud omnes sanctitatis et doctrinae famam adeptus est, ut elapso vix ab ejus obitu sextodécimo anno, universa Toletana Synodo duorum supra quinquaginta Episcoporum plaudente, ipsoque etiam Sancto Ildefonso suffragante, Doctor egregius, Catholicae Ecclesiae novissimum decus, in saeculorum fine doctissimus, et cum reverentia nominandus appellari meruerit; eumque Sanctus Braulio non modo Gregorio Magno comparaverit, sed et erudiendae Hispaniae loco Jacobi Apostoli coelitus datum esse censuerit.

R. Posui adjutorium super potentem, et exaltavi electum de plebe mea: * Manus enim mea auxiliabitur ei.

V. Inveni David servum meum, oleo sancto meo unxi eum. Manus.

Lectio vi.

Scripsit Isidorus libros Etymologiarum, et de Ecclesiasticis Officiis, aliosque quamplurimos Christianae, et Ecclesiasticae disciplinae adeo utiles, ut Sanctus Leo Papa Quartus ad Episcopos Britanniae scribere non dubitaverit, sicut Hieronymi et Augustini, ita Isidori dicta retinenda esse, ubi contigerit inusitatum negotium, quod per Canones minime definiri possit. Plures etiam ex ejusdem scriptis sententiae inter Canonicas Ecclesiae leges relatae conspiciuntur. Praefuit Concilio Toletano quarto, omnium Hispaniae celeberrimo. Denique cum ab Hispania

Ariánam hæresim eliminasset, morte sua, et regni vastatióne a Saracenórum armis públice prænuntiáta, postquam quadraginta circiter annos suam rexisset Ecclesiám, Híspali migrávit in cælum anno sexcentésimo trigésimo sexto. Ejus corpus inter Leándrum fratrem, et Florentínam sorórem, ut ipse mandáverat, primo cónditum, Ferdinándus primus, Castéllæ et Legiónis Rex, ab Eneto Saracéno Híspali dominánte magno pretio redemptum, Legiónem tránstulit, et in ejus honórem Templum ædificátum est, ubi miraculis clarus magna pópuli devotióne cólitur.

R. Iste est qui ante Deum magnas virtutes operátus est, et omnis terra doctrína ejus repléta est: * Ipse intercedat pro peccátis ómnium populórum. **V.** Iste est qui contempsit vitam mundi, et pervénit ad coeléstia regna. **I**pse. **G**loria Patri. **I**pse.

IN III. NOCTURNO.

Lectio sancti Evangelíi secúndum Matthæum.

Lectio vii.

Cap. 5. b.

IN illo témpore: Dixit Jesus discipulis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Et réliqua.

Homília Sancti Isidóri Epíscopi.

Ex libro 2. Officiorum ad S. Fulgentium, cap. 5.

Qui in erudiéndis atque instituéndis ad virtútem pópulis præerit, necesse est, ut in ómnibus sanctus sit, et in nullo reprehensibilis habeátur. Qui enim álium de peccátis árguit, ipse a peccáto debet esse aliénus. Nam qua fronte subjéctos argúere póterit, cum illi statim possit correctus ingérere, ante doce te quæ recta sunt? Primitus quippe semetípsum corrigere debet, qui álios ad bene

vivéndum admonére studet, ita ut in ómnibus semetípsum formam vivéndi præbeat, cunctósque ad bonum opus, et doctrína et ópere próvocet. Cui étiam sciéntia Scripturárum necessária est. Quia si Epíscopi tantum sancta sit vita, sibi soli prodest sic vivens. Porro si et doctrína et sermóne fúerit eruditus, potest céteros quoque instrúere, et docére suos, et adversários repercutere, qui nisi refutati fúerint atque convicti, fácte possunt simpliciú corda pervértere.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum.

V. Induit eum Dóminus lorícam fidei, et ornávit eum. **E**t ad.

Lectio viii.

HUjus sermo debet esse purus, simplex, apértus, plenus gravitátis et honestátis, plenus suavitátis et grátiae, tractans de mystério legis, de doctrína fidei, de virtúte continéntiæ, de disciplína justítiæ: unumquémque ádmonens dívérse exhortatióne, juxta professionem, morúmque qualitatem: scilicet, ut prænoscat quid, cui, quando, vel quómodo próferat. Cujus præ céteris speciále officium est Scriptúras légere, percúrrere Cánones, exéempla Sanctórum imitári, vigíliis, jejúniis, oratióibus incúmbere, cum frátribus pacem habére, nec quemquam de membris suis discérpere; nullum damnáre, nisi comprobátum, nullum excommunicáre, nisi discússum. Quique ita humilitáte páriter et auctoritáte præesse debet, ut neque per nímiám humilitátem suam subdítórum vítia convaléscere fáciat, neque per immoderántiam severitátis potestátem exérceat, sed tanto cáutius erga commíssos sibi, quanto dúrius a Christo indagári formídat.

R. In médio Ecclesiæ apérui os ejus, * Et implévit eum Dóminus spíritu sapiéntiæ et intelléctus.

V. Jucunditatem et exultationem thesaurizavit super eum. Et implevit. Glória Patri. Et implevit.

In Quadragesima Lectio nona de Homilia Ferie occurrentis cum ejus commemoratione in Laudibus.

Lectio ix.

TEnébit quoque illam supereminentem donis omnibus charitatem, sine qua omnis virtus nihil est. Custos enim castitatis charitas; locus autem hujus custodis humilitas. Habébit étiam inter hæc omnia castitatis eminentiam: ita ut mens Christo dedita, ab omni inquinamento carnis sit munda et libera. Inter hæc oportébit cum solícita dispensatione curam pauperum gérere, esuriéntes páscere, vestíre nudos, suscipere peregrínos, captivos redímere, víduas ac pupílos tuéri, pervígilem in cunctis exhibére curam, providéntiam habére distributione discréta. In quo étiam hospitalitas ita erit præcípua, ut omnes cum benignitate et charitate suscípiat. Si enim omnes fidéles illud Evangélium audíre desíderant: Hospes fui, et suscepístis me; quanto magis Episcopos, cujus diversórium cunctórum debet esse receptáculum?

Te Deum laudámus. 13.

Vesperæ a Capitulo de sequenti, cum commemoratione præcedentis et Ferie.

Die 5. Aprilis.

In Festo

S. Vincentii Ferrerii Confessoris.

Duplex.

Omnia de Communi Confessoris non Pontificis [79], præter ea, quæ habentur propria.

Oratio.

DEus, qui Ecclesiám tuam beátí Vincéntii Confessóris tui méritis et prædicatione illustráre dignátus es:

concéde nobis fámulis tuis, ut et ipsíus instruámur exémpis, et ab ómnibus ejus patrocínio liberémur advérsis. Per Dóminum.

Deinde fit commemoratio S. Isidori.

Antiph. O Doctor óptime, Ecclesiæ sanctæ lumen, beáte Isidóre, divínæ legis amátor, deprecáre pro nobis Fílium Dei.

V. Justum dedúxit Dóminus per vias rectas.

R. Et osténdit illi regnum Dei.

Oratio.

DEus, qui pópulo tuo æternæ salutis beátum Isidórum minístrum tribuísti: præsta quæsumus; ut quem doctórem vitæ habúimus in terris, intercessórem habére mereámur in cœlis.

Ultimo loco fit commemoratio Ferie.

Lectiones primi Nocturni, de Scriptura occurrente, si celebretur post Pascha. Si vero in Quadragesima, Beátus vir, de Communi Confessoris non Pontificis [88].

IN II. NOCTURNO.

Lectio iv.

VIncéntius honésta stirpe Valéntiæ in Hispânia natus, ab ineúnte ætáte cor gessit seníle. Qui dum caliginósi hujus sæculi lábilem cursum pro ingénii sui módulo consideráret, Religiónis hábitum in Ordine Prædicatórum décimo octávo ætátis suæ anno suscepit: et emíssa solémni professione, sacris líteris sédulo incumbens, Theologíæ láuream summa cum laude consecútus est. Mox, obténta a Superióribus licéntia, verbum Dei prædicáre, Judæórum perfídiam argúere, Saracenórum erróres confutáre, tanta virtúte et effícíacia cœpit, ut ingéntem ipsórum infidélium multitudínem ad Christi fidem perdúxerit, et multa Christianórum mília a peccátis ad pœniténtiam, a vítiis ad

virtutem revocárit. Eléctus enim a Deo, ut mónita salutis in omnes gentes, tribus et linguas diffúnderet, et extrémí tremendíque judícii diem appropinquáre osténderet, ómnium auditórum ánimos terróre concússos, atque a terrénis afféctibus avúlsos, ad Dei amórem excitábat.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

IN hoc autem Apostólico múnere hic vitæ ejus tenor perpétuus fuit. Quotídie Missam summo mane cum cantu celebrávit, quotídie ad pópulum conciónem hábuit; inviolábile semper jejúnium, nisi urgens adésset necéssitas, servávit; sancta et recta consília nulli denegávit, carnes numquam comédit, nec vestem líneam induit; populórum júrgia sedávit, dissidéntia regna pace compósuit: et cum vestis inconsútilis Ecclésiæ diro schísmate scinderétur, ut unirétur, et uníta servarétur, plúrimum laborávit. Virtútibus ómnibus cláruit, suósque detractóres et persecutóres, in simplicitáte et humilitáte ámbulans, cum mansuetúdinerecépit, et ampléxus est.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum.

V. Induit eum Dóminus lorícam fídei, et ornávit eum. Et ad portas.

Lectio vi.

PER ipsum divína virtus, in confirmatióne vitæ et prædicatiónis ejus, multa signa et mirácula fecit. Nam frequentíssime super ægros manus impósuit, et sanitátem adépti sunt: spíritus immúndos e corpóribus expulit: surdis audítum, mutis loquélam,

cæcis visum restítuit, leprósos mundávit, mórtuos suscitávit. Sénio tandem et morbo conféctus infatigábilis Evangélii præco, plúrimis Európæ provinciis cum ingénti animárum fructu peragrátis, Venétiæ in Británia minóri prædicatiónis et vitæ cursum felíciter consummávit, anno salutis millésimo quadringentésimo décimo nono: quem Callístus tértius Sanctórum número adscrípsit.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus géntibus.

V. Iste est qui contémpsit vitam mundi, et pervénit ad coeléstia regna. Quia te. Glória Patri. Quia te.

In tertio Nocturno, Homilia S. Gregorii Papæ in Evangelium, *Sint lumbi vestri.* de Communi Confessoris non Pontificis [85].

Nona Lectio dicitur de Homilia Ferriæ occurrentis, si celebretur in Quadragesima, et de ea fit commemoratio ad Laudes.

Die 11. Aprilis.

In Festo

S. Leonis I., Papæ, Confessoris et Ecclesiæ Doctoris.

Duplex.

Omnia de Communi Confessoris Pontificis [62], præter sequentia.

Ad Magnificat, in utrisque Vesperis.

Antiph. to. 2. O Doctor óptime, Ecclésiæ sanctæ lumen, beáte Leo, divínæ legis amátor, deprecáre pro nobis Fílium Dei.

Oratio.

EXáudi, quæsumus, Dómine, preces nostras, quas in beáti Leónis Confessoris tui atque Pontificis so-

lemnitate deferimus: et qui tibi digne meruit famulari, ejus intercedentibus meritis, ab omnibus nos absolvet peccatis. Per Dominum.

Deinde fit commemoratio Feriæ, si celebretur in Quadragesima.

IN I. NOCTURNO.

Incipit Epistola prima beati Petri Apostoli.

Lectio i.

Cap. 1.

Petrus Apostolus Jesu Christi, electis advenis dispersionis Ponti, Galatiæ, Cappadociæ, Asiæ, et Bithyniæ, secundum præscientiam Dei Patris, in sanctificationem Spiritus, in obedientiam, et aspersionem sanguinis Jesu Christi: Grátia vobis, et pax multiplicetur. Benedictus Deus et Pater Domini nostri Jesu Christi, qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in hæreditatem incorruptibilem, et incontaminatam, et immarcescibilem, conservatam in cælis in vobis, qui in virtute Dei custodimini per fidem in salutem, paratam revelari in tempore novissimo.

R. Euge, serve bone et fidelis, quia in pauca fuisti fidelis, supra multa te constituam: * Intra in gaudium Domini tui.

V. Domine, quinque talenta tradidisti mihi, ecce alia quinque superlucratus sum. Intra.

Lectio ii.

In quo exultabitis, modicum nunc si oportet contristari in variis temptationibus, ut probatio vestræ fidei multo pretiosior auro (quod per ignem probatur) inveniatur in laudem, et gloriam, et honorem in revelatione Jesu Christi: quem cum non videritis, diligitis: in quem nunc quoque non videntes creditis: credentes autem exultabitis lætitia inenarrabili et

glorificata, reportantes finem fidei vestræ, salutem animarum. De qua salute exquisierunt, atque scrutati sunt Prophetæ, qui de futura in vobis grátia prophetaverunt: scrutantes in quod vel quale tempus significaret in eis Spiritus Christi: prænuntians eas, quæ in Christo sunt passionēs, et posteriores glórias: quibus revelatum est, quia non sibi metipsis, vobis autem ministrabant ea, quæ nunc nuntiata sunt vobis per eos, qui evangelizaverunt vobis, Spiritu sancto misso de cælo, in quem desiderant Angeli prospicere.

R. Ecce sacerdos magnus, qui in diebus suis placuit Deo: * Ideo jurejurando fecit illum Dominus crescere in plebem suam.

V. Benedictionem omnium Gentium dedit illi, et testamentum suum confirmavit super caput ejus. Ideo.

Lectio iii.

Propter quod succincti lumbos mentis vestræ, sobrii perfecte sperate in eam, quæ offertur vobis, grátiam, in revelationem Jesu Christi: quasi filii obedientiæ, non configurati prioribus ignorantiae vestræ desideriis: sed secundum eum, qui vocavit vos, Sanctum; et ipsi in omni conversatione sancti sitis: quoniam scriptum est: Sancti eritis, quoniam ego sanctus sum. Et si Patrem invocatis eum, qui sine acceptione personarum judicat secundum uniuscujusque opus, in timore incolatus vestri tempore conversamini. Sciētes quod non corruptibilibus auro vel argento redempti estis de vana vestra conversatione paternæ traditionis: sed pretioso sanguine, quasi agni immaculati Christi, et incontaminati: præcogniti quidem ante mundi constitutionem, manifestati autem novissimis temporibus propter vos, qui per ipsum fideles estis in Deo, qui suscitavit eum a

mórtuis, et dedit ei glóriam, ut fides vestra, et spes esset in Deo.

R. Jurávit Dóminus, et non pœnitêbit eum: * Tu es sacérdos in ætérnum secúndum órđinem Melchísedech.

V. Dixit Dóminus Dómino meo: Sede a dextris meis. Tu es. Glória Patri. Tu es.

IN II. NOCTURNO.

Lectio iv.

Leo primus, Etrúscus, eo tẽpore præfuit Ecclésiæ, cum Rex Hunnórum Attila, cognomẽto Flagellum Dei, in Itáliam invádens, Aquiléjam triennii obsidióne captam dirípuit et incéndit: unde cum Romam ardẽti furóre raperétur, jamque cópias, ubi Míncius in Padum ínfluit, trajícere paráret, occúrrit ei Leo, malórum Itáliæ impendẽtium misericórdia permótus: cujus divína eloquẽtia persuásus est Attilæ, ut regrederétur. Qui interrogátus a suis, quid esset quod præter consuetúdinem tam humíliter Románi Pontíficis imperáta fáceret; respóndit se adstántem quemdam álium, illo loquẽte, sacerdotáli hábitu vëritum esse, sibi stricto gládio minitántem mortem, nisi Leóni obtemperáret. Quare in Pannóniam revérsus est.

R. Invéni David servum meum, óleo sancto meo unxi eum: * Manus enim mea auxiliábitur ei.

V. Nihil profíciet inimícus in eo, et fílius iniquitátis non nocébit ei. Manus.

Lectio v.

Leo autem Romæ singulári ómnium lætítia excéptus, paulo post invadẽti Urbem Gensericó, eádem eloquẽtiæ vi, et sanctitátis opinióne persuásit, ut ab incéndio, ignomíniis, ac cædibus abstinéret. Sed cum Ecclésiám a multis hærésibus oppugnári, maximéque a Nestoriánis et Eutychiánis exagitári vidéret; ad eam purgán-

dam, et in fide cathólica confirmándam, Concílium Chalcedonẽse indíxit. Ubi sexcẽntis trigínta coáctis Epíscopis, Eútyches, et Dióscorus, et íterum Nestórius condemnáti sunt: ejusdẽmque Concílii decréta sua auctoritáte confirmávit.

R. Pósuí adjutórium super potẽntem, et exaltávi eléctum de plebe mea: * Manus enim mea auxiliábitur ei.

V. Invéni David servum meum, óleo sancto meo unxi eum. Manus.

Lectio vi.

His actis, sanctus Póntifex se ad reficiẽdas et ædificándas Ecclé-sias convértit. Cujus suásu Demétria pia fémína, sancti Stéphaní Ecclésiám constrúxit in suo fundo via Latína, tértio ab Urbe milliário: ipse via Appia sub nómine sancti Cornélii áltérám cónclaustrávit. Multas prætérea et sacras ædes, et sacra eárum vasa restítuit. In tribus Basílicis, Petri, Pauli, et Constantiniána, cámeras extrúxit: ædificávit monastérium vicínium Basílicæ sancti Petri: sepúlchris Apostolórum custódes adhíbuit, quos Cubiculários appellávit. Státuit ut in actióne mystérii dicerétur: Sanctum Sacrificium, immaculátam hóstiám. Sanxit ne mónacha benedíctum cá-pitis velámen recíperet, nisi quadragínta annórum virginitátem probásset. His et áliis præcláre gestis, cum multa sancte et luculẽter scripsísset, tértio Idus Aprílis obdormívit in Dómino. Sedit in Pontificátu annos vigínti, menses decem, dies vigínti octo.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédat pro peccátis ómnium populórum.

V. Iste est qui contempsit vitam mundi, et pervénit ad cœlestia regna. Ipse. Glória Patri. Ipse.

IN III. NOCTURNO.

Lectio sancti Evangelii secundum
Matthæum.

Lectio vii.

Cap. 16. b.

IN illo tempore: Venit Jesus in partes Cesaræ Philippi, et interrogabat discipulos suos, dicens: Quem dicunt homines esse Filium hominis? Et reliqua.

Homilia Sancti Leonis Papæ.

Serm. 2. in Anniv. assumpt. suae, ante med.

CUm, sicut Evangelica lectione reseratum est, interrogasset Dominus discipulos, quem ipsum (multis diversa opinantibus) crederent; respondissetque beatus Petrus, dicens: Tu es Christus Filius Dei vivi; Dominus ait: Beatus es, Simon Bar-Jóna, quia caro et sanguis non revelavit tibi, sed Pater meus, qui in cælis est; et ego dico tibi, quia tu es Petrus, et super hanc petram ædificabo Ecclesiam meam, et portæ inferi non prævalébunt adversus eam, et tibi dabo claves regni cælorum, et quodcúmque ligáveris super terram, erit ligatum et in cælis: et quodcúmque solveris super terram, erit solutum et in cælis. Manet ergo dispositio veritatis, et beatus Petrus in accepta fortitudine petrae perseverans, suscepta Ecclesiæ gubernacula non reliquit.

R. Amavit eum Dominus, et ornávit eum: stolam glóriæ induit eum, * Et ad portas paradísi coronávit eum.

V. Induit eum Dominus lorícá fidei, et ornávit eum. Et ad portas.

Lectio viii.

IN univérsa namque Ecclesiá: Tu es Christus Filius Dei vivi, quotidie Petrus dicit, et omnis lingua, quæ confitétur Dominum, magisterio huius vocis imbuitur. Hæc fides diabolum vincit, et captivorum ejus vincula

dissolvit. Hæc éruos mundo inserit cælo, et portæ inferi adversus eam prævalére non possunt. Tanta enim divinitus soliditate munita est, ut eam neque hæretica unquam corrumpere pravitas, nec pagána potuerit superare perfidia. His itaque modis, dilectissimi, rationabili obsequio celebrétur hodierna festivitas, ut in persóna humilitatis meæ ille intelligatur, ille honorétur, in quo et ómnium pastórum sollicitúdo cum commendatarum sibi óvium custódia perseverat, et cujus étiam dignitas in indigno hæréde non déficit.

R. In médio Ecclesiæ aperuit os ejus, * Et implévit eum Dominus spiritu sapiéntiæ et intelléctus.

V. Jucunditatem et exultationem thesaurizávit super eum. Et implévit. Glória Patri. Et implévit.

Si hoc festum celebretur in Quadragesima, nona Lectio dicitur de Homilia Feriæ occurrentis; et de ea fit commemoratio in Laudibus.

Lectio ix.

CUm ergo cohortationes nostras auribus vestrae sanctitatis adhibemus, ipsum vobis, cujus vice fungimur, loqui credite: quia et illius vos affectu monemus, et non aliud vobis, quam quod dócuit, prædicamus, obsecrantes, ut succincti lumbos mentis vestrae castam et sóbriam vitam in Dei timóre ducátis. Coróna mea, sicut Apóstolus ait, et gáudium vos estis, si fides vestra, quæ ab initio Evangelii in univérso mundo prædicata est, in dilectione et sanctitate permanserit. Nam licet omnem Ecclesiam, quæ in toto est orbe terrarum, cunctis oporteat florere virtutibus, vos tamen præcipue inter ceteros pópulos decet méritis pietatis excellere, quos in ipsa Apostólicæ Petrae arce fundátos, et Dominus noster Jesus Christus cum ómnibus redémit,

et beátus Apóstolus Petrus præ ómnibus erudívit.

Te Deum laudámus. 13.

Die 13. Aprilis.

In Festo

Sancti Hermenegildi, Martyris.

Semiduplex.

Omnia de Communi unius Martyris [26], præter ea quæ sequuntur.

In utrisque Vesperis et Laudibus.

Hymnus.

Regáli sólio fortis Ibériæ
Hermenegilde jubar, glória Mártyrum,
Christi quos amor almis
Cœli cœtibus inserit.

Ut perstas pátiens pollicítum Deo
Servans obséquium! quo pótius tibi
Nil propónis, et arces

Cautus nóxia, quæ placent.

Ut motus cõhibes, pábula qui parant
Surgéntis vítii, non dúbios agens
Per vestígia gressus,

Quo veri via dírgit!

Sit rerum Dómino jugis honor Patri,
Et Natum célebrent ora precántium,
Divinúmque suprémis

Flamen láudibus éfferant.

Amen.

Si prædictus Hymnus dici non potuerit in primis Vesperis, tunc ponatur ad Matutinum, et Hymnus Matutini, Nullis te génitor. dicatur in Laudibus.

Oratio.

Deus, qui beátum Hermenegildum Mártyrem tuum cœlésti regno terrénium postpónere docuísti: da, quæsumus, nobis, ejus exémplo cadúca despícere, atque æténa sectári. Per Dóminum.

Si celebretur in Quadragesima, fit commemoratio Feriæ in utrisque Vesperis et Laudibus.

AD MATUTINUM.

Hymnus.

Nullis te génitor blandítiis trahit,
Non vitæ cáperis dívitis ótio,
Gemmarúmve nitóre,
Regnandíve cupídine.

Diris non ácies te gládii minis,
Nec terret périmens carníficis furor:
Nam mansúra cadúcis

Præfers gáudia Cœlitum.

Nunc nos e Súperum prótege sédibus
Clemens, atque preces, dum cánimus tua

Quæsítam nece palmam,
Pronis áuribus éxcipe.

Sit rerum Dómino jugis honor Patri,
Et Natum célebrent ora precántium,
Divinúmque suprémis.

Flamen láudibus éfferant.

Amen.

In primo Nocturno, si celebretur in Quadragesima, Lectiones. **Fratres, debitóres.** de Communi plurimorum Martyrum, cum R.R. de Communi unius Martyris. [52]

Si vero post Pascha, Lectiones de Scriptura occurrente.

IN II. NOCTURNO.

Ex libro Dialogórum Sancti Gregórii Papæ.

Lectio iv. Lib. 3. cap. 31.

Hermenegildus Rex, Leovigildi Regis Visigothórum fílius, ab Ariána hæresi ad fidem Cathólicam viro reverendíssimo Leándro Hispalénsi Epíscopo, dudum mihi in amicítiis familiáriter juncto, prædicánte, convérsus est. Quem pater AriánuS, ut ad eámdem hæresim redíret, et præmiis suadére, et minis terrére conátus est. Cumque ille constantíssime respondéret, numquam se veram fidem posse relínquere, quam semel agnovísset: irátus pater eum privávit regno, rebúsque expoliávit ómnibus. Cumque nec sic virtútem mentis illíus

emollire valuisset, in arcta illum custodia concludens, collum manusque illius ferro ligavit. Coepit itaque Hermenegildus Rex juvenis terrenum regnum despiciere, et forti desiderio coeleste quaerens, in ciliciis vinculatus jacens, omnipotenti Deo, ad confortandum se, preces effundere; tantoque sublimius gloriam transeuntis mundi despiciere, quanto et religatus agnoverat nihil fuisse, quod potuerit auferri.

R. Honestum fecit illum Dominus, et custodivit eum ab inimicis, et a seductoribus tutavit illum: * Et dedit illi claritatem aeternam.

V. Descenditque cum illo in foveam, et in vinculis non dereliquit eum. **Et** dedit.

Tempore Paschali.

R. Lux perpetua lucebit sanctis tuis, Domine, * Et aeternitas temporum, allelúja, allelúja.

V. Laetitia sempiterna erit super capita eorum: gaudium et exultationem obtinebunt. **Et** aeternitas.

Lectio v.

Superveniēte autem Paschalis festivitatis die, intempēstae noctis silentio ad eum perfidus pater Ariānum Episcopum misit, ut ex ejus manu sacrilegae consecrationis communionem perciperet, atque per hoc ad patris gratiam redire mereretur. Sed vir Deo deditus, Ariāno Episcopo venienti exprobravit, ut debuit, ejusque a se perfidiam dignis increpationibus repulit: quia etsi exteriús jacebat ligatus, apud se tamen in magno mentis culmine stabat securus. Ad se itaque reverso Episcopo, Ariānus pater infremuit, statimque suos apparitores misit, qui constantissimum Confessorem Dei illic, ubi jacebat, occiderent; quod et factum est. Nam mox, ut ingressi sunt, securim cerebro ejus infigentes, vitam corporis

abstulerunt; hocque in eo valuerunt perimere, quod ipsum quoque, qui peremptus est, in se constiterat despexisse. Sed pro ostendenda vera ejus gloria, superna quoque non defuere miracula. Nam coepit in nocturno silentio psalmodiae cantus ad corpus ejusdem Regis et Martyris audiri: atque ideo veraciter Regis, quia et martyris.

R. Desiderium animae ejus tribuisti ei, Domine, * Et voluntate labiorum ejus non fraudasti eum.

V. Quoniam praevenisti eum in benedictionibus dulcedinis: posuisti in capite ejus coronam de lapide pretioso. **Et** voluntate.

Tempore Paschali.

R. In servis suis, allelúja, * Consolabitur Deus, allelúja.

V. Judicabit Dominus populum suum, et in servis suis. **Consolabitur.**

Lectio vi.

Quidam etiam ferunt, quod illic nocturno tempore accensae lampades apparebant. Unde et factum est, quatenus corpus illius, ut videlicet martyris, jure a cunctis fidelibus venerari debuisset. Pater vero perfidus, et parricida, commotus poenitentia, hoc fecisse se doluit, nec tamen usque ab obtinendam salutem poenituit. Nam quia vera esset Catholica fides agnovit, sed gentis suae timore perterritus, ad hanc pervenire non meruit. Qui, oborta aegritudine, ad extrema perductus est, et Leandro Episcopo, quem prius vehementer afflixerat, Reccarēdum Regem filium suum, quem in sua haeresi relinquebat, commendare curavit, ut in ipso quoque talia faceret, qualia et in fratre suis exhortationibus fecisset. Qua commendatione explēta, defunctus est. Post cujus mortem Reccarēdus Rex non patrem perfidum, sed fratrem martyrem sequens, ab Ariānae haere-

seos pravitate conversus est, totamque Visigothorum gentem ita ad veram perduxit fidem, ut nullum in suo regno militare permetteret, qui regni Dei hostis existere per hæreticam pravitatem non timeret. Nec mirum quod veræ fidei prædicator factus est, qui frater est martyris: cujus hunc quoque merita adjuvant, ut ad omnipotentis Dei gremium tam multos reducat.

R. Stola jucunditatis induit eum Dominus: * Et coronam pulchritudinis posuit super caput ejus.

V. Cibavit illum Dominus pane vitæ et intellectus: et aqua sapientiae salutaris potavit illum. **E**t coronam. **G**loria Patri. **E**t coronam.

Tempore Paschali.

R. Filie Jerusalem, venite et videte martyres cum coronis, quibus coronavit eos Dominus, * In die sollemnitatis et lætitiæ, allelûja.

V. Quoniam confortavit seras portarum tuarum, benedixit filios tuos in te. **I**n. **G**loria Patri. **I**n.

IN III. NOCTURNO.

Lectio sancti Evangelii secundum Lucam.

Lectio vii.

Cap. 14. f.

IN illo tempore: Dixit Jesus turbis: Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et reliqua.

Homilia Sancti Gregorii Papæ.

Homilia 37. in Evangel.

SI consideremus, fratres charissimi, quæ et quanta sunt quæ nobis promittuntur in cœlis, vilescunt animo omnia quæ habentur in terris. Terrænamque substantia supernæ felicitati comparata, pondus est, non subsidium. Temporalis vita æternæ vitæ comparata, mors est potius dicenda,

quam vita. Ipse enim quotidianus defectus corruptionis quid est aliud, quam quædam prolixitas mortis? Quæ autem lingua dicere, vel quis intellectus capere sufficit, illa supernæ civitatis quanta sint gaudia: Angelorum choris interesse, cum beatissimis spiritibus gloriæ Conditoris assistere, præsentem Dei vultum cernere, incircumscriptum lumen videre, nullo mortis metu affici, incorruptionis perpetuæ munere lætari?

R. Corona aurea super caput ejus, * Expressa signo sanctitatis, gloria honoris, et opus fortitudinis.

V. Quoniam prævenisti eum in benedictionibus dulcedinis, posuisti in capite ejus coronam de lapide pretioso. **E**xpressa signo.

Tempore Paschali.

R. Ego sum vitis vera, et vos palmites: * Qui manet in me, et ego in eo, hic fert fructum multum, allelûja, allelûja.

V. Sicut dilexit me Pater, et ego dilexi vos. **Q**ui manet.

Lectio viii.

Sed ad hæc audita inardescit animus: jamque illic cupit assistere, ubi se sperat sine fine gaudere. Sed ad magna præmia perveniri non potest, nisi per magnos labores. Unde et Paulus egregius prædicator dicit: Non coronabitur, nisi qui legitime certaverit. Delictet ergo mentem magnitudo præmiorum, sed non detérreat certamen laborum. Unde ad se venientibus Veritas dicit: Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus.

R. Hic est vere martyr, qui pro Christi nomine sanguinem suum fudit: * Qui minas iudicium non timuit, nec terrænæ

dignitátis glóriam quæsiuit, sed ad cœlestia regna pervénit.

V. Justum dedúxit Dóminus per vias rectas, et osténdit illi regnum Dei. Qui. Glória Patri. Qui.

Tempore Paschali.

R. Cándidi facti sunt Nazaræi ejus, allelúja: splendórem Deo dedérunt, allelúja: * Et sicut lac coaguláti sunt, allelúja, allelúja.

V. Candidiôres nive, nitidiôres lacte, rubicundiôres ébore antíquo, sapphíro pulchriôres. Et sicut. Glória Patri. Et sicut.

Si celebretur in Quadragesima, nona Lectio de Homilia Feriæ occurrentis.

Lectio ix.

Sed percontári libet, quómodo paréntes, et carnáliter propínquos præcipimur odísse, qui jubémur et inimícos diligere? Et certe Véritas de uxóre dicit: Quod Deus conjúnxit, homo non séparet. Et Paulus ait: Viri, diligite uxóres vestras, sicut et Christus Ecclésiám. Ecce, discípus uxórem diligéndam prædicat, cum magíster dicat: Qui uxórem non odit, non potest meus esse discípus. Numquid áliud judex núntiat, áliud præco clamat? An simul et odísse póssumus, et diligere? Sed si vim præcépti perpéndimus, utrúmque ágere per discretiónem valémus: ut uxórem, et eos, qui nobis carnis cognatióne conjúcti sunt, et quos próximos nóvimus, diligámus; et quos adversários in via Dei pátimur, odiéndo et fugiéndo nesciámus.

Te Deum laudámus. 13.

Si autem celebretur tempore Paschali, omnia dicuntur ut in Communi unius Martyris tempore Paschali, præter Orationem propriam, cum Hymnis et Evangelio, ut supra.

In Vesperis fit commemoratio sequentis.

Commune SS. Martyrum tempore Paschali habetur cum aliis Communibus infra [37].

Die 14. Aprilis.

Sanctorum Martyrum **Tiburtii, Valeriani** et **Maximi**.

Antiph. Istórum est enim regnum cœlórum, qui contempsérunt vitam mundi, et pervenérunt ad præmia regni, et lavérunt stolas suas in sanguine Agni.

V. Lætámini in Dómino, et exultáte justi.

R. Et gloriámini omnes recti corde.

Tempore Paschali.

Antiph. Lux perpétua lucébit sanctis tuis, Dómine, et ætérnitas temporum, allelúja.

V. Sancti et justi in Dómino gaudéte, allelúja.

R. Vos elégit Deus in hæreditátem sibi, allelúja.

Oratio.

Præsta, quæsumus, omnipotens Deus; ut qui sanctorum Mártyrum tuorum Tibúrtii, Valeriani, et Máximi solémnia cólimus, eórum étiam virtútes imitémur. Per Dóminum.

Lectio ii.

Valeriánus, Románus, nóbili genere ortus, Alexándro Sevéro Imperatóre, hortátu beátæ Cæciliæ virginis, quam sibi pari nobilitáte uxórem despónderat, una cum Tibúrtio fratre a sancto Urbáno Papa baptizátur. Quos ubi Præféctus Urbis Almáchius Christiános esse cognóvit, et patrimonio paupéribus distribúto, Christianórum córpora sepelíre, accersítos gráviter reprehéndit: atque ubi Christum Deum constánter confiténtes, deos autem dæmoniórum inánia simulácula prædicántes videt, virgis cædi jubet.

Lectio iii.

Sed cum verbéribus cogi non possent, ut Jovis simulácrum veneréntur, imo fortes in fidei veritate permanént, ad quartum ab Urbe lápidem secúri feriúntur. Quórum virtútem admirátus Máximus Præfécú cubiculárius, qui eos ad supplícium perdúxerat, Christiánum se esse professus est, cum multis prætérea Præfécú ministris: qui paulo post plumbátis contúsi, omnes ex diáboli ministris, Christi Dómini mártýres evaserunt.

Te Deum laudámus. 13.

Die 17. Aprilis.

In Festo

S. Aniceti Papæ et Martyris.


Oratio.

Deus, qui nos beáti Anicéti Mártýris tui atque Pontíficis ánnua solemnitate lætíficas; concéde propítius; ut cujus natalítia cólimus, de ejúsdem étiam protectióne gaudeámus. Per Dóminum.

Lectio iii.

ANicétus, Syrus, Imperátore Marco Aurélio Antoníno, præfuit Ecclésiæ. Decrévit ne cléríci comam nutrírent. Quínquies mense Decémbri ordinávit Presbýteros decem et septem, Diáconos quátuor, Epíscopos per diversa loca novem. Vixit in Pontificátu annos octo, menses octo, dies vigínti quátuor. Propter Christi fidem martýrio coronátus, sepúltus est via Appia in cœmetério, quod póstea Callísti appellátum est, décimo quinto Kaléndas Majas.

Te Deum laudámus. 13.



Die 21. Aprilis.

In Festo

S. Anselmi Episcopi Confessoris et Ecclesiæ Doctoris.

Duplex.

Omnia de Communi Confessoris Pontificis [62], præter ea quæ hic habentur.

Ad Magnificat in utrisque Vesperis.

Antiph. to. 2. O Doctor óptime, Ecclésiæ sanctæ lumen, beáte Anselme, divínæ legis amátor, deprecáre pro nobis Fílium Dei. Allelúja.

Oratio.

Deus, qui pópulo tuo æternæ salutis beátum Anselmum místrum tribuísti; præsta, quæsumus, ut quem doctórem vitæ habúimus in terris, intercessórem habére mereámur in cœlis. Per Dóminum.

In primo Nocturno, Lectiones. Sapientiam. ut in Communi [74].

IN II. NOCTURNO.

Lectio iv.

ANselmus, Augústæ Prætóriæ in fínibus Itáliæ, Gundúlpho et Ermembérge, nobílibus et Cathólicis paréntibus natus, a téneris annis assíduo literárum stúdio, atque perfectióris vitæ desidério, non obsúrum futúre sanctitátis et doctrínæ spécimen dedit. Et licet juveníli ardóre aliquándo ad sæculi illécebras traherétur, brevi tamen in prístinam viam revocatús, pátria et bonis ómnibus derelíctis, ad monastérium Beccénse Ordinis sancti Benedícti se cóntulit: ubi, emíssa regulári professióne, sub Herluíno Abbáte observantíssimo, et Lanfráncó viro doctíssimo, tanto ánimí fervóre, et jugi stúdio in líteris et virtútibus assequéndis profécit, ut mirum in modum tamquam sanctitátis et doctrínæ exémpplar ab ómnibus haberétur.

R. Invéni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil proficiet inimícus in eo, et filius iniquitátis non nocébit ei. **Manus.**

Lectio v.

Abstinéntiæ et continéntiæ tantæ fuit, ut assiduitáte jejúnii omnis pene cibórum sensus in eo viderétur extinctus. Diúrno enim témpore in exercítiis monásticis, docéndo et respondéndo váriis de Religiónē quæsitis, eménso, quod réliquum erat noctis, somno subtrahébat, ut divínis meditatióibus, quas perénni lacrymárum imbre fovébat, mentem recreáret. Eléctus in Priórem monastérii, invidos fratres ita charitáte, humilitáte, et prudéntia lenívit, ut, quos æmulos accéperat, sibi et Deo amícos, máximo cum reguláris observántiæ emolumento, rédderet. Mórtuo Abbáte, et in ejus locum (licet invítus) sufféctus, tanta doctrínæ et sanctitátis fama ubique refúlsit, ut non modo Régibus et Epíscopis veneratióni esset, sed sancto Gregório séptimo étiam accéptus, qui tunc magnis persecutióibus agítatus, líteras amóris plenas ad eum dedit, quibus se et Ecclésiám Cathólicam ejus oratióibus commendábat.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.

V. Invéni David servum meum, óleo sancto meo unxi eum. **Manus.**

Lectio vi.

Defúnto Lanfráncō Archiepíscopo Cantuariénsi ejus olim præceptóre, Ansélmus, urgénte Willélmo Angliæ rege, et instántibus clero ac pópulo, ipso tamen repugnante, ad ejúsdem Ecclésiæ régimen vocátus, statim (ut corrúptos pópuli mores reformáret) verbo et exémplo prius, dein scriptis, et Concíliis celebrátis, prístinam pietátem, et Ecclesiásticam disciplínam redúxit. Sed cum mox

idem Willélmus rex vi et minis Ecclésiæ jura usurpáre tentásset, ipse sacerdotáli constántia réstitit; bonórúmque direptiόνem, et exílium passus, Romam ad Urbánum secúndum se cóntulit, a quo honorífice excéptus, et summis láudibus ornátus est, cum in Barénsi Concílio Spíritum sanctum étiam a Fílio procedéntem, contra Græcórúm errórem, innúmeris Scripturárum, et sanctórum Patrum testimoniis propugnásset. E vivis Willélmo subláto, ab Henríco rege ejus fratre in Angliam revocatús, obdormívit in Dómino: famam non solum miraculórum, et sanctitátis (præcípue ob insígnem devotióem erga Dómini nostri Passiόνem, et beátam Vírginem ejus Matrem) assecútus, sed étiam doctrínæ, quam ad defensióem Christiánæ religiónis, animárum profécum, et ómnium Theologórum, qui sacras líteras scholástica méthodo tradidérunt, normam cœlitis hausísse ex ejus libris ómnibus appáret.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédát pro peccátis ómnium populórum, allelúja.

V. Iste est qui contémpsit vitam mundi, et pervénit ad cœlestia regna. Ipse. Glória Patri. Ipse.

In tertio Nocturno Homilia sancti Hilarii Episcopi in Evangelium. Vos estis sal terræ. de Communi Doctorum, secundo loco [77].

In secundis Vesperis fit commemoratio sequentis.



Die 22. Aprilis.

In Festo

SS. Soteris et Caji, Pontificum et Martyrum.

Semiduplex.

Omnia de Communi Martyrum tempore Paschali [37], præter sequentia.

Antiph. Lux perpétua lucébit sanctis tuis, Dómine, et ætérnitas témporum, allelúja.

V. Sancti et justi in Dómino gaudéte, allelúja.

R. Vos elégit Deus in hæreditátem sibi, allelúja.

Oratio.

BEatórum Mártyrum, paritérque Pontíficum Sotéris et Caji nos, quæsumus, Dómine, festa tueántur: et eórum comméndet orátio veneránda. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

SOter, Fundis in Campánia natus, sancívit, ne sacræ vírgines vasa sacra et pallas attíngerent, neve thuris ministério in Ecclésia uteréntur. Idem státuit, ut Christi Corpus in Cœna Dómini sumerétur ab ómnibus, iis excéptis, qui propter grave peccátum id fácere prohiberéntur. Sedit in Pontificátu annos tres, menses úndecim, dies decem et octo: martýrio coronátur sub Marco Aurélio Imperatóre, et in cœmetério, quod póstea Callísti dictum est, sepelítur, more majórum, mense Decémbri creátis Presbýteris decem et octo, Diáconis novem, Episcopis per diversa loca úndecim.

R. Lux perpétua lucébit sanctis tuis, Dómine, * Et ætérnitas témporum, allelúja, allelúja.

V. Lætítia sempitérna erit super cápita eórum: gáudium et exultatióem obtinébunt. Et ætérnitas.

Lectio v.

CAjus, Dálmata, ex génere Diocletiáni Imperatóris, constítuit, ut his Ordinum et honórum grádibus in Ecclésia ad Episcopátum ascenderétur: Ostiárii, Lectóris, Exorcístæ, Acólythi, Subdiáconi, Diáconi, Presbýteri. Hic Diocletiáni crudelitátem

in Christiános fúgiens, aliquámdiu in spelúnca delítuit: verum octo post annis una cum Gabíno fratre martýrii corónam consecútus est, cum sedísset annos duódecim, menses quátuor, dies quinque, creátis mense Decémbri Presbýteris vigintiquínque, Diáconis octo, Episcopis quinque. Sepúltus est in cœmetério Callísti, décimo Kaléndas Maji. Ejus memóriam Urbánus octávus in Urbe renovávit, dírutam Ecclésiam restítuit, Título, Statióne, et ipsíus Relíquiis decorávit.

R. In servis suis, allelúja, * Consolábitur Deus, allelúja.

V. Judicábit Dóminus pópulum suum, et in servis suis. Consolábitur.

Sermo Sancti Ambrósii Epíscopi.

Lectio vi.

Serm. 22.

Dignum et cóngruum est, fratres, ut post lætítiam Paschæ, quam in Ecclésia celebrávimus, gáudia nostra cum sanctis Martýribus conferámus; et iis annuntiémus Domínicæ resurrectionis glóriam, qui consórtes sunt Domínicæ passiónis. Qui enim sócii sunt contuméliæ, debent et partícipes esse lætítiæ. Ita enim dicit beátus Apóstolus: Sicut sócii passiónum estis, et resurrectionis éritis: si tolerábitus, inquit, et conregnábimus. Qui ergo toleravérunt mala propter Christum, debent et glóriam habére cum Christo.

R. Fíliæ Jerúsalem, veníte, et vidéte Mártyres cum corónis, quibus coronávit eos Dóminus, * In die solemnitátis et lætítiæ, allelúja.

V. Quóniam confortávit seras portárum tuárum; benedíxit filios tuos in te. In die. Glória Patri. In die.

In tertio Nocturno, Homilia S. Augustini Epíscopi in Evangelium. Ego sum vitis, vos pálmities. de Comuni Martýrum temp. Pasch., secundo loco [49].

In Vesperis a Capitulo fit de S. Georgio.

~*~*~

Die 23. Aprilis.

In Festo **S. Georgii**, Martyris.
Semiduplex.

Omnia de Communi unius Martyris tempore Paschali [37], præter sequentia.

Oratio.

Deus, qui nos beāti Geórgii Mártiris tui méritis et intercessióne lætíficas: concéde propítius, ut qui tua per eum beneficia póscimus, dono tuæ grátiae consequámur. Per Dóminum.

Deinde fit commemoratio SS. Soteris et Caji.

Antiph. Sancti et justi in Dómino gaudéte, allelúja: vos elégit Deus in hæreditátem sibi, allelúja.

Ū. Pretiósá in conspéctu Dómini, allelúja.

R. Mors sanctórum ejus, allelúja.

Oratio. Beatórum Mátyrum. ut supra. 462.

Lectiones primi Nocturni, de Scriptura occurrente.

IN II. NOCTURNO.

De Epístola Sancti Cypriáni Epíscopi et Mátyris, ad Mátyres et Confessóres.

Lectio iv.

Lib. 2. Epist. 6.

Quibus ego vos láudibus prædicem, fortíssimi Mátyres? robur pectoris vestri, et perseverántiam fidei, quo præcónio vocis exórnem? Tolerástis usque ad consummationem glóriæ duríssimam quæstiónem: nec cessístis supplíciis, sed vobis pótius supplícia cessérunt. Finem dolóribus, quem torménta non dabant, coronæ dedérunt. Laniéna grávior ad hoc diu perseverávit, non ut stantem fidem dejíceret, sed ut hómines Dei ad Deum velócius mitteret.

R. Lux perpétua lucébit sanctis tuis, Dómine, * Et ætérnitas témporum, allelúja, allelúja.

Ū. Lætítia sempitérna erit super cápita eórum, gáudium et exultatiónem obtinébunt. Et ætérnitas.

Lectio v.

Vidit admírans præsentium multitúdo cœléste certámen, certámen Dei, certámen spiritále, prælium Christi: stetísse servos ejus voce líbera, mente incorrúpta, virtúte divína, telis quidem sæculáribus nudos, sed armis fidei ardéntis armátos. Stetérunt torti torquéntibus fortióres: et pulsántes ac laniántes úngulas, pulsáta ac laniáta membra vicérunt. Inexpugnábilem fidem superáre non pótuit sæviens diu plaga repetíta, quamvis, rupta compáge víscerum, torqueréntur in servis Dei jam non membra, sed vúlnera. Fluébat sanguis, qui incéndium persecutiónis extingueret, qui flammam et ignes gehénnae glorióso cruóre sopíret.

R. In servis suis, allelúja, * Consolábitur Deus, allelúja.

Ū. Judicábit Dóminus pópulum suum, et in servis suis. Consolábitur.

Lectio vi.

O quale illud fuit spectáculum Dómino, quam sublime, quam magnum, quam Dei óculis sacraménto ac devotióne mílitis ejus accéptum! sicut scriptum est in Psalmis, Spiritu sancto loquente ad nos páriter et monente: Pretiósá est in conspéctu Dómini mors justórum ejus. Pretiósá mors hæc est, quæ emit immortalitátem pretio sui ságuinis; quæ accépit coronam de consummatione virtútis. Quam lætus illic Christus fuit, quam libens in tálibus servis suis et pugnávit, et vicit protéctor fidei, dans credéntibus tantum, quantum se credit cápere qui sumit: certámini suo ádfuit, præliatóres atque assertóres sui nóminis eréxit, corroborávit, animávit. Et qui pro nobis mortem semel vicit, semper vincit in nobis.

R. Filiae Jerúsalem, veníte et vidéte Mártýres cum corónis, quibus coronávit eos Dóminus, * In die solemnitatís et lætitiæ, allelúja.

V. Quóniam confortávit seras portárum tuárum, benedíxit fílios tuos in te. In die. Glória Patri. In die.

In tertio Nocturno, Homilia S. Augustini Episcopi in Evangelium. Ego sum vitis vera. de Communi Martyris tempore Paschali, primo loco [45].

Vesperæ de sequenti, commemoratio præcedentis.

Die 24. Aprilis.

In Festo

S. Fidelis a Sigmaringa, Martyris.

Duplex.

Omnia de Communi Martyrum tempore Paschali [37], præter ea quæ hic assignantur.

Oratio.

Deus, qui beátum Fidélem séráphico Spíritus ardóre succénsum in veræ Fídei propagatióne Martírii palma et gloriósis miráculis decoráre dignátus es: ejus, quæsumus, méritis et intercessióne, ita nos per grátiam tuam in Fide et Charitáte confirma, ut in servítio tuo fidéles usque ad mortem inveníri mereámur. Per Dóminum.

Deinde fit commemoratio S. Georgii Martyris.

Antiph. Sancti et justi in Dómino gaudéte, allelúja: vos elégit Deus in hereditátem sibi, allelúja.

V. Pretiósá in conspéctu Dómini, allelúja.

R. Mors sanctórum ejus, allelúja.

Oratio.

Deus, qui nos beáti Geórgii Mártýris tui méritis et intercessióne lætíficas: concéde propítius, ut qui tua per eum beneficia póscimus, dono tuæ grátiae consequámur. Per Dóminum.

Lectioes primi Nocturni de Scriptura occurrente.

IN II. NOCTURNO.

Lectio iv.

Fidélis in Oppido Svéviæ Sigmaringa ex honésta Reyórum familia natus, ab ineúnte ætáte singuláribus natúræ et grátiae donis ornátus præfúlsit. Egrégiam quippe sortítus índolem, morúmque óptima imbútus disciplína, dum Fribúrgi Philosophiæ et Juris utriúsque láuream emérui, in schola étiam Christi ad perfectiúnis ápicem sédulo virtútum exercítio conténdere cœpit. Nobílium exínde virórum várias Európæ provinciás lustrántium comes adscítus, eos ad Christiánam pietátem sectándam tam verbis, quam opéribus excitáre non déstitit. Quínimo in eódem itínere crebris austeritatibus desidéria carnis mortificáre, ac ita seípsum régere stúduit, ut in tanta rerum vicissitúdine nullo umquam visus fúerit iræ motu perturbári. Juris prætérea, et justitiæ strénuus propugnátor, post réditum in Germániam célebre sibi nomen acquisívit in Advocáti múnere, in quo tamen cum fori perícula esset expértus, tutiorem æternæ salútis viam ingredi deliberávit, et supérna vocatióne illustrátus, paulo post Ordini Seráphico inter Fratres Minóres Capuccínos adscríbi pétiiit.

R. Lux perpétua lucébit sanctis tuis, Dómine, * Et æternitas téporum, allelúja, allelúja.

V. Lætitia sempitérna erit super cápita eórum: gáudium et exultatiónem obtinébunt. Et æternitas.

Lectio v.

Plæ petitiónis compos rédditus, mundi súque contéptor insígnis, in ipso statim tyrocínio, magisque cum solémnis professiúnis vota in gáudio spíritus Dóminó nuncupásset, in regulári observántia ómnibus

admiratióni fuit, et exémplo. Oratióni máxime, et sacris líteris vacans, in verbi quoque ministério singulári grátia excéllens, nedum Cathólicos ad meliorem frugem, verum étiam heterodóchos ad veritátis cognitiónem attráxit. Plúribus in locis cœnóbii Præfêctus constitútus, prudéntia, justítia, mansuetúdine, discretiône, et humilitátis laude, munus sibi demandátum exércuit. Arctíssimæ paupertátis zelátor egrégíus, quidquid vel minus necessárium viderétur, e cœnóbio pénitus eliminávit. Inter austéra jejúnia, vigílias, et flagélla salutári seípsum prósequens ódio, in álios amórem, quasi mater in fílios, osténdit. Cum pestífera febris Austríacæ militáres cópias dire afflígeret, ipse in extrémis infirmórum indigéntiis ad assídua charitátis offícia toto spírítu incúbuit. In componéndis étiam animórum dissídiis, aliisque próximi necessitatibus sublevándis consílio et ópere ádeo præcláre se gessit, ut Pater Pátriæ merúerit appellári.

R. In servis suis, allelúja, * Consolábitur Deus, allelúja.

V. Judicábit Dóminus pópulum suum, et in servis suis. **C**onsolábitur.

Lectio vi.

Deíparæ Vírginis, et Rosárii cultor exímíus, illíus præcípue, aliorúmque Sanctórum patrocínio a Deo postulávit, ut in Cathólicæ Fídei obséquium vitam sibi, et sánguinem fúndere licéret. Cumque ardens hoc desidérium in quotidíana Sacri devóta celebratióne magis accenderétur, mira Dei providéntia factum est, ut fortis Christi athléta Præses eligerétur illárum Missiónum, quas Congregatió de propagánda Fide pro Rhætia tunc témporis institúerat. Quod árduum munus prompto hilaríque ánimo suscípiens, tanto fervóre executus est, ut, plúribus Hæréticis ad Orthodoxam fidem convérsis, spes non módica

effúlserit totíus illíus gentis Ecclésiæ, et Christo reconciliándæ. Prophetiæ dono præditus futúras Rhætiae calamitátes, suíque necem ab hæréticis inferéndam sápius prædixit. Postquam vero insidiárum probe cónsciis impendénti agóni se præparásset, die vigésima quarta Aprílis anni millésimi sexcentésimi vigésimi secúndi ad Ecclésiám loci, Sevísium nuncupáti, se cóntulit, ubi ab Hæréticis, qui pridie conversi ónem simulátes eum dolóse ad prædicándum invitáverant, concióné tumultuárie interrúpta, per vérbera ac vúlnera eidem crudéliter inflícta, gloriósam mortem magno et álacri corde perpéssus, primítias Mátyrum memorátæ Congregatiónis próprio sáanguine consecrávit; plúribus signis et miráculis exínde clarus, præsertim Cúriæ et Veldkírchii, ubi summa pópuli veneratióne illíus Reliquiæ asservántur.

R. Fíliæ Jerúsalem, veníte et vidéte Mátyres cum coronis, quibus coronávit eos Dóminus, * In die solemnitátis et lætítiæ, allelúja.

V. Quóniam confortávit seras portárum tuárum, benedíxit fílios tuos in te. In die. Glória Patri. In die.

In tertio Nocturno, Homilia S. Augustini Episcopi in Evangelium, Ego sum vitis vera. de Communi Mátyr. tempore Paschali, primo loco. [45]

Vesperæ de sequenti cum commemoratione præcedentis.

Die 25. Aprilis.

In Festo **S. Marci** Evangelistæ.

Duplex.

Omnia de Communi Apostolorum tempore Paschali [19], præter ea quæ hic assignantur.

Oratio.

Deus, qui beátum Marcum Evangelistam tuum Evangélicæ præ-

dicatiónis grátia sublimásti: tríbue, quæsumus, ejus nos semper et eruditiónē profícere, et oratióne deféndi. Per Dóminum.

Deinde fit commemoratio S. Fidelis.

Antiph. Sancti et justi, in Dómino gaudéte, allelúja: vos elégit Deus in hæreditátem sibi, allelúja.

V. Pretiósá in conspéctu Dómini, allelúja.

R. Mors sanctórum ejus, allelúja.

Oratio.

DEus, qui beátum Fidélem seráphico spíritus ardóre succénsun in veræ Fídei propagatióne Martýrii palma et gloriósus miráculis decoráre dignátus es: ejus, quæsumus, méritis et intercessióne, ita nos per grátiam tuam in Fide et Charitáte confírma, ut in servítio tuo fidéles usque ad mortem inveníri mereámur. Per Dóminum.

IN I. NOCTURNO.

Incipit liber Ezechiélis Prophætæ.

Lectio i.

Cap. 1.

ET factum est in trigésimo anno, in quarto, in quinta mensis, cum essem in médio captivórum juxta flúvium Chobar, apérti sunt cœli, et vidi visiões Dei. In quinta mensis, ipse est annus quintus transmigratiónis regis Jóachin, factum est verbum Dómini ad Ezechiélem fílium Buzi, sacerdotem in terra Chaldæórum, secus flumen Chobar: et facta est super eum ibi manus Dómini. Et vidi, et ecce ventus túrbini veniébat ab Aquilóne, et nubes magna, et ignis invólvens, et splendor in circúitu ejus: et de médio ejus quasi spécies eléctri, id est, de médio ignis.

R. Beátus vir, qui méruit Dóminum, allelúja: * In mandátis ejus cupit nimis, allelúja, allelúja, allelúja.

V. Glória et divítiæ in domo ejus, et justítia ejus manet in sæculum sæculi. In mandátis.

Lectio ii.

ET in médio ejus similitúdo quátuor animálium: et hic aspéctus eórum, similitúdo hómínis in eis. Quátuor fácies uni, et quátuor pennæ uni. Pedes eórum pedes recti, et planta pedis eórum quasi planta pedis vítuli, et scintíllæ quasi aspéctus æris candéntis. Et manus hómínis sub pennis eórum in quátuor pártibus: et fácies, et pennas per quatuor partes habébant. Junctæque erant pennæ eórum altérius ad álterum. Non revertébántur cum incéderent: sed unumquódque ante fáciem suam gradiebátur.

R. Tristítia vestra, allelúja, * Convertétur in gáudium, allelúja, allelúja.

V. Mundus autem gaudébit; vos vero contristabímmini, sed tristítia vestra. Convertétur.

Lectio iii.

Similitúdo autem vultus eórum: fácies hómínis, et fácies leónis a dextris ipsórum quátuor: fácies autem bovis a sinístris ipsórum quátuor, et fácies áquilæ désuper ipsórum quátuor. Fácies eórum, et pennæ eórum exténtæ désuper: duæ pennæ singulórum jungébántur, et duæ tegébant cörpera eórum: et unumquódque eórum coram fácie sua ambulábat: ubi erat ímpetus spíritus, illuc gradiebántur, nec revertébántur cum ambulárent.

R. Pretiósá in conspéctu Dómini, allelúja, * Mors sanctórum ejus, allelúja.

V. Custódit Dóminus ómnia ossa eórum, unum ex his non conterétur.

Mors. Glória Patri. Mors.

IN II. NOCTURNO.

Ex libro Sancti Hierónymi Presbýteri, de Scriptóribus Ecclesiásticis.

Lectio iv.

Marcus discípulus et intérpres Petri, juxta quod Petrum referéntem audíerat, rogátus Romæ a frátribus,

breve scripsit Evangelium. Quod cum Petrus audisset, et probavit, et Ecclesiæ legendum sua auctoritate dedit. Assumpto itaque Evangelio, quod ipse confecerat, perréxit in Ægyptum, et primus Alexandriæ Christum annuntiāns, constituit Ecclesiam tanta doctrina et vitæ continētia, ut omnes sectatores Christi ad exemplum sui cogeret.

R. Lux perpétua lucēbit sanctis tuis, Dómine, * Et æternitas téporum, allelúja, allelúja.

V. Lætítia sempiterna erit super cápita eórum: gáudium et exultatióem obtinébunt. Et æternitas.

Lectio v.

Denique Philo, disertissimus Judæorum, videns Alexandriæ primam Ecclesiam adhuc judaizantem, quasi in laudem gentis suæ librum super eórum conversatióne scripsit. Et quómodo Lucas narrat Jerosólymæ credentes ómnia habuisse comúnia: sic et ille quod Alexandriæ sub Marco fieri doctóre cernēbat, memóriæ trádidit. Mórtnus est autem octávo Nerónis anno, et sepúltus Alexandriæ succedente sibi Aniáno.

R. Virtúte magna reddēbant Apóstoli * Testimónium resurrectiōnis Jesu Christi Dómini nostri, allelúja, allelúja.

V. Repléti quidem Spíritu sancto loquebántur cum fidúcia verbum Dei. Testimónium.

De Expositiōne Sancti Gregórii Papæ super Ezechiélem Prophétam.

Lectio vi.

Homil. 3. lib. 1.

Sancta quátuor animália, quæ prophetiæ spíritu futúra prævidéntur, subtili narratiōe describúntur, cum dicitur: Quátuor fácies uni, et quátuor pennæ uni. Quid per fáciem, nisi notítia; et quid per pennas, nisi volátus exprimitur? Per fáciem quippe

unusquisque cognóscitur: per pennas vero in altum ávium córpora sublevántur. Fácies itaque ad fidem pertinet, penna ad contemplatióem. Per fidem namque ab omnipoténti Deo cognóscimur, sicut ipse de suis óvibus dicit: Ego sum pastor bonus, et cognóscō oves meas, et cognóscunt me meæ. Qui rursus ait: Ego scio quos elégerim. Per contemplatióem vero, qua super nosmetipsos tóllimur, quasi in áera levámur.

R. Isti sunt agni novélli, qui annuntiavérunt, allelúja: modo venérunt ad fontes: * Repléti sunt claritáte, allelúja, allelúja.

V. In conspéctu Agni amícti sunt stolis albis, et palmæ in manibus eórum. Repléti. Glória Patri. Repléti.

IN III. NOCTURNO.

Lectio sancti Evangelii secundum Lucam.

Lectio vii.

Cap. 10.

In illo témpore: Designávit Dóminus et álios septuaginta duos, et misit illos binos ante fáciem suam in omnem civitátem et locum, quo erat ipse ventúrus. Et reliqua.

Homilia Sancti Gregórii Papæ.

Homilia 17. in Evangelia.

Dominus et Salvátor noster, fratres charíssimi, aliquándo nos sermónibus, aliquándo vero opéribus admonet. Ipsa etenim facta ejus præcepta sunt: quia dum áliquíd tácitus facit, quid ágere debeámus innotescit. Ecce enim binos in prædicatióem discípulos mittit: quia duo sunt præcepta charitátis, Dei videlicet amor, et próximi: et minus, quam inter duos, charitas habéri non potest. Nemo enim próprie ad semetípsum habére charitátem dicitur: sed diléctio in álterum tendit, ut charitas esse possit.

R. Ego sum vitis vera, et vos pálmities: * Qui manet in me, et ego in eo, hic fert fructum multum, allelúja, allelúja.

V. Sicut diléxit me Pater, et ego diléxi vos. Qui manet.

Lectio viii.

ECce enim binos ad prædicandum discipulos Dóminus mittit: quatenus hoc nobis tácitus ínnuat, quia qui charitatem erga álterum non habet, prædicatiónis officium suscipere nullatenus debet. Bene autem dicitur, quia misit eos ante faciém suam in omnem civitatem et locum, quo erat ipse venturus. Prædicatores enim suos Dóminus séquitur; quia prædicatio prævenit, et tunc ad mentis nostræ habitáculum Dóminus venit, quando verba exhortatiónis præcúrrunt: atque per hoc véritas in mente suscipitur.

R. Cándidi facti sunt Nazaræi ejus, allelúja: splendórem Deo dedérunt, allelúja: * Et sicut lac coaguláti sunt, allelúja, allelúja.

V. Cándidióres nive, nitidióres lacte, rubicundióres ébore antíquo, sapphíro pulchrióres. Et sicut. Glória Patri. Et sicut.

Lectio ix.

Hinc namque eisdem prædicatóribus Isaías dicit: Paráte viam Dómini, rectas fácite sémitas Dei nostri. Hinc fíliis Psalmísta ait: Iter fácite ei, qui ascéndit super occásum. Super occásum namque Dóminus ascéndit: quia unde in passióne occúbuit, inde majórem suam glóriam resurgéndo manifestávit. Super occásum videlicet ascéndit, quia mortem, quam pértulit, resurgéndo calcávit. Ei ergo, qui ascéndit super occásum, iter fácimus, cum nos ejus glóriam vestris méntibus prædicámus, ut eas, et ipse post véniens, per amoris sui præsentiam illústret.

Te Deum laudámus. 13.

Hodie qui non intersunt Processioni Litaniarum, dicant illas privatim post Matutinum cum suis Precibus et Orationibus, sine Psalmis Pœnitentialibus, etiam si hoc festum transferatur in aliam diem.

Si Litaniae majores occurrant in die Paschatis, transferantur in Feriam tertiam sequentem.

In secundis Vesperis fit commemoratio Festi sequentis.



Die 26. Aprilis.

In Festo **SS. Cleti** et **Marcellini**, Pontificum et Martyrum.

Semiduplex.

Omnia de Communi Martyrum tempore Paschali [37], præter sequentia.

Antiph. Lux perpétua lucébit sanctis tuis, Dómine, et ætérnitas téporum, allelúja.

V. Sancti et justi in Dómino gaudéte, allelúja.

R. Vos elégit Deus in hæreditatem sibi, allelúja.

Oratio.

BEatórum Mártyrum, paritérque Pontíficum Cleti et Marcellíni nos, Dómine, fóveat pretiósá conféssio: et pia júgiter intercéssio tueátur. Per Dóminum.

Si hoc Festum celebretur Feria secunda Rogationum, Lectiones primi Nocturni sumuntur ex Communi plurimorum Martyrum extra tempus Paschale, infra. [52] et nona Lectio legitur de Homilia Feriæ.

Similiter si quod ex sequentibus Festis occurrat dicta Feria secunda, aut in Vigilia Ascensionis, in primo Nocturno leguntur Lectiones quæ habentur in Communi illius Sancti extra tempus Paschale; nisi propriæ assignentur, vel ponendum sit initium aliqujus Epistolæ præcedentis Domini- cæ quod omissum sit ob aliud Festum

in ea celebratum, in quo propriae Lectiones assignatae sint.

IN II. NOCTURNO.

Lectio iv.

Cletus, Romānus, patre Æmiliāno, de regione quinta, e vico Patrício, Imperatoribus Vespasiāno et Tito, Ecclesiā gubernāvit. Is ex præcepto Principis Apostolorum in Urbe vigintiquinque Presbyteros ordināvit. Primus in litteris verbis illis usus est: Salutem et Apostolicam benedictionem. Qui Ecclesia optime constituta, cum ei præfuisset annos duodecim, menses septem, dies duos, Domitiāno Imperatore, secunda post Nerōnem persecutiōne, martyrio coronatus est, et in Vaticanō juxta corpus beati Petri sepultus.

R. Lux perpétua lucēbit sanctis tuis, Dómine, * Et æternitas tēporum, allelúja, allelúja.

V. Lætítia sempiterna erit super capita eorum: gáudium et exultatiōnem obtinēbunt. **Et** æternitas.

Lectio v.

Marcellinus, Romānus, in immāni illa Diocletiani Imperatoris persecutiōne terróre perterritus, deorum simulacris thus adhūbit: cujus peccati mox illum tantopere pœnituit, ut Sinuēssam ad concilium plurimorum Episcoporum venerit cilicio indutus, ubi lacrymis profusis scelus suum palam confessus est. Quem tamen damnare ausus est nemo, sed omnes una voce clamarunt: Tuo te ore, non nostro iudicio, iudica: nam prima sedes a nēmine iudicatur. Petrum quoque propter eandem animi infirmitatem deliquisse, et a Deo similibus lacrymis vniā impetrasse.

R. In servis suis, allelúja, * Consolábitur Deus, allelúja.

V. Iudicabit Dóminus pópulum suum, et in servis suis. **C**onsolábitur.

Lectio vi.

Marcellinus Romam reversus Imperatorem adit, graviter eum accūsans, quod se ad tantam impietatem impulsisset. Quamobrem ille Marcellinum, una cum tribus aliis christianis, Claudio, Cyrino et Antonino, capite plecti iubet. Quorum projecta corpora cum triginta sex dies jussu Imperatoris sepultura caruissent, beatus Marcellus a sancto Petro in somnis admōnitus, Presbyteris et Diaconis, hymnis ac luminibus adhibitis, honorifice sepelienda curavit in cœmetério Priscillæ, via Salaria. Rexit Ecclesiam annos septem, menses undecim, dies viginti tres: quo tempore fecit Ordinationes duas mense Decembri, quibus creavit Presbyteros quatuor, Episcopos per diversa loca quinque.

R. Filie Jerúsalem, venite et videte Martyres cum coronis, quibus coronavit eos Dóminus, * In die solemnitatis et lætitiæ, allelúja.

V. Quoniam confortavit seras portarum tuarum, benedixit filios tuos in te. **In** die. **G**loria Patri. **In** die.

In tertio Nocturno, Homilia S. Augustini Episcopi in Evangelium, Ego sum vitis, vos palmites. de Comuni Martyrum tempore Paschali, secundo loco. [49]

Die 28. Aprilis.

In Festo S. Vitalis, Martyris.

Oratio.

Præsta, quæsumus, omnipotens Deus; ut qui beati Vitalis martyris tui natalitia colimus, intercessiōne ejus in tui nominis amore roborémur. Per Dóminum.

Lectio iii.

Vitalis miles, sanctorum Gervásii et Protásii pater, una cum Paulino iudice Ravennam ingressus,

cum vidisset Ursicinum medicum, ob Christianæ fidei confessionem ductum ad supplicium, paululum in tormentis titubare, exclamavit: Ursicine medice, qui alios curare solitus es, cave ne te mortis æternæ iaculo conficias. Qua voce confirmatus Ursicinus, martyrium fortiter subivit. Quare Paulinus incensus Vitalem comprehendit jubet, et equuleo tortum, atque in profundam foveam demersum, lapidibus obrui. Quo facto, quidam Apollinis sacerdos, qui Paulinum in Vitalem incitarat, oppressus a dæmone, clamare cepit: Tu me nimium, Vitalis Christi martyr, incendis: et illo æstu jactatus, se precipitavit in flumen.

Te Deum laudamus. 13.

Die 29. Aprilis.

In Festo S. Petri, Martyris.

Duplex.

Omnia de Communi unius Martyris tempore Paschali [37], præter sequ.

Oratio.

Præsta, quæsumus, omnipotens Deus; ut beati Petri martyris tui fidem congrua devotione sectemur, qui pro ejusdem fidei dilatatione martyrii palmam meruit obtinere. Per Dominum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Petrus, Veronæ parentibus Manichæorum hæresi infectis natus, ab ipsa pene infanzia contra hæreses pugnavit. Puer annorum septem, cum scholas frequentaret, aliquando a patruo hæretico interrogatus, quid tandem in iis didicisset; Christianæ fidei Symbolum se didicisse respondit: neque ullis umquam patris, pa-

truive blanditiis, aut minis, a fidei constantia dimoveri potuit. Adolens Bononiam studiorum causa venit, ubi a Spiritu sancto ad sublimioris vitæ formam vocatus, Ordinis Prædicatorum institutum suscepit.

R. Lux perpétua lucébit sanctis tuis, Dómine, * Et æternitas téporum, allelúja, allelúja.

V. Lætítia sempiterna erit super capita eorum: gáudium et exultationem obtinebunt. **Et æternitas.**

Lectio v.

Magno virtutum splendore in religione eluxit: corpus et animam ab omni impuritate ita custodivit, ut nullus mortiferi peccati labe se inquinatum unquam senserit. Carnem jejuniis et vigiliis macerabat: mentem divinis contemplationibus exercebat. In salute animarum procuranda assidue versabatur: peculiæis gratiæ dono hæreticos acriter confutabat. Tantam in concionando vim habuit, ut innumerabilis hominum multitudo ad eum audiendum conflueret, multique ad poenitentiam converterentur.

R. In servis suis, allelúja, * Consolabitur Deus, allelúja.

V. Judicabit Dóminus pópulum suum, et in servis suis. **Consolabitur.**

Lectio vi.

Tanto fidei ardore incensus erat, ut pro ea mortem subire optaret, eamque a Deo gratiam enixe precaretur. Itaque hæretici necem, quam is paulo ante concionando prædixerat, illi intulerunt. Nam cum sanctæ Inquisitionis munus gereret, illum Como Mediolanum redeuntem, impius sicarius semel atque iterum in capite gladio vulneravit: jamque pene mortuus Symbolum fidei, quam infans virili fortitudine confessus fuerat, in ipso supremo spiritu pronuntiavit: iterumque latera mucrone transverberatus,

ad martýrii palmam migrávit in cœlum, anno salutis millésimo ducentésimo quinquagésimo secúndo: quem multis illústrem miráculis Innocéntius Quartus anno sequénti sanctórum Mártyrum número adscripsit.

R. Fíliæ Jerúsalem, veníte et vidéte Mártyres cum corónis, quibus coronávit eos Dóminus, * In diē solemnitátis et lætítiæ, allelúja.

V. Quóniam confortávit seras portárum tuárum, benedíxit filios tuos in te. In diē. Glória Patri. In diē.

In tertio Nocturno, Homilia S. Augustini Episcopi in Evangelium, Ego sum vitis vera. ut in Comuni Martyrum tempore Paschali, primo loco. [45]

In secundis Vesperis a Capitulo fit de S. Catharina, cum commemoratione S. Petri.

Die 30. Aprilis.

In Festo

S. Catharinæ Senensis, Virginis.

Duplex.

Omnia de Comuni Virginis non Martyris [93], præter ea quæ hic habentur.

Oratio.

DA, quæsumus, omnipotens Deus, ut qui beatæ Catharinæ virginis tuæ natalitia colimus; et annua solemnitate lætemur, et tantæ virtutis proficiamus exémplo. Per Dóminum.

Deinde fit commemoratio S. Petri.

Antiph. Sancti et justi, in Dómino gaudete, allelúja: vos elégit Deus in hæreditatem sibi, allelúja.

V. Pretiósa in conspéctu Dómini, allelúja.

R. Mors sanctórum ejus, allelúja.

Oratio.

PRæsta, quæsumus, omnipotens Deus; ut beati Petri mátyris tui fidem cóngrua devotiōe sectémur,

qui pro ejúsdem fidei dilatatiōe mátyrii palmam méruit obtinére. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

CAtharina, virgo Senénsis, piis orta paréntibus, beati Domínici hábitum, quem Soróres de Poeniténtia gestant, impetrávit. Summa ejus fuit abstinéntia, et admirábilis vitæ austeritas. Invénta est aliquándo a die Cínerum usque ad Ascensiōnem Dómini jejúnium perduxísse, sola Eucharistiæ communiōne conténta. Luctabátur quam frequentíssime cum dæmónibus, multisque illórum moléstis vexabátur: æstuábat fébribus, nec aliórum morbórum cruciátu carébat. Magnum et sanctum erat Catharinæ nomen, et úndique ad eam ægróti, et malignis vexáti spirítibus deducebántur. Languóribus et fébribus in Christi nómine imperábat, et dæmones cogébat ab obséssis abíre corpóribus.

R. Propter veritátem, et mansuetúdinem, et justítiam: * Et dedúcet te mirábiliter dextera tua, allelúja.

V. Spécie tua, et pulchritúdine tua inténde, prospere procéde, et regna. Et dedúcet.

Lectio v.

CUm Pisis immorarétur, die Domínico, refécta cibo cœlesti, et in éctasim rapta, vidit Dóminum Crucifixum magno cum lúmine adveniéntem, et ex ejus vúlnerum cicatrícibus quinque rádios ad quinque loca sui córporis descendéntes: ideóque mystérium advértens, Dóminum precáta, ne cicatríces apparérent, contínuo rádii colórem sanguíneum mutavérunt in spléndidum, et in formam puræ lucis pervenérunt ad manus,

pedes, et cor ejus: actantus erat dolor, quem sensibíliter patiebátur, ut, nisi Deus minuíssset, brevi se créderet moritúram. Hanc itaque grátiam amantíssimus Dóminus nova grátia cumulávit, ut sentíret dolórem illápsa vi vúlnerum, et cruénta signa non apparérent. Quod ita contigísse cum Dei fámula Confessário suo Raymúndo retulísset, ut óculis étiam repræsentarétur rádios in imaginibus beátæ Catharínæ, ad dicta quinque loca pertingéntes, pia fidélium cura pictis colóribus expréssit.

R. Dilexísti justítiam, et odísti iniquitátem: * Proptérea unxit te Deus, Deus tuus, óleo lætítiæ, allelúja.

V. Propter veritátem, et mansuetúdinem, et justítiam. Proptérea.

Lectio vi.


DOctrína ejus infúsa, non acquisíta fuit: sacrárum literárum professoribus difficíllimas de Divinitáte quæstiónes proponéntibus respóndit. Nemo ad eam accéssit, qui non mélior abierit: multa extínxit ódia, et mortáles sedávit inimicítias. Pro pace Florentinórum, qui cum Ecclesiástico suppósi erant, Aveniónem ad Gregórius Undécimus Pontíficem Máximum profécta est; cui étiam votum ejus de peténda Urbe, soli Deo notum, sese divínitus cognovísse monstrávit: deliberavítque Póntifex, ea étiam suadénte, ad Sedem suam Románam personáliter accédere; quod et fecit. Eídem Gregório, et Urbáno Sexto ejus successorí, acceptíssima fuit; ádeo ut legatióibus eórum fungerétur. Dénique post innúmera virtútum insígnia, dono prophetiæ, et plúribus clara miráculis, anno ætátis suæ tértio círciter et trigésimo, migrávit ad Sponsum. Quam Pius Secundus Póntifex Máximus sanctárum Virginum número adscrípsit.

R. Afferéntur Regi vírgines post eam, próximæ ejus * Afferéntur tibi in lætítia et exultatióne, allelúja.

V. Spécie tua, et pulchritúdine tua inténde, prósperè procéde, et regna. Afferéntur. Glória Patri. Afferéntur.

In tertio Nocturno, Homilia S. Gregorii Papæ in Evangelium, Símile erit regnum cœlórum decem virgínibus. ut in Comuni [101].

Vesperæ de sequenti cum commemoratione præcedentis.



FESTA MAJI.

Dominica III. post Pascha.

In Festo

Patrocini S. Joseph Confessoris, Sponsi Beatæ Mariæ Virginis.

Duplex.

Ad Vesperas.

Antiph. to. 6. **Jacob** autem. cum reliquis de Laudibus. 479.

Psalmus. **Dixit Dóminus.** cum reliquis, ut in primis Vesperis de Comuni Apostolorum. [1]

Capitulum.

Gen. c. 49.

Benedictiónes patris tui confortátæ sunt benedictiónibus patrum ejus, donec veníret desidérium cóllium æternórum: fiant in cápite Joseph, et in vértice Nazaræi inter fratres suos.

Hymnus.

TE, Joseph, célebrent ágmina Cœlitum,

Te cuncti résonent Christiádum Chori,

Qui clarus méritis junctus es ínclytæ Casto fœdere Vírgini.

Almo cum túmidam gérmine cónjugem

Admírans, dúbio tangeris ánxius, Afflátu súperi Fláminis Angelus

Concéptum púerum docet.

Tu natum Dóminum stringis, ad éx-
teras

Ægýpti prófugum tu séqueris plagas;
Amissum Sólymis quæris, et ínvenis,
Miscens gáudia flétibus.

Post mortem réliquos mors pia cón-
secrat,

Palmámque eméritos glória súscipit:
Tu vivens, Súperis par, frúeris Deo,
Mira sorte beátior.

Nobis, summa Trias, parce precán-
tibus,

Da Joseph méritis sídera scándere:
Ut tandem líceat nos tibi pérpetim
Gratum prómere cánticum.
Amen.

V. Constituit eum Dóminum domus
suæ, allelúja.

R. Et princípem omnis possessiónis
suæ, allelúja.

Ad Magnificat, Antiphona, to. 8.

Cum esset desponsáta Mater Jesu
María Joseph, ántequam convenírent,
ínvénta est in útero habens de Spíritu
sancto, allelúja.

Oratio.

Deus, qui ineffábili providéntia beá-
tum Joseph sanctíssimæ Genitrí-
cis tuæ Sponsum elígere dignátus es:
præsta, quæsumus; ut, quem Protec-
tórem venerámur in terris, interces-
sórem habére mereámur in cœlis: Qui
vivis, et regnas cum Deo Patre.

Et fit commemoratio Dominicæ.

Antiph. Módicum, et non videbítis
me, dicit Dóminus: íterum módicum,
et videbítis me, quia vado ad Patrem,
allelúja, allelúja.

V. Mane nobíscum, Dómine, allelúja.

R. Quóniam advesperáscit, allelúja.

Oratio.

Deus, qui errántibus, ut in viam
possint redíre justítiae, veritátis
tuæ lumen osténdis: da cunctis, qui
Christiána professióne censéntur, et
illa respúere, quæ huic inimíca sunt

nómini, et ea, quæ sunt apta, sectári.
Per Dóminum.

AD MATUTINUM.

Invitatorium. Laudémus Deum
nostrum, * In veneratióne beáti Jo-
seph Protectóris nostri, allelúja.

Psalmus. Veníte, exultémus. 2.

Hymnus. Te, Joseph. sicut in Ves-
peris. 472.

IN I. NOCTURNO.

Antiph. to. 3. Angelus Dómini appá-
ruit in somnis Joseph, dicens: Surge,
et áccipe púerum, et matrem ejus, et
fuge in Ægýptum, et esto ibi usque
dum dicam tibi, allelúja.

Psalmus 1.

Beátus vir, qui non ábiit in consílio
impiórum, et in via peccatórum
non stetit, * et in cáthedra pestiléntiæ
non sedit:

Sed in lege Dómini volúntas ejus, * et
in lege ejus meditábitur die ac nocte.
Et erit tamquam lignum, quod plan-
tátum est secus decúrsus aquárum, *
quod fructum suum dabit in témpore
suo:

Et fólium ejus non défluat: * et ómnia
quæcúmque fáciat, prosperabúntur.

Non sic ímpii, non sic: * sed tam-
quam pulvis, quem prójicit ventus a
fácie terræ.

Ideo non resúrgent ímpii in iudício: *
neque peccatóres in concílio justórum.

Quóniam novit Dóminus viam justó-
rum: * et iter impiórum períbit.

Psalmus 2.

Quare fremuérunt Gentes, * et pó-
puli meditáti sunt inánia?

Astiterunt reges terræ, et príncipes
convenérunt in unum * advérsus Dó-
minum, et advérsus Christum ejus.

Dirumpámus víncula eórum: * et pro-
jiciámus a nobis jugum ipsórum.

Qui hábitat in cœlis irridébit eos, *
et Dóminus subsannábit eos.

Tunc loquétur ad eos in ira sua: * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me: * Fílius meus es tu, ego hódie génuí te.

Póstula a me, et dabo tibi Gentes hæreditátem tuam, * et possessionem tuam téminos terræ.

Reges eos in virga férrea, * et tamquam vas figuli confrínges eos.

Et nunc, reges, intelligíte: * erudímini, qui judicátis terram.

Servíte Dómino in timóre: * et exultáte ei cum tremóre,

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus: * beáti omnes, qui confídunt in eo.

Psalmus 3.

Domine, quid multiplicáti sunt qui tríbulant me? * multi insúrgunt advérsus me.

Multi dicunt ánimæ meæ: * Non est salus ipsi in Deo ejus.

Tu autem, Dómine, suscéptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exurréxi, quia Dóminus suscepit me.

Non timébo míllia pópuli circumdántis me: * exúrge, Dómine, salvum me fac, Deus meus.

Quóniam tu percussísti omnes adversántes mihi sine causa: * dentes peccatórum contrivísti.

Dómini est salus: * et super pópulum tuum benedíctio tua.

Antiph. Angelus Dómini appáruit in somnis Joseph, dicens: Surge, et accipe púerum, et matrem ejus, et fuge in Ægýptum, et esto ibi usque dum dicam tibi, allelúja.

V. Confitébor nómini tuo, allelúja.

R. Quóniam adjútor, et Protéctor factus es mihi, allelúja.

De libro Génesis.

Lectio i.

Cap. 39.

Igitur Joseph ductus est in Ægýptum, emítque eum Pútíphar Eunúchus Pharaónis, Princeps exércitus, vir Ægýptius, de manu Ismaelitárum, a quibus perductus erat. Fúitque Dóminus cum eo, et erat vir in cunctis próspere agens; habitavítque in domo dómni sui, qui óptime nóverat Dóminum esse cum eo, et ómnia, quæ géreret, ab eo dírigi in manu illius. Invenítque Joseph grátiam coram dómno suo, et ministrábat ei, a quo præpósitus ómnibus, gubernábat créditam sibi domum, et univérsa, quæ ei trádita fúerant. Benedixítque Dóminus dómui Ægýptii propter Joseph, et multiplicávit tam in ædibus, quam in agris cunctam ejus substantiam. Nec quidquam áliud nóverat, nisi panem, quo vescebátur. Erat autem Joseph pulchra fácie, et decórus aspéctu.

R. Clamávit pópulus ad Regem aliménta petens: * Quibus ille respóndit: Ite ad Joseph, allelúja.

V. Salus nostra in manu tua est: respice nos tantum, et læti serviémus Regi. Quibus ille.

Lectio ii.

Genes. cap. 41.

Placuit Pharaóni consílium, et cunctis minístris ejus; locútusque est ad eos: Num inveníre potérimus talem virum, qui spíritu Dei plenus sit? Dixit ergo ad Joseph: Quia osténdit tibi Deus ómnia, quæ locútus es: Numquid sapientiórem, et consímilem tui inveníre pótero? Tu eris super domum meam, et ad tui oris impérium cunctus pópulus obédiet: uno tantum regni sólio te præcédam. Dixítque rursus Phárao ad Joseph: Ecce constítui te super univérsam terram Ægýpti.

Tulítque ánnulum de manu sua, et dedit eum in manu ejus, vestivítque eum stola býssina, et collo torquem áuream circumpósuit. Fecítque eum ascéndere super currum suum secúndum, clamánte præcóne, ut omnes coram eo genu flécterent, et præpósitum esse scirent univérsæ terræ Ægýpti.

R. Fecit me Deus quasi patrem Regis, et dóminum univérsæ domus ejus: * Exaltávit me, ut salvos fáceret multos pópulos, allelúja.

V. Veníte ad me, et ego dabo vobis ómnia bona Ægýpti, ut comedátis medúllam terræ. Exaltávit me.

Lectio iii.

Genes. cap. 41.

Dixit quoque Rex ad Joseph: Ego sum Phárao: absque tuo império non movébit quisquam manum, aut pedem in omni terra Ægýpti. Vertítque nomen ejus, et vocávit eum, lingua Ægyptiaca, Salvatórem mundi. Dedítque illi uxórem Aseneth, fíliam Putipháre Sacerdótis Heliopóleos. Egréssus est itaque Joseph ad terram Ægýpti, (trigínta autem annórum erat, quando stetit in conspéctu Regis Pharaónis) et circúvit omnes regiónes Ægýpti. Venítque fertílitás septem annórum, et in manípulos redáctæ ségetes congregátæ sunt in hórrea Ægýpti. Omnis étiam frugum abundántia in síngulis úrbibus cóndita est. Tántaque fuit abundántia trítici, ut arénæ maris coæquarétur, et cópia mensúram excéderet.

R. Jam lætus móriar, quia vidi fáciem tuam, et supérstitem te relínquo. Non sum fraudátus aspéctu tuo: * Insuper osténdit mihi Dóminus semen tuum, allelúja.

V. Qui pascit me ab adolescéntia mea, benedícat púeris istis, et invocétur super eos nomen meum. **Insuper.** Glória Patri. **Insuper.**

IN II. NOCTURNO.

Antiph. to. 5. Angelus Dómini apparuit in somnis Joseph, dicens: Surge, et áccipe púerum, et matrem ejus, et vade in terram Israel: defúnti sunt enim qui quærébant ánimam púeri, allelúja.

Psalmus 4.

Cum invocárem, exaudivit me Deus justítiae meæ: * in tribulatióne dilatásti mihi.

Miserére mei, * et exáudi oratiónem meam.

Filii hóminum, úsquequo gravi corde? * ut quid dilígitis vanitátem, et quæritis mendácium?

Et scitóte quóniam mirificávit Dóminus sanctum suum: * Dóminus exáudiet me, cum clamávero ad eum.

Irascimini, et nolíte peccáre: * quæ dícitis in córdibus vestris, in cubílibus vestris compungimini.

Sacrificátes sacrificium justítiae, et speráte in Dómino. * Multi dicunt: Quis osténdit nobis bona?

Signátum est super nos lumen vultus tui, Dómine: * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dórmiam, et requiescam;

Quóniam tu, Dómine, singuláriter in spe * constituísti me.

Psalmus 5.

Verba mea áuribus pécipe, Dómine, * intéllege clamórem meum. **I**nténde voci oratiónis meæ, * Rex meus, et Deus meus.

Quóniam ad te orábo: * Dómine, mane exáudies vocem meam.

Mane astábo tibi, et vidébo: * quóniam non Deus volens iniquitátem tu es.

Neque habitábit juxta te malignus: * neque permanébunt injústi ante óculos tuos.

Odísti omnes, qui operántur iniquitátem: * perdes omnes, qui loquúntur mendácium.

Virum sánguinem, et dolósum abominábitur Dóminus: * ego autem in multítudine misericórdiæ tuæ, Introibo in domum tuam: * adorábo ad templum sanctum tuum in timóre tuo.

Dómine, deduc me in justítia tua: * propter inimícos meos dírige in conspéctu tuo viam meam.

Quóniam non est in ore eórum véritas: * cor eórum vanum est.

Sepúlchrum patens est guttur eórum, linguis suis dolóse agébant, * júdica illos, Deus.

Décidant a cogitátionibus suis, secúndum multítudinem impietátum eórum expélle eos: * quóniam irritavérunt te, Dómine.

Et læténtur omnes, qui sperant in te: * in ætérnum exultábunt, et habitábis in eis.

Et gloriabúntur in te omnes, qui díligunt nomen tuum: * quóniam tu benedíces justo.

Dómine, ut scuto bonæ voluntátis tuæ * coronásti nos.

Psalmus 8.

Dómine, Dóminus noster, * quam admirábile est nomen tuum in univérsta terra!

Quóniam eleváta est magnificéntia tua * super cœlos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cœlos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas, insuper et pécora campi;

Vólucres cœli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsta terra!

Antiph. Angelus Dómini appáruit in somnis Joseph, dicens: Surge, et accipe púerum, et matrem ejus, et vade in terram Israel: defúnti sunt enim qui quærébant ánimam púeri, allelúja.

V. Réspice de cœlo, et vide, et vísita vineam istam, allelúja.

R. Et pérfice eam, allelúja.

Sermo Sancti Bernardíni Senénsis.

Serm. 1. de S. Joseph.

Lectio iv.

Omniū singulárium gratiárum állicui rationábili creaturæ communicárum generális régula est, quod, quandocúmque divína grátia éligit álíquē ad álíquā grátiam singulárem, seu ad álíquē sublímē statum, ómnia charísmata donet, quæ illi persónæ sic eléctæ, et ejus officio necessariá sunt, atque illam copiósē decórant. Quod máxime verificátum est in sancto Joseph putatívo patre Dómini nostri Jesu Christi, et vero Sponso Regínæ mundi, et Dóminæ Angelórum, qui ab ætérno Patre eléctus est fidélis nutrícus, atque custos principálium thesaurórum suórum, scilicet Fílii ejus, et Sponsæ suæ: quod officium fidelíssimē prosecútus est. Cui proptérea Dóminus ait: Serve bone et fidélis, intra in gáudium Dómini tui.

R. Dedísti mihi protectiónē salútis tuæ, et dextera tua suscepit me: * Protéctor meus, et cornu salútis meæ, et susceptor meus, allelúja.

V. Ego protéctor tuus sum, et merces tua magna nimis. Protéctor.

Lectio v.

SI cõmpares eum ad totam Ecclẽsiam Christi, nonne iste est homo elẽctus et speciãlis, per quem et sub quo Christus est ordinãte et honẽste introductus in mundum? Si ergo Virgini matri tota Ecclẽsia sancta debitor est, quia per eam Christum suscipere digna facta est: sic profecto post eam huic debet grãtiam et reverentiam singulãrem. Ipse enim est clavis veteris Testamẽti, in qua Patriarchãlis et Prophetãlis dignitas promissum consequitur fructum. Porro hic est solus, qui corporaliter possedit, quod eis divina dignatio re-promisit. Mẽrito igitur figuratur per illum Patriarcham Joseph, qui põpulis frumẽta servavit. Sed et hic illum præcellit, quia non solum Ægyptiis panem corporãlis vitæ, sed omnibus elẽctis panem de cõelo, qui cõelẽstem vitam tribuit, cum multa solertia enutrivit.

R. Stãtuit filios suos sub tẽgmine illius, et sub ramis ejus morabitur: protegẽtur sub tẽgmine illius a fervore; * Et in glõria ejus requiescet, allelũja.

V. Sperate in eo, omnis congregatio põpuli: effundite coram illo corda vestra. **E**t in.

Lectio vi.

Profecto dubitandum non est, quod Christus familiaritatem, reverentiam, atque sublimissimam dignitatem, quam illi exhibuit, dum ageret in humanis, tamquam filius patri suo, in cõelis utique non negavit, quin potius complẽvit, et consummavit. Unde non immẽrito in verbo proposito a Dõmino subinfertur: Intra in gaudium Dõmini tui. Unde, licet gaudium æternæ beatitudinis in cor hominis intret, maluit tamen Dõminus ei dicere: Intra in gaudium; ut mystice innuatur, quod gaudium illud non solum in eo sit intra, sed undique illum circumdans, et absorbens, et

ipsum velut abyssus infinita submergens. Memẽto igitur nostri, beate Joseph, et tuæ orationis suffragio apud tuum putativum Filium intercède: sed et beatissimam Virginem Sponsam tuam nobis propitiam redde, quæ Mater est ejus, qui cum Patre et Spõritu sancto vivit et regnat per infinita sæcula sæculõrum. Amen.

R. Si consistant adversum me castra, non timebit cor meum: * Si exurgat adversum me prælium, in hoc ego sperabo, allelũja.

V. In te cantatio mea semper, quoniam tu adjutor fortis. **S**i exurgat. Glõria Patri. **S**i exurgat.

IN III. NOCTURNO.

Antiph. to. 7. r. Consurgens Joseph accepit puerum, et Matrem ejus, et venit in terram Israel, et habitavit in civitate, quæ vocatur Nazareth, allelũja.

Psalmus 14.

Domine, quis habitabit in tabernaculo tuo? * aut quis requiescet in monte sancto tuo?

Qui ingreditur sine macula, * et operatur justitiam:

Qui loquitur veritatem in corde suo, * qui non egit dolum in lingua sua:

Nec fecit proximo suo malum, * et opprobrium non accepit adversus proximos suos.

Ad nihilum deductus est in conspectu ejus malignus: * timentes autem Dõminum glorificat:

Qui jurat proximo suo, et non decipit, * qui pecuniam suam non dedit ad usuram, et munera super innocentem non accepit.

Qui facit hæc, * non movebitur in æternum.

Psalmus 20.

Domine, in virtute tua lætabitur rex: * et super salutare tuum exultabit vehementer.

Desiderium cordis ejus tribuisti ei: * et voluntate labiorum ejus non fraudasti eum.

Quoniam praevenisti eum in benedictionibus dulcedinis: * posuisti in capite ejus coronam de lapide pretioso. Vitam petiit a te: * et tribuisti ei longitudinem dierum in saeculum, et in saeculum saeculi.

Magna est gloria ejus in salutari tuo: * gloriam et magnum decorem impones super eum.

Quoniam dabis eum in benedictionem in saeculum saeculi: * laetificabis eum in gaudio cum vultu tuo.

Quoniam rex sperat in Domino: * et in misericordia Altissimi non commovebitur.

Inveniatur manus tua omnibus inimicis tuis: * dextera tua inveniat omnes, qui te oderunt.

Pones eos ut clibanum ignis in tempore vultus tui: * Dominus in ira sua conturbabit eos, et devorabit eos ignis.

Fructum eorum de terra perdes, * et semen eorum a filiis hominum.

Quoniam declinaverunt in te mala: * cogitaverunt consilia, quae non potuerunt stabilire.

Quoniam pones eos dorsum: * in reliquiis tuis preparabis vultum eorum.

Exaltare, Domine, in virtute tua: * cantabimus et psallamus virtutes tuas.

Psalmus 23.

Domini est terra, et plenitudo ejus: * orbis terrarum, et universi qui habitant in eo.

Quia ipse super maria fundavit eum: * et super flumina preparavit eum.

Quis ascendet in montem Domini? * aut quis stabit in loco sancto ejus?

Innocens manibus, et mundo corde, * qui non accepit in vano animam suam, nec juravit in dolo proximo suo.

Hic accipiet benedictionem a Domino, * et misericordiam a Deo salutari suo.

Haec est generatio quaerentium eum, * quaerentium faciem Dei Jacob.

Attollite portas, principes, vestras, et elevamini, portae aeternales: * et introibit Rex gloriae.

Quis est iste Rex gloriae? * Dominus fortis et potens, Dominus potens in praelio.

Attollite portas, principes, vestras, et elevamini, portae aeternales: * et introibit Rex gloriae.

Quis est iste Rex gloriae? * Dominus virtutum ipse est Rex gloriae.

Antiph. Consurgens Joseph accepit puerum, et Matrem ejus, et venit in terram Israel, et habitavit in civitate, quae vocatur Nazareth, alleluja.

V. Invocaui Dominum Patrem Domini mei, alleluja.

R. Ut non derelinquat me in die tribulationis, alleluja.

Lectio sancti Evangelii secundum Lucam.

Lectio vii.

Cap. 3.

In illo tempore: Factum est autem, cum baptizaretur omnis populus, et Jesu baptizato, et orante, apertum est coelum. Et reliqua.

Homilia Sancti Augustini Episcopi.

Lib. 2. de Consensu Evangel.

Manifestum est illud, quod ait: ut putabatur filius Joseph; propter illos dixisse, qui eum ex Joseph, sicut alii homines nascuntur, natum arbitrantur. Quos autem movet, quod alios progenitores Matthaeus enumerat, descendens a David usque ad Joseph, alios autem Lucas ascendens a Joseph usque ad David, facile est, ut advertant, duos patres habere potuisse Joseph: unum a quo genitus, alterum a quo fuerit adoptatus. Antiqua est enim consuetudo adoptandi etiam in illo populo Dei, ut sibi filios facerent, quos non ipsi genuissent. Unde intelligitur Lucas patrem Joseph, non a quo genitus, sed a quo

fúerat adoptátus, suscepisse in Evangelio suo, cujus progenitóres sursum versus commemorat, donec exíret ad Dávid.

R. Joseph, fili David, noli timére accipere Mariám cónjugem tuam; quod enim in ea natum est, de Spíritu sancto est: páriet autem fílium, * Et vocábis nomen ejus Jesum, allelúja.

V. Ipse enim salvum fáciat pópulum suum a peccátis eórum. Et vocábis.

Lectio viii.

CUm enim necesse sit, utróque Evangelísta vera narránte, et Matthæo scilicet, et Luca, ut unus eórum ejus patris oríginem tenéret, qui genúerat, alter ejus, qui adoptáverat Joseph: quem probabílius intelligimus adoptántis oríginem tenuisse, quam eum, qui nóluit Joseph génitum dícere ab illo, cujus eum fílium esse narrábat? Matthæus autem dicens: Abraham genuit Isaac, Isaac genuit Jacob, atque ita in hoc verbo, quod est, genuit, perseverans donec in último díceret: Jacob autem genuit Joseph; satis expréssit ad eum patrem se perduxísse oríginem generántium, a quo Joseph non adoptátus, sed génitus erat. ¶ Quamquam si étiam Lucas génitum díceret Joseph ab Heli, nec sic nos hoc verbum perturbáre debéret, ut áliud crederémus, quam ab uno Evangelísta gignéntem, ab áltero adoptántem Patrem fuisse commemorátum. Neque enim absúrde quisque díciatur non carne, sed charitáte genuísse, quem fílium sibi adoptáverit. At vero étiam nos, quibus dedit Deus potestátem fílios ejus fieri, de natúra, atque substántia sua non nos genuit, sicut únicum Fílium, sed útique dilectióne adoptávit.

R. Surge, et áccipe púerum, et Matrem ejus, et fuge in Ægyptum: * Et esto ibi, usque dum dicam tibi, allelúja.

V. Ut adimplerétur quod dictum est a Dómino per Prophétam dicéntem:

ex Ægýpto vocávi fílium meum. Et esto. Glória Patri. Et esto.

Nona Lectio dicitur de Homilia Dominicæ occurrentis.

Benedictio. Per Evangelica dicta.

Lectio sancti Evangelii secúndum Joánnem.

Lectio ix.

Cap. 16. b.

IN illo témpore: Dixit Jesus discipulis suis: Módicum, et jam non vidébitis me: et íterum módicum, et vidébitis me: quia vado ad Patrem. Et réliqua.

Homilia Sancti Augustíni Episcopi. Tract. 101. in Joan. sub finem.

Módicum est hoc totum spátium, quo præsens pérvolat sæculum. Unde dicit idem ipse Evangelísta in Epístola sua: Novíssima hora est. Ideo namque áddidit: Quia vado ad Patrem: quod ad priórem senténtiam referéndum est, ubi ait: Módicum, et jam non vidébitis me: non ad posteriorem, ubi ait: Et íterum módicum, et vidébitis me. Eúndo quippe ad Patrem, factúrus erat, ut eum non vidérent. Ac per hoc non ideo dictum est, quia fúerat moritúrus, et donec resúrgeret, ab eórum aspéctibus recessúrus: sed quod esset itúrus ad Patrem, quod fecit posteaquam resurréxit, et cum eis per quadragínta dies conversátus, ascéndit in cælum. Te Deum laudámus. 13.

AD LAUDES

ET PER HORAS.

Antiph. to. 6. Jacob autem genuit Joseph virum Mariæ, de qua natus est Jesus, qui vocátur Christus, allelúja.

Psalmus. Dóminus regnávít. cum reliquis de Dominica. 14.

Antiph. to. 1. Missus est Angelus Gábriel a Deo in civitátem Galilææ, cui nomen Názareth, ad Vírginem desponsátam viro, cui nomen erat Joseph, allelúja.

Antiph. to. 8. Ascéndit autem Joseph a Galilæa de civitatē Názareth, in Judæam in civitatē David, quæ vocátur Bétlehem, allelúja.

Antiph. to. 2. Et venérunt festinantes, et invenérunt Mariám, et Joseph, et infántem pósitum in præsépío, allelúja.

Antiph. to. 3. r. Et ipse Jesus erat incípiens quasi annórum trigínta, ut putabátur fílius Joseph, allelúja.

Capitulum. Gen. c. 49.

Benedictiões patris tui confortátæ sunt benedictiõibus patrum ejus, donec veníret desidérium cóllium æternórum: fiant in cápite Joseph, et in vértice Nazaræi inter fratres suos.

Hymnus.

Celitum Joseph decus, atque nostræ Certas pes vitæ, columénque mundi, Quas tibi læti cānimus, bénígnus Súscipe laudes.

Te Sator rerum státuit pudícæ Vírginis sponsum, volúttque Verbi Te patrem dici, dedit et mínistrum Esse salútis.

Tu Redemptórem stábulo jacéntem, Quem chorus Vatum cécinit futúrum, Áspicis gaudens, humilísque natum Numen adóras.

Rex Deus regum, Dominátor orbis, Cujus ad nutum tremit inferórum Turba, cui pronus famulátur æther, Se tibi subdit.

Laus sit excélsæ Tríadi perénis, Quæ tibi præbens súperos honóres, Det tuis nobis méritis beátæ Gáudia vitæ. Amen.

V. Dedísti mihi protectiõnem salútis tuæ, allelúja.

R. Et dextera tua suscepit me, allelúja.

Ad Benedictus, Antiphona, to. 2.

Joseph, fili David, noli timére accíperē Mariám cónjugem tuam; quod enim in ea natum est, de Spíritu sancto est, allelúja.

Oratio.

Deus, qui ineffábili providéntia beátum Joseph sanctíssimæ Genitrícis tuæ Sponsum elígere dignátus es: præsta, quæsumus; ut, quem Protec-tórem venerámur in terris, interces-sórem habére mereámur in cœlis: Qui vivis, et regnas cum Deo Patre.

Et fit commemoratio Dominicæ.

Antiph. Módicum, et non videbítis me, dicit Dóminus: íterum módicum, et videbítis me, quia vado ad Patrem, allelúja, allelúja.

V. In resurrectiõe tua, Christe, allelúja.

R. Cœli et terra læténtur, allelúja.

Oratio.

Deus, qui errántibus, ut in viam possint redíre justítiæ, veritátis tuæ lumen osténdis: da cunctis, qui Christiána professiõe censéntur, et illa respúere, quæ huic inimíca sunt nómini; et ea, quæ sunt apta, sectári. Per Dóminum.

Ad Tertiam.

Antiph. to. 1. Missus est.

Capitulum. Benedictiões patris tui, ut supra.

R. br. Constituit eum Dóminum domus suæ, * Allelúja, allelúja. **C**onstituit.

V. Et príncipem omnis possessiõnis suæ. Allelúja, allelúja. **G**loria Patri. **C**onstituit.

V. Confitébor nómini tuo, allelúja.

R. Quóniam adjútor, et protéctor factus es mihi, allelúja.

Ad Sextam.

Antiph. to. 8. Ascéndit autem.

Capitulum. Gen. 49.

Deus patris tui erit adjútor tuus, et Omnípotens benedícet tibi benedictiõibus cœli désuper.

R. br. Confitébor nómini tuo, * Allelúja, allelúja. **C**onfitébor.

V. Quóniam adjutor, et protector factus es mihi. **A**llelúja, allelúja. **G**lória Patri. **C**onfitébor.

V. Justus germinábit sicut lílium, allelúja.

R. Et florébit in ætérnum ante Dóminum, allelúja.

Ad Nonam.

Antiph. to. 3. r. Et ipse Jesus.

Capitulum. Gen. 49.

Filius accrésceus Joseph, filius accrésceus, et decórus aspéctu: filiae discurrérunt super murum.

R. br. Justus germinábit sicut lílium, * Allelúja, allelúja. **J**ustus.

V. Et florébit in ætérnum ante Dóminum. **A**llelúja, allelúja. **G**lória Patri. **J**ustus.

V. Plantátus in domo Dómini, allelúja.

R. In átriis domus Dei nostri, allelúja.

In II. Vesperis.

Omnia ut in primis Vesperis. 472.

V. Sub umbra illius, quem desideráveram, sedi, allelúja.

R. Et fructus ejus dulcis gútturi meo, allelúja.

Ad Magnificat, Antiphona, to. 8.

Fili, quid fecisti nobis sic? Ecce pater tuus et ego doléntes quærebámus te, allelúja.

Oratio. Deus, qui ineffábili. *ut supra.*

Et fit commemoratio Dominicæ.

Antiph. Amen dico vobis, quia plorábitis et flébitis vos: mundus autem gaudébit, vos vero contristabímini: sed tristitia vestra convertétur in gáudium, allelúja.

V. Mane nobíscum, Dómine, allelúja.

R. Quóniam advesperáscit, allelúja.

Oratio. Deus, qui errántibus. *ut supra.*



Die 1. Maji.

In Festo

SS. Philippi et Jacobi Apostolorum.

Duplex.

AD VESPERAS.

Antiph. to. 7. f. Dómine, osténde nobis. *cum reliquis de Laudibus. 484.*

Psalmus. Dixit Dóminus. *cum reliquis de Communi Apostolorum. [1]*

Capitulum.

Sap. 5.

Stabunt justí in magna constántia adversus eos, qui se angustiavé-runt, et qui abstulérunt labóres eórum.

Hymnus.

Tristes erant Apóstoli
De Christi acérbo fúnere,
Quem morte crudelíssima
Servi necárant ímpii.

Sermóne verax Angelus
Mulieribus prædixerat:
Mox ore Christus gáudium
Gregi feret Fidélium.

Ad anxios Apóstolos
Currunt statim dum núnctiæ,
Illæ micántis óbvia
Christi tenent vestígia.

Galilææ ad alta móntium
Se cónferunt Apóstoli,
Jesúque, voti còmpotes,
Almo beántur lúmine.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula. Amen.

Si celebretur post Ascensionem, dicatur:

Jesu, tibi sit glória,
Qui victor in cælum redis,
Cum Patre, et almo Spíritu,
In sempitérna sácula. Amen.

℣. Sancti et justi in Dómino gaudéte, allelúja.

℞. Vos elégit Deus in hæreditátem sibi, allelúja.

Ad Magnificat, Antiphona, to. 6.

Non turbétur cor vestrum, neque formídet: créditis in Deum, et in me crédite: in domo Patris mei mansiónes multæ sunt, allelúja, allelúja.

Oratio.

DEus, qui nos ánnua Apostolorum tuorum Philíppi et Jacóbi sollemnitate lætíficas: præsta, quæsumus, ut quorum gaudémus méritis, instruámur exémpis. Per Dóminum.

Et fit commemoratio S. Catharinæ.

Antiph. Veni, sponsa Christi, áccipe corónam, quam tibi Dóminus præparávit in ætérnum, allelúja.

℣. Diffúsa est grátia in lábiis tuis, allelúja.

℞. Propterea benedíxit te Deus in ætérnum, allelúja.

Oratio.

DA, quæsumus, omnípotens Deus, ut qui beátæ Catharinæ vírginis tuæ natalítia cólimus; et ánnua sollemnitate lætémur, et tantæ virtútis proficiámus exémplo. Per Dóminum.

AD MATUTINUM.

Omnia de Communi Apostolorum tempore Paschali, infra. [19] exceptis his quæ hic sunt propria.

In primo Nocturno, si tunc temporis non legitur de Epistola B. Jacobi, ponitur initium ejus Epistolæ, ut in Dominica quarta post Pascha. 313. Si autem ea tunc legitur, ponatur de ea, quod illo die contigerit.

IN II. NOCTURNO.

Lectio iv.

Philíppus Bethsáidæ natus, unus ex duódecim Apóstolis, qui primum a Christo Dómino vocáti sunt, a quo cum accepisset Nathánael venísse Messíam in lege promíssum, ad

Dóminum dedúctus est. Quam vero Christus eum familiáriter adhiberet, illud fáciie declárat, quod Gentíles Salvatórem vidére cupientes ad Philíppum accessérunt: et Dóminus, cum in solitúdine hóminum multitúdinem páscere vellet, sic Philíppum affátus est: Unde emémus panes, ut mandúcent hi? Is, accépto Spíritu sancto, cum ei Scýthia ad prædicándum Evangelium obtigisset, omnem fere illam Gentem ad Christiánam fidem convertit. Postrémo cum Hierápolim Phrygiæ venisset, pro Christi nómine cruci affíxus, lapidibúsque óbrutus est, Kaléndis Maji. Ejus córpus ibidem a Christiánis sepúltum, póstea Romam delátum, in Basílica duódecim Apostolorum una cum córpore beáti Jacóbi Apóstoli cónditum est.

℞. Lux perpétua lucébit sanctis tuis, Dómine, * Et ætérnitas témporum, allelúja, allelúja.

℣. Lætitia sempitérna erit super cápita eórum: gáudium et exultatiónem obtinébunt. Et ætérnitas.

Lectio v.

Jacóbus frater Dómini, cognomento Justus, ab ineúnte ætáte vinum et síceram non bibit, carne abstínuit, numquam tonsus est, nec unguénto nec bálneo usus. Huic uni licébat ingredi in Sancta sanctorum. Idem líneis véstibus utebátur: cui étiam assidúitas orándi ita callum génibus obdúxerat, ut durítie caméli pellem imitaretur. Eum post Christi ascensionem Apóstoli Jerosolymórum Episcopum creavérunt: ad quem étiam Princeps Apostolorum misit, qui nuntiáret se e cárcere ab Angelo edúctum fuisse. Cum autem in Concílio Jerosólymis controversia esset orta de lege et circumcisióne, Jacóbus Petri senténtiam secútus, ad fratres hábuit conciónem, in qua vocatiónem Géntium probávit: fratribúsque ab-

séntibus scribéndum esse dixit, ne Géntibus jugum Mosáicæ legis impónerent. De quo et lóquitur Apóstolus ad Gálatas: Alium autem Apostolorum vidi néminem, nisi Jacóbum fratrem Dómini.

R. Virtúte magna reddébant Apóstoli
* Testimónium resurrectionis Jesu Christi Dómini nostri, allelúja, allelúja.

V. Repléti quidem Spíritu sancto loquebántur cum fidúcia verbum Dei. Testimónium.

Lectio vi.

Tanta autem erat Jacóbi vitæ sántitas, ut fímbriam vestiménti ejus certátim hómnes cúperent attingere. Nam is nonaginta sex annos natus, cum triginta annis illi Ecclésiæ sanctíssime præfúisset, Christum Dei Fílium constantíssime prædicans, lapídibus primum appetitur: mox in altíssimum templi locum addúctus, inde præcipitátus est. Qui, confráctis crúribus, jacens semivívus, manus tendébat ad cælum, Deúmque pro illórum salúte deprecabátur his verbis: Ignósce eis, Dómine, quia nesciunt quid faciunt. Qua in oratióne, gráviter ejus cápite fullónis fuste percússo, ánimam Deo réddidit, séptimo Nerónis anno, et juxta templum, ubi præcipitátus fúerat, sepúltus est. Unam scripsit Epístolam, quæ de septem Cathólicis est.

R. Isti sunt agni novélli, qui annuntiavérunt, allelúja: modo venérunt ad fontes, * Repléti sunt claritáte, allelúja, allelúja.

V. In conspéctu Agni amícti sunt stolis albis, et palmæ in mánibus eórum. Repléti. Glória Patri: Repléti.

IN III. NOCTURNO.

Lectio sancti Evangélii secúndum Joánnem.

Lectio vii.

Cap. 14.

In illo témpore: Dixit Jesus discipulis suis: Non turbétur cor vestrum.

Créditis in Deum, et in me créдите. In domo Patris mei mansiónes multæ sunt. Et réliqua.

Homília Sancti Augustíni Epíscopi.

Tract. 67. in Joan.

ERigénda est nobis, fratres, ad Deum major inténtio, ut verba sancti Evangélii, quæ modo in nostris áuribus sonuérunt, étiam mente cápere utcúmque possimus. Ait enim Dóminus Jesus: Non turbétur cor vestrum. Créditis in Deum, et in me créдите. Ne mortem tamquam hómnes timérent, et ídeo turbaréntur, consolátur eos, étiam se Deum esse contéstans. Créditis, inquit, in Deum, et in me créдите. Cónsequens est enim, ut si in Deum créditis, et in me crédere debeátis: quod non esset cónsequens, si Christus non esset Deus.

R. Ego sum vitis vera, et vos pálmities: * Qui manet in me, et ego in eo, hic fert fructum multum, allelúja, allelúja.

V. Sicut diléxit me Pater, et ego diléxi vos. Qui manet.

Lectio viii.

CRéditis in Deum, et in eum créдите, cui natúra est, non rapína, esse æquálem Deo: semetípsum enim exinanívit non tamen formam Dei amíttens, sed formam servi accípiens. Mortem metúitis huic formæ servi: non turbétur cor vestrum: suscitábit illam forma Dei. Sed quid est quod séquitur: In domo Patris mei mansiónes multæ sunt; nisi quia et sibi metuébant? Unde audíre debuérunt: Non turbétur cor vestrum. Quis enim eórum non metuéret, cum Petro dictum esset fidentióri atque promptióri: Non cantábit gallus, donec ter me neges?

R. Cándidi facti sunt Nazaræi ejus, allelúja: splendórem Deo dedérunt,

allelúja: * Et sicut lac coaguláti sunt, allelúja, allelúja.

V. Candidiôres nive, nitidiôres lacte, rubicundiôres ébore antíquo, sapphíro pulchriôres. Et sicut. Glória Patri. Et sicut.

Lectio ix.

TAmquam ergo essent ab illo peritúri, mérito turbabántur: sed cum audiunt: In domo Patris mei mansiones multæ sunt: si quo minus dixissem vobis: Quia vado paráre vobis locum; a perturbatióne recreántur, certi ac fidéntes, étiam post perícula tentatiónum, se apud Deum cum Christo esse mansúros; quia etsi álius est álio fórtior, álius álio sapiéntior, alius álio jústior, álius álio sánc-tior: in domo Patris mei mansiones multæ sunt. Nullus eórum alienábitur ab illa domo, ubi mansiónem pro suo quisque acceptúrus est mérito.

Te Deum laudámus. 13.

**AD LAUDES
ET PER HORAS.**

Antiph. to. 7. f. Dómine, osténde nobis Patrem, et súfficit nobis, allelúja.

Psalmus. Dóminus regnávít. cum reliquis. 14.

Antiph. to. 7. Philíppe, qui videt me, videt et Patrem meum, allelúja.

Antiph. to. 3. Tanto témpore vobiscum sum, et non cognovístis me? Philíppe, qui videt me, videt et Patrem meum, allelúja.

Antiph. to. 7. r. Si cognovissétis me, et Patrem meum útique cognovissétis, et ámodo cognoscétis eum, et vidístis eum, allelúja, allelúja, allelúja.

Antiph. to. 3. Si dilígitis me, mandáta mea serváte, allelúja, allelúja, allelúja.

Capitulum.

Sap. 5.

Stabunt justi in magna constántia advérsus eos, qui se angustiavérunt, et qui abstulérunt labóres eórum.

Hymnus.

PAschále mundo gáudium
Sol núntiat formósior,
Cum luce fulgéntem nova
Jesum vident Apóstoli.

In carne Christi vúlnera
Micáre tamquam sídera
Mirántur, et quidquid vident
Testes fidéles prædicant.

Rex Christe clementíssime,
Tu corda nostra pösside;
Ut lingua grates débitas
Tuo repéndat nómini.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

V. Pretiósá in conspéctu Dómini, allelúja.

R. Mors sanctórum ejus, allelúja.

Ad Benedictus, Antiphona, to. 7. f.

Ego sum via, véritas, et vita: nemo venit ad Patrem, nisi per me, allelúja.

Oratio.

DEus, qui nos ánnua Apostolórum tuórum Philíppi et Jacóbi solemnitáte lætíficas: præsta, quæsumus, ut quorum gaudémus méritis, instruémur exémpis. Per Dóminum.

Ad Tertiam.

Antiph. to. 7. Philíppe.

Capitulum. Stabunt justi. ut supra.

R. br. Sancti et justi in Dómino, gaudéte, * Allelúja, allelúja. Sancti.

V. Vos elégit Deus in hæreditátem sibi. Allelúja, allelúja. Glória Patri. Sancti.

V. Lux perpétua lucébit sanctis tuis, Dómine, allelúja.

R. Et atérnitas témporum, allelúja.

Ad Sextam.

Antiph. to. 3. Tanto tēpore.

Capitulum.

Sap. 5.

ECce quōmodo computāti sunt inter filios Dei, et inter sanctos sors illōrum est.

R. br. Lux perpētua lucēbit sanctis tuis, Dōmine, * Allelūja, allelūja. Lux.

V. Et ætērnitas tēporum. Allelūja, allelūja. Glōria Patri. Lux.

V. Lætītia sempitērna super cāpita eōrum, allelūja.

R. Gāudium et exultatiōnem obtinēbunt, allelūja.

Ad Nōnam.

Antiph. to. 3. Si dilīgitis me.

Capitulum.

Rom. 8. c.

SCimus quōniam diligētibz Deum ōmnia cooperāntur in bonum, iis, qui secūndum propōsitum vocāti sunt sancti.

R. br. Lætītia sempitērna super cāpita eōrum, * Allelūja, allelūja. Lætītia.

V. Gāudium et exultatiōnem obtinēbunt. Allelūja, allelūja. Glōria Patri. Lætītia.

V. Pretiōsa in conspēctu Dōmini, allelūja.

R. Mors sanctōrem ejus, allelūja.

Ad Vesperas.

Antiph. to. 7. f. Dōmine, ostēde nobis. cum reliquis de Laudibus.

Psalmus. Dixit Dōminus. cum reliquis ut in secundis Vesperis de Comuni Apostolorum. [12].

Capitulum.

Sap. 5.

STabunt justi in magna constāntia advērsus eos, qui se angustiaverunt, et qui abstulērunt labōres eōrum.

Hymnus.

TRistes erant Apóstoli
De Christi acēbo fūnere,
Quem morte crudelīssima
Servi necārant impīi.

Sermōne verax Angelus

Muliéribus prædixerat:

Mox ore Christus gāudium

Gregi feret fidēlium.

Ad anxios Apóstolos

Currunt statim dum nūntiæ,

Illæ micāntis óbvia

Christi tenent vestigia.

Galilææ ad alta mōntium

Se cōferunt Apóstoli,

Jesúque, voti cōmpotes,

Almo beāntur lūmine.

Ut sis perēnne mētibz

Paschāle, Jesu, gāudium,

A morte dira crīminum

Vitæ renātos libera.

Deo Patri sit glōria,

Et Fīlio, qui a mōrtuis

Surrēxit, a Paráclito,

In sempitērna sēcūla. Amen.

V. Pretiōsa in conspēctu Dōmini, allelūja.

R. Mors sanctōrum ejus, allelūja.

Ad Magnificat, Antiphona, to. 7. r.

Si mansēritis in me, et verba mea in vobis mānserit, quodcūque petiēritis, fiet vobis, allelūja, allelūja, allelūja.

Oratio.

DEus, qui nos ānnua Apostolōrum tuōrum Philippi et Jacōbi solēnitāte lætīficas: præsta, quæsumus, ut quorum gaudēmus mēritis, instruāmur exēmplis. Per Dōminum.

Deinde fit commem. S. Athanasii.



Die 2. Maji.

In Festo **S. Athanasii**, Episcopi, Confessoris, et Eccl. Doct.

Duplex.

Omnia de Comuni Confessoris Pontificis [62], præter sequentia.

Ad Magnificat, Antiphona to. 2.

O Doctor optime, Ecclēsiæ sanctæ lumen, beāte Athanási, divīnæ legis amātor, deprecāre pro nobis Fīlium Dei, allelūja.

V. Amávit eum Dóminus, et ornavit eum, allelúja.

R. Stolam glóriæ induit eum, allelúja.

Oratio.

EXáudi, quæsumus, Dómine, preces nostras, quas in beáti Athanasii Confessóris tui atque Pontíficis solemnitáte deférimus: et qui tibi digne méruit famulári, ejus intercedéntibus méritis ab ómnibus nos absolve peccátis. Per Dóminum.

Lectioes primi Nocturni, de Scriptura occurrente.

IN II. NOCTURNO.

Lectio iv.

Athanásius, Alexandrínus, Cathólicæ religiónis propugnátor acérrimus, ab Alexándro Episcopo Alexandrínó Diáconus factus est, in cujus locum succéssit, quem étiam ántea secútus fúerat ad Nicænum Concílium, ubi cum Aríi impietátem repressísset, tantum ódium Arianórum suscepit, ut ex eo témpore ei insídias molíri numquam destíterint. Nam, coácto ad Tyrum concílio magna ex parte Arianórum Episcopórum, subornárunť muliérculam, quæ accusáret Athanasium, quod hospítio accéptus sibi stuprum per vim intulísset. Introductus igitur est Athanasius, et una cum eo Timótheus Présbyter, qui símulans se esse Athanasium, Ego ne, inquit, múlier, apud te sum diversátus? Ego te violávi? Cui illa petulánť: Tu mihi vim attulísti: idque jurejurándo affírmans, júdicum fidem obtestabátur, ut tantum flagítium vindicárent. Qua cógnita fraude, rejécta est mulieris impudéntia.

R. Invéni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil profíciet inimícus in eo, et fílius iniquitátis non nocébitei. Manus.

Lectio v.

Arsénium quoque Episcopum ab Athanasio interféctum Ariáni per-vulgárunť: quem dum occúlťe déti-nent, manum mórtui déferunt in judícium, ab Athanasio ad usum mágicæ artis Arsénio amputátam criminántes. At Arsénius noctu aufúgiens, cum se in conspéctu totíus Concílii statuísset, Athanasii inimicórum impudentíssimum scelus apéruiť. Quod illi nihilóminus mágicis ártibus Athanasii tribuéntes, vitæ ejus insidiári non desistébant. Quamóbrem in exílium actus, in Gállia apud Tréviros exulávit. Grávibus deinceps ac diutúrnis, sub Constantio Imperátore, Arianórum fautóre, tempestátibus jactátus, et incredíbiles calamitátes perpéssus, magnam orbis terræ partem peragrávit; ac sæpe e sua Ecclésia ejéctus, sæpe étiam in eámdem et Júlii Románi Pontíficis auctoritáte, et Constantis Imperatóris, Constantii fratris, patro-cínio, decretis quoque Concílii Sardicénsis, ac Jerosolymitáni, restitú-tus est; Ariánis intérea illi semper inféstis: quorum pertinácem iram, et summum vitæ discrímen fúgiens, in sicca cistérna quinque annis se áb-didit, ejus rei tantum cónsocio quodam Athanasii amíco, qui eum clam sustentábat.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.
V. Invéni David servum meum, óleo sancto meo unxi eum. Manus.

Lectio vi.

Constantio mórtuo, cum Juliánus Apóstata, qui ei in império succéssit, éxules Episcopos ad suas Ecclé-sias redíre permisísset, Athanasius Alexandríam revérsus, summo honóre excéptus est. Sed non multo post, íisdem Ariánis impelléntibus, a Juliáno exagitátus, rursus discédere cógitur. Cumque ab ejus satellítibus

ad necem conquireretur, qua fugiebat navicula conversa in contrariam fluminis partem, iis, qui se insequabantur, ex industria occurrit: et querentibus quantum inde abesset Athanasius, respondit eum non longe abesse: itaque illos contrarium tenentes cursum effugit, atque Alexandriam rediens, ibidem usque ad Juliani obitum occultus permansit. Qui paulo post Alexandriæ, alia exorta tempestate, quatuor menses in paterno sepulchro delituit. Ac denique ex tot tantisque periculis divinitus ereptus, Alexandriæ mortuus est in suo lectulo, sub Valente: cujus vita et mors magnis nobilitata est miraculis. Multa pie et ad illustrandam Catholicam fidem præclare scripsit, sexque et quadraginta annos in summa temporum varietate Alexandrinam Ecclesiam sanctissime gubernavit.

R. Iste est qui ante Deum magnas virtutes operatus est, et omnis terra doctrina ejus replata est: * Ipse intercedat pro peccatis omnium populorum, allelúja.

R. Iste est qui contempsit vitam mundi, et pervenit ad cælestia regna. I pse. Glória Patri. Ipse.

IN III. NOCTURNO.

Lectio sancti Evangelii secundum Matthæum.

Lectio vii.

Cap. 10. c.

IN illo tempore: Dixit Jesus discipulis suis: Cum persequuntur vos in civitate ista, fugite in aliam. Et reliqua.

Homilia Sancti Athanasii Episcopi.

In Apologia de fuga sua, ante medium.

IN lege præceptum erat ut constituerentur civitates refugiorum, ut qui quomodocumque ad necem quererentur, servari possent. In consummatione porro sæculorum, cum advenisset illud ipsum Verbum Patris, quod Móysi antea locutum fuerat, rur-

sus hoc præceptum dedit: Cum vos, inquam, persecuti fuerint in civitate ista, fugite in aliam. Pauloque post subijcit: Cum videritis illam abominationem desolationis, quæ dicta est per Daniëlem Propheta, consistentem in loco sancto (qui legit, intelligat) tunc qui in Judæa sunt, fugiant ad montes: et qui in tecto est, ne descendat tollere aliquid de domo sua: et qui in agro est, non revertatur tollere tunicam suam.

R. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum, allelúja.

V. Induit eum Dominus loriceam fidei, et ornavit eum. Et ad portas.

Lectio viii.

HÆc cum scirent Sancti, ejusmodi tenuerunt suæ conversationis institutum. Quæ enim nunc præcepit Dominus, eadem quoque ante suum in carne adventum locutus est in Sanctis: et hoc institutum homines ad perfectionem ducit. Nam quod Deus jusserit, id omnino faciendum est. Ideoque et ipsum Verbum propter nos homo factum, non indignum putavit, cum quereretur, quemadmodum et nos, abscondere se; et cum persecutionem pateretur, fugere, et insidias declinare: cum autem a se definitum tempus ipse adduxisset, in quo corporaliter pro omnibus pati volebat, ultro seipsum tradidit insidiantibus.

R. In medio Ecclesiæ aperuit os ejus, * Et implevit eum Dominus spiritu sapientiæ et intellectus, allelúja.

V. Jucunditatem et exultationem thesaurizavit super eum. Et implevit. Glória Patri. Et implevit.

Lectio ix.

AT vero sancti homines cum hanc quoque formam a Salvatore didicissent (ab ipso enim et antea et

semper omnes docebantur) adversus persecutores ut legitime certarent, fugiebant, et ab illis quaesiti se abscondebant. Cum enim praestituti sibi a divina providentia temporis finem ignorarent, nolabant insidiantibus se temere tradere: sed contra, cum scirent quod scriptum est, in manibus Dei esse hominum sortes, et Dominum mortificare, et vivificare; potius in finem usque perseverabant, circumeuntes, ut ait Apostolus, in melotis et pellis caprinis, egentes, angustiati, in solitudinibus errantes, et in speluncis et cavernis terrae latentes, quoad vel definitum mortis tempus veniret, vel qui tempus ipsum definierat Deus, cum eis loqueretur, et insidiantes cohiberet, aut certe persecutoribus eos traderet, utcumque illi placuisset.

Te Deum laudamus. 13.

Die 3. Maji.

In Festo

Inventionis Sanctae Crucis.

Duplex.

AD VESPERAS.

Antiph. to. 7. O magnum pietatis opus! cum reliquis de Laudibus. 495.

Psalms. Dixit Dominus. cum reliquis de Communi Apostolorum. [1]

Capitulum. Philip. 2.

Fratres, Hoc enim sentite in vobis, quod et in Christo Jesu: qui cum in forma Dei esset, non rapinam arbitratus est esse se aequalem Deo; sed semetipsum exinanivit, formam servi accipiens, in similitudinem hominum factus, et habitu inventus ut homo.

Hymnus.

VExilla Regis proudeunt:
Fulget Crucis mysterium,
Qua vita mortem pertulit,
Et morte vitam protulit.

Quae vulnerata lanceae
Mucrone diro, criminum
Ut nos lavaret sordibus,
Manavit unda et sanguine.

Implenta sunt quae concinit
David fideli carmine,
Dicendo nationibus:
Regnavit a ligno Deus.

Arbor decora et fulgida,
Ornata Regis purpura,
Electa digno stipite
Tam sancta membra tangere.

Beata, cujus brachiis
Praetium pependit saeculi,
Statéra facta corporis,
Tulitque praedam tartari.

O Crux, ave, spes unica,
Paschale quae fers gaudium,
Piis adauge gratiam,
Reisque dele crimina.

Te, fons salutis Trinitas,
Collaudet omnis spiritus:
Quibus Crucis victoriam
Largiris, adde praemium.
Amen.

V. Hoc signum Crucis erit in coelo,
alleluja.

R. Cum Dominus ad iudicandum venerit,
alleluja.

Ad Magnificat, Antiphona, to. 1. r.
O Crux, splendidior cunctis astris,
mundo celebris, hominibus multum
amabilis, sanctior universis: quae sola
fuisti digna portare talentum mundi:
dulce lignum, dulces clavos, dulcia
ferens pondera: salva praesentem catervam
in tuis hodie laudibus congregatam,
alleluja, alleluja.

Oratio.

Deus, qui in praeclara salutiferæ
Crucis inventionē, passionis tuæ
miracula suscitasti: concede, ut vitalis
ligni pretio, æternæ vitæ suffragia
consequamur: Qui vivis et regnas
cum Deo Patre.

Deinde fit commem. S. Athanasii.

Antiph. O Doctor óptime, Ecclesiæ sanctæ lumen, beáte Áthanási, divínæ legis amátor, deprecáre pro nobis Fílium Dei, allelúja.

V. Justum dedúxit Dóminus per vias rectas, allelúja.

R. Et osténditilli regnum Dei, allelúja.

Oratio.

EXáudi, quásumus, Dómine, preces nostras, quas in beáte Áthanásii Confessóris tui atque Pontíficis solemnitate deférimus: et qui tibi digne méruit famulári, ejus intercedéntibus méritis ab ómnibus nos absolvet peccátis. Per Dóminum.

AD MATUTINUM.

Invitatorium. Christum Regem crucifíxum, * Veníte, adorémus, allelúja.

Psalmus. Veníte, exultémus. 2.

Hymnus.

PAnge lingua gloriósi
Lauream certáminis,
Et super Crucis trophæo
Dic triúmphum nóbilem:
Quáliter Redémptor orbis
Immolátus vícerit.

De Paréntis protoplásti
Fraude Factor cóndolens,
Quando pomi noxiális
In necem morsu ruit:
Ipse lignum tunc notávit,
Damna ligni ut sólveret.

Hoc opus nostræ salútis
Ordo depopóscerat,
Multifórmis proditóris
Ars ut artem fálleret,
Et medélam ferret inde,
Hostis unde læserat.

Quando venit ergo sacri
Plenitúdo témporis,
Missus est ab arce Patris
Natus, orbis Cónditor;
Atque ventre virgínali
Carne amíctus pródiit.

Vagit infans inter arcta
Cónditus præsepia:
Membra pannis involúta
Virgo Mater álligat:
Et Dei manus pedésque
Stricta cingit fáschia.

Sempitérna sit beátæ
Trinitáti glória,
Æqua Patri, Filióque;
Par decus Paráclito:
Uníus Triníque nomen
Laudet unívèrsitas. Amen.

IN I. NOCTURNO.

Antiph. to. 1. Invéntæ Crucis festa recólimus, cujus præcónium unívèrsum per orbem micánti lúmine fulget, allelúja.

Psalmus 1.

BEátus vir, qui non ábiit in consílio impiórum, et in via peccatórum non stetit, * et in cáthedra pestiléntiæ non sedit.

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo:

Et fólium ejus non défluet: * et ómnia quæcúmque fáciat, prosperabúntur.

Non sic ímpii, non sic: * sed tamquam pulvis, quem prójicit ventus a fácie terræ.

Ideo non resúrgent ímpii in judício: * neque peccatóres in concílio justórum.

Quóniam novit Dóminus viam justórum: * et iter impiórum períbit.

Psalmus 2.

QUare fremuérunt Gentes, * et pópuli meditáti sunt inánia?

Astiterúnt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum: * et prójiciámus a nobis jugum ipsórum.

Qui hábitat in cœlis irridébit eos: *
et Dóminus subsannábit eos.

Tunc loquétur ad eos in ira sua, * et
in furóre suo conturbábit eos.

Ego autem constitútus sum Rex ab
eo super Sion montem sanctum ejus,
* prædicans præceptum ejus.

Dóminus dixit ad me: * Fílius meus
es tu, ego hódie génui te.

Póstula a me, et dabo tibi Gentes
hæreditátem tuam, * et possessiónem
tuam téminos terræ.

Reges eos in virga férrea, * et tam-
quam vas figuli confrínges eos.

Et nunc, reges, intelligíte: * erudí-
mini qui judicátis terram.

Servíte Dómino in timóre: * et exul-
táte ei cum tremóre.

Apprehéndite disciplínam, nequándo
irascátur Dóminus, * et pereátis de
via justa.

Cum exárserit in brevi ira ejus: *
beáti omnes, qui confidunt in eo.

Psalmus 3.

Domine, quid multiplicáti sunt qui
tribulant me? * multi insúrgunt
adversum me.

Multi dicunt animæ meæ: * Non est
salus ipsi in Deo ejus.

Tu autem, Dómine, suscēptor meus
es, * glória mea, et exáltans caput
meum.

Voce mea ad Dóminum clamávi: * et
exaudívit me de monte sancto suo.

Ego dormívi, et soporátus sum: * et
exurrexi, quia Dóminus suscepit me.
Non timébo míllia pópuli circumdán-
tis me: * exúrge, Dómine, salvum me
fac, Deus meus.

Quóniam tu percussísti omnes adver-
sántes mihi sine causa: * dentes pec-
cátórum contrivísti.

Dómini est salus: * et super pópulum
tuum benedíctio tua.

Antiph. Invéntæ Crucis festa recóli-
mus, cujus præcónium univérsum per
orbem micánti lúmine fulget, allelúja.

Ÿ. Hoc signum Crucis erit in cœlo,
allelúja.

R. Cum Dóminus ad judicándum vé-
nerit, allelúja.

De Epístola beáti Pauli Apóstoli
ad Gálatas.

Lectio i.

Cap. 3. b.

Quicumque ex opéribus legis sunt,
sub maledícto sunt. Scriptum est
enim: Maledíctus omnis, qui non per-
mánsit in ómnibus, quæ scripta sunt
in Libro legis, ut fáciat ea. Quóniam
autem in lege nemo justificátur apud
Deum, manifestum est, quia justus ex
fide vivit. Lex autem non est ex fide,
sed: Qui fécerit ea, vivet in illis.
Christus nos redémit de maledícto
legis, factus pro nobis maledíctum:
quia scriptum est: Maledíctus omnis,
qui pendet in ligno: ut in Géntibus
benedíctio Abrahæ fieret in Christo
Jesu, ut pollicitatióem Spíritus ac-
cipiámus per fidem.

R. Gloriósum diem sacra venerátur
Ecclésia, dum triumphále reserátur
lignum, * In quo Redēptor noster
mortis víncula rumpens, cállidum ás-
pidem superávit, allelúja, allelúja,
allelúja.

Ÿ. In ligno pendens nostræ salútis sé-
mitam Verbum Patris invénit. In quo.

De Epístola ad Philippénes.

Lectio ii.

Cap. 2.

Hoc enim sentíte in vobis, quod et
in Christo Jesu: qui cum in forma
Dei esset, non rapínam arbitrátus est
esse se æquálem Deo; sed semetíp-
sum exinanívit, formam servi accí-
piens, in similitúdinem hóminum fac-
tus, et hábitu invéntus ut homo. Hu-
miliávit semetípsum factus obédiens
usque ad mortem, mortem autem
crucis. Propter quod et Deus exaltá-
vit illum, et donávit illi nomen, quod
est super omne nomen: ut in nómine
Jesu omne genu flectátur cœléstium,

terréstrium, et infernórum, et omnis lingua confiteátur, quia Dóminus Jesus Christus in glória est Dei Patris.

R. Crux fidélis, inter omnes arbor una nóbilis, nulla silva talem profert, fronde, flore, gérmine: * Dulce lignum, dulces clavos, dulce pondus sustínuit, allelúja.

V. Super ómnia ligna cedrórum tu sola excélsior. **D**ulce.

De Epístola ad Colossénses.

Lectio iii.

Cap. 2. b.

IN Christo inhábitat omnis plenitúdo divinitátis corporáliter: et estis in illo repléti, qui est caput omnis principátus et potestátis: in quo et circumcísí estis circumcisióne non manu fácta in expoliatióne córporis carnis, sed in circumcisióne Christi: consepúlti ei in baptísimo, in quo et resurrexístis per fidem operatiónis Dei, qui suscitávit illum a mórtuis. Et vos cum mórtui essétis in delíctis, et præpútio carnis vestræ, convivificávit cum illo, donans vobis ómnia delícta: delens quod advérsus nos erat chirógraphum decreti, quod erat contrárium nobis, et ipsum tulit de médio, affligens illud cruci: et expólians principátus et potestátes, tradúxit confidénter, palam triúmphans illos in semetípso.

R. Hæc est arbor digníssima, in paradísi médio situáta, * In qua salutis auctor própria morte mórtém ómnium superávit, allelúja, allelúja.

V. Crux præcellénti decóre fúlgida, quam Hélena Constantíni mater concupiscénti ánimó requisívit. **I**n qua. **G**lória Patri. **I**n qua.

IN II. NOCTURNO.

Antiph. to. 2. Felix ille triúmphus fit salus ægris, vitæ lignum, mortis remédium, allelúja.

Psalmus 4.

CUM invocárem, exaudivit me Deus justítiæ meæ: * in tribulatióne dilatásti mihi.

Miserére mei, * et exáudi oratióne meam.

Fílii hóminum, úsquequo gravi corde? * ut quid dilígitis vanitátem, et quæritis mendácium?

Et scitóte quóniam mirificávit Dóminus sanctum suum: * Dóminus exáudiet me, cum clamavéro ad eum.

Irascímini, et nolíte peccáre: * quæ dicitis in córdibus vestris, in cubílibus vestris compungímini.

Sacrificáte sacrificium justítiæ, et speráte in Dómino. * Multi dicunt: Quis osténdit nobis bona?

Signátum est super nos lumen vultus tui, Dómine: * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dórmiam, et requiescam;

Quóniam tu, Dómine, singuláriter in spe * constituísti me.

Psalmus 5.

VErba mea áuribus pécipe, Dómine, * intéllege clamórem meum.

Inténde voci oratiónis meæ, * Rex meus, et Deus meus.

Quóniam ad te orábo: * Dómine, mane exáudies vocem meam.

Mane astábo tibi, et vidébo: * quóniam non Deus volens iniquitátem tu es.

Neque habitábit juxta te malignus: * neque permanébunt injústi ante óculos tuos.

Odísti omnes, qui operántur iniquitátem: * perdes omnes, qui loquúntur mendácium.

Virum sánguinem, et dolósum abominábitur Dóminus: * ego autem in multitúdine misericórdiæ tuæ,

Introibo in domum tuam: * adorábo ad templum sanctum tuum in timóre tuo.

Dómine, deduc me in justítia tua: * propter inimícos meos dírige in conspéctu tuo viam meam.

Quóniam non est in ore eórum véritas: * cor eórum vanum est.

Sepúlchrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multitudínem impietátum eórum expélle eos: * quóniam irritavérunt te, Dómine.

Et læténtur omnes, qui spérant in te: * in ætérnum exultábunt, et habitábis in eis.

Et gloriabúntur in te omnes, qui díligunt nomen tuum: * quóniam tu benedíces justo.

Dómine, ut scuto bóñæ voluntátis tuæ * coronásti nos.

Psalmus 8.

Dómine Dóminus noster, * quam admirábile est nomen tuum in univérsta terra!

Quóniam eleváta est magnificéntia tua * super cœlos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cœlos tuos, ópera digítorum tuórum: * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérstas, insuper et pécora campi;

Vólucres cœli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsta terra!

Antiph. Felix ille triúmphus fit salus ægris, vitæ lignum, mortis remédium, allelúja.

V. Adorámus te, Christe, et benedícimus tibi, allelúja.

R. Quia per Crucem tuam redemísti mundum, allelúja.

Lectio iv.

Post insígnem victóriam, quam Constantínus Imperátor, divínitus accepto signo Domínicæ Crucis, ex Maxéntio reportávit, Hélena Constantíni mater in somnis admónita, conquirendæ Crucis stúdio Jerosólymam venit: ubi marmóream Veneris státuam in Crucis loco a Géntibus collocátam ad tolléndam Christi Dómini passiónis memóriam, post centum círciter octogínta annos everténdam curávit. Quod item fecit ad Præsépe Salvatóris, et in loco Resurrectiósni: inde Adónidis, hinc Jovis sublato simulacro.

R. Nos autem gloriári opórtet in Cruce Dómini nostri Jesu Christi, in quo est salus, vita, et resurrectio nostra: * Per quem salváti, et liberáti sumus, allelúja.

V. Tuam Crucem adorámus, Dómine, et recólimus tuam gloriósam passiónein. Per quem.

Lectio v.

Itaque loco Crucis purgáto, alte defóssæ tres cruces érutæ sunt, repertúsque seórsum ab illis Crucis Domínicæ título: qui cum ex tribus cui affíxus fuisset, non apparéret, eam dubitatióne sústulit miráculum. Nam Macárius Jerosolymórum Epíscopus, factis Deo précibus, singulas cruces cuídam féminæ gravi morbo laboránti admóvit: cui cum réliquæ nihil profuíssent, adhibita tértia Crux statim eam sanávit.

R. Dum sacrum pignus cœlitus revelatur, Christi fides roboratur: * Ad-sunt prodigia divina in virga Mōysi primitus figurata, allelūja, allelūja.

V. Ad Crucis contactum resurgunt mortui, et Dei magnalia reserantur. Adsunt.

Lectio vi.

H Elena, salutari Cruce inventa, magnificentissimam ibi extruxit Ecclesiam, in qua partem Crucis reliquit thecis argenteis inclusam, partem Constantino filio detulit, quæ Romæ repōita fuit in Ecclesia sanctæ Crucis in Jerūsalem, ædificata in ædibus Sessorianis. Clavos etiam attulit filio, quibus sanctissimum Jesu Christi Corpus fixum fuerat. Quo ex tempore Constantinus legem sancivit, ne crux ad supplicium cuiquam adhiberetur; ita res, quæ antea hominibus probro ac ludibrio fuerat, venerationi et gloriæ esse cepit.

R. Hoc signum Crucis erit in cœlo, cum Dominus ad iudicandum venerit: * Tunc manifesta erunt abscondita cordis nostri, allelūja, allelūja.

V. Cum sederit Filius hominis in sede majestatis suæ, et coeperit iudicare sæculum per ignem. Tunc manifesta. Gloria Patri. Tunc manifesta.

IN III. NOCTURNO.

Antiph. to. 1. Adoramus te, Christe, et benedicimus tibi, quia per Crucem tuam redemisti mundum, allelūja.

Psalmus 95.

Cantate Domino canticum novum: * cantate Domino omnis terra. Cantate Domino, et benedicite nomini ejus: * annuntiāte de die in diem salutare ejus.

Annuntiāte inter Gentes gloriā ejus: * in omnibus populis mirabilia ejus. Quoniam magnus Dominus, et laudabilis nimis: * terribilis est super omnes deos.

Quoniam omnes dii Gēntium dæmōnia: * Dominus autem cœlos fecit.

Confessio, et pulchritudo in conspectu ejus: * sanctimonia, et magnificentia in sanctificatione ejus.

Afferre Domino, patriæ Gēntium, afferre Domino gloriā, et honorem: * afferre Domino gloriā nomini ejus. Tollite hostias, et introite in atria ejus: * adorāte Dominum in atrio sancto ejus.

Commoveatur a facie ejus universa terra: * dicite in Gēntibus, quia Dominus regnavit.

Etenim correxit orbem terræ, qui non commovebitur: * iudicabit populos in æquitate.

Lætentur cœli, et exultet terra, commoveatur mare, et plenitudo ejus: * gaudēbunt campi, et omnia, quæ in eis sunt.

Tunc exultabunt omnia ligna silvarum a facie Domini, quia venit: * quoniam venit iudicare terram.

Iudicabit orbem terræ in æquitate, * et populos in veritate sua.

Psalmus 96.

Dominus regnavit, exultet terra: * lætentur insulæ multæ.

Nubes, et caligo in circuitu ejus: * justitia, et iudicium correctio sedis ejus.

Ignis ante ipsum præcedet, * et inflammabit in circuitu inimicos ejus. Illuxerunt fulgura ejus orbi terræ: * vidit, et commota est terra.

Montes sicut cera fluxerunt a facie Domini: * a facie Domini omnis terra.

Annuntiaverunt cœli justitiam ejus: * et viderunt omnes populi gloriā ejus.

Confundantur omnes, qui adorant sculptilia: * et qui gloriāntur in simulacris suis.

Adorāte eum, omnes Angeli ejus: * audivit, et lætata est Sion.

Et exultaverunt filiæ Judæ, * propter iudicia tua, Domine.

Quóniam tu Dóminus altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámmini, justi in Dómino: * et confitémini memóriæ sanctificatiónis ejus.

Psalmus 97.

CAntáte Dómino cánticum novum: * quia mirabília fecit.

Salvávít sibi délixtera ejus, * et bráchium sanctum ejus.

Notum fecit Dóminus salutáre suum: * in conspéctu Géntium revelávit justítiam suam.

Recordátus est misericórdiæ suæ, * et veritátis suæ dómui Israel.

Vidérunt omnes términi terræ * salutáre Dei nostri.

Jubiláte Deo omnis terra: * cantáte, et exultáte, et psállite.

Psállite Dómino in cíthara, in cíthara, et voce psalmi: * in tubis ductílibus, et voce tubæ córneæ.

Jubiláte in conspéctu Regis Dómini: * moveátur mare, et plenitúdo ejus, orbis terrárum, et qui hábitant in eo.

Flúmina plaudent manu, simul montes exultábunt a conspéctu Dómini: * quóniam venit judicáre terram.

Judicábit orbem terrárum in justítia, * et pópulos in æquitáte.

Antiph. Adorámus te, Christe, et benedícimus tibi, quia per Crucem tuam redemísti mundum, allelúja.

V. Omnis terra adóret te, et psallat tibi, allelúja.

R. Psalmum dicat nómini tuo, Dómine, allelúja.

Lectio sancti Evangélíi secúndum

Lectio vii. Joánnem. **Cap. 3.**

IN illo témpore: Erat homo ex Pharisæis, Nicodémus nómine, prin-

ceps Judæórum. Hic venit ad Jesum nocte, et dixit ei: Rabbi, scimus quia a Deo venísti magíster. Et réliqua.

Homília Sancti Augustíni Epíscopi.

Tractatu 11. in Joannem post initium.

Nicodémus ex his erat, qui credíderant in nómine Jesu, vidéntes signa et prodígia, quæ faciébat. Superius enim hoc dixit: Cum autem esset Jerosólymis in Pascha in die festo, multi credidérunt in nómine ejus. Quare credidérunt in nómine ejus? Séquitur, et dicit: Vidéntes signa ejus, quæ faciébat. Et de Nicodémo quid dicit? Erat princeps Judæórum, nómine Nicodémus. Hic venit ad eum nocte, et ait illi: Rabbi, scimus quia a Deo venísti magíster. Et iste ergo credíderat in nómine ejus. Et ipse unde credíderat? Séquitur: Nemo enim potest hæc signa fácere, quæ tu facis, nisi fúerit Deus cum eo.

R. Dulce lignum, dulces clavos, dulce pondus sustínuit: * Quæ sola digna fuit portáre prétium hujus sæculi, allelúja.

V. Hoc signum Crucis erit in cœlo, cum Dóminus ad judicándum vénerit. Quæ sola.

Benedictio. Divínium auxílium.

Lectio viii.

SI ergo Nicodémus de illis multis erat, qui credíderant in nómine ejus, jam in isto Nicodémo attendámus, quare Jesus non se credébat eis. Respóndit Jesus, et dixit ei: Amen, ámen dico tibi, nisi quis renátus fúerit denuo, non potest vidére regnum Dei. Ipsi ergo se credit Jesus, qui nati fúerint denuo. Ecce illi credíderant in eum, et Jesus non se credébat eis. Tales sunt omnes catechúmeni: ipsi jam credunt in nómine Christi, sed Jesus non se credit eis. **¶** Inténdat et intélligat cháritas vestra. Si dixerimus catechúmeno: Credis in Christum? Respóndet, Credo, et sig-

nat se Cruce Christi: portat in fronte, et non erubescit de Cruce Domini sui. Ecce credit in nomine ejus. Interrogemus eum: Manducas carnem Filii hominis, et bibis sanguinem Filii hominis? Nescit quid dicimus, quia Jesus non se credidit ei.

R. Sicut Moyses exaltavit serpentem in deserto, ita exaltari oportet Filium hominis: * Ut omnis, qui credit in ipsum, non pereat, sed habeat vitam æternam, allelúja.

V. Non misit Deus Filium suum in mundum, ut iudicet mundum, sed ut salvetur mundus per ipsum. Ut omnis. Glória Patri. Ut omnis.

Pro sanctis Alexandro, Eventio, et Theodulo Martyribus, ac Juvenale Episcopo et Confessore.

Lectio ix.

A Lexánder Románuſ, Hadriáno Imperátore, regens Ecclesiám, magnam partem Románæ nobilitátis ad Christum convertit. Is constituit, ut tantummodo panis et vinum in mysterio offerretur: vinum autem aqua misceri jussit, propter sanguinem et aquam, quæ ex Jesu Christi latere profluxerunt; et in Cánone Missæ addidit: Qui pridie quam pateretur. Idem decrevit, ut aqua benedicta, sale admixto, perpetuo in Ecclesia asservaretur, et in cubiculis adhiberetur ad fugandos demones. Sedit annos decem, menses quinque, et dies viginti, vitæ sanctitate, et salutariibus institutis illustris. Martyrio coronatus est una cum Evéntio et Theodúlo Presbyteris, sepultusque est via Nomentana, tertio ab Urbe lapide, eodem in loco ubi securi percussus fuerat, creatis diverso tempore mense Decembri Presbyteris sex, Diaconis duobus, et Episcopis per diversa loca quinque. Eorum corpora postea in Urbem translata, in Ecclesia sanctæ Sabínæ condita sunt. In eundem diem incidit beata mors sancti Juvenális Narniën-

sis Episcopi, qui, cum plurimos in ea urbe sanctitate et doctrina Christo peperisset, clarus miraculis in pace quievit, ibique honorifice sepultus est.

Te Deum laudamus. 13.

Si autem hoc festum venerit Feria secunda Rogationum vel Vigilia Ascensionis, omittitur Lectio de SS. martyribus Alexandro et sociis, et legitur de Homilia Rogationum; et de ea fit commemoratio in Laudibus, ac SS. Martyrum Alexandri etc. quod et in similibus observetur.

Si vero transferatur, octava Lectio dividatur in duas, ut in signo ☩

AD LAUDES ET PER HORAS.

Antiph. to. 7. O magnum pietatis opus! mors mortua tunc est, in ligno quando mortua vita fuit, allelúja.

Psalmus. Dominus regnavit. cum reliquis. 14.

Antiph. to. 3. Salva nos, Christe Salvator, per virtutem Crucis, qui salvasti Petrum in mari, miserere nobis, allelúja.

Antiph. to. 1. Ecce Crucem Domini, fugite, partes adversæ; vicit leo de tribu Juda, radix David, allelúja.

Antiph. to. 7. Nos autem gloriari oportet in Cruce Domini nostri Jesu Christi, allelúja.

Antiph. to. 8. f. Per signum Crucis de inimicis nostris libera nos, Deus noster, allelúja.

Capitulum.

Philipp. 2.

Fratres, Hoc enim sentite in vobis, quod et in Christo Jesu: qui cum in forma Dei esset, non rapinam arbitratus est esse se æqualem Deo: sed semetipsum exinanivit, formam servi accipiens, in similitudinem hominum factus, et habitu inventus ut homo.

Hymnus.

Lustra sex qui jam perégit,
Tempus implens córporis,
Sponte líbera Redémptor
Passióni déditus,
Agnus in Crucis levátur
Immolándus stípíte.

Felle potus ecce languet,
Spina, clavi, láncea
Mite corpus perforárunť:
Unda manat, et cruor:
Terra, pontus, astra, mundus,
Quo lavántur flúmine!

Crux fidélis, inter omnes
Arbor una nóbilis:
Silva talem nulla profert
Fronde, flore, gérmine:
Dulce ferrum, dulce lignum,
Dulce pondus sústinent.

Flecte ramos, arbor alta,
Tensa laxa víscera,
Et rigor lentéscat ille,
Quem dedit natívitas;
Et supérni membra Regis
Tende miti stípíte.

Sola digna tu fuísti
Ferre mundi víctimam,
Atque portum præparáre
Arca mundo náufrago,
Quam sacer cruor perúnxit,
Fusus Agni córpore.

Sempitérna sit beátæ
Trinitáti glória,
Æqua Patri, Filióque;
Par decus Paráclito:
Uníus Triníque nomen
Laudet univérstas. Amen.

Ÿ. Adorámus te, Christe, et benedí-
cimus tibi, allelúja.

℞. Quia per Crucem tuam redemísti
mundum, allelúja.

Ad Benedictus, Antiphona, to. 2.
Super ómnia ligna cedrórú tu sola
excélsior, in qua vita mundi pepén-
dit, in qua Christus triumphávit, et
mors mortem superávit in ætérnum,
allelúja.

Oratio.

Deus, qui in præclára salutíferæ
Crucis inventióne, passiónis tuæ
mirácula suscitásti: concéde, ut vitá-
lis ligni prétio, ætérnæ vitæ suffrágia
consequámur: Qui vivis et regnas
cum Deo Patre.

Commemoratio sanctorum Alexan-
dri, Eventii, et Theoduli Martyrum,
ac Juvenalis Episcopi et Confessoris,
in Laudibus tantum.

Antiph. Fíliæ Jerúsalem, veníte et
vidéte Mártyres cum corónis, quibus
coronávit eos Dóminus in die solem-
nitátis et lætítiæ, allelúja, allelúja.

Ÿ. Pretiósa in conspéctu Dómini, al-
lelúja.

℞. Mors sanctorum ejus, allelúja.

Oratio.

Præsta, quæsumus, omnípotens
Deus, ut qui sanctorum tuorum
Alexándri, Evéntii, Theodúli, atque
Juvenális natalítia cólimus, a cunctis
malis imminéntibus, eórum interces-
sionibus liberémur. Per Dóminum.

Ad Tertiam.

Antiph. to. 3. Salva nos.

Capitulum.

Philipp. 2.

Fratres, Hoc enim sentíte in vobis,
quod et in Christo Jesu: qui cum
in forma Dei esset, non rapínam arbi-
trátus est esse se æquálem Deo: sed
semetípsum exinanívit, formam servi
accípiens, in similitúdinem hóminum
factus, et hábitu invéntus ut homo.

℞. br. Hoc signum Crucis erit in cœ-
lo,* Allelúja, allelúja. Hoc signum.

Ÿ. Cum Dóminus ad judicándum vé-
nerit. Allelúja, allelúja. Glória Pa-
tri. Hoc signum.

Ÿ. Adorámus te, Christe, et benedí-
cimus tibi, allelúja.

℞. Quia per Crucem tuam redemísti
mundum, allelúja.

Ad Sextam.

Antiph. to. 1. Ecce Crucem Dómini.

Capitulum.

Galat. 6. d.

Mihi autem absit gloriári, nisi in
Cruce Dómini nostri Jesu Christi:
per quem mihi mundus crucifixus est,
et ego mundo.

R. br. Adorámus te, Christe, et bene-
dicimus tibi, * Allelúja, allelúja. Ado-
rámus.

V. Quia per Crucem tuam redemísti
mundum. Allelúja, allelúja. Glória
Patri. Adorámus.

V. Omnis terra adóret te, et psallat
tibi, allelúja.

R. Psalmum dicat nómini tuo, Dó-
mine, allelúja.

Ad Nonam.

Antiph. to. 8. f. Per signum Crucis.

Capitulum.

Philip. 2. .

Humiliávit semetípsum factus obé-
diens usque ad mortem, mortem
autem crucis. Propter quod et Deus
exaltávit illum, et donávit illi nomen,
quod est super omne nomen.

R. br. Omnis terra adóret te, et psal-
lat tibi, * Allelúja, allelúja. Omnis.

V. Psalmum dicat nómini tuo, Dó-
mine, Allelúja, allelúja. Glória Patri.
Omnis.

V. Hoc signum Crucis erit in cœlo,
allelúja.

R. Cum Dóminus ad judicándum vé-
nerit, allelúja.

Ad Vesperas.

Antiph. to. 7. O magnum pietátis
opus! cum reliquis de Laudibus. 495.

Psalmus. Dixit Dóminus. cum reli-
quis ut in primis Vesperis de Com-
muni Apostolorum. [1]

Capitulum. Fratres, Hoc enim sen-
títe. ut supra. 496.

Hymnus.

Vexilla Regis pródeunt:
Fulget Crucis mystérium,
Quæ vita mortem pertulit,
Et morte vitam protulit.
Quæ vulneráta lanceæ
Mucrone diro, criminum
Ut nos laváret sordibus,
Manavit unda et sanguine.
Impléta sunt quæ concinit
David fideli carmine,
Dicendo nationibus:
Regnavit a ligno Deus.
Arbor decóra et fúlgida,
Ornata Regis púrpura,
Elécta digno stípíte
Tam sancta membra tângere.
Beáta, cujus bráchiis
Prétium pepéndit sæculi,
Statéra facta corporis,
Tulítque prædam tártari.
O Crux, ave, spes única,
Paschále quæ fers gáudium,
Piis adáuge grátiam,
Reisque dele crimina.
Te, fons salutis Trínitas,
Colláudet omnis spíritus:
Quibus Crucis victóriam
Largíris, adde præmium.
Amen.

V. Hoc signum Crucis erit in cœlo,
allelúja.


R. Cum Dóminus ad judicándum vé-
nerit, allelúja.

Ad Magnificat, Antiphona, to. 2.
Crucem sanctam súbiit, qui inférnum
confrégit: accíntus est poténtia, sur-
réxit die tértia, allelúja.

Oratio.

Deus, qui in præclára salutíferæ
Crucis inventióne, passiõis tuæ
mirácula suscitásti: concéde, ut vitá-
lis ligni prætio, æternæ vitæ suffrágia
consequámur: Qui vivis et regnas
cum Deo Patre.

Deinde fit commemoratio S. Monicæ.



Die 4. Maji.

In Festo S. Monicæ Viduæ.

Duplex.

Omnia de Communi Sanctarum nec Virginum nec Martyrum [107], præter ea quæ hic habentur.

Antiph. Símile est regnum cœlórum hómini negotiatóri, quærénti bonas margarítas: invénta una pretiósa, dedit ómnia sua, et comparávit eam, allelúja.

V. Spécie tua, et pulchritúdine tua, allelúja.

Inténde, prósperè procéde, et regna,

R. allelúja.

Oratio.

Deus, mœréntium consolátor, et in te sperántium salus, qui beátæ Mónica pias lácrymas in conversióne filii sui Augustíni misericórditer suscepísti: da nobis utriúsque intervéntu peccáta nostra deploráre, et grátia tuæ indulgéntiam inveníre. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Monica, sancti Augustíni dupliciter mater, quia eum et mundo et cœlo péperit: maríto mórtuo, quem senectúte conféctum Jesu Christo conciliávit, castam et opéribus misericórdiæ exércitam viduitátem agébat: in assíduis vero ad Deum orationibus pro filio, qui in Manichæórum sectam incíderat, lácrymas effundébat: quem etiam Mediolánum secúta est, ubi ipsum frequénter hortabátur, ut ad Episcopum Ambrósium se conférret. Quod cum ille fecísset, ejus et públicis conciónibus, et privátis collóquiis Cathólicæ fídei veritátem edóctus, ab eódem baptizátus est.

R. Propter veritátem, et mansuetúdinem, et justítiam: * Et dedúcet te mirabíliter dextera tua, allelúja.

V. Spécie tua, et pulchritúdine tua inténde, prósperè procéde, et regna. Et dedúcet.

Lectio v.

MOx in Africam redeúntes, cum ad Ostia Tiberína constitísset, incidit in febrem. Quo in morbo, cum eam quodam die ánima defecísset, ut se collégit, Ubi, inquit, eram? Et astántes íntuens: Pónite hic matrem vestram: tantum vos rogo, ut ad altáre Dómini meminéritis mei. Nono autem die beáta múluer ánimam Deo réddidit. Ejus corpus ibi in Ecclésia sanctæ Aureæ sepúltum est: quod póstea, Martíno quinto Summo Pontífice, Romam translátum, in Ecclésia sancti Augustíni honorífice cónstitutum est.

R. Dilexísti justítiam, et odísti iniquitátem: * Proptérea unxit te Deus, Deus tuus óleo lætítiae, allelúja.

V. Propter veritátem, et mansuetúdinem, et justítiam. Proptérea.

Lectio vi.

Ex lib. 9. Confess. c. 12.

Subdit vero Augustínus de matris morte dísserens: Neque enim decére arbitrábamur funus illud quæstibus lacrymósis, gemitibúsque celebráre, quia illa nec mísere, nec omníno moriebátur: hoc et documéntis morum ejus, et fide non ficta, rationibúsque certis tenebámus. Atque inde paulátim reducébam in prístinum sensum ancíllam tuam, conversatióneque ejus piam in te et sanctam, in nos blandam atque morígeram, qua súbito destitútus sum, et líbuit flere de illa, et pro illa; et si quis peccátum invénierit flevisse me matrem meam exígua parte horæ, matrem óculis meis mórtuam, quæ me multos annos fléverat, ut óculis suis víverem, non irrídeat: sed pótius, si est grandi charitáte, pro peccátis meis fleat ipse ad te Patrem ómnium fratrum Christi tui.

R. Fallax grátia, et vana est pulchritúdo: * Múlier timens Deum, ipsa laudábitur, allelúja.

V. Date ei de fructu mánuum suárum, et laudent eam in portis ópera ejus. Múlier. Glória Patri. Múlier.

IN III. NOCTURNO.

Léctio sancti Evangélíi secúndum Lucam.

Lectio vii.

Cap. 7. b.

IN illo témpore: Ibat Jesus in civitátem, quæ vocátur Naim: et ibant cum eo discípuuli ejus, et turba copiósa. Et réliqua.

Homília Sancti Augustíni Epíscopi.

Serm. 44. de Verbis Domini, circa initium.

DE júvene illo resuscitáto gavísa est mater vídua: de homínibus in spírítu quotidie suscitátis gaudet mater Ecclesiá. Ille quidem mórtuus erat corpore: illi autem mente. Illíus mors visíbilis visibíliter plangebátur: illórum mors invisíbilis nec quærebátur, nec videbátur. Quæsívit ille, qui nóverat mórtuos. Ille solus nóverat mórtuos, qui póterat fácere vivos. Nisi enim ad mórtuos suscitandos venísset, Apóstolus non diceret: Surge, qui dormis, et exúrge a mórtuis, et illuminábit te Christus.

R. Os suum apérui sapiéntiæ, et lex cleméntiæ in língua ejus: considerávit sémitas domus suæ, * Et panem otíosa non comédit, allelúja.

V. Gustávit et vidit quia bona est negotiátio ejus: non extingúetur in nocte lucérna ejus. Et panem.

Lectio viii.

TRes autem mórtuos invenímus a Dómino resuscitátos visibíliter, millia invisibíliter. Quot autem mórtuos visibíliter suscitáverit, quis novit? Non enim ómnia, quæ fecit, scripta sunt. Joánnes hoc dixit: Multa alia fecit Jesus, quæ, si scripta essent,

árbitror totum mundum non posse libros cápere. Multi ergo sunt alii sine dúbio suscitáti, sed non tres frustra commemoráti. Dóminus enim noster Jesus Christus ea, quæ faciébat corporáliter, étiam spiritaliter volébat intélligi. Neque enim tantum mirácula propter mirácula faciébat: sed ut illa, quæ faciébat, mira essent vidéntibus, vera essent intelligéntibus.

R. Regnum mundi, et omnem ornátum sæculi contémpsi, propter amórem Dómini mei Jesu Christi, * Quem vidi, quem amávi, in quem crédidi, quem diléxi, allelúja.

V. Eructávit cor meum verbum bonum: dico ego ópera mea Regi. Quem. Glória Patri. Quem.

Lectio ix.

Quemádmódum qui videt líteras in códice óptime scripto, et non novit légere, laudat quidem antiquárii manum, admírans ápicum pulchritúdinem: sed quid sibi velint, quid índicent illi ápices, nescit; et est óculis laudátor, mente non cógnitor. Alius autem et laudat artificium, et capit intelléctum: ille útique, qui non solum vidére, quod commúne est ómnibus, potest, sed étiam légere, quod qui non didicit, non potest. Ita qui vidérunt Christi mirácula, et non intellexérunt quid sibi vellent, et quid intelligéntibus quodámmodo innúerent, miráti sunt tantum, quia facta sunt: alii vero et facta miráti, et intellécta assecúti. Tales nos in schola Christi esse debémus.

Te Deum laudámus. 13.

In secundis Vesperis a Capitulo de sequenti, cum commemoratione præcedentis.



Die 5. Maji.

In Festo

S. Pii Quinti, Papæ et Confessoris.

Duplex.

Omnia de Communi Confessoris Pontificis [62], præter ea quæ sequuntur.

In hymno dicitur. Méruit suprémos.

Oratio.

DEus, qui ad conteréndos Ecclesiæ tuæ hostes, et ad divinum cultum reparándum, beátum Pium Pontíficem Máximum elígere dignátus es: fac nos ipsíus deféndi præsídiis, et ita tuis inhærére obséquiiis, ut, ómnium hóstium superátis insídiis, perpétua pace lætémur. Per Dóminum.

Deinde fit commemoratio S. Monicæ.

Antiph. Manum suam aperuit ínopi, et palmas suas exténdit ad páuperem, et panem otíosa non comédit, allelúja.

V. Diffúsa est grátia in lábiis tuis, allelúja.

R. Proptérea benedíxit te Deus in ætérnum, allelúja.

Oratio.

DEus, mœréntium consolátor, et in te sperántium salus, qui beátæ Mónica piás lácrymas in conversióne filii sui Augustíni misericórditer suscepísti: da nobis utriúsque intervéntu peccáta nostra deploráre, et grátiae tuæ indulgéntiam inveníre. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Pius in óppido Insúbriæ, quod Boscum vocant, natus, sed e Bonónia oriúndus ex nóbili Ghisleriórum família, cum quatuórdecim esset annórum, Ordinem Prædicatórum ingressus est. Erat in eo admirábilis patiéntia, profúnda humílitas, summa vitæ austéritas, contínuum oratiónis

stúdiúm et reguláris observántiæ, ac divíni honóris ardentíssimus zelus. Philosophiæ vero ac Theologiæ incúmbens, ádeo in iis excélluit, ut illas docéndi munus magna cum laude per multos annos exercúerit. Sacras conciónes plúribus in locis cum ingénti auditórum fructu hábuit. Inquisitóris officium inviolábili ánimi fortitúdine diu sustínuit: multásque civitátes non sine vitæ discrímine ab hæresi tunc grassánte immúnes servávit.

R. Inveni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil proficiet inimícus in eo, et filius iniquitátis non nocébit ei. Manus.

Lectio v.

A Paulo quarto, cui ob exímias virtútes charíssimus erat, ad Nepe-sinum et Sutrinum Episcopátum promótus, et post biénnum inter Románæ Ecclesiæ Presbýteros Cardínales adscríptus fuit. Tum ad Ecclesiám Montis Regális in Subalpínis, a Pio quarto translátus, cum plures in eam abúsus irrepsísse cognovísset, totam Diocésim lustrávit, rebúsque com-pósitis Romam revérsus, gravíssimis expediéndis negótiis applicátus, quod justum erat, Apostólica libertáte, et constántia decernébat. Mórtuo autem Pio, præter ómnium expectatiónem eléctus Póntifex, nihil in vitæ ratióne, excépto exteriori hábitu, immutávit. Fuit in eo religiónis propagándæ perpétuum stúdiúm, in Ecclesiástica disciplína restituénda indefessus labor, in extirpándis erróribus assídua vigilántia, in sublevándis egéntium necessitátibus indeficiens beneficéntia, in Sedis Apostólicæ júribus vindicándis robur invíctum.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.

V. Inveni David servum meum, oleo sancto meo unxi eum. Manus.

Lectio vi.


SELIMUM Turcarum tyrannum multis elatum victoriis, ingenti comparata classe, ad Echínadas insulas, non tam armis, quam fuis ad Deum precibus, devicit. Quam victoriam ea ipsa hora, qua obtenta fuit, Deo revelante, cognovit, suisque familiaribus indicavit. Dum vero novam in ipsos Turcas expeditionem moliretur, in gravem morbum incidit, et acerbissimis doloribus patientissime toleratis, ad extrema deveniens, cum Sacramenta de more suscepisset, animam Deo placidissime reddidit, anno millésimo quingentésimo septuagésimo secundo, ætatis suæ sexagésimo octavo, cum sedisset annos sex, menses tres, dies viginti quatuor. Corpus ejus in Basilica sanctæ Mariæ ad Præsepe summa fidelium veneratione colitur, multis a Deo ejus intercessione patratis miraculis. Quibus rite probatis, a Clemente undécimo Pontifice Máximo Sanctorum número adscriptus est.

R. Iste est qui ante Deum magnas virtutes operatus est, et omnis terra doctrina ejus repleta est: * Ipse intercedat pro peccatis omnium populorum, allelúja.

V. Iste est, qui contempsit vitam mundi, et pervenit ad cœlestia regna. Ipse. Glória Patri. Ipse.

In tertio Nocturno Homilia S. Gregorii Papæ in Evangelium. Homo peregre. ut in Communi Confessoris Pontificis. [68]

Vesperæ de sequenti, commemoratio præcedentis.



Die 6. Maji.

In Festo

S. Joannis ante portam Latinam.

Duplex.

Omnia de Communi Apostolorum tempore Paschali [19], præter illa quæ hic sunt propria.

Ad Magnificat in utrisque Vesperis.

Antiph. to. 4. In ferventis olei dolum missus beatus Joannes Apostolus; divina se protegente gratia, illæsus exivit, allelúja.

Oratio.

DEus, qui conspicias, quia nos undique mala nostra perturbant: præsta, quæsumus, ut beati Joannis Apostoli tui et Evangelistæ intercessio gloriosa nos protegat. Per Dominum.

Deinde fit commemoratio S. Pii.

Antiph. Dum esset summus Pontifex, terræ non metuit, sed ad cœlestia regna gloriosus migravit, allelúja.

V. Justum deduxit Dominus per vias rectas, allelúja.

R. Et ostendit illi regnum Dei, allelúja.

Oratio. Deus, qui ad conterendos. ut supra. 500.

In primo Nocturno, legitur initium Epistolæ primæ beati Joannis, ut in Dominica infra Octavam Ascensionis 347. nisi eo tempore legatur de libro Apocalypsis, vel de ejus Epistola: tunc enim ponuntur Lectiones eo die occurrentes.

IN II. NOCTURNO.

Ex libro Sancti Hierónymi Presbyteri contra Jovinianum.

Lectio iv.

Lib. 1.

JOANNES Apostolus, unus ex discipulis Domini, qui minimus natus traditur fuisse inter Apostolos, et quem fides Christi virginem reperebat, virgo permansit: et ideo plus amatur a Domino, et recumbit super

pectus Jesu: et quod Petrus, qui uxorem habuerat, interrogare non audeat, illum rogat ut interroget: et post resurrectionem, nuntiante Maria Magdalene quod Dominus resurrexisset, uterque cucurrit ad sepulchrum, sed ille praevenit: cumque essent in navi, et piscarentur in lacu Genesareth, Jesus stabat in littore, nec sciebant Apostoli quem viderent: solus virgo virginem agnoscit, et dicit Petro: Dominus est.

R. Lux perpetua lucebit sanctis tuis, Domine, * Et aeternitas temporum, allelúja, allelúja.

V. Laetitia sempiterna erit super capita eorum: gaudium et exultationem obtinebunt. Et aeternitas.

Lectio v.

Fuit autem Joannes et Apostolus, et Evangelista, et Propheta. Apostolus, quia scripsit ad Ecclesias, ut magister: Evangelista, quia librum Evangelii condidit, quod, excepto Matthaeo, alii ex duodecim Apostoli non fecerunt: Propheta, vidit enim in Patmos insula, in qua fuerat a Domitiano Principe ob Domini martyrium relegatus, Apocalypsim, infinita futurorum mysteria continentem. Refert autem Tertullianus, quod Romae missus in ferventis olei dolium, purior et vegetior exiverit, quam intraverit. R. Virtute magna reddebant Apostoli * Testimonium resurrectionis Jesu Christi Domini nostri, allelúja, allelúja. V. Repleti quidem Spiritu sancto loquebantur cum fiducia verbum Dei. Testimonium.

Lectio vi.

Sed et ipsum ejus Evangelium multum distat a ceteris. Matthaeus quasi de homine incipit scribere: Liber generationis Jesu Christi filii David, filii Abraham: Lucas a sacerdotio Zachariae: Marcus a Prophetia Malachiae et Isaiae. Primus habet faciem hominis, propter genealogiam: se-

cundus faciem vituli, propter sacerdotium: tertius faciem leonis, propter vocem clamantis in deserto: Parate viam Domini, rectas facite semitas ejus. Joannes vero noster quasi aquila ad superna volat, et ad ipsum Patrem pervenit, dicens: In principio erat Verbum, et Verbum erat apud Deum, et Deus erat Verbum.

R. Isti sunt agni novelli, qui annuntiaverunt, allelúja: modo venerunt ad fontes; * Repleti sunt claritate, allelúja, allelúja.

V. In conspectu Agni amicti sunt stolis albis, et palmae in manibus eorum. Repleti. Gloria Patri. Repleti.

IN III. NOCTURNO.

Lectio sancti Evangelii secundum Matthaeum.

Lectio vii.

Cap. 20. c.

In illo tempore: Accessit ad Jesum mater filiorum Zebedaei cum filiis suis, adorans et petens aliquid ab eo. Et reliqua.

Homilia Sancti Hieronymi Presbyteri.

Lib. 3. Comment. in Matth. cap. 20.

Unde opinionem regni habet mater filiorum Zebedaei, ut, cum Dominus dixerit: Filius hominis tradetur principibus sacerdotum et scribis, et condemnabunt eum morte, et tradent Gentibus ad illudendum, et flagellandum, et crucifigendum; et ignominiam passionis timentibus discipulis nuntiaret, illa gloriam postulet triumphantis? Hac, ut reor, ex causa, quia post omnia dixerat Dominus: Et tertia die resurget; putavit eum mulier post resurrectionem illico regnaturum, et hoc, quod in secundo adventu promittitur, in primo esse complendum: et aviditate feminea praesentia cupit, immemor futurorum.

R. Ego sum vitis vera, et vos palmites: * Qui manet in me, et ego in eo, hic fert fructum multum, allelúja, allelúja.

Ů. Sicut diléxit me Pater, et ego diléxi vos. Qui manet.

Lectio viii.

MAter póstulat, et Dóminus discipulis lóquitur: intélligens preces ejus ex filiórum descendere voluntáte. Potéstis bíbere cálicem, quem ego bibitúrus sum? Cálicem in Scriptúris divínis passióem intélligimus, juxta illud: Pater, si possíbile est, tránseat a me calix iste. Et in Psalmo: Quid retríbuiam Dómino pro ómnibus, quæ retríbuit mihi? Cálicem salutáris accípiam, et nomen Dómini invocábo. Statímque infert quis iste sit calix: Pretiósá in conspéctu Dómini mors Sanctórum ejus.

R. Cándidi facti sunt Nazaræi ejus, allelúja: splendórem Deo dedérunt, allelúja: * Et sicut lac coaguláti sunt, allelúja, allelúja.

Ů. Candiódiores nive, nitidiódiores lacte, rubicundiódiores ébore antíquo, sapphíro pulchriódiores. Et sicut. Glória Patri. Et sicut.

Lectio ix.

QUæritur, quómodo cálicem martýrii filii Zebedæi, Jacóbus videlicet et Joánnes, bíberint, cum Scriptúra narret, Jacóbum tantum Apóstolum ab Heróde cápite truncátum; Joánnes autem própria morte vitam finérit. Sed si legámus Ecclesiásticas histórias, in quibus fertur, quod et ipse propter martýrium sit missus in fervéntis ólei dólum, et inde ad suscipiéndam corónam Christi athléta procésserit, statímque relegátus in Patmos ínsulam sit: vidébimus martýrio ánimus non defuisse, et bibísse Joánnem cálicem confessiódinis, quem et tres púeri in camíno ignis bibérunt, licet persecútor non fúderit sánguinem.

Te Deum laudámus. 13.

In secundis Vesperis fit commemoratio S. Stanislai.

GRXO

Die 7. Maji.

In Festo

S. Stanislai Episcopi et Martyris.

Duplex.

Omnia de Communi unius Martyris tempore Paschali [37], præter sequentia.

Antiph. Lux perpétua lucébit sanctis tuis, Dómine, et ætéritas téporum, allelúja.

Ů. Sancti et justi in Dómino gáudete, allelúja.

R. Vos elégit Deus in hæreditátem sibi, allelúja.

Oratio.

DEus, pro cujus honóre gloriósus Póntifex Stanisláus gládiis impiórum occúbuit: præsta, quæsumus, ut omnes, qui ejus implórant auxílium, petitiódinis suæ salutárem consequántur effectum. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

STanisláus Polónus, apud Cracóviam nóbili génere natus, et piis paréntibus, qui ántea per annos triginta stériles, illum a Deo précibus impetrárun, ab ineúnte ætáte futúre sanctitátis espécimen dedit. Adoléscent bonis ártibus óperam navávit, multúmque in sacra Cánorum et Theologíæ doctrína profécit: paréntibus mórtuis, amplum patrimoníum pauperibus distríbuit, vitæ monásticæ desidério. Sed Dei providéntia Cánónicus Cracoviénsis, et Concionátor factus a Lampérto Epíscopo, in ejus póstea locum, quamvis invítus, suffícitur. Quo in múnere, ómnium pastorálium virtútum laude, et præcipue misericórdia in páuperes enítuit.

R. Lux perpétua lucébit sanctis tuis, Dómine, * Et ætéritas téporum, allelúja, allelúja.

✠. Lætítia sempitérna erit super cá-pita eórum: gáudium et exultatiónem obtinébunt. Et ætérnitas.

Lectio v.

ERat tum Polóniæ rex Bolesláus, quem grávitèr offéndit, quod illíus notam libídinem públice arguébat. Quare in solémni regni convéntu Stanisláum per calúmniam in judícium coram se vocári curat, tamquam pagum occupáret, quem Ecclesiæ suæ nómine coémerat. Quod cum neque tábulis probáre posset, et testes veritátem dicere timérent, spondet Epíscopus se Petrum pagi venditórem, qui triénno ante obierat, intra dies tres in judícium adductúrum. Condióne cum risu accépta, vir Dei toto trídúo jejúniis et oratióni incúmbit: ipso sponsiόνis die, post oblátum Missæ sacrificiúm, Petrum e sepúlchro súrgere jubet: qui statim redívivus Epíscopum ad régium tribúnal eúntem séquitur, ibíque, rege et céteris stupóre attónitis, de agro a se véndito, et prétio rite sibi ab Epíscopo persolúto testimónium dicit, atque íterum in Dómino obdormívit.

R. In servis suis, allelúja, * Consolábitur Deus, allelúja.

✠. Judicábit Dóminus pópulum suum, et in servis suis. C onsolábitur.

Lectio vi.

AT Bolesláum frustra sæpe admónitum Stanisláus tandem a fidélium communióne rémovet. Ille iracúndia furens, mílites in Ecclesiám immíttit, ut sanctum Epíscopum confódiant, qui ter conáti, occúlta vi, tértio divínitus sunt depúlsi. Postrémo ímpius rex Sacerdótem Dei, hóstiam immaculátam ad altáre offeréntem, sua manu obtrúncat: corpus membrátim concísus, et per agros projéctus, áquilæ a feris mirábiliter deféndunt. Mox Canónici Cracoviénses sparsa membra noctúrni de cœlo

splendóris indício cólligunt, et suis locis apte dispónunt: quæ súbito ita inter se copuláta sunt, ut nulla vulnerum vestígia extárent. Multis prætérea miráculis servi sui sanctitátem Deus declarávit post ejus mortem: quibus permótus Innocéntius quartus Summus Póntifex, illum in Sanctórum númerum rétulit. Clemens vero octávus Póntifex Máximus, sancti Stanislái festo die in Románum Breviárium reláto, gloriósi Mártiris memóriam dúplici officio ubíque celebrári jussit.

R. Fíliæ Jerúsalem, veníte et vidéte Mártires cum corónis, quibus coronávit eos Dóminus, * In die solemnitátis et lætítiæ, allelúja.

✠. Quóniam confortávit seras portárum tuárum, benedíxit fílios tuos in te. In die. Glória Patri. In die.

In tertio Nocturno, Homilia Sancti Augustini Episcopi in Evangelium. Ego sum vitis vera. ut in Communi Martyrum tempore Paschali, primo loco. [45]

Vesperæ de sequenti, commemoratio præcedentis.

Die 8. Maji.

In Apparitione

Sancti Michaelis Archangeli.

Duplex.

AD VESPERAS.

Antiph. to. 4. Stetit Angelus. cum reliquis de Laudibus. 511.

Psalmus. Dixit Dóminus. cum reliquis de Communi Apostolorum. [1]

Capitulum.

Apoc. 1.

Significávit Deus quæ opórtet fieri cito, loquens per Angelum suum servo suo Joánni, qui testimónium perhíbuit verbo Dei, et testimónium Jesu Christi, quæcúmque vidit.

Hymnus.

TE, splendor et virtus Patris,
Te, vita, Jesu, córdium,
Ab ore qui pendent tuo,
Laudámus inter Angelos.

Tibi mille densa míllium
Ducum coróna militat:
Sed éxplicat victor Crucem
Míchael salútis sígnifer.

Dracónis hic dirum caput
In ima pellit tártara,
Ducémque cum rebéllibus
Coelésti ab arce fúlminat.

Contra ducem supérbiæ
Sequámur hunc nos Príncipem,
Ut detur ex Agni throno
Nobis coróna glóriæ.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula. Amen.

V. Stetit Angelus juxta aram templi,
allelúja.

R. Habens thuríbulum áureum in
manu sua, allelúja.

Ad Magnificat, Antiphona, to. 8.

Dum sacrum mystérium cérneret Jo-
ánnes, Archángelus Míchael tuba cé-
cinit: Ignósce, Dómine Deus noster,
qui áperis librum, et solvis signácula
ejus, allelúja.

Oratio.

Deus, qui miro órđine Angelórum
ministéria, hominúmque dispén-
sas: concéde propítius, ut a quibus
tibi ministrántibus in cœlo semper
assístitur, ab his in terra vita nostra
muniátur. Per Dóminum.

Et fit commemoratio S. Stanislai.

Antiph. Sancti et justi, in Dómino
gaudete, allelúja: vos elégit Deus in
hæreditátem sibi, allelúja.

V. Pretiósá in conspéctu Dómini, al-
lelúja.

R. Mors sanctórum ejus, allelúja.

Oratio.

Deus, pro cujus honóre gloriósus
Póntifex Stanisláus gládiis im-

piórum occúbuit: præsta, quæsumus,
ut omnes, qui ejus implórant auxílium,
petitiónis suæ salutárem consequán-
tur efféctum. Per Dóminum.

AD MATUTINUM.

Invitatorium. Regem Archange-
lórum Dóminum, * Veníte, adorémus,
allelúja.

Psalmus. Veníte, exultémus. 2.

Hymnus. Te splendor. *ut supra.*

IN I. NOCTURNO.

Antiph. to. 8. Concússum est mare,
et contrémuit terra, ubi Archángelus
Míchael descendébat de cœlo, allelúja.

Psalmus 8.

Domine, Dóminus noster, * quam
admirábile est nomen tuum in
univérſa terra!

Quóniam eleváta est magnificéntia
tua * super cœlos.

Ex ore infántium et lacténtium perfe-
císti laudem propter inimícos tuos, *
ut déstruas inimicum et ultórem.

Quóniam vidébo cœlos tuos, ópera
digitórum tuórum: * lunam et stellas,
quæ tu fundásti.

Quid est homo, quod memor es ejus?
* aut fílius hóminis, quóniam vísitas
eum?

Minuísti eum paulo minus ab Ange-
lis, glória et honóre coronásti eum: *
et constituísti eum super ópera má-
nuum tuárum.

Omnia subjecísti sub pédibus ejus, *
oves et boves univérſas, insuper et
pécora campi;

Vólucres cœli, et pisces maris, * qui
perámbulant sémitas maris.

Domine, Dóminus noster, * quam ad-
mirábile est nomen tuum in univérſa
terra!

Psalmus 10.

IN Dómino confído: quómodo dící-
tis ánimæ meæ: * Tránsmigra in
montem sicut passer?

Quóniam ecce peccatóres intendérunt
arcum, paravérunt sagíttas suas in

pháretra, * ut sagíttent in obscúro rectos corde.

Quóniam quæ perfecísti, destruxérunt: * justus autem quid fecit?

Dóminus in templo sancto suo, * Dóminus in cœlo sedes ejus:

Oculiejusinpáuperem respíciunt: * pálpebræ ejusinterrogantfílios hóminum.

Dóminus interrogat justum et impium: * qui autem díligit iniquitatem, odit ánimam suam.

Pluet super peccatóres láqueos: * ignis, et sulphur, et spíritus procellárum pars cálicis eórum.

Quóniam justus Dóminus, et justítias diléxit: * æquitatem vidit vultus ejus.

Psalmus 14.

Domine, quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam:

Qui loquitur veritatem in corde suo: * qui non egit dolum in lingua sua:

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus: * tímētes autem Dóminum glórficat:

Qui jurat próximo suo, et non decipit, * qui pecúniam suam non dedit ad usúram, et múnēra super innocéntem non accépit.

Qui facit hæc, * non movébitur in ætérnum.

Antiph. Concússum est mare, et contrémuit terra, ubi Archángelus Míchaël descendébat de cœlo, allelúja.

V. Stetit Angelus juxta aram templi, allelúja.

R. Habens thuríbulum áureum in manu sua, allelúja.

Ex Daniéle Prophéta.

Lectio i.

Cap. 7. c.

Aspiciébam donec throni pósito sunt, et antíquus díerum sedit:

vestiméntum ejus cándidum quasi nix, et capíllicapítisejus quasi lana munda: thronus ejus flammæ ignis: rotæ ejus ignis accénsus. Flúvius ígneus rapidúsque egrediebátur a fácie ejus. Míllia míllium ministrábant ei, et decies míllies centéna míllia assistébant ei: judícium sedit, et libri apérti sunt. Aspiciébam propter vocem sermónum grándium, quos cornu illud loquebátur: et vidi quóniam interfécta esset béstia, et perísset corpus ejus, et tráditum esset ad comburéndum igni.

R. Factum est siléntium in cœlo, dum commítteret bellum draco cum Míchaэле Archángelo: * Audíta est vox míllia míllium dicéntium: Salus, honor, et virtus omnipoténti Deo, allelúja.

V. Míllia míllium ministrábant ei, et decies centéna míllia assistébant ei. Audíta.

Lectio ii.

Cap. 10.

Die autem vigésima et quarta mensis primi, eram juxta flúvium magnum, qui est Tigris. Et levávi óculos meos, et vidi: et ecce vir unus vestítus líneis, et renes ejus accíncti auro obrízo, et corpus ejus quasi chrysólithus, et fácies ejus velut spécies fúlguris, et óculi ejus ut lampas ardens: et bráchia ejus, et quæ deórsum sunt usque ad pedes, quasi spécies æris candéntis: et vox sermónum ejus ut vox multitudinis. Vidi autem ego Dániel solus visiónem: porro viri, qui erant mecum, non vidérunt: sed terror nímius írruit super eos, et fugérunt in abscónditum. Ego autem relictus solus vidi visiónem grandem hanc, et non remánsit in me fortitúdo; sed et spécies mea immutáta est in me, et emárcui, nec hábui quidquam vírium.

R. Stetit Angelus juxta aram templi, habens thuríbulum áureum in manu sua, et data sunt ei incénsa multa: *

Et ascendit fumus arómatum de manu Angeli in conspéctu Dómini, allelúja.

V. In conspéctu Angelórum psallam tibi, adorábo ad templum sanctum tuum, et confitébor nómini tuo, Dómine. **Et ascendit.**

Lectio iii.

ET audívi vocem sermónum ejus, et áudiens jacébam consternátus super fáciem meam, et vultus meus hærébat terræ. Et ecce manus tétigit me, et eréxit me super génua mea, et super artículos mánuum meárum. Et dixit ad me: Dániel vir desideriórum, intéllege verba, quæ ego lóquor ad te, et sta in gradu tuo: nunc enim sum missus ad te. Cumque dixisset mihi sermónem istum, steti tremens. Et ait ad me: Noli metúere, Dániel: quia ex die primo, quo posuisti cor tuum ad intelligéndum ut te afflígeres in conspéctu Dei tui, exaudíta sunt verba tua: et ego veni propter sermónes tuos. Princeps autem regni Persárum réstitit mihi vigínti et uno diébus: et ecce Míchael, unus de princípibus primis, venit in adjutórium meum, et ego remánsi ibi juxta regem Persárum. Veni autem ut docérem te quæ ventúra sunt pópulo tuo in novíssimis diébus, quóniam adhuc visio in dies.

R. In conspéctu Angelórum psallam tibi, et adorábo ad templum sanctum tuum: * Et confitébor nómini tuo, Dómine, allelúja.

V. Super misericórdia tua, et veritáte tua; quóniam magnificásti super nos nomen sanctum tuum. **Et confitébor.** Glória Patri. **Et confitébor.**

IN II. NOCTURNO.

Antiph. to. 2. Míchael Archángele, veni in adjutórium pópulo Dei, allelúja.

Psalmus 18.

CÆli enarrant glóriam Dei, * et ópera mánuum ejus annúntiant firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse, tamquam sponsus, procédens de thálamo suo.

Exultávit, ut gigas, ad curréndam viam: * a summo cœlo egréssio ejus:

Et occúrsus ejus usque ad summum ejus: * nec est qui se abscondat a calore ejus.

Lex Dómini immaculáta, convértens ánimas: * testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda: * præcéptum Dómini lúcidum, illúminans óculos.

Timor Dómini sanctus, pérmanens in sæculum sæculi: * judícia Dómini vera, justificáta in semetípssa.

Desiderabilia super aurum, et lápidem pretiósum multum: * et dulcióra super mel et favum.

Etenim servus tuus custódit ea: * in custodiéndis illis retribútio multa.

Delicta quis intéllegit? ab occultis meis munda me: * et ab aliénis parce servo tuo.

Si mei non fúerint domináti, tunc immaculátus ero: * et emundábor a delicto máximo.

Et erunt ut compláceant elóquia oris mei: * et meditátio cordis mei in conspéctu tuo semper.

Dómine, adjutor meus, * et rédemptor meus.

Psalmus 23.

Domini est terra, et plenitúdo ejus: * orbis terrárum, et univérsi, qui hábitant in eo.

Quia ipse super mária fundávit eum:
* et super flúmina præparávit eum.

Quis ascéndet in montem Dómini? *
aut quis stabit in loco sancto ejus?

Innocens mánibus, et mundo corde, *
qui non accépit in vano ánimam suam,
nec jurávit in dolo próximo suo.

Hic accípiet benedictiónem a Dómi-
no: * et misericórdiam a Deo salu-
tári suo.

Hæc est generátio quæréntium eum,
* quæréntium faciém Dei Jacob.

Attóllite portas, príncipes, vestras, et
elevámini, portæ æternáles: * et in-
troíbit Rex glóriæ.

Quis est iste Rex glóriæ? * Dóminus
fortis et potens, Dóminus potens in
prælio.

Attóllite portas, príncipes, vestras,
et elevámini, portæ æternáles: * et
introíbit Rex glóriæ.

Quis est iste Rex glóriæ? * Dóminus
virtútum ipse est Rex glóriæ.

Psalmus 33.

Benedícam Dóminum in omni tém-
pore: * semper laus ejus in ore meo.

In Dómino laudábitur ánimá mea: *
áudiant mansuétí, et læténtur.

Magnificáte Dóminum mecum: * et
exaltémus nomen ejus in idípsum.

Exquisívi Dóminum, et exaudívit me:
* et ex ómnibus tribulatió nibus meis
erípuit me.

Accédite ad eum, et illuminámini: *
et faciés vestræ non confundéntur.

Iste pauper clamávit, et Dóminus ex-
audívit eum; * et de ómnibus tribu-
latiúnibus ejus salvávit eum.

Immíttet Angelus Dómini in circúitu
timéntium eum: * et erípiet eos.

Gustáte, et vidéte quóniam suavis est
Dóminus: * beátus vir, qui sperat in eo.

Timéte Dóminum, omnes sancti ejus:
* quóniam non est inópia timéntibus
eum.

Dívites eguérunt, et esuriérunt: * in-
quirentes autem Dóminum non mi-
nuéntur omni bono.

Veníte, fílii, audíte me: * timórem
Dómini docébo vos.

Quis est homo, qui vult vitam: * dí-
ligit dies vidére bonos?

Próhibe linguam tuam a malo: * et
lábía tua ne loquántur dolum.

Divérte a malo, et fac bonum: * in-
quíre pacem, et perséquare eam.

Oculi Dómini super justos, * et aures
ejus in preces eórum.

Vultus autem Dómini super faciéntes
mala: * ut perdat de terra memóriam
eórum.

Clamavérunt justí, et Dóminus exau-
dívit eos: * et ex ómnibus tribulatió-
nibus eórum liberávit eos.

Juxta est Dóminus iis, qui tribuláto
sunt corde: * et húmiles spíritu sal-
vábít.

Multæ tribulatió nes justórum: * et de
ómnibus his liberábít eos Dóminus.

Custódit Dóminus ómnia ossa eórum:
* unum ex his non conterétur.

Mors peccatórum péssima: * et qui
odérunt justum, delínquent.

Rédimet Dóminus ánimas servórum
suórum: * et non delínquent omnes,
qui sperant in eo.

Antiph. Míchaél Archángele, veni
in adjutórium pópulo Dei, allelúja.

V. Ascéndit fumus arómatum in con-
spéctu Dómini, allelúja.

R. De manu Angeli, allelúja.

Lectio iv.

BEátum Michaélem Archángelum
sæpius homínibus apparúisse, et
sacrórum librórum auctoritáte, et vé-
teri sanctórum traditióne comprobá-
tur. Quamóbrem multis in locis facti
memória celebrátur. Eum ut olim
synagóga Judæórum, sic nunc cus-
tódem et patrónum, Dei venerátur
Ecclésia. Gelásio autem primo Pon-
tífice Máximo, in Apúlia in vértice
Gargáni montis, ad cujus radíces ín-
colunt Sipontíni, Archángeli Michaé-
lis fuit illústris apparíto.

R. Hic est Michael Archángelus, princeps militiæ Angelórum: * Cujus honor præstat beneficia populórum, et oratio perducit ad regna cœlórum, allelúja.

V. Archángelus Michael præpósitus paradísi, quem honoríficant Angelórum cives. Cujus.

Lectio v.

FActum est enim, ut ex grégibus armentórum Gargáni cuiúsdam taurus longe discéderet: quem diu conquistum, in áditu spelúncæ hærentem invenérunt. Cum vero quidam ex illis, ut taurum confígeret, sagittam emisisset, retórta sagitta in ipsum récidit sagittárium. Quæ res cum præ-sentes, ac deinceps céteros tanto timóre affecísset, ut ad eam spelúncam propius accédere nemo audéret, Si-pontíni Episcopum cónsulunt: qui, indícto trium diérum jejúnio et oratióne, rem a Deo respóndit quæri oportére.

R. Venit Michael Archángelus cum multitudíne Angelórum, cui tradidit Deus ánimas sanctórum, * Ut perducát eas in paradísum exultatiónis, allelúja.

V. Emítte, Dómine, Spíritum sanctum tuum de cœlis, spíritum sapiéntiæ et intelléctus. Ut perducát.

Lectio vi.

Post trídium Michael Archángelus Episcopum monet, in sua tutelá esse eum locum, eoque indício demonstrásse velle ibi cultum Deo in sui et Angelórum memóriam adhibéri. Quare Episcopus una cum cívibus ad eam spelúncam ire pergit. Quam cum in templi cuiúsdam similitúdinem conformátam vidíssent, locum illum divínis officiis celebráre cœpérunt: qui multis póstea miráculis illustrátus est. Nec ita multo post Bonifácus Papa Romæ in summo Circo sancti Michaélis Ecclésiám dedicávit tértio Kaléndas Octóbris: quo die étiam ómnium

Angelórum memóriam Ecclésiá celebrat. Hodiérnus autem dies Archángeli Michaélis apparitióne consecrátus est.

R. In témpore illo consúrget Michael, qui stat pro fíliis vestris: * Et véniet tempus, quale non fuit, ex quo gentes esse cœpérunt usque ad illud, allelúja.

V. In témpore illo salvábitur pópulus tuus omnis, qui invéntus fúerit scriptus in libro vitæ. Et véniet. Glória Patri. Et véniet.

IN III. NOCTURNO.

Antiph. to. 7. Angelus Archángelus Michael, Dei nún-tius pro animábus justis, allelúja, allelúja.

Psalmus 95.

CAntáte Dómino cánticum novum: * cantáte Dómino omnis terra.

Cantáte Dómino, et benedicite nómini ejus: * annuntiáte de die in diem salutáre ejus.

Annuntiáte inter Gentes glóriam ejus: * in ómnibus pópulis mirábilía ejus.

Quóniam magnus Dóminus, et laudábilis nimis: * terríbilis est super omnes deos.

Quóniam omnes dii Géntium dæmónia: * Dóminus autem cœlos fecit.

Conféssio, et pulchritúdo in conspéctu ejus: * sanctimónia, et magnificéntia in sanctificatióne ejus.

Afférte Dómino, pátriæ Géntium, afférte Dómino glóriam, et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commovéatur a fácie ejus univér-sa terra: * dícite in Géntibus, quia Dóminus regnávit.

Eténim corréxit orbem terræ, qui non commovébitur: * judicábit pópulos in æquitáte.

Læténtur cœli, et exúltet terra, commoveá-tur mare, et plenitúdo ejus: *

gaudébunt campi, et ómnia, quæ in eis sunt.

Tunc exultábunt ómnia ligna silvæ a fácie Dómini, quia venit: * quóniam venit iudicáre terram.

Judicábit orbem terræ in æquitáte, * et pópulos in veritáte sua.

Psalmus 96.

Dominus regnávít, exúltet terra: * læténtur ínsulæ multæ.

Nubes, et calígo in circúitu ejus: * justítia, et iudícium corrèctio sedis ejus.

Ignis ante ipsum præcédet: * et inflammábit in circúitu inimícos ejus.

Illuxérunt fúlgura ejus orbi terræ: * vidit, et commóta est terra.

Montes sicut cera fluxérunt a fácie Dómini: * a fácie Dómini omnis terra.

Annuntiavérunt cœli justítiam ejus: * et vidérunt omnes pópuli glóriam ejus.

Confundántur omnes, qui adórant sculptília: * et qui gloriántur in simulácris suis.

Adoráte eum, omnes Angeli ejus: * audívit, et lætáta est Sion.

Et exultavérunt filíæ Judæ, * propter iudícia tua, Dómine.

Quóniam tu Dóminus altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justi, in Dómino: * et confitémini memóriæ sanctificatiónis ejus.

Psalmus 102.

Benedic, ánima mea, Dómino: * et ómnia, quæ intra me sunt, nómini sancto ejus.

Benedic, ánima mea, Dómino: * et noli oblivísci omnes retributiónes ejus.

Qui propitiátur ómnibus iniquitatibus tuis: * qui sanat omnes infirmitates tuas.

Qui rédimít de intéritu vitam tuam: * qui coronat te in misericórdia, et miseratióibus.

Qui replet in bonis desidérium tuum: * renovábitur ut áquilæ juvéntus tua.

Fáciens misericórdias Dóminus: * et iudícium ómnibus injúriam patiéntibus.

Notas fecit vias suas Móysi: * filiis Israel voluntates suas.

Miserátor, et miséricors Dóminus: * longánimis, et multum miséricors.

Non in perpétuum irascétur: * neque in ætérnum comminábitur.

Non secúndum peccáta nostra fecit nobis: * neque secúndum iniquitates nostras retribuit nobis.

Quóniam secúndum altitúdinem cœli a terra: * corroborávit misericórdiam suam super timéntes se.

Quántum distat ortus ab occidénte: * longe fecit a nobis iniquitates nostras.

Quómodo miserétur pater filiórum, misértus est Dóminus timéntibus se: * quóniam ipse cognóvit figméntum nostrum.

Recordátus est, quóniam pulvis sumus: * homo sicut fœnum dies ejus, tamquam flos agri sic efflorébit.

Quóniam spíritus pertransíbit in illo, et non subsístet: * et non cognóscet ámplius locum suum.

Misericórdia autem Dómini ab ætérno, * et usque in ætérnum super timéntes eum.

Et justítia illíus in filios filiórum, * his, qui servant testaméntum ejus:

Et mémores sunt mandatórum ipsíus, * ad faciéndum ea.

Dóminus in cœlo parávit sedem suam: * et regnum ipsíus ómnibus dominábitur.

Benedícite Dómino, omnes Angeli ejus: * poténtes virtúte, faciéntes verbum illíus, ad audiéndam vocem sermónum ejus.

Benedícite Dómino, omnes virtútes ejus: * minístri ejus, qui fácitis voluntatem ejus.

Benedícite Dómino, ómnia ópera ejus:
* in omni loco dominatiónis ejus benedic, ánima mea, Dómino.

Antiph. Angelus Archángelus Míchael, Dei núnlius pro animábus justis, allelúja, allelúja.

V. In conspéctu Angelórum psallam tibi Deus meus, allelúja.

R. Adorábo ad templum sanctum tuum, et confitébor nómini tuo, allelúja.

Lectio sancti Evangélíi secúndum Mattháeum.

Lectio vii.

Cap. 18.

In illo témpore: Accessérunt discipuli ad Jesum, dicéntes: Quis, putas, major est in regno cœlórum? Et reliqua.

Homília Sancti Hilárii Epíscopi.

Comment. in Matth. cap. 18.

Non nisi revérsos in natúram puerórum introíre regnum cœlórum Dóminus docet: id est, per simplicitátem puerilem vítia córporum nostrórum animæque revocánda. Púeros autem, credéntes omnes per audiéntiæ fidem nuncupávit. Hi enim patrem sequúntur, matrem amant, próximo velle malum nésciunt, curam opum négligunt, non insoléscunt, non odérunt, non mentiúntur, dictis credunt, et quod áudiunt, verum habent. Reverténdum igitur est ad simplicitátem infántium, quia in ea collocáti, spéciem humilitátis Domínicæ circumferémus.

R. In conspéctu géntium nolíte timére: vos enim in córdibus vestris adoráte et timéte Dóminum: * Angelus enim ejus vobíscum est, allelúja.

V. Stetit Angelus juxta aram templi, habens thuríbulum áureum in manu sua. Angelus enim.

Benedictio. Quorum festum cólimus.

Lectio viii.

VÆ huic mundo a scándalis. Humílitatis passiónis scándalum mundo est. In hoc enim máxime ignorántia detinétur húmana, quod sub deformitáte crucis, æternæ glóriæ Dóminum nóluit accípere. Et quid mundo tam periculósum, quam non recepísse Christum? Ideo vero necesse esse ait veníre scándala, quia ad sacraméntum reddéndæ nobis æternitátis, omnis in eo passiónis humílitatis esset explénda.

R. Míchael Archángelus venit in adiutórium pópulo Dei: * Stetit in auxiliú pro animábus justis, allelúja.

V. Stetit Angelus juxta aram templi, habens thuríbulum áureum in manu sua. Stetit. Glória Patri. Stetit.

Lectio ix.

VIdéte ne contemnátis unum de pusíllis istis, qui credunt in me. Aptíssimum vínculum mútui amóris impósuit, ad eos præcípue, qui vere in Dómino credidíssent. Pusillórum enim Angeli quotidie Deum vident, quia Fílius hóminis venit salváre quæ pérdita sunt. Ergo et Fílius hóminis salvat, et Deum Angeli vident, et Angeli pusillórum præsumt fidélium oratióibus. Præesse Angelos absolúta auctóritas est. Salvatórum igitur per Christum oratióes Angeli quotidie Deo offerunt. Ergo periculóse ille contémnitur, cujus desidéria ac postulatióes ad ætérnum et invisibilem Deum ambióioso Angelórum famulátu ac ministério pervehúntur.

Te Deum laudámus. 13.

**AD LAUDES
ET PER HORAS.**

Antiph. to. 4. Stetit Angelus juxta aram templi, habens thuríbulum áureum in manu sua, allelúja.

Psalms. Dóminus regnávít. cum reliquis. 14.

Antiph. to. 7. r. Dum præliarétur Mí-
chael Archángelus cum dracóne, au-
díta est vox dicéntium: Salus Deo
nostro, allelúja.

Antiph. to. 8. Archángele Míchael,
constitui te príncipem super omnes
ánimas suscipiéndas, allelúja.

Antiph. to. 8. Angeli Dómini, Dómi-
num benedicite in ætérnum, allelúja.

Antiph. to. 7. Angeli, Archángeli,
Throni et Dominationes, Principátus
et Potestátes, Virtútes cœlorum, lau-
dáte Dóminum de cœlis, allelúja.

Capitulum.

Apoc. 1.

Significávit Deus quæ opórtet fieri
cito, loquens per Angelum suum
servo suo Joánni, qui testimónium
perhibuit verbo Dei, et testimónium
Jesu Christi, quæcúmque vidit.

Hymnus.

CHriste, sanctórum decus Ange-
lórum,
Gentis humanæ Sator et Redémptor,
Cœlitum nobis tríbuas beátas
Scándere sedes.

Angelus pacis Míchael in ædes
Cœlitus nostras véniat, serénæ
Auctor ut pacis lacrymósa in orcum
Bella reléget.

Angelus fortis Gábriel, ut hostes
Pellat antíquos, et amíca cœlo,
Quæ triumphátor státuit per orbem,
Templa revísat.

Angelus nostræ médicus salútis
Adsit e cœlo Ráphael, ut omnes
Sanet ægrótos, dubiósque vitæ
Dírigat actus.

Virgo Dux pacis, Genitríxque Lucis,
Et sacer nobis chorus Angelórum
Semper assístat, simul et micántis
Régia cœli.

Præstet hoc nobis Déitas beáta
Patris, ac Nati, paritérque sancti
Spíritus, cujus résonat per omneim
Glória mundum. Amen.

V. Stetit Angelus juxta aram templi,
allelúja.

R. Habensthuríbulum áureum in manu
sua, allelúja.

Ad Benedictus, Antiphona, to. 1. r.
Factum est siléntium in cœlo, dum
draco committeret bellum et Míchael
pugnávit cum eo, et fecit victóriam,
allelúja.

Oratio.

Deus, qui miro órđine Angelórum
ministéria, hominúmque dispén-
sas: concéde propítius, ut a quibus
tibi ministrántibus in cœlo semper
assístitur, ab his in terra vita nostra
muniátur. Per Dóminum.

Ad Tertiam.

Antiph. to. 7. r. Dum præliarétur.

Capitulum. Significávit Deus, ut
supra.

R. br. Stetit Angelus juxta aram tem-
pli, * Allelúja, allelúja. Stetit.

V. Habens thuríbulum áureum in
manu sua. Allelúja, allelúja. Glória
Patri. Stetit.

V. Ascéndit fumus arómatum in con-
spéctu Dómini, allelúja.

R. De manu Angeli, allelúja.

Ad Sextam.

Antiph. to. 8. Archángele Míchael.

Capitulum.

Apoc. 5. c.

Audívi vocem Angelórum multó-
rum in circúitu throni, et animá-
lium, et seniórum: et erat númerus
eórum míllia míllium, voce magna
dicéntium: Salus Deo nostro.

R. br. Ascéndit fumus arómatum in
conspéctu Dómini, * Allelúja, allelúja.
Ascéndit.

V. De manu Angeli. Allelúja, alle-
lúja. Glória Patri. Ascéndit.

V. In conspéctu Angelórum psallam
tibi, Deus meus, allelúja.

R. Adorábo ad templum sanctum tuum, et confitébor nómini tuo, allelúja.

Ad Nonam.

Antiph. to. 7. Angeli, Archángeli.

Capitulum. Apoc. 12. b.

FActum est prælium magnum in cœlo: Míchael et Angeli ejus præliabántur cum dracóne, et draco pugnábat, et ángeli ejus: et non prævaluerunt, neque locus invéntus est eórum ámplius in cœlo.

R. br. In conspéctu Angelórum psallam tibi, Deus meus, * Allelúja, allelúja. In conspéctu.

V. Adorábo ad templum sanctum tuum, et confitébor nómini tuo. Allelúja, allelúja. Glória Patri. In conspéctu.

V. Adoráte Deum, allelúja.

R. Omnes Angeli ejus, allelúja.

In II. Vesperis.

Antiph. to. 4. Stetit Angelus. cum reliquis de Laudibus. 511.

Psalmus. Dixit Dóminus. cum reliquis de Dominica. 101. et loco ultimi,

Psalmus 137.

Confitebortibi, Dómine, in toto corde meo: * quóniam audísti verba oris mei.

In conspéctu Angelórum psallam tibi: * adorábo ad templum sanctum tuum, et confitébor nómini tuo.

Super misericórdia tua, et veritáte tua: * quóniam magnificásti super omne, nomen sanctum tuum.

In quacúmque die invocávero te, exáudi me: * multiplicábis in ánima mea virtútem.

Confiteántur tibi, Dómine, omnes reges terræ: * quia audiérunt ómnia verba oris tui:

Et cantent in viis Dómini: * quóniam magna est glória Dómini.

Quóniam excélsus Dóminus, et humília respicit: * et alta a longe cognóscit.

Si ambulávero in médio tribulatiónis, vivificábis me: * et super iram inimicórum meórum extendísti manum tuam, et salvum me fecit dextera tua. Dóminus retribuet pro me: * Dómine, misericórdia tua in sæculum: ópera mánuum tuárum ne despicias.

Capitulum. Apoc. 1.

Significávit Deus quæ opórtet fferi cito, loquens per Angelum suum servo suo Joánni, qui testimónium perhibuit verbo Dei, et testimónium Jesu Christi, quæcúmque vidit.

Hymnus.

TE, splendor et virtus Patris,
Te, vita, Jesu, córdium,
Ab ore qui pendent tuo,
Laudámus inter Angelos.

Tibi mille densa mílilium
Ducum coróna mílitat:
Sed éxplicat victor Crucem
Míchael salútis sígnifer.

Dracónis hic dirum caput
In ima pèllit tártara,
Ducémque cum rebéllibus
Cœlésti ab arce fúlminat.

Contra ducem supérbiæ
Sequámur hunc nos Príncipem,
Ut detur ex Agni throno
Nobis coróna glóriæ.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula. Amen.

V. In conspéctu Angelórum psallam tibi, Deus meus, allelúja.

R. Adorábo ad templum sanctum tuum, et confitébor nómini tuo, allelúja.

Ad Magnificat, Antiphona, to. 1. r.
Princeps gloriosíssime, Míchael Archángele, esto memor nostri: hic et

ubique semper precare pro nobis Filium Dei, allelúja, allelúja.

Oratio.

Deus, qui miro ordine Angelorum ministéria, hominúmque dispensas: concède propítius, ut a quibus tibi ministrántibus in cœlo semper assístitur, ab his in terra vita nostra muniátur. Per Dóminum.

Deinde fit commemoratio sequentis Festi.

Die 9. Maji.

In Festo

S. Gregorii Nazianzeni, Episcopi, Confessoris et Ecclesiæ Doctoris.

Duplex.

Omnia de Communi Confessoris Pontificis [62], præter sequentia.

Ad Magnificat in utrisque Vesperis.

Antiph. O Doctor óptime, Ecclesiæ sanctæ lumen, beáte Gregóri, divínæ legis amátor, deprecare pro nobis Filium Dei, allelúja.

V. Amávit eum Dóminus, et ornávit eum, allelúja.

R. Stulam glóriæ índuit eum, allelúja.

Oratio.

Deus, qui pópulo tuo æternæ salutis beátum Gregórium mínistrum tribuísti: præsta, quæsumus, ut quem doctórem vitæ habúimus in terris, intercessórem habére mereámur in cœlis. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Gregórius, nóbilis Cáppadox, ex singulári divinárum literárum sciéntia Theólogi cognómen consecútus, Naziánzi in Cappadócia natus, Athénis in omni disciplinárum genere una cum sancto Basílio erudítus, ad

stúdia sacrárum literárum se convértit, in quibus se in cœnóbio per áliquot annos exercuérunt, illárum senténtiam non ex próprio ingénio, sed ex majórum ratióne et auctoritáte interpretántes. Qui cum doctrína et vitæ sanctitáte florérent, vocáti ad munus prædicándæ Evangélicæ veritátis, plúrimos Jesu Christo fílios peperérunt.

R. Invéni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil profíciet inimícus in eo, et fílius iniquitátis non nocébit ei. Manus.

Lectio v.

Gregórius ígitur aliquándo domum revérsus, primum Sasimórum Epíscopus creátus est, deínde Nazianzénam Ecclesiám administrávit. Tum Constantinópolis ad eam regéndam Ecclesiám accersítus, cum civitátem hæresum purgátam erróribus ad Cathólicam fidem reduxísset, quod ei summum ómnium amórem conciliáre debébat, multórum parávit invídiam. Itaque cum inter Epíscopos magna propterea esset facta sedítio, sponte cedens Episcopátu, illud Prophætæ dictum usurpávit: Si propter me commóta est ista tempéstas, dejícite me in mare, ut vos jactári desinátis. Quare Naziánzum revérsus, cum illi Ecclesiæ Eulálium præficiéndum curáset, totum se ad contemplatiónem et scriptiόnem divinárum rerum cóntulit.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.

V. Invéni David servum meum, óleo sancto meo unxi eum. Manus.

Lectio vi.

Scripsit autem multa et solúta oratióne et vèrsibus, mirábili pietáte et eloquéntia: quibus doctórum hóminum, sanctorúmque judicio id as-

secutus est, ut nihil in illis, nisi ex veræ pietatis et Catholicæ religionis régula reperiatur: nemo quidquam jure vocare possit in dubium. Consubstantialitatis Filii fuit acerrimus propugnator. Ut autem vitæ laude nemo ei præpositus est, sic et orationis gravitate omnes facile superavit. In iis scribendi ac legendi studiis ruri vitam Monachi exercens, Imperatore Theodosio, ad cœlestem vitam senio confectus migravit.

R. Iste est qui ante Deum magnas virtutes operatus est, et omnis terra doctrina ejus replata est: * Ipse intercedat pro peccatis omnium populorum, allelúja.

V. Iste est qui contempsit vitam mundi, et pervenit ad cœlestia regna. Ipse. Glória Patri. Ipse.

In tertio Nocturno, Homilia S. Augustini Episcopi in Evangelium. Vos estis sal terræ. de Communi Doctorum. [76]

In Vesperis fit a Capitulo sequentis Festi cum commemoratione præcedentis, et sanctorum Martyrum Gordiani et Epimachi.

Die 10. Maji.

In Festo

S. Antonini, Episcopi et Confessoris.
Duplex.

Omnia de Communi Confessoris Pontificis [62], præter ea quæ hic habentur propria.

In Hymno dicatur: Méruit supremos.

Oratio.

Sancti Antonini, Domine, Confessoris tui atque Pontificis méritis adjuvémur: ut sicut te in illo mirabilem prædicamus, ita in nos misericordem fuisse gloriémur. Per Dóminum.

Deinde fit commemoratio S. Gregorii.

Antiph. O Doctor óptime, Ecclesiæ sanctæ lumen, beáte Gregóri, divinæ legis amátor, deprecáre pro nobis Fílium Dei, allelúja.

V. Justum deduxit Dóminus per vias rectas, allelúja.

R. Et ostendit illi regnum Dei, allelúja.

Oratio. Deus, qui pópulo tuo. ut supra. 514.

Postea SS. Gordiani et Epimachi Mart.

Antiph. Lux perpétua lucébit sanctis tuis, Dómine, et æternitas temporum, allelúja.

V. Sancti et justi in Dómino gaudete, allelúja.

R. Vos elégit Deus in hæreditatem sibi, allelúja.

Oratio.

DA, quæsumus, omnipotens Deus, ut qui beatorum Mátyrum tuorum Gordiani et Epimachi solémnia cólimus, eorum apud te intercessionibus adjuvémur. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Antoninus, Floréntiæ honestis parentibus natus, ab ipsa jam pueritia egrégium futuræ sanctitatis spécimen exhibuit. Annum agens sextum decimum, Religiónem Prædicatórum ampléxus, cœpit exinde máximis clarere virtutibus. Otio perpétuum bellum indixit: post nocturnum brevem somnum primus matutinis præcibus áderat; quibus persolutis, réliquum tempus noctis orationibus, aut certe lectioni, et scriptiõni librórum tribuébat; et si quando importúnior fessis membris somnus obreperet, ad parietem páululum declinato cápite, ac tantisper discusso somno, mox sacras viglias avidius repetébat.

R. Invéni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil proficiet inimicus in eo, et filius iniquitatis non nocébit ei. **Manus.**

Lectio v.

Disciplinæ reguláris sui ipsíus severíssimus exáctor, carnes, nisi in gravi ægritudine, numquam edit. Humi, aut in nudo tabuláto cubábat: cilício semper usus, et intérdum zona férrea ad vivam cutem incínctus, virginitátem integérrime semper cóluit. In explicándis consiliis tantæ dextéritátis fuit, ut commúni elógio Antonínus consiliórum dicerétur. Adeo autem in eo humílitás enítuit, ut étiam Cœnóbiis, ac Provinciis præfétus abjectíssima monastérii offícia demissíssime obíret. Ab Eugénio quarto Florentínus Archiepiscopus renuntiátus, ægérrime tandem, nec nisi Apostólicis minis perterrefáctus, ut Episcopátum acciperet, acquiévit.

R. Pósui adjutórium super poténtem, et exaltávi eléctum de plebe mea: **Manus** enim mea auxiliábitur ei, allelúja.

V. Invéni David servum meum, óleo sancto meo unxi eum. **Manus.**

Lectio vi.

IN eo múnere vix dici potest, quantum prudéntia, pietáte, charitáte, mansuetúdine, et sacerdotáli zelo excellúerit. Illud mirándum tantum ingénio valúisse, ut omnes ferme sciéntias per se, nullo adhibito præceptóre, absolutíssime didícerit. Tandem post multos labóres, multis étiam éditis insígnis doctrínæ libris, sacra Eucharistia et Unctióne percépta, compléxus Crucifixi imáginem, mortem lætus aspéxit sexto Nonas Maji, anno millésimo quadringentésimo quinquagésimo nono. Miráculis vivens et post mortem conspícuus, Sanctórum número adscríptus est ab Hadriáno sexto, anno Dómini millésimo quingentésimo vigésimo tertio.

R. Iste est qui ante Deum magnas virtútes operátus est, et omnis terra doctrína ejus repléta est: ***** Ipse intercé-

dat pro peccátis ómnium populórum, allelúja.

V. Iste est qui contémpsit vitam mundi, et pervénit ad cœléstia regna. **Ipse.** Glória Patri. **Ipse.**

In tertio Nocturno, Homilia S. Gregorii Papæ in Evangelium. Homo péregre proficiscens. de Communi Confessoris Pontificis. [68]

Pro SS. Gordiano et Epimacho Mart.

Lectio ix.

Gordiánus judex, cum ad eum Januárius Présbyter, ut condemnárétur, sub Juliáno apóstata ductus esset, ab eódem in Christiána fide instrúctus, cum uxóre et quinquaginta tribus áliis ex eádem familia Romæ baptizátur. Quare Præfétus, relegáto Januário, Gordiánum a Clementiáno Vicário inclúdi jubet in cárcerem: qui póstea eúdem Gordiánum vinctum caténis ad se accersítum, cum a fidei propósito deterrére non posset, plumbátis diu cæsum, cápite plecti ímperat. Cujus corpus ante Apóllinis templum cánibus objéctum, noctu a Christiánis via Latína sepeílitur in eádem crypta, in quam reliquiæ beáti Epímachi mártiris translátæ fúerant ab Alexandria: ubi is diu propter Christi confessiónem constríctus in cárcere, postrémo combústus, mártýrio coronátus est.

Te Deum laudámus. 13.

In Laudibus pro commemoratione SS. Gordiani et Epimachi Martyrum.

Antiph. Fíliæ Jerúsalem, veníte et vidéte Mártýres cum corónis, quibus coronávit eos Dóminus in die solemnitátis et lætítiæ, allelúja, allelúja.

V. Pretiósa in conspéctu Dómini, allelúja.

R. Mors sanctórum ejus, allelúja.

Oratio.

DA, quæsumus, omnípotens Deus, ut qui beatórum Mártýrum tuórum Gordiáni et Epímachi solémnia

cólimus, eórum apud te intercessi-
onibus adjuvémur. Per Dóminum.

Die 12. Maji.

In Festo

SS. Nerei, Achillei, et Domitillæ
Virginis, atque **Pancratii**, Martyrum.

Semiduplex.

Omnia de Communi Martyrum tem-
pore Paschali [37], exceptis iis quæ
hic sunt propria.

Oratio.

Semper nos, Dómine, Mártyrum
tuórum Nérei, Achillei, Domitillæ,
atque Pancratii fóveat, quæsumus,
beáta solémnitas, et tuo dignos red-
dat obséquio. Per Dóminum.

Lectiones primi Nocturni, de Scrip-
tura occurrente.

IN II. NOCTURNO.

Lectio iv.

NEreus et Achilleus fratres, eunú-
chi Fláviæ Domitillæ, a beáto
Petro una cum ipsa, ejúsque matre
Plautilla, baptizáti, cum Domitillæ
persuasíssent, ut virginitátem suam
Deo consecráret, ab ejus sponso Au-
reliáno tamquam Christiáni accusáti,
ob præcláram fidei confessiõem in
Póntiam ínsulam relegántur: ubi ad
quæstiõem íterum vocáti, et verbéri-
bus cæsi, mox Tarracínam perdúcti,
a Minúcio Rufo equúleo et flammis
cruciáti, cum constánter negárent,
se a sancto Petro Apóstolo baptizá-
tos ullis torméntis cogi posse, ut idólis
immolárent, secúri percússi sunt: quo-
rum córpora ab Auspício eórum discí-
pulo, et Domitillæ educatóre, Romam
deláta, via Ardeatína sepúlta sunt.

R. Lux perpétua lucébit sanctis tuis,
Dómine, * Et ætérnitas témporum,
allelúja, allelúja.

V. Lætítia sempitérna erit super cá-
pita eórum: gáudium et exultatiõem
obtinébunt. Et ætérnitas.

Lectio v.

FLávia Domitilla, virgo Romána,
Titi et Domitiáni Imperatórum
neptis, cum sacrum virginitátis velá-
men a beáto Cleménte Papa accepís-
set, ab Aureliáno sponso, Titi Auré-
lii Cónsulis filio, deláta quod Chris-
tiána esset, a Domitiáno Imperátore
in ínsulam Póntiam est deportáta, ubi
in cárcere longum martýrium duxit.
Demum Tarracínam dedúcta, íterum
Christum conféssa, cum semper con-
stántior apparéret, sub Trajáno Im-
perátore, júdicis jussu, incénso ejus
cubículo, una cum Theodóra et Eu-
phrósyna virgínibus et collactáneis
suis, gloriósi martýrii cursum confé-
cit, Nonis Maji: quarum córpora ín-
tegra invénta, a Cæsário Diácono se-
púlta sunt. Hac vero die duórum fra-
trum ac Domitillæ córpora ex Diaco-
nía sancti Hadriáni simul transláta,
in ipsórum Mártyrum Basilícam, tí-
tuli Fasciolæ, restitúta sunt.

R. In servis suis, allelúja, * Consolá-
bitur Deus, allelúja.

V. Judicábit Dóminus pópulum suum,
et in servis suis. Consolábitur.

Lectio vi.

PAncrátius, in Phrygia nóbili gé-
nere natus, puer quatuórdecim
annórum Romam venit, Diocletiano
et Maximiano Imperatóribus: ubi a
Pontífice Romano baptizátus, et in
fide Christiána eruditus, ob eámdem
paulo post comprehénsus, cum diis
sacrificáre constánter renúisset, virili
fortitúdine datis cervícibus, illústrem
martýrii corónam consecútus est: cu-
jus corpus Octavilla matróna noctu
sústulit, et unguéntis delibútum via
Aurelia sepelívit.

R. Fíliæ Jerúsalem, veníte et vidéte
Mártyres cum corónis, quibus coro-
návit eos Dóminus, * In die solemni-
tátis et lætítiæ, allelúja.

V. Quóniam confortávit seras portárum tuárum, benedíxit filios tuos in te. In die. Glória Patri. In die.

IN III. NOCTURNO.

Léctio sancti Evangélíi secúndum

Lectio vii. Joánnem.

Cap. 4. f.

IN illo témpore: Erat quidam régulus, cujus filius infirmabátur Caphárnaum. Et reliqua.

Homília Sancti Gregórii Papæ.

Ex Homilia 28. habita in Basilica horum SS.

Martyrum in die natalis eorum.

Quid est quod régulus Dóminum rogat, ut ad ejus filium véniat, et tamen ire corporáliter recúsat; ad servum vero centuriónis non invitátur, et tamen se corporáliter ire pollicétur? Réguli filio per corporálem præséntiam non dignátur adésse, centuriónis servo non dedignátur occurrere. Quid est hoc, nisi quod supérbia nostra retúnditur, qui in homínibus non natúram, qua ad imáginem Dei facti sunt, sed honóres et divítias venerámur? Redémptor vero noster ut osténderet, quia quæ alta sunt hóminum, despiciénda sunt: et quæ despécta sunt hóminum, despiciénda non sunt: ad filium réguli ire nóluit, ad servum centuriónis ire parátus fuit. R. Ego sum vitis vera, et vos pálmities: * Qui manet in me, et ego in eo, hic fert fructum multum, allelúja, allelúja. V. Sicut diléxit me Pater, et ego diléxi vos. Qui manet.

Lectio viii.

INcrepáta est ergo supérbia nostra, quæ nescit pensáre hómines propter hómines. Sola, ut díximus, quæ circústant homínibus, pensat, natúram non áspicit, honórem Dei in homínibus non agnóscit. Ecce ire non vult Fílius Dei ad filium réguli: et tamen veníre parátus est ad salutem servi. Certe si nos cuiúspiam servus rogáret, ut ad eum ire deberémus, prótinus nobis nostra supérbia

in cogitatióne tácita responderet, dicens: Non eas, quia temetípsum degéneras, honor tuus despícitur, locus viléscit. Ecce de cælo venit, qui servo in terra occurrere non déspicit: et tamen humiliári in terra contémnimus, qui de terra sumus.

R. Cándidi facti sunt Nazaræi ejus, allelúja: splendórem Deo dedérunt, allelúja: * Et sicut lac coaguláti sunt, allelúja, allelúja.

V. Cándidióres nive, nitidióres lacte, rubicundióres ébore antíquo, sapphíro pulchrióres. Et sicut. Glória Patri. Et sicut. Lectio ix.

Nolíte ergo intra vosmetípsos pensáre quod habétis, sed quid estis. Ecce mundus, qui dilígitur, fugit. Sancti isti, ad quorum tumbam consistimus, floréntem mundum mentis despéctu calcavérunt. Erat tunc vita longa, salus contínua, opuléntia in rebus, fecúnditas in propágine, tranquillitas in diutúrna pace: et tamen cum in seípso floréret, jam in eórum córdibus mundus arúerat. Ecce jam mundus in seípso áruit, et adhuc in córdibus nostris floret. Ubíque mors, ubíque luctus, ubíque desolátio; úndique percútimur, úndique amaritudínibus replémur: et tamen cæca mente carnális concupiscéntiæ ipsas ejus amaritúdines amámus, fugiéntem séquimur, labénti inhærémus.

Te Deum laudámus. 13.

Die 14. Maji.

In Festo **S. Bonifacii**, Martyris.

Oratio.

DA, quæsumus, omnipotens Deus, ut qui beáti Bonifácii Mártiris tui solémnia cólimus, ejus apud te intercessiόνibus adjuvémur. Per Dóminum.

Lectio ii.

Bonifácus, civis RománuS, quod cum Aglae nóbili matróna impudíce versátus esset, tanto illíus intemperántiæ dolore captus est, ut

pœnitentiæ causa se ad conquirenda et sepelienda Mártyrum cõrpora contulerit. Itaque relictis peregrinationis sociis, cum Tarsi multos propter Christiænæ fidei professionem variis tormentis cruciatos vidisset, illorum vincula osculatus, eos vehementer hortabatur, ut constanter supplicia perferrent, quod brevem laborem sempiterna requies consecutúra sit. Comprehensus igitur, ferreis ungulis excarnificatus est: cui etiam inter manuum ungues et carnem acuti calami sunt infixi, plumbumque liquefactum in os ejus infusum. Quibus in cruciatibus ea vox tantum Bonifacii audiebatur: Grátias tibi ago, Dómine Jesu Christe, Fili Dei.

Lectio iii.

MOx in ollam ferventis picis demisso capite conjectus est: unde cum inviolatus exisset, ira incensus iudex eum securi percuti jubet. Quo tempore magnus terræmotus factus est, ita ut multi infideles ad Christi Dómini fidem converterentur. Eum sequenti die quærentes socii, cum martyrio affectum cognovissent, quingentis solidis ejus corpus redemerunt, et conditum unguentis, linteisque involutum, Romam portandum curarunt. Quod factum cum ab Angelo Aglae matróna, quæ et ipsa pœnitens se piis operibus addixerat, cognovisset; pròdiens obviam sancto cõrpori, Ecclesiám ejus nómine ædificavit, in qua corpus sepultum est Nonis Júnii, cum ejus ánima pridie Idus Maji apud Tarsum Ciliciæ Urbem migrasset in cœlum, Diocletiano et Maximiano Imperatoribus.

Te Deum laudamus. 13.

Die 16. Maji.

In Festo **S. Ubaldi**, Episcopi et Confessoris. Semiduplex.

Omnia de Communi Confessoris Pontificis [62], præter ea quæ sequuntur.

Oratio.

Auxilium tuum nobis, Dómine, quæsumus, placatus impende: et intercessiõne beati Ubaldi Confessoris tui atque Pontificis contra omnes diaboli nequítias dexteram super nos tuæ propitiatiõnis extende. Per Dóminum.

Lectioes primi Nocturni, de Scriptura occurrente.

IN II. NOCTURNO.

Lectio iv.

UBaldus, Eugúbii in Umbria nobili genere natus, a primis annis pietate et literis egregie est institutus; jamque adolescens, ut uxorem duceret, sæpe tentatus, numquam tamen a proposito servandæ virginitatis recessit. Sacerdos effectus patrimonium suum pauperibus et Ecclesiis distribuit, et Canonicorum Regularium Ordinis Sancti Augustini institutum suscipiens, illud in patriam transtulit, atque in eo aliquamdiu sanctissime vixit. Cujus sanctitatis opinione evulgata, ab Honório secundo Summo Pontifice Ecclesiæ Eugubinæ invitus præficitur, et Episcopalis consecrationis múnere decoratur.

R. Inveni David servum meum, oleo sancto meo unxi eum: * Manus enim mea auxiliabitur ei, allelúja.

V. Nihil proficiet inimicus in eo, et filius iniquitatis non nocébit ei. Manus.

Lectio v.

AD suam itaque revértens Ecclesiám, cum de consueta vivendi ratione nihil admodum immutasset, in omni tamen virtutum genere eo magis eminere cœpit, quo efficacius aliorum etiam salutem verbo et exemplo procuraret, factus forma gregis ex animo. Nam victu parco, vestitu moderato, lectulo áspero et pauperrimo, Crucis mortificationem jùgiter in suo corpore circumferébat, dum inexplébili orationis stúdio spíritum quotidie recrearet. Hinc admirabilem illam

mansuetúdinem est adéptus, qua gravíssimas injúrias et contumélias non modo æquanímiter tulit, verum étiam mirífico dilectiónis afféctu persecutóres suos omni benignitátis testimónio complectebátur.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.

V. Invéni David servum meum, óleo sancto meo unxi eum. Manus.

Lectio vi.

Blénnio ántequam ex hac vita migráret, cum diútinis afflictarétur infirmitátibus, inter acerbíssimos córporis cruciátus, velut aurum in fornáce purgátum, Deo grátias indesinénter agébat. Adveniéntem autem sacro Pentecóstes die, cum multis annis Ecclésiám sibi commíssam summa cum laude gubernásset, sanctis opéribus ac miráculis clarus quíevit in pace. Quem Cœlestínus Papa tértius in Sanctórum númerum rétulit. Ejus virtus præcípuè in effugándis spirítibus immúndis elúcet; corpus vero per tot sácula incorrúptum magna fidélium veneratióne in pátria cólitur, quam non semel a præsénti discrímine liberávit.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédát pro peccátis ómnium populórum, allelúja.

V. Iste est qui contémpsit vitam mundi, et pervénit ad cœléstia regna. Ipse. Glória Patri. Ipse.

In tertio Nocturno Homilia S. Gregorii Papæ in Evangelium. Homo peregredire proficíscens. ut in Communi Confessoris Pontificis. [68]

Vesperæ de S. Paschali cum commemoratione S. Ubaldi.

✠

Die 17. Maji.

In Festo

S. Paschalis Baylon, Confessoris.

Duplex.

Omnia de Communi Confessoris non Pontificis [79], præter ea quæ hic propria adnotantur.

Oratio.

DEus, qui beátum Paschálem Confessórem tuum mirífica erga Córporis, et Sánguinis tui sacra mystéria dilectiône decorásti; concéde propítius, ut quam ille ex hoc divíno convívio spíritus percépit pinguédinem, eámdem et nos percípere mereámur: Qui vivis et regnas cum Deo Patre.

Et fit commemoratio S. Ubaldi, Conf. Pontif.

Antiph. Amávit eum Dóminus, et ornávit eum, stolam glóriæ índuit eum, et ad portas paradísi coronávit eum, allelúja.

V. Justum dedúxit Dóminus per vias rectas, allelúja.

R. Et osténdit illi regnum Dei, allelúja.

Oratio.

Auxílium tuum nobis, Dómine, quæsumus, placátus impénde: et intercessiône beáti Ubáldi Confessoris tui atque Pontificis contra omnes diaboli nequítias dexteram super nos tuæ propitiatiónis exténde. Per Dóminum.

Lectioes primi Nocturni, de Scriptura occurrente.

IN II. NOCTURNO.

Lectio iv.

PAschális Báylon, paupéríbus, písque paréntibus in óppido Turris Formósæ Seguntínæ Diocésis in Aragónia natus, a téneris annis plura dedit futúráe sanctitátis indícia. Sortítus ánimam bonam, ac rerum

coeléstium appríme studiósam, puerítiam, atque adolescéntiam in gregis custódia transégit; quam ille vivéndi ratióne ideo præcípue diligébat, quod humilitáti fovendæ, ac innocéntiæ conservandæ in primis útilem atque opportúnam judicáret. Erat in victu módicus, in oratióne assíduus, tantáque apud coævós, et sócios florébat auctoritaté, et grátia, ut eórum lites compónens, erróres córrigens, ignorántiam erúdiens, ac desidiam éxcitans, velut ómnium parens, et magíster máximo stúdio colerétur, ac amarétur: beátus étiam tum a plerisque appellátus.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam, allelúja.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Qui vero in sæculo, terra nempe desérta, et inaquósa, ádeo felíciter adoléverat, flos convállium, plantátus in domo Dómini, mirum ubique sparsit sanctitátis odórem. Igitur Paschális arrépto vitæ severiórís institúto, atque in Ordine Minórum stric-tiórís Observántiæ Discalceatórum cooptátus, exultávit ut gigas ad curréndam viam suam, totúmque se Dómino excoléndum tradens, dies noctésque cogitábat, qua se ratióne magis ei magisque conformáret. Ita factum est brevi, ut eum, tamquam Seráphicæ perfectiónis exéplar, ipsi quoque provectiórés imitándum sibi propónerent. Ipse autem in húmili serviéntium gradu constitútus, se velut ómnium peripséma reputans, árdua quæque et abjécta domus ministéria, véluti jure quodam peculiári sibi débita, summa cum hilaritaté suscipiébat, et exercébat humilitáte, ac

patiéntia pari. Carnem spíritui quandoque reluctári niténtem jugi maceratióne afflictavit, atque in servitútem redégit; spíritum vero assídua sui abnegatióne ferventiórem in dies ad austerióra extendébat.

R. Amávit eum Dóminus, et ornávit eum: stolam glóriæ índuit eum, * Et ad portas paradísi coronávit eum, allelúja.

V. Índuit eum Dóminus lorícam fidei, et ornávit eum. Et ad portas.

Lectio vi.

DEíparam Vírginem, cujus clientæ se ab ineúnte ætáte dicáverat, tamquam matrem quotidíanis colébat obséquiiis, atque filiáli exorábat fidúcia. Porro erga sanctíssimum Eucharistiæ Sacraméntum, difficile dictu est, quam ardénti tenerétur devotiónis afféctu, quem defúctus étiam in cadávere retinére visus est, dum jacens in féretro, ad sacrae Hóstiæ elevatióne bis óculos reserávit, et cláusit, magna ómnium, qui áderant, admiratióne. Ejúsdem veritaté inter hæréticos públice palámque professus, multa et grávia ob eam causam perpessus est: crebro étiam ad necem petítus, sed singulári Dei providéntia ab impiórum má nibus eréptus. Sæpe inter orándum ómnibus destituebátur sénsibus, dulcíque languébat amoris delíquio: quo témpore coeléstem illam sciéntiam hausísse créditos est, qua homo rudis, et illiterátus de mystériis Fidei difficíllimis respondére, atque áliquot étiam libros conscribere pótuit. Dénique méritis plenus eádem, qua prædíxerat hora, felíciter migrávit ad Dóminum, anno salutis millésimo quingentésimo nonagésimo secúndo, sexto décimo Kaléndas Júnii, eódem, quo natus fúerat, Festo Pentecóstes recurrénte, annum agens secúndum supra quinquagésimum. Quibus aliisque virtútibus insígnem, ac

miráculis tam in vita, quam post mortem clarum Paulus quintus Pón-
tífex Máximus illum Beátum appellá-
vit: Alexánder autem octávus Sanc-
tórum catálogo adscrípsit.

R. Iste homo perfécit ómnia, quæ lo-
cútus est ei Deus, et dixit ad eum:
Ingrédere in réquiem meam: * Quia
te vidi justum coram me ex ómnibus
Géntibus, allelúja.

V. Iste est qui contémpsit vitam mun-
di, et pervénit ad cœléstia regna. Quia
te. Glória Patri. Quia te.

In tertio Nocturno Homilia S. Gre-
gorii Papæ in Evangelium. **Sint lumbi
vestri.** ut in eodem Communi. [85]

Vesperæ a Capitulo de S. Venantio
Martyre cum commemoratione S.
Paschalis.

Die 18. Maji.

In Festo **S. Venantii** Martyris.

Duplex.

Omnia de Communi unius Martyris
tempore Paschali [37], præter ea quæ
sequuntur.

Si hoc festum transferri contigerit,
et in primis Vesperis non sit facien-
dum a Capitulo, tunc sequens Hym-
nus. **Martyr Dei.** dicendus erit ad Ma-
tutinum conjunctim cum alio Hymno.
Athléta Christi. sub una conclusione.
Sit laus Patri. Alias dicatur prout in-
fra positum est.

AD VESPERAS.

Hymnus.

Martyr Dei Venántius,
Lux et decus Camértium,
Tortóre victo et júdice,
Lætus triúmphum cóncinit.

Annis puer, post víncula,
Post cárceres, post vérbera,
Longa fame freméntibus
Cibus datur leónibus.

Sed ejus innocentíæ
Parcit leónum immánitas,
Pedésque lambunt mártiris,
Iræ famisque immémores.

Verso deórsum vértice
Hauríre fumum cógitur:
Costas utrímque et víscera
Succénsa lampas ústulat.

Sit laus Patri, sit Fílio,
Tibíque, sancte Spíritus:
Da per preces Venántii
Beáta nobis gáudia.

Amen.

Sic semper terminandus est Hymnus
prædictus, similiter ad Matutinum et
ad Laudes ut infra.

V. **Sancti et justi in Dómino gaudéte,**
allelúja.

R. **Vos elégit Deus in hæreditátem**
sibi, allelúja.

Ad Magnificat, Antiphona, to. 2.
**Lux perpétua lucébit sanctis tuis, Dó-
mine, et æternitas téporum, allelúja.**

Oratio.

Deus, qui hunc diem beáti Venántii
mártystui triúmpho consecrásti:
exáudi preces pópuli tui, et præsta, ut
qui ejus mérita venerámur, fidei con-
stántiam imitémur. Per Dóminum.

Deinde fit commem. S. Paschalis.

Antiph. **Ille vir despíciens mundum
et terréna, triúmphans, divítias cœlo
cóndidit ore, manu, allelúja.**

V. **Justum deduxit Dóminus per vias
rectas, allelúja.**

R. **Et osténdit illi regnum Dei, allelúja.**

Oratio.

Deus, qui beátum Paschálem Con-
fessórem tuum mirífica erga Cór-
poris, et Sanguinis tui sacra mystéria
dilectióne decorásti; concéde propí-
tius, ut quam ille ex hoc divíno con-
vívio spíritus percépít pinguédinem,
eámdem et nos percípere mereámur:
Qui vivis et regnas cum Deo Patre.

AD MATUTINUM.

Invitatorium. Exultent in Dómino sancti, * Allelúja.

Psalmus. Veníte, exultémus. 2.

Hymnus.

A Thléta Christi nóbilis
Idóla damnat Géntium,
Deíque amóre sáucius
Vitæ perícла déspicit.

Loris revíctus áspérís,
E rupe præceps vólvitur:
Spinéta vultum lánceinant,
Per saxa corpus scínditur.

Dum membra raptant mártýris,
Languent siti satéllites:
Signo Crucis Venántius
E rupe fontes élicit.

Bellátor o fortíssime,
Qui pérfidis tortóribus
E caute præbes póculum,
Nos rore grátiae írriga.

Sit laus Patri, sit Fílio,
Tibíque, sancte Spíritus:
Da per preces Venántii
Beáta nobis gáudia. Amen.

Lectiones primi Nocturni, de Scriptura occurrente.

IN II. NOCTURNO.

Lectio iv.

Venántius Camers, quíndecim annos natus, cum Christiánæ religiónis accusarétur apud Antíochum, qui sub Décio Imperatóre Cameríno præerat, in porta civitátis Præsidi se obtulit: quem ille pollicitatióibus ac terróribus diu tentátum, flagris cædi, et v́nculis astríngi jussit: sed iis mirabíliter ab Angelo solútus, lampádibus póstea adúritur, atque invérso ore, fumo suppósito, suspénditur. Ejus constántiam in torméntis demirátus Anastásius Corniculárius, et quodeum ab Angelo íterum solútum cándida veste supra fumum ambulántem vidísset, in Christum crédidit, et a beáto

Porphýrio Presbýtero cum família baptizátus, paulo post martýrii palmam cum eódem promérui.

R. Lux perpétua lucébit sanctis tuis, Dómine, * Et ætérnitas témporum, allelúja, allelúja.

V. Lætítia sempitérna erit super cápita eórum: gáudium et exultatiónem obtinébunt. **E**t ætérnitas.

Lectio v.

At Venántius Præsidi sístitur, et ab eo íterum frustra tentátus, ut Christi fidém deséret, in cárcerem conjícitur, quo Attalus Præco míttitur, qui ei dicat, se quoque Christiánum fúisse, et ei nómini proptérea renuntiásse, quod cognovísset ináne esse fídei comméntum, quo Christiáni præsentibus se ábdicant ob vanam futurórum spem. Verumnóbilis Christi athléta cállidi hóstis insídias non ignórans, diabóli mínistrum a se pénitus rejécit. Quare ad Præsídem íterum addúcto omnes contúsi sunt dentes, maxillæque confráctæ, atque ita cæsus in sterquilínium dejícitur. Sed inde ab Angelo quoque eréptus, rursus stetit ante júdicem, qui, Venántio adhuc loquénte, e tribunáli cécidit, et in ea voce, Verus est Venántii Deus, nostros deos destrúite, exclámans expirávit.

R. In servis suis, allelúja, * Consolábitur Deus, allelúja.

V. Judicábit Dóminus pópulum suum, et in servis suis. **C**onsolábitur.

Lectio vi.

Quod cum Præsidi nuntiátum esset, extémplo Venántium leónibus óblici jussit, qui, naturáli feritáte omíssa, ad ejus se pedes abjecérunt: ínterim ille pópulum Christi fidem edocébat. Quare inde amótus, íterum in cárcerem tráditur. Cumque postrádie Præsidi reférret Porphýrius, se per visum noctu pópulos, quos Venántius aqua

tingébat, claríssima luce fulgéntes, ipsum vero Præsidentem obscuríssima caligine opértum vidísse, Præsides ira incénsus, eum illico cápite plecti imperat: deínde Venántium per loca vépribus et cárduis cónsita trahi usque ad vésperam. Is cum semiánimis relíctus esset, mane se íterum Præsidi præséntávit, cujus jussu statim e rupe præcipitátur: sed inde étiam divínus eréptus, dénuo per loca áspera ad mille passus tráhitur, ubi milítibus siti æstuántibus, in próxima conválle, ex lápide, in quo et génuum formam relíquit, sicut étiam nunc in ejus Ecclesiá vidére licet, Crucis signo a Venántio facto, aquæ manárunt. Eo miraculo plures permóti in Christum credidérunt, quos omnes Præsides eo loci una cum Venántio cápite ferri jussit. Fúlgura et terrémótus eo témpore ita magni fuére, ut Præsides aufúgeret, qui paucis tamen post diébus divínam haud valens effúgere justítiam, turpíssimam mortem oppétiit. Christiáni ínterim Venántii et aliórum córpora honorífico loco sepeliérunt, quæ Cameríni in Ecclesiá Venántio dicáta cóndita adhuc sunt.

R. Filíæ Jerúsalem, veníte et vidéte Mártýres cum corónis, quibus coronávit eos Dóminus, * In die solemnitátis et lætítiae, allelúja.

V. Quóniam confortávit seras portárum tuárum, benedíxit filios tuos in te. In die. Glória Patri. In die.

In tertio Nocturno, Homilia S. Augustini Episcopi in Evangelium. Ego sum vitis vera. ut in Communi Martyrum tempore Paschali, primo loco. [45]

Ad Laudes.

Hymnus.

DUm nocte pulsa lúifer
Diem propínquam núntiat,
Nobis refert Venántius
Lucis beátæ múnera.

Nam críminum caliginem,
Stygísque noctem depulit,
Veróque cives lúmine
Divinitátis ímbuit.

Aquis sacri Baptísmatis
Lustrávit ille pátriam:
Quos tinxit unda mílites,
In astra misit Mártýres.

Nunc Angelórum párticeps,
Adésto votis súpplicum:
Procul repélle crímina,
Tuúmque lumen íngere.

Sit laus Patri, sit Fílio,
Tibíque, sancte Spíritus:
Da per preces Venántii
Beáta nobis gáudia. Amen.

V. Pretiósa in conspéctu Dómini, allelúja.

R. Mors sanctórum ejus, allelúja.

Vesperæ a Capitulo de S. Petro Cœlestino, cum commemoratione S. Venantii Mart. et S. Pudentianæ Virg.

Die 19. Maji.

In Festo **S. Petri Cœlestini**,
Papæ et Confessoris.

Duplex.

Omnia de Communi Confessoris Pontificis [62], præter ea quæ sequuntur.

Oratio.

Deus, qui beátum Petrum Cœlestinum ad summi Pontificátus ápicem sublimásti, quique illum humilitáti postpónere docuísti: concéde propítius, ut ejus exémplo cuncta mundi despícere, et ad promíssa humílibus præmia perveníre felíciter mereámur. Per Dóminum.

Deinde fit commemoratio S. Venantii Martyris.

Antiph. Sancti et justí, in Dómino gaudéte, allelúja: vos elégit Deus in hæreditátem sibi, allelúja.

V. Pretiósa in conspéctu Dómini, allelúja.

R. Mors sanctórum ejus, allelúja.

Oratio.

DEus, qui hunc diem beáti Venántii mártiris tui triúmpho consecrásti: exáudi preces pópuli tui, et præsta, ut qui ejus mérita venerámur, fidei constántiam imitémur. Per Dóminum.

Postea fit commemoratio S. Pudéntianæ Virginis.

Antiph. Veni, sponsa Christi, áccipe coronam, quam tibi Dóminus præparávit in ætérnum, allelúja.

V. Spécie tua, et pulchritúdine tua, allelúja.

R. Inténde, prospere procéde, et regna, allelúja.

Oratio.

EXáudi nos Deus salutáris noster: ut sicut de beátæ Pudéntianæ virginis tuæ festivitáte gaudémus; ita piæ devotiónis erudiámur afféctu. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Petrus, a nómine, quo Póntifex est appellátus, Cœlestínus dictus, honéstis Catholicísque paréntibus Æsérniæ in Samnítibus natus, adolescéntiam vix ingressus, ut ánimus a mundi illécebris custodíret, in solitúdinem secessit. Ibi contemplatióibus mentem nútriens, corpus in servitútem redigens, férream caténam ad nudam carnem adhibébat. Congregatióinem, quæ póstea Cœlestínorum dicta est, sub Régula Sancti Benedícti instituit. Hic quasi lucérna supra candelábrum pósita, cum abscondi nequíret (Romána Ecclésia diu viduáta Pastóre) in Petri Cáthedram ignórans et absens adscítus, magna novitátis admiratióne non minus quam repentinó gaudio cunctos affécit. Cum autem in Pontificátus sublimitáte collocátus,

váriis disténtus curis, assuétis incúmbere meditatióibus vix posse cognósceret, óneri páriter et honóri voluntárie cessit. Indéque priscam vitæ ratiónem répetens, obdormívit in Dómino, ejúsque pretiósam mortem Crux præfúlgens in áere ante cubículi óstium reddidit ámplius gloriósam. Miráculis multis tam vivens, quam post óbitum cláruit; quibus rite examinátis, Clemens quintus, anno postquam decéssit undécimo, Sanctórum número adscrípsit.

R. Inveni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil proficiet inimicus in eo, et filius iniquitátis non nocébitei. Manus.

Ex libro Morálium Sancti Gregórii Papæ.

Lectio v. Lib. 10. c. 16. in c. 12. Job.

DEridétur justí simplicitas. Hujus mundi sapiéntia est, cormachinatióibus tégere, sensum verbis veláre; quæ falsa sunt, vera osténdere; quæ vera sunt, falsa demonstráre. Hæc nimírum prudéntia usu a juvenibus scitur, hæc a púeris pretio díscitur: hanc qui sciunt, céteros despiciéndo supérbiunt: hanc qui nésciunt, subjécti et tímidi in áliis mirántur: quia ab eis hæc éadem duplicitátis iniquitas nómine palliáta dilígitur, dum mentis pervérsitas, urbánitas vocátur. Hæc sibi obsequéntibus præcipit honórum cúlmina quærere, adépta temporális glóriæ vanitáte gaudere, irrogáta ab áliis mala multiplíciter reddere: cum vires súppetunt, nullis resistentibus cédere: cum virtútis possibilitas deest, quidquid explére per malítiam non valent, hoc in pacífica bonitáte simuláre.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.

V. Inveni David servum meum, oleo sancto meo unxi eum. Manus.

Lectio vi.

AT contra, sapientia justorum est, nil per ostensionem fingere, sensum verbis aperire, vera ut sunt diligere, falsa devitare, bona gratis exhibere, mala libentius tolerare, quam facere; nullam injuriæ ultionem querere, pro veritate contumeliam lucrum putare. Sed hæc justorum simplicitas deridetur: quia ab hujus mundi sapientibus, puritatis virtus, fatuitas creditur. Omne enim quod innocenter agitur, ab eis proculdubio stultum putatur: et quidquid in opere veritas approbat, carnali sapientiæ fatuum sonat. Quid namque stultius videtur mundo, quam mentem verbis ostendere, nil callida machinatione simulare, nullas injuriis contumelias reddere, pro maledicentibus orare, paupertatem querere, possessa relinquere, rapienti non resistere, percutienti alteram maxillam præbere?

R. Iste est qui ante Deum magnas virtutes operatus est, et omnis terra doctrina ejus repléta est: * Ipse intercedat pro peccatis omnium populorum, allelúja.

V. Iste est qui contempsit vitam mundi, et pervenit ad cœlestia regna. Ipse. Glória Patri. Ipse.

IN III. NOCTURNO.

Lectio sancti Evangelii secundum Matthæum.

Lectio vii.

Cap. 19. d.

IN illo tempore: Dixit Petrus ad Jesum: Ecce nos reliquimus omnia, et secuti sumus te: quid ergo erit nobis? Et reliqua.

Homilia venerabilis Bedæ Presbyteri.
Homilia in natali Sancti Benedicti.

Perfectus ille est, qui abiens vendit omnia quæ habet, et dat pauperi-

bus, ac veniens sequitur Christum: habebit enim thesaurum non deficientem in cœlis. Unde bene interrogante Petro, dixit talibus Jesus: Amen dico vobis, quod vos, qui secuti estis me, in regeneratione, cum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israel. In hac quippe vita pro ejus nomine laborantes, in alia præmium sperare docuit: id est, in regeneratione, cum videlicet in vitam immortalem fuerimus resurgendo regenerati, qui in vitam caducam mortaliter eramus geniti. R. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum, allelúja.

V. Induit eum Dominus lorica fidei, et ornavit eum. Et ad portas.

Lectio viii.

ET justa prorsus retributio, ut qui hic pro Christo humanæ gloriæ celsitudinis neglexerunt, illic a Christo iudices glorificati singulariter cum eo assideant, qui a sequendis ejus vestigiis nulla ratione poterant avelli. Nemo autem putet, duodecim tantum Apostolos, quia pro Juda prævaricante Mathias electus est, tunc esse judicatuos; sicut nec duodecim solæ sunt tribus Israel judicandæ: alioquin tribus Levi, quæ tertiadécima est, iudicata recedet.

R. Sint lumbi vestri præcincti, et lucernæ ardentes in manibus vestris: * Et vos similes hominibus expectantibus dominum suum, quando revertatur a nuptiis, allelúja.

V. Vigilate ergo, quia nescitis quā hora Dominus vester venturus sit. Et vos. Glória Patri. Et vos.

Pro S. Pudentiāna Virgine.

Lectio ix.

Pudentiāna virgo, Pudētis Romāni filia, parēntibus orbāta, cum ad-

mirábili pietáte Christiánam religió-
nem cóleret, una cum soróre Praxéde
pecúniám ex vëndito património re-
dáctam paupéribus distríbuit, seque
jejúniis et oratióibus dedit. Cujus
étiam ópera tota ejus família, in qua
erant nonagínta sex hómínes, a Pio
Pontífice baptizáta est. Quod autem
ab Antoníno Imperátore sancítum
erat, ne Christiáni públice sacrificia
fácerent, Pius Póntifex in ædibus Pu-
dentiánæ cum Christiánis sacra cele-
brábat. Quibus illa benígne accéptis,
quæ ad vitam necessariá essent, sup-
peditábat. Itaque in his Christiánæ
pietátis officiis migrávit e vita, et in
sepúlchro patris ad cœmetérium Pris-
cillæ via Salária sepúlta est, décimo
quarto Kaléndas Junii.

Te Deum laudámus. 13.

Si hoc Festum contingat transferri,
nona Lectio dicitur ut sequitur.

Lectio ix.

ET Paulus, qui tertiusdecimus est
Apóstolus, judicándi sorte privá-
bitur, cum ipse dicat: Nescítis quó-
niam ángeles judicábimus, quanto
magis sæculária? Sciéndum namque
est, omnes qui ad exéplum Aposto-
lórum sua reliquerunt ómnia, et se-
cúti sunt Christum, júdices cum eo
ventúros, sicut étiam omne mortálium
genus esse judicándum. Quia enim
duodenário sæpe número solet in
Scriptúris univérstas designári, per
duodécim sedes Apostolórum óm-
nium numerósitas judicántium, et per
duodécim tribus Israel univérstas
eórum, qui judicándi sunt, osténditur.

Te Deum laudámus. 13.

In Laudibus fit commemoratio sanc-
tæ Pudentiænæ Virginis.

Antiph. Símile est regnum cœlórum
hómíni negotiátóri quærénti bonas
margarítas: invénta una pretiósá, de-
dit ómnia sua, et comparávit eam,
allelúja.

Ÿ. Diffúsa est grátia in lábiis tuis,
allelúja.

R. Proptérea benedíxit te Deus in
ætérnum, allelúja.

Oratio.

EXáudi nos Deus salutáris noster:
ut sicut de beátæ Pudentiánæ vír-
ginis tuæ festivitáte gaudémus, ita
piæ devotiónis erudiámur afféctu. Per
Dóminum.

In II. Vesperis.

Ad Magnificat, Antiphona, to. 1.

Dum esset summus Póntifex, terréna
non méruit, sed ad cœléstia regna
gloriósus migrávit, allelúja.

Deinde fit commemoratio S. Bernar-
dini, ut infra.



Die 20. Maji.

In Festo

S. Bernardini Senensis, Confess.

Semiduplex.

Omnia de Communi Confessoris non
Pontificis [79], præter ea quæ hic ha-
bentur propria.

Antiph. Similábo eum viro sapiénti,
qui ædificávit domum suam supra
petram, allelúja.

Ÿ. Amávit eum Dóminus et ornávit
eum, allelúja.

R. Stolam glóriæ índuit eum, allelúja.

Oratio.

Domine Jesu, qui beáto Bernardíno
Confessóri tuo exímium sancti
nóminis tui amórem tribuísti: ejus,
quæsumus, méritis et intercessióne,
spíritum nobis tuæ dilectiúnis beníg-
nus infúnde: Qui vivis et regnas cum
Deo Patre.

Lectiones primi Nocturni, de Scrip-
tura occurrente.

IN II. NOCTURNO.

Lectio iv.

Bernardínus Albizésca, nóbili Se-
nénsi família ortus, ab ineúnte

ætate non obscura sanctitatis dedit indicia; nam a piis parentibus honeste educatus, neglectis puerilibus ludis, inter prima grammaticæ studia, pietatis operibus animum intendit, jejuniis, orationi, et beatissimæ Virginis cultui præcipue addictus. Misericordia vero in pauperes fuit insignis: quæ quidem omnia, procedente tempore, quo melius posset excollere, eorum numero adscribi voluit, qui Senis in hospitali domo beatæ Mariæ de Scala Deo inserviunt, unde complures sanctitate celebres viri prodierunt. Ibi corporis afflictatione, et ægotantium cura, dum atrox pestilentia grassaretur, incredibili charitate sese exercuit. Inter ceteras autem virtutes, castitatem, egregia forma repugnante, sanctissime custodivit, adeo ut, eo præsentē, nemo umquam, ne impudentissimus quidem, verbum minus honestum proferre auderet.

R. Honestum fecit illum Dominus, et custodivit eum ab inimicis, et a seductoribus tutavit illum: * Et dedit illi claritatem æternam, allelûja.

V. Justum deduxit Dominus per vias rectas, et ostendit illi regnum Dei. Et dedit.

Lectio v.

GRavi morbo tentatus, eoque ad quatuor menses patientissime tolerato, demum incolumis, de religionis vitæ instituto capessendo deliberare coepit; quo, ut sibi viam muniret, ædiculam in extrema urbe conduxit, in quam cum sese abdidisset, asperriam omni ex parte vitam trahēbat, Deum assidue orans, ut, quid sibi sequendum esset, ostenderet: quare divinitus factum est, ut beati Francisci Ordinem præ ceteris optaret, in quo humilitate, patientia, aliisque religiosi hominis virtutibus excelluit. Id cum cœnobii Rector animadverteret, jamque antea Bernardini doctrinam, et

sacrarum Literarum peritiam perspectam haberet, prædicandi onus eidem imposuit: quo humillime suscepto, cum se minus idoneum agnosceret ob vocis exilitatem ac raucitatem, Dei ope implorata, non sine miraculo ejusmodi impedimento liberatus est.

R. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum, allelûja.

V. Induit eum Dominus loriceam fidei, et ornavit eum. Et ad portas.

Lectio vi.

Cumque ea tempora vitiiis criminibusque redundarent, et cruentis factionibus in Italia, divina humanaque omnia permixta essent, Bernardinus urbes atque oppida concursans, in nomine Jesu, quem semper in ore et in pectore gerēbat, collapsam pietatem, morēsque verbo et exemplo magna ex parte restituit: quo factum est, ut præclaræ civitates eum sibi Episcopum a summo Pontifice postularent: quod ille munus invicta humilitate constantissime rejecit. Denique vir Dei immensis laboribus exhaustus, multis magnisque editis miraculis, libris etiam pie doctèque conscriptis, cum vixisset annos sex ac sexaginta, in urbe Aquila in Vestinis beato fine quievit. Quem novis in dies coruscantem signis, anno post obitum sexto, Nicolæus quintus Pontifex Maximus in Sanctorum numerum retulit.

R. Iste homo perfecit omnia, quæ locutus est ei Deus, et dixit ad eum: Ingrederere in requiem meam: * Quia te vidi justum coram me ex omnibus Gentibus, allelûja.

V. Iste est qui contempsit vitam mundi, et pervenit ad cœlestia regna. Quia te. Gloria Patri. Quia te.

IN III. NOCTURNO.

Lectio sancti Evangelii secundum
Matthæum.

Lectio vii.

Cap. 19. d.

IN illo tempore: Dixit Petrus ad Jesum: Ecce nos reliquimus omnia, et secuti sumus te: quid ergo erit nobis? Et reliqua.

Homilia Sancti Hierónymi Presbyteri.

Lib. 3. in Matth. cap. 19.

GRandis fiducia: Petrus piscator erat, dives non fuerat, cibos manu et arte querebat: et tamen loquitur confidenter: Relinquimus omnia. Et quia non sufficit tantum relinquere, jungit quod perfectum est: Et secuti sumus te. Fecimus quod jussisti: quid igitur dabis nobis præmii? Jesus autem dixit illis: Amen dico vobis, quod vos qui secuti estis me, in regeneratione, cum sederit Filius hominis in sede maiestatis suæ, sedebitis et vos super sedes duodecim, iudicantes duodecim tribus Israel. Non dixit: Qui reliquistis omnia; hoc enim et Crates fecit philosophus, et multi alii divitias contempserunt, sed: Qui secuti estis me: quod proprie Apostolorum est, atque credentium.

R. Iste est qui ante Deum magnas virtutes operatus est, et de omni corde suo laudavit Dominum: * Ipse intercedat pro peccatis omnium populorum, allelúja.

V. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse intercedat.

Lectio viii.

IN regeneratione, cum sederit Filius hominis in sede maiestatis suæ (quando et mortui de corruptione resurgent incorrupti) sedebitis et vos in solis iudicantium, condemnantes duodecim tribus Israel: quia vobis credentibus, illi credere noluerunt.

Et omnis qui reliquerit domum vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, et vitam æternam possidebit. Locus iste cum illa sententia congruit, in qua Salvator loquitur: Non veni pacem mittere, sed gladium. Veni enim separare hominem a patre suo, et matrem a filia, et nurum a socru: et inimici hominis domestici ejus. Qui ergo propter fidem Christi, et prædicationem Evangelii, omnes affectus contempserint, atque divitias et sæculi voluptates, isti centuplum recipient, et vitam æternam possidebunt.

R. Sint lumbi vestri præcincti, et lucernæ ardentes in manibus vestris: * Et vos similes hominibus expectantibus dominum suum, quando revertatur a nuptiis, allelúja.

V. Vigilate ergo, quia nescitis, qua hora Dominus vester venturus sit. **Et** vos. **G**loria Patri. **Et** vos.

Lectio ix.

EX occasione hujus sententiæ quidam introducunt mille annos post resurrectionem, dicentes, tunc nobis centuplum omnium rerum, quas dimisimus, et vitam æternam esse reddendam: non intelligentes, quod, si in ceteris digna sit repromissio, in uxoribus appareat turpitudine: ut qui unam pro Domino dimiserit, centum recipiat in futuro. Sensus ergo iste est: Qui carnalia pro Salvatore dimiserit, spiritalia recipiet: quæ comparatione et merito sui ita erunt, quasi si parvo numero centenarius numerus comparatur.

Te Deum laudamus. 13.

exxo

Die 25. Maji.

In Festo

Sancti Gregorii VII., Papæ
et Confessoris.

Duplex.

Omnia de Communi Confessoris Pontificis [62], præter sequentiæ.

Oratio.

DEus, in te sperantium fortitúdo, qui beátum Gregórium Confessórem tuum, atque Pontíficem, pro tuénda Ecclésiæ libertáte, virtúte constántiæ roborásti: da nobis, ejus exémplo, et intercessióne, ómnia adversántia fórtiter superáre. Per Dóminum.

Deinde fit commemoratio S. Urbani Papæ et Martyris.

Antiph. Lux perpétua lucébit sanctis tuis, Dómine, et ætéritas téporum, allelúja.

V. Sancti et justi, in Dómino gaudéte, allelúja.

R. Vos elégit Deus in hæreditátem sibi, allelúja.

Oratio.

DA, quæsumus, omnípotens Deus, ut qui beáti Urbáni Mátyris tui atque Pontíficis solémnia cólimus, ejus apud te intercessiónibus adjuvémur. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Gregórius Papa Séptimus, ántea Hildebrándus, Suánæ in Etrúria natus, doctrína, sanctitáte, omníque virtútum génere cum primis nóbilis, mirífice univérsam Dei illustrávit Ecclésiám. Cum párvulus ad fabri ligna edolántis pedes, jam literárum íncisus, lúderet, ex rejéctis tamen segméntis

illa Davídici eleménta oráculi: Dominábitur a mari usque ad mare; casu formásse narrátur, manum púeri ductánte Númine: quo significarétur ejus fore amplíssimam in mundo auctoritátem. Romam deínde proféctus, sub protectióne Sancti Petri educátus est. Júvenis Ecclésiæ libertátem a láicis oppríssam, ac depravátos Ecclesiasticórum mores veheméntius dolens, in Cluniacénsi monastério, ubi sub Régula sancti Benedícti austeriórís vitæ observántia eo témpore máxime vigébat, Mónachi hábitum índuens, tanto pietátis ardóre divínæ Majestáti deserviebat, ut a sanctis ejúdem cœnóbii Pátribus Prior sit eléctus. Sed divína providéntia majóra de eo disponénte in salútem plurimórum, Cluníaco edúctus Hildebrándus, Abbas primum monastérii Sancti Pauli extra muros Urbis eléctus, ac póstmodum Románæ Ecclésiæ Cardinális creátus, sub Summis Pontificibus, Leóné nono, Victóre secúndo, Stéphanó nono, Nicoláo secúndo, et Alexándro secúndo, præcípui munéribus, et legatió nibus perfúctus est, sanctíssimi, et puríssimi consílii vir a beáto Petro Damiáno nuncupátus. A Victóre Papa secúndo Legátus a látere in Gálliam missus, Lugdúni Episcopum simoníaca labe inféctum ad sui críminis confessiónem miráculó adégit. Berengárium in Concílio Turonénsi ad iterátam hæresis abjuratió nem cómpulit. Cadolái quoque schisma sua virtúte compréssit.

R. Invéni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil profíciet in ímícus in eo, et fílius iniquitátis non nocébit ei. **Manus.**

Lectio v.

Mortuo Alexándro secúndo, inví-tus, et mœrens unánimi ómnium consénsu, décimo Kaléndas Maji, anno

Christi millésimo septuagésimo tertio, Summus Póntifex eléctus, sicut sol effúlsit in domo Dei; nam potens ópere, et sermóne, Ecclesiástica disciplínæ reparándæ, fidei propagándæ, libertáti Ecclésiæ restituéndæ, extirpándis erróribus, et corruptélis, tanto stúdio incúbuit, ut ex Apostolorum ætáte nullus Pontíficum fuisse tradátur, qui majóres pro Ecclésia Dei labóres, molestiasque pertúlerit, aut qui pro ejus libertáte ácrius pugnáverit. Aliquot Provinciæ a simoníaca labe expurgávit. Contra Henríci Imperatóris ímpios conátus, fortis per ómnia athléta, impávidus permánsit, seque pro muro dómui Israel pónere non tímuit, ac eúdem Henrícum in profúndum malórum prolápsum fidélium communióne, regnóque privávit, atque súbditos pópulos fide ei data liberávit.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.

V. Invéni David servum meum, óleo sancto meo unxi eum. **Manus.**

Lectio vi.

DUm Missárum solémnia perágeret, visa est viris piis colúmba e cœlo delápsa, húmero ejus dextro insidens, alis exténsis caput ejus veláre; quo significátum est, Spíritus Sancti afflátu, non humanæ prudéntiæ ratiónebus ipsum duci in Ecclésiæ regímine. Cum ab iníqui Henríci exercitu Romæ gravi obsidióne premerétur, excitátum ab hóstibus incéndium signo Crucis extínxit. De ejus manu tandem a Robérto Guiscárdo Duce Northmánno eréptus, Cassinum se cöntulit, atque inde Salérnum ad dedicándam Ecclésiám Sancti Matthæi Apóstoli cöntendit. Cum aliquándó in ea civitáte sermónem habúisset ad pópulum,

ærumnis conféctus, in morbum incidit, quo se interitúrum præscívit. Postréma moriéntis Gregórii verba fuére: Diléxi justítiam, et odívi iniquitátem, proptérea mórior in exílio. Innumerabilia sunt, quæ vel fórtiter sustínuit, vel, multis coáctis in Urbe Sýnodis, sapiénter constituit, vir vere sanctus, criminum vindex, et acérrimus Ecclésiæ defénsor. Exáctis itaque in Pontificátu annis duódecim, migrávit in cœlum anno salutis millésimo octogesímo quinto, plúribus in vita, et post mortem miráculis clarus, ejúsque sacrum corpus in Cathedráli Basílica Salernitána est honorífice cónditum.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercedat pro peccátis ómnium pópulorum, allelúja.

V. Iste est qui contémpsit vitam mundi, et pervénit ad cœlestia regna. **Ipse. Glória Patri. Ipse.**

IN III. NOCTURNO.

Léctio sancti Evangélíi secúndum Matthæum.

Lectio vii.

Cap. 24. d.

IN illo témpore: Dixit Jesus discíulis suis: Vigiláte, quia nescítis, qua hora Dóminus vester ventúrus sit. Et reliqua.

Homilía Sancti Hiláarii Epíscopi.

Comm. in Matth. cap. 26. ip. fine.

UT ignorántiam illam diéi ómnibus tácti, non sine útilis siléntii ratióne esse scirémus, vigiláre nos Dóminus propter advéntum furis admónuit, et oratiónum assiduitáte deténtos, ómnibus præceptórum suórum opéribus inhærére. Furem enim esse osténdit zábulum, ad detrahénda ex nobis spólia pervigilem, et córporum nostrórum dómibus insidiántem; ut

ea, incuriosus nobis et somno deditis, consiliorum suorum atque illecebrarum jaculis perfodiat. Paratos igitur esse nos convenit: quia dei ignorantio intentam sollicitudinem suspensae expectationis exagitet.

R. Amavit eum Dominus, et ornavit eum: stolam glorie induit eum, * Et ad portas paradisi coronavit eum, allelúja.

V. Induit eum Dominus loriceam fidei, et ornavit eum. **E**t ad.

Lectio viii.

Cap. 27.

Quisnam est fidelis servus et prudens, quem constituit Dominus super familiam suam? Quamquam in commune nos ad indefessam vigilantiae curam adhortetur: specialem tamen populi principibus, id est Episcopis, in expectatione adventusque suo sollicitudinem mandat. Hunc enim servum fidelem atque prudentem, praepositum familiae significat, commoda atque utilitates commissi sibi populi curantem. Qui si dicto audiens, et praecipis obediens erit, id est, si doctrinae opportunitate et veritate infirma confirmet, disrumpita consolidet, depravata convertat, et verbum vitae in aeternitatis cibum alendae familiae dispendat, atque haec agens, hisque immorans deprehendatur, gloriam a Domino tanquam dispensator fidelis, et villicus utilis consequetur, et super omnia bona constituetur; id est, in Dei gloria collocabitur, quia nihil sit ultra, quod melius sit.

R. Sint lumbi vestri praecincti, et lucernae ardentes in manibus vestris: * Et vos similes hominibus expectantibus dominum suum, quando revertatur a nuptiis, allelúja.

V. Vigilate ergo, quia nescitis qua hora Dominus vester venturus sit. **E**t vos. **G**loria Patri. **E**t vos.

Pro S. Urbano Papa, et Martyre.

Lectio ix.

Urbánus Románus, Alexándro Severo Imperátore, doctrína et vitæ sanctitate multos ad Christi fidem convertit: in illis Valeriánum, beátæ Cæciliæ sponsum, et libúrtium Valeriáni fratrem, qui póstea martyrium forti ánimo subiérunt. Hic de bonis Ecclesiæ attribútis scripsit his verbis: Ipsæ res fidélium, quæ Dómino offerúntur, non debent in álios usus, quam Ecclesiásticos, et Christianórum fratrum, vel indigéntium converti: quia vota sunt fidélium, et prætia peccatórum, ac patrimónia páuperum. Sedit annos sex, menses septem, dies quátuor: ac martyrio coronátus, sepúltus est in cœmetério Prætextáti, octávo Kaléndas Júnii. Ordinatió nibus quinque hábitis mense Decémbri, creávit Presbýteros novem, Diáconos quinque, Episcopos per diversa loca octo.

Te Deum laudamus. 13.

In Laudibus fit commemoratio S. Urbani Papæ et Martyris.

Antiph. Fíliæ Jerúsalem, veníte et vidéte Mártires cum coronis, quibus coronávit eos Dóminus in die sollemnitátis et lætítiæ, allelúja, allelúja.

V. Pretiosa in conspectu Dómini, allelúja.

R. Mors sanctorum ejus, allelúja.

Oratio.

DA, quæsumus, omnipotens Deus, ut qui beáti Urbáni Mártiris tui atque Pontíficis solémnia cólimus, ejus apud te intercessiόνibus adjuvemur. Per Dóminum.

Vesperæ a Capitulo de Sancto Philippo Nerio cum commemoratione S. Gregorii septimi ac S. Eleutherii.

ORATIO

Die 26. Maji.

In Festo

S. Philippi Nerii, Confessoris.

Duplex.

Omnia de Communi Confessoris non Pontificis [79], præter ea quæ hic ponuntur propria.

Oratio.

Deus, qui beátum Philíppum Confessórem tuum Sanctórum tuórum glória sublimásti: concéde propítius, ut cujus solemnitáte lætámur, ejus virtútum proficiámus exémplo. Per Dóminum.

Deinde fit commemoratio S. Gregorii septimi Papæ Confessoris.

Antiph. **D**um esset summus Póntifex terréna non méruit, sed ad cœléstia regna gloriósus migrávit, allelúja.

V. Justum dedúxit Dóminus per vias rectas, allelúja.

R. Et osténdit illi regnum Dei, allelúja.

Oratio.

Deus, in te sperántium fortitúdo, qui beátum Gregórium Confessórem tuum atque Pontíficem, pro tuénda Ecclésiæ libertáte, virtúte constantiæ roborásti: da nobis, ejus exémplo, et intercessióne, ómnia adversántia fórtiter superáre.

Postea fit commemoratio S. Eleutherii Papæ et Martyris.

Antiph. **L**ux perpétua lucébit sanctis tuis, Dómine, et ætérnitas temporum, allelúja.

V. Sancti et justi in Dómino gaudéte, allelúja.

R. Vos elégit Deus in hæreditatem sibi, allelúja.

Oratio.

Infirmítatem nostram réspice, ómnípotens Deus: et quia pondus propriæ actiónis gravat, beáti Eleutherii Mátyris tui atque Pontíficis intercessio gloriósa nos próteget. Per Dóminum.

Lectioes primi Nocturni, de Scriptura occurrente.

IN II. NOCTURNO.

Lectio iv.

Philíppus Nérius, piis honestisque paréntibus Floréntiæ natus, ab ipsa ineúnte ætáte non obscura dedit futúre sanctitátis indícia. Adolésens, ampla pátrui hæreditáte dimíssa, Romam se cóntulit, ubi Philosophía ac sacris Lítteris erudítus, totum se Christo dicávit. Ea fuit abstinentia, ut sæpe jejúnus trídium permáneret. Vigiliis et oratióibus inténtus, septem Urbis Ecclésiis frequénter vísitans, apud cœmetérium Callísti in cœléstium rerum contemplatióne pernoctáre consuévit. Sacerdos ex obediéntia factus, in animárum salute procuránda totus fuit; et in confessiúnibus audiéndis ad extrémum usque diem perseverans, innúmeros pene filios Christo péperit: quos verbi Dei quotidiano pábulo, Sacramentórum frequéntia, oratiónis assiduitáte, aliisque piis exercitatióibus enutríri cúpiens, Oratórii Congregatiónem instituit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætéram, allelúja.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Charitate Dei vulneratus languēbat jūgiter, tantōque cor ejus aestuābat ardōre, ut cum intra fines suos continēri non posset, illius sinum, confractis atque elatis duābus cōstulis, mirabiliter Dōminus ampliāverit. Sacrum vero faciēns, aut fervētius orans, in āera quādoque sublātus, mira undique luce fulgēre visus fuit. Egēnos et pāuperes omni charitātis officio prosequēbātur: dignus, qui et Angelo in spēcie pāuperis eleemōsynam erogāret, et dum egēntibus noctu panem defēret, in fōveam lapsus, inde pāriter ab Angelo incolumis eriperētur. Humilitāti addīctus, ab honoribus semper abhōrruit, atque Ecclesiāsticas dignitātes, etiā primārias, non semel ultro delātas, constantissime recusāvit.

R. Amāvit eum Dōminus, et ornāvit eum: stolam glōriæ induit eum, * Et ad portas paradīsi coronāvit eum, allelūja.

V. Induit eum Dōminus lorīcam fidei, et ornāvit eum. Et ad portas.

Lectio vi.

Prophetiæ dono fuit illūstris, et in animōrum sēnsibus penetrādis mirifice enītuī. Virginitatem perpētuo illibātam servāvit: idque assecūtus est, ut eos, qui puritatem cōlerent, ex odōre, qui vero secus, ex foetōre dignōsceret. Absēntibus intērdum apparuit, iisque periclitāntibus opem tulit. Ægrōtos plūrimos, et morti prōximos sanitāti restituit. Mōrtuum quoque ad vitam revocāvit. Cōlēstium spīrituum, et ipsius Deiparæ Vīrginis frequēter fuit apparitiōne dignātus, ac plurimōrum animas splendōre circumfūsas in cōelum conscēdere vidit. Dēnique anno salutis millésimo quingentésimo nonagésimo quinto, octāvo Kalēdas Jūnias, in quem diem inciderat festum

Cōrporis Christi, sacro mājima spīritus exultatiōne perācto, ceterisque functiōnibus explētis, post mēdiam noctem, qua prædīxerat hora, octogenārius obdormīvit in Dōmino. Quem Gregōrius decimusquīntus mirāculis clarum in Sanctōrum nūmerum rētulit.

R. Iste homo perfēcit ōmnia, quæ locūtus est ei Deus, et dixit ad eum: Ingrēdere in rēquiem meam: * Quia te vidi justum coram me ex ōmnibus Gēntibus, allelūja.

V. Iste est qui contēmpsit vitam mundi, et pervēnit ad cōlēstia regna. Quia te. Glōria Patri. Quia te.

In tertio Nocturno Homilia S. Gregorii Papæ in Evangelium. Sint lumbi vestri præcīncti [85], de Communi Confessoris non Pontificis.

Pro S. Eleutherio Papa et Martyre.

Lectio ix.

Eleuthérius, Nicópolis in Græcia natus, Anicēti Pontificis Diāconus, Cōmodo Imperatōre, præfuit Ecclēsiæ. Huic infītio Pontificātus supplices lītæræ venērunt a Lúcio Brittanōrum rege, ut se ac suos in Christianōrum nūmerum reciperet. Quamōbrem Fugātium et Damiānum, doctos et pios viros, misit in Britānniam, per quos rex, et reliqui fidem susceperent. Hoc Pontifice, Irenæus Polycārpi discipulus Romam veniens ab eo benigne acceptus est. Quo tempore summa pace et quīēte fruebātur Ecclēsia Dei, ac per totum orbem terrarum, mājime Romæ, fides propagabātur. Vixit Eleuthérius in Pontificātu annos quīndecim, dies vigīnti tres. Fecit Ordinatiōnes tres mense Decēmbri, quibus creāvit Presbyteros duōdecim, Diāconos octo, Episcopos per diversā loca quīndecim: sepultusque est in Vaticanō prope corpus sancti Petri.

Te Deum laudāmus. 13.

In Laudibus fit commemoratio S. Eleutherii.

Antiph. Filiae Jerúsalem, veníte et vidéte Mártyres cum coronis, quibus coronávit eos Dóminus in die solemnitátis et lætitiæ, allelúja, allelúja.

V. Pretiósá in conspéctu Dómini, allelúja.

R. Mors sanctórum ejus, allelúja.

Oratio.

Infirmítatem nostram respice, omnipotens Deus: et quia pondus propriæ actiónis gravat, beáti Eleuthérii Mártyris tui atque Pontíficis intercessio gloriósa nos protégat. Per Dóminum.

In secundis Vesperis fit commemoratio S. Mariæ Magdalenæ, ac S. Joannis Papæ et Martyris.

Die 27. Maji.

In Festo

S. Mariæ Magdalenæ de Pazziis, Virginis.

Semiduplex.

Omnia de Communi Virginum [93], præter sequuntur.

Antiph. Veni sponsa Christi, áccipe coronam, quam tibi Dóminus præparávit in ætérnum, allelúja.

V. Spécie tua, et pulchritúdine tua, allelúja.

R. Inténde, prospere procéde, et regna, allelúja.

Oratio.

Deus virginitátis amátor, qui beátam Mariám Magdalénam vírginem tuo amóre succénsam, cœlestibus donis decorásti: da, ut quam festíva celebritáte venerámur, puritate et charitate imitemur. Per Dóminum.

Deinde fit commemoratio S. Joannis Papæ et Martyris.

Antiph. Lux perpétua lucébit sanctis tuis, Dómine, et ætérnitas téporem, allelúja.

V. Sancti et justi in Dómino gaudéte, allelúja.

R. Vos elégit Deus in hæreditátem sibi, allelúja.

Oratio.

Deus, qui nos beáti Joánnis Mártyris tui atque Pontíficis ánnua solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

María Magdaléna illustrióri Pazziórum génere Floréntiæ nata, fere ab incunábulis iter perfectiónis arrípuit. Decénis perpétuam virginitátem vovit, susceptóque hábitu in monastério sanctæ Mariæ Angelórum Ordinis Carmelitárum, se ómnium virtútum exémplar exhibuit. Adeo casta fuit, ut quidquid puritatem lædere potest, pénitus ignoráverit. Quinquénium, Deo jubénte, solo pane et aqua transégit, excéptis diébus Dóminicis, quibus cibis quadragesimálibus vescebátur. Corpus suum cilício, flagéllis, frígore, inédia, vigíliis, nuditate, atque omni pœnarum género cruciábat.

R. Propter veritátem, et mansuetúdinem, et justítiam: * Et dedúcet te mirábiliter dextera tua, allelúja.

V. Spécie tua, et pulchritúdine tua inténde, prospere procéde et regna. Et dedúcet.

Lectio v.

Tanto igne divíni amóris æstuábat, ut ei feréndo impar, ingésta aqua pectus refrigeráre cogerétur. Extra sensus frequénter rapta, diutúrnis et admirábiles éxtases passa est, in quibus et arcána cœlestia penetrávit, et exímis a Deo grátiis illustráta fuit.

His autem muníta longum certámen a princípibus tenebrarum sustínuit, árida, desoláta, ab ómnibus derelícta, variisque tentatióibus vexáta, Deo sic permittente, ut invíctæ patientiæ, ac profundíssimæ humilitátis exemplar præberet.

R. Dilexísti justítiam, et odísti iniquitátem: * Propterea unxit te Deus, Deus tuus, óleo lætitiæ, allelúja.

V. Propter veritátem, et mansuetúdinem, et justítiam. Propterea.

Lectio vi.

Charitáte erga próximum singuláriter enítuit; nam sæpe noctes ducebát insómnēs, vel obeúndis sorórum ministériis, vel inserviéndō infirmis occupáta, quarum aliquándō úlcera lambens sanávit. Infidélium et peccatórum perditiónem amáre deflens, se ad quælibet pro illórum salutē torménta parátam offerébat. Multis ante óbitum annis, univérsis cœli delíciis, quibus copiósē affluébat, heróica virtúte renúntians, illud frequenter in ore habébat: Pati, non mori. Tandem, longa et gravíssima infirmitáte exháusta, transívit ad Sponsū die vigésima quinta Maji, anno millésimo sexcentésimo séptimo, expléto anno quadragésimo primo ætátis suæ. Eam multis in vita et post mortem miráculis claram Clemens nonus sanctárum Vírginum número adscrípsit: cujus corpus in præsentem diem incorrúptum conservátur.

R. Afferéntur Regi vírgines post eam, próximæ ejus * Afferéntur tibi in lætítia et exultatióne, allelúja.

V. Spécie tua, et pulchritúdine tua inténde, prospere procéde, et regna. Afferéntur. Glória Patri. Afferéntur.

In tertio Nocturno Homilia S. Gregorii Papæ in Evangelium. Símile erit regnum cœlórum decem virgíibus. ut in Comuni Virginum. [104]

Pro S. Joanne Papa et Martyre.

Lectio ix.

Joánnes Etrúscus, Justíno senióre Imperátore, rexit Ecclésiám: ad quem proféctus est Constantinópolis auxílii causa, quod Theodorícus rex hæretícus divexábat Itáliam: cujus étiam iter Deus miráculis illustrávit. Nam cum ei nóbilis vir ad Corínthum équum, quo ejus uxor mansuétō utebátur, itíneris causa commodásset, factum est, ut dómīno póstea remíssus équus ita ferox eváderet, ut frémitu et totíus córporis agitatióne semper deinceps dómīnam expúlerit, tamquam indignarétur mulierem recípere, ex quo sedísset in eo Jesu Christi Vicárius. Quamóbrem illi équum Pontífici donavérunt. Sed illud majus miráculum, quod Constantinópolis in áditu portæ áureæ, inspectante frequentíssimo pópulo, qui una cum Imperátore Pontífici honóris causa occúrrerat, cæco lumen restítuit. Ad cujus pedes prostrátus étiam Imperátor, eum venerátus est. Rebus cum Imperátore compósitis, in Itáliam rédiit, statímque epístolam scripsit ad omnes Itáliæ Episcopos, jubens eos Arianórum Ecclésias ad Cathólicum ritum consecráre, illud subjúngens: Quia et nos quando fúimus Constantinópolis, tam pro religióne Cathólica, quam pro regis Theodoríci causa, quascúmque illis in pártibus eórum Ecclésias reperíre potúimus, Cathólicas eas consecrávimus. Quod iniquíssimo ánimo ferens Theodorícus, dolo accersítum Pontíficem Ravénnam in cárcerem conjécit: ubi squalóre inediáque afflíctus, paucis díebus cessit e vita, cum sedísset annos duos, menses novem, dies quatuórdecim: ordinátis eo témpore Episcopis quíndecim. Paulo post móritur Theodorícus, quem quidam eremíta, ut scribit sanctus Gregórius, vidit inter Joánnem Pontíficem, et Sýmma-

chum patrícium, quem idem occíderat, demérgi in ignem Liparítanum: ut vidélicet illi, quibus mortem attúlerat, tamquam júdices essent ejus intéritus. Joánnis corpus Ravénna Romam portátum est, et in Basílica Sancti Petri sepúltum.

Te Deum laudámus. 13.

In Laudibus fit commemoratio S. Joannis Papæ et Martyris.

Antiph. Fíliæ Jerúsalem, veníte et vidéte Mártýres cū corónis, quibus coronávit eos Dóminus in die solemnitátis et lætítiæ, allelúja, allelúja.

Ÿ. Pretiósá in conspéctu Dómini, allelúja.

R. Mors sanctórum ejus, allelúja.

Oratio.

DEus, qui nos beáti Joánnis Mártýris tui atque Pontíficis ánnua solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dóminum.

Die 30. Maji.

In Festo

S. Felicis, Papæ et Martyris.

Oratio.

INfirmitátem nostram réspice omnípotens Deus: et quia pondus propriæ actiónis gravat, beáti Felicis Mártýris tui atque Pontíficis intercessio gloriósa nos protégat. Per Dóminum.

Lectio iii.

FELIX RománuS, patre Constántio, Aureliáno Imperatóre, præfuit Ecclésiæ. Constituit ut Missa supra memórias et sepúlchra Mártýrum celebraréture. Qui cum mense Decémbri habúisset Ordinatioes duas, et creáset Presbýteros novem, Diáconos quinque, Episcopos per diversa loca quinque, martýrio coronátus, via Aurélia sepelítur in Basílica, quam

a se ædificátam dedicárat. Vixit in Pontificátu annos duos, menses quátuor, dies vigínti novem.

Te Deum laudámus. 13.

Die 31. Maji.

In Festo

S. Angelæ Mericiæ, Virginis.

Duplex.

Omnia de Communi Virginum [93], præter sequentia.

Oratio.

DEus, qui novum per beátam Angelam sacrárum vírginum collégium in Ecclésia tua floréscere volúisti; da nobis ejus intercessióne angélicis móribus vívere; ut terrénis ómnibus abdicátis, gáudiis pérfrui mereámur ætérnis. Per Dóminum.

Deinde fit commemoratio S. Petronillæ Virginis.

Antiph. Símile est regnum cœlórum hómini negotiatóri quærénti bonas margarítas; invénta una pretiósá dedit ómnia sua, et comparávit eam, allelúja.

Ÿ. Diffúsa est grátia in lábiis tuis, allelúja.

R. Proptérea benedíxit te Deus in ætérnum, allelúja.

Oratio.

EXáudi nos, Deus Salutáris noster: ut, sicut de beátæ Petronillæ Virginis tuæ festivitáte gaudémus, ita piæ devotiónis erudiámur afféctu. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

ANgela Merícia Decentiáni, Veronénsis Diocésis óppido, ad Lacum Benácum in ditióne Véneta piis orta paréntibus, a prima ætáte virgi-

nitátis lílium, quod perpétuo serváre statúerat, sédula sepsit. Ab omni muliebri ornátu abhórrens, egrégiam vultus formam, pulchrámque cæsá-riem studiósse fœdávít, ut cœlésti dumtáxat animárum Sponso placéret. In ipso autem adolescéntiæ flore paréntibus orbáta, austeriórís vitæ desidério in désertum locum aufúgere tentávit: sed ab avúnculo prohibita novit præstáre domi, quod in solitúdine non lícuit. Cilício ac flagéllis fré-quentér usa, carnem nonnisi infirma valetúdine, vinum in Nativitátis, et Resurrectiónis Domínicæ tantum celebritáte, complúres vero dies nihil omníno degustávit. Oratióni dédita, brevíssimum humi carpébat somnum: dáemonem vero sub lucéntis Angeli forma sibi illúdere conántem agnóvit prótinus, et conjécit in fugam. Tandem patérnis bonis abdicátis, et hábitum ac régulam Tértii Ordinis Sancti Francísci ampléxa, evangélicam paupertátem virginitátis laudi conjúnxit.

R. Propter veritátem, et mansuetú-
dinem, et justítiam: * Et dedúcet te
mirabíliter dextera tua, allelúja.

V. Spécie tua, et pulchritúdine tua
inténde, prospere procéde, et regna.
Et dedúcet.

Lectio v.

Nullum pietátis offícium erga pró-
ximos omíttens, paupéribus, quid-
quid sibi ex mendicáto victu super-
esset, largiebátur; libénter ministrá-
bat ægróti, plúraque cum magna
sanctitátis fama peragrávit loca, ut
vel solátio esset afflíctis, vel eis vén-
iam impetráret, vel infénsos ínvi-
cem reconciliáret ánimos, vel e vitió-
rum cœno sceléstos revocáret. An-
gelórum pane, quem únice esuriébat,
frequentíssime refécta, tanta charitá-
tis vi ferebátur in Deum, ut sápius
extra sensus raperétur. Sacra Palæ-

stínæ loca summa cum religióne obí-
vit; quo in itínere et visum, quem
ad Cydónias appúlso oras amíserat,
eódem regréssa recuperávit, et bar-
barórum captivitátem ac naufrágium
imminens divínitus evásit. Romam
dénique firmam Ecclésiæ petram ve-
nerátúra, et amplíssimæ Jubilæi vén-
iæ percúpida, sedénte Cleménte sép-
tímo, accéssit; quam Summus Pón-
tifex allocútus, ejúsdem sanctimóniam
suspéxit, et commendávit summó-
pere; nec ab Urbe ipsam abíre ante
permísit, quam álio cœlitis vocátam
agnóvit.

R. Dilexísti justítiam, et odísti iniqui-
tátem: * Proptérea unxit te Deus,
Deus tuus, óleo lætítiæ, allelúja.

V. Propter veritátem, et mansuetúdi-
nem, et justítiam. Proptérea.

Lectio vi.

Bríxiam itaque, ubi domum ad
sanctæ Aphræ templum condúxit,
revérso, novam ibi Vírginum Societá-
tem, sicut cœlésti voce ac visióne
mandátum sibi fúerat, sub certa dis-
ciplína, sanctisque vivéndi régulis
constítuit, quam Sanctæ Ursulæ in-
victæ Vírginum ducis patrocínio ac
nómine insignívit: eam vero perén-
nem futúram morti próxima prædíxit.
Tandem prope septuagenária dives
méritis evolávit in cœlum sexto Ka-
léndas Februárii anni millésimi quin-
gentésimi, et quadragésimi, cujus ca-
dáver per ipsos trigínta dies inhumá-
tum, flexíbile, ac vivo simíllimum per-
severávit. Demum in sanctæ Aphræ
templo inter céteras, quibus illud ab-
úndat, Sanctórum reliquias repósito,
plúrima ad ejus sepúlchrum agi stat-
tim cœpére mirácula: quorum fama
late diffúsa, non Bríxiæ modo, et De-
centiáni, sed álibi étiam vulgo cœpit
nuncupári Beáta, ejúsqe imágo aris
impóni; imo sanctus ipse Cárolus Bor-
romæus non multis post annis dig-

nam, quæ ab Apostólica Sede in sanctarum Virginum album referritur, Bríxiæ palam asservit. Cultum vero illi jándiu a pópulis exhibitum, et tum locórum Ordináriis probátum, tum, plúribus étiam Summórum Pontíficum Indúltis munítum, Clemens Papa décimus tértius solémni decreto ratum hábuit, ac confirmávit. Eam tandem, novis miráculis rite probátis insígnem Pius Papa séptimus, solémni Canonizatióne in Vaticána Basílica perácta die vigésima quarta Maji anno millésimo octingentésimo séptimo, Sanctarum Virginum Catálogo adscrípsit.

R. Afferéntur Regi vírgines post eam, próximæ ejus * Afferéntur tibi in lætítia et exultatióne, allelúja.

V. Spécie tua, et pulchritúdine tua inténde, prospere procéde, et regna. Afferéntur. Glória Patri. Afferéntur.

In tertio Nocturno de Homilia S. Gregorii in Evangelium. Símile erit regnum cœlórum [101], de Comuni Virginum.

In Laudibus pro commemoratione S. Petronillæ.


Antiph. Veni, sponsa Christi, accipe coronam, quam tibi Dóminus præparávit in ætérnum, allelúja.

V. Spécie tua, et pulchritúdine tua, allelúja.

R. Inténde, prospere procéde, et regna, allelúja.

Oratio.

EXáudi nos, Deus Salutáris noster: ut, sicut de beátæ Petronillæ Virginis tuæ festivitáte gaudémus, ita piæ devotiónis erudiámur afféctu. Per Dóminum.



FESTA JUNII.

Die 2. Junii.

In Festo

SS. Marcellini, Petri, atque Erasmi,
Martyrum.

Oratio.

DEus, qui nos ánnua beatorum Mátyrum tuorum Marcellíni, Petri, atque Erásmi solemnitate lætíficas: præsta quæsumus, ut quorum gaudémus méritis, accendámur exémpis. Per Dóminum.

Lectio ii.

Petrus Exorcísta, Diocletiano Imperatóre, Romæ a Seréno júdice propter Christiánæ fidei confessiõem missus in cárcerem, Paulínam Artémii, qui cárceri præerat, fíliam a dæmone agitatam, liberávit. Quo facto et paréntes puéllæ cum tota família, et vicínos, qui ad rei novitátem concúrrent, Jesu Christo conciliátos ad Marcellínium presbýterum addúxit, a quo omnes baptizáti sunt. Quod ubi rescívit Serénus, Petrum et Marcellínium ad se vocátos aspérius objúrgat, et ad verbórum acerbitatém minas acterróres adjúngit, nisi Christo renúntient. Cui cum Marcellínus Christiána libertáte respondéret, pugnis contúsum, et a Petro sejúctum, nudum inclúdit in cárcerem stratum vitri fragméntis, sine cibo ac sine lumine. Petrum item constríngi ímperat arctíssimis vínculis. Sed cum utrúque ex tormentis fides et ánimus crésceret, constánti confessiõem, et abscisso cápíte, illústre testimónium Jesu Christo dedérunt.

Lectio iii.

ERásmus Epíscopus, Imperatóribus Diocletiano et Maximiano, in Campánia plumbátis et fústibus cæsus, resína quoque, súlphure, plumbo liquefacto, et fervénti pice, cera, oleóque perfúsus, inde tamen ínteger et

inviolátus evásit. Quo miráculo multi se ad Christi fidem convertérunt. Verum is íterum detrúsus in cárcerem, constrictus férreis gravissimisque vinctulis, inde ab Angelo mirabíliter eréptus est. Deínde Fórmis a Maximiano váriis afféctus supplíciis, tunicáque áerea candénti indútus, illa étiam tormenta divína virtúte superávit. Dénique plúrimis et in fide confirmátis, et ad fidem convérsis, insígnem Martýrii palmam adéptus est.

Te Deum laudámus. 13.

Die 4. Junii.

In Festo

S. Francisci Caracciolo Confess.

Duplex.

Omnia de Communi Confessoris non Pontificis [79], præter sequentia.

Oratio.

Deus, qui beátum Francíscum novi Ordinis Institutórem, orándi stúdio, et poeniténtiæ amóre decorásti: da fámulis tuis in ejus imitátione ita proficere, ut semper orántes, et corpus in servitútem redigéntes, ad cœléstem glóriam pervenire mereántur. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Francíscus, dictus ántea Ascánus, ex nóbili fámilia Caracciolo in oppido Sanctæ Mariæ de Villa in Aprútio ortus, a primis annis exímio enítuit pietátis cultu. Adoléscent grávitæ ægrótans státuit sese prorsus Dei, proximique mancipáre servítio. Neápolim proféctus, Sacerdótio initiátus, sacróque adscriptus Sodalítio, contemplatióni, lucrandisque animábus se totum devóvit, ac extrémó

supplício damnátis hortatórem se præbuit assíduum. Cántigit autem, ut epistólium álteri destinátum ei per errórem redderétur; quo a piíssimis viris Joánnæ Augustíno Adórno, et Fabrício Caracciolo ad novi Religiónis Institúti fundatiónem vocabátur: rei novitáte captus, et divínæ voluntátis demirátus consília, álacri ánimo sese illis adjúnxit. Cónditis autem in Camaldulénsium erémo, quo secésse-rant, novi Ordinis légibus, inde Romam simul profécti, confirmatiónem a Sixto quinto impetráverunt, qui eósdem Cléricos Reguláres Minóres appellári vóluit, áddito ad tria consuéta áltero de non ambiéndis dignitatibus voto.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam, allelúja.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Solémni emíssa professióne, ob singulárem ejus in divum Francíscum Assisinátem cultum Francísci nomen assúmpsit. Adórno biénio post vita functo, ipse toti Religióni, quamquam invítus, præfícitur: quo in múnere virtútum ómnium præclára præbuit ex-émpla. Institúti amplificándi studiosíssimus, id assíduis oratiónibus, lácrymis, et jugi córporis maceratióne eníxe a Deo postulábat. Quamóbrem tértio in Hispániam se cónsulit peregríni hábitu indútus, victúmque ostiátim mendícans. In itínere aspérrima quæque perpéssus, Omnipoténtis auxiliúm mirum in modum expértus, navim, quam conscénderat, ab imminénti naufrágio oratiónis præsidio servávit incólumen. Ut in regnis illis voti compos fieret, plúrimum laborávit; sed ejus sanctitátis fama prælu-

cénte, amplissimáque Catholicórum Regum Philíppi secúndi, et Philíppi tértii munificéntia, adversariórum conátibus singulári ánimi fortitúdi-
ne superátis, plura sui Ordinis domicília fundávit: quod pari evéntu per Itáliam præstitit.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum, allelúja.

V. Induit eum Dóminus lorícam fídei, et ornávit eum. Et ad portas.

Lectio vi.

Humilitate ádeo excélluit, ut Romam véniens, in páuperum hospitio recéptus, se lepróso sociáverit; et Ecclesiásticas dignitátes a Paulo quinto sibi oblátas constantíssime recusáverit. Illibátam perpétuo servávit virginitátem, effrontésque mulieres ejus castimóniæ insidiántes Christo lucrifécit. Erga diviníssimum Eucharistiæ mystérium ardente aestuans amore, noctes pene íntegras in ejus adoratióne insómnes ducébat: quod pium exercítium, véluti sui Ordinis tésseram, in eo perpétuo servándum constituit. Deíparæ Vírginis cultum impénse fovit. In próximum exímia exársit charitáte. Prophetiæ dono, et córdium scrutatióne ditátus fuit. Quadragésimum quartum ætátis suæ annum agens, dum in sacra Lauretána Æde in oratióne persisteret, sibi vitæ finem imminére cognóvit. Aprútium statim defléxit, et in óppido Agnóni apud alúmnos Sancti Philíppi Nérii letháli febre corréptus, Sacraméntis Ecclesiæ devotíssime susceptis, prídie nonas Junii anni millésimi sexcentésimi octávi, in pervigilio festi Córporis Christi, placidíssime obdormívit in Dómino. Sacrum ejus corpus Neápolim delátum, in Ecclesiá Sanctæ Mariæ Majóris, ubi prima sui Ordinis jécerat fundaménta, honorífice cón-

ditum fuit. Eum póstea miráculis clarum Clemens décimus quartus Póntifex Máximus solémni ritu inter Beátos, Pius vero séptimus Póntifex Máximus novis fulgéntem signis, anno millésimo octingentésimo séptimo, Sanctórum albo adscrípsit.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus Géntibus, allelúja.

V. Iste est qui contémpsit vitam mundi, et pervénit ad cœlestia regna. Quia te. Glória Patri. Quia te.

In tertio Nocturno Homilia S. Gregorii Papæ in Evangelium. Sint lumbi vestri. de Communi Confessoris non Pontificis. [85]

Die 6. Junii.

In Festo

S. Norberti Episcopi et Confessoris. Duplex.

Omnia de Communi Confessoris Pontificis [62], præter ea, quæ hic habentur propria.

Oratio.

Deus, qui beátum Norbértum Confessórem tuum atque Pontíficem, verbi tui præcónem exímium effecísti, et per eum Ecclesiám tuam nova prole fecundásti: præsta, quæsumus, ut ejúsdem suffragántibus méritis, quod ore simul et ópere dócuit, te adjuvánte, exercére valeámus. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Norbértus, nobilíssimis paréntibus natus, adolescens liberalibus disciplínis erudítus, in ipsa póstea Imperatóris aula, spretis mundi illécebris,

Ecclesiasticæ militiæ adscribi vóluit. Sacris initiátus, rejéctis móllibus ac spléndidis véstibus, pellicea melóte indútus, prædicatióni verbi Dei se totum dedit. Abdicátis Ecclesiasticis provéntibus satis amplis, et património in páuperes erogáto, semel in die sub vésperam solo cibo quadragesimáli utens, nudisque pédibus, et lá-cera veste sub brumáli rigóre incédens, miræ austeritátis vitam est aggréssus. Potens ígitur ópere et sermóne innúmeros hæréticos ad fidem, peccátóres ad poeniténtiam, dissidéntes ad pacém et concórdiam revocávit.

R. Invéni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil proficiet inimicus in eo, et filius iniquitátis non nocébit ei. Manus.

Lectio v.

CUm Laudúni esset, ab Epíscopo rogátus, ne a sua Diocési discéderet, désertum in ea locum, qui Præmonstrátus dicebátur, sibi delégit; ibíque trédecim sóciis aggregátis, Præmonstraténsem Ordinem instituit, divínitus accépta per visum régula a sancto Augustíno. Cum vero ejus fama sanctitátis in dies magis auge-rétur, ac plúrimi ad eum quotidie discípuli convenírent, idem Ordo ab Honório secúndo, aliisque summis Pontificibus confirmátus, ac plúribus ab eo Monastériis ædificátis, mirífice propagátus est.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.

V. Invéni David servum meum, óleo sancto meo unxi eum. Manus.

Lectio vi.

ANtuérpiam accersítus, in ea urbe Tanchelíni nefáriam háeresim profligávit. Prophético spírítu, et

miráculis cláruit. Archiepíscopus tandem (licet relúctans) Magdeburgénsis creátus, Ecclesiasticam disciplínam, præsertim cœlibátum, constánter propugnávit. Rhemis in Concílio Inno-céntium secúndum egrégie adjúvit, et Romam cum áliis Epíscopis proféctus, schisma Petri Leónis compréssit. Postrémo vir Dei, méritis et Spírítu Sancto plenus, Magdebúrgi obdormívit in Dómino, anno salutis mil-lésimo centésimo trigésimo quarto, die sexta Júnii.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédat pro peccátis ómnium popu-lórum, allelúja.

V. Iste est qui contémpsit vitam m-un-di, et pervénit ad cœléstia regna. Ipse. Glória Patri. Ipse.

In tertio Nocturno Homilia in Evange-lium. Homo péregre. de Communi. [68]

Die 9. Junii.

In Festo

SS. Primi et Feliciani, Martyrum.
Oratio.

FAc nos, quæsumus, Dómine, sanc-tórum Mártyrum tuórum Primi et Feliciáni semper festa sectári: quo-rum suffrágiis protectionis tuæ dona sentiámus. Per Dóminum.

Lectio ii.

Primus et Feliciánus fratres, in per-secutióne Diocletiáni et Maximiani accusáti Christiánæ religiónis, in vín-cula conjiciúntur: quibus solúti, inde eripiúntur ab Angelo. Mox ad Præ-tórem addúcti, cum Christiánam fi-dem acérrime tueréntur, alter ab ál-tero distrácti sunt: ac primum várie tentáta est constántia Feliciáni. Sed cum suasóres impietátis se posse quid-quam verbis proficere desperárent, affixis stípti mánibus ejus et pédibus,

ipsum sine cibo et potu inde trídium pendéntem reliquérunt. Postrídie ejus diéi Prætor vocátum ad se Primum sic affátur: Vides, quanto sit prudéntior, quam tu, frater tuus, qui obsecútus Imperatóribus, apud ipsos est honorátus? Quem si tu quoque imitári volúeris, párticeps eris ejus honoris et grátiae.

Lectio iii.

Cui Primus: Quid factum sit fratri meo, cognóvi ex Angelo. Utinam quemádmódum sum cum eo voluntáte conjunctíssimus, sic ab eódem ne martyrio disjúngar. Quo dicto excánduit Prætor, et ad céteros cruciátus, quibus Primum affécit, præsénte jam Feliciáno, liquátum igne plumbum in os ejus jussit infúndi. Mox utrúmque perdúci ímperat in theátrum, in eósque immítti duos leónes: qui prostráti ad eórum génua, cápite et cauda ipsis blandiebántur. Ad id spectáculum cum ámplius duódecim míllia hóminum conveníssent, quingénti cum suis famíliis Christiánam religiónem suscepérunt. Quibus rebus permótus Pætor eos secúri percúti jussit.

Te Deum laudámus. 13.

Die 10. Junii.

In Festo

S. Margaritæ, Reginae Scotiæ.

Semiduplex.

Omnia de Communi Sanctarum nec Virginum nec Martyrum [107], præter ea quæ hic habentur.

Oratio.

Deus, qui beátam Margarítam Reginam exímia in páuperes charitáte mirábilem effecísti: da, ut ejus intercessióne et exémplo tua in córdibus nostris cháritas júgiter augeátur. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Margaríta, Scotórum regína, patrénno Angliæ regum, matrénno Cæsarum sáanguine claríssima, illústrior adhuc fuit Christiána virtúte. Hæc in Hungária nata, ubi pater tunc témporis exulábat, post exáctam summa cum pietáte puerílem ætátem, una cum genitóre, qui a sancto Eduárdo pátruo, Anglórum rege, ad patrénni regni fastígium vocabátur, in Angliam venit. Mox alternánte paréntum fortúna, ex Angliæ líttore solvens, vi tempestátis expúlso, seu vérius divínæ providéntiæ consílio dedúcta est in oram marítimam Scótiæ. Ibi cum ex matris império Malchólmo, tertio Scotórum regi, egrégiis ejus dótibus capto, nupsisset, sanctimóniæ ac pietátis opéribus trigínta, quibus regnávit annis, toti regno mirífice prófuit.

R. Propter veritátem, et mansuetúdinem, et justítiam: * Et dedúcet te mirábiliter délixtera tua, allelúja.

V. Spécie tua, et pulchritúdine tua inténde, próspere procéde, et regna.

Et dedúcet. Lectio v.

Inter regáles delicias corpus afflictiónibus, ac vigíliis mácerans, magnam noctis partem piis precatiόνibus extrahébat. Præter ália jejúnia, quæ idéntidem usurpábat, íntegros quadragínta dies ante natalítia festa, tanta cum severitáte jejúnare consuevit, ut ne in gravíssimis quidem dólóribus intermíserit. Divíno cúltoi addictíssima, templa plúrima et cœnóbía partim ex íntegro excitávit, partim resarcívit, et sacra supelléctili, ac largo censu ditávit. Regem cónjugem ad meliorem frugem, et ad simília suis exercitatiόνibus ópera salubérismo exémplo tradúxit, liberósque

omnes tam sancte et felíciter educávit, ut eórum plerique, quemádmódum et Agatha mater, et Christína soror, sanctíssimum vitæ genus ampléxi sint. Univérsi demum regni felicitáti cónsulens, a vítiis ómnibus, quæ furtim irrépserant, pópulos expurgávit, eisque mores Christiána pietáte dignos restítuit.

R. Dilexísti justítiam, et odísti iniquitátem: * Proptérea unxit te Deus, Deus tuus, óleo lætítiæ, allelúja.

V. Propter veritátem, et mansuetúdinem, et justítiam. Proptérea.

Lectio vi.

Nihil tamen æque in illa mirábile fuit, ac flagrantíssima cháritas erga próximos, præsertim egénos, quorum numerósis grégibus non modo stipem áffatim suppeditáre, verum étiam trecéntis quotidie matérna benignitáte dapes præbere, flexis génibus in morem ancíllæ ministráre, régiis mánibus pedes ablúere, et pressis étiam óculis úlcera fovere, solémne hábuit. His porro aliisque piis sumptribus non régias tantum vestes, et pretiósa monília distráxit, sed ipsum non semel exháusit ærárium. Tolerátis demum ad patiéntiæ miraculum acerbíssimis dolóribus, ánimam seméstri córporis ægrotatióne purgátam Auctóri suo quarto Idus Júnii reddidit. Quo témporis moménto fácies ejus diutúrni morbi mácie ac pallóre fœdáta, insólita quadam venustáte reflóruit. Miris étiam post mortem prodígiis clara, et Cleméntis décimi auctoritáte in Scótiæ Patrónam accépta, ubique terrárum religiosíssime cólitur.

R. Fallax grátia, et vana est pulchritúdo: * Múlier timens Deum, ipsa laudábitur, allelúja.

V. Date ei de fructu mánuum suárum, et laudent eam in portis ópera ejus. Múlier. Glória Patri. Múlier.

In tertio Nocturno, Lectiones de Homilia S. Gregorii Papæ in Evangelium. **Símile est regnum cœlorum thesáuro.** ut in Comuni non Virg. [115]

Vesperæ de S. Barnaba Apostolo, cum commemoratione S. Margaritæ.

Die 11. Junii.

In Festo **S. Barnabæ**, Apostoli.
Duplex.

Omnia de Comuni Apostolorum [1]
præter ea quæ hic sunt propria.

Oratio.

Deus, qui nos beáti Bárnabæ Apóstoli tui méritis et intercessióne lætíficas: concéde propítius, ut qui tua per eum beneficia póscimus, dono tuæ grátiae consequámur. Per Dóminum.

Deinde fit commem. S. Margaritæ.

Antiph. **Manum suam apéruit inopi, et palmas suas exténdit ad páuperem, et panem otíosa non comédit, allelúja.**

V. **Diffúsa est grátia in lábiis tuis, allelúja.**

R. **Proptérea benedíxit te Deus in ætérnum, allelúja.**

Oratio.

Deus, qui beátam Margarítam Regínam exímia in páuperes charitáte mirábilem effecísti: da, ut ejus intercessióne et exémplo tua in córdibus nostris cháritas júgiter augeátur. Per Dóminum.

IN I. NOCTURNO.

De Actibus Apostolorum.

Lectio i.

Cap. 13. f.

Cum dimíssa esset synagóga, secúti sunt multi Judæórum, et coléntium advenárum, Paulum et Bárnabam: qui loquéntes suadébant eis ut permanérent in grátia Dei. Sequénti vero sábbato pene univérsa

cívitas convénit audíre verbum Dei. Vidéntes autem turbas Judæi, repléti sunt zelo, et contradicébant his, quæ a Paulo dicebántur, blasphemántes. Tunc constánter Paulus et Bárnabas dixerunt: Vobis oportébat primum loqui verbum Dei, sed quóniam repéllitis illud, et indígnos vos judicátis æternæ vitæ, ecce convértimur ad Gentes. Sic enim præcépit nobis Dóminus: Pósuí te in lucem Gén-tium, ut sis in salútem usque ad extrémum terræ.

R. Beátus vir qui méruit Dóminum, allelúja: * In mandátis ejus cupit nimis, allelúja, allelúja, allelúja.

V. Glória et divítiae in domo ejus, et justítia ejus manet in sæculum sæculi. In mandátis.

Lectio ii.

A Udiéntes autem Gentes gavisæ sunt, et glorificábant verbum Dómini, et credidérunt quotquot erant præordináti ad vitam æternam. Dis-seminabátur autem verbum Dómini per univérsum regiónem. Judæi autem concitavérunt mulieres religiósas et honéstas, et primos civitátis, et excitavérunt persecutióem in Paulum et Bárnabam, et ejecérunt eos de finibus suis. At illi, excússó púlvere pedum in eos, venérunt Icónium. Discípuli quoque replebántur gáudio, et Spíritu Sancto.

R. Tristítia vestra, allelúja, * Convertétur in gáudium, allelúja, allelúja.

V. Mundus autem gaudébit; vos vero contristabímini, sed tristítia vestra Convertétur.

Lectio iii.

Cap. 14.

F Actum est autem Icónii, ut simul introírent in synagógam Judæórum, et loqueréntur, ita ut créderet Judæórum et Græcórum copiósa multitúdo. Qui vero incréduli fuérunt Judæi, suscitavérunt, et ad iracúndiam concitavérunt ánimas Gén-tium ad-vérsus fratres. Multo ígitur témpore

demoráti sunt, fiduciáliter ágéntes in Dómino, testimónium perhibénte verbo grátiae suæ, dante signa et prodígia fieri per manus eórum.

R. Pretiósá in conspéctu Dómini, allelúja, * Mors sanctórum ejus, allelúja.

V. Custódit Dóminus ómnia ossa eórum, unum ex his non conterétur.

Mors. Glória Patri. Mors.

IN II. NOCTURNO.

Lectio iv.

B Arnabas Levítes, Cýprius génere, qui et Joseph, cum Paulo Gén-tium Apóstolus ordinátus est ad prædicándum Jesu Christi Evangélium. Is, agro véndito, quem habébat, redáctam ex eo pecúniám áttulit Apóstolis. Missus autem Antiochiám prædicatióis causa, cum ibi multos ad Christi Dómini fidem convérsos esse comperísset, incredibíliter lætátus, eos hortabátur ut in Christi fide permanérent. Qua cohortatióne multum proficiébat, quod ab ómnibus vir bonus, et Spíritu sancto plenus habebátur.

R. Lux perpétua lucébit sanctis tuis, Dómine, * Et æternitas témporum, allelúja, allelúja.

V. Lætítia sempitérna erit super cá-pita eórum: gáudium et exultatióem obtinébunt. Et æternitas.

Lectio v.

P Roséctus inde Tarsum, ut quæret Paulum, cum eo Antiochiám venit. In ejus urbis Ecclésiá annum commoráti, Christiánæ fidei, et vitæ illis homínibus præcépta dedérunt: ubi étiam Jesu Christi cultóres primum Christiáni sunt appelláti. Discípuli autem Pauli et Bárnabæ suis facultátibus Christiános, qui in Judæa erant, sustentábant, eo mitténtes pecúniám per Paulum et Bárnabam. Qui perfúnti illo charitátis officio, adhíbito Joánne, cui cognómen erat Marcus, rediérunt Antiochiám.

R. Virtúte magna reddébant Apóstoli * Testimónium resurrectionis Jesu Christi Dómini nostri, allelúja, allelúja.

V. Repléti quidem Spíritu sancto loquebántur cum fidúcia verbum Dei. Testimónium.

Lectio vi.

Cum autem Antiochiæ in Ecclesiâ cum ceteris Prophétis et Doctóribus Paulus et Bárnabas in jejúnio et oratione Dómino deservírent, dixit Spíritus sanctus: Segregáte mihi Saulum et Bárnabam in opus, ad quod assúpsi eos. Tunc jejunántes et orántes, imponentésque eis manus, dimiserunt illos. Itaque Seleucíam venérunt, inde in Cyprum: ac multas prætereá urbes regionésque, prædicántes Evangélium, summa cum audiéntium utilitatē, peragrárunť. Postremo Bárnabas digressus a Paulo, una cum Joánnē, qui cognominátus est Marcus, navigávit in Cyprum: ibique circiter séptimum Nerónis annum, tertio Idus Júnii, ad Apostólici múnēris laudem martýrii corónam adjúnxit. Ejus corpus, Zenóne imperatóre, repértum est in insula Cyp̄ro, ad cujus pectus erat Evangélium Matthæi, Bárnabæ manu conscriptum.

R. Isti sunt agni novélli, qui annuntiavérunt, allelúja: modo venérunt ad fontes; * Repléti sunt claritatē, allelúja, allelúja.

V. In conspéctu Agni amícti sunt stolis albis, et palmæ in mánibus eórum. Repléti. Glória Patri. Repléti.

IN III. NOCTURNO.

Lectio sancti Evangelii secúndum

Lectio vii. Matthæum. Cap. 10. b.

In illo témpore: Dixit Jesus discipulis suis: Ecce ego mitto vos sicut oves in médio lupórum. Et reliqua.

Homília Sancti Joánnis Chrysóstomi.

Homília 34. in Matth. post initium.

Cum Dóminus omnem sollicitúdinem a discipulórum córdibus ejecerit,

et ostensióne signórum armáverit, atque ab ómnibus negótiis sæculáribus alienátos, et ab omni temporálium rerum cura liberátos, férreos quodámodo atque adamántinos fécerit, tum dénique eventúra illis advérſa prædicít. Multa enim ex hac prædictióne futurárum rerum cómmoda consequébántur. Primum, ut ejus præsciéntiæ vim edíscerent. Deínde, ut nemo suspicarétur ex magístri infirmitatē tam grávia mala descendere. Prætereá, ne qui ea passúri erant, súbito ac inopinátó rerum événtu perturbaréntur. Dénique, ne, cum ista sub ipsum passionis suæ tempus audírent, nímium commoveréntur.

R. Ego sum vitis vera, et vos pálmities:

* Qui manet in me, et ego in eo, hic fert fructum multum, allelúja, allelúja.

V. Sicut diléxit me Pater, et ego diléxi vos. Qui manet.

Lectio viii.

Jam vero, ut intélligant novum hoc esse belli genus, et insólitum præliándi morem, cum illos nudos mitteret, una indútos túnica, sine cálceis, absque virga, et absque zona et pera, et ab excipientibus ali juberet: non fecit hic dicéndi finem, sed inexplicábilem virtútem suam próferens, Etiam sic eúntes, inquit, mansuetúdinem tamen óvium osténdite, quamvis ad lupos itúri, nec simplíciter ad lupos, sed étiam in médio lupórum: (neque vero óvium tantum mansuetúdinem habére jubet, sed étiam colúmbæ simplicitátem;) sic enim virtútem meam máxime osténdam, cum ab óvibus lupi superabúntur: et quamvis illæ sint in médio lupórum, et innúmeris mórsibus laceréntur, non modo non consúptæ fúerint, verum étiam illos in sui natúram transmutáverint.

R. Cándidi facti sunt Nazaræi ejus, allelúja: splendórem Deo dedérunt, allelúja: * Et sicut lac coaguláti sunt, allelúja, allelúja.

V. Candidiôres nive, nitidiôres lacte, rubicundiôres ébore antíquo, sapphíro pulchriôres. **Et sicut. Glória Patri. Et sicut.**

Lectio ix.

MAjus certe atque admirabilius est, mentem adversariôrum commutare, et ánimum in diversum transferre, quam illos occídere: præsertim cum duódecim tantum essent, et lupis plenus esset orbis univérsum. Erubescamus igitur, qui longe diversa faciéntes, tamquam lupi in adversários rúimus. Nam quámdiu oves fuérimus, víncimus; étiam si mille circúmsent lupi, superámus, et victôres sumus: quod si lupi fuérimus, víncimur. Tunc enim a nobis pastôris auxílium recédit, qui non lupos, sed oves pascit.

Te Deum laudámus. 13.

In II. Vesperis fit commem. Feriæ.

Antiph. Hæc locútus sum vobis, ut, cum vénerit hora eórum, reminiscámini quia ego dixi vobis, allelúja.

V. Dóminus in cælo, allelúja.

R. Parávit sedem suam, allelúja.

Oratio.

OMnípotens sempitérne Deus, fac nos tibi semper et devótam gérere voluntátem, et majestáti tuæ sincéro corde servíre.

Deinde fit commemoratio SS. Basilidis et sociorum tantum, ut infra.

Die 12. Junii.

Festum S. Joannis a S. Facundo, Confessoris. Duplex, celebratur post Festum SS. Trinitatis, ac proinde ejus Officium recitandum ex Parte Aestiva.

SS. Basilidis, Cyrini, Naboris et Nazarii, Mart., fit commemoratio.

In Vesperis, Antiph. Lux perpétua lucébit sanctis tuis Dómine, et ætéritas témporum, allelúja.

V. Sancti et justi in Dómino gaudéte, allelúja.

R. Vos elégit Deus in hæreditátem sibi, allelúja.

Oratio.

Sanctorum Mátyrum tuorum Basilidis, Cyrini, Naboris, atque Nazarii, quæsumus, Dómine, natalítia nobis votíva respléndeant: et quod illis cóntulit excelléntia sempitérna, frúctibus nostræ devotiônis accrésceat. **Per Dóminum.**

Lectio ix.

Basilides, Cyrinus, Nabor, et Nazarius, Románi mílites, nóbiles génere, et virtúte illústres, Christiána religióne suscepíta, cum Christum Dei Fílium, Diocletiano Imperátore, prædicárent, ab Aurélio Præfécito Urbis comprehénsi, et ut diis sacra fácerent admóniti, ejus jussa contemnéntes, missi sunt in cárcerem. Quibus orántibus, cum súbito claríssima lux obórta ómnium óculis, qui ibídem essent, cárcerem collustráset, illo cœlésti splendóre commótus Marcellus custodiæ præpósitus, multíque álíi, Christo Dómino credidérunt. Verum póstea e cárcere emíssi, ab Imperátore Maximiano, cum, ejus étiam neglécto império, unum Christum Deum et Dóminum in ore habérent, scorpiónibus cruciáti, íterum conjiciúntur in víncula, unde séptimo die edúcti, et ante pedes Imperátoris constitúti, perstitérunt in irrisióne inánium deórum, Jesum Christum Deum constantíssime confiténtes. Quamóbrem damnáti, secúri feriúntur. Quorum córpora feris objécta, nec ab illis tacta, a Christiánis honorífice sepúlta sunt.

Te Deum laudámus. 13.

In Laudibus, Antiphona.

Fíliæ Jerúsalem, veníte et vidéte Mátyres cum corónis, quibus coronávit eos Dóminus in die solemnitátis et lætítiae, allelúja, allelúja.

V. Pretiósá in conspéctu Dómini, allelúja.

R. Mors sanctorum ejus, allelúja.

Oratio. Sanctorum tuorum. **ut supra.**

☩

Die 13. Junii.

✠ Festum **S. Antonii** de Padua, Confessoris, Duplex, celebratur post Festum SS. Trinitatis, ac proinde ejus Officium recitandum ex Parte Aestiva.

Die 14. Junii.

✠ Festum **S. Basilii Magni**, Episc. Conf. et Eccl. Doctoris, Duplex, celebratur post Festum SS. Trinitatis, ac proinde ejus Officium recitandum ex Parte Aestiva.

Die 15. Junii.

In Festo **Ss. Viti, Modesti**, atque **Crescentiae**, Martyrum.

Antiph. Lux perpétua lucébit sanctis tuis Dómine, et æternitas téporum, allelúja.

✠. Sancti et justi in Dómino gaudéte, allelúja.

℞. Vos elégit Deus in hæreditátem sibi, allelúja.

Oratio.

DA Ecclésiæ tuæ, quæsumus Dómine, sanctis Martyribus tuis Vito, Modesto, atque Crescentia intercedéntibus, superbe non sápere, sed tibi plácita humilitáte proficere: ut prava despiciens, quæcúmque recta sunt, líbera exerceat charitáte. Per Dñm.

In Laudibus, Antiphona.

Fíliæ Jerúsalem, veníte et vidéte Mártires cum corónis, quibus coronávit eos Dóminus in die solemnitátis et lætítiæ, allelúja, allelúja.

✠. Pretiósá in conspéctu Dómini, allelúja.

℞. Mors sanctórum ejus, allelúja.

Die 18. Junii.

SS. Marci et Marcelliani, Mart.

Antiph. Lux perpétua lucébit sanctis tuis Dómine, et æternitas téporum, allelúja.

✠. Sancti et justi in Dómino gaudéte, allelúja.

℞. Vos elégit Deus in hæreditátem sibi, allelúja.

Oratio.

PRæsta, quæsumus, omnípotens Deus: ut qui sanctórum Mátyrum tuórum Marci et Marcelliáni natalítia cólimus; a cunctis malis imminéntibus, eórum intercessiόνibus liberémur. Per Dóminum.

In Laudibus, Antiphona.

Fíliæ Jerúsalem, veníte et vidéte Mártires cum corónis, quibus coronávit eos Dóminus in die solemnitátis et lætítiæ, allelúja, allelúja.

✠. Pretiósá in conspéctu Dómini, allelúja.

℞. Mors sanctórum ejus, allelúja.

Die 19. Junii.

✠ Festum **S. Julianæ** de Falconeriis, Virginis, Duplex, celebratur post Festum SS. Trinitatis, ac proinde ejus Officium recitandum ex Parte Aestiva.

SS. Gervasii et Protasii, Martyrum, fit commemoratio.

In Vesperis, Antiphona.

Lux perpétua lucébit sanctis tuis Dómine, et æternitas téporum, allelúja.

✠. Sancti et justi in Dómino gaudéte, allelúja.

℞. Vos elégit Deus in hæreditátem sibi, allelúja.

Oratio.


DEus, qui nos ánnua sanctórum Mátyrum tuórum Gervásii et Protásii solemnitáte lætíficas, concéde propítius, ut quorum gaudémus méritis, accendámur exémplic. Per Dóminum.


In Laudibus, Antiphona.

Fíliæ Jerúsalem, veníte et vidéte Mártires cum corónis, quibus coronávit eos Dóminus in die solemnitátis et lætítiæ, allelúja, allelúja.

✠. Pretiósá in conspéctu Dómini, allelúja.

℞. Mors sanctórum ejus, allelúja.





COMMUNE SANCTORUM.

DE Vigiliis Apostolorum tempore Quadragesimæ nihil fit in Officio, sed commemoratio in Missa tantum, tempore Paschali vero sive in Officio sive in Missa nihil fit. Cum igitur Lectiones de Homilia iis assignatæ Vigiliis nunquam prædictis temporibus legendæ sint, hic propterea omittuntur.

Commune Apostolorum et Evangelistarum.

IN I. VESPERIS.

ANtiph. to. 8. f. Hoc est præceptum meum, ut diligatis invicem, sicut dilexi vos.

Psalmus 109.

Dixit Dóminus Dómino meo: * Sede a dextris meis:

Donec ponam inimicos tuos, * scabellum pedum tuorum.

Virgam virtutis tuæ emittet

Dóminus ex Sion: * dominare in medio inimicorum tuorum.

Tecum principium in die virtutis tuæ in splendoribus sanctorum: * ex útero ante luciferum genui te.

Juravit Dóminus, et non pœnitêbit eum: * Tu es sacerdos in ætérnum secundum ordinem Melchisedech.

Dóminus a dextris tuis, * confrégit in die iræ suæ reges.

Judicabit in nationibus, implêbit ruinas: * conquassabit cápita in terra multorum.

De torrente in via bibet: * propterea exaltabit caput.

Antiph. Hoc est præceptum meum, ut diligátis invicem, sicut diléxi vos.

Antiph. to. 2. Majórem charitátem nemo habet, ut ánimam suam ponat quis pro amícis suis.

Psalmus 110.

Confitebor tibi, Dómine, in toto corde meo: * in consílio justórum, et congregatióne.

Magna ópera Dómini: * exquisíta in omnes voluntátes ejus.

Confessio et magnificéntia opus ejus: * et justítia ejus manet in sæculum sæculi.

Memóriam fecit mirabílium suórum, miséricors et miserátor Dóminus: escam dedit timéntibus se.

Memor erit in sæculum testaménti sui: * virtútem óperum suórum annuntiábit pópulo suo:

Ut det illis hæreditátem Géntium: * ópera mánuum ejus veritas et judícium.

Fidélia ómnia mandáta ejus: confirmáta in sæculum sæculi, * facta in veritáte et æquitáte.

Redemptiónem misit pópulo suo: * mandávit in ætérnum testaméntum suum.

Sanctum, et terríbile nomen ejus: * inítium sapiéntiæ timor Dómini.

Intelléctus bonus ómnibus faciéntibus eum: * laudátio ejus manet in sæculum sæculi.

Antiph. Majórem charitátem nemo habet, ut ánimam suam ponat quis pro amícis suis.

Antiph. to. 1. l. Vos amíci mei estis, si fecérítis quæ præcípio vobis, dicit Dóminus.

Psalmus 111.

Beátus vir, qui timet Dóminum: * in mandátis ejus volet nimis.

Potens in terra erit semen ejus: * generátio rectórum benedicétur.

Glória et divítiæ in domo ejus: * et justítia ejus manet in sæculum sæculi.

Exórtum est in ténebris lumen rectis: * miséricors, et miserátor, et justus.

Jucúndus homo, qui miserétur et cómmodat, dispónet sermónes suos in judício: * quia in ætérnum non commovébitur.

In memória ætérna erit justus: * ab auditióne mala non timébit.

Parátum cor ejus speráre in Dómino, confirmátum est cor ejus: * non commovébitur donec despíciat inimícos suos.

Dispérsit, dedit paupéribus: justítia ejus manet in sæculum sæculi, * cornu ejus exaltábitur in glória.

Peccátor vidébit, et irascétur, déntibus suis fremet et tabéscet: * desidérium peccatórum períbit.

Antiph. Vos amíci mei estis, si fecérítis quæ præcípio vobis, dicit Dóminus.

Antiph. to. 1. Beáti pacífici, beáti mundo corde: quóniam ipsi Deum vidébunt.

Psalmus 112.

Laudáte, púeri, Dóminum: * laudáte nomen Dómini.

Sit nomen Dómini benedíctum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cœlos glória ejus.

Quis sicut Dóminus Deus noster, qui in altis hábitat, * et humília respícit in cœlo et in terra?

Súscitans a terra ínopem, * et de stércore érigens páuperem:

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Antiph. Beáti pacífici, beáti mundo corde: quóniam ipsi Deum vidébunt.

Antiph. to. 2. In patiéntia vestra possidébitis ánimas vestras.

Psalmus 113.

Laudáte Dóminum, omnes Gentes: * laudáte eum, omnes pópuli:

Quóniam confirmáta est super nos misericórdia ejus: * et véritas Dómini manet in ætérnum.

Antiph. In patiéntia vestra possidebitis ánimas vestras.

Capitulum.

Ephes. 2. d.

FRatres: Jam non estis hóspites et ádvenæ, sed estis cives sanctórum, et doméstici Dei: superædificáti super fundaméntum Apostolórum et Prophetárum, ipso summo angulári lápide Christo Jesu.

R. Deo grátias.

Hymnus.

EXúltet orbis gáudiis:
Cœlum resúltet láudibus:
Apostolórum glóriam
Tellus et astra cóncinunt.

Vos sæculórum júdices,
Et vera mundi lúmina,
Votis precámur córdium;
Audíte voces súpplicum.

Qui templa cœli cláuditis,
Serásque verbo sólvitis;
Nos a reátu nóxios
Solvi jubéte, quæsumus.

Præcépta quorum prótinus
Lánguor salúsque séntiunt:
Sanáte mentes lánguidas;
Augéte nos virtútibus:

Ut, cum redíbit Arbiter
In fine Christus sæculi,
Nos sempitérni gáudii
Concédat esse cómpotes.

Patri, simúlque Fílio,
Tibíque, sancte Spíritus,
Sicut fuit, sit júgiter
Sæclum per omne glória. Amen.

V. In omnem terram exívit sonus eórum.

R. Et in fines orbis terræ verba eórum.

Ad Magnificat, Antiphona, to. 1.

Tradent enim vos in concíliis, et in synagógis suis flagellábunt vos, et ante reges et præsides ducémini propter me in testimónium illis, et Gén-
tibus.

Canticum B. Mariæ Virginis.

Lucæ 1. c.

MAgníficat * ánima mea Dóminum:
Et exultávit spíritus meus * in Deo salutári meo.

Quia respéxit humilitátem ancillæ suæ: * ecce enim ex hoc beátam me dicent omnes generatiónes.

Quia fecit mihi magna qui potens est: * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo: * dispérsit supérbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis: * et dívites dimísit inánes:

Suscépit Israel púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sæcula.

Antiph. Tradent enim vos in concíliis, et in synagógis suis flagellábunt vos, et ante reges et præsides ducémini propter me in testimónium illis, et Gén-
tibus.

Oratio propria.

AD MATUTINUM.

Invitatorium. Regem Apostolórum Dóminum, * Veníte, adorémus.

Repetitur. Regem Apostolórum Dóminum, veníte adorémus.

Psalmus 94.

VEníte, exultémus Dómino, jubilé-
mus Deo salutári nostro: præoc-
cupémus faciém ejus in confessióne,
et in psalmis jubilémus ei.

Regem Apostolórum Dóminum, veníte adorémus.

Quóniam Deus magnus Dóminus, et Rex magnus super omnes deos: quóniam non repéllit Dóminus plebem suam, quia in manu ejus sunt omnes fines terræ, et altitúdines móntium ipse cónspicit.

Veníte, adorémus.

Quóniam ipsíus est mare, et ipse fecit illud, et áridam fundavérunt manus ejus: veníte, adorémus, et procidámus ante Deum: plorémus coram Dómino, qui fecit nos, quia ipse est Dóminus Deus noster: nos autem pópulus ejus et oves páscuæ ejus.

Regem Apostolórum Dóminum, veníte adorémus.

Hódie si vocem ejus audiéritis, nolíte obduráre corda vestra, sicut in exacerbatióne secúndum diem tentatiónis in desérto: ubi tentavérunt me patres vestri, probavérunt, et vidérunt ópera mea.

Veníte, adorémus.

Quadráginta annis próximus fui generatióni huic, et dixi: Semper hi errant corde: ipsi vero non cognovérunt vias meas, quibus jurávi in ira mea, si introibunt in réquiem meam.

Regem Apostolórum Dóminum, veníte adorémus.

Glória Patri, et Fílio, et Spirítui Sancto: Sicut erat in princípío, et nunc, et semper, et in sæcula sæculórum. Amen.

Veníte, adorémus.

Regem Apostolórum Dóminum, veníte adorémus.

Hymnus.

Æ Téna Christi múnera,
Apostolórum glóriam,
Palmas et hymnos débitos
Lætis canámus méntibus.

Eccelesiárum Príncipes,
Belli triumpháles Duces,
Cœléstis aulæ mílites,
Et vera mundi lúmina.

Devóta Sanctórum Fides,
Invícta Spes credéntium,
Perféccta Christi Cháritas
Mundi tyránnum cónterit.

In his Patérna glória,
In his triúmphant Fílius,
In his volúntas Spirítus,
Cœlum replétur gáudio.

Patri, simúlque Fílio,
Tibíque, sancte Spirítus,
Sicut fuit, sit júgiter
Sæclum per omne glória.
Amen.

IN I. NOCTURNO.

Antiph. to. 2. In omnem terram exívit sonus eórum, et in fines orbis terræ verba eórum.

Psalmus 18.

Cœli enarrant glóriam Dei, * et ópera mánuum ejus annúntiant firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse, tamquam sponsus, procédens de thálamo suo.

Exultávit, ut gigas, ad curréndam viam: * a summo cœlo egréssio ejus:

Et occúrsus ejus usque ad summum ejus: * nec est qui se abscondat a calore ejus.

Lex Dómini immaculáta, convértens ánimas: * testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda: * præcéptum Dómini lúcidum, illúminans óculos.

Timor Dómini sanctus, pérmanens in sæculum sæculi: * judícia Dómini vera, justificáta in semetípse.

Desiderabília super aurum, et lápidem pretiósus multum: * et dulcióra super mel et favum.

Etenim servus tuus custódit ea: * in custodiéndis illis retribútio multa.

Delícta quis intélligit? ab occúltis meis munda me: * et ab aliénis parce servo tuo.

Si mei non fúerint domináti, tunc immaculátus ero: * et emundábor a delicto máximo.

Et erunt ut compláceant elóquia oris mei: * et meditatio cordis mei in conspéctu tuo semper.

Dómine, adjútor meus, * et redéptor meus.

Antiph. In omnem terram exívit sonus eórum, et in fines orbis terræ verba eórum.

Antiph. to. 7. f. Clamavérunt justi, et Dóminus exaudivit eos.

Psalmus 33.

Benedícam Dóminum in omni tēpore: * semper laus ejus in ore meo.

In Dómino laudábitur ánima mea: * áudiant mansuétí, et læténtur.

Magnificáte Dóminum mecum: * et exaltémus nomen ejus in idípsum.

Exquisívi Dóminum, et exaudivit me: * et ex ómnibus tribulatióibus meis erípuit me.

Accédite ad eum, et illuminámini: * et fácies vestræ non confundéntur.

Iste pauper clamávit, et Dóminus exaudivit eum: * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum: * et erípiet eos.

Gustáte, et vidéte quóniam suavis est Dóminus: * beátus vir, qui sperat in eo.

Timéte Dóminum, omnes sancti ejus: * quóniam non est inópia timéntibus eum.

Dívites eguérunt, et esuriérunt: * inquiréntes autem Dóminum non minuéntur omni bono.

Veníte, filii, audíte me: * timórem Dómini docébo vos.

Quis est homo, qui vult vitam: * diligit dies vidére bonos?

Próhibe linguam tuam a malo: * et lábia tua ne loquántur dolum.

Divérte a malo, et fac bonum: * inquiré pacem, et perséquare eam.

Oculi Dómini super justos: * et aures ejus in preces eórum.

Vultus autem Dómini super faciéntes mala: * ut perdat de terra memóriam eórum.

Clamavérunt justi, et Dóminus exaudivit eos: * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde: * et húmiles spírítu salvábit.

Multæ tribulatióes justórum: * et de ómnibus his liberábit eos Dóminus.

Custódit Dóminus ómnia ossa eórum: * unum ex his non conterétur.

Mors peccatórum péssima: * et qui odérunt justum, delínquent.

Rédimet Dóminus ánimas servórum suórum: * et non delínquent omnes, qui sperant in eo.

Antiph. Clamavérunt justi, et Dóminus exaudivit eos.

Antiph. to. 7. r. Constitúes eos príncipes super omnem terram: mémores erunt nóminis tui, Dómine.

Psalmus 44.

Eructávit cor meum verbum bonum: * dico ego ópera mea Regi. **L**ingua mea cálamus scribæ * velóciter scribéntis.

Speciósus forma præ fíliis hóminum, diffusa est grátia in lábiis tuis: * proptérea benedíxit te Deus in ætérnum.

Accíngere gládio tuo super femur tuum, * potentíssime.

Spécie tua, et pulchritúdine tua * inténde, prospere procéde, et regna.

Propter veritátem, et mansuetúdinem, et justítiam: * et dedúcet te mirabíliter dextera tua.

Sagíttæ tuæ acútæ, pópli sub te cadent, * in corda inimicórum regis.

Sedes tua, Deus, in sæculum sæculi: * virga directiόνis, virga regni tui.

Dilexísti justítiam, et odísti iniquitátem: * proptérea unxit te Deus, Deus tuus óleo lætítiæ præ consórtibus tuis.

Myrrrha, et gutta, et cásia a vestiméntis tuis, a dómibus ebúrneis: * ex

quibus delectavérunt te ffiliae regum in honóre tuo.

Astitit regína a dextris tuis in vestítu deauráto, * circúmdata varietáte.

Audi ffilia, et vide, et inclína aurem tuam: * et oblivíscere pópulum tuum, et domum patris tui.

Et concupíscet Rex decórem tuum: * quóniam ipse est Dóminus Deus tuus, et adorábunt eum.

Et ffiliae Tyri in munéribus * vultum tuum deprecabúntur, omnes dívites plebis.

Omnis glória ejus ffiliae Regis ab intus, * in fimbriis áureis circumamícta varietátibus.

Adducéntur Regi vírgines post eam: * próximæ ejus afferéntur tibi.

Afferéntur in lætítia et exultatióne: * adducéntur in templum Regis.

Pro pátribus tuis nati sunt tibi ffilii: * constítues eos príncipes super omnem terram.

Mémores erunt nóminis tui, * in omni generatióne, et generatióne.

Proptérea pópuli confitebúntur tibi in ætérnum, * et in sæculum sæculi.

Antiph. Constítues eos príncipes super omnem terram: mémores erunt nóminis tui, Dómine.

Ÿ. In omnem terram exívit sonus eórum.

R. Et in fines orbis terræ verba eórum.

Pater noster.

Absolutio. Exáudi, Dómine.

Ÿ. Jube, domne, benedícere.

Benedictio. Benedictiône perpétua.

Lectiones de Scriptura positæ in Comuni Sanctorum, leguntur quando annotantur in Proprio Sanctorum per annum, et quando contingit fieri Officium de aliquo Sancto illis diebus, in quibus in Officio Feriali non ponuntur Lectiones de Scriptura, sed tantum de Homilia: et quando aliquod festum solemniter celebratur in propria Ecclesia.

De Epístola prima beáti Pauli Apóstoli ad Corínthios.

Lectio i.

Cap. 4.

Sic nos exístimet homo, ut minístros Christi, et dispensatóres mysteriórum Dei. Hic jam quæritur inter dispensatóres, ut fidélis quis inveniátur. Mihi autem pro mínimo est, ut a vobis júdicer, aut ab humano die: sed neque meípsum júdico. Nihil enim mihi cónscius sum: sed non in hoc justificátus sum: qui autem júdicat me, Dóminus est. Itaque nólite ante tempus judicáre, quoadúsque véniat Dóminus, qui et illuminábit abscóndita tenebrárum, et manifestábit consília córdium: et tunc laus erit unicuíque a Deo.

R. Ecce ego mitto vos, sicut oves, in médio lupórum, dicit Dóminus: * Estóte ergo prudéntes sicut serpéntes, et simplices sicut colúmbæ.

Ÿ. Dum lucem habétis, créдите in lucem, ut ffilii lucis sitis. Estóte.

Benedictio. Unigénitus Dei Fílius.

Lectio ii.

Hæc autem, fratres, transfigurávi in me et Apóllo, propter vos: ut in nobis discátis, ne supra quam scriptum est, unus advérsus álium infletur pro álio. Quis enim te discérnit? Quid autem habes, quod non accepísti? Si autem accepísti, quid gloriáris, quasi non accéperis? Jam saturáti estis, jam dívites facti estis: sine nobis regnátis: et útinam regnétis, ut et nos vobíscum regnémus. Puto enim quod Deus nos Apóstolos novíssimos osténdit, tamquam morti destinátos: quia spectáculum facti sumus mundo, et Angelis, et homínibus. R. Tóllite jugum meum super vos, dicit Dóminus, et discite a me, quia mitis sum, et húmilis corde: * Jugum enim meum suave est, et onus meum leve. Ÿ. Et inveniétis réquiem animábus vestris. Jugum.

Benedictio. Spíritus sancti grátia.

Lectio iii.

Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam et esurimus, et sitimus, et nudi sumus, et colaphis cedimur, et instabiles sumus, et laboramus operantes manibus nostris: maledicimur, et benedicimus: persecutionem patimur, et sustinemus: blasphemamur, et obsecramus: tamquam purgamenta huius mundi facti sumus, omnium peripsēma usque adhuc. Non ut confundam vos hæc scribo, sed ut filios meos charissimos moneo. Nam si decem millia pedagogorum habeatis in Christo; sed non multos patres. Nam in Christo Jesu per Evangelium ego vos genui.

R. Dum steteritis ante reges et praesides, nolite cogitare quomodo, aut quid loquamini: * Dabitur enim vobis in illa hora quid loquamini.

V. Non enim vos estis, qui loquimini: sed Spiritus Patris vestri, qui loquitur in vobis. **D**abitur.

Gloria Patri. **D**abitur.

IN II. NOCTURNO.

Antiph. to. 8. Principes populorum congregati sunt cum Deo Abraham.

Psalmus 46.

Omnes Gentes, plaudite manibus: * jubilante Deo in voce exultationis. Quoniam Dominus excelsus, terribilis: * Rex magnus super omnem terram.

Subiecit populos nobis, * et Gentes sub pedibus nostris.

Elegit nobis hereditatem suam, * speciem Jacob, quam dilexit.

Ascendit Deus in iubilo, * et Dominus in voce tubæ.

Psallite Deo nostro, psallite: * psallite Regi nostro, psallite.

Quoniam Rex omnis terræ Deus: * psallite sapienter.

Regnabit Deus super Gentes: * Deus sedet super sedem sanctam suam.

Principes populorum congregati sunt cum Deo Abraham: * quoniam dii fortes terræ vehementer elevati sunt.

Antiph. Principes populorum congregati sunt cum Deo Abraham.

Antiph. ton. 8. Dedisti hereditatem timéntibus nomen tuum, Domine.

Psalmus 60.

Exaudi, Deus, deprecationem meam: * intende orationi meæ.

A finibus terræ ad te clamavi: * dum anxietur cor meum, in petra exaltasti me.

Deduxisti me, quia factus es spes mea: * turris fortitudinis a facie inimici.

Inhabitabo in tabernaculo tuo in sæcula: * protegar in velamento alarum tuarum.

Quoniam tu, Deus meus, exaudisti orationem meam: * dedisti hereditatem timéntibus nomen tuum.

Dies super dies regis adjicies: * annos ejus usque in diem generationis et generationis.

Permanet in æternum in conspectu Dei: * misericordiam et veritatem ejus quis requireret?

Sic psalmum dicam nomini tuo in sæculum sæculi: * ut reddam vota mea de die in diem.

Antiph. Dedisti hereditatem timéntibus nomen tuum, Domine.

Antiph. to. 8. Annuntiaverunt opera Dei, et facta ejus intellexerunt.

Psalmus 63.

Exaudi, Deus, orationem meam cum deprecor: * a timore inimici eripe animam meam.

Protestisti me a conventu malignantium, * a multitudine operantium iniquitatem.

Quia exaceruerunt, ut gladium, linguas suas: * intenderunt arcum, rem am-

ram, ut sagittent in occultis immulatum.

Subito sagittabunt eum, et non timebunt: * firmaverunt sibi sermonem nequam.

Narraverunt, ut absconderent laqueos: * dixerunt: Quis videbit eos?

Scrutati sunt iniquitates: * defecerunt scrutantes scrutiny.

Accedet homo ad cor altum: * et exaltabitur Deus.

Sagittae parvulorum factae sunt plagae eorum: * et infirmatae sunt contra eos linguae eorum.

Conturbati sunt omnes, qui videbant eos: * et timuit omnis homo.

Et annuntiaverunt opera Dei: * et facta ejus intellexerunt.

Latabitur justus in Domino, et sperabit in eo, * et laudabuntur omnes recti corde.

Antiph. Annuntiaverunt opera Dei, et facta ejus intellexerunt.

V. Constitues eos principes super omnem terram.

R. Memores erunt nominis tui, Domine.

Pater noster.

Absolutio. Ipsius pietas.

V. Jube, domne, benedicere.

Benedictio. Deus Pater omnipotens.

Sermo Sancti Gregorii Papae.

Homilia 30. in Evangelia post medium.

Lectio iv.

Scriptum est: Spiritus Domini ornavit coelos. Ornamenta enim coelorum sunt virtutes praedicantium. Quae videlicet ornamenta Paulus enumerat, dicens: Alii datur per Spiritum sermo sapientiae, alii sermo scientiae secundum eundem Spiritum, alteri fides in eodem Spiritu, alii gratia sanitarum in uno Spiritu, alii operatio virtutum, alii prophetia, alii discretio spirituum, alii genera linguarum, alii interpretatio sermonum. Haec autem omnia operatur unus at-

que idem Spiritus, dividens singulis prout vult.

R. Vidi conjunctos viros habentes splendoras vestes, et Angelus Domini locutus est ad me, dicens: * Isti sunt viri sancti facti amici Dei.

V. Vidi Angelum Dei fortem, volentem per medium coelum, voce magna clamantem, et dicentem. **Isti.**

Benedictio. Christus perpetuae.

Lectio v.

Quot ergo sunt bona praedicantium, tot sunt ornamenta coelorum. Hinc rursus scriptum est: Verbo Domini caeli firmati sunt. Verbum enim Domini Filius est Patris. Sed eosdem coelos, videlicet sanctos Apostolos, ut tota simul sancta Trinitas ostendatur operata, repente de sancti Spiritus divinitate adjungitur: Et Spiritu oris ejus omnis virtus eorum. Coelorum ergo virtus de Spiritu sumpta est: quia mundi hujus potestatibus contraire non praesumerent, nisi eos sancti Spiritus fortitudo solidasset. Quales namque doctores sanctae Ecclesiae ante adventum hujus Spiritus fuerint, scimus: et post adventum illius, cujus fortitudinis facti sint, conspiciamus.

R. Beati estis cum maledixerint vobis homines, et persecuti vos fuerint, et dixerint omne malum adversum vos, mentientes, propter me: * Gaude et exultate, quoniam merces vestra copiosa est in coelis.

V. Cum vos oderint homines, et cum separaverint vos, et exprobraverint, et ejecerint nomen vestrum, tamquam malum, propter Filium hominis. **Gaudete.**

Benedictio. Ignem sui amoris.

Lectio vi.

Certe iste ipse pastor Ecclesiae, ad cujus sacratissimum corpus sedemus, quantae debilitatis, quantaeque formidinis ante adventum Spiritus

fuerit, ancilla ostiaria requisita dicat. Una enim mulieris voce percussus, dum mori timuit, vitam negavit. Et pensandum, quia eum comprehensum Petrus negavit in terra, quem suspensum latro confessus est in cruce. Sed vir iste tantae formidinis, qualis post adventum Spiritus existat, audiamus. Fit conventus magistratus atque seniorum, caesis denuntiatur Apostolis, ne in nomine Jesu loqui debeant. Petrus magna auctoritate respondet: Obedire oportet Deo magis quam hominibus.

R. Isti sunt triumphatores, et amici Dei, qui contemnentes jussa principum, meruerunt praemia aeterna: * Modo coronantur, et accipiunt palmam.

V. Isti sunt, qui venerunt ex magna tribulatione, et laverunt stolas suas in sanguine Agni. **Modo.**

Gloria Patri. Modo.

IN III. NOCTURNO.

Antiph. to. 6. Exaltabuntur cornua justi.

Psalmus 74.

Confitebimur tibi, Deus: * confitebimur, et invocabimus nomen tuum.

Narrabimus mirabilia tua: * cum accipero tempus, ego iustitias iudicabo.

Liquefacta est terra, et omnes, qui habitant in ea: * ego confirmavi columnas ejus.

Dixi iniquis: Nolite inique agere: * et delinquentibus: Nolite exaltare cornu:

Nolite extollere in altum cornu vestrum: * nolite loqui adversus Deum iniquitatem.

Quia neque ab Oriente, neque ab Occidente, neque a desertis montibus: * quoniam Deus iudex est.

Hunc humiliat, et hunc exaltat: * quia calix in manu Domini vini meri plenus misto.

Et inclinavit ex hoc in hoc: verumtamen faex ejus non est exinanita: * bibent omnes peccatores terrae.

Ego autem annuntiabo in saeculum: * cantabo Deo Jacob.

Et omnia cornua peccatorum confringam: * et exaltabuntur cornua justi.

Antiphona. Exaltabuntur cornua justi.

Antiph. to. 6. Lux orta est justo, rectis corde laetitia.

Psalmus 96.

Dominus regnavit, exultet terra: * laetentur insulae multae.

Nubes et caligo in circuitu ejus: * iustitia et iudicium correctio sedis ejus.

Ignis ante ipsum praecedet, * et inflammabit in circuitu inimicos ejus.

Illuxerunt fulgura ejus orbi terrae: * vidit, et commota est terra.

Montes sicut cera fluxerunt a facie Domini: * a facie Domini omnis terra.

Annuntiaverunt caeli iustitiam ejus: * et viderunt omnes populi gloriam ejus.

Confundantur omnes, qui adorant sculptilia: * et qui gloriantur in simulacris suis.

Adorate eum, omnes Angeli ejus: * audivit, et laetata est Sion.

Et exultaverunt filiae Judae, * propter iudicia tua, Domine:

Quoniam tu Dominus Altissimus super omnem terram: * nimis exaltatus es super omnes deos.

Qui diligitis Dominum, odite malum: * custodit Dominus animas sanctorum suorum, de manu peccatoris liberabit eos.

Lux orta est justo, * et rectis corde laetitia.

Laetamini justi in Domino: * et confitemini memoriae sanctificationis ejus.

Antiph. Lux orta est justo, rectis corde laetitia.

Antiph. to. 4. Custodiabant testimonia ejus, et praecepta ejus.

Psalmus 98.

Dominus regnāvit, irascāntur pópuli: * qui sedet super Chérubim, moveātur terra.

Dóminus in Sion magnus, * et excelsus super omnes pópulos.

Confiteāntur nómini tuo magno, quóniam terribile et sanctum est: * et honor regis iudícium díligit.

Tu parásti directiónes: * iudícium et justítiam in Jacob tu fecísti.

Exaltáte Dóminum Deum nostrum, et adoráte scabéllum pedum ejus: * quóniam sanctum est.

Móyses et Aaron in sacerdótibus ejus, * et Sámuel inter eos, qui ínvocant nomen ejus.

Invocabant Dóminum, et ipse exaudiébat eos: * in colúmna nubis loquebátur ad eos.

Custodiébant testimónia ejus, * et præcéptum, quod dedit illis.

Dómine Deus noster, tu exaudiébas eos: * Deus, tu propítius fuísti eis, et ulciscens in omnes adinventiónes eórum.

Exaltáte Dóminum Deum nostrum, et adoráte in monte sancto ejus: * quóniam sanctus Dóminus Deus noster.

Antiph. Custodiébant testimónia ejus, et præcépta ejus.

V. Nimis honoráti sunt amíci tui, Deus.

R. Nimis confortátus est principátus eórum.

Pater noster.

Absolutio. A vínculis.

V. Jube domne.

Benedictio. E evangélica léctio.

Léctio sancti Evangélíi secúndum Matthæum.

Léctio vii.

Cap. 19. d.

In illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis? Et réliqua.

Homília Sancti Hierónymi Presbýteri.

Lib. 3. in Matth. cap. i9.

Grandis fidúcia! Petrus piscátor erat, díves non fúerat, cibos manu et arte quærébat: et tamen lóquitur confidénter: Relíquimus ómnia. Et quia non súfficit tantum relínquere, jungit quod perféctum est: Et secúti sumus te. Fécimus quod jussísti: Quid ígitur nobis dabis præmii? Jesus autem dixit illis: Amen dico vobis, quod vos qui secúti estis me, in regeneratióne, cum séderit Fílius hóminis in sedé majestátis suæ, sedébitis et vos super sedes duódecim, judicántes duódecim tribus Israel. Non dixit: Qui reliquistis ómnia: hoc enim et Crates fecit philósophus, et multi álíi divítias contempsérunt: sed, qui secúti estis me: quod próprie Apostolórum est, atque credéntium.

R. Isti sunt qui vivéntes in carne, plantavérunt Ecclésiám sáanguine suo: * Cálícem Dómini bibérunt, et amíci Dei facti sunt.

V. In omnem terram exívit sonus eórum, et in fines orbis terræ verba eórum. **Cálícem.**

Benedictio. Cujus, vel Quorum festum.

Léctio viii.

In regeneratióne, cum séderit Fílius hóminis in sede majestátis suæ (quando et mórtui de corruptiόne resúrgent incorrúpti) sedébitis et vos in sóliis judicántium, condemnántes duódecim tribus Israel: quia vobis credéntibus, illi crédere noluérunt. Et omnis qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípíet, et vitam ætérnam possidébit. Locus iste cum illa senténtia cóngruit, in qua Salvátor lóquitur: Non veni pacem mittere, sed gládium. Veni enim separáre hóminem a patre suo, et matrem a fília, et

nurum a socru: et inimíci hóminis, doméstici ejus. Qui ergo propter fidem Christi, et prædicationem Evangelii, omnes affectus contempserint, atque divítias et sæculi voluptates, isti centuplum recipient, et vitam æternam possidebunt.

R. Isti sunt viri sancti, quos elégit Dóminus in charitate non ficta, et dedit illis glóriam sempiternam: * Quorum doctrína fulget Ecclesiá, ut sole luna.

V. Sancti per fidem vicérunt regna, operáti sunt justítiam. Quorum. Glória Patri. Quorum.

Benedictio. Ad societátem.

Lectio ix.

EX occasione hujus sententiæ quidam introducunt mille annos post resurrectionem, dicentes, tunc nobis centuplum ómnium rerum, quas dimisimus, et vitam æternam esse reddendam: non intelligentes, quod, si in céteris digna sit repromissio, in uxóribus appareat turpítudo: ut qui unam pro Dómino dimiserit, centum recipiat in futuro. Sensus ergo iste est: Qui carnália pro Salvátore dimiserit, spirituália recipiet: quæ comparatione et mérito sui ita erunt, quasi si parvo número centenarius numerus comparétur.

Te Deum laudámus. 13.

AD LAUDES

ET PER HORAS.

Antiph. to. 3. f. Hoc est præceptum meum, ut diligátis invicem, sicut diléxi vos.

Psalmus. Dóminus regnávít. cum reliquis in Psalterio. 13.

Antiph. to. 2. Majórem charitátem nemo habet, ut ánimam suam ponat quis pro amícis suis.

Antiph. to. 1. l. Vos amíci mei estis, si fecéritis quæ præcípíio vobis, dicit Dóminus.

Antiph. to. 1. Beáti pacífici, beáti mundo corde: quóniam ipsi Deum videbunt.

Antiph. to. 2. In patientia vestra possidebitis ánimas vestras.

Capitulum. Ephes. 2. d.

FRatres, Jam non estis hóspites et ádvenæ: sed estis cives sanctórum, et doméstici Dei: superædificáti super fundaméntum Apostolórum et Prophetárum, ipso summo angulári lapide Christo Jesu.

R. Deo grátias.

Hymnus.

EXultet orbis gaudiis:
Cælum resúltet laudibus:
Apostolórum glóriam
Tellus et astra concinunt.

Vos sæculórum júdices,
Et vera mundi lúmina,
Votis precámur córdium:
Audíte voces súpplicum.

Qui templa cœli cláuditis,
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum prótinus
Languor salúsque sentiunt:
Sanáte mentes lánguidas;
Augéte nos virtútibus:

Ut, cum redíbit Arbiter
In fine Christus sæculi,
Nos sempitérni gáudii
Concédat esse cómpotes.

Patri, simúlque Fílio,
Tibique, sancte Spíritus,
Sicut fuit, sit júgiter
Sæclum per omne glória.

Amen.

V. Annuntiavérunt ópera Dei.

R. Et facta ejus intellexérunt.

Ad Benedictus, Antiphona, to. 2.

Vos qui reliquistis ómnia, et secúti estis me, centuplum accipiétis, et vitam æternam possidebitis.

Ad Tertiam.

Antiph. to. 2. Majorem charitatem.

Capitulum. Ephes. 2. d.

Fratres, Jam non estis hóspites et ádvenæ: sed estis cives sanctórum, et doméstici Dei: superædificáti super fundaméntum Apostolórum et Prophetárum, ipso summo angulári lápide Christo Jesu. **R.** Deo grátias.

R. br. In omnem terram, * Exívit sonus eórum. **In** omnem.

V. Et in fines orbis terræ verba eórum. **Exívit.** Glória Patri. **In** omnem.

V. Constitúes eos príncipes super omnem terram.

R. Mémoires erunt nóminis tui, Dñe.

Ad Sextam.

Antiph. to. 1. l. Vos amíci mei estis.

Capitulum. Act. 5. b.

Per manus autem Apostolórum fiébant signa et prodígia multa in plebe.

R. br. Constitúes eos príncipes, * Super omnem terram. **Constitúes.**

V. Mémoires erunt nóminis tui, Dómine. **Super.** Glória Patri. **Constitúes.**

V. Nimis honoráti sunt amíci tui, Deus.

R. Nimis confortátus est principátus eórum.

Ad Nonam.

Antiph. to. 2. In patientia vestra.

Capitulum. Act. 5. g.

Ibant Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

R. br. Nimis honoráti sunt, * Amíci tui Deus. **Nimis.**

V. Nimis confortátus est principátus eórum. **Amíci.** Glória Patri. **Nimis.**

V. Annuntiavérunt ópera Dei.

R. Et facta ejus intellexérunt.

IN II. VESPERIS.

Antiph. to. 8. Jurávit Dóminus, et non pœnitébit eum: Tu es sacérdos in ætérnum.

Psalmus 109.

Dixit Dóminus Dómino meo: * Sede a dextris meis:

Donec ponam inimícos tuos * scabéllum pedum tuórum.

Virgam virtútis tuæ emíttet Dóminus ex Sion: * domináre in médio inimicórum tuórum.

Tecum princípium in die virtútis tuæ, in splendóribus sanctórum: * ex útero ante lucíferum genui te.

Jurávit Dóminus, et non pœnitébit eum: * Tu es sacérdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus, implébit ruínas: * conquassábit cápita in terra multórum.

De torrén te in via bibet: * proptérea exaltábit caput.

Antiph. Jurávit Dóminus, et non pœnitébit eum: Tu es sacérdos in ætérnum.

Antiph. to. 8. f. Colló cet eum Dóminus cum princípibus pópuli sui.

Psalmus 112.

Laudáte, púeri, Dóminum: * laudáte nomen Dómini.

Sit nomen Dómini benedíctum, * ex hoc nunc, et usque in sæculum.

A solis ortu usque ad occásu m, * laudábile nomen Dómini.

Excélsus super omnes Gentes Dóminus, * et super cœlos glória ejus.

Quis sicut Dóminus Deus noster; qui in altis hábitat, * et humília réspicit in cœlo et in terra?

Súscitans a terra ínopem, * et de stér core érigens páuperem:

Ut cóllocet eum cum princípibus, * cum princípibus pópuli sui.

Qui habitare facit stérilem in domo,
* matrem filiórum lætántem.

Antiph. Cóllocet eum Dóminus cum
principibus pópuli sui.

Antiph. to. 7. r. Dirupísti, Dómine,
víncula mea, tibi sacrificábo hóstiam
laudis.

Psalmus 115.

CRédidi, propter quod locútus sum:
* ego autem humiliátus sum nimis.
Ego dixi in excéssu meo: * Omnis
homo mendax.

Quid retríbuam Dómino, * pro ómni-
bus, quæ retríbuit mihi?

Cálicem salutáris accípiam: * et no-
men Dómini invocábo.

Vota mea Dómino reddam coram
omni pópulo ejus: * pretiósa in con-
spéctu Dómini mors sanctórum ejus.
Ó Dómine, quia ego servus tuus: *
ego servus tuus, et fílius ancíllæ tuæ.
Dirupísti víncula mea: * tibi sacrifi-
cábo hóstiam laudis, et nomen Dó-
mini invocábo.

Vota mea Dómino reddam in con-
spéctu omnis pópuli ejus: * in átriis
domus Dómini, in médio tui, Jerú-
salem.

Antiph. Dirupísti, Dómine, víncula
mea, tibi sacrificábo hóstiam laudis.

Antiph. to. 2. f. Eúntes ibant et
flebant, mitténtes sémina sua.

Psalmus 125.

IN converténdo Dóminus captivi-
tátem Sion: * facti sumus sicut
consoláti.

Tunc replétum est gáudio os nostrum:
* et lingua nostra exultatióne.

Tunc dicent inter Gentes: * Magnifi-
cávit Dóminus fácere cum eis.

Magnificávit Dóminus fácere nobís-
cum: * facti sumus lætántes.

Convérte, Dómine, captivitátem nos-
tram, * sicut torrens in Austro.

Qui sémant in lácrymis, * in exul-
tatióne metent.

Eúntes ibant, et flebant, * mitténtes
sémina sua.

Veniéntes autem vénient cum exulta-
tióne, * portántes manípulos suos.

Antiph. Eúntes ibant et flebant,
mitténtes sémina sua.

Antiph. to. 8. f. Confortátus est
principátus eórum, et honoráti sunt
amíci tui, Deus.

Psalmus 138.

Domine, probásti me, et cogno-
vísti me: * tu cognovísti sessi-
onem meam, et resurrectionem meam.
Intellexísti cogitatiónes meas de lon-
ge: * sémitam meam, et funículum
meum investigásti.

Et omnes vias meas prævidísti: *
quia non est sermo in lingua mea.

Ecce, Dómine, tu cognovísti ómnia,
novíssima et antíqua: * tu formásti
me, et posuísti super me manum
tuam.

Mirábilis facta est sciéntia tua ex
me: * confortáta est, et non pótero
ad eam.

Quo ibo a spíritu tuo? * et quo a fá-
cie tua fúgiam?

Si ascéndero in cælum, tu illic es: *
si descéndero in inférnum, ades.

Si sumpsero pennas meas dilúculo, *
et habitávero in extrémis maris:

Etenim illuc manus tua dedúcet me:
* et tenébit me délixtera tua.

Et dixi: Fórsitan ténebræ conculcá-
bunt me: * et nox illuminátió mea in
delíciis meis.

Quia ténebræ non obscurabúntur a
te, et nox sicut dies illuminábitur: *
sicut ténebræ ejus, ita et lumen ejus.

Quia tu possedísti renes meos: * sus-
cepísti me de útero matris meæ.

Confitébor tibi quia terribíliter mag-
nificátus es: * mirábília ópera tua,
et ánima mea cognóscit nimis.

Non est occultátum os meum a te,
quod fecísti in occúlto: * et substán-
tia mea in inferióribus terræ.

Imperféctum meum vidérunt óculi tui, et in libro tuo omnes scribéntur: * dies formabúntur, et nemo in eis.

Mihi autem nimis honorificáti sunt amíci tui, Deus: * nimis confortátus est principátus eórum.

Dinumerábo eos, et super arénam multiplicabúntur: * exurréxi, et adhuc sum tecum.

Si occíderis, Deus, peccatóres: * viri sánguinem declináte a me.

Quia dícitis in cogitatíone: * Accípient in vanitaté civitatés tuas.

Nonne qui odérunt te, Dómine, óderam: * et super inimícos tuos tabescébam?

Perfécto ódio óderam illos: * et inimíci facti sunt mihi.

Proba me, Deus, et scito cor meum: * intérroga me, et cognósce sémitas meas.

Et vide, si via iniquitátis in me est: * et deduc me in via ætérna.

Antiph. Confortátus est principátus eórum, et honoráti sunt amíci tui, Deus.

Capitulum. Ephes. 2. d.

FRatres, Jam non estis hóspites, et ádvenæ: sed estis cives sanctórum, et doméstici Dei: superædificáti super fundaméntum Apostolórum et Prophetárum, ipso summo angulári lápide Christo Jesu.

R. Deo grátias.

Hymnus.

EXúltet orbis gáudiis:
Cœlum resúltet láudibus:
Apostolórum glóriam
Tellus et astra cóncinunt.

Vos sæculórum Júdices,
Et vera mundi lúmina,
Votis precámur córdium:
Audíte voces súpplicum.

Qui templa cœli cláuditis,
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum prótinus
Languor salúsque séntiunt:

Sanáte mentes lánguidas:

Augéte nos virtútibus:

Ut, cum redíbit Arbiter

In fine Christus sæculi,

Nos sempitérni gáudii

Concedat esse cómpotes.

Patri, simúlque Fílio,

Tibíque, sancte Spíritus,

Sicut fuit, sit júgiter

Sæclum per omne glória.

Amen.

V. Annuntiavérunt ópera Dei.

R. Et facta ejus intellexérunt.

Ad Magnificat, Antiphona, to. 1. l.

Estóte fortes in bello, et pugnáte cum antíquo serpénte: et accipiétis regnum ætérnum, allelúja.

Aliæ Lectiones pro Apostolis.

IN II. NOCTURNO.

De Expositíone Sancti Augustíni
Epíscopi super Psalmum octogésimum sextum. Ante médium.

Lectio iv.

Fundaménta ejus in móntibus sanctis: díligit Dóminus portas Sion. Quare sunt fundaménta Apóstoli et Prophétæ? Quia eórum auctóritas portat infirmitátem nostram. Quare sunt portæ? Quia per ipsos intrámus ad regnum Dei. Prædicant enim nobis: et cum per ipsos intrámus, per Christum intrámus. Ipse est enim jánuæ. Et cum dicúntur duódecim portæ Jerúsalem, et una porta Christus, et duódecim portæ Christus, quia in duódecim portis Christus: et ideo duodenárius númerus Apostolórum. Sacraméntum magnum hujus duodenárii significátio est númeri. Sedébitis, inquit, super duódecim sedes, judicántes duódecim tribus Israel. R. Vidi conjúctos viros habéntes spléndidas vestes, et Angelus Dómini locútus est ad me, dicens: * Isti sunt viri sancti facti amíci Dei.

V. Vidi Angelum Dei fortem, volántem per médium cœlum, voce magna clamántem, et dicéntem. **Isti.**

Lectio v.

SI duódecim sellæ ibi sunt, non est ubi sédeat tertiusdécimus Paulus Apóstolus, et non erit quómodo júdicet: et ipse se judicatúrum dixit, non hómines tantum, sed et Angelos. Quos Angelos, nisi apóstatas Ánge-los? Nescítis, inquit, quia Angelos judicábimus? Respondéret ergo turba: Quid te jactas judicatúrum? Ubi sedébis? Duódecim sedes dixit Dóminus duódecim Apóstolos: unus cécidit Judas, in locum ipsíus sanctus Mathías ordinátus est; implétus est duodenárius númerus sédium. Primo locum ínveni ubi sédeas, et sic te mináre judicatúrum. Duódecim ergo sedes quid sibi velint, videámus. Sacraméntum est cujúsdam universitátis, quia per totum orbem terrárum futúra erat Ecclesiá: unde vocátur hoc ædificiú ad Christi compágem.

R. Beáti estis cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me: * Gaudéte et exultáte, quóniam merces vestra copiósa est in cœlis.

V. Cum vos óderint hómines, et cum separáverint vos, et exprobráverint, et ejécerint nomen vestrum, tamquam malum, propter Fílium hóminis. **Gaudéte.**

Lectio vi.

ET ideo quia úndique venítur ad judicándum, duódecim sedes sunt: sicut, quia úndique intrátur in illam civitátem, duódecim portæ sunt. Non solum ergo illi duódecim, et Apóstolus Paulus, sed quotquot judicatúri sunt, propter significatióem universitátis ad sedes duódecim pértinent: quemádmódum quotquot intrábunt, ad duódecim portas pértinent. Partes enim mundi quátuor sunt, Oriens,

Occidens, Aquilo, et Merídiés. Istæ quátuor partes assídue nominántur in Scriptúris. Ab istis quátuor ventis, sicut dicit Dóminus in Evangélio, a quátuor ventis se collectúrum eléctos suos: ab ómnibus ergo istis quátuor ventis vocátur Ecclesiá. Quómodo vocátur? Undique in Trinitáte vocátur. Non vocátur nisi per baptísmum in nómine Patris, et Fílii, et Spíritus sancti. Quátuor ergo ter ducta duódecim inveniúntur.

R. Isti sunt triumphatóres, et amíci Dei, qui contemnéntes jussa princípum, meruérunt præmia ætérna: * Modo coronántur, et accípiunt palmam.

V. Isti sunt, qui venérunt ex magna tribulatióne, et lavérunt stolas suas in ságuine Agni. **Modo.**

Glória Patri. Modo.

IN III. NOCTURNO.

Lectio sancti Evangélii secúndum Matthæum.

Lectio vii. Cap. 19. d.

IN illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis? Et réliqua.

Homilía venerábilis Bedæ Presbýteri.

Homilia in natali S. Benedicti.

PERfécus ille est, qui ábiens vendit ómnia quæ habet, et dat paupéribus, ac véniens séquitur Christum: habébit enim thesáurum non deficiéntem in cœlis. Unde bene, interrogánte Petro, dixit talibus Jesus: Amen dico vobis, quod vos qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israel. In hac quippe vita pro ejus nómine laborántes, in ália præmíum speráre dócuit: id est, in regeneratióne: cum vidélicet in vitam immor-

tálem fuérimus resurgéndo regene-
ráti, qui in vitam cadúcam mortáliter
erámus géniti.

R. Isti sunt qui vivéntes in carne,
plantavérunt Ecclésiám sángine suo:
* Cálícem Dómini bibérunt, et amíci
Dei facti sunt. **V.** In omnem terram
exívit sonus eórum, et in fines orbis
terræ verba eórum. **Cálícem.**

Lectio viii.

ET justa prorsus retribútio, ut qui
hic pro Christo humánæ gló-
riam celsitúdinis neglexérunt, illic a
Christo júdices glorificáti singuláriter
cum eo assídeant, qui a sequéndis ejus
vestigíis nulla ratióne póterant avélli.
Nemo autem putet duódecim tantum
Apóstolos, quia pro Juda prævari-
cánte Mathías eléctus est, tunc esse
judicatúros: sicut nec duódecim solæ
sunt tribus Israel judicándæ: alióquin
tribus Levi, quæ tertiadécima est, in-
judicáta recédet.

R. Isti sunt viri sancti, quos elégit Dó-
minus in charitaté non ficta, et dedit
illis glóriam sempitérnam: * Quorum
doctrína fulget Ecclésiá, ut sole luna.

V. Sancti per fidem vicérunt regna,
operáti sunt justítiam. **Quorum.**
Glória Patri. Quorum.

Lectio ix.

ET Paulus, qui tertiusdécimus est
Apóstolus, judicándi sorte privá-
bitur, cum ipse dicat: Nescítis quó-
niam Angelos judicábimus, quanto
magis sæculária? Sciéndum nam-
que est, omnes, qui ad exéplum
Apóstolorum sua reliquérunt ómnia,
et secúti sunt Christum, júdices cum
eo ventúros, sicut étiam omne mor-
tálum genus esse judicándum. Quia
enim duodenário sæpe número solet
in Scriptúris univérsitas designári;
per duódecim sedes Apostolorum,
ómnium numerósitas judicántium, et
per duódecim tribus Israel, univérsitas
eórum, qui judicándi sunt, osténditur.

Te Deum laudámus. 13.

Pro Evangelistis Lectiones.

IN I. NOCTURNO.

Incipit liber Ezechiélis Prophétæ.

Lectio i.

Cap. I.

ET factum est in trigésimo anno, in
quarto, in quinta mensis, cum
essem in médio captivórum juxta
flúvium Chobar, apérti sunt coeli, et
vidi visiónes Dei. In quinta mensis,
ipse est annus quintus transmigratió-
nis regis Jóachim, factum est ver-
bum Dómini ad Ezechiélem filium
Buzi, sacerdotem in terra Chaldæó-
rum, secus flumen Chobar: et facta
est super eum ibi manus Dómini. Et
vidi, et ecce ventus túrbini veniébat
ab Aquilóne, et nubes magna, et
ignis invólvens, et splendor in cir-
cúitu ejus: et de médio ejus quasi
spécies eléctri, id est, de médio ignis.

R. Ecce ego mitto vos, sicut oves, in
médio lupórum, dicit Dóminus: *
Estóte ergo prudéntes sicut serpén-
tes, et simplices sicut colúmbæ.

V. Dum lucem habétis, créдите in
lucem, ut filii lucis sitis. **Estóte.**

Lectio ii.

ET in médio ejus similitúdo quátuor
animálium: et hic aspéctus eórum,
similitúdo hóminis in eis. Quátuor
fácies uni, et quátuor pennæ uni.
Pedes eórum pedes recti, et planta
pedis eórum quasi planta pedis vítuli,
et scintíllæ quasi aspéctus æris can-
déntis. Et manus hóminis sub pennis
eórum in quátuor pártibus: et fácies,
et pennas per quátuor partes habé-
bant: junctæque erant pennæ eórum
altérius ad álterum. Non revertébán-
tur, cum incéderent, sed unumquód-
que ante faciém suam gradiebátur.

R. Tóllite jugum meum super vos, dicit
Dóminus, et discite a me, quia mitis
sum, et húmilis corde: * Jugum enim
meum suave est, et onus meum leve.

V. Et inveniétis réquiem animábus
vestris. **Jugum.**

Lectio iii.

Similitúdo autem vultus eórum: fácies hóminis, et fácies leónis a dextris ipsórum quátuor: fácies autem bovis a sinístris ipsórum quátuor, et fácies áquilæ désuper ipsórum quátuor. Fácies eórum, et pennæ eórum exténtæ désuper: duæ pennæ singulórum jungebántur, et duæ tegébant cörpera eórum, et unumquódque eórum coram fácie sua ambulábat: ubi erat ímpetus spíritus, illuc gradiebántur, nec revertébantur cum ambulárent.

R. Dum stetéritis ante reges et præsides, nolíte cogitare quómodo aut quid loquámini: * Dábitur enim vobis in illa hora quid loquámini.

V. Non enim vos estis qui loquímini: sed Spíritus Patris vestri, qui lóquitur in vobis. Dábitur.

Gloría Patri. Dábitur.

IN II. NOCTURNO.

De Expositione Sancti Gregórii Papæ super Ezechiélem Prophétam.

Lectio iv. Homil. 3. lib. 1.

Sancta quátuor animália, quæ prophetiæ spíritu futura prævidéntur, subtili narratióne describúntur, cum dicitur: Quátuor fácies uni, et quátuor pennæ uni. Quid per fácies, nisi notítia; et quid per pennas, nisi volátus exprimitur? Per fácies quippe unusquisque cognóscitur: per pennas vero in altum ávium cörpera sublevántur. Fácies itaque ad fidem pértinet, penna ad contemplatiónem. Per fidem namque ab omnipoténti Deo cognóscimur, sicut ipse de suis óvibus dicit: Ego sum pastor bonus, et cognóscó oves meas, et cognóscunt me meæ. Qui rursus ait: Ego scio quos elégerim. Per contemplatiónem vero, qua super nosmetipsos tollimur, quasi in áera levámur.

R. Vidi conjúctos viros habéntes spléndidas vestes, et Angelus Dómini

locútus est ad me, dicens, * Isti sunt viri sancti facti amíci Dei.

V. Vidi Angelum Dei fortem, volántem per médium cœlum, voce magna clamántem, et dicéntem. Isti.

Lectio v.

Quátuor ergo fácies uni sunt: quia si requíras quid Matthæus de incarnatione Dómini séntiat: hoc nímírum sentit, quod Marcus, Lucas, et Joánnēs. Si quæras quid Joánnēs séntiat; hoc procul dúbio, quod Lucas, Marcus, et Matthæus. Si quæras quid Marcus; hoc quod Matthæus, Joánnēs, et Lucas. Si quæras quid Lucas; hoc quod Joánnēs, Matthæus, et Marcus sentit. Quátuor ergo fácies uni sunt: quia notítia fidei, qua cognóscúntur a Deo, ipsa est in uno, quæ et simul in quátuor. Quidquid enim in uno invéneris, hoc in ómnibus simul quátuor cognóscēs.

R. Beáti estis cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me: * Gaudeíte et exultáte, quóniam merces vestra copiósa est in cœlis.

V. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudeíte.

Lectio vi.

ET quátuor pennæ uni: quia Dei omnipoténtis Fílium Dóminum nostrum Jesum Christum simul omnes concórditer prædicant: et ad divinitátem ejus, mentis óculos levántes, penna contemplatiónis volant. Evangelistárum ergo fácies ad humanitátem Dómini pértinet, penna ad divinitátem: quia in eum, quem corpóreum aspíciunt, quasi fácies inténdunt: sed dum hunc esse incircumscríptum atque incorpóreum ex divinitáte annúntiant, per contemplatiónis pennam quasi in áera levántur.

Quia itaque una est fides incarnationis ejus in omnibus, et par contemplatio divinitatis ejus in singulis, recte nunc dicitur: Quatuor facies uni, et quatuor pennæ uni.

R. Isti sunt triumphatores, et amici Dei, qui contemnentes jussa principum, meruerunt præmia æterna:

* Modo coronantur, et accipiunt palmam.

V. Isti sunt qui venerunt ex magna tribulatione, et laverunt stolas suas in sanguine Agni. **Modo.**

Gloria Patri. Modo.

IN III. NOCTURNO.

Lectio sancti Evangelii secundum Lucam.

Lectio vii.

Cap. 10.

In illo tempore: Designavit Dominus et alios septuaginta duos: et misit illos binos ante faciem suam in omnem civitatem et locum, quo erat ipse venturus. Et reliqua.

Homilia Sancti Gregorii Papæ.

Homilia 17. in Evangelia.

Dominus et Salvator noster, fratres charissimi, aliquando nos sermonibus, aliquando vero operibus admonet. Ipsa etenim facta ejus, præcepta sunt: quia dum aliquid tacitus facit, quid agere debeamus innotescit. Ecce enim binos in prædicationem discipulos mittit: quia duo sunt præcepta charitatis, Dei videlicet amor, et proximi: et minus, quam inter duos, charitas haberi non potest. Nemo enim proprie ad semetipsum habere charitatem dicitur: sed dilectio in alterum tendit, ut charitas esse possit.

R. Isti sunt qui viventes in carne, plantaverunt Ecclesiam sanguine suo: * Calicem Domini biberunt, et amici Dei facti sunt.

V. In omnem terram exivit sonus eorum, et in fines orbis terræ verba eorum. **Calicem.**

Lectio viii.

Ecce enim binos ad prædicandum discipulos Dominus mittit: quatenus hoc nobis tacitus innuat, quia qui charitatem erga alterum non habet, prædicationis officium suscipere nullatenus debet. Bene autem dicitur, quia misit eos ante faciem suam in omnem civitatem et locum, quo erat ipse venturus. Prædicatores enim suos Dominus sequitur: quia prædicatio prævenit, et tunc ad mentis nostræ habitaculum Dominus venit, quando verba exhortationis præcurrunt: atque per hoc veritas in mente suscipitur.

R. Isti sunt viri sancti, quos elegit Dominus in charitate non ficta, et dedit illis gloriam sempiternam: * Quorum doctrina fulget Ecclesia, ut sole luna.

V. Sancti per fidem vicerunt regna, operati sunt justitiam. **Quorum.**

Gloria Patri. Quorum.

Lectio ix.

Hinc namque eisdem prædicatoribus Isaias dicit: Parate viam Domini, rectas facite semitas Dei nostri. Hinc filiis Psalmista ait: Iter facite ei, qui ascendit super occasum. Super occasum namque Dominus ascendit: quia unde in passione occubuit, inde majorem suam gloriam resurgendo manifestavit. Super occasum videlicet ascendit, quia mortem quam pertulit, resurgendo calcavit. Ei ergo qui ascendit super occasum, iter facimus, cum nos ejus gloriam vestris mentibus prædicamus, ut eas et ipse post veniens, per amoris sui præsentiam illustret.

Te Deum laudamus. 13.



Commune Apostolorum, et Evangelistarum.

Tempore Paschali.

AD VESPERAS.

Antiph. to. 8. Sancti tui. cum reliquis de Laudibus. [24]

Psalmus. Dixit Dóminus. cum reliquis de Communi Apostolorum. [2]

Capitulum. Sap. 5.

Stabunt justi in magna constantia adversus eos, qui se angustiaverunt, et qui abstulerunt labores eorum.

Hymnus.

Tristes erant Apóstoli
De Christi acérbo fúnere,
Quem morte crudelíssima
Servi necárant ímpii.

Sermóne verax Angelus
Mulieribus prædixerat:
Mox ore Christus gáudium
Gregi feret Fidélium.

Ad ánxios Apóstolos
Currunt statim dum núntiæ,
Illæ micántis óbvia
Christi tenent vestígia.

Galilææ ad alta móntium
Se cónferunt Apóstoli,
Jesúque, voti cómpotes,
Almo beántur lúmine.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.
Amen.

Sic terminantur omnes Hymni ejusdem metri usque ad Ascensionem inclusive.

¶ Ab Ascensione autem usque ad Pentecosten, loco supradicti versus, dicatur sequens

Jesu, tibi sit glória,
Qui victor in cœlum redis,
Cum Patre, et almo Spíritu,
In sempitérna sácula.

Amen.

V. Sancti et justi in Dómino gaudéte, allelúja.

R. Vos elégit Deus in hæreditátem sibi, allelúja.

Ad Magnificat, Antiphona, to. 2.
Lux perpétua lucébit sanctis tuis,
Dómine, et ætérnitas téporum,
allelúja.

Oratio propria.

AD MATUTINUM.

Invitatorium. Regem Apostolorum Dóminum, * Veníte, adorémus, allelúja.

Psalmus. Veníte, exultémus. 2.

Hymnus. Tristes erant Apóstoli. ut supra.

IN I. NOCTURNO.

Antiph. to. 8. Stabunt justi in magna constantia adversus eos, qui se angustiaverunt, allelúja.

Psalmus 18.

Cœli enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eorum.

In omnem terram exívit sonus eorum: * et in fines orbis terræ verba eorum.

In sole pósuit tabernáculum suum: * et ipse, tamquam sponsus, procédens de thámo suo.

Exultávit, ut gigas, ad curréndam viam: * a summo cœlo egréssio ejus: Et occúrsus ejus usque ad summum ejus: * nec est qui se abscondat a calore ejus.

Lex Dómini immaculáta, convértens ánimas: * testimónium Dómini fidéle, sapiéntiam præstans parvulis.

Justitiae Dómini rectae, laetificantes corda: * praeceptum Dómini lúcidum, illúminans óculos.

Timor Dómini sanctus, pórmanens in saeculum saeculi: * iudicia Dómini vera, justificata in semetipsa.

Desiderabilia super aurum, et lapidem pretiosum multum: * et dulciora super mel et favum.

Etenim servus tuus custodit ea: * in custodiendis illis retributio multa.

Delicta quis intelligit? ab occultis meis munda me: * et ab aliénis parce servo tuo.

Si mei non fuerint dominati, tunc immaculatus ero: * et emundabor a delicto máximo.

Et erunt ut compláceant elóquia oris mei: * et meditatio cordis mei in conspectu tuo semper.

Dómine, adiutor meus, * et redemptor meus.

Psalmus 33.

Benedicam Dóminum in omni tempore: * semper laus ejus in ore meo.

In Dómino laudabitur ánima mea: * áudiant mansueti, et laetentur.

Magnificate Dóminum mecum: * et exaltemus nomen ejus in idípsum.

Exquisivi Dóminum, et exaudivit me: * et ex ómnibus tribulationibus meis eripuit me.

Accédite ad eum, et illuminámini: * et fácies vestrae non confundentur.

Iste pauper clamavit, et Dóminus exaudivit eum: * et de ómnibus tribulationibus ejus salvavit eum.

Immittet Angelus Dómini in circúitu timéntium eum: * et erípiet eos.

Gustáte, et vidéte quóniam suavis est Dóminus: * beátus vir, qui sperat in eo.

Timéte Dóminum, omnes sancti ejus: * quóniam non est inópia timéntibus eum.

Dívites eguerunt, et esurierunt: * inquirentes autem Dóminum non minuentur omni bono.

Veníte, filii, audíte me: * timórem Dómini docebo vos.

Quis est homo, qui vult vitam: * diligit dies vidére bonos?

Próhibe linguam tuam a malo: * et lábia tua ne loquantur dolum.

Diverte a malo, et fac bonum: * inquire pacem, et perséquare eam.

Oculi Dómini super justos: * et aures ejus in preces eorum.

Vultus autem Dómini super facientes mala: * ut perdat de terra memóriam eorum.

Clamaverunt justí, et Dóminus exaudivit eos: * et ex ómnibus tribulationibus eorum liberávit eos.

Juxta est Dóminus iis, qui tribulato sunt corde: * et húmiles spíritu salvábit.

Multae tribulationes justorum: * et de ómnibus his liberábit eos Dóminus.

Custodit Dóminus ómnia ossa eorum: * unum ex his non conterétur.

Mors peccatorum péssima: * et qui odérunt justum, delínquent.

Rédimet Dóminus ánimas servórum suórum: * et non delínquent omnes, qui sperant in eo.

Psalmus 44.

Eructavit cor meum verbum bonum: * dico ego ópera mea Regi. Lingua mea calamus scribae * velociter scribentis.

Speciósus forma prae filiis hóminum, diffusa est grátia in lábiis tuis: * propterea benedixit te Deus in aeternum.

Accingere gládio tuo super femur tuum, * potentissime.

Spécie tua, et pulchritúdine tua * intende, prospere procéde, et regna.

Propter veritatem, et mansuetudinem, et justitiam: * et deducet te mirabíliter dextera tua.

Sagittae tuae acutae, pópuli sub te cadent, * in corda inimicórum regis.

Sedes tua, Deus, in sæculum sæculi:
* virga directiõnis, virga regni tui.

Dilexisti justitiam, et odisti iniquitatem: * propterea unxit te Deus, Deus tuus oleo lætitiæ præ consortibus tuis.

Myrtha, et gutta, et cásia a vestimentis tuis, a dómibus ebúrneis: * ex quibus delectavérunt te fliæ regum in honóre tuo.

Astitit regína a dextris tuis in vestitu deaurato, * circumdata varietate.

Audi fília, et vide, et inclína aurem tuam: * et obliviscere pópulum tuum, et domum patris tui.

Et concupiscet Rex decórem tuum: * quóniam ipse est Dóminus Deus tuus, et adorábunt eum.

Et fliæ Tyri in munéribus * vultum tuum deprecabúntur, omnes dívites plebis.

Omnis glória ejus fliæ Regis ab intus, * in fimbriis áureis circumamícta varietatibus.

Adducéntur Regi vírgines post eam: * próximæ ejus afferéntur tibi.

Afferéntur in lætítia et exultatióne: * adducéntur in templum Regis.

Pro pátribus tuis nati sunt tibi fílii: * * constitues eos príncipes super omnem terram.

Mémoires erunt nóminis tui, * in omni generatióne, et generatióne.

Propterea pópuli confitebúntur tibi in ætérnum, * et in sæculum sæculi.

Antiph. Stabunt justi in magna constantia advérsus eos, qui se angustia-vérunt, allelúja.

V. Sancti et justi in Dómino gaudéte, allelúja.

R. Vos elégit Deus in hæreditatem sibi, allelúja.

Pater noster.

Absolutio. Exáudi, Dómine.

V. Jube, domne, benedícere.

Benedictio. Benedictiõe perpétua.

Lectiones in quolibet Nocturno, ut in proprio annotatur.

R. I. Beátus vir qui méruit Dóminum, allelúja: * In mandátis ejus cupit nimis, allelúja, allelúja, allelúja.

V. Glória et divítiæ in domo ejus, et justítia ejus manet in sæculum sæculi. In mandátis.

Benedictio. Unigénitus Dei Fílius.

R. II. Tristítia vestra, allelúja, * Convertétur in gáudium, allelúja, allelúja.

V. Mundus autem gaudébit; vos vero contristabímmini, sed tristítia vestra. Convertétur.

Benedictio. Spíritus sancti grátia.

R. III. Pretiósá in conspéctu Dómini, allelúja, * Mors sanctórum ejus, allelúja.

V. Custódit Dóminus ómnia ossa eórum, unum ex his non conterétur. Mors sanctórum.

Glória Patri. **Mors.**

IN II. NOCTURNO.

Antiph. to. 3. Ecce quómo do computáti sunt inter fílios Dei, et inter sanctos sors illórum est, allelúja.

Psalmus 46.

Omnes Gentes, pláudite mánibus: * jubiláte Deo in voce exultatiónis. Quóniam Dóminus excélsus, terríbilis: * Rex magnus super omnem terram.

Subjécit pópulos nobis, * et Gentes sub pédibus nostris.

Elégit nobis hæreditatem suam, * spéciem Jacob, quam diléxit.

Ascéndit Deus in júbilo, * et Dóminus in voce tubæ.

Psállite Deo nostro, psállite: * psállite Regi nostro, psállite.

Quóniam Rex omnis terræ Deus: * psállite sapiénter.

Regnábit Deus super Gentes: * Deus sedet super sedem sanctam suam.

Príncipes populórum congregáti sunt cum Deo Abraham: * quóniam dii fortes terræ veheménter eleváti sunt.

Psalmus 60.

EXáudi, Deus, deprecationem meam: * inténde orationi meæ.

A fínibus terræ ad te clamávi: * dum anxiarétur cor meum, in petra exaltásti me.

Deduxísti me, quia factus es spes mea: * turris fortitudinis a fácie inimíci.

Inhabítábo in tabernáculo tuo in sæcula: * prótegar in velaménto alárum tuárum.

Quóniam tu, Deus meus, exaudísti orationem meam: * dedísti hæreditátem timéntibus nomen tuum.

Dies super dies regis adjícies: * annos ejus usque in diem generatiónis et generatiónis.

Permanet in ætérnum in conspéctu Dei: * misericórdiam et veritátem ejus quis requíret?

Sic psalmum dicam nómini tuo in sæculum sæculi: * ut reddam vota mea de die in diem.

Psalmus 63.

EXáudi, Deus, orationem meam cum déprecor: * a timóre inimíci éripe ánimam meam.

Protextísti me a convéntu malignántium, * a multitúdine operántium iniquitátem.

Quia exacuérunt, ut gládium, linguas suas: * intendérunt arcum, rem amáram, ut sagíttent in occúltis immaculátum.

Súbito sagittábunt eum, et non timébunt: * firmavérunt sibi sermónem nèquam.

Narravérunt, ut absconderent láqueos: * dixerunt: Quis vidébit eos?

Scrutáti sunt iniquitátes: * defecerunt scrutántes scrutínio.

Accédet homo ad cor altum: * et exaltábitur Deus.

Sagittæ parvulórum factæ sunt plagæ eórum: * et infirmátæ sunt contra eos linguæ eórum.

Conturbáti sunt omnes, qui vidébant eos: * et tímuit omnis homo.

Et annuntiavérunt ópera Dei: * et facta ejus intellexérunt.

Lætábitur justus in Dómino, et sperábit in eo, * et laudabúntur omnes recti corde.

Antiph. Ecce quómodo computáti sunt inter filios Dei, et inter sanctos sors illórum est, allelúja.

V. Lux perpétua lucébit sanctis tuis, Dómine, allelúja.

R. Et ætérnitas témporum, allelúja.
Pater noster.

Absolutio. Ipsíus píetas.

V. Jube, domne, benedícere.

Benedictio. Deus Pater omnípotens.

R. IV. Lux perpétua lucébit sanctis tuis, Dómine, * Et ætérnitas témporum, allelúja, allelúja.

V. Lætítia sempitérna erit super cápita eórum: gáudium et exultatióem obtinébunt. Et ætérnitas.

Benedictio. Christus perpétuæ.

R. V. Virtúte magna reddébant Apóstoli * Testimónium resurrectiós Jesu Christi Dómini nostri, allelúja, allelúja.

V. Repléti quidem Spírítu sancto loquebántur cum fidúcia verbum Dei.

Testimónium.

Benedictio. Ignem sui amóris.

R. VI. Isti sunt agni novélli, qui annuntiavérunt, allelúja: modo venérunt ad fontes: * Repléti sunt claritáte, allelúja, allelúja.

V. In conspéctu Agni amícti sunt stolis albis, et palmæ in mánibus eórum. Repléti.

Gloria Patri. Repléti.

IN III. NOCTURNO.

Antiph. to. 4. Lux perpétua lucébit sanctis tuis, Dómine, et ætérnitas témporum, allelúja.

Psalmus 74.

Confitébmur tibi, Deus: * confitébmur, et invocábimus nomen tuum.

Narrábitus mirabília tua: * cum ac-
cépero tempus, ego justítias judicábo.

Liquefacta est terra, et omnes, qui
hábitant in ea: * ego confirmávi co-
lúmnas ejus.

Dixi iníquis: Nolíte iníque ágere: *
et delinquéntibus: Nolíte exaltáre
cornu:

Nolíte extóllere in altum cornu ves-
trum: * nolíte loqui advérsus Deum
iniquitátem.

Quia neque ab Oriénte, neque ab
Occidénte, neque a desértis mónti-
bus: * quóniam Deus judex est.

Hunc humíliat, et hunc exáltat: *
quia calix in manu Dómini vini meri
plenus misto.

Et inclinávit ex hoc in hoc: verúm-
tamen fæx ejus non est exinaníta: *
bibent omnes peccatóres terræ.

Ego autem annuntiábo in sáculum:
* cantábo Deo Jacob.

Et ómnia córnua peccatórum confrín-
gam: * et exaltabúntur córnua justí.

Psalmus 96.

Dominus regnávít, exúltet terra: *
læténtur ínsulæ multæ.

Nubes et calígo in circúitu ejus: * jus-
títia et judícium corréctio sedis ejus.

Ignis ante ipsum præcédet, * et in-
flammábit in circúitu inimícos ejus.

Iluxérunt fúlgura ejus orbi terræ: *
vidit, et commóta est terra.

Montes sicut cera fluxérunt a fácie
Dómini: * a fácie Dómini omnis terra.

Annuntiavérunt cœli justítiam ejus:
* et vidérunt omnes pópuli glóriam
ejus.

Confundántur omnes, qui adórant
sculptília: * et qui gloriántur in si-
mulácris suis.

Adoráte eum, omnes Angeli ejus: *
audívit, et lætáta est Sion.

Et exultavérunt filíæ Judæ, * propter
judícia tua, Dómine:

Quóniam tu Dóminus Altíssimus su-
per omnem terram: * nimis exaltátus
es super omnes deos.

Qui dilígitis Dóminum, odíte malum:
* custódit Dóminus ánimas sanctó-
rum suórum, de manu peccatóris li-
berábit eos.

Lux orta est justo, * et rectis corde
lætítia.

Lætámini justí in Dómino: * et confi-
témmini memóriæ sanctificatiónis ejus.

Psalmus 98.

Dominus regnávít, irascántur pó-
puli: * qui sedet super Chérubim,
moveátur terra.

Dóminus in Sion magnus, * et excél-
sus super omnes pópulos.

Confiteántur nómini tuo magno, quó-
niam terríbile et sanctum est: * et
honor regis judícium díligit.

Tu parásti directiões: * judícium et
justítiam in Jacob tu fecísti.

Exaltáte Dóminum Deum nostrum,
et adoráte scabéllum pedum ejus: *
quóniam sanctum est.

Móyses et Aaron in sacerdótibus ejus,
* et Sámuel inter eos, qui ínvocant
nomen ejus.

Invocábant Dóminum, et ipse exau-
diébat eos: * in colúmna nubis loque-
bátur ad eos.

Custodiébant testimónia ejus, * et
præcéptum, quod dedit illis.

Dómine Deus noster, tu exaudiébas
eos: * Deus, tu propítius fuísti eis,
et ulcísens in omnes adinveniões
eórum.

Exaltáte Dóminum Deum nostrum,
et adoráte in monte sancto ejus: *
quóniam sanctus Dóminus Deus
noster.

Antiph. Lux perpétua lucébit sanc-
tis tuis, Dómine, et ætéritas tém-
porum, allelúja.

V. Lætítia sempitérna super cápita
eórum, allelúja.

R. Gáudium et exultatióem obtiné-
bunt, allelúja.

Pater noster.

Absolutio. A vínculis.

V. Jube, domne, benedícere.

Benedictio. Evangélica léctio.

R. VII. Ego sum vitis vera, et vos pálmities: * Qui manet in me, et ego in eo, hic fert fructum multum, allelúja, allelúja.

V. Sicut diléxit me Pater, et ego dilexi vos. Qui manet.

Benedictio. Cujus, vel Quorum festum cólimus.

R. VIII. Cándidi facti sunt Nazaræi ejus, allelúja: splendórem Deo dedérunt, allelúja: * Et sicut lac coagulati sunt, allelúja, allelúja.

V. Cándidióres nive, nitidióres lacte, rubicundióres ébore antíquo, sapphíro pulchrióres.

Et sicut. Glória Patri. Et sicut.

Benedictio. Ad societátem.

AD LAUDES ET PER HORAS.

Antiph. to. 8. Sancti tui, Dómine, florébunt sicut lílium, allelúja: et sicut odor bálsami erunt ante te, allelúja.

Psalmus. Dóminus regnávit. cum reliquis. 14.

Antiph. to. 7. r. In coeléstibus regnis sanctórum habitátio est, allelúja: et in ætérnum réquies eórum, allelúja.

Antiph. to. 2. In velaménto clamábant sancti tui, Dómine, allelúja, allelúja, allelúja.

Antiph. to. 8. Spíritus et animæ justórum, hymnum dícite Deo nostro, allelúja, allelúja.

Antiph. to. 2. Fulgébunt justi sicut sol in conspéctu Dei, allelúja.

Capitulum. Sap. 5.

Stabunt justi in magna constántia adversus eos, qui se angustiavérunt, et qui abstulérunt labóres eórum.

Hymnus.

Paschále mundo gáudium
Sol núnkiat formósior,
Cum luce fulgéntem nova
Jesum vident Apóstoli.

In carne Christi vúlnera
Micáre tamquam sídera
Mirántur, et quidquid vident
Testes fidéles prædicant.

Rex Christe clementíssime,
Tu corda nostra pósside;
Ut lingua grates débitas
Tuo repéndat nómini.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.

Amen.

V. Pretiósá in conspéctu Dómini,
allelúja.

R. Mors sanctórum ejus, allelúja.

Ad Benedictus, Antiphona, to. 1. r.
Fíliæ Jerúsalem, veníte et vidéte
Mártýres cum coronis, quibus coronávit eos Dóminus in die solemnitátis
et lætítiæ, allelúja, allelúja.

Ad Primam.

In R. brevi a Feria secunda post Dominicam in Albis usque ad Ascensionem exclusive dicitur

V. Qui surrexísti a mórtuis.

Ab Ascensione autem usque ad Pentecosten exclusive dicitur

V. Qui scandis super sídera.

Ad Tertiam

Antiph. to. 7. r. In coeléstibus regnis.

Capitulum. Stabunt justi. ut supra.

R. br. Sancti et justi in Dómino gaudéte, * Allelúja, allelúja. Sancti et justi.

V. Vos elégit Deus in hæreditátem sibi. Allelúja, allelúja.

Glória Patri. Sancti et justi.

V. Lux perpétua lucébit sanctis tuis,
Dómine, allelúja.

R. Et ætérnitas témporum, allelúja.

Ad Sextam.

Antiph. to. 2. In velaménto.

Capitulum. Sap. 5.

ECce quómodo computáti sunt inter
fílios Dei, et inter sanctos sors
illórum est.

R. br. Lux perpétua lucébit sanctis
tuis, Dómine, * Allelúja, allelúja.

Lux perpétua.

V. Et ætérnitas témporum. Allelúja,
allelúja.

Gloria Patri. Lux perpétua.

V. Lætítia sempitérna super cápita
eórum, allelúja.

R. Gáudium et exultatióem obtiné-
bunt, allelúja.

Ad Nonam.

Antiph. to. 2. Fulgébunt justi.

Capitulum. Rom. 8. e.

SCimus quóniam diligéntibus Deum
ómnia cooperántur in bonum, iis
qui secúndum propósitum vocáti sunt
sancti.

R. br. Lætítia sempitérna super cá-
pita eórum, * Allelúja, allelúja.

Lætítia.

V. Gáudium et exultatióem obtiné-
bunt. Allelúja, allelúja.

Gloria Patri. Lætítia.

V. Pretiósá in conspéctu Dómini,
allelúja.

R. Mors sanctórum ejus, allelúja.

Ad Vesperas.

Antiph. to. 8. Sancti tui. cum reli-
quis de Laudibus. ut supra.

Psalmi. Dixit Dóminus. Laudáte
púeri. Crédidi. In converténdo. Dó-
mine, probásti. ut supra. [12]

Capitulum. Stabunt justi. ut supra.

Hymnus.

TRistes erant Apóstoli
De Christi acérbo fúnere,
Quem morte crudelíssima
Servi necárant ímpii.

Sermóne verax Angelus
Mulieribus prædixerat:
Mox ore Christus gáudium
Gregi feret Fidélium.

Ad ánxiós Apóstolos
Currunt statim dum núntiæ,
Illæ micántis óbvia
Christi tenent vestígia.

Galilææ ad alta móntium
Se cónferunt Apóstoli,
Jesúque, voti cómpotes,
Almo beántur lúmíne.

Ut sis perénne méntibus
Paschále, Jesu, gáudium,
A morte dira criminum
Vitæ renátos líbera.


Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sáecula.
Amen.

V. Pretiósá in conspéctu Dómini,
allelúja.

R. Mors sanctórum ejus, allelúja.

Ad Magnificat, Antiphona, to. 8.

Sancti et justi in Dómino gaudéte,
allelúja: vos elégit Deus in hæredi-
tátem sibi, allelúja.



Commune unius Martyris

extra Tempus Paschale.

AD VESPERAS.

Antiph. to. 1. Qui me confessus. cum reliquis de Laudibus. [33]

Psalmus. Dixit Dominus. cum reliquis ut in i. Vesperis Apostolorum. [2]

Capitulum. Jacobi 1. b.

BEátus vir, qui suffert tentationem: quóniam cum probátus fúerit, accípiet coronam vitæ, quam repromísit Deus diligéntibus se.

Hymnus.

DEus, tuórum mílitum
Sors, et coróna, præmíum,
Laudes canéntes Mártyris
Absólve nexu críminis.

Hic nempe mundi gáudia,
Et blanda fraudum pábula
Imbúta felle députans,
Pervénit ad cœléstia.

Poenas cucúrrit fórtiter,
Et sústulit viríliter,
Fundénsque pro te sánguinem,
Æténa dona pössidet.

Ob hoc precátu súplici
Te póscimus, piíssime;
In hoc triúmpho Mártyris
Dimítte noxam sérvulis.

Laus et perénis glória
Patri sit atque Fílio,
Sancto simul Paráclito,
In sempitérna sácula. Amen.

V. Glória et honóre coronásti eum,
Dómine.

R. Et constituísti eum super ópera
mánuum tuárum.

Ad Magnificat, Antiphona, to. 8.

Iste sanctus pro lege Dei sui certávit
usque ad mortem, et a verbis impiórum
non tímuit: fundátus enim erat supra
firmam petram.

Pro Martyre et Pontifice.

Oratio.

Infirmitátem nostram réspice, om-
nípotens Deus: et quia pondus

própriæ actiónis gravat, beáti **N.**
Mártyris tui atque Pontíficis intercés-
sio gloriósa nos próteget. Per Dó-
minum.

Alia Oratio.

DEus, qui nos beáti **N.** Mártyris tui
atque Pontíficis ánnua solemni-
táte lætíficas: concéde propítius; ut
cujus natalítia cólimus, de ejúsdem
étiam protectióne gaudeámus. Per
Dóminum.

Pro Martyre tantum. Oratio.

PRæsta, quæsumus, omnípotens
Deus: ut qui beáti **N.** Mártyris
tui natalítia cólimus, intercessióne
ejus in tui nóminis amóre roborémur.
Per Dóminum.

Alia Oratio.

PRæsta, quæsumus, omnípotens
Deus: ut intercedénte beáto **N.** Már-
tyre tuo, et a cunctis adversitatibus
liberémur in corpore, et a pravis co-
gitatióibus mundémur in mente. Per
Dóminum.

AD MATUTINUM.

Invitatorium. Regem Mártyrum
Dóminum, * Veníte, adorémus.

Psalmus. Veníte, exultémus. 2.

Hymnus. Deus, tuórum mílitum. ut
supra.

IN I. NOCTURNO.

Antiph. to. 2. In lege Dómini fuit
volúntas ejus die ac nocte.

Psalmus 1.

BEátus vir, qui non ábiit in consílio
impiórum, et in via peccatórum
non stetit, * et in cáthedra pestilén-
tiæ non sedit.

Sed in lege Dómini volúntas ejus, * et
in lege ejus meditábitur die ac nocte.
Et erit tamquam lignum, quod plan-
tátum est secus decúrsus aquárum,
* quod fructum suum dabit in témpore suo:

Et fólium ejus non défluet: * et ómnia
quæcúmque fáciat, prosperabúntur.

Non sic ímpii, non sic: * sed tamquam pulvis, quem prójicit ventus a fácie terræ.

Ideo non resúrgent ímpii in iudício: * neque peccatóres in concílio justórum.

Quóniam novit Dóminus viam justórum: * et iter impiórum peribit.

Antiph. In lege Dómini fuit voluntas ejus die ac nocte.

Antiph. to. 1. f. Prædicans præceptum Dómini, constitútus est in monte sancto ejus.

Psalmus 2.

Quare fremuérunt Gentes, * et pópuli meditáti sunt inánia?

Astitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in cœlis irridébit eos, * et Dóminus subsannábit eos.

Tunc loquétur ad eos in ira sua: * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præceptum ejus.

Dóminus dixit ad me: * Fílius meus es tu, ego hódie genui te.

Póstula a me, et dabo tibi Gentes hæreditátem tuam, * et possessiónem tuam téminos terræ.

Reges eos in virga férrea, * et tamquam vas figuli confrínges eos.

Et nunc, reges, intelligíte: * erudímini qui judicátis terram.

Servíte Dómino in timóre: * et exultáte ei cum tremóre,

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus: * beáti omnes, qui confídunt in eo.

Antiph. Prædicans præceptum Dómini, constitútus est in monte sancto ejus.

Antiph. to. 7. Voce mea ad Dóminum clamávi, et exaudivit me de monte sancto suo.

Psalmus 3.

Domine, quid multiplicáti sunt qui tríbulant me? * multi insúrgunt advérsum me.

Multi dicunt ánimæ meæ: * Non est salus ipsi in Deo ejus.

Tu autem, Dómine, suscéptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exurrexi, quia Dóminus suscepit me.

Non timébo míllia pópuli circumdántis me: * exúrge, Dómine, salvum me fac, Deus meus.

Quóniam tu percussísti omnes adversántes mihi sine causa: * dentes peccatórum contrivísti.

Dómini est salus: * et super pópulum tuum benedíctio tua.

Antiph. Voce mea ad Dóminum clamávi, et exaudivit me de monte sancto suo.

V. Glória et honóre coronásti eum, Dómine.

R. Et constituísti eum super ópera mánuum tuárum.

Pater noster.

Absolutio. Exáudi, Dómine.

V. Jube, domne, benedícere.

Benedictio. Benedicçãoe perpétua.

Lectiones sequentes primi Nocturni leguntur in festo Martyris et Pontificis. In festo autem Martyris non Pontificis leguntur quæ inferius positæ sunt in Communi plurimorum Martyrum.

De Actibus Apostolorum.

Lectio i. Cap. 20. d.

A Miléto Paulus mittens Ephesum, vocávit majóres natu Ecclésiæ. Qui cum veníssent ad eum, et simul essent, dixit eis: Vos scitis a prima die, qua ingressus sum in Asiam,

quáliter vobiscum per omne tempus fuerim, sérvians Dómino cum omni humilitate, et lácrymis, et tentatióibus, quæ mihi accidérunt ex insídiis Judæórum: quómodo nihil subtráxerim utilium, quo minus annuntiárem vobis, et docérem vos públice et per domos, testificans Judæis atque Gentilibus in Deum pœniténtiam, et fidem in Dóminum nostrum Jesum Christum. Et nunc ecce alligátus ego spírítu vado in Jerúsalem, quæ in ea ventúra sint mihi, ignórans: nisi quod Spírítus sanctus per omnes civitátes mihi protestátur, dicens: quóniam víncula et tribulatiónes Jerosólymis me manent. Sed nihil horum véreor: nec fácio ánimam meam pretiosiórem quam me, dúmmodo consúm-mem cursum meum, et ministérium verbi, quod accépi a Dómino Jesu, testificári Evangélium grátiae Dei.

R. Iste sanctus pro lege Dei sui certávit usque ad mortem, et a verbis impiórum non tímuit: * Fundátus enim erat supra firmam petram.

V. Iste est qui contémpsit vitam mundi, et pervénit ad cœléstia regna. **Fundátus.**

Benedictio. Unigénitus Dei Fílius.

Lectio ii.

ET nunc ecce ego scio, quia ámplius non vidébitis faciém meam vos omnes, per quos transívi prædicans regnum Dei. Quaprópter contéstor vos hodiérna die, quia mundus sum a ságuine ómnium. Non enim subterfúgi, quo minus annuntiárem omne consílium Dei vobis. Atténdite vobis, et unívérso gregi, in quo vos Spírítus sanctus pósuit episcopos régere Ecclesiám Dei, quam acquisívit ságuine suo. Ego scio, quóniam intrábunt post discessiónem meam lupi rapáces in vos, non parcéntes gregi. Et ex vobis ipsis exúrgent viri loquéntes perversa, ut abducant disci-

pulos post se. Propter quod vigiláte, memória retinéntes, quóniam per triénnum nocte et die non cessávi, cum lácrymis monens unumquémque vestrum.

R. Justus germinábit sicut lílium: * Et florébit in ætérnum ante Dóminum.

V. Plantátus in domo Dómini, in átriis domus Dei nostri. **Et florébit.**

Benedictio. Spírítus Sancti grátia.

Lectio iii.

ET nunc comméndo vos Deo, et verbo grátiae ipsíus, qui potens est ædificáre, et dare hæreditátem in sanctificátis ómnibus. Argéntum et aurum, aut vestem nullíus concupívi, sicut ipsi scitis: quóniam ad ea, quæ mihi opus erant, et his qui mecum sunt, ministravérunt manus istæ. Omnia osténdi vobis, quóniam sic laborántes, opórtet suscipere infirmos, ac meminísse verbi Dómini Jesu, quóniam ipse dixit: Beátius est magis dare, quam accípere. Et cum hæc dixisset, pósitis génibus suis, orávit cum ómnibus illis. Magnus autem fletus factus est ómnium: et procumbéntes super collum Pauli, osculabántur eum, doléntes máxime in verbo quod díxerat, quóniam ámplius faciém ejus non essent visúri. Et deducébant eum ad navem.

R. Iste cognóvit justítiam, et vidit mirabília magna, et exorávit Altíssimum: * Et invéntus est in número Sanctórum.

V. Iste est qui contémpsit vitam mundi, et pervénit ad cœléstia regna. **Et invéntus.**

Gloria Patri. **Et invéntus.**

IN II. NOCTURNO.

Antiph. to. 2. Fílii hóminum, scitóte, quia Dóminus sanctum suum mirificávit.

Psalmus 4.

CUm invocárem, exaudivit me Deus
justitiæ meæ: * in tribulatióne di-
latásti mihi.

Miserére mei, * et exáudi oratiónem
meam.

Fílii hóminum, úsquequo gravi corde?
* ut quid dilígitis vanitátem, et quæ-
ritis inendácium?

Et scitóte quóniam mirificávit Dómi-
nus sanctum suum: * Dóminus exáu-
diet me cum clamávero ad eum.

Irascimini, et nolíte peccáre: * quæ
dícitis in córdibus vestris, in cubili-
bus vestris compungimini.

Sacrificáte sacrificium justitiæ, et
speráte in Dómino. * Multi dicunt:
Quis osténdit nobis bona?

Signátum est super nos lumen vultus
tui, Dómine: * dedísti lætítiam in
corde meo.

A fructu fruménti, vini, et ólei sui *
multiplicáti sunt.

In pace in idípsum * dórmiam, et re-
quiescam;

Quóniam tu, Dómine, singuláriter in
spe * constituísti me.

Antiph. Fílii hóminum, scitóte, quia
Dóminus sanctum suum mirificávit.

Antiph. to. 2. Scuto bonæ voluntá-
tis tuæ coronásti eum, Dómine.

Psalmus 5.

VErba mea áuribus pécipe, Dómine,
* intéllege clamórem meum.

Inténde voci oratiónis meæ, * Rex
meus, et Deus meus.

Quóniam ad te orábo: * Dómine,
mane exáudies vocem meam.

Mane astábo tibi, et vidébo: * quón-
iam non Deus volens iniquitátem
tu es.

Neque habitábit juxta te malignus: *
neque permanébunt injústi ante ócu-
los tuos.

Odísti omnes, qui operántur iniqui-
tátem: * perdes omnes, qui loquúntur
mendácium.

Virum sánguinum, et dolósum ab-
ominábitur Dóminus: * ego autem in
multitúdine misericórdiæ tuæ,

Introibo in domum tuam: * adorábo
ad templum sanctum tuum in timóre
tuo.

Dómine, deduc me in justítia tua: *
propter inimícos meos dirige in con-
spéctu tuo viam meam.

Quóniam non est in ore eórum véri-
tas: * cor eórum vanum est.

Sepúlchrum patens est guttur eórum,
linguis suis dolóse agébant, * júdica
illos, Deus.

Décidant a cogitatióibus suis, secún-
dum multitúdinem impietátum eórum
expélle eos: * quóniam irritavérunt
te, Dómine.

Et læténtur omnes, qui spérant in te:
* in ætérnum exultábunt, et habitábis
in eis.

Et gloriabúntur in te omnes, qui díli-
gunt nomen tuum: * quóniam tu be-
nedíces justo.

Dómine, ut scuto bonæ voluntátis tuæ
* coronásti nos.

Antiph. Scuto bonæ voluntátis tuæ
coronásti eum, Dómine.

Antiph. to. 2. In univérsta terra gló-
ria et honóre coronásti eum.

Psalmus 8.

Domine Dóminus noster, * quam
admirábile est nomen tuum in
univérsta terra!

Quóniam eleváta est magnificéntia
tua * super cœlos.

Ex ore infántium et lacténtium per-
fecísti laudem propter inimícos tuos,
* ut déstruas inimícum et ultórem.

Quóniam vidébo cœlos tuos, ópera
digitórum tuórum: * lunam et stellas,
quæ tu fundásti.

Quid est homo, quod memor es ejus?
* aut fílius hóminis, quóniam vísitas
eum?

Minuísti eum paulo minus ab Ange-
lis, glória et honóre coronásti eum: *

et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas, insuper et pécora campi;

Vólucres cœli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsa terra!

Antiph. In univérsa terra glória et honóre coronásti eum.

V. Posuísti, Dómine, super caput ejus.

R. Coronam de lápide pretióso.

Pater noster.

Absolutio. Ipsíus píetas.

V. Jube, domne, benedícere.

Benedictio. Deus Pater omnípotens.

Sermo Sancti Augustíni Epíscopi.

Lectio iv. *Serm. 44. de Sanctis.*

Triumphális beáti Mártiris **N.** dies hódie nobis anniversária celebrítate recúrrit: cujus glorificatióni sicut congáudet Ecclésia, sic ejus propónit sequénda vestigia. Si enim compátimur, et conglorificábimur. In cujus glorióso agóne duo nobis præcípue consideránda sunt, induráta vidélicet tortóris sævítia, et Mártiris invícta patiéntia. Sævítia tortóris, ut eam de-testémur: patiéntia Mártiris, ut eam imitémur. Audi Psalmístam advérsus malítiam increpántem: Noli æmulári in malignántibus: quóniam tamquam fœnum velóciter aréscent. Quod autem advérsus malignántes patiéntia exhibénda sit, audi Apóstolum suadéntem: Patiéntia vobis necessariá est, ut réportétis promissiónes.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

V. Descendítque cum illo in fóveam: et in vínculis non derelíquit eum. Et dedit.

Benedictio. Christus perpétuæ.

Lectio v.

Coronáta itaque est beáti Mártiris patiéntia, mancipáta est ætérnis cruciátibus tortóris incorrécta malítia. Hoc atténdens in agóne suo gloriósus Christi athléta, non exhórruit cárcerem. Ad imitatiónem cápitis sui tolerávit probra, sustínuit irrisiones, flagélla non tímuit: et quot ante mortem pro Christo pertulit supplicia, tot ei de se obtulit sacrificia. Quod enim propinánte Apóstolo bíberat, alte retinébat: Quia non sunt condígnæ passiónes hujus témporis ad futúram glóriam, quæ revelábitur in nobis. Et quia momentáneum hoc et leve nostræ tribulatiónis, ætérnum glóriæ pondus operátur in cœlis. Hujus promissiónis amóre a terrénis suspénsus, et prægustáta supérnæ suavitátis dulcédine ineffabíliter afféctus, dicébat cum Psalmísta: Quid mihi est in cœlo, et a te quid vólui super terram? Defécit caro mea, et cor meum: Deus cordis mei, et pars mea Deus in ætérnum.

R. Desidérium ánimæ ejus tribuísti ei, Dómine, * Et voluntáte labiórurn ejus non fraudásti eum.

V. Quóniam prævenísti eum in benedictiónibus dulcédinis: posuísti in cápite ejus coronam de lápide pretióso. Et voluntáte.

Benedictio. Ignem sui amóris.

Lectio vi.

Contemplabátur enim, quantum in ænígmate infirmitas humana óculum mentis in æternitáte figere potest, quanta sint supérnæ civitátis gáudia: et ea enarráre non sufficiens, admirándo clamábat: Quid mihi est in cœlo? Quasi diceret: Excédit vires meas, excédit facultátem eloquéntiæ meæ, transcendit capacitátem intelligentiæ meæ illud decus, illa glória, illa celsitúdo, qua nobis a conturbatióne hóminum remótis, in abscondito faciúi suæ Jesus Christus Dóminus

noster reformabit corpus humilitatis nostræ, configuratum corpori claritatis suæ. Hujus perfectæ libertatis contemplatione nullum vitabat periculum, nullum horrébat supplicium: et si millies posset mori, non putabat se hanc digne posse aliqua ratione promereri.

R. Stola jucunditatis induit eum Dominus: * Et coronam pulchritudinis posuit super caput ejus.

V. Cibavit illum Dominus pane vitæ et intellectus: et aqua sapientiæ salutaris potavit illum. Et coronam.

Gloria Patri. Et coronam.

IN III. NOCTURNO.

Antiph. to. 7. Justus Dominus, et justitiam dilexit: æquitatem vidit vultus ejus.

Psalmus 10.

IN Dómino confido: quomodo discitis animæ meæ: * Trásmigra in montem sicut passer?

Quóniam ecce peccatores intendérunt arcum, paravérunt sagittas suas in pháretra, * ut sagittent in obscuro rectos corde.

Quóniam quæ perfecísti, destruxérunt: * justus autem quid fecit?

Dóminus in templo sancto suo, * Dóminus in cælo sedes ejus:

Oculi ejus in páuperem respiciunt: * pálebræ ejus interrogant filios hóminum.

Dóminus interrogat justum et ímpium: * qui autem diligit iniquitatem, odit animam suam.

Pluet super peccatores láqueos: * ignis, et sulphur, et spíritus procellarum pars cálicis eórum.

Quóniam justus Dóminus, et justitias dilexit: * æquitatem vidit vultus ejus.

Antiph. Justus Dóminus, et justitiam dilexit: æquitatem vidit vultus ejus.

Antiph. to. 4. Habitabit in tabernaculo tuo: requiescet in monte sancto tuo.

Psalmus 14.

Domine, quis habitabit in tabernaculo tuo? * aut quis requiescet in monte sancto tuo?

Qui ingreditur sine mácula, * et operatur justitiam:

Qui loquitur veritatem in corde suo, * qui non egit dolum in lingua sua:

Nec fecit próximo suo malum, * et opprobrium non accepit adversus próximos suos.

Ad nihilum deductus est in conspectu ejus malignus: * tinéntes autem Dóminum gloriícat:

Qui jurat próximo suo, et non decipit, * qui pecuniam suam non dedit ad usuram, et múnera super innocentem non accepit.

Qui facit hæc, * non movébitur in ætérnum.

Antiph. Habitabit in tabernaculo tuo: requiescet in monte sancto tuo.

Antiph. to. 4. Posuísti, Dómine, super caput ejus coronam de lapide pretioso.

Psalmus 20.

Domine, in virtute tua lætábitur rex: * et super salutare tuum exultábit veheménter.

Desiderium cordis ejus tribuísti ei: * et voluntate labiórum ejus non fraudásti eum.

Quóniam prævenísti eum in benedictionibus dulcedinis: * posuísti in cápite ejus coronam de lapide pretioso.

Vitam petiit a te: * et tribuísti ei longitúdinem diérum in sæculum, et in sæculum sæculi.

Magna est glória ejus in salutari tuo: * glóriam et magnum decórem impónes super eum.

Quóniam dabis eum in benedictionem in sæculum sæculi: * lætificábis eum in gáudio cum vultu tuo.

Quóniam rex sperat in Dómino: * et in misericórdia Altíssimi non commovébitur.

Inveniatur manus tua omnibus inimicis tuis: * dextera tua inveniat omnes, qui te odérunt.

Pones eos ut clibanum ignis in tempore vultus tui: * Dominus in ira sua conturbabit eos, et devorabit eos ignis.

Fructum eorum de terra perdes, * et semen eorum a filiis hominum.

Quoniam declinaverunt in te mala: * cogitaverunt consilia, quæ non poterunt stabilire.

Quoniam pones eos dorsum: * in reliquiis tuis preparabis vultum eorum. Exaltare, Domine, in virtute tua: * cantabimus et psallemus virtutes tuas.

Antiph. Posuisti, Domine, super caput ejus coronam de lapide pretioso.

V. Magna est gloria ejus in salutari tuo.

R. Gloriam et magnum decorem impones super eum.

Pater noster.

Absolutio. A vinculis.

V. Jube, domne, benedicere.

Benedictio. Evangelica lectio.

Lectio sancti Evangelii secundum Lucam.

Lectio vii.

Cap. 14. c.

IN illo tempore: Dixit Jesus turbis: Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et reliqua.

Homilia Sancti Gregorii Papæ.

Homilia 37. in Evangelia.

SI consideremus, fratres charissimi, quæ et quanta sunt quæ nobis promittuntur in cœlis, viléscent animo omnia, quæ habentur in terris. Terrena namque substantia supernæ felicitati comparata, pondus est, non subsidium. Temporalis vita æternæ vitæ comparata, mors est potius dicenda, quam vita. Ipse enim quotidianus defectus corruptionis quid est

aliud, quam quædam prolixitas mortis? Quæ autem lingua dicere, vel quis intellectus capere sufficit, illa supernæ civitatis quanta sint gaudia: Angelorum choris interesse, cum beatissimis spiritibus gloriæ conditoris assistere, præsentem Dei vultum cernere, incircumscriptum lumen videre, nullo mortis metu affici, incorruptionis perpétuæ múnere lætari?

R. Corona aurea super caput ejus, * Expressa signo sanctitatis, gloria honoris, et opus fortitudinis.

V. Quoniam prævenisti eum in benedictionibus dulcedinis, posuisti in capite ejus coronam de lapide pretioso. Expressa signo.

Benedictio. Cujus festum colimus.

Lectio viii.

Sed ad hæc audita inardescit animus; jamque illic cupit assistere, ubi se sperat sine fine gaudere. Sed ad magna præmia perveniri non potest, nisi per magnos labores. Unde et Paulus egregius prædicator dicit: Non coronabitur, nisi qui legitime certaverit. Deléctet ergo mentem magnitudo præmiórum, sed non detérreat certámen labórum. Unde ad se venientibus Veritas dicit: Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus.

R. Hic est vere martyr, qui pro Christi nómine sanguinem suum fudit, * Qui minas júdicum non tímuit, nec terrænæ dignitátis glóriam quæsivit, sed ad cœléstia regna pervénit. V. Justum dedúxit Dóminus per vias rectas, et osténdit illi regnum Dei. Qui minas júdicum.

Gloria Patri. Qui minas.

Sequens R. dicitur ultimo loco in Festis sex SS. Martyrum Pontificum Eusebii, Marcelli, Joannis, Silverii, Martini, et Pontiani.

R. Dómine, prævenísti eum in benedictionibus dulcédinis: * Posuísti in cápite ejus corónam de lápide pretioso.

V. Vitam pétiiit a te, et tribuísti ei longitudínem diérum in sæculum sæculi. Posuísti. **G**lória Patri. Posuísti.

Benedictio. Ad societátem.

Lectio ix.

Sed percontári libet, quómodo paréntes, et carnáliter propínquos præcípimur odísse, qui jubémur et inimícos dilígere? Et certe Véritas de uxóre dicit: Quod Deus conjúnxit, homo non séparet. Et Paulus ait: Viri, dilígite uxóres vestras, sicut et Christus Ecclésiám. Ecce discípulus uxórem diligéndam prædicat, cum magíster dicat: Qui uxórem non odit, non potest meus esse discípulus. Numquid áliud judex nún-tiat, áliud præco clamat? An simul et odísse póssumus, et dilígere? Sed si vim præcépti perpéndimus, utrúmque ágere per discretiónem valémus: ut uxórem, et eos, qui nobis carnis cognatione conjúcti sunt, et quos próximos nóvimus, diligámus; et quos adversários in via Dei pátimur, odiendo et fugiéndó nesciámus.

Te Deum laudámus. 13.

AD LAUDES ET PER HORAS.

Antiph. to. 1. Qui me conféssus fúerit coram homínibus, confitébor et ego eum coram Patre meo.

Psalmus. Dóminus regnávít. **cum** reliquis in Psalterio. 14.

Antiph. to. 3. Qui séquitur me, non ámbulat in ténebris, sed habébit lumen vitæ, dicit Dóminus.

Antiph. to. 1. Qui mihi minístrat, me sequátur: et ubi ego sum, illic sit et miníster meus.

Antiph. to. 1. Si quis mihi ministráverit, honorificábit eum Pater meus, qui est in cœlis, dicit Dóminus.

Antiph. to. 1. l. Volo, Pater, ut ubi ego sum, illic sit et miníster meus.

Capitulum. Jacobi 1. b.

BEátus vir, qui suffert tentatió-nem: quóniam cum probátus fúerit, accípiet corónam vitæ, quam repromísit Deus diligéntibus se.

Hymnus.

INvícte Martyr, únicum Patris secútus Fílium, Victis triúmphas hóstibus, Victor fruens cœléstibus.

Tui precátus múnere Nostrum reátum dflue, Arcens mali contágium, Vitæ repéllens tædium.

Solúta sunt jam víncula Tui sacráti córporis: Nos solve vinclis sæculi Dono supérni Núminis.

Deo Patri sit glória, Ejúsque soli Fílio, Cum Spíritu Paráclito, Nunc, et per omne sæculum. Amen.

V. Justus ut palma florébit.

R. Sicut cedrus Líbani multiplicábitur.

Ad Benedictus, Antiphona, to. 3. d. Qui odit ánimam suam in hoc mundo, in vitam ætérnam custódit eam.

Pro Martyre et Pontifice.

Oratio.

Infirmítatem nostram réspice, om-nípotens Deus: et quia pondus propriæ actiόνis gravat, beáti **N.** Mátyris tui atque Pontíficis intercés-sio gloriósa nos próteget. Per Dó-minum.

Alia Oratio.

Deus, qui nos beáti **N.** Mátyris tui atque Pontíficis ánnua solemni-táte lætíficas: concéde propítius: ut cujus natalítia cólimus, de ejúsdem étiam protectiône gaudeámus. Per Dóminum.

Pro Martyre tantum. Oratio.

PRæsta, quæsumus, omnipotens Deus: ut, qui beāti N. Martyris tui natalitia colimus, intercessiōne ejus in tui nōminis amore roborēmur. Per Dōminum.

Alia Oratio.

PRæsta, quæsumus, omnipotens Deus: ut intercedēte beāto N. Martyre tuo, et a cunctis adversitatibus liberēmur in corpore, et a pravis cogitationibus mundēmur in mente. Per Dōminum.

Ad Tertiam.

Antiph. to. 3. Qui sequitur me.

Capitulum. Jacobi 1. b.

BEātus vir, qui suffert tentationem: quoniam cum probatus fuerit, accipiet coronam vitæ, quam repromisit Deus diligentibus se.

R. br. Glória et honóre * Coronasti eum, Dōmine. Glória et honóre.

V. Et constituisti eum super ópera manuum tuarum. Coronasti.

Glória Patri. Glória et honóre.

V. Posuisti, Domine, super caput ejus.

R. Coronam de lapide pretioso.

Ad Sextam.

Antiph. to. 1. Qui mihi ministrat.

Capitulum. Eccli. 15.

Cibavit illum pane vitæ et intellectus, et aqua sapientiæ salutáris potavit illum Dōminus Deus noster.

R. br. Posuisti, Dōmine, * Super caput ejus. Posuisti.

V. Coronam de lapide pretioso. Super. Glória Patri. Posuisti.

V. Magna est glória ejus in salutári tuo.

R. Glóriam et magnum decórem impōnes super eum.

Ad Nonam.

Antiph. to. 1. l. Volo, Pater.

Capitulum. Eccli. 39.

Justus cor suum tradidit ad vigilandum dilúculo ad Dōminum, qui

fecit illum, et in conspéctu Altíssimi deprecábitur.

R. br. Magna est glória ejus * In salutári tuo. Magna est.

V. Glóriam et magnum decórem impōnes super eum. In salutári.

Glória Patri. Magna est.

V. Justus ut palma florébit.

R. Sicut cedrus Líbani multiplicábitur.

Ad Vesperas.

Antiph. to. 1. Qui me confessus. cum reliq. de Laudibus, ut supra. [33]

Psalmus. Dixit Dōminus. cum reliquis de Communi Apostolorum [2] et loco ultimi.

Psalmus 115.

CRédidi, propter quod locutus sum: * ego autem humiliatus sum nimis. Ego dixi in excéssu meo: * Omnis homo mendax.

Quid retribuam Dómino * pro ómnibus, quæ retribuit mihi?

Cálicem salutáris accipiam: * et nomen Dómini invocábo.

Vota mea Dómino reddam coram omni pópulo ejus: * pretiosa in conspéctu Dómini mors sanctórum ejus. O Dōmine, quia ego servus tuus: * ego servus tuus, et fílius ancillæ tuæ. Dirupisti víncula mea: * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini, in médio tui, Jerúsalem.

Capitulum. Beātus vir. ut supra.

Hymnus. Deus tuórum. [26]

V. Justus ut palma florébit.

R. Sicut cedrus Líbani multiplicábitur.

Ad Magnificat, Antiphona, to. 1.

Qui vult veníre post me, ábneget semetípsum, et tollat crucem suam, et sequátur me.

oratio

Aliæ Lectiones pro uno Martyre.

• IN II. NOCTURNO.

De Expositione Sancti Ambrósii Epíscopi in Psalmum centésimum decimum octávum. *Sermone 21.*

Lectio iv.

PRíncipes persecúti sunt me gratis: et a verbis tuis trepidávit cor meum. Bene hoc Martyr dicit, quod injúste persecutiónum torménta sustíneat: qui nihil rapúerit, nullum violéntus opprèsserit, nullus sánguinem fúderit, nullus torum putáverit esse violándum: qui nihil légibus débeat, et gravióra latrónum sustinére cogátur supplicia: qui loquátur juste, et non audiátur: qui loquátur plena salútis, et impugnétur: ut possit dicere: Cum loquébar illis, impugnábant me gratis. Gratis ígitur persecutiónem pátitur, qui impugnátur sine crimine: impugnátur ut nóxius, cum sit in tali confessiõe laudábilis: impugnátur quasi venéficus, qui in nómine Dómini gloriátur, cum píetas virtútum ómnium fundaméntum sit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

V. Descendítque cum illo in fóveam: et in vínculis non derelíquit eum. Et dedit.

Lectio v.

VEre frustra impugnátur, qui apud ímpios et infidos impietátis arcessitur, cum fidei sit magíster. Verum qui gratis impugnátur, fortis debet esse et constans. Quómodo ergo subtéxuit: Et a verbis tuis trepidávit cor meum? Trepidáre infirmitátis est, timóris atque formídinis. Sed est étiam infirmitas ad salútem, est étiam timor sanctórum. Timéte Dóminum, omnes sancti ejus: et, Beátus vir qui timet Dóminum. Qua ra-

tiõe beátus? Quia in mandátis ejus cupit nimis.

R. Desidérium ánimæ ejus tribuísti ei, Dómine, * Et voluntáte labiórum ejus non fraudásti eum.

V. Quóniam prævenísti eum in benedictiõibus dulcédinis: posuísti in cápite ejus corónam de lápide pretiósio. Et voluntáte.

Lectio vi.

POne ergo Mártirem inter pérícula constitútum, cum inde immánitas bestiárum ad incutiéndum terrórem ínfremat, aliúnde stridor candéntium laminárum, et flamma fornácis ardéntis exæstuet, ex parte ália pèrsonent tractus gráviúum catenárum, hinc cárnifex cruéntus assístat: pone, inquam, circumspectántem ómnia plena supplicíis, deínde cogitántem mandáta divína, illum ignem perpétuum, illud sine fine incéndium perfidórum, illam pœnæ recrudescéntis ærúmnam: trepidáre corde, ne, dum præséntibus cedat, perpétuis se dedat exítiis: perturbári ánimò, dum futúri judícii rhomphæam illam terríbilem quadam conspéctus spécie contuétur. Nonne ad hanc trepidatiónem fidúciæ viri constantis, æquális in eúmdem concúrrit effectum confidéntia cupiéntis ætérna, et divína trepidántis?

R. Stola jucunditátis índuit eum Dóminus: * Et corónam pulchritúdinis pósuit super caput ejus.

V. Cibávit illum Dóminus pane vitæ et intelléctus: et aqua sapiéntiæ salutáris potávit illum. Et corónam. Glória Patri. Et corónam.

IN III. NOCTURNO.

Lectio sancti Evangélii secúndum Matthæum.

Lectio vii.

Cap. 16. d.

IN illo témpore: Dixit Jesus discipulis suis: Si quis vult post me

venire, abneget semetipsum, et tol-
lat crucem suam, et sequatur me. Et
reliqua.

Homilia Sancti Gregorii Papae.

Homilia 32. in Evangelia.

Quia Dominus ac Redemptor nos-
ter novus homo venit in mun-
dum, nova praecepta dedit mundo.
Vitae etenim nostrae veteri in vitiis
enutritae contrarietatem opposuit no-
vitatis suae. Quid enim vetus, quid
carnalis homo noverat, nisi sua reti-
nere, aliena rapere, si posset; concu-
piscere si non posset? Sed coelestis
medicus singulis quibusque vitiis ob-
viantia adhibet medicamenta. Nam
sicut arte medicinae calida frigidis,
frigida calidis curantur: ita Dominus
noster contraria opposuit medica-
menta peccatis, ut lubricis continen-
tiam, tenacibus largitatem, iracundis
mansuetudinem, elatis praeciperet hu-
militatem.

R. Corona aurea super caput ejus, *
Expressa signo sanctitatis, gloria ho-
noris, et opus fortitudinis.

V. Quoniam praeveneris eum in bene-
dictionibus dulcedinis, posuisti in
capite ejus coronam de lapide pre-
tioso. **E**xpressa.

Lectio viii.

Certe, cum se sequentibus nova
mandata proponeret, dixit: Nisi
quis renuntiaverit omnibus quae pos-
sident, non potest meus esse discipu-
lus. Ac si aperte dicat: Qui per vi-
tam veterem aliena concupiscitis, per
novae conversationis studium et ves-
tra largimini. Quid vero in hac lec-
tione dicat, audiamus: Qui vult post
me venire, abneget semetipsum. Ibi
dicitur, ut abnegemus nostra: hic di-
citur, ut abnegemus nos. Et fortasse
laboriosum non est homini relinquere
sua: sed valde laboriosum est relin-
quere semetipsum. Minus quippe est
abnegare quod habet: valde autem
multum est, abnegare quod est.

R. Hic est vere martyr, qui pro
Christi nomine sanguinem suum fu-
dit: * Qui minas iudicium non timuit,
nec terrenae dignitatis gloriam quaesivit,
sed ad coelestia regna pervenit.
V. Justum deduxit Dominus per vias
rectas, et ostendit illi regnum Dei.

Qui minas iudicium.

Gloria Patri. Qui minas.

Lectio ix.

Ad se autem nobis venientibus Do-
minus praecipit, ut renuntiemus
nostris: quia quicumque ad fidei ag-
onem venimus, luctamen contra ma-
lignos spiritus sumimus. Nihil autem
maligni spiritus in hoc mundo pro-
prium possident: nudi ergo cum nu-
dis luctari debemus. Nam si vesti-
tus quisque cum nudo luctatur, citius
ad terram dejicitur, quia habet unde
teneatur. Quid enim sunt terrena
omnia, nisi quaedam corporis indu-
menta? Qui ergo contra diabolum
ad certamen properat, vestimenta ab-
jiciat, ne succumbat.

Te Deum laudamus. 13.

Alia Homilia.

Lectio sancti Evangelii secundum
Matthaeum.

Lectio vii.

Cap. 10. c.

In illo tempore: Dixit Jesus disci-
pulis suis: Nihil est opertum, quod
non revelabitur, et occultum, quod
non sciatur. Et reliqua.

Homilia Sancti Hilarii Episcopi.

Comment. in Matth. can. 10. post med.

Dominus diem iudicii ostendit, quae
abstrusam voluntatis nostrae con-
scientiam prodet: et ea, quae nunc
occulta existimantur, luce cognitionis
publicae de-teget. Igitur non minas,
non consilia, non potestates insec-
tantium monet esse metuendas: quia
dies iudicii nulla haec fuisse, atque
inania revelabit. Et quod dico vobis
in tenebris, dicite in lumine: et quod
in aure auditis, praedicite super tecta.
Non legimus Dominum solum fuisse

noctibus sermocinari, et doctrinam in tenebris tradidisse: sed quia omnis sermo ejus carnalibus tenebrae sunt, et verbum ejus infidelibus nox est.

R. Coróna áurea super caput ejus, * Expréssa signo sanctitátis, glória honoris, et opus fortitudinis.

V. Quóniam prævenísti eum in benedictionibus dulcedinis, posuísti in cápite ejus corónam de lápide pretioso. **E**xpréssa.

Lectio viii.

ITaque id, quod a se dictum est, cum libertate fidei et confessionis vult esse loquendum. Idcirco quæ in tenebris dicta sunt, prædicari jussit in lumine: ut, quæ secreto aurium commissa sunt, super tecta, id est, excélso loquentium præcónio audiántur. Constánter enim Dei ingerenda cognitio est, et profúndum doctrinæ evangélicæ secretum in lumine prædicatiónis apostólicæ revelándum: non timéntes eos, quibus cum sit licéntia in cörpera, tamen in ánimam jus nullum est: sed timéntes pótius Deum, cui perdéndæ in gehénna et ánimæ et cörperis sit potestas.

R. Hic est vere martyr, qui pro Christi nómine sánguinem suum fudit: * Qui minas júdicum non tímuit, nec terrénæ dignitátis glóriam quæ-sívit, sed ad cœléstia regna pervénit.

V. Justum dedúxit Dóminus per vias rectas, et osténdit illi regnum Dei. Qui minas júdicum.

Glória Patri. Qui minas.

Lectio ix.

NOlíte timére eos qui occídunt corpus. Nullus ígitur cörperum nostrórum casus est pertimescendus, neque ullus interiméndæ carnis admittendus est dolor: quando pro natúræ suæ atque oríginiis conditíone resoluta, in substantiam spirituális ánimæ refundátur. Et quia doctrinis talibus confirmátos opórtet liberam confitendi Dei habére constántiam, étiam

conditíonem, qua tenerémur, adjécit: negatúrum se eum Patri in cœlis, qui se homínibus in terra negásset: eum porro, qui conféssus coram homínibus se fuísset, a se in cœlis confiténdum: qualésque nos nóminis sui testes homínibus fuissémus, tali nos apud Deum Patrem testimonio ejus usúros.

Te Deum laudámus. 13.



Commune Martyrum.

Tempore Paschali.

AD VESPERAS.

Antiph. to. 8. Sancti tui, Dómine. cum reliquis de Laudibus. [46]

Psalmus. Dixit Dóminus. cum reliquis ut in primis Vesperis Apostolorum. [2]

Capitulum. Sap. 5.

STabunt justi in magna constántia advérsus eos, qui se angustiavérunt, et qui abstulérunt labóres eórum.

Pro uno Martyre.

Hymnus.

DEus, tuórum mílitum
Sors, et coróna, præmium,
Laudes canéntes Mártyris
Absólve nexu críminis.

Hic nempe mundi gáudia,
Et blanda fraudum pábula
Imbúta felle députans,
Pervénit ad cœléstia.

Pœnas cucúrrit fórtiter,
Et sústulit viríliter,
Fundénsque pro te sánguinem,
Ætérna dona póssidet.

Ob hoc precátu súpplici
Te póscimus, piíssime;
In hoc triúmpho Mártyris
Dimítte noxam sérvulis.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.
Amen.

Sic terminantur Hymni ejusdem metri usque ad Ascensionem.

✠ Ab Ascensione autem usque ad Pentecosten, dicatur sequens

Jesu, tibi sit glória,
Qui victor in cœlum redis,
Cum Patre, et almo Spíritu,
In sempitérna sácula.
Amen.

Pro pluribus Martyribus dicitur

Hymnus.

R Ex glorióse Mártyrum,
Coróna confiténtium,
Qui respuéntes térrea
Perdúcis ad cœléstia:

Aurem benígnam prótinus
Inténde nostris vócbus:
Trophæa sacra pángimus:
Ignósce quod delíquimus.

Tu vincis inter Mártyres,
Parcísque Confessóribus:
Tu vince nostra crimina,
Largítor indulgéntiæ.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.
Amen.

✠. Sancti et justi in Dómino gaudéte,
allelúja.

℞. Vos elégit Deus in hæreditátem
sibi, allelúja.

Ad Magnificat, Antiphona, to. 2.

Lux perpétua lucébit sanctis, Dómine, et ætérnitas témporum, allelúja.

Oratio, si non adsit propria, sumitur de Communi unius vel plurimorum Martyrum extra tempus Paschale.

AD MATUTINUM.

Invitatorium. Exúltent in Dómino Sancti, * Allelúja.

Psalmus. Veníte, exultémus. 2.

Hymnus pro uno Martyre, Deus, tuórum mílitum. ut supra. [37]

Pro pluribus Martyribus.

Hymnus.

Christo profúsum ságuinem,
Et Mártyrum victórias,
Dignámque cœlo láuream
Lætis sequámur vócbus.

Terróre victo sáculi,
Pœnísque spretis córporis,
Mortis sacræ compéndio
Vitam beátam póssident.

Tradúntur igni Mártyres,
Et bestiárum déntibus:
Armáta sævit úngulis
Tortóris insáni manus.

Nudáta pendent víscera:
Sanguis sacrátus fúnditur:
Sed pérmanent immóbiles
Vitæ perénis grátia.

Te nunc, Redémptor, quæsumus,
Ut Mártyrum consórtio
Jungas precántes sérvulos
In sempitérna sácula.

Amen.

Sic semper terminandus est Hymnus prædictus.

IN I. NOCTURNO.

Antiph. to. 8. Stabunt justi in magna constantia adversus eos, qui se angustiaverunt, allelúja.

Sub una tantum Antiphona dicuntur Psalmi cujuslibet Nocturni.

Psalmi pro uno, et pluribus Martyribus.

Psalmus 1.

Beátus vir, qui non abiit in consilio impiórum, et in via peccatórum non stetit, * et in cáthedra pestiléntiæ non sedit.

Sed in lege Dómini volúntas ejus, * et in lege ejus meditábitur die ac nocte. Et erit tamquam lignum, quod plantátum est secus decúrsus aquárum, * quod fructum suum dabit in tēpore suo:

Et fólium ejus non défluēt: * et ómnia quaecúmque fáciēt, prosperabúntur.

Non sic ímpii, non sic: * sed tamquam pulvis, quem prójicit ventus a fácie terræ.

Ideo non resúrgent ímpii in iudício: * neque peccátóres in concílio iustórum.

Quóniam novit Dóminus viam iustórum: * et iter impiórum peribit.

Psalmus 2.

Quare fremuérunt Gentes, * et pópuli meditáti sunt inánia?

Astitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in cœlis irridébit eos, * et Dóminus subsannábit eos.

Tunc loquétur ad eos in ira sua: * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me: * Fílius meus es tu, ego hódie génui te.

Póstula a me, et dabo tibi Gentes hæreditátem tuam, * et possessiónem tuam téminos terræ.

Reges eos in virga férrea, * et tamquam vas figuli confrínges eos.

Et nunc, reges, intelligite: * erudímini qui iudicátis terram.

Servíte Dómino in timóre: * et exultáte ei cum tremóre,

Apprehéndite disciplínam, nequándó irascátur Dóminus, * et pereátis de via iusta.

Cum exárserit in brevi ira ejus: * beáti omnes, qui confídunt in eo.

Psalmus 3.

Domine, quid multiplicáti sunt qui tríbulant me? * multi insúrgunt advérsus me.

Multi dicunt ánimæ meæ: * Non est salus ipsi in Deo ejus.

Tu autem, Dómine, suscéptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exurrexi, quia Dóminus suscepit me.

Non timébo mília pópuli circumdántis me: * exúrge, Dómine, saluum me fac, Deus meus.

Quóniam tu percussísti omnes adversátes mihi sine causa: * dentes peccatórum contrivísti.

Dómini est salus: * et super pópulum tuum benedíctio tua.

Antiph. to. 8. Stabunt justí in magna constántia advérsus eos, qui se angustíaverunt, allelúja.

V. Sancti et justí, in Dómino gaudente, allelúja.

R. Vos elégit Deus in hæreditátem sibi, allelúja.

Pater noster.

Absolutio. Exaúdi, Dómine.

V. Jube, domne, benedícere.

Benedictio. Benedicţióne perpétua.

Lectiones primi Nocturni de Scriptura, quæ occurrit Tempore Paschali in Officio de Tempore: vel quando non adsunt, de Comuni unius vel plurimorum Martyrum extra tempus Paschale.

R. I. Beátus vir qui méruit Dóminum, allelúja: * In mandátis ejus cupit nimis, allelúja, allelúja, allelúja.

V. Glória et divítiae in domo ejus, et justítia ejus manet in sæculum sæculi. In mandátis.

Benedictio. Unigénitus Dei Fílius.

R. II. Tristítia vestra, allelúja, * Convertétur in gáudium, allelúja, allelúja.

V. Mundus autem gaudébit; vos vero contristabimini, sed tristitia vestra. Convertétur.

Benedictio. Spíritus sancti grátia.

R. III. Pretiosa in conspéctu Dómini, allelúja, * Mors sanctorum ejus, allelúja.

V. Custódit Dóminus ómnia ossa eorum, unum ex his non conterétur.

Mors. Glória Patri. **Mors.**

IN II. NOCTURNO.

Antiph. to. 3. Ecce quómodo computáti sunt inter filios Dei, et inter sanctos sors illorum est, allelúja.

Psalmi pro uno Martyre.

Psalmus 4.

Cum invocárem, exaudivit me Deus justitiae meae: * in tribulatione dilatasti mihi.

Miserere mei, * et exaudi orationem meam.

Filii hominum, usquequo gravi corde? * ut quid diligitis vanitatem, et queritis mendacium?

Et scitote quoniam mirificavit Dominus sanctum suum: * Dominus exaudiet me cum clamávero ad eum.

Irascimini, et nolite peccare: * quae dicitis in cordibus vestris, in cubilibus vestris pungimini.

Sacrificate sacrificium justitiae, et sperate in Domino. * Multi dicunt: Quis ostendit nobis bona?

Signatum est super nos lumen vultus tui, Domine: * dedisti laetitiam in corde meo.

A fructu frumenti, vini, et olei sui * multiplicati sunt.

In pace in idipsum * dormiam, et requiescam;

Quoniam tu, Domine, singulariter in spe * constituisti me.

Psalmus 5.

Verba mea auribus percipe, Domine, * intellige clamorem meum.

Intende voci orationis meae, * Rex meus, et Deus meus.

Quoniam ad te orabo: * Domine, mane exaudies vocem meam.

Mane astabo tibi, et videbo: * quoniam non Deus volens iniquitatem tu es.

Neque habitabit juxta te malignus: * neque permanebunt iniusti ante oculos tuos.

Odisti omnes, qui operantur iniquitatem: * perdes omnes, qui loquuntur mendacium.

Virum sanguinum, et dolosum abominabitur Dominus: * ego autem in multitudine misericordiae tuae,

Introibo in domum tuam: * adorabo ad templum sanctum tuum in timore tuo.

Domine, deduc me in justitia tua: * propter inimicos meos dirige in conspectu tuo viam meam.

Quoniam non est in ore eorum veritas: * cor eorum vanum est.

Sepulchrum patens est guttur eorum, linguis suis dolose agebant, * iudica illos, Deus.

Decidant a cogitationibus suis, secundum multitudinem impietatum eorum expelle eos: * quoniam irritaverunt te, Domine.

Et laetentur omnes, qui sperant in te: * in aeternum exultabunt, et habitabis in eis.

Et gloriabuntur in te omnes, qui diligunt nomen tuum: * quoniam tu benedices justo.

Domine, ut scuto bonae voluntatis tuae * coronasti nos.

Psalmus 8.

Domine Dominus noster, * quam admirabile est nomen tuum in universa terra!

Quoniam elevata est magnificentia tua * super coelos.

Ex ore infantium et lactentium perfecisti laudem propter inimicos tuos, * ut destruas inimicum et ultorem.

Quóniam vidébo coelos tuos, ópera digitorum tuorum: * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas, ínsuper et pécora campi;

Vólucres cœli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsa terra!

Psalmi pro pluribus Martyribus.

Psalmus 14.

Domine, quis habitábit in tabernáculo tuo? * aut quis requiêscet in monte sancto tuo?

Qui ingréditur sine mácula, * et operátur justítiam:

Qui lóquitur veritátem in corde suo, * qui non egit dolum in lingua sua:

Nec fecit próximo suo malum, * et opprobrium non accépit advérsus próximos suos.

Ad níhilum dedúctus est in conspéctu ejus malignus: * timéntes autem Dóminum glórficat:

Qui jurat próximo suo, et non decipit, * qui pecúniam suam non dedit ad usúram, et múnera super innocentem non accépit.

Qui facit hæc, * non movébitur in ætérnum.

Psalmus 15.

Consérva me, Dómine, quóniam sperávi in te. * Dixi Dómino: Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum: * póstea acceleravérunt.

Non congregábo conventícula eórum de sanguínibus: * nec memor ero nóminum eórum per lábia mea.

Dóminus pars hæreditátis meæ, et cálicis mei: * tu es, qui restítues hæreditátem meam mihi.

Funes cecidérunt mihi in præcláris: * étenim hæréditas mea plæclára est mihi.

Benedícam Dóminum, qui tríbuit mihi intelléctum: * ínsuper et usque ad noctem increpuérunt me renes mei.

Providébam Dóminum in conspéctu meo semper: * quóniam a dextris est mihi, ne commóvear.

Propter hoc lætátum est cor meum, et exultávit lingua mea: * ínsuper et caro mea requiêscet in spe.

Quóniam non derelínques ánimam meam in inférno: * nec dabis sanctum tuum vidére corruptiónem.

Notas mihi fecísti vias vitæ, adimplébis me lætítia cum vultu tuo: * delectatiónes in dextera tua usque in finem.

Psalmus 23.

Domini est terra, et plenitúdo ejus: * orbis terrárum, et univérsi qui hábitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Antiph. Ecce quómodo computáti sunt inter fílios Dei, et inter sanctos sors illórum est, allelúja.

V. Lux perpétua lucébit sanctis tuis, Dómine, allelúja.

R. Et æternitas témporum, allelúja.

Pater noster.

Absolutio. Ipsíus píetas.

V. Jube, domne, benedícere.

Benedictio. Deus Pater omnípotens.

Sermo Sancti Ambrósii Epíscopi.

Lectio iv.

Serm. 22.

Dignum et cóngruum est, fratres, ut post lætítiam Paschæ, quam in Ecclesiá celebrávimus, gáudia nostra cum sanctis martýribus conferámus: et iis annuntiémus Domínicæ resurrectionis glóriam, qui consórtes sunt Domínicæ passiõnis. Qui enim sócii sunt contuméliæ, debent et partícipes esse lætítiæ. Ita enim dicit beátus Apóstolus: Sicut sócii passiõnum estis, et resurrectionis éritis: si tolerábitis, inquit, et conregnábitis. Qui ergo toleravérunt mala propter Christum, debent et glóriam habére cum Christo.

R. Lux perpétua lucébit sanctis tuis, Dómine, * Et æternitas témporum, allelúja, allelúja.

V. Lætítia sempitérna erit super cápita eórum: gáudium et exultatiónem obtinébunt. **Et æternitas.**

Benedictio. Christus perpétuæ.

Lectio v.

Annuntiémus, inquam, sanctis Martýribus Domínicæ Paschæ grátiam: ut, dum sepultúræ illius prædicámus reseráta claustra, et horum

sepúlchra reseréntur: dum corpus illius mórtuum dícimus tepéntibus venis súbito víguísse, horum quoque membra jam frígida immortalitátis calóre foveántur. Eadem enim rátio Mártýres súscitat, quæ et Dóminum suscitávit. Nam sicut viam passiõnis ejus expérti sunt, ita experiéntur et vitæ. Scriptum est enim in Psalmo: Notas mihi fecisti vias vitæ. Hoc útique in resurrectione, ex persóna díctur Salvatóris: ut qui, dum post mortem ab inferis redit ad súperos, incípiat notam habére viam vitæ, quæ ante habebátur ignóta.

R. In servis suis, allelúja, * Consolábitur Deus, allelúja.

V. Judicábit Dóminus pópulum suum, et in servis suis. **Consolábitur.**

Benedictio. Ignem sui amóris.

Lectio vi.

Ignóta enim erat ante Christi advéntum via vitæ, quæ nullíus adhuc resurgéntis fúerat temeráta vestígio. At ubi Dóminus resurrexit, nota facta, solo attríta est plurimórum. De quibus sanctus Evangelísta ait: Multórum córpora sanctórum surrexérunt cum eo, et introiérunt in sanctam civitátem. Unde, cum Dóminus in resurrectione sua díxerit: Notas mihi fecisti vias vitæ: póssumus et nos jam dícere Dómino: Notas fecisti nobis vias vitæ. Ipse enim nobis notas fecit vias vitæ, qui nobis sémitam manifestávit ad vitam. Notas enim mihi fecit vias vitæ, cum me dócuit fidem, misericórdiam, justítiam, castitátem. His enim pervenítur itinéribus ad salútem.

R. Fíliæ Jerúsalem; veníte et vidéte Mártýres cum corónis, quibus coronávit eos Dóminus, * In die solemnitátis et lætítiæ, allelúja.

V. Quóniam confortávit seras portárum tuárum, benedíxit fílios tuos in te. In die. Glória Patri. In die.

IN III. NOCTURNO.

Antiph. to. 4. Lux perpétua lucébit sanctis tuis, Dómine, et ætérnitas témporum, allelúja.

Psalmi pro uno Martyre.

Psalmus 10.

IN Dómino confido: quómodo dicitis ánimæ meæ: * Trásmigra in montem sicut passer?

Quóniam ecce peccatóres intendérunt arcum, paravérunt sagíttas suas in pháretra, * ut sagíttent in obscúro rectos corde.

Quóniam quæ perfecísti, destruxérunt: * justus autem quid fecit?

Dóminus in templo sancto suo, * Dóminus in cœlo sedes ejus:

Oculi ejus in páuperem respíciunt: * pálpebræ ejus intérogant filios hóminum.

Dóminus intérogat justum et ímpium: * qui autem díligit iniquitátem, odit ánimam suam.

Pluet super peccatóres láqueos: * ignis, et sulphur, et spíritus procellárum pars cálicis eórum.

Quóniam justus Dóminus, et justítias diléxit: * æquitátem vidit vultus ejus.

Psalmus 14.

Domine, quis habitábit in tabernáculo tuo? * aut quis requiécet in monte sancto tuo?

Qui ingréditur sine mácula, * et opératur justítiam:

Qui lóquitur veritátem in corde suo, * qui non egit dolum in lingua sua:

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus: * tíméntes autem Dóminum glórficat:

Qui jurat próximo suo, et non decípit, * qui pecúniam suam non dedit ad

usúram, et múnera super innocentem non accépit.

Qui facit hæc, * non movébitur in ætérnum.

Psalmus 20.

Domine, in virtúte tua lætábitur rex: * et super salutáre tuum exultábit veheménter.

Desidérium cordis ejus tribuísti ei: * et voluntáte labiórum ejus non fraudásti eum.

Quóniam prævenísti eum in benedictiónibus dulcédinis: * posuísti in cápite ejus corónam de lápide pretiósó.

Vitam pétiit a te: * et tribuísti ei longitúdinem diérum in sæculum, et in sæculum sæculi.

Magna est glória ejus in salutári tuo: * glóriam et magnum decórem impónes super eum.

Quóniam dabis eum in benedictiónem in sæculum sæculi: * lætificábis eum in gáudio cum vultu tuo.

Quóniam rex sperat in Dómino: * et in misericórdia Altíssimi non commovébitur.

Inveniátur manus tua ómnibus inimícis tuis: * dextera tua invéniat omnes, qui te odérunt.

Pones eos ut clíbanum ignis in témpore vultus tui: * Dóminus in ira sua conturbábit eos, et devorábit eos ignis.

Fructum eórum de terra perdes, * et semen eórum a filiis hóminum.

Quóniam declinavérunt in te mala: * cogitavérunt consília, quæ non potuérunt stabilíre.

Quóniam pones eos dorsum: * in reliquiis tuis præparábis vultum eórum.

Exaltáre, Dómine, in virtúte tua: * cantábimus et psallémus virtútes tuas.



Psalmi pro pluribus Martyribus.

Psalmus 32.

EXultáte, iusti in Dómino: * rectos decet collaudátio.

Confitémini Dómino in cíthara: * in psaltério decem chordárum psállite illi.

Cantáte ei cánticum novum: * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Díligit misericórdiam et judícium: * misericórdia Dómini plena est terra.

Verbo Dómini cœli firmáti sunt: * et spíritu oris ejus omnis virtus eórum.

Cóngregans sicut in utre aquas maris: * ponens in thesáuris abyssos.

Tímeat Dóminum omnis terra: * ab eo autem commoveántur omnes inhabitántes orbem.

Quóniam ipse dixit, et facta sunt: * ipse mandávit, et creáta sunt.

Dóminus díssipat consília géntium: * réprobat autem cogitatiónes populórum, et réprobat consília princípum.

Consílium autem Dómini in ætérnum manet: * cogitatiónes cordis ejus in generatióne, et generatióne.

Beáta gens, cujus est Dóminus Deus ejus: * pópulus, quem elégit in hæreditátem sibi.

De cœlo respéxit Dóminus: * vidit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit singillátim corda eórum: * qui intélligit ómnia ópera eórum.

Non salvátur rex per multam virtútem: * et gigas non salvábitur in multitúdine virtútis suæ.

Fallax equus ad salútem: * in abundantia autem virtútis suæ non salvábitur.

Ecce óculi Dómini super metuéntes eum: * et in eis, qui sperant super misericórdia ejus.

Ut éruat a morte ánimas eórum: * et alat eos in fame.

Anima nostra sústinet Dóminum: * quóniam adjútor et protéctor noster est.

Quia in eo lætábitur cor nostrum: * et in nómine sancto ejus sperávimus.

Fiat misericórdia tua, Dómine, super nos: * quemádmódum sperávimus in te.

Psalmus 33.

Benedícam Dóminum in omni tēpore: * semper laus ejus in ore meo.

In Dómino laudábitur ánima mea: * áudiant mansuétí, et læténtur.

Magnificáte Dóminum mecum: * et exaltémus nomen ejus in idípsum.

Exquisívi Dóminum, et exaudívit me: * et ex ómnibus tribulatióibus meis erípuit me.

Accédite ad eum, et illuminámini: * et fácies vestræ non confundéntur.

Iste pauper clamávit, et Dóminus exaudívit eum: * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum: * et erípiet eos.

Gustáte, et vidéte quóniam suavis est Dóminus: * beátus vir, qui sperat in eo.

Timéte Dóminum, omnes sancti ejus: * quóniam nōn est inópia timéntibus eum.

Dívites eguérunt, et esuriérunt: * inquiréntes autem Dóminum non minuéntur omni bono.

Veníte, filii, audíte me: * timórem Dómini docébo vos.

Quis est homo, qui vult vitam: * díligit dies vidére bonos?

Próhibe linguam tuam a malo: * et lábia tua ne loquántur dolum.

Divérte a malo, et fac bonum: * inquiré pacem, et perséquare eam.

Oculi Dómini super justos: * et aures ejus in preces eórum.

Vultus autem Dómini super faciéntes mala: * ut perdat de terra memóriam eórum.

Clamavérunt justí, et Dóminus exaudivit eos: * et ex ómnibus tribulatió- nibus eórum liberávit eos.

Juxta est Dóminus iis, qui tribuláto sunt corde: * et húmiles spírítu salvábit.

Multæ tribulatiónes justórum: * et de ómnibus his liberábit eos Dóminus.

Custódit Dóminus ómnia ossa eórum: * unum ex his non conterétur.

Mors peccatórum péssima: * et qui odérunt justum, delínquent.

Rédimet Dóminus ánimas servórum suórum: * et non delínquent omnes, qui sperant in eo.

Psalmus 45.

Deus noster refúgium, et virtus; * adjútor in tribulatió- nibus, quæ invenerunt nos nimis.

Propterea non timébimus dum turbá- bitur terra: * et transferéntur montes in cor maris.

Sonué- runt, et turbátæ sunt aquæ eó- rum: * conturbáti sunt montes in for- titúdine ejus.

Flúminis ímpetus lætíficat civitátem Dei: * sanctificávit tabernáculum suum Altíssimus.

Deus in médio ejus, non commové- bitur: * adjuvábít eam Deus mane dilúculo.

Conturbátæ sunt gentes, et inclináta sunt regna: * dedit vocem suam, mota est terra.

Dóminus virtútum nobíscum: * sus- céptor noster Deus Jacob.

Veníte, et vidéte ópera Dómini, quæ pósuit prodígia super terram: * áufe- rens bella usque ad fineim terræ.

Arcum cónteret, et confrínget arma: * et scuta combúret igni.

Vacáte, et vidéte, quóniam ego sum Deus: * exaltábor in Géntibus, et ex- altábor in terra.

Dóminus virtútum nobíscum: * sus- céptor noster Deus Jacob.

Antiph. Lux perpétua lucébit sanc- tis tuis, Dómine, et ætérnitas témpo- rum, allelúja.

V. Lætítia sempitérna super cápita eórum, allelúja.

R. Gáudium et exultatió- nem obtiné- bunt, allelúja.

Pater noster.

Absolutio. A vínculis.

V. Jube, domne, benedícere.

Benedictio. Evangélica léc- tio.

Léc- tio sancti Evangé- lii secúndum Joánnem.

Lectio vii.

Cap. 15.

In illo témpore: Dixit Jesus discí- pulis suis: Ego sum vitis vera, et Pater meus agricóla est. Et réliqua.

Homília Sancti Augustíni Epíscopi.

Tract. 80. in Joannem.

Iste locus Evangélicus, fratres, ubi se dicit Dóminus vitem, et discí- pulos suos pálmities, secúndum hoc dicit, quod est caput Ecclésiæ, nos- que membra ejus, mediátor Dei et hóminum homo Christus Jesus. Unus quippe natú- ræ sunt vitis et pálmities. Propter quod, cum esset Deus, cujus natú- ræ non sumus, factus est homo, ut in illo esset vitis húmána natúra, cujus et nos hómines pálmities esse possé- mus.

R. Ego sum vitis vera, et vos pálmities: * Qui manet in me, et ego in eo, hic fert fructum multum, allelúja, al- lelúja.

V. Sicut diléxit me Pater, et ego di- léxi vos. **Qui manet.**

Benedictio. Cujus, vel Quorum fes- tum cólimus.

Lectio viii.

Quid ergo est, Ego sum vitis vera? Numquid ut ádderet, vera, hoc

ad eam vitem rétulit, unde ista similitúdo transláta est? Sic enim díci-
tur vitis per similitúdinem, non per
proprietátem: quemádmódum díci-
tur ovis, agnus, leo, petra, lapis angulá-
ris, et cétera hujúsmodi, quæ magis
ipsa sunt vera, ex quibus ducúntur
istæ similitúdi-nes, non proprietátes.
Sed cum dicit: Ego sum vitis vera,
ab illa se útique discérnit, cui díci-
tur: Quómodo convérsa es in amari-
túdinem, vitis aliéna? Nam quo pacto
est vitis vera, quæ expectáta est ut
fáceret uvam, fecit autem spinas?

R. Cándidi facti sunt Nazaræi ejus,
allelúja: splendórem Deo dedérunt,
allelúja: * Et sicut lac coaguláti sunt,
allelúja, allelúja.

V. Cándidióres nive, nitidióres lacte,
rubicundióres ébore antíquo, sapphíro
pulchrióres. Et sicut.

Glória Patri. Et sicut.

Benedictio. Ad societátem.

Lectio ix.

EGo sum, inquit, vitis vera: et Pa-
ter meus agrícola est. Numquid
unum sunt agrícola et vitis? Se-
cúndum hoc ergo vitis Christus, se-
cúndum quod ait: Pater major me
est. Secúndum autem id quod ait:
Ego et Pater unum sumus, et ipse
agrícola est: nec talis, quales sunt,
qui extrínsecus operádo éxhibent
ministérium: sed talis, ut det étiam
intrínsecus increméntum. Nam neque
qui plantat, est áliquid, neque qui
rigat: sed, qui increméntum dat, Deus.
Sed útique Deus est Christus, quia
Deus erat Verbum: unde ipse et Pa-
ter unum sunt: et, si Verbum caro
factum est, quod non erat, manet
quod erat.

Te Deum laudámus. 13.



AD LAUDES ET PER HORAS.

Antiph. to. 8. Sancti tui, Dómine,
florébunt sicut lílium, allelúja: et si-
cut odor bálsami erunt ante te, al-
lelúja.

Psalmus. Dóminus regnávít. cum
reliquis ut in Psalterio. 14.

Antiph. to. 7. r. In coeléstibus reg-
nis sanctórum habitátio est, allelúja:
et in ætérnum réquies eórum, allelúja.

Antiph. to. 2. In velaménto clamá-
bant sancti tui, Dómine, allelúja, al-
lelúja, allelúja.

Antiph. to. 8. Spíritus et ánimæ jus-
tórum, hymnum dícite Deo nostro,
allelúja, allelúja.

Antiph. to. 2. Fulgébunt justi sicut
sol in conspéctu Dei, allelúja.

Capitulum.

Sap. 5.

STabunt justi in magna constántia
advérsus eos, qui se angustiavé-
runt, et qui abstulérunt labóres eórum.

Pro uno Martyre.

Hymnus.

INvícte Martyr, únicum
Patris secútus Fílium,
Victis triúmphas hóstibus,
Victor fruens coeléstibus.

Tui precátus múnere
Nostrum reátum díflue,
Arcens mali contágium,
Vitæ repéllens tædíum.

Solúta sunt jam víncula
Tui sacráti córporis:
Nos solve vínclis sæculi
Dono supérni Núminis.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.
Amen.

Pro pluribus Martyribus.

Hymnus.

R Ex glorióse Mártyrum,
Coróna confiténtium,
Qui respuéntes térrea
Perdúcis ad cœléstia,
Aurem benígnam prótinus
Inténde nostris vóci-
bus:
Trophæa sacra pángimus:
Ignósce quod delíquimus.

Tu vincis inter Mártyres,
Parcísque Confessóribus:
Tu vince nostra crimina,
Largítor indulgéntiæ.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.
Amen.

Ÿ. Pretiósá in conspéctu Dómini, al-
lelúja.

R. Mors sanctórum ejus, allelúja.

Ad Benedictus, Antiphona, to. 1. r.
Filiæ Jerúsalem, veníte et vidéte
Mártyres cum corónis, quibus coro-
návit eos Dóminus in die solemnitá-
tis et lætítiæ, allelúja, allelúja.

Ad Primam.

In R. brevi a Feria ii. post Domini-
cam in Albis usque ad Ascensionem
exclusive, dicitur

Ÿ. Qui surrexísti a mórtuis.

Et ab Ascensione usque ad Pente-
costen exclusive, dicitur

Ÿ. Qui scandis super sídera.

Ad Tertiam.

Antiph. to. 7. r. In cœléstibus regnis.

Capitulum.

Sap. 5.

S Tabunt justi in magna constántia
advérsus eos, qui se angustiavé-
runt, et qui abstulérunt labóres eórum.

R. br. Sancti et justi, in Dómino gau-
déte, * Allelúja, allelúja. Sancti et
justi.

Ÿ. Vos elégit Deus in hæreditátem
sibi. Allelúja, allelúja.

Glória Patri. Sancti et justi.

Ÿ. Lux perpétua lucébit sanctis tuis,
Dómine, allelúja.

R. Et æternitas téporum, allelúja.

Ad Sextam

Antiph. to. 2. In velaménto.

Capitulum.

Sap. 5.

ECce quómo-
do computáti sunt in-
ter filios Dei, et inter sanctos sors
illórum est.

R. br. Lux perpétua lucébit sanctis
tuis, Dómine, * Allelúja, allelúja. Lux
perpétua.

Ÿ. Et æternitas téporum. Alle-
lúja, allelúja.

Glória Patri. Lux perpétua.

Ÿ. Lætítia sempitérna super cápita
eórum, allelúja.

R. Gáudium et exultatió-
nem obtiné-
bunt, allelúja.

Ad Nonam.

Antiph. to. 2. Fulgébunt justi.

Capitulum.

Rom. 8. e.

SCimus quóniam diligéntibus Deum
somnia cooperántur in bonum, iis
qui secúndum propósitum vocáti sunt
sancti.

R. br. Lætítia sempitérna super cá-
pita eórum, * Allelúja, allelúja. Læ-
títia.

Ÿ. Gáudium et exultatió-
nem obtiné-
bunt. Allelúja, allelúja.

Glória Patri. Lætítia.

Ÿ. Pretiósá in conspéctu Dómini, al-
lelúja.

R. Mors sanctórum ejus, allelúja.

Ad Vesperas.

Antiph. to. 8. Sancti tui, Dómine.
cum reliquis ut supra in Laudibus. [46]

Psalmus. Dixit Dóminus. cum reliquis de Communi Apostolorum [2] et ultimo loco

Psalmus 115.

CRédidi, propter quod locútus sum: * ego autem humiliátus sum nimis. Ego dixi in excéssu meo: * Omnis homo mendax.

Quid retríbuam Dómino * pro ómnibus, quæ retríbuit mihi?

Cálicem salutáris accípiam: * et nomen Dómini invocábo.

Vota mea Dómino reddam coram omni pópulo ejus: * pretiósá in conspéctu Dómini mors sanctórum ejus.

O Dómine, quia ego servus tuus: * ego servus tuus, et fílius ancíllæ tuæ.

Dirupísti víncula mea: * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini, in médio tui, Jerúsalem.

Capitulum.

Sap. 5.

Stabunt iusti in magna constántia advérsus eos, qui se angustiavérunt, et qui abstulérunt labóres eórum.

Pro uno Martyre.

Hymnus.

DEus, tuórum mílitum
Sors, et coróna, præmíum,
Laudes canéntes Mártyris
Absólve nexu críminis.

Hic nempe mundi gáudia,
Et blanda fraudum pábula
Imbúta felle députans,
Pervénit ad cœléstia.

Pœnas cucúrrit fórtiter,
Et sústulit viríliter,
Fundénsque pro te sánguinem,
Ætérna dona pössidet.

Ob hoc precátu súplici
Te póscimus, píssime;
In hoc triúmpho Mártyris
Dimítte noxam sérvulis.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sœcula.
Amen.

Hymnus pro pluribus Martyribus.
Rex glorióse Mártyrum. ut supra. [47]
V. Pretiósá in conspéctu Dómini, allelúja.

R. Mors sanctórum ejus, allelúja.

Ad Magnificat, Antiphona, to. 8.
Sancti et iusti, in Dómino gaudéte, allelúja: vos elégit Deus in hæreditátem sibi, allelúja.

Aliæ Lectiones pro Martyribus

Tempore Paschali.

IN II. NOCTURNO.

De Epístola Sancti Cypriáni Epíscopi et Mártyris, ad Mártyres et Confessóres.

Lectio iv.

Lib. 2. Epist. 6.

Quibus ego vos láudibus prædicem, fortíssimi Mártyres? robur pectoris vestri, et perseverántiam fidei, quo præcónio vocis exórnem? Tolerástis usque ad consummationem glóriæ duríssimam quæstiónem: nec cessástis suppliciis, sed vobis pótius supplicia cessérunt. Finem dólóribus, quem torménta non dabant, corónæ dedérunt. Laniéna grávior ad hoc diu perseverávit, non ut stantem fidem dejíceret, sed ut hómines Dei ad Deum velócius mitteret.

R. Lux perpétua lucébit sanctis tuis, Dómine, * Et ætérnitas témporum, allelúja, allelúja.

V. Lætítia sempitérna erit super cápita eórum, gáudium et exultatiónem obtinébunt. Et ætérnitas.

Lectio v.

Vidit admirans præséntium multítudo cœléste certámen, certámen Dei, certámen spiritále, prælium Christi: stetisse servos ejus voce líbera, mente incorrupta, virtúte divína, telis quidem sæculáribus nudos, sed armis fidei ardéntis armátos. Stetérunt torti torquéntibus fortióres: et pulsántes ac laniántes úngulas, pulsáta ac laniáta membra vicérunt. Inexpugnábilem fidem superáre non pótuit sáviens diu plaga repetíta, quamvis, rupta compáge víscerum, torqueréntur in servis Dei jam non membra, sed vúlnera. Fluébatsanguis, qui incéndium persecutiónis extínguere, qui flammam et ignes gehénnæ glorióso cruóre sopíret.

R. In servis suis, allelúja, * Consolábitur Deus, allelúja.

V. Judicábit Dóminus pópulum suum, et in servis suis. Consolábitur.

Lectio vi.

O quale illud fuit spectáculum Dómino, quam sublíme, quam magnum, quam Dei óculis sacraménto ac devotióne mílitis ejus accéptum! sicut scriptum est in Psalmis, Spíritu sancto loquente ad nos páriter et monente: Pretiósá est in conspéctu Dómini mors justórum ejus. Pretiósá mors hæc est, quæ emit immortalitatem pretio sui sanguinis, quæ accépit coronam de consummatióne virtútis. Quam lætus illic Christus fuit, quam libens in talibus servis suis et pugnávit, et vicit protéctor fidei, dans credéntibus tantum, quantum se credit capere qui sumit: certámini suo ádfuit, præliatóres atque assertóres sui nóminis eréxit, corroborávit, animávit. Et qui pro nobis mortem semel vicit, semper vincit in nobis.

R. Fíliæ Jerúsalem, veníte et vidéte Mártýres cum corónis, quibus coro-

návit eos Dóminus, * In die solemnitátis et lætítiæ, allelúja.

V. Quóniam confortávit seras portárum tuárum, benedíxit fílios tuos in te. In die. Glória Patri. In die.

IN III. NOCTURNO.

Lectio sancti Evangélíi secúndum Joánnem.

Lectio vii.

Cap. 15.

In illo témpore: Dixit Jesus discípulis suis: Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Et réliqua.

Homília Sancti Augustíni Epíscopi.

Tract. 81. in Joann. sub med.

NE quisquam putáret saltem parvum áliquem fructum posse a semetípso pálmitem ferre: cum dísset: Hic fert fructum multum; non ait: Quia sine me parum potéstis fácere; sed: Nihil potéstis fácere. Sive ergo parum, sive multum, sine illo fíeri non potest, sine quo nihil fíeri potest: quia etsi parum attúlerit palmes, eum purgat agricola, ut plus áfferat. Tamen nisi in vite mánserit, et víxerit de radíce, quantumlibet fructum a semetípso non potest ferre. Quamvis autem Christus vitis non esset, nisi homo esset: tamen istam grátiam pálmítibus non præbéret, nisi étiam Deus esset.

R. Ego sum vitis vera, et vos pálmities: * Qui manet in me, et ego in eo, hic fert fructum multum, allelúja, allelúja.

V. Sicut diléxit me Pater, et ego diléxi vos. Qui manet.

Lectio viii.

Verum quia ita sine ista grátia non potest vivi, ut et mors in potestate sit líberi arbítrii. Si quis in me, inquit, non mánserit, mittétur foras

sicut palmes, et aréscet, et cólligent eum, et in ignem mittent, et ardet. Ligna itaque vitis tanto sunt contemptibilióra si in vite non mánserint, quanto gloriósa si mánserint. Dénique sicut de his étiam per Ezechiélem Prophétam Dóminus dicit, præcisa nullis agricolárum úsibus prosunt, nullis fabrilibus opéribus deputántur. Unum de duóbus pálmitti cóngruit, aut vitis, aut ignis: si in vite non est, in igne erit: ut ergo in igne non sit, in vite sit.

R. Cándidi facti sunt Nazaræi ejus, allelúja: splendórem Deo dedérunt, allelúja: * Et sicut lac coaguláti sunt, allelúja, allelúja.

V. Candidióres nive, nitidióres lacte, rubicundióres ébore antíquo, sapphíro pulchrióres. Et sicut.

Gloria Patri. Et sicut.

Lectio ix.

SI manséritis in me, inquit, et verba mea in vobis mánserint; quodcúmque voluéritis, petétis, et fiet vobis. Manéndo quippe in Christo, quid velle possunt, nisi quod cónvenit Christo? Quid velle possunt manéndo in Salvatóre, nisi quod non est aliénium a salúte? Aliud quippe vólumus, quia sumus in Christo: et aliud vólumus, quia sumus adhuc in hoc sæculo. De mansióne namque hujus sæculi nobis aliquándo subrépit, ut hoc petámus, quod nobis non expédire nescímus. Sed absit ut fiat nobis, si manémus in Christo, qui non facit quando pétimus, nisi quod expedit nobis.

Te Deum laudámus. 13.



Commune plurimorum Martyrum

extra Tempus Paschale.



AD VESPERAS.

Antiph. to. 8. Omnes sancti, cum reliquis de Laudibus. [58]

Psalmus. Dixit Dóminus, cum reliquis ut in i. Vesperis Apostolorum. [2]

Capitulum. Sap. 3.

Justórum ánimæ in manu Dei sunt, et non tanget illos torméntum mortis. Visi sunt óculis insipiéntium mori: illi autem sunt in pace.

Hymnus.

Sanctórum méritis ínclýta gáudia
Pangámus, sócii, géstaque fórtia:
Gliscens fert ánimus prómere cántibus

Victórum genus óptimum.

Hi sunt, quos fáture mundus abhórruit:
Hunc fructu vácuum, flóribus áridum

Contempsére tui nóminis ásseclæ,
Jesu Rex bone Cóelitum.

Hi pro te fúrias, atque minas truces
Calcárunť hómínium, sævaque vérbera:

His cessit lácerans fórtiter úngula,
Nec carpsit penetrália.

Cædúntur gládiis more bidéntium:
Non murmur résonat, non querimónia:

Sed corde impávido mens bene
cónscia

Consérvat patiéntiam.

Quæ vox, quæ póterit lingua retéxere,
Quæ tu Martýribus múnera præparas?

Rubri nam flúido sáanguine fúlgidis
Cingunt témpora láureis.

Te, summa o Déitas únaque, póscimus,
Ut culpas ábigas, nóxia súbtrahas,
Des pacem fámulis, ut tibi glóriam
Annórum in sériem canant.
Amen.

V. Lætámini in Dómino, et exultáte
justi.

R. Et gloriámini omnes recti corde.

Ad Magnificat, Antiphona, to. 8.

Istórum est enim regnum cœlórum,
qui contempsérunt vitam mundi, et
pervenérunt ad præmia regni, et la-
vérunt stolas suas in sángine Agni.

Pro pluribus Martyribus Pontificibus.

Oratio.

Beatórum Mártyrum, paritérque
Pontíficum **N.** et **N.** nos, quæsu-
mus, Dómine, festa tueántur, et eórum
comméndet orátio veneránda. Per
Dóminum.

Si non fuerint Pontifices.

Oratio.

Deus, qui nos concédis sanctórum
Mártyrum tuórum **N.** et **N.** nata-
lítia cólere: da nobis in æténa bea-
titúdine de eórum societáte gaudére.
Per Dóminum.

Alia Oratio.

Deus, qui nos ánnua sanctórum
Mártyrum tuórum **N.** et **N.** solem-
nitáte lætíficas: concéde propítius;
ut quorum gaudémus méritis, accen-
dámur exémpis. Per Dóminum.

AD MATUTINUM.

Invitatorium. Regem Mártyrum
Dóminum, * Veníte, adorémus.

Psalmus. Veníte, exultémus. 2.

Hymnus.

Christo profúsum ságuinem,
Et Mártyrum victórias,
Dignámque cœlo láuream
Lætis sequámur vócbis.

Terróre victo sæculi,
Pœnísque spretis córporis,
Mortis sacræ compéndio
Vitam beátam póssident.

Tradúntur igni Mártyres,
Et bestiárum déntibus:
Armáta sævit úngulis
Tortóris insáni manus.

Nudáta pendent víscera:
Sanguis sacrátus fúnditur:
Sed pérmanent immóbiles
Vitæ perénnis grátia.

Te nunc, Redémptor, quæsumus,
Ut Mártyrum consórtio
Jungas precántes sérvulos
In sempitérna sæcula. Amen.

IN I. NOCTURNO.

Antiph. to. 4. Secus decúrsus aquá-
rum plantávit víneam justórum, et in
lege Dómini fuit volúntas eórum.

Psalmus 1.

Beatús vir, qui non ábiit in consílio
impiórum, et in via peccatórum
non stetit, * et in cáthedra pestiléntiæ
non sedit:

Sed in lege Dómini volúntas ejus, * et
in lege ejus meditábitur die ac nocte.

Et erit tamquam lignum, quod plan-
tátum est secus decúrsus aquárum, *
quod fructum suum dabit in témpore
suo:

Et fólium ejus non défluet: * et ómnia
quæcúmque fáciat, prosperabúntur.

Non sic ímpii, non sic: * sed tamquam
pulvis, quem prójicit ventus a fácie
terræ.

Ideo non resúrgent ímpii in judício: *
neque peccatóres in concílio justórum.

Quóniam novit Dóminus viam justó-
rum: * et iter impiórum períbit.

Antiph. Secus decúrsus aquárum
plantávit víneam justórum, et in lege
Dómini fuit volúntas eórum.

Antiph. to. 7. Tamquam aurum in
fornáce probávit eléctos Dóminus:
et quasi holocáusta accépit eos in
ætérum.

Psalmus 2.

Quare fremuerunt Gentes, * et populi meditati sunt inania?

Astitērunt reges terræ, et principes convenērunt in unum * adversus Dōminum, et adversus Christum ejus.

Dirumpāmus vīcula eōrum: * et projiciāmus a nobis jugum ipsōrum.

Qui hābitat in cœlis iridēbit eos, * et Dōminus subsannābit eos.

Tunc loquētur ad eos in ira sua: * et in furōre suo conturbābit eos.

Ego autem constitūtus sum Rex ab eo super Sion montem sanctum ejus, * prādicans prāceptum ejus.

Dōminus dixit ad me: * Fīlius meus es tu, ego hōdie genui te.

Postula a me, et dabo tibi Gentes hāreditātem tuam, * et possessiōnem tuam tēminos terræ.

Reges eos in virga fērrea, * et tamquam vas fīguli confrīges eos.

Et nunc, reges, intelligite: * erudimini, qui iudicātis terram.

Servite Dōmino in timōre: * et exultate ei cum tremōre.

Apprehēdite disciplīnam, nequādo irascātur Dōminus, * et pereātis de via justa.

Cum exārserit in brevi ira ejus: * beāti omnes, qui confidunt in eo.

Antiph. Tamquam aurum in fornāce probāvit elēctos Dōminus: et quasi holocāusta accēpit eos in ætēnum.

Antiph. to. 7. Si coram hominibus tormenta passi sunt, spes electorum est immortalis in ætēnum.

Psalmus 3.

Domine, quid multiplicāti sunt qui tribulant me? * multi insurgunt adversum me.

Multi dicunt animæ meæ: * Non est salus ipsi in Deo ejus.

Tu autem, Dōmine, susceptor meus es, * glōria mea, et exāltans caput meum.

Voce mea ad Dōminum clamāvi: * et exaudivit me de monte sancto suo.

Ego dormivi, et soporātus sum: * et exurrexi, quia Dōminus suscepit me.

Non timēbo mīllia populi circumdantis me: * exurge, Dōmine, salvum me fac, Deus meus.

Quoniam tu percussisti omnes adversantes mihi sine causa: * dentes peccatorum contrivisti.

Dōmini est salus: * et super populum tuum benedictio tua.

Antiph. Si coram hominibus tormenta passi sunt, spes electorum est immortalis in ætēnum.

V. Lætāmini in Dōmino, et exultate, justi.

R. Et gloriāmini, omnes recti corde.

Pater noster.

Absolutio. Exāudi, Dōmine.

V. Jube, domne, benedícere.

Benedictio. Benedictiōne perpétua.

De Epístola beāti Pauli Apóstoli ad Romānos. Cap. 8. c.

Lectio i.

Fratres, debitores sumus non carni, ut secundum carnem vivamus. Si enim secundum carnem vixeritis, moriemini: si autem spiritu facta carnis mortificaveritis, vivetis. Quicumque enim spiritu Dei aguntur, ii sunt filii Dei. Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus: Abba (Pater). Ipse enim spiritus testimonium reddit spiritui nostro, quod sumus filii Dei. Si autem filii, et hæredes: hæredes quidem Dei, cohæredes autem Christi: si tamen compatiatur, ut et conglorificemur. Existimo enim quod non sunt condignæ passiones huius temporis ad futuram glóriam, quæ revelabitur in nobis. Nam expectatio creaturæ revelationem filiorum Dei expectat.

R. Abstergat Deus omnem lacrymam ab oculis sanctorum: et jam non erit amplius neque luctus, neque clamor,

sed nec ullus dolor: * Quóniam prióra transiérunt.

V. Non esúrient, neque sítient ámplius, neque cadet super illos sol, neque ullus æstus. Quóniam.

Benedictio. Unigénitus Dei Fílius.

Lectio ii.

SCimus autem quóniam diligéntibus Deum ómnia cooperántur in bonum, iis qui secúndum propósitum vocáti sunt sancti. Nam quos præscívit, et prædestinávit confórmes fieri imáginis Fílii sui, ut sit ipse primogénitus in multis frátribus. Quos autem prædestinávit, hos et vocávit: et quos vocávit, hos et justificávit: quos autem justificávit, illos et glorificávit. Quid ergo dicémus ad hæc? Si Deus pro nobis, quis contra nos? Qui étiam próprio Fílio suo non pepércit, sed pro nobis ómnibus tradidit illum: quómodo non étiam cum illo ómnia nobis donávit? Quis accusábit advérsus eléctos Dei? Deus qui justificat, quis est qui condémnet? Christus Jesus, qui mórtuus est, imo qui et resurrexit, qui est ad dexteram Dei, qui étiam interpéllat pro nobis.

R. Viri sancti gloriósum ságuinem fuderunt pro Dómino, amavérunt Christum in vita sua, imitáti sunt eum in morte sua: * Et ídeo corónas triumpháles meruérunt.

V. Unus spíritus, et una fides erat in eis. Et ídeo.

Benedictio. Spíritus sancti grátia.

Lectio iii.

Quis ergo nos separábit a charitáte Christi? tribulátio, an angústia, an fames, an núditas, an perículum, an persecútio, an gládus? (sicut scriptum est: Quia propter te mortificámur tota die: æstimáti sumus sicut oves occisiónis.) Sed in his ómnibus superámus propter eum, qui diléxit nos. Certus sum enim, quia neque mors, neque vita, neque Angeli, ne-

que Principátus, neque Virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre a charitáte Dei, quæ est in Christo Jesu Dómino nostro.

R. Tradidérunt córpora sua propter Deum ad supplícia: * Et meruérunt habére corónas perpétuas.

V. Isti sunt qui venérunt ex magna tribulatióne, et lavérunt stolas suas in ságuine Agni. Et meruérunt.

Gloria Patri. Et meruérunt.

IN II. NOCTURNO.

Antiph. to. 8. Dabo sanctis meis locum nominátum in regno Patris mei, dicit Dóminus.

Psalmus 14.

Domine, quis habitábit in tabernáculo tuo? * aut quis requiescet in monte sancto tuo?

Qui ingreditur sine mácula, * et operátur justítiam:

Qui loquitur veritátem in corde suo, * qui non egit dolum in lingua sua:

Nec fecit próximo suo malum, * et opprobrium non accépit advérsus próximos suos.

Ad níhilum dedúctus est in conspéctu ejus malignus: * timéntes autem Dóminum glorificat:

Qui jurat próximo suo, et non decipit, * qui pecúniam suam non dedit ad usúram, et múnera super innocentem non accépit.

Qui facit hæc, * non movébitur in ætérnum.

Antiph. Dabo sanctis meis locum nominátum in regno Patris mei, dicit Dóminus.

Antiph. to. 4. Sanctis, qui in terra sunt ejus, mirificávit omnes voluntátes meas inter illos.

Psalmus 15.

Consérva me, Dómine, quóniam sperávi in te. * Dixi Dómino: Deus

meus es tu, quóniam bonórum meórum non egēs.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum: * póstea acceleravérunt.

Non congregábo conventícula eórum de sanguínibus: * nec memor ero nóminum eórum per lábia mea.

Dóminus pars hæreditátis meæ, et cálicis mei: * tu es, qui restítues hæreditátem meam mihi.

Funes cecidérunt mihi in præcláris: * étenim hæreditas mea præclára est mihi.

Benedícam Dóminum, qui tríbuit mihi intelléctum: * ínsuper et usque ad noctem increpuérunt me renes mei.

Providébam Dóminum in conspéctu meo semper: * quóniam a dextris est mihi, ne commóvear.

Propter hoc lætátum est cor meum, et exultávit lingua mea: * ínsuper et caro mea requiescet in spe.

Quóniam non derelínques ánimam meam in inférno: * nec dabis sanctum tuum vidére corruptiόνem.

Notas mihi fecísti vias vitæ, adimplébis me lætítia cum vultu tuo: * delectatiónes in dextera tua usque in finem.

Antiph. Sanctis, qui in terra sunt ejus, mirificávit omnes voluntátes meas inter illos.

Antiph. to. 1. l. Sancti, qui sperant in Dómino, habébunt fortitúdinem, assúment pennas ut áquilæ, volábunt et non deficient.

Psalmus 23.

Domini est terra, et plenitúdo ejus: * orbis terrárum, et univérsti qui habitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabít in loco sancto ejus?

Inocens mánibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiόνem a Dómino, * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Antiph. Sancti, qui sperant in Dómino, habébunt fortitúdinem, assúment pennas ut áquilæ, volábunt, et non deficient.

V. Exúltent justi in conspéctu Dei.

R. Et delecténtur in lætítia.

Pater noster.

Absolutio. Ipsíus píetas.

V. Jube, domne, benedícere.

Benedictio. Deus Pater omnípotens.

Sermo Sancti Augustíni Epíscopi.

Serm. 47. de Sanctis.

Lectio iv.

Quotiescúmque, fratres charíssimi, sanctórum Mártyrum solémnia celebrámus, ita, ipsis intercedéntibus, expectémus a Dómino cónsequi temporália benefícia, ut, ipsos Mártyres imitándo, accípere mereámur æterna. Ab ipsis enim sanctórum Mártyrum in veritáte festivitátum gáudia celebrántur, qui ipsórum Mártyrum exéempla sequúntur. Solemnitátes enim Mártyrum, exhortatiónes sunt martyriórú: ut imitári non pígeat, quod celebráre deléctat.

R. Sancti tui, Dómine, mirábile consecúti sunt iter, serviéntes præcéptis tuis, ut inveniréntur illæsi in aquis válidis: * Terra apparuit árida, et in mari Rubro via sine impediménto.

V. Quóniam percússit petram, et fluxérunt aquæ, et torréntes inundavérunt. Terra.

Benedictio. Christus perpétuæ.

Lectio v.

Sed nos vólumus gaudére cum sanctis: et tribulatióem mundi nólumus sustinére cum ipsis. Qui enim sanctos Mártýres, in quantum potúerit, imitári nolúerit, ad eórum beatitúdinem non póterit perveníre. Sed et Paulus Apóstolus prædicat, dicens: Si fuérimus sócii passiónum, érimus et consolatiónum. Et Dóminus in Evangélio: Si mundus vos odit, scitóte quia me priórem vobis ódio hábuit. Recúsat esse in córpore, qui ódium non vult sustinére cum cápite.

R. Vérbera carníficum non timuérent sancti Dei, moriéntes pro Christi nómine: * Ut hærédes fierent in domo Dómini.

V. Tradidérunt córpora sua propter Deum ad supplícia. Ut hærédes.

Benedictio. Ignem sui amoris.

Lectio vi.

Sed dicet áliquis: Et quis est, qui possit beatórum Mártýrum vestigia sequi? Huic ego respóndeo, quia non solum Mártýres, sed étiam ipsum Dóminum cum ipsíus adjutório, si vólumus, póssumus imitári. Audi non me, sed ipsum Dóminum géneri humano clamántem: Dísците a me, quia mitis sum, et húmilis corde. Audi et Petrum Apóstolum admonéntem: Christus passus est pro nobis, relínquens nobis exémplum, ut sequámur vestigia ejus.

R. Tamquam aurum in fornáce probávit eléctos Dóminus, et quasi holocáusti hóstiam accépit illos: et in témpore erit respéctus illórum: * Quóniam donum et pax est eléctis Dei.

V. Qui confídunt in illum, intélligent veritátem: et fidéles in dilectiône acquiescent illi. Quóniam.

Gloria Patri. Quóniam.

IN III. NOCTURNO.

Antiph. to. 4. Justi autem in perpétuum vivent, et apud Dóminum est merces eórum.

Psalmus 32.

Exúltate, justi in Dómino: * rectos decet collaudátio.

Confitémini Dómino in cíthara: * in psaltério decem chordárum psállite illi.

Cantáte ei cánticum novum: * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Díligit misericórdiam et judícium: * misericórdia Dómini plena est terra.

Verbo Dómini cœli firmáti sunt: * et spírítu oris ejus omnis virtus eórum.

Cóngregans sicut in utre aquas maris: * ponens in thesáuris abyíssos.

Tímeat Dóminum omnis terra: * ab eo autem commoveántur omnes inhabitántes orbem.

Quóniam ipse dixit, et facta sunt: * ipse mandávit, et creáta sunt.

Dóminus díssipat consília géntium: * réprobat autem cogitatiónes populórum, et réprobat consília princípum.

Consílium autem Dómini in ætérnum manet: * cogitatiónes cordis ejus in generatióne et generatióne.

Beáta gens, cujus est Dóminus Deus ejus: * pópulus, quem elégit in hæreditátem sibi.

De cœlo respéxit Dóminus: * vidit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit singillátim corda eórum: * qui intélligit ómnia ópera eórum.

Non salváetur rex per multam virtútem: * et gigas non salvábitur in multitúdiine virtútis suæ.

Fallax equus ad salútem: * in abundantia autem virtútis suæ non salvábitur.

Ecce óculi Dómini super metuéntes eum: * et in eis, qui sperant super misericórdia ejus.

Ut éruat a morte ánimas eórum: * et alat eos in fame.

Anima nostra sústinet Dóminum: * quóniam adjútor et protéctor noster est.

Quia in eo lætábitur cor nostrum: * et in nómine sancto ejus sperávimus.

Fiat misericórdia tua, Dómine, super nos: * quemádmódum sperávimus in te.

Antiph. Justi autem in perpétuum vivent, et apud Dóminum est merces eórum.

Antiph. to. 1. f. Tradidérunt córpora sua in mortem, ne servírent idólis: ideo coronáti póssident palmam.

Psalmus 33.

Benedícam Dóminum in omni tēpore: * semper laus ejus in ore meo.

In Dómino laudábitur ánima mea: * áudiant mansuétí, et læténtur.

Magnificáte Dóminum mecum: * et exaltémus nomen ejus in idípsum.

Exquisívi Dóminum, et exaudívit me: * et ex ómnibus tribulatió nibus meis erípuit me.

Accédite ad eum, et illuminámini: * et fácies vestræ non confundéntur.

Iste pauper clamávit, et Dóminus exaudívit eum: * et de ómnibus tribulatió nibus ejus salvávit eum.

Immíttet Angelus Dómini in circúitu timéntium eum: * et erípiet eos.

Gustáte, et vidéte quóniam suavis est Dóminus: * beátus vir, qui sperat in eo.

Timéte Dóminum, omnes sancti ejus: * quóniam non est inópia timéntibus eum.

Dívites eguérunt, et esuriérunt: * inquiréntes autem Dóminum non minuéntur omni bono.

Veníte, fílii, audíte me: * timórem Dómini docébo vos.

Quis est homo, qui vult vitam: * dñgit dies vidére bonos?

Próhibe linguam tuam a malo: * et lábia tua ne loquántur dolum.

Divérte a malo, et fac bonum: * inquiré pacem, et perséquare eam.

Oculi Dómini super justos: * et aures ejus in preces eórum.

Vultus autem Dómini super faciéntes mala: * ut perdat de terra memóriam eórum.

Clamavérunt justí, et Dóminus exaudívit eos: * et ex ómnibus tribulatió nibus eórum liberávit eos.

Juxta est Dóminus iis, qui tribuláto sunt corde: * et húmiles spíritu salvábit.

Multæ tribulatió nes justórum: * et de ómnibus his liberábit eos Dóminus.

Custódit Dóminus ómnia ossa eórum: * unum ex his non conterétur.

Mors peccatórum péssima: * et qui odérunt justum, delínquent.

Rédimet Dóminus ánimas servórum suórum: * et non delínquent omnes qui sperant in eo.

Antiph. Tradidérunt córpora sua in mortem, ne servírent idólis: ideo coronáti póssident palmam.

Antiph. to. 4. Ecce merces sanctórum copiósa est apud Deum: ipsi vero mórtui sunt pro Christo, et vivent in ætérnum.

Psalmus 45.

Deus noster refúgium, et virtus: * adjútor in tribulatió nibus, quæ invenérunt nos nimis.

Proptérea non timébimus dum turbábitur terra: * et transferéntur montes in cor maris.

Sonuérunt, et turbátæ sunt aquæ eórum: * conturbáti sunt montes in fortitúdine ejus.

Flúminis ímpetus lætíficat civitátem Dei: * sanctificávit tabernáculum suum Altíssimus.

Deus in médio ejus, non commovébitur: * adjuvábit eam Deus mane dilúculo.

Conturbátæ sunt gentes, et inclináta sunt regna: * dedit vocem suam, mota est terra.

Dóminus virtútum nobíscum: * suscep̃tor noster Deus Jacob.

Veníte, et vidéte ópera Dómini, quæ pósuit prodígia super terram: * áuferens bella usque ad finem terræ.

Arcum cónteret, et confrínget arma: * et scuta combúretigni.

Vacáte, et vidéte, quóniam ego sum Deus: * exaltábor in Géntibus, et exaltábor in terra.

Dóminus virtútum nobíscum: * suscep̃tor noster Deus Jacob.

Antiph. Ecce merces sanctórum copiósa est apud Deum: ipsi vero mórtui sunt pro Christo, et vivent in ætérnum.

V. Justi autem in perpétuum vivent.

R. Et apud Dóminum est merces eórum.

Pater noster.

Absolutio. A vínculis.

V. Jube, domne, benedícere.

Benedictio. Evangélica léctio.

Léctio sancti Evangélli secúndum Lucam.

Lectio vii.

Cap. 21. c.

IN illo témpore: Dixit Jesus discipulis suis: Cum audiéritis prælia et seditiões, nolíte terréri: opórtet primum hæc fferi, sed nondum statim finis. Et réliqua.

Homília Sancti Gregórii Papæ.

Homília 35. in Evangelia.

Dominus ac Redémptor noster peritúri mundi præcurréntia mala denúntiat, ut eo minus pertúrbent veniéntia, quo fúerint præscíta. Minus enim jácula fériunt quæ prævidéntur: et nos tolerabílius mundi mala suscipimus, si contra hæc per præsciéntiæ clýpeum munímur. Ecce enim

dicít: Cum audiéritis prælia et seditiões, nolíte terréri: opórtet enim primum hæc fferi, sed nondum statim finis. Pensánda sunt verba Redemptóris nostri, per quæ nos áliud intérius, áliud extérius passúros esse denúntiat. Bella quippe ad hostes pértinent, seditiões ad cives. Ut ergo nos índicet intérius exteriúsque turbári, áliud nos fatétur ab hóstibus, áliud a frátribus pérpeti.

R. Propter testaméntum Dómini, et leges patérnas, sancti Dei perstitérunt in amóre fraternitátis: * Quia unus fuit semper spíritus in eis, et una fides.

V. Ecce quam bonum, et quam jucúndum habitáre fratres in unum. Quia unus fuit.

Benedictio. Quorum festum cólimus.

Lectio viii.

Sed his malis præveniéntibus, quia non statim finis sequátur, adjúgit: Surget gens contra gentem, et regnum advérsus regnum: et terræmótus magni erunt per loca, et pestiléntiæ, et fames, terrorésque de cœlo, et signa magna erunt. Ultima tribulatio multis tribulatióibus prævenitur: et per crebra mala, quæ præveniunt, indicántur mala perpétua, quæ subsequéntur. Et ideo post bella et seditiões non statim finis: quia multa debent mala præcurrere, ut malum váleant sine fine nuntiáre.

R. Sancti mei, qui in carne pósiti, certámen habuístis: * Mercédem labóris ego reddam vobis.

V. Veníte, benedícti Patris mei, percípите regnum. Mercédem.

Glória Patri. Mercédem.

Sequens R. dicitur post viii. vel ii. Lectionem in festo plurimorum Martyrum fratrum.

R. Hæc est vera fraternitas, quæ numquam pótuit violári certámīne: qui effúso ságuine secúti sunt Dó-

minum: * Contemnentes aulam regiam pervenerunt ad regna coelestia. V. Ecce quam bonum, et quam jucundum habitare fratres in unum. Contemnentes.

Glória Patri. Contemnentes.

Benedictio. Ad societatem.

Lectio ix.

Sed cum tot signa perturbationis dicta sint, oportet ut eorum considerationem breviter per singula perstringamus: quia necesse est, ut alia e caelo, alia e terra, alia ab elementis, alia ab hominibus patiamur. Ait enim: Surget gens contra gentem, ecce perturbatio hominum: erunt terramotus magni per loca, ecce respectus irae desuper: erunt pestilentiae, ecce inaequalitas corporum: erit fames, ecce sterilitas terrae: terrorisque de caelo et tempestates, ecce inaequalitas aeris. Quia ergo omnia consummanda sunt, ante consummationem omnia perturbantur: et qui in cunctis deliquimus, in cunctis ferimur: ut impleatur quod dicitur: Et pugnabit pro eo orbis terrarum contra insensatos.

Te Deum laudamus. 13.

AD LAUDES ET PER HORAS.

Antiph. to. 8. Omnes sancti, quanta passi sunt tormenta, ut securi pervenirent ad palmam martyrii!

Psalmus. Dominus regnavit. cum reliquis in Psalterio. 14.

Antiph. to. 8. Cum palma ad regna pervenerunt sancti; coronas decoris meruerunt de manu Dei.

Antiph. to. 1. Corpora sanctorum in pace sepulta sunt: et vivent nomina eorum in aeternum.

Antiph. to. 4. Martyres Domini, Dominum benedicite in aeternum.

Antiph. to. 8. f. Martyrum chorus, laudate Dominum de caelis, allelúja.

Capitulum.

Sap. 3.

Justorum animae in manu Dei sunt, et non tanget illos tormentum mortis. Visi sunt oculis insipientium mori: illi autem sunt in pace.

Hymnus.

Rex gloriose Martyrum,
Corona confitentium,
Qui respuentes terrea
Perducis ad coelestia:
Aurem benignam proutinus
Intende nostris vocibus:
Trophaea sacra pangimus:
Ignosce quod deliquimus.
Tu vincis inter Martyres,
Parcisque Confessoribus:
Tu vince nostra crimina,
Largitor indulgentiae.
Deo Patri sit gloria,
Ejusque soli Filio,
Cum Spiritu Paracrito,
Nunc, et per omne saeculum.
Amen.

V. Exultabunt Sancti in gloria.

R. Laetabuntur in cubilibus suis.

Ad Benedictus, Antiphona, to. 5.

Vestri capilli capitis omnes numerati sunt: nolite timere, multis passeribus meliores estis vos.

Pro pluribus Martyribus Pontificibus.

Oratio.

Beatorum Martyrum, pariterque Pontificum N. et N. nos, quaesumus, Domine, festa tueantur, et eorum commendet oratio veneranda. Per Dominum.

Si non fuerint Pontifices,

Oratio.

Deus, qui nos concedis sanctorum Martyrum tuorum N. et N. natalitia colere: da nobis in aeterna beatitudine de eorum societate gaudere. Per Dominum.

Alia Oratio.

Deus, qui nos annua sanctorum Martyrum tuorum N. et N. solem-

nitáte lætíficas: concéde propítius;
ut quorum gaudémus méritis, accen-
dámur exémpis. Per Dóminum.

Ad Tertiam.

Antiph. to. 8. Cum palma.

Capitulum, Justórum ánimæ. ut
supra.

R. br. Lætámini in Dómino, * Et ex-
ultáte, justi. Lætámini.

V. Et gloriámini, omnes recti corde.

Et exultáte. Glória Patri. Lætámini.

V. Exúltent justi in conspéctu Dei.

R. Et delecténtur in lætítia.

Ad Sextam.

Antiph. to. 1. Córpora sanctórum.

Capitulum. Sap. 10. c.

R Edidit Deus mercédem labórum
sanctórum suórum, et dedúxit
illos in via mirábili: et fuit illis in
velaménto diéi, et in luce stellárum
nocte.

R. br. Exúltent justi * In conspéctu
Dei. Exúltent.

V. Et delecténtur in lætítia. In con-
spéctu. Glória Patri. Exúltent.

V. Justi autem in perpétuum vivent.

R. Et apud Dóminum est merces
eórum.

Ad Nonam.

Antiph. to. 8. f. Mártyum chorus.

Capitulum. Sap. 3.

Fulgébunt justi, et tamquam scin-
tillæ in arundinétó discúrent.
Judicábunt nátiónes, et dominabún-
tur pópulis: et regnábit Dóminus illó-
rum in perpétuum.

R. br. Justi autem * In perpétuum
vivent. Justi.

V. Et apud Dóminum est merces eó-
rum. In perpétuum.

Glória Patri. Justi.

V. Exultábunt Sancti in glória.

R. Lætábúntur in cubilibus suis.

Ad Vesperas.

Antiph. to. 2. Isti sunt sancti, qui
pro testaménto Dei sua córpora tra-
didérunt, et in sángine Agni lavé-
runt stolas suas.

Psalmus. Dixit Dóminus. [2]

Antiph. to. 2. Sancti per fidem vi-
cérunt regna, operáti sunt justítiam,
adépti sunt repromissiónes.

Psalmus. Confitébor. [2]

Antiph. to. 8. Sanctórum velut áqui-
læ juvéntus renovábitur: florébunt
sicut lílium in civitáte Dómini.

Psalmus. Beátus vir. [3]

Antiph. to. 7. Abstérget Deus om-
nem lácrymam ab óculis sanctórum:
et jam non erit ámplius neque luctus,
neque clamor, sed nec ullus dolor:
quóniam prióra transiérunt.

Psalmus. Laudáte púeri. [3]

Antiph. to. 8. In cœléstibus regnis
sanctórum habitátio est, et in ætér-
num réquies eórum.

Psalmus 115.

CRédidi, propter quod locútus sum:
* ego autem humiliátus sum nimis.
Ego dixi in excéssu meo: * Omnis
homo mendax.

Quid retríbuam Dómino * pro ómni-
bus, quæ retríbuit mihi?

Cálicem salutáris accípiam: * et no-
men Dómini invocábo.

Vota mea Dómino reddam coram
omni pópulo ejus: * pretiósá in con-
spéctu Dómini mors sanctórum ejus.

O Dómine, quia ego servus tuus: *
ego servus tuus, et fílius ancíllæ tuæ.

Dirupísti víncula mea: * tibi sacrifi-
cábo hóstiam laudis, et nomen Dó-
mini invocábo.

Vota mea Dómino reddam in con-
spéctu omnis pópuli ejus: * in átriis
domus Dómini, in médio tui, Jerú-
salem.


Capitulum. Justórum ánimæ. ut
supra.

Hymnus. Sanctórum méritis. ut supra
in I. Vesperis. [50]

℣. Exultábunt sancti in glória.
 ℞. Lætabúntur in cubílibus suis.

Ad Magnificat, Antiphona, to. 6.

Gaudent in cœlis ánimæ sanctórum, qui Christi vestígia sunt secúti: et quia pro ejus amóre sánguinem suum fuderunt, ídeo cum Christo exúltant sine fine.



Aliæ Lectiones pro pluribus Martyribus.

IN II. NOCTURNO.

Sermo Sancti Joánnis Chrysóstomi.

Sermo 1. de Mart. tom. 3.

Lectio iv.

Nemo est qui nésciat, Mártyrum glórias ad hoc divíno consílio a Dei pópulis frequentári, ut et illis débitus honor dicétur, et nobis virtútis exémpła, favénte Christo, monstrén-tur: ut dum hæc ita celebrári perspí-cimus, cognoscámus quanta eos gló-ria máneat in cœlis, quorum natalítia táliter celebrántur in terris: quo pos-símus étiam ipsi tálibus provocári exémp-lis, virtúte pari, devotióne consímili ac fide: ut, Christo præstánte, dimicáre et víncere hostem possí-mus: ut, parta victória, cum iisdem sanctis, in regnis cœléstibus trium-phémus.

℞. Sancti tui, Dómine, mirábile consecúti sunt iter, serviéntes præcéptis tuis, ut inveniréntur illæsi in aquis válidis: * Terra appáruit árida, et in mari Rubro via sine impediménto.

℣. Quóniam percússit petram, et flu-xérunt aquæ, et torréntes inundavérunt. Terra.

Lectio v.

Quis est enim, qui eórum volens mérito copulári, nisi prius constantiam eórum téneat, sectétur fidem, imitétur virtútem passiónis, eórum glóriam páribus vitæ lineaméntis aut invéniat, aut exquirat? Qui etsi mar-týrio par esse non possit, tamen mú-

neris tanti dignitáte se quisque bonis áctibus dignum præbeat. Adest enim clementíssimus Deus, qui desiderán-tibus suis aut martýrium præbeat, aut sine martýrio cum sanctis præmia divína retríbuat.

℞. Vérbera carníficum non timuérunt sancti Dei, moriéntes pro Christi nó-mine: * Ut hærédes fierent in domo Dómini.

℣. Tradidérunt cörpera sua propter Deum ad supplícia. Ut hærédes.

Lectio vi.

UT enim infirmátur peccátor ad-vérsis, ita justus tentatióibus roborátur. Sic dimicáru(n)t advérsus peccátum sancti: sic et laborándo fortiores, et moriéndó victóres effecti sunt. Nullus athlétes sine certámine fórtior dici, nullus sine victória póte-rit coronári. Nemo miles sine præ-lío hostem subjécit: nemo sine bello imperatórem promérui(t). Habes, Chri-stiáne, competéntia arma, quibus hos-tem expúgnes: habes fortíssima tela, quibus inimícum debélles.

℞. Tamquam aurum in fornáce probávit eléctos Dóminus, et quasi holo-causti hóstiam accépit illos: et in témpore erit respéctus illórum: * Quóniam donum et pax est eléctis Dei.

℣. Qui confidunt in illum, intélligent veritátem: et fidéles in dilectiόne acquiescent illi. Quóniam.

Glória Patri. Quóniam.

IN III. NOCTURNO.

Léctio sancti Evangélli secúndum Lucam.

Lectio vii.

Cap. 6. c.

In illo témpore: Descéndens Jesus de monte, stetit in loco campéstri, et turba discipulórum ejus, et multi-túdo copiósa plebis ab omni Judæa, et Jerúsalem, et marítima, et Tyri, et Sidónis. Et reliqua.

Homilia Sancti Ambrósii Episcopi.

Lib. 5. in Luc. cap. 6. post init.

ADverte omnia diligenter, quo modo et cum Apóstolis ascéndat, et descéndat ad turbas. Quómodo enim turba, nisi in húmili Christum vidéret? Non séquitur ad excélsa, non ascéndit ad sublímia. Dénique ubi descéndit, invénit infirmos: in excélsis enim infirmi esse non possunt. Hinc étiam Matthæus docet in inferioribus débiles esse sanátos. Prius enim unusquisque sanándus est, ut paulátim virtútibus procedéntibus ascéndere possit ad montem. Et ídeo quemque in inferioribus sanat, hoc est, a libídine révocat, injúriam cæcitatís avértit. Ad vúlnera nostra descéndit: ut usu quodam et cópia suæ natúræ, compartícipes nos fáciat esse regni cœléstis.

R. Propter testaméntum Dómini, et leges patrénas, sancti Dei perstitérunt in amóre fraternitatís: * Quia unus fuit semper spíritus in eis, et una fides.

V. Ecce quam bonum et quam jucúndum habitáre fratres in unum.

Quia unus. **Lectio viii.**

BEáti páuperes, quia vestrum est regnum Dei. Quátuor tantum beatitúdines sanctus Lucas Domínicas pósuit, octo vero sanctus Matthæus: sed in illis octo istæ quátuor sunt, et in quátuor istis illæ octo. Hic enim quátuor velut virtútes ampléxus est cardinales: ille in illis octo mýsticum númerum reserávit. Pro octáva enim multi inscribúntur Psalmi: et mandátum áccipis octo illis partem dare, fortásse benedictiónibus. Sicut enim spei nostræ octáva perféctio est, ita octáva summa virtútum est.

R. Sancti mei, qui in carne pósito certámen habuístis: * Mercédem laboris ego reddam vobis.

V. Veníte, benedícti Patris mei, percípíte regnum. **Mercédem.**

Gloria Patri. Mercédem.

Lectio ix.

Sed prius quæ sunt amplióra videámus. Beáti, inquit, páuperes, quóniam vestrum est regnum Dei. Primam benedictiónem hanc utérque Evangelísta pósuit. Ordine enim prima est, et parens quædam generatíoque virtútum: quia qui contempserit sæculária, ipse merébitur sempitérna: nec potest quisquam méritum regni cœléstis adipísci, qui mundi cupiditate pressus, emergéndi non habet facultátem.

Te Deum laudámus. 13.

Alia Homilia.

Lectio sancti Evangelíi secúndum Lucam.

Lectio vii.

Cap. 12.

IN illo témpore: Dixit Jesus discipulis suis: Atténdite a fermento Pharisæorum, quod est hypócrisis. Et reliqua.

Homilia venerábilis Bedæ Presbýteri.

Lib. 4. in Lucam. Cap. 52.

DE hoc fermento Apóstolus præcipit: Itaque epulémur non in fermento véteri, neque in fermento malítiæ et nequitiæ, sed in ázymis sinceritatís et veritatís. Nam sicut módicum fermentum totam farínæ, cui injícitur, massam corrúmpit, universámque mox conspersiónem suo sapóre commáculat: sic nímrum simulátio, cujus semel ánimus imbúerit, tota virtútum sinceritate et veritate fraudábit. Est ergo sensus: Atténdite ne æmulémini simulátóres: quia véniet profécto tempus, in quo et vestra virtus omnibus, et eórum revelétur hypócrisis.

R. Propter testaméntum Dómini, et leges patrénas, sancti Dei perstitérunt in amóre fraternitatís: * Quia unus fuit semper spíritus in eis, et una fides.

V. Ecce quam bonum et quam jucúndum habitáre fratres in unum. **Quia unus.**

Lectio viii.

Verum quod séquitur: Quóniam quæ in ténebris dixístis, in lumine dicéntur: non solum in futúro, quando cuncta córdium abscondita proferéntur ad lucem, sed et in præsénti témpore potest congruénter accipi: quóniam quæ inter ténebras quondam pressurárum carcerúmque umbras, vel locúti, vel passi sunt Apóstoli, nunc clarificáta per orbem Ecclésia, lectis eórum áctibus, públice prædicántur. Ne terreámini ab his, qui occídunt corpus. Si persecutóres sanctórum, occísis corpóribus, non habent ámplius quid contra illos agant; ergo supervácuá furunt insánia, qui mórtua Mártyrum membra feris avibúsque discerpénda projiciunt, cum nequáquam omnipoténtiæ Dei, quin ea resuscitándo vivíficet, obsistere possint. R. Sancti mei, qui in carne pósiti, certámen habuístis: * Mercédem labóris ego reddam vobis. V. Veníte, benedícti Patris mei, percípite regnum. Mercédem. Glória Patri. Mercédem.

Lectio ix.

Duo autem sunt génera persecutórum: unum palam sæviéntium, álterum fícte fraudulentérque blandiéntium. Contra utrúmque nos muníre atque institúere volens Salvátor, et supra ab hypócrisi Pharisæórum atténdere, et hic a carníficum cæde præcipit non timére: quia vidélicet post mortem nec horum crudélitas, nec illórum váleat simulátio duráre. Nonne quinque pásseres véneunt dipóndio? Si minutíssima, inquit, animalia, et quæ, quólibet per áera terúntur, volatília, Deus oblivísci non potest: vos, qui ad imáginem facti estis Creatóris, non debétis terréri ab his qui occídunt corpus: quia qui irrationabília animalia gubernat, rationabília curáre non désinit.

Te Deum laudámus. 13.

In Comuni

Confessorum, Virginum, et non Virginum et Dedicationis Ecclesiæ tempore Paschali, Officium fit ut inferius in aliis temporibus: sed in fine ad Invitatorium, Antiphonas, VV. et RR. tam brevía, quam alia, additur **Allelúja**, et tres Psalmi dicuntur in quolibet Nocturno sub prima Antiphona illius Nocturni.

Commune
Confessoris Pontificis.

AD VESPERAS.

Antiph. to. 7. Ecce **sacérdos magnus**. cum reliquis de Laudibus. [69]

Psalmus. Dixit **Dóminus** cum reliquis de Comm. Apostol. [2]

Capitulum. Eccli. 44. c.

Ecce **sacérdos magnus**, qui in díebus suis plácuít Deo, et invéntus est justus: et in témpore iracúndiæ factus est reconciliátio.

Hymnus.

Iste Conféssor Dómini, coléntes
Quem pie laudant pópuli per orbem,
Hac die lætus méruit beátas
Scándere sedes.

Si non est dies obitus, dicatur:
Hac die lætus méruit suprémos
Laudis honóres.

Qui pius, prudens, húmilis, pudícus,
Sóbriam duxit sine labe vitam,
Donec húmános animávit auræ
Spíritus artus.

Cujus ob præstans méritum, fré-
quénter

Ægra, quæ passim jacuére membra,
Víribus morbi dómitis, salúti
Restituúntur.

Noster hinc illi Chorus obsequéntem
Cóncinit laudem, celebrésque
palmas;

Ut piis ejus précibus juvémur
Omne per ævum.

Sit salus illi, decus, atque virtus,
Qui super cœli sôlio corûscans,
Tôtius mundi sêriem gubérnat
Trinus, et unus. Amen.

V. Amávit eum Dóminus, et ornávit eum.

R. Stolum glóriæ índuit eum.

Ad Magnificat, Antiphona, to. 2.

Sacérdos et Póntifex, et virtútum ópifex, pastor bone in pópulo, ora pro nobis Dóminum.

Oratio.

DA, quæsumus, omnípotens Deus: ut beáti *N.* Confessóris tui atque Pontificis veneránda solémnitas, et devotióne nobis áugeat et salútem. Per Dóminum.

Alia Oratio.

EXáudi, quæsumus, Dómine, preces nostras, quas in beáti *N.* Confessóris tui atque Pontificis solemnitáte deférimus: et qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum.

Pro Doctoribus in utrisque Vesperis.

Ad Magnificat, Antiphona, ton. 2.

O Doctor óptime, Ecclésiæ sanctæ lumen, beáte *N.* divínæ legis amátor, deprecáre pro nobis Fílium Dei.

Oratio.

DEus, qui pópulo tuo æternæ salútis beátum *N.* místrum tribuísti: præsta quæsumus; ut, quem Doctórem vitæ habúimus in terris, intercessórem habére mereámur in cœlis. Per Dóminum.

AD MATUTINUM.

Invitatorium. Regem Confessórum Dóminum, * Veníte, adorémus.

Psalmus. Veníte, exultémus. 2.

Hymnus. Iste Conféssor. ut supra.

IN I. NOCTURNO.

Antiph. to. 3. r. Beátus vir, qui in lege Dómini meditátur: volúntas ejus permanet die ac nocte, et ómnia quæcúmque fáciat, semper prosperabúntur.

Psalmus 1.

BEátus vir, qui non ábiit in consílio impiórum, et in via peccatórum non stetit, * et in cáthedra pestiléntiæ non sedit.

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo:

Et fólium ejus non défluat: * et ómnia quæcúmque fáciat, prosperabúntur.

Non sic ímpii, non sic: * sed tamquam pulvis, quem prójicit ventus a fácie terræ.

Ideo non resúrgent ímpii in iudício: * neque peccatóres in concílio justórum.

Quóniam novit Dóminus viam justórum: * et iter impiórum peribit.

Antiph. Beátus vir, qui in lege Dómini meditátur: volúntas ejus permanet die ac nocte, et ómnia quæcúmque fáciat, semper prosperabúntur.

Antiph. to. 1. f. Beátus iste sanctus, qui confisus est in Dómino, prædicávit præcéptum Dómini, constitútus est in monte sancto ejus.

Psalmus 2.

QUare fremuérunt Gentes, * et pópuli meditáti sunt inánia?

Astitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in cœlis irridébit eos, * et Dóminus subsannábit eos.

Tunc loquétur ad eos in ira sua: * et in furóre suo conturbábit eos.

Ego autem constitutus sum Rex ab eo super Sion montem sanctum ejus, * prædicans præceptum ejus.

Dóminus dixit ad me: * Fílius meus es tu, ego hódie genui te.

Póstula a me, et dabo tibi Gentes hæreditatem tuam: * et possessionem tuam terminos terræ.

Reges eos in virga férrea, * et tamquam vas figuli confringes eos.

Et nunc, reges, intelligite: * erudimini, qui judicatis terram.

Servíte Dómino in timóre: * et exultate ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus: * beáti omnes qui confidunt in eo.

Antiph. Beátus iste sanctus, qui confisus est in Dómino, prædicávit præceptum Dómini, constitutus est in monte sancto ejus.

Antiph. to. 8. Tu es glória mea, tu es susceptor meus, Dómine: tu exáltans caput meum, et exaudísti me de monte sancto tuo.

Psalmus 3.

Dómine, quid multiplicáti sunt qui trébulant me? * multi insúrgunt advérsus me.

Multi dicunt ánimæ meæ: * Non est salus ipsi in Deo ejus.

Tu autem, Dómine, susceptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exurréxi, quia Dóminus suscepit me.

Non timébo míllia pópuli circumdántis me: * exúrge, Domine, salvum me fac, Deus meus.

Quóniam tu percussísti omnes adversántes mihi sine causa: * dentes peccatórum contrivísti.

Dómini est salus: * et super pópulum tuum benedictio tua.

Antiph. Tu es glória mea, tu es susceptor meus, Dómine: tu exáltans caput meum, et exaudísti me de monte sancto tuo.

V. Amávit eum Dóminus, et ornávit eum.

R. Stulam glóriæ induit eum.

Pater noster.

Absolutio. Exáudi, Dómine.

V. Jube, domne, benedícere.

Benedictio. Benedictiône perpétua.

De Epístola prima beáti Pauli Apóstoli ad Timótheum.

Lectio i.

Cap. 3.

Fidélis sermo: Si quis Episcopátum desíderat, bonum opus desíderat. Opórtet ergo Episcopum irreprehensibilem esse, unius uxóris virum, sóbrium, prudentem, ornátum, pudícum, hospitálem, doctórem, non vinoléntum, non percussórem, sed modéstum; non litigiósum, non cúpidum, sed suæ dómui bene præpósitum, fílios habéntem súbditos cum omni castitate. Si quis autem dómui suæ præesse nescit, quómodo Ecclésiæ Dei diligéntiam habébit? Non neóphytum, ne in supérbiam elátus, in júdicium incidat diabóli. Opórtet autem illum et testimónium habére bonum ab iis, qui foris sunt, ut non in oppróbrium incidat, et in láqueum diabóli.

R. Euge, serve bone et fidélis, quia in pauca fuísti fidélis, supra multa te constitúam: * Intra in gáudium Dómini tui.

V. Dómine, quinque talénta tradidísti mihi, ecce ália quinque superlucrátus sum. Intra.

Benedictio. Unigénitus Dei Fílius.

De Epístola ad Titum.

Lectio ii.

Cap. 1. b.

Opórtet enim Episcopum sine crimine esse, sicut Dei dispensatórem: non supérbum, non iracúndum, non vinoléntum, non percussórem,

non turpis lucri cupidum; sed hospitalem, benignum, sobrium, justum, sanctum, continentem, amplectentem eum, qui secundum doctrinam est, fidelem sermonem: ut potens sit exhortari in doctrina sana, et eos, qui contradicunt, arguere. Sunt enim multi etiam inobedientes, vaniloqui, et seductores; maxime qui de circumcissione sunt, quos oportet redargui: qui universas domos subvertunt, docentes quæ non oportet, turpis lucri gratia.

R. Ecce sacerdos magnus, qui in diebus suis placuit Deo: * Ideo iurejurando fecit illum Dominus crescere in plebem suam.

V. Benedictionem omnium Gentium dedit illi, et testamentum suum confirmavit super caput ejus. **Ideo.**

Benedictio. Spiritus sancti gratia.

Lectio iii.

Cap. 2.

TU autem loquere quæ decent sanam doctrinam: Senes ut sobrii sint, pudici, prudentes, sani in fide, in dilectione, in patientia: Anus similiter in habitu sancto, non criminatrices, non multo vino serviētes, bene docentes: ut prudentiam doceant adulescentulas, ut viros suos ament, filios suos diligant, prudentes, castas, sobrias, domus curam habentes, benignas, subditas viris suis, ut non blasphemetur verbum Dei. Juvēnes similiter hortare ut sobrii sint. In omnibus teipsum præbe exemplum bonorum operum, in doctrina, in integritate, in gravitate, verbum sanum, irreprehensibile: ut is, qui ex adverso est, vereatur, nihil habens malum dicere de nobis.

R. Juravit Dominus, et non poenitebit eum: * Tu es sacerdos in æternum secundum ordinem Melchisedech.

V. Dixit Dominus Domino meo: Sede a dextris meis. **Tu es sacerdos.**

Glória Patri. Tu es.

IN II. NOCTURNO.

Antiph. to. 2. Invocantem exaudivit Dominus sanctum suum, Dominus exaudivit eum, et constituit eum in pace.

Psalmus 4.

CUM invocarem, exaudivit me Deus justitiæ meæ: * in tribulatione dilatasti mihi.

Miserere mei, * et exaudi orationem meam.

Filii hominum, usquequo gravi corde? * ut quid diligitis vanitatem, et queritis mendacium?

Et scitote quoniam mirificavit Dominus sanctum suum: * Dominus exaudiet me, cum clamavero ad eum.

Irascimini, et nolite peccare: * quæ dicitis in cordibus vestris, in cubilibus vestris compungimini.

Sacrificate sacrificium justitiæ, et sperate in Domino. * Multi dicunt: Quis ostendit nobis bona?

Signatum est super nos lumen vultus tui, Domine: * dedisti lætitiā in corde meo.

A fructu frumenti, vini, et olei sui * multiplicati sunt.

In pace in idipsum * dormiam, et requiescam;

Quoniam tu, Domine, singulariter in spe * constituisti me.

Antiph. Invocantem exaudivit Dominus sanctum suum, Dominus exaudivit eum, et constituit eum in pace.

Antiph. to. 8. Lætentur omnes, qui sperant in te, Domine: quoniam tu benedixisti justo, scuto bonæ voluntatis tuæ coronasti eum.

Psalmus 5.

VERBA mea auribus percipe, Domine, * intellige clamorem meum.

Intende voci orationis meæ, * Rex meus, et Deus meus.

Quoniam ad te orabo: * Domine, mane exaudies vocem meam.

Mane astábo tibi, et vidébo: * quóniam non Deus volens iniquitátem tu es.

Neque habitábit juxta te malignus: * neque permanébunt injústi ante óculos tuos.

Odísti omnes, qui operántur iniquitátem: * perdes omnes, qui loquúntur méndácium.

Virum sánguinem, et dolósum abominábitur Dóminus: * ego autem in multitúdine misericórdiæ tuæ.

Introibo in domum tuam: * adorábo ad templum sanctum tuum in timóre tuo.

Dómine, deduc me in justítia tua: * propter inimícos meos dírige in conspéctu tuo viam meam.

Quóniam non est in ore eórum veritas: * cor eórum vanum est.

Sepúlchrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multitúdinem impietátum eórum expélle eos: * quóniam irritavérunt te, Dómine.

Et læténtur omnes, qui sperant in te: * in ætérnum exultábunt, et habitábis in eis.

Et gloriabúntur in te omnes, qui diligunt nomen tuum: * quóniam tu benedíces justo.

Dómine, ut scuto bonæ voluntátis tuæ * coronásti nos.

Antiph. Læténtur omnes qui sperant in te, Dómine: quóniam tu benedixísti justo, scuto bonæ voluntátis tuæ coronásti eum.

Antiph. to. 1. Dómine, Dóminus noster, quam admirábile est nomen tuum in univérsta terra! quia glória et honóre coronásti sanctum tuum, et constituísti eum super ópera mánuum tuárum.

Psalmus 8.

Domine, Dóminus noster, * quam admirábile est nomen tuum in univérsta terra!

Quóniam eleváta est magnificéntia tua * super cœlos.

Ex ore infántium et lacténtium perfecísti laudem propter inimícos tuos, * ut déstruas inimicum et ultórem.

Quóniam vidébo cœlos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas, insuper et pécora campi;

Vólucres cœli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsta terra!

Antiph. Dómine, Dóminus noster, quam admirábile est nomen tuum in univérsta terra! quia glória et honóre coronásti sanctum tuum, et constituísti eum super ópera mánuum tuárum.

V. Elégit eum Dóminus sacerdotem sibi.

R. Ad sacrificándum ei hóstiam laudis.

Pater noster.

Absolutio. Ipsíus píetas.

V. Jube, domne, benedícere.

Benedictio. Deus Pater omnípotens.

Sermo Sancti Máximi Epíscopi.

Homil. 59. quæ est 2. de S. Eusebio Vercellensi.

Lectio iv.

Ad sancti ac beatíssimi Patris nostri N., cujus hódie festa celebrámus, laudes addidísse áliquíd, decerpísse est: síquidem virtútum ejus grátia non sermónibus exponénda

est, sed opéribus comprobánda. Cum enim dicat Scriptúra: Glória patris est fílius sápiens: quantæ hujus sunt glóriæ, qui tantórum filiórum sapiéntia et devotióne lætátur? In Christo enim Jesu per Évangélium ipse nos génuit.

R. Invéni David servum meum, óleo sancto meo unxi eum: * Manus enim mea auxiliábitur ei.

V. Nihil proficiet inimícus in eo, et fílius iniquitátis non nocébit ei. Manus.

Benedictio. Christus perpétuæ.

Lectio v.

Quidquid igitur in hac sancta plebe potest esse virtútis et grátiae, de hoc, quasi quodam fonte lucidíssimo, ómnium rivulórum púritas emanávit. Etenim quia castitátis pollébat vigóre, quia abstinéntiæ gloriabátur angústis, quia blandiméntis erat præditus lenitátis, ómnium cívium in Deum provocávit afféctum: quia Pontificis administratióne fulgébat, plures e discipulis reliquit sui sacerdótii successóres.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei.

V. Invéni David servum meum, óleo sancto meo unxi eum. Manus.

Benedictio. Ignem sui amoris.

Lectio vi.

Bene et congrue in hac die, quam nobis beáti Patris nostri **N.** ad paradísum tránsitus exultábilem reddit, præsentis Psalmi versículum decantávimus: In memória æténa erit justus. Digne enim in memóriam vértitur hóminum, qui ad gáudium tránsiit Angelórum. Dicit sermo divínus: Ne laudes hóminem in vita sua: tamquam si diceret, Lauda post vitam, magnífica post consummatió-nem. Dúplici enim ex causa útilius est hóminum magis memóriæ laudem

dare, quam vitæ, ut illo potíssimum témpore mérita sanctitátis extóllas, quando nec laudántem adulatio movet, nec laudátum tentet elátio.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédat pro peccátis ómnium populórum.

V. Iste est qui contémpsit vitam mundi, et pervénit ad coeléstia regna. Ipse. Glória Patri. Ipse.

IN III. NOCTURNO.

Antiph. to. 8. Dómine, iste sanctus habitábit in tabernáculo tuo, operátus est justítiam, requiescet in monte sancto tuo.

Psalmus 14.

Domine, quis habitábit in tabernáculo tuo? * aut quis requiescet in monte sancto tuo?

Qui ingreditur sine mácula, * et operátur justítiam:

Qui loquitur veritátem in corde suo, * qui non egit dolum in lingua sua:

Nec fecit próximo suo malum, * et oppróbrium non accépit advérsus próximos suos.

Ad nihilum dedúctus est in conspéctu ejus malignus: * timéntes autem Dóminum glórficat:

Qui jurat próximo suo, et non decipit, * qui pecúniam suam non dedit ad usúram, et múnera super innocéntem non accépit.

Qui facit hæc, * non movébitur in ætérnum.

Antiph. Dómine, iste sanctus habitábit in tabernáculo tuo, operátus est justítiam, requiescet in monte sancto tuo.

Antiph. to. 8. Vitam pétiit a te, et tribuisti ei, Dómine: glóriam et magnum decórem imposuisti super eum: posuisti in cápite ejus corónam de lapide pretiósio.

Psalmus 20.

Domine, in virtute tua lætabitur rex: * et super salutare tuum exultabit vehementer.

Desiderium cordis ejus tribuisti ei: * et voluntate labiorum ejus non fraudasti eum.

Quoniam prævenisti eum in benedictionibus dulcedinis: * posuisti in capite ejus coronam de lapide pretioso.

Vitam petiit a te: * et tribuisti ei longitudinem dierum in sæculum, et in sæculum sæculi.

Magna est gloria ejus in salutari tuo: * gloriam et magnum decorem impones super eum.

Quoniam dabis eum in benedictionem in sæculum sæculi: * lætificabis eum in gaudio cum vultu tuo.

Quoniam rex sperat in Domino: * et in misericordia Altissimi non commovetur.

Inveniatur manus tua omnibus inimicis tuis: * dextera tua inveniat omnes, qui te odérunt.

Pones eos ut clibanum ignis in tempore vultus tui: * Dominus in ira sua conturbabit eos, et devorabit eos ignis.

Fructum eorum de terra perdes, * et semen eorum a filiis hominum.

Quoniam declinaverunt in te mala: * cogitaverunt consilia, quæ non potuerunt stabilire.

Quoniam pones eos dorsum: * in reliquiis tuis præparabis vultum eorum.

Exaltare, Domine, in virtute tua: * cantabimus et psallamus virtutes tuas.

Antiph. Vitam petiit a te, et tribuisti ei, Domine: gloriam et magnum decorem imposuisti super eum: posuisti in capite ejus coronam de lapide pretioso.

Antiph. to. 7. r. Hic accipiet benedictionem a Domino, et misericordiam a Deo salutari suo: quia hæc est generatio quærentium Dominum.

Psalmus 23.

Domini est terra, et plenitudo ejus: * orbis terrarum, et universi qui habitant in eo.

Quia ipse super maria fundavit eum: * et super flumina præparavit eum.

Quis ascendet in montem Domini? * aut quis stabit in loco sancto ejus?

Innocens manibus, et mundo corde, * qui non accepit in vano animam suam, nec juravit in dolo proximo suo.

Hic accipiet benedictionem a Domino, * et misericordiam a Deo salutari suo.

Hæc est generatio quærentium eum, * quærentium faciem Dei Jacob.

Attollite portas, principes, vestras, et elevamini, portæ æternales: * et introibit Rex gloriæ.

Quis est iste Rex gloriæ? * Dominus fortis et potens, Dominus potens in prælio.

Attollite portas, principes, vestras, et elevamini, portæ æternales: * et introibit Rex gloriæ.

Quis est iste Rex gloriæ? * Dominus virtutum ipse est Rex gloriæ.

Antiph. Hic accipiet benedictionem a Domino, et misericordiam a Deo salutari suo: quia hæc est generatio quærentium Dominum.

V. Tu es sacerdos in æternum.

R. Secundum ordinem Melchisedech.

Pater noster.

Absolutio. A vinculis.

V. Jube, domne, benedicere.

Benedictio. Evangelica lectio.

Lectio sancti Evangelii secundum Matthæum.

Lectio vii.

Cap. 25.

In illo tempore: Dixit Jesus discipulis suis parabolam hanc: Homo peregre proficiscens, vocavit servos suos, et tradidit illis bona sua. Et reliqua.

Homilia Sancti Gregorii Papæ.

Homilia 9. in Evangelia.

Lectio sancti Evangelii, fratres charissimi, solícite consideráre nos admonet, ne nos, qui plus céteris in hoc mundo accepísse áliquid cernimur ab auctóre mundi, grávius inde judicémur. Cum enim augéntur dona, ratiónes étiam crescunt donórum. Tanto ergo esse humilior, atque ad serviéndum Deo, prómptior quisque debet ex múnere, quanto se obligatiórem esse cónspicit in reddénda ratióne. Ecce homo, qui péregre proficiscitur, servos suos vocat, eisque ad negótium talénta partítur. Post multum vero témporis positúrus ratióne revértitur. Bene operántes pro apportáto lucro remunérat, servum vero a bono ópere torpéntem damnat.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum.

V. Induit eum Dóminus lorícam fidei, et ornávit eum. **E**t ad portas.

Benedictio. Cujus festum cólimus.

Lectio viii.

Quis itaque iste homo est, qui péregre proficiscitur, nisi Redemptor noster, qui in ea carne quam assúmpserat, ábiit in cœlum? Carnis enim locus próprius terra est, quæ quasi ad peregrína dúcitur, dum per Redemptórem nostrum in cœlo collocátur. Sed homo iste péregre proficiscens servis suis bona sua trádedit, quia fidélibus suis spirituália dona concéssit. Et uni quidem quinque talénta, álii duo, álii vero commísit unum. Quinque etenim sunt córporis sensus: vidélicet, visus, audítus, gustus, odorátus, et tactus. Quinque ergo taléntis, donum quinque sensuum, id est, exteriorum sciéntia exprímitur. Duóbus vero, intelléctus et operátio designátur. Uníus autem

talénti nómine intelléctus tantúmmodo designátur.

R. Sint lumbi vestri præcíncti, et lucérnæ ardéntes in mánibus vestris:

* Et vos símiles homínibus expectántibus Dóminum suum, quando revertátur a núptiis.

V. Vigiláte ergo, quia nescítis quâ hora Dóminus vester ventúrus sit. **E**t vos. **G**lória Patri. **E**t vos.

Benedictio. A d societátem.

Lectio ix.

Sed is, qui quinque talénta accéperat, ália quinque lucrátus est: quia sunt nonnúllo, qui, etsi intérna ac mýstica penetráre nesciunt, pro intentiône tamen supérnæ pátriæ docent recta quos possunt, de ipsis exterióribus, quæ accepérunt, duplum taléntum portant: dumque se a carnis petulantia, et a terrenárum rerum ámbitu, atque a visibílium voluptáte custódiunt, ab his étiam álios admonéndo compéscunt. Et sunt nonnúllo, qui, quasi duóbus taléntis ditáti, intelléctum atque operatióne percipiunt, subtília de intérnis intélligunt, mira in exterióribus operántur. Cumque et intelligéndo et operándo áliis prædicant, quasi duplicátum de negótio lucrum repórtant.

Te Deum laudámus. 13.

AD LAUDES

ET PER HORAS.

Antiph. to. 7. **E**cce sacérdos magnus, qui in diébus suis plácuít Deo, et invéntus est justus.

Psalmus. Dóminus regnávit. **cum reliquis.** 14.

Antiph. to. 7. **N**on est invéntus símilis illi, qui conserváret legem Excélsi.

Antiph. to. 8. **I**deo jurejurádo fecit illum Dóminus créscere in plebem suam.

Antiph. to. 7. Sacerdotes Dei, benedicite Dóminum: servi Dómini, hymnum dicite Deo, allelúja.

Antiph. to. 7. f. Serve bone et fidélis, intra in gáudium Dómini tui.

Capitulum. Eccli. 44. c.

ECce sacerdos magnus, qui in diébus suis plácuít Deo, et invéntus est justus: et in témpore iracúndiæ factus est reconciliátio.

Hymnus.

Jesu Redemptor ómnium,
Perpes coróna Præsulum,
In hac die cleméntius
Indúlgeas precántibus;

Tui sacri qua nóminis
Conféssor almus cláruit:
Hujus celébrat ánnua
Devóta plebs solémnia.

Qui rite mundi gáudia
Hujus cadúca réspuens,
Æternitátis præmio
Potítur inter Angelos.

Hujus benígnus ánnue
Nobis sequi vestígia:
Hujus precátu sérvulis
Dimítte noxam críminis.

Sit, Christe, Rex piíssime,
Tibi, Patríque glória,
Cum Spíritu Paráclito,
Nunc, et per omne sæculum.
Amen.

Ÿ. Justum dedúxit Dóminus per vias rectas.

℞. Et osténdit illi regnum Dei.

Ad Benedictus, Antiphona, to. 1. r.
Euge, serve bone et fidélis, quia in pauca fuísti fidélis, supra multa te constítuam, dicit Dóminus.

Oratio.

DA, quæsumus, omnipotens Deus: ut beáti N. Confessoris tui atque

Pontíficis veneránda solémnitas, et devotiónem nobis áugeat, et salútem. Per Dóminum.

Alia Oratio.

EXaudi, quæsumus, Dómine, preces nostras, quas in beáti N. Confessoris tui atque Pontíficis solemnitate deférimus: et qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum.

Ad Tertiam.

Antiph. to. 7. Non est invéntus.

Capitulum. Ecce sacerdos. ut supra.

℞. br. Amávit eum Dóminus, * Et ornávit eum. Amávit.

Ÿ. Stola glóriæ induit eum. Et ornávit. Glória Patri. Amávit.

Ÿ. Elégit eum Dóminus sacerdotem sibi.

℞. Ad sacrificándum ei hóstiam laudis.

☞ Tempore Paschali, ad Tertiam;

℞. br. Amávit eum Dóminus, et ornávit eum, * Allelúja, allelúja. Amávit.

Ÿ. Stola glóriæ induit eum. Allelúja, allelúja. Glória Patri. Amávit.

Ÿ. Elégit eum Dóminus sacerdotem sibi, allelúja.

℞. Ad sacrificándum ei hóstiam laudis, allelúja.

Ad Sextam.

Antiph. to. 8. Ideo jurejurádo.

Capitulum. Eccli. 44. c.

Non est invéntus símilis illi, qui conserváret legem Excélsi: ideo jurejurádo fecit illum Dóminus créscere in plebem suam.

℞. br. Elégit eum Dóminus, * Sacerdotem sibi. Elégit.

Ÿ. Ad sacrificándum ei hóstiam laudis. Sacerdótem. Glória Patri. Elégit.

Ÿ. Tu es sacérdos in ætérnum.

R. Secúndum órđinem Melchisedech.

☞ Tempore Paschali, ad Sextam,

R. br. Elégit eum Dóminus sacerdotem sibi, * Allelúja, allelúja. Elégit.

Ÿ. Ad sacrificándum ei hóstiam laudis. Allelúja, allelúja. Glória Patri. Elégit.

Ÿ. Tu es sacérdos in ætérnum, allelúja.

R. Secúndum órđinem Melchisedech, allelúja.

Ad Nonam.

Antiph. to. 7. f. Serve bone.

Capitulum. Eccli. 45. c.

Fungi sacerdótio, et habére laudem in nómine ipsíus, et offérre illi incénsum dignum in odórem suavitátis.

R. br. Tu es sacérdos, * In ætérnum. Tu es.

Ÿ. Secúndum órđinem Melchisedech. In ætérnum. Glória Patri. Tu es.

Ÿ. Justum dedúxit Dóminus per vias rectas.

R. Et osténdit illi regnum Dei.

☞ Tempore Paschali, ad Nonam,

R. br. Tu es sacérdos in ætérnum, * Allelúja, allelúja. Tu es.

Ÿ. Secúndum órđinem Melchisedech. Allelúja, allelúja. Glória Patri. Tu es.

Ÿ. Justum dedúxit Dóminus per vias rectas, allelúja.

R. Et osténdit illi regnum Dei, allelúja.

✠

Ad Vesperas.

Antiph. to. 7. Ecce sacérdos magnus. cum reliquis de Laudibus. [69]

Psalmus. Dixit Dóminus. cum reliquis de Communi Apostolorum. [2] et loco ultimi Psalmi

Psalmus 131.

Memento, Dómine, David, * et omnis mansuetúdinis ejus:

Sicut jurávit Dómino, * votum vovit Deo Jacob:

Si introfero in tabernáculum domus meæ, * si ascéndero in lectum strati mei:

Si dédero somnum óculis meis, * et pálpebris meis dormitatióem:

Et réquiem tempóribus meis, donec invéniam locum Dómino, * tabernáculum Deo Jacob.

Ecce audívimus eam in Ephrata: * invénimus eam in campis sylvæ.

Introibimus in tabernáculum ejus: * adorábitus in loco, ubi steterunt pedes ejus.

Surge, Dómine, in réquiem tuam, * tu, et arca sanctificatióis tuæ.

Sacerdótes tui induántur justítiam: * et sancti tui exúltent.

Propter David servum tuum, * non avértas fáciem Christi tui.

Jurávit Dóminus David veritátem, et non frustrábitur eam: * De fructu ventris tui ponam super sedem tuam.

Si custodierint filii tui testaméntum meum, * et testimónia mea hæc, quæ docébo eos.

Et filii eórum usque in sæculum * sedébunt super sedem tuam.

Quóniam elégit Dóminus Sion: * elégit eam in habitatióem sibi.

Hæc réquies mea in sæculum sæculi: * hic habitábo, quóniam elégi eam.

Víduam ejus benedícens benedícam: * páuperes ejus saturábo pánibus.

Sacerdótes ejus induam salutári: * et sancti ejus exultatióne exultábunt.

Illuc producam cornu David, * paravi lucernam Christo meo.

Inimicos ejus induam confusione: * super ipsum autem efflorebit sanctificatio mea.

Capitulum, et Hymnus, ut supra in primis Vesperis. [62]

V. Justum deduxit Dominus per vias rectas.

R. Et ostendit illi regnum Dei.

Ad Magnificat, Antiphona, to. 1. r.

Amauit eum Dominus, et ornauit eum: stolam gloriæ induit eum, et ad portas paradisi coronauit eum.

Sequens Antiphona dicitur ad Magnificat in ii. Vesperis pro solis summis Pontificibus.

Antiph. to. 1. Dum esset summus Pontifex terræ non metuit, sed ad cœlestia regna gloriosus migravit.

Si occurrat celebrari Festum plurimorum Pontificum et Confessorum, Officium fit ut supra: sed in Oratione et Sermonem, quæ ponuntur in singulari, dicantur in plurali; et in primo Nocturno legantur sequentes Lectiones de Scriptura.

De libro Ecclesiastici.

Lectio i.

Cap. 44.

Laudemus viros gloriosos, et patres nostros in generatione sua. Multam gloriam fecit Dominus magnificentia sua a sæculo. Dominantes in potestatibus suis, homines magni virtute, et prudentia sua præditi, nuntiantes in Prophetis dignitatem Prophetarum, et imperantes in præsentem populo, et virtute prudentiæ populis sanctissima verba. In peritia sua requirentes modos musicos, et narrantes carmina scripturarum.

R. Euge, serve bone et fidelis, quia in pauca fuisti fidelis, supra multa te constituam: * Intra in gaudium Domini tui.

V. Domine, quinque talenta tradidisti mihi, ecce alia quinque superlucratus sum. Intra.

Lectio ii.

Homines diuites in virtute, pulchritudinis studium habentes, pacificantes in domibus suis. Omnes isti in generationibus gentis suæ gloriam adepti sunt, et in diebus suis habentur in laudibus. Qui de illis nati sunt, reliquerunt nomen narrandi laudes eorum: et sunt quorum non est memoria: perierunt quasi qui non fuerint: et nati sunt, quasi non nati, et filii ipsorum cum ipsis.

R. Ecce sacerdos magnus, qui in diebus suis placuit Deo: * Ideo iurejurando fecit illum Dominus crescere in plebem suam.

V. Benedictionem omnium gentium dedit illi, et testamentum suum confirmauit super caput ejus. **I**deo.

Lectio iii.

Sed illi viri misericordiæ sunt, quorum pietates non defuerunt: cum semine eorum permanent bona, hæreditas sancta nepotes eorum, et in testamentis stetit semen eorum: et filii eorum propter illos usque in æternum manent: semen eorum et gloria eorum non derelinquetur. Corpora ipsorum in pace sepulta sunt, et nomen eorum vivit in generationem et generationem. Sapientiam ipsorum narrent populi, et laudem eorum nuntiet Ecclesia.

R. Jurauit Dominus, et non poenitebit eum: * Tu es sacerdos in æternum secundum ordinem Melchisedech.

V. Dixit Dominus Domino meo: Sede a dextris meis. **Tu es. Gloria Patri. Tu es.**



Aliæ Lectiones pro Pontifice et Confess.

IN II. NOCTURNO.

Sermo sancti Máximi Episcopi.

Ex Homilia 59. quæ est 2. de S. Eusebio.

Lectio iv

Beati Patris **N.** mérita jam in tuto posita securi magnificemus: qui

gubernáculum fidei viriliter tenens, anchoram spei tranquilla jam in statione compósuit, et plenam cœlestibus divitiis et æternis mércibus navem optáto in littore collocávit: qui contra omnes adversários scutum timóris Dei tándiu infatigabíliter tenuit, donec ad victóriam perveníret. Quid enim fuit totus vitæ illius cursus, nisi unus cum vígili hoste confíctus?

R. Invéni David servum meum, óleo sancto meo unxi eum: * Manus enim mea auxiliábitur ei.

V. Nihil proficiet inimícus in eo, et fílius iniquitátis non nocébit ei. **Manus.**

Lectio v.

Quantis hic cæcis a via veritátis errántibus, et de summa jam in profúndum rupe pendéntibus, amíssum réddidit visum, et illum, quo Christus viderétur, reparávit intúitum? Quantórum áuribus surdis, et infidelitátis obturatíone damnátis, ad percipiéndam vocem cœlestium mandatórum, pretíosum infúdit audítum, ut vocánti Deo ad misericórdiam responderent per obediéntiam? Quantos intrínsecus vulnerátos, Angélici oris arte et oratiónum, ab infirmitáte curávit?

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei.

V. Invéni David servum meum, óleo sancto meo unxi eum. **Manus.**

Lectio vi.

Quantos per longam incúriam peccáti labe resolutos, et quadam lepræ contagióne perfúsos, castigatió nibus et exhortatió nibus expiádo, Deo in se operánte mundávit? Quantórum ánimas vivéntes in corpore jam defúctas, et delictórum mole óbrutas ac sepúltas, ad emendatió nem tamquam ad lucem vocádo, Deo resuscitávit; ut Dómini sui admirándus imitátor, jam mórtuas Deo, e contrario mortíficet vitáli morte peccáto?

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédat pro peccátis ómnium populórum.

V. Iste est qui contémpsit vitam mundi, et pervénit ad cœlestia regna. **Ipse. Glória Patri. Ipse.**

IN III. NOCTURNO.

Lectio sancti Evangélii secúndum Matthæum.

Lectio vii.

Cap. 24. d.

In illo témpore: Dixit Jesus discipulis suis: Vigilate, quia nescitis, qua hora Dóminus vester ventúrus sit. Et reliqua.

Homília sancti Hilárii Episcopi.

Comm. in Matth. cap. 26. in fine.

Ut ignorántiam illam diéi ómnibus tácti, non sine útilis siléntii ratióne esse scirémus, vigiláre nos Dóminus propter advéntum furis admónuit, et oratiónum assiduitáte deténtos, ómnibus præceptórum suórum opéribus inhærere. Furem enim esse osténdit zábulum, ad detrahénda ex nobis spólia pervígilem, et córporum nostrórum dómibus insidiántem; ut ea, incuriósus nobis et somno déditis, consiliórum suórum atque illecebrárum jáculis perfódia. Parátos igitur esse nos cónvenit: quia diéi ignoratió inténtam sollicitúdinem suspénsæ expectatiónis exágitet.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum.

V. Induit eum Dóminus lorícá fidei, et ornávit eum. **Et ad portas.**

Lectio viii.

Cap. 27.

Quisnam est fidélis servus et prudens, quem constituit Dóminus super familiam suam? Quamquam in commúne nos ad indeféssam vigilántiæ curam adhortétur: speciálem

tamen pópuli princípibus, id est Episcopis, in expectatióne adventúque suo sollicitúdinem mandat. Hunc enim servum fidélem atque prudéntem, præpósitum famíliæ significat, cómmoda atque utilitatés commíssi sibi pópuli curántem. Qui si dicto áudiens, et præcéptis obédiens erit, id est, si doctrínæ opportunitáte et veritaté infirma confirmet, disrúpta consólidet, depraváta convértat, et verbum vitæ in æternitátis cibum aléndæ famíliæ dispéndat, atque hæc agens, hisque ímmorans deprehendátur, glóriam a Dómino tamquam dispensátor fidélis, et víllicus útilis consequétur, et super ómnia bona constitúetur; id est, in Dei glória collocábitur, quia nihil sit ultra, quod mélius sit.

R. Sint lumbi vestri præcíncti, et lucérnæ ardéntes in má nibus vestris: * Et vos síniles homínibus expectántibus dóminum suum, quando revertátur a núptiis.

V. Vigiláte ergo, quia nescítis qua hora Dóminus vester ventúrus sit. Et vos. Glória Patri. Et vos.

Lectio ix.

QUod si cóntuens longam Dei patientiam, quæ in profectum humanæ salutis exténditur, adversum consérvos insoléscet, et sæculi malis vitiisque se tradet, præsentium tantum curam in cultu ventris exércens: desperáta die Dóminus advéniet, eúmque a bonis, quæ spopónderat, dívidet, portionémque ejus cum hypócritis in pœnæ æternitáte constituet: quia adventum desperáverit, quia mandátis non obtemperáverit, quia præsentibus studúerit, quia vita géntium víxerit, quia desperatióne judícii commíssam sibi famíliam fame, siti, cæde vexáverit.

Te Deum laudámus. 13.



Pro Doctoribus.

Ad Magnificat in utrisque Vesperis.
Antiph. to. 2. O Doctor óptime, Ecclesiæ sanctæ lumen, beáte N. divínæ legis amátor, deprecáre pro nobis Fílium Dei.

Oratio.

DEus, qui pópulo tuo æternæ salutis beátum N. místrum tribuísti: præsta quæsumus; ut, quem doctórem vitæ habúimus in terris, intercessórem habére mereámur in cœlis. Per Dóminum.

Lectioes sequentes leguntur in Festis Doctorum; Officium autem in illis fit de Confessoribus Pontificibus, vel non Pontificibus pro qualitate Festi.

IN I. NOCTURNO.

De libro Ecclesiástici.

Lectio i.

Cap. 39.

SAPIÉntiam ómnium antiquórum exquirét sapiens, et in Prophétis vacábit. Narratiónem virórum nominatórum conservábit, et in versútias parabolárum simul introíbit. Occúlta proverbiorum exquirét, et in absconditis parabolárum conversábitur. In médio magnatórum ministrábit, et in conspéctu præsidis apparebit. In terram alienigenárum géntium pertransiet: bona enim et mala in homínibus tentábit.

R. Euge, serve bone et fidélis, quia in pauca fuísti fidélis, supra multa te constitúam: * Intra in gáudium Dómini tui.

V. Dómine, quinque talénta tradidísti mihi, ecce ália quinque superlucrátus sum. Intra.

Lectio ii.

COR suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delictis suis deprecábitur. Si enim Dóminus magnus volúerit,

spíritu intelligentiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse díriget consílium ejus, et disciplínam, et in absconditis suis consiliábitur.

Pro Doctore Pontifice.

R. Ecce sacerdos magnus, qui in diebus suis plácuít Deo: * Ideo jurejurando fecit illum Dóminus créscere in plebem suam.

V. Benedictiõem ómnium géntium dedit illi, et testaméntum suum confirmávit super caput ejus. **I**deo.

Pro Doctore non Pontifice.

R. Justus germinábit sicut lílium: * Et florébit in ætérnum ante Dóminum.

V. Plantátus in domo Dómini, in átriis domus Dei nostri. **E**t florébit.

Lectio iii.

Ipse palam fáciét disciplínam doctrínæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur a generatiõe in generatiõem. Sapiéntiam ejus enarrábunt gentes, et laudem ejus enuntiábit Ecclésia.

Pro Doctore Pontifice.

R. Jurávit Dóminus, et non pœnitébit eum: * Tu es sacerdos in ætérnum secúndum órđinem Melchisedech.

V. Dixit Dóminus Dómino meo: Sede a dextris meis. **T**u es.

Glória Patri. **T**u es.

Pro Doctore non Pontifice.

R. Iste cognóvit justítiam, et vidit mirábilia magna, et exorávit Altíssimum: * Et invéntus est in número sanctórum.

V. Iste est qui contémpsit vitam mundi, et pervénit ad cœléstia regna. **E**t invéntus.

Glória Patri. **E**t invéntus.

IN II. NOCTURNO.

Ex libro Morálium Sancti Gregórii Papæ.

Lib. 9. cap. 6.

Lectio iv.

Qui post Oríonas Hýadum nómine, nisi Doctóres sanctæ Ecclésiæ designántur? Qui, subductis Martýribus, eo jam témpore ad mundi notítiam venérunt, quo fides clárius elúcet: et représsa infidelitátis híeme, áltius per corda fidélium sol veritátis calet. Qui, remóta tempestáte persecutióis, explétis longis nóctibus infidelitátis, tunc sanctæ Ecclésiæ orti sunt, cum ei jam per credulitátis verum lucídior annus aperítur.

Pro Doctore Pontifice.

R. Invéni David servum meum, óleo sancto meo unxi eum: * Manus enim mea auxiliábitur ei.

V. Nihil proficiet inimícus in eo, et fílius iniquitátis non nocébit ei. **M**anus.

Pro Doctore non Pontifice.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

V. Justum dedúxit Dóminus per vias rectas, et osténdit illi regnum Dei. **E**t.

Lectio v.

Nec immérito Doctóres sancti Hýadum nuncupatiõe signántur. Græco quippe elóquio hýetos plúvia vocátur: et Hýades nomen a plúviis accepérunt, quia ortæ proculdúbio imbres ferunt. Bene ergo Hýadum appellatiõe expréssi sunt, qui ad statum universális Ecclésiæ quasi in cœli fáciem dedúcti, super aréntem terram humáni pectoris sanctæ prædicatióis imbres fuderunt. Si enim prædicatióis sermo plúvia non esset, Móyses mínime dixísset: Expectétur sicut plúvia elóquium meum: et, nequáquam per Isaíam Vértas díceret: Mandábo núbibus meis, ne pluant

super eam imbrem: atque hoc, quod paulo ante protulimus: Quamobrem prohibita sunt stillae pluviarum.

Pro Doctore Pontifice.

R. Posui adiutorium super potentem, et exaltavi electum de plebe mea: * Manus enim mea auxiliabitur ei.

V. Inveni David servum meum, oleo sancto meo unxi eum. *Manus.*

Pro Doctore non Pontifice.

R. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum.

V. Induit eum Dominus lorica fidei, et ornavit eum. *Et ad portas.*

Lectio vi.

Dum ergo Hyades cum pluvii veniunt, ad cæli spatia altiora sol ducitur: quia, apparente Doctorum scientia, dum mens nostra imbre prædicationis infunditur, fidei calor augetur. Et perfusa terra ad fructum proficit, cum lumen ætheris ignescit: quia uberius frugem boni operis reddimus, dum per sacræ eruditionis flammam in corde clarius ardemus. Dumque per eos diebus singulis magis magisque scientia cælestis ostenditur, quasi interni nobis luminis verum tempus aperitur: ut novus sol nostris mentibus rutillet, et eorum verbis nobis cognitus, seipso quotidie clarius micet. Urgente etenim mundi fine, superna scientia proficit, et largius cum tempore excrecit.

Pro Doctore Pontifice.

R. Iste est qui ante Deum magnas virtutes operatus est, et omnis terra doctrina ejus repleta est: * Ipse intercedat pro peccatis omnium populorum.

V. Iste est qui contempsit vitam mundi, et pervenit ad cælestia regna. *Ipsa.* *Gloria Patri.* *Ipsa.*

Pro Doctore non Pontifice.

R. Iste homo perfecit omnia, quæ locutus est ei Deus, et dixit ad eum:

Ingrédere in requiem meam: * Quia te vidi justum coram me ex omnibus gentibus.

V. Iste est qui contempsit vitam mundi, et pervenit ad cælestia regna. *Quia te.* *Gloria Patri.* *Quia te.*

IN III. NOCTURNO.

Lectio sancti Evangelii secundum Matthæum.

Lectio vii.

Cap. 5. b.

In illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia sancti Augustini Episcopi. Lib. 1. de Serm. Dom. in monte. cap. 6. tom. 4.

Ostendit Dominus, fatuos esse iudicandos, qui temporalium bonorum vel copiam sectantes, vel inopiam metuentes, amittunt æterna, quæ nec dari possunt ab hominibus, nec auferri. Itaque si sal infatuatum fuerit, in quo salietur? Id est, si vos, per quos condiendi sunt quodammodo populi, metu persecutionum temporalium amisseritis regna cælorum; qui erunt homines, per quos a vobis error auferatur, cum vos elegerit Deus, per quos errorem auferat ceterorum?

Pro Doctore Pontifice.

R. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum.

V. Induit eum Dominus lorica fidei, et ornavit eum. *Et ad portas.*

Pro Doctore non Pontifice.

R. Iste est qui ante Deum magnas virtutes operatus est, et de omni corde suo laudavit Dominum: * Ipse intercedat pro peccatis omnium populorum.

V. Ecce homo sine querela, verus Dei cultor, abstinens se ab omni opere malo, et permanens in innocentia sua. *Ipsa.*

Lectio viii.

Ergo ad nihilum valet sal infatuatum, nisi ut mittatur foras, et cal-

cétur ab homínibus. Non itaque calcátur ab homínibus, qui pátitur persecutióne: sed qui persecutióne timéndo infatuátur. Calcári enim non potest, nisi inférior: sed inférior non est, qui quamvis corpore multa in terra sustíneat, corde tamen fixus in cælo est.

R. In médio Ecclésiæ apérui os ejus,
* Et implévit eum Dóminus spíritu sapiéntiæ et intelléctus.

V. Jucunditatem et exultatióne thesaurizávit super eum. Et implévit. Glória Patri. Et implévit.

Lectio ix.

Vos estis lumen mundi. Quómodo dixit supérius sal terræ, sic nunc dicit lumen mundi. Nam neque supérius ista terra accipiéndam est, quam pédibus corpóreis calcamus: sed homines, qui in terra hábitant, vel etiam peccatóres, quorum condiéndis et extinguéndis putóribus Apostólicum sallem Dóminus misit. Et hic mundum, non cælum et terram, sed homines qui sunt in mundo, vel díligunt mundum, opórtet intélligi, quibus illuminándis Apóstoli missi sunt. Non potest civitas abscóndi super montem pósita: id est, fundáta super insígnem magnámque justítiam, quam significat etiam ipse mons, in quo dísputat Dóminus.

Te Deum laudámus 13.

Alia Homilia.

Lectio sancti Evangélii secúndum Matthæum.

Lectio vii. Cap. 5. b.

In illo témpore: Dixit Jesus discipulis suis: Vos estis sal terræ. Quod si sal evanúerit, in quo saliétur? Et reliqua.

Homilia Sancti Hilárii Epíscopi.

Comment. in Matth. cap. 4.

Vos estis sal terræ: quod si sal infatuátum fúerit, ad níhilum valet id quod saliétur. Sal, ut árbitor, ter-

ræ nullum est. Quómodo ergo Apóstolos sal terræ nuncupávit? Sed proprietas est quærénda dictórum, quam et Apostolórum officium, et ipsius salis natúra monstrábit. Sal est in se uno cóntinens aquæ et ignis eleméntum, et hoc ex duóbus est unum.

Pro Doctore Pontifice.

R. Amávit eum Dóminus, et ornávit eum: stolam glóriæ índuit eum, * Et ad portas paradísi coronávit eum.

V. Índuit eum Dóminus lorícam fidei, et ornávit eum. Et ad.

Pro Doctore non Pontifice.

R. Iste est qui ante Deum magnas virtútes operátus est, et de omni corde suo laudávit Dóminum: * Ipse intercédit pro peccátis ómnium populórum. V. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viii.

Hic igitur in omnem usum humáni géneris efféctus, incorruptiόnem corpóribus, quibus fúerit aspérsus, impértit, et ad omnem sénsu condíti sapóris aptíssimus est. Apóstoli autem sunt rerum cœléstium prædicatóres, et æternitátis velut satóres, immortalitatem ómnibus corpóribus, quibus eórum sermo aspérsus fúerit, conferéntes. Mérito igitur sal terræ nuncupáti sunt, per doctrínæ virtútem saliéndi modo æternitáti corpóra reservántes.

R. In médio Ecclésiæ apérui os ejus,
* Et implévit eum Dóminus spíritu sapiéntiæ et intelléctus.

V. Jucunditatem et exultatióne thesaurizávit super eum. Et implévit. Glória Patri. Et implévit.

Lectio ix.

Sed natúra salis semper éadem est, nec immutári unquam potest. Verum quia conversiόni homo súbjacet, et solus beátus, qui usque ad finem

in ómnibus Dei opéribus permánse-
rit: ideo eos sal terræ nuncupátos
monet in tráditæ sibi potestátis vir-
túte persístere, ne infatuáti nihil sá-
liant: et ipsi, sensu accépti sapóris
amisso, vivificáre corrúpta non pos-
sint; et projécti de Ecclesiæ promp-
tuáriis, cum his quos salserint pédi-
bus incedéntium proterántur.

Te Deum laudámus 13.

Alia Homilia.

Lectio sancti Evangélii secúndum
Matthæum.

Lectio vii. Cap. 5. b.

IN illo témpore: Dixit Jesus discipu-
lis suis: Vos estis sal terræ. Quod
si sal evanúerit, in quo saliétur? Et
réliqua.

Homilia Sancti Joánnis Chrysóstomi.

Homilia 15. in Matth. sub med.

Atténdite quid díxerit, Vos estis
sal terræ: per quod osténdit, quam
necessário ista præcípiat. Non enim
de vestra, inquit, tantúmmodo vita,
sed de unívsero orbe vobis ratio red-
déndá est. Non ad duas quippe ur-
bes, aut decem, aut vigínti, neque ad
unam gentem vos mitto, sicut mitté-
bam Prophétas: sed ad omnem ter-
ram prorsus ac mare, totúmque mun-
dum, et hunc váriis criminíbus op-
préssum.

Pro Doctore Pontifice.

R. Amávit eum Dóminus, et ornávit
eum: stolam glóriæ índuit eum, * Et
ad portas paradísi coronávit eum.

V. Índuit eum Dóminus lorícam fidei,
et ornávit eum. **E**t ad.

Pro Doctore non Pontifice.

R. Iste est qui ante Deum magnas
virtútes operátus est, et de omni corde
suo laudávit Dóminum: * Ipse intercéd-
dat pro peccátis ómnium populórum.

V. Ecce homo sine queréla, verus Dei
cultor, ábstinens se ab omni ópere
malo, et pérmanens in innocéntia sua.
Ipse.

Lectio viii.

Dicéndo enim, Vos estis sal terræ:
osténdit unívseram hóminum in-
fatuátam esse natúram, et peccató-
rum vi corrúptam: et idcírco illas ab
eis virtútes requírit, quæ máxime ad
multórum salútem procurándam ne-
cessáriæ sunt atque útiles. Nam qui
mansuétus est ac modéstus, et misé-
ricors et justus, non intra se tantúm-
modo hæc recte facta conclúdit, ve-
rum in aliórum quoque utilitátem præ-
cláros hos fáciat effluere fontes. Igitur
qui corde mundo est atque pacíficus,
et persecutióne pro veritáte pátitur,
nihilóminus in commúne cómodum
vitam instítuit.

R. In médio Ecclesiæ apérui os ejus,
* Et implévit eum Dóminus spírítu
sapiéntiæ et intelléctus.


V. Jucunditátem et exultatióne the-
saurizávit super eum. **E**t implévit.

Glória Patri. **E**t implévit.

Lectio ix.

NE igitur putétis, inquit, ad lévia
vos ducéndos esse certámina,
neque exigúarum rerum vobis ineún-
dam esse ratióne. Vos estis sal
terræ. Quid igitur? Ipsíne putrefácta
medicáti sunt? Nequáquam: neque
enim fieri potest, ut ea, quæ jam cor-
rúpta sunt, salis perfricatióne repa-
réntur. Non ergo hoc fecérunt, sed
ante renováta, sibíque trádicta, atque
ab illa jam putrédine liberáta, asper-
gébant sale, et in ea novitáte conser-
vábant, quam a Dómino suscepérant.
Liberáre quippe a putrédine pecca-
tórum, Christi virtútis est: ut autem
ad illa íterum non revertántur, Apos-
tolórum curæ est ac labóris.

Te Deum laudámus. 13.



Commune Confessoris non Pontificis.

AD VESPERAS.

*Antiph. to. 1. f. Dómine quinque ta-
lénta. ut infra ad Laudes. [86]*

*Psalmus. Dixit Dóminus. cum reli-
quis de Communi Apostolorum. [2]*

Capitulum. *Eccli. 31.*

BEátus vir, qui invéntus est sine
mácula: et qui post aurum non
ábiit, nec sperávit in pecúnia et the-
sáuris. Quis est hic, et laudábimus
eum? fecit enim mirabília in vita sua.

Hymnus.

Iste Conféssor Dómini, coléntes
Quem pie laudant pópuli per orbem,
Hac die lætus méruit beátas
Scándere sedes.

Si non est dies obitus, dicatur:
Hac die lætus méruit suprémos
Laudis honóres.

Qui pius, prudens, húmilis, pudícus,
Sóbriam duxit sine labe vitam,
Donec húmanos animávit auræ
Spíritus artus.

Cujus ob præstans méritum, fre-
quénter
Ægra, quæ passim jacuére membra,
Víribus morbi dómitis, salúti
Restituúntur.

Noster hinc illi Chorus obsequéntem
Cóncinit laudem, celebrésque pal-
mas;

Ut piis ejus précibus juvémur
Omne per ævum.

Sit salus illi, decus, atque virtus,
Qui super cœli sólio corúscans,
Totius mundi sériem gubérnat
Trinus, et unus. Amen.

V. Amávit eum Dóminus, et ornávit
eum.

R. Stolam glóriæ induit eum.

Ad Magnificat, Antiphona, to. 2.

Similábo eum viro sapiénti, qui ædi-
ficávit domum suam supra petram.

Oratio.

DEus, qui nos beát*N.* Confessóris
tui ánnua solemnitáte lætíficas:
concéde propítius; ut ejus natalítia
cólimus, étiam actiónes imitémur.
Per Dóminum.

Alia Oratio.

ADesto, Dómine, supplicatióibus
nostris, quas in beát*N.* Confes-
sóris tui solemnitáte deférimus; ut
qui nostræ justítiae fidúciā non ha-
bémus, ejus, qui tibi plácuīt, précibus
adjuvémur. Per Dóminum.

Si fuerit Abbas

Oratio.

Intercéssio nos, quæsumus, Dómine,
beát*N.* Abbátis comméndet: ut
quod nostris méritis non valémus,
ejus patrocínio assequámur. Per Dó-
minum.

AD MATUTINUM.

Invitatorium. Regem Confessó-
rum Dóminum, * Veníte, adorémus.

Psalmus. Veníte, exultémus. 2.

Hymnus. Iste Conféssor. *ut supra.*

IN I. NOCTURNO.

Antiph. to. 3. r. Beátus vir, qui in
lege Dómini meditátur: volúntas ejus
pérmanet die ac nocte, et ómnia
quæcúmque fáciēt, semper prospe-
rabúntur.

Psalmus 1.

BEátus vir, qui non ábiit in consílio
impiórum, et in via peccatórum
non stetit, * et in cáthedra pestilén-
tiæ non sedit.

Sed in lege Dómini volúntas ejus, * et
in lege ejus meditábitur die ac nocte.
Et erit tamquam lignum, quod plan-
tátum est secus decúrsus aquárum,
* quod fructum suum dabit in tém-
pore suo:

Et fólium ejus non défluet: * et ómnia
quæcúmque fáciēt, prosperabúntur.

Non sic ímpii, non sic: * sed tamquam pulvis, quem prójicit ventus a fácie terræ.

Ideo non resúrgent ímpii in iudício: * neque peccatóres in concílio justórum.

Quóniam novit Dóminus viam justórum: * et iter impiórum peribit.

Antiph. Beátus vir, qui in lege Dómini meditátur: volúntas ejus permanet die ac nocte, et ómnia quaecúmque fáciat, semper prosperabúntur.

Antiph. to. 1. f. Beátus iste sanctus, qui confisus est in Dómino, prædicávit præceptum Dómini, constitútus est in monte sancto ejus.

Psalmus 2.

Quare fremuérunt Gentes, * et pópuli meditáti sunt inánia?

*A*stitérunt reges terræ, et príncipes convenérunt in unum * advérsus Dóminum, et advérsus Christum ejus.

*D*irumpámus víncula eórum: * et projiciámus a nobis jugum ipsórum.

*Q*ui hábitat in coelis irridébit eos, * et Dóminus subsannábit eos.

*T*unc loquétur ad eos in ira sua: * et in furóre suo conturbábit eos.

*E*go autem constitútus sum Rex ab eo super Sion montem sanctum ejus, * prædicans præceptum ejus.

*D*óminus dixit ad me: * Fílius meus es tu, ego hódie génui te.

*P*óstula a me, et dabo tibi Gentes hæreditátem tuam, * et possessiónem tuam términos terræ.

*R*eges eos in virga férrea, * et tamquam vas figuli confrínges eos.

*E*t nunc, reges, intelligite: * erudímini qui iudicátis terram.

*S*ervíte Dómino in timóre: * et exultáte ei cum tremóre,

*A*pprehéndite disciplínam, nequándo irascátur Dóminus, * et pereátis de via justa.

*C*um exárserit in brevi ira ejus: * beáti omnes, qui confidunt in eo.

Antiph. Beátus iste sanctus, qui confisus est in Dómino, prædicávit præceptum Dómini, constitútus est in monte sancto ejus.

Antiph. to. 8. Tu es glória mea, tu es suscéptor meus, Dómine: tu exáltans caput meum, et exaudísti me de monte sancto tuo.

Psalmus 3.

Domine, quid multiplicáti sunt qui trébulant me? * multi insúrgunt advérsus me.

*M*ulti dicunt ánimæ meæ: * Non est salus ipsi in Deo ejus.

*T*u autem, Dómine, suscéptor meus es, * glória mea, et exáltans caput meum.

*V*oce mea ad Dóminum clamávi: * et exaudívit me de monte sancto suo.

*E*go dormívi, et soporátus sum: * et exurréxi, quia Dóminus suscepit me.

*N*on timébo míllia pópuli circumdántis me: * exúrge, Dómine, salvum me fac, Deus meus.

*Q*uóniam tu percussísti omnes advérsantes mihi sine causa: * dentes peccatórum contrivísti.

*D*ómini est salus: * et super pópulum tuum benedíctio tua.

Antiph. Tu es glória mea, tu es suscéptor meus, Dómine: tu exáltans caput meum, et exaudísti me de monte sancto tuo.

V. Amávit eum Dóminus, et ornávit eum.

R. Stulam glóriæ induit eum.

*P*ater noster.

Absolutio. Exáudi, Dómine.

V. Jube, domne, benedícere.

Benedictio. Benedicţióne perpétua.

De libro Sapiéntiæ.

Lectio i.

Cap. 4. b. et 5.

Justus si morte præoccupátus fuerit, in refrigerio erit. Senéctus enim venerábilis est, non diutúrna, neque annórum número computáta: cani autem sunt sensus hómínis, et

ætas senectutis vita immaculata. Placens Deo factus est dilectus, et vivens inter peccatores translatus est. Raptus est, ne malitia mutaret intellectum ejus, aut ne fictio deciperet animam illius. Fascinatio enim nugacitatis obscurat bona, et inconstantia concupiscentiæ transvertit sensum sine malitia. Consummatus in brevi explévit tempora multa: placita enim erat Deo anima illius: propter hoc properavit educere illum de medio iniquitatum.

R. Euge, serve bone et fidelis, quia in pauca fuisti fidelis, supra multa te constituam: * Intra in gaudium Domini tui.

V. Domine, quinque talenta tradidisti mihi, ecce alia quinque superlucratus sum. **Intra.**

Benedictio. Unigenitus Dei Filius.

Lectio ii.

Populi autem videntes, et non intelligentes, nec ponentes in precordiis talia: quoniam gratia Dei, et misericordia est in sanctos ejus, et respectus in electos illius. Condamnat autem justus mortuus vivos impios, et juvenis celarius consummata longam vitam injusti. Videbunt enim finem sapientis, et non intelligent quid cogitaverit de illo Deus, et quare munierit illum Dominus. Videbunt et contemnunt eum: illos autem Dominus irridébit. Et erunt post hæc decidentes sine honore, et in contumelia inter mortuos in perpetuum: quoniam dirumpet illos inflatos sine voce, et commovebit illos a fundamentis, et usque ad supremum desolabuntur.

R. Justus germinabit sicut lilium, * Et florebit in æternum ante Dominum.

V. Plantatus in domo Domini, in atriis domus Dei nostri. **Et florebit.**

Benedictio. Spiritus sancti gratia.

Lectio iii.

Et erunt gementes, et memoria illorum peribit. Venient in cognitione peccatorum suorum timidi, et traducunt illos ex adverso iniquitates ipsorum. Tunc stabunt justi in magna constantia adversus eos, qui se angustiarunt, et qui abstulerunt labores eorum. Videntes turbabuntur timore horribili, et mirabuntur in subitane insperata salutis, dicentes intra se, poenitentiam agentes, et præ angustia spiritus gementes: Hi sunt, quos habuimus aliquando in derisum, et in similitudinem improprietatis. Nos insensati vitam illorum aestimabamus insaniam, et finem illorum sine honore: ecce quomodo computati sunt inter filios Dei, et inter sanctos sors illorum est.

R. Iste cognovit justitiam, et vidit mirabilia magna, et exoravit Altissimum: * Et inventus est in numero sanctorum.

V. Iste est qui contempsit vitam mundi, et pervenit ad celestia regna. **Et inventus.**

Gloria Patri. Et inventus.

IN II. NOCTURNO.

Antiph. to. 2. Invocantem exaudivit Dominus sanctum suum, Dominus exaudivit eum, et constituit eum in pace.

Psalmus 4.

Cum invocarem, exaudivit me Deus justitiæ meæ: * in tribulatione dilatasti mihi.

Miserere mei, * et exaudi orationem meam.

Filii hominum, usquequo gravi corde? * ut quid diligitis vanitatem, et queritis mendacium?

Et scitote quoniam mirificavit Dominus sanctum suum: * Dominus exaudiet me cum clamavero ad eum.

Irascimini, et nolite peccare: * quædicitis in cordibus vestris, in cubilibus vestris compungimini.

Sacrificate sacrificium iustitiæ, et sperate in Domino. * Multi dicunt: Quis ostendit nobis bona?

Signatum est super nos lumen vultus tui, Domine: * dedisti lætitiā in corde meo.

A fructu frumenti, vini, et olei sui * multiplicati sunt.

In pace in idipsum * dormiam, et requiescam;

Quoniam tu, Domine, singulariter in spe * constituisti me.

Antiph. Invocantem exaudivit Dominus sanctum suum, Dominus exaudivit eum, et constituit eum in pace.

Antiph. to. 8. Lætentur omnes, qui sperant in te, Domine: quoniam tu benedixisti justo, scuto bonæ voluntatis tuæ coronasti eum.

Psalmus 5.

Verba mea auribus percipe, Domine, * intellige clamorem meum.

Intende voci orationis meæ, * Rex meus, et Deus meus.

Quoniam ad te orabo: * Domine, mane exaudies vocem meam.

Mane astabo tibi, et videbo: * quoniam non Deus volens iniquitatem tu es.

Neque habitabit juxta te malignus: * neque permanebunt iniusti ante oculos tuos.

Odisti omnes, qui operantur iniquitatem: * perdes omnes, qui loquuntur mendacium.

Virum sanguinum, et dolosum abominabitur Dominus: * ego autem in multitudine misericordiæ tuæ,

Introibo in domum tuam: * adorabo ad templum sanctum tuum in timore tuo.

Domine, deduc me in iustitia tua: * propter inimicos meos dirige in conspectu tuo viam meam.

Quoniam non est in ore eorum veritas: * cor eorum vanum est.

Sepulchrum patens est guttur eorum, linguis suis dolose agebant, * iudica illos, Deus.

Decidant a cogitationibus suis, secundum multitudinem impietatum eorum expelle eos: * quoniam irritaverunt te, Domine.

Et lætentur omnes, qui sperant in te: * in æternum exultabunt, et habitabis in eis.

Et gloriabuntur in te omnes, qui desolant nomen tuum: * quoniam tu benedices justo.

Domine, ut scuto bonæ voluntatis tuæ * coronasti nos.

Antiph. Lætentur omnes, qui sperant in te, Domine: quoniam tu benedixisti justo, scuto bonæ voluntatis tuæ coronasti eum.

Antiph. to. 1. 1. Domine, Dominus noster, quam admirabile est nomen tuum in universa terra! quia gloria et honore coronasti sanctum tuum, et constituisti eum super opera manuum tuarum.

Psalmus 8.

Domine Dominus noster, * quam admirabile est nomen tuum in universa terra!

Quoniam elevata est magnificentia tua * super cælos.

Ex ore infantium et lactentium perfecisti laudem propter inimicos tuos, * ut destruas inimicum et ultorem.

Quoniam videbo cælos tuos, opera digitorum tuorum: * lunam et stellas, quæ tu fundasti.

Quid est homo, quod memor es ejus? * aut filius hominis, quoniam visitas eum?

Minuisti eum paulo minus ab Angelis, gloria et honore coronasti eum: * et constituisti eum super opera manuum tuarum.

Omnia subiecisti sub pēdibus ejus, * oves et boves univērsas, insuper et pēcora campi;

Volucres cœli, et pisces maris, * qui perāmbulant sēmitas maris.

Domine Dōminus noster, * quam admirābile est nomen tuum in univērsa terra!

Antiph. Dōmine, Dōminus noster, quam admirābile est nomen tuum in univērsa terra! quia glōria et honōre coronāsti sanctum tuum, et constituisti eum super ōpera mānuum tuārum.

V. Os justi meditābitur sapiēntiam.

R. Et lingua ejus loquētur judīcium.

Pater noster.

Absolutio. Ipsū pīetas.

V. Jube, domne, benedīcere.

Benedictio. Deus Pater omnīpotens.
Sermo Sancti Joānnis Chrysostomi.

In Orat. de S. Philogonio, tom. 3.

Lectio iv.

BEāti **N.** dies, cujus festivitatem celebrāmus, ad ipsū recte factōrum enarrationem linguam nostram evocāvit: siquidem hōdie beātus iste ad tranquillam, omnīque perturbationis expētem vitam trāsiit: eoque navīgium āppulit, ubi deinceps non pōterit metuere naufrāgium, nec ullam ānīmi perturbationem, aut dōlōrem. Et quid mirum est, si locus ille purus est ab omni molēstia ānīmi, cum Paulus homīnibus adhuc in hac vita degētibz loquens dicat: Semper gaudēte, sine intermissione orāte?

R. Honēstum fecit illum Dōminus, et custodīvit eum ab inimīcis, et a seductōribz tutāvit illum: * Et dedit illi claritatem aeternam.

V. Justum dedūxit Dōminus per vias rectas, et ostēdit illi regnum Dei. Et dedit.

Benedictio. Christus perpētuae.

Lectio v.

Quod si hic, ubi morbi, ubi insectationes, ubi prēmaturae mortes,

ubi calūmniæ, ubi invīdiæ, ubi perturbationes, ubi iræ, ubi cupiditates, ubi innumerābiles insīdiæ, ubi quotidianæ sollicitūdines, ubi perpētua sibi que succedētia mala sunt, innūmeros ex omni parte dōlōres afferētia, Paulus dixit fieri posse ut semper gaudeāmus, si quis paululum ex rerum mundanārum fluctibus erēxerit caput, vitāque suam recte composuerit: multo magis, postquam hinc demigraverimus, facile cōmpotes erimus ejus boni, cum hæc ōmnia sublata fuerint, adversa valetudo, morbi, peccādi materia, ubi non est meum ac tuum, frīgidum illud verbum, et quidquid est malōrum in vitam nostram invehens, innumerāque gignens bella.

R. Amāvit eum Dōminus, et ornāvit eum: stolam glōriæ induit eum, * Et ad portas paradīsi coronāvit eum.

V. Induit eum Dōminus lorīcam fīdei, et ornāvit eum. Et ad portas.

Benedictio. Ignem sui amoris.

Lectio vi.

Quāmobrem maximōpere grātulor hujus Sancti felicitāti, quod, quamquam translātus est, atque hanc, quæ apud nos est, civitatem, reliquit, tamen in alteram adscriptus est civitatem, nempe Dei: et digressus ab hac Ecclesia, ad illam pervēnit, quæ est primogenitorum descriptorum in cœlis: ac relictis hisce festis, trāsiit ad celebritatem Angelōrum. Etenim quod et civitas sursum sit, et Ecclesia, et celēbritas, audi Paulum dicentem: Accessistis ad civitatem Dei vivētis, Jerūsalem cœlestem, et Ecclesiam primitivōrum, qui conscripti sunt in cœlis, et ad multōrum mīllium Angelōrum frequentiam.

R. Iste homo perfecit ōmnia, quæ locutus est ei Deus, et dixit ad eum: Ingrēdere in requiem meam: * Quia te vidi justum coram me ex ōmnibus Gētibz.

V. Iste est qui contempsit vitam mundi, et pervenit ad cœlestia regna. Quia te. Glória Patri. Quia te.

IN III. NOCTURNO.

Antiph. to. 8. Dómine, iste sanctus habitábit in tabernáculo tuo, operátus est justítiam, requiescet in monte sancto tuo.

Psalmus 14.

Domine, quis habitábit in tabernáculo tuo? * aut quis requiescet in monte sancto tuo?

Qui ingreditur sine mácula, * et operátur justítiam:

Qui lóquitur veritátem in corde suo, * qui non egit dolum in lingua sua:

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus: * tímētes autem Dóminum glórficat:

Qui jurat próximo suo, et non decipit, * qui pecúniám suam non dedit ad usúram, et múnēra super innocentem non accépit.

Qui facit hæc, * non movébitur in ætérnum.

Antiph. Dómine, iste sanctus habitábit in tabernáculo tuo, operátus est justítiam, requiescet in monte sancto tuo.

Antiph. to. 8. Vitam pétiiit a te, et tribuísti ei, Dómine: glóriam et magnum decórem imposuísti super eum: posuísti in cápite ejus corónam de lápide pretiósó.

Psalmus 20.

Domine, in virtúte tua lætábitur rex: * et super salutáre tuum exultábit veheménter.

Desidérium cordis ejus tribuísti ei: * et voluntáte labiórū ejus non fraudásti eum.

Quóniam prævenísti eum in benedictiónibus dulcédinis: * posuísti in cápite ejus corónam de lápide pretiósó.

Vitam pétiiit a te: * et tribuísti ei longitúdinem diérū in sœculum, et in sœculum sœculi.

Magna est glória ejus in salutári tuo: * glóriam et magnum decórem impónes super eum.

Quóniam dabis eum in benedictiónem in sœculum sœculi: * lætificábis eum in gáudio cum vultu tuo.

Quóniam rex sperat in Dómino: * et in misericórdia Altíssimi non commovébitur.

Inveniátur manus tua ómnibus inimícis tuis: * dextera tua invéniat omnes, qui te odérunt.

Pones eos ut clíbanum ignis in témpore vultus tui: * Dóminus in ira sua conturbábit eos, et devorábit eos ignis.

Fructum eórum de terra perdes, * et semen eórum a fíliis hóminum.

Quóniam declinavérunt in te mala: * cogitavérunt consília, quæ non potuérunt stabilíre.

Quóniam pones eos dorsum: * in reliquiis tuis præparábis vultum eórum.

Exaltáre, Dómine, in virtúte tua: * cantábitus et psallémus virtútes tuas.

Antiph. Vitam pétiiit a te, et tribuísti ei, Dómine: glóriam et magnum decórem imposuísti super eum: posuísti in cápite ejus corónam de lápide pretiósó.

Antiph. to. 7. r. Hic accípiet benedictiónem a Dómino, et misericórdiam a Deo salutári suo: quia hæc est generátio quæréntium Dóminum.

Psalmus 23.

Domini est terra, et plenitúdo ejus: * orbis terrárum, et univérsi qui habitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiõnem a Dómino: * et misericórdiam a Deo salutári suo.

Hæc est generatio quærentium eum, * quærentium faciẽm Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Antiph. Hic accípiet benedictiõnem a Dómino, et misericórdiam a Deo salutári suo: quia hæc est generatio quærentium Dóminum.

V. Lex Dei ejus in corde ipsíus.

R. Et non supplantabúntur gressus ejus. Pater noster.

Absolutio. A vínculis.

V. Jube, domne, benedícere.

Benedictio. Evangélica léctio.

Léctio sancti Evangélii secúndum Lucam.

Lectio vii.

Cap. 12. e.

IN illo témpore: Dixit Jesus discí-
pulis suis: Sint lumbi vestri præ-
cincti, et lucernæ ardéntes in máni-
bus vestris. Et réliqua.

Homília Sancti Gregórii Papæ.

Homilia 13. in Evangelia.

SAncti Evangélii, fratres charíssimi, apérta vobis est léctio recitata. Sed ne alíquibus ipsa ejus planities alta fortásse videátur, eam sub brevitate transcúrrimus, quátenus ejus expositio ita nesciéntibus fiat cõgnita, ut tamen sciéntibus non sit onerosa. Dóminus dicit: Sint lumbi vestri præcincti. Lumbos enim præcingimus, cum carnis luxúriam per continéntiam coarctámus. Sed quia minus est mala non ágere, nisi étiam quisque stúdeat et bonis opéribus insu-

dare, prótinus ádditur: Et lucernæ ardéntes in mánibus vestris. Lucernas quippe ardéntes in mánibus tenémus, cum per bona ópera próximis nostris lucis exémpa monstrámus. De quibus profécto opéribus Dóminus dicit: Lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cœlis est.

R. Iste est qui ante Deum magnas virtútes operátus est, et de omni corde suo laudávit Dóminum: * Ipse intercédat pro peccátis ómnium populórum.

V. Ecce homo sine queréla, verus Dei cultor, ábstinens se ab omni ópere malo, et pérmanens in iñocéntia sua. Ipse.

Benedictio. Cujus festum cólimus.

Lectio viii.

DUo autem sunt, quæ jubéntur, et lumbos restríngere, et lucernas tenere: ut et mundítia sit castitátis in córpore, et lumen veritátis in operatione. Redemptóri etenim nostro unum sine áltero placére nequáquam potest: si aut is, qui bona agit, adhuc luxúriæ inquináménta non déserit: aut is, qui castitáte præémínet, necdum se per bona ópera exércet. Nec cástitas ergo magna est sine bono ópere, nec opus bonum est aliquid sine castitáte. Sed et si utrúmque ágitur, restat, ut quisquis ille est, spe ad supérnam pátriam tendat, et nequáquam se a vitiis pro mundi hujus honestáte contíneat.

R. Sint lumbi vestri præcincti, et lucernæ ardéntes in mánibus vestris: * Et vos símiles homínibus expectántibus dóminum suum, quando revertátur a núptiis.

V. Vigilate ergo, quia nescitis, qua hora Dóminus vester ventúrus sit. Et vos. Glória Patri. Et vos.

Benedictio. Ad societátem.

Lectio ix.

ET vos símiles homínibus expec-
tántibus dómīnum suum, quando
revertátur a nuptiis: ut, cum vénerit
et pulsáverit, conféstim apériant ei.
Venit quippe Dóminus, cum ad judí-
cium próperat: pulsat vero, cum jam
per ægritúdinis moléstias esse mor-
tem vicinam désignat. Cui conféstim
aperímus, si hunc cum amóre suscí-
pimus. Aperíre enim júdici pulsánti
non vult, qui exíre de córpore trépi-
dat: et vidére eum, quem contemp-
sísse se méminit, júdicem formídat.
Qui autem de sua spe et operatióne
secúrus est, pulsánti conféstim áperit,
quia lætus júdicem sústinet: et cum
tempus propínquæ mortis advénerit,
de glória retributiónis hilaréscit.

Te Deum laudámus. 13.

**AD LAUDES
ET PER HORAS.**

Antiph. to. 1. f. Dómine, quinque
talénta tradidisti mihi: ecce ália quin-
que superlucrátus sum.

Psalmus. Dóminus regnávit. cum
reliquis. 14.

Antiph. to. 1. Euge, serve bone, in
módico fidélis, intra in gáudium Dó-
mini tui.

Antiph. to. 3. Fidélis servus et pru-
dens, quem constituit Dóminus super
famíliam suam.

Antiph. to. 7. r. Beátus ille servus,
quem cum vénerit Dóminus ejus, et
pulsáverit jánuam, invénerit vigi-
lántem.

Antiph. to. 7. f. Serve bone et fidé-
lis, intra in gáudium Dómini tui.

Capitulum. Eccli. 31.

BEátus vir, qui invéntus est sine
mácula: et qui post aurum non
ábiit, nec sperávit in pecúnia et the-
sáuris. Quis est hic, et laudábimus
eum? fecit enim mirábilia in vita sua.

Hymnus.

Jesu coróna célsior,
Et véritas sublímior,
Qui confiténti sérvulo
Reddis perénne præmium.
Da supplicánti cétui,
Hujus rogátu, nóxii
Remissióne críminis,
Rumpéndo nexum vínculi.
Anni revérso témpore,
Dies refúlsit lúmīne,
Quo Sanctus hic de córpore
Migrávit inter sídera.
Hic vana terræ gáudia,
Et luculénta prædia,
Pollúta sorde députans,
Ovans tenet cœléstia.
Te, Christe, Rex piíssime,
Hic confiténdo júgiter,
Calcávit artes dæmonum,
Sævúmque avérni princípem.
Virtúte clarus et fide,
Confessióne sédulus,
Jejúna membra déferens,
Dapes supérnas óbtinet.
Proínde te, piíssime,
Precámur omnes súpplīces,
Nobis ut hujus grátia
Pœnas remíttas débitas.
Patri perénis glória,
Natóque Patris único,
Sanctóque sit Paráclito
Per omne semper sæculum.
Amen.

V. Justum dedúxit Dóminus per vias
rectas.

R. Et osténdit illi regnum Dei.

Ad Benedictus, Antiphona, to. 1. r.
Euge, serve bone et fidélis, quia in
pauca fuísti fidélis, supra multa te
constítuam, intra in gáudium Dó-
mini tui.

Oratio.

DEus, qui nos beátī N. Confessóris
tui ánnua solemnitáte lætíficas:
concéde propítius; ut cujus natalítia
cólimus, étiam actiões imitémur. Per
Dóminum.

Alia Oratio.

A Désto, Dómine, supplicatióibus nostris, quas in beáti **N.** Confessoris tui solemnitáte deférimus; ut qui nostræ justitiæ fidúciā non habémus, ejus qui tibi plácuit, précibus adjuvémur. Per Dóminum.

Si fuerit Abbas

Oratio.

Intercéssio nos, quásumus, Dómine, beáti **N.** Abbátis comméndet: ut, quod nostris méritis non valémus, ejus patrocínio assequámur. Per Dóminum.

Ad Tertiam.

Antiph. to. 1. Euge, serve bone.

Capitulum.

Eccli. 31.

Beatús vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua.

R. br. Amávit eum Dóminus, * Et ornávit eum. Amávit.

V. Stolum glóriæ índuit eum. Et ornávit. Glória Patri. Amávit.

V. Os justi meditábitur sapiéntiam.

R. Et lingua ejus loquétur judícium.

¶ Tempore Paschali, ad Tertiam,

R. br. Amávit eum Dóminus, et ornávit eum, * Allelúja, allelúja. Amávit.

V. Stolum glóriæ índuit eum. Allelúja, allelúja.

Glória Patri. Amávit.

V. Os justi meditábitur sapiéntiam, allelúja.

R. Et lingua ejus loquétur judícium, allelúja.

Ad Sextam.

Antiph. to. 3. Fidélis servus.

Capitulum.

Eccli. 39.

Justus cor suum trádidit ad vigilándum dilúculo ad Dóminum, qui

fecit illum, et in conspéctu Altíssimi deprecábitur.

R. br. Os justi * Meditábitur sapiéntiam. Os justi.

V. Et lingua ejus loquétur judícium. Meditábitur. Glória Patri. Os justi.

V. Lex Dei ejus in corde ipsíus.

R. Et non supplantabúntur gressus ejus.

¶ Tempore Paschali, ad Sextam,

R. br. Os justi meditábitur sapiéntiam, * Allelúja, allelúja. Os justi.

V. Et lingua ejus loquétur judícium. Allelúja, allelúja.

Glória Patri. Os justi.

V. Lex Dei ejus in corde ipsíus, allelúja.

R. Et non supplantabúntur gressus ejus, allelúja.

Ad Nonam.

Antiph. to. 7. f. Serve bone.

Capitulum.

Sap. 10. b.

Justum dedúxit Dóminus per vias rectas, et osténdit illi regnum Dei, et dedit illi sciéntiam sanctórum: honestávit illum in labóribus, et complévit labóres illíus.

R. br. Lex Dei ejus * In corde ipsíus. Lex Dei.

V. Et non supplantabúntur gressus ejus. In corde. Glória Patri. Lex Dei.

V. Justum dedúxit Dóminus per vias rectas.

R. Et osténdit illi regnum Dei.

¶ Tempore Paschali, ad Nonam,

R. br. Lex Dei ejus in corde ipsíus, * Allelúja, allelúja. Lex Dei.

V. Et non supplantabúntur gressus ejus. Allelúja, allelúja.

Glória Patri. Lex Dei.

V. Justum deduxit Dóminus per vias rectas, allelúja.

R. Et osténdit illi regnum Dei, allelúja.

Ad Vesperas.

Antiph. to. 1. f. Dómine, quinque talénta. **cum reliquis de Laud. [86]**

Psalmi, Capit. et Hymnus ut in primis Vesperis. [79]

V. Justum deduxit Dóminus per vias rectas.

R. Et osténdit illi regnum Dei.

Ad Magnificat, Antiphona, to. 8.

Hic vir despiciens mundum et terrena, triumphans, divítias cœlo condidit ore, manu.

Si occurrat celebrari Festum plurium Confessorum non Pontificum, Officium fit ut supra: sed in Oratione et Sermone, quæ habentur in singulari, dicantur in plurali.

oratio

**Aliæ Lectiones
pro Confessore non Pontifice.**

IN I. NOCTURNO.

De libro Ecclesiastici.

Lectio i. Cap. 31.

Beatús vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo, et perféctus est, erit illi glória æténa: qui pótuit tránsgridi, et non est tránsgréssus; fácere mala, et non fecit: ideo stabi- líta sunt bona illús in Dómino, et eleemósynas illús enarrábit omnis Ecclésia sanctórum.

R. Euge, serve bone et fidélis, quia in pauca fuísti fidélis, supra multa te constitúam: * Intra in gáudium Dómini tui.

V. Dómine, quinque talénta tradidísti mihi, ecce ália quinque superlucrátus sum. **Intra.**

Lectio ii. Cap. 32. c. et 33.

Qui timet Dóminum, excípiet doctrínam ejus: et qui vigiláverint ad illum, invénient benedictiónem. Qui quærit legem, replébitur ab ea: et qui insidióse agit, scandalizábitur in ea. Qui timent Dóminum, invénient judícium justum, et justítias quasi lumen accéndent. Qui credit Deo, atténdit mandátis: et qui confídit in illo, non minorábitur. Timénti Dóminum non occúrrerent mala, sed in tentatióné Deus illum conservábit, et liberábit a malis. Sápiens non odit mandáta et justítias, et non illidétur quasi in procélla navis. Homo sensátus credit legi Dei, et lex illi fidélis.

R. Justus germinábit sicut kílium: * Et florébit in ætérnum ante Dóminum.

V. Plantátus in domo Dómini, in átriis domus Dei nostri. **Et florébit.**

Lectio iii. Cap. 34. b.

Spíritus timéntium Deum quæritur, et in respéctu illús benedicétur. Spes enim illórum in salvántem illos, et óculi Dei in diligéntes se. Qui timet Dóminum nihil trepidábit, et non pavébit: quóniam ipse est spes ejus. Timéntis Dóminum beáta est ánima ejus. Ad quem réspicit, et quis est fortitúdo ejus? Oculi Dómini super timéntes eum, protéctor poténtiæ, firmaméntum virtútis, tégimen ardóris, et umbráculum meridiáni, deprecátio offensiónis, et adjutórium casus, exáltans ánimam, et illúminans óculos, dans sanitátem, et vitam, et benedictiónem.

R. Iste cognóvit justítiam, et vidit mirabília magna, et exorávit Altíssimum: * Et invéntus est in número sanctórum.

V. Iste est qui contémpsit vitam mundi, et pervénit ad cœléstia regna. **Et invéntus.**

Glória Patri. Et invéntus.

IN II. NOCTURNO.

Ex libro Morálíum S. Gregórii Papæ.

Lib. 10. cap. 16. in cap. 12. Job.

Lectio iv.

DEridétur justí simplicitas. Hujus mundi sapiéntia est, cor machinátionibus tégere, sensum verbis veláre; quæ falsa sunt, vera osténdere; quæ vera sunt, falsa demonstráre. Hæc nimírum prudéntia usu a juvenibus scitur, hæc a púeris pretio discitur: hanc qui sciunt, céteros despicíendo supérbiunt: hanc qui nesciunt, subjeçti et tímidi in aliis mirántur: quia ab eis hæc eadem duplicitatís iníquitas nómine palliáta dilígitur, dum mentis pervérsitas urbánitas vocátur. Hæc sibi obsequéntibus præcipit honórum cúlmina quærere, adépta tempóralis glóriæ vanitate gaudere, irrogáta ab aliis mala multiplicius réddere: cum vires suppetunt, nullis resistentibus cedere: cum virtútis possibilitas deest, quidquid explére per malítiam non valent, hoc in pacífica bonitate simuláre.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

AT contra, sapiéntia justórum est: nil per ostensiónem fingere, sensum verbis aperíre, vera ut sunt dilígere, falsa devitáre, bona gratis exhibére, mala libéntius toleráre, quam fácere: nullam injúriæ ultiónem quærere, pro veritate contuméliam lucrum putáre. Sed hæc justórum simplicitas deridétur: quia ab hujus mundi sapiéntibus puritátis virtus fatúitas créditur. Omne enim quod innocénter ágitur, ab eis proculdúbio stultum putátur: et quidquid in ópere

Véritas ápprobat, carnáli sapiéntiæ fatuum sonat. Quid namque stúltius vidétur mundo, quam mentem verbis osténdere, nil cállida machinatióne simuláre, nullas injúriis contumélias réddere, pro maledicéntibus oráre, paupertátem quærere, posséssa relínquere, rapiénti non resistere, percutiénti álteram maxíllam præbère?

R. Amávit eum Dóminus, et ornávit eum: stolam glóriæ índuit eum: * Et ad portas paradísi coronávit eum.

V. Índuit eum Dóminus lorícam fidei, et ornávit eum. Et ad portas.

Lectio vi.

Cap. 17. post initium.

LAmpas contémpta apud cogitationes dívítum. Sæpe contíngit, ut eléctus quisque, qui ad ætérnam felicitátem dúcitur, contínua hic adversitate deprimátur: non hunc rerum abundántia fúlciat, non dignitátum glória honorábilem osténdat, nulla ei obsequéntium frequéntia suppetat, nulla hunc humánis óculis véstium pompa compónat: a cunctis vero despicábilis cernitur, et hujus mundi grátia indígnus æstimátur: sed tamen ante occúlti júdicis óculos virtútibus émicat, vitæ méritis corúscat: honorári méuit, despici non réfugit: corpus continéntia áfficit, sola in ánimo dilectióne pinguéscit: mentem semper ad patiéntiam præparat: et eréctus pro justítia, de percéptis contuméliis exúltat: afflictis ex corde compátitur, de bonórum prosperitatibus quasi de própriis lætátur, sacri verbi pábula in mente sollicitus rúminat, et inquisítus quódlibet éloqui duplíciter ignórat.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus Géntibus.

V. Iste est qui contempsit vitam mundi, et pervénit ad cœlestia regna. Quia. Glória Patri. Quia.

IN III. NOCTURNO.

Lectio sancti Evangelii secundum
Lucam.

Lectio vii.

Cap. 12. d.

IN illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

Homilia venerabilis Bedae Presbyteri.

Lib. 4. cap. 54. in Luc. 12.

Pusillum gregem electorum, vel ob comparationem maioris numeri reproborum, vel potius ob humilitatis devotionem nominat: quia videlicet Ecclesiam suam quantalibet numerositate jam dilatatam, tamen usque ad finem mundi humilitate vult crescere, et ad promissum regnum humilitate pervenire. Ideoque ejus labores blande consolatus, quam regnum Dei tantum quaerere praecipit, eidem regnum a Patre dandum complacita benignitate promittit.

R. Iste est qui ante Deum magnas virtutes operatus est, et de omni corde suo laudavit Dominum: * Ipse intercédât pro peccatis omnium populorum.

V. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viii.

Vendite quae possidetis, et date eleemosynam. Nolite, inquit, timere, ne propter regnum Dei militantibus hujus vitae necessaria desint: quin etiam possessa, propter eleemosynam vendite. Quod tunc digne fit, quando quis semel pro Domino, suis omnibus spretis, nihilominus post haec labore manuum, unde et victum transigere, et eleemosynam dare queat, operatur. Unde gloriatur Apostolus, dicens: Argentum et aurum, aut vestem nullius concupivi: ipsi scitis, quoniam ad ea, quae mihi opus

erant, et his qui mecum sunt, ministraverunt manus istae. Omnia ostendi vobis, quoniam sic laborantes oportet suscipere infirmos.

R. Sint lumbi vestri praecincti, et lucernae ardentes in manibus vestris: * Et vos similes hominibus expectantibus dominum suum, quando revertatur a nuptiis.

V. Vigilate ergo, quia nescitis, qua hora Dominus vester venturus sit. Et vos. Gloria Patri. Et vos.

Lectio ix.

Facite vobis sacculos, qui non veterascunt: eleemosynas videlicet operando, quarum merces in aeternum maneat. Ubi non hoc praeciptum esse putandum est, ut nil pecuniae reservetur a sanctis, vel suis scilicet, vel pauperum usibus suggerendae; cum et ipse Dominus, cui ministrabant Angeli, tamen ad informandam Ecclesiam suam loculos habuisse legatur, et a fidelibus oblata conservans, et suorum necessitatibus, aliisque indigentibus tribuens; sed ne Deo propter ista serviatur, et ob inopiae timorem justitia deseratur.

Te Deum laudamus. 13.

—✠—

Pro Abbatibus.

IN III. NOCTURNO.

Lectio sancti Evangelii secundum
Matthaeum.

Lectio vii.

Cap. 19. d.

IN illo tempore: Dixit Petrus ad Jesum: Ecce nos reliquimus omnia, et secuti sumus te: quid ergo erit nobis? Et reliqua.

Homilia Sancti Hieronymi Presbyteri.

Lib. 3. in Matth. cap. 19.

Grandis fiducia: Petrus piscator erat, dives non fuerat, cibos manu et arte quaerebat: et tamen loquitur

confidénter: Relíquimus ómnia. Et quia non súfficit tantum relínquere, jungit quod perféctum est: Et secúti sumus te. Fécimus quod jussísti: quid ígitur dabis nobis præmii? Jesus autem dixit illis: Amen dico vobis, quod vos qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israel. Non dixit: Qui reliquístis ómnia: hoc enim et Crates fecit philósophus, et multi álii divítias contempsérunt: sed, Qui secúti estis me: quod próprie Apostolorum est, atque credéntium.

R. Iste est qui ante Deum magnas virtútes operátus est, et de omni corde suo laudávit Dóminum: * Ipse intercédát pro peccátis ómnium populórum.

V. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse intercédát.

Lectio viii.

IN regeneratióne, cum séderit Fílius hóminis in sede majestátis suæ (quando et mórtui de corruptiÓne resurgént incorrupti) sedébitis et vos in sóliis judicántium, condemnántes duódecim tribus Israel: quia vobis credéntibus, illi crédere noluerunt. Et omnis qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam ætérnam possidébit. Locus iste cum illa senténtia cóngruit, in qua Salvátor lóquitur: Non veni pacem mittere, sed gládium. Veni enim separáre hóminem a patre suo, et matrem a filia, et nurum a socru: et inimíci hóminis doméstici ejus. Qui ergo propter fidem Christi, et prædicatiÓnem Evangélii, omnes affectus contémpserint, atque divítias

et sæculi voluptátes, isti céntuplum recípiant, et vitam ætérnam possidébunt.

R. Sint lumbi vestri præcíncti, et lucérnæ ardéntes in manibus vestris: * Et vos símiles homínibus expectántibus dóminum suum, quando revertátur a núptiis.

V. Vigilate ergo, quia nescitis, qua hora Dóminus vester ventúrus sit. Et vos. Glória Patri. Et vos.

Lectio ix.

EX occasiÓne hujus senténtiæ quidam introdúcunt mille annos post resurrectiÓnem, dicéntes, tunc nobis céntuplum ómnium rerum, quas dimísimus, et vitam ætérnam esse reddéndam: non intelligéntes, quod, si in céteris digna sit repromissio, in uxóribus appareat turpitúdo: ut qui unam pro Dómino dimísit, centum recípiat in futúro. Sensus ergo iste est: Qui carnália pro Salvátore dimísit, spirituália recípiet: quæ comparatiÓne et mérito sui ita erunt, quasi si parvo número centenárius númerus comparétur.

Te Deum laudámus. 13.

Alia Homilia.

Léctio sancti Evangélii secúndum Matthæum.

Lectio vii.

Cap. 11. d.

IN illo témpore respóndens Jesus dixit: Confíteor tibi, Pater, Dómine cœli et terræ, quia abscondísti hæc a sapiéntibus et prudéntibus, et revelásti ea párvulis. Et réliqua.

Homília Sancti Augustíni Epíscopi.

Serm. 10. de verbis Domini.

VEníte ad me, omnes, qui laborátis. Quare enim omnes laborámus, nisi quia sumus hómines mortáles, frágles, infirmi, lútea vasa portántes, quæ faciunt ínvicem angústias? Sed si angustíantur vasa carnis, dilaténtur spátia charitátis.

Quid ergo dicit, Veníte ad me, omnes, qui laborátis, nisi ut non laborétis? Dénique promíssio ejus in promptu est, quóniam laborántes vocávit. Quærent forte, qua mercéde vocáti sunt. Et ego vos, inquit, reficiam. Tóllite jugum meum super vos, et discite a me, non mundum fabricáre, non cuncta visibília et invisibília créare, non in ipso mundo mirabília fácere, et mórtuos suscitáre: sed, Quóniam mitis sum, et húmilis corde.

R. Iste est qui ante Deum magnas virtútes operátus est, et de omni corde suo laudávit Dóminum: * Ipse intercédát pro peccátis ómnium populórum.

V. Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. **Ipse.**

Lectio viii.

Magnus esse vis? a mínimo incipe. Cógitas magnam fábricam construere celsitúdinis? de fundaménto prius cógita humilitátis. Et quantam quisque vult, et dispónit superimpónere molem ædificií, quanto erit majus ædificium, tanto áltius fodit fundaméntum. Et fábrica quidem, cum constrúitur, in supérna consúrgit; qui autem fodit fundaméntum, ad ima deprímitur. Ergo et fábrica ante celsitúdinem humiliátur, et fastígium post humiliatiónem erígitur.

R. Sint lumbi vestri præcíncti, et lucérnæ ardéntes in mánibus vestris: * Et vos símiles homínibus expectántibus dóminum suum, quando revertátur a núptiis.

V. Vigiláte ergo, quia nescítis, qua hora Dóminus vester ventúrus sit. **Et vos. Glória Patri. Et vos.**

Lectio ix.

Quod est fastígium construéndæ fábricæ, quam molímur? quo perventúrum est cacúmen ædificií? Cito

dico, usque ad conspéctum Dei. Vidétis quam excélsus est, quanta res est conspícere Deum. Qui desíderat, et quod dico, et quod audit intélligit. Promíttitur nobis conspéctus Dei, veri Dei, summi Dei. Hoc enim bonum est, vidéntem vidére. Nam qui colunt falsos deos, fácite illos vident; sed eos vident, qui óculos habent, et non vident. Nobis autem promíttitur visio Dei vivéntis, et vidéntis.

Te Deum laudámus. 13.

Alia Homilia.

Lectio sancti Evangélii secúndum Matthæum.

Lectio vii.

Cap. 19. d.

In illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis? **Et reliqua.**

De Homilía venerábilis Bedæ Presbýteri.

In natali sancti Benedicti.

Duo sunt órdenes electórum in iudicio futúri: unus judicántium cum Dómino, de quibus hoc loco mémorat, qui reliquérent ómnia, et secúti sunt illum: álius judicándorum a Dómino, qui non quidem ómnia sua páriter reliquérent, sed de his tamen quæ habébant, quotidíanas dare elemósynas Christi paupéribus curábant: unde et auditúri sunt in iudicio: Veníte, benedícti Patris mei, possidéte præparátum vobis regnum a constitutióne mundi. Esurívi enim, et dedístis mihi manducáre: sitívi, et dedístis mihi bíbere.

R. Iste est qui ante Deum magnas virtútes operátus est, et de omni corde suo laudávit Dóminum: * Ipse intercédát pro peccátis ómnium populórum.

V. Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. **Ipse.**

Lectio viii.

Sed et reprobórum duos ibi futúros órdenes, Dómino narránte, comperimus, unum eórum, qui fídei Christiánæ mystériis initiáti, ópera fídei exercére contémnunt, quibus in iudicio testátur: Discédite a me, maledícti, in ignem ætérnum, qui præparátus est diábolo, et ángelis ejus: esurívi enim, et non dedistis mihi manducáre. Alterum eórum, qui fidem et mystéria Christi vel núnquam suscepére, vel susceptam per apostasíam deseruére: de quibus dicit: Qui autem non crédit, jam judicátus est: quia non crédit in nómine unigéniti Fílii Dei.

R. Sint lumbi vestri præcíncti, et lucernæ ardéntes in mánibus vestris: * Et vos símiles homínibus expectántibus dóminum suum, quando revertátur a núptiis.

V. Vigiláte ergo, quia nescítis, qua hora Dóminus vester ventúrus sit. **Et** vos. **G**lória Patri. **Et** vos.

Lectio ix.

Verum his cum timóre et pavóre débito paulisper commemorátis, ad lætíssima pótius Dómini et Salvatóris nostri promíssa convertámus audítum. Videámus quæ tantæ grátia pietátis, non ætérnæ tantúmmodo vitæ præmia suis sequácibus, sed et præsentis múnera pollicétur exímia. Et ómnis, inquit, qui relíquerit domum, vel fratres, aut soróres, aut patrem, aut matrem, aut uxórem, aut fílios, aut agros propter nomen meum, céntuplum accípiet, et vitam ætérnam possidébit. Qui enim terrénis afféctibus, sive possessionibus pro Christi discipulátu renuntiáverit, quo plus in ejus amórem profécerit, eo plures invéniet, qui se intérrno suscipere afféctu, et suis gaudeant sustentáre substántiis.

Te Deum laudámus. 13.

✠

Commune Virginum.

IN I. VESPERIS.

Antiph. to. 1. Hæc est virgo sápiens, et una de número prudéntum.

Psalmus 109.

Dixit Dóminus Dómino meo: * Sede a dextris meis:

Donec ponam inimícos tuos, * scabéllum pedum tuórum.

Virgam virtútis tuæ emíttet Dóminus ex Sion: * domináre in médio inimicórum tuórum.

Tecum princípium in die virtútis tuæ in splendóribus sanctórum: * ex útero ante lucíferum genui te.

Jurávit Dóminus, et non poenitébit eum: * Tu es sacérdos in ætérnum secúndum órđinem Melchísedech.

Dóminus a dextris tuis, * confrégit in die iræ suæ reges.

Judicábit in natió nibus, implébit ruínas: * conquassábit cápita in terra multórum.

De torrén te in via bibet: * proptérea exaltábit caput.

Antiph. Hæc est virgo sápiens, et una de número prudéntum.

Antiph. to. 1. Hæc est virgo sápiens, quam Dóminus vigilántem invénit.

Psalmus 112.

Laudáte, púeri, Dóminum: * laudáte nomen Dómini.

Sit nomen Dómini benedíctum, * ex hoc nunc, et usque in sæculum.

A solis ortu usque ad occásu m, * laudábile nomen Dómini.

Excélsus super omnes Gentes Dóminus, * et super cœlos glória ejus.

Quis sicut Dóminus Deus noster, qui in altis hábitat, * et humília réspicit in cœlo et in terra?

Súscitans a terra ínopem, * et de stercore érigens páuperem:

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Antiph. Hæc est virgo sapiens, quam Dominus vigilanter invenit.

Antiph. to. 3. Hæc est quæ nescivit torum in delicto: habebit fructum in respectione animarum sanctarum.

Psalmus 121.

Lætatus sum in his, quæ dicta sunt mihi: * in domum Domini ibimus. Stantes erant pedes nostri, * in atrii tuis, Jerúsalem.

Jerúsalem, quæ ædificatur ut civitas: * cujus participatio ejus in idipsum.

Illuc enim ascenderunt tribus, tribus Domini, * testimonium Israel ad confitendum nomini Domini.

Quia illic sederunt sedes in iudicio, * sedes super domum David.

Rogate quæ ad pacem sunt Jerúsalem: * et abundantia diligentibus te.

Fiat pax in virtute tua: * et abundantia in turribus tuis.

Propter fratres meos, et proximos meos, * loquebar pacem de te.

Propter domum Domini Dei nostri, * quæsi vi bona tibi.

Antiph. Hæc est quæ nescivit torum in delicto: habebit fructum in respectione animarum sanctarum.

Antiph. to. 1. Veni, electa mea, et ponam in te thronum meum, allelúja.

Psalmus 126.

Nisi Dominus ædificaverit domum, * in vanum laboraverunt, qui ædificant eam.

Nisi Dominus custodierit civitatem, * frustra vigilat qui custodit eam.

Vanum est vobis ante lucem surgere: * surgite postquam sederitis, qui manducatis panem doloris.

Cum dederit dilectis suis somnum: * ecce hæreditas Domini, filii; merces, fructus ventris.

Sicut sagittæ in manu potentis: * ita filii excussorum.

Beatus vir qui implevit desiderium suum ex ipsis: * non confundetur cum loquetur inimicis suis in porta.

Antiph. Veni, electa mea, et ponam in te thronum meum, allelúja.

Antiph. to. 3. Ista est speciosa inter filias Jerúsalem.

Psalmus 147.

Lauda, Jerúsalem, Dominum: * lauda Deum tuum, Sion.

Quoniam confortavit seras portarum tuarum: * benedixit filiis tuis in te.

Qui posuit fines tuos pacem: * et adipe frumenti satiat te.

Qui emittit eloquium suum terræ: * velociter currit sermo ejus.

Qui dat nivem sicut lanam: * nebulam sicut cinerem spargit.

Mittit crystallum suam sicut buccellas: * ante faciem frigoris ejus quis sustinebit?

Emittet verbum suum, et liquefaciet ea: * flabit spiritus ejus, et fluent aquæ.

Qui annuntiat verbum suum Jacob: * justitias et iudicia sua Israel.

Non fecit taliter omni nationi: * et iudicia sua non manifestavit eis.

Antiph. Ista est speciosa inter filias Jerúsalem.

Capitulum.

2. Cor. 10. d.

Fratres, Qui gloriatur, in Domino gloriatur. Non enim qui seipsum commendat, ille probatus est; sed quem Deus commendat.

Hymnus.

Jesu, corona Virginum,
Quem Mater illa concipit,
Quæ sola Virgo parturit,
Hæc vota clemens accipe.

Qui pergis inter lilia,
Septus choræis Virginum,
Sponsus decorus gloria,
Sponsisque reddens præmia.

Quocumque tendis, Virgines
Sequuntur, atque laudibus
Post te canentes cursitant,
Hymnosque dulces personant.

Te deprecámur súpplīces,
Nostri ut addas sēnsibus,
Nescīre prorsus ómnia
Corruptiōnis vúlnera.

Virtus, honor, laus, glória
Deo Patri cum Fílio,
Sancto simul Paráclito
In sæculórum sæcula.

Amen.

V. Spécie tua, et pulchritúdine tua.

R. Intēde, prospere procéde, et regna.

Ad Magnificat, Antiphona, to. 8.

Veni, sponsa Christi, áccipe corónam,
quam tibi Dóminus præparávit
in ætérnum.

Oratio.

DEus, qui inter cétera poténtiæ tuæ
mirácula étiam in sexu frágili vic-
tóriam martýrii contulisti: concéde
propítius; ut, qui beátæ N. vírginis et
mártyris tuæ natalítia cólimus, per
ejus ad te exémpła gradiámur. Per
Dóminum.

Alia Oratio.

INDulgéntiam nobis, quæsumus, Dó-
mine, beáta N. virgo et martyr im-
plóret, quæ tibi grata semper éxstitit
et mérito castitátis, et tuæ professiōne
virtútis. Per Dóminum.

Pro Virgine non Martyre.

Oratio.

EXáudi nos, Deus salutáris noster:
ut, sicut de beátæ N. vírginis tuæ
festivitáte gaudémus, ita piæ devotiō-
nis erudiámur afféctu. Per Dóminum.

Si fuerint plures, in utrisque Vesperis
ad Magnificat, et in Laudibus ad
Benedictus.

Antiph. to. 4. Prudentes Vírgines,
aptáte vestras lámpades: ecce spon-
sus venit, exíte óbviám ei.

V. Adducéntur Regi vírgines posteam.

R. Próximæ ejus afferéntur tibi.

Oratio.

DA nobis, quæsumus, Dómine Deus
noster, sanctárum vírginum et

mártyrum tuárum N. et N. palmas in-
cessábili devotiōne venerári: ut, quas
digna mente non póssumus celebráre,
humílibus saltem frequentémus obsé-
quiis. Per Dóminum.

AD MATUTINUM.

Invitatorium. Regem Vírginum
Dóminum, * Veníte adóremus.

Psalmus. Venite, exultémus. 2.

Hymnus.

Virginis Proles, Opiféxque Matris,
Virgo quem gæssit, peperítque
Virgo;

Virginis partos cánimus decóra
Morte triúmphos.

Hæc enim palmæ dúplici beáta
Sorte, dum gestit frágilem domáre
Córporis sexum, dómuit cruéntum
Cæde tyránnum.

Unde nec mortem, nec amíca mortis
Mille pœnárum génera expavéscens,
Sáanguine effúso, méruit sérénus
Scándere cœlum.

Hujus orátu, Deus alme, nobis
Débitas pœnas scélerum remítte;
Ut tibi puro resonémus alnum
Péctore carmen.

Sit decus Patri, genitæque Proli,
Et tibi, compar utriúsque virtus,
Spíritus semper, Deus unus, omni
Témporis ævo. Amen.

Si sancta fuerit virgo tantum, et non
martyr, dicitur hymnus ut sequitur.

Hymnus.

Virginis Proles, Opiféxque Matris,
Virgo quem gæssit, peperítque
Virgo;

Virginis festum cánimus beátæ,
Accipe votum.

Hujus orátu, Deus alme, nobis
Débitas pœnas scélerum remítte;
Ut tibi puro resonémus alnum
Péctore carmen.

Sit decus Patri, genitæque Proli,
Et tibi, compar utriúsque virtus,
Spíritus semper, Deus unus, omni
Témporis ævo. Amen.

IN I. NOCTURNO.

Antiph. to. 7. O quam pulchra est casta generatio cum claritate!

Psalmus 8.

Domine Dominus noster, * quam admirabile est nomen tuum in universa terra!

Quoniam elevata est magnificentia tua * super coelos.

Ex ore infantium et lactentium perfecisti laudem propter inimicos tuos, * ut destruas inimicum et ultorem.

Quoniam videbo coelos tuos, opera digitorum tuorum: * lunam et stellas, quae tu fundasti.

Quid est homo, quod memor es ejus? * aut filius hominis, quoniam visitas eum?

Minuisti eum paulo minus ab Angelis, gloria et honore coronasti eum: * et constituisti eum super opera manuum tuarum.

Omnia subiecisti sub pedibus ejus, * oves et boves universas, insuper et pecora campi;

Volutres caeli, et pisces maris, * qui perambulant semitas maris.

Domine Dominus noster, * quam admirabile est nomen tuum in universa terra!

Antiph. O quam pulchra est casta generatio cum claritate!

Antiph. to. 4. Ante torum hujus Virginis frequentate nobis dulcia cantica dramatis.

Psalmus 18.

Caeli enarrant gloriam Dei, * et opera manuum ejus annuntiat firmamentum.

Dies diei eructat verbum, * et nox nocti indicat scientiam.

Non sunt loquela, neque sermones, * quorum non audiantur voces eorum.

In omnem terram exivit sonus eorum: * et in fines orbis terrae verba eorum.

In sole posuit tabernaculum suum: * et ipse tamquam sponsus procedens de thalamo suo.

Exultavit ut gigas ad currendam viam, * a summo caelo egressio ejus. Et occursus ejus usque ad summum ejus: * nec est qui se abscondat a calore ejus.

Lex Domini immaculata, convertens animas: * testimonium Domini fidele, sapientiam praestans parvulis.

Justitiae Domini rectae, laetificantes corda: * praecipit Domini lucidum, illuminans oculos.

Timor Domini sanctus, permanens in saeculum saeculi: * judicia Domini vera, justificata in semetipsa.

Desiderabilia super aurum, et lapidem pretiosum multum: * et dulciora super mel et favum.

Etenim servus tuus custodit ea: * in custodiendis illis retributio multa.

Delicta quis intelligit? ab occultis meis munda me: * et ab alienis parce servo tuo.

Si mei non fuerint dominati, tunc immaculatus ero: * et emundabor a delicto maximo.

Et erunt ut complacent eloquia oris mei: * et meditatio cordis mei in conspectu tuo semper.

Domine, adjutor meus, * et redemptor meus.

Antiph. Ante torum hujus Virginis frequentate nobis dulcia cantica dramatis.

Antiph. to. 7. r. Revértere, revértere, Sunamitis: revértere, revértere, ut intueamur te.

Psalmus 23.

Domini est terra, et plenitudo ejus: * orbis terrarum, et universi qui habitant in eo.

Quia ipse super maria fundavit eum: * et super flumina preparavit eum.

Quis ascendet in montem Domini? * aut quis stabit in loco sancto ejus?

Innocens manibus, et mundo corde, * qui non accepit in vano animam suam, nec juravit in dolo proximo suo.

Hic accípiet benedictiónem a Dómino, * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Antiph. **R**evértere, revértere, Sunamítis: revértere, revértere, ut intueámur te.

V. Spécie tua, et pulchritúdine tua.

R. Inténde, prospere procéde, et regna.

Pater noster.

Absolutio. **E**xáudi, Domine.

V. Jube, domne, benedícere.

Benedictio. **B**enedictióne perpétua.

De Epístola prima beáti Pauli Apóstoli ad Corínthios.

Lectio i.

Cap. 7. c.

DE virgínibus præcéptum Dómini non hábeo: consílium autem do, tamquam misericórdiam consecútus a Dómino, ut sim fidélis. Existímo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutióem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulatióem tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudéntes: et qui emunt, tamquam non possidéntes: et qui utúntur

hoc mundo, tamquam non utántur: præterit enim figúra hujus mundi.

R. Veni, sponsa Christi, áccipe corónam, quam tibi Dóminus præparávit in ætérnum: pro cujus amóre sanguinem tuum fudísti, * Et cum Angelis in paradísum introísti.

V. Veni, elécta mea, et ponam in te thronum meum, quia concupívit Rex spéciem tuam. **E**t cum.

Si non fuerit Martyr, dicitur sequens

R. Veni, elécta mea, et ponam in te thronum meum: * Quia concupívit Rex spéciem tuam.

V. Spécie tua, et pulchritúdine tua inténde, prospere procéde, et regna. **Q**uia.

Benedictio. **U**nigénitus Dei Fílius.

Lectio ii.

VOlo autem vos sine sollicitúdine esse. Qui sine uxóre est, sollícitus est quæ Dómini sunt, quómodo pláceat Deo. Qui autem cum uxóre est, sollícitus est quæ sunt mundi, quómodo pláceat uxóri, et dívísus est. Et múlter innúpta, et virgo cógitat quæ Dómini sunt, ut sit sancta corpore et spíritu. Quæ autem nupta est, cógitat quæ sunt mundi, quómodo pláceat viro. Porro hoc ad utilitátem vestram dico: non ut láqueum vobis injíciam, sed ad id, quod honestum est, et quod facultátem præbeat sine impedíménto Dóminum obsecrándi.

R. Diffúsa est grátia in lábiis tuis: * Proptérea benedíxit te Deus in ætérnum.

V. Spécie tua, et pulchritúdine tua inténde, prospere procéde, et regna. **P**roptérea.

Benedictio. **S**píritus sancti grátia.

Lectio iii.

SI quis autem turpem se vidéri exístimat super vírgine sua, quod sit superadúlta, et ita opórtet fieri, quod vult fáciat: non peccat, si nubat. Nam

qui statuit in corde suo firmus, non habens necessitatem, potestatem autem habens suae voluntatis, et hoc iudicavit in corde suo, servare virginem suam, bene facit. Igitur et qui matrimonio jungit virginem suam, bene facit: et qui non jungit, melius facit. Mulier alligata est legi quanto tempore vir ejus vivit. Quod si dormierit vir ejus, liberata est: cui vult nubat, tantum in Domino. Beatior autem erit si sic permanserit, secundum meum consilium: puto autem quod et ego Spiritum Dei habeam.

R. Specie tua, et pulchritudine tua * Intende, prospere procede, et regna.

V. Diffusa est gratia in labiis tuis, propterea benedixit te Deus in aeternum. **Intende.**

Glória Patri. **Intende.**

IN II. NOCTURNO.

Antiph. to. 7. Specie tua, et pulchritudine tua intende, prospere procede, et regna.

Psalmus 44.

Eructavit cor meum verbum bonum: * dico ego opera mea Regi. Lingua mea calamus scribae * velociter scribentis.

Speciosus forma praefiliis hominum, diffusa est gratia in labiis tuis: * propterea benedixit te Deus in aeternum.

Accingere gladio tuo super femur tuum, * potentissime.

Specie tua, et pulchritudine tua * intende, prospere procede, et regna.

Propter veritatem, et mansuetudinem, et justitiam: * et deducet te mirabiliter dextera tua.

Sagittae tuae acutae, populi sub te cadent, * in corda inimicorum regis.

Sedes tua, Deus, in saeculum saeculi: * virga directionis, virga regni tui.

Dilexisti justitiam, et odisti iniquitatem: * propterea unxit te Deus, Deus tuus oleo laetitiae praefansortibus tuis.

Myrrha, et gutta, et casia a vestimentis tuis, a domibus eburneis: * ex quibus delectaverunt te filiae regum in honore tuo.

Astitit regina a dextris tuis in vestitu deaurato, * circumdata varietate.

Audi filia, et vide, et inclina aurem tuam: * et obliviscere populum tuum, et domum patris tui.

Et concupiscet Rex decorem tuum: * quoniam ipse est Dominus Deus tuus, et adorabunt eum.

Et filiae Tyri in muneribus * vultum tuum deprecabuntur, omnes divites plebis.

Omnis gloria ejus filiae Regis ab intus, * in fimbriis aureis circumamicta varietatibus.

Adducuntur Regi virgines post eam: * proximae ejus afferentur tibi.

Afferentur in laetitia et exultatione: * adducuntur in templum Regis.

Pro patribus tuis nati sunt tibi filii: * constitues eos principes super omnem terram.

Memores erunt nominis tui, * in omni generatione, et generationem.

Propterea populi confitebuntur tibi in aeternum, * et in saeculum saeculi.

Antiph. Specie tua, et pulchritudine tua intende, prospere procede, et regna.

Antiph. to. 7. Adjuvabit eam Deus vultu suo: Deus in medio ejus, non commovebitur.

Psalmus 45.

Deus noster refugium, et virtus: * adjutor in tribulationibus, quae invenerunt nos nimis.

Propterea non timebimus dum turbabitur terra: * et transferentur montes in cor maris.

Sonuérunt, et turbatae sunt aquae eorum: * conturbati sunt montes in fortitudine ejus.

Fluminis impetus laetificat civitatem Dei: * sanctificavit tabernaculum suum Altissimus.

Deus in médio ejus, non commovébitur: * adjuvabit eam Deus mane dilúculo.

Conturbatæ sunt gentes, et inclinata sunt regna: * dedit vocem suam, mota est terra.

Dóminus virtutum nobiscum: * suscepitor noster Deus Jacob.

Venite, et videte ópera Dómini, quæ posuit prodigia super terram: * áuferens bella usque ad finem terræ.

Arcum cónteret, et confrínget arma: * et scuta combúret igni.

Vacate, et videte, quóniam ego sum Deus: * exaltabor in Géntibus, et exaltabor in terra.

Dóminus virtutum nobiscum: * suscepitor noster Deus Jacob.

Antiph. Adjuvabit eam Deus vultu suo: Deus in médio ejus, non commovébitur.

Antiph. to. 8. f. Aquæ multæ non potuerunt extingueré charitatem.

Psalmus 47.

Magnus Dóminus, et laudábilis nimis * in civitate Dei nostri, in monte sancto ejus.

Fundatur exultatione univérsæ terræ mons Sion, * látera Aquilónis, civitas Regis magni.

Deus in dómibus ejus cognoscétur, * cum suscipiet eam.

Quóniam ecce Reges terræ congregati sunt: * convenérunt in unum.

Ipsi vidéntes sic admirati sunt, conturbati sunt, commoti sunt: * tremor apprehéndit eos.

Ibi dolóres, ut parturiéntis: * in spíritu veheménti cónteres naves Tharsis.

Sicut audívimus, sic vídimus in civitate Dómini virtutum, in civitate Dei nostri: * Deus fundávit eam in ætérnum.

Suscépinus, Deus, misericórdiam tuam, * in médio templi tui.

Secúndum nomen tuum, Deus, sic et laus tua in fines terræ: * justítia plena est dextera tua.

Lætétur mons Sion, et exúltent ffilie Judæ, * propter judícia tua, Dómine.

Circúmdate Sion, et complectimini eam: * narrate in túrribus ejus.

Pónite corda vestra in virtute ejus: * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sáculum sáculi: * ipse reget nos in sácula.

Antiph. Aquæ multæ non potuerunt extingueré charitatem.

V. Adjuvabit eam Deus vultu suo.

R. Deus in médio ejus, non commovébitur.

Pater noster.

Absolutio. Ipsíus píetas.

V. Jube, domne, benedícere.

Benedictio. Deus Pater omnípotens.

Sermo Sancti Ambrósii Episcopi.

Lib. 1. de Virginibus, circa initium.

Lectio iv.

Quóniam hódie natális est Vírginis, invitat nunc integritátis amor, ut áliquíd de virginitate dicamus: ne véluti tránsito quodam præstrícta videatur, quæ principális est virtus. Non enim ídeo laudábilis virgíntas, quia in martýribus reperitur; sed quia ipsa mártýres faciat. Quis autem humano eam possit ingénio comprehendere, quam nec natúra suis inclúsit légibus? aut quis naturáli voce complécti, quod supra usum natúræ sit? E cœlo accersívit, quod imitaretur in terris. Nec immérito vivéndi sibi usum quæsívit e cœlo, quæ sponsum sibi invénit in cœlo.

R. Propter veritatem, et mansuetudinem, et justítiam: * Et dedúcet te mirábiliter dextera tua.

V. Spécie tua, et pulchritúdine tua inténde, prospere procéde, et regna. Et dedúcet.

Benedictio. Christus perpétuæ.

Lectio v.

Hæc nubes, áera, Angelos, sideraque transgrédiens, Verbum Dei

in ipso sinu Patris invénit, et toto hausit pectore. Nam quis tantum, cum invenerit, relinquat boni? Unguentum enim exinanitum est nomen tuum: propterea adolescentulæ dilexerunt te, et attraxerunt te. Postrémo, non meum est illud, quóniam quæ non nubunt, neque nubentur, erunt sicut Angeli Dei in cælo. Nemo ergo mirétur, si Angelis comparéntur, quæ Angelórum Dómino copulántur.

R. Dilexísti justítiam, et odísti iniquitátem: * Proptérea unxit te Deus, Deus tuus, óleo lætitiæ.

V. Propter veritátem, et mansuetúdinem, et justítiam. Proptérea.

Benedictio. Ignem sui amoris.

Lectio vi.

Quis igitur neget hanc vitam fluxisse de cælo, quam non fácte invenimus in terris, nisi postquam Deus in hæc terréni corpóris membra descendit? Tunc in útero Virgo concépit, et Verbum caro factum est, ut caro fieret Deus. Dicet áliquis: Sed étiam Elías nullus corpórei cóitus fuisse permíxtus cupiditátibus invenitur. Ideo ergo curru raptus ad cælum, ídeo cum Dómino appáret in glória, ídeo Domínici ventúrus est præcúrsor advéntus.

R. Afferéntur Regi vírgines post eam, próximæ ejus * Afferéntur tibi in lætítia et exultatióne.

V. Spécie tua, et pulchritúdine tua inténde, prospere procéde, et regna. Afferéntur.

Glória Patri. Afferéntur.

IN III. NOCTURNO.

Antiph. to. 3. Nigra sum, sed formósa, fíliæ Jerúsalem: ídeo diléxit me Rex, et introdúxit me in cubículum suum.

Psalmus 95.

Cantáte Dómino cánticum novum: * cantáte Dómino omnis terra.

Cantáte Dómino, et benedicite nómini ejus: * annuntiáte de die in diem salutáre ejus.

Annuntiáte inter Gentes glóriam ejus: * in ómnibus pópulis mirabília ejus.

Quóniam magnus Dóminus, et laudábilis nimis: * terríbilis est super omnes deos.

Quóniam omnes dii Géntium dæmónia: * Dóminus autem cælos fecit.

Confessio, et pulchritúdo in conspéctu ejus: * sanctimónia, et magnificéntia in sanctificatióne ejus.

Afférte Dómino pátriæ Géntium, afférte Dómino glóriam, et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commoveátur a fácie ejus univérsta terra: * dícite in Géntibus, quia Dóminus regnávít.

Etenim corréxit orbem terræ, qui non commovébitur: * judicábit pópulos in æquitáte.

Læténtur cæli, et exúltet terra, commoveátur mare, et plenitúdo ejus: * gaudébunt campi, et ómnia, quæ in eis sunt.

Tunc exultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Antiph. Nigra sum, sed formósa, fíliæ Jerúsalem: ídeo diléxit me Rex, et introdúxit me in cubículum suum.

Antiph. to. 8. Trahe me post te, in odórem currémus unguentórum tuórum: óleum effúsum nomen tuum.

Psalmus 96.

Dominus regnávít, exúltet terra: * læténtur ínsulæ multæ.

Nubes et calígo in circúitu ejus: * justítia et judícium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ: * vidit, et commóta est terra.

Montes sicut cera fluxérunt a fácie Dómini: * a fácie Dómini omnis terra.

Annuntiavérunt cœli justítiam ejus: * et vidérunt omnes pópuli glóriam ejus.

Confundántur omnes, qui adórant sculptília: * et qui gloriántur in simulácris suis.

Adoráte eum, omnes Angeli ejus: * audívit, et lætáta est Sion.

Et exultavérunt fíliæ Judæ, * propter judícia tua, Dómine:

Quóniam tu Dóminus Altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómino: * et confitémini memóriæ sanctificatiónis ejus.

Antiph. Trahe me post te, in odórem currémus unguentórum tuórum: óleum effúsum nomen tuum.

Antiph. to. 7. Veni, sponsa Christi, áccipe corónam, quam tibi Dóminus præparávit in ætérnum.

Psalmus 97.

Cantáte Dómino canticum novum: * quia mirabília fecit.

Salvávít sibi délixtera ejus, * et bráchium sanctum ejus.

Notum fecit Dóminus salutáre suum: * in conspéctu Géntium revelávit justítiam suam.

Recordátus est misericórdiæ suæ, * et veritátis suæ dómui Israel.

Vidérunt omnes términi terræ * salutáre Dei nostri.

Jubiláte Deo omnis terra: * cantáte, et exultáte, et psállite.

Psállite Dómino in cíthara, in cíthara, et voce psalmi: * in tubis ductílibus, et voce tubæ córneæ.

Jubiláte in conspéctu Regis Dómini: * moveátur mare, et plenitúdo ejus, orbis terrárum, et qui hábitant in eo.

Flúmina plaudent manu, simul montes exultábunt a conspéctu Dómini: * quóniam venit judicáre terram.

Judicábit orbem terrárum in justítia, * et pópulos in æquitáte.

Antiph. Veni, sponsa Christi, áccipe corónam, quam tibi Dóminus præparávit in ætérnum.

V. Elégit eam Deus, et præelégit eam.

R. In tabernáculo suo habitáre facit eam.

Pater noster.

Absolutio. A vínculis.

V. Jube, domne, benedícere.

Benedictio. Evangélica léctio.

Léctio sancti Evangélii secúndum Matthæum.

Lectio vii.

Cap. 25.

In illo témpore: Dixit Jesus discí-pulis suis parábolam hanc: Símile erit regnum cœlórum decem virgí-nibus, quæ accipiéntes lámpades suas, exiérunt óbviám sponso et sponsæ. Et réliqua.

Homília Sancti Gregórii Papæ.

Homília 12. in Evangelia.

Sæpe vos, fratres charíssimi, ad-móneo prava ópera fúgere, mundi hujus inquinaménta devitáre: sed hodiérna sancti Evangélii lectióne compéllor dícere, ut et bona quæ ágitis, cum magna cautéla teneátis; ne per hoc, quod a vobis rectum géritur, fa-vor aut grátia humána requirátur: ne appetítus laudis subrépat, et quod foris osténditur, intus a mercéde vacuétur. Ecce enim Redemptóris voce decem vírgines, et omnes dicúntur vírgines: et tamen intra beatitúdinis jánuam non omnes sunt recéptæ: quia eárum quædam, dum de virginitáte sua glóriam foris éxpetunt, in vasis suis óleum habére noluérunt.

R. Hæc est virgo sapiens, quam Dominus vigilātem invēnit, quæ, accēptis lampadibus, sumpsit secum oleum:

* Et, veniente Domino, introivit cum eo ad nuptias.

V. Média nocte clamor factus est, ecce sponsus venit, exite obviam ei. Et veniente.

Benedictio. Cujus, vel Quarum festum colimus.

Lectio viii.

Sed prius quærendum nobis est, quid sit regnum cœlorum, aut cur decem virginibus comparētur, quæ etiā virgines prudentes et fatuæ dicantur. Dum enim cœlorum regnum constat, quia reproborum nullus ingreditur, etiā fatuis virginibus cur simile esse perhibetur? Sed sciendum nobis est, quod sæpe in sacro eloquio regnum cœlorum præsentis temporis Ecclesia dicitur. De quo alio in loco Dominus dicit: Mittet Filius hominis Angelos suos, et colligent de regno ejus omnia scândala. Neque enim in illo regno beatitudinis, in quo pax summa est, inveniri scândala poterunt, quæ colligantur.

R. Média nocte clamor factus est: * Ecce sponsus venit, exite obviam ei. V. Prudentes virgines, aptate vestras lampades. Ecce. Glória Patri. Ecce.

Benedictio. Ad societatem.

Lectio ix.

In quinque autem corporis sensibus unusquisque subsistit. Geminatus autem quinquarius denarium perficit. Et quia ex utroque sexu fidelium multitudo colligitur, sancta Ecclesia decem virginibus similis esse denuntiatur. In qua quia mali cum bonis, et reprobi cum electis admixti sunt, recte similis virginibus prudentibus et fatuis esse perhibetur. Sunt namque plerique continentes, qui ab appetitu se exteriori custodiunt, et spe ad interiora rapiuntur, carnem macerant,

et toto desiderio ad supernam patriam anhelant, æterna præmia expectunt, pro laboribus suis recipere laudes humanas nolunt. Hi nimirum gloriam suam non in ore hominum ponunt, sed intra conscientiam contegunt. Et sunt plerique, qui corpus per abstinētiā affligunt, sed de ipsa sua abstinētiā humanos favores expectunt.

Te Deum laudamus. 13.

AD LAUDES ET PER HORAS.

Antiph. to. 1. Hæc est virgo sapiens, et una de número prudentum.

Psalmus. Dominus regnavit. cum reliquis. 14.

Antiph. to. 1. Hæc est virgo sapiens, quam Dominus vigilātem invēnit.

Antiph. to. 3. r. Hæc est quæ nescivit torum in delicto: habebit fructum in respectiōne animarum sanctarum.

Antiph. to. 1. Veni, electa mea, et ponam in te thronum meum, allelúja.

Antiph. to. 3. Ista est speciosa inter filias Jerúsalem.

Capitulum. 2. Cor. 10. d.

Fratres: Qui gloriatur, in Domino gloriētur. Non enim qui seipsum commendat, ille probatus est; sed quem Deus commendat.

Hymnus.

Jesu, coróna Virginum,
Quem Mater illa concipit,
Quæ sola Virgo parturit,
Hæc vota clemens accipe.

Qui pergis inter lilia,
Septus choréis Virginum,
Sponsus decorus gloria,
Sponsisque reddens præmia.

Quocúmque tendis, Virgines
Sequuntur, atque laudibus
Post te canētes cūrsitant,
Hymnosque dulces personant.

Te deprecámur súpplīces,
Nostris ut addas sénsibus,
Nescīre prorsus ómnia
Corruptiōnis vúlnera.

Virtus, honor, laus, glória
Deo Patri cum Fílio,
Sancto simul Paráclito
In sæculórum sæcula. Amen.

Ŷ. Diffúsa est grátia in lábiis tuis.

℞. Proptérea benedíxit te Deus in
æténum.

Ad Benedictus, Antiphona, to. 8.

Símile est regnum cœlórum hómīni
negotiátōri quærénti bonas margarí-
tas; invénta una pretiósā, dedit ómnia
sua, et comparávit eam.

Oratio.

Deus, qui inter cétera poténtiæ tuæ
mirácula, étiam in sexu frágili
victóriam martýrii contulísti: con-
céde propítius; ut, qui beátæ **N.** vír-
ginis et mártýris tuæ natalítia cólī-
mus, per ejus ad te exémpla gradiámur.
Per Dóminum.

Alia Oratio.

Indulgéntiam nobis, quæsumus, Dó-
mine, beáta **N.** virgo et martyr im-
plóret, quæ tibi grata semper éxstitit
et mérito castitátis, et tuæ profes-
sióne virtútis. Per Dóminum.

Pro Virgine non Martyre.

Oratio.

Exáudi nos, Deus salutáris noster:
ut, sicut de beátæ **N.** vírginis tuæ
festivitáte gaudémus, ita piæ de-
votiōnis erudiámur afféctu. Per Dó-
minum.

Si fuerint plures ad Benedictus dicitur

Antiph. to. 4. Prudéntes Vírgines,
aptáte vestras lámpades: ecce spon-
sus venit, exíte óbviā ei.

Ŷ. Adducéntur Regi vírgines post
eam.

℞. Próximæ ejus afferéntur tibi.

Oratio.

DA nobis, quæsumus, Dómine Deus
noster, sanctárum vírginum et
mártýrum tuárum **N.** et **N.** palmas in-
cessábili devotiōne venerári: ut, quas
digna mente non póssumus celebráre,
humílibus saltem frequentémus ob-
séquiis. Per Dóminum.

Ad Tertiam.

Antiph. to. 1. Hæc est virgo sápiens.

Capitulum.

2. Cor. 10. d.

FRatres: Qui gloriátur, in Dómino
gloriétur. Non enim qui seípsum
comméndat, ille probátus est; sed
quem Deus comméndat.

℞. br. Spécie tua, * Et pulchritúdine
tua. Spécie.

Ŷ. Inténde, prospere procéde, et
regna. **Et.** Glória Patri. Spécie.

Ŷ. Adjuvábít eam Deus vultu suo.

℞. Deus in médio ejus, non commo-
vébitur.

Tempore Paschali ad Tertiam,

℞. br. Spécie tua, et pulchritúdine
tua, * Allelúja, allelúja. Spécie tua.

Ŷ. Inténde, prospere procéde et
regna. Allelúja, allelúja.

Glória Patri. Spécie tua.

Ŷ. Adjuvábít eam Deus vultu suo,
allelúja.

℞. Deus in médio ejus, non commo-
vébitur, allelúja.

Ad Sextam

Antiph. to. 3. r. Hæc est quæ nescívit.

Capitulum.

2. Cor. 11.

ÆMulor enim vos Dei æmulatiōe.
Despóndi enim vos uni viro vír-
ginem castam exhibére Christo.

℞. br. Adjuvábít eam * Deus vultu
suo. Adjuvábít.

Ŷ. Deus in médio ejus, non com-
movébitur. **Deus.** Glória Patri.
Adjuvábít.

℟. Elégit eam Deus, et præelégit eam.

℞. In tabernáculo suo habitare facit eam.

☞ Tempore Paschali, ad Sextam,

℞. br. Adjuvabit eam Deus vultu suo,
* Allelúja, allelúja. Adjuvabit.

℟. Deus in médio ejus, non commovebitur. Allelúja, allelúja.

Gloria Patri. Adjuvabit.

℟. Elégit eam Deus, et præelégit eam, allelúja.

℞. In tabernáculo suo habitare facit eam, allelúja.

Ad Nonam.

Antiph. to. 3. Ista est speciosa.

Capitulum. Eccli. 51. b.

Domine Deus meus, exaltasti super terram habitationem meam, et pro morte defluente deprecata sum. Invocaui Dóminum Patrem Dómini mei, ut non derelinquat me in die tribulationis meæ, et in tempore superbórum sine adiutorio.

℞. br. Elégit eam Deus, * Et præelégit eam. Elégit.

℟. In tabernáculo suo habitare facit eam. Et. Gloria Patri. Elégit.

℟. Diffusa est grátia in lábiis tuis.

℞. Propterea benedixit te Deus in ætérnum.

☞ Tempore Paschali, ad Nonam,

℞. br. Elégit eam Deus, et præelégit eam * Allelúja, allelúja. Elégit.

℟. In tabernáculo suo habitare facit eam. Allelúja, allelúja.

Gloria Patri. Elégit.

℟. Diffusa est grátia in lábiis tuis, allelúja.

℞. Propterea benedixit te Deus in ætérnum, allelúja.

Si fuerit virgo, et non martyr, dicitur sequens

Capitulum.

Sap. 4.

O quam pulchra est casta generatio cum claritate! immortalis est enim memoria illius: quóniam apud Deum nota est et apud homines.

℞. br. Elégit ut supra.

Ad Vesperas, Antiphonæ, Psalmi, Capitulum et Hymnus, ut in primis Vesperis. [93]

℟. Diffusa est grátia in lábiis tuis.

℞. Propterea benedixit te Deus in ætérnum.

Ad Magnificat, Antiphona, to. 7. f. Veni, sponsa Christi, accipe coronam, quam tibi Dóminus præparávit in ætérnum.



Alia Lectiones pro Virginibus.

Pro Virgine et Martyre, ac pro Martyre tantum, Lectiones primi Nocturni leguntur etiam ut infra.

De libro Ecclesiastici.

Lectio i.

Cap. 51.

Confitebor tibi, Dómine Rex, et collaudábo te Deum salvatórem meum. Confitebor nómini tuo: quóniam adiutor et protector factus es mihi, et liberásti corpus meum a perditione, a láqueo linguæ iniquæ, et a lábiis operántium mendácium, et in conspéctu astántium factus es mihi adiutor. Et liberásti me secúndum multitudinem misericórdiæ nóminis tui a rugiéntibus præparátis ad escam, de mánibus quæréntium ánimam meam, et de portis tribulationum quæ circumdedérunt me: a pressúra flammæ, quæ circumdedit me, et in médio ignis non sum æstuáta: de altitúdine ventris inferi, et a lingua coinquináta, et a verbo mendáci, a rege iniquo, et a lingua injústa.

℞. Veni, sponsa Christi, accipe coronam, quam tibi Dóminus præpará-

vit in ætérnum: pro cuius amóre sanguinem tuum fudísti: * Et cum Angelis in paradísum introísti.

V. Veni, elécta mea, et ponam in te thronum meum, quia concupívit Rex spéciem tuam. **Et cum.**

Lectio ii.

L Audábit usque ad mortem ánima mea Dóminum, et vita mea appropínquans erat in inférno deórsum. Circumdedérunt me úndique, et non erat qui adjuváret. Respiciens eram ad adjutórium hóminum, et non erat. Memoráta sum misericórdiæ tuæ, Dómine, et operatiónis tuæ, quæ a sæculo sunt: quóniam éruis sustinéntes te, Dómine, et líberas eos de máni-bus géntium.

R. Diffúsa est grátia in lábiis tuis: * Proptérea benedíxit te Deus in ætérnum.

V. Spécie tua, et pulchritúdine tua inténde, prospere procéde, et regna. **Proptérea.**

Lectio iii.

E Xaltásti supér terram habitatió-nem meam, et pro morte deflu-énte deprecáta sum. Invocávi Dó-minum Patrem Dómini mei, ut non derelínquat me in die tribulatiónis meæ, et in témpore superbórum sine adjutório. Laudábo nomen tuum as-sídue, et collaudábo illud in confes-siône, et exaudíta est orátio mea. Et liberásti me de perditiónē, et eripuísti me de témpore iníquo. Proptérea confitébor, et laudem dicam tibi, et benedícam nómini Dómini.

R. Spécie tua, et pulchritúdine tua * Inténde, prospere procéde, et regna.

V. Diffúsa est grátia in lábiis tuis, proptérea benedíxit te Deus in ætérnum. **Inténde.**

Glória Patri. Inténde.

IN II. NOCTURNO.

Ex libro Sancti Cypriáni Epíscopi et Mátyris de disciplína et hábitu Vírginum.

Lectio iv.

Cap. 2.

Nunc nobis ad Vírgines sermo est, quarum quo sublimior glória est, major et cura est. Flos est ille Ec-clesiástici gérmis, decus atque or-naméntum grátia spiritalis, læta índoles, laudis et honóris opus íntegrum atque incorrúptum, Dei imágo res-póndens ad sanctimóniam Dómini, illústrior pórtio gregis Christi. Gau-det per illas, atque in illis lárgiter floret Ecclésiæ matris gloriósa fœ-cúnditas: quantóque plus copiósá virginitas número suo addit, tanto plus gáudium matris augéscit. Ad has lóquimur, has adhortámur affec-tiône pótius quam potestáte: non quod extrémī, et mínimi, et humilitátis nos-træ ádmodum cónscii, áliquíd ad cen-súram licéntiæ vindicémus; sed quod ad sollicitúdinem magis cauti, plus de diáboli infestatióne timeámus.

R. Propter veritátem, et mansuetú-dinem, et justítiam: * Et dedúcet te mirábiliter dextera tua.

V. Spécie tua, et pulchritúdine tua inténde, prospere procéde, et regna. **Et dedúcet.**

Lectio v.

Neque inánis hæc cáutio est, et vana formído, quæ ad salutis viam cónsulit, quæ Dómínica et vitá-lia præcépta custódit, ut quæ se Christo dicáverint, et a carnáli concupiscéntia recedéntes, tam carne, quam mente se Deo vóverint, consúmment opus suum magno præmio destinátum: nec ornári jam, aut placére cuíquam, nisi Dómino suo stú-deant, a quo et mercédem virginitátis expéctant, dicénte ipso: Non omnes cápiunt verbum, sed illi quibus datum est. Sunt enim spadónes, qui ex

útero matris sic nati sunt: et sunt spadónes, qui coácti sunt ab homínibus: et sunt spadónes, qui seípsos castravérunt propter regnum cœlórum.

R. Dilexísti justítiam, et odísti iniquitátem: * Proptérea unxit te Deus, Deus tuus óleo lætítiae.

V. Propter veritátem, et mansuetúdinem, et justítiam. Proptérea.

Lectio vi.

DEnuo quoque per hanc Angeli vocem continéntiae munus osténditur, virginitas prædicátur. Hi sunt, qui cum mulieribus se non coinquinavérunt: vírgines enim permanserunt: hi sunt, qui sequúntur Agnum quocúmque íerit. Neque enim tantum másculis continéntiae grátiam Dóminus repromíttit, et fémimas præterit: sed quóniam fémina viri pórto est, et ex eo sumpta atque formáta est, in Scriptúris fere ómnibus ad protoplástum Deus lóquitur, quia sunt duo in carne una, et in másculo simul significátur et fémina. Quod si Christum continéntia séquitur, et regno Dei virginitas destinátur: quid est illis cum terréno cultu, et cum ornámentis, quibus dum homínibus placére géstiunt, Deum offéndunt?

R. Afferéntur Regi vírgines post eam, próximæ ejus: * Afferéntur tibi in lætítia, et exultatióne.

V. Spécie tua, et pulchritúdine tua inténde, prospere procéde, et regna. Afferéntur.

Glória Patri. Afferéntur.

IN III. NOCTURNO.

Léctio sancti Evangélíi secúndum Matthæum.

Lectio vii.

Cap. 19.

IN illo témpore: Accessérunt ad Jesum Pharisæi tentántes eum, et dicéntes: Si licet hómini dimíttre uxórem suam quacúmque ex causa? Et réliqua.

Homília Sancti Joánnis Chrysóstomi.

Homília 63. in Matth. sub med.

DOminus noster, quia ad virginitátem hortári grave esse videbátur, a necessitaté legis de non solvéndo matrimónio, eos ad cupiditátem illíus tráhere studet. Deínde ut eam esse possíbilem osténdat, sic inquit: Sunt eunúchi, qui ex ventre matris ita nati sunt, et sunt qui ab homínibus eunúchi facti sunt, et sunt qui seípsos castravérunt propter regnum cœlórum. Quibus verbis laténter eos ad eligéndam virginitátem indúcit, dum eam virtútem esse possíbilem ástruit.

R. Hæc est virgo sápiens, quam Dóminus vigilántem invénit, quæ accéptis lampádibus, sumpsit secum óleum: * Et veniente Dómino, introívit cum eo ad núptias.

V. Média nocte clamor factus est, Ecce sponsus venit, exíte óbviám ei. Et veniente.

Lectio viii.

ID autem hoc fere modo confirmat. Cógita tecum, si aut a nátura talis esses, aut ab homínibus eam injúriam passus, quid fáceres, cum et ejúsmodi voluptáte caréres, et nullam caréndo mercédem consequerérís? Grátias ígitur nunc Deo agas, quod cum mercéde atque corónis idem sústines, quod illi sine corónis ac præmio tólerant: imo vero non idem, sed multo lévius; tum quia spe erígeris, et consciéntia recte facti; tum quia non ita ingéntibus concupiscéntiae flúctibus jactáris.

R. Média nocte clamor factus est: * Ecce sponsus venit, exíte óbviám ei.

V. Prudentes vírgines, aptáte vestras lámpades. Ecce.

Glória Patri. Ecce.

Lectio ix.

CUm ergo de illis eunúchis díxerit, qui nisi étiam ipsi mente se con-

tíneant, frustra et inutiliter tales sunt; ac de illis, qui ut regnum cœlorum consequantur, se continent, subjúnxit rursus, dicens: Qui potest capere, capiat: ut alacriores efficiat eo ipso, quod grave esse opus ostendit, et ineffabili benignitate sua noluit eam rem intra necessitatem legis concludere: idque dicendo, adhuc magis possibilem esse demonstrat, ut voluntatis studium plus augeatur.

Te Deum laudamus. 13.

Commune sanctæ Martyris tantum et nec Virg. nec Mart.

IN I. VESPERIS.

Antiph. to. 3. Dum esset Rex in accubitu suo, nardus mea dedit odorem suavitatis.

Psalmus 109.

Dixit Dominus Domino meo: * Sede a dextris meis:

Donec ponam inimicos tuos, * scabellum pedum tuorum.

Virgam virtutis tuæ emittet Dominus ex Sion: * dominare in medio inimicorum tuorum.

Tecum principium in die virtutis tuæ in splendoribus sanctorum: * ex utero ante luciferum genui te.

Juravit Dominus, et non poenitebit eum: * Tu es sacerdos in æternum secundum ordinem Melchisedech.

Dominus a dextris tuis, * confrégit in die iræ suæ reges.

Judicabit in nationibus, implebit ruinas: * conquassabit capita in terra multorum.

De torrénte in via bibet: * propterea exaltabit caput.

Antiph. Dum esset Rex in accubitu suo, nardus mea dedit odorem suavitatis.

Antiph. to. 4. In odorem unguentorum tuorum currimus, adolescentulæ dilexerunt te nimis.

Psalmus 112.

Laudate pueri Dominum: * laudate nomen Domini.

Sit nomen Domini benedictum, * ex hoc nunc, et usque in sæculum.

A solis ortu usque ad occasum, * laudabile nomen Domini.

Excelsus super omnes Gentes Dominus, * et super cœlos glória ejus.

Quis sicut Dominus Deus noster, qui in altis habitat, * et humilia respicit in cœlo et in terra.

Suscitans a terra inopem, * et de stercore erigens pauperem:

Ut collocet eum cum principibus, * cum principibus populi sui.

Qui habitare facit sterilem in domo, * matrem filiorum lætantem.

Antiph. In odorem unguentorum tuorum currimus, adolescentulæ dilexerunt te nimis.

Antiph. to. 8. Jam hiems transiit, imber abiit, et recessit: surge amica mea, et veni.

Psalmus 121.

Lætatus sum in his, quæ dicta sunt mihi: * in domum Domini ibimus.

Stantes erant pedes nostri, * in atriis tuis, Jerúsalem.

Jerúsalem, quæ ædificatur ut civitas: * cujus participatio ejus in idipsum.

Illuc enim ascenderunt tribus, tribus Domini, * testimonium Israel ad confitendum nomini Domini.

Quia illic sederunt sedes in judicio, * sedes super domum David.

Rogate quæ ad pacem sunt Jerúsalem: * et abundantia diligentibus te.

Fiat pax in virtute tua: * et abundantia in turribus tuis.

Propter fratres meos, et próximos meos, * loquébar pacem de te.
Propter domum Dómini Dei nostri, * quæsívi bona tibi.

Antiph. Jam hiems tránsiit, imber ábiit, et recéssit: surge amíca mea, et veni.

Antiph. to. 1. Veni elécta mea, et ponam in te thronum meum, allelúja.

Psalmus 126.

Nisi Dóminus ædificáverit domum, * in vanum laboravérunt, qui ædificant eam.

Nisi Dóminus custodíerit civitátem, * frustra vígilat qui custódit eam.

Vanum est vobis ante lucem súrgere: * súrgite postquam sedéritis, qui manducátis panem dolóris.

Cum déderit diléctis suis somnum: * ecce hæréditas Dómini, filii; merces, fructus ventris.

Sicut sagíttæ in manu poténtis: * ita filii excussórum.

Beátus vir qui implévit desidérium suum ex ipsis: * non confundétur cum loquétur inimícis suis in porta.

Antiph. Veni elécta mea, et ponam in te thronum meum, allelúja.

Antiph. to. 3. Ista est speciósá inter filias Jerúsalem.

Psalmus 147.

Lauda, Jerúsalem, Dóminum: * lauda Deum tuum, Sion.

Quóniam confortávit seras portárum tuárum: * benedíxit filiiis tuis in te.

Qui pósuit fines tuos pacem: * et ádipe fruménti sátiat te.

Qui emíttit elóquium suum terræ: * velóciter currit sermo ejus.

Qui dat nivem sicut lanam: * nébulam sicut cínerem spargit.

Mittit crystállum suam sicut buccéllas: * ante fáciem frígoris ejus quis sustinébit?

Emíttet verbum suum, et liquefáciat ea: * flabit spíritus ejus, et fluent aquæ.

Qui annúntiat verbum suum Jacob: * justítias et judícia sua Israel.
Non fecit táliter omni natióni: * et judícia sua non manifestávit eis.

Antiph. Ista est speciósá inter filias Jerúsalem.

Pro Martyre tantum.

Capitulum. Eccli. 51.

Confitebor tibi, Dómine Rex, et collaudábo te Deum Salvatórem meum. Confitebor nómini tuo: quóniam adjútor et protéctor factus es mihi, et liberásti corpus meum a perditíone.

Pro nec Virgine nec Martyre.

Capitulum. Prov. 31. b.

Mulierem fortem quis invéniet? procul, et de últimis finibus prætium ejus. Confidit in ea cor viri sui, et spóliis non indigébit.

Hymnus.

Fortem virili pectore
Laudémus omnes féminam,
Quæ sanctitátis glória
Ubique fulget ínclýta.

Hæc sancto amóre saúcia,
Dum mundi amórem nóxium
Horréscit, ad cœléstia
Iter perégit árduum.

Carnem domans jejúniis,
Dulcíque mentem pábulo
Oratiónis nútriens,
Cœli potítur gáudiis.

Rex Christe virtus fórtium,
Qui magna solus éffcis,
Hujus precátu, quæsumus,
Audi benígnus súpplices.

Deo Patri sit glória,
Ejúsque soli Fílio,
Cum Spíritu Paráclito,
Nunc, et per omne sæculum.

Amen.

V. Spécie tua, et pulchritúdine tua.

R. Inténde, prospere procéde, et regna.

Ad Magnificat, Antiphona, to. 8.
Símile est regnum cœlórú hómíni
negotiátóri, quærénti bonas margarí-
tas: invénta una pretiósa, dedit óm-
nia sua, et comparávit eam.

Pro una Martyre tantum.

Oratio.

DEus, qui inter cétera poténtiæ tuæ
mirácula, étiam in sexu frágili
victóriam martýrii contulísti: con-
céde propítius; ut, qui beátæ N. Már-
tyris tuæ natalítia cólimus, per ejus
ad te exémpia gradiámur. Per Dó-
minum.

Pro pluribus Martyribus tantum.

Oratio.

DA nobis, quæsumus, Dómine Deus
noster, sanctárum Mátyrum tuá-
rum N. et N. palmas incessábili de-
votióne venerári: ut, quas digna
mente non pössumus celebráre, hu-
mílibus saltem frequentémus obsé-
quiis. Per Dóminum.

Pro nec Virgine nec Martyre.

Oratio.

EXaúdi nos, Deus salutáris noster:
ut sicut de beátæ N. festivitáte
gaudémus; ita piæ devotiónis erudiámur
afféctu. Per Dóminum.

AD MATUTINUM.

Invitatorium. Laudémus Deum
nostrum, * In confessióne beátæ N.

Psalmus. Veníte, exultémus. 2.

Hymnus.

HUjus orátu, Deus alme, nobis
Débitas pœnas scélerum remítte;
Ut tibi puro resonémus alnum
Péctore carmen.

Sit decus Patri, genitéque Proli,
Et tibi, compar utriúsque virtus
Spíritus semper, Deus unus, omni
Témporis ævo. Amen.

IN I. NOCTURNO.

Antiph. to. 7. O quam pulchra est
casta generátio cum claritáte!

Psalmus 8.

DOmīne Dóminus noster, * quam
admirábile est nomen tuum in
univérſa terra!

Quóniam eleváta est magnificéntia
tua * super cœlos.

Ex ore infántium et lacténtium perfe-
císti laudem propter inimícos tuos, *
ut déstruas inimícum et ultórem.

Quóniam vidébo cœlos tuos, ópera
digitórum tuórum: * lunam et stellas,
quæ tu fundásti.

Quid est homo, quod memor es ejus?
* aut fílius hómīnis, quóniam vísitas
eum?

Minuísti eum paulo minus ab Ange-
lis, glória et honóre coronásti eum: *
et constituísti eum super ópera má-
nuum tuárum.

Omnia subjecísti sub pédibus ejus, *
oves et boves univérſas, ínsuper et
pécora campi;

Vólucres cœli, et písces maris, * qui
perámbulant sémitas maris.

Dómine Dóminus noster, * quam ad-
mirábile est nomen tuum in univérſa
terra!

Antiph. O quam pulchra est casta
generátio cum claritáte!

Antiph. to. 4. Læva ejus sub cápite
meo, et dextera illíus amplexábitur me.

Psalmus 18.

CÆli enárrant glóriam Dei, * et
ópera mánuum ejus annúntiat fir-
maméntum.

Dies diéi erúctat verbum, * et nox
nocti índicat sciéntiam.

Non sunt loquélæ, neque sermónes, *
quorum non audiántur voces eórum.

In omnem terram exívit sonus eórum:
* et in fines orbis terræ verba eórum.

In sole pósuit tabernáculum suum: *
et ipse tamquam sponsus procédens
de thálamo suo.

Exultávit ut gigas ad curréndam viam:
* a summo cœlo egréssio ejus:

Et occursus ejus usque ad summum ejus: * nec est qui se abscondat a calore ejus.

Lex Dómini immaculata, convertens animas: * testimónium Dómini fidèle, sapiéntiam præstans párvulis.

Justítiæ Dómini rectæ, lætificantes corda: * præcéptum Dómini lúcidum, illúminans óculos.

Tímor Dómini sanctus, pérmanens in sæculum sæculi: * judícia Dómini vera, justificáta in semetípse.

Desiderabilia super aurum et lápidem pretiósum multum, * et dulcióra super mel et favum.

Etenim servus tuus custódit ea: * in custodiéndis illis retribútio multa.

Delicta quis intélligit? ab occúltis meis munda me: * et ab aliénis parce servo tuo.

Si mei non fúerint domináti, tunc immaculátus ero: * et emundábor a delicto máximo.

Et erunt ut compláceant elóquia oris mei: * et meditátio cordis mei in conspéctu tuo semper.

Dómine adjútor meus, * et redémptor meus.

Antiph. Læva ejus sub cápite meo, et dextera illius amplexábitur me.

Antiph. to. 7. r. Revértere, revértere, Sunamítis: revértere, revértere, ut intueámur te.

Psalmus 23.

Domini est terra, et plenitúdo ejus: * orbis terrárum, et univérsi qui hábitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino, * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Antiph. Revértere, revértere, Sunamítis: revértere, revértere, ut intueámur te.

V. Spécie tua, et pulchritúde tua.

R. Inténde, prospere procéde, et regna.

Pater noster.

Absolutio. Exáudi, Dómine.

V. Jube, domne, benedícere.

Benedictio. Benedictiónem perpétua.

Lectiones primi Nocturni pro Martyre tantum leguntur ut supra. Confítebor tibi, Dómine. [104].

Pro nec Virgine nec Martyre, ut sequuntur.

De Parábolis Salomónis.

Lectio i. Cap. 31. b.

Mulierem fortem quis invéniet? procul, et de últimis fínibus pretium ejus. Confídit in ea cor viri sui, et spóliis non indigébit. Reddet ei bonum, et non malum, ómnibus diébus vitæ suæ. Quæsívit lanam et limum, et operáta est consílio mánuum suárum. Facta est quasi navis institoris, de longe portans panem suum. Et de nocte surrexit, deditque prædam domésticis suis, et cibária ancillis suis. Considerávit agrum, et emit eum: de fructu mánuum suárum plantávit vineam. Accínxit fortitúde lumbos suos, et roborávit bráchium suum.

R. Veni, elécta mea, et ponam in te thronum meum: * Quia concupívit Rex spéciem tuam.

V. Spécie tua, et pulchritudine tua inténde, prospere procéde, et regna. Quia.

Benedictio. Unigénitus Dei Fílius.

Lectio ii.

Gustávit, et vidit quia bona est negotiátio ejus: non extinguetur in nocte lucérna ejus. Manum suam misit ad fórtia, et dígití ejus apprehenderunt fusum. Manum suam aperuit ínopi, et palmas suas extendit ad páuperem. Non timébit dómui suæ a frigóribus nivis: omnes enim doméstici ejus vestítí sunt duplícibus. Stragulátam vestem fecit sibi: byssus et púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit, et véndidit, et cingulum trádedit Chananéó.

R. Diffúsa est grátia in lábiis tuis: * Proptérea benedíxit te Deus in ætérnum.

V. Spécie tua, et pulchritudine tua inténde, prospere procéde, et regna. Proptérea.

Benedictio. Spíritus sancti grátia.

Lectio iii.

Fortitúdo et decor indumentum ejus, et ridébit in die novíssimo. Os suum aperuit sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt fílii ejus, et beatíssimam prædicavérunt: vir ejus, et laudávit eam. Multæ fíliæ congregavérunt divítias, tu supergréssa es univérsas. Fallax grátia, et vana est pulchritúdo: múlíer timens Dóminum, ipsa laudábitur. Date ei de fructu mánuum suárum: et láudent eam in portis ópera ejus.

R. Spécie tua, et pulchritudine tua * Inténde, prospere procéde, et regna.

V. Diffúsa est grátia in lábiis tuis, proptérea benedíxit te Deus in ætérnum. Inténde. Glória Patri. Inténde.

IN II. NOCTURNO.

Antiph. to. 7. Spécie tua, et pulchritudine tua inténde, prospere procéde, et regna.

Psalmus 44.

Eructávit cor meum verbum bonum: * dico ego ópera mea Regi. Língua mea, cálamus scribæ, * velociter scribéntis.

Speciósus forma præ fíliis hóminum, diffúsa est grátia in lábiis tuis: * proptérea benedíxit te Deus in ætérnum.

Accíngere gládio tuo super femur tuum, * potentíssime.

Spécie tua, et pulchritudine tua * inténde, prospere procéde, et regna,

Propter veritátem, et mansuetúdinem, et justítiam: * et dedúcet te mirábiliter délixtera tua.

Sagíttae tuæ acútæ, pópuli sub te cadent, * in corda inimicórum regis.

Sedes tua, Deus, in sáeculum sáeculi: * virga directiónis, virga regni tui.

Dilexísti justítiam, et odísti iniquitátem: * proptérea unxit te Deus, Deus tuus, óleo lætítiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis: * ex quibus delectavérunt te fíliæ regum in honóre tuo.

Astitit regína a dextris tuis in vestítu deauráto, * circúmdata varietáte.

Audi, fília, et vide, et inclína aurem tuam: * et oblivíscere pópulum tuum, et domum patris tui.

Et concupíscet Rex decórem tuum: * quóniam ipse est Dóminus Deus tuus, et adorábunt eum.

Et fíliæ Tyri in munéribus * vultum tuum deprecabúntur, omnes dívites plebis.

Omnis glória ejus fíliæ Regis ab intus, * in fímbriis aureis circumamícta varietátibus.

Adducéntur Regi vírgines post eam: * próximæ ejus afferéntur tibi.

Afferéntur in lætítia et exultatióne: * adducéntur in templum Regis.

Pro pátribus tuis nati sunt tibi filii: * constitúes eos príncipes super omnem terram.

Mémores erunt nóminis tui, * in omni generatióne, et generatióne.

Proptérea pópuli confitebúntur tibi in ætérnum, et in sáeculum sáeculi.

Antiph. Spécie tua, et pulchritúdine tua inténde, prospere procéde, et regna.

Antiph. to. 7. Adjuvábít eam Deus vultu suo: Deus in médio ejus, non commovébitur.

Psalmus 45.

Deus noster refúgium, et virtus: * adjútor in tribulatió nibus, quæ invenérunt nos nimis.

Proptérea non timébimus dum turbábitur terra: * et transferéntur montes in cor maris.

Sonuérunt, et turbátæ sunt aquæ eórum: * conturbáti sunt montes in fortitúdine ejus.

Flúminis ímpetus lætíficat civitátem Dei: * sanctificávit tabernáculum suum Altíssimus.

Deus in médio ejus, non commovébitur: * adjuvábít eam Deus mane dilúculo.

Conturbátæ sunt gentes, et inclináta sunt regna: * dedit vocem suam, mota est terra.

Dóminus virtútum nobíscum: * suscepátor noster Deus Jacob.

Veníte, et vidéte ópera Dómini, quæ pósuit prodígia super terram: * auferens bella usque ad finem terræ.

Arcum cónteret, et confrínget arma: * et scuta combúret igni.

Vacáte, et vidéte, quóniam ego sum Deus: * exaltábor in Géntibus, et exaltábor in terra.

Dóminus virtútum nobíscum: * suscepátor noster Deus Jacob.

Antiph. Adjuvábít eam Deus vultu suo: Deus in médio ejus, non commovébitur.

Antiph. to. 8. f. Aquæ multæ non potuérunt extínguere charitátem.

Psalmus 47.

Magnus Dóminus, et laudábilis nimis * in civitáte Dei nostri, in monte sancto ejus.

Fundátur exultatióne univérsæ terræ mons Sion, * látera Aquilónis, civitas Regis magni.

Deus in dómibus ejus cognoscétur, * cum suscépiet eam.

Quóniam ecce Reges terræ congregáti sunt: * convenérunt in unum.

Ipsi vidéntes sic admiráti sunt, conturbáti sunt, commóti sunt: * tremor apprehéndit eos.

Ibi dolóres, ut parturiéntis: * in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri: * Deus fundávit eam in ætérnum.

Suscépiimus, Deus, misericórdiam tuam, * in médio templi tui.

Secúndum nomen tuum, Deus, sic et laus tua in fines terræ: * justítia plena est dextera tua.

Lætétur mons Sion, et exúltent filiæ Judæ, * propter judícia tua, Dómine.

Circúmdate Sion, et complectímmini eam: * narráte in túrribus ejus.

Pónite corda vestra in virtúte ejus: * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sáeculum sáeculi: * ipse reget nos in sáecula.

Antiph. Aquæ multæ non potuérunt extínguere charitátem.

V. Adjuvábít eam Deus vultu suo.

R. Deus in médio ejus, non commovébitur.

Pater noster.

Absolutio. Ipsíus píetas.

V. Jube, domne, benedícere.

Benedictio. Deus Pater omnípotens.

Ex libro Sancti Ambrósii Epíscopi
de Víduis.

Lectio iv.

Prope finem.

AGrum hunc Ecclésiæ fértilē
cerno, nunc integritátis flore ver-
nāntem, nunc viduitátis gravitáte pol-
lētē, nunc étiam conjúgii frúctibus
redundāntem. Nam etsi divérsi, unius
tamen agri fructus sunt: nec tanta
hortórum lília, quantæ arístæ sége-
tum, méssium spícæ: compluriúmque
spátia campórum recipiendis aptan-
tur semínibus, quam rédditis nováles
frúctibus feriántur. Bona ergo vidúi-
tas, quæ tóties Apostólicō judício
prædicátur. Hæc enim magístra fidei,
magístra est castitátis.

R. Propter veritátem, et mansuetúdi-
nem, et justítiam: * Et dedúcet te mi-
rabíliter dextera tua.

V. Spécie tua, et pulchritúdine tua
intēde, prospere procéde, et regna.
Et dedúcet.

Benedictio. Christus perpétuæ.

Lectio v.

UNde et illi, qui deórum suórum
adultéria et probra venerántur,
cœlibátus et viduitátis statuére pœ-
nas, ut æmuli criminum muletárent
stúdia virtútum, spécie quidem, qua
fecunditátem quærerent, sed stúdio,
quo propósitum castitátis abolérent.
Nam conféctis et miles stipéndiis
arma depónit, et relícto officio quod
gerébat, ad própria veteránus rura
dimíttitur, ut et ipse exércitæ labóri-
bus vitæ réquiem consequátur, et álios
spes futúráe quiétis subeúndis faciát
óperibus promptióres. Agrícola quo-
que matúrior torquéndam áliis stivam
commíttit, et juveníli gravátus ópere
providéntiam curæ senílis explórat:
vitem facílius tondére, quam premere,
ut juvenescéntem luxúriam réprimat,
et adolescéntem lascíviā falce suc-
cídat: parcórum quamdam pártium
castitátem docens étiam in vítibus
expeténdam.

R. Dilexísti justítiam, et odísti ini-
quitátem: * Proptérea unxit te Deus,
Deus tuus óleo lætítiæ.

V. Propter veritátem, et mansuetúdi-
nem, et justítiam. Proptérea.

Lectio vi.

Similis huic vídua velut eméritis ve-
terána stipéndiis castitátis, et si
conjúgii arma depónat, domus tamen
totíus pacem gubérnat: et si vehén-
dis onéribus otíosa, maritándis tamen
juníoribus próvida, ubi cultus utilior,
ubi fructus ubérior sit, quarum cópu-
lam aptiórem, seníli gravitáte dispónit.
Itaque si maturióribus quam ju-
nióribus commíttitur ager, cur putes
utiliórē nuptam esse quam víduam?
quod si persecutóres fidei persecutó-
res faérunt étiam viduitátis; útique
fidem sequéntibus vidúitas non pro
supplício fugiéndā est, sed tenéndā
pro præmio.

R. Fallax grátia, et vana est pulchri-
túdo: * Múlier timens Deum, ipsa lau-
dábatur.

V. Date ei de fructu mánuum suárum,
et laudent eam in portis ópera ejus.
Múlier. Glória Patri. Múlier.

IN III. NOCTURNO.

Antiph. to. 3. Nigra sum, sed for-
mósa, filia Jerúsalem: ideo diléxit
me Rex, et introdúxit me in cubícu-
lum suum.

Psalmus 95.

Cantáte Dómino cánticum novum:
* cantáte Dómino omnis terra.

Cantáte Dómino, et benedícite nó-
mini ejus: * annuntiáte de die in diem
salutáre ejus.

Annuntiáte inter Gentes glóriam ejus:
* in ómnibus pópulis mirabília ejus.

Quóniam magnus Dóminus, et laudá-
bilis nimis: * terríbilis est super om-
nes deos.

Quóniam omnes dii Géntium dæmó-
nia: * Dóminus autem cœlos fecit.

Conféssio, et pulchritúdo in conspéctu ejus: * sanctimónia, et magnificéntia in sanctificatióne ejus.

Afférte Dómino pátriæ Géntium, afférte Dómino glóriam, et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commovéatur a fácie ejus univérsa terra: * dícite in Géntibus, quia Dóminus regnávít.

Etenim corréxit orbem terræ, qui non commovébitur: * judicábit pópulos in æquitáte.

Læténtur cœli, et exúltet terra, commovéatur mare, et plenitúdo ejus: * gaudébunt campi, et ómnia, quæ in eis sunt.

Tunc exultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Antiph. Nigra sum, sed formósa, filíæ Jerúsalem: ídeo diléxit me Rex, et introdúxit me in cubículum suum.

Antiph. to. 8. Trahe me post te, in odórem currémus unguentórum tuórum: óleum effúsum nomen tuum.

Psalmus 96.

Dóminus regnávít, exúltet terra: * læténtur ínsulæ multæ.

Nubes, et calígo in circúitu ejus: * justítia, et judícium corréctio sedis ejus.

Ignis ante ipsum præcédet: * et inflammábit in circúitu inimícos ejus.

Illuxérunt fúlgura ejus orbi terræ: * vidit, et commóta est terra.

Montes sicut cera fluxérunt a fácie Dómini: * a fácie Dómini omnis terra.

Annuntiavérunt cœli justítiam ejus: * et vidérunt omnes pópuli glóriam ejus.

Confundántur omnes, qui adórant sculptília: * et qui gloriántur in simulácris suis.

Adoráte eum, omnes Angeli ejus: * audívit, et lætáta est Sion.

Et exultavérunt filíæ Judæ, * propter judícia tua, Dómine.

Quóniam tu Dóminus Altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómino: * et confitémini memóriæ sanctificatiónis ejus.

Antiph. Trahe me post te, in odórem currémus unguentórum tuórum: óleum effúsum nomen tuum.

Antiph. to. 7. Veni, sponsa Christi, áccipe corónam, quam tibi Dóminus præparávit in ætérnum.

Psalmus 97.

Cantáte Dómino cánticum novum: * quia mirabília fecit.

Salvávít sibi délixtera ejus, * et bráchium sanctum ejus.

Notum fecit Dóminus salutáre suum: * in conspéctu Géntium revelávit justítiam suam.

Recordátus est misericórdiæ suæ, * et veritátis suæ dómui Israel.

Vidérunt omnes términi terræ * salutáre Dei nostri.

Jubiláte Deo omnis terra: * cantáte, et exultáte, et psállite.

Psállite Dómino in cíthara, in cíthara, et voce psalmi: * in tubis ductílibus, et voce tubæ córneæ.

Jubiláte in conspéctu Regis Dómini: * moveátur mare, et plenitúdo ejus, orbis terrárum, et qui hábitant in eo.

Flúmina plaudent manu, simul montes exultábunt a conspéctu Dómini: * quóniam venit judicáre terram.

Judicábit orbem terrárum in justítia, * et pópulos in æquitáte.

Antiph. Veni, sponsa Christi, accipe coronam, quam tibi Dóminus præparavit in ætérnum.

℣. Elégit eam Deus, et præelégit eam.

℞. In tabernáculo suo habitare facit eam.

Pater noster.

Absolutio. A vínculis.

℣. Jube, domne, benedícere.

Benedictio. Evangélica lécio.

Lécio sancti Evangélii secúndum Matthæum.

Lectio vii.

Cap. 13. t.

IN illo témpore: Dixit Jesus discipulis suis parábolam hanc: Símile est regnum cœlórum thesaúro abscondito in agro. Et réliqua.

Homília Sancti Gregórii Papæ.

Homília 11. in Evāgelia.

Cœlórum regnum, fratres charissimi, idcirco terrénis rebus símile dicitur, ut ex his quæ ánimus novit, surgat ad incógnita quæ non novit: quátenus exémplo visibílium se ad invisibília rápiat, et per ea quæ usu dídicit, quasi confricátus incaléscat: ut per hoc, quod scit notum dilígere, discat et incógnita amáre. Ecce enim regnum cœlórum thesaúro abscondito in agro comparátur: quem qui ínvenit homo abscondit, et præ gáudio illíus vadit, et vendit univérsa quæ habet, et emit agrum illum.

℞. Os suum apérui sapiéntiæ, et lex cleméntiæ in lingua ejus: considerávit sémitas domus suæ, * Et panem otíosa non comédit.

℣. Gustávit et vidit quia bona est negotiátio ejus: non extingúetur in nocte lucérna ejus. Et panem.

Lectio viii.

Qua in re hoc quoque notándum est: quod invéntus thesaúrus absconditur, ut servétur: quia stúdiu cœléstis desidérii a malignis spirítibus custodíre non súfficit, qui hoc ab

humánis láudibus non abscondit. In præsénti étenim vita, quasi in via sumus, qua ad pátriam pérgimus. Maligni autem spíritus iter nostrum quasi quidam latrúnculi óbsident. Depredári ergo desidérat, qui thesaúrum públice portat in via. Hoc autem dico, non ut próximi ópera nostra bona non vídeant, cum scriptum sit: Vídeant ópera vestra bona, et gloríficent Patrem vestrum, qui in cœlis est: sed ut per hoc, quod ágimus, laudes extérius non quæramus. Sic autem sit opus in público, quátenus inténtio máneat in occúlto, ut et de bono ópere próximis præbeámus exémplum, et tamen per intentiónem, qua Deo soli placére quærimus, semper optémus secrétum.

℞. Regnum mundi, et omnem ornátum sæculi contépsi propter amórem Dómini mei Jesu Christi, * Quem vidi, quem amávi, in quem crédidi, quem diléxi.

℣. Eructávit cor meum verbum bonum: dico ego ópera mea Regi. Quem. Glória Patri. Quem.

Benedictio. Ad societátem.

Lectio ix.

Thesaúrus autem cœléste est desidérium: ager vero, in quo thesaúrus absconditur, disciplína stúdi cœléstis. Quem profécto agrum vénditis ómnibus cómparat, qui voluptátibus carnis renúntians, cuncta sua terréna desidéria per disciplínæ cœléstis custódiam calcat: ut nihil jam, quod caro blanditur, líbeat; nihil, quod carnálem vitam trucídat, spíritus perhorréscat.

Te Deum laudámus. 13.

AD LAUDES ET PER HORAS.

Antiph. to. 3. Dum esset Rex in acúbitu suo, nardus mea dedit odórem suavitátis.

Psalmus. Dóminus regnávit. cum reliquis. 14.

Antiph. to. 4. In odórem unguentórum tuórum cúrrimus, adolescéntulæ dilexérunt te nimis.

Antiph. to. 8. Jam hiems tránsiit, imber ábiit, et recéssit: surge, amíca mea, et veni.

Antiph. to. 4. Veni, elécta mea, et ponam in te thronum meum, allelúja.

Antiph. to. 8. Ista est speciósá inter filias Jerúsalem.

Pro Martyre tantum.

Capitulum. Eccli. 51.

Confitebor tibi, Dómine Rex, et collaudábo te Deum Salvatórem meum. Confitebor nómini tuo, quóniam adjútor et protéctor factus es mihi, et liberásti corpus meum a perditíone.

Pro nec Virgine nec Martyre.

Capitulum. Prov. 31. b.

Mulíerem fortem quis invéniet? procul, et de últimis fínibus prétium ejus. Confídit in ea cor viri sui, et spóliis non indigébit.

Hymnus.

Fortem viríli pectore
Laudémus omnes féminam,
Quæ sanctitátis glória
Ubíque fulget ínclýta.

Hæc sancto amóre sáucia,
Dum mundi amórem nóxium
Horréscit, ad coeléstia
Iter perégit árduum.

Carnem domans jejúniis,
Dulcéque mentem pábulo
Oratíonis nútriens,
Cœli potítur gáudiis.

Rex Christe virtus fórtium,
Qui magna solus éfficis,
Hujus precátu, quæsumus,
Audi benígnus súpplices.

Deo Patri sit glória,
Ejúsque soli Fílio,
Cum Spíritu Paráclito,
Nunc, et per omne sæculum.
Amen.

Ÿ. Diffúsa est grátia in lábiis tuis.

R. Proptérea benedíxit te Deus in ætérnum.

Ad Benedictus, Antiphona, to. 4.
Date ei de fructu mánuum suárum, et laudent eam in portis ópera ejus.

Pro una Martyre tantum.

Oratio.

Deus, qui inter cétera poténtiæ tuæ mirácula, étiam in sexu frágili victóriam martýrii contulísti: concéde propítius; ut qui beátæ N. mártýris tuæ natalítia cólimus, per ejus ad te exémpla gradiámur. Per Dóminum.

Pro pluribus Martyribus tantum.

Oratio.

Da nobis, quæsumus, Dómine Deus noster, sanctárum mártýrum tuárum N. et N. palmas incessábili devotíone venerári: ut, quas digna mente non póssumus celebráre, humílibus saltem frequentémus obséquiiis. Per Dóminum.

Pro nec Virgine nec Martyre.

Oratio.

Exáudi nos, Deus salutáris noster: ut sicut de beátæ N. festivitáte gaudémus; ita piæ devotíonis erudiámur afféctu. Per Dóminum.

Ad Tertiam

Antiph. to. 4. In odórem.

Pro Martyre tantum, Capitulum.
Confitebor tibi. ut supra.

Pro nec Virgine nec Martyre, Capitulum.
Mulíerem fortem. ut supra.

R. br. Spécie tua, * Et pulchritúdine tua. Spécie.

V. Inténde, prospere procéde, et regna. **Et.** Glória Patri. Spécie.

V. Adjuvabit eam Deus vultu suo.

R. Deus in médio ejus, non commovebitur.

☞ **Tempore Paschali, ad Tertiam,**

R. br. Spécie tua, et pulchritúdine tua, * Allelúja, allelúja. Spécie.

V. Inténde, prospere procéde, et regna. Allelúja, allelúja.

Glória Patri. Spécie.

V. Adjuvabit eam Deus vultu suo, allelúja.

R. Deus in médio ejus, non commovebitur, allelúja.

Ad Sextam.

Antiph. to. 8. Jam hiems tránsiit.

Pro una Martyre tantum.

Capitulum. Eccli. 51.

Liberásti me secúndum multitudínem misericórdiæ nóminis tui a rugiéntibus, præparátis ad escam, de má nibus quæ réntium ánimam meam, et de multis tribulatió nibus, quæ circumdedérunt me.

Pro nec Virgine nec Martyre.

Capitulum. Prov. 31. c.

Manum suam apéruit ínopi, et palmas suas exténdit ad páuperem. Non timébit dómui suæ a frigóribus nivis.

R. br. Adjuvabit eam * Deus vultu suo. Adjuvabit.

V. Deus in médio ejus, non commovebitur. Deus.

Glória Patri. Adjuvabit.

V. Elégit eam Deus, et. præelégit eam.

R. In tabernáculo suo habitáre facit eam.

☞ **Tempore Paschali, ad Sextam,**

R. br. Adjuvabit eam Deus vultu suo, * Allelúja, allelúja. Adjuvabit.

V. Deus in médio ejus, non commovebitur. Allelúja, allelúja.

Glória Patri. Adjuvabit.

V. Elégit eam Deus, et præelégit eam, allelúja.

R. In tabernáculo suo habitáre facit eam, allelúja.

Ad Nonam.

Antiph. to. 8. Ista est speciósa.

Pro Martyre tantum.

Capitulum. Eccli. 51.

Laudabit usque ad mortem ánima mea Dóminum: quóniam éruis sustinéntes te, et líberas eos de manu angústia, Dómine Deus noster.

Pro nec Virgine nec Martyre.

Capitulum. Prov. 31. d.

Multæ fíliæ congregavérunt divítias: tu supergréssa es univér sas. Fallax grátia, et vana es pulchritúdo: múl ier timens Dóminum ipsa laudábitur.

R. br. Elégit eam Deus, * Et præelégit eam. Elégit.

V. In tabernáculo suo habitáre facit eam. **Et.** Glória Patri. Elégit.

V. Diffúsa est grátia in lábiis tuis.

R. Proptérea benedíxit te Deus in ætérnum.

☞ **Tempore Paschali, ad Nonam,**

R. br. Elégit eam Deus, et præelégit eam, * Allelúja, allelúja. Elégit.

V. In tabernáculo suo habitáre facit eam. Allelúja, allelúja.

Glória Patri. Elégit.

V. Diffúsa est grátia in lábiis tuis, allelúja.

R. Proptérea benedíxit te Deus in ætérnum, allelúja.

Ad Vesperas.

Antiph. to. 3. Dum esset Rex. et alia
ut supra in primis Vesperis. [107]

Ÿ. Diffusa est grátia in lábiis tuis.

R. Propterea benedixit te Deus in
æternum.

Ad Magnificat, Antiphona, to. 8.

Manum suam aperuit inopi, et palmas
suas extendit ad páuperem, et panem
otiosa non comedit.

Si fuerint plures non virgines, idem
fit Officium ut supra.

Lectioes pro Martyre tantum.

IN II. NOCTURNO.

Sermo Sancti Joánnis Chrysóstomi.

Serm. 67. de diversis novi Testamenti locis.

Lectio iv.

EGo máxime commemoratiónes dí-
ligo Mártyrum, díligo et ampléc-
tor; atque omnes quidem, sed tum
præcipue, cum mulierum certamina
proponuntur. Quanto enim infirmius
est vas, tanto major est grátia, tanto
illústrius est trophæum, tanto insig-
nior est victória, non ob imbecillita-
tem sexus athletarum, sed quod per
ea, quibus vícerat inimicus, nunc
etiam vincatur.

R. Propter veritatem, et mansuetudi-
nem, et justitiam: * Et deducet te
mirabiliter dextera tua.

Ÿ. Spécie tua, et pulchritudine tua
intende, prospere procede, et regna.
Et deducet.

Lectio v.

Per mulierem vicit, per mulierem
superatus est. Hoc illius ántea
telum erat: hoc illius nunc cædis fac-
tum est instruméntum, hoc vas appá-
ruit insuperabile. Peccavit illa prior,
et mórtua est: ista mórtua est, ne
peccaret. Illa tum fútilis promissi
spe infláta, Dei leges violávit: hæc
vitam præsentem contempsit, ne fidem

in suum benefactorem ejuraret. Quam
ígitur deinceps sperare poterunt ex-
cusationem viri, si molles sint, et ig-
návi? quam vero véniam, cum fórtiter
ac viriliter se gerant mulieres, cum
ádeo se generose ad certamina pie-
tatis accingant?

R. Dilexisti justitiam, et odisti ini-
quitatem: * Propterea unxit te Deus,
Deus tuus oleo lætitiæ.

Ÿ. Propter veritatem, et mansuetudi-
nem, et justitiam. Propterea.

Lectio vi.

Fuit illi corpus imbecillum, et ob-
noxius sexus injuriæ; verúnta-
men ómnium horum imbecillitatem
adveniens grátia occultavit. Nihil
enim est, nihil plane poténtius est eo,
qui magno cum stúdio Dei timórem
hábeat in mente defixum; sed quam-
vis ignes, quamvis ferrum, quamvis
béstias, quamvis aliud quidvis mi-
nentur hostes, ómnia nullo negótio
contémnit; quod útique Beáta ista
etiam fecit.

R. Fallax grátia, et vana est pulchri-
tudo: * Mulier timens Deum ipsa lau-
dabitur.

Ÿ. Date ei de fructu manuum suarum,
et laudent eam in portis ópera ejus.
Mulier.

Glória Patri. Mulier.

Commune
Dedicationis Ecclesiæ.

IN I. VESPERIS.

Antiph. to. 7. r. Domum tuam, Dó-
mine. cum reliquis de Laudibus, in-
fra. [126] .

Psalms. Dixit Dóminus. cum reli-
quis ut in Communi Apostolorum [2]
et loco ultimi.

Psalmus 147.

Lauda, Jerúsalem, Dóminum : *
lauda Deum tuum, Sion.

Quóniam confortávit seras portárum
tuárum : * benedíxit filiis tuis in te.

Qui pósuit fines tuos pacem : * et ad-
ipe fruménti sátiat te.

Qui emíttit elóquium suum terræ : *
velóciter currit sermo ejus.

Qui dat nivem sicut lanam : * nébu-
lam sicut cínerem spargit.

Mittit crystállum suam sicut buccél-
las : * ante fáciem frígoris ejus quis
sustinébit?

Emíttet verbum suum, et liquefáci-
et ea : * flabit spíritus ejus, et fluent
aquæ.

Qui annúnciat verbum suum Jacob : *
justítias et judícia sua Israel.

Non fecit táliter omni natióni : * et
judícia sua non manifestávit eis.

Capitulum.

Apoc. 21.

VIdi civitátem sanctam Jerúsalem
novam descendéntem de cœlo a
Deo, parátam sicut sponsam ornátam
viro suo.

Hymnus.

CEléstis Urbs Jerúsalem,
Beáta pacis vísis,
Quæ celsa de vivéntibus
Saxis ad astra tólleris,
Sponsæque ritu cíngeris
Mille Angelórum millibus.

Osorte nupta próspera,
Dotáta Patris glória,
Respérta Sponsi grátia,
Regína formosíssima,
Christo jugáta Príncipi,
Cœli corúsca cívitas.

Hic margarítis émicant,
Paténtque cunctis óstia:
Virtúte namque prævia
Mortális illuc dúcitur,
Amóre Christi pércitus
Torménta quisquis sústinet.

Scalpri salúbris íctibus,
Et tunsiónem plúrima,

Fabri políta málleo
Hanc saxa molem cónstruunt,
Aptísque juncta nexibus
Locántur in fastígio.

Decus Parénti débitum
Sit usquequáque Altíssimo
Natóque Patris único,
Et ínclito Paráclito,
Cui laus, potéstas, glória
Ætérna sit per sæcula.

Amen.

V. Hæc est domus Dómini fírmiter
ædificáta.

B. Bene fundáta est supra firmam
petram.

Ad Magnificat, Antiphona, to. 1. f.

Sanctificávit Dóminus tabernáculum
suum, quia hæc est domus Dei, in
qua invocábitur nomen ejus, de quo
scriptum est: Et erit nomen meum
ibi, dicit Dóminus.

In ipso die Dedicationis Ecclesiæ,
et per Octavam, et quando varianda
est Oratio ob concursum Dedicationis
alterius Ecclesiæ.

Oratio.

DEus, qui invisibíliter ómnia cón-
tines, et tamen pro salúte géneris
humáni signa tuæ poténtiæ visibíliter
osténdis: templum hoc poténtia tuæ
inhabitatiónis illústra, et concéde; ut
omnes, qui huc deprecáturi convé-
niunt, ex quacúmque tribulatiónem ad
te clamáverint, consolatióis tuæ be-
neficia consequántur. Per Dóminum.

In Anniversario Dedicationis Eccle-
siæ, et per Octavam.

Oratio.

DEus, qui nobis per singulos annos
hujus sancti templi tui consecra-
tiónis réparas diem, et sacris semper
mystériis repræséntas incólumes: ex-
áudi preces pópuli tui, et præsta; ut
quisquis hoc templum beneficia peti-
turus ingréditur, cuncta se impetrásse
lætétur. Per Dóminum.

AD MATUTINUM.

Invitatorium. Domum Dei decet sanctitúdo: * Sponsum ejus Christum adóremus in ea.

Psalmus. Veníte, exultémus. 2.

Hymnus. Cœléstis Urbs Jerúsalem. ut supra. [119]

IN I. NOCTURNO.

Antiph. to. 7. r. Tóllite portas, príncipes, vestras, et elevámini, portæ æternáles.

Psalmus 23.

Domini est terra, et plenitúdo ejus: * orbis terrárum, et univérsti qui hábitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino, * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Antiph. Tóllite portas, príncipes, vestras, et elevámini, portæ æternáles.

Antiph. to. 4. Erit mihi Dóminus in Deum, et lapis iste vocábitur domus Dei.

Psalmus 45.

Deus noster refúgium, et virtus: * adjútor in tribulatióibus, quæ invenerunt nos nimis.

Proptérea non timébimus dum turbábitur terra: * et transferéntur montes in cor maris.

Sonuérunt, et turbátæ sunt aquæ eórum: * conturbáti sunt montes in fortitúdine ejus.

Flúminis ímpetus lætíficat civitátem Dei: * sanctificávit tabernáculum suum Altíssimus.

Deus in médio ejus, non commovébitur: * adjuvábít eam Deus mane dilúculo.

Conturbátæ sunt gentes, et inclináta sunt regna: * dedit vocem suam, mota est terra.

Dóminus virtútum nobíscum: * suscepátor noster Deus Jacob.

Veníte, et vidéte ópera Dómini, quæ pósuit prodígia super terram: * áuferens bella usque ad finem terræ.

Arcum cónteret, et confrínget arma: * et scuta combúret igni.

Vacáte, et vidéte, quóniam ego sum Deus: * exaltábor in Géntibus, et exaltábor in terra.

Dóminus virtútum nobíscum: * suscepátor noster Deus Jacob.

Antiph. Erit mihi Dóminus in Deum, et lapis iste vocábitur domus Dei.

Antiph. to. 6. Ædificávit Móyses altáre Dómino Deo.

Psalmus 47.

Magnus Dóminus, et laudábilis nimis * in civitáte Dei nostri, in monte sancto ejus.

Fundátur exultatióne univérsæ terræ mons Sion, * látera Aquilónis, civitas Regis magni.

Deus in dómibus ejus cognoscétur, * cum suscípiet eam.

Quóniam ecce Reges terræ congregáti sunt: * convenérunt in unum.

Ipsi vidéntes sic admiráti sunt, conturbáti sunt, commóti sunt: * tremor apprehéndit eos.

Ibí dolóres, ut parturiéntis: * in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri: * Deus fundávit eam in ætérnum.

Suscévimus, Deus, misericórdiam tuam, * in médio templi tui.

Secúndum nomen tuum, Deus, sic et laus tua in fines terræ: * justítia plena est dextera tua.

Lætétur mons Sion, et exúltent filiae Judæ, * propter iudícia tua, Dómine.

Circúmdate Sion, et complectímmini eam: * narráte in túribus ejus.

Pónite corda vestra in virtúte ejus: * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sæculum sæculi: * ipse reget nos in sæcula.

Antiph. **Æ**dificávit Móyes altáre Dómino Deo.

V. Domum tuam, Dómini, decet sanctitúdo.

R. In longitudínem diérum.

Pater noster.

Absolutio. **E**xáudi, Dómine.

V. Jube, domne, benedícere.

Benedictio. **B**enedictióne perpétua.

De libro secúndo Paralipómenon.

Lectio i.

Cap. 7.

CUm compléset Sálomon fundens preces, ignis descéndit de cœlo, et devorávit holocáusta et víctimas, et majéstas Dómini implévit domum. Nec póterant Sacerdótes íngredi templum Dómini, eo quod impléset majéstas Dómini templum Dómini. Sed et omnes filii Israel vidébant descendéntem ignem, et glóriam Dómini super domum: et corruéntes proni in terram super paviméntum stratum lápide, adoravérunt, et laudavérunt Dóminum: Quónium bonus, quóniam in sæculum misericórdia ejus. Rex autem et omnis pópulus immolábant víctimas coram Dómino. Mactávit igitur rex Sálomon hóstias, boum

vigínti duo mília, aríetum centum vigínti mília: et dedicávit domum Dei rex, et univérsum pópulus.

R. In dedicatióne templi decantábat pópulus laudem: * Et in ore eórum dulcis resonábat sonus.

V. Fundáta est domus Dómini supra vérticem móntium, et vénient ad eam omnes Gentes. **E**t in ore.

Benedictio. **U**nigénitus Dei Fílius.

Lectio ii.

Sacerdótes autem stabant in officiis suis: et Levítæ in órganis cármínium Dómini, quæ fecit David rex ad laudándum Dóminum: Quóniam in ætérnum misericórdia ejus: hymnos David canéntes per manus suas. Porro Sacerdótes canébant tubis ante eos, cunctúsque Israel stabat. Sanctificávit quoque Sálomon médium átrii ante templum Dómini: obtúlerat enim ibi holocáusta et ádipes pacificórum: quia altáre æneum, quod fécerat, non póterat sustinére holocáusta et sacrificia et ádipes. Fecit ergo Sálomon solemnitátem in témpore illo septem diébus, et omnis Israel cum eo, ecclésia magna valde, ab intróitu Emath usque ad torrénstem Ægýpti. Fecítque die octávo colléctam, eo quod dedicásset altáre septem diébus, et solemnitátem celebrásset diébus septem.

R. Fundáta est domus Dómini supra vérticem móntium, et exaltáta est super omnes colles: * Et vénient ad eam omnes Gentes, et dicent: Glória tibi, Dómine.

V. Veniéntes autem vénient cum exultatióne, portántes manípulos suos. **E**t vénient.

Benedictio. **S**píritus sancti grátia.

Lectio iii.

Complevítque Sálomon domum Dómini, et domum regis, et ómnia quæ disposúerat in corde suo, ut fáceret in domo Dómini, et in domo sua, et prosperátus est. Appáruit

autem ei Dóminus nocte, et ait: Audívi oratióem tuam, et elégi locum istum mihi in domum sacrificii. Si cláusero cœlum, et plúvia non flúxerit, et mandávero et præcépero locústæ, ut dévoret terram, et mísero pestilentiam in pópulum meum: convérsus autem pópulus meus, super quos invocátum est nomen meum, deprecátus me fúerit, et exquisíferit fáciem meam, et égerit pœniténtiam a viis suis péssimis: et ego exáudiam de cœlo, et propítius ero peccátis eórum, et sanábo terram eórum. Oculi quoque mei erunt apérti, et aures meæ eréctæ ad oratióem ejus, qui in loco isto oráverit. Elégi enim, et sanctificávi locum istum, ut sit nomen meum ibi in sempitérnum, et permáneant óculi mei, et cor meum ibi cunctis diébus.

R. Bénedic, Dómine, domum istam, quam ædificávi nómini tuo. Veniéntium in loco isto, * Exáudi preces in excélso sólio glóriæ tuæ.

V. Dómine, si convérsus fúerit pópulus tuus, et oráverit ad sanctuárium tuum. Exáudi.

Glória Patri. Exáudi.

IN II. NOCTURNO.

Antiph. to. 7. Non est hic áliud, nisi domus Dei, et porta cœli.

Psalmus 83.

Quam dilécta tabernácula tua, Dómine virtútum! * concupíscit, et déficit ánima mea in átria Dómini.

Cor meum, et caro mea * exultáverunt in Deum vivum.

Etenim passer invénit sibi domum: * et turtur nidum sibi, ubi ponat pullos suos.

Altária tua, Dómine virtútum: * Rex meus, et Deus meus.

Beáti, qui hábitant in domo tua, Dómine: * in sæcula sæculórum laudábunt te.

Beátus vir, cujus est auxílium abs te: * ascensiónes in corde suo dispósuit, in valle lacrymárum, in loco quem pósuit.

Etenim benedictióem dabit legislátor, ibunt de virtúte in virtútem: * vidébitur Deus deórum in Sion.

Dómine Deus virtútum, exáudi oratióem meam: * áuribus pécipe, Deus Jacob.

Protéctor noster, áspice, Deus: * et réspice in fáciem Christi tui.

Quia mélior est dies una in átriis tuis * super míllia.

Elégi abjéctus esse in domo Dei mei, * magis quam habitáre in tabernáculis peccatórum.

Quia misericórdiam, et veritátem díligit Deus: * grátiam, et glóriam dabit Dóminus.

Non privábit bonis eos, qui ámbulant in innocéntia: * Dómine virtútum, beátus homo, qui sperat in te.

Antiph. Non est hic áliud, nisi domus Dei, et porta cœli.

Antiph. to. 7. r. Vidit Jacob scalam, súmmitas ejus cœlos tangébat, et descendéntes Angelos, et dixit: Vere locus iste sanctus est.

Psalmus 86.

Fundaménta ejus in móntibus sanctis: * díligit Dóminus portas Sion super ómnia tabernácula Jacob.

Gloriósá dicta sunt de te, * cívitas Dei. Memor ero Rahab, et Babylónis * sciéntium me.

Ecce alienígenæ, et Tyrus, et pópulus Æthíopum: * hi fuérunt illic.

Numquid Sion dicet: Homo, et homo natus est in ea: * et ipse fundávit eam Altíssimus?

Dóminus narrábit in scriptúris populórum, et princípum: * horum, qui fuérunt in ea.

Sicut lætántium ómnium * habitátio est in te.

Antiph. Vidit Jacob scalam, súmmitas ejus cœlos tangébat, et descen-

déntes Angelos, et dixit: Vere locus iste sanctus est.

Antiph. to. 7. r. Eréxit Jacob lápidem in título, fundens óleum désuper.

Psalmus 87.

Domine Deus salutis meæ: * in die clamávi et nocte coram te.

Intret in conspéctu tuo orátio mea: * inclína aurem tuam ad precem meam.

Quia repléta est malis ánima mea: * et vita mea inférno appropinquávit.

Æstimátus sum cum descendéntibus in lacum: * factus sum sicut homo sine adjutório, inter mórtuos liber.

Sicut vulneráti dormiéntes in sepúlchris, quorum non es memor ámplius: * et ipsi de manu tua repúlsi sunt.

Posuérunt me in lacu inferióri: * in tenebrósis, et in umbra mortis.

Super me confirmátus est furor tuus: * et omnes fluctus tuos induxísti super me.

Longe fecísti notos meos a me: * posuérunt me abominatióne sibi.

Tráditus sum, et non egrediébar: * óculi mei languérunt præ inópia.

Clamávi ad te, Dómine, tota die: * expándi ad te manus meas.

Numquid mórtuis fácies mirabília: * aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam, * et veritatem tuam in perditíone?

Numquid cognoscéntur in ténebris mirabília tua, * et justítia tua in terra obliviónis?

Et ego ad te, Dómine, clamávi: * et mane orátio mea prævéniat te.

Ut quid, Dómine, repéllis oratióne meam: * avértis faciém tuam a me?

Pauper sum ego, et in labóribus a juventúte mea: * exaltátus autem, humiliátus sum, et conturbátus.

In me transiérunt iræ tuæ: * et terrores tui conturbavérunt me.

Circumdedérunt me sicut aqua tota die: * circumdedérunt me simul.

Elongásti a me amicum, et proximum, * et notos meos a miséria.

Antiph. Eréxit Jacob lápidem in título, fundens óleum désuper.

V. Domus mea.

R. Domus oratiónis vocábitur.

Pater noster.

Absolutio. Ipsus píetas.

V. Jube, domne, benedícere.

Benedictio. Deus Pater omnipotens.

Sermo Sancti Augustíni Episcopi.

Sermone 252. de Tempore.

Lectio iv.

Quotiescúmque, fratres charíssimi, altáris vel templi festivitátem cólimus, si fidéliter ac diligénter atténdimus, et sancte ac juste vívimus, quidquid in templis manufáctis ágitur, totum in nobis spiritáli ædificatióne complétur. Non enim mentítus est ille, qui dixit: Templum enim Dei sanctum est, quod estis vos: et íterum: Nescítis, quia córpora vestra templum sunt Spíritus sancti, qui in vobis est? Et ídeo, fratres charíssimi, quia nullis præcedéntibus méritis per grátiam Dei merúimus fferi templum Dei, quantum póssumus, cum ipsius adjutório laborémus, ne Dóminus noster in templo suo, hoc est, in nobis ipsis invéniat, quod óculos suæ majestátis offéndat.

R. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto.

V. Qui regis Israel, inténde, qui dedúcis velut ovem Joseph, qui sedes super Chérubim. *Dimítte.*

Benedictio. Christus perpétuæ.

Lectio v.

Sed habitáculum cordis nostri evacuétur vítiis, et virtútibus repleátur: claudátur diábolo, et aperiátur Christo: et ita laborémus, ut nobis

bonorum operum clavibus januam regni coelestis aperiri possimus. Sicut enim malis operibus, quasi quibusdam seris ac vectibus, vitae nobis janua clauditur: ita absque dubio bonis operibus aperitur. Et ideo, fratres charissimi, unusquisque consideret conscientiam suam, et quando se aliquo crimine vulneratum esse cognoverit, prius orationibus, jejuniis, vel eleemosynis studeat mundare conscientiam suam, et sic Eucharistiam praesumat accipere.

R. O quam metuendus est locus iste! * Vere non est hic aliud, nisi domus Dei, et porta coeli.

V. Haec est domus Domini firmiter aedificata, bene fundata est supra firmam petram. Vere.

Benedictio. Ignem sui amoris.

Lectio vi.

SI enim agnoscens reatum suum, ipse se a divino altari subtraxerit, cito ad indulgentiam divinae misericordiae perveniet. Quia, sicut qui se exaltat, humiliabitur; ita e contrario, qui se humiliat, exaltabitur. Qui enim, sicut dixi, agnoscens reatum suum, ipse se humiliter ab altari Ecclesiae pro emendatione vitae removere voluerit, ab aeterno illo et coelesti convivio excommunicari penitus non timebit.

R. Mane surgens Jacob erigebat lapidem in titulum, fundens oleum desuper, votum vovit Domino: * Vere locus iste sanctus est, et ego nesciebam.

V. Cumque evigilasset Jacob de somno, ait. Vere.

Gloria Patri. Vere.

IN III. NOCTURNO.

Antiph. to. 8. Qui habitat in adjutorio Altissimi, in protectione Dei coeli commorabitur.

Quando haec Antiphona dicitur integra, et illi non additur in fine Alle-

luja, tunc incipitur Psalmus idem a secundo versu Dicit Domino.

Psalmus 90.

Qui habitat in adjutorio Altissimi, * in protectione Dei coeli commorabitur.

Dicit Domino: Susceptor meus es tu, et refugium meum: * Deus meus sperabo in eum.

Quoniam ipse liberavit me de laqueo venantium, * et a verbo aspero.

Scapulis suis obumbrabit tibi: * et sub pennis ejus sperabis.

Scuto circumdabit te veritas ejus: * non timebis a timore nocturno,

A sagitta volante in die, a negotio perambulante in tenebris: * ab incursu, et daemonio meridiiano.

Cadent a latere tuo mille, et decem millia a dextris tuis: * ad te autem non appropinquabit.

Verumtamen oculis tuis considerabis: * et retributionem peccatorum videbis.

Quoniam tu es, Domine, spes mea: * altissimum posuisti refugium tuum.

Non accedet ad te malum: * et flagellum non appropinquabit tabernaculo tuo.

Quoniam Angelis suis mandavit de te: * ut custodiant te in omnibus viis tuis.

In manibus portabunt te, * ne forte offendas ad lapidem pedem tuum.

Super aspidem et basiliscum ambulabis: * et conculcabis leonem, et draconem.

Quoniam in me speravit, liberabo eum: * protegam eum, quoniam cognovit nomen meum.

Clamabit ad me, et ego exaudiam eum: * cum ipso sum in tribulatione: eripiam eum, et glorificabo eum.

Longitudine dierum replabo eum: * et ostendam illi salutare meum.

Antiph. Qui habitat in adjutorio Altissimi, in protectione Dei coeli commorabitur.

Antiph. to. 2. Templum Dómini sanctum est, Dei structúra est, Dei ædificatio est.

Psalmus 95.

Cantáte Dómino cánticum novum: * cantáte Dómino omnis terra.

Cantáte Dómino, et benedicite nómini ejus: * annuntiáte de die in diem salutáre ejus.

Annuntiáte inter Gentes glóriam ejus: * in ómnibus pópulis mirabília ejus.

Quóniam magnus Dóminus, et laudábilis nimis: * terríbilis est super omnes deos.

Quóniam omnes dii Géntium dæmónia: * Dóminus autem cœlós fecit.

Confessio, et pulchritúdo in conspéctu ejus: * sanctimónia et magnificéntia in sanctificatióne ejus.

Afférte Dómino, pátriæ Géntium, afférte Dómino glóriam, et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commoveátur a fácie ejus univérsta terra: * dícite in Géntibus, quia Dóminus regnávít.

Etenim corréxit orbem terræ, qui non commovébitur: * judicábit pópulos in æquitáte.

Læténtur cœli, et exúltet terra, commoveátur mare, et plenitúdo ejus: * gaudébunt campi, et ómnia, quæ in eis sunt.

Tunc exultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Antiph. Templum Dómini sanctum est, Dei structúra est, Dei ædificatio est.

Antiph. to. 7. r. Benedícta glória Dómini de loco sancto suo, allelúja.

Psalmus 98.

Dominus regnávít, irascántur pópuli: * qui sedet super Chérubim, moveátur terra.

Dóminus in Sion magnus, * et excélsus super omnes pópulos.

Confiteántur nómini tuo magno, quóniam terríbile, et sanctum est: * et honor regis judícium dñligit.

Tu parásti directiões: * judícium et justítiam in Jacob tu fecísti.

Exaltáte Dóminum Deum nostrum, et adoráte scabéllum pedum ejus: * quóniam sanctum est.

Móyses et Aaron in sacerdotibus ejus: * et Sámuel inter eos, qui ínvocant nomen ejus.

Invocabant Dóminum, et ipse exaudiébat eos: * in colúmna nubis loquebátur ad eos.

Custodiébant testimónia ejus, * et præcéptum, quod dedit illis.

Dómine Deus noster, tu exaudiébas eos: * Deus, tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus: * quóniam sanctus Dóminus Deus noster.

Antiph. Benedícta glória Dómini de loco sancto suo, allelúja.

V. Hæc est domus Dómini firmiter ædificáta.

R. Bene fundáta est supra firmam petram.

Pater noster.

Absolutio. A vínculis.

V. Jube, domne, benedicere.

Benedictio. **E**vangélica léctio.

Léctio sancti Evangélii secúndum Lucam.

Lectio vii.

Cap. 19.

In illo témpore: Ingréssus Jesus perambulábat Jéricho. Et ecce vir nómine Zachæus: et hic princeps erat publicanórum, et ipse dives. Et reliqua.

Homilia Sancti Ambrósii Episcopi.

Lib. 8. in Lucam, prope finem.

Zachæus statūra pusillus, hoc est, nulla nobilitatis ingénitæ dignitate sublimis, exiguus méritis, sicut pópulus nationum, audito Dómini Salvatoris advéntu, quem sui non recéperant, vidére cupiébat. Sed nemo fáciJe Jesum videt: nemo potest Jesum vidére constitútus in terra. Et quia non Prophétas, non legem habébat, tamquam formæ grátiam naturalis, ascéndit in sycómorum, vanitatem scilicet Judæórum vestígio suo próterens, erráta quoque córrigens superioris ætátis: et ideo Jesum in interiórís domus recépít hospítio.

R. Domus mea, domus oratiónis vocábitur, dicit Dominus: in ea omnis qui petit, áccipit, et qui quærit, invenit: * Et pulsánti aperiétur.

V. Pétite, et accipiétis: quærite, et inveniétis. Et pulsánti.

Benedictio. Divínium auxílium.

Lectio viii.

ET bene ascéndit in árborem, ut arbor bona bonos fructus fáceret: ac naturáli excísus oleástro, et contra natúram insértus in bonam olívam, fructum posset legis afférre. Radix enim sancta, etsi rami inútiles: quorum infructuósam glóriam plebs Géntium fide resurrectionis, quasi quadam córporis elevatióne, transcéndit. Zachæus ergo in sycómoro, cæcus in via: quorum álterum Dóminus miseráturus expéctat, álterum mansiónis suæ claritate nobílitat: álterum sanatúrus intérrogat, apud álterum se non invitátus invítat. Sciébat enim úberem hospítii sui esse mercédem. Sed tamen, etsi nondum vocem invitántis audíerat, jam vídebat afféctum.

R. Lápides pretiósí omnes muri tui: * Et turres Jerúsalem gemmis ædificabúntur.

V. Portæ Jerúsalem ex sapphíro et smarágdo ædificabúntur, et ex lápide pretiósó omnis circúitus muri ejus. Et turres. Glória Patri. Et turres.

Benedictio. Ad societátem.

Lectio ix.

Verum ne cæcum illum tamquam fastidiósi páuperum cito reliquisse videámur, et transísse ad dívitem, expectémus eum, quia expectávit et Dóminus: interrogémus eum, quia interrogávit et Christus. Nos interrogémus, quia nescímus: ille, quia nóverat. Nos interrogémus, ut sciámus unde iste curátus sit: ille interrogávit, ut in uno plures discerémus, unde Dóminum vidére mereámur. Interrogávit enim, ut crederémus, néminem nisi confiténtem posse salvári. Te Deum laudámus. 13.

AD LAUDES ET PER HORAS.

Antiph. to. 7. r. Domum tuam, Dómine, decet sanctitúdo in longitúdinem diérum.

Psalmus. Dóminus regnávit. cum reliquis. 14.

Antiph. to. 1. r. Domus mea, domus oratiónis vocábitur.

Antiph. to. 1. Hæc est domus Dómini fírmiter ædificáta, bene fundáta est supra firmam petram.

Antiph. to. 8. f. Bene fundáta est domus Dómini supra firmam petram.

Antiph. to. 2. Lápides pretiósí omnes muri tui, et turres Jerúsalem gemmis ædificabúntur.

Capitulum.

Apoc. 21.

Vidi civitátem sanctam Jerúsalem novam descendéntem de cœlo a Deo, parátam sicut sponsam ornátam viro suo.

Hymnus.

Alto ex Olympi vértice
Summi Paréntis Fílius,
Ceum monte deséctus lapis

Terras in inas decedens,
Domus supernæ, et infimæ,
Utrumque junxit angulum.

Sed illa sedes cœlitum
Semper resultat laudibus,
Deumque Trinum et Unicum
Jugi canore prædicat:
Illi canentes jungimur
Almæ Sionis æmuli.

Hæc templa, Rex cœlestium,
Imple benigno lumine:
Huc o rogatus adveni,
Plebisque vota suscipe,
Et corda nostra jûgiter
Perfunde cœli grátia.

Hic impetrent fidélium
Voces, precésque supplicum
Domus beátæ mûnera,
Partisque donis gaudeant:
Donec solúti corpore
Sedes beátas impleant.

Decus Parénti débitum
Sit usquequaque Altíssimo,
Natóque Patris único,
Et ínclito Paráclito,
Cui laus, potéstas, glória
Ætérna sit per sæcula.

Amen.

Ÿ. Hæc est domus Dómini fírmiter
ædificáta.

℞. Bene fundáta est supra firmam
petram.

Ad Benedictus, Antiphona, to. 8.
Zachæe, festínans descénde, quia hó-
die in domo tua opórtet me manére:
at ille festínans descéndit, et suscep-
pit illum gaudens in domum suam.
Hódie huic dómui salus a Deo facta
est, allelúja.

In ipso die Dedicationis Ecclesiæ,
et per Octavam, et quando varianda
est Oratio ob concursum Dedicatio-
nis alterius Ecclesiæ.

Oratio.

DEus, qui invisibíliter ómnia cón-
tines, et tamen pro salúte géne-

ris humáni signa tuæ poténtiæ visibí-
liter osténdis: templum hoc poténtia
tuæ inhabitationis illústra, et concéde;
ut omnes, qui huc deprecáturi convé-
niunt, ex quacúmque tribulatióne ad
te clamáverint, consolatiónis tuæ be-
neficia consequántur. Per Dóminum.

In Anniversario Dedicationis Eccle-
siæ, et per Octavam.

Oratio.

DEus, qui nobis per sîngulos annos
hujus sancti templi tui consecra-
tiónis réparas diem, et sacris semper
mystériis repræsentas incólumes: ex-
áudi preces pópuli tui, et præsta; ut
quisquis hoc templum beneficia peti-
turus ingreditur, cuncta se impetrásse
lætétur. Per Dóminum.

Ad Tertiam.

Antiph. to. 1. r. Domus mea.

Capitulum. Apoc. 21.

Vidi civitátem sanctam Jerúsalem
novam descendéntem de cœlo a
Deo, parátam sicut sponsam ornátam
viro suo.

℞. br. Domum tuam, Dómine, * De-
cet sanctitúdo. Domum.

Ÿ. In longitudínem diérum. Decet.
Glória Patri. Domum.

Ÿ. Locus iste sanctus est, in quo orat
Sacérdos.

℞. Pro delíctis et peccátis pópuli.

☿ Tempore Paschali, ad Tertiam,
℞. br. Domum tuam, Dómine, decet
sanctitúdo, * Allelúja, allelúja.
Domum.

Ÿ. In longitudínem diérum. Allelúja,
allelúja.

Glória Patri. Domum.

Ÿ. Locus iste sanctus est, in quo orat
Sacérdos, allelúja.

℞. Pro delíctis et peccátis pópuli,
allelúja.

Ad Sextam.

Antiph. to. 1. Hæc est domus Dómini.

Capitulum. Apoc. 21.

ET audívi vocem magnam de throno dicentem: Ecce tabernáculum Dei cum homínibus, et habitábit cum eis. Et ipsi pópulus ejus erunt, et ipse Deus cum eis erit eórum Deus.

R. br. Locus iste sanctus est, * In quo orat Sacerdos. Locus.

V. Pro delictis et peccátis pópuli. In quo. Glória Patri. Locus.

V. Hæc est domus Dómini firmiter ædificáta.

R. Bene fundáta est supra firmam petram.

¶ Tempore Paschali, ad Sextam, R. br. Locus iste sanctus est, in quo orat Sacerdos, * Allelúja, allelúja. Locus.

V. Pro delictis et peccátis pópuli. Allelúja, allelúja.

Glória Patri. Locus.

V. Hæc est domus Dómini firmiter ædificáta, allelúja.

R. Bene fundáta est supra firmam petram, allelúja.

Ad Nonam.

Antiph. to. 2. Lápides pretiíosi.

Capitulum. Apoc. 21. b.

ET abstérget Deus omnem lácrymam ab óculis eórum: et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedebat in throno: Ecce nova fácio ómnia.

R. br. Hæc est domus Dómini * Firmiter ædificáta. Hæc est.

V. Bene fundáta est supra firmam petram. Firmiter.

Glória Patri. Hæc est.

V. Bene fundáta est domus Dómini. R. Supra firmam petram.

¶ Tempore Paschali, ad Nonam, R. br. Hæc est domus Dómini firmiter ædificáta, * Allelúja, allelúja. Hæc est.

V. Bene fundáta est supra firmam petram. Allelúja, allelúja.

Glória Patri. Hæc est.

V. Bene fundáta est domus Dómini, allelúja.

R. Supra firmam petram, allelúja.

IN II. VESPERIS.

Antiphonæ, Psalmi, Capitulum et Hymnus ut in i. Vesperis. [118]

V. Domum tuam, Dómine, decet sanctitúdo.

R. In longitúdinem diérum.

Ad Magnificat, Antiphona, to. 6. O quam metuéndus est locus iste! vere non est hic áliud, nisi domus Dei, et porta cœli.

~*~

SECUNDA DIE

infra Octavam.

Lectiones primi Nocturni de Scriptura occurrente.

IN II. NOCTURNO.

Ex Tractátu Sancti Augustíni Epíscopi super Psalmos.

Lectio iv. In Psalm. 121.

JERúsalem, quæ ædificátur ut civitas. Fratres, quando dicebat ista David, perfécta erat illa civitas, non ædificabátur. Nescio quam ergo civitátem dicit, quæ modo ædificátur, ad quam currunt in fide lápides vivi, de quibus dicit Petrus: et vos tamquam lápides vivi coædificámini in domum spiritálem, id est, templum Dei sanctum. Quid est, Lápides vivi coædificámini? Vivis, si credis: si

autem credis, efficiéris templum Dei; quia dicit Apóstolus Paulus: Templum enim Dei sanctum est, quod estis vos.

R. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto.

V. Qui regis Israel, inténde, qui dedúcis velut ovem Joseph, qui sedes super Chérubim. **D**imítte.

Lectio v.

Ipsa ergo modo cívitas ædificátur. Præcidúntur de móntibus lápidés per manus prædicántium veritátem, conquadrántur, ut intrent in structúram sempitérnam. Adhuc multi lápidés in mánibus artificis sunt: non cadant de mánibus artificis, ut possint perfécti coædificári in structúram templi. Est ergo ista Jerúsalem, quæ ædificátur ut cívitas: fundaméntum ipsíus Christus est. Dicit Apóstolus Paulus: Fundaméntum áliud nemo potest pónere, præter id quod póstum est, quod est Christus Jesus.

R. O quam metuéndus est locus iste! * Vere non est hic áliud, nisi domus Dei, et porta cœli.

V. Hæc est domus Dómini firmiter ædificáta, bene fundáta est supra firmam petram. **V**ere.

Lectio vi.

Fundaméntum quando pónitur in terra, désuper ædificántur parietes, et pondus parietum ad ima tendit, quia in imo póstum est fundaméntum. Si autem fundaméntum nostrum in cœlo est, ad cœlum ædificémur. Córpora ædificavérunt istam structúram, quam vidétis amplam surrexisse hujus Basilicæ: et quia córpora ædificavérunt, fundaméntum in imo posuérunt. Quia vero spiritaliter ædificámur, fundaméntum nostrum in summo póstum est. Illuc ergo currámus, ibi ædificémur; quia

de ipsa Jerúsalem dictum est: Stantes erant pedes nostri in átriis tuis, Jerúsalem.

R. Mane surgens Jacob erigébat lápidem in titulum, fundens óleum désuper, votum vovit Dómino: * Vere locus iste sanctus est, et ego nesciébam.

V. Cumque evigilásset Jacob de somno, ait. **V**ere.

Glória Patri. **V**ere.

IN III. NOCTURNO.

Lectio sancti Evangélii secúndum Lucam.

Lectio vii.

Cap. 19.

In illo témpore: Ingréssus Jesus perambulábat Jéricho. Et ecce vir nómine Zachæus: et hic princeps erat publicanórum, et ipse dives. Et réliqua.

De Homilía Sancti Ambrósii Epíscopi.

Ex lib. 8. in Lucam in fine.

ET conféstim, inquit, vidit, et sequebátur illum, magníficans Dóminum. Aliter enim non vidéret, nisi sequerétur Christum, nisi Dóminum prædicáret, nisi sæculum præterfret. Cum divítibus quoque in grátiam revertámur. Nólumus enim offéndere dívites, qui vólumus, si fferi potest, sanáre omnes, ne in caméli comparatione præstrícti, et in Zachæo cítiús, quam opórtuit, derelícti, justæ habeant commotiónis offénsam.

R. Domus mea, domus oratiónis vocábitur, dicit Dóminus: in ea omnis qui petit, áccipit, et qui quærit, invenit: * Et pulsánti aperiétur.

V. Pétite, et accipiétis: quærite, et inveniétis. **E**t pulsánti.

Lectio viii.

Discant dívites, non in facultátibus crimen hærére, sed in iis, qui uti nesciant facultátibus. Nam divítiæ, ut impediménta improbis, ita bonis sunt adjuménta virtútis. Dives certe

Zachæus, et electus a Christo: sed dimidium bonorum suorum pauperibus largiendo, reddendo etiam in quadruplum, quæ fraude sustulerat, (alterum enim non sat est, nec habet gratiam liberalitas, si injuria perseverat, quia non spolia, sed dona queruntur) uberiores mercedem, quam conferabat, accepit.

R. Lápides pretiosi omnes muri tui:
* Et turres Jerúsalem gemmis ædificabuntur.

V. Portæ Jerúsalem ex sapphíro et smarágdo ædificabuntur, et ex lápide pretioso omnis circuitus muri ejus. **Et** turres. **Gloria Patri. Et turres.**

Lectio ix.

ET bene princeps inducitur publicanorum. Quis jam de se desperet, quando et iste, cui census ex fraude, ad salutem pervenit? Et ipse, inquit, dives. Ut scias non omnes divites, aváros. Quia statúra pusillus erat. Quid sibi vult, quod nullus alterius statúram Scriptúra, nisi hujus, expressit? Vide ne forte malitia pusillus, aut adhuc pusillus fide. Nondum enim reddere promiserat: nondum viderat Christum: merito adhuc pusillus. Joánnes autem magnus, quia et Christum vidit, et Spíritum sicut colúmbam super Christum manentem, sicut ipse ait: Vidi Spíritum descendentem sicut colúmbam, et manentem super eum.

Te Deum laudamus. 13.

TERTIA DIE

infra Octavam.

Lectiones primi Nocturni de Scriptura occurrente.

IN II. NOCTURNO.

Sermo Sancti Augustíni Epíscopi.

Serm. 256. de Tempore.

Lectio iv.

Celebritas hujus congregationis, dedicatio est domus orationis. Domus

ergo nostrarum orationum ista, domus autem Dei nos ipsi. Si domus Dei nos ipsi, nos in hoc sæculo ædificamur, ut in fine sæculi dedicemur. Ædificium, imo ædificatio habet laborem, dedicatio exultationem. Quod hic fiebat, quando ista surgébant; hoc fit modo, cum congregantur credentes in Christum. Credendo enim, quasi de silvis et montibus ligna et lápides præciduntur: cum vero catechizantur, baptizantur, formantur, tamquam inter manus fabricorum et opificum dolantur, collineantur, complanantur. Verumtamen domum Dómini non faciunt, nisi quando charitate compaginantur.

R. Orantibus in loco isto, * Dimitte peccata populi tui, Deus, et ostende eis viam bonam, per quam ambulent, et da glóriam in loco isto.

V. Qui regis Israel, intende, qui deducis velut ovem Joseph, qui sedes super Chérubim. **Dimitte.**

Lectio v.

Ligna ista et lápides si non sibi certo ordine cohærent, si non se pacifice innectent, si non se invicem, cohærendo sibi, quodammodo amarent, nemo huc intraret. Denique quando vides in aliqua fábrica lápides et ligna bene sibi cohærére, securus intras, ruínam non times. Vols ergo Dóminus Christus intrare, et in nobis habitare, tamquam ædificando dicebat: Mandatum novum do vobis: Ut vos invicem diligatis. Mandatum, inquit, novum do vobis. Veteres enim eratis, domum mihi nondum faciebatis, in vestra ruína jacebatis. Ergo, ut eruamini a vestra ruínæ vetustate, vos invicem amate.

R. O quam metuendus est locus iste!
* Vere non est hic aliud, nisi domus Dei, et porta cœli.

V. Hæc est domus Dómini firmiter ædificata, bene fundata est supra firmam petram. Vere.

Lectio vi.

Consideret ergo charitas vestra, aedificari adhuc istam domum toto, sicut praedictum est et promissum, orbe terrarum. Cum enim aedificatur domus post captivitatem, sicut habet alius Psalmus, dicitur: Cantate Domino canticum novum, cantate Domino omnis terra. Quod ibi dixit, canticum novum; hoc Dominus dixit, mandatum novum. Quid enim habet canticum novum, nisi amorem novum? Cantare amantis est. Vox huius cantoris, fervor est sancti amoris. Amemus, gratis amemus: Dominum enim amamus, quo nihil melius invenimus: ipsum amemus propter ipsum, et nos in ipso, tamen propter ipsum.

R. Mane surgens Jacob erigebat lapidem in titulum, fundens oleum desuper, votum vovit Domino: * Vere locus iste sanctus est, et ego nesciebam.

V. Cumque evigilasset Jacob de somno, ait. Vere.

Glória Patri. Vere.

IN III. NOCTURNO.

Lectio sancti Evangelii secundum Lucam.

Lectio vii.

Cap. 19.

In illo tempore: Ingressus Jesus perambulabat Jericho. Et ecce vir nomine Zachaeus: et hic princeps erat publicanorum, et ipse dives. Et reliqua.

De Homilia Sancti Ambrósii Episcopi.

Ex lib. 8. in Lucam prope fin.

Quæ autem turba, nisi imperitæ confusio multitudinis, quæ verticem nequit videre sapientiae? Ergo Zachaeus, quamdiu in turba est, non videt Christum: supra turbam ascendit, et vidit: hoc est, plebis jam transgressus inscientiam, meruit quem desiderabat, aspicere. Pulchre autem ad-

didit: Quia illa parte erat transiturus Dominus, vel ubi sycómoros, vel ubi crediturus: ut et mysterium servaret, et gratiam seminaret. Sic enim venerat, ut per Judaeos transiret ad Gentes.

R. Domus mea, domus orationis vocabitur, dicit Dominus: in ea omnis qui petit, accipit, et qui quaerit, invenit: * Et pulsanti aperiétur.

V. Pétite, et accipietis: quærite, et inveniétis. Et pulsanti.

Lectio viii.

Vidit itaque Zachaeum sursum. Jam enim sublimitate fidei inter fructus novorum operum, velut fecundæ altitudine arboris eminebat. Et quoniam de typo ad moralia defleximus, inter tot credentium voluptates Dominica die relaxare animum, festivitatem admiscere delectat. Zachaeus in sycómoro, novum videlicet novi temporis pomum, ut in hoc quoque compleretur illud: Arbor fici produxit grossos suos.

R. Lápides pretiosi omnes muri tui: * Et turres Jerúsalem gemmis aedificabuntur.

V. Portæ Jerúsalem ex sapphíro et smarágdo aedificabuntur, et ex lapide pretioso omnis circuitus muri ejus. Et turres. Glória Patri. Et turres.

Lectio ix.

Ad hoc enim Christus advénit, ut ex lignis non poma, sed homines nascerentur. Legimus alibi: Cum esses sub arbore fici, vidi te. Ergo Nathánael sub arbore, hoc est, supra radicem, quia justus. Radix enim sancta. Sub arbore tamen Nathánael, quia sub lege. Zachaeus supra arborem, quia supra legem. Ille Domini occultus defensor, hic publicus prædicator. Ille adhuc Christum ex lege quaerebat: iste jam supra legem relinquēbat sua, et Dominum sequebatur.

Te Deum laudamus. 13.

Oratio

QUARTA DIE

infra Octavam

Lectiones primi Nocturni de Scriptura occurrente.

IN II. NOCTURNO.

De Sermone S. Augustini Episcopi.

Ex Serm. 256. de Tempore.

Lectio iv.

Atténdite in Psalmo dedicatiónis, quem modo cantávimus ex ruína aedificiórum. Conscidísti saccum meum: hoc pertinet ad ruínam. Quid ergo ad aedificium? Et accinxísti me lætífia. Vox dedicatiónis: Ut cantet tibi glória mea, et non compúngar. Quis est, qui lóquitur? In verbis ejus agnóscite. Si expóno, obscúrum est. Ergo verba ejus dicam, contínuo agnoscétis loquéntem, ut amétis alloquéntem. Quis est, qui dícere pótuit: Eruísti, Dómine, ab ínferis ánimam meam?

R. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto.

V. Qui regis Israel, inténde, qui dedúcis velut ovem Joseph, qui sedes super Chérubim. **Dimítte.**

Lectio v.

Cujus ánimá jam ab ínferis éruta est, nisi de qua dictum est álio loco: Non derelínques ánimam meam in inférno? Propónitur dedicatío, et cantátur liberatío, cánticum dedicatiónis domus, et dícitur: Exaltábo te, Dómine, quóniam suscepísti me; et non jucundásti inimícos meos super me. Atténdite Judæos inimícos, qui se putábant occidísse Christum, vicísse tamquam inimícum, perdidísse quasi hómínem céteris símilem atque mortálem.

R. O quam metuéndus est locus iste!
* Vere non est hic áliud, nisi domus Dei, et porta cœli.

V. Hæc est domus Dómini fírmiter aedificáta bene fundáta est supra firmam petram. **Vere.**

Lectio vi.

Resurréxit tértia die, et ejus vox est: Exaltábo te, Dómine, quóniam suscepísti me. Atténdite Apóstolum dicéntem: Propter quod eum exaltávit. Et non jucundásti inimícos meos super me. Ipsi quidem in Christi morte jucundabántur, sed in ejus resurrectione, ascensione, prædicatione áliqui compungebántur. In ejus ergo prædicatione, et per Apostolorum constántiæ diffamatiónem áliqui compungebántur, et convertebántur: áliqui obdurabántur, et confundebántur, nulli tamen jucundabántur.

R. Mane surgens Jacob erigébat lápidem in títulum, fundens óleum desuper, votum vovit Dómino: * Vere locus iste sanctus est, et ego nesciébam.

V. Cumque evigilásset Jacob de somno, ait. **Vere.** Glória Patri. **Vere.**

IN III. NOCTURNO.

Lectio sancti Evangelii secundum Lucam.

Lectio vii.

Cap. 19.

In illo témpore: Ingressus Jesus perambulábat Jéricho. Et ecce vir nómine Zachæus: et hic princeps erat publicanórum, et ipse dives. Et réliqua.

Homília sancti Gregórii Papæ.

Lib. 27. Moral. cap. 27. post medium.

Si veráciter sapiéntes esse, atque ipsam sapiéntiam contemplári appetimus, stultos nos humíliter cognoscámus. Relinquámus nóxiam sapiéntiam, discámus laudábilem fatuitátem. Hinc quippe scriptum est: Stulta mundi elégit Deus, ut confúndat sapiéntes. Hinc rursum dícitur: Si quis vidétur inter vos sápiens esse

in hoc sæculo, stultus fiat, ut sit sapiens. Hinc Evangelicæ históriæ verba testántur: quia Zachæus, cum vidére præ turba nihil posset, sycómori árborescens ascendit, ut transeúntem Dóminum cerneret. Sycómorus quippe ficus fátua dicitur.

R. Domus mea, domus oratiónis vocábitur, dicit Dóminus: in ea omnis qui petit, áccipit, et qui quærit, invenit: * Et pulsánti aperiétur.

V. Pétite, et accipiétis: quærite, et inveniétis. **Et pulsánti.**

Lectio viii.

Pusillus itaque Zachæus sycómorum súbiit, et Dóminum vidit: quia qui mundi stultitiam humiliter eligunt, ipsi Dei sapiéntiam subtiliter contemplántur. Pusillitatem namque nostram ad vidéndum Dóminum turba præpedit: quia infirmitatem humanæ mentis, ne lucem veritátis inténdat, curárum sæculárium tumultus premit. Sed prudénter sycómorum ascendimus, si próvide eam, quæ divinitus præcipitur, stultitiam mente tenemus. Quid enim in hoc mundo stúltius, quam amíssa non quærere, posséssa rapiéntibus relaxáre, nullam pro accéptis injúriis injúriam réddere, imo adjúntis áliis patientiam præbere?

R. Lápides pretiósí omnes muri tui: * Et turres Jerúsalem gemmis ædificabúntur.

V. Portæ Jerúsalem ex sapphíro et smarágdo ædificabúntur, et ex lápide pretiósó omnis circúitus muri ejus.


Et turres. Glória Patri. Et turres.

Lectio ix.

Quasi enim sycómorum nos ascendere Dóminus præcipit, cum dicit: Qui aufert quæ tua sunt, ne répetas. Et rursum: Si quis te percúserit in dexteram maxíllam, præbe illi et álteram. Per sycómorum Dóminus tránsiens cernitur: quia per hanc sapiéntem stultitiam, etsi necdum, ut est, sólíde, jam tamen per

contemplatiónis lumen Dei sapiéntia quasi in tránsitu vidétur, quam vidére néqueunt qui sibi sapiéntes esse vidéntur: quia ad conspiciéndum Dóminum, in eláta cogitatiónum suárum turba deprehénsi, adhuc sycómori árborescens non invenérunt.

Te Deum laudámus. 13.



QUINTA DIE

infra Octavam.

Lectiones primi Nocturni de Scriptura occurrente.

IN II. NOCTURNO.

De Sermóne S. Augustíni Epíscopi.

Ex Sermone 256. de Tempore.

Lectio iv.

MOdo, quando impléntur Ecclesiæ, putámus jucundári Judæos? Ecclesiæ ædificántur, dedicántur, impléntur: quómodo illi jucundántur? Non solum non jucundántur, sed étiam confundúntur, et implétur vox exultántis: Exaltábo te, Dómine, quóniam suscepísti me: et non jucundásti inimícos meos super me. Non jucundásti super me: si mihi credant, jucundábis in me. Ne multa dicámus, ad illa, quæ cantávimus, aliquándo veniámus. Quómodo dicit Christus: Conscidísti saccum meum, et accinxísti me lætítia? Saccus ejus erat similitúdo carnis peccáti.

R. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto.

V. Qui regis Israel, inténde, qui dedúcis velut ovem Joseph, qui sedes super Chérubim. **Dimítte.**

Lectio v.

Non tibi viléscat, quod ait, Saccum meum: ibi erat inclúsum pretium tuum. Conscidísti saccum meum. Evásimus ad saccum istum. Conscidísti saccum meum. In Pas-

sione conscissus est. Quomodo ergo Deo Patri dicitur: Conscidisti saccum meum? Quomodo Patri dicatur, vis audire, Conscidisti saccum meum? Quia proprio Filio non pepercit, sed pro nobis omnibus tradidit illum. Fecit enim per Judæos nescientes, unde redimerentur scientes, et confunderentur negantes. Nesciunt enim quid boni nobis operati sunt malo suo. Suspensus est saccus, et quasi lætatus est impius. Conscidit saccum lancea persecutor, et fudit pretium nostrum Redemptor.

R. O quam metuendus est locus iste!
* Vere non est hic aliud, nisi domus Dei, et porta cæli.

V. Hæc est domus Domini firmiter ædificata, bene fundata est supra firmam petram. Vere.

Lectio vi.

Cantet Christus Redemptor, gemat Judas venditor, erubescat Judæus emptor. Ecce Judas vendidit, Judæus emit, malum negotium egerunt, ambo damnati sunt, seipsos perdidērunt venditor et emptor. Dicat ergo caput nostrum, dicat pro corpore occiso, pro corpore dedicato. Dicat, audiamus. Conscidisti saccum meum, et accinxisti me lætitia: id est, conscidisti mortalitatem meam, et accinxisti me immortalitate et incorruptione. Ut cantet tibi gloria mea, et non compungar. Quid est, Non compungar? Jam contra me non ferat lanceam persecutor, ut non compungar. Christus enim surgens a mortuis, jam non moritur, et mors illi ultra non dominabitur.

R. Mane surgens Jacob erigebat lapidem in titulum, fundens oleum desuper, votum vovit Domino: * Vere locus iste sanctus est, et ego nesciebam.

V. Cumque evigilasset Jacob de somno, ait. Vere.

Gloria Patri. Vere.

IN III. NOCTURNO.

Lectio sancti Evangelii secundum Lucam.

Lectio vii. Cap. 19.

In illo tempore: Ingressus Jesus perambulabat Jérico. Et ecce vir nomine Zachæus: et hic princeps erat publicanorum, et ipse dives. Et reliqua.

Homilia venerabilis Bedæ Presbyteri.

Lib. 5. cap. 77. in Luc. 19.

Quæ impossibilia sunt apud homines, possibilia sunt apud Deum. Ecce enim camelus, depósita gibbi sarcina, per foramen acus transit; hoc est, dives et publicanus, relicto onere divitiarum, contempto censu fraudum, angustam portam, arctamque viam, quæ ad vitam ducit, ascendit. Qui mira devotione fidei ad videndum Salvatorem, quod natura minus habuerat, ascensu supplet arboris: atque ideo juste, quamvis ipse rogare non audeat, benedictionem Domini susceptionis, quam desiderabat, accipit.

R. Domus mea, domus orationis vocabitur, dicit Dominus: in ea omnis qui petit accipit, et qui quærit, invenit: * Et pulsanti aperiétur.

V. Pétite, et accipietis: quærite, et inveniétis. Et pulsanti.

Lectio viii.

Mystice autem Zachæus, qui interpretatur justificatus, credentem ex Gentibus populum significat. Qui quanto curis sæcularibus occupatior, tanto flagitiis deprimentibus erat factus humilior. Sed ablutus est, sed sanctificatus, sed justificatus in nomine Domini nostri Jesu Christi, et in spiritu Dei nostri. Qui intrantem Jérico Salvatorem videre quærebat, sed præ turba non poterat: quia gratiæ fidei, quam mundo Salvator attulit, participare cupiebat: sed inolita vitiorum consuetudo, ne ad votum perveniret, obstiterat.

R. Lápides pretiósí omnes muri tui:
* Et turres Jerúsalem gemmis ædificabúntur.

V. Portæ Jerúsalem ex sapphíro et smarágdo ædificabúntur, et ex lápide pretiósó omnis circúitus muri ejus. Et turres. Glória Patri. Et turres.

Lectio ix.

EAdem namque turba nóxiæ consuetúdinis, quæ supra cæcum clamantem, ne lumen péteret, increpabat, étiam suspiciéntem publicánum, ne Jesum vídeat, tardat. Sed sicut cæcus turbárum voces magis ac magis clamádo devícit: ita pusíllus necesse est turbæ nocéntis obstáculum altióra peténdo transcéndat, terréna relínquat, árborem crucis ascéndat. Sycómorus namque (quæ est arbor fóliis moro símilis, sed altitúdine præstans, unde et a Latínis celsa nuncupátur) ficus fátua dícitur. Et éadem Dómnica crux, quæ credéntes alit ut ficus, ab incrédulis irridétur ut fátua.

Te Deum laudámus. 13.



SEXTA DIE infra Octavam.

Lectiones primi Nocturni de Scriptura occurrente.

IN II. NOCTURNO.

De Sermóne S. Augustíni Epíscopi.

Ex Serm. 256. de Tempore.

Lectio iv.

ERgo, dum novam constructionem sanctæ hujus Ecclesiæ libénter atténdimus, quam divíno nómini hódie dedicámus, invenímus a nobis debéri et Deo nostro máximam laudem, et sanctitáti vestræ cóngruum de divínæ domus ædificatióne sermónem. Tunc autem sermo noster cóngruus erit, si in se áliquíd ædificatiónis hábeat, quod utilitáti animárum vestrárum, Deo vos intérius ædificánte proficiat. Quod hic factum

corporáliter vidémus in parietibus, spiritaliter fiat in méntibus: et quod hic perféctum cernimus in lapídibus et lignis, hoc, ædificánte grátia Dei, perficiátur in corpóribus vestris.

R. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto.

V. Qui regis Israel, inténde, qui dedúcis velut ovem Joseph, qui sedes super Chérubim. Dimítte.

Lectio v.

PRincipáliter ergo grátias agámus Dómino Deo nostro, a quo est omne datum óptimum, et omne donum perféctum: et ejus bonitátem tota cordis alacritáte laudémus, quóniam ad construéndam istam domum oratiónis, fidélium suórum visitávit ánimum, excitávit afféctum, surrogávit auxílium, inspirávit necdum voléntibus ut vellent, adjúvit bonæ voluntátis conátus ut fácerent: ac per hoc Deus, qui operátur in suis et velle et perfícere pro bona voluntáte, hæc ómnia ipse cœpit, ipse perfécit. R. O quam metuéndus est locus iste! * Vere non est hic áliud nisi domus Dei, et porta cœli.

V. Hæc est domus Dómini firmiter ædificáta, bene fundáta est supra firmam petram. Vere non.

Lectio vi.

ET quia ópera bona in conspéctu suo numquam esse permíttit inánia, fidélibus suis, quibus operántibus præbuit virtútis suæ favórem, tríbuet condígnam pro tanta operatióne mercédem. Adhuc ámplius agéndæ sunt grátia Deo nostro. Hanc enim Ecclesiám, quam fecit nómini suo cónstrui, fecit étiam sanctórum Mártyrum relíquiis ámplius honorári. R. Mane surgens Jacob erigébat lápidem in título, fundens óleum désuper, votum vovit Dómino: * Vere locus iste sanctus est, et ego nesciébam.

℟. Cumque evigilasset Jacob de somno, ait. Vere. Glória Patri. Vere.

IN III. NOCTURNO.

Lectio sancti Evangelii secundum Lucam.

Lectio vii.

Cap. 19.

IN illo tempore: Ingressus Jesus perambulabat Jéricho. Et ecce vir nomine Zachæus: et hic princeps erat publicanorum, et ipse dives. Etréliqua. De Homilia venerabilis Bedæ Presbyteri. Lib. 5. cap. 77. in Lucæ 19.

ET cum venisset ad locum, suspiciens Jesus vidit illum. Perambulans Jéricho Salvator, venit ad locum, ubi præcurrens Zachæus sycómorum conscenderat: quia missis per mundum sui verbi præcónibus, in quibus ipse nimis et loquebatur et ibat, venit ad pópulum nationum, qui passionis ejus fide jam sublimis existens, étiam divinitatis ejus ardēbat ágnita fácie beári. Suspiciens vidit illum, quia per grátiam fidei a terrénis cupiditatibus elevátum, turbisque infidelibus præeminéntem elégit. Videre enim Dei, eligere vel amare est. Unde est illud: Oculi Dómini super justos. Nam et nos quæ amamus, videre; ab his, quæ execramur, intúitum festinamus avértere. ℞. Domus mea, domus orationis vocábitur, dicit Dóminus: in ea omnis qui petit, áccipit, et qui quærit, invenit: * Et pulsánti aperiétur.

℟. Pétite, et accipiétis: quærite, et inveniétis. Et pulsánti.

Lectio viii.

Vidit ergo Jesus vidéntem se, quia elégit eligéntem se, et amávit amántem. Hunc sane órđinem proficiéndi, hoc est, per fidem Dominicæ Incarnatiónis ad cognitióem divinitatis perveniéndi, quasi per sycómorum Jesu fáciem speculándi, Doctor egrégus osténdit, cum ait: Non enim judicávi scire me áliquíd inter vos,

nisi Christum Jesum, et hunc crucifixum. Itémque áliis éxprobrans: Facti estis, inquit, quibus lacte opus sit, non sólido cibo. Lac infirma temporáriæ dispensatiónis, sólídum cibum árdua perpétuæ majestátis appellans.

℞. Lápides pretiósí omnes muri tui: * Et turres Jerúsalem gemmis ædificabúntur.

℟. Portæ Jerúsalem ex sapphíro et smarágdo ædificabúntur, et ex lápide pretiósó omnis circúitus muri ejus. Et turres. Glória Patri. Et turres.

Lectio ix.

ET dixit ad eum: Zachæe, festinans descende, quia hódie in domo tua opórtet me manére. Et festinans descendit, et excépit illum gaudens. Manébat aliquándo Dóminus in domo princípis Pharisæorum, hoc est, in Judæorum synagóga docebat: sed quia non baptizátum ante prándium, sábbato curántem, publicános et peccátóres recipiéntem, contra avarítiam disputántem, et cétera digna Deo geréntem, lingua venenáta carpébant; pertæsus eórum facínora, discéssit et aufúgit, dicens: Relinquétur vobis domus vestra desérta. Hódie autem in domo pusílli Zachæi opórtet illum manére: hoc est, novæ lucis grátia coruscánte, in húmili credéntium natiónum corde quiéscere.

Te Deum laudámus. 13.

✠

SEPTIMA DIE

infra Octavam.

Lectiones primi Nocturni de Scriptura occurrente.

IN II. NOCTURNO.

Sermo Sancti Joánnis Chrysóstomi.

Ex Homilia 33. in cap. 9. Matth.

Lectio iv.

Commúnis ómnium domus est Ecclesiá, in quam, vobis prius in-

gréssis, nos intrámus, discipulórum formam retinéntes: ideóque commúniter ómnibus statim atque ingrési fuérimus, ut illis datam legem sequámur, pacem offérimus. Nemo igitur socórdia tórpeat: nemo sæcularibus rebus suspénsus ánimus hábeat, cum jam ad prædicándum sacerdótes intráverint. Non enim parva huic rei ímminet pœna. Equidem mília pótius malim in domum alicújus vestrum ingrèssus destítui, quam hic prædicans non audíri. Hoc mihi moléstius esset, quam illud: quándóquidem magis própria hæc est, quam illa.

R. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto.

V. Qui regis Israel, inténde, qui dedúcis velut ovem Joseph, qui sedes super Chérubim. Dimítte.

Lectio v.

NAm hic magnæ illæ nostræ opes pósitæ sunt, hic spes nostra omnis. Quid enim hoc loco non magnum est et admirándum? Nam hæc mensa longe pretiósior est atque jucúndior; et lucérna hæc, quam illa, ut norunt qui cum fide óleo perúnti, a morbis liberáti sunt. Arca étiam hæc multo mélior, magisque necesária. Non enim vestes, sed misericórdiam inclúsam cóntinet: quamvis pauci sint, qui eam possídeant. Hic et léctulus est valde illo præstántior: divinárum enim Scripturárum réquies quovis lecto suávior est.

R. O quam metuéndus est locus iste! * Vere non est hic áliud, nisi domus Dei, et porta cœli.

V. Hæc est domus Dómini fírmiter ædificáta, bene fundáta est supra firmam petram. Vere.

Lectio vi.

ET quidem si concórdia perfécte servaréetur a nobis, nullam áliam

domum præter hanc haberémus. Hoc autem quod dixi, non esse durum, testántur illa tria mília, et quinque mília hóminum, quibus et domus una, et mensa una, et ánima una erat. Multitúdinis enim credéntium, inquit, unum erat cor, et ánima una. Sed quia longe ab illórum virtúte ábsumus, et per domos disjúncti sumus, saltem quando huc convenímus, id omni stúdio faciámus. Nam etsi in áliis rebus páuperes et ínopes sumus, hoc loco saltem, cum huc ad vos intrámus, cum charitáte nos suscípite: cumque, Pax vobis, dico: Et cum spírítu tuo, non voce solum, sed ánimo quoque respondéte.

R. Mane surgens Jacob erigébat lápidem in títulum, fundens óleum désuper, votum vovít Dómino: * Vere locus iste sanctus est, et ego nesciébam.

V. Cumque evigiláset Jacob de somno, ait. Vere. Glória Patri. Vere.

IN III. NOCTURNO.

Lectio sancti Evangélii secúndum Lucam.

Lectio vii.

Cap. 19.

In illo témpore: Ingrèssus Jesus perambulábat Jéricho. Et ecce vir nómine Zachæus: et hic princeps erat publicanórum, et ipse dives. Etréliqua.

De Homilía venerábilis Bedæ Presbyteri.

Paulo post prædicta.

ET cum vidérent omnes, murmurábant, dicéntes, quod ad hóminem peccatórem divertísset. Maniféstum est Judæos semper Géntium odísse salutem. Scriptum est enim: Sequénti vero sábbato pene univérsa civitas convénit audíre verbum Dei. Vidéntes autem turbas, Judæi repléti sunt zelo, et contradicébant iis, quæ a Paulo dicebántur. Et álibi, fidéles étiam fratres advérsus Apostolórum Príncipem disceptábant, dicéntes: Quare introísti ad viros præpútium habéntes, et manducásti cum illis?

R. Domus mea, domus orationis vocabitur, dicit Dominus: in ea omnis qui petit, accipit, et qui quaerit, invenit: * Et pulsanti aperiatur.

V. Petite, et accipietis: quaerite, et inveniatis. Et pulsanti.

Lectio viii.

STans autem Zachæus dixit ad Dominum: Ecce dimidium bonorum meorum, Domine, do pauperibus: et si quid aliquem defraudavi, reddo quadruplum. Aliis calumniantibus hominem peccatorem, ipse Zachæus stans, id est, in ea, quam coeperat, fidei veritate persistens, non solum se ex peccatore conversum, sed etiam inter perfectos probat esse conversatum. Dicente enim Domino: Si vis perfectus esse, vade, vende omnia quæ habes, et da pauperibus: quisquis ante conversionem innocenter vixit, omnia conversus potest dare pauperibus.

R. Lápides pretiosi omnes muri tui: * Et turres Jerúsalem gemmis ædificabuntur.

V. Portæ Jerúsalem ex sapphíro et smarágdo ædificabuntur, et ex lápide pretioso omnis circuitus muri ejus. Et turres. Glória Patri. Et turres.

Lectio ix.

AT qui aliqua fraude sústulit, primo hæc juxta legem réddere, deinde quod sibi remanserit, debet dare pauperibus. Ac sic et ipse, quia sibi nil retinet, omnia sua dispérgit, dat pauperibus, justitia ejus manet in sæculum sæculi. Et hæc est sapiens illa stultitia, quam de sycómoro publicanus quasi fructum vitæ légerat: rapta videlicet réddere, própria relínquere, visibília contémnere, pro invisibilibus etiam mori desiderare, seípsum abnegare, et ejus, qui necdum videatur, Domini vestigia sequi concupiscere.

Te Deum laudamus. 13.



In Octava

DEDICATIONIS ECCLESIAE.

Duplex.

Omnia ut in die, præter Lectiones secundi Nocturni.

Ex Epístola prima Sancti Felcís Papæ Quarti.

Lectio iv. De Consecr. dist. 1. cap. 2.

TAbernáculum Móysen, Domino præcipiente, fecisse et sacrasse, cum mensa et altári ejus, et céteris vasis et utensilibus ad divinum cultum expléndum, légimus: et non solum divinis précibus ea sacrasse, sed etiam sancti olei unctione, Domino jubente, perlinisse nóvimus. Quáliter autem hæc facta sint, et quómo ipse sacra, non alii, quam sacerdotes sacra unctione delibúti, Dominóque cum véstibus sanctis sacráti, et Levítæ tractábant, ferébant, erigébant, et deponébant: in ipsis institutióibus, quæ jubente Domino, conscriptæ sunt per Móysen, in lege Domini reperitur.

R. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto.

V. Qui regis Israel, inténde, qui dedúcis velut ovem Joseph, qui sedes super Chérubim. Dimítte.

Lectio v.

QUáliter ergo David regum piissimus amplificáverit cultum Dei, et templum Domino ædificáre volúerit, sed propter multum ságuinem quem effúderat, prohibitus est, et ipse collégerat expénsas: Sálomon quoque filius ejus idípsum, quod ipse fácere optáverat, jubente et auxiliante Deo, perfécit, et templum cum altári, et reliqua ad divinum cultum peragéndum consecrávit; in libro Regum légitur: Fecit ergo Sálomon in tēpore illo festivitatem célebrem, et omnis Israel cum eo, multitúdo magna

ab intróitu Emath usque ad rivum Ægypti, coram Dómino Deo nostro septem diébus, et septem diébus, id est, quatuórdecim diébus, et in die octáva dimísit pópulos.

R. O quam metuéndus est locus iste!
* Vere non est hic áliud, nisi domus Dei, et porta cœli.

V. Hæc est domus Dómini firmiter ædificáta, bene fundáta est supra firmam petram. Vere.

Lectio vi. De Consecrat. dist. 1. cap. 17.

Solemnitates dedicatiónum Ecclesiárum et sacerdotum, per singulos annos solémniter sunt celebrándæ, ipso Dómino exéplum dante, qui ad festum dedicatiónis templi, ómni-

bus id faciéndi dans formam, cum réliquis pópulis eámdem festivitátem celebráturus venit, sicut scriptum est: Facta sunt encænia in Jerosólymis, et hiems erat, et ambulábat Jesus in templo in pórticu Salomónis. Quod autem octo diébus encænia sint celebránda, in libro Regum, perácta dedicatióne templi, reperiétis.

R. Mane surgens Jacob erigébat lápidem in título, fundens óleum désuper, vótum vovit Dómino: * Vere locus iste sanctus est, et ego nesciébam.

V. Cumque evigiláset Jacob de somno, ait. Vere. Glória Patri. Vere.

Vesperæ erunt dimidiandæ cum festo duplici etiam minori sequenti.





IN FESTIS
BEATÆ MARIÆ VIRGINIS
 PER ANNUM.

IN I. VESPERIS.

Antiphona. to. 3. Dum esset Rex in accúbitu suo, nardus mea dedit odórem suavitátis.



Psalmus 109.

Ixit Dóminus Dómino meo: *
 Sede a dextris meis:

Donec ponam inimicos tuos, *
 scabéllum pedum tuórum.

Virgam virtútis tuæ emíttet Dóminus ex Sion: * domináre in médio inimicórum tuórum.

Tecum princípium in die virtútis tuæ in splendóribus sanctórum: * ex útero ante lucíferum génui te.

Jurávit Dóminus, et non poenitébit eum: * Tu es sacérdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natióibus, implébit ruínas: * conquassábit cápita in terra multórum.

De torrénite in via bibet: * proptérea exaltábit caput.

Antiph. Dum esset Rex in accúbitu suo, nardus mea dedit odórem suavitátis.

Antiph. to. 4. Læva ejus sub cápite meo, et dextera illius amplexábitur me.

Psalmus 112.

Laudáte, púeri, Dóminum: * laudáte nomen Dómini.

Sit nomen Dómini benedíctum, * ex hoc nunc, et usque in sæculum.

Asolis ortu usque ad occásu, * laudábile nomen Dómini.

Excélsus super omnes Gentes Dóminus, * et super cœlos glória ejus.

Quis sicut Dóminus Deus noster, qui in altis hábitat, * et humília réspicit in cœlo et in terra?

Súscitans a terra ínopem, * et de stércore érigens páuperem:

Ut cõllocet eum cum princípibus, *
cum princípibus pópuli sui.

Qui habitare facit stérilem in domo,
* matrem filiórum lætántem.

Antiph. Læva ejus sub cápite meo,
et dextera illius amplexábitur me.

Antiph. to. 3. Nigra sum, sed formósa,
filiæ Jerúsalem: ideo diléxit me Rex,
et introdúxit me in cubículum suum.

Psalmus 121.

Lætátus sum in his, quæ dicta sunt
mihi: * in domum Dómini fbimus.
Stantes erant pedes nostri, * in átriis
tuis, Jerúsalem.

Jerúsalem, quæ ædificátur ut cívitas:
* cujus participátio ejus in idípsum.

Illuc enim ascendérunt tribus, tribus
Dómini, * testimónium Israel ad con-
fiténdum nómini Dómini.

Quia illic sedérunt sedes in judício, *
sedes super domum David.

Rogáte quæ ad pacem sunt Jerúsa-
lem: * et abundántia diligéntibus te.

Fiat pax in virtúte tua: * et abun-
dántia in túrribus tuis.

Propter fratres meos, et próximos
meos, * loquébar pacem de te.

Propter domum Dómini Dei nostri, *
quæsívi bona tibi.

Antiph. Nigra sum, sed formósa,
filiæ Jerúsalem: ideo diléxit me Rex,
et introdúxit me in cubículum suum.

Antiph. to. 8. Jam hiems tránsiit,
imber ábiit, et recéssit: surge, amíca
mea, et veni.

Psalmus 126.

Nisi Dóminus ædificáverit domum,
* in vanum laboravérunt, qui
ædificant eam.

Nisi Dóminus custodíerit civitátem, *
frustra vígilat qui custódit eam.

Vanum est vobis ante lucem súrgere:
* súrgite postquam sedéritis, qui man-
ducátis panem dolóris.

Cum déderit diléctis suis somnum: *
ecce hæréditas Dómini, filii; merces,
fructus ventris.

Sicut sagíttæ in manu poténtis: * ita
filii excussórum.

Beátus vir qui implévit desidérium
suum ex ipsis: * non confundétur cum
loquétur inimícis suis in porta.

Antiph. Jam hiems tránsiit, imber
ábiit, et recéssit: surge, amíca mea,
et veni.

Antiph. to. 4. Speciósá facta es et
suávis in delíciis tuis, sancta Dei Gé-
nitrix.

Psalmus 147.

Lauda, Jerúsalem, Dóminum: *
lauda Deum tuum, Sion.

Quóniam confortávit seras portárum
tuarum: * benedíxit filiis tuis in te.

Qui pósuit fines tuos pacem: * et ádi-
pe fruménti sátiat te.

Qui emíttit elóquium suum terræ: *
velóciter currit sermo ejus.

Qui dat nivem sicut lanam: * nébu-
lam sicut cínèrem spargit.

Míttit crystállum suam sicut buccél-
las: * ante fáciem frígoris ejus quis
sustinébit?

Emíttet verbum suum, et liquefáci-
et ea: * flabit spíritus ejus, et fluent
aquæ.

Qui annúnciat verbum suum Jacob:
* justítias et judícia sua Israel.

Non fecit táliter omni natióni: * et
judícia sua non manifestávit eis.

Antiph. Speciósá facta es et suávis
in delíciis tuis, sancta Dei Génitrix.

Capitulum. Eccli. 24. b.

Ab inítio, et ante sæcula creáta
sum, et usque ad futúrum sæcu-
lum non désinam, et in habitatióne
sancta coram ipso ministrávi.

R. Deo grátias.

Hymnus.

Ave, maris stella,
Dei mater alma,
Atque semper virgo,
Felix cœli porta.

Sumens illud Ave
Gabrielis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces
Qui pro nobis natus,
Tulit esse tuus.

Virgo singulâris,
Inter omnes mitis,
Nos culpis solûtos
Mites fac et castos.

Vitam præsta puram,
Iter para tutum,
Ut vidéntes Jesum
Semper collætémur.

Sit laus Deo Patri,
Summo Christo decus,
Spirítui sancto,
Tribus honor unus. Amen.

V. Dignâre me laudâre te, Virgo sacra.

R. Da mihi virtutem contra hostes tuos.

Ad Magnificat, Antiphona, to. 1. r.

Sancta Mariâ, succurre miseris, juva pusillânes, réfove flébiles, ora pro pópulo, intérvieni pro Clero, intercède pro devóto fœmíneo sexu: séntiant omnes tuum juvâmen quicúmque célebrant tuam sanctam festivitâtem.

Oratio.

Concéde nos fâmulos tuos, quæsumus, Dómine Deus, perpétua mentis et cörperis sanitâte gaudere: et gloriósa Beâtæ Mariæ semper Vírginis intercessióne, a præsénti liberâri tristítia, et ætérna pérfrui lætítia. Per Dóminum.

Ad Completorium et ad horas in fine hymnorum dicitur

Jesu, tibi sit glória,
Qui natus es de VírGINE,
Cum Patre et almo Spírítu
In sempitérna sæcula. Amen.

AD MATUTINUM.

Invitatorium. Sancta Mariâ Dei Génitrix Virgo, * Intercède pro nobis.

Psalmus. Veníte, exultémus. 2.

Hymnus.

Q Uem terra, pontus, sídera
Colunt, adórant, prædicant,
Trinam regéntem máchinam,
Claustrum Mariæ bájulât.

Cui luna, sol, et ómnia
Desérviunt per témpora,
Perfúsa cœli grátia,
Gestant puéllæ víscera.

Beâta Mater, múnere
Cujus supérnus Artifex
Mundum pugíllo cóntinens,
Ventris sub arca clausus est.

Beâta cœli núntio,
Fecúnda sancto Spírítu,
Desiderátus géntibus
Cujus per alvum fusus est.

Jesu, tibi sit glória,
Qui natus es de VírGINE,
Cum Patre, et almo Spírítu,
In sempitérna sæcula. Amen.

IN I. NOCTURNO.

Antiph. to. 4. Benedícta tu in muliéribus, et benedíctus fructus ventris tui.

Psalmus 8.

D Omine, Dóminus noster, * quam admirábile est nomen tuum in univérsta terra!

Quóniam elevâta est magnificéntia tua * super cœlos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cœlos tuos, ópera digitorum tuorum: * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas, insuper et pécora campi;

Vólucres cœli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérſa terra!

Antiph. Benedícta tu in muliéribus, et benedíctus fructus ventris tui.

Antiph. to. 4. Sicut myrrha elécta odórem dedísti suavitátis, sancta Dei Génitrix.

Psalmus 18.

Cœli enarrant glóriam Dei, * et ópera mánuum ejus annúnciat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse tamquam sponsus procedens de thálamo suo.

Exultávit ut gigas ad curréndam viam, * a summo cœlo egréssio ejus.

Et occúrsus ejus usque ad summum ejus: * nec est qui se abscondat a calore ejus.

Lex Dómini immaculáta, convértens ánimas: * testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda: * præcéptum Dómini lúcidum, illúminans óculos.

Timor Dómini sanctus, pérmanens in sæculum sæculi: * judícia Dómini vera, justificáta in semetípſa.

Desiderabília super aurum, et lápidem pretiósium multum: * et dulcióra super mel et favum.

Etenim servus tuus custódit ea: * in custodiéndis illis retribútio multa.

Delícta quis intélligit? ab occúltis meis munda me: * et ab aliénis parce servo tuo.

Si mei non fúerint domináti, tunc immaculátus ero: * et emundábor a delícto máximo.

Et erunt ut compláceant elóquia oris mei: * et meditátio cordis mei in conspéctu tuo semper.

Dómine, adjútor meus, * et redémptor meus.

Antiph. Sicut myrrha elécta odórem dedísti suavitátis, sancta Dei Génitrix.

Antiph. to. 4. Ante torum hujus Vírginis frequentáte nobis dúlcia cántica drámatis.

Psalmus 23.

Dómini est terra, et plenitúdo ejus: * orbis terrárum, et univérſi qui habitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino, * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attollite portas, principes, vestras, et elevámini, portæ æternáles: * et introibit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Antiph. Ante torum hujus Vírginis frequentáte nobis dúlcia cántica drámatís.

V. Spécie tua, et pulchritúdine tua.

R. Inténde, prospere procéde, et regna.

Pater noster.

Absolutio. E xáudi, Dómine.

V. Jube, domne, benedícere.

Benedictio. Benedictióne perpétua.
De Parábolis Salomónis.

Lectio i. Cap. 8. b. et 9.

EGo sapiéntia hábito in consílio, et erudítis intérsu cogitátionibus. Timor Dómini odit malum: arrogántiam, et supérbiam, et viam pravam, et os bilíngue detéstor. Meum est consílium et æquitas, mea est prudéntia, mea est fortitúdo. Per me reges regnant, et legum conditóres justa decérunt. Per me principes ímperant, et poténtes decérunt justítiam. Ego diligéntes me dñlgo: et qui mane vigilánt ad me, invénient me.

R. Sancta et immaculáta virgínitas, quibus te láudibus éfferam, nescio: * Quia quem cœli cápere non póterant, tuo grémio contulísti.

V. Benedícta tu in muliéribus, et benedíctus fructus ventris tui. **Quia.**

Benedictio. U nígénitus Dei Fílius.

Lectio ii.

Mecum sunt divítiæ et glória, opes supérbæ et justítia. Mélior est enim fructus meus auro et lápide pretióso, et genímína mea argénto elécto. In viis justítiae ámbulo, in médio semitárum judícii, ut ditem diligéntes me, et thesaúros eórum répleam. Dóminus possédit me in início viárum suárum, ántequam quidquam fáceret a princípío. Ab ætérno ordináta sum, et ex antiquis ántequam terra fíeret.

Nondum erant abyssi, et ego jam concepta eram: necdum fontes aquárum erúperant: necdum montes gravimole constítierant: ante colles ego parturiébar.

R. Congratulámini mihi, omnes qui dilígitis Dóminum, quia cum essem párvula, pláculi Altíssimo: * Et de meis viscéribus génui Deum et hóminem.

V. Beátam me dicent omnes generatiónes, quia ancíllam húmílem respéxit Deus. **Et de meis.**

Benedictio. Spíritus sancti grátia.

Lectio iii.

Beátus homo qui audit me, et qui vigilat ad fores meas quotidie, et observat ad postes óstii mei. Qui me invénerit, invéniet vitam, et háuriet salútem a Dómino: qui autem in me peccáverit, lædet ánimam suam. Omnes, qui me odérunt, dilígunt mortem. Sapiéntia ædificávit sibi domum, excídit colúmnas septem. Immolávit víctimas suas, miscuit vinum, et propósuit mensam suam. Misit ancíllas suas, ut vocárent, ad arcem, et ad móenia civitátis: Si quis est párvulus, véniat ad me. Et insipiéntibus locúta est: Veníte, comédite panem meum, et bíbite vinum, quod miscui vobis.

R. Beáta es, virgo María, quæ Dóminum portásti Creatórem mundi: * Genuísti qui te fecit, et in ætérnum pérmanes Virgo.

V. Ave, María, grátia plena, Dóminus tecum. **Genuísti.**

Glória Patri. Genuísti.

IN II. NOCTURNO.

Antiph. to. 7. Spécie tua, et pulchritúdine tua inténde, prospere procéde, et regna.

Psalmus 44.

Eructávit cor meum verbum bonum: * dico ego ópera mea Regi. **Lingua mea, calamus scribæ, * velóci-ter scribéntis.**

Speciósus forma præ filiis hóminum,
diffúsa est grátia in lábiis tuis: * prop-
térea benedíxit te Deus in ætérnum.

Accíngere gládio tuo super femur
tuum, * potentíssime,

Spécie tua, et pulchritúdine tua * in-
ténde, prósperé procéde, et regna,

Propter veritátem, et mansuetúdi-
nem, et justítiam: * et dedúcet te mi-
rabíliter délixera tua.

Sagittæ tuæ acútæ, pópuli sub te ca-
dent, * in corda inimicórum regis.

Sedes tua, Deus, in sæculum sæculi:
* virga directiónis, virga regni tui.

Dilexísti justítiam, et odísti iniquitá-
tem: * proptérea unxit te Deus, Deus
tuus, óleo lætítiæ præ consórtibus
tuis.

Myrtha, et gutta, et cásia a vesti-
méntis tuis, a dómibus ebúrneis: *
ex quibus delectavérunt te filiæ re-
gum in honóre tuo.

Astitit regína a dextris tuis in vestítu
deauráto, * circúmdata varietáte.

Audi, filia, et vide, et inclína aurem
tuam: * et oblivíscere pópulum tuum,
et domum patris tui.

Et concupíscet Rex decórem tuum: *
quóniam ipse est Dóminus Deus tuus,
et adorábunt eum.

Et filiæ Tyri in munéribus * vultum
tuum deprecabúntur, omnes dívites
plebis.

Omnis glória ejus filiæ Regis ab in-
tus, * in fimbriis áureis circumamícta
varietátibus.

Adducéntur Regi vírgines post eam:
* próximæ ejus afferéntur tibi.

Afferéntur in lætítia et exultatióne: *
adducéntur in templum Regis.

Pro pátribus tuis nati sunt tibi filii: *
constitues eos príncipes super om-
nem terram.

Mémores erunt nóminis tui * in omni
generatióne, et generatióne.

Proptérea pópuli confitebúntur tibi in
ætérnum, * et in sæculum sæculi.

Antiph. Spécie tua, et pulchritú-
dine tua inténde, prósperé procéde,
et regna.

Antiph. to. 7. Adjuvábít eam Deus
vultu suo: Deus in médio ejus, non
commovébitur.

Psalmus 45.

Deus noster refúgium, et virtus: *
adjútor in tribulatióibus, quæ
invenérunt nos nimis.

Proptérea non timébimus dum turbá-
bitur terra: * et transferéntur montes
in cor maris.

Sonuérunt, et turbátæ sunt aquæ eó-
rum: * conturbáti sunt montes in for-
titudine ejus.

Flúminis ímpetus lætíficat civitátem
Dei: * sanctificávit tabernáculum
suum Altíssimus.

Deus in médio ejus, non commové-
bitur: * adjuvábít eam Deus mane
dilúculo.

Conturbátæ sunt gentes, et inclináta
sunt regna: * dedit vocem suam, mota
est terra.

Dóminus virtútum nobíscum: * sus-
céptor noster Deus Jacob.

Veníte, et vidéte ópera Dómini, quæ
pósuit prodígia super terram: * áufe-
rens bella usque ad finem terræ.

Arcum cónteret, et confrínget arma:
* et scuta conbúret igni.

Vacáte, et vidéte, quóniam ego sum
Deus: * exaltábor in Géntibus, et
exaltábor in terra.

Dóminus virtútum nobíscum: * sus-
céptor noster Deus Jacob.

Antiph. Adjuvábít eam Deus vultu
suo: Deus in médio ejus, non com-
movébitur.

Antiph. to. 7. Sicut lætántium óm-
nium nostrum habitátio est in te,
sancta Dei Génitrix.

Psalmus 86.

Fundaménta ejus in móntibus sanc-
tis: * díligit Dóminus portas Sion
super ómnia tabernácula Jacob.

Gloriosa dicta sunt de te, * civitas Dei.

Memor ero Rahab, et Babylónis * sciéntium me.

Ecce alienígenæ, et Tyrus, et pópulus Æthíopum: * hi fuérunt illic.

Numquid Sion dicet: Homo, et homo natus est in ea: * et ipse fundávit eam Altíssimus?

Dóminus narrábit in scriptúris populórum, et princípum: * horum, qui fuérunt in ea.

Sicut lætántium ómnium * habitatio est in te.

Antiph. Sicut lætántium ómnium nostrum habitatio est in te, sancta Dei Génitrix.

V. Adjuvabit eam Deus vultu suo.

R. Deus in médio ejus, non commovebitur.

Pater noster.

Absolutio. Ipsius píetas.

V. Jube, domne, benedícere.

Benedictio. Deus Pater omnipotens.

Sermo Sancti Joánnis Chrysóstomi.

Apud Metaphrasten.

Lectio iv.

DEi Fílius non dívitem, aut locuplétem áliquam féminam sibi matrem elégit, sed beátam Vírginem illam, cujus ánima virtútibus ornáta erat. Cum enim beáta María supra omnem humánam natúram castitátem serváret, proptérea Christum Dóminum in ventre concépit. Ad hanc igitur sanctíssimam Vírginem et Dei Matrem accurréntes, ejus patrocínii utilitátem assequámur. Itaque, quæcúmque estis vírgines, ad Matrem Dómini confúgite. Illa enim pulchérissimam, pretiosíssimam, et incorruptibilem possessionem patrocínio suo vobis conservábit.

R. Sicut cedrus exaltáta sum in Líbano, et sicut cypréssus in monte Sion: quasi myrrha elécta, * Dedi suavitátem odóris.

V. Et sicut cinnamómum et bálsamum aromatízans. Dedi.

Benedictio. Christus perpétuæ.

Lectio v.

MAgnum revéra miráculum, fratres dilectíssimi, fuit beáta semper Virgo María. Quid namque illa majus, aut illústius ullo umquam témpore invéntum est, seu aliquándo inveníri póterit? Hæc sola cælum ac terram amplitúdine superávit. Quidnam illa sánctius? Non Prophétæ, non Apóstoli, non Mártires, non Patriárchæ, non Angeli, non Throni, non Dominationes, non Séraphim, non Chérubim, non dénique áliud quídpian inter creatas res, visíbiles aut invisíbiles, majus aut excelléntius inveníri potest. Eadem ancílla Dei est et Mater: éadem Virgo et génitrix.

R. Quæ est ista, quæ procéssit sicut sol, et formósa tamquam Jerúsalem? * Vidérunt eam fíliæ Sion, et beátam dixerunt, et regínæ laudavérunt eam.

V. Et sicut dies verni circúmdabant eam flores rosárum et lília conválilium. Vidérunt.

Benedictio. Ignem sui amóris.

Lectio vi.

HÆc ejus Mater est, qui a Patre ante omne princípium génitus fuit, quem Angeli et hómines agnóscunt Dóminum rerum ómnium. Vis ne cognóscere quanto Virgo hæc præstantior sit cœléstibus poténtiis? Illæ cum timóre et tremóre assístunt, faciém velántes suam: hæc humánum genus illi offert, quem genuit. Per hanc et peccatórum véniam conséquimur. Ave igitur, Mater, cælum, puélla, Virgo, thronus, Ecclesiæ nostræ decus, glória et firmaméntum, assidue pro nobis precáre Jesum Fílium tuum et Dóminum nostrum: ut per te misericórdiam inveníre in die judícii, et quæ repósita sunt iis qui díligunt Deum, bona cónsequi possimus, grá-

tia et benignitate Dómini nostri Jesu Christi: cum quo Patri simul et sancto Spirítui glória, et honor, et impérium, nunc et semper in sæcula sæculórum. Amen.

R. Ornátam moníllibus ffiliam Jerúsalem Dóminus concupívit: * Et vidéntes eam ffiliae Sion, beatíssimam prædicavérunt, dicéntes: * Unguén-
tum effúsum nomen tuum.

V. Astitit regína a dextris tuis in vestítu deauráto, circúmdata varietáte. Et vidéntes.

Glória Patri. Unguén-
tum.

IN III. NOCTURNO.

Antiph. to. 4. Gaude, María Virgo, cunctas hæreses sola interemísti in univérso mundo.

Psalmus 95.

Cantáte Dómino canticum novum: * cantáte Dómino omnis terra.

Cantáte Dómino, et benedicite nómini ejus: * annuntiáte de die in diem salutáre ejus.

Annuntiáte inter Gentes glóriam ejus: * in ómnibus pópulis mirabília ejus.

Quóniam magnus Dóminus, et laudábilis nimis: * terríbilis est super omnes deos.

Quóniam omnes dii Géntium dæmónia: * Dóminus autem cœlos fecit.

Confessio, et pulchritúdo in conspéctu ejus: * sanctimónia, et magnificéntia in sanctificatióne ejus.

Afférte Dómino pátriæ Géntium, afférte Dómino glóriam, et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commoveá-
tur a fácie ejus univér-
sa terra: * dicite in Géntibus, quia Dóminus regnávít.

Etenim corréxit orbem terræ, qui non commovébitur: * judicábit pópulos in æquitáte.

Læténtur cœli, et exúltet terra, com-
moveá-
tur mare, et plenitúdo ejus: *

gaudébunt campi, et ómnia, quæ in eis sunt.

Tunc exultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Antiph. Gaude, María Virgo, cunctas hæreses sola interemísti in univérso mundo.

Antiph. to. 4. Dignáre me laudáre te, Virgo sacráta: da mihi virtútem contra hostes tuos.

Psalmus 96.

Dominus regnávít, exúltet terra: * læténtur insulæ multæ.

Nubes, et caligo in circúitu ejus: * justítia, et judicium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ: * vidit, et commóta est terra.

Montes sicut cera fluxérunt a fácie Dómini: * a fácie Dómini omnis terra.

Annuntiavérunt cœli justítiam ejus: * et vidérunt omnes pópuli glóriam ejus.

Confundántur omnes, qui adorant sculptília: * et qui gloriántur in simulácris suis.

Adoráte eum, omnes Angeli ejus: * audívit, et lætáta est Sion.

Et exultavérunt filiae Judæ, * propter judícia tua, Dómine.

Quóniam tu Dóminus Altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómino: * et confitémini memóriæ sanctificatiónis ejus.

Antiph. Dignáre me laudáre te, Virgo sacráta: da mihi virtútem contra hostes tuos.

Antiph. to. 4. Post partum, Virgo, inviolata permansisti: Dei genitrix, intercede pro nobis.

¶ **In Festo Annuntiationis. Antiph. to. 4.** Angelus Dómini nuntiávit Mariæ, et concépit de Spíritu sancto.

Psalmus 97.

CAntáte Dómino cánticum novum: * quia mirabília fecit.

Salvávit sibi dextera ejus, * et bráchium sanctum ejus.

Notum fecit Dóminus salutáre suum: * in conspéctu Géntium revelávit justítiam suam.

Recordátus est misericórdiæ suæ, * et veritátis suæ dómui Israel.

Viderunt omnes términi terræ * salutáre Dei nostri.

Jubiláte Deo omnis terra: * cantáte, et exultáte, et psállite.

Psállite Dómino in cíthara, in cíthara, et voce psalmi: * in tubis ductílibus, et voce tubæ córneæ.

Jubiláte in conspéctu Regis Dómini: * moveátur mare, et plenitúdo ejus, orbis terrárum, et qui hábitant in eo.

Flúmina plaudent manu, simul montes exultábunt a conspéctu Dómini: * quóniam venit judicáre terram.

Judicábit orbem terrárum in justítia, * et pópulos in æquitáte.

Antiph. Post partum, Virgo, inviolata permansisti: Dei genitrix, intercede pro nobis.

¶ **In Festo Annuntiationis. Antiph. Angelus Dómini nuntiávit Mariæ, et concépit de Spíritu sancto.**

V. Elégit eam Deus, et praelégit eam.

R. In tabernáculo suo habitáre facit eam. **Pater noster.**

Absolutio. A vínculis.

V. Jube, domne, benedícere.

Benedictio. Evangélica lécio.

Lécio sancti Evangélii secúndum Lucam.

Lectio vii.

Cap. I. d.

IN illo témpore: Loquente Jesu ad turbas, extóllens vocem quædam

múlter de turba, dixit illi: Beátus venter, qui te portávit. Et réliqua.

Homília venerábilis Bedæ Presbýteri.

Lib. 4. cap. 49. in Lucæ 11.

Magnæ devotiónis et fidei hæc múlter osténditur, quæ, Scribis et Pharisæis Dóminum tentántibus, simul et blasphemántibus, tanta ejus incarnatióem præ ómnibus sinceritáte cognóscit, tanta fidúcia confitétur, ut et præsentium prócerum calúmniam, et futurórum confúndat hæreticórum perfídiam. Nam sicut tunc Judæi sancti Spíritus ópera blasphemádo, verum consubstantialémque Patri Dei Fílium negábant: sic hæretici póstea negádo Mariam semper víginem, sancti Spíritus operánté virtúte, nascitúro cum humánis membris Unigénito Dei carnis suæ matériam ministrásse, verum consubstantialémque matri fílium hóminis fatéri non debére dixerunt.

R. Felix namque es, sacra virgo Mariá, et omni laude digníssima: * Quia ex te ortus est sol justítiae, Christus Deus noster.

V. Ora pro pópulo, intérvieni pro clero, intercede pro devóto femíneo sexu: séntiant omnes tuum juvámen, quicúmque célebrant tuam sanctam festivitátem. **Quia ex te.**

Benedictio. Cujus festum cólimus, ipsa Virgo víginum.

Lectio viii.

Sed si caro Verbi Dei secúndum carnem nascéntis a carne Vírginis matris pronuntiáitur extránea, sine causa venter qui eam portásset, úbera quæ lactásset, beatificántur. Dicit autem Apóstolus: Quia misit Deus Fílium suum factum ex muliere, factum sub lege. Neque audiéndi sunt qui legéndum putant: Natum ex muliere, factum sub lege; sed, factum ex muliere: quia concéptus ex útero

virgináli, carnem non de nñhilo, non aliunde, sed matérna traxit ex carne: alióquin nec vere fílius hóminis dicerétur, qui oríginem non habéret ex hómine. Et nos ígitur his contra Eútychen dictis, extollámus vocem cum Ecclésia cathólica, cujus hæc múlíer typum gessit: extollámus et mentem de médio turbárum, dicamúsque Salvatóri: Beátus venter qui te portávit, et úbera quæ suxísti. Vere enim beáta parens, quæ, sicut quidam ait: Eníxa est puérpera Regem, qui cœlum terrámque tenet per sœcula.

R. Beátam me dicent omnes generatiónes: * Quia fecit mihi Dóminus magna, qui potens est, et sanctum nomen ejus.

V. Et misericórdia ejus a progénie in progénies timéntibus eum. Quia fecit. Glória Patri. Quia fecit.

Benedictio. Ad societátem.

Lectio ix.

Quinímmo beáti qui áudiunt verbum Dei, et custódiunt. Pulchre Salvátor attestatióni mulieris ánnuit, non eam tantúmmodo quæ Verbum Dei corporáliter generáre merúerat, sed et omnes qui idem Verbum spiritáliter audítu fidei concípere, et boni óperis custódia, vel in suo, vel in proximórum corde párrere, et quási álere studúerint, assevérans esse beátos: quia et éadem Dei génitrix, et inde quidem beáta, quia Verbi incarnándi mínistra facta est temporális; sed inde multo beátior, quia ejúsdem semper amándi custos manébat æténa.

Te Deum laudámus. 13.

AD LAUDES ET PER HORAS.

Antiph. to. 3. Dum esset Rex in acúbitu suo, nardus mea dedit odórem suavitátis.

Psalmus. Dóminus regnávít. cum reliquis. 14.

Antiph. to. 4. Læva ejus sub cápite meo, et dextera illús amplexábitur me.

Antiph. to. 3. Nigra sum, sed formósa, filiæ Jerúsalem: ídeo diléxit me Rex, et introdúxit me in cubículum suum.

Antiph. to. 8. Jam hiems tránsiit, imber ábiit, et recéssit: surge, amíca mea, et veni.

Antiph. to. 4. Speciósá facta es et suávis in delíciis tuis, sancta Dei génitrix.

Capitulum. Eccli. 24 b.

AB infítio, et ante sœcula creáta sum, et usque ad futúrum sœculum non désinam, et in habitatióne sancta coram ipso ministrávi.

Hymnus.

O Gloriósá Vírginum,
Sublímis inter sídera,
Qui te creávit, párvulum
Lacténte nutris úbere.

Quod Heva tristis ábstulit,
Tu reddis almo gérmine:
Intrent ut astra flébiles,
Cœli reclúdis cárdines.

Tu Regis alti jánuá,
Et aula lucis fúlgida:
Vitám datam per Vírginem,
Gentes redéemptæ, pláudite.

Jesu, tibi sit glória,
Qui natus es de Vírgine,
Cum Patre, et almo Spírítu,
In sempitérna sœcula.

Amen.

V. Diffúsa est grátia in lábiis tuis.

R. Proptérea benedíxit te Deus in ætérnum.

Ad Benedictus, Antiphona, to. 8.

Beáta es, Maríá, quæ credidísti: perficiéntur in te, quæ dicta sunt tibi a Dóminó, allelúja.

Oratio.

Concède nos famulos tuos, quæsumus, Dómine Deus, perpétua mentis et córporis sanitáte gaudere:

et gloriósa beatæ Mariæ semper Vir-
ginis intercessióne, a præsentí libe-
rari tristítia, et æténa pérfrui lætítia.
Per Dóminum.

Ad Primam.

In R. br. dicitur V. Qui natus es de
Maria vírgine, etiam in festis infra
octavas B. M. V.

Ad Tertiam

Antiph. to. 4. Læva ejus.

Capitulum. Ab iníitio. ut supra.

R. br. Spécie tua, * Et pulchritúdine
tua. Spécie.

V. Inténde, prospere procéde, et
regna. Et pulchritúdine. Glória Patri.
Spécie.

V. Adjuvabit eam Deus vultu suo.

R. Deus in médio ejus, non commo-
vébitur.

¶ Tempore Paschali, ad Tertiam,
R. br. Spécie tua, et pulchritúdine
tua, * Allelúja, allelúja. Spécie.

V. Inténde, prospere procéde et
regna. Allelúja, allelúja.

Glória Patri. Spécie tua.

V. Adjuvabit eam Deus vultu suo,
allelúja.

R. Deus in médio ejus, non commo-
vébitur, allelúja.

Ad Sextam.

Antiph. to. 3. Nigra sum.

Capitulum. Eccli. 24. b.

ET sic in Sion firmáta sum, et in
civitáte sanctificáta similiter re-
quievi, et in Jerúsalem potéstas mea.
Et radicávi in pópulo honorificáto, et
in parte Dei mei hæréditas illús, et in
plenitúdine sanctórum deténtio mea.

R. br. Adjuvabit eam * Deus vultu
suo. Adjuvabit.

V. Deus in médio ejus, non commo-
vébitur. Deus.

Glória Patri. Adjuvabit.

V. Elégit eam Deus, et præelégit eam.

R. In tabernáculo suo habitáre facit
eam.

¶ Tempore Paschali, ad Sextam,
R. br. Adjuvabit eam Deus vultu suo,

* Allelúja, allelúja. Adjuvabit.

V. Deus in médio ejus, non commo-
vébitur. Allelúja, allelúja.

Glória Patri. Adjuvabit.

V. Elégit eam Deus, et præelégit
eam, allelúja.

R. In tabernáculo suo habitáre facit
eam, allelúja.

Ad Nonam.

Antiph. to. 4. Speciósá.

Capitulum. Eccli. 24. b.

IN platéis sicut cinnamómum et
balsamum aromatízans odórem
dedi: quasi myrrha elécta dedi sua-
vitátem odóris.

R. br. Elégit eam Deus, * Et præelé-
git eam. Elégit.

V. In tabernáculo suo habitáre facit
eam. Et præelégit. Glória Patri.
Elégit.

V. Diffúsa est grátia in lábiis tuis.

R. Proptérea benedíxit te Deus in
æténum.

¶ Tempore Paschali, ad Nonam,
R. br. Elégit eam Deus, et præelégit
eam, * Allelúja, allelúja. Elégit.

V. In tabernáculo suo habitáre facit
eam. Allelúja, allelúja.

Glória Patri. Elégit.

V. Diffúsa est grátia in lábiis tuis,
allelúja.

R. Proptérea benedíxit te Deus in
æténum, allelúja.

In secundis Vesperis omnia dicun-
tur ut in primis præter

V. Dignáre me laudáre te, Virgo
sacrata.

R. Da mihi virtútem contra hostes
tuos.

Ad Magnificat, Antiphona, to. 8.
Beátam me dicent omnes generatió-
nes, quia ancíllam húmílem respéxit
Deus.





OFFICIUM BEATÆ MARIÆ IN SABBATO.



Mnibus Sabbatis a
Dominica in Albis,
nisi Festum novem
Lectionum occur-
rat, fit Officium de
S. Maria modo in-
frascripto.

In Vesperis Feriæ vi. dicuntur Psal-
mi feriales in Psalterio positi, nisi
fuerit Festum novem Lectionum: quia
tunc de S. Maria fit tantum comme-
moratio in dictis Vesperis cum Anti-
phona, Versu et Oratione ut infra.

Capitulum. Eccli. 24. b.

AB inítio, et ante sæcula creáta
sum, et usque ad futúrum sæcu-
lum non désinam, et in habitatióne
sancta coram ipso ministrávi.

Hymnus.

AVe, maris stella,
Dei mater alma,
Atque semper virgo,
Felix cœli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus,
Tulit esse tuus.

Virgo singuláris,
Inter omnes mitis,
Nos culpis solútos,
Mites fac et castos.

Vitam præsta puram,
Iter para tutum,
Ut vidéntes Jesum,
Semper collætémur.

Sit laus Deo Patri,
Summo Christo decus,
Spíritui sancto,
Tribus honor unus. Amen.

V. Diffúsa est grátia in lábiis tuis,
allelúja.

R. Proptérea benedíxit te Deus in
æténum, allelúja.

Ad Magnificat, Antiphona, to. 1.

Regina cœli lætáre, allelúja: quia
quem meruísti portáre, allelúja: re-
surrexit, sicut dixit, allelúja: ora pro
nobis Deum, allelúja.

V. Dóminus vobíscum.

R. Et cum spíritu tuo.

Oratio.

Concède nos fámulos tuos, quæsu-
mus, Dómine Deus, perpétua men-
tis et córporis sanitáte gaudére: et
gloriósa beatæ Mariæ semper vírgi-
nis intercessióne, a præsentí liberári

tristitia, et æterna pérfrui lætitia. Per Dóminum.

Non fiunt Commemorationes consuetæ, sed tantum de Cruce.

Antiph. Crucem sanctam súbiit, qui inférnum confrégit, accinctus est poténtia, surréxit die tértia, allelúja.

Ŷ. Dícite in natió nibus, allelúja.

R. Quia Dóminus regnávit a ligno, allelúja.

Oratio.

DEus, qui pro nobis Fílium tuum crucis patíbulum subíre voluísti, ut inimíci a nobis expélleres potestátem: concéde nobis fámulis tuis; ut resurrectionis grátiam consequámur. Per eúmdem Dóminum.

Si autem occurrat Festum Simplex, de eo fit commem. ante ipsa suffragia.

Complet. ut in Psalt. 117. Et in fine Hymni, Te lucis ante términum, dicitur **Jesu**, tibi sit glória, Qui natus es de Vírgine, **etiam si in Vesperis facta sit tantum commem. de B. Maria.**

AD MATUTINUM.

Invitatorium. Ave, María, grátia plena: * Dóminus tecum, allelúja.

Psalmus. Veníte, exultémus. 2.

Hymnus.

Quem terra, pontus, sídera
Colunt, adórant, prædicant,
Trinam regéntem máchinam,
Clastrum Mariæ bájulat.

Cui luna, sol, et ómnia
Deserviunt per témpora,
Perfúsa coeli grátia,
Gestant puéllæ víscera.

Beáta Mater, múnere
Cujus supérnus Artifex
Mundum pugíllo cóntinens,
Ventris sub arca clausus est.

Beáta coeli núntio,
Fecúnda sancto Spíritu,
Desiderátus Géntibus
Cujus per alvum fusus est.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempitérna sæcula. Amen.

Nocturnum Sabbati, ut in Psalt. 89. Et in fine

Ŷ. Diffúsa est grátia in lábiis tuis, allelúja.

R. Propterea benedíxit te Deus in ætérnum, allelúja.

Pater noster.

Absolutio.

PRécibus et méritis beátæ Mariæ semper Vírginis, et ómnium Sanctórum, perdúcat nos Dóminus ad regna cælórum. **R.** Amen.

Ŷ. Jube, domne, benedícere.

Pro prima Lectione.

Benedictio. Nos cum prole pia benedícat Virgo María. **R.** Amen.

Primæ duæ Lectiones de Scriptura libri currentis: tertia, una ex inferius positis per ordinem.

R. i. Sancta et immaculáta virgíntas, quibus te láudibus éfferam, nescio: * Quia quem cœli cápere non póterant, tuo grémio contulísti, allelúja.

Ŷ. Benedícta tu in muliéribus, et benedíctus fructus ventris tui. **Quia** quem.

Pro secunda Lectione.

Benedictio. Ipsa Virgo vírginum intercédát pro nobis ad Dóminum. **R.** Amen.

R. ii. Felix namque es, sacra virgo María, et omni laude digníssima: * Quia ex te ortus est sol justítiæ, * Christus Deus noster, allelúja.

Ŷ. Ora pro pópulo, intéveni pro clero, intercède pro devóto femíneo sexu: séntiant omnes tuum juvámen, quicúmque célebrant tuam sanctam commemoratió nem. **Quia** ex te. **Glória Patri.** **Christus.**

Pro tertia Lectione.

Benedictio. Per Virginem Matrem concedat nobis Dominus salutem et pacem. R. Amen.

Post tertiam Lectionem dicitur Te Deum laudamus. 13.

AD LAUDES

ET PER HORAS.

Antiph. to. 3. Dum esset Rex in acubitu suo, nardus mea dedit odorem suavitatis, allelúja.

Psalmus. Dominus regnavit. cum reliquis de Dominica ut in Psalt. 14.

Antiph. to. 4. Læva ejus sub capite meo, et dextera illius amplexabitur me, allelúja.

Antiph. to. 3. Nigra sum, sed formosa, filiæ Jerúsalem: ideo dilexit me Rex, et introduxit me in cubiculum suum, allelúja.

Antiph. to. 8. Jam hiems transiit, imber abiit, et recessit: surge, amica mea, et veni, allelúja.

Antiph. to. 4. Speciosa facta es, et suavis in deliciis tuis, sancta Dei genitrix, allelúja.

Capitulum. Eccli. 24. b.

AB initio, et ante sæcula creata sum, et usque ad futurum sæculum non desinam, et in habitatione sancta coram ipso ministravi.

Hymnus.

O Gloriosa Virginum,
Sublimis inter sidera,
Qui te creavit, parvulum
Lactente nutris ubere.
Quod Heva tristis abstulit,
Tu reddis almo germine:
Intrent ut astra flébiles,
Cœli recludis cardines.
Tu Regis alti janua,
Et aula lucis fulgida:
Vitam datam per Virginem,
Gentes redemptæ, plaudite.
Jesu, tibi sit glória,
Qui natus es de Virgine,
Cum Patre, et almo Spíritu,
In sempiterna sæcula. Amen.

V. Benedicta tu in mulieribus, allelúja.
R. Et benedictus fructus ventris tui, allelúja.

Ad Benedictus, Antiphona, to. 1.

Regina cœli, lætare, allelúja: quia quem meruisti portare, allelúja: resurrexit, sicut dixit, allelúja: ora pro nobis Deum, allelúja.

Oratio.

Concede nos famulos tuos, quæsumus, Domine Deus, perpétua mentis et corporis sanitate gaudere: et gloriosa beatæ Mariæ semper virginis intercessione, a præsentī liberari tristitia, et æterna perfrui lætitia. Per Dominum.

Deinde fit Commemoratio de Cruce.

Antiph. Crucifixus surrexit a mortuis, et redemit nos, allelúja, allelúja.

V. Dicite in nationibus, allelúja.

R. Quia Dominus regnavit a ligno, allelúja. Oratio.

Deus, qui pro nobis Filium tuum crucis patibulum subire voluisti, ut inimici a nobis expelleres potestatem: concede nobis famulis tuis; ut resurrectionis gratiam consequamur. Per eundem Dominum.

Ad Horas, Hymni et Psalmi ut in Psalterio: sed in fine Hymnorum dicitur

Jesu, tibi sit glória,
Qui natus es de Virgine.

Ad Primam.

Antiph. to. 3. Dum esset Rex.

Capitulum. Regi sæculorum. 21.

In R. br. V. Qui natus es de Maria Virgine. alia ut in Psalterio.

Ad Absol. Capitulum. In plateis.

Ad Tertiam.

Antiph. to. 4. Læva ejus.

Capitulum. Ab initio. ut supra.

R. br. Spécie tua, et pulchritudine tua, * Allelúja, allelúja. Spécie.

V. Intende, prospere procede, et regna. Allelúja, allelúja. Glória Patri. Spécie.

V. Adjuvabit eam Deus vultu suo, allelúja.

R. Deus in médio ejus, non commovebitur, allelúja.

Ad Sextam.

Antiph. to. 3. Nigra sum.

Capitulum. Eccli. 24. b.

ET sic in Sion firmata sum, et in civitate sanctificata similiter requievi, et in Jerúsalem potestas mea. Et radicavi in populo honorificato, et in parte Dei mei hereditas illius, et in plenitudine sanctorum detentio mea.

R. br. Adjuvabit eam, Deus vultu suo, * Allelúja, allelúja. **Adjuvabit.**

V. Deus in médio ejus, non commovebitur. **Allelúja, allelúja. Glória Patri. Adjuvabit.**

V. Elégit eam Deus, et praelégit eam, allelúja.

R. In tabernáculo suo habitare facit eam, allelúja.

Ad Nonam.

Antiph. to. 4. Speciosa facta es.

Capitulum. Eccli. 24. b.

IN platéis sicut cinnamomum et balsamum aromatizans odorem dedi: quasi myrrha electa dedi suavitatem odoris.

R. br. Elégit eam Deus, et praelégit eam. * Allelúja, allelúja. **Elégit.**

V. In tabernáculo suo habitare facit eam. **Allelúja, allelúja. Glória Patri. Elégit.**

V. Diffusa est gratia in labiis tuis, allelúja.

R. Propterea benedixit te Deus in ætérnum, allelúja.

Ad Vesperas, Antiphonæ et Psalmi feriales: Capitulum et reliqua omnia, si non occurrat Festum Duplex, de Dominica.

In fine, **Commem. de Cruce**, ut supra.

Lectiones sequentes dicuntur singulis mensibus in Officio B. Mariæ in Sabbato, ordine subscripto.

MENSE APRILI.

De Expositione Sancti Hierónymi Presbyteri in Ezechiélem Prophétam.

Lectio iii. Lib. 13. in cap. 44.

PORTA hæc clausa erit, et non aperiétur. Pulchre quidam portam clausam, per quam solus Dóminus Deus Israel ingreditur, et dux cui porta clausa est, Mariam virginem intélligunt: quæ et ante partum, et post partum virgo permánsit. Etenim tempore, quo Angelus loquebatur: Spíritus sanctus veniet super te, et virtus Altíssimi obumbrábit te; quod autem nascétur ex te Sanctum, vocábitur Fílius Dei: et quando natus est, virgo permánsit ætérna: ad confundéndos eos, qui arbitrántur eam post nativitátem Salvatóris habuisse de Joseph fílios, ex occasióne fratrum ejus, qui vocántur in Evangélio.

Te Deum laudámus. 13.

MENSE MAJO.


Ex Tractátu Sancti Augustíni Episcopi de Sýmboło ad Catechúmenos.

Lib. 3. cap. 4. in fine, tom. 9.

Lectio iii.

PER féminam mors, per féminam vita: per Hevam intéritus, per Mariam salus. Illa corrúpta secúta est seductórem: hæc íntegra péperit Salvatórem. Illa póculum a serpente propínátum libénter accépit, et viro trádidit, ex quo simul mereréntur occídi: hæc, grátia coelésti désuper infúsa, vitam prótulit, per quam caro mórtua possit resuscitári. Quis est qui hæc operátus est, nisi Vírginis Fílius, et vírginum Sponsus, qui áttulit matri fecunditátem, sed non ábs-tulit integritátem?

Te Deum laudámus. 13.





OFFICIUM PARVUM B. MARIÆ.



Officium parvum B. Mariæ non dicitur, quando fit Officium ix. Lectionum, nec in Feriis majoris Hebdomadæ, nec infra Octavas Paschæ et Pentec., nec in Sabbatis, quando fit Officium de S. Maria. Quibus diebus omittitur a i. Vesperis. Cum dicitur in Choro, in Matutinis et in Vesperis præponitur Officio diei. In aliis Horis postponitur. Prima dicitur post Benedicamus Dómino, antequam legatur Martyrologium. Extra Chorum potest dici pro temporis opportunitate.

OFFICIUM B. MARIÆ

extra Adventum.

AD VESPERAS.

Ave, María. secreto, quæ dicitur semper in principio omnium Horarum B. Mariæ, quando non conjunguntur cum Officio diei. *V.*

Deus, in adiutorium meum intende. *R.* Dómine, ad adiuvandum me festína. Glória Patri. Sicut erat.

In fine Allelúja, ad omnes Horas per totum Annum, præterquam a Septuagesima usque ad Sabbatum sanctum; cujus loco tunc dicitur. Laus tibi, Dómine, Rex æternæ glóriæ.

Antiphonæ, Psalmi, Capitulum et Hymnus ut supra in festis B. M. V. [140]

V. Diffúsa est grátia in lábiis tuis.

R. Propterea benedíxit te Deus in ætérnum.

Ad Magnificat, Antiphona, to. 1.

Beáta Mater, et intácta Virgo, gloriósa Regína mundi, intercède pro nobis ad Dóminum.

Kýrie eléison. *C*hriste eléison. *Kýrie* eléison.

V. Dóminus vobíscum.

R. Et cum spíritu tuo.

Oratio.

Concède nos fámulos tuos, quæsumus, Dómine Deus, perpétua mentis et córporis sanitáte gaudére: et gloriósa beátæ Mariæ semper Vírginis intercessióne, a præsénti liberári tristítia, et æténa perfrui lætítia. Per Christum Dóminum nostrum.

R. Amen.

Sequens commemoratio pro Sanctis fit tantum ad Vesperas et Laudes in Officio S. Mariæ.

Antiph. Sancti Dei omnes, intercédere dignémini pro nostra omniúmque salúte.

V. Lætámini in Dómino, et exultáte, justí.

R. Et gloriámini, omnes recti corde.

Oratio.

Prótege, Dómine, pópulum tuum, et Apostolórum tuórum Petri et Pauli, et aliórum Apostolórum patro-

cínio confidentem, perpétua defensione conserva.

OMnes Sancti tui, quæsumus, Dómine, nos ubique adjuvent: ut dum eorum mérita recólimus, patrocinia sentiámus: et pacem tuam nostris concéde temporibus, et ab Ecclesia tua cunctam repélle nequítiam: iter, actus, et voluntates nostras, et ómnium famulorum tuorum, in salutis tuæ prosperitate dispóne: benefactoribus nostris sempiterna bona retribue: et ómnibus fídelibus defunctis requiem ætérnam concéde. Per Dóminum nostrum Jesum Christum.

AD COMPLETORIUM.

Ave, Mariá. *ut supra.* *V.*

CONvérte nos, Deus salutáris noster. *R.* Et avérte iram tuam a nobis.

V. Deus, in adiutorium meum inténde.

R. Dómine, ad adiuvándum me festína. Glória Patri. Allelúja.

Psalmus 128.

SÆpe expugnáverunt me a juventute mea, * dicat nunc Israel.

Sæpe expugnáverunt me a juventute mea: * étenim non potuérunt mihi.

Supra dorsum meum fabricáverunt peccatóres: * prolongáverunt iniquitatem suam.

Dóminus justus concídit cervíces peccatórum: * confundántur et convertántur retrórsus omnes, qui odérunt Sion.

Fiant sicut fœnum tectorum, * quod priúsqvam evellátur, exáruit:

De quo non implévit manum suam, qui metit, * et sinum suum qui manipulos colligit.

Et non dixerunt qui præteríbant: Benedíctio Dómini super vos: * benedíximus vobis in nómine Dómini.

Glória Patri.

Psalmus 129.

DE profúndis clamávi ad te, Domine: * Dómine, exáudi vocem meam.

Fiant aures tuæ intendéntes * in vocem deprecationis meæ.

Si iniquitates observáveris, Dómine: * Dómine, quis substinébit?

Quia apud te propitiatio est: * et propter legem tuam sustínui te, Dómine.

Sustínuit ánima mea in verbo ejus: * sperávit ánima mea in Dómino.

A custódia matutína usque ad noctem, * speret Israel in Dómino.

Quia apud Dóminum misericórdia, * et copiósa apud eum redemptio.

Et ipse rédimet Israel * ex ómnibus iniquitatibus ejus.

Glória Patri.

Psalmus 130.

Domine, non est exaltátum cor meum: * neque eláti sunt óculi mei.

Neque ambulávi in magnis, * neque in mirábilibus super me.

Si non humíliter sentiébam: * sed exaltávi ánimam meam.

Sicut ablactátus est super matre sua: * ita retribútio in ánima mea.

Speret Israel in Dómino, * ex hoc nunc, et usque in sæculum.

Glória Patri.

Hymnus.

Memento, rerum Cónditor,
Nostri quod olim córporis,
Sacrata ab alvo Vírginis
Nascéndo, formam sumpseris.

Mariá, mater grátiae,
Dulcis Parens cleméntiae,
Tu nos ab hoste prótege,
Et mortis hora súscipe.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempiterna sæcula. Amen.

Capitulum.

Eccli. 24. c.

EGo mater pulchræ dilectiónis, et timóris, et agnitiónis, et sanctæ spei. *R.* Deo grátias.

V. Ora pro nobis, sancta Dei génitrix.

R. Ut digni efficiámur promissionibus Christi.

Ad Nunc dimittis,

Antiph. to. 7. Sub tuum præsidium
confugimus, sancta Dei Génitrix: nos-
tras deprecationes ne despicias in ne-
cessitatibus: sed a periculis cunctis
libera nos semper, Virgo gloriósa et
benedícta.

Kýrie eléison. Christe eléison. Kýrie
eléison.

Ų. Dóminus vobíscum.

℞. Et cum spíritu tuo.

Oratio.

BEatæ et gloriósæ semper Vírginis
Mariæ, quæsumus, Dómine, in-
tercèssio gloriósa nos protégat, et
ad vitam perdúcat ætérnam. Per
Dóminum.

AD MATUTINUM

de B. Maria.

Ave Mariá. ut supra. Ų.

Domine, lábia mea apéries.

℞. Et os meum annuntiábit lau-
dem tuam.

Ų. Deus in adjutórium. Glória Patri.
Allelúja.

Invitatorium. Ave, Mariá, grátia
plena, * Dóminus tecum.

Psalmus. Veníte, exultémus. 2.

Hymnus.

Quem terra, pontus, sídera
Colunt, adórant, prædicant,
Trinam regéntem máchinam,
Clastrum Mariæ bájulat.

Cui luna, sol, et ómnia
Desérviunt per témpora,
Perfúsa cœli grátia,
Gestant puéllæ víscera.

Beáta Mater, múnere
Cujus supérnus Artifex
Mundum pugíllo cóntinens,
Ventris sub arca clausus est.

Beáta cœli núntio,
Fecúnda sancto Spíritu,
Desiderátus Géntibus
Cujus per alvum fusus est.

Jesu tibi sit glória,
Qui natus es de Vírgine,
Cum Patre, et almo Spíritu,
In sempitérna sæcula. Amen.

In Nocturno Antiphonæ et Psalmi
dicuntur

Feria ii. et v. de i. Nocturno in festis
B. Mariæ Virginis. [142]

Feria iii. et vi. de ii. Nocturno ejus-
dem Officii. [144]

Feria iv. et Sabbato de iii. Nocturno
Officii ejusdem. [147]

Ų. Diffúsa est grátia in lábiis tuis.

℞. Proptérea benedíxit te Deus in
ætérnum.

Pater noster. secreto.

Ų. Et ne nos indúcas in tentatiónem.

℞. Sed libera nos a malo.

Absolutio.

PRécibus et méritis beátæ Mariæ
semper vírginis, et ómnium Sanc-
tórum, perdúcat nos Dóminus ad reg-
na cœlórum. ℞. Amen.

Ų. Jube, domne, benedícere.

Benedictio. Nos cum prole pia be-
nedícat virgo Mariá. ℞. Amen.

Lectio i.

Eccli. 24.

IN ómnibus réquiem quæsvi, et in
hæreditáte Dómini morábor. Tunc
præcépit, et dixit mihi Creátor óm-
nium: et qui creávit me, requiévít in
tabernáculo meo, et dixit mihi: In
Jacob inhábita, et in Israel hæredi-
táre, et in eléctis meis mitte radíces.
Tu autem, Dómine, miserére nobis.

℞. Deo grátias.

℞. Sancta et immaculáta virgíntas
quibus te láudibus éfferam, nésco: *
Quia quem cœli cápere non póterant,
tuo grémio contulísti.

Ų. Benedícta tu in muliéribus, et be-
nedíctus fructus ventris tui. Quia.

Ų. Jube, domne, benedícere.

Benedictio. Ipsa Virgo vírginum in-
tercédát pro nobis ad Dóminum.

℞. Amen.

Lectio ii.

ET sic in Sion firmata sum, et in civitate sanctificata similiter requievi, et in Jerúsalem potestas mea. Et radicavi in populo honorificato, et in parte Dei mei hæreditas illius, et in plenitudine sanctorum detentio mea. Tu autem, Domine, miserere nobis.

R. Beata es, virgo Maria, quæ Dominum portasti Creatorem mundi: * Genuisti qui te fecit, et in æternum permanes virgo.

V. Ave, Maria, gratia plena, Dominus tecum. Genuisti.

V. Jube, domne, benedicere.

Benedictio. Per virginem matrem concedat nobis Dominus salutem et pacem. R. Amen.

Lectio iii.

QUasi cedrus exaltata sum in Libano, et quasi cypressus in monte Sion: quasi palma exaltata sum in Cades, et quasi plantatio rosæ in Jericho: quasi oliva speciosa in campis, et quasi platanus exaltata sum juxta aquam in plateis. Sicut cinnamomum, et balsamum aromatizans odorem dedi: quasi myrrha electa dedi suavitatem odoris. Tu autem, Domine, miserere nobis.

R. Felix namque es, sacra virgo Maria, et omni laude dignissima: * Quia ex te ortus est sol justitiæ, * Christus Deus noster.

V. Ora pro populo, interveni pro clero, intercede pro devoto femineo sexu: sentiant omnes tuum juvamen, quicumque celebrant tuam sanctam commemorationem. Quia ex te. Gloria Patri. Christus.

AD LAUDES, V.

DEus, in adjutorium meum intende.

R. Domine, ad adjuvandum me festina. Gloria Patri. Allelúja.

Antiph. to. 7. r. Assumpta est Maria in cælum, gaudent Angeli, laudantes benediscunt Dominum.

Psalmus. Dominus regnavit. cum reliquis de Dominica ut in Psalt. 14.

Antiph. to. 8. Maria virgo assumpta est ad æthereum thalamum, in quo Rex regum stellato sedet solio.

Antiph. to. 4. In odorem unguentorum tuorum currimus: adolescentulæ dilexerunt te nimis.

Antiph. to. 7. f. Benedicta filia tu a Domino: quia per te fructum vitæ communicavimus.

Antiph. to. 1. l. Pulchra es et decora, filia Jerúsalem: terribilis ut castrorum acies ordinata.

Capitulum.

Cant. 6. c.

Viderunt eam filiae Sion, et beatissimam predicaverunt, et reginæ laudaverunt eam. R. Deo gratias.

Hymnus.

O Gloriosa Virginum,
Sublimis inter sidera,
Qui te creavit, parvulum
Lactente nutris ubere.
Quod Heva tristis abstulit,
Tu reddis almo germine:
Intrent ut astra flébiles,
Cœli reclúdis cárdines.
Tu Regis alti jánuā,
Et aula lucis fúlgida:
Vitam datam per Virginem,
Gentes redemptæ, pláudite.
Jesu, tibi sit glória,
Qui natus es de Virgine,
Cum Patre, et almo Spíritu,
In sempitérna sæcula. Amen.

V. Benedicta tu in mulieribus.

R. Et benedictus fructus ventris tui.

Ad Benedictus, Antiphona, to. 1.

Beata Dei genitrix Maria, virgo perpétua, templum Domini, sacrarium Spíritus sancti: sola sine exémplo placuisti Domino nostro Jesu Christo: ora pro populo, interveni pro clero, intercede pro devoto femineo sexu.

Kýrie eléison. **C**hriste eléison. **K**ýrie eléison.

V. Dóminus vobíscum.

R. Et cum spíritu tuo.

Oratio.

Deus, qui de beatæ Mariæ virginis útero, Verbum tuum, Angelo nuntiante, carnem suscipere voluisti: præsta supplicibus tuis; ut, qui vere eam genitricem Dei credimus, ejus apud te intercessionibus adjuvemur. Per eúndem Christum Dóminum nostrum. **R.** Amen.

Pro Sanctis.

Antiph. Sancti Dei omnes, intercedere dignemini pro nostra omniumque salute.

V. Lætámini in Dómino, et exultáte, justi.

R. Et gloriámini, omnes recti corde.

Oratio.

Prótege, Dómine, pópulum tuum, et Apostolorum tuórum Petri et Pauli, et aliorum Apostolorum patrocinio confidentem, perpétua defensione conserva.

Omnes Sancti tui, quæsumus, Dómine, nos ubique adjuvent: ut dum eórum mérita recólimus, patrocinia sentiámus: et pacem tuam nostris concéde temporibus, et ab Ecclesia tua cunctam repélle nequítiam: iter, actus, et voluntates nostras, et ómnium famulórum tuórum, in salutis tuæ prosperitate dispóne: benefactoribus nostris sempiterna bona retribue: et ómnibus fidelibus defunctis réquiem ætérnam concéde. Per Dóminum.

Ad Primam.

Ave, María, etc. **V.**

Deus, in adiutorium meum inténde. **R.** Dómine, ad adiuvándum me festína. **G**loria Patri. **A**llelúja.

Hymnus.

Memento, rerum Cónditor,
Nostri quod olim córporis,
Sacráta ab alvo Vírginis
Nascéndo, formam sumpseris.

María, Mater grátiae,
Dulcis Parens cleméntiae,
Tu nos ab hoste prótege,
Et mortis hora suscipe.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempiterna sæcula. Amen.

Antiph. to. 7. r. Assúpta est.

Psalmus 53.

Deus, in nómine tuo salvum me fac: * et in virtúte tua júdica me.

Deus, exáudi oratióem meam: * áuribus pércipe verba oris mei.

Quóniam aliéni insurrexérunt advérsus me, et fortes quæsiérunt ánimam meam: * et non proposuérunt Deum ante conspéctum suum.

Ecce enim Deus ádjuvat me: * et Dóminus suscéptor est ánimæ meæ.

Avérte mala inimícis meis: * et in veritate tua dispérde illos.

Voluntárie sacrificábo tibi, * et confitébor nómini tuo, Dómine, quóniam bonum est.

Quóniam ex omni tribulatióne eripuisti me: * et super inimícos meos despéxit óculus meus.

Gloria Patri.

Psalmus 84.

Benedixisti, Dómine, terram tuam: * avertísti captivitátem Jacob.

Remisísti iniquitátem plebis tuæ: * operuísti ómnia peccáta eórum.

Mitigásti omnem iram tuam: * avertísti ab ira indignatiónis tuæ.

Convértite nos, Deus salutáris noster: * et avérte iram tuam a nobis.

Numquid in ætérnum irascéris nobis? * aut exténdes iram tuam a generatióne in generatióem?

Deus, tu convêrsus vivificâbis nos: *
et plebs tua lætâbitur in te.

Ostênde nobis, Dómine, misericórdiam tuam: * et salutâre tuum da nobis.

Audiam, quid loquâtur in me Dóminus Deus: * quóniam loquétur pacem in plebem suam.

Et super sanctos suos, * et in eos qui convertúntur ad cor.

Verúmtamen prope timéntes eum salutâre ipsíus: * ut inhábitet glória in terra nostra.

Misericórdia et véritas obviavérunt sibi: * justítia et pax osculátæ sunt.

Véritas de terra orta est: * et justítia de cœlo prospexit.

Etenim Dóminus dabit benignitatem: * et terra nostra dabit fructum suum.

Justítia ante eum ambulábit: * et ponet in via gressus suos.

Glória Patri.

Psalmus 116.

Laudáte Dóminum, omnes Gentes: * laudáte eum, omnes pópuli:

Quóniam confirmáta est super nos misericórdia ejus: * et véritas Dómini manet in ætérnum.

Glória Patri.

Antiph. Assúmpta est María in cœlum, gaudent Angeli, laudántes benedicunt Dóminum.

Capitulum. Cânt. 6. c.

Quæ est ista, quæ progréditur quasi auróra consúrgens, pulchra ut luna, elécta ut sol, terribilis ut castrórum ácies ordináta?

R. Deo grátias.

V. Dignâre me laudâre te, Virgo sacráta.

R. Da mihi virtútem contra hostes tuos.

Kýrie eléison. **Christe** eléison. **Kýrie** eléison.

R. Dóminus vobíscum.

V. Et cum spíritu tuo.

Oratio.

Deus, qui virginálem aulam beatæ Mariæ, in qua habitâres, elígere dignátus es: da, quæsumus, ut sua nos defensióne munitos, jucúndos fácias suæ interesse commemoratióni: Qui vivis et regnas cum Deo Patre.

Ad Tertiam.

Ave, María, etc. V.

Deus, in adjutórium meum inténde. **R.** Dómine, ad adjuvándum me festína. Glória Patri. Allelúja.

Hymnus.

Memento, rerum Cónditor,
Nostri quod olim córporis,
Sacráta ab alvo Vírginis
Nascéndo, formam sumpseris.

María, Mater grátiae,
Dulcis Parens cleméntiae,
Tu nos ab hoste prótege,
Et mortis hora suscipe.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempitérna sæcula. Amen.

Antiph. to. 8. María Virgo.

Psalmus 119.

Ad Dóminum, cum tribulárer, clamávi: * et exaudivit me.

Dómine, líbera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagíttæ poténtis acútæ, * cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: * multum íncola fuit ánima mea.

Cum his, qui odérunt pacem, eram pacíficus: * cum loquébar illis, impugnábant me gratis.

Glória Patri.

Psalmus 120.

Levávi óculos meos in montes, *
unde véniet auxílium mihi.

Auxílium meum a Dómino, * qui fecit
cælum et terram.

Non det in commotiõnem pedem
tuum: * neque dormítet qui custó-
dit te.

Ecce non dormitábit, neque dórmiet,
* qui custódit Israel.

Dóminus custódit te, Dóminus pro-
tectio tua, * super manum dexteram
tuam.

Per diem sol non uret te, * neque
luna per noctem.

Dóminus custódit te ab omni malo:
* custódiat ánimam tuam Dóminus.

Dóminus custódiat intróitum tuum,
et éxitum tuum; * ex hoc nunc, et us-
que in sæculum.

Glória Patri.

Psalmus 121.

Lætátus sum in his, quæ dicta
sunt mihi: * in domum Dómini
ibimus.

Stantes erant pedes nostri * in átriis
tuis, Jerúsalem,

Jerúsalem, quæ ædificátur ut civitas:
* cujus participatio ejus in idípsum.

Iluc enim ascendérunt tribus, tribus
Dómini: * testimónium Israel ad con-
fiténdum nómini Dómini.

Quia illic sedérunt sedes in iudicio, *
sedes super domum David.

Rogáte quæ ad pacem sunt Jerúsa-
lem: * et abundantia diligéntibus te.

Fiat pax in virtúte tua: * et abundán-
tia in túrribus tuis.

Propter fratres meos, et próximos
meos, * loquébar pacem de te.

Propter domum Dómini Dei nostri, *
quæsívi bona tibi.

Glória Patri.

Antiph. **M**aría virgo assúpta est
ad æthéreum thálamum, in quo Rex
regum stelláto sedet sólio.

Capitulum. Eccli. 24. b.

ET sic in Sion firmáta sum, et in
civitáte sanctificáta simíliter re-
quiévi, et in Jerúsalem potéstas mea.

R. Deo grátias.

V. Diffúsa est grátia in lábiis tuis.

R. Propterea benedíxit te Deus in
æternum.

Kýrie eléison. **C**hriste eléison. **K**ýrie
eléison.

V. Dóminus vobíscum.

R. Et cum spíritu tuo.

Oratio.

DEus, qui salútis æternæ, beatæ
Mariæ virginitate fecúnda, hu-
máno géneri præmia præstitísti: tri-
bue, quæsumus, ut ipsam pro nobis
intercedere sentiámus, per quam
merúimus auctórem vitæ suscipere
Dóminum nostrum Jesum Christum
Fílium tuum: Qui tecum vivit.

Ad Sextam.

Ave, María, etc. V.

DEus, in adiutorium meum inténde.
R. Dómine, ad adiuvándum me
festína. Glória Patri. Allelúja.

Hymnus.

Memento, rerum Cónditor,
Nostri quod olim córporis,
Sacráta ab alvo Vírginis
Nascéndo, formam sumpseris.

María, Mater grátiae,
Dulcis Parens cleméntiae,
Tu nos ab hoste prótege,
Et mortis hora suscipe.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempiterna sæcula. Amen.

Antiph. to. 4. In odórem.

Psalmus 122.

AD te levávi óculos meos, * qui
hábitas in cælis.

Ecce sicut óculi servórum * in máni-
bus dominórum suórum,

Sicut óculi ancíllæ in mánibus dómínæ suæ: * ita óculi nostri ad Dóminum Deum nostrum, donec misereátur nostri.

Miserére nostri, Dómine, miserére nostri: * quia multum repléti sumus despectióne:

Quia multum repléta est ánima nostra: * oppróbrium abundántibus, et despectio supérbis.

Glória Patri.

Psalmus 123.

Nisi quia Dóminus erat in nobis, dicat nunc Israel: * nisi quia Dóminus erat in nobis.

Cum exúrgerent hómines in nos, * forte vivos deglutíssent nos:

Cum irascerétur furor eórum in nos, * fórsitan aqua absorbuíssent nos.

Torréntem pertransívit ánima nostra: * fórsitan pertransíssent ánima nostra aquam intolerábilem.

Benedíctus Dóminus, * qui non dedit nos in captiónem déntibus eórum.

Anima nostra sicut passer erépta est * de láqueo venántium.

Láqueus contrítus est, * et nos liberáti sumus.

Adjutórium nostrum in nómine Dómini, * qui fecit cœlum et terram.

Glória Patri.

Psalmus 124.

Qui confidunt in Dómino, sicut mons Sion: * non commovébitur in ætérnum, qui hábitat in Jerúsalem.

Montes in circúitu ejus: * et Dóminus in circúitu pópuli sui, ex hoc nunc, et usque in sæculum.

Quia non relínquet Dóminus virgam peccatórum super sortem justórum: * ut non exténdant justí ad iniquitátem manus suas.

Bénéfac, Dómine, bonis * et rectis corde.

Declinántes autem in obligatiónes, addúcet Dóminus cum operántibus iniquitátem: * pax super Israel.

Glória Patri.

Antiph. In odórem unguentórum tuórum cúrrimus adolescéntulæ dilexérunt te nimis.

Capitulum. Eccli. 24. b.

Et radicavi in pópulo honorificáto, et in parte Dei mei hæréditas illius, et in plenitúdine sanctórum deténtio mea. R. Deo grátias.

V. Benedícta tu in muliéribus.

R. Et benedíctus fructus ventris tui.

Kýrie eléison. Christe eléison. Kýrie eléison.

V. Dóminus vobíscum.

R. Et cum spíritu tuo.

Oratio.

Concède, miséricors Deus, fragilitáti nostræ præsidium: ut qui sanctæ Dei genitrícis memóriam ágimus, intercessiόνis ejus auxílio, a nostris iniquitátibus resurgámus. Per eúndem Dóminum.

Ad Nonam.

Ave, María, etc. V.

Deus, in adjutórium meum inténde. R. Dómine, ad adjuvándum me festína. Glória Patri. Allelúja.

Hymnus.

Memento, rerum Cónditor,
Nostri quod olim córporis,
Sacráta ab alvo Vírginis
Nascendo, formam sumpseris.

María, Mater grátiae,
Dulcis Parens cleméntiae,
Tu nos ab hoste prótege,
Et mortis hora suscipe.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempitérna sæcula. Amen.

Antiph. to. 1. Pulchra es.

Psalmus 125.

IN convertendo Dóminus captivitatem Sion: * facti sumus sicut consolati.

Tunc replétum est gáudio os nostrum, * et lingua nostra exultatione.

Tunc dicent inter Gentes: * Magnificávit Dóminus fácere cum eis.

Magnificávit Dóminus fácere nobiscum: * facti sumus lætantes.

Convérte, Dómine, captivitatem nostram, * sicut torrens in Austro.

Qui sémant in lácrymis, * in exultatione metent.

Eúntes ibant, et flebant, * mitténtes sémina sua.

Veniéntes autem vénient cum exultatione, * portántes manípulos suos.

Glória Patri.

Psalmus 126.

Nisi Dóminus ædificáverit domum, * in vanum laboravérunt, qui ædificant eam.

Nisi Dóminus custodíerit civitatem, * frustra vígilat, qui custódit eam.

Vanum est vobis ante lucem súrgere: * súrgite postquam sedéritis, qui manducátis panem dolóris.

Cum déderit diléctis suis somnum: * ecce hæréditas Dómini, filii; merces, fructus ventris.

Sicut sagíttæ in manu poténtis: * ita filii excussórum.

Beátus vir, qui implévit desidérium suum ex ipsis: * non confundétur cum loquétur inimícis suis in porta.

Glória Patri.

Psalmus 127.

BEáti omnes, qui timent Dóminum, * qui ámbulant in viis ejus.

Labóres mánuum tuárum quia manducábis: * beátus es, et bene tibi erit.

Uxor tua sicut vitis abúndans, * in latéribus domus tuæ.

Filii tui sicut novéllæ olivárum, * in circúitu mensæ tuæ.

Ecce sic benedicétur homo, * qui timet Dóminum.

Benedícat tibi Dóminus ex Sion: * et videas bona Jerúsalem ómnibus diébus vitæ tuæ.

Et videas filios filiórum tuórum, * pacem super Israel.

Glória Patri.

Antiph. Pulchra es, et decóra, fflia Jerúsalem: terríbilis ut castrórum ácies ordináta.

Capitulum. *Eccli. 24. b.*

IN platéis, sicut cinnamómum et balsamum aromatízans, odórem dedi: quasi myrrha elécta dedi suavitatem odóris.

R. Deo grátias.

V. Post partum, Virgo, invioláta permansisti.

R. Dei génitrix, intercède pro nobis.

Kýrie eléison. Christe eléison. Kýrie eléison.

V. Dóminus vobíscum.

R. Et cum spíritu tuo.

Oratio.

FAmulórum tuórum, quæsumus, Dómine, delíctis ignósce: ut qui tibi placére de áctibus nostris non valémus, genitrícis Filii tui Dómini nostri intercessióne salvémur: Qui tecum vivit et regnat.



TEMPORE PASCHALI

Officium B. Mariæ dicitur sicut ante Adventum, sed ad Benedictus, et ad Magnificat, et ad Nunc dimittis, dicitur sequens **Antiph.** Regína cœli lætare, allelúja: quia quem meruísti portáre, allelúja: resurrexit, sicut dixit, allelúja: ora pro nobis Deum, allelúja.

Antiphonis autem, Versibus et Responsoriis non additur in fine Allelúja.





OFFICIUM DEFUNCTORUM



Dicitur extra tempus Paschale prima cujusque mensis die, non impedita Festo ix. Lectionum, alioquin

alia sequenti die similiter non impedita. In Quadrage. autem Feria secunda cujuslibet Hebdomadae similiter non impedita, praeterquam in majori Hebdomada. In Choro dicitur post Officium diei, id est, Vesperae post Vesperas, et Matutinum post Laudes diei, nisi alias sit consuetudo Ecclesiarum: extra Chorum vero pro opportunitate temporis.

Ad Vesperas absolute incipitur ab Antiphona to. 2. Placébo Dómino.

Psalmus 114.

Diléxi, quóniam exáudiet Dóminus * vocem orationis meae.

Quia inclinávit aurem suam mihi: * et in diébus meis invocábo.

Circumdedérunt me dolóres mortis: * et perícula inférni invenérunt me.

Tribulatióem et dolórem invéni: * et nomen Dómini invocávi.

O Dómine, líbera ánimam meam: * miséricors Dóminus, et justus, et Deus noster miserétur.

Custódiens párvulos Dóminus: * humiliátus sum, et liberávit me.

Convértere, ánima mea, in réquiem tuam: * quia Dóminus benefécit tibi.

Quia erípuit ánimam meam de morte, * óculos meos a lácrymis, pedes meos a lapsu.

Placébo Dómino * in regióne vivórum.

In fine omnium Psalmorum dicitur,

Réquiem aetérnam * dona eis, Dómine.

Et lux perpétua * lúceat eis.

Antiph. Placébo Dómino in regióne vivórum.

Antiph. to. 2. H ei mihi, Dómine.

Psalmus 119.

Ad Dóminum, cum tribulárer, clamávi: * et exaudivit me.

Dómine, líbera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagíttæ poténtis acútæ, * cum carbónibus desolatóriis.

Heu mihi, quia incolátus meus prolongátus est: habitávi cum habitán-

tibus Cedar: * multum incolā fuit
ánima mea.

Cum his, qui odérunt pacem, eram
pacíficus: * cum loquébar illis, im-
pugnábant me gratis.

Réquiem ætérnam.

Antiph. Hei mihi, Dómine, quia in-
colátus meus prolongátus est.

Antiph. to. 2. Dóminus custódit te.

Psalmus 120.

LEvávi óculos meos in montes, *
unde véniet auxiliū mihi.

Auxiliū meum a Dómino, * qui fecit
cælum et terram.

Non det in commotiōnem pedem
tuum: * neque dormítet qui custó-
dit te.

Ecce non dormitábit, neque dórmiet,
* qui custódit Israel.

Dóminus custódit te, Dóminus pro-
téctio tua * super manum dexteram
tuam.

Per diem sol non uret te, * neque luna
per noctem.

Dóminus custódit te ab omni malo: *
custódiat ánimam tuam Dóminus.

Dóminus custódiat intróitum tuum, et
éxitum tuum: * ex hoc nunc, et usque
in sæculum.

Réquiem ætérnam.

Antiph. Dóminus custódit te ab
omni malo: custódiat ánimam tuam
Dóminus.

Antiph. to. 7. Si iniquitátes.

Psalmus 129.

DE profúndis clamávi ad te, Dó-
mine: * Dómine, exáudi vocem
meam.

Fiant aures tuæ intendéntes, * in vo-
cem deprecatiōnis meæ.

Si iniquitátes observáveris, Dómine:
* Dómine, quis sustinébit?

Quia apud te propitiatio est: * et prop-
ter legem tuam sustinui te, Dómine.

Sustinuit ánima mea in verbo ejus: *
sperávit ánima mea in Dómino.

A custódia matutína usque ad noc-
tem, * speret Israel in Dómino.

Quia apud Dóminum misericórdia: *
et copiósa apud eum redemptio.

Et ipse rédimet Israel, * ex ómnibus
iniquitátibus ejus.

Réquiem ætérnam.

Antiph. Si iniquitátes observáveris,
Dómine: Dómine, quis sustinébit?

Antiph. to. 2. Opera.

Psalmus 137.

Confitebor tibi, Dómine, in toto
corde meo: * quóniam audísti
verba oris mei.

In conspéctu Angelórum psallam tibi:
* adorábo ad templum sanctum tuum,
et confitebor nómini tuo.

Super misericórdia tua, et veritáte
tua: * quóniam magnificásti super
omne, nomen sanctum tuum.

In quacúmque die invocávero te, ex-
áudi me: * multiplicábis in ánima
mea virtútem.

Confiteántur tibi, Dómine, omnes re-
ges terræ: * quia audiérunt ómnia
verba oris tui:

Et cantent in viis Dómini: * quóniam
magna est glória Dómini.

Quóniam excélsus Dóminus, et hu-
mília respicit: * et alta a longe cog-
nóscit.

Si ambulávero in médio tribulatiōnis,
vivificábis me: * et super iram ini-
micórum meórum extendísti manum
tuam, et salvum me fecit dextera tua.

Dóminus retríbuet pro me: * Dómine,
misericórdia tua in sæculum: ópera
mánuum tuárum ne despicias.

Réquiem ætérnam.

Antiph. Opera mánuum tuárum, Dó-
mine, ne despicias.

V. Audívi vocem de cælo dicéntem
mihi.

R. Beáti mórtui, qui in Dómino mo-
riúntur.

Antiph. to. 7. Omne.

Canticum B. Mariæ Virginis.

Lucæ 1. c.

Magnificat * ánima mea Dóminum:
Et exultávit spíritus meus * in
Deo salutári meo.

Quia respéxit humilitátem ancillæ
suæ: * ecce enim ex hoc beátam me
dicent omnes generatiónes.

Quia fecit mihi magna qui potens est:
* et sanctum nomen ejus.

Et misericórdia ejus a progénie in
progénies * timéntibus eum.

Fecit poténtiam in bráchio suo: * dis-
persit supérbos mente cordis sui.

Depósuit poténtes de sede, * et exal-
távit húmiles.

Esuriéntes implévit bonis: * et dívi-
tes dimísit inánes.

Suscépit Israel púerum suum, * re-
cordátus misericórdiæ suæ.

Sicut locútus est ad patres nostros, *
Abraham, et sémini ejus in sæcula.

Réquiem ætérnam.

Antiph. Omne quod dat mihi Pater,
ad me véniet: et eum qui venit ad
me, non ejiciam foras.

Preces infrascriptæ dicuntur flexis
genibus, similiter et ad Laudes.

Pater noster. secreto.

Ÿ. Et ne nos indúcas in tentatiónem.

℞. Sed líbera nos a malo.

Psalmus 145.

Lauda, ánima mea, Dóminum; lau-
dábo Dóminum in vita mea: *
psallam Deo meo quámdiu fúero.

Nolíte confidere in princípibus: * in
filiis hóminum, in quibus non est salus.

Exíbit spíritus ejus, et revertétur in
terram suam: * in illa die períbunt
omnes cogitatiónes eórum.

Beátus, cujus Deus Jacob adjútorejus,
spes ejus in Dómino Deo ipsíus: * qui
fecit coelum, et terram, mare, et óm-
nia, quæ in eis sunt.

Qui custódit veritátem in sæculum,
facit judícium injúriam patiéntibus: *
dat escam esuriéntibus.

Dóminus solvit compedítos: * Dómi-
nus illúminat cæcos.

Dóminus érigit elísos: * Dóminus dí-
ligit justos.

Dóminus custódit ádvenas, pupíllum
et víduam suscépiet: * et vias pecca-
tórum dispérdet.

Regnábít Dóminus in sæcula, Deus
tuus, Sion, * in generatióem et ge-
neratióem.

Cujus loco ad Laudes dicitur Psal-
mus De profúndis. ut supra, qui Psalmi
non dicuntur in die Comm. omnium
fidelium Defunctorum, neque in die
obitus seu depositionis defuncti: alias,
semper.

In fine Psalmi.

Réquiem ætérnam * dona eis, Dómine.
Et lux perpétua * lúceat eis.

Deinde Ÿ. A porta ínferi.

℞. Erue, Dómine, ánimas eórum.

Ÿ. Requiéscant in pace. ℞. Amen.

Ÿ. Dómine, exáudi oratióem meam.

℞. Et clamor meus ad te véniat.

Ÿ. Dóminus vobíscum.

℞. Et cum spíritu tuo.

Oratio.

Deus, qui inter apostólicos sacer-
dótes, fámulos tuos pontificáli,
seu sacerdotáli fecísti dignitáte vi-
gére: præsta, quæsumus, ut eórum
quoque perpétuo aggregéntur con-
sórtio.

Deus, véniæ largítor, et humánæ
salútis amátor: quæsumus clem-
éntiam tuam, ut nostræ congrega-
tiónis fratres, propínquos, et benefac-
tóres, qui ex hoc sæculo transiérunt,
beáta María semper Vírgine interce-
dente cum ómnibus Sanctis tuis, ad
perpétuæ beatitúdinis consórtium per-
veníre concédas.

Fidélium Deus ómnium Cónditor et
Redemptor, animábus famulórum
familiarúmque tuárum, remissionem
cunctórum tríbe peccatórum: ut in-
dulgéntiam, quam semper optavérunt,

piis supplicationibus consequantur. Qui vivis et regnas in sæcula sæculorum. R. Amen.

In die vero Commemorationis omnium fidelium Defunctorum quando dicitur hæc ultima tantum Oratio, dicitur: Qui vivis et regnas cum Deo Patre in unitate Spíritus sancti Deus, per ómnia, etc.

In die depositionis Defuncti,
Oratio.

Absólve, quæsumus, Dómine, ánimam fámuli tui N. ut defúnctus sæculo, tibi vivat: et quæ per fragilitatem carnis humana conversatione commísit, tu vénia misericordíssimæ pietátis abstérge. Per Dóminum.

Si fuerit femina, dicatur ánimam fámulæ tuæ N. ut defúncta.

In anniversario die,
Oratio.

Deus, indulgentiarum Dómine: da animabus famulorum famularumque tuarum, quorum anniversarium depositionis diem commemoramus, refrigerii sedem, quietis beatitudinem, et luminis claritatem. Per Dóminum.

Si pro uno tantum fit Anniversarium, dicatur in singulari numero.

Pro uno Episcopo defuncto,
Oratio.

Deus, qui inter apostólicos sacerdotes, fámulum tuum N. pontificali fecisti dignitate vigere: præsta, quæsumus, ut eorum quoque perpétuo aggregetur consórtio. Per Dóminum.

Si fuerit Sacerdos, dicatur sacerdotali fecisti, etc.

Pro fratribus vero et familiaribus, vel benefactoribus, dicitur Oratio. Deus, véniæ largitor. ut supra.

Pro patre et matre.
Oratio.

Deus, qui nos patrem et matrem honorare præcepisti: miserere

cleménter animabus patris ac matris meæ, eorumque peccata dímítte: meque eos in æternæ claritátis gáudio fac vidére. Per Dóminum.

Si fit pro pluribus, dicatur animabus paréntum nostrórum, et ubi dicitur meque dicatur nosque.

Si pro patre tantum, dicatur ánimæ patris mei, vel nostri.

Si pro matre tantum, dicatur áníma matris meæ, vel nostræ.

Pro uno defuncto,
Oratio.

Inclína, Dómine, aurem tuam ad preces nostras, quibus misericórdiam tuam súpplíces deprecámur: ut ánimam fámuli tui quam de hoc sæculo migráre jussísti, in pacis ac lucis regiónē constítuas, et Sanctorum tuórum júbeas esse consórtem. Per Dóminum.

Pro una defuncta,
Oratio.

Quæsumus, Dómine, pro tua pietáte miserére ánimæ fámulæ tuæ et a contágiis mortalitátis exútam, in æternæ salvatiónis partem restítue. Per Dóminum.

V. Réquiem æternam dona eis, Dómine.

R. Et lux perpétua lúceat eis.

V. Requíescant in pace. R. Amen.

AD MATUTINUM.

Invitatorium. Regem, cui ómnia vivunt, * Veníte, adorémus.

Repetitur. Regem, cui ómnia vivunt, Veníte, adorémus.

Psalmus 94.

Veníte, exultémus Dómino, jubilémus Deo salutári nostro: præoccupémus fáciem ejus in confesiónē, et in psalmis jubilémus ei. Regem, cui ómnia vivunt, veníte, adorémus.

Quóniam Deus magnus Dóminus, et rex magnus super omnes deos: quóniam non repellet Dóminus plebem suam, quia in manu ejus sunt omnes fines terræ, et altitúdes móntium ipse cónspicit.

Veníte, adorémus.

Quóniam ipsíus est mare, et ipse fecit illud, et áridam fundavérunt manus ejus: veníte, adorémus, et procidámus ante Deum: plorémus coram Dómino, qui fecit nos; quia ipse est Dóminus Deus noster: nos autem pópulus ejus, et oves páscuæ ejus.

Regem, cui ómnia vivunt, veníte, adorémus.

Hódie si vocem ejus audiéritis, nolíte obduráre corda vestra, sicut in exacerbatióne secúndum diem tentatióis in desérto: ubi tentavérunt me patres vestri, probavérunt, et vidérunt ópera mea.

Veníte, adorémus.

Quadráginta annis próximus fui generatióni huic, et dixi: Semper hi errant corde: ipsi vero non cognovérunt vias meas, quibus jurávi in ira mea, si introíbunt in réquiem meam.

Regem, cui ómnia vivunt, veníte, adorémus.

Réquiem ætérnam dona eis, Dómine: et lux perpétua lúceat eis.

Veníte, adorémus.

Regem, cui ómnia vivunt, veníte, adorémus.

Hoc invitorium dicitur tantum in die Commemorationis omnium fidelium Defunctorum, et in die depositionis Defuncti; quibus diebus dicuntur tres infrascripti Nocturni, et Antiphonæ duplicantur. Aliis temporibus dicitur tantum unum Nocturnum cum Laudibus, hoc ordine: Feria ii. et v. primum Nocturnum. Feria iii. et vi. secundum Nocturnum: Feria iv. et Sabbato, tertium Nocturnum.

IN I. NOCTURNO.

Pro Feria secunda et quinta.

Antiph. to. 7. Dirige.

Psalmus 5.

Verba mea áuribus pécipe, Dómine, * intéllege clamórem meum. **I**nténde voci oratióis meæ, * Rex meus, et Deus meus.

Quóniam ad te orábo: * Dómine, mane exáudies vocem meam.

Mane astábo tibi, et vidébo: * quóniam non Deus volens iniquitátem tu es.

Neque habitábit juxta te málgnus: * neque permanébunt injústi ante óculos tuos.

Odísti omnes, qui operántur iniquitátem: * perdes omnes, qui loquúntur mendácium.

Virum sánguinem, et dolósum abominábitur Dóminus: * ego autem in multitudíne misericórdiæ tuæ.

Introíbo in domum tuam: * adorábo ad templum sanctum tuum in timóre tuo.

Dómine, deduc me in justítia tua: * propter inimícos meos dírige in conspéctu tuo viam meam.

Quóniam non est in ore eórum véritas: * cor eórum vanum est.

Sepúlchrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multitudínem impietátum eórum expélle eos: * quóniam irritavérunt te, Dómine.

Et læténtur omnes, qui sperant in te: * in ætérnum exultábunt, et habitábis in eis.

Et gloriabúntur in te omnes, qui dfligunt nomen tuum: * quóniam tu benedíces justo.

Dómine, ut scuto bonæ voluntátis tuæ * coronásti nos.

Réquiem ætérnam.

Antiph. *D*irige, Dómine Deus meus, in conspéctu tuo viam meam.

Antiph. to. 8. *C*onvérttere.

Psalmus 6.

Domine, ne in furóre tuo árguas me, * neque in ira tua corripas me.

Miserére mei, Dómine, quóniam infirmus sum: * sana me, Dómine, quóniam conturbáta sunt ossa mea.

Et ánima mea turbáta est valde: * sed tu, Dómine, úsquequo?

Convérttere, Dómine, et éripe ánimam meam: * salvum me fac propter misericórdiam tuam.

Quóniam non est in morte qui memor sit tui: * in inférno autem quis confitébitur tibi?

Laborávi in gémitu meo, lavábo per singulas noctes lectum meum: * lácrymis meis stratum meum rigábo.

Turbátus est a furóre óculus meus: * inveterávi inter omnes inimícos meos.

Discédite a me omnes, qui operámini iniquitátem: * quóniam exaudivit Dóminus vocem fletus mei.

Exaudivit Dóminus deprecationem meam: * Dóminus orationem meam suscepit.

Erubéscant et conturbéntur vehementer omnes inimíci mei: * convertántur, et erubéscant valde velóciter.

Réquiem ætérnam.

Antiph. *C*onvérttere, Dómine, et éripe ánimam meam: quóniam non est in morte qui memor sit tui.

Antiph. to. 8. *N*equándo.

Psalmus 7.

Domine, Deus meus, in te sperávi: * salvum me fac ex ómnibus persequentibus me, et libera me.

Nequándo rápiat ut leo ánimam meam, * dum non est qui rédimat, neque qui salvum fáciat.

Dómine, Deus meus, si feci istud, * si est iníquitas in mánibus meis:

Si réddidi retribuéntibus mihi mala, * decídám mérito ab inimícis meis inánis.

Persequátur inimícus ánimam meam, et comprehéndat, et concúlcet in terram vitam meam, * et glóriam meam in pulverem dedúcat.

Exúrge, Dómine, in ira tua: * et exaltáre in fínibus inimicórum meórum.

Et exúrge, Dómine Deus meus, in præcépto quod mandásti: * et synagóga populórum circúmdabit te.

Et propter hanc in altum regrédere: * Dóminus júdicat pópulos.

Júdice me, Dómine, secúndum justítiam meam, * et secúndum innocéntiam meam super me.

Consumétur nequítia peccatórum, et díriges justum, * scrutans corda et renes Deus.

Justum adjutórium meum a Dómino, * qui salvos facit rectos corde.

Deus júdex justus, fortis et pátiens: * numquid iráscitur per singulos dies?

Nisi convérsi fuéritis, gládium suum vibrábit: * arcum suum teténdit, et parávit illum.

Et in eo parávit vasa mortis: * sagittas suas ardéntibus effécit.

Ecce partúriit injustítiam: * concépit dolórem, et péperit iniquitátem.

Lacum apérui, et effódit eum: * et incidit in fóveam quam fecit.

Convertétur dolor ejus in caput ejus, * et in vérticem ipsíus iníquitas ejus descéndet.

Confitébor Dómino secúndum justítiam ejus: * et psallam nómini Dómini altíssimi.

Réquiem ætérnam.

Antiph. *N*equándo rápiat ut leo ánimam meam, dum non est qui rédimat, neque qui salvum fáciat.

V. A porta ínferi.

R. Erue, Dómine, ánimas eórum.

Pater noster. *totum secreto.*

Lectiones leguntur sine Absolutione, Benedictionibus, et Titulo.

Lectio i.

Job. 7. d.

Parce mihi, Dómine: nihil enim sunt dies mei. Quid est homo, quia magnificas eum? aut quid appónis erga eum cor tuum? Vísitas eum dilúculo, et súbito probas illum. Usquequo non parcis mihi, nec dimíttis me, ut glútiam salívam meam? Peccávi, quid fáciam tibi, o custos hóminum? quare posuísti me contrárium tibi, et factus sum mihimetípsi gravis? Cur non tollis peccátum meum, et quare non aufers iniquitátem meam? Ecce nunc in púlvere dórmiam, et si mane me quæsieris, non subsistam.

Lectiones terminantur sine Tu autem, vel alia conclusione.

R. Credo quod Redémptor meus vivit: et in novíssimo die de terra surrectúrus sum: * Et in carne mea vidébo Deum Salvatórem meum.

V. Quem visúrus sum ego ipse, et non álius, et óculi mei conspectúri sunt. Et in carne.

Lectio ii.

Job. 10.

Tædet ánimam meam vitæ meæ: dimíttam advérsum me elóquium meum: loquar in amaritúdine ánimæ meæ. Dicam Deo: Noli me condemnáre. Indica mihi cur me ita júdices. Numquid bonum tibi vidétur, si calumniéris me, et ópprimas me opus mánuum tuárum, et consílium impiórum ádjuves? Numquid óculi cárnei tibi sunt: aut sicut videt homo, et tu vidébis? Numquid sicut dies hóminis dies tui, et anni tui sicut humana sunt témpora, ut quæras iniquitátem meam, et peccátum meum scrutéris? Et scias quia nihil ímpium fécerim, cum sit nemo qui de manu tua possit erúere.

R. Qui Lázarum resuscitásti a monumento fcétidum: * Tu eis, Dómine, dona réquiem, et locum indulgéntiæ.

V. Qui ventúrus es judicáre vivos et mórtuos, et sæculum per ignem. Tu eis.

Lectio iii.

Job 10. b.

Manus tuæ fecérunt me, et plasmavérunt me totum in circúitu, et sic repénite præcípitas me? Memento, quæso, quod sicut lutum féceris me, et in púlverem redúces me. Nonne sicut lac mulsísti me, et sicut cáseum me coagulásti? Pelle et cár nibus vestísti me: óssibus et nervis compegísti me. Vitam et misericórdiam tribuísti mihi, et visitátio tua custodívit spíritum meum.

R. Dómine, quando véneris judicáre terram, ubi me abscóndam a vultu iræ tuæ? * Quia peccávi nimis in vita mea.

V. Commíssa mea pavésco, et ante te erubésco: dum véneris judicáre, noli me condemnáre. Quia.

V. Réquiem ætérmam dona eis, Dómine: et lux perpétua lúceat eis. Quia.

Postea ad Laudes, ut infra, quando dicitur unum tantum Nocturnum.

IN II. NOCTURNO.

Pro Feria tertia et sexta.

Antiph. to. 8. In loco páscuæ.

Psalmus 22.

Dominus regit me, et nihil mihi dérit: * in loco páscuæ ibi me collocávit.

Super aquam refectionis educávit me: * ánimam meam convértit.

Dedúxit me super sémitas justítiae, * propter nomen suum.

Nam et si ambulávero in médio umbræ mortis, non timébo mala: * quóniam tu mecum es.

Virga tua, et báculo tuus, * ipsa me consoláta sunt.

Parásti in conspéctu meo mensam * advérsum eos, qui tríbulant me.

Impinguásti in óleo caput meum: * et calix meus inébrians quam præclárus est!

Et misericórdia tua subsequétur me * ómnibus diébus vitæ meæ.

Et ut inhábitem in domo Dómini, *
in longitudínem diérum.

Réquiém ætérrnam.

Antiph. In loco páscuæ ibi me col-
locávit.

Antiph. to. 8. Delícta.

Psalmus 24.

AD te, Dómine, levávi ánimam
meam: * Deus meus in te con-
fido, non erubéscam:

Neque irrídeant me inimíci mei: * ét-
enim univérsi, qui sústinent te, non
confundéntur.

Confundántur omnes iníqua agéntes
* supervácue.

Vias tuas, Dómine, démonstra mihi:
* et sémitas tuas édoce me.

Dirige me in veritáte tua, et doce
me: * quia tu es Deus salvátor meus,
et te sustínui tota die.

Reminíscere miseratiónum tuárum,
Dómine, * et misericordiárum tuárum,
quæ a sáculo sunt.

Delícta juventútis meæ, * et ignorán-
tias meas ne memíneris.

Secúndum misericórdiam tuam me-
ménto mei tu: * propter bonitátem
tuam, Dómine.

Dulcis et rectus Dóminus: * propter
hoc legem dabit delinquéntibus in via.

Diriget mansuétos in iudício: * docé-
bit mites vias suas.

Univérsæ viæ Dómini, misericórdia
et véritas, * requiréntibus testamén-
tum ejus, et testimónia ejus.

Propter nomen tuum, Dómine, pro-
pitiáberis peccáto meo: * multum est
enim.

Quis est homo, qui timet Dóminum?
* legem státuit ei in via, quam elégit.

Anima ejus in bonis demorábitur: *
et semen ejus hæreditábit terram.

Firmaméntum est Dóminus timénti-
bus eum: * et testaméntum ipsíus ut
manifestétur illis.

Oculi mei semper ad Dóminum: *
quóniam ipse évéllet de láqueo pe-
des meos.

Réspice in me, et miserére mei: *
quia únicus et pauper sum ego.

Tribulatiónes cordis mei multiplicatæ
sunt: * de necessitatibus meis érue me.

Vide humilitátem meam et labórem
meum: * et dimítte univérsa delícta
mea.

Réspice inimícos meos, quóniam mul-
tiplicáti sunt: * et ódio iníquo odé-
runt me.

Custódi ánimam meam, et érue me: *
non erubéscam, quóniam sperávi in te.

Innocéntes et recti adhæsérunt mihi:
* quia sustínui te.

Libera, Deus, Israel, * ex ómnibus
tribulatió nibus suis.

Réquiém ætérrnam.

Antiph. Delícta juventútis meæ,
et ignorántias meas ne memíneris,
Dómine.

Antiph. to. 4. Credo vidére.

Psalmus 26.

Dominus illuminátio mea, et salus
mea, * quem timébo?

Dóminus protéctor vitæ meæ, * a quo
trepidábo?

Dum apprópíant super me nocéntes:
* ut edant carnes meas.

Qui tríbulant me inimíci mei, * ipsi
infirmáti sunt, et cecidérunt.

Si consístant advérsus me castra, *
non timébit cor meum.

Si exúrgat advérsus me prælium, *
in hoc ego sperábo.

Unam pétii a Dómino, hanc requí-
ram, * ut inhábitem in domo Dómini
ómnibus diébus vitæ meæ.

Ut vídeam voluptátem Dómini, * et
vísitem templum ejus.

Quóniam abscóndit me in taberná-
culo suo: * in die malórum protéxit
me in abscóndito tabernáculi sui.

In petra exaltávit me, * et nunc exal-
távit caput meum super inimícos meos.

Circuíví, et immolávi in tabernáculo
ejus hóstiam vociferatiónis: * can-
tábo, et psalmum dicam Dómino.

Exáudi, Dómine, vocem meam, qua clamávi ad te: * miserére mei, et exáudi me.

Tibi dixit cor meum, exquisívit te fácies mea: * fáciem tuam, Dómine, requíram.

Ne avértas fáciem tuam a me: * ne declínes in ira a servo tuo.

Adjútor meus esto: * ne derelínquas me, neque despícias me, Deus salutaris meus.

Quóniam pater meus et mater mea dereliquerunt me: * Dóminus autem assúpsit me.

Legem pone mihi, Dómine, in via tua: * et dirige me in sémitam rectam propter inimícos meos.

Ne tradíderis me in ánimas tribulántium me: * quóniam insurrexérunt in me testes iníqui, et mentíta est iníquitas sibi.

Credo vidére bona Dómini * in terra vivéntium.

Expécta Dóminum, viríliter age: * et confortétur cor tuum, et sústine Dóminum.

Réquiem ætérnam.

Antiph. Credo vidére bona Dómini in terra vivéntium.

V. Cóllocet eos Dóminus cum princípibus.

R. Cum princípibus pópuli sui.

Pater noster. totum secreto.

Lectio iv.

Job 13. d.

Respónde mihi: Quantas hábeo iniquitátes et peccáta, scélera mea et delícta osténde mihi. Cur fáciem tuam abscondis, et arbitráris me inimícum tuum? Contra fólium, quod vento rápitur, osténdis poténtiam tuam, et stípulam siccam perséqueris. Scribis enim contra me amaritúdines, et consúmere me vis peccátis adolescéntiæ meæ. Posuísti in nervo pedem meum, et observásti omnes sémitas meas, et vestígia pedum meórum considerásti: qui quasi

putrédo consuméndus sum, et quasi vestiméntum, quod coméditur a tinea.

R. Meménto mei, Deus, quia ventus est vita mea. * Nec aspíciat me visus hóminis.

V. De profúndis clamávi ad te, Dómine, Dómine, exáudi vocem meam. **N**ec aspíciat.

Lectio v.

Job. 14.

Homo natus de muliere, brevi vivens témpore, replétur multis misériis. Qui quasi flos egréditur et contéritur, et fugit velut umbra, et numquam in eódem statu pérmanet. Et dignum ducis super hujuscémodi aperíre óculos tuos, et addúcere eum tecum in iudícium? Quis potest fácere mundum de immúndo concéptum sémine? nonne tu qui solus es? Breves dies hóminis sunt, número ménsium ejus apud te est: constituísti términos ejus, qui præteríri non póterunt. Recéde páululum ab eo, ut quiéscat, donec optáta véniat, sicut mercenárii dies ejus.

R. Hei mihi! Dómine, quia peccávi nimis in vita mea. Quid fáciam miser? ubi fúgiam, nisi ad te, Deus meus? * Miserére mei, dum véneris in novíssimo die.

V. Anima mea turbáta est valde, sed tu, Dómine, succúrre ei. **Miserére.**

Lectio vi.

Job. 14. c.

Quis mihi hoc tríbuat; ut in inférno prótegas me, et abscondas me, donec pertránseat furor tuus, et constitúas mihi tempus, in quo recordéris mei? Putásne mórtuus homo rursum vivat? cunctis diébus, quibus nunc mílito, expécto donec véniat immutátio mea. Vocábis me, et ego respondébo tibi: óperi mánuum tuarum pórriges dexteram. Tu quidem gressus meos dinumerásti, sed parce peccátis meis.

R. Ne recordéris peccáta mea, Dómine, * Dum véneris iudicáre sæculum per ignem.

V. Dirige, Dómine Deus meus, in conspéctu tuo viam meam. **Dum** véneris.

V. Réquiem ætérnam. **Dum** véneris.
Postea ad Laudes, ut infra, quando dicitur unum tantum Nocturnum.

IN III. NOCTURNO.

Pro Feria quarta et Sabbato.

Antiph. to. 8. Compláceat.

Psalmus 39.

EXpéctans expectávi Dóminum, * et inténdit mihi.

Et exaudivit preces meas: * et edúxit me de lacu misériae, et de luto fæcis.

Et státuit super petram pedes meos: * et diréxit gressus meos.

Et immísit in os meum cánticum novum, * carmen Deo nostro.

Vidébunt multi et timébunt: * et sperábunt in Dómino.

Beátus vir, cujus est nomen Dómini spes ejus: * et non respéxit in vanitátes et insánias falsas.

Multa fecísti tu, Dómine Deus meus, mirabília tua: * et cogitatióibus tuis non est qui símilis sit tibi.

Annuntiávi et locútus sum: * multiplicáti sunt super númerum.

Sacrificium et oblatiódinem noluísti: * aures autem perfecísti mihi.

Holocáustum et pro peccáto non postulásti: * tunc dixi: Ecce vénio.

In cápite libri scriptum est de me, ut fácerem voluntátem tuam: * Deus meus, vólui, et legem tuam in médio cordis mei.

Annuntiávi justítiam tuam in ecclésia magna: * ecce lábia mea non prohibébo: Dómine, tu scísti.

Justítiam tuam non abscondi in corde meo: * veritátem tuam, et salutáre tuum dixi.

Non abscondi misericórdiam tuam, et veritátem tuam * a consílio multo.

Tu autem, Dómine, ne longe fácias miseratiónes tuas a me: * misericór-

dia tua, et véritas tua semper suscepérunt me.

Quóniam circumdedérunt me mala, quorum non est númerus: * comprehendérunt me iniquitátes meæ, et non pótui ut vidérem.

Multiplicátæ sunt super capíllos cápitis mei: * et cor meum derelíquit me.

Compláceat tibi, Dómine, ut éruas me: * Dómine, ad adjuvándum me respice.

Confundántur et reveréantur simul, qui quærunť ánimam meam: * ut áuferant eam.

Convertántur retrórsum, et reveréantur * qui volunt mihi mala.

Ferant contéstim confusiódinem suam, * qui dicunt mihi: Euge, euge.

Exúltent, et læténtur super te omnes quæréntes te, * et dicant semper: Magnificétur Dóminus, qui díligunt salutáre tuum.

Ego autem mendícus sum, et pauper: * Dóminus sollícitus est mei.

Adjútor meus, et protéctor meus tu es: * Deus meus ne tardáveris.

Réquiem ætérnam.

Antiph. Compláceat tibi, Dómine, ut erípias me: Dómine, ad adjuvándum me respice.

Antiph. to. 2. Sana, Dómine.

Psalmus 40.

BEátus, qui intélligit super egénium et páuperem: * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra: * et non tradat eum in ánimam inimicórum ejus.

Dóminus opem ferat illi super lectum dolóris ejus: * univérsum stratum ejus versásti in infirmitáte ejus.

Ego dixi: Dómine, miserére mei: * sana ánimam meam, quia peccávi tibi.

Inimíci mei dixerunt mala mihi: * Quando moriétur, et períbit nomen ejus?

Et si ingrediebátur ut vidéret, vana loquebátur: * cor ejus congregávit iniquitátem sibi.

Egrediebátur foras, * et loquebátur in idípsum.

Advérsus me susurrábant omnes inimíci mei: * advérsus me cogitábant mala mihi.

Verbum iníquum constituérunt advérsus me: * Numquid qui dormit, non adjíciet ut resúrgat?

Etenim homo pacis meæ, in quo sperávi: * qui edébat panes meos, magnificávit super me supplantatióem.

Tu autem, Dómine, miserére mei, et resúscita me: * et retríbuam eis.

In hoc cognóvi, quóniam voluísti me: * quóniam non gaudébit inimícus meus super me.

Me autem propter innocentiam suscepísti: * et confirmásti me in conspéctu tuo in ætérnum.

Benedíctus Dóminus Deus Israel a sæculo, et usque in sæculum: * fiat, fiat.

Réquiem ætérnam.

Antiph. Sana, Dómine, animam meam, quia peccávi tibi.

Antiph. to. 2. Sitívit.

Psalmus 41.

Quemadmódum desíderat cervus ad fontes aquárum: * ita desíderat ánima mea ad te, Deus.

Sitívit ánima mea ad Deum fortem, vivum: * quando véniam, et apparebo ante fáciem Dei?

Fuérunt mihi lácrymæ meæ panes die ac nocte: * dum dicitur mihi quotidie: Ubi est Deus tuus?

Hæc recordátus sum, et effúdi in me animam meam: * quóniam transíbo in locum tabernáculi admirábilis, usque ad domum Dei.

In voce exultatióis, et confessiόis, * sonus epulántis.

Quare tristis es, ánima mea? et quare contúrbas me?

Spera in Deo, quóniam adhuc confitébor illi: * salutáre vultus mei, et Deus meus.

Ad meípsum ánima mea conturbáta est: * proptérea memor ero tui de terra Jordánis, et Hermóniim a monte mó dico.

Abýssus abyssum ínvo cat, * in voce cataractárum tuárum.

Omnia excélsa tua, et fluctus tui * super me transiérunt.

In die mandávit Dóminus misericórdiam suam, * et nocte cánticum ejus. Apud me orátio Deo vitæ meæ: * dicam Deo: Suscéptor meus es.

Quare oblítus es mei? * et quare contristátus incédo, dum affligit me inimícus?

Dum confringúntur ossa mea, * exprobravérunt mihi, qui tríbulant me inimíci mei.

Dum dicunt mihi per síngulos dies: Ubi est Deus tuus? * quare tristis es, ánima mea? et quare contúrbas me? Spera in Deo, quóniam adhuc confitébor illi: * salutáre vultus mei, et Deus meus.

Réquiem ætérnam.

Antiph. Sitívit ánima mea ad Deum vivum: quando véniam, et apparebo ante fáciem Dómini?

V. Ne tradas béstiis ánimas confiténtes tibi.

R. Et ánimas páuperum tuórum ne obliviscáris in finem.

Pater noster. totum secreto.

Lectio vii.

Job. 17.

SPíritus meus attenuábitur, dies mei breviabúntur, et solum mihi súperest sepúlchrum. Non peccávi, et in amaritudínibus morátur óculus meus. Líbera me, Dómine, et pone me juxta te, et cuiúsvis manus pugnet contra me. Dies mei transiérunt, cogitatiónes meæ dissipátæ sunt, torquéntes cor meum. Noctem vertérunt in diem, et rursum post ténebras spero lucem.

Si sustinúero, inférnus domus mea est, et in ténebris stravi léctulum meum. Putrédini dixi: Pater meus es, mater mea, et soror mea, vérnibus. Ubi est ergo nunc præstolátio mea, et patiéntiam meam quis considérat?

R. Peccántem me quotidie, et non me pœniténtem, timor mortis contúrbat me: * Quia in inférno nulla est redémptio, miserére mei, Deus, et salva me.

V. Deus, in nómine tuo salvum me fac, et in virtúte tua líbera me. **Quia.**

Lectio viii.

Job. 19. c.

Pelli meæ, consúptis cárnibus, adhæsit os meum, et derelicta sunt tantúmmodo lábia circa dentes meos. Miserémini mei, miserémini mei, saltem vos, amíci mei, quia manus Dómini tétigit me. Quare persequímini me sicut Deus, et carnibus meis saturámini? Quis mihi tríbuat, ut scribántur sermónes mei? quis mihi det, ut exaréntur in libro stylo férreo, et plumbi lámína, vel celte sculpántur in sílicé? Scio enim quod Redémptor meus vivit, et in novíssimo die de terra surrectúrus sum: Et rursum circúmdabor pelle mea, et in carne mea vidébo Deum meum. Quem visúrus sum ego ipse, et óculi mei conspectúri sunt, et non álius: repósita est hæc spes mea in sinu meo.

R. Dómine, secúndum actum meum noli me judicáre: nihil dignum in conspéctu tuo **egi**: ideo déprecor majestátem tuam, * Ut tu, Deus, déleas iniquitátem meam.

V. Amplius lava me, Dómine, ab injustítia mea, et a delícto meo munda me. **Ut tu.**

Lectio ix.

Job. 10. d.

Quare de vulva eduxísti me? qui útinam consúptus essem, ne óculus me vidéret. Fuissem quasi non essem, de útero translátus ad túmulum. Numquid non páucitas diérum

meórum finiétur brevi? Dimítte ergo me, ut plangam páululum dolórem meum: Antequam vadam, et non revértar, ad terram tenebrósam, et opértam mortis calígine: Terram misériae et tenebrárum, ubi umbra mortis, et nullus ordo, sed sempitérnus horror inhábitat.

R. Líbera me, Dómine, de viis inférni, qui portas aéreas confregísti, et visitásti inférnum, et dedísti eis lúmen, ut vidérent te: * Qui erant in pœnis tenebrárum.

V. Clamántes et dicéntes: Advenísti, Redémptor noster. **Qui erant.**

V. Réquiem ætérrnam. **Qui erant.**

Sequens R. dicitur solummodo in die Commemorationis omnium Defunctorum, et quandocumque pro defunctis dicuntur novem Lectiones.

R. Líbera me, Dómine, de morte ætérrna, in die illa treménda: * Quando cœli movéndi sunt et terra: * Dum véneris judicáre sæculum per ignem.

V. Tremens factus sum ego, et tímeo, dum discússio vénerit, atque ventúra ira. **Quando.**

V. Dies illa, dies iræ, calamitátis et misériae, dies magna et amára valde.

Dum véneris.

V. Réquiem ætérrnam.

Líbera me. usque ad primum V.

AD LAUDES.

Absolute incipitur.

Antiph. to. 1. Exultábunt Dómino.

Psalmus 50.

Miserére mei, Deus, * secúndum magnam misericórdiam tuam.

Et secúndum multitudínem miserationum tuárum, * dele iniquitátem meam.

Amplius lava me ab iniquitáte mea: * et a peccáto meo munda me.

Quóniam iniquitátem meam ego cognósco: * et peccátum meum contra me est semper.

Tibi soli peccávi, et malum coram te feci: * ut justificéris in sermónibus tuis, et vincas cum judicáris.

Ecce enim in iniquitátibus concéptus sum: * et in peccátis concépit me mater mea.

Ecce enim veritátem dilexísti: * incérta, et occúlta sapiéntiæ tuæ manifestásti mihi.

Aspérges me hyssópo, et mundábor: * lavábis me, et super nivem dealbábor.

Audítui meo dabis gáudium et lætítiam: * et exultábunt ossa humiliáta.

Avérte faciém tuam a peccátis meis: * et omnes iniquitátes meas dele.

Cor mundum crea in me, Deus: * et spíritum rectum ínnova in viscéribus meis.

Ne projicias me a fácie tua: * et spíritum sanctum tuum ne áuferas a me.

Redde mihi lætítiam salutáris tui: * et spíritu principáli confírma me.

Docébo iníquos vias tuas: * et impíi ad te converténtur.

Libera me de sanguínibus, Deus, Deus salutis meæ: * et exultábit lingua mea justítiam tuam.

Dómine, lábia mea apéries: * et os meum annuntiábit laudem tuam.

Quóniam si voluísses sacrificium, dedíssem útique: * holocáustis non delectáberis.

Sacrificium Deo spíritus contribulátus: * cor contrítum, et humiliátum, Deus, non despícies.

Benígne fac, Dómine, in bona voluntáte tua Sion: * ut ædificéntur muri Jerúsalem.

Tunc acceptábis sacrificium justítiæ, oblatiões, et holocáusta: * tunc impónent super altáre tuum vítulos.

Réquiem ætérnam.

Antiph. Exultábunt Dómino ossa humiliáta.

Antiph. to. 8. Exáudi, Dómine.

Psalmus 64.

TE decet hymnus, Deus in Sion: * et tibi reddétur votum in Jerúsalem.

Exáudi oratióem meam: * ad te omnis caro véniet.

Verba iniquórum prævaluérunt super nos: * et impietátibus nostris tu propitiáberis.

Beátus, quem elegísti, et assumpsísti: * inhabitábit in átriis tuis.

Replébimur in bonis domus tuæ: * sanctum est templum tuum, mirábile in æquitáte.

Exáudi nos, Deus salutáris noster, * spes ómnium finium terræ, et in mari longe.

Præparans montes in virtúte tua, accíntus poténtia: * qui contúrbas profúndum maris, sonum flúctuum ejus.

Turbabúntur gentes, et timébunt, qui hábitant términos, a signis tuis: * éxitus matutíni, et véspere delectábis.

Visitásti terram, et inebriásti eam: * multiplicásti locupletáre eam.

Flumen Dei replétum est aquis, parásti cibum illórum: * quóniam ita est præparátio ejus.

Rivos ejus inébria, multíplica genimina ejus: * in stillicídiis ejus lætábitur géminans.

Benedíces corónæ anni benignitátis tuæ: * et campi tui replebúntur ubertáte.

Pinguéscent speciósa desérti: * et exultatióne colles accingéntur.

Indúti sunt aríetes óvium, et valles abundábunt fruménto: * clamábunt, étenim hymnum dicent.

Réquiem ætérnam.

Antiph. Exáudi, Dómine, oratióem meam: ad te omnis caro véniet.

Antiph. to. 7. Me suscepit.

Psalmus 62.

DEus, Deus meus, * ad te de luce vígilo.

Sitívit in te ánima mea, * quam multipliciter tibi caro mea.

In terra desérta, et ínvia, et inaquósa: * sic in sancto appáruí tibi, ut vidérem virtútem tuam, et glóriam tuam.

Quóniam mélior est misericórdia tua super vitas: * lábia mea laudábunt te.

Sic benedícam te in vita mea: * et in nómine tuo levábo manus meas.

Sicut ádipe et pinguédine repleátur ánima mea: * et lábiis exultatiónis laudábit os meum.

Si memor fui tui super stratum meum, in matutínis meditábor in te: * quia fuísti adjútor meus.

Et in velaménto alárum tuárum exultábo, adhæsit ánima mea post te: * me suscepit dextera tua.

Ipsi vero in vanum quæsiérunt ánimam meam, introíbunt in inferióra terræ: * tradéntur in manus gládií, partes vúlpium erunt.

Rex vero lætábitur in Deo, laudabúntur omnes qui jurant in eo: * quia obstrúctum est os loquéntium iniqua.

Hic non dicitur Réquiem.

Psalmus 66.

Deus misereátur nostri, et benedícat nobis: * illúminet vultum suum super nos, et misereátur nostri.

Ut cognoscámus in terra viam tuam: * in ómnibus Géntibus salutáre tuum.

Confiteántur tibi pópuli, Deus: * confiteántur tibi pópuli omnes.

Læténtur et exúltent Gentes: * quóniam júdicas pópulos in æquitáte, et Gentes in terra dírigis.

Confiteántur tibi pópuli, Deus: confiteántur tibi pópuli omnes: * terra dedit fructum suum.

Benedícat nos Deus, Deus noster, benedícat nos Deus: * et métuant eum omnes fines terræ.

Réquiem ætérnam.

Antiph. Me suscepit dextera tua, Dómine.

Antiph. to. 2. A porta ínferi.

Canticum Ezechiae.

Isaiae 38. b.

Ego dixi: In dimídio diérum meórum * vadam ad portas ínferi.

Quæsiuí resíduum annórum meórum: * dixi: Non vidébo Dóminum Deum in terra vivéntium.

Non aspiciam hóminem ultra, * et habitatórem quiétis.

Generátio mea abláta est, et convóluta est a me, * quasi tabernáculum pastórum.

Præcisa est velut a texénte vita mea: dum adhuc ordírer, succídit me: * de mane usque ad vésperam fnies me.

Sperábam usque ad mane, * quasi leo sic contrívit ómnia ossa mea.

De mane usque ad vésperam fnies me: * sicut pullus hirúndinis sic clamábo, meditábor ut colúmbe.

Attenuáti sunt óculi mei, * suspiciéntes in excélsu.

Dómine, vim pátiar, respónde pro me. * Quid dicam, aut quid respondebít mihi, cum ipse fécerit?

Recogitábo tibi omnes annos meos * in amaritúdine ánimæ meæ.

Dómine, si sic vívitur, et in tálibus vita spíritus mei, corrípies me, et vivificábis me. * Ecce in pace amaritúdo mea amaríssima.

Tu autem eruísti ánimam meam ut non períret, * projecísti post tergum tuum ómnia peccáta mea.

Quia non inférnus confitebítur tibi, neque mors laudábit te: * non expectábunt, qui descéndunt in lacum, veritátem tuam.

Vivens vivens ipse confitebítur tibi, sicut et ego hódie: * pater fíliis notam fáciét veritátem tuam.

Dómine, salvum me fac, * et psalmos nostros cantábimus cunctis diébus vitæ nostræ in domo Dómini.

Réquiem ætérnam.

Antiph. A porta ínferi érue, Dómine, ánimam meam.

Antiph. to. 7. r. Omnis spíritus.

Psalmus 148.

Laudáte Dóminum de cœlis: * laudáte eum in excelsis.

Laudáte eum omnes Angeli ejus: * laudáte eum omnes virtutes ejus.

Laudáte eum sol et luna: * laudáte eum omnes stellæ, et lumen.

Laudáte eum cœli cœlorum: * et aquæ omnes, quæ super cœlos sunt, laudent nomen Dómini.

Quia ipse dixit, et facta sunt: * ipse mandávit, et creata sunt.

Státuit ea in ætérnum, et in sæculum sæculi: * præcéptum pòsuit, et non præteribit.

Laudáte Dóminum de terra: * dracones, et omnes abyssi:

Ignis, grando, nix, glacies, spíritus procellarum: * quæ faciunt verbum ejus.

Montes, et omnes colles: * ligna fructifera, et omnes cedri:

Béstiae, et univérsa pécora, * serpentes, et volucres pennatæ:

Reges terræ, et omnes pópuli: * principes, et omnes júdices terræ:

Júvenes, et vírgines: senes cum junióribus laudent nomen Dómini: * quia exaltátum est nomen ejus solus.

Conféssio ejus super cœlum et terram: * et exaltávit cornu pópuli sui.

Hymnus ómnibus sanctis ejus: * fíliis Israel, pópulo appropinquánti sibi.

Hic non dicitur Réquiem.

Psalmus 149.

Cantáte Dómino cánticum novum: * laus ejus in ecclésia sanctorum.

Lætétur Israel in eo, qui fecit eum: * et fílii Sion exúltent in rege suo.

Laudent nomen ejus in choro: * in týmpano et psaltério psallant ei.

Quia beneplácitum est Dómino in pópulo suo: * et exaltábit mansuétos in salutem.

Exultábunt sancti in glória: * lætabúntur in cubílibus suis.

Exaltatiónes Dei in gútture eorum: * et gládii ancípites in mánibus eorum.

Ad faciéndam vindíctam in natióibus, * increpatiónes in pópulis.

Ad alligándos reges eorum in compédibus: * et nóbiles eorum in mánicis férreis.

Ut fáciant in eis judícium conscriptum: * glória hæc est ómnibus sanctis ejus.

Hic non dicitur Réquiem.

Psalmus 150.

Laudáte Dóminum in sanctis ejus: * laudáte eum in firmaménto virtutis ejus.

Laudáte eum in virtútibus ejus: * laudáte eum secúndum multitudínem magnitudínis ejus.

Laudáte eum in sono tubæ: * laudáte eum in psaltério et cíthara.

Laudáte eum in týmpano et choro: * laudáte eum in chordis et órgano.

Laudáte eum in cýmbalis benesonántibus: laudáte eum in cýmbalis jubilatiónis: * omnis spíritus laudet Dóminum.

Réquiem ætérnam.

Antiph. Omnis spíritus laudet Dóminum.

V. Audívi vocem de cœlo dicéntem mihi.

R. Beáti mórtui qui in Dómino moriúntur.

Antiph. to. 2. Ego sum.

Canticum Zachariæ.

Lucae l. g.

Benedíctus Dóminus Deus Israel, * quia visitávit, et fecit redemptiõem plebis suæ.

Et eréxit cornu salutis nobis, * in domo David púeri sui.

Sicut locútus est per os sanctorum, * qui a sæculo sunt, prophetarum ejus:

Salutem ex inimícis nostris, * et de manu ómnium, qui odérunt nos:

Ad faciéndam misericórdiam cum pátribus nostris: * et memorári testamenti sui sancti.

Jusjurandum, quod juravit ad Abraham patrem nostrum, * daturum se nobis:

Ut sine timore, de manu inimicorum nostrorum liberati, * serviámus illi:

In sanctitate et justitia coram ipso, * omnibus diebus nostris.

Et tu, puer, Propheta Altissimi vocaberis: * praeibis enim ante faciem Domini parare vias ejus:

Ad dandam scientiam salutis plebi ejus, * in remissionem peccatorum eorum:

Per viscera misericordiae Dei nostri: * in quibus visitavit nos, oriens ex alto: Illuminare his, qui in tenebris, et in umbra mortis sedent: * ad dirigendos pedes nostros in viam pacis.

Requiem aeternam.

Antiph. Ego sum resurrectio, et vita: qui credit in me, etiamsi mortuus fuerit, vivet: et omnis qui vivit, et credit in me, non morietur in aeternum.

Preces infrascriptae dicuntur flexis genibus.

Pater noster. secreto.

V. Et ne nos inducas in tentationem.

R. Sed libera nos a malo.

Psalmus 129.

DE profundis clamavi ad te, Domine: * Domine, exaudi vocem meam. Fiant aures tuae intendentes * in vocem deprecationis meae.

Si iniquitates observaveris, Domine: * Domine, quis sustinebit?

Quia apud te propitiatio est: * et propter legem tuam sustinui te, Domine. Sustinuit anima mea in verbo ejus: * speravit anima mea in Domino.

A custodia matutina usque ad noctem, * speret Israel in Domino.

Quia apud Dominum misericordia, * et copiosa apud eum redemptio.

Et ipse redimet Israel * ex omnibus iniquitatibus ejus.

Requiem aeternam.

Deinde V. A porta inferi.

R. Erue, Domine, animas eorum.

V. Requiescant in pace. R. Amen.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oratio.

DEus, qui inter apostolicos sacerdotēs, famulos tuos pontificali, seu sacerdotali fecisti dignitate vigere: praesta, quaesumus, ut eorum quoque perpetuo aggregentur consortio.

DEus, veniae largitor, et humanae salutis amator: quaesumus clementiam tuam, ut nostrae congregationis fratres, propinquos, et benefactores, qui ex hoc saeculo transierunt, beata Maria semper Virgine intercedente cum omnibus Sanctis tuis, ad perpetuae beatitudinis consortium pervenire concedas.

Fidelium Deus omnium Conditor et Redemptor, animabus famulorum famularumque tuarum, remissionem cunctorum tribue peccatorum: ut indulgentiam, quam semper optaverunt, piis supplicationibus consequantur. Qui vivis et regnas in saecula saeculorum. R. Amen.

In die vero Commemorationis omnium Fidelium Defunctorum quando dicitur haec ultima tantum Oratio, dicitur: Qui vivis et regnas cum Deo Patre in unitate Spiritus sancti Deus, per omnia, etc.

In die depositionis Defuncti.

Oratio.

Absolve, quaesumus, Domine, animam famuli tui N. ut defunctus saeculo tibi vivat: et quae per fragilitatem carnis humana conversatione commisit, tu venia misericordissimae pietatis absterge. Per Dominum.

Si fuerit femina, dicatur animam famulae tuae N. ut defuncta.

In anniversario die.

Oratio.

DEus, indulgentiarum Dómine: da animábus famulorum famularumque tuarum, quorum anniversarium depositionis diem commemoramus, refrigerii sedem, quietis beatitudinem, et luminis claritatem. Per Dóminum.

Si pro uno tantum fit Anniversarium, dicatur in singulari numero.

Pro uno Episcopo defuncto,

Oratio.

DEus, qui inter apostólicos sacerdotes, famulum tuum **N.** pontificali fecisti dignitate vigere: presta, quæsumus, ut eorum quoque perpetuo aggregetur consortio. Per Dóminum.

Si fuerit Sacerdos, dicatur sacerdotali fecisti, etc.

Pro fratribus vero et familiaribus, vel benefactoribus, dicitur Oratio. Deus, véniæ largitor. ut supra.

Pro patre et matre,

Oratio.

DEus, qui nos patrem et matrem honorare præcepisti: miserere clementer animabus patris ac matris meæ, eorumque peccata dimitte: meque eos in æternæ claritatis gaudio fac videre. Per Dóminum.

Si fit pro pluribus, dicatur animabus parentum nostrorum, et ubi dicitur meque dicatur nosque.

Si pro patre tantum, dicatur animæ patris mei, vel nostri.

Si pro matre tantum, dicatur animæ matris meæ, vel nostræ.

Pro uno defuncto,

Oratio.

INclína, Dómine, aurem tuam ad preces nostras, quibus misericordiam tuam supplices deprecámur: ut animam famuli tui, quam de hoc sæculo migrare jussisti, in pacis ac

lucis regione constituas, et Sanctorum tuorum júbeas esse consortem. Per Dóminum.

Pro una defuncta,

Oratio.

QUæsumus, Dómine, pro tua pietate miserere animæ famulæ tuæ: et a contagiis mortalitatis exútam, in æternæ salvationis partem restitue. Per Dóminum.

V. Réquiem æternam dona eis, Dómine.

R. Et lux perpétua luceat eis.

V. Requiescant in pace. **R.** Amen.

Psalmi Graduales

Dicuntur in Quadragesima Feria iv. cujuslibet Hebdomadæ, non impedita aliquo Festo ix. Lectionum, in Choro ante Matutinum diei; extra Chorum pro opportunitate temporis.

Primi quinque Psalmi dicuntur sine Glória Patri, sed in fine ultimi dicitur, Réquiem æternam.

Incipiuntur absolute sine Antiphona.

Psalmus 119.

AD Dóminum, cum tribulárer, clamávi: * et exaudivit me.

Dómine, libera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagíttæ poténtis acútæ, * cum carbónibus desolatóriis.

Heu mihi! quia incolátus meus prolongátus est: habitávi cum habitántibus Cedar: * multum íncola fuit ánimá mea.

Cum his, qui odérunt pacem, eram pacíficus: * cum loquébar illis, impugnábant me gratis.

Psalmus 120.

LEvávi óculos meos in montes, * unde véniet auxílium mihi.

Auxilium meum a Dómino, * qui fecit
cælum et terram.

Non det in commotiõnem pedem
tuum: * neque dormitet qui custó-
dit te.

Ecce non dormitábit, neque dórmiet,
* qui custódit Israel.

Dóminus custódit te, Dóminus pro-
tectio tua, * super manum dexteram
tuam.

Per diem sol non uret te, * neque luna
per noctem.

Dóminus custódit te ab omni malo:
* custódiat ánimam tuam Dóminus.

Dóminus custódiat intróitum tuum,
et éxitum tuum: * ex hoc nunc, et
usque in sæculum.

Psalmus 121.

Lætátus sum in his, quæ dicta sunt
mihi: * in domum Dómini íbimus.
Stantes erant pedes nostri * in átriis
tuis, Jerúsalem,

Jerúsalem, quæ ædificátur ut cívitas:
* cujus participatio ejus in idípsum.

Illuc enim ascenderunt tribus, tribus
Dómini: * testimónium Israel ad con-
fiténdum nómini Dómini.

Quia illic sederunt sedes in iudício,
* sedes super domum David.

Rogáte quæ ad pacem sunt Jerúsa-
lem: * et abundantia diligéntibus te.

Fiat pax in virtúte tua: * et abundán-
tia in túrribus tuis.

Propter fratres meos, et próximos
meos, * loquébar pacem de te.

Propter domum Dómini Dei nostri, *
quæsívi bona tibi.

Psalmus 122.

Ad te levávi óculos meos, * qui
hábitas in cœlis.

Ecce sicut óculi servórum * in máni-
bus dominórum suórum;

Sicut óculi ancillæ in mánibus dó-
minæ suæ: * ita óculi nostri ad Dó-
minum Deum nostrum, donec mise-
reátur nostri.

Miserére nostri, Dómine, miserére
nostri: * quia multum repléti sumus
despectiõne:

Quia multum repléta est ánima nos-
tra: * oppróbrium abundántibus, et
despectio supérbis.

Psalmus 123.

Nisi quia Dóminus erat in nobis,
dicat nunc Israel: * nisi quia Dó-
minus erat in nobis,

Cum exúrgerent hómines in nos, *
forte vivos deglutísset nos:

Cum iraceretur furor eórum in nos,
* fórsitan aqua absorbuísset nos.

Torréntem pertransívit ánima nostra:
* fórsitan pertransísset ánima nostra
aquam intolerábilem.

Benedíctus Dóminus, * qui non dedit
nos in captiõnem déntibus eórum.

Ánima nostra sicut passer erépta est
* de láqueo venántium:

Láqueus contrítus est, * et nos libe-
ráti sumus.

Adjutórium nostrum in nómine Dó-
mini, * qui fecit cælum et terram.

Réquiem ætérnam * dona eis, Dómine.

Et lux perpétua * lúceat eis.

Deinde dicitur flexis genibus, Pater
noster. *secreto.*

V. Et ne nos indúcas in tentatiõnem.

R. Sed libera nos a malo.

V. A porta ínferi.

R. Erue, Dómine, ánimas eórum.

V. Requiéscant in pace. *R.* Amen.

V. Dómine, exáudi oratiõnem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio.

Absólve, quæsumus, Dómine, áni-
mas famulórum famularúmque
tuárum, et ómnium fidélium defunc-
tórum, ab omni vínculo delictórum:
ut in resurrectionis glória inter sanc-
tos et eléctos tuos resuscitáti respí-
rent. Per Christum Dóminum nos-
trum. *R.* Amen.

Post Orationem statim dicuntur alii Psalmi Graduales, qui sequuntur: et in fine cujuslibet Psalmi dicitur, Gló-
ria Patri.

Psalmus 124.

Qui confidunt in Dómino, sicut mons Sion: * non commovébitur in ætérnum, qui hábitat in Jerúsalem. Montes in circúitu ejus: * et Dóminus in circúitu pópuli sui, ex hoc nunc, et usque in sæculum.

Quia non relínquet Dóminus virgam peccatórum super sortem justórum: * ut non exténdant justi ad iniquitátem manus suas.

Bénéfac, Dómine, bonis * et rectis corde.

Declinántes autem in obligatiónes, addúcet Dóminus cum operántibus iniquitátem: * pax super Israel.

Glória Patri.

Psalmus 125.

IN converténdo Dóminus captivitátem Sion: * facti sumus sicut consoláti:

Tunc replétum est gáudio os nostrum, * et lingua nostra exultatióne.

Tunc dicent inter Gentes: * Magnificávit Dóminus fácere cum eis.

Magnificávit Dóminus fácere nobíscum: * facti sumus lætántes.

Convérte, Dómine, captivitátem nostram, * sicut torrens in Austro.

Qui sémant in lácrymis, * in exultatióne metent.

Eúntes ibant, et flebant, * mitténtes sémina sua.

Veniéntes autem vénient cum exultatióne, * portántes manípulos suos.

Glória Patri.

Psalmus 126.

Nisi Dóminus ædificáverit domum, * in vanum laboravérunt, qui ædificant eam.

Nisi Dóminus custodíerit civitátem, * frustra vígilat qui custódit eam.

Vanum est vobis ante lucem súrgere: * súrgite postquam sedéritis, qui manducátis panem dolóris.

Cum déderit diléctis suis somnum: * ecce hæréditas Dómini, filii: merces, fructus ventris.

Sicut sagíttæ in manu poténtis: * ita filii excussórum.

Beátus vir qui implévit desidérium suum ex ipsis: * non confundétur cum loquétur inimícis suis in porta.

Glória Patri.

Psalmus 127.

BEáti omnes, qui timent Dóminum, * qui ámbulant in viis ejus.

Labóres mánuum tuárum quia manducábis: * beátus es, et bene tibi erit.

Uxor tua sicut vitis abúndans, * in latéribus domus tuæ.

Fílii tui sicut novéllæ olivárum, * in circúitu mensæ tuæ.

Ecce sic benedicétur homo, * qui timet Dóminum.

Benedícat tibi Dóminus ex Sion: * et vídeas bona Jerúsalem ómnibus diébus vitæ tuæ.

Et vídeas fílios filiórum tuórum, * pacem super Israel.

Glória Patri.

Psalmus 128.

SÆpe expugnavérunt me a juventúte mea, * dicat nunc Israel.

Sæpe expugnavérunt me a juventúte mea: * étenim non potuérunt mihi.

Supra dorsum meum fabricavérunt peccatóres: * prolongavérunt iniquitátem suam.

Dóminus justus concídit cervíces peccatórum: * confundántur et convertántur retrórsum omnes, qui odérunt Sion.

Fiant sicut fœnum tectórum, * quod priúsquam evellátur, exáruit:

De quo non implévit manum suam, qui metit, * et sinum suum, qui manípulos cólligit.

Et non dixerunt qui præteribant: Benedictio Dómini super vos: * benediximus vobis in nómine Dómini.

Gloria Patri.

Postea dicitur flexis genibus,

Kýrie eléison.

Christe eléison.

Kýrie eléison.

Pater noster. secreto.

Ů. Et ne nos indúcas in tentatióem.

R. Sed líbera nos a malo.

Ů. Meménto congregatióis tuæ.

R. Quam possedísti ab infítio.

Ů. Dómine, exáudi oratióem meam.

R. Et clamor meus ad te véniat.

Ů. Dóminus vobíscum.

R. Et cum spírítu tuo.

Orémus.

Oratio.

DEus, cui próprium est miseréri semper et párcere: súscipe deprecatióem nostram; ut nos, et omnes fámulos tuos, quos delictórum caténa constringit, miserátio tuæ pietátis cleménter absólvat. Per Christum Dóminum nostrum.

R. Amen.

Post Orationem statim dicuntur alii Psalmi Graduales, qui sequuntur: et in fine cujuslibet Psalmi dicitur, Gloria Patri.

Psalmus 129.

DE profúndis clamávi ad te, Dómine: * Dómine, exáudi vocem meam.

Fiant aures tuæ intendéntes, * in vocem deprecatióis meæ.

Si iniquitátes observáveris, Dómine: * Dómine, quis substinébit?

Quia apud te propitiátio est: * et propter legem tuam sustínui te, Dómine.

Sustínuit ánima mea in verbo ejus: * sperávit ánima mea in Dómino.

A custódia matutína usque ad noctem, * speret Israel in Dómino.

Quia apud Dóminum misericórdia: * et copiósa apud eum redemptio.

Et ipse rédimet Israel, * ex ómnibus iniquitatibus ejus.

Gloria Patri.

Psalmus 130.

Domine, non est exaltátum cor meum: * neque eláti sunt óculi mei.

Neque ambulávi in magnis, * neque in mirabílibus super me.

Si non humíliter sentiébam: * sed exaltávi ánimam meam.

Sicut ablactátus est super matre sua: * ita retribútio in ánima mea.

Speret Israel in Dómino, * ex hoc nunc, et usque in sæculum.

Gloria Patri.

Psalmus 131.

Meménto, Dómine, David, * et omnis mansuetúdinis ejus:

Sicut jurávit Dómino, * votum vovit Deo Jacob:

Si introíero in tabernáculum domus meæ, * si ascéndero in lectum strati mei:

Si dédero somnum óculis meis, * et pálpebris meis dormitatióem:

Et réquiem tempóribus meis, donec invéniam locum Dómino, * tabernáculum Deo Jacob.

Ecce audívimus eam in Ephrata: * invénimus eam in campis silvæ.

Introíbimus in tabernáculum ejus: * adorábitus in loco, ubi steterunt pedes ejus.

Surge, Dómine, in réquiem tuam, * tu, et arca sanctificatióis tuæ.

Sacerdótes tui induántur justítiam: * et sancti tui exúltent.

Propter David servum tuum, * non avértas fáciem Christi tui.

Jurávit Dóminus David veritátem, et non frustrábitur eam: * de fructu ventris tui ponam super sedem tuam.

Si custodierint filii tui testaméntum meum, * et testimónia mea hæc, quæ docébo eos:

Et filii eorum usque in sæculum * sedebunt super sedem tuam.

Quoniam elegit Dominus Sion: * elegit eam in habitationem sibi.

Hæc requies mea in sæculum sæculi: * hic habitabo, quoniam elegeram eam.

Viduum ejus benedicens benedicam: * pauperes ejus saturabo panibus.

Sacerdotes ejus induam salutari: * et sancti ejus exultatione exultabunt.

Illuc producam cornu David, * paravi lucernam Christo meo.

Inimicos ejus induam confusione: * super ipsum autem efflorebit sanctificatio mea.

Gloria Patri.

Psalmus 132.

Ecce quam bonum, et quam jucundum * habitare fratres in unum: Sicut unguentum in capite, * quod descendit in barbam, barbam Aaron, Quod descendit in oram vestimenti ejus: * sicut ros Hermon, qui descendit in montem Sion.

Quoniam illic mandavit Dominus benedictionem, * et vitam usque in sæculum.

Gloria Patri.

Psalmus 133.

Ecce nunc benedicite Dominum, * omnes servi Domini:

Qui statis in domo Domini, * in atriis domus Dei nostri,

In noctibus extollite manus vestras in sancta, * et benedicite Dominum.

Benedicat te Dominus ex Sion, * qui fecit cœlum et terram.

Gloria Patri.

Deinde dicitur flexis genibus,

Kýrie eléison.

Christe eléison.

Kýrie eléison. *Pater noster. secreto.*

V. Et ne nos inducas in tentationem.

R. Sed libera nos a malo.

V. Salvos fac servos tuos.

R. Deus meus, sperantes in te.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

Oratio.

Præterende, Domine, famulis et famulabus tuis dexteram coelæstis auxilii: ut te toto corde perquirant, et quæ digne postulant, consequi mereantur. Per Christum Dominum nostrum. **R.** Amen.

Septem Psalmi

Pœnitentiales, cum Litanis

Dicuntur flexis genibus in omnibus sextis Feriis Quadragesimæ, quando Officium fit de Feria. Litanie autem, omissis septem Psalmis, dicuntur in Litanis majoribus in festo sancti Marci, et in tribus diebus Rogationum. Dicuntur autem in Quadragesima in Choro post Matutinum et Laudes diei, dicto, Benedicamus Domino: extra Chorum pro opportunitate temporis.

Antiph. Ne reminiscaris.

Psalmus 6.

Domine, ne in furore tuo arguas me, * neque in ira tua corripas me.

Miserere mei, Domine, quoniam infirmus sum: * sana me, Domine, quoniam conturbata sunt ossa mea.

Et anima mea turbata est valde: * sed tu, Domine, usquequo?

Converte, Domine, et eripe animam meam: * salvum me fac propter misericordiam tuam.

Quoniam non est in morte qui memor sit tui: * in inferno autem quis confitebitur tibi?

Laboravi in gemitu meo, lavabo per singulas noctes lectum meum: * lacrymis meis stratum meum rigabo.

Turbatus est a furore oculus meus: * inveteravi inter omnes inimicos meos.

Discédite a me omnes, qui operámini iniquitátem: * quóniam exaudivit Dóminus vocem fletus mei.

Exaudivit Dóminus deprecationem meam: * Dóminus orationem meam suscepit.

Erubescant, et conturbéntur vehementer omnes inimíci mei: * convertántur, et erubescant valde velociter.

Glória Patri.

Psalmus 31.

BEáti, quorum remíssæ sunt iniquitátes: * et quorum tecta sunt peccáta.

Beátus vir, cui non imputávit Dóminus peccátum, * nec est in spíritu ejus dolus.

Quóniam tácuí, inveteravérunt ossa mea: * dum clamárem tota die.

Quóniam die ac nocte graváta est super me manus tua: * conversus sum in ærúmna mea, dum confígitur spina.

Delíctum meum cógnitum tibi feci, * et injustítiam meam non abscondi.

Dixi: Confitébor advérsus me injustítiam meam Dómino: * et tu remisísti impietátem peccáti mei.

Pro hac orábit ad te omnis sanctus, * in témpore opportúno.

Verúmtamen in dilúvio aquárum multárum, * ad eum non approximábunt.

Tu es refúgium meum a tribulatione, quæ circúmdedit me: * exultátio mea erue me a circumdántibus me.

Intelléctum tibi dabo, et ínstruam te in via hac, qua gradiéris: * firmábo super te óculos meos.

Nolíte fieri sicut equus et mulus, * quibus non est intelléctus.

In camo et fræno maxíllas eórum constrínges, * qui non appróximant ad te.

Multa flagélla peccatóris, * sperántem autem in Dómino misericórdia circúmdabit.

Lætámini in Dómino, et exultáte, justí, * et gloriámini, omnes recti corde.

Glória Patri.

Psalmus 37.

Domine, ne in furóre tuo árguas me: * neque in ira tua corrípias me.

Quóniam sagíttæ tuæ infíxæ sunt mihi: * et confirmásti super me manum tuam.

Non est sánitas in carne mea a fácie iræ tuæ: * non est pax óssibus meis a fácie peccatórum meórum.

Quóniam iniquitátes meæ supergrés-sæ sunt caput meum: * et sicut onus grave gravátæ sunt super me.

Putruérunt, et corrúptæ sunt cicatríces meæ, * a fácie insipiéntiæ meæ.

Miser factus sum, et curvátus sum usque in finem: * tota die contristátus ingrediebar.

Quóniam lumbi mei impléti sunt illusionibus: * et non est sánitas in carne mea.

Afflíctus sum, et humiliátus sum nimis: * rugiébam a gémitu cordis mei.

Domine, ante te omne desidérium meum: * et gémitus meus a te non est absconditus.

Cor meum conturbátum est, derelíquit me virtus mea: * et lumen oculórum meórum, et ipsum non est mecum.

Amíci mei, et próximi mei * advérsus me appropinquavérunt, et steterunt.

Et qui juxta me erant, de longe steterunt: * et vim faciébant qui quærebant ánimam meam.

Et qui inquirébant mala mihi, locúti sunt vanitátes: * et dolos tota die meditabántur.

Ego autem tamquam surdus non audiebam: * et sicut mutus non apériens os suum.

Et factus sum sicut homo non áudiens: * et non habens in ore suo redargutiones.

Quóniam in te, Dómine, sperávi: * tu exáudies me, Dómine Deus meus.

Quia dixi: Nequándo supergáudeant mihi inimíci mei: * et dum commovéntur pedes mei, super me magna locúti sunt.

Quóniam ego in flagélla parátus sum: * et dolor meus in conspéctu meo semper.

Quóniam iniquitátem meam annuntiábo: * et cogitábo pro peccáto meo.

Inimíci autem mei vivunt, et confirmáti sunt super me: * et multiplicáti sunt qui odérunt me iníque.

Qui retríbuunt mala pro bonis, detrahébant mihi: * quóniam sequébar bonitátem.

Ne derelínquas me, Dómine Deus meus: * ne discésseris a me.

Inténde in adiutórium meum, * Dómine, Deus salútis meæ.

Glória Patri.

Psalmus 50.

Miserére mei, Deus, * secúndum magnam misericórdiam tuam.

Et secúndum multitudínem miseratiónum tuárum, * dele iniquitátem meam.

Amplius lava me ab iniquitáte mea: * et a peccáto meo munda me.

Quóniam iniquitátem meam ego cognósco: * et peccátum meum contra me est semper.

Tibi soli peccávi, et malum coram te feci: * ut justificéris in sermónibus tuis, et vincas cum iudicáris.

Ecce enim in iniquitatibus concéptus sum: * et in peccátis concépit me mater mea.

Ecce enim veritátem dilexísti: * incérta, et occúlta sapiéntiæ tuæ manifestásti mihi.

Aspérges me hyssópo, et mundábor: * lavábis me, et super nivem dealbábor.

Audítui meo dabis gáudium et lætítiam: * et exultábunt ossa humiliáta.

Avérte fáciem tuam a peccátis meis: * et omnes iniquitátes meas dele.

Cor mundum crea in me, Deus: * et spíritum rectum ínnova in viscéribus meis.

Ne projícias me a fácie tua: * et spíritum sanctum tuum ne áuferas a me.

Redde mihi lætítiam salutáris tui: * et spíritu principáli confírma me.

Docébo iníquos vias tuas: * et ímpii ad te converténtur.

Líbera me de sanguínibus, Deus, Deus salútis meæ: * et exultábit lingua mea iustítiam tuam.

Dómine, lábia mea apéries: * et os meum annuntiábit laudem tuam.

Quóniam si voluísset sacrificium, dedíssem útique: * holocáustis non delectáberis.

Sacrificium Deo spíritus contribulátus: * cor contrítum et humiliátum, Deus, non despícies.

Benígne fac, Dómine, in bona voluntáte tua Sion: * ut ædificéntur muri Jerúsalem.

Tunc acceptábis sacrificium iustítiæ, oblatiões, et holocáusta: * tunc impónent super altáre tuum vítulos.

Glória Patri.

Psalmus 101.

Domine, exáudi oratióem meam: * et clamor meus ad te véniat.

Non avértas fáciem tuam a me: * in quacúmque die tríbulor, inclína ad me aurem tuam.

In quacúmque die invocávero te, * velóciter exáudi me.

Quia defecérunt sicut fumus dies mei: * et ossa mea sicut crémium aruerunt.

Percússus sum ut fœnum, et áruit cor meum: * quia oblítus sum comédere panem meum.

A voce gémitus mei * adhæsit os meum carni meæ.

Símilis factus sum pellicáno solitúdinis: * factus sum sicut nyctícorax in domicílio.

Vigilávi, * et factus sum sicut passer solitárius in tecto.

Tota die exprobrábant mihi inimíci mei: * et qui laudábant me, advérsus me jurábant.

Quia cínerem tamquam panem manducábam, * et potum meum cum fletu miscébam,

A fácie iræ, et indignatiónis tuæ: *
quia élevans allisisti me.

Dies mei sicut umbra declinavérunt:
* et ego sicut fœnum áruí.

Tu autem, Dómine, in ætérnum pér-
manes: * et memoriále tuum in gene-
ratióne et generatióne.

Tu exúrgens miseréberis Sion: * quia
tempus miseréendi ejus, quia venit
tempus.

Quóniam placuérunt servis tuis lápi-
des ejus: * et terræ ejus miserebúntur.
Et timébunt Gentes nomen tuum,
Dómine, * et omnes reges terræ gló-
riam tuam.

Quia ædificávit Dóminus Sion: * et
vidébitur in glória sua.

Respéxit in oratióne humílium: * et
non sprexit precem eórum.

Scribántur hæc in generatióne áltera:
* et pópulus, qui creábitur, laudábit
Dóminum.

Quia prospéxit de excélso sancto
suo: * Dóminus de cœlo in terram
aspéxit.

Ut audíret gémitus compeditórum: *
ut sólveret filios interemptórum.

Ut annúntient in Sion nomen Dómini,
* et laudem ejus in Jerúsalem.

In conveniéndo pópulos in unum: *
et reges ut sérviant Dómino.

Respóndit ei in via virtútis suæ: *
paucitátem diérum meórum núntia
mihi.

Ne révoces me in dimídio diérum me-
órum: * in generatióne, et genera-
tióne anni tui.

Infítio tu, Dómine, terram fundásti: *
et ópera mánuum tuárum sunt cœli.

Ipsi períbunt, tu autem pérmanes: *
et omnes sicut vestiméntum veterás-
cent.

Et sicut opertórium mutábis eos, et
mutabúntur: * tu autem idem ipse es,
et anni tui non deficiént.

Fílii servórum tuórum habitábunt: *
et semen eórum in sæculum dirigétur.

Glória Patri.

Psalmus 129.

DE profúndis clamávi ad te, Dó-
mine: * Dómine, exáudi vocem
meam:

Fiant aures tuæ intendéntes, * in vo-
cem deprecatiónis meæ.

Si iniquitátes observáveris, Dómine:
* Dómine, quis substinébit?

Quia apud te propitiátio est: * et prop-
ter legem tuam sustínui te, Dómine.

Sustínuit ánima mea in verbo ejus: *
sperávit ánima mea in Dómino.

A custódia matutína usque ad noc-
tem, * speret Israel in Dómino.

Quia apud Dóminum misericórdia: *
et copiósá apud eum redemptio.

Et ipse rédimet Israel, * ex ómnibus
iniquitatibus ejus.

Glória Patri.

Psalmus 142.

Domine, exáudi oratióne meam,
áuribus pércepe obsecratióne
meam in veritáte tua: * exáudi me in
tua justítia.

Et non intres in judícium cum servo
tuo: * quia non justificábitur in con-
spéctu tuo omnis vivens.

Quia persecútus est inimícus áni-
mam meam: * humiliávit in terra
vitam meam.

Collocávit me in obsúris sicut mór-
tuos sæculi: * et ansiátus est super
me spíritus meus, in me turbátum est
cor meum.

Memor fui diérum antiquórum, medi-
tátus sum in ómnibus opéribus tuis: *

in factis mánuum tuárum meditábar.
Expándi manus meas ad te: * ánima
mea sicut terra sine aqua tibi.

Velóciter exáudi me, Dómine: * de-
fécit spíritus meus.

Non avértas fáciem tuam a me: * et
símilis ero descendéntibus in lacum.

Audítam fac mihi mane misericór-
diam tuam: * quia in te sperávi.

Notam fac mihi viam, in qua ámbu-
lem: * quia ad te levávi ánimam meam.

Eripe me de inimicis meis, Dómine, ad te confúgi: * doce me fácere voluntátem tuam, quia Deus meus es tu. **S**píritus tuus bonus dedúcet me in terram rectam: * propter nomen tuum, Dómine, vivificábis me in æquitáte tua.

Edúces de tribulatióne ánimam meam: * et in misericórdia tua dispédes inimícos meos.

Et perdes omnes, qui tríbulant ánimam meam: * quóniam ego servus tuus sum.

Glória Patri.

Antiph. Ne reminiscáris, Dómine, delicta nostra, vel paréntum nostrórum, neque vindíctam sumas de peccátis nostris.

LITANIE.

KYrie eléison.

Christe, eléison.

Kýrie eléison.

Christe, audi nos.

Christe, exáudi nos.

Pater de cœlis Deus, Miserére nobis.

Fili Redémptor mundi Deus, Miserére nobis.

Spíritus sancte Deus, Miserére nobis.

Sancta Trínitas unus Deus, Miserére nobis.

Sancta María, Ora pro nobis.

Sancta Dei génitrix, ora.

Sancta Virgo vírginum, ora.

Sancte Míchael, ora.

Sancte Gábiel, ora.

Sancte Ráphael, ora.

Omnes sancti Angeli et Archángeli, oráte pro nobis.

Omnes sancti beatórum spirítuum ór-
dines, oráte pro nobis.

Sancte Joánnes Baptísta, ora.

Sancte Joseph, ora.

Omnes sancti Patriárchæ et Prophétæ, oráte pro nobis.

Sancte Petre, ora.

Sancte Paule, ora.

Sancte Andréa, ora.

Sancte Jacóbe, ora.

Sancte Joánnes, ora.

Sancte Thoma, ora.

Sancte Jacóbe, ora.

Sancte Philíppe, ora.

Sancte Bartholomæe, ora.

Sancte Matthæe, ora.

Sancte Simon, ora.

Sancte Thaddæe, ora.

Sancte Mathía, ora.

Sancte Bárnaba, ora.

Sancte Luca, ora.

Sancte Marce, ora.

Omnes sancti Apóstoliet Evangelístæ, oráte pro nobis.

Omnes sancti Discípuli Dómini, oráte.

Omnes sancti Innocéntes, oráte.

Sancte Stéphane, ora.

Sancte Lauréti, ora.

Sancte Vincéti, ora.

Sancti Fabiáne et Sebastíane, oráte.

Sancti Joánnes et Paule, oráte.

Sancti Cosma et Damiáne, oráte.

Sancti Gervási et Protási, oráte.

Omnes sancti Mártyres, oráte.

Sancte Silvéster, ora.

Sancte Gregóri, ora.

Sancte Ambrósi, ora.

Sancte Augustíne, ora.

Sancte Hierónyme, ora.

Sancte Martíne, ora.

Sancte Nicolæe, ora.

Omnes sancti Pontífices et Confessó-
res, oráte pro nobis,

Omnes sancti Doctóres, oráte.

Sancte Antóni, ora.

Sancte Benedícte, ora.

Sancte Bernárde, ora.

Sancte Domínice, ora.

Sancte Francísce, ora.

Omnes sancti Sacerdótes et Levítæ, oráte pro nobis.

Omnes sancti Mónachi et Eremítæ, oráte pro nobis.

Sancta María Magdaléna, ora.

Sancta Agatha, ora.

Sancta Lucía, ora.

Sancta Agnes, ora.

Sancta Cæcília, ora.
Sancta Catharina, ora.
Sancta Anastasia, ora.
Omnes sanctæ Virgines et Viduæ,
 orâte pro nobis.
Omnes Sancti et Sanctæ Dei, Inter-
 cédite pro nobis.
Propítius esto, Parce nobis, Dómine.
Propítius esto, Exáudi nos, Dómine.
Ab omni malo, Líbera nos, Dómine.
Ab omni peccáto, líbera.
Ab ira tua, líbera.
Asubitanea et improvísamorte, líbera.
Ab insídiis diaboli, líbera.
Ab ira, et ódio, et omni mala volun-
 tâte, líbera.
Aspíritu fornicatiónis, líbera.
Afúlgure et tempestâte, líbera.
Aflagéllis terræmótus, líbera.
Apeste, fame et bello, líbera.
Amorte perpétua, líbera.
Per mystérium sanctæ Incarnatiónis
 tuæ, líbera.
Per advéntum tuum, líbera.
Per nativitátem tuam, líbera.
Per baptísmum et sanctum jejúnium
 tuum, líbera.
Per crucem et passióem tuam, líbera.
Per mortem et sepultúram tuam,
 líbera, nos Dómine.
Per sanctam resurrectiόem tuam,
 líbera nos, Dómine.
Per admirábilem ascensiόem tuam,
 líbera nos, Dómine.
Per advéntum Spíritus sancti Pará-
 cliti, líbera.
In die iudicii, líbera.
Peccátōes, Te rogámus audi nos.
Ut nobis parcas, te rogámus.
Ut nobis indúlgeas, te rogámus.
Ut ad veram pœniténtiam nos perdú-
 cere dignéris, te rogámus.
Ut Ecclesiám tuam sanctam régere et
 conserváre dignéris, te rogámus.
Ut Domnum Apostólicum et omnes
 Ecclesiásticos órdenes in sancta
 religiόe conserváre dignéris,
 te rogámus audi nos.

Ut inimícos sanctæ Ecclesiæ humi-
 liáre dignéris, te rogámus.
Ut Régibus et Princípibus Christiá-
 nis pacem et veram concórdiam
 donáre dignéris, te rogámus.
Ut cuncto pópulo Christiáno pacem
 et unitátem largíri dignéris,
 te rogámus audi nos.
Ut nosmetípsos in tuo sancto servítio
 confortáre, et conserváre digné-
 ris, te rogámus.
Ut mentes nostras ad cœlestia desi-
 déría érigas, te rogámus.
Ut ómnibus benefactóribus nostris
 sempitérna bona retríbuas,
 te rogámus audi nos.
Ut ánimas nostras, fratrum, propin-
 quórum et benefactórum nostró-
 rum ab ætérra damnatiόe erí-
 pias, te rogámus.
Ut fructus terræ dare et conserváre
 dignéris, te rogámus.
Ut ómnibus fidélibus defúntis ré-
 quiem ætérram donáre dignéris,
 te rogámus audi nos.
Ut nos exaudíre dignéris, te rogámus.
Fili Dei, te rogámus.
Agnus Dei, qui tollis peccáta mundi,
 Parce nobis, Dómine.
Agnus Dei, qui tollis peccáta mundi,
 Exáudi nos, Dómine.
Agnus Dei, qui tollis peccáta mundi,
 Miserére nobis.
Christe, audi nos.
Christe, exáudi nos.
Kýrie eléison.
Christe, eléison.
Kýrie eléison.
Pater noster. *secreto.*
V. Et ne nos indúcas in tentatiόem.
R. Sed líbera nos a malo.

Psalmus 69.

Deus, in adiutorium meum inténde:
 * Dómine, ad adjuvándum me
 festína.
Confundántur, et reveréantur, * qui
 quærunt ánimam meam:

Avertántur retrórsum, et erubéscant,
* qui volunt mihi mala:

Avertántur statim erubescéntes, * qui
dicunt mihi: Euge, euge.

Exúltent et læténtur in te omnes qui
quærent te, * et dicant semper: Mag-
nificétur Dóminus, qui díligunt salu-
táre tuum.

Ego vero egénus, et pauper sum: *
Deus, ádjuva me.

Adjútor meus, et liberátor meus es
tu: * Dómine, ne moréris.

Glória Patri. **S**icut erat.

V. Salvos fac servos tuos.

R. Deus meus, sperántes in te.

V. Esto nobis, Dómine, turris fortitú-
dinis.

R. A fácie inimíci.

V. Nihil proficiat inimícus in nobis.

R. Et fílius iniquitátis non appónat
nocére nobis.

V. Dómine, non secúndum peccáta
nostra fácias nobis.

R. Neque secúndum iniquitátes nos-
tras retríbuas nobis.

V. Orémus pro Pontífice nostro **N.**

R. Dóminus consérvet eum, et viví-
ficet eum, et beátum fáciat eum in
terra, et non tradat eum in ánimam
inimicórum ejus.

V. Orémus pro benefactóribus nostris.

R. Retribúere dignáre, Dómine, ómni-
bus nobis bona faciéntibus propter
nomen tuum vitam ætérnam, Amen.

V. Orémus pro fidélibus defúctis.

R. Réquiem ætérnam dona eis, Dó-
mine, et lux perpétua lúceat eis.

V. Requiéscant in pace. **R.** Amen.

V. Pro frátribus nostris abséntibus.

R. Salvos fac servos tuos, Deus meus
sperántes in te.

V. Mitte eis, Dómine, auxílium de
sancto.

R. Et de Sion tuére eos.

V. Dómine, exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio.

Deus, cui próprium est miseréri
semper, et párcere: súscipe de-
precatióem nostram; ut nos, et om-
nes fámulos tuos, quos delictórum
caténa constringit, miserátio tuæ pie-
tátis cleménter absólvat.

Exáudi, quæsumus, Dómine, súp-
plicum preces, et confiténtium tibi
parce peccátis: ut páriter nobis indul-
géntiam tríbuas benignus et pacem.

Ineffábilem nobis, Dómine, miseri-
córdiam tuam cleménter osténde:
ut simul nos et a peccátis ómnibus
éxuas, et a pœnis, quas pro his meré-
mur, erípias.

Deus, qui culpa offénderis, pœni-
téntia placáris: preces pópuli tui
supplicántis propítius réspice; et fla-
gella tuæ iracúndiæ, quæ pro peccá-
tis nostris merémur, avérte.

Omnípotens sempitérne Deus, mise-
rére fámulo tuo Pontífice nostro **N.**
et dírige eum secúndum tuam clemén-
tiam in viam salútis ætérnæ: ut, te
donánte, tibi plácita cúpiat, et tota
virtúte perficiat.

Deus, a quo sancta desidéria, recta
consília, et justa sunt ópera: da
servis tuis illam, quam mundus dare
non potest, pacem; ut et corda nostra
mandátis tuis dédita, et hóstium sub-
láta formídine, témpora sint tua pro-
tectiône tranquílla.

URe igne sancti Spíritus renes nos-
tros, et cor nostrum, Dómine: ut
tibi casto córpore serviámus, et mundo
corde placeámus.

Fidélium Deus ómnium Cónditor et
Redemptor, animábus famuló-
rum famularúmque tuárum, remissió-
nem cunctórum tríbue peccatórum:
ut indulgéntiam, quam semper opta-
vérunt, piis supplicatióibus conse-
quántur.

Actiões nostras, quæsumus, Dó-
mine, aspirándo præveni, et ad-
juvándó proséquere: ut cuncta nostra

oratio et operatio a te semper incipiat, et per te cœpta finiatur.


Omnipotens sempiternus Deus, qui vivorum dominaris simul et mortuorum, omniumque misereris, quos tuos fide et opere futuros esse prænoſcis: te supplices exoramus; ut pro quibus effundere preces decrevimus, quosque vel præſens sæculum adhuc in carne retinet, vel futurum jam exutos corpore suscepit, intercedentibus omnibus sanctis tuis, pietatis tuæ clementia omnium delictorum suorum veniam consequantur. Per Dñm.

V. Dñs vobiscum.

R. Et cum sp̄itu tuo.

V. Exaudiat nos omnipotens et misericors Dñs. **R.** Amen.

V. Et fidelium animæ per misericordiam Dei requiescant in pace. **R.** Amen.



Ordo Commendationis Animæ

Primum dicuntur Litanie breves
in hunc modum.

Kyrie elison.

Christe, elison.

Kyrie elison.

Sancta Maria, Ora pro eo.

Omnēs sancti Angeli et Archangeli,
orate pro eo.

Sancte Abel, ora.

Omnis chorus Justorum, ora.

Sancte Abraham, ora.

Sancte Joānes Baptista, ora.

Sancte Joseph, ora.

Omnēs sancti Patriarchæ et Prophætæ,
orate pro eo.

Sancte Petre, ora.

Sancte Paule, ora.

Sancte Andréa, ora.

Sancte Joānes, ora.

Omnēs sancti Apóstoli et Evangelistæ,
orate pro eo.

Omnēs sancti Discipuli Dñi, orate.

Omnēs sancti Innocentes, orate.

Sancte Stéphane, ora.

Sancte Lauréti, ora.

Omnēs sancti Mártyres, orate.

Sancte Silvéster, ora.

Sancte Gregóri, ora.

Sancte Augustíne, ora.

Omnēs sancti Pontífices et Confessores,
orate pro eo.

Sancte Benedicte, ora.

Sancte Francíſce, ora.

Omnēs sancti Mónachi et Eremítæ,
orate pro eo.

Sancta María Magdaléna, ora.

Sancta Lucía, ora.

Omnēs sanctæ Vírgines et Víduæ,
orate pro eo.

Omnēs Sancti et Sanctæ Dei, Intercedite
pro eo.

Propítius esto, parce ei, Dñe.

Propítius esto, líbera eum, Dñe.

Propítius esto, líbera eum, Dñe.

Ab ira tua, líbera.

A perículo mortis, líbera.

A mala morte, líbera.

A pœnis inférni, líbera.

Ab omni malo, líbera.

A potestate diaboli, líbera.

Per Nativitatem tuam, líbera.

Per Crucem et Passionem tuam,
líbera eum, Dñe.

Per Mortem et Sepulturam tuam,
líbera eum, Dñe.

Per gloriosam Resurrectionem tuam,
líbera eum, Dñe.

Per admirabilem Ascensionem tuam,
líbera eum, Dñe.

Per gratiam Sp̄itus sancti Parácliti,
líbera eum, Dñe.

In die iudicii, líbera eum, Dñe.

Peccatores, Te rogámus, audi nos.

Ut ei parcas, Te rogámus, audi nos.

Kyrie elison.

Christe, elison.

Kyrie elison.

Deinde cum in agone sui exitus
anima anxietur, dicantur sequentes
Orationes.

Oratio.

Proficiſcere, ánima chriſtiána, de hoc mundo, in nómine Dei Patris omnipoténtis, qui te creávit: in nómine Jeſu Chriſti Fílii Dei vivi, qui pro te paſſus eſt: in nómine Spíritus ſancti, qui in te effúſus eſt: in nómine Angelórum et Archangelórum: in nómine Thronórum et Dominationum: in nómine Principátuum et Potestá- tum: in nómine Chérubim et Séraphim: in nómine Patriarchárum et Prophetárum: in nómine ſanctorum Apoſtolórum et Evangelistárum: in nómine ſanctorum Mártyrum et Conféſſórum: in nómine ſanctorum Monachórum et Eremitárum: in nómine ſanctárum Vírginum, et ómnium Sanctórum et Sanctárum Dei: hódie ſit in pace locus tuus, et habitátio tua in ſancta Sion. Per eúndem Chriſtum Dóminum noſtrum. **R.** Amen.

Oratio.

Deus miſericors, Deus clemens, Deus, qui ſecúndum multitudinem miſerationum tuárum peccáta poeniténtium deſes, et præteritórum criminum culpas vénia remiſſiónis evácuas: réſpice propítius ſuper hunc fámulum tuum **N.** et remiſſiónem ómnium peccatórum ſuórum tota cordis confeſſiónem poſcéntem deprecátus exáudi. Rénova in eo, piſſime Pater, quidquid terréna fragilitáte corrúptum, vel quidquid diabólica fraude violátum eſt: et unitáti córporis Eccléſiæ membrum redemptionis annécte. Miſerére, Dómine, gemítuum, miſerére lacrymárum ejus: et non habéntem fidúciám, niſi in tua miſericórdia, ad tuæ ſacraméntum reconciliatiónis admítte. Per Chriſtum Dóminum noſtrum. **R.** Amen.

Comméndo te omnipoténti Deo, charíſſime frater, et ei, cujus eſ creatúra, commítto: ut, cum humanitátis débitum, morte interveniéntem,

perſólveris, ad auctórem tuum, qui te de limo terræ formáverat, revertáris. Egrediénti itaque ánimæ tuæ de córpore ſpléndidus Angelórum coetus occúrrat: judex Apoſtolórum tibi ſenátus advéniat: candidatórum tibi Mártyrum triumphátor exércitus óbviet: liliáta rutilántium te Conféſſórum turma circúmdet: jubilántium te Vírginum chorus excípiat: et beátæ quiétis in ſinu Patriarchárum te compléxus aſtríngat: mitis atque feſtívus Chriſti Jeſu tibi aſpéctus appáreat, qui te inter aſſiſténtes ſibi júgiter intéreſſe decérnat. Ignóres omne quod horret in ténebris, quod ſtridet in flammis, quod crúciat in torméntis. Cedat tibi tetérrimus sátanás cum ſatellítibus ſuis: in advéntu tuo te, comitántibus Angelis, contremíſcat, atque in æternæ noctis chaos immáne difúgiat. Exúrgat Deus, et diſſipéntur inimíci ejus: et fúgiant, qui odérunt eum a fácie ejus. Sicut déficit fumus deficiant: ſicut fluit cera a fácie ignis, ſic péreant peccátóres a fácie Dei: et juſti epuléntur, et exúltent in conſpéctu Dei. Confundántur igitur et erubéſcant omnes tartáreæ legiónes, et miníſtri sátanæ iter tuum impedíre non áudeant. Líberet te a cruciátu Chriſtus, qui pro te crucifixus eſt. Líberet te ab æterná morte Chriſtus, qui pro te mori dignátus eſt. Conſtituat te Chriſtus Fílius Dei vivi intra paradíſi ſui ſemper amóena viréntia, et inter oves ſuas te verus ille Paſtor agnóſcat. Ille ab ómnibus peccátis tuis te abſólvat, atque ad dexteram ſuam in electórum ſuórum te ſorte conſtituat. Redemptórem tuum fácie ad fáciem vídeas, et præſens ſemper aſſiſtens, manifeſtíſſimam beátis óculis aſpicias veritátem. Conſtitútus igitur inter ágmina beatórum, contemplatiónis divínæ dulcédine potiáris in ſæcula ſæculórum. **R.** Amen.

Oratio.

Suscipe, Dómine, servum tuum in locum sperándæ sibi salvatiónis a misericórdia tua. **R.** Amen.

Líbera, Dómine, ánimam servi tui ex ómnibus perículis inférni, et de láqueis poenárum, et ex ómnibus tribulatióibus. **R.** Amen.

Líbera, Dómine, ánimam servi tui, sicut liberásti Henoch et Elíam de commúni morte mundi. **R.** Amen.

Líbera, Dómine, ánimam servi tui, sicut liberásti Noe de dilúvio.

R. Amen.

Líbera, Dómine, ánimam servi tui, sicut liberásti Abraham de Ur Chal-dæórum. **R.** Amen.

Líbera, Dómine, ánimam servi tui, sicut liberásti Job de passióibus suis. **R.** Amen.

Líbera, Dómine, ánimam servi tui, sicut liberásti Isaac de hóstia, et de manú patris sui Abrahæ. **R.** Amen.

Líbera, Dómine, ánimam servi tui, sicut liberásti Lot de Sódomis, et de flamma ignis. **R.** Amen.

Líbera, Dómine, ánimam servi tui, sicut liberásti Móysen de manu Pha-raónis regis Ægyptiórum. **R.** Amen.

Líbera, Dómine, ánimam servi tui, sicut liberásti Daniélem de lacu leónum. **R.** Amen.

Líbera, Dómine, ánimam servi tui, sicut liberásti tres púeros de camíno ignis ardéntis, et de manu regis iníqui. **R.** Amen.

Líbera, Dómine, ánimam servi tui, sicut liberásti Susánnam de falso crimine. **R.** Amen.

Líbera, Dómine, ánimam servi tui, sicut liberásti David de manu regis Saul, et de manu Golíæ. **R.** Amen.

Líbera, Dómine, ánimam servi tui, sicut liberásti Petrum et Paulum de carcéribus. **R.** Amen.

Et sicut beatíssimam Theclam vírginem et mártirem tuam de tribus atrocíssimis torméntis liberásti, sic libe-

rare dignéris ánimam hujus servi tui, et tecum fácias in bonis congaudére cœléstibus. **R.** Amen.

Oratio.

Commendámus tibi, Dómine, ánimam fámuli tui **N.** precamúrque te, Dómine, Jesu Christe Salvátor mundi; ut propter quam ad terram misericórditer descendísti, Patriarchárum tuórum sínibus insinuáre non rénuas. Agnósce, Dómine, creatúram tuam, non a diis aliénis creatam, sed a te solo Deo vivo et vero: quia non est álius Deus præter te, et non est secúndum ópera tua. Lætífica, Dómine, ánimam ejus in conspéctu tuo, et ne memíneris iniquitátum ejus antiquárum, et ebrietátum, quas suscitávit furor, sive fervor mali desidérii. Licet enim peccáverit, tamen Patrem, et Fílium, et Spíritum sanctum non negávit, sed crédidit, et zelum Dei in se hábuit, et Deum, qui fecit ómnia, fidéliter adorávit.

Oratio.

Delicta juventútis, et ignorántias ejus, quæsumus, ne memíneris, Dómine: sed secúndum magnam misericórdiam tuam memor esto illíus in glória claritátis tuæ. Aperiántur ei cœli, collæténtur illi Angeli. In regnum tuum, Dómine, servum tuum súscipe. Suscípiat eum sanctus Míchael Archángelus Dei, qui militiæ cœléstis méruit principátum. Véniant illi óbviæ sancti Angeli Dei, et perducant eum in civitátem cœlestem Jerúsalem. Suscípiat eum beátus Petrus Apóstolus, cui a Deo claves regni cœléstis tráditæ sunt. Adjuvet eum sanctus Paulus Apóstolus, qui dignus fuit esse vas electiόνis. Intercedat pro eo sanctus Joánnes eléctus Dei Apóstolus, cui reveláta sunt secreta cœléstia. Orent pro eo omnes sancti Apóstoli, quibus a Dómino data est potéstas ligándi atque sol-

vendi. Intercédant pro eo omnes sancti et elécti Dei, qui pro Christi nómine torménta in hoc sæculo sustinuérunt: ut vínculis carnis exútus, pervenire mereátur ad glóriam regni coeléstis, præstánte Dómino nostro Jesu Christo: Qui cum Patre et Spíritu sancto vivit et regnat in sæcula sæculórum. *R. Amen.*

Si anxietur adhuc anima, dicuntur hi Psalmi, videlicet, *Confitémini Dómino quóniam bonus. 18. et totus Psalmus, Beáti immaculáti 19.* per Horas distributus.

Egressa autem anima, dicitur hoc. *R. Subveníte, Sancti Dei, occúrrite, Angeli Dómini: * Suscipiéntes ánimam ejus: * Offeréntes eam in conspéctu Altíssimi.*

V. Suscípiat te Christus, qui vocávit te, et in sinum Abrahæ Angeli dedúcant te. Suscipiéntes.

V. Réquiem ætérnam dona ei, Dómine, et lux perpétua lúceat ei. Offeréntes.

Deinde *Kýrie eléison.*

Christe, eléison. Kýrie eléison.

Postea. *Pater noster. secreto.*

V. Et ne nos indúcas in tentatiónem.

R. Sed líbera nos a malo.

V. Réquiem ætérnam dona ei, Dómine.

R. Et lux perpétua lúceat ei.

V. A porta ínferi.

R. Erue, Dómine, ánimam ejus.

V. Requíescat in pace. R. Amen.

V. Dómine, exáudi oratiónem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio.

Tibi, Dómine, commendámus ánimam fámuli tui N. ut defúctus sæculo tibi vivat: et quæ per fragilitátem humanæ conversatiónis peccáta commísit, tu vénia misericordíssimæ pietátis abstérge. Per Christum Dóminum nostrum. *R. Amen.*



BENEDICTIO MENSÆ

Ante Prandium

Sacerdos benedicturus mensam incipit, *Benedícite*, et alii repetunt, *Benedícite*. Deinde dicit *V.*

OCuli ómnium, et alii proseguuntur. In te sperant, Dómine, et tu das escam illórum in témpore opportúno. Aperis tu manum tuam, et imples omne ánimál benedictióne.

V. Glória Patri. R. Sicut erat.

Kýrie eléison.

Christe, eléison.

Kýrie eléison.

Pater noster. secreto.

V. Et ne nos indúcas in tentatiónem.

R. Sed líbera nos a malo.

Postea Sacerdos dicit:

Orémus.

Benedic, Dómine nos, et hæc tua dona, quæ de tua largitáte sumus sumptúri. Per Christum Dóminum nostrum. *R. Amen.*

Deinde Lector. Jube, domne, benedícere.

Benedictio. Mensæ coeléstis partícipes fáciat nos Rex ætérnæ glóriæ.

R. Amen.

Post prandium aguntur gratiæ hoc modo. Dicto a Lectore. Tu autem, Dómine, miserére nobis.

R. Deo grátias, omnes surgunt.

Sacerdos incipit

V. Confiteántur tibi, Dómine, ómnia ópera tua.

R. Et sancti tui benedícant tibi.

V. Glória Patri. R. Sicut erat.

Postea Sacerdos absolute dicat:

AGimus tibi grátias, ómnípotens Deus, pro univérsis beneficiis tuis: Qui vivis et regnas in sæcula sæculórum.

R. Amen.

Deinde alternatim dicitur Psalmus Miserére. 48.

vel Psalmus 116.

Laudáte Dóminum, omnes Gentes,
* laudáte eum, omnes pópuli:

Quóniam confirmáta est super nos
misericórdia ejus: * et véritas Dómini
manet in ætérnum.

• Glória Patri. Sicut erat.

Kýrie eléison.

Christe, eléison.

Kýrie eléison.

Sacerdos dicit. Pater noster. secreto.

Ÿ. Et ne nos indúcas in tentatiónem.

R. Sed libera nos a malo.

Ÿ. Dispérsit, dedit paupéribus.

R. Justítia ejus manet in sæculum
sæculi.

Ÿ. Benedícam Dóminum in omni
tépore.

R. Semper laus ejus in ore meo.

Ÿ. In Dómino laudábitur ánima mea.

R. Audiant mansuéti, et læténtur.

Ÿ. Magnificáte Dóminum mecum.

R. Et exaltémus nomen ejus in id-
ípsum.

Ÿ. Sit nomen Dómini benedíctum.

R. Ex hoc nunc, et usque in sæculum.

Deinde sine Orémus.

Retribúere dignáre, Dómine, ómni-
bus nobis bona faciéntibus prop-
ter nomen tuum, vitam ætérnam.

R. Amen.

Ÿ. Benedicámus Dómino.

R. Deo grátias.

Ÿ. Fidélium ánimæ per misericórdiam
Dei requiéscant in pace.

R. Amen.

Pater noster. secreto.

Quo finito, dicit Sacerdos,

Ÿ. Deus det nobis suam pacem.

R. Amen.

Ante Coenam

Sacerdos benedicturus mensam, in-
cipit, Benedícite. et alii repetunt,
Benedícite. Deinde Sacerdos incipit
Ÿ. et alii prosequuntur.

EDent páuperes, et saturabúntur,
et laudábunt Dóminum, qui re-
quírunt eum: vivent corda eórum in
sæculum sæculi.

Ÿ. Glória Patri. R. Sicut erat.

Kýrie eléison.

Christe, eléison.

Kýrie eléison.

Pater noster. secreto.

Ÿ. Et ne nos indúcas.

Orémus.

Benedic, Dómine nos, et hæc tua
dona, quæ de tua largitáte sumus
sumptúri. Per Christum Dóminum
nostrum. R. Amen.

Deinde Lector. Jube, domne, bene-
dicere.

Benedictio. Ad cœnam vitæ ætérnæ
perducát nos Rex ætérnæ glóriæ.

R. Amen.

In fine cœnæ dicitur Ÿ.

Memóriam fecit mirabílium suórum
miséricors et miserátor Dóminus, es-
cam dedit timéntibus se.

Ÿ. Glória Patri. R. Sicut erat.

Sacerdos dicat:

Benedíctus Deus in donis suis, et
sanctus in ómnibus opéribus suis:
Qui vivit et regnat in sæcula sæcu-
lórum. R. Amen.

Deinde alternatim dicitur Psalmus.
Laudáte Dóminum, omnes Gentes.
et reliqua ut supra.

Quando semel comeditur, omnia di-
cantur ut in cœna.

Prædictus modus benedicendi men-
sam, et agendi gratias, servatur omni
tépore hujus Partis Vernæ, præ-
terquam diebus infrascriptis, quibus
Versiculi et Psalmi tantum variantur.

Feria quinta in Cœna Domini dicitur absolute, et sine nota *V.* **Christus factus est pro nobis obédiens usque ad mortem.** Deinde **Pater noster.** totum secreto. Quo dicto, sine pronuntiatione aliqua, Sacerdos signo Crucis benedicit mensam: nec dicitur, **Jube, domne, nec, Tu autem.**

In fine repetitur *V.* **Christus factus est.** ut supra. Postea Psalmus **Miserere mei, Deus. 48.** Quo finito, sine *V.* **Glória Patri.** secreto dicitur **Pater noster.**

Deinde Sacerdos dicit absolute Orationem.

Oratio.

Respice, quæsumus, Dómine, super hanc familiam tuam, pro qua Dóminus noster Jesus Christus non dubitavit manibus tradi nocéntium, et crucis subíre tormentum.

Et non pronuntiatur, **Qui tecum, nec Fidélium animæ,** sed secreto dicitur **Pater noster.** nec additur: **Deus det nobis suam pacem.**

In Parasceve eodem modo fit, sicut in Cœna Domini, sed additur ad *V.* **Christus factus est.** Mortem autem crucis.

Sabbato sancto ad benedicendum mensam dicitur, **Benedícite, R. Benedícite.** *V.* **Véspere autem Sábbati,** quæ lucéscit in prima Sábbati, **allelúja,** venit María Magdaléne, et áltera María, vidére sepúlchrum, **allelúja.**

Glória Patri. Sicut erat.

In fine repetitur, *V.* **Véspere autem.** ut supra, cum **Glória Patri.** Sicut erat.

Psalmus. **Laudáte Dóminum, omnes Gentes. [195]** cum **Glória Patri.**

Kýrie eléison. Christe eléison.

Kýrie eléison. et alia ut supra in prima Benedictione. [194].

In die Paschæ, et deinceps usque ad cœnam sequentis Sabbati, ad benedicendum mensam dicitur *V.* **Hæc dies quam fecit Dóminus, allelúja, exultémus et lætémur in ea, allelúja. Glória Patri.**

In fine repetitur. **Hæc dies quam fecit, cum Glória Patri.** Psalmus. **Confitémini. 18.**

In Ascensione Domini, usque ad Vigiliam Pentecostes exclusive, *V.* **Ascéndit Deus in jubilatíone, allelúja, et Dóminus in voce tubæ, allelúja.**

Glória Patri.

In fine dicitur *V.* **Ascéndens Christus in altum, allelúja, captívam duxit captivitátem, allelúja.**

Glória Patri.

Psalmus. **Omnes Gentes pláudite manibus. 56. vel Laudáte Dóminum. [195].**

In Pentecoste a Vigilia ejusdem inclusive usque ad cœnam sequentis Sabbati exclusive, *V.* **Spíritus Dómini replévit orbem terrárum, allelúja, et hoc quod cóninet ómnia, sciéntiam habet vocis, allelúja.**

Glória Patri.

In fine dicitur, *V.* **Repléti sunt omnes Spíritu sancto, allelúja, et cœpérunt loqui, allelúja.**

Glória Patri.

Psalmus. **Magnus Dóminus. 56. vel Laudáte.** ut supra. [195].



ITINERARIUM

Clericus in ipso itineris ingressu, si solus fuerit, dicat quæ sequuntur in singulari; si cum sociis, in plurali.

Antiph. In viam pacis.

Canticum Zachariæ.

Lucae I. g.

Benedictus Dóminus Deus Israel, * quia visitávit, et fecit redemptiōnem plebis suæ.

Et eréxit cornu salutis nobis, * in domo David púeri sui.

Sicut locútus est per os sanctórum, * qui a sæculo sunt, prophetárum ejus. Salútem ex inimícis nostris, * et de manu ómnium qui odérunt nos.

Ad faciéndam misericórdiam cum pátribus nostris: * et memorári testaménti sui sancti.

Jusjurándum, quod jurávit ad Abraham patrem nostrum, * datúrum se nobis.

Ut sine timóre, de manu inimicórum nostrórum liberáti, * serviámus illi.

In sanctitáte et justítia coram ipso, * ómnibus diébus nostris.

Et tu, puer, Prophéta Altíssimi vocáberis: * præíbis enim ante fáciem Dómini paráre vias ejus.

Ad dandam sciéntiam salutis plebi ejus, * in remissionem peccatórum eórum:

Per víscera misericórdiæ Dei nostri: * in quibus visitávit nos, óriens ex alto:

Illumináre his, qui in ténebris, et in umbra mortis sedent: * ad dirigéndo pedes nostros in viam pacis.

Glória Patri.

Antiph. In viam pacis et prosperitátis dirígat nos omnipotens et misericors Dóminus: et Angelus Ráphael comitétur nobíscum in via, ut cum pace, salúte, et gáudio revertámur ad própria.

Kýrie eléison.

Christe, eléison.

Kýrie eléison.

Pater noster. secreto.

Ų. Et ne nos indúcas in tentatiónem.

Ŕ. Sed líbera nos a malo.

Ų. Salvos fac servos tuos.

Ŕ. Deus meus sperántes in te.

Ų. Mitte nobis, Dómine, auxílium de sancto.

Ŕ. Et de Sion tuére nos.

Ų. Esto nobis, Dómine, turris fortitúdinis.

Ŕ. A fácie inimíci.

Ų. Nihil proficiat inimícus in nobis.

Ŕ. Et fílius iniquitátis non appónat nocére nobis.

Ų. Benedictus Dóminus die quótdie.

Ŕ. Prósperum iter fáciat nobis Deus salutárium nostrórum.

Ų. Vias tuas, Dómine, demónstra nobis.

Ŕ. Et sémitas tuas édoce nos.

Ų. Utinam dirigántur viæ nostræ.

Ŕ. Ad custodiéndo justificatiónes tuas.

Ų. Erunt prava in dirécta.

Ŕ. Et áspera in vias planas.

Ų. Angelis suis Deus mandávit de te.

Ŕ. Ut custódiant te in ómnibus viis tuis.

Ų. Dómine, exáudi oratiónem meam.

Ŕ. Et clamor meus ad te véniat.

Ų. Dóminus vobíscum.

Ŕ. Et cum spíritu tuo.

Orémus.

Oratio.

Deus, qui fílios Israel per maris médium sicco vestígio ire fecísti, quique tribus Magis iter ad te, stella duce, pandísti: tribue nobis, quæsumus, iter Prósperum, tempúsque tranquillum: ut, Angelo tuo sancto cómite, ad eum quo pérgrimus locum, ac demum ad æternæ salutis portum perveníre felíciter valeámus.

DEus, qui Abraham púerum tuum de Ur Chaldæórum edúctum, per omnes suæ peregrinatiónis vias illæsum custodísti; quæsumus, ut nos fámulos tuos custodíre dignéris; esto nobis, Dómine, in procíntu suffrágium, in via solátium, in æstu umbráculum, in plúvia et frígore teguméntum, in lassitúdine vehículum, in adversitaté præsidium, in lúbrico báculus, in naufrágio portus: ut, te duce, quo téndimus, prósperè perveniámus, et demum incólumes ad própria redeámus.

ADesto, quæsumus, Dómine, supplicatióibus nostris: et viam

famulórum tuórum in salútis tuæ prosperitaté dispóne: ut inter omnes viæ et vitæ hujus varietátes, tuo semper protegámur auxílio.

PRæsta, quæsumus, omnipotens Deus, ut família tua per viam salútis incédât: et beáti Joánnis Præcursóris hortaménta sectándo, ad eum, quem prædixit, secúra pervéniat, Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

V. Procedámus in pace.

R. In nómine Dómini, Amen.



OFFICIA PROPRIA

PRO ALIQUIBUS LOCIS.

Die 5. Februarii.

In Festo Sanctorum

Viginti sex Mart. Japonensium.

Duplex.

Omnia de Communi plurimorum Martyrum [50], præter sequentia.

Oratio.



Omine Jesu Christe qui ad tui imitationem per Crucis supplicium primitias fidei apud Japoniæ gentes in Sanctorum Martyrum Petri Baptistæ, Pauli et Sociorum sanguine dedicasti, concede quæsumus, ut quorum hodie solèmnia còlimus, excitèmur exèmplis. Qui vivis et regnas.

Lectiones primi Nocturni de Epistola ad Romanos. Fratres, debitores. in Communi plurimorum Mart. [52]

IN II. NOCTURNO.

Lectio iv.

REmotissimæ Japoniæ regiõni extrémis orientális Asiæ fínibus sitæ, quæ diu in ténebris et in umbra mortis séderat, sextodécimo salutis humanæ reparatæ sæculo Cathólicæ veritátis lumen affúlsit. Magnus síquidem illuc Indiárum Apóstolus Sanctus Franciscus Xavérius Christum prædicans crucifíxum, ádeo insígnem fidélium fundávit ecclésiám, ut hisce in terris Apostolorum témpora redísse videréntur. Non illi étiam defuère Mártyres, qui fidei primitias ságuine consecrárent. Eódem enim labénte sæculo cum Taicosáma Japonénsium Imperátor plúries minitátus fuísset se Philippínas ínsulas in suam ditiónem redactúrum, cénsuit Cathólicus His-

paniárum Rex áliquos suæ natiónis religiósos viros in Japoníam mittere régio legatórum múnere ornátos ad pacem Taicosámæ suadéndam. Huic óperi deléctus est Frater Petrus Baptista, sacerdos ex Ordine Minórum Sancti Francísci strictióris observántiæ discalceatórum, morum sanctitáte et doctrína insígnis; cui álii dati sunt sócii ex eódem Ordine. Qui omnes legatiónem hanc eo suscepérunt ánimo, ut inde occasiόnem arriperent Evangelium illis géntibus prædicándi, quia Apostólica pollébant auctoritáte ad fidem Cathólicam apud Indos et Sínica regna disseminándam. Hi ad líttora Japoniæ appúlси et suo múnere feliciter functi, ad religiόnis increméntum, in partem labóris áliis sóciis adscítis, ánimum suum convertérunt.

R. Sancti tui Dómine mirábile consecúti sunt iter, serviéntes præcéptis tuis, ut inveniréntur illæsi in aquis válidis. * Terra apparuit árida, et in mari Rubro via sine impediménto.

V. Quóniam percússit petram, et fluxérunt aquæ, et torréntes inundavérunt. Terra.

Lectio v.

MUltis próinde xenodochíis, cænóbiis et ecclésiis per diversa loca christiáno ritu excitátis, ibíque per triénnum prædicatiόni, jejúniis, vigíliis, précibus júgiter instándo, atque egenórum et languéntium ærúmnis miro charitátis ardóre subveniéndo, et fidèles plúrimos in via salutis confirmáruñt, et gentes innúmeras perduxére ad fidem. Qua de re gráviter commóti inánium deórum sacerdotes Imperatórem convéniant, eíque persuádent, impérium diu incólume non futúrum, ni Christiánam religiόnem

úndique gliscéntem a suis fñibus propulsándam curáret. Vano illo timóre percúlsus, Imperátor statim jussit, religiósos viros tamquam majestátis reos detinéri, dixítque in eos senténtiam crucis. Præter Petrum Baptístam et quinque sócios comprehénsi fuére Paulus Miki cum duóbus sóciis Japonénsibus ex Societáte Jesu, nec non Tertiárii quíndecim ex eódem Ordine Minórum Japonénses, quórum álii catechísimo, álii sacris officiis inseruíebant, quibus duo in vínculis ministrántes adáucti sunt; proindeque sex et vigínti explétus est númerus.

R. Vërbera carníficum non timuérunt sancti Dei, moriéntes pro Christinómine: * Uthærédes fierent in domo Dómini. V. Tradidérunt córpora sua propter Deum ad supplicia. Ut hærédes.

Lectio vi.

Post diutúrnum cárceris squalórem fortíssimi Christi Athlétæ, extrémæ sinístræ auris parte in Meacénsi foro públice mulctáti, revíntis post tergum mánibus, vili in pláustro per vias primum hujus metrópolis, tum aliárum Japoníæ úrbium sexcentórum milliariórum itínere terréstri, quo ignomínia et terror látius spargeréntur summa hýeme circumducúntur præeúnte lictóre, ac senténtiam crucis in eos præferénte, quod vétitam a tyránno Christi legem prædicássent. Illud memória dignum in itínere accidit, ut adolescénti Japonénsi António álteri ex Tertiáriis paréntes occurríssent, eúmque blandítiis et lácrymis conaréntur addúcere, ut Christo fidem fálleret, quibus constantíssime óbstitit, affírmans se terrénis ómnibus ac transitóriis despéctis únice Christo adhæsúrum, qui sibi æténa et coeléstia repromísit; dein vestem, qua operiebátur, eis restituit. Tandem Nangasáquium perducti crúcibus affigúntur, quæ jam in quodam colle quasi in Calvário parátæ erant; póstea in

altum eláti Christi fidem haud prædicáre cessábant. Enstuit quidem Paulus Miki, qui e triumpháli illa crucis cáthedra ad circumfúsam multitudinem pro Christiána religiône perorávit, illud palam sibi gratulátus quod in cruce ut Christus Dóminus, eadémque, atque ille, ætáte, suprémum expleret diem. Postrémó singuli, ab imis latéribus ad húmeros binis lánceis transfixi, victrices ánimas cœlo inseréndas emisére. Suórum mílitem gloriósum certámen váriis Deus condecoráre voluit signis: quibus rite probátis, Sacrórum Rítuum Congregátio ad eórum Canonizatió-nem quancúmque deveníri posse decrevit. Interim Urbánus Octávus Póntifex Máximus, hábita hujus Decréti relatióne, de eisdem Martýribus útpote in Beatórum fastis adscríptis Offícium et Missa quotánnis recitári et celebrári indúlxit. Tandem Divínæ Providéntiæ consílio factum est, ut Pius Nonus Póntifex Máximus hujusmodi judícium ad éxitum perduceret. Quare sacro Pentecóstes die anni milésimi octingentésimi sexagésimi secúndi magna et illústri Purpuratórum Patrum et Episcopórum, qui ex ómnibus Orbis Cathólici pártibus ad protuénda Ecclésiæ et Sedis Apostólicæ jura convéniant, coróna circúmdatus, eósdem Mártýres Sanctórum albo recensuit.

R. Tamquam aurum in fornáce probávit eléctos Dóminus, et quasi holocáusti hóstiam accépit illos: et in témpore erit respéctus illórum: * Quóniam donum, et pax est eléctis Dei. V. Qui confídunt in illum, intélligent veritátem: et fidéles in dilectióne acquiescent illi. Quóniam. Glória Patri. Quóniam.

In tertio Nocturno, Lectiones de Homilia Sancti Ambrosii Episcopi in Evangelium. Descéndens Jesus. [60]

Die 6. Februarii.

In Festo

S. Hyacinthæ de Mariscottis Virg.
Duplex.Omnia de Communi Virginum [93],
præter sequentia.

Oratio.

Deus, qui beatam Hyacintham Vir-
ginem tuam jugis mortificationis,
et charitatis victimam effecisti: ejus
nobis exemplo, et intercessione con-
cede, ut peccata nostra deflere, et te
semper diligere valeamus. Per Dñm.Lectioes primi Nocturni, De virgi-
nibus. ut in Communi. [97]

IN II. NOCTURNO.

Lectio iv.

HYacíntha nóbilis virgo Romána,
Marci Antónii de Mariscóttis,
Vignanélli Cómitis, quo in óppido
nata est, et Octáviæ Ursínæ filia, a
prima ætáte divínæ protectiónis argu-
ménta experiri cœpit, cum septénis
jam jam in púteum prolapsúra præ-
sénti Dei beneficio serváta est. Vitér-
bium missa ad Moniáles sancti Bernar-
dini, ut ab iis educarétur, ibi Tértii
Ordinis sancti Francísci institútum
adoléscens suscepit, non ita tamen,
ut sacra cum veste religiósos mores
indúeret; pompis enim, ac delíciis ali-
quándiu indúlsit; donec ex febris de-
cumbens, accíti ad se Confessárii op-
purtúna commonitióne percúlta, omni
vanietáti núncium remisit. Itaque an-
teáctæ vitæ máculis pœniténtiæ Sa-
craménto expiátis, in commúni triclí-
nio in gœna humíllime provolúta, lá-
crymis se próluens, ac flagélló in se
ipsam animadvértens, véniam a So-
róribus deprecáta est; tum ánnuam
pecúniám, ac spléndidam, atque su-
pérfluam suppelléctilem, mundi, ac
sui contémptrix, abdicávit: deinceps
vero nudis pédibus, vel, cum morbus
cógeret, subjécta sólea obtéctis, ac
única tantúmmodo túnica conténta,eáque rudi, obsoléta, et in eleemósy-
nam accépta, ac fune præcíncta, quoad
vixit, incéssit.R. Propter veritátem, et mansuetúdi-
nem, et justítiam: * Et dedúcet te mi-
rabíliter délixtera tua.V. Spécie tua, et pulchritúdine tua
inténde, prospere procéde, et regna.
Et dedúcet.

Lectio v.

PRæter ásperum vestítum, cilício,
vigíliis, labóribus fracta, assiduís-
que jejúniis extenuáta, corpus étiam
crebris verbéribus, ac spinárum ma-
nípulis lacerábat, adhíbito intérdum
altérius quoque Moniális bráchio ad
majórem sui córporis afflictatiónem,
quod ut magis magisque attéretet,
léctulo ex asséribus, solóque vili strá-
gulo instrúcto utebátur, ac pro pul-
villo saxum-adhibébat, quod in stra-
men ex obediéntia commutávit, in
quo altérutro pede ad crucem in con-
spéctu pósitam, caténa alligáto, bre-
víssimum somnum capiébat. Ad hæc
absýnthium, herbásque amaríssimas
mándere, Moniálium úlcerá, ac pan-
nícula sánie madéntia exosculári non
rénuít: scalas Monastérii, onústa in-
génti cruce, génibus ascéndere ali-
quándi consuévít; nunc quoque urtí-
cas, nunc ceras liquátas, modo nivem,
et gláciem, modo álveos rigéntium
aquárum ad maceratiónem adhíbuit.
Christi Dómini Passiõem, quam sum-
móperè venerabátur, apte a se exco-
gitáta atrocissimárum pœnárúm série
imitári in majóri hebdómada, singu-
lísque sextis fériis sólita fuit. Patién-
tia in perferéndis injúriis, christiána
humíltas, virginális verecúndia, ac
summa sedúlitas in Novítiis quibus
præerat, ad perfectiõem provehén-
dis, in ea mirífice eluxérunt. Animá-
rum quoque zelo incénsa, plures ini-
micítias sústulit; periclitántes puéllas
in tuto collocávit, plúrimis ad meliór-
em frugem tradúctis, in proximórum

salute procuranda, qua orationibus, qua voluntariis corporis cruciatibus, omni denique conatu iugiter incubuit. R. Dilexisti iustitiam, et odisti iniquitatem: * Propterea unxit te Deus, Deus tuus, oleo lætitiæ.

V. Propter veritatem, et mansuetudinem, et iustitiam. Propterea.

Lectio vi.

AGrorum in nosocomiis, ac pauperum patrocinium, quamquam inops, omni studio suscepit, et ut iisdem succurreret, non solum propriis ipsa manibus laborabat, et quotidianum sibi victum subtrahabat, frustulis panis contenta; sed Moniales etiam ac Matronas civitatis, virosque divites ad id operis alliciebat, atque undequaque poterat, subsidia corrobabat; quinimo, ut quam pro egenis et invalidis sollicitudinem ostenderat, perpetuo firmaret, duas Sodalitates, quæ eorundem curam gererent, institui curavit. Erga sanctissimum Eucharistiæ Sacramentum fuit vehementer affecta, cujus cultum ut in aliis quoque promoveret, illud frequenter per annum cum solenni pompa, quam Deo gratam fuisse nonnulla prodigia comprobaverunt, publicæ venerationi exponendum omnem operam adhibuit: Deiparam Virginem tam impense coluit, ut digna habita fuerit, quæ ejus apparitione recrearetur. Prophetiæ, contemplationis, lacrymarum dono, aliisque charismatibus floruit. Anno denique millesimo sexcentesimo quadragésimo, ætatis suæ quinquagésimo quinto inchoato in cælum evocata est, cujus corpus in Ecclesia sancti Bernardini Viterbii colitur, eamque Benedictus decimus tertius meritis et miraculis claram in Beatarum, Pius vero septimus in Sanctarum Virginum numerum retulerunt.

R. Afferentur Regi virgines post eam, proximæ ejus * Afferentur tibi in lætitia et exultatione.

V. Spécie tua, et pulchritudine tua intende, prospere procede, et regna. Afferentur. Glória Patri. Afferentur.

In tertio Nocturno de Homilia S. Gregorii in Evangelium. Símile erit regnum cœlorum. [101]

Nona Lectio erit de Homilia Feriæ occurrentis, et de ea fit commemoratio in Laudibus.

Postea de S. Dorothea Virg. Martyr.

Antiph. Símile est regnum cœlorum homini negotiatori quærenti bonas margaritas; inventa una pretiosa, dedit omnia sua, et comparavit eam.

V. Diffusa est grátia in labiis tuis.

R. Propterea benedixit te Deus in ætérnum. Oratio.

Indulgentiam nobis, quæsumus, Domine, beata Dorothea virgo et martyr impleret, quæ tibi grata semper extitit et merito castitatis, et tuæ professione virtutis. Per Dóminum.

Die 9. Februarii.

In Festo **S. Zosimi** Papæ Confessoris.

Duplex.

Omnia de Communi Confessoris Pontificis [62], præter sequentia.

In Hymno mutatur tertius versus.

Oratio. Da, quæsumus.

Lectiones primi Nocturni, Fidélis sermo. [64]

IN II. NOCTURNO.

Lectio iv.

Zosimus Græcus, Abrahæmi filius, post sanctum Innocéntium Romanæ Ecclesiæ Episcopatum suscepit. Is Africanorum Conciliorum decretis adversus Pelagianam hæresim sententiæ suæ robur adnexuit, et ad impiorum excidium gladio Petri dexteris omniium armavit Antistitum; iis namque ab ipso probatis, per totum mundum hæresis Pelagiána damnata est. Damnavit et Pelagium ipsum una cum Cœlestio, datis hac de re literis ad universam Ecclesiam.

R. Invéni David servum meum, óleo sancto meo unxi eum: * Manus enim mea auxiliábitur ei.

V. Nihil proficiet inimícus in eo, et fílius iniquitátis non nocébit ei. **Manus.**

Lectio v.

Ecclésiasticæ disciplínæ tenacíssimus fuit, complúribus ad eam ubíque sive servándam, sive restituéndam destinátis grávibus Epístolis. Defíniit juxta probátum Ecclesiæ morem, ut si quis ab infántia Ecclesiásticis ministériis nomen dedísset, inter Lectóres usque ad vigésimum ætátis annum, continuáta observatióne duráret. Si vero major jam, et grandævus post Baptísmum, sive inter Lectóres, sive inter Exorcístas, quinquénio tenerétur, et inde Acólythus, vel Subdiáconus, quátuor annis, et sic ad Diaconátum (si mererétur) accéderet, in quo Ordine quinque annis hærére debéret, et inde, suffragántibus votis, Sacerdótium promeréri posset.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei.

V. Invéni David servum meum, óleo sancto meo unxi eum. **Manus.**

Lectio vi.

Sancívit, ut Diáconi lævas linóstimis pallis tégerent, potestátémque fecit, ut per Paróchias Paschális Céreus benedicerétur. Cavit prætérea, ne Clérico póculum propinarétur in público, prætéquam in fidélium cellis, et máxime Clericórum. Qui cum sanctíssimè rexíset Ecclesiám annum unum, menses quátuor, dies septem quiévit in pace, sepultúsque est juxta corpus sancti Lauréntii mártiris via Tiburtína séptimo Kaléndas Januárii, Honório, et Theodósio junióre imperántibus. Una ordinatióne mense Decémbris creávit Presbýteros decem, Diáconos tres, Episcopos per diversa loca octo.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédat pro peccátis ómnium populórum.

V. Iste est qui contémpsit vitam mundi, et pervénit ad coeléstia regna. Ipse. **Gloria Patri. Ipse.**

In tertio Nocturno, Homilia super Evangelium. Homo pégre. de Comuni. [68]

Nona Lectio de Homilia Feriæ occurrentis; et de ea fit commemoratio.

Postea de S. Apollonia.

Antiph. Símile est. **V.** Diffúsa est. **R.** Proptérea. ut supra. [202]

Oratio:

Deus, qui inter cétera poténtiæ tuæ miracula, étiam in sexu frágili victóriam mártýrii contulísti: concede propítius; ut qui beátæ Apollóniæ vírginis et mártýris tuæ natalítia cólimus, per ejus ad te exémpa gradiámur. Per Dóminum.



Die 11. Februarii.

In Festo **S. Antheri Papæ Martyris.**

Duplex.

Omnia de Comuni unius Martyris [26], præter sequentia.

Oratio. Infirmitátem.

Lectiones primi Nocturni, A Miléto. de Comuni. [27]

IN II. NOCTURNO.

Lectio iv.

ANthérus, natióne Græcus, patre Rómulo, post sanctum Pontianum Romæ ordinátus est Episcopus. Is gesta Mártýrum diligénter a Notáriis conquisívit, ac in Ecclesiá recóndidit. Propter eam causam a Máximo Præfécto mártýrio coronátus est tértio Nonas Januárii, sepultúsque in Cœmetério Callísti via Appia, Maximíno Príncipe. Unica Ordinatióne mense Decémbris ordinávit Episcopum Fundánæ civitátis in Campánia. Sedit

in Pontificátu mensem unum, dies duódecim.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

V. Descendítque cum illo in fóveam: et in vínculis non derelíquit eum. Et dedit.

Sermo Sancti Augustíni Epíscopi.

Lectio v.

De verbis Dom. 50.

PAstor bonus Christus. Quid Petrus? Nonne bonus Pastor? Nonne et ipse ánimam suam pro óvibus pósuit? Quid Paulus? Quid céteri Apóstoli? Quid eórum témpora consequéntes beáti Epíscopi mártires? Quid étiam iste sanctus Anthérus? Nonne omnes Pastóres boni, non mercenárii, de quibus díctur; Amen dico vobis, percepérunt mercédem suam? Omnes ergo illi Pastóres boni, non solum, quia ságuinem fuderunt, sed quia pro óvibus fuderunt. Non enim fuderunt elatióne, sed charitáte.

R. Desidérium ánimæ ejus tribuísti ei, Dómine, * Et voluntáte labiórum ejus non fraudásti eum.

V. Quóniam prævenísti eum in benedictiónibus dulcédinis: posuísti in cápite ejus corónam de lápide pretiósó. Et voluntáte.

Lectio vi.

NAm et apud hæréticos, qui propter iniquitátes, et erróres suos áliquíd molestiárum perpéssi fuérunt, nómine mártýrii se jactant: ut hoc pállio dealbáti facílius furéntur, quia lupi sunt. Si autem vultis scire, in quo número habéndi sunt, Pastórem bonum Paulum Apóstolum audíte: quóniam non omnes, qui córpora sua in passióne étiam ígnibus tradunt, æstimándi sunt ságuinem fudísse pro óvibus, sed pótius contra oves. Si distribúero, inquit, ómnia mea paupéribus, et tradídero corpus meum, ut

árdeam: Jam ipsi sunt. Sed vide quid séquitur: Charitátem autem non hábeam, nihil mihi prodest. Ecce venítur ad passióem, ecce venítur et ad ságuinis effusióem, venítur et ad córporum incensióem; et tamen nihil prodest, quia cháritas deest. Adde charitátem prosunt ómnia: détrahe charitátem, nihil prosunt cætera.

R. Stola jucunditátis índuit eum Dóminus: * Et corónam pulchritúdinis pósuit super caput ejus.

V. Cibávit illum Dóminus pane vitæ et intelléctus: et aqua sapiéntiæ salutáris potávit illum. Et corónam. Glória Patri. Et corónam.

In tertio Nocturno de Homilia in Evangelium. Si quis venit. de Comuni. [32]

Nona Lectio, et commem. Feriæ.

Eadem Die.

In Festo

BB. Septem Fundatorum Ordin. Servorum B. M. V.

Duplex.

Vesperæ de S. Scholastica, a Capitulo de sequenti.

Si contigerit ob aliquam causam dicere Vesperas primas horum BB. integras, tunc dicitur Antiph. Sapiéntia, cum reliquis de Laudibus, [212]

Psalmus Dixit Dóminus. cum reliquis. ut in Comuni Apostol. [4]

Capitulum.

Hebr. 13.

FRatres, Mementóte præpositórum vestrórum, qui vobis locúti sunt verbum Dei, quorum intuéntes éxitum conversatióis, imitámini fidem.

Hymnus

pro pluribus locis.

Festívis résonent cántica pláusibus,
Et quam Virgo parens próvida
déstinat

Illústrem sóbolem, lúmine ut ímpleat
Orbem, láudibus éfferant.

Hi sunt, qui pátriæ sedis honóribus
Calcátis, súperant árdua móntium,
Ut myrrhæ lácrymas, atque ánimo
ferant

Mæstam thuris imáginem.

Hos satis décorat véstibus ínclita
Virgo, ut quam súbiit perníciam
fleant,

Cum Nati ingémuit trístia fúnera
Christi próxima stípi.

Servórum título signat ab æthere
Célestis Génitrix, et nova gérmína
In partem sóciat luctus, et ímperat,
Cœtum, hinc súrgere pérpetem.

Regis, qui súperum vólvere júgiter
Currēt supplicium, sèveaque præ-
dicet,

Quæ in templo Símeon mente pro-
phética

Matris vúlnera nóverat.

Acclíni Dóminum, Te prece póscimus
Sanctórum résera cómpita gréssibus
Signáta, et páribus nos quoque præ-
beas

Ad Te pérgerē víribus. Amen.

Alius Hymnus.

JAm nimis terris fácinus per omne
Noxa regnábat sine lege áberrans,
Inque peccántes súperi tonábant
Víndice dextra:

Quando lugéndis miseráta fatís
Virgo septénos Próceres corúscos
Sáanguine, et claros pietáte multa
Cælitus accit.

Accit afflíctis pópulis piándis
A tot ærúmnis, máculis, ruínis;
Accit et semper sibi servitúros
Strénuo amóre.

Veste lugúbri índuit, ut dolóres
Déflectant ejus, mage dum feráli
In trabe infánda périit cruente
Diva Propágo.

Fílios rursus vocitávit omnes,
Ut velut Matrem studiósē amántem
Créderent ipsam, pária et reférrent
Pígnota amóris.

Tunc quis exússit charitátis ignis
Pectus ipsórum! Date, quæso, Patres,
Fílios vestros páribus beátis
Ignibus uri.

Tu, Pater, præsta, tribue et Redémptor,
Tuque da nobis, Paracléte summe,
Víriginem Matrem cólere ac amáre,
Flere et in ævum. Amen.

V. Oráte pro nobis, Septem Beáti
Patres.

R. Ut digni efficiámur promissiõibus
Christi.

Ad Magnificat, Antiphona.

Isti sunt viri misericórdiæ, quorum
pietátes non defuérunt. Semen eórum,
et glória eórum non derelinquétur.

Oratio pro pluribus locis.

Deus, qui, ad recoléndam memó-
riam Dolórum Sanctíssimæ tuæ
Genitrícis per Septem Beátos Patres
nova Servórum ejus família Ecclé-
siam tuam fecundásti: concéde propí-
tius, ita nos eórum consociári flé-
tibus, ut perfruámur et gáudiis. Qui
vivis et regnas.

Alia Oratio.

Domine Jesu Christe, qui in jugem
memóriam Dolórum Sanctíssimæ
tuæ Genitrícis, per Septem Beátos
Patres nova Servórum ejus família
Ecclésiā tuā fœcundásti, concéde
nobis fámulis tuis in hac lacrymárum
valle degéntibus, ita ejúsdem mœstís-
simæ Matris sócios cum ipsis esse
passiõnum in terris, ut perpétuæ con-
solatiõnis consórtes fieri mereámur in
cœlis. Qui vivis et regnas.

Deinde fit commemor. S. Scholasticæ.

Antiph. Veni, sponsa Christi, áccipe
corónam, quam tibi Dóminus præpa-
rávit in ætérnum.

V. Diffúsa est grátia in lábiis tuis.

R. Proptérea benedíxit te Deus in
ætérnum.

Oratio.

DEus, qui ánimam beátæ vírginis tuæ Scholásticæ, ad ostendendam innocéntiæ viam, in colúmbæ spécie cælum penetráre fecísti: da nobis ejus méritis et précibus ita innocénter vívere, ut ad æténa mereámur gáudia perveníre.

Postea Feriæ occurrentis.

AD MATUTINUM.

Invitatorium. Mirábilem Dóminum in Servis Desparæ, * Veníte, adorémus.

Psalmus. Veníte, exultémus. 2.

Ubi in Vesperis dicitur Hymnus Jam nimis, in secundo versu penult. stroph. seq. Hymni, loco strénue dicitur máscule.

Hymnus.

PRæclára septem lúmina
Tusci micántis ætheris,
Vos Virgo Mater éxcitat,
Ut luce mundus spléndeat.

Vos labra lacte pérlyta
Servos Mariæ nóminant;
Tum Virgo vos Senários
Adíre colles ímperat.

Vos ipsa Mater ínclýta
Funébre pállio índuit,
Ut defleátis vúlnera,
Quæ pértulit sævíssima.

Hoc ipsa cœli e cúlmine
Petro revélat Mártyri,
Jubétque cœtum pérpetem
Hinc pósteris constítui.

Qui famuléntur júgiter,
Ipsámque semper díligant,
Colant, propágent, prædicent
Ejus Dolóres flébiles.

Quæso, Duces fortíssimi,
Ah! vos sequámur strénue,
Ardor, dolórque férvídu
In Vírginem nos óccupent.

Et tu, supérna Trínitas,
Perfúnde sancto róbores,
Vitámque fac non ímparem
Nostris Beátis dúcere. Amen.

IN I. NOCTURNO.

Antiph. In vértice móntium plantávit Regína Mártyrum víneam Justórum, qui Dolóres ejus meditabántur die ac nocte.

Psalmus 1.

BEátus vir, qui non ábiit in consílio impiórum, et in via peccatórum non stetit, * et in cáthedra pestiléntiæ non sedit.

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo:

Et fólium ejus non défluet: * et ómnia quæcúmque fáciat, prosperabúntur.

Non sic ímpii, non sic: * sed tamquam pulvis, quem prójicit ventus a fácie terræ.

Ideo non resúrgent ímpii in judício: * neque peccatóres in concílio justórum.

Quóniam novit Dóminus viam justórum: * et iter impiórum períbit.

Antiph. In vértice móntium plantávit Regína Mártyrum víneam Justórum, qui Dolóres ejus meditabántur die ac nocte.

Antiph. Dómina dixit ad eos: Fílii mei estis vos; exultáte, quia ego vos génui.

Psalmus 2.

Quare fremuérunt Gentes, * et pópuli meditáti sunt inánia?

Astitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in cœlis irridébit eos, * et Dóminus subsannábit eos.

Tunc loquétur ad eos in ira sua: * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præceptum ejus.

Dóminus dixit ad me: * Fílius meus es tu, ego hódie génui te.

Póstula a me, et dabo tibi Gentes hæreditátem tuam: * et possessiónem tuam términos terræ.

Reges eos in virga férrea, * et tamquam vas figuli confrínges eos.

Et nunc, reges, intelligíte: * erudímini, qui judicátis terram.

Servíte Dómino in timóre: * et exultáte ei cum tremóre,

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus: * beáti omnes, qui confidunt in eo.

Antiph. Dómina dixit ad eos: Fílii mei estis vos; exultáte, quia ego vos génui.

Antiph. Voce sua ad Dóminam clamáverunt, et exaudivit eos de monte sancto suo.

Psalmus 3.

Domine, quid multiplicáti sunt qui tríbulant me? * multi insúrgunt advérsus me.

Multi dicunt ánimæ meæ: * Non est salus ipsi in Deo ejus.

Tu autem, Dómine, suscéptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exurréxi, quia Dóminus suscepit me.

Non timébo mília pópuli circumdántis me: * exúrge, Dómine, salvum me fac, Deus meus.

Quóniam tu percussísti omnes adversántes mihi sine causa: * dentes peccatórum contrivísti.

Dómini est salus: * et super pópulum tuum benedíctio tua.

Antiph. Voce sua ad Dóminam clamáverunt, et exaudivit eos de monte sancto suo.

V. Lætámini in Dómino et exultáte justi.

R. Et gloriámini, omnes recti corde.

De libro Ecclesiástici.

Lectio i.

Cap. 44.

Laudémus viros gloriósos et paréntes nostros in generatióne sua. Multam glóriam fecit Dóminus magnificéntia sua a sæculo. Dominántes in potestátibus suis, hómnes magni virtúte, et prudéntia sua præditi, nuntiántes in Prophétis dignitátem Prophetárum, et imperántes in præsentí pópulo, et virtúte prudéntiæ pópulis sanctíssima verba. In perítia sua requiréntes modos músicos, et narrántes cármina Scripturárum.

R. Lætábitur desérta et ínvia, et exultábit solitúdo: * Et florébit quasi lílium.

V. Gérminans germinábit et exultábit lætabúnda et laudans. **E**t florébit.

Lectio ii.

Homines dívites in virtúte pulchritúdinis stúdiu habéntes, pacificántes in dómibus suis. Omnes isti in generatió nibus gentis suæ glóriam adépti sunt, et in diébus suis habéntur in láudibus. Qui de illis nati sunt, reliqué runt nomen narrándi laudes eórum; et sunt, quorum non est memória: perierunt quasi non fúerint; et nati sunt quasi non nati; et fílii ipsórum cum ipsis.

R. Sáliet sicut cervus claudus, et apérta erit língua mutórum: * Quia scissæ sunt in déserto aquæ, et torréntes in solitúdine.

V. In cubílibus, in quibus prius dracones habitábant, oriétur viror cálami et junci. **Quia.**

Lectio iii.

Sed illi viri misericórdiæ sunt, quorum pietates non defuerunt: cum semine eorum permanent bona, hæreditas sancta, nepotes eorum, et in testamentis stetit semen eorum; et filii eorum propter illos usque in æternum manent: semen eorum et glória eorum non derelinquétur. Corpora ipsorum in pace sepulta sunt, et nomen eorum vivit in generatióem et generatióem. Sapiéntiam ipsorum narrent populi, et laudem eorum nuntiet Ecclésia.

R. Hæc est vera fraternitas, quæ regnum mundi et omnem ornatum sæculi contempsit, * Propter amorem Domini Jesu Christi.

V. Ecce quam bonum et quam jucundum habitare, fratres, in unum. **P**ropter. Glória Patri. **P**ropter.

IN II. NOCTURNO.

Antiph. Non diligentes vanitatem nec requirentes mendacium, omnia sæculi bona abdicaverunt, et a Domino mirificati sunt.

Psalmus 4.

Cum invocarem, exaudivit me Deus justitiæ meæ: * in tribulatione dilatasti mihi.

Miserere mei, * et exaudi orationem meam.

Filii hominum, usquequo gravi corde? * ut quid diligitis vanitatem, et queritis mendacium?

Et scitote quoniam mirificavit Dominus sanctum suum: * Dominus exaudiet me, cum clamavero ad eum.

Irascimini, et nolite peccare: * quæ dicitis in cordibus vestris, in cubilibus vestris compungimini.

Sacrificate sacrificium justitiæ, et sperate in Domino. * Multi dicunt: Quis ostendit nobis bona?

Signatum est super nos lumen vultus tui, Domine: * dedisti lætitiā in corde meo.

A fructu frumenti, vini, et olei sui * multiplicati sunt.

In pace in idipsum * dormiam, et requiescam;

Quoniam tu, Domine, singulariter in spe * constituisti me.

Antiph. Non diligentes vanitatem nec requirentes mendacium, omnia sæculi bona abdicaverunt, et a Domino mirificati sunt.

Antiph. In multitudine misericordiæ Domine suæ sperantes, introierunt in domum ejus, et adoraverunt ad templum sanctum ejus.

Psalmus 5.

Verba mea auribus percipe, Domine, * intellige clamorem meum.

Intende voci orationis meæ, * Rex meus, et Deus meus.

Quoniam ad te orabo: * Domine, mane exaudies vocem meam.

Mane astabo tibi, et videbo: * quoniam non Deus volens iniquitatem tu es.

Neque habitabit juxta te malignus: * neque permanebunt iniusti ante oculos tuos.

Odisti omnes, qui operantur iniquitatem: * perdes omnes, qui loquuntur mendacium.

Virum sanguinum, et dolosum abominabitur Dominus: * ego autem in multitudine misericordiæ tuæ.

Introibo in domum tuam: * adorabo ad templum sanctum tuum in timore tuo.

Domine, deduc me in justitia tua: * propter inimicos meos dirige in conspectu tuo viam meam.

Quoniam non est in ore eorum veritas: * cor eorum vanum est.

Sepulchrum patens est guttur eorum, linguis suis dolose agebant, * iudica illos, Deus.

Décidant a cogitationibus suis, secundum multitudinem impietatum eorum expelle eos: * quoniam irritaverunt te, Domine.

Et læténtur omnes, qui sperant in te:
* in ætérnum exultábunt, et habitábis
in eis.

Et gloriabúntur in te omnes, qui díli-
gunt nomen tuum: * quóniam tu be-
nedíces justo.

Dómine, ut scuto bonæ voluntátis
tuæ * coronásti nos.

Antiph. In multitudíne misericórdiæ
Dóminæ suæ sperántes, introiérunt
in domum ejus, et adoravérunt ad
templum sanctum ejus.

Antiph. Ex ore infántium et lactén-
tium Servos tuos illos dicéntium per-
fecísti, Dómina, laudem eórum. Quam
admirábile est nomen tuum!

Psalmus 8.

Domine, Dóminus noster, * quam
admirábile est nomen tuum in
univérsa terra!

Quóniam eleváta est magnificéntia
tua * super cœlos.

Ex ore infántium et lacténtium per-
fecísti laudem propter inimícos tuos,
* ut déstruas inimícum et ultórem.

Quóniam vidébo cœlos tuos, ópera
digitórum tuórum: * lunam et stellas,
quæ tu fundásti.

Quid est homo, quod memor es ejus?
* aut fílius hóminis, quóniam vísitas
eum?

Minuísti eum paulo minus ab Ange-
lis, glória et honóre coronásti eum: *
et constituísti eum super ópera má-
nuum tuárum.

Omnia subjecísti sub pédibus ejus, *
oves et boves univérsas, insuper et
pécora campi;

Vólucres cœli, et pisces maris, * qui
perámbulant sémitas maris.

Dómine, Dóminus noster, * quam ad-
mirábile est nomen tuum in univérsa
terra!

Antiph. Ex ore infántium et lactén-
tium Servos tuos illos dicéntium per-
fecísti, Dómina, laudem eórum. Quam
admirábile est nomen tuum!

V. Exúltent Justi in conspéctu Dei.

R. Et delecténtur in lætítia.

Lectio iv.

Decimotértio Christiáni nóminis sæ-
culo inter álios Florentínos patrí-
tios septem erant avórum sángine,
opibúsque illústres, at virtútibus spec-
tátis suis longe illustrióres, nuncupáti,
ut Religióni nomen dedére, Bonfilius
Monáldius, Bonajúncta Manétti, Ma-
néttus Antellénsis, Amídeus de Amí-
deis, Ugúccio Ugucciónius, Sosté-
neus de Sosténeis, demum Aléxius
de Falconériis. Cum hi trigesimo-
tértio supra millésimum ac bis cen-
tésimum annum, auspicatíssimo As-
súptæ Vírginis festo in sodalítio quo-
dam, cui título Laudéntium erat, au-
gustíssimæ Dei Genitríci, prout par
erat, laudes exsólverent, ab eádem
dulcíssime iis apparénte inopíne mo-
néri se séntiunt ad sublimiórís vitæ
genus, posthábito mundo, amplectén-
dum; absolutisque idcirco, quibus
dabant óperam, láudibus, conféstim
pérciti in unum, collatísque mútuo
consíliis, supérni Dei vocántis vocan-
tisque Deíparæ oráculis parére mox
decrevérunt; quod et sédulo factum
est ab iisdem; nam consúlto statim
matúre urbis Epíscopo, post fortúnæ
abdicátis bonis erogátisque ample in
egénos, cilíciis carni obstríctis, vilió-
ribus detritisque véstibus, cinérei co-
lóris indúti, in rurálem parvam ædicu-
lam secessérunt. Natalítio die aman-
tíssimæ ipsórum Paréntis, ut vitæ
sanctiórís primórdia óptime infrent,
qua die mortálibus orta sacratíssimam
vitam ipsa inchoáverat.

R. Omnes isti congregáti sunt, vené-
runt, Dómina, tibi: * Et ómnibus his
velut ornámento vestiéris.

V. Et circúmdabis tibi eos quasi
sponsa. **Et** ómnibus.

Lectio v.

Sic Septem Beáti Viri charitátis fé-
dere devíncti eádem in domo se-

met unierant; cum ecce per urbem visos, statim, Dómino sic disponente moventéque infantíles voces Deípara, ex infántium ore ac lacténtium, inter quos tum puer erat sanctus Philíppus Benítius, vix quintum mensem ingrés-sus, se Mariæ clamári Servos inspe-ráto est audítum. Quanta tunc et ex-índe amóris flamma in Dóminam suam, cujus (ignáris ipsis) declaráti servi erant, excitátis stúdiis exárserint, non fáci-le est explicátu. Illud solum sci-tur, quod sic ei se dedidérunt, ut vé-luti Matrem suam venerári, maximó-que honóre habére, morem ei gérere in ómnibus et obtemperáre propter eam cunctis summópere studúerint. Hinc étiam ádeo jucúndi, grátique ei fuére, ut, cum, vitatúri pópuli plau-sum, in Senárium montem ab ipsa iis præosténsu habitatúri teténderint, ibíque crucifíxum Jesum, mœstissi-mámque Matrem doléntes assídue re-cólerent; apparuit illa eis, habitúque lúgubri assignáto in memóriam Do-lórum suórum, ut compateréntur istis, eos consecrávit.

R. Vocábo servos meos et induam illos túnica mea, et cingulo meo confortábo eos: * Et potestátem meam dabo in mánibus eórum.

V. Et erunt quasi patres habitántibus Jerúsalem. Et potestátem.

Lectio vi.

ITa cinerficiis véstibus, indulgente étiam Epíscopo, in nigras mutátis, post nonnúllos annos, fortunátis qui-dem auspíciis, claríssimum illud Præ-dicatorum Ordinis decus sanctus Pe-trus Martyr Floréntiam accéssit, et, audíta, inspectáque simul non fucáta sanctimónia ipsórum, ita Dei amíci se cœpérunt mútuo dilígere, ut familia-ríssime versaréntur invicem secum, seséque altérne fovérent. Inter cé-tera porro illud áccidit, quod, speránte ínclyto Mártire honórem Deo non módicum, magnum terris cómodum

próditum iri, si, propítia Vírgine, longe latéque propagaréntur, una cum ipsis impénse eam exoránte, ut arguménto áliquo voluntátem suam patefáceret, invocáta Virgo amans in visiône ei revelávit, se Viros illos Septem et qui ventúri erant post eos, inter mundi hómínes omnes ad singuláre servítium suum selegísse, et commiserándis pœ-nis jam latis suis amaríssimis con-struéndum Ordinem esse ad sui honó-rem et glóriam. Hoc prodigióso Vir-gíneo decréto animáti humíllimi Pa-tres, non quia suæ mentis fuísset suc-cessóres pósteros gígnere, sed ut iussa reseráta fácerent suprémae eórum Re-gínæ, quæ nómine suo duratúram sibi famíliam fundári volúerat, institúere deinceps sacrum Servórum Ordinem decrevérunt, non tam ut primi ejus fundatóres, quam ut cœléstis suæ fun-datrícis minístri obsequéntes: quos proínde Dóminus, ut servos bonos et fídeles suos ac Matris, in vita multis virtútibus, in morte multis prodígiis, post tránsitum múltis miráculis ador-návit; novíssime vero Benedictus De-cimustértius, ejus Institúti proféssor, cujus sanctus Petrus erat, ejus quo-que in eos hæres amóris, Póntifex re-nunciátus, eórum miram institutió-nem, ut inclarésceret orbi, lectióni-bus his recenséri peramánter consú-luit ac mandávit.

R. Vidi conjúctos Viros habéntes lúgubres vestes; et Angelus Dómini locútus est ad me, dicens: * Isti sunt Viri sancti facti, amíci Dei.

V. Vidi Angelum Dei fortem volántem per médium cœlum, voce magna cla-mántem et dicéntem. Isti. Glória Patri. Isti.

IN III. NOCTURNO.

Antiph. Ingrediéntes sine mácula, et operántes justítiam habitavérunt in tabernáculo tuo et requievérunt in monte sancto tuo.

Psalmus 14.

Domine, quis habitabit in tabernáculo tuo? * aut quis requiescet in monte sancto tuo?

Qui ingreditur sine mácula, * et operátur justítiam:

Qui loquitur veritátem in corde suo, * qui non egit dolum in lingua sua:

Nec fecit próximo suo malum, * et oppróbrium non accépit advérsus próximos suos.

Ad nihilum dedúctus est in conspéctu ejus malignus: * timéntes autem Dóminum glórficat:

Qui jurat próximo suo, et non decipit, * qui pecúniám suam non dedit ad usúram, et múnera super innocéntem non accépit.

Qui facit hæc, * non movébitur in ætérnum.

Antiph. Ingrediéntes sine mácula, et operántes justítiam habitavérunt in tabernáculo tuo et requievérunt in monte sancto tuo.

Antiph. Glóriam et magnum decórem imposuísti super eos, Regína Mártyrum, cum in memóriam Dolórum tuórum lúgubrem vestem eos induísti.

Psalmus 20.

Domine, in virtúte tua lætábitur rex: * et super salutáre tuum exultábit veheménter.

Desidérium cordis ejus tribuísti ei: * et voluntáte labiórum ejus non fraudásti eum.

Quóniam præveniísti eum in benedictiónibus dulcédinis: * posuísti in cápite ejus corónam de lapide pretióso.

Vitam pétiit a te: * et tribuísti ei longitúdinem diérum in sæculum, et in sæculum sæculi.

Magna est glória ejus in salutári tuo: * glóriam et magnum decórem impónes super eum.

Quóniam dabis eum in benedictiónem in sæculum sæculi: * lætificábis eum in gáudio cum vultu tuo.

Quóniam rex sperat in Dómino: * et in misericórdia Altíssimi non commovébitur.

Inveniátur manus tua ómnibus inimícis tuis: * dextera tua invéniat omnes, qui te odérunt.

Pones eos ut clibanum ignis in témpore vultus tui: * Dóminus in ira sua conturbábit eos, et devorábit eos ignis.

Fructum eórum de terra perdes, * et semen eórum a fíliis hóminum.

Quóniam declinavérunt in te mala: * cogitavérunt consília, quæ non potuérunt stabilíre.

Quóniam pones eos dorsum: * in reliquiis tuis præparábis vultum eórum.

Exaltáre, Dómine, in virtúte tua: * cantábitus et psallémus virtútes tuas.

Antiph. Glóriam et magnum decórem imposuísti super eos, Regína Mártyrum, cum in memóriam Dolórum tuórum lúgubrem vestem eos induísti.

Antiph. Hæc fuit generátio quæréntium Stellam ex Jacob. Te laudámus, Rex glóriæ.

Psalmus 23.

Domini est terra, et plenitúdo ejus: * orbis terrárum, et univérsti qui hábitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens manibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino, * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Antiph. Hæc fuit generátio quæréntium Stellam ex Jacob. Te laudámus, Rex glóriæ.

V. Justi autem in perpétuum vivent.

R. Et apud Dóminum est mercese órum.

Lectio sancti Evangélíi secúndum
Lucam.

Lectio vii.

Cap. 12. d.

IN illo témpore: Dixit Jesus discí-
pulis suis: Nolíte timére pusíllus
grex, quia complácuít Patri vestro
dare vobis regnum. Et réliqua.

Homília venerábilis Bedæ Presbýteri.

Lib. 4. cap. 54. in Luc. 12.

PUSíllum gregem electórum, vel ob
comparatióem majóris númeri
reprobórum, vel pótius ob humilitátis
devotióem nóminat: quia vidélicet
Ecclésiám suam quantálibet numero-
sitate jam dilatátam, tamen usque ad
finem mundi humilitáte vult créscere,
et ad promíssum regnum humilitáte
perveníre. Ideóque ejus labóres blan-
de consolátus, quam regnum Dei tan-
tum quærere præcipit, eidem regnum
a Patre dandum complácita benigni-
táte promíttit.

R. Dábitur lugéntibus Sion coróna
pro cínere, óleum gáudii pro luctu,
pállium laudis pro spírítu mœróris: *
Et vocabúntur fortes justítiæ, plantá-
tio Dómini ad glorificándum.

V. Sacerdótes Dómini vocabúntur mi-
nistri Dei nostri. Et vocabúntur.

Lectio viii.

VEndite quæ possidétis, et date
eleemósynam. Nolíte, inquit, ti-
mére, ne propter regnum Dei mili-
tántibus hujus vitæ necessária desint:
quin étiam posséssa, propter eleemó-
synam véndite. Quod tunc digne fit,

quando quis semel pro Dómino, suis
ómnibus spretis, nihilóminus post hæc
labóre mánuum, unde et victum trans-
figere, et eleemósynam dare queat,
operátur. Unde gloriátur Apóstolus,
dicens: Argéntum et aurum, aut ves-
tem nullus concupívi: ipsi scitis, quó-
niam ad ea, quæ mihi opus erant, et
his qui mecum sunt, ministravérunt
manus istæ. Omnia osténdi vobis,
quóniam sic laborántes opórtet sus-
cípere infirmos.

R. Ego quasi vitis fructificávi suavi-
tatem odóris: * Et flores mei fructus
honóris et honestátis.

V. Ego Mater pulchræ dilectiόνis, et
timóris, et agnitiόνis et sanctæ spei.
Et flores. Glória Patri. Et flores.

Nona Lectio legitur de Homilia Fe-
riæ occurrentis, et de ea fit commem.

AD LAUDES ET PER HORAS.

Antiph. Sapiéntia ædificávit sibi
domum, excídit columbas septem.

Psalmus. Dóminus regnávit. cum re-
liquis. 14.

Antiph. Isti sunt Viri Septem boni
testimónii, pleni Spírítu sancto et sa-
piéntia.

Antiph. Appáruit eis Dómina An-
gelórum et diléxit eos in visióne, et
in agnitióne magnálium suórum.

Antiph. Beáti Viri tui, Regína óm-
nium: beáti Servi tui, qui stant co-
ram te semper.

Antiph. Laudem dícite Deo nostro,
omnes Servi ejus, et qui timétis eum
pusílli et magni.

Capitulum.

Hebr. 13.

FRatres, Mementóte præpositórum
vestrórum, qui vobis locúti sunt
verbum Dei, quorum intuéntes éxitum
conversatiόνis, imitámini fidem.

Hymnus
pro pluribus locis.

M Atris sub almæ númine
Septéna Proles náscitur,
Ipsa vocánte ad áasperum
Senárii tendit vérticem.

Q uos terra fructus próferet,
Dum sacra Proles gérmínat,
Uvis repénite túrgidis
Onusta vitis éducet.

Virtúte claros nóbili
Mors sancta Cœlo cónsecrat,
Tenéntque olýmpi límina
Servi fidéles Vírgini.

O gens beáta, réspice
Regno potíta Núminis,
Quos hinc recédens tártari
A fraude cinctos déseris.

Ergo per almæ vúlnera
Matris rogámus súpplices,
Mentis tenébras ámove,
Cordísque fluctus cómprime.

Et tu, supérna Trínitas,
Perfúnde sancto róbores,
Vitámque fac non ímparem
Nostris Beátis dúcere. Amen.

Alius Hymnus.

Inclyti Patres, Dominaéque mundi
Impigri Servi, famulátus iste,
Dícite, oh quali rútila coróna
Vos redimívit!

Noscis ad Cœlos súbito evocátus
Omnium princeps, célebris Monálde,
Quem sibi ut charum Génitrix su-
préma
Duxit ad æthram.

Tuque, dic nobis, Bonajúncta felix,
Qui Dei funus mémorans ad aram,
Dum recensébas obísse Jesum,
Lætus obísti.

Indica et tu, Sosténée, ac Ugúcci,
Ambo qui e terris simul emigrástis
Angelos inter, revehénte secum
Vírgine utrúmque.

Te modo cuncti résonent, Manétte,
Qui, velut cýcnus cíneri propínquus,
Occinens hymnos álacer Mariæ,
Fata subísti.

Sic, Amídee, et tibi gratulámur,
Cujus ardórem moriéntis, ignis
Visus efférvens ápice in Senári
Belle aperívit.

Nunc tibi festis módulis, Aléxi,
Pláudimus gnari, prope vitæ agónem
Víriginis Natum tibi blandiéntem
Serta dedísse.

Sit decus Patri, parilíque Proli,
Flámini et Sancto, tribuántque nobis
Æmulos horum fieri in colénda
Vírgine Diva. Amen.

V. Exultábunt Sancti in glória.

R. Lætabúntur in cubílibus suis.

Ad Benedictus, Antiphoná.

Fecit misericórdiam Dóminus cum
pátribus nostris; eréxit nobis cornu
salútis in domo suæ Genitrícis. Ser-
viámus illi.

Oratio
pro pluribus locis.

Deus, qui, ad recoléndam memóriam
Dolórum Sanctíssimæ tuæ Geni-
trícis, per Septem Beátos Patres nova
Servórum ejus familia Ecclésiám tuam
fecundásti: concéde propítius, ita nos
eórum consociári flétibus, ut perfruá-
mur et gáudiis. Qui vivis et regnas.

Alia Oratio.

Domine Jesu Christe, qui, in jugem
memóriam Dolórum Sanctíssimæ
tuæ Genitrícis, per Septem Beátos
Patres nova Servórum ejus familia
Ecclésiám tuam fecundásti: concéde
nobis fámulis tuis in hac lacrymárum
valle degéntibus, ita ejúsdem mœstís-
simæ Matris sócios cum ipsis esse pas-
sionum in terris, ut perpétuæ conso-
laciónis consórtes fieri mereámur in
cœlis. Qui vivis et regnas.

**Deinde fit commemoratio Feriæ oc-
currentis.**

Ad Tertiam.

Antiph. Isti sunt.

Capitulum.

Hebr. 13.

Fratres, Mementóte præpositórum vestrórum, qui vobis locúti sunt verbum Dei, quorum intuéntes éxitum conversatiónis, imitámini fidem.

R. br. Lætámini in Dómino, * Et exultáte, Justi. **Lætámini.**

V. Et gloriámini, omnes recti corde. Et exultáte. **Glória Patri. Lætámini.**

V. Exúltent Justi in conspéctu Dei.

R. Et delecténtur in lætítia.

Ad Sextam.

Antiph. Appáruit eis.

Capitulum.

Eccli. 44.

Omnes isti in generatióibus gentis suæ glóriam adépti sunt, et in diébus suis habéntur in láudibus.

R. br. Exúltent Justi, * in conspéctu Dei. **Exúltent.**

V. Et delecténtur in lætítia. In conspéctu. **Glória Patri. Exúltent.**

V. Justi autem in perpétuum vivent.

R. Et apud Dóminum est merces eórum.

Ad Nonam.

Antiph. Laudem dícite.

Capitulum.

Eccli. 44.

Filii eórum propter illos usque in ætérnum manent. Semen eórum et glória eórum non derelinquétur.

R. br. Justi autem * In perpétuum vivent. **Justi.**

V. Et apud Dóminum est merces eórum. In perpétuum. **Glória Patri. Justi.**

V. Exultábunt Sancti in glória.

R. Lætabúntur in cubílibus suis.

In II. Vesperis.

Antiph. Sapiéntia, cum reliquis ut supra in Laudibus. [212]

-Psalmus. Dixit Dóminus, cum reliquis ut in primis Vesperis Apostol. [4]

Capitulum, Hymnus et V. ut supra in primis Vesperis. [204]

Ad Magnificat, Antiphona.

O magnum charitátis opus! Regína géneris humáni primis Servórum Pátribus mire appárens, e mundo eos evocáre, singuláriter sibi selígere, lúgubrem vestem induére, unáque cum pósteris in peculiáres servos ac filios consecráre dignáta est. Te, mater dulcíssima, et Dómina, laudámus, benedícimus, glorificámus.

Oratio

pro pluribus locis.

Deus, qui, ad recoléndam memóriam Dolórum Sanctíssimæ tuæ Genitrícis, per Septem Beátos Patres nova Servórum ejus família Ecclésiám tuam fecundásti: concéde propítius, ita nos eórum consociári flétibus, ut perfruámur et gaudiis. Qui vivis et regnas.

Alia Oratio.

Domine Jesu Christe, qui, in jugem memóriam Dolórum Sanctíssimæ tuæ Genitrícis, per Septem Beátos Patres nova Servórum ejus família Ecclésiám tuam fecundásti: concéde nobis fámulis tuis in hac lacrymárum valle degéntibus, ita ejúsdem mœstíssimæ Matris sócios cum ipsis esse passiónum in terris, ut perpétuæ consolationis consórtes fieri mereámur in Cœlis. Qui vivis et regnas.

Et fit commemoratio Feriæ.

Die 12. Februarii.

In Festo

S. Telesphori Papæ Martyris.

Duplex.

Omnia de Communi unius Martyris [26], præter sequentia.

Oratio. Deus, qui nos.

Lectiones primi Nocturni, A Miléto. de Communi. [27]

IN II. NOCTURNO.

Lectio iv.

Telésphorus, natióne Græcus, pátria Thuriénsis in magna Græcia, ex Presbýtero Románæ Ecclesiæ (cujus dignum minístrum égerat) Póntifex Máximus creátus est. Hoc supré- mum munus ita óbiit, ut exímíus Petri Succéssor lectus esse viderétur. In ejus Cáthedra sedit sub Imperatóre Antoníno Pio, fervénte persecuti- ónis æstu. Qui tamen non óbstítit, ne sédulam óperam regéndæ Christi Ecclesiæ solícitus navárit.

R. Honéstum fecit illum Dóminus, et custodívit eum ab inimícis, et a se- ductóribus tutávit illum: * Et dedit illi claritátem ætérrnam.

V. Descendítque cum illo in fóveam: et in vínculis non derelqúit eum. Et dedit.

Lectio v.

Hinc novis decretis multa illum egrégie sancivísse légimus, quæ ad fidélium mores, Ecclesiasticórum libertátem, et sacros ritus áttinent; scflicet Quadragesimále jejúnium, jam olim ab Apóstolis tráditum, novo edícto restaurásse, ac mandásse ut in Natáli Dómini sanctum Missæ Sa- crificium ter celebrarétur, média noc- te, illucescénte auróra, hora demum tértia post solis ortum, et constituísse, ut sacræ Liturgíæ hymnus Angélicus, Glória in excélsis Deo, adderétur.

R. Desidérium ánimæ ejus tribuísti ei, Dómine, * Et voluntáte labiórum ejus non fraudásti eum.

V. Quóniam prævenísti eum in bene- dictiónibus dulcédinis: posuísti in cá- pite ejus corónam de lápide pretióso. Et voluntáte.

Lectio vi.

Edixísse quoque, ne Sacerdótes a pópulo argueréntur, ut sublímis Ordinis dignitáti consúleret. Ordina- tióne quadrúplici, mense Decémbri,

creávit Presbýteros duódecim, Diáco- nōs octo, Epíscopos tresdécim per di- vērsa loca. Cum autem in propagánda fide ardentíssimus esset, ac proínde idolórum sacerdotibus invísus, cap- tus tandem, cápitis abscissióne mar- týrium consummávit Nonis Januárii, et ejus corpus in Vaticanó sepúl- tum est.

R. Stola jucunditátis índuit eum Dó- minus: * Et corónam pulchritúdinis pósuit super caput ejus.

V. Cibávit illum Dóminus pane vitæ et intelléctus: et aqua sapiéntiæ sa- lutáris potávit illum. Et corónam. Glória Patri. Et corónam.

In tertio Nocturno de Homilia in Evangelium. Si quis vult post me ve- níre. de Communi secundo loco. [35]

Nona Lectio, et commemor. Feriæ.



Die 13. Februarii.

In Festo

S. Gregorii II. Papæ Confessoris.

Duplex.

Omnia de Communi Confessoris Pon- tificis [62], præter sequentia.

Oratio. Da, quæsumus.

In primo Nocturno Lectiones. Fidé- lis sermo. de Communi. [64]

IN II. NOCTURNO.

Lectio iv.

Gregórius hujus nóminis secúndus, natióne RománuS, patre Marcéllō, anno Christi septingentésimo décimo quarto, mirábili totíus Cleri, et pópuli concórdia ad suprémuM Ecclesiæ Ca- thólicæ PontificátuM evéctus est. Hic a puerítia divíno cúltui addíctus in La- teranénsi Patriarchíō sub beáti Sérgii óculis, et disciplína víxerat, Subdiá- coní primum, tum Sacellárii múnere functus. Mox Bibliothécæ cura illi crédita, ad Diaconátus tandem Ordí- nem promótus, in régiam Urbem, una

cum sanctissimo Papa Constantino profectus est. Ibi ab Imperatore de nonnullis capitibus interrogatus, cum sacrarum literarum peritissimus esset, et constantissimus rerum Ecclesiasticarum defensor, optima, et catholica responsione, Principi satisfecit.

R. Inveni David servum meum, oleo sancto meo unxi eum: * Manus enim mea auxiliabitur ei.

V. Nihil proficiet inimicus in eo, et filius iniquitatis non nocébit ei. Manus.

Lectio v.

URbis mcenia contra Longobardorum excursiones aliqua ex parte reparavit. Aliquot Basilicas temporum injuria collapsas restituit. Urbana Monasteria fere deserta, et Monachos in pristinam formam, et disciplinam redégit. Imo post mortem Honestæ matris, paternam domum in Ecclesiam, et Monasterium commutavit, quod multis prædiis instructum reliquit. Corbinianum, et Bonifacium, viros Apostolico spiritu plenos, in Germaniam misit, ad prædicandum Gentilibus Christi Evangelium, eosque sacris Episcopatus infulis decoravit, postquam innúmeram Paganorum multitudinem ab iis ad Christi fidem conversam fuisse accepisset. Ut omnes optimi Pastoris partes impleret, optimis legibus Ecclesiasticam disciplinam, et Christianorum mores instruxit. Géminam Synodum Romæ habuit, alteram adversus illicita conjugia, alteram adversus Iconoclastas.

R. Pósuí adjutórium super poténtem, et exaltávi eléctum de plebe mea: * Manus enim mea auxiliabitur ei.

V. Inveni David servum meum, oleo sancto meo unxi eum. Manus.

Lectio vi.

LEónem Isáurum sacrarum Imaginum destructorem variis epistolis ab illa hæresi removére, omnique illum officiõrum genere sibi demereri

stúduit; cum tamen hic ad sceleris cúlum, optimum Pontificem neci tradere ferro sèxies, semel auro, et munéribus corrumpere, quamvis frustra, tentasset. Luitprándo cum Exárcho ad excídium Urbis properánti sanctissimus Póntifex, Dei fretus præsidio, ad prata Nerónis occurrít, et piis mónitis Regis ánimum ita molli-vit, ut non jam hostis, sed pius adorátor ensem, et corónam Principi Apostolórum obtúlerit. Cum autem Imperátor destructiónem machinarétur, eúmdem diro anathémate percúlit, et, ínito cum Francis fœdere, ab ímpio molímine deterruit. Rebus demum præcláre gestis, quibus máximis quibúsque Prædecessórum suórum æquiparátur, pie óbiit in Dómino, sexto Pontificátus anno, et in Basílica Vaticána cónditus est.

R. Iste est qui ante Deum magnas virtutes operátus est, et omnis terra doctrína ejus repléta est: * Ipse intercédát pro peccátis ómnium populórum. V. Iste est qui contémpsit vitam mundi, et pervénit ad coeléstia regna. Ipse. Glória Patri. Ipse.

In tertio Nocturno, Lectiones de Homilia in Evangel. Homo péregre. de Communi. [68]

Lectio nona, et commemoratio Feriæ occurrentis.

In secundis Vesperis.

Oratio. Exáudi.

Eadem Die.

In Festo

S. Catharinæ de Ricciis Virginis.

Duplex.

Omnia de Communi Virginum [93], præter hæc propria.

Oratio.

Domine Jesu Christe, qui beátam Catharinam, Virginem, tui amóre

succénsam, passiónis contemplatióne claréscere voluísti: ejus intercessióne concéde; ut, passiónis mystéria devóte recoléntes, ejus fructum percípere mereámur. Qui vivis.

Lectioes primi Nocturni. De virgí-
nibus, de Communi. [97]

IN II. NOCTURNO.

Lectio iv.

CAtharina, nóbili familia de Rícciis Floréntiæ nata, vel ab ineúnte ætáte piam índolem præmatúre osténdit. In suburbáno monastério sancti Petri de Monticéllis, ubi morum disciplína imbuerétur, collocáta, quotidie ad Christi crucifíxi imáginem orans, non sine lácrymis, horis étiam ánimí relaxatióni addíctis, ejus passiónem meditabátur. Ad monastérium póstea sancti Vincéntii, Ordinis sancti Domínici, in civitáte Prati transláta, patérnos lares ad tempus repétere, nisi certa spe réditus hábita, constánter recusávit. Tandem anno décimo tertio, sæculi delíciis contéptis, ibídem religiósus institútum proféssa est.

R. Propter veritátem, et mansuetúdinem, et justítiam: * Et dedúcet te mirábiliter dextera tua.

V. Spécie tua, et pulchritúdine tua inténde, prósperè procéde, et regna. Et dedúcet.

Lectio v.

Charitáte in Deum fervens, oratióne fere assídue vacábat, quidquid témporis necessáriis occupatióibus et módicæ quiéti supéerat, in ea insúmens; utque corpus in servitútem redigeret, férrea caténa et flagéllis illud macerábat. Cibi parcíssima, octo supra quadragínta annos cárnibus abstínuit, legumínibus plerúmque et herbis vescens, intérdum vero solo pane et aqua conténta. Proximórum ætérnam salútem exóptans, ardentíssimas ad Deum pro peccatórum conversiône

preces fundébat. Tanto étiam comiseratiónis sensu erga purgántem ánimam commóta est, ut acerbíssimos dolóres sibi divínitus inflicto in pœnárum illi debitárum expiatiónem pertulísse visa sit. Exímia prudéntia et reguláris observántiæ zelo Moniá-les diu rexit, eas non minus exémplo, quam adhortatióibus ad omnem sanctimóniam infórmans. Quo in officio humilitátem ádeo cóluit, ut abjectíssima quæque ópera sponte obíret, ac infirmis præcípua charitáte et summo stúdio inservíret.

R. Dilexísti justítiam, et odísti iniquitátem: * Proptérea unxit te Deus, Deus tuus óleo lætítiæ.

V. Propter veritátem, et mansuetúdinem, et justítiam. Proptérea.

Lectio vi.

Supernórum charísmatum cópia singuláris in ea enítuit, ánnulo desponsatiónis, sacrísque stigmátibus, quæ non semel spectánda se exhibuerunt, accéptis. Plúrium annórum spátio, quinta et sexta féria in altíssimam contemplatiónem rapta, singulos Redemptóris cruciátus in passióne tolerátos ex órdine in corpore mirábiliter sentíre consuévít. Prati degens, sanctum Philíppum Nérium Romæ commorántem vidére promérui, ejúsque collóquio frui. Extásium, cœléstium visiónum, ac prophétici lúminis dono illústris, futúra prædíxit, ac simul occúlta revelávit. Grávius dénique morbis decumbens, Ecclesiæ Sacraméntis muníta, anno a Christo nato millésimo quingentésimo nonagésimo, ætátis sexagésimo nono, quarto Nonas Februarii, in cœlum migrávit. Eam subínde Clemens duodécimus Beatárum Vírginum número, Benedíctus vero décimusquartus, Póntifex máximus, solémni ritu sanctárum Vírginum fastis adscrípsit, anno salútis millésimo septingentésimo quadragésimo sexto.

R. Afferéntur Regi vírgines post eam, próximæ ejus * Afferéntur tibi in lætítia et exultatióne.

V. Spécie tua, et pulchritúdine tua inténde, prospere procéde, et regna. Afferéntur. Glória Patri. Afferéntur.

In tertio Nocturno Homilia in Evangelium. Símile erit. de Comuni primi loco. [101]

In secundis Vesperis, fit commemoratio Feriæ, postea S. Valentini, Presbyteri et Martyris.

Antiph. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

V. Glória, et honóre coronásti eum, Dómine.

R. Et constituísti eum super ópera mánuum tuárum.

Oratio.

PRæsta, quæsumus, omnípotens Deus: ut, qui beáti Valentíni Mártyris tui natalítia cólimus, a cunctis malis imminéntibus, ejus intercessióne liberémur. Per Dóminum.

Die 14. Februarii.

In Festo

S. Agathonis Papæ Confessoris.

Duplex.

Omnia de Comuni Confessoris Pontificis [62], præter sequentia.

In Hymno mutatur tertius versus.

Oratio. Da, quæsumus.

Lectiones primi Nocturni, Fidélis sermo. de Comuni. [64]

IN II. NOCTURNO.

Lectio iv.

AGatho, natióne Sículus, ex doctíssimo, ac sanctíssimo mónacho Románu Pontifex creátus est, anno Christi sexcentésimo septuagésimo octávo. Vir summa humanitáte, ex-

ímio ánimí candóre, singulári morum suavitate, et comitáte præditus, cunctórum amans, cunctis amabilíssimus. Ita demum a natúra, et grátia comparátus, ut ad suprémam illam dignitátem geréndam, natus, seu factus esse viderétur.

R. Invéni David servum meum, óleo sancto meo unxi eum: * Manus enim mea auxiliábitur ei.

V. Nihil proficiet inimícus in eo, et fílius iniquitátis non nocébitei. Manus.

Lectio v.

ACceptis a Constantíno Pogonáto líteris ad Donum Prædecessórem scriptis, pro convocádo Concílio Oecuménico, ad diutúrnum schisma tolléndum, quo laborábat Ecclésia, et definiéndas fidei controversias, quæ toto fere Oriénte máximas tempestátes, atque ruínas excitárant, Provinciáles Sýnodos in Occidénte habéri curávit, in quibus Monothelitárum causa discuterétur, et damnaréntur erróres.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei.

V. Invéni David servum meum, óleo sancto meo unxi eum. Manus.

Lectio vi.

His præmíssis, Legátos suos, et Concílii Románi, misit Constantinópolis cum binis líteris ad Imperatórem, in quibus prædicta hæresi docte, fuse, ac sólíde refutáta, damnátisque primáriis illius sectatóribus, Sérgio scilicet, Cyro, Paulo, Pyrrho, Petro, et áliis, Antecessóres suos ab omni erróris labe immúnes hucúsque fuisse, expréssis verbis declarávit. Agathónis igitur auctoritáte, sexta Sýnodus universális congregáta est, in qua iidem erróres, iidémque errántes damnáti fuérunt. Demum cum tres annos, et quinque círciter menses sedísset, pie óbít in Dómino, et in

Basílica Príncipis Apostolorum sepultúræ mandátus est.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédât pro peccátis ómnium populorum.

V. Iste est qui contempsit vitam mundi, et pervénit ad cœlestia regna. Ipse. Glória Patri. Ipse.

In tertio Nocturno de Homilia in Evangelium. Homo peregri. de Comuni. [68]

Nona Lectio de Homilia occurrente, cum commem. Feriæ, et S. Valentini Martyris in Laudibus.

Antiph. Qui odit ánimam suam in hoc mundo, in vitam ætérnam custodit eam.

V. Justus ut palma florébit.

R. Sicut cedrus Libani multiplicábitur.

Oratio.

PRæsta, quæsumus, omnipotens Deus: ut, qui beáti Valentíni Mártiris tui natalítia cõlimus, a cunctis malis imminéntibus, ejus intercessiõne liberémur. Per Dóminum.

Die 16. Februarii.

In Festo

B. Gregorii X. Papæ Confessoris.

Duplex.

Omnia de Comuni Confessoris Pontificis [62], præter sequentia.

Oratio.

DEus, qui Ecclésiã tuã beáti Gregórii Confessóriis, atque Pontificis Religiónis zelo, et apostólicis curis amplificásti; ejus méritis, et intercessiõne concède, ut fidei et sanctitátis nova semper incrementa suscipiat. Per Dóminum.

Lectioes primi Nocturni, Laudémus viros gloriósos. de Comuni. [72]

IN II. NOCTURNO.

Lectio iv.

GREGÓRIUS décimus Theáldus, seu Theobáldus ántea nuncupátus, Placentiæ ad Æmíliæ fines nóbili Vicecõmitum genere natus est. Adolèscens Ecclesiásticæ militiæ adscrip-tus singulári nítuit honestáte morum, vitæque mundítia, nulla umquam, ut créditur, críminis contagiõne pollúta. In Gálliam cum Jacóbo Cardináli Pecorário Gregórii noni Legáto proféc-tus, Archidiáconus Leodiénsis renun-ciátus est. Eo in Itáliã redeúnte, Theologiæ Parísiis óperam dedit, ac Magístri munus adéptus, verbo, et exémplo fidéles, ac Príncipes ad Ter-ræ sanctæ recuperatiõnem vehemén-ter accéndit. In Sýriã deinde peregrinátus, dum ibi sacram expeditiõ-nem urgéret, a Cardinálibus, Vitérbii Pontificis electiõnem in annum fere tertiũ protrahéntibus, in Petri Sedem evéctus est anno millésimo ducentésimo septuagésimo primo.

R. Invéni David servum meum, óleo sancto meo unxi eum: * Manus enim mea auxiliábitur ei.

V. Nihil proficiet inimícus in eo, et filius iniquitátis non nocébitei. Manus.

Lectio v.

ACCÉPTO Ptolemáide electiõnis de-créto, in Itáliã navigávit, ac Vitérbium se cõtulit, deínde Romã, ubi anno insequénte solémniter inau-gurátus est. Ab ipso Pontificátus ex-órdio ad generális Concílii celebra-tiõnem curas, et cogitatiõnes omnes adjécit. Eo Lugdúnũ Galliárum in-dícto, Michaélem Palæologum Græ-corum Imperátorem, tum álios Chris-tiános Príncipes, et Græcæ, Latinæ-que Ecclésiæ Præsules líteris aman-tíssimis invitávit, accersítis étiam ex-ímiis doctrína, et sanctitáte viris, uti sancto Thoma Aquináte in ipso itínere vita functo, sancto Bonaventúra,

sancto Philíppo Benítio, beáto Albérto Magno, Petro de Tarantásia Ordinis Prædicatórum, qui eidem in Pontificátu succéssit. Igitur Oecuménicam Sýnodum Patrum número ómnium frequentíssimam, cui præfuit Póntifex ipse, Græcis, ejurato schísmate, ad Ecclésiæ unitátem recéptis, decretis pro sacra expeditióne subsidiis, editisque plúribus sanctíssimis légibus triméstri spátio felíciter celebrávit.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei.

V. Inveni David servum meum, óleo sancto meo unxi eum. Manus.

Lectio vi.

DE pace in Ecclésiá firmánda cum primis solícitus, Prælatórum dissídia, Regum inimicítias, Provinciárum ódia, populórum factiões compósuit, dirémit, extínxit. Ecclésiæ jura étiam advérsus Reges, et Príncipes sevère, ac fórtiter vindicávit, nullam esse prædicans solidiorem Regnórum basim, quam tutelam Ecclesiásticæ libertátis. Páuperum amantíssimus, primus ómnium in Apostólico Palátio piárum in illos largitiónum Præsidem constituit, iisque propriis mánibus pedes quotidie abluébat. In Itáliam a Concílio redux, dum profectiõnem in Palæstíná meditátur, plúraque ália Christiánæ Reipublicæ bono molirétur, Arétii in Etrúria morte intercéptus est quarto ab electiõe sua anno, mense quarto, die décima. Fuit vir ánimi plane invícti et apostólici, terrenórum contéptu, cultus divíni stúdio, fidei zelo, disciplínæ, et morum restauratiõe, rerum gerendarum prudéntia, fortitúdine, magnanimitáte, aliisque virtútibus prorsus exímus. Miráculis post mortem claruísse Ecclésiæ Aretínæ monuménta testántur.

R. Iste est qui ante Deum magnas virtútes operátus est, et omnis terra

doctrína ejus repléta est: * Ipse intercédat pro peccátis ómnium populórum.

R. Iste est qui contémpsit vitam mundi, et pervénit ad cœléstia regna. Ipse. Glória Patri. Ipse.

In tertio Nocturno de Homilia in Evangelium. Homo péregre. de Comuni. [68]

Nona Lectio et commemor. Feriæ.

Die 17. Februarii.

In Festo **S. Hygini** Papæ Martyris. Duplex.

Omnia de Comuni unius Martyris [26], exceptis his, quæ propria hic adnotantur.

Oratio. Infirmítatem.

Lectioes primi Nocturni, A Miléto. de Comuni. [27]

IN II. NOCTURNO.

Lectio iv.

HYgínus Atheniénsis, Philósopho patre, cum jam Románæ Ecclésiæ Præsbyter esset, Cleri suffrágiis, Telésphoro sufféctus est. Sedit in sancta Petri Sede, Imperátore Antónino Pio Augústo, annos tres, menses úndecim, dies vigínti octo. Ubi primum Póntifex renunciátus est, Clericórum Ordines in suos gradús distínxit, ac fecit, ut in iis Ecclésiis, quas Títulos vocant, tum primárii Ministri, tum álíi eisdem subjécti adéssent, qui fidélibus, cum res postuláret, sacra ministrárent.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

V. Descendítque cum illo in fóveam: et in vínculis non derelíquit eum. Et dedit.

Lectio v.

INstituit étiam, ne absque celebratiõe Missæ, Tempa, vel Oratória

sacro ritu consecraréntur; ne, inconsulto Episcopo, vel nova construeréntur, vel jam constructa destrueréntur, et ne matéries ad sacrum illum usum congesta, et destináta, in profános usus converterétur. Edíxit prætereá, ut Patríni Baptismo adéssent, qui de sacro fonte infántes levárent, ne quis Episcopus reus criminis damnarétur, nisi a comprovinciálibus Episcopis ejus causa probe discússa fuisset. Cuncta hæc ejus título, ac nómine sancíta extant. Tres Ordinatiónes hábuit mense Decémbri, in quibus creávit Episcopos sex, Presbýteros quíndecim, Diaconos quinque.

R. Desidérium ánimæ ejus tribuísti ei, Dómine, * Et voluntáte labiórur ejus non fraudásti eum.

V. Quóniam prævenísti eum in benedictiónibus dulcédinis: posuísti in cápite ejus corónam de lápide pretiósó. Et voluntáte.

Lectio vi.

CUm autem paulo ante Justínus claríssimus Philósofus, et Christi Martyr scripsísset Apologíam pro Religióné Christiána ad Imperátorem Antonínur Píur Augústur, obtínuit, ut persecútió desævíret. Hinc a Christianórum cæde, non quidem omníno, plúrimur tamen, público Príncipis edícto, temperátur est. Sanctíssimur tamen Pastóri, cujus cura Domínico gregi consúltur fúerat, párcitur non fuit; nempe hic gloriósó Mártýrio, ne Antecessóribus dissímilis esset, innocentíssimur vitur terminávit, die undécima Januárii, et sepúltus est in Vaticanó.

R. Stola jucunditátis índuit eum Dóminus: * Et corónam pulchritúdinis pósuit super caput ejus.

V. Cibávit illum Dóminus pane vitæ et intelléctus: et aqua sapiéntiæ salutaris potávit illum. Et corónam. Glória Patri. Et corónam.

In tertio Nocturno de Homilia in Evangelium. Si quis venit. [32]

Nona Lectio, et commemoratio Feriæ occurrentis.



Die 23. Februarii.

In Festo **S. Margaritæ** Cortonensis Pœnitentis.

Semiduplex.

Omnia de Communi nec Virginum nec Martyrum [107], præter sequentia.

Oratio.

DEus, qui famulam tuam Margaritam de perditionis via ad salutis tramitem misericórditer deduxísti: eádem nobis miseratióne concéde, ut quam prius errántem sectári non erubúimus, mox pœniténtem ímpigre sequi gloriémur. Per Dóminur.

Lectiones primi Nocturni, Mulierem fortem. de Communi. [110]

IN II. NOCTURNO.

Lectio iv.

MArgaríta, a loco dormitiónis, Cortonénsis appelláta, Laviáni in Túscia ortum hábuit. Primis adolescentiæ suæ annis mundi voluptátibus capta in Montis Politiáni civitáte vanam, et lúbricam vitur duxit; sed cum amásium ab hóstibus fœde transfóssur indício canis in fóvea sub strue lignórum tumulátur fortúito reperísset, illico facta est manus Dómini super eam, quæ magno culpárum suárum mœróre tacta, éxit foras, et flevit amáre. Itaque Laviánur reversa, crine detónso, neglécto cápite, pulláque veste contécta, erróribus suis, mundíque illécebris núnciur misit; inque ædibus Deo sacris, fune ad collur alligáto, humi procúbens, ab ómnibus, quos ántea móribus suis palam offéndérat, véniam exorávit. Mox Cortónam profécta in cínere, et cilício ab se læsam Dei Majestátem pla-

câre stúduit, donec post triennâle virtutum experimentum a Fratribus Minoribus spiritalis vitæ dúcibus Tertii Ordinis hábitum impetrávit. Uberes exinde lácrymæ ei familiâres fuerunt, atque ima suspíria tanta ánimi contritióne ducta, ut diu elínguis consisteret. Léctulus nuda humus, cervical lapis, aut lignum porréxit, atque ita noctes insómnies in cœlestium meditatióne tráhere consuévit, nullum ámplius pravum desidérium perpéssa, dum bonus spíritus próptior infirmam carnem ad subeúndos labóres erigébat.

R. Propter veritatem, et mansuetudinem, et justitiam: * Et dedúcet te mirabiliter dextera tua.

V. Spécie tua, et pulchritudine tua inténde, prospere procéde, et regna. Et dedúcet.

Lectio v.

Ad dæmone insídiis, funestisque conátibus laccessíta, múlter fortis hostem ex verbis detéctum, semel, atque íterum invícta répulit. Ad eludéndum vanæ glóriæ lenocínium, quo a malo spíritui petebátur, præteritos mores suos per vicos, et platéas alta voce accusâre non déstitit, omni supplício se ream inclámans: nec nisi a Confessário detérrita in speciósam faciém, olim impúri amoris causam, sævíre abstínuit, ægre ferens suam formam longa carnis maceratióne non aboléri. Quibus, aliisque magnæ pœnitentiæ arguméntis suórum criminum labe expiáta, atque ita de se triumphátrix, ut sensus plane omnes a mundi illécebris custodíret, digna facta est, quæ sæpe Dómini consuetúdine frueretur. Ejúsdem quoque Christi, et Vírginis Matris dolórum, quod ipsa ardenter expetierat, párticeps facta, cunctis sénsibus destitúta, et vere mórtua intérdum visa est. Ad eam proínde véluti ad perfectiônis magis-

tram ex díssitis étiam regiônibus plúrimi conveniébant: ipsa vero, cœlesti, quo erat perfúsa, lúmine córdium secreta, consciéntias hóminum, immo et peccáta in remótis licet pártibus Deum offendéntium, cum dolóre, et lácrymis détegens, summáque in Deum, et próximum charitáte fervens ingentem animárum fructum operáta est. Ægris ad se veniéntibus salútem, obsessis a dæmone liberatióne impetrávit. Púerum defúctum, lugénte matre, ad vitam redúxit. Imminéntes bellórum tumúltus assíduis oratióibus sedávit. Dénique summæ pietátis opéribus vivos et mórtuos sibi demérui.

R. Dilexísti justitiam, et odísti iniquitatem: * Proptérea unxit te Deus, Deus tuus óleo lætitiæ.

V. Propter veritatem, et mansuetudinem, et justitiam. Proptérea.

Lectio vi.

Tot sanctis opéribus occupáta de rigóre, quo assídue corpus suum exercébat, nihil remísit, neque a stúdio cœlestia meditándi se avélli passa est: in utróque vitæ génere plane admiránda, utrámque sorórem Magdalénam, et Martham référens. Tandem pro se Dóminum orans, ut ex hac valle lacrymárum sursum in cœlestem pátriam evocarétur, exaudíta est oratio ejus, die, atque hora dormitiónis ei patefactis. Méritis itaque et labóribus plena, ac cœlestibus donis cumuláta, cœpit córporis víribus destítui, perque dies decem et septem nullo cibo, sed divínis tantum collóquiis refécta est: tum sanctíssimis Ecclésiæ Sacraméntis rite suscep-tis, vultu hílari, atque óculis in cœlum convérsis, octávo Kaléndas Mártias anno ætátis quinquagésimo, suæ conversiônis vigésimo tertio, humanæ vero salútis millésimo ducentésimo nonagésimo séptimo felix migrávit ad Sponsum. Corpus in

hanc usque diem végetum, incorrúptum, illésum, et suáriter olens summa religióne cólitur in Ecclésia Fratrum Minórum, quæ jam ab eádem Margaríta appellátur. Miráculis contínuo flóruit, quibus permóti Románi Pontífices ad augéndum ejus cultum plúrima liberáliter indulserunt. Benedíctus vero decimustértius in festo Pentecóstes die sextadécima Maji anni millésimi septingentésimi vigésimi octávi solénnem ejus Canonizatiónem religiosíssime celebrávit.

R. Fallax grátia, et vana est pulchritúdo: * Múlier timens Deum, ipsa laudábitur.

V. Date ei de fructu mánuum suárum, et laudent eam in portis ópera ejus. Múlier. Glória Patri. Múlier.

In tertio Nocturno Lectiones de Homilia in Evangel. Símile est regnum cœlórum thesauro. de Communi. [115]

Nona Lectio et commem. Feriæ.

Ad Benedictus, Antiphona, to. 4. Ut cognóvit, resípuit Seráphici Ordinis Magdaléna: dimíssa sunt ei peccáta multa, quia diléxit multum.

Ad Magnificat, Antiphona, to. 8. Ego dilécto meo, et ad me conversio ejus: invéni quem díligit ánima mea, ténui eum, nec dimíttam.

Die 25. vel 26. Februarii.

In Festo **S. Felicis III.** Papæ Conf.

Duplex.

Omnia de Communi Confessoris Pontificis [62], præter sequentia.

Oratio. Da, quæsumus.

Lectiones primi Nocturni, Fidélis sermo. de Communi. [64]

IN II. NOCTURNO.

Lectio iv.

Felix tértius, pátria RománuS, natus ex nobilíssima domo Anfcia, et divi Gregórii Magni átavus, post Simplícium Papam ad summi Ponti-

ficátus ápicem est evéctus. Hic mira ánimi constántia, tamétsi Roma sub Hérulis Ariánis propémódum captíva viderétur, aliisque Patriárchæ conciliatiónem Zenónis Imperatóris approbássent, solus illi non comunicávit. Ejúsdem de fide edíctum promulgántis audáciám fórtiter représsit. Petrum Fullónem Patriarchátu Antiochéno dejécit. Acácium Constantinopolítanum Episcopum Romam veníre coégit, ut contra eum objéctis, in Apostólicæ Sedis judício responderet, ac in eúmdem senténtia excommunicatiónis animadvértit.

R. Invéni David servum meum, óleo sancto meo unxi eum: * Manus enim mea auxiliábitur ei.

V. Nihil profíciet inimícus in eo, et filius iniquitátis non nocébit ei. Manus.

Lectio v.

Constituit, ut Ecclésiæ nonnisi ab Episcopis consecraréntur; semel baptizátos, íterum rebaptizári sub grávibus pœnis prohibuit. Basilicam sancti Agapíti constrúxit. Anno ejus Pontificátus tértio, sanctus Bárnabas Apóstolus, cum sancti Matthæi Evangelio, in Cypro Anthémio Episcopo Salamínæ apparuit, sicque, prævia trina revelatióne, corpus sancti Bárnabæ cum Evangelio supradícto est invéntum. Duas fecit Ordinatiónes mense Decémbri, quibus creávit Romæ Presbýteros vigínti novem, Diáconos quinque, Episcopos per diversa loca trigínta. Quinto Kaléndas Mártii e terris excédens, ad Súperos evolávit. R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei. V. Invéni David servum meum, óleo sancto meo unxi eum. Manus.

Sermo Sancti Gregórii Papæ.

Ex Homilia 38. in Evangelia.

Lectio vi.

Quia nonnúnquam mentes audiéntium plus exémpia fidélium, quam

docéntium verba convértunt, volo vobis áliquíd de próxímo dícere, quod corda vestra tanto formidolósíus áudíant, quanto eis hoc de propínquo sonat. Neque enim res longe ante gestas dícimus, sed eas, de quibus testes exístunt, eísque interfúisse se réferunt, memorámus. Tres pater meus soróres hábuit, quæ cunctæ tres sacræ Vírgines fuérunt; quarum una Tarsílla, ália Gordiána, ália Æmiliána dicebátur. Quadam vero nocte huic Tarsíllæ (quæ inter soróres suas virtúte continuæ oratiónis, afflictiónis stúdio, abstinéntiæ singuláris, gravítate vitæ venerábilis, in honóre, et cúlmine sanctitátis excreverat) sicut ipsa narrávit, per visiónem átavus meus Felix hujus Románæ Ecclésiæ Antístes appáruit, eíque mansiónem perpétuæ claritátis osténdit, dicens: Veni, quia in hac te lucis mansiónē suscépio. Quæ subsequénti mox febre corrépta ad diem pervénit extrémum, et sicut nobílibus féminis, virisque moriéntibus multi convéniunt, qui eórum próximos consoléntur, eádem hora ejus éxitus multi viri, ac féminæ ejus léctulum circumstetérunt, inter quas mater mea quoque ádfuit; cum rursum illa respiciens, Jesum veniéntem vidit, et cum magna animadversiónē cœpit circumstántibus clamáre, dicens, recédite, recédite, Jesus venit. Cumque in eum inténdere, quem vidébat, sancta illa ánima a carne solúta est: tantáque súbito fragrántia miri odóris aspérsa est, ut ipsa quoque suávitatis osténderet, illuc auctórem suavitátis venísse.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédát pro peccátis ómnium populórum.

V. Iste est qui contémpsit vitam mundi, et pervénit ad cœléstia regna. Ipse. Glória Patri. Ipse.

In tertio Nocturno de Homilia in Evangelium. Homo péregre. de Comuni. [68]

Nona Lectio, et commemor. Feriæ.

FERIA SEXTA

Post Dominicam I. Quadrag.

In Festo

SS. Lanceæ et Clavorum D. N. J. C.
Duplex.

AD VESPERAS.

Antiph. to. 1. l. Unus mílítum. cum reliquis de Laudibus. [232].

Psalmus. Dixit Dóminus. cum reliquis, ut in primis Vesperis de Comuni Apostolorum. [1]

Capitulum. 1. Jo. c. 5. v. 5.

Charíssimi, quis est, qui vincit mundum, nisi qui credit, quóniam Jesus est filius Dei? Hic est, qui venit per aquam, et sánguinem, Jesus Christus, non in aqua solum, sed in aqua, et ságuine.

Hymnus.

Quænam lingua tibi, o Láncea, débitas

Grates pro mérito est apta repéndere?
Christi vivíficum namque áperis latus,
Unde Ecclésia náscitur.

Hæc est Heva viri de látere éxiens,
Olli membra gravis dum sopor occupat;

Hanc quippe alter Adam, corde scáténtibus

Unda, et ságuine prócreat.

O Clavi! æqua manet vos quoque grátia,

Christi quando sacris ártubus ínsiti.
Delétum Dómini ságuine fígitis

Mortis chirógraphum Cruci.

Te, Jesu, Súperi láudibus éfferant,
Qui Clavórum áditus, sígnaque Lánceæ

In Cœlo rélines, vivus ubi ímperas
Cum Patre, atque Paráclito. Amen.

V. Foderunt manus meas, et pedes meos.

R. Dinumeraverunt omnia ossa mea.

Ad Magnificat, Antiphona, to. 8. f.
Delens quod adversus nos erat chi-
rographum decreti, quod erat contra-
rium nobis, et ipsum tulit de medio,
affigens illud Cruci.

Oratio.

DEus, qui in assumptæ carnis infir-
mitate Clavis affigi et Lancea
vulnerari pro mundi salute voluisti:
concede propitius, ut qui eorundem
Clavorum, et Lanceæ solémnia vene-
ramur in terris, de glorioſo victoriæ
tuæ triumpo gratulémur in cœlis:
Qui vivis, et regnas cum Deo Patre.

Et fit commemoratio Feriæ currentis.

*Antiph. O mulier, magna est fides
tua: fiat tibi sicut petisti.*

V. Angelis suis Deus mandavit de te.

T. Ut custodiant te in omnibus viis
tuis.

Oratio.

DA, quæsumus, Dómine, pópulis
Christiánis et quæ profitentur
agnóscere: et cœléste munus diligere,
quod fréquentant. Per Dóminum.

*Ad Completorium, et per Horas diei
in fine Hymnorum dicitur:*

Clavis forato, et Lancea,
Jesu, tibi sit glória
Cum Patre, et almo Spíritu,
Nunc, et per omne sæculum.
Amen.

AD MATUTINUM.

Invitatorium. Christum Lancea,
et Clavis vulneratum * Veníte, ad-
orémus.

Hymnus.

SAlvéte, Clavi, et Lancea,
Squalóre nuper óbsita,
Quæ mersa Christi córpori,
Almo rubétis ságuine.

Vos ad scelus Judáica
Elégerat perfidia,
Sed in ministra grátiae
Vos vertit e cœlo Deus.

Nam quot sacrátis-ártubus
Sculpsístis olim vúlnera,
Et tot reclúsis fóntibus
Dona éffluunt cœléstia.

Clavis forato, et Lancea,
Jesu, tibi sit glória
Cum Patre, et almo Spíritu,
Nunc, et per omne sæculum.
Amen.

*Si omissus sit Hymnus ad Vesperas,
dicatur ad Matutinum, et Hymnus
Matutini jungatur cum Hymno ad
Laudes.*

IN I. NOCTURNO.

*Antiph. to. 1. f. Ad Jesum autem
cum venissent, non fregérunt ejus
crura, sed unus mílitum Lancea latus
ejus aperuit.*

Psalmus 1.

BEátus vir, qui non ábiit in consilio
impiórum, et in via peccatórum
non stetit, * et in cáthedra pestilén-
tiæ non sedit.

Sed in lege Dómini volúntas ejus, *
et in lege ejus meditábitur die ac
nocte.

Et erit tamquam lignum, quod plan-
tatum est secus decúrsus aquárum, *
quod fructum suum dabit in témpore
suo:

Et fólium ejus non défluat: * et ómnia
quæcúmque fáciat, prosperabúntur.
Non sic ímpii, non sic: * sed tamquam
pulvis, quem prójicit ventus a fácie
terræ.

Ideo non resúrgent ímpii in judício: *
neque peccatóres in concilio justórum.
Quóniam novit Dóminus viam justó-
rum: * et iter impiórum peribit.

*Antiph. Ad Jesum autem cum ve-
nissent, non fregérunt ejus crura, sed
unus mílitum Lancea latus ejus ape-
ruit.*

Antiph. to. 8. Exiit sanguis, et aqua,
et qui vidit, testimónium perhibuit,
et verum est testimónium ejus.

Psalmus 2.

Quare fremuerunt Gentes, * et pó-
puli meditati sunt inania?

Astitérunt reges terræ, et príncipes
convenérunt in unum * adversus Dó-
minum, et adversus Christum ejus.

Dirumpamus víncula eórum: * et pro-
jiciamus a nobis jugum ipsórum.

Qui hábitat in cœlis iridébit eos, *
et Dóminus subsannábit eos.

Tunc loquétur ad eos in ira sua: * et
in furóre suo conturbábit eos.

Ego autem constitútus sum Rex ab
eo super Sion montem sanctum ejus,
* prædicans præceptum ejus.

Dóminus dixit ad me: * Fílius meus
es tu, ego hódie genui te.

Póstula a me, et dabo tibi Gentes
hæreditátem tuam, * et possessionem
tuam téminos terræ.

Reges eos in virga férrea, * et tam-
quam vas figuli confrínges eos.

Et nunc, reges, intelligite: * erudímini
qui judicátis terram.

Servíte Dómino in timóre: * et exul-
táte ei cum tremóre.

Apprehéndite disciplínam, nequándo
irascátur Dóminus, * et pereátis de
via justa.

Cum exárserit in brevi ira ejus: *
beáti omnes, qui confidunt in eo.

Antiph. Exiit sanguis, et aqua; et
qui vidit, testimónium perhibuit, et
verum est testimónium ejus.

Antiph. to. 8. f. Alia Scriptúra dicit:
Vidébunt in quem transfixérunt.

Psalmus 3.

Domine, quid multiplicati sunt qui
tribulant me? * multi insúrgunt
adversum me.

Multi dicunt animæ meæ: * Non est
salus ipsi in Deo ejus.

Tu autem, Dómine, suscēptor meus es,
* glória mea, et exáltans caput meum.

Voce mea ad Dóminum clamávi: * et
exaudivit me de monte sancto suo.

Ego dormívi, et soporátus sum: * et
exurréxi, quia Dóminus suscepit me.

Non timébo míllia pópuli circumdán-
tis me: * exúrge, Dómine, salvum me
fac, Deus meus.

Quóniam tu percussísti omnes adver-
santes mihi sine causa: * dentes pec-
catorum contrivísti.

Dómini est salus: * et super pópulum
tuum benedíctio tua.

Antiph. Alia Scriptúra dicit: Vidé-
bunt in quem transfixérunt.

V. Quem tu percussísti, persecúti sunt.

R. Et super dolórem vúlnerum meó-
rum addidérunt.

De Zacharía Prophéta.

Lectio i.

Cap. 12. v. 10.

Hæc dicit Dóminus: Effúndam su-
per domum David, et super ha-
bitátóres Jerúsalem spíritum grátiae,
et precum: et aspicient ad me, quem
confixérunt. Et plangent eum planctu
quasi super unigénitum, et dolébunt
super eum, ut doléri solet in morte
primogéniti. In die illa magnus erit
planctus in Jerúsalem, sicut planctus
Adádremmon in campo Magéddon.
Et planget terra: famíliæ, et famíliæ
seórsum: famíliæ domus David seór-
sum, et mulieres eórum seórsum; fa-
míliæ domus Nathan seórsum, et mu-
lieres eórum seórsum; famíliæ domus
Levi seórsum, et mulieres eórum se-
órsum; famíliæ Sémei seórsum, et
mulieres eórum seórsum. Omnes fa-
míliæ reliquæ, famíliæ, et famíliæ
seórsum, et mulieres eórum seórsum.

R. Ad Jesum autem cum venissent,
ut vidérunt eum jam mórtuum, non
fregérunt ejus crura; * Sed unus mí-
litum Láncea latus ejus apérui.

V. Et qui vidit, testimónium perhi-
buit, et verum est testimónium ejus.
Sed unus.

Lectio ii.

IN die illa erit fons patens dómui David, et habitántibus Jerúsalem in ablutióne peccatóris, et men-
struátæ. Et erit in die illa, dicit Dó-
minus exercítuum: dispérdam nómina
idolórum de terra, et non memora-
búntur ultra; et pseudoprophétas, et
spíritum immúndum áuferam de terra.
Et erit, cum prophetáverit quíspiam
ultra, dicent ei pater ejus, et mater
ejus, qui genuérunt eum: non vives,
quia mendácium locútus es in nómine
Dómini, et configent eum pater ejus,
et mater ejus, genitóres ejus, cum pro-
phetáverit. Et erit in die illa: con-
fundéntur prophétæ, unusquisque ex
visiône sua, cum prophetáverit: nec
operiéntur pállio sáccino, ut mentián-
tur, sed dicet: non sum prophéta,
homo agrícola ego sum; quóniam
Adam exémpulum meum ab adolescén-
tia mea.

R. Unus mílitum Láncea latus ejus
aperuit: * Et contínuo exívit sanguis,
et aqua.

V. In die illa erit fons patens dómui
David, et habitántibus Jerúsalem. **Et**
contínuo.

Lectio iii.

ET dicétur ei: quid sunt plagæ istæ
in médio mánuum tuárum? Et di-
cet: his plagátus sum in domo eórum,
qui diligébant me. Frámea suscitáre
super pastórem meum, et super virum
cohæréntem mihi, dicit Dóminus ex-
ercítuum: pércute pastórem, et dis-
pergéntur oves: et convértam manum
meam ad párvulos. Et erunt in omni
terra, dicit Dóminus: partes duæ in
ea dispergéntur, et deficient, et tértia
pars relinquétur in ea. Et ducam tér-
tiam partem per ignem, et uram eos
sicut úritur argéntum, et probábo eos,
sicut probátur aurum. Ipse vocábit
nomen meum, et ego exáudiam eum.
Dicam: Pópulus meus es: et ipse di-
cet: Dóminus Deus meus.

R. In die illa erit fons patens dómui
David, et habitántibus Jerúsalem *
In ablutióne peccatóris, et men-
struátæ.

V. Hic est, qui venit per aquam, et
sánguinem, Jesus Christus. **I**n ablu-
tióne. **G**lória Patri. **I**n ablutióne.

IN II. NOCTURNO.

Antiph. to. 4. Aspícient ad me, quem
confixerunt, et plangent eum planctu
quasi super unigénitum.

Psalmus 4.

CUm invocárem, exáudívit me Deus
justítiæ meæ: * in tribulatióne di-
latásti mihi.

Miserére mei, * et exáudi oratióne
meam.

Filii hóminum, úsquequo gravi corde?
* ut quid dilígitis vanitátem, et quæ-
ritis mendácium?

Et scitóte quóniam mirificávit Dómi-
nus sanctum suum: * Dóminus exáu-
diet me cum clamávero ad eum.

Irascimini, et nolíte peccáre: * quæ
dícitis in córdibus vestris, in cubíli-
bus vestris compungimini.

Sacrificáte sacrificium justítiæ, et
speráte in Dómino. * Multi dicunt:
Quis osténdit nobis bona?

Signátum est super nos lumen vultus
tui, Dómine: * dedísti lætítiam in
corde meo.

A fructu fruménti, vini, et ólei sui *
multiplicáti sunt.

In pace in idípsum * dórmiam, et re-
quiescam;

Quóniam tu, Dómine, singuláriter in
spe * constituísti me.

Antiph. Aspícient ad me, quem con-
fixerunt, et plangent eum planctu
quasi super unigénitum.

Antiph. to. 2. Quid sunt plagæ istæ
in médio mánuum tuárum?

Psalmus 5.

Verba mea áuribus pércipe, Dó-
mine, * intéllege clamórem meum.

Inténde voci oratiónis meæ, * Rex meus, et Deus meus.

Quóniam ad te orábo: * Dómine, mane exáudies vocem meam.

Mane astábo tibi, et vidébo: * quóniam non Deus volens iniquitatem tu es.

Neque habitábit juxta te malignus: * neque permanébunt injústi ante óculos tuos.

Odísti omnes, qui operántur iniquitatem: * perdes omnes, qui loquúntur mendácium.

Virum sánguinem, et dolósum abominábitur Dóminus: * ego autem in multitudine misericórdiæ tuæ, Introíbo in domum tuam: * adorábo ad templum sanctum tuum in timóre tuo.

Dómine, deduc me in justítia tua: * propter inimícos meos dírige in conspéctu tuo viam meam.

Quóniam non est in ore eórum veritas: * cor eórum vanum est.

Sepúlchrum patens est guttur eórum, linguis suis dolóse agébant; * júdica illos, Deus.

Décidant a cogitatióibus suis, secundum multitudínem impietátum eórum expélle eos: * quóniam irritavérunt te, Dómine.

Et læténtur omnes, qui sperant in te: * in ætérnum exultábunt, et habitábis in eis.

Et gloriabúntur in te omnes, qui díligunt nomen tuum: * quóniam tu benedíces justo.

Dómine, ut scuto bonæ voluntátis tuæ * coronásti nos.

Antiph. Quid sunt plagæ istæ in médio mánuum tuárum?

Antiph. to. 8. His plagátus sum in domo eórum, qui diligébant me.

Psalmus 8.

Domine, Dóminus noster, * quam admirábile est nomen tuum in univérsa terra!

Quóniam eleváta est magnificéntia tua * super cœlos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cœlos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas, insuper et pécora campi;

Vólucres cœli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsa terra!

Antiph. His plagátus sum in domo eórum, qui diligébant me.

V. Ipse vulnerátus est propter iniquitates nostras.

R. Attrítus est propter scélera nostra.

Sermo Innocéntii Papæ Sexti.

In Decreto de Festo Lanceæ, et Clavorum Domini.

Lectio iv.

IN Redemptóris nostri, Dómini Jesu Christi sacratíssima Passióne sic nos gloriári opórtet, ut ipsíus Passiōnis cuncta mystéria dinumerátes, et mérita, síngulis étiam salutáribus instruméntis gloriémur. Inter quæ illud célebriter memorándum est, quod ipse Salvátor, emísso in cruce jam spíritu, sustínuit perforári Láncea latus suum, ut, inde sánguinis, et aquæ profluéntibus undis, formarétur única, et immaculáta, ac virgo sancta mater Ecclésia, sponsa sua. O beatíssima ipsíus sacri láteris apertúra, unde nobis tot, et tanta divínæ pietátis dona fluxérunt! O felix Láncea, quæ tot

bona nobis efficere, et ad tanti triump-
phi glóriam méruit superáddi!

R. Hic est, qui venit per aquam, et
sánguinem, Jesus Christus, * Non in
aqua solum, sed in aqua, et sánguine.
V. Tres sunt, qui testimónium dant
in terra: spíritus, aqua, et sanguis;
et hi tres unum sunt. Non in aqua.

Lectio v.

Hæc latus ipsum aperiendo, sacra-
tíssimas jánuas nobis regni cœ-
léstis apérui. Hæc, vulnerando jam
mórtuum, vúlnera nostra sanávit, vi-
támque nobis réddidit, et salútem.
Hæc, innóxium transfigendo, illius
sánguine culpas nostras abstérsit: et
demum ejúsdem sacratíssimis undis
irrigáta, cæcitatís nostræ ténebras
sústulit, et nos ipsíus divínæ pietátis
flúviis mundávit. Illi étiam dulces
Clavi, (quibus ipse Salvátor eidem
cruci fuit affíxus, quique non solum
immaculáto respérgisánguine, et mo-
lem ferre tanti pónderis meruerunt,
sed et nos étiam per ipsórum salutí-
feras plagas dulcedinem tantam ipsíus
divínæ charitatís accépinus, ut ma-
nus nostræ a peccátis solútæ néxi-
bus, pedésque nostri a mortis láqueis
fúerint liberáti) sunt devotíssime re-
coléndi.

R. Quóniam circumdederunt me ca-
nes multi: concílium malignántium
obsédit me. * Foderunt manus meas,
et pedes meos.

V. Dicétur ei, quid sunt plagæ istæ
in médio mánuum tuárum? Foderunt.

Lectio vi.

Quid enim vúlnerē, et plagis hujús-
modi sánctius? Quid eis salúbrius,
ex quibus salus nostra procéssit, et in
quibus assídue se possunt curáre áni-
mæ devotórum? Licet ígitur Láncea,
et Clavi prædicti, áliaque ipsíus Pas-
sionis salutária instruménta, sint a
cunctis fidélibus Christi ublíbet ve-
neránda, et de ipsa étiam Passióne in

eádem Ecclésia solémnia annis sín-
gulis Offícia celebréntur, et fiant;
dignum tamen, et convéniens repu-
támus, si de ipsíus Passiónis speciá-
libus instruméntis, et præsertim in
pártibus, in quibus instruménta ipsa
dicúntur habéri, solémne, ac speciále
festum celebrétur, et fiat. Nosque il-
los fidéles Christi, qui áliqua ex in-
struméntis ipsíus habére se gaudent,
in eórum devotióne divínis Officiis,
atque munéribus speciáliter foveámus.

R. Dicétur ei: quid sunt plagæ istæ
in médio mánuum tuárum? et dieet;
* His plagátus sum in domo eórum,
qui diligébant me.

V. Nisi vídero in mánibus ejus fixú-
ram clavórum, non credam. His pla-
gátus sum. Glória Patri. His plagátus.

IN III. NOCTURNO.

Antiph. to. 4. Foderunt manus meas,
et pedes meos: dinumeravérunt óm-
nia ossa mea.

Psalmus 95.

Cantáte Dómino cánticum novum:
* cantáte Dómino omnis terra.

Cantáte Dómino, et benedicite nó-
mini ejus: * annuntiáte de die in diem
salutáre ejus.

Annuntiáte inter Gentes glóriam ejus:
* in ómnibus pópulis mirabília ejus.

Quóniam magnus Dóminus, et laudá-
bilis nimis: * terríbilis est super om-
nes deos.

Quóniam omnes dii Géntium dæmó-
nia: * Dóminus autem cœlos fecit.

Conféssio, et pulchritúdo in conspéctu
ejus: * sanctimónia, et magnificéntia
in sanctificatióne ejus.

Afférte Dómino pátriæ Géntium, af-
férte Dómino glóriam, et honórem: *
afférte Dómino glóriam nómini ejus.
Tóllite hóstias, et introíte in átria
ejus: * adoráte Dóminum in átrio sanc-
to ejus.

Commovéatur a fácie ejus univérſa terra: * dícite in Géntibus, quia Dóminus regnávit.

Etenim corréxit orbem terræ, qui non commovébitur: * judicábit pópulos in æquitáte.

Læténtur cœli, et exúltet terra, commovéatur mare, et plenitúdo ejus: * gaudébunt campi, et ómnia, quæ in eis sunt.

Tunc exultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Antiph. Foderunt manus meas, et pedes meos: dinumeravérunt ómnia ossa mea.

Antiph. to. 6. Nisi vídero in máni-
bus ejus fixúram clavórum, et mittam
dígitum meum in locum clavórum, et
mittam manum meam in latus ejus,
non credam.

Psalmus 96.

Dóminus regnávit, exúltet terra: *
læténtur ínsulæ multæ.

Nubes, et caligo in circúitu ejus: *
justítia, et júdicium corréctio sedis
ejus.

Ignis ante ipsum præcédet, * et in-
flammábit in circúitu inimícos ejus.

Illuxérunt fúlgura ejus orbi terræ: *
vidit, et commóta est terra.

Montes sicut cera fluxérunt a fácie
Dómini; * a fácie Dómini omnis terra.

Annuntiavérunt cœli justítiam ejus: *
et vidérunt omnes pópuli glóriam ejus.

Confundántur omnes, qui adórant
sculptília: * et qui gloriántur in simu-
lâcris suis.

Adoráte eum, omnes Angeli ejus: *
audívit, et lætâta est Sion.

Et exultavérunt fíliæ Judæ, * propter
júdicia tua, Dómine:

Quóniam tu Dóminus altíssimus su-
per omnem terram: * nimis exaltátus
es super omnes deos.

Qui dilígitis Dóminum, odíte malum:
* custódit Dóminus ánimas sanctórum
suórum, de manu peccatóris liberá-
bit eos.

Lux orta est justo, * et rectis corde
lætítia.

Lætámini justí in Dómino: * et con-
fitémini memóriæ sanctificatiónis ejus.

Antiph. Nisi vídero in máni-
bus ejus fixúram clavórum, et mittam
dígitum meum in locum clavórum, et
mittam manum meam in latus ejus,
non credam.

Antiph. to. 5. Infer dígitum tuum
huc, et vide manus meas, et affer ma-
num tuam, et mitte in latus meum.

Psalmus 97.

Cantáte Dómino cánticum novum:
* quia mirabília fecit.

Salvavit sibi dextera ejus, * et brá-
chium sanctum ejus.

Notum fecit Dóminus salutáre suum:
* in conspéctu Géntium revelávit jus-
títiam suam.

Recordátus est misericórdiæ suæ, *
et veritátis suæ dómui Israel.

Vidérunt omnes términi terræ * salu-
táre Dei nostri.

Jubiláte Deo omnis terra: * cantáte,
et exultáte; et psállite.

Psállite Dómino in cíthara, in cíthara,
et voce psalmi: * in tubis ductílibus,
et voce tubæ córneæ.

Jubiláte in conspéctu Regis Dómini:
* moveáur mare, et plenitúdo ejus;
orbis terrárum, et qui hábitant in eo.

Flúmina plaudént manu, simul mon-
tes exultábunt a conspéctu Dómini:
* quóniam venit judicáre terram.

Judicábit orbem terrárum in justítia,
* et pópulos in æquitáte.

Antiph. Infer dígitum tuum huc, et
vide manus meas, et affer manum
tuam, et mitte in latus meum.

V. Disciplína pacis nostræ super eum.
R. Et livóre ejus sanáti sumus.

Lectio sancti Evangelii secundum
Joannem.

Lectio vii.

Cap. 19.

IN illo tempore: Sciens Jesus, quia omnia consummata sunt, ut consummaretur Scriptura, dixit: Sitio. Et reliqua.

Homilia Sancti Augustini Episcopi.

Tract. 120. in Joan.

UNus militum Lancea latus ejus aperuit, et continuo exivit sanguis et aqua. Vigilanti verbo Evangelista usus est, ut non diceret: Latus ejus percussit, aut vulneravit, aut quid aliud; sed aperuit: ut illud quodammodo vitæ ostium panderetur, unde Sacramenta manaverunt, sine quibus ad vitam, quæ vera vita est, non intratur. Ille sanguis, qui fusus est, in remissionem fusus est peccatorum. Aqua illa salutare temperat poculum: hæc et lavacrum præstat, et potum. Hoc prænuntiabat, quod Noe in latere Arcæ ostium facere jussus est, quo intrarent animalia, quæ non erant diluvio peritura, quibus figurabatur Ecclesia.

R. Facta sunt hæc, ut Scriptura impleretur, os non comminuétis ex eo. Et iterum alia Scriptura dicit: * Vidébunt in quem transfixerunt.

V. Effundam super domum David, et super habitatores Jerúsalem spiritum gratiæ, et precum. Vidébunt.

Lectio viii.

PROPTER hoc prima mulier facta est de latere viri dormientis, et appellata est vita, materque vivorum, magnum quippe signavit bonum ante magnum prævaricationis malum. Hic secundus Adam, inclinato capite, in cruce dormivit, ut inde formaretur ei conjux, quæ de latere dormientis efflúxit. O mors, unde mortui reviviscunt! Quid isto sanguine mundius? Quid vulnere isto salubrius? Facta sunt enim hæc, inquit, ut Scriptura

impleretur: Os non comminuétis ex eo. Et iterum alia Scriptura dicit: Vidébunt in quem transfixerunt.

R. Effundam super domum David, et super habitatores Jerúsalem spiritum gratiæ, et precum: * Et aspicient ad me, quem confixerunt.

V. Et plangent eum planctu quasi super unigenitum. Et aspicient. Glória Patri. Et aspicient.

Lectio nona dicitur de Homilia Feriæ currentis.

Benedictio. Per Evangelica dicta.

Lectio sancti Evangelii secundum
Joannem.

Lectio ix.

Cap. 5.

IN illo tempore: Erat dies festus Judæorum, et ascendit Jesus Jerúsolymam. Et reliqua.

Homilia Sancti Augustini Episcopi.

Tract. 17. in Joan. post initium.

VIDEAMUS quid voluerit significare in illo uno, quem etiam ipse servans unitatis mysterium, de tot languentibus unum sanare dignatus est. Invenit in annis ejus numerum quemdam languoris. Triginta et octo annos habebat in infirmitate. Hic numerus quomodo magis ad languorem pertineat, quam ad sanitatem, paulo diligentius exponendum est. Intentos vos volo: aderit Dominus, ut congrue loquar, et sufficienter audiatis. Quadragenarius numerus sacratus nobis in quadam perfectione commendatur: notum esse arbitror charitati vestræ: testantursæpissime divinæ Scripturæ: jejúnium hoc numero consecratum esse, bene nostis. Nam et Moyses quadraginta diebus jejunavit, et Elías totidem: et ipse Dominus noster et Salvator Jesus Christus hunc jejunii numerum implévit. Per Moysen significatur Lex, per Elíam significantur Prophætæ, per Dominum significatur Evangelium. Ideo in illo monte tres

apparuerunt, ubi se discipulis ostendit in claritate vultus et vestis suæ: apparuit enim medius inter Moysen et Eliam, tamquam Evangelium testimonium haberet a Lege et Prophetis.

Te Deum laudamus. 13.

AD LAUDES ET PER HORAS.

Antiph. to. 1. l. Unus militum Lancea latus ejus aperuit, et continuo exivit sanguis et aqua.

Psalmus. Dominus regnavit. cum reliquis de Dominica. 14.

Antiph. to. 4. Foderunt manus meas, et pedes meos; dinumeraverunt omnia ossa mea.

Antiph. to. 8. Tres sunt, qui testimonium dant in terra: spiritus, aqua, et sanguis; et hi tres unum sunt.

Antiph. to. 1. f. Quid turbati estis, et cogitationes ascendant in corda vestra? Videte manus meas, et pedes meos, quia ego ipse sum.

Antiph. to. 7. f. Infer digitum tuum huc, et vide manus meas, et affer manum tuam, et mitte in latus meum.

Capitulum. 1. Joan. c. 5. v. 5.

Charissimi, quis est qui vincit mundum, nisi qui credit, quoniam Jesus est filius Dei? Hic est, qui venit per aquam, et sanguinem, Jesus Christus, non in aqua solum, sed in aqua, et sanguine.

Hymnus.

Tinctam ergo Christi sanguine
Convertite in me cuspidem,
Ferite cor, pedes, manus,
Poenam a nocente sumite.

At, quaeso, culpis debitas,
Quas jure plagas figitis,
Cruore divino flitæ
Fiant medela spiritus.

Sit gressus ad malum impotens,
Manus nocere desinant,
Omnisque corde e saucio
Profanus ardor exeat.

Clavis forato, et Lancea,
Jesu, tibi sit gloria
Cum Patre, et almo Spiritu,
Nunc, et per omne sæculum.
Amen.

V. Foderunt manus meas, et pedes meos.

R. Dinumeraverunt omnia ossa mea.

Ad Benedictus, Antiphona, to. 8.
Inglorius erit inter viros aspectus ejus, et forma ejus inter filios hominum. Iste asperget gentes multas.

Oratio.

Deus, qui in assumpta carnis infirmitate Clavis affigi, et Lancea vulnerari pro mundi salute voluisti: concede propitius, ut qui eorundem Clavorum, et Lanceæ solennia veneramur in terris, de glorioso victoriæ tuæ triumpho gratulemur in cœlis: Qui vivis, et regnas cum Deo Patre.

Et fit commemoratio Feriæ.

Antiph. Angelus Domini descendebat de cœlo, et movebatur aqua, et sanabatur unus.

V. Angelis suis Deus mandavit de te.
R. Ut custodiant te in omnibus viis tuis.

Oratio.

Esto, Domine, propitius plebi tuæ: et quam tibi facis esse devotam, benigno refove miseratus auxilio. Per Dominum.

Ad Primam.

In R. br. V. Qui vulneratus es pro nobis.

Ad Tertiam.

Antiph. to. 4. Foderunt manus meas.

Capitulum. Charissimi. ut supra.

R. br. Foderunt manus meas, * Et pedes meos. Foderunt.

V. Dinumeraverunt omnia ossa mea.

Et pedes. Gloria Patri. Foderunt.

V. Quem tu percussisti persecuti sunt.

R. Et super dolorem vulnorum meorum addiderunt.

Ad Sextam.

Antiph. to. 8. Tres sunt.

Capitulum.

1. Petri 2. v. 21.

FRatres: Christus passus est pro nobis, vobis relinquens exemplum, ut sequamini vestigia ejus, qui peccatum non fecit, nec inventus est dolus in ore ejus.

R. br. Quem tu percussisti * Persecuti sunt. **Quem** tu.

V. Et super dolorem vulnorum meorum addiderunt. **Persecuti sunt.** **Gloria Patri.** **Quem** tu.

V. Ipse vulneratus est propter iniquitates nostras.

R. Attritus est propter scelera nostra.

Ad Nonam.

Antiph. to. 7. f. Infer digitum tuum.

Capitulum.

v. 24.

Qui peccata nostra ipse pertulit in corpore suo super lignum, ut peccatis mortui iustitiae vivamus: cujus livore sanati estis.

R. br. Ipse vulneratus est * Propter iniquitates nostras. **Ipse.**

V. Attritus est propter scelera nostra. **Propter.** **Gloria Patri.** **Ipse.**

V. Disciplina pacis nostrae super eum.

R. Cujus livore sanati sumus.

In II. Vesperis.

Omnia ut in primis: et loco ultimi

Psalmus 115.

Credidi, propter quod locutus sum: * ego autem humiliatus sum nimis. **Ego dixi in excessu meo: * Omnis homo mendax.**

Quid retribuam Domino * pro omnibus, quae retribuit mihi?

Calicem salutaris accipiam: * et nomen Domini invocabo.

Vota mea Domino reddam coram omni populo ejus: * pretiosa in conspectu Domini mors sanctorum ejus.

O Domine, quia ego servus tuus: * ego servus tuus, et filius ancillae tuae. Dirupisti vincula mea: * tibi sacrificabo hostiam laudis, et nomen Domini invocabo.

Vota mea Domino reddam in conspectu omnis populi ejus: * in atriis domus Domini, in medio tui, Jerusalem.

Ad Magnificat, Antiphona, to. 3.

Vere languores nostros ipse tulit, et dolores nostros ipse portavit: et nos putavimus eum quasi leprosum, et percussum a Deo, et humiliatum.

Oratio. Deus qui. ut supra. [232]

Et fit commemoratio Ferie currentis.

Antiph. Qui me sanum fecit, ille mihi praecepit: Tolle grabatum tuum, et ambula in pace.

V. Angelis suis Deus mandavit de te.

R. Ut custodiant te in omnibus viis tuis.

Oratio.

Exaudi nos, misericors Deus: et mentibus nostris gratiae tuae lumen ostende. Per Dominum.

FERIA SEXTA

Post Dominicam II. Quadrag.

In Festo

Sacratissimae Sindonis D. N. J. C.

Duplex.

AD VESPERAS.

Antiph. to. 8. Joseph nobilis Decurio. **cum reliquis de Laudibus.** [241]

Psalmus. Dixit Dominus. **cum reliquis, ut in primis Vesperis de Comuni Apostolorum.** [1]

Capitulum.

Isaiae 63.

Quis est iste, qui venit de Edom, tinctis vestibus de Bosra? Iste formosus in stola sua gradiens in multitudine fortitudinis suae? Ego qui loquor iustitiam, et propugnator sum ad salvandum.

Hymnus.

Gloriam sacræ celebrémus omnes
Sindonis: lætis recolámus hymnis,
Et piis votis monuménta nostræ
Certa salutis;

Quæ refert semper veneránda Sindon
Sanguine impréssis decoráta signis,
Dum cruce ex alta tulit involútum
Corpus Jesu.

Redit hæc sævos ánimo dolóres,
Quos tulit, casum miserátus Adæ,
Christus humáni géneris Redemptor,
Morte perémpta.

Saucium ferro latus, atque palmas,
Et pedes clavis, laceráta flagris
Membra, et infixam cápiti coronam
Monstrat imágo.

Quis pius siccis óculis, et absque
Intimi cordis gémitu notáta,
Vivaque indignæ simulácra mortis
Cernere póssit?

Nostra cum solum tibi, Christe, culpa
Causa tantórum fúerit malórum,
Nostra debétur tibi vita; vitam
Dédimus ipsam.

Sit tibi, Fili, decus atque virtus,
Qui tuo mundum rédimis cruóre,
Quique cum summo Genitóre, et almo
Flámine regnas. Amen.

V. Tuam Sindonem venerámur, Dó-
mine.

R. Tuam recólimus Passiónem.

Ad Magnificat, Antiphona, to. 1. r.

Joseph vir bonus, et justus accéssit
ad Pilátum, et pétiit corpus Jesu,
quo accépto, involvit illud in Síndone
munda.

Oratio.

Deus, qui nobis in sancta Síndone,
qua Corpus tuum sacratíssimum
e cruce depósitum a Joseph involú-
tum fuit, passiónis tuæ vestígia reli-
quisti; concéde propítius, ut per mor-
tem, et sepultúram tuam ad resurrec-
tiónis glóriam perducámur: Qui vivis
et regnas cum Deo Patre.

Et fit commemoratio Feriæ.

Antiph. Dives ille guttam aquæ pé-
tiit, qui micas panis Lázaro negávit.
V. Angelis suis Deus mandávit de te.
R. Ut custódiant te in ómnibus viis
tuis.

Oratio.

Adesto, Dómine, fámulis tuis, et
perpétuam benignitátem largíre
poscéntibus: ut iis, qui te auctóre et
gubernatóre gloriántur, et congregáta
restáures, et restauráta consérves. Per
Dóminum.

AD MATUTINUM.

Invitatorium. Christum Dóminum,
qui passiónis suæ memóriam in sacra
Síndone rénovat,* Veníte, adorémus.

Hymnus.

Mystérium mirábile
Hac luce nobis pánditur,
Verus Dei cum Fílius
Mortem cruéntam sústinet.

Causam tuéndo sérvuli,
Reíque formam véstiens,
Pro servo herus suspénditur,
Pro sonte justus pléctitur.

Necis manent insígnia
Impréssa sacra in Síndone,
Quæ post triúmphum nóbilem
Corpus cruéntum invólverat.

Sunt mortis hæc, et tártari,
Mundíque victi insígnia;
Trophæa sunt hæc ínclýta
Ductóris invictíssimi.

Debémus ergo hanc grátiam
Nostræ salutis Víndici,
Ut dæmonis contra dolos
Hac militémus téssera.

Vitæ vetústæ mórtui
Surgámus in vitam novam,
Christum secúti per crucem,
Christi fruémur glória.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

IN I. NOCTURNO.

Antiph. to. 8. Rubrum est indumentum tuum, et vestimenta tua sicut calcantium in torculari.

Psalmus 4.

Cum invocarem, exaudivit me Deus iustitiæ meæ: * in tribulatione dilatasti mihi.

*Miserere mei, * et exaudi orationem meam.*

*Filii hominum, usquequo gravi corde? * ut quid diligitis vanitatem, et queritis mendacium?*

*Et scitote quoniam mirificavit Dominus sanctum suum: * Dominus exaudiet me, cum clamavero ad eum.*

*Irascimini, et nolite peccare: * quæ dicitis in cordibus vestris, in cubilibus vestris compungimini.*

*Sacrificate sacrificium iustitiæ, et sperate in Domino. * Multi dicunt: Quis ostendit nobis bona?*

*Signatum est super nos lumen vultus tui, Domine: * dedisti lætitiā in corde meo.*

*A fructu frumenti, vini, et olei sui * multiplicati sunt.*

*In pace in idipsum * dormiam, et requiescam;*

*Quoniam tu, Domine, singulariter in spe * constituisti me.*

Antiph. Rubrum est indumentum tuum, et vestimenta tua sicut calcantium in torculari.

Antiph. to. 3. Aspersionis est sanguis super vestimenta mea, omnia indumenta mea inquinavi.

Psalmus 15.

Conserva me, Domine, quoniam speravi in te. * Dixi Domino: Deus meus es tu, quoniam bonorum meorum non eges.

*Sanctis, qui sunt in terra ejus, * mirificavit omnes voluntates meas in eis.*

*Multiplicatæ sunt infirmitates eorum: * postea acceleraverunt.*

*Non congregabo conventicula eorum de sanguinibus; * nec memor ero nominum eorum per labia mea.*

*Dominus pars hereditatis meæ, et calicis mei: * tu es, qui restitues hereditatem meam mihi.*

*Funes ceciderunt mihi in præclavis: * etenim hereditas mea præclara est mihi.*

*Benedicam Dominum, qui tribuit mihi intellectum: * insuper et usque ad noctem increpuerunt me renes mei.*

*Providēbam Dominum in conspectu meo semper: * quoniam a dextris est mihi, ne commovear.*

*Propter hoc lætatum est cor meum, et exultavit lingua mea: * insuper et caro mea requiescet in spe.*

*Quoniam non derelinques animam meam in inferno: * nec dabis sanctum tuum videre corruptionem.*

*Notas mihi fecisti vias vitæ, adimplēbis me lætitiā cum vultu tuo: * delectationes in dextera tua usque in finem.*

Antiph. Aspersionis est sanguis super vestimenta mea, omnia indumenta mea inquinavi.

Antiph. to. 8. f. Diviserunt sibi vestimenta mea, et super vestem meam miserunt sortem.

Psalmus 14.

Domine, quis habitabit in tabernaculo tuo? * aut quis requiescet in monte sancto tuo?

*Qui ingreditur sine macula, * et operatur iustitiam:*

*Qui loquitur veritatem in corde suo, * qui non egit dolum in lingua sua:*

*Nec fecit proximo suo malum, * et opprobrium non accepit adversus proximos suos.*

*Ad nihilum deductus est in conspectu ejus malignus: * timētes autem Dominum glorificat:*

*Qui jurat proximo suo, et non decipit, * qui pecuniam suam non dedit ad usuram, et munera super innocentem non accepit.*

Qui facit hæc, * non movébitur in ætérnum.

Antiph. Diviserunt sibi vestiménta mea, et super vestem meam miserunt sortem.

V. Tuam Síndonem venerámur, Dómine.

R. Tuam recólimus passiónem.

De Isaíá Prophéta.

Lectio i.

Cap. 53.

Quis credidit audítui nostro? et brá-
chium Dómini, cui revelátum est?
et ascéndet sicut virgúltum coram eo,
et sicut radix de terra sitiénti. Non
est spécies ei, neque decor, et vídi-
mus eum, et non erat aspéctus, et de-
siderávimus eum: despéctum, et no-
víssimum virórum, virum dolórum et
sciéntem infirmitátem, et quasi abs-
cónditus vultus ejus, et despéctus,
unde nec reputávimus eum. Vere
languóres nostros ipse tulit, et doló-
res nostros ipse portávit, et nos putá-
vimus eum quasi leprósum et percús-
sum a Deo, et humiliátum. Ipse au-
tem vulnerátus est propter iniquitátes
nostras, attrítus est propter scélera
nostra, disciplína pacis nostræ super
eum, et livóre ejus sanáti sumus.

R. Ecce vídimus eum non habéntem
spécies, neque decórem; aspéctus
ejus in eo non est: Hic peccáta nostra
portávit, et pro nobis dolet; ipse au-
tem vulnerátus est propter iniquitátes
nostras, * Cujus livóre sanáti sumus.

V. Vere languóres nostros ipse tulit,
et dolóres nostros ipse portávit. **Cujus.**

Lectio ii.

Omnes nos quasi oves errávimus,
unusquisque in viam suam decliná-
vit, et pósuit Dóminus in eo iniquitá-
tem ómnium nostrum. Oblátus est
quia ipse vóluit, et non apérui os
suum. Sicut ovis ad occisiónem du-
cétur, et quasi agnus coram tondénte
se obmutéscet, et non apériet os suum:

de angústia et de judício sublátus
est; generatióem ejus quis enarrá-
bit? Quia abscíssus est de terra vi-
véntium: propter scelus populi mei
percússi eum, et dabit ímpios pro se-
pultúra, et dívitem pro morte sua, eo
quod iniquitátem non fécerit, neque
dolus fúerit in ore ejus.

R. Quid sunt plagæ istæ in médio má-
nuum tuárum? * Et dicet: his plagá-
tus sum in domo eórum, qui diligé-
bant me.

V. Frámea suscitáre super pastórem
meum, et super virum cohæréntem
mihi. **Et dicet.**

Lectio iii.

ET Dóminus vóluit contérere eum
in infirmitáte; si posúerit pro pec-
cáto ánimam suam, vidébit semen
longævum, et volúntas Dómini in ma-
nu ejus dirigétur. Pro eo, quod labo-
rávit ánimá ejus, vidébit, et saturá-
bitur: in sciéntia sua justificábit ipse
justus servus meus multos, et iniqui-
tátes eórum ipse portábit. Ideo dispér-
tiam ei plúrimos, et fórtium dívi-
det spólia, pro eo, quod trádedit in
mortem ánimam suam, et cum scele-
rátis reputátus est, et ipse peccáta
multórum tulit, et pro transgressóri-
bus rogávit.

R. Tuam Síndonem venerámur, Dó-
mine, tuam gloriósam recólimus pas-
siónem: * Miserére nobis, qui passus
es pro nobis.

V. Salva præsentem catérvam in tuis
hódie láudibus congregátam. **Mise-
rére. Glória Patri. Miserére.**

IN II. NOCTURNO.

Antiph. to. 6. Quasi abscónditus vul-
tus ejus, et despéctus, unde nec re-
putávimus eum.

Psalmus 23.

Domini est terra, et plenitúdo ejus:
* orbis terrárum, et univérsi, qui
hábitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus, et mundo corde: * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Antiph. Quasi absconditus vultus ejus, et despéctus, unde nec reputávimus eum.

Antiph. to. 2. Omnes vidéntes me derisérunt me, locúti sunt lábiis, et movérunt caput.

Psalmus 26.

Dominus illuminátio mea, et salus mea, * quem timébo?

Dóminus protéctor vitæ meæ, * a quo trepidábo?

Dum apprópíant super me nocéntes, * ut edant carnes meas.

Qui tríbulant me inimíci mei, * ipsi infirmáti sunt, et cecidérunt.

Si consístant advérsus me castra: * non timébit cor meum.

Si exúrgat advérsus me prælium: * in hoc ego sperábo.

Unam pétii a Dómino, hanc requíram: * ut inhábitem in domo Dómini ómnibus diébus vitæ meæ.

Ut vídeam voluptátem Dómini: * et vísitem templum ejus.

Quóniam abscondit me in tabernáculo suo: * in die malórum protéxit me in abscondito tabernáculo sui.

In petra exaltávit me: * et nunc exaltávit caput meum super inimícos meos.

Circuíví, et immolávi in tabernáculo ejus hóstiam vociferatiónis: * cantábo, et psalmum dicam Dómino.

Exáudi, Dómine, vocem meam, qua clamávi ad te: * miserére mei, et exáudi me.

Tibi dixit cor meum, exquisívit te fácies mea: * fáciem tuam, Dómine, requíram.

Ne avértas fáciem tuam a me: * ne declínes in ira a servo tuo.

Adjútor meus esto: * ne derelínquas me, neque despícias me, Deus salutáris meus.

Quóniam pater meus, et mater mea dereliquerunt me: * Dóminus autem assúpsit me.

Legem pone mihi, Dómine, in via tua: * et dírige me in sémitam rectam propter inimícos meos.

Ne tradíderis me in ánimas tribulántium me: * quóniam insurrexérunt in me testes iníqui, et mentíta est iníquitas sibi.

Credo vidére bona Dómini * in terra vivéntium.

Expécta Dóminum, viríliter age: * et confortétur cor tuum, et sústine Dóminum.

Antiph. Omnes vidéntes me derisérunt me, locúti sunt lábiis, et movérunt caput.

Antiph. to. 7. r. Trádidit in mortem ánimam suam, et ipse peccáta multórum tulit.

Psalmus 29.

Exaltábo te, Dómine, quóniam suscepísti me: * nec delectásti inimícos meos super me.

Dómine Deus meus, clamávi ad te, * et sanásti me.

Dómine, eduxísti ab inférno ánimam meam: * salvásti me a descendéntibus in lacum.

Psállite Dómino, Sancti ejus: * et confitémini memóriæ sanctitátis ejus. Quóniam ira in indignatióne ejus: * et vita in voluntáte ejus.

Ad vésperum demorábitur fletus: * et ad matutínium lætítia.

Ego autem dixi in abundántia mea: * Non movébor in ætérnum.

Dómine, in voluntáte tua, * præstitísti decóri meo virtútem.

Avertísti faciém tuam a me: * et factus sum conturbátus.

Ad te, Dómine, clamábo: * et ad Deum meum deprecábor.

Quæ utilitas in sángine meo, * dum descéndo in corruptiódinem?

Numquid confitébitur tibi pulvis, * aut annuntiábit veritátem tuam?

Audívit Dóminus, et misértus est mei: * Dóminus factus est adjútor meus.

Convertísti planctum meum in gáudium mihi: * conscidísti saccum meum, et circumdedísti me lætítia.

Ut cantet tibi glória mea, et non compúngar: * Dómine Deus meus, in ætérnum confitébor tibi.

Antiph. Trádidit in mortem ánimam suam, et ipse peccáta multórum tulit.

V. Adorámus te, Christe, et benedícimus tibi.

R. Quia per Crucem tuam redemísti mundum.

Sermo Sancti Ambrósii Epíscopi.

Lectio iv.

LUC. 23.

Quid sibi vult, quod non Apóstoli, sed Joseph, et Nicodémus, ut Joánnes dicit, Christum sepéliunt? Unus justus, et constans, alter, qui erat magíster in Israel. Talis enim Christi est sepultúra, quæ justítiam, magisteriúmque hábeat. Obstrúitur ígitur tergiversándi locus, et doméstico Judæi testimónia revincúntur. Nam si Apóstoli sepelíssent, dicerent

útique non sepúltum, quem sepúltum raptum esse dixerunt. Justus autem Christi corpus óperit Síndone, innocens ungit unguénto. Namque hæc non otíose distincta reperímus: quia justítia vestit Ecclésiám, innocentia grátiam subministrat.

R. O admirábilis Sindon! * In qua involútus est thesáurus noster, redemptio captivórum.

V. Gaudet totus mundus, qui redemptus est sángine Dómini sui. **In qua.**

Lectio v.

VEsti ergo et tu Dómini corpus glória sua, ut et ipse sis justus. Et si mórtuum credis, óperi tamen divinitátis própriæ plenitúdine; unge illud myrrha, et áloe, ut bonus odor Christi sis. Bonum línteum misit Joseph ille vir justus; et fortásse illud, quod Petrus vidit e cælo ad se esse demíssum, in quo erant génera quadrúpedum, et ferárum, et vólucrum ad similitúdinem gentílium figuráta. Mýstico ígitur unguénto illo pístico consepeliétur Ecclésiá, quæ diversitátem populórum fidei suæ communióne sociávit.

R. Tulérunt túnica Joseph fratres ejus, et in sángine hoédi, quem occidérunt, tinxérunt, mitténtes qui ferret ad patrem, et diceret: * Hanc invénimus, vide, num túnica filii tui sit, an non?

V. Quam cum agnovísset pater, ait: Túnica filii mei est, fera péssima devorávit eum. **Hanc.**

Lectio vi.

Hunc Joseph justum Lucas dixit, Matthæus dívitem; et mérito dives hoc loco dicitur, ubi corpus súscipit Christi; suscipiéndum enim dívitem, nescívit fidei paupertátem. Dives est ergo, qui justus est. Justus ígitur Síndone invólvit; Israelíta vero et diversos miscet virtútum odóres, et áloes mittit quasi libras centum, hoc est

perfectæ fidei quantitatem. Et ligaverunt corpus Jesu juxta consuetudinem specialem Judæorum, non utique nodis perfidiæ, sed fidei ligaturis; et posuerunt in horto, cui frequenter Ecclesia comparatur, quæ diversorum habet poma meritum florisque virtutum.

R. Christus passus est pro nobis, vobis relinquens exemplum, ut sequamini vestigia ejus, * Qui peccatum non fecit, nec inventus est dolus in ore ejus.

V. Qui cum malediceretur, non maledicebat; cum pateretur, non comminabatur. Qui peccatum. Gloria Patri. Qui peccatum.

IN III. NOCTURNO.

Antiph. to. 8. Caro mea requiescet in spe, quia non dabis sanctum tuum videre corruptionem.

Psalmus 53.

Deus, in nomine tuo saluum me fac: * et in virtute tua iudica me.

Deus, exaudi orationem meam: * auribus percipe verba oris mei.

Quoniam alieni insurrexerunt adversum me, et fortes quæsiérunt animam meam: * et non proposuerunt Deum ante conspectum suum.

Ecce enim Deus adjuvat me: * et Dominus susceptor est animæ meæ.

Averte mala inimicis meis: * et in veritate tua disperde illos.

Voluntarie sacrificabo tibi: * et confitebor nomini tuo, Domine, quoniam bonum est.

Quoniam ex omni tribulatione eripuisti me: * et super inimicos meos despexit oculus meus.

Antiph. Caro mea requiescet in spe, quia non dabis sanctum tuum videre corruptionem.

Antiph. to. 7. r. Convertisti planctum meum in gaudium mihi, conscidisti saccum meum, et circumdedisti me lætitia.

Psalmus 75.

Notus in Judæa Deus: * in Israel magnum nomen ejus.

Et iactus est in pace locus ejus: * et habitatio ejus in Sion.

Ibi confrégit poténtias arcuum, * scutum, gládium, et bellum.

Illuminans tu mirabiliter a montibus æternis: * turbati sunt omnes insipientes corde.

Dormierunt somnum suum: * et nihil invenerunt omnes viri divitiarum in manibus suis.

Ab increpatione tua, Deus Jacob, * dormitaverunt qui ascenderunt equos.

Tu terribilis es, et quis resistet tibi? * ex tunc ira tua.

De coelo auditum fecisti iudicium: * terra tremuit, et quievit,

Cum exurgeret in iudicium Deus: * ut salvos faceret omnes mansuetos terræ.

Quoniam cogitatio hominis confitebitur tibi: * et reliquiae cogitationis diem festum agent tibi.

Vovete, et reddite Domino Deo vestro, * omnes, qui in circuitu ejus affertis munera.

Terribili et ei, qui aufert spiritum principum: * terribili apud reges terræ.

Antiph. Convertisti planctum meum in gaudium mihi, conscidisti saccum meum, et circumdedisti me lætitia.

Antiph. to. 4. Factus sum sicut homo sine adiutorio, inter mortuos liber.

Psalmus 87.

Domine Deus salutis meæ, * in die clamavi, et nocte coram te.

Intret in conspectu tuo oratio mea: * inclina aurem tuam ad precem meam.

Quia repléta est malis anima mea: * et vita mea inferno appropinquavit.

Aestimatus sum cum descendéntibus in lacum: * factus sum sicut homo sine adiutorio, inter mortuos liber.

Sicut vulnerati dormientes in sepulchris, quorum non es memor amplius: * et ipsi de manu tua repulsi sunt.

Posuérunt me in lacu inferióri: * in tenebrósis, et in umbra mortis.

Super me confirmátus est furor tuus: * et omnes fluctus tuos induxísti super me.

Longe fecísti notos meos a me: * posuérunt me abominatióem sibi.

Tráditus sum, et non egrediébar: * óculi mei languérunt præ inópia.

Clamávi ad te, Dómine, tota die: * expándi ad te manus meas.

Numquid mórtuis fácies mirabília: * aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam: * et veritátem tuam in perditiónem?

Numquid cognoscéntur in ténebris mirabília tua: * et justítia tua in terra obliuiónis?

Et ego ad te, Dómine, clamávi: * et mane orátio mea præveniet te.

Ut quid, Dómine, repéllis oratióem meam: * avértis faciém tuam a me?

Pauper sum ego, et in labóribus a juventúte mea: * exaltátus autem, humiliátus sum, et conturbátus.

In me transiérunt iræ tuæ: * et terróres tui conturbavérunt me.

Circumdedérunt me sicut aqua tota die: * circumdedérunt me simul.

Elongásti a me amicum, et próximum: * et notos meos a miséria.

Antiph. Factus sum sicut homo sine adjutório, inter mórtuos liber.

V. Omnis terra adóret te, et psallat tibi.

R. Psalmum dicat nómini tuo, Dómine.

Lectio sancti Evangélii secúndum Marcum.

Lectio vii.

Cap. 15.

IN illo témpore: Cum jam sero factum esset, quia erat Parascéve, quod est ante Sábbatum, venit Joseph ab Arimathæa nóbilis Decúrio, qui et ipse erat expéctans regnum Dei. Et réliqua.

Homília Venerábilis Bedæ Presbýteri.

In fer. 3. Palmar.

Parascéve græce, latíne præparatio dicitur, quo nómine Judæi, qui inter Græcos morabántur, sextam Sábbati appellábant, eo quod in illo ea, quæ requiúi Sábbati necessariæ essent, præparáre solérent. Juxta hoc, quod de manna quondam præcéptum est: Sexta autem die colligétis duplum. Quia ergo sexta die factus est homo, et tota est mundi creatúra perfécta; séptima autem Cónditor ab ópere suo requiévít; unde et hanc Sábbatum, hoc est, réquiem vóluit appellári: recte Salvátor eádem sexta die crucifíxus humanæ restauratiónis implévit arcánium; ideóque cum accepísset acétum, dixit: Consummátum est, hoc est, sextæ diéi, quod pro mundi refectione suscepí, jam totum est opus explétum. Sábbato autem in sepúlchro requiéscens, resurrectionis, quæ octáva die ventúra erat, expectábat événtum.

R. Mercátus est Joseph Síndonem mundam, ut invólveret in ea corpus Dómini: * Venit ergo, et tulit corpus ejus.

V. Rogávit Pilátum Joseph ab Arimathæa, ut tólleret corpus Jesu. **V**enit.

Lectio viii.

Venit, inquit, Joseph ab Arimathæa nóbilis Decúrio, qui et ipse erat expéctans regnum Dei, et audácter introívit ad Pilátum, et pétíit corpus Jesu. Magnæ quidem Joseph iste dignitátis ad sáeculum, sed majóris apud Deum mériti fuisse laudátur. Talem namque exístere decébat eum, qui corpus Dómini sepelíret; qui et per justítiam meritórum tali ministério dignus esset, et per nobilitátem poténtiæ sæculáris facultátem posset obtinére ministrándi; non enim quilibet ignótus, aut mediócris ad Præsidem accédere, et Crucifíxi corpus póterat impetráre.

R. Hæc est Sindon digníssima, * In qua salutis Auctor de cruce depositus involvi dignatus est.

V. Ut nos consepulti cum eo, veteris hominis exuviis depositis, innocentiae Sindone tegeremur. In qua. Glória Patri. In qua.

Nona Lectio de Homilia Feriæ currentis.

Benedictio. Per Evangelica dicta.

Lectio sancti Evangelii secundum Matthæum.

Lectio ix.

Cap. 21. d.

IN illo tempore: Dixit Jesus turbis Judæorum, et principibus sacerdotum parabolam hanc: Homo erat paterfamilias, qui plantavit vineam, et sepem circumdedit ei. Et reliqua.

Homilia Sancti Ambrósii Episcopi.

Lib. 9. in cap. 20. Lucæ.

Plerique varias significationes de vineæ appellatione derivant: sed evidenter Isaias vineam Domini Sabaoth, domum Israel esse memoravit. Hanc vineam quis alius, nisi Deus, condidit? Hic est ergo qui eam locavit colonis, et ipse peregre fuit: non quia ex loco ad locum profectus est Dominus, qui ubique semper præsens est: sed quia est præsentialior diligentibus, negligentibus abest. Multis temporibus absuit, ne præpropera videretur exactio. Nam quo indulgentior liberalitas, eo inexcusabilior pervicacia.

Te Deum laudamus. 13.

AD LAUDES

ET PER HORAS.

Antiph. to. 8. Joseph nobilis Decurio, vir bonus, et justus, et ipse dives, erat expectans regnum Dei.

Psalmus. Dominus regnavit. cum reliquis de Dominica. 14.

Antiph. to. 4. Hic audacter introivit ad Pilatum, et petiit corpus Jesu.

Antiph. to. 1. f. Cum cognovisset Pilatus a Centurione, quod jam mortuus esset, donavit corpus Jesu.

Antiph. to. 8. Joseph autem mercatus Sindonem, et deponeus eum, involvit Sindone.

Antiph. to. 4. Posuit eum in monumento, in quo nondum quisquam positus fuerat.

Capitulum.

Isaiæ 63.

Quis est iste, qui venit de Edom tinctis vestibus de Bosra? Iste formosus in stola sua, gradiens in multitudinem fortitudinis suæ? Ego qui loquor justitiam, et propugnator sum ad salvandum.

Hymnus.

Jesu, dulcis amor meus,
Ac si præsens sis, accedo;
Te compléctor cum affectu,
Tuorum memor vulnerum.

O quam nudum hic te cerno,
Vulneratum, et distentum,
Inquinatum, involutum
In hoc sacro tegmine!

Salve, caput cruentatum
Spinis, cujus dulcis vultus
Immutavit suum florem,
Quem cœli tremit Cúria.

Salve, latus Salvatoris,
Salve, mitis apertura,
Super rosam rubicunda,
Medela salutifera.

Manus sanctæ, vos avete,
Diris clavis perforatæ:
Ne repellas me, Salvator,
De tuis sanctis pedibus.
Amen.

V. Dominus regnavit, decorem induit.
R. Induit Dominus fortitudinem, et præcinxit se virtute.

Ad Benedictus, Antiphona, to. 2.
Joseph nóbilis Decúrio, expéctans et ipse regnum Dei, mercátus est Síndonem, et depónens corpus Jesu involvit illud in Síndone.

Oratio.

DEus, qui nobis in sancta Síndone, qua corpus tuum sacratíssimum e cruce depósitum a Joseph involútum fuit, passióis tuæ vestígia reliquisti; concéde propítius, ut per mortem, et sepultúram tuam ad resurrectionis glóriam perducámur: Qui vivis, et regnas cum Deo Patre.

Et fit commemoratio Feriæ.

Antiph. Malos male perdet, et vineam suam locábit áliis agrícolis, qui reddant ei fructum tempóribus suis.

V. Angelis suis Deus mandávit de te.

R. Ut custódiant te in ómnibus viis tuis.

Oratio.

DA, quæsumus, omnipotens Deus: ut sacro nos purificánte jejúnio, sincéris méntibus ad sancta ventúra fácias perveníre. Per Dóminum.

Ad Tertiam.

Antiph. to. 4. Hic audácter.

Capitulum.

Isaiae 63.

Quis est iste, qui venit de Edom tinctis véslibus de Bosra? Iste formósus in stola sua, grádiens in multitúdine fortitúdinis suæ? Ego qui loquor justítiam, et propugnátor sum ad salvándum.

R. br. Tuam Síndonem * Venerámur, Dómine. Tuam Síndonem.

V. Tuam recólimus passiónem. Venerámur. Glória Patri. Tuam Síndonem.

V. Adorámus te, Christe, et benedícimus tibi.

R. Quia per mortem tuam redemísti mundum.

Ad Sextam.

Antiph. to. 1. f. Cum cognovísset.

Capitulum.

Isaiae 63.

Quare ergo rubrum est indumentum tuum, et vestiménta tua sicut calcántium in torculári? Tórcular calcávi solus, et de géntibus non est vir mecum.

R. br. Adorámus te, Christe, * Et benedícimus tibi. Adorámus.

V. Quia per mortem tuam redemísti mundum. Et benedícimus. Glória Patri. Adorámus.

V. Omnis terra adóret te, et psallat tibi.

R. Psalmum dicat nómini tuo, Dómine.

Ad Nonam.

Antiph. to. 4. Pósuit eum.

Capitulum.

Isaiae 63.

Circumspéxi, et non erat auxiliátor, quæsívi, et non fuit, qui adjuváret, et salvávit mihi bráchium meum; et indignátio mea ipsa auxiliáta est mihi.

R. br. Omnis terra adóret te, * Et psallat tibi. Omnis.

V. Psalmum dicat nómini tuo, Dómine. Et psallat. Glória Patri. Omnis.

V. Dóminus regnávit decórem índuit.

R. Índuit Dóminus fortitúdinem, et præcínxit se virtúte.

In II. Vesperis.

Omnia ut in primis, præter ultimum Psalmum, ejus loco dicitur

Psalmus 141.

Voce mea ad Dóminum clamávi: * voce mea ad Dóminum deprecátus sum:

Effúndo in conspéctu ejus oratióem meam, * et tribulatióem meam ante ipsum pronúntio.

In deficiéndo ex me spíritum meum, * et tu cognovísti sémitas meas.

In via hac, qua ambulábam, * abscondérunt láqueum mihi.

Considerábam ad dexteram, et vidébam: * et non erat, qui cognósceret me.

Périit fuga a me, * et non est, qui requírat ánimam meam.

Clamávi ad te, Dómine, * dixi: Tu es spes mea, pórtio mea in terra vivéntium.

Inténde ad deprecatióem meam: * quia humiliátus sum nimis.

Libera me a persecuéntibus me: * quia confortáti sunt super me.

Educ de custódia ánimam meam ad confiténdum nómini tuo: * me expéctant iusti, donec retríbuas mihi.

Antiph. Pósuit eum in monuménto, in quo nondum quisquam pósitus fúerat.

Ad Magnificat, Antiphona, to. 8.

Homo quidam dives ab Arimathæa, nómine Joseph, accépto corpore Jesu, invólvit illud in Síndone munda.

Oratio.

Deus, qui nobis in sancta Síndone, qua corpus tuum sacratíssimum e cruce depósitum a Joseph involútum fuit, passiónis tuæ vestígia reliquisti; concéde propítius, ut per mortem, et sepultúram tuam ad resurrectionis glóriam perducámur: Qui vivis, et regnas cum Deo Patre.

Et fit commemoratio Feriæ.

Antiph. Quæréntes eum tenére, timuérent turbam, quia sicut Prophétam eum habébant.

V. Angelis suis Deus mandávit de te.

R. Ut custódiant te in ómnibus viis tuis.

Oratio.

Da, quæsumus, Dómine, pópulo tuo salútem mentis et corpóris: ut bonis opéribus inhæréndo, tuæ semper virtútis mereátur protectiόne defendi. Per Dóminum.



FESTA MARTII.

Die 2. Martii.

In Festo S. Simplicii, Papæ Conf. Duplex.

Omnia de Communi Confessoris Pontificis [62], præter sequentia.

Oratio. Da, quæsumus.

Lectiones primi Nocturni. Fidélis sermo. de Communi. [64]

IN II. NOCTURNO.

Lectio iv.

Simplícus Tiburtínus, patre Castório, próxime post sanctum Hílarum Románæ Ecclésiæ Principátum suscepit, ac difficíllimis temporibus (cum magna ex parte Christiáni orbis Cathólica Fides, ob cunctos fere Príncipes hæresi inféctos, nutáret) summa vigilántia gubernávit. Leóni Imperatóri peténti, ut rata haberéntur concessa ab Episcopis Synodi Chalcedonénsis Ecclésiæ Constantinopolitánæ privilégia, veheméntius réstitit, misso étiam eam ob causam Constantinópolis suo Legáto. Eádem pastoráli sollicitúdine plúrimum laborávit, ut Timótheus Ælúrus, Alexandrínæ Ecclésiæ invásor, qui Constantinópolis libere degens, adnitebátur quammaxime propagáre hæresim, novúmque Zenónis Imperatóris ópera cogi Concílium, pellerétur in exílium, sicque integritáti suæ Alexandrina redderétur Ecclésia. Reliquórum item perduéllium pro nova Sýnodo indicénda

conátibus fórtiter óbstitit, ásserens, nova Concília non fácite convocánda, nisi cum áliquíd in pravis sénsibus novum, aut in assertióne dógmatum emersisset ambíguum.

R. Invéni David servum meum, óleo sancto meo unxi eum; * Manus enim mea auxiliábitur ei.

V. Nihil proficiet inimícus in eo, et filius iniquitátis non nocébit ei. Manus.

Lectio v.

DAmnávit íterum Petrum Moggum, álterum Alexandrínæ Sedis invasórem, curavítque, ut ex urbe pellerétur, ne áliquos módicæ fidei infíceret, et ad perversitátis suæ factiónem pertráheret. Timótheo Solofacolo, legítimo ejúsdem Ecclesiæ Antístiti, juxta prístinum institútum, per suos Legátos erróris sui condonatiónem expeténti, idcírco quod timóre pertér-ritus Dióscorum ad Altáre nominásset, véniam impértiit. Antiochéni Epíscopi electiόnem ad seditiόnes vitándas Constantinópolis in Concílii Nicæni præjudícium peráctam, ea lege ratam hábuit, ut deinceps, secúndum Patrum difinitiόnes; Orientáli com-provinciálium Episcopórum Sýnodo, creatiό Antiochéni Pontíficis reser-varétur. Oblatiόnes Ecclesiæ ita partiéndas esse præcepit, ut una dum-táxat pórtio Epíscopo, una ítidem Clero, duæ vero in Ecclesiæ fábricam, et peregrínos, ac páuperes erogarén-tur. Zenónem Episcopum Hispalén-sem vicária Sedis Apostólicæ aucto-ritáte fulcívít, ne Apostólicæ institú-tiόnis decreta, et sanctórum términos Patrum in Hispániis transcéndi per-mitteret.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei.

V. Invéni David servum meum, óleo sancto meo unxi eum. Manus.

Lectio vi.

STátuit in Urbe hebdómadas, ut propter baptísmum, et pœnitén-tiam peténtes, Presbýteri quidem de regiόne prima apud sanctum Paulum, de tértia apud sanctum Lauréntium, et de séptima apud sanctum Petrum manérant. Dedicávit Basílicas sancti Stéphaní in Célió Monte, sancti Andræ Apóstoli juxta sanctam Mariam, item áliam sancti Stéphaní juxta sanc-tum Lauréntium, ac postremo sanctæ Bibiánæ Mártiris áliam intra Urbem juxta Palátium Liciniánum: itémque vasa complúra tum argénteá, tum áu-rea Románæ cóntulit Ecclesiæ. De-mum, Zenóne Imperatóre, et Odoácre Itáliæ Rege, migrávit ad Dóminum. Hábuit Ordinatiόnes tres mense De-cémbri, quibus creávit Presbýteros quinquaginta octo, Diáconos únde-cim, Episcopos per diversa loca tri-ginta sex. Sacerdótium administrávit annos quíndecim, menses quin-que, et dies decem.

R. Iste est, qui ante Deum magnas virtútes operátus est, et omnis terra doctrína ejus repléta est: * Ipse in-tercedat pro peccátis ómnium popu-lórum.

V. Iste est qui contémpsit vitam mun-di, et pervénit ad cœlestia regna. Ipse. Glória Patri. Ipse.

In tertio Nocturno, Homilia super Evangelium. Homo péregre. de Com-muni. [68]

Nona Lectio et commemor. Feriæ.

Die 4. Martii.

In Festo **S. Lucii**, Papæ Martyris.

Duplex.

Omnia de Communi unius Martyris [26], præter sequentia.

Oratio. Deus, qui nos.

Lectiões primi Nocturni. A Miléto. de Communi. [27]

IN II. NOCTURNO.

Lectio iv.

Lucius Románus, patre Porphýrio, post sancti Cornélii consummationem, Románæ Ecclesiæ Episcopatum tenuit. Sanxit, ut duo Presbyteri, ac tres Diáconi, Ecclesiastici causa testimonii, quovis loco Episcopum non desererent. Pacem lapsis dandam, et, pœnitentia acta, communicationis fructum negandum non esse, Spíritu Dei plenus (ut sanctus Cyprianus scripsit) literis suis significavit. Ob Christi fidem exilio relegatus, et postmodum ad Ecclesiam suam incolumis redire permixsus, tandem omni Ecclesiæ facultate Archidiacono suo Stéphano prius tradita, capite truncatus est quarto Nonas Martii, Gallo, et Volusiano Principibus. Duas habuit Ordinationes mense Decembri, quibus Presbyteros quatuor, Episcopos per diversa loca septem creavit. Ejus corpus primo via Appia ad sanctum Xystum, in Cœmetério Callisti sepultum, inde a Paschali Papa in sanctæ Cæciliæ Titulum, una cum ejusdem Virginis, et Sociorum corporibus translatum, ibi sub sancto Altari collocatum fuit.

R. Honestum fecit illum Dominus, et custodivit eum ab inimicis, et a seductoribus tutavit illum: * Et dedit illi claritatem æternam.

V. Descenditque cum illo in foveam: et in vinculis non dereliquit eum. **Et** dedit.

De Epistola Sancti Cypriani Episcopi, et Martyris, et Collegarum ejus ad sanctum Lucium Papam, et Martyrem.

Lectio v.

Nuper quidem tibi, Frater charissime, gratulati sumus, cum te honore geminato in Ecclesiæ suæ administratione Confessorem pariter, et Sacerdotem constituit divina digna-

tio. Sed et nunc non minus tibi, et comitibus tuis, atque universæ fraternitati gratulamur, quod cum eadem gloria, et laudibus vestris, reduces vos denuo ad suos fecerit benigna Domini, et larga protectio: ut pascendo gregi Pastor, et gubernandæ navi Gubernator, et plebi regendæ Rector redderetur; et appareret relegationem vestram sic divinitus esse dispositam, non ut Episcopus relegatus, et pulsus Ecclesiæ deesset, sed ut ad Ecclesiam major rediret. Neque enim in tribus pueris minor fuit martyrii dignitas, quia, morte frustrata, de camino ignis incolumes exierunt; aut non consummatus Daniel extitit in suis laudibus, quia, qui leonibus missus fuerat ad prædam, protectus a Domino vixit ad gloriam. In Confessoribus Christi dilata martyria non merita confessionis minuunt, sed magnalia divinæ protectionis ostendunt.

R. Desiderium animæ ejus tribuisti ei, Domine, * Et voluntate lapidorum ejus non fraudasti eum.

V. Quoniam prævenisti eum in benedictionibus dulcedinis: posuisti in capite ejus coronam de lapide pretioso. **Et** voluntate.

Lectio vi.

Repræsentatum videmus in vobis, quod apud Regem fortes, atque illustres pueri prædicaverunt, ipsos quidem paratos esse ardere flammis, ne diis ejus servirent, aut imaginem, quam fecerat, adorarent; Deum tamen, quem colébant, quemque et nos colimus, potentem esse, ut eos de camino ignis eximeret, et de Regis manibus, ac de pœnis præsentibus liberaret; quod invenimus in confessionis vestræ fide, et in Domini circa vos protectione nunc gestum: ut cum vos parati fueritis, et prompti omne subire supplicium, Dominus tamen vos pœnæ subtraheret, et Ecclesiæ reser-

váret. Regrediéntibus vobis, breviáta non est in Epíscopo confessiõnis suæ dignitas, sed magis crevit Sacerdotális auctóritas, ut Altári Dei assístat Antístes, qui ad confessiõnis arma suménda, et faciénda martýria, non verbis plebem, sed factis cohortétur, et imminénte antichrísto, paret ad prælium mílites, non solum sermónis, et vocis incitaméto, sed fidei, et virtútis exémplo.

R. Stola jucunditátis induit eum Dóminus: * Et corónam pulchritúdinis pósuit super caput ejus.

V. Cibávit illum Dóminus pane vitæ et intelléctus: et aqua sapiéntiæ salutáris potávit illum. **Et corónam.** Glória Patri. **Et corónam.**

In tertio Nocturno Homilia super Evangelium. Si quis vult post me venire. de Communi. [35]

Nona Lectio et commemoratio Feriæ.

Die 5. Martii.

In Festo

S. Joannis Josephi a Cruce, Confess.

Duplex.

Omnia de Communi Confessoris non Pontificis [79], præter ea quæ hic habentur.

Oratio.

DEus, qui beátum Joánnem Joséphum Confessórem tuum per árduas paupertátis, humilitátis, et paciéntiæ vias coelésti glória sublimásti, da nobis, quæsumus, ut, carne mortificáti, ejus imitémur exémpa, et gáudiis perfruámur ætérnis. Per Dóminum.

Deinde fit commemoratio Feriæ.

Lectioes primi Nocturni, Beátus vir. ut in Communi, secundo loco. [88]

IN II. NOCTURNO.

Lectio iv.

ISclæ regni Neápolis in urbe apud Ænáriam ínsulam, paréntibus no-

bilitáte sánguinis, morúmque probitáte præstántibus, ortus est Joánnes Joséphus a Cruce. Christiánæ pietátis sémina, quæ in ejus ánimam, supérnis benedictiõnibus prævéntam, cum lacte instilláverant, fructus mox ubérrimos attulérunt. Tenérrima adhuc ætáte, nedum a nugis puerilibus abhórruit, sed virtútes excólere cœpit illustrióres, siléntii potíssimum, mortificatiõnis, mundi súque ipsius abnegatiõnis, quas assíduo oratiõnis stúdio confovébat. Deíparæ cultum, quem ad óbitum usque in dies auxit, intérea témporis arrípuít, Dominicæque passiõnis, et Eucharístiæ mystéria afféctu peculiári prosequébatur. Sancti Petri de Alcántara Institutum, quod Joánnes de sancto Bernárdo ex Hispánis Excalceátis, Cleménte Nono approbánte, nupérime in Itáliam invéxerat, divíno afflánte Númine, anno vitæ suæ sextodécimo amplexus est Italórum primus. Seráphico Patriárcha, fidissimóque ejus alúmno Petro de Alcántara in ipso tyrocínio sibi ad imitándum propósitis, mirum quam perfécte pœniténtiam hujus et contemplatiõnem, humilitátem illius ac paupertátem jam tum fúerit assecútus.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

V. Justum dedúxit Dóminus per vias rectas, et osténdit illi regnum Dei. **Et dedit.**

Lectio v.

TErtio vix decúrso a solémni professiõne sua anno, pedemontáni Aliphæ Cœnóbii fundatiõni destinátur: quod ejus ópera exíguum ádeo evásit, ut altérius, quod olim in Pedróso Extremadúrxæ sanctus Petrus de Alcántara, cléricus ipse quoque, excitáverat, imáginem simíllimam réferreret. Sacerdótio ex obediéntia in-

augurátus, disciplínis morálibus, quas numquam perdidícerat, improvísó excúltus visus est. Superiórú vénia, non longe ab eo Cœnóbíó, sacram erémum exstruere aggréssus subter excélsi montis dejéctu, ut absolverétur quam citíssime, ligna, lápides, calcem húmeris suis, mordáci loríca contéctis, exportábat; ita ut per calcænea cruor ubértim in terram deflúeret. Fratrum rogátu leges quasdam pro sacro illo recéssu peculiáres cón-didit, dignas quæ a Sede Apostólica confirmaréntur. Novitiórú regímíni præpósitus, eórú ad vitam regulárem compónere mores eo proféctu eníxus est, ut illórum áliqui sanctitátis et miraculórum fama ínclarúerint. Verum, cum Clemens Papa Undécimus, sæculi décimi octávi ínítio, Fratres Itálos Excalceátos ab Hispániis in regno Neápolis sejúnxisset, illíque nulla regímínis forma potiréntur, ab eódem Pontífice, obsisténte licet humáni géneris hoste, Provinciæ Neapolitánæ sancti Petri de Alcántara nuncupátæ, erectiónem obtínuit.

R. Amávit eum Dóminus, et ornávit eum: stolam glóriæ índuit eum: * Et ad portas paradísi coronávit eum.

V. Índuit eum Dóminus lorícám fidei, et ornávit eum. **Et ad portas.**

Lectio vi.

Primus novæ istiúsmodi Provinciæ Mínistér renuntiátus, régimen, quod abdicáverat, Sacræ Congregatiónis Episcopórum et Regulárium jussu, assúmere coáctus, difícilé relátu est quot, qualésque calúm-nias Dei fámulo devoráre opus fúerit, ut Itálicam Excalceatórum Fratrum famíliam constabilíret. Rebus compósitis, eo sese totum convértit, ut duplex ille Petri de Alcántara contemplatiónis, et pœniténtiæ spíritus altas inter suos radíces ágeret, quos præclaríssimis virtútum exémpis ante-

fbat: humilitáte in primis, rigidáque claustrális disciplínæ custódia, paupertáte, et abstinéntia enítuít admirábili. Unicum ad nudam carnem sexagintaquátuor annis hábitum adhíbuit; perque vigínti quátuor annos, priscórum Eremicolárum ritu, pane tantum ac frúctibus victitávit, quod edúlii genus ex obediéntia in nauseósum commutávit férculum. Flagéllis aspérrimis, cilíciis et cruce férrea acútis instrúcta clavículis, corpus suum dilaniávit. Illud étiam de eo fertur, quod crebérrimas inter orándum éxtases passus est, quodque ráptibus, prophetía, miráculis, alíisque hujúsmodi supernaturálibus donis vivens clarúerit. Dénique zelo animárum ab-súmpsus, octogenárius, apopléctico morbo corréptus, tértio Nonas Mártias in ósculo Dómini obdormívit in Cœnóbíó sanctæ Lúciæ Montis urbis Neápolis anno septíngentésimo trigésimo quarto supra millésimum. Eúmdem novis miráculis coruscántem anno ab illíus decéssu quinquagesimoséxto Pius Sextus Póntifex Máximus Beatórum albo recénsuit, Gregórius vero Papa Décimus sextus solémni ritu Domínica Sanctíssimæ Trinitátis anno millésimo octíngentésimo trigésimo nono Sanctórum fastis ad-scrípsit.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus Géntibus.

V. Iste est qui contémpsit vitam mundi, et pervénit ad coeléstia regna. Quia. Glória Patri. Quia.

In tertio Nocturno Homilia super Evangelium. Nolíte timére pusillus grex. de Communi, secundo loco. [90].

Nona Lectio et commemoratio Feriæ.

✠

Die 15. Martii.

In Festo **S. Zachariæ** Papæ Conf.
Duplex.

Omnia de Communi Confessoris Pontificis [62], præter sequentia.

Oratio. Da, quæsumus.

In Quadragesima fit commemoratio Feriæ et in primo Nocturno Lectiones Fidéls sermo. [64] Post Pascha de Scriptura.

IN II. NOCTURNO.

Lectio iv.

Zachariás natione Græcus, patre Polychrónio, Gregório tertio ex hac luce subtrácto, ad beáti Petri Cáthedram est evéctus. Vir fuit mitíssimi ingénii, miræ suavitátis, et grátia, Cleri, ac pópuli Románi amátor, ad iram tardus, ad misericórdiam, et cleméntiam promptíssimus, nulli malum pro malo reddens, sed vincens in bono malum; ádeout, quos habúerat émulos, et inimícos, eósdem iníctio Pontificátus honóribus, et præmiis affécerit. Póntifex creátus, ut Itáliam armis Longobardórum vexátam suæ tranquillitáti restitúeret, ad Luitprándum Regem Interámnæ degéntem, et Legátos misit, et ipse proféctus est; ubi, et orationis elegántia, et vitæ sanctitáte sic Regem demúlsit, ut quas civitátes, óppida, et patrimónia ab Ecclesiá abstúlerat, eídem restitúerit.

R. Invéni David servum meum, óleo sancto meo unxi eum: * Manus enim mea auxiliábitur ei.

V. Nihil proficiet inimícus in eo, et filius iniquitátis non nocébit ei. **Manus.**

Lectio v.

Sed et Ticínum usque proféctus eúmdem inflexit, ut a Ravénnæ tum oppressióne cessáret. Rachim ádiit, Perúsiam acri obsidióne preméntem, quem tanta orationis maje-

státe permóvit, ut et ab omni oppugnatione desísteret, et Religiónis amóre succénsus, régiam dignitátem, et paludaméntum, monacháli institúto, et hábitu permutáret. Consúltus a Francis, Regnum illud a Childeríco viro stúpido, et ignávo ad Pipínium pietáte, et fortitúdine præstántem, auctoritáte Apostólica tránstulit. Multas Sýnodos, et Concília celebrávit pro Ecclesiásticæ disciplínæ restauratióne.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei.

V. Invéni David servum meum, óleo sancto meo unxi eum. **Manus.**

Lectio vi.

Romæ ómnia loca sacra, aut reparávit, aut ditióra effécit. Sanctórum Imágenes vetustáte exolétas renovávit, et Lateranése Patriarchúm, quod magna in penúria invénérat, pene a novo restaurávit, ac multas Relíquias ibi invéntas diversis Ecclesiis distribuit. Paupéribus aléndis réditus assignávit. Bibliothecam sancti Petri constrúxit, Basílicam sancti Geórgii in Velábro cóndidit: ædificávit et Oratórium divæ Cæciliæ via Tiburtína. Clerum valde diléxit, et donatívum singulis Presbyteris, et Diáconis erogávit. Sancti Gregórii Dialogórum libros in Græcum tránstulit, rebúsque váriis pro Ecclesiæ utilitáte, non minus pie, quam prospere gestis, sanctitátis láurea est coronátus.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédat pro peccátis ómnium populórum.

V. Iste est qui contémpsit vitam mundi, et pervénit ad coeléstia regna. **Ipse.** Glória Patri. **Ipse.**

In tertio Nocturno Homilia super Evangelium. Homo **péregre**. de Comuni. [68]

In Quadragesima nona Lectio et commemoratio Feriæ.

Die 18. Martii.

In Festo **S. Gabrielis Archangeli**.

Duplex.

AD VESPERAS.

Antiph. to. 1. Ingresso Zacharía. cum reliquis de Laudibus. [256].

Psalmus. Dixit Dóminus. cum reliquis ut in Comuni Apostolorum. [1]

Capitulum.

Dan. 9. f.

ECce vir Gábriel, quem víderam in visione a principio, cito volans tétigit me in tēpore sacrificii vespertíni. Et dócuit me, et locútus est mihi, dixítque: Dániel, nunc egréssus sum ut docérem te, et intelligeres.

Hymnus.

CHriste, sanctórum decus Angelórum,
Gentis humanæ Sator et Redémptor,
Cœlitum nobis tríbuas beátas
Scándere sedes.

Angelus pacis Míchael in ædes
Cœlitus nostras véniat, serénæ
Auctor ut pacis lacrymósa in orcum
Bella reléget.

Angelus fortis Gábriel, ut hostes
Pellat antiquos, et amíca cœlo,
Quæ triumphátor státuit per orbem,
Templa revísat.

Angelus nostræ médicus salútis
Adsit e cœlo Ráphael, ut omnes
Sanet ægrótos, dubiósque vitæ
Dírigat actus.

Virgo Dux pacis, Genitríxque lucis,
Et sacer nobis chorus Angelórum
Semper assístat, simul et micántis
Régia cœli.

Præstet hoc nobis Déitas beáta
Patris, ac Nati, paritérque sancti
Spíritus, cujus résonat per omnem
Glória mundum. Amen.

V. Stetit Angelus juxta aram templi.
R. Habens thuríbulum áureum in manu sua.

Ad Magnificat, Antiphona, to. 3.
Ingréssus Gábriel Angelus ad Maríam
Virginem, dixit: Ave, grátia plena,
Dóminus tecum: benedícta tu in muliéribus.

Oratio.

DEus, qui inter céteros Angelos, ad annuntiándum Incarnatiónis tuæ mystérium, Gabriélem Archángelum elegísti: concéde propítius; ut, qui festum ejus celebrámus in terris, ipsius patrocínium sentiámus in cœlis: Qui vivis et regnas cum Deo Patre.

Deinde fit commemoratio Feriæ, si celebretur in Quadragesima.

AD MATUTINUM.

Invitatorium. Regem Archangelórum Dóminum, * Veníte, adorémus.

Psalmus. Veníte, exultémus. 2.

Hymnus. Christe, sanctórum. ut supra in Vesperis.

IN I. NOCTURNO.

Antiph. to. 1. Dixit Angelus Gábriel ad Daniélem: Intéllige, fili hóminis, quóniam in tēpore finis implébitur visio.

Psalmus 8.

Domine, Dóminus noster, * quam admirábile est nomen tuum in univérsta terra!

Quóniam eleváta est magnificéntia tua * super cœlos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cœlos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus?
* aut filius hominis, quoniam visitas eum?

Minuisti eum paulo minus ab Angelis, gloria et honore coronasti eum: * et constituisti eum super opera manuum tuarum.

Omnia subiecisti sub pedibus ejus, * oves et boves universas, insuper et pecora campi;

Volucres cœli, et pisces maris, * qui perambulant semitas maris.

Domine, Dominus noster, * quam admirabile est nomen tuum in universa terra!

Antiph. Dixit Angelus Gábriel ad Daniëlem: Intellige, fili hominis, quoniam in tempore finis implebitur visio.

Antiph. to. 7. Ecce vir Gábriel, quem videram in visione, cito volans tetigit me in tempore sacrificii vespertini, et docuit me.

Psalmus 10.

IN Domino confido: quomodo dicitis animæ meæ: * Transmigre in montem sicut passer?

Quoniam ecce peccatores intendérunt arcum, paravérunt sagittas suas in pharetra, * ut sagittent in obscuro rectos corde.

Quoniam quæ perfecisti, destruxérunt: * justus autem quid fecit?

Dominus in templo sancto suo, * Dominus in cœlo sedes ejus:

Oculi ejus in pauperem respiciunt: * palpebræ ejus interrogant filios hominum.

Dominus interrogat justum et impium: * qui autem diligit iniquitatem, odit animam suam.

Pluet super peccatores láqueos: * ignis, et sulphur, et spiritus procellarum pars calicis eorum.

Quoniam justus Dominus, et justitias dilexit: * æquitatem vidit vultus ejus.

Antiph. Ecce vir Gábriel, quem videram in visione, cito volans tetigit

me in tempore sacrificii vespertini, et docuit me.

Antiph. to. 8. Cumque Gábriel loqueretur ad me, collapsus sum pronus in terram, et tetigit me, et statuit me in gradu meo.

Psalmus 14.

Domine, quis habitabit in tabernaculo tuo? * aut quis requiescet in monte sancto tuo?

Qui ingreditur sine macula, * et operatur justitiam:

Qui loquitur veritatem in corde suo, * qui non egit dolum in lingua sua:

Nec fecit proximo suo malum, * et opprobrium non accepit adversus proximos suos.

Ad nihilum deductus est in conspectu ejus malignus: * timentes autem Dominum glorificat:

Qui jurat proximo suo, et non decipit, * qui pecuniam suam non dedit ad usuram, et munera super innocentem non accepit.

Qui facit hæc, * non movebitur in æternum.

Antiph. Cumque Gábriel loqueretur ad me, collapsus sum pronus in terram, et tetigit me, et statuit me in gradu meo.

V. Stetit Angelus juxta aram templi.

R. Habens thuribulum aureum in manu sua.

Ex Daniële Prophéta.

Lectio i.

Cap. 9. c.

EGo Dániel, cum adhuc loquerer, et orarem, et confiterer peccata mea, et peccata populi mei Israel, et prosternerem preces meas in conspectu Dei mei, pro monte sancto Dei mei: adhuc me loquente in oratione, ecce vir Gábriel, quem videram in visione a principio, cito volans tetigit me in tempore sacrificii vespertini. Et docuit me, et locutus est mihi, dixitque: Dániel, nunc egressus sum

ut docérem te, et intellígeres. Ab exórdio precum tuárum egréssus est sermo: ego autem veni ut indicárem tibi, quia vir desideriórum es: tu ergo animadvérte sermónem, et intellíge visiónem.

R. Cum oráret Dániel, et confiterétur peccáta sua, et peccáta pópuli sui, * Ecce Archángelus Gábriel cito volans tétigit eum in témpore sacrificii vespertíni.

V. Cumque prostérneret preces suas in conspéctu Dei sui. **E**cce.

Lectio ii.

Septuagínta hebdómades abbreviátæ sunt super pópulum tuum, et super urbem sanctam tuam, ut consumméture prævaricátio, et finem accípiat peccátum, et deleátur iniquitas, et adducátur justítia sempitérna, et impleátur visio et prophetía, et ungátur Sanctus sanctorum. Scito ergo, et animadvérte: Ab éxitu sermónis, ut íterum ædificétur Jerúsalem, usque ad Christum ducem, hebdómades septem, et hebdómades sexagínta duæ erunt: et rursum ædificábitur platéa, et muri in angústia témporum.

R. Locútus est Gábriel Daniéli, et dixit: Ab exórdio precum tuárum egréssus est sermo: * Ego autem veni ut indicárem tibi, quia vir desideriórum es.

V. Tu autem animadvérte sermónem, et intellíge visiónem. **E**go.

Lectio iii.

Et post hebdómades sexagínta duas occidétur Christus: et non erit ejus pópulus, qui eum negáturus est. Et civitátem, et sanctuárium dissipábit pópulus cum duce ventúro: et finis ejus vástitas, et post finem belli statúta desolátio. Confirmábit autem pactum multis hebdómada una, et in dimídio hebdómadis deficiet hóstia et sacrificium: et erit in templo abominátio desolatiónis: et usque ad

consummationem et finem perseverábit desolátio.

R. Ecce vir Gábriel, quem víderam, cito volans tétigit me in témpore sacrificii vespertíni, et dócuit me, et dixit: * Dániel, nunc egréssus sum ut docérem te, et intellígeres.

V. Gábriel, fac me intellígere istam visiónem: et venit, et stetit juxta ubi ego stabam, et ait ad me. **D**ániel. Glória Patri. **D**ániel.

IN II. NOCTURNO.

Antiph. to. 4. Gábriel Angelus apparuit Zachariæ, dicens: Uxor tua Elísabeth páriet tibi fílium, et vocábis nomen ejus Joánnem.

Psalmus 18.

Cœli enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse, tamquam sponsus, procédens de thálamo suo.

Exultávit, ut gigas, ad curréndam viam: * a summo cœlo egréssio ejus: **E**t occúrsus ejus usque ad summum ejus: * nec est qui se abscóndat a calore ejus.

Lex Dómini immaculáta, convértens ánimas: * testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda: * præcéptum Dómini lúcidum, illúminans óculos.

Timor Dómini sanctus, pérmanens in sáculum sáculi: * judícia Dómini vera, justificáta in semetípse.

Desiderabília super aurum, et lápidem pretiósus multum: * et dulcióra super mel et favum.

Etenim servus tuus custódit ea: * in custodiéndis illis retribútio multa.

Delicta quis intélligit? ab occúltis meis munda me: * et ab aliénis parce servo tuo.

Si mei non fúerint domináti, tunc immaculátus ero: * et emundábor a delicto máximo.

Et erunt ut compláceant elóquia oris mei: * et meditátio cordis mei in conspéctu tuo semper.

Dómine, adjútor meus, * et redémp-tor meus.

Antiph. Gábriel Angelus apparuit Zachariæ, dicens: Uxor tua Elisabeth páriet tibi filium, et vocábis nomen ejus Joánnem.

Antiph. to. 1. Et dixit Zacharías ad Angelum: Unde hoc sciam? ego enim sum senex, et uxor mea procéssit in diébus suis.

Psalmus 23.

Domini est terra, et plenitúdo ejus: * orbis terrárum, et univérsi qui habitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino, * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Antiph. Et dixit Zacharías ad Angelum: Unde hoc sciam? ego enim sum senex, et uxor mea procéssit in diébus suis.

Antiph. to. 8. Respóndens autem Angelus, dixit ei: Ego sum Gábriel, qui asto ante Deum: et missus sum loqui ad te, et hæc tibi evangelizáre.

Psalmus 33.

Benedícam Dóminum in omni tēpore: * semper laus ejus in ore meo. In Dómino laudábitur ánima mea: * áudiant mansuétí, et læténtur.

Magnificáte Dóminum mecum: * et exaltémus nomen ejus in idípsum.

Exquisívi Dóminum, et exaudívit me: * et ex ómnibus tribulatió nibus meis erípuit me.

Accédite ad eum, et illuminámini: * et fácies vestræ non confundéntur.

Iste pauper clamávit, et Dóminus exaudívit eum: * et de ómnibus tribulatió nibus ejus salvávit eum.

Immíttet Angelus Dómini in circúitu timéntium eum: * et erípiet eos.

Gustáte, et vidéte quóniam suavis est Dóminus: * beátus vir, qui sperat in eo.

Timéte Dóminum, omnes sancti ejus: * quóniam non est inópia timéntibus eum.

Dívites eguérunt, et esuriérunt: * inquirentes autem Dóminum non minuéntur omni bono.

Veníte, filii, audíte me: * timórem Dómini docébo vos.

Quis est homo, qui vult vitam: * dñgit dies vidére bonos?

Próhibe linguam tuam a malo: * et lábia tua ne loquántur dolum.

Divérte a malo, et fac bonum: * inquire pacem, et perséquare eam.

Oculi Dómini super justos: * et aures ejus in preces eórum.

Vultus autem Dómini super faciéntes mala: * ut perdat de terra memóriam eórum.

Clamavérunt justī, et Dóminus exaudivit eos: * et ex ómnibus tribulatió-
nibus eorum liberávit eos.

Juxta est Dóminus iis, qui tribulato
sunt corde: * et húmiles spírītu sal-
vábī.

Multæ tribulatiónes justórum: * et de
ómnibus his liberábit eos Dóminus.

Custódit Dóminus ómnia ossa eórum:
* unum ex his non conterétur.

Mors peccatórum péssima: * et qui
odérunt justum, delínquent.

Rédimet Dóminus ánimas servórum
suórum: * et non delínquent omnes,
qui sperant in eo.

Antiph. Respóndens autem Ange-
lus, dixit ei: Ego sum Gábriel, qui
asto ante Deum: et missus sum loqui
ad te, et hæc tibi evangelizáre.

V. Ascéndit fumus arómatum in con-
spéctu Dómini.

R. De manu Angeli.

Sermo Sancti Bernárdi Abbátis.

Ex Homilia de Laudibus Virginis super Missus est.

Lectio iv.

Missus est Angelus Gábriel a Deo.
Non árbitror hunc Angelum de
minóribus esse, qui quálībet ex causa
crebra sóleant ad terras fungi lega-
tióne. Quod ex ejus nómine palam
intéllegi datur, quod interpretátum,
Fortitúdo Dei dícitur: et quia non ab
áliquo álio forte excellentióre se (ut
ásolet) spírītu, sed ab ipso Deo mitti
perhibétur. Propter hoc ergo pósito
est, a Deo. Vel ideo dictum est, a
Deo; ne cui, vel beatórum spírītuum,
suum Deus, ántequam Vírgini, reve-
lássē putétur consílium, excépto dum-
taxat Archángelo Gabriéle. Qui úti-
que tantæ inter suos inveníri potuerit
excelléntiæ, ut tali et nomine dignus
haberétur, et núntio.

R. Factum est, cum sacerdótio funge-
rétur Zacharías in órdine vicis suæ
ante Deum, * Appáruit ei Angelus
Gábriel, stans a dextris altáris incénsi.

V. Cumque ingressus in templum Dó-
mini incénsus póneret secúndum con-
suetúdinem sacerdótii sui. Appáruit.

Lectio v.

Nec discórdat nomen a núntio: Dei
quippe virtútem Christum, quem
mélius nuntiáre decébat, quam hunc,
quem símīle nomen honórat? Nam
quid est áliud fortitúdo, quam virtus?
Non autem dédecens, aut incóngruum
videátur, Dóminum et núntium com-
múni censéri vocábulo, cum símīlis
in utróque appellatiónis, non sit ta-
men utriúsque símīlis causa. Aliter
quippe Christus fortitúdo, vel virtus
Dei dícitur, áliter Angelus. Angelus
enim tantum nuncupatíve, Christus
autem étiam substantíve.

R. Descéndit Gábriel Angelus ad Za-
charíam, dicens: * Ne tíneas, quó-
niam exaudíta est deprecátio tua, et
uxor tua Elísabeth páriet tibi fílium,
et vocábis nomen ejus Joánnem.

V. Et Zacharías turbátus est videns,
et timor írruit super eum: ait autem
ad illum Angelus. Ne tíneas.

Lectio vi.

Christus Dei virtus et dícitur, et est,
qui forti armáto, qui suum átrium
in pace custodíre solébat, fórtior su-
pervénien-
s, ipsum suo bráchio debel-
lávit, et sic ei vasa captivitátis potén-
ter erípuit. Angelus vero fortitúdo
Dei appellátus est: vel quod hujus-
cémodi merúerit prærogatívam officii,
quod ejúsdem nuntiáret advéntum
Virtútis: vel quia Vírginem natúra
pávidam, símīlicem, verecúndam, ne
miráculi novitáte expavésceret, con-
fortáre debéret, quod et fecit: Ne tí-
neas, ínquien-
s, María; invenísti enim
grátiam apud Deum. Conveniénter
ítaque Gábriel ad hoc opus elígitur:
imo, quia tale illi negótium injúngi-
tur, recte tali nómine designátur.

R. Ego sum Gábriel, qui asto ante
Deum: et missus sum loqui ad te, et

hæc evangelizâre: * Ecce eris tacens, et non poteris loqui usque in diem, quo hæc fiant.

V. Pro eo, quod non credidisti verbis meis, quæ implebuntur tempore suo. **Ecce eris. Glória Patri. Ecce eris.**

IN III. NOCTURNO.

Antiph. to. 8. Missus est Gábriel Angelus ad Mariám Virginem desponsatam Joseph.

Psalmus 95.

Cantáte Dómino cánticum novum: * cantáte Dómino omnis terra.

Cantáte Dómino, et benedicite nómini ejus: * annuntiáte de die in diem salutáre ejus.

Annuntiáte inter Gentes glóriam ejus: * in ómnibus pópulis mirabília ejus.

Quóniam magnus Dóminus, et laudábilis nimis: * terríbilis est super omnes deos.

Quóniam omnes dii Géntium dæmónia: * Dóminus autem cœlos fecit.

Confessio, et pulchritúdo in conspéctu ejus: * sanctimónia, et magnificéntia in sanctificatióne ejus.

Afférte Dómino, pátriæ Géntium, afférte Dómino glóriam, et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commoveátur a fácie ejus univérsa terra: * dícite in Géntibus, quia Dóminus regnávit.

Etenim corréxit orbem terræ, qui non commovébitur: * judicábit pópulos in æquitáte.

Læténtur cœli, et exúltet terra, commoveátur mare, et plenitúdo ejus: * gaudébunt campi, et ómnia, quæ in eis sunt.

Tunc exultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Antiph. Missus est Gábriel Angelus ad Mariám Virginem desponsatam Joseph.

Antiph. to. 2. Gábriel Angelus Mariæ dixit: Ecce Elísabeth cognáta tua, et ipsa concépit fílium in senectúte sua.

Psalmus 96.

Dóminus regnávit, exúltet terra: * læténtur insulæ multæ.

Nubes et caligo in circúitu ejus: * justítia et judícium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ: * vidit, et commóta est terra.

Montes sicut cera fluxérunt a fácie Dómini: * a fácie Dómini omnis terra.

Annuntiavérunt cœli justítiam ejus: * et vidérunt omnes pópuli glóriam ejus.

Confundántur omnes, qui adorant sculptília: * et qui gloriántur in simulácris suis.

Adoráte eum, omnes Angeli ejus: * audívit, et lætáta est Sion.

Et exultavérunt filiæ Judæ, * propter judícia tua, Dómine:

Quóniam tu Dóminus altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino: * et confitémini memóriæ sanctificatiónis ejus.

Antiph. Gábriel Angelus Mariæ dixit: Ecce Elísabeth cognáta tua, et ipsa concépit fílium in senectúte sua.

Antiph. to. 7. Súscipe verbum, virgo María, quod tibi a Dómino per Angelum Gabriélem transmissum est.

Psalmus 102.

Benedic, ánima mea, Dómino: * et ómnia, quæ intra me sunt, nómini sancto ejus.

Benedic, ánima mea, Dómino: * et noli oblivísci omnes retributióne ejus.

Qui propitiátur ómnibus iniquitatibus tuis: * qui sanat omnes infirmitates tuas.

Qui redimit de intéritu vitam tuam: * qui coronat te in misericórdia, et miseratió nibus.

Qui replet in bonis desidérium tuum: * renovábitur ut áquilæ juvéntus tua.

Faciens misericórdias Dóminus: * et judícium ómnibus injúriam patiéntibus.

Notas fecit vias suas Móysi: * filiis Israel voluntates suas.

Miserátor, et miséricors Dóminus: * longánimis, et multum miséricors.

Non in perpétuum irascétur: * neque in ætérnum comminábitur.

Non secúndum peccáta nostra fecit nobis: * neque secúndum iniquitates nostras retribuit nobis.

Quóniam secúndum altitúdinem cœli a terra: * corroborávit misericórdiam suam super timéntes se.

Quam distat ortus ab occidéntē: * longe fecit a nobis iniquitates nostras.

Quómodo miserétur pater filiórum, misértus est Dóminus timéntibus se: * quóniam ipse cognóvit figméntum nostrum.

Recordátus est, quóniam pulvis sumus: * homo sicut fœnum dies ejus, tamquam flos agri sic efflorébit.

Quóniam spíritus pertransibit in illo, et non subsístet: * et non cognóscet ámplius locum suum.

Misericórdia autem Dómini ab ætérno, * et usque in ætérnum super timéntes eum.

Et justítia illius in filios filiórum, * his, qui servant testaméntum ejus:

Et mémores sunt mandatórum ipsíus, * ad faciéndum ea.

Dóminus in cœlo parávit sedem suam: * et regnum ipsíus ómnibus dominábitur.

Benedícite Dómino, omnes Angeli ejus: * poténtes virtúte, faciéntes verbum illius, ad audiéndam vocem sermónum ejus.

Benedícite Dómino, omnes virtútes ejus: * minístri ejus, qui fácitís voluntatem ejus.

Benedícite Dómino, ómnia ópera ejus: * in omni loco dominatiónis ejus benedic, ánima mea, Dómino.

Antiph. Súscipe verbum, virgo María, quod tibi a Dómino per Angelum Gabriélem transmissum est.

V. In conspéctu Angelórum psallam tibi, Deus meus.

R. Adorábo ad templum sanctum tuum, et confitébor nómini tuo.

Léctio sancti Evangélii secúndum Lucam.

Lectio vii.

Cap. 1. b.

IN illo témpore: Missus est Angelus Gábriel a Deo in civitátem Galilææ, cui nomen Náza-reth, ad Vírginem desponsátam viro, cui nomen erat Joseph, de domo David, et nomen vírginis María. Et réliqua.

Homília Sancti Juliáni Archiepís-copi Toletáni.

Lib. 2. contra Judæos, statim post principium.

Sacraméntum illud septuagínta hebdomadárum de Christi nativité Dániel per Angelum didicit: similiter et Zacharías, apparénte sibi Angelo, Joánnem filium de se generándum audívit: et María, Angelo sibi prædicénte Christum ex se nascéndum, et crédidit, et assénsit. Hæc tria per Angelum dicta, et compléta vidémus. Jam ergo solícite intuéndum est, utrum Angelus iste, qui Zachariæ et Mariæ apparuit, ipsi quoque Daniéli illa prædixerit.

R. Missus est Gábriel Angelus ad Mariám Vírginem desponsátam Joseph, núnťians ei Verbum: et expavéscit Virgo de lúmine: * Ne tímeas, Mariá; invenísti enim grátiam apud Dóminum: ecce concípies, et páries, et vocábitur Altíssimi Fílius.

V. Quæ, cum audísset, turbáta est in sermóne ejus, et cogitábat qualis esset ista salutátio: et ait Angelus ei. **Ne tímeas.**

Benedictio. Cujus festum.

Lectio viii.

EQuidem ipse Dániel in prophetiæ suæ volúmine, quando illa sacraménta hebdomadárum de Christi nativité per Angelum futúra cognóvit, sic ipsíus Angeli nomen evidénte expréssit. Dicit enim: Ecce vir Gábriel, quem víderam in princípio, cito volans tétigit me, et dixit: Dániel, animadverte sermóne, et reliqua, quæ ibi commemorántur. Item his temporibus, secúndum Evangélium; Angeli ipsíus nomen miríficum sic invenítur expréssum. Dixit enim idem Angelus Zachariæ: Ego sum Gábriel, qui asto ante Deum, et missus sum loqui ad te, et hæc tibi evangelizáre.

R. Gaude, Mariá Virgo, cunctas hæreses sola interemísti: * Quæ Gabriélis Archángeli dictis credidísti, dum Virgo Deum et hóminem genuísti, et post partum Virgo invioláta permanísti.

V. Benedícta tu in mulieribus, et benedíctus fructus ventris tui. Quæ Gabriélis. Glória Patri. Quæ Gabriélis.

Nona Lectio de Feria occurrente, nisi transferatur post Octavam Paschæ, quia tunc dicitur sequens.

Lectio ix.

QUod étiam de beátæ Mariæ Vírginis partu sic in eódem Evangélio légitur: Missus est, inquit, Angelus Gábriel a Deo in civitátem Galilææ,

cui nomen Názareth, ad Vírginem desponsátam viro, cui nomen erat Joseph, de domo David, et nomen vírginis Mariá. Jam ergo manifestum est, quod unus, idémque Angelus Gábriel fúerit, qui et præfixa illa témpora Daniéli de Christi nativité apéruit, et partum Vírginis præsentem esse monstrávit. Ad tempus itaque præfínitum occúrrit, et olim a se dicta, óperis efficiéntia compléta esse convíncit: et illic fidélis in prophetia hebdomadárum, et hic fidélis per mysterium revelátum.

Te Deum laudámus. 13.

AD LAUDES

ET PER HORAS.

Antiph. to. 1. Ingréssu Zachariá templum Dómini, apparuit ei Gábriel Angelus stans a dextris altáris incénsi.

Psalmus. Dóminus regnávít. **cum reliquis. 14.**

Antiph. to. 1. s. Ait autem Angelus: Ne tímeas, Zachariá, quóniam exaudíta est deprecátio tua.

Antiph. to. 7. Ego sum Gábriel Angelus, qui asto ante Deum, et missus sum loqui ad te.

Antiph. to. 7. r. Gábriel Angelus locútus est Mariæ, dicens: Ecce concípies in útero, et páries fílium, et vocábis nomen ejus Jesum.

Antiph. to. 5. Dixit autem Mariá ad Angelum: Quómodo fiet istud, quóniam virum non cognóscó? Et respóndens Gábriel Angelus, dixit ei: Spíritus sanctus supervéniet in te, et virtus Altíssimi obumbrábit tibi.

Capitulum.

Dan. 9. f.

ECce vir Gábriel, quem víderam in visione a princípio, cito volans tétigit me in témpore sacrificii vespertini. Et dócuit me, et locútus est mihi, dixítque: Dániel nunc egréssus sum ut docérem te, et intelligeres.

Hymnus.

Placáre, Christe, sérvulis,
Quibus Patris cleméntiam
Tuæ ad Tribúnal grátiae
Patróna Virgo póstulat.

Et vos beáta, per novem
Distíncta gyros, Agmina,
Antíqua cum præséntibus,
Futúra damna péllite.

Auférte gentem pérfidam
Credéntium de fínibus;
Ut unus omnes únicum
Ovíle nos Pastor regat.

Deo Patri sit glória,
Natóque Patris único,
Sancto simul Paráclito,
In sempitérna sácula. Amen.

V. Stetit Angelus juxta aram templi.

R. Habens thuríbulum áureum in manu sua.

Ad Benedictus, Antiphona, to. 1. r.
Gábiel Angelus descendit ad Zachariám, et ait illi: Uxor tua páriet tibi fílium, et vocábis nomen ejus Joán-nem, et multi in nativité ejus gaudebunt: ipse enim præsbit ante fáciem Dómini paráre vias ejus.

Oratio.

Deus, qui inter céteros Angelos, ad annuntiándum Incarnatiónis tuæ mystérium, Gabriélem Archán-gelum elegísti: concéde propítius; ut, qui festum ejus celebrámus in terris, ipsíus patrocínium sentiámus in cœlis: Qui vivis et regnas cum Deo Patre.

Et fit commemoratio Feriæ, si celebretur in Quadragesima.

Ad Tertiam.

Antiph. to. 1. s. Ait autem.

Capitulum. Ecce vir Gábiel. ut supra.

R. br. Stetit Angelus * Juxta aram templi. Stetit.

V. Habens thuríbulum áureum in manu sua. Juxta. Glória Patri. Stetit.

V. Ascéndit fumus arómatum in conspéctu Dómini..

R. De manu Angeli.

Ad Sextam.

Antiph. to. 7. Ego sum Gábiel.

Capitulum.

Dan. 9. f.

Ego autem veni ut indicárem tibi, quia vir desideriórum es. Septuagínta hebdómades abbreviátæ sunt, ut finem accípiat peccátum, et impleátur vísis et prophetía, et ungátur Sanctus sanctórum.

R. br. Ascéndit fumus arómatum * In conspéctu Dómini. Ascéndit.

V. De manu Angeli. In conspéctu. Glória Patri. Ascéndit.

V. In conspéctu Angelórum psallam tibi, Deus meus.

R. Adorábo ad templum sanctum tuum, et confitébor nómini tuo.

Ad Nonam.

Antiph. to. 5. Dixit autem María.

Capitulum.

Dan. 9. g.

Scito ergo, et animadvérte: Ab éxitu sermónis, ut íterum ædificétur Jerúsalem, usque ad Christum ducem, hebdómades septem, et hebdómades sexagínta duæ erunt.

R. br. In conspéctu Angelórum * Psallam tibi, Deus meus. In conspéctu.

V. Adorábo ad templum sanctum tuum, et confitébor nómini tuo. Psallam. Glória Patri. In conspéctu.

V. Adoráte Deum.

R. Omnes Angeli ejus.

Vesperæ de S. Joseph Confessore, cum commemorat. S. Gabrielis.

Antiph. to. 5. Archángelus Gábiel ait ad Mariám: Non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum. Et discessit ab ea Angelus.

V. In conspéctu Angelórum psallam tibi, Deus meus.

R. Adorábo ad téplum sanctum tuum, et confitébor nómini tuo.

Oratio.

DEus, qui inter céteros Angelos, ad annuntiándum Incarnatiónis tuæ mystérium, Gabriélem Archángelum elegisti: concéde propítius; ut, qui festum ejus celebrámus in terris, ipsius patrocínium sentiámus in cœlis.

Et fit commemoratio Feriæ, si celebretur in Quadragesima.

In II. Vesperis.

Si ob aliquam causam integræ celebrantur, omnia ut in primis [249], et loco ultimi,

Psalmus 137.

Confitébertibi, Dómine, in toto corde meo: * quóniam audísti verba oris mei.

In conspéctu Angelórum psallam tibi: * adorábo ad templum sanctum tuum, et confitébor nómini tuo.

Super misericórdia tua, et veritate tua: * quóniam magnificásti super omne, nomen sanctum tuum.

In quacúmque die invocávero te, exáudi me: * multiplicábis in ánima mea virtútem.

Confiteántur tibi, Dómine, omnes reges terræ: * quia audiérunt ómnia verba oris tui:

Et cantent in viis Dòmini: * quóniam magna est glória Dòmini.

Quóniam excélsus Dóminus, et humília respicit: * et alta a longe cognóscit.

Si ambulávero in médio tribulatiónis, vivificábis me: * et super iram inimicórum meórum extendísti manum tuam, et salvum me fecit dextera tua.

Dóminus retríbuet pro me: * Dómine, misericórdia tua in sæculum: ópera mánuum tuárum ne despicias.

oratio

Aliud Officium

ejusdem

S. Gabrielis Archangeli.

Omnia ut in Officio superius posito præter sequentia.

In Vesperis et ad Matutinum.

Hymnus.

CHriste, sanctórum decus Angelórum,
Gentis humanæ Sator et Redémptor,
Cœlitum nobis tríbuas beátas
Scándere sedes

Angelus fortis Gábriel, ut hostes
Pellat antiquos, et amíca cœlo,
Quæ triumphátor státuit per orbem,
Templa revísat.

Virgo Dux pacis, Genitríxque lucis,
Et sacer nobis chorus Angelórum
Semper assístat, simul et micántis
Régia cœli.

Præstet hoc nobis Déitas beáta
Patris, ac Nati, paritérque sancti
Spíritus, cujus résonat per omnem
Glória mundum. Amen.

IN II. NOCTURNO.

Sermo Sancti Gregórii Papæ.

Homilia 34. in Evangel. ante med.

Lectio iv.

CELéstium Spírituum, qui mínima nunciant, Angeli: qui vero summa annúnciant, Archángeli vocántur. Hinc est enim, quod ad Mariám vírginem non quilibet Angelus, sed Gábriel Archángelus míttitur. Ad hoc quippe ministérium summum Angelum veníre dignum fúerat, qui summum ómnium nunciábat. Qui idcirco étiam privátis nomínibus censéntur, ut signétur per vocábula, étiam in operatióne quid váleant. Neque enim in illa sancta civitate, quam de visióne omnipoténtis Dei plena sciéntia perfícit, idcirco própria nómina sortiúntur, ne eórum persónæ sine nomínibus sciri non possint; sed cum ad nos

aliquid ministratūri veniunt, apud nos etiam nomina a ministeriis trahunt.

R. Factum est, cum sacerdotio fungeretur Zacharias in ordine vicis suae ante Deum, * Apparuit ei Angelus Gabriel, stans a dextris altaris incensi.

V. Cumque ingressus in templum Domini incensum poneret secundum consuetudinem sacerdotii sui. Apparuit.

Lectio v.

Michael namque, quis ut Deus? Gabriel autem, fortitudo Dei: Raphael vero dicitur medicina Dei. Et quoties mirae virtutis aliquid agitur, Michael mitti perhibetur, ut ex ipso actu et nomine detur intelligi, quia nullus potest facere, quod facere praevalet Deus. Unde et ille antiquus hostis, qui Deo esse per superbiam similis concupivit, dicens: In coelum conscendam, super astra caeli exaltabo solium meum, similis ero Altissimo: dum in fine mundi in sua virtute relinqueretur extremo supplicio perimendus, cum Michael Archangelo praeliaturus esse perhibetur, sicut per Joannem dicitur: Factum est praelium cum Michael Archangelo; ut qui se ad Dei similitudinem superbus extulerat, per Michael peremptus discat, quia ad Dei similitudinem per superbiam nullus exurgat.

R. Descendit Gabriel Angelus ad Zachariam, dicens: * Ne timeas, quoniam exaudita est deprecatio tua, et uxor tua Elisabeth pariet tibi filium, et vocabis nomen eius Joannem.

V. Et Zacharias turbatus est videns, et timor irruit super eum: ait autem ad illum Angelus. Ne timeas.

Lectio vi.

Ad Mariam quoque Gabriel mittitur, qui Dei fortitudo nominatur. Illum quippe nunciare veniebat, qui ad debellandas aereas potestates humilis apparere dignatus est. De quo

per Psalmistam dicitur: Tollite portas, principes, vestras, et elevamini, portae aeternales, et introibit Rex gloriae. Quis est iste Rex gloriae? Dominus fortis et potens, Dominus potens in praelio. Et rursum: Dominus Virtutum ipse est Rex gloriae. Per Dei ergo fortitudinem nunciandus erat, qui Virtutum Dominus, et potens in praelio, contra potestates aereas ad bella veniebat. Raphael quoque interpretatur, ut diximus, medicina Dei: quia videlicet dum Tobiae oculos quasi per officium curationis tetigit, caecitatis ejus tenebras tersit. Qui ergo ad curandum mittitur, dignus videlicet fuit, ut Dei medicina vocaretur.

R. Ego sum Gabriel, qui asto ante Deum: et missus sum loqui ad te, et haec evangelizare: * Ecce eris tacens, et non poteris loqui usque in diem, quo haec fiant.

V. Pro eo, quod non credidisti verbis meis, quae implebuntur tempore suo. Ecce eris. Gloria Patri. Ecce eris.

IN III. NOCTURNO.

Lectio sancti Evangelii secundum Lucam.

Lectio vii.

Cap. 1.

In illo tempore: Missus est Angelus Gabriel a Deo in civitatem Galilaeae, cui nomen Nazareth, ad Virginem desponsatam viro, cui nomen erat Joseph, de domo David, et nomen virginis, Maria. Et reliqua.

Homilia Sancti Bernardi Abbatis.

Homilia 1. super Missus est.

Non arbitror, hunc Angelum de minoribus esse, qui qualibet ex causa crebra soleant ad terras fungi legatione. Quod ex ejus nomine palam intelligi datur, quod interpretatum, Fortitudo Dei dicitur: et quia non ab aliquo alio forte excellentiore se (ut assolet) spiritu, sed ab ipso Deo mitti perhibetur. Propter hoc ergo positum

est, a Deo. Vel ideo dictum est, a Deo; ne cui, vel beatorum spirituum, suum Deus, antequam Virgini, revelasse putetur consilium, excepto dumtaxat Archangelo Gabriele. Qui utique tantæ inter suos inveniri potuerit excellentiæ, ut tali et nomine dignus haberetur, et nuntio.

R. Missus est Gábríel Angelus ad Mariám Virginem desponsatam Joseph, nuntians ei Verbum: et expavescit Virgo de lumine: * Ne timeas, María; invenisti enim grátiam apud Dóminum: ecce concipies, et paries, et vocabitur Altissimi Fílius.

V. Quæ, cum audisset, turbata est in sermone ejus, et cogitabat qualis esset ista salutatio: et ait Angelus ei. Ne timeas.

Benedictio. Cujus festum.

Lectio viii.

NEc discórdat nomen a nuntio. Dei quippe virtutem Christum, quem melius nuntiare decébat, quam hunc, quem simile nomen honórat? Nam quid est aliud fortitúdo, quam virtus? Non autem dédecens, aut incógruum videatur, Dóminum et nuntium comúní censéri vocábulo, cum similis in utróque appellatiónis, non sit tamen utriúsque similis causa. Aliter quippe Christus fortitúdo, vel virtus Dei dicitur, áliter Angelus. Angelus enim tantum nuncupatívè, Christus autem étiam substantívè. Christus Dei virtus et dicitur, et est, qui forti armáto, qui suum átrium in pace custodíre solébet, fórtior superveniens, ipsum suo bráchio debellávit, et sic ei vasa captivitátis pónter erípuit.

R. Gaude, María Virgo, cunctas hæreses sola interemísti: * Quæ Gabriélis Archángeli dictis credidísti, dum Virgo Deum et hóminem genuísti, et post partum Virgo invioláta permanísti.

V. Benedícta tu in muliéribus, et benedíctus fructus ventris tui. Quæ Gabriélis. Glória Patri. Quæ Gabriélis.

Nona Lectio de Feria occurrente, nisi transferatur post Octavam Paschæ, quia tunc dicitur sequens.

Lectio ix.

Angelus vero fortitúdo Dei appellatus est: vel quod hujuscemodi meruerit prærogatívam officii, quod ejúdem nuntiáret advéntum Virtútis: vel quia Virginem nátura pávidam, simplicem, verecúdam, ne miráculi novitáte expavésceret, confortáre debéret, quod et fecit: Ne timeas, inquit, María; invenisti enim grátiam apud Deum. Sed et ipsíus sponsum, hóminem utique nihilóminus húmílem ac timorátum, non irrationabíliter fórsitan idem Angelus confortasse créditur: quamquam tunc ab Evangeísta non nominétur. Joseph, inquit, fili David, ne timeas accípere Mariám cónjugem tuam. Conveníenter itaque Gábríel ad hoc opus elígitur: imo, quia tale illi negótium injúngitur, recte tali nómine designáture.

Te Deum laudámus. 13.

Ad Laudes.

Hymnus.

PAllidi tandem procul hinc timóres,
Sacra defénsor rotat arma Prin-
ceps:

Ipsè jam nobis metuéndus olim
Nunc timet hostis.

Luce perfúsus Gábríel seréna,
Virgini arcánium réserat veréndum:
Núncians partum, parit alta mœsto
Gáudia mundo.

Jam procellósi silet unda ponti;
Túrbidus cœli furor en quiéscit;
Exulant luctus: Deus et mináces
Exuit iras.

Plaude, stirps Adæ rediménda, misso
Plaude Legáto: véniet Redémptor,
Dura captivæ móriens resólvét
Víncula gentis.

Nostra Cóelestis rege corda custos,
Bella quos vexant vide, præliátor,
Dæmonum semper male fida nobis
Agmina pelle.

Sit decus Patri, paritérque Nato,
Atque manánti simul ex utróque;
Quemprius factus, simulet redemptus
Orbis adórat. Amen.

Die 22. Martii.

In Festo

S. Catharinæ Fliscæ Adurnæ, Viduæ.

Duplex.

Omnia de Communi nec Virginum
nec Martyrum [107], exceptis his, quæ
propria hic adnotantur.

IN I. VESPERIS.

Capitulum.

Cant. 8.

Aquæ multæ non potuerunt extín-
guere charitátem, nec flúmina ób-
rument illam: si déderit homo omnem
substántiam domus suæ pro dilectióne,
quasi nihil despíciat eam.

Hymnus.

Summis ad astra láudibus
Tollámus omnes Féminum,
Quæ sanctitátis glória
Augēt decus Ligúriæ.

Beáta cujus íntimo
Látēre nésciens sinu,
Foris inúndat Cháritas,
Totisque membris æstuat.

Menses per anni círculum
Jejúna plures tránsigit:
Solo Angelórum pábulo
Vitam labántem sústinens.

Deo Patri sit glória,
Ejúsque soli Fílio
Cum Spíritu Paráclito
Nunc et per omne sæculum.
Amen.

V. Spécie tua, et pulchritúdine tua.

R. Inténde, prospere procéde, et regna.

Ad Magnificat in utrisque Vesperis.

Antiph. Pone me ut signáculum su-
per cor tuum, quia fortis est ut mors
diléctio; dura sicut inférnus æmulátio;
lámpades ejus, lámpades ignis, atque
flammárum.

Oratio.

Deus, qui beátam Catharínam, in
contemplánda Fílii tui Passióne
divíni amóris igne flagráre fecísti:
quæsumus, ut ipsa intercedénte, tuæ in
nobis flammam charitátis accéndas,
et ejúsdem Passiónis partícipes dig-
nánter efficias. Pereúmdem Dóminum.

Si venerit in Quadragesima fit Com-
memoratio Feriæ occurrentis.

AD MATUTINUM.

Invitatorium. Laudémus Deum
nostrum, * In confessióne beátæ Ca-
tharínæ.

Hymnus.

Dum mente Christum cóncipit
Membris fluéntem sáanguine,
Ardóre pectus íntimo
Sentit repénite córripi.

Hinc sancto amóre sáucia
Terréna cuncta déspicit,
Advérsa fert alácriter,
Patíque quærit únice.

Mox, et flagéllis cónterens
Artus rebélles júgiter,
Christi dolórum párticeps
Crebro merétur éffici.

Deo Patri sit glória
Ejúsque soli Fílio,
Cum Spíritu Paráclito
Nunc et per omne sæculum.
Amen.

In primo Nocturno Lectiones, Mulie-
rem fortem. de Communi. [110]

Post Pascha de Scriptura.

IN II. NOCTURNO.

Lectio iv.

Catharína Genuénsis, paréntibus
Jacóbo de Flisco, et Francísca

de Nigro, antiqua nobilitate conspiscuis, in lucem edita, teneram aetatem inter adultae pietatis exercitationes exegit. Nam castigando corpori intenta, vix octennis in stramento, lignis capiti pro pulvinari suppositis, somnum carpebat. Pueriles nugas aversata, et ab omnibus mundi deliciis abhorrens, in Christi cruciatibus jugi meditatione recolendis tota fuit. Eo studio incensa in monasterium ingredi expetebat; sed immatura aetas pium puellae desiderium interpellavit. Interea parentes invitam Juliano Adurno nobili viro despondent, a quo tam aspere, ac duriter habita est, ut per quinquennium domi luctu, tristitiaque tabesceret; donec taedio, ac meroere confecta pristina severitate deflexit. Frigescente autem charitate, ne ad ulteriorem vitae licentiam prorueret, insigni miserentis Dei beneficio factum est. Cum enim aliquando ad pii sacerdotis pedes provoluta ejus se precibus commendaret, repentina mutatione dexterae Excelsi, ac subito Sancti Spiritus igne correpta, amoris in se divini clementiam, potentiamque admirans, et exclamans, fateri, ac praedicare coepit.

R. Propter veritatem, et mansuetudinem, et justitiam: * Et deducet te mirabiliter dextera tua.

V. Specie tua, et pulchritudine tua intende, prospere procede, et regna. Et deducet.

Lectio v.

INde domum reversa, Christum conspiceret sibi visa est sanguine toto corpore diffluentem, qua specie sibi divinitus oblata, in contemptum, atque odium sui vehementer exarsit, membra cilicio domabat, jejunium ita coluit, ut per annos tres, et viginti ferias Adventus et Quadragesimae transegerit solo Eucharistiae pabulo

refecta, amarissimo tantum usa potu ad sitim restringendam. Producebat orationem ad plures horas, tantoque divini amoris incendio conflagrabat, ut in corpus quoque ardor erumperet. Maxima erga proximum ferebatur charitate. Infirmis enim in magno nosocomio incredibili sedulitate ministrabat sumptibus liberaliter erogatis. Abjectissima quaeque officia libenter obibat, tabida etiam aegrotantium ulcera aliquando exosculata. Injurias, contumelias mulier vere fortis alacri animo excipit; assiduisque corporis, animique doloribus pene confecta cruciatum Christi particeps fuit.

R. Dilexisti justitiam, et odisti iniquitatem: * Propterea unxit te Deus, Deus tuus oleo laetitiae.

V. Propter veritatem, et mansuetudinem, et justitiam. Propterea.

Lectio vi.

TOt, tantisque heroicæ fortitudinis, et patientiae probatam experimentis, atque in agone christianæ perfectionis egregie meritam, uberi beneficiorum copia Dominus cumulavit. In diuturnas, et frequentes ecstases rapta, et coelestibus illustrationibus, superumque apparitionibus, et colloquiis dignata, arcana Dei intelligere meruit et Fidei mysteria scriptis præclarissimis confirmare. Prophetiae dono clarius, abditos animorum sensus perspexit. Perditi hominis conversionem, et tranquillam conjugis mortem, et æternam utriusque beatitudinem obsecrationibus a Domino impetravit. Anno igitur ætatis suæ tertio et sexagesimo extremo morbo oppressam, et Christi confixam cruci, atque ad fontem æternæ felicitatis anhelantem, sacra die Exaltationis sanctæ Crucis, ex vitæ hujus angoribus Dominus evocavit. Præclara vero fuerunt de Catharinæ virtutibus Doctorum Sanctorumque præconia, sum-

mórum quoque Pontíficum oráculis comprobáta. Cultum illíus immemorábilem assérui Clemens nonus: Clemens vero undécimus ejus memóriam, Missa, et Offício beatárum mulserum celebránda concéssit.

R. Fallax grátia, et vana est pulchritúdo: * Múlier timens Deum, ipsa laudábitur.

V. Date ei de fructu mánuum suárum, et laudent eam in portis ópera ejus.

Múlier. Glória Patri. Múlier.

In tertio Nocturno Homilia super Evangelium. Símile est regnum cœlórú. de Communi. [115]

In Quadragesima nona Lectio de Homilia Feriæ occurrentis.

AD LAUDES.

Capitulum.

Cant. 8.

A Quæ multæ non potuerunt extinguere charitatem, nec flúmina obruent illam: si déderit homo omnem substantiam domus suæ pro dilectione, quasi nihil despiciet eam.

Hymnus.

T Urban jacéntem páuperum,
Quam dirus angor opprimit,
Ceum membra Christi lánguida,
Matróna clemens cónfovet.

O pes, opémque cónferens,
Vilíque fungens múnere,
Perstérnit illis léctulos,
Sordésque purgat sédula.

Quo quisque plagis fédiór,
Huic illa servit prómptior,
Tabem nec horret úlcerum:
Horrére nescit cháritas.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæculum.
Amen.

V. Diffúsa est grátia in lábiis tuis.

R. Propterea benedíxit te Deus in ætérnum.

Ad Benedictus, Antiphona.

Pone me ut signáculum super cor tuum; quia fortis est ut mors diléctio, dura sicut inférnus æmulátio. Lámpades ejus, lámpades ignis, atque flammárum.

Oratio.

Deus, qui beátam Catharínam, in contemplánda Fílii tui Passióne, divíni amóris, igne flagráre fecísti; quæsumus, ut ipsa intercedente, tuæ in nobis flammam charitátis accéndas, et ejúsdem Passiónis partícipes dignánter effícias. Per eúmdem Dóminum.

Et fit commemoratio Feriæ, si celebretur in Quadragesima.

IN II. VESPERIS.

Omnia ut in primis, et in Quadragesima commemoratio Feriæ.

Die 28. Martii.

In Festo

S. Xysti III. Papæ Confessoris.

Duplex.

Omnia de Communi Confessoris Pontificis [62], præter sequentia.

Oratio. Da, quæsumus.

In Quadragesima fit commem. Feriæ.

In primo Nocturno Lectiones, Fidélis sermo. [64] Post Pascha de Scriptura.

IN II. NOCTURNO.

Lectio iv.

Xystus hujus nóminis tértius, pátria Románus, fílius Xysti, defúncto sancto Cœlestíno, Románæ Ecclésiæ Epíscopus præfíctur, totíus Urbis pace, et consensióne mirábili. Eum adhuc Presbýterum sanctus Augustínus exímie commendávit, tum quod prior anáthema Pelagiánis in pópulo frequentíssimo pronuntiárit, tum quod suis quoque scriptis advérsus eórum errórem veheménter pug-

nárit. Ut autem Románi Sacerdótii gubernacula suscepit, decretum Ephesínæ Sýnodi advérsus Nestórium hábitum, volúmine describens, ad Oriéntis, et Occidéntis dedit Ecclésiás, confirmandas, duábus in Christo manéntibus perfécte natúris, unam Fílii Dei credéndam esse persónam. Qua de re, et ad Nestórium ipsum, et ad Oriéntis Episcopos, ad ejus errórem succidéndum senténtias diréxit, hæc inter cétera scribens Antiochéno Episcopo: Nihil ultra líceat novitáti, quia nihil addi cónvenit vetustáti: perspicua Majórum fides, et credúlitas, nulla cœni permixtióne turbétur.

R. Invéni David servum meum, óleo sancto meo unxi eum: * Manus enim mea auxiliábitur ei.

V. Nihil proficiet inimícus in eo, et fílius iniquitátis non nocébit ei. Manus.

Lectio v.

IS a beáto Petro Apóstolo sibi per visum apparénte, una cum sancto Apollináre ejus discipulo, primo Ecclésiæ Ravenátis Episcopo, quem ejúdem Ecclésiæ Pontíficem ordináre debéret, admónitus, Petrum Ecclésiæ Forocorneliénsis Diaconum præter Ravennátum senténtiam, illis præfécit Antístitem, quem cognométo Chrysólogum admiránda morum sanctitúdo, et doctrína insígnis mirífice commendárunť. Cum autem Xystus Ecclésiæ prædium abnúerit alienári, studerétque subleváre gravátos, ódium in se convértit Anscii Bassi Excónsulis, et Mariniáni Patrícii, a quibus turpi calúmnia exagitátus, sponte vóluit suam in Sýnodo causam judicári. Itaque in Basílica Heleniána, quæ dicitur Sessorianum Atrium, quinquaginta sex Episcopórum Concílio coácto, præsenté Valentiniáno Imperátore, cum univérso Clero, atque Senátu, Xystus declarátus est innocens, Bassus vero, et Mariniánuſ calumniató-

res damnáti; atque proscrípti, bonis præterea Bassi Ecclésiæ adjudicátis, quem intra tres menses divína ultióne defúctum, Xystus reddens bona pro malis, cum lintheamínibus, et aromátibus, mánibus ipse contréctans, recondidit; sepelivítque apud beátum Petrum Apóstolum, in sepúlchro majórum suórum.

R. Póſui adjutórium super poténtem, et exaltávi eléctum de plebe mea: * Manus enim mea auxiliábitur ei.

V. Invéni David servum meum, óleo sancto meo unxi eum. Manus.

Lectio vi.

VENERÁNDUS hic Póntifex complúra in Urbe magnífica præstitit; nam argénteas, et áureas vasa, possessionesque complúres Ecclésiis cóntulit. Refécit Basílicam sanctæ Mariæ Majóris ad Præsépe, quam et metállis áureis, sacrisque imaginibus decorávit. Fecit et in Constantiniána Basílica ornaméntum supra Fontem, quod ántea non erat; nam marmórea epistýlia, et porphyrétiſas colúmnaſ, quas Constantínus Augústus congregátas dimíſerat, érigi curávit, ac vérsibus exornávit. Ejus item rogátu, Valentiniánuſ Augústus argénteum fastígium a bárbaris sublátum in eádem Constantiniána Basílica restítuit: cujus Imperatóris, et Theodósii Principátu, Xystus viam univérſæ carnis ingrédessus, quiévit in Dómino, sepultúsque est via Tiburtína in crypta juxta corpus sancti Lauréntii Mártiris. Una Ordinatióne mense Decémbri, creávit Presbýteros viginti octo, Diaconos duódecim, Episcopos per divérſa loca quinquaginta duos, et rexit Ecclésiám annos septem, menses úndecim.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédát pro peccátis ómnium populórum.

V. Iste est qui contempsit vitam mundi, et pervénit ad coeléstia regna. Ipse. Glória Patri. Ipse.

In tertio Nocturno, Homilia super Evangelium. Homo péregre. de Comuni. [68]

In Quadragesima nona Lectio et commemoratio Feriæ.

FERIA SEXTA

Post Dominicam III. Quadrag.

In Festo

SS. Quinque Vulnerum D. N. J. C.

Duplex.

AD VESPERAS.

Antiph. to. 8. Vere languóres nostros ipse tulit, et dolóres nostros ipse portávit.

Psalmus 115.

CRédidi, propter quod locútus sum: * ego autem humiliátus sum nimis. Ego dixi in excéssu meo: * Omnis homo mendax.

Quid retríbuiam Dómino, * pro ómnibus, quæ retríbuit mihi?

Cálicem salutáris accípiam: * et nomen Dómini invocábo.

Vota mea Dómino reddam coram omni pópulo ejus: * pretiósa in conspéctu Dómini mors sanctórum ejus.

O Dómine, quia ego servus tuus: * ego servus tuus, et fílius ancíllæ tuæ. Dirupísti víncula mea: * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini, in médio tui, Jerúsalem.

Antiph. Vere languóres nostros ipse tulit, et dolóres nostros ipse portávit.

Antiph. to. 4. Ipse autem vulnerátus est propter iniquitátes nostras, attrítus est propter scélera nostra.

Psalmus 119.

AD Dóminum, cum tribulárer, clamávi: * et exaudivit me.

Dómine, libera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagittæ poténtis acútæ, * cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar, * multum íncola fuit ánimæ mea.

Cum his, qui odérunt pacem, eram pacíficus: * cum loquébar illis, impugnábant me gratis.

Antiph. Ipse autem vulnerátus est propter iniquitátes nostras, attrítus est propter scélera nostra.

Antiph. to. 1. f. Alligávit Dóminus plagam pópuli sui, et percussúram ejus sanávit.

Psalmus 139.

ERipe me, Dómine, ab hómine malo: * a viro iníquo éripe me.

Qui cogitavérunt iniquitátes in corde: * tota die constituébant prælia.

Acuérunt linguas suas sicut serpéntis: * venénium áspidum sub lábiis eórum.

Custódi me, Dómine, de manu peccatóris: * et ab homínibus iníquis éripe me.

Qui cogitavérunt supplantáre gressus meos: * abscondérunt supérbiláqueum mihi.

Et funes extendérunt in láqueum: * juxta iter scándalum posuérunt mihi.

Dixi Dómino: Deus meus es tu: * exáudi, Dómine, vocem deprecationis meæ.

Dómine, Dómine, virtus salutis meæ: * obumbrásti super caput meum in die belli.

Ne tradas me, Dómine, a desidério meo peccatóri: * cogitavérunt contra me, ne derelínquas me, ne forte exalténtur.

Caput circúitus eórum: * labor labi-
orum ipsórum opériet eos.

Cadent super eos carbónes, in ignem
dejícies eos: * in misériis non sub-
sístent.

Vir linguósus non dirigétur in terra:
* virum injústum mala cápient in in-
térítu.

Cognóvi, quia fáciét Dóminus judí-
cium ínopis, * et vindíctam páuperum.
Verúmtamen justí confitebúntur nó-
mini tuo: * et habitábunt recti cum
vultu tuo.

Antiph. Alligávit Dóminus plagam
pópuli sui, et percussúram ejus sa-
návit.

Antiph. to. 3. Omnis, qui transíbit,
stupébit super omnes plagas ejus.

Psalmus 140.

Domine, clamávi ad te, exáudi me:
* inténde voci meæ, cum clamá-
vero ad te.

Dirigátur orátio mea sicut incénsum
in conspéctu tuo: * elevátio mánuum
meárum sacrificium vespertínium.

Pone, Dómine, custódiam ori meo: *
et óstium circumstántiæ lábiis meis.
Non declínes cor meum in verba ma-
litiæ, * ad excusándas excusatiónes
in peccátis.

Cum homínibus operántibus iniquitá-
tem: * et non comunicábo cum eléc-
tis eórum.

Corrípiet me justus in misericórdia,
et increpábit me: * óleum autem pec-
catóris non impínguet caput meum.

Quóniam adhuc et orátio mea in bene-
plácitis eórum: * absórpti sunt juncti
petræ júdices eórum.

Audient verba mea, quóniam potué-
runt: * sicut crassitúdo terræ erúpta est
super terram.

Dissipáta sunt ossa nostra secus in-
férnum: * quia ad te, Dómine, Dó-
mine, óculi mei: in te sperávi, non
áuferas ánimam meam.

Custódi me a láqueo, quem statué-
runt mihi: * et a scándalis operántium
iniquitátem.

Cadent in retiáculo ejus peccatóres: *
singuláriter sum ego, donec tránseam.

Antiph. Omnis, qui transíbit, stupé-
bit super omnes plagas ejus.

Antiph. to. 4. O vos omnes, qui tran-
sítis per viam, atténdite, et vidéte, si
est dolor sicut dolor meus.

Psalmus 141.

Voce mea ad Dóminum clamávi: *
voce mea ad Dóminum deprecá-
tus sum.

Effúndo in conspéctu ejus oratióem
meam: * et tribulatióem meam ante
ipsum pronúntio.

In deficiéndo ex me spíritum meum:
* et tu cognovísti sémitas meas.

In via hac, qua ambulábam, * abscon-
dérunt láqueum mihi.

Considerábam ad dexteram, et vidé-
bam: * et non erat qui cognósceret me.

Périit fuga a me: * et non est qui re-
quírat ánimam meam.

Clamávi ad te, Dómine: * dixi: Tu es
spes mea, pórtio mea in terra vivéntium.
Inténde ad deprecatióem meam: *
quia humiliátus sum nimis.

Líbera me a persecuéntibus me: *
quia confortáti sunt super me.

Éduc de custódia ánimam meam ad
confiténdum nómini tuo: * me expéc-
tant justí, donec retríbuas mihi.

Antiph. O vos omnes, qui transítis
per viam, atténdite, et vidéte, si est
dolor sicut dolor meus.

Capitulum.

Isaiae 53.

Chrístus vulnerátus est propter ini-
quitátes nostras, attrítus est prop-
ter scélera nostra, cujus livóre sanáti
sumus.

Hymnus.

Pange, lingua, gloriósi
Láuream certáminis,
Et super Crucis tropháo
Dic triúmphum nóbilem:
Quáliter Redémptor orbis
Immolátus vícerit.

De Paréntis protoplásti
Fraude Factor cóndolens,
Quando pomi noxiális
In necem morsu ruit:
Ipse lignum tunc notávit,
Damna ligni ut sólveret.

Hoc opus nostræ salútis
Ordo depopóscerat:
Multifórmis proditóris
Ars ut artem fálleret,
Et medélam ferret inde,
Hostis unde læserat.

Quando venit ergo sacri
Plenitúdo témporis,
Missus est ab arce Patris
Natus orbis Cónditor,
Atque ventre virgináli
Carne amíctus pródiit.

Vagit Infans inter arcta
Cónditus præsépia:
Membra pannis involúta
Virgo Mater álligat;
Et Dei manus, pedésque
Stricta cingit fáscia.

Sempitérna sit beátæ
Trinitáti glória,
Æqua Patri, Filióque,
Par decus Paráclito:
Uníus, Triníque nomen
Laudet univérsitas. Amen.

V. Vidébunt, in quem transfixérunt.

R. Et dolébunt super eum, ut in morte
primogéniti.

Ad Magnificat, Antiphona, to. 1. r.

Dum in cruce pendéret unigénitus Dei
Fílius, et ab ómnibus subsannarétur,
mater ejus Virgo María, ipsum verum
Deum, et hóminem cóndolens vene-
rabátur.

Canticum B. Mariæ Virginis.

Lucæ 1. c.

Magnificat * ánima mea Dóminum:
Et exultávit spíritus meus * in
Deo salutári meo.

Quia respéxit humilitátem ancillæ
suæ: * ecce enim ex hoc beátam me
dicent omnes generatiónes.

Quia fecit mihi magna qui potens est:
* et sanctum nomen ejus.

Et misericórdia ejus a progénie in pro-
génies * timéntibus eum.

Fecit poténtiam in bráchio suo: * dis-
pérsit supérbos mente cordis sui.

Depósuit poténtes de sede, * et exal-
távit húmiles.

Esuriéntes implévit bonis: * et dívi-
tes dimísit inánes.

Suscépit Israel púerum suum, * re-
cordátus misericórdiæ suæ.

Sicut locútus est ad patres nostros, *
Abraham, et sémini ejus in sæcula.

Antiph. **D**um in cruce pendéret uni-
génitus Dei Fílius, et ab ómnibus sub-
sannarétur, mater ejus Virgo María,
ipsum verum Deum, et hóminem cón-
dolens venerabátur.

Oratio.

Deus, qui unigéniti Fílii tui passióne,
et per quinque Vúlnera ejus, Sán-
guinis effusióne, humánam natúram
peccáto pérditam reparásti: tríbue
nobis, quæsumus, ut qui ab eo sus-
cépta Vúlnera venerámur in terris,
ejúsdem pretiosíssimi Sanguinis fruc-
tum cónsequi mereámur in cœlis. Per
eúndem Dóminum.

Et fit commemoratio Feriæ.

Antiph. **O**mnes, qui habébant infir-
mos, ducébant illos ad Jesum, et sa-
nabántur.

V. Angelis suis Deus mandávit de te.

R. Ut custódiant te in ómnibus viis tuis.

Oratio.

Subjéctum tibi pópulum, quæsu-
mus, Dómine, propitiátio cœlestis
amplíficet: et tuis semper fáciat ser-
víre mandátis. Per Dóminum.

AD MATUTINUM.

Invitorium. **C**hristum in cruce
confíxum, quinque plagis vulnerátum,
* Veníte, adorémus.

Psalmus. **V**eníte, exultémus. 2.

Hymnus. **P**ange, lingua. *ut supra in
Vesperis.*

IN I. NOCTURNO.

Antiph. to. 4. Quis est, qui venit de Edom, tinctis véslibus de Bosra?

Psalmus 10.

IN Dómino confido: quómodo dicitis ánimæ meæ: * Trásmigra in montem sicut passer?

Quóniam ecce peccatóres intendérunt arcum, paravérunt sagíttas suas in pháretra, * ut sagíttent in obscúro rectos corde.

Quóniam quæperfecísti, destruxérunt: * justus autem quid fecit?

Dóminus in templo sancto suo, * *Dóminus* in cœlo sedes ejus:

Oculi ejus in páuperem respíciunt: * *pálpebræ* ejus intérogant filios hóminum.

Dóminus intérogat justum et ímpium: * qui autem díligit iniquitátem, odit ánimam suam.

Pluet super peccatóres láqueos: * *ignis* et sulphur, et spíritus procellárum pars cálicis eórum.

Quóniam justus *Dóminus*, et justítias díléxit: * *æquitátem* vidit vultus ejus.

Antiph. Quis est, qui venit de Edom, tinctis véslibus de Bosra?

Antiph. to. 1. f. Quare rubrum est indumentum tuum, et vestiménta tua sicut calcántium in torculári?

Psalmus 14.

Domine, quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam:

Qui lóquitur veritátem in corde suo, * qui non egit dolum in lingua sua:

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malígnus: * tíméntes autem *Dóminus* glérificat:

Qui jurat próximo suo, et non decípit, * qui pecúniám suam non dedit ad usúram, et múnera super innocéntem non accépit.

Qui facit hæc, * non movébitur in ætérnum.

Antiph. Quare rubrum est indumentum tuum, et vestiménta tua sicut calcántium in torculári?

Antiph. to. 8. Tórcular calcávi solus, et de géntibus non fuit vir mecum.

Psalmus 23.

Domini est terra, et plenitúdo ejus: * orbis terrárum, et univérsi qui hábitant in eo.

Quia ipse super mária fundávit eum: * et super flúmina præparávit eum.

Quis ascéndet in montem *Dómini*? * aut quis stabit in loco sancto ejus?

Innocens mánibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a *Dómino*: * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * *Dóminus* fortis et potens, *Dóminus* potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * *Dóminus* virtútum ipse est Rex glóriæ.

Antiph. Tórcular calcávi solus, et de géntibus non fuit vir mecum.

V. Foderunt manus meas, et pedes meos.

R. Dinumeravérunt ómnia ossa mea.

De Isaíá Prophéta.

Lectio i.

Cap. 53.

Quis credidit audítui nostro? et bráchium *Dómini* cui revelátum est?

Et ascéndet sicut virgúltum coram eo, et sicut radix de terra sitiénti. Non est spécies ei, neque decor, et vídimus eum, et non erat aspéctus, et desiderávimus eum; despéctum, et novíssimum virórum, virum dolórum, et sciéntem infirmitátem, et quasi abs-cónditus vultus ejus, et despéctus, unde nec reputávimus eum. Vere languóres nostros ipse tulit, et dolóres nostros ipse portávit: et nos putávimus eum quasi leprósum, et percússum a Deo, et humiliátum. Ipse autem vulnerátus est propter iniquitátes nostras, attrítus est propter scélera nostra: disciplína pacis nostræ super eum, et livóre ejus sanáti sumus.

R. Gratificávit nos Deus in dilécto Fílio suo, * In quo habémus redemptiónem per Sánguinem ejus in remissionem peccatórum.

V. Ecce venit plenitúdo témporis, in quo misit Deus Fílium suum in terras. In quo.

Lectio ii.

OMnes nos quasi oves errávimus, unusquisque in viam suam declinávit, et pósuit Dóminus in eo iniquitátem ómnium nostrum. Oblátus est, quia ipse vóluit, et non apéruit os suum. Sicut ovis ad occisiónem ducétur, et quasi agnus coram ton-dénte se obmutéscet, et non apériet os suum. De angústia, et de judicio sublátus est: generatióem ejus quis enarrábit? Quia abscíssus est de terra vivéntium; propter scelus pópuli mei percússi eum. Et dabit ímpios pro sepultúra, et dívitem pro morte sua, eo quod iniquitátem non fécerit, neque dolus fúerit in ore ejus. Et Dóminus vóluit contérrere eum in infirmitáte.

R. Nos, qui aliquándo erámus longe, facti sumus prope per Sánguinem Jesu Christi; * Ipse est pax nostra, qui fecit útraque unum.

V. A Dómino factum est istud, et est mirábile in óculis nostris. Ipse.

Lectio iii.

Cap. 63.

Quis est iste, qui venit de Edom, tinctis véstibus de Bosra? Iste formósus in stola sua, grádiens in multitudíne fortitúdinis suæ. Ego, qui loquor justítiam, et propugnátor sum ad salvándum. Quare ergo rubrum est indumentum tuum, et vestiménta tua sicut calcántium in torculári? Tórcular calcávi solus, et de Géntibus non est vir mecum; calcávi eos in furóre meo, et conculcávi eos in ira mea, et aspérsus est sanguis eórum super vestiménta mea, et ómnia indumenta mea inquinávi; dies enim ultiónis in corde meo, annus redemptiónis meæ venit. Circumspéxi, et non erat auxiliátor; quæsívi, et non fuit qui adjuváret.

R. In primogénito ex mórtuis complácuít omnem plenitúdinem divinitátis inhabitáre, et per eum reconciliári ómnia in ipsum: * Pacíficans per Sánguinem crucis ejus, sive quæ in cœlis, sive quæ in terris sunt.

V. Ipse est caput córporis Ecclesiæ, in ómnibus primátum tenens. Pacíficans. Glória Patri. Pacíficans.

IN II. NOCTURNO.

Antiph. to. 8. Fodérunt manus meas, et pedes meos; dinumeravérunt ómnia ossa mea.

Psalmus 21.

Deus, Deus meus, réspice in me: quare me dereliquísti? * longe a salute mea verba delictórum meórum. Deus meus, clamábo per diem, et non exáudies: * et nocte, et non ad insipientiam mihi.

Tu autem in sancto hábitas, * laus Israel.

In te speravérunt patres nostri: * speravérunt, et liberásti eos.

Ad te clamavérunt, et salvi facti sunt: * in te speravérunt, et non sunt confúsi.

Ego autem sum vermis, et non homo: * opprobrium hóminum, et abjectio plebis.

Omnes vidéntes me, derisérunt me: * locúti sunt lábiis, et movérunt caput.

Sperávit in Dómino, erípiat eum: * salvum fáciat eum, quóniam vult eum.

Quóniam tu es, qui extraxísti me de ventre: * spes mea ab ubéribus matris meæ: in te projectus sum ex útero.

De ventre matris meæ Deus meus es tu: * ne discésseris a me.

Quóniam tribulatio próxima est: * quóniam non est qui ádjuvet.

Circumdedérunt me vítuli multi: * tauri píncues obsedérunt me.

Aperuérunt super me os suum, * sicut leo rápiens et rúgiens.

Sicut aqua effúsus sum: * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhæsit fáucibus meis: * et in púlverem mortis deduxísti me.

Quóniam circumdedérunt me canes multi: * concílium malignántium obsédit me.

Foderunt manus meas, et pedes meos: * dinumeravérunt ómnia ossa mea.

Ipsi vero consideravérunt, et inspexérunt me: * divisérunt sibi vestiménta mea, et super vestem meam misérunt sortem.

Tu autem, Dómine, ne elongáveris auxílium tuum a me: * ad defensiónem meam cónspice.

Erue a frámea, Deus, ánimam meam: * et de manu canis únicam meam.

Salva me ex ore leónis: * et a córni-bus unicórnium humilitátem meam.

Narrábo nomen tuum frátribus meis: * in médio Ecclésiæ laudábo te.

Qui timétis Dóminum, laudáte eum: * univérsum semen Jacob, glorificáte eum.

Tímeat eum omne semen Israel: * quóniam non sprexit, neque despexit deprecationem páuperis.

Nec avértit fáciem suam a me: * et cum clamárem ad eum, exaudívit me.

Apod te laus mea in ecclésia magna: * vota mea reddam in conspéctu. timentium eum.

Edent páuperes, et saturabúntur, et laudábunt Dóminum, qui requíruunt eum: * vivent corda eórum in sáculum sáculi.

Reminiscéntur, et converténtur ad Dóminum * univérsi fines terræ:

Et adorábunt in conspéctu ejus * univérsæ famíliæ Géntium.

Quóniam Dómini est regnum: * et ipse dominábitur Géntium.

Manducavérunt, et adoravérunt omnes píncues terræ: * in conspéctu ejus cadent omnes, qui descéndunt in terram.

Et ánima mea illi vivet: * et semen meum sérviet ipsi.

Annuntiábitur Dómino generatio ventúra: * et annuntiábunt coeli justítiam ejus pópulo, qui nascétur, quem fecit Dóminus.

Antiph. Foderunt manus meas, et pedes meos; dinumeravérunt ómnia ossa mea.

Antiph. to. 4. A planta pedis usque ad vérticem non est in eo sánitas.

Psalmus 65.

Jubiláte Deo, omnis terra: psalmum dícite nómini ejus: * date glóriam laudi ejus.

Dícite Deo, quam terribília sunt ópera tua, Dómine! * in multitúdine virtútis tuæ mentiéntur tibi inimíci tui.

Omnis terra adóret te, et psallat tibi: * psalmum dicat nómini tuo.

Veníte, et vidéte ópera Dei: * terríbilis in consíliis super fílios hóminum.

Qui convértit mare in áridam: in flúmine pertransíbunt pede: * ibi lætábimur in ipso.

Qui dominatur in virtute sua in ætérnum, óculi ejus super Gentes respiciunt, * qui exásperant, non exaltentur in semetipsis.

Benedícite, Gentes, Deum nostrum: * et audítam fácite vocem laudis ejus.

Qui pósuit ánimam meam ad vitam: * et non dedit in commotiódinem pedes meos.

Quóniam probásti nos, Deus: * igne nos examinásti, sicut examinátur argéntum.

Induxísti nos in láqueum, posuísti tribulatiódines in dorso nostro: * imposuísti hómines super cápita nostra.

Transívimus per ignem et aquam: * et eduxísti nos in refrigérium.

Introíbo in domum tuam in holocáustis: * reddam tibi vota mea, quæ distinxérunt lábia mea.

Et locútum est os meum, * in tribulatiódine mea.

Holocáusta medulláta offeram tibi cum incénso arietum: * offeram tibi boves cum hircis.

Veníte, audíte, et narrábo, omnes, qui timétis Deum, * quanta fecit ánimæ meæ.

Ad ipsum ore meo clamávi: * et exaltávi sub lingua mea.

Iniquitátem si aspéxi in corde meo: * non exáudiet Dóminus.

Proptérea exáudívit Deus: * et atténdit voci deprecatiódinis meæ.

Benedíctus Deus, * qui non amóvit oratiódinem meam, et misericórdiam suam a me.

Antiph. A planta pedis usque ad vérticem non est in eo sánitas.

Antiph. to. 8. f. Vulnus, et livor, et plaga túmens non est circumligáta, nec curáta medicámine, neque fota óleo.

Psalmus 75.

Notus in Judæa Deus: * in Israel magnum nomen ejus.

Et factus est in pace locus ejus: * et habitátió ejus in Sion.

Ibi confrégit poténtias árcuum, * scutum, gládium, et bellum.

Illúminans tu mirabíliter a móntibus ætérnis: * turbáti sunt omnes insipientes corde.

Dormiérunt sonnum suum: * et nihil invenérunt omnes viri divitiárum in má nibus suis.

Ab increpatióne tua, Deus Jacob, * dormitavérunt qui ascendérunt equos.

Tu terríbilis es, et quis resístet tibi? * ex tunc ira tua.

De coelo audítum fecísti judícium: * terra trémuit, et quiévit,

Cum exúrgeret in judícium Deus, * ut salvos fáceret omnes mansuétos terræ.

Quóniam cogitátió hóminis confitébitur tibi: * et reliquæ cogitatiódinis diem festum agent tibi.

Vovéte, et réddite Dómino Deo vestro, * omnes, qui in circúitu ejus affértis múnera.

Terríbili, et ei, qui aufert spíritum princípum: * terríbili apud reges terræ.

Antiph. Vulnus, et livor, et plaga tumens non est circumligáta, nec curáta medicámine, neque fota óleo.

V. Vere languóres nostros ipse tulit.

R. Et dolóres nostros ipse portávit.

De Sermóne Sancti Bernárdi Abbátis.

Lib. de Passione Domini.

Lectio iv.

Cap. 41.

Captus est Jesus, post plúrimas illusiódines tam Judæórum, quam Géntium: post sánguinis plures effusiódines, clavis immítibus má nibus simul, et pédibus perforátur, et confígitur ligno Crucis Salvátor noster mitíssimus Jesus. Intuére, et respice rosam Passiódinis sangúineæ, quómodo rubet in indícium ardentíssimæ charitátis. Conténdunt pássio, et cháritas: ista, ut plus árdeat, illa, ut plus rúbeat.

R. Per mortem destrúxit Jesus eum, qui mórtis habébat impérium: * Ut

liberáret eos, qui timóre mortis ob-
noxii erant servitúti.

V. Unde débuit per ómnia frátribus
assimilári, ut miséricors fieret. **Ut**
liberáret.

Lectio v.

Vide quómodo hoc flore rosæ flor-
ruerit óptima vitis nostra, rubi-
cúndus Jesus. Vide totum corpus,
sícubi rosæ sanguíneæ florem non in-
vénias. Inspice manum unam, et
áalteram, si florem rosæ non invénias
in utrâque. Inspice pedem unum, et
áalterum, numquid non rósei? Inspice
láteris apertúram, quia nec illa caret
rosa, quamvis ipsa subrúbea sit, prop-
ter mixtúram aquæ, quia, sicut narrat
Evangelísta, cum unus mílitum lán-
cea latus ejus perforásset, exívit sán-
guis, et aqua.

R. Per hóminem mors, et per hómi-
nem resurrectio mortuórum: * Et si-
cut in Adam omnes peccavérunt, ita
in Christo omnes vivificabúntur.

V. Novíssime autem inimíca destrué-
tur mors. **Et** sicut.

Ex eódem Divo Bernádo.

Lectio vi.

Sermo de Pass. Domini.

Respice, Dómine sancte Pater, de
sanctuário tuo, et de excélso cœ-
lórúm habitáculo, et intuére hanc sa-
crosáctam Hóstiam, quam tibi offert
magnus Póntifex noster, sanctus puer
tuus Dóminus Jesus, pro peccátis
fratrum suórum, et esto placábilis
super multitúdinem malítiæ nostræ.
Cognósce, Pater, túnica filii tui
Joseph. Heu! fera péssima devorávit
eum, et conculcávit in furóre suo ves-
timéntum ejus. Ecce quinque scissú-
ras lamentábiles in eo relíquit.

R. Vídimus Jesum propter passiónem
mortis, glória, et honóre coronátum:
* **Ut** pro ómnibus gustáret mortem.

V. Decébat eum, qui multos filios in
glóriam addúxerat, auctórem salútis

eórum per passiónem consummári.
Ut pro ómnibus. **Glória Patri. Ut** pro
ómnibus.

IN III. NOCTURNO.

Antiph. to. 4. Quid sunt plagæ istæ
in médio mánuum tuárum?

Psalmus 95.

Cantáte Dómino cánticum novum:
* cantáte Dómino omnis terra.

**Cantáte Dómino, et benedícite nó-
mini ejus: * annuntiáte de die in diem
salutáre ejus.**

**Annuntiáte inter Gentes glóriam ejus,
* in ómnibus pópulis mirabília ejus.**

**Quóniam magnus Dóminus, et laudá-
bilis nimis: * terríbilis est super om-
nes deos.**

**Quóniam omnes dii Géntium dæmó-
nia: * Dóminus autem cœlos fecit.**

**Conféssio, et pulchritúdo in conspéctu
ejus: * sanctimónia, et magnificéntia
in sanctificatióne ejus.**

**Afférte Dómino pátriæ Géntium, af-
férte Dómino glóriam, et honórem: *
afférte Dómino glóriam nómini ejus.**

**Tóllite hóstias, et introíte in átria
ejus: * adoráte Dóminum in átrio
sancto ejus.**

**Commovéatur a fácie ejus univér-
sa terra: * dícite in Géntibus, quia Dó-
minus regnávit.**

**Etenim corréxit orbem terræ, qui non
commovébitur: * judicábit pópulos in
æquitáte.**

**Læténtur cœli, et exúltet terra, com-
moveá-
tur mare, et plenitúdo ejus: *
gaudébunt campi, et ómnia, quæ in
eis sunt.**

**Tunc exultábunt ómnia ligna silvá-
rum a fácie Dómini, quia venit: * quó-
niam venit judicáre terram.**

**Judicábit orbem terræ in æquitáte, *
et pópulos in veritáte sua.**

**Antiph. Quid sunt plagæ istæ in mé-
dio mánuum tuárum?**

Antiph. to. 6. Ilis plagátus sum in
domo eórum, qui me diligébant.

Psalmus 96.

Dominus regnāvit, exultet terra: *
lætentur insulæ multæ.

Nubes, et caligo in circūitu ejus: *
justitia, et judicium correctio sedis ejus.

Ignis ante ipsum præcedet, * et inflammabit in circūitu inimicos ejus.

Illuxerunt fulgura ejus orbi terræ: *
vidit, et commota est terra.

Montes sicut cera fluxerunt a facie
Dómini; * a facie Dómini omnis terra.

Annuntiaverunt cœli justitiam ejus: *
et viderunt omnes pópuli glóriam ejus.

Confundantur omnes, qui adorant
sculptilia: * et qui gloriāntur in simulacris suis.

Adorate eum, omnes Angeli ejus: *
audivit, et lætata est Sion.

Et exultaverunt filiae Judæ, * propter
judicia tua, Dómine.

Quóniam tu Dóminus altissimus super
omnem terram: * nimis exaltatus es super omnes deos.

Qui diligitis Dóminum, odite malum: *
custodit Dóminus ánimas sanctorum suorum, de manu peccatoris liberabit eos.

Lux orta est justo, * et rectis corde lætitia.

Lætamini justi in Dómino: * et confitemini memorie sanctificationis ejus.

Antiph. His plagatus sum in domo
eorum, qui me diligebant.

Antiph. to. 1. f. In amaritudine sermo
meus est, et manus plagæ meæ aggravata est super gemitum meum.

Psalmus 97.

Cantate Dómino canticum novum: *
quia mirabilia fecit.

Salvavit sibi dextera ejus, * et brachium sanctum ejus.

Notum fecit Dóminus salutare suum: *
in conspectu Géntium revelavit justitiam suam.

Recordatus est misericordiæ suæ, *
et veritatis suæ domui Israel.

Viderunt omnes termini terræ * salutare Dei nostri.

Jubilate Deo omnis terra: * cantate, et exultate, et psallite.

Psallite Dómino in cithara, in cithara et voce psalmi: * in tubis ductilibus, et voce tubæ corneæ.

Jubilate in conspectu Regis Dómini: * moveatur mare, et plenitudo ejus; orbis terrarum, et qui habitant in eo.

Flumina plaudent manu, simul montes exultabunt a conspectu Dómini: * quóniam venit judicare terram.

Judicabit orbem terrarum in justitia, * et pópulos in æquitate.

Antiph. In amaritudine sermo meus est, et manus plagæ meæ aggravata est super gemitum meum.

V. Ipse vulneratus est propter iniquitates nostras.

R. Attritus est propter scelera nostra.

Lectio sancti Evangelii secundum Joannem.

Lectio vii.

Cap. 19.

In illo tempore: Sciens Jesus, quia omnia consummata sunt, ut consummaretur Scriptura, dixit: Sitio. Et reliqua.

Homilia Sancti Cyrilli Episcopi Alexandrini.

Lib. 12. Comm. in Joann.

Cum ab immanibus Judæis omnis in Christum explēta esset impietas, nec quidquam jam ad summam crudelitatem reliquum esset, ad extremum caro Christi sanctissima proprium quiddam, ac naturale rursus patitur. Multis enim, ac variis doloribus exsiccata, siti torquetur. Graves siquidem dolores magnam ad sitim commovendam vim habent, naturali quodam, et inexplicabili calore humidum consumētes, et igneis ardoribus præcordia urētes.

R. Manifestata est gratia Dei per illuminationem Salvatoris nostri Jesu

Christi: * Qui destrúxit mortem, illuminávit autem vitam in incorruptiónem.

V. Liberávit, et vocávit nos vocatióne sua sancta per grátiam, quæ data est nobis in Christo. Qui destrúxit.

Lectio viii.

Consummátum esse ait impietátis Judáicæ modum, et impoténtem sæviéndi ánimum. Quid enim Judæi intentátum reliquerunt, aut quid non extrémæ crudelitátis adhibuerunt? Quod supplicii, aut contuméliæ genus prætermiserunt? Quamóbrem jure, consummátum est, ait: sed hora jam eum ad prædicándum spirítibus, qui apud ínferos erant, invitante (advénit enim, ut mortuórum, ac vivórum dominarétur), ipsam pro nobis mortem suscepit, commúnem hanc natúræ nostræ passióem sustínuit in carne sua.

R. Dignus es, Dómine, accípere librum, et aperíre signácula ejus, quóniam occísus es, et redemísti nos Deo * In Sanguine tuo.

V. Fecísti enim nos Deo nostro regnum, et sacerdótes. In Sanguine. Glória Patri. In Sanguine.

Lectio nona de Homilia Feriæ cur. Benedictio. Per Evángelica dicta.

Léctio sancti Evángelii secúndum Joánnem.

Lectio ix.

Cap. 4.

In illo témpore: Venit Jesus in civitatem Samariæ, quæ dicitur Sichar, juxta prædium, quod dedit Jacob Joseph filio suo. Et reliqua.

Homilia Sancti Augustíni Epíscopi.

Tractatu 15. in Joánnem post initium.

Jam incípiunt mystéria. Non enim frustra fatigátur Jesus: non enim frustra fatigátur virtus Dei: non enim frustra fatigátur, per quem fatigáti recreántur: non enim frustra fatigátur, quo deserente, fatigámur, quo

præsente, firmámur. Fatigátur tamen Jesus, et fatigátur ab itinere, et sedet, et juxta púteum sedet, et hora sexta fatigátus sedet. Omnia ista innuunt áliquíd, indicáre volunt áliquíd: inténtos nos faciunt: ut pulsémus, hortántur. Ipse ergo apériat et nobis et vobis, qui dignátus est ita hortári, ut diceret: Pulsáte, et aperiétur vobis. Te Deum laudámus. 13.

AD LAUDES ET PER HORAS.

Antiph. to. 8. Vere languóres nostros ipse tulit, et dolóres nostros ipse portávit.

Psalmus. Dóminus regnávit. cum reliquis de Laudibus Dominicæ, ut in Psalterio. 14.

Antiph. to. 4. Ipse autem vulnerátus est propter iniquitátes nostras, attrítus est propter scélera nostra.

Antiph. to. 1. f. Alligávit Dóminus plagam pópuli sui, et percussúram ejus sanávit.

Antiph. to. 3. Omnis, qui transíbit, stupébit super omnes plagas ejus.

Antiph. to. 4. O vos omnes, qui transítis per viam, atténdite, et vidéte, si est dolor sicut dolor meus.

Capitulum.

Isaiae 53.

Christus vulnerátus est propter iniquitátes nostras, attrítus est propter scélera nostra, cujus livóre sanátus sumus.

Hymnus.

Lustra sex qui jam perégit,
Tempus implens córporis,
Sponte líbera Redémptor
Passióni déditus,
Agnus in Crucis levátur
Immolándus stípíte.
Felle potus ecce lánguet,
Spina, clavi, lancea
Mite corpus perforáruit,
Unda manat, et cruor:
Terra, pontus, astra, mundus,
Quo lavántur flúmine!

CruX fidélis inter omnes
Arbor una nóbilis:
Silva talem nulla profert
Fronde, flore, gérmine:
Dulce ferrum, dulce lignum,
Dulce pondus sústinent.

Flecte ramos, arbor alta,
Tensa laxa víscera,
Et rigor lentéscat ille,
Quem dedit natívtas:
Et supérni membra Regis
Tende miti stípíte.

Sola digna tu fuísti
Ferre mundi víctimam,
Atque portum præparáre
Arca mundo náufrago,
Quam sacer cruor perúnxit,
Fusus Agni córpore.

Sempitérna sit beátæ
Trinitáti glória;
Æqua Patri, Filióque,
Par decus Paráclito:
Unús, Triníque nomen
Laudet univérsitas. Amen.

V. Vidébunt, in quem transfixérunt.

R. Et dolébunt super eum, ut in morte
Primogéniti.

Ad Benedictus, Antiphona, to. 1. r.

Unus mílitum láncea Latus ejus apé-
ruit, et contínuo exívit sanguis, et aqua.

Oratio.

Deus, qui unigéniti Fílii tui pas-
sióne, et per quinque Vúlnera
ejus, sánguinis effusióne, humánam
natúram peccáto pérditam reparásti:
tribue nobis, quæsumus, ut qui ab eo
suscépta Vúlnera venerámur in terris,
ejúsdem pretiosíssimi Sanguinis fruc-
tum cónsequi mereámur in cœlis. Per
eúmdem Dóminum.

Et fit commemoratio Feriæ.

Antiph. Aquam quam ego dédero,
si quis bíberit ex ea, non sítiet in
ætérrnum.

V. Angelis suis Deus mandávit de te.

R. Ut custódiant te in ómnibus viis tuis.

Oratio.

JEjúnia nostra, quæsumus, Dómine,
benígnò favóre proséquere: ut
sicut ab aliméntis abstinémus in cór-
pore, ita a vítiis jejunémus in mente.
Per Dóminum.

Ad Tertiam.

Antiph. to. 4. Ipse autem.

Capitulum. Christus vulnerátus est.
ut supra.

R. br. Fodérunt manus meas, * Et
pedes meos. Fodérunt.

V. Dinumeravérunt ómnia ossa mea.

Et pedes. Glória Patri. Fodérunt.

V. O vos omnes, qui transítis per viam.

R. Atténdite, et vidéte dolórem meum.

Ad Sextam.

Antiph. to. 4. f. Alligávit Dóminus.

Capitulum.

Isaiae 50.

FAciam meam non avérti ab incre-
pántibus, et conspuéntibus in me:
Dóminus Deus auxiliátor meus; et
ideo non sum confúsus.

R. br. Vere languóres nostros * Ipse
tulit. Vere.

V. Et dolóres nostros ipse portávit.
Ipse. Glória Patri. Vere.

V. Disciplína pacis nostræ super eum.

R. Et livóre ejus sanáti sumus.

Ad Nonam.

Antiph. to. 4. O vos omnes.

Capitulum.

Isaiae 53.

TRádedit Christus in mortem áni-
mam suam, et cum scelerátis re-
putátus est; et ipse peccáta multórum
tulit, et pro transgressóribus rogávit.

R. br. Ipse vulnerátus est * Propter
iniquitátes nostras. Ipse.

V. Attrítus est propter scélera nostra.
Propter. Glória Patri. Ipse.

V. Oblátus est, quia ipse vóluit.

R. Et non apéruit os suum.

In II. Vesperis.

Omnia ut in primis. [265]

Ad Magnificat., Antiphona, to. 1. f.

Ego sum vestra redemptio: manus meae, quæ vos fecerunt, clavis confixæ sunt; propter vos flagellis cæsus sum, spinis coronatus sum: aquam petii pendens, et acétum porrexerunt: in escam meam fel dederunt, et in latus lanceam: mortuus, et sepultus resurrexi: vobiscum sum, et vivo in ætérnum.

Oratio.

DEus, qui unigéniti Fílii tui passioné, et per quinque Vúlnera ejus, sánguine effusióne, humanam natúram peccáto pérditam reparásti: tríbue nobis, quæsumus, ut qui ab eo suscepta Vúlnera venerámur in terris, ejúsdem pretiosíssimi Sánguine fructum cónsequi mereámur in cœlis. Per eúndem Dóminum.

Et fit commemoratio Feriæ.

Antiph. D ómine, ut vídeo, Prophéta es tu: patres nostri in monte hoc adoravérunt.

V. Angelis suis Deus mandávit de te.

R. Ut custódiante in ómnibus viis tuis.

Oratio.

PRæsta, quæsumus, omnípotens Deus: ut qui in tua protectióne confidimus, cuncta nobis adversántia, te adjuvánte, vincámus. Per Dóminum.

FERIA SEXTA

Post Dominicam IV. Quadrag.

In Festo

Pretiosissimi Sanguinis D. N. J. C.

Duplex.

AD VESPERAS.

Antiph. to. 1. f. Quis est iste, qui venit de Edom, tinctis véstibus de Bosra? Iste formósus in stola sua.

Psalmus. **Dixit Dóminus.** cum reliquis, ut in primis Vesperis de Comuni Apostolorum. [1]

Antiph. to. 7. r. Ego qui loquor justítiam, et propugnátor sum ad salvándum.

Antiph. to. 5. Vestítus erat veste aspérsa ságuine, et vocátur nomen ejus Verbum Dei.

Antiph. to. 4. Quare ergo rubrum est indumentem tuum, et vestiménta tua, sicut calcántium in torculári?

Antiph. to. 6. Tórcular calcávi solus, et de géntibus non est vir mecum.

Capitulum.

Hebr. 9.

FRatres, Christus assístens Póntifex futurórum bonórum, per ámplius, et perféctius tabernáculum non manufactum, idest, non hujus creatiónis, neque per ságuinem hircórum, aut vitulórum, sed per próprium Ságuinem introívit semel in sancta, ætérna redemptioné invénta.

Hymnus.

Festívis résonent cómpita vócbus,
Cives lætítiam fróntibus éxplicent,
Tædis flammíferis órdine pródeant
Instrúcti púeri et senes.

Quem dura móriens Christus in árbore
Fudit múltiplici vúlneré Ságuinem
Nos facti mémoires dum cólimus,
deceat

Saltem fúndere lácrymas.

Humáno géneri pernícies gravis
Adámi vétèris crímīne cóntigit,
Adámi intégritas, et píetas novi
Vitam réddidit ómnibus.

Clamórem válidum summus ab æthere
Languéntis Géniti si Pater áudiit,
Placári pótius Ságuine débuit,
Et nobis véniam dare.

Hoc quicúmque stolam Ságuine
próluit,

Abstérgit máculas, et róseum decus,
Quo fiat símilis prótinus Angelis,
Et regi pláceat, capit.

A recto instábilis trámite póstmodum
Se nullus rétrahat; meta sed última
Tangátur; tríbuet nóbile præmium,
Qui cursum Deus ádjuvat.

Nobis propítius sis, Génitor potens,
Ut quos unígenæ Sanguine Fílii
Emísti, et plácido Flámine récreas,
Cœli ad cúlmina tránsferas.

Amen.

V. Redemísti nos, Dómine, in Sán-
guine tuo.

R. Et fecísti nos Deo nostro regnum.

Ad Magnificat, Antiphona, to. 5.

Accessistis ad Sion montem, et civi-
tatem Dei vivéntis, Jerúsalem cœlé-
stem, et Testaménti novi mediátorem
Jesum, et Sanguinis aspersionem mé-
lius loquéntem, quam Abel.

Oratio.

OMnípotens sempitérne Deus, qui
unigénitum Fílium tuum mundi
Redemptórem constituísti, ac ejus
Sanguine placári voluísti: concéde,
quæsumus, salútis nostræ prétium so-
lémni cultu ita venerári, atque a præ-
séntis vitæ malis ejus virtúte deféndi
in terris, ut fructu perpétuo lætémur
in cœlis: Qui tecum vivit, et regnat
in unitate.

Et fit commemoratio Feriæ cur-
rentis.

Antiph. Prophéta magnus surrexit
in nobis, et quia Deus visitávit ple-
bem suam.

V. Angelis suis Deus mandávit de te.

R. Ut custódiant te in ómnibus viis
tuis.

Oratio.

POpuli tui, Deus, institútor et rec-
tor, peccáta, quibus impugnátur,
expélle: ut semper tibi plácitus, et
tuó munímine sit secúrus. Per Dó-
minum.

AD MATUTINUM.

Invitatorium. Christum Dei Fí-
lium, qui suo nos redémit Sanguine,
* Veníte, adorémus.

Psalmus. Veníte, exultémus. 2.

Hymnus.

IRa justa Conditóris,
Imbre aquárum víndice,
Criminósum mersit orbem,
Noe in arca sóspite:
Mira tandem vis amóris
Lavít orbem Sanguine.

Tam salúbri terra felix
Irrigáta plúvia,
Aute spinis quæ scatébat,
Germinávit flosculos:
Inque néctaris sapórem
Transiére absýnthia.

Triste prótinus venénium
Dirus ánguis pósuit,
Et cruénta belluárum
Désiit ferócia:
Mitis Agni vulneráti
Hæc fuit victória.

O sciéntiæ supérnæ
Altitúdo impérvia!
O suávitás benigni
Prædicánda pectoris!
Servus erat morte dignus,
Rex luit pœnam óptimus.

Quando culpis provocámus
Ultiónem Júdicis,
Tunc loquéntis protegámur
Sanguinis præsentia:
Ingruéntium malórum
Tunc recédant ágmina.

Te redemptus laudet orbis
Grata servans múnera,
O salútis sempitérnæ
Dux, et auctor ínclyte,
Qui tenes beáta regna
Cum Parénte, et Spíritu. Amen.

IN I. NOCTURNO.

Antiph. to. 8. f. Postquam consum-
mátisunt dies octo, ut circumciderétur
Puer, vocátum est nomen ejus Jesus.

Psalmus 2.

QUare fremuerunt Gentes, * et populi meditati sunt inania?

Astitērunt reges terræ, et principes convenērunt in unum * adversus Dōminum, et adversus Christum ejus.

Dirumpāmus vīcula eōrum: * et projiciāmus a nobis jugum ipsōrum.

Qui hābitat in cœlis, iridēbit eos: * et Dōminus subsannābit eos.

Tunc loquētur ad eos in ira sua: * et in furōre suo conturbābit eos.

Ego autem constitūtus sum Rex ab eo super Sion montem sanctum ejus, * prādicans prāceptum ejus.

Dōminus dixit ad me: * Fīlius meus es tu, ego hōdie genui te.

Póstula a me, et dabo tibi Gentes hāreditātem tuam, * et possessionem tuam tēminos terræ.

Reges eos in virga fērrea, * et tamquam vas figuli confrīnges eos.

Et nunc, reges, intelligite: * erudimini, qui iudicātis terram.

Servite Dōmino in timōre: * et exultate ei cum tremōre.

Apprehēdite disciplīnam, nequādo irascātur Dōminus, * et pereātis de via justa.

Cum exārserit in brevi ira ejus: * beāti omnes, qui confidunt in eo.

Antiph. Postquam consummāti sunt dies octo, ut circumciderēt Puer, vocātum est nomen ejus Jesus.

Antiph. to. 1. f. Factus in agonía prolíxius orābat, et factus est sudor ejus, sicut guttæ sánguinis decurrēntis in terram.

Psalmus 3.

Domine, quid multiplicāti sunt qui tribulant me? * multi insurgunt adversum me.

Multi dicunt animæ meæ: * Non est salus ipsi in Deo ejus.

Tu autem, Dōmine, suscēptor meus es, * glória mea, et exáltans caput meum.

Voce mea ad Dōminum clamāvi: * et exaudivit me de monte sancto suo.

Ego dormívi, et soporátus sum: * et exurréxi, quia Dōminus suscepit me.

Non timébo míllia pópuli circumdāntis me: * exúrge, Dōmine, salvum me fac, Deus meus.

Quóniam tu percussísti omnes adversāntes mihi sine causa: * dentes peccatórum contrivísti.

Dōmini est salus: * et super pópulum tuum benedíctio tua.

Antiph. Factus in agonía prolíxius orābat, et factus est sudor ejus, sicut guttæ sánguinis decurrēntis in terram.

Antiph. to. 7. r. Judas, qui eum tradidit, pœniténtia ductus, rétulit triginta argénteos, dicens: Peccāvi, tradens Ságuinem justum.

Psalmus 15.

Conserva me, Dōmine, quóniam sperāvi in te. * Dixi Dōmino: Deus meus es tu, quóniam bonórum meórum non eges.

Sanctis, qui sunt in terra ejus, * mirificāvit omnes voluntātes meas in eis.

Multiplicatæ sunt infirmitātes eōrum: * póstea accelerāverunt.

Non congregābo conventícula eōrum de sanguinibus; * nec memor ero nóminum eōrum per lábia mea.

Dōminus pars hāreditātis meæ, et cálicis mei: * tu es, qui restitues hāreditātem meam mihi.

Funes ceciderunt mihi in præclāris: * etenim hāreditas mea præclāra est mihi.

Benedícam Dōminum, qui tríbuit mihi intelléctum: * insuper et usque ad noctem increpuērunt me renes mei.

Providēbam Dōminum in conspéctu meo semper: * quóniam a dextris est mihi, ne commóvear.

Propter hoc lætātum est cor meum, et exultāvit lingua mea: * insuper et caro mea requiescet in spe.

Quóniam non derelínques ánimam meam in inférno: * nec dabis Sanctum tuum vidére corruptiónem.

Notas mihi fecísti vias vitæ, adimplébis me lætítia cum vultu tuo: * delectatiónes in délixtera tua usque in finem.

Antiph. Judas, qui eum trádedit, pœniténtia ductus, rétulit trigínta argénteos, dicens: Peccávi, tradens sánguinem justum.

V. Redemísti nos, Dómine.

R. In Ságuine tuo.

De Epístola beáti Pauli Apóstoli ad Hebræos.

Lectio i.

Cap. 9.

Christus assístens Póntifex futurórum bonórum, per ámplius et perfectius tabernáculum non manufáctum, idest, non hujus creatiόνis, neque per sánguinem hircórum, aut vitulórum, sed per próprium Ságuinem introívit semel in sancta, æténa redemptiône invénta. Si enim sanguis hircórum, et taurórum, et cinis vítulæ aspérsus inquinátos sanctíficat ad emundatióem carnis: quanto magis Sanguis Christi, qui per Spíritum Sanctum semetípsum óbtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti? Et ideo novi Testaménti Mediátor est, ut, morte intercedénte, in redemptióem eárum prævaricatiónum, quæ erant sub prióri Testaménto, repromissióem accípiant qui vocáti sunt æténae hæreditátis.

R. Jesus, ut sanctificáret per suum Ságuinem pópulum, extra portam passus est: * Exeámus ígitur ad eum extra castra, impropérium ejus portántes.

V. Nondum enim usque ad sánguinem restitístis advérsus peccátum repugnántes. **E**xéamus.

Lectio ii.

Ubi enim testaméntum est, mors necesse est intercédát testatóris. Testaméntum enim in mórtuis confirmátum est: alióquin nondum valet, dum vivit qui testátus est. Unde nec primum quidem sine ságuine dedicátum est. Lecto enim omni mandáto Legis a Móyse univérso pópulo, accípiens sánguinem vitulórum et hircórum cum aqua, et lana coccínea, et hyssópo, ipsum quoque librum, et omnem pópulum aspérsit, dicens: Hic sanguis Testaménti, quod mandávit ad vos Deus. Etiam tabernáculum, et ómnia vasa ministérii ságuine similiter aspérsit. Et ómnia pene in ságuine secúndum legem mundántur: et sine ságuinis effusióne non fit remíssio.

R. Móyses sumptum sánguinem respérsit in pópulum, * Et ait: Hic est sanguis fœderis, quod pépigit Dóminus vobíscum.

V. Fide celebrávit Pascha, et ságuinis effusióem, ne qui vastábat primitíva, tángeret eos. **E**t ait.

Lectio iii.

Cap. 10.

Abéntes itaque, fratres, fidúciam in intróitu sanctórum in Ságuine Christi, quam initiávit nobis viam novam, et vivéntem per velámen, idest, carnem suam, et Sacerdótem magnum super domum Dei, accedámus cum vero corde in plenitúdine Fídei, aspérsi corda a consciéntia mala, et ablúti corpus aqua munda, teneámus spei nostræ confessiόem indeclinábilem, (fidélis enim est qui repromísit) et considerémus ínvicem in provocatióem charitátis, et bonórum óperum.

R. Vos, qui aliquándo erátis longe, facti estis prope in Ságuine Christi: * Ipse enim est pax nostra, qui fecit útraque unum.

V. Complacuit per eum reconciliare omnia in ipsum, pacificans per Sanguinem Crucis ejus, sive quæ in terris, sive quæ in cœlis sunt. Ipse. Glória Patri. Ipse.

IN II. NOCTURNO.

Antiph. to. 8. Pilatus volens pópulo satisfacere, tradidit illis Jesum flagellis cæsum.

Psalmus 22.

Dominus regit me, et nihil mihi deerit: * in loco pascuæ ibi me collocavit.

Super aquam refectiõnis educavit me: * animam meam convertit.

Deduxit me super sêmitas justitiæ * propter nomen suum.

Nam et si ambulâvero in médio umbræ mortis, non timébo mala: * quoniam tu mecum es.

Virga tua, et bâculus tuus: * ipsa me consolâta sunt.

Parâsti in conspéctu meo mensam * advêrsus eos, qui tribulant me.

Impinguâsti in oleo caput meum: * et calix meus inebrians quam præclârus est!

Et misericórdia tua subsequétur me * omnibus diébus vitæ meæ:

Et ut inhâbitem in domo Dómini * in longitudinem diérum.

Antiph. Pilatus volens pópulo satisfacere, tradidit illis Jesum flagellis cæsum.

Antiph. to. 7. r. Videns autem quia nihil proficeret, accépta aqua, lavit manus coram pópulo, dicens: Innocens ego sum a Sanguine Justi hujus.

Psalmus 29.

Exaltâbo te, Dómine, quoniam suscepisti me: * nec delectâsti inimicos meos super me.

Dómine, Deus meus, clamâvi ad te, * et sanâsti me.

Dómine, eduxisti ab inférno animam meam: * salvâsti me a descendéntibus in lacum.

Psállite Dómino, Sancti ejus: * et confitémini memóriæ sanctitátis ejus.

Quoniam ira in indignatiõe ejus: * et vita in voluntáte ejus.

Ad vésperum demorâbitur fletus: * et ad matutínium lætítia.

Ego autem dixi in abundántia mea: * non movébor in ætérnum.

Dómine, in voluntáte tua * præstitisti decóri meo virtútem.

Avértisti faciẽm tuam a me, * et factus sum conturbâtus.

Ad te, Dómine, clamâbo: * et ad Deum meum deprecâbor.

Quæ utilitas in sânguine meo: * dum descéndo in corruptiõe?

Numquid confitébitur tibi pulvis, * aut annuntiâbit veritatem tuam?

Audívit Dóminus, et misértus est mei: * Dóminus factus est adjutor meus.

Convertísti planctum meum in gáudium mihi: * conscidísti saccum meum, et circumdedísti me lætítia.

Ut cantet tibi glória mea, et non compúngar: * Dómine, Deus meus, in ætérnum confitébor tibi.

Antiph. Videns autem quia nihil proficeret, accépta aqua, lavit manus coram pópulo, dicens: Innocens ego sum a Sanguine Justi hujus.

Antiph. to. 2. Et respóndens univêrsus pópulus, dixit: Sanguis ejus super nos, et super filios nostros.

Psalmus 63.

Exáudi, Deus, oratiõe meam cum deprecor: * a timóre inimíci éripe animam meam.

Protexisti me a convéntu malignántium, * a multitudíne operántium iniquitatem.

Quia exacuérunt ut gládium linguas suas: * intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt: * firmavérunt sibi sermónem nequam.

Narravérunt ut absconderent láqueos:
* dixerunt: Quis vidébit eos?

Scrutáti sunt iniquitátes: * defecerunt scrutántes scrutínio.

Accédet homo ad cor altum: * et exaltábitur Deus.

Sagíttæ parvulórum factæ sunt plagæ eórum: * et infirmátæ sunt contra eos linguæ eórum.

Conturbáti sunt omnes, qui vidébant eos: * et tímuit omnis homo.

Et annuntiavérunt ópera Dei: * et facta ejus intellexérunt.

Lætábitur justus in Dómino, et sperábit in eo, * et laudabúntur omnes recti corde.

Antiph. Et respóndens univérsum pópulus, dixit: Sanguis ejus super nos, et super filios nostros.

V. Sanguis Jesu Christi Filii Dei.

R. Emúndat nos ab omni peccáto.

Sermo Sancti Joánnis Chrysóstomi.

Lectio iv.

Vultis Sanguinis Christi audire virtutem? Redeámus ad ejus exemplum, et priórem typum recordémur, et prístinam Scriptúram narrémus. In **Ægýpto**, nocte média, **Ægýptiis** Deus plagam décimam minabátur, ut eórum primogénita deperírent, quia primogénitum ejus pópulum detinébant. Sed ne amáta plebs **Judæórum** una cum illis periclitarétur, quia unus locus continébat univérsum, remédium discretiónis invéntum est. Proínde exemplum mirábile, ut discas in veritate virtutem. Ira divínæ indignationis sperabátur, et domos singulas mórtifer circúibat. Quid igitur **Móyses**? Occídite, inquit, agnum annículum, et ságuine ejus liníte jánuas. Quid ais, **Móyses**? Sanguis ovis rationálem hóminem liberáre consuevit? Valde, inquit, non eo quod sanguis est, sed quia **Domínici Sanguinis** per eum demonstrátur exemplum.

R. In timóre incolátus vestri conversámini, * Sciéntes quod non corruptíbilibus auro, vel argénto redempti estis.

V. Sed pretiósó Sanguine, quasi agni immaculáti Christi. Sciéntes.

Lectio v.

Nam sicut regnántium státuæ, quæ sine causa sunt, et sermóne, nunquam ad se confugiéntibus homínibus ánima, et ratióne decorátis, subveníre consuevérunt, non quia sunt ære confectæ, sed quia rétinent imáginem principálem: ita et sanguis ille, qui irrationális fuit, ánimas habéntes hómines liberávit; non quia sanguis fuit, sed quia hujus Sanguinis ostendebat advéntum. Et tunc Angelus ille vastátor, cum linítos postes, atque áditus pervidéret, transjécit gressus, et non est ausus intráre. Nunc ergo si víderit inimícus, non póstibus impositum ságuinem typi, sed fidélium ore lucéntem Sanguinem veritátis Christi, templi póstibus dedicátum, multo magis se súbtrahet. Si enim Angelus cessit exémplo, quanto magis terrébitur inimícus, si ipsam perspéxerit veritátem? Vis et áliam hujus Sanguinis scrutári virtutem? Volo. Unde primum cucúrrit inspécias, et de quo fonte manávit. De ipsa primum **Cruce** procéssit: latus illud **Dóminicum** infítium fuit. Mórtuo enim, ait, **Jesu**, et adhuc in **Cruce** pendénte, appróximat miles, latus láncea percússit, et exínde aqua fluxit, et Sanguis. Unum baptismatis sýmbolum, áliud sacraménti. Ideo non ait: Exiit Sanguis, et aqua; sed éxiit aqua primum, et Sanguis: quia primum baptísmate dilúimur, et póstea mystério dedicámur.

R. Empti enim estis pretio magno: * Glorificáte, et portáte Deum in corpore vestro.

V. Pretio empti estis: nolíte fferi servi hóminum. Glorificáte.

Lectio vi.

Latus miles aperuit, et templi sancti parietem patefecit. Et ego thesaurum præclarum inveni, et fulgentes divitias me gratulor reperire. Sic et de illo agno factum est. Judæi ovem occiderunt, et ego fructum de sacramento cognovi. De latere Sanguis, et aqua. Nolo tam facile, auditor, transeas tanti secreta mysterii. Restat enim mihi mystica, atque secretalis oratio. Dixi baptismatis symbolum et mysteriorum aquam illam, et Sanguinem demonstrare. Ex his enim sancta fundata est Ecclesia per lavacri regenerationem, et renovationem Spiritus sancti. Per baptismam, inquam, et mysteria, quæ ex latere videntur esse prolata. Ex latere igitur suo Christus ædificavit Ecclesiam, sicut de latere Adam ejus conjux Heva prolata est. Nam hac de causa Paulus quoque testatur, dicens: De corpore ejus, et de ossibus ejus sumus: latus videlicet illud significans. Nam, sicut de illo latere Deus fecit foeminam procreari, sic et de suo latere Christus aquam nobis, et Sanguinem dedit, unde repararetur Ecclesia.

R. Commendat charitatem suam Deus in nobis; * Quoniam cum adhuc peccatores essemus, secundum tempus Christus pro nobis mortuus est.

V. Multo igitur magis nunc justificati in Sanguine ipsius, salvi erimus ab ira per ipsum. Quoniam. Gloria Patri. Quoniam.

IN III. NOCTURNO.

Antiph. to. 1. f. Exivit ergo Jesus portans coronam spineam, et purpureum vestimentum; et dicit eis: Ecce homo.

Psalmus 73.

UT quid, Deus, repulisti in finem? * iratus est furor tuus super oves pascuæ tuæ?

Memor esto congregationis tuæ, * quam possedisti ab initio.

Redemisti virgam hereditatis tuæ: * mons Sion, in quo habitasti in eo.

Leva manus tuas in superbias eorum in finem: * quanta malignatus est inimicus in sancto!

Et gloriati sunt qui oderunt te, * in medio solemnitatis tuæ.

Posuerunt signa sua, signa: * et non cognoverunt sicut in exitu super summum.

Quasi in silva lignorum securibus exciderunt januas ejus in idipsum: * in securi, et ascia dejecerunt eam.

Incenderunt igni sanctuarium tuum: * in terra polluerunt tabernaculum nominis tui.

Dixerunt in corde suo cognatio eorum simul: * Quiescere faciamus omnes dies festos Dei a terra.

Signa nostra non vidimus, jam non est propheta: * et nos non cognoscet amplius.

Usquequo, Deus, improperebit inimicus? * irritat adversarius nomen tuum in finem?

Ut quid avertis manum tuam, et dexteram tuam * de medio sinu tuo in finem?

Deus autem rex noster ante sæcula, * operatus est salutem in medio terræ.

Tu confirmasti in virtute tua mare: * contribulasti capita draconum in aquis.

Tu confregisti capita draconis: * dedisti eum escam populis Æthiopum.

Tu dirupisti fontes, et torrentes: * tu sicasti fluvios Ethan.

Tuus est dies, et tua est nox: * tu fabricatus es auroram, et solem.

Tu fecisti omnes terminos terræ: * æstatem, et ver tu plasmasti ea.

Memor esto hujus, inimicus impropereavit Domino: * et populus insipiens incitavit nomen tuum.

Ne tradas bestiis animas confitentes tibi: * et animas pauperum tuorum ne obliviscaris in finem.

Respice in testaméntum tuum: * quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus: * pauper, et inops laudábunt nomen tuum.

Exúrge, Deus, júdica causam tuam: * memor esto impropériorum tuórum, eórum, quæ ab insipiénte sunt tota die.

Ne obliviscáris voces inimicórum tuórum: * supérbia eórum, qui te odérunt, ascéndit semper.

Antiph. Exívit ergo Jesus portans coronam spíneam et purpúreum vestiméntum; et dicit eis: Ecce homo.

Antiph. to. 4. Et bájulans sibi Crucem, exívit in eum, qui dicitur Calváriae locum: ubi crucifixerunt eum.

Psalmus 87.

Domine Deus salútis meæ: * in die clamávi, et nocte coram te.

Intret in conspéctu tuo orátio mea: * inclína aurem tuam ad precem meam:

Quia repléta est malis ánima mea: * et vita mea inférno appropinquávit.

Æstimátus sum cum descendéntibus in lacum: * factus sum sicut homo sine adjutório, inter mórtuos liber,

Sicut vulneráti dormiéntes in sepúlchris, quorum non es memor ámplius: * et ipsi de manu tua repúlsi sunt.

Posuérunt me in lacu inferióri: * in tenebrósis, et in umbra mortis.

Super me confirmátus est furor tuus: * et omnes fluctus tuos induxísti super me.

Longe fecísti notos meos a me: * posuérunt me abominationem sibi.

Tráditus sum, et non egrediébar: * óculi mei languérunt præ inópia.

Clamávi ad te, Dómine, tota die: * expándi ad te manus meas.

Numquid mórtuis fácies mirabília? * aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam: * et veritátem tuam in perditíone?

Numquid cognoscéntur in ténebris mirabília tua: * et justítia tua in terra obliviónis?

Et ego ad te, Dómine, clamávi: * et mane orátio mea præveniet te.

Ut quid, Dómine, repéllis orationem meam: * avértis faciém tuam a me?

Pauper sum ego, et in labóribus a juventúte mea: * exaltátus autem, humiliátus sum, et conturbátus.

In me transiérunt iræ tuæ: * et terróres tui conturbavérunt me.

Circumdedérunt me sicut aqua tota die: * circumdedérunt me simul.

Elongásti a me amicum, et próximum: * et notos meos a miséria.

Antiph. Et bájulans sibi Crucem, exívit in eum, qui dicitur Calváriae locum: ubi crucifixerunt eum.

Antiph. to. 8. f. Ut vidérunt eum jam mórtuum, non fregérunt ejus crura; sed unus mílitum lancea latus ejus apérui, et continuo exívit Sanguis et aqua.

Psalmus 93.

Deus ultiónum Dóminus; * Deus ultiónum líbere egit.

Exaltáre, qui júdicas terram: * redde retributióem supérbis.

Usquequo peccatóres, Dómine, * úsquequo peccatóres gloriabúntur?

Effabúntur, et loquéntur iniquitátem: * loquéntur omnes, qui operántur injustítiam?

Pópulum tuum, Dómine, humiliavérunt: * et hæreditátem tuam vexavérunt.

Víduam et ádvenam interfecérunt: * et pupílos occidérunt.

Et dixerunt: Non vidébit Dóminus: * nec intélliget Deus Jacob.

Intellígite, insipiéntes in pópulo: * et stulti, aliquándo sápite.

Qui plantávit aurem, non áudiet? * aut qui finxit óculum, non consíderat?

Qui córripit gentes, non árguet? * qui dócet hómínem sciéntiam?

Dóminus scit cogitationes hóminum: * quóniam vanæ sunt.

Beátus homo, quem tu erudíseris, Dómine: * et de lege tua docúeris eum.

Ut mítiges ei a diébus malis: * donec fodiátur peccatóri fóvea.

Quia non repéllet Dóminus plebem suam: * et hæreditátem suam non derelínquet.

Quoadúsque justítia convertátur in judícium: * et qui juxta illam omnes, qui recto sunt corde.

Quis consúrget mihi advérsus malignántes? * aut quis stabit mecum advérsus operántes iniquitátem?

Nisi quia Dóminis adjúvit me: * paulominushabítasset in inférno ánimamea.

Si dicébam: Motus est pes meus: * misericórdia tua, Dómine, adjuvábame.

Secúndum multitudínem dolórum meórum in corde meo, * consolatiónes tuæ lætificavérunt ánimam meam.

Numquid adhæret tibi sedes iniquitátis: * qui fingis labórem in præcépto?

Captábunt in ánimam justí: * et sanguinem innocentem condemnábunt.

Et factus est mihí Dóminus in refúgium: * et Deus meus in adjutórium spei meæ.

Et reddet illis iniquitátem ipsórum, et in málitia eórum dispérdet eos: * dispérdet illos Dóminus Deus noster.

Antiph. **U**t vidérunt eum jam mórtuum, non fregérunt ejus crura; sed unus mílitum lancea latus ejus apérui, et contínuo exívit Sanguis et aqua.

V. Christus diléxit nos.

R. Et lavit nos a peccátis nostris in Sanguine suo.

Lectio sancti Evangélíi secúndum Joánnem.

Lectio vii. Cap. 19.

IN illo témpore: Cum accepísset Jesus acétum, dixit: Consummátum est. Et, inclináto cápíte, trádidit spíritum. Et reliqua.

Homília Sancti Augustíni Epíscoli.

Tract. 120. in Joan.

Vigilánti verbo Evangelísta usus est, ut non díceret: Latus ejus percússit, aut vulnerávit, aut quid áliud, sed apérui: ut illic quodámmodo vitæ óstium panderétur, unde Sacraménta Ecclésiæ manavérunt, sine quibus ad vitam, quæ vera vita est, non intrátur. Ille Sanguis in remissionem fusus est peccatórum: Aqua illa salutáre témporat póculum; hæc et lavácrum præstat, et potum. Hoc prænunciábat quod Noe in látere Arcæ óstium fácere jussus est, quo intrárent animália, quæ non erant dilúvio peritúra, quibus præfigurabátur Ecclésia. Propter hoc prima múlíer facta est de látere viri dormiéntis, et appelláta est vita, matérque vivórum. Magnum quippe significávit bonum, ante magnum prævaricatiónis malum. Hic secúndus Adam, inclináto cápíte, in Cruce dormívit, ut inde formarétur ei conjux, quæ de látere dormiéntis efflúxit. O mors, unde mórtui revivísunt! Quid isto Sanguine múndius? Quid vólnere isto salúbrius?

R. Hic est, qui venit per aquam, et Sanguinem, Jesus Christus: * Non in aqua solum, sed in aqua, et Sanguine.

V. In die illa erit fons patens dómui David, et habitántibus Jerúsalem, in ablutióne peccatóris. **Non.**

Benedictio. Divínium auxílium.

Lectio viii.

Tenebántur hómines captívi sub diábolo, et dæmónibus serviébant. Sed redempti sunt a captivitáte. Véndere enim se potuérunt, sed redímere non potuérunt. Venit Redemptor, et dedit prétium. Fudit Sanguinem suum, et emit orbem terrárum. Quæritis, quid émerit? Vidéte quid déderit, et inveniétis, quid émerit. Sanguis Christi prétium est. Tanti quid valet? Quid, nisi totus orbis? Quid, nisi omnes

gentes? Valde ingrāti sunt pretio suo, aut multum superbi sunt, qui dicunt, aut illud tam parum esse, ut solos Afros émerit, aut se tam magnos esse, pro quibus solis sit datum. Non ergo exúltent, non superbiant. Pro toto dedit, quantum dedit.

R. Prædestinávit nos Deus in adopti-
onem filiórum per Jesum Christum, *
In quo habémus redempti-
onem per Ságuinem ejus.

V. Remissi-
onem peccatórum secún-
dum divítias grátiae ejus, quæ super-
abundávit in nobis. In quo. Glória
Patri. In quo.

Lectio nona Homilia Feriæ currentis.
Benedictio. Per Evangélica dicta.

Lectio sancti Evangélii secúndum
Joánnem.

Lectio ix. Cap. 11.

IN illo témpore: Erat quidam lan-
guens Lázarus a Bethánia, de ca-
stello Mariæ et Marthæ soróris ejus.
Et reliqua.

Homilia Sancti Augustíni Epíscopi.

Tract. 49. in Joannem, post initium.

IN superiori lectione meminístis,
quod Dóminus éxiit de mánibus
eórum, qui lapidáre illum volúerant,
et discéssit trans Jordánem, ubi Jo-
ánnes baptizábat. Ibi ergo Dómino
constitúto, infirmabátur in Bethánia
Lázarus: quod castellum erat próxi-
mum Jerosólymis. María autem erat,
quæ unxit Dóminum unguénto, et
extérsit pedes ejus capíllis suis, cu-
jus frater Lázarus infirmabátur. Misé-
runt ergo soróres ejus ad eum. Jam
intelligimus quo misérunt: ubi erat
Jesus: quóniam absens erat, trans
Jordánem scilicet. Misérunt ad Dó-
minum, nuntiántes quod ægrotáret
frater eárum, ut, si dignarétur, vení-
ret, et eum ab ægritudine liberáret.
Ille dístulit sanáre, ut posset resus-
citáre.

Te Deum laudámus. 13.

AD LAUDES ET PER HORAS.

Antiph. to. 2. Hi, qui amícti sunt sto-
lis albis, qui sunt, et unde venérunt?

Psalmus. Dóminus regnávit, cum re-
liquis de Dominica. 14.

Antiph. to. 1. f. Hi sunt, qui vené-
runt de tribulati-
one magna; et lavé-
runt stolas suas in Ságuine Agni.

Antiph. to. 6. Ideo sunt ante thro-
num Dei, et sérviant ei die, ac nocte.

Antiph. to. 7. Et ipsi vicérunt dra-
cónem propter Ságuinem Agni, et
propter Testaméntum Verbi sui.

Antiph. to. 8. f. Beáti qui lavant sto-
las suas in Ságuine Agni.

Capitulum.

Hebr. 9.

FRatres, Christus assístens Póntifex
futurórum bonórum, per ámplius,
et perfectius tabernáculum non ma-
nufactum, idest, non hujus creati-
onis, neque per ságuinem hircórum, aut
vitulórum, sed per próprium Ságuini-
nem introívit semel in sancta, æténa
redempti-
one invénta.

Hymnus.

SAlvéte, Christi vúlnera,
Imménsi amoris pínora,
Quibus perénnes rívoli
Manant rubéntis Ságuinis.

Nitóre stellas vínctis,
Rosas odóre, et bálsama,
Pretio lapíllos Indicos,
Mellis favos dulcédine.

Per vos patet gratíssimum
Nostris asýlum méntibus;
Non huc furor minántium
Unquam penétrat hóstium.

Quot Jesus in Prætorio
Flagélla nudus éxcipit!
Quot scissa pellis úndique
Stillat cruóris gúttulas!

Frontem venústam, proh dolor!
Coróna pungit spínea,
Clavi retúsa cúspide
Pedes, manúsque pérforant.

Postquam sed ille trádedit
Amans, volénsque spíritum,
Pectus ferítur láncea,
Geminúsque liquor éxilit.

Ut plena sit redéptio,
Sub torculári stringitur,
Suíque Jesus ímmemor,
Sibi nil resérvat Sáanguinis.

Veníte, quotquot críminum
Funésta labes ínficit,
In hoc salútis bálneo
Qui se lavat, mundábitur.

Summi ad Paréntis déteram
Sedénti habénda est grátia,
Qui nos redémit Sáanguine,
Sanctóque firmat Spíritu.
Amen.

℣. Justificáti in Sáanguine Christi.

℞. Salvi érimus ab ira per ipsum.

Ad Benedictus, Antiphona, to. 7. f.
Erit Sanguis Agni vobis in signum,
dicit Dóminus: Et vidébo Sáanguinem,
et transíbo vos, nec erit in vobis plaga
dispérens.

Oratio.

OMnípotens sempitérne Deus, qui
unigénitum Fílium tuum mundi
Redemptórem constituísti, ac ejus
Sáanguine placári voluísti: concéde,
quæsumus, salútis nostræ prétium
solémni cultu ita venerári, atque a
præséntis vitæ malis ejus virtúte de-
féndi in terris, ut fructu perpétuo læ-
témur in cœlis: Qui tecum vivit et
regnat in unitáte.

Et fit commemoratio Feriæ currentis.

Antiph. Lázarus amícus noster dor-
mit: eámus, et a somno excitémuseum.

℣. Angelis suis Deus mandávit de te.

℞. Ut custódiante te in ómnibus viis tuis.

Oratio.

DEus, qui ineffábilibus mundum ré-
novas sacraméntis: præsta, quæ-
sumus, ut Ecclésia tua et ætérnis pro-
ficiat institútis, et temporálibus non
destituátur auxiliis. Per Dóminum.

Ad Primam.

In ℞. br. Qui tuo nos Sáanguine re-
demísti.

Ad Tertiam.

Antiph. to. 1. f. Hi sunt.

Capitulum.

Hebr. 9.

FRatres, Christus assístens Pónti-
fex futurórum bonórum, per ám-
plius, et perféctius tabernáculum non
manufáctum, idest, non hujus crea-
tiónis, neque per sáanguinem hircó-
rum, aut vitulórum, sed per próprium
Sáanguinem introívit semel in sancta,
ætérna redemptióne invénta.

℞. br. Redemísti nos, Dómine, * In
Sáanguine tuo. Redemísti.

℣. Ex omni tribu, et língua, et pópulo,
et natióne. In Sáanguine. Glória Patri.
Redemísti.

℣. Sanguis Jesu Christi Fílii Dei.

℞. Emúndat nos ab omni peccáto.

Ad Sextam.

Antiph. to. 6. Ideo sunt.

Capitulum.

Hebr. 9.

SI sanguis hircórum, et taurórum, et
scinis vítulæ aspérsus inquinátos
sanctificat ad emundatióem carnis:
quanto magis Sanguis Christi, qui per
Spíritum Sanctum semetípsum óbtu-
lit immaculátum Deo, emundábit con-
sciéntiam nostram ab opéribus mór-
tuis, ad serviéndum Deo vivénti?

℞. br. Sanguis Jesu Christi Fílii Dei
* Emúndat nos. Sanguis.

℣. Ab omni peccáto. Emúndat nos.
Glória Patri. Sanguis.

℣. Christus diléxit nos.

℞. Et lavit nos in Sáanguine suo.

Ad Nonam.

Antiph. to. 8. f. Beáti.

Capitulum.

Hebr. 9.

ACcípiens Móyses sáanguinem vitu-
lórum, et hircórum cum aqua, et

lana coccínea, et hyssópo, ipsum quoque librum, et omnem pópulum aspérsit, dicens: Hic Sanguis 'I'estaménti, quod mandávit ad vos Deus.

R. br. Christus diléxit nos, et lavit nos * In Sáanguine suo. **Christus.**

V. Et fecit nos Regnum, et Sacerdótes Deo, et Patri. **In Sáanguine suo. Glória Patri. Christus.**

V. Justificáti in Sáanguine Christi.

R. Salvi érimus ab ira per ipsum.

In II. Vesperis.

Antiphonæ, Psalmi et Hymn., ut in primis [276], sed loco ultimi Psalmi dicitur

Psalmus 147.

Lauda, Jerúsalem, Dóminum: * lauda Deum tuum, Sion.

Quóniam confortávit seras portárum tuárum: * benedíxit fíliis tuis in te.

Qui pósuit fines tuos pacem: * et ádipe fruménti sátiat te.

Qui emíttit elóquium suum terræ: * velóciter currit sermo ejus.

Qui dat nivem sicut lanam: * nébulam sicut cínerem spargit.

Míttit crystállum suam sicut buccéllas: * ante fáciem frígoris ejus quis sustinébit?

Emíttet verbum suum, et liquefácieta: * flabit spíritus ejus, et fluent aquæ.

Qui annúnciat verbum suum Jacob: * justítias et judícia sua Israel.

Non fecit táliter omni natióni: * et judícia sua non manifestávit eis.

V. Te ergo quæsumus, tuis fámulis súbveni.

R. Quos pretiósó Sáanguine redemísti.

Ad Magnificat, Antiphona, to. 4.

Habébitis autem hunc diem in monuméntum, et celebrábitis eum solémnem Dómino in generatióibus vestris cultu sempitérno.

Oratio.

Omnípotens sempitérne Deus, qui unigénitum Fílium tuum mundi

Redemptórem constituísti, ac ejus Sáanguine placári voluísti: concéde, quæsumus, salútis nostræ prétium solémni cultu ita venerári, atque a præséntis vitæ malis ejus virtúte deféndi in terris, ut fructu perpétuo lætémur in cœlis: Qui tecum vivit et regnat in unitáte.

Et fit commemoratio Feriæ.


Antiph. Dómine, si fuísses hic, Lázarus non esset mórtuus: ecce jam fœtet quatríduánu in monuménto.

V. Angelis suis Deus mandávit de te.

R. Ut custódiant te in ómnibus viis tuis.

Oratio.

DA nobis, quæsumus, omnípotens Deus: ut qui infirmitátis nostræ cónscii, de tua virtúte confídimus, sub tua semper pietáte gaudeámus. Per Dóminum.



FESTA APRILIS.

Die 6. Aprilis.

In Festo **S. Xysti I. Papæ Martyris.**

Duplex.

Omnia de Communi unius Martyris [26], præter sequentia.

Oratio. Infirmitátem.

In primo Nocturno Lectiones, A Miléto. [27] Post Pascha de Scriptura occurrente.

IN II. NOCTURNO.

Lectio iv.

Xystus hujus nóminis primus, Rómánu natióne, de regióne Urbis séptima, quæ Via lata dicta est, patre Pastóre géritus, in locum Alexándri primi Románi Pontíficis nobilíssimo martýrio coronáti, totíus Cleri suffrágiis sufféctus, suprémó illo múnere

egrégie, et summa cum laude perfunctus est, annis novem, mēsis decem, diēbus octo, sub Imperatoribus Adriāno, et Antonīno Pio Augústis.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

V. Descendítque cum illo in fóveam: et in vínculis non derelíquit eum. Et dedit.

Lectio v.

Nonnúlla ad disciplínam Ecclesiásticam pertinéntia prudentíssime státuit, scílicet, ne sacra vasa, et ministéria ab áliis, qui sacri Ministri non essent, contrectaréntur; ne sacrum Corporále, ut vocant, ex ália, quam línea matéria fieret; ut sacrum Triságium in Missa pópulus decantáret; et ne ullus Epíscopus Romam evocátus, ad suam deínde Diocésim rédiens susciperétur, nisi líteris Apostólicis, quas formátas, et canónicas antíqui vocábant, múnitus esset.

R. Desidérium animæ ejus tribuísti ei, Dómine, * Et voluntáte labiórum ejus non fraudásti eum.

V. Quóniam prævenísti eum in benedictionibus dulcédinis: posuísti in cápite ejus corónam de lápide pretióso. Et voluntáte.

Lectio vi.

Tres Ordinationes mense Decémbri pro more fecit, in quibus creávit Epíscopos quátuor pro diversis locis, Presbýteros undecim, Diáconos tres. Vir revéra singulári vitæ sanctimónia, incredíbili morum facilitáte, exímia in páuperes liberalitáte, frequéntibus étiam insígnis miraculis, illústri tandem martyríio coronátus, octávo Idus Aprílis, et sepúltus in Vaticanó.

R. Stola jucunditátis induit eum Dóminus: * Et corónam pulchritúdinis pósuit super caput ejus.

V. Cibávit illum Dóminus pane vitæ et intelléctus: et aqua sapientiæ salutaris potávit illum. Et corónam. Glória Patri. Et corónam.

In tertio Nocturno Homilia super Evangelium. Si quis venit. [32]

Tempore Paschali. Ego sum vitis vera. [45]

Die 7. Aprilis.

In Festo

S. Cœlestini Papæ, Confessoris.

Duplex.

Omnia de Communi Confessoris Pontificis [62], præter sequentia.

Oratio. Da, quæsumus.

In primo Nocturno Lectiones, Fide-
lis sermo. [64] Post Pascha de Scriptura occurrente.

IN II. NOCTURNO.

Lectio iv.

Cœlestinus Romānus, Prisci fílius, sancto Bonifácio sine ulla plebis discissióne subrogátus, Romānæ Ecclesiæ præsedít Epíscopus. Hic venerábilis Póntifex (cui ad Ecclesiæ Cathólicæ præsidium, multa Dóminus grátiae suæ dona largítus est) sciens damnátis non exámen judícii, sed solum pœnitentiæ remédium esse præstándum, Cœlestium primárium Pelágii discípulum, suam quasi non discusso negótio audiéntiam postulántem, totíus Itáliæ fínibus jussit extrúdi. Nec segnióre cura, ab hoc eodem morbo Británnias liberávit, quando quosdam inimícos grátiae, solum suæ orígini occupántes, étiam ab illo secréto exclúsit Océani. Quamóbrein sancto Germáno Antissiodorénsi Epíscopo illuc vice sua misso, ordinátique Scóti Epíscopo Palládio, qui Romānæ Ecclesiæ Diáconus erat, dum Romānam Insulam stúduit serváre Cathólicam, fecit étiam bárbaram Christiānam.

R. Inveni David servum meum, oleo sancto meo unxi eum: * Manus enim mea auxiliabitur ei.

V. Nihil proficiet inimicus in eo, et filius iniquitatis non nocébit ei. Manus.

Lectio v.

Cum autem Nestórius Constantino-
politánus Epíscopus novum Ecclé-
siæ molirétur errórem indúcere, præ-
dicans Christum, ex Mariá hóminem
tantum, non étiam Deum natum, ei-
que divinitátem collátam esse pro
méritis; ejus impietáti sua Cœlestí-
nus auctoritáte ácritér repugnávit.
Quare sancto Cyrílló Epíscopo Ale-
xandríno suas vices delegávit, ut nisi
decem diérum intervállo Nestórius
resipísceret, in illum senténtiam fer-
ret. Verum, cum Nestórius id perti-
nácius recusáset, magísque crevis-
sent dissensiónes, ac tumúltus, apud
Ephesum tértia Oecuménica Sýnodus
est congregáta, in qua Cœlestínus
per suos Legátos præsédit, quibus
suo commonitório eos límites præ-
scripsit, ut de Episcopórum sentén-
tiis judicárent, certámen non subírent.
Itaque in ea Sýnodo Nestórius cum
háresi nóminis sui, et cum multis
Pelagiánis, qui cognátum erróri suo
dogma juvábant, damnátus est.

R. Pósui adjutórium super poténtem,
et exaltávi eléctum de plebe mea: * Ma-
nus enim mea auxiliabitur ei.

V. Inveni David servum meum, oleo
sancto meo unxi eum. Manus.

Lectio vi.

Per suas líteras eórum Sacerdótum
superstitiónem Cœlestínus redár-
guit, qui, vétéri dimísso hábitu, amícti
pállio, lumbósque præcíncti, in Ec-
clésia ministrábant. Cavit prætérea,
ne ulli in morte última negarétur pœ-
niténtia; neve ex láicis, vel criminó-
sis ad Episcopátum áliqui promove-
réntur: itémque ne Metropolitánus in
aliéna Província áliquid præsuméret,

et ne, in creándis Epíscopis, extránei
eméritis in sua Ecclésia Cléricis præ-
poneréntur. Instítuit, ut ex ómnibus
centum quinquagínta Psalmis, ante
Sacrificium antiphonátim psallerétur.
Dedicávit Basilicam Júliam, pro-
priúmque suum Cœmetérium pictúris
decorávit, váriaque ad Ecclésiæ or-
nátum dona obtulit. Qui cum tribus
Ordinatió nibus mense Decémbri cre-
áset Presbýteros trigínta duos, Diá-
conos duódecim, Epíscopos per di-
vérsa loca quadragínta sex, obdor-
mívit in Dómino octávo idus Aprílis,
sepultúsque est in Cœmetério Pris-
cillæ via Salária, Theodósio, et Va-
lentiniano imperántibus. Sedit annos
octo, menses quinque, et dies tres.

R. Iste est, qui ante Deum magnas
virtútes operátus est, et omnis terra
doctrína ejus repléta est: * Ipse in-
tercedat pro peccátis ómnium popu-
lórum.

V. Iste est qui contémpsit vitam mun-
di, et pervénit ad cœlestia regna. Ipse.
Glória Patri. Ipse.

In tertio Nocturno Homilia super
Evangelium. Homo pégre. [68]



Die 12. Aprilis.

In Festo **S. Julii** Papæ, Confessoris.

Duplex.

Omnia de Communi Confessoris Pon-
tificis, [62] præter sequentia.

Oratio. **Da, quæsumus.**

In primo Nocturno Lectiones. **Fidélis sermo.** [64] Post Pascha de Scrip-
tura occurrente.

IN II. NOCTURNO.

Lectio iv.

Julius Románus, Rústici fílius, post
beátum Marcum ad summum Pon-
tificátum evéctus, vitæ sanctitáte, et
stúdio asseréndæ fídei cristiánæ in-
signiter elúxit. Grassabátur per Orién-

tem Ariánæ hæresis impietas, multique sanctissimi Episcopi e suis sedibus exulâre cogeantur, quos ille, præsertim sanctum Athanasium, humanissime excipit, et constantissime contra adversarios defendit. Týriam et Antiochenam Synodum, ut Nicænam abolerent fidem, ab Arianis coactam condemnâvit, et Romæ duo Concilia convocâvit, in quibus exulum Episcoporum querelas excipit, et innocentiam declarâvit.

R. Invéni David servum meum, óleo sancto meo unxi eum: * Manus enim mea auxiliâbitur ei.

V. Nihil proficiet inimicus in eo, et filius iniquitatis non nocébit ei. Manus.

Lectio v.

Constanti Augústo religiosissimo Principi, per Occidentem imperanti, auctor fuit, ut Constantium fratrem Arianorum fautorem, in Oriente regnantem, precibus, et minis ad revocandum ab exilio Athanasium permoveret. Dolosam fidei formulam ab Eusebianis Arrii sectatoribus in secunda Synodo Antiochena conceptam rejecit, et magnum Sardicense Concilium ex Occidentis, et Orientis Episcopis indixit, missisque Legatis, multa ibidem pro fide Catholica, et disciplina Ecclesiastica restituenda utiliter constituit.

R. Pósui adjutórium super poténtem, et exaltávi eléctum de plebe mea: * Manus enim mea auxiliâbitur ei.

V. Invéni David servum meum, óleo sancto meo unxi eum. Manus.

Lectio vi.

Præter hæc, Basilicas duas in Urbe extruxit, sacrisque picturis exornâvit, unam juxta Forum Romanum, alteram in via Flamínia. Tria ædificâvit Coemeteria, unum in eadem via Flamínia, alterum in via Aurélia, tertium in Portuénsi. Constituit, ne Sacerdos álibi, quam apud Júdicem

Ecclesiasticum causam diceret, jussitque, ut omnia, ad rem Ecclesiasticam spectantia, per Protonotarium conficerentur instrumenta. Tribus ordinationibus mense Decembri creâvit Diaconos tres, Presbyteros decem et octo, Episcopos novem. Postquam Dei Ecclesiam sanctissime rexisset annis quíndecim, mēsisibus quinque, diēbus septēdecim, pridie Idus Aprilis feliciter migravit ad Dóminum, sepultus in Coemeterio Calepódii. Inde translata Reliquiæ ad Ecclesiam sanctæ Mariæ Transtýberim ab ipso amplificatam sub altári majóri honorifice recónditæ sunt.

R. Iste est, qui ante Deum magnas virtutes operatus est, et omnis terra doctrina ejus repléta est: * Ipse intercédât pro peccátis ómnium populórum.

V. Iste est, qui contempsit vitam mundi, et pervénit ad cœlestia regna. Ipse. Glória Patri. Ipse.

In tertio Nocturno Homilia super Evangelium. Homo péregre. [68]

Die 17. Aprilis.

In Festo **S. Aniceti** Papæ Martyris.
Duplex.

Omnia de Communi unius Martyris tempore Paschali [37], præter sequ.

Oratio. Deus, qui nos.

Lectiones primi Nocturni de Scriptura occurrente.

IN II. NOCTURNO.

Lectio iv.

ANicétus Syrus, Imperatóre Marco Aurélio Antoníno, præfuit Ecclesiæ. Decrévit ne cléríci comam nutrírent. Quíndecim mense Decembri ordinâvit Prebyteros decem et septem, Diaconos quatuor, Episcopos per diversa loca novem. Vixit in Pontificatu annos octo, menses octo, dies

viginti quatuor. Propter Christi fidem martyrio coronatus, sepultus est via Appia in Cœmetério, quod postea Callisti appellatum est, decimo quinto Kalendas Majas.

R. Lux perpétua lucébit sanctis tuis, Dómine, * Et æternitas téporum, allelúja, allelúja.

V. Lætítia sempitérna erit super cá-pita eórum, gáudium et exultatióem obtinébunt. **Et æternitas.**

Sermo Sancti Augustíni Epíscopi.

Lectio v. De verbis Domini 50.

Pastor bonus Christus. Quid Petrus? Nonne et ipse ánimam suam pro óvibus pósuit? Quid Paulus? Quid céteri Apóstoli? Quid eórum témpora consequéntes beáti Epíscopi mártýres? Quid étiam iste sanctus Anicétus? Nonne omnes Pastóres boni, non mercenárii, de quibus dicitur: Amen dico vobis, percepérunt mercédem suam? Omnes ergo illi Pastóres boni, non solum, quia sánguinem fuderunt, sed quia pro óvibus fuderunt. Non enim fuderunt elatióne, sed charitáte.

R. In servis suis, allelúja, * Consolábitur Deus, allelúja.

V. Judicábit Dóminus pópulum suum, et in servis suis. **Consolábitur.**

Lectio vi.

Nam et apud hæréticos, qui propter iniquitátes, et erróres suos aliquid molestiárum perpéssi fuérunt, nómine martyrii se jactant: ut hoc pálio dealbáti fáciús furéntur, quia lupi sunt. Si autem vultis scire, in quo número habéndi sunt, Pastórem bonum Paulum Apóstolum audíte: Quóniam non omnes, qui cörpera sua in passióne étiam ignibus tradunt, æstimánda sunt sánguinem fudisse pro óvibus, sed pótius contra oves. Si distribúero, inquit, ómnia mea pauperibus, et tradídero corpus meum, ut árdeam: Jam ipsi sunt. Sed vide

quid séquitur: Charitátem autem non hábeam, nihil mihi prodest. Ecce venitur ad passióem, ecce venitur et ad sánguinis effusióem, venitur et ad cörperum incensióem: et tamen nihil prodest, quia cháritas déest. Adde charitátem, prosunt ómnia: détrahe charitátem, nihil prosunt cétera.

R. Fíliæ Jerúsalem, veníte et vidéte Mártýres cum corónis, quibus coronávit eos Dóminus, * In die solemnitátis et lætítiae, allelúja.

V. Quóniam confortávit seras portárum tuárum, benedíxit filios tuos in te. **In die. Glória Patri. In die.**

IN III. NOCTURNO.

Lectio sancti Evangélíi secúndum Joánnem.

Lectio vii.

Cap. 16.

In illo témpore: dixit Jesus discípulis suis: Amen, amen dico vobis: quia plorábitis, et flébitis vos, mundus autem gaudébit. Et reliqua.

Homília Sancti Joánnis Chrysóstomi.

Homil. 78. in Joann.

Ut osténderet post tristítiam gáudium secutúrum, naturále addúcit exémplum. Múlier, cum parit, tristítiam habet; qua parábola in calamitátibus Prophétæ usi sunt: quasi dicat: Dolóres capiétis, sed quales partus, qui lætítiae causa sunt. Simul et resurrectionem confírmát, indicans óbitum suum perinde esse, ac si ex útero matris in lucem pródeat; quasi dicat: nolíte admirári, si per hanc tristítiam ad óptima vos ducam, nam et mater in pariéndo sic per tristítiam transit.

R. Ego sum vitis vera, et vos pálmities: * Qui manet in me, et ego in eo, hic fert fructum multum, allelúja, allelúja.

V. Sicut diléxit me Pater, et ego diléxi vos: **Qui manet.**

Lectio viii.

Significat autem hic et mysterium quoddam, quod mortis dolores solverit, et novum hominem regenerari fecerit. Neque dixit tantum tristitiam transituram, sed, magnitudine lætitiæ succedente, nihil ejus penitus remansurum. Ita erit Sanctis. Atqui non propterea gaudet mulier, quia venit homo in mundum, sed quod filium peperit. Nam si id esset, nihil prohiberet, quin, quæ non pariunt, aliis parientibus gauderent.

R. Cándidi facti sunt Nazaræi ejus, allelúja: splendórem Deo dedérunt, allelúja: * Et sicut lac coaguláti sunt, allelúja, allelúja.

V. Candidiores nive, nitidiores lacte, rubicundiores ébore antiquo, sapphíro pulchriores. **Et sicut.** Glória Patri. **Et sicut.**

Lectio ix.

Qua ergo grátia sic inquit? quia ad hoc solum addúxit exéplum, ut post brevem tristitiam perpétuum gáudium secutúrum, et se ad vitam transférri, et magnum malórum lucrum osténderet. Et non dixit, peperit filium: sed quia venit homo in mundum, ubi suam significat resurrectionem, et non morti illi, sed regno parturiendum. Ideo non dixit, quia natus est filius, sed homo. Et vos nunc quidem tristitiam habétis: íterum autem vidébo vos, et gaudébit cor vestrum: inde quod non ámplius moriétur, inquit, et gáudium vestrum nemo tollet a vobis.

Te Deum laudámus. 13.

Si celebretur extra Tempus Paschale, Lectiones de Homilia. Si quis vult. [35] cum R. de Tempore.

Die 19. Aprilis.

In Festo S. Leonis IX. Papæ Conf.

Duplex.

Omnia de Communi Confessoris Pontificis [62], præter sequentia.

Oratio. Da, quæsumus.

Lectiones primi Nocturni, de Scriptura occurrente.

IN II. NOCTURNO.

Lectio iv.

Leo hujus nóminis nonus, ex nóbili Francórum prosápia oriúndus, Dagsburgénsis Comes, ac Tullénsis Episcopus, Bruno ántea dictus, ómnium Cardinálium suffrágiis, ac comúní fidélium gratulatióne, ad sanctíssimam Petri Sedem evéctus est, et in ea sedit annis quinque, duóbus ménsibus, diébus octo. Vir omni virtútum génere, et sacra doctrína exímíus: ut Apostólicum hoc munus impléret, nullis labóribus, nullis sump-tibus, nullis incómodis pepércit.

R. Invéni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil proficiet inimícus in eo, et filius iniquitátis non nocébit ei. **Manus.**

Lectio v.

Germániam, et Itáliam sæpius, Gáliam semel visitávit. Hábuít novem Concília, Rhemis, Mogúntiæ, Vercéllis, Papíæ, Romæ, ad restaurándos Christianórum mores. Multas líteras ad Imperatóres, Reges, Patriárchas, Episcopos, zelo, ac pietáte flagrantes scripsit. Legátos ad Imperatórem Constantínopolitánum, pro reductiόne Græcórum, semel, atque íterum misit. Berengárium hæreticum semel iterúmque damnávit, et Michaélem Cerulárium Patriárcham, insígnem schismáticum, anathémate pérculit.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.

V. Invéni David servum meum, óleo sancto meo unxi eum. **Manus.**

Lectio vi.

Dum Romæ ágeret, ter in hebdómada a Sacrosáncta Ecclésia

Lateranénsi ad Vaticanam, nudis pedibus, noctu, orans, et psallens pergebat. Principi Apostolorum decimam oblationum partem sibi de more competentem, Pontificio diplomate cessit. Patrimonium suum proprium in erectionem Monasterii impendit: unde etiam quotannis pecunia submitteretur in sumptus Rosæ aureæ, quam Romani Pontifices antiquo, et solenni ritu benedicunt. In pauperes, et peregrinos effusam liberalitatem exercuit. Sub leprosi forma, et habitu Christum aliquando proprio lecto excepit. Denique multis pro Ecclesia laboribus exantlatis, obiit die decimam nona Aprilis, anno millésimo quinquagesimo quarto, ante, et post mortem multis miraculis clarus, ac sepultus est in Vaticano.

R. Iste est qui ante Deum magnas virtutes operatus est, et omnis terra doctrina ejus repléta est: * Ipse intercedat pro peccatis omnium populorum, allelúja.

V. Iste est qui contempsit vitam mundi, et pervénit ad coelestia regna. Ipse. Glória Patri. Ipse.

In tertio Nocturno, Homilia super Evangelium. Homo peregre. [68]

Die 23. Aprilis.

In Festo

B. Alexandri Sauli, Episc. et Conf.
Duplex.

Omnia de Communi Confessoris Pontificis [62], præter ea, quæ hic adnotantur.

Oratio.

Deus, qui in Ecclesia tua per beatum Alexandrum, Confessorem atque Pontificem, regulæ disciplinæ ac pastoræ sollicitudinis exempla instaurare dignatus es: fac nos, quæsumus, ita ejus inhærere vestigiis; ut,

ad animæ salutem jûgiter intenti, gaudia cum ipso assequamur æterna. Per Dñm.

Lectiones primi Nocturni, de Scriptura occurrente.

IN II. NOCTURNO.

Lectio iv.

Alexánder, Domínico Sauli et Thomasína Spínula, Genuénsibus patriciis, Medioláni natus, ab ineunte ætate, orándi stúdio, jejúniis et singulári cultu in Deípam, cui etiam castitatem devóverat, non obscura præbuit sanctitátis indícia. Adolés-cens, deláta in forum cruce, circulatoré ejécto, de contéptu mundi coram stupénte pópulo gravíssime dissérui. Quo experiménto, in Congregationem Clericórum Regulárium sancti Pauli admíssus, brevi virtutum ómnium splendóre emícuit, devotióne præsertim erga Eucharístiam, quam sumens ad delíquium usque accendebátur. Sacerdótio insignítus, Theológicis stúdiis præficitur, quorum subsidio ad animárum salutem se totum convértens, pia sodalítia instítuit, Sacramentórum frequéntiam invéxit, verbíque divíni ministérium ita exercuit, ut exímii Ecclesiæ Præsules ab eo pastorále dicéndi genus hausísse palam asserúerint. Unívर्सæ Congregationi Præpósitus, eámdem rexit prudéntia et religióne mirábili; qua commóti plures claríssimi viri ab ipso ad pietátem informári voluére. Hos inter beátus Cárolus se, illo duce, perfectiόνis sémitam ingressum profitebátur, cum ejus consílio et ópera in Ecclesiá Mediolanénsi regénda simul uterétur.

R. Invéni David servum meum, oleo sancto meo unxi eum: * Manus enim mea auxiliábitur ei, allelúja.

V. Nihil profíciet inimícus in eo, et fílius iniquitátis non nocébitei. Manus.

Lectio v.

EPiscopátu Aleriénsi ex obediéntia suscepto, gregis mores catechési, conciónibus, sýnodis, locórum ómnium difficíllima visitatióne ac labóre, pene solus emendávit. Vetustíssimis restíntis ódiis, pacis stúdio se crebro dimicántium armis injécit, sacerdotum licéntiæ réstitit, inscítiae consúluit, et Cléricos ipse pietáte ac lítteris imbuit. Cæterum prístini Institúti custos religiosíssimus, in victu parcus, in ornátu vulgáris, Ecclesiasticórum provéntuum fidélis adminíster, Cathedrám Ecclésiám et Episcopíum cum Seminário a fundaméntis excitávit. Præcípua tamen ejus cura fuit in páuperes; quæ tum máxime cláruit, cum octingéntos nautas e mánibus pirátarum elápsos una die hospítio excépit, et commeátu provídít. Neque rédditus tantum, sed vitam ipsam pro grege dare parátus, grassánte peste, públicis supplicatió nibus, nudis et cruentátis pédibus, interésse, ægrótos invisére, eisque spirituálem et corporálem alimóniam ministráre non est véritus: páuperum inde pater et Córscicæ Apóstolus passim nuncupátus.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.

V. Invéni David servum meum, óleo sancto meo unxi eum. Manus.

Lectio vi.

Doctrína et dicéndi facultáte ita præstitit, ut, extemporáli sermóne, plures Hebræos ad Christum convérterit. Altíssimæ contemplatiónis donum assecútus, radiánte vultu sæpe rapiebátur in Deum, et Angelórum concéntu recreabátur. Tanta fuit ejus fides, ut precum, quibus viginti-quátuor intérdum continéntes horas dabat, præsidio tempestátes sedáve-

rit, Turcárum classem evérterit, multósque sanitáti restitúerit. His præcláre gestis magnus, paciéntia major et humilitáte, pública convícia sustínuit, et lápide ictus in fáciem, apud ínsulæ præsidem véniam percussóri impetrávit. Demum a Gregório decimoquárto, motu próprio, ceu Angelus Ticinénsibus datus, anno, ut prædixerat, ab ingrèssu illius urbis nondum expléto, dum Diocésis fines viséret, vitæ asperitáte ac labóribus fractus, coelésti visióne confortátus, Calótii pie óbiit, unde corpus suáriter olens, Papiám translátum, in majóri Ecclésiá honorífice cónditum fuit. Illum vero virtútibus ac signis illústrem Benedíctus decimusquártus in Beatórum númerum rétulit.

R. Iste est, qui ante Deum magnas virtútes operátus est, et omnis terra doctrína ejus repléta est: * Ipse intercédát pro peccátis ómnium populórum, allelúja.

V. Iste est qui contémpsit vitam mundi, et pervénit ad coeléstia regna. Ipse. Glória Patri. Ipse.

In tertio Nocturno, Homilia S. Gregorii Papæ in Evangelium. Homo pégre. de Comuni Conf. Pont. [68]

Die 26. Aprilis.

In Festo

B. Mariæ Virg. de Bono Consilio.

Duplex.

Omnia ut in Festis Beatæ Mariæ Virginis [140], ritu Paschali, præter hæc propria.

Ad Magnificat, Antiphona, to. 1. r. Sancta María, succúrre míseris, juva pusillánimes, réfove flébiles, ora pro pópulo, intérvieni pro clero, intercède pro devóto fœmíneo sexu: séntiant omnes tuum juvámén quicúmque célebrant tuam sanctam Festivitatém, allelúja.

Oratio.

Bonorum ómnium largítor Deus, qui Genitrícis dilécti Fílii tui speciósam Imáginem mira apparitíone clarificáre voluísti: concéde, quæsumus, ut ejúsdem beátæ Mariæ Vírginis intercessióne ad cœléstem pátriam feliciter perducámur. Per eúmdem Dóminum.

AD MATUTINUM.

Invitatorium. Sancta María Dei Génitrix virgo, * Intercéde pro nobis, allelúja.

Psalmus. Veníte exultémus. 2.

Hymnus.

Plaude festívo, pia gens, honóre
Dum Genestáni veneráris ædem,
Qua Dei magnæ Genitrícis alma
Splendet Imágo.

Hæc ubi mira spécie repénite
Obtulit sese pópulis vidéndam,
Multa mox secum bona ferre nostras
Visa per oras.

Ipsa tunc ægris áderat, moléstos
Córporis morbos, animíquæ pellens,
Longe et ærúmna Látio imminéntes
Ipsa fugábat.

Virgo, quæ mágnis decoráta signis,
Nunc quoque effúlges, míseris juvámén

Affer, et fuis pátiens cliéntum
Annue votis.

Sit salus illi, decus, atque virtus,
Qui super cœli sólio corúscans
Totíus mundi sériem gubérnat
Trinus, et Unus. Amen.

IN I. NOCTURNO.

De Libro Proverbiórum.

Lectio i.

Cap. 2.

Si intráverit sapiéntia cor tuum, et sciéntia ánimæ tuæ placúerit, consílium custódiét te, et prudéntia servábit te, ut eruáris a via mala, et ab hómíne, qui perversa lóquitur; qui

relínquunt iter rectum, et ámbulant per vias tenebrósas; qui lætántur cum male fécerint, et exúltant in rebus péssimis, quorum viæ perversæ sunt, et infámes gressus eórum.

R. Sancta, et immaculáta Virgíntas, quibus te láudibus éfferam, nésco; * Quia quem cœli cápere non póterant tuo grémio contulísti, allelúja.

V. Benedícta tu in muliéribus, et benedíctus fructus ventris tui. **Quia.**

Lectio ii.

Cap. 3.

Fili mi, ne éffluant hæc ab óculis tuis. Custódi legem atque consílium, et erit vita ánimæ tuæ, et grátia fáucibus tuis. Tunc ambulábis fiduciáliter in via tua, et pes tuus non impínget: Si dormíeris non timébis, quíescas, et suávis erit somnus tuus: ne páveas repéntino terróre, et irruéntes tibi poténtias impiórum. Dóminus enim erit in látere tuo, et custódiét pedem tuum, ne capiáris.

R. Congratulámini mihi omnes, qui dilígitis Dóminum: quia cum essem párvula, plácui Altíssimo: * Et de meis viscéribus génui Deum et hómínem, allelúja.

V. Beátam me dicent omnes generatíones, quia ancíllam húmílem respéxit Deus. **Et de meis.**

Lectio iii.

Cap. 8.

Ego sapiéntia hábito in consílio, et eruditís intérsu cogitatíonibus. Timor Dómini odit malum; arrogántiam, et supérbiam, et viam pravam, et os bilíngue detéstor. Meum est consílium, et æquitas, mea est prudéntia, mea est fortitúdo. Per me Reges regnant, et legum conditóres justa decérnunt. Per me Príncipes ímperant, et poténtes decérnunt justítiam. Ego diligéntes me díligo: et qui mane vígilant ad me, invénient me.

R. Beáta es Virgo María, quæ Dóminum portásti Creatórem mundi: *

Genuísti qui te fecit, et in ætérnum pérmanes virgo, allelúja.

V. Ave María grátia plena: Dóminus tecum. **Genuísti. Glória Patri. Genuísti.**

IN II. NOCTURNO.

De Sermóne S. Augustíni Epíscopi.

In Natali S. Joannis Baptistae.

Lectio iv.

Hominem concépit Elísabeth, hóminem María: sed Elísabeth solum hóminem, María Deum, et hóminem. Mira res est, quómodo potúerit concípere creatúra Creatórem. Quid est ergo intelligéndum, fratres mei, nisi quia ipse sibi fecit carnem de sola Matre, qui fecit primum hóminem sine patre, et matre? Primus ille noster casus fuit, quando fémina, per quam mórtui sumus, in corde concépit venéna serpéntis. Persuásit enim serpens peccátum, et admíssus est male suádens. Si primus noster casus fuit, cum fémina concépit corde venéna serpéntis; non mirándum, quod salus nostra facta est, cum fémina concépit in útero carnem Omnipoténtis. Utérque cecíderat sexus: utérque fúerat reparándus. Per mulierem in intéritum missi erámus: per mulierem nobis réddita est salus.

R. Sicut cedrus exaltáta sum in Líbano, et sicut cypréssus in monte Sion: quasi myrrhá elécta * Dedi suavitátem odóris, allelúja.

V. Et sicut cinnamómum, et bálsamum aromatízans. **Dedi.**

De Sermóne S. Fulgéntii Epíscopi.

De Laudibus Mariae ex partu Salvatoris.

Lectio v.

Quóniam diábolus per serpéntem Hevæ locútus, per Hevæ aures mundo íntulit mortem, Deus per Angelum ad Mariám pértulit verbum, et cunctis sáeculis vitam effúdit. Angelus sermónem ejécit, et Christum Virgo concépit. Hoc splendóre concépitur Dei Fílius: hac mundítia generátur.

De coelis médicus tránsiens per Vírginem: post tránsitum suum, illæsam fecit Vírginem permanére. Qui enim disrúpta córporum membra in áliis póterat integráre tangéndo, quanto magis in sua Matre, quod invénit íntegrum, pótuít non violáre nascéndo? Crevit enim ejus partu intégritas córporis pótius, quam decrevit; et virgíntas ampliáta est pótius, quam fugáta.

R. Quæ est ista, quæ procéssit sicut sol, et formósa tamquam Jerúsalem: * Vidérunt eam fíliæ Sion, et beátam dixerunt, et Regínæ laudavérunt eam, allelúja.

V. Et sicut dies verni circúmdabant eam flores rosárum, et lília convál-lum. **Vidérunt.**

Lectio vi.

María quam præclaríssimis tribus bonis sublimétur, auscúta, salutátionis Angélicæ, benedictiónis divínæ, et plenitúdinis grátia. Sic enim eam légitur salutásse: Ave María grátia plena, benedícta inter mulieres. Et ut nihil non sublíme esset in hac sanctíssima Vírgine, quam Angelus grátia plenam salutávit, non sine divíno consílio factum est, ut ejus étiam imágenes summo essent in honóre, et prodígiis miraculísque claréscerent. Quas inter, ea tribus ab hinc sáeculis præcípuo honóre cólitur, quæ, Paulo secúndo sedénte, mirabíliter apparuisse in paríete Ecclésiæ Patrum Ordinis Eremitárum Sancti Augustíni in Oppido Genestáni Prænestínæ Diocesis, ex Pontificiis diplomátibus, et suppáribus monuméntis comprobátur. Quibus permótus Pius Papa sextus præfátis ejúsdem óppidi Cœnobítis Offícium próprium concéssit séptimo Kaléndas Májas, ipso scílicet apparitiónis die, recitándum, ac deínde illud, die, quæ immediáte subséquitur, pro ejus recitatióné in pósterum assignáta, ad univérsum prædictum Ordinem sub ritu dúplicitis majóris exténdit.

R. Ornátam monilibus fíliam Jerúsalem Dóminus concupívit: * Et vidéntes eam fíliæ Sion, beatíssimam prædicavérunt, dicéntes: * Unguéntum effúsum nomen tuum, allelúja.

V. Astitit Regína a dextris tuis in vestítu deauráto, circúmdata varietáte. Et vidéntes. Glória Patri. Unguéntum.

IN III. NOCTURNO.

Lectio sancti Evangelíi secúndum Matthæum.

Lectio vii.

Cap. 1.

Liber generatiónis Jesu Christi, Fílii David, fílii Abraham. Abraham genuit Isaac. Isaac autem genuit Jacob. Et reliqua.

Homília S. Thomæ a Villanóva Episc.

In Conc. 2. Nativ. B. M.

Cogitánti mihi, ac diu hæsitánti quid causæ sit, quod cum Evangelístæ de Joánne Baptísta, et áliis Apóstolis tam longum fecére tractátum; de Vírgine María, quæ vita, et dignitáte omnes antecédit, ita summátim percúrrant históriam: Cur, inquam, non tráditum est memóriæ, quómodo concépta, quómodo nata, quómodo nutrita, quibus móribus decoráta, quibus virtútibus ornáta, quid cum Fílio in humánis égerit, quómodo cum illo conversáta sit, quómodo post ejus Ascensiónem cum Apóstolis víxerit. Magna erant hæc, et memorátu digna, et quæ cum summa devotióne a fídelibus legeréntur, a pópulis amplecteréntur. Quis enim dúbitat, quin in ejus nativité, et puerítia mira multa contígerint; et puélla hæc in téneris annis stupéndum sæculis virtútum ómnium monuméntum extíterit?

R. Felix namque es, sacra virgo María, et omni laude digníssima, * Quia ex te ortus est sol justítiae, Christus Deus noster, allelúja.

V. Ora pro pópulo, intérvieni pro clero, intercède pro devóto femíneo sexu,

séntiant omnes tuum juvámén, quicúmque celebrant tuam sanctam Festivitatém. Quia ex te.

Lectio viii.

Hæc mihi hæsitánti, cur de áctibus Vírginis, sicut de áctibus Pauli non est compósitus liber: nihil áliud occúrrit (accusáre enim Evangelístas negligéntiæ, sicut ímpium, ita et temerárium júdico), quam ita placuisse Spíritui sancto, ejúsque providéntia Evangelístas siluisse, propitérea quia Vírginis glória, sicut in Psalmis légitur, omnis intus erat, et magis cogitári póterat, quam describi; suffícitque ad ejus plenam históriam, quia de illa natus est Jesus. Quid ámplius quæris? Quid ultrarequíris in Vírgine? súfficit tibi quod Mater Dei est.

R. Beátam me dicent omnes generatiónes: * Quia fecit mihi Dóminus magna, qui potens est, et sanctum nomen ejus, allelúja.

V. Et misericórdia ejus a progénie in progénies timéntibus eum. Quia. Glória Patri. Quia.

Lectio ix.

Non eam Spíritus sanctus lítteris descripsit, sed tibi eam ánimo depingéndam relíquit, ut intélligas, nihil illi grátiae, aut perfectiόνis, aut glóriæ, quam ánimus in pura creatúra concípere possit, defuisse: immo ré ipsa intelléctum omnem superásse. Ubi ergo totum erat, pars scribenda non fuit, ne putáres, quod scriptum non fúerat, eídem fórsitan defuisse. Si ancíllas suas, et minístras domus suæ potentíssimus Dóminus ita mirífice decorávit, ita donis, et grátiis venustávit: qualem existimas cóndidit Matrem suam, únicam Sponsam suam, quam sibi ex ómnibus elégit, et præ ómnibus adamávit? Omnibus eam Altíssimus præpósuit, non solum virgíneis, sed étiam Angélicis choris, quia Mater ejus est, et Matrem Dei

deceat omnis celsitúdo. Quidquid igitur de Vírgine scire, aut intelligere cupis, totum in hoc cláuditur breviloquio: De qua natus est Jesus. Hæc longa et pleníssima história ejus est. Te Deum laudámus. 13.

In Laudibus.

Ad Benedictus, Antiphona, to. 8.
Beáta es María, quæ credidisti; perficiéntur in te, quæ dicta sunt tibi a Dómino, allelúja.

In II. Vesperis.

Ad Magnificat, Antiphona, to. 8.
Beátam me dicent omnes generatiónes, quia ancíllam húmílem respexit Deus, allelúja.

Die 27. Aprilis.

In Festo

S. Anastasii Papæ Confessoris.

Duplex.

Omnia de Communi Confessoris Pontificis [62], præter sequentia.

Oratio. Da, quæsumus.

Lectioes primi Nocturni, de Scriptura occurrente.

In Feria secunda et quarta Rogat. Fidélis sermo. [64]

IN II. NOCTURNO.

Lectio iv.

A Nastásius Románus, fílius Máxi-
mi, Sirício vita functo, Románæ Ecclésiæ est ordinátus Epíscopus, quo eam præcláre regénte, de Oriéntis pártibus hæreticórum Origenistárum sæva tempéstas simplicitátem fidei, quæ Apóstoli voce laudáta est, pollúere, et labefactáre conáta est. Sed vir ditíssimæ paupertátis, et Apostólicæ sollicitúdinis Anastásius statim nóxium pér culit caput, et sibilántia hydræ ora compéscuit, latitántesque in fóveis suis hæreticos persecútus,

suis in Occidén-te líteris damnávit, quod erat in Orién-te damnátum. Nec illi unquam cura defuit, Evan-gélii fidem circa suos custodíre pópulos, partésque pópuli sui, per quæque spátia divérsa terrárum dif-fúsas, quantum póterat líteris conve-níre, ne qua profánæ interpretatiónis orígo subréperet, quæ devótas áni-mas, immíssa sui calígine, labefac-táret.

R. Invéni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil proficiet inimícus in eo, et fílius iniquitátis non nocébitei. Manus.

Lectio v.

A D eum, atque Venérium, Medio-lanénsis Ecclésiæ Sacerdótem, Africana Sýnodus Epíscopum Legá-tum destinávit, ut eidem Africánæ Ecclésiæ sacris mínistris máxime indigénti subvenirétur, ne in divérsis pene emórtuis plébibus (in quibus nec unus quidem Diáconus, vel lite-rátus reperiebátur) innumerábiles áni-mæ perírent. Ad eósdem Africános Epíscopos epístolam misit Anastá-sius, patérnæ, et fratérnæ charitátis sollicitú-dine, et sinceritáte eos adhór-tans, ut hæreticórum, et schismaticórum Donatistárum insídiis, et impro-bitátibus (quibus Africánam Ecclé-siam Cathólicam vexábant) nullo modo dissimulárent. Hujus item sancti Pontíficis auctoritáte factum est, ut Donatístæ Epíscopi, seu quílibet Cléríci, quantum ad ecclesiás-tica offícia pertinéret, sic in Cathó-licam susciperéntur unitátem, quem-ádmodum expedíre viderétur iis, quo-rum salúti per córum consulebátur offícium vel exercéndum, vel omit-téndum.

R. Pósuí adjutórium super poténtem, et exaltávi eléctum de plebe mea: * Ma-nus enim mea auxiliábitur ei, allelúja.

V. Inveni David servum meum, óleo sancto meo unxi eum. Manus.

Lectio vi.

Constituit, nullatenus transmarinum hominem in Clericatus honorem sine quinque Episcoporum chirographo suscipiendum. Itemque sancivit, ut quotiescunque sancta recitarentur Evangelia, Sacerdotes non sederent, sed curvi starent. Fecit in Urbe Basilicam Crescentianam in regione secunda, via Mamertina. Duabus Ordinationibus, mense Decembri, creatis Presbyteris octo, Diaconis quinque, Episcopis per diversa loca decem, quievit in pace, sepultusque est in Coemeterio suo ad Ursum Pileatum, sub Arcadio, et Honorio, quem (ut sanctus Hieronymus scribit) diu Roma habere non meruit, ne Orbis caput sub tali Episcopo truncaretur: imo idcirco raptus est, atque translatus, ne semel latam sententiam precibus suis flectere conaretur; nam haud paulo post ejus obitum, Roma a Gothis capta, atque diruta fuit.

℟. Iste est, qui ante Deum magnas virtutes operatus est, et omnis terra doctrina ejus repleta est: * Ipse intercedat pro peccatis omnium populorum, allelúja.

V. Iste est qui contempsit vitam mundi, et pervenit ad coelestia regna. Ipse. Glória Patri. Ipse.

In tertio Nocturno Homilia super Evangelium. Homo peregre. [68]

Eadem Die.

In Festo

S. Peregrini Latiosi, Confessoris.

Duplex.

Omnia de Communi Confessoris non Pontificis [79], praeter ea, quae sequuntur.

In Hymno dicatur: Meruit supremos.

Oratio.

Deus, qui beato Peregrino Angelum comitem, magistram Deiparam, Jesum tetri ulceris medicum mire dedisti; da per merita ipsius, obsecramus: ut sanctum Angelum, Virginem, Salvatorem, singulariter et amemus in terris, et collaudemus in coelis. Per eundem.

In primo Nocturno, Lectiones de Scriptura occurrente.

In Feria secunda et quarta Rogat. Beatus vir, de Communi secundo loco. [88]

IN II. NOCTURNO.

Lectio iv.

Peregrinus Forolívii ex nobili Latiosorum familia ortus, sanctissimae Virginis Deiparae devotus, quadam die in Ecclesia Cathedrâli ante illius imaginem diutius orans, et petens, ut vias suas dirigeret, eam preciosis vestibus indutam, sibi, ut ad servos suos se conferret, praecipientem audivit. Quare adolescens, Angelo comite Senas profectus, Priori Servorum visionem, mandatûmque Virginis exposuit, ac recipi humiliter postulavit. In receptione splendore quodam coelesti, quo futura sanctitas ejus praemonstrabatur, caput illius circumfulsit. Triginta annos natus, Forolívium remissus, ubi diu laboribus, vigiliis, jejuniis, orationibus exercitam vitam duxit. Numquam (mirandum!) per annos triginta sedere visus: at si quando, somno aut lassitudine victus, stare non posset, saxo pro sede utebatur. Numquam in lecto neque infirmus decubuit, noctes fere omnes insomnes in orationibus, et piis meditationibus ducere solitus. Nulla die conscientiae examine et sacramentali confessione praetermissis, peccata lacrymis etiam exterioribus deflebat.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam, allelúja.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Admirábili fuit patiéntia. Nam cum crus ex cancri morbo intumúisset, atque putrédine ádeo esset inféctum, ut fœtorem ómnibus inférret, sic tamen absque omni querimónia semper fuit, ut cives illum álterum Job appellárent. Cum autem crus illud medicórum consílio amputándum esset, Peregrínus nocte præcedente solus ex loco, in quo jacébat, surgens, et reptans, ut póterat, in Capítulum venit, ibíque ante Crucifíxi imáginem (quæ adhuc manet, et magnam habet apud Foroliviénses veneratiónem) vehementius orans, et obdormíscens, Christum de Cruce descendéntem, et crus tangentem vidit. Expergefáctus ita crus sanátum sensit, ac si nunquam túmidum, ulcerátum, putridúmve fuisset. Médici vero mane, ut crus secárent, adveniéntes, cum illud sanum vidíssent, stupóre affécti, domum, tanto miraculo per urbem divulgáto, regréssi sunt.

R. Amávit eum Dóminus, et ornávit eum: stolam glóriæ índuit eum: * Et ad portas paradísi coronávit eum, allelúja.

V. Índuit eum Dóminus lorícam fidei, et ornávit eum. Et ad portas.

Lectio vi.

Peregrínus piis labóribus, ac ætáte conféctus (eratenim octogenárius), brevi febre corréptus, Kaléndis Maji, anno salutis millésimo tercentésimo quadragésimo quinto migrávit ad Christum. Ejus ánimam beáto Philíppo Ordinis Servórum beátæ Mariæ Virgínis, qui, ut ipse Religióne in-

grederétur, dux fúerat, et beáto Francisco Senénsi ejúsdem Ordinis comitántibus, a virgínibus in cœlum deferri visam, memóriæ próditum est. Multa post mortem miracula sanctitátem ipsíus declarárunť. In quibus cæcus, Peregríno manum ex féroetro óculis illíus admovénťe, lumen recépít. Múlier étiam multis obséssa dæmónibus ad sacrum corpus ipsíus perducta, liberáta est. Quidam ex árbore procéra in terram delápsus, Peregríni nómine invocáto, sine ulla læsióne repértus fuit. Ad cujus túmulum Kaléndis Maji non tantum civitas Foroliviénsis, sed finítimi pópuli quótannis ad illum venerándum confluere, vótaque ei nuncupáre solent. Paulus quintus Summus Póntifex anno millésimo sexcentésimo nono concéssit, ut Offícium divínium in toto Servórum Ordine recitári possit. Benedíctus vero decimustértius anno reparátæ salutis millésimo septingentésimo vigésimo sexto eum inter sanctos Cœlites ritu solémni recénsuit.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus Géntibus, allelúja.

V. Iste est, qui contémpsit vitam mundi, et pervénit ad cœlestia regna. Quia. Glória Patri. Quia.

In tertio Nocturno Homilia super Evangelium. Nolíte timére pusíllus grex. de Communi, secundo loco. [90]

FESTA MAJI.

Die 7. Maji.

In Festo **S. Benedicti II. Papæ Conf.**

Duplex.

Omnia de Communi Confessoris Pontificis [62], præter sequentia.

Oratio. Da, quæsumus.

Lectiones primi Nocturni, de Scriptura occurrente.

In Feria secunda et quarta Rogat. **Fidélis sermo. [64]**

IN II. NOCTURNO.

Lectio iv.

Benedíctus hujus nóminis secundus, Románus genere, patre Joanne ortus, post Leónis secúndi óbitum, ad munus Apostólicum assúptus est, anno Christi sexcentésimo octogésimo quarto, et supréum Christiánæ Reipúblicæ clavum, novem círciter menses ténuít, digníssimus certe, qui diútius tenéret; cum a primis puerítiæ annis se totum Ecclesiásticis ministériis addixísset, ac sédulum divínis líteris, et sacræ Psalmódiaæ óperam navásset.

R. Invéni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil proficiet inimícus in eo, et fílius iniquitátis non nocébit ei. Manus.

Lectio v.

Hic non uno dumtáxat nómine, verum étiam coeléstis benedictiónis grátia, et sanctæ conversatiónis exémplo Benedíctus, mansuétus, mitis, et húmilis, insignis étiam paciéntiæ, et páuperum amantíssimus, in quos larga manu rédditus Ecclésiæ profúdit. Ad restaurándam quoque, ac exornándam Príncipis Apostolorum Basílicam, aliásque Urbis Ecclésiás, ánimus, et manum applícuit, in quo multa aureórum mília pie consúmpsit.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.

R. Invéni David servum meum, óleo sancto meo unxi eum. Manus.

Lectio vi.

Mirífico étiam conservándæ, et propagándæ Religiónis zelo flagrá-

vit. Macárium Patriárcham Antiochénum, a sexta Sýnodo propter hæresim depósitum, ad saniórem mentem redúcere, summo stúdio laborávit. Scriptis étiam ad Epíscopos Hispániæ líteris, eósdem mónuit, ut declararent apértius, et sánius, quæ de voluntáte Dei, et tribus Christi substántiis ante scrípserant. Constantínus vero Imperátor tanto illum amóre, et honóre prosecútus est, ut et capíllos suórum filiórum, in signum observántiæ, illi obtúlerit. Sancto tandem fine quiévit, et sepúltus est in Vaticanano.

R. Iste est qui ante Deum magnas virtútes operátus est, et omnis terra doctrína ejus repléta est: * Ipse intercédât pro peccátis ómnium populórum, allelúja.

V. Iste est qui contémpsit vitam mundi, et pervénit ad coeléstia regna. Ipse. Glória Patri. Ipse.

In tertio Nocturno Homilia super Evangelium. Homo péregre. [68]

Die 11. Maji.

In Festo **S. Alexandri** Papæ Mart.

Duplex.

Omnia de Communi unius Martyris temp. Paschal. [37], præter sequentia.

Oratio. Infirmitatem.

Lectiones primi Nocturni, de Scriptura occurrente.

In Feria secunda et quarta Rogat. **A Miléto. [27]**

IN II. NOCTURNO.

Lectio iv.

Alexánder Románus ex patre Alexandro, de vico Caput Tauri, juvenis quidem ætáte, sed sanctitáte incomparábilis, et fide claríssimus, post Evarístum Sedem Apostólicam obtínuit. In memóriam Passiónis Christi, primus in Sacrificio Missæ

addidit: Qui pridie quam pateretur: usque ad ea verba: Hoc est Corpus meum. Instituit, ut tantummodo panis, et vinum in Mystério offerretur, atque in consecratione Corporis et Sanguinis Domini vinum aqua misceretur, propter sanguinem, et aquam, quæ ex Jesu Christi latere profluxerunt. Idem decrevit, ut aqua benedicta sale admixta, sacris precibus interpositis, tam in templis, quam in cubiculis ad fugandos demones, perpetuo asservaretur. Cum autem esset Christianæ Religionis ferventissimus prædicator, dum vixit, mirum in modum in hoc diligens fuit, ut doctrina, vitæque exemplo, quoscunque posset, ad veram Christi Religionem perduceret.

R. Lux perpetua lucēbit sanctis tuis, Dōmine, * Et æternitas tēporum, allelūja, allelūja.

V. Lætitiā sempiterna erit super capita eorum: gāudium et exultationem obtinēbunt. **Et** æternitas.

Lectio v.

Cum igitur multis Romæ, ut, abjurata falsa religione, veram fidem susciperent, persuasisset, Senatores aliquot, et Hermetem Urbis Præfectum cum uxore, filiis, sorore, ac tota domo, Jesu Christo peperit. Quam ob rem accusatus, quod Christianus esset, ex Principis edicto captus, et carcerem conjectus, ibidem diu, quod a Christianæ fidei professione recedere nollet, detentus est: cum autem vinctus teneretur, pueri ministerio, qui facem ardentem præferēbat, prodigiōse intempēstæ noctis silentio, e carcere ad domum Quirini Tribūni, ubi beatus Hermes Urbis Præfectus paulo ante captus in custodiā servabatur, eductus, primum filiam ejus Balbinam ægram sanavit, deinde patrem Quirinum miraculo attonitum, et ad Christum traductum cum filia Bap-

tismi lavacro abluit. Hinc vero factum est, ut Quirinus iis omnibus, quotquot pro fide Christi vinctos habebat, libertatem abeundi concesserit. Erant inter illos Evēntius, et Theodulus, qui sancto Alexandro adjuncti, exire de carcere noluērunt, sed Deo laudes persolvētes martyrii palmam constanter expectarunt.

R. In servis suis, allelūja, * Consolabitur Deus, allelūja.

V. Judicabit Dominus pōpulum suum, et in servis suis. **Consolabitur.**

Lectio vi.

Ex his sanctus Alexander primum ab Aureliano Jūdice interrogatus de Christianæ Religionis mysteriis, ea revelare noluit, asserens sanctum esse, quod Aurelianus manifestari cupiebat, et non permitti a Christo, sanctum dari canibus. Ob quæ verba, beatus Pontifex in equuleum impositus est, ungulis dilaniatus, atque lampadibus admotis gravissime ustus, cumque nullam amplius vocem emitteret, interrogatus ab Aureliano, cur taceret? hoc dignum Martyre responsum dedit: quia tempore orationis homo Christianus cum Deo loquitur. Deposito Alexandro, exhibiti sunt Evēntius, et Theodulus, quos cum Aurelianus in fide constantes invenisset, jussit Alexandrum et Evēntium dorsum ad dorsum ligatos in ignem præcipitari, Theodulum vero ibidem adstare, ut quasi eorum perterritus passione, ad sacrificandum idolis consentiret. Cum autem Theodulus sponte in flammis prosiliisset, et cum ipsis hymnos decantaret, ac Deo grätias ageret, fecit impius Judex Alexandrum punctis creberrimis per omnia membra perforari, quo fine vir sanctus martyrium suum gloriōse complēvit. Hujus corpus beata Severa religiōsa femina sustulit, et cum corpore beati Evēntii gladio consum-

máti, in uno eodémque sepúlchro pósuit via Nomentána in prædio suo, unde póstea ad Urbem translátum, in Ecclesiá sanctæ Sabínæ recónditum fuit.

R. Fíliæ Jerúsalem, veníte et vidéte Mártýres cum corónis, quibus coronávit eos Dóminus, * In die solemnitátis et lætítiæ, allelúja.

V. Quóniam confortávit seras portárum tuárum, benedíxit fílios tuos in te. In die. Glória Patri. In die.

In tertio Nocturno Homilia super Evangelium. Ego sum vitis vera. [45]

Eadem Die.

In Festo

S. Francisci de Hieronymo Conf.

Duplex.

Omnia de Communi Confessoris non Pontificis [79], præter ea quæ hic assignantur.

Oratio.

DEus, qui beátum Francíscum ad animárum salutem exímium verbi tui præcónem effecísti, ejus nobis intercessióne concéde, ut Legis tuæ mandáta et júgiter scrutémur in corde et fidéliter opéribus exequámur. Per Dominum.

Lectiones primi Nocturni, de Scriptura occurrente.

In Feria secunda et quarta Rogat. **Justus si morte.** de Communi primo loco.

IN II. NOCTURNO.

Lectio iv.

FRancíscus de Hierónymo in Tarentíni agri óppido, cui Cryptálæ nomen, honésto loco natus, pia paréntum cura institútus, ac cœli benedictióne prævéntus, puerítiam egit innocentíssimis móribus præstántem, et futúre sanctitátis indíciis conspícua. Duodécimo ætátis anno in

quorúmdam Evangelicórum operariórum contubérnium admissus, in catechizándis rúdis adhuc adoléscentis diligéntem óperam pósuit, et Apostólico ministério, ad quod Deus illum destináverat, jam tum prolúdere visus est. Theológica stúdia Neápoli aggréssus, et sacerdotio initiátus, ita vitæ suæ ratiónes ad Evángelica consília accomodávit, ut sacerdotis Sancti nomen adéptus fúerit. Societátem Jesu ingrédessus, jactis in tirocínio religiósæ perfectiónis, ardentíssimæ in Deum et próximos charitátis, insígnis paciéntiæ, aliarúmque virtútum fundaméntis, quæ majus in dies singulos incrementum accipiébant, Theologiæ currículum confécit, et, solémni quátuor votórum professione sese obstríngens, exímium reguláris observántiæ exémpplar evásit. Pro sacra ad Japónes expeditióne, quam martýrii cúpidus in votis hábuit, Neápoli reténtus, Præfectúram Missiónum jussu Præsulum accépit; quod non sine Dei númine factum evéntus comprobávit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam, allelúja.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

ETsi enim córpore erat grácili, neque satis firma valetúdiue, ac præterea carnem assídus jejúniis, vigíliis, verberibúsque macerábat, tamen tot ónera in se suscípiens, quot ferendis plures simul vix pares essent, incredíbile dictu est, quanta pro glória Dei, quam únice quærébat, égerit non solum Neápoli, sed in áliis quoque ejúsdem Regni Provinciis, quot labóres et ærúmnas túlerit, quanto cum fructu in agro Domínico excoléndo plus quam quadragínta annis

desudáverit. Frequéntes et sæpius plures eódem die habébat conciónes per vicos, cómpita et platéas, ad carcéribus deténtos, ad régiis trirémibus mancipátos, ad mílites, contra circulátóres impudéntes, contra públicos quosvis peccatóres, contra famæ prostitútæ muliérculas. Accedébant mirabília signa, treménda divínæ ultiónis advérsus pervicáces documénta, scrutátio córdium, prædictio rerum futurárum, ejus córporis diversis in locis replicátio, grátia sanitátum, annóna divínitus multiplicáta, vox étiam ex ore meretrícis súbita morte corréptæ extórta, quæ se apud ínferos esse palam denunciávit. Ex quo fiébat vix ut umquam e superióri loco ad pópulum díceret, quin insígnem áliquem peccátorem Christo lucrifáceret. Intérdum étiam decem, nonnúnquam quíndecim meretrículæ, simul sua crímina defléntes in concióne, ad pœniténtiam confugérunt.

R. Amávit eum Dóminus, et ornávit eum: stolam glóriæ índuit eum, * Et ad portas paradísi coronávit eum, allelúja.

V. Índuit eum Dóminus lorícam fídei, et ornávit eum. Et ad portas.

Lectio vi.

Assídua ejus ópera fuit in ægrótiis invísendis, in moribúndis ad mortem rite præparándis, in concórdia animórum dissidéntium conciliánda, in paupéribus ope ac solátio sublevándis. Communióne, quam dicunt generálem, síngulis cujúslibet mensis tértiis diébus Domínicis usque á deo promovít, ut sæpe quíndecim míllia fidélium, aliquándo vigínti míllia, aut eo ámplius, ad Eucharísticam mensam convénerint. Exercítiis spirituálibus, ex sancti Ignátii institutóris præscrípto, sacerdotum cœtus, virórum religiosórum, et vírginum Deo devotárum monastéria, puellárum cœnóbia, studéntium júvenum collégia et seminária, atque omne

hóminum genus mirífice excóluit. Gravíssimas difficultátes et moléstias, quas illi dæmon excitábat, invícta patiéntia superávit; nec semel maxíllam percutiéntibus submísso ánimo álteram præbuit; quin et acerbíssimos dolóres bráchio captívi Mahometáni, qui eum percússerat, a Deo ultóre inflicto, signo crucis repénce cessáre fecit, hominémque ad Christiánam Religióne addúxit. Demum in cœlum a Deo evocatús, plácide efflávit ánimam in Neapolitána Professórum domo, die undécima Maji, anno millésimo septingentésimo décimo sexto, ætátis vero suæ septuagésimo quarto. Quem méritis ac miráculis clarum Pius séptimus Póntifex Máximus in Beátorum númerum rétulit, novisque signis a Deo illustrátum præsertim in pátria, quibus de more probátis, Gregórius Papa décimus sextus sólemni ritu in festo sanctíssimæ Trinitátis, anno millésimo octingentésimo trigésimo nono, in Sanctórum album adnumerávit.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus Géntibus, allelúja.

V. Iste est qui contémpsit vitam mundi, et pervénit ad cœlestia regna. Quia. Glória Patri. Quia.

In tertio Nocturno, Homilia super Evangelium. Sint lumbi vestri præcincti. de Communi. [85]

Die 14. Maji.

In Festo

S. Paschalis Papæ Confessoris.

Duplex.

Omnia de Communi Confessoris Pontificis [62], præter sequentia.

Oratio. Da, quæsumus.

Lectiones primi Nocturni, de Scriptura occurrente.

In Feria secunda et quarta Rogat. Fídelis sermo. [64]

IN II. NOCTURNO.

Lectio iv.

PAschális, hujus nóminis primus, bíduo post Stéphaní quinti óbitum vix exácto, commúnibus Cleri suffrágiis, ad supréum Sedis Apostólicæ ápicem, invítus licet, et valde relúcans, anno Dómini nostri Jesu Christi octingentésimo décimo séptimo, promótus est. Vir sane omnígena doctrína, sacra præsertim instructíssimus, vitæ sanctimónia insígnis, dicéndi facultáte claríssimus, singulári déni- que pietáte in Deum, et charitáte in próximum, ut exterióra bona, hílari semper ánimo, paupéribus erogábat, ita interiórís ánimo opes, vigíliis, oratió- nibus, et jejúniis vacans, accumu- lábat.

R. Invéni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil proficiet inimícus in eo, et fílius iniquitátis non nocébit ei. Manus.

Lectio v.

A puerítia in Lateranénsis Ecclésiæ Patriarchío, sub óculis Pontíficum educátus, ita in omni virtútum génere, líteris, et disciplína Ecclesiás- tica profécit, ut primum sacris Ordí- nibus initiátus, mox, ejus virtúte per- spécta, a Leóne tértio Monastério sancti Stéphaní præféctus fúerit; in quo, et súbditis sibi Mónachis ex- émplo fuit, et peregrínos ad límina Apostolorum turmátim accedéntes ita excépit, ut ómnibus necessariá sup- peditáret, íisque, Christum imitátus, abjecta étiam exhibéret ministéria; quibus pietátis, et charitátis officiis, digníssimus ómnium hábitus est, qui Domínico gregi, et toti Ecclésiæ præ- éssset.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.

V. Invéni David servum meum, óleo sancto meo unxi eum. Manus.

Lectio vi.

Nihil porro in eo desiderátum est, quod ad perféctam regíminis Apo- stólici sollicitúdinem pertinéret. Ec- clésiæ Occidentális disciplínam, quæ sub eo máxime flóruit, intáctam ser- vávít; Orientálem vero ab Imperátore, et Patriárcha Iconómachis agitátam, líteris, et legatióne recreávit, et Græ- cis Romam confugiéntibus, Monasté- rium sanctæ Praxédís, amplíssimis reddítibus a se instrúctum, benígne concéssit. Multa étiam córpora Sanc- tórum ex Cœmetériis, Pauli primi ex- émplo, ac præsertim sanctæ Cæciliæ, ipsa monstránte, et revelánte, in Ur- bem íntulit. Nova templa excitávit; restaurávit, et mirífice ornávit antí- qua. Xenodochía, et sacrárum vírgi- num cœnóbia novo censu recreávit. Extínti demum incéndii miráculo claríssimus, migrávit ad Dóminum, octávo sui Pontificátus anno, et in Vaticaná Basílica cónditus est.

R. Iste est, qui ante Deum magnas virtútes operátus est, et omnis terra doctrína ejus repléta est: * Ipse in- tercédát pro peccátis ómnium popu- lórum, allelúja.

V. Iste est qui contémpsit vitam mun- di, et pervénit ad cœléstia regna. Ipse. Glória Patri. Ipse.

In tertio Nocturno, Homilia super Evangelium. Homo pégre. [68] cum nona Lectione ex duabus una S. Boni- facii Mart. [518] ejusque commem. in Laudibus.

Antiph. Fíliæ Jerúsalem, veníte et vidéte Mártyres cum corónis, quibus coronávit eos Dóminus in die solem- nitátis et lætítiæ, allelúja, allelúja.

V. Pretiōsa in conspēctu Dómini, allelúja.

R. Mors sanctorum ejus, allelúja.

Oratio.

DA, quæsumus, omnipotens Deus: ut qui beāti Bonifáccii Mártiris tui solémnia cólimus, ejus apud te intercessiónibus adjuvémur. Per Dóminum.

Die 15. Maji.

In Festo

S. Isidori Agricolæ Confessoris.

Duplex.

Omnia de Communi Confessoris non Pontificis. [79]

Oratio.

DA nobis, quæsumus, miséricors Deus, beáto Isidóro Agrícola Confessore tuo intercedente, superbe non sápere, sed ejus méritis, et exémpis plácita Tibi semper humilitáte deservire. Per Dóminum.

Lectiones primi Nocturni, de Scriptura occurrente.

In Feria secunda et quarta Rogat. Beátus vir, de Communi secundo loco. [88]

IN II. NOCTURNO.

Lectio iv.

Isidórus Agrícola prope Matritum Hispániæ Urbem, in qua natus fuerat, mercéde coléndis agris condúctus brevi magnarum sibi virtutum eo in exercitio uberrimam segetem paravit. Admirabilis enim Christi, ac Sanctorum imitator, numquam ad opus mane se conferébat, nisi prius Dei Regnum studiose quæreretur, Ecclesiásque in ipsius, ac Deiparæ honorem dicatas visitaret. Quare cum illius moram agri dominus graviter ferret, atque ex editiore loco quadam die, ut eum libérius increpáret, Agricolam opperirétur, binos Angelos

cándida veste dúplici bovum jugo arántes, mediúmque inter illos Isidorum conspexit. Quo miraculo vulgato, magno deinceps honóri tam apud herum, quam apud céteros hómines habéri cœpit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam, allelúja.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Charitáte in páuperes ádeo flagrávit, ut mercédem, quam laboribus parábat, egéntibus erogáret. Quin étiam aliquándo ad commúne cum reliquis confrátribus prándium plúrimos páuperes adduxisset, nihílque áliud, prándio scilicet finíto, quam pulménti partem sibi reservátam reperisset, illam vir Dei, fide singulári fretus, ita distríbuit, ut, admirábiliter aucta, iis ómnibus aléndis, saturandisque sufficeret. Illud étiam inter cétera mirándum, quod per æstívos calóres ad extinguéndam in agro sitim, aquæ potum hero flagitánte, cum núllibi scatéret, Isidórus stímulo, quem gerébat, humo percússa, úberem ex ea, et perénnem ad hæc usque témpora fontem elícuit.

R. Amávit eum Dóminus, et ornávit eum: stolam glóriæ índuit eum: * Et ad portas paradísi coronávit eum, allelúja.

V. Índuit eum Dóminus lorícam fidei, et ornávit eum. Et ad portas.

Lectio vi.

Igitur sanctitáte clarus cum ad últimam senectútem pervenisset, obdormívit in Dómino, et in cœmetério sancti Andréæ sepúltus, támdiu ibi jácuit, quoad cives de ipsius corpore honéstius in Ecclesia collocándo divínus móniti, illud in lóculo intégnum, atque ádeo incorrúptum invenérunt, ut ex eo suavíssimus odor, qui hac

étiam tempestáte perdúrat, effláret. Sacrum Corpus in Ecclésiám translátum, et in editióre loco situm máximis Deus miráculis illustrávit. Quorum beneficéntiam non semel tam ipsa Matríti civitas, quam étiam cétera Hispániæ loca, ope ipsíus imploráta, persensérunt. Quem postrémo post annos fere quadringéntos fama sanctitátis, ac miráculis illústrem Gregórius decimusquintus in Sanctorum numerórum rétulit.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus Géntibus, allelúja.

V. Iste est qui contépsit vitam mundi, et pervénit ad coeléstia regna. Quia te. Glória Patri. Quia te.

IN III. NOCTURNO.

Lectio sancti Evangélii secúndum Joánnem.

Lectio vii.

Cap. 15.

IN illo témpore: Dixit Jesus discipulis suis: Ego sum vitis vera: et Pater meus agricola est. Et reliqua.

Homília Sancti Augustíni Epíscopi.

Tract. 80. in Joannem.

Iste locus Evangélicus, fratres, ubi se dicit Dóminus vitem, et discipulos suos pálmities, secúndum hoc dicit, quod est caput Ecclésiæ, nosque membra ejus, mediátor Dei, et hóminum, homo Christus Jesus. Uníus quippe natúræ sunt vitis, et pálmities. Propter quod, cum esset Deus, cujus natúræ non sumus, factus est homo, ut in illo esset vitis humana nátura, cujus et nos hómines pálmities esse possémus.

R. Iste est qui ante Deum magnas virtútes operátus est, et de omni corde suo laudávit Dóminum: * Ipse intercédat pro peccátis ómnium populórum, allelúja.

V. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viii.

Quid ergo est, Ego sum vitis vera? Numquid ut ádderet, vera, hoc ad eam vitem rétulit, unde ista similitúdo transláta est? Sic enim dicitur vitis per similitúdinem, non per proprietátem, quemádmódum dicitur ovis, agnus, leo, petra, lapis anguláris, et cétera hujúsmodi, quæ magis ipsa sunt vera, ex quibus ducúntur istæ similitúdiines, non proprietátes. Sed cum dicit, Ego sum vitis vera: ab illa se útique discérnit, cui dicitur: Quómodo convérta es in amaritúdinem, vitis aliéna? Nam quo pacto est vitis vera, quæ expectáta est ut fáceret uvam, fecit autem spinas?

R. Sint lumbi vestri præcíncti, et lucernæ ardéntes in mánibus vestris: * Et vos símiles homínibus expectántibus dóminum suum, quando revertátur a núptiis, allelúja.

V. Vigiláte ergo, quia nescítis, qua hora Dóminus vester ventúrus sit. Et vos. Glória Patri. Et vos.

Lectio ix.

EGo sum, inquit, vitis vera: et Pater meus agricola est. Numquid unum sunt agricola, et vitis? Secúndum hoc ergo vitis Christus, secúndum quod ait: Pater major me est. Secúndum autem id quod ait, Ego et Pater unum sumus, et ipse agricola est; nec talis, quales sunt, qui extrínsecus operádo exhibent ministérium, sed talis, ut det étiam intrínsecus incrementum. Nam neque qui plantat est áliquíd, neque qui rigat, sed qui incrementum dat, Deus. Sed útique Deus est Christus, quia Deus erat Verbum: unde ipse, et Pater unum sunt: et si Verbum caro factum est, quod non erat, manet quod erat. Te Deum laudámus. 13.

cro

Die 16. Maji.

In Festo

S. Joannis Nepomuceni Martyris.

Duplex.

Omnia de Communi unius Martyris tempore Paschali [37], præter sequ.

Oratio.

DEus, qui ob invictum beati Joannis sacramentale silentium nova Ecclesiam tuam martyrii corona decorasti: da nobis ejus intercessione et exemplo linguam caute custodire, ac omnia potius mala, quam animæ detrimentum, in hoc sæculo tolerare. Per Dñm.

Lectiones primi Nocturni, de Scriptura occurrente.

In Feria secunda et quarta Rogat. Fratres debitores. de Communi plur. Martyrum. [52]

IN II. NOCTURNO.

Lectio iv.

JOannes Nepomuci Bohemiæ opido, unde Nepomuceni cognomen duxit, a parentibus ætate provectis, non sine futuræ sanctitatis præsagio, flammis supra nascentis domum mirabiliter collucētib, ortus est. Cum infans in gravem morbum incidisset, beatæ Virginis ope, cui natum parentes referēbant acceptum, e vitæ periculo evasit incolumis. Egrēgia indole, piāque institutione cœlestibus indiciis obsequēte, inter sanctas, religiosasque exercitationes pueritiam egit; nam Ecclesiam frequenter adire, ac Sacerdotibus ad aras operantibus ministrare in deliciis habebat. Zatēcii politiōribus literis ad humanitatem informatus: Pragæ vero graviōribus disciplinis excultus, Philosophiæ, Theologiæ, sacrorūque Cānonum magisterium, et lauream emēnit. Sacerdotio initiatus, atque a sciētia sanctorum ad lucra

animarum rite comparatus, ministerio verbi Dei se pēnitus addixit. Cum igitur in vitiis extirpandis, et revocandis in viam salutis errantibus, eloquentia, et pietate ūberes ederet fructus, inter Canonicos Metropolitane Ecclesiæ Pragēnsis cooptatus, mox sibi demandatam Evangelii coram Rege Wenceslao quarto prædicandi provinciam suscepit, eo successu, ut, Joannis suasu, multa Rex faceret, magnoque in honore ejus virtutes haberet. Conspicuas tamen, quas ille obtulit, dignitates, Dei Servus, ne a divini verbi præconio avocarētur, constantissime recusavit.

R. Lux perpétua lucēbit sanctis tuis, Dñine; * Et æternitas tēporum, allelūja, allelūja.

V. Lætitia sempiterna erit super capita eorum: gaudium et exultationem obtinebunt. Et æternitas.

Lectio v.

REgiis illum eleemosynis in pauperes erogandis præfectum, Joanna Regina conscientie sibi moderatorem adscivit. Cum autem Wenceslaus ab officio, institutoque decessisset, atque in vitia præceps abriperetur, piæ autem conjugis obtestationes, et mōnita gravate ferret, contendere ausus est, ut in sacramentali iudicio Sacerdoti credita Reginæ arcana sibi a Joanne panderentur. At Dei minister blanditiis primum, tormentis deinde, et carceris squalore tentatus, nefariæ Regis cupiditati fortiter obstitit. Furētem tamen Wenceslai animum cum ab execrando proposito nec humana, nec divina jura deterrērent, supremum agōnem, quem instare sibi athleta Christi nōverat, pōpulo in concione de impendentibus etiam regni calamitatibus admōnito, non obscure prænuntiavit. Mox Boleslaviam profectus, ad beatæ Virginis imaginem antiquo cultu cēlebrem,

cœléste præsidium ad certandum bonum certamen, effûsis præcibus, imploravit. Inde vespere revertentem in pervigilio Domínicæ Ascensionis Rex e fenestra conspicatus arcéssit; cumque vehementius urgéret, et proximam in aquis, si obluctári pérgeret, submersionem intentáret, Joánnes invicta constantia terróres, minasque refutávit. Itaque Regis império in Moldávam, flumen Pragam interfluens, noctu dejéctus, illustrem martyrii coronam est consecutus.

R. In servis suis, allelúja, * Consolábitur Deus, allelúja.

V. Judicábit Dóminus pópulum suum, et in servis suis. Consolábitur.

Lectio vi.

Sacrilegum fácinus clam patrátum, et Mártiris glóriam insigne prodígium divínitus patefécit. Ubi enim exánime corpus secúndo flúmine vehi cœpit, ardéntes faces aquis supernatantes, et discurréntes apparuerunt. Quamóbre ex aréna postridie mane corpus elátum, Canónici deínde, Regis iram nihil tíméntes, in Metropolitánam Ecclésiám solémni pompa intulérunt, et sepultúræ mandárunť. Cum autem in dies invícti Sacerdotis memória miraculis, et máxima fídelium, eórum præcípue, qui fama periclitántur, veneratióne crésceret, post annos demum ámplius tercéntos, in jurídica recognitióne córporis, quod sub humo tándiu jacúerat, lingua ejus incorrúpta, et vívida repérta est: quæ sexto post anno judícibus a Sede Apostólica delegátis exhibita, novo prodígio repénťe intúmuit, et subobscurum rubórem in purpúream commutávit. His itaque, aliisque signis rite probátis, Benedíctus décimus tértius Póntifex Máximus, die decimanóna mensis Mártii anno salutis millésimo septingentésimo vigésimo nono, primum hunc Sacramentális

sigilli assertórem, arcáni fidem sanguine obsignántem, Sanctórum Mártiurum catálogo adscrípsit.

R. Fíliæ Jerúsalem, veníte et vidéte Mártiyes cum coronis, quibus coronávit eos Dóminus, * In die solemnitátis et lætítiæ, allelúja.

V. Quóniam confortávit seras portárum tuárum, benedíxit filios tuos in te. In die. Glória Patri. In die.

IN III. NOCTURNO.

Léctio sancti Evangélíi secúndum Matthæum.

Lectio vii.

Cap. 10.

In illo témpore, Dixit Jesus discipulis suis: Nihil est opértum, quod non revelábitur, et occúltum, quod non sciétur. Et réliqua.

Homília Sancti Hilárii Epíscopi.

Comment. in Matth. cap. 10. post med

Dominus diem judícii osténdit, quæ abstrúsam voluntátis nostræ consciéntiam prodet: et ea, quæ nunc occúltá existimántur, luce cognitiónis públicæ déteget. Igitur non minas, non consília, non potestátes insectántium monet esse metuéndas: quia dies judícii nulla hæc fuisse atque inánia revelábit. Et quod dico vobis in ténebris, dícite in lúmine: et quod in aure audítis, prædicáte super tecta. Non légimus, Dóminum sólitum fuisse nóctibus sermocinári, et doctrínam in ténebris tradidísse; sed quia omnis sermo ejus carnálibus ténebræ sunt, et verbum ejus infídelibus nox est.

R. Ego sum vitis vera, et vos pálmities: * Qui manet in me, et ego in eo, hic fert fructum multum, allelúja, allelúja.

V. Sicut diléxit me Pater, et ego diléxi vos. Qui manet.

Lectio viii.

Itaque id, quod a se dictum est, cum libertáte fídei, et confessiόνis

vult esse loquendum. Idcirco quæ in ténébris dicta sunt, prædicari jussit in lúmine: ut quæ secréto áurium commissa sunt, super tecta, id est, excélsoloquéntium præcónio audiántur. Constánter enim Dei ingerénda cognitio est, et profúndum doctrínæ Evangélicæ secrétum in lúmine prædicationis Apostólicæ revelándum: non timéntes eos, quibus cum sit licéntia in córpora, tamen in ánimam jus nullum est; sed timéntes pótius Deum, cui perdéndæ in gehénna et ánimæ, et córporis sit potéstas.


R. Cándidi facti sunt Nazaræi ejus, allelúja: 'splendórem Deo dedérunt, allelúja: * Et sicut lac coaguláti sunt, allelúja, allelúja.

V. Cándidióres nive, nitidióres lacte, rabricundióres ébore antíquo, sapphíro pulchrióres. Et sicut. Glória Patri. Et sicut.

Lectio ix.

Nolite timére eos, qui occidunt corpus. Nullus igitur cörperum nostrorum casus est pertimescendus, neque ullus interiméndæ carnis admiténdus est dolor: quando, pro natúræ suæ atque oríginiis conditióne resoluta, in substantiam spirituális ánimæ refundátur. Et quia doctrínis talibus confirmátos opórtet líberam confiténdi Dei habére constántiam, étiam conditióne, qua tenerémur, adjécit: negatúrum se eum Patri in Cœlis, qui se homínibus in terra negásset; eum porro, qui confessus coram homínibus se fuisset, a se in Cœlis confiténdum; qualésque nos nóminis sui testes homínibus fuissémus, tali nos apud Deum Patrem testimonio ejus usúros.

Te Deum laudámus. 13.



Die 21. Maji.

In Festo

S. Felicis a Cantalicio, Confess.
Semiduplex.

Omnia de Communi Confessoris non Pontificis [79], præter sequentia.

In Hymno mutatur tertius versus.

Oratio.

FAc nos, Dómine Jesu, in simplicitáte, et innocéntia cordis nostri ambuláre, quarum amóre de sinu Matris inter beáti Felicis Confessóris tui bráchia descendísti: Qui vivis et regnas cum Deo Patre.

Lectiones primi Nocturni de Scriptura occurrente.

In Feria secunda et quarta Rogat. Beátus vir. de Communi secundo loco. [88]

IN II. NOCTURNO.

Lectio iv.

Felix a Cantalicio in Sabínis, humilibus, sed piis paréntibus natus, a púero pascédis grégibus, mox et agro coléndo addíctus, multo impénsius rerum cœléstium meditatióne ánimum nutrírre, et corpus assíduis vigiliis, ac jejúniis domáre cœpit, eremíticam agens vitam pótius, quam rústicam. Ferventióre autem in Deum pietáte incénsus, cum non posset quotidie, ut optábat, sacris Mystériis interésse, grege ad loca solitária compúlso, ipse ante Crucem árborum cortícibus incísam diu oráre, seque ácritér flagelláre consuéverat; sed et aliquándo glebas in agro vértere, simulque Sacris in templo adésse visus est. Alias inter arándum furéntibus, quos júnxerat, indómitis juvéncis, humi stratus, et arátro superdúcto plane proscindendus, laceráta dumtaxat veste, surrexit illæsus. Quo perículo, ut ad tutiorem reguláris disciplínæ palæstram vocánti jam pridem

Deo pareret, admónitus, rústica suppellétili paupéribus distríbui jussa, ad Fratres Minóres, quos Capuccínos vocant, própere se cónsulit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérmam, allelúja.

V. Justum dedúxit Dóminus per vias rectas, et osténdit illi regnum Dei. **E**t dedit.

Lectio v.

Adhuc tyro, necdum vota solémnia proféssus, religiósæ perfectiónis apicem jam attigísse videbátur. Obediéntiæ sédulus cultor, ad præcipiéntis non modo verbum, sed étiam nutum præsto erat; seque cœnóbii jumentum díctitans, vilíssima quæque ministéria semper arrípuít, ac ludíbria, et contumélias hílari vultu excipiebat. Paupertátis quam esset studiósus, illústri documénto Deus ipse declarávit. Ostiátim enim per vicos, et platéas aléndis Frátribus mendicans (quod ille munus per annos quadragínta nudis fere semper pédibus obívit), cum die quadam inusitáto póndere se ópprimi sentíret, mánticam scrutátus, injéctum clam nummum deprehéndit; quo projécto, nec sine indignatióne proculcáto, álacer, et levis inde ábiit. Castitátem, quam usque ad óbitum servávit illibátam, (sanctus córpore, et spírítu a Paulo quinto proptérea appellátus) vígili oculórum custódia, et voluntário córporis cruciátu communívit, aspérrimo flagélló se quotidie cruéntans, ac férreo cilício constrictus, septem étiam Urbis Basílicas idéntidem invísens. Jejúnia Ordinis inédia quándóque cumulávit. Lectus ejus dolóris pótius, quam quiétis erat: brevem quippe somnum, flexis nuda super tábula gé-nibus, ac fasce sarmentórum cápiti supposito, carpebat.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum, allelúja.

V. Induit eum Dóminus lorícám fidei, et ornávit eum. **E**t ad portas.

Lectio vi.

Vitæ austeritáte sibi asper, áliis charus, acceptúsque, sanctis præsertim Cárolo, et Philíppo Nério, simplicitáte, atque innocéntia semper fuit. In oratióne pernóctans, dulcíssimam frequénter écstasim est passus: et aliquándó in ulnis suis reclináto a Vírgine Matre púerum Jesum suavíssime complécti mérui. Prophetiæ grátia, et miraculórum clarus, demórtuum étiam fílium matri vivum restítuit. Méritis tandem in bona senectúte cumulátus, secúnda (ut prædíxerat) Féria Pentecóstes, ad cœléstem pátriam, Deípara invitánte, lætus ábiit. Ejus corpus in Ecclesiá sui Ordinis summa Urbis veneratióne cólitur, Dómino crebris miráculis servi sui sanctitátem illustránte, quem proptérea Urbánus Papa octávus Beatórum, Clemens vero undécimus Sanctórum fastis adscrípsit.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus Géntibus, allelúja.

V. Iste est qui contémpsit vitam mundi, et pervénit ad cœléstia regna. **Q**uia te. **G**lória Patri. **Q**uia te.

IN III. NOCTURNO.

Lectio sancti Evangélíi secúndum Matthæum.

Lectio vii.

Cap. 11.

In illo témpore: Respóndens Jesus, dixit: Confíteor tibi, Pater, Dómine cœli et terræ, quia abscondísti hæc a sapiéntibus, et prudéntibus, et revelásti ea párvulis. Et reliqua.

Homilia Sancti Augustini Episcopi.

Ser. 9. de Verbis Dom. n. 70.

OMnia sæva, et immânia, prorsus facilia, et prope nulla efficit amor. Quanto ergo certius, ac facilius ad veram beatitudinem charitas facit, quod ad miseriam, quantum potuit, cupiditas fecit! Quam facile toleratur quælibet adversitas temporalis, ut æterna poena vitetur, et æterna requies comparatur! Non immerito ille vas electionis cum ingenti lætitia dixit: Non sunt condignæ passionēs hujus temporis ad superventuram gloriam, quæ revelabitur in nobis. Ecce unde illud jugum suave est, et sarcina levis; et si angusta est paucis eligentibus, facilis tamen omnibus diligentibus. Dixit Psalmista: propter verba labiorum tuorum ego custodivi vias duras.

R. Iste est qui ante Deum magnas virtutes operatus est, et de omni corde suo laudavit Dominum: * Ipse intercedat pro peccatis omnium populorum, allelûja.

V. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viii.

Sed quæ dura sunt laborantibus, eisdem ipsis mitescunt amanti. Propter quod ita divinæ pietatis dispensatione actum est, ut interior homo, qui renovatur de die in diem, non adhuc sub lege positus, sed jam sub gratia exoneratus sarcinis innumerabilium observationum, quod erat revera grave jugum, sed duræ cervici convenienter impositum, facilitate simplicis fidei, et bonæ spei, et sanctæ charitatis, quidquid molestiarum exteriori homini forinsecus intulisset ille princeps, qui missus est foras, interiori gaudio fieret leve.

R. Sint lumbi vestri præcincti, et lucernæ ardentes in manibus vestris: *

Et vos similes hominibus expectantibus dominum suum, quando revertatur a nuptiis, allelûja.

V. Vigilate ergo, quia nescitis, qua hora Dominus vester venturus sit. Et vos. Gloria Patri. Et vos.

Lectio ix.

Nihil enim tam facile bonæ voluntati est, quam ipsa sibi, et hæc sufficit Deo. Quantumlibet ergo sæviat iste mundus, verissime Angeli, nato in carne Domino, clamaverunt: Gloria in excelsis Deo, et in terra pax hominibus bonæ voluntatis: quia ejus, qui natus erat, suave jugum est, et sarcina levis. Et sicut dicit Apostolus: Fidelis Deus, qui nos non sinit tentari supra id, quod possumus ferre, sed facit cum tentatione etiam exitum, ut possimus sustinere.

Te Deum laudamus. 13.

Die 24. Maji.

In Festo Beatæ Mariæ Virginis
sub titulo:

Auxilium Christianorum.

Duplex.

Omnia ut in festis Beatæ Mariæ Virginis [140] ritu Paschali, præter sequentia.

Ad Vesperas et Matutinum.

Hymnus.

Sæpe dum Christi populus cruentis
Hostis infensi premeretur armis,
Venit adjutrix pia Virgo cœlo
Lapsa sereno.

Prisca sic Patrum monimenta narrant,
Templa testantur spoliis opimis
Clara, votivo repetita cultu
Festa quotannis.

En novi grates liceat Mariæ
Cantici lætis modulis referre
Pro novis donis, resonante plausu
Urbis, et Orbis.

O dies felix, memoránda fastis,
Qua Petri Sedes Fidei Magístrum
Triste post lustrum réducem beáta
Sorte recépit.

Vírgines castæ, pueríque puri,
Géstiens clerus, populúsque grato
Corde Regínæ celebráre cœli
Múnera certent.

Vírginum Virgo, benedícta Jesu
Mater, hæc auge bona; fac, precámur,
Ut gregem Pastor pius ad salútis
Páscoa ducat.

Te per ætérnos venerémur annos,
Trínitas, summo celebránda plausu;
Te fide mentes, resonóque linguæ
Cármine laudent. Amen.

¶. Dignáre me laudáre te, Virgo sa-
cráta, allelúja.

℞. Da mihi virtútem contra hostes
tuos, allelúja.

Ad Magnificat, Antiphona, to. 2.
Ecce María erat spes nostra, ad quam
confúgimus in auxílium, ut liberá-
ret nos, et venit in adjutórium nobis,
allelúja.

Oratio.

OMnípotens, et miséricors Deus, qui
ad defensiónem pópuli Christiáni
in beatíssima Vírgine María perpé-
tuum Auxílium mirábiliter constituísti:
concéde propítius; ut tali præsidio
muníti certántes in vita, victóriam de
hoste maligno cónsequi valeámus in
morte. Per Dóminum.

IN II. NOCTURNO.

Sermo Sancti Bernárdi Abbátis.

Lectio iv. Ex Serm. de 12. Stellis.

VEheménter quidem nobis, dilec-
tíssimi, vir unus, et mulier una
nocuére: sed grátias Deo, per unum
nihilóminus virum, et mulierem unam
omnia restaurántur, nec sine magno
fœnore gratiárum. Et quidem suffi-
cere póterat Christus: síquidem et
nunc omnis sufficiéntia nostra ex eo
est: sed nobis bonum non erat, esse

hóminem solum. Cóngruum magis,
ut adéssset nostræ reparatióni sexus
utérque. Jam itaque nec ipsa Múlier
benedícta in muliéribus vidébitur
otiósá: inveniétur équidem locus ejus
in hac reconciliatióne. Opus est enim
mediatóre ad mediátorem Christum:
nec alter nobis utilior, quam María.
Crudélis nímium mediátrix Eva, per
quam serpens antiquus pestíferum
etiám ipsi viro virus infúdit: sed fidé-
lis María, quæ salútis antídoto et
viris, et muliéribus propinávit. Illa
enim mínistra seductiόνis, hæc pro-
pitiatiónis, illa suggéssit prævarica-
tióne, hæc ingéssit redemptiόνem.
Quid ad Mariám accédere trépide-
t humana fragílitas? Nihil austérum in ea,
nihil terríbile, tota suávis est, ómni-
bus ófferens lac, et lanam. Revólve
diligéntius Evangélicæ históriæ sé-
riem univérsam, et si quid forte in-
crepatórium, si quid durum, si quod
dénique signum vel levis indignatió-
nis occurrerit in Mariá, de cétero sus-
péctam hábeas, et accédere vereáris.
℞. Sicut cedrus exaltáta sum in Lí-
bano, et sicut cypréssus in monte
Sion: quasi myrrha elécta, * Dedi
suavitátem odóris, allelúja.
¶. Et sicut cinnamónum et bálsa-
mum aromatízans. Dedi.

Lectio v.

QUod si, ut vere sunt, plena magis
omnia pietátis, et grátiae, plena
mansuetúdinis, et misericórdiae, quæ
adeampértinent, invéneris, age grátias
ei, qui talem mediátricem benignís-
sima miseratióne provídít, in qua nihil
possit esse suspéctum. Dénique óm-
nibus ómnia facta est sapiéntibus, et
insipiéntibus, copiosíssima charitáte
debitricem se fecit. Omnibus miseri-
córdiae sinum áperit, ut de plenitú-
dine ejus accípiant univérsi, captívus
redemptiόνem, æger curatióne, tris-
tis consolatióne, peccátor véniam,
justus grátiam, Angelus lætítiam. Ipsa

præterita non discutit mérita, sed omnibus sese exorabilem, omnibus clementissimam se præbet, omnium denique necessitates amplissimo quodam miseratur affectu. Ipsa est quondam a Deo promissa mulier serpentis antiqui caput virtutis pede contritura, cujus plane calcaneo in multis versutis insidiatus est, sed sine causa. Sola enim contrivit universam hæreticam pravitatem. Contriti sunt insidiantes, conculcati supplantatores, confutati derogatores, et beatam eam dicunt omnes generationes. Jam si Ecclesia Lunæ intelligenda videtur vocabulo, habes mediatrix evidenter expressam: Mulier, inquit, amicta sole, et luna sub pedibus ejus. Amplectamur Mariæ vestigia, et devotissima supplicatione beatis illius pedibus provolvamur. Teneamus eam, nec dimittamus, donec benedixerit nobis: potens est enim.

R. Quæ est ista, quæ processit sicut sol, et formosa tamquam Jerúsalem?

*** Vidérunt eam filiae Sion, et beatam dixerunt, et reginæ laudaverunt eam, allelúja.**

V. Et sicut dies verni circumdabant eam flores rosarum et lilía convallium. Vidérunt.

Ex publicis Monumentis.

Lectio vi.

Præsentissimum Deiparæ auxilium ad Religionis hostes profligandos sæpe Pópulus Christiánus mirum in modum expertus est: ex quo factum, ut sanctissimus Póntifex Pius quintus post insígnem victóriam, intercedente beatíssima Vírgine, a Christiánis de Turcárum tyráno apud Echínadas Insulas reportátam in Litaníis Lauretánis eámdem Regínam cœlorum inter ália præcónia Auxilium Christianórum appellári constitúerit. Sed illud in primis memorábile est, atque exploráti miraculi loco habéndum,

quod cum RománuS Póntifex Pius séptimus impiórum consíliis, et armis ex Apostólica Petri Sede exturbátus, et arcta custódia, præsertim Savónæ per annos quinque, eóque ámplius fuisset deténtus, viis omnibus pénitus interclúsus, ne Dei Ecclesiám régere posset, nullo símilis persecutiónis in priscis annálibus exémplo, inopináto, et præter ómnium expectatiónem cóntingit, ut ingénti plausu, ac véluti universi orbis mánibus Pontificio Sólío restituerétur. Quod et secúndo áccidit, dum íterum, commóto túrbine, ab Urbe discédens, sacro comitánte Cardinálíum Collégio, Ligúriam conténdit. Verum præsentíssimo Dei beneficio, cessánte procélla, quæ grave minabátur excídium, Romam, plaudéntibus præ novo gáudio pópulis, revérsus est. Antea tamen, quod in votis habúerat, et captivitáte deténtus éxequi nequiverat, aurea coróná insígnem Savónæ Imáginem Deíparæ Vírginis sub título Matris Misericórdiæ solénni ritu, propriisque mánibus decorávit. Quam miráblem rerum vicissitúdinem idem Póntifex Máximus Pius séptimus totíus événtus íntime cónsciús, cum intercessióri Sanctíssimæ Dei Genitrícis, cujus poténtem opem, et ipse impénse imploráverat, et ab omnibus Christifidélíbus implorári curáverat, accéptam mérito reférret, in ejúsdem Vírginis Matris honórem sub appellatióne Auxílii Christianórum solénni festum indíxit perpétuo celebrándum dieménsis Maji vigésimo quarto, faustíssimi sui in Urbem réditus anniversáριο, adprobáto étiam Offício próprio, ut tanti beneficii distíncta, et perénis extet memória, et gratiárum áctio.

R. Ornátam monílibus filíam Jerúsalem Dóminus concupívit: *** Et vidéntes eam filiae Sion, beatíssimam prædicavérunt, dicéntes: * Unguéntum effúsum nomen tuum, allelúja.**

V. Astitit regína a dextris tuis in vestítu deauráto, circúmdata varietáte. **Et** vidéntes. **G**lória Patri. **U**nguéntum.

IN III. NOCTURNO.

Léctio sancti Evangelíi secúndum Lucam.

Lectio vii.

Cap. 11. d.

IN illo témpore: Loquente Jesu ad turbas, extóllens vocem quædam múlíer de turba, dixit illi: Beátus venter, qui te portávit. Et réliqua.

Homília Sancti Bernárdi Abbátis.

In Nativitate Beatae Mariae Virginis.

INtuere, o homo, consílium Dei, agnósce consílium sapiéntiæ, consílium pietátis. Cœlésti rore áream rigatúrus, totum vellus prius infúdit: redemptúrus hunánum genus, prætium univérsum cóntulit in Mariam. Altius ergo intuémíni quanto devotiónis afféctu a nobis eam volúerit honorári, qui totíus boni plenitúdinem pósuit in María: ut proínde si quid spei in nobis est, si quid grátiae, si quid salútis, ab ea novérimus redundáre, quæ ascéndit delíciis affluens. Totis ergo medúllis córdium, totis præcordiórum afféctibus, et votis ómnibus Mariám hanc venerémur, quia sic est volúntas ejus, qui totum nos habére voluit per Mariám. Hæc, inquam, volúntas ejus est, sed pro nobis.

R. Felix namque es, sacra Virgo María, et omni laude digníssima: **Q**uia ex te ortus est sol justítiæ, Christus Deus noster, allelúja.

V. Ora pro pópulo, intérvēni pro clero, intercède pro devóto femíneo sexu: séntiant omnes tuum juvámē qui-cúmque tuum sanctum implórant auxílium. **Q**uia.

Lectio viii.

IN ómnibus síquidem et per ómnia próvidens míseris, trepidatiónem nostram solátur, fidem éxcitat, spem róborat, diffidéntiam ábigit, érigit

pusillanimitátem. Ad Patrem verebáris accédere, solo auditu térritus, ad fólia fugiébas: Jesum tibi dedit mediatórem. Quid non apud talem Patrem Fílius talis obtíneat? Exaudiétur útique pro reveréntia sua; Pater enim díligit Fílium. Sed fórsitan et in ipso majestátem vereáre divínā, quod, licet factus sit homo, mánserit tamen Deus. Advocatúm habére vis et ad ipsum? Ad Mariám recúrre. Pura síquidem humanitas in María, non modo pura ab omni contaminatiónē, sed pura singularitáte natúræ. Nec dúbius díxerim, exaudiétur et ipsa pro reveréntia sua. Exaudiét útique Matrem Fílius, et exaudiét Fílium Pater.

R. Beátam me dicent omnes generatiónes: **Q**uia fecit mihi Dóminus magna, qui potens est, et sanctum nomen ejus, allelúja.

V. Et misericórdia ejus a progénie in progénies timéntibus eum. **Q**uia fecit. **G**lória Patri. **Q**uia fecit.

Lectio ix.

Fílioli, hæc peccatórum scala, hæc mea máxima fidúcia est, hæc tota rátio spei meæ. Quid enim? Potest ne Fílius aut repéllere, aut sustinére repúlsam? Non audíre, aut non audíri Fílius potest? Néutrum plane. Invenísti, ait Angelus, grátiam apud Deum: felíciter. Semper hæc invéniet grátiam, et sola est grátia, qua egémus; nímírum soía est grátia, qua salvámur. Quid nos ália concupíscimus, fratres? Quærámus grátiam, et per Mariám quærámus, quia quod quærit invenit, et frustrári non potest. Quærámus grátiam, sed grátiam apud Deum; nam apud hómīnes grátia fallax. Quærant álii méritum, nos inveníre grátiam studeámus. Quid enim? Non grátiae est quod hic sumus? Profecto misericórdiæ Dómini est, quod non sumus consúpti nos.

Te Deum laudámus. 13.

AD LAUDES.

Hymnus.

TE Redemptoris, Dominique nostri
Dícimus matrem, speciosa Virgo,
Christianorum decus, et levámen
Rebus in arctis.

Sæviant portæ licet inferorum,
Hostis antiquus fremat, et mináces,
Ut Deo sacrum populétur agmen,
Súscitet iras:

Níl truces possunt fúriæ nocére
Méntibus castis, prece quas vocáta
Annuens Virgo fovet, et supérno
Róbore firmat.

Tanta si nobis fáveat Patróna,
Béllici cessat scéleris tumúltus,
Mille sternúntur, fugiúntve turmæ,
Mille cohórtes.

Tollit ut sancta caput in Sióne
Turris, arx firmo fabricáta muro,
Cívitas David, clýpeis, et acri
Mílite tuta.

Virgo sic fortis Dómini poténti
Déxtera, cœli cumuláta donis,
A piis longe fámulis repéllit
Démonis ictus.

Te per ætérnos venerémur annos,
Trínitas, summo celebránda pláusu;
Te fide mentes, resonóque linguæ
Cármine laudent.

V. Diffúsa est grátia in lábiis tuis,
allelúja.

R. Proptérea benedíxit te Deus in
ætérnum, allelúja.

Ad Benedictus, Antiphona, to. 4.
Ad te, o sancta Dei Génitrix, clamá-
vimus, et per te venit Dómini auxí-
lium nobis, allelúja.

Oratio.

OMnípotens, et miséricors Deus, qui
ad defensiónem pópuli Christiáni
in beatíssima Vírgine María perpé-
tuum Auxílium mirábiliter constituísti:
concède propítius; ut tali præsidio
muníti certátes in vita, victóriam de

hoste maligno cónsequi valeámus in
morte. Per Dóminum.

In II. Vesperis.

Omnia ut in primis. [312]

Ad Magnificat, Antiphona, to. 1. r.
Sancta María, succúrre míseris, juva
pusillánimes, réfove flébiles, ora pro
pópulo, intérvni pro clero, intercède
pro devóto femíneo sexu: séntiant
omnes tuum juvámen quicúmque tuum
sanctum implórant auxílium, allelúja.

Die 27. Maji.

In Festo **S. Joannis** Papæ Martyris.

Duplex.

Omnia de Communi Mart. tempore
Paschali [37], præter sequentia.

Oratio. Deus, qui nos.

Lectiones primi Nocturni, de Scrip-
tura occurrente.

In Feria secunda et quarta Rogat.
A Miléto. [27]

IN II. NOCTURNO.

Lectio iv.

JOánnes Etrúscus, Constantíno pa-
tre génitus, totíus Cleri consénsu,
in locum Hormisdæ vita functi, ex
Presbýtero Títuli Pammáchii subro-
gátus fuit. Justíno senióre Impera-
tore, rexit Ecclésiám, ad quem pro-
fécus est Constantinópolim, auxílii
causa, quod Theodorícus Rex hæré-
ticus divexábat Itáliam. Cujus étiam
iter Deus miráculis illustrávit. Nam
cum ei nóbilis vir ad Corínthum,
équum, quo ejus uxor mansuétó ute-
bátur, itíneris causa commodásset fac-
tum est, ut dómíno póstea remíssus
equus, ita ferox eváderet, ut frémitu,
et totíus córporis agitatóne, semper
defnceps dómínam expúlerit, tam-
quam indignarétur mulíerem recípere,
ex quo sedísset in eo Jesu Christi
Vicárius. Quamóbrem illi equum Pon-
tífici donavérunt.

R. Lux perpétua lucébit sanctis tuis, Dómine, * Et ætérnitas témporum, allelúja, allelúja.

V. Lætítia sempitérna erit super cá-pita eórum: gáudium et exultatióem obtinébunt. Et ætérnitas.

Lectio v.

Sed illud majus miráculum, quod Constantinópoli, in áditu portæ Aúreæ, inspectánte frequentíssimo pópulo, qui una cum Imperátore Pontífici honóris causa occurrerat, cæco lumen restítuit. Ad cujus pedes prostrátus étiam Imperátor, eum venerátus est. Rebus cum Imperátore compósitis, in Itáliam rédiit, statímque epístolam scripsit ad omnes Itáliæ Episcopos, jubens eos Arianórum Ecclésias ad Cathólicum ritum consecráre, illud subjúgens: Quia et nos, quando fúimus Constantinópoli, tam pro religióne Cathólica, quam pro Regis Theodoríci causa, quascúmque illis in pártibus eórum Ecclésias reperíre potúimus, Cathólicas eas consecrávimus.

R. In servis suis, allelúja, * Consolábitur Deus, allelúja.

V. Judicábit Dóminus pópulum suum, et in servis suis. Consolábitur.

Lectio vi.

Quod iniquíssimo ánimo ferens Theodorícus, dolo accersítum Pontíficem Ravénnam, in cárcerem conjécit, ubi squalóre, inediáque afflíctus, paucis diébus cessit e vita, cum sedísset annos duos, menses novem, dies quatuórdecim: ordinátis eo témpore Episcopis quíndecim. Paulo post móritur Theodorícus: quem quidam Eremíta, ut scribit sanctus Gregórius, vidit inter Joánnem Pontíficem, et Sýmmachum Patrícium, quem idem occíderat, demérge in ignem Liparítanum; ut vidélicet illi, quibus mortem attúlerat, tamquam júdices essent ejus intéritus. Joánnis corpus

Ravénna Romam delátum est, et in Basílica sancti Petri sepúltum.

R. Fíliæ Jerúsalem, veníte et vidéte Mártýres cum corónis, quibus coronávit eos Dóminus, * In die solemnitátis et lætítiæ, allelúja.

V. Quóniam confortávit seras portárum tuárum, benedíxit fílios tuos in te. In die. Glória Patri. In die.

In tertio Nocturno Lectiones de Homilia in Evangelium. Ego sum vitis vera. de Communi, primo loco. [45]



Die 28. Maji.

In Festo **S. Urbani** Papæ Martyris.

Duplex.

Omnia de Communi Mart. tempore Paschali [37], præter sequentia.

Oratio

DA, quæsumus, omnípotens Deus: ut qui beáti Urbáni Mártýris tui atque Pontíficis solémnia cólimus, ejus apud te intercessiόνibus adjuvémur. Per Dóminum.

Lectiones primi Nocturni, de Scriptura occurrente.

In Feria secunda et quarta Rogat. A Miléto. [27]

IN II. NOCTURNO.

Lectio iv.

URbánus Románus, Alexándro Sévéro Imperátore, doctrína et vi-tæ sanctitáte multos ad Christi fidem convértit: in illis Valeriánum beátæ Cæciliæ sponsum, et Tibúrtium Valeriáni fratrem, qui póstea martýrium forti ánimo subiérunt. Hic de bonis Ecclésiæ attribútis scripsit his verbis: Ipsæ res fidélium, quæ Dómino offerúntur, non debent in álios usus, quam Ecclesiásticos, et Christianórum fratrum, vel indigéntium convérte: quia vota sunt fidélium, et prétia peccatórum, ac patrimónia páuperum. Sedit

annos sex, menses septem, dies quatuor; ac martyrio coronatus sepultus est in Coemetério Prætextati, octavo Kalendas Júnii. Ordinationibus quinque habitis mense Decembri, creavit Presbyteros novem, Diaconos quinque, Episcopos per diversa loca octo.

R. Lux perpétua lucébit sanctis tuis, Dómine, * Et æternitas téporum, allelúja, allelúja.

V. Lætítia sempitérna erit super capita eórum: gáudium et exultatióem obtinébunt. Et æternitas.

Sermo Sancti Augustíni Episcopi.

Lectio v. De S. Cypriano Serm. 12.

Sermónem éxigit tam grata, et religiósa solémnitas, qua passióem beáti Mátyris Urbáni celebrámus. Tristis proculdúbio tunc Ecclésia fuit, non damno cadéntis, sed desidério recedéntis; semper cúpiens vidére præsentem tam bonum Rectórem, atque Doctórem. Sed quos afflíxerat sollicitúdo certáminis, consoláta est coróna victóris. Et nunc non solum sine ulla tristítia, verum étiam cum ingénti lætítia, cuncta, quæ tunc gesta sunt, legéndo recólimus: diéque isto gaudére nobis concéssum est, non timére. Neque enim formidámus terribíliter veniéntem, sed expectámus hiláriter redeúntem.

R. In servis suis, allelúja, * Consolábitur Deus, allelúja.

V. Judicábit Dóminus pópulum suum, et in servis suis. Consolábitur.

Lectio vi.

Vicína córporis morte, non moriebátur in ánimo Pastóris vigilántia pastorális: et cura tuéndi Domínici gregis, usque ad extrémum vitæ hujus diem, mente sóbria tenebátur. Nec excutiébat ab ánimo diligéntiam fidelíssimi dispensatóris manus jam próxima cruénti carníficis. Ita se Mátyrem cogitábat futúrum, ut esse

non obliviscerétur Episcopum; magis curans, quam ratióem Pastórum Principi de commissis sibi óvibus redderet, quam quid infidéli Procónsuli de fide própria responderet. Amábat quippe eum, qui Petro díxerat: Amas me? Pasce oves meas. Et pascébat oves ejus, pro quibus sánguinem fúndere, illum ímitans præparábat.

R. Fíliæ Jerúsalem, veníte et vidéte Mátyres cum corónis, quibus coronávit eos Dóminus, * In die solémnitátis et lætítiae, allelúja.

V. Quóniam confortávit seras portárum tuárum, benedíxit fílios tuos in te. In die. Glória Patri. In die.

In tertio Nocturno, Honilia in Evangelium. Ego sum vitis vera. de Comuni. [45]

Die 29. Maji.

In Festo

S. Bonifacii IV. Papæ Confessoris. Duplex.

Omnia de Comuni Confessoris Pontificis [62], præter ea, quæ sequuntur.

In Hymn. mutatur tertius versus.

Oratio. Da, quæsumus.

Lectiones primi Nocturni, de Scriptura occurrente.

In Feria secunda et quarta Rogat. Fidélis sermo. [64]

IN II. NOCTURNO.

Lectio iv.

Bonifácus hujus nóminis quartus, Joánnis fílius, Valériae Marsórum natus, ex Mónacho sancti Sebastíani extra Urbem, et Presbytero Cardináli, sub Imperatóre Phoca, ad Pontificátum assumptus est, et consecrátus die Domínico, quinto Kalendas Septémbris, anno Dómini sexcentésimo séptimo, sedítque annos sex, menses octo, dies trédecim, duábus Ordinationibus peráctis mense

Decémbri, in quibus Episcopos viginti quinque, Diaconos octo creávit.

R. Invéni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil proficiet inimicus in eo, et fílius iniquitátis non nocébitei. **Manus.**

Lectio v.

STatim patrénam domum in Monastérium eréxit, et fundos suos in Monachórum usum eidem Monastério adscrípsit; sed ut longe majóri beneficio, hujus institúti hómines sibi obstríngeret, convocátis ad Sýnodum Itáliæ Episcopis, sanctis légibus labéntem Monachórum disciplinam restituit. Mellítus Londinénsis Episcopus, qui Romam vénerat, de rebus Anglicis Christi Vicárium consultúrus, Sýnodo intérfuit, illiúsque decreta cum litéris Bonifácii in Británniam tulit.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.

V. Invéni David servum meum, óleo sancto meo unxi eum. **Manus.**

Lectio vi.

AB Imperatóre Phoca sanctíssimus Póntifex nóbile Romæ delúbrum, Pántheon scílicet, obtínuit: Christiáno ritu consecrátum in Ecclesiám Desparæ Vírgini, et sanctis Martýribus dicátam mutávit. Ad majórem sanctitátem conciliándam, incredíbilem sacrárum Reliquiárum vim, ex diversis arenáriis edúctam, inférri, et juxta príncipem aram condi curávit. Dénique, sub Heraclíó, virtúte, ac méritis clarus obdormívit in Dómino octávo Kaléndas Júnii, sepultúsque est in Vaticáno.

R. Iste est qui ante Deúm magnas virtútes operátus est, et omnis terra doctrína ejus repléta est: * Ipse inter-

cedat pro peccátis ómnium populórum, allelúja.

V. Iste est qui contémpsit vitam mundi, et pervénit ad coeléstia regna. **Ipse. Glória Patri. Ipse.**

In tertio Nocturno, Homilia super Evangelium. Homo péregre. [68]

Die 30. Maji.

In Festo **S. Felicis I. Papæ Martyris.**

Duplex.

Omnia de Comuni unius Martyris tempore Paschali [37], præter sequ.

Oratio. Infirmitátem.

Lectiones primi Nocturni, de Scriptura occurrente.

In Feria secunda et quarta Rogat. **A** Miléto. [27]

IN II. NOCTURNO.

Lectio iv.

FELIX RománuS, patre Constántio, Aureliáno Imperatóre, præfuit Ecclesiæ. Constituit, ut Missa supra memórias et sepúlchra Mátyrum celebrarétur. Qui cum mense Decémbri habúisset Ordinatiónes duas, et creáset Presbýteros novem, Diaconos quinque, Episcopos per diversa loca quinque, martýrio coronátus, via Auréliá sepelítur in Basílica, quam a se ædificátam dedicarat. Vixit in Pontificátu annos duos, menses quátuor, dies viginti novem.

R. Lux perpétua lucébit sanctis tuis, Dómine, * Et ætérnitas témporum, allelúja, allelúja.

V. Lætítia sempitérna erit super cápita eórum: gáudium et exultatióem obtinébunt. **Et ætérnitas.**

Sermo Sancti Augustíni Epíscopi.

Lectio v.

De verbis Domini 50.

PAstor bonus Christus. Quid Petrus? Nonne bonus Pastor? Nonne et ipse ánimam suam pro óvibus pósuit? Quid Paulus? Quid céteri Apóstoli? Quid eórum témpora consequén-

tes beáti Epíscopi mártýres? Quid étiam iste sanctus Felix? Nonne omnes Pastóres boni, non mercenárii, de quibus díctur; Amen dico vobis, percepérunt mercédem suam? Omnes ergo illi Pastóres boni, non solum, quia sánguinem fuderunt, sed quia pro óvibus fuderunt. Non enim fuderunt elatióne, sed charitáte.

R. In servis suis, allelúja, * Consolábitur Deus, allelúja.

V. Judicábit Dóminus pópulum suum, et in servis suis. Consolábitur.

Lectio vi.

NAm et apud Hæréticos, qui propter iniquitátes, et erróres suos áliquíd molestiárum perpéssi fuérunt, nómine mártýrii se jactant: ut hoc pállio dealbáti facílius furéntur, quia lupi sunt. Si autem vultis scire, in quo número habéndi sunt, Pastórem bonum Paulum Apóstolum audíte: Quóniam non omnes, qui córpora sua in passióne étiam ígnibus tradunt, æstimánda sunt sánguinem fudísse pro óvibus, sed pótius contra oves. Si distribúero, inquit, ómnia mea pauperibus, et tradídero corpus meum, ut árdeam: Jam ipsi sunt. Sed vide quid séquitur: Charitátem autem non hábeam, nihil mihi prodest. Ecce venítur ad passióem, ecce venítur et ad ságuinis effusióem, venítur et ad córporum incensióem: et tamen nihil prodest, quia cháritas deest. Adde charitátem, prosunt ómnia: détrahe charitátem, nihil prosunt cétera.

R. Fíliæ Jerúsalem, veníte et vidéte Mártýres cum corónis, quibus coronávit eos Dóminus, * In die solemnitátis et lætítiæ, allelúja.

V. Quóniam confortávit seras portárum tuárum, benedíxit filios tuos in te. In die. Glória Patri. In die.

In tertio Nocturno Homilia in Evangelium. Ego sum vitis vera. de Comuni, primo loco. [45]

emg

Eadem Die.

In Festo **S. Ferdinandi** Regis Conf. Semiduplex.

Omnia de Comuni Confessoris non Pontificis [79], præter sequentia.

Oratio.

DEus, qui beáto Confessóri tuo Ferdinándo præliári prælia tua, et fidei inimícos superáre dedísti: concede, ut ejus nos intercessióne muníti, ab hóstibus mentis et córporis liberémur. Per Dóminum.

Lectioes primi Nocturni, de Scriptura occurrente.

In Feriali secunda et quarta Rogat. Beatus vir. de Comuni, secundo loco. [88]

IN II. NOCTURNO.

Lectio iv.

Ferdinándus Tértius, Castéllæ et Legiónis Rex, cui Sancti cognómentum jam inde a quátuor sæculis Ecclesiasticórum et sæculárium consénsus dedére, tantum prudéntiæ adoléscentis adhuc spécimen præbuit, ut Berengária mater, Castéllæ Regína, a qua persáncte educátus fuérat, abdicátum a se regnum in fílium transfúlerit. In eo, adjúctis regni curis, régiæ virtútes emicuére, magnanimitas, cleméntia, justítia, et præ céteris Cathólicæ fidei zelus, ejúsque religiósi cultus tuéndi, ac propagándi ardens stúdiu. Id præstitit in primis hæréticos insectádo, quos núllybi regnórum suórum consístere passus, própriis ipse mánibus ligna comburéndis damnátis ad rogu advehébat. Præstitit ínsuper in erigéndis, dotándis, et consecrándis Christiáno ritu Cordubénsi, Giennénsi, Hispalénsi, et aliárum úrbium Ecclésiis, a Máurico ereptárum jugo, simúlque in instaurándis primáriis templis Toletáno, Burgénsi, et áliis, pia et régia muni-
ficéntia.

R. Honéstum fecit illum Dóminus, et custodívit eum ab inimícis, et a

seductóribus tutávit illum: * Et dedit illi claritátem ætérnam, allelúja.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

INter hæc, per Castéllæ et Legiónis regnum, in quo patri Alphónso succésserat, colléctis magnis exercítiis, ánnuas expeditiões contra Saracénos, Christiáni nóminis hostes, suscepit. In quibus, ut semper vínceret, præcípi exércitus fuére preces piíssimi regis ad Deum fusæ, et quod ante pugnam, ut sibi Deum propitiáret, flagris in se sæviébat, atque áspero cilício muniébat corpus: sicque insígenes contra ingéntes Maurórum ácies victórias reportávit, et plures urbes Christiáno cúltoi imperiódque restítuit; et conquistis Giénnii, Córdubæ et Múrciæ regnis, ac Granaténsi vectigáli facto, ad expugnándam Híspalim, primáriam Bóeticæ urbem, hortánte in visiõe (ut tráditum est) beáto Isidóro, olim illius urbis Epíscopo, victrícia signa tránstulit. In ea obsidiõe (ut fertur) præsentem divínam opem hábuit; nam férream caténam, quæ super Bóetim transvérsim exténsa Mahometánis pro repágulo erat, coórto validióri vento, una ex návibus régiis, regis jussu eo deláta, tanto ímpetu fregit, ut lóngius prætervécta, pontem quoque lígneum, et simul spes Maurórum obrúperit, et ad deditiõnem coégerit.

R. Amávit eum Dóminus, et ornávit eum: stolam glóriæ índuit eum, * Et ad portas paradísi coronávit eum, allelúja.

V. Índuit eum Dóminus lorícam fidei, et ornávit eum. Et ad portas.

Lectio vi.

TOt victórias beátæ Vírginis Maríæ patrocínio ferébat accéptas, cujus ímaginem secum in castris habens, peculiári cultu prosequébatur. Capta Híspali, prima Religiónis cura fuit; nam templum Maurórum expíatum,

et Christianórum dedicátum sacris, insígni Archiepiscopátu, et honestíssimo Canonicórum, et Dignitátum Collégio, régia et religiósá liberalitáte exornávit. Alia deínde in urbe templa et cœnóbía eréxit, inter quæ pietátis offícia, dum trajícere in Africam parat, Mahometánum in ea impérium eversúrus, ad cœlestem régiám vocátur. In extrémó vitæ agóne sacram Eucharístiam pro Viático allátam, fune ad collum alligáto, et humi stratus, cum lácrymis ubértim fuis adórans, eáque dignis reveréntiæ, humilitátis et Cathólicæ fidei obtestatiõibus accépta, obdormívit in Dómino. Jacet ejus corpus incorrúptum adhuc post quátuor sæcula in templo máximo Híspalénsi, honoríficentíssimo inclúsum sepúlchro.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus Géntibus, allelúja.

V. Iste est qui contémpsit vitam mundi, et pervénit ad cœlestia regna. Quia te. Glória Patri. Quia te.

In tertio Nocturno Lectiones de Homilia Venerabilis Bedæ Presbyteri in Evangelium. Nolíte timére, pusillus grex. de Communi, secundo loco. [90]

FESTA JUNII.

Die 1. Junii.

In Festo

S. Eleutherii Papæ Martyris.

Duplex.

Omnia de Communi unius Martyris tempore Paschali [37], præter ea quæ hic propriæ habentur.

Oratio. Infirmitátem.

Lectiones primi Nocturni, de Scriptura occurrente.

In Feria quarta Rogat. A Miléto. [27]

IN II. NOCTURNO.

Lectio iv.

Eleuthérius, natióne Græcus, Abúndio patre natus Nicópoli Epíri óppido, ex Presbýtero Sanctæ Románæ Ecclesiæ, post Sotéris mortem, totíus Cleri suffrágiis, Románu Pontífex renunciátus est, Marco Aurélio Imperátore Augústo: quo múnere egrégie, et summa cum laude functus est, annos quíndecim, dies vigínti tres: tribus Ordinatióibus mense Decémbri factis, creatisque Presbýteris duódecim, Diáconis octo, Episcopis per diversa loca quíndecim.

R. Lux perpétua lucébit sanctis tuis, Dómine, * Et ætéritas témporum, allelúja, allelúja.

V. Lætítia sempitérna erit super cápita eórum: gáudium et exultatióem obtinébunt. **Et ætéritas.**

Lectio v.

AB Ecclesiá Lugdunénsi per líteras, de nonnúlhis quæstiónibus consúltus, Irenæum vírum doctíssimú literárum latórem humaníter excépit, eíque Apostólicas traditióes, quas Romána Ecclesiá illibátas serváverat, apérui. Superstitiósas Montanístárum xerophágias damnávit. Optimas leges pro recta judiciórum Ecclesiásticórum forma præscrípsit. Marciónem, et Valentínú sæpius relápsos, ab Ecclesiá pénitus ejécit.

R. In servis suis, allelúja, * Consolábitur Deus, allelúja.

V. Judicábit Dóminus pópulum tuum, et in servis suis. **Consolábitur.**

Lectio vi.

Cum summa pace Ecclesiá frueretur, multos étiam ex optimátibus ad Christi fidem Romæ convértit. A Lúcio Britannórum Rege líteras per legátos accépit, divíni verbi minístros postulánte, ad quem Fugátium, et Damiánú Románæ Ecclesiæ Presbýteros misit, a quibus Rex ipse cum tota família, et súbditi fere omnes

sacro lavácro regeneráti fuére. His demum, aliisque pro divíno cultu peráctis, sancto fine quiévit sub Imperátore Cómmodo, quinto Kaléndas Júnii, sepúltus in Vaticáno.

R. Fíliæ Jerúsalem, veníte et vidéte Mártýres cum corónis, quibus coronávit eos Dóminus, * In die solemnitátis et lætítie, allelúja.

V. Quóniam confortávit seras portárum tuárum, benedíxit fílios tuos in te. **In die. Glória Patri. In die.**

In tertio Nocturno Homilia super Evangelium. Ego sum vitis vera. de Communi primo loco. [45]

Die 2. Junii.

In Festo S. Eugenii Papæ Conf.

Duplex.

Omnia de Communi Confessoris Pontíficis [62], præter sequentia.

In Hymno mutatur tertius versus.

Oratio. Da, quæsumus.

Lectiones primi Nocturni, de Scriptura occurrente.

IN II. NOCTURNO.

Lectio iv.

Beáto Martíno hujus nóminis primo, tyránnica hæretici Imperatóris senténtia Chersónam relegáto, Theódoro Exárcho instánte, Eugénius, pátria Románu, qui fere a cunábulis sacro Clericórum órđini se addíxerat, abséntis Pontíficis vices gessit, ne Románæ Ecclesiæ administrátio cessásse omníno viderétur; sed hac revéra potestáte modéste uti visus est, cum probe sciret, Martíno vivénte, se legítimú Pontíficem non esse, sed illíus dumtáxat quasi vices geréntem.

R. Invéni David servum meum, óleo sancto meo unxi eum: * Manus enim mea auxiliábitur ei, allelúja.

V. Nihil proficiet inimícus in eo, et fílius iniquitátis non nocébit ei. **Manus.**

Lectio v.

Ubi vero prædíctus Christi Martyr, ærúmnis, et inédia conféctus, ad

beátam vitam migravisset, in Cáthedra Petri, Clero consentiente, ut legítimus Petri Succéssor sedit, et in illo Apostólici ministérii cúlmine, talem se gessit, qualem suprémi múnieris ei créditi dígnitas, et ómnium Christi fidélium ejus curæ commissórum salus, et utilitas postulábant; mitis enim fuit, benígnus, et mansuétus, et, quod caput est, vitæ sanctimónia illústris.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei, allelúja.
V. Invéni David servum meum, óleo sancto meo unxi eum. Manus.

Lectio vi.

Singulárem Cleri curam hábuit, quem patérno semper amóre, et multis beneficiis prosecútus est. In egénos tamen mirábilis ejus beneficéntia ení-tuit, quibus réditus Ecclésiæ vivens, et móriens liberáli manu erogávit, appríme ratus, Ecclésiæ opes ad nobilióres usus applicári non posse, et ex mánibus indigéntium ad æternitátis ærarium cum incredíbili spirituális usúræ lucro, recta tradúci. Transáctis demum duóbus annis et novem fere ménsibus, sancto fine quiévit, anno Christi sexcentésimo quinquagésimo quinto, et ejus corpus in Basílica sancti Petri recónditum fuit.

R. Iste est, qui ante Deum magnas virtútes operátus est, et omnis terra doctrína ejus repléta est: * Ipse intercédát pro peccátis ómnium populórum, allel.
V. Iste est qui contémpsit vitam mundi, et pervénit ad cœléstia regna. Ipse.
Glória Patri. Ipse.

In tertio Nocturno, Homilia super Evangelium. Homo pègre. [68]

Nona Lectio ex duabus una SS. Marcellini, Petri, et Erasmi, 539 cum eorum commemoratione in Laudibus.

Antiph. Fíliæ Jerúsalem, veníte et vidéte Mártýres cum corónis, quibus coronávit eos Dóminus in die solemnitátis et lætitiæ, allelúja, allelúja.

V. Pretiósá in conspéctu Dómini, allelúja.

R. Mors sanctórum ejus, allelúja.

Oratio.

DEus, qui nos ánnua beatórum Mártýrum tuórum Marcellíni, Petri, atque Erásmi solemnitate lætíficas: præsta quæsumus; ut quorum gaudémus méritis, accendámur exémples. Per Dóminum.

Die 5. Junii.

In Festo **S. Bonifacii** Episcopi Mart. Duplex.

Omnia de Communi unius Martyris temp. Paschali [37], præter sequentia.

Oratio.

DEus, qui multitudinem populórum, beáti Bonifácii Mártýris tui atque Pontíficis zelo, ad agnitiónem tui nóminis vocáre dignátus es; concéde propítius, ut cujus solémnia cólimus, étiam patrocínia sentiámus. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Bonifácus, ántea WinfríduS appellátus, apud Anglos natus est, exéunte sæculo séptimo, et ab ipsa infántia mundum aversátus, vitam monásticam in votis hábuit. Cum ejus pater ánimuS sæculi illécebris permutáre frustra tentásset, monastériuS ingreditur, et sub beáti Wolphárdi disciplína ómnium virtútum, ac scientiárum génere imbúitur. AnnuS agens trigésimuS sacerdotio insignítur, ac verbi divíni prædicátor assíduus, magno animárum lucro, hoc in múnere versátur. Attamen regnuS Christi adaugéredesíderans, contínuo flebat ingén-tem multitudinem barbarórum, qui, ignorántiæ ténebris immérsi, dámoni famulabántur. Qui quidem animárum zelus cum in dies inextinguíbili ardóre accrésce-ret, divíno Númine per lácrymas et oratiónes exploráto, facultátem

a monastérii præposito obtinuit ad Germánicas oras proficiscendi.

R. Lux perpétua lucébit sanctis tuis, Dómine, * Et æternitas témporum, allelúja, allelúja.

V. Lætítia sempitérna erit super cá-pita eórum: gáudium et exultatióem obtinébunt. Et æternitas.

Lectio v.

EX Anglia duóbus cum sóciis na-vim solvens, Dorestádium in Frí-siæ óppidum venit. Cum autem bel-lum gravíssimum inter Frisónum re-gem Redbódum, et Cárolum Martél-lum exarsísset, sine fructu Evangé-lium prædicávit; quaprópter in Ang-liam revérsus, ad suum redívit mo-nastérium, cui invítus præfficitur: post elápsum biénnum ex consénsu Epís-copi Vintoniénsis munus abdicávit, et Romam proféctus est, ut Apostó-lica auctoritáte ad Gentílium conver-siónem delegarétur. Cum ad Urbem pervenísset, a Gregório secúndo be-nígne excípitur, pro Winfrído Boni-fácus a Pontífice nominátur. In Ger-mániam diréctus, Thuringiæ, Saxo-niæque pópulis Christum annuntiávit. Cum intérea Redbódus Frísiæ rex ac infestíssimus christiáni nóminis hos-tis occubuíssset, Bonifácus ad Frisó-nes rédiit, ubi sancti Willebrórdi só-cius per triénnum tanto cum fructu Evangélium prædicávit, ut destrúctis idolórum simulácris, innúmeræ vero Deo Ecclesiæ excitaréntur.

R. In servis suis, allelúja, * Consolá-bitur Deus, allelúja.

V. Judicábit Dóminus pópulum suum, et in servis suis. Consolábitur.

Lectio vi.

A sancto Willebrórdo ad episcopále munus expetítus, illud detrectávit ut prómptius infidélium salúti instáret. In Germániam proféctus, plura Hassórum míllia a dæmonis super-stitióne avocávit. A Gregório Pon-tífice Romam evocátus, post insígnem

fídei professiónem Episcopus conse-crátur. Exínde ad Germános redux, Hássiam, et Thuringiam ab idolola-triæ reliquiis pénitus expurgávit. Tanta propter mérita Bonifácus a Gregório tértio ad dignitátem archi-episcopálem evéhitur, et tértio Ro-mam proféctus, a summo Pontífice Sedis Apostólicæ Legátus constitúi-tur, qua insignítus auctoritáte, quá-tuor Episcopátus instítuit, et várias sýnodos celebrávit, inter quas Con-cílium Leptinénse memorábile est apud Belgas in Cameracénsi Diocési celebrátum, quo quidem témpore ad fidem in Bélgio adaugéndam egrégie cónsulit. A Zacharía Papa creátus Moguntínus Archiepiscopus, ipso Pon-tífice jubén-te, Pipínus in Regem Francórum unxit. Post mortem sancti Willebrórdi Ultrajecténsem Ecclé-siam gubernándam suscepit, primo per Eobánum, deínde per seípsum, dum ab Ecclesiá Moguntína absolú-tus, Ultrajecti resédit. Frisónibus ad idololatriam relápsis, Evangélium prædicáre rursus aggréditur, cumque officio pastoráli occuparétur, a bár-baris et impiis homínibus juxta Bor-nam flúvium cum Eobáno Coepiscopo, multisque áliis cruénta cæde perémp-tus, martýrii palma condecorátur. Corpus sancti Bonifácii, ut ipse vivus petíerat, Mogúntiam translátum, in Fuldénsi monastério, quod extrúxerat, recónditum fuit, ubi multis miráculis incláruit.

R. Fíliæ Jerúsalem, veníte et vidéte Mártyres cum corónis, quibus coro-návit eos Dóminus, * In die solemni-tátis et lætítiæ, allelúja.

V. Quóniam confortávit seras portá-rum tuárum, benedíxit filios tuos in te. In die. Glória Patri. In die.

In tertio Nocturno, Lectiones de Homilia in Evangelium. Ego sum vi-tis vera. de Communi. [45]

exxx

FERIA SEXTA

Post Dominicam in Albis.

In Festo

SS. Lanceæ et Clavorum D.N.J.C.

Duplex.

IN I. VESPERIS.

Antiph. **Hasta Regem glóriæ.** cum reliquis de Laudibus.

Psalmus. **Dixit Dominus.** cum reliquis, de Communi Apostolorum. [1]

Capitulum.

Sap. 5.

SUmet Dóminus scutum inexpugnábile æquitatem: ácuet autem duram iram in lanceam, et pugnabit cum illo orbis terrarum contra insensátos.

Hymnus.

PAnge, lingua, gloriósæ
Lanceæ præcónium,
Quæ reclúsit pretiósæ
Cataráctæ flúvium,
Passo Christo doloróse
Pro salúte géntium.
Hasta gazis præoptáta
Mundi pandit prétium,
Cordis tactu præparáta
Fit sagitta fórtium:
Arma Clavi sunt beáta
Contra vires dáemonum.
Dulcis Hasta Dei latus
Spoliásti sáanguine,
Dulces Clavi, qui reátus
Expurgástis flúmine;
Ut sit mundus emundátus
Et sanátus vúlnerē.
Hasta fulcit viatóres,
Et timéntes ánimat,
Et osténso bellatóres
Cordis succo róborat,
Clavus firmat et dat rores,
Pusillósque récreat.
Jesu, victor inferórum,
Qui triúmphas Lancea,
Et virtúte qui Clavorum
Restaurásti ómnia:
Fac, ut horum nos armórum
Múniant præsídia. Amen.

V. Accípiet armatúram zelus illíus, allelúja.

R. Et armábit creatúram ad ultiónem inimicórum, allelúja.

Ad Magnificat, Antiphona.

Gaude, pia plebs justórum, omne genus Germanórum, tantis de munéribus: nam elenódia salútis, tibi dedit Rex virtútis, suis de vulnéribus; Clavos, Lanceam et Crucem, ut sequáris Christum ducem, allelúja.

Oratio.

DEus, qui in assúptæ cárnis infirmitáte Clavis affigi, et Lancea vulnerári pro mundi salúte voluísti: concéde propítius; ut qui eorúmdem Clavorum et Lanceæ solémnia venerámur in terris, de glorióso victóriæ tuæ triúmpho gratulémur in cœlis. Qui vivis et regnas.

AD MATUTINUM.

Invitatorium. Cœléstis Regis Lanceam veníte, adorémus: * Et pro Clavis ejus Christo jubilémus, allelúja.

Psalmus. Veníte, exultémus. 2.

Hymnus.

PAscháli júbilo sonent præcónia
Armórum Dómini, per quæ victória
Venit Christícolis: sint in memória
Crux, et Clavi et Lancea.

Crux apud íferos spóliat tártara,
Lancea Súperis tribuit præmia,
Clavi consócient cœlos, et ínfima,
Fletum mutant lætítia.

Clavus dum fígitur in Dei mánibus,
Et dum demérgitur in sacris pédibus,
Hasta dum fódicat latus, homínibus
Manat grátiaæ flúvius.

Lancea sáviens in Dei pectore,
Et inde próferens aquam cum sáanguine,
Mundum lætíficat ímpetus flúmine,
Omnes, ad aquas cúrrite.

Te, summa Déitas, cœlum magnificat,
Ordo Seráphicus láudibus ínsonat,
His noster páriter cœtus se mísceat,
Et in sœcula te canat. Amen.

IN I. NOCTURNO.

Antiph. Exaltátur Crucis lignum,
dum Christus occúbuit lanceátus; a
malíño hoste nos erípuit, allelúja.

Psalmus 1.

BEátus vir, qui non ábiit in consí-
lio impiórum, et in via peccatórum
non stetit, * et in cáthedra pestilentíæ
non sedit.

Sed in lege Dómini volúntas ejus, *
et in lege ejus meditábitur die ac nocte.

Et erit tamquam lignum, quod plan-
tátum est secus decúrsus aquárum, *
quod fructum suum dabit in témpore
suo:

Et fólium ejus non défluet: * et ómnia
quæcúmque fáciat, prosperabúntur.

Non sic ímpii, non sic: * sed tam-
quam pulvis, quem prójicit ventus a
fácie terræ.

Ideo non resúrgent ímpii in judício: *
neque peccatóres in concílio justórum.

Quóniam novit Dóminus viam justó-
rum: * et iter impiórum peribit.

Psalmus 2.

QUare fremuérunt Gentes, * et pó-
puli meditáti sunt inánia?

Astitérunt reges terræ, et príncipes
convenérunt in unum * advérsus Dó-
minum, et advérsus Christum ejus.

Dirumpámus víncula eórum: * et pro-
jiciámus a nobis jugum ipsórum.

Qui hábitat in cœlis irridébit eos, *
et Dóminus subsannábit eos.

Tunc loquétur ad eos in ira sua: * et
in furóre suo conturbábit eos.

Ego autem constitútus sum Rex ab
eo super Sion montem sanctum ejus,
* prædicans præcéptum ejus.

Dóminus dixit ad me: * Fílius meus
es tu, ego hódie génui te.

Póstula a me, et dabo tibi Gentes hæ-
reditátem tuam, * et possessiónem
tuam términos terræ.

Reges eos in virga férrea, * et tam-
quam vas figuli confrínges eos.

Et nunc, reges, intelligíte: * erudí-
mini qui judicátis terram.

Servíte Dómino in timóre: * et exul-
táte ei cum tremóre,

Apprehéndite disciplínam, nequándo
irascátur Dóminus, * et pereátis de
via justa.

Cum exárserit in brevi ira ejus: *
beáti omnes, qui confídunt in eo.

Psalmus 3.

Domine, quid multiplicáti sunt qui
tríbulant me? * multi insúrgunt
advérsus me.

Multi dicunt ánimæ meæ: * Non est
salus ipsi in Deo ejus.

Tu autem, Dómine, suscéptor meus
es, * glória mea, et exáltans caput
meum.

Voce mea ad Dóminum clamávi: * et
exaudivit me de monte sancto suo.

Ego dormívi, et soporátus sum: * et
exurréxi, quia Dóminus suscepit me.

Non timébo míllia pópuli circumdán-
tis me: * exúrge, Dómine, salvum me
fac, Deus meus.

Quóniam tu percussísti omnes adver-
santes mihi sine causa: * dentes pec-
catórum contrivísti.

Dómini est salus: * et super pópulum
tuum benedíctio tua.

Antiph. Exaltátur Crucis lignum,
dum Christus occúbuit lanceátus; a
malíño hoste nos erípuit, allelúja.

℣. Tuam Lánceam adorámus, Dó-
mine, allelúja.

℟. Tuam gloriósam passiómem recó-
limus, allelúja.

De libro secúndo Paralipómenon.

Lectio i.

Cap. 9.

Fecit igitur rex Sálomon ducéntas
hastas áureas de summa sexcen-

tórum aureórum, qui in síngulis hastis expendebántur. Trecénta quoque scuta áurea, trecentórum aureórum, quibus tegebántur síngula scuta: posuítque ea Rex in armamentário, quod erat cónsítum némore.

R. Vidéte gloriósa loca Clavórum et latus meum Lancea perforátum, pro salúte mundi: * Palpáte et vidéte, quia ego ipse sum, allelúja, allelúja.

V. Vere languóres nostros ipse tulit, et dolóres nostros ipse portávit. Palpáte.

De libro Sapiéntiæ.

Lectio ii.

Cap. 5.

ET accípiet armatúram zelus illús, et armábit creatúram ad ulciónem inimicórum. Induet pro thoráce justítiam, et accípiet pro gálea judícium certum. Sumet scutum inexpugnábile æquitátem. Acuet autem duram iram in lanceam, et pugnábit cum illo orbis terrárum contra insensátos.

R. Latus ejus apérui, allelúja: patefécit óstium vitæ, * Allelúja, allelúja.

V. Ingrediámur illud. Allelúja, allelúja.

De Epístola beáti Pauli Apóstoli

Lectio iii. ad Ephésios.

Cap. 6.

INdúite vos armatúram Dei, ut possítis stare advérsus insídias diabóli: quóniam non est nobis colluctátio advérsus carnem et sánguinem, sed advérsus príncipes et potestátes, advérsus mundi rectóres tenebrárum harum, contra spirituália nequítiae in cœléstibus. Proptérea accípíte armatúram Dei, ut possítis resistere in die malo, et in ómnibus perfécti stare. State ergo succíncti lumbos vestros in veritáte, et indúti lorícá justítiae; calceáti pedes in præparatióem Evangelii pacis, in ómnibus suméntes scutum fidei, in quo possítis ómnia tela nequíssimi ígnea extínguere et gáleam salútis assúmite et gládium spíritus, quod est Verbum Dei.

R. Inter Clavos Christus in Cruce separátus est, * Allelúja, allelúja, allel.

V. Et in sancta resurrectione mundus in ejus láudibus vigilávit. Allelúja. Glória Patri. Allelúja.

IN II. NOCTURNO.

Antiph. Tuam Lanceam adorámus, Dómine: et tuam gloriósam passió-nem recólimus, allelúja.

Psalmus 4.

CUm invocárem, exaudivit me Deus justítiae meae: * in tribulatióne dilatásti mihi.

Miserére mei, * et exáudi oratió-nem meam.

Fílii hóminum, úsquequo gravi corde? * ut quid dilígitis vanitátem, et quæ-ritis mendácium?

Et scitóte quóniam mirificávit Dóminus sanctum suum: * Dóminus exáudiet me cum clamávero ad eum.

Irascimini, et nolíte peccáre: * quæ dicitis in córdibus vestris, in cubílibus vestris compungimini.

Sacrificáte sacrificium justítiae, et speráte in Dómino. * Multi dicunt: Quis osténdit nobis bona?

Signátum est super nos lumen vultus tui, Dómine: * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dórmiam, et requiescam;

Quóniam tu, Dómine, singuláriter in spe * constituísti me.

Psalmus 5.

Verba mea áuribus pécipe, Dómine, * intéllege clamórem meum. Inténde voci oratió-nis meae, * Rex meus, et Deus meus.

Quóniam ad te orábo: * Dómine, mane exáudies vocem meam.

Mane astábo tibi, et vidébo: * quóniam non Deus volens iniquitátem tu es.

Neque habitábit juxta te malignus: * neque permanébunt injústi ante óculos tuos.

Odísti omnes, qui operántur iniqui-

tátem: * perdes omnes, qui loquúntur mendácium.

Virum sánguinem, et dolósum abominábitur Dóminus: * ego autem in multitú-dine misericórdiæ tuæ,

Introibo in domum tuam: * adorábo ad templum sanctum tuum in timóre tuo.

Dómine, deduc me in justítia tua: * propter inimícos meos dírige in conspéctu tuo viam meam.

Quóniam non est in ore eórum veritas: * cor eórum vanum est.

Sepúlchrum patens est guttur eórum, linguis suis dolóse agébant, * júdica illos, Deus.

Décidant a cogitatiónibus suis, secúndum multitúdinem impietátum eórum expélle eos: * quóniam irritavérunt te, Dómine.

Et læténtur omnes, qui sperant in te: * in ætérnum exultábunt, et habitábis in eis.

Et gloriabúntur in te omnes, qui díligunt nomen tuum: * quóniam tu benedíces justo.

Dómine, ut scuto bonæ voluntátis tuæ * coronásti nos.

Psalmus 8.

Domine, Dóminus noster, * quam admirábile est nomen tuum in univér-sa terra!

Quóniam eleváta est magnificéntia tua * super cœlos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cœlos tuos, ópera digitorum tuórum: * lunam et stellas, quæ tu fundásti.

Quid est homo, quod memor es ejus? * aut filiushóminis, quóniam vísitaseum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

O mnia subjecísti sub pédibus ejus, * oves et boves univérsas, insuper et pécora campi;

Vólucres cœli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univér-sa terra!

Antiph. Tuam Lánceam adorámus, Dómine: et tuam gloriósam passió-nem recólimus, allelúja.

V. Vere languóres nostros ipse tulit, allelúja.

R. Et dolóres nostros ipse portávit, allelúja.

Sermo Innocéntii Papæ Sexti.

In Decreto de Festo Lanceæ, et Clavorum Domini.

Lectio iv.

IN Redemptóris nostri Dómini Jesu Christi sacratíssima Passióne sic nos gloriári opórtet, ut ipsíus Passió-nis cuncta mystéria dinumerántes, et mérita, síngulis étiam salutáribus instruméntis gloriémur. Inter quæ illud celébriter memorándum est, quod ipse Salvátor, emísso in cruce jam spíritu, sustínuit perforári Láncea latus suum, ut, inde sánguinis, et aquæ profluéntibus undis, formarétur única, et immaculáta, ac virgo sancta mater Ec-clésia, sponsa sua. O beatíssima ipsíus sacri láteris apertúra, unde nobis tot, et tantá divínæ pietátis dona fluxérunt! O felix Láncea, quæ tot bona nobis effícere, et ad tanti triúmphí glóriam méruit superáddi!

R. Surge, virgo Ecclésia, sponsorede múnia; tui Clavi grávia imprimunt vestígia, per quæ ruit internális Sísara: * Nam clavum Jahel málleo fixit in ejus témpora, allelúja, allelúja.

V. Dulces Clavi, púngite corda nostra. Nam.

Lectio v.

Hæc latus ipsum aperiéndo, sacra-tíssimas jánuas nobis regni cœléstis apérui. Hæc, vulnerándo jam mórtuum, vúlnera nostra sanávit, vítámque nobis réddidit, et salútem. Hæc, innóxium transfigéndo, illíus ságuine culpas nostras abstérsit: et

demum ejusdem sacratissimis undis irrigata, cæcitatis nostræ tenebras sustulit, et nos ipsius divinæ pietatis fluviiis mundavit. Illi etiam dulces Clavi, (quibus ipse Salvator eidem cruci fuit affixus, quique non solum immaculato respersi sanguine, et molem ferre tanti ponderis meruerunt, sed et nos etiam per ipsorum salutiferas plagas dulcedinem tantam ipsius divinæ charitatis accepimus, ut manus nostræ a peccati solutæ nexibus, pedesque nostri a mortis laqueis fuerint liberati) sunt devotissime recolendi.

R. Hasta nitet margaritis nimis coruscantibus, * Allelúja, allelúja, allelúja.

V. Mucro gemmis infinitis sanguine vernantibus. Allelúja.

Lectio vi.

Quid enim vulnere, et plagis hujusmodi sanctius? Quid eis salubrius, ex quibus salus nostra processit, et in quibus assidue se possunt curare animæ devotorum? Licet igitur Lancea, et Clavi prædicti, aliaque ipsius Passionis salutaria instrumenta, sint a cunctis fidelibus Christi ubilibet veneranda, et de ipsa etiam Passione in eadem Ecclesia solèmnia annis singulis Officia celebrantur, et fiant; dignum tamen, et conveniens reputamus, si de ipsius Passionis specialibus instrumentis, et præsertim in partibus, in quibus instrumenta ipsa dicuntur haberi, solèmnè, ac speciale festum celebrètur, et fiat. Nosque illos fideles Christi, qui aliqua ex instrumentis ipsius habere se gaudent, in eorum devotione divinis Officiis, atque munèribus specialiter foveamus.

R. Jesu, nostra spes suavis ab ubèribus, * Allelúja, allelúja, allelúja.

V. Pro nobis fossus Clavis in palmis atque pèdibus. Allelúja. Glória Patri. Allelúja.

IN III. NOCTURNO.

Antiph. Tu, Christe, nostrum gaudium, de lanceato latere da oris mellicidium ardenti corde sugere, allelúja.

Psalmus 95.

Cantáte Dómino canticum novum: * cantáte Dómino omnis terra. Cantáte Dómino, et benedicite nómini ejus: * annuntiáte de die in diem salutáre ejus.

Annuntiáte inter Gentes glóriam ejus: * in ómnibus pópulis mirabilia ejus. Quóniam magnus Dóminus, et laudabilis nimis: * terríbilis est super omnes deos.

Quóniam omnes dii Géntium dæmónia: * Dóminus autem cœlos fecit.

Conféssio, et pulchritúdo in conspèctu ejus: * sanctimónia, et magnificéntia in sanctificatióne ejus.

Afférte Dómino pátriæ Géntium, afférte Dómino glóriam, et honórem: * afférte Dómino glóriam nómini ejus. Tóllite hóstias, et introíte in átria ejus: * adoráte Dóminum in átrio sancto ejus.

Commovéatur a fácie ejus univérsa terra: * dícite in Géntibus, quia Dóminus regnávít.

Etenim corréxit orbem terræ, qui non commovébitur: * judicábit pópulos in æquitáte.

Læténtur cœli, et exúltet terra, commovéatur mare, et plenitúdo ejus: * gaudébunt campi, et ómnia, quæ in eis sunt. Tunc exultábunt ómnia ligna silvæ a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Psalmus 96.

Dominus regnávít, exúltet terra: * læténtur insulæ multæ.

Nubes, et caligo in circúitu ejus: * justítia, et judícium corrèctio sedis ejus. Ignis ante ipsum præcédet: * et inflammábit in circúitu inimícos ejus.

Illuxérunt fúlgura ejus orbi terræ: *
vidit, et commóta est terra.
Montes sicut cera fluxérunt a fácie Dó-
mini: * a fácie Dómini omnis terra.
Annuntiavérunt cœli justítiam ejus: *
et vidérunt omnes pópuli glóriam ejus.
Confundántur omnes, qui adórant
sculptília: * et qui gloriántur in si-
mulácris suis.
Adoráte eum, omnes Angeli ejus: *
audívit, et lætáta est Sion.
Et exultavérunt filia Judæ, * propter
judícia tua, Dómine:
Quóniam tu Dóminus Altíssimus su-
per omnem terram: * nimis exaltátus
es super omnes deos.
Qui dilígitis Dóminum, odíte malum:
* custódit Dóminus ánimas sanctó-
rum suórum, de manu peccatóris li-
berábit eos.
Lux orta est justo, * et rectis corde
lætítia.
Lætámini justí in Dómino: * et confi-
témíni memóriæ sanctificatiónis ejus.

Psalmus 97.

CAntáte Dómino cánticum novum:
* quia mirabília fecit.
Salvávít sibi délixtera ejus, * et brá-
chium sanctum ejus.
Notum fecit Dóminus salutáre suum:
* in conspéctu Géntium revelávit jus-
títiam suam.
Recordátus est misericórdiæ suæ, *
et veritátis suæ dómui Israel.
Vidérunt omnes términi terræ * salu-
táre Dei nostri.
Jubiláte Deo omnis terra: * cantáte,
et exultáte, et psállite.
Psállite Dómino in cíthara, in cíthara,
et voce psalmi: * in tubis ductílibus,
et voce tubæ córneæ.
Jubiláte in conspéctu Regis Dómini:
* moveátur mare, et plenitúdo ejus;
orbis terrárum, et qui hábitant in eo.
Flúmina plaudent manu, simul mon-
tes exultabunt a conspéctu Dómini:
* quóniam venit judicáre terram.

Judicábit orbem terrárum in justítia,
* et pópulos in æquitáte.

Antiph. Tu, Christe, nostrum gáu-
dium, de lanceáto látere da oris mel-
licídium ardénti corde súgere, allelúja.
V. Omnis terra adóret te, et psallat
tibi, allelúja.

R. Psalmum dicat nómini tuo, Dó-
mine, allelúja.

Léctio sancti Evangélíi secúndum
Lectio vii. Joánnem. Cap. 19.

IN illo témpore: Sciens Jesus, quia
ómnia consummáta sunt, ut con-
summarétur Scriptúra, dixit: Sítio:
Et réliqua.

Homília Sancti Augustíni Epíscopi.
Tract. 120. in Joan.

UNus mílitem Láncea latus ejus
apérui, et contínuo exívit san-
guis et aqua. Vigilánti verbo Evan-
gelísta usus est, ut non díceret: La-
tus ejus percússit, aut vulnerávit, aut
quid áliud; sed apérui: ut illud quod-
ámmodo vitæ óstium panderétur, unde
Sacraménta manavérunt, sine quibus
ad vitam, quæ vera vita est, non in-
trátur. Ille sanguis, qui fusus est, in
remissióne fusus est peccatórum.
Aqua illa salutáre témporat póculum:
hæc et lavácrum præstat, et potum.
Hoc prænuntiábat, quod Noe in látere
Arcæ óstium fácere jussus est, quo in-
trárent animália, quæ non erant dilúvio
peritúra, quibus figurabátur Ecclesiá.
R. Vibrans miles lánceam acutíssi-
mam apérui templum sanctum gló-
riæ Dei: * In quo hábitat plenitúdo
Divinitátis, allelúja, allelúja.

V. Ibi abscondita est fortitúdo ejus:
ante faciém ejus ibit mors. In quo.

Lectio viii.

Propter hoc prima múlíer facta est
de látere viri dormiéntis, et appel-
láta est vita, matérque vivórum, mag-
num quippe signávit bonum ante mag-
num prævaricatiónis malum. Hic se-
cúndus Adam, inclináto cápíte, in

cruce dormívit, ut inde formarétur ei conjux, quæ de látere dormiéntis efflúxit. O mors, unde mórtui reviviscunt! Quid isto sáanguine mún dius? Quid vúl n ere isto salúbrius? Facta sunt enim hæc, inquit, ut Scriptúra implerétur: Os non comminuétis ex eo. Et iterum ália Scriptúra dicit: Vidébunt in quem transfixérunt.

R. Tuam Lánceam adorámus, Dómine, allelúja: tuam gloriósam recólimus passió nem: * Allelúja, allelúja, allel. V. Hasta Regem glóriæ cruentávit Christum. Allelúja. Glória Patri. Allel.

Lectio ix.

DUO testimónia de Scriptúris sín-gulis réddidit; quasi facta fuís-sent, narrávit. Nam quia díxerat: Ad Jesum autem cum veníssent, ut vidérunt eum jam mórtuum, non fregérunt ejus crura, ad hoc pértinet testi-mónium: Os non comminuétis ex eo; quod præcéptum est eis, qui celebráre Pascha jussi sunt ovis immolatióne, in véteri lege, quæ Domínicæ Passi-
onis umbra præcésserat. Unde Pascha nostrum immolátus est Christus, de quo Isaías prophéta díxerat: Sicut ovis ad occisió nem ductus est. Item quia subjúnxerat, dicens: Sed unus mílitum Láncea latus ejus apérui; ad hoc pértinet álterum testimónium: Vidébunt in quem transfixérunt. Ubi promíssus est Christus, in ea, qua crucifíxus est, carne ventúrus.

Te Deum laudámus. 13.

AD LAUDES

ET PER HORAS.

Antiph. Hasta Regem glóriæ Chris-tum cruentávit, dum crucis in árbore Dóminus regnávit, allelúja.

Psal. Dóminus regnávit. cum rel. 14.

Antiph. Hanc treméndam Lánceam omnes adorémus, et in ejus láudi-bus semper jubilémus, allelúja.

Antiph. Unus mílitum Láncea la-tus ejus apérui, et contínuo exívit sanguis et aqua, allelúja.

Antiph. Fui mórtuus, et ecce sum vivens in sáecula sæculórum, allelúja.

Antiph. Sempitérna gáudia Chris-tus tunc donávit, cum Clavis et Láncea mortem superávit, allelúja.

Capitulum.

Sap. 5.

SUmet Dóminus scutum inexpugná-bile æquitátem: ácu et autem duram iram in lánceam, et pugnábit cum illo orbis terrárum contra insensátos.

Hymnus.

VErbum supérnum pródiens
Salváre quod perierat,
Hasta, Clavisque móriens
Complévit ad quod vénerat.

O gloriósa Láncea!

Timor tremórque dáemonum,
Regna pandis sidérea,
Per sanctæ necis méritum.

De Clavórum stigmátibus
Emánat mundi prétium,
E cunctis aromátibus
Spirans odórem cécicum.

In corde Christi mérgitur
Mucro leóne sáviór:

De forti fons exóritur
Cíbusque melle dúlcior.

In Nato Pater phíalam
Effúdit iracúndiæ,
Ut nobis cœnam máximam
Gratis suæ det glóriæ.

O Christe, nostrum gáudium,
De vulneráto látere
Da lac, et vinum dépluum
Ardénte corde súgere.

Precámur, Auctor ómnium,
Tu nostra sis reféctio:
Tuórum quoque méritum
Amórum sis protéctio. Amen.

V. Per sanctam Lánceam de inimícis nostris, allelúja.

R. Líbera nos, Deus noster, allelúja.

Ad Benedictus, Antiphona.

O felix et omni laude digna Láncea Salvatóris, quæ pertránsiens latus ejus, chirógraphum peccáti affíxit pa-tibulo Crucis, allelúja.

Oratio.

DEus, qui in assumptæ carnis infirmitate Clavis affigi, et Lancea vulnerari pro mundi salute voluisti: concede propitius, ut qui eorumdem Clavorum et Lanceæ solémnia veneramur in terris, de glorióso victoriæ tuæ triúmpho gratulémur in cœlis: Qui vivis.

Ad Primam.

In R. br. V. Qui vulnerátus es pro nobis.

Ad Tertiam.

Antiph. Hanc treméndam Lanceam.

Capitulum. Sap. 5.

SUmet Dóminus scutum inexpugnabile æquitatem: ácuetautem duram iram in lanceam, et pugnabit cum illo orbis terrarum contra insensátos.

R. br. Apprehénde arma, et scutum, * Allelúja, allelúja. Apprehénde.

V. Et exúrge in adiutorium mihi. Allelúja, allelúja. Glória Patri. Apprehénde.

V. Foderunt manus meas et pedes meos, allelúja.

R. Dinumeravérunt ómnia ossa mea, allelúja.

Ad Sextam.

Antiph. Unus militum.

Capitulum. Apoc. 1.

GRátia vobis et pax ab eo, qui est, et qui erat, et qui venturus est, et a Jesu Christo, qui est testis fidélis, primogénitus mortuórum, et princeps regum terræ: qui diléxit nos, et lavit nos a peccátis nostris in ságuine suo.

R. br. Foderunt manus meas et pedes meos, * Allelúja, allelúja. Foderunt.

V. Dinumeravérunt ómnia ossa mea. Allelúja, allelúja. Glória Patri. Foderunt.

V. Quem tu percussisti, persecúti sunt, allelúja.

R. Et super dolórem vúlnerum meórum addidérunt, allelúja.

Ad Nonam.

Antiph. Sempitérna gáudia.

Capitulum. Apoc. 1.

EGO sum primus, et novíssimus, et vivus, et fui mórtuus: et ecce sum vivens in sæcula sæculórum.

R. br. Quem tu percussisti, persecúti sunt, * Allelúja, allelúja. Quem tu percussisti.

V. Et super dolórem vúlnerum meórum addidérunt. Allelúja, allelúja.

Glória Patri. Quem.

V. Ipse vulnerátus est propter iniquitátes nostras, allelúja.

R. Attrítus est propter scélera nostra, allelúja.

In II. Vesperis.

Omnia ut in primis: et loco ultimi,

Psalmus 115.

CRÉDIDI, propter quod locútus sum: * ego autem humiliátus sum nimis. Ego dixi in excéssu meo: * Omnis homo mendax.

Quid retríbuiam Dómino * pro ómnibus, quæ retríbuit mihi?

Cálicem salutáris accípiam: * et nomen Dómini invocábo.

Vota mea Dómino reddam coram omni pópulo ejus: * pretiósas in conspéctu Dómini mors sanctórum ejus.

O Dómine, quia ego servus tuus: * ego servus tuus, et fílius ancíllæ tuæ.

Dirupísti víncula mea: * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini, in médio tui Jerúsalem.

Ad Magnificat, Antiphona.

Collaudémus Christi cleméntiam, qui per gloriósos Clavos et Lanceam dat Ecclesiæ de inimícis victóriam; et in cœlo vitam et corónam perpétuam, allelúja.

☞



OFFICIUM DE SS. SACRAMENTO.

EX Indulto Clementis Papæ XI. dato Romæ 17. Augusti 1715, recitandum in Germania, sub ritu Semiduplici, omnibus Fieriis quintis, non impeditis Festo novem Lectionum, etiam translato, excepto Adventu, Quadragesima, Vigil. ac etiam Feria illa, in qua secundum Rubricas Officium Dominicæ aliquando erit apponendum, etc. juxta tenorem Decreti 20. Martii 1706.

Si in Feria IV. vel VI. occurrerit aliquod Festum novem Lectionum, Vesperæ ordinandæ erunt juxta Rubricam de Concurrentia Officii.

Notandum, quod ad Completorium Feriæ quartæ et sextæ in fine Hymni dicitur, *Jesu, tibi sit glória, Qui natus es de Vírgine. etiamsi in Vesperis facta sit tantum commemoratio de Sanctissimo Sacramento.*

AD VESPERAS, V.

DEus, in adjutórium meum inténde.
R. Dómine, ad adjuvándum me festína.

Glória Patri, et Fílio, et Spíritui Sancto. **S**icut erat in princípío, et nunc, et semper, et in sæcula sæculórum. Amen. **A**llelúja.

Antiph. to. 1. r. Sacérdos in ætérnum.

Psalmus 109.

Dixit Dóminus Dómino meo: * Sede a dextris meis.

Donec ponam inimícos tuos, * scabélum pedum tuórum.

Virgam virtútis tuæ emíttet Dóminus ex Sion: * domináre in médio inimicórum tuórum.

Tecum princípium in die virtútis tuæ in splendóribus sanctórum: * ex útero ante lucíferum genui te.

Jurávit Dóminus, et non pœnitébit eum: * Tu es sacérdos in ætérnum secúndum órđinem Melchísedech.

Dóminus a dextris tuis, * confrégit in die iræ suæ reges.

Judicabit in natióibus, implébit ruínas: * conquassábit cápita in terra multórum.

De torrénite in via bibet: * proptérea exaltábit caput.

Antiph. Sacerdos in ætérnum Christus Dóminus secúndum órđinem Melchisedech, panem et vinum óbtulit, allelúja.

Antiph. to. 2. Miserátor Dóminus.

Psalmus 110.

Confitébor tibi, Dómine, in toto corde meo: * in consílio justórum, et congregatióne.

Magna ópera Dómini: * exquisíta in omnes voluntátes ejus.

Confessio, et magnificéntia opus ejus: * et justítia ejus manet in sáeculum sáeculi.

Memóriam fecit mirabílium suórum, miséricors, et miserátor Dóminus: * escam dedit timéntibus se.

Memor erit in sáeculum testaménti sui: * virtútem óperum suórum annuntiábit pópulo suo:

Ut det illis hæreditátem Géntium: * ópera mánuum ejus véritas, et júdicium.

Fidélia ómnia mandáta ejus, confirmáta in sáeculum sáeculi, * facta in veritáte, et æquitáte.

RedemptiÓNem misit pópulo suo: * mandávit in ætérnum testaméntum suum.

Sanctum, et terríbile nomen ejus: * infítium sapiéntiæ timor Dómini.

Intelléctus bonus ómnibus faciéntibus eum: * laudátio ejus manet in sáeculum sáeculi.

Antiph. Miserátor Dóminus escam dedit timéntibus se in memóriam suórum mirabílium, allelúja.

Antiph. to. 3. r. Cálicem.

Psalmus 115.

Credidi, propter quod locútus sum: * ego autem humiliátus sum nimis.

Ego dixi in excéssu meo: * Omnis homo mendax.

Quid retríbuiam Dómino * pro ómnibus, quæ retríbuit mihi?

Cálicem salutáris accípiam: * et nomen Dómini invocábo.

Vota mea Dómino reddam coram omni pópulo ejus: * pretiósá in conspéctu Dómini mors sanctórum ejus.

O Dómine, quia ego servus tuus: * ego servus tuus, et fílius ancíllæ tuæ.

Dirupísti víncula mea: * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini, in médio tui Jerúsalem.

Antiph. Cálicem salutáris accípiam, et sacrificábo hóstiam laudis, allelúja.

Antiph. to. 4. Sicut novéllæ olivárum.

Psalmus 127.

Beáti omnes, qui timent Dóminum, * qui ámbulant in viis ejus.

Labóres mánuum tuárum quia manducábis: * beátus es, et bene tibi erit.

Uxor tua sicut vitis abúndans, * in latéribus domus tuæ.

Fílii tui sicut novéllæ olivárum, * in circúitu mensæ tuæ.

Ecce sic benedicétur homo, * qui timet Dóminum.

Benedícat tibi Dóminus ex Sion: * et vídeas bona Jerúsalem ómnibus diebus vitæ tuæ.

Et vídeas fílios fíliórum tuórum, * pacem super Israel.

Antiph. Sicut novéllæ olivárum, Ecclesiæ fílii sint in circúitu mensæ Dómini, allelúja.

Antiph. to. 5. Qui pacem.

Psalmus 147.

Lauda, Jerúsalem, Dóminum: * lauda Deum tuum, Sion.

Quóniam confortávit seras portárum tuárum: * benedíxit fíliis tuis in te.

Qui pósuit fines tuos pacem: * et ádipe fruménti sátiat te.

Qui emittet elóquium suum terræ: *
velóciter currit sermo ejus.

Qui dat nivem sicut lanam: * nébu-
lam sicut cinerem spargit.

Mittit crystállum suam sicut buccél-
las: * ante faciém frígoris ejus, quis
sustinébit?

Emittet verbum suum, et liquefaciet
ea: * flabit spíritus ejus, et fluent aquæ.

Qui annútiat, verbum suum Jacob:
* justítias, et judícia sua Israel.

Non fecit táliter omni natióni: * et
judícia sua non manifestávit eis.

Antiph. Qui pacem ponit fines Ec-
clésiæ, fruménti ádipe sátiat nos Dó-
minus, allelúja.

Capitulum.

I. Cor. II. e.

FRatres, Ego enim accépi a Dómino
quod et trádidi vobis, quóniam
Dóminus Jesus, in qua nocte trade-
bátur, accépit panem, et grátias agens
fregit, et dixit: Accípite, et mandu-
cáte: hoc est corpus meum, quod pro
vobis tradétur: hoc fácite in meam
commemoriatióem.

Hymnus.

PAnge, lingua, gloriósi
Córporis mystérium,
Sanguínisque pretiósi,
Quem in mundi prétium
Fructus ventris generósi
Rex effúdit Géntium.

Nobis datus, nobis natus
Ex intácta Vírgine,
Et in mundo conversátus,
Sparso verbi sémine,
Sui moras incolátus
Miro clausit órđine.

In supréma nocte cœnæ,
Recúbens cum frátribus,
Observáta lege plene
Cibis in legálibus,
Cibum turbæ duodénæ
Se dat suis mánibus.

Verbum caro, panem verum
Verbo carnem éfficit:
Fitque sanguis Christi merum,
Et si sensus déficit:
Ad firmándum cor sincérum,
Sola fides súfficit.

Tantum ergo Sacraméntum
Venerémur cernui:
Et antíquum documéntum
Novo cedat rítui:
Præstet fides suppleméntum
Sénsuum deféctui.

Genitóri, Genitóque
Laus et jubilátio,
Salus, honor, virtus quoque
Sit et benedictio:
Procedénti ab utróque
Compar sit laudátio. Amen.

V. Panem de cœlo præstitísti eis, al-
lelúja.

R. Omne delectaméntum in se habén-
tem, allelúja.

Ad Magnificat, Antiphona, to. 6.

O quam suávis est, Dómine, spíritus
tuus! qui ut dulcédinem tuam in filios
demonstráres, pane suavíssimo de
cœlo præstito, esuriéntes reple bonis,
fastidiósos dívites dimíttens inánes,
allelúja.

Oratio.

DEus, qui nobis sub Sacraménto
mirábili Passiónis tuæ memóriam
reliquísti: tríbue, quæsumus, ita nos
Córporis et Sanguinis tui sacra mys-
téria venerári; ut redemptiónis tuæ
fructum in nobis júgiter sentiámus.
Qui vivis et regnas.

*Si occurrat aliquod Festum Simplex,
fit de eo commemoratio.*

*Postea fit commemoratio de Cruce,
si facienda est.*

Antiph. Crucem sanctam súbiit qui
inférnum confrégit, accínctus est po-
téntia, surrexit die tértia, allelúja.

V. Dícite in natió nibus, allelúja.

R. Quia Dóminus regnáv it a ligno,
allelúja.

Oratio.

DEus, qui pro nobis Fílium tuum crucis patíbulum subíre voluísti, ut inimíci a nobis expélleres potestátem: concéde nobis fámulis tuis; ut resurrectionis grátiam consequámur. Per eúndem Dóminum.

Ad Completorium, et per Horas, in fine Hymnorum dicitur:

Jesu, tibi sit glória,
Qui natus es de Vírgine.

Et in R. br. In manus tuas, **duplice-**
tur. Allelúja.

AD MATUTINUM.

Invitatorium. Christum Regem adorémus dominántem Géntibus, * Qui se manducántibus dat spíritus pinguéndiem, allelúja.

Psalmus. Veníte, exultémus. 2.

Hymnus.

SAcris solémniis juncta sint gáudia,
Et ex præcórdiis sonent præcónia;
Recédant vétera, nova sint ómnia,
Corda, voces, et ópera.

Noctis recólitur cœna novíssima,
Qua Christus créditur agnum et
ázyma

Dedísse frátribus, juxta legítima
Priscis indúlta pátribus.

Post agnum týpicum, expléti épulis,
Corpus Domínicum datum discíplis,
Sic totum ómnibus, quod totum
sín-gulis,

Ejus fatémur mánibus.

Dedit fragílibus córporis férculum,
Dedit et trístibus sánguini póculum,
Dicens: accípите quod trado vás-
culum,

Omnes ex eo bíbite.

Sic sacrificium istud instituit,
Cujus officium commítte vóluit
Solis Presbýteris, quibus sic cóngruit,
Ut sumant, et dent céteris.

Panis Angélicus fit panis hóminum;
Dat panis cóelicus figúris términum.
O res mirábilis! mandúcat Dóminum
Pauper, servus, et húmilis.

Te, trina Déitas únaque, póscimus,
Sic nos tu vísita, sicut te cólimus:
Per tuas sémitas duc nos quo tén-
dimus,

Ad lucem, quam inhábitas.
Amen.

IN I. NOCTURNO.

Antiph. to. 1. r. Fructum salutíferum.
Hoc tempore dicuntur Psalmi trium
Nocturnorum sub prima Antiphona
illius Nocturni, prout etiam infra dis-
ponuntur.

Psalmus 1.

BEátus vir, qui non ábiit in consí-
lio impiórum, et in via peccatórum
non stetit, * et in cáthedra pestilén-
tiæ non sedit:

Sed in lege Dómini volúntas ejus, *
et in lege ejus meditábitur die ac nocte.
Et erit tamquam lignum, quod plan-
tátum est secus decúrsus aquárum, *
quod fructum suum dabit in témpore
suo:

Et fólium ejus non défluet: * et ómnia
quæcúmque fáciat, prosperabúntur.

Non sic ímpii, non sic: * sed tam-
quam pulvis, quem prójicit ventus a
fácie terræ.

Ideo non resúrgent ímpii in judício: *
neque peccatóres in concílio justórum.
Quóniam novit Dóminus viam justó-
rum: * et iter impiórum peribit.

Psalmus 4.

CUM invocárem, exaudivit me Deus
justítiæ meæ: * in tribulatióne di-
latásti mihi.

Miserére mei, * et exáudi oratió-
nem meam.

Fílii hóminum, úsquequo gravi cor-
de? * ut quid dilígitis vanitátem, et
quæritis mendácium?

Et scitóte quóniam mirificávit Dómi-
nus sanctum suum: * Dóminus exáu-
diet me, cum clamávero ad eum.

Irascimini, et nolíte peccáre: * quæ
dicitis in córdibus vestris, in cubíli-
bus vestris compungimini.

Sacrificáte sacrificium justítiæ, et speráte in Dómino. * Multi dicunt: Quis osténdit nobis bona?

Signátum est super nos lumen vultus tui, Dómine: * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dórmiam, et requiéscam;

Quóniam tu, Dómine, singuláriter in spe * constituísti me.

Psalmus 15.

Consérva me, Dómine, quóniam sperávi in te. * Dixi Dómino: Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum: * póstea acceleravérunt.

Non congregábo conventícula eórum de sanguinibus: * nec memor ero nóminum eórum per lábia mea.

Dóminus pars hæreditátis meæ, et cálicis mei: * tu es, qui restitues hæreditátem meam mihi.

Funes cecidérunt mihi in præcláris: * étenim hæreditas mea præclára est mihi.

Benedícam Dóminum, qui tríbuit mihi intelléctum: * însuper et usque ad noctem increpuérunt me renes mei.

Providébam Dóminum in conspéctu meo semper: * quóniam a dextris est mihi, ne commóvear.

Propter hoc lætátum est cor meum, et exultávit lingua mea: * însuper et caro mea requiéscet in spe.

Quóniam non derelínques ánimam meam in inférno: * nec dabis Sanctum tuum vidére corruptiónem.

Notas mihi fecísti vias vitæ, adimplébis me lætítia cum vultu tuo: * delectatiónes in dextera tua usque in finem.

Antiph. Fructum salutíferum gustándum dedit Dóminus mortis suæ témpore, allelúja.

V. Panem cœli dedit eis, allelúja.

R. Panem Angelórum manducávit homo, allelúja.

Pater noster.

Absolutio. Exáudi Dómine.

V. Jube, domne, benedícere.

Benedictio. Benedictióne perpétua.

Lectiones primi Nocturni semper leguntur de Scriptura occurrente, cum Responsoriis positis infra.

R. i. Immolábit hœdum multitúdo filiórum Israel ad vésperam Paschæ: * Et edent carnes, et ázymos panes, allelúja.

V. Pascha nostrum immolátus est Christus: itaque epulémur in ázymis sinceritátis et veritátis. Et edent.

Benedictio. Unigénitus Dei Fílius.

R. ii. Comedétis carnes, et saturabimini pánibus: * Iste est panis, quem dedit vobis Dóminus ad vescéndum, allelúja.

V. Non Móyses dedit vobis panem de cœlo, sed Pater meus dat vobis panem de cœlo verum. Iste est.

Benedictio. Spíritus sancti grátia.

R. iii. Respéxit Elías ad caput suum subcinerícium panem: qui surgens comédit et bibit: * Et ambulávit in fortitúdine cibi illíus usque ad montem Dei, allelúja.

V. Si quis manducáverit ex hoc pane, vivet in ætérnum. Et ambulávit. Glória Patri. Et ambulávit.

IN II. NOCTURNO.

Antiph. to. 4. Memor sit Dóminus.

Psalmus 19.

EXáudiat te Dóminus in die tribulatiónis: * próteget te nomen Dei Jacob.

Mittat tibi auxílium de sancto: * et de Sion tueátur te.

Memor sit omnis sacrificii tui: * et holocáustum tuum pingue fiat.

Tríbuat tibi secúndum cor tuum: * et omne consílium tuum confírmnet.

Lætábitur in salutári tuo: * et in nómine Dei nostri magnificábitur.

Impleat Dóminus omnes petitiónes tuas: * nunc cognóvi quóniam saluum fecit Dóminus Christum suum.

Exáudiet illum de coelo sancto suo: * in potentátibus salus dexteræ ejus.

Hi in cúrribus, et hi in equis: * nos autem in nómine Dómini Dei nostri invocábitur.

Ipsi obligáti sunt, et cecidérunt: * nos autem surréximus, et erécti sumus.

Dómine, saluum fac regem: * et exáudi nos in die, qua invocáverimus te.

Psalmus 22.

Dóminus regit me, et nihil mihi déerit: * in loco páscuæ, ibi me collocávit.

Super aquam refectionis educávit me: * ánimam meam convértit.

Dedúxit me super sémitas justitiæ, * propter nomen suum.

Nam et si ambulávero in médio umbræ mortis, non timébo mala: * quóniam tu mecum es.

Virga tua, et báculus tuus, * ipsa me consoláta sunt.

Parásti in conspéctu meo mensam * advérsus eos, qui tríbulant me.

Impinguásti in óleo caput meum: * et calix meus inébrians quam præclárus est!

Et misericórdia tua subsequétur me * ómnibus diébus vitæ meæ.

Et ut inhábitem in domo Dómini, * in longitúdinem diérum.

Psalmus 41.

Quemádmódum desíderat cervus ad fontes aquárum: * ita desíderat ánimam mea ad te, Deus.

Sitívit ánimam mea ad Deum fortem, vivum: * quando véniam et apparébo ante fáciem Dei?

Fuérunt mihi lácrymæ meæ panes die ac nocte: * dum dicitur mihi quotídie: Ubi est Deus tuus?

Hæc recordátus sum, et effúdi in me ánimam meam: * quóniam transíbo in locum tabernáculi admirábilis, usque ad domum Dei.

In voce exultatiónis, et confessiόνis, * sonus epulántis.

Quare tristis es, ánimam mea? * et quare contúrbas me?

Spera in Deo, quóniam adhuc confitebor illi: * salutáre vultus mei, et Deus meus.

Ad meípsum ánimam mea conturbáta est: * proptérea memor ero tui de terra Jordánis, et Hermóniim a monte módico.

Abýssus abýssum ínvocat, * in voce cataractárum tuárum.

Omnia excélsa tua, et fluctus tui * super me transiérunt.

In die mandávit Dóminus misericórdiam suam: * et nocte cánticum ejus.

Apud me orátio Deo vitæ meæ: * dicam Deo: Suscéptor meus es.

Quare oblítus es mei? * et quare contristátus incédo, dum affligit me inimícus?

Dum confringúntur ossa mea, * exprobravérunt mihi qui tríbulant me inimíci mei.

Dum dicunt mihi per síngulos dies: Ubi est Deus tuus? * quare tristis es, ánimam mea? et quare contúrbas me?

Spera in Deo, quóniam adhuc confitebor illi: * salutáre vultus mei, et Deus meus.

Antiph. Memor sit Dóminus sacrificii nostri, et holocáustum nostrum pingue fiat, allelúja.

V. Cibávit illos ex ádipe fruménti, allelúja.

R. Et de petra, melle saturávit eos, allelúja.

Pater noster.

Absolutio. Ipsíus píetas.

V. Jube, domne, benedícere.

Benedictio. Deus Pater omnípotens.

Lectiones secundi Nocturni cum suis Responsoriis ponuntur inferius post Officium, ordine Mensium.

IN III. NOCTURNO.

Antiph. to. 7. s. Introibo ad altáre Dei.

Psalmus 42.

JUDICA me, Deus, et discérne causam meam de gente non sancta: * ab hómine iníquo, et dolóso érue me. Quia tu es Deus fortitúdo mea: * quare me repulísti? et quare tristis incédo, dum affligit me inimícus?

Emítte lucem tuam, et veritátem tuam: * ipsa me deduxérunt, et adduxérunt in montem sanctum tuum, et in tabernácula tua.

Et introibo ad altáre Dei: * ad Deum, qui lætíficat juventútem meam.

Confitébor tibi in cíthara, Deus, Deus meus: * quare tristis es, ánima mea? et quare contúrbas me?

Spera in Deo, quóniam adhuc confitébor illi: * salutáre vultus mei, et Deus meus.

Psalmus 80.

EXULTáte Deo adjutóri nostro: * jubilate Deo Jacob.

Súmte psalmum, et date týmpanum: * psaltérium jucúndum cum cíthara.

Buccínáte in Neoméniá tuba, * in insígni die solemnitátis vestræ:

Quia præcéptum in Israel est: * et iudícium Deo Jacob.

Testimónium in Joseph pósuit illud, cum exíret de terra Ægýpti: * linguam, quam non nóverat, audívit.

Dívertit ab onéribus dorsum ejus: * manus ejus in cóphino serviérunt.

In tribulatióne invocásti me, et liberávi te: * exaudívi te in abscondito tempestátis: probávi te apud aquam contradicţiónis.

Audi, pópulus meus, et contestábor te: * Israel si audieris me, nón erit in te deus recens, neque adorábis deum aliénium.

Ego enim sum Dóminus Deus tuus, qui edúxi te de terra Ægýpti: * diláta os tuum, et implébo illud.

Et non audívit pópulos meus vocem meam: * et Israel non inténdit mihi.

Et dimísi eos secúndum desidéria cordis eórum: * ibunt in adinventiόνibus suis.

Si pópulus meus audísset me: * Israel si in viis meis ambuláset:

Pro níhilo fórsitan inimícos eórum humiliássem: * et super tribulátes eos misíssem manum meam.

Inimíci Dómini mentítí sunt ei: * et erit tempus eórum in sæcula.

Et cibávit eos ex ádipe fruménti: * et de petra, melle saturávit eos.

Psalmus 83.

QUAM dilécta tabernácula tua, Dómine, virtútum! * concupíscit, et déficit ánima mea in átria Dómini.

Cor meum, et caro mea * exultavérunt in Deum vivum.

Etenim passer invénit sibi domum: * et turtur nidum sibi, ubi ponat pullos suos.

Altária tua, Dómine, virtútum: * Rex meus et Deus meus.

Beáti, qui hábitant in domo tua, Dómine: * in sæcula sæculórum laudábunt te.

Beátus vir, cujus est auxílium abs te: * ascensióes in corde suo dispósuit, in valle lacrymárum, in loco quem pósuit.

Etenim benedicţióem dabit legislátor, ibunt de virtúte in virtútem: * vidébitur Deus deórum in Sion.

Dómine Deus virtútum, exáudi oratióem meam: * áuribus pécipe, Deus Jacob.

Protéctor noster, áspice, Deus: * et respice in faciém Christi tui.

Quia melíor est dies una in átriis tuis * super míllia.

Elégi abjéctus esse in domo Dei mei, * magis quam habitáre in tabernáculis peccatórum.

Quia misericórdiam, et veritátem dí-
ligit Deus: * grátiam, et glóriam da-
bit Dóminus.

Non privábit bonis eos, qui ámbulant
in innocéntia: * Dómine virtútum, beá-
tus homo, qui sperat in te.

Antiph. Introíbo ad altáre Dei: su-
mam Christum, qui rénovat juventú-
tem meam, allelúja.

V. Edúcas panem de terra, allelúja.

R. Et vinum lætíficet cor hóminis,
allelúja.

Pater noster.

Absolutio. A vínculis.

V. Jube, domne, benedícere.

Benedictio. Evángélica lécio.

Lectiones tertii Nocturni cum suis
R. ponuntur inferius post Lectiones
secundi Nocturni ordine Mensium.

AD LAUDES ET PER HORAS.

Antiph. to. 1. Sapiéntia ædificávit
sibi domum, míscuit vinum, et pósuit
mensam, allelúja.

Psalmus. Dóminus regnávit, cum
reliquis. 14.

Antiph. to. 2. Angelórum esca nu-
trivísti pópulum tuum, et panem de
cœlo præstitísti eis, allelúja.

Antiph. to. 3. r. Pinguis est panis
Christi, et præbébit delícias régibus,
allelúja.

Antiph. to. 4. Sacerdótes sancti in-
cénsum et panes offerunt Deo, allelúja.

Antiph. to. 5. Vincénti dabo manna
absconditum, et nomen novum, al-
lelúja.

Capitulum.

1. Cor. 11. e.

FRatres, Ego enim accépi a Dómino
quod et tradidi vobis, quóniam
Dóminus Jesus, in qua nocte tradebá-
tur, accépit panem, et grátias agens
fregit, et dixit: Accípite, et mandu-
cáte: hoc est corpus meum, quod pro
vobis tradétur: hoc fácite in meam
commemoriátionem.

Hymnus.

Verbum supérnum pródiens,
Nec Patris linquens dexteram,
Ad opus suum éxiens,
Venit ad vitæ vésperam.

In mortem a discípulo
Suis tradéndus æmulis,
Prius in vitæ férculo
Se trádedit discíplis.

Quibus sub bina spécie
Carnem dedit et ságuinem,
Ut dúplicis substantiæ
Totum cibáret hóminem.

Se nascens dedit sócium,
Convéscens in edúlium,
Se móriens in prétium,
Se regnans dat in præmium.

O Salutáris Hóstia,
Quæ cœli pandis óstium,
Bella premunt hostília,
Da robur, fer auxílium.

Uni Trinóque Dómino
Sit sempitérna glória;
Qui vitam sine término
Nobis donet in pátria.

Amen.

V. Pósuit fines tuos pacem, allelúja.

R. Et ádipe fruménti sátiat te, allelúja.

Ad Benedictus, Antiphona, to. 1. f.
Ego sum panis vivus, qui de cœlo
descénderi: si quis manducáverit ex
hoc pane, vivet in ætérnum, allelúja.

Oratio.

Deus, qui nobis sub Sacraménto
mirábili passiónis tuæ memóriam
reliquisti: tribue, quæsumus, ita nos
Córporis et Ságuinis tui sacra mys-
téria venerári; ut redemptiόνis tuæ
fructum in nobis júgiter sentiámus.
Qui vivis et regnas cum Deo Patre.

Si occurrat aliquod Festum Simplex,
fit de eo commemoratio.

Deinde fit commemoratio de Cruce.

Antiph. Crucifixus surréxit a mór-
tuis, et redémit nos, allelúja, allelúja.

V. Dícite in natió nibus, allelúja.
R. Quia Dóminus regnáv it a ligno,
allelúja.

Oratio.

DEus, qui pro nobis Fílium tuum
crucis patíbulum subíre voluísti,
ut inimíci a nobis expélleres potestá-
tem: concéde nobis fámulis tuis; ut
resurrecti ónis grátiam consequámur.
Per eúmdem Dóminum.

Ad Primam.

In R. br. Christe, Fili Dei etc. dupli-
cetur. Allelúja.

V. Qui natus es de María Vírgine,
allelúja.

Et dicuntur Preces Dominicales, ut
in Psalterio.

Ad Tertiam.

Antiph. to. 2. Angelórum esca.

Capitulum. Fratres, Ego enim ac-
cépi. ut supra.

R. br. Panem cœli dedit eis, * Alle-
lúja, allelúja. Panem cœli.

V. Panem Angelórum manducávit
homo. Allelúja, allelúja. Glória Pa-
tri. Panem cœli.

V. Cibávit illos ex ádipe fruménti,
allelúja.

R. Et de petra, melle saturávit eos,
allelúja.

Ad Sextam.

Antiph. to. 3. r. Pinguis est panis.

Capitulum. 1. Cor. 11. f.

QUotiescúmque enim manducábitis
panem hunc, et cálicem bibétis,
mortem Dómini annuntiábitis, donec
véniat.

R. br. Cibávit illos ex ádipe fru-
ménti, * Allelúja, allelúja. Cibávit.

V. Et de petra, melle saturávit eos.
Allelúja, allelúja. Glória Patri. Ci-
bávit.

V. Edúcas panem de terra, allelúja.

R. Et vinum lætíficet cor hóminis,
allelúja.

Ad Nonam.

Antiph. to. 5. Vincénti.

Capitulum.

1. Cor. 11. f.

QUicúmque manducáverit panem
hunc, vel bíberit cálicem Dómini
indígne, reus erit córporis et sángu-
inis Dómini.

R. br. Edúcas panem de terra, *
Allelúja, allelúja. Edúcas.

V. Et vinum lætíficet cor hóminis. Al-
lelúja, allelúja. Glória Patri. Edúcas.

V. Pósuit fines tuos pacem, allelúja.

R. Et ádipe fruménti sátiat te, allelúja.

In II. Vesperis.

Omnia dicuntur sicut in primis Ves-
peris. [333]

V. Panem de cœlo præstitísti eis,
allelúja.

R. Omne delectaméntum in se habén-
tem, allelúja.

Ad Magnificat, Antiphona, to. 5.

O sacrum convívium, in quo Christus
súmitur, recólitur memória passi ónis
ejus, mens implétur grátia, et futúre
glóriæ nobis pignus datur, allelúja.

Oratio. Deus, qui nobis. ut supra.

Si occurrat aliquod Festum Simplex,
fit de eo commemoratio.

Deinde fit commemoratio de Cruce,
si facienda est.


Antiph. Crucem sanctam súbiit qui
inférnum confrégit, accínctus est po-
téntia, surrexit die tértia, allelúja.

V. Dícite in natió nibus, allelúja.

R. Quia Dóminus regnáv it a ligno,
allelúja.

Oratio.

DEus, qui pro nobis Fílium tuum
crucis patíbulum subíre voluísti,
ut inimíci a nobis expélleres potestá-
tem: concéde nobis fámulis tuis; ut
resurrecti ónis grátiam consequámur.
Per eúmdem Dóminum.



Mense Aprili.

IN II. NOCTURNO.

Sermo Sancti Joannis Chrysostomi.

Ex Homil. 60. ad populum Antioch.

Lectio iv.

QUONIAM Verbum dicit: Hoc est corpus meum: et assentiámur, et credámus, et intellectuálibus ipsum óculis intueámur. Nihil enim sensibile nobis Christus trádidit, sed sensibilibus quidem rebus, at ómnia intelligibília. Itidem et in baptísmate, per rem, nempe sensibilem aquam, donum confértur, intelligibile vero quod perfícitur, generátio et renovátio. Si enim incorpóreus esses, nuda et incorpórea tibi dedísset ipse dona: sed quóniam ánima córpori consérta est, in sensibilibus intelligibília tibi præbet. Quot nunc dicunt: Vellem ipsíus formam aspícere, figúram, vestiménta, calceaménta? Ecce eum vides, ipsum tangis, ipsum mandúcas. Et tu quidem vestiménta cupis vidére: ipse vero tibi concédit non tantum vidére, verum et manducáre, et tângere, et intra te súmer.

℞. Cœnantibus illis accépit Jesus panem, et benedíxit ac fregit, dedítque discipulis suis, et ait: * Accípite, et comedite: hoc est corpus meum, allel. V. Dixérunt viri tabernáculi mei: Quis det de cárnibus ejus, ut saturémur? Accípite.

Lectio v.

IGitur accédât nemo cum náusea, nemo resolútus, omnes accénsi, omnes fervéntes et excitáti. Nam si Judæi stantes, et calceaménta in pedibus habéntes, et báculos má nibus gestántes, agnum cum festinátione comedébant, te multo magis opórtet esse solértem. Nam illi quidem in Palæstínam erant profectúri, et prop-térea viatórum figúram habebánt: tu vero debes in cœlum migráre. Quapropter in ómnibus opórtet te vigiláre:

nec enim parva pœna propónitur indigne suméntibus. Cógita quantum advérsus proditórem indignáris, et contra eos, qui illum crucifixerunt. Itaque consídera, ne tu quoque sis reus córporis et ságuinis Christi, illi sanctíssimum corpus occidérunt, tu vero pollúta súscipis ánima, post tot beneficia. Neque enim illi satis fuit, hóminem fíeri, cólaphis cædi, et crucifígi: verum et semetípsum nobis commíscet, et non fide tantum, verum et ipsa re nos suum éfficit corpus.

℞. Accépit Jesus cálicem, postquam cœnavit, dicens: Hic calix novum testaméntum est in meo ságuine: * Hoc fácite in meam commemoratiónem, allelúja.

V. Memória memor ero, et tabéscet in me ánima mea. Hoc fácite.

Lectio vi.

QUO non opórtet ígitur esse puriórem, tali fruéntem sacrificio? quo solári rádio, non splendidiórem manum, carnem hanc dividéntem? os quod igne spiritali replétur, linguam quæ treméndo nimis ságuine rubéscit? Cógita quali sis insignítus honóre, quali mensa fruáris. Quod Angeli vidéntes horréscunt, neque líbere audent intuéri propteremicántem inde splendórem, hoc nos páscimur, huic nos unímur, et facti sumus unum Christi corpus, et una caro. Quis loquétur poténtias Dómini, audítas fáciat omnes laudes ejus? Quis pastor oves próprio pascit cruóre? Et quid dico, pastor? Matres multæ sunt, quæ post partus dolóres, filios áliis tradunt nutrícibus. Hoc autem ipse non est passus: sed ipse nos próprio ságuine pascit, et per ómnia nos sibi coagméntat.

℞. Ego sum panis vitæ: patres vestri manducavérunt manna in desérto, et mórtui sunt: * Hic est panis de cœlo descéndens, ut si quis ex ipso mandúcet non moriáture, allelúja.

V. Ego sum panis vivus, qui de cœlo descendi: si quis manducaverit ex hoc pane, vivet in ætérnum. **Hic est. Gló-
ria Patri. Hic est.**

IN III. NOCTURNO.

**Lectio sancti Evangélii secúndum
Joánnem.**

Lectio vii.

Cap. 6. f.

In illo témpore: Dixit Jesus turbis
Judæórum: Caro mea, vere est
cibus: et sanguis meus, vere est po-
tus. Et réliqua.

Homília Sancti Augustíni Epíscopi.

Traet. 27. in Joan. circa med.

Diximus, fratres, hoc Dóminum
commendasse in manducatióne
carnis suæ, et potatióne sánguini sui,
ut in illo maneámus, et ipse in nobis.
Manémus autem in illo, cum sumus
membra ejus: manet autem ipse in no-
bis, cum sumus templum ejus. Ut au-
tem simus membra ejus, únitás nos
compáginat: ut compáginet únitás,
quæ facit, nisi cháritas? Et cháritas
Dei unde? Apóstolum intérroga. Chá-
ritas, inquit, Dei diffúsa est in cór-
dibus nostris per Spíritum sanctum,
qui datus est nobis.

R. Qui mandúcat meam carnem, et
bibit meum sánguinem, * In me ma-
net, et ego in eo, allelúja.

V. Non est ália nátió tam grandis,
quæ hábeat deos appropinquántes
sibi, sicut Deus noster adest nobis. **In.**

Lectio viii.

Ergo spíritus est, qui vivíficat: spí-
ritus enim facit viva membra: nec
viva membra spíritus facit, nisi quæ in
córpoze, quod végetat ipse spíritus, in-
vénerit. Nam spíritus, qui est in te, o
homo, quo constas ut homo sis, num-
quid vivíficat membrum, quod separá-
tum invénerit a carne tua? Spíritum
tuum dico ánimam tuam. Anima tua
non vivíficat, nisi membra, quæ sunt
in carne tua: unum si tollas, jam non

vivificátur ex ánima tua, quia unitáti
córporis tui non copulátur.

R. Misit me vivens Pater, et ego vivo
propter Patrem: * Et qui mandúcat
me, vivet propter me, allelúja.

V. Cibávit illum Dóminus pane vitæ, et
intelléctus. Et qui. **Glória Patri. Et qui.**

**Lectio nona de S. Simplicii, si occur-
rat; alias:**

Lectio ix.

Hæc dicúntur, ut amémus unitá-
tem, et timeámus separatiónem.
Nihil enim sic debet formidáre Chris-
tiánus, quam separári a córpoze
Christi. Si enim separátur a córpoze
Christi, non est membrum ejus: si
non est membrum ejus, non vegetá-
tur spíritus ejus. Quisquis autem, in-
quit Apóstolus, Spíritum Christi non
habet, hic non est ejus. Spíritus ergo
est, qui vivíficat, caro autem non
prodest quidquam. Verba, quæ ego
locútus sum vobis, spíritus et vita
sunt. Quid est, Spíritus et vita sunt?
Spiritáliter intelligénda sunt. Intelle-
xisti spiritáliter? Spíritus et vita sunt.
Intellexisti carnáliter? Etiam sic illa
spíritus et vita sunt, sed tibi non sunt.

Te Deum laudámus. 13.

~*~*~*~

Mensibus Majo et Junio.

IN II. NOCTURNO.

Sermo Sancti Joánnis Chrysóstomi.

Lectio iv.

Ex eadem Homília 60.

Unícuíque fidélium Christus semet-
ípsu per mystéria commíscet
et quos génuít, per semetípsum enú-
trit, nec álteri tradit: per hoc tibi rur-
sum persuádens, quod carnem tuam
assúmpsit. Ne torpeámus igitur tanta
digni charitáte, et honóre putáti.
Nonne vidétis quanta promptitúdine
párvuli papíllas cápiunt, et quanto
ímpetu lábia ubéribus infígunt? Ac-
cedámus cum tanta nos quoque ala-
critáte ad hanc mensam, et ad úbera

póculi spiritalis: quinímmo cum longe majóri trahámus, tamquam infántes lacténtes, spíritus grátiam; et unus sit nobis dolor hac esca privári. Non sunt humanæ virtútis ópera, hæc quæ proponúntur: qui tunc ipsa fecit in illa cœna, idem ea nunc quoque facit. Nos ministrórum tenémus locum; qui vero sanctificat ea et immutat, ipse est. Nullus itaque Judas assístat, nullus avárus: nam tales mensa non súscipit. Si quis est discípulus, adsit: ait enim: Cum discípulis meis fácio Pascha. Hæc est illa mensa, et minus nihil habet. Non enim illam quidem Christus, hanc autem homo pérficit: verum et hanc ipse quoque.

R. Cœnantibus illis, accépit Jesus panem, et benedíxit, ac fregit, dedítque discípulis suis, et ait: * Accípите, et comédite: hoc est corpus meum, allelúja.

V. Dixérunt viri tabernáculi mei: Quis det de cárnibus ejus, ut saturémur? **A**ccípите.

Lectio v.

INhumanus accédát nemo, nemo crudélis et immiséricors, nemo prorsus immúndus. Hæc ad communicántes dico, et ad vos ministrántes. Nam et ad vos sermónem convertere necessárium est, ut multo cum stúdio hæc dona distribuátis. Non parva vobis ímminet últio, si quemquam, illius culpæ cóncscii, hujus mensæ participem esse concedátis: sanguis ejus de mánibus vestris exquirétur; sive quis dux militiæ sit, sive præféctus, sive princeps diadémate coronátus, indígne autem accédát, próhibe: majórem illo potestátem habes. Prop-térea vos Deus hoc insignívit honóre, ut talia discernátis. Hoc vestra dígnitas est, hoc secúritas, hoc omnis coróna: non ut albam et splendéntem tunicam circumeátis indúti. Verum et tu, láice, cum sacerdotem víderis offeréntem, ne ut sacerdotem esse

putes hoc faciéntem, sed Christi manum invisibíliter exténsam.

R. Accépit Jesus cálicem, postquam cœnávít, dicens: Hic calix novum testaméntum est in meo sángine: * Hoc fácite in meam commemoratiónem, allelúja.

V. Memória memor ero, et tabéscet in me ánima mea. **H**oc fácite in meam.

Lectio vi.

AUdiámus igitur et sacerdótes et súbditi, quali esca facti sumus digni: audiámus et horreámus. Sanctis cárnibus suis nos dedit impléri, semetípsum appósuit immolátum. Quænam igitur erit nobis excusatio, cum talibus pasti, talia peccémus, cum lupi fiámus Agnum comedéntes, cum tamquam oves pasti more leónum diripiámus? Hoc enim mystérium non a rapína tantum, verum et ab omni vel ténuí inimicítia purum esse pénitus jubet: est enim pacis mystérium. Judæis quidem annuátim propriórum monuménta beneficiórum solemnitétes Deus alligávit: tibi vero singulis diébus per hæc mystéria. Nullus itaque Judas hanc mensam petat, nullus Simon. Hi namque duo propter avarítiam periérunt: hoc igitur bátrathrum fugiámus.

R. Ego sum panis vitæ, patres vestri manducavérunt manna in desérto, et mórtui sunt: * Hic est panis de cœlo descéndens, ut si quis ex ipso mandúcet, non moriátur, allelúja.

V. Ego sum panis vivus, qui de cœlo descendi: si quis manducáverit ex hoc pane, vivet in ætérnum. **Hic. Glória Patri. Hic.**

IN III. NOCTURNO.

Lectio sancti Evangélii secúndum Joánnem.

Lectio vii.

Cap. 6. f.

IN illo témpore: Dixit Jesus turbis Judæórum: Caro mea vere est ci-

bus: et sanguis meus, vere est potus. Et reliqua.

Homilia Sancti Augustini Episcopi.

Tract. 26. in Joannem, post medium.

Hic est panis, qui de cœlo descendit. Hunc panem significavit manna, hunc panem significavit altare Dei. Sacramenta illa fuerunt: in signis diversa sunt, sed in re, quæ significatur, paria sunt. Apostolum audi: Nolo enim vos, inquit, ignorare fratres, quia patres nostri omnes sub nube fuerunt, et omnes mare transierunt, et omnes per Moysen baptizati sunt in nube, et in mari, et omnes eandem escam spiritalem manducaverunt. Spiritalem utique eandem: nam corporalem alteram, quia illi manna, nos aliud: spiritalem vero, quam nos: sed patres nostri, non patres illorum, quibus nos similes sumus, non quibus illi similes fuerunt. Et adjungit: Et omnes eundem potum spiritalem biberunt. Aliud illi, aliud nos, sed specie visibili quidem, tamen hoc idem significante virtute spiritali. Quomodo enim eundem potum? Bibebant, inquit, de spiritali, sequente petra: petra autem erat Christus. Inde panis, inde potus. Petra Christus in signo, verus Christus in verbo, et in carne: Et quomodo biberunt? Percussa est petra de virga bis. Gémina percussio duo ligna crucis significat.

R. Qui manducat meam carnem, et bibit meum sanguinem, * In me manet, et ego in eo, allelúja.

V. Non est alia natio tam grandis, quæ habeat deos appropinquantes sibi, sicut Deus noster adest nobis. **In.**

Lectio viii.

Norunt fideles corpus Christi, si corpus Christi non negligerent. Fiant corpus Christi, si volunt vivere de Spiritu Christi. De Spiritu Christi non vivit, nisi corpus Christi. Intelligite, fratres mei, quid dixerim. Homo

es, et spiritum habes, et corpus habes. Spiritum dico, qui anima vocatur, qua constas quod homo es: constas enim ex anima et corpore. Habes enim spiritum invisibilem, corpus visibile. Dic mihi, quid ex quo vivat? Spiritus tuus vivit ex corpore tuo, an corpus tuum ex spiritu tuo? Respondet omnis qui vivit: qui autem hoc non potest respondere, nescio si vivit. Quid respondet omnis qui vivit? Corpus utique meum vivit de spiritu meo. Vis ergo et tu vivere de Spiritu Christi? In corpore esto Christi.

R. Misit me vivens Pater, et ego vivo propter Patrem: * Et qui manducat me, vivet propter me, allelúja.

V. Cibavit illum Dominus pane vitæ, et intellectus. **Et qui.** Glória Patri. **Et qui.**

Nona Lectio de S. Simplicio, si occurrat, alias:

Lectio ix.

Numquid enim corpus meum vivit de spiritu tuo? Meum vivit de spiritu meo, et tuum de spiritu tuo. Non potest vivere corpus Christi, nisi de Spiritu Christi. Inde est, quod exponens nobis Apostolus Paulus hunc panem: Unus panis, inquit, unum corpus multi sumus. O Sacramentum pietatis, o signum unitatis, o vinculum charitatis! Qui vult vivere, habet ubi vivat, habet unde vivat. Accedat, credat, incorporetur, ut vivificetur. Non abhorreat a compage membrorum, non sit putre membrum, quod resecari mereatur; non sit distortum, de quo erubescatur. Sit pulchrum, sit aptum, sit sanum, hæreat corpori, vivat Deo de Deo. Nunc laboret in terra, ut postea regnet in cœlo.

Te Deum laudamus. 13.

exxo

OFFICIUM

Conceptionis Beatæ Virginis Mariæ.



Recitandum sub ritu Duplici in Germania, quolibet Sabbato non impedito Officio novem Lectionum (exceptis Adventus, Quatuor Temporum, Vigilartum, et Quadragesimæ temporibus), juxta Decretum S. Rituum Congregationis die 15. Decembris 1727.

AD VESPERAS.

Antiph. to. 8. Concéptio gloriósæ. cum reliquis, ut infra in Laudibus: Psalmi, Capitulum et Hymnus ut in Festis B. Mariæ Virg. [140]

V. Concéptio recólitur sanctæ Mariæ vírginis, allelúja.

R. Cujus vita ínclýta cunctas illústrat Ecclésiás, allelúja.

Ad Magnificat, Antiphona, to. 1. r. Gloriósæ vírginis Mariæ Conceptionem digníssimam recolámus, quæ et Genitricis dignitátem obtínuit, et virginálem pudicítiam non amísit, allelúja.

Oratio.

Famulis tuis, quæsumus, Dómine, cœléstis grátiae munus impertíre: ut, quibus beatæ Vírginis partus éxitit salutis exórdium, pia Conceptionis ejus commemorátio, pacis tríbuat incrementum. Per Dóminum.

Ad Completorium, et per Horas diei in fine Hymnorum dicitur,

Jesu, tibi sit glória,
Qui natus es de Vírgine.

AD MATUTINUM.

Invitatorium. Conceptionem vírginis Mariæ recolámus: * Christum ejus Fílium adorémus Dóminum, allelúja.

Psalmus. Veníte, exultémus. 2.

Hymnus, Antiphonæ, Psalmi, et **VV.** Nocturnorum, ut in Festis B. V. M. [142]

Lectiones primi Nocturni, de Scriptura occurrente.

R. i. Concépta est beatá virgo María ex progénie David: * Per quam salus mundi credéntibus appáruit, cujus vita gloriósa lucem dedit sáculo, allelúja.

V. Conceptionem beatæ Mariæ vírginis cum gáudio recolámus. Per quam.

R. ii. Beatíssimæ vírginis Mariæ Conceptionem devotíssime recolámus: * Ut ipsa pro nobis intercédât ad Dóminum Jesum Christum, allelúja.

V. Cum jucunditáte Conceptionem beatæ Mariæ vírginis devotíssime recolámus. Ut ipsa.

R. iii. Gloriósæ vírginis Mariæ Conceptionem digníssimam recolámus: * Cujus Dóminus humilitátem respéxit, quæ, Angelo nuntiánte, concépit Salvatórem mundi, allelúja.

V. Beatíssimæ vírginis Mariæ Conceptionem devotíssime recolámus. Cujus. Glória Patri. Cujus.

In secundo et tertio Nocturno leguntur Lectiones, quæ post Officium statutis Mensibus assignantur.

AD LAUDES ET PER HORAS.

Antiph. to. 8. Concéptio gloriósæ vîrginis Mariæ ex sémine Abrahæ, ortæ de tribu Juda, clara ex stirpe David, allel.

Psalmus. Dóminus regnâvit. cum reliquis. 14.

Antiph. to. 7. Concéptio recólitur sanctæ Mariæ vîrginis, cujus vita inclyta cunctas illústrat Ecclésias, allel.

Antiph. to. 6. Regáli ex progénie Mariæ exórta refúlget; cujus précibus nos adjuvári mente et spíritu devotíssime póscimus, allelúja.

Antiph. to. 8. Corde et ánimo Christo canámus glóriam, in hac pia commemoratione præcélsæ genitrícis Dei Mariæ; allelúja.

Antiph. to. 7. Cum jucunditáte Conceptionem beátæ Mariæ recolámus, ut ipsa pro nobis intercédât ad Dóminum Jesum Christum, allelúja.

Capitulum. Ab iníitio.

Hymnus. O gloriósa Vírginum. ut in Festis B. M. V. [149]

V. Concéptio recólitur sanctæ Mariæ vîrginis, allelúja.

R. Cujus vita inclyta cunctas illústrat Ecclésias, allelúja.

Ad Benedictus, Antiphona, to. 8. Conceptionem perpétuæ vîrginis genitrícis Dei Mariæ devotíssime recolámus, qua celsitúdo throni procéssit, allelúja.

Oratio. Fámulis tuis. ut supra.

Ad Primam et alias Horas, Antiphonæ sumuntur ex Laudibus, ut supra: Capitula et R. R. brevia ut in Festis B. M. V. [150]


In II. Vesperis.

Omnia dicuntur ut in primis, præter Antiphonam ad Magnificat, to. 1. Concéptio tua, Dei Génitrix virgo, gáudium annuntiávit univérso mundo: ex te enim ortus est sol justitiæ, Christus Deus noster; qui solvens maledictiónem, dedit benedictiónem:

et confúndens mortem, donávit nobis vitam sempitérnam, allelúja.

Oratio. Fámulis tuis.

Et fit commem. Dominicæ occurr.



Pro Mense Aprili.

IN II. NOCTURNO.

Sermo Sancti Augustíni Epíscopi.

Lectio iv. Serm. 18. de Sanct. in med.

EXultat María, et matrem se læta mirátur, et de Spíritu sancto se peperísse gaudet: nec quia péperit innúpta, terrétur: sed quia genúerit, cum exultatióne mirátur. O fémina super féminas benedícta, quæ virum omníno non novit, et virum suo útero circúmdedit! Circúmdat virum Mariá, Angelo fidem dando, quia Heva pérdidit virum, serpénti consentiendo. O felix obediéntia, o insígnis grátia! quæ dum fidem humíliter dedit, cœli in se opíficem corporávit. Hinc promérui glóriam, quam ipsa póstmodum auxit. Ecce, ait, ex hoc beátam me dicent omnes generatiónes.

R. Concéptio gloriósæ vîrginis Mariæ ex sémine Abrahæ, ortæ de tribu Juda, clara ex stirpe David: * Cujus vita inclyta cunctas illústrat Ecclésias, allelúja.

V. Concépta est beáta virgo Mariá ex progénie David. Cujus vita.

Lectio v.

O Beáta Mariá quis tibi digne váleat ójura gratiárum ac laudum præcónia repéndere, quæ singulári tuo assénsu mundo succurrísti pérdito? Quas tibi laudes fragílitas humáni géneris persólvat, quæ solo tuo commérccio recuperándi áditum invénit? Accipe itaque quascúmque exíles, quascúmque méritis tuis ímpares gratiárum actiões, et cum suscepéris vota, culpas nostras orándo excúsa. Admítte nostras preces intra sacrárium exauditiónis, et repórtanobis antídótum reconciliatiónis.

R. Cum iucunditate Conceptionem beatæ Mariæ recolamus, * Ut ipsa pro nobis intercedat ad Dñm Jesum Christum, allelúja.

V. Corde et ánimo Christo canamus glóriam in hac sacra commemoratione præcelsæ genetrícis Dei Mariæ.

Ut ipsa.

Lectio vi.

Sit per te excusabile quod per te ingerimus: fiat impetrabile quod fide mente poscimus. Accipe quod offerimus, redóna quod rogámus, excúsa quod timémus; quia tu es spes única peccatórum. Per te sperámus véniam delictórum, et in te beatíssima nostrórum est expectatio præmiórum. Sancta María, succúrre míseris, juva pusillánimes, réfove flébiles, ora pro pópulo, intérvieni pro clero, intercéde pro devóto femíneo sexu; séntiant omnes tuum juvámen, quicúmque celebrant tuam sanctam Conceptionem.

R. Conceptio tua, Dei Génitrix virgo, gáudium annuntiávit univérso mundo:

* Ex te enim ortus est sol justítiæ, Christus Deus noster: * Qui solvens maledictionem, dedit benedictionem: et confúndens mortem, donávit nobis vitam sempitérnam, allelúja.

V. Benedícta tu in mulieribus, et benedíctus fructus ventris tui. **Ex te.** Glória Patri. Qui solvens.

IN III. NOCTURNO.

Léctio sancti Evangélii secúndum Matthæum.

Lectio vii.

Cap. 1.

Liber generationis Jesu Christi, filii David, filii Abraham. Abraham genuit Isaac. Isaac autem genuit Jacob. Et reliqua.

Homília Sancti Hierónymi Presbýteri.

Lib. 1. Comm. in Matth. in initio.

In Isaíá légimus: Generationem ejus quis enarrábit? Non ergo putémus Evangelístam Prophétæ esse contrárium, ut quod ille impossíbile dixit effátu, hic narráre incípiat: quia

ibi de generatióne divinitátis, hic de incarnatióne est dictum. A carnálibus autem cœpit, ut per hóminem Deum díscere incipiámus. Filii David, filii Abraham. Ordo præpósterus, sed necessário commutátus. Si enim primum posuísset Abraham, et póstea David, rursus ei repeténdus fúerat Abraham, ut generatiónis séries texerétur.

R. Beátam me dicent omnes generatiónes: * Quia fecit mihi Dñus magna qui potens est, et sanctum nomen ejus, allelúja.

V. Et misericórdia ejus a progénie in progénies timéntibus eum. Quia fecit.

Benedictio. Cujus festum cólimus ipsa Virgo vírginum.

Lectio viii.

Ideo autem céteris prætermíssis, horum filium nuncupávit: quia ad hos tantum facta est de Christo repromissio. Ad Abraham: In sémine, inquit, tuo, benedicéntur omnes gentes, quod est Christus. Ad David: De fructu ventris tui ponam super sedem tuam. Judas autem genuit Phares et Zaram de Thamar. Notándum, in genealogía Salvatóris nullam sanctárum assúmi mulierum, sed eas, quas Scriptúra reprehéndit: ut, qui propter peccatóres vénerat, de peccatóribus nascens, ómnium peccáta deléret. Unde et in consequéntibus Ruth Moabítis pónitur et Béthsabee uxor Uriæ.

R. Felix namque es, sacra virgo María, et omni laude digníssima, * Quia ex te ortus est sol justítiæ, * Christus Deus noster, allelúja.

V. Ora pro pópulo, intérvieni pro clero, intercéde pro devóto femíneo sexu: séntiant omnes tuum juvámen, quicúmque celebrant tuam sanctam Conceptionem. Quia ex te ortus. Glória Patri. Christus Deus noster.

Lectio ix.

Jacob autem genuit Joseph. Hunc locum objécit nobis Juliánus Au-

gústus de dissonántia Evangelistárum, cur Evangelísta Matthæus Joseph díxerit fílium Jacob, et Lucas eum fílium appellárit Heli: non intélligens consuetúdinem Scripturárum, quod alter secúndum natúram, alter secúndum legem ei pater sit. Scimus enim hoc per Móysen, Deo jubén-te, præcéptum, ut si frater aut propínquus absque líberis mórtuus fúerit, álius accípiat uxórem ad suscitándum semen fratris vel propínqui sui. Joseph virum Mariæ. Cum virum audíseris, suspício tibi non súbeat nuptiárum: sed recordáre consuetúdinis Scripturárum, quod sponsi viri, et sponsæ vocéntur uxóres.

Te Deum laudámus. 13.



Pro Mense Majo et Junio.

IN II. NOCTURNO.

Sermo Sancti Bernárdi Abbátis.

Lectio iv. Serm. in cap. 12. Apoc.

NOVUM fecit Dóminus super terram, ut múl-
ier circúmdaret virum, nec álium quam Christum, de quo díci-
tur: Ecce vir, Oriens nomen ejus. Novum quoque fecit in cælo, ut múl-
ier sole apparéret amícta. Dénique et coronávit eum, et vicíssim ab eo méruit coronári. Egredímini fíliæ Sion, et vidéte regem Salomónem in diadémate, quo coronávit eum mater sua. Verum hoc álias. Interim sane ingredímini magis, et vidéte Regínam in diadémate, quo coronávit eam Fílius suus. In cápite, inquit, ejus córona stellárum duódecim.

R. Concéptio gloriósæ vírginis Mariæ ex sémine Abrahæ, ortæ de tribu Juda, clara ex stirpe David, * Cujus vita íncl-
yta cunctas illústrat Ecclé-
sias, allelúja.

V. Concépta est beáta virgo María ex progénie David. Cujus vita.

Lectio v.

DIGNUM plane stellis coronári ca-
put, quod et ipsis longe clárius micans, ornet eas pótius, quam ornétur ab eis. Quidni corónent sídera, quam sol vestit? Sicut dies verni circúmdabant eam flores rosárum, et lília convállium. Nimfrum lævasponsi sub cápite ejus, et jam dextera illius amplexátur eam. Quis illas æstimet gemmas, quis stellas nóminet, quibus Mariæ régium diadéma compáctum est?

R. Cum jucunditáte Conceptionem beátæ Mariæ recolámus: * Ut ipsa pro nobis intercédât ad Dóminum Jesum Christum, allelúja.

V. Corde et ánimo Christo canámus glóriam in hac sacra commemora-
tíone præcélsæ genitrícis Dei Mariæ. Ut ipsa.

Lectio vi.

QUID ergo sidéreum micat in genera-
tíone Mariæ? Plane quod ex régi-
bus orta, quod ex sémine Abrahæ, quod generósa ex stirpe David. Si id parum vidétur, adde quod generatíoni illi ob singuláre privilégium sanctitátis diví-
nitus nóscitur esse concéssa: quod longe ante eisdem pátribus cœlitus repro-
míssa, quod mýsticis præfiguráta mi-
ráculis, quod oráculis prænuntiáta prophéticis. Hanc enim sacerdotális virga, dum sine radíce flóruit; hanc Gedeónis vellus, dum in médio siccæ áreæ máduit; hanc in Ezechiélis visíone Orientális porta, quæ nulli um-
quam páuit, præsignábat.

R. Concéptio tua, Dei génitrix virgo, gáudium annuntiávit unív-
erso mundo:

* Ex te enim ortus est sol justítiae, Christus Deus noster: * Qui solvens maledictíonem, dedit benedictíonem: et confúndens mortem, donávit nobis vitam sempitérnam, allelúja.

V. Benedícta tu in muliéribus, et benedíctus fructus ventris tui. Ex te. Glória Patri. Qui.

IN III. NOCTURNO.

Lectio sancti Evangelii secundum
Matthæum.

Lectio vii.

Cap. 1.

Liber generatiōnis Jesu Christi, filii David, filii Abraham. Abraham genuit Isaac. Isaac autem genuit Jacob. Et reliqua.

Homilia Sancti Hilarii Episcopi.

Comm. in Matth. cap. 1.

Non refert quis in originis numero atque ordine collocetur, dummodo universorum familia cœpta esse intelligatur ab uno. Itaque cum ejusdem tribus sit Joseph et Maria, dum profectus esse ex Abraham genere Joseph ostenditur, profecta quoque docetur et Maria. Hæc enim in lege ratio servata est, ut si mortuus sine filiis familie princeps esset, defuncti uxorem posterior frater ejusdem cognationis acciperet, susceptosque filios in familiam ejus, qui mortuus esset, referret: maneretque ita in primogenitis successiōnis ordo, cum patris eorum, qui post se nati essent, aut nomine haberentur, aut genere.

R. Beātam me dicent omnes generatiōnes: * Quia fecit mihi Dōminus magna qui potens est, et sanctum nomen ejus, allelūja.

V. Et misericordia ejus a progénie in progénies timéntibus eum. **Quia.**

Lectio viii.

Sequens illud est, ut, quia diximus secundum rerum fidem generatiōnis istius ordinem nec numero sibi, nec successiōne constāre, hujus quoque rei ratio afferatur. Non enim levis causa est, ut aliud in narratiōne sit, aliud fuerit in gestis: et aliud referatur in summa, aliud vero teneatur in numero. Namque ab Abraham usque ad David quatuordecim generatiōnes numeratæ sunt, et a David us-

que ad transmigratiōnem Babylōnis in quibūsdam libris decem et septemprehenduntur. Sed in hoc non mendacii aut negligentiæ vitium est. Tres enim ratiōne præteritæ sunt. Nam Joras genuit Ochoziam, Ochozias vero genuit Joam, Joas deinde Amasiam, Amasias autem Oziam: et in Matthæo Joras Oziam genuisse scribitur, cum quartus ab eo sit. Hoc ita, quia ex gentili femina Joras Ochoziam genuit, ex Achab scilicet, qui Jézabel habuit uxorem.

R. Felix namque es, sacra virgo Maria, et omni laude dignissima: * Quia ex te ortus est sol justitiæ, * Christus Deus noster, allelūja.

V. Ora pro pópulo, intérvēni pro clero, intercēde pro devoto femineo sexu: sentiant omnes tuum juvāmen, quicumque celebrant tuam sanctam Conceptionem. **Quia ex. Glória Patri. Christus.**

Lectio ix.

Denique per Prophétam non nisi quarta generatiōne in throno regis Israël quemquam de domo Achab esse sessurum dicitur. Purgata igitur labe familie gentilis tribus, quæ præteritis jam regulis, in quarto generatiōnum consequentium ordine numeratur, et usque ad Mariam generatiōnes quatuordecim esse scribuntur, cum in numero decem et septem reperiāntur, nullus error esse poterit scientibus, non eam solum esse Dōmino nostro Jesu Christo originem, quæ cœpit ex Maria: sed in procreatiōne corporea, nativitatis æternæ significantiam comprehendī.

Te Deum laudamus. 13.





OFFICIUM

Immaculatæ Conceptionis B. Mariæ Virginis.



His in locis, in quibus Officium Immaculatæ Conceptionis B. M. V. recitatur in Sabbatis, erit hoc idem, quod in Festo, ritu Semiduplici, temp. Paschali.

AD VESPERAS.

Antiph. to. 3. Sicut Iſlium. cum reliquis de Laudibus. Psalmi ut in Festis Beatæ Mariæ Virginis. [140]

Capitulum.

Prov. 8.

Dominus possedit me in inſitio viarum suarum, antequam quidquam faceret a principio. Ab æterno ordinata sum, et ex antiquis antequam terra fieret. Nondum erant abyſſi, et ego jam concepta eram.

Hymnus.

Ave, maris stella,
Dei mater alma,
Atque semper virgo,
Felix cœli porta.

Sumens illud Ave
Gabrielis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces
Qui pro nobis natus,
Tulit esse tuus.

Virgo singularis,
Inter omnes mitis,
Nos culpis solutos
Mites fac et castos.

Vitam præsta puram,
Iter para tutum,
Ut videntes Jesum
Semper collætémur.

Sit laus Deo Patri,
Summo Christo decus,
Spirítui sancto,
Tribus honor unus.
Amen.

V. Immaculata Concéptio est hódie sanctæ Mariæ Virginis, allelúja.

R. Cujus vita ínclýta cunctas illústrat Ecclésias, allelúja.

Ad Magnificat, Antiphona, to. 1.

Beáta Dei génitrix María, Virgo perpétua, templum Dómini, sacrárium Spíritus sancti, sola sine exémplo placuísti Dómino nostro Jesu Christo, allelúja.

Oratio.

Deus, qui per Immaculatam Virginitis Conceptionem dignum Filio tuo habitáculum præparásti: ejus nobis intercessióne concéde; ut cor et corpus nostrum immaclátum tibi, qui eam ab omni labe præservásti, fidéliter custodiámus. Per eúndem Dóminum nostrum.

AD MATUTINUM.

Invitatorium. Immaculatam Conceptionem Virginis Mariæ celebrémus: * Christum ejus Fílium adorémus Dóminum, allelúja.

Psalmus. Veníte, exultémus. 2.

Hymnus.

Quem terra, pontus, sídera
Colunt, adorant, prædicant,
Trinam regéntem máchinam,
Clastrum Mariæ bájulat.

Cui luna, sol, et ómnia
Deserviunt per témpora,
Perfúsa cœli grátia,
Gestant puéllæ víscera.

Beáta Mater, múnere
Cujus supérnus Artifex
Mundum pugíllo cóntinens,
Ventris sub arca clausus est.

Beáta cœli núntio,
Fecúnda sancto Spíritu,
Desiderátus géntibus
Cujus per alvum fusus est.

Jesu, tibi sit glória,
Qui natus es de Virgine,
Cum Patre, et almo Spíritu,
In sempitérna sæcula. Amen.

IN I. NOCTURNO.

Antiph. to. 1. Multæ filiae congregavérunt divítias, tu supergréssa es univérsas, allelúja.

Psalmi ut in primo Nocturno Festorum B. M. V. [142] sub una Antiphona.

V. Deus præcínxit me virtúte, allelúja.

R. Et pósuit immaculatam viam meam, allelúja.

Lectiones primi Nocturni semper leguntur de Scriptura occurrente cum Responsoriis ut infra.

R. i. Quæ est ista, quæ ascéndit sicut auróra consúrgens, Pulchra ut luna, elécta ut sol? allelúja.

V. Quasi arcus refúlgens inter nébulas, et quasi flos rosárum in diébus vernis. Pulchra ut luna.

R. ij. Vidi speciósam sicut colúmbam ascendéntem désuper rivos aquárum, * Cujus inæstimábilis odor erat nimis in vestiméntis ejus, allelúja.

V. Quæ est ista, quæ ascéndit de deserto delíciis áffluens, inníxa super diléctum suum? Cujus.

R. iii. Congratulámini mihi omnes, qui dilígitis Dóminum, * Quia cum essem párvula plácuí Altíssimo, allelúja.

V. Fecit mihi magna, qui potens est, et sanctum nomen ejus. Quia. Glória Patri. Quia.

IN II. NOCTURNO.

Antiph. to. 7. Erípuit me de inimícis meis fortíssimis, et factus est Dóminus protéctor meus, allelúja.

Psalmi ut in secundo Nocturno Festorum B. M. V. [144] sub una Antiphona.

V. In hoc cognóvi quóniam voluísti me, allelúja.

R. Quóniam non gaudébit inimícus meus super me, allelúja.

Lectiones secundi Nocturni cum suis Responsoriis ponuntur infra post Officium ordine Mensium.

IN III. NOCTURNO.

Antiph. to. 7. Ave, grátia plena, Dóminus tecum, allelúja.

Psalmi, ut in tertio Nocturno Festorum B. M. V. [147] sub una Antiphona.

V. Elégit eam Deus, et præelégit eam, allelúja.

R. In tabernáculo suo habitare fecit eam, allelúja.

Lectiones tertii Nocturni cum suis Responsoriis ponuntur inferius ordine Mensium.

AD LAUDES

ET PER HORAS.

Antiph. to. 3. Sicut lílium inter spinas, sic amíca mea inter fílias, allelúja.

Psalmus. Dóminus regnávít. cum reliquis. 14.

Antiph. to. 2. Diléctus meus mihi et ego illi, qui páscitur inter lília, allelúja.

Antiph. to. 7. Tota pulchra es, amíca mea, et mácula non est in te, allelúja.

Antiph. to. 4. Benedícta es tu, fília, a Dómino Deo excélso præ ómnibus muliéribus super terram, allelúja.

Antiph. to. 5. Tu glória Jerúsalem, tu lætítia Israel, tu honorificéntia pó-puli nostri, allelúja.

Capitulum.

Prov. 8.

Dóminus possédit me in inítkio viárum suárum, ántequam quidquam fáceret a princípío. Ab ætérno ordináta sum, et ex antíquis ántequam terra fíeret. Nondum erant abyssi, et ego jam concépta eram.

Hymnus.

O gloriósa Vírginum,
Sublímis inter sídera,
Qui te creávit, párvulum
Lacténte nutris úbere.

Quod Heva tristis ábstulit,
Tu reddis almo gérmine:
Intrent ut astra flébiles,
Cœli reclúdis cárdines.

Tu Regis alti jánuas,
Et aula lucis fúlgida:
Vitam datam per Vírginem,
Gentes redéemptæ, pláudite.

Jesu, tibi sit glória,
Qui natus es de Vírgine,
Cum Patre, et almo Spírítu,
In sempitérna sácula. Amen.

V. Immaculáta Concéptio est hódie Sanctæ Mariæ Vírginis, allelúja.

R. Cujus vita ínclýta cunctas illústrat Ecclésias, allelúja.

Ad Benedictus, Antiphona, to. 1. Ait Dóminus Deus ad serpéntem: inimicítias ponam inter te et mulíerem, et semen tuum et semen illíus: ipsa cónteret caput tuum, allelúja.

Oratio.

D Deus, qui per immaculatam Vírginis Conceptionem dignum Filio tuo habitáculum præparásti: ejus nobis intercessióne concéde, ut cor et corpus nostrum immaclátum tibi, qui eam ob omni labe præservásti, fidéliter custodiámus. Per eúndem Dóminum nostrum.

Ad Primam.

In R. br. dicitur. Qui natus es de María Vírgine.

Ad Tertiam.

Antiph. to. 2. Diléctus meus.

Capitulum. Dóminus possédit me. ut supra.

R. br. Deus præcínxit me virtúte, Allelúja, allelúja.

V. Etpósuit immaculatam viam meam. Allelúja, allelúja. Glória Patri. Deus.

V. In hoc cognóvi quóniam voluísti me, allelúja.

R. Quóniam non gaudébit inimícus meus super me, allelúja.

Ad Sextam.

Antiph. to. 7. Tota pulchra es.

Capitulum.

Ezech. 44

Porta hæc clausa erit, non aperiétur, et vir non intrábit per eam, quóniam Dóminus Deus Israel ingrésus est per eam: erítque clausa Príncipi. Princeps ipse sedébit in ea.

R. br. In hoc cognóvi quóniam voluísti me, * Allelúja, allelúja. In hoc.

V. Quóniam non gaudébit inimíscus meus super me. Allelúja, allelúja.

Gloria Patri. In hoc.

V. Elégit eam Deus, et præelégit eam, allelúja.

R. In tabernáculo suo habitáre facit eam, allelúja.

Ad Nonam.

Antiph. to. 5. Tu glória.

Capitulum.

Prov. 8.

Beátus homo qui audit me, et qui vígilat ad fores meas quotidie, et observat ad postes óstii mei. Qui me invénerit, invéniet vitam, et háuriet salutem a Dómino.

R. br. Elégit eam Deus et præelégit eam, * Allelúja, allelúja.

V. In tabernáculo suo habitáre facit eam. Allelúja, allelúja. Gloria Patri. Elégit.

V. Diffúsa est grátia in lábiis tuis, allelúja.

R. Proptérea benedíxit te Deus in ætérnum, allelúja.

In II. Vesperis.

Omnia ut in primis, præter

Antiphonam ad Magnificat, to. 1.

Concéptio tua Dei génitrix Virgo, gáudium annuntiávit univérso mundo: ex te enim ortus est sol justítiæ Christus Deus noster: qui solvens maledictiónem dedit benedictiónem, et confúndens mortem donávit nobis vitam sempitérnam, allelúja.

Mense Aprili.

IN II. NOCTURNO.

Sermo Sancti Thomæ Archiepíscopi Valentíni.

Lectio iv.

In Conceptione B. M. V.

Non est facta in póndere et mensúra Virgo. Omnibus dedit, ómnia replévit. Et quemádmódum Sol justítiæ, Christus Deus noster, oríri facit lumen suum super bonos et malos: sic lumen indeficiens Virgo sacratíssima, rádios évibrans misericórdiæ suæ, ómnibus indifferénter sese exorábilem, ómnibus clementíssimam præbet, ómnium dénique necessitatés amplíssimo quodam miserátur afféctu. Omnibus ómnia facta est; sapiéntibus et insipiéntibus copiosíssima charitáte debitrícem se fecit; ómnibus misericórdiæ sinum apéruit, ut de plenitúdine ejus accípiant univérsi, captívus redemptiónem, æger curationem, tristis consolationem, peccátor véniam, justus grátiam, Angelus lætítiam, dénique tota Trínitas glóriam, Fílii persóna carnis humanæ substántiam.

R. Fundaménta ejus in móntibus sanctis: * Díligit Dóminus portas Sion super ómnia tabernácula Jacob, allelúja.

V. Gloriósa dicta sunt de te, Cívitas Dei. Díligit.

Lectio v.

O lampas lucidíssima, quantos lætificásti, quando divíno splendóre illustráta in útero matris immaculáta apparuísti! Concéptio tua, Dei génitrix Virgo, gáudium annuntiávit univérso mundo. Mérito epithalámii præcéptor ille a longe in ortu tuo, te intúitus, Quæ, inquit, est ista quæ progréditur, quasi auróra consúrgens, pulchra ut luna, elécta ut sol, terríbilis ut castrórum ácies ordináta?

Sicut auróra valde rútilans in mún-
dum prodísti, o Maríá, quando veri
Solis fulgóre adumbráta in Concep-
tione tua immaculáta fuisti. Ipse
enim Sol justítiæ de te processurus,
ortum tuum quadam matutína ira-
diatíone præveniens, in te suæ lucis
rádios copiosíssime, transfúdit, qui-
bus potestátes tenebrárum, quas Heva
prodúxerat, in fugam convertísti.

R. Nihil inquinátum in eam incúrrit:
* Candor est lucis æternæ, spéculum
sine mácula, allelúja.

V. Hortus conclúsus, soror mea spon-
sa, hortus conclúsus, fons signátus.
Candor.

Lectio vi.

TU pulchra ut luna díceris, eíque
non immérito comparáris; illa
enim ómnium astrórum sola, Soli si-
míllima, comparatíone et candóre
venústa, inter míllia astrórum Deo
assisténtium, omnígena puritatē in
cœlo gloriósa præfúlges. Tu ergo
pulchra es ut luna, imo et púlchrior
luna, quia tota pulchra es, et máculæ
neque originális, neque actualis um-
bra non est in te. Tu elécta es, ut
sol. Ille, inquam, Sol, solis cónditor,
ille eléctus est ex míllibus virórum;
tu elécta ex míllibus feminárum. Tu
terribilis ut castrórum ácies ordináta.
An non horruérunt príncipes tene-
brárum, quando vidérunt præter mo-
rem immaculatē concéptam, armátúra
omni fortióre instrúctam contra se
procédere féminam? Quin et in ani-
matíone tua ácies válidas spirituálium
Virtútum, et innumerabílium beató-
rum Spirítuum milítiam delegátam
fuisse nullátēnus ambígimus; útpote
qui custodírent léctulum Salomónis
puríssimum, ne præparátum ætérno
Regi hospítium aliénus hospes in-
vaderet.

R. Beátam me dicent omnes genera-
tiones, * Quia ancíllam húmílem re-
spéxit Deus, allelúja.

V. Ornátam monílibus fíliam Jerúsa-
lem Dóminus concupívit. Quia. Gló-
ria Patri. Quia.

IN III. NOCTURNO.

Lectio sancti Evangelíi secúndum
Matthæum.

Lectio vii.

Cap. 1.

Liber generatiónis Jesu Christi fí-
lii David, fílii Abraham. Abra-
ham génuít Isaac: Isaac autem gé-
nuít Jacob. Et réliqua.

Homília Sancti Ambrósii Epíscopi.

Expos. Evang. secundum Lucam, cap. 3.

Ideo istos duos géneris auctóres
Evangelísta delégit: unum, qui
promíssum accépit de congregatíone
populórum: álterum, qui de genera-
tíone Christi oráculum consecútus
est. Et ídeo licet órđine sit succes-
sionis postérior; prior tamen quam
Abraham in Dómini generatíone de-
scríbatur; quia plus est promíssum ac-
cepísse de Christo, quam de Ecclé-
sia; quóniam Ecclésia ipsa per Chris-
tum. Ergo unus princeps géneris se-
cúndum carnem, alter princeps géneris
secúndum spíritum: alter secúndum
sémis grátiam, alter secúndum po-
pulórum fidem: pótior enim quis salvat
eo qui salvátur. Et ídeo David fílius
díctur: Liber generatiónis Jesu
Christi fílii David. Ejus enim primo
loco débuit fílius dici, cui dari fílius
est promíssus; licet Apóstolus étiam
Abrahæ Christum dicat esse promís-
sum. Abrahæ enim dictæ sunt pro-
missíones, et sémini ejus. Non dicit:
et semínibus, tamquam in multis;
sed sicut in uno: et sémini tuo, qui
est Christus: ut álteri proprietas gene-
ratiónis, principátus álteri deferátur.

R. Signum magnum appáruit in cœlo,
Múlier amícta sole, et luna sub pedi-
bus ejus, * Et in cápite ejus coróna
stellárum duódecim, allelúja.

V. Fília Sion tota formósa et suávis
est. **R.** in cápite ejus.

Lectio viii.

Illi delátum est, ut Jesus ejus filius diceretur: huic quasi príncipi, famíliæ gentiúmque prærogatíva servátur; ut ab Abraham generatiónis Dóminicæ manáret exórdium. Qui enim fidei auctor est, ipsum assérere Scriptúra quoque débuit divínæ generatiónis auctórem. Unde et Lucas ad Deum putávit oríginem ejus esse referéndam; quod verus Christi generátor Deus sit, vel secúndum veram generatiónem pater, vel secúndum lavácri regeneratiónem mýstici múnieris auctor. Et ídeo non a primo generatiónem ejus cœpit describere; sed pósteaquam baptísmum ejus explícuit, auctórem ómnium Deum per baptísmum cúpiens demonstráre, Christum quoque a Deo órđine manásse successiόnis asséruiť: univérſa contéxens, ut et secúndum natúram, et secúndum grátiam, et secúndum carnem Dei Fílium demonstráret.

R. Benedíxit te Dóminus in virtúte sua,* Quia per te ad níhilum redégit inimícos nostros, allelúja.

V. Hódie nomen tuum ita magnificávit Dóminus, ut non recédát laus tua de ore hóminum. Quia. Glória Patri. Quia.

Lectio ix.

Quod vero per Salomónem Matthæus generatiónem derivándam putávit, Lucas vero per Nathan: alter regálem, alter sacerdotálem Christi famíliam vidétur osténdere. Quod non ita accípere debémus, quod áltér-um áltéro vérius, sed alter áltéri pari fide et veritáte concórdet. Fuit enim vere et secúndum carnem regális, et sacerdotális famíliæ: rex ex régibus, sacerdos ex sacerdotibus, licet oráculum non de carnálibus, sed de cœléstibus exprimátur; quóniam et rex in Dei virtúte lætátur, cui judícium a Patre rege defértur, et sacerdos est

in ætérnum, secúndum quod scriptum est: Tu es sacerdos in ætérnum secúndum órđinem Melchisedech. Bene ígitur utérque ténuít fidem, ut Matthæus per reges ductam oríginem comprobáret, et Lucas per sacerdotés a Deo transmissam in Christum sériem géneris deducéndo, sanctiorem ipsam oríginem declaráret.

Te Deum laudámus. 13.



Mensibus Majo et Junio.

IN II. NOCTURNO.

Sermo Sancti Bernárdi Abbátis.

De duodecim prærogativis beatæ Mariæ Virginis.

Lectio iv.

Mulier, inquit, amícta sole. Plane amícta lúmine tamquam vestiménto. Non pécipit forte carnális: nímfum spirituále est: stultítia illi vidétur. Non sic videbátur Apóstolo, qui dicébat: Induímini Dóminum Jesum Christum. Quam familiáris ei facta es Dómina! Quam próxíma, immo quam íntima fíeri meruísti, quantam invenísti grátiam apud eum! In te manet, et tu in eo; et vestis eum, et vestíris ab eo. Vestis eum substántia carnis, et vestit ille te glória suæ majestátis. Vestis Solem nube, Sole ipsa vestíris. Novum enim fecit Dóminus super terram, ut múlíer circúmdaret virum, nec álium quam Christum, de quo dícitur: Ecce vir, Oriens nomen ejus. Novum quoque fecit in cœlo, ut múlíer sole apparéret amícta. Dénique et coronávit eum, et vicíssim ab eo méruit coronári.

R. Fundaménta ejus in móntibus sanctis:* Díligit Dóminus portas Sion super ómnia tabernácula Jacob, allelúja.

V. Gloriósa dicta sunt de te, Cívitas Dei. Díligit.

Lectio v.

IN cápite, inquit, ejus coróna stellárum duódecim. Dignum plane stellis coronári caput, quod et ipsis longe clárius micans, ornet eas pótius quam ornétur ab eis. Quidni coronént sídera, quam sol vestit? Sicut dies verni, ait, circúmdabant eam flores rosárum, et lília convállium. Nímírum læva sponsi sub cápite ejus, et jam dextera illíus amplexátur eam. Quis illas aestimet gemmas, quis stellas nóminet, quibus Maríæ régium diadéma compáctum est? Supra hóminem est coronæ hujus ratióne expónere, indicáre compositiódinem. Mihi sane singuláris rútilat fulgor, primo quidem in Maríæ generatióne, secúndo in Angélica salutatióne, tértio in Spíritus superventióne, quarto in Fílii Dei inenarrábili Conceptione.

R. Nihil inquinátum in eam incúrrit:
* Candor est lucis æternæ, spéculum sine mácula, allelúja.

V. Hortus conclúsus, soror mea sponsa, hortus conclúsus, fons signátus. Candor.

Lectio vi.

Quid ergo sidereum micat in generatióne Maríæ? Plane quod ex régibus orta; quod ex sémine Abrahæ; quod generosa ex stirpe David. Si id parum vidétur, adde quod generatióni illi ob singuláre privilégium sanctitátis, divínitus nósciture esse concessa; quod longe ante eisdem Patribus cœlitus repromissa; quod mysticis præfigurata miraculis; quod oraculis prænuntiata prophéticis. Hanc enim sacerdotális virga, dum sine radíce floruit; hanc Gedeónis vellus, dum in médio siccæ áræe máduit; hanc in Ezechiélis visióne orientális porta, quæ nulli umquam páuit, præsignabat. Hanc dénique præ cæteris Isaías nunc virgam de radíce Jesse oritúram prænuntiábat; nunc evidéntius vírginem paritúram. Mérito sig-

num hoc magnum in cœlo apparuisse scribitur, quod tanto ante de cœlo nóscitur fuisse promissum.

R. Beátam me dicent omnes generatiónes, * Quia ancíllam húmílem respéxit Deus, allelúja.

V. Ornátam monilibus fíliam Jerúsalem Dóminus concupívit. Quia. Glória Patri. Quia.

IN III. NOCTURNO.

Lectio Sancti Evangelii secúndum Matthæum.

Lectio vii.

Cap. 1.

Liber generatiónis Jesu Christi fílii David, fílii Abraham. Abraham genuit Isaac; Isaac autem genuit Jacob. Et réliqua.

Homilia Sancti Joannis Chrysóstomi.

Homilia 2. in Matth. post initium.

Audítu quidem mirábile est, quod ineffábilis Deus, et qui nec sermonibus explicári potest, nec cogitatióibus comprehendí, Patrique per ómnia coæquális, per Vírginis ad nos venit úterum, et fieri ex muliere dignátus est, et habére progenitóres David et Abraham. Et quid dico David et Abraham? étiam illas, quod magis stupéndum est, féminas quas paulo ante memorávi. Hæc ígitur áudiens mente, consúrge, níhilque húmile suspicéris, sed pótius propter hoc ipsum máxime miráre, quia cum verus et diléctus Fílius sit sempitérni Dei, étiam Fílius David esse dignátus est, modo ut te fílium fáceret Dei: servum patrem habére dignátus est, ut tibi servo Patrem fáceret ipsum Deum.

R. Signum magnum apparuit in cœlo, Múlier amícta sole, et luna sub pédibus ejus, * Et in cápite ejus coróna stellárum duódecim, allelúja.

V. Fília Sion tota formósa et suávis est. Et in cápite ejus.

Lectio viii.

Vides ab ipso statim principio, quam læta sint hæc nuntia. Quod si ambigis de his, quæ ad tuum spectant honorem, ab iis, quæ illius sunt, etiam tua disce credere. Quantum enim consequi potest humana ratio, multo est difficilius Deum hominem fieri, quam hominem Dei filium consecrari. Cum ergo audieris, quia Filius Dei filius sit et David, et Abrahæ, dubitare jam desine, quod et tu, qui filius es Adæ, futurus sis filius Dei. Non enim semetipsum ita humiliasset, nisi nos esset exaltaturus. Natus est enim secundum carnem, ut tu nascerere spiritu: natus est ex muliere, ut tu desineres filius esse mulieris.

R. Benedixit te Dominus in virtute sua, * Quia per te ad nihilum redégit inimicos nostros, allelúja.

V. Hódie nomen tuum ita magnificávit Dominus, ut non recédât laus tua de ore hominum. Quia. Glória Patri. Quia.

Lectio ix.

Propterea duplex facta generatio est, hæc scilicet nostræ similis, illa nostram eminenter excédens. Quod enim natus ex femina est, et nobis cõpetit: quod vero non ex sanguine, neque ex voluntate carnis, aut viri, sed ex Spiritu sancto, aliam nobis sublimiorem, futuramque, et spiritu consequendam generationem promittit. Sed alia quoque omnia ex simili diversitate constabant. Nam et baptisma profecto tale suscepit, quod haberet quidem aliquid veteris, haberet et novi. Quod enim baptizatus est a Propheta, expréssit vetus: quod autem descendit Spiritus, adumbrávit novum.

Te Deum laudamus. 13.



OFFICIUM

Sancti Januarii Episcopi et Martyris.



Recitandum semel in Mense die non impedita Festo novem Lectionum sub ritu Semiduplici, extra Quadrages. in toto Regno Neapolitano.

Omnia de Communi Martyr. tempore Paschal. [37], præter ea, quæ habentur propria.

In I. Vesperis.

Ad Magnificat, Antiphona, to. 3.
Beatus Januarius, Præsul et Martyr inclitus extinxit impetum ignis, obtulit ora ferarum, et in occisione gladii pro Christo mortuus, legitimi certaminis coronam accepit, allelúja.

Oratio.

Deus, qui per beati Januarii Martyris tui atque Pontificis confessionem et sanguinem, admirabili testimonio, ac triumpho Ecclesiæ tuæ fidem illustrare dignatus es: quaesumus; ut ejusdem nos fidei consortio, et patrocínio munitos triumpho etiam, et gloriæ participes efficias. Per Dóminum nostrum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Januarius, Benevienti Episcopus, Diocletiano et Maximiano in Christianos sæviéntibus, ad Timotheum Campaniæ Præsidem ob Christianæ

fidei professionem Nolam perducitur. Ibi ejus constantia varie tentata, in ardentem fornacem conjectus ita illæsus evasit, ut ne vestimentum, aut capillum quidem flamma violaverit. Hinc Præses accensus iracundia, Martyris corpus imperat usque eo distrahi, quoad nervorum compages artuumque solvantur. Festus interea ejus Diaconus, et Desiderius Lector comprehensi, vinctique una cum Episcopo ante rhedam Præsidis Putéolos pertrahuntur, et in eundem carcerem, in quo Sósius Misénas, et Próculus Puteolánus Diaconus, Eútyches, et Acútius láici ad bestias damnati detinebantur, simul conjiciuntur.

R. Lux perpétua lucébit sanctis tuis, Dómine, * Et æternitas téporum, allelúja, allelúja.

V. Lætítia sempiterna erit super capita eorum: gáudium et exultationem obtinebunt. Et æternitas.

Lectio v.

Postero die omnes in amphitheatro feris objecti sunt, quæ naturalis oblita feritatis, ad Januarii pedes se prostravere. Id Timotheus magicis cantionibus tribuens, cum sententiam capitis in Christi Martyres pronuntiasset: oculis repente captus, orante mox beato Januario, lumen recepit: quo miraculo, hominum millia fere quinque Christi fidem suscepérunt. Verum ingrátus judex nihilo placá-

tior factus beneficio, sed conversiōne tantæ multitudinis actus in rabiem: veritus máxime Principum decreta, sanctum Episcopum cum sóciis gládio percuti jussit.

R. In servis suis, allelúja, * Consolábitur Deus, allelúja.

V. Judicábit Dóminus pópulum suum, et in servis suis. **Consolábitur.**

Lectio vi.

Horum cōrpora finítimæ urbes, pro suo quæque stúdio certum sibi patrónum ex iis apud Deum adoptándi, sepeliéndā curarunt. Januarii corpus Neapolitáni divíno admónitu extulére: quod primo Benevéntum, inde ad Monastérium Montis vírginis, postremo Neápolim translátum, et in Majóri Ecclésia cōditum, multis miráculis cláruit. Sed illud in primis memorándum, quod erumpéntes olim e monte Vesúvio flammárum globos, nec vicínis modo, sed longínquis étiam regiónibus vastitátis metum afferéntes extínxit. Præclárum illud quoque, quod ejus sanguis, qui in ampúlla vítrea concrétus asservátur, cum in conspéctu cápitis ejúsdem Mártiris pónitur, admirándum in modum colliquefieri, et ebullíre, perinde atque recens effúsus, ad hæc usque témpora cérnitur.

R. Fíliæ Jerúsalem, veníte et vidéte Mártires cum corónis, quibus coronávit eos Dóminus, * In die solemnitátis et lætítiæ, allelúja.

V. Quóniam confortávit seras portárum tuárum, benedíxit fílios tuos in te. **In die. Glória Patri. In die.**

IN III. NOCTURNO.

Léctio sancti Evangélii secúndum Matthæum.

Lectio vii

Cap. 10. b.

IN illo témpore: Dixit Jesus discipulis suis: Ecce ego mitto vos sicut oves in médio lupórum. Et reliqua.

Homília Sancti Joánnis Chrysóstomi.

Homília 34. in Matth. post initium.

CUM Dóminus omnem sollicitúdinem a discipulórum córdibus ejécerit, et ostensiōne signórum armáverit, atque ab ómnibus negótiis sæculáribus alienátos, et ab omni temporálium rerum cura liberátos, férreos quodámodo atque adamántinos fécerit, tum dénique eventúra illis advérsa prædicít. Multa enim ex hac prædictiōne futurárum rerum cōmmoda consequébántur. Primum, ut ejus præsciéntiæ vim edíscerent. Deínde, ut nemo suspicárétur, ex magístri infirmitáte tam grávia mala descendere. Prætérea, ne qui ea passúri érant, súbito ac inopináto rerum événtu perturbaréntur. Dénique, ne cum ista sub ipsum passiōnis suæ témpus audírent, nímium commoveréntur.

R. Ego sum vitis vera, et vos pálmities: * Qui manet in me, et ego in eo, hic fert fructum multum, allelúja, allelúja.

V. Sicut diléxit me Pater, et ego diléxi vos. **Qui manet.**

Lectio viii.

JAm vero, ut intélligant novum hoc esse belli genus, et insólitum præliándi morem, cum illos nudos mitteret, una indútos túnica, sine calceis, absque virga, et absque zona et pera, et ab excipiéntibus ali jubéret; non fecit hic dicéndi finem, sed inexplicábilem virtútem suam próferens, Etiam sic eúntes, inquit, mansuetúdinem tamen óvium osténdite, quamvis ad lupos itúri, nec simplíciter ad lupos, sed étiam in médio lupórum: (neque vero óvium tantum mansuetúdinem habére jubet, sed étiam colúmbæ simplicitátem;) sic enim virtútem meam máxime osténdam, cum ab óvibus lupi superabúntur: et quamvis illæ sint in médio lupórum, et innúmeris mórsibus laceréntur, non modo non consúptæ

fúerint, verum étiam illos in sui natúram transmutáverint.

R. Cándidi facti sunt Nazaræi ejus, allelúja: splendórem Deo dedérunt, allelúja: * Et sicut lac coaguláti sunt, allelúja, allelúja.

V. Candidiόres nive, nitidiόres lacte, rubicundiόres ébore antíquo, sapphíro pulchriόres. Et sicut. Glória Patri. Et sicut.

Lectio ix.

MAjus certe atque admirabílius est, mentem adversariόrum commutáre, et ánimum in diversum trans férre, quam illos occídere: præsértim cum duódecim tantum essent, et lupis plenus esset orbis univérsum. Erubescámus igitur, qui longe diversa faciéntes, tamquam lupi in adversários rúimus. Nam quám diu oves fuérimus,

víncimus; étiam si mille circúmsent lupi, superámus, et victóres sumus: quod si lupi fuérimus, víncimur. Tunc enim a nobis pastóris auxílium recédit, qui non lupos, sed oves pascit.

Te Deum laudámus. 13.

In Laudibus.

Ad Benedictus, Antiphona, to. 2.

Ignem me, Dómine, examinásti, et non est invénta in me iníquitas: propter hoc lætátum est cor meum, et exultávit lingua mea, allelúja.

In II. Vesperis.

Ad Magnificat, Antiphona, to. 8.

Liberásti me, Dómine, a rugiéntibus præparátis ad escam, et a pressúra flammæ, quæ circúmdedit me, et in médio ignis non sum æstuátus, allelúja.



Calendarium Sanctorum

pro

aliquibus Locis.

Februarius.		Aprilis.	
Dies	Pag.	Dies	Pag.
5 SS. Mart. Japonum Pauli, Joannis et Jacobi, e Societate Jesu. dupl.	[199]	6 S. Xysti I. Papæ Mart. dupl.	[287]
6 S. Hyacinthæ de Marisc. Virg. dupl.	[201]	7 S. Coelestini Papæ Conf. dupl.	[288]
9 S. Zosimi Papæ Confess. dupl.	[202]	17 S. Aniceti Papæ Mart. dupl.	[290]
11 S. Antheri Papæ Mart. dupl.	[203]	19 S. Leonis IX. Papæ Conf. dupl.	[292]
— BB. Septem Fundatorum Ordinis Servorum B. M. V. dupl.	[204]	23 B. Alexandri Sauli Episc. Conf. dupl.	[293]
12 S. Telesphori Papæ Mart. dupl.	[214]	26 B. Mariæ Virg. de Bono Consilio. dupl. maj.	[294]
13 S. Gregorii II. Papæ Conf.	[215]	27 S. Anastasii Papæ Conf. dupl.	[298]
— S. Catharinæ de Ricciis Virg. dupl.	[216]	— S. Peregrini Latiosi Conf. dupl.	[299]
14 S. Agathonis Papæ Mart. dupl.	[218]	Majus.	
16 B. Gregorii X. Papæ Conf. dupl.	[219]	7 S. Benedicti II. Papæ Conf. dupl.	[300]
17 S. Hygini Papæ Mart. dupl.	[220]	11 S. Alexandri Papæ Mart.	[301]
23 S. Margaritæ Cortonensis. dupl.	[221]	— S. Francisci de Hieronymo Conf. dpl.	[303]
25 S. Felicis III. Papæ Conf. dupl.	[223]	14 S. Paschalis Papæ Conf. dupl.	[304]
Feria VI. post Dominicam I. Quadrag. SS. Lanceæ et Clavorum D. N. J. C. dupl. maj.	[224]	15 S. Isidori Agricolaæ Conf. dupl.	[306]
Feria VI. post Dominicam II. Quadrag. Sac. Sindonis D. N. J. C. dupl. maj.	[233]	16 S. Joannis Nepomuceni Mart. dupl.	[308]
Martius.		21 S. Felicis a Cantalicio Conf. semid.	[310]
2 S. Simplicii Papæ Conf. dupl.	[243]	24 B. Mariæ Virg. sub titulo: Auxilium Christianorum. dupl. maj.	[312]
4 S. Lucii Papæ Mart. dupl.	[244]	27 S. Joannis Papæ Mart. dupl.	[316]
5 S. Joannis Josephi a Cruce Conf. dupl.	[246]	28 S. Urbani Papæ Mart. dupl.	[317]
15 S. Zachariæ Papæ Conf. dupl.	[248]	29 S. Bonifacii IV. Papæ Conf. dupl.	[318]
18 S. Gabrielis Archangeli. dupl. maj.	[249]	30 S. Felicis I. Papæ Mart. dupl.	[319]
— Aliud Officium ejusdem	[258]	— S. Ferdinandi Regis Conf. semidupl.	[320]
22 S. Catharinæ Fliscæ Adurnæ Vid. dpl.	[261]	Junius.	
28 S. Xysti III. Papæ Conf. dupl.	[263]	1 S. Eleutherii Papæ Mart. dupl.	[321]
Feria VI. post Dominicam III. Quadrag. SS. V. Vulnerum D. N. J. C. dpl. maj.	[265]	2 S. Eugenii Papæ Conf. dupl.	[322]
Feria VI. post Dominicam IV. Quadrag. Pret. Sanguinis D. N. J. C. dupl. maj.	[276]	5 S. Bonifacii Episc. Mart. dupl.	[323]
Feria VI. post Dominicam in Albis. SS. Lanceæ et Clavorum D. N. J. C. dupl. ii. Classis.	[325]	* * *	
		Officium Sanctissimi Sacramenti.	[333]
		Officium Conceptionis B. Mariæ Virg.	[346]
		Officium de Immaculata Conceptione B. Mariæ Virg.	[351]
		Officium S. Januarii Episc. et Mart.	[359]

Index

Psalmorum, Canticorum et Hymnorum.

Psalmi.					
Psalm.		Pag.	Psalm.		Pag.
119 Ad Dominum, cum tribularer.		104	108 Deus, laudem meam.		97
27 Ad te, Domine, clamabo.		41	66 Deus misereatur nostri.		14
24 Ad te, Domine, levavi.		24	45 Deus noster refugium.		55
122 Ad te levavi oculos meos.		107	82 Deus, quis similis.		81
28 Afferte Domino, filii Dei.		41	59 Deus, repulisti nos.		63
77 Attendite, popule meus.		74	81 Deus stetit in synagoga.		80
48 Audite hæc, omnes Gentes.		56	78 Deus, venerunt Gentes.		76
			93 Deus ultionum.		84
118 Beati immaculati in via.		19	114 Dilexi, quoniam.		103
127 Beati omnes, qui.		108	17 Diligam te, Domine.		9
31 Beati, quorum.		43	38 Dixi: Custodiam.		52
40 Beatus qui intelligit.		53	109 Dixit Dominus.		101
1 Beatus vir qui non abiit.		3	35 Dixit injustus.		45
111 Beatus vir qui timet.		101	13 Dixit insipiens... Dominus de cælo.		7
102 Benedic, anima... Benedic.		91	52 Dixit insipiens... Deus de cælo.		60
103 Benedic, anima... Confessionem.		92	140 Domine, clamavi ad te.		112
33 Benedicam Dominum.		44	7 Domine Deus meus, in te.		5
143 Benedictus Dominus.		113	87 Domine, Deus salutis.		82
84 Benedixisti, Domine.		81	8 Domine, Dominus noster.		5
91 Bonum est confiteri.		90	142 Domine, exaudi... auribus.		86
			101 Domine, exaudi... et clamor.		91
95 Cantate Domino... Cantate.		85	20 Domine, in virtute tua.		12
149 Cantate... laus ejus.		16	6 Domine, ne in furore... Miserere.		4
97 Cantate... quia mirabilia.		89	37 Domine, ne in furore... Quoniam.		47
18 Cæli enarrant.		11	130 Domine, non est exaltatum.		108
74 Confitebimur tibi, Deus.		73	138 Domine, probasti me.		111
110 Confitebor... in consilio.		101	3 Domine, quid multiplicati sunt.		4
9 Confitebor... narrabo.		5	14 Domine, quis habitabit.		8
137 Confitebor... quoniam.		111	89 Domine, refugium.		77
106 Confitemini... Dicant qui.		96	23 Domini est terra.		23
117 Confitemini... Dicat nunc.		18	26 Dominus illuminatio.		40
104 Confitemini... et invocate.		93	22 Dominus regit me.		25
105 Confitemini... Quis.		94	92 Dominus regnavit: decorem.		14
135 Confitemini... quoniam in æternum.		110	96 Dominus regnavit: exultet.		85
15 Conserva me, Domine.		8	98 Dominus regnavit, irascantur.		89
115 Credidi propter quod.		104			
4 Cum invocarem.		117	133 Ecce nunc benedicite.		118
			132 Ecce quam bonum.		109
129 De profundis.		108	58 Eripe me de inimicis.		62
43 Deus, auribus.		54	139 Eripe me, Domine.		112
49 Deus deorum.		57	44 Eructavit cor meum.		55
62 Deus, Deus meus, ad te.		14	144 Exaltabo te, Deus.		114
21 Deus, Deus meus, respice.		25	29 Exaltabo te, Domine.		42
69 Deus, in adjutorium.		70	19 Exaudiat te Dominus.		12
53 Deus, in nomine tuo.		18	63 Exaudi Deus... cum deprecor.		64
71 Deus, judicium tuum.		71	60 Exaudi, Deus, deprecationem meam.		63

Psalm.	Page.	Psalm.	Page.
54 Exaudi, Deus, orationem meam.	60	124 Qui confidunt.	107
16 Exaudi, Domine.	9	90 Qui habitat.	118
39 Expectans expectavi.	52	79 Qui regis Israel.	76
80 Exultate Deo.	80	51 Quid gloriaris.	57
32 Exultate, justi.	43		
67 Exurgat Deus.	65	128 Sæpe expugnaverunt.	108
		68 Salvum me fac, Deus.	69
86 Fundamenta ejus.	82	11 Salvum me fac, Domine.	7
		57 Si vere utique.	62
85 Inclina, Domine.	82	136 Super flumina.	111
125 In convertendo.	107		
10 In Domino confido.	7	64 Te decet hymnus.	66
113 In exitu Israel.	102		
30 In te, Domine, speravi... libera me.	42	94 Venite, exultemus.	2
70 In te, Domine, speravi... et eripe.	70	5 Verba mea.	49
		141 Voce mea... deprecatus.	113
65 Jubilate Deo... psalmum.	64	76 Voce mea... et intendit.	73
99 Jubilate Deo... servite.	14		
34 Judica, Domine.	45	12 Usquequo, Domine.	7
42 Judica me, Deus.	58	73 Ut quid, Deus, repulisti.	72
25 Judica me, Domine	25		
		Cantica.	
121 Lætatus sum.	106	Canticum Moysi.	
145 Lauda, anima mea.	114	Audite, cœli, quæ loquor.	99
147 Lauda, Jerusalem.	115	Canticum Trium Puerorum.	
148 Laudate Dominum de cœlis.	15	Benedicite, omnia opera Domini.	15
150 Laudate Dominum in sanctis.	16	Canticum Zachariæ.	
116 Laudate Dominum, omnes Gentes.	104	Benedictus Dominus Deus Israel.	17
146 Laudate Dominum, quoniam bonus.	115	Canticum Moysi.	
134 Laudate nomen Domini.	109	Cantemus Domino: gloriose.	78
112 Laudate, pueri.	101	Canticum Isaie.	
120 Levavi oculos meos.	104	Confitebor tibi, Domine.	49
		Canticum Habacuc.	
47 Magnus Dominus.	56	Domine, audi vi auditionem.	87
131 Memento, Domine.	109	Canticum Ezechie.	
56 Miserere mei, Deus, miserere.	62	Ego dixi: In dimidio dierum.	58
55 Miserere mei, Deus, quoniam.	61	Canticum Annæ.	
50 Miserere mei, Deus, secundum.	48	Exultavit cor meum in Domino.	67
100 Misericordiam et judicium.	90	Canticum B. M. Virginis.	
88 Misericordias Domini.	83	Magnificat anima mea.	103
		Canticum Simeonis.	
126 Nisi Dominus.	108	Nunc dimittis servum tuum.	119
123 Nisi quia Dominus.	107	Symbolum S. Athanasii.	
36 Noli æmulari.	46	Quicumque vult salvus esse.	20
61 Nonne Deo subjecta.	64	Hymnus SS. Ambrosii et Augustini.	
75 Notus in Judæa Deus.	73	Te Deum laudamus.	13
46 Omnes Gentes.	56		
107 Paratum cor meum.	97		
72 Quam bonus Israel.	71		
83 Quam dilecta.	81		
2 Quare fremuerunt.	4		
41 Quemadmodum desiderat.	53		

Hymni.

	pag.		pag.
A d regias Agni dapes.	103	N ullis te genitor.	456
Æ terna Christi munera.	[4]	N unc sancte nobis.	32
Æ terne Rex altissime.	332	O gloriosa Virginum.	433
A lto ex Olympi vertice.	[126]	O Sol salutis, intimis.	16
A thleta Christi nobilis.	523	P allidi tandem procul.	[260]
A udi, benigne Conditor.	102	P ange lingua gloriosi Corporis.	[335]
A urora cœlum purpurat.	17	P ange lingua gloriosæ Lanceæ.	[325]
A ve, maris stella.	430	P ange lingua gloriosi Lauream.	182
B eata nobis gaudia.	375	P aschali jubilo sonent.	[325]
B eate Pastor Petre.	398	P aschale mundo gaudium.	484
C œlestis Urbs, Jerusalem.	[119]	P lacare Christe servulis.	[257]
C œlitum Joseph decus.	420	P laude festivo, pia gens.	[295]
C hriste, sanctorum decus.	512	P ræclara septem lumina.	[206]
C hristo profusum.	[38]	Q uænam lingua tibi.	[224]
D eus, tuorum militum.	[26]	Q uem terra, pontus.	[142]
D um mente Christum.	[261]	Q uodcumque in orbe.	395
D um nocte pulsa lucifer.	524	R ector potens.	35
E x more docti mystico.	2	R egali solio fortis Iberiæ	456
E xultet orbis gaudiis.	3	R erum Deus, tenax.	37
F estivis resonent cantica.	[204]	R ex gloriose Martyrum.	[38]
F ortem virili pectore.	[108]	R ex sempiternæ cœlitum.	3
G loriam sacræ celebremus.	[234]	S acris solemnibus.	[336]
H ujus oratu, Deus.	[109]	S æpe dum Christi populus.	[312]
I nclyti Patres.	[213]	S alutis humanæ Sator.	331
I nvicte Martyr unicum.	[33]	S alvete Christi vulnera.	[285]
I ra justa Conditoris.	[277]	S alvete, Clavi et Lancea.	[225]
I ste Confessor Domini.	[62]	S ancta Mater, istud agas.	438
I ste quem læti colimus.	426	S anctorum meritis.	[50]
J am Christus astra ascenderit.	371	S tabat Mater dolorosa.	436
J am lucis orto sidere.	18	S ummis ad astra laudibus.	[261]
J am nimis terris facinus.	[205]	T e Joseph, celebrent.	420
J am sol recedit igneus.	386	T e lucis ante terminum.	118
J esu, corona celsior.	[86]	T e Redemptoris, Dominique nostri.	[316]
J esu, corona Virginum.	[102]	T e splendor et virtus Patris.	505
J esu, dulcis amor meus.	[241]	T inctam ergo Christi.	[232]
J esu, Redemptor omnium, Perpes.	[70]	T ristes erant Apostoli.	481
L ustra sex qui jam peregit.	185	T urbam jacentem pauperum.	[263]
M artyr Dei Venantius.	522	V eni, Creator, Spiritus.	370
M atris sub almæ numine.	[213]	V erbum supernum.... Nec Patris.	[340]
M emento rerum Conditor.	[156]	V erbum supernum.... Salvare.	[331]
M ysterium mirabile.	[234]	V exilla Regis prodeunt.	181
		V irginis proles.. Hæc.	[95]
		V irginis proles.. Hujus.	[95]
		V irgo virginum præclara.	445



Index

Festorum et Officiorum D. N. J. C., B. Mariæ Virg. et Sanctorum,

necnon Dominicarum, Octavarum et Vigiliarum

Alphabetico ordine dispositus.

Festa Domini.		Pag.			Dies mensis.	Pag.
F eria VI. post Dominicam I. Quadrag.			Apparitionis S. Michaelis,			
SS. Lanceæ et Clavorum D. N. J. C.	[224]		Archangeli.	8 Maji	504	
Feria VI. post Dominicam II. Quadrag.			Athanasii, Episc., Confess.	2 —	485	
Sacratissimæ Sindonis D. N. J. C.	[233]		et Doct.			
Feria VI. post Dominicam III. Quadrag.			B arnabæ, Apostoli.	11 Junii	544	
SS. Quinque Vulnerum D. N. J. C.	[265]		Basilidis, Cyrini, Naboris, et			
Feria VI. post Dominicam IV. Quadrag.			Nazarii, Mart. (Comm.)	12 —	547	
Pretiosissimi Sanguinis D. N. J. C.	[276]		Benedicti, Abbatis.	21 Mart.	428	
Resurrectio D. N. J. C.	259		Benedicti II., Papæ et Conf.	7 Maji	[300]	
Feria VI. post Dom. in Albis. SS. Lanceæ			Bernardini Senensis, Conf.	20 —	527	
et Clavorum D. N. J. C.	[325]		Bonifacii, Episc. et Mart.	5 Junii	[323]	
Ascensio D. N. J. C.	330		Bonifacii, Martyris	14 Maji	518	
Pentecoste.	368		Bonifacii IV., Papæ et Conf.	29 —	[318]	
Inventio S. Crucis D. N. J. C. (3 Maji).	488		C asimiri, Conf.	4 Mart.	405	
Festa B. Mariæ.			Catharinæ de Ricciis, Virg.	17 Febr.	[216]	
			Catharinæ Fliscæ Adurnæ,			
A nnuntiatio B. M. V.	25 Mart.	430	Viduæ.	22 Mart.	[261]	
Feria VI. post Dominicam			Catharinæ Senensis, Virg.	30 Apr.	471	
Passionis. Sept. Dolorum			Cathedræ S. Petri Antioch.	22 Febr.	395	
B. Mariæ Virg.		434	Cleti et Marcellini, Pap. et			
B. Mariæ Virginis de Bono			Martyrum.	26 Apr.	468	
Consilio.	26 Apr.	[294]	Cœlestini, Papæ et Conf.	7 —	[288]	
B. M. V. sub. tit. Auxilium			D orotheæ, Virg. et Mart.			
Christianorum.	24 Maji	[312]	(Commem.)	6 Febr.	387	
Festa Sanctorum.			E leutherii, Papæ et Mart.			
A gathonis, Papæ et Conf.	14 Febr.	[218]	(Commem.)	26 Maji	533	
Alexandri, Papæ et Mart.	11 Maji	[301]	Ejusdem.	1 Junii	[321]	
Alexandri Sauli (B.), Episc.			Eugenii, Papæ et Conf.	2 —	[322]	
et Conf.	23 Apr.	[293]	F austini et Jovitæ, Mart.	15 Febr.	394	
Alexandri, Eventii, Theo-			Felcis I., Papæ et Mart.	30 Maji	537	
duli, Mart., et Juvenalis			Ejusdem.	eadem die	[319]	
Episc. et Conf. (Comm.)	3 Maji	496	Felcis III., Papæ et Conf.	25 Febr.	[223]	
Anastasii, Papæ et Conf.	27 Apr.	[298]	Felcis a Cantalicio, Conf.	21 Maji	[310]	
Angelæ Mericiæ, Virg.	31 Maji	537	Ferdinandi Reg., Conf.	30 Maji	[320]	
Aniceti, Papæ et Mart.	17 Apr.	460	Fidelis a Sigmaringa, Mart.	24 Apr.	464	
Ejusdem.	eadem die	[290]	Francisci Caracciolo, Conf.	4 Junii	540	
Anselmi, Ep., Conf. et Doct.	21 Apr.	460	Francisci de Hieronymo, Cf.	11 Maji	[303]	
Antheri, Papæ et Mart.	11 Febr.	[203]	Francisci de Paula, Conf.	2 Apr.	447	
Antonini, Episc. et Conf.	10 Maji	515	Franciscæ Romanæ, Vid.	9 Mart.	412	
Apolloniæ, Virg. et Mart.	9 Febr.	392				

Index Alphabeticus.

[367]

	Dies mensis.	Pag.		Dies mensis.	Pag.
G abrielis, Archangeli.	18 Mart.	[249]	P aschalis, Papæ et Conf.	14 Maji	[304]
Ejusdem.	eadem die	[258]	Paschalis Baylon, Conf.	17 —	520
Georgii, Martyris.	23 Apr.	463	Patritii, Episc. et Conf.	17 Mart.	418
Gervasii et Protasii, Mart.			Patrocini. S. Joseph, Conf.		
(Commem.)	19 Junii	548	Sponsi B. M. V. Dom. III.		
Gordiani et Epimachi, Mart.			post Pascha.		472
(Commem.)	10 Maji	515	Pauli, Joannis et Jacobi		
Gregorii, Papæ, Conf. et Dr.	12 Mart.	415	S. J. Mart. Jap.	5 Febr.	[199]
Gregorii II., Papæ et Conf.	13 Febr.	[215]	Peregrini Latiosi, Conf.	27 Apr.	[299]
Gregorii VII., Papæ et Conf.	25 Maji	530	Perpetuæ et Felicitatis, Mart.		
Gregorii X., (B.) Pp. et Cf.	16 Febr.	[219]	(Commem.)	7 Mart.	406
Gregorii Nazianzeni, Episc.			Petri Damiani, Episc., Conf.		
Conf. et Doct.	9 Maji	514	et Doct.	23 Febr.	400
H ermenegildi, Martyris.	13 Apr.	456	Petri, Martyris.	29 Apr.	470
Hyacinthæ de Mariscottis,			Petri Coelestini, Papæ et		
Virginis.	6 Febr.	[201]	Confessoris.	19 Maji	524
Hygini, Papæ et Mart.	17 —	[220]	Petronillæ, Virg., (Comm.)	31 —	537
I sidori, Episc., Conf. et Doct.	4 Apr.	448	Philippi et Jacobi, Apost.	1 —	481
Isidori Agricolæ, Conf.	15 Maji	[306]	Philippi Nerii, Conf.	26 —	533
J oannis Apostoli ante por-			Pii V., Papæ et Conf.	5 —	500
tam Latinam	6 —	501	Primi et Feliciani, Martyrum	9 Junii.	542
Joannis, Pp. et M. (Comm.)	27 Maji	535	Pudentianæ, Virg. (Comm.)	19 Maji.	525
Ejusdem.	eadem die	[316]	Q uadraginta Martyrum.	10 Mart.	413
Joannis de Deo, Conf.	8 Mart.	409	R omualdi, Abbatis.	7 Febr.	389
Joannis Josephi a Cruce,			S cholasticæ, Virginis.	10 —	393
Confessoris.	5 Mart.	[246]	Septem Fundatorum Ord.		
Joannis de Matha, Conf.	8 Febr.	390	Serv. B. V. M. (BB.)	11 —	[204]
Joannis Nepomuceni, Mart.	17 —	[308]	Simeonis, Episc. et Mart.	18 —	395
Joseph C. Sponsi B. M. V.	19 —	419	Simplicii, Papæ et Conf.	2 Mart.	[243]
Ejusdem. Patrocini. Dom. III.			Soteris et Caji, Pap. et Mart.	22 Apr.	461
post Pascha		472	Stanislai, Episc. et Mart.	7 Maji	503
Julii, Papæ et Conf.	12 Apr.	[289]	T elesphori, Papæ et Mart.	12 Febr.	[214]
L eonis, Papæ, Conf. et Doct.	11 —	452	Thomæ de Aquino, Conf.		
Leonis IX., Papæ et Conf.	19 —	[292]	et Doct.	7 Mart.	406
Lucii, Papæ et Mart. (Com.)	4 Mart.	405	Tiburtii, Valeriani et Maximi,		
Ejusdem.	eadem die	[244]	Martyrum.	14 Apr.	459
M arcellini, Petri atque Eras-			Titi, Episc. et Conf.	6 Febr.	387
mi, Martyrum.	2 Junii	539	U baldi, Episc. et Conf.	16 Maji	519
Marci, Evang.	25 Apr.	465	Urbani, Papæ et Martyris.		
Marci et Marcelliani, Mart.	18 Junii	548	(Commem.)	25 —	530
Margaritæ Reg. Scot., Vid.	10 —	543	Ejusdem.	28 —	[317]
Margaritæ Cort. Pœn.	23 Febr.	[221]	V alentini, Presb. et Mart.	14 Febr.	394
Mariæ Magdalenæ de Pazzis,			Venantii, Martyris	18 Maji	522
Virginis.	27 Maji	535	Vincentii Ferrerii, Conf.	5 Apr.	451
Mathiæ, Apostoli.	24 Febr.	402	Vitalis, Martyris	28 —	469
Michaelis Archang. (Appar.)	8 Maji	504	Viti, Modesti et Crescentiæ,		
Monicæ, Vid.	4 —	498	Martyrum	15 Junii	548
N erei, Achillei, Domitillæ,			X ysti I., Papæ et Mart.	6 Apr.	[287]
Virg. atque Pancratii, Mm.	12 —	517	Xysti III., Papæ et Conf.	28 Mart.	[263]
Norberti, Episc. et Conf.	6 Junii	541	Z achariæ, Papæ et Conf.	15 —	[248]
			Zosimi, Papæ et Conf.	9 Febr.	[202]


Dominicæ.		Pag.			Pag.
Dom. in Quadrages.	I.	122	Octava Pentecostes	2 die	378
	II.	140		3 die	379
	III.	154		4 die (Quat. Temp.)	380
	IV.	168		5 die	381
Dom. de Passione		181		6 die (Quat. Temp.)	383
Dom. in Palmis		196		Sabbato „ „	384
Dom. Resurrectionis		259	Octava Dedicat. Eccl.	2 die	[128]
Dom. in Albis		278		3 die	[130]
Dom. post Pascha	II.	292		4 die	[132]
	III.	302		5 die	[133]
	IV.	313		6 die	[135]
	V.	322		7 die	[136]
Dom. infra Octav. Ascens.		347		Octava	[138]
Dom. Pentecostes		371			
Octavæ.			Feriæ		
Octava Paschæ	2 die	270	Quatuor Temporum . . .	feria IV.	135
	3 die	271		feria VI.	137
	4 die	272		Sabbato	139
	5 die	273			
	6 die	275	Vigiliæ.		
	Sabbato in Albis	276	Vigil. Ascensionis		329
	Octava	278		Vigil. Pentecostes	365
Octava Ascensionis	Feria VI.	341	Officia Votiva.		
	Sabbato	343	Officium de SS. Sacramento.		[333]
	Dominica	347		Officium Conceptionis B. M. V.	[346]
	Feria II.	351		Officium de Immaculata Conceptione	
	Feria III.	354		B. Mariæ Virg.	[350]
	Feria IV.	356		Officium S. Januarii, Episc. et Mart.	[359]
	Feria V. Oct.	359			





PRÆPARATIO AD MISSAM

pro opportunitate Sacerdotis facienda.



Antiphona. Ne reminiscáris, Dómine, delicta nostra, vel paréntum nostrórum: neque vindictam sumas de peccátis nostris.

Quæ Antiphona in Festis Duplicibus tantum duplicatur, et tempore Paschali additur in fine, Allelúja.

Deinde dicuntur sequentes Psalmi.

Psalmus 83.

Qum dilécta tabernácula tua, Dómine virtútum: concupiscit, et déficit ánima mea in átria Dómini.

Cor meum, et caro mea exultavérunt in Deum vivum.

Etenim passer invénit sibi domum, et turtur nidum sibi, ubi ponat pullos suos.

Altária tua, Dómine virtútum: Rex meus, et Deus meus.

Beáti, qui hábitant in domo tua, Dómine: in sæcula sæculórum laudábunt te.

Beátus vir, cujus est auxiliú abs te: ascensiones in corde suo dispósuit, in valle lacrymárum, in loco, quem pósuit.

Etenim benedictiónem dabit legislátor, ibunt de virtúte in virtútem: vidébitur Deus deórum in Sion.

Dómine Deus virtútum, exáudi oratióem meam: áuribus pécipe, Deus Jacob.

Protéctor noster aspice Deus: et respice in faciém Christi tui.

Quia mélior est dies una in átriis tuis, super millia.

Elégi abjéctus esse in domo Dei mei: magis quam habitáre in tabernáculis peccatórum.

Quia misericórdiam, et veritátem diligit Deus: grátiam, et glóriam dabit Dóminus.

Non privábit bonis eos, qui ámbulant in innocéntia: Dómine virtútum, beátus homo qui sperat in te.

Glória Patri.

Psalmus 84.

Benedixísti, Dómine, terram tuam: avertísti captivitátem Jacob.

Remisísti iniquitátem plebis tuæ: operuísti ómnia peccáta eórum.

Mitigásti omnem iram tuam: avertísti ab ira indignatióis tuæ.

Convérte nos Deus salutáris noster: et avérte iram tuam a nobis.

Numquid in ætérnum irascéris nobis? aut exténdes iram tuam a generatióne in generatiónem?

Deus, tu convérsus vivificábis nos: et plebs tua lætábitur in te.

Osténde nobis, Dómine, misericórdiam tuam: et salutáre tuum da nobis.

Audiam quid loquátur in me Dóminus Deus: quóniam loquétur pacem in plebem suam.

Et super sanctos suos: et in eos, qui convertúntur ad cor.

Verúmtamen prope timéntes eum salutáre ipsíus: ut inhábitet glória in terra nostra.

Misericórdia, et véritas obviavérunt sibi: justítia, et pax osculatæ sunt.

Véritas de terra orta est: et justítia de celo prospéxit.

Etenim Dóminus dabit benignitátem: et terra nostra dabit fructum suum.

Justítia ante eum ambulábit: et ponet in via gressus suos.

Glória Patri.

Psalmus 85.

Inclina, Dómine, aurem tuam, et exáudi me: quóniam inops, et pauper sum ego.

Custódi ánimam meam, quóniam sanctus sum: saluum fac servum tuum, Deus meus, sperántem in te.

Miserére mei, Dómine, quóniam ad te clamávi tota die: lætifica ánimam servi tui, quóniam ad te, Dómine, ánimam meam levávi.

Quóniam tu, Dómine, suávis et mitis: et multæ misericórdiæ ómnibus invocántibus te.

Auribus pèrcipe, Dómine, oratióem meam: et inténde voci deprecationis meæ.

In die tribulatióis meæ clamávi ad te: quia exaudisti me.

Non est similis tui in diis, Dómine: et non est secúndum ópera tua.

Omnes gentes, quascúmque fecisti, vénient, et adorábunt coram te, Dómine: et glorificábunt nomen tuum.

Quóniam magnus es tu, et fáciens mirabilia: tu es Deus solus.

Deduc me, Dómine, in via tua, et ingrédia in veritaté tua: lætétur cor meum, ut timeat nomen tuum.

Confitebor tibi, Dómine, Deus meus in toto corde meo: et glorificábo nomen tuum in ætérnum.

Quia misericórdia tua magna est super me: et eruisti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam: et non proposuérunt te in conspéctu suo.

Et tu, Dómine Deus, miserátor et misericors: pátiens, et multæ misericórdiæ, et verax.

Réspice in me, et miserére mei, da impérium tuum púero tuo: et saluum fac filium ancillæ tuæ.

Fac mecum signum in bonum, ut vídeant, qui odérunt me, et confundántur: quóniam tu, Dómine, adjuvisti me, et consolátus es me.

Glória Patri.

Psalmus 115.

CRedidi, propter quod locútus sum: ego autem humiliátus sum nimis.

Ego dixi in excéssu meo: Omnis homo mendax.

Quid retribuam Dómino: pro ómnibus, quæ retribuit mihi?

Cálicem salutáris accípiam: et nomen Dómini invocábo.

Vota mea Dómino reddam coram omni pópulo ejus: pretiósá in conspéctu Dómini mors sanctórum ejus.

O Dómine, quia ego servus tuus: ego servus tuus, et filius ancillæ tuæ.

Dirupisti víncula mea: tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus: in átriis domus Dómini, in médio tui Jerúsalem.

Glória Patri.

Psalmus 129.

DE profúndis clamávi ad te, Dómine: Dómine, exáudi vocem meam.

Fiant aures tuæ intendéntes, in vocem deprecationis meæ.

Si iniquitátes observáveris, Dómine; Dómine, quis sustinébit?

Quia apud te propitiatio est: et propter legem tuam sustinui te, Dómine.

Sustinuit ánima mea in verbo ejus: sperávit ánima mea in Dómino.

A custódia matutína usque ad noctem, speret Israel in Dómino.

Quia apud Dóminum misericórdia: et copiósá apud eum redemptio.

Et ipse rédimet Israel ex ómnibus iniquitatibus ejus.

Glória Patri.

Deinde repetitur Antiphona. Ne reminiscáris, Dómine, delicta nostra, vel paréntum nostrórum: neque vindictam sumas de peccátis nostris.

Postea Sacerdos dicit.

Kyrie eléison. **C**hriste eléison. **K**yrie eléison. **P**ater noster.

V. Et ne nos indúcas in tentatióem.

R. Sed libera nos a malo.

V. Ego dixi, Dómine, miserére mei.

R. Sana ánimam meam, quia peccávi tibi.

V. Convértere, Dómine, aliquántulum.

R. Et deprecáre super servos tuos.

V. Fiat misericórdia tua, Dómine, super nos.

R. Quemádmódum sperávimus in te.

V. Sacerdótes tui induántur justítiam.

R. Et sancti tui exúltent.

V. Ab occúltis meis munda me, Dómine.

R. Et ab aliénis parce servo tuo.

V. Dómine, exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

O r é m u s.

Aures tuæ pietátis, mitíssime Deus, inclína précibus nostris, et grátia sancti Spíritus illúmina cor nostrum: ut tuis mystériis digne ministráre, teque ætérna charitaté diligere mereámur.

Deus, cui omne cor patet, et omnis volúntas lóquitur, et quem nullum latet secretum: purifica per infusióem sancti Spíritus

tus cogitationes cordis nostri, ut te perfecte diligere, et digne laudare mereamur.

URe igne sancti Spiritus renes nostros, et cor nostrum, Domine: ut tibi casto corpore serviamus, et mundo corde placeamus.

MEntes nostras, quaesumus Domine, Paracletus, qui a te procedit, illuminet: et inducat in omnem, sicut tuus promisit Filius, veritatem.

ADsit nobis, quaesumus Domine, virtus Spiritus sancti: quæ et corda nostra clementer expurget, et ab omnibus tueatur adversis.

DEus, qui corda fidelium sancti Spiritus illustratione docuisti: da nobis in eodem Spiritu recta sapere, et de ejus semper consolatione gaudere.

Conscientias nostras, quaesumus Domine, visitando purifica: ut veniens Dominus noster Jesus Christus Filius tuus, paratam sibi in nobis inveniat mansionem. Qui tecum vivit et regnat in unitate Spiritus sancti Deus, per omnia secula seculorum. Amen.

ORATIONES

pro opportunitate Sacerdotis ante Celebrationem, et Communionem dicendæ.

Pater cælestis, clementissime Domine, pater misericordiarum: Suscipe hodie per manus servi tui hoc sacrosanctum sacrificium, verum corpus, et sanguinem unigeniti Filii tui, Domini nostri Jesu Christi, in satisfactionem et remissionem omnium peccatorum meorum, in salutem et fortitudinem animæ meæ, et totius domus meæ, et omnium illorum, quibus aliqua obligatione teneor: et omnium Dominorum, Prælatorum, Prædicatorum, Sacerdotum, et Religiosorum Catholicæ fidei, ut eis gratiam Spiritus sancti impertiri digneris ad salutem animarum suarum, et regimen totius populi Christiani, et omnium peccatorum hujus mundi, ut eos convertas, et ducas ad viam salutis: in consolationem omnium tribulorum, ut eis adiutorium, et veram patientiam tribuas: in refrigerium et liberationem omnium animarum existentium in Purgatorio, et maxime illarum, quæ auxilium a me jure expectant: et ad illuminationem, et conversionem omnium gentium infidelium, et hæreticorum, et schismaticorum, ut cognoscant, et ament te summam veritatem, Patrem omnipotentem, qui cum Filio, et Spiritu sancto es laudabilis Deus, benedictus in secula seculorum. Amen.

Alia Oratio

ante Missam.

DEus, qui de indignis dignos facis, et de peccatoribus justos, et de immundis mundos: munda cor, et corpus meum ab omni contagione, et sorde peccati, et fac me dignum, atque strenuum sanctis altaribus tuis ministrum: concede propitius, ut in hoc altari, ad quod indignus accedo, hostias acceptabiles, atque placabiles offeram pietati tuæ pro peccatis, et offensionibus, innumerisque, et quotidianis excessibus meis, atque cunctorum simul Christianorum culpis abluendis, et per eum sit tibi votum meum acceptabile, qui se tibi Deo Patri pro nobis obtulit sacrificium. Qui tecum vivit et regnat in unitate Spiritus sancti Deus, per omnia secula seculorum. Amen.

Oratio S. Ambrosii Episcopi.

DIE DOMINICA.

Summe Sacerdos, et vere Pontifex Jesu Christe, qui te obtulisti Deo Patri hostiam puram et immaculatam in ara Crucis pro nobis miseris et peccatoribus, et qui dedisti nobis carnem tuam ad manducandum, et sanguinem tuum ad bibendum, et posuisti mysterium istud in virtute Spiritus sancti tui, dicens: Hæc quotiescunque feceritis, in mei memoriam facietis: rogo per eundem Sanguinem tuum, magnum salutis nostræ pretium; rogo per hanc miram et ineffabilem charitatem, qua nos miseros et indignos sic amare dignatus es, ut lavares nos a peccatis nostris in sanguine tuo. Doce me servum tuum indignum, quem inter cætera dona tua etiam ad officium sacerdotale vocare dignatus es, nullis meis meritis, sed sola dignatione misericordiæ tuæ; doce me, quaeso, per Spiritum sanctum tuum, tantum tractare mysterium ea reverentia et honore, ea devotione, et timore, quibus oportet, et decet. Fac me per gratiam tuam semper illud de tanto mysterio credere et intelligere, sentire et firmiter tenere, dicere et cogitare, quod tibi placet, et expedit animæ meæ. Intret spiritus tuus bonus in cor meum, qui sonet ibi sine sono, et sine strepitu verborum loquatur omnem veritatem. Profunda quippe sunt nimis, et sacro tecta velamine. Propter magnam clementiam tuam concede mihi Missarum sollemnium mundo corde, et pura mente celebrare. Libera cor meum ab immundis et nefandis, vanis et noxiis cogitationibus. Muni me beatorum Angelorum pia et fida custodia, ac tutela fortissima, ut hostes omnium bonorum

confusi discédant. Per virtutem tanti mysterii, et per manum sancti Angeli tui repelle a me, et a cunctis servis tuis durissimum spiritum superbiam, et cenodoxiam, invidiam et blasphemiam, fornicationis et immunditiam, dubietatis et diffidentiam. Confundantur, qui nos persequuntur: pereant illi, qui nos perdere festinant.

FERIA SECUNDA.

Rex Virginum, et amator castitatis et integritatis, celesti rore benedictionis tue extingue in corpore meo fomitem ardentis libidinis; ut maneat in me tenor castitatis corporis et animæ. Mortifica in membris meis carnis stimulos, omnesque libidinosas commotiones, et da mihi veram et perpetuam castitatem cum cæteris donis tuis, quæ tibi placent in veritate: ut sacrificium laudis casto corpore, et mundo corde valeam tibi offerre. Quanta enim cordis contritione, et lacrymarum fonte, quanta reverentia et tremore, quanta corporis castitate, et animæ puritate istud divinum, et celeste sacrificium est celebrandum, ubi caro tua in veritate sumitur, ubi sanguis tuus in veritate bibitur, ubi ima summis, terræna divinis junguntur, ubi adest sanctorum Angelorum præsentia, ubi tu es Sacrificium et Sacerdos mirabiliter et ineffabiliter constitutus!

FERIA TERTIA.

Quis digne hoc celebrare poterit, nisi tu Deus omnipotens offerentem feceris dignum? Scio Domine, et vere scio, et idipsum pietati tuæ confiteor, quia non sum dignus accedere ad tantum mysterium propter nimia peccata mea, et infinitas negligentias meas. Sed scio, et veraciter ex toto corde meo credo, et ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos et sanctos. Per hanc omnipotentiam tuam te rogo, Deus meus, ut concedas mihi peccatori hoc sacrificium celebrare cum timore et tremore, cum cordis puritate, et lacrymarum fonte, cum lætitia spiritali, et celesti gaudio. Sentiat mens mea dulcedinem beatissimæ præsentiae tuæ, et excubias sanctorum Angelorum tuorum in circuitu meo.

FERIA QUARTA.

Ego enim, Domine, memor venerandæ Passionis tuæ accedo ad altare tuum, licet peccator, ut offeram tibi sacrificium, quod tu instituisti, et offerri præcepisti in comme-

morationem tui, pro salute nostra. Suscipe illud, quæso, summe Deus, pro Ecclesia sancta tua, et pro populo, quem acquisivisti sanguine tuo. Et quoniam me peccatorem inter te et eundem populum tuum medium esse voluisti, licet in me aliquod boni operis testimonium non agnoscas, officium saltem dispensationis creditæ non recuses, nec per me indignum, eorum salutis pereat pretium, pro quibus victima salutaris dignatus es esse, et redemptio. Profero etiam Domine (si digneris propitius intueri) tribulationes plebium, pericula populorum, captivorum gemitus, miserias orphanorum, necessitates peregrinorum, inopiam debilium, desperationes languentium, defectus senum, suspiria juvenum, vota virginum, lamenta viduarum.

FERIA QUINTA.

Tu enim misereris omnium Domine: et nihil odisti eorum quæ fecisti. Memorare quæ sit nostra substantia: quia tu Pater noster es, quia tu Deus noster es: ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces ante faciem tuam, sed in miserationibus tuis multis. Aufer a nobis iniquitates nostras: et ignem sancti Spiritus in nobis clementer accende. Aufer cor lapideum de carne nostra, et da nobis cor carneum, quod te amet, te diligat, te delectetur, te sequatur, te perfruatur. Oramus, Domine, clementiam tuam, ut sereno vultu familiam tuam, sacri tui nominis officia præstolantem, aspicere digneris: et ut nullius sit irritum votum, nullius vacua postulatio, tu nobis preces suggere, quas ipse propitius audire, et exaudire delecteris.

FERIA SEXTA.

Rogamus etiam te, Domine sancte Pater, et pro spiritibus fidelium defunctorum: ut sit illis salus, sanitas, gaudium, et refrigerium, hoc magnum pietatis sacramentum. Domine Deus meus, sit illi hodie magnum et plenum convivium de te pane vivo, qui de cælo descendisti, et das vitam mundo de tua carne sancta et benedicta, Agni videlicet immaculati, qui tollis peccata mundi, quæ de sancto et glorioso beatæ Virginis Mariæ utero est assumpta, et de Spiritu sancto concepta; ac de illo pietatis fonte, qui per lanceam militis ex tuo sacratissimo latere emanavit: ut exinde refecti et satiati, refrigerati et consolati exultent in laude et gloria tua. Peto clementiam tuam, Domine, ut descendat super panem tibi sacrificandum plenitudo tuæ bene-

dictionis, et sanctificatio tuæ divinitatis. Descendat etiam, Dómine, illa sancti Spíritus tui invisibilis, incomprehensibilisque majestas, sicut quondam in patrum hóstias descendebat, qui et oblationes nostras corpus et sanguinem tuum efficiat, et me indignum sacerdotem doceat tantum tractare mysterium cum cordis puritate, et lacrymarum devotione, cum reverentia et tremore, ita ut placide ac benigne suscipias sacrificium de manibus meis ad salutem omnium tam vivorum, quam defunctorum.

S A B B A T O.

Rogo etiam te, Dómine, per ipsum sacrosanctum mysterium Corporis et Sanguinis tui, quo quotidie in Ecclesia tua pascimur, et potamur, abluimur, et sanctificamur, atque unius summæ divinitatis participes efficiamur, da mihi virtutes tuas sanctas, quibus replétus, bona conscientia ad altare tuum accedam, ita ut hæc cœlestia sacramenta efficiantur mihi salus et vita. Tu enim dixisti ore tuo sancto et benedicto: Panis, quem ego dabo, caro mea est pro mundi vita. Ego sum panis vivus, qui de cœlo descendi. Si quis manducaverit ex hoc pane, vivet in æternum. Panis dulcissime, sana palatum cordis mei, ut sentiam suavitatem amoris tui. Sana illud ab omni languore, ut nullam præter te sentiam dulcedinem. Panis candidissime, habens omne delectamentum, et omnem saporem, qui nos semper reficis, et numquam in te deficis: comedat te cor meum, et dulcedine saporis tui repleantur viscera animæ meæ. Manducat te Angelus ore pleno: manducet te peregrinus homo pro modulo suo, ne deficere possit in via, tali recreatus viatico. Panis sancte, panis vive, panis munde, qui descendisti de cœlo, et das vitam mundo, veni in cor meum, et munda me ab omni inquinamento carnis et spiritus. Intra in animam meam, sana et munda me interius et exterius. Esto tutamen, et continua salus animæ, et corporis mei. Repelle a me insidiantes mihi hostes: recedant procul a præsentia potentiae tuæ, ut foris et intus per te munitus, recto tramite ad tuum regnum perveniam; ubi non in mysteriis, sicut in hoc tempore agitur, sed facie ad faciem te videbimus, cum tradideris regnum Deo et Patri, et eris Deus omnia in omnibus. Tunc enim me de te satiabis satietate mirifica, ita ut nec esuriam, nec sitiam in æternum. Qui cum eodem Deo Patre, et Spíritu sancto vivis et regnas, per omnia sæcula sæculorum. Amen.

Alia Oratio ante Missam.

Ad mensam dulcissimi convivii tui, pie Dómine Jesu Christe, ego peccator de propriis méritis nihil præsumens, sed de tua confidens misericordia et bonitate, accedere vereor et contremisco. Nam cor et corpus habeo multis criminibus maculatum, mentem et linguam non caute custoditam. Ergo, o pia Déitas! o tremenda Majestas! ego miser inter angustias deprehensus, ad te fontem misericordiæ recurro, ad te festino sanandus, sub tuam protectionem fugio: et quem iudicem sustinere nequeo, Salvatorem habere suspiro. Tibi, Dómine, plagas meas ostendo; tibi verecundiam meam detego. Scio peccata mea multa et magna, pro quibus timeo. Spero in misericordias tuas, quarum non est numerus. Respice ergo in me oculis misericordiæ tuæ, Dómine Jesu Christe, Rex æternæ, Deus et homo, crucifixus propter hominem. Exaudi me sperantem in te, miserere mei pleni miseriis et peccatis, tu qui fontem miserationis numquam manare cessabis. Salve, salutaris victima, pro me et omni humano genere in patibulo crucis oblata. Salve nobilis et pretiose sanguis de vulneribus crucifixi Dómini mei Jesu Christi profluens, et peccata totius mundi abluens. Recordare, Dómine, creaturæ tuæ, quam tuo sanguine redemisti. Pœnitet me peccasse, cupio emendare quod feci. Aufer ergo a me, clementissime Pater, omnes iniquitates et peccata mea: ut purificatus mente et corpore, digne degustare merear sancta sanctorum: et concede, ut hæc sancta prælibatio Corporis et Sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationum effugatio, ac bonorum sensuum regeneratio, operumque tibi placentium salubris efficacia, animæ quoque et corporis contra inimicorum meorum insidias firmissima tutio. Amen.

Oratio S. Thomæ Aquinatis.

OMnipotens sempiternæ Deus, ecce accedo ad sacramentum unigeniti Filii tui Dómini nostri Jesu Christi: accedo tamquam infirmus ad medicum vitæ, immundus ad fontem misericordiæ, cæcus ad lumen claritatis æternæ, pauper et egenus ad Dóminum cœli et terræ. Rogo ergo immensæ largitatis tuæ abundantiam, quatenus meam curare digneris infirmitatem: lavare fecditatem, illuminare cæcitatem, ditare paupertatem, vestire nuditatem: ut panem Angelorum, Regem regum, et Dóminum dominantium tanta suscipiam reverentia et humilitate, tanta contritione

et devotiōne, tanta puritatē et fide, tali proposito et intentiōne, sicut expedit salutī animæ meæ. Da mihi, quæso, Domīnici Cōrporis et Sanguinis non solum suscipere sacramentum, sed etiā rem et virtutem sacramenti. O mitissime Deus! da mihi corpus unigēniti Filii tui Dōmini nostri Jesu Christi, quod traxit de Virgine Mariā, sic suscipere, ut cōpori suo mystico mērear incorporārī, et inter ejus membra connumerārī. O amantissime Pater! concēde mihi dilēctum Filium tuum, quem nunc velātum in via suscipere propōno, revelātā tandem faciē perpētuo contemplārī. Qui tecum vivit et regnat in unitatē Spīritus sancti Deus, per ōmnia sæcula sæculōrum. Amen.

Alia Oratio præparatoria.

Ex Liturgia S. Basilii.

Domine, qui nosti corda ōmnium, sancte et in sanctis requiescens, solus sine peccātō, et potens ad remissionem peccātōrum concedendam: tu, Dōmine, scis indignitatem meam, meque minus præparātum, nec sufficiēter dispositum, ut accēdam ad ministērium hoc tuum sanctum. Sed nec tanta mihi confidētia est, ut accēdam et apēriam os meum coram glōria tua sancta; sed secūndum multitudinem clemētiæ tuæ ignosce mihi peccātōri, et concēde mihi, ut invēniam grātiā et misericōrdiam in hac hora, et mitte mihi virtutem ex alto, ut incīpiam et præparem, perficiāque, sicut tibi placitum est, ministērium tuum sanctum, secūndum beneplacitum voluntatis tuæ. Ita, Dōmine, esto nobiscum, esto socius operis nostri; benedic nobis; tu es enim remissio peccātōrum nostrōrum, lux animarum nostrarum, vita, fortitudo et fiduciā nostra: tu es ipse cui sursum mittimus laudem, glōriam et adoratiōnem, Pater, Fili, et Spīritus sancte, nunc et semper, et usque in sæcula sæculōrum ōmnium. Amen.

Oratio ad Beatam Virginem.

Gloriosissima Mater Dei, Virgo Mariā, tota fiduciā mea, et unicū solatiū languentis animæ meæ: precor te, ut mihi miserrimo peccātōri assistere hac hora dignēris, qua pretiosissimum Filii tui corpus et sanguinem ætēno Patri oblatūrus sum; sicut amans et dolens eidem Filio tuo in cruce pendenti, et se pro nostra salute offerenti, astitisti. Ne me despicias, Mater misericōrdiæ, ob intolerabilem peccātōrum meōrum foeditatem: neque avērtas faciē tuā a me, quem Filius tuus tanto amorē dilexit, ut pro me mori dignatus sit. Plena es gratiarum, plena rore

cōlesti, innixa super dilēctum tuum, deliciis affluens. Ciba ergo pāuperem tuum de superfluenti mensa tua: tuarūque virtutum vēstibus indue me, ut his ornatus, divīno conspēctui gratus appaream. Memēto illius charitatis, qua Verbum Dei ex te carnem assumpsit, ut fieres mater nostra. Aperi manum tuam, et imple me benedictionibus, quibus te Deus benedixit in ætēnum, ut, te interveniente, tremēda mystēria acceptabiliter perficere, et sancta sanctōrum digne mērear degustāre.

Tres Petitiones

ad Beatam Virginem pro digna dispositione ad S. Missæ Sacrificium.

Ex B. Gertrude, lib. IV., c. 40.

1. **C**astissima Virgo Mariā, rogo te per illam innocentissimam puritatem, qua Filio Dei, in utero tuo virginālī, placitam mansiōnem præparasti, ut tuis precibus ab omni macula mērear emundārī.

2. Humillima Virgo, rogo te per profundissimam illam humilitatem, qua super omnes choros angelōrum et sanctōrum meruisti exaltārī, ut tuis precibus suppleantur omnes negligētiæ meæ.

3. Amabilissima Virgo Mariā, rogo te per singularem ac tantum illum amorem, qui sanctam animam tuam inseparabiliter Deo conglutinavit, ut tuis precibus præstetur mihi cōpia requisitōrum meritōrum. Amen.

Oratio ad Sanctos, quorum festum agitur.

O Sancti et sanctæ Dei, quorum hōdie mōriam in terris celebrāmus, ego miser et indignus peccātōr, de vestris meritis confidens, intēdo hoc mane offerre sanctissimum sacrificium Cōrporis et Sanguinis D. N. J. C. pro vestro honore et glōria. Precor vos humiliter et devōte, ut pro me hōdie intercēdere dignēmini, quātenus tantum sacrificium digne et acceptabiliter offerre vāleam, et eum vobiscum ac cum ōmnibus electis ejus in ætēnum laudāre mērear. Amen.

Oratio ad omnes Angelos et Sanctos.

Angeli, Archangeli, Throni, Dominationes, Principatus, Potestates, Virtutes cōlōrum, Chérubim atque Séraphim, omnes Sancti et Sanctæ Dei, inprimis dilēcti patrōni, intercēdere dignēmini pro humili servo vestro, ut hoc sacrificium Deo omnipotenti digne vāleam offerre, ad laudem et glōriam nōminis sui, ad utilitatem meam, totiūque Ecclēsiæ suæ sanctæ. Amen.

Protestatio facienda

ante Missam.

Gregorius XIII. Pontifex Maximus concessit cuilibet sacerdoti, hanc orationem devote ante Missam recitanti, quinquaginta annorum indulgentiam.

Ego volo celebrare Missam, et conficere Corpus et Sanguinem Domini nostri Jesu Christi, juxta ritum sanctæ Romænæ Ecclesiæ, ad laudem omnipotentis Dei, totiusque Curiæ triumphantis, ad utilitatem meam, totiusque Curiæ militantis, pro omnibus, qui se commendaverunt orationibus meis in genere et in specie, et pro felici statu sanctæ Romænæ Ecclesiæ. Amen.

Gaudium cum pace, emendationem vitæ, spatium veræ poenitentiae, gratiam et consolationem sancti Spiritus, perseverantiam in bonis operibus, tribuat nobis omnipotens et misericors Dominus. Amen.

Oratio ad S. Josephum.

Pius VII. P. P. die 22. Sept. 1802 omnibus sacerdotibus, qui ante Ss. Missæ sacrificium orationem sequentem devote recitaverint, Indulgentiam unius anni concessit.

O Felicem virum beatum Joseph, cui datum est, Deum, quem multi reges voluerunt videre, et non viderunt, audire, et non audierunt, non solum videre et audire, sed portare, deosculari, vestire et custodire.

V. Ora pro nobis, beate Joseph.

R. Ut digni efficiamur promissionibus Christi.

Oremus.

Deus, qui dedisti nobis regale sacerdotium, præsta quæsumus, ut sicut beatus Joseph unigenitum Filium tuum natum ex Maria Virgine suis manibus reverenter tractare meruit et portare, ita nos facias cum cordis munditia et operis innocentia tuis sanctis altaribus deservire, ut sacrosanctum Filii tui Corpus et Sanguinem hodie digne sumamus, et in futuro sæculo præmium habere mereamur æternum. Per Christum Dominum nostrum. R. Amen.

✠

Quia Sacerdos, aut tacita mentis cogitatione, aut submissa vocis expressione debet recitare singillatim nomina, pro quibus in illa celebratione vult singulariter orare (ut insinuat per illas litteras N. N. in Canone contentas), et ne hujusmodi determinatarum personarum nominatio, ob multitudinem, aut incertum ordinem, ingerat Sacerdoti celebranti confusionem, non inutile erit sequentem servare ordinem ex 20. quest. Quolibet. Doctoris

Subtil. et ex aliorum gravissimorum Doctorum scriptis excerptum.

Meménto, Dómine, si tibi placet,

Vivorum.

1. **M**Ei, paréntum, cognatórum, fratrum, sorórum, et amicórum meórum ómnium.
2. Cœtus Cardinálium, atque ómnium Prælatórum et Sacerdotum, et sanctæ Ecclesiæ ministrórum.
3. Omnium meæ curæ subjectórum, tamquam spirituálium filiórum, et ómnium fundatórum, patronórum, benefactorúmque spirituálium, et temporálium.
4. Omnium princípum Christianórum, Dominationum, et rerumpublicarum temporálium.
5. Omnium peccántium, inimicórumque meórum, atque conversiónis ómnium hæreticórum, et infidélium.
6. Et ómnium, pro quibus scis, et vis me debere orare.

Mortuorum.

1. **A**nimárum paréntum, fratrum, sorórum, cognatórum, atque amicórum ómnium.
2. Animárum ómnium benefactorum, tam spirituálium, quam corporálium.
3. Animárum ómnium mihi in genere, et in specie commissárum.
4. Animárum Prælatórum, Sacerdotum, et ómnium ministrórum sanctæ Romænæ Ecclesiæ Dei, et Apostolicæ.
5. Animárum morte improvisa, corpóribus exutárum, atque earum, quarum non est specialis memória.
6. Animárum, quæ mei occasione in Purgatorio purgántur: earum quoque miserrime in Purgatorio existéntium.
7. Et earum ómnium pro quibus scis, et vis me debere orare.

ORATIONES

dicendæ cum Sacerdos induitur sacerdotalibus Paramentis.

Cum lavat manus, dicat.

DA, Dómine, virtutem manibus meis ad abstergendam omnem maculam: ut sine pollutione mentis et corpóris váleam tibi servíre. Ad Amictum, dum ponitur super caput, dicat.

Impóne, Dómine, cápiti meo gáleam salutis, ad expugnandos diabólicos incursus.

Ad Albam, cum ea induitur.

DEálba me, Dómine, et munda cor meum, ut in Sanguine Agni dealbátus, gaudiis pérfruar sempitérnis.

Ad Cingulum, dum se cingit.

PRæcinge me, Dómine, cingulo puritátis, et extingue in lumbis meis humórem libidinis: ut máneat in me virtus continéntiæ, et castitátis.

Ad Manipulum, dum imponitur brachio sinistro.

MErear, Dómine, portáre manipulum fletus et dolóris: ut cum exultatióne recipiam mercédem labóris.

Ad Stolum, dum imponitur collo.

Redde mihi, Dómine, stolam immortalitátis, quam pérdidi in prævaricatióne primi paréntis: et quamvis indignus accédo ad tuum sacrum mystérium, mérear tamen gáudium sempitérnum.

Ad Casulum, cum assumitur.

Domine, qui dixísti: Jugum meum suáve est, et onus meum leve: fac, ut istud portáre sic váleam, quod cónsequar tuam grátiam. Amen.

ORATIONES

dicendæ ab Episcopo, quando in Pontificalibus celebrat.

Ad Caligas.

CAlcea, Dómine, pedes meos in præparatiónem Evangélii pacis, et prótege me in velaménto alárum tuárum.

Cum exiit Cappa.

EXue me, Dómine, véteterem hóminem cum móribus et áctibus suis: et índue me novum hóminem, qui secúndum Deum creátus est in justítia, et sanctitáte veritátis.

Cum lavat manús.

DA, Dómine, virtútem manibus meis ad abstergéndam omnem máculam immúdam; ut sine pollutióne mentis et córporis váleam tibi servíre.

Ad Anictum.

POne, Dómine, gáleam salútis in cápite meo ad expugnándas omnes diabólicas fraudes: inimicórum ómnium versútias superándo.

Ad Albam.

DEálba me, Dómine, et a delícto meo munda me; ut cum his, qui stolas suas dealbavérunt in Sanguine Agni, gáudiis pérfruar sempitérnis.

Ad Cingulum.

PRæcinge me, Dómine, cingulo fidei, et virtúte castitátis lumbos meos, et extingue in eis humórem libidinis, ut júgiter máneat in me vigor totíus castitátis.

Cum accipit Crucem pectoralem.

MUníre dignéris me, Dómine Jesu Christe, ab ómnibus insídiis inimicórum ómnium, signo sanctíssimæ Crucis tuæ: ac concédere dignéris mihi indígnio servo tuo, ut sicut hanc Crucem Sanctórum tuórum Relíquiis refértam ante pectus meum téneo, sic semper mente retíneam, et memóriam passiónis, et sanctórum victóriás Mártyrum.

Ad Stolum.

Redde mihi, Dómine, óbsecro, stolam immortalitátis, quam pérdidi in prævaricatióne primi paréntis: et quamvis indignus accédere præsumo ad tuum sacrum mystérium cum hoc ornáménto, præsta ut in eódem in perpétuum mérear lætári.

Ad Tunicellam.

TUnica jucunditátis, et induménto lætitiæ induat me Dóminus.

Ad Dalmaticam.

Indue me, Dómine, induménto salútis, et vestiménto lætitiæ, et Dalmática justitiæ circúmda me semper.

Ad Chirotheas.

Circúmda, Dómine, manus meas mundítia novi hóminis, qui de cælo descendit; ut, quemádmódum Jacob diléctus tuus, pelliculis hœdórum opértis manibus patéram benedictiónem, oblato patri cibo potúque gratíssimo, impetrávit; sic et oblata per manus nostras salutári hóstia, grátia tuæ benedictiónem mérear. Per Dóminum nostrum Jesum Christum Filium tuum, qui in similitúdinem carnis peccáti pro nobis obtulit semetípsum.

Ad Planetam.

Domine, qui dixísti: Jugum meum suáve est, et onus meum leve: præsta ut illud portáre sic váleam, quod possim conséqui tuam grátiam.

Ad Mitram.

Mitram, Dómine, et salútis gáleam impóne cápiti meo; ut contra antiqui hostis, omniúmque inimicórum meórum insídias inoffénsus evádam.

Ad Annulum cordis.

Cordis et córporis mei, Dómine, dígitos virtúte decóra, et septíformis Spíritus sanctificatióne circúmda.

Ad Manipulum.

MErear, precor Dómine, manipulum portáre mente flébili: ut cum exultatióne portiónem accípiam cum justis.





GRATIARUM ACTIO POST MISSAM.

Antiphona. Trium puerorum cantemus hymnum: quem cantabant sancti in camino ignis, benedicentes Dómino. Quæ Antiphona in Festis Duplicibus tantum duplicatur, et tempore Paschali additur in fine, Allelúja.

Canticum trium puerorum. Dan. 3.

Benedicite ómnia ópera Dómini Dómino: laudáte et superexaltáte eum in sæcula. Benedicite Angeli Dómini Dómino: benedicite cœli Dómino. Benedicite aquæ omnes, quæ super cœlos sunt, Dómino: benedicite omnes virtutes Dómini Dómino. Benedicite sol et luna Dómino: benedicite stellæ cœli Dómino. Benedicite omnis imber et ros Dómino: benedicite omnes spíritus Dei Dómino. Benedicite ignis et æstus Dómino: benedicite frigus et æstus Dómino. Benedicite rores et pruina Dómino: benedicite gelu et frigus Dómino. Benedicite glácies et nives Dómino: benedicite noctes et dies Dómino. Benedicite lux et ténebræ Dómino: benedicite fúlgura et nubes Dómino. Benedicat terra Dóminum: laudet et superexáltet eum in sæcula. Benedicite montes et colles Dómino: benedicite univérſa germinántia in terra Dómino. Benedicite fontes Dómino: benedicite mária et flúmina Dómino. Benedicite cete, et ómnia quæ movéntur in aquis, Dómino: benedicite omnes vólucres cœli Dómino. Benedicite omnes béstia et pécora Dómino: benedicite filii hóminum Dómino. Benedicat Israel Dóminum: laudet et superexáltet eum in sæcula. Benedicite Sacerdótes Dómini Dómino: benedicite servi Dómini Dómino. Benedicite spíritus, et ánimæ justórum Dómino: benedicite sancti, et húmiles corde Dómino.

Benedicite Ananía, Azaría, Misael Dómino: laudáte et superexaltáte eum in sæcula.

Benedicamus Patrem, et Filium cum sancto Spíritu: laudémus et superexaltémus eum in sæcula.

Benedictus es Dómine in firmaménto cœli: et laudábilis; et gloriósus et superexaltátus in sæcula.

Psalmus 150.

Laudáte Dóminum in sanctis ejus: laudáte eum in firmaménto virtútis ejus.

Laudáte eum in virtútibus ejus: laudáte eum secúndum multitudínem magnitúdinis ejus.

Laudáte eum in sono tubæ: laudáte eum in psaltério, et cíthara.

Laudáte eum in tympano, et choro: laudáte eum in chordis, et órgano.

Laudáte eum in cymbalis benesonántibus: laudáte eum in cymbalis jubilatiónis: omnis spíritus laudet Dóminum.

Glória Patri.

Deinde repetitur Antiphona.

Trium puerorum cantemus hymnum: quem cantabant sancti in camino ignis, benedicentes Dóminum.

Deinde Sacerdos dicit.

Kyrie eléison. Christe eléison.

Kyrie eléison. Pater noster.

V. Et ne nos indúcas in tentatiónem.

R. Sed libera nos a malo.

V. Confiteántur tibi Dómine ómnia ópera tua.

R. Et Sancti tui benedicant tibi.

V. Exultábunt Sancti in glória.

R. Lætabúntur in cubilibus suis.

V. Non nobis, Dómine, non nobis.

R. Sed nómini tuo da glóriam.

V. Dómine exáudi oratióem meam.

R. Et clamor meus ad te véniat.

V. Dóminus vobíscum. R. Et cum spíritu tuo.

O r é m u s.

Deus, qui tribus púeris mitigásti flammas ignium: concéde propítius, ut nos famulos tuos non exúrat flamma vitiorum.

Actiões nostras, quæsumus Dómine, aspirando præveni, et adjuvando proséquere: ut cuncta nostra oratio et operatio a te semper incipiat, et per de cæpta finiatur.

Da nobis, quæsumus Dómine, vitiórum nostrórum flammam extinguere: qui beato Laurentio tribuisti tormentórum suórum incéndia superare. Per Christum Dóminum nostrum. R. Amen.

ORATIONES

post Celebrationem, et Communionem dicendæ.

Oratio S. Thomæ Aquinatis.

Gratias tibi ago, Dómine sancte, Pater omnipotens, ætérne Deus, qui me peccátorem indignum fámulum tuum, nullis meis méritis, sed sola dignatióne misericórdiæ tuæ satiáre dignátus es pretiósó Córpo et Sanguine Filii tui Dómini nostri Jesu Christi. Et precor, ut hæc sancta Commúnio non sit mihi reátus ad pœnam, sed intercèssio salutáris ad véniam. Sit mihi armatúra fidei, et scutum bonæ voluntátis. Sit vitiórum meórum evacuatio, concupiscéntiæ et libídinis exterminatio, charitátis et paciéntiæ, humilitátis et obediéntiæ, omniúmque virtútum augmentatio: contra insídias inimicórum ómnium, tam visibílium quam invisibílium, firma defénsio; mórtuum meórum, tam carnálium quam spirituálium, perfectá quietatio: in te uno ac vero Deo firma adhæsió: atque finis mei felix consummatio. Et precor te, ut ad illud ineffábile convívium me peccátorem perducere digneris, ubi tu cum Filio tuo, et Spíritu sancto, Sanctis tuis es lux vera, satietas plena, gáudium sempitérnum, jucúnditas consummata, et felicitas perfectá. Per eúndem Christum Dóminum nostrum. Amen.

Oratio S. Bonaventuræ.

Transfige, dulcíssime Dómine Jesu, medúllas et víscera animæ meæ suavíssimo ac salubérrimo amóris tui vúlneri, vera, serenáque et Apostólica sanctíssima charitáte, ut lángueat et liquefiat ánima mea solo semper amóre et desidério tui, te concupíscat, et deficiat in átria tua, cúpiat dissólvi, et esse tecum. Da, ut ánima mea te esúriat, panem Angelórum, refectionem animárum sanctárum, panem nostrum quotidianum, supersubstantiálem, habéntem omnem dulcédinem et sapórem, et omne delectaméntum suavitátis: te, in quem desiderant Angeli prospicere, semper esúriat et cómedat cor meum, et dulcédine sapóris tui repleántur víscera animæ meæ: te semper

sístiat fontem vitæ, fontem sapiéntiæ et sciéntiæ, fontem ætérni lúminis, torréntem voluptátis, ubertátem domus Dei; te semper ámbiat, te quærat, te invéniat, ad te tendat, ad te pervéniat, te meditétur, te loquátur, et ómnia operétur in laudem et glóriam nóminis tui, cum humilitáte et discretiône, cum dilectiône et delectatiône, cum facilitáte et afféctu, cum perseverántia usque in finem: et tu sis solus semper spes mea, tota fidúcia mea, divitiæ meæ, delectatio mea, jucúnditas mea, gáudium meum, quies et tranquillitas mea, pax mea, suávitatis mea, odor meus, dulcédo mea, cibus meus, refectio mea, refúgium meum, auxílium meum, sapiéntia mea, pórtio mea, posséssio mea, thesáurus meus, in quo fixa et firma et immobiliter semper sit radicáta mens mea, et cor meum. Amen.

Alia Oratio

post Missam.

Omnipotens sempitérne Deus, conservátor animárum, mundique Redémptor, me fámulum tuum ante majestátem tuam prostrátum benigníssime respice, et sacrificium, quod in honórem nóminis tui pro salúte fidélium tam vivórum, quam étiam defunctorum, et pro peccátis, et offensióibus meis obtuli, piíssime respice, iram tuam a me remove, grátiam, et misericórdiam mihi concède, jánuam Paradísi mihi pande, ab ómnibus malis me poténter éripe; et quidquid próprio commisi reátu, cleménter indúlge: et sic in hoc sæculo in præcéptis tuis fac me perseverare, ut dignus electórum gregi copulári efficiar: te præstante Deus meus, cujus nomen benedictum, honor, atque regnum pérmanet in sæcula sæculórum. Amen.

Rhythmus S. Thomæ Aquinatis
ad Sacram Eucharistiam.

Adoro te devóte, latens Déitas,
Quæ sub his figúris vere látitas:
Tibi se cor meum totum súbjicit,
Quia, te contémpfans, totum déficit.
Visus, tactus, gustus in te fállitur,
Sed audíto solo tuto créditur:
Credo quidquid dixit Dei Filius;
Nil hoc verbo veritátis vérius.
In cruce latébat sola Déitas,
At hic latet simul et humánitas:
Ambo tamen credens atque cónfítens,
Peto quod petívit latro pœnitens.
Plagas, sicut Thomas, non intúeor,
Deum tamen meum te confíteor:
Fac me tibi semper magis crédere,
In te spem habére, te diligere.

O memoriále mortis Dómini,
Panis vivus, vitam præstans hómini:
Præsta meæ menti de te vivere,
Et te illi semper dulce sápere.

Pie pellicáne Jesu Dómine,
Me immúndum munda tuo ságuine:
Cujus una stilla salvum fácere
Totum mundum quit ab omni scélere.

Jesu, quem velátum nunc aspício,
Oro fiat illud, quod tam sítio,
Ut te reveláta cernens fácie,
Visu sim beátus tuæ glóriæ. Amen.

Oratio

ad Dominum Jesum Christum.

Pius PP. IX., ex Decr. S. C. Indulg. die 11. Dec. 1846. revocata quacumque alia concessione, indulgit ut Sacerdotes lucrari possint Indulgentiam trium annorum. fidelibus etiam defunctis applicabilem, recitantes post peractum Missæ sacrificium orationem sequentem.

O Bsecro te, dulcíssime Dómine Jesu Christe, ut passio tua sit mihi virtus, qua múniam, prótegar, atque deféndar: vúlnera tua sint mihi cibus, potúsque, quibus pascar, inébrier, atque delécter: aspérsio ságuinis tui sit mihi ablútio ómnium delictórum meórum: mors tua sit mihi glória sempitérna. In his sit mihi reféctio, exultátio, sánitas et dulcédo cordis mei. Qui vivis et regnas in sæcula sæculórum. Amen.

Adspirationes

S. Ignatii ad Ss. Redemptorem.

Pius PP. IX. ex Decr. S. C. Indulg. die 9. Januarii 1854. revocata quacumque præcedenti concessione, indulgit in perpetuum ut omnes utriusque sexus Christifideles, qui corde saltem contrito, ac devote sequentes Invocationes recitaverint, tercentum dierum Indulgentiam pro qualibet recitatione lucrari valeant; ac Indulgentiam septem tantum annorum una duntaxat vice in die acquirendam, si eas emisierint Sacerdotes post peractum Missæ sacrificium, cæterique fideles postquam fuerint sacra Communionem refecti; si vero per integrum mensem semel saltem in die enunciatas Invocationes corde ut supra contrito, ac devote effuderint, Indulgentiam Plenariam una die cujuslibet mensis uniuscujusque arbitrio eligenda, dummodo vere poenitentes, confessi, sacraque Synaxi refecti, aliquam Ecclesiam, seu publicum Oratorium visitaverint, ibique per aliquod temporis spatium juxta mentem ejusdem Sanctitatis Suae pie oraverint, consequantur, facta insuper potestate eas

omnes plenariam nempe et partiales Indulgentias, animabus in Purgatorio detentis applicandi.

A Nima Christi, sanctífica me.
Corpus Christi, salva me.
Sanguis Christi, inébria me.
Aqua láteris Christi, lava me.
Pássio Christi, confórta me.
O bone Jesu, exáudi me.
Inter tua vúlnera absconde me.
Ne permíttas me separári a te.
Ab hoste maligno defénde me.
In hora mortis meæ voca me.
Et jube me veníre ad te:
Ut cum sanctis tuis laudem te
In sæcula sæculórum. Amen.

Oratio ad S. Josephum.

Pius VII. P. M. omnibus Sacerdotibus, quoties sequentem Orationem devote recitaverint, unius anni Indulgentiam concessit, d. 23. Septembris 1802.

Virginum custos et pater, sancte Joseph, cujus fidéli custódiæ ipsa Innocéntia Christus Jesus, et Virgo virginum María commissa fuit: te per hoc utrúmque charíssimum pignus Jesum et Mariam óbsecro et obtéstor, ut me ab omni immundítia præservátum, mente incontamináta, puro corde et casto corpore Jesu et Mariæ semper fácias castíssime famulári. Amen.

Oratio

ad Beatam Virginem Mariam.

O sereníssima et ínclýta mater Dómini nostri Jesu Christi, virgo María, regína mundi, quæ eúndem Creatórem ómnium creaturárum in tuo sanctíssimo útero fuísti digna portáre, cujus idem sacratíssimum corpus et ságuinem sumpsi, ad ipsum pro me mísero peccatóre intercédere dignéris; ut quidquid in hoc infábili sacraménto ignorántur, negligénter, irreverénter, et accidentáliter omisi, tuis préciis sanctíssimis mihi indulgére dignétur, qui vivit et regnat in sæcula sæculórum. Amen.

O Regína plena majestátis! ne avértas óculos tuos misericórdes a nobis: fac, préciis tuis, Mater charíssima, ut Deus consummet adoptiónem discipulórum, et gloriósum titulum filiórum, et cohærédes effecti dilectíssimi Filii tui, tecum ejus semper lætémur aspéctu. Amen.

Aliæ Orationes

ad Beatam Mariam Virginem.

O María, virgo et mater sanctíssima! ecce suscépi dilectíssimum Filium tuum, quem immaculáto útero tuo concepísti, genuísti, lac-

tásti, atque sanctíssimis ampléxibus strinxísti. Ecce cujus aspéctu lætabáris, ómnibus deliciis replebáris, illum ipsum tibi humíliter et amán-ter repræsentó amándum, sanctíssimæ Trini-táti, in supréum latriæ cultum, pro tui ipsius honóre et glória, et pro meis totiús-que mundi necessitatibus offeréndum. Tu ma-térnam vim apud Deum óbtines, et fieri non potest, ut non exaudiáris. Sit ígitur pietátis tuæ, ipsam qua apud eum vales grátiam no-tam fácere mundo; sanctis tuis précibus ob-tínendo reis véniam, medélam ægris, pusillis corde robur, afflíctis consolatióem, pericli-tántibus adjutórium et liberatióem. Amen.

O Dómina mea, o Mater mea! Tibi me to-tum offero, atque ut me tibi probem dé-votum, cónsecro tibi hódie óculos meos, aures meas, os meum, cor meum, plane me totum. Quóniam itaque tuus sum, o bona mater, serva me, defénde me, ut rem ac possessiόem tuam.

O Dómina mea, o Mater mea, meménto me esse tuum!

María mater grátiae,
Dulcis parens cleméntiae:
Tu nos ab hoste prótege,
Et mortis hora súscipe.

Oratio ad Sanctos.

O Sancti Dei omnes, qui in carne vivéntes, sic Dómino servístis, ut jam cum ipso sine fine regnétis, adéste mihi; quæso, pré-cibus meritisque vestris, ut panis ille cœlés-tis, et viaticum divínium quod modo sumpsi mihi contra omnes infirmitátes, perícula et insidias præstet robur et tutámen; ut in for-titúdine cibi illíus ámbulem per hujus mundi désértum usque ad montem Dei, et ibídem dulcíssima illíus fruitiόe vobíscum júgiter gáudeam, et eum una vobíscum laudem per ómnia sæcula. Amen.

Oratio Ecclesiæ ad omnes Sanctos.

Antiph. Sancti Dei omnes, intercédere dig-némini pro nostra omniúmque salúte.

V. Lætámini in Dómino et exultáte, justí.
R. Et gloriámini, omnes recti corde.

Oremus.

Prótege, Dómine, pópulum tuum, et Apos-tolórum tuórum Petri et Pauli, et aliórum Apostolórum patrocínio confidéntem, perpétua defensiόe consérva.

O Mnes sancti tui, quæsumus Dómine, nos ubíque adjuvent; ut, dum eórum mérita recólimus, patrocínia sentiámus; et pacem tuam nostris concéde tempóribus, et ab Ec-clésia tua cunctam repélle nequítiam. Iter, actus et voluntátes nostras, et ómnium famu-lórum tuórum, in salútis tuæ prosperitaté dis-póne, benefactóribus nostris sempitérna bona retríbe, et ómnibus fidélibus defúctis ré-quiém ætérnam concéde. Per Christum Dó-minum nostrum. **R.** Amen.

Oratio ad eosdem, qua postulatur perseverantia.

Intercédente beáta María semper Vírgine, quæ somno sanctórum obdórmuit, cum óm-nibus sanctis qui in Dómino mórtui sunt, Dó-mine Jesu, per sanctíssimam mortem tuam mihi indígnó concédere dignéris perseverán-tem in tua voluntáte famulátum; ut secúndum cor tuum esse, juxta beneplácitum tuum vívere, et in tua charitaté ac dulci ósculo mihi mori, ac tandem ad te detur perveníre. Amen.

Divínium auxiliúm, matris Dei præsidium, angelórum subsidium, sanctórum sanctarúmque suffrágium máneant semper nobíscum. Amen.

Deprecatio pro aliorum necessitatibus.

Ex Constitut. Apost. lib. VIII. cap. 15.

Domine, Deus omnipotens, Pater Christi tui benedícti Filii, exaudítor eórum qui recte invocant te, cónitor precum étiam eó-rum qui tacent; grátias ágimus tibi quod nos dignos censuísti, qui participarémus sancta tua mystéria, quæ præbúisti nobis ad plenam eórum quæ bene cognóvimus persuasiόem, ad custódiam pietátis, ad remissiόem delictórum; quóniam nomen Christi tui invocátum est super nos. Qui segregásti nos ab im-piórum communiόe, adúna cum iis qui tibi sunt consecráti; confirma nos in veritaté per sancti Spíritus advéntum; quæ ignorámus, revéla, quæ deficiunt, supplé. quæ nóvimus, cor-róborá. Sacerdótes inculpátos consérva in cultu tuo, reges tuére in pace, magistrátus in justitia, aërem in tempérie, fruges in ubertáte, mundum in omni-poténte providéntia. Gentes bellicósas seda; errántes convérte; pópulum tuum sanctifica; vírgines consérva; cónjuges custódi in fide; castos róborá; nuper initiátos firma; catechúmenos erúdi, ac dignos initia-tiόe redde; nosque omnes cóngrega in reg-num cœlórum, in Christo Jesu Dómino nostro; cum quo tibi glória, honor ac venerátio, et sancto Spíritui, in sæcula. Amen.

Quinque Puncta

ante, vel post Communionem utilissime recitanda.

I.

D Et estor, et abominor omnia, et singula peccata mea, et omnium aliorum commissa ab initio mundi usque in hanc horam, et deinceps usque ad finem mundi committenda, et si possem, impedirem per gratiam Dei, quam supplex invoco.

II.

L Audo, et approbo omnia bona opera facta a principio mundi usque in hanc horam, et deinceps usque in finem mundi facienda, et si possem, ea multiplicarem per gratiam Dei, quam supplex invoco.

III.

I ntendo omnia facere, dicere, et cogitare ad majorem Dei gloriam, cum omnibus illis bonis intentionibus, quas Sancti unquam habuerunt, vel habebunt, vel habere possunt.

IV.

I gnosco, et dimitto ex toto corde omnibus inimicis meis, omnibus me calumniantibus, omnibus mihi detrahentibus, omnibus quocumque modo mihi nocentibus, vel volentibus mala.

V.

U tinam omnes homines salvare possem moriendo pro singulis, lubenter id facerem per gratiam Dei; quam supplex invoco; et sine qua nihil possum.

Oratio S. Augustini

edita jussu Urbani Papæ VIII.

A nte oculos tuos, Domine, culpas nostras ferimus, et plagas quas accepimus, confestim.

S i pensamus malum quod fecimus, minus est quod patimur, majus est quod meremur.

G ravius est quod commisimus, levius est quod toleramus.

P eccati poenam sentimus, et peccandi pertinaciam non vitamus.

I n flagellis tuis infirmitas nostra teritur, et iniquitas non mutatur.

M ens agra torquetur, et cervix non fluitur.

V ita in dolore suspirat, et in opere non se emendat.

S i expectas, non corrigimur: si vindicas, non duramus.

Confitemur in correctione, quod egimus: obliviscimur post visitationem quod flevimus.

S i extenderis manum, facienda promittimus: si suspenderis gladium, promissa non solvimus.

S i ferias, clamamus ut parcas: si peperceris, iterum provocamus ut ferias.

H abes Domine confitentes reos: novimus quod nisi dimittas, recte nos perimas.

P resta, Pater omnipotens, sine merito quod rogamus, qui fecisti ex nihilo, qui te rogarent. Per Christum Dominum nostrum. Amen.

V. Domine non secundum peccata nostra facias nobis.

R. Neque secundum iniquitates nostras retribuas nobis.

O r e m u s.

D Eus, qui culpa offenderis, poenitentia placaris: preces populi tui supplicantis propitius respice: et flagella tuæ iracundiæ, quæ pro peccatis nostris meremur, averte. Per Christum Dominum nostrum. Amen.

Oratio

coram imagine Christi Crucifixi.

Summi Pontifices Clemens VIII., Benedictus XIV. et Pius VII. (juxta Decretum Urbis et Orbis S. C. Indulg. d. 10. April 1821.) Indulgentiam plenariam omnibus et singulis Christifidelibus concesserunt, qui peracta sacramentali Confessione et S. Communione reflecti corde saltem contrito et devoto sequentem Orationem ante quaecumque Domini N. J. C. Crucifixi imaginem recitaverint, et pro S. matris Ecclesiæ necessitatibus oraverint. Quam Indulgentiam Leo XII. PP. (juxta Decretum ejusdem S. Indulg. C. d. 17. Sept. 1825.) etiam animabus in purgatorio detentis applicari posse concessit.

E N ego, o bone et dulcissime Jesu, ante conspectum tuum genibus me provolvo, ac máximo animi ardore te oro, atque obtestor, ut meum in cor vivos Fidei, Spei, et Charitatis sensus, atque veram peccatorum meorum poenitentiam, eaque emendandi firmissimam voluntatem velis imprimere; dum magno animi affectu, et dolore tua quinque Vulnera mecum ipse considero, ac mente contemplor, illud præ oculis habens, quod jam in ore ponebat suo David Propheta de te, o bone Jesu: Foderunt manus meas, et pedes meos: dinumeraverunt omnia ossa mea. Ps. 21.



Typographus Ratisbonensis Lectori.

Cum jamdudum Pars haec Verna absoluta esset, celebrata Romae solempni Beatorum Martyrum Japonensium Canonizatione, duo emanarunt nova eorundem SS. Martyrum Officia, unum omnium viginti sex, alterum illorum trium e Societate Jesu, qui hactenus passim per Ecclesiam celebrari consueverant, cum additamento ad sextam Lectionem et integre novis in III. Nocturno Lectionibus. Ne quid igitur in nostra editione desideraretur, obsoletum istud trium e Societate Jesu Officium e loco suo tollendum, eique novum Sanctorum viginti sex substituendum duximus: addendo nihilominus hic sub finem hujus Partis novissimum Societati Jesu concessum.

Juxta quam adnotationem et Index fol. [362] et [367] erit emendandus.

Die V. Februarii.

In Festo SS. Martyrum Japonensium e Soc. Jesu
**Pauli Michi, Joannis de Goto
et Jacobi Chisai.**

Dupl. 2. classis.

Omnia de Communi plurimorum Martyrum
praeter sequentia.

Oratio.

Deus, qui primitias fidei apud Japoniae gentes Sanctorum Martyrum tuorum Pauli, Joannis et Jacobi sanguine confirmasti; concede propitius, ut ad tui nominis confessionem quorum excitamur exemplis, eorum precibus adjuvemur. Per Dominum.

Lectiones primi Nocturni, Fratres, debiles sumus. ut in Comm. plur. Mart. [52]

IN II. NOCTURNO.

Lectio iv.

TAicosama Japoniae Imperatore in christianos saviente, tres e societate Jesu Japonenses, Paulus Michi, Joannes de Goto, et Jacobus Chisai, fidem, quam ibi sanctus Franciscus Xaverius magnis sudoribus plantaverat, ipsi suo etiam sanguine irrigarunt. Paulus claro genere ortus, ac tum profanis, tum sacris litteris excultus, annum agebat tertium ac trigésimum, jamque sacerdotio initiandus, qua voce, qua scriptis libris, plurimos e popularibus suis, partim ab errore ad veritatem, partim a vitiis ad virtutem traduxerat. Joannes annos tantum undeviginti natus, litterarum studiis operam dabat, ac divinae legis elementa populo explicans, obeundis olim evangelicis ministeriis proludébat. Jacobus, quarto supra sexagésimum anno jam expléto, quamquam et ipse catechista, rem tamen etiam domesticam curabat humilitate ac patientia singulari: quas ad virtutes quotidiana Christi patientis meditatione mirum in modum excitabatur.

R. Sancti tui Domine mirabile consecuti sunt iter, serviétes praéceptis tuis, ut invenirentur illæsi in aquis validis: * Terra apparuit árida, et in mari Rubro via sine impediméto.

V. Quóniam percussit petram, et fluxerunt aquae, et torrentes inundaverunt. Terra.

Lectio v.

ERgo comprehénsi, atque extrémæ sinistrae auris parte in Meacénsi foro públice multati, revinctis post tergum manibus, vili in plastro per vicos primum hujus, tum aliarum Japoniae urbium, sexcentorum milliárium itinere terréstri, quo ignominia et terror latius spargeretur, summa hieme circumducuntur, praéunte lictore, ac sententiam crucis in eos scriptam praeférente, quod vétitam a tyránno Christi legem praedicassent. Sed cum illi ærumnas inter et ludibria læti semper atque álares, quod verbis adstruebant, exemplo quoque confirmarent; Paulus vero etiam in Meacénsi cárcere duos e custódibus, sexque alios in Ozacénsi, atque alicubi Gubernátorem ipsum Christo adjunxisset, triúmphus ille fidei, non probrum fuit; irátis palam Taicosamæ Bónziis, quod homines istos per Japoniam circumvéheret, ad Christi sectam disseminandam scilicet, non extirpandum.

R. Vérbera carníficum non timuerunt sancti Dei, moriéntes pro Christi nómine: * Ut hærédes fierent in domo Domini.

V. Tradiderunt corpora sua propter Deum ad supplicia. Ut hærédes.

Lectio vi.

TAndem Nangasáchium perducti, parátis in colle crucibus, quas ipsi ántea venerabúndi salutaverant, affiguntur. Aderat Joánni pius ac fortis génitor, nec satis páuit uter supplicium lætius, illéne túlerit, an iste spectárit. Nec minor in Jacóbo, devéxa licet ætáte, ánimi vigor eminébat. At Paulus e triumpháli illo crucis pulpito, nativam hominis eloquentiam stimulante Dei charitate, ad circumfúsam multitudinem pro christiána religióne peroravit; illud palam sibi gratulátus, quod in cruce, ut Christus Dominus, eadémque, atque ille, ætáte moreretur: donec singuli ab imis latéribus ad húmeros binis lanceis transfixi vices animas cælo inserédas emisére, nonis Februarii, anno millésimo quingentésimo nonagésimo séptimo. Pendétes corporum exúvias Episcopopus Japoniae, ad collem mox véniens, positis humi génibus públice est venerátus, atque ex illo cæpit locus esse ómnibus veneratióni. Id vero sibi gratum extitisse váriis Deus osténdit signis: inter quæ illud præci-

puum, quod sanguis mártýrum semen fuit christianórum. Quibus rite probátis, Urbanus VIII. Beatórum, Pius autem IX. Póntifex Máximus anno millésimo octingentésimo sexagésimo secúndo, die sacro Pentecóstes, accítis úndique variárum géntium Episcopis, advenísque ex univérso christiáno orbe Romam confluéntibus, solémni ritu Sanctórum fastis adscripsit.

R. Tamquam aurum in fornáce probávit eléctos Dóminus, et quasi holocáusti hóstiam accépit illos: et in témpore erit respectus illórum: * Quóniam donum, et pax est eléctis Dei.

V. Qui confidunt in illum, intélligent veritátem: et fidéles in dilectióne acquiescent illi. Quóniam. Glória Patri. Quóniam.

IN III. NOCTURNO.

Léctio sancti Evangélíi secúndum Matthæum.

Lectio vii. Cap. 16. v. 24.

IN illo témpore: Dixit Jesus discipulis suis, si quis vult veníre post me, abneget semetípsum, et tollat crucem suam, et sequátur me. Et reliqua.

De Homilia Sancti Joánnis Chrysóstomi.

In Matth. 16.

Tollat crucem suam. Ne putes ad verba usque et contumélias, atque oppróbria abnegáre se ipsum oportére, dicit quoúsque abnegáre semetípsum opórteat, id est usque ad mortem, eámque turpíssimam. Idcirco non dixit, abneget semetípsum usque ad mortem, sed tollat crucem suam; declárans mortem turpíssimam, et quod non semel aut bis, sed per totam vitam id fieri opórteat. Perpétuo, inquit, hanc mortem circúmferas, et quotidie sis parátus ad necem.

R. Propter testaméntum Dómini, et leges patrernas, sancti Dei perstitérunt in amóre fraternitátis: * Quia unus fuit semper spíritus in eis, et una fides.

V. Ecce quam bonum, et quam jucúndum habitáre fratres in unum. Quia unus fuit.

Lectio viii.

Quóniam multi opes quidem contempsérunt et voluptátem et glóriam, mortem vero non spreverunt, sed pericula timuérunt; ego, inquit, volo athlétam meum ad mortem usque pugnáre, ac certámina pérági usque ad sanguinem. Quare si mortem obíre opórteat, eámque turpíssimam atque execrándam et vel ex prava suspicióne illátam, ómnia fórtiter ferre atque ídeo máxime exultáre opórtet.

R. Sancti mei, qui in carne pósito, certámen habuístis: * Mercédem labóris ego reddam vobis.

V. Veníte, benedícti Patris mei, percípíte regnum. Mercédem. Glória Patri. Mercédem.

Lectio ix.

Et sequátur me, inquit. Quum enim fieri possit, ut, qui pátitur, non sequátur Christum, dum propter ipsum non pátitur: nam et latrónes, et sepulchrórum expilatóres, et præstigiatóres multa et gravióra patiúntur; ne putes ipsam sufficere malórum natúram, causam addit malórum. Et quænam illa est? ut nempe hæc agens et pátiens ipsum sequáris; ut propter ipsum ómnia patiáris et reliquas virtútes obtíneas. Id enim significat illud sequátur me; ita ut non modo fortitúdinem in ærúmnis, sed et continéntiam, et æquitátem et sapiéntiam omnem exhibeas.

Te Deum laudámus. 13.

SOCIETATIS JESU

AD augendum devotionis affectum, quem erga Martyres Japonenses Societas Jesu semper professá est, et ad inflammandum eorum zelum, qui in vinea Domini, præsertim apud infideles, animis Deo lucrandis strenue operam ponunt, R. P. Joseph Boero ejusdem Societatis causarum Postulator Sanctissimum Dominum Nostrum Pium Papam IX. humillime rogavit, ut singulare beneficium novissime acceptum solemnem Canonizationis Beatorum Pauli, Joannis et Jacobi Martyrum Japonensium e præfata Societate cumulare dignaretur approbatione additionis ad sextam Lectionem cum Lectionibus tertii Nocturni propriis in officio eorundem Sanctorum, et concessione Missæ integre propriæ. Supplicibus ejusmodi votis Sanctitas Sua clementer deferens indulset, ut in festo Sanctorum Pauli, Joannis et Jacobi Martyrum legi valeant supra adnotatæ additio ad sextam Lectionem, Lectiones in tertio Nocturno, ac Missa propria antea a subscriptis Cardinali Præfecto et Secretario Sacrorum Rituum Congregationis revisæ et ordinatæ, dummodo Rubricæ servantur. Contrariis non obstantibus quibuscumque.

Die 4. Septembris 1862.

(L. † S.)

C. Episc. Portuensis et S. Rufinæ Card. Patrizi S. R. C. Præfectus.

Pro R. P. D. Dominico Bartolini S. R. C. Secretario
Joseph M. Starna Substitutus.

OFFICIA NOVISSIMA

ET QUÆDAM ALIA PASSIM DESIDERATA.

Die 17. Martii.

In Festo

B. Joannis Sarcander, Martyris.

Duplex.

Omnia de Comm. unius Martyris, pro temporum varietate, præter seq.

Oratio.

DEus, qui beátum Joánnem Mártýrem tuum in confessióne veræ fidei, et sacramentalis siléntii custódia, virtúte constántiæ roborásti: præsta, quæsumus, ut contra adversa ómnia ejus muniámur exémplic, et protegámur auxiliis. Per Dóminum.

Et fit commemoratio Feriæ, si celebretur in Quadragesima.

Lect. I. Noct. in Quadrages. **Fratres debitóres**, de Comm. plurim. Mart., [52], cum R.R. unius Martyris, [28].

Post Pascha de Scriptura occurrente, cum R.R. temp. Pasch., [39].

IN II. NOCTURNO.

Lectio iv.

JOánnes Sarcánder, Skoczóviæ in ducátu Teschinénsi superióris Silesiæ nóbili génere ortus, adhuc puer, amísso patre, tutelæ matérnæ créditus, infensíssima cathólico nómini tempestáte, piam in líteris et móribus institutiónem quæritans, in Moráviám finitimásque regiónés conténdit. Freibérgæ primum consistit, deínde Olomúcium, mox Pragám in Bohémia, postrémo Gráciúm in Stýria ad humaniôres et sacras disciplínas ediscéndas proficiscitur. Sacerdótio itémque doctóris título auctus, in Moráviám dénuo revérsus, a Cardináli Epíscopo Olomucénsi cúriæ Holeschoviénsi post grassátam ibi per octo-

gínta annos hæresim præfíctur. Pastorále munus rite fidelitérque gessit: verbo et exémplo pietáti fòvèndæ et amplificándæ, aberrántibus ad cathólicam unitátem revocándis ac recipiéndis, ecclesiásticæ immunitátis júribus tuéndis, orthodóxis doctrínis de sacraméntis Pœniténtiæ et Eucharístiæ, a sacrosáncto Concílio Tridentíno tráditis ac confirmátis, ácri-ter propugnándis óperam sédulo navávit; ex quo ómnium hæreticórum invídiás et simultátes in se convértit. Bohémica seditiône gliscénte, tantisper Holeschóvio migrávit, et in Polóniam ad beátam Mariám Vírginem Czenstochóvii ex voto secéssit: sed moræ impátiens, ac desidério fidélium in fide confirmandórum incénsus, cum circa Silesiános fines diu oberrásset, íterum Holeschóvium se recépit. Proscríptus brevi et in jus vocátus, in arce Tovacóvii se subrípuit, donec in silva Olomúcio próxima próditus, et a satellítibus abréptus, contumélias et calúmniás hæreticórum mirá animi constántia ac mansuetúdine perpéssus, in víncula conjéctus est.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

V. Descendítque cum illo in fòveam: et in vínculis non derefíquit eum. Et dedit.

Tempore Paschali:

R. Lux perpétua lucébit Sanctis tuis, Dómine, * Et ætérnitas téporum; allelúja, allelúja.

V. Lætítia sempitérna erit super cápita eórum: gáudium et exsultatió- nem obtinébunt. Et ætérnitas.

Lectio v.

Instituta inquisitione, quater in iudicium adductus, coram sævissimis optimatibus Moravorum conviciis, maledictis et execrationibus exceptus: ter suspensus in equuleo, arctissime ad sex continentes horas attractus extensusque est: bis vero admotis ad latera per quinque horas facibus sebo, sulphure, resina imbutis: tandem adhibitis plumis, picis ac olei liquamine illitis et accensis, inque latera, ventrem, collum, axillasque impactis, ita adustus est, ut, depastis flamma carnibus, vix viscera inter costarum repagula cohiberentur. Hisce cruciatibus in Martyrem animadvertērunt hæretici tum propter odium disciplinæ ac fidei catholicæ, eas in regiones invectæ, ac strenue propugnatae, tum ut dynastæ de Lobkowitz arcana, in exomologesi pandita, de conscii sacerdotis pectore elicerent atque extorquerent. Frustra diu invicti Martyris contra honorem sacramenti tentata constantia est: nam patibulum patientis factum est cathedra docentis, ex qua protestationibus, adhortationibus et enixis ad Deum precibus, nec non jugi et validissima nominum Jesu, Mariæ et Annæ invocatione, iudicum rabiem devicit ac feritatem carnificum prostravit.

R. Desiderium animæ ejus tribuisti ei, Dómine, * Et voluntate labiorum ejus non fraudasti eum.

V. Quoniam prævenisti eum in benedictionibus dulcedinis: posuisti in capite ejus coronam de lapide pretioso. **Et.**

Tempore Paschali:

R. In servis suis, allelúja, * Consolabitur Deus; allelúja.

V. Judicabit Dóminus pópulum suum, et in servis suis. **C.** Consolabitur.

Lectio vi.

Ictóri hæretico, et cárceri perpetuo traditus, in oratione ac cœlestium rerum contemplatione reliquum passionis suæ tempus, quod inter acerbissimos dolores ad triginta tres dies perductum est, insumpsit. Quotidie horas canonicas recitavit: quumque ob diffractos nervos et disruptos totius corporis artus impos ad mûnia vitæ obeûnda redderetur, linctu linguæ opem manuum in paginis vertendis supplēbat. Tandem die decimo septimo Martii anni millésimi sexcentésimi vigésimi annos natus ultra quadraginta tres, victricem animam cœlo inserendam reddidit in illis verbis: Convertere, anima mea, in requiem tuam, quia Dóminus benefecit tibi: quia eripuit animam meam de morte, oculos meos a lacrimis, pedes meos a lapsu. Ejus corpus, ob inēdiam et diuturnam tolerantiam viscerumque putrefactionem foetens ac squallidum, post mortem quodammodo juvenita refluisset, et suavem odorem exhalasse compertum est, ita ut illud Catholici ad septem dies inhumatum servaverint. Quod demum in ecclesia Desparæ Virginis sideribus receptæ Olomúci conditum est. Antrum supplicii in ecclesiam conversum est; ibi equuleus servatur, septo conclusus, ne importuna fidelium pietate in frustra comminuatur; ibique fons aquæ perennis visitur, qui ad levandam Martyris sitim subito scatuit, valde céleber, quod ejus haustu febres fugantur. Quem miraculis clarum Pius nonus Póntifex máximus anno millésimo octingentesimo sexagésimo beatórum Cœlitum albo accensuit, et inter Catholicæ Ecclesiæ Mátyres rétulit.

R. Stola jucunditatis induit eum Dóminus: * Et coronam pulchritudinis posuit super caput ejus.

V. Cibávit illum Dóminus pane vitæ et intelléctus : et aqua sapiéntiæ salutáris potávit illum. Et corónam. Glória Patri. Et.

Tempore Paschali :

R. Fíliæ Jerúsalem, veníte et vidéte Mártyres cum corónis, quibus coronávit eos Dóminus, * In die solemnitátis et lætítiæ; allelúja.

V. Quóniam confortávit seras portárum tuárum, benedíxit fílios tuos in te. In die. Glória Patri. In die.

IN III. NOCTURNO.

Léctio sancti Evangélíi secúndum Matthæum.

Lectio vii.

Cap. 10 c.

IN illo témpore, Dixit Jesus discipulis suis : Nihil est opértum, quod non revelábitur, et occúltum, quod non sciétur. Et réliqua.

Homilía sancti Hilárii Epíscopi.

Comment. in Matth. c. 10. post medium.

DOminus diem judícii osténdit, quæ abstrúsam voluntátis nostræ consciéntiam prodet : et ea, quæ nunc occúltæ existimántur, luce cognitiónis públicæ déteget. Igitur non minas, non consília, non potestátes insectántium monet esse metuéndas : quia dies judícii nulla hæc fuisse, atque inánia revelábit. Et quod dico vobis in ténebris, dícite in lúmine : et quod in aure audítis, prædicáte super tecta. Non légimus, Dóminum sólitum fuísse nóctibus sermocinári, et doctrínam in ténebris tradidísse : sed quia omnis sermo ejus carnálibus ténebræ sunt, et verbum ejus infidélibus nox est.

R. Coróna aúrea super caput ejus, * Expréssa signo sanctitátis, glória honóris, et opus fortitúdinis.

V. Quóniam prævenísti eum in benedictiónibus dulcédinis, posuísti in cápite ejus corónam de lápide pretióso. Expréssa.

Tempore Paschali :

R. Ego sum vitis vera, et vos pálmities : * Qui manet in me, et ego in eo, hic fert fructum multum ; allelúja, allelúja.

V. Sicut diléxit me Pater, et ego diléxi vos. Qui manet.

Lectio viii.

ITaque id, quod a se dictum est, cum libertáte fidei et confessiόνis vult esse loquéndum. Idcirco quæ in ténebris dicta sunt, prædicári jussit in lúmine : ut, quæ secréto aúrium commíssa sunt, super tecta, id est, excélso loquéntium præcónio audiántur. Constánter enim Dei ingerénda cognítio est, et profúndum doctrínæ evangélicæ secrétum in lúmine prædicatiónis apostólicæ revelándum : non timéntes eos, quibus cum sit licéntia in cörpera, tamen in ánimam jus nullum est : sed timéntes pótius Deum, cui perdéndæ in gehénna et ánimæ et cörperis sit potéstas.

R. Hic est vere martyr, qui pro Christi nómine sánguinem suum fudit : * Qui minas júdicum non tímuit, nec terrénæ dignitátis glóriam quæsívit, sed ad cœléstia regna pervénit.

V. Justum dedúxit Dóminus per vias rectas, et osténdit illi regnum Dei. Qui. Glória Patri. Qui.

Tempore Paschali :

R. Cándidi facti sunt Nazaræi ejus, allelúja : splendórem Deo dedérunt, allelúja : * Et sicut lac coaguláti sunt ; allelúja, allelúja.

V. Candidiôres nive, nitidiôres lacte, rubicundiôres ébore antíquo, sapphíro pulchriôres. Et. Glória Patri. Et.

In Quadragesima nona Lect. dic. de Homilia Feriæ cum ejus commem. in Laudibus. Alias

Lectio ix.

NOLíte timére eos, qui occidunt corpus. Nullus igitur cörperum nostrórum casus est pertimescéndus,

neque ullus interimendæ carnis admittendus est dolor: quando pro naturæ suæ atque originis conditione resoluta, in substantiam spiritalis animæ refundatur. Et quia doctrinis talibus confirmatos oportet liberam confitendi Dei habere constantiam, etiam conditionem, qua teneremur, adjecit: negaturum se eum Patri in cœlis, qui se hominibus in terra negasset: eum porro, qui confessus coram hominibus se fuisset, a se in cœlis confitendum: qualisque nos nominis sui testes hominibus fuissimus, tali nos apud Deum Patrem testimonio ejus usuros.

Te Deum laudamus, 13.

Die 16. Aprilis.

In Festo

B. Benedicti Josephi Labre,

Confessoris.

Duplex.

Omnia de Communi Confessoris non Pontificis [79], præter sequentia.

Oratio.

DEus, qui beatum Benedictum Josephum, Confessorem tuum, humilitatis studio ac paupertatis amore tibi uni adherere fecisti: da nobis, ejus suffragantibus meritis, terrena cuncta despiciere, et cœlestia semper inquirere. Per Dominum.

In Quadragesima fit commemoratio Feriæ.

In primo Nocturno, in Quadrages. Lectiones Justus si morte, de eodem Communi primo loco.

Post Pascha de Scriptura occurrente.

IN II. NOCTURNO.

Lectio iv.

IN oppido Amette Boloniensis diocesis in Gallia anno millésimo septingentesimo quadragésimo octa-

vo ex honestis piissimisque parentibus ortus est Benedictus Josephus. Qui ab ineunte ætate, divina grátia præventus, gravem et a nugis alienam indolem prætulit, minoribusque fratribus exemplo fuit obedientiæ, pietatis, studii in excipiendis sive catechési sive traditis literarum rudimentis. Duodennis ad patrui, sacerdotem, missus, eruditione simul et pietate profecit, præsertim vero caritate. Nullum enim umquam egenum discedere sivit inanem e patrui domo, eique perpetuum se adjunxit socium in agrorum solatium, diragrassante lue, cujus ille victima obiit: imo etiam, ut nonnullis pastoribus decumbentibus subveniret, eorum gregis curam suscepit ovibusque consuluit, gramine propriis manibus ex arvis decerpto. Nec diversum se præbuit postea apud avunculum, ubi splendidius etiam caritatis specimen edidit, diu perpessus mira patientia insignem contubernalis cujusdam morositatem, a quo noctu diuque male habebatur.

R. Honestum fecit illum Dominus, et custodivit eum ab inimicis, et a seductoribus tutavit illum: * Et dedit illi claritatem æternam.

V. Justum deduxit Dominus per vias rectas, et ostendit illi regnum Dei. Et dedit.

Lectio v.

Jamdiu ad austerissimum vitæ genus se appellatum sentiens, cujus specimina parentes viderant in tota vitæ ratione, et potissimum in more incubandi per noctem nudis assibus, sternendique cervical ligneis fragmentis, putavit, se a Deo vocari ad rigidissimam aliquam cœnobiticam familiam. Hinc primum ad Trappenses, postea ad Carthusianos, demum ad Cistercienses se contulit. Verum Deus, qui ad referendas asceticæ vi-

tæ austeritâtes in sæculo eum appellabat, præstitit, ut a priôribus rejiceretur ex defectu ætâtis, ab âlteris eo quod nossent, ipsum ad asperiôra vocâri, a Cisterciensibus demum, quod a scrûpulis ita eum vexâri comperissent, ut æger inde decubuerit. Itaque spe sua frustrâtus, cum ferventiôri prece divinum lumen implorâset, interiôri clarîssima locutiône edôctus novit, sibi vestigia sectânda esse sancti Aléxii, durissimâmq; agendam vitam in sacris peregrinatiôibus. Consûlto propterea consciëntiæ moderâtore, annos natus viginti duos pia suscepit itînera, rudi amîctus veste, sine pecûnia, sine victu, unum déferens saccum, quem scrutis onerâret et saxis, ut peregrinatiônem sibi duriôrem præstâret.

R. Amâvit eum Dóminus, et ornâvit eum, stolam glóriæ induit eum: * Et ad portas paradísi coronâvit eum.

V. Induit eum Dóminus lorîcam fîdei, et ornâvit eum. **Et ad portas.**

Lectio vi.

Sic Itáliam, Helvétiam, Germániam, Gálliam et Hispániam septem annis plúries peragrâvit, sanctiôra loca obeûndo, numquam vestes immûtans, æstum, brumam, imbres pérferens, declînans ut plúrimum a militâri via et diversóriis, ut perícula vitâret animûmq; libérius inténdere in Deum, noctu cubans plerûmq; sub dio, et ubicûmq; consisteret, mira virtútum exémpa relínquens, atque insîgnem sanctitâtis famam, haud raris confirmâtam prodígiis. Demum peregrinatûrus quotânnis ad Lauretânâ ædem, vel étiam intêrdum obitûrus âliquot Pontificiæ ditiônis aut Túsiciæ sanctuâria, sedem Romæ pósuit: ubi cœlitem pótius quam viatôris vitam âgere visus est. Córporis enim pæne oblîtus, tecto ut plúrimum

carens, sórdidis lacerisque pannis indûtus, víctitans analéctis oblâtis aut étiam e sterquilínio promptis, erósus inséctis, sólidos ferme dies in templis dúcere consuevit, ac præsertim coram sanctîssima Eucharístia públicæ veneratiôni exhibita, ibíque inmóbilis, ardens, niténti vultu, óculis in sacram hóstiam defixis eum contemplâri, quem diligébat. Verum tanta ac tam jugi mentis intentiône, tantâque carnis maceratiône tandem attrîtus, anno millésimo septingentésimo octogésimo tértio, ætâtis suæ trigésimo quinto grave passus ânimi delíquium, post pérbreve decem horârum decúbitum ad súperos evolâvit. Eum vero celebérissima sanctitâtis fama conspícuum Pius nonus, miráculis rite probâtis, in Beatórum album rétulit anno supra millésimum octingentésimo sexagésimo.

R. Iste homo perfécit ómnia, quæ locûsus est ei Deus, et dixit ad eum: ingrédere in réquiem meam: * Quia te vidi justum coram me ex ómnibus géntibus.

V. Iste est, qui contémpsit vitam mundi, et pervénit ad cœlestia regna: Quia te vidi. Glória Patri. Quia te vidi.

In tertio Nocturno, Lectiones de Homilia in Evangelium, Nolíte timére, pusillus grex, de Communi secundo loco, [90].

In Quadragesima nona Lectio et commemoratio Feriæ.

—x—

Die 27. Aprilis.

In Festo

B. Petri Canisii, S. J., Confessoris.

Duplex.

Omnia de Comm. Conf. non Pont. [79], præter ea quæ sequuntur.

In Hymno Iste Confessor dicitur: Méruit suprémos.

Oratio.

DEus, qui ad tuendam catholicam fidem beatum Petrum Confessorem tuum virtute ac doctrina roborasti: concede propitius; ut ejus exemplis et monitis errantium corda ad salutem resipiscant, et fidelium mentes in veritatis confessione perseverent. Per Dominum.

Lectiones primi Nocturi, de Scriptura occurrente.

IN II. NOCTURNO.

Lectio iv.

Petrus Canisius Noviomagii in Gél-dria natus est eo ipso anno, quo Luthérus in Germánia, apérta rebellíone, ab Ecclesiá descívit, et Ignátius de Loyóla in Hispánia, terréstri militiá abdicáta, ad præliándum prælia Dómini se cóntulit; Deo nimirum portendénte, quos ille posthac adversários, quem sacræ militiæ ducem esset habitúrus. Colóniæ Agrippínæ, quo studiórum causa concésserat, primus Germanórum Societáti Jesu nomen dedit; et sacerdotio auctus, summo pópuli Coloniénsis cleríque consénsu, ad Geórgium Pontíficem Leodiénsium, et ad Cárolum quintum Augústum advérsus Hermánnum Archiepiscopum, qui palam hæresim præ se ferébat, legátus est. Ob præcláram sapiéntiam et explorátum rerum usum a Cardináli Augustáno et a Pontificiis Legátis magnópere expetítus, semel atque íterum Concílio Tridentíno interfuit; cujus étiam decreta ex auctoritaté Pii quarti Pontíficis máximi rite per Germániam promulgánda, et in morem inducénda curávit. A Paulo quarto ad convéntum Petricoviénssem ire jussus, aliisque a Gregório decimo tértio legatióibus obeúndis adhibitus, álacri semper et nunquam fracto a difficultátibus ánimo, gra-

víssima religiónis negótia tractánda suscepit, ac vel inter præsentia vitæ discrimina ad éxitum felíciter perduxit.

R. Honéstum fecit, ut supra iv.

Lectio v.

Divínæ glóriæ amplificándæ intentus, dici vix potest, quot per annos ámplius quadragínta labóres suscepit, æumnásque pertúlerit. Cunctis fere Germániæ regióibus peragrátis, omne hóminum genus salubérrimis institútis públice et privátim excóluit; plurésque urbes atque provinciás vel ab hæréseos contagióne deféndit, vel hæresi inféctas cathólicæ fidei restítuit. In Ratisbonénsi et in Augustáno convéntu Impérii próceres ad jura Ecclesiæ tuénda et mores populórum emendándos excitávit: in Vormatiénsi insolescéntes impietátis magístros ad siléntium adégit. Collégium Germánicum, quod Romæ constitútum fúerat, omni ope provéhere atque amplificáre stúduit; in académiis sacrárum humanarúmque disciplinárum stúdia, miserándum in modum collápsa, instaurávit; contra Centuriátóres Magdeburgésses plura egrégie conscrípsit: et Summam doctrínæ christiánæ, theologórum judício et público usu comprobátam, áliaque ad rudiórum institutiónem aptíssima in vulgus édedit. A sancto Ignátio Germánicæ provinciæ moderándæ præfécus, domos et collégia multis in locis cóndidit, et evangélicos operários in omnem Germániam misit ad erróres stírpitus evelléndos, serendámque pietátem. Quam ob rem hæreticórum málleus et Germániæ apóstolus appellátus, et plane dignus hábitus est, qui ad tutándam in Germánia religiónem datus divínitus putaréetur.

R. Amávit eum, ut supra v.

Lectio vi.

INter hæc precatiónē crebra, et assídua rerum supernarum commentatiōne Deo se conjungere solitus erat: quin etiam noctes sæpe integras perfusus lacrymis et abducto a sensibus animo orationi dabat. A viris principibus et a quatuor summis Pontificibus magno in honore habitus, adeo de se demisse sentiebat, ut se omnium minimum et diceret et haberet. Vienensem episcopatum semel, iterum ac tertio recusavit: nec nisi ægerrime adduci potuit, ut illius Ecclesiæ procuratiōnem per annum exerceret. Moderatōribus suis obsequentissimus, paratus erat ad ipsorum nutum omnia relinquere, aut aggredi, etiam cum valetudinis et vitæ periculo. Virginitatem, quam adolescens Deo voverat, voluntaria sui ipsius coercitiōne perpetuo sepsit. Demum Friburgi Helvetiorum, ubi plurimum pro Dei gloria et salute animarum desudaverat, migravit ad Deum, duodecimo Calendas Januarii, anno millésimo quingentesimo nonagesimo septimo, ætatis suæ septimo supra septuagesimum. Mortuo, tamquam parenti publico, civitas universa concursu prope incredibili et multis lacrymis parentavit. Sepulchrum ejus prodigiōrum fama duobus amplius sæculis tota Germania inclauit: e quibus quatuor rite probatis, Pius nonus Pontifex maximus strenuissimo catholice veritatis propugnatori Cœlitum beatorum honores decrevit.

℟. Iste homo perfecit, ut supra v.

In tertio Nocturno, Homilia in Evangelium, Nolite timere, de Communi Confessoris non Pontificis secundo loco, [90].

Si hoc festum celebretur Feria II. Rogationum, aut in Vigilia Ascensionis, Lectiones primi Nocturni erunt de Communi secundo loco, Beatus

vir, [88]; et ix. Lectio legitur de Homilia Feriæ, aut Vigiliæ: et in Laudibus fit de eadem Commemoratio.

Die 23. Maji.

In Festo

B. Joannis Baptistæ de Rubeis,
Confessoris.

Duplex.

Omnia de Communi Confess. non Pontificis [79], præter sequentia.

Oratio.

DEus, qui beatum Joannem Baptistam Confessorem tuum in evangelizandis pauperibus charitate et patientia decorasti: concede, quæsumus, ut, cujus pia merita veneramur, virtutum quoque imitemur exempla. Per Dominum.

Lectiones primi Nocturni, de Scriptura occurrente.

IN II. NOCTURNO.

Lectio iv.

JOannes Baptista Veiturii in Liguria honesto genere ortus, adhuc puer morum suavitate ac pietatis studio in omnium admiratione fuit. Tredecim annos natus Dei consilio Romam mitti visus est, ut apostoli munus in ea expleret. Inter ephēbos Collegii Romani Societatis Jesu adlectus, ingenio et virtute præluxit. Curabat impense, ut ii Mariāno sodalītio frequentes adessent, in nosocomiis ægris ministrarent, honestaque animorum recreatione retraherentur a noxiis; interim cœlestia sermonibus pertractans seniōres excitabat, ac proinde apostoli agnomen adeptus est. Ob nimiam corporis castigatiōnem, gravi morbo correptus ab usitata sibi studiorum severitate aliquantum remittere coactus fuit; quod divinitus factum ajebat, ne scientia inflatus sua potius quæreret, quam

quæ Jesu Christi. Clericali militiæ adscriptus sacris disciplinis in S. Thomæ collegio operam dedit, ac in virtute proficiens, dein ingenti animi voluptate sacerdotio est auctus. Ita Dominum in hereditatem sibi constituit, ut nullum, ne oblatum quidem, ecclesiasticum beneficium acceptandi, nisi obedientia adigeretur, singulari voto se obstrinxerit.

R. Honestum fecit, ut supra iv.

Lectio v.

DE spirituâli proximorum salutē jam ab adolescentiâ sollicitus, sacerdos factus in id totum se devotit. Ecclesiasticos viros, sacras virgines, oppidanos, carcere detentos, imam plebem universam mira suavitate verbi ministerio ad virtutis amorem inflammabat. Plures quotidie horas rudiorum confessionibus excipiendis impendens, ægrôtis âderat vel in domibus vel in valetudinariis, præsertim phthisicis, quos sui véluti juris esse affirmabat. Hac illac per urbem âlacer âdvolans, innúmeris opéribus præsto erat: at assiduus in sanctæ Gallæ hospitio versabatur, ut pauperes, quos charissimos habuit, omni ope juvâret. Ob id a décimo quinto ætatis anno adjunctus sacerdotum cœtui, qui eisdem evangelizândo addîcti sunt, ibi apostolatus sui rationem dîdicit, ipsiûsque societatis ôpera instaurâvit et auxit. Eâdem misericordia motus egenorum ômnium necessitatibus sublevândis môdicam suam substantiam insûmpsit. Perénnes autem infatigâbilis sui zeli fructus reliquit, satéllitum, vagorum, rûdium institutionem, catecheses ad sancte Pascha celebrândum, certam custôdiam perditârum, noctûque per Urbem vagântium mulierum hospitium, præcípue vero,

quod deferbûerat, stûdium lucrândi ânimas in clero excitâtum.

R. Amâvit eum, ut supra v.

Lectio vi.

C Aritatis in Deum ardor ex ejus ore emicâbat, dum sacris operabatur, nec sine lâcrimis de ejus bonitate loqui póterat. Ideo in collegium canonicorum basilicæ S. Mariæ in Cósmedin ex obedientia cooptatus, inter psalléndum extra sensus rapi videbatur. In sacris cæremóniis diligentissimus, domus Dei decorem promovit, et in id suas opes libénter erogâbat. Amorem erga Deiparam in âlios effundébat, ejûsque cultum in sua ecclésiâ fovit, âddito étiam psalmódia quotidiâno laudum præcónio. Philippi Neri spíritu ímbui studens, et in omnes Cœlites pius, Apostolorum Príncipum obséquium augéndum curâvit. In oratione omnique virtutum exercitâtionē assiduus, supérnis quoque charismâtibus donâtus, tandem in hospitio, cui nomen a sanctíssima Trinitate, quo se redûxerat in sacerdotum convîctum, labóribus fractus ad vitæ éxitum addûctus est, atque Ecclésiæ sacraméntis refectus, charitatis ôpera et pauperum curam comméndans, decéssit in ôsculo Dómini, die vigésima tértia Maji, anno Christi millésimo septingentésimo sexagésimo quarto, ætatis suæ sexagésimo sexto. Insígne âdeo sacerdotâlis virtutis exémplar miraculis Deus illustrâre dignâtus est, quibus rite probâtis, summus Póntifex Pius nonus tértio Idus Majas anno millésimo octingentésimo sexagésimo Cœlitum beatórum honóribus auxit.

R. Iste homo perfécit, ut supra v.

In tertio Nocturno, Homil. in Evang. Sint lumbi, de Communi primo loco.

Concordat cum Originali.

Ratisbonæ, die 31. Julii 1866.

Jo. Mich. Reger, Vicar. in Spir. General.

OFFICIUM
IMMACULATÆ CONCEPTIONIS BEATÆ MARIE VIRGINIS
PER ANNUM.

PARS VERNA.

IN I. VESPERIS.

Antiph. **Tota pulchra es, María.** cum reliquis de Laudibus. (5)

Psalmi ut in Festis Beatæ Mariæ Virginis per annum. [140]

Capitulum. Prov. 8. c.

Dominus possédit me in infitio viarum suarum, antequam quidquam fáceret a principio. Ab ætérno ordináta sum, et ex antiquis, antequam terra fieret. Nondum erant abyssi, et ego jam concépta eram.

Hymnus.

Ave, maris stella,
Dei mater alma,
Atque semper virgo,
Felix cœli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus,
Tulit esse tuus.

Virgo singuláris,
Inter omnes mitis,
Nos culpis solútos
Mites fac et castos.

Vitam præsta puram,
Iter para tutum,
Ut vidéntes Jesum
Semper collætémur.

Sit laus Deo Patri,
Summo Christo decus,
Spirítui sancto,
Tribus honor unus.
Amen.

V. Immaculáta Concéptio tua, Dei Génitrix Virgo, allelúja.

R. Gáudium annuntiávit univérso mundo, allelúja.

Ad Magnificat, Antiphona.

Beátam me dicent omnes generatiónes, quia fecit mihi magna, qui potens est, allelúja.

Oratio.

Deus, qui per Immaculátam Vírginis Conceptionem dignum Fílio tuo habitáculum præparásti; quæsumus, ut, qui ex morte ejúsdem Fílii tui prævísa eam ab omni labe præservásti, nos quoque mundos ejus intercessióne ad te perveníre concédas. Per eúndem Dóminum.

AD MATUTINUM.

Invitatorium. Immaculátam Conceptionem Vírginis Mariæ celebrémus: * Christum ejus Fílium adorémus Dóminum.

Psalmus. Veníte, exultémus. 2.

Hymnus.

PRæclára custos vírginum,
Intácta mater Núminis,
Coeléstis aulæ jánuu,
Spes nostra, coeli gáudium.

Inter rubéta lílium,
Colúmba formosíssima,
Virga e radíce gérminans
Nostro medélam vúlneri.

Turris draconí impérvia,
Amíca stella náufragis,
Tuére nos a fráudibus,
Tuáque luce dírige.

Erróris umbras díscute,
Syrtes dolósas ámove,
Fluctus tot inter déviis
Tutam reclúde sémitam.

Jesu, tibi sit glória,
Qui natús es de Vírgine,
Cum Patre et almo Spírítu
In sempitérna sæcula. Amen.

IN I. NOCTURNO.

Antiph. Admirábile est nomen tuum,
Dómine, in univérsa terra, quia in
VírGINE Maríá dignum tibi habitáculum
præparásti, allelúja.

Psalmi ut in primo Nocturno festo-
rum B. M. V. per annum [142] sub
una Antiphona.

V. Deus omnípotens præcínxit me
virtúte, allelúja.

R. Et pósuit immaculátam viam
meam, allelúja.

Lectiones primi Nocturni de Scri-
ptura occurrente cum Responsoriis,
ut infra.

R. i. Per unum hóminem peccátum
in hunc mundum intrávit, in quo
omnes peccavérunt. * Ne tíneas, Ma-
ría, invenísti grátiam apud Deum,
allelúja.

V. Erípuit Dóminus ánimam tuam
de morte, et contra inimícum factus
est protéctor tuus. Ne tíneas.

R. ii. Transíte ad me omnes, qui
concupíscitis me: * Et narrábo vobis,
quanta fecit Deus ánimæ meæ, alle-
lúja.

V. Vivit Dóminus, quóniam adimplé-
vit in me misericórdiam suam. Et
narrábo vobis.

R. iii. Elécta mea cándida sicut nix
in Líbano; sicut favus distíllans lábia
ejus: * Mel et lac sub língua illíus,
allelúja.

V. Veni de Líbano, sponsa mea, veni,
coronáberis coróna gratiárum. Mel.
Glória. Mel.

IN II. NOCTURNO.

Antiph. Diffúsa est grátia in Con-
ceptióne ejus, et speciósá appáruit
inter fílias hóminum, allelúja.

Psalmi ut in secundo Nocturno festo-
rum B. M. V. [144] sub una Anti-
phona.

V. In hoc cognóvi, quóniam voluísti
me, allelúja.

R. Quóniam non gaudébit inimícus
meus super me, allelúja.

Ex Bulla dogmática Pii Papæ Noni.

Lectio iv.

IPsíssima verba, quibus divínæ Scri-
pturæ de increáta Sapiéntia lo-
quúntur, ejúsque sempitérnas orígí-
nes repræsentant, consuévít (Ecclé-
sia) tum in ecclesiásticis officiis, tum
in sacrosáncta liturgía adhibére et
ad illíus Vírginis primórdia transférre,
quæ uno eodémque decréto cum di-
vínæ Sapiéntiæ incarnatióne fúerant
præstitúta. Quamvis autem hæc
omnia penes fidéles ubíque prope
recépta osténdant, quo stúdio ejús-
modi de Immaculáta Vírginis Con-
ceptióne doctrínam ipsa quoque Ro-
mána Ecclésia, ómnium ecclesiárum
mater et magístra, fúerit prosequúta,
tamen illústria hujus Ecclesiæ facta
digna plane sunt, quæ nominátim
recenseántur, cum tanta sit ejúsdem

Ecclésiæ dignitas atque auctoritas, quanta illi omnino debetur, quæ est catholicæ veritatis et unitatis centrum, in qua sola inviolabiliter fuit custodita religio, et ex qua traducem fidei reliquæ omnes ecclésiæ mutuentur, oportet.

R. Ego ex ore Altissimi prodivi, primogenita ante omnem creaturam: ego feci in cœlis, ut oriretur lumen indeficiens. * Nondum erant abyssi, et ego jam concepta eram, allelûja.

V. Deus enim creavit me in iustitia, et apprehendit manum meam, et servavit me. **N**ondum.

Lectio v.

ITaque eadem Romæna Ecclesia nihil potius habuit, quam eloquentissimis quibusque modis Immaculatam Virginis Conceptionem, ejusque cultum et doctrinam assérere, tuéri, promovére et vindicâre. Enim vero Prædecessores Nostri veheménter gloriâti sunt, Apostolica sua auctoritate festum Conceptionis in Romæna Ecclesia institûere, ac proprio Officio, propriæque Missæ, quibus prærogativa immunitatis ab hereditaria labe manifestissime asserebatur, augére, honestâre et cultum jam institutum omni ope promovére, amplificâre, sive erogâti indulgéntiis, sive facultate tributa civitatibus, provinciis regnisque, ut Desparam sub titulo Immaculatæ Conceptionis patrónam sibi deligerent, sive comprobâti sodalitatibus, congregatiônibus, religiosisque familiis ad Immaculatæ Conceptionis honorem institutis, sive laudibus eorum pietati delatis, qui monasteria, xenodochia, altaria, templa sub Immaculati Conceptus titulo erexerint, aut sacramenti religione interpósita, Immaculatam Desparæ Conceptionem strénue propugnâre spontonderint.

R. Nihil inquinatum in eam incurret: * Candor est lucis æternæ et speculum sine macula, allelûja.

V. Est enim hæc speciosior sole, et luci comparata invenitur purior. **C**andor est.

Lectio vi.

Insuper summopere lætati sunt decernere Conceptionis festum ab omni Ecclesia esse habendum eodem censu ac número, quo festum Nativitatis, idemque Conceptionis festum cum octava ab universa Ecclesia celebrandum, et ab omnibus inter ea, quæ præcepta sunt, sancte colendum, ac Pontificiam Cappellam in patriarchali Nostra Liberiana basilica die Virginis Conceptionis sacro quotannis esse peragendam. Atque exoptantes in fideliû animis quotidie magis fovére hanc de Immaculata Desparæ Conceptione doctrinam, eorumque pietatem excitâre ad ipsam Virginem, sine labe originali conceptam, colendam et venerandam, gavisi sunt quam libentissime facultatem tribuere, ut in Lauretânis Litaniis, et in ipsa Missæ Præfatione Immaculatus ejusdem Virginis proclamaretur Conceptus, atque adeo lex credendi ipsa supplicandi lege statueretur.

R. Signum magnum apparuit in cœlo: Mulier amicta sole, et luna sub pedibus ejus: * Et in capite ejus corona stellarum duodecim, allelûja.

V. Induit eam Dominus vestimentis salutis, indumento iustitiæ, et quasi sponsam ornâvit eam monilibus suis. **E**t in capite. **G**loria Patri. **E**t in capite.

IN III. NOCTURNO.

Antiph. Sanctimonia et magnificèntia in Conceptione ejus; annuntiâte in omnibus populis glóriam ejus, allelûja.

Psalmi ut in tertio Nocturno festorum B. M. V. [147] sub una Antiph.

V. Exaltábo te, Dómine, quóniam suscepísti me, allelúja.

R. Nec delectásti inimícos meos super me, allelúja.

Lectio sancti Evangélíi secúndum Lucam.

Lectio vii.

Cap. I.

IN illo témpore: Missus est Angelus Gábriel a Deo in civitátem Galilææ, cui nomen Názareth, ad vírginem desponsátam viro, cui nomen erat Joseph, de domo David, et nomen vírginis María. Et réliqua.

Homília sancti Bernárdi Abbátis.

Ex Homil. 2. super Missus.

LÆtare, pater Adam, sed magis tu, o Eva mater, exúlta, qui, sicut ómnium paréntes, ita ómnium fuístis peremptóres; et quod infelícitus est, prius peremptóres, quam paréntes. Ambo, inquam, consolámini super fília, et tali fília; sed illa ámplius, de qua malum ortum est prius, cujus oppróbrium in omnes pertransívit mulíeres. Instat namque tempus, quo jam tollátur oppróbrium, nec hábeat vir, quid causétur advérsus féminam: qui útique, dum se imprudénter excusáre conarétur, crudéliter illam accusáre non cunctátus est, dicens: Múlier, quam dedísti mihi, dedit mihi de ligno, et comédi. Proptérea curre, Eva, ad Mariám; curre mater ad fíliam; fília pro matre respóndeat, ipsa matris oppróbrium áuferat, ipsa patri pro matre satisfáciat: quia ecce, si vir cécidit per féminam, jam non erígitur nisi per féminam.

R. Hortus conclúsus soror mea sponsa, hortus conclúsus, fons signátus: * Emissiões tuæ paradísus, o María, allelúja.

V. Aperi mihi, soror mea, amíca mea, colúmba mea, immaculáta mea. **E**missiões tuæ.

Lectio viii.

Quid dicébas, o Adam? Múlier, quam dedísti mihi, dedit mihi de ligno, et comédi. Verba malítiæ sunt hæc, quibus magis áugeas, quam déleas culpam. Verúntamen sapiéntia vicit malítiam, cum occasiõem véniæ, quam a te Deus interrogádo elícere tentávit, sed non pótuit, in thesauro indeficiéntis suæ pietátis invénit. Rédditur nempe fémina pro fémina, prudens pro fátua, húmilis pro supérba, quæ pro ligno mortis gustum tibi pórrigat vitæ, et pro venenóso cibo illo amaritudinis dulcedinem páriat fructus ætérni. Muta ergo iniquæ excusatiõis verbum in vocem gratiárum actiõis, et dic: Dómine, múlier, quam dedísti mihi, dedit mihi de ligno vitæ, et comédi, et dulce factum est super mel ori meo, quia in ipso vivificásti me. Ecce enim ad hoc missus est Angelus ad Vírginem. O féminam singuláriter venerándam, super omnes féminas admirábilem, paréntum reparatricem, posterórum vivificatricem.

R. Magníficat ánima mea Dóminum, * Quia fecit mihi magna, qui potens est, et sanctum nomen ejus, allelúja.

V. Ecce enim, ex hoc beátam me dicent omnes generatiões. **Q**uia fecit. **G**lória Patri. **Q**uia fecit.

Lectio ix.

Quam tibi áliam prædixísse Deus vidétur, quando ad serpéntem ait: Inimicítias ponam inter te et mulíerem? Et si adhuc dúbitas, quod de María díxerit, audi, quod séquitur: Ipsa cónteret caput tuum. Cui hæc serváta victória est, nisi Mariæ? Ipsa procul dúbio caput contrívit venenátum, quæ omnímódam suggestiõnem tam de carnis illécebra, quam de mentis supérbia dedúxit ad níhilum. Quam vero áliam Sálomon requirébat, cum dicébat: Mulíerem fortem

quis invéniet? Nóverat quippe vir sapiens hujus sexus infirmitatem, fragile corpus, lúbricam mentem. Quia tamen et Deum légerat promísisse, et ita vidébat congruere, ut, qui vícerat per féminam, vincerétur per ipsam, veheménter admírans ajébat: Mulierem fortem quis invéniet? quod est dícere: Si ita de manu féminæ pendet et nostra ómnium salus, et innocentíæ restitútio, et de hoste victória: fortis omníno necesse est ut provideátur, quæ ad tantum opus possit esse idónea.

Te Deum laudámus. 13.

AD LAUDES

ET PER HORAS.

Antiph. Tota pulchra es, María, et mácula originális non est in te, allelúja.

Psalmus. Dóminus regnávít. cum reliquis de Dominica. 14.

Antiph. Vestiméntum tuum cándidum quasi nix, et fácies tua sicut sol, allelúja.

Antiph. Tu glória Jerúsalem, tu lætítia Israel, tu honorificéntia pópuli nostri, allelúja.

Antiph. Benedícta es tu, Virgo María, a Dómino Deo excélso præ ómnibus muliéribus super terram, allelúja.

Antiph. Trahe nos, Virgo immaculáta, post te currémus in odórem unguentórum tuórum, allelúja.

Capitulum. Prov. 8.

Dominus possédit me in inítio viarum suárum, ántequam quidquam fáceret a princípío. Ab ætérno ordináta sum, et ex antíquis, ántequam terra fieret. Nondum erant abyssi, et ego jam concépta eram.

Hymnus.

O Gloriósa vírginum,
Sublímis inter sídera,
Qui te creávit, párvulum
Lacténte nutris úbere.

Quod Heva tristis ábstulit,
Tu reddis almo gérmine:
Intrent ut astra flébiles,
Cœli reclúdis cárdines.

Tu regis alti jánuā,
Et aula lucis fúlgida:
Vitā datā per Vírginem
Gentes redéptæ, pláudite.

Jesu, tibi sit glória,
Qui natus es de Vírgine,
Cum Patre, et almo Spírítu
In sempitérna sæcula. Amen.

V. Immaculáta Concéptio tua, Dei Génitrix virgo, allelúja.

R. Gáudium annuntiávit univérso mundo, allelúja.

Ad Benedictus, Antiphona.

Ait Dóminus Deus ad serpéntem: Inimicítias ponam inter te et mulierem, et semen tuum et semen illius; ipsa cónteret caput tuum, allelúja.

Oratio.

Deus, qui per Immaculátam Vírginis Conceptionem dignum Fílio tuo habitáculum præparásti; quæsumus, ut, qui ex morte ejúsdem Fílii tui prævísa eam ab omni labe præservásti, nos quoque mundos ejus intercessióne ad te pervenire concédas. Per eúndem Dóminum.

Ad Primam.

In **R.** brevi dicitur **V.** Qui natus es de María Vírgine.

Ad Tertiam.

Antiph. Vestiméntum tuum.

Capitulum ut ad Laudes.

R. br. Deus omnípotens præcínxit me virtúte, * Allelúja, allelúja. Deus omnípotens.

V. Et pósuit immaculátam viam meam. Allelúja, allelúja. Glória Patri. Deus omnípotens.

V. In hoc cognóvi quóniam voluísti me, allelúja.

R. Quóniam non gaudébit inimícus meus super me, allelúja.

Ad Sextam.**Antiph.** Tu glória Jerúsalem.**Capitulum.** Ezech. 44.

POrta hæc clausa erit, non aperiétur, et vir non transíbit per eam, quóniam Dóminus Deus Israel ingressus est per eam: erítque clausa principi. Princeps ipse sedébit in ea.

R. br. In hoc cognóvi, quóniam voluísti me, * Allelúja, allelúja. **In** hoc cognóvi.

V. Quóniam non gaudébit inimícus meus super me. **A**llelúja, allelúja.

Glória Patri. **In** hoc cognóvi.

V. Exaltábo te, Dómine, quóniam suscepísti me, allelúja.

R. Nec delectásti inimícos meos super me, allelúja.

Ad Nonam.**Antiph.** Trahe nos.**Capitulum.** Apoc. 12.

Signum magnum appáruit in cœlo: Múlier amícta sole, et luna sub

pédibus ejus, et in cápite ejus coróna stellárum duódecim.

R. br. Exaltábo te, Dómine, quóniam suscepísti me, * Allelúja, allelúja. **E**xaltábo.

V. Nec delectásti inimícos meos super me. **A**llelúja, allelúja. **G**lória Patri. **E**xaltábo.


V. Immaculáta Concéptio tua, Dei Génitrix Virgo, allelúja.

R. Gáudium annuntiávit univérso mundo, allelúja.

In II. Vesperis. Omnia ut in primis, præter Antiphonam

Ad Magnificat.

Sancta María, succúrre míseris, juva pusillánimes, réfove flébiles, ora pro pópulo, intéveni pro clero, intercède pro devóto femíneo sexu: séntiant omnes tuum juvámén, quicúmque célebrant tuam sanctam Immaculátam Conceptionem, allelúja.



Die 27. Aprilis.

In Festo **Beati Petri Canisii**, S. J.,
Confessoris.

—xxx—

Omnia de Comm. Conf. non Pont.,
præter ea quæ sequuntur.

In Hymno **Iste Confessor** dicitur:
Méruiť suprémos.

Oratio.

DEus, qui ad tuéndam cathólicam
fidem beátum Petrum Confessó-
rem tuum virtúte ac doctrína roborá-
sti: ejus, quæsumus, intercessióne
concéde; ut, depúlsis erróribus, Ecclé-
sia tua fiat unum ovíle et unus pastor.
Per Dóminum nostrum.

IN I. NOCTURNO.

Lectiones de Scriptura occurrente.

IN II. NOCTURNO.

Lectio iv.

Petrus Canísius Noviómagi in Gél-
dria natus est eo ipso anno, quo
Luthérus in Germánia, apérta rebel-
lióne, ab Ecclésia descívit, et Igná-
tius de Loyóla in Hispánia, terréstri
militía abdicáta, ad præliándum
prælia Dómini se cóntulit; Deo
nimírum portendénte, quos ille
posthac adversários, quem sacrae
militíæ ducem esset habitúrus. Coló-
niæ Agrippínæ, quo studiórum causa
concésserat, primus Germanórum So-
cietátí Jesu nomen dedit; et sacerdotío
auctus, summo pópuli Coloniénsis
cléríque consénsu, ad Geórgium Pon-
tíficem Leodiénsium, et ad Cárolum
Quintum Augústum advérsus Her-
mánnum Archiepiscopum, qui palam
hæresim præ se ferébat, legátus est.
Ob præcláram sapiéntiam et explo-
rátum rerum usum a Cardináli Au-

gustáno et a Pontificiis Legátis mag-
nópere expetítus, semel atque íterum
Concílio Tridentíno intérfuit; cujus
étiam decréta ex auctoritáte Pii quarti
Pontíficis máximi rite per Germániam
promulgánda, et in morem inducéndam
curávit. A Paulo quarto ad convéntum
Petricoviénsensem ire jussus, aliisque a
Gregório décimo tértio legatiónibus
obeúndis adhíbitus, álacri semper et
nunquam fracto a difficultátibus áni-
mo, gravíssima religiónis negótia
tractánda suscepit, ac vel inter præ-
séntia vitæ discrímína ad éxitum fe-
líciter perdúxit.

R. Honéstum fecit illum Dóminus,
et custodívit eum ab inimícis, et a
seductóribus tutávit illum: * Et dedit
illi claritátem ætérrnam.

V. Justum dedúxit Dóminus per
vias rectas, et osténdit illi regnum
Dei. Et dedit.

Lectio v.

DIvínæ glóriæ amplificándæ intén-
tus, dici vix potest, quot per annos
ámplius quadragínta labóres suscep-
perit, ærumnásque pertúlerit. Cunctis
fere Germániæ regiónibus peragrátis,
omne hóminum genus salubérrimis
institútis públice et privátim excóluit;
plurésque urbes atque províncias vel
ab hæréseos contagióne deféndit, vel
hæresi inféctas cathólicæ fidei restí-
tuit. In Ratisbonénsi et in Augustáno
convéntu Impérii próceres ad jura
Ecclésiæ tuénda et mores populórum
emendándos excitávit: in Vormati-
énsi insolescéntes impietátis magí-
stros ad siléntium adégit. Collégium

Germánicum, quod Romæ constitutum fúerat, omni ope provéhere atque amplificáre stúduit; in académiis sacrárum humanarúmque disciplínarum stúdia, miserándum in modum collápsa, instaurávit; contra Centuriátóres Magdeburgénses plura egrégie conscrípsit: et Summam doctrínæ christiánæ, theologórum iudicio et público usu comprobátam, aliáque ad rudiórum institutióem aptíssimam in vulgus édedit. A sancto Ignatio Germánicæ provinciæ moderándæ præfécus, domos et collégia multis in locis cónclaustravit, et evangélicos operários in omnem Germániam misit ad erróres stírpitis evelléndos, serendámque pietátem. Quam ob rem hæreticórum málleus et Germániæ apóstolus appellátus, et plane dignus hábitus est, qui ad tutándam in Germánia religióem datus divínus putarétur.

R. Amávit eum Dóminus, et ornávit eum; stolam glóriæ induit eum: * Et ad portas paradísi coronávit eum.

V. Induit eum Dóminus lorícá fidei, et ornávit eum. Et ad portas.

Lectio vi.

INter hæc precatióne crebra, et assídua rerum supernárum commentatióne Deo se conjúgere solitus erat: quin étiam noctes sæpe íntegras perfúsus lácrymis et abdúcto a sénsibus ánimo oratióni dabat. A viris princípibus et a quátuor summis Pontificibus magno in honóre hábitus, ádeo de se demísse sentiébat, ut se ómnium mínimum et díceret et habéret. Vienne sem episcopátum, semel, íterum ac tertio recusávit; nec nisi ægérime addúci pótuit, ut illíus Ecclésiæ procuratióem per annum exercéret. Mo-

deratóribus suis obsequentíssimus, parátus erat ad ipsórum nutum ómnia relínquere, aut aggrédi, étiam cum valetúdinis et vitæ periculo. Virginitátem, quam adoléscent Deo vóverat, voluntária sui ipsíus coercitióne perpétuo sepsit. Demum Fribúrgi Helvetiórum, ubi plúrimum pro Dei glória et salúte animárum desudáverat, migrávit ad Deum, duodécimo Caléndas Januárii, anno millésimo quingentésimo nonagésimo séptimo, ætátis suæ séptimo supra septuagésimum. Mórto, tamquam parénti público, civitas univérsa concúrso prope incredíbili et multis lácrymis parentávit. Sepúlchrum ejus prodigiórum fama duóbus ámplius sæculis tota Germánia incláruit: e quibus quátuor rite probátis, Pius nonus Póntifex máximus strenuíssimo cathólicæ veritátis propugnatóri cœlitum beatórum honóres decrevit.

R. Iste homo perfécit ómnia, quæ locútus est ei Deus, et dixit ad eum: ingrédere in réquiem meam: * Quia te vidi justum coram me ex ómnibus géntibus.

V. Iste est, qui contémpsit vitam mundi, et pervénit ad cœlestia regna. Quia te vidi. Glória Patri. Quia te vidi.

IN III. NOCTURNO.

Homil. in Evang. Nolíte timére. De Comm. Conf. non Pont. 2. loco.

Si hoc festum celebretur Feria II. Rogationum, aut in Vigilia Ascensionis, Lectiones primi Nocturni erunt de Communi secundo loco, **Beátus vir**; et ix. Lectio legitur de Homilia Feriæ, aut Vigiliæ; et in Laudibus fit de eadem Commemoratio.

Concordat cum Originali.

Ratisbonæ 31. Mart. 1865.

J. M. Reger, Vic. in Spirit. Generalis.

OFFICIA PROPRIA SOCIETATIS JESU.

Pars Verna.

OFFICIA MOBILIA.

Officia de Lancea et Clavis, Sindone, quinque Plagis et Pretiosissimo Sanguine D. N. J. Chr. leguntur ut inter Officia pro aliquibus locis singulis Feriis yi. Quadrag.

Dominica III. post Pascha. Patrocinium Sancti Joseph.

Duplex ii. classis cum Oct.
Omnia ut in Breviario.

Feria Secunda infra Octavam non impedita.

Semiduplex.
Omnia ut in Festo, præter sequentia.
Lectiones primi Nocturni, de Scriptura occurrente.

IN II. NOCTURNO. De Sermône S. Bernardini Senensis.

Lectio iv. Serm. I. de S. Josepho.

CUM inter Mariam et Joséphum fuerit verissimum matrimonium per divinam inspirationem contractum, et in matrimonio fiat unio animorum in tantum quod una dicuntur persona sponsus et sponsa, ut possit dici unitas quasi summa; quomodo cogitare potest mens discreta, quod Spiritus sanctus tanta unione uniret menti tantæ Virginis aliquam animam, nisi ei virtutum operatione simillimam? unde credo istum virum sanctum Joséphum fuisse mundissimum in virginitate, profundissimum in humili-

tate, ardentissimum in Dei amore et charitate, altissimum in contemplatione. Et quia noverat Virgo istum sibi a Spiritu sancto datum in Sponsum, et in suæ virginitatis fidem custodem, et ad participandum secum in charitatis amore et obsequiosa sollicitudine erga divinissimam prolem Dei; ideo credo, quod totius cordis affectu hunc sanctum Joséphum sincerissime diligebat.

R. Dedisti mihi protectionem salutis tuæ, et dextera tua suscepit me: *
Protector meus, et cornu salutis meæ, et susceptor meus, allelúja.

V. Ego protector tuus sum, et merces tua magna nimis. Protector.

Lectio v.

HAbuit Joséphus erga Christum ardentissimam charitatem. Quis deneget, obsecro, quod ipsi tenenti Christum in brachiis, aut confabulanti cum ipso, Christus, sive infans, sive adultus ingereret et imprimeret ineffabiles sensus, atque jucunditates de semetipso, et hoc cooperante exterius gratia Christi cum filiali aspectu, affatu, atque complexu? Oh quanta dulcia oscula ab ipso recepit! oh quanta dulcedine audiebat balbutientem parvulum se Patrem vocare, et quanta suavitate sentiebat se dulciter amplexari! Considera etiam cum quanta compassione in itineribus, quæ fecerunt, parvulum Jesum ex labore lassum, cum grandiusculus esset, in suo gremio requiescere

faciēbat; quia omni amore transformativo ferebatur in eum ut in dulcissimum filium sibi in cōjuge sua Virgine per Spīritum sanctum datum.

R. Stātuēt filios suos sub tēgmīne illius, et sub ramis ejus morābitur: protegētur sub tēgmīne illius a fervore: * Et in glōria ejus requiescet, allelūja.

V. Sperāte in eo, omnis congregatio pōpuli: effūndite coram illo corda vestra. Et in.

Lectio vi.

In Deo prudentissima Mater, quæ experta fuerat ejus affectum, ad Filium suum Jesum in templo reinventum ait: Fili, quid fecisti nobis sic? Ecce Pater tuus et ego dolentes quærebamus te. Ad hujus verbi intellectum notandum est, quod duo sapōrum genera cōtinet in se Christus, dulcoris et doloris, et quia sanctissimus Josēphus horum duōrum gustuum mirabiliter pārticeps fuit, ideo Beāta Virgo vocat eum singulariter Patrem Christi. Hic solum legitur, Virgīnem Josēphum appellasse Patrem Jesu; quia sensus doloris, quem habuit de Jesu pērdito, verum in eo monstravit Patris affectum. Si enim secūndum humanas leges divinitus approbātas, potest extrāneus aliquem adoptāre in filium, multo magis Dei Filius datus ipsi Josēpho in sua sanctissima Sponsa sub virginālis matrimōnii admirābili sacramēto debet ejus filius appellāri, et etiā credi quod in eo fuerit gustus paternālis amoris atque doloris respectu dilecti Jesu.

R. Si cōsistant adversum me castra, non timēbit cor meum: * Si exūrgat adversum me praelium, in hoc ego sperābo, allelūja.

V. In te cantatio mea semper, quoniam tu adjutor fortis. Si exūrgat. Glōria Patri. Si exūrgat.

IN III. NOCTURNO.

Lectio sancti Evangelii secūndum Lucam.

Lectio vii.

Cap. 3.

In illo tēpore: Factum est autem, cum baptizaretur omnis pōpulus, et Jesu baptizato et orānte, apertum est cœlum. Et reliqua.

De Homilia S. Augustini Episcopi.

Lib. 2. de consens. Evang.

Neque propterea non erat appellandus Josēphus Pater Christi, quia non eum genuerat, quandoquidem Pater esset etiā ejus, quem non ex sua cōjuge procreatum aliunde adoptasset. Putabatur quidem Christus etiā aliter filius Josēphi, tamquam ex ejus omnino carne progenitus, sed ab eis hoc putabatur, quos Mariæ latebat virginitas; nam Lucas ait: et ipse Jesus erat incipiens quasi annorum triginta ut putabatur filius Joseph. Qui tamen Lucas non ejus parētem solam Mariam sed ambo parētes ejus appellāre minime dubitavit, ubi ait: Puer crescebat et confortabatur plenus sapientia, et grātia Dei erat in illo: et ibant parētes ejus per omnes annos in Jerūsalem in die solēnni Paschæ.

R. Joseph, fili David, noli timere accipere Mariam cōjugem tuam; quod enim in ea natum est, de Spīritu sancto est: pāriet autem filium,* Et vocābis nomen ejus Jesum, allelūja.

V. Ipse enim salvum faciet pōpulum suum a peccātis eōrum. Et vocābis.

Lectio viii.

Sed ne quisquam hic parētes cōsanguīneos pōtius Mariæ cum ipsa Matre ejus intelligēdos putet, quid ad illud respondēbit, quod ipse item Lucas supērius dixit: Et erant Pater ejus et Mater mirāntes super his, quæ dicebantur de illo? Cum igitur ipse narret, non ex concūbitu

Joséphi, sed ex Matre Vírgine natum Christum, unde eum Patrem ejus appellat, nisi quia et virum Mariæ recte intelligimus sine commixtione carnis ipsa copulatione conjúgii: et ob hoc étiam Christi Patrem multo conjunctius, qui ex ejus cónjuge natus sit, quam si esset aliunde adoptátus. Ac per hoc si demonstráre áliquis posset, Mariám ex David nullam consanguineitátis originem dúcere, sat erat secúndum istam ratiónem, accipere Christum Fílium David; qua ratióne étiam Joséphus Pater ejus appellátus est.

R. Surge, et áccipe púerum, et Matrem ejus, et fuge in Ægýptum: * Et esto ibi, usque dum dicam tibi, allelúja.

V. Ut adimplerétur quod dictum est a Dómino per Prophétam dicéntem: ex Ægýpto vocávi fílium meum. **Et** esto. **G**lória Patri. **Et** esto.

Lectio ix.

Lucas autem non ab inítio Evangelii sui, sed a baptísimo Christi generatiónes narrat, nec descendendo, sed ascendendo, tamquam sacerdotem in expiándis peccátis magis assignans, ubi eum de cœlo vox declarávit; ubi testimónium Joánnes ipse perhibuit dicens: Ecce qui tollit peccáta mundi. Ascendendo autem transit ad Abraham et pervénit ad Deum, cui mundáti et expiáti reconciliámur. Mérito et adoptiόνis originem ipse suscepit, quia per adoptiόνem effícimur fílii Dei, credendo in Fílium Dei. Satis autem demonstrávit, non se ídeo dixísse Joseph fílium Heli, quod de illo génitus, sed quod ab illo fúerit adoptátus, cum et ipsum Adam fílium Dei dixit, cum sit factus a Deo, sed per grátiam, quam póstea peccándo amisit, tamquam fílius in paradíso constitútus sit.

Te Deum laudámus.

Feria Tertia

infra Octavam non impedita.

Semiduplex.

Omnia ut in Festo, præter sequentia.
Lectiones primi Nocturni, de Scriptura occurrente.

IN II. NOCTURNO.

Sermo Sancti Joánnis Chrysóstomi.

Lectio iv.

Homilia 4. in Matth.

Hunc morem plerúmque tenébat antíquitas, ut sponsæ in sponsorum dómibus haberéntur. Sic habitábat étiam María cum Sponso: et cujus tandem rei grátia, non ántequam desponderétur, Virgo concépit? Ut videlicet mystérium ínterim quasi obumbrátum latéret, et ut Virgo omnem prorsus occasiόνem malignæ suspiciónis effúgeret. Quando enim ille, qui præcípua zelo posset ardére, cernitur non solum non abjicere Sponsam, nec eam ignomínia notáre, sed étiam recípere in consórtium, et inservíre post conceptiόνem, profecto manifestum est, quod nisi apérte nosset ex operatióne Sancti Spíritus illum exstitísse concéptum, numquam vel apud se illam retinuísset; vel ei in ómnibus, quorum indígit, ministráset.

R. Dedísti mihi protectiόνem salútis tuæ, et dextera tua suscepit me: * Protéctor meus, et cornu salútis meæ, et susceptor meus, allelúja.

V. Ego protéctor tuus sum, et merces tua magna nimis. **P**rotéctor.

Lectio v.

Joseph autem cum esset justus, et nollet eam tradúcere, vóluit occulte dimíttre eam. Postquam dixit, quod esset ex Spíritu sancto, et absque ulla mixtióne séxuum, sermónem suum étiam aliunde confirmat. Ne enim áliquis diceret: et unde hoc potest esse manifestum? quis vidit? quis audívit aliquándo tale áliquid

contigísse? Neque putáret discipulum, quasi gratificátum magistro, ista confingere; introducit Joséphum ex his, quæ passus est, fidem dictis per cuncta faciéntem, ut plane hinc dícere Evangelísta videátur. Si non credis mihi, et testimónium tibi meum forte suspéctum est, crede ígitur vel maríto.

R. Státuet filios suos sub tégmíne illíus, et sub ramis ejus morábitur: protegétur sub tégmíne illíus a fervóre: * Et in glória ejus requiescet, allelúja.

V. Speráte in eo, omnis congregátio pópuli: effúndite coram illo corda vestra. Et in.

Lectio vi.

Joseph enim vir ejus, inquit, cum esset justus. Justum hic in omni virtúte dicit esse perféctum. Cum ígitur esset justus, hoc est frugi, bonúsque vir, vóluit occúlte dimíttre eam. Proptérea vero Evangelísta dixit, quid justo illi accíderit ante notítiam, ut nequáquam de his, quæ post notítiam rei sunt facta, dubitáres. Et certe si María talis fuísset, qualem illam suspício fingébat, non modo publicári merúerat, verum étiam ex legis auctoritáte puníri: sed Joséphus non tantum eam damnáre nóluit, sed nec publicáre quidem. Vidísti nempe virum sublímiter philosophántem, et tyránnicæ illíus passíonis immúnem. Quamquam hic quæ tandem dicerétur esse suspício, ubi ipse úteri tumor videbátur factum argúere? Sed tamen ita erat ille vir ab hujúsmodi passióne mundus ac liber, ut ne in minis quidem Vírgini vellet inférre mœstítiam; et adhuc sub lege vivens, supra legem philosophátur: síquidem adventánte jam grátia, multa sublimiórís disciplínæ documénta fulgére oportébat.

R. Si consístant advérsus me castra, non timébit cor meum: * Si exúrgat

advérsus me prælium, in hoc ego sperábo, allelúja.

V. In te cantátio mea semper, quoniam tu adjútor fortis. Si exúrgat. Glória Patri. Si exúrgat.

IN III. NOCTURNO.

Lectio sancti Evangelíi secúndum Lucam.

Lectio vii.

Cap. 3.

In illo témpore: Factum est autem, cum baptizaretur omnis pópulus, et Jesu baptizáto et oránte, apértum est cœlum. Et réliqua.

Homília Sancti Augustíni Epíscopi.

Lib. 2. contr. Faust. cap. 7. 8.

Sic de cœlo dictum est super aquam Jordánis: Hic est Fílius meus dilectus, in quo mihi bene complácu; quemádmodum dictum est et in monte. Neque enim quia et ibi de cœlo vox ipsa sônuit, Fílius Dei ante non fuit; quandóquidem ex útero Vírginis ille accépit formam servi, qui cum in forma Dei esset, non rapínam arbitrátus est esse æquális Deo. Dénique idem Apóstolus Paulus álio loco apertíssime dicit: Cum autem venit plenitúdo témporis, misit Deus Fílium suum factum ex muliere, factum sub lege, ut eos, qui sub lege erant, redímeret, ut filiórúm adoptiόνem reciperémus. Ipse ergo est Fílius Dei, qui et Dóminus David secúndum divinitátem et idem ipse Fílius David ex sémíne David secúndum carnem.

R. Joseph, fili David, noli timére accípere Mariám cónjugem tuam; quod enim in ea natum est, de Spíritu sancto est: páriet autem filium, * Et vocábis nomen ejus Jesum, allelúja.

V. Ipse enim salvum fáciét pópulum suum a peccátis eórum. Et vocábis.

Lectio viii.

Quod si nobis crédere non prodésset, non hoc tam attén-te idem

Apóstolus Timótheo commendáret dicens: Memor esto, Christum Jesum resurrexisse a mórtuis, ex sémine David, secúndum Evangélium meum. Quid ergo jam móveat sancti Evangélii sectatórem, quod sine concúbitu Joséphi Christus natus ex Vírgine, filius tamen David appellátur, cum generatiónum sériem non usque ad Mariám, sed usque ad Joséphum Matthæus Evangelísta perdúcat? Primo quia maríti ejus fúerat, propter virilem sexum, pótius honoránda persóna: neque enim quia non permíxtus, ideo non marítus, cum ipse Matthæus narret ab Angelo Mariám cónjugem ipsius appellátam, qui narrat, quod de Spíritu sancto concéperat.

R. Surge, et áccipe púerum, et Matrem ejus, et fuge in Ægýptum: * Et esto ibi, usque dum dicam tibi, allelúja.

V. Ut adimplerétur quod dictum est a Dómino per Prophétam dicéntem: ex Ægýpto vocávi filium meum. **Et** esto. **G**loria Patri. **Et** esto.

Lectio ix.

Cum vero unus idémq̃ue narrátor utrúmque dicat, utrúmque commendet et virum Mariæ Joséphum et Christi Vírginem Matrem, et Christum ex sémine David, et Joséphum ex série progeneratórum Christi ex David, quid restat, nisi et Mariám non fuisse extráneam a cognatióne David, et eam Joséphi cónjugem, et non frustra appellátam propter animórum confederatiónem, et Joséphum pótius propter dignitátem virilem ab ordine generatiónum illárum non fuisse separándum, ne hoc ipso viderétur ab illa fémína separátus, cui eum conjungébat mentis afféctus.

Te Deum laudámus.

xxx

Feria Quarta

infra Octavam non impedita.

Semiduplex.

Omnia ut in Festo, præter sequentia.
Lectiones primi Nocturni, de Scriptura occurrente.

IN II. NOCTURNO.

De Sermóne S. Joánnis Chrysóstomi.

Lectio iv.

Homilia 4. in Matth.

Joseph fili David, noli timére accíperere Mariám cónjugem tuam. Quid autem est accíperere? Domi profecto retinére: jam enim illam mente dimiserat: sed dimíssam, inquit, retineas, quam Deus tibi cópulat, non paréntes: cópulat vero, non in fœdus solémne conjúgii, sed in consórtium commúnis habitáculi, et cópulat per meæ vocis officium. Sicut enim illam póstea commendat Christus ipse discípulo, ita étiam nunc Angelus sponso, solátium tantúmmodo ejus habitúram absque fœdere nuptiarum. Deínde honéstius multóque dígnius causa partus expósita suspiciónem quoque prorsus restínxit: Non modo, inquit, ilícito non est violáta compléxu, verum étiam supra natúram morémque fœcúnda est. Noli igitur de tam felíci partu sponsæ attráhere mœrórém, imo vero in majórem prorúmpe lætítiam: quod enim in ea natum est, de Spíritu sancto est.

R. Dedísti mihi protectiόnem salutis tuæ, et dextera tua suscepit me: * Protéctor meus, et cornu salutis meæ, et susceptor meus, allelúja.

V. Ego protéctor tuus sum, et merces tua magna nimis. **P**rotéctor.

Lectio v.

Pariet autem filium, et vocábis nomen ejus Jesum. Non enim quia ex Spíritu sancto est, idcirco te a ministério tantæ exístimes dispensatiónis extráneum. Nam etsi nihil hábeas in hac generatióne commúne

(Virgo quippe permansit intacta), tamen quod est proprium Patris, quodque nihil infuscat Virginis dignitatem, hoc tibi facile concedo, ut scilicet nato nomen imponas: tu enim illum primum vocabis; quamquam enim non sit filius tuus iste, qui nascitur, tu tamen curam erga illum et sollicitudinem ostendes parentis; et propterea te illi ab ipsa statim nominis impositione conjungo. Deinde ne quis illum ex hoc Patrem esse suspicaretur: pariet, inquit, filium; non dixit, pariet tibi, sed posuit illud indefinitum et suspensum. Non enim illi sed universo prorsus orbi peperit Christum.

R. Statuet filios suos sub tegmine illius, et sub ramis ejus morabitur: protegetur sub tegmine illius a fervore: * Et in gloria ejus requiescet, allelúja.

V. Sperate in eo, omnis congregatio populi: effundite coram illo corda vestra. Et in.

Lectio vi.

Propterea et nomen ejus de cœlo Angelum detulisse Evangelista memoravit, ut hinc quoque ostenderet illum mirabilem esse partum, quo ejus nomen ad Josèphum, et per Angelum, et a Deo missum doceret. Nam et ipsum vocabulum non inani ter positum est, quod certe mille continet thesauros honorum. Propter quod illud etiam Angelus interpretatur, bonis merentem spebus animando: et hoc quoque illum modo ad credendum quod loquitur, invitat. Facile namque sollicitamur ad prospera, et promptius fidem accommodamus secundis. Ipse enim, inquit, salvum faciet populum suum a peccatis eorum. Hinc quoque beneficii novitas indicatur: non enim a bello visibili, nec a gladio barbarorum; sed, quod his longe majus est, a peccato

suo populum nuntiat liberandum: quod prestare nulli fuit hominum aliquando possibile.

R. Si consistent adversum me castra, non timebit cor meum: * Si exurgat adversum me prælium, in hoc ego sperabo, allelúja.

V. In te cantatio mea semper, quoniam tu adjutor fortis. Si exurgat. Glória Patri. Si exurgat.

IN III. NOCTURNO.

Lectio sancti Evangelii secundum Lucam.

Lectio vii.

Cap. 3.

IN illo tempore: Factum est autem, cum baptizaretur omnis populus, et Jesu baptizato et orante, apertum est cœlum. Et reliqua.

Homilia Sancti Ambrósii Episcopi.

Comment. in Luc. lib. 3.

Neminem movere debet, quod ita scriptum est: qui putabatur filius Joseph. Bene enim putabatur, quia natura non erat. Sed ideo putabatur quia eum María, quæ Josèpho erat desponsata, genuerat. Sic enim habes: nonne hic est filius Joseph fabri? Diximus supra, qua ratione per Virginem, qua ratione desponsatam, et quare census tempore nasci voluerit Dominus salutaris, non alienum etiam videtur, ut qua ratione fabrum Patrem habuerit, declaremus. Hoc enim typum Patrem sibi esse demonstrat, qui fabricator omnium condidit mundum. Nam etsi humana non sunt comparanda divinis, typus tamen integer est, quod Pater Christi igne operatur et spiritu, et tamquam bonus animæ faber vitia nostra circumdolat, cito securim admoventes arboribus infundis, secare doctus exiguâ, culminibus servare sublimia, rigida mentium spiritus igne molliere, et in varios usus omne humanum genus diversa ministeriorum qualitate formare.

R. Joseph, fili David, noli timere accipere Mariam conjugem tuam; quod enim in ea natum est, de Spiritu sancto est: pariet autem filium: * Et vocabis nomen ejus Jesum, allelúja.

V. Ipse enim salvum faciet populum suum a peccatis eorum. **E**t vocabis.

Lectio viii.

C Ur autem Joseph magis quam Mariæ generatio describatur, cum Maria de Spiritu sancto generaverit Christum, et Josèphus a generatione Domini videatur alienus, dubitare possemus, nisi consuetudo nos instrueret scripturarum, quæ semper viri originem querit; viri enim persona queritur, qui etiam in senatu et reliquis cunctis civitatum generis asservat dignitatem. Quam deformis autem si, relicta viri origine, origo feminae quereretur, ut videretur Patrem non habuisse ille totius mundi populis predicandus. Videns ubique familiam per virorum generationes esse decursam: noli mirari, quod Josèphi origo descripta est; etenim secundum carnem natus usum habuit sequi carnis, et qui in sæculum venerat, sæculi debuit more describi; maxime cum in Josèphi origine etiam origo sit Mariæ.

R. Surge, et accipe puerum, et Matrem ejus, et fuge in Ægyptum: * Et esto ibi, usque dum dicam tibi, allelúja.

V. Ut adimpleretur quod dictum est a Domino per Prophetam dicentem: ex Ægypto vocavi filium meum. **E**t esto. **G**loria Patri. **E**t esto.

Lectio ix.

C Ur autem sanctus Matthæus ab Abraham generationem enumerare coeperit Christi, sanctus vero Lucas a Christo usque ad Deum perduxerit, explanandum videtur. Lucas ad Deum putavit originem ejus esse referendam, quod verus Christi ge-

nerator Deus sit, vel secundum veram generationem Pater, vel secundum lavacri regenerationem mystici muneris auctor: et ideo non a primo generationem ejus coepit describere, sed postquam baptismum ejus explicuit, auctorem omnium Deum per baptismum cupiens demonstrare, Christum quoque a Deo ordine manasse successionis asservit, universa contexens, ut et secundum naturam, et secundum gratiam, et secundum carnem Dei Filium demonstraret. Quod autem evidentius divinae generationis indicium, quam quod de generatione dicturus, ipsum Patrem præmisit loquentem: hic est Filius meus dilectus, in quo complacui?

Te Deum laudamus.

Feria Quinta

infra Octavam non impedita.

Semiduplex.

Omnia ut in Festo, præter sequentia.
Lectiones primi Nocturni, de Scriptura occurrente.

IN II. NOCTURNO.

Sermo Sancti Bernardi Abbatis.

Lectio iv.

Hom. 2. super Missus.

D Esponsata est Maria Joseph, vel potius (sicut ponit Evangelista) viro, cui nomen erat Joseph. Virum nominat, non quia maritus, sed quod homo virtutis erat: vel potius quia juxta alium Evangelistam, non vir simpliciter, sed vir ejus dictus est. Mérito appellatur quod necessario putatur. Debuit ergo vir ejus appellari quia necesse fuit et putari. Sicut et Pater Salvatoris non quidem esse, sed dici meruit ut putaretur esse, dicente hoc ipso Evangelista: Et ipse Jesus erat incipiens quasi annorum triginta, ut putabatur filius Joseph.

R. Dedisti mihi protectionem salutis tuæ, et dextera tua suscepit me: *

Protector meus, et cornu salutis meae,
et susceptor meus, allelúja.

V. Ego protector tuus sum, et merces tua magna nimis. Protector.

Lectio v.

Non est dubium, quin bonus et fidelis homo fuerit iste Iosephus, cui Mater desponsata est Salvatoris. Fidelis, inquam, servus et prudens, quem constituit Dominus suae Matris solatium, suae carnis nutritium, solum denique in terris magni consilii coadjutorem fidissimum. Huc accedit, quod dicitur fuisse de domo David. Vere enim de domo David: vere de regia stirpe descendit vir iste Iosephus, nobilis genere, mente nobilior. Plane filius David, non degenerans a patre suo David: prorsus, inquam, filius David, non tantum carne, sed fide, sed sanctitate, sed devotione, quem, tamquam alterum David, Dominus invenit secundum cor suum, cui tuto committeret secretissimum, atque sacratissimum sui cordis arcnum, cui tamquam alteri David incerta et occulta sapientiae suae manifestavit, et dedit illi non ignarum esse mysterii, quod nemo principum huius saeculi agnovit.

R. Statuet filios suos sub tegmine illius, et sub ramis ejus morabitur: protegetur sub tegmine illius a fervore: * Et in gloria ejus requiescet, allelúja.

V. Sperate in eo, omnis congregatio populi: effundite coram illo corda vestra. Et in.

Lectio vi.

Cui denique datum est, quod multi reges et prophetae cum vellent videre, non viderunt, audire et non audierunt, non solum videre et audire, sed etiam portare, deducere, amplecti, deosculari, et nutrire, et custodire. Non tantum autem Iosephus sed et Maria descendisse cre-

denda est de domo David, alioquin non esset desponsata viro de domo David, si non esset ipsa de domo David. Ambo igitur erant de domo David: sed in altera completa est veritas, quam juravit Dominus David, altero tantum conscio teste adimplentae promissionis.

R. Si consistent adversum me castra, non timebit cor meum: * Si exurgat adversum me praelium, in hoc ego sperabo, allelúja.

V. In te cantatio mea semper, quoniam tu adjutor fortis. Si exurgat. Gloria Patri. Si exurgat.

IN III. NOCTURNO.

Lectio sancti Evangelii secundum
Lucam.

Lectio vii.

Cap. 3.

In illo tempore: Factum est autem, cum baptizaretur omnis populus, et Jesu baptizato et orante, apertum est coelum. Et reliqua.

Homilia Sancti Ambrósii Episcopi.

Comment. in Luc. l. 3. c. 3.

Quod per Salomonem Matthaeus generationem derivandam putavit, Lucas vero per Nathan, alteram regalem, alteram sacerdotalem Christi familiam videtur ostendere. Quod non ita accipere debemus, quod alterum altero verius, sed alter alteri pari fide et veritate concordet. Fuit enim vere et secundum carnem regalis et sacerdotalis familia et Rex ex regibus, Sacerdos ex sacerdotibus, licet oraculum non de carnalibus, sed de coelestibus exprimatur: quoniam et Rex in Dei virtute laetatur, cui iudicium a Patre Rege defertur, et Sacerdos est in aeternum, secundum quod scriptum est: Tu es Sacerdos in aeternum secundum ordinem Melchisedech.

R. Joseph, fili David, noli timere accipere Mariam conjugem tuam; quod

enim in ea natum est, de Spíritu sancto est: páriet autem fílium: * Et vocábis nomen ejus Jesum, allelúja.

V. Ipse enim salvum fáciat pópulum suum a peccátis eórum. *Et* vocábis.

Lectio viii.

BEne ígitur utérque ténuít fidem, ut Matthæus per reges ductam originem comprobáret, et Lucas per sacerdotes a Deo transmissam in Christum sériem géneris deducendo, sanctiorem ipsam originem declaráret. Simul in hoc quoque vítuli figúra signátur, quod ubíque sacerdotále mystérium putat esse servándum. Nec miréris si ab Abraham plures secúndum Lucam successiões usque ad Christum sunt, pauciores secúndum Matthæum, cum per álias persónas generatióem fateáris esse decúrsum. Potest enim fíeri, ut álíi longævam transégerint vitam, altérius vero generatióis viri immatúra ætáte decésserint: cum videámus complúres senes cum suis nepótibus vívere, álíos vero statim cum fíliis obíre suscéptis.

R. Surge, et áccipe púerum, et Matrem ejus, et fuge in Ægýptum: * Et esto ibi, usque dum dicam tibi, allelúja.

V. Ut adimplerétur quod dictum est a Dómino per Prophétam dicéntem: ex Ægýpto vocávi fílium meum. *Et* esto. *G*loria Patri. *Et* esto.

Lectio ix.

Illud quoque advértimus quod sanctus Matthæus Jacob, qui fuit pater Joséphi, fílium Mathan esse memoráverit; Lucas vero Joséphum, cui desponsáta erat María, fílium Heli, Heli autem fílium Melchi esse descripserit. Quómodo unus duo patres, id est Heli et Jacob? Duórum fílius dictus est, quia altérius secúndum generatióem, altérius secúndum legem factus est fílius. In quo

præscrípto legis futúram perpetuitátem defunctorum séminis nobis esse promíssam non intelléxit pópulus Judæórum, sed secúndum líteram accípiens, grátiam corrúpit oráculi. Alius enim erat frater secúndum carnis germanitátem, sed secúndum grátiae puritátem: et ídeo fortásse frater non redémit, redémit homo, quia non germánus frater illos, sed mediátor Dei et hóminum homo Christus Jesus resurrectiões grátiam propagávit.

*T*e Deum laudámus.

Feria Sexta

infra Octavam non impedita.

Semiduplex.

Omnia ut in Festo, præter sequentia.

Lectiones primi Nocturni, de Scriptura occurrente.

IN II. NOCTURNO.

Sermo Sancti Bernárdi Abbátis.

Lectio iv.

Hom. 2. super Missus.

SCriptum est: Joseph autem vir ejus, cum esset justus et nollet eam tradúcere, vóluit occúlte dimíttere eam. Bene, cum esset justus, nóluit eam tradúcere, quia sicut nequáquam justus esset si cógnitam ream consensísset, sic nihilóminus justus non esset, si probátam innóxiam condemnásset. Cum ergo justus esset, et nollet eam tradúcere, vóluit eam dimíttere. Quare vóluit dimíttere? Accipe et in hoc, non meam, sed Patrum senténtiam. Propter hoc vóluit Joséphus dimíttere eam, propter quod et Petrus Dóminum a se repellébat, dicens: Exi a me, Dómine, quia homo peccátor sum: propter quod et Centúrio a domo sua eum prohibébat, cum díceret: Dómine non sum dignus, ut intres sub tectum meum.

R. Dedisti mihi protectionem salutis tuæ, et dextera tua suscepit me: * Protéctor meus, et cornu salutis meæ, et susceptor meus, allelúja.

V. Ego protéctor tuus sum, et merces tua magna nimis. **P**rotéctor.

Lectio v.

ITa ergo et Joséphus indignum et peccátorem se reputans dicebat intra se, a tali et tanta non debere sibi ultra familiare præstari contubernium, cujus supra se mirabilem expavescébat dignitatem. Vidébat et horrébat divínæ præsentiae certissimum gestantem insigne, et quia mystérium penetrare non póterat, volébat dimittere eam. Expávit Petrus poténtiæ magnitudinem; expávit Centúrio præsentiae majestatem: exhórruit nímirum et Joséphus, sicut homo, hujus tanti miráculi novitatem. Miráris quod Joséphus prægnantis sese consórtio Vírginis judicábat indignum, cum áudies et sanctam Elisabetham ejus non posse ferre præsentiam, nisi cum tremóre quidem et reveréntia? Ait namque: Unde hoc mihi, ut véniat Mater Dómini mei ad me?

R. Státuet filios suos sub tégmine illius, et sub ramis ejus morábitur: protegétur sub tégmine illius a fervóre: * Et in glória ejus requiescet, allelúja.

V. Speráte in eo, omnis congregatio pópuli: effúndite coram illo corda vestra. **E**t in.

Lectio vi.

IDeo itaque Joséphus voluit dimittere eam; sed quare occúlte et non palam? ne videlicet divórtii causa inquirerétur, exigerétur rátió. Quid enim vir justus responderet pópulo duræ cervicis, pópulo non credénti et contradicénti? Si díceret quod sentiébat, quod de illius puritáte comprobáverat, nonne mox incréduli et

crudéles Judæi subsannárent illum, lapidárent illam? Quómodo namque veritáti créderent tacénti in útero, quam póstea contempsérunt clamántem in templo? Quid fácerent necdum apparénti, cui póstmodum impias manus injecérunt étiam miráculis coruscánti? mérito ergo vir justus, ne aut mentíri, aut diffamáre cogerétur innóxiam, voluit occúlte dimittere eam.

R. Si consístant advérsus me castra, non timébit cor meum: * Si exúrgat advérsus me prælium, in hoc ego sperábo, allelúja.

V. In te cantátio mea semper, quóniam tu adjútor fortis. **S**i exúrgat. Glória Patri. **S**i exúrgat.

IN III. NOCTURNO.

Lectio sancti Evangelii secúndum Lucam.

Lectio vii.

Cap. 3.

IN illo témpore: Factum est autem, cum baptizarétur omnis pópulus, et Jesu baptizáto et oránte, apértum est cælum. Et réliqua.

Homília Sancti Joánnis Damascéni.

Orat. 3. de B. M. V. Nativ.

MAtthæus opus suum ínchoans: Liber generatiónis, inquit, Jesu Christi, filii David, filii Abraham; verum hic non súbstitit; étenim ipsíus sermo étiam usque ad Vírginis sponsum progréssus est. Lucas autem post Salvatóris in baptísimo declaratiónem oratiónem suam non nihil derivans, ad hunc modum scribit: Ipse Jesus erat incípiens quasi annórum trigínta, ut putabátur filius Joseph, qui fuit Heli, qui fuit Mathat, et sic deinceps in altum ascendéndo usque ad Seth, qui fuit Adæ, qui fuit Dei. Proinde cum Joséphi genus ad hunc modum recenseátur, certe Virgo quoque ipsa ac Dei Génitrix María ejusdem cum eo tribus esse simul demon-

strátur; síquidem Móysis lege non licébat ulli tribui cum áltera tribu permiscéri, ne géneris hæréditas ab una tribu ad áliam laberétur.

R. Joseph, fili David, noli timére accípere Mariám cónjugem tuam; quod enim in ea natum est, de Spíritu sancto est: páriet autem filium: * Et vocábis nomen ejus Jesum, allelúja.

V. Ipse enim salvum fáciét pópulum suum a peccátis eórum. Et vocábis.

Lectio viii.

Non abs re Christi ex Spíritu Sancto Natívitás apud vulgus silebátur, ac Joséphus loco patris assumebátur, atque inde, ut vero consentáneum est, tamquam púeri Pater recensebátur. Nam nisi hoc exstitisset, Patre carére Puer existimátus fuisset, quod a patérno látere genus ipsíus mínime recenserétur. Quámobrem ex exímis Evangelístis necessário tunc factum est, ut Joséphi genus recensérent. Nam si, hoc præterinísso, a matérno látere géneris ipsíus sériem texuissent, præterquámquod istud indecórum fuisset, a divínarum quoque scripturárum consuetúdine abhorruissent. Cómmodè igitur Joséphi genus a Dávide, ob eam quam attúlimus causam ducéntes, simul quoque Vírginem Mariám ex Dávide ortam esse confirmant, per Sponsum scilicet uxóris genus una inferéntes.

R. Surge, et áccipe púerum, et Matrem ejus, et fuge in Ægýptum: * Et esto ibi, usque dum dicam tibi, allelúja.

V. Ut adimplerétur quod dictum est a Dómino per Prophétam dicéntem: ex Ægýpto vocávi filium meum. Et esto. Glória Patri. Et esto.

Lectio ix.

Quod quidem justítia præditus Joséphus esset, ac vitam legi consentáneam dúceret, némini obscurum

est. Ex legis porro præscrípto vivens, profecto non aliúnde, quam ex sua tribu ortam uxórem despondébat. Quocírca si Joséphus ex tribu Juda, atque ex Dávidis sorte ac família erat, an non consentáneum est, Mariám quoque ab íisdem proficisci? Ex quo factum est, ut Sponsi genus recense-rétur. Nam cum de Apóstoli sentén-tia caput mulieris vir sit, quid tandem afférri potest, quin cum cápitis genus recensétur, corpus quoque una cum cápite recenséri consequátur? Manifeste igitur osténsus esse árbitor, Joséphi genus apud Evangelístas non frustra recenséri, ex quo necessário Virgo quoque a Dávide oriúnda esse per consecutióem intelligitur, et qui præcellénti miráculo ex ipsa génitus et Christus antesæculáris Dei Fílius.

Te Deum laudámus.

Die Octava.

Duplex.

Omnia ut in Festo, præter sequentia.
Lectiones primi Nocturni, de Scriptura occurrente.

IN II. NOCTURNO.

Sermo Sancti Augustíni Epíscopi.

Lectio iv. Lib. I. de nupt. et concup. c. 11.

Non falláciter ab Angelo dictum est ad Joséphum, noli timére accípere Mariám cónjugem tuam. Con-jux vocátur ex prima fide desponsatiónis, quam concúbitu nec cognó-verat, nec fúerat cogníturus: nec per-ríerat, nec mendax mánserat cónjugis appellátio, ubi nec fúerat nec futúra erat ulla carnis commíxtio. Erat quippe illa Virgo ídeo et sánctius et mirabílius jucúnda suo viro, quia étiam fœcúnda sine viro, prole dispar, fide compar. Propter quod fidéle con-júgium paréntes Christi vocári ambo meruérunt, et non solum illa Mater, verum étiam ille Pater ejus, sicut

conjux Matris ejus; utrúmque mente non carne. Sive autem ille Pater sola mente, sive illa Mater et carne, Paréntes tamen ambo humilitátis ejus, non sublimitátis, infirmitátis, non divinitátis.

R. Dedísti mihi protectionem salutis tuæ, et dextera tua suscepit me: * Protéctor meus, et cornu salutis meæ, et susceptor meus, allelúja.

V. Ego protéctor tuus sum, et merces tua magna nimis. Protéctor.

Lectio v.

NEquae enim mentitur Evangélium, ubi légitur: Et erant Pater ejus et Mater mirántes super his, quæ dicebantur de illo. Et álio loco: Et ibant Paréntes ejus per omnes annos in Jerúsalem. Item paulo post: Et dixit Mater ejus ad illum: Fili, quid fecísti nobis sic? ecce Pater tuus, et ego doléntes quærebámus te. At ille ut osténderet, habére se præter illos Patrem, qui eum genuit præter Matrem, respóndit eis: Quid est quod me quærebátis? Nesciebátis quia in his, quæ Patris mei sunt, opórtet me esse? Et rursum ne hoc dicto Paréntes illos negásse putarétur, Evangelísta secúsus adjúnxit: Et ipsi non intellexérunt verbum, quod locúsus est ad illos, et descéndit cum eis, et venit Náza-reth, et erat súbditus illis. Quibus súbditus nisi Paréntibus? Quis autem súbditus nisi Jesus Christus, qui cum in forma Dei esset, non rapínam arbitrátus est esse æquális Deo?

R. Státuet filios suos sub tégmine illius, et sub ramis ejus morábitur: protegétur sub tégmine illus a fervóre: * Et in glória ejus requiescet, allelúja.

V. Speráte in eo, omnis congregátio pópuli: effúndite coram illo corda vestra. Et in.

Lectio vi.

CUr ergo illis súbditus, qui longe infra formam Dei erant, nisi quia semetípsum exinanívit formam servi accípiens, cujus formæ Paréntes erant, sed profecto nec ipsíus formæ servi Paréntes ambo essent, nisi inter se étiam sine carnis commixtíone conjuges essent: unde et séries generatiónum, cum Paréntes Christi connexióne successiónis commemorántur, usque ad Joséphum pótius, sicut factum est, fúerat perducénda, ne in illo conjúgio viríli séxui, útique potíori fieret injúria, cum veritáti nihil períret, quia ex sémine David, ex quo ventúrus prædictus est Christus, et Joséphus erat et María. Omne itaque nuptiárum bonum implétum est in illis Paréntibus Christi, proles, fides, sacraméntum. Prolem cognóscimus ipsum Dóminum Jesum, fidem quia nullum adultérium, sacraméntum quia nullum divórtium.

R. Si consístant advérsus me castra, non timébit cor meum: * Si exúrgat advérsus me prælium, in hoc ego sperábo, allelúja.

V. In te cantátio mea semper, quóniam tu adjútor fortis. Si exúrgat. Glória Patri. Si exúrgat.

IN III. NOCTURNO.

Léctio sancti Evangélii secúndum Lucam.

Lectio vii.

Cap. 3.

In illo témpore: Factum est autem, cum baptizarétur omnis pópulus, et Jesu baptizáto et oránte, apértum est cœlum. Et réliqua.

Homília Sancti Augustíni Epíscopi.

Serm. 36. de temp. qui est de bapt. Christi.

NAtális hódie alter est quodam modo Salvatóris; nam eísdem eum signis, eísdem miráculis cognóscimus génitum, sed nunc majórem mystério baptizátum. Ait enim Deus:

Hic est filius meus dilectus, in quo mihi complacui. Præclarius plane est secunda quam prima natiuitas. Illa enim sine teste silentio Christum genuit, ista cum Divinitatis professione Dominum baptizavit. Ab illa se Josèphus, qui Pater putabatur, excusat; in hac se Pater, qui non credebatur, insinuat. Ibi laborat suspitionibus Mater, quia professioni deerat Pater; hic honoratur Genitrix, quia divinitas filium protestatur. Honoratior, inquam, secunda quam prima Natiuitas; siquidem Pater hic Deus Majestatis inscribitur, illic Josèphus artifex æstimatur. Et licet in utraque Dominus per Spiritum Sanctum et natus sit et baptizatus, tamen honoratior est qui de cœlis clamat, quam qui in terris laborat.

R. Joseph, fili David, noli timere accipere Mariam conjugem tuam; quod enim in ea natum est, de Spiritu sancto est: pariet autem filium.* Et vocabis nomen ejus Jesum, allelûja.

V. Ipse enim salvum faciet populum suum a peccatis eorum. **E**t vocabis.

Lectio viii.

Josèphus ergo faber in terris Pater putabatur esse Domini Salvatoris, nec ab hoc opere Deus, qui vere est Pater Domini nostri Jesu Christi, excluditur. Nam est et ipse faber, ipse enim est artifex qui hujus mundi machinam, non solum mirabili, sed etiam ineffabili potentia fabricavit. Tamquam sapiens architectus cœlum sublimitate suspendit, terram mole fundavit, maria calculis alligavit. Ipse artifex qui in nostris moribus præcedit superflua opera, utilia quæque conservat. Ipse est artifex, cujus securim ad radicem nostram positam Joannes Baptista comminatur, ut omnis arbor, quæ normam justæ discretionis excesserit, excisa radicibus tradatur incendio: quæ autem

mensuram veritatis habuerit, cœlesti fabricæ deputetur.

R. Surge, et accipe puerum, et Matrem ejus, et fuge in Ægyptum.* Et esto ibi, usque dum dicam tibi, allelûja.

V. Ut adimpleretur quod dictum est a Domino per Prophetam dicentem: ex Ægypto vocavi filium meum. **E**t esto. **G**loria Patri. **E**t esto.

Lectio nona de Homilia Dominicæ.

OFFICIA FIXA.

FESTA FEBRUARII.

Die 11. Februarii.

B. Joannes de Britto, Martyr, S. J.

Duplex.

(Ex Decreto S. R. C. die 18. Augusti 1853.)

Omnia de Communi unius Martyris, præter sequentia.

Oratio.

Deus, qui ad fidem Catholicam apud Indos propagandam beatum Joannem Martyrem tuum invicta constantia roborasti: ipsius meritis et intercessione concede; ut qui triumphus ejus memoriam recolimus, etiam fidei exempla imitemur. Per Dñm.

Lectiones primi Nocturni, de Scriptura occurrente.

In Quadragesima. Fratres debitores. de Communi, primo loco.

IN II. NOCTURNO.

Lectio iv.

Joannes de Britto parentibus nobilitate apprime conspicuis Olisipone in Lusitania natus est. Honorarios inter ephēbos Petri principis, qui totius Lusitaniæ rex hoc nomine secundus paulo post est salutatus, ineuntem ætatem transēgit. Intra regiam domum, quæ corruptelarum omnis generis illécebris illum facile

irretire potuisset, innocentem adeo vitam traduxit, ut, ómine futuri non vano, Sancti et mátyris nomen sibi fuerit promeritus. Paréntes de gravi púeri valetúdine omnino áuxii, uti illum inter mortáles diútius servarent, sancto Francísco Xavério dediderunt. Hinc ipse, qui aliunde Xavérii vestigiis insistere exoptabat, se de Xavérii Societáte esse, et ut primum per ætatem licuit, Societatem inire, Indos ac speciátim sacram Madurensem expeditiónem appetere cœpit, ac tandem impetravit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

V. Descendítque cum illo in fóveam: et in vínculis non derelíquit eum. Et dedit.

Lectio v.

MAdúram ut venit, Christiánam religiómem per quinque ea regna, qua expeditio tota exténditur, magno ánimí ardóre propagándam suscepit. Quo in ópere vix credibile est, quot quantásque ærúmnas lætus devoráverit. Oléribus parce víctitans, vino, cárnibus, píscibus omnino abstínuit. Ultro citróque cursans longíssima itínera sub ardénti sole et nudis sæpe pédibus obívit, ómnium rerum inópiæ, barbarórum insectatióibus, piratárum insídiis, plurimisque áliis vitæ perículis continéntur obnoxius. Annis quatuórdecim per hos labóres insígni animárum fructu exáctis, ad necem quæsitus, in cárcerem conjícitur: hinc fústibus concísus, per tribulos et saxa raptátus, aliisque supplicíis et exílio mulctátus, mittitur in Euróпам ad res missiόνis procurándas. Simul tamen ac munus suum implévit, illico in Indiam rédiit, invíto ádmodum rege Lusitániæ, qui eum filio regni hærédi moderatórem et magístrum destináverat.

R. Desidérium ánimæ ejus tribuísti ei, Dómine: * Et voluntáte labiórurn ejus non fraudásti eum.

V. Quóniam prævenísti eum in benedictiόνibus dulcédinis: posuísti in cápite ejus corónam de lápide pfeíto. Et voluntáte.

Lectio vi.

Appúlsus íterum ad Marávæ regnum, Madurense vicínium et vectigále, duódecim míllia ethnicórum diébus decem sacro fonte lustrávit. In iis, quum Dynástes, qui nomen Christo dare cupiébat, uxóres álias dimisísset præter illam, quam olim primam dúxerat, eárum una regem Marávæ, cujus neptis erat, ac Brachmánés in odiósum castitátis præcónem stimulávit. Comprehénsus qua prædíxerat die, quum ratiómem divínæ legis apostólica libertáte regi reddidísset, contuméliis primum et verbéribus afféctus, deínde jugulátus et obtruncátus, demum mánibus pedibúsque abscíssis, præálto stípi suffíxus, pridie Nonas Febuárii, anno millésimo sexcentésimo nonagésimo tertio, ætátis quinto et quadragésimo, fortissimórum mátyrum número auxit. Post óbitum multa patrávit signa; quibus una cum mátyrio rite probátis, ex auctoritáte Pii Noni Pontíficis Máximi cœlitum Beatórum honóres est adsecútus.

R. Stola jucunditátis induit eum Dóminus: * Et corónam pulchritúdinis pósuit super caput ejus.

V. Cibávit illum Dóminus pane vitæ et intelléctus: et aqua sapiéntiæ salutáris potávit illum. Et corónam. Glória Patri. Et corónam.

In tertio Nocturno, Homilia in Evangelium. Nihil est opértum. ut in Comuni tertio loco.

oratio

Die 13. Februarii.

S. Catharina de Ricciis, Virgo.

Duplex.

Omnia ut inter Officia pro aliquibus locis, die 17. Februarii.




FESTA MARTII.

Die 18. Martii.

S. Gabriel Archangelus.

Duplex majus.

Omnia ut inter Officia pro aliquibus locis, eadem die primo loco.



FESTA MAJI.

Die 11. Maji.

S. Franciscus de Hieronymo,
Confessor.

Duplex ii. classis cum Octava.

Omnia ut inter Officia pro aliquibus locis, eadem die, præter Lektionen primi Nocturni, quæ leguntur de Comuni. *Justus si morte.*

Die 13. Maji.

Tertia infra Octavam **S. Francisci.**
Semiduplex.

Lektionen primi Nocturni, de Scriptura occurrente.

In secundo Nocturno, Lektionen. Ad hanc beátam réquiem. ut infra in Officio S. P. N. Ignatii mensibus Majo et Junio.

IN III. NOCTURNO.

Lectio sancti Evangelii secundum
Lucam.

Lectio vii.

Cap. 12.

IN illo témpore: Dixit Jesus discipulis suis: Sint lumbi vestri præcincti, et lucernæ ardentes in manibus vestris. Et reliqua.

Homilia Sancti Augustini Episcopi.

Serm. 39. de Verbis Domini.

AUdístis modo Evangelium, quid monúerit nos, cautos nos faciēns, et volens esse expeditos et paratos ad expectandum novíssima, ut post novíssima, quæ sunt in hoc sæculo metuēda, succēdat réquies, quæ non habet finem. Beáti qui partícipes facti fúerint. Erunt autem tunc secúri, qui modo non sunt secúri, et iterum tunc timébunt, qui modo timére nolunt. Ad hanc expectatióem et propter hanc spem christiáni facti sumus. R. Iste est, qui ante Deum magnas virtútes operátus est, et de omni corde suo laudávit Dóminum: Ipse intercédat pro peccátis ómnium populórum, allelúja.

V. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viii.

Nonne spes nostra non est de hoc sæculo? Non améinus sæculum. Ab amóre sæculi hujus vocáti sumus, ut áliud sæculum sperémus, et diligámus. In hoc abstinére nos debémus ab ómnibus illícitis concupiscétiis, hoc est, lumbos accíntos habére debémus, et fervére, et lucére in opéribus bonis, hoc est lucernas ardentes in manibus habére. Dixit enim ipse Dóminus discipulis suis álio loco Evangelii: Nemo accéndit lucérnam, et ponit eam sub módio, sed super candelábrum, ut lúceat ómnibus, qui in domo sunt.

R. Sint lumbi vestri præcincti, et lucernæ ardentes in manibus vestris: * Et vos símiles homínibus expectántibus dóminum suum, quando revertátur a nuptiis, allelúja.

V. Vigilate ergo, quia nescitis, qua hora Dóminus vester ventúrus sit. Et vos. Glória Patri. Et vos.

Lectio ix.

ET, ut osténderet, unde dicébat, subjécit, et ait: Sic lúceat lux vestra coram homínibus, ut vídeant bona facta vestra, et gloríficent Patrem vestrum qui in cœlis est. Lumbos nostros accíntos esse vóluit, et lucérnas ardéntes. Quid est lumbos accíntos? Declína a malo. Quid est lucére? Quid est lucérnas ardéntes habére? hoc est: Et fac bonum. Quid est, quod adjúnxit et ait: Et vos símiles homínibus expectántibus dómimum suum, quando revertátur a núptiis: nisi quod in illo Psalmo séquitur: Inquire pacem, et perséquare eam?

Te Deum laudámus.

Die 14. Maji.

Quarta infra Octavam **S. Francisci.**
Semiduplex.

Lectiones primi Nocturni, de Scriptura occurrente.

IN II. NOCTURNO.

De Sermóne S. Joánnis Chrysóstomi.

Lectio iv.

De S. Philogon.

QUantum autem sit pietátis argumentum, quod Deus illum tanto magistrátu dignum judicárit, audi: Christus excitátus a morte, quid dicit Petro? Postquam enim illum interrogásset: Petre, amas me? isque respondísset: Tu, Dómine, scis quia amo te; dicit illi: Si díligis me, pasce oves meas. Hoc autem dicébat, non solum ut nobis certíssime declaráret, quantópere ipsum díligeret Petrus, verum étiam ut palam fáceret, quantum habéret benevoléntiam erga suas oves. Itaque si quis volúerit illi commendátus esse, curam hábeat óvium illíus, públicam quærat utilitátem, fratrum suórum salúti prospiciat.

R. Honéstum fecit illum Dóminus, et custodívit eum ab inimícis, et a se-

ductóribus tutávit illum: * Et dedit illi claritátem ætérnam, allelúja.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

NULLUM enim officium hoc Deo chárius est, et ob id alicubi dicit: Simon, Simon, expetívit te sátnas, ut cribráret te tamquam tríticum, sed ego rogávi pro te, ne deficiat fides tua. Quid igitur hujus solícitudinis curæque præmium mihi repéndis? Eámdem curam, quam nobis impéndit, repóscit. Nam et tu, inquit, aliquándo convérsus confírma fratres tuos. Neque prorsus ália res est, quæ perínde decláret doceátque, quis sit fidélis, et amans Christi, quam si fratrum curam agat, proque illórum salúte gerat solícitudinem.

R. Amávit eum Dóminus, et ornávit eum: stolam glóriæ índuit eum: * Et ad portas paradísi coronávit eum, allelúja.

V. Índuit eum Dóminus lorícám fidei, et ornávit eum. Et ad portas.

Lectio vi.

HÆc omnes áudiant et mónachi, qui móntium occupárunť cacúmina, quique modis ómnibus seípsos mundo crucifixerunt, quo pro víribus Ecclesiárum præfécťos ádjuvent, horúmque curas leníant précibus, concórdia, charitáte, sciéntes, quod nisi modis ómnibus opituléntur iis, qui tot perículis objiciúntur per grátiam Dei, totque negotiórum curas sústinent, quibuscúmque possunt ratióne auxiliéntur, quamquam procul habitántes, et victus sors ipsis périit, et tota in scópulum impégit sapiéntia.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus géntibus, allelúja.

V. Iste est, qui contempsit vitam mundi, et pervénit ad cœlestia regna. **Quia te. Glória Patri. Quia te.**

IN III. NOCTURNO.

Lectio sancti Evangelii secúndum Lucam.

Lectio vii.

Cap. 12.

IN illo témpore: Dixit Jesus discipulis suis: Sint lumbi vestri præcincti, et lucernæ ardentes in manibus vestris. Et reliqua.

De Homilía S. Augustíni Epíscopi.

Serm. 39. de Verbis Domini.

Hæc tria, hoc est, abstinéntia a malo, et operatio boni, et spes præmii æterni, commemorata sunt in Actibus Apostolorum, ubi scriptum est: Quia docebat eos Paulus de continéntia, de justítia, et spe vitæ æternæ. Ad continéntiam pertinet: Sint lumbi vestri accincti. Ad justítiam pertinet: Et lucernæ ardentes. Ad expectatióem Dómini pertinet: Quæ est spes vitæ æternæ. Ergo declína a malo, hæc est continéntia, hi sunt lumbi accincti. Et fac bonum, hæc est justítia, hæ sunt lucernæ ardentes. Quære pacem, et séquere eam, hæc est expectatio futúri sæculi.

R. Iste est, qui ante Deum magnas virtútes operátus est, et de omni corde suo laudávit Dóminum: * Ipse intercedat pro peccátis ómnium populorum, allelúja.

V. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viii.

Habéntes autem ista præcépta et promíssa, quid quærimus in terra dies bonos, ubi eos inveníre non possumus? Scio enim, quia eos quæritis, quando aut ægrotátis, aut in tribulationibus estis, quæ abúndant in hoc sæculo; quóniam quando ætas vergit

ad finem, et senex plenus est querélis, et nullis gaudiis; inter omnes tribulationes, quibus contéritur genus humánum, non quærunt homines nisi dies bonos, et vitam volunt longam, quam hic habére non possunt.

R. Sint lumbi vestri præcincti, et lucernæ ardentes in manibus vestris: * Et vos símiles homínibus expectántibus dóminum suum, quando revertátur a núptiis, allelúja.

V. Vigiláte ergo, quia nescítis, qua hora Dóminus vester ventúrus sit. **Et vos. Glória Patri. Et vos.**

Lectio nona (una ex duabus) de S. Bonifacio, cujus et comm. in Laud.

Die 15. Maji.

Quinta infra Octavam S. Francisci.

Semiduplex.

Lectiones primi Nocturni, de Scriptura occurrente.

In secundo Nocturno Lectiones. Deridétur justi simplicitas. de Communi Confess. non Pont., secundo loco.

IN III. NOCTURNO.

Lectio sancti Evangelii secúndum Lucam.

Lectio vii.

Cap. 12.

IN illo témpore: Dixit Jesus discipulis suis: Sint lumbi vestri præcincti, et lucernæ ardentes in manibus vestris. Et reliqua.

Homilía Sancti Petri Chrysólogi.

Ex Serm. 24.

Novus ordo vigiliárum, novus hábitus imperátur: Sint lumbi vestri præcincti. Nil de vestítu, nil de calceamentis, nil de ipsíus occursus apparátu servi vígiles admonéntur, sed tota in præcingendis lumbis mandátur cura, tota in constringendis lumbis statúitur vis præcepti, addito lucernárum solátio tantum, sine quo

nec noctis aperitur obscuritas, nec venientis diēi clarēscit aspectus.

R. Iste est, qui ante Deum magnas virtutes operatus est, et de omni corde suo laudavit Dōminum: * Ipse intercēdat pro peccātis omnium populōrum, allelūja.

V. Ecce homo sine querēla, verus Dei cultor, abstinentes se ab omni opere malo, et permanens in innocentia sua. Ipse.

Lectio viii.

Cingulum quidem est proprie indicium servitutis, quod et discursus expeditus reddat, et faciat obsequentes, sed dixisse suffecerat: Estote praecincti. Cur lumbos potissimum nominat? Cur tanta jubentis reverentia lumborum facit magnopere mentionem? Queris, quare? quia in lumbis est tota corporis causa: ex lumbis tota carnis negotia suscitantur, in lumbis tota est humani lapsus, humanae fragilitatis occasio. Inde venit quod virtutis ignaros reddit, efficit segniōres.

R. Sint lumbi vestri praecincti, et lucernae ardentes in manibus vestris: * Et vos similes hominibus expectantibus dominum suum, quando revertatur a nuptiis, allelūja.

V. Vigilate ergo, quia nescitis qua hora Dominus vester venturus sit. Et vos. Gloria Patri. Et vos.

Lectio ix.

Hinc est ergo, quod principaliter Dominus lumbos nostros adstringi jubet balteo castitatis, et totum carnis nostrae pendulum, fluidum, resolutum, constringi mandat continua zona virtutis: ut carne succincta ad Domini occursum liber, velox, expeditus nostrae mentis reddatur incensus. Haec tamen audiens homo scire debes, quia te non retardat ab occursum Dei caro: quia ipsius occursum officii ipsius est inseparabilis comes,

si tu ejus componas sarcinas, si leves onera ejus, si pendula et sinuosa involucria ejus tu providus viator adstringas.

Te Deum laudamus.

Die 16. Maji.

S. Joannes Nepomucenus, Mart.

Duplex.

Omnia ut inter Officia pro aliquibus locis, eadem die.

Die 18. Maji.

Octava

S. Francisci de Hieronymo.

Duplex.

Lectiones primi Nocturni, de Scriptura occurrente.

IN II. NOCTURNO.

Sermo Sancti Bernardi Abbatis.

Lectio iv.

Serm. 2. de S. Victore.

Gaudete in Domino, dilectissimi, qui inter continua suae pietatis beneficia, indulget hominem mundo, cujus multi salvarentur exemplo. Iterum dico gaudete, quod factus de medio appropriavit Deo, ut multo plures ejus intercessione salventur. In terris visus est ut esset exemplo: in caelum levatus est, ut sit patrocinio. Hic informat ad vitam, illic invitat ad gloriam; factus est mediator ad regnum, qui fuit incitator ad opus. Bonus mediator, qui sibi jam postulans nihil, totum in nos transferre desiderat, et supplicantis affectum, et supplicationis fructum: quid enim quaerat sibi, qui nullus eget?

R. Honestum fecit illum Dominus, et custodivit eum ab inimicis, et a seductoribus tutavit illum: * Et dedit illi claritatem aeternam, allelūja.

V. Justum deduxit Dominus per vias rectas, et ostendit illi regnum Dei. Et dedit.

Lectio v.

HÆc dies gloriôsæ migratiónis ejus, dies lætitiæ cordis ejus, exultémus et lætémur in ea. Introívit inpoténtias Dómini, gaudeámus, quia nunc poténtior est ad salvándum. Hódie, pósito corpore, tanto alácrior, quanto expeditior penetrávit in sancta, símilis factus in glória Sanctórum. Hódie, despécto mundo, et mundi príncipe triumpháto, supra mundum victor ascéndit, accípiens de manu Dómini coronam victóriæ. Ascéndit autem cum imménsa suppellétili meritórum, clarus triúmphis, miráculis gloriósus: sedet veteránus miles, débíta jam suavitate et securitate quiétus: securus quidem sibi, sed nostri sollícitus. O venerándam étiam ipsis Angelis sanctitátem, quam pari stúdio, etsi díspari voluntáte, et mali fúgitant, et frequéntant boni; nec fácte díxerim, quid virum ádstruat sanctiorem, horum favor, aut pavor illórum.

R. Amávit eum Dóminus, et ornávit eum: stolam glóriæ índuit eum: * Et ad portas paradísi coronávit eum, allelúja.

V. Índuit eum Dóminus lorícam fidei, et ornávit eum. Et ad portas.

Lectio vi.

OMiles emérite, qui cristiánæ militiæ duris labóribus angélicæ felicitátis réquiem commutásti, respice ad imbélles et imbecílles commilitónes tuos, qui inter hostíles gládios, et spiritáles nequítias tuis láudibus occupámur. Quam pium, quam dulce, quam suáve, o Francísce, in hoc corpore mortis, te cánere, te cólere, te precári! Nomen tuum et memoriále tuum favus distíllans in lábiis captivórum: mel et lac sub língua eórum, qui tui memória delectántur. Eja ergo, fortis athléta, dulcis patróne, advocáte fidélis, exúrge in adjutórium

nobis, ut et nos de nostra ereptiône gaudeámus: et tu de plena victória gloriéris.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus géntibus, allelúja.

V. Iste est, qui contémpsit vitam mundi, et pervénit ad coeléstia regna. Quia te. Glória Patri. Quia te.

IN III. NOCTURNO.

Lectio sancti Evangélii secúndum Lucam.

Lectio vii.

Cap. 12.

IN illo témpore: Dixit Jesus discipulis suis: Sint lumbi vestri præcíncti, et lucérnæ ardéntes in má nibus vestris. Et réliqua.

Homília Sancti Fulgéntii Epíscopi.

Ex Serm. de Confess.

SI istum Dómini sermónem secúndum lítteram velímus accípere, nihil in eo cómmodi spirituális pòsumus inveníre. Quid enim próficit ad ánimæ salútem, si quis corporáliter aut lumbos præcíngat, aut lucérnam accéndat? In lumbis itaque concupiscéntia carnális osténditur, in lucérnis vero fides et cháritas cristiána monstrátur. Jubens ígitur Dóminus lumbos nostros præcíngi, concupiscéntias carnis sine dúbio præcipit refrenári. Imperans autem ut lucérnas ardéntes habeámus, hoc úti que jubet, ut et lúmine veræ fidei splendeámus, et sanctæ charitátis opéribus ferveámus.

R. Iste est qui ante Deum magnas virtútes operátus est, et de omni corde suo laudávit Dóminum: * Ipse intercédat pro peccátis ómnium populórum, allelúja.

V. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio.viii.

Ista quæ de Evangélio proposuimus, cum prophéticis sermonibus conferamus. Utrúmque enim testamentum Deus instituit, unus Dóminus dedit: et si sunt utriusque testamenti diversa pro temporibus sacramenta, concórdat tamen in utróque salutis humanæ senténtia, qua præcipitur, ut non peccémus, et jubétur ut bonis opéribus insistámus. Per Isaíam Dóminus omnes his ádmonet verbis: Auférte malum cogitátionum vestrarum ab óculis meis, quiéscite pervérse ágere, díscite benefácere. Quid est enim: Sint lumbi vestri præcíncti, nisi, quiéscite ágere pervérse? Quid est, sint lucérnæ ardéntes, nisi, díscite benefácere?

R. Sint lumbi vestri præcíncti, et lucérnæ ardéntes in mánibus vestris: * Et vos símiles homínibus expectántibus dóminum suum, quando revertátur a núptiis, allelúja.

V. Vigiláte ergo, quia nescítis, qua hora Dóminus vester ventúrus sit. Et vos. Glória Patri. Et vos.

Lectio ix.

Præcingúntur enim fidélium lumbi dum concupiscéntia mala comprimitur, dum iníqua cogitátio cohibétur, dum libídini resistit ánimus, dum lascíviæ denegátur efféctus, dum calcátur luxúria, dum avarítia contémnitur et rapína, dum próximi læsio devitátur, dum supérbia víncitur, dum invídia superátur. Ardent vero lucérnæ fidélium, dum rectæ fidei régulam servant, dum in sinu matris Ecclésiæ longanímiter perseverant, dum terréna contémnunt, et cœléstia concupiscunt, dum solliciti pacem custódiunt, dum se ínvicem pure díligunt, dum mútuo se honóre præveniunt, dum mansuetúdine cordis et humilitáte proficiunt, dum misericórdiæ ópera libénter atque hiláriter

fáciunt, dumque in opéribus bonis, non homínibus, sed Deo placére conténdunt.

Te Deum laudámus.

✠ Festum S. Venantii transfertur in diem 22. Maji.

— o —

Die 23. Maji.

S. Andreas Bobola, Martyr, S. J. Duplex.

(Ex Decreto S. R. C. die 18. Augusti 1853.)

Omnia de Communi unius Martyris non Pontificis, tempore Paschali, præter sequentia.

Oratio.

Deus, qui in confessióne veræ fidei beátum Andréam múltiplici suppliciórum genere exerciátum illústri martýrio coronásti: præsta, quæsumus; ut nos in eádem fide stábiles, adversa pótius ómnia, quam ánimæ detriméntum patiámur. Per Dñm.

Lectioes primi Nocturni, de Scriptura occurrente.

IN II. NOCTURNO.

Lectio iv.

ANdréas Bóbola Polónus in Palatinátu Sandomiriénsi patrícia generis nobilitáte natus, primam adolescéntiam tanta cum verecúndiæ et innocentíæ laude tradúxit, ut ætáte júvenis, móribus provéctus haberétur. Sanctiórís vitæ stúdio incénsus, patérnis ópibus abdicátis, Societáti Jesu nomen dedit: in qua majóres in dies síngulos progréssus ferens, ánimus ad virtútes impénsius coléndas adhíbuit; eóque brevi pervénit, ut cæteris ad sanctitátem incitamento et exémplo esset. Religiónsæ vitæ tyrocínio perfúctus, púeros non minus in litterárum stúdiis quam in christiána pietáte instituéndos suscepit; et sacerdotio initiátus lucrándis Deo ánimis se totum plane devóvit,

universámque ferme Lithuániam apostólicis expeditiōnibus peragravit.

R. Lux perpétua lucébit sanctis tuis, Dómine: * Et ætérnitas témporum, allelúja, allelúja.

V. Lætítia sempitérna erit super cá-pita eórum: gáudium et exultatiónem obtinébunt. Et ætérnitas.

Lectio v.

QUOD in múnere semper eódem ánimi ardóre et eádem mentis constantia vigínti et ámplius annos perseverávit. Christiánæ doctrínæ rudiméntis tradéndis, sacris conciónibus vicátim habéndis, cathólicis a vítiis ad virtútem hæreticis et schismáticis ab erróre ad veritátem traducéndis diem pene omnem transigébat; nullis unquam fractus labóribus, nullis periculis térritus, et inter advérsa ómnia fortis ánimo et invídia major: dignus proptérea qui venátor animárum et Lithuániæ Apóstolus passim ab homínibus appellarétur. Quibus rebus cathólicæ religiōnis hostes vehementer commóti et ad extrémam efferáti rábiem, Andréam ex insídiis adoríri et ad necem quærere constítuunt.

R. In servis suis, allelúja: * Consolábitur Deus, allelúja.

V. Judicábit Dóminus pópuluū suum, et in servis suis. Consolábitur.

Lectio vi.

QUAPRÓPTER a Cosácis Photiáno schísmati favéntibus comprehén-sus, quum nec minis, nec promíssis addúci potuísset, ut a cathólica religiōne descíret, nobilíssimum vitæ et labórum finem oppétiit. Ac primum véstibus exútus et ad sepem alligátus, virgis crudelíssime cæsus est; mox vinctum inter duos mílites, qui summos ei húmeros idéntidem secúribus incidébant, Janóviam duxére. Ibi cápitis, mánuum, péctoris pelle de-

trácta atque ustulátis ardénti face cárnibus, lábiis naribúsque abscíssis, áltero illum óculo et língua mulctá-runt. Tandem áliis, iisque atrocióri-bus afféctum supplíciis semiánimem et vulnéribus lácerum humi inter sor-des lutúmque pervólvunt, et gémino acínacis ictu confíciunt. Ita absolutó certámine victor ad palmam evolávit décimo séptimo Kaléndas Júnii, anno millésimo sexcentésimo quinquagésimo séptimo. Sacrum ejus corpus diu sub terra delítuit, donec, ipso monénte, prorsus incorrúptum repér-tum est et suavíssimum odórem spi-rans. Quo prodígio, quod ad hæc usque témpora júgiter perdúrat, simul cum áliis rite probáto Pius Nonus Póntifex Máximus invíctum Christi Mártirem cœléstium Beatórum cœtui adnumerávit.

R. Fíliæ Jerúsalem, veníte et vidéte Mártýres cum corónis, quibus coronávit eos Dóminus: * In die solemnitátis et lætítiae, allelúja.

V. Quóniam confortávit seras portárum tuárum, benedíxit fílios tuos in te. In die. Glória Patri. In die.

In tertio Nocturno, Homilia in Evan-gelium. Nihil est opértum. ut in Festo S. Joannis Nepomuceni die 16. Maji inter Officia pro aliquibus locis.

Die 24. Maji.

B. Maria Virgo. Titulo Auxilium Christianorum.

Omnia ut inter Officia pro aliquibus locis, eadem die.

FESTA JUNII.

Die 2. Junii.

B. Maria Anna a Jesu de Paredes,
Virgo. Duplex.

(Ex Decreto S. R. C. die 15. Septembris 1853.)

Omnia de Communi Virginum, præter sequentia.

Oratio.

DEus, qui inter sæculi étiam illécebras beátam Mariám Annam, ut lilium inter spinas, virgináli castitáte, et jugi pœniténtia floréscere voluísti: præsta quæsumus; ut ejus méritis et intercessióne retrahámur a vítiis, et perfectióra sectémur. Per Dóminum.

Lectiones primi Nocturni, de Scriptura occurrente.

IN II. NOCTURNO.

Lectio iv.

Maria Anna a Jesu de Paredes, Quiti in América meridionali claro genere nata, ab ipsa pene infántia perfectam vivendi ratiónem iniit. Mirabilis in ea morum integritas et candor; ardens in Deum pietas; constans erga immaculatam Dei Genitricem cultus et observántia; assíduum precándi stúdium. Vix decimum ætátis annum ingressa, se totam Deo arctissime obstrinxit, tribus emissis perpétuæ castitátis, paupertátis, et obediéntiæ votis, quæ ad óbítum usque sancte servávit. Quum laudes audíret trium e Societáte Jesu Mártyrum, qui in Japoniæ regno pro Christiána fide sánguinem profudissent, inusitáto quodam divínæ glóriæ propagándæ ardóre succénsa, clam se ad iter accínxit, ut apud bárbaras gentes lumen veritátis inférret. Verum quum ínitum éxequi consílium mínime potuisset, divínæ acquiescens voluntáti, própria in domo sibi recés-sum paráre constituit, ubi, procul ab humanis curis, uni Deo conjunctissime víveret.

R. Propter veritátem, et mansuetúdinem, et justítiam: * Et dedúcet te mirabíliter dextera tua, allelúja.

V. Spécie tua, et pulchritúdine tua inténde, prospere procéde, et regna. Et dedúcet.

Lectio v.

ITaque in partem suárum ædium interiorem se recépít; nec inde unquam prodíbat in públicum, nisi vel charitas erga próximos, vel pietátis officia explénda urgérent. In eo autem secéssu, tamquam in erémo, antiquis severiórum patrum exémpis innovátis, innocentíssimum corpus mirum in modum continenter vexávit. Caput coróna spinea, pectus et látera rigénti cilício, pedes lapíllis, omnesque artus flagéllis, et férreis caténis ac inaudítis quibúsdam ártibus, quas Christi Dómini amor suggerébat, semel atque íterum diu noctúque cruentábat. Ad majórem sui afflictatiónem léctulo ex asséribus, vel cruce acutíssimis spinis intertéta utebátur, cibo ádeo tenui, ut octávo, quándoque étiam decimo quoque die vix única áridi panis úncia vescerétur. Erga omnes tamen comis et affábilis, ánimos étiam perditórum hóminum sibi demerebátur, quos ex omni ór-dine a vitiórum fœditáte ad vitæ honestátem suis consíliis et précibus tradúxit.

R. Dilexísti justítiam, et odísti iniquitátem: * Proptérea unxit te Deus, Deus tuus, óleo lætítiæ, allelúja.

V. Propter veritátem, et mansuetúdinem, et justítiam. Proptérea.

Lectio vi.

His aliisque auctam virtútibus Deus fámulam suam multis præclarisque munéribus illustrávit. Assíduæ rerum divinárum contemplatióni dedita, dies noctésque pene íntegras in Dei amóre quiescébat; nec defuérent qui eam sublímem a terra, ánimo a

sénsibus avocáto, et vultu coeléstí luce radiánte ab se visam confirmárent. Prophetíæ et scrutatiónis córdium dono insígnis, non solum futúra et abséntia prænuntiávit, sed ánimos hóminum, cogitatiónes, et máculas introspéxit. Nec minor in morbis depelléndis vis éxstitit. Multis enim extrémó morbo laborántibus, aut crucis signo, aut aquæ sacræ aspersione desperátam córporis sanitátem restituit, et mórtuam féminam suis précibus in vitam revocávit. Ita erga omnes charitáte affécta, vitam déni- que ipsam, dum atra lues grassarétur, pro civium incolumitáte Deo óbtulit; et morbo corrépta placidíssimo éxitu migrávit ad Sponsum, anno millésimo sexcentésimo quadragésimo quinto, ætátis suæ sexto et vigésimo. Statim post óbitum ex ejus ságuine concreto candidíssimum lílium pródiit: ex quo ipsa Quiténsis lílii nomen obtínuit. Fama autem sanctitátis longe latéque diffúsa et a Deo plúribus signis confirmáta, Pius Nonus Pón- tifex Máximus puríssimam Vírginem solémni cæremónia sacris Beatórum fastis adscrípsit.

R. Afferéntur Regi vírgines post eam, próximæ ejus * Afferéntur tibi in lætítia et exultatióne, allelúja.

V. Spécie tua, et pulchritúdine tua inténde, prospere procéde, et regna. Afferéntur. Glória Patri. Afferéntur.

In tertio Nocturno, Homilia in Evangelium. Símile erit regnum coelórum decem vírginibus. de Comuni, primo loco.

OFFICIA VOTIVA.

Officium Ss. Sacramenti.

Singulis Feriis v. non impeditis, ritu semiduplici, ut ad finem Breviarii.

Officium Conceptionis B. M. V.

Singulis Sabbatis non impeditis, ritu semidup., habetur in fine Breviarii, et recitatur ritu duplici, ubi per concessionem ibidem citatam licet.

Officium S. P. N. Ignatii.

Semel in hebdomada (ut supra Officium de SS. Sacramento), ritu semid.

In Hymno. Iste Conféssor. mutatur tertius versus.

Oratio.

DEus, qui ad majórem tui Nóminis glóriam propágandam, novo per beatum Ignátium subsidio militántem Ecclésiám roborásti: concéde, ut ejus auxílio et imitatióne certátes in terris, coronári cum ipso mereámur in coelis. Quis vivis.

Lectiones primi Nocturni, de Scriptura occurrente.

Mense Aprili.

In secundo Nocturno Lectiones. Beáti N. dies. de Comuni, i. loco.

IN III. NOCTURNO.

Léctio sancti Evangelii secúndum Lucam.

Lectio vii.

Cap. 10.

IN illo témpore: Designávit Dóminus et álíos septuagínta duos, et misit illos binos ante faciém suam in omnem civitátem et locum, quo erat ipse ventúrus. Et réliqua.

De Homilía Sancti Gregórii Papæ.

Ex Homilia 17. in Evangelium.

MIssis autem prædicatóribus, quid dicat, audiámus: Messis quidem multa, operárii autem pauci. Ad messem multam operárii pauci sunt, quod sine gravi mœrore loqui non póssumus: quia etsi sunt, qui bona áudiant, desunt tamen, qui dicant. Ecce mundus sacerdotibus plenus est, sed tamen in messe Dei rarus valde inve-

nſtur operátor: quia officiũ quidem ſacerdotále ſuſcípimus, ſed opus officiĩ non implémus. Sed penſáte, fratres charíſſimi, penſáte, quod dicitur: Rogáte Dóminum in meſſis, ut mittat operários in meſſem ſuam. Vos pro nobis pétite, ut digna vobis operári valeámus, ne ab exhortatióne língua tórpeat, ne poſtquam prædicationis locum ſuſcípimus, apud juſtum júdicem noſtra nos tacitúrnitas addícat.

R. Iſte eſt qui ante Deum magnas virtútes operátus eſt, et de omni corde ſuo laudávit Dóminum: * Ipſe intercédát pro peccátis ómnium populórum, allelúja.

V. Ecce homo ſine queréla, verus Dei cultor, ábſtinens ſe ab omni ópere malo, et pérmanens in innocentia ſua. Ipſe.

Lectio viii.

Sed útinam, ſi ad prædicationis virtútem non ſuffícimus, loci noſtri officiũ innocentia vitæ teneámus. Nam ſúbditur: Ecce ego mitto vos ſicut agnos inter lupos. Multi autem, cum regíminis curam ſuſcipiunt, ad lacerándos ſúbditos inardéſcunt, terrórem poteſtátis éxhibent, et quibus prodéſſe debúerant, nocent. Et quia charitátis víſcera non habent, dóm̄ini vidéri áppetunt, patres ſe eſſe mínime recognóſcunt, humilitátis locum in elatióne dominationis imútant. Et ſi quando extrínſecus blandiúntur, intrínſecus ſæviunt. De quibus álias Véritas dicit: Véniunt ad vos in veſtiméntis óvium, intrínſecus autem ſunt lupi rapáces.

R. Sint lumbi veſtri præcíncti, et lucérnæ ardéntes in mánibus veſtris: * Et vos ſímiles homínibus expectántibus dóm̄inum ſuum, quando revertátur a núptiis, allelúja.

V. Vigiláte ergo, quia nescítis, qua hora Dóminus veſter ventúrus ſit. Et vos. Glória Patri. Et vos.

Lectio ix.

Contra quæ ómnia considerándum nobis eſt, quia ſicut agni inter lupos míttimur, ut ſenſum ſervántes innocentíæ, morſum malítiæ non habeámus. Qui enim locum prædicationis ſúſcipit, mala inférre non debet, ſed toleráre: ut ex ipſa ſua manſuetúdine iram ſæviéntium mítiget, et peccatórum vúlnera in áliis, ipſe afflictiónibus vulnerátus, ſanet. Quod tunc bene rector éxhibet, cum ſe ipſum dilígere per amórem privátum nescit; cum nulla, quæ mundi ſunt, áppetit, cum terrénæ cupiditátis onéribus nequáquam mentis colla ſupónit. Unde et ſúbditur: Nolíte portáre ſácculum.

Te Deum laudámus.

Mensibus Majo et Junio.

IN II. NOCTURNO.

Sermo Sancti Joánnis Chrysóstomi.

Lectio iv.

De S. Philogonio.

Ad hanc beátam réquiem tráſiit beátus Ignátius. Quænam ígitur orátio par ſit viri láudibus, quem Deus tam felíci ſorte dignátus eſt? Non eſt ulla; ſed age, dic mihi, num idcírco ſilébimus? Et cujus rei grátia convénimus? An dicémus nos haud poſſe magnitúdinem geſtórum oratione cónſequi? Atqui ob hoc ipſum necéſſe eſt dicere; quándóquidem hæc eſt præcípua laudum illíus pars, quod factis verba æquiparári non poſſint. Nam quorum bene facta nátúram étiam ſúperant mortálem, perſpícuum eſt, quod horum laudes excédunt línguam humánam. Haud tamen ob id aſpernábitur officiũ noſtrum quod pro víribus præſtámus; ſed ſuum imitábitur Dóminum, ſíquidem et ille víduæ duos tantum óbolos dejiciénti in gazophylácio, non tantum duórum obolórum mercédem réddidit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam, allelúja.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Proinde quamvis nostræ facultates exiguæ sint, minimíque pretií, átamen quæ pòssumus, offérimus. Et licet non respóndeant magnítudini meritórum ánimæ præclári justíque **N.**, tamen hoc ipsum celsitúdinis illús máximum fúerit arguméntum, quod nec pusilla repéllat, sed idem fáciat quod solent dívites: síquidem illi cum accéperint a tenúibus exígua, quibus non egent, sua vicíssim appónunt, remunerántes eos, qui, quod póterant, obtúlerint. Itidem et hic, cum accéperit a nobis laudem verbis peráctam, qua nequáquam eget, redonábit nobis per ipsa facta benedictiónem, qua semper uti possímus.

R. Amávit eum Dóminus, et ornávit eum: stolam glóriæ induit eum: * Et ad portas paradísi coronávit eum, allelúja.

V. Induit eum Dóminus lorícam fídei, et ornávit eum. Et ad portas.

Lectio vi.

Unde igitur laudatióem illús aspiciábitur? An a magistrátu, quem Spíritus illi trádídít grátia? Nam mundáni magistrátus nequáquam possunt Christianórum demonstráre virtútes; quin pótius frequénter habent accusatióem malítiæ: quam ob causam? Quóniam et sollicitú-dines amicórum, et circumcursatióes, et adulatióes, aliáque permúlta his fœdióra, magistrátus solent conciliáre. Cæterum ubi Deus suo suffrágio designárit áliquem, incorruptum suffrágium, aliénium ab omni suspicióne iudícium, indubitáta fúerit de-

lécti comprobátio, propter ejus, qui delégit auctoritátem.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus géntibus, allelúja.

V. Iste est qui contémpsit vitam mundi, et pervénit ad coeléstia regna. Quia. Glória Patri. Quia.

IN III. NOCTURNO.

Lectio sancti Evangélii secúndum Lucam.

Lectio vii.

Cap. 10.

IN illo témpore: Designávit Dóminus et álios septuagínta duos, et misit illos binos ante faciém suam in omnem civitátem et locum, quo erat ipse ventúrus. Et réliqua.

De Homilía Sancti Gregórii Papæ.

Ex Homilia 17. in Evangel.

Prædicatóri tanta debet in Deo esse fidúcia, ut præsentis vitæ sumptus, quamvis non provídeat, tamen sibi hos non deesse certíssime sciat: ne dum mens ejus occupátur ad temporália, minus áliis provídeat ætérna, quæ si quis verba étiam per allegóriam velit intélligi, in sácculo pecúnia clausa, est sapiéntia occúlta: qui igitur sapiéntiæ verbum habet, sed hoc erogáre próximo négligit, quasi pecúniam in sácculo ligátam tenet. Unde scriptum est: Sapiéntia abscondita, et thesáurus occúltus, quæ utilitas in utrísque?

R. Iste est qui ante Deum magnas virtútes operátus est, et de omni corde suo laudávit Dóminum: * Ipse intercédát pro peccátis ómnium populórum, allelúja.

V. Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse.

Lectio viii.

ECce autem, qui peram et saccum portare prohibuit, sumptus et alimenta ex eadem prædicatione concedit: nam subditur: In eadem autem domo manete edentes et bibentes quæ apud illos sunt: ut ab eis terrena stipendia consequamur, quibus præmia vitæ coelestis offerimus. Unde etiam Paulus, hæc ipsa pro minimo suscipiens, dicit: Si nos vobis spiritualia seminavimus, magnum est, si vestra carnalia metamus? Et notandum quod subditur: Dignus est operarius mercede sua; quia jam de mercede sunt operis ipsa alimenta sustentationis ut hic merces de labore prædicationis inchoetur, quæ illic de veritatis visione perficitur.

R. Sint lumbi vestri præcincti, et lucernæ ardentes in manibus vestris:
* Et vos similes hominibus expectantibus dominum suum, quando revertatur a nuptiis, allelûja.

V. Vigilate ergo, quia nescitis, qua hora Dominus vester venturus sit. Et vos. Gloria Patri. Et vos.

Lectio ix.

Sed quid nos, quod tamen sine dolore dicere non possumus, quid nos, o pastores, agimus, qui et mercedem consequimur, et tamen operarii nequaquam sumus? Fructus quippe sanctæ Ecclesiæ in stipendio quotidiano percipimus, sed tamen pro æterna Ecclesia minime in prædicatione laboramus. Pensamus, cuius damnationis sit, sine labore hic percipere mercedem laboris. Ecce ex oblatione fidelium vivimus, sed numquid pro animabus fidelium laboramus. Illa in stipendium nostrum sumimus, quæ pro redimendis peccatis suis fideles obtulerunt: nec tamen, contra peccata eadem vel orationis studio, vel prædicationis, ut dignum est, insudamus.

Te Deum laudamus.

Officium S. Francisci Xaverii.

Semel in mense (ut supra) ritu semiduplici.

In Hymno. Iste Confessor. mutatur tertius versus.

Oratio.

Deus, qui Indiarum gentes beati Francisci prædicatione et miraculis Ecclesiæ tuæ aggregare voluisti: concede propitius, ut cujus gloriosa merita veneramur, virtutum quoque imitemur exempla. Per Dominum.

Lectiones primi Nocturni, de Scriptura occurrente.

In secundo Nocturno, Lectiones ut supra in secundo Nocturno Officii S. P. N. Ignatii.

IN III. NOCTURNO.

Mense Aprili.

Lectio sancti Evangelii secundum Marcum.

Lectio vii.

Cap. 16.

In illo tempore: Dixit Jesus discipulis suis: Euntes in mundum universum prædicæ Evangelium omni creaturæ. Et reliqua.

De Homilia Sancti Gregorii Papæ.

Ex Homilia 29. in Evangelium.

Potest omnis creaturæ nomine omnis natio gentium designari. Ante etenim dictum fuerat: In viam gentium ne abiéritis; nunc autem dicitur: Prædicæ omni creaturæ: ut scilicet prius a Judæa Apostolorum repulsa prædicatio tunc nobis in adiutorium fferet, cum hanc illa ad damnationis suæ testimonium superba repulisset. Sed cum discipulos ad prædicandum Veritas mittit, quid aliud in mundo facit, nisi grana seminis spargit? et pauca grana mittit in semine, ut multarum messium fruges recipiat ex nostra fide.

R. Iste est, qui ante Deum magnas virtutes operatus est, et de omni

corde suo laudávit Dóminum: * Ipse intercédát pro peccátis ómnium populórum, allelúja.

V. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viii.

NEque étenim in univérso mundo tanta fidélium messis exúrgeret, si de manu Dómini super rationálem terram illa elécta grana prædicántium non veníssent. Séquitur: Qui credíderit, et baptizátus fúerit, salvus erit: qui vero non credíderit, condemnábitur. Fortásse unusquisque apud semetípsum dicat: Ego jam crédidi, salvus ero. Verum dicit, si fidem opéribus tenet. Vera étenim fides est, quæ in hoc, quod verbis dicit, móribus non contradícit. Hinc est enim, quod de quibúsdam falsis fidélibus Paulus dicit: Qui confiténtur se nosse Deum, factis autem negant.

R. Sint lumbi vestri præcíncti, et lucérnæ ardéntes in mánibus vestris: * Et vos símiles homínibus expectántibus dóminum suum, quando revertátur a nuptiis, allelúja.

V. Vigiláte ergo, quia nescítis, qua hora Dóminus vester ventúrus sit. **Et** vos. **G**lória Patri. **Et** vos.

Lectio ix.

Signa autem eos qui creditóri sunt, hæc sequéntur: in nómine meo dæmónia ejíciant, línguis loquéntur novis, serpéntes tollent: et si mortíferum quid bíberint, non eis nocébit; super ægros manus impónent, et bene habébunt. Numquídnam fratres mei, quia ista signa non fácitis, mínime créditis? Sed hæc necessária in exórdio Ecclésiæ fuérunt. Ut enim ad fidem crésceret multitúdo credéntium, miráculis fuérat nutriénda, quia et nos cum arbústa plantámus, tándiu eis aquam infúndimus, quousque ea

in terra jam coaluísse videámus: et si semel radícem fíxerint, irrigátio cessábit. Hinc est enim quod Paulus dicit: Línguæ in signum sunt non fidélibus sed infidélibus.

Te Deum laudámus.

Mensibus Majo et Junio.

IN III. NOCTURNO.

Léctio sancti Evangélii secúndum Marcum.

Lectio vii.

Cap. 16.

IN illo témpore: Dixit Jesus discipulis suis: Eúntes in mundum univérsum prædicáte Evangélium omni creatúræ. Et réliqua.

Lectiones tres de Homilia S. Gregorii Papæ. Signa autem eos. ut in Sabbato infra Octavam Ascensionis.

Officium S. Aloysii Gonzagæ.

Semel in mense (ut supra) ritu semiduplici.

In Hymno. Iste Conféssor. *mutatur tertius versus.*

Oratio.

CELéstium donórum distribútor Deus, qui in angélico júvene Aloysio miram vitæ innocéntiam pari cum pœniténtia sociásti: ejus méritis et précibus concéde, ut innocéntem non secúti, pœniténtem imitémur. Per Dóminum.

Lectiones primi Nocturni, de Scriptura occurrente.

IN II. NOCTURNO.

Sermo Sancti Bernárdi Abbátis.

Lectio iv.

In Vita S. Malachie.

PAréntes Aloysio fuére génere et poténtia magni. Agébat senem móribus, annis puer, expers lascíviæ puerilis, quiétus et súbditus in omni mansuetúdine: non impátiens magistérii, non fúgitans disciplínæ, non

lectiōnis fastīdiens, non ludōrum āppetens. Haud ségniter et in divīnis exercebātur: pētere secrētum, anticipāre vigīlias, meditāri in lege, réfici párcius, orāre fréquentius, ubi tamen secrēte id posset. Et ejus quidem puerítia sic erat. Porro adolescēntiam símili transívit simplicitāte et puritāte: nisi quod crescēte aetāte, crescēbat simul illi sapiēntia et grátia apud Deum et hómīnes. Ipse rector, ipse régula fratrum. Legēbant in vita ejus, quómōdo conversarēntur: et ipse ante illos praeſbat in justítia et sanctitāte coram Deo. Nisi quod praeſter institúta commúnia multa singulárīter faciēbat, in quibus pótius praeſbat omnes: et aliórum nemo illum póterat ad tam árdua sequi.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritātem aetérnam, allelúja.

V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Primum èt máximum miráculum, quod fecit, ipse erat. Ut enim táceam interiórē hómīnem ejus, cujus pulchritúdinem, fortitúdinem, puritātem satis indicábant mores ipsíus et vita: ipsum exteriórē ita uno semper modo, ipsóque modestíssimo et decentíssimo gessit: ut nil prorsus apparéret in eo, quod posset offēdere intuētes. Et quidem: Qui non offēdit in verbo, ille perféctus est vir. At vero in Aloýsio quis umquam, etiámsi curiósus observárit, deprehéndit otíósum, non dico verbum, sed nutum? Quis manum pedémve movéntem frustra? Imo quid non aedíficans in ejus incéssu, aspéctu, hábitu, vultu? Totum in eo disciplinátum, totum insígne virtútis, perfectiōnis forma. Erat suímet potis.

Sane victor sui ira superári non póterat. Magna illi tam in hoc, quam in cunctis utriúsque hómīnis sui mótibz regéndis vel cohibéndis, censúræ diligéntia, et circumspéctio multa. Sermo illi in témpore ótii aut sérius, aut nullus: óculus ejus in cápite ejus, nusquam ávolans, nisi cum virtúti paruíssset.

R. Amávit eum Dóminus, et ornávit eum: stolam glóriæ índuit eum: * Et ad portas paradísi coronávit eum, allelúja.

V. Índuit eum Dóminus lorícam fidei, et ornávit eum. Et ad portas.

Lectio vi.

ET si habébat tempus líberum a necessitatibus, nontamen a sanctis meditatiōnibus, non orándi stúdio, non ipso ótio contemplándi. Habes in Aloýsio quid miréris, habes quid imitéris. Nunc jam quid tibi ex his sperándum sit, studiósus attēde. Nam finis horum pretiósā mors est. Febre corrēptus lecto decúbuit; et nos cum illo omnes. Extréma nostri gáudii mœror óccupāt; moderátior tamen, quod lévior ínterim febris esse viderétur. Solus Aloýsius festum facit. Et témpore, quo prædixit, assumptus ab Angelis, obdormívit in Dómino. Non immérito in consórtium Angelórum recípitur, re adéptus, quod nómine dicebātur. Et quidem ante Angeluserat non minus puritāte, quam nómine; sed nunc felícus, quando pari cum Angelis glória et felicitāte lætátur.

R. Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus géntibus, allelúja.

V. Iste est qui contempsit vitam mundi, et pervénit ad coeléstia regna. Quia. Glória Patri. Quia.

IN III. NOCTURNO.

Lectio sancti Evangelii secundum
Matthæum.

Lectio vii.

Cap. 22.

IN illo tempore: Respondens Jesus, ait Sadducæis: Erratis, nescientes Scripturas, neque virtutem Dei: in resurrectione enim neque nubent, neque nubentur; sed erunt sicut Angeli Dei in coelo. Et reliqua.

Homilia Sancti Bernardi Abbatis.

Epist. 24.

Castitas, charitas, humilitas nullus quidem coloris sunt, sed non nullus decoris, nec mediocris decoris, qui divinos quoque delectare possit aspectus. Quid castitate decorius, quæ mundum de immundo conceptum semine, de hoste domesticum, Angelum denique de homine facit? Differunt quidem inter se homo pudicus et Angelus; sed felicitate non virtute. Sed et si illius castitas felicitior, hujus tamen fortior esse cognoscitur. Sola est castitas, quæ in hoc mortalitatis et loco et tempore statum quemdam immortalis gloriæ repræsentat; sola inter nuptiarum solennia morem beatæ illius vendicat regionis, in qua neque nubent neque nubentur: præbens quodammodo terris cœlestis jam illius conversationis experientiam.

R. Iste est qui ante Deum magnas virtutes operatus est, et de omni corde suo laudavit Dominum: * Ipse intercedat pro peccatis omnium populorum, allelûja.

V. Ecce homo sine querela, verus Dei cultor, abstinens se ab omni opere malo, et permanens in innocentia sua. **I**pse.

Lectio viii.

Verum quantalibet venustate sui castitas eminere appareat, sine charitate tamen nec pretium habet, nec meritum. Nec mirum. Quod enim

absque illa bonum suscipitur? Fides? Sed nec si montes transferat. Scientia? Sed ne illa quidem, quæ lingua loquitur Angelorum. Martyrium? Nec si tradidero, inquit, corpus meum, ita ut ardeam. Nec absque illa quodlibet bonum suscipitur; nec cum illa quamlibet exiguum respuitur.

R. Sint lumbi vestri præcincti, et lucernæ ardentes in manibus vestris: * Et vos similes hominibus expectantibus dominum suum, quando revertatur a nuptiis, allelûja.

V. Vigilâte ergo, quia nescitis, qua hora Dominus vester venturus sit. Et vos. Gloria Patri. Et vos.

Lectio ix.

Humilitas duabus præmissis virtutibus in tantum est necessaria, ut absque ista illæ nec esse virtutes videantur. Nempe ut castitas, seu charitas detur, humilitas meretur: quoniam humilibus Deus dat gratiam. Servat acceptas; quia non requiescit Spiritus Domini, nisi super quietum et humilem. Servatas consummat; quia virtus in infirmitate, hoc est, in humilitate perficitur.

Te Deum laudamus.

—o—

Officium S. Francisci Borgiæ.

Pro Assistentia Hispaniæ semel in mense (ut supra) ritu semiduplici.

Im Hymno. Iste Confessor. mutatur tertius versus.

Oratio.

Domine Jesu Christe, veræ humilitatis et exemplar et præmium; quæsumus, ut sicut beatum Franciscum in terræ honoris contemptu imitatore tu gloriosum effecisti, ita nos ejusdem imitationis et gloriæ tribuas esse consortes. Qui vivis.

Lectiones primi Nocturni, de Scriptura occurrente.

In secundo Nocturno Lectiones. Ad hanc beatam requiem. ut supra in Officio S. P. N. Ignatii mensibus Majo et Junio.

IN III. NOCTURNO.

Lectio sancti Evangelii secundum Matthæum.

Lectio vii.

Cap. 19.

IN illo tempore: Dixit Petrus ad Jesum: Ecce nos reliquimus omnia, et secuti sumus te: quid ergo erit nobis? Et reliqua.

De Homilia venerabilis Bedæ Presbyteri.

Duo sunt ordines electorum in iudicio futuri: unus iudicantium cum Domino, de quibus hoc loco memorat, qui reliquerunt omnia et secuti sunt illum: alius iudicandorum a Domino, qui non quidem omnia sua pariter reliquerunt, sed de his tamen, quæ habebant, quotidianas dare elemosynas Christi pauperibus curabant: unde et audituri sunt in iudicio: Venite benedicti Patris mei, possidete præparatum vobis regnum a constitutione mundi. Esurivi enim et dedistis mihi manducare: sitiivi, et dedistis mihi bibere.

R. Iste est qui ante Deum magnas virtutes operatus est, et de omni corde suo laudavit Dominum: * Ipse intercédât pro peccatis omnium populorum, allelûja.

V. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viii.

Sed et reproborum duos ibi futuros ordines, Domino narrante, comperimus: unum eorum, qui fidei chri-

stianæ mysteriis initiati, opera fidei exercere contemnunt, quibus in iudicio testatur: Discédite a me, maledicti, in ignem æternum, qui præparatus est diabolo et angelis ejus: esurivi enim, et non dedistis mihi manducare. Alterum eorum, qui fidem et mysteria Christi vel numquam suscipere, vel susceptam per apostasiam deseruere, de quibus dicit: Qui autem non credit, jam iudicatus est, quia non credit in nomine unigeniti Filii Dei.

R. Sint lumbi vestri præcincti, et lucernæ ardentes in manibus vestris: * Et vos similes hominibus expectantibus dominum suum, quando revertatur a nuptiis, allelûja.

V. Vigilate ergo, quia nescitis, qua hora Dominus vester venturus sit. Et vos. Gloria Patri. Et vos.

Lectio ix.

Verum his cum timore et pavore debito paulisper commemoratis, ad lætissima potius Domini et Salvatoris nostri promissa convertamus auditum. Videamus, quæ tantæ gratiæ pietatis, non æternæ tantummodo vitæ præmia suis sequacibus, sed et præsentis mûnera pollicetur eximia. Et omnis, inquit, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, et vitam æternam possidebit. Qui enim terrenis affectibus sive possessionibus pro Christi discipulatu renuntiaverit, quo plus in ejus amorem profecerit, eo plures inveniet, qui se interno suscipere affectu, et suis gaudeant sustentare substantiis.

Te Deum laudamus.



KALENDARIUM.

OFFICIA MOBILIA.

	Pag.
Officia de Lancea et Clavis, Sindone, quinque Plagis et Pretiosissimo Sanguine D. N. J. Chr.	1
Dominica iii. post Pascha. Patrocinium S. Joseph. Duplex ii. classis cum Octava.	1
Feria Secunda <i>infra Octavam non impedita</i> . Semiduplex.	1
Feria Tertia <i>infra Octavam non impedita</i> . Semiduplex.	3
Feria Quarta <i>infra Octavam non impedita</i> . Semiduplex.	5
Feria Quinta <i>infra Octavam non impedita</i> . Semiduplex.	7
Feria Sexta <i>infra Octavam non impedita</i> . Semiduplex.	9
Die Octava. Duplex.	11

OFFICIA FIXA.

Dies		
11	B. Joannes de Britto. Martyr, S. J. Duplex.	13
13	S. Catharina de Ricciis, Virgo. Duplex.	15

MAJUS.


11	S. Franciscus de Hieronymo, Confessor. Duplex ii. classis cum Octava.	15
13	Tertia Die <i>infra Octavam S. Francisci</i> . Semiduplex.	15
14	Quarta Die <i>infra Octavam S. Francisci</i> . Semiduplex.	16
15	Quinta Die <i>infra Octavam S. Francisci</i> . Semiduplex.	17
16	S. Joannes Nepomucenus, Martyr. Duplex.	18
18	Octava S. Francisci de Hieronymo. Duplex.	18
23	S. Andreas Bobola, Martyr, S. J. Duplex.	20
24	B. Maria Virgo. Titulo Auxilium Christianorum. Duplex majus.	21

JUNIUS.

2	B. Maria Anna a Jesu de Paredes, Virgo. Duplex.	22
---	---	----

OFFICIA VOTIVA.

Officium Ss. Sacramenti. Semiduplex.	23
Officium Conceptionis B. M. Virginis. Semiduplex.	23
Officium S. P. N. Ignatii. Semiduplex.	23
Officium S. Francisci Xaverii. Semiduplex.	26
Officium S. Aloysii Gonzagæ. Semiduplex.	27
Officium S. Francisci Borgiæ. Semiduplex.	29



OFFICIA

PER BREVE DIEI 28 JULII 1882.

AD UNIVERSALEM ECCLESIAM EXTENSA.

DIE IX. FEBRUARII.

S. Cyrilli Episc. Alexandrini, Conf.
et Ecclesiae Doct.

Duplex.

Omnia de Comm. Conf. Pont.
præter sequentia.

In Hymno, **ste Confessor** mutatur
tertius versus.

In utrisque Vesperis ad Magnificat,
Añã. O Doctor.

Oratio.

DEUS, qui beatum Cyrillum Confessorem tuum atque Pontificem divinæ maternitatis beatissimæ Virginis Mariæ assertorem invictum effecisti: concede, ipso intercedente; ut qui vere eam Genitricem Dei credimus, materna ejusdem protectione salvemur. Per eundem Dominum.

In j. Nocturno Lectiones de Scriptura occurrente: in Quadrag. Sapientiam, pro Doctoribus.

In secundo Nocturno.

Lectio iv.

CYRILLUS Alexandrinus, cujus præcõnia non unus tantum vel alterius sunt comprobata testimonio, sed etiam œcumenicorum Conciliorum Ephesini et Chalcedonensis actis celebrata, claris ortus parentibus, ac Theophili Episcopi Alexandrini nepos, adhuc adolescens præcellentis ingenii clara specimina dedit. Litteris ac scientiis egregie imbutus, ad Joannem Episcopum Hierosolymitanum se contulit, ut in Christiana fide perficeretur. Alexandriam deinde cum redisset, Theophilo vita functo, ad illius **se-**
VERNA.

dem evectus est; quo in munere ita optimi pastoris formam ab Apostolo definitam constanter præ se tulit, ut sanctissimi præsulis gloriam merito sit adeptus.

W. Inveni David.

Lectio v.

SALUTIS animarum zelo incensus scuras omnes intendit, ut sibi commissum gregem in fidei et morum integritate servaret, atque a venenatis infidelium et hæreticorum pascuis defenderet. Hinc tum Novati aseculas e civitate expelli, tum judæos qui furore acti in cædem christianorum conspiraverant, juxta leges puniri satëgit. Singulare vero Cyrilli pro catholicæ fidei incolumitate enstitit studium contra Nestorium Constantinopolitanum Episcopum, asserentem Jesum Christum ex Mariâ Virgine hominem tantum et non Deum natum, etque divinitatem pro meritis esse collatam; cujus emendationem cum frustra tentasset, eum sancto Cœlestino Pontifici Máximo denunciavit.

W. Põsui adjutorium.

Lectio vj.

CÆLESTINI delegata auctoritate, Concilio Ephesino præfuit, in quo hæresis Nestoriana penitus proscripta est, damnatus Nestorius et a sua sede dejectus, ac dogma catholicum de una in Christo, eaque divina persona, et divina gloriøsæ Virginis Mariæ maternitate assertum; plaudente populo universo, qui incredibili gaudio gestiens, collucèntibus facibus domum deduxit Episcopos.

Sed hac de causa Cyrillus calúniis, injúriis et persecutióibus plúrimis a Nestório ejúsque fautóribus impetítus fuit ; quas ipse patientíssime tulit, ita ut de sola fide sollicitus, quidquid advérsus eum effutiébant ac moliebántur hærétici, pro níhilo habéret. Tandem pro Ecclesiá Dei máximis perfúctus labóribus, plurimisque scriptis éditis tum ad éthnicos et hæréticos confutándos, tum ad sacrasscriptúras et cathólicas explanánda dógmata, sancto fine quíevit anno quadringentésimo quadragésimo quarto, episcopátus trigésimo secúndo. Leo décimus tértius Póntifex Máximus Officium et Missam præclaríssimi hujus fidei cathólicæ propugnatóris et Orientális Ecclesiæ lúminis, ad Ecclesiám univérsam exténdit.

R. Iste est qui ante.

In iij. Nocturno Homilia in Evang.

Vos estis sal terræ, de Comm. Doct. j. loco, cum r. viij. In médio.

DIE XVIII. MARTII.

S. Cyrilli Episc. Hierosolymitani, Conf. et Eccl. Doct.

Duplex.

Omnia de Comm. Conf. Pont. præter sequentia.

In utrisque Vesperis ad Magnificat, Añã. O Doctor.

Oratio.

DA nobis, quæsumus omnípotens Deus, beáto Cyrillo Póntifice intercedénte, Tesolum verum Deum, et quem misísti Jesum Christum ita cognóscere ; ut inter oves, quæ vocem ejus áudiunt, perpétuo connumerári mereámur. Per eúmdem Dóminum.

In j. Nocturno Lectiones, Fidélis sermo, de Comm. j. loco : extra Quadrag. de Scriptura occurrente.

In secundo Nocturno

Lectio iv.

CYRILLUS Hierosolymítanus, a téneris annis divinárum scriptu-

rárum stúdio summópere déditus, ádeo in eárum sciéntia profécit, ut orthodóxæ fidei strénuus assértor eváserit. Monásticis institútis imbútus, perpétuæ continéntiæ, omníque severióri vivéndi ratióni se addíctum vóluit. Postquam a sancto Máximo Hierosólymæ Epíscopo présbyter ordinátus fuit, munus verbi divíni fidélibus prædicándi et catechúmenos edocéndi summa cum laude implévit, atque illas vere mirándas conscripsit catechéses, quibus totam ecclesiásticam doctrínam dilúcide et copióse compléxus, síngula religiónis dógmata contra fidei hostes sólide propugnávit. Ita vero in his enucleáte et dístíncte disséruit, ut non solum jam exórtas hæreses, sed futúras étiam quasi præságiens evérterit, quemádmódum præstitit asseréndo Córporis et Ságuinis Christi réalem præsentíam in mirábili Eucharístiæ sacraménto. Vita autem functo sancto Máximo, a provinciæ episcopis in illíus locum sufféctus est.

R. Invéni David.

Lectio v.

IN Episcopátu injúrias multas et calamitátes, non secus ac beátus Athanásius, cui coævus erat, ab Arianórum factiόνibus fidei causa perpéssus fuit. Hi enim ægre feréntes Cyrillum veheménter hærésibus obsístere, ipsum calúniis aggrediúntur, et in conciliábulo depósitum e sua sede detúrbant. Quorum furóri ut se subtráheret, Tarsum Cilíciæ aufúgit, et quoad vixit Constantíus, exílii rigórem pértulit. Post illíus mortem, Juliáno Apóstata ad impérium evécto, Hierosólymam redíre pótuit, ubi ardénti zelo gregi suo ab erróribus et a vítiis revocándo óperam navávit. Sed íterum, Valénte Imperatóre, exuláre coáctus est, donec, réddita Ecclesiæ pace

per Theodósium Magnum, et Ariánorum crudelitáte audaciáque repressa, ab eódem Imperatóre tamquam fortíssimus Christi athléta honóribus susceptus suæ sedi restitútus fuit. Quam strénue et sancte sublimis officii sui múnia impléverit, luculénter appáret ex florénti tunc témporis Hierosolymitanæ ecclésiæ statu, quem sanctus Basilíus loca sancta veneráturus, ibi aliquándiu commorátus, descríbit.

R. Pósuí adjutórium.

Lectio vj.

VENERANDI hujus Præsulis sanctitátem cœlestibus signis a Deo fuisse illustrátam, memóriæ tráditum accépimus. Inter hæc recensétur præclára Crucis, solis rádiis fulgentiórís, apparítio, quæ episcopátus ejus inítia decorávit. Hujusmodi prodígii éthnici et christiáni testes oculáres fuérunt cum ipso Cyrillo, qui grátiis primum in ecclésia Deo rédditis, illud per epístolam Constantio Imperatóri narrávit. Nec minus admiratióne dignum, quod Judæis templum a Tito evérsus restauráre ex ímpio Imperatóris Juliáni jussu conántibus, evénit. Veheménti enim terrémótu obórto, et ingéntibus flammárum globis e terra erumpéntibus, ómnia ópera ignis consúmpsit, ita ut Judæi et Juliánus detérriti, ab incépto destíterint prout scílicet indubitánter futúrum Cyrillus prædíxerat. Qui demum páulo ante óbitum Concílio Constantinopolitano secúndo intérfuit, in quo Macedónii hæresis, et íterum Ariána condemnáta est. Ac Jerúsalem inde revérsus, fere septuagenárius, trigésimo quinto sui episcopátus anno, sancto fine quíévit. Ejus Officium ac Missam Leo Décimus tértius Póntifex Máximus ab univérsa Ecclésia celebrári mandávit.

R. Iste est qui ante.

In tertio Nocturno.

Lectio sancti Evangélii secúndum Matthæum.

Lectio vij. Cap. 10.

In illo témpore : Dixit Jesus discipulis suis : Cum persequéntur vos in civitaté ista, fúgite in áliam. Et réliqua.

Homília sancti Athanásii Epíscopi.

In Apol. de fuga sua ante med.

In lege præcéptum erat ut constítueréntur civitatés refugiórum, ut qui, quomodocúmque ad necem quæreréntur, servári possent. In consummatióne porro sæculórum, cum advenísset illud ipsum Verbum Patris, quod Móysi ántea locútum fuérat, rursus hoc præcéptum dedit: Cum vos, inquit, persecúti fuérint in civitaté ista, fúgite in áliam. Paulóque post súbjicit : Cum vidéritis illam abominatiónem desolatiónis, quæ dicta est per Daniélem prophétam, consisténtem in loco sancto (qui legit, intélligat), tunc qui in Judæa sunt, fúgiant ad montes ; et qui in tecto est, ne descéndat tóllere áliquíd de domo sua ; et qui in agro est, non revertátur tóllere túnica suam.

R. Amávit eum.

Lectio viij.

Hæc cum scirent sancti, ejusmodi tenuérunt suæ conversatiónis institútum. Quæ enim nunc præcépit Dóminus, éadem quoque ante suum in carne advéntum locútus est in sanctis : et hoc institútum hómines ad perfectiόnem ducit. Nam quod Deus jússerit, id omníno faciéndum est. Ideóque et ipsum Verbum propter nos homo factum, non indígnum putávit, cum quærerétur, quemádmódum et nos, abscondere se, et cum persecutiόnem paterétur, fúgere, et insídias declináre ; cum autem a se defínitum tempus ipse adduxísset, in quo corporáliter pro ómnibus pati volébat, ultro se-

ipsum trádedit insidiántibus. *vv. In médio, pro Doctoribus.*

Lectio ix.

AT vero sancti hómines cum hanc quoque formam a Salvatóre didicissent, (ab ipso enim et ántea et semper omnes docebántur) advérsus persecutóres ut legítimè certárent, fugiébant, et ab illis quæsíti, se abscondébant. Cum enim præstitúti sibi a Divína providéntia témporis finem ignorárent, nolébant insidiántibus se témere trádere : sed contra, cum scirent quod scriptum est, in mánibus Dei esse hóminum sortes, et Dóminum mortificáre et vivificáre, pótius in finem usque perseverábant, circumeúntes, ut ait apóstolus, in melótis et pél-libus caprínis, egéntes, angustiáti, in solitudínibus errántes, et in spelúncis et cavérnis terræ laténtes, quoad vel defínitum mortis tempus veníret, vel, qui tempus ipsum definíerat, Deus cum eis loquerétur, et insidiántes cohibéret, aut certe persecutóribus eos tráderet, utcúmque illi placuísset.

Te Deum laudámus.

DIE XIV. APRILIS.

Sancti Justiní, Martyris.

Duplex.

Omnia de Communi unius Mart. præter sequentia.

Oratio.

DEUS, qui per stultitiam crucis eminentem Jesu Christi sciéntiam beátum Justínium Mártirem mirabiliter docuísti ; ejus nobis intercessióne concéde, ut, errorum circumventióne depúl-sa, fidei firmitátem consequámur. Per eúndem Dóminum.

In j. Nocturno Lectiones de Scriptura occurrente.

In secundo Nocturno.

Lectio ix.

JUSTINUS Prisci filius, ex græco genere Fláviæ Neápolis in Syria

Palæstína natus, adolescéntiam in litterárum ómnium stúdiis transégit. Vir factus ádeo philosophíæ amóre corréptus est, ut ad veritátem assequéndam, quotquot áderant, philosophórum sectis nomen déderit, eorúmque præcépta scrutátus sit. Cum in his fallácem tantum sapiéntiam errorémque reperísset, supérna illustratióne per senem quemdam ignótum, aspectúque venerábilem edóctus, veræ christiánæ fidei philosophíam ampléxus est. Hinc sacræ Scriptúræ libros diu noctúque præ mánibus habens, ita ex eórum meditatióne divínus ignis in ánima ejus exársit, ut ea, qua pollébat eruditiónis vi, eminentem Jesu Christi sciéntiam adéptus plúrima conscripserit volúmina ad Christiánam fidem exponéndam, magisque propagándam.

vv. pro tempore.

Lectio v.

INTER præclaríssima Justíni ópera binæ éminent fidei christiánæ Apologíæ quas, cum coram Senátu Imperatóribus Antoníno Pio, ejúsque fíliis, nec non Marco Antoníno Vero, et Lúcio Aurélio Cómmodo, Christi ásseclas sævíssime divexántibus porrexísset, eamdémque fidem disputádo strénue propugnásset, obtínuit ut a Christianórum cæde público Príncipum edícto temperátum fúerit. Verum Justíno haud párcitum est. Nam Crescéntis Cynici, cujus vitam et mores nefários redargúerat, insídiis accusátus a satelítibus comprehénsus est. Addúctus autem ad Romæ Præsidem nómine Rústicum, cum hic ab eo quæsívisset quænam essent Christianórum præcépta, hanc bonam confesiónem coram multis téstibus conféssus est: Rectum dogma quod nos Christiáni hómines cum pietáte servámus hoc est : ut Deum unum existimémus factórem atque creató-

rem ómnium, quæ vidéntur, quæ-
que corpóreis óculis non cernúntur;
et Dóminum Jesum Christum Dei
Fílium confiteámur olim a Prophé-
tis prænuntiátum, qui et humáni
géneris iudex ventúrus est.

Lectio vj.

QUONIAM Justínus in prima sua
Apologia palam exposúerat quó-
modo Christiáni convenírent ad Sa-
cra celebránda, et quænam fúerint
sacri hujus convéntus Mystéria ad
repelléndas ethnicórum calúmnias,
exquisívit ab eo Præses in quonam
loco conveníret ipse et céteri hujus
Urbis Christi fidéles. Justínus au-
tem réticens convéntuum loca ne
sancta et fratres próderet cánibus,
domicílium tantum suum indicávit
ubi manére, et discípulos excólere
solébat penes célebrem Títulum
Pastóris in Aedibus Pudéntis. De-
mum Præses optiónem ei dedit vel
ut diis sacrificáret, vel per totum
corpus flagéllis cædi perférret. Cum
invíctus fidei vindex asséreret se in
votis semper habúisse cruciátus
pérpeti propter Dóminum Jesum
Christum, a quo magnam in cœlis
mercédem cónsequi expectábat,
Præses in eum capitálem senténtiam
pronuntiávit. Itaque mirábilis Phi-
lósophus Deum colláudans post vér-
bera fuso pro Christo sángine glo-
rióso martyrio coronátus est. Qui-
dam vero fidéles clam illíus sustulé-
runt corpus, et in loco idóneo con-
didérunt. Leo Décimus tértius Pón-
tífex Máximus ejúsdem Offícium et
Missam ab univérſa Ecclésia cele-
brári præcépit.

In tertio Nocturno.

Léctio sancti Evangélij secúndum
Lucam.

Lectio vij. Cap. 12.

In illo témpore : Dixit Jesus disci-
pulis suis : Nihil opértum est
quod non revelétur, neque abscon-
ditum, quod non sciátur. Et réliqua.

Homília S. Joánnis Chrysóstomi.

Hom. in cap. x. Matth. v. 26. seq.

NIHIL est opértum quod non reve-
lábatur nec occúltum quod non
sciétur. Quod autem dicit hujúsmo-
di est : súfficit quidem vobis ad con-
solatióem si ego Magíster et Dó-
minus consors sim conviciórum. Si
vero adhuc dolétis hæc audientes,
illud quoque ánimo reputáte vos
non multum póstea ab hac suspició-
ne liberátum iri. Cur enim id ægre
fertis ? Quia præstigiátóres et dece-
ptóres vos vocant ? At páululum ex-
pectáte et servatóres, benefactorés-
que orbis vos prædicábunt omnes.
At enim tempus illa ómnia quæ
subobscúra erant revelábit, et illó-
rum calúnniam déteget, virtutém-
que vestram conspícua reddet.
Cum enim ex rebus ipsis comproba-
bímini salvatóres esse et benéfici,
et omni virtúte conspícuí, illórum
dictis hómines non atténdent, sed
rei veritáti : ac illi quidem syco-
phántæ, mendáces, malédici, vos ve-
ro ipso sole splendidióres deprehen-
démuni : multum quippe témporis
spátium vos notos reddet, prædicá-
bit, et tuba clariórem emíttet vocem,
vestræque virtútis testes univérſos
hómines exhibébit. Ne itaque ea,
quæ nunc dicúntur, vos dejíciant,
sed spes futurórum bonórum érigat.
Non possunt enim ea quæ ad vos
spectant occultári.

vv. pro tempore.

Lectio viij.

DEINDE postquam illos omni angó-
re, timóre, et sollicitúde libe-
rávit, et probis ómnibus superió-
res réddidit, demum illos opportú-
ne de libertáte prædicánde allóqui-
tur : nam dicit : Quod dico vobis
in ténebris, dicite in lúmine; et quod
in aure audítis prædicáte super te-
cta. Quamquam non erant ténebræ
cum hæc diceret, neque ad aurem
loquebátur : sed hæc hyperbólice

dicta sunt. Quia enim solos alloquebatur, et in parvo Palestinæ angulo, ideo dicit: in tenebris et in aure, hunc loquendi modum comparans cum loquendi fiducia, qua illos postea instructurus erat. Ne in una, duabus tribusque civitatibus, sed per totum orbem prædicatæ, terram marique peragrantes, habitatam, non habitatam, ac tyrannis, populis, philosophis, rhetoribus cum magna fiducia omnia dicite. Ideo dixit super tecta et in lumine sine ullo subterfugio, et cum omni libertate.

In Quadragesima Lectio ix. de Homilia Ferie: extra Quadragesimam de Sanctis Martyribus ut in Breviario Romano.

Ubi alia die celebrandum sit, ix. Lectio erit sequens.

Lectio ix.

DEINDE postquam illorum erexit animos, rursum pericula prædicat, illorum mentem erigens, omnibusque sublimiores reddens. Quid enim ait? Nolite timere eos, qui occidunt corpus, animam autem non possunt occidere. Viden? quomodo illos omnibus superiores reddat, non curas modo, non maledicta, pericula, invidias, sed etiam mortem omnium terribilissimam contemnere docens? Neque simpliciter mortem, sed etiam violentam? Neque dixit, occidimini, sed cum magnificèntia congruente totum declaravit. Nolite timere, dicens, ab iis qui occidunt corpus, animam autem non possunt occidere: sed potius, timete eum qui potest et animam et corpus perdere in gehennam: in contrarium vertens sermonem, uti semper facit. Quid enim sibi vult? Timetis mortem, ideoque ad prædicandum segniore estis? Sed hac de causa potius prædicatæ, quia mortem timetis. Illud enim vere vos a morte eripiet. Nam etiamsi vos interempturi sunt, me-

liorem tamen partem non separabunt, etiamsi id totis viribus conentur. Ideo non dixit: animam autem non occidunt; sed: non possunt occidere: Nam etiamsi velint, non separabunt. Itaque si supplicium times, illud longe gravius time. Viden quomodo non promittat, se illos a morte liberaturum esse, sed mori permittit, majora largiturus quam si id non permitteret? Longe enim majus est suadere ut mors spernatur, quam a morte eruiere. Te Deum laudamus.

DIE XXVIII. MAJI.

S. Augustini, Episc. et Conf.

Duplex.

Omnia de Comm. Conf. Pont. præter sequentia.

In Hymno. **Iste Confessor**, mutatur tertius versus.

Oratio.

DEUS, qui Anglorum gentes, prædicatione et miraculis beati Augustini Confessoris tui atque Pontificis veræ fidei luce illustrare dignatus es: concede: ut ipso interveniente, errantium corda ad veritatis tuæ redeant unitatem, et nos in tua simus voluntate concordēs. Per Dominum.

In j. Nocturno Lectiones de Scriptura occurrente.

In secundo Nocturno.

Lectio ix.

AUGUSTINUS Romæ in Lateranensi cœnobio monachus, a Gregorio Magno cum sociis monachis fere quadraginta in Angliam missus est anno quingentesimo nonagesimo septimo, ut gentes illas ad Christum converteret. Erat eo tempore rex Ethelbertus in Cantio potentissimus, qui audita adventus Augustini causa, eum cum sociis Cantuariam, sui regni metropolim, invitavit; ibique manendi et Christum prædicandi facultatem eidem liberaliter concessit. Quare sanctus vir prope Can-

tuáriam oratórium extrúxit, ubi ipse aliquámdiu consédit, atque Apostólicam vivéndi ratióem cum suis æmulátus est.

R. Invéni David.

Lectio v.

CÆLESTIS doctrínæ prædicatióne plúrimis firmáta miráculis, ad vitæ exémplo sic insulános illos demúlsit, ut eórum plerósque ad Christiánam fidem perdúxerit, ac demum regem ipsum, quem cum innúmero suórum comitátu sacro fonte lustrávit, summa cum lætítia Berthæ régis uxóris, quæ christiána erat. Olim in Natáli Dómini, cum decem míllibus et ámplius baptísmum in álveo flúminis Eboráci contúlisset, quotquot ex iis morbo álquo affécti erant, cum ánimæ salúte, córporis quoque sanitátem recepísse memóriæ próditum est. Jussu Gregórii ordinátus Episcopus, sedem Cantuáriæ instítuit in Ecclesiá Salvatóris a se erécta, in qua mónachos óperis sui subsidiários collocávit : et sancti Petri monastérium, quod póstea et a suo nómine dictum est, in suburbánis constrúxit. Idem Gregórius usum Pállii cum facultáte ecclesiásticæ hierarchiæ in Anglia instituéndæ ei concéssit, quo novam étiam operariórum manum misit,

nempe Mellítum, Justum, Paulínium et Rufiniánium.

R. Pósuí adjutórium.

Lectio vj.

DISPOSITIS ejus Ecclesiæ rebus, synodum hábuit Augustínus cum Episcopis atque Doctóribus véterum Britónum, qui in Paschæ celebratióne aliisque rítibus ab Ecclesiá Romána jamdúdum dissidébant. Sed cum eos neque Apostólicæ Sedis auctoritáte, neque miráculis movére posset ut dissídio cessárent, prophético spírítu eis excídium prænuntiávit. Dénique máximis pro Christo exantlátis labóribus, miráculis clarus, cum Mellítum Londinénsi Ecclesiæ præfecísset, Justum Roffénsi, suæ Lauréntium, in cœlum migrávit séptimo Kaléndas Júnias, Ethelbértó regnante, ac sepúltus est in Monastério sancti Petri, quod exínde Cantuariénsium Antístitum et álquot Regum conditórium fuit. Ejus cultum fervénti stúdio prosequútæ sunt Anglórum gentes, ac Leo Décimus tértius Póntifex Máximus ejus Offícium et Missam ad univérsam exténdit Ecclesiám. *R.* Iste est qui ante.

In iij. Nocturno Lectiones de Homilia in Evang. Designávit Dóminus, de Comm. Evang.

Concordant cum originalibus penes Secretariam Sacrorum Rituum Congregationis existentibus. In fidem, etc. Ex eadem Secretaria hac die 18 Decembris 1882.

Loco † Signi.

LAURENTIUS SALVATIS, R. C. Secretarius.

Imprimi possunt.

Mechliniæ, 22 Januarii. 1883.

VICTOR AUGUSTUS CARD. DECHAMPS, ARCH. MECHLIN.

MECHLINIÆ, H. DESSAIN. — MDCCCLXXXIII.

